


54708/13

54709/13

WENDELIN, M. F.



TOI

ex maiore, uni
andida vestis: acro
eodem modo allo
magis tale. Ex q
lum sint homony
nt ad comparatio
alio maius. Qua
rum neutrum ab
tia sunt (ut anin
videndum est, a
fferentia sint diue
o non contineatu
linis. Vox enim à
à magnitudine.
ymis. Diuersoru
o non continetur.
spectare debemu
nt, diuersa sint diff
& eius qui in fi
lius quod valet a
randum: huius no
lis dicatur. Earum
ostremò quoniam
& bos non in n
omen vîmque
quæ eidem
differen
oris e



Cantabrigia ex officina Rogeri Danielis.

54708/B

54709/B

333638(1)



CONTEMPLATIONUM
PHYSICARUM
SECTIO I.

QUÆ
PHYSIOLOGIA GENERALIS,

De principiis & affectionibus Corporis naturalis :

Non tantum Præceptis methodicis & perspicuis explicata, sed
& plerarumq; omnium controversiarum à Physicis veteribus
& recentibus agitarum plenâ tractatione, & modestâ,
secundum rationis normam, decisione illustrata;
ubique insertis naturæ amœnitatibus,
quibus tædium è disputationibus
ortum diluitur, & Lectoris
animus demulcetur.

AUTORE
MARCO FRIDERICO WENDELINO,
Archipalatino, Gymnasii Anhaltini Rectore.



Ex officina Rogeri Danielis, Almæ Academiæ Cantabrigiænsis
Typographi. MDCXLVIII.

LINE

WELLBONE



ЭКОЛОГИЯ

1870



Illustribus & generosissimis Dominis,

Dn. FRIDERICO:

Dn. FABIANO:

Burggraviis & Baronibus à DONA, Consiliariis Electoralibus
Brandenburgicis, in Ducatu Borussiaco præcipuis :

Dominis meis gratiosissimis :

Salutem & pacem à Deo.



Es sacra & planè divina *Natura* studium est ; (*Illustres & generosissimi Domini !*)
In hanc ibit sententiam, quisquis *Physicum*, quem *natura venatorem & speculato-*
rem Cicero interpretatur, cum vili, ad pastum abjectâ, & naturalium rerum
inani animâ contenderit. Quam enim corporis ergastulo circumscriptam & inclu-
sam à Naturâ mentam mortales circumferimus, non ut tanti depositi Cu-
ratores improbi magis magisque corporum angustiis coercent, eorumque limitibus
ad brutorum instar, arctari patiuntur *Naturæ* speculatores : Sed extractis repagulis
corporeis, divinæ memores originis mentibus extra corpora spatiantur, aliisque subnixi *Physicis*, remo-
tarum à manibus, auribus & oculis rerum investigationem sibi vendicant ; nullius, ut cæteri mortales,
rei magnitudine territi, neque laborum abstracti profundorum mole. Etenim cum viderent corpoream
compagem gravitate ac tarditate præpeditam mundi adire sublimia & penetralia non posse, & è terreno
domicilio angustissimo angustas superiorum regiones corporeis oculis ægrè intueri grave ducerent, animis
per cœli plagas peregrinari tandem sunt ausi, his, ut *Apulei* verbis utar, itineribus, quæ exploratione acu-
minis sui pervia sapientiæ solis cogitationibus viderant : ut, cum ipsius intervalli conditione à Mundi
viciniâ *Natura* nos secretos voluisset, immensitati tamen ejus voluerique curriculo cogitationum nostra-
rum nos pernecitas intimeret. Tam probè ex animi sententiâ votoque successit hæc peregrinatio, ut
sublimem illam cœli majestatem ac subtilitarem, cum admirandâ illâ siderum republicâ, ausu supra ho-
minem arduo, in terram quasi deduxerint *Naturæ* venatores, æternumque libris felicioribus condiderint.
Ausu pari, successu non impari, sublimatæ mentes per aeris profunditatem iter ad naturale domicilium re-
legerunt, admissis in tantæ felicitatis societatem etiam corporibus, quibus cum montium ardua, vallium
lubrica, camporum glebosa, profunda marium, intima terrarum & sylvarum abdita perreperant ; nè
quod uspiam in aere, igne, aquâ, terrâ, meteoris, metallis, plantis & animantibus divinitatis esset vesti-
gium, quod sollicitis & curiosâ indagine repertum oculis non usurparent, manibusque palparent.

Primos mortalium, si *Patriarchas* exceperis, *Chaldaeos*, aliósque Orientis populos peregrinationis hu-
jusce duces habemus ; non tantum quod loci opportunitas, patentibus illic latè campis & noctibus
sereni-

EPISTOLA DEDICATORIA.

serenitate perpetuâ siderali contemplationi nitescantibus, ad studii hujus amœnitatem & divinitatem animos proleſtaret, sed quòd felicibus *Paradiſi* glebis, quæ prima omnis ſapientiæ & felicitatis fuere in-
cunabula, vicinioreſ eſſent terrarum illi tractus, qui primos olim mortales *Paradiſo* pulſos, & cum iis
omnigenæ ſapientiæ reliquias, ceu ſemina exceperunt, & ad poſteros propagârunt. Etenim *Adamum*
Protoplaſten, poſt lamentabilem integritatis & felicitatis ſuæ jaſturam, ſapientiæ Naturalis, quam inno-
centi Creator infuderat, nobiles reliquias omniûnque artium principia è *Paradiſo* ſecum extuliſſe, & vi-
cinis intuliſſe terris, poſteriſque communicâſſe, extra omne mihi dubium eſt. Accedebat, dubio procul,
ingenii vigor, pro illo naturæ ſtatu, maximus, experimenta, per annos *DCCCXXX* longè plurima &
certiſſima; ut ab hoc velut oraculo univerſus erudiri orbis poſſet. Utque certiori ac breviori viâ œcume-
nici hujus primique *Phyſiologi* doctrina ad poſteros tranſiret, uni auditori ejus *Maſuſalæ*, qui *CCXLI*
annis ad *Adami* pedes ſederat, in *DCCCCLXIX* annum vitam prorogavit. *Maſuſalæ* *Noachus* ſucceſſit
anno Mundi *MLVI*, qui conſuetudine & institutione præceptoris uti potuit, annis ſerè *DC* Mundos
Noachus hic, ut Hebræi diſtinguunt, annorum *DCCCCLX* ſpatio, tres vidit: Primum, ante diluvium,
ſub finem, longè corruptiſſimum, annis *DC*: ſecundum, in ipſo diluvio, ad *VIII* animas redactum,
anno *I*: tertium, poſt diluvium renaſcentem & reſſoſcentem, annis *CCCL*; omnemque Mundi
ſapientiam in arcam intulit, & inde in renaſcentem extulit. Lampada *Noachus Semo* filio videtur tra-
dididſſe, qui annis *DC* vixit, doctrinæ *πατεροδιδασκαλία*, ut Hebræi ſcribunt, diligentiffimus propagator.
Sunt tamen qui exiſtunt ipſum quoque *Abrahamum Noachi* auditorem fuiſſe. Natus enim poſt dilu-
vium *Abrahamus*, annis *CCXCIV*: exegit à diluvio *Noachus* annos *CCCL*: ut *Noacho* præceptore uti
Abrahamus, annis ſerè *L* potuerit. Boni præceptoris optimus hic fuit diſcipulus, doctor *Chaldaeorum*
maximus, qui, *Joſepho* autore, rerum omnium peritiſſimus, & in conjectando ſagaciſſimus receptam vul-
gò de Deo inter *Chaldæos* opinionem convellere, & in melius vertere laboravit, unum eſſe Deum uni-
verſi conditorum, inter *Idololatras*, primus omnium prædicare auſus: quod cum ex terræ marisque, tum
ex eorum, quæ circa Lunam, ſolem & reliqua ſidera accidebant, obſervatione perhibetur collectiſſe. Do-
ctrinæ domicilium & publicum Gymnaſium in amœno eundem erexiſſe quercero, non inepta quorun-
dam conjectura eſt, ex *Genef. 12. 6.* Ubi mentio ſit, *וְהָיָה מִשְׁכָּן אֱבְרָאָם*, quæ ſi propriè verba interpreteris,
quercum ſeu quercetum doctoris vel monſtratoris indigitant. Nempe divinæ pariter & ſeculari profeſſioni
accommodatiſſimam elegit ſedem, in quâ ipſam Naturam quaſi loquentem, & Conditoris Dei laudes
prædicantem, inter arbores amœniſſimas, audire ac videre diſcipuli poterant. Scribit enim *Broccardus*
quercetum hoc, ſeu convallem quercubus conſitam, inter montes duos *Gelboe* & *Hermon*, per totum *For-*
danis defluxum, ad mare mortuum uſque excurriſſe, admirandâ loci amœnitate & pulcritudine, propter
arbores, & uberriſſimas aquas, quibus, *Paradiſi* inſtar, rigabatur & decorabatur. Ab *Abrahamo* ad poſte-
ros ejus Scholarum & doctrinæ ſanioris tam ſacræ quàm ſecularis cura tranſiit: tandemque cum *Joſe-*
pho in *Ægyptum* migravit, quæ annis *LXXX* tanti viri uſa converſatione in Naturæ & Gratiæ penetra-
lia ingerere ſe potuit. *Joſepho Moſes* ſucceſſit, qui, ut *Stephanus* in *Apoſtolicis actûs* loquitur, *ἐν τῷ σὺδν*
καὶ ἐν τοῖς ἀγῶνις, *Moſis* ſeculo floruiſſe ſcribit *Eusebius* *Atlantem* *Aſtrophilum*, *Promethei* *Phyſici*
fratrem, & *Mercurii majoris* avum maternum, cujus nepos *Mercurius Trimegiſtus*: eſt iplummet *Mo-*
ſen, *Mercurium Trimegiſtum* appellatum alii contendunt. Cum hoc *Mercurio* ex *Ægypto* abiit divina
pariter & humana ſapientia, quæ *LXXI* inter *Judæos Seniorum* concilio tradita. Succeſſit Naturæ ſo-
lertiſſimus indagator Rex *David*, pater *Solomonis*, qui ſapientiſſimo patre filius ſapientior. Unicum fortè
Adamum ſi exceperis, Naturæ venatorem & ſpeculatorem nullum unquam majorem ſol adſpexit. Ipſe,
inquit *Sapientia* viri hujus cap. 7. 17, 18, 19, 20, 21. dedit mihi eorum, quæ ſunt, cognitionem certam,
ut cognoscam conſtitutionem Mundi, & vim elementorum, principium & finem mediumque temporum, ſol-
ſtitiorum mutationes, & varietates tempeſtatum, anni circuitus & ſtellarum ſitus, naturas animantium &
animos beſtiarum, ſpirituum vires & cogitationes hominum, differentias plantarum & radicum facultates:
denique quæcunque ſunt occulta & manifeſta novi: *Artifex* enim omnium docuit me *Sapientia*. Sed &
Spiritu ſanctum Orientalium, & quàm omnis ſapientia *Ægyptiorum*. Sapientior etiam fuit omnibus ho-
minibus, *Ethane* *Ezrachæo*, & *Hemane*, & *Calcole*, & *Dardaho*, filiis *Macholis*: pervasitque nomen
ejus in omnes gentes undiquaque: & elocutus eſt ter mille ſententias, fuerunt que cantica ejus quinque ſupra
millia: elocutus etiam eſt de plantis, à cedro, quæ eſt in *Libano*, uſque ad hyſſopum, quæ prodiit in pariete: de-
nique elocutus eſt de jumentis, & de volucribus, & de reptilibus, & de piſcibus. Nec fuit in communi-
candâ ſuâ *Phyſiologiâ* parcus aut invidus *Solomon*. Sine invidiâ, inquit, trado ſapientiam, & divitias bu-
jus

EPISTOLA DEDICATORIA.

jus non abscondo. Quâ fini acroaterium longè splendidissimum extruxit, & ministris emissis, auditores undiqueque convocavit: ut è Proverb. 9. 1. colligere est. Nec obscura esse potuit aut ignota Solomonis Academia: In universos terræ angulos fama ejus penetravit. Ex omnibus populis, inquit Scriptura, veniebant ad audiendam sapientiam Solomonis; ab omnibus regibus terræ, qui audierant de sapientiâ ejus. Felices illos discipulos, quibus tanto uti præceptore contigit! Felicissimos, qui tan tâ discendi opportunitate, abdita Naturæ introspexerunt! Nullum hîc erat erroris periculum: principia certissima: affectiones exploratissimæ: demonstrationes evidentissimæ. Erat in hac Solomonis Physiologiâ, ut Sapientia loquitur, Spiritus intelligens, sanctus, simplex, multiplex, subtilis, mobilis, splendidus, impollutus, perspicuus, passionis expertus, amans boni, acutus, expeditus, beneficus, humanus, stabilis, certus, securus, omnipotens, omnia intuens, & permeans omnes spiritus intelligentes, puros, & summè subtile.

Admirandæ metallorum, plantarum & animalium virtutes, in quibus adversus morbos certa invenimus præsidia, & penè miracula molimur, in hominum noticiam quæ venerint, sæpe miramur. Negare equidem non ausim in multorum Naturæ arcanorum noticiam casu mortales devenisse, vel a brutis animantibus, quæ arcano quodam Naturæ instinctu morbis suis remedia quæerunt, vel è rerum affinitatibus & Naturæ digito quasi inscriptis characteribus, vel denique è fortuitis aliis eventibus edoctos. Attamen & hoc affirmare pro certo ausim, præter artium omnium fundamenta & principia, pleraque metallorum, plantarum & animalium arcana ex antiquissimâ & certissimâ Adami & Solomonis Physiologiâ, tanquam fonte profluxisse, & per universum Orientem derivata esse. Quod verò limpidissimi isti Physiologiæ fontes apud gentes nonnullas inquinati in fœdas errorum sentinas abierint, non tantum execrabili mortalium incuriâ, sed & librorum penuriâ factum arbitror: quod non tam literis consignata, quam ex traditionibus relata ad posteros transierit Majorum doctrina.

Et hæcenus quidem veram me causam monstrasse arbitror, cur in Chaldaea, Ægypto & aliis Orientis tractibus, præter artes alias, & Physiologiæ studium primitus floruerit. Theauris hisce vigiles insidias struxere Græci, iisque universum ferè Orientem spoliârunt: horrendam ejus idololatriam, stupore quodam bruto, vindicante Jeshovah. Et Pythagoram quidem sapientiæ Græcæ principem, quem Apuleius, Florid. 2. appellat virum ingenti ingenio, supra caput hominis animi augultio rem, primum Philosophiæ nuncupatorem & conditorem, qui annis ante Christum natum d floruit, natione Hebræum fuisse, Ambrosius autor est: Cum ex populo, inquit, Judæorum, ut plerique arbitrantur, genus duxerit, ex ejus disciplina derivavit etiam magisterii præcepta, meritoque magnus apud philosophos habitus aequalem vix reperit. Clemens Alexandrinus discipulum Nazareti Assyrii fuisse scribit: Laertius circumcisum innuit. Secutus hunc Socrates, quem Hebrææ sapientiæ æmulatorem appellat Clemens Alexandrinus. Successit Plato, quem in Mosaicâ disciplinâ versatum Numenius Pythagoricus dixit: Justinus Mosen Atticè differentem nominat: Ambrosius libros suos & Jovis hortos è Solomonis Canticis cum accepisse memorat. Platoni proximus est Aristoteles, qui cum in maritimis Asiæ locis versaretur, in quendam ex Cælesyria Judæum incidit, qui multo plura ipsi attulerat quàm ab ipso abstulerat. Fatetur hoc ipse Aristoteles apud Clearchum: Euseb. De præparat. Evang. lib. 9. cap. 3. Ad eadem Orientis oracula, ante Aristotelem & post Aristotelem, aliæ quoque celebres Græciæ Physici confugerunt, ut numeris omnibus absolutam Naturæ scientiam compararent. Quos inter veterum monumenta laudant Thaletem, Pherocydem, Anaximandrum, Anaximenem, Anaxagoram, Archelaum, Speusippum, Xenocratem, Epicurum, Stratonem, Heraclidem, Antisthenem, Zenonem, Empedoclem, Epicharmum, Hippasum, Philolalum, Heraclitum, Zenophanem, Parmenidem, Melissum, Leucippum, Democritum, Diogenem, Mnesistorem: Paucis dicam: Fecere peregrinationum studia, ut in Naturæ studio excolendo palmani omnibus ferè Græci præripuerint.

E Græciâ tandem in Italiam, & inde in Germaniam nostram Musæ migrârunt: in quâ, præter divina & alia humanitatis studia, Naturæ quoque floret Contemplatio, sedem melioribus hisce studiis Germaniæ Principibus intra sua territoria ubique figentibus, docentésque pariter & discentes ad honesta certamina liberalitate suâ provocantibus. Quos inter & sua profitentur nomina Illustrissimi Princeps Anhaltini; Domini mei clementissimi, quibus otium Musæ meæ, & Physicas hæc contemplationes, quibus scribo, studiosi Naturæ juvenes debent.

Originem & progressum Physiologiæ hæcenus delineavi: præstantiam ac divinitatem ejus in exordio laudavi: quam tamen omnibus nondum persuasam opinor. Nam & ante Platonem, testis Plutarchus, meteoroleschas Physicos profanum vulgus appellavit, quod meras de sublimium ratione nugas profunderent, & inutili studio tempus tererent: cujus calumniz & nostrum est ferax seculum: Physicos

EPISTOLA DEDICATORIA.

enim vulgò nominari exaudias, qui studiis parùm frugiferis operantur, & mentis non usque adeò sanæ indicia subinde faciunt; quibus operosè respondere pretium operæ non duco: Indignos enim eos judico, quibus vel minimus majestatis Naturæ radius affulgeat. Solis igitur iis, qui, etsi Naturæ studium non exagitant, Suavitatem tamen ejus & Utilitatem non assequuntur, utramque studii hujus prærogativam commendatum eo.

Suavitatem Naturalis studii eloquatur nobis divini eloqui vir, *Cicero*. est, inquit 2. Quæst. Academ. animorum ingeniorumque naturale quoddam quasi pabulum consideratio contemplatioque Natura. Erigimur, elatiores fieri videmur, humana despiciamus, cogitantes supera atque cœlestia: hæc nostra ut exigua & minima contemnimus. Indagatio ipsa rerum tum maximarum tum etiam occultissimarum habet oblectationem. Si verò aliquid occurrat quod verisimile videatur, humanissimâ complectur animus voluptate. Quid dulcius, inquit idem, 1. Tuscul. quæst. otio literario, his dico literis, quibus infinitatem rerum atque Naturæ, & in hoc ipso Mundo cœlum, terras, maria cognoscimus? Idem, in 4. De finib. Inest in explicatione Naturæ insatiabilis quædam è cognoscendis rebus voluptas. Assentitur *Seneca*; Nullum est majus operæ pretium, quàm Naturam nôsse: non mercede, sed miraculo colitur Naturæ studium. Sed, sepositis Philosophorum attestacionibus, quorum in propriâ causâ suspecta videri possint suffragia; in ipsam Naturam oculos convertamus, & è miraculis ejus studii Naturalis suavitatem æstimemus. Stupendam Cœli machinam intueamur, tot stellis micantibus collustratam: Quid non in illis miraculosum? Moles stupenda: lux pulcherrima: multitudo innumera: altitudo immensa; vertigo concitatissima: intercapedo in fixis constantissima: in erraticis varia, harmonica tamen & ordinatissima: Unde temporum distinctiones: tempestatum mutationes: sublunarium generationes & corruptiones. E stellarum regia in inferiorem aerem si descendas, omnia miraculis occurrunt plena: Ignium figuræ varix, stellarum & animantium æmulæ: expansio nubium tot coloribus, tot imaginibus pictarum admiranda: Tonitruorum, fulgurum, fulminum, pluviarum, nivium, grandinum officina horrenda. Ex aere in terram si pedem feras, non diffimilis sibi patet Naturæ majestas. Quanta enim quæso complicata illa terræ & aquarum moles, circa universi centrum collocata, in aere pendula, nullo fulcrorum præsidio nixa, immobile omnis animæ viventis domicilium, tot vallibus depressum, tot montibus elatum, tot planitiebus explicatum, tot collibus asperum, tot antris & voraginibus pervium, tot fluminibus & maribus interscissum, tot gemmis, metallis & plantis fœcundum, tot animantibus repletum. Gemmarum nitorem quis admirari satis possit? Sunt hæc veluti, stellæ quædam terrestres, in quas cœlitus infusa lux creditur, quibus obscuram terræ molem exornare & illustrare Conditor voluit: In arcum in iis coacta Naturæ majestas: erga quas in tantum admiratio inter mortales exarsit, ut multis ad summam adsolutamque rerum Naturæ contemplationem satis fuerit vel una aliqua gemma: Colorum in iis tanta varietas, quantam in floribus vix est reperire. Metalla terræ visceribus condita, & improbo hominum labore eruta admirationis minus non habent. Quid auro ductilius? Quid argento nitidius? Quid ferro solidius? Quid plumbo liquabilius? Quid Mercurio mobilius? De plantis quid dicam? Quàm divite & admirandâ in iis varietate ludat Natura, eloqui mortale os vix potest. Nec enim repertum credo, qui omnes plantarum differentias, nedum virtutes, vel fando exploratas habuerit, etsi in explorandis iis nihil reliquum humana fecit industria. In cœlum nonnullæ assurgunt, fixis ad centrum radicibus, supra humum aliæ non attolluntur: amant aliæ montes, aliæ convalles, aliæ planities, aliæ umbrosa, aliæ aprica, aliæ sicca, aliæ humida, aliæ calida, aliæ frigida loca, aliæ saxa, glebas aliæ. Temperamentorum, colorum, figurarum, & virtutum taceo varietatem admirandam. Memorat *Plinius*, lib. 22. cap. 3. in majestate populi terrarum principis, præmissisque gloriæ, graminæ coronâ nullum fuisse nobiliorem: gemmatas, aureas post hanc fuisse, & ab universo exercitu servato non nisi Imperatori datam. Quàm vero illud amoenum in Naturâ spectaculum, quasvis plantas frugibus videre suis onustas, quarum plurimæ fœtibus ita luxuriant, ut vel oneribus ferendis non sint, vel senium & mortem sibi accelerent. Apud *Ciceronem* *Xenophon* ait, nihil orbi tam regale videri, quàm studium agri colendi: Quod equidem de maximâ & regiâ voluptate, quam ex agrorum horrorumque cultura & plantarum consideratione capimus, interpretor. Quid enim majus mirabiliusque spectaculum est, inquit *Augustinus*, lib. 8. de Genes. ad lit. aut ubi magis cum rerum naturâ humana ratio quodammodo loqui potest, quàm cum positis seminibus, plantarum surculis, translatis arbusculis, arbutulâ, insitis malleolis, tanquam interrogatur quæque vis radicis & germinis, quid possit, quidve non possit? unde possit, unde non possit? Quid in ea valeat numerorum in visibilis internæque potentia, quid extrinsecus adhibita diligentia? Inque ipsâ consideratione perspicere, quia neque qui plantat est aliquid, neque qui rigat, sed qui incrementum dat Deus. A plantis ad animalia si digrediamur, longè magis admiratio, & contemplationis crescit suavitas. Aerem, terram & aquas.

EPISTOLA DEDICATORIA.

aquas innumeri volatiliū, gressiliū, reptiliū & natatiliū greges complent. Quam admiranda hīc specierum varietas! Certant de incolarum varietate & numero cum terrā & aere maria: certant de speciebus & figuris; Vix enim reptile aut gressile reperias, cujus figuram & speciem non imitentur in natatilibus suis maria. Singulorum nōsse naturas, mores, sedes & vivendi rationem, Deī potius esse quā hominis videtur. Turrigeros elephantorum attoniti miramur humeros, taurorum colla & truces in sublime jactus, tigrium rapinas, leonum jubas: Attamen nusquam magis quā in minimis rota est rerum Natura. In tam parvis animalculis atque tam nullis, quæ ratio, quanta vis, quā inexplicabilis perfectio? Quot vel in culice sunt miracula? Ubi visum in eo prætendit Natura? ubi gustum applicavit? ubi odoratum inse-ruit? uā subtilitate alas adnexuit, pedumque crura prælongavit? Quā arte jejunam caveam, uti alvum, disposuit? Telum perfodiendo tergori & educendo succo, quo ingenio spiculavit? Certē Augustinus etiam solis lumini præstare muscam censuit, quod tam minutula membra anima vegetaret, corpusculum tam ex-peditē huc & illuc duceret, currentis pedes tam concinnē in numerum moveret, volantis alas tam aptē m- dularetur & vibraret. Sed quod in animantium & omni Natura longē maximum, quod unum Natura veneratur, cui uni famulatur, nondum attigimus. Est id Homo, quem admirandum & adorandum animal sapientissimi & Egyptiorum sacerdotes dixere: miraculum magnum, animal Deo simillimum Mercurius Trismegistus: Pythagoras, μέγαν ἀπάντων: Universi ἀντιμῦν ἀδελφείῃς, Theophrastus Corporeorum & incorporeorum δεικνόντων, Syneſius: Tullius, divinum animal rationis & consilii plenum: Plinius, Mundi epitomen & Naturæ delicias: Τολμῆς ἐκ τῆς τῆ φύσεως ἀγαθίας, Zoroaster: Uno denique omnis ore, με- γάλου κρότου. Barbarus Abdalas interrogatus, quid in rerum Naturā maximē mirandum putaret, respon- disse fertur, unum esse hominem, qui admirationem superet omnem: Nec in terris quicquam magnum præter hominem agnovit Favorinus. Nos ad Dei & universi imaginem novimus hominem conditum, Deique & mundi χάρις rectissimē appellamus. Tot tantorumque miraculorum scientiam Physicus promittit & præstat; ut de Naturalis studii amœnitate & suavitate dubitandi causa sit nulla. Oculos picturæ inanes pascunt, & mentem in sui admirationem trahunt, humanissimā complentes voluptate. Non pictas, sed vi- vas rerum omnium imagines Naturalis scientiæ mentibus & oculis ostentat: quod animorum ingeniorūq; naturale quoddam pabulum verissimē Cicero appellat; cujus condigni æstimatores non sunt, nisi iidem & contemplatores sint. Nec ex maximis tantum, sed & miutis Naturæ ingens contemplationis voluptas subnascitur. Apiculā quid minutius? Et tamen tanto ejus amore captum legimus Aristonachum Solen- ſem, ut duodeſexaginta annis aliud nihil egerit. Philiscus Thapsus, quod in desertes apes coleret, Agrii cognomentum adeptus est: utriusque de apibus commentarii olim exſistere. Sed quid de Naturæ minimis ego? Physici non est credere aliquid in Natura esse minimum, inquit Cicero; cū maximorum miraculo- rum, etiam quæ minima videntur, plena sint. Jucunditatem studii Naturalis & hoc loquitur, quod omni- bus seculis præclara exſtiterint ingenia, quæ Naturæ scientiam vel opum, vel valetudinis, vel ipsius etiam vitæ jacturā redemerint. Et Græci quidem exſilia potius quā peregrinationes, ut Plinius judicat, ad & Egyptios, Chaldaeos & Indorum Brachmanas ſuſcepere. Anaxagoras Physicus, cū, poſt longam pere- grinationem scientiæ comparandæ cauſā inſtitutam, domum rediſſet, ſuāq; poſſeſſiones deſertas vidiſſet; Non eſſem, aiebat, ego ſalvus, niſi iſta periſſent. Nam ſi prædiorum potiùs, addit Valerius, quā ingenii culturæ vacaſſet, dominus rei familiaris intra Penates manſiſſet, non tanius Anaxagoras ad eos rediſſet. Anacharſis, reſiſto fratri ſuo Scythiæ regno, in Græciam ſcientiæ gratiā migravit. Democritus, mortuo patre Damasiſſo qui Xerxis exercitui epulum dare poterat, patrias opes fratribus ſuis reliquit, ex iis non niſi via- tico ſibi deſtinato, quo, ſcientiæ hujus amore, ad & Egyptios, Chaldaeos & Indos profeſtus eſt: tandēque oculos ſibi eruit, ut ſapientiæ inventæ ſemina abſque ullo impedimento poſſet excolere. Ariſtotelem, ut fe- runt, Euripus, Plinium Veſuvius hauſit, cū ille reciprocos undarum fluctus, hic juges montis æſtus in- tentiùs ſpeculari aggredereſetur.

Sed de ſtudii Naturalis Amœnitate ſatis. Ad Utilitatem ejus prædicandam vocari me video. Quid Ju- riſprudentia, quid Ethica, Politica & Oeconomica ſcientiæ Naturali debeant, jam non attingo. De Medicā unum hoc dico, Animam Phyſicā debere Medicam: ut non meliùs de vita hominum Medicā quā Phyſicā mereri intelligatur. Ad pietatis ſtudium, quod in hac mortalitate ſummum, proſpero. Nec pietas adverſus Deos, nec quanta hiſ gratiæ debeatur, ſine explicatione Naturæ, intelligi poteſt, inquit Cicero. Et ſanè Di- vinam ex Naturæ contemplatione potentiam, ſapientiam, bonitatem ac providentiam agnoſci, ipſe Dei Spiritus per Apoſtolos affirmat: Rom. i. 19, 20. Τὸ πρῶτον τὸ θεὸν φανεροῦν ἐν αὐτοῖς, ὃ γὰρ θεὸς αὐ- τοῖς ἐδουλόωκεν τὰ ἄρρητα διὰ τὸ ὅτι οὐκ ἔστιν ὅρασις αὐτοῦ: καὶ οὐκ ἔστιν ὁμοιωμάτων καὶ εἰκόνων, ἧς τὸ εἶδος οὐκ ἐστὶν ἀεικόνισμα, καὶ ὁμοιωμάτων καὶ εἰκόνων, ἧς τὸ εἶδος οὐκ ἐστὶν ἀεικόνισμα. Veriſſimē ut Baſilius Naturæ theatrum appellet πνευματικὸν θεοῦ θεῶν καὶ ἀνθρώπων θεῶν.

EPISTOLA DEDICATORIA.

Ἐκείνοι ἔγχερον παρηρῶμεν τῷ τῷ θεῷ ἰδὲν, τῷ ἀποκρυφῶν καὶ ἀόρατον θεῷ μαλασσύνειν δὲ αὐ-
τὴ διαγνῶντο τῷ νῦν ἔχοντι, εἰς καταπόνησιν ἀληθείας. Affirmant idem gentes in densa illa caligine. Si
essent, inquit apud Ciceronem Aristoteles, qui sub terra semper habitavissent, boni & illustribus domiciliis,
quæ essent ornata signis atque picturis, insinuataque rebus iis omnibus, quibus abundanti, ii qui beati putantur;
nec tamen exissent unquam supra terram, acceperissent autem famam & auditione esse quoddam Numen & vim
Deorum: deinde aliquo tempore, patefactis terræ faucibus, ex illis abditis sedibus evadere in hæc loca, quæ nos
incolimus, atque exire potuissent: cum repente terram & maria cælumque vidissent, nubium magnitudinem
ventorumque vim cognovissent, adspexissentque solem, ejusque tum magnitudinem pulcritudinemque, tum
etiam efficientiam cognovissent, quod is diem efficeret, toto cælo luce diffusum; cum autem terras nox opacasset,
tum cælum totum cernerent astris distinctum & ornatum, lunæque luminis varietatem tum crescentis, tum
fenscentis, corumque omnium ortus & occasus, atque in omni æternitate ratos immutabileque cursus: Hæc
cum viderent, projecti & esse Deos, & hæc tanta opera Deorum esse arbitrarentur. Hactenus Aristoteles.
Phidiam itaturum aiunt, cum in Atheniensium arce Palladis simulacrum dicaturus esset, suammet ipsius
in medio clypeo tam affabre faciem effinxisse, & in statuam tam exacto abstrusoque artificio inclusisse, ut
universum statuæ habitum labefactus & perversurus esset, quisquis eradere eam & tollere voluisset.
Nonne verò æternus Naturæ opifex Deus longè exactiori & diviniore artificio imaginem suam in
singulis Naturæ partibus effinxit? Cælum, sidera, ignes, aquæ, terræ, meteora, metalla, gemmæ, plantæ
& animantia, ad minima usque Naturæ momenta, potentissimum, sapientissimum, optimūque condito-
rem Deum loquuntur? & alitè impressos Divinitatis characteres ostentant; Nempe admiranda cunctarum
rerum molitio, ordo & perfectio totidem Naturæ sunt voces, quibus potentiam, sapientiam & bonitatem
Creatoris eloquitur: ut eradi ex iis nequeat Conditoris imago, quin penitus ipsæ aboleantur. Hi Divini-
tatis characteres singulis impressi Naturis περὶ τῶν θεῶν invehendæ occasione gentilibus nonnullis præ-
buisse mihi videntur: quod nec Cicero diffitetur, 2. De natura Deorum, ubi ex Physica ratione magnam
affirmat fluxisse Deorum multitudinem, qui humanam induci specie fabulas Poetis suppetierint, homi-
numque vitam omni superstitione refererint. Hæc Saturni, Jovis, Mercurii, Veneris, Junonis, Vulcani,
Neptuni, Minervæ, Cereis, Bacchi, Dianæ, &c origo. Utque ex Physica ratione Deorum multitudinem
profluxisse prisca ostenderet superstitio, quatuor Deorum classes constituit: in primâ Cælestes, in secundâ
Æthereos, in tertiâ Marinos, in quartâ Terreos collocavit: in universum autem triginta millia numera-
vit. Nempe cum Divinitatis ubique vestigia animadverterent, Cælum, Aerem, Mariæ, & Terras Diis
replerunt, & penè singulis Naturæ operibus singula assignarunt Numina. Qui prudentiores è gentilibus
fuerunt, ex uno Jove omnia, unumque Jovem omnia esse dixerunt: quæ Orpheus in quodam carmine senten-
tia est. Hæc cavendum quod in Timæo Plato, interprete Cicerone, necesse dicat esse, hunc, quem cernimus,
Mundum simulacrum æternum esse alicujus æterni. Hic princeps l'hygiologie usus circa pietatis studium;
in quem digitum & Pythagoras intendit, dum iussit nos φιλοσοφῆν τὴν ὑπὸν ὁρῶντας. Plurimam in Phy-
sicis operam Epicurus posuit, quod plurimum prodesse crediderit: omni enim rerum naturam cognitam, ani-
mos levare superstitione, liberari mortis metu, non conturbare ignorance rerum existimavit. Melius nos
fore moratos Cicero credit, si quæ Natura desideret, didicerimus, stabilemque rerum scientiam tenuerimus.
Sed & modestiam quandam, de Ciceronis sententiâ, cognitio rerum cælestium adfert iis, qui, quanta sit
cælestium moderatio, quantus ordo, viderint: & animi magnitudinem, qui Dei opera contemplantur:
justitiam etiam, si quod sit summi Reſtoris & Domini Numen, quod consilium, quæ voluntas explora-
tum habueris. Ad tuendas amicitias & reliquas charitates eandem cognitionem plurimum valere, idem au-
tor judicat: quam causam etiam fuisse auguratur, quod inter virtutes Physicam numerarint Stoici.

Sed manum de tabulâ. De studii Physici origine, progressu, dignitate, jucunditate & utilitate satis dixi:
In quo excolendo cur & mihi desudandum existimem, causas non est quod alias memorem, præter insi-
gnes illas duas, Jucunditatem & Utilitatem: et si & officii ratio hanc mihi operam injungit.

Vos jam compello, Illustres & generosissimi Barones, Domini gratiosissimi! Nomina vestra huic Physi-
cæ contemplationi cur præscripserim, patet aperiâ. Non is mihi unus scopus, ut, de veteri more, patronos
huic libro qui ram. Omnibus hoc commune: causa mihi privata & singularis. Jam dudum Illustri Burg-
graviorum Donæorum familiæ me mancipavi: postquam ex ea in me tot redundarunt beneficia, ut non
aliquid duntaxat meum, sed me ipsum, jure suo, Domui vestræ proprium vendicârint. Ut igitur publica
debiti mei exstarent testimonia, generosissimo & fortissimo, laudatissimæ memoriæ, Patruo vestro, Dn.
Fabiano Seniori, & Fratri, Dn. Abrahamo, Domino meo gratiosissimo, meum de Prædestinatione tracta-
tum, paucos ante annos, interipsi & Fratribus item vestris, Dn. Achatio, & Dn. Christophoro; Domi-
ni s

EPISTOLA DEDICATORIA.

nis meis gratiosissimis, disputationem de *Tribus Elohim*. Ad portum cum nondum venerim, anchoram nondum ligendam arbitror. Vos mihi portus eritis *Illustres Domini*. Quam enim fronte illustria vestra nomina ingratus præteream? Dignus certe naufragio sum, nisi Numina tam salutaria humiliter venerer: nisi vestras quoque imagines in gratitudinis meæ templo suspendam. Nunquam tu mihi quidem, generosissime Dn. *Friderice*, visus: attamen non ignotus. Vivam tui virtutumque tuarum imaginem in Fratribus tuis vidi: à Generoso Dn. *Abrahamo* prædicari audiavi: liberalitatem sensi, & spem hanc concepi, fore ut in filio patrem aliquando intuear, & debitæ venerationis documenta edam certiora. Te, generosissime Dn. *Fabiane*, videre & alloqui non ita pridem *Berolini* contigit: humanitatem Domui vestræ hæreditariam vidi: animi in me propensissimi indicia collegi: paucis dicam; expectatione omnia majora inveni. Itaque ex eo ipso die, de mei in Generositatem tuam animi observantiâ publicis consignanda literis cœpi cogitare. Postquam igitur commodam mihi videor occasionem nactus, *Illustres & generosissimi Domini*, dum primam contemplationum mearum Physicarum sectionem luci destino, ad Generositates Vestras rectè me confero, & quâ par est animi submissione, in Virtutum vestrarum templo hoc qualecunque anathema dicatum consecratumque eo. Quod si serenis frontibus exceperitis, & tanquam idoneum humilis observantiæ meæ testem admiseritis, boni ominis loco ducam, tantoque majori alacritate ad scientiæ hujus nobilissimæ telam pertexendam progrediar. Vivite, *Mæcenates optimi*, & illustris vestræ Domus humilem sincerumque Veneratorem *wendelinum* agnoscite. Alium si fortean sinceritatis & fidei meæ testem desideratis, exceptione omni majorem sisto illustrem Heroem, Fratrem vestrum, Dn. *Abrahamum*, Dominum meum gratiosissimum, cujus judicio me totum permitto. Valete, Illustres animæ. Dabam Servestæ, XX. Februarii, Anno MDC XXIV.

Generositarum Vestrarum.


Observantissimus,

Marcus Fridericus Wendelinus,

Gymnasi Anhaltini Rector.

LECTO.

LECTORI BENEVOLO SALUTEM.

 Lenius aliquantò, benevole Lector, quàm in uno hactenus methodico factum systemate, de universâ rerum naturâ commentari animus multis fuit: quos tamen à præclaro hoc conatu, vel aliarum occupationum abstraxit moles, vel in ipso stadio cursum studii jam explicaturos ad carceres mors revocavit. Accidit hoc clarissimo olim viro, Bartholomæo Keckermanno, qui non mori prius optavit, quàm Domini opera, ex animi sententiâ, enarrâsse. Quod ipsi communè fuit cum regio Propheta votum: Non moriar, inquit ille, Psal. 118. v. 17. sed vivam, & opera Domini enarrabo.

Nullius equidem labores carpo, nec infimo me, inter eos qui Naturæ studium lucubrationibus suis hactenus excolere aggressi, loco haberi agrè fero: Hoc tamen doctorum pace verè affirmari credo, methodicam multiorumque votis expetitam Physici systematis structuram ita perfectionem suam nondum assecutam, ut fructuanea videri debeat omnis cura, quæ huic impenditur operi vel illustrando, vel numeris suis absolvendo. Et quidem in Compendiis, quæ nuda tantum de rebus naturalibus Theoremata exhibent, hanc perfectionem minime quærendam, aut ab iis expectandam ultro omnes fateantur, Qui Theorematis vel Exegeses, vel Demonstrationes subjungunt, quibus sola asseritur Theorematis veritas, etsi ad structuræ quidem hujus perfectionem propriis accedunt; ab eâ tamen adhuc longè absunt: quod & ipsum extra omnem dubitationis aleam possum arbitror. Qui solis & omnigenis Controversiis, insuper habitâ Præceptorum compage methodicâ, tractandis incumbunt, ad studii quidem Naturalis culturam plurimum conferre mihi videntur: attamen non tam de tironibus quam veteranis & in palæstrâ Physicâ subactis ingenii bene merentur. Sunt enim præcepta tironibus Cynosura instar, ad quam in vasto hoc Naturæ pelago cursus ipsis dirigendus, nî perpetuis & incertis jactari fluctibus, quam ad portum malint appellere. Cum theorematibus controversias quæ conjungunt, & de rebus naturalibus in utramque, ut aiunt, partem disputantes obscuritatis & dubitationis remoras amoliuntur, de Naturâ studiosis præclare merentur: etsi interim multorum expectationi, & ut ingenus fatear, meæ quoque (sit tamen liberiori sententiæ venia) multi minus respondent.

Inventas enim quibus omnia & veterum & recentiorum inventa ac dogmata sordcant quique verum nihil judicent, aut orbi commendent, nisi quod museum sit, & nudius tertius in ipsorum cerebello natum. Horum certè intolerabilis mihi fastus videtur, & judicium non usque adeò sanum. Qui enim, quod ex rationis lege & experimentorum suffragiis decidendum, sibi solis vendicant, & à se solis expectari debere sibi persuadent, digni certè commiseratione sunt: Se enim solos sapere, solosque omnium rerum habere experimenta opinantur: quæ mentis à ppa gra, & vanissima persuasio est. Ad Hippocratem hos ablego, & è primo ejus aphorismo, adversus à ppa gra hanc, medelam petere jubeo. Ο βίος, inquit Senex Cows, Βεγχο, ἢ ὃ τέχνη μανθῇ, ὃ δὲ καὶ εὖ δέχῃ, ἢ ὃ πείσῃ σεαυτὸν, ἢ ὃ κρείσσει χαλεπή.

Alii in contrarium incurrunt, suoque judicio planè diffidentes quibusvis opinionum fluctibus se jactari patiuntur & postquam diu in utramque partem disputarunt, in neutram tandem assensu suo inclinant, scepticorum more in medio suspensa relinquentes omnia: quos non doctores, sed dubitatores verè dixeris.

Sunt etiam qui in unius hominis ita jurent verba, & ad velas ejus dēgā tam pertinaciter adhærescant, ut non tantum ab iis dissentire sibi nefas ducant, sed & dissentientes alios crudelissimè persequantur: nec Idoli sui Manibus sat litatum existiment, nisi veritatis hostes (sic eos appellant, qui Aristotelicis dogmatibus quandoque contradicunt, & ex Lyceo in Academiam migrant) atroci stylo confoderint, & conviciis probe onustos ad Gemonios gradus amandārint. Horum ego mores ut probarem, nedum imitarer, impetrare à me nunquam potui: Toto enim celo distare mihi persuadeco τὸ ἀπολόιδωτον & φιλοσόφον: Philosophum & alienæ opinionis mancipium. Ut ut autem Aristotelicorum dogmatum amantissimi videri velint isti, à moribus tamen & ingenio Aristotelis sunt alienissimi. Nam & iis, qui minus accuratè de rebus disputant, & propria judicia interponunt, gratias debere Aristoteles agnoscit: cum & ipsi ad scientiam aliquid conferant, posteriorum exercendo habitum: 2. Metaphys. Nec crediderim tam fuisse iniquum Aristotelem, ut dissentientem ferre non potuerit, qui tam liberè ab omnibus dissentit. Certè suorum etiam præceptorum tam non fuit amans, ut dissentire ab ipsis nefas duxerit. Etenim adversus Ideas à Socratic & Magistro inductas disputaturus, Etsi difficilis, inquit, quæstio existit, quia nobis amici sunt ii, qui Ideas induxerunt; æquum tamen est veritatis retinendæ causâ suâ etiam decreta tollere, Philosophis præferim: & utrique chari sint licet, præclarum tamen est plurius æstimare veritatem. Eadem & Platoni mens fuit: Non quis chari sint licet, præclarum tamen est plurius æstimare veritatem. Eadem & Platoni mens fuit: Non quis dixerit, sed utrum verè dixerit necne, considerandum monet. Tantum abest, exclamat Cicero, ut scribi con-

PRAEFATIO AD LECTOREM,

contra nos nolimus, ut etiam maximè expectamus. In ipsâ enim Græciâ Philosophi tanto in honore non fuissent, nisi doctissimorum contentionibus disensionibusque viguissent. Unde alibi monet, non tam auctores in disputando, quàm rationum momenta esse quærenda. Sed desino quæclarum. Apostolicum præceptum etiam in hac palastra mihi arridet: *πάντα δοκίμαζετε, τὸ καλὸν κρατέχετε*.

Unum adhuc est quod desidero, si maximè omnia reliqua ex voto fiant. Physici studii amœnitatem non solum Theorematis, & Theorematum per disquisitiones modestas ac liberas illustratione absolvi existimo: in Naturalis quoque historiæ campos aliquantò latius excurrendum mihi videtur, indeque delibandum, & ad suas sedes referendum, quicquid in Naturâ amœnitatum observavi hominum industria. Hoc enim quasi pretiosissimum quoddam condimentum, quo disputationum, de generalibus præsertim, austeritas temperatur: hic jucundissimus secessus, in quem animus disputando fatigatus divertit, & quicquid tædii ex acriorum conflictuum labore natum, diluit. Hæ Naturæ in minimis etiam observatæ amœnitates, suisque opportune locis insertæ ad lectionem & studii hujus amorem eos etiam alliciunt, qui extra Scholas practicæ vitæ genus sectantur, ipsamque juventutem mirificè afficiunt. Si elegantioris accedat styli cura, equidem elegantem hanc corporis elegantissimi vestem, amoris & admirationis conciliatricem dixerò.

Hæc ferè Physici Systematis idea & umbra est, cujus corpus adhuc desiderari existimo. Absit autem, absit tantum mihi tribuam, ut talè à me opus proficisci posse credam. Non nuius hominis, sed doctissimi Collegii hoc opus, hic labor est. Ut tamen animi mei cogitata ipso opere fortean meliùs exprimerem, rudimenta quædam operis, quod desidero, dare, & doctiorum ingenia excitare mihi visum. Si ergò vitam, valetudinem & otium mihi Deus prorogaverit, omnes Physici Systematis partes, quarum plerasque affectas jam habeo, distinctis sectionibus in studiose juventutis gratiam, lucis & judiciorum aleam subire pariar, ut aliquâ saltem ex parte votum representem, & animi sensa exprimam. Initium à primâ Sectione, bono cum Deo, jam facio: sequentur ordine reliquæ, si Deus voluerit; & ita quidem sequentur, ut tanto plus amœnitatum habituræ sint, quanto nos propriùs ad specialium contemplationem duxerint: magis enim, ut notum, in specibus quàm generibus varia & amœna est Natura. Fateor equidem à doctis nonnullis, ipsoque Aristotele (quem tamen in multis sequor) quandoque me dissentire, & forsan deinceps dissensurum: attamen, quod sanctè affirmo, nullâ contradicendi carpendæve, nedum alterius famæ aut existimationis ladendæ, libidine; sed solius veritatis amore: quem qui vitio mihi vertit, veritatis hostem judico. Itaque stylum ubique ita temperavi, ut vel duriorè verbulo adversarium offendere religioni mihi duxerim: quâ moderatione & deinceps me usurum hic publicè promitto. Detector calumniatores & nominum alienorum rosores. Ità verò & mecum agi velim. Crudelis erit, quisquis hanc moderationis & humanitatis clavam mihi extorserit. Facebant ex liberalium ingeniorum censu ἀποπρωλαδές: cum bonis bene & comiter agatur. Hæc scire te volui, benevole Lector, non docere tantum; sed & discere paratus ab eo, cui docere, non exagitare animus est. B. V.

¶ Index Autorum qui in prima Sectione hujus operis
allegantur.

Abumasar
Actuarius Medicus

Adamus Protoplastes

Aegidius Romanus

Elhanus

Eschynes

Agricola

Albertus Magnus

Alcinous

Alexander ab Alexandro

Alexander Aphrodisæus

Alexander Magnus

Algazel

Alliacensis Cardinalis

Alpharabius

Ambrosius

Ammonius

Anacharxes

Anaxagoras

Anaximander

Anaximenes

Andronicus

Anselmus

Antiochus Sophista

Antisthenes

Antonius Imperator

Apollonius Tyanæus

Appianus

Arcefilas

Archelaus

Archimedes

Architas

Argyropylos

Aristoteles

Aristoxenus

Avempace

Avenzoar.

Averroes

Augustinus Niphus

Augustinus Theol.

Avicbron

Avicenna

Autor libri de Mundo

Autor libri de Pomo

Baptista Montanus

Baptista Porta

Basilius

Bellarminus

Bessarion Cardinalis

Bodinus

Boetius

Bonaventura

Brentius

Brichthius

Burleus

Calius Rhodiginus

Casalius

Cesar Longinus

Cajetanus

Calcidius Platonius

Campanella

Cardanus

Carneades

Casmanus

Chilo

Chrysippus

Chrysostomus

Cicero

Claudius

Commentator Thomæ in
libell. de Ent.

Conimbricense Collegium

Cranzius

Crato Medicus

Cratylus

Crellius

Cureau

Cusanus Cardinalis

Cuspinianus

Cyrenæici Philosophi

Cyrillus

Damascenus

Damascius

Daneus

David Proph.

Democritus

Demosthenes

Dinocrates

Diodorus Sicul.

Diogenes

Dionysius Theolog.

Durandus

Ecclesiasticus

Empedocles

Emmius

Epicharmus

Epicurus

Euclides

Euripides

Eusebius Cas.

Fernelius

Ferrariensis

Flaminius Ciconia

Fonseca

Fracastorius

Gabriel Biel

Galenus

Gellius

Georgius Bertinus

Georgius Cruciger

Gesnerus

Gilbertus Porretanus

Goclenius P.

Goclenius F.

Gregorius Ariminensis

Gregorius Magnus

Gregorius Nyssenus

Henricus Gandavensis

Heraclides

Heraclius Ephesus

Hervæus

Heurnius

Hieronymus Magius

Hieronymus Theol.

Hippasus

Hippius

Hippocrates

Homerus

Horatius

Hugo de S. Victore

Jacobus Martinus Scotus

Jacobus Martini

Jamblichus

Jandunus

Javellus

Johannes Francisc. Picus

Johannes Picus

Johannes Magirus

Johannes Sleckerus

Josephus Historicus

Josephus Phavorinus

Isidorus

Julianus

Junius

Justinus Martyr

Juvenalis

Keckermannus

Lactantius

Laertius

Lemnius

Leucippus

Lucretius

Macrobius

Majolus

Marcus Polus

Marsilius Ficinus

Martianus Capella

Martinus Del rio

Matthias Aquarius

Matthiolus

Maynetius Maynetius

Mayronius

Meisnerus

Melissus

Mercenarius

Mercurius Trismeg.

Mnestor

Mocenius

Moses Proph.

Nazianzenus

Occam

Oppianus

Pacius

Palladius

Paracelsus

Parmenides

Paro Pythagoras

Parfimonius

Patricii

Paulus Apost.

Pausanias

Pedo

Pererius

Petrus Gillius

Petrus Hurtadus d.

Mendoza

Pencer

Index Autorum.

Peucerus	Prolemaus Philadelph.	Solinus	Timpterus
Phaerinus	Pythagoras	Soncinus	Toletus
Philippus Faber		Speusippus	Tostatus
Philo	Ramus	Stephanus Theopolus	
Philolaus	Regiomontanus	Strabo	Valerius Maximus
Philoponus	Reuchlinus	Strato	Valesius
Philostatus	Ruffinus	Struckius	Varro
Piccolomineus	Ruvius	Suaretius	Vicomercatus
Pierius Valerianus		Suidas	Virgilius
Pindarus	Sabellicus	Syrianus	Vives
Pineda	Salomon Rex		Ulysses Aldrovandus
Plato	Salustius	Tacitus	
Plautus	Savonarola	Taurellus	Weckerus
Plotinus	Sealiger	Telesius	
Plinius Orat.	Scorus	Tertullianus	Xeniades
Plinius Philosoph.	Scribonius	Thales	Xenocrates
Plutarchus	Sebastianus Verro	Themistius	Xenophanes
Polybius	Seneca	Theophrastus	Xenophon
Pomponatius	Sextus Pyrrhonius	Thomas Aquinas	
Porphyrus	Simon Portius	Thomas Erastus	Zabarella
Priscianus	Simplicius	Thomas Giaminius	Zanardus
Proclus	Snellius	Thucydides	Zeno
Ptolemaus Methem.	Socrates	Tidicæus	Zoroaster

Index Autorum qui in secunda Sectione allegantur.

A Bulensis	Bartholinus	Cassiodorus	Diogenes
Albertus Magnus	Basilus	Cato	Dion. Chrysost.
Albumasar	Beda	Censorinus	Dionysidorus
Alcasar	Bellarminus	Chrysippus	Dionys. Exiguus
Alcinus	Bernhardinus Calellus	Chrysostomus	Dionysius Theolog.
Alexander Aphrodis.	Beroaldus	Chytraus	Dominicus Soto.
Alexander Polyhist.	Beumlerus	Cicero	Durandus
Alphonsus	Beutherus	Cleantes	
Ambrosius	Beza	Clemens Alexandr.	Empedocles
Anaxarchus	Bisciola	Cleomedes	Ephrem
Anaximander	Bodinus	Codomannus	Epicurus
Andreas Laurentius	Boetius	Celcius Rhodigin.	Epiphanius
Anonius Eremita	Bonaventura	Conimbr. Colleg.	Eusebius
Apuleius	Bouillus	Combachius	Euthymius
Archangelus Minorita	Brichtmannus	Constant. Phrygio	
Arbelaus	Bucanus	Copernicus	Ferrariensis
Argentina	Bucholzerus	Crellius	Festus
Aristoteles	Bullingerus	Crinitus	Florimundus
Arnobius	Buntingus	Critolaus	Fonscca
Athanasius		Crollius	Funccius.
Athenaus	Cajetanus	Cyprianus	
Averroes	Calcidius	Cyrillus	Gabriel Pouellus
Augustinus Miphus	Calvinus		Galatinus
Augustinus Theolog.	Calvisius	Damascenus	Galenus
Avicenna	Campanella	Danaus	Gallifardus
	Cardanus	David Proph.	Genebrardus
Baronius	Casmanus	Democritus	Goropius Becanus

Grego-

Index Autorum:

Gregorius Magnus
Gulicimus Gilbertus

Hannibal Rosellus
Henricus Gandavens.
Heracides Ponticus
Heraclitus
Hieronymus
Hilarius
Hippolytus Martyr
Horatius
Hurtadus de Mendoza

Jaacobi
Jacobus Andreae
Janfenius
Jodocus Clichtoveus
Johannes Apostolus
Johannes Picus
Johannes Stofferus
Jordanus Prunus
Josephus Historicus
Josephus Mathathia
Irenaeus
Isidorus
Julius Caesar Vaninus
Julius Firmicus
Junius
Justinus Martyr
Juvenalis

Keckermannus
Keplerus

Laetantius
Laertius
Laurentius Suslyga
Leo Hebraeus
Leovinius
Lencippus
Lindanus
Linus
Lombardus
Lucidus
Lucretius

Luthernus
Lyra

Macrobius
Magirus
Magius
Mantuanus
Marianus Scotus
Marsilius
Meisnerus
Melancthon
Mercator
Mercurius Trismeg.
Metrodorus
Minutius Felix
Mizaldus
Mornaeus
Moses Aegyptius
Moses Proph.
Musculus
Munius Pansa

Nagelius
Naclerus
Nausea
Nazianzenus
Nicephorus
Nyssenius

Ocellus
Odiatin
Oecumenius
Onuphrius
Origines
Orosius
Orpheus
Osiander
Ovidius

Palatius
Pantaleon
Paparella
Papias
Pareus
Patricius

Paulus Apostolus
Paulus Forosempronicens
Paulus Ricinus
Pererius
Perkinsus
Petrus Martyr
Philastrius
Philippus Nicolai
Philo
Philoponus
Piccolomineus
Pierius Valerianus
Pineda
Piscator
Plato
Plinius
Plorinus
Plutarchus
Pontanus
Possidonius
Proclus
Propertius
Psellus
Pythagoras

Quirinus Reuterus

Rabbi Abraham
Rabbi Eleazar
Rabbi Elias
Rabbi Jonathan
Rabbi Isaac
Rabbi Naasan
Ranzovius
Regiomontanus
Reinoldus
Remalchus
Ribera
Rodericus Santius
Roelolanus

Scaliger
Scotus
Seleucus
Seneca

Sybillæ
Simplicius
Sixtus Senensis
Sobnius
Sonzinus
Sophocles
Stadius
Stifelius
Straro
Suarecius
Suidas

Taurellus
Tertullianus
Thales
Theodoretus
Theodorus Gramineus
Theophilus
Theophrastus
Theopolus
Tholosanus Astrolag.
Thomas Aquinas
Timplerus
Toletus
Tossanus
Tremelius
Tyrius Maximus

Vallesius
Varro
Vega
Velleus Epicureus
Victorinus
Virgilius
Vives
Wispergensis
Whitakerus

Xenophanes

Zabarella
Zanardus
Zanchius
Zeno
Zoroaster

Index

Index Autorum qui in tertia Sectione allegantur.

A Benetza	Bodinvs	Erasmus	Horatius
Abenragel	Bonaventura	Eratosibenes	Horus Apollo
Aben rodan Duns	Buchelzerus	Eudoxus	Hugo
Abraham Scultetus	Budaus	Eugubinus	Hurtadus de Mendoza
Achillinus		Euripides	Hyginus
Adrianus Rom.	Calius Rhodig.	Eusebius	
Ægidius	Casalpinus	Eustadius	Jacobus Martinus Scolus
Æmylius Parisaus	Cajeranus		Jamblichus
Albertus Magnus	Calippus	Fagius	Janus Rutgersius
Albumasar	Campanella	Fernelius	Ignatius
Alcabitius	Campanus	Festus	Joachimus Rheticus
Alexand. Ateus	Capreolus	Ficinus	Joannes Behmius
Alexand. Aphrodys.	Cardanus	Forsterus	Joannes de sacro Bosco
Algazel	Casmanus	Francastorius	Joannes Grammaticus
Albazenus	Castalio	Franciscus Picus	Joannes Picus
Alpetragius	Catharinus	Frischlinus	R. Jonathan
Alpharabius	Censorinus	Fuchsius	Jordanus Nolanus
Alphonfus	Cbalcidius	Fulgentius	Josephus Favorinus
Alphraganus	Chemnicus	Fullerus	Josephus Historicus
Alstedius	Chrysippus	Funccius	Isidorus
Ambrosius	Chrysologus		Julianus
Anaxagoras	Chrysostomus	Galenus	Julius Capitolinus
Anaximander	Cicero	Galilaus Galilæi	Julius Firmicus
Anaximenes	Claudianus	Gellius	Junilius
Andreas Corsalius	Clavius	Gemma	Julius Theolog.
Anipho	Cleantes	Genadius	Justinus Martyr
Apuleius	Cleomedes	Georgius Agricola	
Aratus	Conimbricenses PP.	Georg Cruciger	Keckermannus
Archangel. Burgenoven.	Copernicus	Goclenius senior	Kepplerus
Archelaus	Cornelius Agrippa	Gregorius Magnus	
Archimedes	Crates	Gregorius Nyssenus	Lactantius
Argentina	Crusius	Gregorius Turonensis	Lemnius
Aristarchus Samius	Cyrellus	Gyraldus	Leo Hebræus
Aristomachus			Lessius
Aristoteles	Dalecampius	Hagecius	Leupoldus
Aslachus	Damascenus	Haly	Livius
Athenæus	Danaus	Hecatæus	Lucianus
Avempace	David Fabricius	Heliædorus	Lucilius
Averrhoes	Del Rio	Heliæus Roslinus	Lucretius
Augustinus	Democritus	Henricus Ranzovius	Ludovicus Mercatus
Avicbron	Dio Chrysostom.	Heraclitus	Lutherus
Avicenna	Diodorus Tarsensis	Herodotus	Lyra
	Diogenes	Hesiodus	
Baptista Montanus	Dionys. Arcopag.	Hesychius	Macrobius
Bardesanes	Dorotheus	Heurnius	Magirus
Bartholinus	Durandus	Hieronymus	Mabometus
Basilus		Hipparchus	Maiolus
Beda	Eginardus	Hippius	Maulius
Berosus	Empedocles	Hippocrates	Martianus Capella
Beza	Epicurus	Hippolytus	Maternus
Biel	Epiphanius	Homerus	Martianus Martinus

Index Autorum.

Maurolycus
Mela
Melampus
Mercenarius
Mercerus
Messahala
Metrodorus
Michael Singelus
Minucius Felix
Mizaldus
Molina
Mornæus
Munsterus
Murius Pansa

Nagelius
Nazianzenus
Nicephorus
Nicolaus Reimarus
Nicolaus Theologus
Nigidius Figulus

Occam
Ocellus
Oecumenius
Olaus Magnus
Origenes
Orpheus
Ottho Heurnius
Ovidius

Pacuvius
Pagninus

Paracelsus
Parmenides
Patricius
Paulus Diaconus
Paulus Ictus
Paulus Venetus
Pena
Pererius
Perkinsus
Perottus
Petrus Messias
Pencerus
Philastrius
Philippus Faber
Philo
Philolaus
Philoponus
Phlego
Piccolomineus
Pineda
Plato
Plinius
Plotinus
Plutarchus
Pollux
Pontanus
Porphyrius
Porretanus
Porta
Possidonius
Proclus
Prudentius
Ptolemæus

Purbachius
Pythagoras
Quintilianus
Regiomontanus
Reuchlinus
Reymarus Ursus
Riccius
Rothmanus
Rungius
Scaliger P.
Scaliger F.
Schindlerus
Scotus
Seneca
Servius
Simon Marius
Simplicius
Sonicinas
Sofgenes
Strato
Suaretius
Suessanus
Suidas
Taurellus
Telefius
Tertullianus
Thales
Thebitius
Themistius

Theodoretus
Theon Junior
Theophanes Isaauricus
Theophrastus
Theophylactus
Thomas Aquinas
Thucydides
Tibullus
Timæus Locrensis
Timplerus
Tostatus
Tromælius
Trismegistus
Tycho Braheus
Vallesius
Varro
Vesputius
Virgilius
Vitellio
Winshemius
Xenocrates
Xenophanes
Xiphilinus
Xylander
Zabarella
Zanardus
Zanchius
Zeno
Zonaras
Zoroaster.



¶ Index capitum Prooemii.

Cap.	Pag.
1. D E definitione Physicæ	2
2. De causis Physicæ	5
3. De subiecto Physicæ	18
4. De cognatis Physicæ	21
5. De distributione Physicæ	27

Index capitum Sectionis primæ.

1. D E corporis naturalis definitione & materia prima	28
2. De forma prima	43
3. De natura	55
4. De principiis corporis naturalis externis	82
5. De principiis complexis	99
6. De quantitate corporis naturalis, & inde orta finitate & diuisibilitate	99
7. De continuitate & contiguitate	108
8. De localitate & loco	110
9. De corporis naturalis qualitate tactili, in genere	139
10. De calore	146
11. De frigore	157
12. De humiditate	164
13. De siccitate	172
14. De densitate & raritate	174
15. De duritie & mollitie	176
16. De crassitie & tenuitate	177
17. De ariditate & lubricitate	181
18. De lentore & friabilitate	182
19. De asperitate & lenitate	ibid.
20. De gravitate & leuitate	183
21. De luce	189
22. De colore	203
23. De sono	211
24. De motu in genere	217
25. De speciebus motus	226
26. De tempore	236

Index capitum Sectionis secundæ.

1. D E definitione Mundi	243
2. De efficiente procreante Mundi	247
3. De impellente Mundi causâ	258
4. De conservante Mundi causâ	259
5. De materiâ Mundi	263
6. De formâ Mundi	269
7. De Mundi causâ finali	277
8. De Mundi loco & positionis differentiis	283
9. De finitate Mundi	286
10. De unitate Mundi	288
11. De figurâ Mundi	295

12. De perfectione Mundi	296
13. De pulchritudine Mundi	310
14. De corruptibilitate Mundi	313
15. De principio durationis Mundi	317
16. De tempore excidii mundani	343
17. De signis mundanum excidium antecedentibus jam præteritis	367
18. De signis mundanum excidium antecedentibus jam præsentibus	369
19. De signis mundanum excidium antecedentibus adhuc futuris	370
20. De signis mundanum excidium concomitantibus	376
21. De modo excidii mundani	379

Index capitum Sectionis terciæ.

1. D E definitione & efficiente cæli naturalis	393
2. De materiâ & formâ cæli	410
3. De fine cæli	441
4. De subiecto cæli loco, differentiis localibus & adjunctâ quantitate	443
5. De qualitatibus cæli	450
6. De quiete cæli	470
7. De cælo & æthere	474
8. De cælo & æthere, tribus aeris regionibus vulgò sic dictis	480
9. Digressio de cælo Empyreo	488
10. De definitione & efficiente stellarum	498
11. De materiâ & formâ stellarum	502
12. De finibus stellarum	509
13. De subiecto stellarum loco, earumque luce & calore	523
14. De stellarum figurâ & motu	538
15. De stellarum magnitudine & multitudine	556
16. De stelis fixis in genere, earumque distinctione ex adjunctis	562
17. De XII. Zodiaci signis	567
18. De sideribus extra Zodiacum	577
19. De Planetarum naturâ, numero, ordine, & motu	583
20. De Planetarum aspectibus	586
21. De Solis naturâ & eclipsi	589
22. De tempore Solari: ubi de motu Solis	598
23. De Planetis superioribus Saturno, Jove, Marte	608
24. De Planetis inferioribus Venere & Mercurio	610
25. De Lunæ naturâ & affectionibus	611
26. De Lunæ effectibus: ubi de tempore & motu Lunari	617
27. De hypothesibus & traditionibus Astrologorum, Genethliacorum & Planetariorum	620
28. De vanitate prædictionum Astrologorum	630

D

frat
2. c.
Sen
ent
8.



etatic

Q

fonti qua
naturam
quibus a
quod est
proferat
dubium
supponit
omnis
m. q.
Eber
etiam
gomen
culpica
ludem
illi nati
finitone

I
S E C T I O I.

De
C O R P O R E N A T U R A L I
I N G E N E R E.

P R O O E M I I

C A P U T I.

De Definitione Physica.

D Istinctio operis in proœmium & tractationem : *Thef. I. Proœmii seu προοίμιον ὡς descriptio ejusq³ usus : ἐκθ. Quinque capita proœmii : Thef. II. Definitio nominis Physicæ. Thef. IV. Physicæ unde : ἐκθ. 1. Physicæ vox Stoicis quàm latè accipiat^r : 2. Definitio rei . Thef. V. Physica definita quatenus Habitus , & quatenus Systema : ἐκθ. 1. Quæstiones circa genus definitionis realis : 2. Quid sit Scientia, quæ ejus requisita ? 3. Quid Scientia contemplativa ? 4. An Physica sit scientia ? Sententia Scepticorum & Academicorum. 5. Refutatur hæc sententia, & ostenditur Physicam esse Scientiam. 6. Demonstratur Physicam esse contemplativam Scientiam. 7. Rationes contrarium suadentes. 8. Solvuntur. 9.*

T H E S I S I.



PHYSICAM scientiam contemplationibus aliquot illustraturi, recepto more Conatus nostros in proœmium & tractationem partimur.

Ἐκθεσις.

Quod προοίμιον nos, id alii προδιδασκαλία, & προλεγοµενία aut præcognita appellant : quæ sunt quasi præludia quædam totius artis vel scientiæ naturam in genere explicantia & representantia, quibus animus discantis ad sequentia preparatur, & quid expectare ab arte vel scientia possit, præcognoscit. Hinc illud *Arist.* 1. *Post. Analyt.* Πᾶσα διδασκαλία καὶ πᾶσα μᾶθσις διανοητικὴ ἐν πρῶ-παρχαῖσι γίνεται γνώσει : h. e. Omnis disciplina, & omnis doctrina procedit ex præcognitione seu præmissâ cognitione : quod repetit 6. *Ethic.* cap. 4. Ἐκ προμνηστικῶν πᾶσα διδασκαλία : Omnis doctrina est ex præcognitione. Hinc videmus sine prolegomenis artium & scientiarum tractationem non auspicari Philosophos, qui aliquam accurationis laudem sibi vendicant. Unde egregii duo Zabarella libri nati, unus *De natura Logica*, alter *De constitutione scientiæ Physicæ*. Eodem modo & reliqui

Aristotelis Interpretes commentationibus suis Logicis, Physicis, & Metaphysicis proœmium seu prolegomena præmiserunt : quos inter laudo Toletum, Fonseca, Pererium, Patres Conimbricenses & Fortunatum Crellium.

T H E S I S II.

Proœmio quinque capita destinamus :
1. de definitione Physicæ ; 2. de causis ;
3. de subjecto ; 4. de cognatis ; 5. de partitione.

Ἐκθεσις.

Hæc ferè sunt quæstiones de quibus plerique in scientiarum proœmiis disputare solent : videantur Zabarella, Toletus, Fonseca, Patres Conimbricenses, Pererius & alii.

T H E S I S III.

Definitio est nominis, vel rei.

T H E S I S IV.

Nomen si spectes, Physica est cognitio naturæ, quæ aliàs quoque appellatur Physiologia, quæ est λόγος περὶ τῆς φύσεως, hoc est, sermo de naturâ, vel discursus de rebus naturalibus.

ΕΚΔΙΟΤΙΣ.

I. Physicam dici *ἡ τοῦ φυσικοῦ* à natura, notum est. Physicam verò cum exaudis, vox alia subintelligenda, nempe cognitio vel scientia Græcis φυσικὴ ἐπιστήμη, scientia naturalis, seu de natura: totum exprimit φυσιολογία: ut in thesi diximus.

II. Stoicis Physicæ vox latius accepta significat systema trium scientiarum theoreticarum, Metaphysicæ, Physicæ in specie, & Mathematicæ: fortè quòd singulæ hæc scientiæ agant de rebus naturæ ambitu contentis, & acuminis naturâ nobis insiti ductu pervestigabilibus. Meminit acceptionis hujus Cicero, De orat. ad Q. Fratrem: Omnis philosophia in tres partes est distributa: in naturæ obscuritatem; in differendi subtilitatem; in vitam atque mores: Sub naturæ obscuritate Metaphysicam, Physicam in specie & Mathematicam sunt complexi. Magnificè collaudat distinctionem hanc Augustinus, De Civit. Dei, lib. 8. cap. 4. & II. cap. 25. Nata quoque hinc distinctio Physicæ in generalem & Specialem: quarum illa continet sub se tres scientias contemplativas: hæc, Physica propriè & in specie sic dicta est: hujus quoque sequenti thesi, definitionem realem exhibemus.

ΤΗΣΙΣ V.

Rem ipsam si accuratè consideres, Physica est scientia contemplativa corporis naturalis, quatenus est naturale.

ΕΚΔΙΟΤΙΣ.

I. Receptissima est hæc definitio, quam & nobis retinere libuit, etsi non ipsum tradituri sumus habitum, qui propriè est scientia; sed præcepta tantum ad comparandum habitum faciendū: unde præmittitur à nobis definitio habitus tanquam primum præceptorum rectè informandorum principium: Aliàs Physica, quatenus hic à nobis consideratur, & tractatur, rectè definiri poterit: Systema præceptorum de rebus naturalibus methodicum, ad comparandam scientiam Physicam adornatum.

II. Constat autem definitio nostra genere & differentiâ: genus est scientia contemplativa: differentia petitur à subjecto ejus proprio, quod est corpus naturale quatenus naturale. Circa genus quatuor queruntur. 1. Quid sit scientia? 2. Quid contemplativa scientia? 3. An Physica sit scientia? 4. An sit contemplativa scientia? Ad singula quæsitâ ordine respondebimus.

III. Ad primum, Quid sit scientia? respondet Aristoteles 6. Ethic. cap. 3. ubi continè & breviter definitur scientia, *ἐπιστήμη ἀπο δυνάμει ἐξ ἀναγκαιῶν*, Habitus demonstrativus ex propositionibus necessariis. Sunt autem propositiones necessariæ, ut patet ex 1. Poster. Analyt. verè prima, immediata, priores, notiores & causæ conclusionis.

Axiomatis scientifici tria requisita ex Aristotele à Ramo annotantur, ut nempe sit 1. *καὶ παντός*, hoc est, perpetuò verum & affirmatum; 2. *καθ' αὐτό*, constans ex partibus inter se essentialibus; 3. *καθόλου πρῶτον*, partes habens atque latè patentēs, seu reciprocas.

Subjecti scibilis, *τὸ ὅτι οὐκ ἔστιν ἐξ ὅλων* sic dicti, hanc conditionem requirit Aristoteles, ut sit *ἀρθρῶτον καὶ ἀγέννητον*, hoc est, interitus & ortus expers. Unde scientia dicitur firma & certa cognitio rerum simpliciter necessariarum, hoc est, interitus & ortus expertum; quæ parari solet per demonstrationem, quâ affectio de subjecto per proximam causam demonstratur: ut in Logicis docetur.

IV. Ad secundum: Scientia Contemplativa est, cujus finis proprius & ultimus est sola veritatis cognitio. Sic Aristoteles describit 2. Metaphys. cap. 1. t. 3. Contrà, Practicæ scientiæ finis ultimus non est veritatis cognitio, sed operis, veritate jam cognita, productio. Exempli gratia: Scientia motuum cœlestium est contemplativa, quia in cœlestibus motibus investigandis alius nobis finis non est propositus, ex naturâ ipsius scientiæ, quam ut cognoscamus veritatem motuum cœlestium: Nec enim ideo scientiæ huic operam damus ut ipsi deinde motum cœlestem producamus, quod *αὐτῶν* homini. Scientia verò virtutem moralium practica vocatur, quia non eum potissimum in finem Ethicam discimus, ut nudam nobis virtutum notitiam paremus, sed ut virtutes ipso opere exprimamus. Observetur igitur discrimen scientiæ Contemplativæ & Practicæ ex objectis & finibus. Contemplativa versatur circa subjectum cognoscibile saltem & non producibile per nos, solius cognitionis gratiâ: Practica versatur circa objectum cognoscibile & producibile per nos, operationis gratiâ.

V. Ad tertium, An Physica sit scientia? Capitis causam, pro Physica, contra veteres & recentes nonnullos Physicos, orare libet. E veteribus, qui Physicam scientiam esse negarunt, permulti fuerunt: Heraclitus Ephesius, Cræylus, Pythagoras, Socrates, Plato: qui duos statuebat mundos: unum intelligibilem, in quo veritas habitaret: alterum sensibilem, quem visu tactuq; perciperemus: in cujus contemplatione

templatione Physici versarentur : In hoc veri-similitudinem seu opinionem dominari contendebar. Accedit tota *Snepticorum* & *Academicorum* familia, quæ non rerum tantum naturalium, sed omnium scientiam sustulit, veramque veri notitiam angustiorum longe esse, quam ut humani sensus & iudicii angustiis capi posset, affirmavit. *Democritus*, referente *Laetantio*, veritatem in pureo, cui fundus non sit, demersam latitare queritur. *Anaxagoras* impenetrabili circumfusam caligine exclamat. *Empedocles* veritatis notitiam in animum, per angustias sensuum vias, descendere posse inficiatur. *Arceste* quatuor sunt dogmata paradoxa : unum, Nihil posse comprehendere ; alterum, Sapientem nulli rei unquam assensurum ; tertium, Omnia esse equaliter incerta, obscura, incognita, improbabilia ; quartum, Sapientem nihil probaturum, nihilque opinaturum. Priora duo amplexus quoque *Carnades*. In posterioribus dissentit, & inter omnino incertum & omnino comprehensum statuit medium, probabile & verisimillimum, quod probaturum, opinaturum & secuturum sapientem dixit : ita tamen ut se non scire, sed opinari, non verum comprehendere, sed veri-similitudinem sequi & intelligat ipse, & simpliciter aperteque profiteatur. Mathematicorum princeps *Ptolemaeus* in *Snepticorum* sententiam quoque inclinasse videtur : Nam & Theologiam & Physicam contentui duxisse fertur, quod illam præsigni rerum excellentiâ imbecillitas humana consequi haud posset. Hæc verò ob inconstantem perpetuòque fluentem materiam capi tenerique nequiret. *Celsus Rhodiginus* lib. 16. c. 14. Quibus singuli machinis ad everrenda veritatis *opinea* usi fuerint, videatur apud *Joannem Franciscum Picum Mirandulam* Comitem & *Concordiæ* Dominum, De Vanitate doctrinæ gentium lib. 2. c. 3. 4. 5. 6. 7.

Huic veterum sententiæ è recentioribus subscribunt ii, qui disciplinas distinguunt in *opinea* & *amodan* ; hisce Mathematicam & Theologiam, illis Physicam & Medicinam similesque alias adnumerant. Idem expressis verbis affirmat *Vallesius*, *Sacræ Philosophiæ* cap. 64.

VI. Nos, missâ *Academicorum* & *Snepticorum* hæresi, cum dogmaticis asserimus : Physicam esse Scientiam propriè dictam. Rationes in hanc sententiam hæc damus.

1. Habitus demonstrans affectionem propriam de subiecto, per causam proximam & necessariam, est scientificus. At Physica de subiecto suo & speciebus ejus per proximas & necessaria causas demonstrat affectiones proprias. Ergò.

Propositionem nè *Academici* quidem negaverint : Confirmat eam *Aristoteles* 1. Post. cap. 2.

Assumptionem exempla demonstrationum firmant ; qualia è plurimis pauca hæc : Omne quantum est dividuum : At omne corpus naturale est quantum : Ergò omne corpus naturale est dividuum. Item ; Omne extensum est locale : Corpus naturale est extensum : Ergò est locale. Item ; Quicquid est unum per materiam & formæ conjunctionem, id compositum est : Atqui corpus naturale est unum per materiam & formæ conjunctionem : Ergò corpus naturale compositum est. Item ; Quicquid est grave, & extra locum naturalem consistit, id ad descensum est aptum : Atqui corpora quedam naturalia sunt gravia, & extra locum naturalem constituta : Ergò. Hæc de corpore naturali in genere : Ad species si descendas, plurimæ occurrent demonstrationes, de Cælo, Elementis, Meteoris, Metallis, Plantis, Animantibus.

2. Si nulla rerum naturalium datur scientia, in causa exit vel res naturalis cognoscenda, vel homo cognoscens, vel utrumque : At nihil horum obstat, quò minus rerum naturalium detur scientia.

Connexum *Sneptici* facile admiscent : Decem enim *Epoches* modi, quos, teste *Laetio*, in *Pyrrhonis* Vita, & libro *Pyrrhonicarum* hypotheseum *Sexti*, excogitarunt Philosophi, ad tres ab ipsismet rediguntur, quos aiunt esse à cognoscente, ab eo quod cognoscitur, & ab utroque.

Assumptionis membra probamus. Si res naturales cognoscendæ obstant, dubio procul à mutabilitate & infinitate earum id proveniret, quibus moti *Academici* & *Pythagorici* res naturales scire posse negarunt. Sed fallunt & falluntur isti.

1. Non omnes res naturales sunt inconstantes, mutabiles & fluxæ : sed quedam constantissimæ & perpetuæ, ut corpora cælestia eorumque motus ; imò, ut nobis videtur, omni a corpora naturalia simplicia ; Quod igitur aliquibus saltem competit, omnibus tribuendum non erat.

2. Res naturalis duplici modo consideratur : in individuo seu singulari ; & in natura sua universalis, abstracta à circumstantiis singularibus. Priori quidem modo aliquæ res naturales incertæ & mutabiles sunt, quæ modò generantur, modò corrumpuntur : Posteriori verò modo certæ & immutabiles sunt : Nec enim uno vel altero individuo sublato, ipsa natura generica protinus tollitur ; sed in aliis individuis (omnia enim simul non tolluntur) incolumis perpetuò servatur. In hac verò cum universalis & necessaria prædicata intellectus reperiatur, ad constantem solidæ scientiæ rationem quid ni revocare valeat ?

3. Iphis etiam corruptibilibus & contingentibus

tibus incorruptibilia quædam & necessaria competunt, quorum omnino potest esse scientia. E. gr. Homo, quanquam corruptibilis est, hoc ipsum tamen, hominem esse corruptibilem, est quiddam incorruptibile & necessarium. Ità res sublunares sunt quidem mutabiles: attamen, mutabiles eas esse, immutabile est & necessarium. Sic ergo fit, *Percipere sunt verba*, lib. 2. De Philosoph. nat. cap. 3. ut res naturales per se quidem sint commutabiles, & non necessaria: attamen, quod de huiusmodi rebus *Physicus nos docet, sit penitus necessarium & immutabile*. Argumentum hinc tale formari potest: Si de corporibus naturalibus stabilis in mutabilitate constantia probari potest, de iis utique haberi poterit scientia: At verum prius; Ergo & posterius. Connexi ratio est; Quia stabilis in mutabilitate constantia est affectio propria corporum naturalium, si non omnium, saltem plerorumque, in suis individuis: quæ demonstrata de corporibus naturalibus per proximam causam gignit scientiam. Assumptio apud ipsos illos est in confesso, qui rerum naturalium dari scientiam negant.

Simili ferè argumento adversus Scepticos utitur *Augustinus*, in libro De vera religione: *Qui dubitat, inquit, an aliquid sciri contingat, se dubitare non dubitat, sed certus est: non est autem certus, nisi de eo quod scit.*

4. Quid? quod de rebus naturalibus particulariter consideratis haberi quoque secundario scientia possit? Quando, ut *Ferrariensis* inquit q. 1. *Phys. cognoscens passionem de superiori per demonstrationem, eandem passionem demonstrare de inferiori, in quantum participat, potest.*

5. Ad scientiam non necessario requiritur subiecti perpetuitas, sed necessaria prædicari cum subiecto connexio. *Franciscus Tolet.* q. 3. proleg. in *Organ.* resp. ad 3.

6. Magnopere ejusdem *Toleti* placet responsio: q. 1. proleg. in *Phys.* resp. ad 2. *Aliud, inquit, est generabile, aliud generari: illud enim potentiam denotat naturæ universali primò competentem, quæ cum subiecti perpetuitate non pugnat: hoc, actum singulari primò competentem, & cum perpetuitate pugnantem.*

7. Res naturales, quatenus in *Physica* attenduntur, non sunt infinitæ: sed ad finita genera & species reductæ: siquidem nullum rei naturalis individuum dari potest, cujus natura generica in *Physicis* non nominetur, aut explicetur. Hactenus ergo probatum rem naturalem cognoscendam ad scientiam esse idoneam.

Nec verò à cognoscentis parte impedimenta obijciuntur planè insuperabilia. *Cognitio*, inquit,

nostra sensuum ministerio acquiritur, & intellectu firmatur: At lubricum est valde & fallax sensuum judicium: horum autem error non potest non ad intellectum redundare. Fateor falli posse sensum, vitio vel organi, vel medii, vel objecti: at semper falli, & ex erroribus hujus vel illius scientiam conflare nego: habent enim suam quoque certitudinem sensus, certis præsentibus conditionibus; de quibus suo loco. Nec verò ex unico aut unius sensus judicio scientificum axioma intellectus format; sed è collatione & inductione plurium consentientium, & perpetuâ experientiâ confirmatorum. Neutrum igitur assertioni nostræ cum obstat, ab utroque periculi nihil expectandum. Hactenus secunda ratio.

3. Rerum naturalium notitia, quam profitemur, maximam partem è Sacris hauriri potest literis: *Opinio igitur fallax & lubrica appellari nequit.* Ratio consequentiæ patet; Quia Deus in Scripturis loquens non opinatur, non fluctuat, non dubitat. Antecedens prolixè demonstrat *Daneus* per universæ *Physicæ* capita, libro cui titulus, *Christiana Physica: Valesius*, erudito libro, De *Philosophia sacra: Pererius*, Commentariis in *Genesis*, & plures alii. Sic ergo contra *Academicos*, *Scepticos* & recentiores nonnullos monstratum, *Physicarum rerum dari scientiam: Et præcipuè quoque difficultates, quæ assertioni nostræ videntur obstat, expeditæ, ad rationem secundam.* Nec est, quod *Physicorum* disensiones nobis objiciantur, quibus non minus obnoxia ipsa *Theologia: Arguunt ex scientiæ difficultatem, vel ingeniorum perversitatem, non ipsius scientiæ, ut ità loquar, nullitatem.* A *Physico* igitur ad *Physicam* non valet consequentiæ: Vitium enim artificis non est imputandum arti. Memorabilis hæc observanda *Gregorii Nysseni* sententia: *Resecanda, inquit, sunt ab institutis Philosophiæ naturalis ea, quæ non ex ipsius artis principis, quæ vera est, sed ex hominum fidei lumine carentium operationibus, falsa ac fidei repugnancia, quasi quædam infidelitatis præputia orta fuere.* Deinde, etiam si in multis multi errant, in pluribus tamen rectè sentiunt: Ideòne ergo propter aliquos errores universa scientia tollenda?

VII. Ad quartum, *An Physica sit scientia contemplativa?* Affirmativam unicâ ratione tuemur: Quæ scientia rerum sibi subiectarum naturam tantum explicat, nec ulla operis faciendi regulas exhibet, ea est contemplativa: At *Physica* talis est: Ergo, *Propositio* patet. Quia *practicæ disciplinæ à contemplativis* hoc ipso differunt, quod, præter cognitionem, opus suapte naturâ respiciant, reijciuntque & præceptis operandi traditis potentiam

rentiam in obeundo opere dirigant; uti videre est in disciplinis Ethicis, & artibus, Grammaticâ, Rhetoricâ, Logicâ. Assumptioni fidem faciunt cum res Physicæ subiectæ, tum ipsa tractandi ratio. Res quidem; quia Dei & Naturæ sunt opera, extra causas jam constituta, & viribus humanis superiora: qualia, *cælum, sidera, Elementa, mixta tam inanimata quàm animata*: Tractandi verò ratio; quia non ad operationem, sed ad cognitionem præcepta animam informant: imò aliter nequeunt; quæ enim facta jam sunt, quæque nostras excedunt vires, de iis faciendis stultum est præcipere. Eadem *Aristotelis* est sententia 6. *Metaph. cap. 1. t. 1. & 11. Metaph. cap. 6. Cui & Augustinus assentitur 8. De civitate Dei, cap. 4.*

VIII. In contrariam partem hæc sunt rationes.

1. Quod ad Dei amorem & rerum humanarum contentum allicit, id est practicum: Atqui scientia Physica ad Dei amorem & rerum humanarum contentum allicit: Ergò. Propositio patet; quia amor & contentus ad praxin pertinent.

2. Dei scientia de rebus Physicis est practica & contemplativa: Ergò & nostra. Antecedens probat *Thomas 1. part. quæst. 14. art. 16.*

3. Magia est pars scientiæ Physicæ: Atqui Magia est practica: Ergò ipsa quoque Physica est practica. Assumptio patet; quia occupatur circa operum mirabilium productionem.

4. Medicina est pars Physicæ: Medicina est practica: Ergò & Physica.

5. Plurimi scientiæ Physicæ dant operam, ut tantò feliciores in Medicâ vel aliis praxibus progressus faciant: Ergò practica est.

IX. Ad rationes hæc ita respondemus.

Ad 1^m. Propositionem distinguimus: Quod ad Dei amorem & rerum humanarum contentum allicit (*practicè*) peculiariter tradendo, de Dei amore, & rerum humanarum contentu, præ-

cepta, id est practicum. Sic negatur assumptio. Dicitur enim Physica ad Dei amorem allicere, quia mens rerum Physicarum contemplatione occupata temperare sibi non potest, quin subinde in Creatoris laudes erumpat, ejusque potentiam, bonitatem, & sapientiam prædicet.

Ad 2^m. Negamus consequentiam, ob exemplorum dissimilitudinem. Alia Dei, alia hominum est ratio. Deus universi creator & curator est: Unde rectè *Thomas* ait, Scientiam Dei esse *contemplativam & practicam*: homines verò naturalia corpora non creant aut efficiunt, sed creata duntaxat contemplantur.

Ad 3^m. Antecedens negamus. Magia enim licita, quæ mutuos naturæ consensus & reconditas vires aptè copulando mirabilia opera docet producere, est quidam foetus scientiæ Physicæ: at tamen pars propriè dicta non est, sed peculiaris quædam scientia, eaque practica. Si qui fortè è Philosophis Physiologiæ partibus eam accensent, vocabulo *Physiologiæ* in latiori significato utuntur.

Ad 4^m. Antecedens negamus. Medicina enim etfi & ipsa quidam est rivulus ex Physiologiæ fontibus deductus, pars tamen Physiologiæ non est: Hæc enim tota est contemplativa, illa tota practica, cujus opus est sanitatis restitutio vel conservatio. Itaque eos non audimus; qui Medicinam aiunt esse contemplativam & practicam simul.

Ad 5^m. Negamus consequentiam. Distinguendum est inter finem discantis & finem doctrinæ, qui sæpe sunt diversi: nec ex variis discantium finibus judicandum de proprio doctrinæ fine, qui resultat ex natura ipsius doctrinæ. Finis igitur doctrinæ Physicæ internus & proprius alius nullus est, nisi cognitio: discantium fines varii esse possunt. Ità vulgò distingui quoque solet inter finem *artis & finem artificis*.

CAPUT II.

De causis Physicæ.

Remota Physicæ causa efficiens: *Thef. III. Vis homini ad contemplandum insita*: *en d. 1. Eidem insitum sciendi desiderium, quod vim arguit; uti vis desiderium*: 2. Propinqua causa: *Thef. IV. Scientia quævis versatur circa generalia*: *en d. 1. Universalia à solo intellectu percipiuntur*: 2. Intellectus non percipit universalia nisi per singularia in se ipsum incurrentia: Quomodo omnia quæ sunt in intellectu, antè fuerint in sensu: 3. *Franciscus Picus Mirandulanus* Physicam arguit incertitudinis, quod è sensu ortum habeat: 4. *monstrosum Xeniadis argumentum*: *ibid. Refutatur sententia hæc*: 5. Occurritur argumento contrario: 6. Quomodo intellectus efficiat actu universalia: 7. Qui in Physica scientia omnium fuisse excellen-

rissimi, si vel nihil scripserunt, vel si scripserunt, ad nos eorum scripta non pervenerunt. Duo præstantissimi ab orbe condito Physici, Adamus in statu innocentia, & Solomon in regni flore. 8. Probatur Adamum fuisse omnium rerum naturalium scientissimum: 9. Scientia rerum Physicarum quanta in Solomone: 10. libri ab eo scripti: ibid. Reges & Principes qui summi contulerunt ad scientiæ Physicæ locupletationem: 11. Græcis magnam scientiæ Physicæ partem debemus: 12. De Epicuro nonnihil: ibid. De Platone: 13. Laudes Aristotelis: 14. Vituperia Aristotelis: 15. Hieroglyphicum ejus: incertitudo doctrina multis argumentis probata: ibid. Unde tanta Aristotelis autoritas: ibid. Incertum an ullum habeamus Aristotelis librum: ibid. Equius de Aristotele judicium, & media inter extremas sententia: 16. Nimii admiratores Aristotelis. Duo memorabilia circa mortem Aristotelis: 17. Veteres Physici & interpretes Aristotelis: 18. Laudes Scaligeri: 19. Laudes Gesneri, Aldrovandri, Matthioli, Agricola: 20. Materia Physicæ: Thef. V. Materia à subjecto distinguitur: ead. Forma præparatae nostræ Physicæ: Thef. VI. Methodus, anima & fax scientiæ: ead. sex methodi à generalibus ad specialia: 2. Quæ notiora, quæ ignotiora: 3. Physica scientia ex historia naturali, & inductione singularium illustranda: 4. Pythagoricum & Platonium philosophandi per numeros obscurum genus à Joanne Pico instauratum: 5. An Physica tradi quoque possit methodo analyticâ: 6. Finis Physicæ principalis & internus: Thef. VIII. Discrimen scientiarum contemplativarum & practicarum: ead. i. Illustratur thesauri auctoritate & exemplis: ibid. Physica scientia jucunditatis plenissima: 2. Cur finis appelletur internus: 3. Finis minus principalis & externus: Thef. IX. Usus Physicæ in Theologiâ: ead. 1. In furis prudentia: 2. In Medicina: 3. In Ethica: 4. Cur appelletur finis externus: 5.

THESIS I.

Fuit definitio Physicæ, cujus genus excussimus: Differentiam, quæ ex subjecto petitur, antequam explicemus, de Physicæ Causis aliquid inferemus, nempe, efficiente, materiâ, formâ, fine.

THESIS II.

Efficiens est, remota, vel propinqua.

THESIS III.

Remota est insita humani ingenii vis, quæ etiam ad recondita Naturæ mysteria penetrare potis est, cui ingens sciendi desiderium accedit.

*Εκ δευτέρου.

I. Vim hanc natam ad contemplandum & imitandum ait Cicero, 2. De naturâ Deorum. Idem 5. De Finib. ait, Tantum innatum esse omnibus cognitionis amorem & scientiæ, ut nemo dubitare possit, quin ad eas res hominis natura, nullo emolumento invitata rapiatur: quod pluribus rationibus ibidem demonstrat Cicero. Unde & Metaphysicam auspicatur Aristoteles à celebri sententiâ; Πάντες ἄνθρωποι τῷ εἰσέναι ὁρίσονται πρῶτον, Omnes homines naturâ scire appetunt.

II. Ut igitur desiderium sciendi insitam vim arguit (nec enim naturâ ineffet, nisi medium quoque,

quo voti compos fieri posset, præstò esset:) ita vicissim vis insita desiderium arguit, cum ad actionem non invitetur, nisi præeunte desiderio & appetitu.

THESIS IV.

Propinqua est diligens causarum, effectorum & proprietatum naturalium observatio, à sensibus primùm profecta, & crebris experimentis confirmata; donec tandem, genericis rerum naturis observatis & constitutis, ad legitimam artis, vel scientiæ formam redigeretur: quam magnis debemus ingeniis meliorum quorundam mortalium, qui immensis laboribus & sumtibus id effecerunt, ut nè in rerum naturalium ignorantia nobis esset consensendum.

*Εκ δευτέρου.

I. Physica, ut & alia quævis scientia contemplativa, versatur circa universalia: Nec enim Physica de hoc vel illo homine agit, de hoc vel illo corpore misto, metallo, plantâ, animali; sed in genere, de corpore misto, de metallis, plantis, animalibus; horumque speciebus: Et ideo quidem de universalibus agit, quia perpetua hæc sunt & definita: individua verò pleraque sunt caduca & indefinita; qualia subiecta à scientiis sunt aliena.

II. Universalia à solo intellectu percipiuntur, in sensum non incurrunt. Docet hoc experientia, & ratio

tio: Illa quidem; quia nunquam genericam hominis vel equi naturam videmus, sed equorum duntaxat & hominum individua: Hæc verò; quia universalia sunt in singularibus, itque quasi involvuntur, nec elici possunt, nisi omnibus conditionibus individuandis per intellectum abstractis.

III. *Intellectus non percipit universalia, nisi per singularia in sensum incurrentia.* Unde axioma: *Nihil est in intellectu quod non antè fuerit in sensu;* 1. vel per se, ut colores, odores, sapores, soni, calor, frigus, &c. quæ propria sunt sensuum exteriorum objecta: 2. vel per partes suas, ut urbs aurea, Centaurus: 3. vel per effecta sua, ut Deus, substantiæ à materia sensibili separatæ, & rerum naturalium virtutes occultæ: 4. vel per aliquid sibi simile, ut absentes & viri sancti per depictas imagines: 5. vel per opposita, ut aspera per lævia, infinitum per finitum, invisibile per visibile: 6. vel denique per fundamenta sua, ut notiones secundæ per primas, universalia per singularia.

IV. Hic verò adversus nos insurgit *Franciscus Picus Mirandulanus*, qui libro 4. De vanitate doctrinæ gentium, cap. 12. hoc ipso nomine Philosophiam & Physicam *Aristoticam* perstringit, & incertitudinis accusat, quod in sensu fundetur, & ex eo ortum trahat *Cum*, inquit, *Aristotelis doctrina fundetur in sensu, ideo facile convincitur incerta: quia non incertus modò ut plurimum sensus, sed sæpe numero fallax, & pluribus modis aliis, quàm putaverit Aristoteles. & decipere potest & decipi.* Septem autem modos recenset ibidem *Picus*: 1. Si sensus circa objectum versetur quod proprium illi non sit, sed alterius externi sensus; ut si oculus velit judicare de sono, & auditus de coloribus: 2. Si sensus externus arbitretur de sensibilibus communibus, magnitudine, motu, quiete, figurâ, &c. 3. Si nimia sit distantia inter sensum & sensile: 4. Si medium, per quod sensilis species deferretur, non sit rectè dispositum: 5. Si malè affectum sit sensorium: 6. Si iusta sensilis magnitudo non sit: ex parvitate enim objecti nimia sæpe errorem concipit sensus: 7. Si humani corporis temperamentum ad aliquem inclinet excessum, ut fieri solet in naturis melancholicis, & constitutionibus, ex cerebri aut aliarum partium intemperie, morbosus: unde variæ existunt apparitiones, & phantasmata, multique errorum in omnibus sensibus modi. Cum ergò tot modis falli possint sensus, lubrica sit oportet doctrina quæ sensuum nititur testimoniis. Eodem argumento plurimi è veteribus omnem evertere scientiam & veritatem conati sunt. Unde monstruosum *Xeniadis* argumentum: *Si id quo cætera res dijudicantur, falsum est, necessariò sequitur, ut omnia sint falsa: At*

verum prius: Ergò & posterius. Assumptio probatur: Quia sensus de omnibus rebus ferunt judicium: Atqui non fallaces sunt.

Anaxagoras quoque contendit, infido sensuum iudicio verum à nobis judicari non posse: Assenserunt *Heraclitus* & *Cyrenaici*. Ad sensus etiam referri possunt plerique, ferè modi, quos ad assensum cohibendam *Sceptici* adhibuerunt: de quibus *Picus* libro 2. De vanit. doct. Gent. cap. 21. & seqq.

V. Sed quid reliquum quæso nobis erit, si sensuum testimonia repudiaverimus? Certè non error hic videtur, sed furor; imò maxima impietas. Nam si nulla sensibus humanis adhibenda fides; si errorum & fallaciarum illi sunt magistri; Ecur sensibus suis Creator homines instruxit? Cur Divinæ suæ naturæ proprietates sensuum nostrorum nominibus exprimit, & toties in Scripturâ visum & auditum sibi tribuit? Cur ad sensuum humanorum testimonia in maximi momenti rebus toties provocat, & vidisse ac audivisse populum facta & dicta sua inculcat? Cur videre, audire, palpare, & ex operibus suis potentiam & sapientiam Divinam æstimare nos jubet? Anne ut erroribus tantò promtius iretini à Creatore & Factore nostro longius abeamus? Invieta hæc sunt argumenta, ad furorem istum convellendum, & ex hominum animis extripandum.

Sed & ratio per se insaniam hanc evertit. Ecquid quæso à primâ nostrâ pueritiâ & infantia in mentis penetralia ingreditur, nisi per apertas sensuum nostrorum fores: quæ si nihil sincerè intermittunt, & intellectui offerunt, quid tandem præ brutis prærogativæ homo habebit, imò quid præ stipitibus & lapidibus? Longè enim felicius est nihil prorsus intelligere, quàm nihil veri intelligere, & tamen intelligendo defatigari, hoc est, magno conatu magnas nugæ agere, & in foedissimorum errorum labyrinthos se ingerere. Præstaret utique oculos effodere, aures obturare, & totalem *divitiarum* sibi accerere, quàm sensuum, sine fructu, ministerio uti. Omnium certè mortalium miserimi fuerunt, qui hæc deliria pro veris habuerunt. Humana, an asiniana, vel scarabæorum corpora circumferrent, ignorarunt; quia oculis fidem non habuerunt: ruderent, grunnirent, crocitant, an lequerentur, ignorarunt; quia auditus testimonium repudiârunt: murem ab elephanto, quadrupedem à bipede, volucrum ab homine, terram à coelo, ignem ab aqua, lucem à tenebris distinguere non potuerunt; quia sensibus fidem non habuerunt.

VI. Illa quæ prætendunt, tanti certè momenti non sunt, ut in tantas angustias nos compellant. Falli quandoque sensus non inciamur: sed quis

demens indè colligat, veritatis testes eos nunquam esse, aut esse posse? Hominem quandoque claudicare contingit; quis neget propterea eum unquam recto pede posse incedere? dormit quandoque homo, quis nunquam vigilare eum iccirco dixerit? Ægrotamus sæpenumero, & actiones nostras lædi sentimus; quis unquam valere, & ut par est, officium nos posse facere negaverit? Hoc igitur probandum incumbit tantæ absurditatis patronis; *Semper circa objecta sua falli sensus: aut, veri iudicii è sensuum suffragiis petiti argumenta certa nulla haberi posse.* Nam à particulari ad universale vitiosa est illatio. Verissimum autem sensuum testimonium nobis est, cum evidens erroris causa non est, vel in *sensorio*, vel in *medio*, vel in *distantia*, vel in *objecti quantitate*, aut *positu*, vel in *morbosâ & vitiosâ corporis temperie*: omnemque dubitandi causam tollit multorum fide dignorum consensus, circa rem eandem, eodem modo, eadem *quantitate, qualitate, figurâ, &c.* visam, auditam, palpatam, gustatam, &c. nec semel tantum, sed sæpius: quæ crebræ sensationes experientiam constituunt, cui nemo sanæ mentis contradicit. Hujusmodi experimentis scientia Physica nititur: quibus ratio deinde accedit, & à notis ad ignota discurrendo transit, ut deinceps ostendemus.

VII. *Intellectus efficit actû universalis, 1.* Plurima singularia invicem conferenda: 2. Ea quibus differunt, cogitatione separando & prætermittendo: 3. Ea quibus conveniunt, colligendo & seorsim, differentiis accidentalibus & individuantiis non consideratis, considerando: Ex. gr. Generica hominis natura, qualis in Physicis consideratur, ab omnibus conditionibus individuantiis, quibus vel à *Platone Socrates*, vel ab *Aristotele Plato* differebat, libera ab intellectu hominis primum est constituta, & iustigata; 1. pluribus hominum individuis vel singularibus seorsim consideratis, & deinde collatis: In qua collatione occurrebant primò ea quibus differebant, ex. gr. *magnitudo diversa, color diversus, diversa membrorum externorum dispositio & symmetria, vox diversa, corporis & animi habitus diversi*: occurrebant deinde ea quibus conveniebant, ut, *idem ad sidera erectum corpus, eadem corporis membra principalia, iidem sensus interiores & exteriores, eadem anima rationalis.* 2. Omnibus differentiis singularibus & accidentalibus, quæ hominis essentiam non attingunt, quales sunt eæ quas recensuimus, sepositis. 3. Omnibus convenientiis universalibus & essentialibus, quas itidem recitavimus, consideratis, in quibus cum hominis natura propriè consistat, uno nomine homo ap-

pellantur. Atque hæc in Scholis Philosophorum appellari solet *abstractio*, quæ universalis constituntur, quæ aliud nihil est, nisi *actio intellectus, quæ, quæ unita sunt, cogitando & intelligendo sejunguntur, ita ut unum consideret, altero non considerato.* Sic abstrahere ab homine vel albedinem, vel eruditionem, vel divitias dicitur, qui hominem considerat, non consideratâ simul albedine, eruditione, divitiis.

Hoc modo omnia universalis, & subiecta scientiarum vel totalia vel partialia constituuntur: ut verissimè proximam scientiæ Physicæ causam in thesi nostra expresserimus & descripsimus.

VIII. Dixi quoque nos scientiæ hujus constitutionem magnis debere ingeniis meliorum quorundam mortalium, qui immensis laboribus & sumptibus Physicarum rerum à nobis ignorantiam pepulerunt. Qui verò omnium in hoc studio fuerunt excellentissimi & consummatissimi, ii vel in literas scientiam non retulerunt, vel, si retulerunt, ad nos tamen ex non pervenerunt, quæ inæstimabilis jactura.

Duo autem, à condito Mundo, Physici fuerunt omnibus absoluti numeris, qui reliquis omnibus palmam præriperunt; qualis in hac mortalitate nulli deinceps sunt futuri: Fuere ii *Adamus*, in statu suæ innocentie, & *Solomon*, in flore sui regni: De quibus pauca hic inferere nec injucundum, nec ab hoc loco alienum erit.

IX. Et *Adamum* quidem omnium rerum naturalium fuisse scientissimum, Scriptura & ratio testantur. Illa quidem insigne specimen perfectæ scientiæ recenset; Genes. 2. vers. 19. 20. *Cum formasset JEHOVAH Deus, è terra, omnes bestias agri, omnesque volucres cæli, & adduxisset ad Adamum, ut videret quæ vocaret singulas; (Et enim quocumque nomine illas vocavit Adamus animantem quamque, id nomen ejus est;) vocavissetque Adamus nominibus pecudem quamlibet, & volucrem cæli, omnemque bestiam agri.* Hoc certissimum est, inquit *Chrysostomus*, sapientiæ, quæ homini inerat, documentum: quoddam non solum sui ipsius, sed & rerum creaturarum cognitione fuit præditus, ad salutarem illam Dei notitiam accedente. In eundem locum *Eusebius Cæsariensis*, libro 11. De præparat. Evang. cap. 4. multa præclare disserit; & inter cætera ita scribit: *Cum Moses dicat, OMNE, QUOD VOCAVIT ADAM, ANIMAE VIVENTIS, IPSUM EST NOMEN EJUS; nihil aliud dicere voluit, nisi convenienter ad naturam rei nomen fuisse inditum: quasi diceret, ut ab eo quodque vocatum est, sic in ejus natura erat.* Hinc *Plato* quoque contendit, rectam nominis impositionem non esse triviale quiddam, sed doctissimo-

rum & præstantissimorum virorum; nec quemvis hoc posse facere, sed illum tantummodo qui ad rei naturam respiciens, nomen ad ipsam rectè possit accommodare. Et *Philo* in libro De opificio mundi, nominum impositionem *Adamo* delegatam ait fuisse *σφίρας & βασιλείας ἔργον*. In libro De agricultura ait, errorē in imponendis nominibus fluere ex ignorantia rerum. Lib. 2. De *Cheerubim*, *Παρεὰ Μωσῆ* inquit, *αὐτὸν ὀνομάσας τοὺς ἐνέργειας περὶ τῶν ἐισὶν ἐμφορὰ κώταται, ὡς αὐτὸ τὸ περὶ γὰρ ἐξ ἀνάγκης τὸ πύνομα, & καὶ τὸ πῶς τῶν, διαφέρων μὴ δὲν*. Et verò qui linguæ Hebraicæ periti sunt, nominumque, quæ ab *Adamo* animantibus, quorum in Scriptura fit mentio, sunt imposita, vim norunt, & aliquâ insuper naturalium rerum notitiâ pollent, cum proprietatibus & naturis eorum singula egregiè conspîrare admirabundi intelligunt. Certum igitur est, non fuisse remerariâ & merè arbitriariam illam *Adami ὀνομασίαν*, sed fluxisse ex perfecta rerum naturalium scientiâ; ut quasi characteres naturarum & proprietatum æstimanda sint nomina ab *Adamo* animantibus imposita. Quæ utinam singula etiamnum exstarent, & quæ quibus animantibus imposita essent, sciretur! (nam de eorum etiam quæ exstant genuina interpretatione inter doctissimos ambigitur; (certè luculentiorē haberemus zoologiam. De Plantarum & Metallorum nominibus ab *Adamo* impositis etsi in Scriptura nihil exprimitur, extra omne tamen dubium est, sua singulis plantarum & metallorum speciebus, quæ quidem in illo mundi exordio fuerunt, nomina quæque ex intimis eorum deprompta naturis esse indita: quorum plurima in sacris literis etiamnum exstant; etsi dolendum, quod multorum vim penitus haud assequamur. Alterum Scripturæ testimonium est *Ecclus. 17. v. 7. 10.* ubi dicitur: *Adamus* Scientia intelligente repletus: Atqui cum scientia illa non potuit rerum naturalium ignorantia consistere.

Rationibus idem evidentibus probatur.

1. Omnia Deus in mundi exordio animalia creavit in generibus suis & speciebus perfectissima, quoad magnitudinem, robur, potentiam generandi, & opera naturis eorum convenientia perfectè exercenda. In eadem igitur perfectione *Adamum* quoque creavit, non tantum quoad corpus, sed præcipue quoad animam, in quâ proprio & maxima hominis perfectione; quam sine operum Divinorum scientia, vel nullam vel multis modis mancā esse nemo ignorat.

2. Voluit Deus *Adamum* esse non fatorem tantum & parentem humani generis; sed & doctorem: Ut ergo omnibus ad prius illud munus obeundum necessariis perfectè illum instruxit, sic in posteriori ei deesse non voluit: Perfectiâ igitur rerum cum alia-

rum, tum naturalium scientiâ cum instruxit, sine qua Doctoris fungi munere non potuisset. Quod enim parum novit, nemo docere potest.

3. Si *Adamus* absque perfecta rerum naturalium scientia fuisset conditus, & paulatim studio & experimentis eam comparare sibi debuisset, utique diu in veritatis ignorantia versatus fuisset. At quàm molesta sit hæc ignorantia bonæ indoli, & ad ardua tendenti nemo ignorat. Memorabile hîc mihi occurrit exemplum *Aristotelis*, qui, quod admirabilis fluxus & refluxus, qui in Euripo visitur, causas ignoraret & investigare non posset, in animi & corporis ægritudinem incurabilem fertur incidisse, imò in Euripum, ut nonnulli volunt, præcipitem se dedisse. Huiusmodi molestiam beatissima *Adami* conditio non admisit. Requirebat enim status iste summam animi tranquillitatem & jucunditatem, quæ nullâ turbaretur tristitiâ, nullâ animæ anxietate: quæ cum ignorantia non potest non esse conjuncta, in bona indole.

4. Notitia Dei in *Adamo* fuit perfecta: Atqui perfecti o hæc sine operum Divinorum notitiâ exquisita esse non potuisset: loquuntur enim ea potentiam, bonitatem & sapientiam Dei immensam.

Dubium ergo nobis nullum est, quin *Adamus* omnium mortalium, qui unquam fuere, maximus fuerit Physicus. Etsi autem post lapsum multis modis imminuta fuit illa scientiæ naturalis perfectio, majorem tamen remansisse crediderim, quàm ulli obtigit hominum qui studio & industriâ propriâ eam unquam parârunt: Hanc filius & posteris suis dubio procul communicavit: Quam unica *Noachi* familia tandem possedit, in arcam secum intulit, indeque rursus extulit, & posteris tradidit, donec per manus eorum ad *Chaldaeos* & finitimos populos Orientales, etsi, ut fieri solet in traditionibus, multis erroribus implicata, deveniret: A quibus ad *Græcos* tandem migravit, à *Græcis* ad *Italos*, ab *Italīs* ad alias gentes: Et in nostrâ quidem Germania culmen ferè attingit: etsi paulatim jam, ob sæculi *χρῆσις*, ad occasum declinare incipit. Hactenus de primo & maximo, inter mortales, Physico.

X. Alter, qui dubiam ferè palmam primo fecit, *Solomon* fuit. De quo ipse Deus, 1. Reg. 3. versu 12. Ecce, do tibi animum sapientem & intelligentem, ad eò ut par non fuerit tibi antè, & post te non surrecturus sit par tibi. In specie verò exprimitur scientia rerum naturalium maxima & perfectissima, sequent. cap. 4. vers. 30. & seqq. Erat sapientia *Solomonis* major quàm sapientia omnium populorum Orientalium, & quàm omnis sapientia *Ægyptiorum*. Sapientior etiam fuit omnibus hominibus, *Ethane Egrachao*, & *Hemane*, & *Calcoe*, & *Dardaho*, filiis *Macholis*: pervasitque.

vasit que nomen ejus in omnes gentes circumquaque. Elocutus est de plantis, à Cedro, quæ est in Libano, usque ad hyssopum, quæ prodit à pariete : deinde elocutus est de jumentis, & de volucribus, & de reptilibus, & de piscibus. In ignis quoque locus est Sapient. 7. v. 17. & seqq. Ipse mihi dedit eorum, quæ sunt cognitionem certam, ut cognoscam constitutionem mundi, & vim elementorum, principium & finem mediæque temporum, solstiorum mutationes & varietates tempestatum, anni circuitus & stellarum situs, naturas animantium & animos bestiarum, spirituum vires & cogitationes hominum, differentias plantarum & radicum facultates. Omnia hæc elegantissimè explanat Ambrosius in 3. Proverb. & doctissimè persequitur Pineda lib. 3. De rebus Solom. c. 21. 22. 23.

Sed an scriptis hanc quoque scientiam suam mandavit, quæritur. Omnino affirmandum hoc censemus : cum ex loco Eccles. 12. v. 10. Cum esset sapientissimus, conscripsit sermones rectissimos & veritate plenos. tum ex Josepho, lib. 8. ubi ait Solomonem composuisse libros Odarum & Carminum 5000. & Parabolarum ac Similitudinum 3000. (quod legitur 1. Reg. 4. vers. 32.) & cuilibet speciei plantarum suam adhibuisse parabolam, idemque fecisse de pecoribus & cæteris terrestribus animantibus. Et cum aliquam Solomonica sapientiæ particulam libris consignatam adhuc habeamus, certè diligenter à Solomone omnia consignata fuisse existimamus ; si quidem ipse dicit Sapient. 7. v. 13. sine fictione se didicisse, & sine invidia communicasse, & divitiis illis non occultasse, infinitum hominibus thesaurum. Fontes lacrymarum in oculis derivandi essent, si pro meritis tam pretiosi thesauri jactura deploranda foret : E tot millibus librorum, tam reconditam sapientiam complectentium, non nisi duos aut tres nobis superstites esse, quis deplorare satis possit ? Forsitan autem noluit commune omnibus fieri, quod proprium Solomoni concesserat Opt. Max. Deus. Interim nec hoc inficiamus, è fontibus Solomonis multos in posteriorum Philosophorum hortos emanasse rivulos, quibus naturalis Philosophiæ viridaria fecundata. Memorabile est, quod Eusebius scribit, libros Solomonis de proverbiiis & de odiis, in quibus tractabatur de natura plantarum & omni genere animalium, & de curatione omnium morborum, è medio ab Ezechia fuisse sublatis, propterea quod morborum medelas inde acciperet populus, & nihili faceret à Deo petere liberationes. Tribus igitur istis, quos reliquos nobis fecit Divina providentia, acquiescamus. Sed cavendum nè imponi nobis patiamur per suppositicios libros, qui Solomoni passim à veteribus tribuuntur : quales sunt,

de Exorcismis, de Incantationibus Solomonis, de Clavicula Solomonis, de Annulo Solomonis, de Contradictione Solomonis, de Necromantia, de Umbris idearum. Hos enim omnes ab impostoribus & maleficis supersticiosisque, sub Solomonis nomine, venditos olim, quis dubitet ?

Hactenus Adamus & Solomon Physicorum longè maximi : quorum ad nos si scientia integra pervenisset, non adedò laboraremus.

Est tamen quod de reliquiis etiam Deo gratias agamus, & grati celebremus memoriam quorundam Magnatum, qui ad Naturæ studium excellendum sumtus contulerunt, & doctorem virorem, qui secula meliora secuti, in rerum naturalium indagine totam vitam consumserunt.

XI. Inter Magnates qui sumtum erogatione ad Naturæ studium præclara ingenia excitant, principem locum, ut dignatione, ita & meritis in rerum naturalium scientiam longè maximis, sibi vendicat Alexander Magnus, qui ad illustrandam animalium historiam octingenta talenta contulit, hoc est, coronatos 480000. & Aristoteli aliquot hominum millia in totius Asiæ Græciæque tractu parere jussit, quos venatus, aucupia, piscatusque alebant, quibusque vivaria, armenta, alvearia, piscinæ, curæ erant, nè quid usquam gentium ignoraretur : quos percontando quinquaginta ferme volumina de animalibus condidit : Plin. lib. 8. c. 16.

Habuit & Oppianus insignem Mæcenatem Antoninum Imperatorem, qui Poetæ, de piscibus & piscatione, de venatione & aucupio, versus insigni liberalitate accepit : Nam & Patris ei exilium remisit, & pro singulis poematis versibus totidem nummos aureos adnumerari jussit : quo munere ex hilaratus Poeta aureis characteribus poemata sua descripsit : Gesnerus in historia Aquatiliæ.

Gratissimus fuit Nerva & Adriano Imperatoribus Elianus, cujus De Animalibus libri xvii extant : Vespasiano Plinius, cui animam ferè debet historia Naturalis : Petrum Gillium naturæ animalium mirificè studiosum liberalissimè favit Galorum Rex Franciscus. Alios taceo studii hujus Mæcenates, quorum elapsa secula feraciora fuere quàm præsens hoc nostrum, quo eo Philosophis felicitas non obtingit, ut aureis characteribus opera sua describant. Aut enim plerique inopes, pro fama famem referunt : quod Ulyssi Aldrovando de naturali animantium historia optimè meritis præ aliis usu venisse accepimus.

XII. A Magnatibus & Mæcenatibus jam ad Philosophos transeamus, quibus rerum naturalium scientiam debemus. Sunt ii Græci potissimum, quorum

rum inveniendū acumen, in discendo industria, in docendo felicitas maxima enituit. Non piguit illos exilia veriū quam perigrinationes, ut *Plinius* inquit, ad *Ægyptios*, ad *Chaldaeos* & *Indorum* *Brachmanas*, eruditionis causā, suscipere, ut, quæ peregrè immensis laboribus & periculis didicissent, domi liberaliter discipulis communicarent : quo nomine *Epicurum* suum *Lucretius* commendat :

Primum *Græius* homo mortales tollere contrā
Est oculos ausus, primūq; obistere contrā;
Quem nec fama Deūm, nec fulmine, nec minitanti
Murmure compressit cælum, sed cō magis acrem
Virtutem irriat animi, confringere ut arcta
Naturæ primū portarum claustra cupiret :
Ergō vivida vīs animi pervicit, & extra
Processit longè flammantia moenia mundi :
Atq; omne immensum peragravit mente animoq;
Unde refert nobis victor, quid possis oriri,
Quid nequeat : finita potestas deniq; cuiq;
Qua nam sit ratio, atq; altè terminus hærens.

Floruit hic Philosophus annis ante Christum natum 307. Scriptorum, quæ posteris reliquit, multitudine omnes Philosophos superavit : Etsi pessimè hodie audit, ob dogmatis de Voluptate infamiam : Non tamen desunt, qui injuriam ei fieri dicant. Sententia ejus admiratione digna à nonnullis celebratur, Agnitio peccati initium salutis.

Celebres quoque in historiis sunt peregrinationes scientiæ gratiā institutæ ab *Anacharside*, *Empedocle*, *Anaxagorâ*, *Pythagorâ*, *Democrito*, qui etsi oculis tandem orbatūs erat, plura tamen quàm universa *Græcia* vidisse perhibetur : Nihil enim est in totâ rerum naturâ, de quo scribere non tentavit. *Sæbell.* lib. 2. cap. 1. Inter omnes verò *Græcia* Philosophos eminuerunt *Plato* & *Aristoteles*. quorum etiam ad nos scripta pervenire, quæ in Scholis etiamnum teruntur, maximo doctorum applausu & admiratione.

XIII. *Platonem* quod attinet, floruit ille annis ante Christum natum 350. variisque ex *Græcia* in *Indiam*, *Ægyptum* & *Italiam* peregrinationibus institutis, tantam literarum copiam collegit, ut per totum terrarum orbem dispergi & dilatari poterit.

XIV. Sed cum modicè admodum Naturæ studium excoluerit, divinis potiùs contemplationibus (unde *Dei* quoque appellatus) & practicis studiis occupatus, omisso impræsentiarum præceptore, ad discipulum *Aristotelem* progredimur ; qui à studiis, quæ sectatus est, genere, non *Dei*, uti *Plato*, sed *Σωκράτης* cognomentum sortitus est :

quod, ut *Cælius Rhodiginus* lib. 2. cap. 2. interpretatur, naturalium scientiam in primis complexus sit : quorum ratio sublunari ferè mundo continetur, quâ in parte Dæmonibus præscripta putabant loca. Atqui hic est solus ille, ut plurimorum fert opinio, cui in ratione naturæ, omnium calculo, prima deferuntur : *Cal. Rhodig.* lib. 27. cap. 19. In quem collatum, cujuscunque est capax humanum ingentium : Idem, lib. 23. cap. 22. ex Hieronymo : Qui solertissimus naturalium rerum confector & indagator : Idem, lib. 29. cap. 8. Qui parens humanæ sapientiæ : *Scalig. Exercit.* 211. §. 1. Qui divinus & incomparabilis in naturâ rerum sapientiæ Heros unicus : Idem, *Exercit.* 194. §. 4. Et sanè præclarissimum *Plato* testimonium ipsi perhibuit adhuc discipulo : Cum enim forte in auditorium venisset, & *Aristotelem* desiderasset, protinus exclamavit, *Ἀντιστὴν ὁ νῦν ἀνθρώπων ἐπιστοπῶν* hoc est, *Absit veritatis Philosophus*. Cumque iterum non accessisset, dicere non dubitavit, *Ὁ νῦν ἐξ ἡλίου*, hoc est, *Mens seu intellectus non venit*. *Cicero* neminem *Aristotele* doctiorem, neminem acutiorem, neminem in rebus inveniendis vel judicandis acriorem scribit. *Averroes* in 3. De anima com. 14. scribit, *Aristotelem* fuisse regulam & exemplar, quod natura invenit ad demonstrandam ultimam perfectionem humanam in materiis : & alibi, Intellectum *Aristotelis*, fuisse finem humani intellectus : & iterum, Mille & quingentos præterisse annos, ex quo scripsisset *Aristoteles*, nec ullum in ejus libris errorum alicujus momenti invenitum esse. Hic tamen modum excedi agnoscit quoq; nobilis *Peripateticus Pererius*, De princip. rer. natur. lib. 5. cap. 1.

XV. Hactenus præclari viri præclarissimè senserunt de *Aristotele*. In quem tamen par omnium affectus non est. Patitur & suos Manes *Aristoteles*, & in censuras incurrit graves ac severas, quibus vexatur : non ab iis qui à ferulis adhuc lividi, vel nudius-tertius demum è *Lyceo* aut *Academia* egressi ; sed qui in palæstra Philosophica veterani, & planè subacti, acerrimi iudicii & solidæ eruditionis viri. Quos hoc quoque loco audire æquum fuerit : *Ἰν δὲ ἀπορίων ἀποδόδα*.

Et *Bodinus* quidem, Præfat. in suam *Dæmonomaniam*, scribit Hebræos omnes Philosophos & Academicos ostendisse, *Aristotelem* nihil vidisse *ἐν τοῖς ποταμοῖς*. & naturalium pulcherrimas res non paucas ignorasse ; imò nè millesimam quidem partem rerum naturalium tenuisse.

Errores, quos in specie attingunt, hic recitare longum nimis foret. Hoc enim in contemplationibus nostris fiet opportunius.

Cardinales Cusanus & *Bessarion*, cum multa viderent :

rent naturæ adhuc esse miracula quorum obscuræ & ignotæ essent causæ, eò sunt adducti, ut Aristotelicam doctrinam tanquam variam, ambiguam & incertam perstringerent.

Cardinalis Aliacenſis certis defendit & confirmavit rationibus, nullam in toto *Aristotele* existare demonstrationem necessariam, præter eam quâ demonstravit unicum esse Deum, & alias perpaucas, quas annotat.

Plutarchus, *Galenus*, *Stoici* & *Academici*, imò & *Epicuræi*, *Aristotelis* de mundi æternitate demonstrationē, tanquam plenam ignorantie exagitârunt.

Vetæres, post signum *Aristotelis*, finxere mulierem Velatam facie, cui nomen esset *Physis*, hoc est, Natura: quâ indigitârunt, Naturæ dignitatem fuisse rectam *Aristoteli*, & vestem solum externam quodammodo ab eo fuisse visam.

De *Patritiis* quid dicam? Exstant spissa ipsorum volumina, quibus, in plerisque *Aristotelem* à vero aberrâsse, & si quæ vera habet, ex veteribus descripsisse, suppressis eorum nominibus & libris, demonstrant: Viri certè undiquaque doctissimi, multarumque rerum experientiâ gravissimi: quibus *Telestem* quoque accensio magni iudicii virum.

Venio denique ad *Joannem Franciscum Picum*, *Mirandulæ* Dominum, & *Concordiæ* Comitem, seculi sui Phœnicem, qui sex libris vanitatem doctrinæ Gentium examinat, & tribus posterioribus non nisi *Aristotelem* ad censuram vocat: Et incertam quidem ac in plerisque falsam esse *Aristotelis* doctrinam quarto libro ostendit; I. E sententiis multorum *Philosophorum*, qui sectarum principes existere: cap. 3. II. Ex modo scribendi: cap. 7. III. Ex testimonio *Theophrasti*, *Andronici*, *Simplicii*, *Porphirii*, & aliorum: cap. 5. IV. E perpetua interpretum pugna: cap. 8. V. E *Christianis* Theologis probatissimis & antiquissimis: cap. 9. VI. E *Christianis* Theologis junioribus: cap. 10. VII. Ex multis *Aristotelis* erroribus: cap. 11. VIII. Ex fundamentis quibus nititur: cap. 12. IX. E propriis *Aristotelis* confessione: cap. 13. Hæc ferè summa est quarti libri. in quinto libro multis adversus demonstrationem *Aristotelis* disputat. In sexto doctrinam ejusdem *Physicam* examinat, & plurima in eâ contineri incerta & falsa monstrat, cum rationibus, tum autoritatibus.

Quod si quis fortè miretur, quid factum sit quod superioribus temporibus in tanta autoritate & æstimatione fuerit *Aristoteles*, respondet *Picus* lib. 4. cap. 2. nihil magis in causâ sibi videri quàm ignorantem, & *Arabum* *Maurorum*que quorundam ruditatem & incultam barbariem, qui in id inpegerunt quod 1. De generat. & corr. vitandum

subinnuit *Aristoteles* αὐτῶν ὁλῆα ἐμπλέξαντες ἀποφύγονται πᾶσι.

Ostendit ibidem, *Athenis* adhuc stantibus, & imperio Romano florente, *Platoniorum*, *Stoicorum* & *Pyrrhonicorum* magnam fuisse existimationem. Postquam verò corruerunt *Athenæ*, & *Roma* in prædam Barbaris data, migrâsse *Græcorum* aliquot *Philosophorum*, & imprimis *Aristotelis* & interpretum, exclusis *Latinis*, libros ad *Arabas*, *Mauvos*, & *Hispanos* eos, qui *Arabum* utuntur linguâ, ibidemque in linguam *Maurorum* & *Arabum* conversos: è quibus philosophati *Alpharabius*, *Averroes*, *Avicenna* et alii, qui reliquis privati libris, malè persuasi solum esse *Aristotelem* qui veritatis lucem è tenebris eruerit, hoc unum egerunt, ut omnem Ingenii vim in illo intelligendo et interpretando, passis quasi velis, effunderent. Hinc immodica illa *Aristotelis* Encomia quæ ex *Averroes* suprâ citavimus. Sic ergò factum putat *Picus*, ut plerasque, ab illis temporibus, cathedras occupârit *Aristoteles*, ab interpretibus ad cælum usque vectus: quando nihil tam abjectum, quod non in pretio habeatur, si eorum qui literas callent consensus accesserit; nihil tam elatum, quod eodem consensu facile non deprimatur.

Alii, qui de eodem argumento disserunt, existimant *Aristotelem* per aliorum ruinam gradum sibi fecisse ad gloriam suam, coemtis partim ipsorum manuscriptis, (paucos enim *Spensippi* libros, post mortem ejus, emit talentis tribus, hoc est, coronatis 1800.) et in suos deinde commentarios redactis, partim etiam sententiis ipsorum excogitandis, malâ fide referendis, et in contentum vulgi adducendis, ut minor de iis asservandis cura esset. *Ludovicum Vivem* hic laudo, De caus. corrupt. art. lib. 1. cujus verba digna observatu: *Aristoteles* Peripateticorum princeps, utinam in gloria appetenda fuisset paulò moderatior, quæ illi haud dubiè commigisset amplissima, qui inventorum diligentia & acumine priores omnes antecederet, potuisset nobis relinquere multa à priscis sapientia studiosis acutè & prudenter excogitata. Sed ille, ut indefesso illo suo studio omnes, quæ quot ante se aliquid scripserant, evolverat, legerat, excusserat; ita neminem præterivit, quem non carperet, ratus tantum inde se derivaturum gloriæ, quantum aliis omnibus ademisset, tanquam sublimior esset cæteris, acutiusque ac longius prospiceret. Carpit quidem plerumque meritò, in quo ingentem meretur laudem, quod falsas aliarum opiniones tanquam periculosa loca indicârit: sed nunquam affectatè, interdum non circa calumniam, in quo eum multi inceserunt. Hæc *Vives*. Qualis verò erga priores & præceptores suos fuit *Aristoteles*, ta-

lis in ipsum quoque *Aristoxenus* discipulus fuit; qui, *Suidâ* teste, relictis posteritati libris de omni disciplinarum genere, scripsit, *Aristotelem* fuisse levem, audacem, perulantem, insipientem, indoctum, hominem invisum, qui pretiosam tabernam medicam clauferit, et in quamvis aulam et scenam infilerit; voracem, lurconem, ad palatum omnia referentem. Eandem ferè, qui in Scholis hoc seculo corruptissimo docemus, gratiam à nostris discipulis reportamus. Sic ergo tandem factum, ut solius *Aristotelis* nomen exaudiretur, postquam omnis reliquorum memoria fuerat sepulta, monumenta abolita, dogmata depravata.

Habet et aliud incertitudinis doctrinæ *Aristotelicæ* argumentum *Picus*. Nam si maximè omnia in *Aristotele* fuissent summa, ejusque ingenium extra omnem erroris aleam positum, cui quævis naturæ arcana fuissent exploratissima, in salvo tamen doctrinam Peripateticam nondum esse contendit *Picus*; eò quòd multis modis incertum sit, an ullum habeamus librum qui ab *Aristotele* fuerit compositus: quod quibus argumentis probet, videatur allegato lib. 4. cap. 4. Unum ex iis referre libet. Præmia etiam in causâ fuerunt, ut *Aristotelici* libri corrumperebantur, et pro iis alii supponerentur. *Philadelphus* enim *Ptolomæus*, *Ægypti* Rex, magna iis præmia constituit, qui in regiam bibliothecam *Alexandrinam* libros *Aristotelis* intulissent: quibus adeò quærentium studia sunt excitata, ut quadraginta *Analyticorum* libris sub *Aristotelis* nomine in câ reperti fuerint. Nempe ut à Rege auferrent munera, nihil non *Aristoteli* tribuerunt falsarii. Hinc ipse fatetur *Ammonius*, lucri spe multos Regi oblatos libros sub *Aristotelis* nomine, de quibus nunquam cogitaverat *Aristoteles*. Forfan & nomen multos decepit: à *Lactio* enim 8. *Aristoteles* citantur. Ad sermonis *Aristotelici* genium provocantibus quid respondeat *Picus* in capite allegato videatur. Sed si maximè aliquos habeamus libros qui rectè *Aristoteli* inscribantur, nihilominus tamen adhuc incertum esse contendit *Picus*, utrùm in illis libris sit aliquid quod sincerè *Aristotelis* sit; nec internosci posse, quid ejus proprium, quid alienum & supposititium: quod quâ probet ratione, videatur cap. 5. Inprimis autem lamentabilis est calamitas quæ libris *Aristotelicis* accidit, cum post mortem ejus, metu *Regum Attalicorum*, terræ defoderentur: Unde seculis posterioribus eruti, à tinea & blattis erosi, & terrestri humiditate corrupti sunt inventi, magisque dein ac magis doctorem pariter ac indoctum conjecturis & commentationibus depravati: adeò ut pauca in iis sana reliqua permanerint. *Strabo* lib. 13.

XVI. Hactenus partium de *Aristotele* judicia. Nobis hic medio tutissimum videtur ire. Et primum quidem nimix illæ *Aristotelis* insectationes nullo modo nobis probantur. Virum fuisse doctissimum, ingeniosissimum & laboriosissimum, scripta ipsius testantur etiamnum exstantia; Quæ quancumque tandem subierint fortunam, certum tamen est, multa cum de aliis Philosophiæ partibus, tum de Natura imprimis præclare in iis differi, & ingeniosè ac luculenter demonstrari: ut optimè de scientia Naturali meritis *Aristoteles* jure suo dici possit, nec laude suâ defraudari debeat, nè in iis quidem omnibus in quibus à vero aberravit: Præsertim cum ipse quoque *Aristoteles* 2. *Metaph.* 2. gratias esse agendas dicat vereribus, iis etiam qui minùs accuratè de rebus disputarunt: cum aliquid & ipsi ad scientiam contulerint, habitum posteriorum exercendo: si enim *Timotheus* non fuisset, plurimum melodiæ neutiquam haberemus; si tamen *Phrynis* non extitisset, nè *Timotheus* quidem fuisset. Sic & *Polybius* lib. 3. hist. monet veterum errores esse corrigendos, non ut autores incuses, aut in eos inveharis, sed laudes potius, & sic apud recogites, Etiam illos, si ad hanc ætatem pervenissem, multa, quæ scripserunt fuisse emendaturos & mutatuos. Suam igitur *Aristoteli* laudem nequaquam invidemus: Interim tamen insolentiores nobis voces videntur eorum, qui ita *Aristotelem* laudant, ut omnes alios mortales ad ipsum collatos, nil nisi umbras esse dicant.

ὅτι μὲν ποταμοὶ καὶ ἡ θάλασσα :

in quem collatum esse dicunt, cujuscunque capax est humanum genus: qui nihil ipsum ignorasse, in nullo errasse clamitant: qui finem humani intellectus prædicant: qui normam scientiæ naturalis constituunt, à qua defletere sit nefas; à qua qui abeant, sint inepti Milvi, Corvi, Vultures, Noctuæ & Vespertiones: qui unicum sit oraculum, ex quo omnia naturæ mysteria sint cognoscenda: cujus sensa assequi summa sit sapientiæ; nescire vel non curare, stultitiæ & ruditatis: contra quem disputare sit insanire. In Philosophicam libertatem & humani ingenii excellentiam quàm iniqui sint hi *Aristotelici* sapientiæ admiratores, res ipsa loquitur. Homo fuit *Aristoteles*, cui errare tam fuit proclive quàm iis qui ipsum antecesserunt & secuti sunt. Et verò in multis errasse ipsum, nè amatores quidem ipsius ingenui audent inficiari. Scio, inquit *Pererius* l. 5. c. 1. cum & ignorasse multa, & in plurimis gravissimisque Philosophiæ quæstionibus vel hastrasse, vel à vero etiam aberrasse. Idem nobiliores ipsius interpretes fatentur, qui à Magistro sæpenumero dissentiant:

ut pluribus ostendit *Picus*. Hæc ipse *Scaliger*, qui uni surgit *Aristoteli*, & supra humanam sortem eum evehit, ubique Ducem sequitur: etsi alibi parum considerate ait, se malle cum *Aristotele* errare, quam rectè cum nescio quo alio sentire. Ad quam sententiam multi hodie suffragatione suâ accedunt, qui tanti in Philosophia *Aristoteli* faciunt quanti in Theologia Scripturam, & plus in textibus ejus enarrandis & sensibus pervertigandis insunt tempore quam in ipsis naturæ mysteriis indagandis, ad portum se delatos rati, & extra omnem erroris aleam constitutos, si mentem *Aristotelis* sint ascendi: Unde & supra modum in eos debacchantur, qui aliam philosophandi viam ineunt, & scientiæ potiùs quam *Aristotelis* studiosi haberi cupiant: sordet ipsis, quicquid *Aristotelicum* non est; quia nihil rectum esse opinantur, nisi quod *Aristotelicum*. Videre hæc est & audire plaustra convitiatorum, quæ evolvunt vel in *Ramum*, vel in alium quemvis, qui *Aristotelicum* dogma vel deserit, vel impugnât. Longè alia *Ciceroni* mens fuit: *Tantum abest, inquit, ut scribi contra nos volumus, ut etiam maxime optemus. In ipsa enim Græcia Philosophi in tanto honore non fuissent, nisi doctissimorum contentione dissensionibusque vigerent.*

XVII. Hactenus de *Aristotele*, quem in nostris quoque Physicis contemplationibus audimus, ubicunque veritatis partes defendendas suscipit, aut probabilius quàm alii de rebus naturalibus differit: nostro tamen usi iudicio, qui alios suo abundare sensu facile patimur, dummodo in nobis non vituperent quod in se ipsis admirantur.

Natus *Aristoteles* anno mundi 3588. à nato *Platone* 44. *Alexandri* M. præceptor factus, anno ætatis 44. mortuus anno conditi mundi 3651. anno ætatis suæ climacterico, 63. Circa cujus mortem duo quoque sunt memorabilia: Unum est, quod, cum extrema sibi ingrære præsensisset, dolore ac spe in lacrymas profusus primæ, ut fertur, Cause misericordiam intensus imploraverit; *Eus enim, miserere mei.* Sunt etiam qui dicant vehementer eum approbasse illam *Homeri* ex *Odyssæa* sententiam, quâ non esse immortalibus Diis indecorum promunciat, hominis induere naturam, quod ab æonibus servantur mortales: *Quid in re, inquit, Cælius, Christi præsensisse adventum auguratur nonnulli ejus edri gloriæ imprimis additi.* Alterum, quod, cum expirasset, ab altantibus Scholasticis acclamatum ipsi sit, *Qui Philosophorum animus excipit, & non colligit in suis recondens thesauris, in animam addocet recti hominis & perfecti, qualem te novimus: Cælius Rhodiginus ex autore lib. De pomo. Itâ tandem ab Arist. discendum.*

XVIII. Discipulum *Phisocis* *Aristoteles* reliquit *Theophrastum*, cui de Plantarum naturis egregia multa debet Naturalis scientia: Quæ alterum quoque parem agnoscit *Plinium*, quem nunquam satis laudatum virum *Scaliger* appellat, *Exerc. 141. S. 7. qui opus nobis dedit diffusum, eruditum, nec minus varium quàm ipsa est natura, ut alibi scribit Plinius Junior.* Alii tamen ante hunc quoque celebres fuere Physici, quibus multa posteri debent: quales, *Thales, Thercydes, Anaximander, Anaximenes, Anaxagoras, Archelaus, Speusippus, Xenocrates, Strato, Heraclides, Anisibenes, Zeno, Empedocles, Epicharmus, Hippasus, Philolaus, Heraclitus, Xenophanes, Parmenides, Melissus, Leucippus, Democritus, Diogenes, Mnestor*: de quibus plerisque *Laertius*. *Plutarchus* quoque laude dignissimus est.

Nec suâ defraudandi laude interpretes *Aristotelis* qui ad Naturæ studium, duce *Aristotele*, multa contulerunt, *Græci, Arabes, Latini.* Inter Græcos excellunt *Alexander Aphrodisæus & Simplicius.* Inter Arabes, *Averroes & Avicenna.* Inter Latinos Scholasticos, *Albertus Magnus, Thomas, Scotus & Augustinus Niphus.* De singulis *Aristotelis* interpretibus *Græcis, Arabibus & Latinis* vetustioribus, exquisitum videatur iudicium *Joannis Pici Mirandulani*, in oratione quæ subijcitur Apologiæ ejus. Recentes innumeri penè: quos inter haud postremo loco numerandi, *Zabarella, Pererius, Mercenarius, Piccolomineus, Vicomercatus, Patres Conimbricenses.*

XIX. Sunt &, præter *Aristotelis* interpretes, præclarissimi alii viri, qui vigiliis suis rerum naturalium scientiam illustrarunt, quos inter principum locum vindicare sibi videtur Vir Princeps *Julius Caesar Scaliger*, Magister ille Sublimitatum, & Naturæ indagator solertissimus, cui plurima Physicæ nostræ contemplationes debent. Quis enim hoc viro sublimius de rebus naturalibus differit, ubi ex professo differit! Maxima in eo fuit experientia, &, quod mireris, in castris, inter lituos fere nata. Immensa lectio, ut, non minus quàm *Aristoteles, Anagnostes & Zalmoxis* rectè appellari possit. Quicquid *Græci*, quicquid *Arabes*, quicquid *Latini* de Natura prodiderunt, id totum exhausti *Scaliger*: ut in *Exercitatione 10. de seipso* testatur; Ingenium accuratissimum & subtilissimum, quod nulla fugit subtilitas. Aded ut in præfatione scribat *Crato*: *verè sic statuere, quicunque rectè judicant, & magnarum rerum usu præditi sunt, nihil ingenio Scaligeri P. nostro seculo, præstantius existisse, neminem ad summam doctrinæ excellentiam propius accessisse.* Desiderium tanti viri, in hac quidem palæstra Physicæ

Physica, ut tantò æquioribus seramus animis, exotericarum De subtil. Exercitat. lib. 15. faciunt, & commentarii in Theophrastum, quibus grati fruimur, & inde in nostros agellos derivamus quæ possumus. Quæ verò illa temporum iniquitas, quæ nobiles Exercitationes ejusdem viri nobis abstulit, quarum in exotericis frequens mentio ! Aut quis Cereberus ille, qui aureum hunc ramum, si in rerum adhuc est natura, & hominum potestate, nobis invidet ? Laxate tandem claustra, & effringite repagula, quibus thesaurus hic captivus, in hanc usq; horam detinetur. Lucem non negate porro ei qui dare lucem mortalibus possit, nisi in tanti vivi Manes & omnem posteritatem omnium ingratis illi audire deinceps velitis. Problemata ejusdem jam taceo, & alia quæ de plantis & animalibus scripsit, quæ scientia, cujus studium & amorem profitemur, etiamnum desiderat. Scaligoro Cardanum subsidio virum doctissimum, & de Naturæ studio optimè meritum, etiam si in multis multorum expectationi non satisfecit.

XX. Denique agmen hoc claudant Viri immortalis laude digni, Gesnerus, & Ulysses Aldrovandus, historiæ naturalis de Animalibus scriptores diligentissimi & accuratissimi : Quibus in Plantarum historia illustranda par Matthiolus : in Metallicis, Agricola.

THESIS V.

Materia Physicæ, uti hic consideratur, sunt præcepta de rebus naturalibus scientificæ, è quibus integrum systema constituitur.

*ENDEOTIC.

De materia Physicæ propriè sic dictâ hic agimus; quæ aliàs dici solet, ex qua & sola materiæ, tanquam causæ, nomen meretur. Cum igitur non ipsâ scientiæ habitum hic tradamus, sed systema duntaxat methodicum, è cujus diligenti lectione & meditatione habitus comparari potest, materia ejus alia assignari non debet, quam præcepta de rebus naturalibus scientificæ, ex his enim solis systema Physicû conflatur.

Qui corpus naturale aiunt materiam Physicæ esse, materiæ vocabulo abutuntur, & ad Subjectum significandum traducunt, quod aliàs materia circum appellari solet. Sed, ut dictum, materia propriè dicta nulla est nisi ex qua.

THESIS VI.

Forma Physicæ hujusce *μεθυσματα* est legitima & methodica tractatio & dispositio præceptorum de rebus naturalibus, à generalibus & notioribus ad specialia &

ignotiora procedens, demonstrationibus ubique illustrata evidentibus, ex ipsâ rerum naturâ, experienciâ & ratione duce, petitis, & captui discientium accommodatis : Indignant hoc termini *δένσις* & *ἐνδένσις* ubique adhibiti, & numeris distincti.

*ΕΝΔΕΟΤΙC.

I. Disciplina vel scientia, quæ methodicè disposita non est, non disciplina vel scientia, sed confusum potius chaos æstimari debet. Est igitur anima scientiæ Methodus, quâ sublarâ, non nisi cadaver scientiæ reliquum est. Imò totius vitæ humanæ fax est ordo, quâ extinctâ, horridis omnia tenebris involvuntur ; unde haud immeritò Xenophon, *Ὁ δὲ θεὸς ἐστὶ ἐν ἡμεῖς, ἐστὶ γὰρ δὲ ἀνθρώποις ἐν βίῃ, αἵ τὴν πύξιν.*

II. Perpetua Methodi lex est, à generalibus, tanquam notioribus, ad specialia, tanquam ignota, procedere. Generalia sunt, quæ pluribus inferioribus communia sunt : Specialia, quæ paucioribus. Sic Corpus est quiddam generalius quàm Cœlum, vel Elementum, vel Corpus mixtum.

III. Notiora sunt generalia, quæ distinctè & perfectè in scientia cognosci possunt, specialibus in eadem scientia non cognitis. Ignotiora, specialia, quæ distinctè cognosci nequeunt, nisi generalibus cognitis. Sic. e. g. in Physicis, Animal est notius Homine, quod distinctè cognosci potest, etiam propriâ hominis naturâ non cognitâ, cum homo ad animalis constitutionem non concurrat : Animal enim est, etsi homo non est. Homo verò ignotior est animali, quia hominis natura perfectè cognosci non potest, nisi prius animalis natura sit cognita : Hæc enim ad hominis constitutionem concurrunt, quia nullus est homo, quin idem sit animal. Sic Corpus naturale, in Physicis, omnium notissimum est ; quia nihil se habet superius, cujus tanquam generis naturam participet : reliquæ verò omnes species ignotiores sunt, quia corporis naturam omnes participant.

IV. Non nudis autem præceptis methodicè dispositis tractationem hanc absolvere nobis est animus, sed quoad res permiserit, ubique præcepta perspicuis demonstrationibus & exemplis è rerum natura petitis illustrare : ut utili miscetur dulce, & tædiû, quod lectori forte an aut discenti possit oboriri, è nudo præceptorum sxeleto, aut disputationibus etiam subtilioribus, de rebus naturalibus in genere consideratis, diluatur, inductione exemplorum è naturali historia depromptorû, quæ mirè lectorem afficiunt

ficiunt & discentem alliciunt; dum nempe ab universalium contemplatione subinde revocatur ad sensuum objecta singularia, è quibus primum nata scientia, quibus etiam tanquam primis fundamentis præcepta & demonstrationes merito illustrantur.

V. Patet hinc quodnam philosophandi genus, in hac *peripatetica* Physica, nobis arrideat, nempe *perspicuum, facile, jucundum*; quod nullis ænigmatibus, nullis vel *Pythagoricis* vel *Platoniciis* numeris involvatur; accommodatum captui juventutis.

Occurrit mihi hic obscurissima philosophandi ratio à veteribus inventa & usurpata, *Pythagoræ*, inquam & *Platonis*, horumque asseclis. Est illa ex numerorum scientia petita, ex qua omnia, de divinis & naturalibus rebus, problemata resolvere, & invitatis demonstrationibus Arithmeticis assertiones divinas & naturales confirmare vel infirmare aggressi sunt magni viri. Quæ causa est, quòd *Plato*, in *Epinomide*, inter omnes liberales artes & scientias contemplativas, præcipuam maximèq; divinam esse dicat numerandi scientiam, & quærenti, quare homo animal sapientissimum sit, respondeat, quia numerare novit. Scribit quoque *Albumasar*, *Averroë* *Babylonii* fuisse verbum, *Omnia eum nòsse qui numerare nòssent*. Quàm vulgarem & mercatoriam fuisse Arithmeticam, non est quòd quisquam sibi persuadeat: à quo etiam errore concipiendi dehortatur *Plato*. Hanc philosophandi & disserendi rationem ad nostra tempora non pervenisse, nisi quòd pauca demonstrationum hujusmodi Arithmeticarum essent exempla, queritur *Joannes Picus Mirandulanus*. Gloriatu r tamen post multas lucubrationes, circa annum ætatis, credo, XXI. aut XXII. à se rursus inventam. Ità in stupenda illa disputatione quæstionum 900, quam juvenis XXIV. annorum in Gymnasio Romano veteranis examinandam proposuit, ad quam externos quoque, si quibus fortè super iis publicè cum ipso liberet conferre, humanissimè invitavit, pollicitus impensas se soluturum iis qui disserendi gratià è locis remotioribus *Romam* se contulissent: In illa, inquam, disputatione, 74 quæstiones è *Physicis* & divinis præcipuas proposuit, ad quas per numeros se publicè responsurum promisit ingenium planè divinum & singulare. De hac Arithmetica Philosophia *Pythagoræ* & *Platonis* egregiè disserit quoque *Franciscus Vallesius*, Sacræ Philosoph. cap. 70. ad cap. 11. Sap. Omnia mensurà, & numero, & pondere disposuisti. Nobis placet Aristotelica philosophandi ratio, quæ facilior & ad captum juventutis longè accommodatior. *Pythagoricam* vix capiunt, nisi sublimitas & exercitata ingenia, quibus subtilitates illas non invidemus.

VI. Aliam quoque de methodo quæstionem

moveri video, *An nempe analyticà quoque methodo tradi possit Physica?* Duas Peripateticas methodos esse docent, *Syntheticam* & *Analyticam*: Illà aiunt disciplinas contemplatrices disponi; ità ut à subjecto contemplationis universali progressus fiat ad particularia, à simplicibus ad composita: istà operatrices, ità ut à notione finis fiat progressus ad notitiam mediorum, per quæ finis in subjectum introducitur.

De quæstione igitur, *An disciplinæ contemplatrices analyticà quoque methodo doceri possunt?* acerrimè non ità multos ante annos, inter nobile Philosophorum par, *Zabarellam* & *Piccolomineum*, est disputatum: illo negante, hoc affirmante. Acies utrinque ad pugnam productæ & instructæ etiamnum exstant, apud *Zabarellam*, lib. 2. De Methodo, cap. 7. & 8. & lib. 2. Apolog. cap. 4. & 6. apud *Piccolomineum*, in introductione ad civilem Philosophiam, & Comitè Politico. Nos etsi in recepta & Peripateticis usitatà Physicæ tractandæ methodo lubentes acquiescimus, exercitii tamen gratià sequens argumentum proponimus, quod specie non videtur carere: Ea disciplina analyticà methodo doceri potest, in qua à finis notione ad mediorum notitiam progressus datur: At qui in Physica à finis notione ad mediorum notitiam progressus datur: Ergò &c. Propositio analytica methodi definitionem continet, quam ex Aristotele depromit *Keckermannus* lib. 3. Syst. Log. cap. 1. Assumptio probatur è duabus hisce hypothefibus: I. *Disci à nobis Physicam ob finem aliquem*. Cum enim & bruta, imò ipsæ quoq; res inanimatæ, actionibus suis certos habeant præstitutos fines, secundum vulgatum illud, *Natura nihil facit frustra*; nòne absurdum fuerit affirmare, frustra, & tanto quidem labore, ab homine Physicam addisci. II. *Esse media seu principia, per quæ finem hunc assequamur*. Nec hoc negaverit, qui tanto conatu omnibus penè seculis disciplinæ hujus fini acquirendo incubuisse homines, eumq; assecutos, non ignoraverit. Nam si impossibilia se tentare credidissent, cœpto maturè abstinuissent, nec voti compotes unquam facti fuissent. Utamque hypothefin largitur *Zabarella*, cap. 6. De constit. scientiæ naturalis. E duabus igitur hisce hypothefibus ità concludo; Quæ disciplina certum habet finem, & media hujus acquirendi certa, in ea à notione finis ad notitiam mediorum licet methodicè progredi: At Physica finem habet certum, nec non media ejus acquirendi: Ergò.

THESIS VII.

Finis est principalis, vel minùs principalis.

THESIS VIII.

Principalis & internus est cognitio re-

rum

rum naturalium jucunditatis plenissima.

En Deo.

I. Est hæc sententiarum contemplativarum natura, ut proprium & adequatum finem alium nullum habeant, nisi subiecti sui cognitionem, quo abeunt à Practicis, quæ non in *voluptate* acquiescunt, sed ad *voluntatis* operis vel *delectationis* contendunt.

Thefin verò nostram egregiè confirmat Cicero l. 5 De Finib. Qui propter animi voluptates coli dicunt ea studia, quæ dixi, (loquebatur inprimis de rerum naturalium studiis) non intelligunt idcirco ea per se esse expetenda; quod nullâ utilitate objectâ, delectentur animi, atq; scientiâ ipsâ, etiam si incommoda natura sit, gaudeant. Luculentissima hæc sunt veterum Philosophorum exempla: Opes enim pleriq; Philosophi contemserunt: quarum jacturâ scientiam redemisse pars felicitatis maxima ipsis erat. Anaxagoras, post diuturnam peregrinationem scientiæ comparandæ causâ institutam, domû reversus cum possessiones suas desertas vidisset, Non essem, aiebat, ego saluus, nisi istæ periissent. Nam si prædiorum potius, subjecit Valerius, quàm ingenii culturæ vacasset, dominus rei familiaris intra Penates mansisset, non tantus Anaxagoras ad eos redisset. Democritus Abderites, mortuo Patre Damasio, qui Xerxis exercitui epulum dare potuit, duobus suis fratribus patrias opes reliquit, non nisi viatico ex iis sibi destinato, quo disciplinæ causâ, ad Ægyptos, Chaldaeos, Indos & Græcos profectus est: tandem etiam oculos sibi eruit, ut sapientiæ semina absq; ullo impedimento excolere posset: nimirum ut animo cerneret, parvi oculorum jacturam fecit. Anacharsis, relicto fratri suo Scythiæ regno, in Græciam scientiæ gratiâ migravit. Quanto periculo scientiam Plinius acquisiverit, videatur apud Plinium Juniores, Epist. lib. 6. epist. 16.

II. Esse verò jucunditatis plenissimam hanc cognitionem res ipsa loquitur, & eleganter Cicero eloquitur, lib. 2. quæst. Academicarum: Est, inquit, animorum ingeniorumq; naturale quoddam quasi pabulum, consideratio contemplatioq; naturæ. Erigimur elatores fieri videmur humana despiciamus, cogitates supera atq; cælestia; hac nostra, ut exigua & minima, contemnimus. Indagatio ipsa rerum tum maximarum tum etiam occultissimarum habet oblectationem. Si verò aliquid occurrat quod verisimile videatur, humanissimâ completur animus voluptate. Idem 5. Tull. quæst. Nihil est dulcius orio literario, his dico literis, quibus infinitatem rerum atq; naturæ, & in hoc ipso mundo, cælum, terras, maria cognoscimus. Eandem in rem videatur Arist. l. 1. De partibus animal. c. 5. Plin. l. 18. c. 15. & l. 15. c. 15. Sen. l. 6. Quæst. nat. Sed ante hos longè voluptatem sensit David Regius Propheta, Psalmo 92. cum ait, In operibus Manuum tuarum exultabo.

III. Appellatur igitur hic finis internus, quia ex ipsis scientiæ fontibus, & rerum consideratarum natura promanat. Unde idem Cicero eleganter: Quocirca intelligi necesse est, in ipsis rebus: quæ discuntur & cognoscuntur, invitamenta inesse, quibus ad discendum cognoscendumque moveamur.

THESIS IX.

Minus principalis & externus est, usus multiplex quem præstat Physica aliis disciplinis, Theologiæ, Jurisprudentiæ, Medicæ, Ethicæ.

En Deo.

I. Et si Theologia Physicæ limites quàm longissimè transcendit, insigniter tamen illam Physica quoq; illustrat, cujus lumen penitus haud aspernatur. Quoties enim ad naturâ nos amandant Sacre literæ? quoties Naturæ thesauros ostentant; & ad indaginé accuratorem tacitè nos adhortantur, jubentq; per rerum creaturarum scalas ad ipsam Divinitatem ascendere? Videatur Sapientiæ liber cap. 13. & Paulus ad Rom. 1. Regius Psalter ad rerum naturalium contemplationem quoties divertit & exinde ad Divinæ veritatis & sapientiæ admirationem rapitur? Taceo quòd multi Scripturæ loci, attestante Damascio, cap. 2. Phys. Christ. inaccessi & impervestigabiles, absq; scientiæ hujus lumine, videantur. Ostendit idem aureo Sacre Philosophiæ libello Valesius. Peculiari libro usum Philosophiæ naturalis in Theologia non ità pridè Robertus Bellarminus eleganter ostendit, & per rerum creaturarum scalam quindecim graduum mentem in Deum ascendere docuit. Pertinet huc Itinerarium mentis in Deum à Bonaventura olim exhibitum.

II. Jurisprudentia quoties jus naturale allegat, & ad animantium Politicâ provocat, toties Physicæ scientiæ sua submittit sceptrâ. Accedunt & aliæ de partu humano, & cædibus controversiæ in jure frequentissimæ, quæ absq; Physicæ auxilio rectè decidi nequeunt.

III. De Medicæ arte manifestior est res quàm ut demonstratione egeat. Medicus enim, qui Physicus non est, artis suæ principia, medicamentorum vim, & actionum Medicarum causas ignorat. Unde Simplicius; Physicæ usus in eo cernitur, quòd Medicinæ principia subministrat.

IV. Ethica quoq; Physicæ ope nequit carere, cum de virtutum moralium subiecto disputat, sive id appetitûs an intellectûs; cum affectuum doctrinam tractandam suscipit.

V. Finis hic appellatur externus, quia extra scientiæ Physicæ ambitum est constitutus, nec è rerum consideratarum natura necessariò fluit. Constaret enim Physicæ sua perfectio & integritas, etiam si usus hosce in alias disciplinas non derivaret.

C

CAP.

CAPUT III.

De Subiecto Physica.

Subjectum Physicæ. *Thes. I.* Dux subiecti scientifici partes, materiale & formale. *id.* Materiale subiecti Physicæ. *Thes. II.* Variæ sententiæ de subiecto Physicæ: *id.* 1. Vera sententiæ demonstratio: *ibid.* Examen aliarum sententiarum. 2. An materiale & formale subiecti æquè late parere debeant. 3. Argumentum Thomæ, quibus ostendit Ens esse subiectum Physicæ. 4. Solvuntur. 5. Formale subiecti Physicæ. *Thes. III.* Naturale tribus modis accipitur: *id.* 1. Sententiæ variæ circa formale subiecti. 2. Demonstratur vera sententiæ: *ibid.* An Corpus Naturale sit genus univocum respectu cælestium & inferiorum corporum: 3.

THESIS I.

Hactenus causæ scientiæ Physicæ, Subiectum hoc est, id in cuius explicatione scientia hæc occupatur, & in definitione exprimitur, est Corpus naturale, quæ naturale: Ubi materiale & formale considerandum.

En De m.

Duo membra sunt subiecti scientifici. 1^m est materiale, seu res ipsa considerata: 2^m est formale, hoc est, modus considerandi. *Zabarella* 1. De nat. Log. & in lib. De Præcogn. item in lib. De const. Phys. cap. 2.

Subiectum, quoad materiale suum pluribus scientiis potest esse commune: per formale autem ad certam quandam & unicam scientiam restringitur. Sic, exempli gratiâ, circa Hominem versatur *Physicus*, versatur *Medicus*, versatur *Ethicus*, versatur *Iureconsultus*, versatur deniq; & *Theologus*; sed modis considerandi diversis, ne diversæ facultates & scientiæ confundantur. *Physicus* igitur Hominem considerat, quæ corporis naturalis est species, animâ constans & corpore, tanquam principiis internis, unde affectiones omnes naturales fluunt: *Medicus*, quæ sanitati corporis est restituendus, vel in ea conservandus: *Ethicus*, quæ virtutibus moralibus est imbuendus & ad felicitatem moralem evehendus: *Iureconsultus*, quatenus ab iniuriis externis defendendus: *Theologus*, quæ ad felicitatem supernaturalem perducendus.

THESIS II.

Materiale est Corpus naturale.

En De m.

I. Non inanis est quæstio de subiecto scientiæ, cum (ut alibi citâ in libro De constitutione naturalis scientiæ *Zabarella*, & cum hoc melior Philosophorum pars, affirmat,) cuiusque scientiæ differentia à proprio subiecto sumatur, & per hoc propria cuiusque scientiæ natura constituatur, separareturq; ab aliis omnibus. Sententiæ Philosophorum de adæquato Physicæ subiecto, fuere plures. *Mathias Aquarius*, in Additionibus ad Quæst. *Ferrariensis*, in Phys. postquam in scientiæ subiecto duo dixit considerari, materiale nimirum & formale; pro materiali subji-

cit, alios corpus, alios substantiam, alios ens posuisse; pro formali, alios naturale, alios mobile, alios sensibile. Cum igitur è tribus in se multiplicatis novem resultant, novem quoq; de subiecto Physicæ refutarent opiniones, quarum singularum auctores recenset. *Zabarella* in lib. De scientiæ naturalis constitut. cap. 5. duas alias adjicit: eorum unam, qui corpus generationi & interitui obnoxium constituunt; alteram illorum, qui corpus naturale mistum. Duodecimam adjiciunt *Ramæi*, qui de substantia increata & crassa, incorporea & corporea in Physicis præcipiunt. Nos corpus naturale subiectum Physicæ esse contendimus, idque sequentibus argumentis probamus.

1. Corporis naturalis essentia completa tanquam subiectum adæquatum, vel certe ut ejus species, perfectè hoc est, per principia, affectiones & species, aut in *Metaphysica*, aut in *Mathematica*, aut in *Physica* explicatur: At nec in *Metaphysica*, nec in *Mathematica*, ut subiectum aut species, nec in *Physica* ut species explicatur: Ergo ut subiectum adæquatum in *Physica* attenditur. Propositio plana est. 1. Quia, cum humanæ rationis lumine cognoscatur, ad scientiam usq; aliquam contemplatricem pertinebit, vel ut ipsum subiectum, vel minimum ut subiecti species. 2. Quia tres tamùm vulgò disciplinæ theoreticæ numerantur. Assumptionem probat. In *Metaphysica* ut subiectum adæquatum non attendi, planum est: nec verò perfectam ejus, tanquam speciei, in ea scientiam tradi ex inde liquet, quod nec principia, nec affectiones, nec species ejus explicentur, nisi fortè cum *Metaphysica* Physicam monstròse confundas. De *Mathematica* res plana est. In *Physica* autem non tanquam subiecti speciem considerari, res ipsa loquitur, & praxis meliorum Philosophorum, qui Corpore naturali superius in naturali scientia nihil agnoscunt. Unde porro arguimus,

2. Rerum naturalium supremum & proximum genus subiectum est scientiæ naturalis: Atqui Corpus naturale supremum & proximum genus est: Ergo subiectum scientiæ naturalis erit. Propositio probatur: Quia ea Subiecti scientifici est natura, ut proximè omnia particularia scientiæ subiecta contineat, à nullo contineatur. Assumptio ex aliorum generum inductione

inductione manifesta est. Caelo namq; Elementis, Mixtis tam animatis quàm inanimatis, in genere consideratis, corpore naturali nullum aëribus potest proximus genus, cum *Ens* & *Substantia* remotiora sint.

3. Qui omnes Subiecti scientifici conditiones competunt ad naturalis scientiæ subiectum est. At *Corpori naturali*, vel, ut *Zabarella* mavult, *naturam habenti*, omnes conditiones Subiecti scientifici competunt: Ergo. Assumptio prob. Quatuor ab *Aristotele* in *Posterioribus Analyticis*, Subiecti conditiones assignantur: 1. ut sit præcognitum quod sit; 2. ut omnibus, quæ in scientia considerantur, sit substratum; 3. ut habeat principia, & accidentia demonstranda; 4. ut scientiæ sit adequatum, non excedat eam, nec ab ea excedatur. Singula hæc requisita in Corpore naturali se produnt. Primum enim esse corpus naturale, tam est notum, quàm quod notissimum. Deinde, omnibus, quæ in scientia naturali considerantur, substratum esse, ipsa dñt: quæcumq; enim sub hac cadunt scientiam, aut principia sunt corporis naturalis, aut accidentia, aut species. Præterea, habere principia & accidentia, sanæ mentis nemo inficiabitur; id enim sensus testantur. Deniq; scientiæ huic adequatum esse, ipsa præceptorum & aliarum scientiarum docet inspectio: Nulla enim scientiæ hujus pars est, in qua de corpore naturali non agatur: nulla alia scientia, quæ hanc sibi vindicet corporis naturalis considerationem. Hæc tamen nostra sententia.

II. Aliorum sententias quod attinet, eertum est à veritate *Rama* os longius abire, qui *Rem naturalem* scientiæ hujus subiectum constituunt: quam alii *naturam* appellant, & in *spiritum* ac *corpus* dividunt; *spiritu*, in *Deum* & *mentem*; *mentē* in *angelū* & *animum hominis*: Videantur *Scribonius* & *Snellius*, in *Partitionibus Physicis*. Qui cum *naturæ* vocabulo abutantur, & diversas scientias confundant, a melioribus Philosophis haud immerito reprehenduntur. Qui *Corpus* generationi & interitui obnoxium, aut *Mistum* tantum scientiæ hujus subiectum faciunt, in Scholis quoq; jam non audiuntur: Excludunt enim hi à consideratione *Physica* vel corpora coelestia tantum, vel etiam elementa simul; quæ tamen quasi fundamenta totius naturæ sunt, & non nisi ad scientiam naturalem pertinent.

Reliquæ sententiæ quas *Matthias Aquarius* recenset, ad veritatem propius accedunt; ut non tam in re quàm in verbis videantur discrepare: ut ostendit *Zabarella*, in lib. *De constitut. scientiæ natur.* cap. 3. & *Conimbricenses*, proemio in lib. *Phys.* cap. 4. art. 1. Si cui tamen subtilitas ardeat, prolixam harum sententiarum refutationem vi-

deat apud eundem *Zabarellam* in libri ejusdem cap. 4. & 5. *Pererius* lib. 2. *De Philosophia natur.* cap. 1. unâ rationes omnes hæc sententias refutat. Inter subiecti materiale & formale talis est proportio, qualis inter materiam & formam: Ut igitur unicuiq; formæ suæ responderet materia, sic & formali subiecti proprium materiale debet respondere, ita quidem ut neutrum altero latius pateat. Quod & *Zabarella* lib. 1. *De natura Log.* cap. 18. & lib. *De natur. scientiæ* constituit. cap. 3. docet. Atqui inter subiectorum horum materiale & formale talis proportio non reperitur: Materiale enim in omnibus latius patet formali: Nec enim quicquid *Ens* aut *Substantia* est, protinus naturale aut mobile est, ut quidem hoc loco voces usurpantur; cum *Baria* plurima non naturalia, non mobilia sint, ut *Deus*, *Angeli*.

III. Hæc tamen ratio à *Zabarella* & *Pererio* adhibita, quæ aiunt materiale non debere latius patere formali, argumentis haud levibus videtur oppugnari posse. Cum enim formale, seu modus considerandi, cum in finem addatur materiali, ut restringat materiale, & uni alicui soli scientiæ vel arti vendicet, sub certa considerandi ratione, patet utiq; ipsum materiale in se consideratum latius patere formali: cur enim per formale restringeretur? Deinde, cum subiectum idem ratione materialis pluribus scientiis commune esse possit, ut ostendimus supra ad thesin. 4. formale autem una duntaxat scientia vel ars sibi vindicet, iterum patet materiale latius patere formali. Denique non materia, quæ materia, æqualis est formæ, ita ut eâ nec latior sit, nec angustior, sed quatenus per formam restricta & limitata. Unde materia analogum quid generi à Logiciis esse dicitur. Patet igitur ex hoc ipso fundamento, subiecti materiale latius patere quàm formale, si talis ipsorum est proportio qualis materiæ & formæ.

Nobis tamen satisfacit *Zabarella* responsio: qui ait, non pugnare inter se hæc duo, *Modus considerandi est æqualis rei consideratae, & est angustior, illamq; coarctat, æquales enim esse, quatenus entia sunt, quæ extrâ animam existunt: attamen si alterum ut res sumatur, alterum ut modus, rem a modo coarctari, non ut rem, sed ut considerabilem. Æquè igitur latè dicuntur patere materiale & formale, non quod materiale sub uno tantum illo formali debeat aut possit considerari, sed quod nexus necessarius & reciprocus esse debeat inter subiecti materiale & formale in scientiis contemplativis; qui cum non sit inter *Ens* & *naturale*, vel *Substantiam* & *naturale* seu *mobile*, rectè illa repudiantur.*

IV. Habet tamen quod pro *Ente* suo contra nostrum *Corpus* alleget *Thomas*.

1. Subiectum in scientia supponitur: Atqui *Corpus*

pus non supponitur in Physica. Esse enim ab Aristotelem demonstratur, 6. Phys. cap. 3. t. 32. ubi demonstrat, omne mobile esse divisibile : & per consequens quoque corpus esse : quia divisibile convenit mobili, quatenus est corpus. Cum ergo demonstrat, omne mobile esse corpus, etiam demonstrat, corpus mobile esse.

2. Idem est subjectum scientiæ, & præcipua passionis quæ de subjecto demonstratur : Atqui subjectum motus, seu mobilitatis, quæ præcipua corporis naturalis est passio, *Ens* ab Aristotele assignatur, in definitione Motus ; qui dicitur, *Actus Entis* &c. Ergo.

3. Subjectum adæquatum debet complecti omnia quæ in scientia tractantur : Atqui *Corpus* non omnia complectitur : sunt enim multa mobilia, quæ non sunt corpora ; ut Materia, Quantitas, Qualitas naturalis.

4. *Aristotelis* expressè ait 6. Metaph. t. 1. Physicam versari circa *Ens quod habet in se principium motus & quietis*.

V. Sed facilis est responsio ad 1^m. Assumptionem negamus : Probatio falsa est. *Aristoteles* non probat, corpus esse mobile ; sed hoc supponit, 1. Phys. cap. 2. t. 11. *Nobis*, inquit, *supponatur, ea quæ sunt naturæ, aut omnia, aut quedam moveri : manifestum est autem ex inductione*. Deinde idem *Aristotelis* ait 2. Phys. t. 6. *ridiculum esse demonstrare, naturam esse* : Ergo ridiculum quoque erit demonstrare, corpus mobile esse, quod notius est. Denique nè, motum quidem esse, in Physicis demonstrari debere, contendit idem 8. Phys. c. 3. t. 22. Quid ergo demonstrat *Aristoteles* ? Nempe hoc demonstrat, mobile esse divisibile. Atqui ratione notitiæ, aliud est, omne mobile esse divisibile ; aliud corpus mobile esse : Hoc enim nemo negat, quia manifestæ veritatis ; nec ullâ eget demonstratione : Illud sunt qui negent : nonnulli enim etiam Angelos aiunt esse mobiles, quos tamen divisibiles esse negant : *Democritus, Leucippus, Epicurus*, etiam atomos dicebant esse mobiles, & tamen divisibiles esse negabant. Nec valet illatio, *Omne mobile est divisibile ; ergo & corpus est* ; Est enim divisibile, quod corpus non est, ut Linea, Superficies.

Ad 2^m. Ad assumptionem. *Ens* quidem ab Aristotele appellatur, sed corpus naturale intelligitur : quod de illis etiam locis judicandum est, in quibus scientiæ hujus subjectum constituit *Ens*, vel *Substantiam*. Ni enim inconstantia eum arguere velimus, oportet synonyma ipsi dicamus esse, *Ens Substantiam & Corpus* ; quod & Zabarella monet, De constitut. Phys. cap. 3. *Pererius existimat maluisse*

Aristotelem in definitione Motus *Ens* ponere quàm corpus, non quod corpus proprium motus subjectum non esset, sed quod nondum esset notum, omne mobile esse corpus ; quod 6. Phys. demonstraturus erat.

Ad 3^m. Propositionem distingo. Subjectum scientiæ adæquatum omnia debet complecti, sed non eodem modo, verum alia ut *species*, alia ut *principia*, alia denique ut *affectiones* : sic ergo Assumptionem negamus : Quicquid enim in scientia naturali traditur, id vel est corpus naturale in genere, quod subjectum est ; vel ejus principium ; vel *species* ; vel *affectio*. Probatio ad rem nihil facit : nam si formale subjecti est, *mobile*, non affectio per id, sed habens principium motus & quietis intelligi debet : quod nec materiæ nec affectioni ulli competit.

Ad 4^m. *Aristoteles*, ut supra diximus ad 2^m. minus accuratè loquitur : per *Ens* enim corpus intelligit, ut & per *substantiam*. Videantur *Conimbricenses*, in proœmio Physicæ, quæst. 4. art. 1. Unde ipsi quoque *Conimbricenses* *Ens mobile* subjecti loco habent.

THESIS III.

Formale est, quæ naturale.

* *Expositio.*

I. *Naturale* tribus potissimum modis accipitur. 1. Pro *essentia* : quemadmodum & *natura* pro *essentia* sumitur ; ut cum dicimus, hanc esse rei corporeæ vel incorporeæ naturam. 2. Pro *omni re pertinetive ad Philosophum naturalem* : sic principia quoque corporis naturalis dicuntur naturalia, & affectiones naturales. 3. Pro *eo quod habet naturam*, hoc est, interna naturalis motus & quietis principia, quæ sunt materia & forma corporis naturalis : quo significato hic quoque accipitur.

I I. In formali quoque constituendo, ut supra notavimus, Physici discrepant ; dum aliis *mobile*, aliis *sensibile*, aliis *corruptibile*, aliis denique *naturale* arripit ; plerique tamen vel *mobile* vel *naturale* pro formali habent : Nobis cum *Scoto, Toletto & Zabarella* non *mobile*, sed *naturale* placet. Rationes igitur pro *naturali*, contra *mobile*, damus hæc.

1. Quia vix vero simile est Autores per *mobilitatem* intellexisse *naturam* : cum & dura nimis sit *ἡ φύσις*, & ipsi fateantur ab affectione primaria corpus in Physicis denominari : Quod si ita, in difficultatem insolubilem & inexplicabilem incidunt, Cogentur enim fateri, modum considerandi, de re consideratâ, per medium naturale, in ipsa scientia naturali, à priori posse demonstrari : Mobilitas enim

nim.

nim seu aptitudo ad modum, à qua mobile vocatur corpus, immediatè fuit ab ipsa rerum naturalium natura : Unde porro sequetur, subjectum in scientia sua per causam demonstrari posse : quod uno omnes ore negant.

Si maximè per mobile, seu mobilitatem, principium motus intelligeretur, insufficiens tamen hæc esse limitatio : cum corpus non ut motus duntaxat principium habens, sed & quietis, in Physicis consideretur ; imò & aliis, præter motum & quietem, subjacet affectionibus. Regeant, satis esse passionem tantum positivam exprimere. Resp. 1. Quies non ut passio tantum privativa, sed ut positiva quoque attenditur. Scotus, in 4. Sent. dist. 48. quæst. 2. Durandus, ibid. quæst. 3. Scaliger, Exerc. 10. & Exerc. 298. §. 15. 2. Si in determinatione subjecti Physici satis est motum tantum exprimere, cur in Naturæ definitione non solius quoque motus mentionem fecit Aristoteles ? cur quietis expressè meminit ?

3. Modus considerandi clarissimè debet exprimere radicem passionem : At, quæ naturale, seu, naturam habens, clarissimè exprimit ipsam causam proximam nominando ; quod mobile non facit.

III. Est ergo subjectum scientiæ naturalis corpus naturale. De quo quæritur. Sine genium univocum respectu cœlestium & inferiorum corporum.

Quadruplex vulgò genus constituitur : Univocum, analogum, ab uno ad unum, æquivocum. Univocum est, cujus & nomen & naturam ex æquo species participant ; quale Animal, respectu Bruti & hominis. Analogum, cujus & nomen & natura uni speciei, certâ quâdam proportionem ad aliam, citra dependentiam convenit : tale genus est principium & fons vitæ, respectu Cordis in animantibus sanguineis, & Membrorum in exsanguibus cordis vice fungentium. Ab uno ad unum, æquivocum, est quod

uni speciei primariò competit, alteri secundariò, per primariam : quale Ens, respectu Substantiæ & Accidentis. Æquivocum denique, cujus soli uni nomen specierum altera participat : quale Homo, ad pictum & viventem. Quæritur igitur, quale genus sit Corpus naturale, respectu cœlestium & inferiorum corporum. Zabarella lib. De const. scient. nat. cap. 10. analogum esse contendit, univocum negat, quod affirmare nobis visum. De genere igitur æquivocum, & æquivoco cum nulla inter nos & Zabarellam sit contentio, sententiam nostram contra Zabarellam ita concludimus : Id est genus univocum cœlestium & inferiorum corporum, cujus nomen & naturam ex æquo cœlestia & inferiora participant : At corporis naturalis nomen & naturam ex æquo participant cœlestia & inferiora : Ergo &c. De propositione non ambigit Zabarella, sed assumptionem negat : Probationem igitur ejus audiamus. Eorum corporum naturale corpus univocum genus est, quæ materiâ & formâ propriè dictâ ex æquo constant : Atqui cœlestia & inferiora corpora materiâ & formâ propriè dictâ non constant : Corpus igitur naturale univocum eorum genus non est. De propositione Zabarella lubentes concedimus ; sed assumptionem negamus. Probat ille : Quia cœlum materiæ & formæ compositionem non habet ; tamen materiæ & formæ conditiones inferioribus competentes redollet : materiæ quatenus est corpus : formæ verò, quatenus existit actu : habet igitur aliquid proportionem respondens materiæ & formæ, & proinde analogicè corporis naturalis essentiam participat. Sed, pace tanti Philosophi, negamus quod gratis sibi sumit, nimirum cœlum ex materiâ & formâ propriè dictâ non componi : Nam si corpus est propriè dictum, uti fatetur Zabarella, materiâ quoque constet & formâ propriè dictâ ; ut alibi monstravimus.

CAPUT IV.

De cognatis Physicæ.

Disciplinæ & artes Physicæ cognatæ. Thef. I. Disciplinarum circa res naturales occupatarum distributio ab Algazele tradita : æth. Medica disciplina : Thef. II. Medicina non est pars Physicæ, sed disciplina ei subordinata : æth. malè dividitur in speculativam & practicam : ibid. Alchymia : Thef. III. An invicem metalla possint transmutari : æth. Magia naturalis : Thef. IV. Thaumaturgica quid sit. Thef. V. Vox Magiæ olim honestissima : unde infamiam traxerit : æth. 1. Thomas Erastus negat dari Magiam naturalem : cui plurimi contradicunt. 2. Exemplis ostenditur dari Magiam naturalem. 3. Magiæ divinatoriæ species. Thef. VI. Astrologia judiciaria. Thef. VII. Distinctio eorum quæ ex astris prædicuntur : æth. 1. Abusus Astrologiæ : 2. Physiognomia. Thef. VIII. Exempla prædictionis Physiognomica : æth. Chiromantia : Thef. IX. Abusus Chiromantia : æth. 1. An adstrui possit ex Jobi 37. vers. 6. 2. Magia illicita & Dæmoniaca. 3. Thaumaturgica. 4. An Apollonius Tyanæus exercuerit Magiam licitam. 5. Divinatoriæ Magiæ illicitæ species. 6.

THESIS I.

HAtenus Subjectum Physicæ: Sequuntur Cognata: Quorum nomine intelligimus scientias & artes quæ insignem quandam cum Physica cognitionem habent, & ex ea velut rami ex radicibus pullulant. Quarum in censum referimus *Medicinam, Alchymiam, & Magiam naturalem.*

Εκ δευτέρου.

Algarælis sententia est, ea, quorum in naturalibus intentio est, dividi in *radices & ramos*. Per *radices* intelligit partes Physicæ quæ de certis rerum naturalium speciebus agunt, solentque Græcis vulgò appellationibus exprimi; ut, *κοσμολογία, ἀστρονομία, φυσική, μετεωρολογία, μαθηματικά, οὐρολογία, ζωολογία*: Quæ partes Physicæ sunt speciales. Per *ramos* intelligit cognatas Physicæ artes: quarum septem recenser, *Medicinam, iudicium stellarum, Physiognomiam, interpretationem somniorum, scientiam imaginum, scientiam Magiæ, artem Alchymie*. Nos sub *Magia naturali*, quam in thesi nominavimus, plures species complectimur.

THESIS II.

Medicina ad humanæ sanitatis conservationem vel reparationem, tanquam scopum, cognitionem & praxin dirigit: Unde in duas distingui solet, partes *Pathologicā, & Therapeuticā*: illa in partibus humani corporis & morborum potissimum causis cognoscendis, ista in remediis ad sanitatem conservandam vel recuperandam, consciendis & ritè applicandis occupatur.

Εκ δευτέρου.

Medicina etsi nec pars est Physicæ, nec disciplina ei subalternata (genere enim differt, cùm practica sit) subordinata tamen ei est; adeo ut non possit esse felix Medicus, qui Physicæ sit ignarus: Unde tritum illud, *ubi desinit Physicus, ibi incipit Medicus*. Physicus enim in corporum naturalium causis & affectionibus indagandis occupatur, artisque fundamenta Medico subministrat: Hinc *Simplicius*, *Physicæ usus in eo cernitur, quod Medicinæ principia subministrat*. In genere ergo Physi-

cus differit de humani corporis partibus, temperamento, sanitatis ac morborum causis, de metallorum & plantarum naturis: quæ tanquam principia assumit Medicus, & dein ad morborum species & individua descendit, plantarumque vires huic vel illi malo pellendo accommodatas accuratè rimatur, & notitiam ad praxin suam applicat. Unde apparet errare eos qui *Medicinam* distribuunt in *speculativam & practicam*: Cùm enim omnis cognitio rerum naturalium specialis à Medico ad praxin dirigatur, nullo modo speculativa appellari *Medicina* potest: Ex fine igitur simpliciter est practica, utpote cuius finis non est contemplari, sed operari. Videantur *Patres Conimbricenses* in Proœmio *Physicæ*. quæst. 3. art. 3. *Pererius* lib. 2. De *Philosophia natur.* cap. 4. Quousque *Physici* theoria circa sanitatis & morborum causas occupata progredi debeat, videatur apud *Zabarellam* in lib. De *constit. scient. natural.* cap. 33.

THESIS III.

Alchymia, præter medendi praxin, quam peculiari ratione exercet, sanitatis præsidia potissima in metallis & succis metallaribus quærendo, etiam in metallorum transmutatione occupatur, activa passivis naturalibus artificiosè applicando.

Εκ δευτέρου.

An invicem metalla possint transmutari, ardua est quaestio: Affirmantem partem nos tuemur, cuius fundamenta suo loco proferemus: Ratio potissima depromitur ab experientia, quæ constat in genere multa corpora naturalia invicem transmutari: & in specie de metallis nonnullis id manifestissimum, ut pluribus suo loco monstrabimus. Rationes quæ in contrarium adferri solent partem, elumbes sunt, & vel principium petunt, vel experientiæ contradicunt. Præcipua ratio est, Quod species invicem transmutari nequeant: Quæ primum petit principium; Deinde, dubiam assumit hypothesein, de specificâ metallorum differentiâ; denique totam evertit naturam: Nam si species in speciem transmutari nequit, nulla dabitur in naturâ generatio. Qui excipiunt, per artem non posse corpora naturalia produci, parum videntur habere cognitam rationem quâ transmutatio metallorum peragitur: partes in transmutatione principales sunt naturæ, seu agentium & patientium naturalium; ministeriales sunt artis, quæ agentia & patientia naturalia tantum applicat: Sic & Medicus non *magister*, sed *minister* est naturæ.

THESIS.

THESIS IV.

Magia naturalis est exactior quædam & arcanior naturæ cognitio ad praxin vulgo admirabilem directâ: Versaturq; in operibus mirabilibus efficiendis, vel futuris prædicendis, unde distinguitur in *Thaumaturgicam* & *Divinatricem*.

THESIS V.

Thaumaturgica est, quâ, sympathiis & antipathiis, mutuîsque rerum naturalium affectionibus exploratis, & suo tempore, modo ac loco applicatis, mirifica perficiuntur opera, quæ causarum ignaris prodigiosa & miraculosa videntur.

* ENDEOS.

I. *Magia* vox apud *Persas* honestissima olim erat, notabátque aliud nihil, nisi Sapientiam. *Magum* itaque apud *Persas* fuisse eundem legimus, quem *Græci* Philosophum, *Affryi* Chaldaicum, & *Egyptii* sacerdotem, *Latini* sapientem, vocârunt. Hinc *Hieronymus* in 2. cap. *Danieli*: *Magi*, inquit, sunt qui de singulis philosophantur, nec malefeci sunt sed *Philosophi Chaldaeorum*. Cum autem res vulgi caprum excedentes veteres *Magi* profiterentur, & inauspicatâ quâdam æmulatione accensî horum admiratores omnibus ingenii viribus consequi eadem non valerent, fœdo cum Diabolis commercio inito, ad idem sapientiæ fastigium ascendisse videri voluerunt: quanquam ipsos etiam sapientes naturæ scientiâ non acquievisse, sed à Satana subsidia expetiisse, vero omnino simile videtur. Nomen igitur apud vulgus odiosum fecit impostorum colluvies: *Scalig.* Exerc. 327. *Isidorus*, lib. 8. cap. 9. Unde duplex *Magia* enata, naturalis, & non naturalis seu *Dæmoniaca*: illa naturæ, hæc Diaboli viribus nititur: de priori thesis nostra loquitur.

II. *Thomas Erasmus* doctissimus Medicus, part. 2: Disput. de Medicina nova *Paracelsi*, *Magiam* naturalem nullam vel esse, vel fuisse unquam, aliquoties affirmat. Contraducunt *Erasto* magno consensu Philosophi, imò & Theologorum eruditorum plurimi. Elegantiâ sunt *Celii Rhodigini* verba, lib. 9. Lect. antiq. cap. 23. Qui accuratius, inquit, inspicere ista enixi sunt, *magiæ fastigia* duo deprehenderunt: Alterum infame est & immundorum spirituum commerciis inauspicarum: reliquum si pensatius explores dispiciasque, non ferè aliud est quàm naturalis Philosophiæ apex: Prius *Goetia*, po-

sterius *Magia* propriè dicitur. Inclinant in hanc sententiam, *Plinius*, cum alibi, tum lib. 2. *Laertius*, in Vit. Philos. *Albertus Magnus*, *Fracaſtorius*, *Marsilius Ficinus*, lib. 4. Theologiæ *Platon.* cap. 4. *Cardanus* in libris De subtilitatibus: *Baptista Porta*, in *Magia naturali*; *Weckerus*, in *Naturæ secretis*: *Lemnius* in libris De occultis naturæ; *Pererius*, 1. De *Magia* lib. cap. 3. *Martinus Delrius*, Disquisitionum Magicar. lib. 1. cap. 3. 4. *Pineda*, lib. 3. De rebus *Solomonis*, cap. 23. *Conimbricenses*, Quæst. procem. in lib. *Phyl.* 2. art. 4. *Majolus*, tom. 2. *Dierum Canicul.* *Peucerus*, in libro De *Divinatione*; & præ omnibus aliis, *Thomas Campanella*, in libro De sensu rerum & *Magia*; *Cæsar Longinus*, in *Triño Magico*. Quid, quod *Apollonium Tyaneum* famosissimum Magum excuset *Justinus Martyr*, q. 20. ad *Orthodoxos*, ipsiusque opera naturæ viribus adscribat? quo de tamen meritò dubitamus.

III. Sed agè, dari quandam *Magiam* naturalem ostendamus. Primum, mirandas esse *opus magiæ & divinatæ*, virtutes & proprietates nemo dubitat, quia passim in Philosophorum libris celebrantur. *Plinii* rerum harum pleni libri. Scripsit de iisdem integrum librum *Fracaſtorius*: Miras plantarum & metallorum virtutes prædicat *Albertus Mag.* commendant rerum naturalium periti: Has qui nōrit & rectè applicarit, stupenda posse opera producere minimè dubium est. Legantur, quæ hanc in sententiam eruditissimè scribit *Eusebius* in procem. lib. 4. *Præparationis Evangelicæ*, nostram sententiam planissimè confirmantia. Ex innumeris unum atq; alterum saltem producimus exemplum vulgò notum, ut fidem tantò facilius impetremus. Pisciculus est, quem *remoram* vocant, semipedalis, limaci majori similis, referente *Plinio* lib. 32. cap. 11. Adhærendo hic navim sistit quantumvis velis plenis ætam. Fac ignotam esse vulgo stupendam pisciculi hujus vim: sanè qui navi velocissimè currenti clam eum applicaret, cursumque manu inhiberet, nōne miraculum penè & naturæ viribus majus videretur opus moliri? *Magnetis* vim ferri tractricem si ignoraremus, & verò inter duos *magnetes* virtutis & molis ejusdem, in libero aere, si quis ferrum collocaret, quod ab utroque æqualiter tractum in medio quiesceret & nusquam inclinaret (quod de *Muhametis* ferro ferreo, quod in urbe *Mechâ* à toto Oriente colitur, referente *Sabellico*, nonnulli produnt: quanquam, *Cuspiniano* autore, cum arca ferrea, quâ in aere per magnetem pendulâ divinitatis sibi opinionem conciliaturus plebem decipere cogitabat, humatus est:) nonne *Magus* æstimaretur? Certe tale quid *Dinocrates* architectus mol-

tus legitur apud *Plinium* lib. 3. c. 14. Similia refert *Augustinus* l. 6. De civitate Dei; & ante *Augustinum*, ut *Majolus* notat, *Ruffinus Aquileensis*. Addit *Augustinus*; Ex hoc, quod magnes ferrum attrahit, tam mirifica sunt arte mechanica, ut ea qui nesciant, opinentur esse divina. Hæc verò ipsissima sunt opera, quæ vocamus *Magica naturalia*. Ignem præparare, qui in aquis vehementissime ardeat & urat, haud paucis impossibile videbitur; & tamen à veritate non alienum; Insanam enim & infernalem hanc flammam paucos ante annos *Belgium* exhibuit, navisque hostiles sub ipsiusmet aquis exussit. Confici hunc ignem ex bitumine Babylonico, & bitumine extinguere, *Majolus* scribit tom. 1. Dierum canicul. colloq. 18. *Plinius* lib. 2. cap. 103. fontis meminit, qui faces immerfas exstinguit, exstinctas, si admoveantur, accendit. Quam profunda autem mysteria & miracula in speculorum latent naturæ? de quibus tum veteres, tum recentiores; *Cardanus*, *Scaliger*, & *Baptista Porta*. Texi posse telam & mantilia exinde fieri, quæ in ignem conjecta purgentur, haud secus ac aquis nostratia. nec absumantur aut lædantur, quis facile crediderit? at verum nihilominus, testibus gravissimis autoribus, *Plinio*, *Solino*, *Basilio*, *Strabone*, *Isidoro*, *Vive*, *Lemnio*. Linum id *Indicum*, seu *Cyprium*, nonnulli vocant, Succum esse, quo si manus inungantur, impune liquidum tractari possit plumbum, experientia compertissimum est. Sed paucula hæc hætenus: ut manifestum fiat, eos qui naturæ sympathiam & antipathiam scrupulosam indagine exploratiùs rimantur, & intersparfas mundo rerum potestates alioquin illatebratas, & naturæ quodammodo sacrariis reconditas, in apertum producant, per mutuas illecebras, quas Magorum *tyrras* appellant, & cognationem quandam, miracula maxime mira, ut *Cælius* loquitur, posse efficere non utique Magia ipsa artifice, sed Naturæ potius, cui hæc se, mutuos copulando apte consensus, ministram exhibet: Quibus disparatis disjunctisque, cessant illa, & veluti in sinu potestatisque parentis interquiescunt, donec conciliator excitatorque accefferit opportunus. Sed stupenda porrò hominum opera è pluribus paucula contemplerur, quæ & ipsa nostram firmabunt sententiam. *Archimedes* quantumlibet onus quibuslibet viribus movere poterat, & ingentem navim onerariam, quam ingens hominum turba vix maximo labore movere poterat, hominibus multis ponderibusque impositis, præsentem Rege Hierone, assidens quietâ manu impulit, & tranquillo quasi mari prolaberetur, ad se adduxit. Idem Magiæ hujus notitiâ, mirabilibus terribilibusque machinis iter excogitatis, in *Marcelli* exercitu Syracusas obsi-

dente tantas edidit strages, ut incredibili admiratione & terrore percussi Romani dicerent, tandem non contra homines sed contra Deos se pugnare. Eiusdem *Archimedis* æneum seu vitreum cælum motus planetarum representans, eleganti carmine *Claudius* admiratur: De admirandis hujusdem & *Procli* speculis multa passim Historici. *Archyras Pythagoricus*, recensente *Phavorino* apud *Agellium*, ligneam columbam volatilem machinatus est: *Regiomontanus* aquilam, quæ sub dio, in aere, *Cæsari* obviam extra *Norinbergam* volabat, & ad urbis portam comitabatur: Artifex alius *Norinbergensis* muscam ferream, quæ è domini egressa manu convivas circumvolitabat, volandoque fessa ad domini manum revertebatur. Taceo *Amulii* tonitrua, fulgura, fulmina; *Artemisii* terræ-motum; *Alberti Magni* hominem vocalem. De *Severino Boetio* scribunt, æneas eum fecisse ayes, quæ dulcissime canerent; angues, qui sibilarent; homines æreos, qui in aere buccinarent. Lucernas olim admirabiles planè & inextinguibiles fuisse repertas legimus. Scribit in Antiquitatibus *Appianus*, *Patavii*, ante annos aliquot, fictilem urnam fuisse repertam, hanc intra, minorem aliam, in quâ ampullæ inventæ fuerunt affabrè elaboratæ, altera ex argento, ex auro altera, utraque purissimo liquore plena, quo lucerna adhuc ardens per multa secula conservata putatur: *Viver*, in Notis ad *Augustinum*, scribit, erutum esse sepulcrum patrum memoriâ, in quo ardebat, lucerna, condita ibi, ut ex inscriptione adparebat, supra millesimum & quingentesimum annum. Simile quid in sepulcro *Tullia* filia *Ciceronis* olim repertum. Quid ergo? hæc Magiam aliquam naturalem admirandorum operum effectricem dari negabimus?

THESIS VI.

Divinatricis tres potissimum species sunt, *Astrologia*, *Physiognomia*, & *Chirromantia*.

THESIS VII.

Astrologia in specie dicta *judiciaria*, est quæ ex vario stellarum positu motuque, vel infallibili certitudine futura necessaria & à solis stellis pendentia prænunciat; ut sunt *Eclipses*, quatuor anni tempestates, dierum incrementa vel decrementa: vel probabili conjecturâ prædicat futura contingentia, à solis stellis non pendentia, ut sunt hominum temperamen-

menta & mores, morbi, tempestates varia in singulis anni partibus & diebus, annonæ caritas aut vilitas, &c.

ΕΝΔΕΙΞΙΣ.

I. Ex astris necessaria prædicuntur & contingentia. Necessaria ea appellamus, quæ perpetuo & infallibili eventu contingunt, ut sunt insignes quatuor tēpestatum annuarū vices, *Ver, æstas, autumnus, hyems*, item *eclipses, dierum incrementa vel decrementa, &c.* Contingentia sunt, in quibus prædicendis quandoque fallunt & falluntur artifices, ut sunt *hominum temperamenta & mores, morbi, tempestates, annonæ caritas & vilitas, &c.* Sic igitur prædictio ex astris est certa & infallibilis, vel incerta & fallibilis: illa necessariorum, ista contingentium. Certitudinis & incertitudinis, quoad prædictiones & eventus prædictionibus respondentes, radix est in causis, è quarum inspectione ratio futura vaticinatur. Quæ enim à solis pendent causis cœlestibus, absq; ullo errore prædicuntur, si notæ sint causæ; sicut nempe motusq; stellarum constantissimi: In horum catalogo numeravimus *eclipses, dierum incrementa & decrementa, &c.* in quibus prædicendis periti artifices nunquam fallunt aut falluntur, ob causarum solitariorum constantiam. Hinc olim Philosophi, apud ignaros rerum cœlestium, prædicendis siderum defectibus maximam sui admirationem excitârunt, & quandam divinitatis opinionem sibi conciliârunt.

Quæ verò non à solis pendent causis cœlestibus, sed à sublanaribus quoque, quæ influxum cœlestem universalem diversimodè recipiunt, ut sunt *hominum temperamenta, mores, morbi, tempestates, &c.* non possunt non vacillante & sæpenumero errante conjecturâ prænunciari, quia sublunares & particulares causæ, à quibus universalis siderum influxus impediti vel promoveri potest, prævideri nequeunt: unde non tam artis vel scientiæ, quàm eruditæ conjecturæ nomen prædictio hæc meretur. In qua qui solertiores & feliciores sunt, apud vulgus in magna sunt admiratione. Hinc *Anaxagoras*, quod *Olympiæ* cum alia, tum in siccitate maxima pluviam prædixisset, pro Deo habitus est: *Philostratus* in *Vita Apollonii*. Est & quæstiosa hæc conjectandi peritia: Etenim *Thales Milesius*, prævisâ olei caritate, ex futuro *Vergiliarum* ortu, magnâ tum vilitate, propter spem olivæ, coemit in toto tractu omne oleum; factum mirantibus, qui paupertatem & quietem doctrinarum ei ciebat inprimis cordi esse: Sequenti anno, cum oleæ spem Dominorum frustrâissent, & divendito jam oleo prioris anni, maxima ejus inter homines penuria esset, ex venditione coempti olei quæstum fecit maximum: Attamen, ut

providentiæ causa vulgo apparuit, & ingens divitiarum cursus, restituit prætium anxietatis & avidæ dominorum poenitentiae, contentus ita probasse, opes sibi in facili, cum vellet, fore. *Plinius Democrito* hoc tribuit, idemque postea *Sextium* è Romanis sapientiæ affectatoribus *Athenis* fecisse scribit: *Tanta*, exclamat, *literarum occasio est*: lib. 18. cap. 38.

II. Hactenus ergè tolerari potest Astrologia, si intra præfixos limites se contineat: Sed hominum audacia hos intra limites se minimè continet, quæ non certam tantum sibi vendicat prædictionem eorum, quæ in thesi expressimus, futurorum contingentium, extra humani arbitrii libertatem constitutorum, sed & omnium ferè futurorum, quæ à liberâ hominis voluntate pendent; ut *vitiorum, virtutum, honorum, omniumque animi & fortunæ bonorum vel malorum*; imò occultissimorum quoque *Dei judiciorum circa pecuniaria ejusque fata*, Temerarium hoc & perniciosum dogma §. 3. destruemus. Breviter; omnium peccatorum & flagitiorum autorem Deum facit hoc dogma; Nam si astra vitiosorum habituum & flagitiorum sunt causæ, (ut haud obscure confitentur, qui *homicidia, adulteria, furtiva, &c.* ad hunc vel illum planetarum positum referunt) non potest non injuria hæc in ipsum astrorum Conditorem redundare. Crudelis & execrabilis olim *Regum Ægyptiorum* consuetudo fuit, è sceleratissimo hoc Astrologiæ abusu nata: Nascentium isti inspectis genituris, si quæ fortè inventæ in signis horoscopantes à Regni horoscopo decidentibus, ac potentes benèque collocatos in figurâ dominatores prætulissent, interfici statim jubebant, ab iis quandocūq; insidias veriti: *Celsus*, Antiq. lect. lib. 8. cap. 1.

THESIS VIII.

Physiognomia est, quæ à configuratione membrorum externorum, & imprimis faciei, conjectura de moribus & indole hominis & brutorum sumitur.

ΕΝΔΕΙΞΙΣ.

In hoc Physiologiæ ramo explicando multi sunt Philosophi: præ reliquis excellit *Baptista Porta*, qui libros quatuor de humana Physiognomia conscripsit, in quibus diversas hominum facies cum brutorum contendit facieb, & ex similitudine figurarum externarum morum quoque & naturarum, colligit similitudinem. Multa in conjecturis hisce sunt vero consona & probabilia, haud pauca quoque vana & falsa: Occurrunt tamen memorabiles ex hac arte divinatrice prædictiones: Et inprimis celebratur acumen *Virgilii*. Cum enim à *Crotoniatis* pullus

pullus mīræ pulchritudinis *Cæsari* dono fuisset missus, qui, omnium iudicio, spem portendebat virtutis & celeritatis immensæ, *Virgilius* è morbosa eum equa natum, nec robore nec celeritate valiturum verè prædixit, è Physiognomīæ principiis. Idem, cum *Augusto* ex *Hispania* canes dono mitterentur, parentes eorum *Cæsari* nominavit, & generosam eorum indolem ac celeritatem prædixit. Admirabilior penè *Democriti* fuit perspicacia. Cum enim, præsentē *Hippocrate*, lac ei afferretur, inspecto eo, capellæ primi partūs, ejusdemq; nigræ esse asseruit. Idem puellam accedentem salutavit; *Salve virgo*: Postridie verò, *Salve mulier*: fuerat enim eā nocte vitata. Quā in re summum sui admiratorem *Hippocratem* fecit: *Laertius* lib. 9. *Pythagoras* plurimum tribuit Physiognomīæ, nec in disciplinam & Scholam suam recipit, nisi quorum mores & naturas prius de oris atque vultūs effigie sciscitatus fuisset: *Gellius*, lib. 1. cap. 9. Ubi *ἡ φύσις καὶ τὸ πρόσωπον* interpretatur, mores naturasque hominum conjectatione quādam de oris & vultūs ingenio, deque totius corporis filo atque habitu, sciscitari.

THESIS IX.

Chimorantia ex interioris manūs lineamentis de temperamento & moribus hominis judicat.

Ἐκ θεός.

I. *Chiromantia*, si intra certos limites se continet, non omnino contemnenda est: solerti enim indagine *Chiromantæ* ex lineamentis manuum temperamenta dignoscunt, quia mores plerumq; temperamentum sequuntur: de longitate & brevitate vitæ quoque non ineptè differunt, dum virtutis plasticæ robur vel imbecillitatem ex linearum inspectione colligunt. Sed non minùs exorbitant hi quàm *Astrologi*, dum quævis futura contingentia, quæ ex libero hominum arbitrio pendent, & definitas in naturā causas non habent, non minùs quàm *Astrologi* gloriantur se certò prævidere; ut *moris genus*, *annus & diem*, *conjugium vel cœlibatum*, *virtutes & vitia*, *honores & ignominiam*, *divitias & paupertatem*, & multa alia purè & merè contingentia, quæ omnia in manuum lineis, veluti certis quibusdam characteribus, expressa affirmant: Quorum certam & infallibilem prædictionem solius Divinæ sapientiæ prerogativam esse nos credimus. Videatur *Vallesi* iudicium de *Chiromantia*, *Philosophiæ sacræ* cap. 32. *Celii* Antiq. lect. lib. 9. cap. 20. huiusmodi de *Chiromantis* & *Chiromantia* iudicium est: *Quid de Chiromantis dicemus? A quibus excogitata scimus in votis septem montium supercilia*

quæ cælestes præferant planetas. Ceterùm hac omnia esse acuta potius deliramenta & vanissimas vanitates, quàm documenta vitæ usibus concinnata, nemini non arbitror liquere. Hæc Gellius.

II. Pro artis suæ defensione adducunt *Chiromantæ* locum ex *Jobi* cap. 37. vers. 6. qui in *Vulgata* versione ita habet: *Qui in manu omnium hominum signat, ut noverint singuli opera sua.* Unde colligunt omnes eventus manibus esse quasi inscriptos, & per lineamenta, veluti literas, indigitari. Sed si accuratè textus inspiciatur, & cum fontibus *Hebræis* conferatur, palam erit, de *Chiromantia* allegatum locum non agere. Sensus *Hebræorum* verborum, ex interpretatione *Funii*, hic est: *Manum cujusque hominis obsignat, ut recognoscat omnes operarios suos, vel operas suas.* Nec antecedentia nec consequentia *Chiromantiæ* interpretationi favent: Dixerat versiculo antecedente quinto, jussu Dei imbres & pluvias impetuosas cadere; in septimo sequenti, tum bestias in latibula ingredi, & in antris degere: Quo scopo, quæso, versiculus intermedius sextus de *Chiromantia* ageret? Est igitur textui conveniens sententia hæc: Immissis tempestatibus effici, ut homines domum ab opere suo confugiant, ipsorumque manus, quasi sigillo imposto, præcludantur, ne operentur; unde per otium opera ipsi licet recognoscere. Simili modo tempestatibus quoque compulsæ bestię ad sua confugiunt latibula, ut in antris tutæ degant. Interpretationem hanc prolixè explicat & confirmat *Pineda* in hunc locum.

III. *Hactenus Magia naturalis.* Est etiam *Dæmoniaca* & *Diabolica*, quæ ex fœdere cum impuris Spiritibus pacto proficitur, quam omnes Christiani meritò detestantur & execrantur: Quæ & ipsa est *practica* vel *divinatrix*.

IV. *Practicam* appellant *Συμμεταφυσική*, quæ opera promittit hominis aut naturæ viribus majora, ab ipso Satana vel verè, vel ad speciem duntaxat, præstita. Quale illud *Theophrasti* *Gymnosophistarum* principis: qui cum, præsentē *Apollonio Tyanæo*, inter sapientiæ discipulos in horto disputandi gratiā consideret, ulmum, quæ tertia ab iis fuit arbor, ostendit, & *O lignum*, dixit, *alloquere sapientem Apollonium, ut agnoscat non esse impossibile, à nobis quoq; sapientiam possideri.* Quod cum dixisset extemplo, secundum mandata, locum est ei lignum, articulatâ & fœmineâ voce. *Reueblinus*, lib. 2. De Verbo mirifico, cap. 4. De *Simone Mago*, cujus Scriptura meminit, mira referunt: Effecisse cum ut statim ambularèt, in aërē subvolâsse, ex lapidibus panes fecisse, in alias atq; alias formas migrâsse, facies aliquādo binas habuisse, in columnā mutatū abiisse, effecisse

effecisse ut januæ sua sponte aperiirentur, vasa domestica ad usus humanos spontè moverentur. *Ollerus* offe incantato, tanquam navigio, vastissima maria superasse dicitur. *Ericus* Rex Gothorum, quocunque pileum vertit prosperum ventum excitavit. Mira quoque de *Apollonio Tyanæo Philostratus* memorat. *Apollonius* tamen irritis & superavit *Manetho*. Mancipiorum horum diabolicorum omnia secula feracia fuerunt.

V. Mirum sanè est, quoddam famosissimum Magum *Apollonium Tyanæum* excusârit *Justinus Martyr*, eique honorificentissimum testimonium perhibuerit: quem tamen, si vera sunt quæ *Philostratus* refert, frædissimum Satanæ mancipium fuisse, & diabolicam Magiam exercuisse certum est. Specimina aliquot è *Philostrato* referre libet. Gloriatum se non tantum omnium hominum nôsse linguas, sed etiam, quæ taciti intra se homines cogitant, percipere: apud *Philostrat.* lib. 2. Idem libros de sacrificiis scripsit, quo pacto singulis Diis sacrificandum sit, quæve sacra qualibus Diis sint acceptissima: *Philostr.* lib. 3. Avium voces se intelligere prædicavit: lib. 4. Ephesiis Dæmonem ingentis pestilentie causam monstravit, & sub pannosi & sordidi senis habitu latitantem lapidibus obruere jussit: sic enim

pestem deseuram: ibid. Necromanticus fuit: *Achillis* enim manes provocavit, ex iis arcana sciscitatus: ibid. Demonem adjuravit. ibid. *Lamiam Menippi* consortium ambientem ad Orcum relegavit. Annulis fatidicis usus. Apud *Domitianum* accusatus, & in palatio publicè custoditus, è conspectu evanuit, & eodem die *Futeolis* apparuit. A *Tigillino* cum accusaretur, effecit ut libellus, in quo accusatio continebatur, nullâ parte scriptus appareret. Similia multa apud *Philostratum*: quæ autorem Satanam produnt & loquuntur. Hactenus Magia practica Dæmoniaca.

VI. *Divinatricis* varix sunt species, quarum nomina saltem attigisse suffecerit: Sunt ea *μαντιία*, *λεγειμαντιία*, *ζωρομαντιία*, *κατοπλεμαντιία*, *κρυσταλλομαντιία*, *δακτυλιομαντιία*, *ὀνυχομαντιία*, *ὕδρομαντιία*, *ἀερεμαντιία*, *ζωομαντιία*, *πνευμαντιία*, *κσπινομαντιία*, *ἀξινόμαντιία*, *καρδολιουμαντιία*, *ἐλεφθρομαντιία*, *καπνομαντιία*, *κλειδομαντιία*, *ὄψευμαντιία*, *ἰχθυομαντιία*, *ἀνδραπομολομαντιία*, *τερεμολομαντιία*, *βοτανομαντιία*, *κρηομαντιία*, *ὀρνιθοσκοπία*, *κλυδοπισμὸς*, &c. De quibus omnibus & singulis Clarissimus Dn. *Peucerus*, in divino, De divinationum generibus, opere.

CAPUT V.

De Distributione Physicæ.

Generalis Physica. Th. II. Distributio Physiologia Aristotelicæ. 2. 3. 1. Neoreticorum distributio- nes. 2. Examen earum. 3. Approbatio veræ sententiæ, ibid.

THESIS I.

Hactenus cognata Physicæ. Distribuitur eadem in partes duas, generalem & specialem.

THESIS II.

Generalis agit de corpore naturali in genere, ejusque principiis & affectionibus: Specialis, de singulis speciebus.

* Ex. 2. 1.

I. Peripatetici in Physiologia *Aristotelis* in ordinem certum revocandâ magnopere laborant, & de nativâ singulorum librorum serie digladiantur. Item hanc auct, quod in plurium librorum subiectis particularibus & propriis assignandis dissentiant; unum videre est apud *Zabarellam* in lib. De scient. nat. constituit. à cap. 11. usque ad fin. per

30. penè capp. sat proluxa. Partes autem Physiologiae Peripateticæ quod attinet, à *Conimbriciensibus* X numerantur, Quæst. 6. Proæm in lib. Acroamaticos: *Pererius* VII. recenset, lib. 2. De Philosoph. nat. cap. 7. Cum autem non tam Logica isthæc sit partitio, quàm historica quædam omnium particularum enarratio, de accuratore nobis partitione dispiciendum, quâ particulæ miniores ad certa redigantur eaque pauciora capita.

II. Plerique duas Physicæ partes constituunt; communem unam seu generalem, alteram propriam seu specialem: Verum eodem se modo non explicant. Nonnulli, *Zabarella* temporibus, in generali parte de corporum naturalium principiis & affectionibus agi contendebant; in speciali verò de ipsis corporibus: Quæ etiam *Joannis Magini* videtur sententia, lib. 1. Physic. cap. 2. Thel. 2. *Danæus* ad generalem partem refert potissimas mundi partes, Cælum & Elementa, quæ reliqua-

rum

rum partium sunt prima principia; ad specialem, singulorum generum, ut Meteororum, Metallorum, Plantarum & Animalium naturas, proprietates & effecta. *Timpterus* in generali Cosmologiam & Physicologiam generalem ponit, in specialis species corporis naturalis persequitur. *Averroes* & Latini *Aristotelis* interpretes, referente *Zabarella*, in parte communi de corpore naturali in genere ejusq; principis affectionibus, in propria de singulis speciebus tractandum judicant,

III. Primam sententiam vel unica hæc evertit ratio, quod consideratio affectionum naturâ sit posterior subiecti consideratione: non potest igitur methodicè in parte communi de affectionibus corporis naturalis præcipi nisi præcesserit ipsius corporis naturalis contemplatio. *Danai* sententia illi est simillima, quam recenset *Zabarella* cap. 5. De const. natur. scient. quàmque ibidem refutat. Summa hæc est, cum Cælum & Elementa non principia sint tantum aliorum corporum naturalium, sed &

veræ corporis naturalis species, ad partem generalem referri jure non possunt, sed ad propriam potius sunt ableganda. *Timpteri* sententiam tribus de causis improbamus. 1. Quod Cosmologiam Physicologiam contradistinguat, speciem nimirum generi. 2. Quod Cosmologiam Physicologiam præmittat. Cum enim corpus naturale subiectum hujus scientiæ constituat de corporali in genere prius agendum fuerat quàm de specierum collectione. 3. Quod Cosmologiam ad generalem Physicam partem referat, cum tamen specierum duntaxat corporis naturalis collectionem principiis & affectionibus nonnullis substratam complectatur. Ultima igitur sola nobis sententia approbatur, cui ipsa methodi Lex suffragatur. De genere enim, cujus ad inferiora se diffundit notitia, primum agendum: exinde, de speciebus ejus singulis. Unde duæ resultant scientiæ hujus partes: Communis, de corpore naturali in genere; Propria, de ejus speciebus. Eadem *Aristotelis* est mens 1. Phys. cap. 7. & lib. 3. cap. 1.

PARS PRIMA

De Corpore Naturali in genere.

CAPUT I.

De Corporis naturalis definitione, & Materia prima.

CORPUS naturale quid: *Th. II.* Distribuantur corporis naturalis principia: *Th. III.* Quid sint principia incomplexa vel complexa: *Id.* Distributio principiorum incomplexorum: *Th. IV.* Internorum duplex consideratio: *Th. V.* Principiorum separatim consideratorum nomina: *Th. VI.* Materia, quid: *Th. VII.* Probatur dari materiam primam: *Id.* 1. Cur materia appellatur principium substantiale: 2. Materiæ duplex notio: *Th. VIII.* Chaos Mosaicum non est materia prima Peripatetica: *Id.* 1. Quando materia prima sit creata: 2. Materia prima est natura generica: 3. Alia naturæ hujus genericæ ratio, cum ad species suas refertur; alia, cum ad corpus naturale, quod componit: 4. Prima materiæ notio quid: *Th. IX.* Ratio duplicis notionis materiæ: *Id.* 1. Probatur dari notionem primam: 2. Materiæ in prima notione consideratæ competit habere actum: *Th. X.* Distinctio actus in entitativum & formalem: *Id.* 1. Materiæ non competit actus formalis, sed entitativus: 2. Exponitur quæstio de actu entitativo materiæ, eumque materiæ competere demonstratur: 3. Rationes contrariæ: 4. Solvuntur: 5. Materia est ens: sed omnium imperfectissimum: 6. Imperfectior est forma quâvis separatâ & incompletâ: *Id.* Materia non est potentia pura: est bonum quoddam: 7. II. esse substantiam. Probatur esse substantiam: *Id.* 1. Rationes contrariæ, quid interminata: *Id.* 1. Probatur materiam per se esse quantam: 2. Rationes contrariæ: 3. Solvuntur: 4. IV. Carere omni formâ substantiali. Explicatur sensus assertionis: *Id.* 1. Ratio pro formâ corporeitatis materiæ: 2. Opponitur ei alia ratio: 3. Materia nunquam est sine formâ: 4. Secunda notio materiæ: *Th. IX.* Triplex relatio materiæ: *Id.* 1. An materia tantum patiatur: Etiam agere, probat Scaliger. Non videri agere: 2. An formam appetat: Negant Avicenna & Scaliger: 3. Quid sit materiæ appetitus, ex sententia Peripateticorum: 4. Cur Aristoteles dicat materiam esse causam conservationis: 5. Materia est vel corruptibilium vel incorruptibilium: *Th. XII.* Materiæ corruptibilium competit I. annexam habere privationem: Quæ indefinita vel definita: *Th. XIII.* In quibus consistat natura privationis Physicæ: *Id.* 1. Differentia

rentia inter privationem & negationem : 2. An privatio sit de essentia materiae : 3. An privatio sit principium corporis naturalis : Peripateticorum ratio pro sententia affirmante : 4. Eligitur negativa sententia : 5. contraria ratio solvitur : 6. II. Habere potentiam passivam : Quomodo differat potentia à privatione : enq. 1. Duplex potentia, activa & passiva : 2. Potentia universalis & particularis quid : Forma particularis non recipitur in materia nisi certo modo disposita : & 9. 1. Potentia universalis non constituit essentiam materiam in prima notione considerata : 2. Potentia universalis & materia in prima notione essentialis, quatenus essentiam necessarii consequitur : 3. Duo scrupuli à Zabarella eximuntur : 4. Judicium de sententia Zabarellæ : 5. Potentia Universalis materia in secunda notione considerata essentiam constituit : 6. Potentia particularis materia in secunda notione est accidentalis : 7. Materiae incorruptibilem, quid competat : Thes. XIV.

THESIS I.

MActenus præcæmum scientiæ Physicæ : Sequitur ipsa tractatio : Cujus pars generalis Corpus naturale definit, ejusque principia & affectiones pertractat.

THESIS II.

Corpus naturale est substantia materiæ & formæ, propriè sic dictis, constans.

*Eκδοσις.

Materia & forma, si in propria & Philosophica significatione accipiantur, sunt duæ substantiæ imperfectæ & incompletæ, quæ conjunctæ substantiam perfectam, & completam sensibilem constituunt, quæ corpus appellatur vel substantia Corpora, & contradistinguitur substantiæ spirituali, quæ formæ & materiæ propriè dictæ sensibili destituitur. Sunt igitur materia & forma principia interna essentialia & substantialia corporis naturalis : De quibus ordine deinceps.

THESIS III.

Principia sunt incomplexa, quæ aliàs principia Rei appellantur; vel complexa, quæ principia Cognitionis vocantur.

*Eκδοσις.

Principia incomplexa, vel rei, sunt, à quibus corpus naturale est : quæ sunt causæ corporis naturalis internæ & externæ : ut deinceps patebit. Complexa, vel cognitionis, sunt axiomata Physica generalia, apud Physicos recepta, quæ in rerum naturalium notitiam nos deducunt : De quibus suo loco.

THESIS IV.

Incomplexa sunt interna, vel externa.

THESIS V.

Interna considerantur separatim, vel conjunctim.

THESIS VI.

Separatim considerata sunt materia & forma.

THESIS VII.

Materia est principium substantiale corporis naturalis, è quo fit, & per quod obnoxium est passionibus.

*Eκδοσις.

1. Difficillimæ cognitionis materia est : Unde Augustinus lib. 12. Confess. cap. 5. ait, *Conari nos materiam cognoscere ignorando, & ignorare agnoscendo*. Non tamen absterri nos patiemur ab investiganda materiæ natura, quatenus instituti nostri ratio permittit. Nam omnes de ea subtilitates & difficultates excutere, animus nobis non est. Thesis autem hæc nostra cum materiam primam definiat, esse eam supponit : quod enim non est, id definiri non potest, & quod definitur, id eo ipso esse supponitur. Dari verò materiam primam patet :

I. Datur corpus naturale genericum, hoc est, natura omnibus corporibus communis : quæ corpus primum dicitur, & omnibus suis speciebus & individuis naturâ prius est, Subjectum scientiæ Physicæ : Ergò datur etiam materia corpori isti conveniens ; quæ alia nulla est nisi prima.

II. Omnes materiæ singulares quæ naturæ ambitu continentur, ut materiæ astrorum, cœli, elementorum, & corporum mistorum, communem quandam habent & genericam naturam, quæ in singulis individuis deprehenditur : Ergò datur materia prima. Ratio consequentiæ est, Quia materia prima aliud nihil est nisi generica natura omnibus materiis singularibus communis.

III. In omni causarum genere datur materia prima & summa, à qua reliquæ omnes pendunt : Unde illud, *In causis non datur processus in infinitum*. Ergò etiam in causis naturalibus dabitur aliqua prima & summa, à qua omnes secundæ pendunt.

IV. Omne compositum resolvitur in aliquod primum.

primum & simplex : Ergò & corpus in materiam primam & simplicem resolvitur ; non quidem resolutione & separatione actuali & reali , sed mentali.

5. Materie necessitas etiam efficaciter demonstratur è mutationibus naturalibus : nulla enim mutatio fit nisi in aliquo subjecto ; nihil per mutationem , nisi ex aliquo subjecto : *Ex nihilo enim naturaliter nihil fit.* Atqui subjectum illud est materia.

II. Materiam appellamus principium substantiale , quia ex ea intrinsece substantia corporis naturalis fit ; contra eos qui nimis odio nomine materiam primam appellant *non Ent. puram potentiam*, nihilo simillimam.

THESIS VIII.

Materia prima, cum aliud nihil sit nisi natura quædam generica , ab omnium materiarum singularium conditionibus individuantibus abstracta , & ex attributis communibus , quæ in omnibus materiis singularibus reperiuntur , æstimata , seorsim nunquam existit , nec existere potest : unde nec in sensum incurrit. Datur verò duplex ejus notio ; *Prima & secunda.*

Ex Senec.

I. Nonnulli qui de materia prima scribunt & disputant , ita loquuntur de ea ut re aliqua singulari quæ existit aliquando seorsim , & formas rerum naturalium singulares immediatè receperit. Unde *Timplerus*, in *Physicis*, materiam primam ait esse, ex qua corpus naturale primò à Deo fuit creatum : massam nempe illam rudem & indigestam, cujus 1. *Geneseos* capite fit mentio, *materia prima* nomine indigitans : Unde porro actu eam in rebus naturalibus exstare negat. Error hic *Timplero* cum pluribus communis est : Qui unà hac ratione evidenter detegitur : Massa illa rudis & informis quam *Moses* in *Genesi* describit, & *terra* nomine indigitat, est corporum naturalium essentialiter perfectorum, hæc materia suâ & formâ, tanquam principiis internis, constantium chaos seu complicatio : At materia prima non est corporum perfectorum chaos seu complicatio : Ergò materia prima non est rudis & informis moles *Mosaica*.

Propositio ex *Mose* manifestata est. Alterius enim materie apud *Mosen* non fit mentio, quam terre & aquæ, elementorum, quæ primo creationis die à Deo condita, confusa , & complicata : unde terra

appellatur inanis & vacua, quòd aquis immersa & permista undiquaque , omni externo ornatu , qui partim in externa partium configuratione, partim in plantarum & animalium varietate consistit, caruerit. Accessit ornatu hic diebus demum tertio, quinto & sexto : quibus terre & aquæ informatem, non essentialem, sed accidentalem duntaxat suffulisse Creator legitur. Quæ omnia adeò sunt manifesta, ut, nisi *Mosis* Scripturâ subversâ, everti nequeant. Et quid quælo attinet, aut quæ necessitas nos eò compellit, ut à simplici, plano & obvio sensu verborum *Mosaicorum* desisteremus ad nescio quos tropos ? Assumptio omnium consensu verissima est. Certum igitur est eadem & informem *Mosis* massam non esse materiam primam propriè sic dictam.

II. Cum verò materia nostra prima , quam in thesi descripsimus, ad Deum autorem & creatorem necessariò sit referenda, (Nam si ex priorè aliqua materia per generationem produceretur, prima materia non esset, *Suarez* tom. 1. *Metaph.* disp. 13. sect. n. 16.) haud immeritò quaeritur, quando ea sit creata ? Respondemus : Ut genus à speciebus & individuis realiter non differt, ita nec seorsim à speciebus & individuis creatur aut producit. Creata igitur est materia prima, seu communis, cum proxima cæli & terre materia ex nihilo à Deo crearetur : nec enim ab hac differt, nisi ut genus à specie & individuo. Confentit *Zabarella*, qui lib. 2. De materia prima, cap. 2. ait: propriè loquendo materiam primam non fuisse à Deo creatam, ut rem quandam, sed potiùs rebus concreatam : quia, inquit, non est aliquid per se determinatum in specie, sed est inchoamentum omnium specierum corporalium.

III. Aliud igitur nihil est materia prima, nisi omnium individuum naturalium materia, per intellectus operationem à circumstantiis singularibus, quibus differunt materie individuales, abstracta, & ex prædicatis essentialibus, quibus omnia individua conveniunt, æstimata : veluti Animal in genere nihil est, nisi singula animantia in natura una & communi, quæ inest singularibus, considerata. Qui aliam docent & urgent materiam primam, præter eam quam modò descripsimus, ii aut massam *Mosaicam* pro materia prima habent, aut extra Scripturam de principiis rerum naturalium philosophantur : quorum neutrum satis tutum est. Primò Deus corpora naturalia immediatè ex nihilo creavit, non ex materia quadam communi : quæ verò in iis jam creatis materia communis est, ea beneficio abstractionis est : Abstractis enim conditionibus singularibus & individuantibus, quod reli-

quum, ratione materiae, corporibus disparatis est, id communis eorum materiae perhibetur: Idem & *Albertus Magnus* sibi voluisse videtur, quando ait, 3. De an. tr. 2. cap. 2. *Materia non est hac materia, nisi per hanc formam facientem eam esse materiam hujus: & ideo hac materia non est potentia qualibet forma, quia universalitas proportionis prohibetur ab hoc, quod est materia hujus.* Eadem planè ratio est naturarum genericarum universalium, quæ etiam non sunt hoc aliquid, nisi per hanc formam: nec hæc, seu singularis natura in potentia est species seu individuum aliud disparatum, sub eodem genere comprehensam, quia per differentiam actu jam ab eo distincta est. Denique qualis est forma prima, quæ alterum est principium essentiale corporis naturalis, talis etiam est materia prima: Atqui illa est natura universalis incompleta: ut suo loco ostendemus.

IV. Et hoc monemus: Etiam genericam hanc materiam alia sibi vindicare attributa, cum ad species suas refertur; alia, cum ad corpus naturale, quod componit, refertur: De speciebus enim suis in quid prædicatur, quatenus nempe omnes materiae in conceptu quodam reali generico conveniunt, qui in quid de iis prædicatur: de corpore vetò naturali in quid non prædicatur.

Sed instet hic aliquis: Genus est forma universalis: Materia non est forma universalis: Ergò materia non est genus.

Resp. ad Propos. Cum genus dicitur esse forma universalis, per formam non intelligitur forma propriè & strictè sic dicta, quæ in Metaphysicis opponitur materiae: sed aliquantò latius, natura universalis, quam species participant, & quæ de iis prædicatur in casu recto: quod de formis propriè sic dictis nequit dici: nec enim forma propriè sic dicta de suo composito in quid prædicatur, ut genus de sua specie. Distingui etiam possunt diversi materiae primæ respectus: Vel enim refertur ad species, quas sub se continet; vel ad corpus, quod constituit: Priori respectu forma universalis appellari potest: nec enim repugnat ei per specificas differentias restringi, seu species habere; *Suarez*: tom. 1. disp. 13. sect. 11. num. 8. & sect. 5. num. 8. Posteriori non item. Qui ergò Generis & Materiae differentias hic inculcat, & materiam primam esse naturam genericam negant, contra nos nihil efficiunt: ex diversis enim materiae relationibus ad corpus naturale & alias materias, difficultates omnes facile expediuntur.

De hujus igitur materiae, tanquam entis à composito & forma distincti, attributis in sequentibus differemus.

THESES IX.

Prima materiae notio est, quæ materia tanquam ens extra causas suas constitutum in se consideratur, absque respectu ad aliud.

En. Scoti.

I. Quemadmodum duplex est Matris notio: una, quæ homo; alia, quæ mater est: utque alia ei tribuantur, quæ homo est; alia, quæ mater est: Ità & duplex materiae est notio: una, quæ Ens est extra causas suas constitutum, certum sibi in entium ordinem locum vendicans; altera, quæ principium est entis composiri, vel corporis naturalis.

II. Dari primam & absolutam materiae notionem, hoc unico probari potest argumento: Materia est substantia: Ergò habet considerationem absolutam. Antecedens deinceps probabimus: & asseritur ab *Aristotele* 1. & 2. *Phys.* & cap. 1. *Metaphys.* Ratio consequentiæ est, Quia quælibet substantia essentiam habet absolutam: nec enim substantia est ipsa relatio, sed quiddam in se absolutum, cui accidit relatio. Argumento hoc motum se *Zabarella* ait, ut in *Themistii* sententiam, de duplici materiae primæ notione, concederet.

THESES X.

Materiae in primâ notione consideratione competit,

I. Habere actum, qui omni enti extra causas constituto communis est.

En. Scoti.

I. Duplex à *Scoto* actus constituitur, *Formalis* & *Entitativus*. *Formalis* est, per quem substantia completa corporea ad certam aliquam speciem completam & perfectam restricta est. *Entitativus* est, entis extra causas suas constitutio, seu existentia: Quod enim adhuc in causis est, vocatur ens potentia: quod extra causas est, vocatur ens actu.

II. De actu formali nulla est controversia. Fautentur enim omnes, materiam primam in se, ut ens, consideratam carere formâ: quod theos hujus decimæ membro primo demonstravimus. Sed de actu *Entitativo* acerrimè contendunt Philosophi. Affirmantem videntur *Scotus*, *Gregorius Ariminensis*, *Mercenarius*, *Pererius*, & *Philippus Faber Scoti* defensor: Negantem verò plerique alii Peripatetici, imprimis *Thomas* & ejus affectæ: Inter recentiores magno conatu rem hanc agit *Zabarella*.

III. Sensus igitur questionis, An materia prima habeat actum entitativum, ex mente *Philippi Fabri*, qui

u i Scoti sententiam quam diligentissime explanat, Philosophiæ naturalis theoremate 22. cap. 1. hic est: *An materia prima habeat entitatem positivam & extra suas causas constitutam*: vel, *An materia prima sit ens extra causas suas actu constitutum, distinctum à Forma & composito*: an verò ex se nihil sit, & tota ejus entitas sit in potentia agentis vel causarum: Quemadmodum mundus ante creationem ens tantum fuit in potentia Creatoris, quam *Scotus* potentiam vocat *objectivam*.

Rationes pro confirmatione hujus sententiæ, de materiæ actu entitativo, hæ sunt.

1. Principium Essentiale entis positivi actum habet entitativum, seu extra causas suas actu est constitutum: Atqui materia prima est tale principium: Ergò, Ratio Propositionis est, Quia non-ens, seu quod extra causas suas actu non est, non potest intrinsece constituere ens actuale.

2. Materia naturâ prior est forma. Ergò non est ens per formam: Ergò ens actuale est ante formam, & proinde actum habet entitativum. Antecedentis ratio est, Quia materia est subjectum seu receptaculum formæ.

3. Quicquid ullo modo à Deo creatum est, id ens est: Atqui materia à Deo est creata: Ergò.

4. Si materia est non-ens, compositum ex diversis entibus non constabit: Atqui falsum hoc: Ergò & illud, Assumptionis ratio est: Quia compositum esse, & è diversis entibus non componi, contradictionem involvit.

5. Materia habet passiones seu affectiones: Ergò est Ens extra causas suas constitutum. Ratio consequentiæ est, Quia non Entis nullæ sunt passiones. Antecedens multis locis approbant *Aristoteles* & *Zabarella*, qui Potentiam expresse vocant materiæ affectionem: Et Quantitas materiæ affectio est melioribus Physicis & Metaphysicis,

6. Si materia esset actu Ens per formam, sequeretur materiam, quâ Ens, compositum esse: Atqui falsum hoc: Ergò & illud, Connexi ratio; Quia forma non constituit intrinsece aliquam naturam in suo esse Essentiæ, nisi componendo illam per modum actus: *Suaverius*.

7. Si materia haberet suum esse essentiæ intrinsece per formam, in suo essentiali conceptu includeret formam: At hoc falsum: aliàs enim non posset dici potentia.

8. In primo subjecto necessario est realis potentia passiva: unde ipsum essentialiter dicitur potentia passiva: At materia est primum subjectum: Ergò: & per consequens non est sine aliqua actualitate Entitativa, sine qua nulla potentia realis passiva intelligi potest.

9. Omne Ens actum habet per quem est Ens. Atqui materia est Ens: Habet igitur actum per quem est Ens. Atqui actus iste non est formalis: Ergò Entitativus. Assumptio patet; Quia est principium reale & internum compositi.

10. Rationis loco libet adicere *Scaligeri* quod sententiam, quæ assertionem nostram non uno probat argumento. Sic ille exerc. 17. *Alibi à nobis declaratum est, materiæ suam esse quidditatem, quâ est aliquid, & aliud ab aliis. Quare subtilius inspicienti dici potest actio: non ut forma; sed ut est in sexto ac septimo supernaturalium. Actu enim esse dicitur, quod est extra suas causas, id est, quod non habet causam à quâ futurum sit, sicut hyeme rosa, cujus esse est in sua plenitudine. Habet enim materia differentiam, per quam materia est, & forma non est. Quin acrius consideranti etiam dicitur actus. Manifestum enim est, & materiam à forma, & à materia formam aliquid accipere: ut ex utraque fiat hoc aliquid, & per se unum, Alioqui sola ex forma unum naturale conficeretur. Quippe forma, antequam materiæ uniatur, nondum actu actus est, sed actus potentia: si est in agentis potestate: ut ex utraque fiat hoc aliquid, actu quidem actus est ipsi materiæ, suo modo; & materiæ illi, suo item modo. Quæ enim desinit esse forma hæc, si materia desinit esse sub ea, Atqui materia desinit esse materia hæc, si forma abeat. Non est ergò materia in potentia ad suum esse, quod ipsa sibi est per suam essentiam: sed ad esse hoc tale, quod est ab alio. Est enim unum principium naturæ cum alio, & sub alio: 1. Physicorum & pars compositi; 7. Divinæ scientiæ: & per se formarum fundamentum; primo ejusdem: & subjectum materialium substantiarum; 5. Physicorum: & per se causa compositi; secundo ejusdem. Potentia verò illa, non est relatio, sed absoluta entitas. Quas prerogativas adversus *Avenroistarum* segmenta præstitit perpendisse, quàm parabolæ, atque inanes cylindri volutationes. Pulchrè pro hac sententia disputantem vid: *Casalpini*, Quæst. Peripat. lib. 4. q. 7.*

IV. Rationes contra hanc sententiam potissimæ sunt.

1. Si materia esset actus, compositum per se non esset unum: Atqui hoc falsum: Ergò & illud. Ratio connexi est, Quia ex duobus entibus in actu non fit unum per se.

2. Si materia est actus, erit vel forma vel compositum. At neutrum est: Ergò. Connexi ratio est, Quia tertius actus non datur.

3. Si materia habet actum entitativum, erit is substantia vel accidens: At nec accidens, nec substantia est. Non accidens: quia sequitur aliàs materiam esse accidens. Non substantia: quia nec for-

ma est, nec compositum: Nec denique materia est; quia sequeretur materia materiam esse, seu materiam constare ex materia; quod absurdum.

4. *Aristoteles* ait, materiam esse non *Ens*, nec quid, nec quale, nec quantum: Ergo, ex mente *Aristotelis*, non habebit actum.

V. Ad rationes hasce breviter sic respondemus.

Ad 1^m. Connexum negamus. Valet enim consequentia ejus tantum de actu formali, non de Entitativo. Ad approbationem idem respondetur: Ex duobus actibus, nimirum formalibus, non fieri unum per se. Alii tamen malunt dicere materiam esse actu, quam actum: *Fonseca*, lib. 1. *Metaph.* cap. 7. quæst. 3. n. 8. *Conimbricenses*, 1. *Physic.* cap. 9. q. 3. art. 1. de quorum sententia vide judicium *Suarezi*, tom. 1. disp. 13. sect. 5. n. 2, 3, 11.

Ad 2^m. Connexum negamus: cujus consequentia de actu tantum formali valet, qualem nos esse materiam negamus.

Ad 3^m. Disjunctum negamus: Est enim actus Entitativus proprie nec substantia, nec accidens; sed modus materiae intrinsicus, qui aliud nihil est nisi existentia materiae extra suas causas. Dicere igitur materiam habere actum Entitativum, idem est ac si dicas, materiam extra causas suas consistere: ut non *Faber* tantum, sed & *Petrius*, lib. 5. cap. 13. explicat.

Ad 4^m. Negamus consequentiam: *Aristoteles* enim materiam vocat non-Ens, non absolute, sed respectivè, quia Ens per formam determinatum & completum non est. Ità & non-quantum esse ait; quia quantitatem terminatam non habet. *Cassalpinus*, Quæst. Peripat. lib. 4. quæst. 7. in materia primâ actum & potentiam distinguit: actu eam esse statuit, quatenus subjectum quoddam est; potentia, quatenus respicit perfectiones ad quas ordinata est: Cum igitur, inquit, consideratur potentia ejus, informis & inaffecta est; idcirco neque quid, neque quantitas, neque aliquod ceterorum entium: Cum autem consideratur ejus actus, absolutum quiddam est, & substantia sui generis, &c.

VI. Est igitur materia Ens, per actum suum Entitativum: Attamen omnium Entium infimum & imperfectissimum esse censetur in genere Substantiæ. Sunt enim duo substantiarum genera à quibus distinguitur; Forma, & Compositum: illa est separata, vel cum materia concreta; hoc ex materia & forma constatur. Jam verò extra controversiam est, materiam esse imperfectiorem composito: quod præter materiam etiam includit formam: Esse quoque imperfectiorem formâ separatâ, quæ rectius substantia incorporea completa ap-

pellatur, nemo ambigit: Formâ verò, quæ altera compositi pars, & substantia incompleta est, eandem esse imperfectiorem, suo deinceps loco probabimus. Nec quisquam facile negaverit, genus materiae esse imperfectius genere vel formæ, vel substantiæ completæ, simplicis aut compositæ. Scrupulus tamen objicitur in collatione materiae alicujus specialis cum forma alia speciali: e. gr. Si conferatur forma terræ cum materia cœli *Empyreï*: Ubi videtur cœli *Empyreï* materia præstantior esse formâ terræ: quia etsi hæc corpus imperfectissimum, quale terra, perficit & constituit, illa tamen corporum omnium perfectissimum inchoat, nempe cœlum *Empyreum*: Est tamen omnino statuendum, materiam quavis formâ substantiali imperfectiorem esse: quia in genere substantiæ collata cum formâ est potentia; forma verò actus: atqui actus plus habet perfectionis quam potentia. Utitur etiam hac ratione *Suarez*: Si concedamus aliquam materiam esse perfectiorem formâ, facile quis posset dicere, aliquam materiam esse perfectiorem substantiâ aliquâ completâ & integrâ: quia cum ponatur esse perfectior quam formâ, & per se includat totam materiae perfectionem, fieri certè posset, ut saltem intensivè in perfectione excederet substantiam aliquam integram & compositam: quod absurdum: Non igitur sufficiens perfectionis majoris indicium est, inchoare substantiam aliquam perfectiorem: siquidem ipsa illa inchoatio minus habet perfectionis, quam consummatio substantiæ vilioris, à forma profecta.

VII. Etsi autem omnium Entium in genere substantiæ imperfectissimum est materia, Ens tamen est: Unde colligimus,

1. *Non esse potentiam puram*: Quia potentia pura ad Ens, est non-Ens: veluti potentia ad calidum, est non-calidum. Præterea, potentia pura aut nihil est, aut Ens est: Illud dari non potest: nam si nihil est, materia non est, vel ipsa materia nihil est: Si Ens est, utique potentia pura non est. Porro contra naturam Subjecti est, puram esse potentiam. Nam in subjecto necessario est realis potentia passiva: hæc autem intelligi non potest sine aliqua actualitate Entitativa: *Suarez* tom. 1. disp. 13. sect. 5. num. 9. Denique, simpliciter pura potentia non est Metaphysicè composita ex actu & potentia: At materia Metaphysicè est composita ex actu & potentia: Ergo. Assumptio probatur: Quia constat ex genere & differentia, essentia & existentia, natura & substantia in completis. Interim pura dici potest potentia, non quidem omnis actus Metaphysici aut entitativi, sed respectu informantis, seu actus absolute & simpliciter dicti: quia non est

aētus informans, nec in conceptu suo intrinsece includit actum Physicum informantem: est enim entitas simplex.

2. *Esse bonum quoddam*: Primò, quia ens est: At omne ens bonum est. Deinde, quia causa boni per se est, nempe compositi naturalis. Denique, quia Deum habet factorem & creatorem. Non igitur probatur nobis *Plotini* sententia Ennead. 1.1.8. cap. 3, 4. ubi ait, *Nullam in materia perfectionem esse seu bonitatem, sed meram malitiam*, quod nisi benignum habeat interpretem, falsissimum est. Videtur tamen minùs propriè hoc de materia dici, quia corruptionis seu corruptibilitatis radix esse creditur: quam ob causam *malefica* quoque appellari solet: & principium non-essendi seu corruptionis ab *Aristotele* nominatur, 7. Metaph. cap. 7. & 5. Metaphys. 7. t. 21. & 8. Metaphys. cap. 4. t. 12. & 2. Phys. 7. t. 74. & 3. Phys. 7. t. 67. & 4. Phys. 4. t. 35. & 1. De generat. 7. t. 55. & 1. De anim. cap. 5. t. 90.

II. Esse substantiam,

Ex Deo.

I. *Materiam esse substantiam, patet*:

1. Quia substantiæ definitio ipsi competit: quæ est, ens quod reverà proprium esse habet, nec est, in alio ut esse habeat à subjecto. Materiam autem reverà proprium esse habere suprà ostendimus: Nec esse ita in alio ut esse à subjecto habeat, patet: quia nec in forma est tanquam in subjecto; neq; in composito, ita ut ab eo esse habeat; nam à materia potentiùs esse habet compositum.

2. Essentiale ac substantiale principium corporis naturalis substantia est: Atqui materia huiusmodi principium corporis naturalis est: Ergò. Propositio probatur: Quia plerique eadem ratione probant, formam esse substantiam & non accidens.

3. Si materia non est substantia, accidens erit: At consequens falsum: Ergò & antecedens. Excipitur: Inter *Substantiam* & *Accidens* dari medium, nempe *Ens in potentia*. Resp. Atqui & materia est *Ens*: ut suprà ostendimus: Omne autem *Ens* est substantia vel accidens. Nec accuratè videntur loqui, qui aiunt, materiam esse principium substantiæ: de ratione enim substantiæ non est habere materiam. Rectius igitur appellatur principium corporis: quod etsi corpus non est, tale nempe quale per ipsam constituitur, nihil tamen impedit quò minùs substantia sit.

4. Materiam esse substantiam, ostendit *Zabarella* lib. 1. De rerum nat. cap. 6. ex *Aristotelis* 1. & 2. Phys. 2. De anim. cap. 1. & 7. Metaphys. quibus in locis appellatur substantia. Et notum aliàs est, distingui ab *Aristotele* substantiam in materiam formam &

compositum. Videatur initium cap. 21. 8. Metaph. Videatur & *Casalpinus*, Quæst. Peripat. lib. 4. q. 7.

II. *Materiam non esse substantiam, contendunt nonnulli hisce rationibus.*

1. Principium subsistendi non est ipsa substantia: At materia est principium subsistendi: Ergò. Propositio probatur: Aliàs substantiæ esset substantia. Assumptio patet: Quia est subjectum formæ seu substantiæ.

2. Cujus Entitas non est prædicamentalis, id non est verè ac propriè substantia: At materiæ Entitas non est prædicamentalis: Ergò. Assumptio probatur testimonio *Alexandri de Alexandria* 7. Phys. t. 7. qui ait, *Omne prædicamentum à formalitate sumi*.

3. Materia non per se subsistit: Ergò non est substantia. Antecedens probatur ex *Averroe*, lib. 3. Phys. t. 65. ubi ait, *Materia non existit per se, quia non habet formam*.

4. Quod neque forma est, neq; formatum, id non est substantia: At materia neq; forma est, neque formatum: Ergò. Propositio probatur. Quia quicquid subsistendi actum habet, aut forma simplex est, per se existens extra materiam, aut est formatum, habens in se formam & actum subsistendi.

5. Quod necessitatem habet per aliud, non est substantia: At materia prima necessitatem habet per aliud, nempe per existentiam formæ: Ergò.

6. Quod ad esse non sufficit sine forma, id substantia non est: At materia ad esse non sufficit sine forma: Ergò.

7. Quod per se non est *τὸ ἴδιον*, non est substantia: Atqui materia prima per se non est *τὸ ἴδιον*, ut docet *Albertus Magnus*, in 3. de con. tr. 2. cap. 2. Ergò.

8. Materia non subsistat per se accidentibus: Ergò non est substantia.

9. Materia est causa ipsius nihili & infinitatis. Ergò non est substantia.

10. Quod non est *Ens* in actu, id non est substantia. At materia non est *Ens* in actu. Ergò.

11. Quæ recipiunt magis & minùs, non sunt substantiæ. Atqui materia & forma recipiunt magis & minùs: quia forma est magis substantia & *Ens* quàm materia.

12. Materia est potentià id quod est compositum: At compositum est corpus. Ergò materia prima non est corpus; & per consequens non est substantia.

13. Species substantiæ propriè sic dictæ sunt perfectè disparatæ. Materia & forma non sunt disparatæ: Ergò. Assumptio probatur: Quia perfectè & propriè dicta disparata, unam essentiam immediatè & naturaliter non constituunt.

14. Omnis vera substantia est completa. At

III.

materia non est substantia completa. Ergo.

III. Ad rationes hase breviter respondemus.

Ad 1^m. Propositionem distinguo. Principium subsistendi non est substantia, nempe ipsa illa ejus est principium subsistendi: ita certe est. Nec enim materia est ipsum corpus naturale ejus est principium. Inde verò, simpliciter substantiam non esse, haud sequitur. Nec enim materia simpliciter est subsistendi principium, respectu cujusque substantiæ.

Ad 2^m. Assumptionem nego: Ad probationem respondeo: Ipsa etiam materia suam habet formalitatem, non illam quidem Phisicam quæ altera sit pars corporis seu compositi naturalis, sed Metaphysicam. Verba *Suarctii* tom. 1. disp. 13. §. 5. num. 13. sunt, *Cum dicitur, materiam non esse compositam ex actu & potentia, id verum esse concedimus de proprio actu & potentia Phisicis: Metaphysicè verò concedi debet materiam componi ex actu & potentia sibi proportionatis, id est, ex genere & differentia, essentia & existentia, natura & substantia incompletis: Actus ille materia est loco formalitatis. Videatur idem Suaretijs disp. ead. §. 2. num. 8.*

Ad 3^m. Antecedens negamus: Suo enim modo per se subsistit, etiam si extra compositum actu non existit. Habet actum suum Entitativum per se, eumque non accidentalem sed substantialem: unde & substantia sæpenumero à Philosopho appellatur. Quod si tamen substantia non tribuatur nisi substantiæ completæ, concessa antecedente, consequentiam negabimus: quia tum non omnis simpliciter substantiæ erit per se subsistere, sed tantum completæ. Quicquid sit, *subsistere seu per se existere* duobus modis accipitur: late; quo sensu per se subsistere idem est, quod non in alio tanquam subjecto inhaerere: & strictè, quod est separatim à quocunque alio existere: Prior subsistendi modus etiam materiæ competit: posterior non est nisi substantiarum completarum.

Ad 4^m. Propositionem negamus: Datur tertium, nempe materia. Probatio principium petit: nec omnis subsistendi actus est forma: substantia autem compositi naturalis non tantum à forma, sed etiam à materia est.

Ad 5^m. Assumptionem negamus. Materia necessitatem habet per se, non per formam.

Ad 6^m. Assumptionem negamus. Sufficit materia ad esse suum quia actum habet Entitativum per se, non per formam: nec forma facit materiam magis quam materia formam; Imò si vera est sententia de educatione formæ ex potentia materiæ, plus videtur forma debere materiæ quam materia formæ, quoad existentiam.

Ad 7^m. Propositionem negamus. Nam nec sub-

stantiæ secundæ sunt *ἡ ὅτι, hoc aliquid*, quod individuorum proprium est: Et tamen nemo negat, Hominem, Brutum, Plantam, &c. esse substantias.

Ad 8^m. Antecedens negamus: Substat enim per se quantitati.

Ad 9^m. Antecedens impropriis verbis constat. Etiam si verò materia aliquo modo causa ipsius nihili & infinitatis dici potest, causa tamen ipsius quoque compositi naturalis est. Taceo quod ipse Dens quoque nihili & infinitatis causa aliquo modo dici possit: Quis verò substantiam esse propterea neget?

Ad 10^m. Assumptionem negamus: Materia per se est Ens actu, per actum suum Entitativum: de quo suprà.

Ad 11^m. Eodem argumento demonstrari posset, ne substantias quidem completas esse substantias: quia substantiæ completæ sunt magis substantiæ quam materia & forma. Deinde ad propositionem: Substantiæ completæ non recipiunt magis & minus: Quibus materiæ non accensemus.

Ad 12^m. Conclusio nobis non contradicit: Materiæ enim non est corpus, nempe compositum ex materia & forma, ut corpus naturale completum: Est tamen nihilominus corpus, non quidem id quod est potentia, sed quod est actu, hoc est, corpus incompletum. Interim falsum est, non esse substantiam, quod non est corpus. Nec propositio simpliciter vera est: Compositum enim est actu aliquid: Est & materia actu aliquid: aliàs enim Ens non esset.

Ad 13^m. Assumptionem negamus: Probatio non admittitur, nisi de substantiis disparatis completis. Atqui incompletio, ut ita dicam, non tollit naturam disparatorum. Deinde ne de completis quidem omnibus datur: Sunt enim elementorum naturæ completæ, & tamen unam essentiam corporis misti naturaliter constituunt.

Ad 14^m. Propositio negatur: Vulgò in Metaphisicis Substantia dicitur esse genus *αὐτὸς ἑῖς* seu *αὐτὸ ἓν*; respectu completæ & incompletæ substantiæ: Unde colligere est incompletam esse substantiam: Quemadmodum accidens verum est Ens; etiam si, ut communis habet sententia, Ens respectu substantiæ & accidentis est genus *αὐτὸς ἑῖς*, &c.

I II. Habere quantitatem interminatam.

Ende.

I. Ardua in Scholis questio est, *An materia prima per se & naturā suā quantitatem sibi vendicat*, hoc est, trinam dimensionem, longitudinem, latitudinem & profunditatem; an verò antecedente deum formā quantitatem recipiat. Nos priorem partem in thesi tuemur. Distinguiamus verò cum Philoso-

phis quantitatem in *terminatam* & *interminatam*. *Terminata* quantitas est, quæ per formam ad certam aliquam figuram est determinata: Sic homo habet determinatam quantitatem, ut patet ex figura hominis. *Interminata* est, quæ, si in se spectetur, certam figuram nullam habet, ad omnes recipiendas æquè indifferens. Cum enim proprium sit formæ, determinare quantitatem ad certam aliquam figuram, consequens est, quantitatem esse interminatam, si ut formæ expers consideretur.

II. Probamus ergo sententiam nostram hisce rationibus.

1. Forma non dat materiæ ut sit materia, hoc est, ut sit subiectum; sed præsupponit illam esse subiectum: Ergo præsupponit quoque id sine quo materia non potest esse subiectum, quod est quantitas. Materia enim secundum varias partes varias recipit formas: At partium varietas & distinctio non datur sine quantitate.

2. Forma statuitur divisibilis per subiectam materiam: Ergo materia cœvam sibi habet quantitatem. Ratio consequentiæ est; Quia divisibilitas pendet à quantitate.

3. Quicquid movetur est divisibile, & proinde quantum: *Aristot.* 6. *Phys.* t. 2. 2. At materia est subiectum primum transmutationis: Ergo est divisibilis & quanta.

4. Si quantitas producitur per formam, aut ex nihilo producitur, aut ex materia. Non ex nihilo: quia solius Dei est ex nihilo aliquid producere. Nec ex materia: quia ex eo quod est indivisibile per se, & nullas partes habet, trina deduci dimensio non potest.

5. Nobiliorum Philosophorum sententia est, quantitatem tenere se ex parte materiæ; qualitates ex parte formæ: At si quantitas produceretur à forma, contrarium esset statuendum.

III. In contrariam partem hæc adferri possunt rationes.

1. Substantia composita prior est accidente, naturâ & ratione: Ergo etiam quantitate: & proinde quantitas non est cœva materiæ vel propria; aliàs enim prior esset substantiâ compositâ, cum materia cā sit prior. Antecedens *Aristotelis* est 7. *Metaph.* t. 4.

2. Idem est subiectum augmentationis & quantitatis: Est enim augmentatio motus ad quantitatem: Atqui augmentationis subiectum est substantia composita: Ergo.

3. Forma accidentalis pro subiecto habet Ens in actu: Quantitas est forma accidentalis: Ergo pro subiecto habet Ens in actu: Ergo non inest materiæ primæ, quæ est Ens in potentia. Propositio *Averrois* est, 2. *De anima*, comment. 4.

4. Quæ non differunt realiter, eorum idem est subiectum: At quantitas terminata & interminata non differunt realiter: Ergo idem utriusque est subiectum. At quantitatis terminatæ subiectum est substantia composita: Ergo & interminatæ.

5. Si quantitas immediatè & semper hæreret in materia, major esset unio materiæ cum quantitate quàm cum forma: At hoc falsum: Ergo & illud. Connexi ratio est, Quia unio materiæ & quantitatis esset immediata & indissolubilis, qualis non est unio materiæ & formæ. Assumptum probatur: Materia & forma substantiæ pertinent ad idem prædicamentum; componunt unum Ens per se; item, Forma est propria materiæ perfectio.

6. Quantitas interminata nulla datur: Ergo ea non inest materiæ primæ. Antecedens probatur: Quia materia etiam absque forma considerata est finita: Habet igitur certos finitatis terminos, & proinde quantitas non est interminata.

IV. Ad singulas ordine sic respondemus:

Ad 1^m. Antecedens negamus. Ad probationem respondemus: *Aristotelem* loqui de accidentibus quæ sequuntur formam compositi, non de iis quæ materiam. Quæ enim formam sequuntur, prius in actu non prodeunt quàm forma sit unita materiæ, & compositum constitutum: Quæ verò materiam sequuntur, insunt ei etiam extra compositionem considerata.

Ad 2^m. Propositionem distinguimus: Idem subiectum augmentationis est & quantitatis, nimirum terminatæ, non interminatæ.

Ad 3^m. Primò propositionem distinguimus: Forma accidentalis, nimirum terminata, & insequens formam substantialem, qualis non est quantitas, interminata. Deinde negari quoque potest consequentia rationis: Nam & materia est Ens in actu, ut supra ostendimus.

Ad 4^m. Propositionem distinguimus: Quæ non differunt realiter, eorum idem est subiectum, scilicet *inhesionis*; non verò *denominationis* quoque. Inhæret igitur materiæ quantitas tam terminata, quàm interminata: Verum ab interminata tantum denominatur, quia citra formæ respectum hæc ei inest: A terminata verò solum compositum denominatur; quia terminatio resultat ex unione formæ cum materia; unde composito vindicatur.

Ad 5^m. Primò connexionem negamus. Ad probationem respondemus: Majorem unionem illam æstimari ex qua sit magis unum, non quæ magis indissolubilis est. Cum igitur ex unione materiæ formæ fiat magis unum, hoc est, per se unum; ex unione verò materiæ & quantitatis minus unum, hoc est, unum per accidens; utiq; illa major, hæc minor rectè appellatur.

appellabitur. Posset quoque negari assumptio: Nec enim simpliciter falsum est, maiorem esse materiam & quantitatis unionem quam materiam & formam, si quis velit unionem maiorem estimare vel e nexu indissolubili, vel e maiori unitate, quæ sit per nexum sive solubilem sive indissolubilem.

Ad 6^m. Antecedens negamus. Probatio ejus in- consequens est: Etiam si enim materia in se considerata finita est, & certis inclusa terminis; non tamen obstat quod minus quantitas ejus dici possit interminata, propter innumerabiles terminos & figuras quas ipsa quidem in se non habet, sed accipere ab agentibus naturalibus, pro varietate formarum, potest: veluti lutum informe dicitur, quod qualvis a figulo impressas figuras admittit, nec ullam per se sibi vendicat.

IV. Carere omni formâ substantiali.

⁴ Ex 2^o 1^o.

I. Non hic assertionis nostræ sensus est, quasi materia extra compositionem & conjunctionem cum forma substantiali existat: sed quod in suo essentiali conceptu non includat actum formæ Physicæ & propriè sic dictæ; Unde simplex, non composita essentia est, ut corpus naturale. Hinc alibi *Aristoteles* intellectum possibilem cum materia prima in eo comparat, quod nullam ex se habeat speciem, uti materia nullam ex se formam habet. Alibi ait esse informe quiddam: quo sensu etiam appellatur pura potentia.

II. Pertinet huc quæstio de forma Corporeitatis, quam nonnulli materiam propriam, eique coævam esse & manere aiunt, per quam nempe materia existat, formas naturales recipiat, formas appetat, formis originem præbeat naturalem, ne creatio sit admittenda, & denique corporea & divisibilis sit. Unde hujusmodi argumentum formatur: Quod existit, formas naturales recipit, appetit, iisque originem præbet, & corporeum & divisibile est, id necessario habet formam sibi coævam & inseparabilem: Atqui materia prima existit, formas naturales recipit, &c. Ergo. Propositionis ratio est: Quia existentia nulla est, nisi à forma: Nec potest recipi à materia forma, seu in eam introduci, nisi quanta & extensa sit materia: at quantitas & extensio est à forma substantiali: Nec potest esse appetitus, tanquam actio, nisi ubi est forma: Nec formis originem præbere potest naturalem, nisi quod formatum: nam ex sola materia, quæ Ens est imperfectissimum, non potest esse forma, Ens nobilissimum: Denique, nihil potest esse corporeum & divisibile, nisi per formam.

III. Sententiam hanc cum melioribus Philo-

sophis repudiamus, ejusque rationi hanc opponimus contrarium. Si necessaria esset hypothesis de forma corporeitatis, vel propter materiam existentiam, vel propter formarum receptionem, vel propter appetitum formarum, vel propter originem formarum, vel denique propter corporeitatem & divisibilitatem materiam esset necessaria: Atqui propter nullum horum est necessaria: Ergo frustra introducta & excogitata est. Propositio constat ex sufficiente enumeratione causarum quibus nititur formæ istius hypothesis. Assumptionem de singulis probamus. Non est necessaria forma corporeitatis, propter existentiam materiam: quia materia existentiam habet per seipsam, non per formam, ut jam antè ostendimus: Non propter formarum receptionem: quia materia per se quanta & extensa est, non per formam, ut antè quoque ostendimus: Non propter appetitum formarum: quia appetitus ille non est actio, sed inclinatio tantum & potentia materiam; quam non minus requireret & præsupponeret corporeitatis forma, si quæ esset, quam aliæ formæ naturales: Non propter originem formarum: quia, secundum communem opinionem, ut formæ generari non creari dicantur, etiam si ante productionem nihil fuerunt, sufficit si ad productionem earum requiratur subiectum à quo necessario pendeant, & certæ dispositiones materiam sine quibus produci nequeunt: Quod enim creatur, nec subiectum nec dispositiones requirit: *Pererius*, lib. 5. c. 8. Quæ nostra de formarum origine sententia sit, suo loco explicabimus. Non denique necessaria est forma corporeitatis propter corporeitatem & divisibilitatem materiam: quia divisibilitatem habet à quantitate; corporeitatem non per formam, sed per se habet, nisi processum in infinitum velimus admittere. Hæc prima est ratio adversus formam corporeitatis: quæ simul oppositæ rationes solvuntur.

Subjicimus alteram: Si materia prima haberet corporeitatis formam propriè sic dictam, eamque in conceptu suo essentiali includeret, non esset simplex quiddam & primum in natura, sed compositum ex aliis principiis essentialibus; nempe materiâ & formâ: Atqui falsum hoc, & processum in infinitum inducit: Ergo & illud falsum. Videantur plures rationes apud *Suarecium*, tom. 1. disp. 13. §. 3. num. 12. & seqq. Esse etiam sententiam de corporeitatis formâ doctrinæ *Aristotelicæ* planè contrariam, multis ostendit *Pererius* lib. 5. cap. 15.

IV. Etsi verò in essentiali suo conceptu materia formam non includit, nunquam tamen sine forma in rerum natura existit, vel existere potest, propter ordinem naturæ & seriem causarum naturalium constantissimam. Perpetua enim & immota naturæ

lex est. *Corruptio unius est generatio alterius*: ut generatio unius est corruptio alterius; nempe per concomitantiam necessariam: *Pererius*, lib. 5. c. 13. Si tamen contingeret ut Divinâ virtute materia omnimodâ privaretur, propterea in nihilum non redigeretur: Sed nihilominus ut corpus incompletum existeret, per generalem illum Divinâ potentia concursum, quo omnia sustentantur & conservantur.

THESIS XI.

Hactenus prima materiae notio: Secunda est, quâ materia tanquam principium essentiale corporis naturalis consideratur. Estque consideratio hæc tota respectiva ad corpus naturale: cujus respectu competit ipsi recipere in se formam per agentis operationem, & id esse è quo in existente fit compositum.

**Ex Dico.*

I. Hinc triplex materiae relatio oritur, una ad agens seu efficiens: altera ad formam: tertia ad compositum. Ad agens refertur materia, tanquam potentia passiva ad activam, seu tanquam mobile ad movens; ad formam, tanquam potentia materialis ad actum formalem seu perfectibile ad perfectionem; ad compositum, tanquam causa ad causatum. Estque inter rationes hæc hic ordo, ut relatio ad efficiens sit prima; ad formam, secunda; ad compositum, tertia: Primum enim ab efficiente materia disponitur; deinde in dispositam formam inducitur; denique unâ cum forma compositum constituit. Est autem relatio ad efficiens extrinseca, quæ cessat præsentem formâ: ad formam verò & compositum intrinseca, quæ durat etiam post rei productionem: re enim productâ actu est materia compositi causa, & forma actu materiam perficit: Unde materiae respectu naturæ ipsius in specie, principalis relatio est ad formam, tanquam perfectionem: respectu verò intentionis naturæ universalis, ad compositum, cujus gratiâ & forma & materia est.

II. Quæri hic possit, *An materia tantummodò patiatur, nullam verò agendi vim habeat*: Plerumque; *Peripateticorum* sententia est, materiam non patiendi vim habere, agendi verò nullam: Omnem igitur agendi vim soli vendicant formæ, vel compositum propter formam. *Scaliger* tamen aliud videtur, Exerc. 307. §. 27. Materia, inquit, & forma sunt causæ internæ, mutuâ coordinatione inter se ultro citroque; dantes atque accipientes suo utroque modo aliquam perfectionem. Etenim forma id agit, ut materia sit hoc aliquid: materia videtur agere, ut forma existat: Non enim esset unum ex principiis, nisi aliquid face-

ret. Sine eâ sanè forma non potest existere: & ipsum existere aliquid est: id igitur ipsum, quod est existere, præstatum à materia. Si tamen res accuratè pensetur, non videtur materia propriè agere vel respectu Efficientis, vel respectu formæ, vel denique respectu compositi. De efficiente res nota est. Ad formæ existentiam aliquid confert: attamen non per modum actionis, sed passionis; quatenus formam intra se recipit tanquam subjectum ejus. At recipere, in Scholis Physicis, non est agere, sed pati: Unde & sensio per passionem fieri dicitur, quia fit per receptionem specierum sensibilium. Nec respectu compositi: Quia causalitas ejus respectu compositi est, ut ex ea fiat aliquid, ita ut insit, quod fieri videtur absque ulla materiae actione: unde ad constitutionem compositi concurrere dicitur per modum potentia passivæ. Nam ipse *Scaliger*, Exerc. 17. ait, absurdum esse materiae tribuere actionem.

III. Sed ob stare sententiæ huic videtur tritum illud, quo materia dicitur appetere formam? Atqui appetere aliquid est agere. Ad quod ut rectè respondeatur, non nihil de appetitu dicendum. *Avicenna* formam à materia expeti negavit. Probatio ipsius hæc fuit. Materia formas appetit, vel quia illis omnino caret; vel quia plures simul habere optat; vel quia earum quas habet satietate afficitur: At nullum horum admitti potest: Non primum; quia materia sine formâ nunquam est: non secundum; quia materia non appetit id quod obtinere non potest, esset enim appetitus frustraneus: non tertium; quia simplicitati materiae contrarium est: Materia igitur formam non expetit.

Audiamus etiam *Scaligerum* iisdem ferè argumentis *Avicennæ* partes tuentem, Exerc. 17. Materia quo novo consilio formam rapiat, quæ aliquâ formâ semper informata, &c. Non enim formam abjiciet, ut formam quærat. Haud tam vesana natura est. Et faceret ac potius delicate id à nostris præceptoribus cantillatum est, Materiam semper maleficium meditari. Quæso paucis: Si tota materia sub omnibus formis est, non potest tota formas quærere: Non igitur tota meditatur mutationem: Non enim appetet, quod habet. Si non tota meditatur mutationem, sed pars tantum hæc, aut illa: non est igitur toti essentialis meditatio. Ergo neque parti: Tota enim materia prima, quatenus materia prima est, nihil aliud est quàm suæ partes. Non igitur appetent partes mutationem. Et quid appetet exure hominis formam nobilissimam, ut fetulenti cadaveris formam induat? Nugæ sunt hæc, inscitia soboles, alumne pertinacia atque supinitas. Materia igitur nè tu dederis rapiendi potestatem cujus, ut faceret dicam, penè *deorum* torres est à Philosopho dicta, prædicata,

dicata, ostentata, decantata, ut loca recensere pigeat. Idem repetit Exerc. 61.

IV. Attamen appetitum materiæ rationes hæc non videntur expugnare, siquidem per eum aliud nihil intelligunt Peripatetici quàm inclinationem materiæ ad recipiendam formam: quæ in materia corruptibilem non minùs universalis est quàm ipsa privatio seu potentia, à qua aut parum aut nihil differt. Nec satiatur hic appetitus unius formæ quantumvis præstantis præsentia: quia ad rerum corruptibilem species conservandas planè necessarium est, ut unius corruptio evadat in generationem alterius, quod, sublato hoc appetitu, non fieret. Unde patet Scaligeri & Avicennæ rationes vitio consequentiæ laborare, propter insufficientem causarum enumerationem. Materia enim formas appetit, hoc est, ad eas recipiendas inclinatur, non quòd vel omnibus omnino careat, vel plures simul habere possit, vel deniq; earum quas habet satietate ac tædio afficiatur; Sed quòd sine hoc appetitu rerum corruptibilem species nequeant conservari. Conservantur enim species in individuis; individua autem tandem corrumpuntur: quibus nisi alia succederent per continuam generationem, unà cum individuis tandem & species interirent. At nova generatio nulla est, nisi detur materiæ inclinatio ad novam formam. Ex hoc appetitu Campanella materiæ sensum elicit, De sensu rerum lib. 2. cap. 2. Sensum tamen non animale, sed naturalem intelligit. Si per sensum inclinationem intelligeret, non contradiceremus.

V. rationem hinc possumus reddere cur Aristoteles materiam dicat esse causam conservationis, 2. De generat. text. 51. & 1. Oeconom. cap. 3. & contrà, causam corruptionis, 9. Metaph. cap. 9. text. 17. & 7. text. 22. Nempe conservationis causa appellatur, quia per eam continua est individuorum corruptibilem generatio, quæ species conservantur & immortales redduntur: Corruptionis verò causa est, quia qualitates contrarias formarum expultrices admittendo interitum compositi molitur. In materia incorruptibilem non est hic appetitus universalis, vel desiderii; sed singularis, & complacentia tantum. Estq; causa ipsius communis: quia imperfectum & deforme perfici & ornari amat.

THESIS XII.

Cum autem corpus naturale sit incorruptibile vel corruptibile, illudque per creationem, hoc per generationem habeat originem: de materiæ, in secunda notatione, affectionibus in specie aliter pronuntiandum erit respectu incorruptibi-

lium, aliter respectu corruptibilium: quod fieri non potest abq; limitatione seu contractione naturæ universalis, quam hactenus consideravimus, ad species suas. Est igitur materia corruptibilem, vel incorruptibilem.

THESIS XIII.

Materiæ corruptibilem competit,

I. Annexam habere Privationem: Quæ est absentia formæ in materia jam formata, cum potentia ad recipiendam eam: Estque indefinita, vel definita.

Expositio.

I. Quatuor de privatione, in genere, quæstiones sunt expediendæ: 1. In quibus consistat natura privationis. 2. Quid differat privatio à negatione. 3. Quomodo se habeat privatio ad materiam. 4. An privatio sit principium corporis naturalis.

Primam quod attinet, in tribus potissimum natura Physicæ privationis, quæ materiæ tribuitur, consistit. Primum est præsentia formæ in materia, cui adversatur forma alia in materiam introducenda per prioris expulsionem. Est hoc quod Zabarella dicit, lib. 1. De materia prima cap. 7. privationem esse necessariò conjunctam cum quadam forma præcedente formam generandam, cui illa privatio opponitur. Nec enim, inquit, omnis absentia albi dicitur privatio albi, sed illa tantum quæ sit conjuncta cum aliquo alio colore. Hinc fit ut ipsa quandoque forma in materia existens dicatur privatio sublequentis formæ per prioris expulsionem inducendæ. Sic forma seminis humani dicitur privatio formæ humanæ: non quòd forma ista secundum se, & quatenus est forma, sit formæ humanæ privatio; sed per necessariam concomitantiam, quia necessariò habet comitantem absentiam formæ humanæ cum potentia ad eam. Unde sequitur, materiam omni formam destitutam ad generationem ineptam esse: Nam si formam careret, privatio ei nulla inesset: si omnis privatio abesset, generatio nulla daretur; cum hæc illam necessariò præsupponat. Videatur Zabarella lib. 1. De materia prima cap. 8. Eadem Averrois sententia est, qui in 8. Phyl. comment. 4. ait, Si materia prima esset nudata omni formam, fore ut non posset recipere aliquam formam. Cujus enunciati rationem hanc adfert Pererius: Quia ad generationem necessariò requiritur prævia alteratio: quod enim non est alterabile, nec generabile est: Atqui subjectum proximum alterationis oportet esse Ens in actu: At

materia expers omnis formæ est tantum Ens potentia: Unde alterationis subjectum nequit esse: Quod si verò impossibile est alteratio, etiam impossibile est generatio. Confert enim tribus de causis alteratio ad generationem: 1. Quia excludit contrarias materię dispositiones: 2. Quia potentiam materię indifferentem & indeterminatam contrahit & determinat ad receptionem hujus vel illius formæ; 3. Quia per eam forma substantialis in materia producit, secundum Pererium & plerisque. Vide & *Toletum* in 1. Phys. cap. 5. q. 11. & cap. 7. q. 15.

Alterum in quo vera privationis natura consistit, est forma introducenda absentia, quæ privationis nomine necessarii indigitur. Privatio enim potissimum dicitur respectu formæ absentis quæ introduci in materiam potest. Unde *Zabarella*: Privatio formaliter est absentia formæ, & est nihil: sed per necessariam concomitantiam est alia forma, à qua solet privatio cujusque rei propria nominari.

Tertium est potentia ad recipiendam formam oppositam privationi. Unde palam est, nulli rei attribui posse privationem nisi potentia ei insit ad recipiendam formam oppositam, tanquam habitum.

II. Hactenus primum quæsitum: Alterum est de differentia inter privationem & negationem: Quæ ex iis quæ dicta sunt modò, facile constitui potest. Negatio enim est pura formæ absentia, nec cum formæ oppositæ præsentia, nec cum absentis recipiendæ potentia conjuncta: Privatio verò hæc necessarii requirit. Sic E. g. in Deo est quidem negatio albedinis, attamen privatio non est: 1. quia alius in Deo color non est; 2. quia nec potentia passiva in eodem est ad recipiendam albedinem. Sic & in lapide est quidem negatio visus, sed privatio propriè sic dicta non est; quia vim recipiendi visus nullam habet. Unde quoque apparet, universalem omnium formarum absentiam in materia absolute considerata, non tam privationem quam negationem esse. Interdum tamen Negatio latius accipitur, & genus constituitur privationis propriè sic dictæ & negationis pressius sumptæ: *Thomas*, quæst. 3. de malo, art. 7. Unde apparet suas quoque habere convenientias privationem & negationem, quando species disparatæ unius generis sunt: de quibus videatur *Suarez* tom. 2. Metaph. disp. 54. S. 5. n. 3, 4, 5.

III. Tertii quæsti sensus est: Sine privatio de essentia materia, an ei tantum accidat. Observandum hæc, Duplici modo dici aliquid esse de alicujus essentia: vel antecedenter, quod essentiam rei constituit, tanquam principium ejus essentialis internum: vel consequenter, quod constitutam essentiam necessario & perpetuo consequitur, adeo ut ab-

esse ab ea, citra destructionem & contradictionis implicationem, non possit. Prioris exemplum est Forma substantialis corporis naturalis. Posterioris, Quantitas, & alia idiomata, quæ corporis naturam immediatè & perpetuò sequuntur: de quibus axioma Logicum est; *Potest proprio poni id cuius est proprium; & sublato, tollitur*. Quibus declaratis sententiam nostram hæc assertione complectimur;

Privatio est de essentia materia: corruptibilem priori modo.

Aliiter hæc sentit *Themistius* & *Zabarella*. Ratio *Zabarellæ* hæc est: Quia materia potestatem habet recipiendi æquè formam ac privationem: Unde colligitur, utramque materię accidere, & extra ejus essentiam esse: cum interea utraque in materia, & materia sine utraque possit esse. Nobis tamen aliud videtur: Cum enim impossibile sit corpus corruptibile esse sine corruptibilitate, impossibile quoque est materiam corruptibilis corporis esse sine privatione: Nā enim adjunctam habet privationem formæ alterius, corpus per eam corruptibile non erit, sed incorruptibile: Ut ergo de essentia corporis corruptibilis est ipsa corruptibilitas; ita de essentia quoque materię corporis corruptibilis est habere privationem. Itaque abesse à materia corruptibilem privationem possit, adversus *Zabarellam* planè negamus. At enim, inquis, præsentem formam perit privatio: Non igitur de essentia materię erit privatio, quando abesse ab ea potest. Resp. ad antecedens: Perit privatio, non simpliciter, sed tantummodo secundum quid, respectu nempe ipsius formæ quam possidet, h. e. privatio singularis: manet autem privatio universalis & indefinita respondens potentie universali, quæ cum quavis forma singulari perpetuò consistit. Sunt enim omnia individua corruptibilia: semper igitur cum materia conjuncta est privatio.

IV. De quarto quæsto contrariæ sunt duæ sententiæ. Nonnulli & quidem plerique *Peripatetici* privationem inter principia corporis naturalis ponunt: Quorum hæc est potissima ratio; unde generatio, tanquam à termino à quo, proficiscitur, id est principium generationis: Atqui à privatione proficiscitur generatio, tanquam à termino à quo: Ergò. Ratione hæc utuntur *Conimbricenses* in 1. Phys. cap. 9. q. 8. art. 2. quam approbat *Zabarella* lib. 2. De materia cap. 21.

V. Aliis, ut & nobis, contraria placet assertio. Rationes sunt duæ potissimum. 1. Privatio nec materia, nec forma, nec efficiens, nec finis est corporis naturalis: Ergò principium ejus non est. Ratio consequentiæ est: Quia de principiis corporis

naturalis disputare, est de causis ejus tam internis quam externis disquirere. Antecedens apud omnes est in confesso. 2. Si privatio idem esset principium generationis, quia sine ea perfici generatio non potest, sequeretur etiam locum & tempus esse generationis principia, quia sine iis quoque perfici non potest: Atqui hoc falsum: Ergo & illud.

VI. Contraria igitur rationis propositionem negamus: Terminus enim à quo, etsi principium appellari potest; prout tamen hic principia accipiuntur, nimirum pro causis corporis naturalis propriè sic dictis, & ad aliquam causam per se speciem pertinentibus, principium appellari non potest, quia causa non est. Quod animadvertentes nonnulli Peripatetici privationem aiunt esse causam per accidens, seu conditionem sine qua non; quæ ratio tanti certè momenti non est, ut principiorum numerum adaugcat, cum & alia præter privationem hoc sensu principia appellari possint. Interim fateamur, omnino necessariam esse privationem ad generationem corporis naturalis.

Indefinita est, omnium in materia formarum, præter unicam, quam actu habet, absentia, cum potentia indeterminata ad eas successivè recipiendas: Quæ aliàs *remota* privatio appellatur,

Exposit.

Hæc privatio una nunquam abest à materia corporum corruptibilium: Aliàs enim non essent corruptibilia. Quod enim corruptibile est, id oportet annexam habere privationem formæ alterius, quæ destructa priori, per generationem in materiam induci possit: Quo respectu ex quovis quodvis fieri posse dici solet. Sic in terra est privatio indefinita, cum ad alias, tum ad formam hominis recipiendam, ad quam multis interjectis mutationibus, fit transitus: Ex terra enim aquæ permixta, primum enascitur planta: planta comesta mutatur in chylum; chylus in sanguinem; sanguis in semen; semen demum in hominem: qui destructus tandem, propter eandem privationem, ad innumeras alias formas recipiendas idoneus est.

Definita est, certæ alicujus formæ absentia cum potentia determinata eam recipiendi: Quæ *proxima* privatio appellari solet.

Exposit.

Sic in semine humano est privatio proxima ad formam hominis; quia determinata in eo potentia est ad formam hominis, ad quam præ aliis recipiendam singulari modo inclinatur, quamque recipit, pau-

cioribus mutationibus intervenientibus.

Zabarella non admodum placet distinctio privationis in remotam & proximam. Remotam enim vix dici posse privationem putat, cum immediatus ad formam oppositam transitus non detur. Sed minimè sufficiens videtur ratio: cum è recepta, apud Philosophos, loquendi consuetudine, non ex semine tantum, sed & elementis quoque oriri animalia dicantur: ut ex materia remota annexam habente privationem remotam, quæ pluribus mutationibus interjectis tandem seminis formam suscipit, è quo proximè animal generatur. Non tamen diffitemur proximam & definitam privationem magis propriè privationem dici, quàm remotam.

II. Habere potentiam passivam recipiendi formam, per præcedentem mutationem: Estque potentia illa universalis, vel particularis.

Exposit.

I. De potentia quaeritur. Quomodo differat à privatione. Respondemus cum *Zabarella*: Non videri potentiam à privatione realiter differre; sed tantum ratione: cum utraque denotet absentiam actûs & aptitudinem ad illum, attamen diversimodè: Potentia enim notat primò aptitudinem ad actum recipiendum, secundariò absentiam formæ: Privatio contra primò notat absentiam, secundariò aptitudinem.

II. Observandum quoque duplicem esse potentiam; activam & passivam: Activa est, per quam res idonea est ad agendum: Passiva, per quam idonea est ad patiendum. Posterior hæc potentia materiæ tribuitur, 1. respectu formæ, quam recipit; 2. respectu mutationum formæ inductionem præcedentium, quibus & ipsa subjicitur.

Potentia universalis est materiæ propensio ad omnes formas indistinctæ: Unde *libera & indifferens ad opposita* dicitur.

Exposit.

Sic Ex. gr. materia prima, priusquam mutationi ad certam formam recipiendam est subiecta, non magis propendet ad hominis vel canis formam, quàm ad elementi, plantæ vel metalli formam.

Potentia particularis est materiæ propensio ad certam aliquam formam propter præeuntem dispositionem particularem.

Exposit.

I. Observandum, formam particularem non recipi

cupi in materia nisi certo modo disposita; alia enim requiritur materiae dispositio ad formam hominis, alia ad formam equi, alia ad formam plantae vel metalli recipiendam.

Materia igitur ab agente ad certam aliquam formam disposita potentiam quoque particularem ad eam habet, quia magis jam ad hanc quam ad illam formam inclinat.

II. *Quomodo ad materiam se habeat utraque potentia*, quæri quoque solet. Aliquot assertionibus ad quæstionem breviter respondebimus, Zabarella prefluri vestigia; nostro tamen etiam usuri iudicio.

I. *Potentia universalis non constituit essentiam materiae in prima notione considerata.*

Ratio assertionis; Accidens non constituit essentiam substantiæ, quatenus est substantia absolute considerata: Atqui potentia materiae est accidens: Ergo. Propositio est extra dubium: Quia potentia materiae, quatenus à materia distinguitur, (nonnunquam enim *potentia* nomine ipsa materia significatur, ad denotandam ejus imperfectionem) est aptitudo materiae, quæ qualitas est, non ipsa materia: Nam materia dicitur habere potentiam hanc: At nihil seipsum habere dicitur: Zabarella, De mat. lib. 1. cap. 9. & 11.

III. 2. *Potentia universalis est materiae in prima notione essentialis, quatenus essentiam necessario consequitur.*

Ratio assertionis; Si quicquid præter materiam patitur, propter materiam patitur, & omne patiens idèd patitur, quia materiam habet; utique soli materiae pati per se competit: At verum prius, secundum Aristotelem 9. Metaph. r. 2. De ortu & inter. q. 50. Ergo & posterius. Per se igitur competit ei primo vel secundo modo: Non primo, ut assertionem primam ostendimus: Ergo secundo: tertius enim & quartus modus hic locum non habent. Connexi ratio est; Quia omne tale per aliud reducitur ad aliquid tale per se: censeturque per se tale, per quod alia sunt talia.

IV. Duo potissimum hic obijciuntur: 1. Quo sensu Themistius dicat, materiam in sua prima notione non habere potentiam. 2. Si potentia opponatur actui, & verò pereat potentia, præsentè actui, quomodo essentialis dici possit materia? Resp. Ad 1^m. Dicit hoc à Themistio, non quòd potentia cum materia necessario non sit conjuncta: sed quòd mente abstrahi possit potentia à materia: uti subiectum etiam concipi potest, non concepto accidente proprio. Ad 2^m. Potentia universalis non opponitur actui vel certæ formæ, sed omnium formarum materialium collectioni, seu infinitæ earum receptioni:

quæ cum tota nunquam impleatur; ad minimum, respectu formarum individuarum, periculum potentie huic nullum imminet.

V. Ità quidem judicat Zabarella de potentia universali relata ad materiam in prima notione. Mihi tamen, salvo Zabarella judicio, probabilius videtur dici, potentiam nullo modo essentialem esse materiae primæ in prima notione consideratæ: quòd diserta Themistii verba volunt. Nec levis momenti ratio est. Prima materiae notio est absoluta, non respectiva; ubi autem est potentia, ibi respectus ad actum est: Si ergo materia in prima notione respectum non habet, utique & potentiam non habet. Quam ratione quoq; attingit Zabarella, sed non solvi, nisi quòd neget potentiam universalem opponi actui: Quod si maximè concedatur, non tamen illico respectus tollitur: Cum enim fateatur Zabarella, potentiam universalem opponi collectioni omnium formarum, respectus utique manebit ad omnes formas: quem non videtur admittere absoluta materiae consideratio. Patibilitas ergo materiae releganda ad respectivam ejus considerationem: nec enim patitur materia, nisi quatenus ut principium corporis naturalis consideratur.

VI. 3. *Potentia universalis est materiae in secunda notione essentialis antecedenter, ità nempe ut essentiam constituat; seu inest materiae in primo modo dicendi.*

Ratio assertionis; Quia proprius modus quo materia est principium corporum naturalium, consistit in hac universali potentia, quæ omnes formas recipere apta est: ità ut patiendi potentia principii materialis ratio formalis rectè appellatur. Etiam si ergo patiendi potentia posterior est materiæ tanquam accidens subiecto; eadem tamen prior quoque est materiæ, quatenus principium est materiale. Non enim, ut rectè docet Zabarella, quia materia est principium materiale, idèd patiendi potentiam habet; sed è contrario, quia patiendi potentiam habet, idèd est principium materiale. Nec est quòd mire ris potentiam, quæ accidens est, attribui materiæ in primo modo per se: Longè enim alia est ratio absolutorum, alia respectivorum: Ut exemplis patet: homini quia homo est, accidit habere filium vel filiam: idem tamen eidem, quatenus Pater est, essentialis est. Ità albedo homini prorsus est accidentalis: hominis verò albi forma est. Pererius quatuor ob causas materiae potentiam essentialem esse docet: 1. Quia immediate & intrinsecè fluit ex materiae essentia. 2. Quia per eam essentia materiae reducitur ad formam; 3. Quia materia & forma propter actum

etum hujus & potentiam illius, constituunt compositum per se & essentialiter unum; 4. Quia sine notione potentiae vix concipi potest materia: Quae de materia in secunda notione facile admittimus.

Cum autem materiam primam non nisi genericam naturam esse agnoscamus: & verò formas specificas illa omnes actu possideat, ita ut ad eas in potentia amplius non sit: non videmur asserere posse eam materiae essentialem esse.

Resp. Sufficit ad defendendam assertionem, si perpetua ei insit potentia, respectu individuorum, quo nunquam tota simul ad actum reducitur.

VII. 4. *Potentia particularis materiae in secunda notione plane est accidentalis.*

Ratio: Quia toties perit, quoties actus ei succedit: At si essentialis materiae esset, nullam formam materia recipere posset: quia actus cum potentia particulari ad eundem numero actum, non potest consistere in eodem subiecto; si ergo essentialis esset haec potentia, & abesse nunquam posset, utiq; formam materia nunquam posset recipere. Observandum tamen, si res accuratius penitetur, potentiam particularem non tam materiae primae quam secundae competere: potentia enim particularis nullibi est nisi ubi dispositiones particulares & determinatae, quae

hanc potius quam illam formam respiciunt: quod non in prima, sed secundis materiis contingit.

THESIS XIV.

Materiae incorruptibilium competit potentia & appetitus singularis ad formam singularem, quam per creationem semel acceptam nunquam abjicit.

Εκδησις.

Ita materia coeli nullā sibi vendicat privationem, quippe minimè necessariam: cum non per generationem, sed per creationem accipiant formam, quam nullae praecedunt dispositiones; cum & materia, & dispositiones, & forma in momento simul existant.

EPILOGUS.

Si quae diximus hactenus de materia prima, tanquam natura generica, rectè accipiantur & observentur, nullo negotio omnes difficultates, quae contra materiam primam moveri solent, superari poterunt: quibus recensendis nè immoremur, ad Hippii Problemata auditorem remittimus. Recenset is, undecimo problemate physico, quinquaginta quinque Rameorum rationes contra materiam primam, quae pleraeque ad genericam naturam evertendam sunt inefficaces.

CAPUT. II.

De forma prima.

Quid sit forma prima: Th. I. Probatur dari formam primam: *Σκθ. 1.* Probatur formam esse substantiam 2. Forma prima non est actus materia: 3. Mercenarii sententia de forma prima: 4. De ortu formae Th. III. Quid sit formam educi ex potentia materia: *Σκθ. 1.* Responso de educatione formarum ex potentia materia, rectè posse dici creari: 3. De principio materiali formae: 4. An possit dici ex nihilo esse, etiamsi ex materia educi dicatur: *ibid.* Exponitur sententia propria de ortu formarum: 5. Adjuncta formae relatio triplex: Th. IV. Quae competant formae ad materiam relatae: Th. V. Forma nobilior est materia: *Σκθ. 1.* Rationes in contrariam sententiam: 2. Solvuntur: 3. Forma tempore posterior materia 4. Duplex prius, tempore, & intentione natura: 5. Forma substantialis non unitur materiae nisi praesente forma accidentali: 6. Ratio contra hanc assertionem proponitur & solvitur: 7. Una numero forma non potest esse simul in pluribus numero materiis completis & totalibus: 8. Una numero forma indivisibilis non potest esse simul in singulis corporis organici partibus: 9. Una numero organica forma, quae misti quatenus est mistum forma est, non potest simul esse in partibus corporis organici diversis: 10. Una numero forma, sive vegetans, sive sentiens, non est in toto corpore unius animalis, quod numero & natura diversis constat partibus organici: 11. Una numero forma non potest succedere in diversis materiis esse: 12. Quae competant formae ad compositum relatae: Th. VI. Forma composito prior est: *Σκθ. 1.* Forma composito est ignobilior: 2. Contraria ratio solvitur: 3. An forma sit tota rei compositae essentia, an pars ejus tantum: Posterior pars affirmatur & probatur. 4. Rationes veterum Peripateticorum pro parte priori: 5. Solvuntur: 6. Proponitur quadam conciliatio sententiarum extremarum: 7. De principio individuationis corporis naturalis: Ostenditur quantitatem non esse principium individuationis: 8. Rationes pro sententia contraria: 9. Solvuntur 10. Examinatur haecceitas Scoti: 11. 12. Rationes Thomae: pro materia quantitate signata: 13. Opponuntur rationes contrariae: 14. Solvuntur rationes Thomae: 15. Sententia Rameorum de principio indivi-

individuationis repudiatur : 16. Argumenta pro forma specifica sola : 17. Eligitur sententia sexta, quod materia & forma sint individuationis principia : 18. Respondetur ad rationes quintae sententiae : 19. Quae competant formae ad effectus suos relatae : Th. VII. A forma est existentia formalis : *ibid.* 1. ab eadem sunt omnes actiones : 2. Cur ab una forma tam varia fiunt actiones : 3. *ibid.*

THESIS I.

HActenus Materia corporis naturalis : Sequitur Forma ; Quae principium est substantiale corporis naturalis, per quod est corpus naturale, & cuius virtute activum est.

I. Dum formam primam definimus, esse eam supponimus : cuius hypotheseos veritas iisdem probatur rationibus, quibus materiae quoque existentia adstruitur.

1. Datur corpus naturale genericum : Ergo & forma talis datur. Antecedens apud omnes in confesso est. Consequentiae ratio firmissima est ; Quia corpus compositum est ex materia & forma : Qui enim corpus naturale sibi fingunt citra materiam & formam, ii compositum somniant sine compositione, h. e. se de sibi contradicunt.

2. Omnes formae singulares quae totius naturae ambitu continentur, conveniunt in natura aliqua generica, quae singularis inest formis : Ergo datur forma prima. Ratio consequentiae est ; Quia natura illa generica aliud nihil est nisi forma prima.

3. In omni causarum genere tandem ad primam devenitur, in qua subsistendum, ne progressus in infinitum detur : Ergo & in genere causarum formalium.

4. Omne compositum resolvitur in principia prima & simplicia : Ergo & corpus naturale in materiam & formam primam.

II. Formam principium substantiale appellamus, quia per eam intrinsece substantia corporis naturalis constituitur : contra veteres nonnullos, qui formam accidens esse distinxerunt : Quae sententia inde manifeste refutatur, quod corpus naturale substantiam esse omnes concedant. Est igitur completa vel incompleta. Non incompleta, quia perfectum quid est, ex incompletis compositum. Si completa, composita erit ex principio uno substantiali incompleto vel ex duobus. Non ex uno, quia ex uno nihil componitur. Ergo ex duobus, iisque substantialibus, materiam nimirum & formam substantialem. Quod enim non est substantiale, id complere substantiam non potest.

III. Pater hinc toto coelo aberrare, qui de forma prima differentes actum materiae eam esse aiunt, per quem materia existat, seu Ens actu sit, quam vocant formam improprie dictam ; quae non ad compositum, sed ad solam materiam referatur : In qua sententia, vel errore potius, est Hippius, 12

problemate Phys. Ratio qua error convincitur, haec est ; Forma prima est principium corporis naturalis non minus quam materia prima ; quae principia unita compositum seu substantiam corpoream completam constituunt : Ergo non refertur ad materiam tanquam principium ejus constitutivum, sed ad compositum, seu corpus naturale completum : & proinde non est actus materiae, seu forma quaedam improprie sic dicta, ad materiam constitutionem pertinens : sed actus compositi, h. e. forma proprie sic dicta. Nec obstat ratio Hippii ; *Ubi actus, ibi forma : In materia semper est forma.* Propositio vera duntaxat est de actu formali, non de Entitativo : de quo supra pluribus. Itaque si actum illum formam appellare libuerit, distinguendus is tertè fuerit à forma corporis naturalis, quae toto genere differt ab actu materiae Entitativo.

IV. Nostram de forma prima sententiam, praeter alios, amplectitur Mercenarius in Dilucid. pag. 60. Verius dicendum est ; Averroem per ultimam formam nil aliud intelligere nisi formam communem & universalem : quoniam sicuti per materiam primam eam intelligit quae rerum naturalium commune subiectum est ; ita per ultimam formam, universalem formam communi materiae correspondentem intelligit. Nec arbitretur aliquis, per formam communem, illam quam corporeitatis vocant ; de predicamento substantiae, materiae coeternam me intelligere ; siquidem hanc minime probo, quinimo ut nulli usui accommodatam penitus rejicio : sed per formam communem eam intelligo, quae omnibus formarum speciebus commune genus existit : quod aperi in intellectu ab omnibus formis abstrahitur ; sicuti natura communis animalis ab omnibus speciebus animalis : & de hac forma communi verba commentatoris veritatem habent.

THESIS II.

De formae deinceps ortu & adjuncta relatione dispendendum.

THESIS III.

De ortu Formae in genere nihil potest pronunciarì, ob insignem formarum naturalium, quoad ortum, discrepantiam. Itaque ad species descendendum : quod etsi ab hoc loco alienum, paucis tamen receptam vulgò sententiam liceat exami-

examinare, & nostram ex parte sententiam explanare; quod subjectâ conabimur *indicare*.

Expositio.

I. De ortu Formæ Scholam Peripateticam si roges, *materia potentiam* nominat: Hinc axiomate hoc, *Forma educitur è potentia materia*, nihil ferè tritius. Si ampliùs roges, *Quid sit educi è potentia materia*? Respondet *Pererius* lib. 5. cap. 22. per explicationem quinque proprietatum quas habent formæ omnes educitæ è potentia materiæ: quæ sunt, 1. Produci ab agentibus naturalibus per actiones & dispositiones materiales; 2. Pendere à materia in *fieri*; 3. Pendere à materia in *esse*; 4. Pendere à materia in operationibus; 5. Pendere à materia quidditative, ità nimirum ut sine ea definiri nec intelligi possint. *Parves Conimbricenses* 1. Phys. cap. 9. quæst. 12. art. 5. Contrahunt has conditiones, & duas constituunt: 1. Ut ad formam naturalis potentia insit in subjecto, alioquin educio naturalis non esset: 2. Ut sine subjecti vel materiæ adminiculo, nec effici, nec permanere, nec operari possit. *Petrus Hurtadus de Mendoza Valmasedanus*, disp. Phys. 4. sect. 2. §. 11. Unicam tantum conditionem & proprietatem formæ è potentia materiæ educitæ ponit, ob quam verè & propriè generari & educi è potentia materiæ dicatur; nimirum, in suo esse intrinsece dependere à materia tanquam à subiecto.

II. Sententia hæc à nonnullis de omnibus in genere formis pronuntiatur; inter quos *Hurtadus de Mendoza*, loco modò allegato: Ab aliis verò cum certa limitatione, de iis duntaxat formis quæ nunc in materiam inferuntur: Eas enim quarum composita in primâ rerum molitione à Deo procreata sunt, videlicet formas corporum cœlestium & Elementorum, negant educitæ è potestate materiæ: Ità *Conimbricenses* sentiunt, articulo paulò antè allegato: quibuscum, quoad formas corporum cœlestium, facit *Suarez*, 1. Metaphys. disp. 15. sect. 2. n. 17.

III. Responsio hæc de ortu formarum, quod tantorum Philosophorum pace dictum velim, non videtur omnem interroganti scrupulum eximere. Cum enim forma post non esse incipiat esse, vel per creationem vel generationem incipit esse. Per creationem negant eam esse; cum pugnent, *educi è potentia materia*, & creari. Et si nobis minimè videntur pugnare: Nam si educi è materiæ potentia nihil est, nisi ad productionem vel existentiam formæ in materia requiri *dispositiones*

materiales, quibus mediantibus materiæ uniatur: item pendere à materia in *fieri*, ità ut extra eam non fiat in *esse*, ut extra eam esse non possit, in *operari*, ut absque concursu eius operari nequeat: Quid obstabit tandem, quò minus forma cui omnes hæ conditiones competunt, à Deo creetur, hoc est, ex nihilo producat; ità ut, quo momento in materia est creata, eodem per dispositiones materiales materiæ uniatur, & sic ab ea pendeat in *fieri*, in *esse*, & in *operari*? Aut certè, monstrant nobis non posse à Deo creari formam cui conditiones hæ competant. Contrarium ex ipsorummet assertionibus evincere nobis difficile non est.

Conimbricenses concedunt, in primâ rerum molitione, cœlestium corporum & Elementorum formas unâ cum materia esse creatas à Deo. *Suarez* ait, Unicam esse actionem, quâ cœlum secundum se totum producit; quæ sit perfecta creatio totius, & concretio materiæ & formæ. At inficiari iidem nequeunt, in corporum horum materiâ fuisse dispositiones materiales concretas; cum diversæ formæ diversas requirant materiæ dispositiones: inficiari nequeunt, tam cœlestium corporum quam Elementorum formas in materiâ esse creatas, & ab eâ pendere in *esse* & *operari*. Quid ergò obstat quò minus formæ hæ dici possint *educitæ è potentia materiæ*, & à Deo simul creatæ.

Suarez quidem, 1. Metaphys. disp. 15. sect. 2. n. 9. Creationem formatum hoc urget incommodo, *Aliud*, inquit, (Concessâ nimirum creatione) omnes formæ substantiales essent subsistentes & independentes à materia in *fieri*, & consequenter etiam in *esse*; quod est absurdissimum: aliâs omnes animæ brutorum essent immortales. Sequela, inquit, patet, quia creatio est rerum subsistentium, & non pendet à materiali causâ. Eadem & *Vicomercati* est assertio, De principiis rerum lib. 2. cap. 9. ubi ait, Quod creatur, per se esse posse, nec aliud quid requirere, in quo insit necessariò. Sed hæc ratio minimè nos urget, ut pote quæ inconsequens planè est, & principium petit: ut ex iis quæ dicta sunt, palàm est. Imò ipsemet *Suarez* inconsequentiam apertè monstrat, dum asserit, corporum cœlestium formas esse creatas, & tamen absurda hæc non admittit.

IV. Si per generationem contendunt formam esse, subjectam materiam nobis nominent. Quicquid enim generatur, ex aliquo tanquam principio materiali generatur: cum ex nihilo aliquid producere sit solius Dei. Sunt qui materiæ potentiam hîc nominent: ex hac enim educi dicitur forma, Sed interroganti non satisfaciunt. Phrasis enim, *è materiæ potentia educi*, non indicat materiale principium formæ, seu aliquid ex quo producatur forma: ut è superiori

superiori explicatione patet: Sed conditiones potius formæ huius, & alias concurrentes causas notat. Et quid quæso potentia materiæ est aliud nisi aptitudo ad formam recipiendam? quam nemo principium seu causam formæ dixerit. *Dicunt, inquit, Campanella, De sensu rer. lib. 2. cap. 3. Materiam esse in potentia ad formas, non autem actu. At, inquam, hæc ipsius potentia passiva est & receptiva formarum, si quis det, non autem activa, & formalis & dativa.* Suarez formas substantiales materiales ait non fieri ex nihilo, sed ex materia, quæ in suo genere, per se concurrat & influit ad esse & fieri talium formarum. Sed nec hic principium materiale formarum nominat: cum ex materia fieri aliud hoc loco ipsi nihil sit, quam sustentari à materia in esse, & fieri non posse, nisi effectio & generatio eius quod sit, in materia sustentetur. Sic enim explicat se numero 13. Quod de eo quoque quod creatur citra absurditatem affirmari potest, si de actione Dei ordinaria, & ex arbitrij libertate cum causis naturalibus conjuncta loquamur. Quod si verò ex materiâ corporis naturalis, tanquam principio materiali, formam propriè fieri dicas, receptam hæcenus de formarum natura doctrinam penitus evertas necesse est. Doctissimus Suarez, ne cogatur concedere formam ex nihilo fieri, ait, *Fieri ex nihilo* non tantum negare habitudinem materialis causæ intrinsece componentis id quod sit; sed etiam habitudinem causæ materialis, per se causantis formam, quæ sit, seu consistit: Posterius requisitum cum desit formæ materiali, non posse dici eam ex nihilo fieri. Sed excogitata hæc esse ad nodum non dissolvendum sed dissicandum quis non animadvertit? Negamus igitur habitudinem causæ materialis per se causantis & sustentantis formam, quæ sit, ob stare quò minus ex nihilo producat formam; modò causatio materiæ in productione formæ non intelligatur materialis, ea nimirum quæ est concursus materiæ præexistentis ad constitutionem materiæ per modum principij intrinsece componentis: quam nec ipse Suarez agnoscit. Causationem autem materiæ aliam hanc nullam admittimus, nisi formæ in materia productione sustentationem, & si fortè causationem nominare libeat, concursum subjectivum in productione formæ: unde in fieri à materia pendere dicitur, quia produci nequit nisi in materia tanquam subjecto recipiente & sustentante. Hæc verò causatio, cum olim quoque cum cælestium & Elementarium formarum creatione concurrerit, cur aliarum formarum productionem ex nihilo impediatur? Eandem quæstionem de origine formarum anxie quoque tractat *Vicomercatus, De princip. rer. nat. lib. 2. cap. 9.* ibi tria probat: 1. Formam non esse à se, seu

per se, absque causa generantes; 2. Formam non imitti forissecus in materiam; 3. Formam esse quidem in materia, sed non actu perfecto, vel imperfecto, Verum potentia solâ, è qua in actum ducatur. Et potentia in esse interpretatur, non eo tantum modo quo statuæ aut circuli forma in materia inest potestate, quòd ex ea possint fieri, artificis accedente manu: sed eâ potestate quæ propensionem & motum veluti quendam ad formam complectatur; ut non omnino à generante causa vim patiatur, cum ex se ad ejus actionem subeundam sit proclivis. Hic ego potentiam, & materiæ proclivitatem seu propensionem ad formam suscipiendam, audio quidem; sed non audio unde sit illa forma: ex nihilo, ut formæ corporum à Deo immediate ex nihilo creatorum; an ex aliquo quod materiæ præexistentis rationem habeat, materiæ, inquam, convenientis naturæ formarum. Quod enim non est ex materia factum, ex nihilo factum est. Ait quidem *Vicomercatus*, non omni modo ex nihilo esse aut fieri; quia materia præexistit. At qui materia ista non est formarum, sed corporum: Nam ex materia illa fiunt corpora, non formæ. *Attamen, inquit, potentia insunt materia.* Nec hoc obstat, quò minus ex nihilo fiant formæ; cum non actu sed potentia tantum inesse dicantur, & quidem ita in esse, non ut ex materia fiant, sed ut ad eas recipiendas proclivis sit materia, & presentibus dispositionibus adsint, unde tunc tandem fiant aut veniant. Certè nec ex materia fiunt, nec ex ea veniunt, sed in ea esse incipiunt, & dispositiones sequuntur. *Si nulla, inquit, materia præexistere, creari diceretur.* Atqui illa materiæ præexistentia non obstat, quò minus creari dicantur; si non ex illa materia, tanquam principio materiali, sed in ea tantum fieri dicantur, ex nihilo: quo pacto corporum incorruptibilium formæ in materia sunt creatæ, vel unâ cum materia; ex nihilo. Ex hisce difficultatibus cum eluctari non posset *Bodin-us*, tandem in eam concessit sententiam, ut omnem formam ex nihilo fieri statueret in Theatro naturæ, pag. edit. Lugdun. 65, 66, 67. ubi in nihilum quoque easdem abire statuit. Concludimus ergò, usitatam responsionem de ortu formarum non satisfacere curioso indagatori. Videantur quæ contra eundem hunc formarum ortum disputat *Fernelius, lib. 1. De abditis rerum causis.* Videatur etiam *Scaliger*, contra formarum è potestate materiæ educationem disputans, *Exercit. 6. §. 2. 5.* & *Thomas Campanella, lib. 2. De sens. rer. cap. 3.*

V. Nos verò etsi in tanta obscuritate rei inæx-
possemus, & veritatem in profundo latentem perspicacioribus oculis eruendam relinquere, nè tamen ad hanc principiorum contemplationem a symboli
videamur

videamur accessisse, sententiam nostram unicâ salutem & alterâ assertionem nudè proponemus; illud tamen præmonentes, quod ab initio inculcavimus, Cum magna sit formarum differentia, & originis ratione, discrepantia, de formæ ortu in genere non esse temerè pronuntiandum.

Distinguiamus igitur corpora naturalia in animata & inanimata. Illorum forma Anima in specie dicitur; de cuius ortu, nè multa nimis coacerventur, impræsentiarum nihil pronunciamus. Inanimata sunt simplicia vel mista. Simplicia sunt corpora cœlestia vel Elementa: de quorum formis in universum hoc pronunciamus;

Formæ corporum simplicium debent originem suam creationi.

Ratio ex præcedentibus haud obscura est. At Elementa, inquit, secundum partes variè corrumpuntur, & in se invicem transmutantur: Unde igitur formæ in novis illis Elementorum transmutationibus & generationibus? Respondeo; Scrupulus hic nos minime remoratur, ut qui mutam illam Elementorum transmutationem non admittimus: tam enim Elementa quàm cœlestia corpora nobis incorruptibilia sunt: ut suo loco, sectione nimirum quartâ, demonstrabimus.

De mistorum formis in genere sic iudicamus;

Mistorum, quatenus sunt mista, formæ originem suam debent mistioni & generationi.

Ut enim è diversorum Elementorum materiâ unum sit corpus, quoad materiam, mistum; Sic & è formis eorundem, una misti forma: De quo pluribus suo loco.

De plantarum & animantium perfectorum formis, si hominem excipias, ita pronunciamus;

Plantarum & animantium perfectorum formæ sunt ex traduce.

De formis mistorum è putri materia genitorum suo loco sententiam nostram exponemus.

THESES IV.

Adjuncta formæ relatio triplex est: vel enim forma refertur ad materiam, vel ad compositum, vel ad effectus seu operationes.

THESES V.

Forma ad materiam relata, 1. est nobilior materiâ; 2. Posterior eâ, respectu temporis; 3. Non recipitur in materia nisi præeunte formâ accidentali; 4. una numero non est, nisi in una numero materia.

EXSTING.

I. Formam materiâ nobiliorem esse patet; 1. Quia est finis materiæ, propter quem est, & ad quem ordinatur materia: 2. Quia materiam perficit, tanquam actus formalis potentiam materiale: 3. Quia est principium activum, materia verò passivum: 4. Quia perfectiones compositi à forma possimùm proficiuntur, defectus à materia.

II. Duo hic solent obijci, quibus materiæ præstantia videtur commendari.

1. Incorruptibile præstantius est corruptibili: Materia est incorruptibilis: Ergò.

2. Materia habet existentiam à se, non pendentem ab hac vel illa forma; tota verò formæ existentia pendet à materia: Ergò materia præstantior est formâ.

III. Resp. Ad 1^m. Propositio universalis non est: de iis enim tantummodo valet quæ sunt ejusdem ordinis & rationis; At materia & forma ejusdem rationis non sunt. Est igitur materia quidem incorruptibilis præstantior materiâ corruptibili; forma quoque incorruptibilis præstantior corruptibili: At materia incorruptibilis formâ corruptibili necessario non est præstantior: sequeretur aliàs, accidentia Angelorum incorruptibilia esse præstantiora homine corruptibili; quod falsum & absurdum est.

Ad 2^m. Negamus consequentiam: Etiam si enim existentia materiæ magis independens est quàm existentia formæ, hæc tamen longè præstantior est quàm illa, quia specifica est & determinata; illa verò Entitativa tantum & indeterminata, per formam determinabilis & perfectibilis.

IV. Esse verò formam materiâ posteriorem respectu temporis, ita probatur; Subjectum quatenus subjectum, est prius iis quæ per causam externam sunt in subjecto: Atqui materia est subjectum formæ: Est igitur prior formâ, quæ est in subjecto. Propositio Aristotelis est 1. Phys. 1. 52. Assumptio apud omnes in confesso est: Preparatur enim materia per prævias dispositiones ad recipiendam formam.

V. Nec repugnat assertioni nostræ Aristoteles, qui 7. Phys. 7. scribit, *Formam esse priorem materiâ*, Prius enim duplex est, tempore, & perfectione, seu intentione naturæ. Aristoteles igitur in Metaphysicis non loquitur de prioritatem temporis, sed perfectionis, quæ formæ denegari non potest. Cum enim forma longè sit præstantior quàm materia, utique prius quoque à natura intenditur, etiam si ratione ordinis & productionis posterior materiâ est.

VI. Tertia proprietas hac quæstionis formâ proponi solet; *An forma substantialis immediate uniat materia; an verò mediante & præeunte formâ accidentali, quâ ad receptionem formæ substantialis disponatur*

disponatur materia. Posteriores questionis partem in thesi sequimur: quam ita probamus; Nulla datur generatio naturalis quam non præcedat alteratio: Ergo accidentalis forma prius est in materia quam substantialis. Ratio consequentiæ est; Quia alterationis terminus est accidens. Antecedens patet; Quia forma requirit materiam determinatam: At determinatio fit per præcedentem alterationem.

VII. Contra assertionem hanc ita disputat *Thomas*; Quod facit ut materia sit Ens actu simpliciter, id prius est eo quod facit ut sit Ens tantum secundum quid: At forma substantialis facit ut materia sit Ens actu simpliciter: Ergo prior est forma accidentali, quæ facit ut sit Ens actu secundum quid. Propositionis ratio est, Quia prius est esse simpliciter quam esse secundum quid.

Resp. Rationis huius assumptionem negamus: Suprà enim demonstravimus, materiam esse Ens actu citra formam, cuius contrarium tanquam concessum hæc ratio supponit. Videantur rationes pro actu materiæ Entitativo.

VIII. Denique difficilis questio est, *An una numero forma sit tantum in una numero materia, ita ut in pluribus numero distinctis esse nequeat, vel simul & eodem tempore, vel successive.* Sententiam nostram aliquot assertionibus breviter explicabimus:

Prima; Una numero forma, sive indivisibilis sive divisibilis, non potest esse simul in duabus vel pluribus numero distinctis materiis completis & totalibus.

Materiam completam & totalem voco, quæ non pars est materiæ alicujus corporis naturalis, sed totum, ex parte materiæ ad corpus aliquod absolutum & completum concurrentis: Cuiusmodi materia hominis vel bruti est non pars aliqua corporea, caput, pes, vel manus, sed totum corpus organicum variis constans partibus. In huiusmodi materiis numero distinctis duabus vel pluribus unam numero formam simul esse impossibile est. Ratio est; Quia esset una & non una: una quidem, ex hypothesi; ponitur enim esse una numero: non una, quia secundum multitudinem materialium & Compositorum necesse est multiplicari formas; nec possunt esse plura numero composita, nisi quæ plures numero habent formas; cum distinctio compositorum sit à forma. Et si non potest unum corpus esse simul in diversis locis, multo minus una forma in multis materiis: quia esse unitas, & distinctio formæ magis pender à materia quam corporis locati à loco: Hæc *Pererij* ratio est. Adjungit alteram; Quia una numero forma in multis numero existens materiis,

quarum una non penderet ab alterâ, posset simul corrumpi, & non corrumpi, esse & non esse: Nam si uni materiæ & non alteri admoveatur alteratio corruptiva ad finem usque, proculdubio corrumpet formam in materia illa existentem; quæ tamen in altera manebit materia, cui alteratio corruptiva non adhibetur. Pluribus hic rationibus non est opus; Vix enim è doctis esse puto qui contradicat. Repugnat assertio contraria finitati naturæ formarum, quæ nullo modo admittit unius numero formæ existentiam in duabus numero materiis: uti corpus unum numero per finitatem suam non potest simul in pluribus distinctis esse locis.

IX. Secunda; Una numero *organica* forma indivisibilis & inextensa, qualis est anima rationalis, non potest esse simul in singulis organici corporis partibus. Ratio est; Quia repugnat hoc finitati naturæ. Nec Angeli simul esse possunt in pluribus locis definitivis, nempe in templo & extra templum, in corpore hominis & extra corpus, Romæ & Venetiis; propter essentia finitatem. Aut si animæ rationali indivisibili hoc datur, ut una & eadem numero sit in singulis manuum & pedum digitis, in oculis, in auribus, &c. quid ni & Angelis dari possit, ut simul in pluribus sint locis, & ubique locorum? quod uni Deo idioma competit, ratione infinitatis, cujus nulla capax creatura. Et fac, quæso, abscindi digitum vel manum, quod sæpe contingit absque vitæ jacturâ: quid fiet de animâ, quæ in abscisso digito vel manu fuit? Simulne à corpore separabitur, cum suo subjecto? Atqui ita actum erit de homine, si non nisi una est rationalis & indivisibilis anima hominis: Aut anima simul in homine & extra eum erit? Aut forsan retrahetur ad partem proximam? Atqui retrahi ad partem illam non potest, si jam antè eadem numero in parte illâ fuit: aut si non fuit, in singulis partibus non fuit: nec movetur in corpore anima, nisi ad motum corporis. Itaque absurdissima mihi videtur assertio eorum, qui unam numero indivisibilem & inextensam animam simul in omnibus organici & heterogenei corporis partibus *organice* esse contendunt: Quæ de questione pluribus suo loco. Faciunt huc quoque rationes pro assertione 3. & 4.

X. Tertia; Una numero organica forma divisibilis, quæ ex mixture oritur, & misti, quatenus est mixtum, forma est, non potest simul esse in partibus corporis organici diversis alterius naturæ & nominis, etiam si vinculo inter se connectuntur. Ratio est; Quia partes numero distinctæ in corporibus organicis specie differunt: Ergo & formis. Antecedens probatur è specie differentibus temperamentis, operationibus, figuris, &c. quæ sunt in corde, pulmonibus, hepate,

hepate, cerebro, venis, ossibus, &c. Quorum, quatenus sunt mista, unam numero esse formam ex questione resultantem, nemo sanæ mentis dixerit. Hæc de questione pluribus alio loco agemus.

XI. Quarta; *Una numero forma, siue vegetantis siue sentientis actûs nomen habeat, non est in toto corpore unius animalis, quod numero & naturâ diversis constat partibus organicis; sed diversæ numero in diversis numero partibus.* Hæc assertio Pererii est, lib. 6. Philosoph. nat. cap. 4. quam probat rationibus ad primam assertionem à nobis antè allatis: Nec miram videri debere assertionem hanc ait, si axiomata duo apud Physicos & Medicos certissima nobis sint persuasa: Unum, *Omni formam materiale esse extensam & divisam secundum extensionem & divisionem sui subiecti*; Alterum, *Partes corporum animalium non esse continuas, sed inter se connexas, reverâ autem numero distinctas*: ut Anatomica docent administrationes; ipsaq; ratio. Continuitas enim non potest esse in iis quæ specie inter se differunt: *Aristoteles* 5. Phys. text. 39. & 40. Atqui partes corporis organici, ut cor, hepatis, cerebrum, os, pulmo, caro, &c. specie differunt; ut assertionem tertia ostendimus: Non possunt igitur partes hæc esse continuæ; Et per consequens partium harum non potest esse una numero anima, sed multæ numero. Attamen ut corpus ex hisce contiguas partibus constatur dicitur unum, tribus de causis: 1. ob naturalem omnium partium inter se unionem & compositionem; 2. ob dependentiam omnium partium ab uno principio, quod *Aristoteli* cor esse putatur; 3. ob relationem ad unum finem & bene esse unius compositi, quod sine tanta partium varietate non posset esse: ita & animam unam dici posse iudicat. Magnus certè hic est scrupulus, & absurdum videtur tot numero distinctas animas in uno animali admittere: cui tamen non video quid possit occurrere, nisi dicas vel corporis organici partes omnes esse continuas, vel eorum quæ continua non sunt, posse unam numero formam esse: quorum neutrum videtur admitti posse. Vide hæc de re disputantem *Fonseca* in 5. Metaphys. c. 5. q. 4. Affirmat ille, §. 4. in resp. ad 4. *Omnes partes integrantes viventium esse continuatas inter se*: Rationem reddit; Quia unâ tantum formâ informantur. Pererius rationem hanc falsitatis arguit: & una forma non informanti contendit, quia non continuatæ sed contiguæ tantum sunt: Et habet in eo assentientem *Fonsecam*, quod eandem formam habere non possint quæ continuatæ non sunt. Idem *Fonseca* ex professo de eadem questione disputat, in 7. Metaphys. c. 17. q. 1. ubi Pererii sententiam oppugnat: An autem oppositis rationibus satisfac-

iat, suamque sententiam sat firmis argumentis approbet, penes lectorem erit judicare: Nos de eadem questione suo loco prolixius agemus.

XII. Quinta; *Una numero forma non potest successivè, seu diversis temporibus, in diversis materiis esse.*

Ratio est; 1. Quia migraret ex uno subiecto in aliud: Atqui migratio hæc est impossibilis, in formis præsertim materialibus, quæ à sua materia pendent in fieri, esse, & operari: Nec species motûs dari potest ad quam referri posset hæc migratio. 2. Si daretur ejusmodi migratio, formæ non penderent à sua materia, possentq; ab ea sine interitu separari. 3. Multis in locis eam oppugnat *Aristoteles*. 1. De anim. t. 3 §. 2. de anim. t. 26. 2. Phys. t. 10. & 26. Est hic Pythagoricorum error de animabus, quem *αἰθερῶν ψυχῶν* appellant.

THESIS VI.

Forma ad compositum relata est. 1. Prior composito; 2. Ignobilior composito; 3. Pars tantum essentiae rei compositæ; 4. Principium unitatis & distinctionis numericæ, seu individuationis, principale.

*ΕΝΔΕΙΞΙΣ.

I. *Formam composito priorem esse*, prioritate nimirum naturæ, manifestum est: siquidem causa naturâ prior est causato, principium principio, simplex composito, pars toto. Prioritate verò temporis forma composito prior non est, sed cum eo simul. Nam si composito prior esset tempore, aut extra compositum per se subsisteret, aut in aliqua materiæ parte latitaret, è qua deinde emigraret: quorum neutrum de formis quas naturales vocamus, dici potest. Posterior etiam nullo modo potest esse: sequeretur alias compositum dari absque compositione.

II. *Formam composito esse ignobiliorem*, hisce rationibus probamus.

1. Compositum per se generatur, per se subsistit, per se operatur, est completum quiddam: quorum nullum de forma potest affirmari: Ergo.

2. Compositum complectitur totam formæ perfectionem, & materiæ præterea: Ergo est nobilior & perfectior formâ.

3. Anima rationalis abjuncta à corpore consortium corporis expetit, nullam aliam ob causam, quàm quia perfectior est hominis esse compositum, quàm animæ rationalis, hoc est, formæ: Ergo multò magis quævis forma Physica, quæ longè inferior est formâ humana, seu animâ rationali.

III. Nec obstat sententiæ huic contraria ratio; Propter quod unumquodque tale est, id magis tale est: At compositum perfectum est propter formam: Ergo forma magis est perfecta.

Propositio locum tantum habet in causis solitariis, non in sociis: Cum igitur forma sit causa perfectionis, quæ est in Composito, non solitaria, sed sociata tantum (ad integritatem enim & perfectionem compositi etiam materia requiritur) majorem esse formæ quam compositi perfectionem malè colligitur.

IV. Tertia formæ ad Compositum relatæ proprietas apud Peripateticos valde controversa est. Quæritur igitur, An forma sit tota rei compositæ essentia, an pars duntaxat essentia? Nos partem tantum esse in thesi cum *Scoto* & *Thoma* affirmamus, hisce rationibus.

1. Essentia corporis naturalis est composita: Ergo sola forma non est tota corporis essentia. Ratio consequentiæ est; Quia forma non est composita. Antecedens per se manifestum est.

2. In definitionibus essentiam corporum naturalium exprimentibus non fit solius formæ mentio, sed & materiæ: Ergo sola forma non est tota corporis essentia.

3. Si forma esset tota essentia & completa, cum materia unita non faceret unum per se: Completum enim & unum per se non fit nisi ex duobus entibus incompletis: Ac consequens falsum: Ergo & antecedens.

4. Si forma esset tota essentia compositi, discrimen inter rem materialem & immaterialem nullum esset: Atqui hoc falsum: Ergo & illud. Connexi ratio est; Quia utriusque forma esset tota essentia.

5. Materia est causa interna substantiæ materialis: Ergo sola forma non est essentia corporis.

V. Contrariæ veterum Peripateticorum rationes sunt plurimæ, quas recenset Commentator *Thomæ*, in libello De Ente & Essentia: Poriores seligimus, ita ut rationem primam generalem seu syllogismum principalem producamus, & rationes Commentatoris prosyllogismorum loco subjiciamus. Syllogismus principalis hic est; Materia non est pars essentia: Ergo forma est tota essentia. Antecedens sequentibus prosyllogismis probatur.

1. Essentia est principium dativum: Materia non est principium dativum: Ergo. Assumptio patet; Quia materia est principium passivum.

2. Materia non est pars definitionis: Ergo non est pars essentia. Ratio consequentiæ est; Quia definitio completatur essentiam. Antecedens pro-

batur ex 2. *Phys.* &c. 7. *Metaphys.* ubi inquit *Aristoteles*, partes definitionis debere esse formales: At materia non est pars formalis.

3. Materia per se non est cognoscibilis: Ergo non est pars essentia. Antecedens patet; Quia est pura potentia, quæ non nisi per analogiam cognoscitur. Ratio consequentiæ est; Quia essentia est principium cognitionis ejus rei cuius est essentia.

4. Materia est corruptibilis: Ergo non est pars essentia. Ratio consequentiæ est; Quia essentia quoque rerum materialium incorruptibilis est; aliàs enim nulla ejus daretur scientia. Antecedens patet ex 6. *Metaphys.* *Aristotelis*, ubi materiam appellat radicem corruptibilitatis.

5. Materia est incommunicabilis: Ergo non est pars essentia. Antecedens patet; Quia materia est ultimum subiectum incommunicabile & non receptibile in alio. Ratio consequentiæ est; Quia essentia communicabilis est.

VI. Ad singulas hasce approbationes sic respondemus.

Ad 1^m. Propositionem distinguimus: Essentia est principium dativum, verum non tantum, sed & passivum, respectu nimirum materiæ. Deinde & assumptionem negamus: Nam & materia principium dativum est respectu compositi, quod unà cum forma constituit.

Ad 2^m. Antecedens negamus, ut & approbationem ejus: Pars enim formalis *Aristoteli* appellatur non tantum forma, sed & ea quæ adæquata est formæ, & ad formam necessariò requisita; qualem quoque materiam esse palam est.

Ad 3^m. Primam antecedens negamus: Materia enim cognoscitur per proprium suum actum, quo est ens extra causas constitutum. Deinde & consequentiam negamus: Etiam si enim per analogiam tantum cognosceretur, nil tamen obstaret quò minus principium esset cognoscendi compositi, quod unà cum forma constituit. E principiis enim suis res perfectè cognoscitur.

Ad 4^m. Primam antecedens negamus: Materia enim per se, quæ materia est, non corrumpitur, etsi causam præbet corruptioni. Deinde & consequentiam negamus: ejus probatio inefficax est: Nec enim corruptibilitas impedit quò minus scientia detur; aliàs nulla ferè daretur: res enim pleræque naturales ut corruptibiles considerantur. Nonne verò & formæ pleræque sunt corruptibiles?

Ad 5^m. Antecedens negamus: Probatio ejus inefficax est: loquitur enim de materia duntaxat singulari per formam certam & individualement determinatam, non de materia universali & indeter-

VII. Sunt

VII. Sunt qui distinguant in hac questione inter *essentiam* & *quidditatem*: *Essentiam* appellant integritatem compositi partibus suis essentialibus constantem; *Quidditatem* verò, id quod in quolibet composito est *actuatum*, *distinctum*, *denominatum*, *definitum*, *determinatum* & *perfectum*. Aiunt igitur materiam esse quidem de essentia rei compositæ, & consequenter non formam tantum esse essentia: atamen de quidditate eam esse negant, quam totam formam vendicant. Itaque controversia exit non tam de re quam nomine rei: quod enim formam nos appellamus, & materiam contradistingimus, id quidditatem ipsi appellant; minus tamen proprie & apte: Quidditas enim & essentia proprie rati unam & eandem denotant: ut ostendit *Philippus Faber*, Theorem. 29. cap. 3. & 4.

VIII. De individuationis principio ardua in Scholis est controversia: Nobis in specie hic est questio de principio individuationis corporis naturalis. Initio autem observandum, triplicem esse unitatem & distinctionem: *genericam*, *specificam*, *numericam*. *Genericam* & *specificam* à forma peti, in Scholis est extra controversiam: De numerica variè disputatur: Unde celebris questio de principio individuationis. Quærere autem, quodnam sit principium individuationis, aliud nihil est quam quærere, quidnam illud sit per quod res aliqua singularis, ut *Socrates*, *Plato*, *Bucephalus*, &c. est singularis, & ab aliis ejusdem speciei singularibus distinguitur, quod primò faciat differre. *Socratem* à *Platone*, *Bucephalum* ab hoc vel illo equo, &c. *Fonsæ* principium hoc definit, *differentiam positivam*, & primò incommunicabilem, quæ adjuncta speciei per se constituit individuum.

Insigniores aliquot sententias videbimus. Prima eorum est qui numericam distinctionem à quantitate definiendam, & quantitatem principium individuationis esse constituendam affirmant: cui alii adjungunt alia etiam accidentia, ita ut multorum accidentium collectio sit principium individuationis. Hanc sententiam expugnant sequentia argumenta.

1. Principium non est natura posterius eo cuius est principium: Atqui accidens sive unum sive multa individuus inherens sunt natura posteriora individuus: Ergò non possunt esse principia individuum.

2. Substantia compositæ numericè differunt, etiam separatis, per abstractionem mentalem; accidentibus: Ergò differentia numerica non est ab accidentibus.

3. Accidens non est principium constitutum internam substantiæ quatenus est substantia. At.

qui individua naturalia sunt substantiæ: Principia igitur eorum constitutiva & interna non possunt esse accidentia.

4. Si principium individuationis esset accidens, individuum non esset ens unum per se: At consequens falsum: Ergò & antecedens. Connexi ratio est; Quia ex substantia & accidente non fit ens unum per se.

IX. In contrariam sententiam hæc obijci possunt.

1. Si individua ejusdem speciei infimè differant internis & substantialibus differentiis, & non accidentalibus tantum, utiq; specie differant: At consequens falsum & contradictorium: Ergò & antecedens: Connexi ratio est; Quia ultima differentia substantialis est specifica, in qua omnia ejusdem speciei individua conveniunt.

2. Si individua internis differentiis differant, utique essentiali definitione possint definiti: At consequens falsum; teste *Aristotele*, 7. Metaphys. cap. 15. t. 33: Assentiantur plerique Theologi & Philosophi.

3. Si natura specifica ideo secundum numerum multiplicatur quia in multis & distinctis materiæ partibus recipitur; sequitur quantitatem esse radicem multiplicationis numericæ: At verum prius: Ergò & posterius. Connexi ratio est; Quia multitudo & distinctio partium accedit materiæ propter quantitatem.

X. Resp. ad 1^m. Connexum negat *Petèrius*: Ad probationem responder per distinctionem differentia substantialis: Quæ duplex est: una, quæ sumitur à forma simpliciter & specificè sumta, quæ simpliciter formalis dicitur: altera, quæ sumitur à forma quatenus est singularis, & actu in rebus existit, & secundum quid formalis dicitur. Prior est specifica, & in ejusdem speciei individuus non est: posterior naturis individuus & singularibus competit. *Fonsæ* ad connexi rationem responder; Placuisse Philosophis eas duntaxat differentias appellare essentielles, quæ multis sunt communes; quæ verò propriæ cuicque essent, non numerà se in iis quæ ad essentias rerum pertinerent; propterea quod judicarent de iis tantum agentum esse Philosopho quæ communibus definitionibus continerentur. Hinc ergò factum, ut differentia essentialis & specifica pro una ab iis haberentur, esset reverà non essent una & eadem; differunt enim ut latius & angustius. Patet igitur non esse simpliciter & universaliter verum, quod dicitur, omnem differentiam essentialem esse specificam.

Ad 2^m. Assumptionem negamus. Ad probationem respondemus; *Aristotelem* non loqui de eo quod

quod fieri simpliciter non possit; sed quod fieri à Philosophis non solet, nec possit; etsi natura individui per se admittit definitionem essentialem. Nobis verò particularis cuiusque individui differentia essentialis non est nota, etsi est. Vide *Fonscarn* in 7. Metaph. cap. 14. q. unicâ, sect. 2. 3.

Ad 3^m. Assumptionem negamus: Natura enim specifica intrinsecè secundum numerum est multiplicabilis, non per materiam vel quantitatem, sed per formæ naturam, quæ ut est principium distinctionis (secundum vulgarum illud, *Actus est qui distinguit*) ita & principium multiplicationis est; & eo ipso quo est materialis & unibilis materiæ, vi quoque suâ est multiplicabilis. Interim non negandum, effectivè eam hoc etiam habere ab agente seu producente; *subjectivè* à materia, in qua recipitur dispositivè à quantitate, per quam materia est divisible.

XI. Altera sententia Scoti est, qui principium individuationis ait esse *Hæccitatem*. Argumentum ejus præcipuum ejusmodi est; Natura specifica ad singulare contrahitur vel per se ipsam, vel per formam, vel per materiam, vel per quantitatem, vel per hæccitatem: At non per seipsam: quia contrahens & contrahibile debent esse diversa. Nec per formam: quia forma est subiectum universalitatis: Ergò non singularitatis. Deinde contrahens debet esse extra naturam contrahibilis: At forma est pars essentialis naturæ specificæ quæ contrahitur ad singularitatem. Non per materiam: quia materia non est principium distinctionis: Ergò nec constitutionis: idem enim sunt constitutivum & distinctivum. Ergò per hæccitatem.

XII. Sententiam hanc plerique repudiant: Oppugnat eam *Hervæus* hoc argumento; *Hæccitas* est substantia vel accidens: At non substantia; quia nec materia, nec forma, nec compositum: Nec accidens; quia nec absolutum, nec relatam: præterquam enim quod accidens substantiam intrinsecè non possit constituere, nullum horum admittere potest *Scotus*, quin approbet ex iis sententiis aliquam, quam refutat & improbat. Sed non est quod immoremur refutationem sententiæ hujus: *Hæccitas* enim & principium individuationis synonyma sunt: & quærere, quodnam sit individuationis principium, est quærere, quæ sit substantiarum materialium hæccitas: Unde quæstioni propositæ nullo modo satisfacit per hæccitatem Scoti.

Ad Scoti argumentum quid sit respondendum, deinceps videbimus, in electione probabilioris sententiæ.

XIII. Tertia *Thomæ* est, qui materiam quantitate signatam pro individuationis principio habet: Pro qua sententia hæc faciunt argumenta.

1. Id est principium individuationis, quod est principium multiplicationis individuorum sub eadem specie. At designatæ portiones materiæ sunt principia multiplicationis individuorum sub eadem specie: Ergò. Propositionis ratio est: Quia iisdem constituuntur entia, quibus multiplicantur.

2. Id est principium individuationis, quod est principium distinctionis individuorum sub eadem specie: At materia signata est principium distinctionis individuorum sub eadem specie: Ergò. Propositionis ratio est; Quia ex quo res ultimò constituitur, eo quoque ultimò à cæteris distinguitur. Assumptio probatur; Quia, cum res genita ejusdem est speciei cum generante, tum ejus forma est diversa numero à forma generantis, propter materiam, inquit *Aristoteles* 7. Metaph. cap. 8. t. 28.

3. Illud est principium individuationis, quod est prima radix & origo subjectionis: At materia est prima radix & origo subjectionis: Ergò. Propositio probatur; Quia individua sunt prima subiecta in unoquoque prædicamento.

XIV. Nec hæc sententia in Scholis approbatur.

1. Materia signata quantitate est unum per accidens: At individuum est unum per se: Ergò non constituit individuum.

2. Aut materia quatenus est materia principium individuationis est, aut quatenus quanta; ita ut vel materiæ natura, vel quantitatis ratio constituat individuum: 1. Quia per materiam, quatenus est

At materia quatenus materia non est principium individuationis: 1. Quia per materiam, quatenus est materia, res nulla ab alia differt; cum materia quæ materia sit communis omnibus materialibus. 2. Materia quæ materia est potentia & imperfectissimum quid: Atqui individuum substantiale est perfectissimum quid. 3. Materia vel quatenus est indeterminata, vel quatenus est determinata, principium individuationis erit: Non quatenus indeterminata; quia indeterminatio non potest esse principium determinationis, quæ est in individuo: Nec quatenus determinata; quia præsupponit aliud a quo fuit in composito determinata: illud igitur potius principium erit individuationis quàm materia.

Nec verò materia ratione quantitatis est principium individuationis; quia quantitas huic obeundo muneri planè est insufficiens, ut *ex Aristotele* 8. ostendimus. Eodem autem res recidit, si per materiam signatam

signatam intelligas materiam quantitate affectam, sive materiam cum potentia ad quantitatem.

XV. Ad contrarias rationes sic respondemus.

Ad 1^m. Propositionem distinguimus: Id est principium individuationis, quod est principium *primum ac principale* multiplicationis individuorum sub eadem specie. Sic assumptionem negamus: Non designatæ portiones materiæ sunt principium primum ac principale multiplicationis individuorum, sed id cujus gratiâ in portiones materia dividitur & multiplicatur, cui recipiendo portiones designatæ destinantur, id autem formam esse vel hinc palam est, quod materia hoc vel illo modo disponatur, quia huic vel illi formæ debet subijci, quæ singularem materiæ requirit dispositionem: Unde sequitur à forma potius individuationem habere materiam, quàm à materia formam, vel totum compositum. Sunt tamen ipsæ quoque portiones materiæ causa multiplicationis; quia absque distinctis materiis individua multiplicari naturaliter non possunt.

Ad 2^m. Assumptionem negamus, si loquatur de principio primo ac principali. Ad probationem respondemus; *Aristotelem* quidem passim individuationis & distinctionis unius individui ab alio principium referre ad materiam; verum non secundum *Alexandrum* Philosophicam, ut indigere primum ac principale individuationis & distinctionis principium, sed secundum faciliorem cognitionem. Cum enim in hac inebecillitate non cognoscamus intimam, singularem ac proximam cujusque individui formam, & materia sensibus obvia & variis accidentibus plerumque individua distinguimus. Ad locum allegatum quid in specie respondeat *Zabarella*, videatur in libr. ejus De constitutione individui cap. 10. respon. ad 5. Videatur & *Pererius* lib. 6. cap. 12. ubi docet tribus de causis ab *Aristotele* distinctionem numericam materiæ assignari.

Ad 3^m. Ad propositionem respondemus per distinctionem: Subiectio est, vel quâ materia subijcitur suis formis, vel quâ individuum subijcitur superioribus speciebus & generibus; quæ distinctæ inter se sunt: genera enim & species de individuo prædicantur, formæ autem de materia non prædicantur: si igitur *subiectio* priori sensu accipitur, propositio negatur: Sin posteriori, assumptio negatur. *Suarez*, quod eodem recidit, distinguit inter subiectum *inhæssionis* & subiectum *prædicationis*: Materia quidem est prima radix subjectionis, respectu *inhæssionis*; At non respectu prædicationis.

XVI. Quarta sententia est; Formam esse principium individuationis, seu id quo individuum u-

nus speciei intrinsecè differt ab alterius speciei individuo. Quæ etsi receptissima sententia est, sua tamen habet divortia. Nonnulli enim formam specificam hinc intelligunt: Alii formam peculiarem à specifica distinctam, quâ individua non numero tantum sed & specie differant; unde infimas species appellant individua: Quæ *Ramæorum* est sententia, quam omnes *Peripatetici* deserunt & impugnant: Hanc ergo formam non esse principium individuationis, probatur syllogismo hoc principali; Quod non est, id principium individuationis non est: Atqui individuorum sub eadem specie contentorum, ex gr. *Socratis* & *Platonis*, forma propria & realiter distincta à forma hominis, seu speciei, cui tanquam actus novus superveniat, non est: Ergo principium individuationis non est. Assumptio probatur: Si daretur hujusmodi forma individuorum sub eadem specie, quæ formæ specificæ tanquam actus superveniret, utique forma illa longè præstantior esset quàm hominis forma, haberetque operationes præstantiores: ultima enim forma est omnium præstantissima, ut patet ex inductione: Atqui nec *Socratis* nec *Platonis* forma est præstantior Hominis formâ, nec præstantiores edit operationes: Ergo. Porro formarum differentium specie operationes quoque sunt specie differentes: Atqui *Socratis* & *Platonis* operationes specie non differunt: Ergo. Plura adversus sententiam hanc videantur apud *Jacobum Martini*, Exercit. Metaph. lib. 1. Exerc. 9. theorem. 7.

XVII. Quinta sententia est; Formam specificam solam, quatenus dat actu existentiam, quæ quidam est additum essentia, esse principium individuationis, seu singularitatis & unitatis numericæ: Quam sententiam totidem verbis exprimit *Zabarella* in lib. De constitut. individ. cap. 6. & à multis *Peripateticis* approbatur. Argumenta pro hac sententia sunt sequentia.

1. Quod est principium omnis distinctionis, id est principium unitatis & distinctionis numericæ, seu individuationis: Atqui forma est principium omnis distinctionis: Ergo & numericæ, seu singularitatis.

2. Quod est actus individui, id distinguit individuum ab aliis ejusdem speciei individuis: At forma est actus individui, non materia: Ergo forma, non materia, individuum distinguit ab aliis individuis.

3. Quo posito res singularis ponitur, & sublato tollitur, id est principium singularitatis: Atqui formâ positâ res singularis ponitur, & sublata tollitur: Ergo forma est principium singularitatis.

4. A quo tribuitur existentia, ab eo etiam tribuitur singularitas: Atqui à sola forma tribuitur existentia: Ergo à sola forma tribuitur quoque singularitas.

gularitas. Assumptio probatur à Zabarella; Existentia non est à materia: Ergò à sola forma est. Antecedens probatur; Quia materia ex se non habet existentiam.

5. Aut à materia aut à forma est principium singularitatis & unitatis numerice: At non à materia: Ergò à forma sola. Assumptionem probat Zabarella: 1. Quia unitas numeralis, de qua questio hic est, est positiva: At materia per se non est una numero positivè, sed solùm privativè; fit autem una numero positivè à forma. 2. Materia non dat unitates quæ sunt minores, nempe genericam & specificam: Ergò multò minus dabit eam quæ maxima est, nempe numericam.

6. Per formam est $\tau\theta$ $\delta\epsilon$ η , seu hoc aliquid: Aristot. 2. De anim. cap. 1. tex. 2. Ergò forma est principium individuationis: Individuum enim est $\tau\theta$ $\delta\epsilon$ η .

7. Individuum, inquit Scaliger, Exerc. 307. sect. 17. cum sit substantia, necesse est ut sit hoc quod est per id per quod est: Est autem per animam: (de homine loquitur:) Ergò erit individuum per animam. Anima igitur erit principium ejus quod est: quam nostri Barbari, scitissimâ voce, individuationem appellarunt. Quod si per materiam non per animam distingueretur ab aliis, ipsa anima hujus eadem esset cum illius anima: Et si anima hujus non differat ab illius animâ, peculiari quâdam præscriptione Cæsar erit Cato, in alia tantum materia, &c.

XVIII. Quinta hæc sententia etsi quatuor prioribus est probabilior, nimis tamen rigida nonnullis videtur, dum à numericæ unitatis seu singularitatis substantiæ compositæ causis penitus excludit materiam. Mitior igitur & sexta aliorum est sententia, quæ statuit, non solam formam sed & materiam substantiæ compositæ esse principium individuationis; formam tamen principale, materiam minùs principale: Quæ moderatio aridet Pererio, De princip. lib. 5. cap. 12. & Suarez, tom. 1. Metaph. disp. 5. sect. 6. num. 17. In qua & nos acquiescimus. Ratio potissima hæc est; A quo individuum compositum internè essentiam habet, ab eo etiam habet unitatem: Atqui essentiam habet à materia & forma, tanquam principiis internis & essentialibus, à quibus compositum dicitur: Ergò ab iisdem quoque habet unitatem. Assumptio manifesta est: Nam si haberet esse à sola forma, utique Ens compositum & materiale non esset: ex uno enim nulla est compositio; nec materiale propriè dici potest, nisi cui interna est materia. Attamen ut esse principaliter est à forma, ita & unitas seu distinctio principaliter à forma erit: ut probant rationes pro sententia quinta allatæ.

XIX. Sententiam hanc sextam non evertunt rationes sententiæ quintæ. Ad singulas igitur breviter respondebimus.

Ad 1^m. Assumptionem concedimus, si de principio distinctionis principali loquatur: si autem solam formam agnoscat, & materiam simpliciter excludat, ita ut nè secundariò quidem ei accepta feratur distinctio, negamus.

Ad 2^m. Propositionem distinguimus: Quod est actus individui, id distinguit individuum principaliter: Interim distinctio secundaria etiam esse potest à potentia determinata, quæ hunc respicit actum & non alium.

Ad 3^m. Assumptionem in sensu exclusivo non admittimus: Nam & materiâ cum omnibus dispositionibus necessariis posita, res ponitur; & sublatiis tollitur: Insequuntur enim dispositiones prævias formæ, quas materiales appellant; & destructis iis pereunt.

Ad 4^m. Assumptionem negamus, nisi limitatio subintelligatur, principaliter. Probationis antecedens sine limitatione acceptum negamus: Probatio inconsequens est: Nam & forma non habet existentiam sine materia. Scaligeri hæc de re hujusmodi judicium est Exerc. 307. sect. 27. Forma id agit, ut materia sit hoc aliquid; materia videtur agere, ut forma existat: nec enim esset unum ex principiis, nisi aliquid faceret. Et si materia id eò non posset esse principium existentie individui, quia existentiam habet à forma; Nec forma posset esse principium existentie; quia ut essentiam, ita & existentiam habet ab alio, nempe producente: Pererius, lib. 5. cap. 12.

Ad 5^m. Disjunctum vitiosum est: nec à materia sola, nec à forma sola; sed ab utraque. Rationes quibus materiam penitus excludere laborat Zabarella, inefficaces sunt. Respondemus igitur ad 1^m: Non sequitur materiam non esse principium unitatis numerice positivæ, si hanc non à se sed à forma habet: sequeretur enim nè formam quidem ejus esse principium, quia & ipsa ab alio eam habet. Deinde, materia unitatem numericam positivam non habet à forma sua, nisi finaliter; habet autem eff. ctivè ab agente, seu generante, quod disponit materiam ac determinat. Ad 2^m. Ad antecedens: Non dat principaliter; attamen secundariò.

Ad 6^m. Antecedens distinguimus: Per formam est $\tau\theta$ $\delta\epsilon$ η principaliter, non exclusâ materiâ.

Ad 7^m. Disputat Scaliger contra eos qui individuationis principium constituunt materiam tantum, exclusâ formâ; quam ostendit esse singularitatis principium, ita tamen ut materiam penitus non excludat.

THESIS VII.

Forma ad effectus suos relata est causa

1. existentiae formalis; 2. Motuum & actionum naturalium.

*Exsecr.

I. Existencia est *modus rei*, quo res est extra nihil à causis suis producta, inque mundo actu constituta: Estque indeterminata vel determinata. Indeterminata est, per quam res simpliciter & quocunque modo extra causas existit; vocaturque imperfecta, Entitativa. Determinata est, per quam res ad certum gradum seu speciem Entis perfecti est restricta; & vocatur perfecta, formalis. Hujus solius causa est forma: Unde & forma definitur causa per quam res est, scilicet in certa aliqua specie constituta: Interim simpliciter materia excludi non debet. De existentia videantur plura apud Pererium libr. 5. cap. 13. & seqq. Pleni de hisce materiis sunt libri Metaphysicorum; quas anxie nimis excutere non est hujus loci.

II. Proficisci omnes à forma actiones probatur;

1. Materia est principium passivum, forma activum: Ergo actiones non sunt à materia, sed à forma. Antecedens Aristotelis est, 1. De generat. tex. 55. & 2. tex. 53.

2. Omne agens producit sibi simile: At materia sibi simile non potest producere: Ergo. Assum-

tio patet; Quia materiam nequit producere. Materia enim quā materia non generatur vel corrumpitur: Nec verò formam producit, quæ dissimillima materię est. Forma igitur sola agit.

3. Si materia ageret, sequeretur idem, respectu ejusdem, esse agens simul & patiens: At hoc falsum: Ergo & illud. Connexi ratio est; Quia omnes materię partes sunt ejusdem naturę & rationis.

4. Actio non est nisi inter contraria: Materia quā materia nulli est contraria: Sola igitur forma agit.

III. Observandę denique causę ob quas contingit ut ab una eadēque forma varię actiones proficiantur. Pererius, lib. 6. cap. 17. De forma, quinque recenset: Vel enim una per se provenit à forma, altera per accidens, ut ignis per se calefacit, per accidens congregat, segregat: Vel una à forma est tanquam principali agente, altera ab ea ut est instrumentum alterius agentis; sic ignis, ut ignis, calefacit, ut viventium instrumentum, concoquit, carnem & ossa generat: Vel diversę actiones diversa sequuntur accidentia cum forma consociata: sic ignis per siccitatem exsiccatur, per calorem calefacit, per levitatem ascendit: Vel actio est à forma tanquam causā universali quę per particularem determinatur: ut sol dicitur generare hominem: Vel denique materię densitati aut raritati ex parte tribuitur: sic calor in materia densa acrius urit quā in rara, &c.

CAPUT III.

De Natura.

Naturę definitio: Thes. I. Duplex materię & formę consideratio, &c. 1. Natura faticale nomen nē inspeceris, dictum Zoroastri: 2. Natura etymon ex latina & hebręa lingua. 3. Natura 15. significata: 4. Natura definitio, secundum Platonem, ubi pluscula de mundi anima: 5. Definitio Aristotelica: de interpretatione verborum Græcorum: 6. Analysis definitionis Aristotelicę. 7. Consilium Aristotelis in definienda natura: 8. Sine synonymę voces, principium & causa: ubi varię sententię excutuntur: 9. An Natura sit principium substantiale vel accidentale: Philippus Faber contendit esse principium accidentale: 10. Improbatur ejus sententia: 11. Sine natura res quędam absoluta an relata: 12. Sine natura principium activum tantum, an passivum tantum, an activum & passivum simul: Prima Avicennę sententia, esse tantum principium activum, idque respectu solius formę: 13. Impugnatur hac sententia: 14. Solvuntur rationes Avicennę: 15. Secunda sententia est veterum Physicorum: Esse tantum principium passivum, idque respectu solius materię: quę refutatur: 16. Tertia Scoti & Casalpini, Esse tantum principium passivum, respectu materię & formę simul: 17. Rationes pro ea: ibid. Argumenta, contra hanc sententiam: 18. Solvuntur argumenta Scoti & Casalpini: 19. Quarta sententia Zabarellę, Esse principium activum & passivum, secundum solam formam: rationes pro ea: 20. Impugnatur hac sententia: 21. Solvuntur rationes Zabarellę: 22. Quinta sententia cujusdam recentioris, Naturam esse principium activum & passivum secundum materiam & formam; ita tamen ut secundum formam sit principium activum & passivum simul, secundum materiam passivum tantum: Improbatur & hac sententia: 23. Sexta sententia plerorumque Peripateticorum, Naturam esse principium activum secundum formam, passivum secundum materiam: 24. Forma magis est natura quā materia: 25. Sine Natura principium efficiens tantum, an etiam formale, & finale: Fonseca & Conimbricensis principium formale & finale etiam esse contendunt: 26. Refutatur hac sententia: 27. Solvuntur rationes Fonseca & Conimbricensium: 28. Sine natura agens principium, an instrumentale

Sententia Platoniorum, Esse tantum instrumentale agens 29. Peripateticorum sententia, Esse etiam principale agens: 30. Conciliantur hæ sententiæ: 31. Sine natura in omnibus principium activum & passivum simul, An in aliquibus passivum tantum? Sententia Peripateticorum improbat: 32. An omnis forma naturalis, & in specie anima, sit natura: Sententiam negantem tuctur Simplicius: 33. Impugnatur hæc sententia: 34. Solvuntur rationes Simplicii: 35. Quid nomine motus & quietis in definitione intelligatur: 36. Subjectum naturæ: 37. An natura ab Aristotele definita sit principium omnium motuum naturalium: Affirmat Franciscus Vicomercatus, & probat: 38. Vicomercato contradiciti Pererius: 39. Media quædam sententia eligitur, & extrema conciliantur: 40. An Natura sit principium activum corruptionis: Sententia Pererii: 41. Impugnatur sententia Pererii: 42. An Natura sit principium activum alterationis: 43. Est principium accretionis: 44. an sit principium activum motus progressivi animalium: Negat Vicomercatus: refutatur: 45. An Natura in singulis corporibus naturalibus necessariò sit principium activum alicujus motus, & præcipue localis: 46. Quomodo definitionis verba, motus & quietis, sint accipiendæ; copulativè ac disjunctivè: Aliorum sententiæ: 47. Propria sententia: 48. An compositum, seu corpus naturale, sit tertia quædam entitas seu natura, præter materiam & formam? Defenditur sententia affirmativa: 49. Rationes pro negativa solvuntur: 50. Sensus particularum, primò, per se, non secundum accidens: 51. Differentiæ inter rem naturalem & artificialem: Th: II. & l. 2. v. 8.

THESIS I.

Hactenus principia corporis naturalis interna, separatim considerata: Conjunctim considerata, & ad motum ac quietem corporis naturalis relata, appellantur uno nomine *Natura*: Quæ definitur ab Aristotele, *Principium motus & quietis, ejus in quo est primò, & per se, non secundum accidens.*

Ex Divi.

I. Duplex materiæ & formæ est consideratio; una respectu *τῆς* corporis naturalis, altera respectu motus & quietis corporis naturalis: Priori respectu dicuntur principia essentialia & interna corporis naturalis; quomodo hæc à nobis sunt considerata: Posteriori, *Natura* appellantur; quæ sequitur jam consideratio: Vide *Toletum* in 2. *Physic. cap. 1. quæst. 1.*

Est autem Naturæ mentio apud doctos pariter & indoctos frequentissima: Quæ tamen humanæ mentis est cæcitas, quid *Natura* sit, propemodum videtur ignorare: Unde variz doctissimorum, cum veterum tum recentiorum, de Naturæ naturæ sententiæ. Pretium igitur operæ facturus videbor, si Naturæ contemplationi aliquantò sollicitius incubuero, & quæ multorum lectio suggessit, arctioribus quasi spatii contraxero: Nec jucunditate nec utilitate carebit contemplatio.

Investibulo igitur tritum illud & vetus mihi dictum puto, Πῆρς τὸ ὁρῶν δὲ δόξαν δὲ πρῶτον ἐξέταλεν τὰ ὀνόματα. Res enim per signa discuntur, inquit *Augustinus* lib. 1. De doctrinâ Christi. cap. 2. Primùm igitur in ipsum naturæ nomen inquiram, deinde ad rei contemplationem me conferam.

II. *Natura* fatale nomen nē inspexeris, *Zoroastri*

Regis Bactrianorum, Principis Magorum, (qui floruisse putatur anno à diluvio 291.) Oraculum est: *Heurnius* in *Indico* suo, cap. 6. Hoc tamen nos minime absterrit, ad sobriam nominis hujus considerationem descendimus; circa id duo expedituri, 1. Etymon, 2. Varia eius significata.

III. Etymon quod attinet, *Natura*, inquit *Isidorus*, lib. 11. Orig. cap. 1. dicta est ab eo, quod nasci aliquid faciat: gigni enim & faciendi est potens. Sic & *Lactantius*, lib. 2. De falsa religione cap. 9. quos secutus *Suarez* tom. 1. disp. 15. Sect. 11. §. 5. ait *Naturam* dici quasi nascituram, & denotare, secundum derivationem hanc, generationem naturalem, & præsertim ortum seu nativitatem viventium: ex 5. *Metaphys. cap. 4.* ubi docet *Aristoteles*, naturam propriissime significare τὴν φύσιν ἐνοικήσαν γένεσιν. Sic & *Hurtadus*. *Physic. disp. 7. Sect. 1. §. 1.* Unde *Plinius* & *Cicero* ubique naturam appellant matrem, parentem rerum opificemque; *Lucretius* creatricem nominat.

Georgius (*Luciger* in *Harmoniâ* linguarum, Radice 1103. *Naturæ* etymon ex primæva, hoc est, sanctâ linguâ, deducit, à radice *√*plantavit, quod plantæ purè sint naturalia entia, quæ ad unum tantum ordinatæ & determinatæ sunt. Ab eadem radice, ob commutabilitatem literarum *r* & *s*, verbum nascor, à quo proximè descendit *natura*, derivat. Si conjecturæ hic locus sit, dixerim potius naturam descendere à radice *√*asservavit, custodivit, tutatus est: Quid enim naturæ magis proprium, quàm res, quarum est natura, custodire, tutari, ad conservationem sui instigare; Unde, tritum illud, *Natura* sui conservationem appetit.

Græcis eodem sensu natura appellatur φύσις, γενεή, τὸ φύεσθαι, nasci, generari, quod naturæ auspiciis omnia generentur. Hebræis appellatur צֶלֶק, à

radice

radice טרץ, demersit, immerfit, infixit; nempe ut indigeretur, naturam non externum quiddam esse, quod facile queat separari; sed internum & penitus immerfum & infixum rebus, adeo ut salvis iis abesse nequeat: A voce hac scientiam naturarum appellant טרץ חכמה.

IV. Haecenus de Etymo. Cum autem variaz significationis sit natura vox, & verò, secundum Aristotelem, 1. De Caelo, cap. 11. text. 110. τὰ πάλαι αὐτὸς λέγοντες ἀσπεῖς sit, agē varia natura significata excutiamus, & quae nostro servant instituto ex iis eligamus.

Appellatione igitur Natura significatur

1. Eorum quae nascuntur generatio.
2. Prima pars quae in viventibus generatur; cuiusmodi, ex Aristotelis sententia, Cor est.
3. Internum principium cuiusque rei naturalis, unde primò habet ut moveatur.
4. Materia prima.
5. Forma substantialis. Quinque haec significata recenset Aristoteles 5. Metaphys. cap. 4. His accedunt alia.

6. Omnis res, sive substantia sive accedens sit. Unde definitur, *Natura est earum rerum, quae cum sint, quoquo modo intellectu capi possunt.* Sic naturae ambitu continentur Deus, Intelligentiae, Corpora naturalia, horumque omnia accidentia.

7. Substantia sive corporea, sive incorporea: Unde definitur, *Natura est qua facere, aut pati, aut utrumque potest.*

8. Ultima & propria differentia cuiusque rei: unde definitur, *Natura est quae informat unamquamque rem specificā differentia.* Tria haec significata attingit Boetius in lib. De duabus naturis & una persona Christi. Sunt & alia.

9. Omnipotens Dei virtus, quae omnia sustentat & gubernat. Hoc sensu naturam definit Lælius Lemnius lib. 1. De occultis naturae miraculis cap. 1. *Natura est mens, λόγος* seu ratio divina, operum naturalium effectrix, rerumque existentiam conservatrix. Haec vis, inquit, nulli praequam Deo, & qui illi indivisè adhaeret, Christo adscribi potest. Unde Hebr. 1. vers. 3. dicitur πᾶν τὸ κείμενον τῷ ῥήματι αὐτοῦ, & συνεκείνω αὐτὸν. Praesto sunt, inquit Caelus Rhodiginus Antiqu. lect. lib. 22. cap. 3. qui nomina quidem esse fateantur plura, Deum tamen unum. Sic non aliud esse naturam, quam Deum ipsum, interpretantur, hoc est toti mundo & partibus ejus insertam Divinitatis rationem. Assentitur huic Scaliger, Exerc. 278. Sicne Deum (nam quid aliud natura est?) inopem facit? Lactantius De falsa relig. lib. 2. cap. 9. laudat Senecam in haec verba, melius

Seneca omnium Stoicorum doctissimus, qui vidit nihil aliud esse naturam quam Deum.

10. Essentia: ut ostendit Suarez tom. 1. disp. 15. sect. 11. §. 6. & Fonseca 5. Metaph. cap. 4. q. 1. s. 3.

11. Temperamentum: quo sensu dicimus hominem esse naturae calidae, frigidae, &c.

12. Universum seu mundus: cum dicimus rem aliquam in rerum natura esse vel non esse: Quo sensu Physicam suam inscribit Bodinus, Theatrum naturae.

13. Causarum secundarum Deo subordinatarum ordinata series, seu aggregatio causarum naturaliter agentium: quo sensu ab Aristotele naturam accipi, cum ait, Deum & naturam nihil agere frustra, affirmat Fonseca, lib. 5. Metaph. c. 4. q. 1. Sect. 2. Hoc sensu quoque Marfilus Ficinus argumentatur in 1. De leg. ubi ait, Naturam nihil aliud esse quam infimum Divinae providentiae instrumentum. Idem & Lemnius vult, cum naturam Dei ministram appellat, lib. 1. De occult. cap. 14.

14. Lex naturalis: ut cum natura dicitur legitimam sui defensionem concedere.

15. Partem genitalem: Cicero 2. De divin. In Physicis frequentia sunt significata 3, 4, 5, 11, 12, 13. In praesenti verò theoria attendemus potissimum 3. cui explicationis loco subijcietur 4, 5. tandem ad 13. quoque descendemus.

V. Haecenus nominis consideratio: Ad rem ipsam veniamus, & quidem Naturam, uti à Physico consideratur, ex definitione aestimabimus.

Dux sunt nobiles Philosophorum familiae; Platonica, & Aristotelica, seu Peripatetica: De natura igitur utriusque familiae caput audiamus: & primùm quidem Platonem. Plato naturam definit vitam seu vim quandam, per corpora diffusam, ipsorum gubernatricem & reatricem: Nec aliter ferè Pythagoras, & Mercurius Trismegistus, cui animam debet Philosophia Platonica; Vim & formam absolutam, egredientem à causa prima, & diffusam per corpora naturalia, in singulis principum motus & statūs.

Per Naturam hoc modo descriptam mundi animam à Philosophis huic intelligi, extra omne dubium nobis est. Contendit enim in Timæo & alibi Plato, universam mundi molem animā quadam informari, quae singulas ejus partes foveat, moveat, gubernet, sitque ab ipsa mundi mole distincta: Quae certè ipsissima illa est natura quam definiri modo audivimus, quàmque graphice descripsit Platonius vates 6. Aeneid.

--- Caelum, ac terras, camposque liquentes,
Lucentemque globum lunae, Titanidumque astra
Spiritus intus alit, totamque infusa per artus.
Mens agitat molem, & magno se corpore miscet.
Quam in sententiam quoque Alcimus, De doctrina

Etina Platonis cap. 14. τῆς ψυχῆς τεθείσης ἐν τῇ αἰσῇ ἐπὶ τὰ πρῶτα συνῆλθ' αὐτῇ τὸ σῶμα τῷ κόσμῳ κύκλῳ διὰ παντὸς περιέχειν καὶ περιελύσκει, ὥστε ἅλῳ τῷ κόσμῳ αὐτὴν περιεπεῖναι, καὶ τῶν ἄλλων τῶν αὐτῇ συνῆλθ' ἐν τῇ συνήξει.

Hæc, si veri quidpiam habent, non possunt accipi nisi de Deo, seu omnipotente & providâ Dei virtute. Hic enim verè Spiritus ille ubique præsentissimus, sine extensione sui per omnia diffusus, qui intus omnia alit: hæc mens illa, quæ magnam mundi molem agitat sustentando, conservando, & sapientissimè omnia gubernando: *Εν αὐτῷ*, inquit *Paulus Aἰ.* 17. vers. 28. ζῶμεν καὶ κινεῖμεθα καὶ ἐσθίμεν. & vers. 25. αὐτὸς διδίδας πᾶσι ζωὴν, καὶ πνοὴν, καὶ τὸ πᾶν. Hic primus ille motor Aristotelis, 12. Metaphys. Sic *Strato* olim & *Chrysippus* vitam per universum effectricem dari fatebantur: Sed Deum esse affirmabant: Quam in sententiam quoque ille videtur *Poeta*, 4. *Georgic.*

— Deum namque ire per omnes

Terrâsq; tractusq; maris, cœlumq; profundum:

Hinc pecudes, armenta, viros, genus omne ferarum

Quemque sibi tenues nascentem arcessere vitas.

Sic *Eclog.* 3.

— Jovis omnia plena.

Hanc Platonis quoque sententiam fuisse, multorum opinio est. *Calcidius* Platonius, super *Timæum*, tradit per mundi animam à Platone intelligi, id quod Christiani Spiritum Sanctum appellant; & *Cyrillus*, contra *Julianum*, Spiritum Sanctum animam mundi à Platone appellatum asseverat: Verba ejus sunt, unus est universorum DEUS, dilaturatur autem, quantum de eo sciunt, in sanctam & consubstantialem Trinitatem, in Patrem, inquam, & Filium, & Spiritum Sanctum, quem & animam mundi dicit *Plato*. De eodem hoc Dei Spiritu loquitur *Mercurius*, in *Asclep.* cap. 3. Spiritus, quo plena sunt omnia, permissus cunctis cuncta vivificat: quod & *Moses* de Spiritu Dei dicit, *Genes.* 1. Similia multa occurrunt in *Pimandro*, quæ certè aliunde non videntur hausta quàm ex Divina revelatione. *Cicero* in *Acad.* quæst. sentientem naturam, quâ continentur omnia, nunc mundi animam appellari scribit, nunc mentem sapientiamque perfectam, quam Deum vocant. Sed hanc Platonis exultationem ac defensionem Platoniorum plerique rejiciunt, mundiq; animam præter Deum aliquid esse comminiscuntur: ut videre est apud *Stephanum Theopoliem*, *Academicarum* contemplat. lib. 5. cap. 2. 3. nec dissentit *Alcinous*, capite supra allegato. Aut igitur natura à Platone & *Pythagora* definita ipse Deus est, uti naturam quandoque accipi dicitur. 2. *O* secundum; aut distinctum quid à Deo, quod uni-

versum pervadat, omniâque informet ac muniat. Si prius, naturæ hujus consideratio ad Physicum principaliter non pertinet: Si posterius, in Physicam quoque considerationem non cadit; quia non ens est: hujusmodi enim natura & universi anima nulla unquam fuit, nulla est, nulla erit, imò nulla esse potest: ut suo loco ostendemus.

VI. Excussimus Platoniorum de Natura sententiam: quæ quia vel à vero aliena, vel certè dissertationem de Natura extra Physicæ pomeria extendit, ad Aristotelicos progredimur, quorum de natura magis Physicè sic dicta placita sequi, explicare & tueri nobis visum.

Aristoteles igitur 2. *Phys.* 1. t. 3. hanc naturæ definitionem exhibet, quam in thesi quoq; retinuimus; *Ἐξ ἧς καὶ ἀπὸ τῆς τῆς κινήσεως καὶ ἡσυχίας, ἐκ τῆς ἀπὸ τῆς αἰτίας καὶ τοῦ καὶ καὶ συμπεπληγός.* Quæ verba Latine reddi solent, cum ab aliis, cum à *Conimbricenses*; Principium & Causa motus & quietis ejus rei in qua est primum, & per se, & non ex accidenti. *Argyropylus* vocum secutus vestigia ita reddit; Principiū & causa ut id moveatur atq; quiescat, in quo primum, per se, & non per accidens inest. Hanc interpretationem cur reprehendant *Patres Conimbricenses*, nulla prorsus est ratio; cum τὸ ἐν τῷ Græcorum verborum sequatur, & ut ipsimet fatentur *Conimbricenses*, in idem cum priori recidat. *Fonseca* tamen 5. *Metaphysic.* cap. 4. quæst. 2. Sect. 4. justæ animadversionis rationem nititur reddere, quod verba secundum *Argyropoli* interpretationem innuant naturam esse principium & Causam mutationis præsentis, aut futuræ, non præteritæ: Unde mavult, τὸ κινεῖσθαι motum reddere.

Resp. 1. *Κινεῖσθαι* per moveri rectè reddi omnes fatebuntur Grammatici; quod & doctissimus hic Græcus non ignoravit. 2. Si natura principium est per quod res movetur, utique etiam principium est per quod naturaliter mota fuit, cum præteritum aliquando præsens fuerit. 3. Si natura, cum in præsentem tempore dicitur esse principium motus, non excludit præteritum motum, cujus non amplius est, sed fuit principium; nec excludit præteritum motum, cum in præsentem dicitur principium esse cur res moveatur. 4. *Aristoteles* 4. *De Cœl.* cap. 1. text. 6. ait, *Καὶ τὸν ἀέρα τὸ ἀπὸ τοῦ οὐρανοῦ, καὶ τὸ ἐξ ὅλης τῆς γῆς, hoc est, Leve dicimus, quod fertur sursum & ad extremum.* Innuit igitur levitatem esse principium lationis, idque eloquitur per præsens, *ἀπὸ τοῦ οὐρανοῦ*; nec tamen propterea negatur levitas esse principium lationis à medio præteritæ, quin potius id affirmatur. Si enim levitas principium est cur res impræsentiarum feratur sursum; Ergo & principium fuit cur olim sursum lata fuerit.

VII. Con.

VII. Constat definitio hæc *Aristotelis* Genere & differentia. *Genus* duabus vocibus exprimitur, quæ sunt, *principium* & *causa*. Differentia petitur I. Ex Objecto, circa quod occupata est natura; estq; *motus* & *quies*. II. A Subiecto, cui inest: Dicitur enim natura esse principium motus & quietis rei ejus in qua inest: Unde indigitatur, naturam esse principium motus & quietis rei, quæ movetur & quiescit, internum. III. Ab adjunctis modis, quibus rei natura inest: Sunt ii tres: 1. *πρῶτον*, *πρῶτον*; 2. *αὐτὸ* per se, 3. *καὶ ὅταν συμβέημι*, non per accidens.

VIII. In vestibulo hîc observandum, *Aristotelem* sagacem naturæ venatorem eodem artificio naturæ vim investigasse quo olim veteres Physici & ipse *Aristoteles* naturam animæ investigarunt; exquisitis nempe & observatis diligenter iis quibus res animatæ ab inanimatis differrent: Unde Principium & Causam eorum animam appellandam, & ex iis definiendam esse judicârunt. Cùm igitur animata ab inanimatis motu & sensu differre animadverterent, animam motus & sensus principium esse concluderunt: Sic *Aristoteles* 2. De anima, cap. 2. text. 18. animam definit, *principium*, quo vivimus, sentimus, movemur, & intelligimus *primo*. Eandem planè viam institit in vi naturæ investiganda, comparatis invicem naturalibus & artificialibus. Hæc enim cùm ab istis in eo potissimum differre animadverteret, quod non à se sed ab alio extra se constituto motus principium haberent, illa verò motus varios ex se ipsis cicerent, protinus Naturam ab Arte hoc indicio discriminandam judicavit, naturamque definiit, *principium motus & quietis ejus in quo inest primo, per se, & non secundum accidens*: Quibus limitationibus quàm accuratissimè eam ab arte distinxit, ut in explicatione suo loco monstrabimus. Non fuit igitur animus *Aristoteli* totam naturæ vim definitione hac complecti; sed notâ saltem quâdam characteristicâ, ab iis quæ naturalia non sunt eam distinguere. Est enim natura Causa motus, non tantum ejus rei in qua inest, sed & alterius in qua non inest, ut cùm ignis non se, sed a quam frigidam calefacit. Attamen per solas operationes immanentes, nempe motum & quietem illorû ipsorum corporum quorum est natura, definire *Aristoteli* naturam libuit; quia his solis, non transeuntibus, ab arte natura distinguitur. Quod *Zabarella* quoq; observat, lib. De natura cap. 1. Insevit hæc animadversio difficultatibus multis expediendis. Jam in specie ad *Aristotelicæ* definitionis explicationem, & controversiarû circa eam tractationem descendamus.

IX. Magna sententiarum varietas est circa quæstiunculam, *An in definitione Aristotelis duæ voces,*

principium & causa, generis loco posita idem significent.

1. *Avicenna*, *Simplicius*, & reliqui ferè omnes Græci interpretes, quibuscum facit *Burlæus*, voce *principii* putant significari causam efficientem solum; *causæ*, verò materiam. Quod equidem nobis minimè videtur verisimile, nec aliis recentioribus Peripateticis: plus veritatis sententiâ habebit, si invertatur, uti deinceps monstrabimus.

2. *Albertus* naturæ nomen putat convenire formæ, Materiæ & privationi: propter formam igitur & materiam, appellari *Causam*; propter privationem, *principium*. Nec hæc toleranda est sententiâ: Natura enim est causa per se, & non per accidens; Privatio causa est per accidens, 1. *Phys.* 7. text. 66. Nec verò *Arist.* naturam dividit in materiam, formam & privationem; sed tantum in formam & materiam. Taceo quod quietis principium dici nequeat privatio.

3. Videtur nonnullis nomen *principii* significare materiam & formam; *causæ* verò, finalem causam. Nec hæc placet sententiâ: Natura enim ab *Aristotele* non consideratur ut causa finalis motus: cùm finis motus ante motum actu non sit: At verò natura motu, quoad existentiam, prior est. Cùm principium sit motus in eo ipso in quo inest. Adde, naturam, quâ natura, non pendet à motu, dicitur enim natura principium motus, non motus principium naturæ: at finis pendet à mediis seu destinatis ad finem. Nec denique video, quâ natura, quâ finis est motus, distinguatur ab arte: Unde nec *Conimbricensibus* assentimur, qui *causam* hoc loco ad omnia Causarum genera extendunt: Nec enim quæstio est *Aristoteli* de fine vel forma motus & quietis, sed de efficiente & materia, tanquam subiecto recipienti.

4. *Fonseca* 5. *Metaph.* cap. 4. q. 2. §. 3. ait, nominæ *principii* additum esse nomen *Causæ*, ut excludantur principia quæ non sunt Causæ, cujusmodi est privatio: Eadem *Conimbricensium* est sententiâ. Sed quid attinebat *Causæ principium* addere, cùm solius *Causæ* mentione excludi potuerint quæ non sunt Causæ?

5. *Pererius* lib. 7. De princip. rerum Natural. cap. 4. unum prorsus & idem significare affirmat. Non tamen video, quâ acroamaticum docendi genus in definitione, quæ omnem superfluitatem quàm longissimè à se relegat, tautologiam hanc admittat.

6. *Thomas* contendit per *principium* significari ordinem; per *Causam*, influxum & operationem: Quam in sententiâ quoque *Crellius* in Commentariis acroamaticis ait, per *principium* denotari, à natura initium esse motus & quietis; per *Causam* non tantum à natura initium esse motus & quietis, sed & naturam hæc perpeti quâ materia est, & efficiere

cere quā forma est. Sed videtur solius *Causæ* nomen hoc modo potuisse sufficere; à causa enim initium est motus, & à causa efficitur motus.

Si & meam proferre sententiam fas mihi sit, Septimam adjicio, nempe naturam dici *Causam* propter formam potissimum; & *principium*, propter materiam: nè, solius *Causæ* mentione facta, à definitione naturæ materia videatur excludi: Ità omnino invertendam esse puto primam sententiam. Ratio, quæ hoc mihi persuadet, hæc est; Tanquam concessum jam sumo, quod deinceps demonstrabitur, non solum formam, sed & materiam, quatenus ad motum refertur, ab *Aristotele* definiti: Hinc infero, non posse materiam appellari *Causam* motus vel quietis: Omnis enim *Causa*, quā causa, agit: Materia verò ad motum relata non agit materialiter vel effectivè: nec enim motum effectivè producit, quod formæ est; nec id est ex quo motus fit, tanquam principio intrinseco: Tantum igitur patitur, motum à forma productum recipiendo. Non potest ergo *Causa* propriè appellari: *principium* tamen appellari potest, cum vox hæc latius quàm *Causa* pateat, illique tribui possit quæ, quacunque ratione, re aliquā sunt priora, & ad ejus existentiam necessariò prærequisita; uti materia ad motus naturalis existentiam: Non enim fit motus nisi in materia, nec recipitur nisi in materia. Unde subiectum & principium passivum motus rectè statuitur materia: Quæ & *Thomæ* videtur esse sententia, 2. *Physic.* § 1. text. 4. ubi ait, naturam esse subiectum quatenus materia dicitur; & *Conimbricenses* in eundem locum. Sed omnium apertissimè sententiam nostram proponit *Ferrariensis*, 2. *Physic.* quæst. 1. ubi ait, per principium intelligi principium passivum, per *Causam* principium activum.

X. Cum principii nomen ferè solum arrideat Philosophis Peripateticis de natura disputantibus, & nos in disquisitione hac idem frequentius usurpabimus. Ut igitur ad propositæ definitionis, quæ naturam nobis describit, explicationem propius accedamus, primo loco quaerimus, An natura principium sit substantiale vel accidentale?

Philippus Faber in Philosophia naturali *Scoti*, theoremate 34. cap. 4. contendit, naturam reverà & propriè non esse substantiam, vel quidditatem & Essentiam Compositi quæ resultat ex materia & forma; quandoquidem ea sit habens naturam: 2. *Physic.* text. 4. sed accidens, nempe qualitatem, supra quam principii relatio fundatur; quam ait esse proprietatem quā quidditas inclinatur ad diversos motus. Interim dici posse Substantiam concedit, quia secundum *Scotistas*, est in prædicamento

substantiæ, in quo ipsa essentia seu quidditas substantialis compositi est: passio enim *Scotisti* ejusdem est prædicamenti cum eo cuius est passio.

XI. In hac *Fabri* sententia admittimus, quod negat naturam, uti hoc loco consideratur, esse quidditatem seu essentiam compositi naturalis: hæc enim est quæ habet naturam, ut docet *Aristoteles* in textu allegato: Estque natura principium simplex, quod in alio est; at quidditas composita est, quæ propriè in re esse dici non potest, cum ipsa sit res. Quod verò naturam, quatenus ab *Aristotele* definitur, substantiale quid esse negat, sed qualitatem tantum facit, nempe proprietatem quā quidditas ad motum inclinatur, in eo assentiri *Fabro* non possumus, nec quisquam fortè alius rectè philosophantium. Expresse enim *Aristoteles* modò formam, modò materiam corporis naturalis appellat naturam. Deinde natura inest primò corpori naturali, ut patet ex definitione: Atqui proprietates ista seu inclinatio non inest corpori naturali primò, sed per formam & materiam: Unde nobiliores Interpretes per particulam primò in definitione positam principia motus accidentalia excludi docent. Denique accidentia corporis naturalis propria, in quibus illa quoque inclinatio est, sequuntur naturam corporis: Ergo non possunt esse ipsa corporis natura. His igitur de causis concludimus, naturam esse principium substantiale, non accidentale. Nec contra nos facit textus *Aristotelis*, qui non de quavis loquitur substantia, sed de Composita, tantum ex Materia & forma, à qua naturam in sequentibus distinguit, dum ait, naturam esse subiectum, & in subiecto: quibus verbis materiam & formam indigitat: illa enim subiectum est, ista in subiecto.

Paves Conimbricenses propensionem ad motum à forma distinctam negant: 2. *Physic.* cap. 1. quæst. 3. art. 2. quod à nobis non conceditur; nisi, proprietatem & subiectum nihil differre, absurdè quis contendat.

XII. Porro quaeritur, Sine natura res quædam absoluta an relata.

Placet hic nobis *Fonseca* responsio, nempe naturam, uti ab *Aristotele* definitur, esse rem quandam absolutam, quæ causalitatem in motum & quietem habet, & per eam à posteriori explicatur. Etiam si enim ipsum naturæ nomen ab illa causalitate derivatum videtur, non tamen ad eam significandam impositum videtur, sed potius ad rem absolutam, nempe substantiam, cui causalitas in motum & quietem accidit. Ratio sententiæ hujus non contemnenda hæc est; Si natura formaliter ad motum & quietem referretur, essetque res per se relata, Ens naturale, ut est naturale, & à natura dicitur,

non

non significaret formaliter substantiam, sed id quod substantiæ accidit : At consequens falsum : Ergo & antecedens. Nec est quoddam quæquam forte moveat genus naturæ, nempe *causa*, quæ ad Relationis prædicamentum primò pertinet : Multa enim absoluta definiuntur per genera relata pro diversorum respectuum consideratione ; uti vicissim definiri possunt per absoluta.

XIII. Cum autem natura definiatur, principium motus & quietis, tertio loco quaeritur. Sitne principium activum tantum, an passivum tantum, an activum & passivum simul?

Mira hic videas sententiarum divortia : Sex distinctas sententias reperio.

Prima *Avicennæ* est ; qui contendit naturam non esse nisi principium activum, idque respectu solius formæ : Duobus id argumentis persuadere conatus est.

1. Ea est natura propriè sic dicta, quæ distinguuntur naturalia ab artificialibus : Sed naturalia ab artificialibus distinguuntur per solum principium activum intrinsicum motus : Ergo principium activum tantum est natura.

Propositio manifesta est : Naturæ enim Arti contradistinctæ rationem habere non potest id quod naturalia & artificialia commune habent.

Assumptio ex *Aristotele* probatur, 2. Phys. ubi naturalia ab artificialibus ait distinguere per hoc, quod naturalia habent in seipsis principium intrinsicum activum motus, artificialia verò nequaquam.

1. *Aristoteles* naturam definit principium : Ergo non nisi activum eam esse agnoscit. Ratio consequentiæ ; Quia ubique *Aristoteles* per principium intelligit solum activum principium.

3. Succurrunt alii *Avicennæ*, hoc argumentis ; Natura movet : Ergo est tantum principium activum non passivum. Antecedens probatur ; Quia definitur principium motus : Ratio consequentiæ est ; Quia movere est agere.

XIV. Sententia hæc plerisque improbat, tanquam minimè consona principiis *Aristotelicis* : quod tribus rationibus à *Zabarella* & *Flaminio Ciconia* probatur.

1. *Aristoteles* expressè docet materiam esse naturam, idque non uno in loco : Atqui materia non activum, sed passivum est principium : Quia de affectione pluribus infra agemus.

2. Idem *Aristoteles* lib. 8. Phys. context. 32. de motu elementorum naturali agens, ait, *Elementa in se habere principium motus non activum, sed passivum*. Statuit igitur naturam etiam principium esse passivum.

3. Cælo inesse naturam certum est, quia corpus.

naturale est. At principium motus activum ei non inest ; cum ab assistente intelligentiâ activè moveatur : Natura igitur principium quoque passivum est.

Rationes hæc, si de *Aristotelis* placitis dubitare nefas sit, *Avicennæ* sententiam sufficienter refutant : etsi parum iis tribuendum judicamus ; ut suo deinceps loco patebit. Interim tamen *Avicennæ* sententia nobis non aridet. Non enim actiones solæ naturales sunt rebus naturalibus, sed & passionēs. Unde manifestum est, naturam non tantum esse principium activum, sed & passivum.

XV. Ad contrarias *Avicennæ* rationes arduum non est respondere.

Ad 1^m. Assumptionem negamus : probatio inefficax est. Etiam si enim solius principii activi mentionem *Aristoteles* facit, non tamen passivum protinus excludit. Fecit autem solius principii activi mentionem, quia discrimen naturalium & artificialium evidentius petitur è principio activo quam passivo. Accedit quod *Aristoteles* naturam cum arte comparat, eamque à definitione naturæ excludat : Cum igitur ars eorum quæ per artem fiunt, non sit principium passivum sed activum, naturam quoque *Aristoteles* sumit ut principium activum, eamque respectu hæc ab arte distinguit, quod natura principium motus sit activum in eo in quo est, ars verò in alio, non in eo in quo est. Responsio *Flaminii Ciconiæ*, quæ est. nat. 1. 1. quæ ait, artificialia à naturalibus non distinguere per principium passivum, sed tantum per activum, placitis *Aristotelicis* consona non est : Artificialia enim, quæ talia, nullam mutationis *ἀκίνητον* in se habere docet Philosophus, Phys. 2. text. 2. Quod rationibus quoque demonstrat *Perrinus*, lib. 7. cap. 2. ubi ostendit materiam primam non habere potentiam ad formas artificiales.

Ad 2^m. Consequentiam negamus : probatio nulla est : Contrarium probat *Zabarella*, lib. De natura, cap. 9. *Aristoteles* 1. Phys. materiam sæpe principium appellat : At principium activum non intelligitur, quia materia non agit, sed patitur.

Ad 3^m. Antecedens universale non est. Non enim natura tantum movet, sed & movetur, hoc est, non agit tantum, sed & patitur. Probatio nihil efficit : cum enim natura principium motus dicitur, non activum tantum sed & passivum intelligitur ; ita ut natura non tantum moveat, sed & moveatur. Quod si verba *Aristotelis* sunt urgenda, inverti ratio poterit : *Aristoteles* enim naturam definit principium ut res moveatur : Unde *Scotus* concludit, naturam esse tantum principium passivum : etsi uterque erravit.

XVI. Secunda sententia est veterum quorundam,

dam, ut *Anaxagora* & *Empedoclis*, qui naturam tantum principium passivum, idque respectu solius materię, esse affirmarunt: Unde traditam naturę definitionem soli materię primę ab ipsis constitutę dixerunt competere, tanquam substantię simplicis, actualis, accidentibus subiectę, quam solam primum ac substantiale mutationis principium agnoverunt: Quę obsoleta est sententia, & a *Fonsēca* refutata lib. 1. Metaphys. cap. 7. q. 1. ubi sententiam hanc ait fuisse balbutientium adhuc Philosophorum, & quasi in tenebris attrahentium. Ex recentioribus *Simon Portius* naturę definitionem soli materię secundę convenire existimavit: unde naturam non nisi principium passivum esse voluit cum veteribus: Rationem depromit ex definitione naturę, quę dicitur principium ut res moveatur, non ut moveat: Principium igitur tantum passivum, non activum esse conclusit. Malę: ut in examine sententię tertię monstrabimus. Unicam sententię huic secundę rationem opponimus: Si corpora naturalia non patiuntur tantum sed & agunt naturaliter, utique natura non tantum passivum, sed & activum est principium: At verum illud: Ergo & hoc. Connexi ratio est; Quia rei naturali nihil competit naturaliter, nisi per naturam tanquam principium intrinsecum.

Formam verò naturam esse evidenti ratione probat *Aristoteles* 2. Phys. cap. 1. text. 1. 2. 7. 11. & 13. & 5. Metaphys. text. 3. quam huic Syllogismo includimus.

Si omnia ea quę naturā sunt vel sunt, existente jam eo, ex quo apta sunt fieri aut esse, (hoc est, materiā.) nondum dicimus naturam habere, nisi speciem ac formam habeant; sequitur, formam necessariò dicendam esse naturam, & quidem principaliter: At verum prius: Ergo & posterius.

XVII. Tertia sententia *Scoti* & *Casalpini* est, qui naturam tantum principium passivum esse volunt, non tamen respectu solius materię, sed respectu formę, & materię simul. Quam sententiam ex mente *Scoti* diligenter explicat & confirmat *Philippus Faber*, in Philosophia naturali *Johannis Duns-Scoti*, theor. 34. cap. 1. 3. 4. ubi docet, formam dici principium passivum, quia rei, naturali dat inclinationem passivam ad motum, qui naturalis dicitur. Unde animam quidem, quatenus natura est, principium motus, esse concedit, sed passivum tantum, Materiam itidem statuit principium passivum motus, non quidem secundum potentiam universalem, respectu cujus nullus motus est violentus, quia in se considerata indifferens est ad omnes formas, omniumque capax: sed secundum potentiam particularem, quam a forma habet, a qua ad motum cer-

tum determinatur, cui contrariis violentus est; quia, quatenus a forma est determinata ad hunc motum, contrario obnititur. Et hinc esse ait, quod *Aristoteles* dicat, formam esse magis naturam quàm materiam, quia materię inclinatio passiva ad certum motum magis a forma quàm a materia pendet.

Pro sententia hac adstruenda, & contrariā, quę naturam quoque principium activum facit, destruendā, *Faber* ex *Scoto* sequentia adducit argumenta.

(1) Si illa mutatio est naturalis in qua passivum mutatur sicut aptum est mutari, a quocunque agente fiat mutatio; sequitur naturam non esse principium activum motus, sed passivum tantum: Sed verum prius: Ergo & posterius.

Ratio connexi est; Quia passivum nunquam dicitur sic aptum natum propter principium activum, sed propter principium passivum internum.

(2) Natura est principium internum solum quoad principium passivum, non quoad activum: Ergo est tantum principium passivum. Ratio consequentię; Quia natura est principium motus tantummodo internum, non externum, ut patet ex definitione.

Antecedens probat *Faber* hisce verbis, *Aristotelis*, 2. Phys. in declaratione definitionis naturę, declarans quod natura non sit principium accidentale, vult in infirmo medico se ipsum curante, quod illud principium activum sanitatis, nempe esse medicum, sit accidentale, non per se, & consequenter vult quod sit quid externum: Solum ergo natura quoad passivitatem est principium, non quoad activitatem.

(3) Internum principium activum & vis non agit, nisi agens extrinsecum agat prius: Ergo non est natura. Antecedens probatur; Si ageret prius quàm ab agente extrinseco excitaretur, utique semper ageret, & perpetuò in materia egisset: quod falsum. Ratio consequentię; Quia in illo ipso instanti in quo prius agit agens extrinsecum, actio est naturalis, aliās nunquam esset naturalis: quia omnis mutatio est ab agente extrinseco: Si naturalis est, non ratione principii interni activi, quod nondum agit, sed ratione passivi naturalis erit.

(4) Si forma, ut est principium activum, esset natura, omnis motus factus a forma activa esset naturalis: At hoc falsum: Ergo & illud.

Assumptio probatur; Quia omnes concedunt, cum animal saltando sursum se movet, violentum esse motum & contra naturam; & tamen certum est motum illum a natura, nempe anima, esse.

(5) Omnis motus tam internus quàm externus fit a forma tanquam principio activo: Ergo omnis motus esset naturalis, & nullus violentus.

(6) *Aristoteles* 2. Phys. text. 71. & 73. discrimen querens

quærens inter moventia naturalia & non naturalia, ponit ipsum penes principium passivum : Ergo innuit naturam esse tantum principium passivum. Antecedens probatur: Ait enim moventia mota esse Physicæ considerationis, sed moventia non mota non esse Physicæ considerationis. Ubi rationem reddens earum moventia mota sint Physicæ considerationis, ait, quia in seipsis habent principium motus, quo destituuntur non naturalia: ubi non potest intelligi activum, quia illud habent moventia non mota, cum moveantur ex interna natura; sed passivum, ratione cuius sunt susceptiva motus. Et clarius text. 73. *Duplex principium est quod naturaliter movet, quorum alterum, quia principium motionis in se non habet, non est naturale.*

(7) Ipse *Aristoteles* in definitione naturæ ait eam esse causam *τὴν κινεῖσθαι ut res moveatur, non τὴν κινεῖν, ut moveat*: Ergo innuit eam tantum passivum esse principium.

(8) Motus inest enti non ratione actus seu principii activi, sed ratione potentie & principii passivi: Ergo ens est naturale propter principium passivum motus, non propter activum. Antecedens probatur; Quia motus definitur *actus entis in potentia, ut in potentia*. Ubi verbis, *ut in potentia*, denotatur motum esse actum entis, non ex ea parte quæ mobile est ens, sed quæ est potentia.

Consequentia ratio est; Quia motus & natura arctissime colligantur, adeo ut motu ignorato, natura ignoretur, & cognito, cognoscatur.

Hactenus *Philippi Fabri* rationes pro sententia *Scoti*: Quibus & sequentes addit *Casalius* lib. 3. Quæst. Peripar. q. 1.

(9) Si natura est principium motus ei in quo inest primum, sequitur eam non esse principium activum, sed passivum tantum; Sed verum prius, ex definitione naturæ: Ergo & posterius.

Connexi ratio est; Quia agendi potentia est principium motus aut transmutationis in altero, non in illo ipso quod movetur, 5. Metaphys. text. 17.

(10) Opposita per se non possunt esse in eodem: Atqui activum & passivum principium sunt opposita: Ergo uni & eidem inesse nequeunt: Natura igitur non est simul principium activum & passivum.

(11) Si natura esset principium activum & passivum simul, utique aliquid seipsum per seipsum posset movere: At consequens falsum, teste *Aristotele*, 8. Phys. text. 40.

(12) Si in eo quod movetur, esset simul potentia activa, sequeretur idem simul speciem habere & non habere: At consequens absurdum: Ergo & antecedens.

Connexi ratio est; Quia activum & motivum unumquodque est, quatenus actu habet speciem; passivum vero, quod speciem non habet, speciem tamen recipere potest ab altero actu existente.

(13) Si natura esset principium activum & effectivum, principium externum esset: At consequens falsum: Est enim natura omnibus consistentibus principium internum.

Connexi ratio est; Quia efficiens causa externa est.

(14) Si natura esset principium activum, & quidem internum, nulla generatio & corruptio esset naturalis: At consequens falsum: Ergo & antecedens.

Connexi ratio est; Quia omnis generatio & corruptio est à principio externo. Hactenus tertiæ sententiæ probatio.

XVIII. Non errant in eo *Scotus* & *Casalius*, quod non formam tantum, sed & materiam naturam esse docent: quod ex *Aristotele* manifestum est, ut in examine quartæ sententiæ docebitur: Quod verò materiam & formam, quatenus natura sunt, non nisi principium passivum esse contendunt, in eo assentiri ipsis non possumus: cum nec rationi, nec doctrinæ *Aristotelicæ*, cuius observantes videri volunt, consentaneum dogma sit, quod sequentibus argumentis impugnamus.

(1.) Quæcunque activè ab interno principio moventur naturaliter, in iis natura principium activum motus est: at omnia animantia activè ab interno principio naturaliter moventur: Ergo in animalibus natura est principium activum motus. Propositionis ratio est; Quia non potest dici res moveri naturaliter, nisi respectu naturæ insitæ ad motum illum aliquid conferentis. Assumptio ipsius quoque *Aristotelis* suffragio comprobatur, 8. Phys. text. 27.

Ad hoc argumentum non habet *Philippus Faber* quod respondeat, nisi quod dicat, 1. Plerasque operationes viventium, ut intelligere, sentire, vegetare, nutrire, augeri, consistere in pati. 2. Animam respectu operationum, quæ ab ipsa tanquam principio activo pendet, ut movere corpus de loco in locum, non dici naturam, sed principium tantum agens, quod indifferens sit ad agens naturale & violentum: Nam si moveat conformiter inclinationi passivæ rei motæ, Ex.gr. si corpus grave moveat deorsum, esset agens naturale: sin contrà, violentum.

Resp. Ad 1m. Nulla est operatio in vivente quæ actio non sit, quatenus ab anima est. Nec enim intellectio impressio tantum est speciei intelligibilis in intellectum, vel sensio receptio speciei sensibilis in organa-

organum; sed activa dijudicatio, quæ sequitur speciei receptionem: Unde sæpenumero actualis visio nulla fit, etiam si species visibilis recepta est oculis, cum nempe animus aliis rebus est intentus: Sic, etiam si species intelligibiles semper intellectui sunt impressæ, intellectio tamen semper non fit; sed tum demum, cum ad eas se intellectus convertit, easque dijudicat: & quis quæso dicat, simplicium compositionem ac divisionem, mentisque discursum meras esse passiones? Sic vegetatio quoque & auditio ab anima tanquam principio activo fiunt, & in corpore vegetabili tanquam subjecto recipiuntur.

Ad 2^m. Si anima respectu motus localis animali convenientis est principium internum agens, vel naturale vel non naturale est. Si naturale, utique anima natura erit: Si natura est, & principium activum motus naturalis animali convenientis, natura certe non passivum tantum, sed & activum erit principium. Si non naturale est, nullus animalis, quatenus est animal, motus erit naturalis: cum motus naturalis, quatenus est actio, nullus sit nisi à principio agente naturali. At consequens absurdissimum est. Accedit quod contradictionem implicet, esse principium internum agens & producens motum naturæ rei convenientem, & tamen principium naturale non esse. Deinde si anima movens conformiter inclinationi passivæ rei motæ, est principium agens naturale, (quod concedit *Faber*) utique natura, respectu animæ, quam naturam esse non negat, principium erit activum. Denique si anima tantum est agens naturale respectu motus conformis inclinationi passivæ rei motæ, ex. gr. respectu descensus in corpore animalis gravi, sequitur nullum animalis motum progressivum esse naturalem; quia corpus suo pondere non inclinatur ad motum progressivum, sed ad descensum: Imò sequetur animam respectu motus localis prorsus non esse agens naturale; quia motus deorsum, seu descensus secundum lineam rectam, non ab anima, sed à corporis in se considerati natura proficiscitur: cum corpus inanimatum non minus descendat quam animatum. Hæc de questione pluribus agemus in response ad argumentum quartum quod pro *Scoti* sententia allatum est. Itaque hæc *Fabri* exceptio inanis est tergiversatio.

Casalpini quoque responsio melior non est: Si, inquit, anima principium est, quo una pars movere, altera moveri potest, ipsa quidem natura est, per se existens in eo quod movetur: non tamen ob hanc causam à seipso movetur animal; sed quia una particula organi movet, altera movetur se juncta existens loco. Non est igitur putandum propter animalium motum aliquod efficiens esse in eo quod movetur.

Resp. Aut negat *Casalpini* animalis motus principium à seipso esse animam, aut non negat. Si negat, contra sensum, rationem, experientiam & communem omnium mortalium consensum negat, estque indignus qui à quoquam refutetur. Si non negat, occurrit propter animam animal à seipso moveri negat? Annon à seipso, Physicè moveri dicitur, quod per formam suam movetur? Quod verò addit, ideo animal à se moveri, quia una particula organi movet, altera movetur, tanto Philosopho indignum videtur. Cogitate namque debebat causas subordinatas non pugnare; nec animam causam motus principalem excludere causas instrumentales, seu partes corporis organicas. Nec enim anima motum producit, nisi per organa, nec organa animal movent, nisi ab anima prius mota. Quid verò illa sibi volunt verba, Non esse putandum, propter animalium motum, aliquod efficiens esse in eo quod movetur? Quod si in animalibus nullum est motus principium efficiens, unde igitur motus? an à nullo principio activo, aut fortè externo? vide quæso quod absurditatis deveniat Philosophus. Hactenus prima nostra ratio vindicata; Sequitur secunda.

[2.] Si natura tantum est principium passivum, sequitur motus naturalis nullum dari principium internum activum: At consequens falsum: Ergo & antecedens. Connexi ratio est; Quia, si motus naturalis daretur, aliquod daretur ejus principium internum activum, quod utique naturæ nomine insigniendum esset non minus quam passivum. Assumptio manifesta est exemplo animatorum. Gravia quoque & levia motus sui principium activum internum habere, certissimum est; etsi Peripateticorum multi id non credunt: qua de controversia suo loco prolixè agemus.

[3.] Si natura non esset principium activum, nullus motus esset naturalis respectu principii activi: At consequens falsum: Ergo & antecedens. Connexi ratio est; Quia motus naturalis respectu principii activi non potest dici, nisi qui est à natura agente.

[4.] Si forma ideo est principium passivum quia materiam determinat ad certos motus recipiendos, (quæ *Fabri* & *Zabarella* sententia est) sequitur ideo eam principium esse passivum quia agit: At consequens est absurdum: Ergo & antecedens.

Connexi ratio est; Quia determinatio materię ad certos motus recipiendos est actio formę. Assumptio manifesta est: Ut enim nihil dicitur activum respectu passionis quam sustinet, sic nec passivum quicquam dici debet respectu actionis quam producit.

[5.] Si natura tantum est principium passivum, sequitur

sequitur materiam magis esse naturam quam formam : At consequens falsum, cui & *Aristoteles* expressè contradicit 2. *Phys.* text. 13. Ergò & antecedens. Connexi ratio ; Quia materię magis convenit pati quam formę.

[6] Id est principium activum, cujus proprium est agere : At formę est proprium agere : Ergò forma est principium activum. Vel, Si forma est, natura, principium activum est : At illud verum : Ergò & hoc. Connexi ratio est ; Quia forma per se non patitur, sed agit.

[7] *Aristoteles* naturę definitionem declarans, ait, *se dixisse*, PER SE, ET NON PER ACCIDENS, propter medicum sanantem seipsum ; quia licet ars etiam videatur esse motus principium in eo in quo est, id tamen non per se sed per accidens est ; cum sola natura per se sit principium motus in eo quo est. At certum est, Medicum seipsum sanantem esse principium activum sanationis. Innuit igitur *Aristoteles*, naturam esse principium activum motus, idque per se, non per accidens, uti Medicus sanationis. Declaratio hæc prorsus nulla esset, neque necessaria limitatio in definitione, nisi natura esset principium activum, & ratione hujus inter se conferrentur ars & natura.

Faber, dum de principio passivo *Aristoteli* sermonem esse contendit, manifestam textui vim facit : in principiis enim activis discrimen ostendi manifestè arguunt sequentia, ex quibus arguimus.

[8] *Aristoteles* naturam ab arte distincturus, 2. *Phys.* text. 3. ait, arte-facta non habere in seipsis ἀρχὴν ποιήσεως, principium effectivum : ubi principium activum intelligi extra dubium est ; quod & sequentia manifestè docent. Innuit igitur naturalia habere in se principium activum motionis, idque per se, non ex accidenti. *Faber* ineptè hoc ad principium passivum torquet : quod ex sequentibus palam est ; ait enim arte-facta ἀρχὴν ποιήσεως habere, non in se, sed in aliis & externis subjectis : At quęnam essent illa subjecta externa, in quibus principium passivum haberent artificialia ? habere verò principia activa in externis res ipsa docet.

[9] *Aristoteles* 2. *Phys.* text. 86. ait, Si ars navis factiva esset in ligno, ageret, sicut & natura agit in eo in quo est. Innuit igitur *Aristoteles* naturam esse principium activum internum motus.

Excipit *Faber*, *Aristotelem* illo in loco accipere naturam uti distinguitur ab arte, & ostendere naturam non agere ex proposito & libertate, uti ars agit.

Resp. Nihil respondet *Faber*, sed seipsum implicat : nam *Aristoteles* naturam quoque definit uti ab arte

distinguitur, ut patet ex subjecta declaratione : Innuit igitur naturam esse principium activum rei motę internum, quale ars non est respectu operis artificiosi.

[10] *Aristoteles* 9. *Metaphys.* text. 13. expressè dicit naturam esse ἀρχὴν ποιήσεως, id est, principium effectivum, motus.

[11] Si natura tantum principium passivum esset, etiam artificialia essent naturalia : At consequens falsum : Ergò & antecedens. Connexi ratio est ; Quia in artificialibus quoque est principium passivum ad motum. Iis qui negant materiam habere potentiam naturalem recipiendi formas artificiosas, respondet *Zabarella*, Non video quomodo eas recipiat, si recipiendi potentiam non habet : negare enim potentiam recipiendi, est dicere non esse possibile ut recipiat : atqui id quod non est possibile fieri, nunquam fit : quomodo igitur eas recipit ?

[12] Ipse *Faber* ait pag. 186. formam idèd dici magis naturam quam materiam ; quia magis operatur in constitutione essentię compositę : Ergò agnoscit naturam quoque respectu formę esse principium activum.

[13] Si natura tantum esset principium passivum, ignobilissimum quid esset : At consequens falsum : Ergò & antecedens. Connexi ratio est ; Quia tantò nobilius quodque est, quantò magis est activum & minùs passivum. Unde Deus Entium omnium nobilissimum est, quia tantum ens activum est. Quod igitur tantum passivum est, ab Ente primo quam longissimè recedit, & non potest non admodum ignobile esse. Assumptio manifestata est ex præconiis quibus vulgò ornari solet natura.

XIX. Reliquum est, ut ad contrarias rationes & auctoritates *subsec.* XVII. propositas ordine respondeamus.

Ad (1^m.) Connexum primò distinguitur ; Si tantum illa mutatio est naturalis, in qua &c. sequitur naturam non esse principium activum : Hoc modo si ex connexo antecedens affirmando assumatur, falsum erit assumtum : Nam si naturale est iis, inquit *Fonseca*, quę moventur à se, sic moveri ratione principii passivi, naturale quoque erit iis quę moventur à se, sic moveri ratione principii & passivi & activi. Sed missa connexi limitatione, assumtum simpliciter negamus : Non enim motus est naturalis (uti hoc quidem loco motus naturalis intelligitur) qui à quocunque agente in subiecto fit idoneo, sed qui principium activum habet in ipsa illa re quę movetur : ut patet ex definitione, cujus omnes particulas deinceps explicabimus.

Ad (2^m.) Antecedens negamus : Probatio planè nulla

nulla & inconsequens est: imò contrarium ex verbis *Aristotelis* manifestè elicitur. Oñsensus enim *Aristoteles* naturam principium non tantum internum, sed & substantiale seu essentiale & per se esse, exemplum Medici seipsum curantis proponit, ubi principium quidem Sanationis activum, nempe medicum esse, internum est; est enim medicinæ habitus in eo ipso qui curatur: attamen essentiale & per se non est; quia medicum esse non est de essentia hominis sanabilis, sed accidit. Invenit igitur *Aristoteles* naturam esse principium motus internum præcipue activum, sed essentiale & per se, quale principium medicus non est.

Ad (3^m.) Primò antecedens universaliter verum non est: Probatio ejus partim falsa, partim inconsequens est. Falsa quidem; Quia dantur principia activa quæ semper agunt: cujusmodi principium activum motus est in stellis; & principium activum quietis localis in terra, imò cujusvis quietis quæ generationis terminus est: in viventibus quoque principium activum mutationis semper agit. Inconsequens verò est; Quia dantur agentia principia intrinseca quæ ab aliis non excitata movent, & tamen perpetuò non movent, ut videre est in animalibus & plantis: localiter enim à se moventur animalia, ab extrinsecis agentibus prius non mota, & tamen semper non moventur: sic & animalia & plantæ motu augmentationis à se moventur, ab aliis non mota, & tamen perpetuò non moventur. Hactenus igitur falsum est antecedens. Deinde & consequentia falsa est. Nec enim naturæ nomen amittit quod alterius auxilium requirit. Ad consequentiæ rationem respondemus: 1. Motus propriè sic dictus in instanti nullus est. 2. Si maxime in nonnullis actio diceretur naturalis respectu principii passivi tantum, non tamen sequeretur in nullo actionem dari naturalem respectu principii activi. 3. Nulla transmutatio quæ est ab externo agente tantum, naturalis est, eo sensu quo motus naturalis hoc loco accipitur.

Ad (4^m.) Connexum primò limitandum est; Si forma, ut est principium activum, esset natura, omnis motus factus à forma activè, nempe in eo ipso quod movetur, esset naturalis: Sic igitur Assumptionem negamus. Probatio nullius momenti est: Saltem animalis motum, esse animali violentum negamus, nisi corpori, quatenus per se tanquam mixtum grave consideratur, violentum esse non inficiamur: At aliud est corpus mixtum grave esse, aliud animal esse: Quod evidenti ratione monstramus. Motum progressivum animalibus naturalem esse, sanæ mentis nemo negabit; illam tamen ipsam motum corporibus animalium in se consi-

deratis naturalem non esse, extra controversiam est: animam enim in corporibus quiescente, seu localiter non movente, corpora animalium non progrediuntur, sed per insitam gravitatem descendunt, obstaculis remotis.

Ad (5^m.) Consequentiam negamus: Is enim tantum motus naturalis est hoc loco, qui sit à principio activo rei, quæ movetur, interno.

Ad (6^m.) Consequentiam negamus: Nam quæ distinguuntur, in aliquibus nihilominus convenire possunt: Sic naturalia à non-naturalibus distinguuntur, quòd illa sint patibilia, hæc impatibilia; utraque nihilominus movendi & agendi vim habent, ita tamen ut cum agente vi in naturalibus conjuncta sit patibilitas, quæ abest à non-naturalibus. Naturalia igitur non tantum passiva sed & activa esse, ex allegato *Aristotelis* textu palam est: Expresse enim ait Philosophus, ea quæ Physicæ considerationis, hoc est, naturalia sunt, movere & moveri. Deinde *Aristoteles* non per solam patibilitatem distinguit naturalia à non-naturalibus, sed per patibilitatem & agendi vim simul: Non enim ait naturalia moveri tantum, sed movere & moveri simul; cum non-naturalia, nempe quæ alterius sunt disciplinæ, moveant tantum. Quod verò attinet principium motionis, per quod naturalia à non-naturalibus distinguuntur, quòdque naturalibus tribuitur & non-naturalibus adimitur, non de passivo tantum sed & activo intelligi potest: quæ enim immobilia sunt, & naturæ limites excedunt, non habent in se principium motionis quo moveant se ipsa, sunt enim *dein*: etsi principium habent quo alia moveant. Sic *Averroes* quoque locum hunc interpretatus est, qui syllogismum ex allegato textu talem adducit; *Motor naturalis habet principium motus quo movet: Primus motor non habet principium motus quo movet: Igitur primus motor non est naturalis.* Ubi necessario intelligendum principium motus quo res se ipsam movet, non quo aliud movet: hoc enim in omni motore est. Unde *Tauarellus* intelligi vult motum passivum, qui nec activum nec passivum principium habet in immobili.

Ad (7^m.) Negamus consequentiam: Causam enim esse ut res moveatur, tam de activo: quàm de passivo principio intelligi potest, & vulgò quidem plerumque de principio activo: Sic dicimus artificem esse causam ut fiat opus artificiosum; quòd cœlum moveatur, in causâ intelligentias esse *Peripateticus* ait; quòd humi nascentia & animalia generentur, in causa sol esse dicitur.

Ad (8^m.) Antecedens negamus: Inest motus enim naturali, ratione principii activi & passivi; ita tamen ut ab illo sit, ab hoc recipiatur. Probatio ex defini-

definitione motus petita contra nos nihil facit: definitur enim motus, mentione facta solius subiecti, non causæ, vel principii activi unde tamen minime sequitur, motum in re naturali non habere principium activum. Observandum verò, motum qui ab *Aristotele* definitur, latius patere motu isto qui in definitione Naturæ ponitur: Motum enim *Aristoteles* definit tam transeuntem quam immanentem; in definitione Naturæ non nisi immanens intelligi debet: Potest igitur esse motus etiam qui in re quæ movetur principium activum non habet; at naturalis, uti quidem hoc loco accipitur, esse nequit, nisi qui principium activum habet in re quæ movetur.

Ad (9^m.) Connexum negamus: Probatio ejus inefficax est. Definitio enim potentia activæ, ad quam provocat *Casalpinus*, non est generalis, ita ut omnipotentia activæ conveniat; sed specialis, quæ certam tantum potentia activæ speciem concernit, quam videtur *Aristoteles* distinguere à principio mutationis, ut manifestum est ex 9. *Metaphys.* cap. 8. Verba *Aristotelis* hæc sunt: *Constat actum potentia priorem esse, potentia, inquam, non solum eâ quæ definita est, quæque dicitur principium mutationis efficiendæ in alio, aut quatenus aliud est* (hanc definitionem urget *Casalpinus*) *sed omni omnino principio mutationis aut stabilitatis effectivo: Et enim natura in eodem est genere in quo est potentia, cum sit principium mutationis efficiendæ, tametsi non in alio, sed in ipso, quatenus ipsum est.* Pro sententia nostra, quam hæcenus propugnâvimus, evidentissimum hoc est *Aristotelis* testimonium.

Ad (10^m.) Propositionem distinguimus: Opposita non possunt esse in eodem, scilicet secundum idem, & eodem respectu. Cum igitur Natura dicitur esse principium activum & passivum simul non secundum idem id debet intelligi, sed secundum aliud & aliud: Est enim principium activum respectu formæ, passivum respectu materiæ. *Zabarella*, quia naturam ait esse principium activum & passivum simul, per diversos respectus sententiam suam contra instantiam hanc defendere.

Ad (11^m.) Assumptionem negamus: Probatio ex *Aristotele* nulla est: Nec enim in allegato textu *Aristotele* simpliciter negat aliquid per se ipsum moveri posse, sed negat tantum fieri posse, ut quod se movet, omni ex parte se moveat: interim aliquid se ita movere posse, ut pars una immobilis manens moveat, altera moveatur, expressis verbis docet text. 42.

Ad (12^m.) Assumptionem negamus: Non enim absurdum est, ut aliquid habeat simul speciem & non habeat, si secundum diversas partes & diverso

respectu habere & non habere intelligatur. Quod si verò contendat *Casalpinus*, omne movens vel agens debere actu habere speciem quam in subiectis patientibus efficit, acriter contradicentem habebit *Taurellum*, & cum *Taurello* rationem: Videatur ille in *Casarum Alpium* lib. q. 1. §. 4.

Ad (13^m.) Connexum negamus: Probatio philosophica est. Efficiens principium externum & internum dici potest: externum, quia non ingreditur essentiam effecti sui, ita ut pars ejus sit essentialis; Internum verò dici quoque potest, quatenus non est extra compositum, seu rem quæ moveri dicitur, sed in ea. Unde motus naturalis à violento distinguitur, quod ille sit à principio interno, hic ab externo.

Ad (14^m.) Assumptionem nonnulli negant, aiuntque motum naturalem hoc loco strictissime accipi, adeò ut licet in significatu latiori generatio & corruptio sint motus naturales, non tamen in strictiori quæ hujus est loci. Sed & connexum negari potest, quia generationum & corruptionum interna principia activa quoque dantur, ut suo loco monstrabimus.

XX. Hæcenus tertia sententia. Quarta *Zabarella* est; Qui naturam principium activum & passivum esse contendit, sed secundum solam formam, quæ quatenus motum efficit, principium activum, quatenus in materia est, & materiam, quæ per se indifferens est ad quemlibet motum, coarctat & determinat ad certum motum recipiendum, principium passivum ipsi dicitur, lib. De natura cap. 7. Sola igitur forma *Zabarella* natura est: Quam sententiam hisce rationibus probat.

1. Sola forma principium est determinati motus qui rei dicitur naturalis: Ergò sola forma est natura. Antecedens probatur: Quia materia secundum se libera est, & æquè apta ad oppositos motus recipiendos; nec dici potest principium alicujus determinati motus, ita ut non sit alterius contrarii principium.

2. Si materia esset natura, omnium rerum naturalium una & eadem esset natura: At consequens falsum: Ergò & antecedens. Ratio connexi est; Quia omnium rerum una & eadem est materia. Assumptio probatur; Quia non unus & idem est rerum naturalium omnium motus naturalis: qui enim huic est naturalis, alteri contrarius est.

3. Si materia esset natura, nullus daretur motus violentus, sed omnis esset naturalis: At consequens falsum: Ergò & antecedens. Connexi ratio est; Quia materia per se indifferens est ad omnem motum, nec ad unum magis quam ad alterum inclinat. Assumptio extra controversiam est.

Si tam materia quàm forma esset natura, unius rei duæ essent naturæ: At consequens falsum: Ergo & antecedens. Assumptio probatur; Ut unius rei unus tantum est actus, sic una quoque tantum natura: Unde dicimus, hanc esse naturam ignis, naturam terræ, naturam hominis, &c.

5. Docet idem *Aristoteles* lib. 8. *Phys.* cap. 4. ubi docet gravia & levia moveri naturaliter determinatis motibus, gravia nempe naturaliter deorsum, levia naturaliter sursum; & tamen negat gravia & levia habere in se principium motus activum: passivum ergo solum habent: id verò non est nisi forma. Nam si materiam intelligeret, relinqueretur, formam elementi naturam dici non posse, & nullius motus principium esse formam. Cum verò *Aristoteles* materiam quoque naturam expressè nominet, 2. *Phys.* cap. 1. & 2. & 5. *Metaphys.* cap. 4. respondet *Zabarella*, materiam eatenus esse & dici naturam, quatenus potestatem habet recipiendi formam, quæ est rei natura: ita ut natura rei potestate significetur per materiam, actu autem per formam. Probat sententiam hanc ex 5. *Metaphys.* text. 4. ubi ait *Aristoteles* materiam ex eo naturam dici, quòd hujus sit capax.

XXI. Nova hæc est *Zabarella* sententia, quam ante ipsum vix crediderim à quoquam excogitatam, quæque post ipsum paucos invenit patronos, etiam specie non caret. Non tamen placet nobis, quòd formam principium passivum facit cum *Scoto*, quia nempe materiam actualat & determinat ad certum motum recipiendum, cum per se indifferens sit ad omnem motum. Hoc verò sensu aliquid dici *τὸ παθητικὸν* passivum, vel apud *Aristotelem* in *Physicis*, cum activum passivo opponitur, vel quemvis alium *Physicum Græcum*, quòd ad patiendum aliud disponat, meo quidem iudicio probatu difficillimum erit. Ut enim activum ab omnibus dicitur quod agit; sic & passivum, quod patitur, seu quòd actionem à principio activo perfectam recipit. Atqui ista materię dispositio & determinatio, quatenus à forma est, non passio sed actio est, quam materia in se recipit, ejusque respectu pati dicitur. Itaque propter istam materię dispositionem & determinationem forma potius activum, quàm passivum principium appellari debet. Est & hoc observandum, aliud esse principium passionis, aliud principium passivum: principium enim passionis dici quoque potest quod agit, & agendo aptitudinem patiendi confert alteri; passivum verò principium non dicitur, nisi quod patitur.

Nec juvat *Zabarella* causam distinctio quam ex *Averroce* adducit; Forma, inquit, movet, quatenus est forma, movetur autem, quatenus est in materia: cum

enim formæ, quatenus est forma, officium sit agere, materiæ verò pati; forma, quatenus est forma, est principium motus activum, & eadem est etiam principium passivum, quatenus est in materia; quia cum proprium materiæ sit pati, quicquid est in materia est patibile propter materiam. Videtur hic *Zabarella* priorem sententiam deferere, & rationem longè aliam comminisci ob quam forma principium passivum sit; quia nempe reverà patitur, non tamen per se, sed propter materiam: quæ certè ratio priori longè videtur probabilior: Illa enim formam facit principium passivum, propter actionem; hæc, propter passionem. Nec insolens est, ut alterius ratione patiatur, quod per se est *ἀπαθές*: quod ipsi quoque animæ rationali contingit, nedum formæ prorsus naturali & materiali. Attamen parum constare sibi, vel in negotio suo promovere videtur *Philosophus acutissimus*. 1. Nam si formæ, quatenus est forma, officium est agere, non pati, utique officium ejus, quatenus in materia est, erit agere; quia quæ forma est actu, in materia est. 2. Cum natura non per accidens sed per se principium passivum dicatur, & verò forma non per se sed ex accidenti, propter materiam, patiatur, certè hoc respectu nec natura nec principium passivum forma videtur appellanda. 3. Porro, natura appellatur principium passivum respectu motus, cuius principium activum eadem est natura: Atqui motus istius passivi cui formæ propter materiam obnoxia est, principium activum non est ipsa forma. quæ patitur, sed aliud principium extra formæ essentiam constitutum. 4. Denique, cum materia per se patiatur, forma verò per materiam, quidni materia potius dicatur principium passivum quàm forma?

Deinde nec hoc nobis placet, quòd materiam naturam dici contendit, quia naturam, quæ *Aristoteli* est principium activum & passivum, in se recipit. Hoc enim perinde videtur ac si quis dicat, dolium esse vinum, quia vini est capax; locum esse rem locatam, quia rei locatæ est capax; materiam esse formam, quia formæ est capax: quæ certè valde sunt paradoxa, nec doctrinæ *Aristotelicæ* consentanea. Nec probat *Zabarella* quod vult ex 5. *Metaphysic.* text. 4. Verbis enim *τὸ πᾶν τῶν ἐν αὐτῇ δυνάμει*, non significat *Aristoteles* materiam naturam dici, quòd naturæ, quæ principium activum & passivum est, capax sit, sed quòd formæ, quæ principium activum est, capax sit; quasi dicat, materiam naturam dici, quatenus subiectum formæ per motum impressæ est: quod perspicuis verbis 2. *Phys.* text. 4. dicit, *ἐν τῇ φύσει τῆς ὕλης* in natura ipsius *φύσιν*.

φύσις αὐτῆς, hoc est, *Natura semper est subiectum quoddam & in subiecto*: ubi per subiectum materiam, per id quod in subiecto est formam interpretes intelligunt.

XXII. Ad contrarias *Zabarellæ* rationes breviter hunc in modum respondemus.

Ad 1^m. Antecedens negamus: Probatio nihil probat; quia materia, non quatenus indifferens est ad quemlibet motum, principium passivum motus naturalis statuitur, sed quatenus per formam determinata. Hinc *Faber* reprehendit *Zabarellam*, quod dicat ex *Scoti* sententia, materiam esse principium passivum, secundum potentiam universalem, quæ omnium formarum est capax, & respectu cuius nullus motus est violentus.

Ad 2^m. Connexum negamus: Probatio inefficax est. 1. Quia falsum supponit de materia prima *Aristotelica*, qualis nulla unquam fuit in rerum natura, nisi per eam intelligatur conceptus genericus à materiis omnium rerum naturalium abstractus, ut pluribus supra ostendimus. 2. Quia etiam positâ materiâ istâ, & assertionem nostrâ, absurdum hoc minime sequitur: Nec enim materia principium passivum est secundum potentiam universalem, sed secundum particularem, quatenus per formam est determinata: quo respectu non una omnium est materia, sed sua cuique corpori naturali peculiaris; sic materia alia aquæ, alia terræ est, alia cœli, alia ignis, alia arboris, alia animalis, &c.

Ad 3^m. Connexum distinguimus, si materia esset natura secundum potentiam universalem: At hoc respectu à nobis non dicitur natura esse.

Ad 4^m. Assumptionem negamus: Probatio nihil efficit; Aliud enim est, esse naturam; aliud, actum esse. Natura non tantum actus, sed & potentia est. Deinde, cum unius rei una tantum natura esse dicitur, per naturam intelligitur essentia, quæ unius rei non nisi una est. Aliter verò hoc loco natura accipitur. Sentit nobiscum *Fernelius Ambianus*, lib. 1. De abditis rer. caus. cap. 1. Sic, inquit, unumquodque ex duabus naturis constat, quæ nullo pacto se jungi aut disclusa locis consistere queunt: sed est utraque alterius sic appetens, ut ei annexa aliqui moritura foveatur. Quod probè observandum.

Ad 5^m. Quicquid sit de *Aristotelis* sententia circa quæstionem de motu gravium & levium, certum apud nos est, gravia & levia à se ipsis moveri per principium activum internum, ut suo loco evidenter demonstrabimus: Interim ex Peripateticis multi quoque sunt qui eandem *Aristotelis* quoque sententiam esse contendunt. Videantur *Conimbricenses* lib. 8. Phys. cap. 4. quæst. 1.

art. 1. & *Percius* lib. 7. cap. 15. 16. Cum verò *Aristoteles* negat à seipsis moveri, nihil aliud eum velle aiunt quam quod non moveantur à seipsis eo modo quo moventur animalia, quæ undecunque, & quocunque, & quodocunque volunt, possunt se ipsa movere, ac simpliciter etiam quiescere: quæ *Scoti* & *Percius* responsio est, quam suo nos loco relinquimus. Quod si verò penitus constaret, secundum *Aristotelem*, gravia & levia non habere in se principium motus activum, sed passivum tantum; formam tamen ab *Aristotele* pro principio passivo motus levium & gravium haberi nondum evictum esset. Instat *Zabarella*, Ergo secundum *Aristotelem*, nullius motus principium erit forma, si passivum non est: Resp. Nullius sanè immanentis, attamen transeuntis. Sed viderint de hoc, qui in omnia *Aristotelis* dicta jurarunt.

XXIII. Fuit quarta sententia. Sequitur quinta: Quæ recentioris cuiusdam Philosophi est: qui naturam ait esse principium activum & passivum, secundum materiam & formam; ita tamen ut secundum formam sit principium activum & passivum simul, secundum materiam principium passivum tantum. Cur formam principium activum & passivum esse credat, eandem inducit ratione quæ & *Zabarellam* inductum adivimus; Quia nempe motum efficit, & materiam ad certum motum disponit ac determinat: Cui idem nos respondemus quod & *Zabarellæ* supra respondimus. Urgetur autem neotericus hic peculiariter quoque ratione: In præcedentibus enim dixerat, & verè quidem, passivum principium esse quasi subiectum aliquod in quo fiunt motus, quodque eosdem sustinet. Cum igitur motus non in forma fiant tanquam subiecto, nec à forma sustineantur, sequitur necessariò formam non esse principium passivum.

XXIV. Sexta & ultima sententia est plerumque Peripateticorum, qui naturam aiunt esse principium activum secundum formam, passivum secundum materiam: Activum principium appellantes, à quo motus producitur; passivum, in quo recipitur. Et materiam quidem hic intelligunt non ad quosvis motus indifferentem, sed determinatam ad certum motum per formam; quo sensu *Aristoteles* quoque materiam appellat naturam, quæ cum activum principium esse nequeat, passivum necessariò erit. Argumenta pro sententiæ hujus, cui & nos subscribimus, confirmatione in præcedentium sententiarum probatione & destructione plurima sunt allata, adeo ut novo argumentorum apparatu hic nullo sit opus. Et

hactenus de questione, *An natura sit principium activum tantum, an passivum tantum, an denique activum & passivum simul.*

XXV. Cum igitur constet materiam & formam, secundum Aristotelem & rei veritatem, esse naturam: porro queritur, *Utra magis sit natura, Materia, an Forma?*

Pro forma deponunt omnes Philosophi qui utramque naturæ nomine indigitandam putant: Nec obscuræ sunt rationes.

1. Quia res naturalis magis per formam quam per materiam est: per formam enim actu, per materiam potestate est; ut supra *in 2. 16.* probavimus, ex 2. Phys. & 5. Metaphys.

2. Quia materia per formam natura, seu principium motus passivum, est: à forma enim determinatur ad motum certum recipiendum, quæ aliàs ad omnes motus indifferens est.

3. Generatio tendit ad naturam: Generatio tendit ad formam potius quam materiam: Forma igitur potius est natura quam materia. Sic arguit Aristoteles 2. Phys.

4. 5. Metaphys. text. 5. Philosophus ait, naturam primò & propriè dictam esse formam; materiam verò dici naturam, quatenus est susceptiva formæ.

5. Nomen principii dicitur analogicè de activo & passivo, de illo principaliter, de hoc minùs principaliter, docente Averroè in cap. 1. 2. Phys. Cum igitur natura dicatur principium, principaliter de forma, tanquam activo, minùs principaliter de materia, tanquam passivo, dicitur.

Atque hinc est quòd Simplicius 2. Phys. cap. 1. text. 3. negat definitionem naturæ esse univocam: cui consentiunt Averroës & Albertus Magnus: Quia nempe natura dicitur analogicè de forma & materia, de illa nempe primariò, de ista secundariò. Naturam verò, ut materiam & formam, non univocum quid esse, indè probant Conimbricenses, quia alioqui unus idemque gradus univocus his in eodem composito re ipsà contineretur: quod pro absurdo habent.

XXVI. Certum ergò est, naturam esse principium agens respectu formæ, quatenus est forma. Hic verò rursus in questionem duo veniunt: 1. *Quale natura sit principium, an efficiens tantum; an etiam formale & finale?* 2. *Sine agens principale, an instrumentale?*

De priori questione respondet Fonseca, lib. 5. Metaphys. cap. 4. q. 2. §. 3. Naturam, ut est natura, etiam principium motus formale & finale esse; & dari in omnibus corporibus naturalibus non tantum passivum motus principium, sed & formale & finale.

Et paulò post, *Animam causam esse motus vitalis in triplici causæ genere, in formali, finali, & efficienti.* Quod probat ex 2. De anima cap. 4. text. 36. 37. Quòd autem in omnibus rebus naturalibus forma possit concurrere ad motum in genere causæ formalis & finalis, hæc probat ratione; Quia cum res naturalis moveatur juxta conditionem suæ formæ, ut si lapis feratur deorsum, non dubium est quin forma tunc concurrat in genere causæ formalis; & quia is motus est gratià ipsius formæ, perspicuum quoque est concurrere in genere etiam causæ finalis.

Cum Fonseca faciunt Patres Conimbricenses, 2. Phys. cap. 1. quæst. 3. art. 2. ubi aiunt, *Naturam non semper activum esse principium, sed interdum formale, quo pacto se habet ad vitales functiones, quarum non solum efficiens, sed etiam formalis causa est: ubi Aristotelis quoque textus allegant.* Eodem modo affectam aiunt celestem formam ad motum circularem

XXVII. Huic Fonseca & Conimbricenses sententiæ præferimus sententiam Francisci Vicomercati, qui lib. 3. De princip. rer. natural. cap. 7. ait, *natura rationem formæ non convenire quoniam sit finis, sed quòd moveat, motusque principium sit efficiens.* Et quidem naturam, quatenus natura est, & ab Aristotele definitur, non esse principium formale, hæc evidenti ratione probamus; Natura ab Aristotele definitur quatenus est motus & quietis principium: Atqui natura non est principium motus & quietis formale: Non igitur tanquam principium formale in definitione attenditur. Assumptionem probo; Si forma substantialis esset principium formale motus, utique motus esset res formata substantiali formà, & proinde esset compositum naturale, vel substantia naturalis: At consequens absurdum: Ergò & Antecedens. Connexi ratio est; Quia quod est vi formæ substantialis, quatenus est forma, seu quatenus rationem habet causæ formalis, id formatum est, & proinde composita substantia. Forma namque, quæ forma, hoc est, quatenus distincta est à causa efficiente & finali, aliud nihil respicit nisi formatum suum, cui intrinsicæ est: quatenus verò effectus producit, extra quorum essentiam est, seu quibus intrinsicæ non est, non formæ, sed efficientis, vel etiam finis rationem habet. Unde patet errare quoque Petrum Hurtadium de Mendoza, Disputat. Phys. 7. Sect. 2. §. 9. ubi ait, *materiam dici principium motus, quòd sit causa materialis motus: Atqui materia nullius rei causa materialis est nisi compositi materiati.* Motus verò non est nisi subjectum. Tendit huc distinctio Tales libro 2. Physic. cap. 1. quæst. 1. materiam & formam dupliciter considerari, aut ut ad esse pertinent, substantiamque compositi faciunt, quo respectu propriè materia & forma dicuntur; aut ut motus

motus ipsius compositi causæ sunt, quo respectu dicuntur natura: Non igitur ejusdem generis principia sunt respectu compositi & motus.

Et si verò non negamus, naturam posse quoque principium finale motus esse, non tamen quatenus natura est, & ab *Aristotele* definitur, principium finale motus constitui arbitramur: cum per hoc principium non-naturalia à naturalibus non distinguantur; nam & artificialia & hyperphysica habent in se principium finale motus & quietis. Videatur textus 37. De anima.

XXVIII. Rationes *Fonseca* & *Conimbricensium* contrarium nobis minimè persuadent. Et *Aristotelis* quidem textus ex 2. De anima, cap. 4. quos allegant, nihil ad rem faciunt: Ostendit enim *Aristoteles* animam esse causam in triplici genere causæ, formalis, finalis, efficientis, sed non respectu unius & ejusdem causati, nempe operationis aut functionis vitalis. Expressè enim causam formalem docet esse, quatenus corporum animatorum substantia vel actus est; efficientem verò, quatenus operationes vitales ab ea sunt; finalem, quatenus corpus & organa propter eam sunt: Mirum ut sit, quò *Fonseca* & *Conimbricensibus* aliud in mentem venire poterit. Sed ipsi met *Conimbricenses* sibi contradicunt in textuum istorum analysi. Omnium verò evidentissima est *Toletii* analysi; *Motus*, inquit, qui animalis & non aliis insunt, ratione animæ proveniunt: Sed omnes prædicti non nisi animalis insunt: Ergò ab anima proveniunt, non formaliter, nec materialiter, ut certum est; Ergò effectivè. Hæcenus *Toletus*.

Quod porro *Fonseca* ait, non esse dubium quin forma ad motum in genere causæ formalis concurrat, cum res naturalis movetur juxta conditionem suæ formæ, id nobis valde dubium, imò planè falsum videtur, ut *Cardani* præcedenti monstravimus.

XXIX. Hæcenus prior quæstio: Posterior inter *Platonicos* & *Peripateticos* controversa est. *Platonici* aiunt, omnia agentia naturalia & particularia esse tantum instrumentalia, & non principalia agentia: Solum verò Deum & causas universales esse agentia principalia. Assertionis suæ rationem principalem hanc proferunt; Illud est agens principale, quod efficit & non efficitur, movet & non movetur; Contra, illud est instrumentale, quod non movet nisi quia movetur ab alio, nec cognoscit finem suum propter quem agit, sed ab alio cognoscente in finem dirigitur: Atqui solus Deus & causæ universales ita efficiunt ut non efficiantur, ita movent ut non moveantur; aliæ verò causæ naturales particulares efficiunt, moventur, & ab alio cognoscente in fines suos diriguntur: Solus igitur Deus & causæ universales

sunt agentia principalia; omnes verò causæ naturales particulares agentia instrumentalia.

XXX. Contra verò *Peripatetici* contendunt, etiam agentia naturalia particularia esse principalia: quod hæc ratione demonstrant; Id est agens principale, cui effectus assimilatur secundum quidditatem, secundum esse, secundum modum operandi, secundum proprietates & accidentia, à quo etiam pendet perfecta cognitio effectus: Atqui effectus assimilantur causis particularibus secundum quidditatem, esse, modum operandi, nec non proprietates & accidentia; eorumque perfecta cognitio pendet à causis particularibus: Ergò causæ naturales particulares sunt quoque agentia principalia.

Idem hæc ratione probari poterit; Id est causa principalis, quod in agendo vim principalem obtinet, & causis instrumentalibus minùs principalibus utitur: Atqui etiam causæ naturales particulares vim principalem in agendo obtinent, & causis instrumentalibus minùs principalibus utuntur: Ergò etiam causæ naturales particulares sunt causæ principales. Propositio manifesta est ex definitione causæ principalis. Assumptio exemplis probari potest: Animam principalem obtinere vim in producendis operationibus vitalibus & animalibus, utiq; organis corporeis tanquam causis minùs principalibus, extra controversiam est; Levitas & gravitas instrumenta sunt, quibus levium & gravium formæ movent; Omnia accidentia sunt instrumenta formarum substantialium.

XXXI. Non videtur dissensio esse in re ipsa, nisi quòd inter utramque partem non conveniat de definitione causæ principalis. *Platonici* causa principalis id tantum dicitur quod movet non motum, quòdque actionis suæ finem cognoscit: *Peripatetici* verò, omne agens quod in se habet naturalem & perfectam vim producendi effectum sibi similem, quòdque organis utitur seu causis minùs principalibus, etiamsi actionis suæ finem non cognoscit. Ex hypothesi igitur sua utrique rectè concludunt; Utra verò sententiarum harum sit probabilior, ex alia patebit controversia, de qua sequenti cap. 4. th. 5. et 7. Secundum *Platonice* hypothesein sequitur, nullum dari agens principale præter solum Deum. eruntque omnes aliæ causæ universales in numerum agentium instrumentalium redigendæ, quia, præter Deum, omnes causæ tam universales quàm particulares ita movent ut simul moveantur à causa prima, in & à qua omnia sunt, vivunt & moventur: Quod an rectè dicatur, patet ex tractatione controversiæ capitis quarti.

XXXII. Est igitur Natura, quatenus ab *Aristotele* definitur, principium activum & passivum, respectu

respectu formæ & materiæ. Sed quæri haud immerito potest, siue natura in omnibus principium activum & passivum simul, an in aliquibus passivum tantum. Plerique Peripaterici respondent, in nonnullis esse principium activum & passivum simul, ut in animatis; in aliis verò passivum tantum, ut in inanimatis; qualia Cælum & Elementa, quæ à seipsis activè moveri non possunt, & tamen motu naturali moventur ex parte principii passivi. Videatur *Ferrariensis*, 2. Phys. q. 1. *Tolæus* 2. Phys. cap. 1. q. 2. *Peregrinus*, *Conimbricenses*, & alii. Nos tamen, quia omnia inanimata motus localis principium activum in se habere cum doctissimis aliis viris statuimus, (qua de controversia suo loco) naturam, quatenus natura est, & ab *Aristotele* definitur, in omnibus principium activum & passivum simul esse asserimus. Unde per solas operationes immanentes naturam definiri ab *Aristotele* contendit *Zabarella*, lib. De natura c. 1. qui consentientes multos habet: Atqui non potest dici operatio immanens, nisi quæ principium activum habet in eo cuius operatio immanens dicitur.

Deinde maximè fuit consentaneum, aiunt *Conimbricenses* lib. 2. Phys. cap. 1. q. 2. art. 3. ut *Aristoteles* naturam definirer per id quo naturalia à non-naturalibus dissident, quod solum est principium motus ejus in quo inest, puta activum: ut patet ex collatione naturalium & artificialium, quæ ab *Aristotele* instituitur 2. Phys. cap. 1. Non est igitur motus naturalis, uti quidem ab *Aristotele* hoc loco accipitur, qui solum habet principium passivum in mobili. Nam & artificialia habent in se principium passivum motus.

Porro ipsi quoque adversarii concedunt, nullum motum naturalem dici ex parte solius principii passivi, nisi forma materiam determinet & aptam reddat ad motum hunc potius quàm illum recipiendum: Atqui hæc ipsa determinandi facultas principii activi rationem habet non passivi, ut supra ostendimus.

Denique si materia non est natura nisi per & propter formam, sequitur motum non posse dici naturalem respectu solius materiæ, quæ sola principium passivum est: At verum prius: Ergò & posterius. Connexum per se manifestum est. Assumptio supra probata est.

XXXIII. Una adhuc circa Genus definitionis reliqua est questio: Cum demonstratum hæcenus sit formam esse naturam, & quidem principaliter, quæritur porro, An omnis forma naturalis, & in specie anima quoque sit natura?

Simplicius negantem sententiam tueretur hisce rationibus.

(1) Animæ non competit definitio naturæ; Ergò

naturæ non est. Antecedens probatur; Anima est actus corporis naturalis; Natura verò non est actus corporis organici atque heterogenei, sed potius simplicis & homogenei.

(2) Anima est quoddam superadditum corpori naturali, & proinde naturæ quoque: Ergò non est natura. Antecedens probatur; Quia ab *Aristotele* definitur actus corporis organici.

(3) Natura non est causa motuum oppositorum & ad partes omnes indistinctè tendentium, sed unius certi motus: Anima est causa motuum oppositorum & ad omnes partes tendentium: Ergò anima non est natura.

(4) Natura est in subiecto: Anima non est in subiecto: Ergò anima non est natura. Assumptio probatur de anima rationali, quia est æterna & immunis à nexu materiæ.

(5) Si anima esset natura, omnia corpora naturalia haberent in seipsis causam nutriendi, augendi & generandi similia: At consequens est falsum: Ergò & antecedens. Ratio connexi est; Quia animata habent in se causam nutriendi, &c.

(6) Si anima esset natura, omnia corpora quæ naturam habent etiam animam haberent: At consequens falsum; Ergò & antecedens.

XXXIV. Non tamen admitti solet in Scholis Peripatericorum sententia hæc: His igitur rationibus eam oppugnant.

1. Definitio naturæ convenit animæ: Ergò & definitum. Antecedens probatur; Est enim anima principium & causa motus rei viventis; est in ipso animali tanquam forma ejus substantialis; est etiam primò & per se causa talis motus.

2. Plantæ & animalia, quæ talia, sunt corpora naturalia: Ergò anima est natura. Ratio consequentiæ; Quia plantæ & animalia sunt per animam. Antecedens omnium consensu probatur; ubique etiam *Aristoteles* rebus naturalibus accenset plantas & animalia.

3. *Aristoteles*, De partib. animal. cap. 1. demonstrat Physico agendum esse de anima sensitiva & vegetativa, quod sunt naturæ & principia motuum naturalium.

4. Motus animæ, ut nutritio, auctio, sensatio, &c. est motus naturalis: Ergò anima est natura. Ratio consequentiæ; Quia motus est effectus proprius per quem natura definitur. Antecedens patet ex *Aristotele* 2. Phys. cap. 1. text. 1. 5. Metaphys. cap. 1. text. 9.

5. Id quod à seipso movetur, per naturam movetur, 8. Phys. text. 27. At animalia à seipsis moventur: Ergò per naturam moventur. Atqui moventur ab anima: Ergò anima est natura.

6. *Aristo-*

6. *Aristoteles* 2. *Phys.* text. 7. & 13. inquit, Si effodiatur lectus, ita ut germinet, producet lignum, non lectum; & hanc ait esse operationem naturæ: Atqui operatio hæc animæ est: Anima igitur natura est.

XXXV. Ad rationes contrarias breviter ita respondemus.

Ad (1^m.) Antecedens falsum est. Contrarium ostendit ratio nostra prima. Probatio laborat consequentiæ vitio. Est enim natura actus non tantum corporis simplicis & homogenei, sed & organici & heterogenei: uti non simplex tantum & homogeneum, sed & organicum est corpus naturale.

Ad (2^m.) Antecedens universaliter verum non est: Non enim cuius corpori naturali superadditum quid animæ est; quando corporis naturalis animati pars essentialis est: Suo verò modo concedimus animam esse quiddam superadditum naturæ non cuius, sed ei tantum quæ ex mixtione immediate refultat, cui accedit animæ actus, quo non mixtum sed animatum constituitur, respectu cuius anima dicitur natura. Sic igitur & hoc suo modo largimur, animam non esse naturam nempe illam cui superadditur: est enim alia natura ab illa.

Ad (3^m.) Antecedens universaliter verum non est: conceditur tantum de natura corporum inanimatorum.

Ad (4^m.) Assumptio falsa est: Probatio æquæ falsa est. Nec æterna est anima rationalis, nec immunitis à nexu corporis: Utrumque sacræ docent literæ, & ratio quoque: nemo enim negat in corpore animam rationalem esse; etiam si extra corpus quoque esse potest. Si in corpore est, in subiecto quoque est: Ideò enim ab *Aristotele* natura dicitur in subiecto esse, quia in corpore naturali est.

Ad (5^m.) Connexum falsum est: Nam ut corporum naturalium distinctæ sunt species, sic & naturæ sunt species differentes, quæ motuum quoque distinctorum causæ sunt. Perinde hic arguit *Simplicius* ac si quis dicat, Si homo est animal, omnia animalia erunt rationalia, quia nempe homo est rationalis. Quasi verò genus & species æquè latè pateant.

Ad (6^m.) Connexum similiter falsum est, ex eodem fundamento: Sunt enim distinctæ species naturarum: atqui à genere ad speciem non valet consequentia: ut, Hoc vel illud naturam habet; Ergò animatum est: Hoc vel illud animal est; Ergò homo est. Mirum certè in mentem *Simplicio* venire potuisse huiusmodi argumentationes.

XXXVI. Haecenus de genere definitionis *Aristotelicæ*: Sequitur Differentia: Cujus prima particula petitur ab Objecto circa quod occupatur natura: Est id motus & quies. Ubi queritur, Quid nomine motus & quietis hic intelligatur.

Uno ferè omnes ore fatentur & respondent, per motum intelligi omnes motus naturalis species, generationem, corruptionem, alterationem, augmentationem, nutritionem, lationem seu motum localem. Annotat tamen *Pererius*, omnem quidem intelligi motum, præcipue tamen localem, quia prior & perfectior est aliis omnibus motibus, cunctisque rebus naturalibus communis, & certissimus rei naturalis index: lib. 7. De natura c. 4. Consentiunt quoque *Couimbricenses*, 2. *Phys.* c. 1. q. 2. art. 1. 2. Quæ dubio procul *Aristotelis* quoque sententia fuit; qui in declaratione definitionis solius motus localis mentionem fecit, & per hunc naturalia à non-naturalibus distinxit; & 5. *Metaph.* text. 5. ait naturam esse id, *ὅ ἐστιν ἡ κίνησις αὐτῆς ἐν ἑαυτῇ ὡς οὐσία ὄντων*, hoc est, unde est primus motus in unoquoque, &c. ubi per *αὐτῆς κίνησις* nihil rectius intelligi potest quam motus localis, qui inter omnes princeps est, & maxime propriè dictus motus: 8. *Phys.* cap. 7. text. 55.

Notat etiam *Fonseca* lib. 5. *Metaphys.* cap. 2. q. 2. §. 4. comprehendi quidem motus nomine etiam generationem, tam substantialem quam accidentalem, non tamen illam quæ in specie dicitur generatio momentanea, cum non tam sit generatio quam terminus & complementum generationis: Unde non motum sed quietem appellandam affirmat; non male: est enim generatio momentanea aliud nihil nisi existentia rei prima extra causas, quæ non motus est, sed motum consequitur. In hac controversia quæ nostra sit sententia, ex tricesima nona & sequentibus ecthesibus patebit.

Quietem verò, quæ pro motuum varietate varia est, quod attinet, cum duplex ea sit, una in termino à quo, altera in termino ad quem, & in singulis motibus utraque reperitur, queritur porro, Utra hic quies intelligenda veniat; Eandem quæ est in termino à quo, an quæ in termino ad quem. Plerique respondent, nomine quietis eam intelligi debere quæ est in termino ad quem, non quæ in termino à quo. Ratio est; Quia natura non inclinatur ad posteriorem, sed ad priorem: Ad hanc enim, quæ perfectionis rationem habet, per motum tendit; ab illa, quæ privationis rationem habet, per motum recedit. *Couimbricenses* 2. *Phys.* cap. 1. qu. 2. art. 3. sententia hæc non probatur: quia non tantum quies in termino ad quem, sed & in termino à quo naturalis est, respectu materiæ, cui nullus motus violentus, nulla quies violenta, nempe secundum potentiam ejus universalem; quæ indifferens est ad omnem motum & quietem. Ut igitur ex parte materiæ res naturales ad omnem motum inclinant, sic ad omnem etiam quietem. Utramque igitur quietem intelligendam esse contendunt.

Non

Non tamen placet nobis hæc *Conimbricensium* sententia, & ratio; quia suprà negavimus materiam naturam esse secundum potestatem universalem, quâ ad omnes motus indifferenter se habet: Sic enim nullus motus simpliciter violentus esset, sed omnis naturalis: quod falsum. Et si maximè admitti hoc aliquo modo posset, à Phisica tamen consideratione alienum esset. In Phisicis enim nullus motus naturalis dicitur, nisi respectu formæ & materię per formam ab indifferencia sua liberatæ, & ad certum motum, qui composito naturalis appellatur, determinatæ: Cui contrarius, in inanimatis, simpliciter violentus dicitur. In ratione igitur pro sententia communi allata acquiescimus, eamque rationi *Conimbricensium* præferimus.

Esse verò naturam quoque principium quietis indè liquidò probatur, quia quies finis est motus: itaque longè nobilior naturæ effectus est quies quàm motus: Est enim motus propter quietem, non quies propter motum. Sic gravia per naturam deorsum moventur, ut in centro tandem quiescant; alterantur corpora, ut formâ præsentem quiescant: augentur animata, ut justæ quantitatis terminos adeptæ tandem quiescant: Qua de re pulchrè disserit *Vicomercatus* libr. 3. De princip. rer. natur. c. 3. pag. 286. 287.

XXXVII. Sed quæ de motu sunt dicta *in Aristotele* 36. multis & magnis difficultatibus sunt obnoxia, quas in secundâ differentię particulâ, quæ naturæ subiectum exprimit, hisce verbis, *ἐν τῷ ὅτι κίνησις*, ejus rei in qua est, vel ejus in quo est. Id autem in quo natura esse dicitur, corpus naturale est, cujus natura hoc loco consideratur. Quibus verbis indigitatur, 1. naturam esse principium intinsecum, non quidem motui cujus est principium, sed corpori naturali cujus est natura: 2. naturam non esse principium motus in alio, sed in eo ipso cujus est natura; & proinde non dici naturam, quia id in quo est movet aliud; ut, quod ignis calefaciat aliud corpus, quæ potentia *Aristoteli* dicitur, & 5. *Metaphys. text. 17.* definitur principium transmutandi aliud, in quantum aliud: sed quia Causa est ut moveatur id in quo est. Itâ igitur à naturæ appellatione excluduntur principia motus externa. Nec enim, ex. gr. hominis anima natura dicitur, quatenus principium est motus baculi, in quo non est; sed quatenus manum movet, in qua est. Hinc jam novæ quæstiones enascuntur, & eorum quæ *in Aristotele* 36. de motu sunt dicta explicandorum occasio datur. Queritur igitur, 1. An natura, quatenus hoc loco à *Aristotele* definitur, sit principium omnium motuum qui vulgò in genere naturales appellantur; Et, si non omnium est Causa, quorumnam sit. 2. An in singulis corpori-

bus necessariò alicujus motus Causa sit, imprimis verò motus localis. Unde decisio quoque pendet quæstionis, Quomodo accipienda sint definitionis verba, motus & quietis, conjunctivè an disjunctivè, hoc est, motus & quietis simul. An motus vel quietis.

XXXVIII. Primæ quæstionis sensus hic est, An natura sit principium motus, per species singulorum motuum, itâ ut nullum sit genus motus qui vulgò naturalis appellatur, quem natura, ut hoc loco & in genere accipitur, non producat. Exempli gratiâ, An natura sit principium motus generationis, corruptionis, alterationis, augmentationis, lationis seu motus localis. Quod hoc quidem sensu queritur, non, An in singulis corporibus naturalibus natura sit principium singulorum motuum: Hoc enim nemo affirmaverit: sed, An singula motuum species ad naturam tanquam principium activum referri possint, etiamsi in diversis ii sint subiectis. De singulis hisce motuum speciebus operæ pretium est nos dispicere, & primùm quidem de generatione.

Franciscus Vicomercatus, lib. 3. De princip. rer. natur. cap. 8. pertinaciter contendit, naturam etiam principium activum generationis esse. Probat id, (1). Quia vim procreandi eamque maximam natura habet, ut quicquid in hac rerum universalitate, quod naturale sit, gignitur, ejus opus dicatur: Quò refert ista *Aristotelis*, Natura nihil agit frustra, Alicujus gratiâ omnia facit, Nature opera admiranda sunt, & similia: quò spectat quoq; *Platonica* sententia, Naturam omnium rationes continentem omnia generare, omnibus vitam impertire.

(2) Natura est forma: Ergò principium est generationis. Ratio Consequentia: Quia formæ proprium est agere, & sibi simile procreare.

(3) Stirpium & animalium procreatrix Causa est anima alitrix, quod unum est ejus maximè proprium officium: Atqui anima illa est natura: Est igitur natura principium generationis.

(4) Generatio, quæ natura dicitur, non minùs ex natura progignente nomen habet, quàm ex ea quæ gignitur: Ergò natura principium quoque activum est generationis.

(5) Si natura non est principium activum generationis, sequitur generationem non esse motum naturalem: Sed Consequens falsum: Ergò & Antecedens.

XXXIX. *Vicomercatus* contradicit *Pererius*, lib. 7. cap. 13. Nulla res, inquit, habet in se principium activum suæ generationis: Quæ sententia probatur hisce rationibus.

1. Principium hoc generationis esset vel forma, vel materia: Atqui non est materia; quippe quæ

nullius est activitatis : Nec forma est : tum quia ipsa est quæ generatur, quare non potest esse causa generans, tum quia generans est ante generationem, forma verò non nisi post generationem existit; præsentem enim formam, cessat generatio.

2. Nulla res naturalis seipsam generat, sed ab alio generatur: Ergo natura non est principium activum generationis. Ratio Consequentia; Quia natura, uti hoc loco ab Aristotele definitur, ejus tantum motus principium est activum quem in re naturali producit, cui ipsa est intrinseca, tanquam forma. Cum igitur principium generationis activum sit in generante, non in generato, sequitur naturam non posse esse principium generationis activum. Nec enim natura ab eo dicitur quod aliud movet, sed quod id movet in quo est: Unde definitur principium motus *et quietis ejus in quo est*.

In hujus argumenti solutione valde sudat *Vicomercatus*. Et primò quidem fatetur scum *Pererio*, nullam rem naturalem ortus sui principium & Causam intra se continere, quod in stirpibus quoque & animalibus manifestum esse ait, in quorum nullo principium generans inest, verum in semine, aut eo unde semen defluxit. Ad idem comprobandum adducit quoque rationem quæ *Pererius* utitur; nempe, quod principium illud aliud esse non possit quam formam quæ tamen, cum res generatur, nondum est; multò minùs antequam generatur. Interim tamen contradicunt sibi hi duo Philosophi: *Pererius* enim negat naturam esse principium activum generationis; *Vicomercatus* idem affirmat.

Ad rationem verò nostram respondet, Etiam si Aristoteles in naturalium rerum, quibus cietur, motibus, per quos ab arte factis distinguuntur, nec omnino in naturæ descriptione ortus meminit, nec facultatis genitricis, nec aliam naturæ efficiendam tribuit, nisi motum ejus in quo est; non idè tamen hanc de qua loquimur, in generandis rebus efficiendam sustulit: Nullam verò procreandi facultatis in de descriptione mentionem factam ait, quod naturam describeret, earum tantum rerum habita ratione quarum est natura: quæ naturæ conside ratio ejus longè magis propria est, quàm ut ea quæ ab ea generantur respiciat. Accedit quòd motibus istis, quibus res cietur, cujus est natura res naturales à non naturalibus præcipuè differant. Sed non videtur *Vicomercatus* objectæ difficultati satisfacere. Cum enim Aristoteles naturam non describat nisi ex motu immanente, quo natura ab arte distinguitur, motusque naturales ab artificialibus; sequitur certè, si ex Aristotelica definitione de motu naturali sit pronuncian dum, motum in specie naturalem artificiali contra distinctum, & à natura, quatenus ab arte distingui-

tur, profectum, nullum debere dici nisi immanentem qui nempe est in ipsa re quæ movet, tanquam in subjecto, seu quo moveri dicitur illud ipsum quod movet. Hinc responsioni suæ propemodum diffidens *Vicomercatus* sub finem ait, dici posse, naturæ quoddam initium in eo quod sit inesse: quod à generante exterioris natura in materia veluti factum est, ac in eam agit, aliud ex alio subinde efficiendo, donec simile quid omnino procreanti Causæ evaserit: perinde atque si statuarius in ære ac marmore inesset, & in illud ageret, donec perfecta esset statua redita. Sic & alij respondent, generationem viventium dici posse motum naturalem, ratione virtutis plasticæ, quæ in semine est, & corpus efformat.

Inclinat etiam in hanc *Vicomercati* sententiam *Fonseca* 5. Metaphys. cap. 4. q. 2. §. 4. Perspicuum est, inquit, in proposita quoque naturæ definitione, nomine motus comprehendì generationem, non modò accidentalem sed etiam substantialem. De accidentali suo loco videbimus. De substantiali quærenti, Quo pacto forma substantialis sit principium generationis ejus rei in qua est, Cum præsentem formam jam non generetur res, sed genita sit, Respondet, generationem summi pro generatione alicujus totius habentis formam divisibilem, ut ignis, aut lapidis; vel indivisibilem, aut divisibilem quidem, sed quæ introducatur in minimam materiam; Cum totum, veluti homo, aut ignis minimus, generatur. Si priori modo accipiat, sententiam suam manifestam esse ait: Cum enim res hujusmodi cujus forma est divisibilis generatur, pars formæ est introducta, pars introducenda: Illa igitur quæ jam introducta est, cœptam generationem absolvet, ejusque principium erit. Sin posteriori modo, etiam aliquid formæ generi esse in materia, quia jam aliquid est dispositionum quas formam consequitur: si aliquid inest formæ, utique principium generationis erit. Addit denique, posse etiam illud dici; Formam substantialem esse principium generationis ejus rei in qua est; non quia jam sit cum illa generatur, sed quia est cum generatio absolvitur. Hactenus *Fonseca* sententia declarata.

XL. Argumenta in utramque partem efficacia sunt: Media igitur via hic tucissima videtur, quam, ductu sequentis distinctionis, ingrediemur.

Motus naturalis in genere vel in specie sic dictus est. In genere sic dictus naturalis motus est, quicunq; sit à natura, seu Causa naturaliter agente, sive sit immanens, sive transiens. Hinc *Zabarella*, lib. De natura c. 1. animadvertendum censet, naturam in rebus naturalibus causam esse motus, non solum in eo ipso corpore in quo inest; quem immanentem motum vocant; ut cum ab interno principio res aliqua localiter movetur, grave deorsum, leve sursum, animal

ad omnes locorum differentias : verum etiam in alio & extrâ, quem *transseuntem* appellant; ut cum causa naturalis non se ipsam sed aliud corpus movet : Exempli gratiâ, Cum ignis aquam calefacit, lignum comburit : naturalis enim ignis actio est calefactio, combustio.

In specie verò sic dictus naturalis motus est immanens tantum, qui ab interno principio provenit : causamque habet in eo ipso corpore quod movetur : qui naturalis κατ' ἐξοχήν dicitur, quia motu hoc naturali à non-naturalibus distinguuntur, ipsaque natura ab arte & principiis violentis. Hinc & naturæ consideratio magis propria est respectu earum rerum quarum natura est quam respectu earum extra quas est.

Hæc igitur præmissâ distinctione facili conciliari possunt contrariæ sententiæ 38. & 39. explicatæ. Est enim natura principium activum generationis, ipsaque generatio motus naturalis, si natura pro externo principio accipitur, secundum infinitam & propriam vim agentem; motus item naturalis in latitudine sua, qui tanquam à causa naturaliter agente provenit. Contrâ verò natura non est principium activum generationis, nec generatio motus naturalis, si natura pressius accipitur, pro principio interno in id cuius est natura agente, (quo sensu naturam à potentia & arte distinguit *Aristoteles*) & motus naturalis in specie is intelligatur qui principium activum habet in re ipsa quæ movetur. Hinc *Zabarella* De nat. c. 8. Si sumatur mutatio naturalis pro illa cuius principium est in illo ipso corpore quod mutatur, hæc (nempe generatio & alteratio elementorum) non sunt mutationes naturales.

Nec viventium generationem hæc excipimus, propter 38. & 39. rationem primam. Aut enim semen plantæ vel animantis actu in se habet formam plantæ vel animalis generandi, aut non habet. Si habet, ex semine non fit demum planta vel animal, ab interno principio activo, per generationem, quæ motus definitur à non esse ad esse : cum præsentem formam & materiam unitam, res ipsa existat. Unde *Scaliger*, Exercit. 6. §. 9. objicienti, Si canis anima esset actu in semine, canis semen esset canis, respondet, Assensior : Est enim canis imperfectus, carens tantum articulationibus. Sic & §. 10. inquit, Canis non gignit cum nascitur catellus, sed cum semen gignit. Idem de plantarum seminibus iudicat, quæ plantæ quoque ipsæ imperfectæ sunt : hinc in allegata sectione ait, Generat igitur arbor etiam produci semper, non autem generat arbor cum pullulat à semine. Si non habet, naturam principium activum generationis viventium esse neutiquam concludi potest.

Idem aliâ quoque ratione concludimus ; Semen plantæ vel animalis aut actu est ipsa planta vel animal, aut non est. Si prius dicas, concidet argumentum : Quod enim actu jam est, non generatur ab interno vel externo principio. Si posterius, itidem nullum erit argumentum : Quod enim actu non est, id actu se generare non potest.

Ex hæc sententiarum diversarum conciliatione, ad oppositas rationes cuius est obvia responsio.

Fonsæca sententiam quod attinet, minus certe ea nobis probatur : Nisi enim dixerit *Fonsæca* formam substantialem intendi ac remitti, & per gradus certos produci, ita quidem ut posteriores gradus producantur à prioribus in materiam jam introductis, vel ex ea eductis, quod concessurum eum non crediderim, non video qui monstrer formam esse principium generationis ejus per quam existit, vel in qua est. Et quidem in corporibus homogeneis, quorum formæ extensæ sunt & divisibiles ad materiam divisionem, rem non procedere sic probat : Ponamus lapidem esse generandum, & in materia certam particulam primò introduci formam lapidis, illamque particulam continuâ regeneratione particularum aliarum fieri majorem, ut post intervallum aliquod saxum justæ magnitudinis evadat : Dicendum ergo *Fonsæca* erit, primam illam formam particulam in minimam materiam portiunculam introductam in alias deinceps materiam particulas introduxisse alias formæ particulas, quæ primæ parti unitæ totam aliquam formam constarint, cujus pars una produxerit alteram : Quod partim falsum, partim *Fonsæca* sententiam non confirmat. Falsum quidem est ; Quia lapidis forma in unam aliquam materiam portiunculam introducta nullam habet naturæ suæ multiplicandæ vim, ita ut alias ejusdem corporis & naturæ homogeneæ partes formæ novas possit producere, & se augere, viventium instar : sed externa causa, quæ primò in unam materiam portiunculam induxit lapidis formam, successivè deinceps alias quoque particulas generat. Deinde, si maxime generatio hæc admitteretur, sententiam tamen *Fonsæca* nihil juvaret : Cum enim portiuncula lapidis nova generata non minus sit perfectus lapis quam quæ primò à causa externa fuit genita, & verò portiunculæ istius novæ forma non à seipsa in suam materiam, sed ab alia præcedente fuerit introducta vel educta, sequitur principium generationis ejus rei in qua est ipsam non fuisse, sed formam aliam quæ præcessit. Deinde præposterè quoque dici videtur, aliquid formæ censei esse in materia, quia aliquid inest dispositionum quas sequitur forma : Nec enim dispositiones sunt ipsa forma, nec tempore simul sunt cum forma, sed eam antecedunt. Denique

nique non video qui recte dici possit forma principium generationis, eam ob causam quod non quidem ante generationem, sed absolutam generatione, in re sit: Hoc enim modo finis potius quam principium generationis dici deberet.

Suarezius tom. 1. Metaphys. disput. 12. §. 1. num. 7. existimat formam dici posse principium activum generationis ejus per quam existit, non quidem in genere causae efficientis, sed si reducat ad causam finalem, quia finis generationis est formae introductio; vel ad formalem extrinsecam, quia generatio speciem sumit à forma ad quam tendit. Ipse tamen fatetur hujusmodi causalitates esse valde improprias in Physica, respectu talis formae: Nec verò in hac Controversia, cum de principio activo motus quaeritur, vel finalis vel formalis, sed efficiens causa intelligitur.

XL. Ex quaestione hujus decisione expedita quoque est responsio ad quaestionem, *Natura sit principium activum corruptionis & alterationis.*

De Corruptione ait Pererius cum distinctione respondendum esse. Sunt enim corpora simplicia, ut Elementa; vel mixta, ut Metalla, Viventia. Nul- lum corpus simplex corruptionis suae principium activum in se habere ait. Rationem addit generalem; Quia omnis res expetit esse, & quoad ejus fieri potest, se suaeque conservat, & corrupti- enti resistit: Unde concludit nullam rem seipsam corrumpere. Idem; Nec materia nec forma est principium corruptens: non materia; quia non est activa: non forma, quia dat esse, non igitur aufert esse. Contra verò, omne mixtum perfectum, qualecunque fuerit, sive animatum sive inanimatum, principium activum suae corruptionis in se habere affirmat: quia cohibet in se elementa, & quatuor qualitates primas inter se contrarias & pugnantes; quarum una si plus exsuperat quam misti ratio patitur, reliquas opprimit & proportionem dissolvit. Praeter hunc generalem corruptionis modum, ait mixta heterogenea, ut sunt Animalia, habere alium sibi peculiarem, quatenus una earum pars potest alias corrumpere, & toti mixto interitum afferre; quod contingere videmus, cum vel cor, vel pulmo, vel hepar, vel cerebrum male affectum est: quem corruptionis modum in reliquis mixtis homogeneis locum habere negat, propter parium omnium uniformitatem & naturae similitudinem. Haec tenus Pererii judicium de corruptione.

XLII. Nobis, si ipsiusmet Pererii sequamur vestigia, de corruptione aliter pronuntiandum videtur. Nam si idem corpora simplicia corruptionis suae principium activum in se non habent, quia omnis

res expetit esse, & quoad fieri potest, se suaeque conservat, & corrupti- enti resistit, Idem de mistis quoque pronuntiandum fuerit, per communem hanc rationem: Nam & mista expetunt esse, & se, quoad fieri potest, conservant, ac corrupti- enti resistunt. Pro eadem assertionem militat quoque altera Pererii ratio, Quod nempe nec materia nec forma sit principium corruptens: non materia, quia non est activa; non forma, quia dat esse rei.

Ad rationes quas in contrariam partem adfert, expedita est responsio. Etiam si enim mista in se cohibent elementa & quatuor primas qualitates, ab iis tamen corruptionis principium activum non est; siquidem ad istam temperiem qualitates primae redactae & à misti forma coercitae in ipsum mistum, ad ejus destructionem prius non faviunt: quam harmonia per externas causas sit turbata, ut patet è mitionis & putrefactionis doctrina.

Principium igitur activum corruptionis non est in misto, sed in externa causa misti harmoniam turbante, & commune illud contrariarum qualitatum vinculum solvente; unde fit ut una qualitatum contrariarum exsuperet plus quam misti ratio patitur. Eadem in animalibus & mistis heterogeneis ratio est. Nec ad rem facit, quod una saepenumero pars alteri est principium corruptionis: pars enim quae ab alia parte corrumpitur, corruptionis suae principium activum habet non internum, sed externum, nec enim pars una integralis de alterius est essentia.

Tandem verò ipse Pererius in hanc quoque sententiam concedit: *Quaquam, inquit, si subtiliter loqui, & ad tenuem rationem climare voluerimus, comperiemus nullum mistum habere in se naturam quae est principium ejus corruptionis. Natura enim principaliter est forma substantialis, quae nulli corpori, cujus est propria forma & naturalis, interitum afferre potest; cum potius ipsa faciat illud exsistere.*

XLIII. Ad Alterationem progredimur. Bene distinguit hic Pererius inter alterationem perfectivam & corruptivam: Per hanc res de statu suo dejicitur ac debilitatur, & nisi terminus maturè figatur, penitus destruitur; ut videre est in morbis: Per illam res magis magisque perficitur, quae contraria & noxia sunt propulsat, suaeque vires corroborat; quod in morborum depulsione accidit. Hanc igitur distinctionem praemissa duabus assertionibus sententiam nostram exprimimus.

I. *Natura non est principium activum alterationis corruptivae.* Ratio est; Quia non est principium activum corruptionis, ut modò ostendimus: Atqui ad corruptionem proxima via est alteratio corruptiva.

II. *Natura quandoque principium activum est alter-*

Alterationis perfectivæ. Patet hoc, quia morbum sæpenumero natura depellit absque ullius medicamenti forissecus accedentis auxilio. Sic & rerum artificiosarum primi inventores intellectum ipsi perficiunt inveniendū. Si ad hanc alterationis speciem referenda sit nutritio, naturæ quoque adscribenda fuerit: Animantia enim non minùs se nutriunt quàm movent. *Toletus* 2. *Phys.* cap. 1. q. 2. Referunt huc quoque nonnulli alterationem aquæ, cum ex calida sit frigida, quam perfectivam aiunt esse alterationem, & ab aquæ formâ proficisci: Cui nos sententiæ minimè accedimus, ut pluribus suo loco ostendemus. Negat & *Vicomercatus* *Elementa* habere intra se principium alterationis, *De princip.* lib. 3. cap. 3.

Non tamen semper natura est principium activum alterationis perfectivæ, ut patet cum ex alterationibus naturalibus circa corpus & animam hominis, tum ex Divinis circa animam, in hominis conversione.

XLIV. Accretionem, cum sit rerum viventium propria, & causam principalem habeat animam vegetantem, à natura tanquam principio activo esse, qui neget, neminem esse puto.

XLV. Latio seu motus localis est animantium vel rerum inanimatarum, & elementorum imprimis; qui levium & gravium motus appellari solet. Animalium motum esse à natura tanquam principio activo, apud omnes in confesso est; qui naturæ definitionem animæ quoque competere statuunt: De qua controversia supra, *Endotes* 33. 34. 35. egimus. Dubitant tamen nonnulli de motu progressivo animalium: Et quidem *Vicomercatus*, *De princip.* lib. 3. cap. 3. negat motum animale esse propriè naturalem, nisi ipsi animæ, quæ ita apta est movere: Corpori verò naturalem esse negat, quia animal eo motu fatigatur: quod naturalibus motibus non accidit. Accedit quòd corpus animale sit grave, cui solus is motus naturalis est quo res deorsum fertur, ceteri autem omnes violenti.

Resp. Omnis motus progressivus naturalis est animalis, ejusque principium natura est: Est tenim motus ille à principio interno ejus rei in qua est, primò, per se, & non per accidens: qui si naturalis non est, haud video quis naturalis esse possit! Quod ergò *Vicomercatus* ait, motum illum non esse naturalem nisi animæ, à nobis non admittitur. Motus enim progressivus propriè non est animæ, sed animalis quod progreditur beneficio animæ & organorum corporeorum; & quidem naturaliter progreditur, quia hic motus à natura ipsi est assignatus: Unde & causæ sufficientes ab

eadem natura sunt concessæ; principalis quidem, anima; instrumentalis, varia corporis membra; ut non anima tantum sed & organa corporea sint apta ita movere. Nec refert quòd motu hoc animal defatigatur: sunt enim motus naturales non unius speciei, prout corpora naturalia sunt diversa. rerum specierum, nempe animata vel inanimata. Quis dixerit meditationem homini præternaturalem imò contranaturalem & violentam esse? & tamen meditando etiam homo defatigatur. Deinde quòd corpus animalis atinet, duplici modo id consideratur: quatenus nempe est mistum, & communem mistorum naturam participat; vel quatenus animæ est organon, in id fabricatū ut animæ inserviat ad motus naturæ animalis necessarios peragendos. Priori quidem respectu motus progressivus ipsi non est naturalis: At posteriori omnino naturalis est, quia eo sine distinctas & heterogeneas partes est fortitum, ut motibus naturæ animalis convenientibus efficiendis & procurandis idoneum esset.

De motu levium & gravium maxima est controversia. Plerique ferè negant eum à principio intrinseco activo esse: Nobis verò non minùs à natura videtur esse quàm motus animalium: Cujus sententiæ *Patrolos* quoque habemus *Averroem*, *Scotum*, *Pererium*, & alios. Sed hanc questionem prolixè suo loco discutimus, in hac ipsa sectione.

XLVI. Hactenus prior expedita quæstio, quàm *Endotes* 37. proposuimus. Altera jam restat; An natura in singulis corporibus naturalibus sit necessariò alicujus motus, & localis imprimis, activum principium. Et, Quomodo definitionis verba, motus & quietis, sint accipienda; Copulativè, an disjunctivè, hoc est, motus & quietis simul, an motus vel quietis?

Recepta ferè sententia est, non esse necesse ut natura in singulis corporibus naturalibus sit alicujus motus, & imprimis localis, principium activum: sufficere, si in aliquibus motus tantum, in aliquibus quietis tantum, in aliquibus motus & quietis simul principium sit. Unde universus mundi status in tria solet dividi: in ea quæ semper moventur & nunquam quiescunt, qualia sunt corpora cœlestia; in ea quæ semper quiescunt & nunquam moventur, quale corpus est terra; & denique in ea quæ modo quiescunt, modo moventur, qualia sunt reliqua corpora naturalia, simplicia nempe & mista.

Sententia tamen hæc *Fonsæ* non probatur: Sequeretur enim ad naturæ rationem satis esse, si sit principium quietis tantum: Quod ab *Aristotelis* mente alienum est. Constat enim ex principio 3. *Phys.* text. 1. & 1. De cœlo, text. 5. aliisque mul-

tis locis, sensisse *Aristotelem* omnem naturam esse propensam ad motum. Unde tradit; *ignorato motu etiam naturam ignorari*; & cœlum habere motum naturalem arguit, quod sit corpus naturale, vel natura constet. Consentiant quoque *Patres Conimbricenses*, quibus & nos assentimur.

Sed terra hic nobis obicitur, quæ corpus naturale est omnium consensu; & tamen principium motus in se nullum habet, perpetuè enim quiescit. Respondent nonnulli, etiam terram habere principium motus, non quidem secundum totum, sed secundum partes, quas à toto avulsas ad idem naturaliter redire contendunt.

Nobis assertio hæc non placet: Cum enim totorum homogeneorum partes ejusdem sint naturæ cum totis, non video quid terræ partibus principium motus tribuatur, toti verò terræ adimatur: Et si corpus naturale non est nisi quod in se habet principium motus, (quæ *Aristotelis* sententia est secundum *Fonssecam* & *Conimbricenses*) sequitur partes quidem terræ esse corpora naturalia, ipsam verò totam terram non esse corpus naturale: quod absurdum.

Statuimus igitur etiam totum terræ globum in se habere principium motus non minus quam partes. At, inquis, non movetur. Resp. Non est necesse ut omne id actu moveatur quod principium motus activum in se habet: secus enim nec terræ partes in se haberent motus principium quando actu non moventur; nec enim principium illud acquirunt demum cum à toto avellantur & extra locum rapiuntur. Faciamus hominem manibus ac pedibus ligatum ab ipsa pueritia ad vitæ finem usque nunquam progrediendo fuisse loco motum; Ideone principium motus progressivi in eo fuisse negabimus? Ut ergo res dicatur in se habere principium motus localis, sufficit si sublatis impedimentis localiter se movere possit, etiam si præsentibus impedimentis actu nunquam loco movetur. Quare & terræ globum hujusmodi principium in se habere dicimus, quia si loco suo totum moveri contingeret, non minus per principium hoc locum repeteret, quam partes.

De cœlo etiam quid statuendum sit quaeritur. Moveri id, & perpetuè quidem, omnes Peripatetici agnoscunt: an verò motus istius principium activum sit, natura, plerique dubitant.

Imò negant plerique principium activum motus in cœlo esse, sed passivum tantum; quod motus ille sit non à forma cœli propriè sic dicta, sed ab Intelligentia assistente.

Nobis cum cœlum nihil sit nisi expansum aerum, facile est ad hanc questionem respondere.

Cœlum in suo loco constitutum non minus per se quiescit quam terra; nisi quod ratione partium variè moveatur à stellis hinc inde discurrentibus. Idem principium motus localis in se quoque habet, non passivum tantum, à quo solo motus naturalis dici vix meretur, sed & activum, quo ad suum redire possit locum, si inde expellatur, idque non Intelligentiam, sed formam naturalem & propriam, quæ per levitatem in cœlo efficax est. Astra verò quod attinet, non moventur ea vel ob orbibus suis, qui nulli sunt, vel ab Intelligentiis, quarum hoc officium non est, sed à formis propriis: ut pluribus suo loco ostendemus.

XLVII. Hinc colligere licebit quo sensu accipienda sint definitionis verba, *motus & quietis*.

Nonnulli statuunt disjunctivè illa esse accipienda, & ab *Aristotele* præpositum; ut sit *motus & quietis* idem quod *motus aut quietis* quia natura non est principium motus & quietis simul in omnibus corporibus naturalibus: alia enim tantum quiescunt, alia tantum moventur. Sententiam hanc tuerentur *Porphyrius*, *Simplicius*, *Philoponus*, & plurimi alii ex recentioribus. *Thomas* & alii sensum agnoscunt copulatum, quem particula & indigitat, & hoc modo Philosophi mentem reddunt; *Natura est principium motus & quietis, in quibus est motus & quies; & quietis solius, in quibus tantum est quies; & motus solius, in quibus tantum est motus*. Ut suppositio sit accomodata, *Motus & quies à natura proveniunt, non ab alio*. Quæ sententia *Pererio* quoque probatur, lib. 7. c. 10.

Fonsseca nec copulatum tantum nec disjunctum tantum agnoscit, sed partim disjunctum, partim copulatum, prout natura est principium vel solius motus, vel solius quietis vel motus & quietis simul.

XLVIII. Ex hisce *Thomæ* sententia videtur omnium expeditissima: Nobis tamen placet sensus copulativus alio sensu quam qui à *Thoma* redditur. Nec enim statuimus naturam esse in aliquibus principium motus tantum, in aliquibus quietis tantum, sed in omnibus quietis & motus simul, non tamen eodem tempore, sed successivè. De motu autem & quiete locali hic loquimur. Nec ab hac nos sententia dimovent cœlum & terra, quæ opponuntur: De utroque jam antè respondimus. De Astris verò reliqua est quaestio, *An & hac in se habeant principium quietis?* Ponamus eandem astrorum & cœli esse indolem: vel de astris sensisse Philosophos, quod de sphaerarum coelestium, quas credunt perpetuo motu in commentarios retulerunt. Ad præsentem enim quaestionem nihil interest, sive cœlum sive astra dicamus perpetuè moveri. Quaeritur ergo, *An in se habeant principium quietis?*

Conimbricenses

Conimbricenses 1. Phys. cap. 2. q. 2. art. 3. affirmant *Aristotelis* sententiam esse, sphaeras coelestes non habere in se quietis principium: Quam in sententiam expressus est *Aristotelis* textus 9. Metaphys. cap. 9. text. 17. Hic tamen Magistrum non esse audiendum contendunt, unà cum *Fonseca*, Metaphys. 5. cap. 4. qu. 2. §. 6. Hi ergo Doctores, *Thomas* secuti, non motus tantum, sed & quietis principium in coelo esse contra *Aristotelem* affirmant. Rationes *Fonseca* hasce adducit. 1. Quia globosa figura, quæ in corporibus coelestibus est, non magis ad motum quam ad quietem idonea est. 2. Si coelestia corpora non haberent in se principium quietis, utiq; quies post diem iudicii violenta iis futura esset: quod absurdum. 3. Quia ita se habet motus coeli ad intelligentiam motricem, ut motus instrumenti ad artificem: At instrumentum non magis aptum est ad motum quam ad quietem; ut patet exemplo securis aut calami. 4. Quia coelestia corpora nullam sibi acquirunt perfectionem per motum. 5. Quia corporum coelestium motus est merè ab extrinseco motore, nec provenit ex propensione formali effectiva ipsorum coelorum; sed passivà tantum, ut moveatur. A quiete igitur naturaliter non abhorrent. Haecenus *Fonseca* & *Thomas* rationes.

Esti verò activum coelestis motus principium nos non attribuimus Intelligentiis, sed propriae astrorum naturæ, quietis tamen localis principium in astris non minùs agnoscimus. Sic enim à Creatore condita astra arbitramur, ut naturaliter se movere & à motu cessare possint. Quod autem perpetuò in hoc mundi statu moventur, & alternà careant requie, id non à natura astrorum est, quasi ad requiem illa sit inepta, sed ab omnipotenti Creatoris imperio, quo aguntur, naturà non repugnante: absq; imperio hoc si esset, tam quiescere ipsis promptum esset quàm moveri. Non enim motu suo, ut *Thomas* inquit, perficiuntur, sed mundum tantummodo subluarum perficiunt, cujus gratià moventur. Simile petamus à natura angelica. Faciamus ab ipso mundi exordio ad finem usque, Creatoris iussu, Angelum aliquem per universi coeli ambitum moveri, ità ut toties in orbem redeat quoties sol redit. Imperari hoc à Deo potuisse angelo, & ab Angelo per naturæ suæ vires præstari, nemo opinor erit qui inficietur. Nec puto fore qui neget, Angelum huiusmodi per naturam suam posse quiescere, etiamsi ferè per sex millia annorum continuò in orbem se movit. Eodem modo in Astris se res habet, etiamsi animata vel intellectu prædita non sunt.

XLIX. Haecenus altera differentiae particula à Subiecto petita. Ad tertiam antequam progredia-

mur, paucis difficilem quaestionem attingemus, *An compositum, seu corpus naturale, sit tercia quædam entitas, seu natura præter materiam & formam?* Occasionem quaestioni huic præbet secunda differentiae particula hæcenus explicata: Ait enim *Aristoteles* naturam esse principium motus & quietis ejus in quo est, hoc est, corporis naturalis, cujus natura esse, & in quo esse dicitur: Quod si ergo corpus naturale, seu totum Physicum, aliud nihil esset præter materiam & formam, quæ multorum est opinio, non rectè dixisse videretur *Aristoteles* naturam, hoc est, materiam & formam, esse in corpore naturali: perinde enim hoc foret, ac si dixisset, materiam & formam esse in materia & forma. Nobis prolixè quaestionem hanc tractare non est animus: Breviter argumenta recensebimus, quibus probari potest totum Physicum essentiale, materià constans & formà, seu corpus naturale, realiter distingui à partibus suis componentibus, materià & formà, simul sumtis.

1. Materia & forma sunt in corpore naturali, ut patet ex definitione naturæ: Ergo corpus naturale realiter distinctum est à materia & forma simul sumtis. Ratio consequentia; Nam si materia & forma idem realiter essent cum corpore naturali, idem in se ipso esset: quod absurdum.

2. Corpus naturale est unum ens per se: Materia & forma etiam conjunctæ seu unitæ non sunt unum ens per se, sed duo realiter distincta entia: Ergo idem cum corpore naturali non sunt. Propositio apud omnes in confesso est. Assumptio quoq; manifestæ veritatis est; Nam nisi in ipsa etiam unione materiæ & formæ duo essent entia realiter distincta, quorum unum actus alterum potentia rationem haberet, fieri ex iis corpus naturale non posset, quod necessariò requirit unionem duorum realiter distinctorum. Et verò non obstat unionem, quò minùs materia & forma sint duo realiter distincta, patet inde quoque; Quia ea unionis natura est ut unita maneant realiter distincta: aliàs non unio, sed transmutatio seu *μεταμορφωσις* esset.

3. Principia componentia sunt realiter distincta à composito verè & per se uno: Atqui materia & forma sunt principia componentia: Ergo realiter distincta sunt à composito naturali verè & per se uno. Propositionis ratio est; Nisi realiter distinguerentur sed unum realiter essent, eadem res se ipsam componeret, idem se ipsum causaretur: quod absurdum.

4. Si materia & forma idem realiter essent cum corpore naturali, sequeretur unius passionis propriae non esse unum subiectum: At consequens falsum: Ergo & antecedens. Connexi ratio est; Quia materia & forma, etiamsi sunt unitæ, tamen non sunt unum, sed manent duo distincta. 5. Si

5. Si materia & forma unitæ re idem sunt cum corpore naturali, sequitur corporis naturalis vel nullam esse materiam & formam, vel materiæ & formæ unitarum esse materiam & formam: At consequens falsum & absurdum: Ergo & antecedens. Assumptio probatione non eget. Connexio ratio est; Nam si corporis naturalis datur materia & forma, quibus componitur & materia & forma unitæ sunt ipsum corpus naturale, sequitur materiæ & formæ unitarum dari materiam & formam, quibus componuntur.

L. Hactenus sententiæ nostræ confirmatio: Unam tantum & alteram objectionem audiamus.

(1) Si in composito naturali, præter materiam & formam, est entitas totius, ipsa erit natura: omnis enim substantia Physica est natura: At consequens falsum: Ergo & antecedens. Assumptio probatur: Quia duplex tantum natura, materia & forma. Rationi huic multum tribuit *Pererius. Resp.* Connexum falsam præsupponit hypothesin; nempe, in composito naturali esse entitatem tertiam præter materiam & formam: Nec enim in composito est huiusmodi entitas, sed ipsum compositum est hæc entitas. Nec idcirco natura tertia est, sed tertium quoddam habens naturam: natura enim in aliquo esse ab *Aristotele* dicitur verbis illis, *eius in quo est.*

(2) Si totum esset entitas à partibus distincta, simplex aut composita esset. At non simplex; Quia simplex esse est contra naturam totius compositi. Ergo composita: quod absurdum; Sequeretur enim, 1. Illam peculiare in se partes habere, quia de totius natura est habere partes. Si partes haberet, illæ unitæ aliud facerent totum à partibus realiter distinctum, quod itidem suas haberet partes; & sic res in infinitum procederet. 2. Distingui à partibus aliquid sui vel per se ipsum: Quorum illud falsum; Quia hoc modo à partibus primò non differet: Hoc itidem falsum; Quia involvit contradictionem, totum se toto à partibus distingui. 3. Esse aliam in rebus naturalibus compositionem, præter eam quæ ex materia & forma est.

Resp. Entitatem illam compositam esse dicimus: sed absurda inde sequi negamus. Ad singula ordine respondemus. Ad 1^m. Non sequitur entitatem illam distinctam habere in se partes peculiare, hoc est, distinctas à materia & forma, à quibus compositum realiter differre dicimus: habet entitas illa distincta nullas alias partes essentielles, præter materiam & formam: frustraneus igitur metus de processu in infinitum. Ad 2^m. Distinguitur à partibus suis per se ipsum: Est enim essentia composita, quæ non per partes à partibus componentibus distinguitur, sed per seipsam, quia composita est, & verè ac per se una, partes verò seu principia componentia, per se

multa; nulla hinc implicatio contradictionis. Ad 3^m. Nihil absurdi est, dari in rebus naturalibus alias compositiones, præter eam quæ est ex Materia & Forma. Nam & in rebus naturalibus compositiones Metaphysicæ sunt plures. Si verò quæstio sit de compositione Physica ex partibus essentialibus, negamus dari plures: In composito nullas agnoscimus partes essentielles præter materiam & formam.

LI. Sequitur tertia & ultima differentia particula, à modo perita, quo natura est in corpore naturali: Exprimitur illa tribus limitationibus; *Primò, per se, non secundum accidens.* Pertinent autem particulae hæc limitativæ non ad motum & quietem, sed ad principium motus & quietis, quod dicitur in esse *primò, per se, &c.*

Dicitur natura inesse *primò*, ut naturæ prærogativa iis adimatur quæ & ipsa motuum sunt principia per se, hoc est, non per accidens, & in corpore naturali sunt, attamen non principaliter & *primò*, sed per aliud prius, & instrumentaliter: qualia sunt omnia accidentia, gravitas, levitas, & potentia naturales, quæ non sunt motus principia primaria, sed instrumentalia, & in principio priori fundantur, nempe natura. Inest etiam natura *per se*: Unde ab appellatione naturæ excluduntur habitus, seu formæ artificiales, quæ etiam motuum quorundam principia sunt, & in corpore naturali insunt; attamen non *per se*, sed *per accidens*. Sic, exempli gratia *Hippocrates* sanat seipsum per medendi artem, quam callet: sed medendi ars propterea non est natura, quia inest *Hippocrati*, non *per se*, sed *per accidens*: potest enim ab *Hippocrate* abesse, uti ab *Hermogene* ars benedicendi, quam juvenis 18. annorum cum omnium admiratione calluit & scripsit, post annum verò 24. prorsus est oblitus, ita ut omnino rudis esset: Unde *Antiochus Sophista* in eum cavillatus dicitur, *Ἐπεὶ οὐκ ἐν πᾶσι γέγονεν, ἐν δὲ Ἡρόδοτος μὴ;* *Hermogenes* inter pueros senex, inter senes puer. *Albertum Magnum* scribit *Tostatus* quinq; ante obitum annis omnia esse oblitum, ut ne literas quidem sciret. *Mesala Corvinus* excellens Orator in tantam rerum omnium venit oblivionem ut etiam nominis sui recordari non potuerit: *Plinius* lib. 7. c. 24. *Solinus* c. 7. Quæ sequuntur, & non secundum accidens priorum, *per se*, sunt exegerica: Et si *Casalspinus* peculiare quid iis à Philosopho significari contendit: ad quem Lectorem remitto. Nobis ad alia properandum. Hactenus naturæ definitio excussa.

THESIS II.

Ex iis quæ de natura hactenus dicta sunt, patet quid sit res naturalis, & quid differat ab artificiali.

Statuimus cum Pererio octo differentias inter res naturales & artificiales.

1. Res artificialis appellatur extrinsece ab arte; naturalis verò intrinsece à principiis suis essentialibus naturæ nomen sortitis.

2. Effectus rei artificialis convenit cum agente tantum secundum formam accidentalem; non secundum essentiam; naturalis verò secundum essentiam. Generans enim homo cum generante convenit essentia, statuarius cum statua non item.

3. Omnes partes & principia rei naturalis sunt à natura; artificiales verò non omnes. Materia enim rerum artificialium à natura est, indignum statuarum.

4. Forma artificialis habet pro subiecto & materia ens aliquod perfectum & completum; naturalis verò imperfectum & incompletum; ut

cum materiæ elementi unitur forma.

5. Res artificiales secundum formam quidem sunt determinatæ, at secundum productionis circumstantias, modum, tempus, locum, & alia, sunt indeterminatæ: naturales utroque modo sunt determinatæ.

6. Forma artificialis hæret extrinsecus tantum in superficie; naturalis verò est intima rei naturali.

7. Res artificialis non habet in se principium motus; movetur enim, quia artificialis, ab alio externo: Naturalis verò principium motus in se habet.

8. Materia non habet potentiam naturalem ad formam artificialem, habet tamen ad formam naturalem: quæ differentia altioris est considerationis.

CAPUT. IV.

De Principiis Corporis naturalis externis.

EXterna principia per se vel per accidens: Th. I. Per se, efficiens vel finis: Th. II. Ad corporis naturalis constitutionem requiri causam efficientem, probatur; Exd. 1. Probatur & finem dari: 2. Efficiens primum & universale, Deus: Thes. IV. In recensendis corporis naturalis principiiis externis ad Deum necessarium recurrendum: Exd. 1. Probatur creationem solius rationis ductu & lumine investigari posse: 2. Deum esse omnium rerum naturalium conservatorem, probatur: 3. Rationes pro contraria sententia: 4. Solvuntur: 5. Efficiens à primo ortum: Th. V. Natura quo sensu & jure referatur inter causas corporis naturalis: Exd. 1, 2, 3. An causæ secundæ revera aliquid agant? Argumenta pro sententia negante: 4. Ostenditur absurditas hujus sententiæ: 5. Solvuntur rationes contrariæ: 6. An & quomodo cum causis secundis actu concurrat Causa prima: Sententia Durandi & ejus fundamenta: 7. Oppugnatur sententia Durandi: 8. Solvuntur rationes Durandi: 9. Finis corporis naturalis, universalis vel particularis: Th. VI. Absolutè universalis, Dei gloria: Th. VIII. Probatur Deum esse finem absolutè universalem omnium rerum creaturarum: Exd. 1. Modo quodam universalis Homo: Th. IX. Cur appelletur modo quodam universalis: Exd. 1. Illustratio assertionis: 2. Finis particularis: Th. X. Secundum Albertum M. duplex finis; in se, & in alio: Exd. 1. An natura agat propter finem: Rationes dubitandi: 2. Naturam agere propter finem, demonstratur: 3. Rationes contrariæ solvuntur: 4. Causæ per accidens, Fortuna & Casus: Th. XI. Fortuna definitur: Th. XII. Fortunam ad causas efficientes rectè referri: Exd. 1. Causa per accidens duobus modis dicitur: ibid. Fortuna in quibus habeat locum: 2. Tribus modis aliquid fieri dicitur neque semper neque ut plurimum: 3. Avicennæ sententia de iis quæ fortuna sunt subiecta: 4. Improbatur: 5. De fortuna sententia Christianorum & Gentilium: 6. Gentilium superstitiones circa cultum Fortune. Varia Fortune nomina: 7. Simulacra Fortune: 8. Fortuna Gentilium deestabilis: etiam Gentilibus nonnullis irrisa: 9. Casus quid: Th. XIII. Monstrum quid, & quot modis fiat: Exd. 1. Casus & Fortuna tantum respectu causarum secundarum: 2. Causa per accidens ad quas causas per se redigantur: 3. Quid sit contingentia: Th. XIV. Tria contingentium genera: Exd. 1. Contingentia intrinseca & extrinseca: 2. Effectuum quæ à causis liberis pendent, datur contingentia ex parte causarum intrinseca & extrinseca: 3. Effecta purè naturalia, in ordine ad causas purè naturales, non habent contingentiam intrinsecam: 4. Omnium naturalium effectuum quorum absentia contradictionem non inferri, datur contingentia extrinseca respectu Cause primæ: 5. Effecta purè naturalia quorum absentia contradictionem non inferri, si corporum cælestium motus excipias, in ordine ad causas secundas habent contingentiam extrinsecam: 6. An etiam contingens dici posset effectus qui est à causis purè naturalibus sufficientibus ad agendum, sufficienter applicatis & non impeditis: 7. Distinguenda rerum naturalium contingentia à fortuna & casu: 8. Argumenta contra rerum contingentiam: 9. Solvuntur: 10. Fatum quid, quadruplex, quo sensu admittendum: 11.

THESIS. I.

THESIS I.

HActenus principia corporis naturalis interna : Externa in specie appellari solent Causa quæ sunt per se, vel per accidens.

THESIS II.

Per se sunt Efficiens vel Finis.

EXPOSITIO.

I. Ad corporis naturalis constitutionem requiritur efficientem causam, patet hæc ratio; Nec materia seipsam præparat ad formæ receptionem, cum sit principium passivum : nec forma in materiam se ipsam introducit; sic enim existeret ante materiam. Item; Nec materia nec forma seipsam producit; Necessario igitur efficiens causa datur, quæ materiam producat, ad receptionem formæ præparet, & formam inducat.

II. Si efficiens datur, finis quoque datur : siquidem à fine ad agendum movetur efficiens ; nec enim frustra quicquam agit vel Deus vel natura, ut deinceps probabitur.

THESIS III.

Efficiens, à quo corpus naturale est, primum vel à primo ortum est.

THESIS IV.

Primum, Deus est, universi ex nihilo Creator & Conservator : quam primam Causam vulgò appellamus.

EXPOSITIO.

I. In recensendis corporis naturalis principis externis ad Deum necessario nobis recurrendum est. Cum enim de corpore naturali, quatenus est natura quædam universalis omnibus corporibus naturalibus communis, hic agatur, efficiens ejus causa alia dari non potest nisi Deus, qui primum ex nihilo corpora naturalia producendo, ut patet Gen. 1, naturam istam corporis genericam & communem omnibus speciebus & individuis indidit : cujus efficiens non potest appellari vel cælum vel stella, vel causarum naturalium complicatio & series. Nam & in singulis istis natura corporis generica deprehenditur, quæ causam aliquam superiorem & potentiorē requirit. Hinc Thomas 3. Contra Gentes, c. 65. ait, nullum particulare agens univocum posse esse simpliciter causam speciei ; ex. gr. hunc hominem non posse esse causam speciei humanæ; Ratio nem reddidit; Quia aliàs esset causa hominis, & per consequens sui ipsius; quod est impossibile. Assertionis à Thoma positæ veritas, ut notat Ferrarientis, hoc nititur fundamen-

to; Quod est causa alicujus formæ secundum rationem ipsius formæ, est causa omnium illâ ratione participantium : Unde negat Deum esse causam entis; quatenus est ens, sed tantum entis creati : aliàs enim sui ipsius esset causa : Negat quoque cælum esse causam corporis naturalis quatenus est corpus naturale ; quia, sui ipsius esset causa, cum & ipsum participet rationem corporis naturalis.

II. Queritur, An creatio, seu productio alicujus ex nihilo solius rationis ductu & lumine investigari & cognosci possit? Partem tuemur affirmantem hæc rationibus, 1. Si Deus non nisi ex subiecto aliquid potest producere, virtus utriusque ejus subiectæ materiæ erit adstricta; At falsum hoc. Nec enim vel Deus eam definit vel adstrinxit, nec aliquid Deo prius, quod non datur, nec posterius. Quid ergo? Nihil. Adstricta igitur materiæ non est. 2. Agnoscit ratio Deum esse, hinc primum, perfectum, à nullo pendens, nullius indigens : Per se igitur sufficit ad agendum, nec actio ejus ab alio pendet. 3. Deus est omnium extra se Causa prima; Id igitur quod primum à Deo, extra Deum, productum est, ex nihilo productum est. 4. Esse Dei est independents : Actio igitur est quoque independents. Modus enim agendi sequitur modum essendi. Sed hæc de questione pluribus agemus in contemplatione alterâ de Mundo.

III. In thesi porro diximus, rerum naturalium conservatorem, esse Deum. Cujus assertionis veritatem comprobans rationes & auctoritates. Rationes è multis hæc damus.

1. Si res naturales non potuerunt esse nisi volente Deo, ita quidem ut voluntas Dei causa fuerit essentiae & existentiae illarum, sequitur nec res illarum posse continuari, hoc est, conservari, nisi volente Deo, ita quidem ut voluntas Dei sit causa continuata & conservata essentiae & existentiae : At verum prius; Ergo & posterius. Contra ratio est; Qui ejusdem est virtutis facere ut ex nihilo fiat aliquid, & prohibere ne in nihilum redeat aliquid. Nec verò negari potest, causas, cui per tot annorum, à condito mundo, millia, corpora quædam numero, alia specie eadem permanerint, fuisse Dei voluntatem : Nam si petra per ea solvisset Deus, tam promptè in nihilum rediissent quàm è nihilo volente Deo primum existerunt. Itaque aliter non possumus statuere quàm Divinam voluntatem esse causam conservationis rerum naturalium; hoc est, res naturales vel numeri vel specie eadem perpetuò esse, quia Deus eas vult durare & conservari. Hinc conservationem rerum naturalium à Deo immediate perfectam aliud nihil esse docet statuum quàm continuatam quandam creationem. Videntur Silesius tom. 1. Metaph. disp. 21. §. 2. n. 1. & sequ.

2. Res naturales aut à seipsis conservantur, aut ab alio: At non à seipsis: Ab alio igitur. Assumptio probatur: Si à seipsis conservarentur, utiq; annihilationem sui possent prohibere: At non possunt prohibere: essent enim independentes, & vel invito Deo conservarentur: quod absurdum: Omnis enim creatura à prima causa dependet, ejus voluntatem nullo modo impedire potest: Certum igitur est res naturales ab alio conservari: Hoc verò aliud est primum, aut à primo: Si primum, habemus quod volumus: Si à primo, ipsum quoq; conservabitur à se; vel ab alio: Illud jam refutavimus: Hoc ad primum necessario tandem reducendum erit, nisi progressus in infinitum admittatur: Unde colligimus res omnes naturales à Deo conservari vel immediate tantum, quæ causam conservantem præter Deum nullam habent; vel mediata, per causas alias naturales, quæ consilio & voluntate Dei ad harum vel illarum rerum conservationem sunt destinatae.

3. Arguit Thomas: Ut se habet artis opus ad naturæ opus, ita se habet naturæ opus ad opus Dei creantis: Atqui artis opus conservatur in esse virtute naturalium; ut domus per lapidum soliditatem, per lignorum firmitatem, per coagmentationem calcis: Ergo & naturæ opus conservatur in esse per opus Dei creantis; non enim magis à se conservari potest quam artis opus.

4. Magis dependet creatura à Deo quam lumen à corpore lucido; cum in effecta longè efficacius influat Causa prima quam secunda: Atqui lumen non potest esse nisi à præsentē corpore lucido conservetur: Ergo multò minùs res naturales esse possunt nisi à Deo conserventur. Nec inepta est Bonaventuræ comparatio inter esse rerum in ordine ad primam Causam, & figuram quæ à sigillo in aquam imprimitur: ut enim sublato sigillo protinus evanescit figura in aquam impressa, ita & esse rerum, cessante & influxum suum inhibente primâ Causâ. Hæ rationes sufficiant.

Autoritates sunt sacræ, Ecclesiasticæ, vel profanæ. Sacræ sunt Act. 17. v. 27, 28: Profecto non longe abest ab iniquoq; nostrum: per ipsum enim vivimus, & movemur, & sumus. Rom. 11. v. 36. Ex eo, & per eum, & in ipsum sunt omnia. Heb. 1. v. 3. Sustinet omnia verbo illo suo potente. Neh. 9. v. 6. Tu conservas omnia. Sapient. 11. v. 26. Equi mansurū fuisset aliquid nisi in voluisset aut conservatū fuisset quod non accessisset? Ecclesiastica autoritas est Patrum, quos inter facile princeps Augustinus: cuius præclara est sententia, lib. 4. super Genes. cap. 12. Creatoris omnipotentia & omnipotentis atque omninentis virtus est causa subsistendi omni creaturæ, quæ virtus ab eis quæ creata sunt regendis si aliquando cessaret, simul

& illorum cessaret species, omnisque natura concideret. Neque enim sicut cum structuram adium fabricaverit quis, abscedit, atque illo cessante atque abscedente stat opus ejus; ita mundus vel istu oculi stare poterit, si ei Deus regimen suum subtraxerit. Idem tract. 2. in Joan. cap. 1. Deus mundo infusus fabricat ubique posuit, fabricat & non recedit ab aliquo, non extrinsecus quasi versat molem quam fabricat præsentia majestatis facit quod facit, præsentia suâ gubernat quod fecit. Anselmus in Monolog. cap. 12. Necesse est, ut sicut nihil factum est nisi per creatricem præsentem essentiam, ita nihil vigeat nisi per ejusdem servatricem potentiam. Videatur & Damascenus lib. 1. cap. 3. & Gregorius 16. Moral. cap. 18.

Profana autoritas est Philosophorum. Est hæc memorabilis sententia autoris libri De mundo ad Alexandrum; Vetus, inquit, sermo est, à majoribusque proditus inter omnes homines, universa tum ex Deo tum per Deum constituta fuisse atque coagmentata; nullamque naturam satis instructam ad salutem esse posse; quæ circa Dei præsidium suæ ipsa demum tutela permessa sit. Trismegistus in Asclepio, Mentem, inquit, id est, Deum, se ipsa stare conservatricem rerum omnium, in eaque universa vivere & subsistere. Similia habent Plato & Seneca.

IV. Quæ verissimæ huic sententiæ obijciuntur, parvi sunt momenti: paucis igitur unum saltem & alterum videamus. Refert Augustinus lib. 5. De Genes. ad liter. cap. 20. existimasse nonnullos, Deum tantummodò fabricasse mundum, nihilque jam circa ipsum moliri, sed effici à mundo omnia absq; efficacie Dei concursu, secundum primam ordinationem. Pro qua sententia hunc in modum argui potest:

1. Si creati artificis opera permanere possunt, ita ut post absolutionem non requirant artificis præsentiam & actionem conservatricem, multò magis Deus ejusmodi opera producere poterit quæ sine ipsius conservatione & sustentatione durant: At verum prius: Ergo & posterius. Connexi ratio est; Quia artificis creati potentia est finita, Dei verò Creatoris infinita.

2. Si creaturæ omnes indigerent conservationis beneficio, ideo hoc fieret quod ex se ad non esse tenderent: At consequens falsum: Ergo & antecedens. Assumptio probatur: Quia tendere ad non esse est contra rei naturam: insitum enim cuique rei perpetuitatis desiderium.

3. Incorruptibilia, ut Angeli & corpora celestia, non possunt non esse: Ergo conservatione opus non habent.

V. Resp. ad 1^m. Connexum negamus: Ratio inefficax est: Opus enim producere quod causam conservantem

servantem simpliciter nullam requirit, non est potentia sed impotentia, quia contradictionem implicat, Creaturam esse & independentem esse: atqui independens esset, si esse ejus & duratio à Creatoris voluntate non dependeret. Videatur ratio nostra 1. & 2.

Ad 2m. Ad non esse tendere, duobus modis intelligi potest; vel habere insitum desiderium ac proclivitatem ad non esse, vel ad π θ non sufficere si bi, sed Dei sustentantis opem requirere: Priori sensu connexum negamus, posteriori assumptionem.

Ad 3m. Antecedens simpliciter verum non est. Etiam si enim quæ vulgò appellantur incorruptibilia, non possunt non esse respectu causarum secundarum, à quibus destrui nequeunt, possunt tamen non esse respectu Cause primæ, à qua omnia in nihilum redigi possunt, uti sunt ex nihilo facta.

THESIS V.

A primo ortum, Natura est, hoc est, Causarum naturalium ordinata & determinata series, per quam in specierum creaturarum conservatione DEUS jam est efficax.

ENDEOS.

I. Naturam cum causam efficientem corporis naturalis constituimus, non ad primam corporis naturalis constitutionem, seu creationem, respicimus, (Nam & ipsa natura à primæ constitutionis principio tanquam effectus pendet) sed corporis naturalis jam constituti conservationem in suis individuis, cujus efficientem cur naturam vocemus ex sequentibus patebit.

II. Natura, ut e descriptione patet, aliter hic accipitur quam capite præcedente: In illo enim naturæ nomen fortiebantur principia corporis naturalis interna, morum & quietem respicientia; hic omnium corporum & causarum naturalium à Deo ordinata series, per quam, novorum individuorum procreatione & conservatione, ordinem primitus à se institutum Deus conservat; quæ aliàs appellari solet *natura universalis*. Eodem sensu à Scaligero definitur, Exerc. 188. §. 1. *Ordo connectionis causarum cum effectibus in mundo, qui est perfectus, à perfecto, optimo, sapientissimo factus: quam eleganter ordinariam DEI potestatem appellat, idq; ab Hippocrate quoque affirmatum ostendit.*

III. Hæc igitur natura universalis efficiens corporis naturalis à nobis statuitur, quia, totius universitatis ordine per creationem jam constituto, Deus nullum corpus naturale producit, nisi me-

diantibus causis naturalibus & certâ quâdam serie ad singulorum individuorum procreationem concurrentibus. Sic e. g. conservat Deus humanam speciem per quotidianam individuorum novorum productionem, ad quam concurrunt Cælum, Sidera, Elementa, Plantæ, Animantia, Bruta, Homo, suo quodlibet ordine & modo; Infundunt enim Sidera per cælum vim quandam vivificam homini; Elementa materiam suppeditant remotam; alimentum Plantæ & Animantia, sine quibus si esset, nihil vel procreari vel conservari posset: accedit denique Homo, in quo particularis quædam natura est e plurimarum causarum invicem subordinatarum serie coagmentata, ut suo in Physicis loco docetur. Hæc natura est universalis, in aliarum rerum naturalium productione non minus conspicua. Ad hanc etiam referenda pleraque axiomata, quæ vulgò de naturâ pronuntiantur; ut, *Natura nihil facit frustra. Natura agit secundum lineas breviores. Natura agit quod optimum est, & similia.*

IV. Ad majorem *Theses* nostræ confirmationem ac illustrationem duas quæstiones paucis expediemus: 1. *An causa secunda, quarum series & ordinatio appellatur natura, revera aliquid agunt?* 2. *An & quomodo cum causis secundis ad quamlibet illarum operationem necessariò & actu concurrat Causa prima?*

Prioris quæstionis partem negantem, ut memorant Albertus Magnus, Thomas, & alii, absurdè nonnulli olim defenderunt: in quorum hæresin videntur inclinare *Aliacen* & *Gabriel Biel*: cui affinis est *Avicbronis*, Maurorum & quorundam aliorum Arabum opinio, quâ actiones, quæ vulgò tribuuntur rebus naturalibus, omnes transferuntur substantiæ cuidam materiæ expertis, per corpora omnia diffusa, quæ *Platonice* *Ideæ* non videtur dissimilis. Hi nullam agendi sed patiendi tantum vim corporibus naturalibus relinquunt, & quantum in ipsis, causas naturales penitus evertunt, adeoque naturam ex natura proseribunt. Nititur absurdum hoc dogma rationibus & autoritatibus. Rationes sunt: 1. Deo competit perfectissimus agendi modus: Ergo omnia solus agit, nec utitur causarum aliarum adminiculo seu ministerio. Ratio consequentiæ; Quia adhibitio instrumentorum arguit causæ imbecillitatem & imperfectionem: nec videtur esse causa independens, quæ aliarum utitur adminiculo.

2. Corporea moles, quam circumferunt res naturales, ignava & inepta est ad operationes: Ergo à corporibus naturalibus nulla proficiscitur actio, sed tantum passio. Antecedens probatur; Quia *quantitatis nulla est actio, ut omnes fatentur.*

Autoritates sunt sacrae Scripturae: 1. Cor. 12. v. 7. Operatur DEUS omnia in omnibus. & 2. Cor. 3. v. 4. Non idonei sumus ex nobis ipsis ad cogitandum quicquam, velut ex nobis ipsis.

V. Sed & absurdissimum est hoc dogma, & pugnat.

1. Cum sensibus nostris. Videmus enim à sole illuminari omnia, à magnete trahi ferrum, animantia de loco in locum se transferre, ex aliis alia gigni: audimus à variis varias edi voces; sentimus ab igne nos uri, à glacie frigeri: & quis plantarum operationes, quas in nobis vel aliis experimur, enumeret? In quibus omnibus si falli sensus nostros dixeris; nescio sanè, praeteritne sensibus praeditum an à se ipsis esse.

2. Cum communibus omnium pronunciatis. Quis enim est qui non affirmet à sole mundum hunc illuminari, à magnete ferrum trahi, animantia de loco in locum se movere, alia ex aliis gigni, à variis varias edi voces, ab igne nos uri, à glacie frigeri, à variis plantarum virtutibus variè nos alterari? Quae si omnia sunt falsa, soliusque Dei omnes haec sunt operationes, adedò ut activè ad eas res naturales non concurrant, perinde fuerit sive à terra sive à sole mundum illuminari, sive à magnete ferrum, sive à ferro magnetem trahi, sive animantia de loco in locum se movere, sive non movere, sive à glacie nos uri, sive ab igne frigeri dicamus. Tam enim promptum est Deo, praesente igne frigus, quam glacie calorem gignere.

3. Cum admirabili rerum animatarum structura & potentiarum varietate. Sunt enim omnia animantia variis instructa potentiis & organis, quae certè frustranea essent si nullae eorum operationes essent aut esse possent: Nam ad operationes destinatae sunt potentiae & organa.

4. Cum innato omnibus hominibus sciendi desiderio: quod planè frustraneum & irritum erit. Nam si nullae rerum naturalium sunt operationes, & verò res naturales nobis non innotescunt nisi à posteriori seu effectis, sequitur omnes earum facultates & naturas nobis manere absconditas, adeoque nullam de iis haberi posse scientiam. Accedit quòd scientia rerum naturalium esse nulla possit absque cognitione causarum naturalium: Atqui absurdum hoc dogma tollit omnes causas naturales: Cur igitur inditum est homini desiderium sciendi & cognoscendi res naturales?

5. Cum Dei bonitate, sapientia & sanctitate. Est enim Divinae bonitatis, similitudinem sui exprimere in rebus creatis, non tantum quoad esse, sed & quoad operari, & maxime quoad operari, è quo eminentissimè Divina elucet bonitas. Est Divinae

sapientiae, iis instruere virtutibus res naturales, ut cum se ipsas ab interitu vindicare, tum mutuas sibi invicem operas possint praestare, & quà agendo, quà patiendò mirabilem universi harmoniam conservare. Est denique Divinae sanctitatis, ab omnibus abhorreere flagitiis & iniquitatibus. Quòd si verò creaturae nihil prorsus agunt, & verò plurima in mundo flagitia & scelera perpetrantur, nonne illa omnia ad autorem DEUM referenda erunt?

6. Cum universa sacra Scriptura, quae ubique actiones rebus naturalibus tribuit, & ab iis actiones Divinas distinguit.

VI. Ad contrarias rationes facilis est responsio.

Ad 1^m. Consequentiam negamus: Ratio consequentiae universaliter vera non est: Adhibitio enim instrumentorum & causarum subordinatarum non semper arguit agentis principalis imbecillitatem vel impotentiam, sed quandoque in agendo libertatem; cum nempe ad effectū alicujus productionem liberè adhibet causas alias, sine quibus, si vellet, effectum quoque posset producere: Quo modo de Deo nobis omnino sentiendum, qui nullā impulsus necessitate ad rerum naturalium productionem adhibet causarum secundarum ministeria, sed solā voluntaris suae libertate; non ut sibi sed ut creaturis indè aliquid accedat perfectionis.

Ad 2^m. Consequentiam negamus: Etiam si enim corpora naturalia non agunt respectu quantitatis seu molis corporeae, respectu tamen alterius principii intrinseci, nempe formae, agunt.

Autoritates allegatae absurdum hoc dogma minime stabiliunt: In priori testimonio loquitur Paulus non de omnibus, sed de gratiae tantum operibus, quae Spiritum sanctum in nobis autorem habent. Nec omnem agendi vim simpliciter hominibus adimit, sed Dei saltem auxilium non excludi docet: quae etiam alterius testimonii sententia est. Haecenus prior questio.

VII. De altera questione, An, & quomodo cum causis secundis ad quamlibet illarum operationem actu concurrat causa prima, hoc est, DEUS, Durandi sententia fuit, Causas secundas per se effecta sua producere, nec cum illarum operationum causam primam aliter concurrere, quam causas ipsas & agendi vim primò inditam conservando: Ex. gr. Cum ignis calorem producat, ad actionem hanc non aliter DEUM concurrere cum igni, causa particulari, quam virtutem ignis activam in suo esse conservando. Pro cuius sententiae confirmatione sequentia argumenta adduci possunt.

(1) Si DEUS cum productione caloris, quae per ignem fit, actu concurrat, aut eadem actione, qua ignis,

ignis, concurrir, aut diversâ. At non eadem; quia impossibile est eandem numero actionem esse à duobus immediatis & perfectis agentibus numero distinctis; Ergò diversâ. Atqui nec hoc admitti potest: Aut enim per illam actionem Causæ primæ produceretur totus effectus causæ particularis; aut pars tantum illius effectus; si prius dicatur; causæ particularis actio frustranea erit; nihil enim per eam produceretur: Si posterius, universalis causa partialis erit, & non concurret cum causa particulari ad producendum idem numero, secundum idem.

(2.) Causæ universalis concursus non est necessarius: vel ad producendum effectum naturalem, ex gr. calorem, vel ad determinandum causam particularem ad hunc vel illum effectum, vel denique ad applicandum causam particularem ad effectum: Ergò prorsus non est necessarius. Ratio consequentia; Quia alie causæ non sunt quibus necessitas istius concursus stabiliri possit. Antecedens probatur, 1. de productione effectus; Quia ignis per se est sufficiens ad producendum calorem; ut alterius causæ adjumento non egeat. 2. De causæ particularis determinatione; Quia naturaliter agentia ex se naturaliter & necessario determinata sunt ad effectum: Unde discrimen agentium merè naturalium, & agentium per arbitrii libertatem. 3. De applicatione; Quia applicatio causarum naturalium ad effectum naturaliter fit per concursum motuum & agentium naturalium; in voluntariis fit per arbitrii libertatem. Hæc altera ratio.

(3.) Si voluntas non vult nisi ad volitionem ejus Dei concurrente, & movente, sequitur eam non velle liberè. At falsum consequens: Ergò & antecedens. Connexum probatur; Quia voluntas non potest se movere ad aliquid volendum nisi à Deo moveatur: Cum verò à Deo moveatur, non potest non moveri; quia contradictionem implicat, movens moveri ipsum mobile; & tamen mobile non moveri. Si dixeris voluntates nostras à Deo moveri liberè, ad voluntatum nostrarum libertatem hoc non sufficeret: nam & naturaliter agentia Deus movet liberè, quæ tamen liberè agentia non sunt. Si dixeris ita moveri voluntates ut earum nature conveniens est, nec hoc sufficeret; quia pugnant hæc duo, moveri aliquid liberè, ita ut in potestate ejus sit moveri ac non moveri, & tamen semper moveri ab alio; quo movente non possit non moveri.

(4.) Causa prima agit mediantibus secundis: Ergò secundarum actiones & effecta non attingit immediate. Antecedens omnium consensu datur. Ratio consequentia est; Quia pugnant, agere medi-

ante causâ aliquâ, & tamen immediate actionem & effectum attingere.

(5.) Potuit Deus eam agendi vim rebus à se creatis tribuere ut sine ipsius concursu agerent; nec supra naturæ facultatem est, ut se solâ res qualibet effectum suum producat, arbor semen suum, leo leonem, &c. Ergò non est verisimile, Deum immediate concurrere cum omnibus rerum creaturarum effectis. Antecedens probatur; Quia contradictionem non implicat.

(6.) Si causæ secundæ nihil agerent nisi actu concurrente primâ, sequeretur omnes causas secundas esse instrumenta Causæ primæ: At consequens falsum: Ergò & antecedens. Assumptio probatur, 1. Quia instrumenta non sunt effectis suis similia secundum speciem; ut ascia statui; calamus characteribus: At similitudo hæc reperitur in causis & effectis naturalibus: Est enim homo homini, leo leoni, planta plantæ similis. 2. Instrumenta separata ut actiones suas edant, requirunt influxum quandam prævium principalis causæ distinctum ab actione ipsorum; velut arcus, antequam evibret sagittam, requirit prius impulsus seu tractum jaculatoris: At influxum hujusmodi non requirunt causæ naturales secundæ, ut apud plerisque in confesso est.

VIII. Hanc nos sententiam cum melioribus Philosophis & Theologis, imò & ipsâ sacrâ Scripturâ, repudiamus. Et primum hic observandum ex *Thoma*, part. 1. q. 105. art. 1. Deum quinque modis ad quamlibet causarum secundarum actionem concurrere: 1. vires & facultates agendi causis secundis impertiendo; 2. ipsas facultates sustentando, & in vigore conservando; 3. causas secundas ad agendum applicando; 4. easdem in agendo dirigendo; & ad ignotos fines producendo; 5. determinando eas; & ad agendum movendo, velut principale movens instrumenta regit in operando. Modos hosce pluribus explicat *Suarezius* tom. 1. Metaphys. disp. 22. §. 2. num. 47. & seqq. Idem eos qui immediatum Dei influxum in omnem creaturæ actionem negant, in fide errare ait, ejusdem disp. §. 1. num. 6. ubi patrones quoque sententiæ hujus recenset *Prophetas*, *Apostolos*, *Patres*, *Scholasticos*. Vide & *Fonsæcam*, 5. Metaphys. cap. 2. qu. 9. §. 2.

Argumenta sententiam hanc confirmantia producimur sequentia.

1. Si omnes causæ secundæ pendent à Deo in esse, ab eodem quoque pendebunt in operari, ita ut non minus immediate Deus concurrat ad earum operationes quam ad earum conservationem: Atqui verum prius, ut supra demonstravimus: Ergò

gō & posterius. Connexi ratio est; Si Deus non influit immediatē in omnem actionem causæ secundæ; actio igitur causæ secundæ ut sit per se, non postulabit influxum DEI: At falsum consequens; quia omni enti necessarius est influxus Causæ primæ. Rationem hanc pluribus confirmantem vide Suarezium, tom. 1. Metaphys. disp. 22. §. 1. num. 8. & seqq.

2. In moventibus per se subordinatis inferius non movet nisi motum à superiori: Atqui Causa prima & causæ secundæ sunt moventia per se subordinata: Ergo causæ secundæ non movent nisi à Causa prima motæ. Imò causa prior plūs & efficacius movet quàm posterior, ut asserit Aristoteles 8. Phys. cap. 5. text. 41. & autor libri De Causis, Propos. 1. quā ait, primam causam plūs, vehementius, intimius, inseparabilius concurrere ad effectus causarum secundarum quàm ipsas causas secundas, & juvare secundas in operationibus ipsarum, & magis esse causam effectus quàm causas secundas.

3. Scripturæ phrasis idem clarissimè exprimit. Omnia enim naturæ opera in Scripturis Deo tribuuntur: Astrorum motus, Job. 38. v. 31, 32. germinatio herbarum, Psalm. 104. v. 14. Matth. 6. v. 30. formatio hominis in utero materno, Job 10. v. 8, 10. productio plurimarum, Job. 5. v. 10. & 37. v. 5, & 38. v. 25. Jerem. 10. v. 13. tonitruorum & fulgurum, Jerem. 10. v. 13. Similiter Deo quoque in Scripturis tribuuntur hominum actiones circa præmiorum & pœnarum distributionem: Item publicæ calamitates, quæ causas habent naturales, ut sunt sterilitates, pestes, inundationes, &c. Imò & corda dicitur inclinare quod vult, Proverb. 21 v. 1. operari in nobis velle & perficere, Philip. 2. In ipso vivimus, movemur & sumus, Act. 17. Thomas in cap. 5. Joan. illa Christi verba explicans, Pater meus usque modò operatur, & ego operor, docet excludi per illa opinionem dicentium quorundam, Deum mediantibus causis secundis res producere, contra illud Jesaïæ 26. Omnia opera nostra operatus es in nobis, Domine.

4. Accedit elegans Augustini testimonium lib. 5. De Genesi ad lit. cap. 20. Movet Deus occultā potentia universam creaturam suam, eoque motu illa versata, dum Angeli jussa perficiunt, dum circumeunt sidera, dum alternant venti, dum abyssus aquarum lapsibus agitur, dum vireta pullulanti suæque semina evolvunt, dum animantia gignuntur, dum iniqui justos exercere permittuntur, explicat secula, quæ illi, cum primum condita sunt, tanquam implicita indicat: quæ tamen in suos cursus non explicarentur, si ea ille, qui condidit, provido motu administrare cessaret. Elegans quoque illa Dei cum sole comparatio, quam ex Platone colligit, & hoc modo explicat Marfilus

Ficinus Commentario in Convivium Platonis, orat. 2. cap. 2. Sol, inquit, profectō corpora visibilia, & oculos videntes procreat: oculis, ut videant, lucidum infundit spiritum; corpora, ut videantur, coloribus pingit: Neque tamen proprius oculis radius, propriæ corporibus colores ad visionem perficiendam sufficiunt, nisi lumen ipsum unum supra multa, à quo multa & propria lumina oculis & corporibus distributa sunt, adveniat, illustret, excitet, atque roboret. Eodem modo primus ille actus omnium, qui Deus dicitur, speciem actumque rebus singulis producendo largitus est: Qui sanè actus, cum in re creata & in subiecto patientie susceptus fuerit, debilis est & ad operis executionem impotens: Sed Divini solis perpetua & invisibilis lux una semper omnibus adstat, fovet, vivificat, excitat, complet & roborat. De quo divinè Orpheus, Cuncta fovens atque ipse ferens super omnia sese. Vide plures rationes apud Fomsecam, lib. suprà allegato. Hanc in sententiam preclarè quoque differentem vide Thomam Campanellam, De sens. rer. lib. c. 26. ubi observatu digna occurrit sententia: Procul dubio sapientia prima, mens altissima rerum omnium eminenter est intra res immes, omnesque res intra ipsam, nec ipsa commissa, retentaque est; sed absque motu movetur velocissimè à fine usque ad finem, omniāque operatur sicut princeps agens, omniāque agentia ipsius sunt instrumenta: Errores verò instrumentorum sunt, non illius; at resultant in laudem illius. Atque hæc etiam Platoniorum fuit sententia: ut patet ex cap. 3. d. 31.

IX. Ad contrarias rationes hunc in modum respondemus.

Ad (1^m). Assumptionem negamus: Eadem est actio quā producitur calor ab igne, & à Deo tanquam causā primā. Probatio universaliter vera non est. Una actio, inquit Thomas, part. 1. q. 105. art. 5. non procedit à duobus agentibus, nempe totalibus, unius ordinis: sed nihil prohibet quin una & eadem actio procedat à primo & secundo agente. Addit Suarezius, id omnino necessarium esse, quia ab utroque essentialiter & immediatè in suo genere pendet: Quod pluribus probat. tom. 1. Metaphys. disp. 22. §. 3 num. 2, 3. & seqq. Observandum ergo 1. non sequi, causam particularem esse frustraneum, si totus effectus producatur à Causa primā: nam & totus effectus producitur à causa secundā; ab illa ut principali, ab hac ut instrumentali agente. 2. Deum & ignem, respectu caloris quem produunt, causas totales & partiales appellari posse: totales, quia utraq; totum producit effectum: partiales, quia neutra sine altera producit ordinariè.

Ad (2^m). Antecedens negamus: Probatio principium petit. Respondemus autem ad 1^m. Ignis per se sufficiens est producendum calorem, in genere cau-

se secundæ; nullam enim aliam secundam causam requirit: attamen absolute sufficiens non est, quia requirit influxum Causæ primæ, ut ostendimus. Ad 2^m. Naturaliter agentia ad effectum necessario quidem sunt determinata, attamen non à se sed à Causa primâ, à qua ut sunt & conversantur, ita quoque jugiter determinantur. Ad 3^m. Idem de applicatione iudicamus: Fit quidem applicatio per concursum motuum & agentium naturalium, attamen naturalia non moventur nisi mota à Causa primâ.

Ad 3^m. Connexum negamus. Probatio obscura & inefficax est. Moveretur quidem voluntas à Deo, sed & à seipsa moveretur. A Deo autem moveretur ut naturæ ejus convenit, & ut moveri est apta, nec eâ necessitate quæ tollat libertatem. Inclinat cor regis quod vult; nec tamen ad volendum cogit, aut invitum trahit regem. At enim, inquis, cum à Deo moveretur, non potest non moveri. Ergo actum est de ejus libertate. Resp. 1^o. Antecedens simpliciter verum non est: Ita enim quandoque voluntas à Deo moveretur, ut etiam possit non moveri, etiam si nolit non moveri: motus igitur Divinus non adimit simpliciter voluntati potentiam se non movendi, aut aliter movendi, sed actum saltem voluntatis infallibiliter elicit, eo tamen modo qui libertati conveniat. Vide hanc in sententiam egregie differentem *Pererium*, De rerum nat. princip. lib. 8. cap. 9. 2^o. Consequentia etiam firma non est: Mover enim Deus Angelorum bonorum voluntates ad amorem sui, ita ut non possint non Deum amare, & tamen liberrime ac promissimè Deum amant.

Ad 4^m. Consequentiam negamus. Probatio inefficax est: Duobus enim modis aliquis dicitur mediante causâ aliquâ agere: Vel qui effectum immediate non attingit, sed tantum agens instrumentale dirigit & ad agendum applicat: ut cum Imperator hostem fundit per exercitum quem dirigit, & ita adversus hostem disponit ut victoriam obtineat; unde strages edita Imperatori tribuitur; etiam si manus nulli hostium intulit: Vel qui effectum quidem immediate attingit, sed non solus, verum cum aliâ subordinatâ causâ, quam in effectum producendo non tantum conservat & ad agendum applicat, sed & immediate movet; ita ut principalis & instrumentalis causæ actio sit una quâ effectus producit, cuius in suo ordine utraque totalis est causa, una tamen principalis, altera instrumentalis. Ad rem ergo ut redeamus, non priori, sed posteriori modo, mediantibus secundis causis Deus agit, qui non excludit concursum causæ principalis immediatum. Sic & *Fonseca* respondet, Deum non ideo dici plurima agere mediantibus causis secundis, quia

non sit immediate præsens suis effectis, neque quia illa efficiat mediante tantum causarum secundarum actione, quasi ipse per se non agat cum causis secundis; sed quia secum illas assumit ad efficienda quæ ipse solus posset efficere.

Ad 5^m. Antecedens negamus. Contradicitur enim, esse creaturam, & non pendere à Deo Creatore in esse suo & operari: Omnis enim Creatura ex natura sua, quoad essentiam & operationem, habet ordinem essentialis dependentiæ à Causa primâ. Est igitur omnino supra naturæ creatæ facultatem se sola effectum suum producere, etiam si in causari certo ordine dantur causæ naturales solitariae, quæ alias ejusdem ordinis excludunt. Generabilia autem & corruptibilia non tantum primæ Causæ, sed & secundarum aliarum concursum requirunt: Unde illud *Aristotelis*, Sol & homo generant hominem.

Ad 6^m. Assumptionem negamus. Probatio inefficax est. Resp. ad 1^m. Instrumenta effectis suis similia non esse, universaliter verum non est, sed tantum de instrumentis causarum secundarum, & forsitan non de omnibus. Ad 2^m. Nec hæc assertio est universaliter vera, sed instrumentis tantum passivis, quæ tantum moventur ab agente principali: qualia instrumenta non sunt creaturæ omnes respectu Dei. At enim, Quid de peccatis fiet? inquires, horumne causa quoque principalis Deus erit, instrumentalis vero homo? Resp. Absit ut peccata, quatenus devota sunt, ad Deum autorem referamus. Sunt igitur peccata quæ talia, & formaliter considerata, non effectus sed defectus, non entia, sed entium deformitas, quæ est à solis causis secundis: Quæ tamen sanctæ quoque uti potest Causa prima, quæ per instrumenta etiam vitiosa producit opera vitii expertia, quatenus ad primam Causam referuntur. Probè hic distinguenda, actio, vitium actioni inhærens, & conjunctum Dei iudicium: Primum & ultimum Deum habent autorem; medium solius est hominis peccatoris: Et tamen singula hæc sæpenumero concurrunt in uno opere.

THESES VI.

Finis cujus gratia corpus naturale est, universalis vel particularis est.

THESES VII.

Universalis est absolute vel modo quodam universalis.

THESES VIII.

Absolute universalis est Dei gloria, cujus gratia res omnes naturales sunt & conservantur.

Endeors

*Εκθεσις.

Deus enim omnia fecit propter seipsum, hoc est, ad nominis sui gloriam, in qua omnes particulares rerum naturalium fines concurrunt, ex qua omnes proficiuntur: Quod etiam Gentiles viderunt. Trismegistus in Poemandro: Plato in Timæo, & 4. De leg. Θεός (ὡς περ καὶ ὁ παλαιός λόγος) ἀρχὴ τε καὶ τελευτὴ καὶ μέτρον τῶν ὄντων ἀπάντων. ἔχον ἐν δυνάμει πρὸς ἑαυτὸν καὶ τὰ ὅτι οὐκ ἔστιν ἀπορροῦμενον. Autor libri De mundo, ad Alexandrum: Aristoteles 12. Metaphys. cap. 10. Eodem sensu à veteribus centrum rerum omnium est appellatus, è quo res omnes exeunt, instar linearum, & in quod omnes tendunt. Pulcherrimè hoc explicat Marcellus Ficinus, in Comment. & argument. in Platon. Convivium de amore, orat. 2. cap. 3. cujus, quantumvis proluxa, verba digna sunt quæ hîc à nobis recitentur: Centrum, inquit, unum omnium DEUS est: Circuli quatuor circa id. assidue revolvuntur: Mens, Anima, Natura, Materia. Mens stabilis, circulus; Anima per se mobilis; Natura mobilia in alio, non ab alio; Materia ab alio & in alio mobilis. Caterum, cur DEUS quidem centrum, quatuor illa cur circulos appellemus, exponam. Centrum circuli punctum est, unum, indivisibile, stabile. Inde linea multa dividua, mobiles ad earum similem circumferentiam deducuntur. Qua sanè circumferentia divisibilis circa centrum, quasi cardinem, voluitur: Atque ea est centri natura, ut, licet unum, individuum, immobile sit, in multis tamen, imò in omnibus lineis dividuis & mobilibus ubique reperitur. Ubique enim est in linea punctum. Quoniam verò à dissimili suo attingi nihil potest, linea à circumferentia ad centrum usque deducta medium huiusmodi punctum singula sui quodam puncto uno simplici & immobili coguntur attingere. Quis negat DEUM centrum omnium meritiò nominari? cum omnibus instat unus penitus, simplex atque immobilis: cuncta verò ab ipso producta, multa, composita & mobilia sint, atque, ut ab eo manant, ità in eum instar linearum & circumferentia refluant? Ità mens, anima, natura, materia procedentes à Deo in eundem redire nituntur, & sequè undique pro viribus in illum circumferunt. Atque ut centrum punctum ubique in lineis, & in toto circulo reperitur, & quæque punctum suum singula linea à medio circuli tangunt punctum: ita DEUS omnium centrum, qui unitas simplicissima est, actusque purissimus, sese inserit universis, non ob id solum quia cunctis est præsens, verum etiam quia omnibus à se creatis partem aliquam vel potentiam intimam, simplicissimam, præstantissimam indidit: quæ rerum unitas nominatur: à qua, & ad quam tanquam à centro & ad centrum suam rei cuiusque partes & po-

tentia reliquæ pendunt. Ad hoc planè suum centrum, ad hanc propriam unitatem se colligant, creata prius oportet, quam suo hæreant Creatori, ut per proprium centrum, quod jam sæpè repetimus, centro omnium hæcant.

THESIS IX.

Modo quodam universalis homo est, cuius usibus tota inservit natura; Cælum, Elementa, Mercora, Metalla, Plantæ, Animantia.

*Εκθεσις.

I. Modo quodam universalis appellatur, quia omnium, præter se, finis est: solus enim DEUS sui est gratia, omnia alia propter DEUM.

II. Theses nostræ veritatem egregiè illustrat Cicero lib. 2. De nat. Deor. Quorum causâ, inquit, quis dixerit effectum esse mundum? Eorum scilicet animantium, quæ ratione vivunt. Hi sunt Dii & homines, quibus perfectio nihil est melius. Quod pluribus, deinceps probat. Quâ de re & nos pluribus agemus, Sectione 2.

THESIS X.

Particularis finis est perfectio corporis naturalis, ad quam è naturæ præscripto tendit.

*Εκθεσις.

I. Albertus M. lib. 2. De Cælo, tract. 1. cap. 7. Duplex, inquit, est finis; in se, & in alio. Finis in se est unicuiusque rei ratio naturalis: Finis in alio est actio entis, prout sit passio in passivo suo proprio, quod recipit actionem ejus. Nos per corporis naturalis perfectionem utrumque finem intelligimus: in se, quatenus perfectio ista rationem corporis essentialem constituit; in alio, quatenus operationes naturæ suæ convenientes edit.

II. Quæstioni olim à nonnullis, An natura ageret propter finem? Dubitandi rationes hæc fuerunt.

(1.) Pleraque res naturales fines actionum suarum non intelligunt, neque de iis deliberant: Ergò non agunt propter finem. Antecedens patet ex corporibus inanimatis, item animatis vegetabilibus tantum, vel sensibilibus tantum.

(2.) Natura sæpissimè aberrat à fine: Ergò non agit propter finem. Antecedens patet ex monstrorum productione, quæ à natura non intendit, & tamen producit.

(3.) Si natura ageret propter finem, non corrumpeteres naturales: finis enim bonum quoddam est: at corruptio non est bonum, quid?

(3) Multa

(4) Multa sunt in natura inutilia & noxia: Ergo non omnia sunt & agunt propter finem. Antecedens probatur, ex multis herbis noxiis & animalibus venenatis.

III. Contrarium affirmat *Aristoteles* lib. 2. *Phys.* cap. 5. Idque, secundum *analytin Toletii*, octo rationibus. Poriores hæc sunt.

1. Natura ut plurimum agit eodem modo: Ergo agit propter finem, quem plerumque assequitur; Antecedens docet experientia: Videmus enim eodem modo gigni animantia, plantas, metalla; &c.

2. Naturam imitatur ars: At hæc propter finem agit: Ergo & illa. Propositio patet ex pictoria, sculptoria.

3. Animantium actiones sunt propter fines, ut patet in araneis telas construentibus, hirundinibus & omnibus avibus nidos facientibus. Plantæ quoque propter finem agunt: radices enim mittunt deorsum, ut humorem ex terra sugant; in multos ramos explicantur, ut tantò magis fructificent; folia protrudunt, ut iis fructus defendatur.

4. Materia propter formam est: Ergo natura propter finem agit.

5. Omnium manifestissime patet hoc ex usu partium animalium, quarum vel minima insignes suas utilitates habet: ut constat ex anatomis.

6. Natura est organon *DEI*: Ergo propter finem agit, quem nimirum *Autor naturæ* intendit.

7. Idem denique patet ex toto naturæ ordine admirabili & constanti, qui non potest carere fine.

8. *Scaliger* Exercit. 61. sect. 1. pro ratione allegat naturæ sapientiam; Cum enim natura sit sapientissima, utique frustra nihil faciet: quia sapiens frustra nihil facit: Quod enim frustra est, finem non habet: At sapiens movetur vero fine: quod frustra est, hoc ipso non est; quod non est, non potest movere, &c.

IV. Ad contrarias rationes facilis est responsio.

Ad (1^m). Consequentiam negamus. Nam & propter finem agunt, quæ finem non intelligunt, sed in finem ab intelligente diriguntur, ut sagitta ad scopum emissæ. Observandum hic triplicem esse gradum rerum naturalium propter finem agentium. Primus & summus est hominis, qui non finem tantum præcognoscit sub ratione finis, sed & media per electionem in finem ordinat, cognoscitque habitudinem & proportionem mediorum ad obtinendum finem. Secundus gradus est brutorum, sensu duratæ præditorum, quæ finem quidem materialiter sub ratione boni & convenientis percipiunt, sed media ad finem & rationem finis non cognoscunt. Sic enim cervus ex siti ad frigidam aquam fertur, aquam quidem sub ratione boni appetit, attramen curfus sui

ad obtinendam aquam, vel aquæ ad sedandam sitim habitudinem vel ordinationem non dignoscit cervus. Tertius est rerum insensibilium, ut sunt plantæ & inanimata corpora, quæ dicuntur agere propter finem, quem tamen nullo modo præcognoscunt, ut sagitta à jaculatore ad scopum emissæ.

Ad (2^m). Consequentiam negamus; & ex antecedente contrarium colligimus; nimirum, Naturam omnino agere propter finem. Nisi enim propter finem ageret, à fine non diceretur aberrare: veluti à viâ non aberrat, nisi qui viam primum ingreditur; nec à scopo aberrat, nisi qui sagittam in scopum tendit.

Ad (3^m). Consequentiam quoque negamus. Corruptio enim non est finis naturæ propriè dictæ. Sed medium ad finem, nimirum generationem. Itaque & corruptio aliquo modo bona dici potest, non quidem quæ destructio est entis, sed quæ medium ad productionem ejus. Eo ipso igitur quod corrumpit natura corpora nonnulla, rectè colligitur, eam propter finem agere, cum non corrumpat nisi generationis gratiâ.

Ad (4^m). Antecedens absolute intellectum negamus. Etiam si enim in natura quædam sunt inutilia & noxia huic vel illi, absolute tamen inutilia non sunt, cum aliis possint esse & sint utilia: ut patet de animantibus venenatis, serpentibus, & aliis, quorum in arte medica multus est usus. Deinde & si de usu alicujus rei nobis non constat, non tamen esse negandus est, cum multa sint quæ ignoramus.

THESIS XI.

Hætenus Causæ per se: Per accidens quæ solunt nominari, *Fortuna* & *Casus*.

THESIS XII.

Fortuna definitur Causa per accidens, in iis quæ operantur ob aliquem finem ex electione, respectu eorum quæ neque semper, neque ut plurimum: 2. *Phylic.* cap. 5. text. 52.

Endens.

I. Fortunam ad causas efficientes referri debere, remotione aliarum causarum ostenditur. Non enim est materia vel forma: quia hæc causæ partes sunt essentielles suorum causarum, quibus cum necessario sunt conjunctæ: at fortuna extrinseca est effectui suo, neque nexum cum eo necessarium habet. Exempli gratiâ, Fortuna thesauri præter intentionem inventi à fodiente pars essentialis nullo modo est, nec necessario conjuncta cum eo; quia fortuito &

& non fortuito reperiri potest thesaurus. Nec finis est fortuna; quia earum rerum Causa esse dicitur quæ præter agentis intentionem eveniunt. Efficientis igitur Causæ species erit, si causa est: attamen non efficiens per se, sed per accidens est: Ubi observandum ex *Themistio*, *Toletio*, & *Pererio*, duobus modis Causam per accidens dici: vel quia est accidens Causæ per se; quo modo Musicus dicitur Causa per accidens ædificatæ domus, quia architecto seu opifici, qui Causa per se domus est, accidit esse Musicum: vel quia est Causa alicujus quod accidit effecto per se intento: quo modo Medicus per accidens sanare Musicum dicitur, quia ægroto, qui per se à Medico sanatur, accidit esse Musicum. Evidens inter duos hosce modos discrimen est: In priori Causa per accidens est diversa à Causa per se, sed effectus idem Causæ per se & Causæ per accidens: in posteriori utraque Causa res eadem est, sed effectus diversissimi: Prior est Causa per accidens ratione Causæ; posterior, ratione effectus: *Toletus*, 2. *Physic.* cap. 6. q. 9. Ad posteriorem Causæ per accidens modum Fortuna referenda est. Idem enim homo qui agrum fodit, est Causa per se fossionis, & inventionis thesauri, quæ accidit fossioni præter intentionem fodientis. Vide *Toletum* in 2. *Physic.* ad text. 50. & 54.

II. Non autem in omnibus fortuna locum habet, sed in iis tantum quæ ex electione agunt & ob aliquem finem: cujusmodi agens in rebus naturalibus est homo, qui præviâ deliberatione & electione ad opus se accingit certum ac determinatum, cui præter intentionem alius eventus accidit, de quo nihil cogitavit: is fortuitus appellatur. Est igitur fortuna in iis quæ ex electione agunt propter finem cognitum, etiamsi effectus fortunæ non est ex intentione agentis fortuiti, & à fine præstituto alius.

III. Sunt denique & illa verba observanda, neque semper neque ut plurimum. Tribus enim modis aliquid fieri dicitur neque semper neque ut plurimum: Vel quia raro ejus Causa ponitur, et si effectus Causam perpetuò comitatur: ita Eclipses raro fiunt, quia conjunctio vel oppositio diametralis est rara; et si toties eclipsis fit, quoties hæ Causæ occurrunt: Vel quia, et si frequens est Causa, effectus tamen raro sequitur: ita sæpè vineæ culturæ gratiâ foditur, rarissimè tamen thesaurus invenitur: Vel quia est contingens, & ad utrumque oppositum indifferens: qualia sunt omnia quæ in civilibus à libero hominis arbitrio proficiuntur, ut ambulare, non ambulare, loqui, non loqui, &c. Primum modum fortunæ non esse accommodandum extra controversiam est: De secundo & tertio quaeritur.

IV. *Avicenna* fortunæ quoque transcribit eā quæ

sunt ad utrumlibet indifferencia, hoc est, quæ per arbitrii libertatem fieri vel non fieri possunt, ut sunt, ambulare, stare, loqui, &c. attamen actiones hujusmodi non quatenus à voluntatis imperio & determinatione, sed quatenus à facultate motrice sunt, fortuitas esse statuit, quia fortuito accidit ut facultas motrix sese exerat & exerceat in hoc vel illo motu, cum ex se indifferens sit ad motum & quietem. Fundamentum sententiæ hujus præcipuum est, quod *Aristoteles* 2. *Physic.* text. 48. 51. 52. &c. docet, fortunam esse in iis quæ neque semper neque frequenter eveniunt: At quæ ad utrumlibet sunt, hujusmodi sunt.

V. Hæc *Avicennæ* sententia minimè probari potest. 1. Effectus fortuitus æstimandus est à causa principali à qua procedit: Atqui, exempli gratiâ ambulatio, locutio, &c. non principaliter est à potentia motrice, sed ab homine, ex *αὐτοκίνητος* loquente, ambulante, cujus respectu certè non est fortuita ambulatio vel locutio, quia exercetur secundum electionem & intentionem hominis.

2. Ambulatio est à virtute motrice, vel quatenus est indifferens ad ambulationem aut oppositum ejus, vel quatenus per voluntatem jam est determinata: priori modo motrix virtus actu non est Causa ambulationis: Ergò nec fortuna. Posteriori modo fortunam esse ipse negat *Avicenna*, & dicit ratio: quia virtus motrix à voluntate determinata agit ex intentione, nec ampliùs est ad utrumque.

3. Virtus motrix finem habet, aut non habet: Si habet, alius is nullus erit nisi operatio seu motus, quem cum exerendo se assequatur, fortuna dici non poterit: veluti non dicitur fossor causa fortuita fossæ vineæ, cum hic ejus finis sit quem intendit. Si non habet, nec hic fortuna erit, quia fortuna in iis est quæ finem habent.

4. Ambulatio cum virtute motrice necessarium habet nexum: non enim est ambulatio propriè sic dicta, nisi à virtute motrice: At fortunæ cum suo effectui non est nexus necessarius: Ambulatio igitur non est effectus fortuitus virtutis motricis: Nec virtus motrix fortunæ.

5. Sequeretur etiam ipsum velle & intelligere esse fortuitas actiones, respectu voluntatis & intellectus; quia intellectus & voluntas sunt indifferentes ad volendum & intelligendum: Atqui nihil magis repugnat rei fortuitæ quàm intellectus & voluntatis actiones.

VI. Hactenus fortunæ definitio & natura explicata: Unde patet fortunam, siquidem est causa, (*Boetius* enim, nisi fallor, effectum tantum esse contendit) secundum *Aristotelem*, non esse nisi actionem hominis voluntariam, quam effectus sequitur

quitur qui non est ex intentione agentis: *Toletus*, 2. *Phys.* ad text. 52. Quo modo dari fortunam nemo Christianus negabit. Contrà merito Christiani omnes fortunam Gentilium detestantur, quæ Numen & Dea credita omnium eventuum, quorum obscuræ & incognitæ causæ, in rebus præsertim humanis, procuratrix. De qua *Plinius* lib. 2. cap. 7. Invenit sibi ipsa mortalitas Numen, quod minus etiam planâ de Deo conjectatio esset: Toto quippe mundo & locis omnibus, omnibusque horis, omnium vocibus *Fortuna* sola invocatur, una nominatur, una accusatur, una agitur rea, una cogitur, sola laudatur, sola arguitur, & cum conviciis colitur, volubilis à plerisque & cæca etiam existimata, vaga, inconstans, incerta, varia, indignorum satrix: huic omnia expensa, huic omnia feruntur accepta, & in tota ratione mortalium sola utramque paginam facit: adeoque obnoxia sumus sortis, ut fors ipsa pro DEO sit, quâ DEUS probatur incertus. Hæc *Plinius*. Sapiens viri *Demosthenis* minimè sapiens dictum est, in *Orat.* ad *Philippum*. Magnum habet momentum *Fortuna*: imò totum est in rebus omnibus humanis. Unde, apud *Nazianzenum*, stultissimum divitis vorum; *Malo stillam fortunæ quam prudentiæ dolium*. *Demosthenis* æmulus *Æschines* omnium rerum dominam appellat fortunam: *Ennius* heram salutat, cæque gubernari res nostras ait. *Euripidis* in *Hecubâ* dictum est, *Fortunam omnia mortalibus providere*. *Palladæ* etiam nomen dictionum est, *Fortunam* nec rationem nōsse nec legem, mortalibus autem dominari. *Vitam* regi fortunam, non sapienti. *Theophrasti* vox est. *Salustius* ad *C. Cæsarem* inquit, *Sæpe prava magis quam bona consilia prosperè eveniret: quia plerasque res fortuna ex libidine sua agit*. *P. Ovid.* in *Consolat.* ad *Liviam* de morte *Drusi* ita fortunam describit: v. 371. &c.

Fortuna arbitrio tempus dispensat ubique,

Illa rapit juvenes, sustulit illa senes.

Quique ruit, furibunda ruit, totumque per orbem

Fulminat, & cæcis cæca triumphat equis.

Regna Dea immitis parce irritare querendo,

Sollicitare animos parce potentis heræ,

Quæ tamen hoc uno tristis tibi tempore venit,

Sæpe eadem rebus favit amica tuis.

VII. Innumera circa cultum *Fortunæ* Gentilium superstitiones fuerunt, quod & nomina & delubra seu templa ejus plurima arguunt. Primus *Ancus Martius* *Fortunam* Virili cognomento dedicavit. *Servius Tullius* *Parvæ* *Fortunæ* ædem consecravit primus. Idem regnum assecutus *Fortunæ Primigeniæ*, *Masculæ*, *Prospere*, *Virili* templa consecravit. Idem & alii fecerunt. Unde fortuna *Primigenia* in *Capitolio* & monte *Quirinali* fuit sacra; *Obsequens*, in eodem *Capitolio*; *Virilis*, ex-

tra urbem, ad *Tyberis* ripam, & in *Palatio*; *Prospere*, in foro boario; *Muliebris*, quarto ab urbe milliario; *Respicens*, juxta templum *Jovis Victoris*; *Propria*, publicè; *Viscata*, in *Palatio*; *Mala*, in *Exquilis*; *Equestris*, apud *Antium*, & juxta lapideum theatrum, ad quod *Fulvius Flaccus*, ex *Junonis* templo, marmoreas regulas detulit; *Mammosa*, in regione XII; *Bene sperans*; *Avertens*, *Blanda*, *Dubia*, in *Aventino*. Fuit quoque ædes *Fortunæ* intra portam *Carmentalem*. Ad *Collinam* tres fuerunt consecratæ incerti nominis. Habuerunt & sua templa *Redux*, *Atrophea*, *Scyâ*. De quibus vide *Alexandrum* ab *Alexandro* *Dierum Genial.* libr. 1. c. 13.

VIII. Naturam Deæ hujus insanæ simulacro non illepido expressere veteres, ut refert *Albertus Magnus* 2. *Phys.* text. 47. Simulacrum supra rotam stabat, ad varietatem & inconstantiam Deæ indigitandam: parte unâ album, alterâ nigrum erat ad effectus ejus felices & infelices exprimendos: cæcum erat, ad imprudentiam in præmiorum & poenarum distributione notandam: Quo nomine ab *Augustino* perstringitur Gentilium furor & superstitio; *Quomodo*, inquit, bona est fortuna, quæ sine ullo judicio venit & ad bonos & ad malos? Ut quid autem colitur, quæ ita cæca est passim in quoslibet incurrens, ut suos cultores plerumque prætereat, & suis contemptoribus hæreat? Aut si aliquid proficiunt cultores ejus, ut ab illa videantur & amentur, jam merita sequitur, non fortuita venit. Ubi est ergo definitio illa fortunæ? Ubi est quod à fortuitis etiam nomen accepit? Nihil enim prodest illam colere, si fortuna est: Si autem suos cultores discernit, ut prodest, fortuna non est. Hæc *Augustinus*. *Alexander* ab *Alexandro* ex *Pausania* scribit, principem omnium *Bupabum* fortunæ simulacrum fecisse, polum (quem pullum equinum interpretatur *Pierius Valerianus*) capite gestans, & manuum altera sustinens *Amalthææ* cornu. Alii vitream finxere, quod temporis puncto frangeretur; Alii sine pedibus exculpserunt, manus verò & pennas adhibuerunt: Alii aliter luserunt, ut videre est apud *Pierium Valerianum*. *Athenis* propè *Prytanæum* ἀγῶνις τῶν θεῶν simulacrum erat, dubio præcelsissimum, quod adolescens honesto loco natus amare ferventiùs cœpit, ut subinde amplexaretur, arctius & blandius suaviaretur: Tandem verò impatienti desiderio extabescens, cum magna pecuniæ vi Senatui oblata id impetrare non posset, ad statuam rectâ decurrit, quam postquam tenuis multis perforaverat, magnique pretii coronam imposuerat, re sacrâ mox peractâ, desiderium amplius non ferens manus sibi inter affluentius manantes lacrymarum rivos admovit, & juxta statuam expiravit: *Cassius Rhodiginus*.

IX. Hanc

IX. Hanc, inquam, fortunam merito detestamur Christiani, ipsumque adeo nomen cum *Augustino* fugimus: cum sciamus promam & condam praemiorum ac poenarum, omniumque quae mortalibus insperata obveniunt, non esse Deam aliquam caecam, sed oculatissimam Dei providentiam; quae etsi culcores suos quandoque durius videtur tractare, & cum malis mitius agere, omnia tamen sapientissimè, sanctissimè & iustissimè disponit, ita ut piorum inserviant saluti promovendae, & poenis malorum exasperandis: Quae de re pluribus Theologi, in loco de Providentiâ. Ipsi quoque Ethnici prudentiores fortunam hanc contemserunt. Memorabile est quod in *Homero* observat *Macrobius*, libr. 5. Saturn. cap. 16: fortunam ipsi ignoratam, adeo ut in toto ejus poemate vox *τοζω* nunquam reperiatur: Ejus verò loco *πολεα* ponit, quae fatum & decretum significat. *Chilo* interrogatus, quid fortuna esset, respondit: Ignarus medicus: quid multos excæcet. *Aristoteles* Magnor. Moral. 8. cap. 1. ait; Ibi minus esse fortunam: ubi plus est intellectus. Eiusdem, 7. Phys. divina sententia legitur, In nobis omnia quodammodo divinitatem movere, & rationis principium, non rationem: Sed quid praestantius. *Carneades* omnem fortunam in sensu sapientis habitare dixit. Cui simile illud *Platinum* Titium in Aët. 2. scen. 2. Sapiens ipse sibi fingit fortunam. Rectius etiam Poeta sensit, & errorem vulgi agnovit,

Nullum nimen adest, si sit prudentia: Sed to

Nos facimus, Fortuna, Deam, cæloque locamus.

Cicero libr. 1. Acad. quæst. ait, fortunam appellari, ejusque vocabulo Philosophos uti, cum vera & propria causa nobis cognita non est. Nos tamen Christiani rectius Divinae providentiæ & voluntati adscribimus quæ Ethnici Fortunæ suæ tribuerunt, quam sapientiæ & prudentiæ humanæ. Unde *Scaliger* Exercit. 188. Naturæ nomine ordinariam DEI potestatem intelligit; Fortunæ, ejus voluntatem. Interim Dei voluntatem fortunam appellare iniquum esse ducimus, etsi quod fortunæ Gentiles adscriperunt, Divinae voluntati ex parte competit.

THESIS XIII.

Casus est causa per accidens in iis quæ circa electionem agunt: qualia sunt agentia merè naturalia, quæ sequitur quandoque effectus rarior præter ordinem naturæ familiarem & consuetum, seu præter intentionem.

I. Ita casu fieri dicitur ut regula de recto deci-

dens prætereuntem lædat: rariùs enim hoc contingit, nec ea lapsus est intentio ut prætereuntem lædat, sed ut tanquam grave corpus in terram decidat. Et verò sæpius regulæ decidunt, quæ neminem lædunt. Casu quoque monstra dicuntur gigni: quia præter consuetum naturæ fit ordinem, ut nascatur homo biceps, sedigitus, tripes, aut monoculus, &c. præterque intentionem agentis particularis gignuntur. Naturæ enim intentio est, quam & assequitur ut plurimum, producere hominem unius capitis, quinque in una manu digitorum, duorum pedum, &c. Ab hac intentione dum aberrat, aliis impedita causis, casu agere dicitur, & monstrum producere. Unde monstrum definitur, *κατὰ τὴν φύσιν* seu *κατὰ τὴν φύσιν*, *Νατὺρα* quasi ab orbita sua deviatio, seu erratum. Plenius ita definitur *Conimbricenses*, *Naturalis effectus à recta & solita secundum speciem dispositione deficiens*. Videtur tamen vox dispositionis aliquantò angustior. Itaque magis arri-det *Petrus* definitio, *Vitium naturæ deficientis à fine suo*, ob aliquod impedimentum raro contingens. Multis enim modis contingit hoc vitium in homine potissimum: è quibus sex præcipui sunt: 1. In sexu: cum incerti, aut utriusque sexus homo nascitur. 2. In quantitate continua: cum membra solito sunt majora aut minora: vel discretâ, seu numero: cum plura sunt vel pauciora quam esse communiter solent. 3. In situ: cum præter naturæ ordinem consuetum membra sunt transposita. 4. In figura: si vel vitiata ea sit, vel planè peregrina, & alterius speciei. 5. In qualitate: exempli gratiâ, colore inusitato, quò insignis deformitas corpori, secundum omnes partes, vel eas potissimum quæ visui patent, afferunt. 6. In vitiis & moribus: si in homine sint prorsus ferini.

Quæ de Monstris hic disputari solent, ad 2. A-croamaticorum, An fiant casu; Quæ sint causæ monstrorum; In qua specie rerum naturalium sint crebriora, & similia, non ad generalem Physicæ partem, sed ad specialem pertinent: Non enim Monstrum affectio est corporis naturalis in genere, sed perfectè mistorum in specie. In suum ergò locum disputatio hæc à nobis differetur. Cum tamen insignis Casus exemplum sint, quid essent, paucis explicandum videbatur.

II. Hactenus causæ per accidens, Fortuna & Casus: Quæ respectu causarum secundarum, non primæ, sunt: Deo enim nihil fortuitum, nihil casuale, nihil quod æternam ejus præscientiam, providentiam ac dispositionem effugiat. Insignia hanc in rem exempla nobis suppeditat Scriptura: Unum saltem & alterum adducemus. Exaltatio *Joseph* in Ægypto planè fortuita erat, respectu fratrum mer-

catoribus

catoribus fratrem venditum: nihil enim minus in animo ipsis erat quam ad summam in Ægypto dignitatem viam sternere fratri, quem ex odio vendiderant: At enim respectu Dei ab æterno erat decreta, & in tempore, malevolorum & astorgorum *Josephi* fratrum ministerio, à Deo procurata, qui usus sanctissimè fratrum *Josephi* malitià & odio in fratrem, *Josephum* à paterno complexu abstraxit, & peregrinis mercatoribus venditum in Ægyptum deduxit, & ad summæ dignitatis in regno Ægypti fastigium, mirabili ratione, eiecit, præter omnem fratrum intentionem; & eo quidem fine ut & patri & fratribus aliquando bene faceret: Quod ipse affirmat *Josephus*, Gen. 45. v. 5. 7. 8. Nequaquam vos estis qui misistis me huc, sed Deus ipse: & cap. 50. v. 20. Vos quidem cogitaveratis contra me malum, sed Deus cogitavit illud in bonum convertere. Illustre hoc & memorabile est exemplum fortunæ, respectu hominum; & sapientiæ ac prudentiæ, respectu Dei. Porro homicidia esse casualia & fortuita, respectu hominum, quæ nempe præter omnem hominis intentionem parantur, extra omnem est controversiam: attamen respectu Dei nec fortuita nec casualia sunt: Expresse enim dicitur Deus hoc modo interemptos objicere manibus percussorum, Exod. 21. v. 13. Imò nè capillus quidem è capite nostro in terram fortuito aut casu decidit, respectu Divinæ providentiæ; cum & hos Deus numerarit, Matth. 20. v. 30.

IV. Cum autem in universo Naturæ theatro nihil sit quod non habeat causam aliquam per se, in causis per accidens & eventibus fortuitis ac casualibus ad causas per se reducendis sublimia ingenia laudabili conatu se exercent. Et quidem *Philippus Melancthon*, cui multa debent instauratæ in nostra Germania literæ, ad sex causas per se omnes eventus fortuitos ac casuales reduci posse judicavit. In cujus judicio moderati & sobrii Philosophi plerique acquiescunt. Sunt ea:

1. Divina providentiæ & voluntatis: cui nihil fortuitum, nihil casuale, ut paulò antè diximus. Quicquid igitur præter ordinem causarum secundarum & particularium accidit in universa rerum natura, id in ordinem causæ primæ seu providentiæ Divinæ incidit: Cui nec *Moses* in aquam abjectus, nec *Cyrus* expositus, nec *Josephus* morti destinatus fortuito aut casu servatur. Fortuitum dixeris; hamo piscem è mari extrahere qui staterem in ore habeat: Atqui ex Divinæ providentiæ dispositione id profectum, cum didrachma à *Christo* exigeretur, Matth. 17. v. 27.

2. Boni vel mali Angeli: quorum ministerio sæpe Deus utitur in distribuendis præmiis & infe-

rendis pœnis; quæ planè fortuitæ nobis videntur. Ità sæpe mirabili ratione è periculis boni eripiuntur, bonorum angelorum operâ; mali in ea præcipitantur, per angelos malos seu Demones.

3. Temperamenta ad hos vel illos mores aut morbos inclinantia. Ità cholericis & irarum incontinentes sæpe incurrunt vitæ pericula. De melancholicis manifestior res est quam ut probationem desideret. Huc etiam refero admirandas *supernatiales* & *avvintatiales*, quæ multorum eventuum qui casuales nobis videntur causæ sunt.

4. Astrologum virtutes: quæ variis corporibus inclinationes putantur imprimere. Sed ingens hic Astrologiæ & astrologum cavendus est abusus, nè quævis flagitia & scelera, quævis etiam contingentiæ à libera hominis voluntate & singulari providentiæ Dei pendentiæ astris tribuantur: Quæ de re supra monuimus.

5. Mores, actiones, & affectus hominum: à quibus multa proficiscuntur quæ vulgò fortuita videntur. Huc refero imaginatricis potentiæ vim mirificam, quæ in prægnantibus se exferit.

6. Inferiorum corporum materia: quæ ob ingentem mobilitatem & inconstantiam ac varietatem miros in natura lusus exercet: ut è monstrorum historia pater.

THESES XIV.

Fortuna & casus contingentiam rerum loquuntur, quæ est: dependentia rerum naturalium à causis suis, quæ ita eveniunt ut ab eisdem possent non evenire.

EXPOSITIO.

I. Tria sunt contingentium genera: Unum, eorum quæ præter intentionem agentium eveniunt: ut sunt fortuita & casualia: de quibus hætenus egimus. Alterum, eorum quæ in essendo sunt contingentia, hoc est, quæ esse possunt & non esse, quæ simpliciter & absolute nec necessaria nec impossibilia sunt: quo modo omnes res creatæ sunt contingentes, respectu primæ Causæ, per quam uti sunt, & quæ non sunt, esse possunt, ita & non esse possunt. Ab hisce ergo contingentibus nè cœlestia quidem corpora sunt exempta, etiamsi respectu aliarum causarum naturalium necessaria in essendo sunt, cum corrumpi ab iis non possunt. Tertium, eorum quæ in eveniendo contingentia dicuntur, quæ nempe ita eveniunt ut ab iis ipsis à quibus eveniunt possent non evenire. De tertii hujus generis contingentibus, seu contingentia, loquitur nostra thesis.

II. Illa autem quæ ita eveniunt ut ab iisdem causis.

causis possent non evenire, intelligi possunt esse à causis purè naturalibus & ad unum determinatis, vel à liberis & ad oppositum indifferentibus; ut sunt inter res naturales soli homines. Unde gemina exoritur contingentia, *intrinseca & extrinseca*: De qua *Suarez*, tom. 1. *Metaphys.* disp. 19. §. 10. n. 4. *Intrinseca* est, quando carentia necessitatis manat ab ipsa causa, quæ, omni etiam sublato impedimento, potest agere vel non agere, adeoque è vi intrinsecâ & potestate effectui contingentiam dare potest. *Extrinseca* est, quando necessitatis carentia non est ab ipsa causa, sed impedimentis externis effectui productionem prohibentibus, si-ne quibus si esset, effectus produceretur. Quibus præmissis, nostram de contingentia sententiam aliquot assertionibus explicabimus & confirmabimus.

III. Prima assertio: *Effectorum quæ à causis liberis pendent, datur contingentia ex parte causarum intrinseca & extrinseca.* Hæc enim est agentium per arbitrii libertatem natura, ut, sublati etiam omnibus impedimentis externis, possint agere vel non agere: quæ contingentia eorum est intrinseca, quam effectis è vi & potestate intrinsecâ dant. Sic architectus, præsentibus omnibus ad ædificium necessariis, omnibusque sublati impedimentis externis, domum ædificare, operâsque adhibere, vel non ædificare, & non adhibere potest; ita ut ædificationi domûs vel ædificio det contingentiam è vi sua intrinseca. Cum autem effecta plurima à liberis causis pendentia ita sint comparata ut non à sola pendeant hominis voluntate, sed causas etiam socias & auxilia externa requirant, qualia sunt externa opera quæ ab artibus mechanicis proficiuntur; & verò causarum illarum sociarum seu, auxiliarium, aut circumstantiarum etiam ad operis productionem necessariarum concursus impediti facile possit, sæpius etiam impediatur, (ut patet exemplo ædificationis, quam perficere nequit architectus, si maxime velit, auxiliaribus operis imperium ejus non audientibus, vel tempestate forsan tam architecti quàm operarum conatus impediende;) extrinseca etiam contingentia hinc accedit liberarum causarum effectis.

Hujusmodi contingentiam, quam primâ hæc assertionem expressimus, dari tam manifestum esse *Sicurus* ait, ut per aliud quod reipsâ nobis evidentius sit demonstrari non possit. Unde plerique ex incommotis & absurdis consequentibus actionum humanarum libertatem adstruunt: qualia sunt; Si nulla est actionum humanarum libertas & contingentia, ita ut homo hoc vel illud possit facere vel non facere, sequitur omnes leges frustra esse datas

& latas, nullum esse locum admonitionibus vel comminationibus, laudi vel vituperio, præmio vel poenæ; frustraneas esse omnes deliberationes. His & similibus rationibus pro contingentia humanarum actionum plerique omnes Theologi & Philosophi pugnant: cui etiam *Stoici* autores Fati accesserunt, *Plutarcho* teste 1. De placit. Et *Cicero*, ut hominis libertatem assereret, Divinam negare præscientiam non dubitavit. Unde *Augustinus* 5. De civit. Dei, cap. 9. dicit, *Cicronem, dum negatione Divina præscientiæ vult homines facere liberos, fecisse sacrilegos.* Hæc de re prolixius & accuratius agere alterius est loci.

IV. Secunda assertio: *Effecta purè naturalia, in ordine ad causas suas purè naturales, non habent contingentiam intrinsecam.*

Hoc enim peculiare est solis effectis quæ à causis liberè agentibus pendent: agentia verò purè naturalia rectè se habentia ad unum naturâ ita sunt determinata, ut, sublati impedimentis externis, non possint non id producere; ut patet exemplo corporum cœlestium, elementarium, metallorum, plantarum, &c.

V. Tertia assertio: *Omnium naturalium effectorum quorum absentia contradictionem non infert, datur contingentia extrinseca respectu Cause primæ.*

Manifesta est ratio, ex infinita Causæ primæ potentia, à qua ut in esse pendent omnes causæ naturales, ita & in operando: ut ergo per primam Causam omnes possint non esse, ita etiam possint non operari, seu impediti ab eadem nè operentur, & effectus suos, ad quos ordinariè sunt determinatæ, producant. Videre hoc est in motu corporum cœlestium, qui etsi summè videtur esse necessarius & perpetuus, contingentiam tamen aliquando subiit: *Jussus enim stare sol, & stetit, Joshua 10. v. 13. Jussus recedere sol, & recessit, 2. Reg. 20. v. 11. Sic & ignis actionem in fornace Babylonicâ Deus inhibuit, nè in injectos pueros se exfereret, Dan. 3. v. 27. Ferri descensum in aqua prohibuit, 2. Reg. 6. v. 6.*

Excipimus hæc effectus qui vulgò à causis necessariò emanare dicuntur, ita ut absque iis, citra contradictionem, non possint causæ concipi vel esse: Ità duo duobus si addantur, non possunt non quatuor fieri: Ex intrinseca Quanti ratione manat divisibilitas, sine qua quantum concipi vel esse nullum potest. Referri huc solent propria à formis immediate emanantia.

VI. Quarta assertio: *Effecta purè naturalia quorum absentia contradictionem non infert, si corporum cœlestium motus excipias, in ordine ad causas secundas,*

secundus, habent contingentiam extrinsecam. Cœlestium corporum motum à Causis naturalibus impediri non posse, adeoque contingentiam extrinsecam non admittere, in confesso apud omnes est. Reliquorum affectuum naturalium, quorum quidem absentia cum causâ non pugnat, omnia ita sunt comparata, ut causis vel merè naturalibus vel liberis etiam impediri possint. Sic impediri potest mundi hujus sublunaris illuminatio à luna vel sole profecta, ut videmus in eclipsibus, & singulis noctibus: Impeditur sæpe & calefactio hujus mundi sublunaris. Idem videre est in metallis, plantis, & animantibus, quorum singulorum effecta ita eveniunt ut non evenire etiam possint, & verò sæpissime impedita vel planè non eveniant, vel eo modo quo solent non eveniant: generant quandoque animantia, interdum & non generant, etsi ad generationem propendent: spem nostram sæpe fallunt fruges & arbores, quæ vel nullam vel exiguam admodum messem exhibent: gravium corporum descensus & levium assensus sæpe impeditur. Errant ergo qui dicunt nullum in hoc mundo sublunari effectum purè naturalem esse contingentem, respectu corporum cœlestium: sæpissime enim cœlestem virtutem impediri à causis sublunariis refractariis, innumeris constat exemplis. Unde præclara illa *Ptolomæi* sententia; *Licet virtus cœlestis in se necessaria sit & immobilis, non tamen participatur immobiliter ab ipsis inferioribus: secundum quod recipitur in materia diversimodè disposita, ita recipi esse mutabile & contingens.*

VII. In questionem vocari hic posset; *An etiam contingens dici possit effectus, qui est à Causis purè naturalibus sufficientibus ad agendum, sufficienter applicatis, neque impeditis.*

Resp. Nisi alia obstat causa, omnino contingentes dici possunt effectus, etiam si ex hypothesi data sint necessarij. Omnis enim affectus purè naturalis est à causis sufficientibus ad agendum, sufficienter applicatis & non impeditis; & tamen conditionibus hæc non obstantibus effectus nonnulli contingentes dicuntur, quia sunt à causis quæ impediri potuerunt, etiam si actu impedire non fuerunt. Necessitas igitur quæ tribuitur causis & effectis purè naturalibus in hoc mundo sublunari, non omnem tollit contingentiam, sed intrinsecam tantum. Quo sensu accipio quod *Fonsæa* Metaph. 6. cap. 23. q. 2. art. 4. ait; *A Causis purè naturalibus, si sint sufficientes ad agendum, & sufficienter applicatæ, neque impeditæ, necessario sequi effectus: quod omnium Philosophorum commune axioma esse ait.*

VIII. Sic ergo dari in rebus naturalibus contingentiam probavimus. Observandum tamen hic

rerum naturalium contingentiam à fortuna & casu seu casualitate omnino distinguendam esse, tanquam latius ab angustiore. Quæ enim casualia sunt, contingentia quidem sunt: attamen non omnia contingentia, casualia sunt: Habent enim contingentia purè naturalia, de quibus hætenus egimus, determinatas suas & certas causas, à quibus ut plurimum eveniunt; casualia verò determinatas causas non habent, cum tam ab hac quam ab illa causa possint esse; nec ut plurimum, sed raro eveniunt; nec cum Divinæ providentiæ pugnat contingentia, uti fortuna & casualitas.

IX. Adversus contingentiam, quam hætenus asserimus, tria potissimum proferri solent argumenta: quæ recitare hic & refutare operæpretium fuerit.

1. Rerum contingentiam, argumento à providentiâ Divinâ petito, *Stoici* hoc modo impugnant; Datur providentiâ: Ergo non datur contingentia. Ratio Consequentiæ hæc adfertur; Tria includit Divina providentiâ, præscientiam, voluntatem, & dispositionem, quæ in omnibus eventibus naturalibus concurrunt: Atqui quod prævidit Deus, quod voluit, quod constituit ut aliquando eveniret, id non potest non evenire: aliàs falleretur Dei præscientia, frustraretur voluntas, impediretur ordinatio seu dispositio: quæ omnia sunt absurda: Quod autem non potest non evenire, id contingens non est.

2. *Avicenna* contingentiam è rebus merè naturalibus exturbare conatur hoc argumento; Positâ causâ naturali ad efficiendum sufficiente, necessario sequitur effectus: Ergo nulla causa sufficiens in rebus naturalibus est contingens: Non igitur contingens est effectus hujus causæ.

3. Suffragatur & *Ocham* hujusmodi argumento; Causa naturalis sufficiens ad producendum effectum habet aliquod aliud agens naturale impediens ipsam in productione, vel non habet: Si non habet, ergo necessario producit effectum: hoc enim modo agentia merè naturalia distinguuntur à voluntariis. Si habet, Ergo, cum illud sit naturale agens, necessario impedit: quicquid igitur tunc evenierit, ex necessitate eveniet.

X. *Resp.* ad 1^m. Negamus Consequentiam. Ad probationem respondemus; Concedere nos in providentiâ Dei esse præscientiam, voluntatem, & dispositionem: At enim non tollunt hæ contingentiam, sed constituunt. Quicquid enim præcivit, voluit, & disposuit Deus, id evenit quidem infallibiliter, & suo modo etiam necessario; attamen eo modo evenit quem voluit, præcivit & disposuit Deus. Cum autem præciverit, voluerit & dispo-

fuerit Deus ab æterno ut in tempore causarum naturalium aliæ agerent necessariò, ita quidem ut impediri à causis aliis secundis non possent, aliæ verò contingenter, ita ut impediri à causis aliis possent, sequitur hoc quoque modo causas agere; & proinde effectuum naturalium, respectu causarum suarum proximarum, è quarum indole æstimantur, alia necessaria, alia contingentia esse. Itaque falsum est, contingens non esse, quod non potest non evenire. Contingens enim dicitur respectu causæ naturalis proximæ; quæ ex Divina ordinatione ejusmodi est ut à causa naturali vel libera impediri possit nè producat effectum: non potest verò non evenire, ex hypothesi Divinæ voluntatis & præscientiæ, quæ infallibilis & immutabilis est, & per causam etiam contingentem, quod vult, facit; sublato impedimento, quod obijci alias per naturam potuisset.

Ad 2^m. Antecedens negamus: Impediri enim potest causa ad agendum in se sufficiens. Sic ignis in fornace Babylonica per se fuit sufficiens ad comburenda corpora trium puerorum, sed impeditus fuit à causa externa, Angelo nempe præsentente.

Ad 3^m. Concedimus sanè, effectum à causa merè naturali necessariò produci, si non sit causa impediens, ipsæque ad agendum sit sufficiens: At non obstat hæc necessitas, quò minus etiam contingenter produci dicatur; si ita sit comparata causa ut impediri possit, etiam si actu non impeditur. Observandum hîc duobus modis dici aliquid necessariò agere, nempe quatenus opponitur vel contingenter agentibus, quæ impediri possunt; ita ut significet eodem modo semper agere, nec impediri in agendo posse: vel voluntariè agentibus, quæ, sublatis etiam omnibus impedimentis, actionem possunt suspendere & non agere. De posteriori necessariò concludit Occami ratio, non de priori.

XI. Hactenus de contingentia rerum naturalium. Epilogi loco de Fato etiam nonnihil attingemus, & quo sensu in natura id admitti possit dispiciemus.

Picus Mirandulanus lib. 4. contra Astrolog. cap. 4. quadruplex Fatum è variis autoribus observat, Mathematicum seu Astrologicum, Stoicum, Physicum, Christianum.

Astrologicum, quod & Chaldaicum nonnulli appellant, è siderum motibus & constellationibus deducitur, quibus omnia in hoc sublunari mundo, nè

hominum quidem voluntatibus exceptis, ita subijci & constringi putantur, ut inevitabili necessitate fiat in hoc mundo quicquid in coelesti illa siderum curiâ decretum fuerit, circa inanimata & animata, circa irrationalia & rationalia, sive moraliter aut naturaliter bona sint sive mala.

Stoicum à Chrysippo definitur, *Naturalis quidam ordo seu coordinatio omnium rerum ab æterno aliis ad alias consequentibus, incommutabiliter manente hujusmodi complicatione*: Quæ omnem excludit contingentiam, ipsosque, si fas est credere, etiam Deos constringit.

Physicum seu naturæ Fatum aliud nihil est nisi Natura, seu causæ purè naturales certæ ac definitæ, quæ intrinsicam contingentiam non admittunt, sed, sublatis externis impedimentis, effectum necessariò producant.

Christianum fatum à Pico definitur, *Pendens à Divino consilio series ordinis causarum*. Plenior aliorum definitio hujusmodi est, *Infallibilis, sed suavis, & juxta cuiusque rei naturam, Divina providentia executio*: quæ quidem in quibusdam est necessaria, nempe in quibus Divina providentia necessarias causas præparavit; in aliis verò contingens, in quibus præordinavit contingentes; semper tamen certa & infallibilis. Tolerò valde probatur Boetii definitio, *Inhærens mobilibus dispositio secundum quam Divina providentia suis quaque necesse ordinibus*.

Astrologicum & Stoicum Fatum citra controversiam è natura proscribendum, quippe quod omnem rerum tollit contingentiam, etiam respectu causarum secundarum, ipsasque voluntates libertate suâ spoliât. Physicum verò & Christianum Fatum nemo vel Physicus vel Christianus negabit. In Christiano modò hoc observetur; Causas secundas, sive necessarias sive contingentes, à Prima dependere, & ab ea regi ac disponi; non Primam à secundis. Unde erant qui Divinam providentiam interpretantur nudam permissionem & eventuum à causis contingentibus, absque singulari directione Dei, profectorum ac præscitorum in fines tantum certos destinationem. Qui non attendunt quid Scriptura sibi velit, cum ait, *Cor regis esse in manu Domini, & inclinari ab eo quod vult*, Proverb. 21. Item, *Non esse hominis viam ejus, neque viri ut dirigat gressus suos*, Jerem. 10. Item, *A Domino esse gressus viri, nec disponi ab homine viam suam*, Proverb. 20. & cap. 16. *A Domino esse præparationem linguæ*.

CAPUT V.

De Principiis complexis.

P Principia complexa quid sint : Th. Recensentur : Exd.

THESIS.

Fuere hactenus corporis naturalis Principia incomplexa. Sequuntur complexa : Quæ sunt axiomata apud Physicos recepta, quibus in rerum naturalium cognitionem deducimur, & tanquam principiis vulgò concessis utimur.

*Exdosis.

Huiusmodi principia sunt :

1. Esse motum.
2. Esse multitudinem & diversitatem in rebus naturalibus.
3. Esse materiam & formam rerum naturalium.
4. Causarum genera esse quatuor, Materiam, Formam, Efficientem, & Finem.
5. Ex nihilo nihil fieri.
6. Non generari per se materiam vel formam, sed compositum.
7. Naturam principium esse motus & quietis.

8. Naturam agere ut plurimum eodem modo.
9. Naturam fugere infinitum & inordinatum.
10. Naturam nihil frustra agere.
11. Quatuor esse species motus : ad Substantiam, generationem & corruptionem ; ad Quantitatem, augmentationem & diminutionem ; ad Qualitatem, alterationem ; ad Locum, locationem.
12. Quod movetur, ab alio moveri.
13. Contrariorum esse contrarias causas, effectus & proprietates.
14. Remissionem unius contrarii fieri per admissionem alterius.
15. Omni actui propriam & determinatam potentiam respondere.
16. Quod recipitur, per modum recipientis recipi.
17. Quod sensibus obvium est, in dubium non esse vocandum.
18. Generationem unius esse corruptionem alterius.
19. Quantum esse divisibile in infinitum.
20. Omne corpus naturale actu esse finitum, &c.

CAPUT VI.

De quantitate corporis naturalis, & inde orta finitate & divisibilitate.

Affectiones corporis naturalis comitantur materiam vel formam : Th. I. Materiam sequitur quantitas : Th. II. Inter corporis naturalis affectiones primum locum sibi vindicat quantitas : Exd. 1. Quæ sit prima & formalis ratio quantitatis : Diversæ sententiæ expenduntur : 2. Solvitur objectio : 3. Quantitas realiter à corpore naturalis distincta : Th. III. Quantitatem realiter à corpore non distingui contendit Occam : Exd. 1. Impugnatur hæc sententia : 2. Solvuntur rationes contrariae : 3. A quantitate ortæ affectiones : Th. IV. Finitas, absoluta vel relata : Th. V. Absoluta, magnitudinis vel multitudinis : Th. VI. Finis magnitudinis : Th. VII. Probatur omne corpus naturale esse finitum mole : Exd. 1. Rationes in sententiam contrariam. 2. Solvuntur : 3. Finitas multitudinis : Th. VIII. Probatur omnia corpora naturalia esse numero finita : Exd. 1. Finitas relata : Th. IX. Datur in natura maximum & minimum : Positive & negative maximum & minimum : Exd. 1. Videntur ad maximum & minimum extrinsecè & intrinsecè sunt determinata : 2. Inanimata simplicia extrinsecè quidem, sed non intrinsecè sunt determinata : 3. Inanimata mixta homogenea intrinsecè ad certam parvitatem sunt determinata : 4. Divisibilitas corporis naturalis : Th. X. Partes quanti Physica vel Mathematica : Exd. 1. Divisio realis vel mentalis : ibid. Quantum non potest dividi realiter in partes Physicas numero infinitas : Quantum potest dividi mentaliter in partes Mathematicas numero infinitas : ibid. Rationes in sententiam contrariam : 3. Solvuntur. 4. Sententia Patricii de proposita questione : 5.

THESIS I.

Hactenus Principia corporis naturalis : Sequuntur Affectiones ejus, quæ comitantur materiam vel formam.

*Exdosis.

Ut materia & forma essentiam corporis naturalis constituunt, ita & omnia quæ essentiam consequuntur, pendunt vel à materia vel à forma, seorsum vel simul consideratis.

H 2 / THE

THESIS II.

Materiam sequitur Quantitas, quæ est affectio corporis naturalis per quam est extensum.

EXPOSITIO.

I. Inter corporis naturalis affectiones Quantitas primum locum merito sibi vendicat. Quia sequitur materiam corporis naturalis, quæ cum prior sit forma, quantitas quoque prior erit affectionibus formam consequentibus. 2. Quia quantitas est veluti basis & fundamentum omnium aliarum affectionum; nisi enim quantum esset corpus naturale, nec quale, nec locale, nec mobile esset. Qualitas enim & motus recipiuntur in quanto, localitas immediate quantitatem consequitur. Pertinet huc quod supra demonstravimus, materię competere quantitatem. Eodem recidit, quod alii dicunt, quantitatem respondere materię: 1. Quia nunquam abscedit vel accedit nova materia sine abscessu vel accessu novæ quantitatis: 2. Quia ut materia est subjectum accidentium in sensu incurrentium, ita & quantitas suo modo: 3. Quia quantitas est prima dispositio materię ad excipiendas formas.

II. Circa assignandam primam ac formalem quantitatis rationem magna Philosophorum est discrepantia: quorum alii mensuram, alii divisibilitatem, alii denique extensionem pro principali & formali ratione habent.

Mensuræ prærogativam hanc non competere, probatur: 1. Illa est formalis cuiusque rei ratio, quæ illi primo competit, ordine naturæ: Atqui, mensuram esse, non competit, quantitati primo, ordine naturæ: Ergo. Assumptio probatur: Quia non competit ei nisi per accommodationem ad aliud; & si maxime actu nihil menseat, tamen quantitas est: 2. Quantitas est accidens absolutum: ratio mensuræ formaliter non est absoluta: 3. Quantitati quatenus ut infinita concipitur, non competit ratio mensuræ, quia mensura est quiddam finitum.

Neque divisibilitati hæc prærogativa concedi potest: quia divisibilitas quantitati competit ratione extensionis, quæ partem habet extra partem: nisi enim extensa esset, dividi non posset. Itaque prærogativam hanc jure tribuimus extensioni, & ex ea quantitatem definimus: nec potest ulla quantitatis ratio potior excogitari, quam extensio, ut ex inductione patet. Vide *Fonseca*, in 6. *Metaph.* cap. 13. quæst. 1. Sect. 3. Et, *Suarium*, tom. 2. *Metaph.* disp. 40. Sect. 4. n. 3. 4. *Conimprobrantes* in 4. *Phys.* cap. 5. q. 4. art. 2.

III. At enim, inquires, extensio non videtur competere quantitati discretæ, seu multitudini. *Resp.* Ut quantitas principalis de continua quam de discretæ quantitate prædicatur, ita extensio quoque principalis competit continuæ quam discretæ: tribuitur autem numero extensum esse, quatenus idem est quod partem extra partem habere.

THESIS III.

Quantitas ita corporis naturalis est affectio, ut ab eo realiter sit distincta.

EXPOSITIO.

I. Inter Scholasticos quæstio agitur, An quantitas realiter distinguatur à corpore? Realiter distingui negat *Occam*, hæc potissimum ratione: (1.) Substantia per se habet partes invicem situ distantes: Ergo non habet formaliter propter quantitatem à se realiter distinctam; & proinde quantitas à substantia realiter non distinguitur: Ratio consequentiæ est; Quia per quantitatem partes substantiæ dicuntur situ distare: Si ergo per se ipsas situ distant, utique ipsæ sunt quantitates, seu à quantitate realiter non distinctæ. Antecedens rationis principalis probatur; Si quantitas esset accidens re distinctum à substantia, utique partes distinctæ quantitatis, tanquam accidentia, præsupponerent distinctas substantiæ partes quibus inhæreant: Quod si detur, ita porro arguitur; Si substantiæ partes sunt distinctæ citra quantitatem, vel quantitas erit nulla, vel à partibus substantiæ realiter non distinguetur: At prius falsum: Verum igitur posterius. Ratio Propositionis est; Quia quantitas est à partium distinctione. Accedunt aliæ rationes.

(2.) Partes quantitatis non distinguuntur à partibus substantiæ: Ergo nec quantitas à substantia distinguitur. Antecedens probatur; Si quantitatis partes distinguerentur à partibus substantiæ, sequeretur in quolibet composito esse tres extensiones, & consequenter tres quantitates: At consequens falsum: Ergo & antecedens. Connexi ratio est; Tot sunt extensiones, quot res extensæ: At materia habet propriam extensionem, habet & forma, habet denique & quantitas per se. Assumptio probatur; Extensiones materię & formæ essent productæ à quantitate, vel non: Si non essent à quantitate: Ergo, præcisâ quantitate, materia & forma essent extensæ, & proinde quantæ sine quantitate; quia omne extensum est quantum. Si essent à quantitate, quantitas esset forma activa: quod omnium consensu falsum.

(3.) Si

(3.) Si quantitas realiter est distincta à substantia, sequitur tres in eodem subiecto quantitates esse: At consequens falsum, & probat oppositum *Aristoteles*, 4. *Phys.* quæst. 37. datur aliàs dimensionum penetratio. Connexum probatur; Partibilitas formæ est aliud à formâ, partibilitas materiæ aliud à materia; quibus accedit partibilitas quantitatis: Atqui partibilitas materiæ, partibilitas formæ, & partibilitas quantitatis, sunt quantitates: Ergo tres erunt quantitates in eodem subiecto. Assumptio probatur; 1. Quia in nullo alio genere potest esse partibilitas quam in genere quantitatis: 2. Quia materiæ & formæ ex propria partibilitate earum competit finitas vel infinitas, ut sint pedales vel bipedales, &c. 3. Postâ partibilitate necessariò materia & forma habent partem extra partem, quod competit ratione quantitatis.

(4.) Si omnis partibilitas distinguitur à re habente partibilitatem, sequitur quantitatis esse quantitatem: At consequens falsum: Ergo & antecedens. Connexi ratio est; Quia & quantitas habet partibilitatem.

(5.) Quilibet res intelligi potest absque eo quod non est ipsi idem: Sed substantia corporea non potest intelligi absque quantitate: Ergo substantia corporea est idem cum quantitate.

II. In contrariam & veram sententiam plurimæ sunt rationes, è quibus potissimæ sequentes sunt:

1. Accidens & substantia distinguuntur realiter: At quantitas est accidens: Ergo, &c.

2. Quantitas terræ & quantitas aquæ sunt ejusdem speciei: At substantia terræ & substantia aquæ non sunt ejusdem speciei: Ergo quantitas idem cum substantia non est.

3. Substantia per se subsistit & in alio non inheret: At quantitas per se non subsistit: Ergo, &c.

4. Substantia non potest incipere & desinere nisi per generationem & corruptionem: At quantitas potest incipere & desinere etiam per solum motum localem: ut cum aquæ duæ superficies distinctæ concurrunt, distinctæ superficies pereunt; cum eadem reparantur, distinctæ superficies redeunt.

5. Alia mutationis species est ad quantitatem, nimirum *augmentatio*; alia ad substantiam, nimirum *generatio*.

6. Mutatio potest fieri secundum quantitatem, non factâ mutatione secundum substantiam: ut cum corpus aliquod addensatur vel rarefit, major vel minor fit quantitas, illa substantia.

7. Est & ratio naturalis hæc; Videmus in sub-

stantia materiali multas res inter se esse extensas & intime conjunctas, qualitates nempe cum substantiis, ita ut sese penetrarent & in eodem existant spatio absque ulla repugnantia: E contrario, videmus substantiam corpoream & aliquam ejus partem integram alteri ita repugnare in eodem spatio ut non possint sese penetrare: Hæc igitur repugnantia oportet proveniat ab aliqua re distincta à substantia & qualitatibus: quæ alia nulla potest esse nisi quantitas.

8. Sententia hæc ipsi *Occamo* contraria est: Credit enim cum alijs Pontificiis in hostia consecrata remanere quantitatem panis, & interire seu non manere substantiam: at quæ ita possunt separari, ea realiter distinguuntur.

III. Resp. Ad (1^m.) Antecedens negamus. Probationis connexum vitio consequentiæ laborat: Presupponit enim substantiam citra quantitatem habere partes distinctas & sicu distitas, quod cum *Hervæo* negamus. Etiam si enim partes substantiæ, quantum ad esse, præcedunt quantitatem, non tamen quantum ad *distinctum & divisum esse*, quod non nisi per quantitatem ipsis competit. Sic e.g. licet substantia colorata secundum esse, quatenus est substantia, prior sit colore; tamen secundum esse coloratum hoc est, quatenus est colorata, non est prior colore. Distinguunt hic nonnulli inter partes *entitativas* & *extensivas*: Entitativæ competunt substantiæ, ante quantitatem; extensivæ non nisi per quantitatem. Vide *Suarez* tom. 2. disp. 40. §. 4. num. 7, 8, & seqq.

Ad (2^m.) Antecedens negamus. *Prosyllogismi*, quo approbatur, connexum negamus; si è triplicitate extensionis inferat triplicitatem quantitatis. Tribus enim modis, ut notat *Paulus Soncinus*, extensio accipitur: 1. pro ipsa quantitate seu dimensionem; 2. pro effectu formali quantitatis; 3. pro respectu consequente quantitatem & effectum formalem, qui est de genere sitûs aut positionis. Unde patet non omnem extensionem esse quantitatem, sed eam tantum quæ est primi modi: Extensio verò quæ est materiæ & formæ propria, est tertii modi: habent enim & materia & forma materialis partes proprias à se distantes, sed per quantitatem tanquam principium formale habent. Extensio autem seu distantia partium ipsius quantitatis non est ab alia causa, sed ab ipsa propria quantitatis natura. Etiam si igitur tres sunt extensiones, tamen tres quantitates non sunt. Quod porro dicitur, *quantitatem fore activam formam, si ab ea esset extensio*; non sequitur, si per activam formam intelligatur principium effectivum: Extensio enim est à quantitate, non effectivè, sed formaliter.

Ad (3^m.) Connexum negamus. Prosyllogismi assumptionem negamus. Ut enim extensio sic & partibilitas tribus modis accipitur. Et partibilitas quidem, quæ partium est distinctio, non est quantitas, sed quantitatem consequitur. Ad assumptionis approbationem, 1^m; Partibilitas etiam potest esse in genere sitis & positionis. Ad 2^m; Finitas & infinitas competunt materiæ & formæ primò ex quantitate: nec partibilitati competunt, nisi quatenus ea quantitatem sequitur. Ad 3^m; Haberet quidem necessariò partem extra partem, sed propter quantitatem, cujus effectus formalis est partibilitas.

Ad (4^m.) Negamus connexum; Quia partibilitas tertio modo accepta non est quantitas, sed quantitatis consequens.

Ad (5^m.) Propositio simpliciter vera non est: Nam & forma rei non est idem cum re, & tamen res concipi absque formâ suâ non potest: Coloratum non est realiter idem cum colore, & tamen coloratum absque colore suo nequit concipi.

THESIS IV.

A quantitate ortæ affectiones sunt, *Finitas, Divisibilitas, Continuitas, Contiguitas, Localitas.*

THESIS V.

Finitas corporis naturalis est, per quam finitum est: Estque *absolutum vel relatum.*

THESIS VI.

Finitas absoluta est per quam corpus est finitum citra respectum ad aliud: Estque *magnitudinis vel multitudinis.*

THESIS VII.

Finitas magnitudinis est, per quam corpus est finitè extensum, seu mole definitum.

En Deote.

I. Omne corpus naturale finitum mole esse, hisce rationibus probatur.

1. Omnia corpora naturalia per extrema se mutuò contingunt: Ergò omnia mole sunt finita. Ratio consequentiæ est; Quia finitum esse, & per extrema se mutuò contingere, contradictionem implicant: Quod enim finitum actu est, id omnem contactum per extrema excludit. Antecedens experientia manifestam est: Cælum enim contingunt elementa, hæc ambiunt & sustinent corpora mixta,

2. Corpora naturalia sunt plura: Ergò nullum est infinitum. Ratio consequentiæ est; Quia posito uno infinito, omnia alia excluderentur: Omnem enim id locum occuparet, & omnia alia excluderet: Unde & consequeretur, nec moveri id de loco in locum posse, nec quiescere, nec agere, nec pati, nec principium esse aliorum corporum, nec ipsum esse ab alio corpore. Summa: frustraneum esset. Antecedens experientia docet.

3. Si daretur corpus infinitum, procul dubio id esset extremum cælum: At hoc non est: Ergò nullum est. Contexti ratio est; Quia quæ ambitu extremi cœli concluduntur, infinita esse nequeunt: Contradiciunt enim, infinitum esse, & ab alio contineri. Assumptio probatur; 1. Quia concavum est, utpote quod complexu suo omnia inferiora continet: At quod concavum est, id superficie interiori finitur, & proinde infinitum non est. 2. Quia subiectum sibi proximè corpus contingit per extrema sua. 3. Quia ubique non est.

4. Omne corpus naturale figuram habet: Nullum igitur est infinitum: quia quicquid figuram habet, id superficie, quæ figuram recipit, clauditur. Antecedens experientia probat. Vide plura apud *Petersonum*, lib. 10. cap. 7.

I I. Sunt tamen rationes quibus videtur impugnari posse hæc sententia.

(1.) Posito uno contrariorum, etiam ponitur alterum: Atqui corpus naturale finitum datur: Ergò contrarium infinitum quoque dabitur.

(2.) Quicquid dividi potest in partes infinitas, id partes habet infinitas; & proinde infinitum est: At corpus naturale quantum dividi potest in partes infinitas; quæ communis omnium Philosophorum est sententia, quam deinceps quoque probabimus: Ergò corpus naturale datur infinitum.

(3.) Additio partium quantarum potest fieri in infinitum. Ergò prodaci potest infinitum. Ratio consequentiæ est; Quia posita causa ponitur effectus.

Antecedens probatur; Quia divisio potest fieri in infinitum: Quod igitur uni magnitudini per divisionem auferri potest, id alteri per additionem adungi potest.

III. Ad rationes hæc breviter sic respondemus:

Ad (1^m.) Propositionem distinguimus: Posito uno contrariorum, ponitur etiam alterum, vel actu, in rebus ipsis, extra causas suas constitutum; vel in mente hominis contrarii unius naturam ex alterius natura æstimantis. Sic igitur infinitum quodam quantitatem datur, nimirum in conceptu negativo: Dum enim scio quid sit finitum mole, nimirum quod certis quantitatis suæ terminis est circumscriptum; etiam intelligo, quid infinitum mole, nempe.

nempe quod quantitatis suæ terminis non est circumscriptum & definitum. Secus si interpretare axioma, falsissimum erit. Datur enim bonum summum & infinitum; malum verò summum & infinitum non datur: ita posito frigore, non necessario ponitur calor; nec visu posito, cæcitas necessario ponitur: constaret enim sibi natura, si maxime cæcum animal nullum daretur. Itaque non placet nobis quod *Vallesius* ait, *Sacrae Philosoph. 1. cap. 1. sublato uno contrariorum, tolli alterum*; frigore sublato, tolli calorem. Sanè tam necessarius contrariorum nexus non est, ut unum absque altero esse nequeat; si de existentia loquamur. Cælum & terra, inquit Scriptura, igni conflagrabunt, & ignis tandem erunt; ideoque calor erit, frigore nupsiam existente. Eadem & Philosophi sententia est, De categ. cap. 11. *Non necesse est, inquit, si contrarium alterum sit, etiam reliquum esse. Nam omnibus bene valentibus, sanitas erit, non morbus: & omnibus albis existentibus, album erit, non nigrum.*

Ad (2^m.) Propositionem distinguimus: Quod in partes infinitas potest dividi, nimirum actu, divisione reali, id est infinitum actu. Hoc igitur Sensu negatur assumptio. Corpus enim naturale actu nequit dividi in partes infinitas, sed potentia tantum; Unde nec actu est infinitum, sed potentia saltem. Et si maxime partes illæ actu infinitæ quoad numerum exstarent, molem tamen corporis actu infinitam non facerent: nec enim majus ex iis conjunctis corpus fieret quam ante divisionem erat.

Ad (3^m.) Consequentiam negamus. Probatio ejus inefficax est: Additio enim partium, per divisionem infinitam, non est causa infiniti actu existentis. Ratio est; Quia partes ejusmodi non sunt magnitudinis determinatæ, sed proportionales tantum. Ut igitur non omnis divisio partium exhauriat continuum, sed tantum remotio partium alicujus certæ magnitudinis: ita non omnis additio quantitatis, etiamsi fiat in infinitum, reddit infinitum; sed ea tantum quæ partes determinatæ magnitudinis adjunguntur. Partes enim quanti alicujus, ex. gr. ligni pedalis aut bipedalis, proportionales infinitæ si adjungerentur quanto alii pedali aut bipedali, id tamen majus non efficerent quam esset si alterum quantum totum ei adjungeretur. Vel simplicitis respondeatur; Partium quantarum additio, nimirum mentalis, potest fieri in infinitum: Unde & infinitum orietur mentale, quod in sola constat imaginatione & potentia rei divisibilis quantæ, non in actuali infinitate magnitudinis. Quod si verò de additione reali antecedens tertiæ hujus rationis intelligatur, negandum id erit: Ut enim corpora actu & realiter sunt finita, ita per divisionem realem in

partes infinitas non possunt comminui: unde nec additio dabitur infinita.

THESIS. VIII.

Finitas multitudinis est, per quam corpora naturalia fuerunt, sunt, & erunt numero definita ac determinata.

Expositio.

Veritatem hujus assertionis hoc modo demonstramus; Corpora naturalia nec quoad species nec quoad individua secundum multitudinem seu numerum sunt infinita: Ergo infinitum numero in natura non datur.

Antecedentis pars prior probatur; 1. Si species rerum naturalium essent numero infinitæ, sequeretur infinito dari posse aliquid majus: At hoc falsum: Ergo & illud. Connexi ratio est; Quia individua sunt plura quam species: Si igitur species sunt infinitæ, & individua erunt infinita: quæ cum longè superent numero species, sequeretur infinitum infinito posse esse majus: quod absurdum est: Infinitus enim numerus est, qui augeri amplius non potest. 2. Si infinitæ rerum naturalium essent species, sequeretur mundum infinitos habere perfectionis gradus: At hoc falsum: Ergo & illud. Connexi ratio est; Quia duæ species ejusdem perfectionis non reperiuntur: semper enim una altera est perfectior, ut experientia docet. Assumptio patet; Quia infinitas perfectionis proprium est solius Dei.

Altera pars, de finito individuorum numero, ita demonstratur; Si individua essent infinita, sequeretur partem esse æqualem toti: At hoc absurdum: Ergo & illud. Connexi ratio est; Quia in infinita individuorum multitudine erunt infiniti binarii, & infiniti quaternarii: finiti enim quaternarii ex infinitis binariis non possunt fieri: Cum igitur infinitum infinito majus non sit, sequetur infinitos binarios esse æquales infinitis quaternariis, & per consequens partem toti: binarius enim est dimidium quaternarii. Præterea, si actu infinita numero essent individua, cæli ambitu contineri non possent: Est enim ambitus iste actu finitus: at infinitum à finito contineri non potest. Militant pro hac sententia omnes illæ rationes quibus probatur numerum actu infinitum dari non posse.

THESIS IX.

Haecenus finitas absoluta: Relata est quæ intra maximi & minimi terminos versatur, quam tribus sequentibus propositionibus explicamus.

I. In rerum natura datur actu corpus aliquod ratione molis maximum, datur quoque minimum.

Enstos.

Maximum quoad molem dari patet è cælo ultimo, extra quod nullum aliud est corpus, quodque omnia alia complexu suo continet: Majus igitur eo nihil est. Minimum quoque dari, ita probatur; Si quocunque parvo dato semper aliud minus existeret, sequeretur actu infinitam esse rerum multitudinem: quod falsum esse priori thesi demonstravimus: Datur igitur actu corpus minimum.

Duplex autem est *minimum*, vel cui certos terminos natura præscripsit, quod seorsum positum in natura tanquam rerum aliquod & completum reperitur, sive in animatis, sive in inanimatis: Vel quod per divisionem actualem ac realem, vel successiōnem quanti alicujus fieri potest. In utroque genere dari minimum certum est ob rationem assignatam. Hinc Scaliger Exercit. 6. §. 4. concludit, *in motu pertransiri spatium minimum quantum, per tempus minimum quantum, à corporis portione minimā quantā.*

Observandum præterea, maximum & minimum positivè vel negativè posse accipi. Positivè maximum, quod omnibus aliis est majus, & nè æquale quidem habet: eodem sensu & positivè minimum, quod omnibus est minus nec æquale habet. Negativè maximum, quod majus se non habet, etsi æquale habere potest; negativè minimum, quod minus se non habet, etsi æquale habere potest. Hæc distinctione observatâ de maximo & minimo naturali ita porro judicamus.

Positivè maximum actu in natura datur.

Est hoc cælum, quo majus corpus naturale nullum est, nec ullum ei æquale est.

Positivè minimum, inter corpora naturalia completa & perfecta, quibus certos natura terminos præscripsit, an detur incertum est. Quis enim dixerit nobis an non æquale ei detur.

Certum tamen est dari negativè minimum, propter rationem suprâ adjectam.

Positivè minimum in quantis per realem divisionem non dari certum est. Nihil enim impedit quod minus æquale possit ei dari:

Negativè minimum in iisdem per divisionem dari certum est: essent enim quanta aliâs actu infinita.

II. Viventia ad maximum & minimum ita sunt determinata, ut neque ad quantameunque molem excrecere, neq; sub quantulacunque mole subsistere

queant: Idem judicandum de partibus viventium heterogeneis, ut sunt manus, pes, caput, &c.

Enstos.

Docet hoc 1. *Experientia*: Nec enim homo ad magnitudinem proceræ arboris vel turris excrecit; nec sub parvitate alicujus formicæ consistit: Itâ mus elephantî magnitudinem non attingit, nec elephantus ad parvitatem muris descendit: Quercus quoq; ad cælum sidereum non assurgit, nec cujusvis plantæ parvitatem admittit. Hos rebus limites constituit immensa Creatoris sapientia.

2. *Ratio*: Augmentatio enim per quam acquiritur quantitas viventium, est determinata: Ipsa igitur quantitas viventium est determinata. Antecedens probatur; 1. Quia est motus naturalis, qui terminum ad quem determinatum requirit. 2. Quia virtus augmentativa finita est & determinata: Sed & instrumentorum quæ in animalibus sunt variorum apparatus quamvis minimam quantitatem non admittit; siquidem divisio in minima tandem omnia heterogenea excludit.

3. *Autoritas Aristotelis*, lib. 4. De generat. animal. cap. 4. Perficiendi cujusvis animalis certa est magnitudo, tum ad majus tum ad minus, quem terminum non supergrediuntur ut vel majora vel minora evadant, sed in medio magnitudinis spatio excessum defectumque inter se capiunt. Vide & 1. Physic. text. 36. 2. De anim. text. 41. Polit. 7. cap. 4.

III. Inanimata simplicia, qualia sunt elementa, extrinsecus quidem determinata habent magnitudinem, in se tamen & intrinsecè, nisi aliud obstat, possunt indefinitè augeri & minui: secundum doctrinam Peripateticam.

Enstos.

Propositionis hujus pars prior manifesta est. Videmus enim elementa à cælo circumscribi & determinari: itaque majora cælo esse nequeunt. Accedit, quod materia universi finita corpus quoad molem infinitum nullum possit constituere. Posterior pars, de infinita auctione, rationi planè consentanea est. Nam si aquæ vel terræ aqua vel terra in infinitum apponeretur, accresceret utique in infinitum, itâ ut præexistens aqua vel terra nihil detrimenti caperet, imò majores ad agendum vires sortiretur. De diminutione idem manifestum est. Nec enim materia nec forma corporum horum determinatam magnitudinem requirit: ut experientia docet, quod

&c.

& *Aristoteles* suffragio suo comprobatur, qui lib. De sensu & sensibili, cap. 5. ait *homogenea non dividi ad minimum*. Videatur *Pererius* lib. 10. De quantitate.

Acriter sententiam hanc nostram defendit *Scotus*, 2. Sent. dist. 2. q. 9. Ex cuius mente *Philippus Fabricius* Philosoph. nat. Scoti th. 37. cap. 1. & 3. multas rationes adducit: Nobis una & altera sufficiat.

1. Si ratione minimi elementum requireret determinatam quantitatem, ita ut minorem ferre non posset, fieret hoc vel ratione materiæ, vel ratione quantitatis, vel ratione formæ: Atqui non ratione materiæ; quia quantitas in materia non determinatur à materia, sed à forma: Non ratione quantitatis; quia hæc ex se est indeterminata & in infinitum divisibilis: Non denique ratione formæ; quia forma elementi, ex doctrina Peripatetica, immediatè inest materiæ primæ, & quantitatis est comes, induitque materiæ & quantitatis rationem.

2. Cogitur aliqua materiæ particula minor eâ quam intrinsicè elementi forma determinata dicitur, in ignem conjiciatur: Aut igitur produceret in illa portione calorem & consequenter formam suam, aut non produceret. Si produceret, habebimus quod volumus: Si non produceret, sequeretur materiam primam non esse ejusdem rationis secundum omnes suas partes, quando in aliquas induci potest forma ignis, in aliquas non potest: At falsum consequens: ex omnium enim sententia, omnes materiæ partes sunt ejusdem rationis; in quibus potentia proxima est ad formas elementares.

3. Ponamus formam aquæ requirere determinatam materiæ quantitatem minimam; & cogitur ea esse bipedalis, (nihil enim interest sive majorem sive minorem sumas) ita ut sub quantitate pedali nequeat esse. Dividatur igitur aqua illa bipedalis: (etiamsi enim non ut aqua, ex adversariorum sententiâ, tamen ut quanta dividi poterit:) illa igitur pars aquæ divisæ habebit formam aquæ, aut non habebit. Si habebit, habebimus quod volumus, nempe formam aquæ non requirere determinatam quantitatem. Si non habebit, erit vel materia actu sine forma; quod absurdum: vel habebit aliam formam, & sic per simplicem divisionem fiet generatio; quod impossibile. Sed ponamus habere aliam formam; quæ vel heterogenea vel homogenea erit: Atqui non heterogenea, quia hæc majorem requirit quantitatem quam homogenea. Si homogenea, quæro cur minor illa quantitas hanc admiserit, aquæ verò formam repudiavit. Deinde de illa ipsa forma adhuc quæretur, an determinatam quantitatem requirat, vel non. Si non requirit, habeo quod volo: Si requirit, illa ite-

rum in suas dividetur partes, & sic processus in infinitum dabitur. Sufficiant hæ rationes.

Contrariam sententiam defendit *Thomas*, & qui eum sequuntur: quos inter *Cajetanus* magno conatu rem hanc agit, P.P.q.7. art.3. *Favellus* 1. Phys. q. 19. Quæ eorum rationes, cum momentosæ non sint, datâ operâ à nobis negligantur.

IV. Inanimata mista homogenea, ut sunt metalla, lapides, intrinsicè determinatam habent parvitatem, ita ut eorum formæ sub quacunque quantitate minori nequeant existere.

Huic assertioni cum multis contradicit *Pererius*: putat enim eandem misti homogenei & elementorum esse rationem. Nobis tamen diversum videtur; qui elementa realiter in mistis esse & manere statuimus: In divisione igitur misti homogenei ad minimum tandem pervenietur; infra quod non mistum, sed elementum erit. Sed satis de his. Quibus viis Philosophi cognoverint minimum & maximum in rebus naturalibus, vide apud *Pererium* lib. 10. cap. 23.

THESIS X.

Hactenus *Finitas*: *Divisibilitas* corporis est, quâ corpus in se divisibile in infinitum est.

*Ex Sect. II.

I. Difficilis est quæstio de quanti continui divisione, *An in infinitum sit divisibile vel non*: hoc est, *An quanti particula adeò parva dari possit ut in minores alias dividi nequeat*. Nos *Aristotelem* secuti negantem partem tuemur, & pro divisibilitate quanti in infinitum stamus in thesi. Quam sententiam priusquam explicemus & approbemus, duas distinctiones præmittimus.

Una *partium* est: Quæ in duplici sunt differentiâ. Aliæ enim partes sunt *Physicæ*, quæ determinatam habent magnitudinem, in sensum incurrentem; ut cum lignum aliquod scinditur in plurimas particulas visu perceptibiles: Aliæ verò sunt *Mathematicæ* seu proportionales, quæ determinatæ magnitudinis non sunt, nec sensu percipi possunt; ut cum linea aliqua pedalis in centies mille particulas dividitur:

Alterâ *divisionis* est: Quæ *realis* vel *mentalis* est, *Realis* est, quæ instrumento peragitur corporeo; ut cum lignum cultro in multas secatur partes, *Mentalis*

alis est, quæ solâ mentis operatione perficitur, tali tamen, cui ipsa rei divisibilis natura non repugnat; ut cum lineæ exigua adeo particula nequit cogitari, quin in minores alias dividi in se possit, etiam si divisio per instrumentum corporeum peragi nequeat.

II. His ergo præmissis propositam quaestionem duabus assertionibus explicamus.

Una est;

Quantum non potest dividi realiter in partes Physicas numero infinitas.

Ostendit hoc ipsa experientia. In divisione enim reali, quæ corporeo peragitur instrumento, ad partes adeo parvas tandem devenitur quæ in minores partes dividi à nobis neutiquam possunt. Secus si esset, corpori actualis sua finitas non constaret.

Altera;

Quantum potest dividi mentaliter in partes Mathematicas numero infinitas, ita ut quanti natura minimè repugnet: Quod hoc sensu intellectum volumus; Nulla quanti adeo parva datur particula quin in alias minores dividi in se possit, et à cogitatione nostra citra absurditatem dividi queat.

Approbant assertionem hanc rationes ex ipsa quanti naturâ petitæ:

1. Omne quantum est divisibile: Atqui etiam minima quævis quanti portio est quanta: nec enim quantum redigi potest in non quantum: Ergo divisibilis est.

2. Quantum continuum non componitur ex indivisibilibus: Ergo quantum in infinitum est divisibile. Antecedens probatur; 1. Si indivisibilia vel puncta componunt continuum, vel continua inter se erunt vel contigua: At nec continua, nec contigua esse possunt: Quod ita probatur; Omne continuum & contiguum extrema habet, quæ sunt simul vel unum: At indivisibile extrema non habet, cum partes non habeat: Quod si maximè contigua esse possent puncta, quantum tamen continuum non constituerent, cum continuum non fiat ex contiguis. 2. Ex non-continuo non potest fieri continuum: At puncta seu indivisibilia non sunt continua: Ergo quantum ex iis non fit. Assumptio patet; Quia omne continuum est divisibile; Punctum est indivisibile. 3. Si lineæ ex punctis fieret; Ergo lineæ quatuor punctorum esset longior quàm lineæ trium punctorum: At hoc falsum: quod enim in se non est longum, id aliud longius non potest facere.

4. Mathematicum axioma est, *Quamlibet lineam secari posse in duas partes æquales & duas inæquales*: quod falsum esset, si lineæ ex punctis componeretur. Lineæ enim ex tribus constans punctis non potest secari in duas partes æquales, nec ea quæ ex duobus constaret punctis, in partes inæquales, nisi ipsum secari punctum admittamus. 5. Si magnitudo componeretur ex indivisibilibus, sequeretur omnia mobilia æquè velociter moveri, nullum tardius, nullum citius: At hoc falsum: Ergo & illud. Connexi ratio sic probatur: Sit aliqua magnitudo trium punctorum, sit mobile velox quod transeat punctum unum in instanti: At quodlibet etiam tardissimum mobile idem transibit in instanti. Nam si dicas in tempore transiri punctum à mobili tardo; cum omne tempus partes habeat, sequetur in una temporis parte transiri partem unam indivisibilis seu puncti: Unde sequetur indivisibile posse dividi.

III. Contra sententiam hanc multis multi rationibus disputant, è quibus & hæ sunt:

(1) Aut lineæ componitur ex punctis, aut ex alio. At non ex alio; quia sequeretur in illo non esse puncta: At nihil in lineâ est, ubi non sit punctum.

(2) Puncta ubique sunt in lineâ: Ergo lineæ componitur ex punctis. Antecedens probatur; Quia lineæ ubique est divisibilis, dividitur autem in puncto.

3. Euclidis assertio est, *Sphæricum corpus non posse planum nisi in puncto contingere*: Si igitur corpus sphæricum moveatur super planum, continuè movebitur per puncta: Tota igitur & plani & sphærici longitudo constabit ex punctis.

(4) Ut se habet unitas ad numerum, ita punctum ad continuum: At unitas multiplicata componit numerum; Ergo etiam plura puncta componunt lineam.

(5) Si omne continuum est divisibile in infinitum, habebit partes infinitas: habebit igitur molem infinitam: quod absurdum est.

(6) Si omne quantum in infinitum est divisibile, erit aut infinitum infinito majus, aut pars æqualis toti, quorum utrumque absurdum est. Connexi ratio est; Si enim dimidium lineæ & tota lineæ dividatur in partes infinitas, aut partes dimidiæ lineæ erunt æquales partibus totius lineæ, aut non erunt æquales: Si prius, pars erit æqualis toti: si posterius, infinitum infinito erit majus.

IV. Ad rationes hæc ita respondemus:

Ad (1^m). Negamus assumptionem. Componitur enim lineæ ex alio, nimirum è minoribus lineis, in quibus nihilominus reperiuntur puncta, non quidem lineas constituenta sed terminantia; item non actu, sed potentiâ. Quid? quod ubique puncta defini

gnari

gnari non possint in linea, designato enim uno puncto immediate post aliud non datur; quia duo puncta non possunt esse continua vel contigua, ut supra ostendimus. Punctum verò actuale in continuo, quatenus continuum est, nullum posse dari, deinceps demonstrabitur.

Ad (2^m.) Solutio ex præcedentibus patet. Primum negatur antecedens. Cum enim linea ubique non terminetur, puncta quoque ubique non erunt: Punctorum enim non est constituere lineam, sed terminare. Accedit quòd punctum unum in linea immediate sequi alterum non possit. Deinde, concessio antecedente, consequentia quoque negatur. Nec enim id statim est pars componens quòd potentia in aliquo continetur. Sic igitur, etiamsi linea ubique secta resultant puncta, ex iis tamen compositam fuisse lineam non sequitur: Est enim punctum aliud nihil nisi terminus lineæ, seu ulterioris extensionis negatio.

Ad (3^m.) Consequentiam negamus. Etiam si enim corpus sphericum non contingit planum nisi in puncto, continuè tamen moto corpore sphærico, non per indivisibilia seu puncta fit motus, sed per quiddam continuum, lineam nimirum respondentem continuitati motus: veluti circulus in puncto contingens planum, & circumductus motu continuo, non puncta constituit discontinua, sed lineam continuam. Deinde punctum in quo corpus sphæricum contingit planum, non est Mathematicam omnino expers magnitudinis, sed Physicam.

Ad (4^m.) Propositionem negamus. Alia enim est numeri, alia quantitatis continuæ ratio. Numerum constituunt unitates, quia in numero nulla requiritur partium continuas, quantitas enim discreta numerus est: Cum autem continuæ quantitatis partes debeant esse unitæ, utique ex punctis, quæ continuari & uniri nequeunt, minime constitui poterit quantitas continua.

Ad (5^m.) Consequentiam negamus. Primum enim cum partes infinitæ in quanto sint, non actu, sed potentia, infinitum actu ex iis nequit constitui, sed potentia tantum; idque non ratione molis, sed divisionis. Deinde, non quælibet quanti partes actu infinitæ constituunt molem infinitam, sed eæ duntaxat quæ sunt alicujus determinatæ magnitudinis; quales eæ non sunt quæ ex infinita continui divisione oriuntur: quæ si ex finito aliquo quoad molem corpore per sectionem infinitæ fierent, rursus tamen in unam molem unitæ ex finito infinitum non facerent.

Ad (6^m.) Connexum negamus. Tota enim linea si dividatur in partes, & pars si dividatur in partes infinitas; partes quidem è divisione partis

resultantes, quoad numerum erunt æquales partibus è divisione totius lineæ resultantibus, sed non quoad magnitudinem: Majores enim erunt quoad molem infinitæ partes totius lineæ quàm partes dimidiæ lineæ. Itaque quoad molem manebit inæqualitas partis & totius, quoad numerum verò partes dimidiæ lineæ & totius lineæ erunt æquales; & tamen pars toti non reddetur æqualis: etiamsi enim dimidium lineæ totius est pars, partes tamen dimidiæ lineæ non sunt partes totius lineæ.

V. Ità quidem responderi solet & potest ad sextum hoc argumentum, quod omnium urgentissimum judico. Responsum accutius urgeti posse instantis non diffitear, adeoque parum abesse puto quin sententia Peripatetica; quam & nos hic professi sumus, de continui in infinitum divisibilitate, vulnus lethale accipiat: Quod *Patricii* quàm meis verbis demonstrare malo. Hic igitur Philosophus, *Pancosmæ* lib. 2. *Aristotelicum* dogma de continui in infinitum divisibilitate acriter impugnat, & præ reliquis argumentum sextum urget: Multa tamen alia quoque absurda conglomerat: Dignus igitur quem hoc loco audiamus, quando vocum libertate, in hac nostra republica liberrima, nihil nobis gratius. Sic ergo ille, *Negamus maximè omnium, quod maximè omnium & ipse (Aristoteles) & Geometrarum affirmant filii, Lineam semper atq; in infinitum dividi posse vel dividi posse in semper divisibilia. Hoc verò negamus, tum quòd nec ipse (Aristoteles) nec Mathematici ulli id ullis rationibus comprobant; & quòd sensus ei repugnat, & rei natura ipsa, & mentis humanæ capax. Quod & ipse faretur quoque. Neque enim talis divisio in actum est deducta unquam, nec in posterum deduci potest. Præterea procul est à re quam & ipse & Mathematici tractant: finitas nempe magnitudines præ manibus habent, & contemplantur semper. Præterea impossibilia multa hoc dogma consequuntur: Quorum primum est, quid omnes lineæ inter se erunt æquales: Quatenus enim in infinitum dividuntur, æquales omnino esse necesse est omnes. Infinitum enim infinito nec majus est nec minus. Ergo linea pedalis æqualis erit lineæ cemi-pedali, infinitum enim æquale utraq; subeunt. Non enim quæ in infinitum dividuntur, minor illa est, hæc major: ergo æquales ambæ. Imò verò utraq; hæc æqualis est lineæ protractæ in infinitum. Nam & hæc sicut & illa in infinitum dividetur. Quin imò minima linea, quæ ferè magnitudine punctum vix excedat, æqualis erit lineæ maximæ, quæ major esse nequeat, hoc est, infinitæ. Nam & illa puncto vix major, sicut & hæc, in infinitum potest secari. Imò pars lineæ æqualis erit toti: nam & pars cum lineâ sit, sicut & tota, secatur in infinitum. Præterea*

est lo.

estlo pedalis linea una, esto bipedalis altera; certè ex sensu communi, ex Geometricarum omnium consensu, hæc duplo erit major quàm pedalis. In bipedali medium signetur notà: tunc dimidium ejus æquale erit pedali. Secentur & tota hæc & dimidium illud in infinitum, cumque ipsæ æquales sint, sectio earum in infinitum æqualis erit altera alteri. Cùmque sectio infinita sit, bipedalis sectio major erit pede uno pedali sectioque: Atque ità unum infinitum alteri infinito uno pede erit minus: Atque ità duo infinita non erunt adinvicem æqualia, sed erunt alterum minus, alterum majus. Hoc autem esse impossibile ratio hæc convincit. Nam quod infinitum altero infinito majus est, vel per finitam partem vel per infinitam majus erit. Si dicatur esse majus per aliud infinitum ei additum, tunc infinitè majus etiam se ipso evadet. Et per eam infiniti additionem etiam minus infinitè se ipso evadet: quod impossibile esse nemo sanus non videt. Tum etiam ubi ea additio fit, terminum utriusque necesse est esse: vel enim continua sunt, vel non continua. Si non continua dicantur, tunc linea non erit quantum continuum, sed discretum. Si continua est utraque, & infinita juncta simul; tunc dicemus terminum extremum utriusque in ea conjunctione esse. Continua enim illa sunt, quorum extrema, ex Magistri definitione, unum sunt. Extrema autem quid aliud sunt quàm termini & fines? Ergò duo hæc infinita juncta simul & finita sunt & infinita: Quod est ridiculum. Si verò alterum infinitum altero infinito majus sit additione infiniti, totum finitum evadit, & erit finitum & infinitum. Ergò additione magnitudinis minus fit quàm prius erat. Erat enim infinitum, modò finitum est: finitum autem minus est infinito. Quod apprimè est ridendum. Ad hæc omnia: Duæ lineæ, quæ in infinitum secari possunt, actu sunt divisæ in infinitum. Atque ità potentia &

actus idem erunt: lineæ enim illæ actu lineæ sunt. Dividantur: Tunc partes utriusque actu quoque lineæ erunt. Et, divisione in infinitum procedente, partes semper infinitè sectæ actu quoque lineæ erunt. Ergò nihil in eis partibus actus differet à potentia. Ergò potentia & actus idem sunt: Ergò etiam duo infinita actu erunt infinita. Ergò etiam infinita illæ partes finita quoque sunt, & quæ infinitæ, atque ità una linea infinita erunt lineæ. Quæ omnia cum absurda & impossibilia sint, id etiam absurdum & impossibile erit, à quo hæc prosunt; dogma illud scilicet per quod omnem lineam & omne quantum in infinitum dividi posse asserbatur. Hæcenus Patricius contra continui infinitam divisibilitatem: Cui si nostra satisfacit responsio, gratulabor ei: sin minus, vel melior danda, vel Patricio cedendam. Quod dicitur in divisione totius & dimidiæ lineæ, partes totius & dimidiæ infinitas fore æquales quoad multitudinem non quoad magnitudinem, nescio sanè an curiositati satisfaciatur. Fingamus enim lineam bipedalem dividi posse in partes quoad molem æquales partibus lineæ pedalis ex infinita divisibilitate ortis: concipere hoc nihil prohibet: Quæro igitur an partes istæ bipedalis lineæ quoad molem æquales partibus lineæ pedalis, etiam quoad multitudinem iis æquales sint futuræ. Si affirmaveris, pars toti erit æqualis quoad partium magnitudinem & multitudinem. Si negaveris, & plures esse dixeris partes bipedalis quàm pedalis lineæ, vel infinitum infinito erit majus, vel linea pedalis non erit divisibilis in partes infinitas: quorum illud absurdum; hoc datæ hypothese contrarium. Denique hîc observandum, ex sententia Patricii, majorem lineam non quidem ex punctis sed ex lineis minimis indivisibilibus componi. Ab hisce lineis puncta quomodo distinguat, vide in libro allegato. Satis de hisce.

CAPUT VII.

De continuitate & contiguitate.

Continuitas quid: Th. 1. Exemplo illustratur definitio: 30. 1. Partes quanti continui non uniantur per interveniens punctum: 2. Examinat Patricius definitionem continui ab Aristotele traditam: 3. An continua esse possint corpora quæ specie differunt: Rationes pro affirmante: 4. Approbatur & defenditur negatio: 5. Solvuntur rationes contrariæ: 6. Triplex continuitatis ratio in corporibus naturalibus: 7. Contiguitas: Th. II.

THESIS I.

Continuitas est immediata partium in eodem quando cohærentia.

Ex. 1.

I. Sic statuam, ex solido lapide vel ligno, continuum corpus appellamus, quia nullum partium su-

perficiibus distinctarum hiatum admittit. Immediatam verò partium cohærentiam requirimus; quia quæ superficiebus distinctis intervenientibus cohærent, ut duæ columnæ per extremas superficies sibi applicatæ, non continua sed contigua sunt & dicuntur.

II. Definiant vulgò quantitatem continuam, cujus partes communi termino indivisibili copulantur. Terminum

Terminum illum communem aiunt esse principium partis unius & finem alterius, quod punctum esse affirmant. Statuunt igitur Philosophi isti, partes continuae quantitatis non posse uniri nisi per interveniens punctum. Cui sententiae quod minus subscribamus, hæc sunt rationes :

1. Si punctum lineæ partes unit seu continuat, utique contingendo eas continuabit : quod enim extrema duo unit, utrumque contingit : At punctum extrema non contingit, ut supra monstravimus : quod enim indivisibile est, ut punctum, nihil contingit ; cum contactus fiat per partes.

2. Si punctum partium extrema contingit, in indivisibili contingit, prout ipsum est indivisibile. Sequetur igitur tria indivisibilia seu puncta immediate se posse contingere : tria, inquam ; duo minimorum partium duarum, & tertium partes duas uniens ; At tria puncta immediate se posse contingere, negat *Aristoteles* ex natura contiguorum : negant cum eo meliores Philosophi, qui hoc ipso probant argumento, continuum non componi ex indivisibilibus.

3. Puncto, quod duas lineæ partes unit, sublato, partes duæ extremis erunt distinctæ, aut non distinctæ. Si distinctæ & discontinuæ, punctum erit causa continuitatis, & non quantitas : quod falsum ; Si indistinctæ & continuæ, puncto ad continuitatem partium non erit opus : quæ nostra est sententia.

4. Si dantur puncta continuantia, sequitur actu infinita & realiter distincta puncta esse in eodem continuo : At consequens falsum & absurdum : numero enim infinitum actu nequit dari. Connexi ratio est ; Nam si finita essent, aut linea constaret ex solis illis, aut haberet partes finitas, in quas solas dividi posset : quorum utrumque impossibile.

5. Denique puncta in continuo actu non sunt : Non igitur actu possunt partes continuare.

III. *Aristoteles* continua definit, quorum extrema sunt unum. Ità probat hanc definitionem *Patricius*, cuius verba relatu digna sunt. At continua ista duo vel plura, erantne continua antequam eorum extrema in unum convenirent ? vel continua non erant ? Si continua non erant, ubinam extrema habebant antequam coirent ? Nam si ipse, dum continetur, regat, ex indivisibilibus punctis quomodo divisibile fiat & nobis ipse respondeat, ex non-continuis quomodo continua sunt facta ? Non-continuos ostendat nobis extrema. Quid sunt extrema non-continuosum ? Sin verò affirmet, utrumque illud continuum fuisse, extrema habuisse, etque in unum junxisse, atque idèò continua facta esse, vel continua esse : nihil

horum nos urgemus : sed illud ab eo rogamus, ut non plura continua sed unum tantum continuum nobis definiat. Satis enim id nobis fuerit : plura illa ei donamus. Igitur quid est continuum ? An respondebit, quorum extrema, vel cuius extrema sunt unum ? Si inquiet, quorum extrema, jam etiam ridebimus : De uno namque continuo querimus. Si respondeat secundum, continuum scilicet id esse, cuius extrema unum sunt ; id uti falsissimum refutabimus. Extrema enim & lineæ & cuiusque magnitudinis duo sunt ad minus ; neque in unum coeunt unquam, sed maxime à se invicem semper distant. Ergo nisi aliam continui definitionem afferat, hanc sibi habeat cum omnibus inde secutis.

IV. Queritur, An continua esse possint corpora quæ specie differunt. Affirmativa questionis exemplis potissimum approbari solet. Virga partim viridis, partim arida unum & continuum est corpus ; & tamen partes ejus specificè differunt : animatum enim & inanimatum formis differunt specificis. Ità & hominis extrema partes quandoque mortuæ sunt, cum animam homo agit, mediis adhuc viventibus. Sed prius exemplum est accommodatius. Esse autem virgam, partim aridam, partim viridem, continuum corpus, inde probatur ; quia uno & eodem motu movetur utraque pars : mota enim viridi, movetur & arida ; mota arida, & viridis movetur : Atqui continua sunt, quorum unus est motus, §. *Metaph. cap. 6. text. 8.*

V. In partem negativam inclinant plerique Philosophi, idque secundum *Aristotelis* decretum, quod §. *Metaph. cap. 6.* occurrit, ubi ait, ea esse unum numero, quorum materia est una, subintelligit, numero : de substantiis enim materialibus loquitur ; quibus solis, inter substantias, unitatem numeralem sub eadem specie tribuit. Unde hunc in modum licebit arguere.

1. Si diversarum substantiarum materia esset una numero & continua, sequeretur diversas substantias esse unam numero substantiam : At falsum consequens : Ergo & antecedens. Connex ratio petitur ex allegato *Aristotelis* loco.

2. Quantitas continua immediate sequitur materiam, aut accedit ei per formam substantialem. Si prius dicatur, utique materia ex se numero eadem & continua erit, nec, nisi per formas quantitate posteriores, numero multiplicabitur : Illæ autem formæ vel sunt accidentales, quantitate posteriores, vel substantiales : Non accidentales, nempe qualitates, quia hæc non distinguunt numero Materiam ; cum in eadem materia reperiantur non solum numero sed & specie distinctæ qualitates :

qualitates : Erunt igitur formæ substantiales ; & proinde non poterit esse continua materia , in qua diversæ sunt formæ substantiales. Sin verò quantitas continua formam sequatur, res adhuc liquidiore est.

3. Si substantiæ differentes specie essent continuæ, sequeretur unum numero accidens, nempe quantitatem continuam, esse in diversis numero subjectis : At consequens falsum : Ergo & antecedens.

VI. Ad contrarium exemplum respondemus per distinctionem quantitatis continuæ : Quæ vera aut apparens, vel accuratè aut minùs accuratè sic dicta : Quomodo & continuum ab Aristotele accipitur, 5. Metaph. cap. 6. tex. 8. ubi continua esse ait etiam ea quæ fasciculo aut glutine sunt connexa, ita ut pars una moveri absque alia non possit : quod videre est in tabulis conglutinatis. Virgam igitur partim aridam partim viridem continuam esse dicimus, non verà sed apparente tantum seu minùs accuratè sumptà continuitate : ut in allegato textu sumitur. Si de vera & propriè sic dicta continuitate sermo sit, Respondemus cum Scaligero Exerc. 10. In arboris ramo, cujus pars arida, pars vivens est, duo esse naturalia corpora, duas materias, duas formas, eadque non ejusdem generis. Motum virgæ hujusmodi quod attinet, est ille quidem indivisus, ratione temporis : eodem enim tempore pars utraque movetur, simulatque motus in parte unâ inci-

pit : Attamen, si judicium ratio ferat, unus numero & continuus non est, quia diversa numero sunt subiecta. Conimbricenses in 5. Phys. cap. 4. q. 5. art. 2.

VII. Hactenus de continuitate : Cujus rationem in corporibus naturalibus triplicem agnoscit Scaliger, Exerc. 8. quod tribus modis sit coherentia : primò, à propinquitate partium, quâ fit densitas : altero ; à duritia, quâ fit resistentia : tertio à glutinositate, quâ fit pertinacia coherætionis. Hæc suo loco relinquimus. Etsi à duritie non videtur esse continuas : Tam enim mollia sunt continua quàm dura : nisi fortè dicas facere eam in nonnullis ad conservationem continuitatis : quæ enim dura sunt, difficulter è continuis discreta fiunt, propter vehementem resistentiam. Interim certum est, principem & proximam continuitatis causam esse in sola quantitate.

THESIS II.

Contiguitas est contactus corporum superficiebus propriis distinctorum.

*Ex 2075.

Ut quantum in seipso consideratum continuum dicitur, sic ad aliud relatum, & numero ab eodem distinctum, contiguum appellatur : Utque illius extrema potentialia dicuntur esse unum, sic hujus extrema actualia simul : Ità statuz duæ per superficies se contingentes contiguz dicuntur, quia extrema earum distincta sunt simul.

CAPUT VIII.

De Localitate & Loco.

Localitas quid : Th. I. Termini corpus finientes interni vel externi. Th. II. Interni qui : Th. III. Externi qui : Th. IV. Locus internus vel externus, Th. V. Locus internus quid : Th. VI. Keckermannus indigne tractatus ob doctrinam de loco interno : enθ. 1. Ostenditur antiquam esse sententiam de loco interno, ex Simplicio. 2. Ex Francisco Toletio, qui magni facit doctrinam hanc. 3. Ostenditur traditionem de loco interno nullum inferre absurdum in Theologiam aut Philosophiam. 4. Proponuntur rationes contra locum internum : ib. Solvuntur. 5. Rationes pro loco interno. 6. Locus externus quid : Th. VII. Duæ celebres de loco externo sententiæ : una Stoicorum Epicureorum & Platoniorum : altera Peripateticorum. enθ. 1. Intervallum quid : Proprietates ejus. 2. Rationes ostendentes locum esse intervallum. 3. Impugnatur hac sententia. 4. Solvuntur rationes contrariæ. 5. Ostenditur locum esse superficiem : 6. Rationes contra superficiem Aristotelis : 7. Solvuntur. 8. Locus externus sustinens vel ambiens. Th. VIII. Sustinens quid : Th. IX. Rationes pro loco sustinente : enθ. 1. Rationes contra eum. 2. Solvuntur. 3. Locus ambiens quid : Th. X. Locus communis vel proprius : naturalis vel violentus. Th. XI. Communis quid : Th. XII. Proprius quid : Th. XIII. Explicatur definitio. enθ. 1. An in uno loco duo corpora simul esse possint : Defenditur pars negativa. 2. contrariæ rationes : Quod virtute supernaturali duo corpora possint simul esse in eodem loco. 3. Solvuntur : ib. Alii etiam naturali virtute idem posse fieri contendunt : 4. Refutantur : ib. An unum corpus in pluribus locis simul esse possit : Argumenta pro parte affirmante : 5. Defenditur sententia negativa. 6. Vindicantur veræ sententiæ argumenta. 7. 8. 9. Solvuntur rationes contrariæ : 10. Plauti sententia adversus corporis unius pluralitatem. 11. Naturalis locus quid : Th. XIV. Illustratur definitio exemplis. enθ. 1. Contradictio Scaligeri. 2. Violentus locus quid : Thes. XV. An in loco violento res qualibet destruat : enθ. Cur in naturali loco res dicantur conservari : ibid. Adjuncta

Adjuncta loci generalia : I. locum habere locatum, seu corpus esse in loco : *Thef. XVII.* Ostenditur non dari vacuum : *Id.* 1. Rationes pro vacuo : 2. Solvuntur : 3. Omne corpus necessariò est in loco interno : 4. Corpori non est simpliciter necessarius locus externus : Rationes in partem contrariam : *ibid.* Solvuntur : *ibid.* Omne corpus extremi cæli ambitu comprehensum necessariò est in loco externo : *ibid.* II. Locum continere locatum : *Thef. XVIII.* Illustratur assertio : *Id.* 1. Extimi cæli locus non est centrum mundi : 2. Interni loci affectio potissima, non posse separari à re locatâ : *Thef. XX.* Sustinentis & ambientis affectio 1. Posse separari à re locatâ : *Thef. XXII.* Respondetur ad locum Aristotelis, qui contrarium videtur asserere : *E'nd.* II. Appetere à re locata eamque conservare : *Thef. XXIII.* Quomodo locus habeat virtutem attracticam & conservatricem. *E'nd.* Sustinentis propria affectio, esse immobilem : *Thef. XXIV.* Variæ sententiæ de loci immobilitate : *Id.* 1. Examen sententiarum : 2. Propria sententiæ. 3. Rationes ob quas locus immobilis esse statuitur : 4. Ambientis affectio, esse æqualem locato : *Thef. XXV.* Cui locus debeat esse equalis locato ; rationes : *E'nd.* 1. Judicium de rationibus : 2. Duplex æqualitas, dimensionis & extensionis : 3. Locatum : *Thef. XXVI.* An sola levia & gravia sint in loco : *E'nd.*

THESIS I.

Localitas est affectio corporis naturalis, quæ per partium extensionem & similitudinem definiri certis loci terminis est aptum.

E'nd.

Cum corpus quantum mole infinitum non sit, adeoque non ubique, consequens est, certis id definiti finitatis terminis, extra quos nusquam reperiatur.

THESIS II.

Termini corpus finientes seu describentes sunt interni vel externi.

THESIS III.

Interni sunt, qui corpori cuilibet in se, citra respectum ad aliud, competunt.

E'nd.

Res enim finita dicitur intrinsecè, quia in infinitum extensa non est, sed certis essentia suæ finitæ terminis clauditur : Sic & Angeli dicuntur finiti, quia essentia suæ spiritualis certos habent terminos, quibus ita arctantur & includuntur ut uno & eodem tempore in certo sint ubi, extra quod alibi non reperiuntur : Multò igitur magis substantiæ corporeæ ejusmodi termini competunt, quibus per se claudatur & ad certum ubi restringatur.

THESIS IV.

Externi sunt, qui corpori competunt cum respectu ad aliud corpus extrinsecus adiacens, & fundantur in internis.

E'nd.

Essentia enim corporea in se finita contingens aliud corpus ab eodem ita terminatur ut extra id nusquam reperiatur. Dicuntur autem fundari externi termini internis, quia sublatis internis essentia

terminis, externi essentiam finire nequeunt : idcirco Deus nullis essentia terminis finitus à nullo alio externo finiri & terminari potest.

THESIS V.

Cum ergò locus sit terminus corporis, & verò terminus sit internus vel externus, sequitur locum quoque esse internum & externum.

THESIS VI.

Locus internus est terminus cujusque corporis naturalis & proprius, quo clauditur & continetur.

E'nd.

I. Distinctionem loci in internum & externum explicavit & asseruit Keckermannus, singulari contemplatione, quam de loco ante multos annos evulgavit : Sed, bone Deus, quam rigidas multorum incurrit censuras ! Sophista & novator in Theologia & Philosophia passim audit, & tantum non rudis philosophia, & Physicæ in primis literaturæ. Quod quidem ipse Autor eventum prævidit, in libelli sui præfatione : ubi ait, *se homines illos vehementer eximescere, quibus in Philosophia nihil, nisi quod & quantum ipsi didicerunt, rectum aut verum videtur ; qui eruditionis philosophicæ mensuram faciunt scire suum, aut id continud novum dissimant quod ipsi vetus in Philosophia esse ignorabant.* Sanè optimum & doctissimum virum non fefellit præfatum : Calamitas hæc rei literariæ non minima est, hoc deploratissimo seculo ; quo omnis ferè modestia & moderatio à publicis plurimorum tam Theologicis quàm Philosophicis scriptis exsulat. Non putant isti se adversarii sententiam posse refutare, nisi eruditionem & existimationem ejus crudeliter lacerent, nisi rudem, stultum, asinum, Sophistam, & nescio quid esse subiude ingeminent :

De.

De qua iniquitate pluribus in præfatione uel lectionem conquesti sumus. Jam, sine longiori proœmio, ad ipsam, de loco interno, controverſiam accedimus.

Et primùm quidem, an è textibus *Aristotelicis* internus locus demonstrari possit, non disputamus; nec quid à *Keckermanno*, pro loco interno asserendo, ex *Aristotele* probatum vel non probatum sit, quarimus. Nec enim veritatis mensura nobis vel *Aristoteles*, vel *Keckermannus*: etsi utrumque magnificamus. Tria autem ostendere impræsentiarum animus nobis: 1. Non novam esse sententiam de loco interno, quæ *Keckermannum* aut *Calvinistam* atque autorem habet; sed longè antè *Keckermannum*, & natum etiam *Calvinum* inventam, literis consignatam, & ipsismet *Peripateticis* approbatam: 2. Nullum vel in *Theologiam* vel in *Philosophiam* absurdum inferre: 3. Non carere rationibus vel necessariis vel probabilibus.

II. Antiquitatem sententiæ hujus quod attinet, referimus eam ad ætatem *Simplicii*, qui insignis fuit *Peripateticus*, & circa tempora *Justiniani Imperatoris*, si *Suida* credimus, floruit, anno post *Christum* natum quingentesimo: adeo ut ante annos mille in vivis esse desierit. Hic ergo *Simplicius*, annis ante *Keckermannum* & *Calvinum* mille, de loco interno disseruit, 4. *Phys.* in digress. de loco. Sententiam ejus malo *Lutherani* cujusdam *Philosophi* verbis recitare quàm meis; nè causæ meæ plus æquo infervisse videar. Sic igitur *Joannes Slekerus*, in *Examine Physicæ Keckermannianæ*, ad cap. 6. de loco, *Simplicii* sententiam refert; Corpora naturalia ab illa prima & immateriali substantia differunt, tum ipsa substantia, tum operandi modo, qui in corporibus est per motum successivum: Ratione utriusque horum opus fuit mensura: & in operatione quidem duplici, 1. quâ variæ operationes inter se discernuntur, 2. quâ motus ipse mensuretur: In substantia verò, secundum multitudinem, vel magnitudinem. Et quoniam quæ habent magnitudinem, eo ipso obtinent & partium (quia extensæ) posibilitatem, hinc alia item prioribus mensura accessit: ut nempe mensura motus sit tempus; mensura substantiæ, quoad multitudinem, numerus; quod continuitatem quantitatis, magnitudo ejus; ratione positiæ partium, locus: Hæc verò positiæ iterum duplex: 1. Naturalis, quâ videlicet homo ubiqueque demum fuerit, caput sursum, pedes deorsum habere dicitur; interni videlicet illa partium ratio: 2. Externa, respectu videlicet partium universi; quam mutat homo, si à terra in ætherem agitur raptus. Pro diversitate hujus positiæ, duplicem item locum facit *Simplicius*: quarum primæ sit determinatio positiæ partium

um, cum præfatione ab externo; aliter verò positiæ rei, in ordine ad partes universi. Hæc *Simplicii* de loco interno sententia est, ex relatione *Philosophi Lutherani*: qui traditionem de interno loco ad *Simplicium* ejusdemque præceptorem *Damascium* refert: quod ipsa etiam *Simplicii* verba expressè loquuntur.

III. A *Simplicio* tranſeo ad *Franciscum Toletum*, doctissimum *Philosophum* & *Peripateticum*, Pontificum, qui circa annum *Christi* 1520. floruit, & egregiis commentariis *Logicæ* & *Physicæ Aristotelis* illustravit. Hic ergo *Philosophus* in 4. *Phys.* cap. 5. q. 8. de loco interno tradit sequentia, ait exstare recentioris cujusdam valde probabilem opinionem, quæ omnes quodammodò opiniones conciliet, omnesque difficultates solvat, & omnes loci proprietates, & quæ de ipso dicuntur, sine magna difficultate tueatur. Hanc verò opinionem, inquit, esse de duplici loco: uno intrinſeco, qui sit quantitatis quoddam proprium, ad eam consequens, quod spatium vocamus: altero extrinſeco, de quo locutus *Aristoteles*. Paulò post ait; verum locum esse duplicem, intrinſecum & extrinſecum. Extrinſecum esse circum ambientem ipsum corpus locatum, videlicet corpus continens aut ejus superficiem ultimam. Intrinſecum verò rei esse spatium illud ipsum, quod ipsa res verè intra se occupat, secundum suammet corpulentiam. Quærenti autem, quid sit hoc spatium, respondet, esse proprium quoddam consequens ad ipsam quantitatem, quantitatis videlicet ipsius extensionem. Addit, consequi hoc spatium, tanquam proprium quoddam ad quantitatem, sicut ad motum consequitur tempus. Nam ut in quantitate successiva se habet tempus ad motum, illum mensurans, ita in permanente quantitate se habet spatium illud consequens quantitatem ad ipsam quantitatem. Quærenti porro, an spatium illud seu extensio distinguatur ab ipsa quantitate realiter, vel formaliter, vel ratione, respondet, non magno opere referre: siquidem eadem est difficultas de tempore, an distinguatur realiter, vel formaliter, vel ratione ab ipso motu. Quod ergo de tempore respectu motus dixeris, idem de hoc spatio seu extensione respectu quantitatis dicere poteris: Et quicquid illorum dixeris vel realiter distinguere, vel formaliter, vel ratione, probabiliter dixeris, ut in motu & tempore. Est autem hoc spatium unicuique quantitati suum proprium, sicut unicuique motui sua propria temporis successio, & mensura propria & particularis: ut ubicunque sit corpus, locum idem semper habeat suum, intrinſecum hoc spatium. Est verò intrinſecum hoc cuiusque corporis spatium, negari non posse *Toletus* videtur: quia invicem mutua consequentia se inferant. Nam si corpus est, spatium est, & si verum spatium

spatium est, in eo corpus est. Si ergo vel extra celum homo collocaretur, verè diceretur esse in suo loco, in spatio scilicet ipso proprio sui corporis : & si in vacuo medio similiter collocaretur corpus, esset tamen in medio illo vacuo internum corporis spatium, quod occuparet. Imò nè intelligi quidem potest corpus vel quantitas sine spatio, nisi ad punctum redigatur. Ad hoc spatium intrinsecum asserendum plerumque Philoponi rationes facere judicat Toletus. Hactenus Toleti sententia de interno loco ipsiusmet expressa verbis & confirmata rationibus : Antiquior Toletus est Gilbertus Porretanus, qui in explicatione categoriarum ubi, interprete Alb. Mag. credit extimi coeli locum esse superficiem ejus convexam : Agnovit igitur & hic locum internum. Etiamnum ergo Keckermannum dicemus loci interni inventorem & autorem ? Et, si maxime erronea esset hæc sententia, idcirco tam inhumaniter tractandus erat vir optimus & doctissimus ? Videmus communem esse ipsi sententiam hanc cum doctissimis & acutissimis Philosophis, iisque Peripateticis. Foran autem illud est morte piandum crimen, quod sententiæ hujus præsidia ex Aristotele conquisivit : Sed si maxime res ex voto non successisset, laudandus tamen potius erat quam vituperandus, quod hujus etiam rei scientiam Aristoteli vindicare voluerit, quem nihil in natura ignorasse multorum opinio est.

IV. Hactenus primum caput, quo ostensum antiquam esse traditionem de loco interno : Alterum sequitur, quo ostendendum, traditionem hanc nullum inferre absurdum in Theologiam vel Philosophiam : Quod rectius non præstiterimus, quam si ad objecta aliorum paucis respondeamus, & absurda, quibus sententiam hanc videntur premere, à nobis amoliamur. Sic ergo Meisnerus, Socraticæ Philosophiæ part. 1. S. 3. cap. 1. q. 1.

1. Verus propriè dictus locus à locatione est distinctus : At internus locus non differt à locatione internâ. Assumptio probatur ; Quia definitur à Keckermanno locatio interna, Commensuratio partium quantarum ad se invicem certâ dispositione determinatarum ad certam distantiam, extra quam se non extendentes suis partibus situantur & collocantur : Locus internus eidem definitur ; Circumscriptio corporis facta à terminis internis.

2. Locus de locato prædicatur in casu obliquo, ut, aves sunt in aere, pisces in aquis : Atqui locus internus non prædicari potest de locato suo in casu obliquo. Ergo : Assumptio probatur ; Quia absurda hæc locutio emergeret, Partes situate sunt in situ.

3. Si partium situs esset propriè locus, idem sibi esset locus : At falsum hoc : Ergo & illud. Connexi ratio est ; Quia partes situate & partium situatio realiter non differunt.

4. Si interna partium dispositio locus est propriè dictus, sequitur 1. etiam Angelos esse in loco propriè sic dicto ; nam & hi partes habent, non quidem materiales, sed intelligibiles, quia finiti sunt. 2. idem corpus naturale esse in duobus locis propriè sic dictis, externo & interno : At falsa & absurda hæc sunt : Ergo & antecedens.

5. Locus propriè sic dictus non est affectio primò partibus competens : At locus internus est affectio primò partibus competens : Ergo non est locus propriè sic dictus. Assumptio probatur ; Quia situs primò partibus convenit, non toti. Hic creditur primus Keckermannii error esse, quod partes & totum confundat.

V. Resp. ad 1^m. Assumptionem negamus : Probatio negationi nostræ nihil officit. Minus accuratè nobis videtur locus internus definiri per circumscriptionem : Locus enim est qui circumscribitur & finitur : locatum circumscribitur & finitur : intercedit circumscriptio, quæ respectu loci actionis, respectu locati, passionis rationem habet, si vim vocabuli spectemus : Itaque non probatur nobis quod à Keckermannio affirmatur, locationem idem esse cum loco. Et si nè ipse quidem Meisnerus à Keckermannii sententia alienus videtur esse, dum definit locum extensivam corporis situationem, relativam ad aliud corpus contiguum : Socraticæ Philosophiæ part. 1. pag. 695. Unde ibidem etiam negat locum esse Ens absolutum à locato distinctum.

Ad 2^m. Primò, Propositio à Meisnero quoque negatur : Prædicationes enim hujusmodi locorum de suis locatis, cum nempe locatum dicitur esse in loco, vel contineri loco, &c. ait esse populares, non acroamaticas & accuratas : è quibus solis omnes de loco difficultates in Philosophia natae sint, p. 697. Deinde & Assumptionem nos negamus : Rectè enim dico, omne corpus termino suo quanto contineri, claudi, ita ut intra eum, non extra eum sit.

Ad 3^m. Connexum, ex Meisneri postremâ de loco sententiâ, non est absurdum : imò expressè negat locum à locato distinctum esse. Deinde nos non partium situm, sed terminum internum, quo corpus quodque continetur, locum internum esse dicimus. Atqui terminus continens corporis internus, seu hærens in corpore, distinctus est à corpore. Denique connexi ratio falsum nobis videtur asserere ; partes situate à situatione realiter non differre : Situatio enim partium est accidens ; partes corporis situate, substantiæ. Et si peccavit in eo Keckermannus, quod locum & locationem idem esse scripsit, certè & is peccavit qui partes situate & situationem idem esse contendit.

Ad 4^m. Nobis ipsa partium dispositio interna

non est locus, sed terminus corpori inhærens, quo continetur, intra quem est: Et terminus quidem hic corporeus est, qui ad quantitatis propriè sic dictæ prædicamentum pertinet, si in se & absolute consideretur. Angelos quod attinet, qui locum internum, κατ' ἀνωγειον, iis adscribere voluerit, quando essentia suæ terminos habent spirituales, absurdi nihil fecerit. Nec simpliciter falsum & absurdum est, idem corpus esse simul in duobus locis, modo loci illi non sint ejusdem rationis. Sic ergo facile damus, quodvis corpus coeli ambitu contentum simul in duobus locis, interno nempe & externo esse: idem verò corpus, secundum idem, simul in duobus externis proximè circumscribentibus & continentibus ejusdem rationis locis esse, aut esse posse, nempe totum in domo, & totum extra domum, in Italia simul & Germania, &c. hoc est quod negamus, & cum corporis finitate pugnare dicimus.

Ad. 5^m. Qui locum internum in situ partium esse aiunt, & competere toti ratione partium situatarum affirmant, propositionem negabunt, vel de externo tantum concedent: Nos verò cum terminum corpori inhærentem pro loco interno habeamus, etiam assumptionem negare possumus: tam enim totius continui est terminus quam partium continui, etiam si totum est continuum per partium coherentiam.

VI. Fuit alterum commentationis nostræ caput, quo ostensum sententiam de loco interno, absurdam non esse: Tertium sequitur, ut rationibus vel necessariis vel probabilibus saltem niti ostendamus: Præcipuus autem *Simplicius* & *Toletus* hæc reddunt.

1. Si datur mensura aliqua finitatis corporum externa, eaque locus est, etiam dabitur mensura aliqua finitatis corporum interna, eaque locus erit: At verum prius: Ergo & posterius. Connexi ratio est; quia omne corpus finitur à se prius quam ab alio externo finiatur: quod enim per se finitum non est, id ab externo finiri nequit. Nec finita principaliter res est quia continetur ab alia externa, sed continetur aut contineri potest ab alia quia finita est. Si ergo externa illa mensura appellatur locus corporis externus, quidni & interna appellari rectè possit locus corporis internus? vel brevius: Si externus corporis terminus ideo locus est, quia circumscribit corpus externè, etiam internus corporis terminus erit locus, quia circumscribit corpus internè: At verum prius: Ergo & posterius: Item; Datur circumscriptio interna, Ergo & circumscribens internum: uti circumscriptio externa arguit circumscribens externum: Et si hoc est locus; quidni & illud verus appellari locus possit? Evidens & sufficiens

negatæ consequentiæ ratio adferri nequit. Nec sufficit quod nonnulli aiunt, modum loquendi Philosophicum non esse. Primum enim nullus loquendi modus Philosophicus tam est usitatus & antiquus, quin aliquando fuerit novus & inusitatus: Nec modus loquendi fecit rem Philosophicam, sed res Philosophica & veritati consentanea loquendi modum. Unde mirum non est loquendi modum Philosophis fuisse inusitatum; si res ipsa fuit ignorata: Et si res ipsa est Philosophica, loquendi modus erit quoque Philosophicus, etiam si ante inventam rem inusitatus fuit. Deinde falsum etiam est, modum loquendi Philosophicum non esse, quo internus esse locus dicitur: Nam si loquendi modus Philosophicus est qui Philosophus est usurpatus; utique & hic loquendi modus erit Philosophicus, præclarissimis usitatus Philosophis, *Simplicio*, *Toletis*, & ei quem laudat *Toletus*. Aut si modus loquendi tantum Philosophicus ille est qui pluribus usurpatur, etiam res tantum Philosophica illa erit quæ pluribus approbatur: rem enim sequitur loquendi modus: Sic igitur verum & Philosophicum nihil erit nisi quod à plerisque pro vero habetur, & præconceptæ opinioni convenienter voce exprimitur: quod quam sit ἀπί- λόγητον nemo non videt.

2. Invicem se mutuà consequentiā inferunt corpus & spatium, seu terminus continens: ita ut si corpus sit, terminus quoque sit, quo continetur; si terminus sit continens, etiam corpus sit contentum. Itā arguit *Toletus*; nec vel probabili ratione infringi potest consequentia. Si dixerint non omnem terminum continentem locum appellari debere, sed eum tantum qui extra corpus terminatum est positus, principium petent: Terminum hunc spatium appellat *Toletus*, in quo esse, quod occupare dicitur corpus, etiam si extra cælum & in vacuo sit constitutum.

3. Si corpus esset sine occupatione certi spatii interni, ad punctum esset reductum: At consequens absurdum: Ergo & antecedens. Est & hæc *Toletis* ratio. Connexi ratio; Si sine occupatione certi spatii esset, sine extensione esset: si sine extensione esset, punctum esset. Hisce acquiescimus: Quæ si fortè non nemini displiceant, minor saltem vel hoc nomine in nos erit, modò mentis sit sanæ, quia non nostræ sed gravissimorum Philosophorum rationes sunt, quos in naturæ theatro rectè æstimando minimè cæcos fuisse judicamus.

THESIS VII.

Locus externus est terminus corporis recipientis aliud corpus, cui secundum magni-

magnitudinem certo modo forinsecus applicatur.

**Expositio.*

I. Dux de externo loco celebres sunt sententiæ: una *Stoicorum, Epicureorum, Platoniorum*, aliorumque doctissimorum, tam veterum, inter quos *Philoponus*, quam recentium Philosophorum, inter quos *Scaliger & Goclenius*; qui spatium seu intervallum pro loco habent: Altera *Peripateticorum* plerorumque; qui continentem corporum superficiem locum esse contendunt. Priorem sententiam quod attinet, 1. quid sit intervallum, & quæ ejus sint conditiones, explicabimus: 2. rationes pro intervallum seu spatio asserendo proponemus: 3. rationes contra idem producemus: 4. ad oppositas rationes respondemus.

II. Primum quod attinet; Intervallum definitur, *spatium longum, latum & profundum, inter latera superficiæ alicujus continentis interceptum*. In cujus notitiam nos venire docet *Philoponus* hoc modo: Sit vas aliquod probe munitum aquâ repletum: animo jam cogitemus, aquam ex vase illo penitus effundi vel extrahi, ita ut aer sive aliud corpus nullum succedat, quod capacitatem illam, seu spatium lateribus vasis comprehensum, impleat. Erit igitur inter latera vasis vacuum, seu spatium quoddam longum, latum, profundum, quod aqua antè occupaverat tanquam locum. Hoc spatium appellat *intervallum*: Cui proprietates sex tribuuntur: 1. est longum, latum & profundum; propter corpus, quod recipit, trinâ dimensione præditum: est enim locus æqualis locato 2. est diversum & separatum à corporibus quæ locantur in ipso; 3. caret materiâ & formâ: alioquin mobile esset, & loco egeret: 4. est indivisibile, immobile, imparabile: quia hæ affectiones non conveniunt quantitati, nisi per materiam, quâ caret intervallum: 5. est unum, continuatum, æquale ipsi universo, quod in diversis partibus suis recipit diversa universi corpora, non autem movetur unâ cum corporibus: 6. accipit corpus penetrando per omnes ejus partes, & tamen non dividit aut dissecat ipsum. Hoc intervallum aliud nihil est nisi vacuum, quod etiam *Scaliger* ponit, *Exerc. 5.* sed aliâ ratione quam veteres: Vacuum enim ponit, sed corpore repletum. Unde vacuum definit, *spatium in quo corpus est*: quod quâ ratione vacuum dici possit, nulla ratio comprehendit. Mytheria de spatio Physico pandentem vide *Patricium, Pancosm. lib. 1. & Campanellam, De sensu rerum, lib. 1. cap. 12.* ubi affirmat spatium esse creaturam divinam, ad quam cum voluptate res trahantur tanquam ad basin entitatis.

III. Rationes autem quibus locum esse interval-

lum probant, hæ potissimum sunt: 1. Corpus dicitur trinam dimensionem: Ergo locus est trina dimensio. Ratio consequentiæ: Quia corpus, quâ corpus, in loco est.

2. Locus est æqualis locato: At locatum est corpus trinam habens dimensionem: Ergo & locus habet trinam dimensionem.

3. Si locus non esset spatium seu intervallum, ultima sphaera non esset in loco: At falsum consequens: Ergo & antecedens. Connexum probatur. Quia vel in spatio est, vel in superficie continente: At non in superficie continente, quia nulla est quæ ambiat ultimam sphaeram. Si ergo nec in spatio tanquam loco est, in loco non erit. Assumptio probatur: Quia localiter movetur.

4. Quæ loco mesurantur, non solum quoad superficies, sed etiam quoad profunditatem totam mesurantur: Ergo datur aliquod spatium mensurans corporum dimensiones, distinctum ab ipsis.

5. Concipimus distantiam & spatium inter latera vasis, nullo concepto corpore ex his quæ illic sunt: Datur igitur spatium, quod non sit corpus, sed ipsa dimensio.

6. Vacuum & locus re idem sunt, sed hoc tantum differunt, quod vacuum sit locus carens corpore, locus verò semper habeat corpus: Si igitur vacuum corpore impleatur, esset locus; & si locus corpore omni destitueretur, esset vacuum: At vacuum nihil est quam spatium quoddam longum, latum, profundum: Hoc igitur ipsum est locus.

7. Quod impletur à locato id est locus: Atqui non superficies, sed spatium seu intervallum inter superficies interceptum, impletur à locato: Ergo.

8. Quicquid continet rem locatam, nihil est ipsius rei, æquale est locato, separabile est à locato, habet sex positus, à locatis naturâ appetitur, & immobile est, id locus est: Atqui intervallum continet rem locatam, nihil est ipsius rei, æquale est locato, separabile ab eo, habet sex positus, &c. Ergo intervallum est locus.

9. Communis est naturæ vox, quâ corpora locata in certo spatio esse, & vacuum replere & occupare dicuntur: Ergo communis vox est, spatium esse locum.

10. Corpore moto, & pristinum deferente spatium semper aliud corpus in locum illum succedit: At falsum hoc, nisi locum definiveris spatium: Ergo. Probatur assumptio. Pone locum tuum esse superficiem ambientis aeris: ex hac igitur superficie si movearis, aliud corpus ingreditur, quod à superficie contineatur, & sit diversum: Atqui non fit hoc: 1. quia superficies corpus motum insequitur:

2 Si maximè corpus succederet, aliud id nullum esset nisi aer, & quidem ipse ille cuius superficies te ambebat: Ille igitur aer ambitur superficie eadem quæ te modò ambivit, aut alià: Non eadem, quia suâ ipsius superficie cingeretur; quod falsum: Nec alià; quæ nulla datur.

IV. Hæc verò sententia etsi valdè probabilis videtur multis, ipsique etiam *Toletus* doctissimo Peripatetico, propter maximas tamen difficultates admitti nequit.

Et primum quidem inventionem intervalli quod attinet, in ipsis incunabulis monstrum hoc interimi potest. Jubeat *Philoponus* cogitatione separare omnia corpora quæ in vase aliquo contineri possunt; & remotis ac separatis iis, intervallum, quod inter superficies intercedit, longum, latum ac profundum concipere. Quod si verò omnia corpora separati à vase possunt, intervallum etiam illud separari poterit: quod nihil est vasis, cum nec ipsius sit substantia, nec accidens ipsi inhærens: separaretur igitur cogitatione, quando nulla apparet ratio cur separari nequeat: Quæro autem, An, remoto & separato intervallum, inter vasis latera seu superficies etiamnum sit aliquod spatium. Si non est, destruitur vas ex intervalli remotione, aut non destruitur: Atqui propter solam intervalli remotionem, nequit destrui; quia intervallum nec accidens, nec efficiens, nec materia, nec forma, nec finis est vasis. Si non destruitur, manebit igitur secundum omnes suas partes quas antè habebat: cumque superficiem concavam, & partes inter se distantes habuerit superiores, & inferiores, necesse est contineri iis spatium illud, si modò aliquid reale est. Quod si verò, remoto intervallum, inter vasis latera spatium remanet, spatium illud aut intervallum erit, aut nihil: Atqui intervallum non erit; quia aut simul fuisset cum intervallum remoto, aut remoto illi successisset. Simul non fuit; quia multa & æqualia intervalla in uno vase simul nequeunt esse: daretur enim dimensionum penetratio; nec ratio assequitur quid fieri hec possit: Nec successisset, quia immobile statuitur intervallum: & si successisset, etiam huic remoto aliud succederet, & sic consequenter aliud, ut in infinitum res abiret. Quod si verò spatium illud est nihil, cur non idem de intervallum qualicunque hoc diceretur?

Ipsæ quoque proprietates arguunt rei impossibilitatem: Primum enim statuitur esse longum, latum & profundum, & tamen negatur esse corpus. Atqui corpus est quod longum, latum & profundum est; nec potest esse expers materiæ. Deinde dicitur esse indivisibile: Atqui divisibile est, quicquid quantum est: est autem quantum, quicquid longum, latum & profundum est. Tertiò dicitur

esse immobile: Atqui si aliquid est intra vas, non potest non moveri, moto vase. Denique dicitur penetrare omnes corporis partes: Atqui dimensionum penetratio est impossibilis.

Urget etiam alia ratio efficacissima intervallum. Si datur intervallum, ens reale, substantia erit vel accidens: At nec substantia, nec accidens est. Non substantia; quia nec incorporea seu spiritus est; qui longus, latus & profundus non est, quæ intervalli affectiones constituuntur: nec corporea est; quia nec materia, nec forma, nec compositum est: omnia enim hæc excludit *Philoponus*: nec corpus potest esse in corpore per dimensionum penetrationem. Nec accidens est; quia non inhæret corpori: à locato enim separatam esse volunt. Quid ergò tandem erit? Ex hisce difficultatibus & si nemo se commodè potest expedire, ita tamen nihilominus doctis nonnullis viris arridet spatium, ut tolerandum id esse judicent, etiam si natura ejus nondum satis sit explorata: Et sanè certum est, nullam magis popularem & cuivis obviam loci rationem excogitari posse, quam quæ spatii appellatione exprimitur.

V. Cum tamen in spatio non possit acquiescere rationis nostræ sive angustia, sive amplitudo, ad contrarium rationum solutionem accedimus & respondemus.

Ad 1^m. Consequentiam negamus: Sequeretur enim trinam dimensionem esse in trina dimensione: ratio consequentiæ nulla est: corpus enim, quæ corpus, in loco esse potest, etiam si locus trina dimensio non est: Est enim corpus in loco ratione applicationis ad aliud corpus, à quo per superficiem continentem mensuratur, seu quo recipitur & continetur per superficiem. Quod enim trinæ dimensionis est, ab altero recipi potest, etiam si per trinam sui dimensionem non recipit, sed per superficiem tantum substantiam trinæ dimensionis continentem.

Ad 2^m. Propositionem distinguimus: Æqualitas est ratione dimensionum, vel continentiarum, ut loquitur *Toletus*: quæ tanta est loci capacitas quanta ad continendum locatum requiritur, ut nec major nec minor locato sit quoad circumferentiam seu ambitum continentem. Posteriores, non priorem æqualitatem in loco requirit *Aristoteles*: nec potest admitti prior, nisi penetratio dimensionum loci & locati admittatur.

Ad 3^m. Hoc argumentum magnas Peripateticis molestias facessit: quorum quàm variæ sint sententiæ de Sphæræ ultimæ loco, in contemplatione de cælo docebimus: Jam ex nostra sententia respondemus: 1^o. Ultimum cælum, quod nempe simpliciter extremum, & extra quod nihil est, esse in loco

loco interno: 2^o. Non esse in loco externo ambiente *Aristotelico*. 3^o. Localiter non moveri: & si maxime localiter moveretur, non tamen sequi in loco externo propriè sic dicto ambiente esse; quia etiam in vacuo moveri corpus posse persuasum habemus, præsertim si circa centrum circulariter moveatur. Nam, ut *Alexander & Simplicius* docent, ut corpus localiter moveri possit, sufficit, si sit circa locum, etiam si non est in loco: Est enim motus ad locum, & motus circa locum.

Ad 4^m. Si *mensurari* idem sit quod *contineri & terminari*, consequentiam negamus: Ambientis enim superficies triæ dimensionis corpus intra se continet & mensurat, etiam si ipsa per se triæ dimensionis non est. *Non est opus*, inquit *Toletus*, quod per profunditatem & distantiam aliam à corpore, quod in loco est, locus mensuret profunditatem. Mensuramus enim profundum, quia ex corporibus receptis in vase cognoscimus quantum distans extrema vasis, quâ distantia postea à quocunque corpore particulari abstracta, mensuramus singula corpora: veluti qui duos digitos distantes poneret, & aliquo medio corpore cognosceret quantum distarent, postea distantia illâ ex corpore tali cognita & abstractâ mensuraret quicquid inter digitos esset.

Ad 5^m. Totum concedimus, nempe dari spatium, sed imaginarium, quale concipimus & fingimus omni corpore remoto; hoc verò spatium imaginarium esse locum negamus: Est enim locus Ens reale, extra mentem & imaginationem nostram constitutum; atqui spatium imaginarium in mente tantum nostrâ est.

Ad 6^m. Propositionem negamus: Est enim locus Ens positivum, cujus affectiones sunt positivæ; vacuum non-ens est: Et locus corpore non repletus; quia non-ens est. Spatium autem quod concipitur, vel imaginarium tantum est, vel diversum non est à corpore intra superficiem contento.

Ad 7^m. Assumptionem negamus: Superficies enim continentis, quatenus est concava vel capax alterius corporis, impletur alio corpore, expulso priori corpore.

Ad 8^m. Propositionis consequentia minùs est firma, ob partes nonnullas quæ cum loco non recipiuntur; ut patebit è responsione ad assumptionem: cujus partes vel falsæ sunt, vel ad inferendam conclusionem ineptæ: Singulas videamus. *Intervallum non continet rem locatam*; quia nihil est: *nihil ipsius est rei*; concedimus, sed & sui nihil est: *æquale locato non est*; quia nihil est: *separabile à locato non est*; quia non entis cum ente nexus necessarius nullus est: *sex positus non habet*; quia nihil est: Proban-

dum igitur priùs erat intervallum reverâ aliquid extra imaginationem esse, quàm ex ejus affectionibus pro loci naturâ peteretur argumenta.

Ad 9^m. Antecedens negamus: Si ex communi naturæ voce constaret de loci naturâ, tam varix Physicorum opiniones non essent; siquid in naturæ vocem nulli rectiùs intelligunt quàm naturæ periti: Quod si verò per naturam intelligantur homines, distinguendum est inter vulgus hominum, seu *πολλοίς*, & sapientes: cum hisce sentiendum, etiam si cum illis loquamur. Interim & hoc certum est, à multis quidem nominari spatium, sed aliud per id non intelligi nisi locantis corporis superficiem locati capacem.

Ad 10^m. Propositio simpliciter vera non est: Nam si locus sit superficies continentis fluxi, quale aer, aqua, &c. remoto corpore locato constanti, quale animal, planta, metallum, &c. in eundem illum locum, seu eandem numero superficiem, non succedit aliud corpus distinctum à continente & locante, sed ipsius continentis superficies conca-va coit & fit unum corpus continuum, quod ante per locati molem erat distinctum: In corporibus verò constantibus, terminatis, & alia corpora ambientibus res ita se habet ut propositio vult. Quod dicitur in assumptionis approbatione de superficie continentis insecutione ad corporis locati motum, nobis falsum videtur. Nam si superficies continentis aquæ vel aeris comitaretur corpus in aqua vel aere motum, corpus in aere vel aquâ progressivo vel recto motu moveri posset, quod tamen locum non mutaret: Non igitur corpus motum insequitur superficies continentis fluxi, sed potiùs ab ea separatur, quæ locato discedente rursus coit & unitur.

VI. Ab intervallo igitur ad superficiem continentis jam abimus: quam locum esse verum ac naturalem, probari potest ex aliarum de loco sententiarum destructione. Sic igitur arguimus. Aut intervallum seu spatium est locus, aut corpus naturale propriè sic dictum, aut superficies corporis naturalis *φύσιον*: Atqui intervallum non est, nec corpus naturale est: Ergò superficies continentis est. Assumptionis veritas de intervallo hæcenus à nobis probata est. Adversus corpus ita nonnulli disputant: Si locus est substantia corporea, seu corpus, aut receptum erit, aut recipiens: At receptum esse non potest: locatum enim sui ipsius locus non est: Ergò recipiens erit: At nec recipiens est; quia simul esset receptum. Sententiæ enim hujus patroni affirmant omne corpus esse in loco, & proinde receptum: locans igitur & locatum simul erit; quæ opposita sunt, ita ut locatum non

fit locus, nec locus locatum. Nobis verò nisi visum esset sententiam Peripateticam receptam de loco impræsentiarum tueri, locum corpus non esse hac ratione persuaderi nobis non pateremur. Quidni enim dicamus, idem corpus simul recipiens & receptum esse posse, si diversi respectus attendantur? uti idem causa est & effectum, diverso respectu: Et quidem corpus recipiens aliud corpus non esse receptum respectu illius corporis quod recipit & intra se continet, ultro largimur, uti & causa effectus sui causa est, non effectus sui effectus. At enim recipiens corpus respectu alterius extrinsecus continentis posse receptum esse quis neget? uti & causa respectu alterius effectum esse potest. Sunt hæc adeo manifesta ut probatione non egeant. Quod vulgò aiunt, absurdum esse locum esse in loco, non magis est absurdum quàm dicere causam esse effectum: Sic enim resolvi & explicari debet assertio; Corpus illud quod est contenti corporis locus, idem quatenus ab alio continetur, est locatum. Sic vulgò aiunt à terræ spherâ contineri ignem, ab igne aerem, ab aere aquam, ab aqua terram: Erit igitur ignis, spheræ lunaris respectu, locatum; respectu aeris, locus; aer, respectu ignis, locatum; respectu aquæ, locus, &c. Qui dimensionum penetrationem metunt, si corpus dicatur esse in corpore, frustra se angunt: aliud enim est corpus à corpore penetrari, aliud contineri, ambi, aut sustineri per mutuum superficieum applicationem.

VII. Interim tamen à sententia Peripateticorum jam non libet discedere, etsi non incommode duo videntur in loco distingui posse *materiale & formale*; illud corpus, hoc superficies, per quam corpus alteri corpori convenienter applicatur: Quæ distinctio *Aristoteli* contraria non est; quippe qui *τὸ continere* seu *ἔχειν*, quod loci proprium, in definitione loci tribuit corpori; etiam si locum non corpus, sed superficiem definit, nempe *ἡ ἐπὶ τῷ ὀριζῶντι*, subintellige *σφαῖραν*. Videamus ergò quibus machinis superficiem *Aristotelicam* alii adoriantur. Arguunt illi;

1. Locus & superficies *Aristoteli* sunt duæ distinctæ quantitatis species, quarum una alterius species esse nequit.

2. Locus debet esse æqualis locato: At superficies habens tantum duas dimensiones, non est æqualis corpori locato habenti trinam dimensionem.

3. Locus est ad quem naturaliter fertur quodq; corpus: Atqui ad superficiem non fertur quodq; corpus naturale: gravia enim ad centrum feruntur, quod non est superficies: terra ad centrum fertur quod superficies non est.

4. Locus habet vim activam, nimirum conservandi locatum, & alliciendi: At superficies vim activam non habet: Quantitas enim, qualis est superficies, per se nihil agit.

5. Locus ab *Aristotele* dicitur esse immobilis: At superficies non est immobilis.

6. Si superficies esset locus, sequeretur rem, quæ immobilis manet, plurima posse occupare loca: At hoc absurdum: Ergò & illud. Connexi ratio est; Quia qui, flante vento, in aere stat immobilis, pluribus distinctis moti aeris superficiebus continuè ambitur.

7. Si locus esset superficies, res una & eadem numero in tribus distinctis locis esse posset: At falsum hoc: Ergò & illud. Connexi ratio est; Baculus enim infixus stagni alicujus fundo, & supra aquam eminens, ambitur superficie terræ, aquæ, & aeris.

8. Si locus esset superficies, non Physicæ sed Mathematicæ considerationis esset: At falsum hoc: Ergò & illud.

9. Si superficies corporis continentis est locus vel genus loci, dabitur aliqua superficies corporis continentis quæ non sit locus: At falsum hoc: Ergò & illud. Connexi ratio à pari probatur; Quia enim animal est genus hominis, ergò datur aliud animal quod non sit homo, nimirum brutum: Ratio est; Quia genus in una specie non consistit.

10. Si superficies esset locus, ignis superficies esset locus aeris: Sed falsum consequens: Ergò & antecedens. Assumptio probatur; Quia locus est rei naturalis conservativus: At ignis aerem non conservat, sed destruit.

11. Motus localis fit ad locum: Motus localis fit ad *ubi*, ut constat ex 5. Phys. Ergò locus est *ubi*: & proinde superficies non est: *ubi* enim non est superficies.

12. Locus debet continere locatum: At superficies non continet locatum: Ergò non est locus: Assumptio probatur; Si superficies contineret locatum, intrinsicè aut extrinsicè tangendo locatum contineret: At non continet intrinsicè: est enim res extra superficiem alterius, & superficies extra corpus aliud: Si verò extrinsicè tantum contineret & tangeret, etiam vestis, quæ tangit & regit corpus, esset locus.

13. Locus est cuius differentie sunt sursum & deorsum: At differentie hæc non superficiei, sed sitûs & positionis sunt: Ergò superficies non est locus.

14. Cælum primum est in loco, & tamen non continetur à superficie: Ergò locus non est superficies.

15. Si

15. Si locus esset superficies, proprium & essentiale $\pi\epsilon\delta\alpha$ corporis naturalis esset: At consequens falsum: Ergo & antecedens. Connexi ratio est; Quia superficies est quantitas continua, quæ proprium & essentiale $\pi\epsilon\delta\alpha$ corporis naturalis est.

16. Quantitas & locus in Physicis tanquam diversa noemata tractantur: Ergo locus non est quantitas, seu superficies: alias $\pi\epsilon\delta\alpha$ committeretur.

17. Si locus esset quantitas, causa cur aliquid sit in loco, esset ipse locus: At falsum consequens: Ergo & antecedens. Connexi ratio est; Quia quantitas est hoc quod facit localia corpora.

18. Loci & locati idem centrum esse debet: Atqui superficies concava, quæ locus esse dicitur, non habet idem centrum cum corpore cavo: Ergo superficies concava non est locus. Propositio probatur; Quia locus est æqualis magnitudine locato, & locus sequitur omnino formam locati: ut, si locatum sit globosum, necessario quoque locus sit globosus. Assumptio probatur; Quia superficies ignis concava, quæ locus esse dicitur, habet centrum terram, vel in terra; quia superficies illa est quasi peripheria ducta ex hoc ipso Centro: At aeris, quatenus est corpus continuum, incipiens à sphaera ignis, & desinens ad sphaeram aquæ, centrum non est terra, sed in media id est aeris regione, ubi medium est aeris: Quærenti enim medium aeris, quatenus est corpus, certè non extra ejusdem dimensiones quærendum est. Ità & concava lunæ superficies, ignis locus, centrum habet ipsam terram; sed ipse ignis longè aliud centrum habet.

19. Si locus cavorum corporum non ex utràque superficie mensurandus est, sequitur ejusdem esse capacitatis & magnitudinis locum corporis cavi & locum corporis solidi: ex. gr. vitrum solidum, quod solidà constat massa, seu quod sui undique plenum est, & vitrum excavatum, quod sui plenum non est, habebit ejusdem capacitatis locum: At consequens falsum: Ergo & antecedens. Assumptio probatur; Si concusseris vitrum excavatum & vitrum solidum, plus loci requirent partes vitri solidi quàm partes excavati.

20. Si locus esset sola superficies ambiens, & non potius spatium intra superficiem contentum, ratio reddi non posset cur è duobus vasis ejusdem secundum superficiem concavam capacitatis, alterum, si in medietate ejus è filo lapis suspendatur, tantum aquæ non capiat quantum alterum intra quod non est lapis vel aliud corpus solidum: causa, inquam, diversitatis hujus ex superficie ne-

quit reddi, quia utriusque vasis superficies est æqualis: Qui sit igitur quod æquales superficies & æqualia loca non capere queant æqualia locata? Si locus spatium esse statuatur, in promptu causa erit, inæqualitas spatiorum: quod enim intra se habet suspensum lapidem, minus habet spatii quàm alterum in quo solidum corpus non est.

21. Si superficies est locus, non poterit dici quod in suis locis sint locata, eaque occupent & repleant: At consequens falsum: Ergo & antecedens. Connexum probatur; Quia superficies continens est extra contenta corpora: Ergo in superficie non possunt existere locata: Deinde corpora locata sunt longa, lata & profunda; At superficies tantum est longa & lata; Ergo in se non potest recipere profunditatem, nec superficiem replebunt corpora.

22. Si locus esset superficies continens, etiam Angeli essent in loco: At consequens falsum: Ergo & antecedens. Connexi ratio est; Quia etiam Angeli continentur aliqua aeris superficie, & ambiuntur, ità ut simul alibi non sint.

VIII. Ad rationes hæc breviter sic respondemus;

Ad 1^m. Negamus antecedens: *Aristoteles* enim, *Averroe* autore, dum locum quantitatis speciem à superficie distinctam constituit, non ex propria sed veterum Philosophorum sententià loquitur, qui locum putabant esse spatium quoddam longum, latum & profundum. Est igitur locus re idem quod superficies includens habitudinem applicationis ad superficiem locati.

Ad 2^m. Negamus consequentiam: Dicitur enim locus æqualis locato, non ratione triæ dimensionis quæ est in locato, sed ratione continentis seu capacitatis: Corpus enim sustinens vel circumscribens locum per superficiem sustentem vel circumscribentem ei coextenditur.

Ad 3^m. Negamus assumptionem. Probatio ejus inconsequens est: Etiam si enim terra, ratione partium, fertur ad centrum, vel circa centrum, tanquam locum terminantem motum localem: tamen ratione totius, quod pars est universi, secundum ordinem & dispositionem mundi, quæ corpus ignobilius continetur à nobiliori, aquæ & aeris, quibus ambitur, superficie, tanquam loco, continetur: Ad hanc quoque superficiem, si loco suo moveretur, terra naturaliter rediret. Responderi quoque possit; Terram ferri ad centrum, non tanquam locum naturalem, sed tanquam terminum & extremum loci naturalis. *Toletus* respondet locum naturalem terræ esse sub aqua & ære, ità ut nunquam

quam supra aquam & aerem naturaliter esse possit : Quod igitur ad centrum descendit, hinc esse ait, quod sub se aquam aut aerem inveniat : tamdiu igitur descendit, donec infra aquam aut aerem inveniat terram vel centrum.

Ad 4^m. Propositionem distinguimus : Locus habet vim activam conservandi, non ratione formalis, quod est superficies cum habitudine ad locatum mensurandum, sed ratione materialis, quod est corpus virtutem conservatricem, mediante superficie, exerens & exercens. *Pererius* distinguit inter superficiem Mathematicam & Physicam ; illi vim conservandi denegat, huic tribuit, quatenus est terminus corporis naturalis, per quem unum corpus tangens alterum virtutem conservativam communicat. Alii respondent, loco vim conservandi tribui, non quod ipse locus, quatenus locus, conserveat locatum, sed quod res in loco suo constituta qualitates conservatrices aliunde melius recipiat : quæ *Conimbricenses* responsio est.

Ad 5^m. Consequentiam negat *Pererius* : Etiam si enim superficies ad corporis sui motum movetur, tamen, ut est locus naturalis, nunquam movetur respectu locati, sed eodem semper modo se habet ad ipsum : Quæ responsio propositæ difficultati minimè videtur satisfacere. Patres *Conimbricenses* de superficie immobilitate ita statuunt ; Vel solitarie eam considerari, vel cum spatio imaginario, quod est situs seu *ubi*, quod immobile in parte certâ corporis mobilis designari potest : Priori modo superficiem consideratam mobilem esse aiunt ; ratione corporis cui inhæret ; Posteriori verò modo immobilem, quia spatium imaginarium intra superficiem, vel in pleno corpore designatum nunquam movetur. Sed & hæc videtur nulla esse responsio. Quid enim attinebat locum appellare immobilem, si id tantum esset immobile quod cum loco esse imaginatur seu fingimus. Sunt igitur alii qui proprietatem hanc accipiunt de superficie non continente seu circumscribente, sed sustinente, quæ, quia sustinet, immobilis est. Si enim quæ sustinet, moveretur localiter, utique à re sustentata separaretur, & proinde eam non sustineret. Sed de hac questione, *An locus sit immobilis*, prolixius agemus in theoria de affectionibus loci.

Ad 6^m. Assumptio negatur : Rem enim localiter non motam locum mutare absurdum non est, sive de circumscribente sive de sustinente loco accipiatur. Observandum igitur ; 1^o. Locum ambientem mutari posse non mutato sustinente : Sic turris immota manens in eodem fundamento innumeras aeris superficies mutat. 2^o. Sustinentem mutari posse, non mutato ambiente ; ut

si subtrahas corpori alicui sustentaculum, idemque suspensum in eadem vel aeris vel aquæ superficie retineas : Mirum ut minimè videri debeat, quod res localiter non mota locum mutare possit, cum locus unus instari queat, non mutato altero. Rem immotam mutare locum, & motam non mutare locum, haud absurdum esse aiunt *Conimbricenses*, modò immota non mutet situm seu *ubi*, & mota mutet situm seu *ubi* ? Alii, non obstantibus tot superficie ambientis mutationibus, rem nihilominus in uno manere loco aiunt, primò, respectu totius ambientis aeris vel aquæ fluentis ; deinde, respectu partium mundi & differentiarum loci in quo subsistit. Sed opus non est tam longè petitis excusationibus, quibus tamen unitas loci propriè sic dicti non asseritur : de loco enim proprio, non communi, multò minùs de differentiis localibus aut mundi partibus quæstio est.

Ad 7^m. Assumptionem negamus : Nec enim absurdum est rem unam & eandem secundum diversas sui partes diversa occupare loca ; ut exemplo allato ostendimus : id verò demum absurdum esset, si idem secundum eandem sui partem, vel secundam totum, in pluribus simul & ejusdem speciei locis esse diceretur.

Ad 8^m. Connexum negamus : Duobus enim modis superficies consideratur, vel ut tantum est magnitudo habens longitudinem & latitudinem præcisè, vel ut est magnitudo includens habitudinem ad locatum cui applicatur : priori modo Mathematicæ, posteriori Physicæ considerationis est.

Ad 9^m. Conclusio nobis non contradicit : Nec enim nos asserimus superficiem corporis continentis esse genus loci ; sed superficiem corporis duntaxat genus loci facimus : Particula igitur, *continentis*, non ad genus, sed ad differentiam pertinet : ut omnis quidem superficies corporis continentis sit locus externus : sed non omnis superficies corporis. Alii nè omnem quidem superficiem continentis locum esse propriè sic dictum concedunt ; sed tantum superficiem continentis primam, immobilem : negant enim locum communem esse locum propriè sic dictum, quia non est superficies prima : negant vas vinum aut aquam continentis superficiem esse locum, quia mobilis.

Ad 10^m. Nos primò connexionem negamus ; qui ignem sublimarem nullum agnoscimus. Deinde & assumptionem negat *Toletus* : Probationis assumptionem iterum negat, aitque ignem etiam aeris esse conservativum ; quia elementa sunt symbola ; ratione caloris ; siccitas verò & humiditas, cum qualitates sint minùs efficaces, conservationem etiam non impediunt.

Ad 11^m. Propositio exclusivè intellecta est falsa: Non enim ad locum tantum sed ad *ubi* quoque fit motus localis, & primariò quidem ad *ubi*, secundariò ad locum: non enim corpus movetur propter locum, sed propter esse in loco, quod *ubi* dicitur. Fit igitur motus localis formaliter & intrinsecè ad *ubi*, extrinsecè verò & quasi efficienter ad locum. *Per motum localem*, inquit *Pererius*, *acquiritur ubi, quod est in ipso mobili: sed quia hoc ubi non potest acquiri nisi cum attingitur locus, ideo motus localis dicitur fieri ad locum.*

Ad 12^m. Assumptionem negamus: Ad probationem respondemus, dici posse *intrinsecè* & *extrinsecè* locatum à loco contineri. *Intrinsecè* quidem; quia intra continentis superficiem est locatum: ut vinum est intra vas, non extra id, quatenus à vase continetur; Aqua & terra sunt intra concavam aeris superficiem. *Extrinsecè* verò; quia continentis & contenti superficies se non penetrant, sed extus saltem attingunt, ità quidem ut interior sit locati, exterior loci superficies. De veste corpus ambiente respondet *Pererius*; etsi corpus aliquo modo contineat, locum tamen non esse: quia 1^o, non continet omni ex parte; 2^o, non continet naturaliter; 3^o, non conservat, aut perficit; 4^o, ad ipsam non fit motus naturalis; 5^o, non fit quies in ipsa naturalis. Sed, quòd salvo *Pererii* iudicio dixerim, nulla rationum harum mihi sufficiens videtur. Non 1^a; Quia aqua vel aer; etiam si mediam saltem alicujus corporis partem continent, locare tamen corpus dicuntur respectu illius partis quam ambiunt: sic qui medius in aqua stat; & medius extra aquam, in aere, utroque contineri & locari corpore dicitur. Deinde vestis ejusmodi posset confici quæ totum corpus contineret omni ex parte. Non 2^a; Quia etiam locus violentus non continet naturaliter, & tamen locus propterea esse non negatur. Nec præter aut contra naturam, imò maxime secundum naturam est hominibus veste cingi, in locis præsertim frigidis. Non 3^a; Tantum, imò plus conservationis à veste quam ab aqua nos ambiente videmus habere, hyberno præsertim tempore. Nec violentus locus facit ad locati conservationem, & tamen locus est. Non 4^a; Quia nec ad locum violentum res naturaliter tendit, qui tamen locus est. Etsi verò non purè naturalis, voluntarius tamen motus ad vestem est: Quis enim hyberno tempore non ad vestem potius quam ad frigidi aeris superficiem propter? Et verò continentis hujus necessitatem & usum ipsa nobis dicat natura, quæ pilis vel plumis reliqua vestit animalia, ut tegumentis externis aliis opus non habeant. Non 5^a; Quia non minùs jucundè & naturaliter quiescimus intra-

vestium nostrarum ambitum quam intra superficiem aeris concavam. Alii alio nomine vestem & vas vinum continens negant esse locum; nempe quia tam vestimentum quam vas est mobile, locus autem immobilis: Ad quid quæso mobilis superficie aeris nos ambientis? Quòd si tamen immobile illud diceretur, quod quidem movetur, sed unà cum locato non movetur, ità ut id comiteretur quocumque movetur, coloris aliquid haberet ratio: sed quàm impropria & catachrestica sit hæc immobilis significatio, viderint auctores: Nos de loci immobilitate suo loco plura dicemus.

Ad 13^m. Assumptionem negamus: Sursum & deorsum loco seu superfici *ἐξ ὧν* activè, positioni & situi passivè conveniunt; loco prius, positioni posterius: uti locus positione prior est: præsupponit enim locum positio & situs.

Ad 14^m. Antecedens, si de cælo simpliciter primo, & loco externo loquatur, negamus. De cæli primi loci prolixius suo loco differemus.

Ad 15^m. Connexum distinguimus: Si locus esset superficies simpliciter & absolute considerata, sine certà restrictione & modificatione, utique essentialè *πῶς* esset corporis naturalis: Atqui locus hujusmodi superficies non est, sed cum certa restrictione & modificatione, ut patet ex definitione & superficie. Itaque si explicatius proponatur syllogismus, asyllogistia apparebit, propter quatuor terminos: aliter enim in propositione, aliter in assumptione superficies intelligitur: Vel certè particularis erit propositio, ut patet è sequenti structurâ. *Superficies est proprium & essentialè πῶς corporis naturalis: At locus est superficies: Ergò locus est proprium & essentialè πῶς corporis naturalis.* Hic, nisi ambiguitas sit in argumento tertio, seu termino medio, qui *superficies* est, certè particularis erit propositio: universaliter enim informata falsa erit, *Omnis superficies est proprium & essentialè πῶς corporis naturalis:* datur enim superficies quædam, quæ, quæ talis, non est essentialè *πῶς* corporis naturalis cujus est superficies: ex. gr. aeris superficies concava ambitu suo continens aliud corpus: Hæc enim abesse potest, cum ab aere, qui recedente corpore superficiem concavam non retinet, quia distantes aeris partes rursus uniuntur & coeunt; cum à corpore intra cavitatem aeris contento. Evidentior sit argumentationis hujus falsitas è similibus exemplis ad imitationem ejusdem formati: qualia sunt; *Animal est natura generica homini & bruto ex æquo communis: At homo est animal: Ergò homo est natura generica ex æquo communis bruto & homini.* Item; *Qualitas est affectio communis asino & homini: Atqui scientia est qualitas:*

Ergò

Ergo scientia est affectio communis asino & homini. Similia formare cuius in promptu est. Haecenus de syllogismi principalis connexo. Assumptio, si de loco interno accipitur, falsa est: Est enim hic *ἡ δὲ πρῶτος* corporis naturalis.

Ad 16^m. Consequentiam negamus: Probatio & ipsa inconsequens est: *ταυτολογίας* prohibet ejusdem rei iterata consideratio, sub diversis modis: Quæ ergo realiter non differunt, nihilominus ut diversa noemata considerari, diversimodè possunt. Ità superficies absolute considerata, quatenus est *ἡ δὲ πρῶτος* corporis naturalis, unius noematis rationem habet: eadem cum respectu & limitatione considerata, quatenus aliud corpus ambit vel continet, diversi noematis rationem habet: Sunt enim distincti hi respectus, ità ut superficies esse possit quæ aliud corpus non ambiat vel contineat.

Ad 17^m. Assumptionem negamus: Causa cur aliquid sit in loco, est cum locus, hoc est superficies continens & applicata, tum ipsius locati quantitas, per quam continenti applicatur: fit enim locatio per applicationem superficierum continentis & contenti.

Ad 18^m. Propositione, de loco ambiente in specie sic dicto, concessâ, assumptionem negamus: Probatio ejus falsa est: Si enim non minus aeris quàm ignis sphaeram esse ponamus, terra non minus erit centrum aeris ab igne contenti quàm ignis aerem continentis. Quod additur, in media aeris regione esse medium, hoc est, centrum aeris, falsum est, nisi dicatur in media quoque sphaera ignea esse centrum seu medium ignis: quod negat adversarius. Circulus enim, ut ut latam habeat *περίμετρον*, medium tamen seu centrum non habet in peripheria, sed in ipso illo puncto è quo describitur. Quod autem de media aeris regione dicitur, non de centro aeris accipiendum, sed de media ejus parte inter duas extremas partes interjectâ, quæ tamen exquisita media non est. At centrum non est pars circuli propriè sic dicta. Cætera quæ in hac ratione subjiciuntur, plane *ἀδύνατα* & contradictoria sunt.

Ad 19. Assumptionem negamus: Probatio inconsequens est: Avitro enim concussio & fractio, ad idem integrum malè arguitur: & malè indè diversitas capacitatis continentis colligitur. Cum enim, si cætera sint paria, vitri integri cavi extrema æquè longè distent ac vitri alicujus pleni seu solidi, superficiem utriusque externam continentem æqualem requirunt, quia applicatio fit secundum extrema: Quod si verò tam solidum quàm cavum comminuat, & pulvis utriusque seorsim accumuletur, non æquè longè distabunt extrema, & proinde diversæ quoque capacitatis loca requirunt. Alia igitur est ratio totius partibus suis adhuc continui,

alia partium extra totius continuitatem existentium.

Ad 20^m. Connexum negamus: Ratio autem, cur, casu illo qui ponitur, ex ejusdem capacitatis vas unum plus aquæ quàm alterum capiat, hæc est: Quia unius concavam superficiem implet sola aqua, alterius verò non sola aqua, sed lapis & aqua, quæ duo contenta exæquant unum suis dimensionibus, si tanquam unum sumantur. Itaque si dimensiones contentorum respicias, tantum capit vas unum quantum alterum, etiam si non tantum unius substantiæ. Non est igitur quodd spatium hic fingamus distinctum à dimensionibus contenti, sive unius sive plurium, aut ad spatium à contenti dimensionibus distinctum causam referamus, cur è duobus vas capacitatem æqualibus unum plus aquæ quàm alterum capiat.

Ad 21^m. Connexum negamus: Probatio inconsequens est: Ità enim superficies continentis est extra contenta corpora, ut tamen ambitu superficiei contineantur corpora, & hoc respectu sint intra eam: quo sensu vinum dicitur esse intra dolum, quia dolio continetur & undiquaque ambitur, etiam si in ipsa doli substantia non est. Deinde, ex eo quod locus non est nisi longus & latus, non sequitur profundum ab eo recipi non posse: Ut enim profundum à loco recipiatur, satis est si secundum longitudinem & latitudinem ab eo ambiatur, & ambitu suo ipsum profundum contineat, etiam si in se locus profundus non est. Nam si locus in se esset profundus, & intra profunditatem reciperetur locati profunditas, dimensiones se penetrarent: quod absurdum. Dicuntur ergo corpora replere sua loca non per mutuam dimensionum penetrationem, sed per superficierum continentis & contenti mutuam applicationem, quâ continens longum & latum intra se applicatum sibi habet contentum longum latum & profundum.

Ad 22^m. Si de loco Physico sit quaestio, connexum negamus: Ea enim superficies continens locus physico appellatur, quam tangit, per superficiei applicationem, contentum: Atqui hujusmodi contactus in Angelis non est, qui omnis quantitatis sunt expertes: Interim in loco quoque Angelos esse definitivo, ultro concedimus.

THESIS VIII.

Locus externus est sustinens vel ambiens.

THESIS IX.

Sustinens est terminus corporis sustinentis aliud corpus.

*Exsens.

I. Hujusmodi locus sustinens est basis cui corpus aliud innititur, quæ ei convenienter subijcitur, sive moveatur, sive quiescat: Sic terra ambulantes, sedentes, jacentes sustinet; sella sedentem sustinet, &c.

Locum sustinentem non admittit schola Peripatetica moderna: Unde in propugnatorem ejus *Reckermannum* severè animadvertit. Ego quemlibet suo sensu abundare facile patior, nec propter peculiare in Philosophia opinionem in quemquam debacchor, etsi aliud sentio & defendo: Eandem igitur ab aliis quoque æquitatem exspecto in hac disensione. Statuo ergò sustinentis corporis terminum loci quoque nomen mereri non minùs quàm *περὶ ὁρίζοντος*. Sive *Aristoteli* idem fuerit visum, sive aliud, jam non attendo. Rationes assertionis hujus sunt:

1. In termino corporis sustinentis non minùs movetur & quiescit res quàm in termino ambientis; non minùs appetit terminum sustinentis quàm ambientis; non minùs recipitur & conservatur à termino sustinentis quàm ambientis; non denique minùs (imò magis) immobilis est terminus sustinentis quàm ambientis: Cur ergò loci notio ipsi minùs competat quàm ambientis termino? Quæ in contrarium rationes hic adduntur, vel ex natura loci ambientis sunt petitz, vel pro absurdo habent quod non est absurdum, vel alio consequentiæ vitio laborant: ut mox videbimus.

2. Inter basin sustinentem & corpus sustentatum est locatio: Ergò basis sustinens est locus, corpus sustentatum est locatum. Antecedens probatur; Quia locatio est applicatio superficierum, quâ fit receptio unius ab alio per contactum superficierum: cujusmodi applicatio est quoque inter basin sustinentem & corpus sustentatum. Qui ejusmodi requirunt applicationem superficierum, ut superficies recipientis undiquaque contingat forinsecus superficiem totius recepti, rationem hanc non everunt: nam ex natura & proprietatibus unius speciei oppugnant aliam speciem: quod vitiosum: veluti si quis neget brutum esse animal, quia non est rationale. Applicatio igitur ista quam nobis apponunt, non requiritur in loco & locato in genere, sed tantùm in loco ambiente, & locato quod ambitur: ut rationale esse non competit animali in genere, sed speciei animalis, nempe homini.

3. Si nullus datur locus nisi ambiens, qui æqualis est toti locato, sequitur corpus aliquod quod immediate incumbit alteri, & super eo movetur & sustinetur, non esse in loco: At consequens falsum: Ergò & antecedens. Connexum probatur, datâ

hypothesi, quæ non est absurda vel impossibilis: Faciamus hominem incumbere extimi cæli superfici convexæ, & ex parte ejus una in aliam movendo se promovere: In loco ambiente certè non erit: parte enim illâ quâ cælum non contingit, superficiem ambientem externam non habebit, sed eâ tantùm quâ immediate cælum contingit. Hoc igitur corpus, quia in ambiente loco non erit, in loco nullo erit. At quis quæso concesserit, corpus aliquod quod ex una corporis parte in aliam se promoveret, & cujus superficies alterius corporis superficierum immediate applicatur, in loco non esse? At non est in loco ambiente: Est igitur in loco sustinente, cui applicatur, & super quo movetur, cujus partes diversas in motu, tanquam diversa loca, occupat.

4. Basis sustinens corporibus nostris substrata, isque naturaliter applicata, sive super eâ moveantur, sive quiescant secundum naturam, subiecti recipientis respectum subit, si Logica notio ei sit imponenda: At physica appellatio si tribuenda sit, alia nulla commodè tribui poterit nisi loci: In Physicis enim cum audio subiectum recipiens, protinus cogito vel subiectum *inhærentiæ*, quod est corpus naturale, respectu accidentium suorum *inhærentium*; vel subiectum *informationis*, quod est materia, respectu formæ; vel denique subiectum *adjacentiæ*, quod forinsecus & separabiliter adjacet corpori naturali, super quo quiescit & movetur corpus naturale, quod locus est. Atqui basis substrata respectu corporis naturalis, cujus est subiectum recipiens, non est subiectum *inhærentiæ*, nec subiectum *informationis*, ut apud omnes est in confessio: Est ergò subiectum *adjacentiæ*, quod descripsimus: & proinde locus est.

5. Ubi aqua naturaliter quiescit, & quod tendit naturaliter, ibi locus ejus est naturalis: Atqui aqua naturaliter quiescit supra terræ superficiem, tanquam corpus minùs grave supra gravius, & ad eam secundum naturam tendit: Ergò aquæ locus naturalis est terræ superficies: Hic verò locus non est ambiens, sed sustinens.

6. E communi omnium hominum consensu locus hominis id appellatur, super quo stat, sedet, jacet, aut incedit: Unde quærentibus, *quo loco steterit, sederit, aut jacuerit homo*, protinus monitramus basin ipsi substratam.

7. Adstipulatur quoque sententiæ nostræ Angeli testimonium, *Marc. xvi. 6.* ubi mulierculis Christum quærentibus respondet Angelus, *ὁ ὅτι ἐστὶν ὁ τόπος ἐν ᾧ ἔστη ὁ κύριος*. Ecce locus ubi posuerunt eum. Sanè non monstravit Angelus mulierculis superficiem aeris ambientem, quæ nec monstrari poterat, cum ampliùs non esset, et si maxime fuisset, videri.

videri non potuisset : nec principaliter in ea positus fuerat Dominus, sed in sepulchri pavimento & basi, supra quam jacuit, ad quam digitum intendens Angelus ; *Ecce*, inquit, *locus ubi posuerunt eum*. Qui hic aures obturant & Angeli testimonium repudiant, tam videntur esse tenaces præconceptæ suæ opinionis, quàm doctrinæ Evangelicæ tenaces nos esse jubet Apostolus, à qua non discedendum monet si vel Angelus è cælo descendat & aliud Evangelium annunciet, *Gal. 1. 8*. Sanè è cælo descendit hic Angelus, & præter superficiem ambientem, aliud nobis locum monstravit, supra quem jacuit & quievit Christi corpus, cujus testimonium repudiare nefas fuerit, nisi solum ambientem locum Divinâ sanctione & autoritate in naturam introductum esse constiterit, uti non nisi unum Evangelium, idque perpetuum, à Christo & Apostolis ejus promulgatum esse novimus.

8^m. Denique Hebraica loci appellatio nostram quoque sententiam firmat : Locus enim Hebræis *בֵּית* appellatur, quasi dicas *statio*, id super quo quis stat, sedet aut incedit, quam non esse ambientis aeris, sed corporis sustentantis substratam superficiem ac basin, nemo non intelligit. Radix est *בֵּית* *Surrexit* : quasi dicas, locum illum esse terminum à quo quis surgit, cui innititur, cui insistit. Hactenus argumenta pro sententiæ nostræ confirmatione.

II. Videamus sine bile, sine insectatione & convitiis, quæ contra locum sustententem ab aliis profertur. Plures habuit *Keckermannus* censores, & quidem satis rigidos, qui tamen in argumentis ejus dissolvendis potius quàm sententiâ ejus per rationes oppugnandâ laborant ; de quo tamen nobis non laborandum, cum instituti sui causas dubio procul habuerint. Attamen *Meisnerus*, part. 1. Philosoph. sobriæ, §. 3. cap. 1. qu. 1. mem. 2. aliquot argumenta contra locum sustententem producit, quæ ordine recensimus & ponderabimus.

1. Si basis sustinens esset locus, unum idemque corpus uno eodemque tempore in duobus vel pluribus esset locis : At consequens falsum : Ergo & antecedens. Connexi ratio est ; Quia in duobus vel pluribus sustententibus basibus esse potest. Si cogites hominem sedentem, vel fulcro innixum, aliâ basi pedes, aliâ reliquæ partes sustentantur.

2. Basis sustinens semper debet esse firmitior & solidior locato : Atqui aer, in quo aves volitant, aquæ, in quibus pisces natant, non sunt firmitiores ipsis avibus & piscibus. Ergo non sunt bases sustententes.

3. In loco vero solidoque & per basin definito

non solum moventur, sed etiam quiescere debent corpora : Atqui in aere aves, in aquis pisces quiescere nequeunt : statim enim decidunt : Ergo aer & aqua non possunt esse loca avium pisciumve. Quem verò locum, subjicit, dabis alium, aut quam basin avium pisciumve sustentatricem finges, si aer & aqua non sit ?

4. Si basis sustinens esset locus, pars aliqua corporis de loco in locum moveri posset, non mutato totius loco, nempe basi totum sustentente : At consequens falsum : Ergo & antecedens. Connexum probatur : Corpore reliquo quiescente, possum brachium movere de loco in locum ; At basis non mutatur quâ totum corpus sustentetur.

4. Si basis sustinens pro loco habeatur, falsum erit tritum axioma, *Corpore moto, semper in locum ejus succedit aliud corpus* : At consequens falsum : Ergo & antecedens. Connexum probatur 1. exemplo piscis : Cogita piscem ex hac parte aquæ in aliam esse motum, num corpus aliud successit, si locus basis sit ? Neutiquam : Aqua quidem est in isto spatio ubi antea erat piscis, non tamen aqua ista est in aqua, seu basi & loco, sicut piscis erat : sequeretur enim partem unam alterius fieri basin, imò locationem dari inter continua. 2. Exemplo hominis de loco in locum moti : fac locum esse extremitatem terræ quæ pedibus est substrata, & de ista extremitate in aliam me moveri : Quodnam succedit corpus ? Si aerem dixeris, aut pars tantum aeris successit, quæ immediatè tangit extremitatem, aut, propter istam partem, totum elementum aeris. Si totum elementum, quomodo locus locato erit æqualis ? quomodo tam diffusum elementum locari poterit in tam minurâ extremitate ? Sin partem tantum successisse dicas, sequetur hominem totum in loco non esse, sed solas extremitates pedum, quæ tangunt extremitatem terræ : uti non totus aer, sed tantum particula ejus una putatur succedere.

6. Si basis substrata est locus, totum in loco erit per partem quæ immediatè basin tangit : nec enim totum tangit basin : At consequens falsum : Ergo & antecedens. Assumptio probatur ; Quia decantarum in universa Philosophia principium est, *Totum per se in loco esse ; partes non per se, sed per totum*.

7. Si locus est basis sustinens, terra corpus naturalissimum non erit in loco : At consequens falsum : Ergo & antecedens : Connexum probatur ; Quia terra non habet basin sustententem.

III. Ad rationes hæc ordine sic respondemus.

Ad 1^m. Assumptionem negamus : Idem corpus secundum diversas partes in diversis posse locis esse, non falsum aut absurdum, sed verissimum est ;

non

non de sustinente tantum; sed & de ambiente. Fac hominem ad genua usque ambi limo tenacissimo, ita ut omne aliud corpus præter locatum excludatur; à genibus ad umbilicum usque aqua cingi: ab umbilico ad brachia aere circumdari; brachia verò oleo intincta: Nonne unius hominis quatuor distincta erunt loca ambientia, secundum distinctas partes?

Ad 2^m. Propositionem negamus: Lignum aquæ innatans sustineri ab aquæ substratâ basi, item maxima navigia cum ingentibus oneribus, nemo nescit. Quis verò dicat aquam esse firmiorem & solidiorem ligno, navigiis, &c. ? Aut si quo fortè respectu aquam ligno innatante firmiorem esse dicas, nonne idem de aere & aqua, respectu piscium & avium, dici poterit? Conclusio rationis huius experientia manifestè contraria est: Aquam à piscibus sustineri; aves ab aere, negat: At remove piscibus aquam, subtrahere avibus aerem, & vide an non præcipientes sint ruituri pisces & aves.

Ad 3^m. Primùm propositionem universaliter de quavis basi sustinente acceptam possumus negare: sufficit enim si corpus sustineat, five sine motu; five cum motu. Distinguendum enim fuerit inter bases sustinentes, quarum aliæ sustinent & mota & quiescentia corpora, aliæ non nisi mota: in illis sustentatio erit à sola basi; in his à basi simul & motu. Deinde negamus & assumptionem: Pisces in aquis immotos sustineri, oculorum nostrorum testimonio patet: de avibus non nullis idem docet experientia: Vide *Scaligerum*, exerc. 229. §. 2. Denique nec concessa conclusio sententiam nostram evertit: Faciamus enim pisces & aves non esse in aqua & aere tanquam locis sustinentibus: Quid inde? nullusne ideo dabitur locus sustinens, si aqua pisces, aer volucres non sustinet? aut simpliciter in loco non erunt pisces & aves, si in loco sustinente non sunt? Interim non potest negare Adversarius pisces ab aquis & volucres ab aere sustineri: permittat igitur nobis aerem appellare avium locum sustinentem, respectu substratæ basis seu superficiei sustinentis, & similiter aquam piscium sustinentem locum.

Ad 4^m. Assumptionem negamus: In ambiente quoque loco videmus fieri, quod falsum & absurdum esse putat Adversarius. Brachium ex una aeris superficiei ambiente in aliam movetur immota reliquo corpore, & intra eandem superficiem ambiente manente, modò per aeris motum ea non mutetur.

Ad 5^m. Assumptio universaliter vera non est, præsertim si corpus succedens à loco realiter di-

stinctum esse affirmetur: Videantur quæ capitulis huius thesi VII. & VIII. §. ad idem argumentum, quod decimum in ordine erat, respondimus. Moto in aquis pisces, intra superficiem aquæ concavam, quæ piscem complexa est, non succedit alia aqua, sed quæ superficiem ante concavam habebat, continua rursus fit, coeuntibus lateribus. Quòd si quis contendat aliam aquam succedere, respondendum erit, factâ successione & continua aqua, quæ alterius corporis interventu erat divisâ, cessare loci externi & locati rationem, propter aquæ succedentis continuationem cum partibus, quæ piscem superficiei suæ ambiunt: quod non tantum de sustinente sed & ambiente loco dicendum fuerit. Quod tanquam absurdum subjicitur, partem unam fieri alterius basin, id certè absurdum nobis non videtur, imò longè verissimum & certissimum. Quis enim nescit in corporibus nostris partem unam alterâ tanquam fulcro niti, unamque alterius esse basin: quod ex ossium juncturis manifestissimum est. Imò sunt qui continui quoque homogenei partes à se invicem sustineri dicant, idque duobus probent exemplis: 1. Aquis ex imo vasis fundo extractis, pondere suo subsidunt & fundo fiunt propiores quæ medium & summum occupabant: ab imis igitur supremæ sustentantur: nec enim extractis iis subsiderent nisi antè ab iis fuissent sustentatæ. 2. Qui in imo maris sunt constituti, immensam aquæ molem habent incumbentem; & tamen ab ea non premuntur: rationem reddit *Syrriannus*, quòd partium aquæ imminentium una alteram sustineat. Sed hoc discutere non est huius loci. Ad alterum exemplum, de homine basin terræ sustententem deferente, respondemus, basin illam à succedente aeris particulâ contingi. Quod verò inferitur, non igitur totum hominem in loco fore, sed tantum extremitates pedum, id sequi negamus: Ut enim totus homo in loco sustinente dicatur esse, non requiritur ut undique totum hominem contingat, sed ut totam corporis molem aliqua sui parte convenienter basi applicatam sustineat: alia namque est ratio ambientis, alia sustinentis loci. Quòdque locus æqualis locato dicitur, non de sustinente, sed de ambiente accipiendum: in hoc enim circumscriptio totius, in illo sustentatio totius attenditur, quæ fieri potest sine circumscriptioe totius.

Ad 6^m. Assumptio de loco in genere pronuntiata falsa est; de solo ambiente admittitur. In sustinente totum est in loco per partem convenienter loco applicatam: Unde non partis tantum sed totius sequitur sustentatio. Totum etiam sustineri

per partem, cui reliqua totius omnia incumbunt, citra omnem absurditatem dicitur. Decantatum verò in Scholis Philosophicis principium ad solum ambientem locum hoc modo referendum erit. Si cui fortè minus hoc ardeat, connexum neget. Ad probationem respondeat, in loco sustinente non tam id attendi quod tangitur, etsi aliquis quoque requiritur contactus, quam quod sustinetur; Etsi ergo non nisi pars totius tangitur, totum tamen sustinetur.

Ad 7^m. Connexum negamus; Sublatà unà loci specie, non protinus negari debet genus, seu omnis locus. Fac terram non esse in sustinente loco: at tamen ambiens ei negandus non erit. Hactenus controversia de loco sustinente.

THESIS X.

Ambiens est terminus corporis ambientis & circumscribentis aliud corpus.

**Eudemus.*

Hujusmodi locus animantium in terra degentium & ambulantium aer est, aquatiliū verò aqua: Ut enim illorum corpora ab aere, sic horum ab aqua undiquaque ambiuntur. Pater igitur per ambiens, seu περιχώρησις, non aerem tantum intelligi debere, sed & quodvis aliud corpus quod superficie suā aliud circumscribit. Sic & vas superficie suā contentum liquorem ambit.

THESIS XI.

Uterque locus est 1. Communis vel proprius, 2. Naturalis vel violentus.

THESIS XII.

Communis locus est, qui corpora plura simul sustinet, vel circumscribit.

**Eudemus.*

Hujusmodi locus est Caelum, quo omnia beatorum corpora tandem continebuntur. Hujusmodi quoque animantium locus est Terra, quæ omnia suo quasi dorso sustinet; Aer, qui omnia terrestria ambit; Aqua, quæ aquatilia cingit & sustinet: item conclave plura simul corpora inclusa continens & pavimento sustinens.

THESIS XIII.

Proprius est, qui unum tantum corpus adæquatè sustinet, vel circumscribit.

**Eudemus.*

I. Hujusmodi locus est ea duntaxat cæli parti-

cula quæ certum aliquod individuum sustinet; ea terræ particula quæ hoc vel illud animal sustinet; ita & circumscribens proprius est certa aeris portio, quæ hoc tantum, non aliud simul corpus ambit; & certa aquæ portio, quæ hunc tantum piscem, & non alium ambit aut sustinet.

II. Queritur 1^o, An locus proprius ita sit adæquatè uni locato ut aliud simul non possit recipere? Aliàs ita proponi solet quæstio; An in uno loco proprio duo corpora simul esse possint?

Duplex hic distingui solet virtus, naturalis, & supernaturalis: unde diversæ quoque de quæstione sententiæ sunt enatæ. Nonnulli asserunt, posse non tantum virtute supernaturali sed & naturali in uno loco duo corpora simul esse. Alii, inter quos Pontificii sunt, naturali quidem virtute id fieri posse negant, de supernaturali tamen concedunt. Accedit tertia sententia, quæ sola est vera, Nec naturali nec supernaturali virtute id fieri posse, ut duo corpora in eodem simul sint loco. Ratio pro confirmatione hujus sententiæ hæc est; Quicquid implicat contradictionem, nec in naturalem nec in supernaturalem virtutem cadit: Atqui duo corpora in uno loco simul esse, implicat contradictionem: Ergo, &c. Connexi ratio hæc est; Si duo corpora essent in eodem loco simul, situs unius non excluderet situm alterius, adeoque partium corporis una per situm non excluderet alteram: quæ enim ratio totius ad totum, eadem & ratio partium ad partes: Si una per situm non excluderet alteram, una quoque extra alteram non esset posita: At ubi non est partis extra partem positio, ibi non est quantitas: Ratio enim essentialis & propria quantitatis est habere partem extra partem, ut ipsi quoque *Conimbricenses* agnoscunt, & quantitatis in infinitum divisibilitas ostendit. Accedit & alia ratio; Si duo corpora in eodem possent esse loco, sequeretur partem posse esse æqualem toti: At hoc absurdum: Ergo & illud. Ratio connexi est; Sequeretur enim brachium uno posse includi digito, cum situs & extensio partium non obster, quæ nec esse potest duobus corporibus simul in eodem loco existentibus.

III. Contrarium cur credant Pontificii Doctores & alii, corporumque mutuam penetrationem Divinā virtute possibilem esse asserunt, alia nulla est causa, nisi exempla quædam ficta, & Scripturæ loca malè intellecta. Sic ex. gr. persuadent sibi, nativitatē CHRISTI factam, clauso matris utero; existentiam illocalem corporis CHRISTI sub pane Cænæ Dominicæ CHRISTI ad discipulos ingressum per januas clausas;

fas; & sepulcro egressum per lapidem sepulcro incumbentem; Corporum caelestium in ascensione CHRISTI penetrationem: qui humani cerebri sunt partus, à Scriptura sacra, ratione & experientia alieni: Nihil horum in Scriptura asseritur; nihil tale unquam factum. Scetus quidem corporum duorum in eodem loco existentiam possibilem esse credit, si causa aliqua detur quæ vi suâ præstare possit ut unum saltem è duobus corporibus alicubi sit, nec locum expleat: Huic tamen sententiæ acriter contradicunt Albertus Magnus & Thomas, qui ait infanium videri, dicere corpus gloriosum non replere locum, quando cum alio non glorioso alicubi simul constituitur.

Comimbricatum sententia est, essentialis & propriam quantitatis rationem consistere in partium extensione, ut nempe quantitas in ordine ad se habeat partem unam extra alteram: Hanc quantitatis rationem Divinitus quantitati, ut maneat quantitas, adimi non posse concedunt; quia simpliciter contradicunt, esse quantitatem, & rationis huius expertem esse. Hanc verò rationem formalem aiunt alias consequi proprietates, ut sunt, commensurari spatio, ita ut singulæ partes singulis circumfuxæ superficies partibus respondeant; item, replere locum; distinguere suu à quacunque alia quantitate; quam postremam proprietatem adimi posse dicunt quantitati, & consequenter corporibus, per negationem Divini influxus. Ego verò peculiarem Dei influxum distinctum ab influxu ad rationem formalem quantitatis hic nullum video. Et si quantitati adimi non potest ut habeat partem extra partem, hoc est, ut partium una excludat alteram, etiam adimi ei non potest ut una tota quantitas excludat alteram totam, & proinde in eodem loco proprio eam non ferat, sive activè, sive negativè hoc fieri existimemus, ut ratio nostra efficaciter ostendit. Qui ideo proprietatem hanc à quantitate credunt abesse posse, quia non est ipsa formalis ratio quantitatis, sed eam sequitur; eodem argumento & divisibilitatem à quantitate abesse posse affirmabunt, quia & divisibilitas sequitur formalem quantitatis rationem: at quantitatem esse & divisibilem non esse omnibus sanis iudiciis contradictionem implicat.

IV. Intolerabilior eorum est error, qui naturali quoque virtute id posse fieri contendunt, è quibus est Fernelius: qui lib. 2. Physiolog. cap. 11. exemplis quibusdam utitur futilibus. Primum ait, in ferro candente corpus ignis per ferrum penetrat. Nulla enim ignis est particula ubi non ferrum sit, & nulla ferri particula ubi non ignis sit. Secundò, Panis in aquam injectus totus ab aqua penetratur. Tertiò, Vas plenum cineribus tantundem recipit

aquæ quantum cineribus vacuum recipit: quod fieri non posset nisi aqua cineres penetraret, & in eodem cum iis situ maneret. In singulis hisce exemplis principium petitur. Primum quod attinet, dubium est, an ignis per se sit substantia aliqua profecta ab accenso misto distincta; quod negamus nos: & si maxime esset, penetratio tamen admittenda non esset, sed insinuatio per minutissimos ferri poros. Idem de aqua panis & cinerum poris seu raritati se insinuante iudicandum est.

V. Quæritur 20, An unum corpus in pluribus locis simul possit esse, ita quidem ut quod totum hic est, idem quoque alibi sit totum, circa ullam sui divisionem. Pontificiorum nonnulli, ut & Lutherani, affirmantem quæstionis partem tuerentur, & quidem non finitâ naturâ, sed infinitâ Dei potentiâ unum corpus in pluribus simul locis esse posse affirmant. Comimbricatos in sententiâ hujus confirmationem hæc adducunt argumenta.

1. Duo corpora possunt esse in uno loco: Ergo etiam unum corpus potest esse in duobus & pluribus locis.

2. Christi corpus simul in cælo & in Eucharistia est: Ergo unius corporis *πλυτοπία* non est impossibilis.

3. D. Ambrosius Mediolani divinis rebus adstipit, & simul Turone exsequiis D. Martini interfuisse legitur: Ergo.

Hisce rationibus adjiciunt alii 4. Deus, essentia unica, simplicissima & indivisibilis in infinitis simul locis est: Ergo & creatura per Dei potentiam esse potest simul in pluribus locis.

5. Anima rationalis in qualibet corporis parte simul tota est: Ergo rei naturalis *πλυτοπία*, seu existentia in pluribus *πρ*, non est impossibilis. Antecedens probatur; Quia non est extensa instar reliquarum animarum caducarum.

6. Humana CHRISTI natura simul est in pluribus, imò omnibus locis: Ergo *πλυτοπία* corporis non est simpliciter impossibilis, ita ut naturam destruat. Antecedens probatur ab adversariis, 10, ex assumptione humanæ naturæ in *ὑπόστασιν λόγου*. In quocunque totus est λόγος, ita ut extra illud non sit, id est ubicunque λόγος est: Atqui in humana natura assumpta & hypostatice unita totus est λόγος, ita ut extra eam non sit: Ergo humana natura est ubicunque λόγος est: Cum autem λόγος sit ubique, etiam humana natura erit ubique: aut, si λόγος est ubique, & humana natura non est ubique, solvitur vinculum unionis personalis. 20. Ex variis Christi apparitionibus. Stephanus Christum in terris vidit, Act. vii. quem tamen simul in cælis fuisse extra omne dubium est. Paulo in terra fuit

con-

conspēctus, & tamen in cœlo quoque simul fuit, *Act. ix.* Dominus in castris adstetit *Paulo*, à quo & verè conspēctus est, *Act. xxiii. 11.* Vidit eum *Joannes* in medio septem candelabrorum aureorum ambulātem, *Apocal. i. 13. 3º.* Ex gubernatione & regimine *Ecclesiæ*. Christus homo præsēntissimè & intimè omnia regit & in omnibus operatur: Ergò ubique est secundum humanam naturam.

4º. *Ex promissionibus.* Christus promisit se ad finem usque futurum cum omnibus suis fidelibus, se mansurum in iis qui ipsum tanquam vitæ panem manducant: Ergò corpore suo cum omnibus fidelibus est, & in omnibus manet.

VI. His tamen rationibus non obstantibus contrarium constanter asserimus, nimirum, nè Divinà quidem virtute posse fieri ut unum corpus in plurimis locis simul sit. Quam in sententiam quoque eunt *Thomas*, *Henricus*, *Gandavensis*, *Durandus*, *Ægidius*, *Hervæus*. Ratio principalis hæc est; Quod dogma plures infert contradictiones & absurditates, id falsum & absurdum est: Atqui dogma de corporis unius *πελυτοσία* plurimas infert contradictiones: Ergò dogma illud falsum & absurdum est. Vel; Potentia Divina non potest facere contradictoria? At unum corpus in pluribus simul locis esse multis modis sibi contradicit: Ergò, &c. Propositio extra dubium est. Assumptio probatur: Sequetur enim 1º. *Corpus esse simul in loco circumscriptivè, & non circumscriptivè.* Circumscriptivè enim ita omne corpus intra cœli ambitum comprehensum in loco est ut loci circumscriptione definiatur ac terminetur, quod oculis videmus, & manibus palpamus: Si ergò extra unius loci circumscriptionem simul in alio existit, utique circumscriptivè simul in loco non erit, quæ cruda est contradictio. Non conciliat eam diversarum virtutum consideratio, quod nimirum unum à virtute supernaturali sit, alterum à naturali: Sic enim quævis excusari posset contradictio, dicique posset, idem corpus simul posse esse & non esse per diversas virtutes; item, eandem lineam rectam simul & curvam esse posse, idem animal hominem simul & bestiam, corpus simul & spiritum. 2º. *Corpus finitum & non finitum esse.* Finitum enim quodlibet corpus essentiae suæ terminis ita continetur ut extra eos non sit: Si ergò simul in pluribus est locis, terminis utique continebitur & non continebitur. 3º. *Unum à seipso esse diversum & discretum, & proinde non unum esse.* Quod enim extra finitatis suæ terminos est, quale cūne est corpus in pluribus simul locis existens, id discretum & divinum à seipso, & proinde unum non est: Et qui quæso non possit à se divinum esse, quod eodem temporis arti-

culo è diversis locis moveri, sibi que in via potest occurrere? quæ Pontificiorum sententia, ut paulò post audiemus. 4º. *Idem corpus (1) simul contrariis motibus posse ferri.* Quid enim impediatur quò minus *Paulus Romæ* existens sursum, *Ephesi* deorsum, *Thessalonica* in orbem moveatur? (2) *Contrariis qualitatibus simul obnoxium esse.* *Paulus* enim hyberno tempore igni assistens *Romæ* incalcescet, idem *Thessalonica* simul frigido expositus aeri frigescet: Nec enim in corpus ejus plus virium habet *Thessalonice* frigus, quàm *Romanus* calor. (3) *Contrariis simul affectibus affici.* Quid enim impediatur quò minus *Paulus Romæ* objecto delectabili motus lætetur, *Thessalonica* objecto tristi perculsus tristetur. 4º. *Alibi quiescere, alibi moveri.* Hæc omnia, cum contradictionum sint plenissima, ab omnipotentia Divina longissimè sunt removenda.

VII. In hujus argumenti robore enervando varii laborant adversarii. Concedunt *Lutherani* contradictionem operationi Divinæ non esse subjiendam, propterea quòd contradictoriorum unum semper sit falsum: monent tamen, de contradictorio temerè non esse determinandum: quòd plus possit Deus quàm nos possumus intelligere: malè igitur argui à negatione potentie supernaturalis, Esse hunc sacre Scripturæ honorem habendum, ut credatur quod ipsa affirmat, etiamsi ratio non possit assequi, aut apparentem contradictionem conciliare. Quæ omnia eò spectant ut corporis *CHRISTI πελυτοσία* & ubiquitas nobis persuadeatur, & rationes contra eam prolata elidantur.

Resp. Tantæ apud nos autoritatis est Scriptura, ut si asserat nullam esse veram contradictionem, protinus absque omni rationis nostræ fatigatione id simus credituri: Absit ergò ut aliquid Deo esse impossibile colligamus simpliciter ex illo fundamento, quod naturæ sit impossibile. Scimus naturæ legibus non esse alligatum naturæ Autorem, & plura posse quàm nos cogitare possumus: Interim contradictionem quod atinet; aut de nullius contradictionis veritate & immutabilitate possumus verè, infallibiliter & fidenter pronunciare, extra Scripturam, solius humanæ rationis acumine & ductu, aut judicium de contradictione verum & infallibile à sola ratione nostra, etiam absque Scripturæ suffragio, modò non contra ejus suffragium, ferri potest. Prius si dixerint, pleræque omnes contradictiones de rebus naturalibus & Theologicis evanescant. Quot enim, quæso, contradictiones sunt, quarum pars altera falsa & simpliciter impossibilis esse in Scriptura dicatur? Sanè paucissimæ sunt. Nec si aliquid Scriptura tanquam negationem firmat, protinus ejusdem pronunciati negationem infal-

infallibiliter falsam esse sequeretur : ex eodem fundamento, quod nostræ rationis angustia & imbecillitas errare possit circa contradictionis iudicium, cum omnipotentiam Dei non satis perspectum habeat. Quis verò tandem Scripturæ usus erit in refutatione τῶν ἀντιθέσεων ? Si posterius dixerint, contradictionis apparentis infallibilia oportet gnorismata constituent, quæ apud omnes sint in confesso ; & si statuant quoque uti solent, respectum diversarum potentiarum seu virtutum, nempe finitæ & infinitæ, generale vel particulare erit hoc gnorisma : si generale, ut dicatur altera cuiusvis contradictionis formata pars falsa respectu virtutis finitæ, vera autem respectu infinitæ virtutis ; nulla erit contradictio, cuius utraque pars simpliciter sit falsa, proindeque nulla erit vera contradictio. Itæ si dicas, corpus naturale esse quantum aut non quantum, dicit Sophista, disjunctum non esse legitimum, quod contradictio aut oppositio sit : nulla inter quantum & non-quantum, cum idem possit simul quantum & non-quantum esse, quantum quidem, per virtutem naturalem & finitam, non-quantum verò per virtutem supernaturalem & infinitam. Idem de reliquis omnibus contradictionibus dici poterit. Sin particulare esse dicas, quod sanè non diffitemur, (non enim contradicunt, respectu diversarum virtutum, hominem corpore suo in summum cælum posse elevari, & non posse elevari : etiam si enim repugnat naturæ corporis motum illum efficere, non tamen repugnat pati vel recipere à causâ externâ) oportet aliud gnorisma constituamus, ex quo infallibiliter colligamus quando contradictionem tollat vel non tollat gnorisma illud particulare de virtute finitâ & infinitâ : Illud verò gnorisma ecquod tandem erit ? Sive Scripturam nominent, sive sensum, sive rationem, sive naturam subiecti quod affirmatur & negatur, sive singula, nunquam evincunt, per infinitæ virtutis respectum πανταχῶς vel ubi ubique corpori propriè sic dicto posse conciliari ; cum nec Scriptura, nec sensus, nec ratio, nec natura corporis ad stipuletur, ut mox videbimus. Equidem elevatio corporis in cælum possibilis est per virtutem Dei, quia cum corporis naturâ non pugnat in cælum elevari, siquidem manet verum, naturale & omnibus suis proprietatibus præditum corpus, etiam si in cælum elevatur : Existentia verò ejus in omnibus locis est impossibilis, quia pugnat cum finitâ & circumscriptâ corporis naturâ : nec enim ubique simul potest esse nisi quod sit infinitum & incircumscriptum : Si ergo in Dei potentiam non cadit facere ut idem corpus sit finitum & circumscriptum simulque infinitum & incircumscriptum, utique in eam quoque non cadit facere ut sit ubique. Aut si

facere Deus poterit ut corpus simul sit finitum & infinitum, etiam facere poterit ut simul sit quantum & non-quantum, seu extensum & non-extensum, & consequenter, ut sit corpus & non-corpus. Negant quidem nonnulli cum ubi ubique infinitatem necessariò esse conjunctam : at sine omni prorsus fundamento. In Theologiâ infinitatem & immensitatem Dei rectè colligimus ex ubi ubique Dei : Et si res probè consideretur, ubi ubique non est nisi respectus immensitatis ad externam loci circumstantiam : adeò ut possit quidem immensitas esse sine ubi ubique, sublato enim omni loco & ubi, tollitur ubi ubique propriè sic dicta, quæ ante creationem nulla erat nisi fortè imaginaria : ubi ubique verò sine immensitate esse nullo modo possit : quod non negabunt, qui sine præjudicio rem ponderabunt. Qui tritum illud nobis objiciunt, *apud Deum nihil esse impossibile*, ipsi inter impossibilia referunt contradictoria ; eaque ab operatione Divinâ removenda esse contendunt. Nec diffitemur multa esse quæ contra Scripturæ revelationem nobis viderentur contradictionem implicare, ut sunt, *Deum esse unum & trinum, Deum esse hominem, virginem matrem*, &c. Hoc verò quid ad rem ? Ex Scripturâ de singulis hisce paradoxis edocti nullam implicari contradictionem agnoscimus : Ideòne verò pro contradictorio non habebimus, corpus verum & naturale esse ubique ? Sanè si Scriptura hoc affirmaret, rationem nostram captivam duceremus, & affirmanti crederemus, etiam si modum assequi ratio non valeret : sed tantum abest ut hoc affirmet Scriptura, ut expressè etiam neget : *Me non semper habebitis vobiscum*, Matth. xxvi. 11. *Surrexit, non est hic*, Matth. xxviii. 6. *Si in terris adhuc esset, sacerdos non est*, Hebr. viii. 4. jubeatque nos Pseudopropheta cavere dicentes, *hic aut hic esse Christum*, (nempe corpore suo) in deserto, aut conclavibus, Matth. xxiv. 23, & 26. Mirum autem tam angustæ conscientiæ adversarios esse in hac controversiâ, de infallibili contradictionis iudicio, cum in contradictionibus nobis impingendis aliàs tam faciles sint & liberales, ut pro veris contradictoriis habeant omnia quæcunque iudicio ipsorum non arident, & à præconceptis opinionibus discrepant.

Sed & aliud in hujus contradictionis conciliatione adversariis usitatâ desideramus.

Quæritur, *An sub Dei potentiam cadat, facere ut corpus naturale verum sit ubique* ? Nos negamus, & rationem reddimus ; Quia corpus esse, & ubique esse, sunt contradictoria : Negant adversarii esse contradictoria, & rationem reddunt ; Quia non quidem per creaturæ sed per Creatoris potentiam potest esse ubique. Atqui hoc ipsum est de quo con-

trovertitur: alia igitur negatæ contradictionis ratio erat adferenda.

VIII. Alii hoc modo contradictionem objectam expediunt; Per respectum, aiunt, diversitatem exspirare veram oppositionem & contradictionem: Esse ergo Christi corpus in uno loco, quatenus physicum est, ratione actûs naturalis; in pluribus verò & omnibus locis ratione actûs personalis, quæ est λόγῷ unitum.

Resp. 1. Cum unio cum λόγῷ & actus personalis seu *πρὸς τὸν λόγον* non tollat corporis veritatem & actum naturalem, corpus certè ubiquitisticum non faciet: non enim consistit cum actu naturali & veritate corporis finiti ubiquitas, quæ nulla est sine immensitate: Si ergo cum finitate corporis naturalis inseparabili non potest conciliari immensitas, nec ubiquitas cum eâ conciliari poterit; quæcunque tandem pharmaca & emplastra adhibeantur. 2. Cum humana Christi natura non sit vel existat nisi quatenus λόγῷ est unita, (nam extra unionem hanc si esset, in nihilum illico redigeretur, ut saniores statuunt Theologi) sequitur actum suum naturalem eam habere quatenus unita est λόγῷ, & proinde, quæ unita est λόγῷ, extra finitatis suæ terminos nullibi erit: contrarium enim cum actu naturali nullo modo potest consistere. 3. Si nullibi in mundo est Christi corpus quin physicam sit & actum habeat naturalem, etiam nullibi erit quin externo ambienti loco commensureretur & ab eodem circumscribatur, & proinde extra eum non sit: hoc enim est circumscriptivè alicubi esse: Aut si alicubi est, ut physicum ibi non sit & actum naturalem non habeat, verum quoque corpus non erit: In uno igitur tantum loco erit Christi corpus physicum, cum actu suo naturali, in reliquis omnibus, non physicum, & expers actûs sui naturalis. 4. Si actus personalis & unio hypostatica faciunt ut Christi corpus sit ubique, quidni faciant quoque ut sit Deus? quæ Lutherani cuiusdam est assertio ab omnibus seculis inaudita. Quod enim ubique est, id immensum est: quod immensum est, id Deus est. Qui aiunt à communicatione idiomatum Divinorum ad communicationem Deitatis non valere consequentiam, aliquid dicunt nè videantur nihil dicere, & reverà nihil dicunt quod ad veram nodi huius solutionem faciat: Cum enim idiomata Divina omnia sint de essentiali Dei, & singula de essentiali ratione singulorum, Suarez tom. 2. Metaph. disp. 30. Sect. 6. n. 4, 5, 6. non poterit unum absque altero communicari, nec communicari vel unum vel plura sine Deitatis communicatione. Si dixeris, non sine contradictione Deum posse dici per communicationem; vel, contradicere, Deum esse per com-

municationem Deitatis factam in tempore: & nos dicemus, contradicere idiomata Divina habere, & ab iis denominari per communicationem temporalem: par enim ratio idiomatum Divinorum & Divinitatis.

IX. Patres Conimbricenses ad argumentum nostrum, contra *πλὴν τῆς* corporis, aliquot respondent pronuntiatis, quibus contradictionem conciliari posse existimant.

Primum est; *Accidentia quæ ordinem habent ad locum, sive ad ubi, vel idem sunt cum eo, ut, jacere, stare, moveri, quiescere, percuti, &c. non oportet ut corpori utrobique accidant.*

Resp. Existimant igitur, idem corpus eodem tempore posse simul *stare, jacere, moveri, & quiescere, &c.* quo certè nihil excogitari potest absurdius. Manifestè enim contradicunt, idem eodem tempore stare, non stare; jacere, non jacere; moveri, non moveri; quiescere, non quiescere: quæ vera simul erunt, si verum est *Conimbricensium* hoc pronuntiatum: Et si hæc vera sunt, non video qui non vera quoque esse possint alia contradictoria; præsertim si ratio conciliandi contradictiones peti quoque potest ex locorum diversitate, ut volunt *Conimbricenses*.

Secundum; *Accidentia quæ ordinem ad locum non habent, ut sunt, calor frigus, &c. utrobique conveniunt corpori.* Itaque si uno in loco prope ignem sit, utrobique incalescet, etiam si utrobique ignis non est: nisi forè in altero loco contrarium sit frigus, quod ignis in corpus actionem vel impedit, ut nec frigeat nec incalescat corpus, si par calori sit frigus, vel actionem suam in corpus exerat compressio igne, si majus calore sit frigus.

Resp. Si moveri simul & quiescere potest corpus in diversis locis, non video quid non simul frigescere & incalescere possit: Contrariorum enim natura hæc attendenda est, quam non tollit locorum diversitas, nec simul fert subjecti identitas. Atqui non minùs contraria sunt, respectu ejusdem corporis, quoad exclusionem mutuam, motus & quies, quàm calor & frigus. Si causam motus & quietis respicias, quæ anima est in animalibus, non magis ea apta est simul motum & quietem in animali efficere quàm calor & frigus idem corpus simul calefacere & frigidificare: imò contrarii hi effectus, nempe calor & frigus, à causis duabus contrariis longè faciliùs in eodem subjecto simul producentur quàm motus & quies ab unâ causâ: illi enim una tantum est difficultas, ex parte subjecti recipientis simul contraria; hæc non ex parte tantum subjecti sed & causæ efficientis simul contraria. Sed non tam pertinaciter secundum hoc pronuntiatum defendunt

fendunt Patres, quin concedant tandem ea etiam accidentia contraria quæ ordinem ad locum non habent, posse per miraculum eidem corpori in diversis locis simul inesse; ut è sequenti pronunciatum patebit: ad quod antequam progrediamur, unicum saltem paradoxum eorumdem Patrum annotabimus. Statuunt cum aliis Pontificiis, eundem *Petrum* in duobus locis positum sibi hinc inde in viâ posse occurrere; si nempe idem numero *Petrus* simul *Româ* *Neapolim*, & *Neapoli Romam* proficiscatur: si adversâ facie sibi occurrat, in eodem spatio mansurum iudicant *Maironius* & *Scorus*: quibus contradicunt *Gonimbricenses*, veriti nè detur corporum penetratio. Quo quid magis ridiculum & absurdum excogitari posset? Et quis mortalium, quæso, credat, unum & eundem numero hominem, à seipso indivisum, ex oppositis moveri posse terminis, ut sibi ipsi adversâ facie occurrat? Quod si verò periculum est nè idem corpus sibi occurrens & in eodem spatio manens se penetraret; sequitur quòd in multis simul locis corpus est, nunquam in uno tantum esse posse, aut, si in uno tantum sit, à se ipso penetrari. Sanè deliria hæc narrâsse est refutâsse.

Tertium; *Etiam ea accidentia quæ ad locum non habent ordinem, per miraculum eidem corpori in uno loco, non tamen in altero, possunt convenire*: ita quidem ut *Petrus* *Roma* vivat, *Neapoli* verò moriatur; hic videat, alibi cæcus sit: hic materia sit conjuncta formæ, illic omni formâ careat.

Resp. Quis credat tanta deliria posse cadere in tanta ingenia? Verè illud *Pauli* possit hac accommodari: *ἡμεῖς οὐκ ἐσμὲν ὡς οἱ πολλοὶ ὁμοῦ ἐν τοῖς τοκοῖς*. Non habent quo contradictionem conciliant, nisi respectum diversorum locorum, quæ oppositorum conditio hætenus inaudita fuit; facitque ut nulla deinceps conciliatio impossibilis sit contradictio, nisi forsitan diversorum locorum respectus exprimitur. Cogitent, quæso, quid diversorum locorum respectus possit facere ut idem homo simul mortuus & vivus sit, cæcus sit & videat, si locorum diversitas idem corpus à seipso non dividat, unumque numero & individuum relinquat. Si hæc fingendi licentia admittatur, actum erit de universâ Theologiâ & Philosophiâ: Sed de hisce satis.

X. Reliquum jam est ut ad rationes contrarias *ἐκδοκῶν* 5^a. propositas ordine respondeamus.

Ad 1^m. Antecedens falsum est: Videatur præcedens disputatio.

Ad 2^m. Antecedens falsum est si de locali existentia loquatur. *CHRISTUS* corpore suo tantum in cælo est, in quo mansurum se affirmavit usque ad iudicii diem: Sic in symbolo quoque Apostolico credimus, *Unde venturus est iudicatum vivos & mortu-*

os. Negat se semper in terris fore; *Pauperes semper habebis vobiscum, me non semper habebitis*. Fidelitamen nulla locorum intervalla obstant, sunt ei præsentissima etiam quæ locorum intercapedine quàm longissimè à corporibus nostris sunt disclusa.

Ad 3^m. Antecedens est veritas Monastica, quæ plerumque à mendacio partim differt.

Ad 4^m. Negamus consequentiam: quæ tum demum à nobis admittetur, si creaturâ aliquam per *Dei* potentiam posse infinitam seu immensâ esse probaverint.

Ad 5^m. Antecedens falsum: Probatio contrarium potius probat: Nam si anima rationalis non est extensa instar reliquarum animarum caducarum, impossibile est eam in omnibus simul partibus esse: quia è diametro hoc pugnat eum naturæ creatæ finitate. Ità nec Angelus in pluribus locis definitivè simul esse potest; putà in cælo & in terrâ, in domo & extra domum, in homine & extra hominem, imò nec in capite simul & pede.

Ad 6^m. Antecedens negamus. Ad probationes ordine respondemus: Ad (1^m) antequam directè respondemus, in phrasi, *non extra aliquid esse*, ambiguitas evolvenda. Nam *non extra aliquid esse*, est vel non separatum ab aliquo esse, ità ut illæsa maneat unio, nec deferatur res; vel re aliquâ contineri, & ità concludi ut nullibi sit nisi ibidem quoque res sit cui unitum aliquid dicitur. Si ergo *τὸ non extra esse*, priori modo accipiatur, propositionem negamus; sin posteriori, assumptionē. Paucis ut nos explicemus: (est enim alterius loci & fori hæc controversia:) *λόγος ἐστὶν extra assumptam carnem*, & non est *extra assumptam carnem*: *Extra assumptam carnem* est, quatenus carnis assumptæ angustias non continetur & concluditur, sed est alicubi ubi caro non est: veluti in terris jam est, ubi caro assumpta non est; & olim fuit etiam extra Virginis *Mariæ* uterum, cum unita caro non esset nisi in utero materno; fuit extra sepulcrum, cum corpus non nisi in sepulcro esset; fuit intra sepulcrum, cum corpus amplius in sepulcro non esset, secundum illud Angelī, *Surrexit, non est hic*; fuit extra crucem, cum caro non esset nisi in cruce. Hanc in sententiam observanda sunt *Athanasii* verba de incarnatione Verbi, *Ἀβὺς non alligatus est corpori; sed ipse corpus continet, ut & in eo sit, & extra omnia*. Non est *extra assumptam carnem*, quatenus à carne non separatur, nec deferit eam, ità ut per locorum intervalla unionis personalis solvatur vinculum: quod integrum & illæsum manet, etiamsi caro non est ubicunque *λόγος* est; nec enim vinculum hoc unionis solutum fuit cum carotantum esset in utero materno, cum tantum esset in sepulcro, cum tantum penderet in cruce, cum amplius in sepulcro non esset; quamvis *λόγος* non

tantum in utero virginis, non tantum in arâ crucis, non tantum in sepulcro esset, & in sepulcro esset cum raro amplius in eo non esset. Sed & adversariorum plurimis allucet veritas, etsi ægerrime radios ejus admittunt. Invenias ex iis multos, eosque non postremæ nocte, qui universalem corporis Christi ubiquitatem non admittunt, sed particularem tantum, quod solam hanc promitti & adstrui credant in Scripturâ: unde magnâ cum indignatione repudiant quod *Brentius*, *Parfimonius* & alii concesserunt, nempe Christum corpore suo esse non tantum in pane Cœnæ Dominicæ, sed etiam in ligno, in lapide, in igne, in aquâ, in pomis & pyris, in cantbaris, in funibus, &c. Summa, in omnibus & singulis rerum terrenarum partibus. Aut igitur hi ipsi quoque *Lutherani*, qui *Brentio*, *Parfimonio* aliisque universalis ubiquitatis patronis contradicunt, unionis personalis vinculum, quantum in ipsis, solvunt, dum negant carnem Christi esse ubicunque $\lambda\omicron\gamma\omicron\varsigma$ est: $\lambda\omicron\gamma\omicron\varsigma$ enim ubiquitatem universalem esse nemo Christianus negat: aut si, negatâ quoque ubiquitate universali, personale unionem illibatam & integram retinent, & *Nestorianismi* argui & convinci nequeunt, argumenti hujus principalis, quod ab unionem personali petitur, ad corporis Christi ubiquitatem adstruendam, robur penitus enervabitur. Taceo jam, quod plerique adversariorum aiunt, humanam Christi naturam in statu humiliationis actu ubique non fuisse; quod verissimè ab iis asseritur: Sic enim ipse Christus, *Joan. xi. 14. 15. Lazarus mortuus est: & gaudeo propter vos, (ut credatis) me illic non fuisse? Sed eamus ad eum.* Hoc si verum est, uti verissimum est, & vinculum unionis personalis illæsum tum manet, iterum argumenti hujus palmarii robur penitus enervabitur. Hoc cum animadvertant moderni *Suevi*, ipsi Christo in os malunt contradicere, quàm corpori Christi adhuc humili ubiquitatem universalem negare; non obstantibus etiam Sociorum contradictionibus. Sapienti sat dictum. Illud denique *Scaligeri*, *Exerc. ult. observetur*, quod de Deo dicit, *Intra omnia, sed non tamen inclusus in ipsis: Extra omnia, sed non tamen exclusus ab illis: quomodo $\lambda\omicron\gamma\omicron\varsigma$ quoque est intra & extra carnem assumptam: et si modus præsentiae planè singularis est.* Si libet, & illud *Augustini* accipe, *Epist. 57. ad Dardanum*; *Non est consequens, ut quod in Deo est, ita sit ubique ut Deus: nam & de nobis veracissima Scriptura dicit, quod in illo vivimus, movemur & sumus; nec tamen sicut ille, ubique sumus, sed aliter homo ille in Deo, quoniam aliter & Deus ille in homine, proprio quodam & singulari modo. Una enim persona Deus & homo est, & utrumque est unus Christus Iesus; ubique per id quod Deus est, in cælo autem per id quod homo est.*

Ad II^m. Ubiquitatem corporis Christi apparitiones istæ minimè stabiliunt. *Stephanus* in terris Christum vidit: Christum verò corpore suo in terris tum fuisse, & simul in cælo, non dixit. Credibile est per spiritum ita sublimatos fuisse *Stephani* oculos ut ex terrâ Christum in cælis viderit: Si de corporeis oculis intelligenda visio (quod pertinaciter non nega vero) confirmant interpretationem hanc verba, *Eccce conspicio cælos apertos.* Si cælos apertos è terrâ conspexit, quidni & Christum in cælis conspiciere potuerit? *Act. ix. Paulus* Christum in terris vidisse non legitur, sed loquentem tantum audivisse; lucem verò è cælo affulgentem, quæ præsentiae indicium erat, vidisse dicitur: At loqui poterat, etiamsi corpore suo in terrâ non fuerat; non minùs quàm *Mosis* olim locutus est. *Act. xxiii. 11.* Adstitisse Dominus *Paulo* dicitur: Sed corporis nulla fit mentio. Quod si verò etiam secundum corpus *Paulo* adstitisset, probandum esset, eodem momento in cælo quoque, secundum idem fuisse. *Apoc. vii. visio* describitur, quæ præsentiam Christi in Ecclesia denotat: At nos non negamus Christum *Ἰδοὺ ὁ ἄρχων* Ecclesiæ suæ perpetuò præsentem esse: hoc enim promissit, *Sum vobiscum usque ad consummationem seculi.* Hanc verò præsentiam de corporis præsentia & in terris existentia intelligendam esse nondum probârunt adversarii.

Ad III^m. A Christi hominis ubiquitate ad humanæ naturæ ubiquitatem non valet consequentia: Non enim quicquid personæ ab unâ naturâ denominatæ tribuitur, illico naturæ quoque competit. Interim tamen humanam naturam ab Ecclesiæ gubernatione & defensione non excludimus: etsi ad hanc gubernationem & defensionem præsentiam ejus in terris necessariam esse negamus.

Ad IV^m. Christus promissit perpetuam personæ suæ præsentiam, sed non secundum utramque naturam: sic & abfuturum se à nobis dixit, *Me non semper habebitis vobiscum.* Quis verò utriusque naturæ absentiam hinc probari posse dixerit? Audiatur *Cyrillus* lib. 8. in cap. 17. *Joan. Cum dixisset, Me verò semper non habebitis: loquebatur Dominus de præsentia corporis sui. Nam secundum maiestatem suam, secundum providentiam, secundum ineffabilem Divinitatis gratiam, impletur quod ab eo dictum est, Ecce ego sum vobiscum omnibus diebus.*

XI. Concludo disputationem hanc, de $\pi\omicron\lambda\upsilon\tau\omicron\tau\iota\varsigma$ corporis, responso *Amphitruonis*, cui *Sofia* persuadere non potuit domi se esse, & foris simul hero adeste. Sic ergo dialogus habet apud *Plautum* in *Amphitruone*, *Act. 2. Scenâ 1.*

Am. Sceleratissime, audes mihi prædicare id, Domi te esse nunc, qui hic ades? So. Vera dico.

Am. Tui me, verbero, audes herum ludificari?

Tui.

*Tun' id dicere audes, quod nemo unquam homi-
vidit, nec potest fieri, tempore uno (te hac
Homo idem duobus locis ut simul sit?*

THESIS XIV.

**Naturalis locus est, ad quem res naturâ
suâ fertur, & in quo quiescit ac con-
servatur.**

*ΕΚΘΕΣΙΣ.

I. In animantibus hoc est potissimum videre. A-
quatilia enim naturæ instinctu ad aquam festinant,
in quâ conservantur, extra quam pereunt. Terrestria
terram amant, in quâ quiescunt & conservantur, a-
quam refugiunt, à quâ destruuntur. Corporum quo-
que naturâ gravium naturalis locus est mundi medi-
um, quia extra id constituta, & aliunde non impedi-
ta ad id naturaliter feruntur, & in eo quiescunt.

II. Admodum confidenter hic receptæ sententiæ
contradicit Scaliger, Exerc. 5. §. I. Non est verum,
inquit, à loco servari corpora, sed à formâ. Ratio-
nem addit, Locus enim duplex: proprium suumque
cujusque corporis Ubi; Is verus locus est: alter com-
munis, sub quocunque ambitu corporis exterioris.
Quot igitur corpora extra proprium sita locum non
corrumpuntur? aut quot in suo corrumpuntur loco?
Hæc sine limitatione admitti certè non possunt:
Etiam si enim forma est rerum naturalium conser-
vatrix internâ, tamen, si externæ desint causæ con-
servantes, ab interitu mista per formas suas neque-
unt vindicari. Inter illas verò causas etiam locus
haud immeritò numeratur, vel ipsâ experientiâ tes-
te: Sed hæc eadem objectio sequenti quoque thesi
occurret: ubi accuratius respondebitur.

THESIS XV.

**Violentus est, ad quem res naturâ non
non movetur, unde nec in eo per na-
turam quiescit, nec conservatur.**

*ΕΚΘΕΣΙΣ.

Idem in animantibus manifestum est. Ut enim
aquatilia extra aquas, sic terrestria in aquis pereunt.
Quæri hic possit, An in loco violento qualibet res
necessariò destruatur. Affirmantem partem videntur
probare definitiones oppositæ naturalis & violenti
loci: In illo enim dicitur res conservari, in hoc
non conservari: Cur tamen negantem partem am-
plectamur, ipsa facit experientia, quâ docemur in
locis naturalibus plurima corrumpi corpora, in vi-
olentis quoque haud pauca posse conservari. Illius
exempla nobis suppeditant mista tam inanimata
quàm animata: Quot enim in mari pisces corrumpuntur?
quot item in terrâ animantia, nec animan-
tia solùm, sed & plantæ & metalla? Istius exem-
pla suppeditantur olim horti pensiles, quorum va-

stissima corpora in sublimi aere quasi suspendeban-
tur, & non minùs conservabantur quàm si in imâ
fuisent terrâ. Idem quoque alia innumera & excelsa
docent ædificia, quorum lapides longè supra ter-
ram non minùs conservantur quàm in terrâ. Certè
si lapidem ex filò in aere suspendas, non conserva-
bitur minùs, quàm in ipsis terræ visceribus, in qui-
bus conflatus est. Cur ergò, dicat aliquis, in natura-
li loco dicuntur res conservari, in violento, seu non na-
turali, destrui? Respondeo; De rebus potissimum
animatis id intelligendum videtur, quibus certæ
mundi partes naturâ sunt destinatæ, ita ut extra eas
naturaliter non possint conservari, in iis verò natu-
raliter conserventur. Ità piscibus aquas videmus natu-
râ esse destinatas, ut extra eas diu nequeant con-
servari: terrestribus verò animantibus terram, ut in
aquis vitam nequeant agere. Sunt quoque corpora
nonnulla quæ aquâ & terrâ simul ita gaudent, ut
nec in illâ solâ, nec in hac solâ conservari queant:
ut constet de plantis & animantibus nonnullis.

THESIS XVI.

**Hactenus distributio loci: Adjuncta sunt
generalia, vel specialia.**

THESIS XVII.

**Generalia sunt, quæ omni in genere lo-
co competunt; Sûntque, 1. Habere
locatum; seu Corpus esse in loco.**

*ΕΚΘΕΣΙΣ.

I. Ex hac primâ loci affectione duo deducuntur
potissimata: Unum, Non esse in rerum naturâ va-
cuum; Alterum, Omne corpus esse in loco.

Prioris potissimatis ratio hæc est: Si omnis locus
habet locatum, ubique nullum dabitur vacuum: At
verum prius: Ergò & posterius. Connexi ratio est:
Quia vacuum definitur locus non repletus corpore
seu locato: Si ergò omnis locus repletus est corpore
aliquo, sequitur necessariò nullum dari vacuum.
In Assumptione probandâ laborant Physici. Nos
an vacuum dari possit; operosè non disquirimus:
Non tamen dari per naturam posse, omnino per-
suasum habemus, concessis duabus hypothésibus:
1. Reale intervallum ad prædicamentum Quanti-
tatis pertinens, tanquam accedens extra subiectum
inhælionis non dari. 2. Extrema non posse distare
nisi per interveniens reale medium: Vacuum enim
si daretur, vel intervallum esset reale inter corpora
discontinua, idque extra subiectum inhælionis;
vel positivum & reale nihil esset, & tamen per id
realiter distarent corpora, essentque discontinua:
quorum utrumque absurdissimum. Sed missâ, in-
quam, prolixâ de potentiâ disputatione, actu id
dari negamus. Assertionis potissimam rationem

experientia suppeditat. Nullum enim vel minimum in naturâ datur spatiolum quod aere non sit repletum, si alio corpore careat. Deinde ad id videmus inimicum naturæ vacuum, ut ad id fugandum corpora gravia contra naturam ascendant. Videre hoc est in elevatoriis, quibus è dolis vel vinum vel cerevisia exhauritur: Illa dum aere sunt plena, liquorem non attrahunt; quamprimum verò aer in iis contentus spiritu nostro extrahitur, è vestigio liquor sequitur, ad fugandum vacuum, quod in elevatorio daretur, si extra æro per inspirationem aere liquor in extracti aeris locum non succederet. Quod si verò elevatorium parte aliquâ supra liquorem eminente sit pertusum, adspirato, qui in eo continetur, aere, liquor non extrahitur, quia vacui periculum est nullum: in extracti enim aeris locum succedit per foramen elevatorii alius aer, qui vacuum prohibet. Ad idem prohibendum & levia contra naturam descendunt: Aer enim in profundum aperti maris, & in terræ cavernas magnò impetu insilire, ad vacuum prohibendum. Sic igitur levia & gravia particularibus suis naturis inferri vim malunt quàm universali naturæ; cui contra naturam suam succurrunt: Et si nonnullorum est sententia, *Motus illos gravium & levium in vacui prohibitionem non esse violentos.* De quæstione, *Cur vacuum in naturâ esse non debeat, nec à Creatore in naturam inducatur,* subtilis videatur disputatio Scaligeri, Exerc. 5. §. 1. Videantur & *Conimbricenses* in 4. Phys. c. 9. q. 1. art. 3. 4. Breviter, Fugit natura vacuum, quia dissolvit conservatricem rerum unionem: At natura conservationem sui vel maxime appetit; cui inimicum vacuum, quod per discontinuationem corporum mutuas sibi operas tradere res naturales non permittit. Tres aliâs causas assignari solent, ob quas a vacuo natura abhorret: 1. Quia inimicum est unitati mundi: est enim mundus unum quid, ob contiguitatem partium: Atqui si vacuum esset, contiguitas non esset. 2. Quia impedit dependentiam & connexionem corporum superiorum & inferiorum, & consequenter influxum superiorum in inferiora: à superis enim ad infera transmitti nequit virtus nisi per medium reale, quod tollit vacuum. 3. Quia frustraneum est: At Deus & natura nihil faciunt frustra.

Thomas Campanella, libr. 1. De sensu rerum cap. 9. 10. 11. ex hac vacui fugâ concludit omnia entia naturalia sentire, mundumque animal esse: *Nisi timore, inquit, aut dolore quopiam aer afficeretur, cum deficiit sibi alterius corporis contactus, à vacuo, non tam celer succurreres toti, aliorumque corporum expeteret contactum.* Idem nullam in naturâ contrarietatem sine doloris sensu esse statuit. Nos no-

væ hujus & antiquissimæ, quæ & Patricio arrisit, Philosophiæ dogmata impræsentiarum non sequimur, ideòque vacui fugam non ex proprio rerum sensu, sed primâ Creatoris ordinatione, ipsiusque rei impossibilitate deducimus. Voluit enim naturæ Autor universam mundi machinam omnibus suis partibus coherere, uti corporum nostrorum omnia cohærent membra: Ideòque ex hujus ordinatione ac dispositione omnipotenti ac sapientissimâ fieri arbitramur, ut sine sensu corpora naturalia ad vacui prohibitionem inclinarer. Accedit etiam ipsa impossibilitas rei: Extrema enim sine medio reali distare impossibile est: Sublato igitur medio protinus tollitur distantia, & sic vacuum quoque prohibetur. Cum autem sæpe contingat ut medium inter extrema transferatur, ad prohibendam *etiam* quæ sublata corporum quorundam distantia in naturam introduceretur, sapientissimus Creator agillimum, subtilissimum & per omnes mundi angulos diffusum aeris corpus condidit, ut, alio deficiente medio, promissimè inter extrema intercederet, & extremorum distantiam conservaret.

II. Rationes contra hanc de vacui negatione sententiam hæ sunt; 1. Si vacuum non datur, res movebitur in pleno: At falsum hoc: Ergò, &c. Assumptio probatur; Si res moveretur in pleno, corpora duo essent simul, & daretur penetratio dimensionum: At hoc absurdum: Ergò & illud. Pro vacuo rationem hanc adducit Scaliger, Exerc. 5. §. 2.

2. Si vacuum non esset, locus non esset: At consequens falsum: Ergò & antecedens. Connexi rationem reddit Scaliger; Quia vacuum est spatium in quo corpus est, cuius natura per se talis est, ut, cedente corpore corpori, fiat vacuum, ut impleatur.

3. Vas aliquod repletum cinere aut farinâ, tantundem recipit aquæ quantum reciperet si cineribus repletum non esset: datur igitur in cineribus vacuum, quod insulam aquam recipit.

III. Resp. Ad 1m. Assumptionem negamus. Probatio inconsequens est: Motus enim fieri potest in pleno citra dimensionum penetrationem, si corpus unum alteri cedat. Sic igitur in pleno movemur aere, nec tamen aerem penetramus, cum corporibus localiter motis cedat aer. Sic & pisces in plenâ moventur aquâ, quæ natantibus cedit, aliâs enim natâre haud possent.

Ad 2m. Connexum negamus. Probatio contradictionem implicat: In quo enim corpus est, id vacuum non est; & quod vacuum est, in eo corpus non est.

Ad 3m. Consequentiam negamus. Cur enim vas cineribus repletum tantundem recipiat aquæ, non in causâ est vacuum, sed raritas cinerum, quibus undi-

undiquaque admistus aer, qui infusâ aquâ eliditur, & locum aquæ cedit. Planissima verò ratio hæc est; Aqua infusa cineribus fit densior, minusque occupat spatii quàm dum esset subtilior & rarior: Ipsi quoque cineres, admistâ aquâ, raritatem amittunt & densiores evadunt: Si ergò in mistione aqua duplo fit densior propter cineres, cineres quoque duplo densiores propter aquam, mirum utique non est, quòd permixta ambo tantundem spatii occupent quantum seorsim utrumque occupavit. Non placet nobis vulgata responsio, quâ aiunt, à calore cinerum aquam resolvì in vaporem, qui, dum exhalat, subtiliores quoque cinerum partes simul evehat, ità ut tantò facilis coire possint reliquæ partes, & arctiori comprehendi spatio. Nam si vera esset hæc ratio, vas cineribus frigidis repletum tantum aquæ non admitteret quantum reciperet si calidis repletum esset: At falsum hoc esse docet experientia: Nam & vas plenum frigidis cineribus tantundem capit aquæ quantum caperet si vacuum esset. Deinde, infusâ paulatim in cineres aquâ, tantam vaporum copiam exhalare non animadvertimus, ut duo corpora eodem spatio propterea arctari possint: Si frigidi sint cineres, nulli proptus vapores exhalant. Ad exempla alia, quibus probari videtur per vim posse dari vacuum, (quod & Campanella contendit, libr. 1. cap. 10.) videatur responsio Toleti, in 4. Phys. q. 10. Hæcenus prius posuimus.

IV. Alterum adhuc magis controversum est, apud eos præsertim qui corporis unius *indivisibilem* statuunt. Monstrum dogmatis supra refutavimus. Veritatem porismatis nostri tribus hinc assertionibus explicamus;

1^a; *Omne corpus necessariò est in loco interno.* Patet hoc ex finitate corporis, seu terminis quibus quodlibet corpus ità includitur ut ab aliis sit distinctum, & extra eos non sit.

2^a; *Corpori non est simpliciter necessarius locus naturalis externus.* Patet hoc exemplo cæli extremi, quod ab alio corpore extrinsecus non ambiatur nec sustinetur: Extra cælum enim extrema nihil est. Assentiant Scaliger, Exerc. 5. §. 1. Demonstratum est in quarto Sententiarum, locum neque esse de essentia corporis, neque accidens necessarium: Primum enim cælum in loco non esse pro confesso accipiunt omnes: quod tamen corpus aliorum corporum regula est.

Meisiusus. Sobrie suæ Philosophiæ part. 1. pag. 665. contradiçit nobis: ubi contendit, locum esse universalem omnibusque corporibus competentem affectionem; & si rationes spectes, omne corpus necessariò in loco esse iudicat: Quam sententiam in nostris Theologis & Philosophis sæpe hæcenus

non potuerint Lutherani: etsi nec nobis ea arripet, nisi cum certâ limitatione, quam prima & tertia nostra assertio habet. Sed rationes Meisieri videamus: arguit ille,

10. *Ab existentia reali.* Omnia entia existentia sunt in aliquo ubi: Atqui corpora naturalia omnia, nè cælo quidem extremo excepto, sunt entia existentia: Ergò omnia corpora sunt in aliquo ubi. Propositionem probat ex 4. Phys. cap. 1. t. 1. ubi Philosophus ait, *τὸ τὸ ὅτι τὰ πᾶσι τὰς ἐν τῷ αἰθέρι* *ἐστὶν ἐν τῷ αἰθέρι*, *ὅτι τὸ αἶθρ' ἐστὶν ἐν τῷ αἰθέρι*. cui addit illud Augustini ex epist. 57. ad Dardanum, *Tolle spatia corporibus, & nusquam erunt.* Assumptio manifestæ veritatis est. Sunt igitur omnia corpora, & in specie cælum extremum, in aliquo ubi, eoque vel repletivo, vel definitivo, vel circumscriptivo: Non in repletivo aut definitivo; quia illud solius est Dei, hoc naturalium spiritualium: Ergò in circumscriptivo: quod non ità intelligi vult, ac si cælum extremum ab alio extrinsecò circumscribatur: Sed quòd ob circumscriptas suas dimensiones in circumscripto isidem & finito sit spatio, in quo & ipsum & ipsius partes locatæ sunt.

Resp. Ad propositionem. Per omnia entia existentia dubio procul intelligit substantias incorporeas & corporeas; per ubi, locum verum ac realem, eumque non internum sed externum: omnia verò dum nominat, nullum excludit. Propositionem igitur hoc sensu acceptam & intellectam negamus. Per ubi enim si superficies externa continentis seu ambientis intelligatur, res manifesta est: Nisi enim progressus in infinitum admittatur, devenietur tandem ad extremum, quod ab alio corpore nullo ambiatur. Si in spatium intelligatur externum, longum, latum, profundum, distinctum à longitudine, latitudine & profunditate corporis contenti, recurrent hinc difficultates inexplicabiles, quibus spatium huiusmodi usgeri supra ostendimus. Ecquod quæso illud est spatium quo globus mundanus continetur? Quod spatium fuit quo chaos olim, seu prima dici opus, continebatur? Certè extra chaos ut nihil fuit nisi Deus; sic extra mundum nihil est nisi Deus. Spatium aliquod ratio quidem imaginari potest ubi non est, attamen facere non potest, imò nè explicare quidem potest. Fingamus extra mundum esse spatium quoddam vel immensum, vel cælo extremo adequatum; ecquid illud erit? Substantia nè an accidens? Si substantia, creata vel increata erit. Incretam esse nemo dixerit, nisi Deum esse dicat. Si creata, spiritualis vel corporea. Spirituales completas substantias præter Angelos nullas novimus: Quis verò spatium substantiam huiusmodi dixerit, quæ omnis quantitatatis

seu magnitudinis expertus est? Corporea substantia si est, utique pars erit mundi corporei, & extra cœlum non recte collocabitur, quia cœlum extimum esse supponitur: Sed si maximè illud corpus extimum esse concedatur, eadem tamen difficultas manebit: nam & de illius loco quæretur, eritque tandem in aliquo simpliciter extimo corpore subsistendum, ut processus in infinitum videretur. Reliquum igitur est ut spatium illud accidens dicamus esse, idque sine subiecto existere statuamus, trinam nempe dimensionem, quæ si absque spatio alio subsistere & existere potest, (secus enim si esset processus in infinitum daretur) non video quid non ipsum corpus extimum absq; spatio externo quoque possit existere. Spatium enim continens non putatur esse necessarium nisi propter corporis dimensiones. Taceo jam quod absurdissimum sit dogma de accidentis extra substantiam existentia. Equidem spatio & ipse cum aliis faverem, si expedire me à difficultatibus possem. Nec verò illud assequor, concesso etiam spatio externo, quid extimum cœlum in spatio esse possit externo, & tamen ab eo non circumscribi: quæ *Meisneri* sententia est. Intra quod enim extimum cœlum est, à quo undique ratione dimensionum continetur & ambitur, ab eo certè circumscribitur. Hactenus igitur negata nobis propositio primæ rationis à *Meisnero* propositæ. Approbationes videamus. *Aristotelis* sententiam quod attinet, norant interpretes è veterum sententiâ eum loqui; quod & verbum arguit, *ἐν τῷ αὐτῷ*: allegat autem communem opinionem: quam falli quandoque & fallere, extra dubium est. Deinde ex ipsâ illâ Philosophorum confessione, quod omnia entia in loco sunt, adversus ipsos *Zeno* infert absurdum, quod ipse etiam locus in loco sit, & processus in infinitum detur: ejusdem cap. text. 12. Unde apparet *Meisneri* propositionem, Omnia entia sunt in aliquo ubi, simpliciter & absq; limitatione veram non esse. Porro ejusdem libri cap. 5. text. 47. expressè negat *Aristoteles*, quodlibet ens in loco esse: *ἢ πᾶν τὸ ἐν ἐστὶν τόπῳ*. Præterea, secundum *Aristotelicam* de loco externo doctrinam, impossibile est corpus omne, nedum ens omne, in loco esse, (consideretur modò *τὸ πᾶν τῶν ἀστέρων*) nisi infinitum admittatur. Quid ergo tandem statuendum erit? Respondeo; Communem illam opinionem, quod omne ens in loco, nempe externo, sit, intelligendam judico de omni corpore intra extimi cœli ambitum comprehenso. Sin verò citra limitationem de omni corpore loqui Philosophum ex propriâ sententiâ contendas, equidem non video quid pronuntiatio veritas constare possit. Hactenus *Aristotelis* autoritas.

Augustini quoq; dictum celebre, & nostris Theo-

logis familiare est. Ego aliorum de eo judicia non exquiro, nec quicquam doctorum interpretationibus præjudico: Existimo *Augustinum* in eâ fuisse opinionem, ut crediderit locum esse spatium locati corporis: quæ multorum & Theologorum & Philosophorum est opinio; qui spatio ita contineri credunt corpus ut in solo eo sit, extra id nusquam. Hinc Deum cum corporibus confert *Augustinus*, & Deum ubique ait esse in seipso, quia non continetur ab iis quibus est præsens, tanquam sine eis esse non possit: corpora verò non posse esse sine spatio, quo contineantur, seu in quo sint; itaque sublato spatio ipsa etiam corpora tolli judicat: unde ait, non esse corpora quæ nusquam, hoc est, in nullo spatio, sunt: veluti qualitates non sunt, nisi corpora sint in quibus sint: quo simili utitur sanctus Pater. Sententiam hanc suam, quod locus sit spatium, multis in locis sæ perspicue declarat, ut lib. 1. Confess. cap. 18. & 1. De doctr. Christ. cap. 12. & 4. De Genesi ad lit. cap. 18. Epist. 6. & 29. Equidem in externum spatium, quale à multis statuitur, nequeo consentire: Si quis tamen imaginari sibi spatium externum velit, quo quodvis corpus contineatur, per me licuerit. Interim *Augustino* ita succurri posset; Si de corporibus intra mundi ambitum conclusis loqui diceretur, & per spatium intelligere concavam corporis extrinsecus ambientis superficiem, quæ ratione capacitatis suæ, intra quam recipit corpus, appellari spatium possit. Si jam supponamus, quod verissimum esse puto, vacuum, seu corporum discontiguitatem, in universo non dari, verissima erit *Augustini* assertio. Impossibile enim est esse corpus intra ambitum universi plenum, seu vacui expertem, quin sit in aliquo spatio, hoc est, corporis alicujus superficie ambiatur, ita ut contiguum ei sit: Omne igitur corpus, quod intra cœli ambitum est, in spatio est: Et quod in spatio non est, aut in mundo non est, aut corpus non est. Quod de externo spatio *Augustinus* dicit, id de interno verissime dici *Tolæus* respondebit. Hactenus prima ratio.

2^o. A motu cœlesti. Omne quod movetur motu physico & locali, movetur etiam in loco: Atqui extimum cœlum movetur locali motu, nempe in orbem: Ergo extimum cœlum in loco est. Propositio probatur; Quia contradictionem implicat, motum localem absque loco dicere.

Resp. Maximam difficultatem hinc omnes agnoscunt Physici: unde in varias sententias abierunt, ut videre est apud *Toletum* in 4. Phys. cap. 5. q. 7. Respondent igitur nonnulli per negationem propositionis: & ratio quidem negationis non una adferri solet. Primum enim multi Physicorum etiam doctissimo- rum in vacuo quoque motum localem posse fieri contendunt: At vacuum nec locus est, nec in eo locus est.

eff. Sententiam hanc defendunt, *Philoponus, Avempace, Avicenna, Thomas, Scotus, Idellus, Ferraricus, Soucinus*, & alii. Deinde, ut res localiter moveatur, non est necessarium ut in loco sit, modò circa locum sit: Est enim motus ad locum, & motus circa locum, qualis est circularis: Ità respondet *Toletus*, Hæc de propositione. Sunt etiam qui negent assumptionem. Et *Avicenna* quidem, etsi moveri cœlum extimum concedit, non tamen ad locum, sed ad situm tantummodo ejus motum esse dicit: unde localem motum ei denegat, & novum tribuit, qui *spualis* appellari possit. Alii moveri omnino negant extimum cœlum, quod nobis empyreum appellatur: quæ & *Toletus* arridet responsio: qui non tantum cœlum hoc, sed & immobilitatem ejus *Platonis* aliisque veteribus cognitam fuisse ex *Simplicio* docet. Eligat hic lector quod libet. Ego nec cœlum empyreum nec æthereum in orbem moveri credo: unde ratio hæc magnoperè me non urget vel angit. Perinde tamen esse putat *Meisnerus*, si cœlum dicamus quiescere: nihil enim putat quiescere à motu locali nisi quod in loco quiescit. Unde apparet statuere eum, nullum posse esse corpus quin in loco sit, & proinde locum à corpore inseparabilem, non quidem hunc vel illum, sed locum in genere. Cum enim corpus necessario moveatur aut quiescat, & verò nec quiescere nec moveri possit nisi in loco sit. Sequitur non posse esse corpus quin in loco sit. Idem *Templerus* affirmat: sed à *Lutheranis* mirum in modum exagitur. Ità duo cum dicunt & faciunt idem, non est idem. Nos, corpus non posse nisi in loco externo, reali, propriè sic & verè dicto quiescere, à vero alienum esse arbitramur. Quievit primo creationis die *Thobu & bohū Moysi*: At certè in loco externo non quievit, cum præter *thobu & bohū* creatum nihil fuerit. Idem de cœlo empyreo judicamus, extra quod nihil est. Hæc altera est ratio.

3^o. A causâ locationis. Positâ causâ, ponitur effectus: At in cœlo ponitur causâ locationis, vel existentie: Ergò & effectus, ipsa nimirum locatio. Assumptio probatur: Quia cœlum, quatenus corpus, ejusdem rationis est cum reliquis corporibus; habebit igitur eodem modo locationis causam in se quo & reliqua corpora, quæ actu locantur & in loco sunt; quæcunque tandem locationis causâ sit.

Resp. Assumptionem nego: In cœlo, quidem est causâ localitatis, nempe quantitas, seu moles: at causâ proxima locationis actu in eo non est. Est enim locatio applicatio corporis ad locum, quem antea non occupavit. Applicationis hujus causâ est vel motus corporis ad locum, vel productio rei in loco: Cum igitur cœlum nec moveatur ad locum extrinsecum, nec in loco sit productum, nihil enim extra se habet;

utique causâ locationis proxima in eo non erit, & proinde in loco non erit. Hactenus secunda nostra assertio.

3^a: Omne corpus extimi cœli ambitu comprehensum necessario est in loco externo. Ut enim quodlibet corpus à se indivisum est, sic à quolibet alio divisum est, eique contiguum: Vacuum enim in naturâ non datur.

THESIS XVIII.

II. Locum continere locatum.

*ΕΝΔΕΙΞΕΙ.

I. Omni loco hoc comperit Internus enim continet, quia finitudinis suæ terminis quodlibet corpus ità continetur ut extra eos nec sit nec esse possit: Externus sustinens continet sustinendo, ambiens ambiendo.

II. Patet hinc falsitas opinionum nonnullarum de loco cœli extimi. Sunt qui dicant extimi cœli locum esse centrum mundi: At cœlum non continetur à centro, sed continet centrum. Alii corpus extimo proximum & contiguum locum extimi statuunt: Non minus falsè. Cum enim corpus quodvis aliud præter extimum ab extimo contineatur, utique extimi locus nullum corpus esse potest, nisi fortè dixeris locum à re locatâ contineri, quod absurdum est. Sequitur etiam ex eadem opinione, idem respectu ejusdem esse locum & rem locatam: Extimum enim cœlum per superficiem concavam locus est proximi & contigui corporis, cujus superficiem convexam continet & undiquaque ambit: Si ergò idem hoc corpus per superficiem convexam locus est cœli extimi cujus superficiem concavam attingit, nonne idem respectu ejusdem locus simul erit & res locata?

THESIS XIX.

Hactenus adjuncta generalia. Specialia locum internum vel externum respiciunt.

THESIS XX.

Intrni loci affectio potissima est, Non posse separari à re locatâ.

*ΕΝΔΕΙΞΕΙ.

Nam si locus internus à corpore separaretur, vel ex quanto fieret non quantum, sublatâ partium situatione & unius extra alteram positione; vel ex finito infinitum, sublati finitatis terminis: quorum utrumque absurdum.

THESIS XXI.

Externi loci affectiones vel utrumque simul vel alterutrum seorsim concernunt.

THESIS

THESES XXII.

Utriusque & sustentis, & ambientis communis affectio est, *I. Posse separari à re locatâ.*

Exdant.

Docet hoc abunde experientia. Nec enim idem nos aer perpetuò ambit, nec eadem terræ pars perpetuò sustinet. Unde apparet quid de illâ Peripateticorum quorundam quæstione, *An locus relinquì possit à locato*, sentiendum sit. In partem affirmantem adhibent nonnulli textum 30. 4. Physicorum, ubi *Aristoteles* ait, *Locum utro à τοῦτοινδαι*, h. e. non deferri vel relinquì: Qui locus multos interpretes torfit. Si eam fuisse *Aristotelis* sententiam dicas quam verba præ se ferunt, falsitatis eam convincit experientia: Quis enim non videt locum à re locatâ separari, quoties localiter ea movetur vel sursum, vel deorsum, vel ad latera. Hic verò manifestus error cum attribui nequeat *Aristoteli*, reliquum est ut dicamus, textum esse corruptum, & particulam *ούτι* è textu removendam esse, quod & *Julius Pacius* in editione sua monet, & *Franciscus Piccolomineus*, qui in correctionibus codicibus particulam *ούτι* non reperiri ait.

THESES XXIII.

II. Si naturalis uterque sit, Apperi à re locatâ, eamque conservare.

Exdant.

De hac affectione nonnihil diximus suprâ, ad definitionem loci naturalis & violenti. Monet autem *Toletus* ex *Averroes*, ad text. 4. 4. Phys. locum habere virtutem & potentiam attractivam non in genere causæ efficientis, sicut magnes trahit ferrum, sed in genere causæ finalis, quia omnia moventur & naturaliter inclinantur in proprium suum naturalem locum. Hoc est quod *Aristoteles* ait, *ὅ τὸν ἐξ ἑνὸς ὁμοῦ*, *ὁμοῦ* Locum habet vim quandam. *Conimbricenses* vim hanc conservatricem ita interpretantur quod corpus intra loci concavitate & complexum conservatrices qualitates melius recipiat. Egregius *Aristotelis* locus hic observetur, ex. 8. De histor. animal. cap. 28, 29. ubi scribit, pro varietate locorum variari quoque animalium generationes, operationes, magnitudinem, figuram & mores: quod multis exemplis illustratur à *Porphyrio* in cap. de genere. Propter hanc loci proprietatem *Averroes* 4. Phys. com. 36. & 4. de cælo com. 34. ait locum esse formam locati. Vide *Pererium* lib. 1. cap. 1. Hæc loci proprietates egregie illustratur per comparisonem *Macrocosmi* & *Microcosmi*. Ut enim in *Microcosmo*, hoc est, homine, conservari & perfici nequeunt membra nisi

proprio suo singula loco sint constituta; siquidem nec cor in pede, nec hepar in capite, nec cerebrum in hepatis regione, aut lien in renum, vel renes in lienis loco conservari possunt: Itâ & *Macrocosmi*, hoc est, magni mundi cuius compendium & imago est homo, membra conservari non possunt, si mutua illa turbetur harmonia quæ ex naturali singulorum situ locoque oritur: Quid enim futurum de mundo putemus, si astra ad universi centrum, & terra ad astrorum sedem transferretur? si aqua terræ, & terra aquæ locum occuparet? si pisces in aerem, volucres & animalia terrestria in aquas ablegarentur?

THESES XXIV.

Sustentis propria affectio est, *Esse immobilem.*

Exdant.

I. Aristotelis interpretes, qui plerique alium locum non agnoscunt nisi τὸ πρὸς τὸν οὐρανόν, terminum seu superficiem ambientis, in hac loci affectione cum superficie ambientis conciliandâ mirè laborant.

1. *Averroës* locum immobilem ab *Aristotele* appellari volunt, quod superficies, tanquam accidens, non per se sed per accidens moveatur, ad subjecti sui motum, quodque non moveatur quotiescunque locatum movetur, nec eodem motu quo locatum moveatur. Ab hac sententiâ alieni non videntur esse *Alexander* & *Simplicius*.

2. *Scotiste* immobilem locum esse contendunt non simpliciter, sed per *equivalemiam*. Etiam si enim superficies aeris turrim ambientis variatur, tamen quia alia quæ succedit, priori equipollet, hoc est, itâ turri coaptatur ut prior, immobilis rectè dicitur.

3. *Thomas* in loco duo distinguit, materiale & formale: materiale appellat superficiem continentis; formale, ordinem & distantiam quam habet talis superficies à cælo vel à centro & polis mundi: Unde ait immobilitatem loco competere, non ex parte materialis, seu superficie, sed ex parte formalis: quia ex. gr. turris & quæcunque eam ambiens superficies eundem servat situm, ordinem & distantiam à cælo, centro & polis mundi. Arridet hæc sententia *Ferrariensi*, in 4. Phys. q. 1.

4. *Conimbricenses* germanam immobilitatis rationem aiunt peti debere ex spatio imaginario, in quo puncta, lineæ & superficies concipi possunt: In huiusmodi spatio cum sit universus mundus, sitque illud profus immobile, ipsa etiam ambientis superficies, quatenus imaginaria illa spatii superficies undique ei respondet, immobilis censetur. Itâ se explicant ad 4. Phys. cap. 5. q. 1. art. 2.

5. *Pererius*,

5. *Pererius*, cum non inveniat in quo acquiescere animus possit, negat loco in genere immobilitatem competere, atque solis elementis propriè convenire locum de quo agitur. 4. *Phys.* Solus igitur elementorum locus *Pererius* est immobilis: ex gr. concava lunæ superficies, quæ ignis locus perhibetur, quatenus est ignis locus, immobilis est, cum ex parte ignis, qui aliud non fertur naturaliter nisi ad concavum lunæ, nec alibi quiescit naturaliter; tum ex parte ipsius orbis lunæ, qui etsi perpetuò movetur, tamen eodem modo ad centrum semper se habet, nec locum suum unquam deserit.

II. Si quis singulas hæc sententias probè perpendat, inveniet quod in singulis desideret: nec ulla est quam non repudient ex ipsismet Peripateticis doctissimi.

De 1^a. Eodem modo omne accidens dici posset immobile: Nullum enim per se de loco movetur, sed omnia ad subsectorum suorum motum moventur: In omnium igitur accidentium definitionibus immobilitatis mentio facienda esset, ex eodem fundamento. Deinde, non rectè simpliciter immobile dicitur quod per accidens centies aut millies unius diei spatium movetur & mutatur: quod certè contingit superficiebus turrim excelsum ambientibus.

De 2^a. Quæstio est de immobilitate ejusdem numero loci: aliàs qui ex uno loco aeris in alium movetur, dici nihilominus posset in eodem esse loco, quia superficies nova quam acquirit æquivaleret priori quam deseruit: eodem enim modo illi aptatur ut prior. Et quis quæso dicat aerem, qui turrim aliquam ambit, esse immobilem, propterea quòd uni ejus parti pulsæ alia æquivalens succedat, & eodem modo turrim ambiat?

De 3^a. Multos quidem *Thomas* sententia applausores invenit: sed rationibus sat validis urgeri potest. 1. Sequeretur enim hæc ratione superficiem non esse de essentia loci: Nam si idem numero locus manet, sive accedat sive recedat superficies, respectu nimirum distantie à cælo, ut *Thomas* vult, sequitur utique de essentia loci alicujus in individuo considerati non esse superficiem in individuo consideratam: quod enim adesse & abesse potest citra destructionem, id essentiale non est. 2. Ordo seu distantia illa à cælo aut est subjectivè in aere ambiente, aut in cælo: si subjectivè est in ambiente, non poterit non mutari mutato ambiente, cum accidens moveatur ad motum subjecti: si in cælo, sequetur in eodem loco esse corpus, ubicunque sit, quia eadem ejus distantia est à cælo, sive *Roma*, sive *Constantinopoli* sit. Si dixeris distantiam illam & ordinem non esse in ambiente vel cælo, sed inter ambiens & cælum, res eodem recidet: aut enim

mutato extremorum altero mutatur distantia, aut non mutatur: si mutatur, actum erit de loci immobilitate: si non mutatur, res erit in eodem numero loco, quicquid tandem fiat de superficie ambiente, quocunque illa transferatur, & quæcunque ei succedat: erit igitur immutabilitas non loci seu superficiæ, sed distantie saltem à cælo, quæ non est locus. 3. Nunquam meminit *Aristoteles* hujus distantie, quæ tamen explicanda prius erat quàm superficies continentis. 4. Reliquæ loci proprietates non conveniunt ei ratione distantie, quæ non est locus, sed ratione solius superficiæ ambiente, quæ *Aristoteli* est locus. 5. Negat *Aristoteles* vas esse locum, quia mobile est: Atqui vas quocunque moveatur eandè à cælo distantiam retinet.

De 4^a. Germana immobilitatis ratio à *Conimbricensibus* assignata, minimè germana mihi videtur: & certè miror *Ynnicis* Peripateticis hanc approbati rationem. Cum enim intervallum illud seu spatium à Peripateticis ipsòque *Aristotele* profligetur, & tanquam non-ens repudietur, quis quæso immobilem ab *Aristotele* dici locum credat respectu non-entis, uti ab ipsismet *Conimbricensibus* appellatur? Rectius statuissem Patres, si spatium immobile dixissent, non locum, quem spatium esse negat *Aristoteles*.

De 5^a. In hæc *Pererii* sententià vix credo Peripateticos posse acquiescere. Quis enim Peripateticorum tritam illam *Aristotelis* definitionem non habet pro legitimâ & generali definitione loci? Quis aliorum de loco sententias ad eam, tanquam *Lydiu* lapidem, non exigit? Quòd si verò immobilitas non nisi elementorum loco competeret, generalis certè definitio non esset. Si verò ut lunæ orbis est ignis locus, ita aquæ aer qui ambit aquam, nè sic quidem video qui immobilis sit omnis elementorum locus, nili fortè per æquivalentiam *Scotticam*. Quoties enim superficiem aeris aquam ambiente, vel unius diei inquietioris spatii, moveri & mutari putamus? Est igitur situs potius quàm locus immobilis: non enim morâ superficie ambiente illico & situs mutatur.

Toletus 4. *Phys.* cap. 5. q. 8. re ultro citròque expensâ, *Profectò*, inquit, proprietates immobilitatis loci videtur propria esse tantum imaginarii, spatii videlicet imaginarii, quod imaginamur vel extra cælum, vel etiam intra corpora, quasi quiescens semper & immobile, abstrahendo à motu; in quo succedunt alia corpora, in cujus partibus sic imaginamur similem semper & eundem situm, cum equali distantia & respectu ad cæli ultimam superficiem quiescentem. Hactenus nostra de propositis opinionibus sententiâ.

III. Missis ergo tam variis & fluctuantibus de loci immobilitate sententiis, non ambientis in genere, sed sustentantis loci proprietatem hanc esse statuimus, idque ex principio *Aristotelico*, cap. 1. De progressu animalium, *Motus fit super immobili*. Immobilitatem verò sustentantis non ita intelligi volumus, quasi simpliciter moveri non possit dum corpus sustinet: reclamationem enim experientia: movetur in flumine navis, quæ nautas & victores unâ cum maximis oneribus sustinet: sed quod sustinens corpus partibus rei sustentatæ ita applicetur, ut iis non cedat, figique in se eas patiat. Sic navem in flumine motam immotam dicimus, respectu vectorum & onerum, quibus non cedit. Nam si cederet, non sustineret. Sic aqua, quæ ferro injecto cedit, sustinens ferri locus dici non potest. Consultatur hæc de re *Keckermannus* lib. 2. de loco, cap. 5. & 6.

IV. Denique rationes etiam observandæ ob quas locus immobilis esse statuitur: Sunt hæc;

1. Si mutabilis & mobilis esset locus, motus esset frustraneus: moveretur enim res; ut in suum perveniat locum & in eo quiescat; Quod si verò locus moveretur, interdum fieret ut res mota locum suum non reperiret, suoque fine frustraretur. Eodem recidit *Themistii* ratio: Locum ait immobilem esse, propterea quod sit terminus motus localis: termini autem est immobilem manere, aliàs non attingi posset.

2. Si locus corporum naturalium esset mutabilis & mobilis, motus quoque rerum naturalium certus ac definitus non esset, sed varius, pro loci naturalis varietate: At consequens falsum: Ergo & antecedens.

3. Locus dat unitatem & distinctionem motui locali: Ergo immobilis est: Ut enim rei essentia est immobilis, ita immobile id quoque esse oportet unde unitas & distinctio essentialis.

4. Ordo universi est immobilis: Ergo & locus. Ratio consequentiæ: Quia universi ordo in eo consistit, ut corpora, quæ universi sunt partes, certum suum ac definitum habeant locum: At si mobilis esset, certus ac definitus non esset.

5. Naturalis locus habet vim conservandi, generandi, & perficiendi: Ergo non est mobilis: Huiusmodi enim virtus ubique non reperitur.

THESIS XXV.

Ambientis affectio est; *Esse aequalem locato.*

Ex Dione

I. Cur locus æqualis esse debeat locato, hæc ab

Aristotele ratio assignatur, lib. 3. *Phys.* cap. 5. text. 49. *Si minor esset, non posset in eo locatum consistere, & ita locatum esset extra locum suum naturalem: si verò esset major, non repleretur à locato suo naturali, & sic maneret vacuum ex parte: quorum neutrum potest fieri. Pro loci & locati æqualitate alii arguunt:*

1. Mensura, quæ talis, non est major mensurato: At locus est mensura locati: Ergo non est major vel minor locato.

2. Quod est indivisibile secundum crassitiam, & immediatè alterum continet, id non est majus vel minus contento: At locus, quæ superficies, est indivisibile quid secundum crassitiam, & immediatè alterum continet: Ergo.

3. Quæ extrema ita sunt simul ut nulla interveniat vel crassities, vel corpus, vel vacuum, in quo corpus esse possit, ea sunt æqualia: At superficies continentis & superficies contenti ita sunt simul &c. Ergo.

II. Rationes hæc facile toleramus, si non loci in genere, sed ambientis in specie, cum suo locato æqualitatem propugnent. In loco enim sustentante nulla æqualitatis est necessitas: nisi quis fortè æqualitatem quoque putet appellari posse proportionem sustentantis ad locatum suum, ratione sustentantiæ; ita ut æqualis locato dicatur locus, quia totum locatum sustinet, etiam si undiqueque toti locato non coextenditur: quo respectu quoque sustentans mensura sui locati posset dici. Sin displiceat hoc; æqualitatem quidem & mensuræ rationem ambientis non denegabimus: ex hisce verò affectionibus sustentantem inefficaciter oppugnari affirmabimus.

III. Denique observandum, duplicem esse æqualitatem, *dimensionis & extensionis*: Illa est, cum unum corpus æquale est alteri secundum omnem quantitatem, longitudinem, latitudinem & profunditatem: Hæc, cum corpus unum continet alterum nec plus nec minus continere natum est: quæ & æqualitas continentiae ab *Averroe* & *Ianduno* appellatur. Non prior sed posterior æqualitas hoc loco attenditur & asseritur: In superficie enim est longitudo & latitudo sine profunditate. *Alberus* tamen ait etiam locum habere profunditatem, sed non aliam à profunditate locati, seu locato intrinsicam. Nos in priori responsione acquiescimus.

THESIS XXVI.

Hactenus locus. Locatum est corpus receptum à loco.

Ex Dione

"Εκδοσις.

Casalpinus Quæst. Peripat. lib. 3. q. 2. de corporibus locatis hanc habet assertionem, *Non esse in loco nisi gravia & levia*. De quâ libenter ipsi assentiremur, si vicissim nobis concederet, omne corpus naturale esse leve vel grave : quod verissimum esse nos arbitramur : Unde perinde nobis est, sive dicas sola corpora naturalia, sive sola levia & gravia esse in loco. Sed alia *Casalpini* sententia est : Negat enim cum Peripateticis plerisque corpora

cœlestia esse gravia vel levia unde & in loco esse negat, idque, ut opinatur, secundum *Aristotelem* : sed frivolis admodum rationibus, quæ refutationis labore non sunt dignæ, cum clarissimis sensuum testimoniis opponantur. Mirum autem tam oscitanter à *Casalpino* rectum esse *Aristotelem*, quando in ipso textu quem allegat contrarium *Aristoteles* docet, nempe 4. Phys. cap. 4. text. 32. *διὰ τὸ τὸ πρὸν ἔχον ὑπερβαίνει τὸ ὀρεῖν ἐν τῷ πρῶ, ὅτι δὲ ἐν κενῷ*. Vide censuram *Taurelli*.

CAPUT IX.

De corporis naturalis qualitate tactili, in genere.

Affectiones corporis naturalis à formâ pendentes. *Th. I. Tribus de causis qualitas dicitur formam insequi* : *ἐνθ.* Qualitas corporis naturalis sensilis, quid ? *Th. II. An solæ qualitates inter accidentia agendi vim habeant ?* *ἐνθ.* Distributio qualitatis sensilis. *Th. III. Quæstio de methodo circa doctrinam de qualitatibus corporis naturalis : Sententia Peripateticorum in defectu peccans : ἐνθ. 1. Sententia Timpleri in excessu peccans. 2. Sententia Keckermanni media. 3. Et hæc repudiatur. 4. Sententia propria. 5. Solutio objectionis. 6. Distributio qualitatis tactilis. Th. IV. Qualitas prima. Th. V. Qualitas prima cur appelletur calor, frigus &c. Sententia tres, una Peripateticorum ; altera Scaligeri ; tertia aliorum : ἐνθ. 1. Refutatur secunda & tertia. 2. Difficultas adversus primam. 3. Solutur. 4. Duo in hac controversiâ, de qualitatibus secundarum dependentiâ à primis, maxime observanda. 5. Qualitates primæ activæ & passivæ. Th. VII. Aliæ magis, aliæ minus agunt. Th. VIII. probatur : ἐνθ. 1. Varii respectus, quibus qualitates primæ in scholâ Peripateticâ dicuntur activæ & passivæ. 2. Animadvertitur in Mercenarii dilucidationem. 3. Activæ qualitates. Th. IX.*

THESIS I.

Hactenus affectio corporis naturalis à materiâ pendens. A formâ potissimum dependet Qualitas & Motus.

"Εκδοσις.

Materia in se considerata omnium qualitatum expers est : Formam igitur qualitates insequuntur tanquam principium activum, non tanquam subiectum. In Materia enim insunt qualitates, tanquam in subiecto *inhesionis* ; Composito tribuuntur tanquam subiecto *denominationis*. Tribus autem potissimum de causis Qualitas Formam insequi, eiq; respondere dicitur ; 1°. Quia omnem formæ varietatem necessariò sequitur qualitas alicujus mutationis : 2°. Quia qualitati competit esse principium, agendi, ut Formæ : 3°. Quia qualitas, autore *Thomâ*, est modus quidam Substantiæ : Cum autem, modus mensuram & determinationem secum ferat, determinare verò & finire sit formæ proprium, qualitas utique peculiari ratione formam sequi rectè dicitur. Vide *Suarez*, tom. 2. Metaphys. disp. 41. §. 1. n. 6.

THESIS II.

Qualitas corporis naturalis sensilis est affectio corporis naturalis per quam est efficax.

"Εκδοσις.

Solas qualitates inter accidentia agendi vim habere, plerorumq; Philosophorum dogma est : Unde à *Philippo* definitur Qualitas, *Forma per quam substantia est efficax* ; *Suarez*, tom. 2. Metaphys. disp. 42. §. 1. n. 5. *Accidens absolutum adjunctum substantiæ creatæ, ad complementum perfectionis ejus tam in existendo quàm in agendo*. Manifesta autem thesæos nostræ ratio hæc est ; Formam agendi principium esse, apud omnes in confesso est : At enim cum immediatum agendi principium esse non possit propter imperfectionem suam, instrumentum aliquo eget quo vim suam exserat & finem assequatur : Id verò instrumentum esse Qualitatem docet cum ratio, tum experientia : Ratio quidem ; quia in totâ accidentium serie, præter Qualitatem nullum nominari potest quod hanc formæ operam præstare possit : ut patet ex inductione. De *Qualitate*

titate, Passione, Relatione, Quando, Ubi, Situ, Habitu vel Habere, res extra dubium est: De Actione tantum occurrit scrupulus, qui eo adigit *Conimbricenses*, 2. Phys. cap. 7. qu. 19. art. 2. ut agendi vim ipsis etiam actionibus tribuant: Nam ex. gr. contemplatio efficienter, ut illi loquuntur, causat delectationem; notitia intellectus, actum desiderii; finis appetitio, volitionem, &c. Unde querentibus, An ex omnibus accidentibus solæ qualitates agendi vim habeant; respondent, Ex omnibus fixis, sed non ex omnibus simpliciter. Nobis tamen magis arridet sententia *Suareii* qui, negat actionem esse verè ac propriè principium agendi, cum ipsa agentis Causalitas sit, quæ non est principium agendi, sed à principio, quod supponit: quod pluribus deducit tom. 1. Metaph. disp. 18. §. 4. n. 5. Ad exempla *Conimbricensium* respondendum, Actiones illas non esse principia actionum aliarum quæ recensentur, sed habere intrinsecos suos terminos, qui qualitates sunt, & principia proxima ulteriorum actionum quæ consequuntur. *Hæcenus Ratio*. Experiencia etiam luculenta est: Videmus enim, & experimur agentia naturalia per qualitates, calorem, frigus, humiditatem, siccitatem, lucem, &c. operari, ipsasque qualitates hæc sibi producere con-similes.

THESIS III.

Estque vel tactilis, vel visibilis, vel audibilis.

ÆSTHET.

I. Magna in methodo difficultas hæc occurrit. Quot Physicorum Systematum sunt scriptores, tot ferè de ordine qualitarum corporis naturalis sunt sententiæ. Qui ordinem ab *Aristotele* in *Acroamaticis* libris observatum sequuntur, inter generales corporis naturalis affectiones Qualitatem non numerant: *Aristoteles* enim in libris *de quatuor elementis*, quibus communem Physicæ partem persequitur, de Qualitate Physicâ ex professo nihil tractat. Unde & alii Peripatetici eum secuti nullam qualitatis Physicæ in parte communi Physiologiæ mentionem faciunt: ut videre est in *Physicis Megiri*. Errorem hunc esse quis facillè deprehendit. Cum enim corpus naturale in genere non qualitatem minùs quam quantitatem, locum, motum, & tempus sibi vendicat, nullo utique jure qualitas ab affectionibus corporis naturalis eneticis excludi potest.

II. Alii igitur errorem hunc correcturi, in qualitarum tractatione hoc loco nimis sunt liberales. De qualitatibus enim non tactilibus, visibilibus,

aut audibilibus tantum in parte generali agunt: sed & de gustabilibus & olfactibilibus: Ità *Timæus* Physicam generalem instruit. Peccant hi in excessu, dum qualitates corpori misto proprias communes corpori in genere faciunt. Odor enim & sapor solis competunt corporibus mistis, nec elementis nec corporibus cœlestibus per se insunt.

III. Sunt igitur alii qui utrumque extremum vitaturi qualitates parcius attingunt: quorum in numero est *Keckermannus*, qui qualitatem corporis in genere distribuit in potentiam naturalem, & qualitatem efficientem, per & propter quam corpus naturale incurrit in sensum: quam distinguit in occultam, quæ *ἀντιθετα* & *συμπθετα* appellatur, & manifestam. Hic subsistendum esse ait, & ad species qualitatis sensibilis, tactiles nimirum, visibiles & audibiles, minimè descendendum.

IV. Sed nec hæc nobis placet sententia; primò, quia cum veritate, deinde, quia secum ipsâ pugnat. Cum veritate quidem pugnat,

Primò, quia qualitates quas vocant primas, calorem, frigus, humiditatem, siccitatem, per omnes corporum naturalium ordines videmus diffusas, nullique certo corpori ità addictas ut ab eo prorsus sint inseparabiles. Sic non sola terra est frigida, sed & aqua; nec elementa tantum, sed & mista; imò & ipsum cœlum, idque maximè: Quis enim aerem frigidissimum sæpe esse non experitur? At cœlum nihil aliud est nisi aer, ut suo loco monstrabitur. Sic nullum in rerum naturâ corpus est quod calorem non admittat. Siccitas quoque non minùs per naturam diffusa & cunctis corporibus communis esse potest: Nam & ipsa aqua è principiis Peripateticis siccitatem admittit, cum in glaciem congelatur, quæ terminis suis facillè continetur. Itaque ad sola elementa nullo jure qualitates hæc restringuntur.

Nec est quòd quidam excipiant, qualitates tactiles primas elementis inesse per se, aliis autem corporibus propter elementa, itaque elementis nihilominus esse proprias. Hoc enim est principium petere, & id quod in controversiâ est pro confesso sumere. Exceptioni igitur huic occurrimus.

1^o; Quicquid uni competit per se tanquam proprium, id alteri realiter distincto commune esse non potest: Aliàs enim proprium esset non-proprium: At qualitates primæ corporibus aliis ab elementis realiter distinctis sunt communes. Sol enim non minùs est calidus & siccus quàm ignis quem vocant elementarem: Ipsum cœlum, quod aer est, omnium qualitarum capax est: hyberno enim tempore plerumque frigidum & humidum est, æstivo calidum &

& siccum. Porro, qui elementa in mistione aiunt perire ita ut actu in misto non existant, quæ sententia plerorumque Peripateticorum est, assertionem hanc evidenter comprobant: Qualitates enim primas in mistis esse nemo negat: At mista realiter ab elementis, juxta Peripati sententiam, differunt.

Occurrimus 2^o. Quicquid separari ab elementis potest salvis eorum essentiis, id per se seu per necessariam & essentialem concomitantiam iis non inest: (sublato enim proprio verè sic dicto, subjectum ipsum tollitur; & quo sublato subjectum non tollitur, id proprium non est.) Atqui qualitates primæ tactiles ab elementis abesse citra eorum destructionem possunt: Ergo, &c. Ut assumptioni fides fiat, videamus quæ vulgò statuantur elementa. Terra est & manet terra, etiamsi nec frigida nec siccata est. Aquæ essentia non destruitur, etiamsi congelata proprios recipit terminos, etiamsi amisso frigore fit calida. Aer nulli ita obnoxius primæ qualitati, ut citra sui destructionem abjicere eam non possit. Nec ignis eodem caloris & siccitatis gradus perpetuò habet: At remissio fit per gradus alicujus abjectionem, & contrarii admissionem.

Altera ratio, quæ sententiæ hujus tertię, quam *Keckermannus* proficitur, cum veritate pugnam ostendit, è qualitatibus tactilibus secundis desumitur. Densitas & raritas omnibus corporibus, tam cælestibus quàm elementaribus, insunt: quod vel ipsi Peripaterici liquiddò comprobant, qui stellam aiunt esse partem orbis sui densiorem: In stellis igitur ponunt densitatem, in orbibus cælestibus raritatem. Deinde nec ullum in rerum naturâ corpus est quod non sit leve vel grave: Nec ratio imaginari sibi potest, qui corpus aliquod esse possit quod nec leve nec grave sit. Non movet nos Peripateticorum assertio, quæ levitatem & gravitatem corporibus cælestibus adimunt. Ratio quam adferunt, ex ipsorummet principio refutatur. Levia enim aiunt esse, quæ sursum, & gravia, quæ deorsum feruntur: At corpora cælestia nec sursum nec deorsum moventur. Respondemus, Primò, Motus sursum & deorsum non est perpetuus levitatis & gravitatis comes: Gravia enim & levia suis in locis quiescunt, nec sursum nec deorsum moventur. Deinde, si nullum leve corpus in orbem moveri potest, quid respondebunt nobis de igne elementari, quem perpetuò in orbem rotari aiunt? Quid de ære superiori, quem & ipsum existimant cum cælo circumvolvi? Si corporum horum levitas motum circularem non impedit, cur non de cælestibus corporibus idem sibi persuadent? At,

inquiunt, ignis non per se movetur in orbem, sed à cælo rapitur. Respondeo; Nec ipsi statuant cælum vel stellas à se moveri, sed has ab orbibus cælestibus, orbis ab intelligentiis. Denique & durities, si Peripato credimus, cælestibus orbibus competit, ut quos adamantinæ soliditatis esse aiunt. Quo jure igitur qualitates hæc vocant elementares?

Tertia ratio; Non mista sola esse visibilia vel audibilia propter qualitatem visibilem & audibilem, sed & elementa ac cælestia corpora, docet experientia: Qualitates igitur hæc non solis vel mistis vel elementis sunt vendicandæ. Sic ergo probatum, sententiam *Keckermanni* pugnare cum veritate.

Secum verò ipsâ pugnat sententia, quia tribuit corpori in genere qualitatem efficientem, & tamen denegat in specie tactiles, visibiles, audibiles, &c. Atqui nulla est qualitas efficiens, quæ non sit tactilis, vel visibilis, vel audibilis, &c.

V. Itaque & hæc sententiâ rejectâ quartam proponimus, quæ qualitates tactiles, visibiles & audibiles corpori in genere tribuit, eò quod qualitates hæc nulli certæ corporis naturalis speciei sint addictæ, sed omnibus vel plerisque communes: ut paulò antè ostendimus.

VI. Nec est quodd quis fortè objiciat, Cælo seu expanso qualitatem visibilem, quæ color appellatur, non competere, cum sit corpus interminatum; item astris non competere humiditatem vel frigiditatem actualem: Non igitur tribuendas esse qualitates hæc corpori in genere, cum singulis speciebus non insunt: Cum enim modò enumeratas qualitates corpori in genere tribuimus, non id volumus, quali ex essentia corporis genericâ omnes eæ immediatè fluant, adeoque omnibus corporis speciebus necessariò singulæ insint, veluti sensus inest animanti & singulis animantis speciebus; sed quod pluribus corporum speciebus sint communes, nec intra unius solum angustias contineantur. Sic non corpora solum mista sunt visibilia, sed & elementa, & corpora cælestia, ut stellæ: Nec elementa sola sunt tactilia seu qualitatibus tactilibus prædita, sed & mista & cælestia corpora: Nec audibilia solum sunt mista, sed & elementa & cælestia. Unde qualitates hæc rectè corpori in genere adscribuntur, etiamsi singulæ earum species specialissimæ singulis corporibus non competunt. Nec peccari hic quicquam à nobis è Peripateticorum praxi liquiddò demonstramus. Nam & ipsi qualitates tactiles primas elemento in genere tribuunt, & tamen singulas singulis aptari posse elementis insiciantur. Sic ex. gr. elemento in genere aiunt competere:

competere frigiditatem & humiditatem, nec tamen unquam concesserint ignem elementarem esse frigidum vel humidum. Sic corpori misto in genere tribuitur color, nec tamen quævis coloris species cuilibet misto competit. Sufficit si singula mista sint colorata. Ità igitur & nobis sufficiat si singula corpora aliquam tactilis, visibilis, & audibilis qualitatis speciem admittant, etsi singulas singula non admittunt.

THESIS IV.

Qualitas tactilis est, per quam corpus naturale in sensum tactus incurrit : Estq; prima vel secunda.

THESIS V.

Prima est, quæ originem dat secundæ.

EXPOSITIO.

I. Cur primæ appellentur qualitates, Calor frigus, humiditas, Siccitas, omnibus æquè non constat. Recepta in Scholâ Peripateticâ sententia est, quam & nos sequimur; primas dici ratione dependentiæ secundarum à primis, hoc est, quod secundarum sint principia & causæ. Alii secundas à primis produci negantes, quos inter Scaliger est, Exercit. 297. §. 4. primas appellari putant, quasi primarias, à vi nimirum agendi, quæ major sit in primis quàm in secundis. Alii denique primas dici putant, à Subjectis, quod corporibus primis, hoc est, elementis, primò & per se insint.

II. Qui secundam tuentur sententiam, & à primis secundas produci absolutè negant, refutantur ab experientiâ. Asperitatem enim à siccitate nimia, lubricitatem ab humiditate, levitatem à calore, gravitatem à frigore produci sensus nostri abundè testantur. Etsi verò non negamus in plerisque primis maiorem esse agendi vim quàm in secundis, de omnibus tamen in universum hoc dici nequit: Siccitas enim, quæ inter primas qualitates est, quoad agendi vim pluribus secundis inferior est. Itaque nulla est verior quàm prima sententia. Tertiam suprà refutavimus, quæ & hoc insuper absurdo premitur: Nam si calor, frigus, humiditas, & siccitas idè sunt qualitates primæ quia insunt corporibus primis, nimirum elementis, etiam qualitates secundæ, ut sunt gravitas, levitas, densitas, raritas, &c. primæ erunt, quia & ipsæ insunt elementis.

III. Est autem nostra sententia huic potissimum obnoxia difficultati; Si secundæ omnes orirentur à primis, utique è secundis iudicium fieri posset de primis, & è primis de secundis: Causa enim arguit effectum, & effectus causam: Atqui falsum

hoc: Ergò & illud. Assumptio probatur; Adscribunt vulgò levitatem calori, tanquam causæ: At multa sunt levia quæ calida non sunt, ut tenues auri & argenti laminæ, plumæ, folia plurima; aer etiam frigidissimus nihilominus levis est. Ità gravitatem tribuunt frigori: At multa sunt gravia quæ frigida non sunt, ut ferrum candens, corpora animantium calidissimorum. Et sic de reliquis.

IV. Respondeo 1^o. Nego connexum. Ad probationem dico, Effecta quidem arguere causas, & ab iis vicissim argui, ratione dependentiæ naturalis: interim tamen dependentiam illam nobis non semper esse notam, in specie præsertim, quando ità comparatum est effectum ut à pluribus produci possit causis. Sic ex gr. Nivem liquat aqua, liquat eandem & ignis: ex liquatione igitur nivis certa ejus causa in specie cognosci nequit, nisi an aquæ vel igni adnota nix sit noveris.

2^o. Assumptionem negamus. Probatio ejus inconsequens est: Nec enim sequitur calida esse quæ levia sunt, aut frigida quæ gravia, etiam si à calore levitas est, & à frigore gravitas. Ratio est; Quia causa non est necessariò cum quovis effectû conjuncta: tolli enim potest causa, manente effectû. Sic sublato architecto manet nihilominus domus. Ità carbonem viridi ligno reddi leviores per calorem, manifestum est: nemo tamen dixerit carbonem semper calidos esse; perit calor, manet levitas à calore producta per humidi insiti consumptionem.

V. Duo igitur in hac controversiâ maximè sunt observanda. 1. Unam specie qualitatem secundam posse produci à qualitatibus primis specie distinctis. Sic e. gr. levitas produci potest à calore (ut omnes concedunt) vel per substantiæ crassioris extenuationem, ut fit in aquâ in vaporem resolutâ: vel per humoris in corpore latentis consumptionem aut extractionem; Sic viride lignum, extracto per calorem humore, fit levius. Eadem levitas à frigore quoque produci potest, per partium humidarum secretionem & expressionem; veluti hyeme lacrymas è vitibus & aliis corporibus exprimi videmus, quibus expressis dubio procul leviora redduntur corpora. Denique & siccitas ad levitatem facit, siquidem exsiccandi vim habet: absumpto enim per exsiccationem humore corpora reddi leviora sensus testantur.

2. Qualitatem secundam inesse posse corpori etiam sublata primâ à quâ producta fuerat. Sic multa per calorem redduntur levia, quæ tamen calida deinde non sunt. Levitate enim per humidi extractionem & consumptionem productâ, sæpenumero evanescit calor, ut exemplo carbonum antea ostendimus. Ità pumices per calorem factos leviores, extractis nimirum partibus humidioribus & gravioribus, extra
dubium

dubium est : quos tamen calidos propterea nemo dixerit : evanuit enim calor, reliqua levitate. Unde palam est, consequentiae rationem esse nullam, dum arguunt nonnulli, *Corpus hoc leve aut grave est*, Ergo actu calidum vel frigidum est. Nisi enim demonstraverint, sine praesenti calore vel frigore nullam dari gravitatem & levitatem, nihil efficient. Haec sententiae nostrae vindictio, cujus veritas deinceps magis magisque patefecit.

THESIS VI.

Primae qualitates absolute considerantur, vel respective.

THESIS VII.

Absolute consideratae omnes sunt Activae & Passivae.

"Εκδοσις.

Si sensus in iudicium adhibeatur, res videtur satis manifesta : Humiditatem enim habere vim humectandi, siccitatem siccandi, calorem calefaciendi, frigus frigefaciendi, nemo facile negaverit. Certum quoque est, qualitates has invicem esse contrarias : At contraria se mutuo pellunt, & pellendo agunt. Magnam tamen de humiditatis & siccitatis, quae passivae appellari solent, actione seu vi agendi difficultatem esse, suo loco paulo post monstrabimus. Pugnam hanc Ovidius indigitat 1. Metam.

*Frigida nam pugnant calidis, humentia siccis.
Mollia cum duris, sine pondere habentia pondus.*

THESIS VIII.

Respective consideratae aliae magis, aliae minus agunt, cum in mixtione, tum extra mixtionem : Unde aliae dicuntur Activae, aliae Passivae.

"Εκδοσις.

I. Loquitur hoc ipsa experientia. Quis enim non experitur penetrantiores & violentiores qualitates esse calorem & frigus quam humiditatem & siccitatem ? Si igni admoveas ferrum frigidum, exigui temporis spacio intus & extus incalescet ; Idem si aeri frigidus exponas, extimae & intimae ejus partes cito refrigerent : Quod si verò ferrum in aquam conjicias, extima quidem ejus superfi-

cies humectabitur, at partes interiores etiam longissimo temporis tractu vix quicquam patientur. Ità & siccum corpus, modò caloris sit expers, si humido admoveas, ægerrimè id exsiccaris, nisi fortè cum humido siccum permisceas, ut cum in aquam infunditur arena.

II. Physici varios considerant respectus quibus qualitates primae vel omnes activae & passivae simul, vel omnes passivae tantum, vel aliquae activae tantum, ut calor & frigus ; aliquae passivae tantum, ut humiditas & siccitas, dici possint. Activas & passivas omnes esse aiunt, si considerentur in ordine ad primas operationes, quae sunt, calefacere, frigefacere, humectare, exsiccare. Rationem in thesi viii. reddidimus. Omnes passivas tantum esse aiunt in mixtione, si considerentur in ordine ad formam substantialem introducendam. Ratio est ; Quia una cum materia, subiecti ad receptionem formae dispositi rationem habent : At subiectum, quod subiectum, passivum est. Activas verò tantum, calorem & frigus, & passivas tantum, humiditatem & siccitatem, si considerentur in ordine ad posteriores seu secundas operationes, quae sunt, terminare & unire : calor enim & frigus terminant & uniunt, humiditas & siccitas terminantur & uniuntur.

III. Ità Peripateticam sententiam explicat Mercenarius in Dilucidationibus. Sed posteriorem hanc assertionem cur non admittamus, causa haec est ; Quia activam terminandi & uniendi vim siccitati & humiditati planè adimit : Quae sententia, vel ipsius Peripati iudicio, falsa est. Ut enim in mixtione humiditas unit partes siccas terrae, ità siccitas terminat ac sistit fluxum partium humidarum aquae. Ad has actiones calor quidem & frigus concurrunt, non tamen ut causae solitariae. Nec obstat definitio Aristotelis, *Siccum est quod suis facile terminis continetur*. Non enim ea siccitati actionem adimit, sed sicco potius ; quod cum suis terminis contineatur, à siccitate utique continetur & terminabitur : Huic enim terminos suos corpus siccum debet. Si à siccitate continetur & terminatur, siccitas igitur terminat & continet, ac proinde agit.

THESIS IX.

Activae sunt, quae vim agendi majorem habent, & penetrantiores sunt, ut Calor, & Frigus, &c.

CAPUT. X.

De Calore.

CAlor quid? *Thes. I.* Caloris actio prima calefactio. *Th. III.* Animadvertitur in vulgatam caloris definitionem. *End.* Homogeneorum congregatio & heterogeneorum segregatio. *Th. V.* Quid homogenea, quid heterogenea? *End.* 1. An calor seget potius, quam uniat & congreget? videri potius congregare quam segregare. 2. Videri potius segregare quam congregare. 3. Defenditur Sententia inter extremas media. 4. Aristotelis sententia nostra conciliatur. 5. Solvuntur rationes contrariae. 6. An calor possit substantiam producere? Sententia Scoti, nullo modo posse producere. 7. Sententia Pererii propria & primaria virtute posse producere. 8. Media Thomae sententia probatur. 9. Solvuntur Scoti rationes. 10. Solvuntur Pererii rationes. 11. Operatio caloris secundaria varia. *Th. VI.* Attibutum varietas à materia variâ dispositione: *End.* 1. An calor caelestis, elementalís & vitalis differant specie? 2. Rationes pro differentiâ specificâ: *ibid.* Rationes contra differentiâ specificam. 3. Solvuntur rationes priores. 4. Calor magis activus, quam frigus. 5. Calor omnium qualitarum princeps. 6. Calorem intendi negat Scaliger. 7. Assentitur Scotus. 8. Placet eadem Sententia Toletio. 9. Duo modi quibus aliquid alio calidius dicitur. 10. An & quomodo calor à calore extinguitur? 11. An & quomodo calor à motu producatur? variae Sententiae. 12. Examen sententiarum. 13. Sententia propria. 14. An calor sit in omnibus corporibus mislis? 15. Cur, qui in calido humore diutius morantur, tumeant, & tandem collabuntur, rugasque trahunt? 16.

THESIS I.

CAlor est qualitas prima activa, per quam corpus est calidum & alla calefacit, congregans homogenea, & segregans heterogenea.

THESIS II.

Actio igitur caloris est prima, vel à prima orta.

THESIS III.

Prima est Calefactio.

Calorem vulgò definiunt sine ullâ primariæ actionis, hoc est, calefactionis, mentione, qualitatem nimirum congregantem homogenea & segregantem heterogenea: Male certe: Cum congregatio homogeneorum & segregatio heterogeneorum sit actio caloris secundaria, quæ non nisi mediante primâ, hoc est, calefactione, à calore proficiscitur. Nec juvat eos quod bifariam considerari calorem aiunt, absolute, ut calor est, & relate, ut instrumentum missionis est: illo respectu, primariam quidem caloris actionem esse calefactionem; hoc verò, congregacionem homogeneorum & segregacionem heterogeneorum. Primum enim protestationi huic contrarium est factum. Calorem enim in genere, etiam extra missionis doctrinam, ex secundaria tantum actione definiunt; ut eam de qualitatibus primis seorsim, in doctrinâ elementorum generali, agunt. Deinde si maxime calorem non absolutum, sed ad missionem relatum definirent, calefactionis tamen facienda mentio esset, cum congregatio & segrega-

tio à calore non fiat nisi per calefactionem, quæ in missione exeritur. Rectius igitur nos calorem definivimus per utramque operationem, primam, & à primâ ortam.

THESIS IV.

À primâ orta est primaria, vel secundaria.

THESIS V.

Primaria est homogeneorum congregatio & heterogeneorum segregatio.

THESIS VI.

I. Homogenea, inquit in Physicis Keckermannus, appellantur ea quæ sunt unius ejusdemque naturæ ac nominis; Heterogenea verò, ea quæ diversi sunt generis & nominis. Sic homogeneum corpus foret auri vel argenti massa pura, quia omnes ejus particule ejusdem sunt generis & nominis: contrâ, heterogeneum corpus, massa ex auro & argento inter se mixtis; quia particule auri in massâ eâ contentæ nomine differunt & specie à particulis argenti. Hæc Keckermannus est sententia. Verum non ardet ea reliquis Peripateticis: imprimis aurea rejiciunt eam Zabarella & Mercenarius, & post hos, ex his Magirus, cum neotericis quibdam aliis; qui de homogeneorum & heterogeneorum, quorem in caloris definitione facta est mentio, naturâ ita judicant: Homogenea, inquit, sunt, quæ similem habent complexionem & qualitatem, ut in unam converti possint naturam, quævis nominibus & speciebus aliis differant; ut argentum, stannum, plumbum, similiter liquabilia, & in unam massam à calore redacta. Ità cibi quoque dissimilimi homogenei

generi dicuntur, si in unam chyli naturam à ventriculi calore mutantur. Vocantur hæc aliàs ab *Aristotele* ὁμόζυλα. Heterogenea verò sunt, quæ dissimilis sunt complexionis & qualitatis, ita ut in unam converti naturam non possint: Sic humidi & sicci partes excrementitiæ, quæ verti in sanguinem utilem non possunt, à partibus reliquis sunt heterogeneæ, ideòque per calorem secernuntur: In metallorum quoque liquationibus scorix partes sunt heterogeneæ, quia exquisitè, tanquam ad liquationem ineptæ, à reliquâ materiâ per calorem segregantur.

Huic sententiæ tanquam veriori subscribimus. Interim non negamus homogenea & heterogenea in strictâ significatione esse quæ à *Kockermanno* definiuntur. Hæc verò aliquantò latius accipiendi sunt termini.

II. Quæritur, An calor segreget potius quam uniat & congreget. *Aristoteles* lib. 3. De Cælo cap. 8. r. 7. calorem congregare potius quam segregare expressis verbis docet, ubi de igne verba faciens ita ait, Ignis congregare magis finisque in unum redigere quam segregare videtur. Segregat enim ea quæ non ejusdem generis sunt, quæ appellat ἡτεροζυλα: congregat quæ sub eodem genere collocantur; & congregatio quidem per se est, fines enim in unum cogere atque unire ipsius ignis est, segregatio verò per accidens.

III. Quod verò potius segreget heterogenea, hæc videntur rationes evincere: 1. Contrariorum contrariæ sunt operationes: At calor & frigus sunt contraria: Contrariæ igitur eorum sunt operationes. At frigus homogenea & heterogenea congregat: Ergò calor homogenea ab heterogeneis segregat. 2. Congregatio seu unio homogeneorum fit potius per confluxum, ut patet in liquatione metallorum, ubi secretis scoriis partes metalli homogeneæ sponte confluunt & congregantur: Ergò à calore non pendent primariò congregatio, sed ratione segregationis duntaxat, quam sequitur homogeneorum confluxus.

IV. Inter duas hæc extremas sententias mediam amplectimur, nimirum & congregationem homogeneorum & segregationem heterogeneorum per se à calore pendere, ita tamen ut finis caloris sit congregatio homogeneorum, medium verò ad finem segregatio heterogeneorum. Uniri enim homogenea non possunt, nisi segregentur prius heterogenea. Evidens hoc est in misti homogenei generatione, ut in generatione sanguinis, carnis, ossis. Chylus ad hepar transfertur, ut sanguis ex eo fiat ad partium similarum nutritionem idoneus. Sanguis verò ejusmodi à naturâ ut possit generari, oportet ut chyli partes excrementitiæ, quæ transire in sanguinem

nequeunt, à bonis & utilibus secernantur. Se cernit igitur natura per calorem partes excrementitias & inutiles, ut unire possit utiles & in idoneum sanguinem mutare.

V. Potest *Aristotelis* sententia cum nostrâ faciliè conciliari. Congregationem enim ait à calore per se esse, quia finis est; segregationem verò per accidens, quia medium ad finem est. Per accidens igitur hoc loco *Aristoteli* idem videtur significare quod propter aliud: Segregatio enim est propter congregationem. Abutitur ergò *Aristoteles* termino per accidens, nec opponit eum propriè rō per se.

VI. Rationes pro alterâ sententiâ solutu faciles sunt. Prior tota concedi potest: Segregat enim calor heterogenea ab homogeneis, ut frigus heterogenea cum homogeneis congregat: nec tamen sequitur, segregationem primariò intendi. Posterioris antecedens distinguimus: Unio seu congregatio duplex est; Una est qualiscunque humidorum, etiam extra mitionem naturalem, confluxus & quasi confusio; ut cum aqua non impedita ad vinum confluit: Altera est exacta miscibilium congregatio, quæ ex pluribus unum actu fit corpus naturale, propria & substantiali constans formâ ex mitione resultante. Prior unio à calore necessariò non pendet, sed vel à solo humidorum diversorum confluxu, ut fit in liquatione metallorum, ad quam tamen etiam calor concurrat: Posterior caloris propria est actio: hic enim primarium est mitionis instrumentum, quo utitur natura in miscibilium alteratione, in exactâ contemperatione & conglutinatione.

VII. Obiter hîc quæstionem inferamus, occasione sumptâ ex iis quæ dicta sunt modò de actione caloris primariâ in mitione. Est ea, An calor possit substantiam producere. Quæstio quidem generalis est de accidentis in productione substantiæ actione, sed ad calorem potissimum spectat, cum in generatione substantiæ naturalis mistæ nullius accidentis potior sit actio quàm caloris. Tres sunt circa hanc quæstionem sententiæ, duæ extremæ, & una intermedia.

Extremarum una *Scori* est, qui negat ullo modo accidens ad productionem substantiæ concurrere. Rationes ejus, inter alias, hæc sunt;

1. Nullum ignobilius potest producere nobilius: Arqui accidens est ignobilius substantiâ: Non igitur potest producere substantiam nobiliorem.

2. Forma immediatè producit substantiam: Ergò accidens ad ejus productionem non concurrat. Antecedens probatur; Si forma imme-

diatè uon potest producere substantiam, aut propter perfectionem, aut propter imperfectionem non poterit : At non propter perfectionem ; quia Deus perfectissimus immediatè substantiam potest producere : Nec propter imperfectionem ; quia accidentia longè sunt imperfectiora substantiis, & tamen sui similia immediatè possunt producere : Cùr non igitur & substantiæ idem possint ?

VIII. Altera extremarum *Pererii* est, & aliorum, qui aiunt substantiam ab accidente produci virtute propriâ & primariâ. Rationes sententiæ hujus hæc sunt ;

1. Ignis sæpe generatur non à forma ignis sed à solo calore per reflexionem & attritionem : Ergò calor virtute propriâ potest substantiam producere.

2. Calor virtute propriâ potest corrumpere substantiam : Ergò generare quoque potest. Ratio consequentiæ est ; Quia generatio unius est corruptio alterius. Antecedens probatur ; Quia calor summus mutat aquam in aerem.

3. Substantia producitur per actionem : actio non est nisi inter contraria : contrarietas non est nisi in qualitatibus : Qualitates igitur virtute propriâ substantiam producant.

IX. Tertia sententia media *Thomæ* est, qui substantiam ait produci ab accidente tanquam instrumento formæ substantialis. Itaq; primariò substantiam à substantiâ produci contendit ; Secundariò verò & instrumentaliter ab accidente. Quæ omnium verissima est sententia, quam ità approbamus :

I. Substantia agit, sed immediatè non agit, verùm per qualitates : producit igitur substantiam mediatis qualitatibus. Antecedentis partem priorem qui negat, substantiam accidente facit longè inferiorem cùm perfectio rei ex actione potissimum æstimeretur. Posterior pars manifesta est. Quem enim in finem tot qualitatibus substantiam Deus ornavit, nisi ut per eas esset efficax ? quod ipsa etiam experientia & communis loquendi ratio comprobatur. Dicimus enim à corporibus nos uri, frigidari, exsiccari, humectari : quæ omnia essent falsissima, nisi, substantia per qualitatem esset efficax. Consequentia ratio hæc est ; Si substantia agit, & agendo aliquid producit, vel accidentia solum producit, vel substantiam quoque : Si accidentia solum produceret, sequeretur substantias à solis accidentibus produci, & proinde accidentia longè esse perfectiora substantiis : Cujus enim præstantius est effectum, id ipsum quoque præstantius censetur. Producit igitur substantia primariò substantiam, etiam si non sine accidentium ope.

2. Ut se habet ens in esse, ità quoq; in operatione, quæ ipsum esse consequitur : At accidentia sunt entia per substantias : Beneficio igitur substantiarum quoque operantur, & proinde per se sola nec substantiam nec accedens producant, sed in virtute substantiæ, quæ per accidentia & substantias & accidentia producit.

X. Ad rationes contrarias breviter ità respondemus :

Ad 1^m. quæ pro *Scoti* sententiâ adducitur. Propositionem distinguimus : Ignobilius non potest producere nobilius, scilicet tanquam agens primarium : At accidentia tanquam instrumenta ad productionem substantiæ concurrunt.

Ad 2^m. Antecedens negamus. Ad prosyllogismi disjunctum respondeo, inconsequens id esse, eò quòd tertium dari possit, nempe perfectio media inter perfectionem summam, quæ Dei, & imperfectionem quæ accidentium est. A Deo enim exceditur substantiæ creatæ virtus, quòd Deus immediatè & solus possit substantiam producere, substantia verò creata non nisi mediatis accidentibus : Excedit verò eadem substantiæ virtus accidentis virtutem, quòd substantia primariò producat substantiam, accedens verò non nisi secundariò. Sed quid obstat quòd minùs dicamus substantiam immediatè à substantiâ produci non posse, propter quandam imperfectionem quâ inferior est Deo ? Ratio quâ assertio hæc urgetur, magni momenti non est : Immediatè enim producere perfectionem necessariò non denotat, nisi agentis solitarii, vel ad minimum principalis agentis ratio accedat : Alias enim sequeretur omne instrumentum esse perfectius causâ suâ principali, cùm instrumentum immediatè plerumque effectum attingat, causa verò principalis mediatè, per instrumentum. Sic igitur accedens ab accidente immediatè quidem producit, sed non principaliter, cùm à formâ substantiali dirigatur.

XI. Ad rationes pro *Pererii* & aliorum sententiâ allatas ità breviter respondemus :

Ad 1^m. Primùm antecedens negamus. Sive enim per attritionem sive per reflexionem luminis à calore generetur ignis, substantia excludi non potest : Nec enim calor reflectitur vel attritur, sed corpus : Nec fit attritio vel reflexio à calore, sed ab alio corpore. Generatur igitur ignis, mediante quidem calore per corporum attritionem excitato, sed non sine corporis tanquam causæ principalis subsidio. Deinde & consequentia rationis negari possit : Ignem enim substantiam esse pro concessio hæc sumitur, quòd valdè controversum est, ut alibi ostendimus.

Ad

Ad 2^m. Antecedens quoque negamus : Ut enim in generatione calor subservit substantiæ tanquam principali agenti, sic & in corruptione. Quod exempli loco adducitur, aquam mutari à calore in aerem posse, valde controversum est : de quo suo loco.

Ad 3^m. Primò, secundum axioma falsum est : Nec enim omnis actio est inter contraria; nisi forte omnis actio appelletur qualitatum primarum actio: Aliæ certè qualitates, ut audibiles, visibiles, etiam sine contrarietate agunt. Deinde & tertium axioma falsum nonnullis pronuntiatur : Contrarietatem enim perpetuam fundamentaliter & radicaliter existimant inter formas esse, quæ per qualitates contrarias suas exercent contrarietates. Et verò etsi actio non esset nisi inter contraria, & contraria non essent nisi in qualitatibus, nostram tamen sententiam hoc non læderet. Cum enim ad eandem numero substantiæ productionem concurrat calor & forma substantialis, seu substantia naturalis, ita ut caloris directio sit penes substantiam, non utique sequetur formam quoque ad actionem hanc ut agens contrarium, sed ut agentis contrarii directricem concurrere; multò minùs sequetur formam planè otiosam esse, solumque calorem actuosum.

THESES VI.

Operatio secundaria varia est, præcipuæ tamen ejus species sunt ; Attenuatio, Coctio & Maturatio, Fusio & Liquefactio, Aperitio & Dilatatio ; Exsiccatio, Humectatio, Emollitio, Condensatio & Terminatio, Debilitatio, Ustio, Consumtio.

Expositio.

I. Actorum harum varietas & contrarietas quoque variâ materiæ dispositione oritur, ut è sequentibus patebit. *Attenuat* calor, partes crassiores resolvendo & incidendo ; *Coquit & maturat*, attenuando, cruditates absumendo & dissipando, homogenea magis magisque congregando : *Fundit & liquefacit*, ea quæ à frigore sunt concreta & humore abundant, frigus tanquam vinculum concretorum frangendo, expellendo, & partes humidas resolvendo : *Aperit & dilatat*, partes in poris contentas resolvendo, attenuando, & evocando : unde vulgò porri à calore dicuntur aperiri, extracto & consumto humore crassiori quo erant occlusi & repleti : *Exsiccant*, partes humidiores resolvendo & evocando, relictis terrestribus : *Humectant*, humorem frigore concretum resolvendo, attenuando, & fluidum red-

dendo : *Emollit*, humectando : *Condensat* duobus potissimum modis ; 1. Humidum evocando : dum enim corpora incallescunt, tenuiores humidi partes evaporant, terrestres relinquuntur : sic lutum à calore induratur & condensatur : 2. Humidum cum siccis terrestri commiscendo ; dum enim corpora rarefaciunt, humidum per omnes siccis partes promptè diffunditur, & siccis terrestri ex ætè permiscetur, unde humidi condensatio & terminatio. *Debilitat* animantium præsertim corpora, poros laxando, & internum calorem naturæ proportionatum evocando. Hinc est quòd æstivo tempore corpora nostra longè sine languidiora & debiliora quàm hyberno. *Urit & consumit* multa corpora, humidum à siccis planè separando & consumendo. Unde exustis lignis non nisi cineres siccis sunt reliqui. *Zenar-dus* De Elementis quæst. 6. barbaris vocibus multas caloris actiones exprimit : nempe caliditas elementaris est 1. dissolutiva ; 2. effectiva omnis generationis ; 3. inferiorum ad superiora reductiva ; 4. durorum remollitiva ; 5. liquidorum & mollium indurativa ; 6. densorum subtilitativa ; 7. metallorum depurativa & rubiginis consumtiva ; 8. accidentaliter est corruptiva ; 9. gravium alleviativa ; 10. accidentaliter aggregativa ; 11. rubei coloris generativa ; 12. accidentaliter discolorativa ; 13. accidentaliter vivificativa ; 14. nimis intensa est naturaliter mortificativa ; 15. summè activè penetrativa, sui communicativa ; 16. Propriâ virtute saporum immutativa ; 17. indigestorum & crudorum maturativa ; 18. formarum in materiâ virtualiter latentium in actum deductiva ; 19. multarum impressionum in aere causativa ; 20. suorum objectorum à centro ad circumferentiam elevativa ; 21. qualitarum sui objecti offensiva. Elegantiùs caloris vires eloquitur *Virgilius*, 1. *Georg.*

*Sape etiam steriles incendere profuis agros,
Atque levem stipulam crepitantibus urere flammis :
Sive inde occultas vires & pabula terræ
Pinguia concipiunt, sive illis omne per ignem
Excoquitur vitium, atque exsudat inutilis humor :
Seu plures calor ille vias, & cæca relaxat
Spiramenta, novas veniat quæ succus in herbas,
Seu durat magis & venas adstringit hiantes.*

II. Coronidis loco aliquot de calore quæstiones expediendæ, quæ ad caloris naturam penitus cognoscendam faciunt. Sit igitur prima ;

An calor celestis, elementalis & vitalis differam specie ?

Calorem celestem appellant, qui ab astris in hunc inferiorem mundum diffunditur, elementalem, qui in igne est, & corporibus mistis, quæ mista sunt ; vitale, qui in corporibus apimatis famulatur animæ

in operationibus vitalibus; ut sunt concoctio, nutritio, &c. obeundis. Pro differentia specificâ pugnant plerique Medici; inter quos facillè principes *Fernelius*, lib. 4. Physiolog. cap. 1. item *Georgius Bertinus*, lib. 2. De temperamentis, cap. 5. *Thomus Erasmus*, Disputat. contra *Paracelsum*, part. 3. pag. 20. Hanc in sententiam trahit quoque *Thomam Aquinatem Ferrariensis*, lib. 2. Contra gentiles, cap. 73. Quibus accedunt recentiores, *Jacobus Martinus Scotus*, libello. De primâ rerum generatione, cap. 13. & *Goclenius Junior*, lib. 3. Generalis Physicæ, theor. 28. Rationes ipsorum hæc sunt.

1. Calor qui à frigore elementalî non patitur, specie differt à calore qui patitur: Atqui calor animalis, quem alii *instum*, alii *animalem*, *vivalem*, *complexionalem* vocant, à frigore elementalî non patitur: Specie igitur differt à calore elementalî, qui patitur à frigore. Propositio probatur; Quia omnia ejusdem speciei ab eodem contrario patiuntur; & ab eodem contrario quæ non patiuntur ejusdem speciei non sunt. Assumptio probatur; Quia animalia plurima naturâ seu temperamento frigidissima, ut serpentes, & alia, in quibus calor elementalîs à frigore elementalî premitur & vincitur, calore nihilominus animali & insito vitales operationes sine ullo impedimento exercent: quod fieri utique non posset si calor iste à frigore elementalî summo aliquid pateretur.

2. In pipere & zingibere, emortuis calor manet elementalîs, evanescit vitalis: Eiusdem igitur speciei non sunt. Consequentia ratio est; Quia ratio adferri nulla potest cur uno manente alter evanescat nisi differentia specificâ. Antecedens probatur; Quia calore elementalî emortuum piper non minùs, imò magis est calidum, quàm vivum: Vitalem vero evanuisse calorem inde palàm est, quod vitæ functiones perierint. Necessè igitur est, causam harum efficientem periisse unâ: otiosa enim esse non potest.

3. Si calor elementalîs specie idem esset cum animali vel vitali, sequeretur animata esse quæcunque fervente calent calore: Atqui falsum hoc: Ergo & illud. Assumptio probatur; Quia cadavera quoque calorem, quem ex missione possident, retinent: Sunt & plurima alia mista intensè calidâ quæ tamen non vivunt.

4. Calor elementalîs & animalis egent pabulo: Cœlestis non eget: Ergo ejusdem speciei non sunt.

5. Animata, inanimata, sublunaria & cœlestia res sunt specie discrepantes: Ergo calor animalis, elementalîs & cœlestis speciei ejusdem esse nequeunt, Rationem consequentiæ reddit *Erastus*; Quia

specie differentia eundem specie calorem non possunt habere.

6. Calores qui se mutuo interimunt, ejusdem speciei non sunt: Atqui calor elementalîs & animalis se mutuo interimunt: Ergo ejusdem speciei non sunt. Propositio probatur; Quia specie eadem non insensa sibi sunt sed amica. Assumptionem docet ipsa experientia: Calor enim febrilis, qui igneæ est naturæ, nativum animalium calorem debilitat.

7. Denique palmarium Medicorum aliorumque est argumentum; Calor elementalîs destruit, non generat: Cœlestis & animalis non destruit, sed generat: Ergo elementalîs cum cœlesti & animali ejusdem speciei non est. Ratio consequentiæ est; Quia contrariæ actiones à contrariis formis proficiuntur. Antecedens docet experientia, & ponit *Aristoteles* lib. 2. De generat. animal. cap. 3.

III. Contra differentiam specificam Peripateticorum principes disputant, *Zabarella*, lib. 1. De calore cœlesti, cap. 11. *Pererius*, lib. 8. De causis, cap. 21. Patres *Conimbricenses*, lib. 2. De generat. & corrupt. cap. 3. q. 5, art. 2. & lib. 2. De Cœlo cap. 3. qu. 3. art. 2. *Mercenarius*, in Dilucidationibus, pag. 49. & 50. Hos sequitur *Magirus* in Physicis, & *Casmanus* in Somatologiâ. Sententiæ hujus rationes hæc sunt:

1. Calores qui patiuntur ab eodem contrario, sunt ejusdem speciei: Calor cœlestis, elementalîs & animalis ab eodem patiuntur frigore contrario: Ergo ejusdem sunt speciei. Propositio patet; Quia unum uni quoad speciem est contrarium. Assumptionem probat experientia; 1. de calore cœlesti: Experimur enim corpora nostra calore solis alterata & calefacta, ab aere vel aquâ frigidâ refrigerari; quod fieri ratione nullâ posset nisi calor à cœlo prognatus à frigore pateretur. 2. Calorem animale seu insitum frigiditate elementalî non minui tantum sed & extinguî, docet usus lactuicæ, papaveris, opii. Et verò quos hyemis sæpe tollit inclementia, quis negat à frigore calorem insitum omnem extinguente extinguî. Scribit idem expressis verbis *Aristoteles*, lib. De juvent. & *Senece*, cap. 3. ubi caloris innati duplicem corruptionem tradit: unam quæ marcor dicitur; alteram, quæ extinctio, & à contrario proficiscitur.

2. Quod fieri æquè commode potest per pauca, id fieri à naturâ per plura non est putandum: Atqui per calorem elementalē temperatum existeret postunt vitæ opera: Ergo per alium ab elementalî specie distinctum fieri ea non est putandum. Propositio patet; Quia ars & natura, ut vulgò aiunt, secundum lineas agunt breviores, cumque uno aliquid com-

commode efficere possunt instrumento pluribus non utitur. 1. ut saepe inculcat Aristoteles. Assumptio probatur: Ut enim calor ignis extra animantia, et si immoderatus comburitur & destruit, moderatus tamen appositus sibi esculentis concoquit & perficit; ita idem in animantibus ad certam temperiem redactus, & animæ dictis audiens, alimenta concoquere & concocta in viventis substantiam commutare valet. Approbant hoc illustria quædam caloris elementalis effecta in fructuum quorundam maturatione, in plantarum exoticarum conservatione, in pullorum exsolutione. Videatur quæst. 13. cap. 3. Somatolog. Casuarini, ubi ex Plinio, Cardano, Scaligeris, & aliis exempla adducit insignia.

3. Omnes calores in unum eundemque singularem & simplicem calorem possunt coalescere: Ergo omnes ejusdem sunt speciei. Ratio consequentia est: Quia accidentia diversarum specierum in simplicem naturam non possunt coalescere. Sic color qui fit ex albo & nigro, non est simplex sed compositus. Antecedens probatur: Quia calorem coelestem intendit calor animalis & elementalis circa speciem vel naturæ immutationem. Sic calor qui manui est insitus, intenditur à calore coelesti & elementalī, absque ullâ compositione, aut naturæ vel speciei immutatione: Calorem quoque insitum nobis medicamina igneo calore prædita promovent, & concoctionem juvant.

4. Ignis non potest generari nisi interventu caloris qui ejusdem cum calore igneo vel elementalī sit speciei. At generatur à calore solis in vitro coeunte, & in materiam idoneam incidente: Ergo solis calor speciei est idem cum igneo vel elementalī. Propositio probatur: Quia, ut in Dilucidationibus verè inquit Mercenarius, *qualitas quæ dispositio est materia pro unica formæ ejusdem, in materia conservatione ipsius quoque formæ ministra est ad operandum.* Cum igitur calor coelestis materiæ sit dispositio & apparatus pro generatione formæ ignis, utique ejusdem quoque minister fuerit ad operandum, proindeque ejusdem cum calore igneo speciei. Assumptioni si idem facis ipsa experientia.

5. Quorum eadem planè sunt operationes, ea speciei sunt eadem. At caloris elementalis & coelestis eadem planè sunt operationes: Ergo ejusdem quoque sunt speciei. Propositio probatur: Quia eadem speciei operationes ab eadem speciei formâ proveniunt. Assumptio probatur: Ut enim calor elementalī nimis exurit, destruit; temperatus verò fovet, coquit, perficit ut suprà demonstravimus: ita planè & coelestis: nimis enim intensus & unitus accendit & comburit, ut non Euclides tantum in Catoptrici Theoremate 31. docet, dum inquit, Ex

cavis speculis ad solem positis ignis accenditur; sed & Archimedes experimento comprobavit, dum solis radios cavis speculis excepit, indeque ignes in hostilem classem est ejaculatus: Expectari idem licet, speculo reflecto meridiano soli opposito, & materiâ ad combustionem, seu flammæ conceptionem idoneâ appositâ.

Magna igitur Goclenii junioris imprudentia, dicentis, calore solis nihil unquam accensum, nihil meruisse, sed per accidens fieri, ut idem calor igneus immoderatusque sentiantur. Resp. Falsum hoc est: docuit enim experientia in ficis septennumero æstibus huius nascentia plurima calore solis ita fuisse exusta, ut ad virorem nunquam redierint. Hoc ipso currente 1623. anno, si verum quod Mathematicus quidam prædicit, tanti fervoris æstas futura est ut sylvarum quoque incendia sine metuenda. Regentis igneas qualitates interuenisse. Resp. Ignem illam qualitatem si aliunde aut provenisse quàm à sideribus, errat, sumisque quod probare nunquam poterit. Sunt enim loca plurima in quibus, absente sole, nulla ignis deprehendi possunt vestigia, quæ appropinquante ad verticem sole, pluvii & aliis inundationibus cessantibus, ad nigrorem usque exuruntur. Deinde si solis calor ideo per accidens urere dicitur, quod non nisi partibus probè collectis, & unitis urat, nonne eadem ratione & elementalī calori neganda est visio? Nec enim hic nisi unitus & collectus urit, quod hyberno tempore hypocausis capaciore decent, quorum loca à fornace remotiora, etiam si calor elementalī aliquid accipere, tantum tamen abest ut manus frigidas urant, ut ne mediocriter quidem, nisi pluribus horis, calefaciant. Huic nos posteriori sententiæ, tanquam veritati magis consentaneæ & meliori Philosophorum parti approbatæ, subscribimus.

IV. Ad rationes igitur contrarias ordine respondemus.

Ad 1^{am}, per distinctionem caloris & frigoris quibus prædita sunt animata. Calor enim & frigus vel actus sunt, vel potentia. Potentia calor, ut & frigus potentialis animatis competit quatenus sunt mixta, orta ex elementorum & qualitatum quatuor primarum apta temperie. In mixtis enim jam constitutis & bene habitibus qualitates ita sunt fractæ, & communis formæ imperia subjectæ, ut alteri in alteram non liceat agere. Actus igitur earum secundus, quia inhibetur, potentia in subiecto dicuntur esse, non actus. Id quod aromata confirmant naturâ calidissimam non actu quidem, sed potentia. Sic piper calidissimum est, non quidem actu secundo, (manum enim ad formam calefaceret, quod tamen

non magis facit quàm cicuta, vel opium, vel papaver) sed primò, hoc est, potentia, quæ à ventriculi virtute in actum secundum deducitur. Idem & iis mistis quæ temperie sunt frigida, ut opio, papaveri, lactuca, cucurbita, &c. usu venit: nec enim frigori quod misti substantiant insigreditur, in calorem ejus licet grassari. Hactenus igitur calor & frigus potentia. *Actualis* in animatis calor & natus is est, qui extra misti compositionem constitutus anima est organon, quo vitales edit operationes, alimentum attrahendo, coquendo, & in animati substantiam convertendo. Utque ille prius non exstinguitur quàm ipsum destruat mistum, sic hic prius non evanescit quàm animatum esse desinat. Frigus in animatis, quæ talia sunt, actuale & naturale nullum est, nec enim ejus ullus est usus, nisi frigus forsitan appelles calorem remissiorem. His ita præmissis propositionem sic distinguimus; Calor actualis qui à frigore elementalī actuali non patitur, specie differt ab eo qui patitur. Assumptionem, *At calor immaturus actualis à frigore elementalī actuali non patitur*, negamus. Contrarium demonstravimus: ratione nostrā primā. Nec quicquam probat assumptionis allata ratio, quandoquidem calorem inustum actualem non cum frigore actuali sed potenciali confert: quod qui in actualem etiam minorem calorem non agat manifestum est ratio; siquidem quæ agunt, actu esse oportet, non potentia. Patet igitur cur serpentes temperamento frigidissimi (quod tamen absolute non est intelligendum, sed cum respectu ad temperamentum animantis) vitales nihilominus operationes sine impedimento exerceant: Calor enim, quo vivunt, actualis est, & animæ organon; Frigus, quo temperamenti dicuntur frigidissimi, potentiale. Idem de plantis judicandum frigidis.

Collegium *Conimbricense* respondet, licet in quibusdam viventibus minor sit copia caloris quàm frigoris, & licet viventia caloris beneficio vivant, calorem tamen specie ab elementalī distinctum, qui semper excellat, non est fingendum: viventia enim caloris ope vivere, qui præcipuus est animæ minister, frigus ad vitæ opera non concurrere. Item verum esse negant, in viventibus frigidis temperamenti non posse calorem coherere cum frigore; si hoc illi adversetur, posse enim dup. contraria, licet alterum sit intensius, dummodo ambo non excedant summam unius latitudinem, in eadem subjecti parte manere.

Mercenarius axiomat illud, *Ab eo contrariis quod respectu alterius infirmius, utque depressus est, actio provenire non potest*, intelligendum esse docet de eo quod secundum virtutem & agendi potestatem infirmius atque debilius est. Calor igitur in-

natus serpentum aliorumque frigidorum animatorum, etsi secundum gradum frigore est depressior atque inferior, non tamen secundum virtutem & agendi potestatem. Responsiones hæc an satisficiant curioso disputatori, viderint auctores, auditores, & lectores.

Ad 2^{am}. Negamus consequentiam. Probatio ejus nulla est: Ratio enim cur manente uno evanescat alter, non est specifica differentia caloris utriusque, sed formatum, quibus uterque patet, diversarum conditio. Quam enim vitalem vocat *Fernelius*, is anima est organon, & quem elementalē, à misti formâ regitur & continetur. Cum igitur mortuo pipere vel zingibere, vegetantis animæ à corpore sit facta solutio, quid mirum vitalem quoque calorem, qui ab animâ tanquam principali agente regebatur, continebatur, & fovebatur, evanescere, vel saltem vitæ opera non amplius exerce? Anne malleus absente fabri ferrum diducit? Piper verò idem emortuum, cum misti nihilominus retineat formam, quæ misti continet & coeret calorem, quidni calorem quoque retineat? Constat igitur calores hosce duos non specie sed usu & conditione discrepare.

Ad 3^{am}. Negamus propositionis consequentiam: Calor enim non per se ipsum, suapte naturâ, vitam animantibus tribuit, sed, quâ organon, virtute animæ. Hæc igitur quæcunque corpora sunt destituta, mirum non est si ipsa quoque vitâ careant. Quæmadmodum autem instrumentum, ob varios usus quos præstat principali agenti, cujus virtute regitur, à se ipso specie non differt; ita nec calor elementalī ab animalī, propter quod virtute animæ efficiatur quæ finis est efficere nequit. Digna observatur, & ad plurimos nodos expediendos utilissima est duplex caloris consideratio quæ traditur à Zabarella, lib. De calore celesti, cap. 11. Aliud, inquit, est considerare calorem secundum propriam ipsius naturam; aliud, ut instrumentum est agentis primarii quod calore utitur. Nam si ipsam secundum se caloris naturam spectemus, est ea una & eadem in omnibus qualitas nimium activa, quæ calefacta alia, segregans heterogenea & congregans homogenea. Hæc namque sunt propriæ operationes omnis omniño caloris, quocumque appelletur nomine. Sunt vero plurima alia caloris opera, quæ ipse per se producere aptus non est, sed tantum ut instrumentum est agentis superioris. Sic calor ex chyle sanguinem non conficit, nisi virtute animæ mentis calore. Et ita hinc cameli ventriculus ab *Aleroe* etiam tauri hinc consumere; quod tamen ut ignis calore manet illæ sunt. Iudicium igitur est evidens, si hæc à calore, non secundum propriam naturam, sed quâ organon est virtutis superioris, ut *Archio* camelo agentis.

Rem

Rem hanc mirificè illustrat *Albertus Magnus* in tractatu de nutritione, ubi caloris virtutem, quâ terminatur nutrimentum ad assimilationem, è quinque virtutibus ait componi: *Prima*, inquit, est virtus simpliciter calidi ignis, per quam habet alterare: *Secunda* est è subjecto proprio calidi, quod est humidum complexionale membri in quo calor operatur: *Tertia* est è membro composito, quâ ad finem movet determinatum: *Quarta* habet à celo: *Quinta* habet ab animâ, tanquam supremâ directricem. Axioma igitur immortæ veritatis hoc statuatur: *Quæ specie sunt eadem, diversissima producere possunt opera, si ab agentibus principalibus diversis regantur.* Exemplo artificialibus sint cultelli duo ejusdem formæ & materiæ: utriq; in se considerato commune est scindere; sed *Mercurium* efformare, illi peculiare qui à sculptore perito regitur ac ducitur, non illi quem imperita rustici manus versat.

Ad 4^m. Negamus primò propositionem: *Calorem enim egere pabulo* improprie dicitur, cum non accidentia sed substantiæ nutriantur. Calor igitur, quicunque is sit, pabulo non eget, sed subjectum caloris: ut corpus animatum. Et nutritione igitur vel pabuli indigentia non caloris sed subjectorum concludi potest diversitas. Non rectè verò calores specie differentes argui ex eo quòd pabulo egeant vel non egeant. Peripateticorum Schola facile probaverit, ut quæ calorem ignis elementalis sub concavo lunæ volantis à calore focalis & visusalis nostri ignis specie differre nunquam concesserit, hunc tamen pabulo, istum nullo egere seridò contendit. Denique & Medici plerique huic assertioni acclamabant, qui calorem animale à cœlesti specie non differre uno seridò asserunt, & tamen istum nullo egere pabulo, illum conservari sine pabulo non posse, non minus asseveratè scribunt & profitentur.

Ad 3^m. Negamus consequentiam. Approbationem ejus falsitatis manifestè arguimus. Quis enim calorem ab igne propagatum, & formaci aëri, nostrisque corporibus subjectis specie omnino differentibus communicatum specie differre vel contendit, vel concesserit? Quid è nonne ratione hac communia accidentia è naturâ tollentur? Dicant quiesco, inter quantitatem, quæ homini & lapidi specie differentibus inest, differentia specifica essentialis, quæ intercedat? *Calores*, inquit, *Mercenarius*, qui in subjectis specie differentibus reperiuntur, differre specie dicuntur, sed intrinsecè extrinsecè & ex accidenti; uti nivis & cygni albedo ejusdem sunt specie; prout verò in subjectis secundum speciem differentibus reperiuntur, specie differre dicuntur & accidenti aliter.

Ad 6^m. propositionem citra distinctionem nè *Aristoteles* quidem concesserit, qui lib. de juvent. & senect. minorem flammam à majori extingui dicit: quis verò specie differre eas dixerit, cum majus & minus non mutant speciem. Ad propositionem igitur respondemus per distinctionem actionis directæ & indirectæ. Quæ mutuo se interimunt, actione directâ, ea contraria, seu specie differentia esse, concedamus sanè: etsi universaliter verum non est: à lupis enim lupi devorantur: ab homine homo perimitur: At quæ actione indirectâ idem efficiunt, contraria propterea esse, seu specie differentia male existimantur, cum non agant primariò in id, cui contraria putantur, sed in aliud, à quo pendet & conservatur illud. Ex.gr. Minor flamma à majori extinguitur, non actione directâ, frigoris more, minorem impetendo, & è subjecto non destructo eam ejiciendo, sed ipsum subjectum paratūq; pabulum absumendo, quo absumto, non potest non extingui minor flamma unâ cum majori. Idem planè calori naturali moderato à febrili excedente adfertur incommodum: Febrilis enim & igneus calor cor internâque viscera occupans inflamat, humidūque nativum absumit, quo absumto, vitalem calorem extingui necesse est. Hinc *Aristoteles* probl. Sect. 3. prob. 25. duplicem modum, quo calor nativus corrumpitur, tradit. Unum: qui à contrario fit frigore: Alterum, qui ex inopia seu defectu humidi proficiscitur, quem quidem ut plurimum extraneus calor causatur.

Ad 7^m. & ultimam rationem pergitur: cuius antecedens falsum esse pronunciamus: Namque calorem elementalem non destruere tantum sed & generare, & cœlestem non tantum generare sed & corrumpere, jam antè rationibus 2^a. & 5^a. pro sententiæ nostræ confirmatione allatis demonstravimus: Testatur idem *Albertus*, tract. De pass. aëris, dum inquit, *Solis calor est adurens & evocans: Adurens propter directam suppositionem, solè existente in signis æstivalibus.* Nec obstat quod *Aristoteles* dicit, ignem nullum animal procreare, & calorem in animalibus contentum nec ignem esse nec ab igne originem ducere: quòd si enim in sententiam nostram liberet adducere *Aristotelem*, prius dictum ità interpretaremur: Calorem ignis illibatū, & ad mediocritatem certamque proportionem non redactum vim equidem generandi non habere, sed destruendi & corrumpendi potius: quam esse *Aristotelis* mentem verò omnino est consentaneum: At eundem ab arte vel naturâ directum, & ratione certâ dispositum (quo quidem respectu ignis calor amplius non vocatur) vim generandi prorsus nullum habere, non posse ab *Aristotele* affirmari, nisi apertum manifestæ experientie bellum sit indicendum.

Ad.

Ad posterius verò dictum respondemus, negari ab Aristotele calorem in animantibus contentum originem ab igne ducere, non simpliciter & quoad essentiam, sed quoad gradum & virtutem: Est enim calor in animantibus specie licet idem cum elementaligradu tamen remissior elementalī: Vitalem item virtutem ab animā, cuius est instrumentum, fortitur. Nihil igitur jam ampliùs videtur esse reliquum quàm ut concludamus, calorem cœlestem animalem, & elementalem specie non differre: quod demonstrandum erat.

V. Sit secunda quæstio; *An calor magis activus sit quàm frigus?*

Quæstionis hujus partem affirmantem, cum Alberto Magno lib. 4. Meteor. tract. 1. cap. 2. tenemus, ob rationes sequentes.

1. Quia calor rarefacit & trahit ad speciem, frigus ad materiam.
2. Quia calor agit & congregando & segregando, frigus autem congregando tantum.
3. Quia in mistis calor est causa ultimæ generationis, quæ terminat rem ad formam, & ultimæ corruptionis, quæ est putrefactio; Frigus autem solū est causa generationis cuiusdam, ut coagulationis, coactionis & congregationis.
4. Calor agit & in universali generatione & in particulari, frigus autem non nisi in quorundam particularium generatione.
5. Calor agendo omnem facit motum; frigus non movet ad locum nisi per accidens.
6. Multiplicius calor agit quàm frigus.
7. In animantibus calor est causa vigilie & actionis, frigus somni & immobilitatis.
8. Quæcunque occupat frigus, privantur motu, & frigus causa est mortis.
9. Calor magis se extendit agendo ultra suum subiectum quàm frigus.
10. Calor citius frigida calefacit quàm frigus calida frige facit.

VI. Sit tertia quæstio; *An calor omnium qualitatum sit princeps?*

Principem tenere locum inter omnes qualitates calorem, nemo inficias iverit qui præstantissima ipsius effecta inspexerit, minime comparanda cum aliarum qualitatum effectis. Deprehenduntur autem ea cum in naturâ, tum in arte. In naturâ, dum generandarum rerum omnium, solertissimus est artifex, generatarum, præsertim animatarum, benignissimus conservator & motor; aded ut Zeno, teste Cicerone, naturam aliud nihil esse crediderit nisi ignem artificialem. Hinc magnificum illud caloris præconium à Francisco Patricio lib. 6. *maximas qualitates* positum, *Calor corporibus & constitutionem præbet,*

& essentiam conficit, & vires induit, & actiones cum in se agitat, cum extra se ogerit, & vitam propriam exercet. Sine enim calore corpus naturale non fieret, nec fluor fluere, nec in se densaretur, nec corpus ullum aut solidum aut liquidum sine calore aut factum est unquam, aut fieri potuit, aut potest. Videatur Cicero lib. 2. De naturâ Deorum, ubi, haud procul ab initio, de caloris præstantiâ & vi per omnes mundi partes se diffundente eruditè & copiose disserit. In arte verò aded insignia occurrunt præstantiæ ejus testimonia, ut veteribus artium magister fuerit nuncupatus. Quis metallorum jam foret usus, nisi caloris ope domita, polita, & ad varias opportunitates accommodata haberemus? Quàm multa naturæ secreta perpetuâ nocte sepulta jacerent, nisi calore in lucem fuissent protracta? Quæ humani corporis vel sani vel ægroti tractandi ratio superesset, si absque caloris ministeriis esset? Merito igitur calor omnium qualitatum principem appellamus.

VII. Sit quarta quæstio; *An calor intendatur?*

Scaliger, Exercit. 12. Sect. 2. calorem alio alium majorem esse negat, eo quod dicunt modo *Calorem intendi*, Idem igitur intendi calorem negat: rationibus utitur tribus potissimum.

1. Quia intendi proprium est corporum; ut arcus, funis: quod igitur intenditur idem manet, deductis longius extremis: At calor non sic: Non igitur intenditur.
 2. Si eadem caloris pars intenderetur, intenderetur etiam ipsa essentia calidi, quia omne accidens proprium est æquale essentia, ita ut conversione mutuâ fiat utriusque de utroque prædicatio: At consequens absurdum: Ergo & antecedens.
 3. Quod intenditur sine partium aliarum accessione fit majus: Caloris pars sine aliarum accessione non fit major: Non igitur intenditur.
- Querenti igitur, *Quomodo calor calore fiat major*, Responder, appositione mutuâ partis ad partem. Ex his enim ad se positis inycem & coagmentatis fit unum, quod propter subiectam quantitatem majus dicitur, & in se ipso sine quantitate consideratum majus item dicitur propter augmenti proportionem.

VIII. Eadem Scoti sententia est, 1. Sentent. dist. 7. q. 3. Putat enim qualitates incendi additione novæ qualitatis: ut calor intensior fit; quia novus calor producit, & cum calore præcedenti conjungitur, & unitur in eadem subiecti parte. Sententia hujus rationes Scotus tres habet.

1. Ità se habet augmentum intelligibile sicut

sensibile: Sed sensibile fit partium additione: Ergo & intelligibile. Augmentum sensibile vocat extensionem

tionem caloris per diversas subjecti partes, ut cum lignum quod tertia tantum sui parte calidum erat, totum fit calidum: Intelligibile verò, quod fit in eadem parte secundum intensiorem, ut cum una ligni pars se ipsa sit calidior.

2. Motus realis terminum habet realem ad quem distinctum à termino à quo: Ergo calor qui intensiōe acquiritur, non est idem calor qui præcessit, sed pars de novo producta. Idem contingit in remissione.

3. Non fit transitus de contradictorio in contradictorium sine acquisitione seu deperditione alicujus realis: Sed cum calor intenditur vel remittitur, subjectum ex non-intensio fit intensum, & ex non-remisso remissum: Ergo in remissione vel intensiōe nova qualitas acquiritur vel deperditur.

IX. Arridet eadem sententia Francisco Toletio, qui distinguit inter gradum formæ & partem gradualem formæ. Gradum formæ appellat illud minimum formæ, quoad intensiōem, quod potest actu per se manere in aliquo subjecto: Partem gradualem formæ appellat, quicquid formæ actu in subjecto per se esse nequit, ob nimiam remissionem, seu particulam caloris ita remissam, ut in subjecto per se nunquam sit aut esse possit. Hæc igitur præmissa distinctione ita postmodum duabus notis se explicat;

1. Cum intenditur aliqua qualitas vel remittitur non proceditur per gradus, ut in singulis instantibus singuli gradus producantur, sed per partes graduales. Dato enim uno gradu, intensio fit successivè per partes graduales aliorum graduum; similiter in remissione, donec perveniatur ad ultimum gradum.

2. Cum intensio fieri dicitur graduum additione, non intelligendum quod ista additio sit propria, quasi addamus calorem aliquem qui erat alibi actu, ut cum aque aquam addimus: Sed est impropria additio; quia id quod additur, erat ibidem, sed in potentia, educitur tamen in actum.

Prolxiorem quæstionis hujus disceptationem qui desiderat, ipsum Toletum consulat Physic. 4. cap. 9. text. 86. q. 12. Casalpini, Quæst. Peripat. lib. 4. q. 2. contendens omnem virtutis intensiōem remissionemque ex materiæ quantitate oriri, meritò castigatur à Turrello in Cæcis Alpibus.

X. Observentur quoque duo modi quibus aliquid alio calidius dicitur, quos tradit Albertus lib. 12. De animalib. tract. 1. cap. 12. 1. Cum duo proposita unam habent æqualem & æqualiter acutam caliditatis formam, sed unum majus est in quantitate quàm aliud; ut multa aqua calida calidior est paucâ. 2. Illud est calidius, quod, cum

calefit, tardius infigridatur quàm aliud; ut lapis calidus calidior est aquâ calidâ.

XI. Sit quinta quæstio; An calor à calore corrumpatur. Absurdum videtur affirmare calorem à calore corrumpi atque exstingui, quia non similia sed contraria se invicem corrumpunt: fieri tamen hoc quandoque ipsa testatur experientia. Revocanda huc igitur superior actionis in indirectam & directam distinctio. Ex hæc duabus distinctis conclusionibus respondemus:

Prior est; Calor à calore non corrumpitur actione directâ, ob rationem sat efficacem, cujus modò facta mentio.

Posterior; Calor à calore minui & exstingui plane potest actione indirectâ; idque duobus potissimum modis: 1. Apertione pororum factâ per calorem extraneum, quâ fit ut calor internus evocetur, adeoque calore suo ex parte animantia priventur. Ratione hæc utitur Hippocrates, cum ventres hyeme calidiores quàm æstate esse affirmat: Ut enim à frigore hyberno corporum nostrorum pori clauduntur & oppilantur, Unde calor internus arctius continetur uniturque; sic à calore æstivo iidem laxantur, & calori interno ad promtorem è corporibus exitum viam parant. Hic prior est modus. 2. Destructione ipsius subjecti in quo calor ineat. Humido igitur, quod nativi caloris subjectum est, à majori calore absumto, ipsum quoque nativum calorem evanescere necesse est: Accidentia enim sine subjectis esse nequeunt.

XII. Sit sexta quæstio; An, & quomodo calor producat à motu.

Produci à motu calorem tum in animatis tum in inanimatis, docet experientia. Experimur enim corpora nostra agitata plus solito incallescere, & ita nonnunquam inflammari, ut ipsa periclitentur vita. Sentimus etiam in terebelli agitari ferro tantum calorem quantum ferè in re ullâ calidâ. Quæstio igitur potissimum est de modo quo à motu calor producat.

In animantibus quidem expedita hujus rei ratio est. Cum enim nativi caloris in corporibus animatis subjecta sint spiritus & humores, hi verò immo dicâ corporis agitatione per universum corpus distribuantur, & ab internis partibus ad externas evocentur, è tanto rerum calidarum affluxu non possunt non incallescere & inflammari partes istæ. Verum in inanimatis longè obscurior est ratio: unde in sententias adeo contrarias incertum Philosophorum vulgus scinditur.

Sunt qui dicant, motum per se & naturâ suâ effectum hunc producere, adeoque causam aliam proximam & potioram quærendam non esse.

Alii motui hoc tribuunt quâ localis est : Ab hoc enim , cum omnium sit primus , primam omnium qualitatum elementalium produci consentaneum esse judicant.

Alii per motum putant in extremitates elici e corporibus partes ignis latitantis.

Alii, aerē per corporum potos subeunte, igneas illorum partes ventilari tradunt.

Alii denique fieri hoc contendunt per aeris attenuationem seu attritionem. Quam quidem sententiam melior Philosophorum pars amplectitur : Imprimis autem, præter veteres Peripateticos, e recentibus *Scaliger*, Exercit. 9. Sect. 1. & 16. Sect. 1. *Zarabellæ*, lib. De calore coelesti, cap. 3. *Vallesius*, lib. 4. Controvers. cap. 3. summâ, ad unum ferè omnes moderni.

XIII. Omnes verò sententiæ hæc, si non tam auctoritatibus quàm rationibus sit res disceptanda, à vero videntur aberrare. *Prima & Secunda* ; Quia non omnis motus in genere, nec solus localis in specie calorem producit : quod tamen fieri omnino debebat, si motui per se, vel in genere, vel in specie locali competeret : ex regula Logicorum, *Quod generi competit, id omni speciei competit*.

Tertia ; Quia è falsâ hypothesi procedit ; actu nimirum ignem in corporibus solidis latere. Et, si vel maxime ipsam corporum mistorum constitutionem ingredi ignem quispiam concesserit ; tam levem tamen elementorum esse permissionem, ut solo locali motu, hoc huc, illud illuc recedat, minime dederit.

Quarta ; Quia eadem quâ tertia nititur hypothesi, quæ ut maxime detur, probabile tamen non fiet, tanto impetu exteriorem aerem angustos solidorum corporum meatus subire ut ventilare partes igneas valeat, cum effugere per latera undique liceat.

Quinta verò quantumvis receptissima, ob duas potissimum rationes, quas exemplis, quæ usurpari vulgò solent ad sententiam hanc approbandam, accommodabimus, nobis approbari nequit.

I. Quod absque gravi resistentiâ cedit volanti sagittæ, & non nisi semel tantum eadem sui parte verberatur, id atteri à sagittâ, ita ut igneum calorem concipiat quo plumbum liqueat, non potest : At aer volanti sagittæ absque gravi resistentiâ cedit, & non nisi semel eadem sui parte ab eâ verberatur : Ergò. Propositio probatur ; Quia ad passivam attritionem ad minimum requiritur vel subjecti constantia & vehementior partis verberatio. Quod enim non nisi unicum eadem sui parte ictum, eumque sine graviora resistentiâ, excipit id ut ex ictu calo-

rem igneum concipiat, fieri non potest. Sensus ipse assertioni huic adstipulatur : tantum enim abest ut in medio tranquillo, per quod sagittarum vel multa millia sunt trajecta, igneus calor deprehendatur, ut nè tepor quidem sentiatur. Hæc prior ratio.

2. Posterior hæc est ; Si motus calorem non efficit nisi per aeris attritionem, sequitur corpora duo solida, qualia ferrum & lapis, lignum & ferrum, è mutuo affricu incalescentia per superficies suas immediate se nunquam posse contingere : At falsum hoc : Ergò & illud. Propositionis consequentiam probo ; Quia superficies istæ in ipso motu incalescentes, aut ab aere intercepto, aut à se ipsis calorem concipiunt : At non à se ipsis, quandoquidem, ut sententiæ hujus patroni volunt, calor communicatur superficibus ab aere attrito : Ergò ab intercepto inter duas superficies aere. Medius igitur aer semper erit inter duas superficies, adeò ut immediate se contingere non possint. Assumptionis falsitas cuius constat. Quod si corpora solida immediate se nequeunt contingere, quantitatum utique contiguitas nulla erit, imò omnis tollitur accretio, utpote quæ non fit nisi corporibus primum immediate se contingentibus.

XIV. Rejeçta igitur & hæc sententiâ, credimus motum calefacere attritione, non aeris, sed solidi alicujus corporis affricu vel allisi, aut ad solidum aliud, aut ad liquidum corpus, quale est aer : illo modo duo solida corpora & cedere invicem nescia incalescunt, non tertii alicujus, putâ aeris, sed mutua superficierum solidarum attritione : isto sagittæ per aerem trajecta, quam atteri ab aere, non atterere aerem verisimile judicamus. Id enim quod plagam eadem sui parte crebram excipit cum resistentiâ graviore, atteri potius existimandum est, quàm quod plagæ cedit, & eadem sui parte non nisi semel attingitur : Ut igitur malleus ad distinctas incudis partes allisus partium suarum attritu incalescit, inducit nil caloris concipiente ; ita & sagittæ easdem partes toties à distinctis aeris partibus ictas incalescere, & planè tandem liquefcere, aere minime inflammato, existimamus. Nec verò mirum accidere cupiam debet, quòd vim atterendi plumbum sagittæ adherens aeri attribuamus, cum experienciâ constet eos qui ab altissimis turribus decidunt, in plures particulas ab aere secari priusquam terram attingant.

XV. Sit septima quæstio ; *An calor sit in omnibus tam animatis quàm inanimatis ?*

Calorem inesse omnibus animatis, sive plantis, sive animalibus, extra omne est dubium : Cum enim absque caloris ministerio vitalis operatio, qualis attractio alimenti, retentio, concoctio, nutritio, augmentatio,

augmentatio, generatio, nulla possit perfici & verò in omnibus animatis operationes hæc deprehendantur, utique calorem inesse omnibus nemo negaverit, qui effecto posito causam poni concesserit.

De inanimatis quæstio est intricatior. Sunt ea cœlestia, vel elementaria. Cœlestia sunt cœlum vel stellæ: has per se calidas esse suo loco monstrabimus: illud totum caloris nunquam expers esse ratio docet & experientia. Elementaria sunt simplicia vel mista. In simplicibus aquam & terram numeramus, quæ tametsi naturâ suâ caloris nihil habent, calore tamen siderum aliorumque corporum penitus nunquam tota sunt destituta. Hinc aquæ plurimæ calidiores deprehenduntur hyeme quam æstate, nonnullæ & perpetuò fervent; unde thermæ appellantur. Ipsa quoque terra, tanquam fecundissima mater, caloris in se plurimum continet, non æstate tantum, sed & hyeme, quod ii experiuntur qui terræ viscera scrutantur: Et verò colligere cuius primum exinde quoddam sinu suo plantarum plurimas non hyeme minùs quam æstate fovere & nutrire soleat; Quod, si frigore penitus rigeret, nunquam præstaret. Mista corpora citra calorem nec generari nec consistere posse, uno fere ore omnes affirmant. Est enim is generationis omnis artifex, quo absque si foret, misceri invicem & mutari elementa non possent; nec verò mistorum partes inter se firmiter cohererent. Interim tamen observandum, mistorum quæ

talia sunt, calorem plerumque esse potentialem, quod ex aromatibus plerisque manifestum est. Hæc enim temperamento quamvis sint calidissima, manibus tamen tractata caloris nihil emittunt, unde manuum tactu distingui à seminibus frigidissimis haud possunt. Hic calor potentialis Cardano appellatur *vestigium caloris, non calor. Actu calida*, inquit Scaliger, Exerc. 184. §. 6. duo tantum; ignis cum suis ignibus, & viventia: Cæterorum corporum nullum: sed actu omnia frigida.

XVI. Sit octava quæstio; Cur qui in calido humore paululum morantur, tumcant; qui diutius, collabuntur, rugasque ducant?

Videmus hoc usu venire iis qui balneas ingrediuntur. Primum enim extremi potissimum digiti intumescunt: deinde, exigua intercedente morâ, cutis collabitur & fit rugosa. Eventus huius rationem reddit Arist. Probl. §. 24. Calor, inquit, ut ex concretis humorem elicit, ita & ex humore spiritum creat, & omnia densa laxat. Primum igitur extremi digiti intumescere incipiunt, quia humor digitorum crassior à calore attenuatur, attenuatus spatium querit majus, & cutem distendendo tumorem causatur: tandem verò humor in spiritus resolutus è laxatis per calorem poris egreditur, & cutem relinquit inanem & vacuam, quæ collapsa asperior fit, & rugis deformior. Egregia multa de calore habet Scaliger Exerc. cit. 23.

CAPUT XI.

De frigore.

Frigus quid? Th. I. Actio frigoris prima. Th. III. Animadvertitur in vulgatam frigoris definitionem. Enb. Homogeneorum & heterogeneorum congregatio: Th. V. exemplo declaratur. Enb. I. Exempla duo contraria: 2. Respondetur ad primum. 3. respond. ad secundum: 4. Secundariæ frigoris actiones. Th. VI. Ratio actionum variarum: Enb. I. Sitne frigus qualitas positiva, an privativa? Rationes pro privativo à 2. Impugnatur hæc sententia: 3. Rationes contrariæ solvuntur: 4. Oscienditur contra Zabarell: nullum calidum posse frigidum fieri per solam privationem causarum calorem gignentium: 5. Unde frigus à quo calor ex aere ejicitur? 6. Quid significet vox ἀναισθησις? 7. Definitio realis ἀναισθησις: 8. Exemplis probatur dari ἀναισθησις: 9. Prior modus ἀναισθησις: 10. Posterior modus refutatur: 11. An etiam à motu sit frigus? 12. Cur aer compresso ore efflatus frige faciat, diducto autem calefaciat? 13. Quæ in frigoris historia sunt digna observatu? 14. Symptomata eorum qui frigore pereunt: ibid.

THESIS I.

Frigus est qualitas prius activa, per quam corpus est frigidum, aliâque frige facit, congregans homogenea cum heterogeneis.

THESIS II.

Actio ergo frigoris est duplex; prima, & à primâ orta.

THESIS III.

Prima est Frige factio.

EXORDIUM.

Cur in frigoris definitione frige factiois tanquam primariæ ejus actionis mentionem fecerimus, ratio planè est eadem quæ & suprà nobis suavit ut in caloris definitione calefactionis mentionem faceremus. Cum enim frigus hic secundum propriam naturam primariò & principaliter considere-

consideretur; utique ex actione eâ quæ prima est ipsi & immediata, rectè definitur. Quod qui non attendunt, & ex homogeneorum & heterogeneorum congregatione frigoris solummodo definiunt, hallucinantur, & primario neglecto, secundario unice immorantur; uti suprà pluribus est disputatum.

THESIS IV.

A primâ orta est primaria, vel secundaria.

THESIS V.

Primaria est homogeneorum & heterogeneorum congregatio.

Expositio.

I. *Homogenea & heterogenea* quid sint, suprà explicatum est. Congregari autem homogenea & heterogenea à frigore experientia constat. Videre enim est hyberno tempore in unam congelari massam, aquam, ligna, lapides, arenam, &c. In fodinis quoque metallaribus in unâ seponuntur massæ tres vel quatuor metallorum species, quæ igni postmodum seceruntur, complicatae reperiuntur.

II. Duobus verò potissimum exemplis impugnari solet assertio de congregatione homogeneorum & heterogeneorum factâ per frigus. Prius est lacrymarum emissio quæ hyberno tempore in arboribus aliisque plantis deprehenditur, & à frigore efficitur. Colligi igitur hinc videtur posse, non tantum homogenea & heterogenea à frigore congregari, sed & ab heterogeneis homogenea segregari; quod suprà calori adscribatur. Posterius suppeditat sanguis extra venas constitutus, & calore suo nativo privatus. Videre enim est sanguinis istius frigidi jam partes terrestres imum, aquæ summum, puriores & à fæce purgatiores medium occupare locum: quare & hic frigoris beneficio partes homogeneæ ab heterogeneis segregantur, quæ per calorem antea erant congregatae.

III. Ad prius exemplum cum *Zarabellâ* lib. 1. De qual. elementor. cap. 4. respondemus, Emitti lacrymas ex arboribus à frigore per accidens: Nil obstat igitur quò minus propria sit frigoris actio, homogeneorum & heterogeneorum congregatio, etiam si ex accidenti quoque interdum ea segregat. Ubi & canonem hunc memorabilem adfert, *Definiendas esse res per illa quæ eis per se competunt, non per ea quæ per accidens*. Exprimuntur autem arboribus lacrymæ, cum partes ipsarum frigore constriunguntur, & humor tenuis, qui substantiam undique pervasit, per vim eliditur prius quàm congelatur; veluti pomò quandoque vi subitâ compresso, nucleus interior eliditur.

IV. Ad alterum exemplum respondemus, *Facere* id pro nobis, non contra nos, quando segregatio partium diversarum quæ sunt in sanguine, non fit à frigore, sed calore in sanguine effuso adhuc reliquo. Nec enim omni protinus calore destituitur sanguis extra vasa constitutus: condensaretur altàs ità ut citra separationem mista omnia & conjuncta manerent. Sed quæret hic aliquis haud immeritò, *Cur calor superflûs in sanguine effuso partes ejus heterogeneas segreget, cum tamen animalis calor longè dubio procul intensior, sanguine adhuc intra vasa sua naturalia contento, id non faciat*: nec enim ità in corpore diversa sanguinis partes discernuntur ut extra illud. Respondemus, Competere quædam calori secundum propriam naturam agentis, quædam ut agenti instrumentario gubernato ab agente superiori & primario. Priori modo si calor agat, ab heterogeneis homogenea semper segregat: si posteriori, ex intentione nimirum animæ, cui famulatur, id semper non præstat, cum ex animæ instituto non sit. Multorum igitur operum calor hæc ratione est autor, quæ, si secundum propriam naturam ageret, nec ab animâ regeretur, nunquam efficeret. Quare ne ex hisce quidem actionibus instrumentalibus definitur, sed ex propriis.

THESIS VI.

Secundaria multiplex est: Species ejus insigniores sunt; Condensatio, Induratio, Aggravatio, Stupefactio & *anxia*, Exsiccatio, Pororum occlusio, Cruditas generatio.

Expositio.

I. *Condensat* frigus, humidas partes tenuiores colligendo & constringendo: *Indurat*, liquidas & molliores partes condensando, & fluxum earum sistendo: *Aggravat*, humores incrassando, poros occludendo, calorem corrumpendo, omnemque rarefactionem & attenuationem impediendo: *Stupefacit* & ad motum ineptum reddit animalia, calorem, qui motus instrumentum est, interimendo, mollesque ac flexiles corporum partes constringendo: *Exsiccât*, humorem exprimendo vel condensando: *Poros occludit*, vaporem calidum ex imis corporibus expirantem condensando & constringendo: *Cruditates generat*, concoctionem impediendo, & asiccentes ad caput vapores in pituitam, quæ instat pluvie per nares destillat, condensando. *Zanardus* hæc frigoris actiones recenset: Frigiditas est, 1. à circumferentiâ ad centrum motiva; 2. accidentaliter calefactiva; 3. condensativa; 4. per accidens dissolutiva & partium disjunctiva; 5. naturaliter ingrossativa; 6. partium ignis in

in aerem condensativa; 7. accidentaliter subtiliativa; 8. accidentaliter alleviativa; 9. si temperata sit, vitæ rei conservativa; 10. accidentaliter corruptiva & destructiva; 11. naturaliter discolorativa; 12. accidentaliter colorativa; 13. Si intensa sit, mortificativa; 14. accidentaliter vivificativa; 15. albificativa; 16. objecti sui & virtutis manifestativa.

II. Coronidis vice nonnullas de frigore quaestiuuculas proponemus & discutimus.

Sit igitur prima quaestio; *Sine frigus qualitas privativa, an positiva?*

Privationem esse non tantum *Aristoteles* affirmat, lib. 1. De generat. & corrupt. c. 3. t. 18. & lib. 2. De cælo, c. 3. t. 18. & 12. Metaphys. c. 4. t. 22. & lib. 2. De oreu animal. c. 4. denique 1. Metaphys. cap. 4. sed & ratione videtur suaderi posse. Nam si corpora à solo caloris vel rerum calefacientium discessu refrigerantur, frigus utique aliud nihil erit nisi caloris privatio: At verum prius: Ergo & posterius. Assumptio probatur experientia. Ut enim obscurus sit aer solo luminis discessu, ita & hyeme idem sit frigidus solo solis calore adempto. Accedit quod *Zabarella*, lib. 1. De aeris regionib. cap. 6. assertionem hanc & *Aristoteli* & rationi cōsentaneam ponit, *Frigus non habere causam equivocam positivam, sed privativam tantum. Nam ex privatione, inquit, causarum gignentium calorem producit frigus.* Ratio ejus hæc est; Si calor & frigus sunt primæ qualitates, non possunt in hoc inferiori mundo habere aliam qualitatem priorem à qua producantur, sed producantur & conservantur à cælo: At cælum suâ actione non generat nisi calorem: Quare à privatione actionis cœlestis oritur necessarium frigus.

Sententiam hanc de causis caloris privativis, ante *Zabarellam*, professus est *Augustinus Niphus* lib. 1. Physic. Comment. *Averroës* 54. & lib. 4. Comment. 48. ubi frigiditatem duplicem facit, cœlestem & elementarem: Cœlestem aut proficisci à privatione causarum calefacientium cœlestium, quæ sunt elongatio à cæli motu & lumine.

III. Falsam hanc esse sententiam è sequentibus rationibus palam est.

1. Nulla privatio effectum habet positivum: Frigus effectus habet positivos: Ergo non est privatio. Propositio probatur; Quia non-ens causa entis esse nequit. Assumptio constat ex iis quæ modò de frigoris actionibus diximus.

2. Nulla privatio cadit sub sensum tanquam proprium sensile: Frigus cadit sub sensum tanquam proprium sensile: Ergo non est privatio. Propositio constat; Quia inter sensum & sensile oportet esse proportionem: At entis ad non-ens nulla est

proportio. Assumptio patet; Est enim frigus qualitas tactilis.

3. Quod simile sibi producit, id non est privatio: Frigus simile sibi producit: Ergo, Propositio probatur; Quia privationis ut nulla est per se actio, ita nec similis generatio. Assumptio constat experientia: Quis enim neget à frigore quod est in aere alterari & refrigerari nostra corpora?

4. Privatio definiri non potest nisi mentione facta habitus: Frigus sine caloris mentione definitur: Privatio igitur caloris non est.

5. Si frigus caloris est privatio, etiam gravitas levitatis, durities mollitiei, crassities tenuitatis, &c. erit privatio: At falsum hoc: Ergo & illud. Propositionis consequentia patet; Quia eadem gravitatis ad levitatem, duritiei ad mollitiem, crassitiei ad tenuitatem est ratio quæ frigoris ad calorem. Assumptio probatur; Quia maxima qualitatum pars è medio tolleretur.

IV. Ad sententiæ igitur contrariæ argumenta respondemus, & primum quidem ad testimonia ex *Aristotele* adducta: Vocabulum *privationis* in latiori significatione ab *Aristotele* capi, pro quovis contrario ab alterius perfectione deficienti, seu minus præstanti. Sic 1. De generat. t. 18. & 2. De Cælo, t. 18. quietem vocat privationem motus, gravitatem privationem levitatis; & 2. De generat. t. 32. & 4. Metaphys. 27. alterum contrariorum privationem esse ait. Cum igitur inter contraria positiva alterum altero possit esse præstantius, palam est etiam positiva hac ratione vocari posse privationes: *Scalig.* Exerc. 18. ab *Aristotele* & *Averroë* frigus privationem appellari scribit, non absolute, sed respectivè ad caloris nebulitatem. Potest etiam alterum contrariorum dici privatio, non quòd formaliter sit privatio, sed quòd contrarium à subiecto excludat. Vide *Fonscæm* in 4. Metaphys. cap. 6.

Rationis, quæ adfertur, propositionem negamus. Probatio ejus nihil probat: Et si enim frigus & tenebræ hoc inter se habent commune, ut oppositis suis, calore & luce, è subiecto sublatis, ipsa continuo succedant; hoc tamen, idque propter jam allatas rationes, differre affirmamus, quòd illud ens sit positivum, hæc privativum. Omnium contrariorum hæc est natura, ut sublato uno ponatur alterum: non tamen contraria propterea privativa sunt. Nec contrarium suadet hæc ratio: Quòd si enim ad frigoris in aere productionem requiri nihil nisi caloris absentiam dixerit, contrarium nos affirmabimus, & probationem petemus. Mira meritò nobis accidit *Zabarellæ* sententia, aientis, *Positivam qualitatem esse frigus, & tamen causam equivocam positivam nullam, privativam tantum habere.* Producimur igitur.

tur contra *Zabarcllam* ex ipso *Zabarella* rationem, quam ponit lib. De regionib. aeris, cap. 5. quâque vulgatum vocat argumentum, & à magnâ Philosophorum parte receptum; *Non potest à causâ privativâ prodire effectus positivus, sine ullâ causâ positivâ*: Frigus ergo, cum sit qualitas positiva, non potest provenire à solâ privatione causarum caloris. Rationem hanc nuspiam solvit *Zabarella*. Nam quod inquit, Calorem & frigus, cum sint primæ qualitates, in inferiori hoc mundo qualitatem aliam habere non posse à quâ producuntur, concedimus equidem, si de primâ frigoris & caloris productione loquatur. Quod verò adjicit, A cœlo igitur produci eas & conservari, & calorem quidem per illuminationem & motum, frigus autem per causarum harum privationem seu absentiam, id planè non damus, & probationem potiorē desideramus. Falsum enim, quod supponit *Zabarella* fundamenti loco, *qualitates primas primitus à cœlo ducere originem*. Etiam si enim calefieri nos à cœlo, sole nimirum & stellis reliquis, negari non potest, primam tamen primi caloris originem ad cœlum referendam esse, nullâ exinde necessitate concluditur, & omnium minimè de frigore id asserendum, etiam si aliud *Scaligero* videtur, Exercit. 18. & 27. nec non *Augustino Nipho* in 1. Phys. ubi duplicem frigiditatem facit, cœlestem & elementarem, & cœlestem esse ait à privatione causarum calefacientium; ut antè quoque meminimus. Nos igitur de qualitatibus primarum primâ origine, si roget *Zabarella*, respondebimus; Creatorem ab initio mundum hunc sublunarem qualitatibus suis efficacibus instruxisse, etiam ante siderum creationem, hâc tamen lege, ut ordine naturæ constituto à cœlo jam conservarentur. Et quidem fuisse jam calorem antequam stellæ essent productæ, (cœli enim seu expansæ ea non est natura ut per se calefaciat) exinde palàm est, quod tertio creationis die, quo nulla adhuc erat stella, herbis, plantis & arboribus vestita fuerit tellus: Et plantas igitur, & ipsam terram calore fuisse instructam verò omnino est consentaneum; quando nec viventia sine calore ulla, nec terra alimentis præbendis sine calore est apta.

V. Sed & demonstrare libet contra *Zabarcllam*, corpus naturale, quodcumque illud sit, calidum, sive naturâ, sive ex accidenti, nullum fieri posse frigidum à solâ privatione causarum calorem gignentium. Ponamus igitur calidum aerem hyberno tempore refrigerari: dico fieri hoc non posse solo solis à vertice discessu; quam causam frigoris privativam *Zabarella* appellat: idque sic demonstro. Refrigerari nequit aer calidus, nisi expulso calore & intro-

ducto frigore. Cum igitur ex aere se ipsum calor non ejiciat, aliud quiddam dabitur quod actione contrariâ in eum agat, & è subjecto exturbet. Privativum quiddam esse nequit, quia privationis per se nulla est actio: Erit igitur positivum. Et aliud quidem excogitari nihil poterit nisi ipsum frigus, quod ab adventante calore primum quidem fugatum, & vires suas exercere prohibitam, deinde verò discedentibus caloris causis, procreantibus nimirum & conservantibus, vires suas demum exferit, & calorem superiorum causarum ope destitutum hostiliter invadit, tandemque planè opprimit. Frigus igitur secundum causam æquivocam nec positivam nec privativam ullam habet, sed univocam tantum, h. e. semetipsum: A frigore enim solo frigus propagatur & multiplicatur.

VI. Sed quærat hîc aliquis, *Undenam sit frigus illud à quo calor ex aere ejicitur, aliudve frigus producitur*. Resp. Singulari Creatoris providentiâ puto factum esse, ut intima terræ viscera calore ita nunquam occupentur ut frigus omne è naturâ finibus planè exterminetur. Huic igitur perpetua cum calore intercedit pugna, suntque alternæ cladis & victoriæ vices. Ætate quidem à caloris vehementia ita premitur ut intra terræ viscera arctetur, sole tum temporis verticem obtinente, & copiosissimas calori vires subministrante: Sole verò à vertice jam declinante, & caloris fontem secum abducente, instaurat & colligit frigus vires suas, calorémque subsidio destitutum adoritur, & ita prostermit, ut vi resistentis contrarii tandem planè fractâ, quaquaversum liberrimè se propaget & multiplicet. Ità igitur à frigore calor ex aere expellitur, & frigus in possessionem inducitur. Hæc nostra de frigore ejusque propagatione sententia. Qui vulgò aiunt potentiâ cœlo omnes inesse qualitates, & posse in inferioribus hisce actu produci, facilius quidem se expediunt quàm *Zabarella*: sed pro concessio sumunt quod nunquam concesserimus. De quæstione, à quo aqua calida frigescat, si aeri exponatur, in sectione de Elementis disputabimus.

VII. Sit secunda quæstio, *De Anteperistasi, quæ frigori adscribitur, quid sit sentiendum?*

Tria hîc paucis expedienda: 1. De nominis ratione, & quid per *ἀντιπείρασις* vulgò intelligatur? 2. An detur? 3. Quis modus ejus, seu forma?

Primum quod attinet, si vocis originem spectes, *ἀντιπείρασις* est ab *ἀντιπείρασις*, quod est *νῆξις* quæque obidere & circumstare, adeoque coarctare, comprimere & exitum prohibere. Hinc *ἀντιπείρασις* est circumobstantia, cobibitio & compressio undique circumfusa, quâ exitus prohibetur. Significatio ejus est Physica, & de qualitatibus contrariis usurpatur,

usurpatur, calore potissimum & frigore, cum una alteram ita circumstat & cohibet ut exire eam è corpore suo non patiat. Hanc prohibitionem sequitur qualitatibus compressæ & coarctatæ intensio. Itaque igitur fit ut calor à frigore possit intendi, & frigus à calore.

VIII. Ex his reale *ἀνθεσίσις* definitionem conficere facile est: Ipsam igitur nominis originem, & Zabarellam, lib. De aeris regionibus. cap. 4. secuti, *ἀνθεσίσις* definimus, Contrarii à contrario obsessionem, quæ id quod obsidetur ob virium unionem & collectionem intensus & validius redditur. Sic ex. gr. res frigida cum calidam undiqueque ambit & obsidet, calorem ejus per extimas partes diffusum ad interiores, velut in centrum, fugat & compellit, unde caloris vis antea dispersa & diffusa colligitur & unitur, ac proinde validior redditur, juxta vulgare axioma, *Virtus unita fortior quam dispersa*: quod cum in naturalibus tum in artificialibus verum esse deprehenditur. Eodem modo à calore frigus intendi potest. Hactenus definitio *ἀνθεσίσις*.

IX. Sequitur jam ut exemplis comprobemus, dari eam in rerum naturâ, vel (quod idem) contrarium à contrario eo quo diximus modo intendi posse.

1. Ventres aëmantium vere & hyeme sunt calidissimi, teste Hippocrate, lib. 1. Aphor. 15. aphorismo. Ratio paradoxus hujus alia nulla potest reddi, nisi quod calor à frigore forinsecus obsistente ad interiora corporis compellatur, & dispersus uniatur, exitu etiam ob pororum obstructionem prohibeatur, quæ ipsissima *ἀνθεσίσις* natura est.

2. Fornices subterranei, ut cellæ, in hyeme sunt tepidi, æstate verò frigidissimi. Ratio nulla alia potest haberi nisi ex *ἀνθεσίσις*. Hyerno enim tempore in cellis arctatur calor, qui per externum frigus & pororum terræ obstructionem exitu prohibetur: æstivo frigus per calorem externum similiter arctatur & colligitur, adeoque intensus redditur.

3. Aquæ puteales nonnullæ hyeme sunt tepidæ, æstate verò frigidissimæ. Quæ causa, nisi quod in æstate internum terræ frigus ab externo calore ad intimum quasi centrum compellatur, & sic intendatur ut ipsam quoque aquam frigidissimam reddat? Sic vicissim in hyeme interior terræ calor ab externo frigore comprimitur & augetur. Erst verò Galenus, 3. De simplic. medicament: facult. cap. 7. ait frigidæ nobis in æstate videri aquas, eò quod manibus calidis atrectentur, & calidas in hyeme, quod frigidis; tactus tamen nostri testimonium longè evidentius est quàm ut hoc opinionis errore nos detineri patiar; qui enim ex

frigido aere cellam subterraneam hyerno tempore ingrediuntur, non videntur sibi tantum calorem sentire, sed rigida & frigida membra emolli & calefieri re ipsa experiuntur. Hinc & liquida in cellis profundioribus nè in inclementissimo quidem frigore congelantur: quod sanè non imaginarii sed caloris realis indicium est. Idem de aqua res ipsa docet: Qui enim æstivo tempore calidam manum in aquam fluvialem & putealem immittit, magis sanè alterari manum sentit à puteali quàm à fluviali.

4. Grando tempore calidiori facillimè generatur: Quæ causa, nisi quod guttæ frigidæ in calidam regionem descendentes, ob calorem circumstantem, interno ipsarum frigore collecto & unito, frigidiores redduntur, & sic congelantur?

5. Ignis modicæ aquæ aspersione vehementius accenditur; nullam aliam ob causam, nisi quod adventu aquæ contrariæ ignis calor in se ipsum fugit, magisque unitur, unde unitis viribus fortius agit.

6. Nix & glacies in stramine facillè conservantur: causa est, quia modicus straminis calor nivis & glaciei frigus unit & adauget. Hæc ex innumeris exemplis pauca sufficiant. Hactenus experimenta.

X. Tertium jam restat, ut formam & modum *ἀνθεσίσις*, uberiùs declaremus. Hic enim potissima hæret difficultas. Duo potissimum modi à Philosophis traduntur, quibus per *ἀνθεσίσις* contrarium à contrario intendi docent: unus est fuga contrarii; alter est immediata formæ ad resistendum contrario multiplicatio. Priorem nos modum agnoscimus: De posteriori quid judicemus, sub finem digressuiculæ hujus indicabimus. Contrarium igitur à contrario forinsecus obsessum intendi dicimus quia obsistentis contrarii vim fugit: Dedit enim hoc rebus naturalibus natura, ut ad conservationem sui naturali quodam impetu contrarium fugiant, & ab interitu se præservent. Evidens hujus naturalis fugæ exemplum habemus in aquâ, quæ si guttatim effundatur in corpus aliquod siccum, ita contrariam sibi siccitatem fugit undique, ut in seipsam quàm citissime redeat, & in orbem volvatur, quod minimè tantum sui particulâ siccum corpus contingat, & ab interitu se vindict: Sin verò in humidum aliud corpus effundatur, non fugit, nec in orbem se convolvit, sed liberè se expandit & distendit: Periculum enim interitus non est, cum simile à simili non destruat. Hæc autem contrarii à contrario fuga quatuor potissimum ob causas contrarii vires adauget & intendit.

M

1. Quia

1. *Quia constantia est cum motu*: motum verò vim habere calefaciendi in naturâ notissimum. Hinc *Augustinus* Niphis omnium meteororum igneorum generationem adscribit motui, quod ab hoc proximè oriatur calor, qui exhalationem deinde accendat. Observandum autem in hac contrariorum fugâ seu motu, non ipsas contrarias qualitates primariò fugere & moveri; accidentia enim per se localiter non moventur, sed subjecta in quibus sunt contrariæ qualitates: Hæc enim beneficio contrariorum qualitarum sese movent & fugiunt. Etsi verò tam calida quam frigida se mutuo pellunt, calida tamen sola per motum intensiora redduntur: frigus enim à motu per se nec oritur nec augetur. Prima igitur hæc causa solum calorem respicit.

2. *Quia fugam hanc consequitur virium dispersarum unio*: Qualitas enim contraria per subjecti sui circumferentiam diffusa ac dispersa, cum à circumstante qualitate contrariâ oblieditur ac premittitur, à circumferentiâ subjecti ad centrum confugit, quod à contrario oblieditur quam longissimè distat. Sic igitur contingit ut omnes tandem calidæ partes in centro uniantur, & sic majorem agendi vim fortiantur. *Virtus enim unita fortior est quàm dispersa.*

3. *Quia ob unionem hanc partes calidæ multiplicantur*. Cum calidis enim subjecti partibus nonnunquam frigidiores quædam seu minus calidæ sunt conjunctæ, quæ à calidis diffusis adhuc, ob virium imbecillitatem, alterari & calidiores reddi non poterant. Cum igitur & hæ ipsæ frigidiores diffusis calidis permixtæ unâ ad centrum compellantur, tandem à calidis unitis & efficacioribus, expulso omni frigoris gradu, subiguntur & æquè ac aliæ calidæ redduntur. Sic igitur calidæ partes multiplicantur. Eadem frigoris est ratio: nam & hoc diffusum quandoque calor nonnihil habet admixtum, quod tandem unâ cum frigore ad centrum compulsus à fortiori frigore expugnatur.

4. *Quia in motu hoc seu fugâ ad centrum contrariæ quandoque partes à contrariis secernuntur*. Calidis, ex. gr. à frigore ad centrum pulsæ mixtæ sæpenumero sunt frigidæ partes; hæ in fugâ calidarum & motu ad centrum quandoque expelluntur, unde necessariò calidæ intenduntur, pulsæ nimirum frigidis, à quibus retundebantur. Idem & frigidis à calore fugatis usu venit. Has quatuor ob causas à contrariis: unâ fugâ vires contrariorum augentur & intenduntur. Hic prior *Augustinus* dicitur modus.

XI. Alterum modum vocant immediatam formæ ad resistendum contrario multiplicationem. Hanc

primùm explicabimus, deinde refutabimus. Formæ multiplicationem nihil aliud esse aiunt quàm formalem intensionem qualitatis in eodem subjecto, eademque subjecti parte, factam vi ejusdem, positi *Augustinus*. Alii plenius modum & causam multiplicationis hujus immediatæ explicant: Nimirum ex qualitatibus activis calore & frigore, aiunt species quasdam produci, quibus ut instrumentis operantur, itæque species has rectas cum in externam materiam tendunt, reflecti verò nonnunquam in propriam, cum contrario obviat; reflexas eandem qualitatem à quâ productæ sunt augere. Verùm sententia hæc multis urgetur difficultatibus.

1. Supponit species quasdam incorporeas è qualitatibus exire, easque qualitarum esse instrumenta: quod probari ratione nullâ potest.

2. Supponit species illas ex objecto contrario reflecti, quod & ipsum contra accidentium est naturam. Exemplum quod afferri solet, de reflexis radiis, æquè est dubium & suspectum.

3. Supponit idem à se ipso posse intendi; quod si detur, sequetur omnem qualitatem, cum primùm ad medium gradum pervenerit, sponte suâ crescere usque ad summam intensionem.

4. Species rectæ aut vim habent agendi, aut nullam habent. Si vim habent agendi, sequetur omnem qualitatem in quâ species, hæ tanquam in radice sunt, scilicet ad summum usque gradum intendere: quod expectantiæ adversatur. Si nulla ipsis inest agendi vis, contrarium à contrario pati non poterit: cum non nisi species rectâ in contrarium immittatur, & sic contrarium omne à suo contrario in materiam suam propriam reflectatur.

5. Statuit contraria posse se contingere absque actione & passione contrariâ: nam species caloris absque dubio contrariæ sunt frigori: si ergo à frigore reflectuntur in materiam propriam, utique à frigore non destruuntur. Ob has & alias causas immediatam hanc formæ multiplicationem rejicimus. Videatur hanc in rem *Vallesius*, lib. 1. *Contraversæ*, cap. 5.

XII. Sit tertia quæstio; *An etiam à motu frigus?* A motu quoque frigus excitari, etiam si vulgò caloris causa motus statuitur, exemplis videtur probari posse. Aer calidus & fervidus ventilando redditur frigidior in æstate: Sic & manus calidas frige fieri sentimus, si aer angusto & compresso ore efflatur. Tangit hanc difficultatem *Scaliger*, Exercit. 27. Sect. 2. & querenti, *calefacitne an frige fiat aer motu*, respondet tandem, *Utrumque*. Rationem reddit, Quia aer calidus motu disturbatur & rarefit; ab eo igitur multæ calidæque partes averruntur: unde frige fit: Quia etiam partes aliæ partibus illis diffi-

ris circumstantes condensatur, ideo concalescunt, multis aeris partibus in unum coactis. Nobis certe motus frigefaciendi vim per se non videtur habere. Fac enim dispelli per motum partes calidas & ex turbati ex aere, indeque aerem sentiri frigidiorum. At hoc non est frigus per se producere, sed viam saltem sternere frigori ex aliquâ positivâ causâ succedenti, quam esse motum nemo facile dixerit. Itaque videtur nobis frigus illud, non absolutum quidem, sed comparatum, quod sentitur in æstate propter ventilationem, non esse à motu tanquam causâ per se alterante, sed ab ipso seu potius in ipso esse aere, qui pulso priori, manus nostras recens attingit: Quod ita probat *Scaliger*, ut & causam reddat: *Statuendum inquit, aerem suâ naturâ non esse frigidum, sed corporis nostri calori comparatum: Idcirco sentiri illum (qui nempe priori per motum pulso succedit) qui nos ambiens nostro contactu non sit calefactus: quod sit in manus translatione. At leniter mota manus, atque in alium redacta locum, ibi cum frigidum cur non sentit? quia, leni motu secum hærentem trahit aerem, neque novum sine illo medio, invenit, cui occurrat. Videtur eâ etiam ratione per ventilationem frigidior sentiri, aer calidus, quia per agitationem calidi aeris in manus nostras actio ejusdemque continuatio impeditur, unde minus calefiunt manus nostræ in aere agitato quam tranquillo, quia ipse quoque aer à corpore calido minus alteratur si in continuo sit motu, quam si tranquillus actionem calidi excipiat.*

XIII. Sed integra adhuc est questio. Cur aer compresso ore efflatus frigefaciat, diducto autem calefaciat, adeoque ex uno ore calidum & frigidum efflari possit. Distinctas rei hujus causas adferri video. *Aristoteles* Prob. Sect. 3^a. probl. 7. respondet, *Tam efflatum, hoc est, compresso ore, expiratum, quam exhalatum, hoc est, diducto ore, emissum, esse calidum: Sed qui efflatur, cum ore angustiori extringetur, pauciusque sit, & plurimum externi aeris moveat, propter exiguitatem in externo aere, delinere, ac minus calefacere: Qui vero exhalat, cum multus sit, minusque moveat externi aeris, quippe minus violentius emissus, propter copiam magis calefacere.*

In hac ratione non acquiescit *Scaliger*. Exercit. 27. §. 2. eique opponit hoc experimentum, *Tubulum in os indas per quem efflaveris, digito quam proximè exitum admo, frigidum percipies aerem prodeuntem: cui tamen nihil aeris externi fuerit admixtum.* Vocat ibidem questionem hanc difficillimam.

Cardanus aliam adfert rationem: Aer, inquit, ore lato efflatus calidus est, quia intus à pulmone calefactus, frigidus autem, si angustio expellatur ore, propterea quod in suâ permanet qualitate: Statuit enim

aerem naturâ frigidum esse: Hæc verò cum falsa sit hypothesis, ipsa quoque ratio admitti non potest. Accedit quod aer compresso ore efflatus non minus à pulmonibus prodierit quam qui diducto ore emissus est.

Casmanus, Somatolog. cap. 4. q. 10. duas adfert causas cur aer compresso ore emissus frigefaciat.

1. Ait id fieri per accidens, quia movet aerem frigidum versus rem infrigidandam, vel quia mutat aerem contiguum rei calidæ, qui ob vicinitatem calidus erat, inducitque semper aerem frigidiorum.

2. Quia motus condensat aeris partes, ut magis rem infrigident: condensata enim fortius agunt. Sed hæc rationes propositæ difficultati videntur satisfacere. Resp. ad 1^m. Aer ille frigidus qui movetur ad rem infrigidandam, dubio procul externus est: At si tubulû ori applicueris, & per eum efflaveris ore conceptum aerem ad manum, externus aer ad manum nullus movebitur, & tamen manus sentiet frigus ex solo illo afflato ex ore aere. Accedit quod aer efflatus à manu abigat externum aerem, & solus ipse contingat partem quæ vehementius afflatur. Si dixeris mutari aerem contiguum rei calidæ, sine dubio mutabitur ab efflato aere: Unde questio manet;

Cur frigefaciat qui compresso ore efflatur, Cur alter, qui lato ore emittitur, calefaciat? Ad 2^m. A motu aerem condensari ut credam à me non impetro: at tenuat enim potius quam condensat. Et si maxime condenseret motus aerem qui circa manum est, inde tamen non magis frigefaceret, sed potius calefaceret: Qui enim circa manus est calore manuum concalescitur, si condenseretur, magis calefaceret, quia calor in materiâ densâ est efficacior. Apparet ergo verum esse quod *Scaliger* ait, difficilem esse questionem. Nec sanè ipse *Scaliger* causam reddit sufficientem.

Nobis in hac difficultate certum videtur, 1. Manum, vel aliud quodvis nudum corporis membrum, cui afflatur aer compresso ore, non ab externo sed ab ipso efflato aere frigefieri: efflatus enim est qui immediate manum contingit, & eum qui contiguus ante fuerat pellit, nec alterum admittit quamdiu ipse efflatur impetu, sat valido. 2. Tam qui compresso quam qui diducto ore efflatur, à pulmonibus per respirationem ascendisse, & inde calorem secum extulisse. Incertum autem, cur qui compresso ore efflatur, frigefaciat; qui diducto, calefaciat. Probabile tamen videtur, compresso ore efflatum ideo minus esse calidum quam qui diducto ore emittitur, quod sincerior minusque fuliginibus crassis in pectoris & pulmonum officinâ genitis permixtus, expiretur: meatibus enim angustia crassis fuliginibus transitum non permittit. Atqui tanto calidiorem esse aerem quanto plures & cras-

fiores fuliginēs ē corde & pulmonibus affcendentes habet admittas, neminem faciliē negaturum arbitror; Si quid hanc in rem probabilius audivero, gratus accipiam.

XIV. Sit quarta quæstio; *Quæ in frigoris historiâ digna sint observatæ?*

De summâ frigoris inclementiâ memorabilia produnt Historici & Philosophi. In provinciâ *Vochan* sub ditione *Magni Cham*, in Campesribus *Pamer*, adeo ingens esse frigus scribit *Marcus Polus*, ut ignis vim reprimat, nec lucere aut coquere quicquam sinat. In *Moscovia* locis nonnullis, *Cranzio* teste, terra frigore ita dehiscit ut apud nos æstate: & aqua ex alto effusa, sputumque ex ore projectum, antequam terram attingant congelantur: Vehicula, ne progrediantur, gelu retinentur. Scribit *Olaus Aquilonares* fossarum urbes cingentium aquas perfundere solere marini vituli adipe, & hac ratione efficere ut gelu nunquam concrevant. Scribit *Cælius Rhodiginus* contingere in frigidioribus mundi plagis, ut in gelicidiis acrioribus iter facientibus, & nares forte mungentibus, apices decidunt. Memorat *Tacitus* in *Parthiâ* observatum, militis qui lignorum fascem gestabat ita præriguisse manus ut oneri adhærentes truncis brachiis reciderent. Est & hoc observandum, partes frigore occupatas & mortuas nigrescere. Utriusque & illius & hujus eventus hanc adferunt causam docti: E sanguine per frigus congelato humiditas subtilior exprimitur, quod reliquum manet crassum, terrestre & siccum est, & per consequens nigrum evadit: Cum enim lumen, per terrestrem crassitiem, non recipiat, nec albedinis est capax: primum igitur livor, deinde nigredo succedit. Tandem autem omnino decidunt partes, quia natura reliquo corpori providens id completitur & ad se adstringit, frigore mortuum destituendo & decidere permittendo. Nec fieri aliter potest: Cum enim beneficio caloris partes invicem cohereant & agglutinentur, quid mirum si soluto hoc vinculo, hoc est, calore penitus prostrato, & separentur & diffuant? Videmus hoc usu venire in putredine quâm

enim primum caloris ad humidum & siccum sublata est proportio, humidum à siccis fit separatim, quæ ipsissima est putredo. Experimur quoque extrema membra vehementer frige facta, si igni admoveantur, vehementissimè dolore: Eventus hujus ratio est repentina mutatio ab excellenti frigiditate in plurimam caliditatem: protrudit enim exterior caliditas vehemens introrsum frigiditatem, at naturalis interior eandem rejicit repercussu: frigus igitur ita propulsus & agitatus inter duo contraria magis magisque furere & lædere cogitur. Quin & frigore pilos arrigi compertum est: Ratio est, quia cutis calore destituta per frigus addensatur constipaturque, radice igitur vehementius arctatâ pili protolluntur; uti videmus terrâ circa plantam aggestâ arctatâ radice erigi plantam, quæ laxâ eadem concidit. Quæritur item, *Cur exercitati frigore vehementius afficiantur quàm inexercitati?* Ratio verissima est, quia corporis meatibus per exercitationem patefactis, ostia frigori complura, quibus intret, aperiuntur. Ulu præterea venit, ut iis qui frigore sunt macerati lingua titubet & oberret: Causa est, quia lingua frigoris vi concreta ad motum ineptior est & hebetior: frigida enim omnia ad motum sunt inepta. Inde videre est frigidis pedes officium ægerimè facere. Denique observanda symptomata quæ frigore pereuntibus, quos Græci *ὑποψυχῆς* vocant, eveniunt: & charantur ab *Avicennâ* hæc: 1. *Extremarum partium stupor*; 2. *Pruritus*; 3. *Singultus*; 4. *Scotomia*; 5. *Gutturis coarctatio*; 6. *Anbelatus*; 7. *Somni marcor*; 8. *Facies & labiorum color citreus*. Dixerat *Fernelius*, iis qui in nivosis montibus frigore emoriuntur, calorem introrsum depulsum consumere & urere humidum radicalem, atque ipsum simul interire: Sic ergo frigus per accidens tantum enecaret, calor per se: Sed castigatur à *Scaligero*, *Exercit. 184. Sect. 6.* & refutatur exemplo leporum, qui mortui è nivibus eximuntur, quorum humidum non à calore assumtum sed à frigore gelatum deprehenditur. Vide *Cælium Rhodiginum*, lib. 25. cap. 5.

CAPUT XII.

De humiditate.

PASSIVÆ qualitates, Humiditas & Siccitas: Th. I. Humiditatem & siccitatem non esse qualitates primas, contendit *Cæsalpinus*: *æd. 1.* Occurritur rationibus *Cæsalpini*: 2. Humiditas quid: Th. II. Ratio definitionis: *æd. 1.* Animadvertitur in vulgatam humiditatis definitionem: 2. Zabarellæ excusatio et dicitur: 3. Humiditatis in mixture maxime conspicua operatio est mollificatio: 4. Actio humiditatis prima & à primâ orta: Th. III. An humiditas & siccitas habeant agendi vim: Negat *Telesius*: *æd. 1.* Judicium Zabarellæ: 2. Sententia propria: 3. Solvuntur rationes *Telesii*: 4. Actio humiditatis prima: Th. IV. A primâ orta: Th. V. Per humiditatem dura redduntur idonea ad figuræ certæ receptionem: *æd. 1.*

Humidum

Humidum triplex secundum Albertum Magnum : 2. An humiditas alia sit aqua, alia aerea : 3. Davi humiditatem aeream, probatur : 4. Oppugnatur hæc sententia : 5. Solvuntur rationes contraria : 6. Humiditas actualis non potest consistere cum summo calore aut frigore : 7.

THESIS I.

HActenus activæ qualitates. Passivæ sunt Humiditas & Siccitas.

"*Expositio.*

I. Humiditati & siccitati quæstionem statûs movet *Casalpinus*, Quæst. Peripat. lib. 4. q. 1. ubi negat humiditatem & siccitatem esse qualitates primas, sed à calore & frigore tanquam principiis esse contendit, rationibus quinque.

1. Si impossibile est in uno genere plures esse contrarietates primas, etiam in genere qualitatûm tactilium plures primarum contrarietates non erunt: At verum prius: Ergo & posterius: Et per consequens non nisi una erit contrarietas in genere qualitatûm tactilium; eaque aut frigiditatis & caliditatis, aut humiditatis & siccitatis: Atqui non humiditatis & siccitatis, quia rationabilius est passivas qualitates ad activas reduci quam activas ad passivas; quia prius est agens patiente. Assumptio syllogismi principalis probatur ex 1. *Physic.* t. 50. ubi ait *Aristoteles*, Unam esse in quovis genere contrarietatem, & text. 56. Fieri nequit ut plures simul sint contrarietates primæ, & unum genus unam semper habet contrarietatem, & contrarietates omnes ad unam reduci videntur.

2. Tactus unus est sensus: Ergo circa unam erit primam contrarietatem. Ratio consequentiæ; Quia unus sensus est unius generis, 4. *Metaph.* t. 2. & 2. *De animâ*, t. 107. Unius autem generis una est contrarietas, 1. *Physic.* t. 50. Jam verò patet calidum & frigidum maxime proprium esse tactûs, sola enim tangendo comprehenduntur: reliqua omnia, humidum, siccum, durum, molle, asperum, lene, grave, leve, rarum, densum, ut tactu comprehendantur, necesse est aliquem motum habere, aut comprimendo, aut impellendo, aut trahendo, aut aliâ ratione patiendi potentiam experiendo.

3. Si duæ aut plures essent contrarietates primæ, singulis mediam naturam diversam subijci oporteret, unde duæ darentur materiæ: At consequens falsum: Ergo & antecedens. Connexi ratio est; Quia eadem materia plures actus perficientes habere nequit. Assumptio probatur: Si duæ essent materiæ, non essent elementa transmutabilia inter se: transmutabilitas enim requirit eandem materiam, 1. *De generat. & corrupt.* t. 54.

4. Qualitatûm tactilium omnium una & prima est causa, nempe cœli motus: Ergo contrarietas in

tactilibus tantum est una, quæ primo est ab ipsâ causâ primâ. Antecedens probatur ex 1. *Meteor.* 3. Ratio consequentiæ; Quia ab uno principio non possunt plura oriri prima, nec eadem causâ primò est multorum effectiva.

5. Humiditas & siccitas sunt à calore & frigore: Ergo non sunt qualitates primæ, sed secundæ. Antecedens probatur: Luna moderato suo calore humectat, sol immodico calore exsiccat. Frigus etiam humectat: unde corpora frigida in excessu sunt humida & pituitosa; foemina viris humidiores, quia frigidiores. Exsiccat quoque frigus, ut videre est in lineis madidis aeri frigido expositis.

II. Hæ tamen rationes tanti momenti non sunt ut de gradu suo deturbent humiditatem & siccitatem: Ad singulas ergo ordine respondebimus.

Ad 1^m. Totum syllogismum concedimus: In genere qualitatûm tactilium non datur nisi una contrarietas prima: quod autem porro inferitur, aut caliditatem & frigiditatem, aut humiditatem & siccitatem hanc esse contrarietatem primam, id sequi negamus. Nam per contrarietatem primam, id sequi negamus. Nam per contrarietatem primam intelligit *Aristoteles* eam quæ est inter ens & non-ens, non contrarietatem in specie & propriè sic dictam, quæ est inter duo contraria positiva. Contrarietas igitur una & prima in genere qualitatûm tactilium est qualitas *tactilis* & non *tactilis*: quæ contrarietatum propriè & in specie sic dictarum, inter contraria positiva, qualia sunt calor & frigus, humiditas & siccitas, multitudini nihil præjudicat. Videantur in allegatos textus 1. *Physic.* *Toletus* & *Crellius*. Si de quavis contrarietate, etiam entium positivorum, *Aristoteles* fuisset locutus, eamque non nisi unicam primam, quæ reliquorum contrariorum principium esset effectivum, affirmasset, præstaret, inquit, *Taurellus*, falsam illam *Aristotelis* hypothesein sustulisse quam inde evincere velle quod falsum est evidenter.

Ad 2^m. Ratio hæc eodem nititur fundamento quo prior; eadem igitur responsione solvitur. Quod ait *Casalpinus*, reliquas omnes qualitates tactiles, exceptâ frigiditate & caliditate, non nisi motu prævio, nempe compressionis, impulsionis, tractionis, &c. tactu comprehendi, partim falsum, partim inconsequens est: falsum, quia tactus applicatus humidis & siccis absque alio motu percipit hæc sensilia: Inconsequens; etiam si enim motus facit ut melius percipiantur quædam tactilia, tamen non facit ut sint tactilia, cum sive quæcant

sive moveantur, talia sint. Sæpe etiam accidit ut res coloratæ non videantur antequam moveantur, ideo ne per se sensiles non esse dicemus? Sic & videri nihil potest nisi magnum sit, & magnitudo requiritur ut color videri possit; ideoque verò color qualitas propriè visibilis non erit? Nec minima caliditas tactu nostro potest percipi; requiritur aliqua magnitudo: ideoque verò caliditas non erit qualitas propria & prima tactilis? Eadem motus & quantitatis est ratio.

Ad 3^m. Ad assumptionem; Duas dari materias primas, si maxime absurdum esse concedatur, non tamen illico absurdum erit duas simpliciter materias dari: Quid enim obstat quò minus dicamus duas imò plures esse materias secundas? Hinc *Aristoteles* ipse è contrarietatum pluralitate colligit pluralitatem elementorum, quæ materiæ secundæ: Prima autem materia, ut omnium formarum, ita & omnium contrarietatum capax est. Et loquitur *Aristoteles* in allegato textu non de quavis sed de primâ materiâ, è cuius unitate probat unitatem contrarietatis primæ. Quid verò de elementorum transmutabilitate mutua nos sentiamus, suo loco docebimus. Est etiam falsum quod *Casalpini* ait, eandem materiam non posse habere plures actus perfectiores: Actus enim illi perfectiores sunt substantialiales vel accidentales. De accidentalibus dubium non est, cum plures in eadem materiâ esse possint: De substantialibus idem probabimus in doctrinâ de missionibus.

Ad 4^m. Antecedens negamus: Alia est nostra de qualitatum primarum origine sententia de quâ supra. Deinde & consequentia negari potest: ratio ejus principium petit. Videmus à primo principio omnes omnino fluxisse creaturas, ita ut una alterius effectiva in primâ creatione non fuerit: A secundis quoque principiis immediate multa proveniunt. Ità qui frigiditatem & siccitatem qualitates terræ proprias è natura ipsius manantes agnoscunt, nec frigiditatem per siccitatem, nec siccitatem per frigiditatem productam concedunt: Eiusdem rationis in aere statuntur esse caliditas & humiditas: In igne nec calor à luce, nec lux à calore tanquam principio pendet.

Ad 5^m. Hæc demum efficax videtur esse ratio. Antecedens communis ferè omnium Philosophorum consensu nititur: Omnium una est vox, & res ipsa loquitur, à calore & frigore humida exsiccari, expresso vel consumto humore: Contrà ab iisdem principiis & humiditatem esse; in ratione probatum est. Quid ergò consilii hic capiendum? *Casalpini*, etsi humiditatem & siccitatem à caliditate & frigiditate esse assumat, nihilominus tamen

humiditatem & frigiditatem ait esse qualitates primas tactiles, quòd inter passivas sint primæ, ita ut reliquæ passivæ pendeant ab humiditate & siccitate, ipsæ verò ab aliis passivis non pendeant: Erunt igitur primæ non simpliciter, quòd à nullâ aliâ tactili priore pendeant, sed relatæ ad alias passivas, à quibus non pendent. In eandem sententiam videtur quoque inclinare *Zabarella* lib. 2. De qualitat. element. cap. 1. Itaque, inquit, si humidum & siccum pendent modo aliquo à calido & frigido, per hoc non stat quia sint primæ ut passivæ, siquidem non habent alias passivas priores. Atqui hæc ratione de statu suo deiciuntur siccitas & humiditas: prima enim qualitas tactilis ea est quæ non est ab aliâ qualitate tactili tanquam causa; & secunda, quæ est ab aliâ tanquam causâ. Unde *Zabarella* in eodem capite negat passivas esse effectus activarum: & rationem subjicit, quia sic non essent primæ qualitates, sed secundæ.

Sane intricata nobis res videtur: Negamus tamen qualitates passivas ab activis tanquam efficientibus per se & positivis pendere. Ratio negationis à *Zabarella* hæc adfertur: Siccum non potest dici effectum caloris, quia terra, quæ est frigidissima, sicca est; neque frigoris, quia ignis est siccus & calidissimus: Sic neque humiditas à calore provenit, quia aqua est humida & frigida; neque à frigore, quia aer est humidus & calidus.

Sed excipiat hæc forsitan aliquis; inefficacem esse hanc rationem, cum eadem qualitas passiva possit ab utraque activa proficisci per diversum actionis modum, ut supra in ratione ostendimus. Dicit igitur adversarius, ignem esse siccum per calorem, terram per frigus, quod exprimit humorem; similiter aquam humidam per frigus, aerem per calorem moderatum. Hæc dici quidem possunt è trito illo experimento, quòd ab utraque activa utraq; passiva in diversis subjectis proficisci possit. At tum accomodatè ad elementa erit difficilissima, si qualitates primæ elementorum propriæ esse, & his primò inesse statuantur: Sic enim sequeretur, ignem prius esse humidum quàm siccum, quia à frigore non est siccitas nisi per expressionem humiditatis. Humiditatem quod attinet, nec in aere nec in aqua per calorem aut frigus ea potest esse, quia nec frigus nec calor humidum potest facere quòd perfecte siccum, seu in quo humoris plane nihil est: humectat enim calor per humiditatis crassi mediocrem attenuationem, quâ fluidum redditur quod antea consistebat: humectat frigus per humiditatis nimis attenuati mediocrem condensationem.

Exceptio

Exceptis igitur rationem non videtur enervare : itaque in nostrâ sententiâ perstamus. Nec siccitatem nec humiditatem per se esse à calore aut frigore, ita quidem ut per calorem aut frigus reddatur siccum vel humidum quod antè nullo modo siccum vel humidum erat. Et de humiditate quidem res manifesta est. Nullum in universâ rerum naturâ dari potest exemplum corporis alicujus perfectè siccum, in quo nihil est humidi in excessu, vel condensati vel attenuati, quod per calorem aut frigus simplex humectetur, nisi ab externo aliquo corpore actu humido accedat humor.

De siccitate difficilior est probatio : Unicum autem si detur, quod à plerisque Philosophis datur, *siccitatem esse qualitatem positivam, non nudam humiditatis privationem*, expedita erit sententiam receptam probandi ratio ; nempe, siccitatem per se & positivè non esse à frigore vel calore : frigus enim non exsiccat nisi exprimendo humorem, calor tantum absorbendo. Sunt igitur hæc causæ per se tantum ablati contrarii uniti, nempe humiditatis, non autem positi alterius, nempe humidi ; quod cum positivum sit, causam quoque positivam requirit, quæ est natura corporis exsiccatibilis. Siquidem siccitas est positiva qualitas. Sic ergò siccitas non per se & positivè sed ex accidente & actione privativâ erit à calore & frigore.

THESIS II.

Humiditas est qualitas prima passiva, per quam corpus est humidum, & alia humectat, ac humectando dura emollit & ad figuræ certæ receptionem aptat, sicca continuat.

Enchiridion.

I. Nè quem hic offendat fortè, quod humiditatem qualitatem passivam nominamus, & per actionem tamen definimus, videat quo sensu suprà qualitates aliæ activæ, aliæ passivæ à nobis sint dictæ.

II. Agè verò, vulgatam humiditatis definitionem excutiamus, ut nostra fiat tanto evidentior. *Magirus* lib. 3. *Physiolog.* cap. 6. humiditatem, ex *Aristotele* & *Peripateticorum* mentè, sic definit, *Humiditas est qualitas patibilis suo termino difficulter, alieno facile se continens*. Duo in hæc potissimum definitione desideramus ; quod nimirum desumpta sit 1.^o ex iis quæ humiditati per accidens conveniunt, 2.^o ex iis quæ communia ei sunt cum aliis : Utrumque sanè in definitione perquam vitiosum. Cum enim essentiam rei propriam definitio debeat exprimere, excludit primò omnia accidentalialia, deinde omnia communia. Sed quid tandem, inquis, con-

tinet, definitio hæc quod per accidens humiditati conveniat ? *Terminis*, inquam, *contineri*, vel *terminos habere* : id enim humido non humiditati, nec humido propter humiditatem sed propter quantitatem convenit. Rectius igitur sic fuisset informata definitio, *Humiditas est qualitas per quam humidum difficulter suis terminis continetur, alienis facile*. Hæcenus igitur ex affectione accidentali definita humiditas. E communi quoque definitur : Quod enim res difficulter suis continetur terminis, non à solâ provenit humiditate, sed & nimia tenuitate & subtilitate. Ità videmus ignem suo difficulter contineri termino, alienis facilimè terminari, haud equidem propter humiditatem, quam hostiliter persequitur, sed propter substantiæ tenuitatem & subtilitatem. *Scaligeri* censuram in eandem definitionem vide *Exerc. 80. §. 3.*

III. *Zabarella* morbo huic dum mederi nititur, & igni ait per accidens competere, ratione nimirum tenuitatis & subtilitatis, quod alienos terminos facile admittat, nihil agit, sed integram relinquit difficultatem. Ut enim aqua per se alienos terminos facile admittit propter humiditatem, sic etiam ignis propter tenuitatem & subtilitatem : nec ulla est causa cur instabilitas aquæ per se tribuatur propter humiditatem, igni autem per accidens, propter tenuitatem : Est enim affectio hæc communis & tenuitati & summæ humiditati : imò verò propter tenuitatem videtur aqua potius diffuere quàm propter humiditatem ; quia per gelu incrassata, quantumvis de humiditate nihil amisit, non diffluit tamen, sed consistit & intra suos terminos se continet : ita & oleum quamvis vulgò aquâ dicatur humidius, minùs tamen quàm aqua diffluit, quia est crassius aquâ.

IV. Terminis igitur hisce tanquam alienis missis, secundariam humiditatis operationem in missione maxime conspicuam, mollificationem esse diximus, quâ ad figuræ receptionem aptatur siccum : *Mistum enim*, ut *Zabarella* lib. 1. De qualitatib. element. cap. 4. inquit, *recipit à calore terminos propter humidum, & retinet propter siccum*.

Sed & dura inquires emolliri à calore : ceram enim induratum calor emollit ; imò quæcunq; frigore sunt indurata, à calore emolliuntur : anne igitur emollitio affectio humiditatis erit propria, aut si communis calori cum humiditate, rectène ejus in humiditatis definitione facta mentio ? *Resp.* Calori per se adscribi nequit ullius rei emollitio. Emollire autem dicitur per accedens, quia concretam humiditate solvit, & fluxui idoneam reddit : Quod autem per se calor non emolliat, evidenti est indicio, quod corpora humiditatis expertia calori exposita nihilo reddantur molliora : Imò quæ humida sunt & molli, con-

sumtâ humiditate, à calore exsiccantur & indurantur. Mollescit igitur cera indurata, & reliqua frigore concreta, à calore non per se, sed ob humidam resolutionem à calore factam.

THESES III.

Actio igitur humiditatis est duplex; prima & à primâ orta.

"Εκδοσις.

I. Sed rursus hic nobis contradicatur. *Telestus* humiditati & siccitati omnem agendi vim adimit, tribus potissimum rationibus:

1. Nec siccitas ulla in humiditatem, nec humiditas in siccitatem eo modo quo agentes naturæ, calor & frigus, in se mutuò agunt, & se amplificant, agere & sese amplificare visa est unquam: Ergo agendi vim non habent. Antecedens probat experientia: E solo enim & nudo contactu, si nulla interveniat mistio quâ ex duobus unum fiat ens, nullum vel siccum humectari vel humidum exsiccari videmus: si in aquam lapis durissimus & siccissimus conjiciatur, nulla vel siccæ lapidis actio deprehenditur, quâ aqua exsiccetur, aut humiditas saltem ejus minuat; vel aquæ, quæ lapidis siccitate minuat, nî in substantiam ejus se insinuet, & mistio fiat.

2. Si humiditas & siccitas agerent, non modò se mutuò immutarent, sed sicca omnia inverterent humida, & contrâ, vel, si mole non vincunt, magis humida vel magis sicca rederentur: At consequens est falsum: Ergo & antecedens. Assumptio probatur: Nam vel humidissimus aer eorum quæ subit nullis humiditatem videtur indere, quia propter tenuitatem nulli commisceeri, nec unum fieri potest: nec liquores qui continentur in vasis siccissimis, ab his siccitatem assument ullam, quin perpetuò in dispositione propriâ servantur, si calor nullus nullumq; frigus immutet.

3. Vis agens non superficiem tantum immutat, quæ nullâ sit donata profunditate, sed partes etiam interiores subit: Atqui humiditas & siccitas tantum superficiem immutant.

II. Hactenus *Telesti* rationes. *Zabarella* maximam hic agnoscit difficultatem, fateturque, nisi *Aristotelis* & *Alexandri* auctoritas obstaret, nullam humiditati & siccitati vim agendi se adscripturum, lib. 2. De qual. element. cap. 3. Nimis autem expressè vim agendi humido & sicco, quâ talibus tribuit *Aristoteles*, in 2. De ortu & interitu, ubi de mutuâ elementorum transmutatione agit, docetque in elementis habentibus symbolam qualitatem, facilem unius in aliud esse transitum, quoniam altera qualitas manet, & altera in contrariam mutatur: ut

si ignis in aerem sit mutandus, manente calore, siccum ignis tantummodo ab humido aeris exturbabitur, & materia evadet humida; quæ cum inhaerentem simul habeat caliditatem, aeris formam recipiet, cujus dispositio propria est caliditas juncta humiditati. Accedunt Medici, qui in aliquibus deprehenderunt vim agendi per exsiccationem & humectationem, quæ in calorem aut frigus referri non potest. Sic ergo tandem de questione hac judicat *Zabarella*, humidum & siccum habere quidem aliquam mutuò agendi vim, sed ita debilem ut vix dignosci à nobis queat: unde fit ut tardissima eorum actio sit, nec nisi post longum tempus mutetur ab humido siccum in humidum, vel à sicco humidum in siccum; cum è contrario celerrima & manifestissima sit calidi & frigidi actio mutua. *Zabarella* assentitur *Scaliger*, Exercit. 18.

III. Sed ad Philosophicum dogma constituentium nimis videtur debile fulcrum quod solâ nititur hominis unius vel alterius auctoritate; ut non dicam jam, quàm incerta & dubia sit traditio de mutuâ elementorum transmutatione. Videntur certè siccorum & humidorum actiones à frigoris & caloris actionibus non differre solâ tarditate. Nam si experientiam consulamus, sicca ab humidis, & humida à siccis non alterantur per solius qualitatis in rem alterandam inductionem & contrariæ expulsionem, uti frigida à calidis & calida à frigidis alterari videmus, sed per ipsarummet substantiarum humidarum & siccicarum commixtionem vel adhesionem; quæ in calefactione & frigectione necessaria non est, in humectatione verò & exsiccatione ab humiditate & siccitate profectis omnino necessaria. Quare in eas quis cogitationes devenire possit, ut statuatur, inter sicca & humida, quatenus talia, alterationem propriè sic dictam intervenire nullam, sed commixtionem duntaxat, sine qualitatis simplicis propagatione & contrariæ expulsionem: & proinde lapidem, ex. gr. in aquam conjectum non humectari per humiditatis alicujus ab aquæ humiditate numero distinctæ in lapidis substantiâ productionem, quæ alteratio est propriè sic dicta; sed per solius substantiæ humidæ adhesionem; adeoque humidum dici lapidem, non per formam accidentalem inhaerentem, sed per substantiam adhaerentem. Idem de exsiccatione ad siccitatem tanquam causam principalem & positivam relatu judicium fuerit. Si ratio adhibeatur, probabilior sententia videbitur: Est ea hujusmodi; Si aqua per humiditatem propriè alterat lapidem, & expellet siccitatem ejus, utique humiditas per alterationem induta in lapidem numero distincta erit ab humiditate aquæ: Quo verò argumento distinctionem hanc neganti

neganti persuadebimus? Si lapis humidus non sentitur nisi adhærente corpore humido, contrarium suadetur hâc ratione; Lapis abstersâ omni aquâ non sentitur humidus: Humiditas igitur quâ, præsentem aquâ & adhærente, humidus lapis sentitur, non est diversa numero ab humiditate aquæ: aliâs maneret, aquâ separatâ & è minimis ejectâ poris: At si numero diversa non est, aut in solâ est aquâ inhærensivè, aut in solo lapide, aut in aquâ simul & lapide. Si in solâ aquâ; ergo per alterationem non inducta est in lapidem: & sic lapis humidus erit tantum per accidens, respectu adhærentis aquæ, non inhærentis humiditatis. Si in solo lapide, primum aqua inhærens vel non erit humida, vel per & propter lapidem erit humida: quorum utrumque falsum: deinde, separatâ aquâ, lapis maneret humidus: quod & ipsum falsum. Si in aquâ simul & lapide; unum numero accidens erit simul in duobus & distinctis numero subjectis: quod falsum & absurdum.

Quid ergo tandem statuendum? Difficillimus certe hic nodus est. Pro actione humiditatis præcipuâ pugnat omnium hominum consensus: Ab aquâ enim non minùs nos humectari quàm ab igne calefieri, nemo non fatetur: Si ergo solius *Aristotelis* autoritas *Zabarellam* à quæstionis negatione retraxit, quid faciendum, si omnium hominum auctoritas nobis opponatur? Hanc ergo nè videamur contemnere, dicendum; quod per rationem probari non potest, Etiam humida & sicca, quâ talia, habere alterandi vim, hoc est, diversam numero qualitatem in subiecto contrario producendi, etiam si valde debilis & obscura sit ea, præsertim in siccitate, & exferi non possit nisi per immediatum contrarium, humidi & sicci, contactum: qui in calidis & frigidis necessariò non requiritur. Dicendum etiam, Manere lapidem humidum abstersâ omni aquâ, etiam si è sensuum judicio probari posse non videtur. Dicendum denique, Si maximè actiones primariæ, nempe humectatio & exsiccatio, tanquam alterationes propriè sic dictæ, humidis & siccis, quâ talibus, non competerent, secundarias tamen iis denegandas non esse: certum enim est, humida continuandi, sicca terminandi vim habere. Humiditatem quod attinet, tantum abest ut tardior ejus sit actio quàm calor & frigoris, quod *Zabarella* placeat, ut etiam velocior nobis videatur, etiam si minùs penetrat: simulatque enim siccum corpus in aquam intinxis, humectatur: quæ alterandi celeritas nec in frigidis nec in calidis observatur.

IV. Ad *Telestii* igitur rationes breviter ita respondemus:

Ad 1^m. Consequentiam negamus: Etiam si enim

eadem planè in passivis agendi ratio non est quæ in activis, non tamen illico sequitur nullum prorsus esse. Concedimus alterandi vim nec humiditatem nec siccitatem habere nisi humida & sicca immediatè sibi applicentur & aliquo modo misceantur; hoc verò si fiat, manifesti sunt effectus humorum & siccorum.

Ad 2^m. Assumptionem negamus: De aere contrarium docet experientia: Nam si humidus is sit per adhærentes exhalationes humidas, quas secum vehit, corpora quæ tranfit omnia humectat: experimur hoc in linteis, vestimentis & charrà nocturno & libero aeri expositis. Denique liquoribus qui in vasis continentur siccis, nihil omnino siccitatis conferri haud concedimus, etsi minimum id esse facile damus.

Ad 3^m. Assumptionem negamus: Videmus enim res plurimas siccas etiam in intimis humectari partibus, quarum nempe pori substantiæ humidæ tranfitum permittunt: Quæ verò à penetrabilibus suis propter pororum angustiam excludunt humida externa, in superficie nihilominus alterantur, si justa & necessaria fiat applicatio.

THESIS IV.

Prima est humectatio.

Εκδησις.

Cur, præter aliorum morem, humiditatem è primariâ suâ actione definiverimus, è frigoris & caloris definitionibus earumque demonstrationibus palam est; primas nimirum qualitates primariò consideramus, ut corporis naturalis affectiones, non ut mixtionis tantum principia.

THESIS V.

A primâ orta & secundaria est, Duorum emollicio, & ad figuræ certæ receptionem Aptatio; Siccorum continuatio.

Εκδησις.

I. Ab humiditate dura emolliti & ad figuræ certæ receptionem aptari, res ipsa loquitur: In siccorum enim induratorum poros sese insinuando partes omnes pervadit, & siccitatem, & quâ durities proficiscebatur, vel temperando vel tollendo molliem introducit. Eadem verò operâ quâ molles & tractabiles res reddit, ad figurarum quoque variarum receptionem aptat: Sic videas mollem ceram quascunque figuras admittere facile, duram difficulter; & ferro emollitò hanc vel illam figuram levi operâ imprimi, quam respuat si humidi fluxus per calorem non sit excitatus. Præstat igitur hanc operam in generationibus & mixtionibus humiditas, partibus terrestribus & siccioribus, ex naturæ instituto, elaborandis, & ad varias figuras

figuras traducendis. Cum enim sicca quæ sunt, suis facile terminis contineantur, alienis difficulter, non poterat rerum naturalium generatio peragi citra humiditatem: Terra enim absque humiditate sicca nec cohereret nec variorum mistorum figuris recipiendis est apta. Fluit ab his duabus humiditatis operationibus alia non minoris momenti, agglutinatio seu continuatio partium siccarum, quæ insignis est humiditatis in missione actio: Partes enim terrestres sicca & minime nunquam cohererent & continuarentur, si absque humiditatis esset vinculo. Videre id est in arenâ ad solem vel ignem exliccatum cumulo, cuius planè nulla particula cum alterâ cohereret: Aquam verò ut primum infuderis, partes continuantur; igni exinde si appolueris, etiam ad lapidis soliditatem indurantur.

II. Hinc humidum ab Alberto Magno lib. 20. De animal. tract. 1. cap. 9. corporum vocatur *continuum*: & triplex constituitur. 1. Inhibutum mistis elementis, quod præstat continuationem; vulgò *continuum*. 2. Fluens per misti, præteritum animati, partes, & præstans mollificationem; vulgò *substantiale*. 3. Quod eis continuo assimilatur, & nutrimentum præstat; vulgò *nutriens*. Primum ait esse in corporum substantiâ; secundum diffundi per partium poros; tertium influere partibus & uniri eis. Ultimo hoc subtrahito, restat primum & secundum: Secundo sublato, superesse potest primum; Primo verò consumto, collabitur mistum, & in cineres resolvitur.

Denique omnes humidi operationes ad tria principia revocat Albertus, ad *subilitatem*, *interminabilitatem*, *vaporabilitatem*: Subilitate partes siccas & duras penetrat, & sic emollit; Interminabilitate ad figuras recipiendas sicca terminos suos ægre deserventia aptat; Vaporabilitate partes elevat & distendit, quod aeri vulgò adscribunt.

Zanardus humiditati hæc tribuit actiones. Humiditas est 1. generativa, augmentativa, nutritiva: 2. deperditorum in animalibus restaurativa: 3. inferiorum conservativa: 4. partium terræ connectiva: 5. fluxiva: 6. naturaliter mollitiva: 7. naturaliter purgativa: 8. sui motus in latus diffusiva: 9. naturaliter lenificativa: 10. si temperata sit, omnium actionum animæ & corporis adjuvativa.

III. Coronidis, vice duo adhuc excutiemus problemata de humiditate.

Unum 5. An humiditas alia sit aqua, alia aerea.

Humiditatis distinctio in aquam & aëream vulgò receptissima est. Distinctionis hujus fundamentum unicum est, quod elementa duo, aer & aqua, naturâ sint humida, & aer quidem longe hu-

midior quam aqua. Cum igitur alii de aliquo requirant *in esse*, consequens fuerit, humiditatem esse aëream, quâ aer; & aëream, quâ aqua est humida. De nativâ aquæ humiditate cum nemo hominum sanorum dubitavit unquam, non est quod nos dubitemus: Aeris autem nativâ humiditas, & summa quidem, cum non immerito suspecta nobis semper fuerit, operæ pretium erit rationum momenta breviter ponderare, & utram in partem veritas inclinet, advertere.

IV. Patres *Contimbricenses*, in 1. Aristot. De generat. & corrupt. cap. 3. q. 4. art. 1. quatuor rationibus nituntur demonstrare, aërem esse humidum, & aquâ quidem humidiorum:

1. Humidum id est quod facile alieno termino, suo difficulter retinetur: At hoc, præter alia elementa, aeri competit: Ergo.

2. Quod humida affluxu suo reddit humidiora, id est humidissimum: Atqui aer affluxu suo humida reddit humidiora, ut oleum: Ergo.

3. Summa humiditas non competit igni; non consistit enim cum summa caliditate: Nec terræ, quia ea est naturâ siccissima: Nec aquæ, quia non tam facile alienis terminis clauditur quam aer: Ergo aeri.

4. Accedit denique huc autoritas *Aristotelis*, qui cuique elemento summam aliquam tribuit qualitatem, aerique humiditatem adscribit, 1. De generat. & corrupt. cap. 3.

Esti verò humidissimum esse aërem non desueverunt qui negant, *Galenus* nimirum, *Albertus Magnus*, *Thomas*, ut ex eodem *Contimbricensium* articulo constat; omnes tamen humidum esse uno ore affirmarunt, ducti potissimum humidi deflacione ab *Aristotele* posita, & olei præterea exemplo, cujus humiditas cum ignem insigniter alat, aquæ esse nequit; hæc enim inimica est igni: aërea igitur sit oportet.

V. Sententia hæc ut ut vulgò receptissima, si autoritatum seponantur pondera, & sola rationum ponderentur momenta, acceptanda videtur minime. Rem totam unico syllogismo concludamus; Quod per se absque alienæ qualitatis vel humidi corporis adhesionem non humectat, id humidum per se non est: Atqui aer per se absque alienæ qualitatis vel humidi corporis adhesionem non humectat: Ergo humidus non est. Syllogismus etsi è puris negativis esse videtur, vitiosus tamen non est, cum reciprocum habeat propositionem: Quod si displiceat, in secundâ specie ita constituitur; Quod per se est humidum, & quidem humidissimum, id absque alienæ qualitatis vel humidi corporis adhesionem non humectat: Atque aer absque alienæ quali-

tatis

tañs vel humidi corporis adhaerere humectat: Ergo per se humidus non est, nedum humidissimus. Propositio probatur: Quia ut calidas vel frigidas per se res esse iudicamus, si per se calefaciant aut frigeant; at neutrum si praestiterit, nec calidas nec frigidas: ita de humidis similiter iudicandum, & humida tantum ea dicenda quae humectant, & humectandi vim habent.

Nec audiendi sunt qui aerem non humectare dicunt, vel minus humectare quam aquam, etiam si aqua longe sit humidior, propter tenuitatem. Est hoc aliquid dicere nā nihil videantur dicere. Et tamen nihil est dicere. Equo quālo alio indicio de summā aeris humiditate fidem nobis facient, quā summā humectationis? Nōne eodem argumento calida frigida, & humida sicca esse nobis persuaderent, si & propriis operationibus non estimandae fuerint qualitates, si sensuum iudicio non standum? Sed audio paratam ipsis responsionem. Nōn, inquit *Magirus*, humiditas est estimanda ex irrigatione & humectatione, sed ex propria definitione, quod scilicet difficulter suo termino clauditur. Hae subtilis illa demonstratio, quae nolentes volentes haecenus coegit ut summam aeris humiditatem traherent: Quod si verō falsā hae humiditatis definitio, ut paulo antea demonstravimus, quid reliquum tandem erit quo summā aeris humiditas conservetur? Nihil certe quod cordarum hominum movere possit, ut mox & solutione rationum contrariarum patebit.

Assumptionem syllogismi nostri experientia comprobatur: Aeri enim aqueis vaporibus non imbuto expone quodcumque volueris, humiditatis ab aere nē minimum quidem contraxisse deprehendes, imō exhaustum potius ab eo humiditatem animadvertes. Dicent id fieri propter calorem aeris inhaerentem. At, inquam ego, si calor ille summus non est, summa verō est humiditas; itaque autem qualitas in eadem & aequē subtili aeris parte inhaeret, qui sit quod calor exsiccet, humiditas autem humectare non valeat? Tenuitatis nulla habenda hic ratio; cum humiditas, ut qualitas, calore crassior non sit, & subiectum utriusque eadem sit aeris particula. Nōne verō aqua quantūvis ferventissima non exsiccatur humida, sed humidiora reddit? Summā, tertia natura humidum eū dicamus, nedum humidissimum, causa planē est nulla; id quod & contrariarum rationum solutione manifestus evader.

VI. Respondemus igitur ad 1^m. Propositionem negamus: falsam illam esse & vitiosam humidi definitionem jam antea demonstravimus, & quod rursi diximus reperimus. Ex aeris interminabilitate seu aëria humiditatem malē argui, sed summam po-

tius tenuitatem. Ut igitur ignis terminis suis difficulter continetur, alienis facile, non propter humiditatem, sed propter tenuitatem, ut ipsi fatentur; sic eandem instabilitatis in aere causam agnoscimus, humiditatem minimē: imō, quod & antea diximus, nē aqua quidem terminos proprios videtur deferere propter humiditatem, sed propter tenuitatem.

Ad 2^m. Primō, per negationem propositionis. Nam & ignis facit ut aqua congelata fiat humidior, h. e. ut Peripatetici interpretantur, terminis suis difficilius contineatur, nec tamen est humidus, nedum aqua humidior. Distingui igitur possit propositio; Quod humidum per se reddit humidius, h. e. affuso & communicato humore quem ante nec actu nec potentiā res habuerat, id humidum haud immerito censetur. Sic igitur, secundo loco, assumptionem negamus: Humidius enim quam ab aere non redditur per se, vel propter communicatam humiditatem, sed per accidens, ratione caloris sibi inhaerentis, quo olei partes frigore incrassatas resolvit, & tenuiores reddendo magis magisque diffuere facit.

Ad 3^m. Negari primum posset consequentia, ut pote quae falsā nititur hypothēsi, Quodlibet elementum aliquam de primis qualitatibus in summo gradu sibi natura vendicare: Quā de hypothēsi in speciali doctrinā de elementis dispendendum. Sed & falsum est antecedens, ob ultimi membri falsitatem: Aquam enim humidissimam non esse, malē & falsā humidi definitione demonstratur, ut saepius jam dictum.

Ad 4^m. Cum non nisi *Aristotelis* testimonio nitatur hae ratio, nobis nihil praedictat: hic enim non quid *Aristoteles* sentiat, sed quid ratio dicat, attendimus.

Denique de olei humiditate quod adfertur, specie quidem non caret, sed tanti tamen momenti non est ut ad sententiae nostrae desertionem nos adigat. Dicimus igitur oleo fieri ignem, & non aquā, non quod aerea humiditate abundet, quae nulla est, nedum amica igni; sed quod aqueam habeat humiditatem, non simplicem quidem, qualis in simplici & purā est aquā, sed compositam, h. e. virtute ipsius olei singulari preparatam, & igni conservando accommodatam: Humidum enim simplex ignis fundamentum non est, sed compositum, mistum & certo modo temperatum. Multi hic errant, dum & specificā humidorum differentiam colligunt specificam humiditatum differentiam. Atqui a concretis ad abstracta non valet consequentia; nisi arguere etiam velis: Omnia accidentia specie differre quae insunt subiectis specie differentibus. Haecenus primum problema.

VII. Alterum; *An humiditas actualis consistere possit cum summo calore seu frigore?*

Respondent Philosophi, cum neutro posse consistere, h. e. diu conservari. Rationem *Thomas & Albertus* adferunt hanc; Calor quod est intensior, eò vehementius & citius absorbit humidum: Hinc

videre est, aquam, si justo diutius igni sit exposita, totam abire in fumos. Eandem quoque si continuo frigore congeletur & constingatur, tandem ad lapidis soliditatem indurari, ut de crytallo nonnulli docent. Cum utroque igitur temperato optimè ei convenit.

CAPUT XIII.

De Siccitate.

Siccitas quid: *Tb. I. Animadvertitur in vulgatam siccitatis definitionem: exd. 1. Siccitas admodum similis privationi: 2. Siccitatis operatio prima: Tb. III. A primâ orta: Tb. IV. Siccitas facit ad impressæ figuræ retentionem aptum: exd. An sint diversa species siccitatis: 2. An aliquod corpus tam sit siccum ut nihil prorsus humiditatis habeat: Negat Curæus: 3. Castigatur sententia: 4.*

THESIS I.

Siccitas est qualitas prima passiva, per quam corpus est siccum & alia exsiccatur, mollia indurando & ad figuræ impressæ retentionem aptando,

EXPOSITIO.

I. *Siccitas, inquit Magirus, est qualitas patibilis suo termino difficulter, alieno facile se continens. Eadem hic desideramus quæ supra in humiditatis definitione; quodd nimirum contineat primum, quæ siccitati sunt accidentalia, ut, terminos habere, iisque contineri: siccus enim, non siccitati tribuendi termini, nec siccus quidem propter siccitatem, sed propter quantitatem: Deinde, quæ perpetua ei non sunt, efficere nimirum ut res facile suis terminis contineatur: Nam & in igne siccitas est, quæ tamen ignem quamvis continuum corpus non terminat, sed facillimè dissipari sinit: Nisi forte hanc siccitati affectionem tributam quis dicat, non quæ simplici inest elemento, sed quæ ad misti constitutionem concurrat: quæ, ut Zabarella monet, Averrois fuit sententia minimè contemnenda. Huc igitur & nostra collineat definitio, quæ mollium indurationem, & per hanc, figuræ certæ retentionem siccitati tribuit. Quare non simpliciter priorum terminorum retentio adscribenda fuerat siccitati, sed mediante mollium humorum induratione, quam quidem in igne ad indurationem propter tenuitatem nimiam & humidi defectum inepto non assequitur, sed in misti generatione facillimè; agendo nimirum in humidum molle, idque imbibendo, & sic ad terminos fixos revocando.*

Sed numquid & calor, inquit, exsiccatur, & mollia indurat figurarumque tenacia reddit? Numquid lutum soli expositum vel igni calore ejus exsiccatur, induratur; & propriæ figuræ tenax redditur? Loquitur experientia, cui obloqui *apud*

por. Respondeo exsiccare calorem, non per se sed per accidens, non positivè sed privativè, humorem nimirum extrahendo & consumendo, cui siccitas succedit, per se exsiccans & indurans. Propriæ igitur sunt hæ siccitatis operationes, accidentariæ calori humidum depascenti, & siccitati locum facienti.

II. Nulla è primis qualitatibus tam est similis privationi quàm siccitas: Unde *Gargenus* & alii siccum non nisi humidi privationem esse statuunt. Rectius tamen ii sentiunt qui positivam qualitatem eam esse agnoscunt: Quod ex actionibus ejus & effectis apparet, de quibus deinceps.

THESIS II.

Actio igitur siccitatis est prima, vel à primâ orta.

THESIS III.

Prima est Exsiccatio.

EXPOSITIO.

Ut enim per humiditatem humida humectant, sic per siccitatem sicca exsiccant. Qui sicca, quæ sicca, negant exsiccare, iis primum oportet cum Medicis conveniat, qui uti certos calidorum, frigidorum & humorum gradus constituunt, quibus remissiores vel intensiores eorum sunt actiones, ita & siccorum: hinc primo gradu sicca, moderatè desiccatione, corporis vires aiunt reddere vegetiores & validiores; Secundo gradu, adstringere & membris rigorem inducere; Tertiò, meatus arctare, humorem exprimere, & tabem inducere; Quarto, humoris utilis & necessarij exsiccatione calorem suffocare, & vitam intercipere. Iidem Medici in nonnullis exsiccandi vini deprehenderunt quæ nec ad frigus nec ad calorem referri potest. *Zabarella*

2. De qual. elem. cap. 3.

THESIS IV.

A primâ orta & secundaria est Mollium

lium induratio, & ad figuræ impressæ retentionem aptatio.

*Εκδοσις

I. Non sunt postremæ siccitatis hæ partes in missione : Cum enim produci mistum nequeat nisi fluxu & mollitie humidi ad quandam consistentiam redactâ, quæ impressam sibi figuram seu terminum possit retinere, non poterat fieri id citra siccitatis ministerium : Hæc enim humidi fluxum & mollitiem, per exsiccationem & inhibitionem indurando, sistit, uti videre est in arenâ certâ quâdam proportionem cum aquâ permistâ : Hæc figuras quarum capacissima per mollitiem sunt humida, per duritiem, si comitem eam in subiecto idoneo habeat, retinet. Mirari ut haud immeritò subeat mirificum hoc siccitatis & humiditatis temperamentum, & mutuas quas sibi tradunt operas : utrumque enim & siccum & humidum per se ad misti substantiam constituendam ineptum est : Siccum, quòd nec sine humiditate cohareat, nec, si minimum habeat humiditatis, figuram, propter duritiem, sibi imprimi patiatur : Humidum verò, quòd propter mollitiem nec consistat, nec impressam sibi figuram retineat. Sistitur igitur à sicco humidi fluxus, & siccitatis refractaria durities ab humidi mollitie domatur : per hoc figuram mistum accipit, quam non admisisset siccum ; per illud retinet, quam amisisset humidum. Zanardus hæc siccitatis virtutes recenset. Siccitas est 1. desiccativa : 2. necessariorum attractiva, sibi similitum incorporativa, superfluatorum & dissimilium expulsiva : 3. naturaliter extenuativa : 4. substantiæ indurativa : 5. rarefactiva : 6. naturaliter asperativa : 7. multorum aliorum effectuum per se effectiva : nam corpus exsiccatur, cutem cortugatur, senium acceleratur, corpus superficialiter discoloratur, sitim immoderatam provocat, arterias exasperat, vocem impedit, caput decalvat, articulos manuum & pedum contrahit & incurvat, ut in leprosis videre est. 8. Accidentaliter aliquando est humoris inductiva, quatenus calorem intendit, & ad vaporum elevationem excitat : 9. per accidens remoliativa, ut videre est in lignis putridis : 10. accidentaliter lenificativa, per excitationem caloris : 11. motus carditativa : 12. subvilitativa & depravativa, per superfluitatum consumptionem : 13. humorum consumtiva.

II. Coronidis vice quærimus, 1. An diversa sic-

citatis sint species? Goclenius Junior, in Physicâ suâ generali, duplicem adfert siccitatis distinctionem : Alia, inquit, est ignea, alia terrea ; alia continua, alia non continua.

Priorem distributionem è subiectis petitam non rejicimus, attamen membra illa distribuentia specie differre non concedimus.

Posterior planè est inepta : Continuum enim esse & non continuum vel discretum aut contiguum, affectio quantitatis est, non siccitatis. Quòd si verò ideo continua siccitas & non continua dicenda, quia corporum siccorum quædam continua sunt, ut lapis, quædam non continua, sed contigua tantum, ut arenæ vel cineris cumulus, cur non & reliquæ omnes qualitates eodem modo distribuantur ? Nam & calidorum, & frigidorum, & humidorum, & gravium, & levium, &c. alia continua sunt, alia non continua, vel in cumulum aggregata.

III. Quærimus 2. An aliquod corpus tam sit siccum ut nihil prorsus humiditatis habeat?

Curæus, lib. 2. De sensu & sensili, cap. 36. ait, meliores Philosophos docere in quolibet corpore, etiam in igne, necessariò tantum relinqui humiditatis ut partes possit continuare. Ibidem Albertum Magnum qui contrarium statuit, errasse judicat : Rationem addit ; Quia nullum corpus potest subsistere sine partium coherentiâ, at vinculum glutinationis aliud nullum est nisi humidum. Videtur etiam huic sententiæ favere Aristoteles, 2. De generat. context. 49. ubi ait ad continuationem partium requiri humiditatem.

IV. Nobis tamen hæc sententia non videtur approbanda ; siquidem partium continuatio non est primariò ab humiditate, sed à quantitate materiæ : Nec posset dari corpus summè siccum, ex hac sententiâ, nisi idem esset indivisibile, quod corpori contradicit. Placet igitur nobis moderatio Zabarella, qui in mistis quidem ab humiditate continuationem esse asserit, sed non necessariò in quovis simplici ; quæ enim aliàs terra dici posset siccissima? Zabarella assentitur Scaliger, Exerc. 283. §. 1. An verò ignis summè sit siccus, ita ut omnis expers sit humiditatis, dubitari haud immeritò possit. Nobis non omni caret humiditate, cum sit corpus mistum accensum, vel vapor mistus accensus ; qui expers humoris non est : Unde videmus non posse accendi quæ humoris sunt expertia, ut cineres. De siccitate vide quoque Scaligerum, Exerc. 184. §. 2. §.

CAPUT XIV.

De densitate & raritate.

Qualitas tactilis à primâ orta est afficiens tantum, vel afficiens & motrix simul: Th. I. Afficiens tantum, quid: Th. II. Afficiens tantum rectius appellatur, quàm alteratrix: *enb.* Sex paria qualitatis afficientis tantum: Th. III. Densitas quid: Th. IV. Cur in secundarum qualitatum definitionibus nulla fiat mentio qualitatum primarum à quibus oriuntur: *enb.* 1. Efficiens densitatis: 2. Forma: 3. Raritas quid: Th. V. Efficiens raritatis: *enb.* 1. Forma: 2. Occurritur exceptioni: 3. an duplex raritas & densitas: Zabarella affirmat: 4. Impugnatur: 5. An ad fructus categoriam referri debeant densitas & raritas: 6.

THESIS I.

Hactenus qualitas tactilis prima: Sequitur à primâ orta; quæ originem debet primæ; Estque afficiens tantum, vel afficiens & motrix simul.

THESIS II.

Afficiens tantum est, quæ ita tactum afficit ut ad motum corporis per se non faciat.

"Ex. 27. 1. 1."

Quam qualitatem afficientem tantum appellamus, alii alteratricem nominant: unde qualitates secundas distinguunt in alteratrices & motrices: Minus accurate: Sunt enim è secundis qualitativibus nonnullæ quæ alterandi vim propriè dictam nullam habent, ut sunt, densitas, raritas, subtilitas, crassities,

THESIS III.

Suntque sex ejus paria: Densitas, Raritas; Durities, Mollities; Crassities, Subtilitas; Ariditas, Lubricitas; Lentor, Friabilitas; Asperitas, Levitas.

THESIS IV.

Densitas est qualitas secunda, per quam corpus est densum, sui plenum, partes habens sine hiato coherentes.

"Ex. 27. 1. 2."

I. In qualitatum secundarum definitionibus, nullam deinceps primarum à quibus oriuntur mentionem faciemus, eò quod una & eadem secunda sæpè à diversis produci primis possit, ut è sequentibus patebit.

II. Efficientem densitatis quod attinet, sola ea frigori vulgò tribuitur: Habet enim frigus vim constringendi & compingendi. Nec tamen contemnenda nobis videtur Scaligeri sententia, Exerc. 283. ubi ad humiditatem refert densitatem. In diffonium, in-

quit, partibus mutua coherentia fit per humidum, quod in quibusdam est expressus & notius, ut in lacrymis arborum; in aliis occultius, ut in gummi concretis; in nonnullis occultissimum, ut in metallis. In his omnibus densitatis auctor humiditas est. Subjicit rationem, quam ita informamus; Si humor in lapide exhaustus est causa raritatis, ut in pumice videre est, utique præsens & in lapide conclusus est causa densitatis: Contrariorum enim consequentia sunt contraria: At verum prius: Ergo & posterius. Certum igitur est densitatem non à frigiditate magis quàm ab humiditate oriri, imò ab hac plerumque: Incrassat enim potius frigus quàm condensat, nec absque humore hiatum partium impedire solet. Sed & à calore oriri densitatem quis neget? Exemplo sit cor animantis, viscerum omnium densissimum & calidissimum.

III. Forma consistit in partium immediatâ coherentiâ: Quod ita probamus; Si ea sunt rara quorum partes hiati sunt disjunctæ, ut pumex, spongia, fungus; ceterè ea erunt densa quorum hiati partes non sunt disjunctæ: At verum prius: Ergo & posterius. Hinc Porphyrius in Prædicamentis densum definit, cujus partes propè inter se sunt fixæ, ut nullum aliud diversis generis corpus inter ipsas queat intercedere, cujusmodi aurum est. Idem & veteres sibi voluerunt, dum, Aristotele teste, lib. 8. Phys. cap. 7. t. 55. densitatem & raritatem per congregationem & disgregationem partium fieri dixerunt. Unde colligimus, rectè & Physicè densa dici corpora aquam & aerem, cum partes eorum absque hiato immediatè cohereant. Quod & Scaligeri testimonio comprobamus: Cujus verba Exercit. 76. §. 1. hæc sunt, Aquam solidam & densam nullus è populo diceret, tantò minus aerem: At sapiens diceret Solidum est, quod sui plenum totum, non alieni: quare etiam ignis in suo loco, etiam cælum, solida erunt lectis ingeniis. Erit igitur hoc modo etiam ferro densior aer, quia ferrum habet poros alieni plenos, aer nullos habet. Unde falsum esse patet quod alibi Cardanus affirmat, densissima esse gravissima. Quod autem porro addit Scaliger, solidum non opponi raro; sed

sed ei cujus partium interapedines aliud continent, non placet nobis, ut qui raritatem aliud nihil esse statuerimus quam illam ipsam partium interapedinem, ut sequenti thesi docebimus.

THESIS V.

Raritas est qualitas secunda, per quam corpus est rarum, partibus constans inter se diffisis, hiantibus, & alieni plenis.

"EXPOSITIO.

I. Efficiens raritatis calor est: Id enim caloris ingenium est ut humores absumat in corporibus: absumpto autem in corporibus siccitatis nonnihil habentibus humore, meatus relinquuntur & pori inanes; ut è panibus in furno coctis constat. Ad raritatem igitur efficiendam & siccitas requiritur: Nunquam enim rarefcit aqua, ut maxime partes ejus subtiliores à calore consumantur, cum in absumentarum partium locum proximæ confluant, & hiatum impediunt. An verò raritatis in fungis, spongii, cucurbitis & aliis frigidis frugibus causa quoque sit calor, merito dubitari possit?

II. Forma consistit in partium distantia alieni corporis capace. Ità spongiam esse raram vel oculi judicant, infinitis enim poris ferè est pertusa, plurimumque aeris & aquæ haurit. Et cineres esse raros, ex consequenti colligimus, quòd plurimum intra se aquæ admittant, & siccitate imbibant, adeò ut experientia sit comprobatum, tantum penè aquæ poculum capere cineribus plenum quantum capit vacuum. Cujus experimenti alia nulla est ratio, nisi cinerum raritas & siccitas, quarum hæc aquam facillimè allicit, ejusque partes tenues magis magisque unitor, illa capit & intra se continet.

III. Sed & aquam eodem planè argumento raram & porosam esse quis colligat: Nam, ut Scaliger refert, si in aquæ scyphum ad summa labra plenissimum centum immiseris aureos, nihil effunditur: Videntur igitur ii intra aquæ vacuos meatus recipi, prout aquam admittunt cineres. Nos tamen raram esse aquam minimè concedimus, utpote quæ poros seu meatus alieni plenos intra se nullos contineat, qui quidem oriri ex partium distantia possint. Alia igitur reddenda ratio, cujus & Scaliger meminit. Est ea siccitas labiorum scyphi vel poculi, quæ aquam, nè per latera disfluat, coercet, & ut in cumulum ad medium intumescat efficit. Aquæ igitur tantum quantum auri centum spacio, quod occupant, excludunt, supra poculum eminet, & in cumulum intumescit; quæ, quàm primum labra humectantur, delabitur.

IV. Nec autem quæ de densitate & raritate ha-

tenus docuimus, magis magisque confirmantur, querimus 1. Sine duplex raritas & densitas?

Zabarella, quem multi sequuntur alii lib. De accretione & nutritione, cap. 10. duplicem ait esse raritatem & duplicem densitatem. Una, inquit, raritas est propriè in categoriâ qualitatis, quia consistit in tenuitate substantiæ, non in distantia partium inter se, & est de numero secundarum qualitarum, consequens calorem & frigus. Talis autem raritas & talis densitas, sunt illæ quibus dissident elementa inter se. Aerem enim dicimus rarum & aquam densam, non quòd partes aeris distent invicem & habeant interpositas vacuitates, tale enim in acre nihil est, sed quòd aer tenuem habet substantiam, aqua verò crassam. Altera est raritas quæ non consistit in tenuitate substantiæ, sed in distantia partium inter se. Quemadmodum spongiam raram esse dicimus, quia partes habet invicem distantes per spaciolum vacuum interpositam, non quidem verè vacuum quod omni corpore careat, sed quod alio tenui & insensibili corpore plenum est. Hæc raritas est absque dubio in categoriâ situs. Nam distantia vel propinquitas partium inter se nihil aliud est quàm situs. Hæc Zabarella & plurimorum aliorum, imprimis Magiri, qui eadem hæc verba absque auctoris nomine recitat, de raritatis & densitatis distinctione est sententia.

V. Hæc tamen sententia cum fundamentis careat solidis, ut videre est apud *Conimbricenses*, lib. 1. De generat. & corrupt. cap. 5. qu. 17. art. 1. nobis non approbatur, ideòque definitionibus nostris densitatem & raritatem eam duntaxat expressimus quam secundo loco Zabarella ponit, & in partium distantia & propinquitate sitam esse docet. Ratio nostra est; Quia hæc raritatis & densitatis distinctione diversæ & distinctæ confunduntur qualitates, densitas inquam cum crassitie, & raritas cum tenuitate seu subtilitate; quas tamen melior Philosophorum pars in qualitarum secundarum theoriâ distinguit. Dicant enim, quæso, ecquid à tenuitate differat raritas ista quam primo loco ponit Zabarella. Quamquam ipse Zabarella raritatem cum tenuitate expressè confundit, dum in partium tenuitate positam esse affirmat, & non in earum distantia. Ità ab eodem cum densitate crassities malè confunditur, ut suo loco docebimus. Nos ergò densum & solidum vocamus aerem, ut qui poros excludit omnes; crassum, nisi comparatè, non vocamus. Vocamus eundem tenuem, rarum minimè: Ità ut solida esse possint quæ sunt tenuia; quæ verò rara, non possint; & crassa, quæ rara, non quæ tenuia. Est hæc sententia non nostra tantum, sed plurimorum ante *Aristotelem* Philosophorum, quos

cur *Aristoteles* reprehendat causa planè est nulla, nisi fortè rarorum corporum meatus omni planè corpore vacuos crediderunt, quâ quidem in parte adstipulatores nos non habebunt. Nec moramur eos qui aerem densum esse inficiantur: cum enim densa & rara opponatur, rara verò sint quæ poris sunt pervia, consequens erit, ut densa sint ea quæ poris carent, qualia esse aerem & ignem sanus nemo negat. Accedit huc autoritas *Scaligeri*, qui ad densitatis causas refert quoque partium uniformitatem; ubi enim inter partes aliud nihil intercedit, ibi ea invicem aptatas esse necesse est.

VI. Sed cur, inquit aliquis, nostro sensu densitas & raritas accepta qualitibus accensentur, cum ad sitûs categoriam, *Zabarella* teste, referri potius debeant?

Resp. Non diffitemur densitatem & raritatem è partium distantia & vicinitate æstimatam primariò ad sitûs categoriam referri debere, cum tamen more reliquarum, secundarum qualitatum à primis quoque oriantur, referri quoque vulgò solent ad qualitates secundas, quo jure privari à nobis non debuerunt: Quanquam si cum *Scaligero*, Exer. 101. §. 19. sentire & loqui velimus, raritatem dicemus qualitatem in situ, aut à situ partium.

CAPUT XV.

De duritie & mollitie.

Durities quid: *Th. I. Efficiens duritiei: 3. d. 1. Forma. 2. Animadvertitur in definitionem Scribonii.*
 3. Mollities quid: *Th. II. Efficiens: 3. d. 1. Quomodo calor mollitiei causa esse possit, cum sit duritiei autor. 2. An omnis mollities à calore, mediante humiditate? 3. Forma mollitiei.*

THESIS I.

Durities est qualitas secunda, per quam corpus est durum, & tactui difficulter cedit.

**Ex d. 1.*

I. Oriti duritiem à siccitate indè patet, quòd plerunque res, quò sunt sicciores, eò quoque sint duriores. Videre id est in metallis & lapidibus. Interim remotæ duritiei causæ observentur calor & frigus, pro subjectorum diversitate: Hæ enim qualitates in plurimis corporibus siccitatem causantur, & per hanc, duritiem. Sic lutum videmus indurari à calore & frigore, diversâ tamen ratione: à calore quidem, per humidam consumptionem & evocationem; à frigore, per ejusdem congelationem vel expressionem. Sed & monendum hoc loco, non videri omnem à siccitate duritiem oriri, sed aliquam etiam ab humore congelato: Sic duram esse sentimus glaciem, quam tamen siccam vel siccitam vix ausis dicere.

II. Forma duritiei est resistentia seu vis resistendi tactui: Quæ enim dura sunt, ita resistunt tactui ut vel planè non cedant, vel difficulter cedant. Explorandæ igitur duritiei ratio est per contactum mediatum vel immediatum. Per immediatum, cum parti alicui corporis nostri, manui vel pedi, rem duram applicamus, eique renitentem deprehendimus. Per mediatum, cum malleo vel alio instrumento eam pulsamus, quæ si tangentis organi figuram non admittit, aut difficulter, dura judicatur.

III. Ex his quæ dicta sunt modò de duritie,

falsam esse patet duritiei definitionem à Scribonio exhibitam, quæ talis est, *Durities est partium exsiccatarum congelata magis crassities*. Multa brevi huic descriptioni insunt vitia: 1. Disparatum per disparatum definit, duritiem per crassitiem, quæ distinctæ sunt qualitatis secundæ species. 2. Duritiem soli adscribit frigori, cum non minùs à calore oriatur. 3. Crassitiem ait congelari: At crassities qualitas est, congelatio passio substantiæ corporeæ humidæ. 4. Duritiem solis siccis tribuit: Atqui & humida congelata non exsiccata dura sunt.

THESIS II.

Mollities est qualitas secunda, per quam corpus est molle, & tactui facile cedit.

**Ex d. 1.*

I. Efficiens mollitiei ut plurimum est humiditas: Ut enim sicca pleraque sunt dura, sit humida pleraque sunt mollia. Nec excludi debet à mollitiei causis calor. Hic enim est qui humidum dissolvit, attenuatque, & mollitiem induratis reddit; Sic caro frigore concreta & indurata igni admota emollitur, humore per calorem crudum & immaturum concoquendo & maturando, quod in pomis, pyris & cerasis experimur, quæ matura longè sunt molliora quàm immatura & cruda.

II. Miretur hic fortè aliquis, quòd calor mollitiei causa esse possit, cum duritiei sit autor: *At agentia naturalia ad unum tantum sunt determinata*: unde & hac ratione ab agentibus voluntariis, quæ ad oppo-

opposita indifferenter se habent, distinguuntur. Respondet; Agentia naturalia ad unum sunt determinata, si intrinsicè & extrinsicè eodem se modo habeant: Alterutra si desit conditio, labascit axiomatis veritas. Calor igitur indurat lutum, quia siccio terrestri plurimo lutum constat, & humorem extraneum sibi adimi à calore facile patitur: Emollit ceram, quia plurimo constat humido proprio, quod tenacissimè retinet, & congelatum quidem seu restrictum resolvi patitur, sed adimi non item. Calor quoque si intrinsicè eodem se modo non habeat, contraria efficit: Moderatus enim corporibus humectandis idoneus est, quod in calore lunæ experimur; immoderatus exsiccat, ut ignis solisque calor: Idem solis calor nascencia humi fovet & conservat, si temperatus; si intemperatus, corrumpit & destruit. Sed de calore & humiditate mollitiei efficientibus satis.

III. An omnis mollities à calore, mediante humiditate, oriatur, dubitari haud immeritò potest. Certè non videtur hoc asserendum: Sunt enim mollia quæ humida non sunt, ut ignis, quem schola Peripaterica siccissimum esse statuit: Sunt & mollia quæ calida non sunt, ut fruges plurimæ frigidae, aqua frigida, aer frigidus: Sunt denique mollia quæ nec humida nec calida sunt, ut arena, cinis. Singula hæc facile cedunt tactui. Itaque efficientes mollitiei causæ longè plures statuendæ sunt quàm vulgus statuit. *Vallesius* lib. 9. Controvers. cap. 5. exemplis demonstrat, non posse ex mollitie vel duritie rerum certas & infallibiles de temperamento humido vel siccio capi conjecturas: Nam, inquit, *muria, & bilis, & lotium, & mille talia mollia sunt & siccio*. Rursus *encurbita & persica res hisce multò duriores humectant*: Esse igitur humiditatis perpetuam sobolem mollitiem, & siccitatis duritiem, vix affirmari, nedum defendi potest. Exemplum verò *Vallesii* quod attinet, est fortè qui distinguendum putet inter qualitatem actualem & virtutalem, quarum illam Physicus, hanc Medicus considerat: Actu enim multa possunt esse humida quæ vim tamen habent exsiccandi, ut muria, bilis, lotium: Ità & actu sicciora his, quibus ta-

men major inest humectandi vis, qualia sunt *concurbita, persica, &c.*

IV. Forma mollitiei est cessio facilis: Quæcunque enim facile cedunt tactui, mollia appellari solent. Sunt tamen qui mollitiem non è quavis cessione facili æstimandam putent, sed ex eâ duntaxat quâ tactui res in profundum cedit, ità ut vestigium maneat in re. Hinc *Goclenius junior* aerem & aquam non posse dici mollia contendit, eò quòd partes aeris non consistant, nec cedat aqua in profunditatem, remanente vestigio supernè. Philosophi igitur hujus discursus hic est: Id molle est quod per se consistit, & tactui in profundum cedit, remanente vestigio supernè: Atqui aer & aqua per se non consistunt, ità ut tangentium vestigia supernè remaneant: Ergo mollia dici nequeunt. Sed de syllogismi hujus propositione qui quæso nobis persuadebit Philosophus? E theoremate forsàn suo, quo mollitiei corpora reddi mollia asserit, h. e. tactui facile cedia, remanente tamen superficie seu planitie integrâ. Sed contrarium planè hinc evincimus. Nam si mollia tantum sunt quæ facile tactui cedunt, remanente superficie seu planitie integrâ, sola fluida in quibus primas facile tenent aer & aqua, erunt mollia: Hæc enim sola tactui facillimè cedunt, & utrunque discutiantur, superficiem & planitiem, semper retinent integram, propter subitum partium discussarum confluxum. Sin theorema suum deseruerit, aut alio modo explicaverit, partiumque in mollibus consistentiam, & remanens tangentis vestigium in superficie desideraverit, editum hoc Prætoris rejiciemus donec solidam ejus rationem adferat. Nam si vestigiorum retentio ad mollium cessionem esset necessaria, corporum humanorum benè se habentium caro mollis non esset dicenda quia digito compressa vestigium quidem recipit, tactui cedendo, attamen non retinet; remoto enim digito vestigium evanescit. Nostram quoque sententiam confirmat *Vallesius* lib. 9. Controvers. cap. 5. ubi è secundis qualitatibus judicium de primis non semper fieri posse disputat: *Muria enim, inquit, bilis, & lotium mollia sunt admodum, & tamen siccio*.

C A P U T X V I.

De Crassitie & Tenuitate.

Crassities quid? Th. I. Duplex crassities: 1. Efficiens crassitiei: 2. forma: 3. Tenuitas quid? Th. II. Tot modis tenuitas accipitur quot crassities: 1. Efficiens tenuitatis: 2. Forma: 3. Densi & rari definitiones Peripatericæ expenduntur: 4. An quæ rarsunt acquirant novam quantitatem? Tres distinctæ sententiæ: Prima *Marfilii & Pomponatii*, Acquiri novam quantitatem, & totam præcedentem abjici: 5. Secunda *Scoti*, Novam quidem acquiri, sed præcedentem non abjici: 6. Tertia *Thomæ*,

Nec novam acquiri, nec priorem abjici : 7. Solvuntur rationes primæ sententia : 8. Quot motus subcat corpus in rarefactione : 9. An omnes illi motus realiter differunt ? 10.

THESIS I.

Craffitiis est qualitas secunda, per quam corpus est crassum, haud facile penetrans.

Expositio.

I. Duplex est craffitiis : Una quæ propriè est in prædicamento quantitatis, quæ, Scaligero defintore, Exerc. 103. § 4. *omnis quadrati corporis dimensio est* : Altera quæ in prædicamento qualitatis est, de quâ modò agimus. Distinctam verò esse illam ab hac, inde colligi potest, quòd dimensionibus sint crassa quæ substantiâ sunt tenui. Sic maximæ dimensionis aer, corpusque facile omnium crassissimum, si diametrum ejus seu lineam dimetientem spectes, idem tamen corporum omnium quoad substantiam facile tenuissimum est. Aqua congelata quoad dimensiones non est crassior quàm non congelata, attamen quoad substantiam maximum craffitiis in congelatâ & non congelatâ discrimen est.

II. Efficiens craffitiis plerumque est frigus & siccitas : Ut enim calor vim habet attenuandi, sic frigus constipandi & incrassandi : quod in aquâ manifestissimum est : Hæc enim à calore in vaporem subtilissimum & tenuissimum resolvitur, à frigore verò in glaciem crassam constringitur. A siccitate quoque craffitiis est : Videmus enim sicca difficulter penetrare, facilius humida. Nec calor à craffitiis causis excludi potest : humorem enim consumit & exsiccat, adeoque ad penetrationem minus apta reddit corpora.

Non placet nobis quod vulgò dicant, à craffitiis fieri corporis partes terrestres : A partibus enim terrestrioribus oritur craffitiis, non ipsa partes facit terrestriores. Deinde non in omnibus crassis terrestriores partes alijs sunt plures : In glacie enim, quam crassam esse omnes concedunt, aquæ partes principatum obtinent.

III. Forma est difficultas in penetrando. Vulgus hoc comprobatur : Corpora enim alijs applicata porosis corporibus, si in poros se non insinuant, vel difficulter insinuant, crassa vulgò appellantur : Hinc & aerem corpus omnium subtilissimum appellamus, quod in quovis se poros insinuare, & minutissimas rimulas penetrare possit.

Denique contra quosdam & hoc notetur, Crassum & densum idem non esse : possunt enim esse densa quæ crassa non sunt, & crassa quæ densa non sunt : Ex.gr. aer rectè vocatur densus seu solidus, quia

totus sui est plenus, ut solidum Scaliger definit : crassus absolutè vocari nequit, quia facile penetrat : Ità pumex crassius dici potest, quia haud facile penetrat ; non item densus, quia sui plenus non est.

THESIS II.

Tenuitas est qualitas secunda, per quam corpus est tenue, facile penetrans.

Expositio.

I. Quod de duplici craffitiis monuimus, de tenuitate quoque accipiendum est : Quot enim modis craffitiis, totidem & tenuitas seu subtilitas accipitur.

II. Efficiens subtilitatis, quæ ad qualitates primas referri potest, est calor & humor : De neutro dubitandum videtur : aquæ enim subtilitas ab humore fluido pendet, ignis tenuitas à calore : Utrumque principium haud rarò concurrit : subtilitas enim vaporis partim ab humiditate partim à caliditate oritur ; nisi enim humida esset aqua, in subtilissimum vaporem à calore non posset resolveri. Galenus ad siccitatem quoque refert tenuitatem : Tenuem enim substantiam esse ait quæ ad minima redigi facillimè potest, quod in siccis quoque contingit, quæ mutuo abscessu sunt separabilia, ut sulphur & similia.

III. Forma est facilitas in penetrando, hujusmodi tamen maximè quæ cum substantiæ continuitate consistit. Sic aerem rectè appellamus tenuem, quia minima quævis subit citra substantiæ suæ discontinuationem. Eodem modo & aqua tenuis est. Minus verò propriè tenuia dicuntur dura & sicca corpora in particulas parvas friabilia, cum non tota & continua penetrent, sed variè comminuta & discontinua : quo quidem modo etiam crassissima quæque ad expeditam penetrationem præparari possunt. Obiter hic observetur, Tenuitatem cum raritate idem non esse, cum densa quoque tenuia esse possint, rara non item. Videatur Scaliger. Exerc. 183. § 1.

IV. Quæ breviter hætenus dicta sunt de craffitiis & tenuitate, quæ densitas & raritas minus propriè alijs appellantur, unius & alterius quæstionis explicatione illustrabimus, ubi primùm definitiones Aristotelicas annotaverimus : Densum, hoc est, crassum, Peripatetici definiunt, quod sub parvâ quantitate multum materiæ continet ; rarium, hoc est, tenue, quod sub magnâ quantitate parum materiæ continet. Exemplo illustrari descriptiones possunt : Aqua respectu vaporis densa seu crassa est ; vapor, tenuis seu rarus : Unicus enim aquæ sextarius, si in vaporem

vaporem resolvatur & attenuetur, magnæ capacitatis conclave replet, quod nē sexcenti quidem aquæ sextarii replerent : Est igitur in aquæ sextario multum materiæ sub exigua quantitate seu mole, si quàm latè & amplè diffundi possit aqua per attenuationem consideres ; in vapore ex resolutione sextarii aquæ orto magna quantitas sub parvâ materiâ, si quàm arctis includi possit spatiis per condensationem vapor attendas. Dubitari tamen possit, an una & eadem materia perpetuò sit major attenuata quàm condensata. Contrarium videtur demonstrari posse exemplo aquæ fluentis seu non congelatæ, & congelatæ : Congelatam esse crassiorem non congelatâ extra controversiam est : & tamen si congelata per calorem modicum restituitur fluori suo, non plus videtur spatii occupare quàm congelata occupaverat : Si tamen aliquanto plus spatii occupare non congelatam quàm congelatam dixeris, temerè non contradixero, etsi fortè ad oculum nequit demonstrari. Obiter & hoc observetur ; Fieri ejusdem numero corporis attenuationem & condensationem citra materiæ additionem vel diminutionem : secus quàm fit in augmentatione & diminutione.

V. Nascitur hinc quæstio, *An quæ rarefiant, novam acquirant quantitatem* ? Tres distinctæ sententiæ de hac quæstione sunt : Una *Marfilii & Pomponitii*, quos alii sequuntur ; quæ statuunt in rarefactione novam acquiri quantitatem, & totam præcedentem abjici : Altera *Scoti & aliorum*, qui novam quidem acquiri quantitatem aiunt, sed præcedentem abjici negant : Tertia *Thomæ, Soncinatis, & aliorum*, qui nec novam acquiri nec priorem abjici contendunt.

Novam acquiri quantitatem, hisce probant argumentis :

1. Quod rarefit, acquirit sibi novam extensionem : Ergò novam quantitatem. Antecedens extra controversiam est. Ratio consequentiæ ; Quia extensio est formalis ratio quantitatis.

2. Si eadem numero quantitas nunc major nunc minor esset, posset quantitas intendi & remitti : At consequens negat *Aristoteles*.

3. Si intentione qualitatis acquiritur nova qualitas, etiam in extensione quantitatis nova comparabitur quantitas : At verum prius. Ergò & posterius.

4. Rarefactio est motus successivus : Ergò rem novam acquirit. Ratio consequentiæ est ; Quia omnibus aliis motibus res nova acquiritur : Res autem illa nova aliud nihil est nisi nova quantitas.

Hisce argumentis novæ quantitatis acquisitio

probari potest : Præcedentis verò abjectio hunc in modum probatur :

1. Si in materiâ habente quantitatem pedalem acquiritur nova quantitas pedalis, retentâ priori, nova quantitas in materiâ illâ adæquatè recipietur, vel in aliquâ ejus parte ; quando materia in rarefactione nova non acquiritur. Si in materiâ adæquatè recipitur, duæ quantitates in eodem subjecto se penetrabunt : quod absurdum. Si in aliquâ ejus parte, aut pars totam illam quantitatem habebit, aut non totam : Atqui totam non habebit, quia pars materiæ & tota materia non possunt habere quantitatem æqualem : esset enim pars æqualis toti. Si non totam habet, aut erit pars aliqua quantitatis sine subjectâ materiâ, aut nova accedet materia cui inhæreat : quorum utrumque falsum.

2. Termini motus sunt impossibiles, 2. *Phyf. t. 26*. Ergò in rarefactione non manet quantitas à quâ incipit motus, cum quantitate quæ acquiritur.

VI. Altera sententia, quæ *Scoto* tribuitur à *Conimbricensibus*, quoad priorem partem, de acquisitione quantitatis novæ, nititur argumentis iis quæ paulò antè adduximus. Posterior pars, de retentione præcedentis quantitatis, hoc modo probatur :

1. Si tota quantitas præcedens corrumpereetur, omnia etiam accidentia reliqua quæ subjecto insunt corrumpereentur : At falsum consequens : Ergò & antecedens. Connexi ratio est ; Quia quantitas est subjectum omnium accidentium, at corrupto subjecto corrumpuntur omnia accidentia. Assumptio probatur ; idem enim odor & idem color manet in re densâ & tenui.

2. Si prorsus nova fieret quantitas, destructâ priori, non posset dici quantitas per rarefactionem augeri : At consequens falsum : Ergò & antecedens. Connexi ratio est ; Quia nihil potest dici augeri nisi quod ex minori majus sit : At ex minori majus non fit, cujus quantitati præcedenti nulla fit accessio : quæ nulla esse potest, si omnis præcedens quantitas tollatur ; quod enim non est, ei nulla fit accessio.

3. Accidens absolutum si intereat, vel conservatricis causæ defectu, vel contrarii adventu, vel subjecti casu interit : Atqui dum corpus rarefit, non potest ejus præcedens quantitas interire primo modo ; Quia conservatio quantitatis non requirit causæ producentis præsentiam, manet enim quantitas etiam absente eo quod produxit quantitatem ; nec apparet quis causæ conservatricis defectus hic possit occurrere : Non secundo modo ; Quia quantitati nihil est contrarium : Nec tertio modo ; Quia subjectum rarefactionis idem numero manet.

VII. Tertia sententia, quoad partem posteriorem, nititur rationibus tribus quas modò attulimus in secundæ sententiæ parte posteriore. Prior pars probatur :

1. Contrariorum est idem subiectum: Atqui magnum & parvum, circa quantitatem, sunt contraria: Ergò habent idem subiectum, nempe quantitatem, sine novæ alicujus quantitatis additione. Ità *Soncinus* arguit, in 8. Metaphys. q. 27. ex 4. Phys. t. 84.

2. Si nova quantitas in rarefactione accederet, etiam nova materia accederet: At consequens falsum: Ergò & antecedens. Connexi ratio est; Nova quantitas reciperetur aut in eadem materiâ cui inhæret præcedens quantitas, aut in aliâ & novâ: At non in eadem: Esset enim illa vel magis extensa quando novam quantitatem recipit, vel non magis extensa quàm fuerat ante receptionem novæ quantitatis. Si magis extensa, per præcedentem aut subsequenter novam quantitatem erit magis extensa, nam sine quantitate non potest extendi: At non per subsequenter, quia extensio illa fieret ad recipiendam novam quantitatem, cui locus esse non poterat in materiâ nondum magis extensâ; non esset igitur per novam, sed propter novam quantitatem recipiendam. Erit igitur magis extensa per præcedentem quantitatem; unde frustraneam esse novam sequitur: aut si detur, dæ distinctæ quantitates in eadem erunt materiâ; quod absurdum. Si non magis extensa esset materia cùm recipit novam quantitatem quàm erat cùm solam præcedentem haberet, sequeretur quantitatî non coextendi materiam, seu non extendi per quantitatem; quod absurdum: aut aliquam quantitatis partem esse sine subiectâ materiâ; quod falsum.

VIII. In hac tertiâ sententiâ & nos acquiescimus. Ad rationes ergò *ἐκδοχῆς* quintâ propositas, quibus novæ quantitatis acquisitio probatur, hunc in modum respondemus.

Ad 1^m. Negamus consequentiam. Ratio inconsequens est: Etiam si enim extensio est formalis ratio quantitatis, per quam magna & major vel minor dicitur, non illico tamen quicquid de extensione dici potest, de quantitate quoque dici debet. Eadem numero quantitas per diversas numero extensiones fit major & minor: Nova igitur extensio non infert novam quantitatem, sed novum quantitatis ejusdem modum, secundum quem major vel minor dicitur, vel novam partium ejusdem quantitatis distantiam, quæ fit sine accessione novarum partium, sed per earundem explicationem & evolutionem. Ità funiculus in nodos complicatus & brevis, fit longior solutis nodis & accedente

extensione novâ: nemo tamen dixerit quantitatem novam funiculo accessisse; quæ enim in nodis latitabat, solutione & extensione accedente, explicatur & fit conspicua: Vel si nova dicatur quantitas, non propter partium novarum additionem, sed propter earundem partium novam distantiam, sine causæ nostræ præjudicio novitatem concedere poterimus.

Ad 2^m. Negamus consequentiam: Fit enim eadem numero quantitas major aut minor, non per intensionem aut remissionem, quæ propria qualitatum, sed per extensionem & contractionem, quæ propria quantitatum.

Ad 3^m. Connexum negamus: Alia enim quantitatis, alia qualitatis est ratio. Extendi enim potest quantitas evolutione & explicatione partium actu jam existentium, sed quasi involutarum & complicatarum, quod in qualitatibus non contingit.

Ad 4^m. Negamus consequentiam, si per *rem novam* intelligatur nova quantitas: novum autem illud quod per rarefactionem acquiritur, est novus ejusdem numero quantitatis modus, seu nova perfectio.

Ad reliquas duas rationes, quibus quantitatis præcedentis abjectio adstruitur, respondemus:

Ad 1^m. Nititur falsâ hypothesi, de novæ quantitatis acquisitione, quam suprà destruximus.

Ad 2^m. *Scorus* antecedens verum tantum esse ait de terminis primis, qui sunt privatio & forma, non autem universaliter verum esse de terminis concomitantibus primos. Item major quantitas & minor quantitas, quatenus una est alterius privatio, non sunt compossibiles; attamen, quatenus denotant aliquid positivum ipsius quantitatis, sunt compossibiles. Alii respondent, terminos motus formaliter esse impossibiles, sed non semper materialiter: manet igitur præcedens quantitas, non quæ minor est, sed quæ major est facta, per rarefactionem seu extensionem.

IX. Porro jam quaeritur: Quot in rarefactione motus subeat corpus? *Conimbricenses* quatuor motus agnoscunt: Quorum primus est calefactio, quæ materiam disponit ad raritatem: Quæ enim rarefit, prius incallescunt, ut videre est in aquâ & pulvere pyrio. Secundus, *Latio*, seu motus localis: Dum enim materiæ partes extenduntur, angustiis prioribus contineri nequeunt, sed spatium majus quaerunt: ut videre est in eodem pulvere pyrio, qui arcto spatio inclusus si accendatur & rarefiat, obstantia latera perfringit, angustiarum, quas ferebat ante rarefactionem, impatiens. Ità & igni appositæ castaneæ rumpuntur, humore, qui intra putamina concluditur, rarefacto, & spatium majus quaerente.

Tertius

Tertius est *rarefactio* propriè sic dicta, quæ species alterationis est, ad raritatem tanquam qualitatem tendens : Ubi enim distincti sunt termini ultimi, ibi quoque distincti sunt motus. Quartus est *acquisitio ejusdem quantitatis sub novo modo*. *Soncinus* in rarefactione tria agnoscit : 1. *auctionem quantitatis* per solam extensionem præexistentis quantitatis ; 2. *motum localem* partium corporis quod rarefit ; 3. *acquisitionem novæ qualitatis*, quæ raritas dicitur.

X. *An omnes hi motus realiter differant*, meritò dubitari possit. Certè extensionem quantitatis immediate videtur sequi raritas & novi loci acquisitio, absque alterius motus realiter distincti interventu. Videatur hæc de re judicium *Petri Fabri*, in *Philosoph. natur. Scoti theor. 45. cap. 3.* ubi docet quoque quo respectu raritas & densitas ad quantitatem aut qualitatem referri debeant. Summa huc redit Quia

densitas & raritas sequuntur alterationes frigefactionem & calefactionem, ad qualitates referuntur, cum alteratio tendat ad qualitatem, etiam si raritatis & densitatis essentia consistit in extensione & contractione quantitatis in eadem materiâ : Unde raritas & densitas formaliter in quantitate, causaliter autem in qualitate videntur esse *Petro Fabro* : Quo respectu etiam, 7. *Phys. cap. 2. t. 11. Aristoteles* raritatem & densitatem numerat inter qualitates, ad quas est alteratio : qui tamen alias easdem affectionem à genere qualitatis rejicit. *Thomas* de raritatis & densitatis formâ interrogatus respondet, eam non consistere præcipuè in positione partium, sed in proprietate quâdam & tali modo se habendi, ratione cujus multa materia potest esse sub parvis dimensionibus, & magnæ dimensiones sub parvâ materiâ. Hæc tamen proprietas præcipuè videtur pendere ex partium positione.

CAPUT XVII.

De Ariditate & Lubricitate.

Ariditas quid ? *Th. I. Aridum & siccum grammaticis synonyma, Physicis non item* : *æd. 1. Efficiens ariditatis* : 2. *Forma* : 3. *Ratio appendicis, tangentis rei motum remorans* : 4. *In Scribonii definitionem animadvertitur* : 5. *Lubricitas quid* : *Th. II. Efficiens* : *æd. 1. Forma* : 2.

THESIS I.

Ariditas est qualitas secunda, per quam corpus est aridum, tangentis corporis motum impediens.

Eu. Scoti.

I. *Aridum* quidem & *siccum* Grammatici non distinguunt : *Physici* tamen aliquod observant discrimen. Sunt quidem omnia arida sicca, attamen vicissim omnia sicca arida non sunt : cum sicca quædam sint quæ corporum tangentium motum non impediunt, ut vitrum, æs politum, & similia ; omnia verò arida impediunt.

II. *Efficiens* est remota & propinqua : illa calor, hæc siccitas est. Exsiccat enim calor humidum à sicco separando, & inter siccas durasque partes per humoris extractionem inæqualitatis nonnihil efficiendo ; unde motus impedimentum.

III. *Forma* est impedimentum seu remoratio corporis tangentis moti. Docet enim experientia pedem per arida contactu continuo non ita moveri promptè ut per lubrica : Per lapidem enim aridum non æquè promptè volites ac per glaciem.

IV. *Postrema* definitionis verba, *tangentis rei motum remorans*, vulgaræ definitioni duas ob causas adjecimus : 1. Quia partes tantum habere expertes humoris, è quibus vulgò aridum describi so-

let, aridum à sicco non distinguit : nam & sicca partes habent humoris expertes. 2. Quia contrariæ lubricitatis id poscit definitio : Si enim per lubricitatem corpora tactum faciliè effugiunt, adeoque tangentium motus promovent, contrarium utique de ariditate dicendum fuerit.

V. *Scribonius* ariditatem definit *qualitatem corpora nimis exsiccantem* : Male, ut animadvertit *Brichius* : Siccitatis enim est exsiccare, non ariditatis. Et quò oriri à siccitate potest ariditas, si ipsa producit siccitatem ?

THESIS II.

Lubricitas est qualitas secunda, per quam corpus est lubricum, tangentis corporis motum promovens.

Eu. Scoti.

I. *Efficiens* lubricitatis humiditas est : Videmus enim humida esse quæ lubrica sunt, ut anguilla glacies. Observandum autem omnem lubricitatem cum quâdam conjunctam esse lævitate, adeò ut à lævitate immediate oriri videatur lubricitas. Hinc *Brichius* lubricum definit, *in quo difficulter pedem figas, ob superpositam lævitatem*. Ubi in *Scribonium* animadvertit, qui lubricitatem definiebat *quæ lævitatem corporum lævitatem procreantem* : non enim

enim ex lubricitate, inquit, lævitas, sed ex lævitate lubricitas deducenda fuerat.

II. Forma est vis corpus tangens & motum promovendi, quam subita sequitur tactus fuga. Exem-

plu glacies est, cui pes insigi difficulter potest, excutuntur enim gressus facillimè. Anguilla tactum ita fugit, ut ægerrimè manu comprimi queat.

CAPUT XVIII.

De lentore & Friabilitate.

Lentor quid? Th. Efficiens: *ἐνθ.* 1. Forma: 2. Friabilitas quid? Th. II. Efficiens: *ἐνθ.* 1. Forma: 2.

THESIS I.

Lentor est qualitas secunda, per quam corpus est lentum & diductile.

Ἐκδεσς.

I. Efficiens lentoris est humor tenax & viscosus. Simplex enim & aqueus humor lenta non reddit corpora, ut videre est in pomis, pyris aliisque frugibus.

II. Forma est ductilitas seu tractabilitas, quæ longius diduci possunt corpora citra fractionem: ut cera, bitumen, viscus, gluten, aurum, argentum, stannum, &c. Scaliger, Exerc. 299. §. 3. lentum esse ait, quod tactu aut compressione dissipari facile nequit, cessione vincens, non resistentia.

THESIS II.

Friabilitas est qualitas secunda, per quam corpus est friabile & dissolutu facile

Ἐκδεσς.

I. Efficiens friabilitatis est siccitas. Humor enim est quasi gluten & vinculum partium siccarum: sublato igitur eo, discernuntur & discontinuantur.

II. Forma est facilitas in dissolutione, qualis in saccharo, sulphure, sale, & lapidibus nonnullis apprehenditur. Scaliger, Exerc. 299. §. 3. friabile definit, Continuum quod facile discretum fieri potest: item, cujus partes abstrahi facile. Effectum nominat, causam reticet.

CAPUT XIX.

De asperitate & lævitate.

Asperitas quid? Th. I. Efficiens: *ἐνθ.* 1. Forma: 2. Lævitas quid? Th. II. Efficiens: *ἐνθ.* 1. Forma: 2.

THESIS I.

Asperitas est qualitas secunda, per quam corpus est asperum, partes habens inæqualiter prominentes, & tactum offendentes.

Ἐκδεσς.

I. Efficiens asperitatis siccitas est: Exsiccat enim corporibus partes sicciore, quarum lacunæ seu hiatus humore antea repleti erant inæqualiter prominere & hiare incipiunt: Videre hoc est in senibus rugosis, quorum asperior jam cutis & lacunosa quasi est, ob substantiæ succulentæ consumptionem. Cortex quoque, quia reliquæ arboris substantiæ sicciore & terrestrior est, asperior quoque evadit, hiatu inter partes ejus exsuccas frequenti. Scaliger asperum ait esse, cujus partes minores superficiem non sunt æqualiter continuæ.

Apud Medicos linguæ asperitas certissimum est indicium siccitatis per inflammationem alicujus partis productæ.

II. Forma est inæqualis partium prominentia tactum offendens: Aspera enim durius contrectata

manum facilius lædunt. Ratio est, quia particulæ minimæ inæqualiter prominentes tenuitate suâ manum applicatam facile penetrant, eique insiguntur: quod fieri non posset si lata & continua superficies esset. Hinc Porphyrius in Prædicamentis asperum ait esse, cujus partes talem habent situm ut altera alteri superemineat. Ammonius & Boethius asperum vocant, quod inæquales partium inter se prominentias habet.

THESIS II.

Lævitas est qualitas secunda, per quam corpus est læve, superficiem habens durum, continuam & æqualem, tactum non lædens.

Ἐκδεσς.

I. Efficiens est humiditas juncta siccitati. Lævia enim propriè dicuntur, quæ superficiem habent continuam, hiatu nullo inæqualem, nec non tactui resistentem, ut vitrum, æs politum: Quæ enim tactui planè non resistunt, non lævia appellari solent, sed

sed mollia. Ad levitatem igitur efficiendam requiritur humiditas, si non actualis, saltem potentialis, quæ superficiæ æqualitatem & continuitatem minimè hiantem efficiat: requiritur etiam siccitas, eaque actualis, quæ partibus consistentiam imperiet, cuiusmodi in vitro & ære conspicitur.

II. Forma est partium omnium æqualis promittentia, tactum minimè offendens, qualis in vitro. Scaliger læve ait esse, in quo tangendo fit motus continuus & æqualis. Sed nec asperitas continuitatem motus videtur impedire.

CAPUT XX.

De Gravitate & Levitate.

Gravitas quid: Th. II. Efficiens: 3. d. 1. Forma: 2. An gravitas sit qualitas tactilis? Scaliger negat: 3. Repudiatur sententia Scaligeri: 4. Solvuntur ejus rationes: 5. An gravia semper deorsum ferantur: Rationes pro parte negante: 6. Solvuntur: 7, 8. Levitas quid? Th. III. Efficiens: 3. d. 1. Forma: 2. An gravia & levia moveantur à se ipsis? Sententia variæ: 3. Gravita & levia moveantur à generante, tanquam causâ remotâ: 4. Gravita & levia moveantur à removente impedimentum, tanquam causâ sine quâ non: 5. Gravita & levia moveantur à medio, tanquam causâ minùs principali, & motâ priùs quàm moveat: 6. Gravita & levia moveantur à principio interno activo per gravitatem & levitatem efficaci, tanquam à causâ principali: 7. Rationes contra hanc assertionem: 8. Solvuntur: 9. An corpora suis in locis sint gravia & levia: Rationes pro parte negante: 10. Defenditur pars affirmans: 11. Dirimitur controversia per distinctionem: 12. Respondetur ad experimentum Ptolemæi: 13. An sint speciei differentes gravitates & levitates.

THESIS I.

Hætenus qualitas afficiens tantum. Afficiens & motrix simul est Gravitatio vel Levitas.

THESIS II.

Gravitas est qualitas secunda, per quam corpus est grave, & deorsum movetur.

ΕΚΔΕΙΞΙΣ.

I. Efficiens gravitatis vulgò frigus statuitur: Nec negari potest, gravitatis causam sæpenumero esse frigus: Habet enim vim humoris condensandi, & mediante condensatione, gravitatis efficiendæ. Hinc videmus ligna frigore concreta graviora esse quàm non concreta; corpora mortua frigida graviora viventibus calidis. Solitaria tamen hæc causa minimè videtur esse, præsertim si condensationis intervæntu gravitas à frigore oriri dicatur, quæ Patrum Conimbricensium & communis omnium est sententia: Primum enim non frigus tantum sed & calor quandòque condensat: Deinde plurima actu & potentiâ calida gravia sunt, ut metalla ignita, aromata: Denique plurima sunt gravia quæ condensari à frigore nequeunt, cum humoris expetitia sint ut arenæ.

Rationibus hæc moti nonnulli, inter quos Scaliger & Timotheus Brichius, gravitatem & levitatem ad ipsam elementorum materiam referunt. In mistis enim gravia experimur quæ excessu sunt aquea & terrea: Aqua enim & terra gravia sunt, sive calida sive frigida sint, ut experientia docet. Interim quali-

tatibus secundis rectè accensetur gravitas, cum frigoris sit soboles, si non semper, attamen sæpe.

II. Forma ab effectu formali desumitur, qui est motus deorsum. Gravita enim omnia extra loca sua constituta, nisi impediuntur, deorsum moveantur: in locis suis constituta facultatem nihilominus retinent deorsum se movendi, si locis fortè suis excutiantur.

III. Queritur: An gravitas sit qualitas tactilis? Scaliger, Exerc. 109. tactum gravitatis indicem esse negat. Rationes ejus hæc sunt:

1. Gravitas est objectum motivæ potestatis, & ab eâ sentitur: Ergò non pertinet ad sensitivam: Sunt enim distinctæ hæc facultates.

2. Si gravitatis index tactus esset, eveniret id propter compressionem: At compressio non à gravitate tantum fit, sed à vi quoque, ut à forcipe: imò à levitate quoque; premunt enim mersantium pectora cucurbitæ.

3. Levitas à tactu non percipitur: Ergò nec gravitas. Antecedens probatur: Quis enim aeris vel ignis levitatem tactu unquam exploravit?

4. Manus imposita corpori gravi non sentit gravitatem: Ergò tactus non est index gravitatis.

5. Virtus motrix sine tactu sentit gravitatem: Ergò gravitas non est objectum tactus. Antecedens probatur: plumbum enim filo appensum grave esse sentitur, etsi manum vel brachium non attingit.

6. Si gravitas esset objectum tactus quia descendit, utique sensibile commune esset: At non est: Ergò. Ratio connexi est; Quia etiam oculus videt descensionem. Hæc Scaligeri sunt rationes.

IV. Placet nobis communis sententia, unde & ad tactiles qualitates retulimus gravitatem & levitatem. Explicatione hic potius opus quam demonstratione. Distinctionem igitur *Casalpini* probamus: *Qualitates, inquit, tactiles percipiuntur tactu vel simpliciter & per se, vel cum motu quopiam.* Ad posterius genus referenda gravitas, quam tactus interveniente motu sentit. Estque motus hic principaliter activus vel passivus: Activus est tangentis, quem rei gravis motus non præcessit. Fit hoc de gravitate iudicium, cum rem gravem attollere vel suo loco movere conamur. Quod enim magis tangenti manui vel corpori resistit, & ægrius moveri se patitur, eò gravior res æstimatur. Priori hoc modo tactu explorari gravia, gentium consensus docet. Ad iudicium enim de gravitate faciendum, corpus grave alteri incumbens cum quodam attollendi aut movendi conatu jubemur attingere. Passivus itidem tangentis est, quem rei gravis motus præcessit, ut cum capiti vel humeris vel manui grave corpus imponitur, quod pondere suo membrum sustinens premit ac deprimit. Quod enim magis mole suâ & inclinatione ad centrum nos premit, eò gravius æstimatur. Ad stipulatur & huic experimento gentium consensus. Corporis enim manui vel humeris impositi pondus jubemur sentire.

V. Ad *Scaligeri* igitur rationes breviter ita respondemus.

Ad 1^m. Antecedens negamus: Nec enim potestatis motivæ est sentire, sed sensitivæ, quæ à motiva distincta est: ut igitur potentia sensitiva localiter non movet, ita nec motiva sentit.

Ad 2^m. Ratio inconsequens est: Plus enim concludit quam in præmissis erat. Concludendum enim erat, Ergò tactus non est certus & infallibilis index gravitatis, quia etiam alia præter gravia comprimunt: quod equidem non negamus: sufficit nobis, si gravia à tactu sentiri propter compressionem detur. Respondemus secundo, Gravia à tactu explorari non tam propter compressionem quam propter depressionem ortam à naturali corporis ad centrum inclinatione. Sic igitur exemplum de cucurbitis & forcipe non quadrat: Cucurbitæ non deprimunt, sed attollendo premunt: Forceps deprimit quidem, sed non naturali corporis inclinatione.

Ad 3^m. Antecedens negamus: Ut enim gravia æstimentur & sentiuntur quæ manui incumbunt eam deprimunt gravitate suâ, sic & levia iudicantur quæ vim deprimendi per insitum pondus nullam habent.

Ad 4^m. Consequentiam negamus: Nec enim quovis modo applicata manus gravitatem sentit,

sed iis quos suprà explicavimus: Sentit manus gravitatem, non impolita corpori gravi, sed supposita.

Ad 5^m. Antecedens negamus: Virtus enim motrix non sentit: Sed demus eam sentire, gravitatem tamen absque contactu non sentit. Ad minimum enim contactus requiritur mediatas, qui est in exemplo à *Scaligero* producto.

Ad 6^m. Totum concedere possumus: Nec enim gravitatem tactus objectum esse dicimus ideo potissimum quia descendit, sed quia tactum peculiari modo afficit, vel deprimendo rem tangentem, vel eidem absque motu & descensu resistendo, ut cum pondus nec attolli nec loco moveri potest.

VI. Quæritur porro; *An gravia semper deorsum ferantur?* Libet hic morem nonnullis gerere quæstionem hanc moventibus, & rationes quæ in negantem partem nos trahere nituntur ponderare. Sunt autem duæ potissimum ab experientiâ depromptæ: 1. Sagarum corpora in examine per frigidam aquis innatant, non submerguntur: Sagarum corpora naturâ sunt gravia: Ergò quædam gravia non ferantur naturâ deorsum, sed sursum. 2. Ferrum, ut 2. Reg. vi. 6. legitur, aliquando in aquâ natavit: Ferrum est corpus grave: Ergò quoddam grave corpus naturâ non deorsum sed sursum fertur. Sed quid tum, inquis, si maxime detur gravius non semper deorsum ferre? Hoc si dederis, nonnulli sic triumphant; Deorsum tendere essentialis gravium est proprietas: Atqui gravia quædam aliquando deorsum tendere desierunt: Ergò essentialem proprietatem, incolumi nihilominus essentiâ, amiserunt. Quid inde? Ergò nexus priorum cum suis subjectis necessarius non est.

VII. Hi nodi ut solvantur, duo observentur: 1. Gravia dici deorsum ferri vel actu, vel inclinatione aut potentiâ. Actu, cum remotis impedimentis è loco superiori ad inferiorem descendunt, adeoque situm seu differentiam localem mutant. Inclinatione aut potentiâ, cum impedita quiescunt quidem, actum tamen primum gravitatis retinentia potentiam ad descensum proximam non amittunt, quamdiu habent essentiâ incolumem. Cum igitur gravia dicuntur naturâ deorsum tendere, inclinatio seu propensio potissimum naturalis ad motum hunc intelligitur, quam actus ipse sequitur ut primum remota sunt obitacula. Hoc primum observandum erat. 2. Quod è primo fuit; Gravium naturâ semper deorsum ferri potentiâ seu inclinatione ad descensum; nec posse hanc inclinationem gravibus citra essentiâ destructionem auferri, quia immediatè ab ipsâ fuit essentiâ: Actu verò, manente nihilominus

nihilominus incolumi essentia, & presente actu primo seu potentia proxima, non semper deorsum ferri; sed vel secundum aut præter naturam quiescere, vel contra naturam ab extrinseco motore sursum moveri. Secundum naturam quiescunt, cum in proprio sunt loco: idem enim deorsum naturaliter feruntur ut ibidem naturaliter quiescant. Præter naturam quiescunt, cum extra proprium sunt locum, & ad eum quod minus ferantur, externo quodam obstaculo impediuntur: ut si lapidem vel capiti imponas vel filo suspendas. Contra naturam seu violenter sursum feruntur à proficiente. Gravia igitur, sive quiescant sive moveantur secundum aut contra naturam, gravia sunt semper, & actu quidem vel primo, qui respectu operationis vocari solet potentia proxima, vel secundo, quæ operatio est & ἐνέργεια ab actu primo procedens: perinde ut homo, sive ratiocinetur sive non ratiocinetur, semper est rationalis, vel ἔσθ' ἢ ἐνέργεια. Canon ergo hic observetur verissimus, *Negata operatione, non statim negatur potentia proxima: Vel, sublato actu secundo, non tollitur statim actus primus.*

VIII. His observatis, ad contrarias rationes expedita & facilis est responsio. Utriusque negamus consequentiam: Ex præmissis enim conclusiones neutiquam sequuntur. Fatemur equidem gravia sagarum corpora, ipsumque ferrum aquis aliquando innatasse, deorsum infra aquam pondere non depressum: At gravia esse propterea desisse, amissione ipsius ἔσθ' seu propensionis ad descensum, & naturali internôque levitatis principio ascendisse pernegamus. Quis enim aerem infra aquam sæpenumero vi detentum levem esse neget, aut gravem asserat, aut naturam sursum tendere inficietur, quod non protinus feratur sursum, imò infra aquam descendat? Ut igitur hæc ab extrinseco & violento principio aer descendit, manente nihilominus propensione naturali ad ascensum, quæ levis aer judicatur; ita & illuc principia sunt querenda externa gravibus corporibus ad descensum præternaturalia, quæ gravitatem quidem iis non adimant, sed actionem gravitatis impediant. Principia igitur externa gravium horum corporum descensum prohibentia duo agnoscimus, *Deum & Satanam.* Cum enim singulari miraculo ferrum aque innatârât, quod naturali pondere infra eam deprimitur, dubium non est quin miraculorum Autor vi suâ omnipotenti hic concurrerit, & ne deorsum, quantumvis gravissimum, tenderet præceperit. Nam si leve fuisset, equid mirum si supernatârisset? Est enim ea levium natura ut aquis innatent: At grave supernatâre id erat miraculosum & Divinæ virtutis

opus. Eodem miraculo *Petrus* aquis inambulavit? *Matth. xiv. 30.* quem è gravi levem non esse factum periculum ostendit submerfionis, nâ manum Dominus extendisset. Virtute igitur Domini & ferrum & *Petrus* sustentabantur nè undis submergerentur, nec aquâ, ut nonnulli volunt, solidatâ, nec corporibus demtâ gravitate. Incurrit quidem in oculos miraculum, modus verò miraculi nè mente quidem percipitur. Et hæcenus de ferro natante.

Sagarum corpora ut aquis innatent, autor sine dubio est *Satanas*, qui aquis sagas quandoque immergi non patitur, ut hoc qualicumque indicio veneficii convictæ damnentur, & ad æterna supplicia citius promoveantur. De modo quo fiat hoc à *Satanâ* variæ circumferuntur sententiæ, quarum recitatione prætermisâ, veritati maxime consentaneum judicamus, si dicas à diabolo veluti fulcro sustentari eas quod minus in aquis subsident: Quod confessione nonnullarum firmatur, quæ anserem, quo sustinerentur, subjectum sibi affirmarunt. Et quid dubitemus? Nequam spiritus, qui infelices hæc mulierculas ad longinquâ sæpenumero loca per aerem sublimes devehit, & pondere nè depri-mantur in liquidissimo aere, efficit, nonne easdem in aquis idem sustinere valeat? De totâ verò hac sagarum per frigidam explorandarum ratione ut obiter sententiam nostram exponamus, periculosam, incertam & fallacem eam esse judicamus. Cum enim absque omni dubio *Satanæ* fiat artibus ut innatent aquis sagarum corpora, nunquid ejusdem fraude vel nocentes infra eas deprimi, vel innocentes supra eas elevari possent, adeoque illæ absolvi, hæc verò damnari? Quis fidem perfido humani generis hosti habebit? Apagæ ergo periculosum hoc explorandi genus, quo *Satanæ* libidini etiam innocentes sceminae objectæ periclitantur. Et hæcenus quidem duarum rationum solutio.

Quod pullulat ex iis sophisma clumbe planè est, & ex iis quæ suprâ notavimus facillimè retexitur. Propositio intelligitur vel de actu secundo & ἐνέργεια, operatione nimirum à formâ per gravitatem manante, vel de actu primo seu ἔσθ', inclinatione nimirum naturali ad descensum actualem. Priori modo si intelligas, negamus eam: Nec enim operatio essentialis rei est proprietas, sed potentia ad operationem: cum illa abesse sapius, re incolumi; hæc nunquam queat. Si posteriori modo, assumptionem negamus: cum contradictionem implicet, grave esse, & propensione seu inclinatione ad descensum destitui, non minus quàm, hominem esse, & risibilem seu rationalem non esse.

THESIS III.

Levitas est qualitas secunda, per quam corpus est leve, & sursum movetur.

Expositio.

I. Efficiens levitatis plerumque calor est, qui mediante attenuatione levitatem producit. Hinc aqua à calore in vaporem resoluta & attenuata sursum tendit, quæ gravitate suâ aliàs deorsum fertur. Nec tamen solitaria & unica hæc levitatis causa est: Nam & frigida quædam sunt levia, ut cicuta; & solâ densorum diductione, absque caloris attenuantis interventu, produci levitas potest. Summam aeris levitatem à calore ortam vix verisimile est. Nec enim tantus est aeris calor ut tantam inducere subtilitatem & levitatem possit. Summâ, Qualitatum secundarum causæ procreantes admodum inconstantes & variæ sunt.

II. Forma ab effectu formali desumitur, qui est motus sursum. Levia enim nisi impediuntur, sursum moventur: quod tamen de inclinatione potissimum accipi debet.

III. Quæstio celebris hoc loco tractanda venit; An gravia & levia moveantur à se ipsis?

Mira sententiarum circa quæstionem hanc est varietas. Sensus ejus est, An gravia & levia motus sui localis sursum & deorsum habeant principium activum internum? Plerique Peripateticorum negantem partem teneant, & principium tuncum externum agnoscunt, diversis tamen rationibus. Alii motum hunc à cælo deducunt, alii à loco, alii à medio, alii à generante, alii à removente impedimentum. Sententiam igitur nostram primum quatuor assertionibus explicabimus & confirmabimus, deinde ad contraria argumenta respondebimus.

IV. Prima; Gravita & levia moventur à generante tanquam à causâ remotâ. Duo continet hæc assertio: Unum, Gravita moveri à generante: Quod ita demonstramus; A quo gravia & levia habent ut sint gravia & levia, ab eo etiam habent ut moveantur: Atqui à generante gravia & levia habent ut sint gravia & levia. Ergo ab eo quoque moventur. Propositionis ratio est; Quia quod est causa causæ, est etiam causa causati. Assumptio manifesta est. Alterum quod assertio hæc continet, est, Motum gravium & levium esse à generante tanquam à causâ remotâ: Quod hæc ratione demonstramus; Ea est efficiens procreans effectui alicujus remota, cujus vel existentiam actualem vel præsentiam localem effectus necessariò non requirit: Atqui motus gravium & levium generantis vel existentiam actualem vel præsentiam localem necessariò non requirit: Ergo.

Observandum hoc loco, genitorem esse causam non tantum motus gravium & levium, quæ talia sunt, sed & viventium: Nam & hæc genitori suo, tanquam causæ remotæ, debent, quod sunt, & quod moventur, tam localiter, quam aliis motus speciebus. Quod etsi ægrè ferunt Conimbricenses, evidenti tamen ratione non evertunt, imò propriis verbis haud obscurè confirmant. Inter alias enim rationes cur generanti motum levium & gravium adscribant, hanc quoque adserunt: Quia agens cui ex natura officio incumbit aliquid tribuere, debet conferre etiam quicquid via mediumque est ad id obtinendum, & ad idem, si amittatur, recuperandum. Cum igitur nutritio & motus localis pertineant ad naturam animantis conservandam; nonne eodem jure ad genitorem quoque referri possunt & debent?

V. Secunda; Gravita & levia moventur à removente impedimentum tanquam à causâ sine quâ non.

Assertionem hanc experientia comprobatur: Ut enim gravia ruunt, remotis fulcris tanquam impedimentis, ita & levia feruntur sursum, sublatiis iis quibus detinebantur. Est hæc observandum, remotionem impedimenti non esse tantum causam sine quâ non motus levium & gravium, sed & motus animantium: Animanti enim pedes legato nisi vincula detraxeris, localiter non movebitur. Ut igitur vinculorum detractio non est causa principalis motus animalis, ita nec remotio impedimenti motus gravium & levium.

VI. Tertia; Gravita & levia moventur à medio tanquam à causâ minus principali, & motâ prius à gravibus & levibus quam moveat.

Experimento id constat: Non enim movet medium, nisi in locum è quo pulsus erat redeundo, & pellentia repellendo: Necessariò igitur motus activus gravium & levium præcedit, quo moveatur medium. Rejicimus igitur Pererii sententiam, qui lib. 7. De naturâ, cap. 16. ait, corpus simplex, scilicet grave & leve, moveri quidem à se, sed non per se, sed ex accidente. Præterquam enim quod contradictionem implicet sententia hæc, fundamento quoque nullo nititur. Etiam si enim gravia & levia moveri non possunt nisi in medio idoneo, ut ex Aristotele probat Pererius, 3. De Cælo, cap. 2. t. 28. non tamen sequitur, per accidens ea moveri. Nam ne animantia quidem localiter moveri possunt nisi in medio certo & idoneo; quis autem per accidens ea moveri propterea dixerit? Est igitur medium causa sine quâ non, vel minus principalis, minime verò principalis. Simile quo utitur Pererius, sententiam ejus evertit; Quæmodò enim, inquit,

inquit, *remex movendo triremem seipsam movet, sic etiam corpus simplex pellendo medium perducit se ipsum ad locum naturalem.* At remex pellens triremem impellendo per se movetur: Ergo & corpus simplex medium pellens.

VII. Quarta; *Gravia & levia moventur à principio interno activo per gravitatem & levitatem efficaci, tanquam à causâ principali & proximâ.*

Assertionem hanc Scotus tueretur, & nos cum eo, sequentibus rationibus.

1. Omnis effectus actu existens requirit causam principalem actu existentem: At motus gravium & levium est effectus actu existens: Requirit igitur causam principalem actu existentem. Propositio Aristotelis est, 2. Phys. t. 3. 8. Quæ cum de omnibus effectibus actu existentibus vera est, tum de iis maximè quorum esse consistit in fieri seu successione, h. e. quæ nisi præsentem causâ nequeunt existere, ut motus. Hinc igitur ex remotione causarum aliarum pergitur; Nec generans, nec locus, nec medium, nec removens impedimentum est causa proxima & principalis motus gravium & levium: Ergo forma per gravitatem & levitatem efficax. Antecedens probatur: De generante; Quia gravia & levia moventur actu; etiam sublato vel absente generante. De loco; Quia is non effectivè sed finaliter tantum movet. De medio; Quia medium non movet gravia & levia nisi prius ab iis moveatur. De removente impedimento: Quia tantum est causa sine quâ non, communis motui animantium, quæ sublato impedimento ampliùs nihil agit.

2. Quicquid movetur per se absque externi motoris accessu, id principalem motus sui principium in se habet: Atqui grave filo alligatum & suspensum, suæque ponderositæ filum tanquam impedimentum rumpens, & deorsum tendens, per se movetur absque externi motoris accessu: Ergo. Assumptio probatur è remotione aliarum causarum motricium, ut in priori ratione. Qui respondent; A genitore impressam esse gravibus & levibus virtutem motricem, quæ tanquam organon genitoris motoris principalis moveat, ad rem quod faciat nihil proferunt. Virtus enim illa gravibus & levibus à genitore communicata alia esse nequit nisi gravium & levium forma qualitativis motricibus instructa, quam à genitore inductam esse non inficiamus: Debere verò propterea genitorem causam motus principalem appellari, adeo ut à se principaliter moveri gravia & levia dici non possint, id verò pernegamus: Sequeretur enim, nullum animal moveri à se principaliter, quia à genitoribus virtutem motricem omnia acceperunt: Imò sequeretur, nullum corpus naturale actionis suæ, quæcumque tandem ea sit,

principalem esse causam; cum actionum principia à procreantibus habeant omnia.

3. Si gravia motus sui principium internum non habent, ratio nulla dari poterit cur graviora velocius descendant quàm minus gravia: At hoc falsum: Ergo & illud. Assumptionem qui negant, & majoris vel minoris velocitatis causam in medio quærunt, difficultati non satisfaciunt: Medium enim ad motum non concurret nisi prius à gravibus moveatur: Quò igitur violentius à gravibus truditur, eò magis quoque deinde movet. Causa igitur assignanda fuerit cur gravia medium violentius pullent quàm minus gravia: certè alia nulla dari potest nisi interna.

4. Gravitæ & levitæ sunt qualitates motrices: Ergo motus gravium & levium est à principio interno. Ratio consequentiæ; Quia qualitas non agit nisi à præsentem formâ tanquam causâ principali gubernetur.

5. Gravia & levia habent naturam: Habent igitur in se principium motus activum & passivum.

6. Naturalia distinguuntur ab artificialibus per principium motus activum internum: Cùm igitur gravia & levia, quæ talia, sint corpora naturalia, utique per motus principium activum internum distinguuntur ab artificialibus.

VIII. Contra assertionem hanc multis rationibus pugnant Thomistæ & alii Peripatetici. Potiores hæc sunt:

1. Quod movet se, etiam sistit se, & movet contrariis motibus: At gravia & levia non sistunt se, nec movent contrariis motibus: Ergo. Propositio Aristotelis est.

2. Quicquid movetur à se, partes duas distinctas habet, moventem & motam; ut in animante, corpus & anima; Atqui gravia & levia, quæ talia, duas partes distinctas non habent: Ergo. Propositionis ratio est; Quia idem secundum idem non potest simul agere & pati.

3. Nullum continuum potest seipsam movere: Sed gravia & levia, quæ talia, sunt continua: Ergo.

4. Quod dat formam, dat etiam consequentia formæ: At genitor gravibus & levibus dat formam: Ergo dat etiam consequentia formæ, inter quæ etiam est motus localis.

5. Si projecta principium motus à projiciente accipientia, etiam remoto vel pereunte projiciente, movere nihilominus à projiciente dicuntur, etiam gravia & levia à genitore moveri dicenda sunt, quia formam ab ipso acceperant, quæ motus principium est: At verum prius: Ergo & posterius.

6. Denique sententiæ huic plurimis in locis favere:

vere videtur *Aristoteles*, imprimis 5. *Phys.* cap. 2. t. 18. & 8. *Phys.* t. 32.

IX. Ad rationes hæc ita respondemus.

Ad 1^m. *Propositio* universalis non est : Locum enim in iis tantum habet quæ per cognitionem se movent, ut animalia, quibus solis competit in motu se sistere, & contrariis motibus se agitare.

Ad 2^m. *Assumptionem* negamus : ut enim animantia, quæ talia sunt, constant materiâ & formâ, sic quoque levia & gravia : utque animalis motus causa est anima, per qualitates & instrumenta corporis heterogenei efficax, sic & in gravibus & levibus forma per levitatem & gravitatem efficax localis motus causa est.

Ad 3^m. *Propositio* non nisi cum certâ limitatione admitti potest, nimirum, Continuum se non movet ita ut pars ejus materialis una sit instrumentum quo moveatur altera, quod quidem in animantibus videmus contingere, muscoli enim, nervi, &c. sunt motus animalis instrumenta. Cum hæc igitur limitatione rationem totam concedimus ; Nec enim ita moventur gravia & levia seu continua, ut animalia. Notandum ergo instrumenta varia corporea non requiri ad motum localem in genere, sed ad animalem in specie.

Ad 4^m. Totam concedimus eo sensu quem explicavimus in assertionem nostrâ primâ.

Ad 5^m. Idem totam concedimus eodem sensu acceptam.

Ad 6^m. Cum non nisi nudâ *Aristotelis* autoritate nitatur, imbecilla admodum est, nec sententiæ nostræ quicquam præjudicare potest : Vel certe negat *Aristoteles* gravia & levia eo à se modo moveri quo animantia moventur : quæ *Scoti* est conciliatio.

X. Quæri etiam solet ; An corpora suis in locis constituta sint gravia vel levia ?

Ptolemæi & multorum aliorum opinio est, gravia & levia esse tantum extra loca naturalia, in locis naturalibus nulla. Et sanè si grave est quod deorsum tendit, & leve quod sursum, videntur utique in locis naturalibus nec gravia nec levia esse, cum sursum aut deorsum non tendant, sed immota quiescant. Comprobat idem *Ptolemæi* experimentum : Etiam si enim in aquam profundissimam immergimur, nihil tamen ponderis incumbere nobis sentimus. Rei hujus alia videtur nulla ratio, nisi quod aqua suo loco constituta gravitatem exuat quam extra locum proprium confestim recipit. Nam si dorso imponas extra aquam aquæ illud quod in aqua constituto tibi incubebat, opprimi te vel primo momento senties.

XI. Esse tamen gravia & levia in propriis quoque locis, firmissimis rationibus demonstrari potest.

1. Quia levitas & gravitas fluunt ab ipsâ essentiali corporum naturalium, adeoque sunt propria essentialia, quæ abesse à suis subiectis illæis nullo modo possunt.

2. Quia gravia suis in locis constituta dimoveri se ab iis agrè patiuntur : At id quæso quam aliam ob causam nisi quod propriâ mole externi & violenti motoris conatum frangunt ? quæ si gravia non forent, negotii planè nihil motori facesserent.

3. Si corpora suis in locis gravia vel levia sunt nulla, gravitatem igitur & levitatem quam extra loca habebant amiserunt : At cujus contrarii actione ? primæne an secundæ alicujus qualitatis ? mediæne, an loci ? Nominari horum nullum potest, quin evidentissimis rationibus refutari possit.

4. Corporum naturalium elementarium, saltem, si quis fortè cœlestia excipiat, ea est conditio, ut contrariorum amissio uno alterum possideant : Sic quod calidum non est, frigidum est ; quod humidum non est, siccum est, & sic de reliquis quoque secundis qualitatibus : quod molle non est, durum est ; quod asperum non est, læve est : Idem igitur de gravitate quoque & levitate dicendum erit, eruntque levia quæ gravia non sunt, nec enim ulla diversitatis monstrari potest ratio. Quod si ita, numquid gravia in locis suis constituta gravitatis expertia levia erunt ? & levia suis in locis levitatis expertia gravia ? At quid absurdius excogitari possit, aut monstruosius ?

XII. Controversia hæc ut dirimatur, distinctio huc revocanda cujus supra facta est mentio, Quod nimirum gravia dicantur actu primo vel secundo, h. e. *ἐξ ἑαυτῶν* vel *ἐκ τῶν ἄλλων*, habitu vel operatione. Habitu seu potentiâ proximâ tantum gravia sunt, quæ propter impedimenta externa actu quidem deorsum non feruntur, ferri tamen apta sunt nata remotis impedimentis, idque per gravitatem habitualem, quam nè momento quidem deponunt. Operatione gravia sunt, quæ sublati obstaculis actu feruntur deorsum, actu, inquam, seu operatione ab habitu gravitatis emanante. Eadem levitatis est ratio. Gravita igitur & levia si priori modo capias, etiam suis in locis sunt talia : quod rationibus quatuor firmissimis modò demonstratum est. Posteriori modo talia non sunt, quia planè non moventur, idque propter obstaculum naturale, locum nimirum naturale, quem sortita quiescunt, incolumi nihilo minus habitu : quo actu motum eundem possunt repetere, si per vim inde excutiantur.

XIII. Ad *Ptolemæi* experimentum respondemus, niti id elencho causæ : Quod enim aqua profundiori immersus pondus non sentiat, in causâ non est quod

quodd gravitatem incumbens aqua deposuerit, id enim falsum esse experimento demonstrari potest evidenti: Nam si per canalem seu tubulum inferiorem aquam aliò deduxeris, continuo superiorem subsidere animadverteres, idque nullam aliam ob causam nisi ob pondus quo deprimitur. Vera igitur causa est, quam contra *Prolemaum Syriani* adfert, aquæ continuitas, per quam pars inferior superiorem sustentat; perinde, inquit, ut cum in foramine parietis murus corpori meo ab omni parte incumbet, me tamen non premit, quia lapides muri mutuo se sustentant.

XIV. Quæritur etiam, An dentur species diversæ gravitatis & levitatis. Multorum est sententia, ut videre est apud *Ruonum*, 4. De cælo, q. 1. gravitatem aquæ & terræ specie differre, uti & levitatem aeris & ignis. 1. Quia habent subiecta specie differentia: At specie distincta subiecta arguunt affectiones specie distinctas. 2. Levitas aeris & ignis specie differentes terminos habent, ad quos

corpora sua movent: Ergo etiam specie differunt. Antecedens probatur; Quia levitas ignis movet ad concavum lunæ; levitas aeris, ad concavum ignis.

Sed verior est contraria sententia: 1. Quia levitas ignis & aeris non habent oppositas differentias essentielles, uti nec gravitas aquæ & terræ. 2. Motus recti naturales tantum duo sunt specie distincti: Ergo & principia horum motuum, tantum duo sunt specie distincta, nempe gravitas & levitas; non quatuor, nempe levitas duplex, & gravitas duplex.

3. Non sunt species multiplicandæ sine necessitate. Ad contrarias rationes facilis est responsio: Ad 1^m. Subiecta specie differentia possunt habere eandem specie affectionem communem: Hæc enim accidentium seu affectionum communium natura est. Ad 2^m. Distinguendus terminus formalis primò & directè intentus à materiali secundario & indirectè intento: Prior unus est in utràque levitate, nempe sursum; in gravitate utràque, deorsum. Posterioris diversitas specificam differentiam non arguit.

CAPUT XXI.

De Luce.

Qualitas visibilis, lux vel color: Th. I. Lux quid: Th. II. An lux sit affectio corporis naturalis generica? 1. Quæ sit lucis natura? In quo prædicamento sit? Variæ sententia: 2. Exponitur sententia propria: 3. Lux in se considerata tantum est in uno prædicamento: ibid. Lux est in prædicamento Qualitatis: 4. Argumenta probantia lucem esse substantiam: 5. Patricius negat lumen esse qualitatem: 6. Solvuntur rationes quæ contendunt lumen esse corpus: 7. Solvuntur rationes quæ negant lumen esse qualitatem: 8. Respondetur ad rationem Scaligeri: 9. An lux sit qualitas primò & per se visibilis? 10. Materia lucis: Thes. III. Efficiens: Th. IV. Forma: Th. V. Finis: Th. VI. Lucis effectus lumen: Th. VII. Doctrina Patricii de lumine. Quomodo à luce lumen differat? 1. An specie differant? 2. Rationes pro sententiâ affirmante: ibid. Rationes pro negante: 3. Solvuntur rationes pro sententiâ affirmante: 4. Videri lumen esse speciem intentionalem: ibid. Æterna Filii Dei generatio illustratur simili ad emanationem luminis petito: 5. An lumen à radio differat? Proponitur affirmativa: 6. Radius occultus deceptio: 7. Doctrina Patricii de radiis: ibid. Illuminatio: Th. VIII. Usus illuminationis: 1. An lux etiam calefaciendi vim habeat. Sententia Peripateticorum affirmativa: 2. Rationes ejus: 3. Defenditur sententia negativa: 4. Solvuntur rationes contrariæ: 5. Sententia Vallesii de modo quo lumen calefacit: 6. Gianninii adversus Vallesium disputatio; & iudicium de eâ: 7. Impugnatur sententia Vallesii: 8. Gianninii sententia de modo quo lumen calefacit: 9. Multis rationibus evertitur sententia Gianninii: 10. Illuminatio percipibilis: Th. X. Imperceptibilis: Th. XI. Adjuncta lucis: Th. XII. Ostenditur ejus pulchritudo: 1. Ostenditur fecunditas: 2. Admirabilis ejus in specie propagandæ celeritas: 3. Alia ejus adjuncta & effecta insignia: 4. Tenebræ: Th. XIII. De tenebrarum naturâ Patricii discursus: 1. Umbrarum figura: 2. Cur umbra juniperi gravis cantantibus: ibid.

THESIS I.

Hactenus qualitas tactilis. Sequitur visibilis, per quam corpus in sensum visus incurrit: Estque Lux vel Color.

THESIS II.

Lux est qualitas visibilis, perquam corpus est lucidum, & luminis productivum, orta ex condensatione perspicui.

ENDIS.

EXERCIT.

I. Ad definitionem illustrandam una atque altera quaestio paucis tractanda. Queritur igitur
1. *An lux sit affectio corporis naturalis generica?*

Plerorumque opinio est, lucem esse qualitatem corporum coelestium propriam: Existimant enim à cœlo derivari quicquid in mundo inferiori luminis est. Et si verò primariam luci sedem in cœlo Deus fixit, propriam tamen cœlo lucem non dicavit, sed universam naturam divinam hujus qualitatis participem fecit. Docet hoc experientia: Ignis enim, quo utimur, certè lucis plenus est, & noctu quævis obscura illuminat: Sic & aqua purior congenitam sibi lucem habet, adeò ut noctu etiam per tenebras densiores in oculos se ingerat. Metalla pleraque polita lumen è luce sua fundunt. Sunt & gemmæ pleræque lucidissimæ. Lucent & ligna putrida quàm plurima, nec non specula è vitro & metallis confecta. Oculi nonnullorum animantium ita sunt lucidi ut obscurum aerem illuminare & colores sibi representare valeant, ut constat de felium oculis. Oculorum *Tiberii Cæsaris* ea fuit natura, ut expurgatus noctu paulisper haud alio modo quàm luce clarà contueretur omnia; teste *Plinio*. *Augusto* oculi adeò enitescerant, ut si intentius aliquem esse intuitus, ceu splendoris nimietate caligaret, vultum submittere cogeretur. Quid? nullum est naturale corpus, modò terminatum & aliquà ex parte densatum sit, quod luce sua careat, etsi in plerisque minor ea est quàm ut medium illuminare possit. Huic nostræ sententiæ suffragatur *Scaliger*, Exerc. 225. §. 3, ubi ait, Statuisse se quondam lucem habere solum corpus cœleste pro subiecto, nunc verò in alià esse sententià: Lucem enim etiam in multis corporibus esse corruptibilibus, in igne, in cindindela, in spiritibus, in oculis, & faucibus quorundam piscium. In eadem sectione contendit lucem esse formam seu actum coloris, ipsamque corporum missionem ingredi. Cum igitur omnia mista sint colorata, lucida quoque omnia esse consequitur: Imò ne à nigro quidem abesse lucem asserit; *Lux enim actus est visibilitatis, qui etiam in nigro est*. Explicat se ibidem expressionibus verbis; *Lux, inquit, quæ in misto est, quaquam est coloris actus, qui color in misto est, tamen propter missionem facta est potentialis, id est, quæ non possit actu videri, nisi cum ea, quæ extra est, immista per conjunctionem unatur*. Amplius verò nostra confirmabitur sententia, ubi consulerit lucem omni è perspicui condensatione unde duabus positis hypothesebus negotium facile conficitur;

1. *Omne corpus naturale terminatum est condensatum;*

2. *Omne corpus naturale habet aliquid perspicui:* Hinc necessariò sequitur, *Omne corpus terminatum lucem sibi congenitam habere.*

II. Queritur 2. *Quenam sit lucis natura?*

De naturâ lucis diversissimæ in Philosophorum scholis sententiæ circumferuntur, & primum quidem de prædicamento in quo collocanda sit Lux variè dubitatur: Alii in uno prædicamento lucem ponunt, alii in pluribus. Nonnulli in prædicamento Substantiæ collocant, alii in prædicamento Qualitatis; arridet aliis prædicamentum Relationis, aliis prædicamentum Actionis & Passionis: *Staliger* in nullo prædicamento esse contendit, Exerc. 75. §. 6.

Observandum in primâ hâc de naturâ lucis controversiâ lucem à lumine ferè non distingui, etsi alias ut causa & effectus distinguuntur: A luce enim lumen est.

III. Sententiam igitur nostram duabus assertionibus explicamus: Una est; *Lux & lumen in se considerata, absque respectu ad aliud, sunt in uno tantum prædicamento.*

Ratio est; Omne ens quia ens est, unum est: Ergò non nisi in uno prædicamento est. Antecedens patet, quia Ens & Unum convertuntur. Ratio consequentiæ est; Quia qualis est rei natura in se, talis quoque in prædicamento esse indigitatur: Cum igitur lucis ut & luminis in se considerati natura sit unica, unitas quoque prædicamenti naturæ unitati respondeat, oportet. Rejicimus ergò sententiam *Thomæ Giannini* Philosophi *Ferrariensis*, qui naturam luminis explicaturus in tribus prædicamentis collocat, Qualitatis, Actionis & Passionis, in Disputat. de lumine, cap. 8, & 9.

IV. Altera est; *Lux est in prædicamento Qualitatis: est enim corporis lucidi qualitas, ut & lumen luminos.*

Assertionis hujus rationes hasce exhibemus.

1. *Lux nec substantia est, nec relatio, nec actio, nec passio:* Ergò qualitas est. Bona est consequentia, quia de aliis prædicamentis nulla controversia est. Antecedens probatur de singulis partibus. *Substantia est incorporea vel corporea:* Lux neutra est. Non incorporea, & proinde nec forma, quia incurrat in sensum. Non corporea: 1. Si corporea esset, sequeretur duo corpora posse esse in eodem loco, adeoque dari penetrationem corporum: Lumen enim corpora pellucida undiquaque penetrat. Sequeretur & tenebras esse corpora: contraria enim sunt in eadem categoriâ. 2. Nullum corpus per solum alterius corporis recessum in momento evanescit: At lumen per solum lucidi corporis recessum evanescit; Ergò. 3. Omne corpus determinatum ha-

bet

bet motum : Lumen non habet. 4. Omne corpus movetur cum successione : Lumen diffunditur per aerem in momento, vel certè tempore imperceptibili. 5. Nec materia nec compositum est. Non materia, quia omnis materia quatenus materia est, est quiddam potentiale passivum : At luce nihil magis actuosum, nihil magis efficax. Deinde, materia nulli inhæret : Lumen inhæret. Tertiò, materia propriè sic dicta procreantis suæ causæ præsentiam non requirit : Lumen non existit nisi præsentè causâ suâ. Deniq; materia per se est quanta : Lux & lumen minimè. Nec verò compositum ex materiâ & formâ est, propter easdem rationes. Relatio quoq; non est; 1. Quia relatio vim agendi non habet : Lux est efficacissima. 2. Relatio est minimæ entitatis : Lux non item. 3. Relatio, quâ relatio, non incurrit in sensum, tanquam objectum : Lux incurrit in sensum. 4. Lucis natura in se potest intelligi non intellecto alio ad quod refertur. Nec verò actionem esse patet; 1. Quia est principium actionis. 2. Actio nullam sui producit imaginem : Lux sui producit imaginem. 3. Actio naturalis est motus : Lux non est motus. 4. Lux est terminus actionis : est enim per emanationem ex lucido corpore. 5. Caligo non est actio : Ergò nec lux, nec lumen : Sunt enim contraria in eodem prædicamento. 6. Actio non ingreditur missionem : Lux ingreditur missionem, ut antè ex *Scaligero* probavimus. 7. Si lumen esset actio, vel emanatio esset corporis lucidi, vel illuminatio corporis luminosi : Atqui nec emanatio est, quia hæc lucis causa est; nec illuminatio, quia hæc luminis effectum est : Actio igitur non est. 8. Actio non est sensibile proprium : Lux est sensibile proprium.

Minimè ergò probamus *Gianninii* sententiam, qui lumen aliud nihil esse ait nisi illuminationem. Quid enim hoc aliud quàm causam cum effecto, actum primum cum secundo confundere? Quam tantò magis sententiam mireris, quòd & qualitatem & actionem esse lumen fateatur, adeoque diversa prædicamenta & species disparatas confundat. Reliquum igitur est ut tam luceni quàm lumen qualitatem dicamus esse, quæ prima sententiæ nostræ ratio.

2. Forma accidentalis per quam substantia est efficax, qualitas est : Atqui lux & lumen est forma accidentalis : Ergò. Propositio continet definitionem qualitatis.

3. Id est qualitas à quâ substantia dicitur talis & qualis : Atqui à luce & lumine substantia dicitur talis & qualis : Ergò.

4. Objectum proprium visus est qualitas : Lux objectum proprium visus est : Ergò. Idem de lumine

sentiendum. Vide *Scaligerum*, Exercit. 71. §. 1. Hæc sententia nostræ sententiæ confirmatio.

V. Sequuntur Contrariarum opinionum argumenta. Primum igitur, sunt qui lumen vel lucem substantiam esse contendunt corpoream. Rationes sententiæ hujus hæc reddunt :

1. Lumen per se movetur : Ergò corpus est. Antecedens probant; Quia etiam quiescente medio movetur : ut patet ex incremento & decremento umbrarum.

2. Lumen figuratum est : Ergò corpus est. Antecedens probatur; Quia radii per foramina angularia transmissi in objecto corpore opaco figuram rotundam repræsentant.

3. Lumen habet trinam dimensionem : Corpus igitur est. Antecedens probatur; Quia per omnes aeris partes undique diffusum est.

4. Quod movetur de loco in locum, corpus est : Lumen de loco in locum movetur : Ergò. Assumptio probatur; Quia exit de lucido corpore in aerem.

5. Lumen seu radius reflectitur & refringitur : Ergò corpus est. Antecedens probatur ex *Opticorum* præceptis, de reflexionibus & refractionibus radiorum.

6. Radius manet immotus, moto aere. Ergò non est in aere tanquam accidens in subjecto : Movetur enim accidentia ad motum suorum subjectorum.

VI. *Patricius* qualitatem lumen esse negat, his rationibus.

1. Qualitates adesse subjecto & ab eo abesse possunt citra subjecti destructionem : Lux à lucido corpore non potest abesse citra subjecti destructionem : Ergò. Hanc rationem maxime urget lib. 1. *Panagizæ*.

2. Qualitas recipit magis & minus : Lumen non recipit magis & minus : Ergò.

3. Qualitas sensum inducitur in corpus & educitur per alterationem : Lumen illico & in momento à re cedit totum : Ergò lumen non est qualitas diaphani.

4. Qualitas in corpore aliquandiu retinetur : Lumen non retinetur. Ergò.

5. Qualitas habet contrarium : Luci nihil contrarium : Ergò.

VII. Ad rationes hæc ita breviter respondemus, & primum quidem ad eas quæ lumen corpus esse contendunt.

Ad 1^m. Antecedens negamus. Probatio inefficax est : Ex incrementis enim & decrementis umbrarum non rectè colligitur motus localis luminis. Decrescunt enim & accrescunt umbræ, ob varium corporis lucidi lumen præsentia suâ generans

tis accessum & recessum. Videtur lumen sequi corpus lucidum, quia unde recedit corpus lucidum, evanescit, quò accedit, in momento novum generatur.

Ad 2^m. Consequentiam negamus: Id enim tantum corpus est quod per se figuratum & quantum est: Lumen autem per se figuratum non est. Rotunditas enim quam lumen per angulare foramen intromissum ostendit, non est luminis propria, sed corporis lucidi, solis nimirum imaginem seu figuram suam in objecto opaco repræsentantis. Et si foraminis ut plurimum figuram lumen transmissum exhibet, quæcunque tandem ea sit: Unde triangulare, quadratum, oblongum sæpenumero videmus lumen, si foramen per quod transigitur lumen sit triangulare, quadratum, oblongum.

Ad 3^m. Consequentiam negamus: Id enim demum corpus est quod trinam dimensionem per se habet: At lumen ratione subjecti habet, ut quævis alia qualitas in subjecto quanto secundum omnes ejus dimensiones recepta.

Ad 3^m. Assumptionem negamus. Probatio falsa est: Lumen enim non effluit e corpore lucido, sed extra id generatur, ut calor ab igne.

Ad 4^m. Consequentiam negamus: Id enim demum corpus est, quod propriè reflectitur idem numero à subjecto solido resiliendo, veluti pila parietis illiusa resilit: Ità verò minimè reflectuntur radii, nisi vel substantias eas esse dicamus, vel accidentia de subjecto in subjectum migrare posse concedamus: quorum utrumque falsum & absurdum. Dicitur verò lumen solare reflecti metaphorice seu propter quandam similitudinem cum supra corpus aliquod supernè productum, versùs eandem lineam seu locum eundem aliud numero lumen producit: veluti calor reflectitur, cum in opposito pariete per aerem medium ab igne productus & multiplicatus alium numero calorem in eodem aere producit: Nec enim idem calor à pariete resiliere putandus est. De radii reflexione & refractione disputantem vide *Scaligerum*, Exerc. 75. §. 10. ubi reflexionem propriè sic dictam in radio quidem agnoscit, & tamen substantiam corpoream esse negat; sed tantum habere ait analogiam corporis in reflexione, ut habet in motu. Nos verò uti motum localem luminis tanquam accidenti non tribuimus, ità nec reflexionem propriè sic dictam: nec putamus analogum tantum corpori esse quod propriè frangitur aut reflectitur, sed reverà corpus. Interim quia in Opticis nihil communius est terminis *reflexionis* & *refractionis radiorum*, cum iis loquendum esse, & hanc etiam hypothesin concedendam arbitramur Opticis, sed tanquam hypothesin: quales plurimas

habent Mathematici, in se quidem falsas, attamen demonstrationibus Mathematicis inservientes.

Ad 6^m. Antecedens negamus: Et si enim experientia id videtur approbare, ut cum concitato aere eundem radium immobilem videmus intueri; oculum tamen decipi ob momentaneam novi radii, qui priori propter subjecti aeris motum evanescenti succedit, productionem certum est: Eodem modo species visibiles in aere moto videntur immotæ, quia eadem à corporibus visibilibus ratione producuntur quæ lumen à lucido. Si ergo ob apparentem hanc immobilitatem lumen censeatur substantia, quidni de speciebus visibilibus idem judicandum fuerit?

VIII. Ad rationum, quæ contra qualitatem aliatæ sunt, 1^m. respondemus: Propositio universalis non est: De propriis qualitativis accepta falsa est; cum propria à subjectis suis citra destructionem eorum non possint abesse.

Ad 2^m. Assumptio falsa est: Datur enim magis lucidum & minus lucidum: Sol lunæ aliisque stellis lucidior est.

Ad 3^m. Vel propositio vera tantum est de qualitativis magis corporalibus, non de spiritalibus, vel ad spiritalium naturam accedentibus: Vel neganda assumptio est: Illuminationis mora etsi à nobis vix percipitur, non tamen ideo planè nulla est. Si species intentionales ad qualitates quoque referantur, propositio vera non erit nisi de solis qualitativis realibus, ex illorum mente qui lumen ad species intentionales referunt.

Ad 4^m. Etiam lumen in diaphano retinetur, præfente corpore lucido. Eadem est ratio luminis & colorum intentionalium quoad existentiam in diaphano.

Ad 5^m. Assumptio negatur: Tenebræ enim contrariantur luci, si non positivè, at privativè. Quòd si verò contendat *Patricius* omnem qualitatem habere contrarium positivum, probatio ipsi incumbet: Certè potentia naturalis qualitas est, quæ contrarium propriè dictum non habet, nisi privativum, impotentiam naturalem. Sed plana res est, lucis contrarium positivum ex *Patricii* quoque mente est opacum: lucida enim lumen, opaca tenebras emittunt, lib. 4. Panaug. Qui lucem formam corporis lucidi statuunt, tolerari possunt, si formam accidentalem intelligant; Omne enim abstractum concreti forma dicitur: Si substantialem, rationibus modò productis refutandi.

IX. *Scaliger* irratione quæ à prædicamentorum censu removeret lucem, etsi qualitatem esse concedit, hæc est: Quia est quiddam incorruptibile: At corruptibile & incorruptibile ad idem prædicamentum non perti-

pertinent, cum plius quam genere distent. Nobis certe, quod vult, non persuadet hic *Scaliger*: Primum enim lucem in genere incorruptibilem esse negamus: est enim in corporibus quoque corruptibilibus, quibus corruptis & ipsa corrumpitur. Deinde corruptibile & incorruptibile sub eodem genere esse non posse, ut crederem à me nunquam impetrare potui: & reclamat quoque praxis Philosophica; quis enim nescit corpus distinguere in corruptibile & incorruptibile, tanquam genus in species?

X. Quæritur 3. An lux sit qualitas visibilis primò & per se?

Dubitant de quæstionis affirmatione multi. Negantem partem inter alios amplectitur & *Scaliger*, qui tamen assertionis suæ ponderosam rationem non adducit. Nos Opticos secuti inter qualitates visibiles lucem numeramus, ita ut per se & primariò visibilem dicamus. Ratio nostra hæc est; Quod propriâ specie in visum incurrit, & actum visibilitatis omnibus corporibus lucidis coloratisque præbet, id primò & per se est visibile: At lux propriâ specie in visum incurrit, &c. Ergò. Propositio extra dubium est. Assumptio probatur; Lux enim sensibile commune non est sed proprium, propriâ igitur specie in visum incurrit. Nec est quòd quis excipiat, videri lucem sub ratione albedinis, propterea quòd albedo quædam sit: Contrarium enim potius dicendum est, nimirum albedinem videri potius sub ratione lucis, propterea quòd ad lucem quàm proximè accedat: Luce enim plurimà constat albedo. Deinde lucem esse actum visibilitatis, *Scaliger* affirmat, Exerc. 225. §. 3. nec non *Zabarella*, qui rationem visibilitatis colorum appellat. Interim tamen eorum sententiam rejicimus cum *Scaligero*, qui lucem aiunt esse primum colorem: Aliud enim lux, aliud color est: Lux simplex est, color compositus. *Zabarella* duplex visibile constituit, visibile quod, & visibile quo; illud color, hoc lumen. Cum verò lux per se citra colorem videatur, consequens erit, non esse id tantum visibile quo, sed & visibile quod: unde parum firma hæc distinctio videtur. Mascule sententiam nostram defendit *Patricius*, lib. 2. Panaugiæ; ubi visibilia ita disponit: Primum visibile est Lux, quando etiam per tenebras, quæ alia oculunt, videtur; secundum visibile, lucis proles, radii sunt; tertium, radiorum proles, Lumen; quartum Colores, luminis progenies: quintum, Umbræ; sextum, Obscuritas; septimum, Tenebræ. Vide & *Cælium Rhodiginum*, lib. 15. cap. 1.

THESIS III.

Materia lucis est perspicuum per cuncta naturæ corpora diffusum.

Exerc.

Perspicuitas à puritate materiæ oritur, quæ omnibus corporibus naturalibus communis est; etsi in aliis major, in aliis minor. Ex perspicuo autem quo pacto lux gignatur, sequens docebit thesis. De perspicuo multa observatur digna habet *Patricius* lib. 2. Panaugiæ. Perspicuum omnibus corporibus commune esse docent quoque *Iamblichus*, *Priscianus* & *Julianus*. Vide *Cælium Rhodiginum* lib. 15. cap. 1.

THESIS IV.

Efficiens est perspicui condensatio.

Exerc.

Manifestè experimur perspicua condensata reddi lucida: Videmus enim flammæ, quod sunt subtiliores, & tenuiores, eò minùs esse lucidas, tandemque vel cæruleas evadere vel penitus disparere, contra verò quàm primum ex materiæ uberis accessione condensantur, lumen concipere. Sententiam hanc Peripaterici quoque approbant, duplici exemplo, stellarum nempe & ignis elementaris. Stellæ aiunt esse lucidas, propterea quòd substantia cœli perspicua in iis condensetur. Ità negant quoque elementarem ignem lucidum esse, quòd nimis sit subtilis: quem lucem aiunt nascisci, ut primum in materiam incidit densam. In nive quoque lucis est plurimum, quod in materiâ ejus ante condensationem non est.

THESIS V.

Forma est actus visibilitatis.

Exerc.

Scaliger, Exerc. 225. §. 3. Primum visibile lux est: reliqua omnia, ut actu videantur, luce indigent. Vide *Patricium*, lib. 2. Panaugiæ.

THESIS VI.

Finis cum effectu concurrit: qui est lumen per illuminationem productum.

Exerc.

In explicatione adjunctorum lucis effecta quoque nonnulla obiter attinguntur.

THESIS VII.

Lumen est fulgor à luce undiquaque emanans: aliis, actus perspicui.

Exerc.

I. Luminis naturam ex sententiâ suâ explicat *Patricius*, lib. 4. Panaugiæ: Ubi 1. ostendit lumen immediatè non esse à luce, sed à radio: & hanc causam esse ait quòd lumen minùs fulgeat quàm radius, quia in primo gradu lux, in secundo radius, in tertio lumen. 2. Radii & luminis multiplicem convenientiam explicat. 3. Propria luminis

luminis prolixè persequitur. Ex sententiâ autem *Patricii* lumen nulli rei miscetur, nè cognatis quidem luminibus, nullis sordibus inquinatur, maximo sui amplificandi desiderio tenetur, figuram orbicularem amat, in progressu debilitatur, minus à majori oculatur; reflectitur & refringitur, virtutum coelestium est vehiculum & vinculum vniversi, universalis forma est totius visibilis. De omnibus hisce *Patricium* consulat qui voluerit.

Nos de lumine quærimus 1. *Quomodo à luce differat?*

Resp. Origine & subiectis. Lux enim oritur è condensatione perspicui: Lumen à luce producitur. Deinde lux est in corpore lucido, tanquam in fonte: Lumen est in corpore diaphano, tanquam alveo, in quem lucis rivuli derivantur.

II. Ulterius jam quærimus; *An specie differant?*

Pro specificâ differentiâ ita nonnulli pugnant.

1. Accidentia hærentia in subiectis specie differentibus specie differunt: At lux & lumen hærent in subiectis specie differentibus: Lucis enim sedes est sidus, luminis aer, &c. Ergò.

2. Lux permanet in subiecto: At lumen non nisi præsentè lucido permanet, discedente eo evanescit.

3. Lux est qualitas realis; lumen qualitas intentionalis: Ergò specie differunt. Antecedens probatur; Quia eadem planè est ratio lucis & luminis quæ coloris in misto realis & intentionalis in aere existentis.

4. Lux in superficie est: lumen etiam in profundo.

III. Rationibus hisce non obstantibus, differentiam alii nullam agnoscunt nisi numericam & subiectivam: Habet enim se lux & lumen, ut calor in igne, & calor ab igne in medio productus; qui specie non differunt, sed numero tantum & subiectis. Deinde lux in sole & lumen à sole aliis stellis, lunæ imprimis, communicatum specie non differunt: In lunâ enim solis lumen subiectivè inherens lux appellatur, respectu alterius luminis quod ex se in ætherem effundit.

IV. Ad contrarias rationes sic respondent.

Ad 1^m. Propositionem negant: Accidentia enim communia in subiectis specie differentibus insunt, citra specificam differentiam.

Ad 2^m. Consequentiam negant: Nam & calor in aere ab ignis calore productus, sublato igne, tandem tollitur, & tamen specie ab eo non differt.

Ad 3^m. Negant antecedens. Ad probationem respondent, Principium peti: aliam luminis, aliam colorum intentionalium esse rationem.

Ad 4^m. Negant lucem in superficie tantum esse: Tam enim omnes dimensiones lucidi penetrat

quàm lumen luminosi. Ità quidem facili negotio rationes hasce expediri posse putant: Attamen secunda & tertia ratio altioris videntur esse indaginis. Non enim obstantibus earum solutionibus, videtur planè eadem esse ratio luminis & colorum intentionalium. Parebit hoc ex institutâ collatione inter lumen & colores intentionales: Ut enim colores intentionales non possunt esse in diaphano nisi præsentè corpore colorato, quo recedente aut sublato è vestigio evanescunt; Ità & lumen non est in diaphano nisi præsentè corpore lucido: Ut in momento emanant colores intentionales à corpore colorato, ità & lumen à lucido: Ut colores intentionales unâ cum aere moto non moventur, & aliò deferuntur; ità nec lumen. Subscribit sententiâ huic, cum multis aliis, *Scaliger*, Exerc. 71. §. 11. quam ego minimè contemnendam judico. Mediam sententiam videtur amplecti *Zabarella*, lib. 1. De visu, cap. 7. ubi contendit posse aliquid rem & intentionem esse: Lectorem eò remitto.

V. In sacris generatio Filii DEI similitudine ab admirabili illâ luminis à luce repræsentatione & propagatione declaratur. Vocatur enim ad *Hebr.* 1. Dei Filius *ὁ ἀπαύλατος τῆς δόξης*, h. e. *Divina gloriæ resplendentia*. Æterna hic Fili generationis, generationis modus, & denique Divinitatis quoad Essentiam cum Patre identitas, & quoad personam à Patre distinctio significatur, si inter lucem & lumen non nisi differentia numerica statuat.

Æterna generatio: Ut enim lux creata sine luminis repræsentatione nunquam vel fuit, vel est, vel erit; adeoque lumen fonti suo, h. e. luci, est *ὡς ἑσθ*. Sic & immensa illa Creatrix lux, h. e. Pater, sine apaugasmate suæ gloriæ, h. e. Filio Dei, nunquam vel fuit, vel est, vel erit; adeoque *ὁ ἀπαύλατος τῆς δόξης τὸ ἀπαύλατος τῆς δόξης*.

Modus generationis: Ut enim luminis à creatâ luce emanatio à primo creationis momento admirabili ratione cœpit, & ad lucis suæ finem est duratura; Sic & *ὁ ἀπαύλατος τῆς δόξης* à Deo Patre tanquam luce ante tempora representatum, post tempora in æternum repræsentabitur: Utque durare luce ipsa durat luminis repræsentatio; Sic Patre æternitatem suam perpetuante ipsa Filii perpetuabitur generatio.

Divinitatis denique, quoad essentiam, cum Patre identitas, quoad personam, à Patre distinctio: Ut enim lumen ejusdem cum luce est naturæ, distinctum tamen ratione emanationis, tanquam latex a fonte: Sic etiam Filius Dei ejusdem cum Patre est essentia, distinctus tamen ratione generationis, tanquam genitum

genitum à gignente. Sæpe quoque aliàs in Sacris literis nomen & similitudo lucis ad illustrandas & explicandas res sacras usurpatur. Hinc *Diemysus*, lib. De coelesti hierarch. cap. 15. proprietates lucis & ignis triginta quatuor recenset, quæ Deo Divinisque rebus mirè congruunt.

VI. Quæritur 3. An lumen à radio differat?

Plerique respondent affirmatè. Et radium quidem definit *Patricius*, fulgorem à solâ luce in rectum & acutum exsurgentem: Lumen verò fulgorem à luce & radiis quaquaversus emanantem, ita ut nec in rectum nec acutum desinat. Duplex igitur fuerit inter radium & lumen discrimen. Unum in figurâ: Radius enim lineæ in conum desinentis figuram representat: lumen superficiei rationem habet: in latum enim diffunditur. Alterum in origine: Lumen enim immediatè est à radio, radius à luce.

VII. Nobis lineæ istæ rectissimæ, longissimæ & fulgidissimæ quæ emicare videntur è corpore solari, entia realia in aere existentia non videntur: Itaque radium nihil aliud esse existimamus nisi quandam oculi deceptionem. Visus enim solari corpori obversus & ab excellenti lumine disgregatus contremiscit, & virgulas ejusmodi è sole emicantes sibi imaginatur: Veluti stellarum fixarum micationem non tam à stellis vel in stellis esse, quàm videri, ob nimiam corporum distantiam & motus velocitatem, Physici docent. Et si radii entia essent in aere realiter existentia, & ad terræ usque superficiem protensa, cur oculis à sole aversis non æquè conspicerentur ac lumen? Si radii sunt qualitates in aere realiter existentes, unde quæso illis figura recta, oblonga, in conum desinens? cum qualitates corporibus quantis inhærentes eorum figuram representent: nisi fortè varia subiecti dispositio obstat, quæ quidem in aere fingi nulla potest. Aut igitur radii reverà in aere nulli existunt, aut, si existunt, non qualitates, sed substantiæ erunt. Posterior hoc jam è Scholis melioribus explosum. Multa de radiis commentatur *Patricius*, lib. 3. *Panaugiz*:
1. Nititur ostendere radios non esse species intentionales, quòd per se luceant, caleant, & calefaciant.
2. Non accidentia, sed substantias esse contendit, quòd & subiecto careant, & nullo indigeant.
3. Probat non esse substantias compositas ex materiâ & formâ, neque nudas formas. 4. Demonstrat esse corpora, quia sunt triplex dimensionis, at tamen immateriata & media inter Divinas & Physicas substantias: unde in momento moveri & omnia penetrare possunt. 5. Actiones eorum explicat: quarum prima, E totâ solis superficie promicare; secunda, E toto solis profundo emergere. 6. Causam reddit cur omnes non videantur, nec omnes æquales

sint? 7. Ostendit eos quiescere vel moveri ad quietem vel motum lucis. 8. De vario modo penetrandi corpora differit. 9. De reflectione & refractione eorum disputat prolixè: Omni hoc labore nos merito superfedemus, quia radios non esse sed videri tantum esse statuimus. De lumine & luce supercolecti differentiam vide lib. 8. *Panaugiz*.

THESES VIII.

Illuminatio est perspicui illustratio, sive in solâ superficie, sive in ipsâ quoque profunditate.

Exdemon.

I. Illustratio perspicui in solâ superficie locum habet in corporibus perfectè terminatis, ut sunt plantæ, metalla, animalia, &c. Ipsius verò profunditatis illustratio, in interminatis, vel imperfectè terminatis; qualia sunt vitrum, aqua, geminæ nonnullæ, aer, &c. Illuminationis ergo ope plurima & ingentia commoda in mundum hunc lux infundit: Hinc enim dies à noctibus discernit, stupenda Dei opera è tenebris profert & hominum oculis repræsentat, ad sua homines opera excitat, &c. ut pluribus docebitur in sequentibus.

II. Quæritur verò, An præter illuminandi vim etiam calefaciendi vim lux habet?

Calefaciendi vim luci plerique Peripatetici tribuunt; qui tamen ipsi inter se non consentiunt. *Pererii* de quæstione hac hæc est sententia: Arbitratur astra luce suâ calefacere; ut quanto copiosior & abundantior lux est in sole quàm in cæteris stellis, tanto major illi sit ad calefaciendum vis. Vir tus ergo producendi calorem est in sole per lucem: At illa vis & facultas non exseritur à luce in sole, sed à luce per effusum radium & lumen: Ergò immediatè radiorum & luminis extra solem sparsi est calor. *Conimbricensium* sententia, lib. 2. De cælo, cap. 7. q. 5. art. 3. duabus explicata est propositionibus: I. Lux suapte naturâ efficit calorem. II. Radius compositus ex directo & reflexo magis calefacit quàm solus directus. Hoc reflexionis invento ad nauseam alii abutuntur: Ajunt igitur excitari à reflectione lucem, & irritatam calefaciendi vires assumere, ipsa licet minimè sit calida. Alii, attenuari à luce aerem, attenuationem verò sponte sequi calorem.

III. Tandem verò sententiarum harum rationes si exquiras, mutuam sibi tradentes operam has proferunt: 1. A communi Philosophorum consensu & quotidiana experientiâ. Videmus enim, inquit, inferiora corpora solis luce calefieri, nec id tantum in sole sed in lunâ etiam cernere est. Hinc, *Aristotele* teste, noctes plenilunii tepidiores sunt, quia

quã tunc luna, ut uberius ex se lumen refundit, ita subiectis corporibus calor plus impertit.

2. *A lucis præstantiã.* Lux præstantissima qualitas est primi alterantis, h. e. cœli : Ergo qualitatem etiam nobilissimam inter omnes sensibiles, h. e. calorem, producit.

3. Lux attenuat aerem : Ergo etiam calefacit : Est enim attenuationis individuus comes calor.

4. Quia simulatque solis nos radii contingunt, calorem sentimus : Est hoc indicium, calorem à lumine vel radio proficisci.

5. Incallescere vehementer corpora ex radiorum reflexione, ratione probant & experimentis. Ratione ; Quia ut ejusmodi radius intensior est, ita intensiorem quoque effectum parit : Reflektitur autem, ajunt, tum radius, cum incurrit in corpus opacum, à quo nē ulterius procedat impeditur ; longiorem igitur illum progressum, ut potest, compensat in se redeundo. Experimentis : 1. Una enim è causis ob quas infima aeris regio magis calet quàm media, est quia in infimam fit à terrâ reflexio solarium radiorum, quæ tamen ad mediam non pertingit.

2. Quia ex hac radiorum geminatione tam intensus sæpenumero calor producit, ut ex eo ignis generetur. Laudant hinc, inter alia, experimentum *Archimedis*, qui *Gellio* referente, hostium triremes accendit, constitutis è regione speculis, à quibus repercussi radii in materiam triremium uestioni aptam impigerunt, eamque accenderunt. Hæc potissima sententiæ hujus sunt præsidia, à quibus tamen thesin nostram expugnari non patimur.

IV. Lucem igitur, vel lumen virtute lucis, vim calefaciendi nullam habere sic demonstramus.

1. Ab experientia verâ & universali. Si lumen calefaciendi vim haberet, utique splendente lunâ nocturno tempore major sentiretur calor quàm si nubibus cœlum obducitur, lumenque à nobis avertitur : Causa enim fortior minisque impedita fortior quoque producit effectum : Atqui falsum hoc consequens : Ergo & antecedens. Consequentis falsitatem experientia confirmat. Splendente enim lunâ nocturno tempore intensus longè sentitur frigus quàm si cœli luminisque adspectus intercedentibus nubibus eripiat.

2. Eadem cœlestis & alterius luminis est ratio : Atqui candelarum, aliorumque lucentium corporum ut plurimarum gemmarum, quercuum putridarum, squammarum in piscibus nonnullis, cindelarum, & oculorum in felibus aliisque quam plurimis animantibus, lumina calorem remoto aeri nullum impertiunt, imò nē propinquo quidem, nisi actu sint calida corpora : Ergo lumen caloris causa non est.

Excipiunt ; Omnia lucida, quã talia, caloris aliquid iis imprimere corporibus ad quæ lumen transmittunt, sed propter tenuitatem eum non posse apprehendi. Quòd si verò, inquam, sensuum testimonio probari nequit, cur tandem rationi, invitis sensibus, & sine ratione obtruditur ? Et mirum sanè à clarissimis luminibus, qualia sunt ignium nocturnorum erraticorum, qui fulgore suo longè latèque conspiciendos se exhibent, per noctem sæpenumero integram, nihil planè imprimi caloris per altas nives itinera facientibus. At sensus, inquiunt, si maximè non attestetur, id tamen ratio evincit. Quæ illa, inquam, tandem ? Cum lux, ajunt, cœlestis, sensu teste, calefaciat, quid causæ cur aliis luminibus calorem ereptum eamus, sensas licet non suffragetur ? Nulla, inquam, est hæc probatio ; non probatio, sed principii petitio : caleferi equidem nos à sideribus sentimus, à lumine non sentimus, nec ut sentiamus persuaderi possumus.

3. Absurdum est, inquit *Taurellus*, &, cum ipso, sana ratio, qualitates sensiles genere discrepantes inter se commiscere : Calor & lumen visibiles sunt qualitates, non tactiles : si ergo videri nequit caliditas, neque tactu percipi poterit lumen, & multò minus calefacere : tamen caliditas à luminis naturâ stat quantum visio à calefactione. *Hic stupida*, exclamat, *fructus confusionis*. Summa est ; Ut sonus non nisi auditum, sapor non nisi gustum, odor non nisi olfactum, calor non nisi tactum, ita & lux non nisi visum afficit : Subjecta enim propria occupantia adjuncta quoque sua occupata habere debent propria.

4. Lumen si calorem producit, sit id quia naturâ calidum est, vel quia è reflexione demum calidum evadit, vel quia aerem atterit & attenuat : At nullo modorum horum calorem producit : Ergo planè non producit. Propositionem probo quoad singula membra.

Et primum quidem lumen naturâ suâ non esse calidum, vel calefacere, hinc constat : Quia si naturâ calidum esset, utique in aere illuminato intensissimum frigus esse non posset. A continuâ namque luminis præsentia, quæ sereno cœlo in hyeme non minor est quàm in æstate, frigoris vehementia semper frangeretur, adeoque intensum nunquam evaderet. At falsum consequens, ut, præter experientiam nostram, aliæ quoque resistunt regiones. Narrat enim *Simon Majolus*, tom. 1. Dierum canicularium colloquio 1. ex *Marco Polo*, in provinciâ *Vochan*, sub ditione Magni *Cham*, in campestribus *Pamer*, adeò esse ingens frigus, ut ignis vim reprimat, adeò ut nec lucere, ut alibi, nec coqui

coqui eo quicquam possit. Narrat & *Cranzius* in *Vandalicis*, in *Moscovia* locis nonnullis adeo intensum esse frigus, ut eo terra dehiscat, uti apud nos æstate; & aqua in aerem effusa, spiritumque ex ore projectum, antequam terram attingant congelentur. Ipsa quoque vehicula, ne prodeant, gelu retinentur. Deinde lux & calor naturæ & essentiæ differunt: diversas igitur ex se actiones promunt; & proinde ut calor non illuminat, sic nec lux calefacit.

Deinde, à reflexione demum calidum non evadere, (loquamur enim de luminis reflexione, non ut de aliquo figmento, sed ut de vero dogmate) evincit illa *Scaligeri* ratio, Exerc. 75. §. 1. Non enim, inquit, calefaceret reflexum, nisi simpliciter in se haberet principia calefactionis: Est enim reflexio secundum ipsos quædam caloris geminatio, quæ calefaciendi vim lumini non indit primum, sed inditam auget & promovet. At simplicem hunc calorem jam antea exturbavimus.

Denique, non calefacere attenuando aerem vel atterendo, sic probò: Nam aut per calorem attenuaret, aut per motum localem violentum, quomodo corpora violenter collisa & agitata videmus incallescere: De priori modo jam controversitur: posterior luci non potest competere, quia corpus non est, nec vim habet aerem violententer agitando. Et si à vibrato lumine aer attereretur, utique moveri semper præsentè lumine deprehenderetur: At reclamation experientia. Et hæcenus quidem sententia nostra approbata, cui suum quoque calculum *Scaliger* adjicit, Exerc. 75. §. 1. Calor igitur, inquit, erit accidens à corpore celesti generatum, ac per cælum absque ullâ cæli affectione delatum ad aerem, idque non per lumen, sed cum lumine, constans & sine lumine: Non enim necesse est, ubicunque sit calor, ibi & lumen esse: luceret enim terra noctu, noctu namque calida est. In eadem sententia & hæc occurrunt, Quid quod si calor fieret per lumen, subiectum lumen esset caloris: at nequit esse.

V. Concludimus igitur, à lumine calorem nullo modo produci, non obstantibus quas initio adduximus quinque rationibus. Ad quarum examen jam accedimus, & respondemus, ad 1^m. Experientia illa quotidiana sententiæ nostræ nihil officit: calefieri enim nos à sole lubentes damus, à solis verò lumine, seu luce per lumen non damus, nec ullâ id probari potest experientiâ. Altera quoque experientia à plenilunii tepore sumta nos non urget: 1. Si vel maximè plenilunii noctes tepidiores aliis esse consideremus, exinde tamen concludi non posset teporem seu calorem illum à lunæ esse lumine: ut enim à copiosiore lunæ luce copiosius quoque in

aerem lumen spargitur, sic etiam à calore ejusdem abundantiore vehementius inferiora possunt incallescere. 2. Noctes plenilunii semper tepidiores esse aliis noctibus quæ pleno nocturni sideris fulgore illustrantur, falsum est: ipsi enim sæpenumero experimur, noctes quod sunt illustriores, eò esse frigidiores.

Ad 2^m. Negamus consequentiam. Etiam enim lux præstantissima est cæli, h. e. siderum, qualitas, non sequitur tamen exinde caloris eam esse causam, cum calor non minus, quàm lux naturâ sideribus insit. At præstantissimæ, inquiunt, causæ præstantissimus quoque est effectus: Lux igitur seu lumen cum causa sit præstantissima, præstantissimus quoque erit ejus effectus, qui est calefactio. Resp. Limitanda est propositio: Præstantissimæ causæ suo in genere, præstantissimus quoque est effectus eodem in genere. Sic sanè concedimus luminis effectum esse præstantissimum, ipsam scilicet illuminationem, quæ alterius, a visibilis qualitatis effectibus generis non est. At verò quod inferunt de calefactione, sequi omnino negamus; quia calefactio in genere effectuum qualitatis visibilis non continetur, sed ab aliâ genere diversâ, pendet causâ, calore nimirum. Aut si absolute in genere qualitatum sensilium lux præstantissima dicatur esse, effectum quoque qualitatis sensilis præstantissimum non calefactionem sed illuminationem esse dicemus.

Ad 3^m. Negamus & antecedens & consequentiam: Antecedens quidem, quia falsum est aerem à luce attenuari: Deinde, si vel maximè attenuari concederemus, non sequeretur tamen inde calefieri, siquidem multa attenuari per distractionem possunt quæ non calefiunt. Vide *Scaligerum*, Exerc. 74. §. 8.

Ad 4^m. Consequentiam negamus: Calor enim, quem vibrato lumine sentimus, non est à lumine sed cum lumine.

Ad 5^m. Geminâ nititur hoc argumentum probatione: Prima à ratione, altera ab experimentis est desumpta. Ad utramque ordine respondemus. Approbatio à ratione sumta hæc est: Virtus unita simplici est fortior: In radio reflexo est virtus unita calefaciendi: Ergo fortior est quàm in simplici & directo. Resp. Assumptio gemino laborat vitio, quandoquidem hypothesis falsâ nititur geminâ: Una est *radiorum reflectio*; quam tanquam concessam sumit, nos verò planè non admittimus: 1. Quia radius à lumine non est distinctus, imò verò phantasma potius visus nostri, ut paulò antè docuimus. 2. Si vel maximè distinctum quid à lumine esse concederemus, reflecti tamen posse eo quo ipsi explicant modo non daremus. Quid enim absurdius, quàm idem numero accidens in corpore aliquo solido ex-

sistens, corporis alicujus duri instar, resilire, subiecto immoto, aere scilicet: uti quidem fieri *Conimbricensium* docet Collegium. Qui verò aiunt, in quibus est *Keckermannus*, radios tum dici reflecti, cum aer luminosus ita lumen adfert ut ad latera vergat, sive ut in se colligatur & quasi compingatur, partesque firmiter uniantur, Scyllam evitando in Charybdim incidunt: Præterquam enim quodd nihil magis improprium de radiorum reflectione dici possit, insolubili res difficultate implicatur. Aer enim sine locali motu colligi, compingi & uniri nequit. Sic igitur contrā; Si intendi luminis calor sine locali aeris motu nequit, sequitur in omni celestis caloris intensiōe motum illum localem aliquo modo posse deprehendi, suspensus scilicet in aere corpusculis levissimis, quæ moto aere non possunt non moveri. Atqui falsum hoc consequens experientiā teste: Ergo & antecedens. Adde, quodd aer luminosus si colligeretur & uniretur, aut à se, aut à lumine colligeretur; A se non colligitur, quia aliās in perpetuo esset motu; quod falsum est: Nec à lumine, quia, è Peripateticorum & *Keckermannii* mente, lumen calefacit: si calefacit, non colligit & densat aerem, sed potius, ut ipsi loquuntur, attenuat & collectum dissipat. Deinde si à lumine uniretur, utique non minus id æstate quàm hyeme contingeret, cum hyberni sæpenumero dies ipsis æstivis sint lucidiores: At falsum consequens: sequeretur enim à pari causā effectum quoque produci parem, adeoque hybernos dies æquè calidos esse ac æstivos, quod longè falsissimum. Falsum igitur & antecedens. Primum hæc assuptionis vitium est demonstratum. Alterum vitium itidem è falsā naturā est hypothesi, quæ est; Rectum & simplicem radium (loquamur enim cum illis) vim calefaciendi habere: hoc igitur posito fundamento, in reflexo seu composito vim calefaciendi duplicatam necessariò inesse inferunt. At lubricum, inquam, fundamentum hoc, & jam antè eversum, nec firmari idoneis rationum fulcris potest. At sol, inquiunt, nostro imminens vertici nōne calidiores nos efficit quàm si obliquus à vertice declinet? Itā sanè ipse nos docet sensus, & ad perpetuam damnandus esset glaciem hoc qui negaret. Quæ causa igitur? aiunt: Nōne radiorum rectā in corpora nostra descendit & eādem lineā ascendit duplicatio? Falsa inquam, hæc causa, & jam antè rejecta. Verior autem, quamvis minus vulgata, hæc est, Quod, ut in sequentibus demonstrabitur, astra cœlestes sint ignes, h. e. corpora non tantum effectū seu virtualiter sed & affectu seu formaliter calida, non minus quàm ignis hic noster quem focalem vulgò nuncupant; hoc tantum discrimine, quodd hujus efficacia

& virtus sursum maximè, illorum autem, naturæ Parente itā disponente, deorsum tendat. Ut igitur corpora focali nostri o igni rectā superimposita magis incalescunt quàm quæ à latere ipsi apponuntur, sic & nos regioque nostra rectā soli supposita fervidior longè sit quàm si à latere obliqua ipsum adspiciat. Apparet hinc igitur quomodo cœlestis calor absque reflectionis istius figmento intendi in inferioribus hisce possit: calor quippe à verticali sole vi magnā & celeritate ad perpendicularum in terram vibratur, quàm cum ob duritiem penetrare non possit, non repellitur ipse quidem, ut de radiis vulgò docent, sed prope terram paulatim accumulatur, & sursum versùs iterum propagatur. Unde liquidò constat cur hyems æstate frigidior sit: calor quippe solis, ut & focalis nostri ignis, secundum lineam perpendicularem vibratus longè est efficacior quàm qui per lineam obliquam propagatur. Ratio; quia in corpore rectā ipsi vel superimposito vel supposito accumulatur, nec ad latera adeò facile dissipatur uti in obliquo.

Ratione igitur sic planè solutā, ad experimenta, quæ in objectione adducuntur, facilis est responsio: Et ad primum quidem: Infimam aeris regionem mediā esse calidiorē, non propter radiorum reflectionem, ut suprà docuimus, sed propter caloris à sole propagati circa terram cumulum, qui cum terræ corpus penetrare nequeat, sursum versùs se propagat, adeoque infimum aerem simplici solis calore jam alteratum magis magisque alterat. Exemplo rem hanc perquam accommodato *Tauvellus* illustrat; *Hypocausta* nostra, inquit, cum calefiunt, calor supernus petit partes, quæ ubi calore plena fuerint, paulatim adauctus magis magisque calor ad inferiores descendit, ut etiam tandem infimæ calefiant: atque hac ratione fit ut qui prope fornacem aer est, calidissimus quidem sit, ob integram caloris vim, & qui superiores occupat partes, etiam sit multò calidior quàm intermedius: hic enim calorem non retinet, qui cum ad susuperiora pervenerit, ulterius progredi haud potest, sed ibi consistens alio etiam perpetuò accedente multum augetur: &c.

Ad alterum *Archimedis* experimentum respondemus. 1. Non posse ei vulgatam radiorum reflexionem accommodari: Si enim radii reflexio, definitioribus Peripateticis, est reditus sui in seipsum secundum eandem lineam rectam, radii cerè solares in *Archimedis* speculum incidentes, eādemque lineā sursum resiliētes, ad hostium trirèmes è latere constitutas non pertigerunt, adeoque accendere eas non potuerunt. Indirectam si dixeris fuisse reflexionem, quā radius in speculum projectus per aliam lineam à speculo fuisset rejectus, sim-

simplici tantum radio, non gemino accensas fuisse triremes fatearis oportet: Quod si ita, quaero cur radius simplex à speculo projectus vim accendi triremes habuerit, à sole verò vibratus non habuerit. Ratio solida & vera reddi nulla potest. Taceo quod omnis de radiorum reflexione sollicitudo frustranea sit & nulla. Quæ tandem ergo experimenti, inquis, ratio? Resp. Calor solis in politas speculorum superficies incidens, cum penetrare ob soliditatem non possit, uniebatur & accumulabatur, adeo ut intenso calore aer speculis vicinus ignescens ad triremes usque è regione positas contigua sibi aerem ita alteraret, ut materiam uestioni aptam accendere facile potuerit: quod videre est in similibus experimentis, quando à speculo calorem colligente pannus accenditur. Accumulari verò & intendi magis calorem in politorum corporum quam in asperorum & inæqualium superficiebus, cum ratione tum experimento probari potest: Ratione; Quia id quod virtutem unit nec dispergi patitur, fortiolem eam efficit quam quod non unit sed dispergit. At polita & æqualis superficies unita, aspera verò & inæqualis dispergit, & pro partium inæqualitate, dissipat: Fortiolem igitur illa quam hæc & efficiatorem reddit. Experimento: Si enim è regione ignis æquali distantia duo statua corpora, alterum asperæ & inæqualis, alterum politæ & æqualis superficie, manifestè deprehendens æqualem politamq; superficiem longè calidiorum esse asperam & inæquali. Rationibus igitur contrariis plene planèque solutis, concludimus, lucè vim calefaciendi nullam habere.

VI. Ab hac quæstione prius quam digrediamur, duas paucis expendemus sententias, easque novas prorsus in hoc argumento. Una *Vallesii* est, qui in cap. 1. Sacre Philosoph. existimat lumen calefacere ob ignis admistionem. Eam enim esse naturam luminis à sole in hunc mundum sparsi, ut ignem elementarem per inferiorem mundum, instar animæ, diffusum ad se trahat, ita ut maxima ignis pars cum lumine solis circa terram volvatur, comiteturque circumeuntem diem: quam causam esse ait cur soli tribuatur vis calefaciendi. Igni verò certum in naturam locum destinatum negat: 1. Quia videmus nullibi eum manere, nisi materia ei suppetat quam conservetur: 2. Quia corpora gravia sibi agglutinata sursum naturam non evehit, nec enim ardentes prunæ in superiorem evolvant aerem, veluti propter aerem è profundo flumine trabes emergere videmus. 3. Quia ignis in uno loco & præsertim supremo universalitatis nullus est usus, per universum igitur est dispersus, quia universo inservire debet.

VII. Hanc *Vallesii* sententiam prorsus flagitio-

sam appellat *Thomas Gianninius*, in *Aristotelicæ* Disputatione de lumine & speciebus spiritalibus, cap. 9. eique neminem unquam fidem habiturum ait. Rationes tamen *Gianninii* pro naturali ignis loco prorsus sunt frivole. Unicum ignis motum rectum sursum urget: quo sententiam suam nunquam nobis persuaserit *Gianninius*, nisi probaverit primum, ignem esse elementum, & non corpus mistum accensum; nisi probaverit, omnis corporis misti attenuati per calorem & sursum evolutantis (ut videre est in vaporibus & fumis) locum naturalem esse in superiori parte mundi; nisi concesserit absurdè eum in locum esse corpus aliquod cujus in naturam usus longè maximus debet esse, à naturæ Autore relegatum, unde naturæ nè minimè quidem possit inservire.

Solutiones verò *Gianninii* & ipsas frivolas arbitramur. Primum negat ignem ali vel nutrir. Resp. Sed nec *Vallesius* unquam propriè ignem nutrir asservit; verum analogicè duntaxat, quia conservari nequit nisi materiam habeat idoneam quam depascatur & absumat, ut res ipsa docet. Quod si & hoc modo nutrir ignem neget *Gianninius*, experientie manifestæ bellum apertum indicit, & ejus quod in naturam non est, nec unquam visu perceptum est, exemplo id probare nititur, cujus contrarium oculis quotidie usurpamus: Nullus in naturam sublunari ignis propriè dictus est qui sine materia utili conservari possit.

Deinde, rationem reddit cur aer trabes ex aqua eleve, ignis verò prunas in aerem elevare nequeat. Prunæ, inquit, non evolvant è prunariis propter ignem, quia prævalet in prunis terræ pondus: trabes verò magna emergunt ex profundissimo flumine ob aerem inclusum, qui in aqua cum sit levis, nec nisi vi detineatur, per aquam acendit, secum ducens trabes, in quarum meatibus integer conservatur. Resp. Si ignis naturam fertur sursum, ut & aer, imò eminentiorem sibi in naturam locum deposcit quam aer, quia aere longè levior, qui fit igitur quod aer qui in trabe est, è profundissimo flumine trabem eleve, ignis verò qui in eadem est trabe ardenti & accensam, & majori quidem copia quam aer in non accensam, qui fit, inquam, quod nè minimè quidem attollat trabem supra terram? Debebat certè è doctrinam receptam: 1. Quia ignis longè levior & mobilior est aere: 2. Quia violenter in trabe detinetur: 3. Quia longè majori copia in trabe continetur: 4. Quia naturam fertur ad Lunæ concavum, & ibidem tanquam in loco proprio conservatur, nec minùs in aere se detineri patitur quam aer in aqua. Causa igitur idoneam & sufficientem nullam hic reddit *Gianninius*.

Tertii argumenti non minùs frivola est solutio:

1. Quia supponit ignem esse elementum: 2. Quia usum elementi quo universum perficit, contradistinctum usui quem præbet corporibus mistis; & sic illius ratione sub Lunæ concavo, istius verò in hoc infimo mundo debuisse collocari arguit: quasi eo ipso quo universum perficiunt elementa, mistis non inserviant, & quo mistis inserviunt, universum non perficiant. De elementorum situ judicandum non tam è gravitate & levitate quàm ex usu, cujus gratiâ in naturam principaliter sunt introducta: Quod ex aquæ elemento manifestum est: Universæ terræ superficiem aqua non inundat, quia ex naturæ usu id non est: & iis etiam locis in quibus terræ superficiem contegit, naturalis usus ratio habita est.

VIII. Interim tamen *Vallesii* nobis sententia displicet; 1. Quia lumini vim ignis attrahendi inesse nemo probaverit: 2. Quia astra proprio calore calefaciunt, non peregrino ignis sublunaris: 3. Quia sequeretur, totum hunc inferiorem mundum incendi, si ignem sibi conjunctum haberet; aut si ubivis conjunctum non haberet, absentiae sufficiens reddenda ratio esset: 4. Quia ab aliis luminibus ignem trahi non sentimus: 5. Quia hyemes non essent minus calidæ quàm æstates, cum hyberni dies non minus habeant luminis quàm æstivi, modò aliæ non interveniant tempestates: 6. Quia aer ad inspirationem prorsus redderetur ineptus, si ubi luminosus & calidus sibi & igneus esset.

IX. Sed, missò *Vallesio*, *Gianninii* audiamus sententiam. *Gianninius*, in Disputatione *Aristotelicâ* de lumine & speciebus spiritalibus, novam sententiam promulgaturus, primum cap. 15. refutat eos qui lumen per se calefacere putant. Deinde cap. 16. ostendit *Aristoteli* non fuisse probatum; lumen per se calefacere. Tandem verò cap. 18. aeri illuminato admistum esse ignem elementarem, & hujus beneficio calefacere. Si quæras, unde sit ignis iste, respondet, ignem sublunarem, quem sub lunæ concavo sibi imaginatur, cœlestium corporum motu disjectum ad infera pelli, aerq; illuminato admistum in causâ esse ut lumen per accidens calefaciat, & calefacere existimetur. Addit, magnam esse luminis vim ad ignem continendum: Unde soli imprimis calefaciendi vim tribui contendit, quòd solis lumen longè sit copiosissimum, & proinde ad ignem retinendum: & conservandum longè aptissimum.

X. Hæc *Gianninii* Philosophi *Ferrariensis* primarii est sententia, nova prorsus, & non absurda minus quàm nova. Primum enim soli hæc ratione non magis tribui posset vis calefaciendi quàm igni isti sublunari ficticio vis illuminandi mundum hunc inferiorem, contra gentium omnium consensum, can-

tra expressa Scripturæ testimonia, quæ suo loco produximus, & contra omnem experientiam. 2. Ignis iste sublunaris nullus est. 3. Si esset maximè, qui, quæso, in infimum hunc mundum pelli posset, salvis principiis *Aristotelicis*? Ut enim demus cœlum in perpetuo esse motu, (quod tamen falsum) primum, à cœlo non deprimeretur, cum nec suo cœlum loco exeat, nec supra suum enitatur ignis: superficie igitur suâ concavâ semper quidem ignem contingeret, at nunquam vel minimum impelleret aut deprimeret. Deinde, si maximè deprimeret aliquousq; nonne ex insitâ levitate se recolligeret, & ad locum pristinum rediret? 4. Sed violenter aliquousque deprimi demus, (quod tamen falsum & impossibile) anne tantum istius impulsione vim crederis esse ut ad terram usque deprimatur? Quo, quæso, id nobis persuadebit argumento? Ait quidem, ex sententiâ, *Aristotelis*, exhalationem ventorum materiam à circulari aeris superioris motione in terram depelli; idem igitur & igni ab aere posse accidere: Sed quis non videt falsum per æquè falsum probari? Aerem superiorem in orbem moveri, falsum, nullo unquam argumento probatum: & si maximè moveretur, exhalatio tamen hæc ab isto motu orbico non minus deorsum pelli posset quàm ignis à cœlo. 5. Sed & hoc demus, in terram usque posse deprimi ignem, anne tam concitatus ille ignis erit motus ut luminis cœlestis velocitatem exæquet? Minimè gentium. Cum enim descensus ex insitâ levitate ei repugnet, sursumque perpetuò nitatur, non poterit non insignis in hoc motu mora intercedere. At solis calorem in momento penè ad nos propagari sentimus. 6. Sed porro demus, longè velocissimum esse hunc ignis motum, sic ut in momento penè à jugi motu cœli jugiter deprimatur; nonne sequetur hinc, eundem esse dierum & noctium, æstatis & hyemis calorem? cum constantissimus sit & nunquam non simillimus sibi cœli motus. Responder *Gianninius*, non sequi hoc: Causam reddit; Quia noctu lumen abest, & in hyeme aer minus est illuminatus: At lumen, inquit, vim habet continendi & conservandi ignem. Responderemus vicissim, primum, falsò tribui lumini vim ignis conservandi. Videmus enim noctu, absente solis lumine, ignem nostrum, præsentem materiâ idoneâ, non minus esse efficacem & non minus conservari quàm interdiu, imò longè magis: Ignem enim verticali soli oppositum minus esse luculentum minusque efficacem docet experientia. Quòd si verò contra *Vallesium* negat *Gianninius* lumini vim inesse ignem ad se trahendi; quidni contra *Gianninium* & nos negemus lumini vim inesse ignis continendi? præsertim cum assertioni suæ majorem non

non faciat fidem quam suæ *Vallesius*. Nam quod ait, ignem quidem non lucere, interim tamen lumen ignis principia continere, quid, quæso, id ad rem? Hæccine sufficiens causa cur ignem contineat lumen? Aliam subtilitatis suæ rationem adferat *Gianninius*, si fidem à nobis vult impetrare. Deinde, in hyeme aerem minis esse illuminatum, quis *ἔτι παρὰ τὸ* esse agnoscat? Serenos hyemis dies, remotis à cælo nubibus obscuriores esse æstivis, qui probaverit *Gianninius*? Interim hoc saltem nobis dabit, tantò esse calidiores hyernos dies quantò clariore, & tantò frigidiores quantò obscuriores: quod tamen falsissimum esse experientia comprobatur; pluvios enim hyemis dies aut nivosos longè clementiores esse serenis, quotannis, experimur. 7. Si aer hic noster infimus incalescit per ignis elementaris præsentiam, & perpetuam cum lumine coherentiam, qui fit, quæso, quòd mundus hic inferior jamdudum igne non sit absumtus? Cur ignis elementaris in terram usque propulsus & à lumine conservatus materiam combustioni idoneam non accendit? aut qui ignis sustinere nomen potest, si vim comburendi nullam habet? Qui fit quòd aer igni commistus & inspirando attractus cor & pulmones non accendat, aut notabile saltem damnum inferat? Nihil horum cum fieri animadvertamus, falsum esse dogma *Gianninii* judicamus. 8. Quæro ex *Gianninio*, qui fiat quòd tot annorum millibus jam elapsis totum ignis elementum jugi isto & continuo cæli motu è se de sua deturbatum non sit? Hic quod respondeat non habet, nisi quòd dicat in ignis deturbati locum ascendisse alium, & quotidie ascendere, qui elementi integritatem conserveat. Hoc verò responso *Gianninium* nihil efficere sic demonstro: Si continuo cæli motu ignis elementaris è regione sua violenter in terram ita propellitur ut nequeat resistere & in suo se regno contra vim tutari, sequitur ignem ad lunæ concavum nullum posse evolare. Consequentiarum ratio manifesta est: Si enim ex omnibus cæli partibus ignis è se de sua deturbatur per vim sibi incumbentem, eadem quoque vi ascendens ignis deturbabitur, & tantò quidem magis, quia non tantum vi cælestium corporum sed & ignis violenter deorsum pulsus urgebitur & deprimetur: Ignis igitur ex inferiore hoc aere ad lunæ concavum nullus evolare poterit: nisi forte *περισπαλην* cælum insimulemus, quòd descendentem persequatur ignem ascendenti verò liberum permittat transitum. His & pluribus aliis incommodis premitur & opprimitur sententia nova novi hujus Philosophi; quam equidem longè flagitiosior (utor verbo ipsius) judico *Vallesii* opinione.

THESIS IX.

Estque illuminatio hæc perceptibilis vel imperceptibilis.

THESIS X.

Perceptibilis est in corporibus per excessum lucidis.

Ἐκθεσις.

Cujusmodi sunt stellæ, ignis, gemmæ nonnullæ, oculi quorundam animantium, aqua, ligna, & metalla nonnulla; quæ movendi & illuminandi medii vim habent.

THESIS XI.

Imperceptibilis est in omnibus aliis corporibus terminatis.

Ἐκθεσις.

Omnia siquidem corpora congenita habent lucem, etsi in pluribus debilis adeo est ut actu videri non possit nisi cum extraneâ uniatur: ut ex *Scaligero* supra annotavimus.

THESIS XII.

Adjuncta lucis insignia & admiratione digna tria potissimum sunt; 1. incredibilis pulcritudo & suavitas, 2. mirifica fecunditas & beneficentia, 3. admirabilis in specie propagandâ celeritas.

Ἐκθεσις.

I. Pulcritudinem quod attinet, qualitas nulla sensui abnoxia ad mundi decorem & ornatum est aptior: Hujus enim solius beneficio infera omnia & supera quasi aureæ cujusdam vestis splendore circumfunduntur, rerum distinctio ac varietas demonstratur, multiplices colorum picturæ deteguntur. Unde *Damasceus* 2. De fide orthod. cap. 7. *Εἰν ἀρχὴν ἐπέκεινεν ὁ θεὸς τὸ φῶς, ἥτοι τῇ περὶ τῆς ἡμετέρας, καὶ παντοῦ καὶ κόσμου πλάτης ὁ ὁρατὴς κόσμος. ἀφ' οὗ καὶ τὸ φῶς, καὶ πάντα ἐν τῷ κόσμῳ ἀναγεννῶνται μὲντοι, τὸ δὲ οὐκ ἐστὶν καὶ ἀνιδέα ἐν τῇ οὐρανῇ. Et Hugo de S. Victore, Quid pulcrus luce, quæ cum in se colorem non habeat, omnium tamen rerum colores ipsa quodammodo colorat? Absque luce si foret, omnis mundi hujus gratia periret, Divinarumque laudum decantandarum occasio insignis homini præriperetur: Ignota enim essent Dei opera. Hinc *Esdræ* 4. cap. 6. condita lucis hic finis commemoratur, ut Dei opus appareret.*

II. Fecunditas verò & beneficentia indè æstimatur, quòd in omnes partes effusissimè se communicet. Unde *Ambrosius*, lib. 1. Hexam. cap. 3. scribit,

scribit, lucis naturam non in numero, non in mensura, non in pondere esse, ut res ceteras à Deo creatas. Huic lucis quoque fecunditati & beneficentiæ acceptas ferimus dierum & noctium vicissitudines, quæ laboris & quietis vices gratissimas nobis gignunt.

III. Admirabilis in specie propagandæ celestis quotidie à nobis observatur. Est enim ea, ut communis habet sententia, non successiva, sed momentanea, in quâ nulla prorsus etiam in spacio amplissimo mora deprehenditur. Momentaneæ hujus productionis duæ reddi solent rationes: una, Quia lux non invenit in subiecto contrarium positivum: altera est naturæ excellentia & proprietas. Quod si verò interdum successive diffunditur, ex accidenti id fieri creditur, nempe ob corporis aliqujus densi & opaci interjectum: Corpus enim hujusmodi si pedetentim & successive removeatur, lumen quoque successive in spacio extenditur. Scio tamen alijs displicere momentaneam illuminationem, & inter eos Scaligero quoque & Casalpino. Quæst. Perip. lib. 4. qu. 8. quæ ut conciliantur sententiæ, dicendum erit, moram etiam, in illuminatione aliquam esse, sed sensibus nostris vix perceptibilem.

IV. Adjuncta & effecta lucis insignia uno quasi fasciculo eleganter comprehendit Pererius suis in Genes. Comment. Luce nihil est in rebus corporatis & quæ sub aspectum cadunt, vel ad aspectum jucundius, vel ad hilarandos animos latius, vel ad usum commodius, vel ad effectum potentius & fecundius, vel ad mundi decorum & ornamentum pulchrius, vel ad percipiendam rerum omnium præsertim autem celestium cognitionem aptius, vel denique ad exprimendas & representandas res spirituales & divinas accommodatius. Sed admirabilius & augustius est encomium quod Patricius exhibet lib. 1. Panagie: quod lectu dignum judico: Lux Dei ipse ejusque bonitatis est imago: quæ omnem supra-mundanam, inancm, circummundanam, omnemque mundanam illustrat regionem: quæ sese per omnia extendit, per omnia se fundit, per omnia permeat, omnia permeando format & efficit, omnia vivificat, omnia continet, omnia sustinet, omnia congregat, omnia unit, omnia disgregat, omnia, quæ vel sunt, vel illuminantur, vel calefcunt, vel vivunt, vel gignuntur, vel nutriuntur, vel auferuntur, vel perficiuntur, vel moventur, ad se convertit, conversa purgat, omnia perficit, omnia renovat, omnia conservat, & ne in nihilum abeant efficit: omnium rerum est & numerus & mensura: lux rerum omnium purissima, inalterata, inalterabilis; impermixta, impermiscibilis indomita, indomabilis; nullius indiga, dives omnium; ab omnibus optata, omnibus optabilis; colorum ornamen-

tum, ornamentum corporum omnium; mundi decor, mundi pulchritudo, mundi gaudium; mundi risus: Quæ aspectui nihil jucundius, nihil animo latius, nihil vitæ commodius, nihil cognitu præstantius, nihil ad agenda melius: sine quâ jacerent in tenebris, inertia sibi ipsis omnia, nobisque incognita. Multa hic è singularibus Patricii dogmatibus dicuntur: Pleraque de primâ & æternâ luce sunt verissima, de creatâ non item.

THESIS XIII.

Lumini privativè opponuntur Tenebræ: Sunt enim Tenebræ aliud nihil nisi absentia vel privatio luminis in aere.

EXPOSITIO.

Communis est hæc sententia, cui tamen contradicit Patricius: Sunt enim, inquit, corpora lucida corporibus opacis contraria, sed utraque positiva: illa enim lumen emittunt, hæc verò emittunt tenebras. Unde porro argumentatur; Si tenebræ simplices essent privationes, agendi vim aut actionem haberent nullam: Actionem autem in diaphanum habent manifestam. Id enim se ipsis replent non minus quàm lucis proles, perque ipsum longius se propagant, inque brevius sese retrahunt, obscurius & clarius faciunt: Lumen inde pellunt, indeque à lumine pelluntur: Visum multis adimunt animalibus, sicuti lumen quoque multis adimit visum. Hæc autem omnia actionis opacitatis esse nemo visu ac mente præditus negabit: Actio autem omnis & passio provenit à viribus agendi & patiendi: Vires autem omnes ab essentiâ propriâ procreantur, & in essentiâ sunt, in eâ fundantur: Non sunt ergo tenebræ & obscuratio, umbra umbratioque simplices lucis & luminis privationes: Sed opera sunt entia qualia dicuntur positiva: Et si pertinacius privationes contenduntur esse, non minus harum quoque privationes erunt radii, lumen, splendor ac nitor: Contrariorum namque & eadem sæpè & contraria est ratio: Non aliter scilicet quàm in contrariis confessis positivis, calor frigoris sit privatio, & frigus privatio caloris; humiditas privatio siccitatis, & siccitas privatio humiditatis. Eodemque modo in contrariis, deque contrariis cunctis. Hactenus Patricius, qui certè pro tenebrarum entitate positivâ haud ineptè disputat. Peripateticis theses nostræ defensionem relinquimus, hos enim ex professo sollicitat Patricius. Nè tamen nihil pro thesi nostrâ dicamus, rationem hanc adducimus: Quod solam contrarii sui remotionem sequitur, absque alterius causæ positivæ interven- tu, id privatio est: Atqui tenebræ solam contrarii sui, nempe luminis, remotionem sequuntur, absque alterius causæ positivæ interven- tu: Ergo privatio

vatio sunt. Ratio propositionis est; Quia omne ens positivum est à causâ positivâ essentiam dante. Assumptio tam diu vera erit donec positiva tenebrarum causa detur.

II. Remissior tenebrarum gradus est umbra, quam spargit opacum corpus lucido oppositum. Multa ex umbris mira sapientes eliciunt: Unicum hic annotâsse nobis sufficiat, de umbrarum figuris, quæ ex variâ corporum luciditatem & opacorum proportionem oriuntur. Tria igitur observantur axiomata.

I. Si corpus lucidum est æquale opaco, umbra fit *æqualis*, h. e. columnæ seu cylindri figuram refert.

II. Si corpus lucidum majus est opaco, um-

bra fit *truncata*, h. e. mucroni similis.

III. Si lucidum opaco minus est, umbra fit *truncata*, h. e. similis turbini recto.

Unicum quæro, cur juniperi umbram cantantibus gravem esse dixerit *Virgilius* Ecl. ultimâ;

Surgamus, solet esse gravis cantantibus umbra, Juniperi gravis umbra.

Resp. Juniperis gravis odoris est arbor: in de sol graveolentiam sudo aere evocatam, quâ efficacia caloris potest perungere, extenuat & consumit: quâ verò non perungit, ut in umbrâ, arbore obstante, odor aerem inficit, & cerebrum offendit. Cantantibus potissimum gravis est, quia non per nares tantum sed & per apertum os trahunt graveolentiam.

CAPUT XXII.

De Colore.

Color quid? *Th. I.* obscura coloris natura: *æd.* 1. An color sit generica corporis naturalis affectio? 2. Materia coloris: *Th. II.* Variæ sententiæ de naturâ coloris: *æd.* 1. Perspicuum quid, & quomplex? 2. Colores non oriuntur è primarum qualitatum concursu: 3. Forma coloris: *Th. III.* Demonstratur veritas Thesis: *æd.* 1. Argumenta Simonis Portii contra sententiam nostram: 2. Solvuntur: 3. Efficiens coloris: *Th. IV.* Finitis principalis: *Th. VI.* Minus principalis: *Th. VII.* Subjectum coloris: *Th. VIII.* Demonstratur etiam in intimis corporum partibus actu esse colores: *æd.* 1. Objectiones Cæsalpini: 2. Solvuntur: 3. Verus color: *Th. X.* Extremus color: *Th. XI.* Extremi colores cur dicantur? *æd.* 1. Uter extremorum colorum sit habitus, uter privatio? 2. Albedo: *Th. XII.* Albedo color *diaphanus*: Affinitas ejus cum luce: *æd.* 1. Ostenditur albedinis inter colores principatus: ubi multa scitu digna de albo colore: 2. coloris albi gradus: 3. Nigredo: *Th. XIII.* Cur nigredo sit congregativa? *æd.* 1. An nigredo sit mera privatio? 2. Quædam de nigredine observata digna: 3. gradus nigredinis: 4. Colores intermedii: *Th. XIV.* De colorum intermediarum naturâ sententiæ diversa: *æd.* 1. Colores intermedii non oriuntur è mixture Physicâ extremorum: 2. Cur intermedii colores appellemur: sententiæ propria: 3. Unde tanta colorum varietas: 4. Color flavus, & purpureus: *Th. XVI.* Flavedo albedini proximior: *æd.* 1. Ad flavedinem qui colores referantur: 2. Reuber, cæruleus, viridis: *Th. XVII.* Ruber coloris ortus: *æd.* 1. Ad rubrum qui colores referantur: 2. cur ruber animum & sanguinem moveat: ibid. Cæruleus unde 3. Cæli color cæruleus unde: ibid. Viridis unde: 4. Cur oculis gratissimus: ibid. Munda & naturalis colorum permutatio exemplo luminis solaris à Curæo ostenditur: 5. Color apparens: *Th. XVIII.* De coloribus in collis columbarum: *æd.*

THESIS I.

Color est qualitas visibilis, per quam corpus est coloratum, orta ex perspicui terminati cum opaco mixture, ad rerum differentiâ oculis representandas.

* Exordium.

I. Coloris causæ & essentiæ, ait Scaliger, Exerc. 325. S. 1. tam controversæ & obscuræ intellectui sunt quam ipsi visui manifesti sunt. Inculcat idem. S. 4. Later, inquit, natura hæc, scilicet coloris, & sicut aliarum rerum species in profundissimâ rerum caligine inscitiæ humanæ: interim tamen naturam ejus in

definitione utunque expressimus, quam in sequentibus evolvemus.

II. Prima verò de methodo occurrit quæstio; An color sit generica corporis naturalis affectio? Negant Peripatetici, & solius corporis misti affectionem faciunt, quippe quæ è variâ elementorum & qualitatum mixture oriatur. Affirmamus nos, experientia, ratione & autoritate moti. Experientia manifesta est: Videmus enim & simplicia corpora terminata, aquam & terram: Videri autem nihil potest, nisi quod vel in excessu lucidum, vel coloratum est: In lucidorum verò numero vix ponunt Peripatetici elementa, si solum ex ceperis ignem: Colorata igitur concedant necesse est.

Ratio.

Ratio hæc est; Omnia corpora sublunaria terminata opaci aliquid habent & perspicui: Sunt igitur colorata. Consequentiar ratio est; Quia oritur color ex perspicui & opaci mistione: præsentem igitur causam proximam in actu constitutam, necessario sequitur effectus, nimirum color.

Autoritas Scaligeri, Exerc. 375. §. 8. Si ea, inquit, quæ sensui proxima sunt, sequamur, quatuor primarii colores videbuntur in elementis, aut nullus: Albus in sicco, cujus erit subiectum primum terra, quod ex cineribus, saxis & arenis igni aut sole exustis palam est: Viridis in humido crasso, cujus materiam videmus aquam, crassescens enim viridescit: Cæruleus in humido tenui, qui fit in aere, ut videtur manifeste: Flavus in calido, ignem namque condensatum statim sequitur flavedo: densitas enim colorem facit in actu videri, qui erat in potestate principiorum ineptus ut videretur. Vide & Casalpini, Quæst. Peripatet. lib. 5. q. 7. ubi ex Aristotele quoque probat, colores non esse affectiones proprias mistorum. Hactenus assertionis nostræ probatio.

THESIS II.

Materia coloris est perspicuum terminatum, & opacum.

"Εκ δ' αὐτοῦ.

I. De colorum materia disputatio est intricatissima, sententiæ diversissimæ. Alii qualitates primas pro colorum materia habent: quæ Peripateticæ Scholæ sententia est. Alii colores flammæ esse aiunt & corporibus emicantes; Alii lucem externam corporibus illabentem: Aliis perspicuum & opacum placet; quibus & nos assentimur.

II. Est autem perspicuum, quicquid lucem vel lumen admittit, ejusque ope luminosum vel lucidum est, ortum ex puritate materiæ. Estque terminatum vel interminatum.

Terminatum est, quod in visum incurrit, eumque sistit perfecte, vel imperfecte: unde & perfecte vel imperfecte terminatum dicitur.

Perfekte terminatum est, quod visum perfecte sistit, adeo ut medium videndi alia esse nequeat: hujus generis perspicua sunt pleraque colorata, ut ligna, lapides, panni, ossa, pili. Unde Aristoteles colorem definit extremitatem perspicui.

Imperfecte terminatum est, quod visum perfecte non sistit, adeo ut etiam medium videndi alia esse possit, ut aqua, vitrum, crystallus, & gemmæ nonnullæ.

Interminatum est, quod in visum non incurrit, ut aer, & spiritus quidam subtilissimi.

Opacum est, quod lucem vel lumen non admittit,

ortum ex impuritate materiæ. Observandum, alio modo perspicuum & opacum hoc loco accipi quam alias: Opaca enim appellari solent omnia quæ externo lumini transitum non permittunt: Perspicua verò ea tantum quæ lumen transmittunt, ut aer, aqua, vitrum, &c.

Perspicuum igitur terminatum materiam coloris esse asserimus, sed non solum id, verum & opacum. A perspicuo enim terminato si absit opacum, non colorata fiunt corpora, sed lucida tantum. Opaci igitur & perspicui mistio ad colorem generandum necessaria est.

Colligimus hinc omnia colorata esse, quoque lucida nativâ & congenitâ luce, cum omnia colorata constent perspicuo, eoque terminato & condensato: At perspicui densatio proxima lucis causa est, ut supra offendimus. Eadem Baptistæ Montani in Probl. sententia est.

III. Videntur igitur haud parum errare qui è primarum qualitatum concursu immediate oriri colores existimant, ita quidem ut qualitates ipsissima sint colorum materia: quam sententiam pertinaciter defendit Philippus Moccenius. Hoc enim si ita esset, infallibile de qualitatibus primis judicium è coloribus fieri posset, cui tamen omnis reclamationis experientia. Videmus enim eosdem colores cum omnibus qualitatibus consistere: E.g. *Albedo* in marmore cum frigiditate consistit, in calce & saccharo cum caliditate; *nigredo* in hebeno cum frigiditate, in pipere cum caliditate; *albedo* item cum siccitate in calce, cum humiditate in nive & lacte; *nigredo* cum siccitate in pipere, cum humiditate in atramento. Unde Galenus lib. 3. & 4. De simplic. medicam. Colores ait aut parum aut nihil de temperamento misti indicare. Galeno assentitur Vallesius, Controversiarum lib. 9. cap. 5. ubi expresse negat colores esse qualitatum primarum sobolem. Quâ in sententiâ *ὁ πρῶτος ἄρχον* habet Zabarciam, lib. 1. De visu, cap. 2. & Curæum, De sensu & sensili, lib. 1. cap. 19. Nec ratio assequitur qui qualitates tactiles possint esse visibiles materia proprie sic dicta, quid enim, quæso, commune habent colores cum frigiditate, caliditate, humido, sicco?

THESIS III.

Forma seu actus coloris est lux in quolibet colorato, orta ex perspicui condensatione.

"Εκ δ' αὐτοῦ.

I. Eadem Scaligeri sententia est, Exerc. 325. §. 3. ubi lucem vocat actum visibilitatis; & Zabarciam, qui eandem rationem visibilitatis appellat, adeo

aded ut color nominari possit lux variâ perspicui & opaci mistione affecta: quo nomine differt à simplici luce mistionis hujus experte. Ratio igitur patet, cur tam varios colores repræsentare in corporibus lux possit: Afficitur enim variis perspicui & opaci mistionibus: Prout ergo plus minùsve opaci perspicuo admistum est, colorem repræsentat ad primam lucis originem vel propiùs accedentem vel ab eâ longiùs recedentem. Sic cum albedinem repræsentat, ad originem quàm proximè accedit: plurimum enim perspicui albedo habet; unde & lux quædam imperfecta dici posset, velut & lux albedo quædam excellentior: Omnia enim sincerè lucida candorem quandam repræsentant: ἁλιον, *Aristoteles* affirmat 1. Meteor. 3. *καλὸν δὲ λευκόν*, propter lucem. Cum verò nigredinem repræsentat, ab origine quàm longissimè recedit, plurimum enim opaci est in nigro; unde cum tenebris magna ipsi affinitas. Confirmant sententiam hanc colores apparentes in nubibus & columbarum collis, qui aliud nihil sunt nisi lumen externum à nubibus plumisve variè dispositis aut affectis pictum. Sic igitur interna colorum principia tria sunt, *perspicuitas, opacitas, lux*: quæ *Alexander* quoque agnovit, lib. 1. Quæst. natural. cap. 2. *Pererius* lib. 13. cap. 9. quæst. 8. *Baptista Montanus*, Probl. 1. *Maynetius* *Maynetius*, comment. in libr. *Aristotelis*, De sensu & sensili, ad text. 28. *Zabarella*, *Toletus*, lib. 2. De animâ, cap. 7. q. 17. qui ingeniosè ex apparentibus coloribus hoc demonstrat: Ex. gr. in Iridis coloribus tria sunt principia: diaphaneitas nubis, quâ lumen recipitur; opacitas, quâ retinetur ne omnino transeat, & lumen ipsum receptum, retentum & opacatum: Ex his color est. Inter hæc tria, inquit, lumen est forma & coloris substantia, reliqua duo sunt ut principia materialia: Quod si lumen illud esset ab interno, & ipsis partibus nubis, ipsumque subiectum permaneret, utique esset color verus & permanens. In coloribus igitur veris & permanentibus ista eadem principia sunt. Idem sibi *Patricius* vult, lib. 5. *Panaug.* cum ait colorem esse lucem opacatum, luminisque prolem: *Curæus*, De sensu & sensili, lib. 1. cap. 20. Nec aliena est hæc sententia ab *Aristotelis* mente: Nam, in libro De sensu & sensili, definitur ei color mixtio corporis lucidi vel luminosi terminati ab opaco.

II. Quæ contra sententiam hanc infert *Simon Porcius*, in præfatione libelli De coloribus, solutu difficilia non sunt. Objicit ergo 1. Color est extremitas perspicui terminati: Non igitur est forma perspicui, nec ex illo fit. Ratio consequentiæ: Quia forma non nascitur sed compositum.

2. Si color est lumen participatum, non sequitur

elementa: Atqui hoc adversatur *Aristoteli*: Ergo.

3. Lumen est materiæ expers: Ergo non participatur à subiecto, sed ab eo recipitur; nec conservatur nisi lucidi corporis præsentia.

4. Si lumen cum perspicuo terminato, causatur colorem, etiam in interminato, ut aere, causabitur: At falsum hoc: Ergo.

5. Color est extremitas corporis terminati: Lumen est actus interminati: Ergo color non est lumen.

III. Rationes hæc priusquam solvantur observandum, 1^o, Coloris actum nos appellare non lumen externum à sideribus vel igne sparsum, sed lucem cuivis colorato congenitam: Sequimur hæc cum alios tum magnum *Averroem*, cui adversus *Averroem* subscribit quoque *Curæus*, De sensu, lib. 1. cap. 20. 2^o, Colorem à nobis appellari lucem non simplicem sed mistam cum perspicuo & opaco. His observatis, ad rationes *Porcii* ita respondemus:

Ad 1^m. Primùm antecedens negamus. Malè color appellatur extremitas perspicui: 1. Quia extremitas est duntaxat ulterioris extensionis negatio, color autem est ens positivum. 2. Color non tantum est in extremitate, sed in intimis etiam corporum partibus, ut postmodum probabimus. Deinde & consequentiam negamus. Probatio ejus nulla est: Etiam si enim compositum primò & per se gignitur, ipsa tamen forma secundario quoque gignitur. Quicquid enim naturaliter transit à non esse ad esse, gigni dicitur.

Ad 2^m. Connexum negamus: Cum enim elementa quoque perspicuo & opaco consent, utique color quoque rectè dicitur ea insequi. E perspicui enim condensatione oritur lux: si accedat opacum & misceatur, exsurgit color.

Ad 3^m. Primùm antecedens negamus. Etiam si substantialem materiam propriè sic dictam lumen non habet, materiâ tamen omnipianè non caret, cum à luce producat naturaliter: Ex nihilo enim naturaliter nihil fit. Quod verò addit, lumen non conservari nisi lucidi corporis præsentia, nos non urget. Nam si propriè & distinctè loquamur, color realis non lumen, sed lux est ingenerata cuivis perspicuo terminato, ut sæpius jam inculcavimus.

Ad 4^m. Connexum negamus: Longè enim alia est ratio perspicui terminati quàm interminati. Videmus à lumine columbarum collis circumfuso & in nubes densiores illapso varios repræsentari colores, qui in aere non repræsentantur, etsi non minùs sit luminosus.

Ad 5^m. Primò propositionem negamus: Rationem reddidimus in solutione objectionis primæ. Deinde, si lumen pro luce accipiat, consequentiam rationis negamus: Lux enim terminati potius est

est actus quàm interminati. Si lumen luci contra-
distingatur, rationem totam concedimus; Color
enim realis lux est, non lumen. Quid? quòd assump-
tio quoque universalis non sit: Cùm enim lumine
non interminatum tantum sed & terminatum illu-
stretur, utriusque actus lumen erit.

THESIS IV.

Efficiens coloris est perspicui terminati
cum opaco mistio.

Expositio.

Proximam hinc coloris causam attingimus, & u-
niversalem, tam in simplicibus, quàm in mistis. Re-
motæ & particulares multæ sunt: itaque non nega-
mus calorem plerorumque in mistis colorum esse
autorem. Cùm enim elementa partim perspicua
partim opaca caloris potissimum beneficio misce-
antur, consequens est, calori quoque adscribendos
esse colores tanquam causas procreanti. Evidentia
sunt exempla in frugibus, pyris, pomis, quæ variis co-
ctionum incrementis subinde colores mutant: Quæ
enim primum erant cruda & viridia poma, proce-
dente coctionis opere, albescunt, flavescent, rube-
scunt, interdum & nigrescunt, nullam aliam ob cau-
sam nisi quòd opacum cum perspicuo variè misceat
calor.

THESIS V.

Finis est principalis, vel minus prin-
cipalis.

THESIS VI.

Principalis est, ut mirabilia Dei opera
præstantissimo oculorum sensui repræ-
senter.

Expositio.

Certum est, nullum esse sensum per quem DEI
gloria, quæ in operibus creationis conspicua est ma-
gis innotescat hominibus quàm per visum; adeo ut
in invisibilium Dei notitiam nos deducere dicantur
res conditæ, quæ à nobis perspiciuntur & intelli-
guntur, Rom. I. 20. Atqui visibile sine qualitate
visibili colore aut luce, nihil est: nec per visum fieri
potest iudicium de re non visibili, hoc est, non luci-
dâ vel coloratâ.

THESIS VII.

Minus principalis est ornatus quem
corporibus conciliat.

Expositio.

Duabus de causis naturales res coloribus sunt pi-
atæ, una necessitati, altera jucunditati inservit. Ne-
cessarius enim corporibus naturalibus, quæ simpli-

cis lucis ope in sensum non incurrunt, erat, color, ut
visum nostrum moveret, & varias rerum differen-
tias monstraret, quò tanto magis Dei opera mirari
& rectius iis uti possemus. Insignem deinde corpo-
ribus suavitatem conciliant colores, adeo ut solis
quandoque coloribus nobis commendentur tam
plantæ quàm animantia, quæ magni non facere-
mus nisi colorum accederet suavitas: Ad hanc co-
lorum amoenitatem & elegantiam respexisse puto
CHRISTUM, Math. vi. 29. Dico vobis, nè Solomo-
nem quidem cum universâ gloriâ ita amictum fuisse
ut unum ex istis, nempe liliis & herbis agri: Unde
Chrysostomus in hunc Matthæi locum; Quantum
distat à veritate mendacium, tantum inter Regum
amictus & florum colores discrimen interjacet. Et
Hieronymus; Quod sericum, quæ Regum purpura,
quæ pictura texturicum potest floribus comparari?
Quid ita rubet ut rosa? quid ita candet ut lilium?
viola verò purpuram nullo superari murice, oculorum
magis quàm sermonis indicium est.

THESIS VIII.

Hactenus Coloris causæ. Subjectum
est corpus naturale, secundum omnes
partes, tam internas quàm externas.

Expositio.

I. Corpus naturale subjectum esse coloris, è me-
thodo nostrâ patet, cujus rationem supra reddidi-
mus. An verò intimas quoque corporis naturalis
partes occupet color, adhuc dubium est. Plerique
Peripateticæ Scholæ magistri negant: Nos affir-
mamus. Prima assertionis nostræ ratio è naturâ
coloris talis est; Si color in corporibus oritur ex
perspicui lucidi cum opaco mistione, non in super-
ficie tantum extrinsecus hærebit, sed in intimis etiam
corporum partibus: Atqui verum illud: Ergo &
hoc: Connexi ratio est; Quia mistio perspicui lu-
cidi cum opaco est in toto corpore. Assumptio ex iis
patet quæ hactenus dicta sunt. Idem quoque eodem
modo ex Peripateticâ de colorum ortu sententiâ
concludi potest: Nam si color oritur ex commi-
stione qualitatum primarum, non in superficie tan-
tum sed in ipsis quoque visceribus corporum misto-
rum hærebit, cum qualitates primæ tota corpora
pervadant.

2. Ratio ab experientiâ deprompta; Corpora se-
cunda intus quoque colorata deprehenduntur: Ergo
non extrinsecus tantum sunt colorata.

3. Si ideo intimæ corporum partes coloratæ non
sunt quia lumine collustrari nequeunt, sequitur,
1. Colores ab externo tantum lumine creati, & sic
absente lumine externo nullos esse veros colores;

2. Colores reales nullos esse, sed tantum apparentes; 3. Colorem non esse affectionem veram corporis naturalis: quæ omnia longè falsissima sunt.

4. Si ideo colores in corporum intimis partibus nulli sunt quia non videntur, sequitur, nè in superficie quidem noctu colores esse; item sequetur, sublato actu secundo tolli primum, & visu visibilitatem, usu rationis rationem: quod longè absurdissimum.

Denique audiatur & Scaliger, Exerc. 325. §. 4. Male, inquit, arbitrari sunt, colorem esse potentia visibilem, non actu: at ille actu visibilis est. Visibilitas enim non producit nova ab ullà causà, sed actus, qui est videri, accidentalis. Actus est homo risens, accidit ut rideat. Quia color sua natura visibilis est, etiam si nunquam videretur. Neque enim tollitur potentia per objecti ablationem, quia fluit ab invicis principis essentialibus: neque è contrario deletur objectum per amotionem potestatis, ex se enim est quod est. Eadem Aristotelis est sententia, in libro De sensu.

II. Quartum nostrum argumentum in suam sententiam trahit *Caspius*; qui colores in tenebris actu nullos esse contendit, idque duabus probat rationibus:

1. Si color esset actu color in tenebris, videretur similiter in tenebris, ut ignis: At consequens falsum: Ergò & antecedens.

2. Si in definitione coloris includitur lumen, impossibile est actu colorem esse in tenebris positum: At verum prius: Ergò & posterius.

3. Consentit quoque Poeta hemistichio illo, *Rebus nox absulit atra colorem*.

III. Huic nos sententia non accedimus, quia colores veros ac reales non ab externo lumine sed internâ luce derivamus, quem coloris actum constituimus. Respondemus ergò ad *Caspiini* rationem.

IV. Connexum negamus. Aliud est actu colorem esse per principia sua interna essentialia, aliud videri, quod est accidentale colori. Actus igitur color est, etiam si actu non videtur propter externum impedimentum. Et quis, quæso, neget colorem inter quem & oculum meum paries intercedit, quique propterea videri à me nequit, esse verum colorem? Videantur quæ paulò antè ex *Scaligero* allegavi-mus. Observandum igitur plura requiri ut actu videatur color, quàm ut actu sit color.

Ad 2^m. Connexum negamus: Nam & nos in definitione coloris facillè lumen seu lucem potius admittimus, & tamen in tenebris actu colorem esse contendimus: illud verò lumen non externum sed internum agnoscimus. Qui autem luminis externi mentionem faciunt, colorem non definiunt nisi quatenus actu videtur.

Ad 3^m. *Auferre* apud Poetam est facere quò minus color videatur, seu non destruere simpliciter, sed ab aspectu nostro auferre.

THESIS IX.

Color est verus, vel apparens.

THESIS X.

Verus est, qui corporibus reverà inest, ex lucidi, perspicui & opaci missione, etiam sublato lumine externo. Estque extremus vel intermedius.

THESIS XI.

Extremus est, qui extra omnes alios est, visumque lædit. Estque Albedo, vel Nigredo.

EXORDIUM.

I. Extremos colores appellamus albedinem & nigredinem, non eo sensu quo vulgus, quòd principia materialia sint colorum intermediorum; qui & compositi hoc nomine à multis nominantur. Putant enim plerique colores omnes præter albedinem & nigredinem compositos esse, vel ex albedine & nigredine tanquam extremis, vel ex duobus intermediis; vel ex intermedio & extremo. Aliam nos secuti sententiam, duplicem appellationis rationem in thesi reddidimus. Priorem ex *Scaligero* depromimus, qui Exercitationis sæpius laudat §. 9. quærit, quâ ratione nigredo & albedo appellentur extremi colores? Rejectâ nonnullorum responsione, extremos appellari ait, quòd extra omnes colores sint. Nullum enim recipit colorem niger, (unde firmitatis & perseverantiæ symbolum ita dicitur à *Valeriano*, Hieroglyph. lib. 12.) albus omnes. Hinc albedinem materiæ primæ comparat idem *Pererius* in Hieroglyphicis, in quam colorum species quotquot volueris, perinde ac in universalem illam materiam possis inducere. Distant igitur invicem quàm longissimè. Posteriolem suppeditat *Pererius*, lib. 13. cap. 9. q. 8. ex effectibus contrariis, quia unus visum extremè disgregat, alter congregat, uterque lædit.

II. *Scaliger* problema proponit, *Uter extremorum colorum sit habitus, uter privatio*. Respondet vulgus, nigrum esse privationem, quòd tenebrarum sit imago; album verò habitum, quòd luci sit similis. Excipit subtilis *Scaliger*; Album videri privationem, propterea quòd omnes colores recipiat; quod enim recipit, privatum est: nigrum verò habitum, quòd nullum recipiat. Attamen indigna videtur nigredo quæ habitus appellationem sortiatur.

Ratio

Ratio ex receptione & negatione receptionis petita insufficiens est: Albus enim omnes colores dicitur recipere, non quia privatus, sed quia è subiecto expulsi facilius quàm niger, qui tenaciùs inhæret, aliisque coloribus ægriùs cedit.

THESIS. XII.

Albedo est color extremus, ex mitione plurimi perspicui lucidi cum opaco paucioribus.

Expositio.

I. Albedo est color *διακρίσιμος*, h. e. *disgregativus*, quia visum disgregat. Est autem disgregatio visus spirituum visoriosorum, qui ad pupillam è cerebro confluant, dissipatio, à luce primum orta. Experimur hoc quoties solem intuemur, qui excellenti suâ luce visorios spiritus ita disijcit & disgregat ut officio aliquandiu in visione faciendâ fungi nequeant. Affectionem igitur hanc cum luce communem habet albedo, quia est lux quædam imperfecta. Sentit idem Scaliger, Exerc. 73. *Lædunt rerum candidarum species visum, propterea quòd multâ cum luce visui offerantur, mediocritatem superent quæ sensui debetur: Fit autem læsio, repente illatâ luce, quia diu in tenebris commorari sunt, quia inassuetis novæ sunt species: omne autem novum valde mutat.* Hæc Scaliger. Experientiâ id comprobavit Dionysius Sicilia Tyrannus, qui supra carcerem obscurum extruxit conclave lucidissimum splendidissimâ calce illitum, in quod captivos, postquam in obscuro & tenebroso carcere diu concluderat, subito detruxit; qui cum è profundâ extracti caligine circumfusam lucem & albedinem repente & cupidè intuerentur, protinus excœcati sunt. Simile quid Cyri militibus accidit, ut Xenophon refert, lib. 4. Expedit. Cyri. Cum enim plurium dierum iter in nivolis montibus fecissent, è continuo nivium optutu videndi aciem obtundi, nonnullos etiam porsus excœcati observaverunt. Idem aliis quoque Græcis militibus accidisse scribit Diodorus Siculus, lib. 14. Scribit quoque Galenus, multos qui solis eclipsin curiosius & diutius sunt intuiti, visum amisisse.

II. Inter colores principatum obtinet albedo, 1. Ratione affinitatis summæ cum luce, nobilissimâ qualitate; 2. Ratione amplitudinis; 3. Ratione significationis.

De summâ albedinis cum luce affinitate suprâ thesi 3. aliquid diximus. Arguit eam perpetua connexio: ubicunque enim est albedo excellens, ibi lux excellens; ubi lux excellens, ibi albedo quoque excellens. Hinc sidera, nisi per vapores densos adspiciantur, excellenter lucida & candida apparent,

Differentem hæc de re vidè *Patricium*, lib. 1. *Patricius*, circa finem. Arguit eandem affinitatem effectuum similitudo: Ut enim quæ lucida sunt, illuminant & visum disgregant, sic & impensè candida vim illuminandi & visus disgregandi habent.

2. Amplitudinem è subiectis ejus plurimis æstimamus. Non enim per mixta tantum sed & simplicia ferè omnia albedo diffusa, ex doctorum quorundam sententiâ. Hinc *Aëtiarius* Medicus, in 1. De judicio urinarum, colorem album asseverat omnium esse corporum simplicium in mundo. Terræ, aquæ, & aeri albedinem tribuunt *Strato* & *Theophrastus*. Nec excludi potest à participatione coloris hujus ignis, propter lucem; multò minùs stellæ, de quarum albedine antè diximus. De amplitudine & subiectis albi coloris pluribus differentem vide *Franciscum Tidicæum*, in *Microcosmo*, tract. 3. pag. 193, 194.

3. Significatio varia est, præcipuè tamen sanctitatis, lætitiæ & victoriæ. Sanctitatis & innocentie hieroglyphicum esse colorem album, è pluribus sacre Scripturæ locis palàm est. Quos enim singulari innocentia & sanctitate nobis commendat, albâ veste indutos affirmat. *Joan. xx. 12.* Angeli albat, præcones resurrectionis Christi laudantur. Eosdem ascensionis Christi testes albo vestitu amictos allegat Apostolus, *Act. i. 10.* *Apocal. iv.* Viginti quatuor senes amicti dicuntur vestibus albis. Animabus sub altari vindictum postulantibus dantur albæ stolæ, cap. vi. 11. Hieroglyphici hujus coloris interpretatio habetur sequenti cap. vii. ubi quærenti, quinam illi sint qui amicti sunt stolis albis, respondetur, vers. 14. *Hi sunt qui venerunt ex afflictione magnâ, & laverunt stolas suas ac dealbârunt in sanguine Agni.* Explicatiùs cap. xix. 18. *Datum est ei ut amictiatur bysso puri & splendido: byssus enim justificationes sunt sanctorum.* Sic illud *Ecclesiastæ ix. 10.* *Omni tempore vestimenta tua sunt candida;* *Pierius Valerianus*, Hieroglyph. lib. 40. Hieroglyphicè interpretatur de perpetuo morum candore & animi puritate; quid præcipiat *Solomo*, nullam iracundiam, officium nullum, nullum otium & negotium toto vitæ tempore innocentia & sinceritate debere vacuum esse. In puritatis & sanctimonie symbolum olim baptizandi candidis vestibus induebantur tam infantes quàm adulti: unde candidari baptismi appellabantur: Vestem hanc indumentum Spiritus sancti nominat *Tertullianus*. Gentilibus quoque Sanctitatis Hieroglyphicum erat color albus. Hinc, *Varrone* teste, flamen cum *Jovi* sacra ferret, totus erat albus. Et magi in *Perside* dicebant, Deum non delectari nisi in albis vestibus. Quam ob causam & *Ægyptiorum* quoque sacerdotes albis utebantur.

tur vestibus. Color albus præcipue Deo decorus est, inquit Cicero, in LL.

Lætitia quoque indicium olim faciebat albedo. In conviviis enim albarum vestium usus erat frequentissimus: Hinc *Philo*, De vitâ theoreticâ, testatur *Judeos* dierum festorum convivia agitasse λευκηνόντων, h. est, albis vestibus amictos. Idem apud *Romanos* quoque mos fuit: Unde illud *Horatius*, lib. 2. Sat. 2.

Ille repotia, natales, aliòsve dierum
Festos albatu celebrat.

In universum autem album colorem lætitia proprium atque Deorum vult *Plato*: Hinc dies voluptuarii Græcis dicebatur λευκή ἡμέρα, dies albus.

Victoriae denique & triumpho candidum colorem esse consecratum, è sacris patet. Nam *Apocal.* iii. 5. victori præmium promittitur vestimentum album: & cap. vi. v. 2. victor dicitur insidere equo albo. Olim quoque victores *Romani* in triumphis vehabantur equis albis. Et servis manumissis dabatur vestis alba in signum victæ servitutis & recuperatæ libertatis. Vide *Struckium*, Convivial. antiqu. lib. 2. cap. 26.

III. Coloris albi quasi gradus constituit *Scaliger*, §. 11. Aqueum; vitreum, niveum, lacteum, marmoreum, papaveratum, eburneum, argenteum, gypsatum, cæruleum: De quibus ipse *Scaliger* consulatur.

THESIS XIII.

Nigredo est color extremus, ex mistione plurimi opaci cum paucio perspicuo ortus.

EXERCIT.

I. Nigredo est color συγκεκρως, hoc est, congregativus, quia visum congregat, hoc est, visorios spiritus ad pupillam è cerebro confluentes cogit & unit.

Ratio unionis videtur hæc esse, quod nigredo veluti quædam caligo spiritibus visoriis lucidis sit contraria: à nigredinis igitur commercio refugientes spiritus in centrum quasi è circumferentiâ pupillæ congregantur & coguntur. Damnum quod nimia albedo oculis adfert, minui aliquo modo potest, si oculis, qui nimia albedine diutius fatigantur, nigrum quiddam obtendatur: Quod periti cujusdam viri suâ *Cyri* milites loca nivosa peragrantes fecerunt, & hac ratione damnum quod è diuturno nivis intuitu imminerebat declinârunt.

II. Videtur nonnullis nigredo aliud nihil esse nisi albedinis privatio: Quam sententiam sequentia argumenta refutat. 1. Privatio non ingreditur colorum compositionem: Nigredo quorundam colorum compositionem ingreditur. 2. Privatio non est ob-

jectum sensus: Nigredo est objectum sensus: Ergo.

3. Nigredinis genus est habitus, nimirum color: Ergo privatio non est. 4. Privatio naturâ posterior est habitu: Nigredo non est posterior albedine.

5. Privatio non cognoscitur nisi per habitum: Nigredo etiam sine albedine cognoscitur. Quæ in contrariam partem adferuntur nullius sunt momenti.

III. Nigredo albedini in significatione hieroglyphicâ quoque est contraria. Ut enim illa lætitia, sic hæc tristitia est symbolum: Hinc in lucu olim, ut & hodie in funere, frequens est usus vestium nigrarum. Nigrarum in exsequiis vestium usum ex veteribus ostendit *Hieronymus Magius*, Miscell. lib. 3. cap. 14. Pullâ seu atrâ veste ludis ad lætitiâ destinatis interesse prohibuit *Augustus*. Atri dies appellantur infausti, inauspicari, lugubres & infelices: *Pierius*, Hieroglyph. lib. 28.

Porro ut sanctitatem & innocentiam denotat albedo, sic infames, nocentes & perniciosos mores nigredo: *Pierius*, ibid. Pertinet huc vulgatum illud, Hic niger est, hunc tu, Romane, cævera. Maneant, inquit *Furvenalis*, qui nigrum in candida vertunt, h. e. vitium in virtutem, & virtutem in vitium.

In nigredinis verò laudem observatu dignum quod scribit *Porphyrus*, colorem nigrum Soli esse dedicatum, quod ejus calore humana etiam corpora reddantur nigriora. Et hæc est causa quod *Brachmanæ* præ reliquis colorem atrum sint venerati; nempe quia sol omnia denigrat.

IV. Nigri distinctos gradus §. 17. *Scaliger* facit atrum, fuscum, piceum, murinum, prannium, quem ait atrum cum splendore ab *Indicâ* gemmâ dictum. Videatur ipse *Scaliger*.

THESIS XIV.

Hactenus color extremus. Intermedius visui gravior inter extremos est.

EXERCIT.

I. *Scaliger* colores qui vocantur intermedii, quos compositos alii appellant, ex aliis coloribus componi negat, Exerc. 325. §. 8, & 9. In eadem opinione videtur esse *Pererius*, lib. 13. De naturâ motus, cap. 9. qu. 8. Rationem tamen assertionis nec hic nec ille profert. Contrarium tota fere schola Peripatetica statuit, ut thes. xi. *Andriæ* 1. indicavimus. Quâ proportionem miscendi sint extremi, ut varii inde oriantur intermedii, accuratè docet in *Physicis Sebastianus Verro*, lib. 4. cap. 19.

II. Etsi verò negari non potest è variâ colorum, vel corporum potius coloratorum, mistione varios per artem produci colores, ut è pictoriâ palam est, in naturâ tamen idem fieri non existimamus.

P

Itaque

Itaque *Scaligeri* potius sententiam sequimur, & contra receptam opinionem hâc ratione pugnamus : Si in naturâ & per naturam colores extremorum vel intermediarum commistione producerentur, vel in unâ & eâdem subjecti parte essent colores specie differentes, iique contrarii sæpenumero, vel è diversis subjecti partibus in unam confluerent : At neutrum horum est : Ergò nec illud. Connexi ratio est ; Quia colores misceri non possunt nisi actu existentes vel in unâ subjecti parte vel in diversis partibus. Assumptio probatur exemplo proposito : Ait Schola Peripatetica rubedinem oriri ex æquali albedinis & nigredinis mistione : Sit igitur pomum rubrum vel cerasum rubrum ; dicant ex albedinis & nigredinis mistione rubedinem istam natam : At antè rubedinem in pomo vel ceraso quis unquam nigredinem observavit ? qui potuit in eadem pomi vel cerasi parte ex æquo esse albedo & nigredo ? Si concedamus in aliâ pomi parte fuisse nigredinem, in aliâ albedinem, inferent, ex concursu duorum illorum colorum ortam esse rubedinem : Sed quærimus, qui concurrere potuerint duo colores distinctis subjectis diffiti : vel enim sine subjectis partibus, vel cum iis concurrunt : Priori repugnat natura accidentium, quæ de subjecto in subjectum migrare nequeunt : Posteriori contradicit experientia : Nec enim dissitas pomi partes concurrere sibi inque commutare unquam animadvertimus. Concludimus igitur, pomi rubedinem non oriri ex æqualibus albedinis & nigredinis partibus invicem permistis. Idem de aliis coloribus ex eodem fundamento colligendum.

III. Intermedios igitur nos colores appellamus, primò, quia visui sunt gratiores, nec obsunt notabili spirituum visoriorum congregatione vel disgregatione ; deinde, quia sunt inter extremos duplici respectu : 1. enim nec quosvis colores tam faciliè admittunt ut albedo, nec quosvis tam pertinaciter respuunt ut nigredo. 2. Cum extremis similitudinem & affinitatem habent, vel propius ad eos accedendo, vel longius ab iis recedendo : Quam *Pererius* appellat Metaphysicam compositionem, quæ non in diversarum specierum conjunctione sed analogiâ & convenientiâ consistit.

IV. Unde verò tandem, inquis, tanta colorum varietas ? Respondeo, ut mistorum corporum varietas è variâ elementorum mistione & contemperatione oritur, sic & colorum è variâ perspicui lucidi cum opaco mistione & unione. Unde iis quoque assentimur qui medios colores principales ab extremis specie differre aiunt, & qualitates esse non minùs simplices quàm extremos ; à quibus proprietatibus & effectibus medios videmus differre.

Deinde, quis dixerit, viride non magis distingui ab albo & nigro quàm differunt minus album & minus nigrum ? Denique cum ex nigro sit perfecta mutatio in album, omnes intermediæ colorum species procreantur & apparent, si intermedii ab extremis non differrent specificè : quod tamen falsissimum esse testatur experientia.

THESIS XV.

Estq; albedini proximior, vel nigredini.

"ΕΝΔΕΙΞΙΣ.

Colorum intermediarum distributiones è variâ extremorum mistione sumtas hoc loco negligimus, quia mistionem hanc in præcedenti thesi rejecimus ; interim tamen similitudo quædam & analogia est mediorum cum extremis, quam in distributione nostrâ attingimus, dum alios albedini, alios nigredini proximiores esse asserimus.

THESIS XVI.

Albedini proximior est Flavus & Purpureus color.

"ΕΝΔΕΙΞΙΣ.

I. Peripatetici flavedinem componunt ex prædominio albedinis mixtæ cum nigredine. Nos compositionem Physicam non admittentes proximior eam albedini appellare maluimus quàm ex albedine excedente & nigredine deficiente compositam.

II. Ad flavum colorem refert *Scaliger*, §. 12. Mellinum, palearem, pallidum, luteum, galbancum, buxum, citreum, croceum, ictereum, aureum, fulvum, impluviatum, æreum, mustelinum, rubiginosum, ferrugineum, pullum, regium, leonatum, cereum. Ad purpureum idem refert *Scaliger*, §. 4. Dibaphum, helvum.

THESIS XVII.

Nigredini proximior est Ruber, Cæruleus, Viridis.

"ΕΝΔΕΙΞΙΣ.

I. Rubrum colorem componunt ex æqualibus albi & nigri portionibus. Si compositionem intelligant Metaphysicam, quæ consistit in analogiâ, admitti potest sententiâ. In hoc tamen errant, quòd æquales albi & nigri portiones ei tribuunt : Plus enim habet rubedo commercii cum nigredine quàm cum albedine : unde intensè rubra ad nigredinem accedere observamus.

II. Ad rubrum colorem refert *Scaliger*, §. 13. Rubicundum, rutilum, rufum, sanguineum, roseum, igneum, flammeum, puniceum, vinosum, balaustrinum.

De rubro colore quaeritur, *Cur animum & sanguinem moveat?* Respondet, *Vallesius*, in sacra Philosophia, Spiritus qui in sanguine sunt, propter fulgorem habere *συμπύκνωσιν*: ac cum fulgore rubro, ob quam alliciuntur, & secum sanguinem commovent.

III. Caruleum colorem componunt ex praedominio nigri misticum albo. Ad quem refert *Scaliger*, §. 15. Plumbeum, cinereum, glaucum, caesium, Indicum, Venetum, griseum, bellum. Pulcre differit *Patricius* de colore caeruleo qui in aere vel caelo sudo à nubibus libero conspicitur, lib. 2. Panaugia. Pertinet color caeruleus ad nigricantes: At nigror ab opaco est: in aere vero seu aethere per se nulla opacitas, corpus enim est maxime perspicuum: Unde igitur illi color caeruleus, qui serenis diebus & noctibus in oculos nostros incurrit? Apparens ille est, non verus & realis: Reddit autem apparentiam aeris profunditas: ob multarum enim partium interjectionem opacitatis, aliquas sumit vices: Siquidem partes aeris multae, quamvis aequae omnes collustrantur lumine, inter obiectum & visum interpositae veluti densitatem quandam induunt, ideoque in perspicuo corpore, contra naturam suam, opacitatem quandam efficientes caeruleum vel cyaneum colorem representant. Sic alias quoque aer longo sui intervallo res coloratas & bene visiles in claro etiam lumine visui acuto obteggit. Sic & perspicua plura, ut vitra vel crystallae, sibi superposita redduntur opaciora, quia luminis penetrationi viam ex parte pracludunt.

Quaerenti, *Cur in fornici figuram incurvari nobis videantur ceruleae illae aeris partes*, cum *Patricio* respondemus, Causam esse, quod partes illae aeris caerulei omnes circumquaque ab aequali intervallo in oculos nostros quasi in centrum incurrant.

IV. Viridem componunt ex praedominio caerulei misti cum rubro: quod per naturam fieri nunquam monstrabunt. Ad quem refert *Scaliger*, §. 16. Erugineum, herbaceum, prasinum, luridum.

De viridi colore quaeritur, *Cur oculis omnium sit gratissimus?* Dubio procul causa est in temperie perspicui & opaci, naturae & temperiei oculorum conveniente.

V. In numero colorum mediorum principalium assignando discrepant Philosophi. Nos quoque medios principales, *Scaligerum*, §. 9. secuti, numeravimus. De variis colorum nominibus videatur

idem, §. 10. de distributionibus, §. 7, & 19.

Mutua & naturalem colorum permutationem ostendit *Curæus* exemplo solis occidentis & orientis, sereno caelo: *Declinante*, inquit, sole regio illa vicina albescit; sole magis descendente fit color cinericius, post hunc luteus, quarto loco rubeus, dein purpureus, post hunc ferrugineus, deinde caeruleus; tandem sequitur nigra & obscura nox. Rursus, antelucano tempore, post nigrum apparent hoc ordine, caeruleus, ferrugineus, rubeus, luteus, cinericius, albus. Unde *Galenus* ait non posse fieri ex albo nigrum, nisi fiat transitus per colores medios: Quae assertio experientiae contraria est.

THESES XVIII.

Haecenus color verus. Apparens est, qui non inest corpori, sed videtur inesse, ob lumen externum incidens in corpus terminatum.

ENDOTIS.

Huiusmodi colores observantur in pennis pavonum, & collis columbarum, in nubibus & mari, nec non in urinis (unde Medicorum periti in luce temperata urinas malunt despicere) quos apparentes duntaxat esse patet, 1. Quia iidem non semper apparent; 2. Quia pro vario corporum ad corpus lucidum situ & oculorum etiam positu mutantur: quod in veris coloribus non contingit. Vide *Caelium Rhodiginum*, lib. 17. cap. 7. Coloris varii per lumen in columbarum collis representati mentionem facit *Lucretius*, lib. 2.

*Qualis enim cecis poterit color esse tenebris,
Lumine qui mutatur in ipso? propterea quod
Recta aut obliqua percussus luce refulget:
Pluma columbarum quo pacto in sole videtur,
Que sita cervices circum, collumque coronat:
Namque aliàs fit uti claro sit rubra pyropo,
Interdum quaedam sensu fit uti videtur
Inter caeruleum virides miscere smaragdos.*

Hicronymus adversus *Joannem Origenis* sectatorem, *Columbarum*, inquit, colla ad singulas conversiones colorem mutant. *Arceflas* collum intuens columbinum, hac per motus veritatis incertitudine a *Pyropo* amplius cepit adstruere. *Martianus* de nuptiis Philologiae.

CAPUT XXIII.

De Sono.

SONUS, qualitas audibilis: *Th. I.* Pertinet ad affectiones genericas corporis naturalis: *Id.* Sonus quid: *Thef. II.* Sonus non est motus corporum collisorum, contra *Bodinum*: *Id.* Efficiens soni: *Thef. III.*

Th. III. IV. V. VI. VII. VIII. Corpora dura, solida, lævia ad sonum efficiendum aptissima *æd. 1.*
Qualis requiratur collisio ad sonum efficiendum: 2. IX. An etiam ex aquæ fractione & elisione sonus eliciatur: æd. Distributio corporis à duobus corporibus collisis elisi fractique: Th. X, XI, XII, XIII.
An ad sonum efficiendum necessaria sit aquæ vel aeris intermediarii elisio & fractio: æd. 1. An sonus immediate sequatur corporum collisionem, an verò intercepti aeris fractionem: 2. Cur dura, solida & lævia ad sonum edendum sint aptiora quàm mollia, aspera, porosa: 3. Cur requiratur ad sonum efficiendum collisio vehementior: ibid. Finis soni: Th. XIV. Subjectum: Th. XV. Siue soni subjectum corpus extremum, an interceptum: Argumenta pro sententiâ priori: æd. 1. Defenditur sententia posterior: 2. Solvuntur rationes contrariæ: 3. An aqua quoque sit subjectum soni recipiens & deferens: 4. Distributio soni ex subjectis & adjunctis: Th. XVI. Sonus simplex: Th. XVII. Reflexus: Th. XIX. Qualis sit distributio soni in simplicem & reflexum: æd. 1. Modus quo aer reflectitur: 2. An idem numero sit sonus reflexus & simplex: 3. Loca reflexo sono celebra: 4. Sonus acutus: Th. XXI. Gravis: Th. XXII. Uniformis: Th. XXIV. Multiformis: Th. XXV. Gratus: Thes. XXVII. Efficacia soni grati & harmonici: æd. Inanimatorum sonus: Th. XXIX. Animatorum sonus Th. XXX.

THESIS I.

Hactenus qualitas visibilis. Sequitur audibilis, per quam corpus in auditum incurrit, quæ Sonus est.

Expositio.

Et sonus inter affectiones corporis naturalis genericas numerandus est, cum non mista tantum sint sonora, sed & simplicia, ut terra, aqua, aer, experientia teste: Nec enim minus ad sonum confert aer inter corpora interceptus & fractus quàm ipsa corpora collisa.

THESIS II.

Sonus est qualitas audibilis orta ab aeris vel aquæ interceptæ elisione, per corporum inter se collisionem.

Expositio.

Genus definitionis est qualitas: Quod contra eos observandum qui sonum aiunt esse motum corporum collisionum: inter quos Bodinus est, qui sonum definit corporum percussionem. Rejicienda sententia hæc ob sequentes rationes: 1. Motus est sensibile commune: Sonus verò est sensibile proprium ad solam audiendi vim pertinens. 2. Sonus diffunditur ad eas aeris & aquæ partes ad quas motus seu collisio corporum non pertingit. 3. Sonus est effectum motus: At causa genus effectus sui esse nequit. 4. Sonus est qualitas: Motus non est qualitas. 5. Sonus est acutus vel gravis: Motus non item.

Differentia è causis & subiecto sumitur, de quibus in sequentibus.

THESIS III.

Efficiens est mediata, vel immediata.

Expositio.

Mediatam hinc efficientem appellamus, quæ alias

vocatur remota; immediatam, quæ proxima. Terminos verò mutamus ob commoditatem majorem. Remota enim causa ea proprie appellatur, inter quam & effectum plures intercedunt aliæ causæ; Mediata verò ea quoque recte & proprie appellari potest, inter quam & effectum una tantum intercedit alia causa; ut in hac materiâ contingit.

THESIS IV.

Mediata est collisio vehementior corporum duorum, quorum varia potest esse affectio ex quantitate vel qualitate.

THESIS V.

Respectu quantitatis sunt discontinua vel continua.

THESIS VI.

Discontinua, ut malleus malleo aut incudi allisus, & similia alia, quæ collisa facilius sonum efficiunt.

THESIS VII.

Continua, ut una aquæ vel aeris continui pars cum aliâ vehementius collisa; ut in impetuosus aeris & aquæ commotionibus contingit.

THESIS VIII.

Respectu qualitatis sunt dura vel mollia, aspera vel lævia, porosa vel solida, è quibus dura, lævia & solida ad sonum efficiendum sunt aptiora; mollia, aspera & porosa, ineptiora.

Expositio.

*Ex Deot.

I. Experientia locuples testis est. Dura enim, lævia & solida, ut ferrum politum, & similia, malleo percussa longè sonant clariùs quàm vel mollia, ut lana, pluma; vel aspera, ut metalia nonnulla, cruda & impolita, item arborum cortices; vel denique porosa, ut spongia, caro, pumex. Rationem deinceps reddemus.

II. Cæterum corporum horum requiritur collisio non quævis & qualiscunque, sed vehementior, ut thesis quarta monet: quæ enim sine vi colliduntur, sonum non efficiunt, etsi aliàs maximè sunt sonora, ut experientia docet. Ratio in sequentibus reddetur.

THESIS IX.

Immediata est aeris vel aquæ inter collisa corpora interceptæ elisio & fractio. Estque corpus à duobus collisis elisum fractumque ab utroque colliso distinctum, vel non distinctum.

*Ex Deot.

An aquæ etiam fractione & elisione exciteretur sonus, multi dubitant; nos cum Scaligero, Exerc. 297. §. 4. minimè dubitandum existimamus, cum sonos etiam in aquis excitari, & extra & intra aquas audiamus: cumque vehendo sono idonea sit, ut postmodum probabimus, quidni eidem etiam efficiendo?

THESIS X.

Distinctum, ut aer inter incudem & malleum, inter pistillum & campanam interceptus.

THESIS XI.

Non distinctum, ab alterutro, vel utroque.

THESIS XII.

Ab alterutro, ut aer flagello percussus: ubi collisi rationem habet pars aeris posterior & remotior à flagelli percussione; elisi verò, aeris pars prior inter flagellum & partem posteriorem intercepta, quæ elisa quasi frangitur, quia percussioni violentæ flagelli proximior minorem resistendi vim habet.

THESIS XIII.

Ab utroque, ut exhalatio sicca, quæ

Ventus appellatur, vehementer concitata, sonumque procreans: Tum enim unius & ejusdem exhalationis continuæ pars prior & posterior rationem habet duorum collisorum, media rationem elisi.

*Ex Deot.

I. Quæritur, An ad sonum necessaria sit aqua vel aeris intermediæ elisio & fractio.

Sunt qui existiment solam corporum collisionem ad sonum efficiendum sufficere. Displicet nobis sententia hæc, ut ex præceptis patet, & ratio est, Quia corpora quæ aeris intercepti frangendi vim nullam habent vel exiguam, etli vehementissimè colliduntur, sonum tamen vel nullum excitant vel exiguum; ut si lanam cum lanâ, plumam cum plumâ, vulpinam caudam cum caudâ collidas: singula hæc quia aerem interceptum sine fractione transmittunt, soni edendi vim nullam aut vix perceptibilem habent.

II. Porro quæritur, An sonus immediatè sequatur corporum collisionem, an verò intercepti aeris fractionem.

Posterior asserimus, ut è thesi ix. apparet: Ratio est; Quia aer à corporibus collisis fractus demum sonat: immediatè igitur sonus sequitur fractionem, non collisionem.

III. Ex iis quæ dicta sunt hæctenus, manifesta est ratio, 1. Cur corpora dura, lævia & solida ad sonum edendum sint aptiora quàm mollia, aspera & porosa; 2. Cur ad sonum edendum collisio requiratur vehementior. Prioris quæsitæ ratio est; Quia inter dura, lævia & solida corpora collisa magis frangitur & eliditur aer quàm inter mollia, aspera & porosa. Mollia enim pulsa cedunt, adeoque aerem interceptum tam vehementer non elidunt: aspera verò & porosa invicem collisa cavitatibus suis vel poris interceptum aerem excipiunt, & magnâ ex parte elisionem ac fractionem prohibent. Posterioris quæsitæ eadem ferè ratio est: Collisio enim minùs violenta & vehemens minùs quoque violenter & vehementer aerem frangit: At aeris fractio quò minùs est violenta, eò minorem quoque sonum excitat. Unde non immeritò Cardanum Scaliger castigat, quòd omnem aeris motum excitare sonum dixerit, Exerc. 345.

THESIS XIV.

Finis soni specialior est delectatio in concentu, & conceptuum mentis significatio in voce humanâ: De quo suo loco.

"Expositio."

Prior finis jucunditatis, posterior utilitatis & necessitatis est.

THESIS XV.

Subjectum est aqua vel aer inter corpora collisa interceptus, elusus fractusque.

"Expositio."

I. Queritur in scholâ Peripateticâ, *Sive subjectum soni corpus extremum, an interceptum, elusum & fractum?*

Sunt qui prius affirmant his rationibus:

1. Aliæ qualitates sensibiles, ut color, odor, sapor, inhaerent in objecto, non in medio: Ergo & sonus in objecto hærebit, nimirum extremo, non in medio.

2. Extrema dicuntur audiri & sonora esse: Ergo sonus in iis tanquam subjectis est. Ratio consequentiæ est: Quia ut sapida dicuntur à sapore inhaerente, colorata à colore inhaerente, ita & sonora à sono inhaerente.

3. Nihil potest simul esse medium & subjectum qualitatis realis: Ergo sonus tanquam realis qualitas in aere non potest esse ut in subjecto & medio simul.

II. Rationibus hisce non obstantibus, posterius asserimus in thesi, idque ob rationes hasce:

1. Ibi sonus est, ubi proxima causa soni est: At in aere intercepto & fracto proxima soni causa est, ut modo monstravimus: Ergo in aere tanquam medio sonus est.

2. Si sonus realis esset in extremis, utique ab iis tantum intentionalis species in aerem medium diffunderetur: At falsum hoc: Ergo & illud. Assumptio probatur: In aere enim realis est sonus, quod experimur vento contra collisa corpora flante; unde per aerem sonus ad aures nostras sæpenumero non defertur: Quod utique fieri non posset, si species saltem intentionalis in aere esset: hæc enim impediri nequit, ut patet ex eorum speciebus in aere receptis.

3. Si sonus esset in extremis, in uno vel in utroque esset: Non in uno; Quia ratio reddi non potest cur in hoc potius quam in illo sit, præsertim si extrema sint ejusdem naturæ, ut cum duæ manus colliduntur: Nec in utroque; Quia unum numero accidens non potest esse simul in duobus numero subjectis.

III. Ad contrarias rationes ita respondemus:

Ad 1^m. Consequentiam negamus: Alia enim soni, alia qualitatum reliquarum sensilium ratio est. Hæc enim esse fixum & stabile habent, nec non causas sufficientes & proximas in subjectis, ut sapor in sapido, color in colorato; At sonus fixum & stabile

esse non habet, cum non sit nisi dum sit, & postquam fieri desit esse desinat: Cum igitur in corpore intermedio gignatur, in eo quoque ut subjecto recipitur. Accedit altera disparitatis ratio: In sonoro enim extremo sonus nec proximam nec sufficientem causam habet: unde mirum non est si in eo non sit.

Ad 2^m. Consequentiam negamus ob eandem disparitatis rationem. Alio modo dicuntur extrema sonora, alio sapida & colorata. Hæc enim à qualitate denominantur propter inhaerentiam, illa duntaxat propter efficientiam.

Ad 3^m: Antecedens negamus, vel distinguimus hoc modo: Nihil potest esse medium & subjectum, nimirum secundum eandem partem. Aer medium & subjectum soni est secundum diversas partes: Pars enim sonantibus corporibus proxima subjectum est, partes remotiores medium.

IV. Queritur porro: *An aqua quoque soni subjectum sit recipiens & deferens?*

Affirmantem tuemur experimentis: Urinatores enim pisces sub aquis audiunt, fugantur pisces sono in aquis & extra aquas excitantur. In vivariis quoque nonnullis, *Plinio* teste, lib. 10. cap. 70. ad cibum plausu congregantur. In piscinis *Cæsaris* pisces quidam nominibus suis vocati adnabant. Interim negandum non est, per aerem, qui subtilior est, longè expeditius ferri sonum quam per aquam, quæ crassior majorem resistendi vim habet: Unde per pluvium aerem ægrius audiuntur soni quam per sudum & serenum. Vide *Squaligerum*, Exerc. 61. §. 4.

THESIS XVI.

Distributio soni peritur ex adjunctis & subjectis.

THESIS XVII.

Ex adjunctis distribuitur sonus, I. in simplicem & reflexum.

THESIS XVIII.

Simplex est, qui rectè per aerem fertur, nec in se redeundo evidenter multiplicatur.

THESIS XIX.

Reflexus est, qui ex reflexione aeris in aliquo cavo opposito evidenter recipiatur & multiplicatur unicâ voce *Echo* appellatur.

"Expositio."

I. Distributio soni in simplicem & reflexum non est

est absoluta sed comparata. In omni enim sono est quædam repercussio & reflexio aeris elisi ab obstante aere. Secus si foret, nemo seipsum audire posset: Vox enim emissæ semel ad aures nostras non reverteretur, adeoque nec audiretur. Dicitur tamen simplex sonus, in quo minùs evidens est reflexio; reflexus, in quo evidentior & notabilior est.

II. De modo quo aer reflectitur, in Scholis disceptatur. Receptam sequimur sententiam, quam ita explicamus: Elisus aer, qui soni vehiculum est, in corpus quandoque oppositum concavum incidit. Cum igitur ob concavitatem arctetur aer ut diffundere se ad latera nequeat, impatiens violentæ arctationis resilit ac reflectitur, veluti pila pavimento vel muro allisa. Reflexus & repercussus sonum sectim refert non integrum, sed extremas tantùm vocis syllabas. Ratio est; Quia cundo & redeundo aeris motus fit imbecillior, unde integram referri vocem non valet: quod enim minùs commoveatur aer, eò sonus quoque excitatur minor. Postremas autem refert & non primas syllabas, quia primæ tanquam remotiores evanuerunt priùs quàm aer reflecteretur. Ratio quoque hinc manifesta est, cur ad reflexum sonum efficiendum requiratur corpus oppositum concavum, non planum: in plano enim aer ad latera liberè diffunditur absque coarctatione, unde & reflecti nequit: Sic *Arvicola* sentit. *Toletus* non nihil dissentit: Negat aeris portionem quæ sonum vehit, per medium aerem tendere & reflecti, sed in uno loco existentem proximo sonanti suas mandare species, per quas idem sonus percipitur: ut sic reflexæ species Echo efficiant.

III. Quæritur, An idem numero sit sonus reflexus & simplex? Putant nonnulli numero dissepere, quos inter & *Thomas*: Reflexum enim produci aiunt ab aere fortiter repercusso, vicinùmque aerem frangente, & sic sonum excitante. Nobis idem numero sonus cum aere videtur reflecti. Nam si reflexus sonus à repercussio demum aere frangente oppositum aerem produceretur, ultima emissæ vocis distincta syllaba non audiretur, sed sonus potius alius confusus & indistinctus. Nudus enim aer absque instrumentis vocalibus formare vocem vocalem non potest. Sententiam nostram *Telestus* quoque amplectitur.

IV. Loca sunt reflexo sono, qui Echo appellatur, admodum celebra. Memorat *Plinius*, lib. 36. cap. 15. in *Cyrico*, juxta portam quæ *Thracia* appellatur, turres septem voces numero so repercussu multiplicare: unde locus Echo nominatus est. *Ti. cinii* aulam esse prædicant totius orbis amplissimam, in quâ tot redduntur voces quot fenestrarum sunt spiracula: cujus rei rationem reddere

difficillimum erit. Echo describitur *Ovidio*, *Metamorph.* 3.

*Vocalis Nympha, quæ nec reticere loquenti,
Nec prior ipsa loqui didicit, resonabilis Echo.
Inde late sybris, nulloque in monte videtur.*

THESIS XX.

II. In acutum & gravem.

THESIS XXI.

Acutus est, qui breviori tempore longius intervallum conficit, & diutius permanet.

Endeot.

Hic ferè sonus est corporum solidorum durorum, lævium, concavorum, qualia metalla, campanæ, &c. De metallorum, campanarum & tintinnabulorum sono diutino ita disserit *Cureau*: Habent ea corpora 1. pauciores & arctiores meatus, atque ita pauciores possunt in se aerem recipere. Aer igitur cum impetu allisus magnâ vi rejicitur: quia autem superficies lævis est, per totum ambitum percurrit, & subinde exilit. 2. Deinde, quia corpus cavum est, ideo aer exitu prohibitus convolvitur, & ex multiplici allisione & rejectione major editur sonus.

THESIS XXII.

Gravis est, qui longiori tempore brevius intervallum conficit, & citius evanescit.

Endeot.

Hujusmodi sonum plerumque emittunt aspera & porosa corpora. Ratio ex prioris theses *Endeot.* potest peti: Contrariorum enim contrariæ sunt causæ.

THESIS XXIII.

III. In uniformem & multiformem.

THESIS XXIV.

Uniformis est, qui eundem semper tonum servat: Græcis unicâ voce appellatur *μονοτονία*.

Endeot.

Hujusmodi sonus multorum brutorum & hominum est ingratus & molestus, ut cuculi cantus, corvorum crocitatio, &c.

THESIS XXV.

Multiformis est, qui ab eodem tono recedit, & per intervalla mutatur, vel ex arte, ut in voce humanâ, & instrumentis

Musicis, vel ex naturâ, ut in plurimis aviculis.

THESIS XXVI.

IV. In gratum & ingratum.

THESIS XXVII.

Gratus est, qui certam cum auditûs organo proportionem servat, & audientem suaviter afficit.

Exordium.

Suavitas soni oritur ex harmoniâ & certâ intervallorum observatione, ut patet in Musicâ vocali & instrumentali. Tanta verò soni grati & harmonici vis est, ut nullum ferè sit remedium melancholiæ curandæ aptius: Unde xvi. cap. 1. Reg. cum spiritus Domini malus, quem plerique horrendam melancholiam interpretantur, Saulem corripuisset, manu suâ psallere David jubebatur: quo remedii generis pulsus fuisse spiritum testantur S. literæ. Rationem reddit Valesius in Sacræ Philosophiæ cap. 28. Metus, inquit, & tristitia sunt hujus pessimi morbi accidentia, quibus nullâ ratione melius succurritur quàm omni genere delectamenti evocando mentem à rerum terribilium consideratione. Præstare verò Musicam, quæ sonorum est harmonia, magnam animæ hilaritatem testatur pluribus in locis Ecclesiasticus, cujus in cap. 40. hæc sunt verba: Vinum & Musica lætificant cor. Merito igitur Musica mæstis, quales maximè sunt melancholici, naturaliter succurrit: immo spiritum suum, libenter.

Quàm mirâ sit sonorum harmonicorum vis in oblectandis hominum animis, quotidiana docet experientia. Ad prælia & pugnas animari & inflammarî milites tubarum & tympanorum sono, omnibus notum est. Nec quisquam ferè tam durus est animus qui sono harmonico non frangatur & emolliatur: Unde finguntur Poetæ veteres suavitate concennum suorum ipsa etiam affecisse & traxisse saxa. Apud Arcades reliquas artes ignorasse nulla prorsus ignominia erat, imperitiam verò Musicæ fateri turpissimum: Unde pueros, adolescentes & juvenes ad annum ætatis tricesimum usque Musicæ disciplinâ imbuendos curarunt, hanc potissimum ob causam, ut assiduos in colendis aguis labores, vitæque duritiem & asperitatem, necnon austeriores mores à quâdam coeli tristitiâ provenientes hæc quasi dulcedine remollirent & temperarent. Vide egregie hanc in rem differentem Cælius Rhodiginus, Lect. antiq. lib. 9. cap. 1. & 2.

Causas, cur sonorum harmonia hominum ani-

mos maximè oblectet, & efficacissimè moveat in quoscunque affectus, subtilissimè rimatur Scaliger, Exercit. 302. §. 2. ubi quærenti cur sonus plus excitet hominem, imò & bestias, quàm cætera sensilia; seu, cur perturbet intus hominem, atque auferat ad alias actiones, quæ in auditûs non sunt positæ potestate, misericordiam, cædem, venerem, ignaviam, furem, tranquillitatem; respondet in hæc verba, quibus meliora & concinniora nos dare non possumus; Propterea quòd spiritus qui in corde agitant, tremulum ac subsultantem recipiunt in pectus aerem, atque cum affini suo unum fiunt: Ità sequuntur spiritus reliqui cæteris in corporis positi partibus; moventque musculos aut cohibent, prout numerorum lex vel crebrescit incitationibus, vel tenore composito quiescit, aut lenitudine quietem imitatur. Ità quem admodum in fidibus tactâ chordâ quapiam æquè tensa altera chorda contremiscit, qui in corde insunt spiritus citantur ad exterioris soni motum tamò facilius quàm chorda, quàm major unio est. Quocirca etiam depressus ac marcidus animus attollitur, tactâ extimi aeris subeuntis accessione; elatus verò cohibetur, aut etiam detrahatur de suggestu illo, contrariâ ratione. Quæ est causa, ut plerique aliud agentes canentibus occinant: Si quis summisse loquatur, cum illo & nos: Si quis clamer, clamandi libido incessat majorem hominum partem, quæ pudore aut rationis vi non continetur. Ideoque in concione ac prælio, finitus clamorem tollat, illico fegerit idem tota concio aut acies. Scaligero assentitur Campanella, lib. 4. De sensu rerum, cap. 17. Spiritus, inquit, natura mobilis delectatur motu tanquam propriâ operatione, quâ servatur in esse suo, purgatur, attenuatur, diffunditur, augetur, vivificatur: propterea soni vim magicam continent, qui movent ipsum ad diversas affectiones pro ipsarum varietate: asperi, ut tubæ & tympani, agitant ad iram; molles planæque, ut fidis & citharæ, ad amorem; faciles & significativi mysteriorum, ad pietatem, ut templi organa. Vide & Telesum, lib. 7. De rerum naturâ, cap. 38. De sonorum harmonicorum usu & efficacia pulcherrimè disserit Aristoteles 8. Polit. cap. 5, 6, 7. ubi Musicam appellat *ἡγεμονίαν τῆς ψυχῆς*: & ostendit posse *μεγαλύνειν ἢ δοῦν ἢ λύειν*. Quam in sententiam Plato quoque scribit novam Musicæ speciem induendam non esse, propterea quòd Musicæ modi absque maximâ legum civilium mutatione nequeant mutari; lib. 8. De republ. De Musicæ usu in passionibus melancholicis curandis ita scribit Marsilius Ficinus, Orat. 6. cap. 9. Quid humani corporis spiritibus convenientius est quàm, voces hominum & figuræ eorum præsertim qui non modò naturâ similitudine sed etiam pulchritudinis

pulcritudinis gratia placent. Quamobrem cholericus & melancholicus homines, tanquam unicum remedium & solamen molestissimæ ipsorum complexionis, cantus & formæ oblectamenta sectantur. Sic & Pythagoras insanos à furiosis & incompotitis motibus ad sanitatem traxit, dulci & leni Musicâ spiritus motiones componendo. Damon ebrios concentu Musico curavit, spiritus in caput attrahendo, & somnum procurando, vel à vaporibus eos purgando. Sic & Apuli soni tarantulâ oblectos sanant, spiritum roborando, ut corpus agitare & venenum expellere possit.

THESIS XXVIII.

Hactenus distributio soni ex adjunctis:

Ex subjectis sonus est inanimatorum & animatorum.

THESIS XXIX.

Inanimatorum sonus varius est, pro variâ corporum affectione & concussione: nimirum simplex vel reflexus, acutus vel gravis.

THESIS XXX.

Animatorum sonus Vox appellatur: Quæ est vel inarticulata, in brutis & infantibus; vel articulata, in hominibus fari scientibus: ut suo loco docebitur.

CAPUT XXIV.

De Motu in genere.

MOTUS quid: Th. I. Motus corporis naturalis affectio nobilissima: *enb.* 1. Definitio Aristotelica: 2. Genus motus est actus: Distinctio actus: 3. Cur motus per actum potius quàm per potentiam definiatur: 4. De proprio motus predicamento, sententia Pererii, & rationes ejus: 5. Rejicitur hæc sententia: 6. Solvuntur rationes ejus: 7. Differentia definitionis: 8. Motus principium effectivum primum: Thes. V. Rectè Deus appellatur primum movens: *enb.* 1. Dari necess. id primum movens immobile: 2. Secundum movens: Thes. VI. Principium inchoativum, terminus à quo: Thes. VII. Declaratio thes. 6: *enb.* 1. Terminus à quo, aliàs forma existens in mobili contraria formæ per motum introducendæ: 2. Principium inchoativum non est idem cum primâ parte motus: 3. Axiomata quædam paradoxa de motu: *ibid.* Finis motus: Th. VIII. Illustratur thes. 1: *enb.* 1. Insigniores controversiæ de terminis motus aliquot assertionibus deciduntur: 2. Motus requirit terminos: *ibid.* Termini motus oppositi: *ibid.* Abjectio termini à quo & acquisitio termini ad quem est unus numero motus: *ibid.* Unitas motus generica & specifica à termino ad quem: *ibid.* Ad unitatem motus numericam quid requiratur: *ibid.* Motus re differt à termino ad quem: rationes: *ibid.* Contrariæ Pererii rationes solvuntur: *ibid.* Subjectum motus: Th. IX. Sine motus, quæ actio, in mobili vel movente: *enb.* 1. In mobili esse, assertur: *ibid.* Scotus contendit esse in agente: 2. Rationes Scoti solvuntur: 3. Adjuncta motus: Th. X. Probatur, motum esse continuum: *enb.* 1. Probatur, esse divisibilem: 2. Probatur, in tempore fieri: 3. Probatur, brevem vel longum esse: 4. Probatur, velocem vel tardum esse: 5. Causa successionis & continuitatis, resistantia: 6. Species resistantiæ: 7. An in vacuo motus possit fieri: Negatur: 8. Affirmatur: 9. Contactus in motu necessarius: 10. Motui adversatur quies: Th. XI. Motus quomodo privatio & perfectio sit quies: *enb.*

THESIS I.

Hactenus Qualitas corporis naturalis: Sequitur Motus, qui est actus rei in potentia existentis, quatenus in potentia.

*ΕΥΘΕΟΣ.

I. Inter corporis naturalis affectiones omnium nobilissima Motus est; adeo ut motu ignorato ipsa natura dicatur ignorari, cum natura definatur principium motus; & motus quiddam naturæ sit proprium: Cui accedit, quod per motum omnium rerum perfectio declaratur & acquiratur: Nam

quæ non sunt, per motum existunt: quæ jam sunt, perfectionem suam vel in motu habent, ut animata; vel per motum acquirunt, ut res inanimatae; vel motu perfectionem suam aliis communicant, ut stellæ.

II. Definitio Aristotelica paucis verbis concepta, ἐντελέχεια τῆς κινήσεως ὄντος, ἢ τοῦ κινῆσθαι, h. e. Actus in potentia entis, quæ tale, prolixiorē desiderat explicationem: Sunt enim singula ejus verba momentosa. Partes igitur ejus duas constituimus, genus & differentiam.

III. Genus est actus seu ἐντελέχεια. Tenendum hic, duplicem in genere actum esse, perfectum & imperfectum.

imperfectum. Perfectus est substantialis vel accidentalis. Substantialis est forma substantialis; qualis in homine anima rationalis, in animante in genere anima sensitiva. Accidentaliter est primus vel secundus. Primus est operandi potentia, qualis in animâ rationali potentia ratiocinandi, ridendi: In sensitivâ, sentiendi, videndi audiendi, potentia. &c. Secundus est operatio à formâ, mediante potentiâ, prodicens; ut in homine, ratiocinatio, risus; in animante, sensus, visio, auditio, &c. Per actum perfectum substantialem res habet esse; per primum accidentalem idonea est ad actionem; per secundum actiosa est.

Actus imperfectus est motus, per quem res fit. Cum igitur motus definitur per actum, imperfectus actus intelligitur, is nimirum cui aliquid potentia est admixtum. Res enim quæ in motu adhuc est, imperfecta est, h. e. actus quidem aliquid adeptus est, interim in potentia adhuc est ad actum perfectum potentia abijiciendæ expertem: E. g. Aqua frigida quæ per motum, qui calefactio est, cœpit calefieri, actu dicitur esse calida, sed imperfecto, quia minus quidem frigida est quam antè, introducto jam aliquo caloris gradu, interim tamen cum multum adhuc frigiditatis habeat admixtum, perfecte calida nondum est. Est igitur actu calida, ob aliquem caloris gradum acquisitum, & potentia calida, ob plures frigoris gradus adhuc præsentis, qui per motum demum sunt abijciendi, ut perfectus calor acquiratur. Hanc actus imperfectionem insinuant frequentia definitionis verba, *Entis in potentia, quæ tale*. h. e. quæ est in potentia. Nam si motus esset entis actus perfectus, utique ens motui subiectum ampliùs in potentia non esset.

IV. Querat hinc aliquis, Cum motus sit actus mixtus cum potentia, cur per actum potius quam per potentiam definiatur.

Resp. 1. Cum actus sit potior quam potentia, denominationem rectè fieri à potiori: 2. Cum idem sit motus moventis & mobilis, (à movente enim motus est, & in mobili recipitur) potentia verò moventis & mobilis eadem non sit, (potentia enim moventis est activa, & in movente est; potentia mobilis est passiva, & in mobili est) rectius utiq; motus per actum quam per potentiam definitur, quia idem est actus moventis & mobilis: A movente enim transit in mobile. 3. Quia per motum semper acquiritur & augetur actus, potentia verò minuitur. 4. Ne potentia quidem in definitione motus omittitur, etiam non generis sed differentia loco ponitur.

V. Ab hoc quoque loco aliena non est questio, de proprio Motus prædicamento. *Pererius*, lib. 13. Physic. cap. 1. negat motum in prædicamento aliquo

certo esse, sed pro termini ad quem diversitate ad diversa reduci prædicamenta. E. g. *Generationem*, quia terminus ejus est substantia, reduci ad prædicamentum Substantia; *Alterationem*, quia pro termino habet qualitatem, ad prædicamentum Qualitatis: *Augmentationem*, quia terminus ejus est quantitas, ad prædicamentum Quantitatis.

Assertionis suæ prioris hæc potissimum adducit rationes. 1. *Æquivoca* non sunt in prædicamentis: Motus est quiddam æquivocum, ut fatentur interpretes *Aristotelis*; Ergò. 2. Motus est idem secundum rem cum termino ad quem: Ergò non est in prædicamento certo. Ratio consequentiæ: Quia terminus ad quem varius est: unde ad varia refertur prædicamenta. 3. *Augmentatio*, *alteratio*, & alii motus non sunt ejusdem generis: Ergò motus non est uno aliquo & certo prædicamento. Antecedens probatur: Quia ii tantum motus unius sunt generis qui habent unius generis terminum: ut generationes inter se, alterationes inter se.

Assertionis posterioris has habet rationes: 1. *Via* & principium reducitur ad prædicamentum ejus rei ad quam est via & cujus est principium: Sed motus est via & principium rei, generatio via ad substantiam, alteratio ad qualitatem: Ergò ad prædicamentum rei reducitur cujus est via vel principium. 2. Termini motus ad diversa pertinent prædicamenta. Ergò ipse etiam motus. Ratio consequentiæ: Quia à termino ad quem realiter non differt: Calefactio enim idem est cum calore per calefactionem producta; & sic de reliquis.

VI. Displicet nobis hæc *Pererii* sententia. Motum enim accidens esse mobili tanquam subiecto inherens, certissimum est. Inter accidentis verò prædicamenta, pro duplici ad movens vel mobile respectu, duo quoque sibi vendicat prædicamenta: respectu enim moventis, cujus est actio, ad prædicamentum Actionis pertinet; respectu mobilis, cujus est passio ad prædicamentum Passionis. Cum ergò motum Physicè consideratum *Aristoteles* potissimum ad mobile referat, quippe quem definit actum entis in potentia, h. e. mobilis; in prædicamento Passionis rectè à nobis collocatur.

VII. *Pererii* rationes quod attingit, ad eas quæ pro prioris assertionis confirmatione adducuntur, ita breviter respondemus:

Ad 1^{am}. Propositionem distinguimus *Æquivoca*, nimirum ante distinctionem & evolutionem æquivocationis, non sunt in prædicamento certo. Si ergò motus æquivocum esset, distinguì posset, & post distinctionem ad certam prædicamenti alicujus classem referri: Secundò & assumptionem negamus: Physicis enim motus propriè sic dictus non est æquivocum,

quivocum, sed vel univocum, vel analogon genus : quod non obstat quòd multis ad certum referatur prædicamentum.

Ad 2^m. Antecedens negamus : Rationem in peculiari postmodum ratione reddemus.

Ad 3^m. Antecedens negamus. Ad probationem respondemus per distinctionem generis summi & subalterni : Ii tantum motus sunt unius generis, nempe subalterni, qui habent unius generis terminum : At unius generis summi possunt quoque motus esse, qui ejusdem proximi generis terminos non habent ; veluti omnes motus speciales eandem & communem generis naturam participant, quæ in definitione motus exprimitur, etsi variè deinde à terminis suis distinguuntur.

Ad posterioris assertionis rationes ita respondemus :

Ad 1^m. Propositionem partim negamus, partim distinguimus. Negamus viam ad prædicamentum ejus rei pertinere cujus est via : Potest enim res esse accidens, & via substantia : item via accidens, & res substantia. Quis dixerit localem motum quo ad Imperatorem pervenio, in eodem cum Imperatore prædicamento esse ? fidem quã ad Deum ascendimus, idem esse cum Deo, vel in eadem rerum serie ponendam ? Quod ad principium attinet, distinguimus id in internum & externum. Externum principium est si sepe cum principiato in eodem est prædicamento, sepe tamen etiam prædicamento distinctum est : Sic calor principium est calefactionis, ille in prædicamento qualitaris est, hæc in prædicamento actionis. Internum principium essentiale & constitutivum in eodem prædicamento cum principiato est : sed quid hoc ad motum ?

Ad 2^m. Consequentiam negamus. Probatio falsa est, ut antè notavimus.

VIII. Hactenus genus definitionis. Differentia sumitur ex subjecto & ejus affectione. Subjectum illis continetur verbis, *rei existentis*, quæ corpus mobile est, seu id quod motui subjectum est. Cum enim motus accidens sit, necessariò subjectum requirit. Affectio vocabulo *potentiæ* exprimitur. Observandum, potentiam hic intelligi mistam, cum quã actus aliquid conjunctum est : qualis est in semine alteratò jam & ex parte transmutato & præparato ad formam recipiendam ; item in aqua quæ calefactioni subjecta caloris aliquid per motum acquisivit, in potentiã tamen adhuc est ad ulteriorem calorem. Rei igitur hoc modo in potentiã existentis actus est motus : Quod verò in purã est potentiã, sine ullo actus initio, pro actu motum non habet, cum quiescat : ut aqua frigida, quæ caloris planè nihil habet, subjecta motui calefactio-

nis non dicitur. Cum autem quæ moventur, partim actu ; partim potentiã sint, explicandum omnino erat quò respectu motus ipsorum actus esset, an quã actu jam sunt, h. e. aliquid perfectionis vel actus assecuta, an verò quã in potentiã sunt ad ultimam perfectionem. Huic igitur dubio ut occurreret *Aristoteles*, verba adjecit, *ἢ τῆς πύ, h. e. quatenus in potentiã est* : ut innueret motum esse actum mobilis, non quã actus seu perfectionis aliquid habet per motum acquisitæ (respectu enim perfectionis præsentis amplius non movetur, nec opus habet motu) sed quã in potentiã est ad reliquam perfectionem acquirendam. Summa igitur hæc est ; Motus non est actus ejus rei quæ perfectionis acquirendæ nihil adhuc habet, nec ejus rei quæ perfectionem suam omni ex parte adeptã est, (utraque enim quiescit) sed ejus quæ acquirendæ perfectionis initium habet ad complementum tendens. Unde in omni motu propriè sic dicto tria dicuntur esse : 1. Actu aliquid formæ, ad quam fit motus ; 2. Potentiã ad ampliorem participationem ejus formæ ; 3. Fluxus seu tendentiã quædam ad illam formam. Hactenus definitionis explicatio.

THESIS II.

Ante omnia in motu considerandum Principium & Finis.

THESIS III.

Principium est effectivum vel inchoativum.

THESIS IV.

Effectivum est agens quod motionem alteri affert, unde *moventis* appellatur : Quod est primum vel secundum.

THESIS V.

Primum movens est Deus.

*ΕΝΔΕΙΞΙΣ.

Rectè Deum appellari primum movens patet. 1. ex adjunctis primi moventis quæ ponuntur ab *Aristotele* 8. *Phys.* ubi ait primum movens esse incorporeum, immobile, æternum, indivisibile, infinita virtutis : quæ soli Deo competunt.

2. Quia Deus movendi vim à nullo alio habet, omnibus verò aliis communicat. Unde omnes in ipso dicimur moveri, *Ast.* xvii. 28. De hisce primi moventis affectionibus elegans & concinna commentatio *Savonarola* videatur in Epitomè *Physicæ*, lib. 9, assert. 10. & seqq. Quod *Scaliger* ait,

Exerc. 7.

Exerc. 7. *Deus non movet ipse, sed motores & dedit perpetuos, & dat temporarios*, de ordinario & naturali motu accipiendum est: Nam extra ordinem Deum immediatè absque secundis motoribus movere, nemo facile negaverit.

II. Dari necessariò primum aliquod movens immobile probatur.

1. Quia aliàs in moventibus & motis processus daretur in infinitum.

2. Quia nihil moveretur: Movens enim secundum non movet nisi virtute primi, quia non movet nisi moveatur. Si ergò primum movens non datur, sequitur nec secunda moventia dari, proindeque nihil movere, & nihil moveri.

3. Si primum movens esset mobile, ab alio utique moveretur, eoque vel primo vel secundo: At non à primo, quia ipsum supponitur esse primum; nec à secundo, quia absurdum est dicere primum à secundo moveri & dependere.

4. Omne mobile est ex potentiâ in actum deducibile: Atqui primum movens non est ex potentiâ in actum deducibile: Ergò primum movens non est mobile. Probatur assumptio; Quia primum movens est actus simplex & purus: Nam si compositus esset, primus non esset.

THESIS VI.

Secundum movens Natura est.

Ex Deo.

Unde definitur natura principium motus. Appellatur autem natura secundum movens, quia primo subordinata est: Agit enim Deus in naturâ, & movet mediante naturâ & causis naturalibus.

THESIS VII.

Principium inchoativum est id unde initium sumit motus: vulgò terminus à quo, quem appellant privationem formæ per motum introducendæ in subiectum.

Ex Deo.

I. Sic terminus à quo calefactionis est privatio caloris in aquâ: ab hac enim inchoatur motus calefactionis; absque hac si esset, h. e. nisi calor ab aquâ abesset, & potentia recipiendi caloris in aquâ esset, utique calefieri aqua non posset.

II. Terminus à quo etiam appellari solet forma existens in mobili contraria formæ per motum introducendæ. Sic igitur terminus à quo calefactionis in aquâ erit frigiditas contraria calori in aquam per

motum calefactionis inducendo. Hæc sententia contraria nostræ non est, si observetur quod Zabarella monet lib. 1. De materiâ primâ, cap. 7. nimirum absque absurditate dici posse privationem illam quam Aristoteles statuit tertium principium & terminum generationis à quo, esse substantialem formam alteri formæ contrariam; ut si dicas, privationem formæ humanæ esse formam humani seminis; nimirum per quandam necessitatem concomitantiam, quia necessariò habet comitantem absentiam formæ humanæ cum potentiâ proximâ ad eam: quâ de re suprâ egimus.

III. Principium hoc inchoativum non est idem cum primâ motus parte: Datur enim principium motus inchoativum, sed prima motus pars non datur: Est enim motus in infinitum divisibilis: ejus verò quod in infinitum divisibile est, prima & minima pars dari nequit, siquidem minima pars divisibilitatem in particulis minores excludit. Hinc intelligi possunt axiomata quædam de motu paradoxa, qualia sunt; Nequit dari primum mutatum esse, nec primum instans in quo aliquid sit mutatum primo, ita ut non prius fuerit mutatum: Ratio est; Quia mutatum esse est terminus motus: in termino autem quod est, id non movetur: Si igitur mutatum aliquid est, ante instans oportet mutatum sit. Item; Omne quod mutatum est, prius movebatur: Ratio est; Quia inter quodlibet mutatum esse & terminum à quo datur motus in medio: Unde in quocunque instanti verè dicitur aliquid mutatum esse, verè quoque prius motum esse adstruitur: nec enim mutatio rei contingit nisi per præcedentem motum. Item; Omne quod movetur, prius mutatum est: Ratio est; Quia in instanti nihil movetur: Unde de motu non dicitur dari nisi unum indivisibile, quod motus pars non est, uti nec instans temporis pars est: Quod igitur jam movetur, antè quoque motum & proinde ex parte mutatum est. Nam inter quodlibet instans acceptum post primum & ipsum primum datur tempus medium, in quo res movetur & mora est. Item; Omne quod movetur, movebatur: Ratio est; Omne quod mutatum est movebatur: Sed omne quod movetur, mutatum est: Ergò omne quod movetur, prius movebatur. De hisce axiomatibus vide Aristotelem, 6. Phys. cap. 5.

THESIS VIII.

Hactenus principium motus. Finis est id in quo desinit motus: aliàs terminus ad quem, qui est forma per motum introducta in subiectum.

Ex Deo.

Ex. 1.

I. Sic calefactionis terminus *ad quem* est calor in aquam introductus: præsentem enim calore definit calefactio. Motus localis terminus *ad quem* est acquisitio loci expetiti: hæc præsentem cessat motus localis. Terminus *ad quem* generationis est forma substantialis, quæ præsentem cessat generatio. Augmentationis terminus *ad quem* est quantitas major: hæc acquisita & præsentem cessat augmentatio.

II. Cum autem de terminis motus multa disputari soleant, insigniores controversias aliquot assertionibus decedimus.

1. *Omnis motus requirit terminos.*

Manifestum hoc est ex inductione omnium motuum, ut in *1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.* primâ ex parte demonstravimus. Suadet idem ratio; Nullus motus est infinitus; Omnis igitur motus habet terminos: Quicquid enim finitur, terminis finitur.

2. *Omnis motus requirit duos terminos, unum à quo, alterum ad quem.*

Patet id ex inductione motuum. Probat idem ratio; Omnis motus continet accessum & recessum, abjectionem & acquisitionem: quod circa unum & idem non potest fieri; nihil enim abjicitur & acquiritur simul. Inuit idem definitio motus, quæ significat mobile moveri à potentia ad actum.

3. *Termini motus invicem sunt oppositi.*

Probat id 1. inductione motuum, 2. ratione; In motu terminus unus abjicitur, alter acquiritur; quod fieri non posset si ambo essent similes. Nam terminus *ad quem*, qui introducitur à movente, est similis moventi: Ergo terminus *à quo*, qui ejicitur, moventi contrarius est: Nam si similis esset, non ejiceretur & corrumperetur ab eo. Oppositio igitur quæ est inter terminos, est privativa & contraria.

4. *Abjectio termini à quo & acquisitio termini ad quem est unus numero motus.*

Probat id 1. Motus est fluxus continuus inter terminum *à quo* & terminum *ad quem*: Cum igitur idem fluxus tendat ab uno termino ad alterum, utiq; abjectio termini *à quo* & acquisitio termini *ad quem* unus numero motus erit.

2. Omnis motus est inter terminos duos contrarios: Si ergo in calefactione aquæ acquisitio caloris esset unus motus, & abjectio frigoris alius distinctus motus, neuter esset inter duos terminos contrarios, nec esset mutatio ex uno in aliud.

3. *Aristoteles, 4. Phys. text. 117. & 128. ait omnem motum esse remotivum & corruptivum aliquis in subiecto: quod verum non esset, si abjectio termini à quo differret ab acquisitione termini ad quem: hæc enim à subiecto nihil removeret.*

5. *Unitas motus generica & specifica, uti & oppositio motuum, sumitur à termino ad quem.*

Ita nimirum ut motus qui terminum *ad quem* genere vel specie unum habent, dicantur unus genere vel specie. Sic ex. gr. generatio & corruptio sunt unus genere motus, quia utriusque terminus *ad quem* est substantia. Calefactio & frigefactio item sunt unus genere motus, quia utriusque terminus *ad quem* est qualitas. Denigratio cujus terminus *à quo* est albedo, & denigratio cujus terminus *à quo* est viriditas, sunt unus specie motus, quia terminum *ad quem* specie unum habent, nimirum nigredinem. De albedo vero & denigratio, item calefactio & frigefactio sunt oppositi motus, quia termini *ad quos* sunt oppositi; ut albedo & nigredo, calor & frigus. Idem de reliquis judicium esto. Non posse vero unitatem & oppositionem motuum æstimari à termino *à quo*, patet; Quia termini *à quibus* specie sæpe differunt, & tamen motus specie non differunt, ut diximus modo de denigratione cujus terminus *à quo* est albedo, & denigratione cujus terminus *à quo* est viriditas. Deinde terminus *à quo* sæpe unicus est specie, & tamen motus specie differunt; ut denigratio ab albedine incipiens, & coloris viridis productio item ab albedine incipiens. Sic & termini *à quibus* contrarii esse possunt, ubi motus contrarii non sunt; ut coloris viridis productio incipiens ab albedine, aliæque ejusdem coloris productio incipiens à nigredine. Denique observanda quoque ratio cur unitas & oppositio motuum potius à termino *ad quem* quam à termino *à quo* sit sumenda: Terminus *ad quem* motu acquiritur, *à quo* motu abjicitur: Jam vero rationi consentaneum est ut ab eo potius quod motu acquiritur quam quod abjicitur, unitas & oppositio motus æstimeretur. Deinde motus sortitur nomen à termino *à quo*, & per ipsum definitur. De convenientia & differentia motuum specificam accuratè disputantem vide *Toletum* in 5. Phys. cap. 4. qu. 2. De hac unitate agit *Aristoteles* 5. Phys. cap. 4. t. 31.

6. *Ad unitatem motus numericam requiritur etiam unitas termini ad quem, sed numeralis, & præterea mobilis temporis que numerica unitas.*

Aristotelis hæc est sententia 5. Phys. t. 31. Cujus disceptatio videatur apud *Toletum* lib. 5. Phys. cap. 4. q. 3. & *Pererium*, lib. 13. cap. 9. qu. 8. & *Conimbrienses* 5. Phys. cap. 4. q. 5.

7. *Motus re differt à termini ad quem.*

Rationes hæc sunt; 1. Motus & terminus *ad quem* differunt proprietatibus: Motus enim, E. g. calefactio, est continua, velox vel tarda; calori vero, qui terminus *ad quem* est, proprietates hæc nequeunt tribui. Ita motus est ens successivum, terminus *ad quem* est ens permanens.

2. Mo-

2. Motus & terminus *ad quem* differunt prædicamentis realiter differentibus: Ergo realiter differunt. Motus enim in prædicamento Actionis est; terminus *ad quem* in prædicamento substantiæ, Quantitatis, Qualitatis.

3. Causa & effectus realiter differunt: At motus est causa, terminus *ad quem* est effectus.

4. Realiter differunt, quorum uno sublato alterum manet reliquum: Atqui motu sublato terminus *ad quem* sæpe reliquus manet: ut sublata calefactione manet calor, sublato motu locali manet locus acquisitus, sublata generatione manet substantia.

Pererius lib. 13. De naturâ motûs, cap. 9 q. 10. statuit contrarium, nimirum motum à termino *ad quem* non re, sed ratione tantum differre. Forma enim, inquit, ex. gr. calor, dupliciter considerari potest, vel per se, ut est qualitas quædam permanens, & sic differt à motu; vel ut est forma quædam fluens, non obtinens simul esse, sed accipiens illud continuè & successivè; hoc modo, ait, revera idem est cum motu. Sed distinctio hæc nihil probat. Cum enim forma per motum propriè sic dictum acquisita partem unam post alteram accipiat, certè pars una acquisita & post acquisitionem permanens non minus erit à motu distincta quàm tota forma per se ut qualitas permanens considerata.

Rationes præcipuæ *Pererii* hæc sunt: 1. Si calefactio est res differens à calore qui producitur, cum & ipsa habeat esse post non esse, ipsa quoque producta erit: quare vel per se ipsam, quod est impossibile; vel per alium motum; at sic processus fiet in infinitum.

2. Si calefactio differret à calore, utique specie differret: At specie non differt: Ratio: Quia ab eodem numero agente, nimirum igne, & per idem numero principium, quod est calor, producuntur.

Priorem rationem quod attinet, concedimus calefactionem esse productam: Disjuncti verò, *per se aut per motum producta est*, consequentiam negamus. Calefactio enim cum sit ipse motus, ab igne mediante calore sine motu producitur, idque ideo quia natura ab infinito abhorret.

Observandum hoc *Pererii* discursu, si alicujus esset momenti, vel omne motum è naturâ e, ici, vel infinitum in naturam introduci posse. Cum enim motus habeat esse post non esse, utique productus erit: quare vel per se ipsum, vel per alium motum: prius est impossibile: posterius infinitum inducit. Nam si motus per motum producitur, iste motus vicissim per alium motum produceretur, & sic in infinitum procedetur.

Posterioris rationis assumptionem negamus. Probatio inefficax est. Etiam si enim caloris & calefa-

ctionis idem numero agens, nimirum ignis, & idem numero principium ratione producti caloris remotionum, nimirum calor, proximum tamen principium calefactionis & caloris producti idem non est. Calefactionis enim principium proximum instrumentale est calor ignis: Caloris verò ab igne producti principium proximum est calefactio. Ignis enim per calorem calefaciendo extra se calorem producit. Et quidni specie differentia effecta possint produci ab eodem numero agente per idem numero principium seu instrumentum? In naturâ & arte exempla sunt obvia. Eadem numero natura per eundem numero calorem in corporibus nostris quàm operatur distincta? Idem artifex per idem instrumentum quàm opera producit distincta?

THESIS IX.

Hactenus principium & finis motus. Subjectum est corpus mobile: Motus enim tam activus quàm passivus est in mobili subjectivè.

"Exordium.

I. *Stne motus, quâ actio est, in mobili vel movente, quaeritur.* In mobili esse asserimus, idque ob sequentes rationes:

1. Motus in eo subjectivè est cujus actus est: At motus est actus mobilis, ut constat ex definitione: Ergo.

2. Si motus Physicus esset in agente, utique actio esset immanens: At falsum hoc: Omnis enim motus Physicus est actio transiens.

3. Si actio transiens, qualis est motus, esset in agente subjectivè, Deus, cum cœpit agere in mundi creatione, novam cœpisset habere entitatem, & proinde mutatus esset: At hoc absurdum.

4. Si motus tanquam actio transiens esset subjectivè in movente, sequeretur omnè movens, quâ aliud movet, à seipso moveri, & sic quatenus movet, moveri: At hoc absurdum: Ergo & illud.

5. Actio reipsa non differt à passione: At hæc in mobili est: Ergo & illa.

6. Accedunt manifesta *Aristotelis* verba 9. *Metaphys. t. 17. Quorumcunque præter actionem est aliud quod fit, eorum actio in eo quod fit, est, ut edificatio in eo quod edificatur, & contextio in eo quod contextitur.* Similiter etiam de aliis. Est igitur omnino motus in moto.

II. Contrariam sententiam tuetur *Scotus*, qui actionem subjectivè esse in agente his rationibus probat:

1. A quo quid denominatur, id est subjectivè in

eo; ut albedo in albo: Atqui ab actione agens denominatur: Ergo actio est subjective in agente.

2. Cujus est potentia, ejus est actus, ut inquit *Aristoteles*, lib. 5. De somno & vigiliis: Atqui agentis potentia est: Ergo agentis etiam actus est, & per consequens actio est in agente.

3. Si actio non est in agente, Ergo erit in patiente, quod absurdum. Probatur: Si actio est in patiente, ergo patiens, ut patiens, aget: quod absurdum.

4. Idem est subjectum relationis & fundamentum: Sed relatio agentis ad patiens est in agente: Ergo & fundamentum istius relationis, quod est actio.

III. Ad rationes has ita respondemus:

Ad 1^m. Propositio universalis non est. Denominatio enim ab eo quod est effectivè ab aliquo: sic agens denominatur ab actione.

Ad 2^m. Totam concedimus. Cujus enim est potentia agendi, ejus etiam est actio, tanquam effectus potentie. Quod verò tandem inferitur, actionem esse in agente, ex præmissis non sequitur; sed hoc tantum, actionem esse ab agente; quod verum est.

Ad 3^m. Assumptum negamus: Probatio inconsequens est. Nec enim agens aliquid dicitur ob inhaerentem actionem, sed ob prodeuntem ab ipso actionem.

Ad 4^m. Totam concedimus. Quod verò deinde subsumitur, actionem esse fundamentum relationis quæ in agente est, falsum esse pronunciamus. Potentia enim activa fundamentum illius relationis est, non actio.

THESIS X.

Adjuncta motus propriè sic dicti sunt:

1. *Esse continuum & successivum*; 2. *Esse divisibilem*; 3. *Fieri in tempore*; 4. *Esse brevem vel longum*; 5. *Esse velocem vel tardum*; 6. *In omni motu movens esse simul cum mobili*.

EX DEOTE.

I. Continuum & successivum esse motum, patet, quia id quod movetur, partim est actu, partim potentia, hoc est, partim jam fuit motum, partim moveri debet: quod certè absque continuatione & successione nequit fieri. Deinde si motus non esset ens successivum, utique ens permanens esset: Atqui contradicunt esse motum & esse ens permanens: quod enim manet, non movetur; & quod movetur, non manet.

Observandum, continuationem hanc non requere in quovis motu durabilem esse. In motu locali ma-

ximè conspicua est: In circulari siderum motu perpetua est, nec enim unquam interruptitur per quietem: nec potest ullus motus præter circularem, semper continuus esse. In aliis motibus speciebus, ut alteratione & augmentatione, propter impedimenta sæpe interruptitur: Cum igitur *Aristoteles* 8. Phys. solum motum circularem facit continuum, per continuum intelligit perpetuum & sempiternum. Sic & Peripatetici cum aiunt augmentationem non esse continuum motum, aliud nihil indigitant quàm sæpe interrumpi & inæquabilem esse. Solet ab aliis distingui inter continuationem & successionem motus, ita quidem ut successionem dicant esse de essentiali motus, continuitatem verò passionem ex naturâ fluentem: Vide *Pererium* lib. 14. cap. 8. *Conimbricenses*, lib. 3. Phys. cap. 2. q. 2. art. 1. 2. 3. *Fonseca*, lib. 5. Metaph. cap. 13. q. 8. S. 3. Est & hoc observandum, duplicem esse motus continuitatem, unam secundum extensionem, alteram secundum successionem & durationem: Priorem habet motus à subjecto in quo est, ad cujus extensionem extenditur, uti & qualitates ad subjectorum suorum extensionem extenduntur; Posteriores ab eo quod per motum acquiritur. Cum enim terminus ad quem successivè acquiritur, una nempe pars ejus post alteram, sit hinc ut motus necessariò sit successivus. Prior igitur continuïtas accidentaliter est motui, quia ratione subjecti in quo est competit; posterior essentialis, & per se competit. Sequitur hinc necessariò partes motus quantitativas esse duplices, nempe alias secundum extensionem, alias secundum successionem & durationem: quarum differentiæ videantur apud *Pererium*, lib. 14. cap. 7.

II. Divisibilem esse motum, è continuitate ejus probatur: Omne enim continuum divisibile est.

III. In tempore fieri, exinde patet, quia divisibilis & successivus est, partemque post partem acquirit. Quicquid verò successivum & divisibile est, ita ut partes habeat priores & posteriores, quarum una post alteram acquiritur, in tempore fit. Unde tempus mensura motus secundum prius & posterius definitur.

IV. Brevem vel longum esse, itidem è continuitate palam est: Omne enim continuum breve vel longum est.

V. Velocem vel tardum esse, inde probatur, quia in tempore fit, & à tempore mensuratur.

VI. Patet igitur inter adjuncta motus quæ explicata hætenus sunt, præcipuum esse continuitatem & successionem: unde reliqua pendent: Nam si successivus est motus, in partes utique sibi succedentes est divisibilis, in tempore fit, brevis vel longus, velox vel tardus est. In hujus verò successionis, per quam

quam in tempore fit omnis motus propriè sic dictus, causam, meritò inquiritur. Communis omnium sententia est, *successionem & moram* in motu cum alterationis & augmentationis tum maximè lationis esse *resistentiam* virtuti motrici objectam: Nam si absque *resistentiâ* esset, motrix virtus ab uno termino ad alterum in momento seu sine ullâ morâ transitum faceret. In locali motu res manifesta videtur esse. Virtute enim motrice & organis ad motum facientibus rectè se habentibus, tantò velocior est motus quantò minùs resistit virtuti motrici medium. Unde videas hominem longè velociùs in aere currere quàm in aquâ, & ad ejusdem distantie metam citiùs in aere quàm in aquâ pervenire: Ratio est; Quia currenti magis resistit aqua per densitatem, quàm aer, qui facillimè propter tenuitatem cedit. Si quod ergò subtilius aere corpus esset, velociùs quoque in eo corpus moveretur quàm in aere. In motu naturali gravium & levium eadem velocitatis & tarditatis causa est: Citiùs per aerem quàm per aquam lapis descendit, quia minùs resistit aer quam aqua: per dura corpora, qualia ferrum, lignum, lapis &c. non descendit; quia ità resistunt hæc corpora, ut non cedant, nisi maxima accedat violentia. Contrà, invenias motus in quibus nulla videtur successio, quia nulla *resistentia*: ejusmodi motus putatur illuminatio, quæ tota simul per maximum etiam spatium, in non tempore videtur fieri, quia nulla est *resistentia*: lumen enim contrarium non habet. Ità de illuminatione judicat *Zabarella*, lib. 1. De motu grav. & lev. cap. 10. In calefactione autem successio & mora est, quia calori tanquam virtuti motrici resistit frigus, quod è subiecto expellendum. Idem in aliis alterationibus videre est.

VII. Sed probè hîc observandum, non unius generis esse *resistentiam*. In universum autem quadruplicem invenio *resistentiam*; ex parte *sûs*, ex parte *mobili*, ex parte *moventis*, ex parte *medii* per quod fit motus.

Resistentia ex parte *sûs* seu distantie terminorum est, quâ propter terminorum distantiam, per intercedens divisibile seu extensum spatium, mobile ab uno termino ad alterum in instanti nequit pervenire, quia omnes intermedii spatii partes necessariò pertranscundæ sunt priùs quàm ad extremum perveniatur: corpus enim esse simul in termino à quo, in termino ad quem, & in omnibus spatii intermedii partibus est impossibile. Hæc distantia si tolleretur, in instanti corpus in loco esset.

Resistentia ex parte *mobilis* est, quâ mobile obnititur motui ob inclinationem naturalem ad motum contrarium. Hujusmodi *resistentia* est in lapi-

de qui sursum projicitur, & in corpore animalis motu progressivo ex uno loco in alium tendentis: Corpus enim per insitam gravitatem naturaliter deorsum tendit, non ad progressum.

Resistentia ex parte *moventis* seu formæ est, quâ movens limitatæ virtutis est, ità ut mobile in instanti ex uno termino in distantem alterum deferre, etiam omni externo impedimento sublato, non possit.

Resistentia ex parte *medii* est, quâ medium plenum per quod fit motus, pro subtilitatis vel densitatis ratione, faciliùs aut difficiliùs cedit mobili, ut inde motus fiat velocior aut tardior; ut *indistincti* vi. ostendimus.

Possunt hæc quatuor species ad duò revocari genera, ità ut *resistentia* sit *externa* vel *interna*: *Externa* ex parte *sûs* vel *medii* est; *interna* ex parte *mobilis* vel *moventis*. Alii *resistentiam* in *essentialem* & *accidentalem* distinguunt: illa est ex parte *moventis* & *mobilis*, cui accedit quoque *resistentia* ex parte *sûs*, secundum explicationem *Zabarella*, 1. De motu grav. & lev. cap. 10. Hæc ex parte *medii*. Primam & quartam *resistentiam* speciem in unam alii contrahunt, ità ut dicant *resistentiam* ex parte *medii* esse non solum quatenus plenum, idque densum vel subtile, sed & quatenus intercapedinem & distantiam extremorum cohibet. *Philippus Faber* *resistentiam* appellat *successionem*, quam etiam distinguit in *essentialem* & *accidentalem*. Illam ait esse ex spatio quanto in quantum: grave enim quod à tecto aulae ad pavimentum movetur, necessariò priùs est in priore spatii illius parte, deinde in mediâ, tandem in ultimâ: Hanc collocat in medio subtili vel denso.

VIII. Ex hisce judicium fieri potest de celebri questione; *An motus propriè dictus, hoc est, successivus, in vacuo possit fieri?* seu, *Utrum posito vacuo corpus in instanti vel tempore moveretur?* Questio potissimum est de motu naturali, qui gravius & levius est, nempe descensu vel ascensu. Dato enim vacuo, animalia in eo successivè motum iri, propter *resistentiam* internam ex parte *mobilis*, plerorumque sententia est: Sublatâ enim *resistentiâ* externâ ex parte *medii*, nihilominus maneret interna ex parte *mobilis*. Cum autem successio proximè sit à *resistentiâ*, ne in vacuo quidem sublatum iri *successionem* colligunt: Si modò vacuum dari posset, quod cum extremorum consisteret distantia. In levibus verò & gravibus, quâ talia sunt, & naturaliter sursum vel deorsum moventur, cum ex parte *mobilis* non sit *resistentia*, (inclinant enim ad ascensum vel descensum) sine *successione* seu in instanti peractum iri motum, dato vacuo & sublata *medii resistentiâ*,

stentiâ, vel planè nullum fore, contendunt multi: Quia ubi nulla est resistentia, ibi nulla successio: Atqui posito vacuo, in levium ascensu & gravium descensu nulla esset resistentia: Ergò nec successio. Assumptionem probant; Quia nec ex parte medii nec ex parte mobilis est resistentia, ut è dictis patet. Est hæc *Aristotelis* sententia, 4. Phys. cujus patrocinium suscipiunt *Averroes*, *Albertus Magnus*, *Agidius*, *Pererius*, *Zabarella*, & alii. Argumenta videantur apud *Pererium*, lib. 11. cap. 12. *Conimbricenses*. 4. Phys. cap. 9. q. 5. art. 2. *Philippum Fabrum* in Philosoph. natur. *Scoti* theorem. 47. cap. 1.

IX. Contraria sententia, quodd nempè in vacuo quoq; motus dari possit successivus, celebres quoq; autores habet patronos, *Avicennam*, *Avempace*, *Scotum*, *Thomam*, *Toletum*, *Conimbricenses*: qui datâ hypothesi de vacuo & intervallo reali inter extrema intercedente, eâque discludente, arguunt;

1. Ponatur totum illud spatium à lunâ ad centrum esse vacuum, & in lunâ concavo lapidem poni: Deorsum igitur movebitur: cur enim non moveatur idonea adferri ratio non potest, cum gravis sit & extra locum suum constitutus, nec causam habeat realem quâ impediatur: movebitur, inquam, deorsum vel successivè, & sic obtinebunt quod volunt; vel in instanti, & sic in uno momento simul erit in suprema, media & infima spatii parte: quod absurdum, etiam teste *Arist.* 6. Phys. ubi docet omne mobile quod movetur per aliquod spatium, prius priores quàm posteriores spatii partes pertransire.

2. Successio provenit ex distantia extremorum, quæ in medio etiam vacuo est: Hujus igitur distantia respectu motus cum mora fiet, Excipit *Pererius*; Talem distantiam aut esse in ipso medio vacuo, aut tantum in extremis, Si tantum est in extremis, ergò in illo medio vacuo motus non inveniet resistentiam, & proinde absque successione fiet. Si in medio vacuo, erit realis aut imaginaria: Realis non potest esse, quia vacuum nihil est, nec in non-ente tanquam in subjecto reale accidens esse potest: Si imaginaria est, realem resistentiam facere non poterit. Resp. Parata autoribus hisce responsio: Quod enim tanquam impossibile & absurdum urget *Pererius*, nempe inane & reale spatium non posse dari, id ipsi tanquam concessam hypothesin sumunt & fundamenti loco subserviunt: Unde questio formatur; An dato vacuo, hoc est spatio aliquo longo, lato, profundo, in quo nullum sit corpus, dari possit motus in eo successivus?

Huic posteriori sententiæ lubens accedo, & con-

traria argumenta facile solvi posse judico, si ad resistentia distinctionem supra explicatam attendatur: Si hypothesi de vacuo & intervallo seu spatio reali detur: Si motuum inæqualitas principaliter non ex mediorum sed moventium principiorum inæqualitate seu impari efficacîâ deducatur: quod omnino faciendum, ne absurdè cogamur admittere, per idem medium æquè velociter aut tardè moveri gravissimum & minùs grave corpus. Hactenus de causâ continuitatis & successione in motu.

X. Denique in omni motu contactum esse, seu unionem moventis & mobilis, ex inductione motuum apparet. In motu locali animantium mobile est corpus, movens anima corpori unita. In alteratione, ex. gr. calefactione, mobile est aqua, movens ignis, qui aquam per calorem contingit. In augmentatione virtus auctrix unita est corpori augendo. Ità in motibus etiam violentis perpetuò movens contingit mobile. Est autem unio hæc immediata vel mediata. Immediata, cum movens & mobile immediatè se contingunt seu uniuntur: ut ignis amburens stipulam vel lignum, manus loco suo movens lapidem, anima movens corpus. Mediata, quæ & virtualis appellatur, cum movens vel instrumento aliquo corporeo, vel qualitate duntaxat suâ attingit mobile: ut stellæ inferiora hæc moventes lumine & calore suo, Magnes ferrum trahens virtute occultâ, ignis aquam remotiorem calefaciens calore per aerem propagato, lupus solo conspectu raucedinem inducens, torpedo manus piscatoris etiam per arundinem aut rete stupefaciens, fascinantes oculorum intuitu lædentes: De quibus & similibus aliis exemplis pulcrè differentes vide *Conimbricenses* in 7. Phys. cap. 2. q. 1. art. 3. & seqq.

THESIS XI.

Motui adversatur Quies: quæ definitur privatio motus in eo quod moveri desinit, moveri tamen ampliùs potest. Aliis quies perfectio motus definitur.

ΕΚΔΕΙΟΤΕ.

Vtraque sententia conciliari potest. Dupliciter enim quies consideratur: vel ut præcedentis motus est cessatio, & sic privationis rationem habet: vel ut ejusdem motus est finis, seu existentia rei per motum productæ, in quâ quiescit motus; sic perfectio motus dici potest. Moveri enim res ut quiescat, h. e. finem sui motus acquirat.

Motus improprie dictus: Th. II. Generatio: Th. III. Corruptio: Th. IV. Generatio & corruptio sunt in instanti: *en* 1. Rationes contrariae: 2. Solvuntur: 3. Motus distributio ex causis petita: Th. V. VI, VII, VIII, IX. Motus naturalis: Th. X. Corpora inanimata habent in se principium motus activum: *en* 1. Adjuncta motus naturalis: Th. XI. Uniformitas: Th. XII. Major in fine quam principio velocitas: Th. XIII. Variæ sententia de causâ majoris velocitatis in fine: *en* 1. Propria sententia: 2. Animalis motus: Th. XIV. Animalis motus adjuncta: Th. XV. Difformitas: Th. XVI. Difformitas in animalibus conspicua: *en* 1. Causa difformitatis: 2. Major in principio quam in fine velocitas: Th. XVII. Motus per accidens: Th. XVIII. Species motus per accidens: Th. XIX. Animadvertitur in divisionem vulgatam: *en* 1, 2. Impulsio: Th. XXII. Expulsio: Th. XXIII. Expulsionis continuatæ causa: Th. XXIV. Examen variarum sententiarum: *en* 1. Eligitur vera sententia: 2. Explicatur: 3. Occurritur difficultatibus: 4. Alia sententia celebris urgetur multis difficultatibus: 5. Adjunctum motus hujus: Th. XXV. Tractio: Th. XXVI. Vectio: Th. XXVII. Vertigo: Th. XXVIII. Motus mistus: Th. XXIX. Distributio motus ex effectis: Th. XXX. Augmentatio: Th. XXXII. Declaratur: *en* 1. An augmentatio sit species motus Physici: Argumenta pro parte negante: Solvuntur: 3. Diminutio: Th. XXXIII. Alteratio: Th. XXXIV. Conditiones alterationis: Th. XXXV. Utriusque conditionis necessitas monstratur: *en* 1. Explicatur reactionis natura: 2. Distributio alterationis: Th. XXXVI. Immediata: Th. XXXVII. Mediatæ: Th. XXXVIII. Perfectiva: Th. XL. Corruptiva: Th. XLI. Explicatio: *en* 1. de Hopliatriâ: 2. Localis motus: Th. XLII. An motus localis sit motus proprie sic dictus: Rationes pro parte negante: *en* 1. Defenditur affirmativa: 2. Solvuntur rationes contrariae: 3. Motus localis rectus: Th. XLV. Circularis: Th. XLVI. Mistus: XLVII. Distributio motus ex adjunctis: Th. XLVIII.

THESIS I.

Motus proprie vel improprie dicitur.

THESIS II.

Improprie dictus motus est Generatio vel Corruptio.

THESIS III.

Generatio est motus improprie dictus, quo fit corpus naturale per unionem formæ cum materiâ: Alias, mutatio substantialis.

"Ex Deo.

Hujusmodi mutatio est, cum vel ex elementis generatur mistum, vel ex misto mistum, ut ex cibo sanguis vel caro, ex semine homo.

THESIS IV.

Corruptio est motus improprie dictus, quo corpus naturale destruitur per separationem formæ à materiâ.

"Ex Deo.

I. Hujusmodi mutatio est destructio misti aliquis vel per putrefactionem vel per combustionem. Item mors hominis, quæ fit per separationem animæ à corpore. Cur autem generatio & corruptio dicantur motus improprie, hæc potissimum ratio est; Quod omnis motus proprie dictus fiat in tem-

pore, ut constet à definitione motus; generatio verò & corruptio fiant in momento; quod hæc ratione docetur: Generatio circa formæ substantialis cum materiâ unionem, corruptio circa ejusdem à materiâ separationem versatur, ita ut formale generationis sit unio formæ cum materiâ, formale corruptionis separatio formæ substantialis à materiâ: Cum verò substantialis forma magis & minus non recipiat, nec per gradus intendatur & remittatur, sed in momento tota sit perfecta vel destructa, sequitur certè, unionem ejus cum materiâ & separationem ab eâ esse momentaneam, & proinde neutram motum proprie dici posse. Accedunt & aliarationes ab Aristotele adductæ, 5. Phys. Quod movetur, est ens in actu: quod generatur, non est ens in actu: quia id quod generatur, nondum est. Unde generatio definitur mutatio à non esse ad esse. Deinde, quod movetur, est in loco: quod generatur, non est in loco, cum non sit. Accedit etiam commune suffragium Scholæ Peripateticæ: Cui subscribit Scaliger, Exerc. 23. ubi & rationem à nobis assignatam addit; Generatio, inquit, non est motus, sed motus finis, & aliud à motu toto genere: quocirca imparibilis est, & fit in non-tempore. Idem repetit Exerc. 28. §. 1. & 29. §. 1. ubi textus quoque Aristotelis plures in hanc sententiam allegat.

II. Sunt tamen rationes quæ contrarium videntur suadere.

I. Aristoteles 7. Phys. text. 34. inquit, unam generationem

rationem comparatam alteri esse magis aut minus aut æquè velocem vel tardam quàm alteram ; Invenitur igitur generationem fieri in tempore , & motum esse.

2. Si generatio fieret in instanti & tota simul, ergò fieri & factum esse, generari & genitum esse idem essent: At hoc absurdum, teste *Aristotele*, 6. *Physic.* t. 55, & 59. Plausibilius ità proponi ab aliis ratio solet; Si generatio, hoc est, transitus à non esse ad esse, fit in momento, sequitur vel in eodem momento rem esse & non esse, vel contigua esse duo momenta, ità ut in uno res non sit, in proximo sit: At utraque consequens pars falsa: Prior, quia contradictionem implicat, posterior, quia in tempore duo contigua instantia dari, est impossibile, ut ostendit *Aristoteles* 6. *Physic.* t. 2.

3. Substantia secundum omnes ejus partes in momento tota non generatur, sed pars una post aliam. Formæ igitur particula una post alteram introducit, & proinde generatio non fit in momento, sed est motus successivus. Antecedens exemplo ignis probari potest: Ex ligno fit ignis successivè; totum enim lignum in uno momento in ignem non convertitur, sed pars una post alteram: Ergò & formæ ignis una particula post alteram in materiam introducit. Sententiam hanc acriter propugnant *Cassalpinus*, *Quæst. Peripat.* lib. 4. q. 8. & *Josephus Phavorinus*, *Exercit. philosoph.* §. 2. cap. 11.

III. *Resp.* Ad 1^m. Generatio bifariam accipitur, pro solâ formæ in materiam introductione & unionem cum eâ, vel pro toto aggregato ex præcedente alteratione & subsequente formæ introductione. Cum ergò *Aristoteles* generationi velocitatem vel tarditatem tribuit, in posteriori significato vocabulo *generationis* utitur. Non enim uno momento materia alterari & forma introduci potest: Moram requirit alteratio. Nos verò de generatione in priori significato loquimur.

Ad 2^m. Assumptionem negamus. In omni enim mutatione momentaneâ idem est mutari & mutatum esse. *Aristoteles* verò loquitur de motu propriè dicto, de quo dici nequit idem esse moveri & motum esse. Syllogismi alterius connexum negamus: Quæ enim propriè generantur, incipiunt per *primum sui esse*, quod est instans temporis intrinsecum durationi rei, in quo res est; quod immediatè præcessit non instans, sed tempus in quo non fuit. Quod si verò inciperent per *ultimum sui non esse*, & quidem in instanti, connexi firma esset consequentia: quæ enim incipiunt per *ultimum sui non esse*, de iis dici potest, in hoc instanti non sunt: sed immediatè post erunt: Si ergò in instanti essent, duo instantia immediatè se consequerentur. De variis incipiendi &

desinendi modis perspicuam vide commentationem *Pererii*, lib. 14. cap. 9.

Ad 3^m. Observandum, successionem motus dupliciter posse considerari: Vel secundum formam, quæ magis & minus suscipit, habetque partes & gradus, secundum quos intendi & remitti potest: Unde necessariò & per se acquiritur successivè: Vel secundum subjectum mobile, cujus una pars post alteram acquirit formam, cum movens in omnes æqualiter non agat, ut est videre in generatione ignis. Prior successio de essentiâ motus propriè dicti est, & in generationem non cadit: Posterior generationi quidem accidit, sed motum eam propriè dictum esse non evincit: cum forma in qualibet mobilis parte in momento perfecta producat. Sic ignis forma in proximam ligni partem in momento introducit, postquam sufficiens alteratio præcessit: Ad remotiorem cum ignis accesserit, in eandem similiter in momento, post alterationem, forma introducit. Hæc verò de igne ex sententiâ *Peripateticorum* dicta sunt: secundum nostram enim sententiam (de quâ suo loco) exemplum non quadraret.

THESIS V.

Motus propriè dictus, cui nimirum definitio motus per se competit, è variis argumentorum locis distribui solet; porissimum verò è causis, effectis, & adjunctis.

THESIS VI.

E causis, motus est Simplex vel Mixtus.

THESIS VII.

Simplex est per se vel per accidens.

THESIS VIII.

Per se est, quando propriâ & insitâ virtute res movetur.

THESIS IX.

Estque Naturalis vel Animalis.

THESIS X.

Naturalis est, qui fit ab interno principio corporis inanimati, formâ nimirum naturali, à quâ primariò est corporis motus.

EXERC.

Disputant hic multi, an corpora inanimata principium motus sui activum & insitum habeant. Affirmantem nos tenemus. Habent enim omnia corpora inanimata naturam. At natura principium motus

est cum activum tum passivum, ut supra probavimus. Videantur plures rationes in tractatione quaestionis De motu gravium & levium : Omnis enim inanimatorum sublunarium localis motus est à formâ, mediante gravitate & levitate.

THESIS XI.

Motus naturalis adjuncta duo potissimum sunt; Uniformitas, & major in fine quàm in principio Velocitas : quæ tamen proprietas in specie concernit motum naturalem ad centrum.

THESIS XII.

Uniformitas est, quâ per se uno & eodem modo perpetuò res naturalis movetur ex naturæ instituto.

Ex Deo.

Sic sublunaria gravia moventur per se deorsum tantum, levia sursum tantum, stellæ in orbem tantum. Uniformitatis hujus alia nulla reddi potest ratio, nisi quod naturæ conditor ad motus hosce naturalia destinaverit, & hanc ipsorum formis facultatem indiderit, eò quod conservatio illorum difformem motum non requireret, quo quidem opus habent animalia.

THESIS XIII.

Major in fine quàm in principio velocitas, à medio per quod motus fit oritur.

Ex Deo.

I. Vexatissima est quaestio de velocitate majori motus naturalis in fine: quam prolixè disceprat *Petrus* lib. 14. cap. 3. Et primum quidem fuerunt qui dubitarent, an naturalis motus in fine esset velocior quàm in principio vel medio? Quos inter *Simplicius* est, qui nemini id compertum esse ait. Sed *Simplicium* refutat *Strato* discipulus *Theophrasti*, qui rei veritatem manifesto hoc signo probat: Nam si lapis è sublimi loco decadat in terram, graviorem impactum facit acriusque ferit in fine illius spaci quàm in medio vel principio. Cuilibet id experiri promtum est, si lapidi è sublimi loco decedenti supponat manum vel caput, circa principium & finem motus: ubi enim primum labi coepit, subiectam manum non lædit, nisi iusto majoris sit molis; quò diutius verò lapsus est, eò vehementius lædit. Manifesta igitur est assertionis veritas.

II. Omisissis ergò aliorum de problemate hoc sententiis, eam quæ veritati maximè consentanea est, & quam in thesi attigimus, paucis explicabimus.

Afferimus igitur, causam cur corpora naturalia quæ deorsum feruntur, in fine moveantur velocius quàm in medio & principio, causam, inquam, esse in medio per quod motus fit. Est id plerumque aer. Vera autem sententiæ hujus explicatio duabus nititur hypothesebus:

Una est; Eam esse aeris naturam, ut paululum extrinsecus motus deinceps etiam per se vehementius fluctuet & agitur, adeoque ea quæ in se continent corpora, nisi fortè sint immobilia, propellat. Videre hoc est in aquâ, quæ vel exiguo ligno mota fluctuat, & res innatantes propellit: potius igitur in aere id fieri putandum, cum longè facilius concitetur aer quàm aqua, utpote qui aquâ longè subtilior & tenuior est.

Altera est; Aerem & lapidem in aere motum mutui operis suos motus juvare. Primum enim tranquillum aerem lapis movet, (ut lapis aquam) deinde aer motus impulsu suo vicissim lapidem movet: dum ergò ad vim lapidis motivam accedit aeris impulsus, augeri descensus velocitas incipit: Lapis igitur velocius per aerem motus aerem quoque vehementius pellit, qui vehementius pulsus rursus lapidem vehementius propellit. Unde palam est, in fine motus lapidis motum omnium esse velocissimum, cum vehementissimè pulsus à lapide aer eundem lapidem vehementissimè propellat.

THESIS XIV.

Animalis motus est, qui fit ab interno principio animalis, animâ nimirum motrice facultate præditâ.

THESIS XV.

Motus hujus itidem duo sunt adjuncta prioribus contraria; Difformitas, & major in principio quàm in fine Velocitas.

THESIS XVI.

Difformitas est, quâ animal per se diversis moveretur motibus, quos in animantis usus per varia organa anima procurat.

Ex Deo.

I. Difformitas motus in animantibus conspicua est: jam enim sursum, jam deorsum, jam vorsum, jam retrorsum, jam dextrorsum, jam sinistrorsum moventur; tardè modò, modò velociter.

II. Causa hujus difformitatis est Efficiens vel Finalis. Efficiens principalis est anima movens; Instrumentalis, corpus organicum, quod propter varietatem organorum ad varios motus recipiendos idone-

idoneum est. Finis est usus animantis. Conseruari enim animal non posset, si uno tantum modo moveretur, vel ad dextram tantum, vel ad sinistram.

THESIS XVII.

Major in principio quam in fine velocitas est ab organis corporeis.

"ΕΚΔΕΙΞΙΣ.

Musculi enim & nervi à spiritu copioso & integro primum impulsu longè sunt agiliores & vegetiores : tandem verò motu procedente exhauritis spiritibus flaccescunt nervi & debilitati concidunt adeò ut in fine spiritibus planè destituti penitus concidunt immobiles.

THESIS XVIII.

Haecenus motus per se. Motus per accidens est, quando mobile à principio externo movetur.

THESIS XIX.

Species ejus insigniores ad motum localem pertinentes sunt quatuor ; Pulsio, Tractio, Vectio, Vertigo.

"ΕΚΔΕΙΞΙΣ.

I. Dividi vulgò solet motus per accidens in violentum & violentiæ expertem. Violentum *Magirus* definit, ad quem nihil confert natura mobilis, sed vi perficitur : Cujus species quatuor constituit, *Pulsioem, Vectioem, &c.* Violentiæ expertem vocat, cum aliquid movetur ad motum alterius ; ut cum motà navi navita quoque quiescens moveretur. Modos duos ponit : Unus est, cum partes moventur ad motum totius ; Alter, cum accidens movetur ad motum substantiæ.

II. Distributionem hanc cur non sequamur duæ potissimum sunt causæ : Una, Quia non omnis vectio cum violentiâ est conjuncta : Equus enim equo, navita navi vectus ex voto vim nullam patitur : quod vel ipsius *Magiri* judicio approbatur. Motus enim violentiæ expertis ponit exemplum nautam navi vectum : imò verò, si proprium violenti motus est diuturnum non esse, ut commune placitum est Scholæ Peripateticæ, nec pulsio, nec tractio, nec vectio, nec vertigo omnis violenta erit ; cum corpora citra ullum detrimentum quam diutissime pelli, trahi, vehi, in gyrum moveri possint. Nam vel toto vitæ curriculo in navi quis vehi possit, & vel per annos centum lapsus in libero aere suspensus moveri in orbem possit.

Altera ratio est ; Quòd violentus motus & vio-

lentiæ expertis definitionibus à *Magiro* non distinguatur. Violentum enim ait esse, ad quem nihil confert natura mobilis : Atqui ad motum violentiæ expertem natura mobilis & ipsa nihil confert. Simpliciter igitur insigniorum specierum recensione contenti sumus.

THESIS XX.

Pulsio est, quâ mobile à movente externo pellitur.

THESIS XXI.

Estque Impulsio vel Expulsio.

THESIS XXII.

Impulsio est, quâ mobile à movente ita pellitur ut ei conjunctum maneat.

"ΕΚΔΕΙΞΙΣ.

Sic impelli vel propelli dicitur lignum vel saxum, cum vel immediate per manus vel mediate per vectes de loco in locum transfertur, ita ut durante motu perpetuò à movente contingatur. De impulsione vide *Scaligerum*, Exerc. II. §. 2.

THESIS XXIII.

Expulsio est, quâ mobile à movente ita pellitur ut conjunctum non maneat : excellit hinc Projectio vel Ejaculatio.

"ΕΚΔΕΙΞΙΣ.

Ut cum lapis in altum projicitur vel è manu vel è fundâ, cum sagitta per nervum arcus excutitur, cum globus à spiritu bombardæ incluso exploditur. In singulis hisce primum movens, unde originem traxerat motus, à mobili separatur, durante nihilominus motu.

THESIS XXIV.

Expulsionis continuatæ causa est medium in quo expulsum mobile movetur.

"ΕΚΔΕΙΞΙΣ.

I. De primâ expulsionis causâ dubium planè nullum est, cum manifestum sit, movens cum excusso vel projecto mobili esse conjunctum, veluti manus cum lapide, nervus cum sagittâ, spiritus pyrii pulveris cum globo : Cum autem expulsa & projecta motum continent etiam à primis moventibus separata, ut lapis à manu projicientis, sagitta à nervo arcus, globus à pyrii pulveris spiritu, à multis sollicitè quaesitum est, *quam continuatæ motus causa sit ?* Cum enim motus ille contra naturam mobilium sit, certè ab interno principio proficisci nequit : Externum igitur principium per contactum cum mobili conjunctum dandum fuerit, quando

quando omne movens simul esse debet cum mobili, ipsumque contingere.

Sunt magni nominis Philosophi, isque haud pauci, qui existimant à projiciente imprimi mobili, ex. gr. lapidi, virtutem quandam motivam, quæ inhaereat in lapide, & à projicientis manu disjunctum proinde moveat per spatium tantum quanta est virtus motiva impressa. Sententiæ hujus ferè aliud argumentum non est quàm à remotione causarum aliarum motricium. Lapis enim à projiciente separatus aut à nullo movetur, aut à projiciente, aut à se ipso, aut ab aere, aut à virtute impressa. Non à nullo; Quia quicquid movetur, ab aliquo movetur. Non à projiciente; Quia projiciens separatur à projecto: in omni verò motu requiritur unio mobilis & moventis. Non à se ipso, vel à principio suo interno; Quia motus ille contra naturam mobilis est. Nec ab aere; 1. Quia difficultati hoc modo non satisficit. Cum enim ipse quoque aer à projiciente sit longè remotus, quaeritur à quo aer moveatur. Causa nulla assignari commodè potest nisi virtus quam à projiciente accepit: Quod si de aere dixerimus, cur non potius de lapide dicamus? 2. Si talis motus sit ab aere, ergo, flante vento vehementissimo, si lapis in sublimi projiceretur, ab aere celerius & longius ferretur quàm cum manu hominis projicitur: quod tamen experientia non testatur. 3. Cur cum pluma projicitur, ab aere vehementius & longius non fertur quàm lapis, cum tamen pluma ab aere impelli facilius possit quàm lapis? 4. Cum sagitta excussa à nervo directè scopum attingit, quæ motus ille aeri possit tribui, cum aer per se & directè, aliò non tendat nisi in locum suum sursum, aut si fortè ad latera moveatur, interio tamen & fluctuante motu moveatur? Cum igitur nec ab aere lapis moveatur, consequens est, à virtute impressa eum moveri.

II His tamen non obstantibus, veritati proxima eorum videtur sententia, qui causam continuatæ expulsiōis referunt ad aerem. Sententia igitur hæc primum explicanda, deinde ab objectis difficultatibus liberanda: Denique, contraria, de virtute motrici impressa, majoribus difficultatibus urgenda.

III. *Explicatio hæc est.* Primus projecti lapidis impetus est à projiciente: Lapis violenter è manu ejectus aerem, per quem fertur, violenter dividit: nec enim moveri lapis posset nisi divisus aer cederet: Cum verò divisio hæc sit contra naturam aeris, partes aëris divisi magno impetu ad sui unionem iterum procurrant, & procurrendo lapidem protrudunt: Protrusus lapis proximum sibi aerem iterum violenter disjicit, ut alium sibi locum acquirat: duo enim in eodem loco corpora esse nequeunt: Aer hic

violenter disiectus & divisus vicissim ad unionem sui procurrit, & ulterius lapidem protrudit, donec tandem utriusque impetu tracto lapis ad naturalem motum inclinet, & deorsum feratur. Sententiā hanc de telo emisso ita explicat *Themistius*; *Simulacque telum de manu jaculantis recessit, longius quasi suo motu fertur, propereque quod ille qui mittit, primorem aerem commovet, qui collisus subinde alium aerem propellit, atque hic deinceps alium continenti serie, donec vires senescant. Et ita telum quiescat.* Eandem sententiā expressis verbis *Aristoteles* in lib. De quæst. mech. q. 33. profertur. *Hactenus explicatio.*

IV. Ad difficultates contra sententiā hanc propositas ita breviter respondemus.

Ad 1^m. Patet responsio ex iis quæ dicta sunt: Aer à projiciente remotus movetur à lapide, lapis ab aere, aer vicissim à lapide; idque ope projicientis, quod primò lapidem expulit, & expellendo aerem commovit eo ut diximus modo.

Ad 2^m. Consequentiam negamus: Etsi flante vento totus aer commovetur, pars tamen aeris quæ coningit lapidem, magis unitè & conjunctè movetur à projiciente, adeoque majorem ab eo vim accipit ad propellendum lapidem ejusque motum continuandum.

Ad 3^m. Difficultatis hujus ratio hæc est: Aer non propellit projecta, nisi à projectis pellatur & dividatur: Quæ igitur aerem vehementer pellunt ac dividunt, ab aere vicissim vehementer propelluntur: quæ verò pellendi & dividendi aeris vim nullam habent, ut pluma, ab aere quoque vehementer propelli nequeunt.

Ad 4^m. In hac difficultate est quidem quod mireremur, ratio tamen in id referenda quod primum projicitur aut ejaculatur. Sagittarius enim per rectam lineam ad scopum dirigit sagittam: excussa igitur primum à nervo sagitta aerem qui in lineâ illâ est disjicit: aer violenter disiectus ad eundem locum quam citissime redit, & in eadem lineâ propellit sagittam, & sic consequenter donec ad scopum fuerit perventum.

V. Difficultates verò quæ alteram sententiā de virtute motrici projecto impressa urgent, hæc sunt:

Prima; Virtus impressa, secundum sententiā hujus auctores, est qualitas motiva: Cum igitur movet sursum, emde vitas; cum deorsum, gravitas: At qualis erit motiva virtus, cum movet dextrorsum, sinistrorsum, &c.?

Secunda; Virtus ista quæ movet sursum, aut eandem est specie cum levitate aeris; aut differt specie. Eadem specie esse nequit, ob diversitatem causarum efficientium

efficientium, & diversum planè agendi modum, aliasque conditiones. Si specie dicas differre, quaeritur primò, quo pacto eundem cum levitate aeris locum possit petere: Deinde, uni gravitati terræ hâc ratione duo opponuntur contraria.

Tertia; Contrarium unum non inducitur in subiectum nisi per remissionem alterius contrarii, ut patet exemplo caloris & frigoris: Si ergò virtus motiva sursum à projiciente in lapidem inducitur, consequens erit, virtutem motivam deorsum, hoc est, gravitatem, in lapide remitti & minui, quod experientia contrarium est.

Quarta; Virtus illa dubio procul à projiciente producit. Quæritur igitur primò, quânam fieri possit ut una & eadem numero manus modò levitatem, cum sursum, modò gravitatem, cum deorsum; modò alias qualitates, cum ad latera movet, possit producere. Deinde, per quam motus speciem producat: Alia hic appellari nulla potest quàm motus localis. At motus localis per se formam nullam inducit in subiectum, 8. Phys. 59.

Taceo quòd difficultates quæ nostræ sententiæ obijciuntur, adversariorum sententiæ non minùs accommodari possint: Quæro enim 1. Cur aeris motu violento ad virtutem impressam accedente, projectum ab aere longius & celerius non feratur quàm cum hominis manu projicitur: Imò duplo longius ferri debebat ob duplex impulsione principium. 2. Cur eadem plumæ non possit imprimi virtus, cum non minori impetu corporis ejici possit quàm lapis. 3. Qui impressa virtus adeò prudens esse possit ut scopum attingat, & non aliò potius feratur. 4. A quonam contratio impressa virtus corrumpatur: Vix aliud nominari poterit quàm insita lapidis gravitas. Levitas igitur erit, quam gravitas infestat: quæ quâ ratione imprimi poterit lapidi per solam ejectionem, vix erit qui explicare queat. Hactenus de causâ motus projectorum.

THESIS XXV.

Adjunctum motus hujus est major in principio quàm in medio velocitas.

Ex Deo.

Ratio est virtus movendi, quæ in principio est efficacissima, in medio remittitur, donec planè tandem evanescat. Primum enim aer à projiciente & lapide projecto vehementissimè movetur; aer motus vicissim movet lapidem, verum non tantâ violentiâ quantâ à lapide primum movebatur; lapis quoque protrusus ab aere vicinum aerem commoveret, sed rursus minori violentiâ quàm ab aere ipse fuit motus. Sic igitur movendi vis in aere & lapide

paulatim decrescit, donec tandem planè cesset, & ad naturalem motum lapidis revertatur.

THESIS XXVI.

Tractio est, quâ movens ad se trahit corpus mobile,

Ex Deo.

Sic currus ab equo trahitur, lapis ab homine, aer à folle vel à pulmonibus.

THESIS XXVII.

Vectio est, quâ movens in se vehit corpus mobile.

Ex Deo.

Sic equus vel currus vehit hominem, navis aulam, navim aqua.

THESIS XXVIII.

Vertigo, est, quâ movens mobile in orbem ducit.

Ex Deo.

Sic rota & trochus in orbem volvuntur.

THESIS XXIX.

Hactenus motus è causis simplex. Missus est partim per se, partim per accidens, unde *medius* appellatur.

Ex Deo.

Hujusmodi lapidis motus est, cum magnâ vi deorsum jacitur: Per se enim est, ratione loci, quem petit per virtutem motricem naturalem: per accidens verò, ratione celeritatis: majori enim fertur celeritate quàm vi suâ & pondere per naturam ferretur. Refertur huc quoque motus progressivus animalis: Per accidens enim est, ratione corporis, quod naturâ suâ deorsum fertur; per se verò, ratione animæ.

THESIS XXX.

Hucusque distributio motus è causis. Ex effectis seu terminis ad quos, qui tres potissimum sunt, Quantitas; Qualitas, Locus, motus quoque in tres species distribuitur.

THESIS XXXI.

Prima species pro termino ad quem habet quantitatem majorem vel minorem.

Q

THESIS.

THESIS XXXII.

Cujus terminus *ad quem* quantitas major est, *Augmentatio* appellatur: quæ motus est à minori quantitate ad majorem.

"*Expositio.*"

I. Hujusmodi motus est, cum ex infante vel puero adolefcens, ex adolefcente juvenis fit: major enim est infante adolefcens, adolefcente juvenis. Sic ex surculo quoque per augmentationem procera arbor fit.

II. Queritur à nonnullis, *An augmentatio sit species motus Physici?*

Negantem partem videntur hæ rationes suadere: 1. Omnis motus est inter terminos contrarios: sed augmentationis termini non sunt contrarii, ut de magno & parvo *Aristoteles* in *Categoriis* docet. Contraria enim differunt specie: Magnum & parvum non differunt specie: Contraria igitur non sunt. Assumptio probatur; Ut magis & minus speciem non mutant, ita nec majus & minus.

2. In motu terminus à quo abjicitur: In augmentatione terminus à quo, minor nimirum quantitas, non abjicitur, sed retinetur & augetur: Ergo.

3. Forma ad quam est motus propriè dictus, recipit magis & minus: At quantitas non recipit magis & minus, docente *Aristotele* in *Categoriis*.

III. *Resp.* Ad 1^m. Assumptionem negamus. Ad probationem respondemus per distinctionem: Quantitas consideratur Mathematicè vel Physicè: Mathematicè considerata, ut quantitas abstracta absq; respectu ad aliud, non habet contrarium: Physicè verò considerata, cum respectu ad perfectionem vel imperfectionem, quæ operationes naturales impediuntur vel juvantur, admittit contrarietatem: & hoc modo major & minor quantitas augmentationis termini appellantur.

Ad 2^m. Propositio est distinguenda: In motu terminus à quo abjicitur, vel quoad materiale, vel quoad formale, vel quoad utrumque: In augmentatione terminus à quo abjicitur, quoad formale: Non enim manet quantitas ut imperfecta & parva.

Ad 3^m. Ex eodem fundamento respondemus: Nam & quantitas Physicè considerata magis & minus recipit.

THESIS XXXIII.

Cujus terminus *ad quem* quantitas minor est, *Diminutio* appellatur: quæ motus est à majori quantitate ad minorem.

"*Expositio.*"

Hujusmodi motus est, cum ex homine pingui fit macilentus per absumptionem substantiæ carnosæ, ut contingit in senibus & ægrotis.

THESIS XXXIV.

Altera species pro termino *ad quem* habet qualitatem, appellaturque *Alteratio*: quæ motus est quo nova qualitas in subjectum introducitur. Cujus observandæ sunt adjunctæ conditiones & distributiones.

"*Expositio.*"

Hujusmodi motus est calefactio, frigefactio, &c. Unde aqua alterari dicitur, cum vel ex frigida fit calida, vel ex calida frigida, illasque manente substantiâ.

THESIS XXXV.

Conditiones præcipuæ duæ sunt: 1. Conveniens proportio causæ alterantis & rei alteratæ; 2. Medii inter causam alterantem & rem alterandam idonea dispositio & situatio.

"*Expositio.*"

I. Utriusque conditionis necessitas exemplis manifesta est. Si ignis aquam debeat calefacere, legitima aquæ & ignis requiritur proportio, talis nimirum ut aqua frigida pari ab igne possit. Nam si contrarium frigus è subjectâ aquâ expellendum longè sit efficacius & fortius quàm calor à quo pati aqua frigida per alterationem debet, non procedet alteratio. Sic mensuram aquæ frigidæ unica ignis scintilla nunquam alterabit calefaciendo. Alterantis igitur vis potentior sit oportet vi contrariâ rei alterandæ. Unde & hoc palam est, proportionem hîc requiri non magnitudinum sed virium: quod in Medicorum Scholis maximè observatur. Sunt enim medicamina mole minima virtute maxima, quæ corporibus ritè alterandis, nisi debitâ proportionem applicantur, non salubria, sed lethalia erunt. Medii verò inter rem alterandam & causam alteratricem idoneam requiri dispositionem ac situationem, & ipsum palam est. Aqua enim vel densiore contenta vase vel ab igne remotior ægrius calefit quàm si in ollâ minus crassâ & igni proximior contineatur. Patet idem è similibus exemplis.

II. Quod vulgò dicitur, non agere in se nisi contraria, id in alteratione manifestissimum est: siquidem

dem omnis alteratio propriè sic dicta est inter corpora qualitatibus contrariis prædita : Sic frigidum alteratur à calido, calidum à frigido, humidum à sicco, siccum ab humido : nihil enim frigescit nisi quod sit calidum, nihil calefit nisi quod sit frigidum, &c. Atque hinc etiam in alterationis motu manifestissima est reactio ; Quæ est retributa quædam, ut *Zabarella* loquitur, mutatio, quâ id quod patitur, renitur adversus agens, & illud mutat, dum ab illo mutatur ; adeo ut & agens pati, & patiens agere aliquo modo dicatur : Quod exemplis manifestum est. Frigida dum agunt in calida, vicissim à calidis patiuntur : Nam & calor adversus frigus insurgit, & id tanquam inimicum retundere nititur, non minus quam frigus calorem. Nec refert quod plerunque agentia contraria sunt imparia : Nam & remissiori ac imbecilliori datum est reagere in validius : Siquidem hæc contrariorum natura, quam non tollit inæqualitas virium : Etsi ab hac victoriâ & interitus est. Plura qui desiderat, consulat *Zabellam* in lib. De reactione ; *Vallesium*, Controv. med. lib. 1. cap. 5. *Philippum Fabrum*, Philosoph. nat. *Scoti Theor.* 44. cap. 1. 2. 3. *Pererius* lib. 13. cap. 4. sex requirit condiciones ut fiat reactio : 1. Ut sit agens corporeum ; 2. Ut habeat eandem materiam cum patiente ; 3. Ut agens agat actione Physicâ & reali, non intentionali & spirituali ; 4. Ut maxime sit motus alterationis ; 5. Ut patiens non sit nimis debile ; 6. Ut agens sit intra spheram activitatis ipsius patientis, h. e. ut virtus ipsius possit pertingere ad agens.

THESIS XXXVI.

Distribuitur alteratio, I. in Mediatam & Immediatam.

THESIS XXXVII.

Immediata est, cum res alterans alterandæ applicatur nullo alio intercedente corpore medio.

"ΕΚΔΕΙΞΙΣ.

Sic ignis circumfusum aerem immediatè alterat, aqua frigida manum, unguentum cutem vel carnem.

THESIS XXXVIII.

Mediata est, cum res alterans alterandam immutat alio intercedente corpore, per quod virtus alteratrix defertur.

"ΕΚΔΕΙΞΙΣ.

Ita stellæ alterant inferiorem hunc mundum, me-

diante aere interfuso ; ignis aquam, mediante vase. Est hoc quod supra diximus, in omni motu requiri contactum seu unionem moventis & mobilis.

THESIS XXXIX.

II. In Perfectivam & Corruptivam.

THESIS XL.

Perfectiva est, quæ qualitatem inducit quâ perficitur subjectum.

"ΕΚΔΕΙΞΙΣ.

Sic virtutes & scientiæ in animum inducuntur alteratione perfectivâ : Virtutibus enim & scientiis perficitur animus. Medicamenta salubria alterant ægrotata corpora, perficiendo ea, & ad pristinam integritatem reducendo, sive id fiat calefaciendo, sive frigefaciendo, sive humectando, sive exsiccando.

THESIS XLI.

Corruptiva est, quæ qualitatem inducit quâ corrumpitur subjectum.

"ΕΚΔΕΙΞΙΣ.

I. Sic à primis qualitatibus corpora nostra saepenumero corruptivè alterantur ob caloris, vel frigoris, vel humiditatis & siccitatis excessus : unde morbi oriuntur.

Hæc de alteratione in genere sufficiant. In specie tot sunt alterationes quot qualitates agendi vi prædita : Unde Exsiccatio, Humectatio, Induratio, Attenuatio, Illuminatio, Coloratio, &c.

II. Cum omnes Medicorum curæ ad hanc Physici motus speciem pertineant, prius quam hinc digrediamur, illorum monstrare libet vanitatem qui vulnera medicamentis telo quo inflictum est vulnus, non vulnerato, applicatis curare moliantur : Quod curandi genus *ὀπλίστιαν* nuncupant, & definiunt actionem mirabilem, quâ etiam absentis vulneri medicina fit, non applicato remedio ipsi vulneri, sed armis quibus est inflictum vulnus, aut saltem ligneo alicui ramento vel panno cui instillata est sanguinis è vulnere expressi gutta, idque per spatium indefinitum, sive unum sive duo vel plura intercedant milliaria inter telum & vulnus per telum inflictum. Hæc curatio uti primo statim intuitu, si primos respicias autores, magica aut ad speciem videtur conficta, sic rationibus profligari potest firmissimis. Præterquam enim quod stolidissima curandi ratio est, remedium applicare telo vulneranti, & non potius vulnerato corpori, Physicis quoque principiis est inimicissima ; quod sic demonstramus : Omnis alteratio Physica fit per contactum immediatum vel mediatum : *ὀπλίστιαν* non fit per contactum im-

immediatum vel mediatum : Ergò *ὀπλίστρια*, alteratio Physica non est ; proindeque aut nulla, aut à Deo, aut à Dæmone. Propositio immotum naturæ principium est, quod omnium Physicarum alterationum inductione manifestum est. Assumptionem probabo speciatim :

1. Non esse in hac curatione contactum immediatum subiecti alterandi, h. e. vulneris sanandi, & remedii alterantis seu sanantis, ultro vel ipsi *ὀπλίστρια* latentur, & tanto artem suam miraculosiorem esse gloriantur, constâtque id omnium evidentissimè ex datâ *ὀπλίστριας* definitione.

2. Nec esse mediatum sic probamus : Mediatum corporum contactus fit vi alterantis per medium quoddam ad rem alterandam delatâ : Mediatum igitur si fuerit, vis sanandi è remedio eni applicato per medium aerem (aliud enim hic nullum occurrit medium) ad vulnus deferetur. At enim explicari ratione nullâ potest, quâ vis sanandi ad corpus sanandum milliariorum sæpenumero plurium intervallo diffitum illæsa & incolumis transferri queat. Primum enim fieri non potest quin ab aere pro loco- rum & siderum diversitate variè disposito & ipsa muteur. Deinde vis illa intermedio aeri communicatur vel alterando ipsum, donec ad vulnus deferatur, non una quidem numero, sed specie, per continuatam ejus productionem; vel ab aere sine sui mutatione accipitur tantum, & numero una ad vulnus promovetur. Tertius modus excogitari nequit. Si posteriore dicas, accidens è subiecto in subiectum migrare, quod longè absurdissimum, fateberis. Si prius, quæro 1. Quâ fieri possit ut tantilla vis tantum alterare valeat spatium, quod inter telum & corpus vulneratum intercedit. 2. Quo fiat naturæ mysterio ut aer alteratus ad vulnus deferatur, nec potius pluvius sæpenumero & vehementissimis turbinebus in diversas regiones procul à patiente abducatur: cum subiecto aere commoro, fieri non possit quin illa ipsa vis commoveatur. Respondent forsan magneticâ hoc fieri vi, substantiarum nempe similitudine. At verò hoc unde probabunt? Quid? quod factum hoc & fundamento nitatur ficto: Ingredientia enim unguentum cum corpore vulnerato similitudinem tantam non obtinent quantum cum iis è quibus sunt sumta cadaveribus, quorum vel mumia vel adeps fuit: ad hæc igitur, non ad illud vis ista deferetur. 3. Quâ possit peragrarè aer iste sylvas, campos, maria, muros, ædes, conclavia, vestes, cum in alteratione conveniens proportio & dispositio inter causam alterantem & subiectum alterandum requiratur. 4. An aliis quoque occurrentibus corporibus vis ista prodest. Si neget, quæro cur medicamentum generalis vis huic potius quam illi vulne-

ri sit salutaris, cum ejusdem sæpenumero corpora sint temperamenti & æqualiter læsa. Respectus iste singularis ad vulnus certum & singulare pendet aut à vi unguenti, aut à vi ferri. Non à vi unguenti, quia simplicia ejus eodem se modo habent ad vulnera omnia: idem enim unguenti hujus præparandi & applicandi modus ab iisdem servatur. Non à vi ferri vel cruoris ferro adherentis, quia hæc merè sunt passiva. Et si mumia vel adipis ex certo cadavere sumti vis ad subiectum aliud & peregrinum, non suum, deferetur, cur non etiam sanguis isti telo adherens cum aliis æquè aut potius quam cum suo vulnere *συμπέθει* suam exerceat? cum præsertim jam computruerit, vel exaruerit, adeoque specie differat à reliquo superstitis adhuc corporis sanguine. Quod si igitur affirmandum omnino occurrentibus quoque aliis corporibus vim istam prodesse, concident omnino *ὀπλίστριας* fundamenta, ut quæ certum tantum & definitum subiectum respiciunt, magneticæ illius fictæ virtutis beneficio: Atque adeo vis ista in occurrentibus corporibus sanandis exhausta ad vulnus suum proprium nunquam deferetur. Reliquum ergò est ut dicamus contactum naturalem nec immediatum nec mediatum esse in hac curatione, proindeque alterationem non esse Physicam, sed vel Divinam vel Dæmoniacam. Plura non addimus, nè quem fortè offendamus: Nam ab iis quoque hoc curandi genus usurpari scimus qui pii & religiosi. Interim hoc tantum addimus, quod à doctis & fide dignis refertur, autorem hujus hopliatriæ fuisse Italum quendam *Parmensem*, *Anselmum* nomine, quem insignem fuisse magum constat. In paucula igitur rem totam colligentes, & *ὀπλίστριας* patronis ad objectiones ex eventu felici hujus curationis petitis respondentibus dicimus, Effectum qui hoc curæ genus sequitur, vel esse fortuitum, h. e. non ab obligato telo, sed aliis causis naturalibus, putâ diligenti vulneris purgatione, quam *ὀπλίστρια* præcipiunt, pendere, vel certè causam in naturâ nullam habere.

THESIS XLII.

Tertia species pro tetmino ad quem habet loci acquisitionem, seu locum acquisitum, unde Localis motus appellatur, quo corpus de loco in locum transfertur.

EXPOSITIO.

I. An motus localis sit motus propriè dictus, dubitari potest ob hæc rationes :

1. In locali motu non est contrarietas: Ergò non est motus propriè dictus. Antecedens probatur; Quia *Sursum* & *Deorsum*, in quibus ponitur contrarie-

trarietas localis motus, non agunt invicem nec se corrumpunt.

2. Quod movetur, partim est in termino à quo partim in termino ad quem: At nihil potest dici partim sursum partim deorsum esse, cum sursum illud tantum sit, quod ultimum terminum attigerit.

3. Quod acquiritur per motum est in ipso mobili, ut patet ex augmentatione & alteratione: At locus non est in mobili, sed mobile in loco.

II. Absit tamen ut motum localem negemus esse motum propriè sic dictum, quem *Aristoteles* 4. Phys. c. 1. ait esse omnium communissimum, maxime proprium, hoc est, principalem, ut simplicius interpretatur: Rationem reddit *Thomas*, Quia verè continuus est. Sed pluribus de localis motus prerogativis agit *Aristoteles*, 8. Phys. cap. 9. ubi statuit triplex prius; naturà, tempore, dignitate: & singulis hisce modis priorem aliis motibus lationem esse ostendit. Naturà quidem; Quia latius potest esse absque aliis motibus, ipsi verò absque latione nequeunt esse: Nihil enim potest incrementum sumere nisi alteretur, ut notum est: At nihil alterari potest nisi praeunte latione: quæ enim mutuo se alterant, sibi appropinquant oportet. Tempore; Quia oportet in naturà existere causam quandam universalem, quæ loco moveat, & ad rerum omnium generationem concurrat, nempe cælum. Item; Quia genitum præcedit generans, quod jam ante locales mutationes subiat. Principalis tamen *Aristotelis* ratio est; Quia motus localis est æternus. Dignitate. Quia natura progreditur ab imperfectis ad perfectiora. Id igitur quod generatio in ordine postremum est, perfectione primum est: At rebus quæ gignuntur, localis motus ultimo competit, ut videre est in animalibus. Deinde, Quia latio inter omnes motus minime subjectum à naturæ suæ statu dimoveret. Denique, Quia res maxime propriè per se moveri dicuntur.

III. Resp. ad contrarias rationes.

Ad 1m. Antecedens negamus. Ad probationem respondemus. Contraria in genere non ea tantum dici quæ agunt invicem & patiuntur, sed & ea quæ sub eodem genere quàm maxime distant, ut habet definitio *Aristotelica*: Quo sensu sursum & deorsum contraria appellari possunt. Sursum quoque & deorsum nonnulli contraria appellant, ratione actionum contrariasum: Sursum enim est conservativum corporum levium, corruptivum autem gravium, & vice versâ. Possunt etiam appellari contraria, propterea quod unum includat negationem alterius: quod enim sursum est, eodem respectu deorsum esse recipit.

Ad 2m. Assumptionem negamus. Quod enim ex imo movetur sursum, per appropinquationem & distantiam partim sursum partim deorsum est. Quatenus enim propinquius est ipsi sursum, quàm cum esset in termino à quo, dicitur esse sursum: Quatenus verò ab ipso longius, distat, deorsum dicitur.

Ad 3m. Propositio universalis non est: Quod enim motu acquiritur, est vel in mobili, vel circa mobile. Etiam si ergo locus non est in mobili, tamen est circa mobile. Respondent alii, per motum acquiri primò rō ubi, id verò esse in mobili.

THESIS XLIII.

Estque Simplex vel Mistus.

THESIS XLIV.

Simplex est unius modi & sibi similis, isque Rectus vel Circularis.

THESIS XLV.

Rectus est Ascensus vel Descensus: Ille est à medio sursum; hic ad medium deorsum.

*Εκδοσις.

Medium hoc loco intelligitur terra, quæ tanquam Universi centrum in mundi medio collocatur, unde & medium appellatur, ad quod vel à quo feruntur sublunaria.

THESIS XLVI.

Circularis est, qui circa medium est.

*Εκδοσις.

Sic stellæ circulari motu circa terram moventur. Habet motus circularis præ aliis lationibus insignes quasdam prerogativas; Quod nempe solus ille continuus & perpetuus esse possit, quod solus nulli sit contrarius, quod solus quiesci sit similis. De primâ videatur *Aristoteles* 8. Phys. cap. 8. text. 73. De secundâ, lib. 1. De cælo, cap. 4. Tertiæ manifesta est ratio. Motus enim circularis esse potest absque loci mutatione: At quæ locum non mutant, quiescentibus sunt similia.

THESIS XLVII.

Mistus motus est difformis & varius in iis corporibus quæ ab animâ moventur.

*Εκδοσις.

Animalia enim non sursum tantum, & deorsum, sed utroque modo moventur, nec non pluribus aliis modis, dextrorsum, sinistrorsum, antvorsum, retrorsum, in orbem, &c.

THE.

THESIS XLVIII.

Hactenus distributio motus è causis :
Ex adjunctis motus distribuitur in Ve-
locem vel Tardum, Longum vel Bre-
vem;

THESIS XLIX.

Hucusque de speciebus motus. Cuius-
bet motui sua respondere potest quies :
Unde tot quietis numerantur species quot
motus.

CAPUT XXVI.

De Tempore.

Tempore quid : Th. I. An tempus sit ens reale : Ratio pro parte negante : *enb.* 1. Defenditur affirmati-
va : 2. Solvitur ratio contraria : 3. Resolutio definitionis : 4. Distinctio temporis ab æternitate : 5. Tem-
pus internum : Th. III. Dari tempus internum : *enb.* Tempus externum : Th. IV. Illustratio definitio-
nis : *enb.* 1. Obscura Aristotelis definitio : 2. Materia temporis remota : Th. VI. Demonstratur thesis :
enb. 1. Tempus rectissime constituitur in corporum cælestium motu : 2. Præcipue in Solis & Lunæ motu :
3. Materia propinqua : Th. VII. Forma : Th. VIII. Efficiens quoad materiale : Th. X. Efficiens quoad
formale : Th. XI. A ratione sunt distincta continui temporis intervalla : *enb.* 1. An tempus externum
pendeat à ratione : 2. Finis : Th. XII. Adjuncta externi temporis per se : Th. XIV. Tempus divisibile :
enb. 1. Longum & breve : 2. Perpetua ejus successio : 3. Adjuncta per accidens : Th. XV. Explicatur
thesis : *enb.* 1. Effecta temporis tribuuntur per accidens : 2. Temporis partes : Th. XVII, XVIII, XIX,
XX, XXI, XXII. Terminus partium : Th. XXIII. Affinitas quantitatis, motus, & temporis : *enb.* 1.
Non datur tempus præsens : 2. Tempus discretum : 3. Momentum geminum : Th. XXIV, XXV. Digressio
de annis Climactericis.

THESIS I.

Hactenus de motu. A motu orta af-
fectio Tempus est. Est autem in ge-
nere duratio creatæ rei à certa principio
continuo fluens, per prius & posterius
tanquam partes divisibilis.

Ex Deo.

I. De definito, nimirum tempore, quaeritur, An
sit ens reale? Pro parte negante hanc nonnulli ratio-
nem adferunt ; Cujus nulla pars actu est, id non
est ens reale : Atqui temporis nulla pars actu est :
Ergo. Assumptio probatur ; Quia partes temporis
duæ dicuntur, præteritum & futurum : Atqui neu-
trum actu est : Præteritum amplius non est, sed fuit ;
futurum nondum est, sed erit : Unde acutè recens
quidam Poeta,

Sæpe rogas, Quot habes annos? respondeo, Nullos.
Quomodo? Quos habui, Pontice, non habeo.

II. Veram esse partem affirmantem his ra-
tionibus suadetur :

1. Deus luminaria in firmamento posuit ut divi-
derent dies & noctes, essentque in signa & tempora,
Gen. i. Unde & CHRISTUS, Non est vestrum scire
tempora & momenta.

2. Tempus, plerique ajunt esse mensuram mo-
tus : At motus est ens reale : Quidni ejus quoque
mensura?

3. Si tempus ens esset duntaxat imaginarium,
sublatâ cogitatione nostrâ nulla rerum esset dura-
tio, nihilque duraret : Atqui hoc absurdum : Ergo.

4. Omnes de tempore tanquam ente reali loqui-
mur. Nihil enim in sermone frequentius quàm esse
horas, noctes, dies, menses, annos, &c. Quàm ele-
gans illa Ovidii descriptio, 15. Metamorph.

Ipsa quoque assidue labuntur tempora motu,
Non secus ac flumen: neque enim consistere flumen,
Nec levis hora potest; sed ut unda impellitur undâ,
Urgeturque eadem veniens, urgetque priorem,
Tempora sic fugiunt pariter, pariterque sequuntur ;
Et nova sunt semper: nam quod fuit ante, relictum est ;
Fitque, quod haud fuerat: momentaque cuncta novantur.

III. Ad contrariam rationem respondemus per
propositionis negationem. Sequeretur enim ; nè
motum quidem esse ens reale, cum ejus pars nulla
simul existat; præcessit enim alia, alia demum sub-
sequitur. Distinguitur ergo inter ens permanens &
successivum : Illius partes actu simul existunt; hu-
jus verò partes in continuâ sunt successione, quarum
una præcessit, altera sequitur.

IV. Definitio constat genere & differentiâ. Ge-
nus est duratio. Per durationem omnium rectissime
videtur definiri tempus : Alia enim genera, ut men-
sura, spatium, numerus, videntur obscuriora & magis
ambigua.

V. Differentiæ particulæ varæ sunt, quibus ab
Æternitate distinguitur Tempus. Primum tempus
est

est duratio rei creata; Aeternitas est duratio Entis increati. Deinde tempus habet principium; Aeternitas caret principio. Tempus est continuum quiddam à principio certo fluens, & per prius ac posterius divisibile; Aeternitas omnis successionis prioris & posterioris expers est: est enim duratio indivisibilis tota simul: Unde à Thomâ definitur aeternitas interminabilis vita tota simul & perfecta possessio.

THESIS II.

Tempus est Internum vel Externum.

THESIS III.

Internum est duratio creatæ rei interna, citra respectum ad alterius corporis morum, à certo principio continuo fluens.

"ΕΝΔΕΙΞΙΣ.

Dari tempus internum, quo existentia rerum creaturarum, etiam citra respectum ad motum, mensurabilis est, patet è primâ rerum creatione. Quarto enim die demum creavit Deus stellas, è quarum motu Philosophi tempus æstimant: Si ergo nullum esset tempus nisi ad motum cœlestem relatum, sequeretur, corpora omnia quæ primo, secundo & tertio die sunt creata, non fuisse in tempore: quod absurdum est. Et si maxime contendas lucem, quæ primo die fuit creata, motu suo descripsisse tempus, sequeretur nihilominus terram, quæ ante lucem fuit, absque motu creatam, non incepisse cum tempore nec fuisse in tempore: quod & ipsum falsum. Deinde, ut creaturæ Angelicæ durationem habent sine motu continuam & sempiternam, cur non exclusâ omni motûs externi consideratione etiam reliquis creaturis comperat duratio? Itâ Augustinus concludit, 12. De civit. Dei, cap. 11. si ante cœlum & terram fuerunt Angelici motus, etiam tempus fuisse. Denique, negatio motûs non obstat quò minus res aliqua immota continuo duret à certo existentia principio ad certum finem: Nulla hic absurditas, nulla contradictionis implicatio. Sic sublato omni cœlestium & sublunarium locali motu, terra quoad substantiam nihilominus duraret. Cum cujusdam voto, inquit Augustinus, 11. Confess. cap. 23. sol steterisset, ut victor Josua prælum perageret, sol stabat, sed tempus ibat. Patet igitur dari tempus internum: Quod tamen quia partibus in se distinctum non est, à Physicis ferè non attenditur, in Scholâ præsertim Peripateticâ.

THESIS IV.

Externum est duratio externa mensu-

rans internam corporis naturalis durationem, in motu corporum cœlestium lunæ & solis potissimum, per certa intervalla ratione distincta.

"ΕΝΔΕΙΞΙΣ.

I. Hoc demum tempus considerant Physici potissimum, habetque se ad internum tempus ut mensura ad mensurabile. Duratio enim corporis naturalis interna cum per se sit indistincta, distinguitur per mensuram externam, quæ duratio est externa. Sic vitæ nostræ continuum & indistinctum progressum metimur per durationem motûs cœlestis distinctam certis dierum, mensium & annorum intervallis; haud secus ac panni alicujus indistinctam longitudinem per certam & distinctam ulnæ mensuram metimur: Quo simili externi & interni temporis natura appositè declaratur. Ut enim ulna per certas partes distincta panno longitudinis per se nihil confert, itâ nec externum tempus in successionem motûs cœlestis distinctum durationem per se confert corpori naturali: Utque pannus, sublata quoque ulnâ, suam retinet longitudinem; itâ & corpora naturalia, sublato tempore externo, tempus suum internum: Ut denique certam suæ longitudinis distinctionem debet ulnæ, sic & internum tempus externo.

II. Aristoteles obscurissimè definit tempus numerum motûs secundum prius & posterius. Ubi moment Peripatetici, numerum hic intelligi debere non numerantem & discretum, sed numeratum & continuum, constantem partibus ratione discretis, itâ ut tempus aliud nihil sit nisi motus numeratus per partem priorem & posteriorem. Cum ergo motum cœlestem potissimum intelligant, ut qui omnium constantissimus est; à nobis magnopere non dissentiant, nisi quod numeri hujus usum potissimum, qui est mensuratio internæ corporum naturalium durationis, non exprimant. Observetur interim ex Pererio, lib. 12. cap. 2. Cur tempus ab Aristotele numerus appelletur, nempe quia tempus mensura est, ratio autem mensuræ primò convenit numero seu unitati, & propter hanc accommodatur etiam aliis rebus: ut ait Aristoteles 10. Metaphys. text. 23.

THESIS V.

Materia hujus temporis est remota vel propinqua.

THESIS VI.

Remota est motus corporum potissimum cœlestium, Solis & Lunæ.

"ΕΝΔΕΙΞΙΣ.

"ΕΝΘΕΤΟΣ.

I. Tempus enim externum, mensura interni, non est in re immobili, cum in duratione immobilis certa observari intervalla nequeant, secundum quæ distingui possit duratio immobilis vel alterius rei: ita, si absque definito corporis alicujus externi motu esset, vitæ nostræ duratio per terræ immobilis durationem distingui in horas, dies, menses, annos non posset, cum intervalla horarum, dierum, mensium & annorum in terrâ non observentur. In corpore igitur quod æquali, continuo & perpetuo motu movetur, externi temporis quærenda ratio.

II. Motus verò cum continuus, æquabilis & perpetuus requiratur ad constantem & iustam interni temporis mensurationem, & verò sublunarium corporum Motus ut plurimum sit inæqualis & interruptus per quietem, omnium rectissime in corporum cœlestium motu externum tempus constituitur: solus enim hic continuus, æquabilis & perpetuus est. Unde in hunc quoque finem à Deo destinata leguntur sidera, *Gen. i. 14. Dixit Deus, Sinto luminaria in expanso cœli, ad distinguendum inter diem & noctem, quæ sint in signa & tempestatibus, & diebus, & annis; vel, ut alii, in signa, & tempora, & dies, & annos.*

III. Porro ex omnibus sideribus Sol & Luna potissimum rei huic inserviunt, cum potissimæ ab iis in sublunari mundo mutationes sint, & motus eorum exploratior sit quàm aliorum siderum, ob notabilem eorum magnitudinem. E duobus igitur hisce luminariis tota temporum ratio desumitur. Dies enim & annos motu suo describit Sol; Luna, septimanas & menses: Hinc concinne Græcis Sol & Luna *χρονολόγοι*, h. e. *temporum domini*, appellantur. Hæ externi temporis partes quodvis internum tempus mensurant: hæ res dicuntur durasse diem, septimanam, mensem, annum unum vel plures.

THESIS VII.

Propinqua est duratio motus corporum cœlestium.

"ΕΝΘΕΤΟΣ.

Duratio corporum cœlestium in perpetuo motu constitutorum indistincta & in se considerata est tempus internum eorundem corporum: Cum autem eadem illa duratio aliis quoque rebus hunc præstare usum debeat, ut durationem earum internam, seu tempus internum, mensuret, & verò fieri id nequeat nisi per certa intervalla distinguatur, sit ut duratio illa in se indistincta externi temporis per certa intervalla distincti materia evadat, cui partium per

intervalla certa distinctio, tanquam forma, supervenit: veluti lignæ mensuræ ad ligni alterius mensurationem adhibendæ materia lignum est; forma verò, distinctio ejus in partes certas certamque longitudinem.

THESIS VIII.

Forma hujus temporis est distinctio ejus per certa horarum, dierum, septimanarum, mensium & annorum intervalla, quæ cuivis applicatæ internæ durationi mensuræ vicem præstant.

"ΕΝΘΕΤΟΣ.

Sic diem, septimanam, mensem, annum dicimur vixisse, cum vitæ nostræ progressus seu duratio respondet durationi corporum cœlestium, seu motus cœlestis, per intervalla diei, septimanæ, mensis, anni distinctæ. Ità duratio motus solaris per gradus quindecim circuli magni, appellatur hora: horæ enim spatium sol in cœlo quindecim gradus currendo conficit: Duratio ejusdem motus per gradus trecentos sexaginta appellatur dies naturalis: diei enim naturalis, qui viginti quatuor horis constat, spatium totum suum circulum, qui in gradus trecentos sexaginta distinctus est, sol percurrit.

THESIS IX.

Efficiens ad materiale pertinet vel ad formale.

"ΕΝΘΕΤΟΣ.

Temporis hujus in genere una efficiens causa non est, ob diversam materiæ & formæ rationem: aliud enim principium externum habet materia, aliud forma.

THESIS X.

Efficiens quoad materiale est id quod producit & conservat motum ac durationem corporum cœlestium, Solis & Lunæ inprimis; Deus nimirum, & forma siderum.

"ΕΝΘΕΤΟΣ.

Materiale enim temporis constituimus motum ac durationem corporum cœlestium: utriusque verò causa conservans est prima vel secunda. Prima Deus Creator est, qui sidera primum condidit eum in finem ut dies & annos distinguere, quique virtutem motricem iis indidit & eandem jugiter conservat.

Secunda

Secunda est forma siderum, à quâ est & conservatur motus ejusque duratio.

THESIS XI.

Efficiens quoad formale est ratio humana, quæ continuum cœli motum & durationem per certa distinguit horarum, dierum, mensium & annorum intervalla.

"ΕΞΕΤΕ.

I. In cœlo duratio est absque intervallo certorum, quæ, horæ, dies, menses, &c : appellantur, distinctione. Ab hominis igitur ratione sunt intervalla certâ longitudine & brevitate definita. Homo est, qui viciesimam quartam diei naturalis partem constituit horam, qui diem naturalem viginti quatuor horis descripsit, qui anno menses duodecim & dies trecentos sexaginta quinque attribuit. Unde gentes varîæ pro arbitrio hæc intervalla variârunt. *Arcades* annum tribus tantum mensibus explicabant; *Acarneæ*, sex; *Græci*, diebus trecentis quinquaginta quatuor; *Romulus*, decem mensibus. Vide *Macrobius*, lib. 1. Satur. cap. 12, 13.

II. Hinc ad quæstionem, *An tempus externum pendeat ab hominis ratione*, facile responderi potest per distinctionem materialis & formalis : Illius enim respectu à ratione nostrâ non pendet : Movetur enim & durat cœlestia corpora, etiam citra rationis nostræ opem : Hujus verò respectu à ratione nostrâ pendet, ut modò explicatum est.

THESIS XII.

Finis est mensuratio durationis inter-næ, cujus in omni vitâ longè maximus est usus.

"ΕΞΕΤΕ.

Si absque certâ temporum ratione esset, in crassissimâ rerum multatam ignorantia perpetuò nobis confensendum esset. Labasceret historia, rerum gerendarum ignorarentur opportunitates, & in Divino cultu periculosissimè remitterentur animi. Sedula enim temporum consideratio subinde nobis in mentem revocat Dei in nos collata beneficia, de vitæ nostræ & mundi fine cogitare nos jubet. Hinc factum crediderim, ut olim temporum supplicatio sacerdotibus demandaretur : *Argivi* à sacerdotibus sua tempora supplicarunt, ut innuit *Thucydides*.

THESIS XIII.

Hactenus causæ externi temporis. Adjuncta ejus sunt per se, vel per accidens.

THESIS XIV.

Adjuncta per se sunt; I. Divisibilitas interminabilis, II. Longitudo & brevitas, III. Perpetua successio & recursus.

"ΕΞΕΤΕ.

I. Divisibile est tempus ob continuitatem motus & durationis : Omne enim continuum est divisibile in partes. Interminabilis verò tempori indivisibilitas tribuitur, quia in divisione temporis nunquam ad ejusmodi pervenitur particulam, quæ amplius dividi nequeat, ita ut in eâ terminetur divisio : Omne enim continuum in infinitum est divisibile, ut suprà monstravimus. Unde porro consequitur, tempus absolute minimum non dari. Minimum enim absolute est, quod dividi in minora nequit, adeoque indivisibile est.

II. Longum & breve tempus esse, è communi loquendi more omnes norunt. Partes enim temporis aliæ aliis longiores vel breviores sunt : ut hora brevior die, dies septimanâ, septimana mense, mens anno. Observandum verò, longitudinem & brevitem comparatam accidere tempori ex parte sui formalis, nimirum distinctionis per certa intervalla : Nam respectu materialis unicum quid & continuū est tempus, quod se ipso non est longius vel brevius.

III. De perpetuâ temporis successione & recursum, res quoque manifesta est. Ver enim sequitur æstas, æstatem autumnus, autumnum hyems, ab hyeme ad ver fit recursus. Unde illud *Poetæ*,

*Atque in se sua per vestigia volvitur annus. &,
Soles occidere & redire possunt.*

Priori versiculo, qui *Maronis* est, ad hieroglyphicum temporis alludi putat *Pierius Valerianus*, lib. 14. Erat autem temporis hieroglyphicum serpens caudam suam sub guttur attractam occultans, quâ specie in *Saturni* dextrâ statuebatur. In circulos igitur suos tempus volvitur & revolvitur, uti in spiras serpens. Hinc & *Cyrillus* serpentem temporis signum esse ait, quod in longitudinem porrigatur, & multis complicetur spiris : quæ dierum annorumque sunt series.

THESIS XV.

Adjuncta per accidens sunt : I. Amœnitas & inamœnitas ; II. Jucunditas & tristitia ; III. Periculum & securitas ; IV. Caritas & vilitas ; V. Caliditas & frigiditas ; VI. Humiditas & siccitas ; VII. Sanitas, morbositas ; VIII. Sapientia, rûditas.

"ΕΞΕΤΕ.

I. Ab omnibus hisce adjunctis tempus denominatur ;

natur, amœnum & inamœnum, jucundum & triste, periculofum & periculi expers, carum & vile, calidum & frigidum, humidum & ficcum, sanum & morbofum, fapiens & rude: Verùm per accidens tempori hæc tribuuntur, refpectu rerum earum quæ cum tempore funt: Sic amœnum vel inamœnum, calidum vel frigidum, humidum vel ficcum appellatur tempus, refpectu qualitatũ aëri in tempore inhærentium: Idem sanum & morbofum appellatur, ratione fanæ vel morbofæ conftitutionis aeris aut aliorum accidentium; Carum & vile, refpectu annonæ, quæ cara aut vilis eft. *Sapientiffimum* tempus appellavit *Thales Milefus*, quod diurnâ rerum experientiâ pariatur fcientia. Eodem fenfu à *Plutarcho* appellatur *confiliorum dator optimus*. Contrâ vero *Pythagoricus* *Paro* indoctiffimum tempus appellavit, eò quod omnia quæ dedit repetat, tandẽmque oblivioni tradat. Judicium hoc approbat *Aristoteles* 4. *Phys.* cap. 13. t. 128.

II. Eodem modo & effecta tempori tribuuntur per accidens, ut generare, corrumpere, omnia proferre: Hæc enim omnia competunt rebus in tempore agentibus & patientibus. Quo fenfu *Pindaro* *αἰὼν* *πᾶσι* tempus appellatur. Cur corruptionis potius quàm generationis caufa tempus dicatur, docet *Aristoteles* 4. *Phys.* cap. 13. t. 117. & 128. Brevis ratio hæc assignatur; Quia tempus in motu confiftit, motus autem eft recessus à propriâ difpofitione quam res habet: magis igitur ad corruptionem accedunt, quæ moventur. Deinde generationes habent plerumque caufas dederminatas; unde tempori non adfcribuntur: corruptiones verò fæpiffime funt à caufis indeterminatis & in fpecie ignotis; idẽoque tempori tribuuntur.

THESIS XVI.

In tempore denique considerandæ partes & partium terminus.

THESIS XVII.

Partes temporis duæ funt, Præteritum & Futurum.

THESIS XVIII.

Præteritum eft pars temporis quæ fuit & ampliùs non eft: Cujus duæ quali differentiæ funt duobus expreffæ adverbiis, *Nuper* & *Olim*.

THESIS XIX.

Nuper eft ea præteriti pars quæ inflans momentum proximè preceffit.

THESIS XX.

Olim eft ea præteriti pars quæ inflans momentum longè antecessit.

THESIS XXI.

Futurum eft temporis pars quæ erit & nondum eft: Cujus duæ quoque differentiæ feu gradus, *Repente* & *Aliquando*.

THESIS XXII.

Repente eft ea futuri pars quæ inflans momentum paulò pòft fecutura eft: *Aliquando*, quæ longè pòft fecutura eft.

THESIS XXIII.

Hactenus partes temporis. Terminus partium eft Momentum feu Inflans, quod tempus non eft, fed futuri folum initium, vel præteriti & futuri vinculum.

ΕΚΔΕΙΣ.

I. Magna quantitatis, motus & temporis affinitas prædicatur in Scholâ Peripateticâ: unde & affectiones habent communes, inter quas haud poftrema divifibilitas interminabilis, quæ ex continuitate fingulis competit, non tamen æquè principaliter. Continuitas enim per fe quantitati tribuitur; motui propter quantitatem, quæ fubjectum eft motus; temporì propter motum; qui fubjectum eft externi temporis. Cum igitur tempus in infinitum fit divifibile, fequitur, id quod in tempore eft indivifibile, momentum nimirum feu inflans, non effe partem temporis: quælibet enim continui pars eft continua & divifibilis. Ut ergo punctum fe habet ad lineam, quo terminari & coherere dicitur, ita & momentum ad tempus: At punctum non eft pars lineæ, nec momentum igitur pars temporis eft.

II. Patet hinc, id quod in tempore præfens eft, tempus vulgò non rectè appellari, & præfens tempus nullum dari, cum præfens in tempore non fit nifi momentum, quod tempus non eft. Refpexit huc *Seneca*, lib. 6. *Quæft. naturalium*: *Fluit tempus & avidiffimos fui defert, nec quod præterit, meum eft, nec quod futurum eft: In puncto fugientis temporis pendeo, & magnum eft modicum fuiſſe*. Sunt qui fubtiliori ratione demonſtrent tempus præfens non dari; Quod enim præfens eft exiſtit. At tempus non exiſtit: Ergò. Affumptio probatur, 1. Si exiſteret, non eſſet ens ſucceſſivum ſed permanens. 2. Si tempus exiſteret, utique in tempore eſſet: ſi in tempore eſſet, proceſſus in infinitum daretur; Illud enim tempus in alio tempore eſſet, & ſic conſequenter. Appellatur verò tempus præfens improprie, fluxus temporis à præſenti momento proximus. Sic cum dicimus præſenti horâ, præſenti die vel anno, fluxum intelligimus dici elapſum & inſequentem.

III. Eſt

III. Est tamen quoddam etiam temporis genus, quod discretum appellant, & intelligentis seu Angelis tribuunt: Est id collectio multorum instantum seu momentorum, quorum unum succedit alteri absque continuatione, seu tempore continuo interveniente. Hoc tempus Thomas statuit respondere operationibus Angelicis immanentibus, quæ non continuæ sed discretæ sibi succedant. Manifesta ergo sunt hujus temporis à nostro discrimina: Nostrium continuum est, hoc discretum: Nostrium non componitur ex instantibus, hoc ex iis componitur: Denique in nostro non possunt instantia duo aut plura immediate sibi succedere, & se invicem sequi: in discreto fieri hoc potest. Sed non est Physicæ considerationis tempus hoc: Cui plura de eo libet cognoscere, Pererium videat lib. 12. cap. 17. & Særetium in Metaphysicis.

THESIS XXIV.

Momentum quod futuri solum initium est, unicum tantum fuit, id nimirum, à quo tempus primum in creatione cœpit. Vocari solet momentum extraordinarium.

ΕΠΙΛΟΓΗ.

Cum tempus semel tantum cæperit, unum quoque duntaxat momentum fuit quo cœpit. Id verò Aristoteles ignoravit, qui tempus æternum esse falsò credidit. Cum igitur Aristoteles definivit momentum temporis præteriti finem & futuri initium, de momento quidem ex suo judicio in genere loquitur; sed definitio à nobis ad speciem tantum momenti, quod à primo fuit, applicanda est.

THESIS XXV.

Momentum quod præteriti & futuri vinculum est, varium omnino & multiplex est, respectu variarum partium in quas continuam durationem distinguimus: Sic dies diei nectitur per momentum, annus anno, hora horæ, &c.

DIGRESSIO DE ANNIS CLIMACTERICIS

Adjungamus hic, coronidis vice, paucula quædam de annis qui Climacterici vulgò nuncupantur. Definiuntur anni Climacterici, certæ quadam annorum periodi & gradus, quibus magnam plerumque mutationem subeunt homines. Nam vel calamitosis, ut inquit Lemnius, impeti solent, vel gravissimis morbis di vexari & periculis obijci, vel denique aliquod perpeti detrimentum ad jacturam vel facultatum vel valetudinis.

Duo verò annorum climactericorum sunt genera: Primi generis colliguntur à septenario numero per alios & seipsum multiplicato: vocanturque hi anni hebdomatici, & sunt sequentes; vii, xiv, xxi, xxviii, xxxv, xlii, xlix, lvi, lxxiii, lxxx, lxxxvii, lxxxiv, xci, xcvi, cv. Annis hisce hebdomaticis perire in signes viri, feminae & juvenes. Anno xxi, Ladislaus Junior, Rex Hungariæ, qui Turcas fugiens in paludè mortuus inventus est; Ludovicus Gratus, utriusque linguæ, astrorum & totius Mathematicæ scientissimus; Fridericus, Dux Luneburgensis. Anno xxviii, Cajus Caligula, triginta vulneribus confectus; Cleopatra; Persus; Flaccus; Lucanus, Poeta; Hieronymus Ursinus; Joannes Medicus, Pater Magni Cosmi Ducis Heiruria; Heraclius Constantinus, Adolphus Comes Nassoviensis, Frater Principis Aurania, ante Groningam. Anno xxxv, Uldaricus ab Hutten; Fridericus, Dux Saxonie, Georgii filius; Albertus, Marchio Brandeburgensis. Anno xlii, Lucius Verus; Titus Vespasianus; Joannes Boccacius, Florentinus Poeta, Altiologus & Philosophus; Joannes Albertus, Rex Polonia; Rudolphus Agricola; Erasmus Reinboldus, Mathematicus; Henricus II. Galliarum Rex, Francisci Filius. Anno xlix, Lucius Crassus, Orator; Alexander Rex Judææ; Tamerlanes; Ladislaus; Conradus Celles, primus Poeta Germaniæ; Theodosius Imperator Constantinopolitanus, & ejus filius Honorius; Joannes Schneidewinus, Jureconsultus Servestæ; Maximilianus, Imperator. Anno lvi, Horatius Romulus, aut à suis interfectus, aut igni cœlesti consumtus; Scipio Africanus; Julius Caesar, viginti & tribus vulneribus confectus; Plinius secundus; Dantes, Poeta Florentinus; Ludovicus XII. Franciæ Rex; Matthias, Rex Ungariæ; Fridericus I. & Christianus III. Reges Daniae. Anno lxxiii, qui omnium periculosissimus censetur, ut qui è septenario & novenario multiplicatis exsurgit, innumeri penè fati concesserunt: Ex illis pauci hi; Orpheus, Anaxagoras, Aristoteles, Demosthenes, Numa Pompilius, Darius, Cicero, Salustius, Cornelius Gallus, Claudius, Maria Virgo, Trajanus, Adrianus, Mauritius, Mahometes, Munsterus, Æneas Sylvius, Philippus Cominaeus. Annus hic ab Ægyptiis Androcles nuncupatur, quod omnem vitæ substantiam frangat & debilitet. Hinc Augustus Cæsar, Gellio teste, sibi gratulatus dicitur, & ad filium suum scripsisse hæc verba, Latere mecum, fili, transgressus enim sum omnibus senibus periculosum annum sexagesimum tertium. Anno lxx. Thales Milesius, Pittacus Mitylenæus, Cleobulus, Cyrus Rex, David, Ennius, Hannibal, Cajus Marius, Herodes Ascalonita, Flavius Vespasianus, Antonius Cæsar, Origines, Thomas Aquinas,

nas, *Constantinus IX.* Imperator Occidentalis, *Reuchlinus, Fridericus, Marchio de Anspach, Erasmus Roterdamus, Copernicus Astronomus, Franciscus Petrarcha.* Anno lxxvii, *Seleucus Rex, Petrus Bombus, Augustinus, Tiberius Imperator, Albertus Dux primus Borussiae.* Sed longum nimis foret omnes eos persequi qui annis hisce hebdomaticis vitam finierunt. Dignissimi observatu sunt verus quidam elegantes, quibus mutationes insigniores quæ à septimo anno per climacteres seu gradus ad septuagessimum usque eveniunt, comprehenduntur.

- vii. *Infans septenos postquam compleverit annos, Producti dentes murus & oris erunt.*
- xiv. *Post si septem alios Deus hinc concesserit annos, Fit pubes, nato semine nomen habens.*
- xxi. *Et juvenis, cum septem alios concesserit annos, Et lanugo genas primaque barba regit.*
- xxviii. *His addas septem, virtutis nomine clarus, Est vir; & hac ætas optima robur habet.*
- xxxv. *Adjicias alios septem, volet esse maritus, Et memor arcanae posteritatis erit.*
- xlii. *His alios jungas septem, prudentia postus Ornabit, studium nec levitatis erit.*
- xlix. *Annuumeres septem, gravitas erit incluta lingua;*
- lvi. *Septem alios, lingua congruit ingenium.*
- lxxiii. *Additur his nonus cum septenarius, ipse est Perfectus, vires sed nimis inereunt.*
Scilicet his annis multi periere duobus;
Quorum laus celebris Marte togæque fuit.
Hæ quoque nunc variis fortuna casibus anni
Subjiciunt multos exitiumque ferunt:
- lxxx. *Accedunt alii septem, mors dura vocabit*
Ad tumulum fessos decrepitosque senes.

Calius Rhodiginus Lectionum antiq. lib. 22. cap. 12. idem ferè de annis hebdomaticis pronunciat, breviter sed eleganter; *Septimo mense infantes dentire compertum est, anno septimo mutare; pubescere annorum hebdomade secundâ; in virilitatem tertiâ exire; quæ ipsa & incremento in longitudinem coronidâ impingit; sicuti quarta etiam in larum: in quintâ roboris summa fit auctio; quod servet sexta; septima decrevit quamvis per momenta. Proinde ab hac annorum serie à militiâ scriptis esse licet. Hactenus anni Climacterici hebdomatici.*

Secundi generis colliguntur è novenatio per alios & semetipsum multiplicato. Vocantur hi anni *Enneannoi*, suntque sequentes; ix, xviii, xxvii, xxxvi, xlv, liv, lxxiii, lxxxii, lxxxix, xcix, cviii, cxvii. Fuere & hi anni plurimis fatales. Anno xxxvi, obiit *Theodoricus Lascaris, Imp. Constantinopolitanus; Otto Imperator*

sibimet manus intulit; *Premislaus Dux magnæ Poloniae; Achab, Rex Judæa.* Anno xlv, *Domitianus*, a cubiculariis confossus; *Constantinus, Constantini Magni filius* apoplexiâ mortuus; *Zwinglius; Hieronymus Savonarola* combustus; *Victorinus Strigelius*, & alii innumeri. Anno liv, *Herodes Agrippa*, à vermibus devoratus; Imperator *Vitellius*; *Sanctus Franciscus; Paulus II.* Pontifex; *Maximus Imperator.* Anno lxxiii, de hoc supra. Anno lxxii, *Mithridates* se veneno interemit; *Attalus Rex Bythinia; Galba Cæsar; Carolus Magnus; Urbanus VI.* Pontifex; *Albertus, Marchio Brandeburgensis.* Anno lxxxii, *Plato; S. Marinus, Episcopus; Ludovicus senior Barbatus, Dux Burgundia; Franciscus Philolophus, Poeta & Philosophus; Paulus III.* Pontifex; *Sigismundus I.* Anno xc, *Pythagoras; Diogenes Cynicus; Protagoras; Orestes; Tarquinius Superbus; Hieron, Rex Sicilia.* Anno xci, *Joannes Apostolus; Isocrates* auditâ *Chæronensi* elade quadridui inedia extinctus. Hucusque igitur anni Climacterici hebdomatici & enneannoi. Cur autem per hosce annorum circuitus & volumina morbi plerumque ingravescant, obscurior est ratio. Quidam aiunt hoc ideo evenire quod certis annorum periodis corpus humanum magnam humorum collectionem & redundantiam congesterit, quorum motu atque agitatione morbi excitantur. Cum enim natura ad immodicam repletionem devenit, & conceptacula humorum plenitudinem ferre nequeant, in morbum erumpere necesse est. Fitque hoc plerumque circa septennarii & novennarii gradus seu climacteres. De annis hebdomaticis & præcipuis hanc affert rationem *Astrologicam Marsilius Ficinus*; Quod singulis septenniis ordo planetarum ad Saturnum revertatur, ita ut Saturnus septimo quoque anno gubernet mortales, & eorum corpora. Alii Saturnum quidem præcipuam esse causam non inficiantur, sed aliam ob rationem, quod nimirum plerumque sit peregrinus & interfectior mortalium, & singulis ferè septem annis ad quadrantem loci, aut si minus, ad contrarium naturæ signi unde egressus est, perveniat: Utque Luna proxima nobis & motu celerrima ferè septimo quoque die in contrarium signum ejus naturæ unde est regressa, progreditur, & inde criticos producit dies, qui in morbis vel ad sanitatem vel ad mortem vehementem adducunt mutationem; ita quoque Saturnus motu tardissimus tot ferè annos quot Luna dies in uno signo commoratur, periculososque hosce climactericos operatur annos. Quæ de ratione quid judicemus, suo loco pluribus indicabimus.

τῶς ὁπὸς ὁξῆα.

P I N I S.

CONTEMPLATIONUM
P H Y S I C A R U M
S E C T I O II.

Quæ

COSMOLOGIA,

Methodicis Præceptis comprehensa, plenaque
Tractatione controversiarum de mundi causis, subjecto
loco, & adjunctis affectionibus, finitate, unitate,
figurâ, perfectione, pulcritudine, corruptibilitate, duratione &
futurâ renovatione, tandemque accuratâ quæstionis de mille annorum
Regno discussione illustrata:

A U T O R E.

MARCO FRIDERICO WENDELINO
Archipalatino, Gymnasii Anhaltini Rectore.



Ex officina Rogeri Danielis Almæ Academiæ Cantabrigiensis
Typographi M. D. C. XL. VIII.

homin
 num. o
 vens
 lubb
 78 3
 Crear
 rum in
 yd
 Auct
 nostr
 habue
 ter ex
 Argu
 tionis.
 nader



Illustrissimo ac celsissimo Principi ac Domino,
Dn. CHRISTIANO
 Seniori,
 Principi Anhaltino,
 Comiti Ascaniæ,
 Domino Berneburgi & Servestæ,
Domino meo Clementissimo.

Salutem & pacem à Deo.



Celestia sententia est, Princeps celsissime, cap. 3. v. 11.

וַיִּתֵּן בְּלִבָּם

Cujus simplicissima interpretatio, *Eriam seculum dedit (Deus) in cor eorum* (hominum.) Varias hinc mitto interpretum & commentariorum glossas, quas prolixè in hunc locum *Pineda* persequitur. Arridet mihi, hanc parte, vulgatæ versionis simplicitas, quâ sensus quoque concinnè panditur, *Mundum* disputationi hominum *tradidit*. Verè igitur Mundum appellaveris *Campum*, quem ignavæ quietis nesciæ hominum menti Deus objecit, ut extra corporis sui angustias quasi rapta contemplationum & disputationum cursum per augustam totius Mundi machinam expediret: verè *Oceanum*, quem passis cogitationum velis & disquisitionum remis impunè pervolaret: verè *theatrum*, in quo jucundis contemplationum lusibus mentem oblectarent homines, quod & *Hermes* in Monade repetit, *θεῶν ἐξέρετο τῶν ἐργῶν* τῆς ἀνθρωπίνης. Hæc prima & sanctissima est *inquisitio*, quam ad nominis sui gloriam in mundum Creator introduxit: cui ut tantò majore nisu operarentur mortales, desiderium sciendi mentibus ipsarum in sevit, quo tanquam acri stimulo ad Mundi contemplationem excitarentur: quod illa *Ecclesiasta* indignant, *וַיִּתֵּן בְּלִבָּם dedit in cor eorum*: Ut verissimè dixeris, Mundi, hoc est, universæ naturæ studium esse naturale, quippe quodd naturâ nobis insitum: idemque Divinum, quodd à Deo naturæ nostræ inditum. Itaque mirum non est, quodd omnibus seculis contemplatores sui Mundus complures habuerit, quoddque *Hermes* ille *Trismegistus* filios suos ad Mundi contemplationem toties & tam graviter exhortetur.

Atque hæc unica sufficere nobis causa poterat nostræ de Mundo institutæ contemplationis & disputationis. Libet tamen in hanc præfatione aliquantò longius excurrere, nostrique facti rationes plures reddere.

EPISTOLA DEDICATORIA.

De Mundo disserere res homine digna, jucunda, & fructuosa.

Πρῶτον, inquit *Hermes*, De pietate & philosophiâ, ὁ θεός, δὲ δεύτερον ὁ κόσμος, τρίτον δὲ ἄνθρωπος. ὁ κόσμος δὲ τὸν ἄνθρωπον, ὁ δὲ ἄνθρωπος δὲ τὸν θεόν, hoc est, Primum Deus est, secundum Mundus, tertium Homo: Mundus propter hominem est, homo vero propter Deum. Vidit antiquissimum illud gentilis philosophiæ oraculum, ad hominem Mundi eandem ferè rationem esse, quæ hominis ad Deum. Ut enim propter Deum homo, sic propter hominem, Dei imaginem & alterum veluti Deum Mundumque, Mundus. Digna igitur homine Mundi contemplatio, si ullius post Deum rei contemplatio homine digna, hoc ipso nomine, quod propter hominem Mundus, quo majus nihil, mirabilius & pulchrius nihil. Nempe hominis hoc domicilium est à benignissimo Creatore ipsi assignatum, quod natum excipit, exceptum fovet, educit, & ad Creatorem, à quo abiit, reducit. Quanta verò hæc domus! quàm ampla! quàm augusta! quàm instructa! Filio quis vitio non verterit, & ἀχαριστία crimen interpretetur, si quam à patre dono acceperit domum adversus omnes tempestatum & temporum injurias munitam, numerolis conclavibus distinctam, magnifico cultu exornatam, omnique supellectile & comiteatu instructam, vix adpectu dignetur, nedum ut curiosiore oculo structuram, conclavia, cultum ac supellectilem lustret, & admirabundus tam benigni patris munificentiam prædiceret? Et tu quisquis es, ὁ homo, qui Dei filius appellari amas, qui domicilium tibi Mundum à Patre Deo destinatum intelligis, ingrati animi crimen te effugitum credis, nō domum hanc tuam tam amplam, tam augustam, tam instructam irretorto oculo spectaveris, & paternissima cœli, aeris, aquæ & terræ conclavia lustraveris? nō figuram, structuram, perfectionem & pulchritudinem undique accuratè æstimaveris?

Hermetem Trismegistum tibi sententiæ, ὁ κόσμος δὲ τὸν ἄνθρωπον, autorem laudavi, & ex eâ ad Mundi contemplationem te vocavi. Non desunt (ut aliorum omitam suffragia) ponderosæ rationes, quibus *Hermetica* sententiæ veritatem tibi approbem, adeoque dignam homine contemplationem Mundi esse concludam.

Principem hominis scopum esse ut Creatoris sui gloriam agnoscat & prædicet, nemo, opinor, homo inficiabitur: Huic enim fini sensus, ratio & loquela, Divinæ gloriæ exploratores, æstimatores & præcones soli concessi sunt homini. Hinc si Mundum propter hominem esse arguam, rectè me argueret sapientium filii judicabunt. Quid enim aliud, quæso, tota hæc mundana machina, nisi scala per quam ad Creatoris sui agnitionem & prædicationem ascendit homo? Hæc scala illa *Jacobæa*, vel certè non abîmilis illi, per quam angelicæ naturæ, hoc est, animæ nostræ, è cœlo, Dei habitaculo descendunt, & in idem ascendunt. Mundi partes singulæ quid aliud nisi gradus sunt quibus nixa imbecillitas nostra ad Creatorem enititur? Monstravit hoc olim *Bonaventura*, Itinerario mentis in Deum scripto, quem imitatus nuper *Cardinalis Bellarminus*, qui per scalas rerum creatarum mentem ad Deum ascendere, labore non infelici, docuit libello brevi; qui tamen plus veritatis & veræ religionis spirat quàm omnes ejus disputationum tomi. Jam si confeci Mundum hunc hominis esse scalam per quam ad Creatorem ascendat, propter hominem esse Mundum, hominemque propter Deum, planè confectum arbitror. Assequi hoc olim non potuit obtusa *Epicuri* mens, quippe tota à lucidâ Mundi scenâ ad obscurum conversa cœnum: cui sciscitanti, *Qua utilitas Deo in homine, ut eum propter se faceret*, Egregiè respondit *Lactantius*, lib. 7. De divino præm. cap. 5. scilicet ut esset qui opera ejus intelligeret, qui providentiam disponendi, rationem faciendi, virtutem consilmandi & sensu admirari & voce proloqui posset: quorum omnium summa hoc est, ut Deum colat: is enim colit, qui hæc intelligit: is artificem rerum omnium, is verum patrem suum debitâ veneratione prosequitur, qui virtutem majestatis ejus de suorum operum inventione, inceptione, perfectione metitur.

Sed & aliâ viâ tibi monstrabo propter hominem esse Mundum. Cogita diem quo in hoc Mundi theatrum introductus à Creatore homo, nonne sextus ille & ultimus fuit, cum jam omnibus suis numeris perfectum esset augustissimum hoc theatrum, cum immensa celorum moles expansa, supercœlestis regio angelicis mentibus decorata, ætherei globi æternis ignibus vegetati, aer volatilibus, aqua natatilibus, terra vegetabilibus & omnigenâ animalium turbâ esset completa? Eccei domum tam augustam, supellectile tam copiosâ instructam arbitramur? Crediderim sanè angelicas quoque mentes, antè Divini consilii patefactionem, suspensas aliquandiu hæsitasse, operisque ultimi, quod desiderari adhuc facilè intelligebant, molitionem admirabundas expectâsse, donec Divinam vocem exaudissent, *Faciamus hominem ad imaginem nostram, secundum similitudinem nostram, qui dominetur in pisces maris, & in volucres cœli, & in pecudes, & in universam terram, atque in omnia reptilia*

ΕΠΙΣΤΟΛΑ ΔΕΔΙΚΑΤΟΡΙΑ.

reptilia repantia super terram. Quid aliud vox hæc nisi universi jam columinati dominum & possessorem designat? cui astra lucerent & tempora describerent; hoc enim in ipsâ creatione iusta sunt facere: cui aer, cui terra & aqua cum incolis suis omnibus inservirent. Quem igitur universi possessorem & regem jam designaverat sanctæ Triadis consilium, illico creat, coronat, in regnum introducit, & subditis ad obsequium fidemque præstandam sistit: *Dominamini*, inquit, *in pisces maris, & in volucres cali, & in omnes bestias repantes super terram.* Ecce dedi vobis omnes herbas seminantes semen, quæ sunt in superficie totius terræ, omnesque arbores, in quibus est fructus arborcus, seminantes semen, vestra ad comedendum erunt. Vides igitur sexto demum & ultimo die è divinis archetypis prodiiisse hominem, ut domum omni supellectile & commætu instructissimam inveniret, sibi que uni regiam hanc à Creatore destinatam intelligeret: In medicullio verò Mundi collocatum, ut commodius inde circumspiceret quicquid Mundus haberet. *Philo Judæus*, in libro De Mundi opificio, pulcherrimis verbis eandem rationem eloquitur, ultimùmque hominem ad convivium & spectaculum in hunc Mundum à Creatore introductum eleganter philosophatur. Digna relata sunt ejus verba; *Καθὰ τὴν οἱ ἐστίαρχος ὁ ἀρχόντων ὅτι δίδωμι καὶ τὰ πρὸς εὐωχίαν πάντα ἐν τρεπίταις· καὶ οἱ τὰς γυμνὰς καὶ σκευὰς ἀγῶνας πᾶντες, πρὶν συναγαγεῖν τὰς θεατὰς εἰς τὰς θεατὰς καὶ τὰς σάββα, εὐτρεπίζουσιν ἀγωνιστῶν καὶ θεαμάτων καὶ ἀκροαμάτων πλήθος· πρὶν αὖτὸν τρεπίταις καὶ ὁ τῶν ὅλων ἡγεμὼν, διὰ τὴν ἀθλοθεσίαν καὶ ἐστίαρχον, ἀνδρωποῦν καὶ μὲλλον ἐπὶ τὴν εὐωχίαν καὶ θεωρίαν, τὰ εἰς ἐκτελεσθῆναι πρὸς τρεπίταις, ἵνα εἰς τὸν κόσμον εἰσέλθων εὐδύς, εὐρη καὶ συμπόσιον καὶ θεατὸν ἱερῶτατον τὸ μὲν, ἀπάντων πλήρες, ὅσα γὰρ καὶ ποταμοὶ καὶ θάλασσα καὶ αἶψα φέρον εἰς χερσὶν τε καὶ ἀπολαύσιν· τὸ δὲ, παντίων θεαμάτων, ἀκαταπληκτικότητος μὲν ἔχει τὰς ἐσθίας, κατὰ πληκτικότητος δὲ τὰς ποιότητας, θαυμασιωτάτης τὰς κινήσεις καὶ χορείας, ἐν ταῖς ἐσθίαις ἡρώσιμους καὶ ἀειδῶν ἀγαυοτάτης καὶ φιλοδωλον σπουδαίας.* Esse igitur propter hominem Mundum, in quem ad εὐωχίαν καὶ θεωρίαν ab æterno Convivatore & Arthlorhetâ, veluti colophon Divinorum operum, vocatus & invitatus est, qui amplius ambigat futurum opinor neminem. Probè verò attendenda hominis ista ad εὐωχίαν καὶ θεωρίαν vocatio; siquidem ea universi est ratio, ut & corporis & animæ desideria explere modis omnibus possit. Corpus εὐωχίας desiderat quam volucres aeris, maris pisces & terræ gressilia plantæque laurissimam instruunt, astris tamen & cunctis naturæ elementis faventibus: Anima θεωρίας, cui cælum, sidera, terra & aqua cum innumerâ suâ sobole undique pateat.

Atque hic ad contemplationem homine dignam relabimur, quam & convivii & spectaculi mundani mentio nobis mirè commendat. Quis ingrati hostis notâ signandum non pūter convivam, qui lautissimè sibi instructas mensas adeò fastidiat ut vel oculis usurpare convivatoris humanitatem & liberalitatem recuset? In theatrum spectator qui vocatus & admissus fuerit, nī oculis utatur & mentem spectando pascat, quis dignum vel oculis vel oculorum deliciis arbitretur? Quin igitur, Mundicula, nī in æternum tuum Convivatorem audire ingratus velis, ad epulas mortalibus paratas oculos converte, ut videas saltem, si frui omnibus nequeas. At quantas, Deum immortalem, & quales epulas!

Xerxes Darii Hystaspis filius, quem *Assuerum* literæ sacræ appellant *Assyriæ* rex, cujus ab *Indiâ* usque ad *Æthiopiam* cxxvii. provinciarum numerabantur, anno regni sui lxxi *Susis* convivium clxxx dierum subditis suis apparavit primariis, principibus copiarum *Persiæ & Mediæ*, cunctisque regulis & provinciarum præfectis ostentaturus divitias, gloriam ac decorem regni & magnitudinis suæ. Regii palatii aula alba, viridia & hyacinthina appendebantur funiculis byssinis & purpureis, ad annulos argenteos & columnas marmoreas: lecti visebantur aurei & argentei; pavimentum è porphyrite & marmore; vasa omnia aurea. Dapes ipsas historia quidem non memorat; sed & numero & pretio regali respondisse apparatui, quis dubitet, cum in proverbium jam pridem abierint *Medicæ & Persiæ mensæ*? Hoccine verò convivium cum eo quod impresentiarum miramur & rimamur, contendendum putes? *Xerxes* illic convivor, *Assyriæ* rex: *Æternus* hæc orbis Conditor & Rector *Deus*. Convivæ illic cxxvii provinciarum rectores, copiarumque *Persicarum & Medicarum* ductores: hæc quis provinciarum, quis convivarum ineat numerum? Omnes orbis habitati provinciarum, quarum nè mille sima quidem pars quæ *Xerxes* regem adorant, hæc epulantur. Convivium *Xerxis* dierum clxxx; nostrum hoc annorum jam vero lxx. Urbs una *Xerxis* convivas capiebat: orbis capacitatem hoc nostrum requirit. *Aula Persici* palatii mera præ nostris crepundia: Unicum quidem nobis in nostro palatio, sed quod immenso intervallo plura ista post se relinquit:

EPISTOLA DEDICATORIA.

Cœlum intelligo, quod aulæi instar expansum & orbi circumductum, innumeris micantium fidetum gemmis interstinctum: in cuius admiratione & contemplatione tot sæculis jam occupata cum Mathesi Physiologia. Nullis hic opus columnis, nullis funiculis, nullis annulis: ut tellus.

Stat pede firma suo, nullo fundamine nixa, sic orbis hæc cortina non nisi Altissimi sulca manu à seculorum exordio stetit, & æternum stabit. Pavimento suo porphyrite & marmore strato non est quod *Assyria* rex superbiat: quod nostri palatii pavimentum, terram calcamus, non porphyrite tantum & marmore Conditor stravit, sed & matricem esse metallorum lapidumque pretiosorum omnium voluit. De dapibus quid dicam? Nec numero nec precio cum nostris comparandæ *Persicæ*. Fac collectas illas ex cxxvi provinciis: per universum nostræ orbem diffusæ sunt, numero pretioque tanto ut humanam æstimationem longissimè superent. De *Isaacio Angelo* Imperatore Græco *Nicetas* scribit, fuisse convivium ejus *collem panum, salum ferarum, mare piscium, & vini oceanum*: Longè verius de nostro convivio idem dixeris: sed & majus quiddam: colles enim panum, saltus ferarum & maria piscium æternus Convivator in Paradiso homini apposuit, & tibi, Mundicola, etiamnum apponit, oculis ut usurpes, ore ut fruaris, & tam benigni Convivatoris liberalitatem venereris. Ita ad *ἑωχίαν* & *ἡσέλειαν* te invitat: & oculos mentemque ipsi commodare in theatro tam magnifico abnues?

Nero gratiam & novitatis illicium, cum diei unius spectaculum præberet, quaesiturus, theatrum auro illevis & obtexit, vela, quæ supernè contra solem obumbrabant, purpurea tota aureis stellis interstinxit, naturam æmulatus, ut attentiores haberet spectatores & admiratores. Artis in nostro theatro operam non desideramus, cum naturam ubique loquentem, ubique auribus & oculis nostris se ingerentem habeamus. Cœlum intueamur: hoc velum theatri nostri purpureum, non aureis sed æthereis aurisque longè rutilantioribus stellis interstinctum; non ad unius diei, sed ad plurimorum sæculorum spectaculum. Et tanta quidem etiam minima stellarum nostrarum capacitas, ut vel decies centena millia theatrorum *Neronianorum*, stellas taceo, oculere intra se possit. Diem illum unicum, quo spectaculum *Tiridati Armenia* regi præbuit *Nero*, aureum vulgi assentatio, vel ipsius *Neronis* ambitio appellavit. Si theatri magnificentiam spectes, non tantum diem unum, sed annos ferè vi cto aureos verè numerabimus. Quantam enim quæso auri vim ex omniparente suo sinu quotannis universum hoc profert, & mortalium usibus offert? Unicam tantum *India* partem ad testimonium hic cito, cuius rex *Attabalipa* à *Carolo V.* armis olim subactus, pro libertate sua, lxx miliones aureorum *Carolinorum* intra lxx dies numerandos obtulit. Eidem *Carolo* pro legis cujusdam abrogatione xxi auri miliones *Indi* promiserunt. *Swio* si credimus, lxx auri miliones ex *Indiis* in *Hispaniam* jam olim sunt delati. Supra fidem crevisse ab isto tempore numerum quis neget, cum hominum avaritia & sacra auri fames nullis ampliùs limitibus se circumscribi patiantur. Ad Orientem si transeas, & intra *Chinense* regnum pedem figas, non deerunt aurei anni: si quidem adeo auri ferax est regnum ut ex immensis thesauris, quos paratos habere rex dicitur, totum inaurari posse facillè crediderim.

Ostendi hucusque hominis domicilium esse Mundum, ad quod ad *ἑωχίαν* & *ἡσέλειαν* sit invitatus, adeoque dignissimum in quo hominis contemplatio tota consumatur. Sed heus tu, Mundicola, non ad solius hominis sed Dei quoque templum domumque oculos & mentem intendis. Quod enim amplissimum hoc Mundi theatrum intueris, Dei domus, templum & civitas est. Sapientum hoc judicium: *Ciceronis*, De leg. lib. i. *Mundus civitas Deorum & hominum*. *Seneca*, *ingens Dei templum*. *Philonis*, lib. De isomn. *Ὁ αἰδητὸς ἐπὶ κόσμος ὃν δὲν ἀεὶ ἀλλο ἐστίν, ἢ οὐκ ἐστίν*: & paulò post. *Δύο, ὡς εἶπεν, ἱερεὶ θεῷ, ἐν μὲν ὃδε ὁ κόσμος, ἔτερον ἢ λογικὴ ψυχὴ*. De plantat. *Noc*; *Κόσμος ἐν πρεπὶς καὶ ἐν πρὸς αἰδητὸς οὐκ ἐστίν*: De Monarch. *Τὸ ἀνωτάτω καὶ πρὸς ἀλήθειαν ἰσθὺν θεῷ νομίζουσιν θεῷ συμπαντα καὶ κόσμον εἶναι*. De mundi incorrupt. *Θεῶν πλείονος ὁ κόσμος καὶ τοῦ θεῷ αἰδητὸς*. Et Christianorum olim, qui cum ab ethnicis calumniatoribus incesserentur, quod Deo suo consecratum templum non haberent Dei templum esse responderunt universum hoc quod cernitur. Age igitur, Mundicola, postulati mei æquitatem mecum expende. Ecquos hominum curiositas labores, quæ pericula non exantlat in regum palatiis, idolorum templis, & priscorum domiciliorum rudetibus lustrandis, & literarum ope posteritati commendandis? Quæ ergo, malum! infelix hoc mortalium incuria, ad augustissimum ipsius Dei templum oculos non convertere, huic cogitationum & calami labores non consecrare! præsertim cum ex omnibus universi angulis adpectus ejus pateat, neminemque vel locorum longinquitas, vel iuineris difficultas, vel corporis imbecillitas, vel fortunarum iniquitas à tantæ voluptatis usurâ excludat. Taceo quodd nec impune

EPISTOLA DEDICATORIA.

ad summi Moderatoris & Dei majestatem inde ascendit. Aliud enim illud cui suam Mundus originem debet, immutabile, infinitum, æternum, sibi sufficiens, senii nescium, nulli obnoxium, unum & planè simplicissimum oportet esse; quando ex conditionum harum defectu à se esse Mundus nequit. Istis verò prerogativis insignie principium equod esse aliud possit nisi Deus? Deus igitur est, quia Mundus est: & intelligit Deum esse, qui Mundum esse intelligit.

Mundum porro intueri, & immensum esse Deum intelliges. Nil habet natura, quod præsentissimâ Dei manu non sustentetur; nil movet natura, quod à Deo non agitur; nil vivit in natura, quod ex Deo vitam non hauriat: In uno omnia sunt, vivunt & moventur; quia in omnibus ab uno omnia dependent. Unus igitur ille ubique, & quia ubique, immensus, Agnovit hoc vel inter pecora Virgilianus opiflo, ideoque verissimè cecinit.

-----Jovis omnia plena.

quod disertius à Platónico vate expressum, qui ex magistro suo Mundique contemplatione didicerat,

-----Deum ire per omnes

*Terrasque tractusque maris, cælumque profundum:
Hinc pecudes, armenta, viros, genus omne ferarum,
Quicunque sibi tenuos nascentem arcessere vitas.*

Mundum intueri, & omnipotentem esse Deum intelliges. Ex nihilo enim primordia ejus condita, ratio quoque assequitur, ut suo loco monstravimus: quod infinitæ potentix opus esse, eadem dicitur ratio. Quis profundissimam cœli molem expanderet? quis stupendos astrorum globos sublimaret? quis furibundo mari limites figeret? quis immensum terræ pondus in libero aere suspenderet? quis tot metallorum, plantarum & animantium speciebus, aerem, maria & terras repleret? quis digito suo omnem tantorum operum compagem sustineret; nisi immensæ virtutis Ens esset? Quod ex operum Divinorum contemplatione olim dedicere gentiles philosophi, Hermes, Xenophanes, Parmenides, Melissus, Anaxagoras, Pythagoras, Philolaus, Hippasus, Anaximander, Plato, Aristoteles.

¶ Mundum intueri, & sapientem esse Deum intelliges. Quid ni enim sapiens sit, & ipsa sapientia, qui numero, pondere & mensurâ tam sapienter omnia condidit & disposuit? A magno Mundo, in quo diffusissima Dei sapientia, ad parvum, hoc est, hominem digredior, in quo in compendium quasi contracta, nostræ tamen admirationis angustia longè major est. Nec animam, sed viliorum hominis partem, corpus saltem attingo, in quo Divinæ sapientiæ tot sunt vestigia, quot particule. Cum Hermete mihi liceat admittari sapientiam Conditoris in humani corporis fabricâ, & ad hanc prædicandam te, Mundicola, invitare. Tu opificis accuratè artificium expende: discere quàm sapiens artifex pulchram hanc & divinam imaginem condiderit, quàm sapienter oculos circumscripterit, nares & aures perforarit, os aperuerit, nervos extenderit & colligavit, venas in canales efformavit, ossa induravit, cute carnem circumdederit, digitos & articulos discreverit, pedibus basin dilatarit, poros cavavit, splenem extenderit, in pyramidem cor formavit, hepar expanderit, pulmones inflavit, ventrem distenderit, honorabilia oculis subjecerit, turpia absconderit. En tibi quovates in aquâ materiâ! Quot sapientiæ Divinæ præcones in uno corpusculo! Qui causas omnium horum rimantur, quod Mundi contemplatores faciunt, cum Galeho intelligunt, maximum hunc ab homine cultum exigi, non ut hecatombas taurorum Deo sacrificet, aut cassiæ cumulos adoleat, sed ut omnibus notum faciat quanta Creatoris sapientia sit.

Mundum intueri, & bonum esse Deum intelliges. Quid ni enim bonus sit, qui tam benè fecit regitque omnia, qui tam liberaliter omnibus se communicat, qui ex immenso bdnitatis thesauro singulis momentis novè quid promittit, qui bonitate suâ cœlum, maria, terras, & præ omnibus hisce hominem coronat? Hinc Philo in lib. De form. Mundum ait esse *ὁ κόσμος πῦρ ἀπὸ τοῦ ὁριζῶντος θεοῦ διακείμενον, ὃν ἀπὸ τοῦ θεοῦ.*

Mundum intueri, & colendum esse Deum intelliges. Ecquid enim colendum eum esse non doceat, quem Deum esse universi conditorem, quem immensum, omnipotentem, sapientissimum & optimum esse docet?

Quæ dixi hæcenus, omnia per Apostoli os eloquitur & firmat ipse Dei Spiritus, ad Rom. i. 19, 20.

ΕΠΙΣΤΟΛΑ ΔΕΔΙΚΑΤΟΡΙΑ.

Id quod de Deo cognosci potest, manifestum est in ipsis: Deus enim eis manifestum fecit: ipsius enim invisibilia, dum ex rebus conditis intelliguntur, ex creatione Mundi perspicuntur, aeterna videlicet ejus tum potentia, tum divinitas. Unde & elegans illa Mundi apud Basilium petita descriptio, *πᾶσι θεοῖς ἡ δὴ φύσις τοῦ κόσμου ἐστὶν ἡ θεοῦ ἐκείνου ἡ ἀποκάλυψις*. Sic igitur monstrasse me arbitror Hermeticum craterem esse Mundum, in quo mentem Deus propinet.

Eodem sensu à Jacobo celi portam Mundum hunc sensibilem appellari auguratur Philo (qui cælum interpretatur Mundum intelligibilem ex ideis constantem Dei decreto; quem atterum λόγος Dei Filium & Mundi Conditorum esse Patrum nonnulli contendunt;) Ut enim civitatem visuri per portam ingrediuntur viatores, sic & idealem eternamque Mundum visibilis hujus Conditorum viatori non damnantur voti, nisi per corpori & visibilis hujusce Mundi portam ingrediantur, *ὡς τὸ εἶναι πάντας ἐξ ἀλλοῦ*, tanquam peregrini imaginationem visibilis hujus sequentes: *ὡς γὰρ ἄλλο ἢ ὅντων ἀσώματων ἐνοῦνται* *διωκέν, ὅτι καὶ τῶν ἀρχῶν λαβόντες ἀπὸ τοῦ σπαινοῦ*, vos enim incorporearum rerum ullam mens nostra assequi potis, nisi à corporibus quasi manu ducta.

Ex eodem hoc Hermetico & operum Divinorum cognitionem uberrimam est haurire. Nil enim crater hic nisi operum Divinorum compages, quam omnium ætatum philosophi attentis oculis contemplari, philosophiam suis ferè numeris absolutam nobis tradiderunt: quæ ex abstrusissimis quibusque mundanæ naturæ mysteriis nata, præfulgido suo jubare obscuratam hominis mentem primævo suo nitore ex parte reddidit, & scientiarum omnigenarum thesauro locupletavit, ut disserere ad miraculum jam possit de simplicium & mistorum naturis, de cœlestium motibus, de quantitatum dimensionibus, de locorum intervallis, de numerorum proportionibus, de futurorum prædictionibus & arcanorum revelationibus. Admiranda taceo opera quæ ad naturæ imitationem molitur, naturæ adiutus arcanis laboriosâ indagine pervestigatis. Res igitur non digna tantum homine & jucunda, sed & fructuosa, de Mundo disserere: quod demonstrandum mihi erat, ut facti mei rationes constarent.

Ad te, celsissime Princeps, sermo jam meus delabitur. Mæx de Mundo contemplationi cur Celsitudinis Tux nomen præscripserim, paucis exponendum mihi judico. Aristoteles olim suam De Mundo libellum Alexandro Macedonia Regi cum inscriberet, facti sui rationem hanc reddidit, in exordio libelli, Te ut ducem omnium longè præstantissimum, decet, maximarum rerum commentarios evolovere, & præsidio philosophiæ munitum nihil quod tenue sit animo versare, Quam hæc à vulgi judicio discrepans sententia! Naturalium rerum commentarios evolovere, & præsidio philosophiæ pectus munire, à Principum bellique Ducum curis alienissimum esse vulgus hominum opinatur: sæcùs illi qui Principum majestatem rectoribus oculis intuentur. Quàm enim malè cum cellis Principum fortunis ageretur, si quod mentem à turpi ignorantia liberat, & ad Divinitatis consortium altius evehit, à Principali fastigio arcendum, & ad umbraticarum Scholarum pulveres relegandum esset? Nec illos audio qui negotiorum Principalium molem ad vulgi errorem defendendum accersunt. Quis enim Alexandro Magno bellicis negotiis, quæ omnium maxima & turbulentissima, occupatior? Et tamen ad commentariorum philosophicorum lectiones adhortari ipsum non dubitavit Aristoteles, nec recusavit Alexander, quem inter armorum fragores & lituorum stridores Peripateticæ philosophiæ, & Homerici poematis, quod & ipsum philosophiâ plenum, lectioni operatum testantur historiæ. Eidem igitur inscriptum & transmissum De Mundo librum gratum accidisse, extra omne mihi dubium. Hoc cum Aristotelis tum Alexandri Magni exemplo, Princeps celsissime, ad hanc mei de Mundo libri inscriptionem me animatum & excitatum ingenue fateor. Ex me quidem, quid Principem deceat, non est quod audiat Celsitudo T. quæ ab annis jam xl, domi forisque, belli pacisque tempore, Principalium virtutum ideam Europæ nostræ vivò suo exemplo ita repræsentavit, ut quid Principem deceat, ex Celsitud. T. discere rectius vel ipsi Principum formatores quàm dicere eidem possint. Inprimis verò secretioris & solidioris philosophiæ studium, etiam inter arma, Celsitud. T. ita est frequentatum, rerumque arduarum commentarii evoluti, ut non habeat vel ipse Alexander quo parte hæc tux felicitati præferre suam possit. Ut igitur suum De Mundo librum Alexandro Aristoteles inscripsit, quod majestatem ejus decere crederet maximarum rerum commentarios evolovere, & philosophiæ præsidio se munire, sic meum & ipsum de Mundo Celsitud. T. humillimè inscribo & offero, quam naturalium rerum commentariis evoluendis, augustoque animo melioris philosophiæ præsidii muniendo firmandoque, à multis jam annis incumbere scio, & verè scio *ἀντιθεῖς καὶ ἀντιπρὸς*. Hæc me cogitatio ia

EPISTOLA DEDICATORIA.

eam quoque spem erexit, ut crederem non minus gratam Celsitud. T. futuram hanc meam *κοσμολογία*, quam *Aristotelica Alexandro* olim fuit; præsertim cum longè certioribus fundamentis nitatur, pluribusque referta sit mysteriis, quam *Aristotelica* gratiosæ revelationis destituta lumine, quod ad abstrusa quævis viam nobis præit.

Accipe igitur, celsissime Princeps, clementer quem humillimè offero libellum, de maximis rebus exiguum, gratiofo tamen Celsitud. T. oculo fortean non indignum, qui multorum, quæ olim lecta, Celsitud. T. memoriam renovabit, autorisque humillimum erga Celsitud. T. affectum loquetur. Hisce Altissimo Celsitudinem T. commendo, votisque supplicibus eundem veneror, ut tranquilla vegetæ senectæ tempora tardo pede Celsitud. T. labantur, ad Divini nominis gloriam, Scholarumque *Anhaltinarum* emolumentum & incrementum. Amen. Dabam *Serveste*, Calend. Novembr. Anno *C15 15 CXXV*.

Celsitudinis T.

Humillimus

MARCUS FRIDERICUS
WENDELINUS G. A. R.

CON-

CONTEMPLATIONUM
PHYSICARUM.

SECTIO II.

DE MUNDO.


Quæ partem Physiologiæ alteram auspicatur.

CAPUT I.

De Definitione Mundi.

Corpora naturalia considerantur collectivè, vel distributivè: *Thesis* 1. Collectivè considerata appellantur Mundus: *Th. II. Variæ mundi significata*: *ἐκθ.* 1. Nominis origo: 2. An Mundus rectè appellatur τὸ δλον, πᾶν: *ibid.* Definitio Mundi: *Th. III. Variæ Mundi definitiones*: *ἐκθ.* 1. Resolutio definitionis nostræ: 2. Impugnatur definitio à Timplero: 3. Vindicatur: 4. Quæ locum in Physiologiâ sortiatur *Cosmologia*.

THESES I.

 **ACTENUS** de principiis & affectionibus corporis naturalis, seu de corpore naturali in genere. Sequitur theoria specialis, de corporibus naturalibus : Quæ collectivè vel distributivè considerantur.

THESIS II.

Collectivè considerata voce unicâ
Mundus appellantur.

Ἐκθεσις.

I. De vocis significatione & ratione pauca
sunt præmittenda. *Τὸν πολλὰ ῥῶς λεγόμενον vox*
Mundi est: Tria ejus apud Theologos & Philoso-
phos illustrata & frequentia sunt significata. Pri-
mò collectionem denotat omnium à Deo creatu-
rum rerum, tam incorporearum quam corporea-
rum: Quæ significatio in Scripturis haud infre-
quens est: Sic *Joan. i. 10.* Mundus dicitur per
λόγος, h. e. Dei Filium, factus: per quem v. 3. om-
nia dicuntur facta quæ facta sunt. Significatio
hæc repetitur *Joh. xvii. 5* *Ep. i. 4.* Hoc significato
Mundum quoque *Plato* accipit, quando Deos etiam
inferiores inter Mundi partes numerat. Deinde cœli
& terræ machinam significat: Quò significato poni-
tur *Añor. xvii. 24.* ubi Deus dicitur condidisse Mun-
dum & omnia quæ in eo sunt. Nempe Mundus pro
ædificiò hic sumitur duabus constante partibus: *Cælo*
quod recti & parietum vicem præstat; *Terrâ*, quæ
fundamenti instar est, non quò cœlum sed reliqua
creationis opera sublunaria sustententur & continen-
tur. Deniq; omnium corporum naturalium compa-

gem indigat; quomodo ab *Aristotele* 2. De Mundo, & 1. De Cœlo, tex. 98. accipitur & definitur: nec non à *Cleomede* in lib. De orbium cœlestium contemplatione. *Philo* in lib. *περὶ ἀφαιρέσεως κόσμου* sub initium, tria Mundi significata explicat: *Δόξα*, inquit, *κρίθ' ἢ κελὶ ἀεὶ τῶν σήματα ἐξ' ἑαυτοῦ* ἢ *ἄστρον*, *κτ' ἀεὶ τῶν γῆς*, *κτ' ἢ πᾶσι τοῖς ζώων* ἢ *φυτῶν*, *κτ' ἢ τῶν ἰσχυρῶν ἢ ὁμόνων ἑαυτοῦ*, *κτ' ἢ τῶν τελευτῶν*, *ὡς δὲ καὶ τοῖς ἀστροκόποις, ἀπὸ καὶ τῶν ἐξ ἑαυτοῦ σῶμα*, *ἢ πᾶσι τοῖς ἡλιακοῦ σωματιῶν*, *ἢ ἀστροκομῶν*, *ἢ πᾶσι τοῖς κελύφεσιν* *ἢ τῶν ζῶον ἀνθρώπων*. Inter hæc tria significata primum sibi *Philo* deligit, quod idem cum tertio nostro. Cœli enim nomine aerem, terram, aquam quoque, quæ in unam cum terrâ massam conglobata putatur, indigat: Hoc significatum & nobis impræsentiarum arridet. Ad specialem enim singulorum corporum naturalium theoriam prius quam accedat *Physicus*, collectivè eadem considerat, quatenus coordinata & coagmentata representat corpus quoddâ membrorum varietate, pulcritudine & dispositione absolutissimū & elegantissimū; quod è principis & affectionibus suis æstimationum peculiare scientiæ *Physicæ* particulâ constituit.

II. De nominis origine & ratione ita scribit *Plutarchus*, lib. 2. *περὶ τῶ ἀρεσκόντων τοῖς φιλοσοφοῖς*, cap. 1. *πυθαγόρας περὶ τοῦ κόσμου ὁνομαστὴν ἔχον ἀπο- κολύει*, κόσμον, ὃν τὸ ἐν αὐτῷ τάξις, Hoc est, *Prin-*
cipis Pythagoras complexum universi affectu Mundi
nomine, propter ordinem qui in eo est. *Quem κόσ-*
μον, inquit, *Plin.* 1. 2. cap. 4. *Græci nomine orna-*
menti appellaverunt, sic nos à perfectâ absolutâ
elegantia Mundum, *Eum & Aristoteles κόσμον* appel-
lari ait ὃν τὸ ἀρεσκόν τάξις. *Quam in sententiam*
Festus ait, *Mundo nomen impositum esse ab eo*
Mundo qui supra nos est, h. e. à cœlesti, in quo omnia
sunt

II. Jam ad definitionis nostræ resolutionem & vindicationem. Genere ea constat & differentiâ: Genus est *systema*, hoc est, compages ordinata, quâ mundi natura exprimitur: Nec enim mundus per se est unum corpus per unitatem formæ substantialis, tanquam actûs, & materiæ, tanquam corporis incompleti ac potentiæ, constitutum; sed collectio plurimorum & completorum corporum ordine certo ad finem unum dispositorum, ut Respublica, & similia entia collectiva seu aggregativa, in quibus unitas totius non à partium materialium continuitate, quæ requiritur in eo quod est unum per se, sed ordinatâ contiguitate & finis unitate pendet.

Differentia definitionis è causis petitur quatuor: materiâ, quæ sunt corpora naturalia; efficiente, quæ Deus, sine, qui deus & homo; forma, quæ corporum naturalium *εὐταξία*: de quibus omnibus deinceps in specie.

III. Definitionem nostram & quasvis ferè alias è duabus *Aristotelicis*, quæ cap. 2. De Mundo habentur contextas (qualis illa *Zanchii*, *Rerum omnium tam in cælo quàm in terrâ existentium pulcherrimè inter se ordinarum & optimè distributarum compages à Deo & propter Deum facta & conservata*. Et illa *Piccolomini*, *Ordinata series cunctorum naturâ constantium à Deo & propter Deum servata*) nostram, inquam, definitionem & similes alias viti arguit *Timperus*, quod ad materiam seu partes Mundi referant omnes res tam in cælo quàm in terrâ existentes, & sic locata confundant cum loco: *Phys.* generalis cap. 2. q. 2. Censuræ hujus rigidæ *Timperus* nullam aliam adfert rationem nisi unicam hanc, quam quæst. 6. repetit; Qui locum cum locato confundunt, peccant: At plerique Philosophi in definitione Mundi locum cum locato confundunt. Ergo peccant. Assumptionem probat; Quia Mundus propriè aliud nihil est nisi systemateu machina ex opificio cæli & terræ. Cum igitur reliqua corpora naturalia in cælo & terrâ tanquam loco contineantur, malè utique ad naturam Mundi referuntur. Hic *Timperi* discursus est, quo plerorumque Philosophorum & Theologorum definitiones castigat.

IV. Hujus nos castigationis impatientes sequentia pro defensione nostri & aliorum objicimus.

I. Pro concessio sumit *Timperus*, Mundi nomine à *Physicis* nihil debere intelligi nisi machinam cæli & elementorum, quæ instar magni sit ædificii, corporibus naturalibus tanquam variâ supellectile repleti. Hoc verò *Physicorum* nullus concesserit *Timperio*. Itaque mirum nobis accidit, quod

ad sententiæ suæ nullis fundamentis nixæ normam omnes Philosophorum & Theologorum definitiones exigere ausus fuerit. *Materia*, inquit, *Mundi proxima non possunt esse omnia corpora naturalia tam cælestia quàm terrestria, vel sublunaria, quatenus mundus sumitur propriè pro systemate & opificio cæli & terræ: quia semper distinguendum inter locatum & loca, ædificium & quæ sunt in ædificio*. At vero, inquam ego, quod probatum nobis dabis,

Mundum propriè apud *Physicos* non sumi nisi pro opificio cæli, & terræ, tanquam loco reliquarum creaturarum? nonne contrarium docent præcepta & definitiones ipsorum? Cum igitur palàm sit à *Physicis* Mundi nomine omnia comprehendi corpora naturalia, siue continentia siue contenta, quid attinet definitiones ipsorum rejicere, hoc solo nomine quod omnium corporum naturalium mentionem, faciunt? Pluribus hoc demonstrabitur in disputatione de materiâ mundi.

At, inquis, ad *Mundi materiam* non debebant retulisse omnia corpora naturalia. Id verò, inquam ego, probandum erat. *Locatum*, inquis. cum loco confundi non debet. Fateor; Anne verò Mundus non est nisi locus, cujus locata reliqua, præter cælum & terram, corpora: Contradicunt tibi *Physici*, qui partes ac materiam mundi non corpora tantum contenta sed quævis corpora-naturalia constituunt. Contradicunt *Theologi*, qui Mundi nomine totam rerum creaturarum universitatem complectuntur.

At *Paulus*, inquis, à mundo distinguit ea quæ sunt in mundo, *Act. xvii. 24*. Quid tum, inquam? Variâ Mundi in Scripturâ significata sunt: nec Mundum perpetuò Scriptura distinguit ab iis quæ sunt in Mundo, ita ut illum tanquam locum, ista tanquam locata consideret. Videatur *Zanchius lib. 1. De operib. creationis, cap. 3. quæst. 5. thes. 1.* Imò Mundum alibi appellat quæ hic in Mundo esse dicit: *vt 2. Petri iii. 6*. Quidni igitur Philosophis sine crimine universam rerum creaturarum compagem Mundum appellare liceat? cum nec Scriptura nec *Theologi* contradicant; cum & Scripturæ & *Theologis* frequens illa sit acceptio; cum propria sit, & sola Mundi majestatem & perfectionem exprimat. Hoc primum nostræ defensionis fundamentum est.

2. Si mista animata & inanimata ideo ad Mundi materiam non pertinent, quia ab aquâ & terrâ, tanquam locata à locis, continentur, sequitur nec aquam nec terram ad Mundi materiam pertinere, quia aqua à terrâ tanquam loco continetur, terra unâ cum aquâ à cælo tanquam loco universali omnium corporum naturalium: Atqui consequens, ex sententiâ *Timperi*, est falsum: Falsum igitur & antecedens: Falsa igitur *Timperi* ratio. Aut si vera

hæc

hæc est, solum cœlum erit *Mundus*, quia omnia alia corpora naturalia cœli sunt locata, cœlum nullius. Aut si locati ratio à partibus & materiâ Mundi corpora non excludit, damnatæ Philosophorum & Theologorum definitiones absolvantur, & dignitati ac integritati suæ restituantur.

3. Si ad Mundum, non nisi cœlum & elementa duo, aqua & terra, pertinerent, quo, quæso, jure universitas appellari posset? Quæ enim illa entium universitas, quæ tribus duntaxat corporibus constaret? Quo jure admiranda ejus *ἐνταξία* prædicaretur? Nec enim trium corporum dispositio & collocatio tam videretur ardua & laboriosa, ei præferri cui arduum & laboriosum nihil est. Quo jure tantam Mundi *διакόσµωσιν* & pulchritudinem admiraremur, cum cœlum præ subtilitate in oculos non incurrat, in tactum ægrè, omnemque suam præstantiam & pulchritudinem stellis debeat, quæ tamen ipsæ non loci sed locatorum rationem habent, terra verò absque plantis & animantibus considerata decoris planè nihil præ se ferat?

4. Cum Scriptura cœli & terræ nominibus Mundum indigitat, synecdochicè loquitur, & singula quoque corpora cœli & terræ ambitu comprehensa intelligit: sic in Symbolo Deum credimus creatorem cœli & terræ; non cœlum solum solamque terram intelligentes, sed & omnia quæ in cœlo & terra continentur. Distinctè ea proferuntur, *Gen. ii. v. 1. Perfecti sunt cœli & terra, omnisque exercitus eorum*

5. Nec scopus Physicorum, qui peculiarem mundo in Physicis locum assignat, sententiam *Timpleri* admittit, quando *πεγαυατείας* de Mundo præmittunt speciali singulorum corporum naturalium theoriæ, eo fine ut omnia collectivè, quatenus juncta simul admirandum systema constituunt, secundum principia & affectiones certas considerent, priusquam singula distributivè; quem certè scopum non attingit, qui à cœlo & elementis reliqua corpora naturalia in generali hæc theoriâ sejungit.

6. Rationes, quæso, nobis reddat *Timplerus* cur cœlum & elementa sola in systemate Physico bis attingantur, nempe in generali & speciali Physiologiâ, reliqua verò corpora naturalia non item. Anne forsân major elementorum quàm stellarum & aliorum corporum. minorum dignitas? At falsum hoc. Aut locationis forsân prærogativa hoc cœlo & elementis privilegium impetravit? Atqui locati plerumque major solet esse dignitas quàm corporis locantis. Taceo quòd intempestiva sit loci certorum corporum naturalium in Physiologiâ generali tractatio: & si mentio omnino præmittenda erat loci naturalis & universalis, cur

mundi partibus non excludit *Timplerus* elementa, cum & ipsa à cœlo tanquam loco generali continentantur, & locatorum rationem habeant? Sic verò eadem operâ è rerum naturâ Mundum poterat ejicere, nec enim cœlum mundus est, sed corporis naturalis species tantum.

7. Mundum sex dierum spatio à Deo esse conditum in omnium Theologorum & Philosophorum Christianorum, paucissimis exceptis, ore est, Scripturâ idipsum adserente: Atqui in solius cœli & elementorum creatione dies sex non esse insuitas patet ex historiâ creationis: Concludimus igitur, Mundi nomine nequaquam cœlum & elementa tantum comprehendendi, sed universitatem rerum à Deo creatarum; In Physicis verò, universitatem corporum naturalium: Nec posse cœlum & elementa sola tam magnificum Mundi & Universitatis nomen sustinere, aliâque encomia quibus ornari in scholis solet: De quibus etiam nos plurâ suo loco.

V. De methodo quoque, non nihil discrepantiæ est inter Physiologos. Qui vestigia *Aristotelis* sollicitius premunt, generali Physiologiâ, quam præcedenti sectione absolvimus. Cosmologiam subjungit, ita ut à Cosmologiâ specialis Physiologia exordium sumat. *Magirum*, *Combachium*, & alios hic laudo. *Timplerus* ad Physiologiam generalem refert Cosmologiam suam, Physicæ general. c. 2. Quia Mundus universitas quædam corporum naturalium est. *Reckermannus* Physiologiâ speciali subjungit Cosmologiam, quam tanquam umbilicum systemati Physico impingit: quia doctrina de subiecto Physicæ distributivo, quod est corpus naturale in genere & specie, judicio ipsius, prior est doctrinâ de subiecto Physicæ collectivo, quod est Mundus.

Methodi Peripateticis probatæ ratio est; Quia Cosmologia aliud nihil est nisi theoria corporum naturalium in specie, non tamen quâ segregata sunt & seorsim existunt, sed quâ congregata & aptissime invicem connexa sunt, adeoque pulcherrimum systema absolvunt. Nec obstat quòd Mundus universitas sit corporum naturalium, siquidem universalitas ista non est natura quædam generica corporis naturalis, sed *τάξις*, tantum seu *συσµα* vel *διакόσµωσις* corporum naturalium: Cujus doctrinam specialis Physica sibi vendicat: solius enim genericæ naturalis corporis naturæ per principia & affectiones genericas explicatæ tractationem generalis Physiologia persequitur. Cur verò à Cosmologiâ specialem Physicam ordiantur, hæc est ratio; Quòd consilium ipsis videatur totius naturæ amplitudinem & majestatem, quæ ex Mundo elucet, discentiis oculis animisque prius subicere quàm singulas & minimas ejus particulas explicando aggrediantur.

Nonne

Nonne & intellectus noster prius admirari stupendam Mundi machinam quàm omnes ejus angulos rimari solet ? Ità & hominis externam figuram apertissimamque totius *τῆς* è membrorum in oculos incurrentium varietate, agilitate, operatione, pulcritudine & proportionem relucens mirari & commendare prius solemus quàm singularum partium naturas intimas scrutemur : Quam in Anatomia quoque suâ methodum observavit doctissimus *Andreas Laurentius*, aliique accurati Anatomici plures,

qui de humani corporis dignitate & structurâ dissecant prius quàm singularum partium historiam ordiantur. Hanc illi in Microcosmo methodum cum observent, quidni & nobis in Macrocosmi anatomia observare eandem liceat ? Hanc *Keckermannus* rationem opponimus : Et sic methodi Peripateticæ, quæ & nobis arridet, rationes redditæ arbitramur.

CAPUT II.

De Efficiente Procreante Mundi.

Argumenta Mundi naturam explicantia : *Thesis I.* Efficiens Mundi procreans, conservans vel impellens : *Th. II.* Procreans causa : *Th. III.* Partitio thes. : *enb.* 1. Probatur Deum esse causam Mundi procreantem : 2. An ex Aristotelis quoque sententiâ Deus sit Mundi efficiens : Rationes pro parte negante : 3. Defenditur affirmativa : 4. Respondetur ad rationes contrarias : 5. Damnat furor Manichæorum, Marcionitarum, Democriti, Leucippi, Epicuri : 6. An contingenter & liberè Mundus à Deo sit productus : Rationes pro parte negante : 7. Defenditur affirmativa : 8. Memorabilia quadam de modo actionum Divinarum : 9. Solvuntur rationes Peripateticorum : 10. Ostenditur Mundum immediate à Deo esse conditum : 11. An productio alicujus ex nihilo arguat virtutem infinitam, disputatur contra Durandum : *ibid.* An creandi virtus possit creaturæ communicari : 12. Formæ non sunt ab Angelis creatæ : 13. Conditus Mundus solo Dei nutu : 14. Occurritur objectioni : 15.

THESIS I.

Hactenus Mundi definitio : Reliqua tractatio causarum, subjecti & adjunctorum explicatione absolvetur.

THESIS II.

Inter causas prima nobis efficiens, quæ vel procreans, vel impellens, vel conservans.

THESIS III.

Procreans Mundi causa Deus est, qui Mundum condidit liberè, immediate, solo voluntatis omnipotentis nutu & jussu.

Ἐνδεσ.

I. Duo thes. hujus membra sunt ; unum de efficiente procreante Mundi, alterum de modo productionis, utrumque arduum & explicatione dignissimum.

II. Ποιητὴς καὶ πατήρ, inquit Plato in *Timæo*, τὸ δὲ τὸν πάντων εὐεργετὴν τὰ ἄρρα, καὶ εὐεργετὰ εἰς πάντα, ἀδύνατον λέγειν. Hoc est, Cicerone interprete, Parentem hujus universitatis invenire difficile est ; & cum jam inveneris, indicare in vulgus nefas.

Sanè de neutro Platoni assentior. Nam & facile esse puto parentem universitatis invenire, & æquissimum in vulgus indicare. Utrumque bono cum Deo præstabitur. Mundum primam suam originem Deo debere inter Christianos (si *Cardanus* exceperis, qui, *Bodino* autore, c. 8. Methodi historicæ, negavit Deum mundi causam efficientem esse) certissimum est. Videatur 1. *Gen. caput*, cum quo conferatur, *Joan. i. Psal. xxxiii. Verbo Jehovah facti sunt cæli, & Spiritu oris ejus omnis exercitus eorum. Jerem. x. per mundi creationem majestatem suam Deus contra idola asserit ; Dii, inquit, qui non fecerunt cælum & terram, exterminentur à terrâ. Ad datur Jesh. xlv. & Jobi xii. Elegans est testimonium, Jesh. xlv. 18. Sic dixit Jehovah creator cælorum, & ipse Deus firmator terræ & factor ejus, ipse, inquam, qui præparavit eam. Coloss. i. 16. Per eum, Dei Filium, condita sunt omnia, quæ in cælis sunt & in terrâ, visibilia & invisibilia. Hanc Scripturæ veritatem revelatam evidenter quoque comprobatur ratio.*

Omne ens est independens vel dependens : Mundus igitur, cum ens sit, ad alterutram referendus erit speciem. Independens non est, quia multis modis compositus est : At omne compositum pendet cum à principiis internis componentibus tum à causa externâ constituyente : Principia interna componentia, ex gr. materia & forma, actus & potetia, à se ipsis esse nequeunt, quia nec materia sine formâ, aut forma sine

mate.

materia, nec actus incompletus sine potentia, nec potentia sine actu usquam aut unquam est, vel per naturam esse potest: Quod verò per naturam non potest esse nisi cum alio compositum, & ab alterius nexu dependens, quæ, quæso, esse à seipso possit? Deinde materia ad formæ receptionem seipsam præparat, aut ab alio præparatur: Seipsam nequit præparare, quia principium est passionum actioni generantis aut agentis superioris obnoxium: Ab alio igitur præparatur necessario. A seipsa ergo multò minus existere potest, quia longè facilius est seipsam in esse jam constitutum mutare, & ad aliud recipiendum præparare, quàm sibi ipsi esse conferre. Similiter & forma non est à seipsa, sed à generante in materiam introducit, ut quæ terminus est generationis. Sic ergo constat materiam & formam compositi à seipsis non esse posse. Erunt ergo ab alio: quod & ipsum vel compositum erit vel componens, materia videlicet aut forma, vel nec compositum nec intrinsecè componens. Si compositum vel componens, materiam videlicet aut formam actum incompletum aut potentiam esse dicas, recurret eadem difficultas quam primò attigimus, & sic processus in infinitum dandus erit, à quo sani abhorrent Philosophi; ante omnem enim multitudinem unitas ponatur oportet, omnisque multitudo ab unitate dependet, quæ Platonis sunt principia: vel certè ad ejusmodi principium deveniendum erit quod nec compositum sit nec intrinsecè componens, cujusmodi præter Deum nullum est: Nam & abstractæ substantiæ, quas *Angelos* vocant, ex actu & potentia, esse & essentia, subjecto & accidentibus componuntur. Sic ergo ex entium compositione eorundem demonstratur dependentia à superiore, Deo videlicet independente.

Demonstratur secundo eadem ex resolutione. Quicquid enim compositum, id & resolvable est per id à quo compositum est: quicquid verò corruptibile est, dependens est: Concludimus ergo mundum esse ens dependens ab independente, i.e. Deo. Solus enim Deus, ut est simplicissimus & maxime unus, sic unus etiam independens est, & prima multitudinis unitas, Hactenus nostra ratio.

Valesii, in Sacra Philosophia, de primâ mundi origine discursus hic est: Quod non est factum, *DEUS* est: omnia igitur extra *DEUM* sunt facta, & vel à se ipsis, vel ab alio. A se ipsis non potuerunt, quia quod facit est actu, quod fit non est actu; non magis ergo potest aliquid facere seipsum quàm esse simul & non esse: Superest factum ab alio: illud est factum, aut non factum: si factum rursus fuerit factum ab alio, & illud ab alio. Pervenietur igitur ad aliquod non factum, aut in infinitum

ibitur. A progressu in infinitum abhorret natura, & infert is infinitas rerum generationes antecedentes, quæ multa secum trahunt absurda. In æterno igitur aliquo & non facto subsistendum, quod primum simplex & unum, cujusmodi solus est *DEUS*. Prolixa & nervosa hujusdem hypotheseos demonstratio videatur apud *Paritium*, l. 2. 3. 6. 7. & 8. cujus quæstio, An ab uno fuerunt & sint omnia. Videatur & *Thomas* 2. Contra Gentes, cap. 15.

Rationis hujus & similium evidentia adæsti plerique Philosophi & Poetæ veteres originem mundi ad Deum retulerunt, quorum catalogus videatur apud *Morneum*, cap. 9. De veritate religionis Christianæ. Celebris est sententia *Orpheï* Poetæ antiquissimi,

Ἕν ἐστιν αὐτὸ θεὸν, ἐξ οὗ πάντα τὰ πνεύματα.
Unus est qui à se est, & ab uno omnia facta sunt.

Cui illud *Sophoclis* simile,

Ἐστὶς τῶς ἀλλοθι ἄνθρωπος, αἷς δὲ τοῦ θεοῦ,
Ὅς ἔσθ' ὁ θεὸς τὸν κόσμον, καὶ γὰρ αὖτ' ἄνθρωπος.

Trismegistus antiquissimus Philosophus in Poemandro, in sermone sacro, in cantione arcanâ, eodem penè modo describit Mundi creationem quo *Moyse*. Vide parallela *Moyse* & *Trismegisti* apud *Morneum*, De veritate Relig. Christ. cap. 9. Docuit idem *Pythagoras*, teste *Plutarcho*, in *Placitis Philosophorum*. *Thales* è septem sapientibus unus mundum ait esse pulcherrimum, quia Dei opus; testibus *Plutarcho* & *Laertio*. Eadem *Platonis* est sententia, ut clarissime docet *Timæus*. *Aristoteles*, in libro De mundo, Deum omnium genitorem & conservatorem facit. In *Metaph.* eos laudat, qui Deum seu Mentem causam seu datorem dixerint non animalium modò sed naturæ ipsius & Mundi & universi ordinis. Probat idem è pluribus *Aristotelis* locis *Hannibal Rossetus* l. 1. Comment. in *Poemander*. *Trismegisti*, cap. 48. *Plutarchi* in *Σοφοκλῆα* discursus hic est: Si Deus omnia non fecit, à quibusdam rebus cogitur, & omnium Dominus non est: Deum autem omnium Dominum arbitrari oportet, ergo & singulorum creatorem.

III. Sed in *Aristotelis* sententiam aliquantò accuratius inquirendum, cum dubitari videam an ex *Aristotelis* sententia Deus sit causa mundi efficiens. Et quidem, *Simplicio*, autore, 1. De cælo, cont. 91. *Alexander Aphrodisiensis* *Aristotelis* sententiam contendit esse, Mundum secundum esse suum dependere à Deo tantum in genere causæ finalis, non autem in genere causæ efficientis; hoc est Deum mundi quidem esse finem, sed non autorem seu efficientem procreantem: in quâ etiam sententia ipse est *Alexander*. Absurdam hanc sententiam videntur sequentia argumenta stabilire.

1. Si mundus à Deo esset factus, utiq; foret multiplicabilis: At consequens est contra *Aristotelem*, & falsum est, ut patet 1. De coelo, text. 79. 92. & 12. Metaph. text. 49. Ergo & Antecedens. Ratio connexi est; Quia nec ex parte Dei nec ex parte Mundi est repugnantia. Non ex parte Dei; Quia multiplicatio Mundi nec repugnat Divinæ potentia, quæ infinita statuitur; nec necessitati actionis Divinæ: Quia non repugnat necessitati agendi secundum naturam, vel congruentiam: non illi; Quia aliàs Deus nullum produxisset mundum; quod à nobis negatur: non isti; Quia melius est multiplicari optima quàm ea quæ sunt minùs bona, sed mundus est optimus, alia autem quæ multiplicari videmus, minùs sunt bona, ut metalla, animalia, plantæ, &c. Nec verò ex parte Mundi est repugnantia; Quia quantò aliquid est nobilius, tantò virtuosior est ejus species; cum autem mundus sit nobilior qualibet alià re naturali, & verò species aliarum rerum naturalium plura possint individua perficere, utique multò magis mundi species plura individua poterit perficere.

2. Qui dicunt mundum à Deo factum esse, vel concedunt Deo omnia esse possibilia, vel negant: Si posterior dicant, fateantur oportet impossibile esse effectivè mundum à Deo pendere, quia Deus non habebit virtutem vigore infinitam, quæ necessaria ad mundi productionem. Sin prius dixerint, quæritur cur entia generabilia & corruptibilia non fecerit Deus incorruptibilia: cum absque omni invidiâ statuatur esse. Affirmat ibidem *Alexander* cœlum habere incorruptibilitatem à se, non accipere à Deo.

3. Si Deus esset mundi causa efficiens, tempore prior esset mundo: At consequens falsum secundum *Aristotelem*: Ergo & antecedens. Connexi ratio est; Quia causa prior est effecto, 12. Metaphys. text. 17. Assumptio probatur; Quia ex sententiâ *Aristotelis* mundus est æternus: Atqui æterno nihil est prius.

4. Quod ingenitum est, id causam efficientem Deum non habet, seu increatum est: Atqui Mundus, ex *Aristotelis* sententiâ, ingenitus est: Ergo. Propositio probatur; Quia ingenitum & increatum esse sunt termini convertibiles. Assumptio probatur 1. Phys. t. 8. 2. & 3. Metaphys. 13. & 12. Metaph. t. 10.

5. Si mundum Deus fecit, aut liberè & contingenter egit, aut ex necessitate naturæ: Atqui nec liberè seu contingenter, nec ex necessitate naturæ: Ergo non fecit. Assumptio probatur; Si liberè & contingenter fecisset, ratio reddi nulla posset magnitudinis, ordinis & perfectionis rerum: quod contra *Aristotelem* est, 1. De coelo. Connexi ratio est; Quia tum omnia penderent ex liberâ Dei voluntate, qui

multo perfectiores res poruisset creare, si voluisset. Si verò ex necessitate naturæ fecisset, semper novas species faceret: unde species rerum darentur infinitæ; quod est contra *Aristotelem*, 3. Phys.

6. Principia causam non habent: Ergo multa dantur quæ à Deo facta non sunt. Antecedens est *Aristotelis*, 2. Metaph. t. 4. Si dixeris alia principia esse ex primo principio, obstabit *Aristoteles*, 1. Phys. t. 42. Ubi ait principia non esse ex se invicem, nec ex aliis.

7. Immobilia non habent causam efficientem: Sed intelligentiæ sunt immobiles: Ergo causam efficientem non habent; proindeque nec à Deo effectivè dependent: Et per consequens aliquæ saltem mundi partes Deum causam efficientem non habent. Propositio *Aristotelis* est, 3. Metaph. text. 3.

IV. Nos verò suprâ evidentissimis rationibus demonstravimus, Mundum à Deo esse tanquam principio effectivo, quod sacrâ etiam & humanâ saniorum Gentilium attestatione confirmavimus, ipsiusq; *Aristotelis* suffragio comprobavimus: ut causa amplius nulla sit cur in eadem hypothesi demonstrandâ laboremus. Sufficiant loca quæ ex *Aristotele* paulò antè allegavimus: Plura qui desiderat, *Bernhardinum Calellum* consulat in libro De creatione Mundi, pag. 78. & seq. Pluribus idem deinceps ex *Aristotele* firmabimus. Observandus hic, contra *Alexandrum*, *Scaligeri* discursus, Exercit. 3. Si Dei nutu gubernantur omnia, (id quod nemo mentis compos negare potest) necessariò sequitur, eundem omnium fuisse effectorem. Nam si non fecit, igitur ab alio factum acceperit, vel mutuo, vel commodato, vel vi, vel emtione, vel deposito, vel locato, vel legitime à successione, vel in vacuum venerit possessionem; vel jussu tanquam minister, aut servus, aut mercenarius à Domino. Quæ omnia cum meræ nugæ sint, cæque impia (à nullo namque ante dictum fuit unquam, Mundum per se existere, aut existisse olim prius quàm à Deo regeretur) cum sapientibus sapienter sentiendum.

V. Ad rationes pro *Alexandri* sententiâ allatas ita respondemus.

Ad 1^m. Connexum, ex *Aristotelis* sententiâ, falsum est: Responderet igitur *Aristoteles* multiplicabilitatem Mundi impossibilem esse propter repugnantiam ex parte Mundi; quia mundus & universum *Aristotelis* idem est: Si verò plures essent mundi, nullus universum esset, quia extra universum nihil est: Esset autem extra Mundum Mundus, si plures essent. Deinde propter repugnantiam Divinæ actionis, non quidem secundum naturam aut potentiam Dei, sed secundum congruentiam, quia non congruit Deo plures mundos facere. Ad probationem de repugnantia ex parte mundi respondetur, longè aliam esse

esse rationem Mundi, aliam corporum aliorum naturalium: Mundus enim ita perfectus est ut omnem in se contineat perfectionem creatam; unde, ex *Arist.* sententiâ, in plura individua multiplicabilis non est: reliquorum corporum naturalium nullum in se continet omnem perfectionem quæ ad speciem pertinet. Ex propriâ sententiâ si respondendum esset, assumptionis partem posteriorem, quæ multiplicabilitatem mundi possibilem esse negat non obstante *Aristotele* contradictione, negaremus: Quâ de re in quæstione de unitate mundi.

Ad 3^m. Connexum negaret *Aristoteles*: Ad probationem responderetur, dicere in allegato textu *Aristotelem* causam posse tempore priorem esse suo effecto, non verò negare effectû simul cum causâ esse posse: quod fieri posse multis vulgò exemplis doceri solet.

Ad 5^m. Propositio falsa est, unâ cum approbatione: Creatum enim esse potest quod ingenuum est; siquidem omne creatum ingenuum est: creatio enim ex nihilo, generatio ex aliquo est; unde putatur ingenuum seu non genitum esse, quod creatum est *Calelus* observat, ex 1. De cælo ingenuum apud *Aristotelem* quandoque dici creatum, quandoque increatum, quandoque neutrum, libri allegati pag. 100.

Ad 6^m. Assumptionem negamus: Liberè Deus egit in creatione rerum. Probatio inconsequens est: Summa enim magnitudinis, ordinis & perfectionis ratio est voluntas Dei creatoris, à quâ pendet natura rerum creatarum: sapientissimus enim rerum Conditor omnia in numero, mensurâ & pondere fecit, & secundum naturas singula in universo disposuit, necessariam cuique perfectionem tribuit. Nec obstat quod perfectiores Deus res potuerit creare, sufficit nobis scire, noluisse Deum perfectiores creare, & perfectionis mensuram esse Divinam voluntatem, sapientissimam rerum omnium conditricem.

Ad 6^m. Antecedens simpliciter verum non est, nec ab *Aristotele* tanquam simpliciter & catholicè verum asseritur: Quam enim multa sunt principia, quæ causam habent! Omnis causa principium est; & tamen multarum causarum sunt alia plures causæ. A principio simpliciter primo sunt omnia alia principia: nam ex uno omnia. Cum autem dicit *Aristoteles* principia non habere causam, nec esse ex se invicem, de causâ loquitur in eo genere in quo principia dicuntur esse, & respectu eorum quæ sunt in illo genere. Sic ex-gr. principia corporis naturalis prima non habent causam inter corpora naturalia: materia prima non habet principium in genere materiæ; hinc verò minimè sequitur nullum simpliciter eam habere principium; etiam si enim materiale principium non habet, effectivum tamen habet, nec est principium simpliciter primum.

Ad 7^m. Si per immobilia intelligantur entia verâ existentia, incorruptibilia per naturam, ut sunt intelligentiæ, propositionem simpliciter negabimus, non obstante *Aristotelis* contradictione, in quâ cum veritate conciliandâ non est quod anxie laboremus.

VI. Hactenus probatum, dari efficientem Mundi, & illam esse Deum: ut æternis flammis compescenda sit *Marcionitarum* & *Manicheorum* blasphemiam, quæ non Dei sed Diaboli opus Mundum esse affirmat, solo *αὐταξίας*, quæ in Mundo quandoque apparet, argumento. Quasi verò res & ordo rerum à Deo esse non possit, *αὐταξία* verò à creaturarum vitio. Distinguant igitur hæretici blasphemiam substantialem ab accidentali id quod per se, ab eo quod per accidens. Quid? quod quæ *ἐκ τῆς* rationi cæcæ sæpenumero videantur, ratione Divini consilii sint *ἐν τῇ*; ut quod bonis quandoque malè, malis ad tempus bene sit: nec enim bonis malè sine ipsorum bono est, nec perditè malis bene sine ipsorum malo.

Furorem quoque damnamus *Democriti*, *Leucippi* & *Epicuri*, qui è fortuito & temerario atomorum concursu omnia confluisse olim dicebant, prorsus ineptè & *ἀφροσύνης*. Adversus quos pulcherrima est *Ciceronis* disputatio, 2. De naturâ Deorum: Hic ego, inquit, non mirer, esse quenquam qui sibi persuadeat, corpora quædam solida atque individua suâ vi & gravitate ferri, mundumque effici ornatissimum & pulcherrimum ex eorum corporum concursione fortuitâ? Hoc qui existimat fieri potuisse, non intelligo cur non idem putet, si innumerabiles unius & viginti formæ literarum vel aureæ, vel quales libet, aliquid conjiciantur, posse ex his in terram excussis annales *Ennii*, ut deinceps legi possint, effici: quod nescio an nè in uno quidem versu possit tantum valere fortuna. Ipsi autem quemadmodum asserant ex corpusculis non colore, non qualitate aliquâ, quam *περίοχη* Græci vocant, non sensu præditis, sed concurrentibus temerè atque casu mundum esse perfectum, vel innumerabiles potius in omni puncto temporis alios nasci, alios interire? Quod si mundum efficere potest concursus atomorum, cur porticum, cur templum, cur domum, cur urbem non potest, quæ sum minas operosa & multò quidem faciliora? Certè ita temerè de mundo effutunt, ut mihi quidem nunquam hunc admirabilem cæli ornatum, qui locus est proximus, suspexisse videantur.

VII. Satis de efficiente mundi: Ad modum progrediamur, quem verbis istis nostra describit thesis, liberè, immediatè, &c. An contingenter & liberè mundus à Deo fuerit productus, inter Christianos & veteres Peripateticos controversum est. Et hi quidem

quidem ex necessitate naturæ mundum à Deo productum esse affirmant, ex hypothesi, quòd *Deus non ex voluntatis libertate, quâ suspendi actio posset aut ad oppositum inclinari, sed ex necessitate naturæ ageret*, ita quidem ut etsi intellectu & voluntate agat (quod non negarunt) actionem tamen voluntatis nullo modo suspendere poterit, adeoque non potuerit non velle mundi creationem : ut pluribus ostendit *Bernhardinus Calcellus* in libro *De Mundi creatione*, juxta *Aristotelis* sententiam.

Pro dogmatis hujus confirmatione sequentia adduci possunt argumenta.

1. Aut necessariò aut contingenter *Deus* Mundum produxit : At non contingenter : Ergò necessariò. Assumptio probatur ; Quia contingentia notat mutabilitatem, & constantiam imò & actum voluntatis excludit aut prævertit : quod de Deo cogitare prorsus absurdum.

2. *Deus* necessariò scivit & cognovit Mundum : Ergò necessariò quoque voluit producere. Ratio consequentiæ ; Quia scientia & voluntas in Deo sunt unum & idem, essentia nimirum Divina simplicissima : ut igitur scientia est necessaria, sic & volitio : & ut essentia est necessaria, sic & scientia & volitio.

3. *Æternorum causa* est necessaria, 8. *Phys. text. 15. 2. Metaphys. text. 4.* Mundus igitur, cum æternus sit ex sententiâ *Aristotelis*, causam habuit necessariò agentem.

4. *Deus* est movens necessarium, Ergò agit ex necessitate naturæ. Antecedens probatur. 1. Quia cœli motus est naturalis : movet igitur *Deus* ex necessitate naturæ : Atqui naturam impossibile est auferre ab eo cujus est natura : sed quod impossibile est aliter esse, necessarium est. 2. Si *Deus* non moveret necessariò, possibile foret quodlibet inferiorum quiescere : At consequens falsum : Ergò. Connexi ratio est ; Quia primo mobili quiescente nihil movetur. 3. Generatio est necessaria secundum naturam, 1. *De generat. text. 16. 17. & 2. De generat. text. 55.* Ergò secundum naturam necessarius est cœli motus, & per consequens *Deus* ex naturæ necessitate movet. 4. Ait *Aristoteles* 12. *Metaphys. text. 30.* Deum & intelligentias non habere potentiam ut non moveant, nec esse in potentiâ ad movendum, sed tantum actu moventes : Movet igitur ex necessitate naturæ.

5. Omne bonum est per se & necessariò secundum naturam communicabile : Sed *Deus* est ipsa bonitas : Ergò necessariò suam bonitatem impertitur, adeoque ex necessitate naturæ agit.

6. Omnia quæ *Deus* fecit bona sunt : Ergò quæcunque facit non potest non facere. Consequentia

ratio est ; Quia proprium bonitatis est, non solum malum non efficere, sed & effectum boni non prætermittere.

7. Impossibile est agens liberum, ut hominem, &c. nihil efficere ad extra : Ergò *Deus* necessariò aliquid ad extra producit.

8. In omni divisione Entis Necessitas est perfectior differentia quàm Contingentia : Ergò & in divisione entis per causam & causatam necessitas est perfectior differentia quàm contingentia ; & per consequens perfectissima causa, qualis est prima, necessariò agit : Antecedens probatur ; Quia necessitas est perfectio entis in se, & plures secum perfectiones habet quàm contingentia.

VIII. Huic contraria est assertio Christianorum, qui liberrimè à Deo Mundum esse creatum affirmant ; ita quidem ut potuerit *Deus*, si voluisset, nolle Mundum creare, seu non creare : quod & nostra affirmat thesis. Assertionis hujus fundamenta sunt sequentia.

1. In quod voluntas necessariò fertur, est vel finis ultimus vel ad finem necessarium : At Mundus nec est finis Dei ultimus, nec ad finem ejus ultimum necessarius : Ergò ad Mundi creationem voluntas Dei non necessariò fertur, vel lata fuit. Propositio apud Philosophos in confesso est : & causa cur voluntas in solum finem ultimum per se necessariò feratur, est, quod in ultimo fine seu summo bono omnis boni & appetibilis ratio contineatur, omnisque mali ratio excludatur ; unde voluntas id non potest non velle, cum objectum ejus sit bonum ut bonum. Circa alia verò, quæ vel mali rationem habent, vel certè omnem boni rationem non continent, ita liberè versatur voluntas ut ea possit velle & non velle. Assumptio quoque plana est : *Deus* enim in se ipso & beatissimus & felicissimus est citra respectum ad ullam creaturam, nec minùs fuit felix ante Mundum conditum quàm post conditum, nec post conditum felicior quàm ante conditum.

2. In assentiâ Divinâ eminenter continetur omnis boni ratio ; Satiatur ergò voluntas Dei in bonitatis suæ volitione, ita ut alia omnia possit non velle.

3. Homo habet liberum arbitrium, & ad utrumque indifferens est circa ea quæ ultimi finis rationem non habent : Ergò multò magis *Deus*. Ratio consequentiæ est ; Quia omnis creaturarum perfectio in Deo est modo eminentissimo & perfectissimo. Plura videantur apud *Thomam* l. 1. *Contra Gentes*, cap. 81.

Pererius lib. 14. cap. 1. duas alias adjicit rationes, quibus

quibus eandem thesin approbat: Prior est; *Deus potest ex nihilo aliquid creare: Ergo non agit ex necessitate naturæ.* Ratio consequentiæ est; Quia sequeretur quod ex naturæ necessitate à Deo produceretur, & ipsum esse indeterminatum: quod falsum est.

Posterior ratio est; *Si Deus ageret ex necessitate naturæ, ageret quantum posset, & effectum infinitum produceret: At hoc falsum: Ergo & illud.* Connexi ratio est; Quia agentia per naturæ necessitatem agunt quantum possunt. Cum igitur Deus infinitæ sit virtutis, effectum quoque produceret infinitum, virtuti respondentem infinitæ. Hæ tamen rationes ad rem præsentem non videntur facere, & tum demum obtinerent locum si ita Deus putaretur agere ex necessitate naturæ, ut solo naturæ impetu, citra omnem intellectum & voluntatis actum, ageret, veluti ignis calefacit ex necessitate naturæ; quod haud crediderim ab ullo unquam mortalium sanæ mentis seridò affirmatum esse. Itaque ex Durando bene monent Patres Conimbricenses, 8. Phys. cap. 2. quæst. 5. art. 1. *Ex natura necessitate ab Aristotele putabatur Deus agere, quia, etsi per intellectum & voluntatem ageret, non tamen ex defectu & libertate ageret, sed ita ut actionem suspendere nequaquam valeat.* Hoc igitur modo ex necessitate naturæ Deus posset agere, ut nec effectum indeterminatum ex nihilo, nec infinitum produceret, quia necessitò posset velle ex nihilo indeterminatò determinatum, & essentia virtutisque finitæ producere effectum. An ex Aristotelis sententia Deus agat ex naturæ necessitate, accuratè disputat Bernardus Calellus lib. De creatione mundi, pag. 5. & seqq.

IX. Ad Peripateticorum argumenta priusquam respondeamus, quædam præmittimus de modo actionum Divinarum, de quo eruditè disserit Calellus in libro sæpius allegato.

Ante omnia observandum, duplicem esse agendi necessitatem; unam naturæ, alteram congruentiæ. Illa est, per quam agens ita agit ut per naturam non possit non agere: estque vel sine cognitione, in rebus naturalibus inanimatis & animatis, rationis tamen expertibus; vel cum cognitione, qualis in Divinis est generatio Filii & spiratio Spiritus sancti. Ista est, per quam agens non potest non naturæ suæ congruenter agere: ita Deus etiam si libere agit, necessitò tamen bonitati suæ congruenter agit. Huic necessitati duplici opposita est duplex libertas; una quæ necessitati agendi secundum naturam, altera quæ necessitati agendi secundum congruentiam contradistinguitur. Præterea observandum, Deum in agendo dupliciter considerari posse, vel absolute & universaliter in se, quatenus non magis hanc

quam illam respicit actionem, vel comparatè & respectivè ad hanc vel illam actionem. His præmissis sequentes observandæ conclusiones:

Prima; *Deus in agendo, quocunque modo consideretur, est agens necessarium secundum congruentiam.* Ratio est; Quia repugnat Divinæ sapientiæ aliquid incongruè fieri: quicquid verò Divinæ repugnat sapientiæ non potest non à Deo alienum esse: unde sequitur Deum necessariò congruè agere.

Secunda; *Deus, quocunque modo consideretur, non agit ex necessitate naturæ, absque cognitione.* Ratio est; Quia agens est per intellectum & voluntatem.

Tertia; *Deus absolute & universaliter in se consideratus, nec liberum nec necessarium est agens, si de libertate loquamur quæ necessitati naturæ contradi-
stincta est.* Ratio; Quia aliàs omnes Dei actiones essent vel libere vel secundum naturam necessariæ: quod falsissimum esse inter omnes constat.

Quarta; *Deus respectivè consideratus ad hanc vel illam actionem, modò ex libertate, modò ex necessitate naturæ agit: hoc est, partim liberum, partim necessarium est agens.* Ratio est; Quia actiones ad intra, ut Filii generatio & spiratio Spiritus sancti, omnium consensu sunt ex necessitate naturæ: Ad extra verò, seu quæ in creaturis terminantur, sunt libere.

Potrò observandum, ex sententiâ Calelli quicquid Deo tribuit Aristoteles, reduci vel ad bonitatem Dei tanquam causam, vel ad immobilitatem, vel ad intellectum, vel ad voluntatem: quæ tamen quatuor causæ in qualibet ferè actione Dei concurrunt: ubi memorabile observandum axioma; *Si principaliter, originaliter & immediate actio sit à bonitate, immobilitate, vel intellectu, ex necessitate naturæ provenit: Si verò originaliter & immediate sit à voluntate, libera est, etiam si aliæ quoque necessariæ causæ concurrunt.*

Sunt autem, secundum Aristotelem, internæ Dei operationes tantum duæ, intellectio & præfinitio: Per illam intelligit se ipsum, & in se omnia: per hanc ab æterno præfinit hoc vel illud extra se facere. Unde duo consecutariæ: 1. *Intellectio est actio Divina ex necessitate naturæ fluxus;* quia primum & immediatum ejus principium est intellectus. 2. *Præfinitio est actio Divina liberrima;* quia primum & immediatum ejus principium est voluntas. Patet hinc quid de totâ controversiâ, quam modò tractavimus, verè statui possit & debeat. Plura qui desiderat, Calellum consulat. Nos ad rationum à Peripateticis allatarum examen jam progredimur.

X. Resp. ad 1^m. per distinctionem *contingentis* & Etenim contingens vel idem est quod liberum & indifferens ad utrumque oppositum, vel idem quod fortuitum aut calvarium: sic & quod contingenter

tingenter sit, liberè vel fortitè intelligitur fieri. Si igitur contingenter producere priori modo sumatur, propositionem disjunctam negamus: Inter necessarium enim & contingens hoc sensu acceptum datur liberum, quod de utroque extremo aliquid participat; necessitatem, ex agendi modo; contingentiam, ex possibilitate aliter se habendi. Si posteriori modo sumatur, assumptionem negamus: Probatio locum non habet nisi in contingentia & contingenti posterioris modi.

Hic autem porro ex doctrina Thoma observandum, in Divinà voluntate nullam esse potentialitatem, ita ut primò potentia Deus velit vel possit vellet, deinde actu velit: Semper enim Deus actu vult, quicquid vult circa se vel creaturas suas: dicitur tamen liberè velle & indifferenter se habere, quia quod vult, necessarium ordinem non habet ad Divinam bonitatem, quæ est proprium objectum Divinæ voluntatis. Quod aliquantò explicatis à Ferraricensi profertur. Adverte, inquit, quod voluntatem Divinam esse ad utrumlibet respectu aliorum à Deo, nihil aliud est quam ipsam secundum se non magis determinari ad esse eorum quam ad non esse, ut sicut vult illa esse, ita absolute possit velle illa non esse; aut non velle ut sint. Ista autem indifferencia non sequitur ex potentialitate & imperfectione virtutis, ut in causis non habentibus complementum formæ, per quam operentur, contingit; sed sequitur ex independentia finis à rebus quæ ordinantur ad finem: quia enim, si ve illa res sint si ve non sint, Divina tamen bonitas, quam perfectissime vult Divina voluntas, est in seipsa perfecta, ideo voluntas Divina quantum est ex se existens perfectissima, & perfectissime volens Divinam bonitatem, potest velle esse rei creatæ, & velle non esse ipsius, ac non velle illius esse; & sic propter eminentiam suam indifferens est ad multa. Ibidem eruditè docet, aliter dici voluntatem nostram ad utrumlibet aliter Dei Divinam voluntatem. Etenim voluntas nostra, inquit, respectu aliquorum ad utrumlibet se habet, & quia ad illa necessariam habitudinem non habet, & quia est in potentia ad volendum utrumque oppositorum, aliquando neutrum illorum actu volens: Voluntas autem Divina ad utrumlibet se habet ratione primi tantum, quia videlicet ad voluntariam habitudinem non habet; non autem ratione secundæ, quia nunquam caret actu circa unum oppositorum, ut ob hoc possit dici esse in potentia ad utrumlibet oppositorum. Unde voluntas nostra & est potentia ad utrumlibet se habens, & est in potentia ad utrumlibet: Voluntas autem Divina est quidem potentia ad utrumlibet se habens, quia ad rationem huiusmodi potentia sufficit non necessaria habitudo ad utrumque oppositorum; sed non est in potentia ad utrum-

libet respectu causarum, ut hic dicitur, quia ad huiusmodi esse in potentia requiritur ut non sit actu respectu alicuius oppositorum: quod Divina voluntati non convenit, quia semper est in actu ad unum oppositorum determinata. Videatur hæc de re Suarezius, Disp. Metaph. tom. 2. disp. 30. §. 10. n. 25. & seq. usque ad 35. ubi explicat n. 35. necessitatem immutabilitatis nec repugnare libertati Divinæ voluntatis, eò quod usus libertatis in Deo unicus & semel tantum sit in æternitate ipsa, in quâ simul de omnibus extra se deliberat, & in eo quod semel liberè decrevit, perpetuò permanet. Docet idem, voluntatis indifferenciam & determinationem non quidem duratione sed rationis ordine se antecedere & sequi. Præcedenti §. 9. n. 42. hæc habet; Cum dicitur Deus posse velle & non velle, illud posse non dicit potentiam activam vel passivam, sed dicit solum indifferenciam ejusdem actus, ut ad se invicem terminetur vel non terminetur.

Ad 2^m. Consequentiam negamus. Ad probationem respondemus; Scientiam & volitionem Divinam duobus modis considerari, nempe in se & respectu essentia suæ, vel respectu objectorum in quæ tendunt. Priori modo utramque necessariam esse fatemur: Posteriori solam scientiam necessariam esse dicimus; volitionem verò ad creaturas spectantem, liberam. Ratio diversitatis est; Quia cognitio Divina, quæ abstractiva & simpliciter intelligentia est, fertur in res quatenus in cognoscente Deo eminenti quodam modo insunt: est enim essentia Divina rerum omnium creaturarum idea, unde omnia Deus in se & per se novit, sine specie ab objectis scibilibus abstracta. Cum igitur Deus seipsum necessariò cognoscat, non potest non in essentia suâ, quæ est omnia, cognoscere omnia, aliàs seipsum non cognosceret. Volitio verò Dei in creaturas directa respicit res non ut sunt in Deo, sed ut sunt in seipsis, itaq; necessitas volitionis nulla est, quia reciprocos nexum rerum existentium in se cum essentia Divinâ necessarius & immutabilis nullus est: Eset enim Deus perfectissimus & beatissimus in se si maxime nulla creatura esset, qualis fuit ab æterno ante omnes creaturas. Summa hæc est; Deus esse vel dici Deus non posset, nisi sciret quæ fuerunt, quæ sunt, quæ futura sunt, & quæ futura non sunt, si ve fieri possint si ve non fieri: esset enim Deus sine omniscientia, hoc est, non Deus. Contrà verò esset Deus & verè dici posset si maxime ab æterno noluisse quicquam rerum creaturarum existere, si & jam noller.

Ad 3^m. Negatur consequentia: Potest enim causa esse quoad divotæ necessaria, quæ tamen quoad agendi rationem sit libera; ut patet exemplo intelligentiarum & animæ humanæ. Antecedens si de agendi seu causandi ratione intelligatur, simpliciter verum non est.

Ad 4^m. Antecedens falsum est; Si hic ejus sit sensus, *Deum necessario movere*. Non probant id subiectæ ratiunculæ. Respondemus ergo ad 1^m. Negatur consequentia: Est enim à liberrimâ Dei voluntate, quod necessario & naturaliter cœlum moveretur; unde & tanta motus cœlestis necessitas non est quin impediri à creatoris voluntate possit, ut ex historiâ sacrâ patet. Ad 2^m. Assumptionem negamus. Nec verò ratio quâ connexum probatur, simpliciter vera est, ut suo loco videbimus. Ad 3^m. Quod ex consequente infertur, id sequi negamus: Generatio est necessaria, cœli motus est necessarius, utraque tamen necessitas est à liberrimâ Dei voluntate & actione, quâ & generatio & cœli motus impediri potest. Ad 4^m. Patet ad hanc rationem responsio ex iis quæ ad primam rationem diximus. *Calculus* duplicem facit potentiam; unam quæ defectum virtutis sequitur, quæ in intelligentias non cadit, ex *Aristotelis* sententiâ; alteram quæ fluit à voluntate, & perfectionem significat, quæ competit intelligentiis.

Ad 5^m. Conclusio nobis non contradicit: Etenim bonitatem suam necessario Deus est impertitus Filio, quem genuit per essentialis suæ bonitatis communicationem: Concedimus etiam quod inde infertur, Deum ex necessitate naturæ agere; sed adhibita distinctione, de quâ in *en. de. 9.*

Ad 6^m. Consequentiam negamus. Ratio consequentiæ simpliciter vera non est: Primæ quidem bonitatis est non nisi bona efficere, sed non quævis bona possibilia necessario efficere: quod & experientia testatur.

Ad 7^m. Consequentiam negamus, quia alia hominis, alia Dei est ratio: Homo extra se necessario aliquid efficit, propter imperfectionem naturæ, non ex liberâ agendi voluntate: At in Deo imperfectio locum non habet.

Ad 8^m. Antecedens simpliciter verum non est: Duplex enim est contingentia; quarum una ex perfectione, altera ex imperfectione causæ venit: quod de necessitate quoque intelligendum, Est igitur necessitas orta ex perfectione causæ nobilior contingentia quæ ex imperfectione oritur; & vicissim contingentia ex perfectione causæ orta nobilior necessitate quæ ex imperfectione oritur. Quod si verò & necessitas & contingentia originem ex perfectione ducant, utraque æquæ est nobilis.

Concludimus igitur, liberè Mundum à Deo esse conditum: Quod disertè quoque Scriptura testatur *Eph. i. 11.* *ὁποῦν ἐθέλει τὸ καὶ πρὸς θεὸν τὸ τὸ πνεῦμα ἐνεργῶν καὶ τὸ πνεῦμα τοῦ θεοῦ καὶ τὸ πνεῦμα*

IX. Conditus quoq; mundus est *immediate*, hoc est, nullis concurrentibus efficientibus instrumenta-

libus; ut *Menandri* olim nugabantur, qui Angelorum ministerio conditum Mundum asseriebant: quæ etiam *Avicennæ* perhibetur fuisse opinio, olimque *Platonis*, & post eum *Philonis*, aliorumque *Judeorum* & hæreticorum. Sententia hæc, præterquam quod sacræ Scripturæ est contraria, quæ nullius instrumentalis creatoris mentionem uspiam facit, rationibus quoque evidentissimis falsitatis arguitur. Sæpponimus autem, quod postmodum demonstrabimus, maximas Mundi partes ex nihilo esse factas, h. e. creatas. Hæc hypothesi positâ, thesion demonstrandam hanc proponimus, *Nulla creatura vel ut principale vel ut instrumentale agens quicquam potest creare*. Rationes hæc sunt.

1. Creare non est nisi potentia infinita: Ergo non nisi solo Deo competit. Consequentia ratio est; Quia solus Deus est potentia infinita. Antecedens probatur; Quia tantò majoris potentia est agens, quantò potentiam magis ab actu distantem in actu reducere potest: Ubi igitur potentia præexistens prorsus est nulla, ibi exceditur omnis determinatæ distantia proportio. Agentis igitur potentiam quæ nullâ potentia præexistente aliquid producit, omnem excedere proportionem oportet quæ considerari possit ad potentiam agentis è materia seu præexistente potentia aliquid producentis. Si igitur proportio inter agentia hæc nulla est, altera necessario erit infinita: finiti enim ad finitum semper est proportio. Contra rationem hanc, quæ *Thomæ* est, & à *Pererio* laudatur, observandæ aliquot *Durandi* exceptiones, quibus robur ejus enervare nititur, lib. 2. Sent. dist. 1. q. 4. ubi hanc habet assertionem, *Non est necessarium illud quod creat habere virtutem infinitam propter infinitam distantiam non-entis ab ente*. Sic igitur arguitur,

Primò, ex illâ actione quæ non habet subiectum, nec terminum à quo, sed solum effectum productum, qui secundum se non arguit infinitam virtutis productivæ potentiam, infinitas virtutis argui nequit: Atqui creatio est actio quæ non habet subiectum, nec terminum à quo, sed solum effectum productum, qui secundum se non arguit infinitatem virtutis productivæ: Ergo infinitas virtutis exinde non potest argui. Assumptio probatur, 1. Quia nihil, è quo aliquid dicitur creari, nec subiecti nec termini rationem habet; cum pura sit negatio. 2. Quia effectus creationis per se est finitus: Ergo infinitatem productivæ virtutis non potest arguere.

Respondens: Syllogismi principalis assumptionem nego. Utraque ejus probatio inefficax est: Prior, quia ut ratio negationis non obstat quò minus oppositionis realis sit terminus, ut patet ex contradictione

distinctione speciali inter Ens & Non ens, sic nec obstat eadem quò minùs actionis Divinæ, nempe creationis, possit esse terminus à quo. Ut igitur in generatione naturali entis creati & finiti terminus à quo est privatio in subiecto; sic in creatione ab ente increato & infinito profectâ terminus à quo est negatio omnis subiecti. Posterior ideo inefficax est, quia si in effectis finitis immensa Dei potentia ostendi nequit, sequitur infinitatem virtutis Divinæ lumine naturæ nos non posse assequi: At falsum hoc, ut veterum Philosophorum ostendunt monumenta: Ergo & illud. Connexi ratio est; Quia Deum non agnoscimus nisi à posteriori nempe ab effectis, quæ omnia sunt finita. Deinde assertio hæc *Durandi* è diametro contraria est *Panlo*, Rom. i. 20. *Ipsius enim invisibilia dum ex conditis intelliguntur, ex creatione mundi perspicuntur, æterna videlicet ejus tum potentia, tum divinitus.* Constat igitur ex effecto finito infinitam efficientis virtutem posse deprehendi. Hinc sæpe in Scripturâ Deus mundi creationem tanquam evidentissimum omnipotentis suæ argumentum sibi tribuit.

Excipit secundo; Dato quoddam Ens & Nihil sint termini creationis, tamen nullam habent inter se distantiam: differentia enim & diversitas non est nisi inter entia: At Nihil non est Ens; At Ente igitur non differt vel distat.

Respondeo; Absurda est conclusio, alterutra igitur præmissarum falsa erit. Pater antecedens: Inter quæ enim nihil prorsus est diversitatis seu discriminis, illa sunt unum & idem: Atqui Ens & Non Ens non sunt unum & idem: Differunt igitur. Falsa igitur erit propositio. Falsitatem hæc ratione demonstramus; Singularum oppositionum termini inter se distant, & tantò quidam magis quantò perfectior est oppositio: At Ens & Non ens sunt termini oppositionis perfectissimæ, nempe contradictionis: Maxime igitur inter se distant. Quoddam autem differentia seu diversitas dicitur esse inter entia, de diversitate in specie intelligendum, quatenus ea attenditur inter duo entia, non in genere; quæ etiam inter ens & Non ens est, & omnium quidem maxima, quia prorsus nihil admittit similitudinis vel convenientiæ.

Excipit tertio; Dato quoddam distent Ens & Nihil, distantia tamen ea maxima non est, quia major datur quàm quæ ponitur inter terminos creationis. Probat hoc; Non ens enim, quod implicat contradictionem, longè magis distat ab Ente, quando ex ipso Nihil potest fieri.

Respondeo; Falsum sumit *Durandus*; Quid enim obstat quò minùs ex Non ente contradictionis, Ens possit fieri: perinde ac ex Non ente creationis, salvâ nihilominus contradictione; Ut enim

non ens contradictionis non potest simul esse Ens, sic & Non ens creationis Ens simul esse non potest: præsentem enim Entem, cessat Non ens; aliàs creatio contradictionem everteret.

Excipit quarto; Illa distant infinitè, quorum unus perfectio supra alterum infinitis gradibus excellit: quod non dici potest de Ente creato & Nihilo, nullum enim ens creatum perfectionem habet infinitam.

Respondeo; Distantiæ infinitas non æstimatur tantum ex perfectionis alterutrius infinitate, sed ex negatione proportionis in genere consideratæ ad alterutrum: quæ à Scholasticis distinctio *formalis negativa* appellari solet. Unde ipse *Durandus* ait, *nul- lam esse proportionem distantia inter Ens creatum & Nihil, non propter infinitatem alterutrius ex distantibus, sed quia unum est positivum, alterum negativum.*

Excipit quinto; Ex improporione distantia inter extremum positivum & negativum non rectè colligitur improporior virtutis quæ ad positivum & virtutis quæ ad negativum extenditur. Simili id probat; Nulla proportio distantia est inter lumen & tenebras ad distantiam caloris à frigore, & tamen una Solis virtus ad utramque extenditur.

Respondeo; Falsum sumit *Durandus*. Est enim omnino distantia proportionis inter extrema quæ adfert: Lumen enim calor & frigus entia sunt finita; tenebras si maxime inter privationis numeremus, aliquam tamen nihilominus cum entibus habent proportionem, cum entia positiva tanquam subiecta necessario requirant.

Excipit sexto *Suareti*; Independentia actionis à subiecto non videtur tantum esse momenti, nec tantam indicare perfectionem, ut requirat in agente virtutem infinitam simpliciter. Ratio est; Quia concursus materiæ est quiddam finitum: cur ergo suppleri non poterit per virtutem agentis superioris & perfectioris finitam?

Respondeo; Inconsequens est ratio, & similis illi quæ ex finitate effectus ad virtutem efficientis finitam nonnulli arguunt; quam falsam esse jam antè monstravimus in responsione ad exceptionem primam. Cur autem absentia causæ materialis suppleri non possit nisi per virtutem infinitam, ratio est, quia distantia inter ens & non-ens infinita est, seu improporionalis, quæ virtutem requirit infinitam.

Hæc prima ratio & ejus vindicatio.

2. Si creatura, ut principale agens, aliquid crearet, sequeretur eam, ut in causalitate non dependeret à Deo, sic nec in esse ab eo dependere: At consequens absurdum: Ergo & antecedens. Ratio connexi est; 1. Quia agens simpliciter principale à nullo dependet. 2. Quia, ut se res habet.

habet in causando, sic & in essendo; & contra. Si verò ut agens instrumentale crearet, sequeretur eam disponere ad productionem effectus quem intendit agens principale; hæc enim causæ instrumentalis ratio est: At consequens falsum: Ergò & Antecedens. Assumptio probatur; Quia creatio, cum fiat in momento, & ex nihilo, nullam prorsus dispositionem præcedentem requirit: Præcedens enim dispositio non potest esse in nihilo, quod perpetuò est indeterminatum.

3. Nec materialis nec immaterialis creatura creare potest: Ergò nulla. Antecedens probatur. Non materialis: 1. Quia actio agentis materialis transit in subjectam materiam, & est mutatio Physica, qualis creatio non est. 2. Quia principium activum in agente materiali est forma materialis, quæ pendet à subjecto quoad essentiam & operationem, adeoque non potest agere nisi in subjecto suo proprio sustineatur: sic nec actionem extra se potest exferre, nisi in subjecto præexistente recipiatur eaque quod in creatione non datur. Nec verò immaterialis creatura potest creare: quia actio ejus est transiens vel immanens: Transiens requirit subjectum præexistens, quod in creatione nullum est: Immanens est intellectio & volitio, quæ tantæ potentie in nullâ creaturâ est ut ex nihilo aliquid in momento possit producere. Hic *Scoti* discursus est.

XII. Sed dicat aliquis, ut maximè per virtutem propriam & naturalem creatura non possit creare, possit tamen fortean per virtutem à Deo communicatam. *Resp.* Cum creatio requirat potentiam infinitam seu omnipotentiam, cujus creatura nulla est capax, nec præcedentem materie dispositionem (quam adscripserit fortean non nemo potentie finitæ) admittat, fieri non potest ut ulli creaturæ virtus creandi communicetur, nisi simul ipsa creatura in Deum transformetur: quod *ἀνθρώπων οὐκ ἐστὶν ἰσχυρὸν* & *αὐτῶν*.

Suarez rationibus Scholasticorum ægrè acquiescens, existimat assumptionem hanc ex fide solâ firmiter posse decidi, hæc positâ hypothesi ex Scripturis petita, quod creatura nihil unquam creavit: unde colligit, & rectè quidem, nullam creaturam habere potentiam creandi: unde porro concludit, nullam creaturam factibilem capacem esse hujus facultatis. Consequentiam probat primò; Si talis creatura esset possibilis, constitueret sanè alium ordinem & gradum creaturæ præter eos qui nunc sunt; quia haberet distinctum & altiorem operandi modum: Pertinuisset igitur ad perfectionem Universi, ut in eo esset talis creaturarum ordo seu gradus: Cum verò Deus mundum seu universum condiderit perfectum, hujusmodi verò

creaturæ gradum ei non addiderit, sequitur utique in creaturarum ordine gradum hunc non contineri neque possibilem esse. Fidem facit eidem assertioni & hoc modo; Inter substantias creabiles nullus potest esse altior gradus quàm sit Angelorum: Si igitur in supremo hoc creaturarum ordine non invenitur potentia creandi, in nullâ creaturâ erit possibilis. Videatur *Suarez* Disp. Metaph. tom. 1. disp. 20. §. 2. art. 10. & seqq.

XIII. Sed nondum omnis hæc superata difficultas: Fuere enim hæretici nonnulli, ut *Thomas* scribit 2. Contra Gentes, cap. 43. qui dixere, Deum omnium visibilium creasse materiam, illam verò materiam uniformem per diversas formas fuisse distinctam ministerio Angeli alicujus. A quo delirio abhorret Scriptura, *Gen. ii. & Coloss. i.* Nec non ratio: 1. Si excreationis & naturæ ordine materia seorsim absque formâ nusquam existit, aut etiam existere potest, utique solius materie creator Deus non est: At verum prius: Ergò & posterius.

2. Terminus creationis est Ens completum: At materia non est Ens completum: Ergò.

3. Si solam materiam Deus creasset, Angelus verò per formas varias eam distinxisset, plus deberet natura Angelo quàm Deo: At hoc absurdum. Ergò & illud.

4. Td *Θ*, i. e. esse, est proprius effectus primæ causæ: Ergò & prima causalitas formarum est effectus. Ratio consequentiæ; Quia esse est per formam.

5. Omnia assimilantur Deo, in quantum habent formas, per quas sunt in actu; & quatenus formas appetunt, similitudinem appetere dicuntur: Ergò omnium quoque formæ sunt à Deo. Ratio consequentiæ est; Quia ab illo acquirit effectus formam, cui per formam assimilatur.

6. Primæ corporum simplicium formæ ex nihilo sunt creatæ, seu composito concreatæ: Ergò non ab Angelo, sed à Deo fuere. Ratio consequentiæ; Quia creandi vis non est communicabilis creaturæ. Antecedens pater; Quia conveniens formarum illarum materia nulla dari potest: Sunt enim formæ per se spirituales & incorporeæ, materia verò corporea, quæ in spiritum non transmutatur, aut si transmutari posset, à creaturâ tamen non posset. Hactenus demonstratum, immediatè mundum à Deo creatum esse. Inde patet ineptissimum esse *Vellei Epicurei* argumentum adversus mundi fabricationem è negatione causarum instrumentarium petitum, apud *Ciceronem*, *De nat. Deor.* Quibus, ait, oculis animi intueri potuit vester *Plato* fabricam illam tanti operis, quâ consrui à Deo atque edificari

edificari mundum facit? Quæ molitio? quæ scriptura? qui vestes? quæ machinæ? qui ministrant operis fuerunt.

XIV. Conditus denique mundus à Deo solo-voluntatis omnipotentis nutu & iussu æterno. Nec enim Deus aliter res extra se producit nisi volendo & imperando ut existant; Scripturâ teste: Ipse enim mandat, & adsunt: Vocat ea quæ non sunt tanquam ea quæ sunt, & omnia obediunt ei. Rom. iv. 17. Tu, Domine, creasti omnia, & propter voluntatem tuam erant & creata sunt, Apoc. iv. 11. Unde Gen. i. aliud nihil in mundi creatione Deus egisse legitur quàm imperasse mundi partibus ut existerent; Ego, inquit, lux, v. 3. Ego expansum, v. 6. Sint luminaria in expanso, v. 14. Progignunt aqua reptilia, v. 20. Producat terra animalia in species, v. 25. Quod respicit David; Psalm. xxxii. Verbo Domini celi firmati sunt. Et Sapient. ix. Tu, Domine, fecisti omnia verbo tuo. Creatio igitur rerum nihil est quàm potentissima Dei volitio, vel imperium quo præcipit iis quæ non sunt, ut sint. Unde Pererius lib. 5. cap. 5. Creare est Deum velle rem ex nihilo tunc esse cum incipit esse, quod sacra Scripturæ convententissimum. Sed excipiat hic aliquis; Creatio est actio Dei transiens; Volitio non est actio Dei transiens, sed immanens, Ergo non est creatio.

Resp. Ad propositionem; Creatio est actio Dei transiens, nempe virtute, quia ponit effectum extra Deum; non verò formaliter, quia extra Deum non est. Sic igitur volitio Dei potest appellari transiens respectu hominis, non respectu termini, non respectu subjecti; Deus enim vult in se, etsi effectus non est in Deo, sed extra Deum. Etsi igitur potentiam Dei executivam à voluntate nonnulli distinguunt, in productione tamen rerum extra Deum rectius ita videntur conjungi ut effectus dicatur à voluntate potente quàm à potentiâ executivâ per voluntatem directâ. Voluntatem enim nobis Scripturâ commendat tanquam primum & summum principium omnium rerum extra Deum, cuius actio proxima seu actus secundus, ut ita loqui liceat, alius nullus est quàm volitio: Quæ sententia Fonsæ quoque approbatur: 7. Metaphys. cap. 8. qu. 4. §. 5. conclus. 8. quæ est; Causalitas causæ efficientis in Deo est concursus Divinæ voluntatis ad efficienda omnia quæcumque sunt: seu nihil est aliud quàm ipsa voluntas actusve practicus Divinæ voluntatis. Addit ibidem, Ad actum practicum Divinæ voluntatis spectat omnis vis efficiendi; quia potentia executiva in Deo est idem cum voluntate Dei quatenus ad praxin refertur. Quod Metaphys. 5. cap. 15. qu. 8.

§. 4. efficacibus rationibus demonstrat; nequiquam contradicente Suarezio. Accedit nostræ quoque sententiæ Soncinus, 12. Metaphys. qu. 34. ubi hanc ponit conclusionem, Volitio prima causæ est productio effectuum, nec requiritur alia productio activa. Merito hic quoque laudo aureum illud os, Chrysostomum, qui 1. in epistolâ ad Galatas in nostram sententiam ita scribit; Ταύτης ἀπορίας τὴς διωδ. μετὰ τοῦ Ἰσοάτης εὐκολίαις ἐποίησε, μὴ ὥστε ἐκείνους ἀπορίας διωδ. ἡρεσεν γὰρ αὐτῷ τὸ θελήσει πρὸς ἀπειρίαν. καὶ κατὰ τὸ ἡμῶν ἢ βέλους ἢ παρὰ τοῦ κήματος, ὅπως ἂν ἐκείνους τὸ διωδ. ἡρεσεν, καὶ τὰς οὐκ ἐμφαίνων ἐλαλε, Πάντα ὅσα ἠθέλησεν, ἐποίησεν ἐν τῷ ἑαυτοῦ καὶ ἐν τῇ γῇ. ὅπως ὅτι καὶ πρὸς τὸ διωδ. ἡρεσεν ὅτι ἐν τῇ γῇ μόνον, εἰ καὶ καὶ πρὸς τὸ ἐκείνους τῶν ἀναδιωδ. ἡρεσεν ὅτι ἐκείνους αὐτῷ μόνον; In eandem sententiam scripsit quoque Clemens Alexandrinus, Protrept. pag. 25. Φιλοῦ τῷ βέλους διωδ. ἡρεσεν, καὶ τῷ μόνον ἐκείνους αὐτῷ ἐπετα. τὸ γὰρ καὶ διωδ. Similia apud Athanasium, Dialogo 1. de sanctâ Trinitate, & apud eundem Chrysostomum, Oratione de resurrectione mortuorum, & apud Nazianzenum leguntur.

Ceterum hanc Dei volitionem, à quâ proximè pendet Mundus, actione nullâ aliâ interveniente, æternam esse dicimus, etsi effectum ejus, nempe Mundum, non nisi temporaneum esse affirmamus: ut deinceps suo loco demonstrabimus. Quod & ipsum approbat Fonsæ, Metaph. 7. cap. 8. qu. 4. §. 5. conclus. 10. quæ hæc est; Divinæ causalitates, quatenus sunt idem cum Divinâ essentia, sunt & formaliter æternæ & virtute temporales. Cujus probatio in promptu est. Essentia enim Divina formaliter est æterna: At causalitas Divina est essentia Divina: Cum autem effecta Divinarum causalitatum non nisi temporalia sint, rectè eadem virtute temporales appellantur. Sensus enim locutionis hujus alius nullus est, quàm effecta Dei in tempore existere, virtute voluntatis Divinæ, quæ ab æterno voluit ut in tempore existerent. Existunt igitur non per novam aliquam Dei actionem, sed per antiquissimam, id est, æternam.

Observanda hic Thomæ regula, quam ponit parte 1. q. 46. art. 1. in resp. ad 10. Positâ actione sequitur effectus, secundum exigentiam formæ, quæ est principium actionis. In agentibus autem per voluntatem, quod conceptum est & præfixum, accipitur ut forma, quæ est principium actionis. Ex actione igitur Dei æternâ non sequitur effectus æternus, sed qualem Deus voluit, ut scilicet haberet esse post nonesse. Cum igitur constat per æternam

æternam Dei volitionem Mundum in tempore existisse, haud immerito quæret aliquis, *An Deus ab æterno actu fuerit Mundi causa.* Si cum *Fonseca* sentiendum sit ita respondebimus; Etiam si actio quâ Mundus est conditus, fuit æterna, ita ut per nullam novam actionem intervenientem in tempore existerit Mundus, tamen Deus ab æterno actu causa Mundi non fuit, quia non datur causa in actu nisi cum causalitas terminatur ad effectum, i. e. nisi actu sit effectus qui respondeat causæ in actu. Aliud igitur fuerit dicere, actionem quâ Mundus est conditus, fuisse actu ab æterno; aliud, Deum ab æterno fuisse actu causam Mundi: quia actio in agente per voluntatem, quatenus est actio, cum termino suo necessario non est conjuncta, ut ex nostræ quoque voluntatis actionibus constat; causa verò in actu actualem termini existentiam requirit. Ut enim causa nihil potest dici nisi propter effectum, sic nec actu dici potest causa nisi propter effectum in actu. Attamen actualis effecti existentia, per quam causa actu dicitur, nullam Deo affert mutationem, quia per novam Dei actionem, quâ ex non faciente Deus fieret faciens, non existit, sed per æternam; & non nisi rationis relationem Deo addit, quæ tamen ex parte creaturæ realis est, cum ex *non-esse* ad *esse* in tempore demum creatura transierit. Quâ de re plura videantur laudatæ quæstionis sect. 6. Quod si quis verò actu causam dici posse existimet, quæ actu agit, etiam si effectus actionis actu nondum existat,

ultra dabimus, Deum ab æterno fuisse actu causam Mundi.

XV. Contra assertionem hanc nostram excipit *Hurtadus de Mendozâ*, Disp. Phys. 12. sect. 3. sect. 1. §. 16. Deus ab æterno vult creare Angelum pro tali tempore, & illum non creat ab æterno pro tali tempore: Ergo Deum velle creare ab æterno Angelum pro tali tempore, non est illum creare ab æterno pro tali tempore: Ergo per aliquid distinctum à volitione creat illum.

Resp. Antecedens ambiguum est: *Creare* enim aut significat actionem Dei à volitione distinctam, quæ sequitur æternam Dei voluntatem in tempore, aut realem Angeli extra causam suam existentiam, eamque temporalem, à *non-esse* ad *esse* traductam. Si priori modo sumatur, antecedens nego: Sumeret enim in priori ejus parte *Hurtadus* pro concessio quod nos minime concedimus, ut pater è præcedentibus. Posterior quoque pars hoc sensu falsa esset: Creat enim Deus ab æterno, hoc est, efficacissime vult ut in tempore existat Angelus. Unde *Albertus* docet, creationem Mundi fuisse ab æterno, nempe secundum totum id quod ponit in Deo, etsi Mundus in tempore tantum existit. Sin posteriori modo accipiatur, totum concedimus: Aliud enim est creatio activa, quatenus est actio Dei formaliter immanens & virtute transiens; aliud existentia rei creatæ, quæ aliàs appellatur creatio passiva. Hactenus de procreante Mundi.

CAPUT III.

De impellente Mundi causâ.

Impulsiva Mundi causa: *Th. Probatur desiderium communicandæ bonitatis fuisse causam Mundi creandi impulsivam* *encl. 1. Occurritur oggannienti Epicureo: 2.*

THESIS.

Impellens procreantis nulla est nisi sola DEI bonitas, quæ creaturis eatenus erat communicanda quatenus ipsæ capaces ejus erant: vel, est desiderium communicandæ bonitatis.

"*Ex Deo.*"

I. Vetat *Augustinus* lib. 83. Quæst. quærere, quare Deus Mundum fecerit: Qui quærit, inquit, quare voluerit Deus Mundum facere, causam quærit voluntatis Dei: Omnis autem causa efficiens major est eo quod efficitur: nihil autem majus est voluntate Dei: non ergo ejus causa quærenda est. Hæc *Augustinus*. Nos verò hic creati mundi causam Divinâ

voluntate & bonitate superiorem nullam quærimus, sed in voluntate seu desiderio communicandæ bonitatis plenissimæ acquiescimus. Hanc verò cum voluisse Deum communicare ex ipso eventu didicerimus, procreationis utique impulsivam causam in thesi rectè assignamus: etsi non diffitemur longè aliam impellentis causæ in Deo quàm in Angelis & hominibus rationem esse. In Deo enim nihil est quod Deus non sit: nec ullâ externâ re ad agendum Deus movetur: Intrinsecè etiam moveri cum dicitur, cautissime id accipiendum, per *συγκρατοβασιν* quandam ad humilitatem nostri conceptus. Jam ad thesios nostræ illustrationem progrediamur. Constat autem quod asseruimus, primum è sacris literis. Prædicat enim Deus *Gen. i. vult, in operibus suis bonitatem; Et inspexit Deus*

Deus quod fecerat, & ecce valde bonum erat. Eandem bonitatem in specie commendavit post singulorum operum creationem : Unde patet, ad mundi creationem nullâ aliâ re Deum fuisse impulsam quam desiderio bonitatis suæ communicandæ, quam largissimâ manu communicatam totus Mundus loquitur. Inculcat idem David in plurimis Psalmis, ubi bonitatem Dei & misericordiam erga creaturas admiratur: Jehovah, usque ad cælos misericordia tua. Psalm. xxxvi. 6. Misericordiâ Jehovæ plena est terra, Psalm. xxxiii. 5. Bonus est Jehovah universis, & misericordiâ ejus super omnia opera ipsius, Psalm. cxlv. 9. Idem exprimit Dionysius, in lib. De Divinis nominib. cap. 4. part. 1. Ipse autor beneficis, Enim amor (cùm antea in bono excellenter esset) nequaquam se in seipso manere infecundum permittit, sed seipsum ad operandum commovet, per excellentiam cuncta gignentem. Vidit idem Plato in Timæo, cujus verba λέγω μὲν δὴ, δὲ ἢν αἰτίαν ἦν εἶναι καὶ τὸ πᾶν τὸ ἐξωστὸς ζῶντων. ἀγαθὸς δὲ αἰτίας ὅτι αἰτίας πρὸς οὐδὲν ἔστιν ἡ ἀπορία ἐγγίνεται φθόρος. τῆτι δ' ἐκ τῶν αἰνῶν πάντα ὅτι μάλιστα ἐκείνην ἡρώδης ἀγαθὴ αὐτῆ. πάντων δ' ἡρώδης κόσμῳ μάλιστα, αἰνῶν πρὸς ἀρχὴν κλειστόν τε παρ' ἀνδρῶν φρονίμων ἀποδεχόμενος ὁρδύτατα. Ἰσοδύχοιτ' αἶν. Quæ, ex interpretatione Ciceronis; Queramus igitur causam quæ impulerit eum qui hæc machinatus sit, ut originem rerum & molitionem novam quæreret: Probitate videlicet præstabat: probus autem invidet nemini. Itaque omnia sui similia generavit. Hæc nimium gignentis mundi causa juvissima. Sic & Alcinoïus, in Introductione in Platonicam Philosophi-

am, cap. 12. Ἀναγκάστον τὸ καλλίστον κατὰ σκεῦος. ματ' ἡ κόσμον ὑποθέσει δὲ δημιουργῶντος, πρὸς τὴν αἰτίαν κόσμου ἀποκλείοντος, &c. καὶ διαυμαστικῶν πρὸς τοὺς καὶ Ναιτὰν ἐλθόντες. ὅτι τὸ δημιουργῶν ἡ κόσμον, ἵδεν ἀγαθὸς ὡς: hoc est, Mirâ quâdam providentiâ atque optimâ normâ ad hujus constructionem machinâ sese accinxit Deus, quia bonus erat. Idem & Philonis responsum, in libro, ὅτι ἀπὸ τῆς οὐσίας τοῦ θεοῦ. Εἰ τις μὲν ἐροῖτο, τίς αἰτία ἡρώδης κόσμου; μαθὼν παρὰ Μωϋσέως ἀποκρινύμαι, ὅτι ἡ τῆς οὐσίας ἀγαθότης ἐστὶ πρὸς βουλήν τῃ ἡρώδης χαρίτων οὐσίας αὐτῆς. Omnibus hisce ratio ad stipulatur. Aut enim communicandæ aut acquirendæ bonitatis gratiâ Mundum Deus condidit; tertium excogitari non potest: Posterius admitti nequit, quia perfectissimo repugnat bonitatis extra se quicquam quærere vel acquirere sic enim non optimum nec perfectissimum esset: Prius igitur necessariò dandum fuerit.

II. Patet hinc quid oggannienti apud Ciceronem Epicureo sit respondendum. Sic autem ille adversus Mundi causam disputat; Quid erat quiddam concupisceret Deus Mundum signis & luminibus, tanquam ædilis, ornare? Si ut Deus ipse melius habitaret, antea videlicet tempore infinito in tenebris, tanquam in gurgustio, habitaverat. Post autem varietatē eum delectari putamus, quâ cælum & terras exornatis videmus? Quæ ista potest esse delectatio Deo? Quæ si esset, non eâ tamdiu carere potuisset. Itâ negat Epicurus Mundum à Deo conditum, quia emolumenti inde ad Deum nihil redit: sed ineptè negat; quia propositum erat Deo suam creaturæ bonitatem communicare, non creaturarum bonitate frui.

CAPUT IV.

De conservante Mundi causâ.

Conservans Mundi causâ, Deus: Th. Probatur Mundum à Deo conservari: ἐκδ. 1. 2. Mundum non egere Divinâ conservatione, contendit Taurellus multis rationibus: 3. Solvuntur ejus rationes: 4.

T H E S I S.

Conservans Mundi causa est Deus, qui efficacissimâ suâ omnipræsentia Mundum conservat, secundum omnes & singulas ejus partes partiumque substantias & virtutes.

Ἐκδοσις.

I. Providentiam Divinam expressè hic asserere nostri non est institui, Regi Mundum Divinâ providentiâ communis vox est nec Christianorum tantum sed & omnium ferè Gentilium, si Epicuri de grege porcos exceperis. Nec homines tantum, sed

& universa Mundi machina hoc loquitur. Pulcherime de hoc argumento disserunt, Minutius Felix, in Octavio; Arnobius, adversus Gentes; Mornæus, De veritate religionis Christianæ cap. II. Nec contemnendus in eo Cicero, qui, 2 De natur. Deor. affirmat, Providentiâ Deorum Mundum & omnes ejus partes & initio constitutas esse & omni tempore administrari: Quod tribus præcipuis rationibus vulgò demonstrari docet. 1. E naturâ Deorum. Qui enim Deum confitetur, eum necesse est fateri consilio ejus mundum administrari. Deum enim aliquid agere, idque præclarum, omnino fatendum est: nihil autem præclarior est mundi administratione. Et si concedimus intelligentem esse Deum

Deum, etiam providentem concedimus, & rerum quidem maximarum. 2. Ex imperio natura sentientis in omnia, & necessariâ partium omnium à se invicem dependentiâ, nec non naturâ partium Mundi administrantur, necesse est Mundum ipsum naturâ administrari. 3. Ex admiratione rerum celestium & terrestrium. De singulis prolixè & eruditè disputantem vide Ciceronem in libro allegato.

II. In specie igitur tantum de influxu Dei in hunc Mundum necessario & conservatione nostra thesis loquitur. Nec verò vel ipsam hanc materiam, de quâ prolixè à nobis actum fuit. 1. cap. 4. ad thesin 4. denuo examini subiceremus, nisi inter Christianos quoque esse qui acriter contradicerent, postmodum intellexissemus. Itaque novis argumentis assertionem nostram impræsentiarum non demonstrabimus, quando prioribus acquiescimus; sed præmissâ saltem insigni quâdam Aristotelis sententiâ, quæ communem omnium Gentium consensum pro veritatis assertionem allegat, adversarii novum & hætenus inter Christianos inauditum dogma ad censuram vocabimus.

Memorable Aristotelis dictum occurrit in libro De Mundo. cap. 6. Ἀρχαῖοι δὲ τῶν λόγων καὶ πάντες οἱ παλαιὸν ἀνθρώποι, ὡς ἐκ τοῦ πάντα, καὶ διὰ τοῦ ἡμῶν συνέστηκαν. ὡς δὲ αὐτὸς αὐτῶν καὶ ἐαυτῶν αὐτῶν, ἐρημωθῆσα δὲ ἐκ τῆς σωτηρίας. Ἰδὲ καὶ παλαιὸν οἱ πῶν τινες προήχθησαν, ὅτι ταῦτα πάντα οἱ θεοὶ πάντα τε, καὶ δι' ὁρθολογῶν ἰσχυρὰ ἡμῶν, καὶ δι' ἀκοῆς καὶ πείρας ἀποδείξεις, τῇ δὲ θεῶν διωάμει πρέποντα κατὰ βαλόμενοι λόγον, ὡς μὲν τῇ γὰρ ὡς οὐκ ὡς γὰρ ὄντως ἀπάντων οἱ, καὶ ἡρώτων δὲ ὅπως ἀνιπότε καὶ πίνδε καὶ κόσμον σωτηριάζοντες ὁ θεός, ὡς μὲν αὐτῶν καὶ ἐμπόνη ζῶν καὶ ματὸν ὑπομένων, ἀλλὰ διωάμει χαλεποῦ ἀπύτω, δὲ ἡς καὶ τῶν πόρρω δόκοντων δὲ ἀπύτω. Hoc est, Vetus fama est & quidem hereditaria mortalium, universa à Deo & per Deum nobis esse constituta. Nec verò ulla natura per se sufficit orbata salute quam ille ferat: quapropter veteres nonnulli adducti sunt ut dicerent, hæc omnia Deorum esse plena, id est, quæ oculis obversantur, quæ famâ & auditione accipiuntur, quæ denique omni alio sensu comprehenduntur, cum verba ejusmodi accommodent, quæ Divinæ quidem potestati conveniant, sed ab illius naturâ longè aliena sint. Deus enim sine dubio Servator omnium est, & Patris eorum quæ in mundo conficiantur: non quòd labores sustineat, quales animal, quod quidem in opere versatur, & deinde labore deficit; sed quòd viribus utatur indefectis, quarum beneficio assequitur quæ procul etiam amandata videantur.

III. Mundum nè momento quidem subsistere posse nisi à Deo conservetur, omnium serè Theologorum & Philosophorum sententia est; inquit Taurellus, in Triumpho Metaphysico, pag. 305. Quod verissimum nos esse arbitramur. Contrarium aliter Taurellus planè παρὰ τὸν νόμον καὶ τὸν νόμον. Simpli- ces, inquit, Domini, dum hæc ratione Dei gloriam promovere volunt, in absurdum delabuntur quod aliter evitare potuissent. In sequentibus verò disertè negar, Mundum à Deo conservari, vel opus habere Divinâ conservatione; pag. 308, 309. Tam paradoxum dogma in Philosophi & quidem Christiani cerebello nasci posse non credidissim, nisi disertissimè id promulgantem Taurellum legissem. Monstrum hoc rationibus hæc adoriri animus non est: Factum hoc fuit. 1. Rationum duntaxat, quibus monstruosum dogma firmat, robur experiri libet. Arguit igitur.

1. Si Mundus non nisi in Deo confisteret, una utriusque substantia esset: At consequens falsum: Ergò & antecedens. Rationem connexi reddit; Quia per se subsistere debet, quod substantia nominatur.

2. Si mundus per se subsistit, in Deo non confistit: At verum prius: Ergò & posterius. Connexi ratio est; Quia contradicunt per se subsistere, quod est substantiarum, & in alio consistere, quod est accidentium, quæ eo ipso quod sunt inesse dicuntur.

3. Deus spatio sex dierum quæcunque sunt, absolvit, septimo verò die ab omni opere quievit: Ergò substantia rerum creaturarum à Deo non conservatur, potestque substantia esse absque hæc conservatione: aliâ substantiam res creatæ non accepisse tantum fuit & accipere etiamnum dicerentur.

4. Si Mundus à Deo conservatur, vel hostem in sui ipsius substantiâ vel extrinsecus habebit: Atqui nec in substantiâ suâ nec extrinsecus habet: Ergò. Connexi ratio est; Quia quicquid conservatur, vel sponte suâ vel extrinsecus ab opposito corrumpi potest. Assumptio probatur; Quòd extrinsecus hostem non habeat, inde patet, quia in Mundum, præter Deum, potestatem nihil habet. Quòd verò intrinsecus seu in seipso non habeat, probat in hunc modum; Quod cedit in Creatoris opprobrium, non est ei tribuendum: Atqui creare Mundum qui sponte suâ corruperet nisi ab eodem sustineretur, cedit in Creatoris opprobrium: Ergò. Assumptionem probat simili ab Architecto, cui laudis nihil deberetur si ita domum construeret ut manu ejus perpetuò sustineri necesse haberet.

5. Si ita Mundum Deus fecit ut perpetuâ conservatione opus habeat, utique secus fieri non potuit: At consequens falsum: Ergò & antecedens.

6. Quod frustraneum est, id mundo tribui non debet

debet: Atqui potentia ut destruatut nisi à Deo conservetur, frustranea est: Ergò. Assumptio probatur. 1. Quia seipsum non fecit. 2. Quia seipsum nec in nihilum redigere, nec in aliud quidpiam transmutare potest. Hisce fulcris sententiæ suæ monstrum *Taurellus* sustinere nititur.

IV. Ad rationes hasce ordine sic respondemus.

Ad 1^m. Connexum negamus: In Deo enim consistere nihil est nisi efficacissimâ Dei præsentia conservari, sustineri: quod omni creaturæ, quatenus creatura est, necessarium est, ut sectione primâ monstravimus. Unde Apostolus ait, Heb. i. 3. *Dei Filium sustinere omnia verbo suo potente: eodem nempe verbo quo omnia creavit, & ex nihilo aliquid prodire iussit, Gen. i.* Verbum hoc potentissimum, hoc est, omnipotens Dei voluntas, uti Mundum primitus creavit, ita creatum eundem conservat & sustinet: utque sine eo produci non potuisset, sic nec conservari sine eo posset. Ut igitur ideo coepit Mundus quia esse eum Omnipotens voluit, solâque volitione produxit, sic ideo quoque durat quia durare eum Omnipotens vult, solâque volitione omnipotenti conservat. Itaque Mundum non conservare, apud Deum est, nolle ut Mundus duret: Quis verò nolente Deo Mundum posse consistere dixerit. Sunt igitur distinctæ, etsi intervallo loci non separatæ, Dei conservantis & Mundi conservati substantiæ. Connexi falsitatem exemplo simili monstro. Si accidens non nisi in substantiâ est & existit, una accidentis & substantiæ erit essentia & existentia: At verum prius, ipso *Taurello* fatente, quando accidentium esse ait esse *in esse*: Verum igitur & posterius erit: quod tamen omnium consensu falsissimum. Connexi probatio à *Taurello* adducta hoc videtur velle: Si Mundus per se subsistit, & tamen in Deo consistit, substantia Dei & Mundi una erit: At verum prius, quia Mundus substantia est: Ergò & posterius: quod absurdum. Resp. Concessâ hypothefi, quòd Mundus substantia sit, (quam tamen accurati Logici & Metaphysici nunquam concesserint) prosyllogismi huius connexionem negamus. Ratio negationis est: Quia consistentia in Deo, seu sustentatio Divina, est quiddam superadditum mundanæ substantiæ, quòd de Mundi essentia non est, etiamsi sine eo Mundus & per se subsistere non potest. Subsistere per se & tamen non posse abique alterius sustentatione subsistere, contradicere *Taurello* videntur: sed reverâ non contradicunt. Etenim per se subsistere modum denotat existentia contradistinctum existentia accidentis, cuius esse est in aliâ substantiâ creatâ tanquam subiecto *in esse* seu *inhabere*: quod nulli competit substantiæ verè sic dictæ; siquidem nulli rei creatæ tanquam subiecto

propriè illa inest & inheret, ita quidem ut esse ipsius, absolute & quatenus esse consideratum, sit *in esse* seu inherere in subiecto. Hoc verò substantiæ creatæ competere, non obstante conservatione immediatâ seu sustentatione quam à primâ Causâ habet, à quâ ut in productione ita & in conservatione necessariò dependet, quis non intelligit? Itaque *per se subsistere* non excludit necessarium primæ Causæ ad substantiam influxum & conservationem, sed eum tantummodo existendi modum qui accidentibus competit. Poterat hoc inde etiam assequi *Taurellus*, quia Scriptura non negat res creatas per se subsistere, etsi à Deo sustentari & conservari affirmat: ut *Nehem. ix. 6.* Tu conservas omnia. *Sapient. xi. 26.* *Equi mansurum fuisset aliquid nisi tu voluisses? aut conservatum fuisset, quod non accersivisses?* Hactenus prima ratio expedita.

Ad 2^m. Ex iis quæ dicta sunt modò, etiam huius rationis plena habetur solutio: eodem enim nituntur fundamento prima & secunda.

Ad 3^m. Antecedens simpliciter verum non est. Quid enim de illo Christi fieret? *Pater meus usque adhuc operatur, & ego operor, Joh. v. 17:* Novit igitur *Taurellus* quievissè Deum ab opere creationis novarum specierum seu partium Mundi, sed non conservationis specierum & partium creatarum, quæ tandiu durat quamdiu rerum creatarum existentia continuatur. Unde *Moses* non ait Deum quievissè ab omni opere simpliciter, sed ab omni opere quod fecerat; quasi dicat, sex illis diebus Mundi fabricam à Deo fuisse absolutam, ita ut septimo die destitueret Deus fabricare Mundum. Quam in sententiam eleganter scribit *Augustinus*, De mirab. Script. l. i. c. i. *In die septimo creatura naturas perficit, quas gubernare & nunc non desinit. Et in die septimo requievit ab opere creationis, qui nunquam cessat à gubernationis regimine. Tunc ergò creator, nunc gubernator intelligendus est; ac per hoc, etiamsi novi aliquid in creaturis exoriri videamus, non creare ibi novam naturam, sed gubernare olim creatam Deus putandus est. Sed est potens in gubernatione creaturæ, qui condidit, ut velut naturam novam creare videatur, cum abditis natura viribus, quod in illâ latebat, depromit. Et Tract. 2. in Joh. cap. 1. Deus Mundo infusus fabricat ubique positus, fabricat & non recedit ab aliquo, non extrinsecus quasi versat molem, quam fabricat. Præsentia maiestatis facit quod facit, præsentia suâ gubernat quod fecit. Ejusdem *Augustini*, in libro De inquisitione Trinit. quæstio est: Quomodo convenit quod in Genesi legitur, REQUIEVIT DEUS DIE SEPTIMO AB OMNIBUS OPERIBUS SUIS; contra in Evangelio dicitur, PATER MEUS USQUE MODO OPERATUR,*

TUR, ET EGO OPEROR. Responsio; Re-
quievit à novarum conditione creaturarum, non à
conditarum gubernatione. Inprimis autem memo-
rabilis est locus, lib. 4. De Genesi ad litteram,
cap. 12. Potest, inquit, intelligi Deum requie-
visse à condendis generibus creaturæ, quia ul-
trà jam non condidit aliqua genera nova: dein-
ceps autem usque nunc & ultrà operatur eorun-
dem generum administrationem, quæ tunc insti-
tuta sunt. Non enim die septimo potentia ejus à
celi & terræ omniumque rerum quas condiderat
gubernatione cessavit, alioquin continuò dilabe-
rentur. Creatoris namque potentia, & omnipotentis
atque omniscientis virtus, causa subsistendi est
omni creaturæ: Quæ virtus ab eis quæ creata
sunt regendi si aliquando cessaret, simul & illo-
rum cessaret species, omnisque natura concideret.
Neque enim sicut structura adiun, cum fabricaverit
quis, & abscedit, atque illo cessante atque absce-
dente stat opus ejus; ita Mundus vel istu oculi
stare poterit, si ei Deus regimen sui subtraxerit.
Proinde & quod Dominus ait, PATER MEUS
USQUE NUNC OPERATUR, continua-
tionem quandam operis ejus, quæ universam crea-
turam continet atque administrat, ostendit. Quam
in sententiam quoque Theophylactus in allegatum
Johannis locum, Quomodo Pater operatur usque
ad hoc tempus, cum Moses dicat, quod quieverit
Deus ab omnibus operibus suis? Vis discere quo-
modo operetur adhuc Deus? vide dispensationem
rerum, & discas opera providentia, solem orien-
tem, mare, fontes, flumina, animalia, & sim-
pliciter omnes facturas; & videbis creaturam
opera sua operari, imò operationem recipere, &
moveri ineffabili providentiæ verbo. Omnino au-
tem providentia & in sabbato sua operatur. Eò-
dem recidit aliorum Theologorum responsio:
Aiunt Deum post primos sex creationis dies, qui-
bus Mundus est absolutus, nihil amplius omnino
fecisse novum, & quod in operibus sex dierum
aliquomodo non contineretur, vel materialiter,
ut Eva in Adami costâ (putant enim nonnulli
Evam die septimo demum fuisse conditam) vel
causaliter & effectivè, uti omnia individua cu-
juscunque speciei fuerunt in individuis primitus
creatis; vel potentialiter, ut animalia ex com-
missione diversarum specierum orta, in specie-
bus unde generantur; vel virtualiter, ut ea quæ
ex putri fiunt materiâ, in virtutibus stellarum,
elementorum & aliorum corporum; vel denique
secundum similitudinem speciei, quomodo omnes
animæ rationales deinceps creatæ erant in Ada-
mi animâ. Et hanc docent esse quietem Dei,

non cessationem & conservationem rerum creatu-
rum.

Ad 4^m. Assumptionem negamus. Habet in
suâ substantiâ Mundus hostem, si ita loqui vo-
bis fas sit: rectius tamen dixerimus, habere eum
potentiam ad non esse, & hæc quò minus in
actum deducatur, unicam in causâ esse conser-
vationem Divinam; quia non potest esse crea-
tura nisi à Creatore suo jugiter conservetur: ut
contradictionem implicet, creaturam esse, & ex-
sistentiæ suæ continuationem non habere à Crea-
toris conservatione: quam aliud nihil esse suprâ
diximus quàm potentissimam & efficacissimam
Dei voluntatem ut esse creaturæ continuetur; vo-
lunt conservationis cessatio voluntas Creatoris
est ut esse creaturæ non continuetur. Unde pa-
tet, ad non esse creaturæ, quod sequitur conser-
vationis cessationem, non concurrere tantum
creaturæ potentiam ad non esse, sed Creatoris
quoque actionem, quâ in actum potentia illa de-
ducitur; quia non-conservare in Deo est nolle
ut existat creatura, quæ nisi volente Deo non
potest existere. Nec enim putandum est (quod
tamen communis Theologorum assertio videtur
velle, quæ errandi ansam Taurello præbuit)
ipsam creaturam sponte suâ in nihilum abituram,
Deo interim quiescente & annihilationem ejus
non procurante; Cum aliquid annihilare non
minoris sit virtutis quàm ex nihilo aliquid pro-
ducere: quod solius est Dei. At enim, inquit
Taurellus, si Mundus potentiam non habet ut
suâ ipsius naturâ (hoc est, à se) in nihilum re-
digatur, non est ut ipsum hoc nomine conservari de-
bere statuamus.

Resp. Potentiam hanc activam mundus in se
non habet, attamen passivam habet, quæ in ac-
tum ducitur ab activâ, quæ in Creatore est,
simulatque cessat conservatio. Nec enim medium
datur inter velle Dei ut creaturæ existentia conti-
nuetur, & velle ut non continuetur; quorum
illud est conservare, hoc cessare à conservatione.
Omnino igitur conservatione opus habet Mundus,
si potentia illa passiva in actum deduci non de-
beat. Nec verò hoc nomine Mundum debe-
re conservari dicimus ut nè à seipso in nihi-
lum redigatur, sed nè in nihilum redigatur,
cum ita sit comparatus naturâ suâ, ut conserva-
tione Creatore negante, contra ejusdem Crea-
toris voluntatem non possit subsistere. Porro au-
tem si per extrinsecum hostem Taurellus intelligat
externam causam à quâ destrui Mundus possit,
& verò sublata conservatione necessariò destrua-
tur, falsò sanè negat ullam esse; cum nè ipse qui-
dem

dem neget Deum habere potestatem in Mundum : quem tamen hostem externum propterea appellare durum fuerit. *Ergone*, inquis, *conservat Deus & tucur Mundum adversus seipsum?*

Resp. Mollius & mitius dicendum quod res est : Conservat Deus mundum, volendo ut existentia ejus continueretur, ne ipso nolente eum continuari in nihilum abeat, unde volente ipso prodierat : seu vult durare mundum, qui nolente ipso durare non posset. Denique, quod dicitur in Creatoris opprobrium cedere, si Mundum dicatur creasse qui corrumpat nisi ab eodem sustineatur, falsum est : Hæc enim creaturæ conditio est, ut esse non possit nisi à Creatore sustineatur : quod Divinæ essentia commendat excellentiam, quæ sola à nullo sustineri necesse habet, sola omnes creaturas sustinet. Ut igitur non cedit in Creatoris opprobrium, si dicatur omnia sibi fecisse obnoxia, à se pendentia, & annihilabilia ; sic nec in opprobrium ejus cedit, si dicatur ita creasse Mundum ut existentiam continuare non possit nisi per ipsius conservationem. Simile quod de architecto adfertur, ad rem nihil facit : Longè enim alia est hominis architecti ; alia Dei ratio ; longèque major dependentia Mundi à Deo quam ædificii ab architecto : Unde quod

huic in opprobrium, Deo in majestatis suæ laudem & gloriam cedit. Videatur *Augustini* sententia, quam paulò antè citavimus ex 4. De Genesi ad liter. cap. 12.

Ad 5^m. Assumptionem negamus : Est enim hoc omnis creaturæ proprium, non posse esse absque Divinæ conservatione & sustentatione ; uti ex nihilo prodire nec potuit nisi per Dei virtutem. Nec arguit hoc Dei impotentiam, sed creaturæ saltem à Creatore necessariam dependentiam, quæ citra contradictionem negari de eâ non potest.

Ad 6^m. Assumptio negatur : Est enim potentia hæc omni creaturæ, quatenus creatura est, propria, & de essentia creaturæ. Probatio ad rem nihil facit. Habet quidem solus Deus in Mundum potentiam activam ; attamen passivam quoque Mundus habet, qui destrui à Deo non posset, nisi potentiam ad non-esse haberet.

Ad 7^m. Connexum negamus : Deus enim destrueret, si conservare desineret : quando, ut suprà diximus, medium non datur inter velle Dei ut Mundi existentia continueretur, & non velle ut continueretur. Hactenus de conservante Mundi causâ.

CAPUT V.

De materiâ Mundi.

Materia constituti vel constituendi Mundi : *Th. I.* Constituti Mundi materia : *Th. II.* An omnia corpora naturalia sint Mundi partes integrantes : *Timplexus negativam defendit : c. 1. Defenditur affirmativa : 2. Expenditur Zabarellæ sententia : 3. Constituendi Mundi materia : Th. III.* Simplicium corporum materia : *Th. IV.* Ad quæstionem de Mundi materiâ non nisi per distinctionem responderi potest : *c. 1. Ostenditur Mundum ex nihilo conditum esse : Quæritur an mediâ vel immediatè : 2. Mundum mediâ ex nihilo factum esse, Lutheranorum est sententia. Meisneri & Timpleri confisus. 3. Judicium de utriusque sententiâ : ibid. Probatur celum & elementa immediatè ex nihilo esse facta : 4. Respondetur ad Meisneri rationes : 5. Probatur productionem alicujus ex nihilo esse possibilem, & rationis lumine pervestigabilem : 6. An Aristoteli quoque creatio sit visa possibilis : Conimbricenses affirmativam defendunt : 7. Pererius, negativam : 8. Occurritur exceptioni Conimbricensium : 9. Mistorum corporum materia : Th. V. Probatur mista corpora non immediatè ex nihilo esse facta : c. 1.*

THESIS I.

Hactenus de efficiente Mundi causâ : Sequitur ejusdem materia, quæ est constituti vel constituendi Mundi :

THESIS II.

Constituti Mundi materia sunt corpora naturalia, Cælum, Stellæ, Elementa, Meteora, Metalla, Plantæ, Animalia.

EXPOSITIO.

I. De Mundo hîc loquimur uti est, & quatenus à Physico consideratur, cui corporum naturalium est systema : cujus partes integrantes materiam constituti Mundi appellamus : uti parvi mundi, Hominis, materia proxima & actu existens sunt omnia corporis membra. De thesibus hujus confirmatione laborandum nobis non esset, nisi inter Philosophos solus nobis *Timplexus* contradiceret, Physicæ general cap. 2. qu. 10. ubi omnes Philosophos & Theologos, qui omnia corpora naturalia tam & cælestia

stia quàm terrestria proximam Mundi materiam faciunt, erroris arguit & castigat. Ratio ipsius hæc est; Mundus propriè sumtus est opificium cœli & terræ: Ergo mista corpora, quæ cœli & terræ ambitu continentur, non pertinent ad Mundi materiam, seu non sunt partes Mundi integrantes. Ratio consequentiæ; Quia distinguendum inter locum & locatum, inter ædificium & ea quæ in ædificio continentur, ut sunt incolæ, suppellectilia & ornamenta: quomodo Paulus etiam distinguit, *Actor. xvii. 24.* ubi ait, *Deum fecisse Mundum & omnia quæ in eo sunt.* Hanc solam censuræ suæ rationem adfert *Timplexus*: In cujus solutione non est quoddam denuo laboremus, & quod cap. 1. thesi 3. *end. 4.* prolixè egimus, hic iterum egamus.

II. Rationibus quoque nostram firmare sententiam nihil attinet: factum hoc suprà loco allegato, Philosophorum saltem veterum consensum hic exhibebimus. In scenam primùm producimus antiquissimum & profundissimum Philosophum *Hermotem Trismegistum*, quem neminem hominum fuisse *Goropius Becanus* affirmare ausus est: de quo multa egregia *Franciscus Patricius*, in commentatione suâ de hoc *Hermete*, Hujus, inquam, *Trismegisti* sententia est in libro *π ἐν ἡσὶ ὄντων ἀποκλυσω*, qui 18. in ordine; *πάντα τὰ ἐν τῷ κόσμῳ μέλαν ἐστὶ τὸ κόσμον, μέλαν δ' ὁ ἀνθρώπος, τὸ λογικὸν ζῷον*, hoc est, *Omnia quæ in mundo sunt partes mundi sunt, maximè verò homo rationis particeps animal.* Quo sensu & *Seneca* lib. De consolât. ad Helviam, cap. 8. ait, *animum contemplatorem Mundi partem ejus magnificentiissimam esse.* Eadem *Academicorum* quoque sententia est; *Añur*, inquit, *Cicero*. Quæst. Academ. lib. 1. partes esse Mundi omnia quæ insunt in eo. Et 2. De nat. Deor. ex suâ quoque sententia ait, *Nihil est in omni Mundo quod non pars universi sit.* Idem & *Pythagorici* olim sensere, qui Mundum *Αγαθὸν* appellarent, quod compages ex sphaerâ quæ *aplana* dicitur, & septem Planetis eorumque spatiis, ex elementari naturâ duplici, simplici & compositâ. Idem & *Ægyptii* notis suis hieroglyphicis indigitarunt, ut videre est apud *Pierium Valerianum*, lib. 59. Pertinent huc elegantes versiculi quo recitat author. lib. 32.

*Εὐὰ θεὸς πῶς σε μαθεῖν, ὅπως καὶ γὰρ εἶπες,
Ὁ γὰρ καὶ κόσμος καὶ αἱ ψυχὴς ἢ θεὸς αὐτῶν,
Γαῖα δὲ καὶ πόδες εἰσὶν, τὰ δ' οὐτ' ἐν ἀέθρι καὶ ἡ,
Ὅσα πάντα πλάσσει καὶ τὰ πρὸ οὐρανόθεν ἡσίοιο.*

Quos ita reddit:

*Sum Deus, ut discas, talis qualem ipse docebo,
Cœlestis Mundus caput est, mare venter opacum,
Terra pedas, aures versantur in æthere summo,
Lux, oculi, quam Solis habet splendoris imago.*

In eadem & *Peripateticos* sententiâ esse patet & Mundi definitione quam ex *Aristotelo* suprà rectavimus. Itâ igitur *Timplexo* opponimus auctoritatem *Hermeticorum*, *Pythagoricorum*, *Academicorum*, *Sapientum Ægyptiorum & Peripateticorum*.

III. Videtur tamen *Zabarella* nonnihil favere *Timplexo*, lib. De natural. scient. constit. cap. 16 ubi ait duplicem in Mundo corporeo perfectionem notari; unam molis seu quantitatis, alteram qualitatis seu formæ: illam extensivam, hanc intensivam Latinis appellari dicit: Eratione quidem quantitatis & extensionis perfici absolviq; Mundum à quinque simplicibus corporibus; à mistis verò non integrari quatenus mista sunt, sed quatenus constent ex simplicibus tanquam materiâ: Unde si maximè nulla essent mista, perfectum tamen hæc ratione Mundum fore contendit, quia ex omni constaret quantitate, omnemque locum adimpleret. Ratione autem formæ & perfectionis, secundum intensivam, non à solis simplicibus corporibus Mundum dici perfectum, sed etiam à mistis omnibus; quia præter elementa adjectæ sunt mistis propriæ singulorum formæ, in quibus omnibus & eorum ordine itâ Mundi perfectionem ait esse constitutam, ut unâ sublata desineret Mundus esse perfectus & ornatus. Summa igitur huc redit, Ad molis mundi integritatem sola pertinent simplicia, ad absolutam verò perfectionem etiam mista. Hætenus *Zabarella* sententia: Quæ tamen longè circumspicienda est *Timplexiana*: Quod enim citra distinctionem *Timplexus* adversus omnes Philosophos statuit, id non nisi adhibita distinctione, plerisque Philosophis assentientibus, admittit *Zabarella*. Nos verò cur absque distinctione sententiam receptam hic amplectamur, & mista quoque inter Mundi partes numeremus, hanc habemus causam, Quia Mundum hæc consideramus non tantum ratione molis & extensionis, sed vel maximè ratione perfectionis secundum intensivam acceptæ: Nam ab hac suum sortitur nomen locumque in systemate Physico sola moles sine formâ in Physicis non appellatur Mundus.

THESES III.

Constituendi Mundi materia est simplicium corporum vel mistorum.

THESES IV.

Simplicium corporum, Cœli nempe & Elementorum, materia, ex quâ primitus fuerunt creata, nulla fuit: Itaque hoc respectu Mundus ex nihilo conditus dicitur.

"ExStm6

Ex Deum.

I. De Mundi materiâ acriter disputatur in Scholis Theologorum & Philosophorum. Nos ad quæstionem de Mundi materiâ absolute responderi non posse arbitramur, nisi quid Mundi nomen intelligatur prius definitum sit. Si Mundum sumas pro systemate omnium corporum naturalium, & quætas quæ Mundi sit materia, unicâ responsione expediri quæstio nequit. Nam si creationis historiam consulamus, de singulorum materiâ eodem modo non loquimur. In nonnullorum corporum enim creatione nullius prorsus materiæ mentionem facit, in aliorum verò creatione materiam haud obscure nominat, ut de homine palam est. Si verò cum *Timplero* Mundum aliud, nihil esse dicas nisi systema ex simplicibus corporibus solis, nempe Cælo & Elementis, constitutum, in thesi respondemus, Mundum ex nihilo, hoc est, nullâ præexistente materiâ, factum; qui producendi modus creatio principaliter sic dicta est. Ut autem hæc de materiâ Mundi controversia tantò rectius decidatur, aliquot quæstiones proponendæ & explicandæ sunt:

1. *An Mundus ex nihilo fuerit productus.*
2. *An creatio, h. e. alicujus ex nihilo productio, sit possibilis, & rationi citra Divinam & specialem revelationem pervestigabilis.*
3. *An Aristoteles aliquid ex nihilo produci posse crediderit.*

II. Ad primam quæstionem, *An Mundus ex nihilo sit conditus*, ambiguitate quæ est in voce *Mundus* sublata, affirmatè respondemus. Affirmationis ratio generalis hæc adferri solet; *Mundus aut ex nihilo est productus aut ex aliquo: At non ex aliquo: Ergo ex nihilo.* Assumptio probatur; Si ex aliquo tanquam materiâ præexistente esset conditus, id ipsum quoque ex aliquo aut ex nihilo esset productum. Si ex nihilo, respectu ejus Mundus, etsi improprie, dici posset ex nihilo productus, ut deinceps patebit. Si ex aliquo, aut processus in infinitum dabitur, aut in aliquo tandem subsistendum fuerit, quod vel sit ex nihilo productum, vel sit à se ipso, à nullo productum. Si prius datur, respectu ejus Mundus, etsi improprie & ἀνεργάως, dici poterit ex nihilo productus: Si posterius, aut Deus id erit, aut aliquid præter Deum: At neutrum; quia Deus nullius rei creatæ compositionem ingreditur, & omnium quidem minimè rationem materiæ habere potest, propter summam perfectionem: Nec verò quod à se sit, præter Deum, quicquam est: Concluditur ergo, Mundum ex nihilo esse conditum. Refertur huc solent sequentia Scripturæ loca: Rom. iv. 17 Deus dicitur vocare τὰ ἄδη ὄντα ὡς ὄντα, quæ non

sunt, tanquam sint. Heb. xi. 3. Per fidem intelligimus constructum esse Mundum verbo Dei, ut quæ cernimus, non sint ex apparentibus facta: vel, ut fierent quæ videntur, ex iis quæ non apparent, hoc est, ex nihilo. 2 Maccab. vii. 28. Respice ad cælum, terram, & omnia quæ in iis, & cognosce quod ex non existentibus Deus ea fecerit.

Ut autem tantò evidentior sit mens nostra, observandum, quod & ratio modò adducta indigitat, duobus modis à nonnullis intelligi solere assertionem de productione Mundi ex nihilo; prout quæri duobus potest modis, primò, *An Mundus immediatè ex nihilo sit conditus*; nullâ prorsus materiâ corporum naturalium præexistente; deinde, *An Mundus mediatè ex nihilo sit productus*, ita quidem ut materiâ corporum naturalium præexistente, autem ex nihilo primùm producta. Quo sensu Mundum quoque ex nihilo factum dici posse affirmat *Augustinus*, l. 1. De Genesi contra *Manichæos*, cap. 6. Etsi omnia formata de materiâ illâ facta sint; tamen hæc ipsa materiâ omnino ex nihilo facta est. Unde rectissime creditur Deum omnia ex nihilo fecisse. Hoc tamen posteriori sensu certè improprie dici rem ex nihilo fieri res ipsa docet, ut paulò post videbimus.

III. Utriusque quæstionis affirmatio suos habet defensores. Mundum mediatè ex nihilo factum esse, hoc est, ex materiâ corporum naturalium præexistente, quam ex nihilo creavit Deus, Theologorum Lutheranorum opinio est; autorem *Meisnero*, partè 1. Philosophiæ sobrie, §. 3. cap. 3. qu. 3. quam ipse quoque verissimam ait ex illis Gen. verbis, *Terra erat inanis & vacua*: Unde sic argumentatur; Quod per terram intelligitur in posterioribus verbis, idem quoque, ob immediatam connexionem, intelligendum est in prioribus, nempe, *In principio creavit Deus cælum & terram*; Atqui in posterioribus non intelligitur terra perfectè efformata, nedum omnia animantia terram inhabitantia: Ergo etiam in prioribus, & per consequens, quia de similibus idem sit judicium, per cælum quoque prima tantum cæli materiâ intelligitur & delineatio. Allegat deinde locum ex *Sap. xi. 18.* *Manus tuæ creavit Mundum & ὁ ὕλην ἀνώπουν*, i. ex materiâ informi. *Timplerus* idem statuit quod *Meisnerus*, & tamen à *Meisnero* severe castigatur, dicitur: quæ imitatus veteres hæreticos *Hermogenianos* seu *Materiarios*: ita scilicet eadem sententia orthodoxa ac vera est, quia à *Meisnero* defenditur hæretica verò & falsa, quia à *Timplero* propugnatur. Sed in eo *Meisnerum* offendit *Timplerus*, quod Mundum ex nihilo conditum negat, idque hoc argumento ex adversariorum hypothesi efficacissimo;

T 2

Quicquid

Quicquid ex materiâ est productum, id propriè non est ex nihilo factum : Atqui Mundus ex materiâ est productus : Ergo Mundus propriè non est ex nihilo factus. Assumptio *Meisneri* est. Propositio luce suâ radiat : Contradicunt enim, propriè fieri ex nihilo, & fieri ex materiâ, quia materia aliquid est, & non nihil, illa præsertim quam in *Mose* se reperisse putant. Respondet *Meisnerus* ad propositionem, 1. Argumentum opponi manifestis Scripturæ testimoniis, quæ antè allegavimus, quibus Mundus ex nihilo conditus asseritur. *Resp.* Ipsa igitur *Meisneri* quoque sententia iisdem Scripturæ testimoniis opposita est : ait enim *Meisnerus* Mundum ex materiâ præexistente factum. 2. Possè etiam ex materiâ productum ex nihilo factum dici, tum ratione sui principii, quod ex nihilo, tum ratione indispotionis, ob quam materia ista in productione pro nihilo habetur. *Resp.* Propriè dici rem ex nihilo productam ratione materiæ præexistentis ex nihilo productæ, nego. Cum enim de productione compositi alicujus ex nihilo quæritur, non remota præexistens materia, in quâ futuræ formæ privatio vel negatio, attenditur, sed proxima ; quæ si priorem agnoscit materiam, non ex nihilo, sed ex materiâ compositum factum judicatur. Sic errare, vel certè *απολόγησις*, loqui, sanorum Theologorum iudicio existimaretur, qui *Adamum* ex nihilo à Deo conditum affirmaret ; è terrâ enim formatum Scriptura expressè dicit : & qui *Evam* ex nihilo conditam affirmaret, quam ex *Adam* costâ formatam Scriptura ait. Sed demus *Meisnero*, rectè & propriè ex nihilo factum dici cujus remota materia ex nihilo est facta : demus, inquam, hoc, ut vicissim nobis det, corpora naturalia, quæ ex immediatâ elementorum mixture per generationem naturalem oriuntur, similiter ex nihilo facta, quia elementa, *Meisnero* teste, ex nihilo sunt : Imò nullum erit mixture quod ex nihilo factum dici non possit, si materiæ præexistentis respectus sit admittendus : Tandem enim ad materiam devenitur quæ se priorem nullam agnoscit, præsertim cum Peripateticorum plurimorum sententia sit, naturales formas in materiâ primâ immediatè recipi. Quid verò hoc aliud quàm ludere in re seriâ ? Dicamus igitur quod res est, Ex nihilo minùs rectè vel ut mollius dicam propriè facta dici quæ ex materiâ præexistente sunt facta. Deinde & illud falsum, ex nihilo rectè factum dici quod ex materiâ factum per se inhabili & non dispositâ. Nec enim materiæ inhabilitas & indispotio sufficiens est causâ ut materiâ nihil dicatur, cum non nisi virtutem activam naturalem & potentiam passivam naturalem respiciat, illam respuendo, hanc negando. Habeat igitur sibi *Meisnerus* suum nihil per indispotionem : Nobis nihil propriè sic dictum

hoc loco nullum est nisi merè negativum. Sed & proprio se gladio jugulat *Meisnerus* : quod sic ostendimus : Si informis illa moles quæ terræ nomine indigitatur, quæque admistam sibi aquam habuit, aliud nihil fuit nisi complicatio elementorum essentialiter jam perfectorum, quæ de novo postmodum non fuere producta, sed duntaxat separata, sequitur certè materiam seu molem *Mosaicam* non fuisse nihil per indispotionem respectu elementorum : At verum prius, *Meisnero* asserente, in allegatâ quæstione. 3. Ergo & posterius. Brunt igitur elementa immediatè ex nihilo, cum nihil per solam indispotionem in *Mose* nullum occurrat. Idem de Cœlo iudicium esto.

At enim inquit *Meisnerus* ex *Paulo* Deum vocasse *τὸν ὄντα ὡς ὄντα*, & quæ videntur, facta esse ex non apparentibus ; item, Omnia existentia facta esse ex non existentibus : Innuit igitur Scriptura omnia ex nihilo esse facta. *Resp.* Si *Timpleri* sententiam liberet defendere, consequentiam negaremus : Ex locis enim illis, quæ de corporibus naturalibus perfectis loquuntur, aliud nihil evinci posse diceremus quàm aliquando ea non fuisse, & virtute Divinâ, post non esse, cœpisse esse : Materia igitur præexistens hoc modo à Scripturâ nec poneretur nec tolleretur.

IV. Sed, omisâ *Timpleri* & *Meisneri* sententiâ, asserimus Cœlum & Elementa, quæ Mundi nomine complectitur *Timplerus*, immediatè ex nihilo merè negativo producta esse : Quod ratione quidem probari nequit, sed autoritate Divinâ certissimum esse judicamus. Antiquiorem enim molem massamve *Moses* nullam novit nisi quam terrâ *inanis* nomine exprimit : At ipsa illa terra substantia-liter erat perfecta, & perfectam aquam sibi permistam habebat, ut *Meisnerus* concedit, & textus liquidò demonstrat : Nec enim in sequentibus creâsse terram aut aquam Deus dicitur, sed separâsse tantum invicem, & cum plantis tum animantibus ornâsse. E quâ igitur materiâ præexistente condita dicemus Elementa ? Cœlum aut ipsum quoque cum mole hâc Elementorum fuit conjunctum, aut postmodum immediatè ex nihilo productum : Nec enim ullius materiæ celestis *Moses* meminit. Speciosiori igitur prætextu Scripturæ dicta nostræ sententiæ accommodari possent quàm opinioni *Meisneriana*.

V. Jam contrarias *Meisneri* rationes videamus. Principalis rationis, quam ex *Mose* depromit *Meisnerus*, quàmque suprâ produximus, primò propositionem negamus : Præstantissimorum enim Theologorum securi sententiam, in primo *Genesius* versiculo non primi dici opus nominari, materiam nempe

nempe cœli & terræ, sed summam totius creationis seu Mundum totum indigitarî arbitramur, flagitante id textûs *Mosaicî* perspicuitate. Per terram igitur & cœlum terram ac cœlum propriè sic dictum intelligimus, non materiam informem cœli & terræ. Et tamen terram secundi versiculi eandem per omnia cum terrâ primi versiculi esse inficiamur: In primo enim intelligitur terra omnibus numeris absoluta, substantialiter nempe & accidentaliter, & ex Scripturæ consuetudine, pars Mundi inferior, cujus basis & fundamentum est terra: In secundo sola indigitatur terra, eaque substantialiter quidem non tamen accidentaliter perfecta, ut quæ aquis undique adhuc erat permixta, nullo plantarum vel animantium ornatu exculca, nullis montium, vallium & planitierum figuris distincta, quæ omnia sequentibus demum diebus accessere. Sic igitur secundo loco & assumptionem negamus: Intelligitur enim in secundo versiculo terra substantialiter perfecta, minime verò materia informis, indisposita, & omnipotenti Creatoris virtute formis Cœli & Elementorum substantialibus demum informanda: quod ipse *Meisnerus* fateatur, ubi quæst. 3. contra eos disputat qui massam *Mosaicam* contendunt fuisse materiam primam *Peripateticam*: Rationis secundæ verba hæc sunt: Quia aquæ etiam permixta erant, quam ob causam neque aqua neque terra de novo fuit producta, sed dumtaxat altera ab alterâ separata: Gen. i. 6, 7. Quoad divinas quidem & essentialia principia distincta erant & terra & aqua, ex quibus primi diei moles constabat, non tamen quoad existentiam. Præter meritum igitur in *Keckermannum* invehitur *Meisnerus*, quod neget omnia ex rudi materiâ producta.

Adducit secundo loco testimonium ex *Sapient. xi.* 18. Resp. i. Liber Canonicus non est: autoritas igitur ejus, nisi ratione sustulca, ad assensum neminem cogit. Autorem ejus veterum plerique *Philonem Judæum* faciunt: Unde Bonaventura in commentariis in hunc librum, Prima causa efficiens, per modum compilantis, fuit *Philo sapientissimus Judæorum*: Cum autem *Philo Platonicorum* dogmatum sit observantissimus, (unde illud, Ἡ Πλάτων φιλονίξει δὲ φίλων πλατωνίζει) & verò ὁ ἄνθρωπος. Mundi in Scholâ *Platonica* sit celeberrima, sententiam hanc non à Spiritu sancto sed à Platone dictatam arbitramur. Hæc prior responsio, quæ autoritatis hujus nervum penitus incidit. Subjicimus alteram; Per ὁ ἄνθρωπος intelligi posse molem *Mosaicam* elementorum confusorum quidem, attamen essentialiter ac substantialiter perfectorum, ut ex eâ de novo creata elementa nullo modo dici possint, ipsomet *Meisnero* fatente: ἄνθρωπος igitur dici possit materia

non respectu substantialis sed accidentalis formæ. Et materia quidem appellatur Mundi, (non orbis terrarum, ut *Meisnerus* vertit) quia è corporibus istis in unam massam complicatis, Divinâ virtute, per separationem & uberiorem expolitionem pulcherrima Mundi facies prædiit. Nec enim Mundus appellari confusio corporum poterat, cum ab ornatu Mundus nomen habeat, qui nullus in illâ malsâ fuerat: quod vocabula duo denotant, מְבֹרָךְ Illud *Timpleri* axioma, Quicquid ex nihilo factum est, id est expers materia, non admittimus, nisi distinguat *Timplerus* inter materiam constitutionis & compositionis, præexistentem & concreatam. Nobis, & forsan omnibus prudentibus, ex nihilo factum dicitur, non tantum quod immateriale, sed & cujus materia proxima immediatè ex nihilo est facta: Ex *Timpleri* sententiâ simpliciter ἀδύνατον est ex nihilo fieri substantiam corpoream completam: quod nec Theologorum nec Philosophorum Scholæ ferent.

VI. Hactenus prima quæstio expedita: Secundæ affirmationem in sectione præcedenti aliquot rationibus defendimus. Unicâ igitur saltem & alterâ ratione hic acquiescimus.

1. Si Deus ad productionem entis necessariò requireret materiam, sequeretur primò, Deum in actione esse ens dependens, & proinde infinitæ virtutis non esse; quod perfectioni Divinæ è diametro contrarium: deinde, materiam primam non esse à Deo, & proinde Deum non esse primam causam, non esse Ens Entium; quod & ipsam naturæ Divinæ contrarium.

2. Si ex nihilo aliquid produci nequit, sequitur quoque aliquid in nihilum reduci non posse: Utrumque enim ejusdem est virtutis: At consequens falsum: Ergò. Assumptio probatur; Si aliquid extra Deum in nihilum reduci non posset si maxime Deus vellet, sequeretur primò, Deum omnipotentem non esse; deinde, esse aliquid extra Deum quod à Deo in esse non dependeret, quod non minus necessariò esset quàm ipse Deus: quæ longè absurdissima esse sana ratio agnoscit, nec ullus sanæ mentis Philosophus inficiari potest.

3. Si Deus materiam necessariò requirit in productione, sequitur non minus eum esse adstrictum ad materiam quàm naturam: At hoc absurdum: Ergò & illud. Assumptionem probo; Si ad materiam esset adstrictus, vel seipsum adstrinxisset, vel à superiori & potentiori esset adstrictus, veluti natura. Prius si dicas, aut volens aut nolens se adstrinxit. Si volens, sequetur voluntate priorem fuisse potentiam aliquid ex nihilo creandi: Quam si voluntas ad materiam restrinxisset primùm

primum Divinæ gloriæ ac maiestati plurimum detraxisset, deinde eam propterea non sustulisset, sed voluntatis imperio subjectam retinulisset: unde simpliciter dicendum non esset, non posse Deum ex nihilo aliquid perducere, sed non velle. Dicant verò nobis unde sciant Deum non velle. Si nolens se restrinxit, Ergo ab aliquo potentiori est coactus; quod absurdum. Non igitur Deus ad materiam seipsum restrinxit. Si ab alio restrictum dicant, potentius quidpiam Deo sibi imaginantur absurdissimè. Rationes hæc cum lumini naturali sine revelatione speciali occurrant, de affirmationis nostræ veritate non est quod dubitemus. Testes sententiæ huius philosophos laudat *Augustinus* lib. 11. De civitate Dei, cap. 4. & lib. 12. cap. 17. & *Lactantius* lib. 7. cap. 3.

VII. Cum autem quod naturali lumine per-vestigare potest, omnium indagini æquè expositum non sit, imò à multis negetur, ab aliis in dubium vocetur, quæri porro solet, quæ inter quæstiones à nobis propositas tertia, *An Aristoteli quoque possibile sit visa creatio*. Diversæ hæc sunt Philosophorum sententiæ, ut videre est apud Patres *Conimbricenses*, lib. 8. Phys. cap. 1. q. 2. art. 1. Iplis verò Patribus verisimilius videtur, ab *Aristotele* creationem esse agnitam, non eam quidem quæ de novo coeperit Mundus, sed eam quæ ab æternitate ex nihilo est conditus. Produciunt quædam *Aristotelis* loca, ut 2. Rhetor. c. 23. asserit Dæmones esse opus Dei; & 2. De generat. 10. text. 59. ait Deum universum omnibus suis numeris concinnè & eleganter perfectissimè; & 2. Metaph. 1. text. 4. docet primam causam esse ceteris causam ut sint: Probat in modico libro, non dari progressum in infinitum in causis agentibus, sed tandem perveniendum ad primam omnium rerum causam efficientem, id est, Deum: & 2. Metaphys. cap. 7. text. 8. ait cælum & naturam pendere à Deo.

VIII. Sententiæ huic aperte contradicit *Petrus*, lib. 5. Phys. cap. 7. Rationes ex *Aristotele* huic producit;

1. Commendat *Aristoteles* communem illam Physicorum pronuntiationem, ex nihilo nihil posse fieri: & impossibile esse, ex simpliciter non-ente aliquid fieri, 1. Phys. l. 33. 34. 75.

2. Omne quod sit, ex aliquo fieri ait, 7. Metaph. text. 22. & unum quodque ex suo opposito, quod est contrarium, fieri, 1. Phys. l. 43.

3. Semper definit causam per esse principium motus: nusquam attingit modum efficiendi per creationem, imò ne terminum quidem usquam explicat.

4. Potentiam activam per passivam universali-

ter definit, 5. Metaphys. lib. 1. Nec ullum ei agens est absque patiente.

5. Existimat *Aristoteles* æternitatem materiæ primæ evidenter demonstratam esse hoc argumento; Si unquam fuisset producta, oportet eam productam esse ex aliquo subiecto: fuisset igitur ante primam materiam alia materia; & sic consequenter in infinitum. Simili modo ostendit motus & temporis æternitatem: motus enim, secundum *Aristotelem*, non potuit fieri nisi per motum in tempore. Quorum certè argumentorum robur planè nullum esset, si possibilis *Aristoteli* fuisset visa creatio. Unica hæc ratio pro sententiæ huius confirmatione efficacissima est: nec enim potuit *Aristoteles* Mundi æternitatem demonstrare nisi ex motus & temporis æternitate: horum verò æternitatem inde monstrabat, quod nec motus posset esse nisi per motum, nec tempus nisi in tempore, quod cum motu non potest non esse conjunctum. Hæc certè hypotheses apud *Aristotelem* certissimæ creationi è diametro sunt contrariæ. *Aristotelis* vestigia secutus *Averroes* creationem non tantum non admittit sed & acerrimè impugnat, 8. Phys. com. 4. Facit idem *Simplicius* in digressionem contra *Philoponum*.

IX. Patres *Conimbricenses* ad hæc & similia respondent, *Aristotelem* in locis allegatis non de Divinis, sed de nostræ naturalisque actione, quæ sit cum transmutatione & tempore, loqui: Hæc enim ex nihilo nihil efficitur; hæc subiectum antea existens deposcit. Addunt quoque, *Aristotelem* 9. Metaph. cap. 1. text. 1. concedere aliquam dari potentiam effectivam præter eam quæ per motum agit; quod *Fonseca* quoque in illum locum observat, ubi Philosophi depravatores appellant qui negant, *Aristotelem* cognovisse potentiam effectivam sine motu. Quod si seridè *Aristoteles* statuit, & eo quidem sensu quem *Conimbricenses* & *Fonseca* volunt, argumentum ab æternitate motus depromptum vanissimum esse apparet. Et mirum foret cur tam pertinaciter pro Mundi & motus æternitate dimicasset, si motum sine motu effici posuisse credidisset. Aiunt id voluisse *Aristotelem*, per naturam id fieri non posse. Resp. 1. In genere disputat *Aristoteles*. 2. Quis unquam negavit quod tanto conatu demonstrare nititur *Aristoteles*? Experimenti enim edocti omnes notunt, omne agens naturale potentiam passivam seu subiectum requirere. Cum istis igitur depugnasset *Aristoteles*. Loca quæ à *Conimbricensibus* adducuntur, parum videntur probare. Primum enim *Aristotelis* sententiæ de naturâ Dæmonum incerta est; etiam si enim materiam propriè sic dictam non habent, habere tamen videntur.

videntur aliquid materie analogum. Platonici si audias, *Dæmones sunt animalia corpore ærea, mente rationalia, animo passiva, tempore æterna*: Sic de iis philosophatur *Apuleius*. Porro ex eo quod Deum Mundi opificem agnoscit, non sequitur cum agnovisse productionem alicujus ex nihilo; potuit enim materiam præsupposuisse, quâ Mundus ab æterno fuerit virtute Divinâ productus. Deinde inquit *Aristoteles* in loco allegato, Deum universum complexisse continuâ factâ generatione, ubi Mundi originem non è creatione sed è generatione æternâ deducit. Porro Deum appellat primam causam, nempe efficientem & moventem: materiz autorem Deum nuppiam facit; itâ quoque causa est cæteris ut sint nempe ex materiâ. Nec verò in causis agentibus progressus datur in infinitum, si maxime Deus materiz causa non sit. Nam si dixerit materiam à seipsâ esse, & ex materiâ à Deo reliqua omnia, processus in infinitum jam sublatus est: Sic quoque cælum & natura pendent à Deo, mediante materiâ, quam necessariò & absolute requiri palam est è locis quæ allegavimus. Itaq; multò nobis probabilior videtur *Pererij* sententia.

THESIS V.

Corporum è simplicibus compositorum materia sunt Elementa.

EXDICTIONE.

Sunt quidam magni nominis Theologi, quos inter & *Keckermannus*, qui solo homine excepto omnia creationis opera ex nihilo producta affirmant: Quorum sententiz cur non subscribamus hæ rationes sunt;

1. Expressa *Mosis* verba Gen. ii. 19. *Formaverat Deus è terrâ omnem bestiam agri & omnem volucrum cæli.*

2. Evincunt idem Dei verba de productione plantarum. *Genes. i. 11. Dixit Deus, Producat terra herbam teneram, herbam sementantem semen, arborem fructiferam, &c. & verborum horum effectus, versic. 12. Et produxit terra herbam teneram.* Si nullus fuisset terræ concursus causalis in productione herbatum, nec jussisset Deus producere, nec terra dici posset produxisse: At concursus causalis alius esse non potuit nisi materialis.

3. De piscibus & aliis natantibus idem ostendit versiculus 20. ubi pari modo jubentur aquæ *producere reptilem animantem.* & 21. Ubi exundasse dicuntur aquæ in species suas. Qui locum tantum creationis denotari aiunt, non materiam, verba Dei & *Mosis* non videntur satis attendere: nec enim locus quâ locus rem locatam dicitur producere, quâ causæ alicujus rationem habet.

4. Ex aquâ tanquam materiâ pisces, ex terrâ aves & reliqua animantia terrestria producta esse, corporum horum cum elementis hisce insignis affinitas ostendit: pisces enim ob nimiam humiditatem aliud nihil videntur esse quàm aqua quædam coagulata; ut aves temperamenti siccitate elemento terræ egregiè respondent.

5. Si Deus hominem animantium omnium præstantissimum è materiâ elementari produxit, cur non & alia animantia ex eadem videatur produxisse?

6. Cum individua aliorum animantium primùm producta dubio procul per corruptionem in elementarem materiam tandem sint redacta, quidni ex eadem producta asseramas, adeò ut non ad hominem tantum, sed & alia animantia propter hominem, maledictionis illud fulmen pertinuerit, *Pulvis es, & in pulverem reverteris.*

CAPUT. VI.

De formâ Mundi.

Mundi forma in quibus rebus consistat: Th. Platonica sententia de Mundi animâ, secundum nonnullos: *cap. 1. Rejicitur sententia hæc ab aliis Platoniciis*: 2. Argumenta contra Mundi animam: 3. Argumenta pro Mundi animâ: 4. Solvuntur: 5. Probatur Mundi formam non esse figuram Sphæricam: 6. Mundi forma agnoscitur *irratiōis*: 7. Sine *irratiōis* Mundi substantia an accidens: Accidens esse negat *Casimannus*: 8. Oppugnatur sententia *Casimanni*: 9. Respondetur ad rationes *Casimanni*: 10. Explicatur singula partes *irratiōis* mundanæ: 11. Solvitur objectio contra Mundi *irratiōis*: 12.

THESIS I.

Hætenus materia Mundi: Forma est Admirabilis corporum omnium *irratiōis* & *irratiōis* pulcherrima: Quæ consistit primò in admirandâ rerum na-

turalium varietate, 2, in aptissimâ superiorum & inferiorum collocatione, 3, in mirâ omnium proportionem, 4, in artificiosâ omnium compositione & pulchritudine, 5, in omnium sibi invicem mini-

strantium divino ordine, 6. in sapientissimâ omnium gubernatione.

Εὐδοξος.

I. Tres nobiliores de Mundi formâ sententiæ sunt: Una Platonis, qui Mundi formam animam faciunt; altera eorum qui figuram sphericam seu rotundam Mundi formam esse contendunt: tertia aliis præfert *Διακόσµον* & *εὐταξίαν*, hoc est, ornatum & ordinem pulcherrimum, qui in universo observatur.

Plato in *Timæo*, & alibi, contendit, Universam Mundi molem animâ quâdam informari, quæ singulas ejus partes foveat, moveat, gubernet, sitque à Mundi mole distincta. Nec aliter senserunt Pythagoras & Mercurius Trismegistus, cui animam debet Philosophia Platonica. Definuit ille naturam vim & formam absolutam egredientem è causâ primâ, & diffusam per corpora naturalia, in singulis principium motus & status: Quæ ipsissima est Mundi anima à Platone ejusque sectatoribus decantata: Quam graphicè descripsit Platonius Vates 6. *Æneidos*.

----- Cælum, ac terras, camposque liquentes,
Lucentemque globum lunæ, Titanâque astra
Spiritus inus alit, totamque infusa per artus
Mens agitat molem, & magno se corpore miscet.

Quam in sententiam quoque Alcinoüs, De doctrinâ Platonis, cap. 14. Τῆς ψυχῆς το θεῖος ἐκ τῆ μέσου ἐστὶ τὰ πέρατα, σωθεῖν αὐτὴν τὸ σῶμα τὸ κόσμον κῆληρ δὲ πάντες ἀνάχων καὶ ἀνέχοντες αὐτὴν ὅτι ὁ λὼν τὸ κόσμον αὐτὴν παρακτείνει, καὶ τὸν ἥ τὸ πᾶν αὐτὸν συνδέειν τὴν καὶ σωθεῖν κρατεῖν μέντοι τὰ ἐκτὸς αὐτῆς ὅτι ἐστὶν.

Hæc si veri quippiam habent, non possunt accipi nisi de Deo, seu omnipotente & providâ Dei virtute. Hic enim verè Spiritus ille ubique præsentissimus, sine extensione sui per omnia diffusus, qui inus omnia alit: hæc mens illa, quæ magnam Mundi molem agitat sustinendo, conservando & sapientissimè omnia gubernando: ἐν αὐτῇ, inquit Paulus, *Act. xvii. 28.* ζῶμεν, καὶ κινῶμεθα, καὶ ἐσμέν: & v. 25. αὐτὸς διδὼς πᾶσι ζῆλον, καὶ πόλιν, καὶ τὰ πάντα. Hic primus ille motor Aristotelis 12. *Metaph.* Sic Strato etiam & Chrysippus vitam per universum effectam dari fatebantur, sed Deum eam esse affirmabant: Quam in sententiam quoque ille videtur Poeta;

----- Deum namque ire per omnes
Terrasque tractusque maris, cælumque profundum.
Hinc pecudes, armenta, viros, genus omne ferarum,
Quemque sibi tenues nascentem arcessere vitas.
Sic ----- Foris omnia plena.
Platonius Philo Mundi animam ait esse providentiam Dei, in libello *μετὰ ἀποδείξεως κόσμου*. Hanc

Platonis quoque sententiam fuisse multorum opinio est. Calcidius Platonius, super *Timæum*, tradit per Mundi animam à Platone intelligi id quod Christiani Spiritum Sanctum appellant. Et Cyrillus, contra Julianum, à Platone scribit Spiritum sanctum esse appellatum Mundi animam: Verba ejus sunt, Unus est universorum Deus, dilaturatur autem, quantum de eo scitur, in sanctam & consubstantialem Trinitatem, in Patrem, inquam, & Filium, & Spiritum Sanctum, quem & animam Mundi dicit Plato. De eodem hoc Dei Spiritu loquitur Mercurius, in *Asclepio*, cap. 3. Spiritus, quo plena sunt omnia, permixtus cunctis cuncta vivificat. Quod & Moses de Dei Spiritu dicit, *Gen. i.* Similia multa occurrunt in *Pemandro*, quæ certè aliunde non videntur hausta quàm ex Divinâ revelatione. Cicero, in Academicis quæstionibus, naturam sentientem, quâ continentur omnia, nunc Mundi animam appellari scribit, nunc mentem sapientiâque perfectam, quam Deum vocant. Ex hac sententiâ profluxisse mihi videtur absurdum quorundam dogma, quod Deum esse Mundum asserit: cujus ad primum caput injecta mentio. Et certè ipse Plato Mundum appellat Deum beatum: & assentientem habuit Aristotelem, si Ciceroni credimus, lib. 1. *De nat. Deor.* Eandem in sententiam multa disputantur 2. *De nat. Deorum*. In eadem hæresi & Cleanthes, Zenonis auditor, fuit: fuit & Xenophanes. Natum hinc superstitionis peculiare genus, *κοσμολατρεία*: fuitque Mundus sub Panis nomine cultus; quem à Græco πᾶν, quo universum seu mundus indigitatur, eruditi dictum volunt.

II. Sed hanc Platonis excusationem ac defensionem Platoniorum multi rejiciunt, Mundi quæ animam præter Deum aliquid esse comminiscuntur. Unde Alcinoüs cap. supra allegato de Mundi, animâ ita scribit; Ψυχὴ αὐτὴ οὖσαν κόσμον οὐκ ποιεῖ ὁ θεός, ἀλλὰ κατακοσμοῖ καὶ ταύτη λέγεται αὐτὴ καὶ ποιεῖν, ἐργάζων καὶ διατρέφων πρὸς αὐτὸν τὴν τοῦ αὐτῆς, καὶ αὐτὴν ὡς πρὸς ἐκ καὶ πρὸς τὸν ἡ βαδέος ὅτι πρὸς ὅπως ἀπεβλέπεται πρὸς τὰ γεντὰ αὐτῆς. Νέχεται τὰ εἶδη καὶ τὰς μορφὰς, ἐκείνην ὅτι ἐκείνη νομολογῶν. Sententiam Alcinoi sequitur & exprimit Thomas Campanella, *De sensu rerum & Magiâ*, lib. 2. cap. 32. Ubi animam Mundi ait excellentissimam esse, quocumque Angelo præstantiorem: item, esse naturam communem, artēque universalem à DEO creatam totique infusam, beatissimam, quæ inspicit in primâ Mente quid agendum sit, & juxta ejus ideas operetur in materiis ac formationibus particularibus: Denique, esse instrumentum primum primæ sapientiæ. In eadem sententiâ quoque est Stephanus Theopoltus, Patri-

Patritius Venetus, Contemplationum Academicarum lib. 5. cap. 2, 3. Nec non *Franciscus Patritius* lib. 4. Panpsychiæ.

Miror equidem quid in sententiam tam absurdam viri Ethnici ingeniosissimi devenire potuerint : Sed magis miror quid Gentilium hoc delirium viri Christiani, iisque doctissimi, approbare & acriter pro eo pugnare ausint. Habuit inter Patres *Origenem* quoque patronum hoc dogma. Dubitavit & *Augustinus* utrum animal Mundus sit, nec ne. Hunc in *Cardano* errorem ferre non potuit *Scaliger* Exerc. 6. §. 1, 2. Sub initium tamen secundæ ait, non esse hominis sapientis existimare animâ currere Mundum. Unde succensendum *Scaligero* judicat *Johannes Riolanus*, in opusculis Metaphysicis. Ego tamen facile veniam mereri *Scaligerum* arbitror : cum enim animâ Mundum carere negat, non ab unâ aliquâ animâ Mundum animari contendit (hanc enim sententiam ex professo ibidem damnat) sed Mundum animæ penitus expertem esse negat, nempe quia animata corpora in Mundo plurima sunt.

III. Argumenta igitur contra hanc *Stoicam* & *Platonicam* sententiam producimus sequentia :

1. Animam illam & naturam Mundi Spiritum esse intelligentem *Platonici* asserunt, & quidem qui ex quorundem sententiâ formæ assistentis potius quam informantis rationem habeat. Est igitur indivisibilis, inextensus, & vel finitus vel infinitus. Infinitus præter Deum spiritus non datur : Finitus igitur erit, & proinde universi mundi singulas partes minimè informabit & animabit. Omnis enim spiritus certo aliquo ubi definitivè ita continetur ut extra id simul nusquam sit aut esse possit : In cælo ergo si anima & mens illa est, in terrâ simul non erit, & proinde Mundum sublunarem non animabit.

2. A formâ assistente res non dicitur informata nec formaliter animata ; distincta enim assistens ab informante : Ab animâ igitur istâ universali assistente Mundus non poterit dici animatus ; veluti navem nemo dixerit animatam, quia rector ejus nauta animatus est.

3. Si omnes universi partes communi quâdam animâ sunt animatæ, in omnibus utique operationes conspicuæ erant vitales : sunt ex nutritio, auctio, generatio, sensatio, intellectio, volitio : Quem verò sensum in aere vel lapide mihi monstrabis ? Lapis non nutritur : aere enim expositus libero, & extra nativam suam sedem constitutus, quo tandem alimento extrinsecus assumpto nutriti dicetur ? & tamen non minùs est lapis quàm si in ipso terræ medullio absconditus lateat.

Si non nutritur, nec augetur : Nec verò ullus unquam lapis sibi similem lapidem generasse visus est. Anne forsan sentiet vel intelliget ? In aere ecquod vitæ vestigium ? quo alimento eum nutriti dicemus ? quâ vi similis generandi præditum, quâ sentiendi aut intelligendi facultate ? Addo, si sensus inest aeri, terræ, aquæ, non bono sed malo ipsorum magno inesse : perpetuos enim dolores sentient, cum continui solutionem perpetuò patiantur : Aëris enim continuitatem perpetuò solvit animantium in eo motus ; maris, perpetui piscium natus & remorum impulsus ; terræ, cum vestigia ab animantibus impressa, tum arationes & fossiones perpetuæ.

4. Mundi anima in rebus per se animatis vitales edit operationes distinctas ab operationibus quæ proficiuntur à propriis animatorum animabus, aut non distinctas : Si prius, monstretur, quæso, in homine actio quæ ab hac animâ mundanâ edatur quam propria hominis anima non possit edere ; idem in bruto monstretur, plantis & metallis : nulla certè monstrari poterit : Si posterius, frustra erit hæc anima, cum sufficiat sua cuilibet rei naturali propria forma Divino influxu conservata.

5. Si Mundus est animal perfectissimum, ut *Stoici* & *Platonici* sentiunt, utique vim habebit similem mundum secundum omnes partes ex se procreandi. At consequens falsum : Ergo & antecedens. Connexi ratio est ; Quia certum perfectionis in animali documentum est, quando simile sibi potest procreare.

6. Quicquid propriè animatum est, continuum corpus & per se unum est : Mundus continuum corpus non est ; sunt enim naturalia corpora non nisi contigua : Nec per se unum quid est : Unus enim tantum dicitur unione primi principii efficientis & finis, propterea quod ab uno & ad unum omnia, *Scaliger*, Exerc. 6. §. 2.

7. Si unâ formâ mundus informaretur, aut reliquæ formæ non nisi illius formæ partes essent, aut ab illâ essent informatæ : At hoc absurdum est ; illud etiam nullo modo dici potest : Non enim formæ inter se univocæ sunt : quædam materiales, & secundum materiam divisibiles, aliæ non divisibiles sed communicabiles : nonnullæ substantiâ quidem suâ immateriales, conjunctione verò materiales ; aliæ penitus expertes materiæ : Sic *Scaliger* arguit, Exerc. 6. §. 1.

8. Si una est universi anima & quidem rationalis, quæ singula universi corpora informat, ita ut animata dici possint & debeant, sequetur bruta, plantas, lapides, metalla, elementa non minùs.

minus ratione pollere quàm Angelos & hominem : Nec enim credibile est mentem istam singulis totius mundi partibus communem, inferioris esse sortis animâ rationali, per quam homo est & à brutis distinguitur, cum ope ejus mundus omnium animalium præstantissimum esse ab ipsis prædicetur.

9. Sequetur hæc quoque ratione nullum animal propriè & verè mori : Contingit animal enim mori per animâ à corpore separationem ; At mundi illi anima per omnia diffusa à corpore nullo separatur.

10. Præter hominem & Angelos sacræ literæ nullas memorant creaturas rationales ; præter hominem & bruta, nulla animalia ; præter animalia & plantas, nulla corpora animata : ut mirer quâ fronte ausit *Campanella* Mundi animam à Deo distinguere, & tamen quovis Angelo præstantiorem eam prædicare. Certè hoc extra & contra Scripturas.

IV. Pro sententiæ *Platonice* defensione *Stephanus Theopoli* Contemplationum Academicarum lib. 5. cap. 1. hæc rationes producit :

1. Universi corpus est omnium consensu præstantissimum : Ergò animatum. Ratio consequentiæ ; Quia sine animâ & vitâ in corpore nihil est pretiosum, nihil illustre.

2. Plurima corpuscula, quæ universi particulæ sunt obscuræ & viles, animâ videmus esse prædita ; ut muscas, vermes, &c. Ergò insipientis erit putare Mundi corpus absolutissimum & universum carere animâ.

3. Plurima in mundo apparent opera vitalia, omnèque ejus partes dicuntur plenæ anima : Mundus igitur animâ præclarissimâ est decoratus.

4. Universum continenter in orbem cietur : Ergò in eo anima reperitur motus principium.

5. Mundo competunt differentię positionis, præsertim dextrum & sinistrum : Ergò animatus est : Hæ enim positiones sine animâ nulli competunt.

6. Mundus propriâ figurâ clauditur : Ergò à propriâ animâ terminatur.

7. Nisi magnus mundus esset animatus, homo non posset dici parvus Mundus. Ratio consequentiæ ; Quia comparationes horum potissimum in animâ consistunt : Ut enim anima in homine dominatur, cuncta movet & rectè disponit ; sic & in magno Mundo una anima unaque vita cuncta regens & disponens invenietur.

8. Mundus est unus, mirusque in omnibus mundi partibus apparet consensus ; omnia in eo accuratissime perficiuntur, quæ per opificis providentiam

disponuntur : Ergò anima ipsi est concedenda, sine quâ servari hæc talia non possunt.

9. *Patricio* peculiaris hæc est ratio ; Si aliquæ Mundi partes essent animatæ, non verò totus Mundus, monstrum utique esset Mundus, & parte aliqua cadaver ; At hoc absurdum. Sic pro Mundi animâ disputant *Platonici*.

V. Ad rationes hæc hunc in modum respondemus.

Ad 1^m. Antecedens falsâ nititur hypothesi, nempe Mundum esse corpus quoddam per se unum : Hanc non admittimus ; sed systema seu collectionem tantum ordinatam multorum corporum in se completorum esse dicimus. Ut enim exercitum ex hominibus collectum non hominem appellamus, sed hominum cœtum seu agmen ; sic & Mundum ex omnibus corporibus naturalibus ordine quodam dispositis coagmentatum, non corpus propriè appellamus, sed corporum ordinatam compagem. Corpus tamen appellari solet populari & minus accuratâ loquendi ratione, & quidem præstantissimum, non quod unâ quâdam & præstantissimâ formâ informetur, aut animâ animeretur, sed quod omnes creaturæ perfectionis gradus in se contineat, tanquam partes aggregatas.

Ad 2^m. Negatur consequentiâ : Perfectio Mundi non æstimatur ex formâ totius sed partium aggregatarum præstantiâ. Nec valet consequentiâ ab unâ aggregati parte ad totum aggregatum, hoc nempe modo ; Aliquæ mundi particulæ viliores sunt animatæ, Ergò totus mundus est animatus. Quidni enim simili ratione liceret colligere, Totum Mundum ad imaginem Dei esse conditum, quia ad eam homo conditus est ; item, Totum Mundum æternæ felicitatis participem futurum, quia homo particeps futurus est ; item, Christum pro totius Mundi redemptione mortuum esse, quia pro hominis redemptione mortuus est ; item, Totum Mundum simile sibi generare, quia abjectissima bestiola simile sibi generant ; Totum Mundum erectâ & oblongâ figurâ esse, loqui, ridere, videre, audire, progredi, &c. quia homo erectâ & oblongâ figurâ est, loquitur, ridet, videt, audit, progreditur, &c. ?

Ad 3^m. Antecedens partim verum : sunt enim in Mundo plurimæ operationes vitales : Sed non in omnibus ex corporibusprehenduntur : unde ex antecedente consequens non sequitur. Partim falsum : Non enim omnia animâ sunt plena, sed sola animalia & plantæ.

Ad 4^m. Antecedens falsum est : Nec consequentiâ ullius momenti est : motus enim animam necessariò non arguit.

Ad 5^m. Antecedens distinguitur. Mundus habet

bet dextrum & sinistrum, non ex se, sed ex hominis arbitrio per applicationem dextri & sinistri in homine ad partes Mundi. Et si maximè animatus esset Mundus, dextrum tamen & sinistrum nullà necessitate ei tribueretur, quod in plantis, quantumvis animatis, nullum est. Quod de dextro & sinistro Mundi ajunt *Platonici & Pythagorici*, de cælo potissimum intelligunt, cui dextrum & sinistrum primò tribuunt: quod & *Aristoteles* agnoscit, lib. 2. De cælo, cap. 2. Ad quod caput concludunt tandem *Conimbricenses*, & cælum per se sumtum differentias positionum ab *Astronomis & Poetis* inventas non nisi respectu nostri habeat, si tamen simul cum intelligentiæ motrice spectetur, differentias Physicas ab *Aristotele* traditas ex naturâ rei, licet metaphorice, obtinere. Patet igitur, respectu intelligentiæ motricis cælo competere dextrum & sinistrum. Quid si verò motrix intelligentia cælo nulla sit affixa? nonne igitur exspirabit dextrum & sinistrum cæli? Videatur *Scaligeri* disputatio contra dextrum & sinistrum cæli, Exerc. 67. Disputatio item & jocus *Joannis Francisci Pici* in examine vanitatis doctrinæ Gentium, lib. 6. cap. 9. Scotus 2. Sententiarum. Nos controversiam hanc suo loco tractabimus.

Ad 6^m. Primum antecedens, si accuratè sit loquendum, non admittitur: Ut enim Mundus per se corpus non est, sed corporum tantum aggregatio, sic & figura per se ipsi non competit, nisi ratione partis extimæ, quæ omnes alias includit. Deinde & consequentia nulla est: Nec enim omnis figuræ determinatio est ab animâ. Habent & alia figuram determinatam, quæ tamen animata non sunt. Rotunditas vulgò omnibus elementis perhibetur naturalis figura, quæ tamen animata esse præter *Campanelam* nemo dicit.

Ad 7^m. Negatur consequentia: Approbatio principium petit, & falsum sumit. Dicitur homo parvus Mundus non quod anima hominis Mundi imitetur animam, quæ nulla est, eo quidem sensu quo isti volunt; sed quod *ἀναλογία*, hunc in se contineat, & repræsentet omnium entium quæ in magno sunt Mundo gradus; quodque universi compagem & economiam mirando quodam modo tanquam in epitomè videndam exhibeat, ut in nostrâ Macrocosmi harmoniâ ostendimus.

Ad 8^m. Nego consequentiam: Unus enim est Mundus, ut inquit *Scaliger*, Exerc. 6. §. 2, non unionis formæ informantis, sicuti neque unionis materia, sed unionis primi principii efficientis & finis, propterea quod ab uno & ad unum omnia. Consensus partium omnium & perpetua conspiratio in omnibus is perficiendis quæ à providentiâ Dei disponuntur,

non est ab animâ, sed à providâ Dei sapientiâ, quæ harmonice omnia disponuntur & ad effectus certos infallibili successu determinantur, sine communis animæ, quæ à Deo sit distincta, gubernatione. Magni, fateor, ponderis argumentum omnibus sculis apud mortales fuit, pro animâ universi, & in primis corporum cælestium, summa ista motuum constantia, quam sine intelligentis naturæ Deo subordinatæ præsidio & ductu nentiquam esse posse, *Pythagorici, Platonici, Stoici* imò & *Peripatetici* existimavunt: inde ut animas illi, sic intelligentias motrices hi cælestibus corporibus magno consensu tribuerunt, non Ethnicis modò, sed & Christiani, Viri cætera pii & religiosi, quotquot ferè hâc nostrâ tempestate pro *Peripateticâ* Philosophiâ, tanquam aris & focus, decertant, adeo ut contrarium sentientes non modò rideant sed & acerbis invektivis flagellent. Ex professo contra hæc Gentilis Philosophiæ impotentes amatores disputare loci hujus non est: Non tamen *ἀπορρονον* fuerit de hoc argumento gravissimè differentem audire *Lactantium*, lib. 2. De falsâ religione, cap. 5. Sic igitur ille; Cum disputaret (*Lucilius Stolicus* apud *Ciceronem*) de cursibus siderum, quos ex ipsâ rerum ac temporum congruentiâ intelligebat non esse fortuitos, existimavit voluntarios esse, tanquam non possent tam dispositi, tam ordinatè moveri, nisi sensus illis inesset officii sui sciens. O quàm difficultis est ignorantibus veritas, & quàm facilis scientibus! Si motus, inquit, astrorum fortuiti non sunt, nihil aliud restat nisi ut voluntarii sint. Imò verò ut non esse fortuitos manifestum est, ita nec voluntarios. Quomodo igitur in consuetudine itineribus constantiam suam servant? Nimirum Deus universi artifex sic illa disposuit, sic illa machinatus est, ut per spacia cæli, divinâ & admirabili ratione, decurrerent, ad efficiendas succedentium sibi temporum varietates. An *Archimedes Siculus* concavo ære similitudinem Mundi ac figuram potuit machinari, in quo ita solem ac lunam composuit, ut inæquales motus & cælestibus similes conversionibus singulis quasi diebus efficerent; & non modò accessus Solis & recessus, vel incrementa diminutionesque Lunæ, verum etiam stellarum vel errantium vel vagarum disparēs cursus, orbis ille, dum vertitur, exhiberet? Deus ergo illa vera non potuit machinari & efficere, quæ potuit solertia hominis imitatione simulare? Urinne igitur *Stolicus*, si astrorum figuras in illo ære pictas effictâsque vidisset, suo illa consilio moveri diceret, ac non potius artificis ingenio? Inest ergo sideribus vario ad peragendos meatus suos apta; sed Dei est illa ratio, qui & fecit & regit omnia, non ipsorum siderum quæ moventur. Nam si solem stare voluisset, perpetuus

perpetuus dies utique esset. Item si motus astra non haberent, quis dubitet sempiternam noctem fuisse futuram? Sed ut diei ac noctis vices essent, moveri ea voluit, & tam variè moveri, ut non modò lucis ac tenebrarum mutua vicissitudines fierent, quibus laboris & quietis alterna spatia constarent, sed etiam frigoris & caloris & diversorum temporum vis ac potestas vel generandis vel maturandis fructibus conveniret. Quam solertiam Divinæ potestatis in machinandis itineribus astrorum quia Philosophi non videbant, animalia esse sidera putaverant, tanquam pedibus, & sponte, non Divinâ ratione, procederent.

IV. Hactenus Platonica sententia. Aliis placet figuram sphericam seu rotundam Mundi formam appellare, quæ tamen sententia à melioribus Philosophis rejicitur: Ratio potissima hæc est; Forma totius in singulis quoque partibus observatur, à priori, vel posteriori: Rotunda figura in singulis Mundi partibus non observatur, quin potius in Mundi partibus omnes figurarum species reperiuntur. Deinde, etsi Mundi extimam partem, cælum nempe empareum, rotundæ figuræ esse, & hujus respectu Mundum rotundum dici concederemus, non tamen Mundi hanc esse formam sequeretur: Nam & sublatâ rotunditate, cælum maneret cælum, Mundus maneret Mundus, cum è neutrius essentia fluat rotunditas. Hinc videas de figurâ cæli à Veteribus variè dubitatum. Non tamen placet ratio quam *Casimannus* assignat, *Cosmog.* cap. 3. probl. 5. *Figura accidens est: Non potest igitur esse forma Mundi.* Ratio consequentia; Quia substantiæ est forma substantialis: Cum igitur mundus sit substantia, accidens forma ejus esse nequit. Non placet, inquam, hæc ratio, quia substantialem mundi figuram agnoscimus nullam, ut è sequenti ecthesi patebit.

VII. Tertiam igitur amplectimur sententiam, quæ *ὑπερβαία* seu *ὑπερβατική* formam Mundi statuit, & à meliore Philosophorum parte approbatur. Nec obscurâ nititur ratione: Forma enim est per quam res est id quod est, & à rebus cæteris distinguitur: Atqui per *ὑπερβαίαν* Mundus est Mundus: Nomen enim, ut inquit ille, ab ornatu convenienter habet. Per eandem distinguitur à mole confusâ quam chaos appellant, quod non est Mundus, hoc est, ordinata corporum naturalium compages, sed deformis eorum confusio. Adde quod ab ordine quoque habet ut sit unus: veluti domum unum dicimus corpus cum omnes ejus partes aptè sunt coagmentatæ: quam unitatem & nomen tollit promiscua partium confusio aut dissipatio.

VIII. Ad uberiorem verò declarationem duæ

quæstiones breviter sunt enodandæ: Una, *Qualis hæc sit ὑπερβαία, substantia, an accidens*: altera, *In quibus partibus consistat*. Ad primam quæstionem responderet *Casimannus*, *ὑπερβαία*, hoc est, ordinem, universi non esse accidens. Rationes adfert duas:

1. Mundus est unum quid per se, non tantum unitate aggregationis: Ergo forma ejus non potest esse accidens. Antecedens probat; Quia inter partes eorum quæ per solam aggregationem sunt unum, non reperitur naturalis consensio aut dissensio, qualis inter Mundi partes apparet.

2. Si Mundus per formam esset quæ accidens est, primò significaret accidens: At falsum hoc: Ergo & illud.

IX. Sententiam hanc cur non approbemus rationes hæc sunt.

1. Si Mundi forma esset substantialis, Mundus esset unum quiddam per se, non per aggregationem partium: At falsum consequens: Ergo & antecedens. Connexi ratio est; Quia forma substantialis, eaque una, non est nisi corporis quod per partium continuitatem unum est, ut ex inductione patet. Unde Platonice sententiam plerique hoc impugnant argumento; *Partes Mundi inter se non sunt continuæ, sed contiguae saltem: Ergo informari ab unâ animâ & communi Mundus non potest.* Assumptionem probant hoc modo; Cujus omnes partes inter se sunt contiguae non continuæ, id unum est tantummodo per partium aggregationem: Atqui omnes Mundi partes inter se tantum sunt contiguae, ut sensus docet, & ipsè *Casimannus* affirmat. Propositionis est è descriptione unius vel totius aggregativi ordinati, quod nullum est nisi è partibus materialibus contiguis invicem coordinatis.

3. Si Mundus propriè non est corpus, sed corporum naturalium tantum compages, nec formam habet substantialem, per quam est substantia corporea: At prius verum, fatente *Casimanno*: Ergo & posterius. Connexi ratio est; Quia forma substantialis constituit corpus propriè sic dictum: Quod igitur corpus propriè sic dictum non est, nec formam substantialem propriè sic dictam habere potest.

3. Nullius corporis artificialis est forma substantialis, ut patet ex inductione: Atqui mundus est corpus artificiale: Ergo formam non habet substantialem.

4. Nullus ordo est substantia: Ergo nec mundi ordo substantialis est forma. Antecedens patet; Quia ordo est relatio inter ordinata. Nec admittimus hic distinctionem *Casimanni*; Ordo, inquit, dupliciter consideratur, vel pro mutua ratione partium inter se & ad unum primum, quæ

ratio

ratio est accidens; vel pro essentia rerum ordinatarum, & fundamento rationis mutue, quem ordinem substantiam esse ait. Hæc, inquam, distinctio ipsum tollit subiectum quod distinguit: Aliud enim est ordo, aliud essentia rerum ordinatarum; ille relatione denotat, hæc subiectum à relatione denominatum. Et si essentia rerum ordinatarum Mundi esset forma, non una Mundi esset forma, sed tot quot sunt essentiae invicem coordinatæ: & sic Mundus ratione formæ non esset unus, quod nè *Casmano* quidem probari potest. Concludimus igitur mundi formam, hoc est, *ἑνταξία*, non esse substantiam sed accidens.

X. Nec obstant nobis contrariæ *Casmani* rationes: Respondemus igitur.

Ad 1^{am}. Antecedens negamus: Contrarium jam antè probavimus. Approbatio nullius est momenti: Consensio enim & dissensio inter ea est quæ nè contiguitate quidem unum sunt, ut constat è sympathiis & antipathiis rerum naturalium.

Ad 2^{am}. Connexum negamus. Ad probationem *Qualis est forma, tale formatum*, respondemus, verum esse axioma de iis formatis quæ per se unum sunt, non ex aggregatione tantum partium. In huiusmodi enim entibus forma semper est accidens, materia verò etiam substantia esse potest; ut palàm est in corporibus artificialibus, quorum materia sunt corpora aptè coagmentata, forma verò alia nulla nisi accidentalis; ordo nimirum seu coagmentatio partium naturalium & substantialium. Nisi fortè huiusmodi corpora cuiuspiam videantur accidentia concreræ appellanda, quæ sunt substantiæ ab accidentibus denominatæ. Quo sensu & Mundum accidens appellare absurdum non fuerit.

XI. Fuit prior quæstio. Quærentibus jam porro, In quibus partibus consistat hæc *ἑνταξία* & harmonia Mundi, respondet thesis, consistere eam.

1. In admirandâ rerum naturalium varietate per genera certa & species distributarum, ut illa quæ numero videntur esse infinita, unico quasi obtutu omnia possint percurrì, in distinctis generum & specierum classibus, quam jucundissimam contemplationem sibi Physica deposcit.

2. In aptâ superiorum & inferiorum collocatione, eaque naturæ rerum convenientissimâ. Gravissimum enim & impurissimum corpus quasi basis universi, Terra, in imo est collocata: contra verò naturæ corpora purissima & defœcatissima, nempe sidera, supremum Mundi spacium occupant, & ab imi consortio quàm longissimè sunt separata: quæ mediæ puritatis sunt, inter extrema, veluti apris-

ma vincula, interjacent, ut Aer & Aqua: Quorum ille siderum vim in terram devehit, omnemque inanem mundi hiatus prohibet; ista terræ se undique insinuat, & fecunditatem conciliat: aere verò inferior est, quia crassior eo & impurior; terrâ superior, quia subtilior eâ & purior. Animantia, quia ex elementis sunt conflata, ipsorumque naturam referunt, in elementis sunt collocata, ut è superioribus & inferioribus commoda percipiant. Aprissima verò hæc corporum naturalium collocatio in cœlesti Mundo est manifestissima, maxime verò in mirando Planetarum ordine in quo summo loco collocatus *Saturnus*, medio *Sol*, extremo *Luna*, idque ingenti inferioris Mundi emolumento, ut suo loco indicabitur.

3. In mirâ omnium proportionum. Exhibet hæc quasi officina Divinæ bonitatis, sapientiæ ac omnipotentiae minima, maxima, medietas, ita ut ab imo ad summum, usque per intervalla harmonica & convenientissima asurgat. Est autem hæc proportio in magnitudine, multitudine & distantia, in quâ addiscendâ & illustrandâ *Pythagorica* olim Philosophia improbo labore defudavit. Vide *Censorinum*, De die natali, cap. 13. *Pythagoras*, inquit *Athenæus*, lib. 14. *τὴν τὴν πατρὸς ὁρίαν δὴ μὲν οὐκ ἔσχαλται οὐκ ἐμπελύνει*. Videatur & *Macrobius*, lib. 2. in Somn. *Scipionis*, cap. 4. *Heracles Ponticus*, in Allegoriis *Homeri*; *Isidorus*, lib. 3. cap. 16. *Cælius Rhodiginus*, lib. 1. cap. 2. ubi ait à peritioribus deprehensum esse, in Mundi creatione Deum esse usum Arithmeticâ, Geometriâ & Musicâ; Arithmeticâ in numero rerum; Geometriâ, in mensurâ; Musicâ, in pondere. *Tyrius Maximus*, Dissertat. 23. Superstitiosa ferè hæc in parte diligentia est *Bodini*, lib. 6. De republ.

4. In artificiosâ omnium compositione & pulchritudine, quam nulla humani ingenii perspicacia admirari satis, nedum imitari potest. Ut cœlestia mittamus; ecquid homine pulchrius, decentius & admirabilius excogitari possit? sive externam figuram, sive internam membrorum dispositionem, sive particularum omnium, etiam minimarum, functiones attendas. Tanta est in externâ configuratione varietas, ut ex innumerabilibus penè hominum myriadibus vix duo unquam reperti fuerint qui notabili aliquâ externæ figuræ differentiâ discerni non potuerint. Interiora hominis cum dissecando perscrutatus esset *Galenus*, Hunc maxime cultum, aiebat, à mortalibus Deus exigit, non ut hecatombas taurorum ipsi sacrificemus, sed ut omnibus notum faciamus quanta ejus potentia, sapientia & bonitas.

Quod

Qued fusè & crudite explicatum habetur apud *Andream Laurentium*, *Anatom.* l. 1. Nec dissimilis est sibi universi pulchritudo, etiam in abjectissimis animalculis: quod & *Plinius* animadvertit, cum diceret, *nuspian esse magis totam naturam quam in minimis*. Unde muscam quoque Soli præferendam existimat *Augustinus*, lib. de duab. animab. contra *Manich.* cap. 4. Nempe animæ ratione, quoniam illa membra tam exigua vegetat, huc atque illic pro naturali appetitu corpus ducit, currentes pedes in numerum movet, volantes pennas moderatur ac vibrat, atque in tam parvo corpusculo tam magnum emicat ut cuius fulgori perstringenti oculos sit præferendum. Descendit eadem pulchritudo ad flosculos quoque caducos: Unde Redemptor noster *Christus*, *Matth.* vi. 29. De liliis agri dico, inquit, vobis, ne *Salomonem* quidem cum universâ gloriâ suâ sic amictum fuisse ut unum ex istis.

5. In omnium sibi invicem ministrantium ordine & nexu: Qui planè admirandus est: Omnes siquidem universi partes mutuas sibi tradunt operas in deprædicandâ Divinâ gloriâ & hominum commodis promovendis. Hinc videas à sideribus benigno foveri calore terram, ab aquis humectari, à temperato caloris & humoris concursu fecundari, fecundatam innumeras plantas è sinu copiosissimè effundere, in animantium usus. Omnia verò uni homini tanquam numini cuidam terreno & universi Domino inservire, nec ipsa docet. Ad mutua verò hæc ministeria ritè obeunda partium Mundi antipathia & sympathia requiritur, absque quâ si foret nec corruptio nec generatio naturalis ulla foret. De cuius mirandâ temperie videatur *Boetius* libr. 4. De consol. *Philosophiæ*, Metro 6. Nexu hic omnium universi membrorum admirandus est, in cœlo potissimum & elementis conspicuus sunt enim humido caloris, frigidis adeo connexa, ut uno sublato universi machina periclitetur, imò collabatur: Quæ divini *Hipocratis* sententia est, in libro *peri phusikas aïthras*: cuius verba sunt; *Ὡς τὸ ἐν αὐτῷ μετέχει πᾶς πῦρ, καὶ τὸ θερμὸν καὶ τὸν ἀρχαῖον, καὶ τὸ ξηρὸν καὶ τὸν ὕδατος, ὁ γὰρ ἀν μετὰ τούτων ἐστὶν οὐδὲν ἄλλο, ἢ τὸν αἰὲρ πάντα ἐν τῷ τῷ κόσμῳ ἀλλ' εἰ ἐν τῷ ἐκλίπῃ, πᾶν ἂν ἀφανισθῇ. ἀπὸ γὰρ τῆς αὐτῆς ἀρχῆς πάντα ἐκείνη τε καὶ τὸ ζῶον καὶ ἀλλήλων*. In hæc verba videatur pulchra commentatio *Sebastiani Peparellæ à Monte sancto*. De admirandâ sympathiâ totius Mundi sublunaris per omnes corporum naturalium gradus, videatur *Mixaldus* in libro *De Harmoniâ superioris naturæ Mundi & inferioris*.

6. In sapientissimâ omnium gubernatione & con-

servatione: Quam Divinam appellamus providentiam. Hanc loquitur constantissimus siderum cursus, hæc & anniversariæ tempestatum vices, perpetua generum & specierum conservatio, omnium in finem unum conspiratio, Divinæ benignitatis & severitatis exempla frequentissima. Singula penè hæc mundanæ *ὡταξίας*, membra unico aphorismo complectitur *Regius Pskates Psalm. cto.* 24. *Domine, quàm magna & multa sunt tua opera! sapienter omnia disposuisti, & terra tua bonitatis tui plena*. Totus *Plalmus* in deprædicandâ hæc *ὡταξία* insumitur. Breviori aphorismo omnia complectitur liber *Sapientiæ* cap. 11. *Omnia mensurâ, & numero & pondere disposuisti*. Cuius aphorismi *Pythagoricæ* explicationem qui desiderat, consulat septuagesimum caput *Philosophiæ sacræ Vallesii*.

XII. Nec est quod quis fortè objiciat à malis quæ in mundo deprehenduntur *ὡταξίας* hæc & harmoniam turbari. Etiam si enim naturarum quarundam *ὡταξίας* nonnihil labectant, universi tamen harmoniam & Dei gloriam eadem quoque insigniter illustrent ac commendant. Quod ut tantò rectius intelligatur, observandum tria esse in mundo malorum genera; mala nempe *naturalia*, mala *pœnæ*, mala *culpa*. *Naturalia mala*, ut sunt defectus naturales & monstra, quæ *φύσας ἀμαρτημάτων* vocantur, si cum naturæ apotelesmatibus conferantur, numero paucissima sunt, ita ut proportio ad ea ferè sit nulla. Iniquum igitur fuerit in universi pulchritudine æstimandâ horum copiam illorum paucitati postponere, & à paucorum deformitate deformem potius appellare mundum quàm à plurimorum formositate & concinnitate concinnum ac formosum. Deinde illa ipsa *ἀμαρτήματα* conducunt ad *ποταλισμῶν* pulchritudinem tantò rectius agnoscendam & æstimandam; iisque aperte demonstratur quantum inter res incorruptiles & corruptibiles, inter cœlestes ac terrestres, inter Divinas & humanas intersit.

In altero ordine sunt *mala pœnæ*: Quæ duplici nomine censentur bona: 1. Quia per ea Divinæ justitiæ satisficit, in vindicandis hominum sceleribus; 2. Quia per eadem hominum vitia sæpe numero emendantur, & ad universi harmoniam reducuntur.

In ultimo ordine sunt *mala culpa*, quæ propriè peccata appellamus. Hæc etsi per se & semper sunt mala, tanta tamen Dei est bonitas, sapientia & potentia, ut ad bonum quoque ordinentur, dum vel condonata misericordiam Dei commendant, vel punita justitiam, vel utriusque agnoscendâ & adorandâ occasionem hominibus præbent. Digna observatu sunt *Augustini* verba lib. 11.

De

rium copiâ : Tertia ex terrore quo animos percellunt fulmina, tempestates, nimbi, nives, grandines, vastitates, pestilentia, terræ motus, lapidei imbres, guttæ imbrium cruentæ, repentini terrarum hiatus, hominum pecudumque portenta, faces cœlestes & cometæ : Quartam eamque maximam ex aquabilitate motûs, conversione cœli, solis, lunæ, siderumque omnium distinctione, varietate, pulcritudine, ordine. Eodem recidit Chryppus discursus, Si est aliquid in rerum naturâ quod hominis mens, quod ratio, quod vis, quod potestas humana efficere non possit, est certè id quod illud efficit homine melius : Atqui res cœlestes, omnesque eæ quarum est ordo sempiternus, ab homine confici non possunt : Est igitur id à quo illa conficiuntur homine melius. Id autem quid potius dixeris quàm Deum ? Etenim si Dii non sunt, quid esse potest in rerum naturâ homine melius ? In eo enim solo ratio est, quâ nihil potest esse præstantius. Esse autem hominem qui nihil in omni Mundo melius esse quàm se putet, desipientis arrogantia est. Ergo est aliquid melius : Est igitur profectò Deus. Hactenus Chryppus. Non absimilis est Ciceronis discursus ; An si domum magnam pulcrâque videris, non possis adduci ut, etiamsi dominum non videas, muribus illam & mustelis edificatam putes ? tantum verò ornatum Mundi, tantam varietatem pulcritudinemque rerum celestium, tantam vim & magnitudinem maris atque terrarum, si tuum ac non Deorum immortalium domicilium putes, nonne planè desipere videre ?

Dei majestatem cum è singulis naturæ operibus elucere Ethnici animadvertent, omnium penè rerum nomina fovi tribuerunt : ut patet ex Orphei carmine, quod in libro suo De Mundo allegat Apuleius ; Ζεύς ἀετὸς γένετο, Ζεύς ὕδατος, ἀρχαῖος ἄνθρωπος. Ζεύς κεφαλὴ, Ζεύς μέσση· Διὸς τ' ἐκ πᾶσι τέτυκτο. Ζεύς πυθμὴν γαῖης· ἡ καὶ ἐργὰν ἀσπερόντες. Ζεύς ἀρσεν γυναικὶ, Ζεύς ἀμειβοτός· ἐπλετο γυνή. Ζεύς ποιητὴ πάντων. Ζεύς ἀκαμάτης πρὸς ὀρμήν. Ζεύς πόντος ῥίζα· Ζεύς ἥλιος, ἡ δὲ σελήνη. Ζεύς βασιλεύς. Ζεύς ἀρχὸς ἀπάντων ἀρχαῖος ἄνθρωπος. Πάντας γὰρ κρύβας αὐτὸς φέρε· ἐς πολὺ γέρας, Ἐξ ἑρῆς κραδίης ἀνέβη κατὰ μέγεθος ῥέζων. Eundem Mundi finem indigitasse videntur Philosophi, qui Mundum hunc Dei civitatem, templum domumque appellarunt. Est, inquit, Cicero, lib. 1. De legibus, universus hic Mundus una civitas communis Deorum atque hominum : Quorum etiam causâ factum Mundum ait, 2. De nat. Deor. Philo, in libro De plantatione Noe, appellat eum εὐπρωτὴν καὶ εὐνοίαν. In libro De somniis, 1. οὐδὲν ἀνθρώπου, inquit, οὐτοσὶ κόσμος οὐδὲν ἄλλο ὅστιν ἢ οὐρανὸς θεῶν. Paulo post nominat ἱερὸν θεῶν. ἐν τῷ ἀρχαῖον· ὁ ἀσπερόντος αὐτῷ θεῶς λόγος. In eandem

sententiam scribit in libro περὶ μοναρχίας, ab initio ; Τὸ ἀνωτάτω καὶ πρὸς ἀλήθειαν ἱερὸν θεοῦ νομίζουσιν τὸν σύμπαντα καὶ κόσμον. Ἐν τῷ βίβλῳ τῷ ἀνωτάτω τῆς ἡσυχίας ὄντων ἐπὶ αἰῶνος, οὐρανὸν, ἀναθήματα δὲ τῶν ἀστέρας, ἱερὰς δὲ τῶν ἐποδιαίων αὐτῶν καὶ δωμάτων ἀγγέλων. In libro περὶ ἀρετῶν καὶ κόσμου nominat θεὸν πρὸς μέγεθος καὶ οὐρανὸν θεῶν αἰδότην. Dion Chrysostomus, Oratione 36. ait Philosophos ἐκ δυνάμει ἀποφύνασθαι τὸν ἀπαντα κόσμον οὐρανὸν τε καὶ δόξας. Christiani olim calumniatoribus Ethnicis quod templa non haberent exprobrantibus responderunt, Dei templum esse universum hoc quod cernitur. Nimirum magnificā hanc appellatione Ethnici & Christiani indigitarunt, ex augustissimā hanc mundi machinā undiquaque elucere immensam Dei sapientiam & potentiam, veluti è splendidis Regum palatiis cum sapientia artificum tum potentia & magnificentia possessorum colligi vulgò solet. Sic igitur creati mundi finem, qui Divinæ gloriæ est illustratio, Creator est adsecutus apud Gentiles pariter & Christianos.

IV. Enarrat autem, ut paucis multa complectar, mundus gloriam Divinæ bonitatis, potentiae sapientiae. Bonitatem loquitur liberrima voluntas ut essent quæ antè non erant, nec nisi volente Deo esse poterant ; eorundemque, postquam exstiter, conservatio ; necessariorum omnium procuratio ; quia & eorum quæ ad delectationem pertinent, liberalissima subministratio. Potentiam loquitur immensam cœli ac terræ ex nihilo creatio, solius voluntatis nutu in momento peracta. Sapientiam loquitur tam miranda rerum creaturarum varietas, admirabilis omnium compositio, tam divina omnium dispositio, tam mirifica omnium gubernatio. De quibus singulis pulchrè differenter vide Joannem Combachium, Physicæ. lib. 1. c. 1. qu. 6. quæ explicat quomodo Mundus visibilis possit dici speculum rerum invisibilium.

THESIS III.

Subordinatus est Homo, cui totus inservit Mundus.

Ἐκθεσις.

I. Mercurii Trismegisti in libro περὶ εὐσθεσίας καὶ φιλοσοφίας, memorabile dictum est ; Πρῶτον ὁ θεός, δεύτερον ὁ κόσμος, τρίτον ὁ ἄνθρωπος· ὁ κόσμος δὲ διὰ τὸν ἄνθρωπον, ὁ ἄνθρωπος διὰ τὸν θεόν. Conditum esse Mundum propter hominem, ex hisce constat rationibus.

1. Ex summo hominis fine. Homo enim primariò est propter Dei gloriam agnoscendam & prædicandam : Ergo reliquus totus Mundus est propter hominem. Antecedens extra dubium est : Cum enim

inter mundana corpora solus homo rationis sit particeps, solus etiam primario Dei gloriam agnoscere & prædicare potest: alia rationis expertia non nisi materiam Divinæ gloriæ prædicandæ subministrant. Ratio consequentiæ est; Quia, uti modò indigitavimus, reliqua omnia universi membra quasi gradus sunt quibus ad Dei agnitionem & prædicationem ascendit homo. Ut igitur scalarum gradus propter eum sunt qui per eos in altum enititur, sic & universi mundi, tanquam ingentis scalæ, gradus, hoc est, partes integrales, sunt propter hominem, qui hisce adminiculis ad Creatorem ascendit: Quod egregiè ostendit Robertus Bellarminus in libello cui titulus, *De ascensione mentis ad Deum per scalas rerum creaturarum*. Ad primæ rationis hujus illustrationem faciunt elegantia Lactantii verba, lib. 7. De Divino præmio, cap. 5. *Quæ utilitas Deo in homine, inquit Epicurus, ut eum propter se sciret? Scilicet ut esset qui opera ejus intelligeret, qui providentiam disponendi, rationem faciendi, virtutem consummandi & sensu admirari & voce proloqui posset. Quorum omnium summa hæc est, ut Deum colat: Is enim colit, qui intelligit hæc: is Artificem rerum omnium, is verum Patrem suum debitâ veneratione prosequitur, qui virtutem majestatis ejus de suorum operum inventionem, inceptionem, perfectionem metuit. Unde patet quàm egregiè finis hic subordinatus ad summum dirigatur.*

2. *Ex rerum creaturarum serie.* Postrema enim omnium creaturarum Homo fuit, quem in amplissimum hoc mundi theatrum, cætera numeris suis absoluit, tanquam legitimum possessorem Deus introduxit, & in medio collocavit, adeoque in gratiam ejus hanc universi mundi machinam excitatam esse haud obscure significavit. Insigniter rationem hanc illustrent elegantia Joannis Pici Mirandula verba, in Oratione de homine, quæ digna relatu & observatu: Jam summus Pater Architectus Deus hanc, quam videmus, mundanam domum Divinitatis templum augustissimum arcana legibus sapientia fabrefecerat; supercaelestem regionem mentibus decorarat, æthereos globos æternis animis vegetarat, excrementarias & sæculentas inferiores mundi partes omni generis animalium turba complerat: sed opere consummato desiderabat Artifex aliquem qui tanti operis rationem perpendere, pulcritudinem admiraret, magnitudinem admiraretur. Idcirco, jam rebus omnibus absolutis, de producendo Homine postremo cogitavit. Verum nec erat in archetypis unde novam sobolem effingeret, nec in thesauris quod novo filio hæreditarium largiretur, nec in subselliis totius orbis ubi universi contemplator iste sederet. Jam plena omnia, omnia summis, mediis infimisque ordini-

bus erant distributa, sed non erat paternæ potestatis in extremâ securâ quasi essetam defectisse, non erat sapientia consilii inopiâ in re necessariâ fluctuasse, non erat benefici amoris ut qui in aliis esset divinam liberalitatem laudaturus in se illam damnare cogere-tur. Statuit tandem optimus Artifex, ut cui dare nihil proprium poterat, commune esset quicquid privatum singulis fuerat. Igitur hominem accepit indifferetæ opus imaginis, atque in mundi positum medietullo sit est allocutus; Nec certam sedem, nec propriam faciem, nec minus ullum peculiare tibi dedimus, ô Adam, ut quam sedem, quam faciem, quæ munera tute optaveris, pro tuâ sententiâ habeas & possideas: Definia ceteris natura inter præceptas à nobis leges coercetur; in nullis angustiis coercitur, pro tuo arbitrio, in cuius manu & posui, tibi illam præfinies: Te medio mundi posui, ut circumspiceres inde commodius quicquid est in Mundo: nec te caestem neque terrestrum, neque mortalem neque immortalem fecimus, ut tui ipsius quasi arbitrarius honorariusque plastes & victor in quàm malueris te formam effingas. Idem elegantissimis duabus comparationibus spectaculi & convivii, in libro De mundi opificio, expressit Philo. Ut enim ad prandium vel cenam convivâ adduci prius non solet quàm bene instructo convivio, nec invitari ad spectaculum spectator prius quàm omnia sint comparata quæ aures oculosque spectantis oblectare possint, ita & universi Moderator in hunc Mundum tanquam ad convivium & spectaculum introducere hominem prius noluit quàm ab omnibus rebus esset instructissimus. Digna nobis videntur Philonis verba quæ huc referantur; *Καθ' ὅσον οἱ ἐσθότες οὐ πλεονέχουσιν ἐπὶ δὲ πρὸν καλοῦσιν ἢ τὰ φῶς εὐαχίαν πάντα εὐπερίσταν, καὶ οἱ τοὺς γυμνικοὺς καὶ οὐλικούς ἀγῶνας πένοντες, πρὶν συναγαγεῖν τὸς θεατὰς εἰς τὰ θέατρα καὶ τὰ σάδρια, εὐβελίζουσιν ἀγωνιστῶν καὶ θεαμάτων καὶ ἀκροατῶν πλῆθος: τὸν αὐτὸν τρόπον καὶ ὁ ὁρῶν ἡγεμὼν, οἷα πρὸς ἀθλοθέτης καὶ ἐσθότες, ἀνδρωπον καλεῖν μέλων ἐπὶ τῇ εὐαχίᾳ καὶ θεωρίᾳ, τὰ εἰς ἐκτέλεσιν εἰδὸς προεὐτρεπιστο, ἢ εἰς ἡ κάσμιον ἐκσταθῶν, αὐτοὺς εὐρη καὶ συμπόσιον καὶ θέατρον ἐκαστατοῦ τὸ μὲν, ἀπάντων πλήρες, ὅσα γῆ καὶ ποταμοὶ καὶ θαλάσσης καὶ ἡρ φέρουσιν εἰς ἀκτὴν τε καὶ ἐπὶ θαλάσσης τὸ δὲ παντοίων θεαμάτων, ἀκαταπληκτικώτατας μὲν εἶναι τοὺς εὐστας, κατὰ πληκτικώτατας δὲ τὰς περὶ ὀπταίας, θαυμασιωτάτας δὲ τὰς κινήσεις καὶ χρεῖας, ἐκτέλεσιν ἡρμοσμένας, καὶ αἰσθῶν ἀναλογίας, καὶ πεισθῶν συμμοσύναις. Similia fere habet Dion Chrysostomus in Orat. 30. ubi canticum cujusdam tale adducit; *Ὡς δὲ καὶ κάσμιος οἶκός ἐστι πάνυ καλός τε καὶ θεῖος, ὡς δὲ θεῶν τε καὶ σκευασμένος ὡς πρὸς ὡς εὐδαιμόνων τε καὶ πλεσιών καλεμένων ἀνδρῶν οἶκος**

stantiora quàm homo, qui terrestris & elementaris est: Ergo corpora cœlestia non sunt propter hominem.

3. Arguit *Scaliger*; Homo est imperfectus, qui multorum eget adminiculorum ad sui conservationem, & noxiorum, quæ plurima sunt, aversionem: Ergo non omnia in hominis usum sunt facta.

4. Arguit *Veileius Epicureus*, apud *Ciceronem*, l. 1. De nat. Deor. Si omnia hominum causâ à Deo essent constituta, vel sapientum vel stultorum causâ essent constituta: Atqui nec sapientum nec stultorum causâ: Ergo omnia hominum causâ non sunt facta. Assumptionem probat, de sapientibus; Quia pauci sunt: At non est verisimile propter paucos tantam rerum molitionem esse factam. De stultis; 1. Quia causa non fuit cur de improbis bene mereretur. 2. Quia stulti sunt miserrimi, qui nec venientia vitare possunt, nec ferre præsentia.

III. Resp. ad 1^m. Assumptionem negamus: Approbationes partim falsæ, partim inconsequentes sunt. In genere autem observandum, cedere aliquid in hominis usum immediatè, vel mediatè. Immediatè, quod vel homini in cibum potumque est destinatum, ut sunt plantæ & animantes plurimæ; vel medicamenta eidem suppeditat, quo in genere sunt animantes & plantæ quædam venenatæ; vel amictum sufficit; vel servitia præstat; vel vitæ rectius instituendæ exempla subministrat, ut Apis & Formica, ad quam ignavos Scriptura quoque amandat? vel deniq; ad hominis patientiam exercendam, & pœnam, quâ humilietur & suam cognoscat imbecillitatem, inferendam facit, quo in censu sunt Pulices, Culices, Muscæ, Mures, &c. Mediatè verò in hominis usum aliquid cedit, quod non hominis quidem proximè inservit necessitati, certo quodam respectu, sed aliorum animantium, quæ homini cibum, amictum, servitia, medicamenta aut delicias suppeditant: Sic ex. gr. etsi Bufones, Serpentes, Culices, Muscæ, &c. hominis vitam per se non conservant sed potius destruant, gratum tamen aliis animantibus, quibus cum voluptate vescitur homo, cibum administrent, ut piscibus, avibus, aliisque quadrupedibus. In specie jam assumptionis approbationes videamus.

Primum igitur quod attinet animantia indomita, paucissima ea sunt inter quadrupedia: Nam & Leones, Ursi, Pardi cicurantur, possentque dubio procul & alia cicurari, si hominum accederet industria: Quæ verò cicurari nequeunt, ut scribunt de Monocero & toto ferè piscium genere, capi nihilominus possunt, & macata in hominis converi usum: Venenata verò homini inserviunt partim immediatè, quatenus medicamentorum compositionem ingrediuntur, partim mediatè, quatenus aliis animantibus, quæ

homini sunt usui, in nutrimentum cedunt. Denique quæ abjecta sunt, & molestia homini creant, & ipsa vel immediatè homini inserviunt, dum patientiam ejus exercent & ad imbecillitatis suæ agnitionem adducunt, vel mediatè, dum gratum aliis animantibus cibum suppeditant.

Ad 2^m. Conclusio *Bodini* directè contradicit sacra Scripturæ, loco nimirum quem suprâ ex *Deut.* iv. 19. allegavimus. Falsa igitur sit oportet alterutra præmissarum, vel utraque: Et propositio quidem, si è rebus humanis judicium sit faciendum, universaliter vera non est: Sæpe enim præstantiora sunt propter minùs præstantia. Sic ex. gr. Magnates in canum, equorum, aliorumque brutorum gratiam servos conducunt, suntque homines propter bruta ista, non bruta propter homines. Natura quoque ejusdem canonis universalitatem infringit: Stellæ enim sunt propter elementa terram & aquam, non aqua & terra propter stellæ; inserviunt enim stellæ elementis, non elementa stellis: veluti corpus quod ad ignem calefit, nemo dixerit esse propter ignem, sed ignem potius propter corpus calefaciendum. Imò nè in supernaturalibus quidem canonis sua constat universalitas: Propter homines emitti sanctos Angelos, expressè Scriptura dicit, *Heb.* i. 14. & tamen Angelos hominibus esse præstantiores nemo facile negabit. Sed missâ propositione, assumptionem tanquam falsissimam & in præstantiam hominis iniquissimam negamus. *Μὴ οὐδὲν* sit oportet qui *Bodino* concesserit cœlestia corpora hominibus esse præstantiora: Hominem enim ad imaginem Dei conditum Scriptura asserit, & res ipsa loquitur, corpora cœlestia ad imaginem Dei condita esse nuspiam Scriptura asserit, nec res docet. Rationes particeps est homo; nè infimus quidem vitæ gradus cœlestibus corporibus competit. Homo æternæ felicitatis capax est, cujus certè capacia non sunt corpora cœlestia. Ipsum quoque hominis corpus, etsi variè compositum & corruptibile est, cœlestibus tamen corporibus non immeritò præfertur, cum quia naturale est animæ domicilium, tum quia multiplici organorum, quibus præstantissimæ functiones administrantur, apparatu ad miraculum usque instructum est. *Augustinus* non Hominem tantum Soli præfert, sed & Muscam, ratione animæ & miræ membrorum agilitatis. Opponimus etiam *Bodino Scaligeri* discursum, *Exerc.* 250. §. 1. Dico rerum omnium omnes species propter hominem conditas esse; etiam cœlos ipsos apud vos Astrologos. Quid enim gubernarent, si te non gubernant? Muscam? Nequaquam. Præterea factò homine quievit Deus. Tum etiam sabbatum factum est propter hominem, non autem homo propter sabbatum. Sed & propter hominem homo Deus.

Deus factus est. Caterum quia vobis Philosophis nostra simplicitas contemptui est, paulò crassius agamus. Cui rei facta est habitatio? Animalibus. Quis horum omnium autor? Deus. Quis secundum Deum, & cum Deo? Caeli. Quis caelos fecit? Deus. Quod animal nobilissimum? Homo. Propter hominem ergo Caelorum actiones: Igitur & propter hominem caeli ipsi.

Ad 3^m. Antecedens ambiguum est: Etsi enim homo respectu Creatoris sui est imperfectus, inter alia tamen creationis opera, si solos excipias Angelos, opus est longè perfectissimum. Nec refert quoddam sui conservationem multorum egeat adimiculatorum: hoc enim imperfectionis indicium est minimè sufficiens, nisi quis fortè putet principem servis suis longè imperfectiorem esse, eò quod ad sui conservationem plurimum egeat quam quilibet servorum. Et verò hanc ipsam ob causam propter hominem Deus omnia condidit, quia talem conditurus erat hominem qui omnibus istis opus erat habiturus.

At enim, inquit, homo ex contrariis compositus non ad suam utilitatem patitur caloris corruptionem, sed ad interitum. Resp. Cum dicimus omnia propter hominem esse, ejusque suo singula modo inservire usus, de creaturis omnibus nobis sermo est; quarum nulla tam est homini noxia quin aliquid præstare commodi possit. Etiam si igitur per summum calorem ignis hominem corrumpit, innumeris tamen aliis modis eadem est usui.

Instat; Si omnia ad hominis usum facta sunt, cur homini sensus natura dedit & motum, ut multa viraret tanquam noxia? Resp. Etiam ea quæ sæpe numero tanquam noxia vitat homo, utilia esse possunt homini, ut constat de venenis & truculentissimis bestiis. Unde patet & consequentiam rationis principalis nullam esse, quia unum idemque diverso

respectu & usui potest esse & damno. Mirum autem est à Scaligero veritatis hostes proclamari qui omnia propter hominem esse aiunt, cum tamen idem in eadem sectione pluribus probet omnia propter hominem esse.

Ad 4^m. Assumptionem negamus: Arguit hæc negatio Gentilem cæcitatem. Et sapientibus & stultis, hoc est, & probis & improbis, servire hic mundus natus est: Sinit enim Altissimus solem suum oriri super bonos & malos. Inprimis tamen bonorum gratia à Deo conditum, quicquid conditum: Quorum paucitatem & mundanæ machinæ magnitudinem frustra Epicureus objicit: Cum enim in paucorum bonorum, si cum malis ii conferantur, gratiam ipse Deus homo sit factus, quidni & mundum propter eosdem factum credamus? Deinde bonorum absolute consideratorum tanta non est paucitas quantam sibi forsitan imaginatus est Epicureus. Sunt ii, volente ita Creatore, per universum dispersi mundum, ut ubique Dominum habeat Mundus cui famuletur; cui non parca sed liberalissimâ manu affundit Deus quicquid vel ad conservandum vel ad delectandum tanti domicilii possessorem requiri potest. Nec verò improbis deesse quicquam Deus patitur quod ad hanc vitam tolerandam sit necessarium; quos non minùs cælum fover, terra gestat, plantæ & animantia alunt ac vestiunt, quam probos, idque volente ita Creatore. Nec ut bene de improbis mereatur, improborum meritis, sed bonitate suâ adducitur. Etsi verò præsentibus commodis ita non utuntur uti debebant, nempe ad Creatoris gloriam, secundarium tamen assequuntur finem, qui hominis est conservatio. Si igitur & sapientibus & stultis totus hic mundus inservit, utique volente & disponente ita Deo inservit; nam si nollet inservire, vel unico prohibere nutu posset. Si volente & disponente Deo inservit, utique hoc fine factus ab ipso est ut inserviat.

CAPUT VIII.

De Mundi loco & positionis differentiis.

Subjectus Mundi locus: Th. I. Quatenus Mundo locus competat: 3^æ. 1. Timpleri sententia de Mundi loco: 2. Timpleri à Lutheranis castigatus: 3. Excusatur: ib. Differentiæ positionis Mundanæ: Th. II. Variæ sententiæ de differentiis positionū Mundanarum: 3^æ. 1. Aliorum limitationes: 2. Explicatur propria sententia: 3

THESIS I.

Hætenus causæ Mundi: Sequitur Subjectus locus: Qui Mundo non competit nisi ratione partium aggregatarum. Si tamen Mundum pro universitate omnium corporum naturalium in

pleni alicujus globi, qualem vulgò pingunt, figuram collectorum quis accipiat, & quo naturali loco extrinsecus ambiatur vel sustineatur hic globus, quærat, nullum dari respondemus, quia extra Mundum præter Deum nihil est: conti-

neri tamen & sustineri à Deo, non tanquam loco, sed tanquam causâ, verissimè dicitur.

"Ex 3. 16.

I. Quæ unum per se non sunt, sed per partium aggregationem, sine interveniente substantialis formæ vinculo, per se quoque in loco non sunt, sed ratione partium tantum. Veluti quæ unum per se sunt, per formam substantialem, ut homines, bruta, &c. per se in loco sunt; partes verò eorum, ratione totius. Unde *Aristoteles*, 4. *Phys.* tex. 65. negat partes in loco esse, sed in toto: ubi loquitur de toto compositivo, quod per formam substantialem unum est. Cum igitur Mundus sit totum quoddam aggregativum, per se quoque in loco non erit, sed partium duntaxat respectu, puta cælorum, elementorum, animantium, &c. Sic & *Averroes* judicat, in 3. *Phys.* 54. *Mundus*, inquit, non est in loco, nisi per accidens; & *Mundus est in loco, quia partes ipsius sunt in loco.* Sed remotâ subtiliori distinctione, si queratur an totum Mundi aggregatum in aliquo externo sit loco propriè sic dicto, quo vel sustentetur valè undiquaque ambiatur, in negantem partem omnino eundem judicamus. Manifesta negationis ratio est, quam & in thesi attingimus; Quia extra Mundum nullum datur corpus quod vel superficie suâ extremam Mundi circumferentiam undique ambiat vel parte aliquâ applicatum sustineat.

II. *Timplerus*, generalis suæ *Phys.* cap. 3. 1. probl. 8 contendit Mundum esse in loco; cum creatura Dei sit finita & quanta, in longum, latum & profundum extensa, cui necessariò locus competat. Adhuc, quod in loco nullo est, creaturam non esse, neque essentiam & quantitatem habere finitam. Tandem verò illum Mundi locum affirmat Deum esse, qui loci instar contineat & conservet Mundum: Necesse enim esse ut tandem ad unum aliquem primum locum perveniat, supra quem nullus sit alius, & qui tantum ibi non autem locati rationem suscipere queat: hujusmodi verò locum aliam nullam esse posse nisi solum Deum, qui solus sit illocalis.

III. In hunc *Timpleri* locum cum *Lutherani* incidissent, mirè optimum virum exagitarunt, & nescio quarum absurditatum & blasphemiarum accusarunt, acceptis loci naturalis affectionibus, Deoque applicatis; ut videre est in *Caspari Bartholini* Quæstionibus Cosmologicis, q. 24. Quod si de externo loco propriè sic dicto *Timplerum* loqui evicerint, sententiam longè absurdissimam & ab omni Theologiâ & Philosophiâ alienissimam esse

ipsimet judicamus: Sed quis, quæso, adeò dementem credat *Timplerum*, virum religiosum & inter Orthodoxos à puero educatum, ut affirmare audeat Deum esse locum Mundi propriè sic dictum? cum ipse coporei loci affectiones, si rō continere & conservare excipias, in Metaphysicis quàm longissimè à Deo removeat: Et si, quod non desiteor, rationes à *Timplero* in allegato Problemate productæ omnino videntur pro loco extrinsecus ambiente & sustinente militare: quas hoc sensu acceptas ipsi falsissimas esse pronunciamus. Nam si omne corpus naturale in externo loco propriè sic dicto ambiente vel sustinente est, necessariò processus in infinitum fuerit dandus: Deum enim, qui illocalis est, pro externo loco propriè sic dicto substituere, ab omni ratione & pietate alienum est. Itaque crediderim Deum à *Timplero* locum esse appellatum, non quod propriè sic credat esse locum, sed quod loci vices eum supplere existimet quoad continendi & conservandi virtutem: Ut enim locus naturalis continet & conservat, sic & Deus continet & conservat, modo tamen longè diversissimo: quæ enim de Deo simul & creaturis enunciantur, ita Deo sunt tribuenda ut omnis imperfectio removeatur. Interim non negamus aliquantò circumspectius loqui debuisse *Timplerum*, & calumniandi ansam malevolis præripuisse. Si tamen par pari libéret referre, non minùs promtum nobis esset *Jacobum Andriæ* simili modo exagitare: At enim, in *Protocoll. colloq. Maulb.* pag. 95. & in *Apolog. fol. 77. Deum esse electorum cælum, & locum felicitatis ipsorum.* Quid si & hic quis excutere loci proprietates, & Deo applicaret? Qui verò Deum Mundi locum appellarunt & alii fuere: Videatur *Oswaldi Crollii* præfat. in tractatum De signaturis rerum internis, pag. 13. *Deus est Ens omnium Entium, hoc est, locus, origo & complicatio creaturarum omnium.*

THESIS II.

Differentiæ positionis quoad locum per se & naturâ suâ Mundo non competunt nisi duæ, *superum* & *deorsum*.

"Ex 3. 16.

I. Mundanæ machinæ positionis differentias locum concernentes plerique Philosophi tribuunt, magnâ tamen sententiarum discrepantiâ. *Cleomedis* opinio hujusmodi est; Tanquam hypothésin sumit minime dubiam, Mundum esse corporeum: Unde infert propemodum esse necessum ut in eo superna, infera, antica, postica concedamus. Et quidem unum Mundi locum constituit *medium*, in quem gravia nutu suo vergunt; *supremum*, qui undique medio

medio incumbit, ad quem levía enituntur; *anticum*, qui ad Occidentis orbis partes proclinetur, quia illuc motus adnuit; *posticum*, qui Orienti relinquitur, quia inde ad occasum fertur: unde consequi colligit *dextram* ad Septentrionem, *sinistram* ad Meridiem esse. Hanc distributionem ab *Egypti* petitam putat *Caelius Rhodiginus*.

Aliter Mundi partes Varro constituit, scilicet ad coelum applicatione; eius *sinistram* ad Orientem, *dextram* ad Occasum, *anticum* ad Meridiem, *posticum* ad Septentrionem refert. *Varronem* *Plinius* sequitur, cum ait, *Sidera errantia contrarium Mundo cursum agere, id est, levum, semper illo in dextrum praecipit: Pythagorae, Platonis & Aristotelis sententiam hisce verbis exprimit Galeus*: Πλάτωνος ὁ Πλάτων ὁ Ἀριστοτέλης δὲ τὸν κόσμον ὡς σφαῖραν εἶναι τὴν ἑξῆς, αὐτὸν δὲ πρὸς τὴν ἀριστερὰν τὴν κινήσεως, δεξιὰν δὲ τὴν ἐπὶ τὴν ἡμισφαίρειαν δὲ τὴν ἑξῆς εἶναι τὴν ἀριστερὰν τὴν κινήσεως, δεξιὰν δὲ τὴν ἐπὶ τὴν ἡμισφαίρειαν. Vide & *Plutarchum*, lib. 2. De placitis Philosophorum. c. 10.

Augurum scientia *dextrum* ad Meridiem, *sinistram* ad Septentrionem rejicit: quibuscum sentit *Empedocles*: Astronomis qui circa Aequatorem habitant, *dextrum* est Occidens, *sinistram* Oriens. Poetis verò *dextrum* Septentrio, *sinistram* Meridies, Geographis circa Aequatorem *dextrum* est Oriens, *sinistram* Occidens: quos Physici sequuntur. Quibus rationibus singuli ducantur, videatur apud *Cornelium* lib. 2. De coelo, c. 2. q. 1. art. 2.

Aristoteles, in 3. De coelo, duplici ratione Mundi coelestis differentias assignat: Nam ob diurnum motum in Oriente constituit *dextrum*, in Occidente *sinistram*, in Meridie *anticum*, in Septentrione *posticum*, in polo Antartico *superum*, in Arctico *inferum*: Contra verò ob motum secundorum mobilium in Occidente constituit *dextrum*, in Oriente *sinistram*, in Septentrione *superum*, in Meridie *inferum*.

Danaus, Physicæ Christianæ part. 1. c. 30. contendit in Scripturâ Orientem appellari *anteriorum* Mundi partem, Occidentem verò *posteriorem*, Meridiem *dextram*, Septentrionem *sinistram*, totam coelestem regionem *superam*, terrestrem *inferam*. Et quidem de supero & infero dubium non est: Pro reliquis differentis allegat *Iobum*, cap. 23. 8. 9. *En si introsum i vero, non adderis: si verò retrorsum, non animadvertam eum: Cum aget ipse ad sinistram, non tamen videbo: operiet dextram, nec tamen respiciam*. Rationem etiam hac adfert: Quia illa quoque hominis pars anterior censetur in qua facies & lux corporis, idem igitur iudicandum fuerit de illâ Mundi parte unde lux primum nobis

oritur, quò hominum quoque & belliarum converti vultus solent.

II. Hæc citra limitationem prolata, diversimodè limitari ab aliis solent.

Arnobius, lib. 4. *Mundus*, inquit, ipse per se sibi neque dexteras neque levam, neque superas regiones habet neque imas, neque anteriores neque posteriores. Quicquid enim teres est, nullum habet initium, nullum finem. Itaque cum dicimus, *Dextra* est hæc regio, hæc *leva*, non ad Mundi habitum dicimus, sed ad positionem nostram sive quoque revocamus. In quâ sententiâ quoque *Danaus* acquiescit: In circulo, inquit, propriè & per se nihil dextrum, nihil sinistram, nihil ante, nihil pone accipi potest, cum sint omnes circumferentia partes in eo figuræ genere equaliter sitæ.

Patres *Cornelii* c. 2. De coelo, cap. 2. q. 1. art. 2. differentias hæc coelo docent competere, si tanquam aggregatur quid ex orbe & intelligentiâ motrice accipitur: Itaque coeli *dextrum* aiunt esse quantumlibet coeli partem, cum primum ad Orientem pervenit, ubi ab intelligentiâ, quæ illuc perpetuò residet, (non enim cum habe circumferri putatur) impulsus accipit. *Dextra* parte sic constituta, reliquas ordine consignat, nempe *sinistram* in eâ parte quæ ex diametro opponitur dextro, *anterior* in eâ parte quæ inter *sinistram* & *dextram* ab Oriente ad Occidentem funditur; *posteriorem*, quæ huic adversa est inter eundem Orientem & Occidentem; *superiorem* ad polum Antarticum, *inferiorem* ad Arcticum relegant. Hæc plerorumque *Peripateticorum* sententia est.

III. Notam in thesi sententiam expressimus, nempe, ex naturâ suâ non nisi *superum* & *inferum* Mundo, tanquam toti aggregativo, competere. De *supero* & *infero* Mundi inter omnes mortales hoc constat; *Imum* esse terram, circa universi centrum collocatam, ad quam gravia in coelo vel aere constituta, & non impedita, perpetuò deferuntur; *sumum* verò esse coelum in specie sic dictum, versùs quod levía non impedita ex centro efferuntur: quod sacre Scripturæ autoritate testatissimum est. Videatur *Danaus*, parte 2. Phys. cap. 30. Hi termini in naturâ & universo sunt perpetui & immutabiles: *Aristoteles* lib. 4. Phys. c. 1.

Patricii adversus *superum* & *inferum* rationes planè sunt inefficaces. Excipit 1. In sphaeris celestibus, quæ longè maxima sunt mundi pars, à primâ contentis; & in eâ veluti loco sitis, nihil *superum* nihil *deorsum* est. Resp. Falsum hoc: Orbium coelestium (concessâ impræsentiarum hypothesi) alios aliis esse superiores, omnes fatentur Mathematici: Nec verò aliter se res habere potest: siquidem non potest non esse *superius* quod à centro est re-

motum; *inferius*, quod eidem est propinquius. Et quis, quælo, nescit fixas stellas erraticis esse superiores, & ex planetis alios aliis inferiores?

Excipit 2. Nec in loco hoc nostrate *inferum* datur & *superum*: Nam loci nostri *deorsum* est ad pedes, *sursum* ad caput: pilei verò, qui in capite geritur, *deorsum* est, quod nobis *sursum* est; & quod nobis *deorsum*, terræ *sursum*. *Sursum* igitur & *deorsum* reverà non videntur esse in naturâ. *Resp.* *Sursum* & *deorsum* absolutè sumtum in mundo fixum & perpetuum est, quod definitum à nobis paulò antè; respectivè autem acceptum, varium & mutabile; Quod enim mihi in terrâ constituto *sursum*, id alteri in summitate turris stanti *deorsum* esse potest. Illud naturâ mundo inesse, non hoc asserimus: Illud igitur per hoc ex naturâ eliminari non patimur.

Excipit 3. Locorum *deorsum* & *sursum* à motu corporum gravium & levium Definitio, quiescentibus in superficie terræ videtur locum denegare. *Resp.* Cum *sursum* & *deorsum* per motum corporum levium & gravium distinguuntur & definiuntur, non actualis tantum latitudo levium & gravium, sed & naturalis inclinatio intelligitur, quam in quiete etiam retinent: Nec levia tantum sunt quæ actu *sursum*; & gravia quæ actu *deorsum* feruntur, sed & quæ ferri sunt apta per naturalem inclinationem, quæ in actum deducitur simul atque levia & gravia suis excussa sunt locis, nec aliunde impediuntur. Hactenus *sursum* & *deorsum* per se mundo competere ostendimus.

Porro *dextrum* & *sinistrum* in mundo ratione cœli per naturam non esse, statuit nobiscum *Scaliger*, Exerc. 67. idque quatuor firmat rationibus; 1. à non necessariò, 2. à perfectione & simplicitate, 3. respectu nostri, 4. ex ipsius cœli naturâ: De fin-

gulis ipse videatur *Scaliger*. Nos cur cœlo *dextrum* & *sinistrum* per naturam competere negemus, hanc potissimum rationem habemus; Quod nec figuræ nec actionis nec interiorum partium diversitas hanc positionem requirat: ob hæc enim causas *dextrum* & *sinistrum* animantibus tribuitur. Actionem plerique prætendunt, nempe motum ab Oriente: Atqui illa pars dextra censetur respectu Solis, unde motus incipit. *Resp.* Cum certum Orientis punctum in certo cœli loco per naturam nullum sit, siquidem ubique Oriens & occidens, *Scaliger*, Exerc. 67. & 99. §. 1. patet & hanc planè nullam esse rationem. Putant *Conimbricenses*, etiamsi eadem pars non est semper *dextrum* & *sinistrum*, non tamen hoc impedire quò minus differentia *dextri* & *sinistri* ex naturâ rei cœlo insint: Probant; Quia rei natura postulat ut intelligentia certum obtineat situm, è quo motum inferat. *Resp.* Dogma de Intelligentiis morticibus à nobis non admittitur: Et si maximè huiusmodi essent Intelligentiæ, ecquid mortalium constaret in quo cœli angulo latitarent? Et quis hoc pro certo auderet asserere, in eodem cœli puncto eam perpetuò hæerere? Et si maximè hæeret, sufficiens tamen hæc *dextri* ratio non esset: Quis enim navi dixerit per naturam competere *dextrum* & *sinistrum* eò quod gubernator certam in eâ sibi sedem deligat ubi gubernaculum regat?

Dextro & *sinistro* sublato, de reliquis differentiis non est quodd laboremus. Suspectas quoque hæc Mundi positiones meritò reddunt tam dissidentes Philosophorum opiniones, & longè diversissimæ earum assignatæ causæ.

Locus qui ex *Jobo* à *Danæo* allegatur, positionum quidem diversarum mentionem facit, sed Mundo eas non applicat. Hactenus de positionis differentiis.

CAPUT IX.

De finitate Mundi.

Ad juncta mundi: Th. I. Quantitas, magnitudo vel multitudo: Th. II. Mundus finitus est: Th. III. Probatur finitas Mundi, quoad molem: End. 1. Rationes pro infinitate mundi: 2. Solvuntur. 3. Mensuram mundi assignare hominis caprum superat: 4.

THESIS I.

A subjecto ad adjuncta progredimur: Quæ tria sunt insignia, Quantitas, Qualitas, Duratio.

THESIS II.

Quantitas est Magnitudo vel Multitudo.

THESIS III.

Respectu magnitudinis mundus qui-

dem maximus & capacissimus est, attamen finitus:

"End. 15.

I. Finitum ratione magnitudinis Mundum esse, non Christiani tantum sed & Seniores Ethnici agnoscunt. Rationes assertionis hæc sunt:

1. Cujus omnes partes quoad molem seu magnitudinem sunt finitæ, id ipsum est finitum: Atqui omnes

omnes mundi partes quoad molem seu magnitudinem sunt finitæ. Ergo totus mundus est finitus. Assumptio probatur 1. Extrema Mundi pars, quæ ambitu suo omnes reliquas includit, quoad molem finita est: Ergo omnes partes quoad molem sunt finitæ. Antecedens probatur; Quia cælum, quod ambitu suo omnia continet, figuratum est & superficîe clauditur. Contiguum enim est cælo sibi proximo, & ex receptâ sententiâ, rotundum est. 2. Si aliqua Mundi pars esset infinita quoad molem, sequeretur partem esse æqualem toti, infinitum enim infinito majus non datur vel minus: At consequens absurdum: Ergo & antecedens. *Fuit prima assertionis ratio.*

2. Id mole est finitum, cujus extrema diserte & perspicue demonstrantur: Atqui extrema Mundi perspicue in Scripturâ demonstrantur, *Cælum & Terra, Exod. xx. 10. Gen. ii. 2.* Mundus igitur finitus est. Propositionis ratio est; Quia infinitum nulla admittit extrema; omne enim extremum finis rationem habet.

3. Infinitas essentia solius Dei idioma & axioma est: Deus verò alteri suam gloriam non dat.

4. Quicquid mensuratum est, id finitum est: Atqui omnes creaturæ, quarum universitas mundum constituit, sunt mensuratæ: Omnes igitur sunt finitæ, & proinde mundus quoque est finitus. Assumptio probatur ex Sapient. xi. *Pondere, mensurâ & numero Deus omnia fecit.*

5. Si mundus mole suâ esset infinitus, Deus extra mundum esse non posset: At consequens falsum: Ergo & antecedens. Connexi ratio est; Quia infinito infinitum daretur majus, Si Deus infinitus esset extra mundum, & ipsum infinitum: Quod enim totum est in aliquo toto, & totum extra illud totum, majus utique est illo toto. Assumptio ex sacris literis manifesta est, 1. Reg. viii. 27. *Ecce cæli & cæli cælorum non comprehendunt te.*

II. Fuere tamen qui mundi infinitatem adstruxerint, cum ex Gentilibus, (quos inter *Anaximander*, qui Mundi principia statuit infinita; *Diogenes*, qui tamen mundum ab universo distinxit; *Seleucus* & *Stoicorum* Schola, quæ mundum unâ cum vacuo infinitum esse tradidit, sine vacuo tamen finitum esse credidit) tum etiam ex Christianis *Franciscus Patricius*, ingenium ut multarum subtilitatum & novitatum ita & absurditatum feracissimum. Turpe certè est in Christianorum Scholis adhuc paradoxum hoc defendi. Existimat etiam *Gulielmus Gilbertus*, in libro. De magnete, non aliâ re rectius intelligi infinitam Dei potentiam quàm si infinitum mole conderet mundum. Demonstrat

iones *Patricianas* audire operæ pretium est: Est igitur.

1. Posito uno contrariorum, ponitur & alterum: At finitum, unum contrariorum, est naturâ: Ergo & infinitum, alterum contrariorum, erit naturâ.

2. Deus essentiâ & potentiâ & bonitate infinitus est: Ergo mundum produxit infinitum. Ratio consequentiæ est; Si mundum Deus produxisset finitum, fuisset utique finitè bonus & finitè potens: At consequens falsum: Ergo & antecedens. Connexi ratio est; Quia talis est causa, qualis effectus. Assumptio probatur; Quia bonitatem & potentiam Dei nihil finit: non Deo aliquid superius, quod non datur; non par, quod & ipsum non datur; non inferius, quia absurdum est superius ab inferiore finire & certis includi terminis; nec denig; ipse Deus, quas enim causas haberet cur ex infinitâ bonitate & potentiâ finitam faceret? Nec verò potuit eam finire, quia nec externos admittit terminos, cum extra Deum nihil sit; nec internos, cum in Deo omnia sint.

3. Mundus est universum, quod continet omnia: Ergo mole suâ est infinitus.

III. Ad has *Patricii* rationes hunc in modum respondemus:

Ad 1^m. Propositio, Posito uno contrariorum ponitur & alterum, axioma Logicum est, quod ab *Aristotele* inculcatur 2. De cælo, cap. 3. contex. 19. Sed movent ad textum illum Patres *Conimbricenses*, ex eo quod detur in rerum naturâ unum contrariorum, non sequi absolute dari alterum, sed spectatâ tantum perfectione universi, quæ ejusmodi contraria deponit: Quod è textu quoque *Aristotelis* manifestum est. Venatur enim per hoc axioma Philosophus numerum elementorum, sine quibus sua universo non constat perfectio. Itaque axioma universale non erit, nisi de iis accipiatur contrariis actu existentibus quæ ad universi perfectionem requiruntur. Atqui hujusmodi contrarium non est infinitum naturale quoad molem: Hoc enim universi perfectionem impediret: corpus enim mole infinitum non nisi unum esse posset, adeoque excluderet alia omnia, sine quibus universum nequit esse perfectum. Non esse verò universale axioma hoc, ex ipso quoque patet *Aristotele*, qui in lib. Categ. cap. 12. de opposit. tex. 9. axioma contrarium hujusmodi ponit, *Non necessarium est, si contrariorum alterum sit, & alterum esse: Nam, inquit, si omnes sint sani, sanitas quidem erit, morbus verò non erit.* Sic ex. gr. in primâ rerum molitione omnia erant valde bona, nihilque erat mali: Imò longè ablut.

absurdissimum est dicere bonum non esse sine malo.

Sunt qui prius axioma ita proferant; *Posito uno contrariorum, ponitur & alterum actu vel potentiâ.* Sed ne hoc quidem modo ut universale admitti potest, si de contrariis loquatur quæ ejusdem sunt ordinis, hoc est, quorum utrumque ad rerum creaturam seriem pertineat: Ponitur enim in naturâ finitum actu, infinitum verò naturale quoad molem non modo non est sed ne esse quidem potest. Itaque Scholastici hoc axioma hunc in modum limitant; *Dato actu contrariorum uno, datur & alterum in naturâ mundanâ, nisi scilicet repugnet rei subtili, seu modo capax sit mundanum corpus alterius contrarii.* At corpus mundanum non est capax infinitatis.

Instat *Keckermannus*, Opposita sunt relata; relata verò simul sunt naturâ. *Resp.* Opposita sunt relata, non secundum esse, sed secundum dici: quæ simul naturâ dici possunt, non quòd utrumque sit actu extra causas suas constitutum, sed quòd unius naturâ cognitâ alterius etiam cognosci possit natura, sive sit sive non sit, sive esse possit sive non possit. Hactenus propositio primæ rationis expedita. Sed & conclusio admitti potest sano modo accepta: Est enim infinitum naturâ, non quidem quod ad naturatum creaturatum pertineat seriem, sed ipsa Natura creans, quam *naturantem* appellant barbari, quæ Deusest.

A 2^m. Consequentiam negamus. Prosyllogismi connexum falsum est: Approbatio, *Qualis effectus, talis causa*, ne in causis quidem univocis universalis est: Multas igitur admittit canon Logicus limitationes: Et primum quidem Logici valere eum aiunt in causis per se, non in causis per accidens. 2. In causis particularibus & determinatis, non verò universalibus: At Deus est causa universalis. 3. In causis voluntariè agentibus, si effectum sibi conformem velint producere: At Deus est causa voluntariè agens quæ effectum quoad infinitatem sibi conformem noluit producere. 4. Valere salvo manente modo recipiendi non eo quod effectum causæ recipit, hoc est, effectum esse conformem causæ, si capax sit affectionis causæ: At creatura non est capax infinitatis.

Itaque ex effectu finito malè arguitur Creatoris finitas seu finita potentia & bonitas. Aut, si infinitas causæ arguit effectum infinitatis, sequitur omnes Dei creaturas esse infinitas: quod falsissimum & absurdissimum est. Sequeretur eadem ratione mundum æternum esse, quia Deus est æternus; item essentiam spiritualem esse, quia Deus est essentia spiritalis; Denique prorsus immutabilem esse, quia Deus est immutabilis. Consistit ergo optime cum finitate effectus causæ infinitas: uti ejusdem quoque effectus duratio finita, essentia corporea & mutabilis, cum DEI æternitate, spiritualitate & immutabilitate. Et sic nulla *Sancti Augustini* Patricianæ consequentia est.

Ad 3^m. Nego consequentiam, si per omnia in antecedente intelligantur omnia entia creata: Contrarium autem potius hunc in modum inferimus: Omnia quæ Mundus continet, & ex quibus constat, condita sunt in numero & pondere: Ergo Mundus infinitus non est.

Gilberti sententiam quod atinet, noverit ille infinitam DEI potentiam è creatione cœli terræque ex nihilo sufficientissimè demonstrari, ut infinitâ Mundi mole, quæ multa secum absurda ferret, planè non sit opus.

IV. Etsi verò finitus est *Mundus* mensuram, tamen ejus assignare supra hominem videtur; quamvis magna sit hominum audacia in quantitate ejus mensurandâ & definiendâ. Refert *Plinius*, lib. 2. cap. 109. Positâ *Dionysidori* hypothese, harmonicâ ratione compertum esse, terram esse 96000. totius Mundi partem: quod si verum esset, consequeretur universi ambitum continere stadia 24480000000. Ambitus enim terræ, secundum *Dionysidorum*, est stadiorum 255000. Si terræ hæc ad universum vera censeatur proportio, & secundum receptam sententiam terræ ambitus statuatur esse mill. Germ. 45792000. Plura de hisce in doctrinâ de cœlo & elementis. *Plinius* quoque universi mensurationem, opus humanis viribus majus judicat, lib. 1. cap. 1. *Furor*, inquit, est mensuram Mundi animo quosdam agitas, atque prodere ausos.

CAPUT X.

De unitate Mundi.

Mundus unus: *Thef. I.* Veritas unitatis unde monstratur: *Thef. II.* Sententia varix de mundorum pluralitate & infinitate: *æd. 1.* De mundo Ideali Platoniorum: 2. Rationes Philosophorum pro Mundi unitate recensentur: 3. Solvuntur rationes: 4. Unitas Mundi demonstratur ex Scripturâ: 5. Solvuntur *Plutarchi* rationes pro mundorum pluralitate: 6. Modus unitatis Mundi: *Thef. III.* Explicatur causa unitatis prima: *æd. 1.* Secunda: 2. Tertia: 3.

THEOIS

THESIS I.

Multitudo non competit Mundo, sed principium tantum multitudinis, hoc est, unitas. Est enim Mundus unicus tantum. Hujus verò unitatis consideranda veritas & modus.

THESIS II.

Veritas unitatis est, quâ Mundum adspectabilem creaturarum corporearum compagem non nisi unicum numero ex revelatione Divinâ credimus.

Ἐκ δευτέρου.

I. Refert *Galenus* tres Philosophos inter se digladiatos: *Peripateticum*, qui Mundum unicum, plenum, extra quem nihil esset vacui, asseruerit; *Stoicum*, qui Mundum unum, plenum, sed vacuum extra Mundum constituerit; *Epicureum*, qui vacuum magnitudine infinitum & mundos in ipso multitudine infinitos voluerit, nullis demonstrationibus sed verisimilitudinibus tantum fretus. Et certè omnibus ferè seculis de unitate Mundi dubitatum est, intra & extra Ecclesiam. Inter Gentiles innumerabiles adstruxerunt *Anaximander*, *Archelaus*, *Xenophanes*, *Diogenes*, *Leucippus*, *Epicurus* & *Anaxarchus*, quem cum de Mundorum infinitate disserterem audisset *Alexander Magnus*, illacrymassè fertur; amicis verò num quid lacrymis dignum ei accidisset rogantibus respondit, *An indignum est non flere, si cum infiniti Mundi esse perhibeamur, nondum unius domini simus?* In eadem sententiâ & *Democritus* fuit, qui magnam Mundorum diversitatem esse aiebat: Non-nullos carere dictabat Sole & Lunâ; alios plantis & animantibus; contra verò omnibus hisce alios abundare. Opinionis hujus exinde videtur nata profanitas, quod vacuum quoddam immensum hi homines crediderint, & Mundi originem ad temerarium atomorum concursum retulerint. De mundorum pluralitate disputat *Plutarchus*, in libro *περὶ τῶν καλεσσομένων χυρυσμῶν*: Ubi quatuor potissimum argumentis Mundorum pluralitatem adstruit.

I. Quod sit consentaneum Divinæ naturæ, non unicum & solitarium esse Mundum, quia perfectè bonus cum sit, nullius expertis virtutis est, minime omnium justitiæ & amicitiae: Cum autem nihil frustra ut habeat, aut quo non utatur, Dei veter natura, concludit extra hunc Mundum alios esse Deos, aliisque Mundos, erga quos

utatur virtutibus istis ad communiter pertinetibus.

2. Si unicus tantum esset Mundus, exfors amicitiae, vicinitatis ac commerciorum in vacuâ infinitate fluctuaret: At hoc absurdum.

3. Nulla res naturalis subsistit ejus non sit aliqua communis ratio sive notio, neque ei generis sui appellatio congrueret, nisi præter communem rationem peculiaribus suis qualitatibus ab aliis ejusdem generis rebus distingueretur: At qui Mundus non dicitur communis esse, sed certis qualitatibus sive proprietatibus describitur: Ergo certis differentiis ab aliis ejusdem generis Mundis erit distinctus.

4. Sic nec unicus homo, nec unicus equus, nec astrum, nec Deus, nec genius unus in rerum naturâ est, dicendum utique fuerit, non unicum sed plures numero Mundos naturam completi. Ità *Plutarchus*, ut videtur, seriò disputat.

Intra Ecclesiam hæretici *Manichæi* olim Mundorum infinitatem defendebant. Ex Patribus quoque huic accessit errori *Origenes*. 2. *περὶ ἀρχῶν*: Qui quidem non uno tempore plures & infinitos Mundos exsistere cum *Epicuro* aiebat, sed continuâ quâdam successione, adeo ut finito uno inchoaretur alter, infinitâ quâdam successionis serie. Unde absurdè & blasphemè assererat, pro mundorum infinitorum redemptione Christum infinitis passurum. Continuum hanc & infinitam Mundorum novorum successionem non videtur improbare *Leo Hebraeus*, Dialogo 3. de amore, pag. 501. ubi quorundam recenset & haud obscure approbat sententiam, qui inferiorem hunc Mundum singulis septem annorum millibus, cœlestem verò unâ cum elementari per singula quinquaginta millia annorum renovari dicunt, & corruptum redactumque in primum chaos tandem ex illo chao nascendo regenerari: Quæ veterum *Rabinorum* & *Cabalistarum* deliria videntur: quibus dubio procul *Origenes* quoque dementatus est. Inter Philosophos *Methodorus* Mundi unitatem hoc impugnabat argumento; Quod absurdum esset in magno campo unam nasci spicam, & in infinito unum mundum. *Celius Rhodiginus*, Antiq. lect. 2. cap. 18. ait autores esse celeberrimos, qui à majoribus tres Mundos posteris traditos esse prodant: Esse enim primum & quidem summum, in cujus contemplatione caliget mens rerum adobruta magnitudine, hebescent sensus, nec ullo modo par sit concipiendæ excellentiæ qualiscunque & quantuscunque sit animus humanus: Addit, à scientissimis appellari *Angelicum*, à Philo ophis *intellectualem*. Proximum deinde locum habere, quem cœlestem appellemus, Infimum verò postremumque,

mumque, quem *sublimarem* nuncupemus mundum, qui sit hominis majestati contributus. Hactenus *Celcius*.

Pulcrè eadem de re disserit *Joannes Picus* præfat. 2. in Heptaplum suum : ubi Mundorum horum comparisonem elegantem instituit, eorumque figuram adducit tabernaculum *Mosaicum* in tres partes distinctum. De iisdem & *Galatinus* agit, lib. 1. Cabalæ : Ubi unum appellat *materialem*, alterum *formalem*, tertium *informem*. At enim non sunt distincti hi Mundi, sed unius saltem distinctæ partes, quarum prima aliàs *Empyrea* appellatur, Dei & beatorum spirituum domicilium, cujus majestatem & animo humano non capi posse Scriptura quoque affirmat. Eodem sensu ab antiquissimo *Zoroastre* & *Psellò* septem constituuntur Mundi, quos hunc in modum explicat *Patricius* ; *Chaldaei*, inquit, septem corporeos Mundos constituerunt : unum & primum omnium *Empyreum*, quem Menti assignabant ; tres æthereos, *Aplanen*, loca Planetarum, & *Lunæ orbem*, & hos *Animæ* subdiderunt ; & tres alios elementares, æreum, aqueum, & terreum, quos *Naturæ* tribuerunt. Longius progressus est *Jordanus Prunus*, qui tot Mundos statuit quot sunt stellæ fixæ, & hanc nostram regionem mobilium unum ex innumerabilibus Mundis facit ; putatque, si quis in stella Canis esset, eandem Mundi faciem inde ei apparituram esse : quæ nobis ex nostro Mundo fixas suspicientibus apparet. Non nisi partes hæc unius Mundi sunt, ut res ipsa docet.

II. *Platoniorum* Scholis recepta est Mundi distinctio in intelligibilem seu idealem, & sensibilem seu typicam. Sensibilem & corporeum Mundum non nisi unicum esse nobiscum agnoscit *Plato* : Per intelligibilem quid intellexerit non una omnium *Platoniorum* sententia est. *Marsilius Ficinus*, cap. 9. Compendii in *Timæum* *Platonis*, occasionem & naturam Mundi intelligibilis in *Platoniorum* Scholis prædicari ita explicat ; Quoniam visibilis hic Mundus ob multiplicem partium distantiam, qualitatum repugnantiam, effectuum diversitatem, materialium deformitatem, neque maxime unus est neque maxime bonus, ideo ante hunc existimant ab ipsâ Trinitate bonitatēque Divinâ Mundum alterum proximè emanare, & prout natura patitur, quàm simillimum ; non visibilem quidem, sed intelligibilem intellectualemque, exemplaria omnium quæ in hoc gignuntur habentem : quem quidem Divinum Intellectum nominant, non ipsum bonum, sed optimi boni Filium. Hactenus *Ficinus*.

Quod si per hunc intellectum seu mundum intelligibilem ideam seu imaginem Deo ὁμοούσιον in-

telligerent, quæ una æterna & simplicissima in se omnium rerum in tempore creaturarum ideas repræsentaret Divino quodam modo, per quam omnia tempore condita essent, utique quàm facillimè conciliari posset hæc sententia Theologiæ Christianæ, si diceremus, Mundum hunc intelligibilem seu intellectum aliud nihil esse nisi æternum λόγος, Dei Filium, per quem, Scripturâ teste, Pater omnia condidit. Et sanè hanc in sententiam multa differuntur à *Mutio Pansâ*, in lib. De osculo Ethnicæ & Christianæ Theologiæ, cap. 76, & 77. Ubi pluribus contendit à *Trismegisto* & *Platone* per mundum intelligibilem aliud nihil intelligi quàm essentialē Patris Ideam, hoc est, λόγος seu Verbum Dei, quod idearum est idea, per quam & ad cujus exemplar sensibilis mundus est factus. Digna observatu sunt *Philonis Judæi* verba, in libro De Opificio mundi, quæ citat *Eusebius* 11. De præpar. Evang. cap. 12. Εἰ πῆς ἐτελεύσας γυμνοτέροις χηρίσας τοῖς ὀφθαλμοῖς, εἶδεν ἄν ἕτερον εἶπε ἢ νοῦν τὸν ἐν κόσμῳ, ἢ τοῦ λόγου ἢ τὴν κοσμοποιήσαντα, εἰδὲ γὰρ ἢ νοῦν ἢ πῶς ἐτερόν τι δεῖν, ὃ ὁ τὸ ἀρχετέλειος λογισμὸς ἦν τὸ νοῦν πῶς πόλιν κτίειν διανομένην. Μασσας γὰρ δεῖ τὸ ὄνομα τῆτο, ἐκ ἐκόν. Τὸν γέν ἀνθρώπου γένεσιν ἀναγράφον, ἐν τοῖς ἐπεισὶ ἀπολογίᾳ διαρρήδην, ὡς ἀρα κατ' εἰκόνα θεοῦ διετυπώθη. εἰ ἢ τὸ μίσηθ' εἰκὼν εἰκόνθ', δηλοῖ ὅτι καὶ τὸ ὄλον εἶδος ὁ σύμπας ἀνθρώπος οὐ ποῖ κόσμῳ, ὁ μὲν γὰρ δεῖ τὸ ἀνθρώπινον μίμημα θείας εἰκόνθ'. Ἰλλοῖν ἢ πῇ καὶ ἀρχετύπου σφραγίδι, ὅν φασιν ἐν κόσμῳ γενεῖν, αὐτὸς ἂν ἦν τὸ ἀρχετύπου παράδειγμα, ἰδέα ἢ ἰδεῶν, ὁ δεῖ λόγος, hoc est, Si quis voluerit significantibus uti verbis, nihil aliud intellectualem dicit Mundum esse quàm Dei jam creati Verbum : nihil enim aliud civitas illa intellectualis est quàm verbum creatoris, create eam cogitantis. Quod dogma *Mosis*, non meum est. Apertè namque scribit ad imaginem Dei hominem esse formatum ; Quod si pars imago imaginis est, & universus iste mundus sensibilis ad exemplar Divinæ imaginis factus est. Primitivum ergo sigillum, quod intellectualem mundum appellamus, ipsum exemplar est, primitiva idea idearum omnium, ipsum Dei Verbum.

In eandem quoque sententiam egregiè disserit *Aristoteles*, in libro De Divinâ sapientiâ secundum *Ægyptios*, (si modò *Aristotelis* sunt libri) præsertim lib. 4. cap. 4. & lib. 7. cap. 4. & lib. 14. cap. 8. Nec est ab hac sententiâ alienus *Augustinus*, in lib. 83. Quæstionum, quæst. 45. Has igitur, inquit, rationes æternas in verbo intueri nequit anima, nisi quæ rationis oculum sanum, purum, serenum ac sanctum, ac similem eis quas videre intendit, habuerit. Si enim ipso intelligibili lumine perfusa & illustrata

cum eo cohaerit, hâc ipsâ unione beatissima fit. Has autem sive ideas, sive formas, sive species, sive rationes appellare libet, multis conceditur appellare quod libet, sed paucis videre quod verum est. Ideas autem in Divinâ mente existentes videbunt omnes qui ad ipsius verbi unionem subvehuntur. Haec tenus Augustinus.

Eodem penè modo Plato olim dixerat, paucos homines idearum esse peritos, sed Deos quidem omnes, hoc est, viros justos sanctos ac beatos; his enim in hâc virâ lumen illud è cœlo à Patre est demissum revelatumque, Patrem ab æterno Filium sui imaginem omnium rerum exemplaria continentem genuisse.

Etsi igitur Ficinus, ejusdem Compendii cap. 11. docet, existimare Platonicos quosdam ex infinitudine, hoc est, materiâ & termino, hoc est, formâ, intelligibilem Mundum à Deo constatum esse, qui proximus Mundi sensibilis Architectus materiam acceperit à bono quodammodo spirituali, sed jam jam sub se in dimensione molis degenerantem, informemque & vacuam: non tamen vera hæc Platonis, sed falsa interpretum quorundam videtur sententia. Itaque minimè audiendos arbitramur, qui intelligibilem & idealem mundum, ex Trismegisti & Platonis & Philonis sententiâ, extra Deum, supra hunc mundum, verè existere & singularum rerum visibilium distinctas in se formas seu ideas complecti existimant. Quâ in sententiâ Danavi est, Physicæ part. 1. cap. 11. Nec movet nos Danaï ratio Mundus inquit, ille est spiritualis, ubinam tandem locorum est, & quorâ modo subsistet? Utrum in Dei mente, tanquam substantia in substantiâ? Certè non potest; quia Deus est simplicissima illa natura quæ prorsus nihil nisi seipsam habet & complectitur. Utrum tanquam accidens & informatio quædam aut phantasia Divinæ mentis? Neque etiam id potest: Deus enim non admittit ejusmodi accidens, qui cum videt præsentia, non abstrahit rerum formas aut imagines: cum meditatur, non ex uno ad aliud progreditur; cum operatur & agit, non ad speciem prius efformatam in animo opus suum considerat ne erret.

Respondeo; Nullum in Deo accidens est: Est tamen in Deo Mundus ille idealis seu intelligibilis, haud equidem ut distincta substantia, sed ut imago & idea ὁμοῖος in origine, quam ἡγεμῶν πατρὸς Paris epistola ad Hebraeos appellat, modo ἡγεμῶν mutatur, quâ Divina Persona est in Personâ, Filius in Patre, & Pater in Filio. Etsi igitur Pater in se habet Filium tanquam alium, non tamen in se habet aliud, aut quiddam à naturâ suâ realiter distinctum, quia Pater &

Filii una numero est natura. Etsi quoque Deus non intelligit per ideam à rebus objectis abstractam, intelligit tamen per essentiam suam, quæ eminentissimo quodam modo omnium rerum est idea. Cum operatur, creaturam isti idæ conformem producere rectissime dicitur, sine discursu tamen & examine Angelico vel humano. Et hæc tenus de Mundo intellectuali.

III. Ad sensibilis unitatem demonstrandam jam progrediamur. Consistentes hîc nobis habemus veteres Philosophos; Thaletem, Pythagoram, Anaxagoram, Heraclitum, Zenonem, Platonem & Aristotelem, qui omnes unicum tantum sensibilem Mundum agnoverunt, etsi evidentibus & cogentibus rationibus sententiam suam adversus dissonantes demonstrare non potuerunt. Nam, si aliquid earum esset robur, concluderent sanè, non potuisse plures Mundos existere aut à Deo creari: quod pronunciatum falsitatis damnant Scholæ Christianæ. Rationes igitur Philosophorum audiamus.

1. Unum tantum est exemplar ad cuius imitationem Mundus est factus: Ergò unus tantummodo Mundus quoque est. Ratio consequentiæ; Quia Deus nihil moliri valet, nisi Divinum exemplar intuendo.

2. Deus in Mundi hujus productione omnem consumit materiam: Ergò unam mundi fabricam non potuit producere. Ratio consequentiæ; Quia sine materiâ produci Mundus nequit.

3. Si plures essent Mundi, nullus esset perfectus: At consequens falsum: Ergò & antecedens. Connexi ratio est; Quia perfectum dici nequit quod omnia non continet; at si unus esset Mundus, omnia non contineret.

4. Si alius Mundus esset extra hunc Mundum, utique hic Mundus perpetuò duraturus non esset: At consequens falsum: Ergò & antecedens. Ita pro mundi unitate disputat Plato.

5. Aristoteles pro mundi unitate disputat; Unus tantum est primus motor: Ergò unum est quoque tantum mobile, nempe mundus.

6. Unum tantum potest esse universum: Ergò unus tantum mundus esse potest. Ratio consequentiæ; Quia Mundus & universum idem sunt. Antecedens probatur; Quia universum dici nequit nisi quod omnia continet: At si plures essent Mundi, unus omnia non contineret.

7. Primarium Aristotelis argumentum, lib. 1. De cœlo, cap. 8. hoc est; Si plures essent mundi, terra quæ in alio mundo existeret ad locum hujus demicaret, idque per naturam vel per vim.

Si.

Si per vim, utique mutatio quæ esset à medio huius Mundi, ad cuius medium alterius Mundi terra violenter ferretur, foret ei secundum naturam: At hoc falsum: Ergo & illud. Connexi ratio est; Quia si qua loci mutatio alicui corpori violenta sit, ejus contraria erit ei secundum naturam, quæ tanquam verissima hypothesis ab *Aristotele* præmittitur demonstrationi. Assumptio probatur; Quia à medio universi terra naturaliter non potest moveri. Si per naturam, terra unius Mundi ferretur ad medium alterius Mundi, aliqua terra naturaliter à medio ferretur, quod absurdum est. Eadem ratio aliorum quoque elementorum est.

8 Si plures essent Mundi diversis essentiis distincti, inter duos Mundos existeret vacuum: At hoc absurdum: Ergo & illud.

9. Si Deus plures Mundos posset producere & non produceret, sequeretur potentiam in Deo esse frustraneam: At consequens absurdum: Ergo & antecedens.

I V. Rationum harum, uti diximus, si quod robur esset, evincerent utique non potuisse plures à Deo Mundos creari: Quod cum Divinæ repugnet omnipotentia (nec enim plures esse Mundos contradictionem implicat) consequens est, aut falsis aut probabilibus tantum eas niti principiis. Paucis igitur eas examinabimus, & ad singulas breviter respondemus.

Ad 1^m. Antecedens primum distinguimus; Exemplar ad quod Mundus est conditus consideratur vel quoad essentiam vel quoad representandi rationem. Quoad essentiam unicum & simplicissimum est exemplar: quoad representandi rationem, innumeris varietatibus fecundum est: Quod inde manifestum est, quia per essentiam suam unicam & simplicissimam Deus omnia distinctissime intelligit, ratione imperscrutabili, quæ omnia distinctissime representantur. Si igitur in Antecedente exemplar unum intelligatur ratione essentia, consequentiam rationis negamus: Ut enim essentia unitas obstat quod minus per eam Deus omnia intelligat entia, quæ numero propemodum infinita sunt; hic nec obstat eadem quod minus representare plures Mundos possit. Sin verò unum intelligatur exemplar quoad representandi rationem, antecedens negamus: Rationem negationis modo reddidimus. Quo sensu *Conimbricenses* aiunt, Deum non unam tantum habere ideam rationemve intelligibilem ad procreandum Mundum, sed infinitas, ad quarum intuitum possit plures Mundos producere.

Ad 2^m. Antecedens nequeunt probare Philosophi. Eadem enim facilitate quæ asserunt in unius Mundi productione omnem materiam esse consum-

ptam, alii poterunt adserere tantam materiae molem à Deo fuisse creatam vel exstitisse ut pluribus Mundi condendis sufficeret. Deinde & consequentiam negamus: Ratio quæ adfertur longe falsissima est.

Ad 3^m. Connexum negamus. Probatio ejus ambigua est, si de creatæ perfectione loquatur. Cum enim de perfecti essentia esse dicitur ut omnia contineat, per omnia intelliguntur vel absolute omnia quæ sunt, vel respectivè omnia quæ ad perfectionem alicujus requiruntur. Si prior sit probationis sensus, negamus de perfecti ratione esse omnia continere: sic enim nulla creaturarum Dei perfecta esset, quia nulla est quæ absolute omnia contineat quæ sunt. Sin posterior, principium petit probatio: Estque probandum Philosophis, Mundum hunc, etiam si plures essent alii, non continere omnia quæ ad perfectionem suam requiruntur: quod enim unius esset Mundi, si quidem plures essent, ad alterius perfectionem non requireretur.

Ad 4^m. Connexum nullius est consequentia: Quid enim, quæso, obstat quod minus plures Mundi simul perpetuo durare possint, si darare eos Deus velit? Deinde & assumptio à nullo probari potest Philosopho.

Ad 5^m. Negamus consequentiam. Tanta enim virtutis est primus Motor ut unus plura possit distinctorum Mundorum movere prima mobilia, modo esse ea velit.

Ad 6^m. Consequentiam negamus: Probatio principium peteret apud eos qui plures esse Mundos dicerent. Is enim Mundus & universum idem non essent, nisi forte per universum intelligeretur limitatum quoddam universum, non quod absolute omnia, sed quod unius Mundi omnia contineret. Distinguerent igitur inter universum absolutum & respectivum: hoc cum mundo idem esse considerent, illud idem esse negarent.

Ad 7^m. Sunt qui negent connexum, nempe, Si plures essent Mundi, unius terram ad alterius Mundi centrum non demeuraturam, sed in Mundi sui centro immoram mansuram. Sed concessio connexi disjuncto, respondemus; Si contingeret ut unius Mundi terra moveretur ad centrum alterius mundi, non per naturam sed per vim id futurum. Negamus igitur prosyllogismi connexum: Probatio ejus locum tantum habet in moribus contrariis respectu unius & ejusdem centri: tum enim si qua loci mutatio alicui corpori violenta est, ejus contraria est ei secundum naturam, ut si terra à centro hujus mundi sursum violenter fertur, ad centrum utique idem è loco superiori naturaliter fertur. Quod si verò plures essent mundi, & distincta eorum centra, terra tam ab unius quam ab altero centro violentè move-

moventur, & in uno non minus quam in alio naturaliter quiesceret.

Ad 8^m. Si vacuum sumatur pro corporum duorum disjunctorum inani intervallo, quod spacium est imaginarium, assumptionem negamus: Vacuum quidem in Mundo dari absurdum est, sed non extra mundum.

Ad 9^m. Connexum negamus: Potentia enim plures producendi mundos non est propter actua-lem productionem, tanquam finem, sed ad perfectionem Dei pertinet. Atqui tum demum frustranea est potentia, cum ad opus tanquam finem ordinatur, in actum vero nunquam deducitur vel deduci potest. Si nemo dixerit frustraneam in Deo esse potentiam excitandi *Abrahamo* liberos ex lapidibus, quam Deo Baptista tribuit *Matth. iii. 9.* etsi in actum ea nunquam deducitur, ita ut liberos actu è lapidibus exciter. Ad *Aristotelis* rationes jam pridem solide respondit *Plutarchus*, in libro supra allegato.

V. Missis igitur argumentis hiscè Philosophicis, unitatem mundi solidiore Scripturarum fundamento adstruimus. Scriptura enim omnia creationis opera quam accuratissime describens multorum mundorum mentionem nusquam facit. Non nisi unius *Genesis* *Moses* describit: Non nisi unum dilexit Deus; Non nisi uni Filium suum dedit. Unde Scriptura de mundo propriè sic dicto loquens, indefinitè mundum nominat, non hunc vel illum, distinctionis ergo; cum tamen ita deberet loqui si plures essent, ut de quo sermo esset sine errore intelligeremus. Sic *Paulus* ait *Actor. xvii. 26.* DEUM ex uno sanguine condidisse omne genus hominum, ut habitarent per universam superficiem terræ: Ubi haud obscure innuit, omne genus hominum in hoc mundo contineri, nec ullam esse terram nisi hanc cujus incolæ sunt hujus mundi homines. Atque hac de causâ est quod *Isidorus*, lib. 8. Etymol. cap. 5. Inter hæreses damnatas & illam recenscat quæ infinitos statuit mundos; quod assertio Scripturæ directè sit contraria.

VI. Philosophorum rationes pro Mundorum pluralitate nullius sunt momenti: Respondemus igitur ad *Plutarchi*.

1. Justitiæ & amicitiae suæ declarandæ patenti-ssimum in unico hoc mundo campum Deus habet. Nec frustra habet virtutes istas ad communitatem pertinentes, si maxime non nisi unicus sit mundus, siquidem communitas in eo longè maxima est, quæ omnibus suis partibus exeritur & prædicat bonitatem, sapientiam & potentiam Divinam. In specie de benignitate & justitiâ canit *David*, *Psal. ciii.* Benignitas *Jehova* inde à

seculo usque in seculum est, erga viventes ipsum, & justitia ejus erga nepotes.

Ad 2^m. Mundus per se nec amicitiam nec vicinitatem nec commercia desiderat alterius mundi: Partibus unius mundi hæc compètunt; quibus nec amicitia mutua nec vicinitas nec commercia desunt.

Ad 3^m. Propositio loquitur de corporibus naturalibus communem corporis naturalis naturam participantibus, & per certas differentias ad certas species, quarum plures sub uno genere, restrictis. Hujusmodi verò corpus non est mundus, qui non nisi corporum naturalium omnium compages est, naturamque suo modo planè singularem habet, nec genericam participat quæ individuis mundis aliis sit communis. Ab aliis igitur rebus naturalibus ad mundum non valet consequentia. Sunt tamen & aliæ res naturales planè singulares, quarum naturam aliæ ejusdem nominis res non participant, quæ nihilominus tamen subsistunt; ex. gr. Terra, aqua, Aer: Nec enim universum terræ elementum peculiaribus suis qualitatibus ab aliâ ejusdem generis terrâ, quæ communem terræ naturam habeat, distinguitur, nec aqua ab aquâ, nec aer ab aere; cum non nisi unica sit terra, unica aqua, unicus aer. Quod si exceperit *Plutarchus*, Habere terram, aquam, aerem elementi naturam pluribus hiscè individuis communem, & sic plura esse elementa, etiamsi non sunt plures terræ, aquæ, aeres; respondebo, & mundum habere entis aggregativi naturam pluribus communem individuis, non tamen mundis, sed entibus aggregativis; & sic plura esse entia, aggregativa non tamen plures mundos.

Ad 4^m. Nego consequentiam: Plura enim unius speciei individua requirit mundus, propter perfectionem suam; plures verò Mundos natura non requirit, quia unicus totius naturæ perfectionem in se continet. Hactenus *Plutarcho* satisfactum.

THESES. III.

Modus unitatis non consistit in animæ informantis unitate, sed 1. in omnium causarum efficientium subordinati-
one, 2. in omnium partium harmoniâ
& certâ proportionem, 3. in omnium ad
unum principium & finem ordinati-
one.

"ΕΚΘΕΤΙΣ.

1. Non immeritò quis quærat quid unus esse possit Mundus qui tantam tam dissimilium naturarum

com-

completarum varietatum in se continet. *Platonici* unitatis hujus causam assignant unitatem animæ informantis : Ut enim homo, etiam si corpus ejus è variis contextum est membris, unus nihilominus est & esse dicitur propter animam rationalem unam, per quam homo est : sic & Mundum in tantâ entium varietate vix unum dici & esse judicant nisi omnes ejus distinctissimæ inter se partes communi quâdam & unâ informarentur animâ. Sed hanc *Platoniorum* sententiam suprà refutavimus. Alia igitur unitatis hujus causa investiganda fuerit : Triplicem verò in thesi assignamus.

Prima est *omnium causarum efficientium subordinatio* : Quæ maximum unitatis argumentum est ; veluti confusio, quâ unum alteri non subordinatur, sed veluti in chaos omnia susque deque feruntur, aut veluti in Republicâ Cyclopica *ἑστῆς ἑστῆς ἑστῆς ἀνέκ*, infallibile multitudinis est indicium. Hæc verò causarum efficientium subordinatio in Mundo maximè conspicua est. Primum motorem esse Deum omnes confitentur : A Deo cœli & siderum cursus regi, ex naturâ cognoverunt Ethnici, ex Scripturâ longè certius norunt Christiani : Sidera in elementa influere, extra controversiam est, testes habemus sensum & experientiam : Ex elementis influxu cœlesti alteratis mista tam animata quàm inanimata effici, & ipsum testatur experientia : Ab homine denique inferiorem hunc regi Mundum, maximè verò bruta & homines, res ipsa loquitur. Sic igitur omnes causæ invicem sapientissimè sunt subordinatæ.

II. Secunda est *omnium Mundi partium harmonia seu proportio apta* ; Quæ & ipsa unitatem disertè loquitur : Ut enim quæ perpetuis scinduntur diffidiis, aut *ἀνασπαστὰ* laborant, non unum sed multa æstimantur, sic contrâ quæ amicabili iunguntur harmoniâ unitatis dignitatem sustinent. Hanc omnium operû harmoniam commendat nobis scriptura, Sapient. 11. *Omnia mensurâ & numero & pondere disposuisti*. Sic 4. Esdræ cap. 4. *In staterâ ponderavit seculum, & mensurâ mensuravit tempora, & numero numeravit tempora*. De hac Mundi harmoniâ integrum & prolixum scripsit volumen *Keplerus*, Mathematicus Cæsarius : Et egregiè de eadem disserit *Vallesius*, in Sacrà Philosophiâ, cap. 70. ubi populari quoque ratione monstrat omnia à Deo secundum certam rationem ac proportionem esse condita. Nam si considerentur omnia Dei opera artificialia quæ fieri jussit, patebit ad normam certam mensuramque ab ipso traditam facta esse : Exemplo sit arca Noe, arca fœderis, tabernaculum, & templum Salomonicum. Quod si ergo in artificialibus certam commensurationem ad eam amavit De-

us, quidni in naturalibus eandem quoque observaverit ?

Consistit autem hæc harmonia seu proportio potissimum in *quantitate & qualitate* partium Mundi. In *quantitate* quidem, 1. quoad *numerum* : Qui certus & definitus est quoad *speciem* & individua simul, in partibus quæ non corrumpuntur, ut sunt cœli, sidera, elementa ; vel quoad *speciem* tantum, ut in corporibus quorum individua tota corrumpuntur, qualia sunt omnia mista animata. 2. Quoad *pondus* : Unde videmus corpora naturalia alia aliis esse graviora & leviora & hanc ob causam superiora & inferiora. 3. Quoad *mensuram* : vel secundum extensionem, quæ in longitudine, latitudine & crassitie corporum conspicua est ; vel secundum capacitatem, quæ & ipsa in mundanis corporibus admiranda est : Terra enim, quantumvis stupendæ in se magnitudinis, respectu universi rationem centri habet : terram continet capax aqua ; aquam, aer ; aerem, secundum *Peripateticos*, ignis ; ignem, secundum eosdem, cœlum. Estque ratione continentis seu capacitatis corporum unum altero necessariò majus. In *qualitate* verò eadem harmonia est conspicua. Inferioribus enim tenebrosos & frigidioribus superna calida & lucida calorem & lucem infundunt ; ut ex totius naturæ usu omnia temperentur. Terram per se sicciorem interluit mare, & supernè rigant pluvix, ut conveniente factâ temperie plantæ ex eâ nascantur in hominum & brutorum usus. Sic & pro puritatis & impuritatis ratione aptissimè in naturâ & harmonicè disposita sunt corpora. Ut erim quodque est purius, ita & impuriori est sublimius : Unde terra omnium impurissima & maximè fæculenta infimam Mundi partem occupat ; proxima terræ est aqua, purior terrâ, aere tamen impurior, eminentior aquâ est aer, qui puritate suâ aquam longè superat. Hactenus altera causa in quâ Mundanæ unitatis ratio consistit.

III. Tertia est *omnium ad unum principium & finem ordinatio* : Quam *Scaliger* attingit Exerc. 6. §. 2. *Mundus*, inquit, non est unus ratione formæ informantis, sicut nec unione naturæ, sed unione principii efficientis & finis, propterea quod ad unum & ab uno omnia. Et *Cœlius Rhodiginus*, lib. 1. Antiquar. lect. cap. 7. *Mundum esse unum evidens dicat ratio ; Namque ordine uno & ad unum instrui debent omnia*. Cum autem ratione ordinis Mundus potissimum dicatur unus, observandum, secundum *Albertum Magnum*, trifariam ordinatum esse universum Mundum ; in se, ad hominem, & ad Deum. In se triplicem habet ordinem : 1. *Locati ad locum* : alix enim Mundi partes

ab

ab aliis continentur : 2. *Mobilis ad motorem* : alia enim partes ab aliis motum accipiunt. 3. *Potentia ad actum* : alia enim ab aliis perficiuntur. Erga hominem multiplex est ordinis respectus : Alia enim Mundi partes hominem tuentur & instruant, alia inserviunt eidem ad vitæ sustentationem

& laborum adjumenta, alia usui sunt ei ad sapientia studium, alia ad virtutum exercitium, alia ad alias commoditates. Ad Deum denique, in causalitate efficientis & finis ad participationem bonitatis.

CAPUT XI.

De figura Mundi.

Qualitates Mundi : Th. I. Figura Mundi : Th. II. An de figurâ Mundi proponi debeat quaestio : *Sæd. 1.* Rationes pro rotundâ Mundi figurâ : 2. Solvuntur : 3.

THESIS I.

Hactenus de Mundi Quantitate : Sequitur Qualitas ejus : Ad quam referimus Figuram, Perfectionem, Pulcritudinem, & Corruptibilitatem.

THESIS II.

Figura Mundi per se nulla est certa : Sollet tamen universo tribui figura extimi corporis, quod ambitu suo omnes reliquas Mundi partes includit : Id verò cœlum empyreum esse nos judicamus : Quod cuius sit figurâ ignotum est mortalibus : Rotundum tamen plerisque videtur : unde & Mundus rotundus perhibetur.

*Exordium.

I. De Mundi figurâ non proponi debere quaestionem, judicat in Cosmologiâ suâ Bartholinus : Rationem reddit ; Quia figuram nequit habere totum aggregatum ex diversissimis rebus naturalibus, quarum qualibet suam peculiarem obtinet figuram. Etsi verò Bartholini sententia nobis non displicet, præsertim si de propriâ Mundi figurâ, quæ nulla est, loquatur, ratio tamen firma non videtur. Nam & figuram per se habere potest totum aliquod aggregativum ex diversissimis partibus, quarum quælibet obtinet figuram peculiarem. Ex. gr. Turris ædificari solet rotunda, cujus nullus lapis est rotundus, rotundam ei figuram conciliante aptâ difformium lapidum coagmentatione. Interim tamen aliorum sequi vestigia, & quaestionem paucis discutere libet, quod in thesi posuimus in vestibulo disputationis repetentes. Certam figuram Mundo non competere nisi ratione corporis extimi, quod omnes alias Mundi partes complexu suo continet. Hoc si rotundum, & Mundus dicitur rotundus ; si qua-

dratum, & Mundus erit quadratus. Ingenue quoque profiteamur nos ignorare quæ extimi corporis, quod cœlum empyreum appellamus, figura sit : Aliorum igitur sententias super hac quaestione audire maluimus.

II. *Danæus*, Christianæ suæ Physicæ part. 1. cap. 13. intra eosdem modestiæ fines se continet : Postquam enim diversas de Mundi figurâ opiniones recensuit, quaerenti tandem quæ ex iis vera sit, respondet, *Deus ipse novit* ; Mundi figuram in Dei verbo nusquam definitam esse. Tandem tamen subjecit, probabilius sibi videri orbicularem esse Mundum : Quæ pertinax Scholæ Peripateticæ sententia est ; cui & Stoici, autore Galeno & Plutarcho assentiuntur. Arridet eadem Platoni & Ciceroni. Nos, inquit *Cælius Rhodiginus*, lib. 1. cap. 13. Consensum in eo mortalium sequamur, orbem appellantium : credamus & argumentis rerum, quibus revincitur abundè inscitia parum perspectè parumque exploratè sacris Philosophiæ initiatorum. Rationes Cælium si roges, nullas habet nisi communem orbis appellationem, & figuræ rotundæ encomium.

Hæc æterna manet diviisque similissima forma :

Cui neque principium est usquam, neque finis in ipsa, Sed similis toto remanet, perque omnia par est.

Quas certè non sat ponderosas causas arbitramur cur Philosophiæ melioris rudes pronunciantur qui suam de quaestione hac sententiam suspendunt.

Timplerus, Phys. cap. 3. pro rotunditate Mundi quatuor rationibus militat :

1. Quia est corpus omnium capacissimum, & ad motum stellarum circularem aptè dispositum.
2. Quia in totâ ejus circumferentiâ & structurâ nihil vacui reperitur.
3. Quia omnes ejus partes habent sphericam figuram.
4. Quia est typus Divinæ perfectionis, quæ maxime figurâ rotundâ exprimitur.

Quibus alii alias adficiunt. Est igitur.

3. Quia cœlum, extrema pars, est rotunda; hoc igitur respectu recte dicitur Mundus rotundus.

6. Sunt qui sacras literas quoque in subsidium vocent, citantes ex *Jesaja* xl. 22. *Qui sedet super gyrum terræ. & ex Proverb. viii. 27. Quando describat circulum in superficie abyssi. Videntur hoc Egyptii voluisse hieroglyphico serpentis eandem præmordentis, ut videre est apud Pererium Valerianum. Eadem intentione & veteres rotundam Mundum edem consecrarunt, quam Mundum appellant, teste Catone apud Festum.*

III. Nos, uti diximus, asseveratè hic nihil pronunciamus; nec ut pronunciamus adducere cogunt rationes: ad quas respondere facillimum est.

Ad 1^m. De Cœlo videtur ratio, non de Mundo loqui. Arguit igitur cœlum esse rotundum, 1. Quia capacissimum, 2. Quia ad motum circulaem stellarum aptè dispositum: Nulla verò hæc consequentia apparet ratio. Fatemur cœlum esse omnium corporum quæ condita sunt capacissimum: ac rotundum esse propterea non sequitur; posset enim omnibus suis contentis capacius esse, si maxime quadratum aut alterius esset figuræ. Deinde dispositio cœli ad orbicularem stellarum motum alia nulla requiritur nisi ut astris virtute propria se moventibus cedat, veluti aerem aviculis volantibus & aquam piscibus natantibus cedere videmus: Ad hanc verò dispositionem nullà opus est rotunditate.

Ad 2^m. Nec hæc ratio ullo modo quæsitum probat: Quidam enim in quacunque figurâ vacuum prohibere Deum possit?

Ad 3^m. Omnes Mundi partes sphericas esse falsum est, ut suo loco de elementis probavimus.

Ad 4^m. Nego consequentiam. Nam & homo typus est Divinæ perfectionis, qui ad Divinam imaginem conditus dicitur, quod certe de Mundo *Templariano* in scriptis non legitur, & tamen rotundus non est. Etiam si igitur figurâ rotundâ quodammodo Divinam naturam exprimit, non tamen sequitur illico rotundum esse quod Divinam perfectionem exprimit: Varii enim modi Divinam perfectionem exprimendi possunt esse. Omnia, inquit

Patricius, à Divino archetypo prodierunt, var igitur non omnia rotunda sunt?

Ad 5^m. Antecedens sat firmis rationibus nequit demonstrari, ut in doctrinâ de cœlo ostendimus: *Etsi cœluma hęc, inquit Daniens, & inferior pars circumferentia, quam certissimè, supremi cœli & omnia ambientis curvæ & orbicularis esse concedatur, potest tamen fingi extrema & superior ejusdem circumferentia pars alterius esse figuræ: Non fingi, inquam, tantum potest, sed & reverâ esse potest. Nec absurdum quicquam habet assertio, etsi probari non potest, uti nec illa de perfectâ cœli ex omnibus partibus rotunditate: Figuram illam imaginari facile est in lapide extrus quadrato, intus ad circulum excavato.*

Ad 6^m. Nec faveat sententiæ huic Scriptura: Per *CHVC* enim seu ambitum cœli, intelligi potest interior seu concava cœli superficies, cum quæ eandem esse exteriori seu convexam non sequeretur. Deinde, cum cœlum naturale non sit nisi unicum expansum ab empyreo cœlo ad imam usque terram, idque totum sui plenum, nisi quatenus vel à stellis vel à nubibus vel ab animantibus occupatur, rotunditas quoad superficiem interiorem nulla ipsi per se competit; ambitus tamen ei seu gyrus tribuitur, quia interiorem Mundum seu elementarem undiqueque attingit, & eâ quidem interioris superficiei specie quam à contentis corporibus solidis accipit. *Jesaja* locus de terrâ loquitur: quæ si maxime tota rotundâ esset, ad Mundi tamen rotunditatem probandam id nihil faceret; à partis enim unius figurâ ad totius figuram non valet consequentia: Quid verò locus ille valeat ad rotunditatem terræ demonstrandam, alibi ostendimus, & suo loco docebimus. *Locus Proverb. viii.* Scilicet non nisi de aquâ vel terrâ loquitur. Textum ita vertit *Junius*, *Cum sterneret circum in superficie. Habemus rationes. Nos in medio questionem hanc relinquimus, nec pro Mundi rotunditate pertinaciter disputantes, nec acriter nimis tam impugnantibus. Nos displicet Epicuri modelia, quæ ait, Possesse rotundos, globosos, posse etiam alia esse figurâ.*

CAPUT XII.

De perfectione Mundi.

Perfectio Mundi quoad actum vel potentiam: Th. I. Perfectio quoad actum essentialis vel accidentalis: Th. II. Perfectio essentialis in quibus consistat partibus: Th. III. Perfectio respectu absolutionis principalium partium: Th. IV. Omnes Mundi partes essentialiter sunt perfectæ: End. Perfectio respectu varietatis & distinctionis: Thes. V. Probatur hæc perfectio: End. 1. An insecta cum aliis animantibus perfectis ab initio sint creata: 2. Sententia aliorum: ibid. Propria sententia: 3. An etiam animantia venenata ab initio sint creata: 4. Perfectio respectu ordinationis: Thes. VI. Ordo omnium partium:

tium:

ium : *id.* Perfectio Mundi accidentalis : Th. VII. Imperfectio accidentalis individuatorum non tollit Mundi perfectionem : *id.* 1. Argumenta contra actualem Mundi perfectionem : *id.* 2. Solvuntur : 3. Perfecti Mundi quoad potentiam : Th. VIII. Non posse Mundum reddi perfectiorem probatur rationibus : *id.* 1. Paria quaestiones de possibili perfectione Mundi proponuntur : 2. Universum nequit perfectius esse potest extensivè, non intensivè : 3. Universum continens omne ens, creatum & increatum, eo quod actu jam est : 4. Deus potest producere universum aliud specie perfectius : 5. Universum jam existens perfectius reddi potest extensivè per productionem novarum specierum : 6. Universum quoad essentiam partium jam actu existentium magis nequit perfici : 7. Universum quoad partium jam existentium accidentia magis potest perfici : 8. Universum ita potest perfici ut partium una alterius bonum magis creatur & augeat quam modò tractatur & auget : 9. Situs naturalis partium Mundi non potest esse melior : 10. Ordo partium universi quoad finem ultimum magis nequit perfici : 11. Ordo partium universi respectu efficaciae consequendi finem magis perfici potest : 12. Respondetur ad rationes *id.* 13. Judicium de Julii Cæsaris Vanini discursu : *ib.*

THESIS I.

Perfectio Mundi consideratur quoad actum vel potentiam.

THESIS II.

Quoad actum, qualis nempe jam est actu, essentialis vel accidentalis est.

THESIS III.

Perfectio essentialis est in partium principalium, ex quibus componitur, 1. absolute, 2. Varietate & distinctione, 3. Ordinatione.

THESIS IV.

Perfectio respectu absoluteionis principalium partium, est quâ singulae Mundi partes essentia suâ constant perfectâ, qualem cuiusque naturæ requirit gradus, propriisque ab essentia proximâ manantibus : Quæ aliàs appellatur perfectio *transcendens & intrinseca*.

"*Ex. 201.*"

Hæc perfectione præditas esse singulas Mundi partes patet : Quia omne ens finitum per essentiam est. Essentia verò omnis consistit in indivisibili, adeo ut numero eadem magis minùve non recipiat. Hinc numeris comparantur essentia vel species, 8. *Metaphys.* c. 3. *text. 10.* Ut enim idem numerus non manet si unitas addatur vel detrahatur, sic nec eadem essentia manet cum aliquid demitur vel additur. Certum igitur est, essentia in ordine suo perfectum esse quicquid constar essentia : Estque perfectio hæc non in speciebus tantum, sed & à speciebus in individua descendit : individui enim tota speciei essentia com-

municatur. Hanc essentia perfectionem perpetua quoque sequitur perfectio priorum ab essentia manantium : inter essentiam enim & propria essentia nexus est prorsus invariabilis. Ad primum hunc perfectionis essentialis modum respexit *Scaliger*, *Exercit.* 140. §. 1. Nulla species egeus est earum partium quæ sunt alterius speciei ; omne enim quod est, sibi est & bonum & totum & perfectum. Accedit & alia assertionis hujus ratio : Cum enim omnes Mundi partes respondeant ideæ artificis ad quam condita sunt, sequitur utique omnes quoad essentiam & essentia propria in se esse absolute & perfectas : Tum enim opus artificis censetur perfectum, cum ideæ artificis errori non obnoxia examulsum responderet. Unde eleganter *Boethius* lib. 3. De consolat. Philosoph. metro 9.

—Tunc cuncta superbo

*Ducti ab exemplo, pulcrum pulcherrimus ipse
Mundum mente gerens, similisq; ab imagine formis
Perfectisq; jubes perfectum absolvere partes.*

THESIS V.

Perfectio respectu varietatis & distinctionis est, quâ tantâ naturarum varietate & distinctione quoad genera species & affectiones proprias Mundus constat, quanta ad ejus perfectionem requiritur.

"*Ex. 202.*"

Perfectionem hanc videre est primum in ipsis rerum generibus. Habet enim Mundus Substantias & Accidentia : Et Substantias quidem corporeas & corporis expertes ; corruptibiles, incorruptibiles ; simplices, mistas ; inanimatas & animatas ; ratione præditas & ratione carentes : & in specie quidem alias in terrâ gressiles & reptiles, alias in aere volatiles, alias in aquis natatiles : Unde elegantur *Ovidius*,

*Neu regio foret ulla suis animalibus orba,
Cesserunt nividis habitandæ piscibus undæ,
Terra feras cepit, volucres agitabilis aer.*

Sub singulis verò hisce generibus tanta rursus est specierum varietas & fecunditas ut satis enarrari nequeat. Accidentia quod attinet substantiis corporis competentia, non minor in iis conspicitur varietas. Nam corporum alia videas gravia, alia levia, alia calida, alia frigida, alia sicca, alia humida, alia colorata, lapida, odora alia coloris, odoris, lapidis expertia, &c. Quoad affectiones verò speciales, mira quoque in perfectionis gradibus varietas. Cum enim una speciei natura omnes perfectionis gradus non capiat, per plurimas eas Creator distribuit, aded ut ab infimis gradibus ad summos ascendat naturæ perfectio. Infimum enim inter corpora naturalia gradum occupant Elementa; Elementis præstantiora sunt Metalla, Metallis Plantæ, Plantis Animantia, animantibus Brutis animantia Rationalia. Sic eadem graduum varietas in generum horum speciebus observatur: Ex. gr. in metallis infimum perfectionis gradum occupant principia propinqua metallorum, quibus variæ succedunt species, quarum aliæ aliis sunt perfectiores: Sic maxime imperfectum est Plumbum, plumbo perfectius Stannum, stanno Argentum, argento Aurum. Inter lapides alii vulgares sunt, alii preciosi; tam illorum verò quàm istorum gradus quoad perfectionem in numeri propemodum sunt. Inter plantas & arbores non minor graduum varietas est: Sunt aliæ ex iis sylvestres, aliæ aquatiles; aliæ sublimes, aliæ humiles; aliæ florigeræ, aliæ sine floribus; aliæ fertiles, aliæ steriles; aliæ alimentosæ, aliæ medicamentosæ & aromaticæ; aliæ naturâ calidæ, aliæ frigidæ; aliæ sicca, aliæ humidæ. Nec dissimilis sibi natura in animantibus est: Quorum alia sunt abjectissima, in quibus tamen est quod vel maxime mireris, ut insecta; alia verò perfectiora, mansuetiora, vivaciora, formosiora, robustiora, &c. Hanc generum, specierum, affectionum & graduum virtutem eorumplatus *Trismegistus* in *Asclepio* quandam quasi harmoniam in Mundo dixit existere: Ut enim in cantu ex diversarum vocum moderatione & discordiâ concentus quidam concors & suavis efficitur, sic & in universo ex tantâ naturarum graduumque varietate suavissima quædam exortitur harmonia. *Augustinus* ob eandem naturarum varietatem Mundum carmini comparat, quod syllabis longis & brevibus concinne & numerosè positis constat.

In tantâ verò specierum varietate Mundi perfectionem consistere, à posteriori quoque evidenter probatur: Nullam enim vel inanimati vel animati

corporis speciem perire Deus omnino patitur, sed in aliquot individuis, siquidem corruptibilia ea sunt, perpetuò eas conservat: Quo consilio quoque cum omnia animantia extra aquas degentia per universale diluvium deleturus esset, in arcam *Noachi* ingredi iussit singularem specierum individua plura congregata, quæ naturali procreatione species universas & singulas post diluvium conservarent. Sanè nisi ad universi perfectionem singulæ species aliquid conferrent, tam exquisita Dei in omnibus conservandis cura nec olim fuisset nec jam esset.

II. Cum autem insecta quoque & animantia alia imperfectiora, quæ pleraque nascuntur ex putri materiâ, ut sunt muscæ, ranæ, culices, vermes, ad mundi perfectionem suo quoque loco & modulo concurrant, haud immerito à nonnullis quaeritur, *An ab initio quoque cum aliis animantibus perfectis à Deo creata fuerint.* Diversæ Theologorum hic sententiæ sunt. *Augustinus*, lib. 3. De Genesi ad lit. cap. 14. respondet, absurdum videri in primâ animalium creatione facta esse ea animalcula quæ ex mortuis animalibus generantur, tunc enim nullum fuisse corruptum aut mortuum animal. Contrâ verò non putat absurdum esse, si alia dicantur facta quæ ex vitio & corruptione aliarum rerum nascuntur. Eandem sententiam quoque amplectitur *Thomas* part. 1. Summæ, qu. 71. resp. ad 5. *Animalia* inquit, quæ generantur ex corruptione rerum inanimatarum vel plantarum, potuerunt tum generari; non autem quæ generantur ex corruptione animalium, tunc produci potuerunt, nisi potentialiter tantum. Sed nihil solidi videtur hæc sententia habere, quia ratio idonea reddi nulla potest cur in exordio facta fuerint animalia quæ ex corruptione plantarum aliarumque rerum inanimatarum nascuntur, non autem facta sint quæ ex corruptione animalium generantur: Non enim sequitur, si in rerum primordio fuerint, spontaneo ortu vel illa vel ista ex putri materiâ existisse, cum utraque proximè à Deo cum aliis animantibus perfectioribus creati potuerint. Nec ratio adferri potest cur plantæ in ipso creationis exordio sint corruptæ, non autem animantia. Præterea nec credibile est spatio sex creationis dierum ullam materiam ita putrefactam fuisse ut naturali modo animalia inde produci potuerint. *Basilii* homil. 7. in Gen. ait non tantum in mari vel fluviis pisces perfectiores Dei iussu generatos esse, sed etiam in limosis & palustribus locis Dei iussu emerisse ranas, culices, muliones. Alii existimant istas animalium species tum actu non fuisse productas,

sed tantum causaliter & potentialiter fecisse enim Deum perfectiores animantium species, quæ non nisi ab aliis animantibus generari possunt, & quibus deinde vel vivis vel mortuis cætera imperfectiora naturalium causarum virtute procrearentur.

III. Nobis probabile videtur, omnia ista animalia imperfectiora & insecta, qualia sunt rânæ, muscæ, culices, vermes, &c. quæ ex causis naturalibus, extra corpora plantarum vel animalium, & putri nascuntur materiâ, primitus à Deo una cum reliquis animalibus esse creata: contra verò ea quæ non nisi intra plantas & animalia nascuntur, ut sunt varia vermium genera, à Deo creata non fuisse, nec actu existisse. Ratio est: Quia iis in locis singula animalia sunt creata in quibus per naturam commodè potuerunt vivere: Atqui non poterant posterioris generis animantia sine passione dolosa & molestia animalium intra corpora ipsorum vivere, nec verò extra ea naturaliter potuerant durare: Non igitur extra vel intra animantia perfecta sunt condita aut exstiterunt: Hoc enim à primâ animalium perfectiorum integritate & perfectione alienum, illud Creatoris sapientiæ minis consentaneum. Prioris verò generis animalcula cur unâ cum aliis condita arbitremur, ratio est, Quia perfectioribus animalibus in cibum naturalem cedunt. Ut igitur homini de sufficiente & idoneo alimento in ipsâ creatione Deus prospexit, sic & aliis animalibus prospexisse putandus est. Nec verò ex naturalibus causis tanta protinus insectorum copia videtur produci potuisse quæ reliquis omnibus animalibus, præsertim avibus, quarum delicæ in vermibus, muscis, culicibus, &c. in ipso rerum exordio suffecerit.

Si quæras, *An defectus posteriorum animalium perfectioni Mundanæ non offecerit*, Respondemus, Non offecisse: 1. Quia pro universi partibus etiam minis principalibus vix habendæ sunt. 2. Quia analogia iis animalia à Deo creata sunt quæ supplere poterant si quid perfectionis fuisset desideratum. 3. Quia in naturæ conditæ potentiâ erant.

IV. Cum autem sine venenatis plantis & animalibus, quorum plurima sunt, sua Mundo perfectio non videatur constare posse, (omnis enim generis naturas & naturarum gradus ea requirit) quæri quoque solet, *An primitus ea à Deo fuerint creata unâ cum homine & reliquis animalibus ac plantis*. Pro parte affirmante militat Mundi perfectio, quæ sublati animantibus plantisque istis labefactari videtur: Nec verò probabile est serpentem ab initio sine veneno creatum fuisse, aut plantas jam venenatas tum veneni expertes fuisse, præsertim cum animan-

tibus nonnullis in cibum cedant salutarem, quibus nihil detrimenti inferunt venena ista. Pro negante parte ratio videtur pugnare: In statu enim innocentie, ante peccatum, nihil debuit esse homini noxium: Ergò nec animalia venenata à Deo creari debuerunt, vel certe ante peccatum fieri non debuerunt. Ad hanc rationem observanda est pulcherrima *Augustini* responsio, l. i. De Genesi, contra *Manicheos*, cap. 16. Ubi omnia quæ nobis videntur vel perniciofa vel superflua, Creatoris aut sapientiam loqui, & ad universi integritatem pertinere. Verba etsi sunt prolixiora, tamen, quia nostro instituto maxime inserviunt, libet referre: *Solent*, inquit, *Manichæi* movere quæstionem, ut dicant, Quid opus erat ut tam multa animalia Deus faceret, si ve in aquis si ve in terrâ, quæ hominibus non sunt necessaria, multa & perniciofa sunt & timenda? Sed cum ita dicunt, non intelligunt quemadmodum omnia pulcra sunt artifici & Conditori suo, qui omnibus utitur ad gubernationem universitatis, cui summâ lege dominatur. Si enim alicujus artificis officinam imperitus aliquis intraverit, videt ibi multa instrumenta quorum causas ignorat, & se multum esse insipientem, superflua putat. Jam verò si in fornacem incautus incidit, aut ferramentum aliquo acuto, cum id malè tractet, seipsum vulneraverit, & perniciofa & noxia ibi existimabit esse multa; quorum tamen usum quoniam videt artifex, insipientiam ejus irridet, & verba inepta non curans, officinam suam constanter exerceat. Et tamen tam stulti sunt homines, ut apud artificem hominem non audeant vituperare quæ ignorant, sed, cum ea viderint, credunt esse necessaria & ad usum aliquos instituta, in hoc autem Mundo, cujus conditor & administrator prædicatur Deus, audent multa reprehendere quorum causas non vident, & in operibus atque instrumentis omnipotentis Artificis volunt se videri scire quod nesciunt. Ego verò fatcor me nescire mures & ranæ quare creata sint, aut muscæ aut vermiculi; video tamen omnia in suo genere pulcra esse, quamvis propter peccata nostra multa nobis videantur adversa. Non enim animalis alicujus corpus & membra considero, ubi non mensuras & numeros & ordinem inveniam ad unitatem concordie pertinere; quæ omnia unde veniant non intelligo, nisi à summâ mensurâ & numero & ordine quæ in ipsâ Dei sublimitate incommutabili atque æternâ consistunt. Quod si cogitareut isti loquacissimi & ineptissimi, nobis non tedium facerent, sed ipsi considerando pulcritudines omnium & summas & infimas, Deum artificem ubique laudarent, & quoniam nusquam offenditur ratio ubi fortè sensus carnalis offenditur, non rerum ipsarum virtute sed nostræ mortalitatis meritis impugnent. Et certè omnia animalia aut utilia nobis sunt,

aut perniciosa, aut superflua. Adversus utilia non habetur quod dicant. De pernicioso autem vel punimur, vel exercemur, vel terremur, ut non vitam istam multis periculis & laboribus subditam, sed aliam meliorem, ubi securitas summa est, diligamus & desideremus, & eam nobis pietatis merito comparemus. De superfluis verò quid nobis est querere: Si tibi displicet quod non profunt, placeat quod non obsunt, quia etsi domui nostræ non sunt necessaria, is tamen impletur hujus universitatis integritas, quæ multo major est quàm domus nostra & multo melior: Hanc enim multo melius administrat Deus quàm unusquisque nostram domum suam. Usurpa ergo utilia, cave pernicioso, relinque superflua. In omnibus tamen cum mensuras & numeros & ordines vides, artificem quære, nec alium invenies nisi ubi summa mensura & summus numerus & summus ordo est, id est Deus, de quo verissime dictum est quod omnia in mensurâ & numero & ordine disposuerit. Sic fortasse uberiores capies fructum cum Deum laudas in humilitate formica, quàm cum transis fluvium in alicujus jumentii altitudinem. Hæcenus Augustinus.

THESES VI.

Perfectio respectu ordinationis est, quæ omnes universi partes cum ad se mutuum tum ad Deum Creatorem sunt ordinatæ.

Exdisting.

Ad se invicem omnes universi partes sunt ordinatæ, cum quia situs cujusque naturæ conveniens in universo attributus est, tum quia una ad ferendum alteri auxilium eamque conservandam aptè disposita est; ut supra ostendimus. Ad Deum verò omnes ordinatæ sunt, tanquam causam efficientem, exemplar, & finem ultimum: Quo sensu ab Augustino omnes res creatæ dicuntur à Deo in modo, specie & ordine; lib. De naturâ boni, cap. 13. Quatenus enim ad Deum ut causam efficientem referuntur, modus eis competit: Modus enim & species entium à se non possunt habere, sed ab Ente primo, cujus bonitatem singulæ suo modo participant. Quatenus ad eundem ut exemplar referuntur, species ipsis convenit: ad imitationem enim Divini exemplaris habent esse specificum formatum & completum. Quatenus denique ad Deum ut ad finem referuntur, ordo eis competit, qui est inclinatio quædam ad bonum singulis proprium & unicuique commune.

THESES VII.

Fuit perfectio Mundi essentialis: Sequitur accidentalis & secundaria: quæ ex individuis ipsi accedit, quatenus ad uni-

versi bonum ordinantur; & ex accidentibus communibus, quorum respectu individua se mutuo excedunt, ita ut alia aliis sint perfectiora.

Exdisting.

I. Est hæc Mundi perfectio planè secundaria: itaque universi perfectio non labefactatur, etiam si vel individua nonnulla subinde intereunt, vel defectus in aliquibus individuis quoad membra vel operationes occurrit. Sic ex. gr. animalium nonnulla sunt mutila, partibus nonnullis integran- tibus destituta; alia operationes quasdam speciei competentes exercere nequeunt, ut homines cæci visionem, muti loquelam, surdi auditionem, &c. Hi, inquam, defectus Mundi perfectionem non tollunt; cum quia tanta individuum est copia ut aliquibus citra evidentem jacturam possit carere, tum quia intereuntibus aliquibus per generationem continuam nova alia succedunt: Defectus verò isti quoad operationes in paucis reperiuntur individuis, cum quibus universi perfectio consistit modò potentia speciei quoad operationes in maximâ individuum parte reperiatur.

II. Hæcenus ergo de actuali perfectione Mundi disseruimus, ejusque partes omnes explicuimus: Reliquum est ut breviter quoque argumenta dissolvamus quibus perfectio hæc solet impugnari. Sic arguitur in partem contrariam.

1. Universo deest pulcritudo: Non igitur perfectum est. Ratio consequentia: Quia pulchrum & perfectum reciprocantur. Antecedens probatur, 1. Quia in mundo multa reperiuntur fœda & indecora, qualia sunt monstra. 2. Quia multa quoque in eo grassantur scelera. 3. Pax quoque in pluribus Mundi partibus desideratur: Sunt enim plurimæ naturæ invicem contrariæ, quæ in mutuam perniciem perpetua exercent dissidia.

2. In universo quædam desiderantur, alia abundant: Perfectum igitur non est. Antecedens patet; 1. quod multa desiderantur: Posset enim plures entium gradus Divina potentia & sapientia producere: Desunt quoque species; quæ naturalium causarum concursu possent procreari: Denique & perfectiores Deus posset Mundi partes facere quàm fecit. Deinde, quod multa redundant: Sunt enim individua longè plura quàm perfecti requirit necessitas: Incorruptibile namque species in uno individuo posset conservari, corruptibile in paucioribus; nec tot vermium & insectorum agmina desiderat universi perfectio, cum ut plurimum noceant & molesta sint.

fectio, in sequentibus docebimus. Haecenus de priori approbatione.

Posterior, de redundantia partium quarundam, principium petit. Etiam si enim nobis videantur individua quaedam, imò & species esse supervacaneæ, quia usus eorum ignoramus, omnia tamen sapientia Creatoris in certos fines ita sunt ordinata ut nè minimum quidem animalculum sit frustraneum; veluti in humano corpore nè minima quidam particula aut venula frustranea est. Videantur quæ paulò antè ex *Augustino* produximus. De noxiorum animantium utilitate idem *Augustinus* eleganter disserit lib. 3. De Genesi ad liter. cap. 3. quadrifariam ea homini commoda esse, nempe quia ipsum vel *pœnaliter* sœdunt, vel *salubriter* exercent, vel *utiliter* probant, vel *ignorantem* docent. Quod denique atinet multitudinem individuorum sub una specie, non existimandum est frustraneam eam esse, etiam si in paucioribus per se conservari species posset; Illa enim multitudo non eum tantum in finem spectat ut species conservetur, sed ut individuorum alia aliis in adjumentum & alimentum cedant. Si verò exiguus eorum esset numerus, fieri facile posset ut omnia absumerentur, & sic species periret, vel certè auxilia mutua partibus Mundi deessent.

Ad 3^m. Connexum negamus. Probatio universalis non est; tum enim demum ei locus est, 1. cum plura quæ aggregantur sub communi genere continentur, istiusque generis naturam universocè participant, ita tamen ut differentie essentialis vel accidentales distinctos perfectionis gradus admittant, qui singuli conjuncti totum perfectius absolvunt; 2. cum entium unum in alio non continetur eminenter & infinite perfectius quam in se; Atqui Deus & alia entia creata communem generis naturam non participant; nisi per aliquam saltem analogiam; nec verò inter Deum & creaturas ejusmodi dantur perfectionis gradus ut quod in uno est, in alio non sit; tanta enim Dei est perfectio ut omnes omnium entium perfectiones eminentissimè in se contineat; Unde nullius entis creati perfectio Divinæ addita perfectioni ullo modo augere eam potest; veluti punctum lineæ additum majorem eam nequit reddere. Itaque hujusmodi perfecta si aggregantur, non unum quoddam constituunt perfectius, sed plura tantum perfecta.

Ad 4^m. Consequentiam negamus: Nec enim cum Mundi perfectione pugnat partium quarundam corruptibilitas: Ex omnium enim graduum novis universum perfici Deus voluit; unde & entia requirebantur corruptibilia, quæ adeo mun-

dantæ perfectioni, qualem quidem Deus esse voluit, sunt necessaria, ut sine iis Mundus perfectus esse non possit. Si enim entia corruptibilia nulla essent, nec bruta nec homines propter quos Mundus est conditus, vitam degere possent: Ratio est; Quia nec bruta nec homines sine alimento ex plantis & animalibus petito possunt vivere, alimenta verò nec plantæ nec animalia possunt suppeditare, si corruptibilia non essent: Transcunt enim alimenta in alendorum naturam per corruptionem unius & generationem alterius.

Ad 5^m. Primum antecedens negamus; Scripturæ siquidem id expresse contrarium est. *Genes. i. 31. Et vidit Deus omnia quæ fecerat, & ecce omnia valde erant bona.* Nec verò refert quod distincti sint bonitatis gradus in entibus seu rebus creatis: Optimum enim vel bonitas summa est absoluta & simplex, vel in certo genere: Priori respectu optimum non est nisi unum, nempe Deus, unde Christus in Evangelio ad Phariseum ait, *Quid me vocas bonum? Nemo bonus est nisi solus Deus.* Posteriori respectu quælibet creatura in suo genere est optima, cui bonitas essentialis absque mutatione speciali nulla potest accedere: Estque universi perfectioni absolvendæ quælibet aptissima. Atqui Optima, secundum *Plotinum*, *Thomam* & alios, sunt, quæ toti aptè decenterque conveniunt. Consistitque hæc bonitas cum diversis gradibus in diverso specierum ordine, quos universi perfectio requirit. Nam si omnes partes inter se comparatæ quæ essent bonæ ac perfectæ, ad Mundi perfectionem, qualis quidem in hoc statu ex voluntate Dei conditoris est, constituendam minùs essent idoneæ. Ut enim corporis humani perfectio ex partium quoad præstantiam inæqualium concursu, respublica è diversorum ordinum civibus, exercitus è diversis dignitatum gradibus constituitur; (Non enim è solo cerebro vel corde hominis corpus, nec è solis consulibus respublica, nec è solis ducibus exercitus conflatur.) Sic nec Mundus absolvi poterat vel solis corporibus cœlestibus, vel solis hominibus, sed plures longè entium gradus requirebantur. Et hæcenus antecedens negatum. Negamus secundo loco & consequentiam. Axioma quod probationis loco adducitur ambiguum est; duplex enim sensus potest esse: 1. Tale est totum, quales sunt partes singulæ seorsim consideratæ; 2. Tale est totum, quales sunt partes universim & junctim consideratæ. Priori sensu falsum est axioma: Possunt enim partes singulæ seorsim consideratæ esse imperfectæ respectu totius, & mutuo, quia totum nihilominus per-

perfectum possunt constituere: imò omnes partes propriè sic dictæ & seorsim consideratæ toto sunt imperfectiones; pars enim non nisi suam includit perfectionem, totum continet perfectionem omnium partium. Posteriori verum quidem est, sed adversarium nihil juvat, imò pro nobis facit: Cum enim omnes partes junctæ totius perfectionem contineant, & totum perfectionem omnium partium includat, falsum utique erit antecedens rationis hujus principalis: ex optimis enim constare universum rectè dici potest, quatenus partes universi simul sumptæ omnes perfectionis gradus qui toti insunt universo continent.

Ad 6^m. Consequentiam negamus, nisi fortè in consequente perfectio intelligatur absolute sic dicta, quæ dari nulla major possit. Quo verò sensu omnes creaturas Ecclesiastes appellet vanitatem, à Patribus sollicitè quæsitum est. Nam in eum, inquit Nysenus, qui creavit omnia, transfret criminatio, si eorum nobis existeret opifex quæ vana sunt. Quatuor igitur sunt celebriores sententiæ.

Prima Chrysostomi est, qui contendit hoc loco non tam ipsas res appellari vanas quàm hominum in rebus operas, curas, exercitationes: Cælum, inquit, non est vanum, neque terra, neque sol, neque ipsum corpus nostrum: Absit hoc. Sed quid vanum est? PLANTAVI MIHI VINEAS, CONSTITUI MIHI CANTORES, COACERVAVI AURUM ET ARGENTUM, &c. Et, Rerum vultus naturas solidas & in bono constantes, humanas verò depravatas naturas nostras artes & inventiones sugillat, quæ non solum animos nostros sed creaturas ipsas corrumpunt & depravant.

Secunda Athanasii & aliorum est, primæ haud absimilis, per vanitatem hanc rerum non aliam intelligi quàm nostræ erga illas concupiscentiæ vanitatem & inconstantiam. Non, inquit Athanasius, ut naturam criminaretur, sed ut æterna contemptus temporariorum desiderium admoneret esse vanitatem.

Tertia ejusdem est Athanasii, qui alibi vanitatem hanc interpretatur de falsitate & deceptione pravarum opinionum ita circa res ipsas versantium ut à verissimâ illarum cognitione ut plurimum quàm longissimè aberrant, & nihilo meliores evadant: De singulari, inquit, theoriâ tractans Salomon consensit quod de talibus vanè loqueretur, & quod ejusmodi nihil pariant quàm laborem: non enim propter illorum cognitionem sed propter vitam pro sapiente quæ commendatur & iusto.

Quarta veteribus & recentibus approbata, Crea-

turas vanas dici & quasi nihil cum Divinâ bonitate & substantiâ comparatas, cum infinitis gradibus à Deo separentur, sitque ejus boni quod habent nulla proportio ad id quod non habent. Ità Augustinus sensit, De quantitate animæ, cap. 33. Et Hieronymus in hunc locum eandem objectionem movens quærit, Si cuncta quæ fecerit Deus sunt valde bona, quomodo omnia vanitas & non solum vanitas, sed etiam vanitas vanitatum? Responder, Possumus cælum, terram, maria, & omnia quæ in hoc circulo continentur, bona quidem per se dicere, sed ad Deum comparata esse pro nihilo. Quam in sententiam Scaliger Exerc. 140. §. 1. Omnia hæc, non dico singula, sed omnia, inquam, atque etiam cuncta, & conferta, ita ut ex eis unum fiat si cum Deo conferantur, non solum mutila & manca, sed & nihil, atque, sive liceat sive non liceat dicere, minus quàm nihil.

Nulla sententiarum harum perfectioni Mundi aliquid detrahit, quia tres priores vanitatem non in ipsis rebus naturalibus sed in hominum circa res studiis, curis, concupiscentiis & opinionibus ponunt; quarta verò vanitatem non nisi respectivam admittit. Pineda, suis in hunc locum Commentariis, contendit vanitatem rebus per se inesse quinque modis: 1. Propter naturæ inconstantiam & mutabilitatem: Quam in sententiam Paulus quoque ait, Rom. viii. 20. Mundum conditum vanitati esse subiectum. 2. Propter inanem & fallacem spem, quod solida bona præstare nequeant, quæ extrinsecus videntur polliceri. Unde mendacia veteres dixere vana. 3. Propter inutilitatem & ineptitudinem ad consecutionem finis propositi: Ad animæ enim famem explendam frustra adhibentur. 4. Propter molestiarum pondus & miserrimam famem: Cum enim inutiles sint ad consequendum felicitatis finem, graves nihilominus & ponderosæ sunt ad ferendum & tolerandum, famisque explendæ cupidos relinquunt famelicos. 5. Propter vacuitatem & cerebri carentiam, quod nempe universa Mundi gloria sit mera stultitia & contemptissima inopia, adeò ut Mundo videatur Salomon dixisse Racchæ, de quo Matth. v. Objicienti verò annon ex Christi sententiâ Salomon sit convicator & reus concilio, respondet, minime; quia non fratri sed Mundo dixit Racchæ, qui hostis est acerrimus. Hæc summa eorum de quibus prolixè disserit Pineda.

Quod si verò per omnia intelligat quoque Mundana corpora, ut cælum, stellas, elementa, plantas, animalia &c. è modis hisce quinque non nisi primus Mundo, de quo in præsentia agimus, per se competet: Vanitati enim & corruptioni Mundum esse obnoxium non inficiamur. Sed & hoc ejus per-

fectioni

fectioni nihil detrabere: *suprà* docuimus. Inanis & fallax spes per se non competit Mundo, sed accedit ei ex pravâ hominum opinione; hi enim sunt qui fallacem & inanem spem de Mundo concipiunt, bona ab eo expectantes quæ nequit præstare & quibus præstandis non est conditus. Nec verò vanus & frustraneus absolute vocari debet propter inceptitudinem ad consecutionem finis ultimi seu felicitatis: Etiam si enim primum felicitatis æternæ obtinendæ medium, cui felicitas in solidum ferretur accepta, Mundum esse Deus non voluit, (unde ne frustraneus dici potest quod finem istum non præstet) tamen cum ad gloriam suam eum condiderit, ut ex visibilibus huius invisibilia Dei, hoc est, æternam potentiam & divinitatem, homines agnoscerent, *Rom. i. 20.* adeoque hanc ratione à creaturis ad Creatorem aliquo modo eleventur, ad ultimum finem consequendum non prorsus ineptus dici debet, etsi præstare eum solitariè primariòve nequit. Porro nec vanus dici debet propter molestias quas circa eum exantlat homo: sic enim & regnum coelorum esset vanum, quia aditus ad id plurimis difficultatibus est oblitus. Nec vanus, quod famelicos relinquit, quia explendæ in solidum fami non est conditus. Denique, nec vanitas & cerebri carentia per se ipsi potest tribui, quia non vacua & euanida sunt phantasmata mundana corpora, sed solidæ substantiæ per se minimè contemnendæ, quin summis potiùs laudibus prædicandæ. Quod verò plura quandoque de iis sibi homines imaginantur quàm vel habent vel præstare possunt, non Mundi sed humanarum opinionum arguit vanitatem: atque hanc ratione non Mundus caret cerebro, sed homines mundani, qui in temporaria hæc toti defixi cœlestia & æterna non curant.

THESIS VIII.

Haecenus Mundi perfectio quoad actum considerata: perfectio quoad potentiam considerata est, quâ Mundus hic esse & à Deo reddi potest perfectior quàm actu jam est, cum quoad novarum specierum & partium integrantium productionem (quo tamen respectu Mundus idem non maneret) tum quoad partium jam existentium accidentalem meliorationem.

¶ *Exponit.*

Platonis in *Timæo* assertio est, Mundum non posse

habere meliorem dispositionem quàm nunc habet, quia ab optimo & sapientissimo gubernatur & regitur. Cujus dicti occasione in Scholis agitata quaestio, *An Deus possit melius facere quod fecit, & specialis, An Deus meliorem ac perfectiorem possit mundum hanc producere quàm produxit.*

Qui parum sapiunt, inquit *Julius Caesar Vaninus*, in Amphitheatro providentiæ, exerc. 17. respondent absolute, Potuit, potest, poterit: Quibus ille hunc in modum obviat, Si Deus optimè fecit, fecit autem optimè optimus, & addat ei quod fecit insuper aliquid bonitatis, non optimum illud jam fuerit quod erat optimum. Pergit, Qui doctiores sunt, dicunt, Deum non posse melius facere quàm quod fecit potestate ordinariâ, posse tamen potestate absolutâ. Quibus hunc in modum occurrit, Si potest Deus facere melius quàm quod fecit, minùs bene fecit: At minùs bene facere includit privationem summi boni & summæ potestatis: Deus autem summum bonum est & summam potestatem.

Non posse verò perfectiorem à Deo reddi Mundum, his rationibus videtur suaderi: 1. Quod omne continet bonum, eo nihil potest esse melius: Atqui universum omne continet bonum: bonum enim creatum extra Mundum nullum est: Ergo Mundus non potest esse melior.

2. Bonitas eorum quæ sunt ad finem, æstimatur ex fine: Atqui universum ordinatur ad finem quod non potest esse melior, scilicet ad Deum: Ergo universo nihil potest esse melius.

3. Si Deus Mundum potest perfectiorem reddere & non reddit, sequitur potentiam in Deo esse frustraneam: At consequens falsum: Ergo & antecedens. Connexi ratio est; Quia frustranea est potentia quæ in actum non deducitur.

4. Si in Divinâ potestate esset ea quæ producit meliora efficere, nec tamen ea produceret meliora, utique invidiæ culpam sustineret: At consequens falsum: Ergo & antecedens. Connexum probatur simili quâdam *Augustini* argumentatione, quâ demonstrat non potuisse Deum meliorem Filium gignere quàm genuit, quod, si voluisset & non potuisset, infirmus fuisset; si potuisset & noluisse, invidus fuisset.

5. Universi absolutio magnâ parte continetur perfectione essentiali specierum quibus constat: Atqui perfectio hæc augeri non potest: Ergo nec illa. Assumptio probatur; Quia essentia speciei est indivisibilis, ut incrementa & decrementa non capiat, docente *Aristotele* 8, *Metaph.* cap. 7. text. 10.

II. Nos sententiæ nostræ summam in thesi expressimus: Ut autem uberius ea explicetur, & difficultates

facultates singulæ expendantur, distinctiones nonnullæ sunt præmittendæ, quarum occasione quæstiones de possibili *Mundi* perfectione variæ possunt institui; & certis postmodum conclusionibus Veritas declaranda & demonstranda.

1. Primum igitur modus operandi ex parte Dei distinguendus est à re per operationem productâ seu ab opere, quod in hac controversiâ *Mundus* est seu universum; Unde prima exsurgit quæstio, *An quoad modum operationis Divinæ, universum melius & perfectius possit effici.*

2. Universum bifariam accipitur; vel ut omne ens creatum & increatum existens simul complectatur, vel ut ens creatum tantum complectatur: Ubi rursus gemina occurrit quæstio pro duplici acceptione universi.

3. Universum posteriori modo acceptum intelligi potest, vel quod esse potest, vel quod actu jam est. Unde iterum gemina occurrit quæstio: Una, *An Deus possit facere universum aliud specie quod perfectius sit & melius eo quod actu jam est*; altera, *An Deus possit universum quod jam est, melius reddere quàm jam est.*

4. Universum quod jam est unum per aggregationem partium diversarum triplici constat bonitate; 1. partium, 2. ordinis partium inter se, 3. ordinis partium ad finem.

5. Partium bonitas amplius perfici posse intelligitur, vel extensive, productione plurium; vel intensive, perfectione majori jam existentium. Unde queritur, *An Deus universum hoc perfectius possit reddere creatione novarum specierum.* Item, *An Deus universum perfectius possit reddere perfectione majori specierum jam existentium.*

6. Perfectio partium jam existentium est substantialis vel accidentalis. Unde queritur, *An Deus partes Mundi jam existentes quoad essentias reddere possit perfectiores.* Item, *An partes easdem quoad accidentia magis possit perficere.*

7. Perfectio partium quoad ordinem inter se est, vel quâ partes aliæ aliarum bonum & pulcritudinem pro facultate suâ tuentur & augent, vel quâ sitis locorumque respectu, pro naturis singularum, singulæ aptè sunt collocatæ & dispositæ. Unde rursus gemina quæstio una, *An ita possint perfici Mundi partes ut unum alterius bonum melius tueatur & augeat quàm modò tuetur & auget*; altera, *An situs naturalis Mundi partium melior esse possit quàm jam est.*

8. Perfectio partium quoad ordinem in finem consistit in fine vel in efficaciam consequendi finem. Unde iterum gemina quæstio: una, *An ordo partium respectu finis magis possit perfici*; altera, *An or-*

do partium respectu efficaciam consequendi finem possit esse melior & perfectior.

III. His igitur jam præmissis quæstionibus, sit Prima conclusio, *Quoad modum operationis Divinæ universum melius & perfectius non potest effici quàm est effectum.*

Ratio est: Si Deus quoad operationis modum posset aliquid melius producere quàm produxit, utiq; majori posset bonitate, sapientiâ, potentiâ producere quàm produxit: At consequens falsum: Ergo & antecedens. Connexi ratio est; Quia perfectior operandi modus intelligi nequit quin simul principia, operationis, quæ sunt sapientiâ, potentiâ & bonitas, perfectiora intelligantur. Assumptio manifesta est; Quia sapientiâ, potentiâ & bonitas Divinæ in se nullos admittunt gradus; sunt enim ipsissima Dei essentia infinita & impartibilis. Eodem recidit Thomæ responsio, part. 1. quæst. 25. art. 6. resp. ad 1. Cum dicitur Deum posse aliquid melius facere quàm fecit, si melius sit nomen, verum est: qualibet enim re potest facere meliorem aliam: Sin verò melius sit adverbium, & importet modum ex parte facientis, sic Deus non potest facere melius quàm sicut facit, quia non potest facere ex majori sapientiâ & bonitate.

IV. Secunda conclusio, *Universum, ut omne ens creatum & increatum simul complectitur, perfectius esse potest extensive, non intensive.*

Terminis rectè explicatis veritas conclusionis manifesta erit. Intensive perfectius est, quod perfectionis gradum eminentiorem & præstantiorem includit qui in alio non reperitur: Sic ex. gr. homo est intensive perfectior quàm brutum, quia rationem perfectionis gradum eminentiorem in se continet quàm brutum, quod gradu hoc destitutum est. Extensive perfectius est, quod bonitatem archetypam in pluribus suppositis distinctè repræsentatam & expressam habet, ita quidem ut idem perfectionis gradus in diversis suppositis formaliter non includatur. Sic igitur patet 1. Universum, ut omne ens creatum & increatum simul complectitur, non posse esse perfectius intensive; Ratio est; Quia nulla dari potest perfectio quæ in Deo eminentissimè non contineatur: omnis namque perfectio extra Deum Divinæ perfectionis est quasi particula, & pro modulo suo ideæ Divinæ responderet. 2. Universum eodem sensu acceptum posse esse perfectius extensive: Ecquid enim obstat quò minus Divina bonitas & perfectio distinctis gradibus in plurimis exprimat suppositis, quorum unum perfectionem alterius formaliter non includat? Atqui plura bona universum extensive perfectius constituunt quàm pauciora. Licet inquit Durandus, lib. 1. distinct. 44. quæst. 3. bonitas Divina non melioratur aut deterioratur

terioratur bonitate creaturarum addita vel subtrahā, tamen omnino videtur quod duo bona vel plura bona sint aliquid melius, saltem extensivè, quàm unum illorum, maxime quando in uno non includitur alterum formaliter.

V. Tertia conclusio, Deus potest producere universum aliud specie perfectius eo quod actu jam est.

Assumptioni huic contradicit Durandus, quæstione modò allegatā: Ratio ejus hæc est; Quæcunque incidunt in unum ordinem per se, pertinent ad unum universum: Atqui omnes species entis & possibiles habent inter se ordinem: Ergo omnes pertinent ad unum universum. Propositionis ratio est; Quia Universum dicit unum per aggregationem omnium habentium inter se & per se ordinem. Assumptio probatur; Quia species rerum sunt instar numerorum: Ut igitur species numerorum habent necessariò inter se ordinem, sic & species rerum: Quæ verò pertinent ad eundem ordinem, ad idem quoque universum pertinent. Unde concludit Durandus, Licet possit Deus plures Mundos numero differentes facere, non tamen specie plures posse facere, quia omnes species in unum ordinem coincidunt.

Durando contradicere videntur Patres Conimbricenses: & manifesta ratio idem demonstrat: Quod contradictionem nullo modo implicat, id possibile Deo esse non est negandum: Atqui producere universum aliud ab hoc specie distinctum, eodémque perfectius, contradictionem nullo modo implicat: Ergo neque de Deo est negandum. Assumptio probatur; Non implicat contradictionem novas prorsus Cælorum, Elementorum, Animalium, Plantarumque species producere, easque & numero plures & perfectione eminentiores iis quæ jam sunt: Ergo nec contradictionem implicat, universum aliud specie & quidem perfectius producere. Ratio consequentiæ; Quia universum specie aliud immediate constatur ex novis speciebus, vel omnibus, vel aliquibus saltem. Antecedens tamdiu pro vero amplectimur donec contrarium nobis demonstratur.

Rationem Durandi quod attinet, propositio ejus simpliciter vera non est: Ordo enim in quem plura incidunt, varius esse potest: Dicuntur enim plura ordinata vel respectu finis ejusdem ultimi in quem omnia incidunt, vel respectu summorum generum, sub quibus omnia continentur, vel denique (ut modos alios omittamus) respectu causationis, in quâ ita causæ sibi sunt subordinatæ ut inferiores sine superioribus non possint agere. Ut igitur ad unum specie universum pertinent, quæ tanquam individua in unius speciei ordinem cadunt, quæque in causando necessariò sibi sunt subordinata; sic ad diversa specie universa pertinere possunt, quæ vel in

unius tantum ultimi finis, vel in generum duntaxat summorum ordinem incidunt. Quid igitur obstat quò minus possit esse Mundus qui quoad species sub iisdem gradibus comprehensas & ab hujus Mundi speciebus distinctissimas alius sit specie? Probatio propositionis inefficax est: Etiam si enim universum dicatur unum per aggregationem omnium jam existentium & inter se ordinem habentium, non tamen dicit simpliciter unum per aggregationem omnium quæ possunt existere & inter se ordinem habere. Quod verò in assumptionis probatione dicitur, species rerum esse instar numerorum, aliquo quidem respectu verum est, ut supra quoque movimus: Sed quod in aliis similibus, in hoc quoque usu venit, nempe ut cum similitudine conjuncta sit dissimilitudo: Non enim ut numerorum species ex aliis numerorum speciebus componuntur, ex. gr. septenarius ex ternario & quaternario, ita & rerum species ex se invicem componuntur: Numerorum igitur species necessariò se præsupponunt tanquam principia, rerum verò species non item.

VI. Quarta conclusio, Universum jam existens perfectius reddi potest extensivè, per productionem plurium partium integrantium, hoc est novarum specierum.

Circa conclusionem hanc timidior est Durandus: dubitat enim an omnes species producibiles à Deo sint productæ; quod tamen probabile ipsi videtur, quia nulla reddi potest ratio cur aliæ sint productæ, aliæ non productæ: Quâ stante assertione perfici nequit Mundus eo modo quem in conclusionem attigimus. Sed liberior est Patrum Conimbricensium assertio, nempe, Perfici posse universum additione novarum partium integrantium, ut plurium orbium cælestium, & novarum specierum nullam simplicium quàm non simplicium, tam immaterialium quàm materiâ constantium, tam viventium quàm non viventium. Quam verissimam putamus assertionem, cum evidenti nitatur ratione: Productio enim novarum specierum nullam implicat contradictionem, quæ omnium efficacissima est ratio cum quæstio de iis est quæ cadunt sub Dei potentiam. Nec refert quòd præter voluntatem Dei nulla à nobis reddi potest ratio cur specierum aliæ sint productæ, aliæ non productæ: multorum enim nos latet ratio quæ tamen Deo impossibilia non sunt: Potest enim Deus infinita cum redundantia omnia facere, supra ea quæ mente nos concipimus, Ephes. iii. 20.

Sed excipiat hæc aliquis; Eo ipso Mundum hunc statui imperfectum, si aliqua ei addi possint partes integrantes: quæ enim de novo addi possunt, jam desunt oportet;

oportet; cui verò pars integralis deest, id integrum non est. Respondeo, Mundo, quatenus in hoc statu consideratur, nulla deest pars integralis quæ ad ejus requiratur perfectionem: Cum vero per novarum partium accessionem perfici posse dicitur, observandum, perfectionem illam esse conjunctam cum mutatione speciei: Quod & Patres *Conimbricenses* cum *Durando* agnoscunt, cum inquirunt, tale universum (cui nempe novæ partes integrales accederent) habiturum se ad id quod nunc exstat ut totum ad partem. Etiam si igitur Mundus præsens & actu existens cum perfectiori comparatus imperfectus dici potest, per se tamen consideratus recte perfectus esse dicitur, quia partium integralium nulla ei deest quæ ad præsentem perfectionem requiratur; veluti brutum respectu hominis imperfectum quiddam est, in se verò perfectum, quia nulla parte destituitur quæ ad bruti perfectionem sit necessaria.

VII. Quinta conclusio, *Universum hoc quoad essentias partium jam actu existentium magis nequit perfici.*

Circa assertionem hanc plerique consentiunt Philosophi, nititurque ea manifestâ ratione: Quia essentia rerum creatarum prorsus est indivisibilis, nullamque intensionem vel remissionem citra speciei mutationem admittit: unde rerum species comparantur numerorum speciebus, 8. *Metaph. cap. 3. tex. 10.* Cujus verba sunt, *Quemadmodum si quid eorum ex quibus numerus constat ablatum aut additum numero fuerit, non idem jam numerus sed diversus existit; etiam si minimum quid auferas aut adjungas; ita neque definitio aut quidditas eadem consistit, si quicquam aut auferatur aut adjiciatur.* Hactenus *Aristoteles*. Quod tamen non de accidentalibus formis, & qualitatibus præsertim quæ aliquam internæ perfectionis latitudinem habent, sed de substantialibus accipiendum, communiter docent *Metaphysici*. Videatur *Fonseca* in hunc locum.

VIII. Sexta conclusio, *Universum quoad partium jam existentium accidentia magis potest perfici.*

Est hæc communis omnium assertio: Quid enim prohibeat quò minus singulis corporibus naturalibus vel novas prorsus & præstantiores Deus indat qualitates, vel certè pristinas aliquorum graduum accessione magis perficiat? ex. gr. uberiori lucem stellis conferat, plantis virtutes præstantiores indat, homines pluribus artium & scientiarum habitibus instruat, plus roboris & dexteritatis iis conferat?

Est hic curiosa nonnullorum quaestio, *An si quoad accidentalem perfectionem universum à Deo perfectius redderetur, necessario omnes perficiendæ essent partes; an aliquibus saltem perfectis universum reddi posset perfectius.* Priorem partem amplectuntur *Thomas* & alii, qui contendunt omnes simul partes necessario accidentaliter perficiendas esse, non aliquas saltem. Rationem reddit; Quia partibus aliis magis perfectis, aliis verò non perfectis sed in primo statu relictis, harmonia Mundi labefacteretur, sublata nimirum partium conveniente inter se proportionem: veluti instrumento musico, si una tantum intendatur chorda, aliis non intentis, protinus harmonia deperit, concentus suavitatis turbatur. Sententiæ huic inter alios & *Durandus* contradicit, quaestione supra allegatâ: Rationem reddit; Quia natura humana in statu innocentiae quoad accidentalem perfectionem longè fuit perfectior quàm jam est, corpora verò celestia & elementa saltem nonnulla nihilo plus perfectionis videntur habuisse quàm nunc habent: Si igitur tum non fuit turbata universi harmonia, nec jam turbaretur, partibus saltem aliquibus accidentaliter perfectis. Adde quòd dubio procul sæpe contingat ut tota aliqua species quoad accidentia melior evadat aut deterior: Quòd si ergo harmonia Mundi non consisteret sine proportionali omnium mutatione, sequeretur universam naturam in unius speciei gratiam meliorem aut deteriorem fieri: quòd perquam absurdum videtur. In hac sententia & nos acquiescimus. Nec urget nos magnopere contraria ratio. Primò enim universi perfectio principaliter consistit in perfectione partium essentiali, quæ perfici amplius nequit; item in contentione omnium ad finem ultimum; denique in aptâ superiorum & inferiorum connectione, quæ nunquam mutatur: secundariò tantum in perfectione accidentali, quæ intensionem & remissionem admittit. Deinde accidentalis perfectio latitudinem habet, adeò ut universi harmonia non turbata species aliæ perfici possint, aliis non perfectis. Simile à chordis musicæ instrumenti peritum, propter dissimilitudinem, sententiam nostram non infringit: Nec enim adscitius & accidentalis ornatus universi harmoniam conficit primariò, ut chordarum in instrumento musico proportionalis intensio vel remissio harmoniam sonorum: quin potius ut harmoniam concentus conservant omnium sonorum vel vocum apta intervalla, etiam si voces omnes æquè genuinæ ac suaves non sunt; sic & Mundi harmoniam conservant constantia perfectionis essentialis, connexio superiorum & inferiorum, omniumque in eundem finem.

non contentio, etiam si perfectio accidentalis ubique non sibi respondet.

I X. Septima conclusio, *universum ita potest perfici ut parvum una alterius bonum, magis tueatur & augeat quam modo fuerit & augeat.*

Ratio ex præcedentis conclusionis demonstratione manifesta est. Cum enim universi partes accidentaliter possint perfici, & verò accidentalis hæc perfectio includat quoque operationes perfectiores, quæ fluunt ex accidentibus perfectioribus, consequens est, ita quoque universum perfici posse ut pars una alteram magis tueatur & augeat, nempe efficacius operando.

X. Octava conclusio, *Situs naturalis partium mundi melior esse non potest quam jam est.*

Sic enim omnes universi requirit ac patitur necessitas, ita nempe ut quod quodque inter corpora simplicia nobilius & levius est, eo eminentiorem occupet locum; contra quod quodque ignobilius & gravius, eo inferiorem. Animalia quoque ita sunt collocata ut naturæ ipsorum requirunt, aquatilia in aquis, terrestria in terrâ. Eadem & plantarum est ratio.

XI. Nona conclusio, *Ordo partium universi quoad finem ultimum magis nequit perfici.*

Ratio est; Quia sine in quem ordinantur perfectior dari nequit; Est enim is ipse DEVS, quo perfectius esse vel cogitari nihil potest.

XII. Decima conclusio, *Ordo partium universi respectu efficacæ consequendi finem magis perfici potest.*

Manifesta ratio est; Cum enim accidentaliter universi partes magis possint perfici, ut conclusione sexta ostendimus, & verò accidentalem perfectionem sequantur quoque operationes perfectiores, ut conclusione septimâ diximus, sequitur, vigore operationum illarum perfectiorum (quæ præsertim in hominibus esse queunt, major rerum Divinarum cognitio & dilectio ardentior) finem quoque efficacius & perfectius in hoc statu universi partes posse assequi. Hactenus ergo de perfectione mundi quoad potentiam considerata.

XIII. Ad rationes præb. primâ politas ordine jam respondemus. Et quidem Iulii Casaris Vanini discursum quod attinet, totus ille descriptus est ex Scaligero, Exerc. 249. §. 3. suppressio nomine: quod in tanto novitatum & subtilitatum magistro, qualis videri vult Casar Vaninus, certè merito reprehendendum, nisi forte putavit licere sibi ea quæ Iulii Casaris Scaligero sunt, pro suis quasi jure quodam hereditario venditare, quod & ipse sit Julius Casar. At meminerit ille Fulvium Casarem se quidem esse,

sed non Scaligerum, verum Vaninum. Sed & hoc in Vanino minime ferendum, quod ipsam illam Scaligero sententiam, quam totidem Scaligero verbis profertur, rursus accuset; Qui parum, inquit Vaninus, sapiunt, respondentem absolute, Potest, potuit, poterit. Significat igitur non ita sibi respondendum esse, ne parvum videatur sapere. Atqui de eadem quæstione Scaligero verba hæc sunt, Ad posteam quæstionem sine ulla vel dubitatione vel cunctatione respondebit etiam tyro celestis Philosophia, Potuit, potest, poterit. tantum abest ut à nobis aliud expectetur, &c. Acquiscit igitur in tyronis, responsione tanquam vestigia & celesti Philosophiæ convenientissimâ Scaliger. Vaninus ab eâ tanquam minus eroditâ, forte quod & tyronibus eam probari videt, abhorreere vult videri, cum tamen in sequentibus Scaligero verbis plenissime acquiescat. Quod profert tanquam responsum doctiorum, non novum & aliud est responsum, sed prioris tantum explicatio à Scoto profecta, cujus sententiam hisce verbis recenset Scaliger; Respondent sapientes, absolute potestatem ab ordinariâ distinguendo: Agens, inquit, ordinariè, qui secundum legem rectam facit, aut est sub lege aut supra legem. Si est sub lege, non potest aliter rectè facere. Si ipse fecit legem, potest & aliam legem facere aliâ potestate, id est, absolute: deinde secundum eam legem ordinariè facere: sic Deus potest etiam aliter facere; quia lex illa quoque esset recta, si statueretur à Deo. Hanc positionem non improbat quidem Scaliger, attamen aliam ei quæstionem opponit, An Deus super hac eadem re possit aliam legem facere præter hanc certam legem. Quod non videatur posse hac ostendi ratione; In unaquaque actione tantum unum rectum est, idque à recto, hoc est, à summo recto Deo ipsa, constitutum. Quare quodcumque præter illud rectum est, non est Dei, sed non Dei. Rationem consequentiæ reddit; Quia minus bene facere cepisset privationem summi boni & summæ potestatis. Deus autem summum bonum solus est & potestas summa. Scaligero ad hanc objectionem responsio & indirecta & intricatior est. Nobis igitur rationis principalis antecedens videtur hunc in modum distinguendum: In unaquaque actione agentis, scilicet quod est sub lege, unum tantum est rectum, quia hujusmodi agenti à lege præscripta non licet recedere sine culpâ, nisi forte qui legem tulit aliam pro libertate suâ præscribat. Sic verò ex antecedente consequens non sequitur. Cum enim legem Deus à nullo accipiat, sed voluntatem tantum suam pro lege habeat, ita quidem ut de eadem re jam hoc jam aliud sine culpâ possit velle, poterit utique circa unam & eandem rem non unum tantum

tantum esse rectum, sed plura, pro absoluta nullis-
que legibus adstricta. Divinae voluntatis libertate.
Quod si quis negaverit, concedat oportet, vel
Deum jam non posse nolle, quod aliquando voluit,
(quod manifeste falsum est: Ecclesiam enim suam
olim voluit, peccatum offerre sacrificia, jam non
vult: & fuerit olim sacrificia ex lege Dei oblata
Divini cultus pars; jam si offerrentur, Divini cul-
tus profanatio essent) vel non simul posse rectum
esse quod olim Deus voluit & jam non vult; quod
absurdum: Consequens igitur principalis rationis
non nisi cum limitatione admitti potest hæc. Quod-
cumque præter rectum lege Dei constitutum a crea-
tura est, non est Dei, sed non Dei. Ratio con-
sequentiæ quæ à Scaligero redditur ambigua est:
Minus bene facere quoad modum operationis a-
genti intrinsicè, inquit in eo qui summum bo-
num esse debet, privationem summi boni & sum-
mæ potestatis; quæ certe in Deum nullo modo
cadit: quod effectum verò extra agens, natum non
tam privationem summi boni, quam negationem:
nec enim ulla creatura summi boni, propriè capax
esse posset enim Deus esse; quod à *divino*. Pri-
ori sensu Deus non potest melius facere quam fecit
facitque, ut in conclusione primâ ostendimus: Po-
teriori sine obprobrio & perfectionis, sine mutatio-
ne potest, potest, & potest, & plus enim bonitatis
uni creaturæ contulit quam alteri, & plus adhuc
conferre potest, si non essentialis incrementi acciden-
talis.

Ex eodem fundamento patet quid respondendum
sit ad instantiam, Bonus non potest nisi bene, per-
fectus non nisi perfectè. De modo operandi utrum
que verissimum est. De objecto operantis seu effe-
ctu posterius simpliciter admitti nequit: Perfectus
enim, etsi malum propriè sic dictum non potest fa-
cere, opus tamen potest producere, sine perfectio-
nis sue immutatione, quod aliquo respectu si im-
perfectum, idque deinde perfectius facere. Quod
qui negat, oportet fateatur omnia Dei opera simul
atque sunt ita esse perfecta ut nullos deinceps per-
fectionis gradus majores admittant: quod falsum
est & experientia contrarium. In primâ enim crea-
tione certe terra primùm erat rudis & indigesta
moles, quæ postmodum magis perfecta est, nempe
quoad perfectionem accidentalem. Sic opera quæ
quotidie Deus per naturam producit, paulatim ma-
jora perfectionis incrementa capiunt. Itaque hæc
ista Scaligero placet subtilitas, cum quaerit in eâ-
dem sectione, An Deus novî quicquam possit creare,
& homini addere, respondet. Possit, sed noluit posse,
quia seipsum argueret imperfectionis opera quam in
priori opere posuisset. Sic & *Ramus* judicat ex

Scaligero. Non, inquam, placet hæc subtilitas:
Primum enim non video qui dici possit Deus nolle
aliquid posse quod potest: invitus igitur posset;
quod absurdum. Deinde actio Dei in se, & quate-
nus in Deo est, nihil contrahit imperfectionis, etsi
opus quod ab actione procedit imperfectum est:
aut certe dicendum, omnia Dei opera simulatque
sunt ita esse perfecta ut nihil amplius perfectionis
admittant: aut toties Deum imperfectionis esse ar-
guendum quoties opus aliquod producit, & ex certo
deinde temporis intervallo magis magisque pro be-
neplacito suo perfici; quorum illud falsum, hæc ab-
surdum. Denique si Deus perfectius aliquid potest
facere, quàm facit, quod concedit, imperfectam
dici posse, si maxime imperfectio illa non accedat.
Itaque allegata Scaligero ratio, ne forte Deus seip-
sum argueret opera imperfectionis, difficultatem non
videretur solvere. Hactenus de discussu Scaligero &
Rami. Ad reliquas rationes jam pergamus. Re-
spondemus igitur.

Ad 1^m. Si in propositione per omne bonum intel-
ligatur omne bonum creatum, limitamus eam hæc
modo. Quod actu omne bonum continet quod qui-
dem esse potest, eo certe melius non datur. At hæc
modo Mundum omne bonum continere negamus:
Etiam enim omne bonum continet quod est crea-
tum, non tamen actu omne continet, quod creati
potest, ut ostendimus conclusionem tertiâ & quartâ.
Quod si vero in propositione per omne bonum in-
telligatur & creatum & increatum, non nisi cum
limitatione eam, & sic etiam conclusionem, admit-
timus; nempe, Quod omne bonum continet for-
maliter vel eminenter, eo nihil potest esse melius
scilicet intensivè, licet possit esse extensivè. Videat-
ur conclusio secunda.

Ad 2^m. Propositio constat insufficienti enume-
ratione. Bonum enim quæ sunt ad finem bonitas
elimatur non tantum ex fine; sed ex efficaciâ
quoque assequendi finem; quæ certe perfectior esse
potest quàm jam est, ut ostendimus conclusione
decimâ.

Ad 3^m. Connexum negamus. Probatio uni-
versalis non est: Ea enim demum potentia est fru-
stranea quæ in actum non deducitur si ad opus vel
actum tanquam finem ordinatur: Atqui potentia
Dei non ad omne id quod esse potest tanquam fi-
nem ordinatur. Pertinet hæc quod Scaliger ait,
Exerc. 249. §. 3. Dei potentia ad nihil refertur,
sed sua solius est & ipsa sibi, & hoc quod est, & hoc
omne, quod sunt omnia.

Ad 4^m. Connexum negamus: Quis enim dixe-
rit artificem aliquem invidiæ culpam sustinere pro-
pterea quod omnem artis suæ perfectionem in uno
aliquo

aliquo opere ita non repræsentet ut perfectius repræsentetur nullo modo possit? Cum enim liberrimum ejus arbitrium leges sibi non patiatur præscribi, ob quarum transgressionem prævaricationis accusari merito possit, multo minus ad hæc Deus angustias fuerit redigendus, cum voluntas ipsius liberrima sit lex sanctissima, ad quam quicquid conformatum est accusari nullo modo potest. Similis *Augustini* argumentatio nihil roboris conciliat huic argumento, propter ingentem dissimilitudinem quæ est inter creaturas & æternum Dei Filium, inter illarum creationem temporariam liberrimamque & hujus generationem æternam, naturalem & necessariam. Filium si Deus Pater meliorem potuisset generare quam generavit, utique invidiæ posset accusari, quod perfectionis aliquid ei denegasset quod ex Divinæ generationis vi debitum ei fuisset. Si perfectiorem voluisset sed non potuisset generare impotens argueretur: Qui enim non potest quod vult, impotens est. In Mundum discursus hic per omnia non quadrat: Etiam si enim impotentia vel imbecillitatis Deus argueretur si voluisset sed non potuisset Mundum meliorem facere, invidiæ tamen minime accusari debet quod noluerit meliorem facere quem poterat meliorem facere, quia ex vi creationis non debebatur ei omnis gradus perfectionis seu possibilis bonitatis: Quicquid verò ei contulit perfectionis, ex summâ libertate & liberalitate contulit, adeo ut manifesta ejus bonitas humillimè potius sit adoranda & prædicanda, quam occulta ratio, quare noluerit

Mundum hunc perfectiorem facere, scrupulosè & improbè querenda. Quis, quæso, ingratus adeo & demens sit, qui regem invidiæ accuset quod mendico mille tantum talenta & non decem millia donaverit?

Ad 4^m. Totam rationem hanc concedimus, si hoc saltem inferat, Mundum quoad perfectionem essentialè meliorem non posse esse: Videatur conclusio quinta. Quod si verò inferatur, simpliciter & nullo modo perfectiorem posse Mundum reddi, ex præmissis id minime sequetur.

Hactenus de possibili perfectione Mundi sobriè à nobis disputatum esse arbitror. Refert *Danaus*, *Eth. lib. 2. cap. 9. ex Roderico Sanzio Hispano, Alphonsum 1. Hispania regem à Deo percussum esse propterea quod diceret omnia Dei opera meliора potuisse fieri quam à Deo sunt facta. Sed observandum, non in eo peccasse regem, quod perfectionis argumentum ex omnipotentia divinâ collegerit, sed quod de modo ejus procurandi judicium sibi sumerit, & quo pacto universum reddi melius & perfectius possit, improbo ausu Deo quasi præscripserit, se etiam, si Deus esset, Mundum hunc longè perfectiorem fuisse creaturam dixerit. Hæc à nobis absit temeritas & profanitas. Certum quidem esse arbitramur tantam esse Dei sapientiam & potentiam ut longè perfectiorem possit vel hunc Mundum reddere, vel alium efficere: modum verò hujus perfectionis describere supra hominis imò & Angeli captum putamus esse arduum.*

CAPUT XIII.

De Pulcritudine Mundi.

IN quibus consistat Mundi pulcritudo: *Th. Afferitur Mundi pulcritudo: ex d. 1. De pulcritudine pulcra quædam ex Leone Philosopho Hebræo: ibid. Probat Leo pulcritudinem non consistere in proportionem totius & partium: 2. Explicatur sententia nostra de pulcritudine: Responderetur ad rationes Leonis: 4.*

THESIS I.

Hactenus de Mundi perfectione: Sequitur pulcritudo, quæ rectius æstimari nequit quam ex perfectione, quia omne perfectum bonumque pulcrum est. Consistit ergo pulcritudo Mundi in admirabili rerum creaturarum secundum formas specificas varietate, proportionem quantitatum & qualitatum, numerisque omnibus absolutâ constructione, in admirandis rerum figuris, virtutibus, opera-

tionibus, coloribus, odoribus, saporibus, &c. nec non ordine pulcherrimo.

"Eudæus.

I. Leo Hebræus, Dialogo 3. de amore, pulcritudinem definit gratiam quandam formalem, quæ cognoscenti maximam adfert jucunditatem, ipsamque ad sui allicit amorem. Pulcherrimum igitur Mundum esse rectè colligimus, quia ex contemplatione ejus incredibili voluptate perfunditur animus religiosus, & in admirationem rapitur maximam: Quod & Gentilibus accidit, qui pulcherrimis rerum creaturarum sublevati gradibus in Conditoris notitiam & admirationem ascenderunt, etsi eo quo

quo par erat modo cum non glorificaverunt, Gentiles, inquit Augustinus serm. 149. cognoscetes Deum, non sicut Deum glorificaverunt. Unde cognoscetes? Ex his quæ fecit. Interroga pulcritudinem maris, interroga pulcritudinem dilatati & diffusi Aeris, interroga pulcritudinem cæli, interroga ordinem siderum, interroga solem fulgore suo diem clarificantem, interroga lunam splendore suo sequentis noctis tenebras temperantem, interroga animalia, quæ moventur in aquis, in terris, quæ volitant in aere; latentes animas, perspicua corpora; visibilia regenda, invisibiles regentes: interroga ista, respondebunt tibi omnia, Ecce, vide, pulcra sumus. Pulcritudo eorum, confessio eorum est. Ista pulcra mutabilia quis fecit nisi immutabilis pulcher? In hac Mundi pulcritudine deprædicandâ multi fuerunt Gentiles. Καλλιστὸν κόσμῳ, inter Thaletis Milesii memorabilia dicta à Laertio refertur. Rationem subiecit idem Philosophus, πῶμα γὰρ θεῶν. Mundo, ait Seneca, De consolat. ad Albina, nihil neque majus neque ornatus rerum natura genuit. Nescio tamen an pulcrius quisquam de hac pulcritudine disseruerit quam Cicero, lib. 2. De natur. Deor. Quo tanquam invicto argumento esse Deum, eumque Mundi autorem demonstrat. Forsan non ingratus lectori fuerit, remota aliquantisper disputandi subtilitate, de hoc argumento disserentem audire Oratorem. Sic autem ille Mundi pulcritudinem velut in tabellâ depictam oculis subiecit: Principio terra universa cernatur locata in mediâ Mundi sede, solida & globosa, & undique ipsa in sese nutibus suis conglobata, vestita floribus, herbis, arboribus, frugibus: quorum omnium incredibilis multitudo insatiabili varietate distinguitur. Adde huc fontium gelidas peremitates, liquores perlucidos amnium, riparum vestitus viridissimos, speluncarum concavas latitudines, saxorum asperitates, impendentium montium altitudines, immensitatesque camporum; adde etiam reconditas auri & argenti venas; infinitamque vim marmoris. Quæ verò & quàm varia genera bestiarum vel cicurum vel ferarum? qui volucrum lapsus atque cantus? qui pecudum pastus? quæ vita sylvestrium? Quid jam de hominum genere dicam? qui quasi cultores terræ constituti, non patiuntur eam nec immanitate belluarum efferrari nec stirpium asperitate vastari: quorumque operis agri, insula litoraque collucent distincta rectis & urbibus: quæ si ut animis sic oculis videre possemus, nemo cunctam intuens terram de Divinâ ratione dubitaret. At verò quanta maris est pulcritudo? quæ species universi? quæ multitudo & varietas insularum? quæ amenitas orarum & litorum? Quot genera

quæque disparia partim submersarum, partim fluitantium & innatantium belluarum, partim ad saxa nativis testis inhaerentium? Ipsum autem mare sic terram appetens litoribus claudit, ut una ex duabus naturis conflata videatur. Exinde mari finitimus aer die & nocte distinguitur: isque tum fusus & extenuatus in sublime feritur, tum autem concretus in nubes cogitur, humorumque colligens terram auget imbribus, tum effluens huc & illuc ventos efficit. Idem annus frigorum & calorem facit varietates: idemque & volatus alitum sustinet, & spiritum ductus alit & sustentat animantes. Restat ultimus & à domiciliis nostris altissimus, omnia cingens & coercens cæli complexus, qui idem æther vocatur, extrema ora & determinatio Mundi: in quo cum admirabilitate maximâ igneæ formæ cursus ordinatos definiunt: ex quibus Sol, cujus magnitudine multis partibus terra superatur, circa eam ipsam volvitur: isque oriens & occidens diem noctemque conficit; & modo accedens, tum autem recedens binas in singulis annis reversiones ab extremo contrarias facit; quarum intervallo cum quasi tristitia quædam contrahit terram, tum vicissim lætificat, ut cum cælo hilarata videatur. Luna autem, quæ est, ut ostendunt Mathematici, major quàm dimidia pars terræ, iisdem spatiis vagatur quibus sol: sed tum congregiens cum sole, tum digrediens, & eam lucem quàm à sole accipit, mittit in terras, & varias ipsa mutationes lucis habet: atque etiam tum subiecta atque opposita soli, radios ejus & lumen obscurat, tum ipsa incidens in umbram terræ, cum est è regione solis, interpositu interjectaque terra repente deficit. Iisdemque spatiis hæc stellæ quas vagas dicimus, circum terram feruntur, eodemque modo oriuntur & occidunt, quarum motus tum incitantur tum retardantur, sæpe etiam insistent: quo spectaculo nihil potest admirabilius esse, nihil pulcrius. Sequitur stellarum inerrantium maxima multitudo; quarum ita descripta distinctio est, ut ex notarum figurarum similitudine nomina invenerint. Hactenus Cicero.

Contendit porro Philosophus Hebræus, cujus antè facta mentio, rerum naturalium pulcritudinem à formis naturalibus tam essentialibus quàm accidentalibus originem ducere, veluti & artificiosarum rerum pulcritudo proficiscitur à formis artificiosis. Ex formis igitur quoque tam essentialibus quàm accidentalibus Mundi pulcritudinem æstimamus: Rerum enim creaturarum varietas originem trahit à varietate formarum substantialium, liquidem materia in se informis & indifferens est. Sic & proportio tum quantitatum tum qualitatuum formæ accepta fertur: Etiam enim interminata quantitas à materiâ est, determinatio tamen ejus varia

& proportionalis à formâ & propter formam est. Omnes verò qualitates, virtutes & operationes, quæ Mundi pulcritudinem vel inprimis sensibus nostris commendant, à formis substantialibus citra controversiam proficiuntur. In eodem Dialogo, pag. 556. docet corporum venustatem & pulcritudinem ab excessu formæ supra materiam, eorundem verò deformitatem ab excessu materiæ supra formam proficisci: Quæ minimè contemnenda subtilitas.

II. Videtur tamen idem Leo pag. 555. thesi nostræ contradicere: Multis enim pertendit, pulcritudinem non consistere in proportionem totius & partium: Rationes ejus hæc sunt:

1. Quia aliàs corporibus simplicibus & homogeneis, quæ distinctis partibus non constant, nulla competeret pulcritudo: Sic igitur nulla stella, nulla gemma pulcra esset; quod absurdum.

2. Quia nulla partium nisi ad totum relata pulcra esset dicenda.

3. Quia eadem membrorum proportionem manente, eadem mulieris facies modò formosa modò deformis esset.

4. Nulla esset pulcritudo colorum vel lucis, quia in his nulla partium ad se invicem est proportio.

5. Quia nec ulla esset vocum pulcritudo nec suavitas, cum & ipsæ partibus careant proportionalibus.

6. Quia intellectualis pulcritudo esset nulla, cum à partium distinctarum proportionem sit alienissima.

7. Quia Dei pulcritudo esset nulla: quam enim Deo proportionem tribuimus?

8. Quia etiam in malis, quæ pulcra non sunt, datur proportio. Unde concludit, Etiam si in rebus concordantibus laudabilemque proportionem retinentibus pulcritudo reperitur, eam tamen quidpiam aliud præter partium totiusque proportionem esse.

III. Hæc, inquam, Leonis rationes à sententiâ nostrâ nos minimè dimovent. Primum enim & ipsi concedimus pulcritudinem in genere non esse definiendam proportionem partium distinctarum, cum pulcra possint esse quæ nullis constant partibus distinctis, si in se sine respectu ad alia considerentur; hinc verò non sequitur, nullius prorsus rei pulcritudinem æstimari posse ex partium cum toto proportionem, & rei alicujus simplicis cum aliâ collationem. Deinde proportionem nos non intelligimus tantum partium corporearum ad totum compositum, & compositi totius ad partes componentes, sed & qualitatum diversarum in eodem sub-

jecto five incorporeo five corporeo, eoque vel simpliciter vel composito, homogeneo vel heterogeneo; cujusmodi qualitatum harmonia est in elementis & corporibus mixtis, in quibus proportionis quoad qualitates ratio attendi potest vel respectu unius subjecti, vel respectu diversorum. Unde à Medicis inter *Simplicia* comparatio instituitur accurata quoad qualitatum gradus, respectu quorum alia in primo, alia in secundo, alia in tertio, &c. gradu dicuntur calida, frigida, humida, sicca: quam proportionem effectum esse formarum extra controversiam est ipsi quoque *Leoni*. Denique nullo modo negari potest *Augustini* membrorum in eodem corpore animato, bruti vel hominis insignem deformitatem gignere, adeo ut si nimia sit monstri nomen corpori imponat: ut si tanta sit capitis moles quanta ventris, tanta digiti quanta brachii aut pedis, tanta nasi quanta capitis, &c. Sequitur igitur necessariò ab apta omnium membrorum harmoniâ & proportionem formositatem ac pulcritudinem gigni: Contrariorum enim contraria sunt consequentia. Unde *Aristoteles*, 3. Top. cap. 1. segmento 13. ait, *ἡ δὲ ἐστὶν οὐκ ἔστιν οὐκ ἔστιν*, h. e. pulcritudinem esse aptam quandam membrorum comensurationem, In 1. De partib. animant. cap. 1. ad pulcritudinem addit quoque τὴν *ἁρμονίαν* five *ἁρμονίαν*, h. e. colorum suavitatem. Et *Augustinus*, De civit. Dei, lib. 22. cap. 19. Omnis corporis pulcritudo est partium congruentia cum quadam coloris suavitate: Quæ definitio è Cicrone videtur petita, qui 3. Tusc. Quæst. pulcritudinem definit aptam membrorum figuram, cum coloris quadam suavitate. *Scaliger*, Exerc. 307. §. 27. pulcritudo est qualitas constans ex modo quantitate, temperaturâ, qualitatum & partium situ convenientem. *Cælius Rhodiginus*, Antiq. lect. lib. 16. cap. 5. ait omnibus numeris absolutam pulcritudinem censeri debere, ubi duo ista convenient, & societatem cœant nullâ solubilem vi, animalis virtus atque præstantia, tum corporis concinna, linearum, colorum membrorumque compacta, benèque constituta proportio. In specie verò ad Mundi pulcritudinem requisita pulcritudinis, potissimum respectu corporum animatorum, generalia accommodat *Vallesius*, Sacre Philosophiæ cap. 52. Ad pulcritudinem, inquit, spectat ut neque quantæcumque magnitudinis sint membra, neque ad se mutuo sine certâ proportionem, sed singula certâ cujusdam magnitudinis, & ad sese elegantissimam habentia proportionem, simulque ad totius utilitatem maxime accommodatam. Subjicit applicationem; Neque terram igitur, neque aquam, neque aerem, neque orbium cælestium ullum, sed ne astrorum omnium minimum fecit Deus negligit.

negligenter, sed omnia magnitudinis cujusdam ad mundi totius & ad cujusque alterius partis magnitudinem pulcherrimam habentia rationem: quam tamen agnoscere & explicare aperte ejus est solius qui fecit, ac penes quem est aeternum illud exemplar cuius imitatione effecta sunt. Mundum esse pulcherrimum, inquit Celsus Rhodiginus, Antiq. lect. l. 6. ex quatuor maximè colligimus, ut putant ex veteribus nonnulli, ex orbiculari figurâ, quæ omnium prima est & maximè capax, ex colore item, qui Cyaneus est, ex magnitudine, postremo ex tot tanto. rûmque siderum varietate.

IV. Ex iis quæ dicta sunt patet quid responderi debeat ad oppositas Leonis rationes, siquidem id eæ volunt, uti quidem videtur, pulcritudinem nullo modo consistere in proportionē. Breviter igitur respondemus.

Ad 1^m. Consequentia laborat vitio: Etsi enim in simplicibus nulla est proportio partium distinctarum ad se invicem collatarum, est tamen proportio 1. Quantitatis cum aliis Mundi partibus comparatæ, 2. qualitatum & virtutum, vel in iisdem subjectis, vel ad alia subjecta, ut antè ostendimus.

Ad 2^m. Ratio hæc nihil absurdi infert: Omnis enim pars, quatenus est pars, naturâ suâ ad totum refertur: Unde consequens est, partis, quatenus est pars, pulcritudinem omnino ad totum esse referendam, & ex proportionē quam habet ad totum æstimandam: Tum enim demum pars pulchra est, cum iustam habet ad totum proportionem, & cum reliquis totius perfectionem absolvit. Interim parti, si ut absolutum quid consideretur, sua quoque inesse potest pulcritudo citra respectum ad totum.

Ad 3^m. Ad perfectam faciei pulcritudinem (externam quidem quæ in oculos incurrit: in internis enim non tam pulcritudo quam utilitas attenditur) requiritur non tantum *εὐχρεία*, h. e. colorum suavitatis, etiam si ex eâ ferè solâ vulgus pulcritudinem æstimare solet; sed & partium *συμμετρία*, ut suprâ ostendimus. Itaque ut absque eâ non est perfecta pulcritudo, sic & cum eâ non consistit perfecta deformitas.

Ad 4^m. In coloribus, quandoquidem ex commixtione perspicui & opaci oriuntur, omnino est pro-

portio: Unde colorum species vulgò definiuntur ex variâ perspicui & opaci, colorumque intermediorum & extremorum invicem permixtorum proportionē. Est sua quoque luci cum corporibus proportio, etiam si partes materiales & corporeæ nullæ sunt. Et si maximè colores essent nulli, omnis tamen lucis proportio illis non exspiraret: Est enim analogia quædam, pulcherrima inter lucem & maiestatem Dei, ad quam quantò accedit proprius, tantò pulchrior merito est æstimanda: Unde per lucem in Scripturâ sæpe Dei maiestas exprimitur. Sic & proportio lucis est cum beatis spiritibus, ut tenebrarum cum malignis.

Ad 5^m. Quicquid in vocibus est suavitatis, ex certâ intervallorum oritur proportionē & harmoniâ: Unde & concentus à vocum harmoniâ ad alias proportionē explicandas adhibetur.

Ad 6^m. Intellectualis pulcritudinis creatæ certa quædam proportio est ad ipsum Deum seu ideam inereatam, ad quam quia proximius accedit quàm corporea, ideo merito ei præfertur.

Ad 7^m. Pulcritudo competit Deo per se sine proportionē ad entia creatâ. Etiam si verò ab entium creatorum pulcritudine ad cognitionem Divinæ pulcritudinis ascendimus, & analogiam quandam inter Creatorem & creaturam verissime concipimus, propter illam tamen Deus in se non est pulcher, sed per illam tantum à nobis pulcher esse cognoscitur. Quod si igitur maximè Divina pulcritudo ex nullâ oratur proportionē, cum ipsa sit norma prima omnis pulcritudinis & veræ proportionis, non tamen sequitur aliarum quoque rerum pulcritudinem à proportionē non pendere. Interim in ipso quoque Deo summam quandam harmoniam & proportionem agnoscimus, quatenus in omnibus suis decretis, dictis & factis perpetuò sibi constet. Inprimis verò admirabilem Divinæ iustitiæ & misericordiæ harmoniam merito veneramur, & temperamentum illud Divinissimum ac sapientissimum admiramur.

Ad 8^m. Non sequitur, in nullâ penitus proportionē pulcritudinem consistere, si in proportionē malorum non consistit: Negatâ enim specie non statim negatur genus. Et hæcenus quidem de Mundi pulcritudine.

CAPUT XIV.

De corruptibilitate Mundi.

CORruptibilitas quid: Th. Rationes Philonis pro incorruptibilitate Mundi: 2^a 1. Rationes pro corruptibilitate Mundi: 2. Explicatur sententia propria: 3. Respondetur ad argumenta Philonis: 4. Modus in hac controversiâ qui excedat: 5.

T H E S I S.

Corruptibilitas est potentia passiva, quâ Mundus secundum omnes partes accidentales & substantiales mutari & destrui potest.

Ex Seno.

I. Librum scripsit *Philo mei ἀφ' ἀρχαίας χρόνων*, De incorruptibilitate Mundi: Quam sequentibus argumentis demonstrare nititur, sub personâ Critolai.

1. Si Mundus esset corruptibilis, ab externâ aliquâ aut internâ causâ corrumpi posset: Atqui à neutrà: Ergo corrumpi non potest: Assumptio probatur 1. de externâ causâ: Quia extra Mundum nihil est; quando constat ipse ex congerie omnium rerum, adeo ut extra ipsum nihil sit. 2. de internâ causâ: Quia quicquid est intra Mundum, pars Mundi est: Quod si verò Mundus ab aliquâ suarum partium corrumpi posset, pars illa toto major & potentior esset: quod absurdissimum; siquidem Mundus insuperabili robore præditus partes suas mover, ipse à nullâ earum mobilis.

2. Quicquid ingentum & æternum est, id incorruptibile est: Atqui Mundus ingentus & æternus est: Ergo. Assumptionem probat 1. Quia homo est æternus: nec enim per generationem potuit humanum genus incipere. 2. Quia sibi ipsi causa est essentia, ut & cæteris omnibus. 3. Quia si aliquando natus esset, imperfectus fuisset, & post multa secula tandem absolutus: Nam in animantibus videmus gradus esse perfectionis, eosque lentè admodum procedere.

3. Si Mundus esset corruptibilis, vel ex morbo, vel ex senio, vel ex inopiâ id eveniret: Atqui ex nullo horum; Ergo. Propositio probatur; Quia tribus hisce modis adferri potest perniciēs animalibus. Assumptio probatur de morbo; Quia ex omnibus constat Elementis: unde robustior est quàm ut vi nullâ infirmari possit: de senio; Quia non est locus senio ubi nulla est infirmitas, ubi vigor perpetuus: de inopiâ; Quia nullâ re mundus caret, inanitionis explicationisque necius.

4. Si Mundus esset corruptibilis, partes ejus discedere possent à naturali ordine, & demigrare in loca contraria: At consequens falsum: Ergo & antecedens. Connexi ratio est; Quia omnibus quæ corrumpuntur, lex præfinita est, ut à naturali ordine discedant & in loca migrent contraria. Assumptio probatur; Quia optimum & aptissimum situm cunctæ Mundi partes sunt sortitæ, ut singulæ sede suâ tanquam pulcrâ contentæ non requirant mutationem in melius.

5. Natura singula, quorum est natura, cupit conservare & ab interitu vindicare, si liceat: Ergo multo magis Mundi hoc faciet natura, proindeque Mundum obnoxium esse corruptioni non patietur. Ratio consequentiæ; Quia invicti est roboris & omnibus rebus noxiis potentior.

6. Deus non perdit Mundum; Ergo corruptibilis non est. Antecedens probatur; Si perderet, ideo perderet, vel ut nullum posthac conderet, vel ut repararet alium: At neutrum dici potest. Non prius; Quia Deo convenit ex perturbatione ordinem non ex ordine perturbationem facere: Deinde debuerat non condere Mundum, aut, postquam semel condere placuit, gaudere condito, Nec posterius; Quia aut deteriore, aut similem, aut meliorem repararet: Atqui omnia hæc sunt reprehensibilia: nam si deteriore conderet opifex quoque esset deterior; si similem, in cassum laboraret, si meliorem, melior evaderet: quæ omnia sunt absurda.

7. Mortalium opera sunt corruptibilia: Ergo Immortalis opus debet esse incorruptibile. Ratio consequentiæ: Quia rationi consentaneum est opera similitudinem referri sui opificis.

8. Si Mundus esset corruptibilis, tota illa sensibilia Deorum, h. e. siderum, militiâ beatissima esset corruptibilis: At consequens falsum: Ergo & antecedens. Assumptio probatur; Quia fieri quidem potest ut mortalis immortalitate per gratiam potatur, ut verò Dii immortalitatem amittant nullo modo possibile est.

9. Si Mundus corrumpere, ab aliquâ externâ causâ vel à Deo corrumpere: Atqui non ab externâ causâ, quia nihil est quod non contineat; nec à Deo, quia Deus non est autor perturbationis, fœditatis, corruptionis, sed ordinis, ornatis, vitæ, omnisque boni autor.

10. Si Mundus corrumpi posset, vel per additionem, vel per subtractionem, vel per transpositionem, vel per alterationem hoc fieri posset: Atqui nullo horum modorum corrumpi potest: Ergo. Connexum probatur; Quia quatuor isti sunt modi corruptionis in genere. Assumptio probatur, de additione; Quia nihil extra Mundum est; nihil igitur ipsi potest addi: de subtractione; Quia ablata parte aliquâ, fieret novus Mundus priore minor: nec verò possibile est corpus aliquod ab universo avelli: de transpositione; Quia nulla Mundi pars locum muta: de alteratione; Quia æquipollens est Mundi mutatio: hæc verò æquipollentia inconcussæ firmitatis causa est, cum nihil exsuperetur vel exsuperetur. Hactenus *Philonis* argumenta pro Mundi incorruptibilitate.

Aristoteles ut ingentum ita & incorruptibilem esse.

esse Mundum statuit, &, ut *Philo* scribit in libro hætenus allegato, impietatis damnat quotquot contrarium asserunt, qui manufactis præstantiorem non existimant solem tam magnum Deum visibilem, & lunam, cæteraque vel fixa vel vaga sidera, omnia verò plena numine. Cavillatus etiam fitur, ut idem *Philo* scribit, olim se timuisse ne sua domus vi procellarum ac tempestatum, aut vetustate, aut architecti incuriâ, contracto vitio, corrueret; jam majorem metum impendere ab istis qui conantur verbis Mundum destrueret. Eadem *Ocelli* sententia fuit, in libro *ἡ τῆς τῶ παντὸς φύσεως*.

II. Contrà verò naturâ suâ corruptibilem esse Mundum agnovit *Plato*, in *Timæo*: ubi Deum introducit Angelos hunc in modum alloquentem, *Θεοὶ θεῶν, ὧν ἐγὼ δημιουργὸς πατὴρ τε ἐργων, ἄλυστα ἐμὲ δέλοιστε. τὸ μὲν οὖν ἵδεσθαι πᾶν λυτὸν τὴν μὲν καλῶς ἀρμολογῆν καὶ ἔχειν ἐν λυτῇ ἐξέλειν κακῇ. ἰδὲ καὶ ἐπεὶ ὅτι γὰρ ἡ φύσις ἀδυνατοὶ μὲν ἐκ ἐσθῆ, ἐκ δὲ ἀλυστοὶ τὸ πάμπαν. ὅτι γὰρ μὲν λυθὴσιν ἀπὸ γῆ, ἐκ δὲ πυρὸς ἀπὸ ἀσπίδος, τῆς ἐκ τῆς βελήστεως καὶ ζῶοντος ἐν διασπῇ καὶ κωκυτέρῃ λαχόντες ἐκείνων, οἷς, ὅτι ἐλθροῦσι, συνελθόντες. Eadem & *Pythagoræ* fuit sententia, qui, *Plutarcho* teste, l. 2. De placitis *Philosophor.* Mundum à Deo genitum docuit, & suæ quidem naturæ respectu, utpote qui sensibilis sit, propter corpulentiam corruptioni obnoxium; nec ideo tamen interituum, quia Divina eum natura perennem continebit. Cur autem perennem fore hunc Mundum crediderint, causas sufficientes & idoneas nullas habuerunt, sed pro ingeniorum sagacitate de quibusdam saltem conjecturis fuere ducti. Firmiora sententiæ hujus præsidia nos *Christiani* novimus, ut suo loco docebimus.*

Scaligeri quoque, pro thesauris nostræ confirmatione observandus discursus, Exerc. 307. §. 20. quo demonstrat etiam mentes immateriales esse mutabiles; Omne, inquit, quod est, aut est primum principium, aut à primo principio: Unum est primum; alia dependent igitur: Ergo suâ naturâ omnia, præter unum, corruptibilia: Tamen enim sunt entia absoluta à subjecto & à termino, tamen baud sunt absoluta à causâ. Sunt igitur per aliud & ab alio: At omne dependens ab eo à quo dependet, si est voluntarium principium, mutari potest. Ergo ipsæ quoque mentes immateriales, etsi ponuntur à *Peripateticis* coætærne Deo, tamen ut à primo dependent, à primi nutu deponi possunt ab eâ essentiâ in quâ sunt ab illo constitutæ. Si enim non possent, haberent in se aliud principium resistendi illius infinitati. Hætenus *Scaliger*.

Sunt & *Damaseni* verba observatu digna, quæ

paucis complectuntur quod prolixius modò dictum; *Πάντα κτιστὸν καὶ πεπνυγμένον, καὶ μόνον ἀκτιστὸν ἀπεπνυγμένον, h. e. Quicquid creatum mutabile est; solum increatum immutabile est. Quam in sententiam etiam *Plutarchus*, l. 1. De placitis *Philosophor.* c. 5. *Κόσμος ἀφθαρτος καὶ ἑστὸς, ἐκ δὲ δύναμτος ἐνταλῆς καὶ πνεύματος ὁρῶν. Et apud *Ciceronem* *Epicureus*, Quæ est coagmentatio non dissolubilis?**

III. Hætenus partium sententiæ & argumenta. Nos ad quæstionem de Mundi corruptibilitate breviter respondemus per distinctionem *incorruptibilis*; Quod absolute, vel cum certo respectu sic dicitur. Absolute *incorruptibile* est, quod intra se vel extra se nihil habet à quo ullo modo corrumpi possit, seu quod planè & simpliciter independens est. Cum certo respectu *incorruptibile* est, quod à nullâ causâ secundâ ordinariâ & naturaliter agente corrumpi potest. Hæc præmissâ distinctione fit

1. Assertio, *Mundus non est incorruptibilis priori modo*: Ratio assertionis; Quia ens est à Deo dependens. Pertinet huc discursus *Scaligeri* pro corruptibilitate Mundi: cui suffragatur *Platonica* ad Deos concio, nec non *Damaseni*, *Plutarchi* & *Epicurei* sententia.

2. Assertio, *Mundus quoad corpora simplicia omnia posteriori modo est incorruptibilis*. De corporibus celestibus assentiuntur nobis *Peripatetici*, de elementis dissentiunt: quæ tamen verè *incorruptibilia* esse suo loco monstrabimus, ubi & mutuam elementorum transmutationem, & formarum in mitione abjectionem impugnabimus.

3. Assertio, *Mundus quoad corpora mixta corruptibilis est quoad primam & secundas causas*. Assertioni huic in Scholis modernis *Physicis* nemo contradicit.

IV. *Philonis* argumenta hoc videntur velle, Mundum, etli destrui à Deo possit, nunquam tamen destructum iri, nec verò à causis naturalibus destrui posse: Quod eâ nos limitatione admittimus quam *ἐκείναι* præcedenti expressimus, & fini hujus *Cosmologiæ* attexemus. Sunt tamen in *Philonis* argumentis multa veris mixta falsa: Itaque ad singula breviter respondebimus.

Ad 1^m. Si de causâ naturali loquatur hæc ratio, facile assentimur, At tamen quod adversus intestinam causam profert, minùs est solidum: Sæpe enim unius partis vitio totum destrui experientia testatur. Ubi tamen observandum, unius partis actionem destructivam ab initio non exseri adversis totum sed aliquam tantum totius partem, indeque paulatim ad alias transire partes, donec plures aut potiores labefactæ partes, quod reliquum in toto, & ipsæ corripant & destruant. Unde patet absurdum, quod *Philo* objicit, non admodum urgere adversarium.

Ad 2^m. Assumptio falsa est, ut & ejus probatio. Fatemur genus humanum non potuisse per generationem incipere: sed æternum propterea esse negamus, cœpit enim per creationem. Deinde Mundum sibi esse causam suæ essentia, falsissimum est. Denique si creatum esse Mundum dixeris, expirat absurdum quod obijcitur de imperfectione.

Ad 3^m. Connexi consequentiam negamus: Insufficiens enim enumeratio est, quia omissa dependentia ejus à causâ primâ, per quam ut ex nihilo est factus, ita & redigi in nihil potest. Si tamen per causas naturales corruptibilem esse Mundum neget ratio, non contradicimus.

Ad 4^m. Et hæc ratio videtur tantum velle, *Mundum naturaliter non posse destrui*: quod non negamus: Si simpliciter incorruptibilem esse contendat, propositionem & assumptionem negamus. Nam & de ordine suo Mundi partes Deus potest deturbare, & in ipso ordine annihilare.

Ad 5^m. De causâ naturali ratio procedit; adversus primam nihil efficit.

Ad 6^m. Negamus consequentiam: Potest enim corruptibile esse etiam quod actu non corrumpitur. Qui substantialem Mundi interitum asserunt, antecedens negabunt: Ad probationem respondebunt, nihil absurdi secuturum, sive nulum sive alium creatum ibi dicas. Deo convenit ordinare & perturbare; *Gen. xi. 7. Agedum descendamus, & confundamus sermonem illorum, ut non intelligant alter sermonem alterius.* In ipsâ tamen perturbatione ordinem quoque Deus intendit, etiam si humana cæcitas eum assequi sæpe non potest. Neque dicendus esset Deus ex ordine perturbationem inferre, si in nihilum redigeret Mundum; siquidem annihilatio non est verum ordinatarum perturbatio sed plenaria abolitio, quæ secundum ordinem Divinæ voluntatis fit. Si alium crearet, & quidem meliorem, inde tamen melior non evaderet: Nec enim melior evasit cum hominem crearet brutis longè meliorem, quæ ante hominem creavit. Eadem enim bonitas est quæ melius & quæ deterius creat, etiam si idem utrique non largitur.

Ad 7^m. Nego consequentiam; si absolute incorruptibile intelligatur. Ad probationem respondeo: Debere opera similitudinem referre sui opificis in quantum ejus sunt capacia: Atqui absolute incorruptibilitatis nulla creatura est capax, quia conjuncta illa est cum independentiâ, quæ

solius Creatoris est prerogativa. Neque tamen & hoc ipsum est universale, quod opera quævis similitudinem sui opificis in quantum capacia ejus sunt referre debeant: Erant enim & brutorum animæ, si Creator voluisset, immortalitatis capaces, quas tamen immortales non fecit.

Ad 8^m. Assumptionem negamus, si de corruptibilitate in genere loquatur: Stellæ corruptibiles sunt respectu causæ primæ, respectu secundarum incorruptibiles: Dii tamen non sunt, sed Dei opera.

Ad 9^m. Ratio hæc de corruptione non de corruptibilitate agit: de quâ impræsentiarum nobis quæstio. Ratio cur à Deo Mundus corrumpi non debeat, nullius est momenti: Est enim Deus autor vitæ & necis, creationis & destructionis, non tamen fœditatis; nec destructio, quatenus Deum habet autorem, fœda dici debet.

Ad 10^m. Ratio hæc non nisi de causis secundis agit. Prima causa mundo aliquid addere & demere, partes ejus transponere, alterare, ita omnes annihilare in momento potest.

V. Modum in hac controversiâ omnem excedunt, qui adeo corruptibilem esse Mundum credunt, ut propter corruptibilitatem nunquam sit, sed semper fiat: Quæ *Marsilii Ficini* sententia videtur, *Compend. in Timæum*, cap. 7. Ubi docet: ea quæ supra animum cogitantur, semper quidem esse & nunquam fieri; ipsum verò & esse & fieri semper; Mundum esse quidem nunquam, sed fieri semper; quæ in Mundo gignuntur, esse quoque nunquam, sed aliquando fieri. Subjicit, *Quoniam perpetuo motu temporève peragitur Mundus, ideo semper fieri judicatur: quatenus verò sit, nondum est: itaque dicitur esse nunquam.* Excusari tamen aliquo modo possunt quæ durius videntur dicta: Etenim Mundi duratio cum sit successiva & nunquam sit sed semper fiat, idem de existentia quoque, cui duratio hæc commensatur, judicandum videbitur. Rectius tamen & simplicius nos ad entia permanentia Mundum referimus, & durationem successivam ab existentia distinguimus, ita quidem ut Mundum dicamus esse, durationem verò Mundi non esse sed fieri. Longè tamen intolerabilior eorum est sententia qui continuam quandam innumerabilem Mundorum novorum successionem somniant: cujus patronum *Origenem* nominavimus in disputatione de mundi unitate. Refutat delirium hoc *Aristoteles* 1. De celo, text. 107.

CAPUT XV.

De principio durationis Mundi.

IN duratione Mundi considerandum principium & finis: *Th. I.* Principium durationis refertur ad certum annum, vel ad certam anni partem: *Th. II.* *An Mundus in tempore cœperit: Demonstratur initium Mundi ex sacris literis: in d. 1.* Aristotelis aliorumque Peripateticorum rationes pro aternitate Mundi, petita ex naturâ Dei: 2. Ex naturâ Mundi: 3. Ex naturâ motus: 4. Ex naturâ temporis: 5. Præmittuntur generalia solutionum fundamenta: 6. Respondetur ad rationes petitas ex naturâ Dei: 7. Ex naturâ Mundi: 8. Ex naturâ motus: 9. Ex naturâ temporis: 10. *An ab æterno Mundus esse potuerit.* Rationes pro affirmativâ: 11. Defenditur negativâ: 12. Solvuntur rationes contrariæ: 13. *An Mundi aternitatem seriò propugnarit Aristoteles.* Rationes pro negativâ: 14. Defenditur affirmativâ: 15. Respondetur ad rationes contrariâs: 16. *An aliter de Mundi aternitate potuerit & debuerit statuere Aristoteles: Probatur aliter potuisse & debuisse: 17.* Crellii argumenta pro sententiâ negante solvuntur: 18. *An per certa dierum intervalla Mundus sit conditus: Argumenta pro negativâ: 19.* Defenditur affirmativâ: 20. Solvuntur rationes contrariæ: 21. *Cur maluerit Deus per certa dierum intervalla Mundum condere quam totum uno momento: 22.* Primus annus Mundo natalis: *Thes. III.* Variæ Chronologorum sententiæ: in d. 1. Quæ Chronologia difficultatem pariant: 2. Incertus amorum qui à nato Christo ad nostra tempora effluxerunt numerus: 3. Solvitur objectio adversus Chronologiam Mundi: 4. Anni pars Mundo natalis autumnus: *Thes. IV.* Quæstionem de anni parte quæ Mundo sit natalis impugnat Keckermannus: in d. 1. Defenditur quæstio: 2. Rationes pro verno tempore: 3. Rationes pro autumno: 4. Solvuntur rationes pro verno tempore: 5.

THESIS I.

HActenus de Mundi qualitatibus: Sequitur duratio: Cujus principium & finis attendi debet.

THESIS II.

Principium durationis est, quo post non esse Mundus incepit esse, ita quidem ut pars una post aliam distinctis dierum intervallis esse cœperit. Id. verò principium refertur ad certum & primum annum, vel ad certam anni partem.

Ex Deot.

I. Circa thesin hanc quinque sunt expediendæ quæstiones: 1. *An Mundus in tempore cœperit esse.* 2. *An ab æterno esse potuerit.* 3. *An aternitatem Mundi simpliciter affirmarit Aristoteles, & seriò eam propugnarit.* 4. *An per certa dierum intervalla pars Mundi una post aliam sit creata, an verò totus uno momento sit factus.* 5. *Si per certa dierum intervalla conditus est, cur maluerit Deus hoc modo eum condere quam uno momento.*

Primam quod attinet quæstionem, *An mundus in tempore cœperit esse*, doctissimi Zanchii assertio est, lib. 1. de operib. sex dier. c. 3. quæst. 2. thesi 1. si unum excepiat Aristotelem, & qui eum secuti sunt Peripateticos, neminem esse Philosophorum

allicujus autoritatis qui Mundum initium temporis accepisse fassus non sit. Et hæc omnium quoque Christianorum constans est assertio, quæ evidenti-
tissimis nititur Scripturæ testimoniis: ut Gen. i. 1. *In principio creavit Deus cælum & terram:* Quorum verborum hic est sensus, Habuisse Mundum certum quoddam suæ existentie seu durationis principium, quo per creationem esse cœperit: quod per totum caput probatur, Mundi cunctis partibus ad certos dies quibus creatæ sunt relatis. Idem quoque probat cap. ii. 4. *Quâ die Deus creavit cælum & terram.* Proverb. viii. à vers. 22. ad 30. Ubi affirmat essentialis Sapiencia Dei Patris, hoc est Dei Filius, se fuisse ante omnes Mundi hujus partes, cum nondum esset terra, nondum abyssi aquarum, nondum colles, nondum cæli, &c. Quicquid verò post non esse cœpit esse, id æternum non est, id cœpit esse. Psalm. xc. 2. affirmat Moses, Deum fuisse ante montes & terram: At si æternus esset Mundus, nihil illo dari prius posset. Marci xiii. 19. *Erunt dies illi talis oppressio qualis non fuit à principio rerum conditarum.* Job. i. 1, 2, 3. *Abz & dicitur fuisse in principio, & omnia creasse, nempe in principio, ante quod non erant.* Et Job. xvii. 5. *Glorifica me, Pater, apud temetipsum, eâ gloriâ quam habui apud te priusquam hic Mundus existeret.* Sic ad Ephes. i. 4. *Elegisse nos Deus dicitur ante facta Mundi fundamenta.* Heb. xi. 3. *Per fidem intelligimus constructum fuisse*

fuisse Mundum verbo Dei, ut quæ cernimus non sint ex apparentibus facta.

Postremi hujus dicti occasione quaeritur, An naturalibus quoque & Philosophicis rationibus demonstrari possit Mundum habere certum suæ durationis initium. Videtur id negare Apostolus ad Hebr. Mundum enim verbo Dei constructum esse, ut quæ cernimus non ex apparentibus existerint, articulus fidei est secundum Apostolum: At fidei articuli per rationes Philosophicas demonstrari nequeunt: Unde & Thomas, parte 1. qu. 46. art. 2. contendit non nisi ex fide nos habere Mundum incepisse. Respondeo; Non videtur hoc Apostolo velle, quasi non nisi ex revelatione speciali sciri possit Mundum in tempore a Deo creatum esse, sed quod non nisi per fidem sciri possit quomodo sit Mundus creatus, an ex aliquâ præexistente materiâ; denique, quando sit creatus, sen quando exstiterit? Hæc certè non nisi ex revelatione Divinâ intelligi & sciri possunt. Interim finitæ durationis Mundum esse quoad initium existentia absque Divinâ & speciali revelatione demonstrari posse per rationem asserimus.

II. Aristotelis jam aliorumque Peripateticorum rationes audiamus. Possunt ex commodè distinguui in quatuor classes: Quarum 1. continet argumenta petita ex naturâ Conditoris Dei; 2. ex naturâ Mundi & partium Mundi; 3. ex naturâ motus; 4. ex naturâ temporis.

Temporalem Mundi ortum repugnare Dei conditoris naturæ probatur:

1. Si Mundus in tempore demum fuisset conditus, Deus infinito quasi tempore quievisset, postea verò aliquando fecisset: At consequens falsum: Ergo & antecedens. Assumptio probatur; Quia nulla potest reddi ratio cur nunc potius quàm prius Mundum fecerit.

2. Deus est semper idem & immutabilis: Ergo vel semper Mundum fecit & faciet, vel nunquam fecit & nunquam faciet. Ratio consequentiæ; Quia aliquando non facere & aliquando facere, varietatem arguit in opifice.

3. Si Deus non semper operaretur, sed aliquando ægeret, aliquando ab actione vacaret, interdum esset opifex potentia, interdum actu: At consequens falsum; Ergo & antecedens. Assumptio probatur; Quia Opifex Mundi ejusmodi est ut sit actus omni carens potentia.

4. Melius est Mundum semper esse quàm non semper esse: Ergo ab æterno factus est, & proinde semper fuit. Ratio consequentiæ; Quia Deus & natura faciunt semper ex possibilibus quod melius est.

5. Deus aut potuit ab æterno Mundum creare, aut non potuit. Si potuit & voluit, utique creavit; si potuit & noluit, summè bonus non est & invidiâ tangitur; de naturâ enim summi boni est, bonitatem suam aliis communicare quantum fieri potest. Si non potuit, omnipotens non est.

6. Mundi idea est æterna: Ergo & Mundus est æternus. Ratio consequentiæ est; Quia essentia idæ est, referri ad aliud cujus est idea: Atrelata simul sunt.

7. Opifex Mundi aut semper fuit actu efficiens Mundi, aut aliquando fuit in potentia. Si actu semper fuit efficiens Mundi, utique Mundus semper fuit. Si aliquando in potentia fuit, ergo ab aliquo efficiente qui actu fuit reductus est ad actum: id enim quod est potentia reducitur ad actum ab eo quod est actu, ut calidum potentia à calido actu: Atqui Deum ab alio ad actum reduci absurdum est. Quin alius ille qui ad actum reduceret Mundi Opifcem, aut semper reducebat, aut aliquando non reducebat: Si semper, ergo semper actu fuisset Mundi Opifex: Si non semper, ergo & ipse ab alio reductus est in actum. Similis quaestio de alio atque alio erit; & sic processus dabitur in infinitum; qui est absurdus.

8. Deus semper voluit esse Mundum, aut non semper voluit: Si semper voluit Mundum esse, utique semper fuit: Si non semper voluit, utique ex nonvolente factus est volens; quod est absurdum.

9. Res divinissimæ, inquit Plato, semper in eodem statu permanent: Ergo Deus vel semper Mundum fecit, vel nunquam fecit: Hoc verò posterius falsum: Ergo verum prius.

10. Aut Deus eodem prorsus modo se habuit erga molitionem Mundi ab æterno ut tunc cum fecit Mundum, aut alio modo se habuit tunc cum fecit quàm habuerat se ab æterno: Si prius dicatur, necessarium est ut vel ab æterno Mundum fecerit, vel nunquam fecerit: Sin posterius, diversitas Opifici accessit; quod absurdum.

11. A voluntate novâ non potest prodire actio antiqua: Ergo nec à voluntate antiquâ actio nova; & per consequens Mundus in tempore non potuit existere per voluntatem Dei antiquam: Ergo per novam. Ratione igitur novæ istius voluntatis Deo accidit mutatio; quod absurdum. Principalis rationis consequentia bona est; Quia ut voluntas antiqua se haberet ad actionem novam, sic & voluntas nova ad actionem antiquam.

12. Nullum agens differt bonum agere quod vult & intendit, nisi vel ob aliquod impedimentum, vel propter aliquod majus bonum: Neutrum affirmari potest: nec enim impediri potest Deus, quia.

quia omnipotens; nec majus Mundo bonum esse potuit.

13. Si mundo de novo accidit esse causatum, ergo & Deo accidit de novo esse causam: At falsum hoc: Ergo & illud. Connexi ratio est; Quia causa & causatum sunt relata. Assumptio probatur; Quia Deo hac ratione mutatio accidisset.

III. Ex naturâ Mundi & partium arguunt.

1. Materia prima est æterna: Ergo & Mundus est æternus. Antecedens probatur; Quia est ingeneralibis & incorruptibilis; nulla enim prior eâ fuit ex quâ generari potuerit, cum prima ipsa fuerit: unde consequens est, nec corruptibilem esse; quod enim corrumpitur, eo prius aliquid superstes manet. Ratio consequentiæ est; Quia materia sine formis existere non potuit.

2. Cælum est ingenerabile & incorruptibile: Ergo Mundus non cœpit. Antecedens probatur; Quia cœlo nihil est contrarium; at generatio non nisi ex contrariis. Prius probatur; Quia cælum circulariter movetur: At motui circulari nullus motus contrarius esse potest.

3. Incolæ cœli, nempe Dii, sunt æterni: Ergo ipsum quoque cælum est æternum. Ratio consequentiæ; Quia locus congruus esse debet iis qui in loco sunt.

4. Mundus dissolvi non potest: Ergo nunquam est factus. Antecedens probatur; Quia Deus cum nunquam dissolvat: Improbi enim est velle dissolvere quod cum ratione colligatum & copulatum est.

5. Mundus non potest interire: Ergo nec fuit ortus. Antecedens probatur; Quicquid interit, ab aliquo extrinsecus occurrente interit: Atqui extra universum nihil est, cum omnia complexu suo contineat: Ergo à nullo potest interire.

6. Quod interit, vitio suo interit: At Mundus nullius vitii capax est: Ergo. Propositio probatur; Quod interit, non bono suo interit: nec eo quod neque bonum neque malum est; hoc enim nullam habet lædendi aut servandi vim: Ergo malo suo seu vitio interit. Assumptio probatur; Quia Mundus ex sententiâ Platonis est beatus Deus.

7. Universi elementa, uti Cælum & Elementa in specie sic dicta, totalem nullam mutationem subire possunt: Ergo Mundus in tempore non cœpit. Antecedens probatur; Quia vel manent in locis suis naturalibus, in quibus conservantur; vel circulo moventur, & sic nec principium nec finem movendi habent. Ratio consequentiæ est; Quia ortum non habet quod interire nequit.

8. Si Mundus aliquando non fuit, id accidit vel propter materiam vel propter efficientem: At propter neutrum: Non utique propter materiam; Quia cum sit immutabilis, semper fuit ad procreationem Mundi habilis: Nec propter efficientem; Quia Deus semper ad efficiendum satis est idoneus.

9. Materia sempiterna est, & per se habilis ad suscipiendas formas: vel igitur in eâ formæ semper existerunt, & sic Mundus æternus est; vel semper non existerunt, quod absurdum est; Materia enim non est sine formâ.

10. Ante generationem Mundi possibile fuit Mundum generari: Ergo Mundo prius fuit subiectum aliquod materiale, & proinde totus non deum inceptum in tempore. Ratio consequentiæ; Quia omnis possibilitas fundatur in aliquo subiecto, quod dicitur esse possibile: Quare sicut possibilitas activa non est nisi in aliquo agente, sic nec possibilitas passiva potest esse nisi in aliquo patiente. Sic igitur necesse est concedere ante generationem Mundi fuisse aliquod subiectum.

IV. Ex naturâ motus arguunt.

1. Motus est æternus: Ergo & Mundus est æternus. Antecedens probatur 1. Si motus aliquando cœpit esse, subiectum illius primi motus aut generatum aut sempiternum fuit: Sed non sempiternum: Ergo generatum. Assumptio probatur; Si mobile sempiternum fuit & tamen motu caruit, aliquid impedimentum fuit vel in ipso mobili vel in movente, propter quod in totâ æternitate motus esse non potuerit, illo autem sublato esse cœperit: At talis impedimenti remotio sine motu fieri non potuit: Ergo ante primum motum fuisset motus: quod absurdum. Concedendum igitur fuerit subiectum primi motus generatum esse: At generatio sine motu, fieri non potuit: sic igitur primum motum prior præcessit motus; quod absurdum. Argumentum hoc petitur ex 8. Phys. textu 4.

2. Motus circularis principio & fine caret: Ergo æternus est. Antecedens probatur; Quia non habet actu terminos, à quorum altero dicatur incipere, ad alterum verò terminari; sed semper est in principio, medio & fine, vel potius est nunquam in principio, medio & fine.

3. Si motus aliquando cœpisset, utique per motum cœpisset: At consequens est falsum: Ergo & antecedens. Assumptio probatur; Quia motu primo fuisset motus prior; quod absurdum. Connexi ratio est; Quia motus accidens est, omnē verò accidens per motum est.

V. Ex naturâ temporis arguunt.

1. Tempus

1. Tempus est æternum : Ergò Mundus est æternus. Antecedens probatur ; Si tempus incepit, verum erit dicere tempus aliquando non fuisse, & non esse temporis prius fuisse quàm esse illius : At consequens falsum : Ergò & antecedens. Assumptio probatur ; Si tempus incepit aliquando, & ipsius non-esse prius fuit quàm esse, sequitur ante tempus fuisse tempus, tempusque esse seipso prius & posterius : At consequens absurdum est : Ergò & antecedens. Connexi ratio est ; quia aliquando & prius sunt differentie temporis.

2. Tempus non potest esse absque $\tau\theta\ \nu\upsilon$: Ergò non potest incipere, seu esse post non esse. Ratio consequentie ; Quia omne nunc præsens est, & proinde finis præteriti & principium futuri temporis : Nullum igitur tempus esse aut cogitari potest ante quod aliud tempus non fuerit & post quod aliud tempus futurum non sit.

3. Si tempus incepit, in tempore vel in instanti incepit : At consequens falsum : Ergò & antecedens. Assumptio probatur ; si enim in tempore siue in instanti dicatur incepisse, sequetur ante tempus fuisse tempus ; Nam si cœpit in tempore, utique prius fuit tempus in quo incepit : si in instanti, simili ratione tempus fuit prius ; quia instans est copula temporis præteriti & futuri.

VI. Hactenus argumenta Gentilium pro æternitate Mundi, quotquot ferè ab ipsis proposita & agitata sunt, imprimis verò ab Aristotele, Averroë, Proclo : Ad quæ priusquam in specie respondeamus, generalia quædam solutionum fundamenta præmittemus, quibus positis nullo negotio contrariæ rationes expedientur. Sit igitur primum fundamentum, *Virtus Dei infinita etiam ex nihilo aliquid potest producere*. Rationes assertionis hæc sunt ;

1. Si Deus non potest agere nisi ex subjectâ materiâ, utique virtus ejus activa ad materiam necessariò erit adstricta : At falsum hoc ; quis enim adstrinxisset ? certè nec Deus ipse, quia majestati suæ ipse contrarius esset, vellètque non posse quod maxime posset ; nec aliquid Deo prius & potentius, quale non datur.

2. Eò major est agentis præstantia quò paucioribus ad agendum indiget : Cum igitur Deus agens sit omnium præstantissimum, sequitur certè paucioribus eum indigere ad agendum quàm naturam : At natura eget materiâ : Deus igitur eâ non indiget.

3. Quale cujusque rei est esse, talis & actio est : Atqui esse Dei prorsus est independens : Ergò & actio : Non igitur materiam Deus necessariò requirit in agendo, aliàs in agendo à materiâ dependeret.

4. Si Deus non posset aliquid producere nisi ex aliquo tanquam subjectâ materiâ, utique aut ex seipso produceret, aut ex aliquo extra se constituto produceret : Prius est absurdum ; essentia enim Divina nullius rei creatæ potest esse materia. Posterius si dicatur, sequetur Deum non esse Ens simpliciter primum, quod solum esse à se habeat, & causam priorem non agnoscat : In eundem enim cum Deo censum veniet prima ista materia, ex quâ omnia essent facta, ipsa verò nec ex aliquo nec ab aliquo facta.

5. Hominis anima ex nullâ præexistente materiâ creatur : Ergò aliquid ex nihilo potest produci. Quòd si quis dicat ex materiâ eam produci, erit vel corporea vel incorporea. Si corporea, anima erit corpus & compositum quiddam ex materiâ & formâ ; quod absurdum : Si incorporea, præterquam quòd nominari ea haud possit, quærendum fuerit, An materia illa ex aliâ sit producta, an prorsus non sit producta : si ex aliâ sit producta, & illa rursus ex aliâ erit producta. & sic aut procedendum erit in infinitum, aut subsistendum tandem in materiâ aliquâ quæ ex nihilo sit producta : Si dicatur sus non producta, remanet superius absurdum, nempe Deum non esse solum Ens simpliciter primum, à se existens. Hactenus primum fundamentum.

Secundum ; *DEUS agit liberè, non ex necessitate naturæ*. Assertionem hanc explicavimus & demonstravimus sectionis hujus cap. 2. thes. 3. *in d. 8.*

Tertium ; *Extra Deum nihil est quod simpliciter sit incorruptibile*. Assertionis hujus rationes videantur sectionis hujus cap. 14. Etsi verò extra Deum quædam sunt quæ actu non corrumpuntur, incorruptibilia tamen propterea simpliciter non sunt dicenda : A negatione enim actûs ad negationem potentie non valet consequentia.

Quartum ; *Non omnis ortus rei naturalis est motus Physicus, nec qualibet substantiæ productio præviâ requirit alterationem aut præparationem successivam*. Duplex enim est rei naturalis ortus, unus naturalis, alter supernaturalis. Naturalis etsi quoad ipsam formæ introductionem est successionis expers unde generationem in momento aiunt fieri, negantque motum propriè sic dictum esse ; non tamen sine motu præcedente successivo est, nempe alteratione & præparatione materiæ ad recipiendam formam. Ortus verò supernaturalis præviâ hanc & successivam alterationem ac dispositionem minime requirit, cum per eam res vel immediatè ex nihilo possit existere, vel certè ex materiâ sine præcedente & successivâ alteratione ullâ : in momento enim fiunt, quæcunq ; creantur.

Quintum ;

Quintum; Ab aeterna Dei voluntate effecta in tempore procedunt sine ulla Dei mutatione: Virtus activa in Deo à voluntate ipsius distincta nulla est: Tanta enim Divinae voluntatis vis est, ut non possit non existere quod Deus vult existere, ita quidem ut alia nulla distincta agendi vis accedat. Itaque creatio Mundi, quatenus est actio Dei per quam Mundus existit, nihil est nisi volitio Dei & insusio aeterna ut in tempore existat creatura: quod ex historia creationis manifestum est. Universa enim Deus creavit jubendo, absque ulla molitione: Dixit Deus, Fiat, & factum est. Unde consequens, nullam prorsus mutationem accidisse per novam & temporaneam rerum existentiam; quia non in tempore demum coepit velle ut Mundus existeret, sed ab aeterno voluit ut in tempore existeret. Digna sunt observatu Magistri Sententiarum verba, lib. 2. dist. 1. quae nostram sententiam illustrant & confirmant: *Sciendum est, inquit, haec verba, creare, facere, agere, & alia huiusmodi de Deo non dici posse secundum eam rationem quâ dicuntur de Creaturis: Quippe cum dicimus cum aliquid facere, non aliquem in operando motum illi inesse intelligimus; vel aliquam in operando passionem, sicut nobis solet accidere; sed ejus sempiterna voluntatis novum aliquem significamus effectum, id est, aeternâ ejus voluntate aliquid noviter existere. Cum ergo aliquid dicitur facere, tale est ac si dicatur, juxta ejus voluntatem vel per ejus voluntatem aliquid novi contingere vel esse: ut in ipso nihil novi contingat, sed novum aliquid, sicut in ejus aeternâ voluntate fuerat, fiat sine aliqua motione vel sui mutatione. Nos vero operando mutari dicimus, quia movemur: non enim sine motu aliquid facimus. Deus ergo aliquid facere vel agere dicitur, quia causa est rerum noviter existentium, dum ejus voluntate res nova esse incipiunt quae antea non erant, absque ipsius agitatione: ut actus propriè dici nequeat, cum videlicet actus omnis in motu consistat, in Deo autem motus nullus sit. Hactenus Lombardus Sententiarum Magister, qui sententiam hanc ex Patribus hausit. Clemens enim Alexandrinus in Protreptico inquit, *ἡ τοῦ θεοῦ βούλησις ἐστὶν ἡ ἀρχὴ πάντων*, id est, Nuda & sola Dei opificis voluntatem sequitur effectus. Similia Athanasius habet Dial. 1. de sanctâ Trinitate: Item Nazianzenus & Chrysostomus, in Oratione de Resurrectione mortuorum; quae supra à nobis fuerunt allegata. Cum igitur Deus in tempore dicitur creasse Mundum, non actio aliqua Dei nova & temporalis significatur, sed antiquissima, hoc est, aeternae volitionis effectus saltem novus, respectu cuius dicitur Creator, relatione ex parte Dei rationis tantum, ex*

quâ nihil prorsus mutationis Deo accedit, ex parte verò rerum creatarum reali: Res enim creata ex non-esse ad esse sunt traductae, non verò Deus ex non agere ad agere.

Aitamen, inquis, creatio vulgò appellari solet actio Dei temporalis. Respondeo, Creatio gemina est, activa, vel passiva: Activa est ipsa Dei volitio aeterna, cujus virtute Mundus in tempore existit. Passiva verò est ortus rei ex nihilo per aeternam Dei volitionem. Hæc creatio à re creatâ realiter distincta non est, ut Pererius docet lib. 5. cap. 5. Unde & Thomas part. 1. qu. 45. art. 2. resp. ad 2. docet creationem æquivoce tantum actionem dici; aliud enim nihil esse quàm ipsammet rem creatam cum relatione ad Deum. Hoc saltem posteriori respectu creatio appellatur actio temporalis, non priori. Plura ad hanc questionem pertinentia videantur sectionis hujus cap. 1. thes. 3. in d. 7.

Sextum; Nec motus nec tempus aeternum est: coepit ille cum corpore, istud cum motu. Motum intelligimus propriè sic dictum & Physicum, uti & tempus, quod secundum Peripateticos à motu realiter distinctum non est. Motum verò non aeternum esse patet, quia corpus naturale subjectum motus aeternum non est: quod si verò motus aeternus non est, nec tempus aeternum erit. Coepit autem motus cum corpore naturali, non per motum, sed per actum momentaneum ex nihilo, qui creatio est: Nec fuit in momento motus, sed à momento coepit: quod nisi admittatur, negandum certè fuerit ullius rei motum posse incipere, adeoque affirmandum vel omnem rem ab aeterno motam fuisse vel nunquam commoveri potuisse. Tempus verò nec ipsum coepit in tempore, nec fuit in momento, sed coepit à primo momento, quod non copulativum præteriti & futuri fuit, sed inchoativum saltem futuri: quod nisi admittatur, negandum fuerit ullius rei durationem posse incipere. Hactenus fundamenta solutionum generalia.

VII. In specie jam rationes videamus, & primò quidem eas quæ ex naturâ Dei petuntur. Respondeamus igitur.

Ad 1^m. Connexum negamus: Quia enim infinito tempore potuerit quiescere qui ab aeterno voluit ut in tempore Mundus existeret, cuiusque aeternae volitionis vi Mundus in tempore existit, nullâ aliâ accedente novâ actione? Procedit igitur ratio ex falsâ hypothesi, Non posse nova à Deo in tempore produci opera nisi per actionem Dei novam: contra quam hypothesin fundamentum quintum posuimus. Et si verò nullam nos posuimus rationem reddere cur Deus nunc potius quàm prius Mundum.

Mundum existere ab æterno voluerit, non tamen sequitur, noluisse Deum nunc potius quam prius eum existere. Dei voluntate superiorem velle causam querere, improbum est: in eâ igitur nos meritò acquiescimus. Reddant verò nobis rationem patroni æternitatis Mundi, cur Deus ab æterno potius voluerit Mundum existere quàm in tempore: Attingunt quidem aliquas, sed falsas, ut suo loco videbimus.

Ad 2^m. Consequentiam negamus: Approbatio ejus inefficax est. Aliquando enim facere & aliquando non facere, per actionem novam, seu virtutis activæ exercitium actuale novum, ejusve intermissionem, notat aliquam in agente varietatem: Ità verò in Deum non cadit aliquando facere & aliquando non facere: Quicquid enim in tempore existit, & quandocunque, quomocunque existit, per æternam Dei actionem existit, quæ eadem in Deo est & manet, sive res extra causas suas existat sive non existat. Quomodo verba *creare, facere, agere* de Deo dicantur, ex Lombardo in fundamento quinto explicavimus.

Ad 3^m. Rectè intellecta tota potest concedi: Deus enim semper actu operatur, agit, quatenus ab æterno actu voluit ut in tempore creatura quævis existeret: nunquam enim ex nolente vel non volente factus est volens. Quòd verò semper Mundus non existit, non utique arguit in Deo quietem vel potentiam ad agendum contradistinctam actioni, sed in creaturâ arguit potentiam ad existendum, seu negationem actûs existendi; quæ inde oritur, quia ab æterno Deus voluit, non ut semper aut ab æterno esset Mundus & quævis creatura, sed ut cum tempore demum aut certo temporis articulo inciperet. Quia aiunt Deum ab æterno fuisse potentiam Creatorem, quia creatura ab æterno non existit, in tempore verò demum actu Creatorem, quia in tempore demum actu creatura existit, non hoc volunt, quasi ab æterno cessaverit Deus ab actione quâ Mundus est creatus, (hæc enim, ut diximus, æterna est, volitio nempe Dei) sed quòd actu demum in tempore per æternam actionem existerit Mundus, à quo Creator Deus appellatur. Creatio igitur Mundi, quatenus temporaneum aliquid significat, aliud nihil est nisi existentia Mundi temporalis per æternam Dei volitionem; & actu Creatorem esse, aliud nihil nisi realis creaturæ existentis ad Deum relatio, quæ ex parte Dei non est nisi rationis. Unde apparet novum Mundi ortum nullam prorsus in Deo varietatem aut mutationem arguere: Nec enim Deus est in potentia ad faciendam creaturam per actionem aliquam novam, sed creatura est in potentia

ad actualem existentiam per actionem Dei æternam.

Ad 4^m. Antecedens negamus: Impossibile enim non-entis habet rationem, & proinde Boni notio ei non competit: At Mundum semper, hoc est, ab æterno fuisse, impossibile est, quia creatura Deo Creatori nequit esse cœterna: Non igitur potest esse melius Mundum semper fuisse quàm non semper fuisse; quia infinitam Dei potentiam, voluntatis libertatem, rerum omnium providentiam, & perfectam Dei à creaturis independentiam magis illustrat nova & temporanea Mundi existentia quàm æterna.

Ad 5^m. Nec voluit nec potuit Deus Mundum ab æterno creare. Non potuit, haud equidem propter aliquam impotentiam, sed propter contradictionem quam implicat existentia creaturæ æternæ, & æqualitas cum Creatore. Nec verò voluit; quia contradictoria non potest velle: & noluisse ipsum testatur experientia, quia in tempore creavit. Quòd si verò maxime concederemus potuisse Deum sed noluisse, non tamen sequeretur invidiam eum tangi, & summè bonum non esse: Is enim invidiæ demum jure potest accusari qui boni communicationem differt, si, ad eam sit obligatus, & sine gravi justaque causâ differat: Quorum certè neutrum de Deo potest affirmari. Nec enim ad bonitatis suæ communicationem ulli creaturæ est obligatus, ut creaturæ sibi invicem ex lege Dei sunt obligatæ: Nec sine ratione bonitatis suæ cum creaturis communicationem ad temporis usque initium distulit: etsi assignare eam fortè in promptu nobis non est: In eventu tamen meritò acquiescimus. Cum enim sciamus Deum nihil sine ratione facere, & verò ex sacris quoque literis noverimus Mundi initium temporale, firmissimè colligimus, non absque ratione ad illud usque initium distulisse Deum bonitatis suæ cum creaturis communicationem. Noverint interim profani Gentiles, ab æterno quoque Deum suam communicasse bonitatem essentiali cum Filio, quem genuit per ejusdem numero essentialis communicationem; Filium item & Patrem cum Spiritu Sancto, quem spirantur itidem per ejusdem numero essentialis communicationem.

Ad 6^m. Consequentiam negamus: Quæ si bona esset, sequeretur nihil omnino in tempore fieri, sed omnia ab æterno: Nihil enim in tempore fit cujus idea æterna in Deo non sit: Essentialis namque Dei æterna omnium individuum idea est, siquidem omne individuum suo modo Divinam bonitatem participat, bonumque est quatenus Divinæ idæe

respondet,

respondet, non per novam aliquam & immediata-
tam Dei actionem, sed per æternam ejus volunta-
tem. Ratio consequentiæ quæ additur falsa est:
Idea enim Mundi est ipsa Dei essentia: Essentia
Dei est substantia modo quodam eminentissimo:
Atqui substantiæ essentia non est referri ad aliud,
quia ens absolutum est; nullius vel subjecti vel ter-
mini adminiculo, ut subsistat, indigens. Omnium
verò minimè dicendum est, Divinæ ideæ essen-
tiam esse referri ad Mundum, quia relatio quæ est
inter Mundum & ideam Divinam seu essentiam
Dei, ex parte Dei non est realis, sed rationis tan-
tùm. Deinde nè in humanis quidem necessarium
est ut idea operis alicujus artificiosi in mente ar-
tificis existens, & ipsum opus, ejus in artificis
mente idea est, simul sint: potest enim artifex ani-
mo concipere ideam ædificii alicujus quod multis
demum annis post exstruitur. Quod potè addi-
tur, *Relata simul*, si hic axiomatis sensus sit, *relata
simul existere*, vel *esse simul tempore aut duratione*,
universaliter verum axioma non erit. Quis enim
nescit signa quoad existentiam longo tempore posse
antecedere res signatas? Sic ex. gr. sacrificia V.
T. signa erant sacrificii CHRISTI in N. Testa-
mento peragendi: Atqui illa priora hoc fuere &
existere multis annorum centuriis.

Ad 7^m. Si actu efficientem Mundi esse idem sit
quod nunquam in potentia esse ad illam actionem
per quam Mundus existit, concedimus sanè
Deum semper fuisse actu Mundi efficientem, quia
actio illa in Deo per quam Mundus in tempore ex-
stitit, æterna fuit, ut antè diximus. Hinc verò
minimè sequitur Mundum quoque semper fuisse:
Actionem enim æternam insecutus est effectus no-
vus & temporalis, secundum determinationem Di-
vinæ voluntatis. Quòd si verò actu Mundi effi-
cientem esse idem sit quod habere sibi Mundum actu
coexistentem, negamus Deum semper actu fuisse
Mundi efficientem. Ergò, inquis, ex potentia ad
actum est reductus. Respondeo, Non sequitur:
Is enim tantùm ex potentia ad actum reduci dici-
tur, qui ex quiescente & non agente fit agens: quod
de Deo nos non dicimus; siquidem cum Mundus
in tempore demum existeret, id non factum est
per novam aliquam Dei actionem, quam æterna
quies seu privatio actionis antecesserit, sed per æter-
nam actionem, ut sæpe inculcavimus. Itaque hoc
posteriori sensu qui actu Mundi efficiens non est,
priori verò actu efficiens est, propriè ex potentia ad
actum reduci nequit, cum potentia ista non inferat
aut notet absentiam actus primi vel secundi, sed
tantùm negationem relationis, quæ ex parte crea-
turæ seu Mundi realis est, ex parte verò Creatoris

seu Dei rationis tantùm: Illa igitur solà interve-
niente relatione Deus dicitur actu Mundi Creator,
qui antea actu Creator non erat, non propter ab-
sentiam vel negationem actionis per quam creatura
existit, sed propter negatam creaturæ existentiam.
Eodè recidit quod Pererius respondet in hæc ver-
ba; *Sciendum est actionem posse duobus modis con-
siderari; Uno modo secundum id quod ponit actio,
ut actio in agente; deinde quatenus inferit ex se pas-
sionem vel effectum. Primo modo actio Dei est in
actu ab æterno, non autem secundo modo. Priori mo-
do Deus non est causa in potentia sed in actu ab æter-
no; posteriori modo Deus non fuit ab æterno actu
efficiens causa Mundi, quia non creavit Mundum ab
æterno.*

Ad 8^m. Connexi, si semper Deus voluit Mun-
dum esse, utique semper fuit, consequentiam nega-
mus: Sequuntur enim effecta Divinam volunta-
tem cum certâ temporis determinatione, quam præ-
scribit voluntas: Semper igitur Deus voluit Mun-
dum esse, sed non voluit eum semper esse, sed post
non esse demum in tempore esse. *Etsi efficax Dei
voluntas*, inquit Pererius, *in se semper est actu &
invariabilis*, tum tamen ab eâ procedit effectus
quando ut procedat & à sapientiâ Dei præscriptum
& à voluntate determinatum fuit.

Ad 9^m. Etiam si Deus Mundum non semper fe-
cit; in eodem tamen statu semper mansit, quia fe-
cit per æternam actionem, quâ motus non est,
quâque in tempore secutus est effectus. Nova igi-
tur & temporanea Mundi existentia nullam in
Deo efficit mutationem, quia ex potentia in actum
transit non Deus, sed Mundus.

Ad 10^m. Deus ab æterno eodem modo ad Mun-
dum se habuit, & eodem modo non habuit: Eo-
dem modo se habuit, quoad actionem cujus virtute
Mundus in tempore existit: hæc enim æterna est:
Eodem modo se non habuit quoad actualem rela-
tionem quæ inter Deum est & Mundum extra cau-
sas suas existentem. Nec tamen sequitur realem
aliquam & intrinsecam diversitatem accidisse, quia
relatio hæc ex parte Dei non est nisi rationis. Actu
enim & de novo Deus Creator appellatur, non
forma iter & intrinsecè, sed propter ipsas creaturas,
quæ prius erant potentia, & postea actu; prius
non erant, postea coeperunt esse: Unde Schola-
stici dicunt relationes inter Deum & creaturas
non esse mutuas vel secundum æquiparantiam, sed
in creaturâ esse realiter & subiectivè, in Deo secun-
dum rationem & terminative.

Ad 11^m. Negamus consequentiam: Suprà e-
nim monstravimus fundamento 5. ab antiquâ
actione,

actione, quæ nempe voluntatis est, etiam novum
posse effectum prædire: quod in humanis quoque
verissimum esse comperitur: Antiquum enim Prin-
cipis mandatum novus sæpenumero effectus se-
quitur sine novâ aliquâ Principis actione. Ratio
consequentiarum quæ adfertur principium petit: Ead-
em novæ voluntatis ad actionem antiquam ratio
non est quæ antiquæ ad novam.

Ad 12^m. Alimmentum negamus ; Datur hic impedimentum, & majus quoque bonum ; Impedimentum, non quidem ex parte Dei, quod deficiat omnipotentia Dei, sed ex parte Mundi, cui repugnat ab æterno esse, ut suo loco monstrabimus. Et huc applicandum quod Scaliger ait Exerc. 249. §. 3. Deum quidem posse facere semper aliquid melius, rem autem ipsam non posse suscipere illam infinitatem. Quam in sententiam pulcra quoque sunt Philonis verba in lib. De opificio Mundi ; Οὐ γὰρ ὁ θεὸς πέφυκεν ὁ θεὸς εὖ ποιεῖν, ἢ το ὑπόμενον εὖ πάρεσθαι ἐπὶ τῇ μὲν ἀδυναμείᾳ ὑπερβάλλου, τὸ δὲ ἀδυνατεῖν δὲ, ἢ ὥς ἐκείνου τὸ μέγεθος αὐτοῦ. ἀπέναντον αὖ, εἰ μὴ δυνατοῦσαι το σάμμιτασαι. Οὐ ἐναρμόσως τὸ εὖ εἶναι ἐν ἀλόῳ. Majus quoque accessit bonum ē creatione temporalī, non quidem Creatori, quem meliorem creaturæ non possunt reddere, sed creaturis, præsertim rationalibus, quæ Dei sapientiam & libertatē bonitatē rectius possunt estimare ex creatione temporalī quàm ex æternā.

Respondet *Pererius*, Propositionem veram tantum esse de agente cuius vel antiqua perfectio vel aliquod bonum & utilitas in actione aliquo modo consistit, vel quod naturaliter ex necessitate operatur : quale agens Deus non est.

Ad 13^m. Affirmationem negamus : Ex eo quod de novo accidit Deo *causam esse*, nulla Deo realis mutatio accidit ; quia relatio ista quâ de novo Deus Causa Mundi seu Creator dicitur, ex parte Dei non est nisi secundum rationem : Per actionem enim æternam Mundum creat in tempore sine novâ molitione, nedum motu, ut sæpe hæcenus inculcavimus.

VIII. Haftenus responsum ad argumenta quæ
petuntur ex naturâ *Dei Creatoris*: Sequitur ut or-
dine ad ea respondeamus quæ ex naturâ *Mundi* pe-
tuntur.

Ad 1^{am}. Primum antecedens falsum esse pronunciamus. Approbatio ejus nulla est: Etiam si enim materia per naturam nequit generari, ex nihilo tamen ab agente supernaturali potest creari: ita etiam si per naturam non potest corrumpi, ab agente tamen supernaturali potest annihilari. Deinde & consequentiam negamus: Materia enim prima

Phyfica, hoc est, corpus naturale simplex, five unum five plura, etiam ab æterno fuisset, non tamen necessarii compofita corpora, sine quibus Mundus non est, ab æterno fuissent. Sic primo creationis die fuit materia Mundi, chaos. *Mosaicum*, nec tamen primo illo die Mundus fuit. Materiam verò primam Peripateticam informem, prorsus quod attinet, non est, nisi conceptus quidam universalis à materiis singularibus abstractus, qui extra mentem nullam, unquam fuit, aut esse potuit, ut sectione primâ ostendimus.

Ad 2^m. Consequentiam negamus, primò, quia in antecedente enumeratio est insufficiens: datur enim tertium, nimirum *increabile*, quod nisi addatur, ex antecedente consequens inferri non poterit; si vero addatur, falsum erit antecedens. Deinde, quia a parte ad totum non valet consequentia: Si igitur maxime pars aliqua Mundi, nempe cœlum, ab æterno fuisset, non tamen sequeretur totum Mundum ab æterno fuisse. Quod verò cœlo nihil contrarium esse probatur ex motu circulari, duplici nomine vitiolum est: Primò, quia supponit cœlum per se moveri circulariter, quod falsum est, nisi forsitan per cœlum intelligantur sidera: Deinde, quia ei quod circulariter movetur potest omnino esse aliquod contrarium, si non ratione motus localis attamen ratione qualitatris & alterationis.

Ad 3^m. Primum antecedens negamus, si per *cæli incolas* seu *Deos* intelligantur Angeli. Deinde & consequentiam negamus: Nec enim sequitur, qui domus alicujus sunt incolæ, ante domum non fuisse, nisi ad unam aliquam & certam domum perpetuò sint alligati; quod de Angelis non probabunt nec *Aristotelici* nec *Platonici*. Noverint igitur Gentiles, loci & locati non esse eandem necessariò conditionem ratione durationis, nisi mutua tantummodo attendatur relatio quæ est inter locum & locatum, ita nimirum ut tamdiu dicatur locus esse rei locatæ locus quamdiu res locata fuit loco res locata. Denique Mundi æternitatem ratio hæc non concludit, sed *cæli tantum*: At *cælum* non est *Mundus*.

Ad 4^{am}. Antecedens negamus. Approbatio pri-
mum inconsequens est ; A negatione enim actus
ad negationem potentie non valet consequentia :
Possunt esse dissolubilia per absolutam Dei poten-
tiam etiam quæ actu nunquam dissolvantur. De-
inde ex multorum quoque sententiâ eadem falsa est :
Quod ait, *improbabile esse dissolvere quod cum ratione
colligatum est*, universaliter verum non est : Im-
probatur enim Naturam nemo accusat, quod dis-
solvat mixta corpora quæ bene compacta sunt :
quantò minùs igitur accusandus Deus, qui ut li-
bertimè Mundum condidit ex nihilo, sic & redi-
gere

gere eundem sine iusta cuiusquam reprehensione in nihilum potest? Aut si sine improbitatis nota Mundum bene colligatum non posset dissolvere, nullum utique Mundi corpus aut partem posset dissolvere, quia omnia bene colligata & compacta sunt. Est autem tum demum improbus, qui rem aliquam bene colligatam dissolvit, si conservare eam teneatur, & absque ratione dissolvat: quod certe de Deo nequit dici.

Ad 5^m. Totum dari potest recte intellectum, nempe hoc modo, *Mundus naturaliter non potest interire*: Ergo nec ortus est naturaliter. Quod si verò antecedens de quovis interitu accipiat, id minime concedimus. Pro syllogismi primo propositio universaliter vera non est: Nam & interitus interitus cause in nonnullis corporibus sunt; præsertim in mistis; etsi in actum ferè ex non deducuntur nisi ab externis irritata. Ubi & hoc observandum, *Internum* duobus modis accipi. Vel quod est de essentia rei, aut essentiam necessariam & immediate consequitur, sic homini internum est corpus & anima, propria item à principiis necessaria emanantia: Vel quod intra rei ambitum continetur, etiam si de essentia non est, nec essentiam necessariam consequitur, sic internum est homini venenum quod intra corpus suum recipit; internus ædificio ignis qui intra ædificium est. Etiam si igitur *internum* quovis modo acceptum non est causa per se interitus, posteriori tamen modo acceptum interitus causa esse potest: Videmus enim ab internis venenis corpora consumi, ab igne domestico ædificia. Quo pacto & Mundum interitum multorum opinio est, ex illo *Petri* loco epist. 2. c. 34. 7. Deinde & assumptionem negamus: Deus enim tam in Mundo quam extra Mundum est.

Ad 6^m. Primo propositio universaliter vera non est: Multa enim intereunt non suo sed aliorum vitio, (sic innocentes sæpenumero & sobrii à nocentibus & ebriis vim pariuntur & occiduntur) nisi forsitan mortalitatem seu corruptibilitatem cuiusque rei vitium appellare libeat; quod absurdum videtur. Deinde multa quoque intereunt nec suo nec aliorum vitio: ut cum in usus suos homines legitime mactant bestias à Deo in cibum concessas; ubi nec hominis nec bestiarum intervenit vitium, sed legitimus rerum à Deo concessarum usus. Hæcenus propositio. Est & assumptio falsa: Nam si Scripturam audiamus, diserte ex affirmat totum Mundum in malo jacere. Probatio ex Platone adducta, quod *Mundus sit Deus beatus*, falsa & absurda est.

Ad 7^m. Antecedens negamus. Probatio insufficiens, imò falsa est: Nam & suis in locis corripi

res possunt, ut patet exemplo animalium terrestrium, quæ in terrâ corrumpuntur; aquatiliū, quæ in aquis pereunt, sic & plantæ suis in locis corrumpuntur. Deinde falsum est, Principium & finem movendi non habere quæ circulo moventur: Curruum rotas in circulum circa axem moveri videmus, istius tamen motus principium & finem videmus; sic in circulum quoque moventur automatorum rotæ, quæ & incipiunt & desinunt moveri.

Ad 8^m. Assumptionem negamus. Probatio de efficiente inconsequens est: Etiam si enim Deus semper ad efficiendum Mundum fuit idoneus, Mundum tamen semper existeri non voluit: Sic igitur propter efficientem Mundus æternus non est, quia æternum eum esse Creator noluit. Quod de materia adfertur, ineptum est: Nam & sine materia Mundum Deus producere potuit. Falsumque est, eam incommutabilem esse & semper habilem ad procreationem Mundi, quia semper non fuit: & si maxime semper fuisset, & habilis quidem ad recipiendam formam, non tamen sequeretur semper eam fuisse formis instructam.

Ad 9^m. Antecedens falsissimum est.

Ad 10^m. Consequentiam negamus. Approbatio universaliter vera non est, si omnis possibilitas passiva dicatur esse in aliquo subiecto actu existente: Possibilitas enim interdum notat potentiam inducendi formam in subiectum præexistens, interdum negationem formæ & subiecti simul, quæ tamen per infinitæ virtutis causam in actum deduci potest: Est igitur possibilitas hoc modo non affectio subiecti alicujus existentis, sed quædam ex nihilo procedendi non repugnantia fundata in omnipotentia Divina.

I. X. Hæcenus responsum ad argumenta petita ex naturâ Mundi: Pergimus ad ea quæ petuntur ex naturâ motus:

Ad 1^m. Primo disjunctum connexi primi vitiosum est: Inter *generatum* enim & *semper æternum* datur tertium, nempe *creatum*. Deinde solida quoque non sunt quæ contra perpetuitatem mobilis adferuntur: Si enim mobili æternitas non repugnaret, quies citra absurditatem tribui ei posset, non quidem propter impedimentum in mobili, vel in movente, quasi movere id non potuerit, sed propter voluntatem moventis, quæ movere id noluisse. Est hoc falsum, *impedimenti remotionem non potuisse fieri sine motu*: ut enim sine motu res ex nihilo potuit creari, sic & sine motu impedimentum potuisset removeri.

Ad 2^m. Antecedens negamus. Probatio est inconsequens: Etiam si enim motus circularis respectu mobilis non habet terminos principii & finis realiter

realiter distinctos, terminos tamen habet respectu durationis, ita ut dici possit jam incepisse, jam desisse: Quod nisi admittatur, præterquam quod evidentissimum sensus testimonium impugnatur, concedendum quoque fuerit, nullius vel pilæ vel globi motum posse principium & finem habere, & sic omnia rotunda corpora quæ actu moventur, ab æterno fuisse mota, & in æternum moveri; quod falsissimum & absurdissimum. Pererius responderet, Principium & finem motus circularis non penes mobile tantum attendi debere, sed penes motorem, qui ab æterno decreverat ut cæli motus aliquando inciperet.

Ad 3^m. Connexum negamus: Incepit enim motus unâ cum subjecto mobili per creationem, quæ motus non est. Sed instant, *Mundus vel cælum* cæpit esse per primum sui esse, cum sit res permanens & substantia completa per creationem producta: Motus autem non potuit sic incipere, cum sit ens successivum, cujus nequit dari pars prima vel primum mutatum esse: Ergo *Mundus & motus* non potuerunt concreari & simul incipere. Ratio consequentiæ; Quia qui concreantur, eâdem productione terminantur & efficiuntur. Resp. Consequentiam negamus: Probatio ejus inefficax est, quippe quæ tantum de iis vera est quæ ejusdem sunt ordinis & naturæ, nempe vel entia tantum permanentia vel tantum successiva, non verò de iis quorum unum ens permanens, alterum successivum, qualia hoc loco sunt *Mundus & motus*. Hujusmodi igitur diversi generis entia concreari possunt, sed diversimode, ita nimirum ut permanens incipiat per primum sui esse, successivum per ultimum sui non esse, ut alibi explicatum fuit, & perspicue explicatur à Pererio lib. 14. De varietate & diversitate motus, cap. 9. Videatur quoque fundamentum 6.

X. Fuerunt argumenta petita ex naturâ motus: Sequuntur ea quæ ex naturâ temporis desumuntur, ad quæ ordine quoque respondebimus.

Ad 1^m. Assumptionem negamus. Prosyllogismi connexum iridem negamus. Probatio inefficax est, propter ambiguitatem particularum aliquando & Prius, quæ temporis differentiam perpetuò non significat, sed quandoque tantum negationem perpetuæ existentia, seu certum quoddam momentum quo non erat res, vel post quod futura non est. Sic cum dicimus tempus aliquando non fuisse, non significamus tempus aliquod in quo tempus non fuerit, sed innuimus tempus semper non fuisse, sed certum existentia suæ initium habuisse, ante quod non fuerit vel idem vel aliud tempus. Eodem quoque sensu dicimus tempus prius non fuisse. Sic dicimus quandoque, *crastinus dies aliquando erit*,

non certum quoddam indigitantes tempus in quo futurus sit, (tempus enim in tempore esse, absurdum est) sed hoc tantum intuentes, crastinum diem neque semper neque nunquam sed medio quodam modo futurum.

Ad 2^m. Consequentiam negamus. Probatio principium petit: Duplex enim nunc est; continuativum, & inchoativum: illud copula est præteriti & futuri, hoc initium est temporis: Veluti punctum lineæ duplex esse dicitur: continuativum, & terminativum: illo partes lineæ dicuntur continuari, isto tota linea finitur seu terminatur.

Ad 3^m. Connexi disjunctum vitiosum est. Nec in tempore nec instanti cæpit tempus, sed cæpit à primo momento & nunc, quod temporis partes non copulavit, sed tempus inchoavit, seu temporis initium fuit. Videatur fundamentum 6. Quod nisi admittatur, certa ac finita temporum intervalla nulla erunt: Simili enim ratione licebit argumentari, Præsens, quæ jam fuit, hora cæpit in aliquâ horâ aut in momento: Si in horâ dicatur incepisse, processus in finitum dabitur: illa enim hora rursus in aliâ incepisset horâ, hæc in aliâ, & sic in infinitum: Si in momento cæpit esse, utique in momento fuit vel tota vel aliquâ sui parte reali, quod & ipsum absurdum; continuum enim & divisibile non potest esse in indivisibili. Hactenus quatuor argumentorum pro Mundi æternitate classes expeditæ.

X I. Huc usque prima quæstio, *An Mundus in tempore cæperit esse*, expedita. Sequitur altera, *An ab æterno esse potuerit*. Hunc censes, inquit *Velleius* apud *Ciceronem* 1. De naturâ Deor. primis, ut dicitur, labris gustasse *Physiologiam*, qui quicquam quod ortum sit putet æternum esse posse? Dissentiunt tamen hic inter se Theologi & Philosophi Christiani, aliis negantem, aliis affirmantem partem tuentibus. Pro affirmante parte deponit cum Nominalibus *Thomas Aquinas*: In eandem sententiam descendunt plerique Philosophi & Theologi *Lutherani*. Primaria ratio observari digna hæc est: Quicquid non implicat contradictionem est possibile Deo: Sed creaturam, & proinde Mundum, esse ab æterno, non implicat contradictionem: Ergo possibile est creaturam & proinde Mundum, ab æterno fuisse. Propositio apud omnes est in confesso. Assumptio hunc in modum probatur: Si impossibile est creaturam ab æterno productam esse, hæc impossibilitas provenit vel ex parte Dei creatantis, vel ex parte ipsius creationis, vel ex parte creaturæ. Ex parte Dei producentis tripliciter provenire potest; Vel quia putatur nullum productum coævum esse posse suo producenti; Vel quia producat liberum, cum agat ex electione, existima

existimatur præcedere debere aliquâ duratione suum effectum; Vel quia si creatura coæterna esset suo Creatori, videretur Creator in aliquo, nempe in duratione, non esse superior, præstantior & maior sua creaturâ: Atqui nullum horum æternitate creaturæ adversatur.

Non primum, propter exempla contraria: Filius enim à Patre generatur, & tamen patri est coæternus. Sunt & multi in naturâ effectus qui cum causis suis tempore simul sunt: Sic splendor est simul tempore cum sole; Si sol fuisset ab æterno, inquit Augustinus, ab æterno illuminasset: Adjuncta propria simul cum essentiâ rei à quâ emanant.

Non secundum; Quia Deus liberè agens, cum sit infinitæ virtutis, non est minoris potentiæ quàm si esset agens ex necessitate naturæ: Atqui si ageret ex necessitate naturæ, produxisset Mundum ab æterno: Ergò quod liberè agit, non obstat quò minus mundum ab æterno producere potuerit. Præterea agens ex electione tunc tempore effectum anteit, cum electio non est actus voluntatis simplex & totus simul, sed prærequirit deliberationem, quæ fuit ex discursu rationis successivo: Atqui electio Dei est actus voluntatis Divinæ simplicissimus, totus simul, Deoque coæternus. Denique potuit Deus velle Mundum producere ab æterno: Ergò etiam potuit producere.

Non tertium; Quia duratio æterna creaturæ nihilo minus esset inferior duratione Dei, quæ omnino necessaria non esset. Deinde creaturæ duratio esset per participationem ab alio; æternitas Dei à se, per essentiam.

Ex parte creationis existimari potest æternitatem repugnare creaturæ duas ob causas: 1. Quia creatio videtur significare actionem aliquam quæ cum non fiat in æternitate, fieri debet in aliquo instanti: At in duratione æternâ non potest assignari primum instans. 2. Quia creatio est productio rei ex nihilo: Oportet igitur creaturam prius fuisse nihil, deinde accepisse per creationem esse. At prior ratio nihil efficit; Quia creatio propriè non significat actionem a Deo proficcientem ad creaturas, sed tantum habitudinem Mundi ad Deum, tanquam suum principium, à quo dependet. Nec posterior efficax est: Cum enim creatio dicitur fieri ex nihilo, non significatur ordo aliquis ipsius esse post non-esse, vel transitus à non-esse ad esse, sed tantum negatio materiæ vel subjecti: Fieri ex nihilo aliud nihil est quàm non fieri ex aliquo subjecto vel materiâ.

Ex parte creaturæ videtur ei repugnare æternitas, 1. Quia communiter dicitur creaturæ ex se convenire non-esse: Aut igitur convenit creaturæ non-esse post esse; quod dici nequit, quia multæ creaturæ

sunt incorruptibiles, quæ esse nunquam amittunt: aut convenit ei simul cum esse; quod contradictorium: aut convenit ei ante esse; quod omnino videtur asserendum, & proinde æternitas quoque neganda: Nam post non-esse demum esse est semper & ab æterno non fuisse. 2. Quia creatura dicitur habere esse participatum & acquisitum à Deo: At si ab æterno fuisset, semper habuisset esse, nec posset in æternitate assignari quando illud esse acceperit a Deo. Sed invalidæ sunt hæc rationes. Cum enim dicitur creaturæ convenire ex se non esse, non significatur eam prius non fuisse, sed ex se non habere esse, & confestim in nihilum recidere si soli sibi relinquitur. Hoc igitur ex se non esse creaturæ convenit etiam cum habet esse, quia non à se sed à Deo habet esse. Idem significatur cum dicitur creaturam habere esse acquisitum & acceptum, h. e. dependens à Deo: Etsi phrasîs hæc de creaturis solet usurpari ut factæ sunt à Deo, non ut per absolutam potentiam fieri poterant.

Omnium veluti rationum farrago hæc una est ratio: Cui tamen alias quoque alii addunt, quos inter Meisnerus, Sobrie Philosoph. part. 1. §. 3. c. 3. q. 1. & Bartholinus, in Quest. Cosmologicis:

1. Mundum in tempore cœpisse, *ἦν*, hoc est, *res credibilis*, est seu fidei articulus: Ergò non est *ἀνεκτόν*, seu *scibile*, quod ratione possit demonstrari evidenti & necessariâ. Antecedens probatur Heb. xi. 3. Fide intelligimus apertam esse secula verbo Dei. Ratio consequentiæ; Quia fidei articuli rationibus Philosophicis nequeunt demonstrari.

2. Deus ab æterno fuit omnipotens: Ergò ab æterno quoque potuit Mundum creare.

3. Sine sacrarum literarum revelatione nec à priori nec à posteriori demonstrari potest creatio Mundi temporalis: Ergò necessariò demonstrari nequit. Antecedens probatur; Non à priori; Quia quæstio Historica est instituta de re & facto singulari, quales à priori non demonstrantur: Non à posteriori; Quia extra sacrum codicem nulla suppetunt documenta.

4. Aristoteles nullâ ratione temporalem Mundi ortum potuit indagare: Ergò rationibus sufficienter nequit demonstrari.

5. Si Deus non potuisset velle Mundum ab æterno condere, sequeretur Deum non liberrimâ voluntate sed necessitate quâdam in tempore Mundum condidisse: At hoc falsum: Ergò & illud.

6. Quemadmodum ratio cognoscit posse Deum hunc Mundum vel immutare vel in perpetuum conservare, quid autem facturus sit ignorat, & non nisi ex Divinis libris percipit: sic & Ethnici,

& quicunque Scripturas ignorant, noverunt potuisse hunc Mundum à Deo productum esse vel ab æterno vel in tempore; quod autem horum factum sit, indubitato affirmare non valent ob revelationis supernaturalis defectum.

XII. Huic tamen sententiæ nos non accedimus, sed in contrariam partem inclinamus, *Non potuisse Mundum ab æterno creari*. Favent huic sententiæ Patres multi, Doctores item Pontificii & Orthodoxi. Patres suo loco videbimus. De Doctoribus nostris dubium non est. Ex Pontificiis sunt *Bonaventura*, in 2. Sentent. dist. 1. qu. 2. *Henricus Gandavensis*, Quodlib. 1. quæst. 7. *Marsilius*, in 2. sent. dist. 1. art. 2. *Toletus*, in 8. Phys. cap. 2. qu. 2. *Vallesius*, sacre Philosoph. cap. 1. Fundamenta sententiæ hujus sequentia sunt:

1. Si Mundus æternus esse posset vel ab æterno fieri potuisset, numerus animarum humanarum actu esset infinitus: At consequens absurdum: Ergo & antecedens. Connexi ratio est; Quia ut jam temporis singulis diebus in universo Mundo ad minimum unus homo nascitur, sic in æternâ duratione dubio procul singulis diebus unus homo fuisset natus, aut nasci potuisset: nec enim contradictionem hoc implicat. Assumptio apud Philosophos in confessio est, quibus contradictionem implicat *numcrum esse & actu infinitum esse*: De naturâ enim numeri est, *numerabilem esse, parem vel imparem esse, adjectione unitatis majorem fieri*: Si igitur actu jam esset vel esse posset infinitus animarum numerus, vel nulla ei amplius addi posset, anima, vel certe si maxime adderetur aut addi posset, major non fieret aut fieri posset; infinito enim majus nihil esse potest: Atqui utrumque falsum & absurdum. Hoc argumentum veteres Philosophos & Scholasticos ad maximas redegit difficultates & absurditates: Unde dixerunt 1. Alii, animas humanas esse mortales; vel saltem, si ab æterno fuisset Mundus, mortales, futuras: 2. Alii, ut *Thomas*, infinitum actu in rebus spiritualibus ponere non absurdum esse: 3. Alii, potuisse quidem Mundum ab æterno esse, sed homines ab æterno generare non potuisse: 4. Alii, si admitenda sit hominum generatio, ad actualem numeri infinitatem evitandam, transmigrationem animarum ex uno corpore in aliud admittendam esse.

Primum effugium per se impium & absurdum est. Addo, si Deus animas actu infinitas potuit producere ab æterno, quidni potuerit conservare quoque & immortales facere? Et si maxime mortales essent, numerum tamen nihilominus actu infinitum constituerent si successive fuissent infinitæ: Est enim numerus non minùs rerum præteritarum quàm præ-

sentium, quandoquidem verè idem est numerus dierum anni præsentis & superioris.

Alterum effugium prorsus nullum est: Numero enim per se adversum est actu infinitum esse, quibuscunque tandem rebus sit concretus, corruptibilibus vel incorruptibilibus.

Tertium quoque evanidum est: Nec ratio reddi potest cur æterna esse generatio hominum non possit si Mundus esse possit: Et faciamus generationem hominum impossibilem fore, attamen creatio impossibilis non foret: sic verò in idem absurdum recideremus.

Quartum denique irritum est: Quidni enim numero corporum Deus exæquare possit numerum animarum? cum absurdum quod urgemus, non minùs in corporibus quàm in animabus locum habeat.

2. Si Mundus potuisset æternus esse, utique horæ, dies, menses, & anni possent esse infiniti: Nam si duratio ista à finito annorum numero posset exhauriri, utique finita esset. Idem contingeret si finiti essent menses, vel dies, vel horæ. Concludimus igitur, fore in duratione ista æternâ infinitos annos, infinitos menses, infinitos dies, infinitas horas, quod absurdum esse hoc modo probamus; Si in duratione illâ æternâ anni essent infiniti, menses infiniti, dies infiniti, horæ infinitæ, sequeretur infinitum infinito multis vicibus majus & minus esse posse: Cum enim annus mense sit major duodecies, die tercenties sexagies quinquies, horâ octies millies, septies centies sexagies sexies, sequeretur utique toties infinitum infinito posse esse majus & minus: quod absurdissimum: infinito enim nihil datur majus; & quod infinito minus est, infinitum non est.

3. Si à condito ab æternitate Mundo dies in hunc usque diem infiniti actu effluxissent, addi illis nulla amplius dies posset: At consequens falsum: Ergo & antecedens. Ratio connexi est; Quia infinito numero nulla addi unitas potest: Unitas enim numero addita majorem facit numerum; qui verò numerus major potest fieri actu infinitus non est.

4. Mundus non potuit esse nisi à Deo factus: Ergo æternus esse non potuit. Ratio consequentiæ; Quia factum esse & æternum esse implicat contradictionem: quod hanc in modum probatur; Si Mundus est factus, in aliquo instanti positivo & determinato; saltem à Deo cognito, factus est: At nullum est instans in quo Deus primò sit, quia non fuit primò, sed sine principio: Non potest igitur Deo coæternus esse. Atque hæc ratio est cur sancti olim Doctores negarint creaturæ concedi posse ut Creatori

tori sit coeterna, quia hoc sit Deum Creatorem & Factorem Mundi negare. *Theodori*, serm. 4. de materiâ & Mundo, hic est discursus, *ἡ γὰρ αὖτος ὁ κόσμος, ὃ ἀνέχεται καὶ τὸ πᾶν ἀνέχεται, καὶ αὖτὸν*. Eadem ratio & hunc in modum proponi potest; Si Mundus ab aeterno potuit esse, ponamus eum fuisse: Si ab aeterno fuit, nunquam magis est factus quam jam sit, quia nunquam minus fuit quam nunc est: Non potuit igitur Mundus ab aeterno esse & simul factus esse: quod enim est actu, id opus non habet ut fiat actu: sic ex. gr. nemo dixerit solem à Deo fieri, quia nunc sol est, & non fit.

Non tamen placet *Bodini* discursus, cap. 8. Methodi histor. qui ex ratione causæ & effectû demonstrare nititur Mundum Deo coeternum esse non posse, in hunc modum: *Si Deus Mundi causa non esset tempore prior Mundo, sequeretur naturale corpus, & quidem heterogeneum, constari sine tempore in ipso momento: At hoc, inquit, naturæ principis & Aristotelis doctrinæ repugnat.* Videtur enim *Bodinus* Dei omnipotentiam ad naturæ leges adstringere, adeo ut non possit corpus heterogeneum in momento producere, quia natura non potest: quod parum Philosophicè & adhuc minus Christi anè dicitur.

5. Si Mundus ab aeterno potuisset produci, non liberè potuisset produci, sed necessariò productus esset: At consequens falsum; quæcumq; enim Deus extra se agit, liberè agit, ita ut possit non agere: Ergò & antecedens. Connexum probatur hoc modo; Si liberè Deus produxisset Mundum, potuisset non producere. Potuit igitur non produci vel in eo ipso instanti in quo productus est, vel antè, vel post: Non in eo ipso instanti; Quia omne quod est, eo ipso quòd est, non potest non esse: Non post; Quia semel productum necessariò est productum: Ergò antè: Sic igitur prius fuit Deus, vel nec liberè productus fuit Mundus.

6. Si, ex. gr. Sol ab aeterno factus est, vel in Oriente vel in Occidente vel in aliâ cœli parte constitutus est: faciamus autem in Oriente collocatum esse: perinde enim est quocunque loco sit collocatus. Quæritur igitur, An infinito tempore immotus manserit, an statim ab Oriente in Occidentem moveri cœperit: Prius certè minimè dicendum est, quia contra naturam solis & maximo eum Mundi incommodo conjunctum esset. Vel sanè negandum non est, virtute Dei potuisse moveri. Dicamus igitur motum ab Oriente in Occidentem: Unde hunc in modum arguendo pergimus; Aut infinito aut finito tempore attingit punctum Occidentis: Prius falsum & absurdum est. Posterius igitur dicendum fuerit: & quidem vero ac rationi omnino consonum

est, duodecim horarum spatio semicirculum fuisse percursum, (nihil autem rationi nostræ offecerit, si maximè contenderis centum aut mille aut decies mille annos in semicirculo percurrento fuisse insumendos.) Unde inferimus nullâ ratione fieri posse ut sol ab aeterno sit conditus. Nam si à fine semicirculationis usque ad initium, quò motus fuit sol in Oriente, tempus computemus, omnino finitum id erit, nempe vel duodecim horarum, vel centum, vel, si libet, mille aut decies mille annorum: Atqui æterna duratio nullo exhausti potest dierum numero. Rursus si ab eo tempore quo fuit in Occidente ad nos usque tempus circulationum supputes, quæro finitum sit an infinitum: Si finitum dixeris, totum temporis tractum finitum dices, cum & finitum illud fuerit tempus quod effluxit dum ex Oriente in Occidentem moveretur. Si infinitum dixeris, absurdum hoc & impossibile sequetur, quòd infinito possit fieri additio versùs illam partem quâ est infinitum: Nam ultra infinitum hoc adderetur illæ horæ duodecim, vel anni centum, aut mille aut decies mille, qui effluerunt dum sol primum ab Oriente in Occidentem est motus. Eodem modo procedi potest in rerum corruptibilium exemplis. Faciamus enim ab aeterno cum igne creatam esse stupam, simulque igni applicatam esse accensam, combusta igitur fuit finito aut infinito tempore: Si finito dicas combustam, sequetur finitas durationis Mundanæ: si infinito, præterquam quòd absurdum id erit (brevisimo enim temporis spatio ignis stupam consumit) sequetur in infinito illo vel nullam esse successionem, quod contra naturam temporis; vel in hunc usque diem durare combustionem, quod falsissimum; vel successionem quocunque momento interruptâ, integram nihilominus esse successionis æternitatem, quod & ipsum est falsum: æternitas enim successionis non nisi in continuatione consistit.

7. Æternitas est propria Dei duratio, sicut sapientia, bonitas & perfectio infinita Dei proprietates sunt: Ut igitur creaturæ non potest communicari sapientia & perfectio infinita, ita quidem ut illa in se sit infinita, sapiens & perfecta, sic nec duratio æterna ulli creaturæ potest communicari. Excipiunt adversarii, & in his *Meisnerus*, duplicem posse æternitatem esse, essentialem & accidentalem: illam esse simplicissimam *quæ*, & actum, qui solus est Deus; istam esse æternam durationem, seu tempus æternum, quod in successionem æternâ consistit. *Resp.* 1. Si hæc valeret exceptio & distinctio, simili ratione liceret dicere, ipsam quidem Dei sapientiam & perfectionem creaturæ nulli posse communicari, atamen infinitam aliam sapientiam & perfectionem, licet specie

specie differentem, posse communicari creaturæ : Atqui hæc ratione fingeretur quod esse nullo modo posset : Infinita enim sapientia & perfectio non est nisi una, cum infinitum actu non possit esse nisi unum. 2. Contradictionem mihi videtur implicare actu infinitum esse & successivum esse : In omni enim successione est prius & posterius : At ubi prius & posterius, ibi infinitum non est. Nec capere potest ratio fluxum continuum sine certo initio, utut sese maceret. Addo, si motus & tempus essent æterna, utique in eodem essent instanti cum subjectis mobilibus : Nam si postea essent, æterna non essent : At consequens falsum : Ergo & antecedens. Assumptio probatur ; Quia tempus & motus tanquam entia successiva non possunt esse in instanti, ut subjecta mobilia, quæ sunt entia permanentia & incipiunt per primum sui esse, contra verò entia successiva per ultimum sui non esse, ut supra monuimus. Cum igitur tempus & motus non possint simul esse cum entibus permanentibus, sequitur, æterna cum iis esse non posse : quæ enim æterna sunt, simul sunt. Præterea temporis æternitatem urgent ea incommoda quæ ratione secundâ & tertiâ attigimus. Denique in specie Meisnerum, urgemus, ex eo quod dicit loco supra allegato in resp. ad arg. 5^m. dici posse, si maximè ab æterno creatæ essent animæ vel generari homines, animarum tamen infinitatem veram nullam futuram; quia illud, demum propriè infinitum cui nihil additur, animabus autem pristinis noxæ quotidie adjunguntur. Quæ si vera sunt, sequitur quoque tempus æternum & infinitum non posse esse, quia semper ei aliquid potest addi, & reverâ præterito semper aliquid adjicitur.

8. Quicquid æternum est, id immutabile est : At Mundus immutabilis non est : Ergo æternus non est. Propositio patet ex conditionibus & requisitis æternitatis, quæ non tantum durationis infinitatem simpliciter sed & immutabilitatem infert. Hinc Augustinus, De Gen. ad lit. Quia omnino incommutabilis est illa natura Trinitatis, ob hoc ita est æterna ut ei aliquid coæternum esse non possit. Excipit Meisnerus, Illud æternum esse incommutabile quod est à seipso : Mundum autem merito dici inmutabilem, quia est à Deo. Resp. Si id solum est incommutabile quod à se ipso est, sequitur Dei Filium non esse incommutabilem, quia non est à seipso sed à Patre.

9. Quod ex non-ente ad esse deducitur, coæternum esse non potest ei quod sine principio & semper est ; quæ Damasceni verba sunt : At mundus ex non-ente ad esse est deductus : Coæternus igitur Deo, qui sine principio & semper fuit, esse non po-

test. Propositionis ratio est ; Quia quod ex non-ente ad esse deducitur, prius est non-ens quam sit ens, aut simul est ens & non-ens : Hoc falsum & contradictorium : Verum igitur illud. Quod verò prius est non-ens quam sit ens, id ens ab æterno esse non potest. Assumptio probatur ; Quia creationis hæc ratio est, vocare non-entia, τὸ οὐκ ὄντα εἰς ὄντα, Rom. iv. 17. Quod verò nonnulli excipiunt, Ex nihilo fieri seu ex non-ente, non significare ordinem ipsius esse post non-esse, sed tantummodo negationem subjectæ materiæ, id dicitur quidem, sed non probatur. Contrarium dicitur ratio : Cum enim idem nihil simul & aliquid esse nequeat, oportet ut nihil esse & aliquid esse se consequantur in iis quæ ex non-entibus vel nihilo sunt entia : Unde non tantum negatio materiæ sed ordo ipsius esse post non-esse hæc phrasi indigitatur. Et quid, quæso, aliud est facere aliquid simpliciter ex nihilo, quàm ei quod simpliciter non est esse tribuere ? ita nimirum ut negatio affirmationem præcedat.

10. Si aliqua creatura posset æterna esse, sequeretur Christi Deitatem adversus hostes Christi non posse demonstrari ex attributâ ipsi in Scripturis æternitate : At consequens falsum. Ipsi enim adversarii hoc utuntur argumento : Patres quoque adversus Arium hoc usi sunt argumento, Basilii, Nazianzenus, Athanasius, Augustinus, & alii, hoc nempe posito principio, Creaturam non posse esse coæternam Creatori, Ambrosii in Hexaemero verba sunt, Quid tam absurdum est quàm ut æternitas operis æternitati jungatur Autoris ? Damascenus lib. 1. De fide Orthod. cap. 8. inquit, Quoniam creatio Divinæ voluntatis opus est, non est coæterna Deo : neque enim quod ex non-esse ad esse traducitur, capax est ut coæternum sit suo principio. Si dixerint adversarii, contra Arianos nos urgere æternitatem quæ Deo propria est, omnis expers successionis, & tota simul, non verò eam quæ in successione consistit & tempus æternitati est ; respondemus 1. Ipsos principium petere : siquidem æternitatem dari præter priorem posse non possunt demonstrare vel ex Scripturâ vel ex ratione. 2. In promptu quoque fore hæreticis omnia Scripturæ dicta quibus æternitatem Filii Dei asserimus, de hæc alterâ æternitatis specie interpretari, & argumentum nostrum eludere.

XIII. Reliquum est ut ad contrarias rationes in Stoicis undecimâ recitatas respondeamus. Et primum quidem primariæ rationis assumptionem negamus. Ad probationis prolixæ partes ut ordine respondeamus, dicimus.

Primo, Impossibilitatem hanc provenire ex parte Dei producentis, & quidem ob singulas illas tres causas quæ adducuntur, quas æternitati creaturæ adversa-

adversari contendimus, non obstantibus exceptionibus quæ à *Pererio* ad singulas adferuntur.

Contendimus igitur 1. *Fieri non posse ut causa propriè sic dicta sit uno & eodem momento seu instanti primo cum suo effectu propriè sic dicto; & omnium minime, si causa & effectus eadem ejusdemque speciei mensura quoad durationem non sit.* Videamus exempla quæ obijciuntur. Dei Filium Patri coæternum esse concedimus: sed Filium esse effectum Patris propriè sic dictum negamus cum Theologis orthodoxis adversus *Arianos* & *Photinianos*. Qui causa & effectus terminos hic concedunt, respondent nihilominus, alienum esse hoc exemplum, quia Patris & Filii communis est mensura & æternitas: At Mundi & Dei eadem & communis mensura non est: Creatura enim non æternitate Dei sed ævo & tempore mensuratur. Exempla reliqua assertionem adversæ partis non probant: Lux enim seu splendor qui simul cum sole est, non est effectum solis, sed adjunctum ejus, quod à Deo soli concreatum est: Illuminatio verò, cum alterationis species sit, si maximè sol esset æternus, in eodem momento primo cum sole non esset; quia effectum ab aliquo esse & eodem primo momento cum ipso esse contradicunt. Quæ igitur simul latque sunt simul sunt, non à se tanquam causa & effectus pendunt, sed tanquam effecta à causâ superiori: Ità ergo si Deus & Mundus in eodem instanti primo simul essent, superius aliquod & commune principium haberent, à quo simul essent, quod absurdum. Sic cum *Francisco Toletio* arguimus. Dominus *Zanchius* concedens illuminationem cum sole simul esse posse, negat exinde sequi etiam Mundum cum Deo simul esse posse; quia sol illuminationis est causa naturalis quæ ex necessitate effectum producit, Deus verò Mundi causa voluntaria & libera. Denique propria subjectorum quod attinet, non sunt ea effecta subjectorum, sed una cum, subjectis communi causâ producuntur. Dicuntur tamen vulgò effecta formarum per emanationem minùs propriè & accuratè. *Ultima dispositio ignis*, inquit *Toletus*, quæ inducitur cum formâ ignis, non est effectus ab illâ formâ, sed ab eo quod generat.

Contendimus 2. *Quia liberè Mundus à Deo productus est, fieri non potuisse ut ab æterno produceretur & simul cum Deo esset.* Nec obstant nobis exceptiones contrariæ quæ adferuntur. Primum enim, si maximè Deus ageret ex necessitate naturæ, Mundus tamen in uno primo momento cum Deo simul esse non posset, quia effectui propriè sic dicto, quatenus effectus est, repugnat cum causâ hoc modo simul esse, sive ex necessitate naturæ agat

sive ex voluntatis libertate, ut modò cum *Toletio* ostendimus. Non igitur impotentia est non potuisse Mundum ab æterno producere, cum contradictionem implicet effectum esse & quidem creatum & causâ seu Creatori coæternum esse. Est & alio nomine ratio hæc inepta, quod hæc ratione ostendimus; Arguunt adversarii hoc modo; Si Deus ageret ex necessitate naturæ, Mundum utique ab æterno produxisset: Ergò cum libere agat, ab æterno quoque potuit producere. Rationem consequentiæ reddunt; Quia non minoris est potentia liberè agens quam si ex naturæ necessitate ageret. Quod si hunc in modum fas illis arguere, nobis simili quoque ratione licebit argumentari; Si Deus ageret ex necessitate naturæ, ità Mundum creâset ut creationem ejus necessariò semper continuâset: Ergò & liberè agens ità potuit Mundum creare ut creationem ejus semper necessariò continuaret. Ratio consequentiæ eadem est quam & ipsi adferunt. Atqui absurdum & contradictorium est consequens, esse nimirum agens liberum & necessariò actionem continuare: Nec tamen ità quisquam demens est ut impotentia propterea Deum arguat, etiam si liberè agens actionem necessariò non continuat vel continuare potest, quam necessariò continuaret si ex necessitate ageret. Itaque si maximè concederemus effectum cum causâ necessariò agente posse simul esse in eodem primo existentia momento, negaremus tamen minoris potentia Deum dici debere, si ex necessitate naturæ agens faceret quod liberè agens facere non posset, quia non Dei impotentia sed contradictioni imputandum esset, quod liberè agens eodem modo & momento extra se agere non posset quo ageret si ex necessitate naturæ ageret. Altera exceptio, quâ distinguitur electionis actus in simplicem ac momentaneum, qui totus simul, & in successivum, rationem non convellit: Omne enim agens per electionem & voluntatis libertatem, qualiscunque tandem sit electio, effectu suo prius est, ut ratione nostrâ quintâ ostendimus. Tertia exceptio principium petit: Ut enim Mundum ab æterno producere contradictionem implicat, multaque secum absurda trahit, sic & potuisse velle Mundum producere: Nec potest Deus velle facere quæ non potest facere propter contradictionis implicationem.

Contendimus 3. *Fieri non potuisse ut ab æterno Mundus produceretur, quia ratione æternæ durationis creatura equalis esset Creatori.* Nec obstant nobis quæ excipiuntur. Primum enim, æternum esse & necessarium ac immutabile non esse contradicunt: Omne enim æternum est immutabile.

Deinde, *æternum esse & per participationem ab alio tanquam causâ propriè dictâ* itidem contradicunt. Et hætenus primum probationis membrum discussum.

Asserimus secundò, *Æternitatem repugnare creaturæ ex parte creationis*: Non quidem quòd creatio sit actio aliqua à Deo & creaturâ distincta, sed quòd actualis habitudo ista ad Deum tanquam causam propriè sic dictam æterna nequeat concipi sine contradictione: Cum enim præsupponat Dei voluntatem per quam est, non potest non prior esse Dei voluntas, ut ratione nostrâ quintâ probavimus. Deinde, quia Creatio est productio rei ex nihilo; quæ non tantum significat negationem materiæ ex quâ, ut *Pererius* vult, sed & transitum à non-esse ad esse, ut ratione nostrâ nonâ monstravimus. Sic de secundo probationis membro.

Asserimus tertio, *Æternitatem repugnare creaturæ ex parte creaturæ*: Quia creaturæ competit non-esse ante esse. Quod etiam si *Pererius* negat, & illud non-esse tantum interpretatur, ex se non habere esse, id tamen minime recipimus, sed nostræ sententiæ non minus immoratur quàm ille suæ, cum ratio nobis magis favet quàm illi, ut ex collatione rationum patet: Videatur quoque ratio nostra nona. Sic & creaturæ repugnat æternitas quæ esse à Deo acceptum habet, ut ratione nostrâ quartâ ostendimus. *Pererii* exceptio probati nequit. Hætenus primariâ ratio: Reliquas janti ordine videamus. Respondemus ergò.

Ad 1^m. Antecedens negamus: Nec probatur id ex Epistolâ ad *Hebræos*, quæ non simpliciter dicit nos fide intelligere secula à Deo esse æterna, sed verbo Dei esse aptata: Itaque etsi ratio non intelligit quomodo in tempore Mundus sit creatus, in tempore tamen creatum esse rationis acumen non excedit: Unde præter *Aristotelem* ferè nullus ex Philosophis Ethnicis fuit qui Mundi æternitatem adstruxit.

Ad 2^m. Consequentiam negamus, quia Mundum ab æterno producere contradictionem implicat, ad quam omnipotentia Dei se non extendit. *Toletus* respondet, potuisse quidem Deum ab æterno Mundum producere, sed Mundum ab æterno non potuisse produci. Sic *Scaliger* ait, Deum posse quidem semper aliquid melius facere, res tamen non posse suscipere illud melius: de quo supra.

Ad 3^m. Si demonstratio in strictâ sumatur significatione, uti à Peripateticis accipitur, ratio hæc nostram assertionem non evertet, si maxime tota concedatur: Ut enim maxime demonstrari non possit demonstratione illâ in specie & *verbo* *Æternitatis* sic dictâ, sufficeret nihilominus si ratione aliqua ne-

cessariâ & evidenti possit probari. Præter syllogismos enim demonstrativos in specie sic dictos dantur in Scholâ Peripateticâ etiam alii syllogismi necessarii, in quibus argumentum tertium nec à causâ nec ab effectu petitur, sed ex alio inventionis loco. Deinde antecedens negamus. Probatio ejus falsa: Primum enim quæstio Historica non est, *An Mundus ab æterno produci potuerit*. Nec obstat quòd de re singulari sit: Etiam si enim universalis primariò sub demonstrationem cadunt, singularia tamen prorsus non excluduntur. Sunt enim multa in naturæ ambitu corpora singularia, ut Luna, Sol, planetæ reliqui, de quibus evidentes habentur demonstrationes. Deinde, extra sacrum codicem nulla suppetere documenta seu argumenta quibus demonstrari à posteriori possit Mundum in tempore conditum esse, vel ab æterno condi non potuisse, falsum est, ut patet ex rationibus quæ adductæ à nobis sunt, quarum aliæ à priori, aliæ à posteriori sunt. Unde *Toletus* in tractatione quæstionis hujus occupatus, *videri sibi*, ait, *rationes quas attulerat esse demonstrativas*.

Ad 4^m. Consequentiam negamus: Nec enim credibile est *Aristotelis* ingenium humanæ rationis mensuram fuisse, ita ut quod *Aristoteles* indagare non potuit à nemine possit indagari & comprehendere. In multis errasse *Aristotelem* experientia hætenus abundè comprobavit, etsi ingenii divinitatem meritò in ipso miramur & prædicamus. Sed & potuisset *Aristoteles*, nisi omnibus contradicere ipsi certum fuisset, si rationi maluisset quàm affectibus obedire.

Ad 5^m. Connexum negamus: Qui enim necessariò in tempore Mundum creavit, qui prorsus non creare eum potuerat, vel certe creationem in hoc usque momentum suspendere?

Ad 6^m. Consequentiam axiomatis negamus: Eiusdem enim rationis non sunt posse Mundum perpetuò conservari & potuisse eundem ab æterno creari: rei enim quæ facta est non repugnat perpetuò conservari, ut repugnat ab æterno fuisse seu nunquam cæpisse. Deinde perpetua rei conservatio non ponit infinitum actum, uti æterna productio: Nunquam enim duratio conservationis eo usque procedet ut accessio nullâ amplius illi possit fieri: At si æterna esset Mundi duratio, actum in eâ essent infiniti dies, quibus addi amplius nullus posset, aut si addi posset, æterna duratio finita esset, quæ exhaustiri dierum numero posset: quod contradictionem implicat.

XIV. Hætenus secunda quæstio: Sequitur tertia, *An æternitatem Mundi simpliciter affirmare Aristoteles, & ferè eam propugnari*. Etsi tam nihil

nihil videtur ab *Aristotele* asseveratè dici quàm *Mundum esse æternum*, hoc est, durationis principio carere, sunt tamen qui aliter sensisse *Aristotelem* existiment, dicantque *Aristotelem* non tam *Mundi æternitatem* propugnasse quàm antiquos impugnasse, qui mundum contendebant generatum esse per modos secundum veritatem impossibiles, ut loquitur *Thomas*, part. 1. quæst. 46. art. 1. Sic ipse sentit *Thomas*, cum *Alberto*, *Argentina*, & aliis. Eandem sententiam defendit *Hannibal Rossellius*, part. 1. Comment. in *Pemandrum Mercurii*, q. 2. cap. 4. ubi ait verisimilius esse, hoc (nempe, *An Mundus sit æternus*) tanquam problema neutrum apud *Aristotelem* fuisse; Mundumque motu naturali non incepisse, semper demonstrare voluisse contra veteres. Rationes hujus sententiæ hæc proferri solent:

1. Quia *Aristoteles*, 8. *Phys.* & 1. De cælo, de *Mundi æternitate* disserens, præmittit opiniones antiquorum, *Empedoclis*, *Anaxagoræ*, *Platonis*, contra quos rationes inducit.

2. Quia non utitur rationibus demonstrativis, sed probabilibus tantum: Unde antiquorum ubiq; inducit testimonia: quod non est demonstrantis, sed probabiliter persuadentis.

3. Quia quæstionem, *An Mundus sit æternus*, expressè appellat problema *Dialecticum*, 1. *Top.* cap. 9. vel, secundum aliorum distinctionem, 11. At problema *Dialecticum* est, autore *Aristotele*, de quo rationes certæ non habentur. Non aliter igitur *Aristoteles* de *Mundi æternitate* disputavit quàm de quæstione aliquà dubiâ, quæ in utramque agitari potest partem; ita tamen ut partem eam quam probandam susceperat minimè necessariam arbitraretur. Delegisse autem is videtur partem hanc, quod probabilior videretur parte contrariâ, quam alii sequebantur, quòdque sensibilia faciliùs suaderi possent: Perpetuus enim & constantissimus corporum cœlestium motus, ordo item in continuâ mixtorum generatione observatus, *Mundi æternitatem* probabilem reddebat.

XV. Qui accuratius rem ponderant, & nimio *Aristotelis* amore non sunt excæcati, contrarium sentiunt, nempe, æternitatem *Mundi* seriò ab *Aristotele* propugnatum fuisse. Autores sententiæ hujus inter recentiores sunt *Patres Conimbricenses* & *Perrerus*. Rationes principales tres sunt:

1. Quia magno consensu in pluribus locis pertinaciter sententiam hanc defendit, ut 8. lib. *Phys.* 1. De cælo. 2. De generat. & corrupt. 12. *Metaphys.* & alibi. Unde *Aphrodisæus* rogatus quid *Aristoteli* magis placeret, respondit, sententiam de *Mundi æternitate* præ cæteris se arripuisse, quòd in eâ solâ

Aristoteles sibi videretur constare. Hinc apud *Hierophontem* Sacerdotem accusatus legitur *Aristoteles*, quòd contra patrios ritus in *Liceo* docuisset unum *DEUM*, & contra totius *Græciæ* sententiam *Mundum sempiternum posuisset*.

2. Quia nuspam vel verbulo significat contrariam sententiam sibi magis arridere.

3. Quia multa alia *Aristoteles* dogmata fundamento hoc de *Mundi æternitate* nituntur; maxime verò dogma de Cælo & Intelligentiis, quas ex hypotheli æternitatis motus *Aristoteles* ostendit esse æternas, immateriales, indivisibiles, expertes omnis potentia, intelligentes, aptam dispositionem ac statum habere.

XVI. Ad rationes contrarias sic ordine respondemus.

Ad 1^m. Inconsequens hæc ratio est: Mos enim hic *Aristoteli* fuit perpetuus, ut oppositarum sententiarum collatione veritatem, quam propugnare instituerat, illustraret: Cùm igitur creationem non agnovit, ut suo loco probavimus, ita veterum oppugnavit sententias, ut contrariam de *mundi æternitate* seriò amplexus fuerit. Nam si per motum non incepit secundum *Aristotelem*, & verò creationem ignoravit *Aristoteles*, utique proflus non incepisse sed æternum esse secundum *Aristotelem* consequens est. Quòd si verò aliâ ratione quàm per motum incipere potuisset judicasset *Aristoteles*, errorem veterum evidentius utique monstrasset, & in extremum alterum tanto impetu non proruisset.

Ad 2^m. Et hæc ratio inconsequens est: Etiam si enim ad veterum quandoque testimonia provocat, illis tamen principaliter non innititur, suâque rationes omnes demonstrativas & cogentes indicat.

Ad 3^m. Æternitatem *Mundi* probabiliorē *Aristoteli* fuisse visam quàm temporaneum ejus ortum per motum, facile concesserim & plane contenderim; hanc tamen sententiam seriò ab ipso non propugnatam esse, ratio hæc minimè persuadet. Etsi quâdam probilitatis specie non caret, quòd quæstionem de *Mundi æternitate* problematibus *Dialecticis* accenset; attamen à nostrâ sententiâ confessio hæc minimè nos dimovet. Dicimus igitur quæstionem hanc problema *Dialecticum* ab *Aristotele* appellari, non quòd ipse judicaret neutram ejus partem solide demonstrari aut evinci posse, sed quòd utraque pars inter Philosophos suos haberet sectatores qui contrariis rationibus confligebant; quod ad problematis rationem planè sufficit. Respondent alii, quæstionem de *Mundi æternitate* exempli tantum gratiâ

gratiâ inductam & problema *Dialecticum* appellatam, in exemplis autem veritatem non requiri, 1. Prior. Analyt. cap. 39. Responderi quoque possit, propositam quæstionem problema *Dialecticum* nominari, non ex propria *Aristotelis*, sed aliorum sententiâ, quæ fortè tum temporis tritior erat.

XVII. Longius hîc progressus est *Crellius*, vir doctissimus, olim *Academiæ Heidelbergensis* professor: Qui non tantum serio æternitatem Mundi ab *Aristotele* assertam esse statuit, & verè quidem, ex nostrâ sententiâ, sed nec aliter ex principiis *Physicis* & lumine rationis *Aristotelem* debuisse vel potuisse statuere contendit: quod sanè nobis minimè concedendum videtur. Potuisse aliter de Mundi ortu statuere *Aristotelem*, indè manifestum esse opinor, quòd temporibus *Aristotelis*, & ante *Aristotelem*, nemo Philosophus qui aliquo esset numero æternitatem Mundi adstrueret. Quis verò neget mentis suæ acie & *Aristotelem* potuisse assequi quod omnes alii longè minores *Aristotele* Philosophi sunt assecuti? Deinde suprâ ostendimus per rationes naturales seu lumen rationis possibilitatem creationis demonstrari posse: Unde dubium nobis nullum quin *Aristoteles*, si ingenii nervos intendere voluisset, assequi idem potuerit: Atqui concessâ creatione alicujus ex nihilo, Deique in agendo assertâ libertate, ad quam iidem rationis lumen pertingit, potissima *Aristotelis* & Peripateticorum argumenta pro Mundi æternitate concidunt. Quid? quòd lumine rationis evinci possit, nec posse mundum æternum esse: Cum igitur *Aristotelem* humani intellectûs mensuram esse velint, quidni idem eum potuisse intelligere nobiscum affirmant? Debuisse quoque aliter *Aristotelem* judicare, indè patet, quia aliter potuisset si voluisset: Quam enim veritatem investigare potuit, ei contrariam falsitatem tanto conatu adstruere non debuit, rationibus præsertim levissimis, quas Divinæ virtutis consideratio omnes facillimè elidit.

XVIII. Sed videamus *Crellii* argumenta, quibus *Aristotelem* defendit.

1. Mundus *Physicè* non cœpit: Ergò initium illius *Physicis* rationibus evincere *Aristoteles* non potuit. Resp. Quid per *Physicas* rationes *Crellius* intelligat, non aded liquet. Si intelligit principia *Physica* Peripatetica de ortu rerum naturali, facillè concesserim ex illis ortum Mundi temporalem non posse demonstrari: sed non potuisse *Aristotelem* ex aliis principiis Mundi ortum temporalem investigare, neutiquam concedo. Non enim *Physicus* tantum sed & Metaphysicus fuit *Aristoteles*, nec ignorare potuit plus posse Deum quàm naturam: unde in-

epitissima & tanto Philosopho indignissima fuisset illatio, *Mundus in tempore non potuit incipere per causas secundas naturales*: Ergò nec per primam potuit incipere. Si verò per *Physicas* rationes intelligat lumen rationis in naturâ hominis etiam Gentilis reliquum, consequentiam rationis *Crelliana* negamus: Lumen enim hoc non de ortu tantum naturali sed & supernaturali aliquo modo judicari potest. Quòd si verò principiis suis *Physicis* abusus est *Aristoteles*, eaque Causæ primæ opposuit, vel ad Naturæ leges Causam primam adstrinxit, sanè pessimè fecit, & nullo modo excusandus est vel à prophanis Philosophis, nedum Christianis.

2. Si mundus incepit, prius non fuit: At congens absurdum: Ergò & antecedens. Assumptio probatur; Si dicas mundum prius non fuisse, ante mundum tempus statuis: prius enim temporis est pars. Si ante mundum tempus fuisse affirmes, sequetur mundum fuisse, antequam esset: nam tempus sine mundo non est: At mundum fuisse antequam fuit, absurdissimum est. Hoc argumentum *Physicè* refutari posse negat *Crellius*. Resp. Elumbe hoc sophisma diluitur per distinctionem & prius fuisse, vel non fuisse: Prius fuisse, significat vel negationem existentiae rei alicujus in tempore propriè sic dicto & jam existente, vel negationem existentiae ab æterno: Posteriori sensu prius non fuisse est æternum non esse; priori, non esse ratione durationis coextensum tempori, sed post existens tempus cœpisse demum. Unde patet quid ad sophisma hoc respondendum sit: nempe, connexum esse negandum quoad priorum sensum; assumptionem, quoad posteriorem. Probatio ex eadem distinctione inefficax est. Hanc responsonem si *Physicam* esse neges ratione principiorum. *Physicorum Aristotelicorum*, quæ minimè hîc audienda, tanquam particularia & non nisi ortui rerum naturali accommodata, non contradico: Attamen *Physicam*, hoc est, ex lumine naturæ profectam, contendendo: nihil enim in eâ est quod ratio citra revelationem specialem assequi non valeat: Cœpisse aliquid in tempore, & cum tempore, & aliquid ab æterno esse, omnes agnoscunt Philosophi etiam solius rationis ductu.

3. *Physicus*, quâ *Physicus*, mente suâ non potest concipere æternam Dei voluntatem absque sui mutatione tantum opus in tempore perfecisse: Ergò non potest non æternitatem Mundi asserere. Resp. Nescio quid ista sibi velit limitatio, *Physicus*, quâ *Physicus*. Hoc unum quæro; An *Aristoteles*, quâ *Physicus*, ab æterno mundum Dei voluntate factum crediderit. Si affirmes, eundem etiam.

etiam, quā Physicum, dico potuisse statuere, ab æternā Dei voluntate Mundum in tempore demum potuisse existere absque ullā voluntatis Divinæ mutatione: Nam si efficere Dei aliud nihil est nisi omnipotenter velle ut res existat, quis per novam rei-existentiā dicat Dei voluntatem esse mutatam, quā ab æterno Deus voluit ut in & cum tempore Mundus existeret? Nempe hoc ratio etiam assequitur, Ab antiquā & æternā voluntatis actione novum & temporaneum posse proficisci effectum, quia à voluntate Dei non tantum res est, sed & restrictio ad certum durationis seu existentie initium. Similia in humanis quoque sunt: Imperatoris hoc anno voluntas esse potest ut post biennium urbis novæ fundamenta jaciantur; Fundamentorum jactorum causa est voluntas Imperatoris, quæ toto biennio novi operis molitionem antecessit: Quidni igitur Mundi ortus temporalis à voluntate Dei æternā eāque simpliciter immutabili potuerit esse, quando nec Imperatoris voluntatem mutari videmus ob novæ urbis foundationem toto biennio causā suā principali posteriorem. Si ergo per Physicum, quā Physicum, Crellius intelligat Physicum omnis Divinæ revelationis nescium, qualis Aristoteles fuit, antecedens tertii hujus argumenti negamus, & probationem ejus desideramus. Nos negationis nostræ rationem modò reddimus.

4. Principium Physicum est, *Unius ortus, alterius est interitus*; & *unius interitus, alterius ortus*: Ergo non potest non æternitas & infinitas generationum & corruptionum, ipsius adeo Mundi, hinc inferri. Resp. Non negamus ex principiis Physicis de ortu rerum naturali ab Aristotele verè constitutis ad Mundi initium perveniri haud posse; siquidem planè *ἀλλοθεν*; ex regulis ad naturalem rerum ortum pertinentibus velle judicare de universi ortu supernaturali: atqui verò *ἀπὸ λόγου* quoque est, ex negatione unius modi inferre negationem omnis modi; ita nimirum, *Aristoteles Mundi initium non potuit investigare per principia Physica de ortu rerum naturali constituta*: Ergo per nulla alia potuit principia. Sic nec valet illatio à negatione causarum secundarum ad negationem Causæ primæ; *Aristoteles ex causis secundis non potuit Mundi initium deprehendere*: Ergo nec ex Causæ primæ consideratione potuit. Per causas secundas nec ab æterno nec in tempore Mundus potuit incipere: Per primam verò Causam in tempore potuisse incipere, & potuit & debuit agnoscere. *Aristoteles*. Quomodo verò ex consideratione rerum creaturarum falsitas dogmatis de æternitate Mundi possit deprehendi pulcrè docet *Mornæus* De verit. relig. Christianæ cap. 7.

XIX. Fuit tertiā quæstio: Quarta sequitur, *An per certa dierum intervalla pars Mundi una post aliam creata fuerit*: Sunt hic contrariæ Theologorum & Philosophorum sententiæ. Inter veteres *Philo Judæus* ait, *rusticana simplicitatis esse existimare Mundum decursu & morā sex dierum esse conditum*: Numero igitur sex dierum quibus conditus dicitur Mundus, contendit significari non intervalla sex dierum, sed Mundi perfectionem, quæ per numeri senarii perfectionem designatur. Inter Theologos *Augustinus* quoque negat Mundum per intervalla sex dierum esse conditum, qui tam rationi quàm Scripturæ congruentias putat, omnes Mundi partes simul esse perfectas, quàm per successionem aliarum post alias & per intervalla temporum: Sententiam hanc proficitur cum in aliis locis tum expressissimè lib. 4. De Genesi ad lit. cap. 31. cuius summa, *Omnia esse facta simul*: Repetit idem sub initium lib. 5. Miras verò in præcedentibus sex dierum allegorias tradidit: longè alios à diebus nostris naturalibus solis motu descriptis docuit; probabile autem sibi videri ait, unum diem fuisse factum, unde illi sex vel septem unius repetitione numerari potuerint. *Archangelus*, Commentario in dogmata Cabalistarum à *Johanne Pico* collecta, pag. 760. in eandem sententiam allegat *Albertum Magnum*, Sententiarum Magistrum, & Doctores Hebræos; quibus ipse assentitur. In eandem sententiam concedit & *Cajetanus*. Subscribit hisce in Physicis *Bodinus*, pag. 18. etsi contrarium asserenti se non repugnaturum affirmat. Sententiæ hujus fundamenta sunt sequentia:

1. Omnia simul sunt facta, *Ecles. xviii. 1.* Ergo non sunt facta per sex dierum distincta intervalla.

2. Deus eodem die fecit cælum, terram & omne virgultum agri, *Genes. ii. 4. 5.* Ergo per sex illos dies non indiguntur sex distinctorum dierum intervalla: Alias enim primo die virgulta non possent dici creata cum cælo & terrā: in *Mosis* enim textu primo & secundo die cælum legitur creatum, virgulta verò die tertio.

3. *Behemoth*, qui ex Patrum sententiā Diabolus est, simul cum Homine est creatus, *Job xl. 10.* Ergo Mundus non est conditus per distincta dierum intervalla. Ratio consequentiæ; Quia Diabolus primo die creatus est, Homo verò sexto die: quæ conciliari non possent si distincti creationis essent dies.

4. Deus infinitæ potentie est, soloque nutu ex nihilo omnia fecit sine omni difficultate vel resistantiā: Ergo omnia simul produxit, nec sex distinctos

distinctos in creationes dies insumit. Ratio consequentia; Quia in momento fit quod per creationem ex nihilo fit. Urget rationem hanc *Archangelus Minorita*; *Finita*, inquit, & *determinata virtus in agendo tempus exquirat*; *infinita verò nequaquam*.

5. *Distinctio & successio dierum & noctium* temporisque ratio non potest constare ante Mundum conditum, sed motum cœli, maximè verò solis & lunæ, sequitur: Ergò distinctis diebus Mundus non est conditus; præsertim cum Sol quarto demum die creatus fuerit; minimum igitur ante solem creatum dies naturalis nullus fuit: Unde consequens est, sex illos dies non propriè posse accipi.

XX. Nobis, cum aliis omnibus Ecclesiæ Doctoribus, contraria sententia indubitata veritatis iudicatur. Contendimus igitur, totum Mundum simul, seu eodem temporis momento, factum non esse, sed per distincta sex dierum propriè sic dictorum sibi que succedentium intervalla. Rationes hæc sunt:

1. *Historicus & expressus Moses textus* hoc testatur, quem cur in allegoriam convertamus ratio planè nulla est, ut ex solutione patebit. Quòd si uno momento totus Mundus fuisset creatus, obscurius nihil in tota esset Scripturâ quàm textus *Mosaicus*, quod contra naturam & fidem historiarum, quam simplici stylo *Moses* conscribit. At inquit, *Quæ simul creata erant, intelligi simul non poterant; nec momento poterant explicari*, inquit *Bodinus*, *quæ momento erant facta. Ut igitur Judæorum rudium captui Moses se accommodaret, per certa dierum intervalla creationis opera distinxit, unumque post aliud conditum docuit*. Sed planè frivola hæc est exceptio: Etiam si enim momento uno omnia simul explicari & intelligi non poterant, uno tamen momento omnia esse creata, pluribus declarari verbis poterat, nec difficulter intelligi omnia pluribus momentis, seu successivè. Quis enim tam sit stupidus qui obscuritatis *Mosen* accuset, si dicat, Cœlum, terram, stellas, plantas, animalia bruta & hominem uno momento simul omnia à Deo esse creata? Quis facile hoc non assequatur?

2. Si uno momento omnia simul essent condita quæ *Moses* in sex distinctos dies distribuit, certè rudes & stupidos *Judæos* in errorem induxisset, ut per distincta dierum intervalla condita credidissent quæ uno momento simul erant condita. Quis enim simplex *Judæus* tam obscuras in textu *Mosaico* allegorias potuisset divinare, quas nē doctissimi quidem assequuntur? Sic igitur nihil

minus fecisset *Moses* quàm ut ruditati *Judæorum* descriptionem suam attemperasset.

3. Si unâ cum terrâ & germinibus terræ eodem momento conditus esset homo, falsum esset quod *Moses* dicit, *Gen. ii. 5. terrâ jam existente, ut ex Mose colligitur, nullum fuisse hominem ad colendam terram*: At consequens falsum: Ergò & antecedens.

4. Si uno momento omnia simul sunt condita, falsum est quod *Moses* indicat, hominem extra hortum Paradisi esse conditum & postmodum in eum introducitur, somno profundo correptum esse, ut Deus ex latere ejus costam exemerit, & ex eâ *Evam* *Adami* uxorem condiderit: hæc enim uno momento facta non sunt: At consequens absurdum: Ergò & antecedens.

5. Validissima ratio petitur ex *xx. & xxxi. Exod.* Ubi *Judæis* datur præceptum colendi diem Sabbati, & ratio additur cur Deus diem hunc velit religiosè coli, insumtis in opera & labores ordinarios sex diebus, quod *Deus ipse diebus sex Mundum creaverit, septimo autem die ab omni opere requieverit*: Quæ ratio prorsus nulla imò falsa esset, si prior sententia locum haberet.

6. Adversis *Augustinum Pererius* tale producit argumentum; Enumeratio & distinctio sex dierum à *Mose* tradita vel denotat ordinem dignitatis, quo creaturarum aliarum præstantiores sunt aliis; vel ordinem nature, quo secundum naturam aliarum sunt priores aliis; vel ordinem rerum, prout ipsæ res cognoscuntur ab Angelis, ita ut numerus illorum dierum indicet multitudinem aut successionem cognitionis Angelicæ circa res; vel denique ordinem temporis, quo res aliarum prius aliarum posterius sunt conditæ: Atqui non denotat ordinem dignitatis; Quia aliàs ab Hominis creatione historia fuisset inchoanda; omnium enim operum quæ à *Mose* recensentur præstantissimum est Homo; non ordinem nature; Quia hoc ordine priora sunt sidera quàm plantæ; at illa quarto, hæc tercio die leguntur conditæ: Non ordinem rerum vel cognitionis Angelicæ; Quia Angelorum cognitio matutina, quæ est visio Dei beatifica, nullam in se habet cognitionum multitudinem vel successionem, sed est unica mentis actio perpetua & invariabilis; cognitio autem vespertina, quæ res in scriptis cognoscuntur, non multiplicatur secundum multitudinem & varietatem rerum, sed uno mentis actu & quasi perspectu multa rerum genera simul comprehendit; Consequens igitur est, istâ dierum distinctione ordinem & successionem temporis designari, quod & historiarum *Mosaicarum* convenientissimum est.

XXI. Ad contrarias ratione hunc in modum respondemus.

Ad 1^m. Antecedens negamus. Probatio ex Ecclesiastico primum est ἀπὸ ἀνωθεν. Deinde laborat vitiosa interpretatione: In textu enim Græco non habetur *quæ*, quod est simul, sed *καὶ*, hoc est, communiter: Sensus ut sit vel, Quicquid creatum est, à Deo creatum esse; vel, ut *Finitus* verit, Communi lege omnia esse creata, ut ortum & interitum habeant. Particula simul in vulgari versione si retineatur, non temporis sed collectionis seu universitatis similitudo significabitur, ut notat *Pererius*. Alias interpretationes & responsiones quas attingit *Pererius*, consulto prætermittimus.

Ad 2^m. Antecedens negamus. Probatio ex *Mose* ad rem non facit: Nec enim *Moses* dicit eodem die cælum, terram & omne virgultum esse factum, sed, In die quo fecit, &c. Ubi per diem vel tempus in genere significatur, quod apud Prophetas frequens est; vel singulari numero pluralis indigitatur, in die pro in diebus, quæ numerorum permutatio & ipsa scripturæ familiaris est.

Ad 3^m. Antecedens negamus: Ut enim maxime concedamus *Behemoth* Diabolum esse, in textu tamen non habetur, *Behemoth* cum *Jobo* simul eodem momento creatum esse, sed cum *Jobo*, hoc est, non minus quàm *Jobum*, creatum esse: Hic sensus esset vocis *tecum*, si per *Behemoth* Diabolus intelligeretur. Sed plerique ex interpretibus recentioribus per *Behemoth* non Diabolum sed omnium terrestrium animalium maximum & robore valentissimum intelligunt, Elephantum, qui eodem cum Homine die, ut & alia animalia terrestria, conditus est. Intelligi verò nobilem aliquam terrestrem bestiam, è sequentibus versiculis manifestum est; Describitur enim ab alimento quo vescitur, vers. 10, 15. à membris robustissimis, vers. 11, 12, 13. à locis in quibus stabulatur, vers. 16, 17. quæ singula non nisi per contortas allegorias ad Diabolum referri possunt, ut videre est in Commentariis *Pinedæ* in hunc locum. Sed obijciunt nonnulli, *Behemoth* dicitur principium viarum Domini; quod ita interpretantur, quasi *Behemoth*, primum sit creatus, quod non de Elephantis sed de Diabolo explicari & accipi videtur debere. At facilis est responsio: Per vias intelliguntur opera Dei & creaturæ corporales, cujusmodi sunt animalia terrestria, per quæ quasi per vias quasdam Deus videtur extra se ire, bonitatem suam communicando, potentiâque & sapientiam apertissime demonstrando. Per principium præcipuum seu principale significatur. Elephas igitur principium est viarum

Domini, quia inter animalia terrestria principem locum obtinet.

Ad 4^m. Consequentiam negamus. Ratio consequentiæ invalida est: Etiam si enim Deus omnia simul eodem momento non produxit, singula tamen nihilominus distinctis sex dierum momentis produxit: Uno nimirum momento cælum & terram, &c. altero secundi diei momento, expansum, &c. tertio tertii diei, omnes plantas; quarto quarti diei, stellas, &c. Quod autem distinctis momentis produxerit quæ uno poterat producere, liberrimâ ipsius voluntate & sapientissimo consilio factum arbitramur, ut ineptissimi sint qui potentiæ defectum hinc inferunt.

Ad 5^m. Antecedens distinguimus: Distinctio dierum & noctium est vel in Mundo constituto & omnibus suis numeris absoluto, vel in Mundo constituendo & ex parte inchoato. Etsi igitur distinctio ac successio dierum ac noctium in Mundo penitus absoluto solis ac lunæ motum consequitur, non tamen est necesse ut in Mundo quoque constituendo & partibus aliquibus inchoato ab iisdem causis pendeat. Contrarium enim evidenter *Moses* demonstrat: Ante Solem namque lucem Deus condidit, quæ in diebus describendis tenebrisque à die distinguendis functa est Solis vicibus, Gen. i. 3, 4, 5. Ante Solem igitur dierum ac noctium discrimen non minus fuit quàm post Solem ope lucis primigeniæ.

XXII. Quæri denique solet, Cur Deus maluerit per certa dierum intervalla & per partes Mundum condere quàm totum uno momento. Videtur Deus voluntatis suæ libertatem patefacere voluisse, quod & quando voluit eum fecerit, cum antè potuerit facere, & eo modo ac ordine quo voluit, inò præter ordinem quem rerum natura videtur deponere, dum plantas ante sidera creavit, quæ tamen in ordine rerum jam constituto sunt causæ plantarum. Voluit quoque Deus triplicem Mundi statum nobis innotescere; primum creationis, secundum distinctionis, tertium exornationis & expletionis: In primo elucet Dei omnipotentia, in secundo sapientia, in tertio bonitas.

Cur autem sex distinctos dies creationi voluerit impendere, mortalium nemini notum est. Putant tamen docti nonnulli voluisse Deum senario dierum numero Mundi perfectionem indigitare. Est enim perfectus numerus senarius, ut *Philosophus* prodit, quia primis suis partibus conficitur & completur, sextâ nimirum parte, quæ est Unum, & tertiâ parte, quæ sunt Duo, & dimidiâ parte, quæ sunt Tria: Unum enim Duo & Tria Sex efficiunt. Ut autem senarius Uno, Duobus

& Tribus tanquam partibus conficitur, ita Mundus tria continet rerum genera: naturam *incorpoream tantum*, quæ est in Angelis; naturam *corpoream tantum*, quæ in corporibus inanimatis & animatis, excepto homine; denique naturam *incorpoream & corpoream simul*, quæ est in homine: Primam aiunt nonnulli denotari per unitatem, secundam per binarium, tertiam per ternarium. Quæ tamen arguta & curiosa magis sunt quam vera & necessaria.

THESIS III.

Primus annus, qui mundo natalis fuit, quotus ab hoc currente 1624. sit, in tantâ Chronologorum dissensione præcisè à nobis nequit definiri; præsertim cum nè annorum illorum qui à CHRISTO nato ad præsentem, quem recepto errore numeramus *millesimum sexcentum vigesimum quartum*, effluxerunt, numerus controversiâ careat: Nobiliores tamen Chronologi in eoferè consentiunt, numerum annorum Mundi ad sex mille nondum excurrisse.

"Eκδεξ.

I. Paucis videamus Chronologorum in computatione annorum Mundi discrepantiam. Et primum quidem hoc loco *Ægyptios & Chaldaeos* minimè putamus audiendos, quorum portentosa sententiæ sunt de Mundi duratione. Jactarunt enim *Ægyptii* Reges suos, partim ex Diis partim ex hominibus natos, usque ad novissimum Regem *Ptolomæum*, *Cleopatram* patrem, supra 70000. annorum in *Ægypti* regnasse: Item, postquam siderum rationem comprehendit *Ægyptus*, ampliùs quàm centum annorum millia numerari: Refert *Plinius*, lib. 35. cap. 13. gloriari solitos *Ægyptios* artem pingendi sex millibus annorum floruisse in *Ægypto* priusquam transiret in *Græciam*. Apud *Platonem* in *Timæo* *Ægyptius* quidam coram *Solone* jactat historiam annorum 20000. literis hieroglyphicis comprehensam esse. *Chaldaei* gloriabantur se rerum cœlestium scientiam habere non minùs quàm septuaginta & quadringentorum mille annorum observationibus & experimentis comparatam ac comprobatam: *Cicero* in *Divinat. Indi Sinarum* omnium impudentissimè mentiuntur, ante annos 40. ab orbe condito annos fluxisse tradiderunt 783762. *Linus* Scriptorum Græcorum antiquissimus, *Orpheus* & *Heraclius* ætate suâ, ante annos 184000.

Mundum conditum crediderunt. Que portentosa sunt mendacia. Sunt tamen qui aliquâ ex parte Chronologos hosce excusent, dicantque annos primum apud *Ægyptios & Chaldaeos* fuisse unius tantum aut duorum mensium. Sed nè sic quidem numerus ille ullo modo consentiet cum antiquitate Mundi quam Scriptura insinuat, quippe quæ multis vicibus minor est quàm *Ægyptii* volunt: Imò si anni *Ægyptiorum* non nisi septimanæ nostræ fuissent, computatio nihilominus falsissima esset, Mundumque longè faceret antiquiorem quàm est. Credibile autem est eò libetius mentitos esse *Ægyptios*, quòd putarent à nemine mortalium se convinci posse. Alios igitur audiamus, qui probabiliora & veriora tradunt. A Mundo igitur condito ad natum CHRISTUM annos numerat

Rabbi Naasan	3707.
Rabbi Abraham	3757.
Hebraeorum Chronic:	3760.
Hieronymus, & Beda	3952.
Picus Mirandula	3958.
Joannes Lucidus	3960.
Abbas Urspergensis, Chytraus, & Constantinus Phrygio.	3962.
Theophilus	3974.
Carolus Bovillus	3989.
Josephus Mathathia	4103.
Odiatîn Astronomus	4320.
Cassiodorus	4697.
Genebrardus	4089.
Origenes	4839.
Epiphanius	5029.
Paulus Orosius	5049.
Philo Judæus	5195.
Isidorus	5196.
Eusebius	5199.
Joh. Naucerus	5201.
Albumasar	5328.
Augustinus	5353.
Suidas	5600.
Lactantius	5080.
Philastrinus	5081.
Alphonsus	5984.
Gerardus Mercator	3928.
Scaliger	3948.
Petrus Gallisardus	3964.
Cornelius Jansenius, & Bucholzerus, Pantaleon, Bullingerus	3970.
Petrus Galatinus	3982.
Paulus Palavius, & Franciscus Faareth	4000.
Pererius, Bellarminus, & Baronius	4022.
Arnoldus	

<i>Arnoldus Pontacus</i>	4088.
<i>Gilbertus Genebrard</i>	4090.
<i>Francisc. Ribera</i>	4095.
<i>Paulus Foro-Sempronicensis</i>	5201.
<i>Onuphrius Panuinius</i>	6310.
<i>Lutherus, & Tremellius</i>	3960.
<i>Melanchthon, Beutherus, & Funccius</i>	3963.
<i>Beroaldus, Zanchius, Paræus</i>	3929.
<i>Marianus Scotus</i>	4133.
<i>Buntingus</i>	3967.
<i>Laurentius Codomanus</i>	4142.
<i>Calvisius</i>	3947.

II. Apparet hinc quàm arduum sit exactam annorum à condito Mundo ad natum CHRISTUM computationem exhibere. Observat autem *Pererius* quatuor potissimum res esse quæ annorum à condito Mundo supputationem adeò variam & discrepantem reddunt.

1. Dubitationem adfert maxima discrepantia Chronologiæ ab initio Mundi ad ortum *Abrahæ* quæ in libris Hebræis & Græcis codicibus LXXII. Interpretum reperitur: In illis enim tempus illud non nisi 1940 annos continet, in his, 3314, plures nempe illis annos 1374.

2. Et hoc scrupulum injicit, quòd multi LXXII. Interpretes & *Lucam* secuti inter *Arphaxad* & *Salem* interponunt generationem *Caina*, hoc est, 30 annos. Hi igitur à diluvio ad ortum *Abrahæ* numerant annos 322. Plerique verò alii Hebræos & Latinos secuti libros generationem *Caina* omittunt, tempusque illud definiunt 292 annis.

3. Variam reddit Chronologiam ratio quorundam temporum particularium, quæ varia & perplexa est: Exempli gratiâ, An *Abraham* natus sit anno 70 *Tharæ*, quod ex nonnullis Scripturæ locis quidam asserunt; an anno 139 *Tharæ*, quod ex aliis Scripturæ locis quidam nituntur probare. Sic obscura est ratio temporum à *Mose* ad *Davidem*. Est & controversum initium annorum captivitatis *Babylonicæ*, uti & finis.

4. Calculum turbat, quòd tempora à liberatione captivitatis *Babylonicæ* ad natum CHRISTUM transacta non describuntur in sacris literis: Unde ex profanis Ethnicorum historiis & Chorographis petenda veniunt, quæ æqualis fidei & auctoritatis non sunt.

Placet hic referre Epochas *Pererii* ejusdem, quæ ad CHRISTUM natum annos 4022 continent, & à *Bellarmino* & *Baronio* approbantur. Numerat igitur annos A Creatione Mundi ad Diluvium, ex Gen. 5. 1656.

A Diluvio ad ortum *Abrahæ*, secundum Scripturam Hebraicam, ex Gen. 11, 292.

His addit generationem *Cainan*, quæ inter *Arphaxad* & *Salem* LXXII. Interpretibus & *Lucâ* cap. 3. interponitur, & continet annos 30.

Abortu *Abrahæ* usque ad promissionem factam à Domino Gen. 12. 57.

Hinc usque ad Legem latam in monte *Sinâ*, mense tertio, quando sunt egressi ex *Ægypto*, ex Gal. 3. 430.

Ab egressu ex *Ægypto* usque ad ædificationem Templi *Salomonis*, 3. Reg. cap. 6. 480.

Ab hoc tempore usque ad exordium Olympiadum, quod fuit anno octavo *Achaz*, 283.

Ab initio Olympiadum usque ad annum quartum Olympiadis centesimæ nonagesimæ quartæ, quo natus est CHRISTUS, 776.

Anni hi omnes collecti à condito Mundo ad CHRISTUM natum faciunt 4022.

III. Anni à CHRISTO nato ad præsentem, quos secundum vulgatissimam sententiam, quæ originem traxit, quingentis post natum CHRISTUM annis, à *Dionysio Exiguo* Monacho Romano, numeramus 1624. à doctis quoque in dubium vocantur: & quidem plerique moderni nobiliores Chronologi supputationem vulgatam & in toto orbe Christiano usitatam judicant vitiosam, annisque qui vulgò numerari solent plures numerant: Qui tamen & ipsi inter se non conveniunt: *Scaliger* enim unum addit annum: *Calvisius*, duos; *Laurentius Suslyga* Polonus, quatuor; *Keplerus*, quinque. Dum igitur Chronologi certant, & adhuc sub iudice lis est, ætatem Mundi exactè definire nostrum non est. Apud omnes tamen, uno forsitan aut altero excepto, in confesso est, à condito Mundo nondum effluxisse sex mille annos.

IV. Qui exactam computationem annorum à condito Mundo prorsus impossibile esse aiunt, pro sententiæ suæ confirmatione adducunt illud *Ecclesiastici*, ab initio, *Arenam maris & pluviam guttas & dies seculi quis dinumeravit*? quasi dicat, nemo: Ut igitur impossibile est arenam maris & pluviam guttas numerare, ita similiter impossibile est dies seculi seu annos Mundi dinumerare. In Chronologorum tamen gratiam variæ adferri solent responsiones. Respondent nonnulli, Dies seculi non posse sciri ab homine humanâ ratione, posse tamen sciri per revelationem Divinam. Alii, Dies seculi non posse numerari certitudine quâdam infalibili, posse tamen numerari ratione quâdam probabili. Alii, Non ob stare quò minus possint sciri anni seculi, etiam si exactè nequeunt sciri dies: Solent enim plerumque dierum minutia annum vel excedentes vel deficientes negligi in historiâ sacrâ & profanâ. Alii denique, *Ecclesiasticum* non loqui de præteritis.

præteritis seculi diebus seu temporibus, sed de futuris qui ad finem usque seculi excurrent; hi mortalius sunt incogniti.

THESIS. IV.

Anni pars quâ conditus est Mundus, respectu ejus terræ partis in quâ *Adam* cum *Eva* est creatus, magnâ probabilitate statuitur Autumnus.

ΕΚΔΕΙΞΙ.

I. Quæstio, Quâ anni parte Mundus sit conditus, præpostera videtur esse duabus de causis:

1. Quia cum ab initio Mundus conderetur, nec ver, nec æstas, nec autumnus, nec hyems fuit. Ratio; Quia partes hæ pendent à certo Solis & Lunæ in signa cœli certa ingressu. Sic ver est anni pars, quâ Arietem Sol ingreditur, & ex Ariete in Taurum, ex Tauro in Geminos progreditur. Autumnus anni pars est, quâ Sol in Libram ingreditur, ex Libra in Scorpionem, ex Scorpione in Sagittarium, &c. Cum igitur ab initio nec Sol nec Luna fuerit, sed quarto demum creationis die cum reliquis sideribus per creationem esse inceperint, consequens est in nullâ anni parte Mundum incepisse. Hoc argumento quæstionem impugnât *Keckermannus*.

2. Quia respectu diversarum terræ partium simul contrariæ sint anni tempestates. Cum enim, ex gr. habitatores sphaeræ obliquæ in medietate Septentrionali habent æstatem, his oppositi in medietate Meridionali hyemem habent; cum ver isti, autumnum hi habent. Mundus igitur cum oppositis anni partibus simul incepit: Unde una anni pars nequit assignari quâ Mundus incepit.

II. Sed respondemus ad priorem rationem; Et si aliquæ Mundi partes sine certâ anni parte ante siderum creationem & motum inceperunt, aliquæ tamen etiam cum certâ anni parte inceperunt, ex nimirum quæ die creationis quarto, quinto, sexto sunt conditæ: Cum sideribus enim, quæ die quarto sunt creata, coeperunt annuæ tempestates. Cum igitur de parte anni quæ Mundo natalis fuit quæritur, sensus hic est, Quam anni partem Sol primo suo in Zodiaco motu inchoavit, respectu situs locorum quæ primi homines coluerunt, quæ & Gentes incolunt quæ eodem tempore easdem cum iis anni tempestates experiuntur: vel, Quæ anni pars fuerit respectu ejus terræ partis in quâ homines primi sunt conditi, cum in universo condendo adhuc Creator occuparetur, & absolutâ sexto die creatione, primi mortales œconomiam suam auspicarentur. Instat *Keckermannus*; Mundum non po-

tuisse, ex gr. à vere incipere, quia verum tempus præcedit hyems: At hyems non præcessit, quia primum illud tempus fuit quod verum appellatur. Sed nulla prorsus hæc ratio: Sic enim sequeretur nullam anni partem respectu certi alicujus terræ sitis unquam fuisse primam, & sic processum dari in infinitum, vel partium anni nullam etiamnum esse successionem ordinatam. Distinguendum igitur *Keckermanno* fuerat inter inchoationem Mundani temporis & inter ejusdem continuationem. In continuatione quidem jam nullum est ver quod hyems non præcesserit; at si tempus à vere inchoatum fuisset, utique non obstiterit quod minis verum fuisset ver, etiam si hyems non præcessisset. Oportuit enim partem aliquam primam esse, quam alia nulla præcesserit, nisi vel processus in infinitum sit admittendus, vel tempus Mundanum omnino negandum.

Ad posteriorem rationem expedita est responsio ex iis quæ jam diximus. Non negamus, respectu diversarum terræ partium diversas anni tempestates simul fuisse, quàm primum moveri Sol in Zodiaco coepit. Itaque quæstionis nostræ sensus non est, Quæ certa anni pars natalis fuerit universo Mundo: sed, ut in thesi & paulò antè diximus, Quam anni partem, respectu loci in quo primi mortales sunt conditi & vixerunt, Sol motu suo primo in Zodiaco descripserit. Ad hujus igitur quæstionis enodationem nos conferimus.

III. Nobiliores sententiæ duæ sunt:

Unâ Astrologorum & Ecclesiasticorum Doctorum, quibus Pontificiorum plerique accedunt, ut scribunt *Patres Conimbricenses* lib. 8. Phys. cap. 2. q. 3. art. 2. Hi igitur Mundum verno tempore procreatum affirmant. Quâ in sententiâ olim quoque *Virgilius* fuit, cujus 2. Georg. hi sunt ver-

*Non alios primâ crescens origine Mundi
Illuxisse dies, aliumve habuisse tenorem
Crediderim. Ver illud erat, ver magnus agebat
Orbis, & hybernis parcebat flatibus Euri.*

Michael Zanardus, Univers. cœlestis dubio 8. sententiam hanc hisce nunit rationibus:

1. Quia Astrologi semper inceperunt annum à mense Martio.

2. Quia *Moses* præcepit Hebræis ut annum à mense Martio inciperent.

3. Quia Ecclesia incipit legere historiam creationis Mundi in Septuagesimâ, circa Martium.

4. Quia verum tempus ad generationem maximè idoneum est: Atqui animalia & germina sunt creata ad generandum. Quam rationem ita proponunt & amplificant *Patres Conimbricenses*; Con-

veniebat

veniebat ut hemisphærio nostro recens nato, quod nobilius est & illustrius, (ut patet ex siderum quæ ad polum arcticum sunt numero, magnitudine, pulcritudine, tum quia sub eo est condita Hierosolyma & Roma) Deus tempus anni largiretur optimum. Atqui tale est verum, ut ostendit ejus amenitas & temperies, & commoditas ad res gignendas, conservandas & ad incrementum provehendas. Pulcrè eandem rationem amplificat quoque *Cælius Rhodiginus*, lib. 1. c. 9.

5. Quia Deus verno tempore, & quidem mense Martio, à servitutis *Ægyptiæ* jugo in libertatem Ecclesiam asseruit, eodémque in utero Virginis nostram assumpsit naturam, & hominum scelera profuso in cruce sanguine expiavit: Congruum igitur videtur ut eodem tempore Mundum & hominem crearet.

6. Mundus aut in vere aut in autumno conditus est: At non in autumno: Ergò in vere. Disjuncti ratio est; Quia nemo in hyeme conditum asserit, nemo in æstate, præter unum *Mercatorem*, qui nè probabilem quidem rationem ullam habet. Assumptio probatur; Si Mundus fuisset in autumno conditus, herbæ, quæ germinare sunt jussæ, primis statim autumnii frigoribus fuissent enectæ: At consequens absurdum. Ergò & antecedens.

IV. Altera *Hebræorum*, & plurium aliorum cum Theologorum tum Philosophorum sententia est; Mundum in autumno conditum esse: Cui & nos in thesi subscribimus, eamque sequentibus argumentis approbamus.

1. Patriarchas & *Judeos* veteres ante exitum ex *Ægypto* anni sui initium fuisse à tempore conditi Mundi, vero omnino est consentaneum: Atqui annum illi suum auspicati sunt ab autumno: Quod sequentibus documentis patescit. 1. Testantur doctissimi *Hebræorum* *Elcazar*, *Abraham Ezra F. Jonatas Chaldaus* Interpretes, & cæteri fere omnes, primum anni mensem olim fuisse *Thisri*, qui in autumnum incidit, unde vox ipsa *Chaldaicè* initium significat, quod annum hic mensis auspicietur. 2. *Alexander Polyhistor* affirmat, testibus *Josepho*, contra *Apionem*, & *Eusebio* lib. 9. *Præpar. Evang.* cap. 4. annorum ab autumno inchoandorum & numerandorum rationem *Abrahamum* Patriarcham accepisse ab *Enoch* Patriarchâ, per manus traditam. 3. *Paraphrastes* Bibliorum *Chaldaicorum*, 1. Reg. 8. v. 2. ait *Æthanim* antiquitus ante Exodum dictum fuisse primum, nunc autem septimum. At septimum mensem in sacris literis autumnalem esse, extra controversiam est. 4. *Josephus*, lib. 1. *Antiquit. Iudaicar.* cap. 4. ait *Diluvium* contigisse anno *æris* *Noæ* 600. mense secundo, qui *Hebræis*

Marchesiam appellatur, respondetque partim *Octobri* partim *Novembri* nostro. 5. *Hieronymus*, super 1. *Ezech.* ait apud omnes Orientales primum anni mensem fuisse *Octobrem*, cui responderet *Thisri*, qui in *Septembri* incipiens sepe in *Octobrem* excurrit: Mensem autem *Nisan*, qui vernus est & post *Exodum* annum auspiciatus est, ante *Exodum* non inchoasse annum, inde palam est, quia novâ lege *D. N. S.* sancit ut in memoriam exitus ex *Ægypto* primus anni mensis habeatur *Nisan*. At si ante *Exodum* quoque primus mensis fuisset, quid attinebat eum novo præcepto *Judaicè* commendare & primum denno constituere? *Hebræos* imitati sunt reliqui Orientales, *Chaldaei*, *Persæ*, *Indi*, *Ægyptii*, qui annum quoque ab autumno sunt auspicati; ut notat *Bodinus*, *Method. hist.* cap. 8. Primum hoc est argumentum pro nostrâ sententiâ.

2. Probatur idem ex lectione Bibliorum in *Synagogis Judæorum*, quæ vetustissimi est instituti. Ita enim lectiones illæ antiquitus fuerunt distributæ, ut semper à mense septimo, qui autumnalis, lectionarium à primo *Geneseos* capite inchoaretur; certè alium nullum in finem quàm ut historia creati Mundi relegeretur eo tempore quo conditus est Mundus, adeoque præter lectionem ipsa quoque temporis circumstantia in memoriam revocaret Mundi creationem.

3. Accedit testimonium *Julii Firmici* *Astronomi*, qui circa tempora *Constantini Magni* floruit. Testatur is antiquam esse sententiam quæ statuit terram in posterioribus *Libræ* partibus, hoc est, in *Septembri* vel *Octobri*, esse conditam. Eadem *Indorum* quoque fuit sententia, qui adhuc *Solis* & *Lunæ* cultores sunt. Et si verò *Græcorum* annus à solstitio æstivo initium habuit, *Asiaticæ* tamen *Olympiadas* & anni caput ab autumno deduxerunt: & *Romani* ab ultimâ antiquitatis memoriâ ab *Idibus* *Septembris* annum sunt auspicati.

4. Cum in eo hemisphærio in quo primus fuit homo, animantia quoque fuerunt vel omnia vel sanè pleraque, credibile omnino est eam anni partem à *Solis* cursu descriptam fuisse quæ aliàs solet omnis generis maturas fruges proferre ad sustentationem animalium; in quo statu quoque conditas fuisse plantas & arbores historia creationis testatur: Atqui pars hæc autumnum est, non ver vel æstas. In vere si dicas maturas quoque fruges esse potuisse ex jussu Creatoris, alienum id quidem non fuerit à potentiâ Dei, attamen cum sapientiâ ejus minùs videtur convenire, quæ plerumque naturæ ordini sapientissimè instituto se accommodat. Cum igitur in vernum tempus ex naturæ instituto maturitas frugum non cadat, sed in autumnum potius, proba-

probabilius quoque est in primâ Mundi origine maturitatem illam in autumnum incidisse quam in ver: Aliàs enim ordinem hunc deinceps Creator mutasset, & ex vere in autumnum maturitatem frugum transfuisset; quod sapientiæ Divinæ minùs videtur consonum.

5. Habet & autumnus singularem quandam præ reliquis anni partibus prærogativam, quæ nostram hanc sententiam probabilem facit: Maximæ enim mutationes quæ omnibus ferè seculis contigerunt, in autumnum inciderunt: Unde hoc quasi characterem hanc anni partem signare voluisse videtur Deus, ut quæ orbi olim habitato natalis fuerat, insigniores orbis mutationes deinceps secum ferret. De mutationibus maximis quæ in autumnino contigerunt, videatur *Bodinus*, lib. 4. De Republ. c. 2.

V. Ad prioris sententiæ rationes sic ordine respondemus:

Ad 1^m. Astrologorum institutum longè recentius est veteri Patriarcharum & *Judaorum* consuetudine, quâ anni initium est sumtum ab autumnino. Videntur autem Astrologi imitati esse consuetudinem *Judaorum* ab exitu ex *Ægypto*, quo, ex mandato Dei, primus anni mensis constitutus *Nisan*, qui in ver cadit, & *Scaligero* & *Bodino* autoribus, respondet Aprilis nostro, aliis Martio, quo Sol ingreditur Arietem, qui primum Astrologis inter signa Zodiaci locum obtinet. Nec obstat nobis quòd *Macrobius* aliam commemorat rationem cur Astronomi inter signa cœlestia primum collocarint Arietem: *Aiunt*, inquit, incipiente die illo qui primus omnium luxit, id est, quo in hunc fulgorem cœli & elementa purgata sunt, qui ideo Mundi natalis jure vocatur, Arietem in medio cœlo fuisse, & quia medium cœlum quasi Mundi vertex est, Arietem propterea inter omnes primum habitum, qui ut Mundi caput in ordio lucis apparuit, lib. 1. in Somn. Scip. Hoc enim si maximè ita haberet, ver tamen propterea Mundo natale necessariò non esset, cum in alio signo Sol cursum auspicari potuerit quam in Ariete: Sed & ista Astrologorum relatio idoneis argumentis vel testibus nullis potest demonstrari.

Ad 2^m. Voluit Moses ex jussu Divino primum anni mensem esse *Nisan*, sed post exitum ex *Ægypto*: Unde colligimus primitus menssem hunc non fuisse primum: Ordinem autem mutavit Deus, & ad recolendam memoriam liberationis quæ in mense *Nisan* contigerat, hunc primum deinceps menssem esse voluit.

Ad 3^m. Aliud est institutum in *Judaorum* synagogis, ut ratione nostrâ secundâ diximus.

Ad 4^m. Firma rationis hujus consequentia nulla est: Primum enim animalia, etsi virtutè prolifica

à Deo in primâ creatione fuere donata, non tamen in illo ipso Mundi exordio, quo creata demum erant animalia, virtutem illam Creator voluit exerceri, & foetus statim novos in lucem edi vel concipi. Sic & germina Deus in statu perfecto unâ cum maturis frugibus creavit, & vim indidit quâ deinceps suo tempore eundem in proferendis frugibus ordinem possent observare. Nec denique necessum erat ut nobilior orbis pars amœniorem & temperatiorem orbis partem primam haberet, velut adversum ei jam non est quòd diversas anni tempestates experitur successione ordinatâ. Voluit autem Deus rationem habere utilitatis potius quam amœnitatis. Autumnus enim alimenta animantibus subministrabat, Deo ordini deinceps futuro se accommodante; quæ ver non suppeditasset, nisi Deo præter temporis rationem potentiâ suâ absolutâ procurante; quo pacto alium deinde ordinem in naturam induxisset; quod verisimile non viderur, ut ratione nostrâ quartâ diximus.

Ad 5^m. Nulla rationis est consequentia, vel certe tanti non est momenti ut in ejus gratiam certiora deseramus documenta, quæ antè produximus.

Ad 6^m. Assumptionem negamus. Prosyllogismi connexum quoque negamus: Illa enim orbis pars in quâ primi mortales erant collocati, quæque generosissimis plantis & frugibus erat exornata, longè erat temperatior quam nostræ regionis; adeò ut autumnus frigus plantis recentibus lethale non fuerit. Deinde, si aliàs ad Dei potentiam confugiant adversarii, cur & hic eam non agnoscunt? Denique, si maximè in locis nonnullis plantæ aliæ quæ perennes non sunt, per frigus enectæ essent, species tamen propterea extincta non esset, quia semina post se reliquissent.

Sic igitur in nostrâ perstamus sententiâ, nempe, Mundum in autumnino esse conditum: Natalem diem nonnulli constituunt 25. Septembris alii 25. Octobris, ineunte vespere quæ *Judaïs* incipit 26. Octobris. Secundum computum ergò *Seihî Calvisii* ad Calendarium Julianum, 26 Octobris, feriâ primâ, creavit Deus rudem & indigestam cœli & terræ molem, cui lucem eodem die addidit, quâ occidente primus dies peractus est: 27. Octobris, feriâ secundâ, Deus expansum condidit, & aquas superioris ab inferioribus determinavit: 28. Octobris, feriâ tertiâ, aquas collegit in certas terræ concavitates, & omnis generis plantas creavit: 29. Octobris, feriâ quartâ, astra condidit: 30. Octobris, feriâ quintâ: pisces & aves condidit: 31. Octobris feriâ sextâ, hominem & animantia terrestria creavit: Inde Calendis Novembris Sabbatum primum est celebratum.

CAPUT XVI.

De Tempore excidii Mundani.

Quæritur de tempore & modo excidii mundani: *Th. I.* Tempus ignotum: *Th. II.* An Mundus perpetuò durare possit per generalem Dei concursum seu influxum: Argumenta pro parte negante: *in d. 1.* Affirmativa defenditur: 2. Solvuntur rationes contrariæ: 3. Certum est Mundum aliquando universalem mutationem subiturum: 4. Rationes Peripateticorum pro perpetuâ Mundi duratione: 5. Sententia Stoicorum de conflagratione Mundi: 6. Nec Peripateticorum nec Stoicorum argumenta sunt firma: 7. Explicatur probabilior ratio mutationis imminenti: 8. Platonis & Pythagoræ sententia de tempore excidii mundani: 9. Judæorum & Rabbīnorum de eodem tempore conjecturæ & vaticinia: 10. Dictum Eliæ de sex millenariis examinatur & reprobat: 11. Respondetur ad conjecturas Rabbīnorum: 12. Variæ Christianorum sententiæ de tempore excidii mundani recitantur & examinantur: 13. Tempus hoc hominibus planè ignotum esse ostenditur: 14. Cur Deus ignotum nobis esse velit tempus mutationis: 15. Digressio in sententiam Chiliastarum. Explicatur ea ex mente quorundam: 16. Ostenditur non omnes idem sentire de conditione regni millenarii, minime verò sanctos Patres Chiliastris faventes monstrosam Cærinthi dogma de regno voluptuario amplexos esse: 17. Quibus nitatur fundamentis saniorum Chiliastarum dogma: 18. Argumenta orthodoxorum & heterodoxorum contra sententiam Chiliastricam: 19. Probabilior judicatur sententia plerorumque Doctorum modernorum regnum millenarium oppugnantium: Interim tamen asseritur, rationes quæ opponi Patribus solent tantum non esse momenti ut sententiæ Chiliastricæ falsitatem evincant, vel hereses eam convincant: 20. Sedes controversiæ hujus, quæ est in 20. Apocal. à versu 4. ad 10. in capita certa distribuitur, & de singulis ordine agitur: 21. Non posse probari ex 19. Apocal. v. 20. Antichristi interitum brevi judicium ultimum antecessurum: 22. Inquiritur in mille annos quibus ligandus Satan dicitur: 23. Ostenditur mille annos definitè esse accipiendos: 24. Probatur mille annos nondum cepisse, multò minus præterisse: 25. Ostenditur Joannem non loqui de solis Martyrum animabus, sed de totis Martyribus corpore & animâ constantibus: 26. Regni millenarii locus terra, non cælum futurum: 27. Probatur per primam solorum Martyrum resurrectionem non intelligi posse resurrectionem improprie sic dictam, hoc est, regenerationem: 28. Exponitur quorundam glossa in illo Joannis verba, Reliqui non reviviscunt, donec expleti fuerint mille anni: 29. Oppugnatur hæc glossa novem argumentis: 30. Exercitus Gog & Magog: 31. Eventus conatuum Satanicorum: *ibid.* Respondetur ad singulas rationes quæ saniorum Chiliastarum sententiæ opponuntur: 32.

THESIS I.

Hactenus de principio durationis Mundi: Ad ejusdem finem properamus, qui Vulgò Mundi excidium appellari solet: In cujus tempus & modum inquiritur.

THESIS II.

Tempus quo mutationem universalem subiturus est Mundus, aliquando fore, inter Christianos extra omne est dubium; etsi quando id futurum sit à nemine mortalium definiri potest: Interim tamen signa nonnulla antecedentia & concomitantia non reticuit Scriptura.

* EXISTENS.

I. De Mundi fine sequentes quæstiones, quæ hanc thesin concernunt, expediendæ veniunt:

1. An possit Mundus perpetuò durare per generalem Dei concursum.

2. An certò futurus sit Mundi finis, & unde certitudo illa habeatur.

3. An sine speciali Divinâ revelatione annus, mens vel dies sciri possit quo mutationem universalem subiturus est Mundus.

4. Si definiri tempus illud non possit, quæ causa sit cur ignotum id Deus nobis esse voluerit.

Pro primæ quæstionis parte negante sequentia produci possunt argumenta:

1. Res creatæ, non obstante influxu Divino qui modò est, indies ad declinationem tendunt: Ergò per hunc influxum perpetuò esse non possunt. Ratio consequentiæ; Quia perpetuum esse nequit quod indies ad declinationem magis magisque tendit.

2. Quod ex contrariis constat, necessariò tandem dissolvitur, etiam non obstante influxu communi, qui contrariorum actiones & corruptiones non impedit.

A a

3. Gene.

3. Generationes & corruptiones non poterunt æternæ esse quoad partem anteriorem, hoc est, necessariò aliquandò cœperunt: Ergò nec quoad posterio rem partem æternæ seu perpetuæ esse possunt, hoc est, necessariò aliquando desinent, præsentem etiam communi influxu Dei.

II. Hanc sententiam minimè probandam iudicamus, ex ratione evidentissimà; Quia impossibile est rem aliquam non durare quamdiu & quatenus à Deo conservatur. Continuatà igitur in omnem perpetuitatem conservatione Divinà, quæ per influxum Divinum significatur, necessariò durabit Mundus; quatenus nempe conservatur. Idem etiam manifestum est ex partibus Mundi maximis, seu corporibus simplicibus, Cœlo, & Elementis, quæ à nullâ re naturali, stante influxu communi, possunt corrumpi: Mistorum enim passio propria est corruptio, uti & generatio: Simplicia, uti per naturam non generari, ita nec corrumpi possunt: quâ de re pluribus suo loco agemus, siquidem elementa corruptibilia esse, recepta Peripateticorum, erronea tamen, meo iudicio, sententia est. Mistorum quoque species nunquam omnes abolerentur, quia ex naturæ lege corruptio unius est generatio alterius. Nec ratio constat quæ à causis naturalibus omnes mistorum species aboleri possint, quas à primâ Mundi infantia usque ad senium illibatas videmus. Imò individuorum numerus non decrevit sed crescit potius in hac Mundi senectâ, si non in singulis, certè in multis locis.

III. Contraria argumenta magni momenti non sunt. Respondeo ad 1^m. Nego consequentiam: Nam si maximè concedamus ad declinationem indies universam naturam tendere, tamen influxu Divino perseverante qui jam est, non poterit penitus interire: nec enim minor ejus efficacia esset futura quàm jam est: Atqui tam efficacem eam modò animadvertimus, ut collabi & evanescere naturam non patiatur. Deinde, antecedentis probatio, de corporibus simplicibus, quoad perfectionem ipsorum substantialem, difficillima erit: A primo creationis momento in hanc usque horam formæ corporum simplicium per se non videntur detrimentum passæ: Mistis si maximè tale quid accidisset, de totis tamen generibus & speciebus omnibusque & singulis individuis id probatu difficillimum esset. Et si diversum nonnullis videretur: de quo paulò post.

Ad 2^m. Propositio simpliciter vera non est: Videmus enim Mundum aliquâ sui parte ex contrariis constantem sex serè annorum millibus incolumem fuisse, per conservationem specierum à Divino influxu causisque naturalibus profectam: Quidni

igitur eundem, eodem continuato influxu, semper continuari posse credamus? Deinde, non omnium contrariorum ea est natura ut perimere se mutuo possint; quia simplicia corpora, salvis suis substantiis, contrariarum qualitatum sunt capacia, ut in elementis videre est, & suo loco à nobis demonstrabitur pluribus. Nec verò simplicia per causas naturales ullo modo corrumpi possunt, ut suo loco docebitur. In mistis locum habet quod vulgò dicitur, *contraria corrumpi à contrariis*: quod tamen non species sed individua tantum concernit.

Ad 3^m. Consequentiam negamus, quia non eadem ratio est æternitatis quoad anteriorem & quoad posterio rem partem: Æternitas enim quoad anteriorem partem tollit generationem naturalem, & actu infinitum infert: Non idem quoad partem posterio rem, seu ratione durationis nunquam finiendæ: in hac enim successio esse potest secundum prius & posterius, neque per eam solam actu infinitum unquam datur. Videantur *Conimbricenses* ad 8. Physicorum.

IV. De secundâ quæstione: Certò futurum Mundi finem seu universalem mutationem, evidentissimè ex sacris literis, quarum de fine Mundi testimonia sunt manifestissima, demonstratur. Matth. xxiv. 35. *Cælum & terra præteribunt*: Quod repetitur Luc. xxi. 33. Rom. viii. 20, 21. *Vanitati Mundus conditus subiectus est, non sua sponte, sed propter eum qui subiecit eum sub spe, quod & ipse vindicabitur ex servitute, interitis in libertatem gloria filiorum Dei* 1. Cor. vii. 31. *Præterit species hujus Mundi*. 2. Petri iii. 7. *Qui nunc sunt cæli & terra, eodem sermone repositi servantur igni in diem damnationis & exitii impiorum hominum*: Et v. 10. *Veniet sicut fur in nocte dies ille Domini, quo cæli stridore præteribunt, elementa verò æstuantia solventur, terræque & quæ in ea sunt opera exurentur*. Heb. i. 11, 12. *Cæli peribunt, tu autem permanes: & omnes ut vestimentum veterascent; ac velut amittum circumvolves eos & mutabuntur*.

Ex hisce testimoniis ita ratiocinatur Augustinus, Epist. 42. ad fratres Madaurense, *Omnia alia, quæ futura prædixerat Spiritus S. in sacris evenerunt, ut de adventu Christi primo, de destructione Hierosolymæ: Idem Spiritus etiam prædixit futurum finem seculi hujus, & Christum secundò rediturum*: Ergò certè eveniet.

V. An verò finem seculi futurum etiam humana ratio absque patefactione Divinâ assequi valeat, vel certitudine infallibili vel conjecturâ saltem probabili, non immeritò queritur.

Philosophi olim Peripatetici & Platonici nonnulli, ut ab æterno Mundum fuisse contenderunt, sic per-

perpetuò etiam duraturum affirmant; quando æternitatis comes est immutabilitas. Rationibus aliis quoque sunt usi:

1. Quòd rerum sublunarium generatio in orbem perpetuò rediret.

2. Quòd elementa totaliter, teste experientiâ, nunquam interirent; cum tota in locis suis manerent.

3. Quòd corpora cœlestia planè incorruptibilia essent.

4. Quòd Mundus capax vitii non esset quo interiret.

5. Quòd materia corrumpi non posset.

6. Quòd animâ immortalì constaret Mundus. Nec verò à Deo corruptum seu destructum iri inde colligebant, quòd improbi putarent esse dissolvere quòd bene compactum esset.

VI. Contrâ Stoicorum sententia fuit, Mundum hunc ardore aliquando conflagraturum, ut Cicero docet lib. 12. *Quæstion. Acad. lib. 1. De divinâ. item Somn. Scipionis.* Sententiæ hujus rationem explicat idem Cicero, lib. 2. De naturâ Deor. *Sunt, inquit, stellæ naturâ flammæ, quæ circa terrâ, maris, aquarum vaporibus aluntur iis qui à sole ex agris tepescunt & ex aquis excitantur, quibus alia renovantur; stellæ, atque omnis æther refundunt eòdem, & rursus trahunt indidem, nihil ut ferè intereat, aut admodum paululum, quòd astrorum ignis & ætheris flamma consumit, Ex quo eventurum nostri putant, id de quo Panætium addubitare dicebant, ut ad extremum Mundus ignesceret, cum humore consumto neque terrâ ali posset, neque remearet aer, cuius ortus aquâ omni exhaustâ esse non posset: ita reliquum nihil præter ignem, à quo sursum, ac de eo renovatio Mundi fieret, idemque ornatus oriretur.* Heraclitus quoque, qui Mundi ignem principium posuit, eundem in igne terminatum iri dixit. Quâ in sententiâ quoque fuerunt Plato & Pythagoras. Idem senserunt veteres Mathematici nonnulli, qui Mundi finem ex inusitatis planetarum conjunctionibus augurati sunt: Vide Augustinum Niphum; in lib. 1. Meteor. p. 56. Ovidius, de Mundi exustione 1. Metamorph. ita canit:

*Esse quoque in factis reminiscitur, ad fore tempus
Quo mare, quo tellus, correptaque regia celi*

Ardeat, & Mundi moles operosa laboret.

Epicurus quoque de Mundi interitû vaticinatus est, Plutarcho teste. Sententiam ejus expressit discipulus Lucretius;

Una dies dabit exitio, multosque per annos

Sustentata ruet moles & machina Mundi.

Item & Brachmanum Indorum sententia est; Bissiola, Horat. subsect. lib. 4. c. 18.

VII. Sed nec Peripateticorum nec Stoicorum & qui hos sequuntur, rationes ullius sunt momenti: Nec enim illi perpetuam Mundi durationem ullâ conclusionum necessitate evincunt, ut in quæstione de æternitate Mundi ostendimus, cum illas ipsas rationes examinaremus: Nec hi finem Mundi efficacius ostendunt, falsâ nixi hypothesi de inflammatione Universi propter humoris consumiti defectum. Sed nè probabilem quidem vel illi vel isti sententiam suam reddunt. Quod enim aiunt Peripatetici & Platonici nonnulli, esse improbi dissolvere quæ bene sunt compacta, improba rationis argutia est, quâ de creaturis suis pro arbitrio disponendi jus Creatori adimitur, & ad rationes reddendas à creaturis Creator citatur.

Eòdem ferè recidit Philonis argumentum, quòd omnium efficacissimum habitum; Non est, inquit, Deus autor & creator & confusionis sed ordinis: Si ergò Mundi procuracionem gerit, non parietur labi ac interire. Hæc ratio Mosén & Egyptium impulset ut diceret, Deum nulla individua præter hominem immortalem curare. Eadem ferè Peripateticorum veterum sententia fuit, qui id non interituum putabant quòd immortalì Deo curæ esset; unde crediderunt formas quidem universales Deo esse curæ, singulares verò & fluxas negligi. Sed ò cæcos mortales! Quasi verò & confusionis autor censei debeat Deus, si in nihilum redire Mundum jubeat, quem olim ex nihilo prodire jussit. Εὐτακτος est quicquid Divinæ voluntati adlubescit: hæc enim prima omnis ordinis mensura est. Illa verò quæ intereunt Deo curæ non esse, quâ fronte, quæso, audent affirmare, cum interire nihil possit nisi volente Deo?

VIII. Probabilior videtur peti posse ratio ex decremento vitæ ac staturæ cum aliorum animantium tum in primis hominum. Quæ enim hominum vita, recente adhuc Mundo, ad mille propemodum annos excurrit, Davidis temporibus ad annos 70 aut 80 est redacta. Jam terminus ferè figitur intra annum quinquagesimum. Eodem modo & staturæ decrescunt. Præter experientiam, testes habeamus magnæ autoritatis viros: Plinii lib. 7. cap. 16. hæc sunt verba, *In plenum autem cuncto mortalium generi minorem indies fieri staturam propemodum observatur.* De eodem ætate suâ conquestus est Virgilius, cum de saxo à Turno projecto loquitur 12. Æneid.

Vix illud lecti bis sex cervice subirent,

Qualia nunc hominum producit corpora tellus.

Et Juvenalis Satyrâ 15.

Nam genus hoc virgo jam decrescebat Homero.

Terra malos homines nunc educat atque pusillos.

Sic & Augustinus, lib. 15. De civit. Dei, cap. 9. & seqq. multis ostendit immutatam esse hominum ætatem, & statutam. Similia habet Lyra in Genesin: Petrus Crinitus, 7. De honestâ disciplinâ, c. 2.

Cùm igitur in homine vitalis & auctrix virtus pene indies debilitetur, probabili conjecturâ inde videtur concludi posse, inferiori saltem huic Mundo insignem aliquam mutationem imminere, nec in hoc statu eum semper permanurum, præsertim cùm senectutis indicia etiam alia præ se ferat manifesta. Insignis hanc in rem Cypriani est sententia, in tract. 1. contra Demetrianum: Quâ in parte (quia ignarus Divinæ cognitionis & veritatis alienus es) illud primo in loco scire debes, sensuisse jam Mundum, non illis viribus stare quibus prius steterat, nec vigore & robore eo valere quo antea prævalebat. Hoc etiam nobis tacentibus, & nulla de Scripturis sanctis prædicationibusque Divinis documenta promentibus, Mundus ipse jam loquitur, & occasum sui rerum labentium probatione testatur. Non hyeme nutriendis seminibus tanta imbrium copia est, non frugibus æstate torrendis solita flagrantia est, nec sic verna de temperie sata æta sunt, nec adco arboris feribus autumnâ fecunda sunt. Minus de effossis & fatigatis montibus eruantur marmorum crustæ, minus argenti & auri opes suggerunt exhausta jam metalla & pauperes venæ. Breviatur in dies singulos & decrevit ac deficit in agris agricola, in mari nauta, miles in castris, innocentia in foro, iustitia in iudicio, in amicitiis concordia, in artibus peritia, in moribus disciplina. Putasne tu tantam posse substantiam rei senescentis exsistere, quanta prius potuit novellâ adhuc & vegetâ juventutē pollere? Minuatur necesse est, quicquid sine jam proximò in occidua & in extrema devertit. Sic sol in occasu suo radios minus claro & igneo splendore jaculatur: sic declinante jam cursu exolevis, cornibus luna tenuatur; & arbor, quæ fuerat antè viridis & fertilis, arescentibus ramis fit postmodum sterili senectute deformis; & fons, qui exundantibus prius venis largiter profusuebat, senectute deficiens vix modico sudore distillat. Hæc sententia Mundo data est, hæc Dei lex est, ut omnia orta occidant, & aucta senescant, ut infirmantur fortia & magna minuantur, ut cùm infirmata & diminuta fuerint, finiantur. Hæc Christianis imputas, quod minuantur singula Mundo senescente? Quid si & senes imputant Christianis quod minus valeant in senectute? quod non perinde ut prius vigeant auditu aurium? cursu pedum, oculorum acie, virium robore, succo viscerum, mole membrorum, & cùm olim ultra ostingerent & nongentos annos vita hominum longæva procederet, vix nunc possit ad centenarium numerum pervenire? Canos videmus in pueris, capilli deficiunt an-

tequam crescant, nec ætas in senectutem definit, sed incipit à senectute: Sic in ortu adhuc suo ad finem natiuitas properat, sic quodcumque nunc nascitur, Mundi ipsius senectute degenerat: ut nemo mirari debeat, singula in Mundo cæpisse deficere, cùm totus ipse jam Mundus in defectione sit & in fine. Hactenus Cyprianus de Mundi senio.

Superior Mundus cùm in inferioris sit gratiam, idem quoque de eo probabili conjecturâ asseritur, præsertim si & illius vires debilitentur, ut multorum est opinio. Dignum observatu est quod Bodinus scribit c. 8. Methodi Histor. Ex omnibus, inquit, nihil admirabilius est quàm quod ad sempiternam posteritatis memoriam Copernicus in libris Revolutionum, deinde Reinoldus, post etiam Stadius, Mathematici nobiles, perspicuis demonstrationibus docuerunt, solis apud terris esse propriorem quàm Ptolemæi ætate (floruit Ptolemæus anno post Christum nato 141. Copernicus ante annos centum) duodecim partibus, id est, uno & triginta terræ semidiametris, vel ut Germani suis spatii metiuntur, viginti sex millibus, sexcentis & sexaginta miliaribus Germanicis. Id autem cùm usu frequenti & exploratâ demonstratione comperit haberet Philippus Melancthon, ad celestium terrestriumque corporum tabescentem naturam retulit. Scaligerum talia ridentem ait ex harum rerum ignorantia sæpe. & quidem pueriliter lapsum esse. Vide Keckermannum lib. 1. System. Astrolog. cap. 3. theorem. 15.

Concludimus ergo secundam hanc quæstionem, & asserimus, Mundi finem infallibili certitudine non posse cognosci nisi ex sacris literis; si verò probabili conjecturâ absque patefactione cognosci possit, rationem quam modò attulimus aliis præferendam esse. Laudat tamen eandem in rem Scaligeri argumentum Bodinus, Omnis, inquit, motus vergit ad quietem, ut videre est in singulis rerum naturis. Igitur orbes quoque celestes ad quietem inclinabunt, quod sine maximâ Mundi mutatione fieri non posse constat.

IX. De tertiâ quæstione. Omnibus ferè seculis aliqui fuere Calculatores quibus Mundi finem indagare curæ fuerit; sententias potiores & nobiliores paucis dispiciemus & examinabimus. A Gentibus rem auspiciabimur. Plato & Pythagoras affirmarunt hanc Mundi partem elementalem post triginta sex millia annorum solum iterumque post, cunctis ejas repetitis partibus, reformatum. Rationem horum triginta sex millium annorum hanc aiebant esse, quod omnis dispositio cœli & orbium celestium naturaliter tanto tempore finiretur: Luna enim cursum suum implet uno mense; Mercurius & Venus, paulò minus annuo spatio; sol, anno integro; Mars, duobus annis; Jovis, duodecim;

Saturus,

Saturnus, triginta; *Cælum crystallinum*, seu primum mobile, horis viginti quatuor; *Cælum stellatum*, annis triginta sex mille. Hoc annorum spatium cum omnes cœli partes ad primæ creationis locum redierint, novâ substantiis cœlorum virtute infusâ, omnia generabilia & corruptibilia eadem numero reditura aiebant. *Seneca* dixit terram naturaliter arsuram cum universa sidera convenerint in signo Cancræ, nempe mense Junio, ex concursu siderum calidorum & frigidorum; sicut ex conjunctione planetarum humidorum & frigidorum Diluvium putatur factum, cunctis sideribus in Capricorno mense Septembri convenientibus. Sed omnia hæc sunt extra historias sacras ex cæcæ rationis arbitrio nata: nec est quoddam puter nunquam futuram ut in uno signo omnia sidera conveniant. Hæc igitur deliria Christiani facile contemnunt. *Augustinus* tradit, lib. 18. De Civit. Dei cap. 53. Paganos fuisse nonnullos qui ex Deorum responso collegerant Christianam religionem annos tantummodo 365. duraturam: quos eventus jam olim refutavit.

X. Jam à Gentilibus ad Judæos transeamus. Antiquissimum est pronuntiatum, quod oraculi vim apud multos habet, *Elia* cujusdam, non quidem Prophetæ *Thesbite*, cujus res gestæ in sacris describuntur, sed Rabbinæ Thalmudici & Cabalistici, quod reperitur in Thalmud *Judeorum*, part. 4. lib. 2. de Sanedrim cap. Helec, & titulo de Idolatriâ, cap. Libne, in hæc verba. Sex millibus annorum erit *Mundus*, & iterum destruetur: duo millia inanitatis & vanitatis; duo millia Legis; duo millia erunt dierum Messie, vel duo millia post Legem, & postea finis erit. Propter peccata nostra, quæ sunt multa & mirabilia, aliquot anni qui desunt non complebuntur. Sexto igitur Mundi millenario elapso Mundum periturum, antiquissima est sententia, multorum suffragiis comprobata: Unde peculiaris enata quoque opinio Chiliastarum, qui pro certo asseriebant, universi exciditum futurum, sex millibus annorum evolutis: Quibus accesserunt ex Patribus baud pauci, *Iustinus Martyr*, *Irenæus*, *Hilarius*, *Hieronymus*, *Lactantius*, qui fidenter admodum & audaçter pronuntiat, l. 7. De præm. Diu. cap. 4. Sciant Philosophi qui ab exordio seculorum millia enumerant, nondum sextum millesimum annum esse conclusum, quo numero expleto, consummationem fieri necesse est, humanarumque rerum statum in melius reformari. Sententiæ huic plurimum tribuit *Philippus Melancthon*. Nos sub finem hujus controversiæ peculiarem sententiæ Chiliastarum digressionem destinabimus.

Ex hoc oraculo nonnulli concluderunt, Sex illa annorum millia non completum iri. Quo etiam re-

tulerunt illud Christi, *Mat. xxiv. 22. Nisi decurrerentur dies, &c.* Ità tamen sententiam plerique moderantur, ut Mundum credant per sex annorum millia integra duraturum, septimo autem millenario interiturum. Conjecturis ad comprobandum hoc variis sunt usi. Cabalisticæ primum *Geneseos* versiculum Hebraicum inspicientes, qui summam totius Mundi continent, observarunt literam N sexies in eo haberi: cum autem N. Hebræis numerum millenarium denotet, concluderunt Mundum per sex annorum millia duraturum. Alii cum viderent sex diebus conditum esse Mundum, & septimo Deum quievissse, concluderunt inde Mundum sex millibus annorum duraturum, & septimo durare desiturum. Si quæras cur ex sex diebus sex annorum millia faciant, respondent ex *Psal. xc. 4. Quia mille anni ante oculos Dei sunt tanquam dies hesternæ, quæ præteritis.* Sic & *Petrus* ait, epist. 2. cap. iii. 8. Ne vos lateat, unum diem apud Dominum esse ut mille annos, & mille annos ut unum diem.

Rabbi *Isaac* idem colligit è primis sex hominibus in generatione *Adami*: Sunt ii *Adam*, *Seth*, *Enos*, *Cainan*, *Mahaleel*, *Jared*. Hi igitur cum fuerint mortui, septimus autem *Enoch* vivus in cœlum translatus, existimant per sex illos homines sex annorum millenarios insinuari, quibus labor & mors in Mundo regnarunt; per septimum autem, in septimo millenario, initium quietæ immortalitatis.

Conjecturas alii addunt sequentes: Quia arca *Noe* requievit mense septimo: *Josua* oppidum *Fericho* sexies circumivit, semel singulis diebus, septimo autem die muri civitatis corruerunt; *Moses* nube involutus fuit sex diebus, *Exod. xxiv.* septimo vocatus est à Deo; Hebdomadæ septem datæ sunt populo *Israelitico* ad metendum, *Deut. xvi.* quæ magna septem secula designant; Septem erant anni, & eorum ultimus erat annus remissionis: Septem tubæ & septem sigilla *Apocal. viii.* idem præsentant. Multa de hac Rabbinorum sententiâ habet *Paulus Ricinus*, in Epitomè doctrinæ Thalmudicæ, pag. 267.

XI. Utur autem *Elia* illud dictum in magno apud nonnullos magnæ autoritatis viros sit pretio; à multis tamen magni nominis Doctoribus fides ei nulla habetur.

Inter Patres sunt *Ambrosius*, lib. 7. Comment. in *Lucam*; & *Augustinus*, in *Psal. 89.* Epist. 80. ad *Hesychium*.

Inter Pontificios, *Beda*, lib. De ratione tempor. cap. 65. *Dominicus Soto*, lib. 4. Sent. dist. 43. q. 2. *Be-roaldus*, *Chronic. sacr. lib. 2. cap. 2. 3. Pererius*, l. 1. in *Genes. Num. 190, 191. Suarezius*, tom. 2. Disp. 53. §. 2. *Remalcus*, part. 1. *Harpocratis Divini*, thes. 13.

Inter Orthodoxos, *Zanchius*, in tract. de fine seculi; *Petrus Martyr*, loco 17. de fine seculi; *Tossanus*, Comment. in 2. *Petri*; *Sohnius*, Disp. 17. de fine seculi, thes. 24. *Bucanus*, loco 38. q. 34. *Beza*, in 2. *Pet.* 3. & *Mar.* 13. & 1 *Thess.* 5. *Quirinus Reuterus*, Supplement. Comment. *Zanchii* in 2. ad *Thess.* *Junius*, in 3. *Bellarmini* controvers. pag. 390. *Beumlerus*, lib. De Antich. pag. 16. *Musculus*, Com. in Gen. pag. 53. *Wittakerus*, Disp. de Antich. q. 5. in resp. ad 3. *Bellarmin.* argum. Et in his præcipue *Perkinsus*, tom. 2. in dial. de fine & consummat. seculi, ubi prophetiam de sex millenariis vanitatis arguit, I. Quia non est à Prophetâ perfectâ, sed à fanatico quodam *Judæo*, quem *Judæi* mentiuntur Prophetam *Eliam* esse: Etsi alii aiunt eum fuisse filium viduæ *Sareptanae*, socium ac discipulum *Eliæ* Prophetæ, qui ab *Eliâ* ex mortuis in vitam revocatus Prophetâ evaserit, individuus *Eliæ* comes: Hunc *Jonam* fuisse Prophetam contendunt. Sed nugæ hæ sunt & meræ fabulæ *Thalmudicæ*, inter quas, & nulli aliâs, istud *Eliæ* dictum reperitur. II. Quia *Chronologiæ sacræ* contrarium est: Numerat enim à Mundo condito ad legis promulgationem, annos 2000. atqui constat præterisse annos plures quàm 2500. A lege latâ ad *CHRISTI* mortem, quâ lex abolita, numerat iidem annos 2000. atqui non effluxerunt nisi 1540. vel 1570. circiter. Turpiter igitur *Elias* iste hallucinatur & prophetæ suæ vanitatem prodit.

XII. Rationes seu conjecturæ quibus utitur omnes vitio consequentiæ laborant. Ineptum prorsus est quod dicitur de literâ *N.* sexies in primi *Geneseos* versiculo repetitâ, ex *Cabalistarum* paradoxis & somniis petitem, quod nec Scripturâ nec ratione probabili ullâ fulcitur. Quæ verò illius consequentiæ ratio quæ necitur ex sex diebus creationis, ut & allegatis locis in quibus mille anni coram Deo dicuntur ut unus dies? Sensus dictorum illorum alius nullus est quàm quod apud Deum nulla sit temporis successio, cum æternitas, quam Deus inhabitat, sine ulla successione tota sit simul. Nil enim, inquit *Augustinus*, præterit in æterno, & nihil futurum: Itâ & quod præterit, esse definit; & quod futurum est, nondum cæpit esse. Æternitas enim tantummodo est; nec fuit, quasi jam non sit; nec erit, quasi jam non sit. Unde beatas *Petrus* redarguit eos qui Domini adventum in lusum sint versuri, & inane terculamentum esse dicunturi, eò quod ex die quo patres obdormiverunt omnia itâ permaneant ab initio creationis: Horum igitur profanitati occurrit *Petrus*, atque moram illam, utut videatur prolixissima, in Dei tamen conspectu nul-

lam esse, cum mille annorum fluxus in conspectu Dei perinde sit atque dies unicus, & unus dies perinde ac mille anni, h. e. longissima mora perinde ac brevissima, & brevissima perinde ac longissima. Sed ingeniosè argumentum hoc invertit *Perkinsus*. Nam si *Chiliasiti* huic in modum argumentari licet, Mille anni in conspectu Dei perinde sunt ac dies unicus: Ergo Mundus, qui sex dierum spatio est conditus, post sex annorum millia interibit, quidni & aliis hunc in modum inferre liceat, Unus dies in conspectu Dei perinde est ac mille anni: nam & hoc *Petrus* dicit: Ergo Mundus, si ex sententiâ *Chiliasitarum* sex annorum millia est duraturus, non nisi sex dies durabit: Item & hunc in modum, Unus dies est coram Deo ut anni mille: Ergo Deus sex mille annorum spatio Mundum condidit, quia sex dierum spatio condidit.

Reliquæ conjecturæ quæ recensentur, adhuc frigidiores sunt: ad quas prolixè respondet *Remalcius* in *Harpoer.* sui part. 1.

Sed quis maximè concedat, in fine sexti millenarii Mundum mutatum iri, (ut enim pro certo id nequit affirmari, sic nec evidenti ratione potest negari) de anno tamen hujus mutationis nihil certi posse pronuciari; quia propter *Chronologiæ* varietatem, quam suprà notavimus, incertum est quàm longè absumus ab anno hoc sexies millesimo. Si receptam eorum computationem sequamur qui à condito Mundo ad *CHRISTUM* natum numerant 3963. ab hoc 1624. anno ad Mundi finem adhuc restabant anni 413. Sed sex hos millenarios alii contendunt non completum iri, & sic proprius adesse dies ultimus: quod quidem valde verisimile multis videtur, etsi annus planè incertus est. Alii eos completum & in septimum millenarium Mundi finem reservatum iri putant; qui & ipsi multò minus quod pro certo affirmant habent.

Omnia igitur nobis incerta & dubia sunt. Interim tamen non contemnimus distinctionem durationis *Mundanæ* in sex ætates, quam tradit *Augustinus* lib. 1. super Gen. contra *Manichæos*: Prima est ab *Adamo* usque ad *Noam* seu *Diluvium*, annorum 1656. Secunda, à *Noacho* ad ortum *Abrahami*, secundum *Pererium*, annorum 292; vel, comprehensâ generatione *Cainan*, 322. Tertia, ab *Abrahamo* usque ad *Davidem*, annorum 942. Quarta, à *Davide* usque ad captivitatem *Babylonicam*, annorum 473. Quinta, à captivitate *Babylonicâ* usque ad natum *CHRISTUM*, annorum 630. Sexta, à nato *CHRISTO* usque ad finem Mundi, incertæ & mortalibus incompetæ durationis. Nam (ut alibi quoque scribit *Augustinus*) ut ætas hominis novissima, hoc est, *Senectus*, certo numero annorum definiri ne-

quit,

quit, sicut cæteræ hominis ætates, Pueritia, Adulescentia, Juventus, & ætatis, ita Mundi novissima ætas determinari certis annis nequit.

XIII. Tertiò jam videamus etiam aliquot opinioniones quæ à Christianis proflexerunt.

Episcopus quidam *Hesychius*, *Augustini* tempore, extremi iudicii annum investigari posse credidit, itaque calculo incubuit. Inter alias conjecturas quibus usus est, fuerunt & 70. Septimanæ *Dan. ix.* Unde à simili ita colligit, Sicut à tempore vaticinii *Danielis* ad primum Christi adventum intercesserunt 70 septimanae, id est, anni 490: ita à primo Christi adventu ad secundum intercedent totidem septimanae annorum, anni nempe 490. Eventus calculum refutavit. Prolixam ad Episcopum hunc epistolam scripsit *Augustinus*, quæ numero 80. in quâ ad omnes ejus conjecturas respondet, & tempus hoc investigari non posse ostendit.

Lactantius, qui vixit anno Christi 300. Mundi finem retulit ad annum à Christo nato 500. Omnis, inquit suo tempore, expectatio non amplius quàm ducentorum videtur annorum. Et hunc calculum eventus refutavit.

Augustini temporibus quidam ab ascensione Domini usque ad finem seculi numerarunt annos 400: alii, 500; alii, 1000: ut refert lib. 18. De Civit. Dei, cap. 53.

Abulensis scribit, in cap. 22. Mat. q. 231. fuisse qui Mundi finem retulerint in annum à Christo nato 1048, propter conjunctionem Saturni & Jovis factam anno 1044. mense Junio, in signo Cancri, usque ad annum 1048. Et hos eventus refutavit.

Aliis Mundo fatalis annus est visus à Christo nato 1260. quia *Apoc. xii. 6.* Joannes vaticinatur, mulierem, id est, Ecclesiam, in desertum fugituras, ut habeat locum paratum à Deo, ut illic pascant eam diebus 1260. Hos igitur dies illi interpretantur annos, quibus Ecclesia in terris hisce militans sit circumscribenda. Sed & hos refutavit eventus.

Arnoldus quidam, teste *Mantuano*, lib. 3. De patientiâ, c. 39. Mundi finem retulit in annum Christi 1355, ob conventum trium Planetarum superiorum in *Aquario*; vel in annum Christi 1464, ob connexionem Saturni & Jovis in *Piscibus*. Et hunc eventus refutavit.

Nausea scribit, in libello De consummatione seculi, Astronomos quosdam ob planetarum & signorum coelestium conjunctionem pro certo affirmasse, Anno Domini 1524. Mundum magnâ sui parte diluvio periturum: Unde nonnulli navigiorum, alii montium, alii arcium & ædificiorum præcelsum ope nixi sunt evadere.

Simili modo *Tholosanus* Doctor Astrologus certum diem nominavit quò secunda alluvio generalis esset futura: unde ad exemplum *Noe* arcam fabricari jussit: At dies ille, quo diluvium obtingere debuerat, serenissimus hominis levitatem omnibus deridendam proposuit.

Michael Stifelius, Pastor in *Saxoniâ* vicinâ, insignis Arithmeticus, ex supputatione quadratorum numerorum, tanquam ex Divinâ revelatione, diem ultimi Judicii futurum prædixit anno 1533. 3. Octobris, circa 10. diei horam. Quo vaticinio moti plurimi in *Saxoniâ* rustici, posthabitis laboribus rusticanis, omnia sua bona decoxerunt, eâ spe freti fore ut libero deinde commeatu in cœlum deducantur. *Stifelius* autem ad dictum diem, suggestu consensu, rusticos suos bono jubet esse animo, instare enim tempus quo ut quisque vestitus erat in cœlum essent consensuri. Cum autem in templo frustra diu expectassent, tandem de cathedrâ *Stifelium* deturbant, ligatum *Wittebergam* trahunt, ibidemque accusant. Refecerunt nonnulli *Stifelium* collegisse vaticinium suum ex verbis istis, *VIDebit In qVem transfixerunt*, quorum literæ numerales continent numerum 1533.

Alii cum politiam *Judaicam* intelligerent durasse annis 1582, totidem quoque annis *Gratiæ* regnum circumscriperunt. Et hos refutavit eventus.

Leovirtius quidem natione *Bohemus* Mundi interitum retulit in annum 1584, ob magnam Planetarum conjunctionem in *Tauro*. Et hunc eventus refutavit. Acriter à *Bodino* castigatur lib. 4. De Repub.

Joannes Regiomontanus, Mathematicus celeberrimus, prognosticon de anno 1588, tale vulgavit.

Post mille expletos à partu Virginis annos,

Et post quingentos rursus ab axe datos,

Octuagesimus octavus mirabilis annus

Ingruet, & secum tristia fata trahet.

Si non hoc anno totus malè concidit orbis,

Si non in nihilum terra fretumque ruat,

Cuncta tamen Mundi sursum ibunt atq; deorsum, &c. Eadem de hoc anno vaticinati sunt *Joannes Stofflerus*, insignis Astrologus, & *Heinricus Ranzevius* Prorex *Chersonesi Cymbricæ*. Sed & hos eventus refutavit: nisi quodd hoc anno in diversis regnis res maximæ gestæ fuerint: Inter quas eminet navale prælium longè maximum inter *Philippum III. Hispaniæ* Regem & *Elisabetham Angliæ* Reginam. Rex *Hispaniarum*; cum concilia agitare de *Angliæ* regno sub jugum suum redigendo, totum fermè triennium insumsit in classe magnificentissimâ & validissimâ apparandâ, quæ instructa fuit navibus militaribus grandibus 150, militibus

veteranis ex *Hispaniâ*, *Italiâ* & aliunde collectis 20000, nautis 10000, tormentis bellicis 2650. Solvit hæc classis à portu *Ulyssibonensi*, 28. Maii, & *Angliam* petiit. Tandem verò cum *Anglia* appropinquasset, partim tempestatibus, partim *Anglorum* virtute labefactata & felicissime profligata fuit, exercitu *Hispanorum* numerosissimo fuso, multis trirēmibus submersis & captis. Scribunt in toto *Hispaniâ* regno nullam fuisse nobilem familiam quæ è suis aliquos non desideraverit, quos clades ista absumserat.

Alii tot Jubilæis in statu suo pristino permanfurum Mundum prædixerunt quot *CHRISTUS* annos in terris exegit: Exegit autem annos triginta tres: Jubilæi igitur triginta tres annos conficiunt 1650. Secundum horum sententiam ad Mundi finem adhuc nobis superessent 26. Sed lubricum hoc esse fundamentum quis non videt? Quod enim pro concessio ipsi sumunt, ipsum illud est quod in quaestione versatur.

Philippus Nicolai finem Mundi refert ad annum à Christo nato 1670. Habet ille præter alias conjecturas & hæc duas. Primum, inter se confert tempora utriusque *Adami*, primi & secundi: Ut enim primus *Adam* à primo inobedientiæ lapsu usque ad universale Diluvium annos habuit 1656, sic ab anno *CHRISTI* 13. quo secundus *Adam* Redemptor *Hierosolymis* in Templo sedens primum suæ obedientiæ activæ specimen publicum edidit, usque ad annum *CHRISTI* 1670 totidem anni evolventur. Deinde, Jubilæi Ecclesiæ 33. cum dimidio desinunt quoque in annum 1670. Alia similia videantur apud ipsum, toto libro 2. Comment. De regno Antichristi. Ex hujus ergo sententiâ anni nobis restarent ad Mundi finem 46. Sed nihil solidi hominis hujus habent auguria: Prophetias enim abstrusas ad libitum torquet.

Osiander quoque suis quibusdam conjecturis ductus Mundi finem refert ad annum Christi 1689. Superessent igitur anni adhuc 65.

Alius quidam Calculator, contra quem integrum tractatum scripsit *Remaleus* Pontificius, annum à Christo nato 1700 Mundo fatalem futurum prædicit. Inter alias conjecturas & hanc habet: Quia ab exordio humani generis usque ad Diluvium effluxerunt decem & septem parva secula: Ergo etiam in decimo septimo parvo seculo à restauratione per Christum factâ Mundus finiri debet: Quia verò decimo septimo parvo seculo ante Diluvium defuerunt anni 44, (à condito enim Mundo ad Diluvium effluxerunt tantum anni 1656.) idcirco putat destructionem hanc incepturam anno post Christum natum 1656, & consummagam iri 1700.

Idem omnibus quoque iis nititur conjecturis quas ad *Elie* sententiam de sex millenariis recitavimus: de quibus singulis prolixè differit *Remaleus* in Harpocrate suo. Secundum Calculatoris hujus sententiam anni adhuc reliqui essent 76.

Picus Mirandulanus & alii annum judicii nominant à nato Christo 1728. Numerum hunc deducunt ex duodenario (in quo stare aiunt firmitatem Reipubl. Christianæ) è cubo suo & superficie multiplicato. Anni igitur adhuc superessent 104.

Alii annum à nato Christo 1867. Mundo fatalem producant, quia *Apoc.* xi, xii, xiii. Antichristi potentia duratura dicitur annis 1260. Annos hosce aiunt computandos esse ab anno Christi 607, quo Antichristus est manifestatus, Papâ *Bonifacio* titulum *Oecumenici Episcopi* à *Phocâ* acceptum primo usurpante.

Alii Antichristum post revelationem ejus regnaturum suspicantur tres annos cum dimidio, idque colligunt ex *Apoc.* xi. ubi gentibus, hoc est, Antichristo, & ejus membris, datum legitur ut civitatem *Dei* calcant mensibus quadraginta duobus, qui tres annos cum dimidio conficiunt. Post elapsum verò hoc tempus Antichristo in sanctos concessum Agnus veniet, & Antichristum interficiet, *Apoc.* xvii. Referrunt quoque huc illud *Danielis*, Tempus, tempora & dimidium temporis. Annos verò illos tres cum dimidio Jubilæos esse aiunt: unde anni conficiuntur 175. Cum igitur revelatus sit Antichristus, ex ipsorum sententiâ, ante annos 100 circiter, anni adhuc ad secundum Christi adventum superessent 75. Sed parum in conjecturis hisce probabilitatis est, ut *Zanchius* monstrat.

Alii recurrunt ad vaticinium *Danielis*, xii. 11, 12. A tempore quo ablatus fuerit jugis cultus, & posita derestatio desolationis, dies erunt mille ducenti novaginta. Beatus qui præstolabitur & perveniet ad dies mille trecentos triginta quinque. Mundi finem hic putant indigitari: Per dies autem intelligunt annos qui reliqui erant à tempore *Danielis* ad finem Mundi: Anni illi omnes simul sumti annos conficiunt à tempore vaticinii ad Mundi finem 2625: à quibus si subtraxeris annos 600, qui à tempore vaticinii usque ad primum Christi adventum effluxerunt, ad Mundi usque finem remanebunt 401. Falsâ calculatorum hosce niti hypothese ostendit *Zanchius*, Tract. de fine seculi.

Alii à nativitate Christi ad Mundi finem tot annos futuros affirmabant quot sunt in Psalterio versus, nempe 2527. quæ omnium vanissima videtur conjectura.

Alii denique ad quatuor Monarchias recurrunt, de quibus *Dan.* ii, & vii. Cumque tres funditus sint

sint deletæ, quarta verò in varias dissecta partes : *Turcarum* verò regnum (de hoc enim cornu illud unum inter decem priora cornua accipiunt.) ad summum usque fastigium pervenerit, adeo ut *sanctis* prævaleat parùmque absit quin putet se posse *mutare leges & tempora*, conjiciunt inde parùm superesse temporis ad secundum Christi adventum. *Antiquus* enim *dierum* venturus dicitur cùm cornu illud ita prævaluerit. Quà de conjecturâ videatur *Zanchii* sententia, in tractat. sæpius allegato.

Si præsentium temporum prophetias de fine seculi liberet examinare volumen satis spissum labor hic absumeret : Quod enim *Germaniæ* nostræ est antrum quod de fine seculi & præsentium turbarum eventu vaticinia non spirat ?

De anno quem jam agimus, à *CHRISTO* nato millesimum sexcentesium vicesimum quartum, quot, quæso, per orbem intra triennii spatium chartæ volitarunt quæ aurei in eum seculi exordium conjecerunt ! Inter Prophetas hosce familiam ducit *Paulus Nagelius*, qui vaticiniis suis planè prophetiâ fiduciâ promulgatis multorum animos hætenus suspensos tenuit, dum insignium mutationum momenta in Calendariis suis notavit. Scriptis etiam compluribus nescio quas visiones & arcanorum apocalypses prædicavit, tantâ animi fiduciâ ut nè ab eventu quidem contraria monstrante vaticiniorum suorum veritatem suspectam debere reddi contenderit ; *Saxonici* subinde, ad fidem impetrandam, dilationibus sibi indultis. Mihi quidem, aliorum exemplo, virum illum exagitare non est animus ; in quo unum hoc probo, quòd feriâ viræ nostræ emendatione imminentes poenæ effugere publicus poenitentiae præco jubet : Attamen vitio, opinor, nemo mihi verteret, si majorem illi vel in arcanis revelandis sapientiam vel in ignotis reticendis prudentiam exoptem.

XIV. Expensis igitur pluribus hætenus sententiis, in quibus solidi nihil est aut sani, ad Scripturam nos conferamus, & quid ad tertiam ea quæstionem respondeat audiamus. Summa responsonis hæc est, *Non posse à nobis certum definiri tempus extremi judicii & mutationis universalis*. Scripturæ testimonia quibus hoc comprobatur sequentia sunt : *Dan. xii. 8. Dixit Daniel, Domine mi, quis finis istorum ?* (intelligit miseria Ecclesiasticas) *Et ille, Abi, inquit, Danielnam ocluse & obsignatae sunt hæc res : usque ad tempus determinatum*. Observandum, ortam illam esse *Danielis* quæstionem ex Angeli tempus illud obscurissimè indigitantis responstone, fore nimirum finem post constitutum tempus, post con-

stitutum tempus, & partem temporis. Quòd si autem hoc oraculum *Daniel* intelligere non potuit, nec verò ei explicare id Dominus voluit, quid miseri nos mortales ausimus hic definire ? imò quid scire præsumamus quod nè Angeli quidem in cælo sciunt ? quod olim nec Filius hominis Christus, quâ homo, scivit ? sic enim Christi verba habent, *Marc. xiii. 32. De die illo & horâ nemo scit, nè Angeli quidem qui in cælo sunt, nec ipse Filius, sed solus Pater*. Cavete, vigilate, orate : nescitis enim quando tempus illud sit futurum. Sic *Act. i. 6. sciscitantibus discipulis* ecquando Christus regnum *Israelis* restitutus esset, respondet Servator, *Non est vestrum scire tempora sive opportunitates, quas Pater in suâ ipsius potestate posuit*. Sic *Animabus, Apoc. vi. 9, 10, 11. quærentibus* ecquando tandem plenaria liberatio futura sit, respondetur, *ut requiescant adhuc paululum temporis, usque quo compleantur etiam & conservi & fratres eorum* : Tempus hic ipsis nullum significatur.

Ad locum ex *Marco* allegatum respondet quidam, (nisi memoria me fallit, *Nagelius*) *Licet dicat Christus, Nemo scit, non tamen dicit, Nemo sciet*. Resp. 1. Catholica est Christi assertio respectu hominum & temporum, *Nullus homo, vel nulla pura creatura, quæcunque tandem illa sit, diem illum scit aut sciet*. Exclusiva enim, *solus Pater*, vel non nisi *Pater*, scientiam hanc adimit omnibus qui non sunt *Pater*, vel ejusdem omniscientiæ Divinæ cum *Patre* participes ; & sic istius non tantùm seculi tum præsentis, sed & omnium quæ futura erant, hominibus ignotum esse diem illum ostendit. 2. Si sancti Angeli in cælo diem illum ignorarunt, & adhuc ignorant ; (*Solus enim Pater novit*) quid miseri nos peccatores scientiam illam nobis vendicemus ?

3. Nec ratio reddi potest idonea cur Apostolis scientiam illam negare Christus voluerit, aliis verò post Apostolos Doctoribus, quos inter & Apostolos discrimen est immensum, patefacere. 4. Ratio quoque reddi nulla potest cur nostrum potius sit quàm Apostolorum scire diem illum & opportunitates quas Pater in suâ potestate posuit. 5. Si ita Scripturas liceret interpretari, omnes sententiæ quæ in præsentia aliquid negativè vel affirmativè enunciant, perverti possent : Ex. gr. *Paulus* dicit *Rom. 3. legem non inanem reddi per fidem* : sed non dicit, legem non inanem redditam esse, vel redditam iri. Sic cap. 4. dicit, *Ei qui credit in eum qui justificat impium, imputatur fides pro justitiâ*. Dicit hic posset Apostolum quidem de præsentia loqui, sed non de præterito, seu futuro. Quid verò tandem de Scripturâ fieret ?

Instat

Instat idem, A Christo è vestigio subjungi, *Sicut in diebus Noe, ita erit adventus Filii hominis*: Unde colligit, sicut Noe Dominus revelavit diluvium, ita & suis diem ultimum prænuntiabit. *Resp.* Paritas hæc malè applicatur, quæ non ad patefactionem referenda, sed ad inopinatum utriusque iudicii adventum: Ut enim Noe temporibus præter impiorum expectationem diluvium venit, & omnes consumit; sic & ultimum iudicium venit præter hominum profanorum expectationem: omnia enim illi in eodem statu permansura somniant, ut Petrus prædicat, velut olim à diluvio sibi non metuebant improbi.

At eundem locum & aliam responsum proferit, Christum dicere diem & horam ignotam esse, attamen de anno & tempore non loqui. *Resp.* Dum diem & horam sciri posse negat, annum quoque & in genere tempus destinatum præsciri ab hominibus posse negat: quod ex altero loco probari potest, *Act. i.* quo ait Christus, *Non est vestrum scire tempora & opportunitates.* Accedit quod Scripturæ valde familiare sit diei nomine tempus indigere. Eandem tueretur sententiam Augustinus *Epist. 80.* ad Hefychium. *Non potest determinari tempus, quando sit futurum, nec de mense, nec de anno, nec de centum nec de mille annis: nullus enim Prophetarum determinatè prædixit tempus adventus Christi.* Scriptura ut ignotum hunc fore diem significet, appositis aliquot utitur similitudinibus: Quarum prima ab irruptione furis inopinata, *1. Thessal. v. 2.* *Ipsi penitus scitis diem illum Domini, ut furem in nocte, ita venturum esse.* *Luc. xii. 39.* *Hoc autem scitote, si sciret paterfamilias quâ horâ fur venturus sit, vigilaret, nec sineret perfodi domum suam: & vos igitur estote parati, quia quâ horâ non putatis, Filius hominis veniet.* Repetitur idem simile *Matth. xxiv. 43. 2. Pet. iii. 10. Apocal. iii. & xvi. 15.* Secunda à doloribus gravidam obruentibus, *1. Thess. v. 3.* *Cum dicent, Pax & iuta omnia, tum repentinum eis imminet exitium, sicuti dolor partus mulieri uterum ferenti.* Tertia, à vibratione fulguris momentaneâ, *Matth. xxiv. 27.* *Sicuti fulgur exit ab Oriente, & apparet usque in Occidentem, ita etiam erit adventus Filii hominis.* Quarta, à repentinâ laquei implicatione: *Luc. xxi. 35.* *Ut laqueus invadat in omnes qui habitant in superficie terræ.* Huc etiam referenda comparatio inter diluvii & ultimi iudicii diem instituta *Matth. xxiv.* item similitudo de servis adventum Domini sui ignorantibus.

Sic igitur cum Scripturâ concludimus, finem Mundi mortaliū nulli cognitum esse posse nisi per specialem revelationem, quam tamen nulli uspiam Deus promittit. Pulcherrima hæc de quæstione epi-

stola est Augustini ad Hefychium, quam sæpius jam allegavimus: sub cuius finem tutissimam dicit esse professionem ignorantie temporis huius. Verba ejus proluxa quidem sunt, dignissima tamen quæ referantur & observentur. Sic igitur Augustinus, *Error in utroque vitandus est, quantum ab homine vitari potest, sive citius sive tardius quam futurum est Dominus adventurus esse credatur: sed mihi quicquam non videtur errare, cum aliquid nescire se scit, sed cum putat scire quod nescit.* Removeamus itaque de medio malum servum, qui dicens in corde suo, *Moram facit Dominus meus venire, dominatur servis suis, & ebriosis convivando miscetur: iste procul dubio Domini sui odit adventum.* Quo servo malo remoto, constituamus ante oculos tres servos familiam Dominicam diligenter sobrièque tractantes, adventum Domini sui strenue desiderantes, vigilanter expectantes, fideliter amantes. Si unus eorum citius, aliter tardius Dominum putat esse venturum, tertius verò suam hæc de re ignorantiam confitetur, quanquam omnes consonent Evangelio, quia omnes diligunt manifestationem Domini & vigilanter expectant, videmus tamen quis amplius consonet. Unus dicit, Vigilemus & oremus, quia brevis & incerta est vita quamvis tardius venturus est Dominus: Alter dicit, Vigilemus & oremus quia citius venturus est Dominus: Tertius dicit, Vigilemus & oremus, quia & brevis & incerta est ista vita, & nescimus tempus quando venturus est Dominus: Evangelium dicit, Videte, vigilate & orate, nescitis enim quando tempus sit. Obsecro te quid aliud dicere audimus hunc tertium quam quod dicere audimus Evangelium? Omnes quidem tres præ desiderio regni Dei hoc volunt esse verum quod putat primus, sed hoc secundus negat, tertius verò non negat aliquid horum, sed ignorare se videt quis verum dicat illorum. Proinde si hoc factum fuerit quod prædixerat primus, gaudebunt cum ipso secundus & tertius: omnes enim manifestationem Domini diligunt, exultabunt igitur citius venisse quod diligunt. Si autem factum non fuerit, & apparere cæperit hoc potius esse verum quod dicebat secundus, metuendum est ne inter ipsas moras perturbentur qui crediderant quod dixerat primus, & incipiant Domini adventum non tardum putare sed nullum: quod vides quantum sit interitus animarum. Quod si tantæ fidei fuerint ut se ad secundum prædicta convertant, & Dominum etiam tardantem fideliter ac patienter expectent, abundant tamen opprobria & insultationes atque irrisiones inimicorum multos infirmos à Christianâ fide convertentium, dicendo tam fallaciter eis regnum esse promissum quam fallaciter dicebatur citò esse ven-

rum. Qui autem credunt quod secundus dicat, tardius Dominum esse venturum, si falsum fuerit inventum, citius Domino veniente, nullo modo, qui ei crediderant, turbabuntur in fide, sed inopinato gaudio perfruentur. Qua propter qui dicat Dominum citius esse venturum, optabilius loquitur, sed periculosè fallitur: Utinam ergo sit verum, quia erit molestum si non erit verum: Qui autem dicit Dominum tardius esse venturum, & tamen credit & sperat ejus adventum, profecto celeritate ejus etiamsi fallitur, feliciter fallitur: Habebit enim majorem patientiam, si hoc ita erit; majorem lætitiā, si non erit. At per hoc ab iis qui diligunt manifestationem Domini, ille auditur suavius, isti creditur tutius. Qui autem quid horum sit verum se ignorare conficitur, illud optat, hoc tolerat, in nullo eorum errat, quia nihil eorum affirmat aut negat. Hactenus Augustinus.

XV. Hactenus tertia questio. Sequitur, quarta, Cur Deus ignotum nobis velit esse tempus mutationis universalis. Primaria autem oculationis hujus causa hæc est, Ut incerti de tempore perpetuo vigilemus & oremus, ne incautos nos obruat tremenda illa dies. Rationem hanc ipse Christus insinuat, Matth. xxiv. 42. Vigilate ergo: nescitis enim quā horā Dominus venturus sit. Et Marci. xiii. 33. Cavete, vigilate, orate: nescitis enim quando tempus illud sit futurum. & v. 35. Vigilate igitur: nescitis enim quando Dominus domus veniet, vespere, an in mediā nocte, an in gallicantio, an mane, ne cum repente venerit, inveniat vos dormientes. Deus igitur, dum ignotum nobis tempus hoc esse voluit, in singula momenta paratos nos esse voluit, quia singulis momentis fieri potest ut Dominus veniat. Itā sane perquam utilis nobis est hæc ignorantia ad securitatem excutendam. Elegantibus verbis rationem hanc eloquitur Hilarius, lib. 9. De Trinit. Cur autem extremi diei scientia absconsa sit, non in obscuro est. Namque dum monet nos irremissā fide inventos semper manere, securitatem cognitionis ademit, ut pendula expectationis incerto mens sollicitata festinans, & adventus diem semper expectans speret, curāque pervigilem incertum ipsum non ambigendi tamen temporis detineret. Eodem sensu Hieronymus, in Matth. NON EST NOTRUM NOSSE TEMPORE, id est, Non expedit nobis diem iudicii nosse; sed semper incerti de adventu iudicii sic quotidie vivamus quasi die alterā iudicandi simus. Quod & praxi suā comprobavit idem Hieronymus, ut illa testantur verba, Sive comedam, sive bibam, sive aliquid aliud faciam, semper vox illa videtur sonare in auribus meis, SURGITE MORI ET VENITE AD JUDICIUM. Quoties diem iudicii cogito, totus corde & corpore con-

tremisco. Si qua præsentis vitæ est lætitiā, itā agenda est ut nunquam amaritudo futuri iudicii recedat à memoriā. Augustinus Epist. ad Hefysibium ait, Voluisse Dominum ut sciremus primam sui adventum, quia illius cognitio nobis utilis & necessaria erat: secundi verò adventus diem noluisse nobis manifestum esse, quia non expedit nobis; ne scilicet cum malo sermo Luc. 12. dicamus, MORAM FACIT DOMINUS; itā epulemur & verberemus consertos. Sic Occumenius ait, illud Apostoli 1. Thess. v. Dies Domini sicut fur in nocte veniet, Si quis postremum sciret diem, nulla illi virtutis cura esset, sed innumera perpetrando mala extremo spiritu ad baptismum (pœnitentiæ videlicet) accederet. Hoc tamen à piorum & fidelium conditione videtur alienum. Aliam reddit rationem idem Occumenius, Si sciret quispiam quod omnino tali tempore moriturus esset, in continuā viveret animi tristitiā: nunc autem ob incertitudinem, continuò bonā spe nutrimur. Idem & hanc incertitudinis reddit rationem; Quia neque ob id sancti præmium haberent quod se ipsos in certā precipitarent pericula: si enim manifestum esset quod post tres annos futura esset rerum omnium consummatio, omnes pericula despicerent, & intrepidè vitæ discrimini sese, tanquam nihil nocumenti essent accepturi, objicerent. Et hoc durius videtur de piis & fidelibus iudicium: Norunt enim illi vitæ discrimina non temere esse adeunda: Qui amat periculum, peribit in eo. Reddi & hæc ratio potest, Ut gratior esset piis insperata liberatio, intolerabilior verò improbis subita condemnatio. Hactenus quarta questio.

Digressio in sententiam Chiliastarum.

XVI. Cum in hac controversiā de fine seculi celebres sint sex millenarii, in quos ab Eliā Mundi ætas est distributa, iisque Chiliastarum quoque opinio, quæ & ipsa ad hanc materiam pertinet, ex parte nitatur, operæ pretium facturus videor, si in sententiam Chiliastarum hoc loco digrediar, & quid in eā vel falsitatis vel veritatis vel probabilitatis occurrat, aliquantò plenius ostendam.

Dicuntur autem Chiliastræ ab ipso dogmate χίλιων ἔτην, id est, mille annorum. Explicatā igitur sententiā ipsorum, nominis ratio constabit. Explicet eam Augustinus lib. 20. De civit. Dei, cap. 7. hisce verbis, Sicut Mundus sex diebus fuit creatus, septimus dies fuit sabbatismus, itā Mundum sex mille annorum duraturum, postea securum sabbatismum in mille annis postremis; ad hoc scilicet sabbatum celebrandum resurgentibus sanctis. Quæ opinio, inquit Augustinus, esset utrinque tolerabilis, si aliquæ delicta spirituales in illo sabbatismo affuturæ sanctis per Domini præsentiam credentur. Nam etiam nos hoc

opinari:

opinati fuimus aliquando: Sed cum eos qui tunc resurrexerunt, dicant immoderatissimis epulis carnalibus vacaturos, in quibus cibus sit tantus & potus ut non solum nullam modestiam teneant, sed modum quoque ipsius incredulitatis excedant, nullo modo ista possunt nisi à carnalibus credi. Hi autem qui spirituales sunt istos ista credentes Chiliastras appellant Græco vocabulo, quod possumus Millarios nuncupare. Hactenus Augustinus. Si hæc omnium Chiliastrarum fuisset opinio, citra omnem controversiam repudianda, & vel cum Hieronymo ad Judæos fabulatores, qui carnalem sibi Paradisum fingunt, vel ad Cerinthum hæreticum, qui autor dogmatis hujus fertur, & consequenter ad Satanam, meritò releganda esset. Regnum enim Dei non consistit in cibo & potu, multò minùs in voluptatibus carnalibus, quibus inescare homines Satan & à cælo solet abducere.

XVII. Non fuisse autem hanc omnium Chiliastrarum sententiam, vel hinc manifestum est, quòd præcipui ex Patribus vetustis Chiliastrarum dogma amplexi fuerint & defenderint: Justinus Martyr, Dialogo cum Judæo Triphone; Irenæus, lib. 5. capitibus quinque postremis; Tertullianus, lib. 3. contra Marcionem; Victorinus Pictaviensis, in Apocal. & præ reliquis omnibus Lactantius, lib. 7. Divin. institut. cap. 17. Justinus Martyris observanda sunt verba, Ego verò & qui sum alii orthodoxos & Christiani, & carnis resurrectionem credimus, & mille annos, & Jerusalem ædificatam, ornatam & ampliatam. Plenius sententiam expressit Lactantius, loco allegato, Veniet summi & maximi Dei Filii ut vivos & mortuos judicet: verum ille, cum deleverit injustitiam, judiciumque maximum fecerit, ac justos ad vitam restauraverit, mille annos inter homines versabitur, eosque justissimo imperio reget. Tunc qui erunt in corporibus vivi, non morientur, sed per eosdem mille annos infinitam multitudinem gubernabunt: qui autem ab inferis suscitabuntur, ii præerunt, viventibus velut judices. Gentes verò non exstinguuntur omnino, sed quidam relinquentur in victoriam Dei, ut triumphent à justis ac subjungantur perpetuæ servituti. Sub idem tempus princeps demonum cæcis vincietur & erit in custodiâ mille annis cælestis imperii, post cujus adventum congregabuntur justis, peractoque judicio, civitas sancta constituetur. Tunc luna claritudinem solis accipiet. Et cap. 25. Fortasse quispiam nunc requirat quando ista quæ diximus sint futura: Jam superius ostendi, completis annorum sex millibus mutationem istam fieri oportere. Concludit tandem dogma hoc de mille annis, Hæc est doctrina sanctorum Prophetarum, quam Christiani sequimur: hæc

nostra sapientia, quam illi qui fragilia colunt tanquam stultitiam derident, quia non defendere hanc publicè neque asserere, nos solemus.

Patet, inquam, hinc, non fuisse eam omnium Chiliastrarum opinionem quam Augustinus promiscuè iis tribuit: Quis enim credat in sanctos Patres tam absurdum, carnale & hæreticum dogma potuisse cadere? Taceo quòd expressa ipsorum verba contrarium testentur.

Hæc igitur sanctorum virorum opinio fuit, Completis sex annorum à condito Mundo millibus, suscitatum iri ex mortuis omnes sanctos, CHRISTUMQUE è cælo in terras descensurum, & cum illis septimum millenarium exacturum, gloriosissimo ejus imperio toto terrarum orbe subjecto, incredibili bonorum omnium, etiam corporalium, abundantia; ità tamen ut non nisi moderatissimè bonis terrenis usuri sint sancti, summæque castimoniam & integritate uxores ducturi, & sanctitatis alumnos filios procreaturi. Hanc appellarunt illi primam resurrectionem, à quâ omnes excluduntur impii. Exacto verò septimo hoc millenario, Satanam, qui per mille istos annos ligatus fuerat, solum iri, & omnium gravissimam adversus sanctos Dei persecutionem concitaturum, & tum cunctis mortalibus ad vitam revocatis, quæ secunda resurrectio appellatur, futurum generale judicium, quo ad inferni pœnas reprobi ablegabuntur, electi verò corporibus & animabus suis in cælum ad sempiternæ felicitatis fruitionem assumuntur. Atque hæc videtur esse sententia, in quâ etiam se aliquando fuisse Augustinum scribit, eajus autorem Hieronymus facit Papiam Apostolorum discipulum.

Huic sententiæ ex modernis etiam Theologis sunt nonnulli qui adhæreant, inter quos Piscator est. Duas igitur hi resurrectiones statuunt, primam & secundam, quarum illa hanc mille annis sit anticipatura, & Martyrum pro Evangelio securi percussorum, nec non eorum qui Bestiam & imaginem ejus adorare Papisticamque idolomaniam amplecti recularunt, sit futura: Tandem completis hisce mille annis, quibus suscitati Martyres cum Christo regnabunt, solum iri Satanam ad exiguum tempus, gentesque contra Sanctos adducturum in prælium, peracto prælio futuram resurrectionem secundam, universalem omnium mortuorum.

XVIII. Hanc sententiam cur pii Patres & docti viri sint amplexi, sequentes nonnullis causæ videntur.

1. Movit eos autoritas Papiæ, quem Irenæus Joannis Apostoli auditorem laudat. Hic Papias, teste Eusebio, lib. 3. cap. 33. asseruit regnum Christi, post

post humanæ carnis à mortuis resurrectionem, mille annis humano & corporeo more in terris futurum.

2. Videtur quoque ipsos movisse rei ipsius in vulgus probabilitas & plausibilitas: Est enim terreni hujus regni felicitas & gloria res per se maximè optabilis homini, qui maximè voluptatis judicem & æstimatorem constituit plerumque externum sensum: unde etiam futuram crediderunt ut gloriæ hujus & felicitatis consideratione & expectatione quidvis pro Christi Evangelio homines pari essent paratissimi.

3. Moverunt & frequentes Scripturæ sententiæ, in quibus mira de regni Messię gloriâ, opulentia & magnificentia in speciem corporali ac sensibili prædicantur.

4. Præcipuum verò sententiæ hujus fundamentum depromerunt ex Apoc. xx. ubi totidem verbis dogma hoc expressum videtur: Verba textus v. 4, 5, 6, 7, 8. hæc sunt, Deinde vidi sedes, & sederunt super eas, & judicium datum est eis, & animas eorum qui securi percussi sunt propter testimonium Jesu & propter sermonem Dei, quique non adoraverunt bestiam neque imaginem ejus, nec acceperunt charactrem ejus in frontibus suis aut in manibus; viventesque & regnabunt cum Christo mille annis: Reliqui verò ex mortuis non reviviscunt donec expleti fuerint mille anni. Hæc est resurrectio prima: Beatus & sanctus qui habet partem in resurrectione primâ: in hos enim secunda mors non habet potestatem, sed erunt sacerdotes Dei & Christi, & regnabunt cum eo mille annis. Cum verò expleti fuerint mille anni, solvetur Satanâ, & carcere suo, & exhibit ut seducat gentes quæ sunt in quatuor angulis terræ. Hæc ipsissima sedes est, hujus controversiæ, in quâ nata primum est. Hic verò ipse locus Apocalypses librum suspectum nonnullis reddidit; quod Chiliastarum opinionem expressè assereret: Duplicis enim hic resurrectionis fit mentio, nominantur & mille anni regni Christi. Ad regnum Christi terrenum referunt quoque nonnulli vaticinium Dan. vii. 13, 14. Ecce cum nubibus cali quasi Filius hominis veniebat, & usque ad Antiquum dierum pervenit, & in conspectu ejus obdormierunt cum: Et dedit ei potestatem æternam, & regnum quod non corrumpetur: & omnes reges omnèsque populi, tribus & lingua servient ei & obedient ei.

5. In sententiâ quoque suâ Chiliastas confirmavit celebre illud dictum Eliæ cujusdam Doctoris Thalmudici, quod occurrit in Thalmud Judæorum, parte 4. lib. 2. de Senatorib. c. Helec; Sex millibus annorum erit Mundus, & iterum destruetur: duo millia inanitatis & vanitatis; duo millia Legis;

duo millia erunt dierum Messie, & postea finis: & propter peccata nostrâ, quæ sunt multa & mirabilia, aliquot anni qui desunt non complebuntur. Sex hæc annorum millia è variis Scripturæ locis Cabalistici Calculatorum conati sunt extrudere. Inter alios, nostrâ ætate fuit Theodorus Graminaus Ruremontanus, qui multis argumentis ex veteris Legis mysteriis, ex Prophetarum oraculis & eventu rerum depromtis in hanc Millenariorum sententiam se abstractum fateretur: Inter alia & hoc habet ex Gen. vi. Humanum genus enormibus sceleribus postquam se devovisset, dixit Deus, NON PERMANEBIT SPIRITUS MEUS IN HOMINE IN ÆTERNUM, QUIA CARO EST, ERUNTQUE DIES ILLIUS CENTUM VIGINTI ANNORUM, mysticorum scilicet seu magnum Mosaicorum, qui spatium quinquaginta annorum civilium nostrorum contineant, quo vicens centenis vicibus sumto, exactissimo calculo sex annorum millia penitentiæ generali assignata exsurgent. Leviora alia argumenta mitto: Hoc tantum addo, Non omnium Chiliastarum hanc, de quâ præcipue agimus, opinionem esse, nempe duplicem fore resurrectionem, & post primam Christi regnum temporale & visibile in hisce terris mille annis duraturum: Quibus elapsis futura sit secunda eaque generalis omnium mortuorum resurrectio.

XIX. Huic verò sententiæ hæcenus explicatæ & confirmatæ plerique Doctorum recentium tam orthodoxorum quàm heterodoxorum contradicunt, idque sequentibus argumentis:

I. Mille anni ligationis Satanæ & regni Martyrum cum Christo jam pridem elapsi sunt, nec tamen ulla fuit corporalis sanctorum resurrectio, aut terrenum Christi regnum: Ergo sententiæ Chiliastarum falsa & erronea est. Antecedens priusquam probeatur, observandum, mille istos annos ligationis Satanæ & durationis regni Christi non esse indefinite accipiendos, ut nonnulli volunt: Sexies enim à Joanne appellantur ἡ χίλια ἔτη, & quater quidem cum articulo, τὰ χίλια ἔτη, mille illi anni, quæ sanè numerum annorum non indefinitum sed certum ac definitum arguunt. Jam præterisse illos ut constet, principium & finis illorum demonstrandus est. Hic verò maxima est Interpretum discrepantia. Pontificii nonnulli incepisse dicunt ab eo tempore quo publica fidei professio cœpit Romæ: Alii à Constantino Imperatore eos ordiuntur: Alii à Luthero: Alii à Christi nativitate, quam significari docent per Angeli descensum: Alii à destructione Hierosolymæ & conversione Gentium factâ per Apostolos in universum terrarum orbem profectos: tum enim maximè Satan fuit ligatus, id est, regnum ejus inter gentes cœpit labefactari.

labefactari, ruptis vinculis quibus ligatus gentes Satan tenebat, ipsique Satanæ quasi injectis. Fuit hic annus à Christo nato septuagesimus tertius. Hinc igitur mille ligationis anni excurrent usque ad annum Christi 1073: Quo *Gregorius vii*, *Hildebrandus* dictus, *Alexandro* 2. per venenum sublato, impostor & præstigator diabolicus, Papatum inaudita tyrannide invasit, ut ad illa usque tempora ligatus Satan videatur iterum solutus fuisse. Hic enim, necromantæ & magus pestilentissimus, *Hildebrandus* savissimis bellis universam orbem Christianum collisit & cædibus complexio, ut videatur fuisse quasi tropæum quoddam & signum solutionis à Satanâ erectum, orbique Christiano monstratum. Etiam si verò prius à nato Christo trecentis annis per *Romanos* tyrannos savissime Christianos afflixit Satan, & sequentibus trecentis annis Orientis & Occidentis Ecclesias deterrimis hæresibus quasi inundavit, quadringentis etiam succedentibus Bestiis Antichristus ex abyssu ascendit, omnemque adversus Ecclesiam exercuit sævitiam, ligatus nihilominus eâ ratione fuit Satan, quod fraudibus ejus jam detectis gentes amplius seducere & ab Ecclesiâ arcere non potuerit, frustra laborantibus mancipiis ejus Tyrannis, *Judæis* & *Philosophis*. Hæc prima ratio est.

2. Millenarium illud regnum, de quo *Apoc. xx*. Martyrum occisorum animabus expressè tribuitur, quando, ut *Augustinus* observavit, corporibus suis nondum erunt redditæ: Ergo verba Apostoli non sunt accipienda de corporum suscitatione.

3. Sententiam Patrum & Chiliastarum falsitatis convincit ipse eventus: Fundamentum igitur ejus in allegato *Johannis* loco nullum est. Antecedens probatur; Quia secuti sunt *Græcorum* Chronologiam & computationem erroneam, secundum quam Christi natalis incidit in annum à condito Mundo quinquies millesimum centesimum nonagesimum nonum, ut in *Chronico* habet *Eusebius*. Istis annis si addantur, qui à Christo nato jam effluxerunt, 1624, conficiuntur anni à condito Mundo ad hunc præsentem 6823. Sic igitur elapsus jam dudum esset sextus millenarius, & ferè septimus quoque, Christi regnum terrenum annis jam 80 durasset, & Martyres ante 80 annos excitari essent: Quæ omnia falsa esse testatur ipse eventus: Regnum enim Christi terrenum & tranquillum hætenus nullam fuit, nulli à mortuis suscitati. *Lactantius* in calculo suo plurimis aberravit annis. Vixit ille anno post Christum natum trecentesimo circiter, scripsit ætate suâ, post 200 annos, id est, circa annum à nato Christo quingentesimum, inchoatum iri regnum Christi terrenum:

Atqui ab isto termino anni jam plus mille sunt elapsi: præteritis igitur totus millenarius septimus, adeoque ipsum quoque regnum Christi terrenum.

4. Univerſa clamat Scriptura tempora postrema minime tranquilla & voluptuosa sed difficilia & luctuosissima Ecclesiæ fore, Christi regnum de hoc Mundo non futurum: Ergo sententia Chiliaſtica admitti non potest. Antecedens probatur *Joann. xvii. 36*. Regnum meum non est de hoc Mundo: Et *Joann. xvi. 20*. Mundus gaudebit, vos autem lugebitis. & v. 33. In hoc Mundo oppressionem habebitis. *Matth. xxiv. 21*. Erit tanta afflictio quam non fuit a seculo. *Luc. xviii. 8*. An putas fidem reperturum Filium hominis in reditu? *Act. xiv. 22*. Oportet nos per multas tribulationes ingredi in regnum celorum.

5. Sententiæ hujus autores existimant mille hos annos demum inchoandos esse post abjectam Bestiam & Pseudopphetam in stagnum ignis: Atqui judicium hoc adversus Bestiam & Pseudopphetam, id est, Pontificem Romanum & Papatum, futurum demum in extremo judicio, ut patet ex fine cap. 19. Et Apostolus 2. *Theſſ. ii. 8*. ait adversarium, id est, Antichristum, illustri adventu Domini esse abolendum.

6. Implicat se hæc sententia, dum statuit ante annos illos mille Antichristum in stagnum ignis abjectum iri, & tamen affirmat quodque eundem Antichristum sub finem mille illorum annorum vires resumiturum, & cum Ethnicis Regibus ad inferendum bellum Christianis se conjuncturum: Atqui nè erit quidem Papa seu Antichristus post abjectionem in stagnum ignis; quando per eam totalis Antichristi & regni ejus abolitio denotatur.

7. In textu *Johannis* nulla fit mentio resurrectionis corporalis Martyrum: nec enim dicuntur resurrexisse, aut revixisse, sed vixisse, *ἐζήσαν*, quod non tantum de naturali animarum vitâ, quam cum impiis communem habent Martyres, sed potissimum de beatâ cum Christo vitâ accipiendum.

8. Scriptura & fides Catholica non nisi unam mortuorum resurrectionem credit & tradit: Ergo sententia vel Chiliaſtarum, vel quæ ab eâ non procul abit, minime admittenda est, ut quæ geminam asserit resurrectionem, unam Martyrum & omnium Evangelicorum qui Papatum non sunt amplexi, alteram reliquorum fidelium & infidelium.

9. Omnes & soli illi à *Joanne* prædicantur beati, mortisque secundæ immunes, qui partem habent in resurrectione primâ: Ergo vel nulla sit resur-

resurrectio post primam, vel nulli in secundâ resurrectione erunt beati, vel cum utrumque sit falsum, opinio de primâ corporum resurrectione falsa erit.

10. Pleraque hæc & alia argumenta in unum ab aliis colligantur fasciculum, qui hujusmodi est; Sententia Chiliastrarum & aliorum quorundam qui regnum Christi terrenum per annos mille, nec non primam Martyrum resurrectionem, asserunt, pugnat 1. cum conditione & proprietate regni Christi; 2. cum unitate & aternitate ejusdem regni spiritualis; 3. cum substantiali interitu Mundi; 4. cum descriptione ultimi adventus Christi; 5. cum tempore resurrectionis universalis omnium hominum; 6. cum descriptione ἀπαρχῆς seu raptus, 1. Thess. IV. 7. cum creatione novi celi & novæ terræ, Esaiæ LXVI. 22. 2. Petri III. 13. Apocal. XXI. 1. 8. cum permansione crucis & pressura piorum, & perduratioe impiorum; 9. cum extremo judicio; 10. cum determinatione præmii piorum hominum; 11. cum descriptione piorum in vitam revocatorum; 12. cum dici novissimæ occultatione: Ergo non potest non esse falsa. Antecedens de singulis membris probatur;

De 1. Regnum Christi non est de hoc Mundo, ut ex Scripturâ, ratione 4. fuit demonstratum: unde & regnum dicitur ἐν οὐρανῷ, 2. Tim. IV. 18. & Christus dicitur considerare in excelsis, Hebr. I. 3. In cælestibus, Ephes. I. 20. In cælis, Hebr. VIII. 1.

De 2. Regnum Christi est spirituale, ut jam probatum, & est unum tantum, unde non nisi numero singularitatis in Scripturâ exprimitur: Atqui sententia Chiliastica duplex fingit regnum. Est etiam regnum Christi æternum: Ergo non est mille annorum curriculo definitum.

De 3. Cælum & terrâ statim post adventum Domini ἐν ᾧ ὁ ἄνθρωπος, interibunt, Math. XXIV. 29. & seqq. 2. Thess. I. 7, & seqq. 2. Petri III. 10. Ergo Christus post adventum suum non regnabit mille annis in terris.

De 4. Post adventum Christi, suscitatis omnibus mortuis, statim erit finis, 1. Cor. XV. 23. finis nempe hujus sæculi: Ergo non durabit adhuc per mille annos.

De 5. Universalis omnium hominum resurrectio obtinget in die novissimo, Joa. VI. 28. Et VI. 39, & seqq. Ergo ante diem hunc novissimum Martyres & alii fideles non suscitabuntur.

De 6. Si in defensione Christi de cælis mortui resuscitati & vivi in occursum Domini rapiuntur in aere, & sic semper cum Deo erunt; Ergo Christus ad illos in terram non descendet ut terrenum cum illis regnum instituat.

De 7. Christus post ultimam suam ἀποκάλυψιν, cælo & terrâ præsentibus destructis, cælum novum & terram novam creabit: Ergo post adventum ejus hæc terra mille annis non durabit.

De 8. Militans Christi Ecclesia usque ad consummationem sæculi variis tribulationibus & calamitatibus erit obnoxia, ut paulò antè ostendimus: Ergo per mille annos non fruatur magnis deliciis & voluptatibus. *hōi p. insul.*

De 9. Cum ultimo Christi adventu connexum est ultimum judicium: Ergo post adventum illum non regnabunt pii cum Christo mille annis in hac terrâ omnium rerum circumfusi cōpia.

De 10. Præmia quæ piorum animi à corporibus soluta statim percipient, vel quæ ipsi pii post resurrectionem universalem sunt accepturi, nō dicuntur in sacris literis corporalia, terrestria, temporalia, sed æterna & invisibilia, 2. Cor. IV. 17, 18.

De 11. Pii in hanc vitam revocati erunt ἰσχυροί, Marci XII. 25. Vitæ æternæ hæredes, Dan. XII. 2. possidentes regnum quod non est cibus & potus: Ut igitur terrenæ deliciæ pugnant cum vitâ angelicâ, ita quoque à piis resuscitatis alienæ erunt.

De 12. Si post elapsum sextum millenarium duraturum esset regnum Christi mille annis, isque finitis ultimus dies esset futurus, sequeretur adhibitâ arte logistica ultimum diem à nobis posse sciri: quod tamen Christus negat Marci XIII. 32. Hactenus argumenta contra sententiam Chiliastrarum.

X X. Ego quidem etsi posteriorem hanc sententiam Chiliastica opinioni oppositam, probabiliorē priori judicō, argumenta tamen adversus Chiliastras & Patres producta necessaria & ἀποδείκνυσθαι ἐσθὲν ἵκω, locumque Apocalypsis XX. longè difficilimum esse arbitror: Unde Patres minimè exagitandi, multò minùs ἀπέρωνες videntur accusandi, quod loci istius occasione in hanc Chiliastrarum sententiam ex parte concesserint. Neque enim quemquam ex Partibus fuisse opinor qui execrabile Cerinthi de mille annis voluptuariis dogma fuerit amplexus: Ita nec ii ἀνέπωνες videntur damnandi, qui loci istius adducti autoritate Martyres sanctos primò resurrecturos & mille cum Christo annos in terris hisce beatè & tranquillè exacturos statuunt, etsi, ut antè dixi, communis modernorum Theologorum tam heterodoxorum quam orthodoxorum probabilior mihi videtur opinio. Ut autem appareat, non esse necessaria eorum argumenta qui Chiliastrarum sententiam, uti quidem à Patribus illa nec non recentibus quibusdam Doctoribus accipitur & defenditur, oppugnant, primum;

primum sedem hujus controversiæ, nempe locum *Apocal. xx.* aliquantò accuratius inspicimus, & interpretum glossas ponderabimus; deinde quid probabiliter pro Patribus ad decem argumenta contraria responderi possit, videbimus.

XXI. Prius quod attinet, verba capitis 20. *Apoc. à v. 4. ad 10.* simpliciter, uti sonant, à Patribus & recentibus quibusdam accipiuntur, idque dubio procul hanc ob causam, quòd evidens & prægnans argumentum non occurrat quo ad aliam loci *dravotav* investigandam, & à propriâ verborum significatione recedendum, se adduci & cogi judicent. Est enim receptissimum & verissimum axioma, omnibus Scripturæ interpretibus observandum, *Non esse à literâ, seu propriâ Scripturæ significatione, recedendum, nisi evidens aliqua necessitas cogat, & Scripturæ veritas in ipsâ literâ periclitari videatur.* Hujusmodi nihil cum Patribus occurreret, literæ insistendum & Chiliacticæ sententiæ ad hærendum judicant, quæ in verbis allegatis & præcedentibus videtur expressissima: In quibus ad sequentia attendendum;

1. Ante mille annos hosce, vel sub initium eorum, dicit Apostolus *Bestiam cum Pseudopropheta conjectum iri in ignem stagni ardentis.* Quibus verbis denotari interitum Antichristi & destructionem regni ejus extra controversiam est. Videatur cap. 19. v. 20.

2. Præcedet quoque annos mille & per eos continuabitur ligatio Satanæ & conjectio in abyssum, cap. 20. v. 2, & 3. Cujus notatur finis v. 3. *ut non seducat amplius gentes, donec compleantur anni mille.*

3. Affirmat Apostolus *animas Martyrum & eorum qui non adorarunt Bestiam, seu Antichristum, victuras & regnaturas cum Christo mille istis annis,* quibus nempe ligatus erit Satan, v. 4, & 6.

4. Appellat hanc Martyrum vitam *resurrectionem primam*, v. 5.

5. Ait reliquos ex mortuis non resurrekturos, nisi post expletos hos mille annos, v. 5. Ubi secunda indigitatur resurrectio, quæ universalis omnium futura est, v. 12, 13.

6. Describit conatus Satanæ post mille illos annos soluti, eorumque successum & eventum, v. 7, 8, 9, 10. Singulis hisce simplicissimè acceptis verbis Patres & alii pii Doctores in eam devenere sententiam quæ ipsa verba præ se ferunt, quæque à nobis suprà fuit explicata. Alii verò Interpretes à Chiliastarum & Patrum sententiâ alieni mirum in modum se torquent; ut videre est ex ipsorum Commentariis in Apocalypsin, quorum sum-

mam in suos retulit Dominus *Parvus*, & ad censuram vocavit. De singulis ergò enumeratis capitibus glossas Interpretum breviter ponderabimus.

XXII. De primo. Interitum Antichristi, qui asseritur cap. 19. v. 20. non præcessurum annos hosce mille, sed securum, brevique ultimum judicium antecessurum, communis Interpretum nostrorum est sententia: Quam illi nituntur probare 1. ex fine visionis quæ describitur cap. 19. 2. ex 2. Thess. ii. 8. ubi dicitur Deus Antichristum *aboliturus illiusri suo adventu.*

Respondeo, Non demonstrant rationes hæc quod volunt isti: In neutro enim loco negatur quod affirmari nos in Patrum gratiam dicimus: Et quidem sub finem cap. 19. *Apocal.* non judicatur tempus excidii Antichristi, multò minùs ad ultimum & universale judicium id esse reservandum videtur. Nos verò haud ineptè colligimus, isto visionum ordine temporis quoque ordinem denotari, & prius in ignis stagnum conjectum iri Antichristum quàm Satanæ ligetur & mille anni inchoentur, vel saltem sub ipsum mille annorum exordium Antichristum & Satanam victum iri. In loco ad Thessal. per *illustrem Domini adventum* intelligi possit ille ipse adventus ad Martyrum resurrectionem, & regnum mille annorum. Aliorum tamen opinio est, Antichristum in stagnum sulphuris conjectum, tandem sub decursum mille annorum iterum, soluto Satanâ, excitatum iri & Sanctorum Ecclesiam persecuturum: quò pacto *illiusri adventus* intelligi posset ultimus: ad judicium ultimum.

XXIII. De secundo. Ligatio Satanæ, id est, potestatis & tyrannidis ejus coercitio, extra controversiam est, ut & finis ejus, *nè seducat amplius gentes.* De tempore seu initio hujus ligationis interpretes dissentiant. In duobus maximè dissentium esse video:

1. *An mille illi anni quibus ligatus Satan dicitur, sint iidem mille anni quibus cum Martyribus regnabit Christus?*

2. *An ligatio Satanæ jam olim facta sit, vel demum futura & expectanda sit?*

Priorem quæstionem quod attinet, diversos esse millenarios ligationis Satanæ & regni Christi, nostrorum etiam Interpretum nonnulli volunt. In quâ etiam sententiâ fuere veteres Millenarii, quos hæreticos pronunciarunt quòd carnali *Cerinthidogma* amplecterentur: Sed argumenta opinionis hujus ponderosa nulla habent. Nos iis assentimur qui eodem millenario Satanam ligatû iri & Christum regnaturum cum Sanctis statuunt, idq; argumentis minimè con-

contemnendis duobus. Primum enim, versic. 2, & 6. numerantur mille anni absque articulo, *χίλια ἔτη*, deinceps verò mille quater cum articulo, *τὰ χίλια ἔτη*, mille isti anni, nempe quorum jam facta mentio: quod dici commodè non posset nisi de iisdem annis *Joannes* loqueretur. Videatur versiculus 6, & 7: quorum hæc sunt verba, *Erunt sacerdotes Dei & Christi, & regnabunt cum eo χίλια ἔτη. Cum verò expleti fuerint τὰ χίλια ἔτη, mille isti anni, solvetur Satanas, &c.* Hic mille anni certè alii nulli possunt intelligi nisi qui præcedente sexto versiculo Christi regno fuerunt assignati. Deinde, non est probabile, soluto & sæviente adversus Ecclesiam Satanâ, Christum cum Sanctis regnaturum; contrâ verò, probabile, ligato eo, id est, tyrannide ejus oppressâ, regnum hoc tranquillum & beatum duraturum: Nam ab ipso solutionis momento, ut patet ex v. 7, & 8. *Gog & Magog* Satan excitabit, quorum ministerio castra Sanctorum oppugnavit, & Ecclesiæ regnâque Christi pacem, quantum in se, turbabit.

Posterior quæstio cum præsentī nostrâ controversiâ conjunctior est. Qui à Patrum sententiâ alieni sunt, Satanæ ligationem jam olim factam & dudum desisse contendunt: unde sequitur, & regnum Christi de quo loquitur Apostolus jam præterisse. Alii incepisse quidem ligationem & regnum Christi affirmant, at non desisse aiunt: De quo in sequenti tertio capite dispiciemus, quia unum & eundem esse millenarium regni Christi & ligationis Satanæ contendimus.

XXIV. De tertio. Magni momenti quæstiones hic occurrunt quarum explicatio ad præsentem controversiam facit, quæ recensendæ & paucis examinandæ:

1. An mille hi anni definitè vel indefinitè sint accipiendi.

2. Si definitè sint accipiendi, unde initium eorum petendum.

3. An Christus cum solis Martyrum & piorum Confessorum animabus sit regnaturus.

4. Ubi sit regnaturus, in cælo, an in terrâ.

Ad primam quæstionem respondet *Augustinus*, & cum ipso multi, mille annos indefinitè accipendos esse, pro toto tempore à Christo nato, mortuo & suscitato ad finem seculi: Solet enim Scriptura interdum per mille indefinitè magnum numerum indigitare. Toto hoc tempore Satanam per Christum fuisse ligatum, putat *Augustinus*. Cum verò post mille annos iterum solvendum Satanam dicat *Joannes*, mille annos non præcisè ad seculi finem extendit *Augustinus*, sed usque ad Antichristi tempus, quod ultimum seculi quadriennium futurum

cum aliis Patribus opinatur, idque autoritate *Papæ*, qui primus putatur sententiam Millenariorum in Ecclesiâ proposuisse. Applaudunt traditioni huic, de adventu Antichristi sub ultimum quadriennium, Pontificii, nè Papam Antichristum esse fateri cogantur.

Nos hanc *Augustini* sententiam de infinito annorum numero repudiamus, 1. Quia mille annos sexies repetit *Joannes*, & quidem quater cum articulo, *τὰ χίλια ἔτη*, ut suprâ diximus; hoc verò modo Scriptura non solet numerum indefinitum indigare per mille, 2. Quia Antichristus iamdudum pate factus est, nempe circa annum à Christo nato 600. 3. Quia, stante *Augustini* sententiâ, ultimus seculi annus præcisci posset, saltem quadriennio vel triennio antè: quod & ipsum est falsum. Est igitur omnino statuendum, definitè hic mille annos dici.

XXV. Ad secundam quæstionem variæ Interpretum sunt responsiones; quas & suprâ attigimus. Omnes tamen qui Chiliaitarum & Patrum dogma averfantur, mille hos annos iamdudum cœpisse constanter affirmant, itâ tamen ut alii ad finem eos jam decurrisset, alii in ipso cursu adhuc esse putent: quod inde palam est, quia alii à publicâ fidei professione quæ *Roma* facta, alii à *Constantino* Magno, alii à *Luthero*, alii à nativitate Christi eos ordiuntur. Putant enim alii cœpisse Satanam ligari, cum paganisimum *Roma* abjecerit, & è tenebrarum regno emergeret, nequicquam contrahendente Satanâ: Alii, temporibus *Constantini*, qui ad Christum conversus Gentilium templa subvertit; Alii, cum *Lutherus* Reformationem ordiretur, & Papatum aggrederetur; Alii, cum Christo à mortuis suscitato & in cœlum recepto, Evangelium in universo orbe prædicaretur, & Satanæ regnum inter Gentiles plurimos destrueretur. Extendunt tamen hi non nihil initium horum annorum ad tempus destrucciæ *Hierosolymæ*, quo in *Judeorum* rejectorum locum asscitæ sunt Gentes.

Singulæ hæc opiniones etsi aliquid habent probabilitatis, necessario tamen & evidenti argumento adversus Patres nulla probatur: Imò petitis è textu & experienciâ argumentis haud contemnendis urgeri possunt qui annos hosce ligationis Satanæ & regni Christi cum martyribus vel jam dudum cœpisse vel ad finem etiam decurrisset statuunt. Etenim ligationem Satanæ non eo tantum sine futuram innuit *Joannes*, ut nè seducat ampliùs gentes, etsi solus hic finis exprimitur, sed etiam ut sævire adversus Ecclesiam desinat, quod inde apparet, quia finitis mille annis *Gog & Magog* in prælium adversus Sanctos aggregaturus dicitur: In quam sententiam

tiam vel invit etiam illi concedunt qui ligati Satanæ solutionem fecerunt ad tempus *Gregorii VII* Pontificis Romani, quem auxit severissimis bellis & credibus Christianum orbem complevisse, & singulare organum Satanæ custodiā solui se declarasse: Unde patet, fluentibus adhuc annis istis, adversus Sanctos nihil tentasse Satanam, eo quod victus in abyſſo teneretur. Itaque ligatio isthæc non à Gentilibus tantum seducendis sed & Christi Ecclesiā affligendā Satanam abstraxit. Hujusmodi verò mille vel quingentis vel etiam centum annos à Christo nato nobis obtigisse, quibus à seductione Satanæ Gentes intinues, ab ejusdem persecutione libera fuerit Ecclesia in terris hisce militans, equidem ut credam vix adduci possum. Et de persecutione quidem res ita manifesta est, ut non putem eam fore qui contradicatur; siquidem hanc Ecclesiæ militantis perpetuam fore sortem ipse Christus prædixit, & eventus à nato Christo ad hæc usque tempora abunde testatus est. Ante ortum Antichristi quid non adversus Ecclesiam per hæreticos tentavit Satā? Quæ non bella & persecutiones adversus eam excitavit, sedulam ipsi operam navantibus *Romanis* Tyrannis & Cæsaribus? Post ortum ejus perpetuos & crudelissimos hostes habuit Pontifices *Romanos*, à quibus in desertum per aliquot annorum centurias ita fuit compulsa ut nusquam fere apparuerit. Locupletissimos testes habemus afflictissimæ hujus sortis catalogos Martyrum, seu Martyrologia: nec dum finis est. De seductione Gentilium res quoque manifesta est. Etsi enim post Christi in cælos ascensionem per Apostolos in maximā orbis habitabilis parte inter Gentes Evangelium fuit prædicatum, mansit nihilominus Ecclesiæ grex pusillus, respectu multitudinis Gentilium qui Evangelium repudiaverunt & à Satanā seducti Christianos affixerunt. Itaque difficultatem non videtur expedire illa quorundam responsio, Alligationem Satanæ non absolute intelligendam esse, quasi tum nihil Ecclesiam læserit Satā, sed secundum quid, in quantum gentes seducere amplius, quod minus fidem Christi reciperent & ad Ecclesiam accederent, prohibitus fuit: Ad Satanæ igitur legationem satis fuisse quod propagationem Evangelii ad Gentiles tum per Tyrannos, Judæos & Philosophos amplius impedire non potuerit. Gentibus magno ubique locorum numero ad Christum conversis, & Satanæ regno inter Gentiles contingente: quod post ascensum Christi in cælum & destructam *Hierosolimam* contigit. Hæc, inquam, responsio difficultati non videtur satisfacere: Non enim tantum ligandus sed & in abyſſum conjiciendus dicitur Satā, quibus certe verbis

non aliqualis sed absoluta & omnimoda ligatio denotatur, per quam non tantum Gentes non seducere sed nec per se qui Ecclesiam poterit, ut supra ostendimus. Hujusmodi verò alligatio hactenus nondum observata fuit. Quod si verò aliqualis saltem ligatio sit intelligenda, utique ad Verus quoque Testamentum ea erit extendenda: Nam ne in Veteri quidem Testamento habent ita laxata sunt Satanæ ut omnes Gentiles aditu ad Ecclesiam prohibere potuerit: subinde enim aliqui, etsi pauci, ad Ecclesiam se aggregaverunt. Deinde, cum in Novo Testamento, post vocationem Gentilium solemnem, plures nihilominus in Gentilismo retinuerit quam ad Christianismum accesserint, quis *et cetera* ipsam ligatum & in abyſſum eam conjectum fuisse dixerit? Aliquo enim respectu semper fuit ligatus, quatenus eos qui inter Gentiles electi fuerunt finaliter ab Ecclesiā arcere nunquam potuit: horum enim respectu contritum est ipsi caput. Itaque absoluta ligatio omnino videtur intelligenda: quam adhuc expectamus, quam Patres quoque & Theologi exposuerunt. Hoc primum pro Patrum sententiā argumentum est.

Accedit alterum; Regnum illud Christi cum Martyribus & Confessoribus beatorum ac pacatum, quod mille annis duraturum dicitur, nondum esse inchoatum, multo minus finitum, videtur: A nato enim Christo sub cruce & persecutione perpetuo genuit Ecclesia, nec est quod meliorem sibi sortem promittat quamdiu solutus est Satā & Antichristus vigebit. Non autem difficultati hinc expedienda satisfacere, quod regnum hæc cum solis Martyrum animabus in cælo jam fuisse vel coepisse aiunt, è sequentium questionum parebit examine. Nunc igitur concludimus, mille hos annos nondum coepisse, Quando verò sine coepturi, nostrum non est dicere.

XXVI. Ad tertiam questionem, Ambiguitate facit questionem particula *exclusive* solum: quæ hoc in loco non aliorum præter Martyres & Confessores animas excludit, sed corpora saltem animabus Martyrum & Confessorum debita; ut sensus sit, *An solum martyrum animæ, et est, à corporibus suis adhuc separatae, hoc regno millennario sint portiturae.* Excludi enim alios homines, scilicet Martyribus & qui Bestiam non adoraverunt, sed qui in trepide Christum inter ipsos Antichristi furcores sunt confessi, regnum hæc promitti, è textu manifestum est: Expressè enim reliqui homines à regni hujus participatione excluduntur *vers. 8.* Reliqui vero ex mortuis non reviviscant. *Antichristi fuerint mille anni.*

De solis Martyrum animabus, non de corporibus, loqui Joannem contendunt ii qui Patrum sententia contradicunt, & anticipatam hanc Martyrum resurrectionem negant. Rationem glossæ e textu petunt: Apostolus enim v. 4. non de corporibus sed de solis animabus loquitur; *Vidi, inquit, animas eorum quæ secari percussæ sunt, &c. Vivent & regnabunt cum Christo mille annis*; unde concludunt, regnum hoc solis promitti animabus. Sed glossa hæc & ratio: nihil videtur ponderis habere. Anima enim pro toto homine in Scripturis frequentissimè accipitur; nec dubium est quin hoc quoque loco ita accipiasur. De animabus enim loquitur Apostolus quæ propriè resurrexerunt, nempe à mortuis, ut ex antithesi versûs quinti manifestum est, *Reliqui verò ex mortuis non reviviscunt* (nempe propriè per corporum instaurationem & cum animabus conjunctionem) donec experiri fuerint mille anni: Præsupponit igitur animas, de quibus loquitur, reviviscas & resurrecturas: Unde patet, verbum *vivent*, quod præcessit v. 4. positum pro *reviviscunt*. Accedit etiam quod hæc animarum vita dicatur *prima resurrectio*, v. 5. Unde hunc in modum arguimus; Animæ piæ quæ propriè dicuntur reviviscere & resurgere, pro totis ponuntur hominibus animâ & corpore constantibus. Atqui animæ piæ Martyrum ac Confessorum, de quibus Joannes loquitur, dicuntur propriè reviviscere & resurrecturas: Ergo animæ hæc ponuntur pro totis hominibus corpore & animâ constantibus. Propositio probatur; Quia sola anima propriè non reviviscit nec resurgit, cum nunquam propriè moriatur, quippe quæ spiritus est immortalis. Assumptionem & textu modo probavimus, cujus vindicationem & defensionem sequenti quarto capiti reservabimus. Quod porro obijciunt, ex hæc interpretatione sequi absurdum de duplici mortuorum resurrectione, quarum una alteram mille annis sic anticipatura, in responsione ad rationem octavam excutitur.

XXVII. Jam progredimur ad quartam questionem. Regni hujus locum alii cælum aliter terram fore putant: Certum tamen est Patres de tereno regno Apostoli verba interpretatos esse; quibus etiam textus Apostolicus videtur favere. In Patrum igitur gratiam ita arguimus; Eo futurum est loco regnum hoc beatum ubi tandem à Satanâ soluto per *Gog & Magog* poterit oppugnari & oblatione cingi: Atqui non in cælo sed in terrâ hoc fieri poterit: Ergo non in cælo sed in terrâ futurum est hoc regnum. Propositio probatur ex v. 9. *Ascenderunt super latitudinem terræ, & circum-*

ierunt castra sanctorum & urbem dilectam. Per castra/sanctorum nihil rectius videtur intelligi posse quam limites regni Christi cum Martyribus & Confessoribus fuscitatis: Elapsis enim mille regni hujus annis, & soluto Satanâ, sancti actu nulli erunt nisi qui cum Christo per mille annos regnabunt; qui enim extra regnum hoc futuri sunt, ab Apostolo *gentes* appellantur, quæ nempe nomina sui Christo non dederunt. Nec refert quod à ligato Satanâ per mille istos annos seduci non possint; etenim, quiescente etiam Satanâ, à Christo ipsos abducat propriæ naturæ corruptio, quæ inimicitia est adversus Deum. Sententiam hanc nostram haud obscure probat ipse textus: *Gentes enim quæ regno Christi durante supererunt, ad Christum non conversum ita inde patet, quia seducuntur à Satanâ post mille annos soluto, & in prælium contra Sanctorum castra congregabuntur, v. 8.* Atqui si verè ad Christum conversæ: Gentes essent, à Satanâ tandem post conversionem seduci non possent: *Oves enim meas*, inquit Christus, *nemo rapiet ex manibus meis.* Hactenus expeditum à nobis tertium caput.

XXVIII. De quarto. Martyrum & piorum Confessorum vitam appellat Apostolus *resurrectionem primam*, v. 5. Per *resurrectionem* hanc intelligunt Patres resurrectionem propriè sic dictam, quæ nempe corpora in cineres redacta instaurabuntur & animabus suis rursus uniuntur, ut iidem numero resurgant pii Martyres & Confessores qui ceciderunt, id est, mortui sunt. Recentiores verò plerique interpretes, qui Patrum sententiam deserunt, resurrectionem impropriè sic dictam, spirituales nempe, id est, regenerationem, intelligunt: Quam recentium glossam argumentis haud levibus oppugnari posse credimus: sequentia autem in præsentiarum mihi occurrunt.

1. Probè attendenda est antithesis quæ occurrit v. 4. *Vivent & regnabunt cum Christo mille annis; reliqui verò ex mortuis non reviviscunt.* Non sine textus injuriâ & torsione posterius verbum, *reviviscunt*, de resurrectione corporali, prius verò *vivent*, de spirituali potest accipi vel igitur utrumque de corporali resurrectione accipiendum, vel utrumque de spirituali: antitheseos enim ratio flagitat ut utriusque eadem sit significatio. Si igitur prius verbum, *vivent*, de resurrectione spirituali accipiendum esset, posterius similiter intelligendum esset: Unde sequeretur, omnes omnino homines spiritualiter resurrecturos: Quod falsum, & Scripturæ imò huic ipsi textui, contrarium: *Conjiciuntur enim in stagnum ignis, quorum nomina non reperientur in libro vite scripta, versu ultimo.* Sequeretur etiam, mille istis ani-

nis, quos jampridem elapsos putant solos Martyres spiritualiter resurrexisse: reliqui enim excluduntur: Atqui & hoc manifestè falsum est. Si verò posterius verbum, *reviviscunt*, de corporali resurrectione accipiendum, de eadem prius quoque intelligendum erit, adeoque Patrum sententia confirmabitur.

2. Regnum hoc certo principio & fine continetur, mille enim annorum erit, quos definitè accipiendos esse suprà ostendimus: Atqui gloriæ regnum, in quo animæ beatorum post separationem à corporibus sunt, mille annis non finitur, sed, ex sententiâ adversariorum, in omnem æternitatem continuatur: Regnum igitur aliud hic intelligendum, alii regni hujus subditi, alia subditorum conditio, nempe quorundam à mortuis resuscitatio, & in regnum hoc introductio, quod eadem formâ eodemque loco non sit perpetuò duraturum, sed elapsis mille annis certo respectu finem sortiturum, quod dici de regno solarum animarum in cœlo constitutarum nequit.

3. Regnum hoc solum Martyrum & Confessorum est futurum, ut textus habet: Atqui non solæ Martyrum & Confessorum in specie sic dictorum animæ spiritualiter resurgunt, & in cœlo ad mortuorum resurrectionem universalem usque cum Christo regnant, sed aliorum etiam piorum, qui hoc ordine non continentur: Peculiare igitur quiddam Martyribus promittitur; quod, si textum sequamur, aliud nihil videtur esse nisi resuscitatio ipsorum propriè sic dictâ, & in regnum hoc introductio.

4. Apostolus singulare quoddam mysterium hæc pandit: Atqui animas Martyrum piorum spiritualiter, antequam ex hæc vitâ discederent corporibus liberæ resurrexisse, omnibus notum erat qui doctrinæ Christi & Apostolorum rudes non erant: Aliam igitur hæc resurrectionem Apostolus indigitat quàm spiritualem.

5. Inuit Apostolus Martyrum animas post martyrium victuras: Atqui Martyrum animæ non deum post martyrium sed ante martyrium regenerantur: est enim effectus regenerationis constantia Martyrum. Hactenus quartum caput.

XXIX. De quinto. *Reliquos ait Apostolus non resurrexturos donec explevi fuerint mille anni, vers. 5.* Quibus verbis secundam resurrectionem indigitari in Patrum & piorum quorundam virorum gratiam asserimus, nempe quâ alii omnes mortui, præter Martyres & Confessores, in vitam revocabuntur, & tribunali Divino sistuntur, quod futurum vers. 12, 13. docent.

Ab hæc interpretatione qui alieni sunt Apostolicis verbis hujusmodi glossam apponunt; *Reliqui*

ipsis sunt soli pagani & infideles hypôcritæ in Ecclesiæ gremio per fucum hærentes, quos aiunt in paganismo & infidelitate per Satanam mille istis annis detentum iri, itâ ut toto isto temporis spacio non sint revicturi. *Mortuos* hos appellari putant non corpore sed spiritu. *Revicturos* cum negat Apostolus, non de corporali sed spirituali vitâ id accipi volunt, quasi diceret in paganismo mansuros aut infidelitate, & ad Christum non conversum iri. Denique limitativâ particulâ *donec* non tempus limitari, sed simpliciter negari contendunt, quasi diceret Apostolus ipsos nunquam revicturos. Sensus igitur prophetiæ secundum istos hic erit; *Mille istis annis, qui incipient à nativitate Christi vel aliquantò post, & finiemur sub Gregorio VII Pontifice Romano, Martyrum & Confessorum piorum animæ cum Christo in cœlis gloriôsè triumphabunt, quiescentibus interim in terrâ usque ad universale judicium corporibus. Eorundem verò mille annorum spacio Pagani & infideles omnes à Satanâ ligato seducentur, & in paganismo vel infidelitate & hypocrisi detinebuntur, itâ quidem ut inde nunquam sint elutaturi, sed in morte spiritali æternum manfuri.*

XXX. Hæc glossa an verbis Apostolicis sit consentanea viderint autores ejus: nobis certè ea magnopere non placet, idque ob sequentes rationes:

1. Quia fundamentum ejus in textu Apostolico nullum est; nec verò quibus ea probari possit rationibus video. Nudas enim autores ejus assertiones proponunt, easque contrarias Patrum & piorum quorundam virorum sententiæ. Atqui in conflictu disputationis tanti facienda partis unius negatio quanti alterius affirmatio, nisi vel illa vel ista rationum pondere prævaleat.

2. Quid attinebat solis Martyrum animabus assignare regnum in cœlis gloriosum, per millenarium à nato Christo usque ad Gregorium VII, cum nec solum Martyrum animabus hoc contingat regnum, nec mille annorum istorum spacio circumscribatur, id est, inchoetur & finiatur?

3. Non opus erat prædixisse regnum illud gloriæ in cœlis futurum, tanquam singulare quoddam arcanum, de quo in Ecclesiâ nemo dubitavit: animas enim piorum à corporibus solutas in cœlum migrare & felicitate frui inestabili, extra dubium erat.

4. Per *reliquos mortuos* intelligi solos infideles, sive Paganos sive hypôcritas, in Ecclesiâ latitantes, eosque non corporaliter sed spiritualiter tantum mortuos, non admittit textus. In universum enim is, si literam inspicimus, futuram omnium hominum

minum sortem describit, omnesque homines in duas quasi sortes distinguit, nempe in Martyres, quibus accensur pii Confessores, & reliquos omnes qui ante initium hujus millenarii sunt mortui: hoc enim millenario durante aliquos morituros non dicit, Sub reliquis igitur mortuis non tantum infideles, sed & fideles qui ad Martyrum censum non pertinent, continentur. Cur enim infidelium potius quam fidelium reliquorum sortem futuram ab Apostolo prædici credamus?

5. Glossa hæc expressè statuit, durante millenario isto, nempe à nativitate Christi ad Gregorium VII. usque, nullum infidelium spiritualiter revivisse, id est, nullum vel paganam vel hypocritam ad Christum fuisse conversum: quod longè falsissimum est.

6. Eadem glossa statuit, Satanam tempore ligationis suæ gentes efficacissimè seduxisse & à Christo averisse: quod textui sacro è diametro contrarium: cum enim ipsum in finem ligandus Satan dicitur, nè amplius seducat Gentes donec compleantur mille isti anni, versu 3.

7. Verba illa vers. 5. *donec expleti fuerint mille anni*, interpretari per *nunquam*, certè audacior videtur glossa: Eadem enim phrasis, verbo saltem unico mutato, occurrit in vers. 3, & 5. in illo, de termino ligationis Satanæ, *καὶ ἔτι τρεῖς ἡμέρας καὶ ἑπτὰ ἡμέρας*, in hoc, de tempore resurrectionis mortuorum reliquorum, *καὶ ἔτι τρεῖς ἡμέρας καὶ ἑπτὰ ἡμέρας*. Quis verò credat in versu 3. phrasi hæc certum definiti & limitari tempus, (quod extra dubium est: finitis enim istis mille annis, ligatus Satan solvetur vers. 7.) in versu autem 5. eadem negari definitum ac limitatum tempus.

8. Non obscurè innuit Apostolus quid completis mille istis annis futurum sit de reliquis mortuis: nempe suscitandi, ad Dei tribunal sistendi, & promeritis tractandi dicuntur, vers. 12, & seqq. Itaque posteriores hi versiculi sunt explicatio versù quinti, *Reliqui ex mortuis non reviviscunt donec expleti fuerint mille anni*.

9. Apostolus in hoc capite vigesimo non nisi de duabus moribus expressè loquitur, nempe de morte æternâ, quam appellat *secundam mortem*, vers. 14 & de morte istâ à quâ reditus ad vitam dabitur reliquis mortuis sub ultimi judicii diem, ut patet ex collatione vers. 5, & 12. Atqui mors hæc non est spiritualis sed corporalis. Hisce argumentis repudianda nobis videtur glossa. Et hætenus quoque quintum caput.

XXXI. De sexto & ultimo. Conatus Satanæ post mille hos annos soluti describitur v. 8. & 9. nempe seductio gentium *Gog & Magog*, & nume-

rosissimi ex istis collecti exercitus eductio, oblectatio civitatis sanctæ & castrorum Sanctorum. De *Gog & Magog* sententiam nostram paucis suprâ explicuimus. Prolixiorẽ de iis disquisitionem interpretibus relinquimus. Existimant autem pii & docti nonnulli viri, cum Gentibus hisce vires quoque suas conjuncturum Antichristam, qui mille istis annis paulatim se sit recolleturus. Quæ tamen sententia nobis magnopere non placet: Videtur enim Antichristus sub initium mille annorum conjiciendus in stagnum sulphureum, ibidemque ad judicium usque universale detinendus: Videatur cap. xix. v. 20. Nec obscurè innuitur cap. xx. v. 10. Bestiam & Pseudopphetam, id est, Antichristum, jam tum fuisse in stagno ignis, cum expletis mille annis, post irritos suos conatus, Satan in id conjiceretur. Eundem hunc scrupulum attingemus in solutione argumentorum. Tandem eventus quoque motuum Sataniorum describitur vers. 10. *Conjectus est in stagnum ignis & sulphuris*, de quo nulla difficultas. Hætenus sedem hujus controversie excussimus.

XXXII. Videamus jam quid roboris habeant argumenta decem adversus Chiliastas & Patres suprâ à nobis collecta & explicata. Respondemus igitur,

Ad 1^m. Antecedens tanquam hypothefin gratis sumtam & non probatam, quæ tamen omnium maximè probanda erat, siquidem controversiæ hujus fundamentum attingit, negamus. Probatio quæ subjicitur reverâ aliad nihil est nisi principii petitio. Frustra & sine evidenti ratione initium mille annorum queritur in elapsis à nato Christo annis, in quibus Satanam κατ' ἐξουσίαν ligatum, nè amplius seduceret Gentes & Ecclesiam Dei persequeretur, nondum vidimus vel audivimus, uti nec Christi cum solis Martyribus regni felicitatem, qualem promittit Apostolus. Quod enim de partiali quâdam ligatione & Christi regno cum solis Martyrum animabus in cælo nobis objiciunt, rationibus, opinor, evidentiibus à nobis suprâ fuit refutatum. Mille annorum à nato Christo ad Hildebrandum seu Gregorium VII. historia si consulari, furorem Satanæ adversus Ecclesiam nunquam ferè majorem fuisse quàm ipsis illis mille annis, liquidò constabit. Quod aiunt, eâ saltem ratione fuisse Satanam mille istis annis ligatum, quòd fraudibus ejus detectis gentes amplius seducere & ab Ecclesiâ arcere non potuerit, ad rem parum videtur facere; quia & istis annis maximam Gentilium partem sibi mancipatam tenuit: semper enim plures gentiles extra Ecclesiæ gremium manserunt quàm ad id se aggregarunt. Deinde

post *Gregorii VII.* tempora, & sub ea, quibus solutum Satanam aiunt, non obstantibus Satanæ furoribus, gentiliū haud pauci sua Christo nomina dederunt, & fortean haud pauciores ad hæc usque tempora quàm mille istorum annorum spatium: ut post *Gregorium VII.* magis fuisse solutum Satanam quàm ante ipsum, probabile non videatur.

Ad 2^m. Antecedens negamus. Etsi enim de animabus Martyrum *Joannes* expressè loquitur, non solas tamen animas, sed totos Martyres corporibus & animabus constantes intelligit, ut suprà probatum à nobis fuit: & solet aliis quoque Scriptura frequentissimè per *animam* indigitare totum hominem.

Ad 3^m. Antecedens simpliciter verum non est. Patres enim & Chiliastræ saniores millenarium Christi cum piis Martyribus suscitatis regnum tranquillissimum ipsorum temporibus adhuc futurum ex Apostoli verbis adstruxerunt, idque probabiliter, etiam si in calculo aberrarunt, decepti Græcorum Chronologiâ. Eventus igitur Chronologiæ quam secuti sunt, non ipsius dogmatis per se falsitatem arguit. Si omnes prædictiones falsitatis illico in solidum arguendæ essent ob Chronologiæ errores, qui sæpissimè obrepunt, vix ulla etiam naturalium quicquam veri haberet: Quàm enim sit intricata & varia Chronologia à Mundo condito ad natum usque Christum, & à nato etiam Christo ad nostra usque tempora, doctorum nemini ignotum est. Nec verò nos in patribus probamus, quod dicto *Elia*, de sex Mundi millenariis, nimium tribuerint, & sexto millenario elapso regnum hoc inchoatum iri fidenter admodum pronuntiarent: Constat enim sua dogmati de hoc Christi regno & Martyrum suscitatione, nec non Satanæ ligatione, veritas à patribus asserta, etsi traditio ista *Rabbinica* pro evangelio aut fidei articulo non habetur.

Ad 4^m. Negamus consequentiam. Stante enim Patrum sententiâ, postrema illa & luctuosa tempora de iis accipienda erunt quæ regnum hoc millenarium brevi antecedent: quæ ob furorē Antichristi & Satanæ, aliasque publicas calamitates luctuosissima fore extra omne est dubium. Quod Christus ait, *regnum suum de hoc Mundo non esse*, ad illa videtur referendum tempora quæ Apostoli rudes sibi imaginabantur, vel certè ad præsentem illum aut similem Mundi statum. Refertur etiam poterit ad formam regni, quæ mille istis annis longè alia in terris futura est quàm illorum regnorum olim fuit & nunc est: loco enim tantum, non conditione, regnum hoc tertenum erit. Reliqua Scripturæ testimonia, quæ vel oppressionem & luctum

Apostolis prædicunt, vel postremorum temporum infidelitatem & *ἀσπλῆς* exaggerant, vel ad communem fidelium in hisce terris sortem, Mundique impii mores, ad regni usque huius auspicia, vel ad *Hierosolymæ* excidium, commodè referri possunt. Ubi & hoc observandum, vel maxime impletas esse istas Christi de futuris piorum calamitatibus & pressuris prædictiones, in piis Martyribus & Confessoribus, qui ad regnum hoc millenarium videntur excitandi.

Ad 5^m. Assumptio pro confesso sumit quod in controversiâ positum est, nempe Pontificem Romanum in extremo demum iudicio conjectum iri in stagnum ignis. Nec probatur hæc sententia ex fine c. 19. quin inò contrarium inde probabilius colligitur, nempe sub initium mille annorum Bestiam cum Pseudopropheta in stagnum sulphuris conjectum iri. Quod ad Thessalonicenses de illustri adventu Domini dicitur, de adventu Christi ad regnum hoc intelligi potest. Sunt tamen qui existiment sub decursum mille annorum Antichristum paulatim vires recollecturum, & cum soluto Satanâ ultimum in Ecclesiam Dei impetum, irritum tamen conatu, facturum, tandemque in ultimo iudicio planè abolitum iri: Quâ sententiâ & robur argumenti huius enervatur. Dicit quoque potest Antichristum in ultimo iudicio abolendum esse, etsi ante iudicium hoc, sub initium mille annorum, in sulphuris stagnum conjiciatur: Eodem enim modo impii omnes abolebuntur in ultimo & universali iudicio, etiam si ante id animæ ipsorum in sulphuris stagnum sunt præcipitæ: tum enim corporibus suis rursus unitæ, unâ cum corporibus tribunali Divino sistentur, & sententiam damnatoriam audient, *Ite maledicti*, &c. Eadem ipsis quoque Dæmonibus sententia distabitur, etiam si cruciatibus infernalibus ab ipso lapsis momento fuerit obnoxii. Sic igitur non uno modo vis argumenti huius infringi potest.

Ad 6^m. Vera contradictionis implicatio nulla est, etiam stante glossâ, quam ratio tanquam hypothesein assumit: Respondebant enim glossæ huius autores, abjectionem Antichristi in stagnum ignis, quæ sub initium mille annorum futura, totalem quidem Antichristi & regni eius sed non finalem abolitionem fore. Futurum igitur ut sub decursum annorum mille ex abyssu redeat Antichristus, qui inde primitus exiit, sursumque, quod penitus abolitum erat, regnum instauret: Quod absque probabilitate non dici inde patet, quia Satanæ quoque in abyssum conjectio & conclusio, ex adversariorum sententiâ, hæ totalem quidem Satanici regni destructionem significat, ut suprà vidimus,

dimus, nedum finalem, cui textus expressè contradicit: elapsis enim mille annis solutus Satan regnum suum inter gentes instaurabit, v. 7, & 8. Est & hoc observandum, glossam, quòd sub finem mille annorum Antichristus paulatim vires sit resumiturus, non arridere omnibus, adeòquè è singulari unius Doctoris sententià vel glossà non posse dogmà aliquod commune evecti.

Ad 7^m. Antecedens distinguimus: Non sit mentio expressa resurrectionis corporalis Martyrum, attamen corporalem à Joanne intelligi & indigitari rationibus haud contemnendis supra probavimus in declaratione capitis quarti & quinti, quæ controversiæ hujus sedem concernunt. Quod obijcitur, non dici in textu Martyres *revixisse*, sed *vixisse*, parùm ad rem facit: Videatur eorundem capitum modò allegatorum explicatio: Expressè Apostolus vitam illam appellat *resurrectionem primam*, v. 6.

Ad 8^m. Antecedens simpliciter verum non est. Asserit quidem Scriptura resurrectionem mortuorum, unicam verò illam & omnium eodem tempore futuram non asserit, imò duplicis expressam mentionem facit in textu hoc Apocalypico. Deinde si rigidè adeò non nisi unica mortuorum resurrectio, eaque omnium eodem futura tempore, sit urgenda, negandum erit ullos unquam mortuos surrexerisse, quod contra expressam Scripturam negaretur. Denique non est insolens Scripturæ universalibus regulis addere, vel ex Scripturæ ductu nobis addendas relinquere, exceptiones. Sic Scripturæ sententià est universalis, *Omnibus hominibus constitutum esse semel mori*; & tamen omnes olim non mortuos (*Enoch enim & Elias in cælum vivi sunt rapti*) vel deinceps morituros ex Scripturâ notum est. Similis exceptio de mortuorum quoque resurrectione adhiberi possit, nempe in extremo die futuram universalem omnium mortuorum, quos nempe mortuos inveniet illa dies, resurrectionem: Unde tamen illico inferendum non erit, particularem quorundam resurrectionem mille annis non antecessuram, nam & illius & hujus mentionem Scriptura facit.

Ad 9^m. Antecedens simpliciter verum non est. Omnes quidem beatos prædicat Apostolus qui partem habent in resurrectione primâ, v. 6. attamen non solos illos: Inspiciatur textus. Ubi & hoc observandum, Apostolus ait eos qui partem habent in resurrectione primâ, non tantum beatos & sanctos fore, sed & mille annis cum Christo regnatos, istis nempe mille annis quibus ligatus erit Satan, ut plerique fatentur qui Patrum sententiam impugnant. Si ergò resurrectio primâ ab

Apostolo nulla intelligitur nisi spiritualis ex morte peccatorum, sequitur utique omnes qui partem in hac resurrectione habent, non tantum sanctos & beatos fore, sed & mille istis definitis annis, qui ex adversariorum sententiâ vel jam effluxerunt vel adhuc fluunt, cum Christo gloriosè regnatos, vel regnâsse, quod manifestè falsitatis convincitur cum è textu Apostolico tum ex adversariorum hypothese: textus enim Apostolicus solis Martyribus & piis Confessoribus obtruncatis hanc prærogativam tribuit: Adversarii ad ejus participationem omnes fideles admittunt, cumq; omnes sine discrimine admittant, nè illos quidem qui elapsis his mille annis demum nascuntur & regenerabuntur excludunt: nam & ii non minùs habebunt partem in resurrectione primâ quàm qui ante millenarium hoc regnum vixerunt: Sequeretur ergò, fideles qui post mille hos annos demum sunt nati, vel nascuntur, cum Christo regnâsse mille annis antequam essent nati: quòd quàm sit paradoxum & absurdum nemo non videt.

Ad 10^m. Antecedens negamus. Ad singulorum membrorum approbationes ordine hoc modo respondemus;

Ad 1^m. Cùm Christus ait *regnum suum non esse de hoc Mundo*, tempora distinguit, & falsis discipulorum aliorumque imaginationibus occurrit: Tum enim temporis regnum Christi in terris hisce nullum erat, nec tale futurum ullum quale animis & spe conceperant nonnulli: Nec millenarium illud de quo Apostolus vaticinatur, tale erit: Nec enim regnum illud Mundanum à loco potissimum, sed à formâ, qualitatibus & conditione appellatur. Cœleste igitur in terris quoque regnum esse poterit, ratione formæ & conditionis. Et si verò Christus in excelsis & cœlestibus jam seder, ibidem tamen corpore suo sessurum perpetuò nequitiam sequitur. Ad præsentem Apocalypses locum ità reliquæ Scripturæ confirmanda interpretatio est, ut nec vis textibus sacris inferatur, nec contradictione veritas implicetur: Cùmque Doctoris quoque *Lutherani* hoc argumentum sit, è propriâ hypothese longè ipsi facilius responderi poterit: *Cælum enim* Doctoribus istis est, ubicunque bene & beatè vivitur; quidni igitur in Mundo regnum non mundanum, sed spirituale, idque gloriosum esse possit?

Ad 2^m. Atqui & spirituale Christi regnum in terris esse potest, cujus gloriam & beatitudinem non animæ tantum sed & corpora sentiant, uti in cœlis sentient. Taceo quòd non desint viri magni, qui & post extremam judicium re-

novatam terram à beatis hominibus putent habitatum iri, qui tamen spirituale regnum hoc futurum non negant. Nec sententiam Patrum lædit, quòd regnum Christi gloriosum non nisi unicum in Scripturis prædicatur & singularitatis numero exprimitur, idque æternum, non mille tantum annorum spatio describitur: Primum enim responderi potest, Scripturam, cum de glorioso Christi regno loquitur, alibi intelligere illud commune, ad cuius participationem post extremum iudicium omnes fideles sunt admittendi, quod citra controversiam unicum & æternum est; hic verò, cum mille annorum regnum expressè describitur, & numerus definitus intelligatur, ut suprà ostendimus, non de communi sed de spirituali regno hoc accipiendum esse, cuius soli Martyres & pii Confessores erunt participes, ut expressus textus habet. Deinde regnum hoc millenarium certo respectu temporaneum & æternum, idem cum universali & diversum ab eo dici potest. Temporaneum quidem erit, quoad administrationis modum, qui post mille elapsos annos in universali regno, quod in cœlis futurum credimus, erit alius, de quo tamen prænunciare nostrum non est. Æternum verò dici idem potest, quia ista Martyrum beatitas, nempe spiritualis, in terris hisce inchoata, regni millenarii mutatâ formâ, in omnem æternitatem continuabitur; etsi maior in universali regno videtur futura quàm in millenario & particulari fuit. Idem porro dici potest cum universali, quoad conditionem gloriosæ felicitatis, uti gloria quâ beatorum animæ fruuntur eadem est cum illâ quæ post corporum suscitationem Dei filii obtingeret, admissis quoque in ejus societatem corporibus. Diversum verò erit, cum loci, tum externæ formæ; & dubio procul diversorum felicitatis graduum respectu.

Sed excipiat hic aliquis, videri gloriam regni millenarii tandem finiendam vel certè interrompendam, cum nempe solutus Satan gentes seducet, elapsis mille annis, easque adversus civitatem sanctam & castra Sanctorum concitabit: unde nova istius regni hæredibus persecutio videtur imminere. *Resp.* De Satanæ & Gentilium conatibus adversus Ecclesiam, post mille elapsos annos, dubium planè nullum est, quia clarissima sunt Apostoli verba; eò verò usque successuros Gentibus & Satanæ conatus suos ut Ecclesiam sint afflicтури, ejusque felicitatem turbaturi vel interrupturi, ex Apocalypsi posse probari non puto. Quinimo irritos fore Gentium & Satanæ conatus haud obscure innuit Apostolus, dum igni cœ-

litus delapso consumtum iri Gentes expressè affirmat. Itaque verisimile est Martyres sanctos, de felicitatis suæ Constantiâ securos, nè minimâ quidem formidine perculsum iri ob extremos istos Satanæ & Gentium conatus.

Ad 3^m. De substantiali interitu cœli & terræ, post adventum Domini, maxima est controversia, defendentibus negativam plerisque nostris Doctoribus, quorum & nos sententiæ subscribimus: Itaque dubia hæc hypothesi tanquam certum fundamentum assumenda non erat. Ad objecta Scripturæ loca prolixè deinceps respondebitur. Deinde, concessâ etiam hypothesi, Patrum sententia non periclitatur: Respondebunt enim, interitum illum reservatum iri ad ultimum Christi adventum, seu iudicium universale.

Ad 4^m. Allegatum Scripturæ testimonium loquitur de ultimo Christi adventu ad iudicium universale, quod antecedit regnum millenarium.

Ad 5^m. Negamus consequentiam: Particularis enim solum Martyrum resurrectio mille annis antecessura non tollit universalem omnium extremo die futuram. Universalis autem appellatur, non quòd omnes à condito Mundo mortui tum temporis demum sint excitandi, sed omnes quos mortuos inveniet dies ultima, secus quàm in primâ resurrectione fiet, in quâ non omnes, vel fideles vel infideles, sed soli Martyres & pii Confessores qui propter testimonium Jesu sunt obtruncati, excitantur.

Ad 6^m. Negatur consequentia. Quod in antecedente dicitur, de ultimo Christi adventu intelligendum est, quem mille annis antecedit adventus ad suscitationem Martyrum, & regni millenarii auspiciis, quod terrenum ratione loci, cœlestes verò & beatum ratione conditionis erit.

Ad 7^m. Consequentiam negamus: Antecedens enim loquitur de ultimo adventu ad ultimum iudicium; consequens, siquidem Patrum sententiæ contradicit, de adventu ad regnum millenarium. Sin verò de ultimo quoque adventu intelligi debeat, ad rem præsentem ratio hæc nihil facit. Interim tamen non nisi secundum quid admitti consequens potest, nempe post adventum Domini ultimum mille annis terram in pristino suo statu non duraturam, etsi *ὁυ καταδω*; non abolebitur, ut postmodum monstrabimus.

Ad 8^m. Totum concedimus: Nec enim Patres asserunt militantem Ecclesiam meris deliciis & voluptatibus fruturam: In regno enim isto millenario triumphabunt pii Martyres & Confessores non minùs quàm beatorum animæ in cœlo jam triumphant. Quod verò in antecedente dicitur mili-

militem Christi Ecclesiam ad consummationem seculi usque variis tribulationibus & calamitatibus obnoxiam fore, de eâ accipiendum seculi consummatione quam excipiet resurrectio Martyrum & regnum millenarium. Nec enim dubium quin maxima rerum naturalium & humanarum mutatio regni hujus auspicia sit antecessura: Antichristus enim cum totâ suâ synagogâ abolebitur, exstinguetur hominum pars maxima, gentilibus non nisi paucis relictis, qui extra regnum hoc in posteris suis mille annis supererunt, & sub decursum mille annorum mirum in modum aucti, Satanâ instigante, Sanctorum castra oppugnabunt. Nec dubium est quin rerum quoque naturalium, quæ regni hujus incolis ministrabant, longè alia sit futura facies quam impræsentiarum est, siquidem beatissimum & tranquillissimum erit regni istius seculum, omnis autem quæ in naturâ modò decurrit, expers. Videatur hæc de re *Lactantius* De Divino præmio, lib. 7. cap. 24.

Ad 9^m. Totum concedimus, si consequens loquatur de ultimo Christi adventu: Sin de adventu ad regnum Christi cum solis Martyribus, consequentiam negamus; cum hoc enim adventu ultimum judicium non erit conjunctum.

Ad 10^m. Alia erit ratio regni post diem ultimum & resurrectionem universalem, alia millenarii de quo Patres loquuntur: De conditione incolarum illius regni in plerisque locis Scriptura loquitur; hujus verò expressam mentionem non videtur facere nisi in hoc solo Apocalypsis loco. Nec insolens est in Scripturâ unius rei non nisi unicam fieri mentionem. Erunt autem incolarum regni

millenarii præmia. quidem: nonnulla corporalia & temporalia, attamen pleraque æterna & spiritalia, quæ in universali ecelorum regno amplificabuntur.

Ad 11^m. Etiam regni millenarii hæredes erunt *ἰσχυροί*, quoad iustitiam, sanctitatem, Divinæ gloriæ & majestatis contemplationem, aliæque plurimæ quæ hominibus & Angelis communia esse possunt: Interim tamen regnum hoc millenarium peculiariter nonnulla habebit quæ in Angelos sanctos non cadunt. Omnimodo igitur *ἰσχυρία*, quoad quidem capax ejus est homo, universali regno reservabitur. De cuius felicitate pleraque Scripturæ loca sunt accipienda.

Ad 12^m. Connexum negamus. Ratio negationis manifesta est e Chronologiæ maximâ difficultate, & Doctorum in Mundi ætate computandâ discrepantiis. E triginta enim aut quadraginta Chronologis vix duos aut tres invenias qui in annorum à condito Mundo ad natum Christum numero exactè consentiant. Sexti igitur millenarii finem longè incertissimum arbitramur: Et, si maximè certus is esset, incertum tamen & ignotum mortalibus esset, an sextus millesimus annus ante inchoationem regni millenarii præcisè completus esset: imò decurtatum iri tempora, expressè Christus prædixit. Accedit, quòd millenario etiam septimo elapso novissimus dies ad tempus aliquod sit protrahendus, donec nempe civitatem sanctam gentes oppugnaverint, & igne coelitus lapso consumptæ fuerint: Quanta hæc temporis futura sit mora, nulli constat mortalium. Hæcenus saniorum Chiliastrarum & Patrum excussa sententia.

CAPUT. XVII.

De signis Mundanum excidium antecedentibus jam præteritis.

Signa Mundanum excidium antecedentia sunt triplicia: præterita, præsentia, futura: *Thes. I.* Signa præterita: *Thes. II.* Excusatio methodi: *ἐκθ.* 1. Primum signum, Ruina & destructio templi & urbis Hierosolymitanæ: 2. Secundum, Evangelii inter omnes gentes annuntiatio: 3. Tertium, Apostasia ab Evangelio: 4. Quartum, Patefactio Antichristi: 5. Quintum, Crudelissima Antichristi persecutio: 6.

THESIS. I.

Signa mundanum excidium antecedentia sunt vel præterita, vel præsentia, vel futura.

THESIS II.

Præterita sunt; 1. Ruina & destructio templi & urbis Hierosolymitanæ, 2. Evangelii inter omnes gentes annuntiatio, 3. Generalis ab Evangelio apostasia seu

defectio, 4. Patefactio Antichristi *ἐκθ.* ita dicti, 5. Crudelissima Antichristi persecutio.

"*Εκθ.*"

I. Ignoscant deinceps mihi rigidioris methodi exactores; si in hæc materiâ à naturæ voluminibus ad gratiæ librum me convertero: Nam de mundano excidio ejusque signis non nisi Scriptura rectè nos informat. Nec verò in hæc Cosmologiâ prætereunda mihi videbatur nobilis de fine Mundi.

con-

contemplatio, quæ ut ardua est, ita utilis & jucunda; nec non cum argumento quod hæcenus tractavimus conjunctissima. Ordine igitur præterita videamus signa, quæ in thesi enumeravimus.

II. Primum constituimus rainam & destructionem templi & urbis Hierosolymitanæ, de qua concionatur Christus *Matth.* 24. Representavit enim mutatio politicæ Judaicæ universalem totius Mundi mutationem; unde ita utriusque excidii miscetur signa ut difficile sit inter omnia dignoscere quæ ad orbis vel urbis excidium pertineant. Distinguit autem in isto capite *Augustinus*, Epist. 80. triplicia signa: Quorum alia pertinent ad exitium civitatis; alia ad adventum Christi in corpore suo, quod est Ecclesia; alia ad adventum ejus in capite Ecclesiæ, quod ipse est: Et hæc tertii ordinis signa ad ultimum judicium pertinent; ad quod ipse Dei Filius veniet. Inter hæc signa diligenter jubet *Augustinus* distinguere, ne confundantur: fatetur tamen quædam ita esse obscura ut laboriosum sit ea dijudicare, vel temerarium, quamdiu non intelliguntur, de iis aliquid definire: Videatur etiam *Lactantius*, lib. 7. De præm. Div. cap. 16, 17, 18. *Irenæus*, lib. 5. cap. 15. *Hyppolytus Martyr*, De consummat. Mundi; *Origenes*, in *Matth.*

III. De secundo, nempe Evangelii inter omnes gentes annunciatione, loquitur ibidem Christus, vers. 14. *Et prædicabitur istud Evangelium regni in universâ terrâ ut sit testimonio omnibus gentibus: & tunc veniet finis.* Numeramus autem inter præterita signa, Evangelii per universam terram prædicationem; non quod planè jam præterierit & esse desierit, ut vastatio *Hierosolymæ*, sed quod ad maximam orbis habitabilis partem Evangelii præconium jam penetrarit. Nam in plerisque *Europa*, *Asia* & *Africa* partibus vel jam olim prædicatum est Evangelium, etiamsi posterioribus seculis è nonnullis iterum migravit propter hominum ingratitude, vel superiori seculo cœpit prædicari: In Novo etiam orbe passim jam ante multos annos prædicari cœpit. Non igitur diffitemur signi hujus aliquid & jam impleri & adhuc implendum esse: sunt enim amplissimi terræ tractus, itque dubio procul numerosis habitati gentibus, ad quas Evangelii concio nondum venit. Sic Australis terra & ejus gentes etiamnum latent incognitæ. Nondum patefactæ sunt vastæ regiones supra fretum *Magel-*

lanicum ab Oriente in Occidentem, & quæ inter *Peru* & *Brasiliam* est protensa. Latent etiam quæ supra *Floridam* in Aquilonem excurrunt, necnon quæ supra caput *Mendocinum* & *Californias* versus Orientem & Septentrionem diffunduntur. Has etiam terras & gentes in hominum nostrorum notitias tandem venturas, & Evangelii præconium audituras, Doctorum sententia est. De hoc signo ita scribit *Augustinus*, Epist. 29. & 80: *Quod si inter omnia ea quæ Salvator dixit, signum aliquod certum querendum est, nullum est certius, quàm ubi Evangelium in toto terrarum orbe fuerit prædicatum.*

IV. De generali ab Evangelio *Antichristia* & defectione loquitur Apostolus 2. *Thess.* ii. 3. *Ne quis vos seducat ullo modo: non enim advenit dies Christi, quin advenit prius defectio.* Hoc quoque signum inter præterita numeramus, quia defectio ab evangelicâ Christi doctrinâ generalis, & longè maxima jam contigit circa annum à nato Christo DC. quo tempore monarchiæ fundamenta jecerunt *Mahomet* & *Pontifex Romanus*; ille Politicæ, ille Ecclesiasticæ: ad quos à Christo populi defeecerunt innumeri.

V. De patefactione Antichristi *apoc. 13.* ita dicti loquitur Paulus loco modò allegato; *Non advenit dies Christi, quin reiectus fuerit homo ille secularis, filius ille perditionis.* De Antichristo loquitur: quem Pontificem Romanum esse in omnibus Evangelicorum Ecclesiis extra controversiam est. De hoc argumento integri tractatus complures ab Evangelicis Doctoribus sunt scripti. Excellunt inter alios Angli. *Gabriel Porellus*, in præfatione disputationis suæ de Antichristo, suam de Pontifice Romano sententiam gravissimâ asseveratione pronunciat; *Deum sancte testor, me tam certò scire Pontificem Romanum esse magnum illum Antichristum, quàm Deum ipsum esse in cælis Creatorem visibilibus & invisibilibus, & Jesum Christum verum illum Messiam Patribus olim promissum.*

VI. De crudelissimâ Antichristi persecutione, quod quintum est signum multis in locis concionatur Apocalypsis. Hanc & ipsam inter signa præterita numeramus, non quod jam desierit, sed quod olim cœperit, & vix major esse deinceps possit quàm olim fuit. Respexisse huc videtur *Sibylla*;

*ὦ πότα δὲ Παύλος ἀταρξίτους πόλιν ἔσται,
Sed Roma præcedet ineluctabilis ira.*

CAPUT XVIII.

De signis Mundanum excidium antecedentibus jam presentibus.

Presentia signa : *Thef. I. Explicatur Primum, Multiplex rerum conditarum corruptela, vanitas, abusus, debilitatio : 2. Secundum, Assidua Antichristi per spiritum oris Dei vulneratio : 3. Tertium, Continua hominum ad Antichristum defectio : 4. Quartum, Corruptela & contagio maxima in vitâ & moribus, nec non bruta hominum securitas : 5. Quintum, Horrida bella undique surgentia : 6.*

THESIS I.

Præsentia signa sunt ; 1. Rerum creaturarum multiplex corruptela, vanitas, abusus, debilitatio, 2. Assidua vulneratio Antichristi per Spiritum oris Domini. 3. Continua hominum defectio ad Antichristum. 4. Corruptela & contagio maxima in vitâ & moribus, nec non bruta hominum securitas. 5. Horrida bella undique surgentia, quorum comites, famæ & pestis.

"Ex Deo."

I. Non possunt tam accuratè distingui præterita & præsentia signa quin sæpe concurrant, quia non momentanea pleræque, sed successiva sunt, ita ut diu continuentur : à potiori tamen denominationem facimus, & præterita appellamus, quorum maxima pars jam præterit, præsentia, quorum maxima pars est in motu continuo, & quotidie incrementum capit, nostrisque observatur oculis.

De multiplici rerum conditarum corruptela, vanitate, abusu & debilitatione loquitur Paulus, Rom. viii. 19, & seqq. Mundus conditus ex ferro capite expectat revelationem filiorum Dei. Nam vanitati Mundus conditus subiectus est, &c. sub spe, quod & ipse vindicabitur ex servitute interitus in libertatem gloria filiorum Dei : scimus enim conditum Mundum unâ suspirare & unâ parturire ad hoc usque tempus. Huc etiam pertinet quod Psal. cii. 27. legitur, Cæli ut vestimentum veterascent. Vanitas hæc jam olim cœpit : De quâ, ut & omnium rerum decrementis, pulcherrima est Cypriani sententia, tract. 1. contra Demetrianum ab initio, Illud primo in loco scire debes, fenuisse jam Mundum, non illis viribus stare quibus prius steterat, nec vigore & robore eo valere quo antea prævalebat. Hoc etiam nobis iacentibus, & nulla de scripturis sanctis prædicationibusque Divinis documenta promentibus, Mundus ipse jam loquitur, & occasum sui rerum labentium probatione restatur. Non hyeme inuertiendis seminibus tanta imbrium copia est ; Non frugibus aestate tor-

rendis solita flagrantia est nec sic vernâ de temperie sata læta sunt ; nec adeo arboris fructibus autumnâ secunda sunt ; minas de effossis & fatigatis montibus eruuntur marmorum crustæ ; minas argenti & auri opes suggerunt exhausta jam metalla, & pauperes venæ ; brevior in dies singulos & decrevit ac deficit in agris agricola, in mari nauia, miles in castris, innocentia in foro, iustitia in iudicio, in amicitiis concordia, in artibus peritia, in moribus disciplina. Putasne ut tantam posse substantiam rei senescens existere quantâ prius potuit novella adhuc & vegeta iuventa pollere ? Et pauld post ; Hæc sententia Mundo data, hæc Dei lex est ; ut omnia orta occidant, & aucta senescant, ut infirmetur fortia, & magna minuantur, ut, cum infirmata & diminuta fuerint, finiuntur. Sic ante mille & quadringentos annos de Mundi senio & vanitate conquestus est Cyprianus Martyr : Quid si in nostra incidisset tempora ? Vanitas hæc indies magis magisque augeatur, ideoque inter præsentia signa à nobis numeratur.

II. De assidua Antichristi per spiritum oris Dei vulneratione loquitur Paulus 2. Thef. ii. 8. Et tunc regegetur impius ille, quem Deus conficiet spiritu oris sui, & illustri adventu suo abolebit. Hanc Antichristi vulnerationem spiritualem præsentibus etiam signis annueramus. Etiam si enim vel maxime sibi valere jam Antichristus videtur, eo ipso tamen maxime vulneratur, dum se ipsum magis magisque prodit, & Bestiæ Apocalyptiæ characteres Ecclesiæ Christi ostentat.

III. De continuâ hominum defectione ad Antichristum idem Paulus loquitur 1. Tim. iv. 1. Spiritus diserte dicit, fore ut posterioribus temporibus descendant quidam à fide, spiritibus deceptoribus attendentes & doctrinis demoniorum, per hypocrisin falsiloquiorum : quorum conscientia cauterio resecta est, prohibentium contrahere matrimonium, iubentium abstinere à cibis, quos Deus creavit ad participantem cum gratiarum actione. Hic loqui non attinet : ipsi loquantur tempora signi hujus præsentiam. Et si ita non est præsens quin & olim fuerit & deinceps futurum sit, hoc tamen tempore maxime conspicuum est.

IV. De corruptela & contagione in vitâ moribusque

busque maximâ, nec non brutâ hominum securitate, loquitur Scriptura; & Paulus quidem 2. Tim. iii. 1, 2, 3, 4, 5. Illud scite, fore ut extremis diebus insistent tempora molesta. Erunt enim homines sui amantes, avari, gloriosi, superbi, maledici, parentibus immorigeri, ingrati, impuri, charitatis expertes, nescii fœderis, calumniatores, intemperantes, immittes, minimè amantes bonorum, proditores, præcipites, inflati, voluptatum amantes potius quàm Dei, habentes formam pietatis, sed qui vim ejus abnegant. En characterem præsentium nostrorum temporum & hominum! Christi, Matth. xxiv. 12. hoc est vaticinium, Multiplicata erit iniquitas, refrigescet charitas multorum: & v. 37, & seq. Sicut erant dies Noe, ita erit & adventus Filii hominis: sicut enim diebus qui præcesserunt diluvium, edebant & bibeant, uxores ducebant & nuptum dabant, ad eum usq; diem quo ingressus est Noe in arcam, nec cognoverunt diluvium usq; dum venisset & sustulisset omnes, ita erit & adventus Filii hominis. Repetitur idem Luc. xvii. 26, 27, 28, 29, 30. 1. Thess. v. 3. Cum dicent, Pax, & tuta omnia, tunc repentinum eis imminet exitium, sicut dolor partus mulieri uterum ferenti. Vide & 2. Petri iii. 3, 4, 5. Inter præsentia signa hoc numeramus, quia supra modum iniquitas & securitas hominum invalescit, etiam inter tot ardentis iræ Divinæ signa. Credibile tamen est ferales

hosce instantis judicii nuncios majora deinceps incrementa sumturos, præsertim in regno Antichristi, si prorogare id aliquantulum adhuc Deo videbitur. Inter Evangelicos quoque haud exigua est securitas, quæ ingens ipsis malum portendit. Pertinet huc illud Augustini, in tract. 1. in Joan. Quantum accedit suis Mundi, crescunt errores, crebrescunt terrores, crescit iniquitas, crescit infidelitas.

V. De horridis bellis undique surgentibus concionatur Christus Matth. xxiv. 6, 7. Futurum est ut audiat bella & rumores bellorum: videte, ne turbemini: oportet enim omnia hæc fieri, sed nondum erit finis: Insurret enim gens in gentem, & regnum in regnum, & erunt fames & pestilentia, & terra motus singulis locis: hæc autem omnia principia sunt dolorum. Inter præsentia signa hoc referimus, quia à nato Christo nulla fuere tempora quæ signum hoc manifestius ostentarint quàm hæc ipsa nostra præsentia, quibus gentes & regna totius Europæ inter se colliduntur, & horrenda fames quotidie multis in locis invalescit. Bellorum horum fontes sunt avaritia & superbia: De quibus Paulus 2. Tim. iii. 2, 3, 4. "Εσται, inquit Sibylla, lib. 3.

ἡ φιλοχρημοσύνη καὶ τὰ πλεονεξία πόλεος,

--Tantum malefuaa malorum cogit avaritia.

CAPUT. XIX.

De signis mundanum excidium antecedentibus adhuc futuris.

Futura signa: Thess. Primum, Extrema Romæ hodiernæ vastatio & conflagratio: End. 1. Ostenditur per Babylonem Apocalypticam non intelligi Chaldaicam veterem: ibid. Babylonem hanc esse Romam modernam: 2. Quod nec ipsi Jesuitæ dissentient: ibid. Ostenditur non intelligi Romam Ethnicam: 3. Probatur Apocalypsin loqui de Româ quam Pontifex Romanus jam habet: quod & Jesuitæ concedunt: 4. Probatur non loqui Joannem de Româ tandem ad paganismum relapsurâ: ibid. Secundum, Universalis Judæorum conversio: 5. Pontificiorum rationes pro corporali reditu Enoch & Eliæ in hæc terras ad convertendum Judæos: 6. Impugnatur hæc sententia, & argumenta contraria solvuntur: 7. Quæritur de tempore, modo & loco conversionis Judæorum: 8. Tertium, Imperii Turcici destructio: 9. Quartum, Exortus pseudochristorum & pseudoprophetarum, qui magna edent signa: 10. Modi decipiendi, quibus in fine sæculi efficax erit Antichristus, à Remalco Pontificio explicantur, & à nobis approbantur: 11. Quintum, Insolita & portentosa signa: 12.

THESIS.

Futura adhuc signa sunt; 1. Extrema Romæ hodiernæ vastatio & conflagratio, 2. Judæorum per universum orbem dispersorum ad Christum conversio, 3. Monarchiæ Turcicæ eversio, 4. Exortus Pseudochristorum & Pseudoprophetarum, qui maxima edent signa & miracu-

la, plurimòsque è gentibus & Judæis seducent, 5. Insolita alia & portentosa signa, terribilissima ominosissima, quæ ingenti homines formidine percellent.

ΕΞΕΓΕΙΣ.

I. De hodiernæ Romæ vastatione & exustione ultimum diem antecessurâ vaticinatur Joannes Apoc. xviii. 8. Una die venient plaga ejus nempe

(nempe Babylonis) mors & luctus & famas, & igne exuretur: quia validus est Dominus Deus, qui damnabit eam. & y. 18. Clamabunt videntes fumum incendii ejus. De excidio Babylonis vaticinatur idem Joannes Apoc. xiv. 8. Duo hic paucis sunt probanda: 1. Babylonem Apocalypsicam non esse illam Chaldaicam veterem; 2. Babylonem hanc non esse aliam nisi Romam modernam, Papæ nidum.

De primo. Chaldaicam Babylonem à Joanne non intelligi patet:

1. Chaldaica Babylon nunquam fuit, nec est, nec erit Antichristi sedes. Fabulantur quidem nonnulli Antichristum ex Babylone proditum, atque sedem ipsi non Babylonem sed Hierosolimam futuram, contra Scripturæ autoritatem. Atqui Babylon Apocalypica est sedes Antichristi.

2. Babylon tempore Joannis fuit urbs magna, quæ imperium in reges habuit, Apoc. xvii. 18. Atqui tempore Joannis monarchia non penes Babylonios sed Romanos fuit.

3. Babylon Apocalypica omnes terræ gentes fornicatione suâ inquinavit, quod dici de Chaldeorum Babylone non potest.

4. Jubetur exire populus Dei de hac Babylone, Apoc. xviii. 4. At populus Dei à mille jam annis non fuit, nec erit in Babylone Orientis.

II. Esse verò Babylonem hanc modernam, Romanam, Pontificis Romani nidum, probatur hisce argumentis:

1. Topographia evincit nullam aliam intelligi urbem nisi Romam. Dicitur enim insidere septem montibus, Apoc. xvii. 9. Atqui Roma septem montibus seu collibus à Romulo fuit imposita. Unde Virgilius 6. Æneid. appellat septem arces; Ovidius, 1. Tristium, Eleg. 4. septem montes: Horatius, in carmine seculari, septem colles; Propertius, septem juga.

2. Vocatur hæc Babylon *ἡ πόλις ἡ μεγάλη*, Urbs illa magna, Apoc. xvii. 18. Atqui norum ex scriptoribus Priscis & recentibus, Romam *ἡ πόλις ἡ μεγάλη* appellari Urbem, & Urbem magnam.

3. Habuit urbs illa tempore Joannis imperium in reges, Apoc. xvii. 18. Quod de Babylone dici non potest; de Româ verò certum est.

4. Probant hanc sententiam plurimi Patres. Ex iis Jesuita Ribera sequentes laudat; Augustinum, lib. 8. De civit. Dei, cap. 22. Eusebium, lib. 2. Histor. cap. 14. Bedam, Occumenium, Hieronymum, in Jesaie cap. 24. & lib. 2. contra Jovian. & epistolâ 15. & 17. Tertullianum, lib. 3. contra Marcion. Orosium, lib. 2. c. 2. E. recentibus nominat Sixtum Senesem, libr. 2. Biblio. Bellarminum, De Pont.

Rom. libr. 2. cap. 23, 3. & 13. Ludovicum Vivem, in lib. 18. De civit. Dei, c. 20. Lindanum, lib. 4. Panopliæ, cap. 28. Quibus ipse etiam accedit cum Vega & Alcasare. Sibylla quoque Roman Babylonem nominat lib. 5. carm. Sibyll. ubi de Nerone vaticinatur,

Ἡ δὲ εὐσταθὴ βαβυλῶνος ἀναξαρτοῦς ἀναδύσεται.

III. Nè tamen nimum Pontificii Doctores videantur concedere, per Babylonem Romam significari aiunt, non modernam Pontificibus Romanis habitatam, sed priscam Ethnicam, qualis sub Imperatoribus Romanis Ethnicis fuit. Falsam hanc esse glossam patet:

1. Quia Ethnica Roma non fuit sedes Antichristi: Atqui Roma de qua Joannes vaticinatur, est sedes Antichristi, Bestiæ istius & Meretricis Babylonicæ.

2. Roma de qua Apocalypsis loquitur, vino scortationis suæ inebriavit omnes gentes terræ, & cum eâ omnes terræ reges scortati sunt, nempe spiritualiter idololatriam ejus participantes, & impiis dogmatibus suffragantes: Dicit hoc nequit de Româ Ethnica, quæ subjectis populis religionum vel superstitionum libertatem permisit, omniumque populorum Deos intra sua quoque mœnia toleravit: At Papalis Roma idolomaniam suam ad omnes ferè terræ reges protulit, & sub pœnâ fulminis obtrulit, igne, ferro, fure & aquis persecuta eos qui aliam inire viam sunt conati.

3. Patres supra allegati non loquuntur de Ethnica, sed Christum professâ Româ; ipsorum enim tempestate desiderat esse Ethnica.

4. Nec Ethnicæ Romæ ruinam postremis temporibus futuram prædicit Joannes; jamdudum enim illa corruit.

5. De eâ Româ loquitur Joannes quæ hominum animas mundinatur, Apoc. xviii. 13. quod non Ethnicæ sed Papali Romæ competit.

6. De eâ Roma intelligi debet Joannes de qua postremis temporibus exiri Dei populus jubetur: Atqui non ex Ethnica jubetur exire, quæ esse jam pridem desit; nec leguntur Christiani unquam præcepti hujus vi inter vehementissimas etiam persecutiones Romam Ethnicam deseruisse.

IV. Tandem igitur evidentia rei coacti Scriptores Pontificii consentunt Apocalypsin loqui de Româ quam Pontifex Romanus jam habet. Nè tamen Pontificiam sanctitatem videantur lædere, sub seculi finem, scribit Ribera, Romam, Pontifice suo cum sanctis excusso, ad antiquæ & ethnicæ Romæ scelera & idolomaniam esse relapsuram, & tunc illam fore omnium scelerum officinam, tandemque deletum iri. Sed falsa hæc est glossa:

1. Quia

1. Quia vaticinium de *Româ* ad paganismum tandem relapsurâ in Scripturis nullum habetur.

2. Excidium istud *Romæ* accidet quatenus est Antichristi sedes: Atqui Antichristus ille in Scripturis depictus, & *ἐκτος* ita dictus, non est Gentilis seu Paganus.

3. De eâ loquitur *Româ* Apocalypsis quæ vino scortationis suæ totum Mundum inebriavit: Sic igitur sequeretur, sub finem totum Mundum, vel maximam ejus partem, ad paganismum esse relapsurum: quod planè falsum & Scripturis contrarium est: Nec tam exiguo temporis spatio hoc posse fieri, res ipsa loquitur.

4. Si vel maximè ad paganismum relapsura esset moderna *Roma*, majora tamen in eâ perpetrari scelera, & horribilior exerceri idolomania non posset quàm jam exercetur.

Concludimus igitur de Papali *Româ*, quatenus Pontificem suum agnoscit Dominum, eique parer, vaticinari Apocalypsin, cujus exultationem inter futura adhuc ultimi diei signa rectè numeramus. Pleraque hæc deprompta sunt ex Commentariis *Dn. Parei* in Apocalypsin; quibus Evangelicorum nemo contradicit.

V. De Judæorum per universum orbem dispersorum ad Christum conversione insigne est *Pauli* testimonium, *Rom. xi. 25. Velim vos non ignorare, fratres, hoc, (ut nō sitis apud vosmetipsos arrogantes) obdurationem istam quæ est ex parte Israël evenisse tantisper dum plenitudo gentium introierit, & ita totus Israel servabitur, sicut scriptum est, Veniet ex Sione liberator, & avertet impietates à Jacob.* Etsi igitur probabilibus nonnulli rationibus impugnant universalem hanc Judæorum conversionem in fine seculi futuram, certò tamen eam futuram omnino credendum, propter expressum *Pauli* testimonium, à cujus literâ cur sit recedendum causa planè nulla est. Breviter igitur obseventur argumenta sententiam hanc confirmantia.

I. Apostolus ait totum Israel servatum iri, postquam plenitudo gentium introierit, id est, postquam omnes à Gentilibus electi fuerint conversi. Totus autem Israel, uti hic opponitur Gentibus, quid quæso aliud est quàm populus Israeliticus seu Judaicus? Enormiter enim errant, qui per totum Israel allegoricè intelligunt Ecclesiam Gentilium, cui aliqui Judæorum se sint aggregatuti: Distinguit enim Apostolus Gentes à Judæis, ut utroque ad Ecclesiam, certo tamen ordine, aggregarum iri docet. Nec vero mysterii ratio glossam hanc admittit: jam tum enim notum erat, præter Gentiles etiam ex Judæis aliquos ad Ecclesiam per Evangelii præconium aggregari.

2. Singulari consolatione Judæos hic erigit *Apostolus*, quæ sanè nulla foret, nisi de plenâ quâdam & universali gentis Judaicæ conversione fuisset locutus.

3. Prophetica vaticinia, quæ allegat Apostolus, non de singularibus quibusdam & paucis individuis, sed de universo populo loquuntur.

4. Sententiam quoque hanc probabilem facit, quòd Judæi ex populis antiquissimis, non obstantibus tam variis casibus, tantis persecutionibus, tot exitiis, tantâ dispersione, soli nihilominus civili vita & religione servantur; ab omnibus separati, aliorum in matrimonii vident consortia, suamque originem & hiltoriam conservant. Quod sanè mirandum & singulare Dei opus est, nec non indubitatum argumentum singularis alienius circa Gentem hanc futuri operis Dei; quod quidem in allegato loco *Paulus* revelat.

5. Aliquot Judæorum singulis ætatibus ad Christum conversio est certo argumento, gentem hanc non penitus esse rejectam, & plenioris futuræ conversionis ædificatio sunt pauci isti. Nec obscure innuit Apostolus, *Rom. xi. restitutionem gentis Judaicæ similem fore conversioni Gentium.* Ut ergò pauci isti Gentiles qui ante Christum statum ad Ecclesiam aggregabantur, & quos erant & quasi arthæ quædam universalis Gentium vocationis securitæ; sic de Judæorum quoque conversione omnino statuendum, nempe paucos illos quos hinc nostris temporibus ad fidem Christianam converti videmus, esse quasi primitias & arthas universalis securitæ conversionis: Quod tantò fidentius credendum nobis, quia mysterii hujus revelatorem *Paulum* habemus.

6. Nec dubium est quin ad universalem hanc conversionem pertineat quod *Apoc. 7.* legitur de oblatione centies, quadragies quater mille servorum Dei ex omnibus tribubus filiorum Israel. Expressè ibidem hi signati Israelicæ distinguuntur à signatis gentibus, populis & linguis reliquis, *v. 9.* Rectè quoque hic refertur vaticinium *Hos. iii. 4, 5. Diebus multis desidebunt Israelitæ, nullo Rege, nulloque principe, & nullo sacrificio, ac nulla statua, nullo denique amiculo aut imaginibus. Postea reversi Israelitæ quarent Jehovam Deum suum, & Davidem regem suum, & pavidi accedent ad Jehovam & bonitatem ejus avertent temporibus.*

7. Patres quoque in hanc sententiam plurimi eunt, inter illos *Origenes, Augustinus, Chrysostomus, Hieronymus, Cyrillus, Ambrosius, & alii.*

VI. Pontifici existimant ante seculi consummationem *Enochum & Eliam*; qui vivi in cælum sumo rapti, in terras hæc redituros, & Judaicam gentem

conver-

conversuros. Ad sententiam hanc probandam adducunt.

1. Patrum quorundam testimonia; ut *Tertulliani*, *Augustini*, *Ambrosii*, *Hieronymi*, *Theodoretii* & *Hilarii*, qui & ipsi in hac opinione videntur fuisse.

2. Christus videtur etiam hoc asserere *Matth. xvii. 11. Elias quidem venit primum, & restituet omnia*.

3. *Ecclesiastici* *xlviii. 3.* de *Eliâ* hæc leguntur; *Qui scriptus es in iudiciis temporum restituere tribus Jacob. & cap. 44. v. 16. de Enoch; Enoch placuit Deo ut det gentibus penitentiam. Quæ expressè videtur sententiam Pontificiam asserere.*

4. Si duo isti redituri non essent, reddi ratio non posset cur ante mortem abrepti essent.

5. *Malachi. 4.* hæc leguntur; *Ecce ego mitto vobis Eliam Prophetam, antequam veniat dies Domini magnus; & converteret corda Patrum ad filios, & corda filiorum ad Patres.*

6. Testes illi duo de quibus *Apoc. xi. 3.* alii nulli sunt nisi *Enoch & Eliâ*.

V. I. Sed nihil probabilioris hæc habet sententia. Ex celo ante ultimum diem in terras hæc missum sint Prophetas, Scriptura insipitum docet; in cunctis condito Mundo nunquam Deus hoc fecisse legitur. Non defunt ipsi idonea in terris organa, quæ vel ex hostibus Evangelii pariter sibi potest, quibus voluntas suæ beneplacitam circa hominum conversionem exsequatur. Accedit quoddam *Eliam* suo tempore venisse jam indicat Christus, ut postmodum ostendimus. Porro locis illis ubi recensentur signa ultimum diem antecessura, nihil de *Eliâ* dicitur: hoc verò signum non reticuisse Spiritus Sanctus præsertim *2. Thess. 2.* si ultimum diem antecessurum fuisset.

Ad contrarias Pontificiorum rationes facilis est responsio.

Ad 1^m. Patrum auctoritas ad persuadendam hanc sententiam non sufficit. Videntur hoc è Judæorum habere fabulis & traditionibus: Jam enim olim in hoc errore fuerunt Judæi, ut patet ex *Matth. xvii. 10.* Et si per se quoque suis speculationibus nimium indulserunt Patres.

Ad 2^m. Christus in allegato loco sententiam hanc minimè confirmat: *Eliâ* enim ille de quo Christus loquitur, non venturus demum est sub Mundi finem, sed jam olim venit, ut ipse Christus ait versu sequenti, *Sed dico vobis Eliam jam venisse.* Fuit autem *Eliâ* iste præcursor Christi *Joannes*, ipso Christo teste, *Matth. xi. 14. Ipse est Eliâ iste qui venturus erat.*

Ad 3^m. Primum liber est apocryphus. Deinde explicatio ejus petenda ex *Matth. xi. 14.* ubi va-

sicium *Malachiæ*, ad quod autor respicit, declaratur. Præterea Græcus textus de corporali reditu *Eliæ* nihil habet: Ut nihil dicam de libri istius errore in spirituum ad corpora reditu asserendo, exemplo *Samuelis*, cap. 46. *Enoch* autem non deditur Gentibus penitentiam, sed exemplum ejus fuisse dicitur; ab impio enim Mundo se segregavit, & cum Deo ambulavit.

Ad 4^m. Quid tum postea, si maximè reddi ratio non posset? Anne falsa omnia quorum à nobis reddi ratio nequit? Libuit Deo vivos in celum rapere; ut amplissimum pietatis præmium hominibus ostenderet, & corporum etiam glorificandorum exempla proponeret.

Ad 5^m. Explicatio varicini *Malachiæ* petenda est ex Christi ore *Matth. xi. 14.*

Ad 6^m. Duos illos testes Apocrypticos *Enochum & Eliam* ineptè Pontificii interpretantur: Testes enim istos duos vincet Bestia ex abyssu ascendens, & cadavera ipsorum projicietur in plateas urbibus magnæ. Quis verò credat *Enochum & Eliam*, qui vivi olim in celum sunt rapti, tam ignominiose tandem trucidarum ipsi postquam tot millibus annorum beatissimam in celo vitam egerunt? Illudne locum dicemus, in quo ad supplicia asservantur pii.

VIII. Quando, & quomodo, & ubi universalis hæc Judæorum conversio sit futura, incertum: sunt tamen de singulis Doctorum conjecturæ quædam. Primum quidem conversum iri Judæos, quando exusta fuerit *Roma*, & pontificiale regnum destruetum, sublatæque idololatria, quorundam opinio est; non illa quidem inepta: Cur enim Christiana religio Judæis sit contentui & abominationi, non postrema est causa idololatria Ecclesiæ Pontificiæ. Modum quod attinet, credibile est miraculosam & subitanam fore hanc Judæorum conversionem; mirabili quadam Spiritus Sancti efficacia, quæ primo imperu expugnatura sit pertinaciam & infidelitatem hujus gentis ita maxime. Non ineptè huc refertur illud *Isaiæ lvi. 7, 8. Cum nondum parturiet, peperit, cum nondum invaderet dolor eam, enixa est masculum. Quis audivit res hujusmodi? quis vidit talia? an efficeretur ut pariat terra volucem? an gignetur gens una vice? quod parturit simulque parit Zion filios suos.* Locus conversionis videtur ille futurus in quo maxima Judæorum copia sub seculi finem erit: Videntur autem hæc esse loca Orientalia, in quibus etiamnum sub Imperatore Turcico synagoga Judæorum sunt numerosissimæ, adeo ut ad earum nonnullas 30000 Judæorum pertineant.

IX. Ad Imperii Turcici destructionem & ever-

sionem docti referunt excidium *Gog & Magog*, de quo Apoc. xx. 8, 9. *Exibit Satanas ut seducat gentes quæ sunt in quatuor angulis terræ, Gog & Magog, ut congreget eas in prælium, quorum numerus est sicut arena maris. Ascenderunt igitur super latitudinem terræ, & circumierunt castra sanctorum, & urbem dilectam. Sed descendit ignis à Deo è caelo, qui devoravit eas.* Multa quidem de *Gog & Magog* fabulantur Judæi, Mahometani, & Pontificii. Nostrorum verò Doctorum opinio veritati consentanea est; indigitari per populos hosce quatuor validissimas Gentes quibus imperat *Suldanus Turcicus*, nempe *Arabes, Sarazenos, Scythas* seu *Tartaros*, & *Turcos* in specie sic dictos: Quibus & nominis ratio competit. *Gog* enim Hebræis testum significat, & genti nomen hoc tribuitur quæ sine certis sedibus & domiciliis vagabunda hinc inde transfert secum domicilia sua: quod *Arabibus* & *Scythis* familiare; unde dicti *Hamaxobii*. Eadem hæc quatuor gentes videntur significari per angelos quatuor ad *Euphratem* vinctos, Apoc. ix. 14, 15. Gentium enim harum loca quædam percurrit *Euphrates*, quas vinctas Spiritus ait, quia furori ipsarum certos quasi limites fixit Deus, quos transire, & Ecclesiam invadere, ante temporis definiti decursum ipsis non permittit; tandem verò ubi finis appropinquaverit, solvantur, id est, Deo permitte, & Satanâ infligante, limites suos transgredientur, & innumero exercitu Christianos adorantur. Numerus exercitus exprimitur Apoc. ix. 16. *his millies centena millia*; cap. 20. v. 8. per comparationem exaggeratur, quod maris arenam exæquet, & quidem equestris potissimum futurus dicitur. Quæ singula nostram firmiter sententiam, nempe per *Gog & Magog*, nec non quatuor ad *Euphratem* vinctos Angelos, intelligi gentes quatuor, *Arabes, Sarazenos, Tartaros* & *Turcos*: Hæc enim gentes exercitus colligunt longè numerosissimos, qui maximam partem equitibus constant. Mentio quoque fit *Gog & Magog*, Ezech. xxxix. Ultimum igitur diem præcedet quoque Imperii *Turcici* ruina & vastatio. Nonnulli de occasione hujus ruinæ ita divinant: Postquam *Suldanus Turcicus* viderit ad Christum converti Judæos, & maximo numero in Judæâ colligi, periculum ab eis metuens omnem vim suam ad dissipandos & delendos illos converteret: Tandem verò postquam in maximas angustias redacti fuerint, igne coelitus lapsa omnem ejus exercitum consumtum iri. Videatur hic vaticinium *Lactantii*, De Divin. præm. lib. 7. c. 26. Scribit *Florimundus* in suo Antichristo, cap. 8. *Mohometum* è virâ migraturum, cum linguæ prius esset usu, à *Musulmannis* interrogatum quamdiu esset duratura lex ab ipso condita,

decem digitos extendisse & ostendisse; quibus mille designari annos conjectarunt: & credibile est singulis digitis centenos annos ipsum significasse. Mortuus autem creditur *Mahometus* à Christo nato anno *DCXXXIX*. quibus si mille addantur anni, fatalis erit, secundum *Mahometum*, *Turcicæ* religioni & regioni annus à nato Christo *MDCCXXXIX*. quæ suos loco relinquimus, & quod prædixit *Mahometus*, citò impleri optamus. De *Gog & Magog Sibyllæ* vaticinium hujusmodi est, carminum *Sibyllinorum*. lib. 3.

Αἱ αἰὶν, ὅσα τὰ γὰρ, ἡ δὲ Μαγὰν, μὴ σὺν
Αἰθίοπων ποταμῷ, πόντον αἶματ' ἐκχυμα δὲ
καὶ χρίστας οἰκιστοὺς ἐν ἀνδράσι κακὰς
καὶ μετὰ σὺ γὰρ πολὺ δροσὸν αἶμα καὶ αἰὼν.
Heu tibi *Gog*, tractusque *Magog*, qui dividis amnes
Ethiopum medius! quantas tu sanguinis undas
Accipies, pænæque domus dicens in orbe,
Potabitque nigrum tua roscida terra cruorem.

X. De exortu Pseudochristorum & Pseudoprophetarum, qui magna edent signa & miracula, plurimisque ante diem ultimum seducunt, loquitur Christus Matth. xxiv. 24. *Surgent Pseudochristi & Pseudoprophetae, & erunt signa magna & miracula, ita ut seducant, si fieri posset, etiam electos.* Et si enim Pseudoprophetae nec in Veteri nec in Novo Testamento Ecclesiae defuerunt, κατ' ἰσοχὴν tamen à Christo videntur indigitari quidam certi Pseudochristi & Pseudoprophetae ante ultimi seculi tempora ad huc surrecturi, & nequitia ac præstigiis diabolicis omnes qui antecesserunt superaturi; ut illa Christi verba indicant, *Edent signa magna & miracula, ita ut seducant, si fieri posset, etiam electos*; quibus efficacissima deceptio innuitur, quæ in Pseudopropheta veteribus & modernis nondum videtur deprehensa. Quærentibus igitur quomodo Pseudochristi & Pseudoprophetae sub seculi finem demum surrecturi possint distingui à Pseudomessias qui excidium Hierosolymitanum antecesserunt, quales fuere *Theudas, Judas, Dositheus, Simon Magus*, & alii, respondetur,

1. Pseudomessias qui Hierosolymitanum excidium antecesserunt, pro temporaneis tantum liberatoribus se venditasse videntur; Pseudochristi verò etiam ipsius Christi *Σωτὴρ τοῦ κόσμου* titulum & officium sibi vendicabunt.

2. Pseudomessias Judæos tantum seduxerunt; Pseudochristi ipsos etiam Gentiles seducunt: Unde de electis in genere dicitur, *ut seducant, si fieri posset, etiam electos.*

3. Pseudomessias signis & miraculis non clauerunt,

ruerunt, si unum exceperis *Simonem Magum*; De Pseudochristorum magnis signis & miraculis expressè loquitur Christus.

4. Pseudochristis supra modum efficax deceptio tribuitur, ita ut, si fieri posset, ipsos etiam Electos sint seducturi: (Unde propter efficaciam seductionis ultimos dies decurtandos ait Christus; nam si producerentur, periculum seductionis immineret omnibus) Tanta verò, ut & ante diximus, deceptionis efficacia in priscis Pseudomessias & modernis Pseudoprophetis non animadvertitur.

XI. *Remalco* scriptor Pontificius, in tractatu suo De consummat. Mundi part. 2. quatuor explicat decipiendi modos, quibus in fine seculi efficax erit Antichristus.

Primo ait eum fore politum & concinnum ad persuadendum, omnium literarum & scientiarum genere instructissimum, nec non magicarum artium peritissimum. Ad primum hunc persuadendi & seducendi modum sequentes ejus refert artes.

1. Curiosos & rerum novarum cupidos ad se alliciet scientiarum & magiæ ostentatione.

2. Opum ac divitiarum amantibus immanes thesauros largietur.

3. Ambitiosis & honorem sitientibus amplos honores & magistratus conferet.

4. Disputandi & arguendi prutigne laborantes cavillis & argutiis suis ita capiet ut nè hiscere quidem contrà possint; argumentis & sophismatibus utretur tam perniciosus & contortis ut mathematicæ demonstrationes videri possint, cum tamen non nisi mera mendacia sint futura.

5. In lectione & Scripturarum scrutatione sedulos ipse Divinarum Scripturarum peritissimus exquisitis fraudibus & dolis adoriatur, cum doctissimo quovis fidelium in publico disferet, multisque verborum involueris & dicendi lenocinio instar *Protei* in omnes partes se verfabat.

6. Omnes suos conatus eò dirigit ut hominibus persuadeat se Deum esse, imò fulgore suæ fortunæ ita insolescet ut plus quàm Deum se esse sit existimaturus. Haecenus primus diciendi modus partibus suis explicatus.

Secundus modus ita explicatur: Ut tantò faciliùs in fraudes pelliciat homines, promissionibus temporalibus eos demulceat; utque fides promissis habeatur, ingentibus divitiis circumfluat, aurique & argenti vim amplissimam conflabit, ut infinitam hominum multitudinem ad se allecet.

Tertius modus, secundum *Remalchum*, hic erit: Miraculis & prodigiis stupendis clarebit, quæ virtute magicâ & diabolicâ produceret. Hanc omnium gravissimam & periculosissimam tentationem fore

judicat, & reverà erit etiam, ex ipsius Christi iudicio. Facit huc illud *Augustini*, Psal. 9. *Antichristi persecutio superest, quâ nihil est periculosius, quoniam violenta & fraudulenta erit, vim habebit in imperio, dolum in miraculis.* In specie autem hæc recensentur miracula: Mundabit leprosos, curabit paralyticos, sanabit infirmos, Dæmonia ejiciet, res in partibus longissimè distantibus factas commemorabit, finget se mortuos suscitare, montes transferet, ambulabit super aquas, & quia in omnibus locis esse non poterit ipse Antichristus, ministri imaginem ipsius adorandam populis proponent, & hæc imago in cunctis Christianorum templis erigetur, quam si quis adorare recusaverit, crudelissimâ morte e medio tolletur. Accommodatur huc illud Apoc. 13. *Faciet, ut quicumque non adoraverint imaginem bestiae, occidantur.* Videatur & *Lactantius*, De Div. præm. lib. 7. c. 17.

Quartus modus erit in minis, terroribus, suppliciis, gladiis, crucibus, ferris, beluinâ rabie, viscerum ruptionibus, mortuorum effossionibus, præcipitiis, submerisionibus, rotis, laminis candentibus, vivorum cum mortuis colligationibus, corporum intercisionibus, & innumeris aliis tormentorum generibus, quæ truculentissima illa Bestia ejusque carnifices excogitabunt ad excarnificandos Jelu Christi athletas. De hoc *Grillus*, Catech. cap. 5. Omnes qui ante illum impii & improbi fuerunt, excelle malitiâ, mentemque habebit homicidianam, præfractam, immisericordem & variam. Erit igitur hæc Antichristi persecutio 1. *Crudelissima*, propter exquisita & innumera tormentorum genera; 2. *Generalissima*, per totum orbem Christianum grassatura; 3. *Perniciosissima*, quia in spiritualibus ingens Christianis allatura est nocumentum: à cultu enim Divino & fide catholicâ avellet homines; 4. *Impiissima*, quia vi ac violentiâ Christiani cogentur abnegare Christum, sacramenta & ceremonias Christianas deserere, quæ e medio tollentur. Haecenus à *Remalco* explicati seductionis modi ab Antichristo adhibendi: Quibus tanquam verisimilis nos subscribimus, quippe certissimâ edocti magistrâ experientiâ. In eo tantùm à *Remalco* dissentimus, quod præsentia nos esse credamus quæ demum futura iste sibi imaginatur. Quis enim artes Romani Pontificis accuratiùs describat? Nec credo potuisse *Remalchum* tam accuratè de modis hisce disserere, nisi singula propemodum verba ipsi distasset experientiâ.

XII. De insolitis & portentosis signis, quæ ingenti homines formidine percellent, loquitur Christus Luc. xxi. 26. *Exanimabuntur homines præ timore & expectatione malorum invadentium orbem terrarum.*

terrarium. Catalogus majorum horum textitur Mat. xxiv. 7. Insurgit gens in gentem, & regnum in regnum; & erunt fames & pestilentia & terra motus singulis locis. Hæc autem omnia principium sunt dolorum.

De signis hisce specialibus differentem audire libet Lactantium, De Div. præm. lib. 7. cap. 16. Tam detestabile & abominandum tempus exstet, ut nulli hominum sit vita jucunda. Evertentur funditus civitates atque interibunt non modò ferro atque igni, verum etiam terra motibus assiduè & illuvie aquarum, & morbis frequentibus, & fame crebra: Aer enim vitabitur, & corruptus ac pestilens fiet, modò importunis imbribus, modò inutili siccitate, nunc frigore, nunc aestibus nimis. Nec terra homini dabit fructum, nec seges quicquam, non arbor, non vire feret, sed cum in flore spem maximam dederint, in fruge decipient. Fontes quoque cum fluminibus are-scent, ut ne potus quidem suppetat, & aqua in sanguinem aut amaritudinem mutabuntur. Propter hæc deficient & in terrâ quadrupedes, & in aere volucres & in mari pisces. Prodigia quoque in cælo mirabilia mentes hominum maximo terrore confundent, & crines comætarum, & solis tenebræ, & color lunæ, & cadentium siderum lapsus. Non tamen hæc usitato modo fient, sed existent subito & ignota & invisita oculis astra. Sol in perpetuum obfuscabitur, ut vix inter noctem diemque discernatur. Luna jam non tribus deficiet horis, sed perpetuè sanguine offusa, meatus extraordinarios peraget, ut non sit homini promptum aut siderum cursus aut rationem temporum agnoscere. Fiet enim vel æstas in hyeme, vel hyems in

æstate. Tunc annus breviabitur, & mensis minuetur, & dies in angustum coarctabitur. Stellæ verò creberrimæ cadent, ut cælum omne cæcum sine ullis luminibus appareat. Montes quoque altissimi decident, & planis æquabuntur: Mare innavigabile constituetur. Ac ne quid mali homini terræque desit, audietur de cælo tuba: Itaque trepidabunt omnes, & ad luctuosum illum sonitum contremiscent. Tunc verò per iram Dei adversus hominem sæviet ferrum, ignis, fames, morbus, & super omnia metus semper impendens. Tunc orabunt Deum, & non exaudiet: operabitur mors, & non evenerit. Nec nox quidem requiem timori dabit, nec ad oculos somnus accedet, sed animas hominum sollicitudo ac vigilia materabit. Plorabunt & gement, & dentibus stridebunt, granulabuntur mortui & vivos plangent. His & aliis pluribus malis solitudo fiet in terrâ, & erit deformatus orbis atque desertus: Ita enim conficietur hominum genus, ut vix decima pars hominum relinquatur; & unde mille processerant, vix prodibunt centum. De cultoribus etiam Dei duæ partes interibunt, & tertia, quæ fuerit probata, remanebit. Hactenus Lactantius, cujus vaticinium partim ex sacris literis, partim ex Sibyllarum carminibus, quæ creberrimè allegat, partim deniq; ex veterum traditionibus & Commentariis, qui in nostras manus non pervenerunt, depromptum videtur. Libuit autem vel hanc potissimum ob causam ipsius integram sententiam recitare, ut modernorum nostrorum Prophetarum vaticinia de temporum ultimorum jam instantium innumeris calamitatibus, & plurimâ mortis imagine, non nova & ab ipsis nuper profecta sed antiquissima esse constet.

CAPUT XX.

De signis Mundanum excidium concomitantibus.

Signa concomitantia: 1. Th. Primum, Prodigiola & horrenda maris commotio: 2. 1. Secundum, Potestatum celestium agitatio: 3. Tertium, Solis, Lunæ & reliquorum siderum obfuscatio præternaturalis: 4. Quartum, Angelica tubæ sonitus: 5. Quintum, Ignis Judicem præcurrens: 6. Sextum, Signum Filii hominis in nubibus apparens: 7. Quindecim signa per ultimos quindecim dies distributa: 8. 7. Autores hujus sententiæ: 9. Judicium proprium de hisce signis: 9.

THESIS.

Hactenus signa Mundanum excidium antecedentia: Sequuntur concomitantia: Quæ sic appellantur, quod vel immediatè ea finis seculi sit excepturus, vel quod universi ruina initium ab his sit habitura. Quæ ex Scripturis sequentia colliguntur; 1. Prodigiola & horrenda maris commotio ac fragor, 2. Potestatum

celestium agitatio, 3. Solis, lunæ, & reliquorum siderum obfuscatio præter & contra naturam, 4. Angelicæ tubæ sonitus, 5. Ignis Filii hominis præcursor, & adventantis seu præsentis nuntius, 6. Signum Filii hominis in nubibus apparens.

Ex Deo.

I. De singulis Scripturam audiamus. Et primum quidem de prodigiola & horrenda maris commotione

motione loquitur Christus Luc. xxi. 25. *Resonabit mare & salum.* Hujus fragoris mentionem quoque facit *Lactantius* in sententiâ modò allegatâ, *Erit ejus dubio procul causa fluctuum aduersorum horrenda collisio: ex imis enim fontibus commotum mare fluctibus in cœlum se attollet, eorûmque horribili conflictu immensos fragores excitabit.*

II. De potestatum cœlestium agitatione loquitur Christus Matth. xxiv. 29. *Potestates cœlorum concutientur.* Qualis hæc futura sit cœlestium potestatum concussio, incertum est. Videtur indigitari inuisitata siderum commotio, cursûsque naturalis perturbatio, quam *Lactantius* quoque exprefsit verbis modò allegatis; Unde nec temporis rationem cognoscere homini proclive erit.

III. De siderum obfuscatione præternaturali in eodem versiculo Christus loquitur; *Sol obscurabitur, nec dabit lunâ splendorem suum, & stella cadent de cœlo.* Hujus quoque signi mentionem fecit *Lactantius.*

IV. De angelicæ tubæ sonitu x. 31. loquitur; *Ipsè mittet angelos suos cum tubæ voce magnâ.* Et 1. Thess. iv. 16. *Ipsè Dominus cum horrationis clamore & voce archangelî, & Dei tubâ descendet de cœlo.* Putant nonnulli Archangelum illum fore *Michaelem*, qui cum Dracone olim pugnavit, & è cœlo eum deturbavit. Per tubam seu vocem Dei intelligunt evidens aliquod & clarum signum, quod Divinæ voluntatis dispositione dabitur, quo Archangelus tanquam voce clarâ, & intelligibili, haud secus ac tubâ quâdam, omnibus mortuis proclamabit ut resurgant & ad judicium veniant. Vocem igitur illam angelicam hanc futuram nonnulli opinantur, *Ecce sponsus venit, exite obviam, eis aut Surgite mortui & ad judicium venite.*

V. De igni Judicem præcursurò nonnulli intelligunt illud Psalmi xcvi. 3. *Ignis ante eum præcedit, & inflammat undique hostes ejus.* Et Psalmi l. 3. *Ignis ante ipsum consumit, & circa ipsum procellosus valde.* Et Jesa. lxvi. 15. *Ecce Fehova cum igne venturus est, & curribus suis similibus turbinis, ad reddendum cum exardescentiâ iram suam, & increpationem suam cum flammis ardentibus.* Ignis verò hic dubio procul alius erit nullus nisi quo universum conflagraturum Scriptura docet; qui quò minus corporalis, virtute tamen aliquâ supernaturali fortean instructus, intelligatur, nihil prohibet. Existimant nonnulli è Pontificiis ignem hunc quatuor ignium officio functurum: 1. Ignis infernalis, ad reproborum punitionem; 2. Ignis purgatorius, ad bonorum à peccatis venialibus purgationem; 3. Ignis terrestris, ad vege-

tabilium & sensibilibus consumptionem; 4. Elementalîs, ad elementorum inovationem. Quæ nos partim curiosa, partim falsa haud immeritò negligimus.

VI. De signo Filii hominis in nubibus apparituro loquitur Christus Matth. xxiv. 30. *Tunc apparebit signum Filii hominis in cœlo; & tunc omnes tribus terræ plangent, & videbunt Filium hominis venientem in nubibus cœli cum potentiâ & gloriâ multâ.* Quod & quale sit futurum hoc signum, non constat. Doctores Pontificii uno omnes ore signum hoc crucem aiunt futuram: Cujus sententiæ autores Patres nonnullos habent, nempe *Chrysostomum*, *Hieronimum*, *Augustinum*, *Theophylactum* & *Euthymium*. Causam, cor crucis signum sit appariturum, explicat *Augustinus*; in hunc Matthæi locum; *Ut cognoscant consilium iniquitatis suæ, qui Dominum majestatis crucifixerunt, videntes accusatorem suum; id est, ipsam crucem, & id ipso arguente, cognoscent peccatum suum, sed & frustra fatebuntur impiam cecitatem.* In eandem sententiâ *Ephrem*, lib. De verâ poenit. cap. 3. ita scribit, *Sancta crux rursus in consummatione seculi, cum secundus illuxerit Domini Salvatoris adventus, primo cum gloriâ ingenti & angelicorum exercituum infinitâ multitudinè apparebit in cœlo, inimicos quidem terrens & vexans, fideles autem illuminans atque lætificans, adventumque cœlestis Imperatoris annuncians.* Disceprant tamen Pontificii recentes de materiâ hujus crucis. Nonnulli ligneam fore contendunt, freti auctoritate carminis *Sibyllini*,

*O lignum felix in quo Deus ipse pependit,
Nec te terra capis, sed cœli tecta videbis,
Cum renovata Dei facies ignita micabis.*

Alii affirmant crucem hanc ex aere luculentissimo formatum iri, tantè mole & resplendescentiâ ut ab omnibus facillè videri possit. Sententiam hanc è Scholasticis plures sequuntur. Sed nihil probabilioris opinio hæc de cruce habet, cui ideo potissimum Pontificii adhærent ut *σαυρολατρεία*, superstitionem firment, quæ abominabilis est idololatria.

Autor imperfecti operis in Matthæum signum hoc interpretatur ipsum Christum habentem passionis testimonia, id est, corpus vulneribus signatum, quæ in judicio sit ostensurus. Quæ quidem tolerabilior est sententia: Attamen cum sui ipsius signum dici nemo solet, vel certè à simplici & proprio sermone alienum sit, hanc quoque sententiam mittimus.

Hieronimus alibi victoriæ triumphantis vexillum fore putat: Quod & ipsum incertum est.

Probabilior est *Oigenis*, tract. 3. in Matth. sententia, nempe maiestatem & gloriam Christi redeuntis signi loco futuram: In quâ & nos sententiâ facile acquiescimus.

VII. Hactenus de signis concomitantibus vel proximè præcessuris ultimum diem Scripturam doctem audivimus. Curiosius & audacius nonnulli distinguunt signa hæc; quæ numero quindecim fore affirmant, per ultimos seculi quindecim dies distribuenda, ita nempe ut quilibet illorum dierum peculiare aliquod signum sit habiturus. Nos primum signa hæc, deinde autores sententiæ huius recitabimus, denique nostrum de singulis iudicium explicabimus.

Primum signum decimo quinto die ante resurrectionem mortuorum & iudicium apparituum, erit insolita fluctuum marinarum agitatio: Illo enim die, ex vetustâ traditione, quadraginta cubitis supra montium altitudinem mare se elevabit, & muri instar altissimi in loco suo consistet. Referri huc solet illud Psal. 93. *Mirabiles elevationes maris*. In hunc quoque sensum trahitur *frago maris & salis*, de quo Luc. xxi. 25.

Secundum, decimo quarto die, Maris in abyssum abcessus & descensus: Ita enim post elationem præcedentis diei subidet mare ut nusquam ferè sit apparituum, velut olim, peracto diluvio, imminuita sunt aquæ, & superficies terræ est exsiccata. Quod refertur illud Esaiæ 50. *Ecce increpatione meâ desertum faciam mare, & ponam flumina in siccum*.

Tertium, decimo tertio die, Monstrorum & beluarum marinarum congregatio, ululatus & rugitus ad coelum usque, quo universi ruinam calamitosissimam quasi deplangent. Quod refertur quod Ezech. 38. legitur, *In die illa erit commotio magna super terram, & commovebuntur à facie meâ pisces maris: qui, ex Jesaiæ vaticinio cap. 50. putrescent sine aquâ, & morientur in siti*.

Quartum, duodecimo die, Maris & aquarum præternaturalis conflagratio, fluminumque igneorum ab Occidente ad Orientem lapsus, quod prædictum videtur Dan. vii. *Fluvius rapidus igneusque à facie ejus egrediebatur*. Quod & temporibus Lot contigit Gen. 19. & de Antichristo scribitur, Apoc. 19. Frequens est fluminum horum mentio in *Sibyllarum* carminibus:

Quintum, undecimo die, Fluxus roris sanguinei ex herbis, plantis & arboribus. De quo Joel cap. 2. videtur vaticinari, *Antequam veniat dies Domini magnus & horribilis, dabo prodigia in cælo, & in terrâ, sanguinem*.

Sextum, decimo die, Palatiorum, oppidorum, urbiumque ruina, fulminis ab Occasu ad Orien-

tem vibratio, montium & collium in pulverem redactio. Signi huius similia quædam ex Apocalypsi possunt allegari. Mentio quoque ejus fit in carminibus *Sibyllinis*.

Septimum, nono die, Saxorum ad Saxa, & montium ad montes collisio. Cujus simile quoddam prodigium contigit Christo in cruce mortuo. Quod tamen in solâ Judeâ observatum.

Octavum, octavo die, Insoliti terræ motus. De quibus Apoc. 20. Qui tanti sunt futuri ut multa hominum millia iis sint peritura, & civitates maximæ ruituræ.

Nonum, septimo die, Montium in vâles depressio: ut colligitur ex Apoc. 6.

Decimum, sexto die, Hominum à terræ cavernis, in quas attoniti terribilium signorum terrore confugerunt, eruptio, & ex animi consternatione *aporia*; ut videtur Esa. 2. indigitari.

Undecimum, quinto die, Mortuorum animatio & super sepulcra statio, ut factum tempore passionis Dominicæ. Quod prædixisse videtur, *Ezekiel*. cap. 37. *Hæc dicit Dominus, Ecce ego aperiam tumulos vestros, & educam vos de sepulcris vestris: et cum aperuero sepulcra vestra, et eduero vos de tumulis vestris, et dederò Spiritum meum in vobis, et vixeritis, faciam vos requiescere super humum vestram*.

Duodecimum, quarto die, Cometarum è stellis igneorum emissio, ob quam stellæ è cælo videbuntur cadere. Causa erit maxima exhalationum calidarum copia, & ignearum scintillationum, quæ stellarum cadentium præ se ferent speciem. Huc referendum putant quod Luc. 21. dicitur, *Erunt signa in sole, lunâ et stellis; et Apoc. 6. Stella de cælo ceciderunt super terram*. De hoc quoque signo *Sibyllæ*.

Decimum tertium, tertio die, Omnium hominum, quotquot in vitâ adhuc sunt futuri, extinctio, secundum universalem sententiam, *Statusum est hominibus ut semel moriantur*, Heb. ix. 17.

Decimum quartum, secundo die, Cæli terræque conflagratio, secundum illud Christi, Matth. 24. *Cælum et terra transibunt; & Petri, Elementa calore dissolventur*.

Decimum quintum, ultimo die, Cæli novi terræque novæ creatio, omniumque hominum, quotquot à condito Mundo fuerunt, resuscitatio, secundum vaticinia, Esa. 65. & 2. Petri 3.

VIII. Hactenus quindecim signa ruinam concomitantia, & per quindecim ultimos dies distributa; de quibus multa *Scholastici* in quartum Sententiarum. Scribit *Hieronymus* se in Hebræorum annualibus hæc signa reperisse: Quod & *Eusebius Emisenus* testatur hom. in Dominic. 2. Adventus;

Ubi

Ubi tandem hæc subiungit, Nos tamen is quidem auctoritatem non damus: ideo verò scripsimus, quia evangelii verbis consentire videntur.

IX. Nos de totâ hæc traditione ita judicamus:

1. Sunt quædam in eâ Scripturæ consentanea; ut signum 8, 14, 15.

2. Sunt pleraque incerta; ut, 1, 2, 3, 4, 5, 6, 7, 9, 10, 11, 12. De his enim nihil expressi in Scripturâ habetur. Quæ autem allegantur Scripturæ testimonia, vel non loquuntur de universi mutatione, vel alios admittunt sensus.

3. Falsum est 13. ut adversus Thomam aliàs demonstravimus ex 1 Cor. 15.

4. Ordo horum signorum & distributio dierum antecedentium judicii diem ultimum, Scripturæ contraria est. Diem enim ultimum nec angeli in cælo, nec ipse Christus, quæ homo, in exinanitionis suæ statu novit, Matth. xxiv. 36. Marc. xiii. 32. Quod si verò distributio illa dierum & signorum certa esset, scirent utique homines judicii diem, saltem quindecim diebus ante adventum ejus.

CAPUT XXI.

De modo excidii Mundani.

Circa modum excidii mundani quædam sunt certa, quædam probabilia, quædam incerta: Th. I. Certa: Th. II. Angelos, Homines & Cælum Empyreum eadem numero perpetuò duratura probatur: Th. III. Argumenta ejusdem Doctoris Lutherani, pro mutatione substantiali Cæli Empyrej: 2. Solvuntur argumenta: 3. Probabile: Th. III. Argumenta pro substantiali mutatione Cæli & Elementorum: Th. I, 2. Cælum & Elementa substantialiter non interitura probatur ex Scripturis: 3. Ex Patribus: 4. Respondetur ad argumenta contraria ex Scripturis petita: 5. Solvuntur argumenta ex ratione depromta: 6. Inquiritur in causam instrumentalem mutationis Mundanæ: 7. Incertum: Th. IV. Recitantur Theologorum & Philosophorum quorundam sententiæ, de quæstione, An in Mundo renovato futura quoque sint animalia bruta, plantæ, metalla. Epilogus totius operis, gravissimam continens exhortationem ad Theologos & Philosophos: Th. V.

THESIS I.

Hactenus de tempore excidii Mundani: Ad modum ejusdem explicandum jam progredimur: Qui qualis sit futurus, inter Theologos & Philosophos controversum est. Sunt tamen circa controversiam hanc, nostro judicio, quædam certa, quædam probabilia, quædam incerta.

THESIS II.

Certum est, 1. Bonos malòsque Angelos nullam mutationem substantialem subituros. 2. Homines, qui à condito Mundo nati sunt, eosdem numero post universalem resurrectionem in omne ævum mansuros. 3. Cælum beatorum, quod Empyreum vocant, mutationem substantialem nullam subiturum, sed unâ cum incolis perpetuò duraturum.

EX SECT.

I. De Angelis & hominibus litem nobis nemo movebit, cum res in sacris literis longè sit manifestissima. De cælo item beatorum in nostris Ecclesiis nemo dubitat, quia evidentia sunt sacræ Scri-

pturæ testimonia; quæ inter egregium illud 2 Cor. v. 1. Scimus enim nos, si terrestris domus hujus nostræ tabernaculum dissolutum fuerit, ex Deo habituros domicilium non manu factum, æternum in cælis. Hoc illud sacrarium est quod Pontifex noster summus, peracto in terris sacrificio, est ingressus, Heb. ix. 24. Hoc regnum illud est quod electis paratum est à jactis Mundi fundamentis, cujus possessio nobis promittitur, Matth. xxv. 24. Qui verò possideri possit, si igni exurendum & abolendum esset? Hæc urbs illa est quæ fundamenta habet, quàmque Abrahami fides expectavit, Heb. xi. 10. At quis crediderit rei caducæ & vanæ intentam fuisse Abrahami fidem? Hic locus ille est in quo electos suos Christus secum esse vult; unde prior eò ascendit ut mansiones ibidem pararet, Joh. xvii. 24. & xiv. 2. Hæc domus illa est in quâ thesauri reconditi ab omni vi & corruptione tuti sunt, ubi nec tinea nec erosio corrumpit, ubi fures non perfodiunt, neque furantur, Mat. vi. 20. At quæ spes in hoc figi posset asylo, si à furibus quidem non perfoderetur, attamen à flammis vel igni tandem consumeretur? Hoc cælum illud est in quo Angeli per omne tempus vident faciem Patris coelestis, Mat. xviii. 10. ubi nostrum est πολίτευμα, Phil. iii. 20. ubi spes nostra seposita, Col. i. 5. ubi servata nobis hereditas, quæ nec perire potest, nec contaminari, nec marcescere, 1 Pet. i. 4.

II. Sed parata hic in nos cornua tollit Doctor quidem *Lutheranus*, qui supremum quoque beatorum cœlum igne conflagraturum magnâ vociferatione contendit, idque sequentibus argumentis:

1. *Petrus* hoc docet, *Ephes. 2. cap. 3. v. 7. Qui nunc cœli & terra, eodem sermone repositi, servantur igni in diem damnationis. & v. 12. Expectantes & properantes ad adventum diei Dei, in quo cœli conflagrantes solventur, & elementa æstuantia liquefcent. Unde sic arguit; Si omnes cœli conflagrabit, utique cœlum Empyreum exemptum non erit: At verum prius, teste Petro.*

2. Eiusdem capituli versu 13. ait *Petrus, Cœlos novos & terram novam, secundum promissum expectamus. Comparationem hic institui ait inter cœlos veteres, qui conflagrabit, & novos, quos expectant fideles: Unde sic arguit; Cœlum Empyreum aut veteribus aut novis est accensendum: Si veteribus, utique conflagrabit: Si novis, utique non poterit dici illud ipsum quod à Mundi exordio conditum est.*

3. *Res create sunt subiecta vanitati, Rom. viii. 20. Cœlum Empyreum est res creata: Ergo.*

4. *Quæ res suspirant & expectant manifestationem filiorum Dei, illæ sunt subiectæ vanitati; ex illo ipso loco, Roman. viii. 20. Atqui cœlum supremum suspirat & expectat manifestationem filiorum Dei: Ergo cœlum Empyreum est subiectum vanitati.*

5. *Ex Psalm. cii. 27, 28. Ubi de cœlis dicitur, Ipsi peribunt, & tu persistas: & omnia ista sicut vestimentum veterascent, veluti pallium mutabis eos, & mutabuntur: Atqui in his quoque cœlis Empyreum est: Peribit igitur, veterascent & mutabitur.*

III. Ad singula breviter hunc in modum respondemus:

Ad 1^m. Assumptionem negamus. Particula *omnis* in textu Apostolico non habetur: eorum verò qui jam sunt cœlorum nomine non intelligit nisi cœlos naturales & aspectabiles. Quod unde habeamus si roget adversarius, ad rationes ipsum remittimus quas *in dictione 1.* ex sacris produximus. Ex sanè majoris apud nos sunt momenti quàm ut particulam *omnis* hoc loco in textum Apostolicum insui patiamur. Deinde & hoc secum expendat adversarius; Si ex verbis *Petri, Qui nunc cœli, &c. asservantur igni*, concludi necessariò deberet, omnes omnino cœlos, nullo prorsus excepto, igni asservari, quidni ex iis quæ v. 6. posuerat, *Is qui tum erat Mundus aqua inundatus perivit*, simili modo concludi deberet totum Mundum diluvio interiisse? quod tamen falsum esse ipsa

testatur experientia: Nullum enim interlit elementum, nullum cœlum interiit, nulla animalium species interiit, sed individua tantum specierum terrestrium, aliquibus ex omnibus speciebus in arcâ *Noë* conservatis. Patet igitur ità Scripturæ verba esse urgenda ut sententiam Scripturæ toti consentaneam gignant: Atqui sententia ista de cœlo quoque *Empyreō* exurendo Scriptura non est consentanea.

Ad 2^m. Cœlum Empyreum veteribus cœlis accensemus, non tamen iis qui novis ab Apostolo opponuntur, & igni dicuntur asservari: Nam & novos Apostoli cœlos, & vetus illud, quod domicilium Dei & Sanctorum, expectamus. Cæterum novos illos cœlos & novam terram doctissimi Scripturarum Interpretes metaphoricè accipiunt, malintque intelligere de Ecclesiæ innovatione & felicitate spirituali quàm de futuro Mundi statu & immutatione corporali. Sed nihil refert si maxime de cœlo terræque propriè sic dictis Apostolum loqui concedamus, cum piis & doctis viris: Sic enim per cœlos novos intelligi poterunt, qui per ignem sunt repurgati & innovati; similiter de terrâ repurgatâ ac innovatâ.

Ad 3^m. Propositio universaliter vera non est. Nam nec Angeli beati nec iustorum consummatorum Spiritus sunt subiecti vanitati, quibus nos cœlum empyreum quoque accensemus. Itaque allegatus *Pauli* locus cum certâ limitatione intelligi debet: *Mundus* sæpe in Scripturâ sacrâ synecdochicè, pro Mundi parte accipitur. Observandum quoque Apostolum de eâ loqui vanitate quæ humani peccati effectus est: At humani peccati poenam in Angelos vel cœlum beatorum redundasse quis dixerit?

Ad 4^m. Propositio universaliter vera non est. Nam & Angeli beati suspirant & expectant manifestationem filiorum Dei, beati occisorum spiritus sub altari Dei suspirant & expectant liberationem fratrum suorum; nec tamen vel illi vel isti subiecti vanitati. Quid autem Apostolus per *Mundum qui suspirat & parturit* intelligat suo deinceps loco investigabimus.

Ad 5^m. Si antecedens de actuali interitu loquatur, assumptionem negamus. Probatio adversario incumbit. Nos cur cœlum Empyreum excipiamus, ponderosas rationes suprâ adduximus.

THESIS III.

Probabile est Cœlum & Elementa non mutatum, iri substantialiter, sed accidentaliter tantum.

"Ex dictione.

Enchiridion.

I. De cœlo & elementis ardua est quæstio, *An in ultimi hujus seculi die sint: corrumpenda, hoc est, substantialiter mutanda; aut etiam annihilanda; an alteranda tantum, hoc est, accidentaliter immutanda; magisque perficienda.*

Pro corruptione seu substantiali mutatione ex Lutheranis Theologis plerique supponunt; pro alteratione pugnant plerique Pontificii, & orthodoxi nostri Doctores, paucis exceptis.

Prior sententia partim Scripturæ testimoniis partim rationibus nititur. Argumenta igitur à Scripturâ deprompta sequentia producant.

1. Job xiv. 12. *Homo cum dormierit, non resurgens, usque dum non erunt cœli.* Si igitur amplius non erunt, Ergo *καὶ τὸ ἐσθλὸν* peribunt.

2. Psalm. cii. 26, 27. *Opera manuum tuarum sunt cœli: ipsi peribunt; tu autem permanes: & omnes ut vestimentum veterascens; & sicut indumentum permutabis eos.* Attendi hîc volunt primò oppositionem; *Tu permanes, ipsi peribunt.* Hinc arguunt; Ut accipitur *τὸ permanere*, sic & accipi debet *τὸ perire*: At *τὸ permanere* accipitur potissimum ratione *τῆς ἐνίας*, quòd essentia Dei sit æternum duratura: Ergo *perire* simpliciter intelligendum est de ratione *ἐνίας*, quòd cœli substantialiter sint perituri. Deinde & ista considerari volunt, *& anni tui non deficiunt*: Unde per oppositionis vim colligunt, annos cœli & terræ defecturos: opponitur enim hæc quoque parte Deus creaturis.

3. Isaïæ xxxiv. 4. *Tabesceat omnis militia cœlorum, & complicabuntur, sicut liber, cœli, & omnis militia eorum defluet, sicut defluit folium de vineâ & de ficu:* Hinc ex similitudine arguunt; Quemadmodum folium, quando decedit, non secundum qualitates solùm alteratur, sed mox totum corrumpitur, ita & cœlum.

4. Isaïæ li. 6. *Cœli sicut fumus dissolventur, vel deficient, & terra sicut vestimentum putrescet, & habitatores ejus sicut hæc interibunt; mea autem salus in æternum erit, & justitia mea non deficiet.* Attendi hîc volunt 1. verbum *deficere*, vel *dissolvi*, quod est, aliquando non esse. 2. *Deficere*, ut homines moriuntur & intereunt; qui certè interitus substantialis est. 3. *Deficere* eo sensu quo salus & justitia non deficit: hæc autem non deficit, quatenus in æternum est duratura. Ergo cœli ita deficient ut in æternum non sint duraturi.

5. Isaïæ lxi. 17. *Ecce ego creo cœlos novos & terram novam, & non erunt priora in memoriâ, & non ascendent super cor.* Ad quæ verba respicere videtur Joannes, Apoc. xxi. 1. *Et vidi cœlum novum & terram novam: primum enim cœlum & prima terra*

abiit, & mare jam non est. Non esse hîc sermonem de innovatione pristini, sed de interitu essentiali, probant 1. Quia dicuntur cœli novi, non renovati. 2. Quia dicuntur creati, non immutati. 3. Ità dicuntur novi creati, ut priorum nulla futura sit recordatio. 4. Dicuntur *abire*. 5. Non amplius *funeri*.

6. Matth. xxiv. 35. *Cœlum & terra transibunt, verba autem mea non transibunt.* Urgent hîc 1. verbum *transeundi*, quod totalem interitum denotat. 2. Oppositionem *verborum Dei & cœlorum*: ut igitur illa non transeunt, sic hî transeunt: Atqui illa non transeunt *καὶ ἐνια* hî ergo *καὶ ἐσθλὸν* transeunt.

7. Matth. xxviii. 20. *Sum vobiscum usque ad consummationem seculi.* At consummatio essentiallem corruptionem denotat.

8. 2 Petri iii. 7. *Cœli qui nunc sunt, reservantur igni, & v. 10. Cœli cum impetu transibunt, elementa calore solvantur, terra & quæ in eâ sunt opera exurentur.* & v. 12. *Cœli ardescentes solvantur.*

9. Apoc. xx. 11. *A cujus conspectu fugit terra & cœlum, & locus non est inventus eis.* Quo certè non indigitur accidentaliter interitus, ratione qualitatum tantum, sed essentialis.

II. Hisce Scripturæ testimonis subjiciunt rationes;

1. A temporis absentia. Communis Theologorum sententia est, finem habiturum omne tempus in altero seculo: Ergo cœlum totaliter interibit. Ratio consequentiæ; Quia manente cœlo, maneret & motus, qui cœli perfectio est: maneret igitur & mensuratio motus, quæ tempus est. Antecedens juramento confirmat Angelus, Apoc. x. 6.

2. A carentiâ finis. Quod nullum finem habiturum est, id Deo tribuendum non est: Sed Mundi mutatio quoad qualitates, & conservatio substantiæ, post resurrectionem mortuorum, nullum omnino finem habet: Ergo Deo non est tribuenda. Assumptio probatur; Quia Mundus est conditus propter usum hominis: Beati autem erunt supra Mundum in cœlo, damnati extra Mundum in inferno.

3. Ab ordine & serie rerum omnium. Solius Dei est Æternitas, principio & fine carens; spirituum creatorum Ævum, principium habens, fine carens; rerum physicarum Tempus, principio & fine constans: Res igitur physiciæ non magis videntur perennitatis capaces quàm hyperphysiciæ corruptionis & interitus.

4. Non est contemnenda *Vallesii* ratio, quam Sacra philos. cap. 89. pro sententiæ hujus confirmatione adducit. Summa hæc est; Si qui jam

sunt cœli & elementa substantialiter tandem mutanda non essent, in perpetuâ violentiâ essent perseveratura : At consequens absurdum : Ergo & antecedens. Assumptionis ratio est ; Quia nihil Philosophis est certius quàm ; Nullum violentum esse æternum. Et quænam illa creaturarum harum felicitas foret, quæ cum perpetuâ violentiâ esset conjuncta ? Connexum hoc modo probatur ; Quies cœlis violenta est, quia motus in circulum naturalis est ; Atqui cessante post Mundi hujus finem ortuum & interitum vicissitudine, motus quieti esset cessurus, & tempus æternitati : In violento igitur quietis statu perpetuò futuri essent cœli. Nec minor elementis inferretur violentia, si eâ quâ nunc sunt naturâ durarent : Etsi enim corporibus ordine suo dispositis quies naturalis succederet, necesse tamen esset statim & illum ordinem ac quietem inturbare actione mutuâ virtutum elementarium, nisi essent activa passivis proxima sine ullâ actione : quod & ipsum violentum & rationi contrarium. Concludit tandem *Vallesius*, multò verisimilius esse cœlestia hæc & elementaria corpora, quæ ad hanc rerum genesin optimè nunc comparata sunt, exacto toto tempore, quasi munere suo jam defuncta finitum, & pro iis alia longè pulchriora, & æternam quietem naturaliter expetentia, secundum se tota inalterabilia creatum iri.

III. Hactenus pro substantiali mutatione Mundi pugnatum. Nos, ut ex thesi patet, pro accidentali mutatione militamus, ex Scripturæ potissimum & Patrum auctoritate. Quæ urgeri ab aliis solent Scripturæ testimonia ex Psalm. civ. 5. ex Eccles. i. 4. datâ operâ prætermittimus, quia facili responsione videntur expediri posse. Vox enim *seculi*, *OLAM*, אֵלֶּם, sæpenumero in Scripturâ longi temporis durationem significat, quæ finem tandem sortitur.

Princeps ergo locus pro sententiæ quam sequimur confirmatione, est Rom. viii. 19, 20, 21, 22. *Mundus conditus, quasi exserto capite ob servans, expectat revelationem filiorum Dei. Nam vanitati Mundus conditus subjectus est, non suâ sponte, sed propter eum qui subiecit eum, sub spe quod & ipse vindicabitur ex servitute interitus in libertatem gloriæ filiorum Dei. Scimus enim conditum Mundum unâ suspirare & unâ parvire usque ad hoc tempus.* Hinc pro sententiâ nostra sequentia deduci possunt argumenta ;

1. Si Mundus quoad substantiam penitus esset abolendus &, ut nonnulli volunt, annihilandus, exserto capite articulum revelationis filiorum Dei non expectaret : At posterius Apostolo contradicit : Ergo falsum prius est. Connexi ratio est ;

Quia prorsus contra naturam est articulum corruptionis & abolitionis suæ exserto capite expectare, seu magno desiderio destructionem sui expectare : Insitus enim omnium rerum appetitus fertur ad conservationem *in Deo*. Quod si ergo Mundus substantialiter abolendus in die revelationis filiorum Dei, exserto capite diem hunc expectaret, utique & sui destructionem atque abolitionem magno desiderio expeteret : quod prorsus est contra rerum naturam.

2. Si Mundus conditus vanitati, id est, corruptibilitati, non suâ sponte est subjectus, utique sponte quoque suâ substantialem sui destructionem seu abolitionem non expetere : At verum prius, *Paulo* teste : Ergo & posterius. Connexi ratio est ; Quia minus est, sponte suâ corruptibilitati obnoxium esse, quàm corruptionem actualem omnibus modis & suspiriis expetere. Si igitur illud dici de Mundo non potest, multò minus hoc.

3. Si Mundus conditus subjectus est vanitati propter peccata hominum, utique cessante causâ, hominum nempe peccatis, ipse cessabit effectus, vanitas seu corruptibilitas Mundi : At prius verum esse, ex præsentis textu melior interpretum pars agnoscit : Ergo & posterius est. Quod si ergo vanitas seu corruptibilitas cessabit, utique cessatio hæc vel beneficii vel pœnæ loco reputanda erit. Pœnæ loco reputari non poterit, quia pœnam exserto capite creatura non expectat seu desiderat, sed reformidat. Erit igitur beneficium æstimanda, & serio voto expectanda : non igitur plenaria & substantialis abolitio erit, quæ longè gravior esset pœna rei sensû expertis quàm ipsa vanitas seu corruptibilitas. Videtur ergo cessatio hæc pristinæ dignitatis, quam per hominis peccata Mundus amisérat, restitutio quædam futura : quod & ratio dicat & rei æquitas postulat.

4. Qui sperat se vindicatum iri ex servitute corruptionis in libertatem gloriæ filiorum Dei, is substantialem sui destructionem non sperat. Atqui Mundus, *Paulo* teste, sperat se vindicatum iri ex servitute corruptionis in libertatem gloriæ filiorum Dei. Propositionis ratio est ; Quia nihil magis alienum est à vindicatione ex servitute corruptionis in libertatem gloriæ filiorum Dei quàm totalis & substantialis destructio.

Qui contrariam tuerentur sententiam, ad hanc rationem excipiunt ; 1. *Vindicationem* hanc de totali rerum abolitione posse accipi, quâ futurum est ut impiorum abusibus inservire desinant creaturæ : quo pacto homo quispiam, etiamsi cum *Plinio* & aliis nihil aliud post mortem se futurum putaret quàm quod fuit antequam viveret,

non

non absurdè diceret, se morte à miseris & ærumnis, quibus in hac vitâ confliatus fuit, vindicatum iri. 2. Si hæc interpretatio repudietur, non cœli tantum & elementorum, sed & metallorum, plantarum, brutorumque animantium instaurationem futuram, evinci ex hoc loco posse: Nam & hæc omnia *creaturæ*, seu *creatura*, appellatione continentur, & corruptionis servituti propter hominem sunt obnoxia, horrendisque foedantur abusus.

Resp. Ad 1^m. Primum non video quâ verè possit dici vindicari à servitute interitûs, qui interit; nisi quis fortè putet à *corruptione vindicari* aliud nihil esse quàm per corruptionem aboleri, quæ tamen extremè contraria sunt. Deinde non dicit tantum Apostolus, Mundum à servitute corruptionis vindicatum iri, sed addit quoque, *in libertatem gloriæ filiorum Dei*. Quis verò dixerit eum vindicari ex servitute in libertatem filiorum Dei, qui prorsus esse definit? ita sanè libertas gloriæ hujus esset non esse: quod absurdissimum. Qui igitur cum corpore & animam exstingui putaret, dicere quidem aliquo modo posset, ab ærumnis per mortem se vindicatum iri; at verò in libertatem gloriæ filiorum Dei se vindicatum iri non posset dicere.

Ad 2^m. Gravissimam hanc esse instantiam non diffitemur: Unde Augustinus & Hieronymus per Mundum conditum & omnem creaturam solos homines intelligi voluerunt, allegato simili loco, ex Marci Evangelio, *Prædicate evangelium omni creaturæ*, hoc est, omnibus hominibus. Sic & Mundus sæpe pro hominibus accipitur. Hanc tamen interpretationem non admittunt Theologi recentiores: Rationes videantur in Commentariis D. Parei. Non obscurè textus huic glossæ contradicit: Distinguitur enim Mundus ad hominibus Dei filiis. Mundi igitur & *omnis creaturæ* appellatione alii à Paulo intelligi contendunt universi Mundi machinam, & res in eâ creatas, quæ vanitati propter hominem sunt obnoxie: quâ verò ratione omnes hæc res instaurandæ & in libertatem gloriæ filiorum Dei sunt vindicandæ, se non assequi ingenuè fatentur. Interim expressum Apostoli textum urgent: qui glossâ tam frigidâ non est eludendus. Quid si verò Mundi & *omnis creaturæ* nomine intelligi dicamus cœlum tantum & elementa? Sanè non insolens est in Scripturâ hæc acceptio Mundi, nec aliena à præsentî textu: De vanitate enim & corruptione textus loquitur, quæ peccati ab homine commissi effectum est: Plantæ verò & animalia servituti corruptionis & vanitatis obnoxia fuissent, si maximè homo non peccasset: Namque propter hominem sustentandum etiam

in innocentie statu sunt condita: unde servitia homini necessaria præstitissent, & in cibum dubio procul & homini & sibi mutuo cecidissent; quod sine corruptione & fatigatione quâdam esse non potuisset. Vanitas autem cui cœli & elementa sunt obnoxia, hominis peccato in solidum videtur adscribenda: Unde Deus, *Maledicta*, inquit, *est terra propter id*, Gen. iii. 17. Eodem maledictionis fulmine cœlum & reliqua elementa dubio procul propter hominem quoque tacta sunt. A durâ igitur hac servitute corruptionis & vanitate liberati, & in libertatem gloriæ filiorum Dei vindicari creaturæ cupiunt, quæ in servitutem & maledictionem propter hominem inciderunt. Hactenus quartum ex allegato Pauli loco argumentum; Sequitur.

5. Si Mundus ad tempus ultimi judicii suspirat & parturit, utique abolitionis & destructionis totalis tempus id non erit; At verum illud, secundum Paulum: Ergo & hoc, Connexi ratio est; Quia naturæ appetitus non fertur ad abolitionem sed ad conservationem & perfectionem. Tam nihil naturæ inimicum est quàm non esse.

Novam hæc & subtilem glossam opponit nobis Vallesius Sacre Philos. cap. 89. Verba Pauli, *Omnis creatura parturit usque adhuc*, hoc ait velle, *Omnes creaturas esse in potentia ad aliam perfectiorem naturam*: Unde existimat ille, non quidem annihilatum, attamen destructum, & in corpora longè nobiliora & essentialiter perfectiora transmutatum iri cœlum & terram. Hanc mutationem naturalis formæ in perfectiorem aliam non interitum sed ortum vocari ait; ut cum ex embryone fit animal.

Resp. Posse omnem creaturam à Deo transmutari in aliam perfectiorem naturam, & hoc respectu ad eam in potentia esse, extra omne est dubium: Hoc verò illud esse desiderium omnis creaturæ, ut mutetur essentialiter in naturam præstantiorem, & ad hanc transmutationem suspirare cœlum & terram, ut credam à me non impetro. Eodem enim modo dicendum foret, plantas & animalia bruta maximo ferri desiderio ad transmutationem in hominis naturam, quæ omnibus & plantis & brutis præstantior est; Item, hominis naturam expetere transmutationem in naturam Angelicam præstantiorem: quem naturalem creaturarum ignobiliorum appetitum esse, à ratione prorsus alienum est. Sic enim universi membra propriè sic dicta Creator discrevit, ut sorte suâ singula mancant contenta, & in naturæ suæ conservatione modis omnibus laborent: Quod si verò hic naturalis esset creaturarum omnium appetitus, ut speciem for-

fortiterur præstantiorem, nonne in statu violento essent toto durationis suæ tempore? Quicquid verò exceperit *Vallesius*, non poterit negare transmutati-
onem illam esse destructionem naturæ prioris: At-
qui ad destructionem sui res compleras & perfectas
in suâ specie, maximo ferri desiderio, & exserto ca-
pite eam expectare, contra naturam est rerum per-
fectarum & completarum. Eas enim excipio quæ
ex naturæ instituto incompletæ & imperfectæ, &
tanquam materiæ sunt, in quibus potentia proxima
naturalis ad formam, cui recipiendæ sunt destinatæ:
quo in censu semen est respectu embryonis; embryo,
respectu animalis: horum enim naturalis est appe-
titus ad gradum naturæ sublimioris. Eandem esse
reliquorum corporum naturalium completorum rati-
onem, nunquam probaverit *Vallesius*. Unicum
modò hominem intueamur, cui desiderium in aliam
creaturam nobiliorem abundi Creator non indidit;
qui in naturâ ejus ita acquiescit ut substantialiter
eam mutare nequam velit: unde idem numero
corpus & animam ipsi promittit, non obstante cor-
poris in sua principia resolutione. Quid causæ igitur
esset cur in reliquarum rerum naturis non acquiesce-
ret, ævique perpetui felicitate indignas judicaret?
cur in naturas præstantiores transmutatas eas vellet?
Accedit denique quod hæc *Vallesii* glossa è diame-
tro contraria sit desiderio creaturarum, quod planè
inutile reddit. Cupiunt enim creaturæ, quæ jam
sunt, vindicari in libertatem gloriæ filiorum Dei:
Atqui si non eodem post Mundi finem essent, non
possent dici vindicatæ in libertatem istam glorio-
sam, sed aliud quiddam ipsarum loco. Eodem vel
simili argumento ejusdem numero hominis re-
surrectionem probamus ex desiderio ejus fruendi
summo bono: quod nunquam impleretur, si
idem numero homo non resurgeret: Nam si ali-
us resurgeret, non is frueretur qui desideravit, sed
alius.

Fuit præcipuus Scripturæ pro sententiâ nostrâ locus : Cui alterum adjungimus ex Hebr. i. 11, 12. *Cæli peribunt, tu autem permanes : & omnes ut vestimentum veterascunt, atque velut amicum circumvolvès eos, & mutabuntur.* Eundem locum pro se quoque adversa pars allegat, urgétque potissimum verbum *peribunt* : Sed quæ sequuntur, verbum hoc explicant, & sententiam nostram haud obscure comprobant. Nè enim putemus cælos perituros redactione in nihilum, vel interitu substantiali, duabus metaphoris mutationis modum explicat Apostolus. Prima petitur à vestimento verustate quasi attrito, quod corruptum dicitur, etsi substantialiter nondum perit : Simili modo cæli perire dicuntur, quia à condito Mundo ad finem usque, instar vesti-

menti, vetustate atteruntur & indies veterascunt, nitoris & efficacie primævæ jacturam facientes. Altera à velo val pallio depromitur, quod expansum latè patet, convolutum verò arctè contrahitur. Ex hac metaphorâ coeli in extremo judicii die videntur nonnihil contrahendi & quasi complicandi : Sic judicant docti nonnulli viri. Mihi in eadem metaphorâ cum Prophetâ Apostolus videtur perflare, & hoc velle indicare : Quemadmodum vestis vetustate extus attrita, tandem inverfa, interiori superficie, quæ recentior & nitidior adhuc, in aspectum productâ, exteriori intus occultatâ, renovatur ; sic & coeli jam attriti tandem renovabuntur, faciem sortituri longè elegantiores & nitidiorem. Consentit Theophylactus in hunc locum, & Pineda in caput xiv. Jobi. In textu Hebræo est verbum אָרָץ è quo expleandum Græcum ἐλέξeis, Facie hæc quoque verbum ἀλλաγίσονται, mutabuntur, itâ ut alia ipsorum facies sit futura quàm jam est. Verbum enim ἀλλάττειν, ἀλλάττεσθαι non destructionem vel interitum substantialem denotat, sed alterationem potiùs perfectivam & mutationem in melius. Quo sensu quoque ab Apostolo usurpatum 1. Cor. xv. 51, 52. De iis quos ultimus dies vivos reperiet, Πάντες, inquit, ἀλλαγησόμεθα, omnes mutabimur : Ubi sanè non indigitur corruptio substantialis, sed contrâ, corruptibilitatis abjectio, & incorruptibilitatis assumptio, seu mutatio φθορᾶς in ἀφθαρσίαν : quod è sequentibus vers. 53, 54. manifestum est. Sunt enim ὧν ὁ νοῦς ἀλλαγίσόμεθα, & οὗ τὸ φθαρτὸν τῆ τοῦ ἐν δόξῃ αὐτῶν ἐσθλότης, & οὗ τὸ φθαρτὸν τῆ τοῦ ἐν δόξῃ αὐτῶν ἐσθλότης, id est, Oportet corruptibile hoc induere incorruptibilitatem, & mortale hoc induere immortalitatem.

Addimus tertium locum, ex Apoc. v. 10. Ubi clamant senes, *Fecisti nos Deo nostro reges & sacerdotes, & regnabimus super terram.* Sanctorum super terram regia dignitas & autoritas in hoc Mundi statu nulla est, sed exilium & perpetuæ calamitates ac persecutiones, quas à tyrannis Mundi hujus regibus patiuntur. De atero igitur Mundi statu hoc accipiendum. Quòd si verò super terram regnabunt sancti, utique ea non abolebitur, vel non annihilabitur: in id enim quod non est creaturæ dominium non est. Eòdem videtur Christus respexisse *Matth. v. 5. Beati mites, quoniam ipsi hereditatis jure terram possidebunt.* Hinc *Lutherus*, in cap. 3. epist. 2. Petri, textum Petri dicti clarum esse, in terrâ habitum iri, itâ ut totum cælum & terra novus paradísus sint futura. Si dixeris, novam hîc terram intelligi debere, non repugno, modò terra propriè sic dicta intelligatur, de quâ & non aliâ clari textus loquuntur. Novam autem futuram

contendo non ratione essentiae sed qualitatibus rerum. Et quid attineret, quæso, veteri terræ quoad essentiam destructā atque abolitā, novam ex nihilo vel materiā superstitē creare, præsertim cum essentia non videatur posse differre à veteri, siquidem terra sit propriè dicta. Est & hoc observandum, quod sancti aiunt, *regnabimus*, non, *regnamus*, quo dignum intendunt ad alterum seculum: Nam nè sancti quidem in cælo constituti iam regnant super terram; quia cum patientiā adhuc expectant liberationem fratrum, quam accelerare non possunt, Apoc. vi. 10, 12.

Denique non videtur nobis insuper habendus Petri locus, ep. 2. cap. 3. v. 6, 7. *Is qui tum erat Mundus aqua inundatus, perit. Qui verò nunc sunt cæli & terra, eodem sermone tepidius servantur igni in diem damnationis & excidii impiorum hominum, & v. 10. Elementa aestuantia solvantur, terræque & quæ in eā sunt opera exurentur, & v. 12. Cæli conflagrantes solvantur, & elementa aestuantia liquefcent. Non est in Scripturā locus de Mundi mutatione magis perspicuus: Nulla verò hic vel abolitionis plenaria vel mutationis substantialis fit mentio. Et quidem probè huc observandum,*

1. Interitum Mundi primum, per diluvium, conferri cum secundo, qui per ignem futurus. Atqui prior interitus non nisi respectu animatorum substantialis fuit, & tamen periisse Mundus dicitur: Idem igitur de secundo quoque iudicandum, nec ex interitis voce illico abolitio vel mutatio substantialis inferenda.

2. Mutationem Mundi per ignem dici futuram: Atqui ea ignis natura non est ut simplicia corpora vel in nihilum redigere vel substantialiter mutare possit. Quod enim vulgò aiunt de mutā elementorum transmutatione, & ignis voracitate, quā in suam substantiam convertat omnia, sine ullo fundamento mihi videtur dici, cum nec ratio nec experientia suffragetur. Itaque per hanc ignis actionem mistorum quidem per ignem corruptibilium, imprimis verò animatorum, destructionem indigitar arbitror, quorum respectu per diluvium quoque Mundus periisse dicitur: corporum verò simplicium non nisi purgationem; quod & illa innuat verba, *elementa aestuantia solvantur, terra exuritur, cæli solvantur, elementa aestuantia liquefcent*. Hæc enim exustio, solutio, liquatio aliud nihil videtur esse nisi ignis per universam hanc Mundi machinam penetratio, & in intima corporum insinuatio, quā quicquid à Mundi exordio à simplicibus corporibus contrahit impuritas absorbetur, ut non minus nitida futura sine quā metalla per vim

ignis soluta & liquefacta, & ab omnibus purgata scoris partibusque heterogeneis. Hanc Patribus quoque interpretationem adire video, ut sequentia doceant.

IV. Paucis hisce Scripturæ testimoniis acquiescimus, quia pondere potius quā numero pugnamus.

Patrum jam aliquot testimonia audiamus. Augustinus, lib. De Eccles. dogm. cap. 70. *Elementa, id est, cælum & terram, non credamus abolenda per ignem, sed in melius commutanda; figuram quoque Mundi, id est, imaginem, non substantiam, transitoriam. Videatur idem lib. 2. De civ. Dei, cap. 23, 24.*

Basilii, Homil. 11. in Hexaem. *Spes est futuram olim rerum reintegrationem, & in Psalm. 111. Omnia visibilia veterascent, & vestium vetustatem imitabuntur: tu verò illa mutabis & renovabis, reddesque incorruptibilia pro corruptis.*

Cyillus ad locum ep. 2. Petri 3. Mortem elementorum vocat mutationem in melius, & creatura renovationem, velut ex mortuis resurrectionem, quemadmodum in humanis corporibus.

Theophylactus, Apostolus ait omnem creaturam *ἀνωγεαία*, id est, ingentem expectationem, habere, quod & ipsa in meliorem permuetur statum, necnon expectare revelationem gloria filiorum Dei: tum enim & ipsa glorificabitur incorruptibilitate. Videatur idem in 1. ad Hebr.

Oecumenius, super cap. 3. posterioris epist. Petri, dicit quispiam, Quæ ratio est cur conditus fuit Mundus, si interire rursus debet? cui ita respondendum est, Mundum hunc non in perniciem prorsus interiturum, sed in renovationem abiturum. Quod si materiam conflare per ignem consuevimus, non ut penitus eas destruamus nè sint, sed ut purgatiores eas ac sinceriores reddamus, credendum non est, Deum, cum per ignem consummationem Mundi promiserit, vel id non facturum, vel, si fiat, in perniciem & interitum Mundi id esse facturum.

Hieronymus, super caput 51, & 65. Esaiæ, extremam cælorum mutationem appellat renovationem eorum & promotionem in meliorem statum. Sunt & illa Hieronymi verba observanda, *Infans cum in puerum creverit, & puer in juvenem, & juvenis in virum, & vir in senem, nequaquam per singulas ætates perit: idem est enim qui prius fuit, sed paulatim immutatur, & ætati pristina periisse dicitur. Quod intelligens & Paulus Apostolus loquebatur, Præterit enim figura huius Mundi. Consideremus quid dixerit, figura præterit, non substantia. Hoc idem significat non obscure & beatus Petrus ep. 2. cap. 3. nam cum is dixisset, & cælos & elementa*

incendio deflagratura & dissolvenda esse, ut intelligeretur qualem ipse dissolutionem & interitum intelligeret, mox subiecit, *Novos autem coelos & novam terram videbimus. Non dixit, alios coelos & aliam terram videbimus; sed, veteres & antiquos in melius commutatos.*

Epiphanius, *com. 1. lib. 2.* Non placet, inquit, ut illud dicatur, quod omnia funditus pereant, & terra & aer & coelum non futura sint. Exardescet equidem ad purgationem ac renovationem descensione facta, totus Mundus igne dilutus: Non tamen ad perfectum interitum ac corruptionem deveniet. Si enim melius est non esse quam esse Mundum, cur Deus qui Mundum fecit, quod peius est elegit? frustra laboravit? Igitur ad hoc ut sit & maneat creaturam Deus construxit. Quemadmodum etiam Sapientia confirmat, Creavit enim Deus omnia ad hoc ut sint, dicens: Et salutare sunt Mundi generationes, & non est inter ipsas lethale medicamentum. Sed & Paulus palam testatur, dicens Et enim sollicita creaturae expectatio revelationem filiorum Dei expectat. Vanitati enim creatura subiecta est, non volens sed propter eum qui subiecit ipsam, ob spem: Nam & ipsa creatura liberabitur a servitute inieritis in libertatem gloriae filiorum Dei. Vanitati enim creatura subiecta est, inquit; liberabitur autem a tali servitute. Accipe quod creaturam Mundum hunc nunc dicere vult. Non enim ea quae non videntur, corruptioni serviunt, sed haec quae videntur. Manet igitur creatura in melius ac decentius renovata, exultans & gaudens resurrectione ob filios Dei, propter quos ingemiscit, & velut ex partu nunc dolet, redemptionem nostri corporis a corruptione, etiam ipsa expectans, quod nobis exsuscitatis, & excussa mortalitate carnis, juxta id quod scriptum est, Excute pulverem, & resurge ac confide, Hierusalem, liberatisque a peccato, liberetur etiam ipsa a corruptione, non amplius vanitati serviens sed iustitia. Novimus enim quod omnis creatura coingemiscit, & velut ex partu dolet usque ad hoc tempus. Et paulo post; Revertamur enim non in vanum neque frustra ad interitum creavit universa Deus, velut sentiunt hi qui vana sentiunt, sed ad hoc ut sint & habitentur ac permanent. Quapropter necesse est etiam rursus terram ac coelum fore post universorum exarsionem ac consumptionem. Cur vero hoc necessarium sit, ampliorem adhuc praedictis rationem asserre oportuerit. Neque enim in otiosam materiam & talem statum qualem ante constructionem habebant, resolventur universa, neque rursus in perfectum interitum ac corruptionem. At si non pereunt universa, dixerint adversarii, Quomodo igitur Dominus coelum & terram praeteritura esse dixit? & Propheta dixit, Peribit coelum

velut fontus, & terra velut vestimentum inveterascet! Quandoquidem hic mos est Scripturae, respondemus, ut hanc Mundi transmutationem in meliorem ac magis gloriosam restitutionem, interitum ac perditionem dicant, tanquam videlicet prior figura pereat per universorum ad illustriorem statum immutationem. Nam nulla contrarietas aut absurditas est in divinis Scripturis. Praeterit enim figura Mundi huius, & non Mundus, dictum est. Sic sane morem habent Scripturae, ut perditionem vocet mutationem in meliorem aut pulcriorem prioris formae: Velut si quis perditionem dicat figuram puerilis mutationem in virum perfectum, dum puerilis aetas in magnitudinem vas pulcritudinem mutatur. Videatur & Eusebius Praepar. Evang. lib. 3. cap. 5. Damascenus lib. 2. Orthod. fid. 6. Gregorius Magnus, lib. 17. in Job cap. 5.

V. Jam ad contraria nobis argumenta respondeamus:

Ad Scripturae testimonium 1^m. Non docet Job totalem coelorum abolitionem, sed insignem mutationem, quam alii possent videri a prioribus: Nam si ante hominum resurrectionem totaliter essent abolendi coeli, qui quaelo dici posset 1. Thessal. iv. 17. Nos in nubes in occursum Domini in aera rapti iri, & ita semper cum Domino fore.

Ad 2^m. Locum hunc supra excussimus. Oppositio aliud nihil vult quam coelum esse mutabile & mutatum iri, Deum vero simpliciter immutabilem. Propositio, ut accipitur de permanere, sic accipi debet de perire, simpliciter vera non est: Sufficit ad oppositionem, ut de perire significet mutabilitatem, quam actualis aliquando secutura immutatio: quemadmodum de permanere immutabilitatem significat: Ut autem omnibus permanendi modis respondeant pereundi modi, minimè necessarium est. Verba vero sequentia, anni tui non deficient, aliud nihil indignant quam Deum in eodem statu semper manere, nec annorum ad certam metam decursu veterascere, ita ut ad mutationem subeundam progressu temporis pauciores supersint. Hoc vero modo deficient anni coelorum, quia in eodem statu non permanent coeli, sed veterascunt indies, & mutationis termino fiunt propinquiores; & quia certus annorum numerus praesenti coelorum statui est praestitutus, verè illi dicuntur deficere, id est, minui, quia quod plures elabuntur, eo pauciores ad mutationem subeundam supersunt, donec tandem prorsus deficient, & nova coelorum facies post decrepitam senectutem surgat.

Ad 3^m. Locus hic *Esaie* non loquitur de extremo

mo iudicio, sed iram Dei contra Gentes hyperbolica locutione exaggerat, ad tardos & hebetes hominum animos percellendos. Observanda hic *Calvini* expositio; *Dicit Iesaias sidera quoque ipsa in ejusmodi strage tractura nigredinem*, ac si contabescerent, quod magis luctuosam illam cladem fore ostendat; quemadmodum tenebroso & turbulento caelo nubes convolvi, sol & stella pallefcere, superaque illa omnia nulare & ruinam moliri videntur. Hac autem ad hominum sensum referri debent: Caelum enim loco suo non movetur, sed cum Dominus ira sua signa profert, ita terremur ac si Dominus caelum contraheret aut dejiceret, non quod caelo tale quicquam contingat: Sed homines securos alloquitur, quos ita compellari oportuit, ne rem levem & ridiculam esse existimarent; Tantus vos consternabit pavor ut caelum in capita vestra rueret vobis videatur. Haecenus *Calvinus*. Ex hoc igitur loco allegorico, quo gravitas irae Divinae & horror futurae cladis ac ultionis exaggeratur, adversariorum sententia probari nequit. Imò eventus ipse refutavit: Cum enim gentes caderentur quibus hinc cladem Propheta praedixit, in coelo coelique exercitu tale nihil contigit quod litera insinuat. Unde apparet convenientem allegoriam *Davidicam* esse querendam, quam modò ex *Calvino* tradidimus.

Instituta comparatio folii cadentis cum militia coelesti, si maxime textus allegoricus non esset, à nostra sententia nos non dimoveret: nec enim quae comparantur, in omnibus comparantur. Comparatio igitur intra certos limites consistit, & quidem hoc loco latius extendi non debet quam ad insignem quandam mutationem coelorum & exercitus coelestis significandam, qualis folio defluenti contingit; etiamsi è vestigio in sua principia non resolvitur. Quod si verò similia & comparata ita simpliciter essent urgenda, ex eodem simili à foliis defluentibus & graminibus marcescentibus petito colligi posset, hominem non quoad corpus tantum sed & quoad animam interire, quia ratione vanitatis & caducitatis folio defluenti & gramine marcescenti in Scripturam comparatur.

Ad 4^m. Primum, mutationem istam coelo & terrae eventuram, ex praesenti *Esaie* loco firmiter nequit colligi, quando comparatio instituitur inter salutem ac justitiam & inter coelum ac terram; ejus scopus est, salutem ac justitiam Dei longè stabiliorum esse quam coelum & terram. Sensus igitur est, misceri potius coelum terrae, & omnia dissolvi continget, quam promissio mea cui salus vestra innitur effluat. Quo loquendi genere non indigatur mutatio substantialis quae coelo & terrae continget, sed firmitas tantum & stabilitas promissio-

tionis Divinae. Hoc constantiae significandae genus omnibus gentibus familiare est. Sic grati animi sui constantiam eloquitur *Ovidius*, 4. De Ponto,

Nam prius umbrosam charituros arbore montes;
Et freta velivolae non habitura rates,
Fluminisque in fontes cursu reditura supino,
Gratia quam meriti possit abire tui.

Sic alibi amoris constantiam describit,

Nulla prius vasto labentur flumina ponto,
Annis & inversas duxerit ante vices,
Quam tua sub nostro mutetur pectore cura, &c.

Et alibi,

Terra prius falso partu deludet arantes,
Et citius nigros sol agitat equos,
Fluminisque ad caput incipient revocare liquores,
Aridus & siccus gurgite piscis erit,
Quam possim nostros aliò transferre calores:
Hujus ero vivus, mortuus hujus ero.

Sic & Scriptura constantiam hoc loquendi genere exprimit, ut *David*, Psalm. cxxxvii. 3. Si obliviscar vestri, o Jerusalem, obliviscatur tui dextra mea. Lux. xix. 40. Dico vobis, si stiverint isti, mox lapides clamanturos.

Comparisonem hanc *Hieronymus* quoque animadvertit: Unde hac periphrasi verba illustrat, Facilius est fixa & immobilia destrui quam forminum meorum aliquid cadere sine implerione.

Haec prima est responsio: Alteram adjicio: Faciamus sane mutationem coeli & terrae hinc praedici, attamen substantialem non admittimus, nec evinci ea potest ex textu. Ad argumenta igitur quae inde extruuntur ordine respondeamus: Ad 1^m, verbum *תהוה*, quod in textu originali est, non significat tantum essentialem destructionem, sed & viam ad eam, quae alteratio corruptiva est. Si igitur maxime huic alterationi obnoxium sit coelum, non tamen sequitur ipsam quoque corruptionem. proprie sic dictam protinus insculturam, cum multa instaurantur quae corruptioni vicina erant per pravam dispositionem; quod & coelis procul dubio continget, qui indices jam inveterascunt & atteruntur, tandem verò renovabuntur, & instaurabuntur. Quod si verò adversariorum more similitudines urgere velimus, contra corruptionem substantialem hunc in modum arguere poterimus; Si coeli ut fumus dissolventur, utique non annihilabuntur aut substantialiter interibunt; quia aqua in fumum resoluta non annihilatur vel substantialiter interit: Exhalationes enim ab elementis suis formaliter non differre, melior Philosophorum pars.

pars statuit: nec fumus postea annihilatur vel substantialiter interit, sed vel in aquam rursus densatur, instar aliarum exhalationum aquearum, vel in fuliginem abit, quæ & ipsa essentialiter à fumo non differt. Ad 2^m. Similitudo in mutationis genere, non in specie indicatur: Incolæ enim terræ & ipsa terra mutabuntur, sed non eadem mutationis specie. Ad 3^m. Propositio simpliciter vera non est: Sufficit ad oppositionem, si aliquis defectus, mutationis aut dissolutionis modus in cœlo & terrâ contingat, quo à statu perfectionis pristinæ deiciantur, ac debilitentur, quod ferè indies in cœlo ac terrâ experimur: cuiusmodi vices non subeunt salus & iustitia Dei. Hactenus quartum testimonium.

Ad 5^m. Non loquitur Propheta de mutatione Mundi quæ contingeret in extremo iudicio, sed metaphorica & hyperbolica locutione promittit tantam & tam inopinam tribulationum & angustiarum mutationem in improvise liberationis ac restitutionis felicitatem, ut propter novam rerum faciem cœlum novum & terra nova, seu novus qui dam Mundus, videatur. Per priora verò illa quæ non amplius crunt in memoriâ, nec ascendent super cor, intelligunt docti Interpretes afflictiones priores, de quibus versiculus præcedens 16. loquitur, Oblivioni traditæ sunt afflictiones priores; & absconditæ ab oculis meis. Tanta enim Ecclesiæ per Christum instaurata erit felicitas & exultatio, ut præ gaudio præsentis nulla sit futura pristinarum afflictionum recordatio. Sed si maxime concedamus Prophetam loqui de cœlo & terrâ propriè sic dictis, nostræ tamen causæ nihil decedet: Itaque ordine ad proposita argumenta respondebimus. Ad 1^m. Non est insolens ut per novum intelligatur renovatum: Sic corda nostra post regenerationem dicuntur nova, quæ non nisi renovata sunt: Regenerati dicimur creatura novæ, cum tantum simus renovati: In communi vitâ & sermone sæpissimè renovata dicuntur nova. Ad 2^m. Per creationem etiam immutatio & alteratio perfectiva intelligitur: ut Psalm. 51. *Crea in me cor novum*. Ad 3^m. Aded innovabuntur cœli ut prioris ipsorum status nulla amplius futura sit recordatio, vel ut videri possint planè alii à prioribus. Hactenus quintum testimonium, qui cum tanquam locus parallelus conferatur Apoc. xxi. 1. quem docti Interpretes non de mutatione Mundi sed de instaurazione Ecclesiæ accipiunt. Verba illa, *mare jam non est*, non ed adduxerunt Augustinum ut putaret post ultimum iudicii diem mare propriè sic dictum amplius non futurum. Sic igitur iudicat de isto Apocalypses loco, lib. 20. De civit. Dei, cap. 16. *Amas Prophe-*

tica locutio propriis verbis translata miscere, ac sic quodammodo velare quod dicitur. Potuit de illo mari dicere, Et mare jam non est, de quo supra dixerat, Et exhibuit mare mortuos qui in eo erant: jam enim tunc non erit hoc secundum vitam mortalium turbulentum & procellosum, quod maris nomine figuratur. Quod si verò de cœlo, terrâ & mari propriè sic dictis hæc accipiantur, cœlum abire dicitur, quatenus vetustate attritum tandem innovabitur, ita ut vetus abiisse & planè novum successisse videatur. Augustinus, libr. 20. De Civit. Dei cap. 24. Legitur, inquit, Mundus transire; legitur, Cœlum & terra transibunt: sed puto quod præterit, transibunt, aliquantò minus dicta sunt quam peribunt. Mare quoque non amplius futurum dicitur, quia ad varios usus creaturis deservire desinet: Non igitur amplius erit tanquam creatura serva; erit autem ut libera, seu asserta in libertatem gloriæ filiorum Dei, Rom. viii. Sic dicitur limes amplius non esse qui agris limitandis amplius non inferuit; etiam si quoad esse absolutum adhuc est.

Ad 6^m. Primò, minus aliquantò est transibunt quam peribunt, inquit Augustinus. Transire Scriptura aliàs declarat per ἀλλὰ ἡδεῖν mutari; de quo verbo supra: respondetque verbo Hebræo אָזְנִי quod Græci ἀλλὰ ἡδεῖν in Psalmo cii. reddunt, & Paulus Hebr. i. At verbum ἀλλὰ ἡδεῖν aut אָזְנִי substantialem interitum non denotat. Deinde, eadem loquendi ratio hic est quæ supra in testimonio 4. ubi responsum videatur ad 2^m. argumentum, quod è sexto hoc testimonio elicitur ex oppositione cœli & verborum Dei.

Ad 7^m. Consummatio perfectionem potius significat quam essentialem corruptionem. Sic cum in cruce Christus dixisset, Consummatus est, ὁ ἔργον perfectum & absolutum esse indigitavit. Significat autem consummatio Mundi non essentialem destructionem, sed decursum ejus ad metam certam, quam ubi attigerit, insignes mutationum vices subibit, ipsa tamen ut eadem maneat substantia. Unde Basilina, Hom. 1. in Hexam. conjungit ἀννέλειαν νέσθαι & παλιγγενεσίαν, consummationem & instauracionem seu innovationem.

Ad 8^m. Cœli reservantur igni, non ut destruantur sed ut perurgentur. Dicuntur autem unà cum elementis solvi & exuri, quia ignis undique cœlum & elementa penetrabit, & quicquid in iis impuritatis consumeret, veluti à metallis scorias ignis segregat, dum ea exurit; nexúsque scortarum & metallorum, quibus uniuntur, solvit, incolumi metallorum substantiâ. Simili hoc usus est

Occumenius,

Occumenius, ut supra ostendimus. Quodd autem cœli cum impetu dicuntur transcurri, hoc à nobis sensu accipitur, quodd mutatio illa subitanea cum ingenti fragore conjuncta sit futura: Etsi *Augustinus* ait *Petrum* collationem instituere cum illis cœlis qui tempore diluvii perierunt, quodd intelligi non posset nisi de regionibus aeris in quibus pluvie & tempestates creari solent; lib. 20. De Civ. Dei, cap. 16, & 24.

Ad 9^m. Figurata *Joannis* locutus est, quâ significatur Deo ad Ecclesiam suam liberandam & penas de impiis sumendas adventante, tantam rerum mutationem oboritam, ac si planè nova essent omnia, & vetera transissent omnia. Solet verò aliàs quoque Scriptura Dei judicia horrenda hoc modo exaggerare, ut videre est de excidio *Babylonis*, quodd ultimum diem præcedet. Et Apoc. xvi. 20, 21. *Omni insula fugit, & montes non sunt inventi*, quodd certè *hæc prædicta* accipi non potest. Sic quodd Apoc. vi. 14. dicitur, *Cælum abscessit sicut liber qui convolvitur, & omnes montes & insule à suis locis motæ sunt*, docti interpretes accipiunt de horrendis Ecclesiæ calamitatibus sub persecutoribus, qui ad excindendam Ecclesiam nihil immortum reliquerunt, tandem tamen ab Agno excidio horrendo sunt deleti, adeo ut præ horrore ipsæ quoque insule & montes locis suis excedere debuissent videantur.

V. I. Hæcenus ad Scripturæ testimonia responsum: Jam ad rationum examen progredimur. Respondeo igitur

Ad 1^m. In antecedente per omne tempus intelligitur vel omne tempus caducum, quodd dierum & noctium diversarumque tempestatum vicibus varium est, & à cœlestium corporum motu pendet, vel omnis duratio successiva, quæ fluxus est ab uno momento elapso ad alterum succedens. Priori modo si tempus accipitur, antecedens concedimus, sed consequentiam negamus. Probatio falsa est: Cœlestia corpora in altero seculo amplius non motum iri, cum magnis Theologis contendimus: Cum enim motus cœlestis generationi & corruptioni rerum, vicibusque dierum & noctium nec non tempestatum annuarum efficiendis inserviat, & verò generationi & corruptioni tempestatumque vicibus in altero seculo locus non sit futurus, erit enim dies sine nocte, perennitas rerum sine interruptione) quis usus esset motus cœlestis? Sed inquit, *motus perfectio est corporum cœlestium*. Resp. Perfectio est non absoluta sed respectiva, quatenus per motum cœlestia corpora hæc & sidera finem assequuntur ad quem in hoc seculo sunt destinata, qui est rerum subalternarum generatio &

corruptio, dierum & noctium tempestatumque annuarum vicissitudo, nec non temporis Mundani descriptio: Hic enim finis cum ad alterum seculum non pertineat, quiescere utique poterunt in eo cœlestia corpora absque perfectionis jactura. Immo verò continuus siderum motus est quædam servitutis species (*Sol & Luna*, inquit *Ambrosius* in cap. 8. ad Rom. *non sine labore statuta sibi implere spacia*), à quâ tandem liberabuntur, & in libertatem gloriæ filiorum Dei cum aliis creaturis vindicabuntur. Quietis hujus specimen habetur in historiâ sacrâ *Jos. x*.

Sin verò posteriori modo tempus accipitur, vel certè omni tempori quælibet duratio successiva includatur, antecedens universale esse negamus: Nritur id falso principio, *Omne tempus pendere à motu corporum cœlestium*, quodd nos negamus. Omnis namque duratio successiva indivisibili æternitati, quæ duratio est permanens solius Dei, opposita tempus est; quodd etiam sine motu cujuscunque corporis, nedum siderum, subsistit: Nec enim corpora minùs durant successive si quiescant quàm si moveantur. Cum sol staret tempore *Jesue*, tempus tamen ibat, inquit *Augustinus*, lib. 11. Confess. cap. 23. Quid, quodd & motus, seu actionum successio, in altero erit seculo? Non enim cogitatione tantum sed & ore continuè Deum laudabimus, transeunte nempe actu celebrationis uno, & continuè sequente alio: nec uno loco corporibus semper erimus affixi: Ubi igitur motus & successio actionum, ibi extra controversiam tempus est. Cum igitur Angelus in Apocalypsi ait *non amplius futurum tempus*, de tempore physico & caduco loquitur, quale cœlestium corporum motu describitur, dierumque & noctium vicibus distinguitur, nec non rerum generationi & corruptioni inseruit. Alii tamen docti viri tempus persecutionis in allegato loco intelligunt, quale post vocem sexti Angeli amplius non erit, abolito jam Antichristo.

Ad 2^m. Assumptionem negamus. Approbatio si exclusivè intelligatur, vera non est: Summus enim conditi Mundi finis est Dei gloria; (*Fecit Deus omnia propter se*) subordinatus tantum est hominis usus. Quidn igitur ille sublato hoc possit manere? Sed subordinatum si fore dixerimus, non quidem ut hominem foveat, sed ut Dei magis magisque celebrandi materiam præbeat, ad stipulatores non paucos habebimus. Hinc commentator *Damasceni*, in cap. 6. lib. 2. De orthodoxa fide, omnium ferè sententiam esse ait, *omnium rerum sensibilem machinam quasi renovatam insolito decore perpetuò mansuram, ut suggerat beatis materiam* in

in suis operibus laudandi Deum, elucetque in illis Dei virtus & sapientia. Similem in modum alii differunt, quoniam corporeus oculus non potest pertingere ad essentiam Divinam, ut Augustinus docet in libello De videndo Deo, ideo, ne oculus congruâ delectatione destituatur, ornatum coelorum mirificum, & rerum restauratarum pulchritudinem illi tum offerendam, ut habeat non solum unde se oblectet & gaudeat, sed etiam unde Dei potentiam & infinitam sapientiam admiretur. Unde suo quoque loco Dei gloriam dicuntur prædicare rationis ac sensus expertes creaturæ, ut constat ex Apoc. vers. 13. *Omne creaturam quæ in celo est, & quæ super terram, & sub terrâ, & in mari, & quæ in iis sunt, omnia audiui dicentia. Sessori throni & agno benedictio & honor & gloria & robur in secula seculorum.* Sic David dicit celos enarrare Dei gloriam, Psalm. xix.

Sed faciamus sanè nos prorsus ignorare quis creaturarum rationis & sensus expertum post iudicii diem finis & usus sit futurus, anne idcirco sequetur nullum prorsus esse futurum? Quot, quæso, creaturæ nostris observantur oculis quarum fines & usus ignoramus, quæ tamen, non obstante ignorantia nostrâ, nihilominus sunt & durant?

Denique sine notâ non prætermittendum quod sub finem rationis secundæ dicitur, *Beatos fore supra Mundum in celo, damnatos extra Mundum in inferno.* Aut pristinus hic intelligitur Mundus, renovatus tamen, aut novus planè, qui veteri abolito succedet. Si pristinus, imprudentes concedunt quod modò pertinaciter negarunt, Mundum etiam post seculi huius finem superstitem futurum: Qui enim possent esse vel beati supra Mundum vel damnati extra Mundum, si Mundus amplius non esset? Si novus, viderint quomodo beatorum extra novum Mundum collocent, qui præcipua novi Mundi pars erunt: viderint item qui coelum beatorum extra Mundum collocent, quod & ipsum pars Mundi erit. Contradicent igitur sibi, quocunque modo se explicent. Nec video qui possint damnatos extra Mundum collocare, cum coelum istud in quo futuri sunt beati ex sententiâ Doctorum horum sit ubique: Unde sequitur nè infernum quidem extra hoc coelum esse posse.

Nos si quis roget de loco beatorum & damnatorum post iudicii diem, utrumque Mundi ambitu contineri respondebimus: illis enim coelum, quod summa Mundi pars; isti terræ viscera, quæ ima Mundi pars, destinari haud obscure Scriptura innuat.

Ad 3^m. Nullius momenti ratio hæc est. Nec

enim omnes res physice corruptibiles sunt, ita nempe ut potentiam actus tandem per causas naturales sequatur. Deinde non obstat Creatoris potentie rerum corruptibilitas, quò minus vel solo nutu in æp̄sopas eam possit mutare. Quòd autem tempus ab ævo distinguitur, non ideo sit quòd ævi nullo modo capax sit res quæ tempori jam subest, sed quòd naturalia corpora pleraque, quæ in tempore dicuntur esse, corruptioni sint obnoxia, & esse tandem per corruptionem desinant, ex Creatoris & naturæ instituto: quam tamen legem tandem immutare non minus promptum erit Deo quàm olim fuit expeditum sancire. Post iudicium igitur ævum transigent perpetuum omnes creaturæ quæcunque sunt futuræ: Exemplo sit homo, qui non minus corruptibilis & caducus est quàm ulla res creata.

Ad 4^m, Connexum negamus. Prosylogismi, quo connexum probatur, propositio negatur à *Conimbricensibus*, libr. 1. De coelo. cap. 2. quæst. 3. art. 4. Ubi ex professio tractabatur quæstio, *An quies celo secundum naturam conveniat*: quò lectori rem remitto. Mihi non coelum in orbem, sed stellæ moventur: sed eodem res recidit in hæc quidem controversiâ. Nostram de astrorum quiete sententiam invenies sect. 1. cap. 3. Theol. 1. c. 48. Elementis cur vim perpetuam non illatum iri putemus, hæc est ratio: Quòd naturâ suâ, tanquam corpora simplicia, putemus ea esse incorruptibilia, & ita comparata ut contrariarum qualitarum citra destructionem naturæ capacia sint. Non plus igitur violentiæ aqua & terra ex mutuo contactu patientur post seculi renovationem quàm nunc patiuntur, & ab ipso creationis momento sunt passa. In statu innocentie si homo persistisset, mutua elementorum actio & passio absque omni violentiâ fuisset continuata: Quidni igitur post seculi instaurationem idem posse fieri credamus?

VII. De mutationis Mundanæ instrumento hic quoque nonnihil attingendum. Ignis operâ usum esse Deum in Mundanæ machinæ mutatione, ex Scripturis manifestum est. Insignis est locus 2. Petri iii. 7, 10, 12. quem supra expendimus. Scripturæ hic suffragantur Stoici, qui & ipsi per ignem mutatum iri Mundum prædicunt, ut pluribus supra ostendimus. Videantur quæ ex *Plutarcho*, *Cicerone*, *Senecâ* & *Macrobio* sunt allegata. Prolixè in hæc Stoicorum sententiam inquirat *Philo*, lib. *mei ἀποδοσίας λόγων*. Integrum de Mundi exustione tractatum scripsit *Hieronymus Magius*: ad quem lectorem remitto. Memorabiles sunt *Sophoclis* versus, quos *Iustinus Martyr* *mei ὑποφάγας*, citat

Ἐσται ὡς αἶψα καὶ ὅσον αἰὼνον χρόνον,
Ὅταν πυρὸς γάμοντα θησαυρὸν σχέσῃ
Χρυσὸς ποτὶς αἰθήρ, ἥ δὲ βοσκηθεῖσα φλόξ
Ἀπαντα τὰ ἐπίγεια καὶ μακάριστα
Φλέξῃ μαγεῖσα.

Hoc est,

Erit erit illud seculorum tempus
Quando ignis plenum thesaurum scindet
Aureus aether; nutrita verò flamma
Omnia terrena & sublimia
Utret insana.

Frequens est ignis hujus mentio in carminibus Sy-
byllinis:

Ἐκκαύσει δὲ τὸ πᾶν γῆν, ἑρᾶνδον, ἥ δὲ θαλάσσαν.
Ἐκπύρεται γὰρ ἡ γῆ καὶ ὁ οὐρανὸς πυρὸς ἥδ' ἐκείνου.
Ἄνδρα γὰρ ἀπὸ τοῦ οὐρανοῦ ποταμὸς πυρὸς ἥδ' ἐκείνου.
Καὶ τὸ πᾶν δὴ ποταμὸς τε μέγας πυρὸς αἰδομένην
Ῥεῦσαι οὐρανὸν, καὶ πάντα τὸ πᾶν θαλάσσαν.
Γαῖαν δὲ, ὡς καὶ ὁ πᾶν μέγας, γλαυκὴν ἥ δὲ θαλάσσαν.
Tunc ardens fluvius cælo manabit ab alto
Igneus, atque locum consumet funditus omnem,
Terramq; Oceanumq; ingentē, & cæcula ponti, &c.
Ὅππότε γὰρ οὐρανὸν πυρὸς ἥδ' ἐκείνου καὶ θαλάσσαν,
Tum cum de cælo torrens fluet igneus.
Πᾶν ἔσται καὶ κόσμος,
Ἰγνὶ flagrabit Mundus.

Qualis hic ignis sit futurus definire in promptu non
est. Putant nonnulli elementarem fore; alii ex no-
vâ creatione; alii ex radiis solaribus in mediam æ-
ris regionem incidentibus eliciunt: Sunt etiam qui
ignem hunc iram & iudicium Dei interpretentur.
Nos etsi de ortu hujus ignis nihil definimus, ignem
tamen propriè dictum fore statuimus, sive sit idem
cum sublunari, sive alius ab eo: posterius tamen ve-
rissimilius videtur. Ignem propriè dictum cur fore
credamus, hæc est ratio; Quod expressæ Scriptura-
rum literæ deferendæ & analogiæ quærendæ cau-
sam satis ponderosam nullam videamus: Atqui ca-
tholicum axioma est, *A Scripturæ literâ non esse
recedendum nisi manifesta cogat necessitas*: quam si
qui nobis ostenderit, promptissimè obsequemur.

Vallesius ignem hunc Divinâ quâdam vi instru-
ctum iri putat ad ministerium hoc exsequendum.

THESIS IV.

Incertum est, an in Mundo renovato
Animantia quoque, Plantæ & Metalla
sint futura.

Ἐκ δευτέρου.

Nihil hîc statuimus, etiam si doctis nonnullis vi-
ris probabile videtur, futurum Mundum creaturis

hisce prorsus non cariturum: A quorum sententiâ
alienum non est responsum Lutheri in Colloquiis
mensalibus: Interrogatus enim, an essent in novo
Mundo pecora futura, respondit, Non esse putandum
quòd cælum & terra tanquam aer & arena seu pul-
vis nudus sint futura, sed conjuncta fore quæ ad illa
pertinent, oves, boves, pecudes, pisces, absque quibus
terra & cælum esse nequeant. Rursus interrogatus,
an in novo Mundo animalcula rationis expertia essent
futura; Omnino, respondit, cum novum cælum &
terra non inania, vacua & deserta sint futura, sed
creaturarum pulcherrimarum plena. Cujus confir-
mandi causâ Petri locum adduxit, ubi novissimus
dies appellatur dies restitutionis omnium. Tunc sub-
jicit, Deus novos catellos creabit; cuilibet catello erit
millus ex gemmis, & de quolibet millo margarita
pendebit. Assertit quoque cimices, formicas & alia
foeda animalia ac putida meram illic amoenitatem
& voluptatem fore; jussui nostro, si ita videatur,
obsecuturum laterem, & in smaragdum illico ver-
sum iri. Sic in 1. Cor. xv. ait, In alterâ vitâ fore ut
cælum, si velis, merum aurum pluat, Albis gemmis
fluat, arborum folia sint argentea, gramina & flores
agri referant smaragdos. Quæ tamen seriò an jo-
cosè dixerit Lutherus, non dixerim. Interim dubio
procul terræ cælum miscerent Lutherani, si Zwin-
glius vel Calvinus tale quid unquam scripsisset. Ali-
ud est visum Occumenio, super cap. 3. Ep. 2. Petri;
Ubi quærenti, si perdentur & consumerentur aliqua,
quænam illa sint futura, respondet, Supervacua ni-
mirum hæc & præsentî vitæ convenientia, cujusmodi
sunt jumenta, herbe & plantæ, quarum aliæ materi-
am ad tabernacula & domos construendas, aliæ fru-
ctus ad alendos homines produciunt. Non ab similia
tradidit Justinus Martyr, Quæst. 95. Quam in sen-
tentiam concedit quoque Pererius, in Gen. lib. 2.
quæst. 2. cujus hæc sunt verba observari digna;
Conserve omnium specierum individua incorrupta
& impossibilia similiter ut hominem, non videtur esse
conveniens Dei sapientiæ. Cumque tum futurus sit
Mundus incorruptibilis, ea tantum videntur esse re-
mansura quæ rationem aliquam habent incorruptibi-
litaris: Hæc autem triplex est: Quædam enim &
tota & secundum omnes partes sunt incorruptibilia, ut
cælum: alia, si non tota, certè principem sui partem
incorruptibilem habent ut homo: sunt etiam quæ licet
particulatim paulatimq; intercant, attamen simul tota
interire nequeant, sed summa eorum semper manet in-
tegra, cujusmodi sunt elementa. Cætera verò ex ele-
mentis coagmentata corpora nullam in se habent ra-
tionem incorruptibilitatis, nisi secundum speciem, quæ
nihil ad rem præsentem facit. Quærenti verò quo-
modo Mundus sine tot lapidum, metallorum, stir-
pium

pium & animantium speciebus, quæ ad decorem & perfectionem ejus pertinet, perfectius esse possit, respondet. Ejusmodi rerum species licet pertineant ad perfectionem Mundi prout is versatur in presenti statu generationis & corruptionis, non tamen eâ ratione, ut Mundus post diem judicii ad alterum statum incorruptionis, à quâ longè absunt istiusmodi res, traducatur.

Huc tamen Pererii & Scholasticorum discursum non probat Petrus Martyr, loco 17. De fine seculi & rerum immutat. num. 13. ubi iis potius favere videtur, qui plantarum quoque & animantium instaurationem futuram contendunt, etsi nihil definit. Et nos hic nihil certis de causis statuimus.

Vallésius, sacræ Philosoph. cap. 89. equorum, leonum, urforum & aliorum animalium individua in ætérno & felici ævo non futura affirmat; etsi species eorum æternas fore statuit, primùm in exemplari seu ideâ Divinâ, deinde in aliis rebus perfectioribus, in quibus erunt ut trigonus in tetragono: quod suo loco relinquimus. Interim cum de perpetuitate specierum quæritur, non de ideâ seu analogiâ eorum sed reali existentia extra causas suas in individuis quæritur: De idearum æternitate nemo dubitat.

Sic tandem ab hujus Mundi contemplatione discedimus: Vos Theologi & Philosophi, quicumque Mundi Conditorum sincere diligitis, mente integrâ, fide firmâ, virtute robustâ parati ad omnem voluntatem Dei mecum este. Pavore mortis excluso, immortalitatem, quæ sequitur, cogitemus. Hoc nos ostendamus esse quod credimus, ut neque charorum lugeamus excessum, & cum accersitionis propriæ dies venerit, incunctanter & libenter ad Dominum, ipso vocante, veniamus. Quod cum semper fuerit faciendum Dei servis, nunc fieri multo magis debet, corrumpente jam Mundo & malorum infestantium turbinibus obfesso: ut qui cernimus cæpisse jam gravia, & scimus imminere graviora, lucrum maximum computemus, si isthinc velocius recedamus. Si in habitaculo tuo parietes vetustate nutarent, tecta desuper tremarent, domus jam fatigata, jam lassâ, ædificiis senectute labentibus, ruinam proximam minaretur, nonne omni celeritate migrares? Si, te navigante turbida & procellosa tempestas, fluctibus vi venti excitatis, prænunderet futura naufragia, nonne portum velociter peteres? Mundus ecce nutat & labitur, & ruinam sui non jam senectute rerum sed sine testatur,

& tu non Deo gratias agis, non tibi gratularis, quod exitu maturiore subtrahis ruinis & naufragiis & plagis imminentiibus exuaris? Considerandum est, fratres dilectissimi, & identidem cogitandum, renunciasse nos Mundo, & tanquam hospites, & peregrinos hic interim degere. Amplectamur diem qui assignat singulos domicilio suo, qui nos isthinc ereptos & laqueis secularibus exutos paradiso restituit & regno cælesti. Quis non peregrè constitutus properet in patriam regredi? Quis non ad suos navigare festinans ventum prosperum cupidius optaret, ut velociter charos liceret amplecti? Patriam nostram paradisum computamus, parentes nostros patriarchas habere jam cœpimus: quid non properamus & currimus ut patriam nostram videre, ut parentes salutare possimus? Magnus illic nos charorum numerus exspectat, parentum, fratrum, filiorum: frequens nos & copiosa turba desiderat, jam de suâ immortalitate secura, & adhuc de nostrâ incolumitate sollicita. Ad horum conspectum & complexum venire, quanta & ilis & nobis in commune lætitia est? Qualis illic cœlestium regnorum voluptas sine timore moriendi, & cum æternitate vivendi? Quam summa & perpetua felicitas! Illic Apostolorum gloriosus chorus; Illic Prophetarum exultantium numerus; illic Martyrum innumerabilis populus, ob certaminis & passionis victoriam coronatus; triumphantes illic virgines, quæ concupiscentiam carnis & corporis continentia robore subegerunt, remunerati misericordes, qui alimentis & largitionibus pauperum justitiæ opera fecerunt, qui Dominica præcepta servantes ad cælestes thesauros terrena patrimonialia transtulerunt. Ad hos, fratres dilectissimi, avidâ cupiditate properemus, ut cum his citò esse possimus, ut citò ad Christum venire contingat optemus. Hanc cogitationem nostram Deus videat, hoc propositum mentis & fidei Dominus Christus adspiciat, daturus eis gloriæ suæ ampliora præmia quorum circa se fuerint desideria majora. Amen.

Hæc gravissimâ Cypriani exhortatione, calamitosissimo hoc tempore, umbilicum huic operi impingere libuit. Felices enim Mundi hujus contemplatores tum demum sumus, si tantum profecerimus ut quod diutius hanc Mundi machinam contemplati fuerimus, tantò ardentioribus votis pertæsi hujus exilii ad cœlestem patriam adspiremus. Hæc meta, hic laborum nostrorum finis.

CONTEMPLATIONUM
PHYSICARUM

SECTIO III.

*De Corporibus Cœlestibus, Continens
URANOLOGIAM.*

Et

ASTROLOGIAM

Præceptis methodicis explicatam, omniumque ad
hanc materiam pertinentium controversiarum plenâ
tractatione illustratam.

AUTORE

MARCO FRIDERICO WENDELINO
Gymnasii Anhaltini Rectore.



Ex officina Rogeri Danielis Almæ Academiæ Cantabrigiensis
Typographi M. D. C. XL. VIII.


THE UNIVERSITY OF

OXFORD

LIBRARY

Printed by J. G. & J. S. at the University Press, Oxford.

1884



1884



ubi dicitur
in nuda
per gradu
vultu, nū
pania con
in pphic
ribus arg
rum con
complez
Theolo
Anaxa
Et pr
Aspici
u anim



Illustrissimo & celsissimo Principi ac Domino,
Dn. AUGUSTO,
Principi Anhaltino,
Comiti Ascaniæ,
Domino Servestæ & Berneburgi,
Tutori, &c.

Domino meo Clementissimo.

Salutem & pacem à Deo.



Anaxagoras interrogatus, Princeps Illustrissime, cur se natum arbitraretur, respondit, autore Laertio, εἰς Σαμείαν ἦλθε καὶ οὐρανὸν καὶ ἔργα, hoc est, Solis, luna & cæli videndi causâ. Vox hæc etsi summa Philosophorum excepta est admiratione, tamen à Lactantio, qui Philosophis quandoque iniquior, ridetur, quasi quid responderet nesciverit Philosophus. Lactantio non assentior; sed cum Calio Rhodigino potius existimo non temerè hoc à sapientiæ studioso effusum, sed pensiculatè admodum & excusè. Cùm enim abjectam patriæ curam non nemo eidem exprobraret, Εὐφήμεν. ἔφην, ἐμοὶ γὰρ καὶ σφόδρα μέλει τὸ πατρίδος, δεῖξαι τὸν ἔργον, h. e. Bona

verba dixit, mihi enim patriæ cura, & quidem summa est: digito in cælum intento. Unde suspicari subit, non in nudâ sterilique cæli & astrorum contemplatione metam theoriæ vitæque suæ fixisse Anaxagoram, sed per gradus hosce altius ad cæli astrorumque Conditorem ascendisse. Nec enim in cælo patriam quævisset, nisi ex cæli potissimum theoriâ Opificem cæli parte aliquâ cognovisset, ejusdémque felix in hac patriâ consortium sibi promississet: Quod de Anaxagora tantò mihi facilius persuadeo, quia primus hic in physicæ theatrum Mentem introduxit omnium conditricem & ordinatricem, nullis, ut opinor, certioribus argumentis quàm quæ corporum cælestium suggestit theoria. Notitiæ hujus ex operum Divinorum contemplatione fontem jam pridem Paulus indigitavit, Rom. i. 20. In hoc igitur cælestium contemplationum vestibulo non ab re fuerit quasi compendio quodam ostendere quàm insigniter naturalis Theologiæ latifundia amplifcet corporum cælestium theoria, & quam à verò non planè aberravit Anaxagoras.

Et primùm quidem non unius vel primi Anaxagoræ ista de sine hominis sententia fuit. Nam in Asclepio Hermes, Deus, inquit, hominem confirmavit ex animi & corporis, h. e. aeterna & mortali, natura, ut animal ità conformatum utriusque origini suæ posset satis facere, & mirari atque orare cælestia & aeterna,

EPISTOLA DEDICATORIA.

Et incolere atque gubernare terrena. Suffragatur Cicero in resp. Arusp. Sunt ex terrâ homines, non ut incolae & habitatores, sed quasi spectatores superarum rerum atque celestium, quarum spectaculum ad nullum aliud genus animantium pertinet. Tullio accinit Naso,

Os homini sublimè dedit, cœlumque tueri
Fussit & crectos ad sidera tollere vultus.

Hanc verò celestium corporum contemplationem cur tantopere mortalibus commendarent. Philosophi, princeps fuit causa, quòd viderent velati explicatum esse volumen cœlum, in quo aureis literis majestas Conditoris Dei insculpta mortalibus nobis legenda & cognoscenda exhiberetur: Quod illa Hermetis in Mundi Minervâ, haud obscurè innuunt; *Ἡ δὲ θεὸς δαεῖται, ὁρᾷν ἐργῶν καὶ μὴ θεῶν κατὰ φανταζόμενον*, h. e. Spectatu dignum erat videre cœli pulcritudinem Deo similem. Si ipsum vis videre, inquit alibi, *ὁ θεὸς τῶν ἡλίου, πύργου τῶν σελήνης, σφύρων, καὶ ἀστέρων, τῶν πλανήτων, καὶ τῶν ἀντικυκλίων, καὶ τῶν ἀντικυκλίων, καὶ τῶν ἀντικυκλίων*, h. e. Cogita solem, cogita lunam, cursum, cogita astrorum ordinem. Quis est iam vecors, exclamat Thimius, qui, cœm suspexerit in cœlum, Deos esse non sentiat, & ea quæ tantâ mente fiunt, ut vix quisquam arte ullâ ordinem rerum ac vicissitudinem persequi possit, casu fieri putet? Sed quid gentiliū effatis secitandis immoror, cū cœlitus missi adsint testes? Unus omnium instar esto Regius Psalter; Celi enarrant Dei gloriam, & opus manuum ejus annunciat expansum. Quos etsi spontaneos Divinæ gloriæ præcones esse intelligit, ad officium tamen hortatu suo invitat quoque alibi; Laudate eum cœli calorū: *ὡς οὐρανὸς τε*, inquit Gregorius Nazianzenus, *καὶ ἡ γῆ*, τὰ ἡμέραν καὶ νύκτα, h. e. tanquam silentes Divinæ magnificentia laudatores. *ὡς βίβλιον*, ait Basilius, *ἐγγεγραφοῦν ἡ ἀποκαλύπτει τὸν θεὸν τῷ ἀνθρώπῳ, καὶ ἀποκαλύπτει τὸν θεὸν τῷ ἀνθρώπῳ, καὶ ἀποκαλύπτει τὸν θεὸν τῷ ἀνθρώπῳ*, h. e. tanquam scriptus explicatusque liber, qui Dei gloriam dicat, qui occultam & invisibilem Dei majestatem tibi mente prædicit, ad veritatem agnoscendam, annunciat. Magnum esse credis, ait Lactantius, videre cœlum & solem: cur ergo gratias non agis ei qui hujus beneficii autor est? Cur non ipsius virtutem, providentiam & potestatem metiris animo, ejus opera miraris?

Libuit igitur hoc præfationis hujus argumentum eligere, ut ad sequentis theoriæ lectionem animos lectorum quasi inflammarem, vel certè celestium corporum contemplatores altius ad ipsius Opificis contemplationem eveherem. Ex duabus autem Theologiæ naturalis partibus, quarum una de Cognitione, altera de Cultu Dei, non nisi priorem hîc attingam, & ex subjectâ nostrâ materiâ tanquam fonte derivabo; haud equidem exantlaturus eum, (quod immensi foret laboris) sed tantum delibaturus, ut invisibilis Dei quasi visibilem imaginem esse cœlum attentus lector intelligat, adeoque verissimum illud Hermeticum agnoscat, *Ἀξίον δαεῖται, ὁρᾷν ἐργῶν καὶ μὴ θεῶν κατὰ φανταζόμενον*, h. e. Spectatu dignum erat videre cœli pulcritudinem Deo similem.

Et primum quidem ut esse Deum intelligas, cœlum intueare. Artis humanæ opera, qui sine artifice credat esse, sanæ mentis est nemo. Arguit & laudat Apellem suum Venus anadyomene, Protogenem Jalyfus, Helena Zenxin, Corrina Parrhasium, Hercules Dædalum, Phidiam Minerva, Alexander Magna Lysippum, Polycletem pueri astragalizontes; & Opificem Deum non arguat laudèque augustissimum cœli theatrum, quod vel animo concipere supra mortalitatis nostræ est angustias? Summa laudis erat pictoribus & sculptoribus naturæ operæ imitatione expressisse, caducamque materiæ ex naturæ thesauris deprimæ formam induxisse: quâ illi solertiâ immortalitati suæ inter mortales nomina consecrarunt. Nec an pictores vel sculptores essent dubitarunt, qui admiranda illa artis opera olim conspexere, aut an fuerint etiamnum dubitant, qui tantopere commendari ea hodièque vel legunt vel audiunt. Itaque mirari satis nequeo, quo furore olim agitati & dei quidam, Diagoras, Theodorus & Protagoras, in quotidianâ celestium corporum contemplatione, Deum esse negarint; aut in mentem Epicuro quid venerit, quòd fortuito atomorum concursu Mundum hunc & in eo stupendam cœli machinam existisse somniaverit: Cujus insaniam haud inconcinne Tullius redarguit, quando querit an impetrare à se possit ut credat fortuito casu literas cœlitus lapsas, nullâ artificis accedente manu, potuisse in divinum Homeri poema confluere? Quod equidem crediderim facilius potuisse fieri quàm sine artifice ordinatissimum illud cœli systema ex confusissimo atomorum fluxu construi. *Ἀδυσάτων* inquit Hermes, *ἢ πᾶσι ἢ ἀεὶ ὁμοῦν ἢ ἕκαστον ἐν ἑαυτῷ καὶ ἐν τοῖς ἄλλοις, καὶ ἐν τοῖς ἄλλοις, καὶ ἐν τοῖς ἄλλοις*, h. e. Fieri nequit ut vel locus vel numerus vel mensura sine certo aut tore conservetur.

Ut unum esse Deum intelligas, cœlum intueare. Hoc namque gradu ad unius & primi motoris noticiam ascendit Aristoteles: Cū enim non secunda tantum mobilia, sed & motores in cœlo plures deprehendit, non primum tantum mobile, sed & motorem dari primum eumque unum certâ ratione concludit,

EPISTOLA DEDICATORIA.

12. Metaphys. cap. 8. *Ἐν μὲν ἀεὶ καὶ λόγῳ καὶ ἀειμῶν τὸ πᾶν κινεῖν ἀκίνητον δὲ, καὶ τὸ κινεῖσθαι ἀεὶ ἀπὸ τοῦ αὐτοῦ ἐν μόνῳ· εἰς γὰρ ἑαυτὸς μόνος*; h. e. Unum igitur & ratione & numero primum movens, idque immobile: id igitur quod semper & continue moveatur, unum est tantum; cælum enim unum. Primum hoc movens cap. 7. Deum appellavit.

Ut trinum esse Deum intelligas, cælum intueri. Etsi enim sublime adeo est sacrosanctæ Trinitatis mysterium ut mens nostra nisi Spiritus sublevata alis ad id evolare nequeat, tamen postquam sacris imbuta literis Deum intueri, ejusque in natura notare vestigia didicit, hujus quoque mysterii in cælo imaginem quandam deprehendit. Nam si cum cælo astra conjunxeris, & quid ab astris in cælum transfundatur attenderis, comperies cœlestem claritatem naturæ quâdam præsigni majestatem adeo præcellere, ut perenni & vitali luce illâ augustissimum Divinitatis mysterium quasi oculis ingerat. Siquidem vertiginosus ille nullaque interruptus quietis intercapedine Motus ampliorem nobis indicat Potestatem primamque Deitatis Personam repræsentat: Lux nitidissima, Sapientiam; quæ æterna illa Sapientia in sinu Patris ante opera alia, ante tempus, ante principium, ante primordia terræ, ante abyssos nata, delicia Dei quotidianæ, Proverb. viii. Calor suavissimus Amorem; qui æternus ille Spiritus à Patre & Filio per amoris modum procedens. Quidd si receptam hanc sequamur sententiam, expressior erit hæc à Patre & Filio *πατὴρ υἱός*; imago; calor enim, ut vulgò credunt, à luce simul & motu procedit? At Filii illa, hic Patris imago.

Ut Spiritum esse Deum intelligas, cælum intueri: Quod etsi substantia sua propemodum immensa oculis mortalium est intimum & præsentissimum, (Cælum enim nobis aliud nihil nisi aer) oculos tamen corporeos vel lynceos effugit. Ut frustra antiquitas mirata videatur unius lineæ Apellis penicillo ductæ subtilitatem; quando & videri & tangi illa potuit: quod subtilissimum hoc & diffusissimum cœli expansum abnuat: unde Spiritus nomen in sacris jure meritoque sortitur. Nil certe similis, hæc partē, Deo, qui omnium mortalium oculis tam est absconditus quàm præsens. Deum nemo vidit unquam, ait Evangelistarum Aquila; etsi, Paulo teste, non abest longè ab unoquoque nostrum. Ut autem sub nubium specie in oculos nostros subinde incurrit cælum, indutum quasi corporeâ & visibili mole, sic & oculis se hominum ingerere miseratori Deo olim libuit, assumptâ visibili corporis specie, imò humano corpore in Divinæ majestatis societatem hypostaticam admissio; in quo ut visus olim Judæis, ita & nobis tandem in nubibus, æternum autem in cælo videbitur. Ante assumptam carnem corporea & visibilis species invisibili Deo nulla familiarior quàm nubes fuit: Unde frequentes illæ Dei in nubibus apparitiones & apparitionum promissiones à Mose & Prophetis consignatæ. Nec alii nobis cœli, nisi sub nubium coloribus apparitio. Quâ autem ratione primum suum motorem ex contemplatione primi mobilis Spiritum, h. e. *τὸν κίνητον ἐκινήσαντα, ἀκίνητον καὶ ἀδιάκιντον*, expertem magnitudinis partemque, & indivisibilem esse Aristoteles demonstrat, 8. Phys. & 12. Metaph. videris.

Ut immensum esse Deum intelligas, & te nihil, cælum intueri: Quod immensam hoc mundi spatium implet, omnia continet, omnia penetrat, omnibus intimè præsentissimum est. Si receptam Mathematicorum sententiam de stellarum fixarum numero (etsi vix vicesimam ille veri numeri parrem exæquat) & magnitudine sequamur, spatium quod fixæ tantum MVIII. occupant; milliariorum nostratum erit 239618490. Tu cogita in eodem illo sublimis ætheris spatio vicesies plura sidera hæcenus incognita, de quibus non sacræ tantum sed & Philosophicæ recentium coeli contemplatorum demonstrationes fidem faciunt. Cogita interjacentia inter fixas vacua ætheris spatia, quæ dubio procul plura sunt & majora quàm quæ à fixarum corporibus replentur. Adde jam latè patentes illas septem Planetarum regiones, quæ singulæ singulis destinatæ corporibus creduntur. At sola illa, si Mathematicis habenda fides, spatium requirunt milliariorum nostratum 1684811. Tu cogita jam, quora regionis suæ pars Planeta sit, quot millia ejusdem molis corpora admittat regio, per quot millionum milliones ex diffundantur omnes. A Lunâ ad terram contemplando progredere, interque Lunam & terram reliquum expansi interjectum cogitationibus percurrere, subductoque calculo de universi expansi, seu coeli, magnitudine pronuncia. Nonne immensum hoc coeli æquor videbitur? Sed Creatoris hinc æstima immensitatem. Si tanta est coeli magnitudo, quanta ejus erit qui coelum fecit? quem nec cælum nec cœli cœlorum capiant, 1 Reg. viii. qui palmo cœlos ponderavit, Jesaïæ xl. Quota corporis pars palmus est? & tamen Dei palmo minor est tota coelorum machina. O quanta Divinæ immensitatis hæc est abyssus! Ad hanc quis non obstupescat! Quis aliquid esse mortales nos dicat! Quota enim, quæso, coeli pars sumus? Terræ semidiameter, quâ expansi semidiametro ad fixas usque stellas, secundum Copernici doctrinam, vices semel centies sexagesies milies est minor, pedum est, si Keplero credimus, 21500000. Itaque hominis longitudini si septem pedes do-

EPISTOLA DEDICATORIA.

esse eum credemus qui immutabiles fecit tantas celestium corporum machinas? Alia Divinæ immutabilitatis ut huc non accersam testimonia, ad rem præsentem illud maximè facit quod Psal. 89. Spiritui consignare libuit, *In cælis firmasti veritatem tuam.* Hic quasi præcones æternæ veritatis & immutabilitatis Dei cælos laudat Spiritus. *Veritatem*, inquit, seu fidem, vel constantiam tuam in cælis firmasti: Quid aliud hic indigat Spiritus quàm constantiæ & immutabilitatis Divinæ tam in naturâ quàm in promissionibus quasi testes locupletissimos nobis in cælo fisti. Nam si immutabilis est creaturæ hujus constantia, equis de Creatoris dubitet constantiâ & immutabilitate? Si eosdem à tot sæculis sidera cursus tenuerunt, eadem ab universi centro intercapedine iisdemque à se intervallis; si substantiarum nec fulgor nec puritas nec simplicitas sequiores (ut constans est Peripati opinio) experita est vices, inimicarum planè nescia passionum, earumque nè patiens quidem, (etsi paulò alia est nostra sententia) de Conditor & Opifice quid arbitramur? Huncine vel in consiliis fluctuare, vel in decretis à scopo aberrare, vel ullâ mutationis umbratione, ut Scriptura loquitur, affici posse credemus? *Jehovah, ego non mutor, ipsius est vox Jehovah:*

Immutabilis etiam cum cætera mutat.

Ut independentem sibi que sufficientem esse Deum intelligas, cœlum intueri. Dependēt à cœlestibus sublunaria, eorūque implorant & exspectant opem : unde terram à cœlo exaudiri, ipsa prædicat Scriptura. Ni imbrēs è thesauris suis cœlum promeret, in cineres terra dilaberetur, & perpetuā infamī sterilitate animantium plantarūque secum perniciem traheret : nec enim vel semina intra sinum foecundaret, indēque germina eliceret, nec pullulantibus etiā alimenta suppediret : inde fame protinus enecari omne animantium genus contingeret. Vide & æstima, quæso, dependentiam hanc vel ex solā respirationis necessitate, quā ita constriunguntur animantia ut cœlesti subtrahō spiritu spirare defendant & vivere : tam enim diu vivimus quamdiu spiramus, tamdiu vivi spiramus quamdiu aurā quam inspiramus suppetit ; hāc deficiente ultimum ducimus & educimus spiritum. En tibi analogam æterni & immensi Spiritūs vim ! Hic nisi primitus vitam homini inspirasset, nunquam terra illa humani corporis moles spirasset & nisi etiamnum vitam & halitum & omnia daret, nec vivere, nec spirare, nec esse quicquam posset. Non verò mutua hæc indigentia & dependentia. A sublunaribus nihil exspectant cœlestia ; nec enim minùs beata essent, si tota hæc sublunaris machina vel in nihilum abiret : nil constantiæ, nil ordinis, nil pulchritudinis, nil puritatis aut perfectionis decederet : nec sibi vel ad sui conservationem moventur, calefaciunt & illuminant, sed inferiorum usus se tota impendunt, nil indiga opis eorum. Nonne verò Divinæ hinc independentiæ expressam agnoscis imaginem ? Suspirant ad Deum omnia, opem ab ipso exspectant omnia, in ipso, ab ipso sunt, vivunt & moventur, quæcunque sunt, vivunt & moventur ; omnia ab ipso, ipse à nullo :

Huic esse sibi sufficit, efficitque cuncta.

Ut bonum esse Deum intelligas, coelum intueri. Nufquam enim in naturæ ambitu expreffiora Divinæ bonitatis funt veftigia quàm in coelo. Quid enim boni in fublimem hunc mundum pleno quafi cornu aftrorum virtute non infundit? Quòd gratiffimis illis & faluberrimis tempeftatum vicibus natura amatur, vegetatur & confervatur, id Divinæ bonitatis promo-condo coelo debet. Quòd pulcherrimis & fragrantiffimis terra fofculis quafi superbit, & de veftitùs majeltate cum ipfo Salomone certat, id coelo debet. Quòd pretiofiffimas & lapidiffimas eadem quotannis fruges in hominum ufus quafi enititur, id coelo debet. Quòd præftantiffima metalla & præfulidos lapides quafi graviora parturit, id coelo debet. Quòd lumine modò colluftratur, modò tenebris occulitur, ut refulcantibus hifce vicibus alterna nobis fit operis & quietis reparatio, id coelo debet. Sentiant hanc coeli benignitatem, juxta boni malique nullâ reſtrictam invidiâ, nullo obſtructum oratio; & ita ſentiunt ut ejus mole propemodum obui quandoque videantur. Hæc coeli bonitas. Dei bonitatem, cui ſuam coeli quoque bonitas. originem debet, non eſt quod hic prolixè exag-gerem. Quocunque oculos ferimus, Divinæ bonitatis præcones ſe offerunt; quando, ut viſitarem Regius Vates canit, repleta eſt terra bonitate Jehovæ, & benignitas Jehovæ à ſeculo in ſeculum: bonus eſt Jehovah omnibus, & bonitate ſua coronat annum. Eſt hic adeò illuſtris Di-culum: bonus eſt Jehovah omnibus, & bonitate ſua coronat annum. Eſt hic adeò illuſtris Di-ctoni & Ariſtoteli, libuerit, quòd non niſi ſub ratione Boni Numen à nobis concipi & intelli-gi poſſe exiſtimarent. Unde Platoni Deus ἀρχὴν ζυεινδραν αἰον, hoc eſt. bonorum omnium cauſa; Ariſtoteli, ζῶν ἀ-ίον, αἰπειν, hoc eſt vivens æternum & optimum. Ut perfectum eſſe Deum intelligas, cælum intueri. Nam, ſi Peripateticæ Scholæ placita ſequamur, inſignem Divinæ perfectionis imaginem.

EPISTOLA DEDICATORIA.

imaginem nobis cœlum repræsentabit. Cœlum, aiunt isti, ratione quâdam eminenti inferiorum omnium in se perfectiones complectitur effectu non affectu, ut principium non ut subjectum vel passionis vel qualitatis elementaris. *Quæcunque sunt, inquit Scaliger Exerc. 18. meliore potiorè que modo existere in superioribus tanquam in principiis secundū credere par est: simul hæc ab illis pendere, non ipsas in operibus solum, sed etiam in ipsâ perpetuatione.* Agnoscis, opinor, micantem hinc Divinæ perfectionis radium. Etenim eminentissimâ ratione, quicquid in naturâ omnique creaturâ est perfectionis, in primâ contineri Causâ, invictis rationibus jam pridem in Theologorum & Philosophorum Scholis est conclusum, imò a Spiritu S. dictatum: *Advertite, O brutissimi in populo, & stultissimi, quando intelligentes eritis? Plantator auris, annon audiat? aut formator oculi, annon inueatur? Qui docet homines sapientiam, annon cognosceret?* Psal. 94. *Ego, qui generationem cæteris tribuo, sterilis ero?* Jes. 66.

Admirandum est Divinæ & eminentissimæ perfectionis arcanum, quod una & simplicissima bonitatis idea innumeras & diversissimas creaturarum rerum bonitates & perfectiones distinctissimè repræsentet. Non enim paritur Divina simplicitas ut actu diversas in ea ideas & ab essentiâ distinctas concipiamus; etsi tam variæ & diversæ repræsentationis modum ingenii nostri hebetudo non assequitur. Simile quid in cœlo mihi videor deprehendere. Et enim subtilissima & simplicissima ejus substantia unâ eademque sui parte vel mille diversorum colorum species sine ullâ confusione distinctissimè oculis nostris exhibet: quod ratione quâdam Divinitatis æmulâ & in naturæ majestate latente fieri jam pridem Philosophorum filii agnoverunt.

Ut omnipotentem esse Deum intelligas, cœlum intueri. Loquetur omnipotentiam Creatoris tam stupendi operis molitio, unôque verbo & voluntatis nutu absoluta perfectio, quæ tot jam labentibus annis illibata & inconcussa steterit eodem verbo nutuque Opificis. Tantam Deo suo potentiam Epicureus disputator apud Ciceronem hoc ipso cœlestium corporum argumento impiè negavit, adeoque, adversus Platonem, à Deo edificari mundum haud potuisse ineptè & impiè disputavit: *Quibus, inquit, oculis animi intueri potuit vester Plato fabricam illam tanti operis, quâ construi à Deo atque edificari mundum facit? Quæ molitio? quæ ferramenta? qui vester? quæ machinæ? qui ministri tanti operis fuerunt?* Tanta verò, ô impie Epicure, Dei nostri est potentia ut ad tanti operis fabricam nec ferramentis nec vestibus nec ministris eguerit ullis, solo nutu soloque voluntatis imperio olim existere uno momento, quas intueris modò cœlestium corporum machinas. Itaq; longè æquioribus & acutioribus oculis tanti operis fabricam intuitus Plato, quàm tu opificis potentiam, quam è mortalis opificis metiri impotentia religioni tibi non duxisti. Sed & alio te gradu ad cognoscendam Dei omnipotentiam cœli hujus evehet contemplatio. Vim cœli intueri, & omnipotentem esse Creatorem ejus intelliges. Quanta verò illal Veteres, Alberto Magno teste, aere in rebus creatis nil esse potentius affirmarunt, primasque robori ejus inter elementa assignarunt: Qui à vero aberrasse mihi profectò non videntur. Et enim aer agitur, quem Stoicorum Schola ventum appellat, oculi ictu quæ roboris admirandi non dat specimina, vel in terræ motibus ciendis, vel in annosis arboribus evellendis & ædificiis diruendis, vel in oceano concitando & penè ad sidera usque lacecendo? Septentrionalis aeris tanta, Olao teste, vis, ut cataphractos non prosternat tantum, sed & correptos longè transferat. Vidit Aquilo plumbea templorum tecta & integra molendina cum saxis molaribus inclusisque hominibus aeris vi procul rapta, vidit urbanas domos integras in agros elatas, oppida destructa, ex aquis extracta navigia & in sublime elata. Vidit Auster, in eâ regione quæ à S. Vincentio nomen habet, infra dimidiæ horæ intervallum sylvas radicibus evulsas. Videt Oriens in Indicâ plagâ naves ex undis sublimes latas, & ultra litus cum ingenti fragore elatas. Nec Germania nostra vel Italia tantæ nescia violentiæ: Superiori enim seculo multas agri Florentini villas dejecit, & in Volaterrano Cassianum oppidum evertit. Sed de hoc gradu satis: ad alium, si libet, ascende, indeque Dei omnipotentiam contemplare. A cœlo ad sidera cœli vel incolas vel (ut Aristoteli placet) partes te converte, eorumque motus attende, qui totidem sunt Divinæ omnipotentis præcones disertissimi. Quantam enim in iis movendi vim esse credideris, quæ corpora tam vasta vertigine tam concitatâ sine ullâ circumagit fatigatione! Sol ille mundi oculus centies sexagies terrâ major viginti quatuor horarum spatio universum cœli percurrit orbem. Quanta, Deum immortalem, hæc cursus velocitas! Astronomis si credimus, unius horæ spatio decies centena millia milliariorum conficit. Jam cogita quot horis XXIV, diei noctisque spatio, conficiat. Altius si ascendas ad fixarum regionem, etiam minimas stellulas, quæ decies octies terrâ majores sunt, circa Æquatorem, singulis horis quadragies centena millia milliariorum cursu suo conficere disces. Globi tormento excussi velocitas omnibus est admirationi: constat enim certis experimentis uno eum horæ minuto, si æquabilis ejus per id motus extenderetur, tria circiter milliaria confecturum, adeoque centum horis universum terræ ambitum motu suo

EPISTOLA DEDICATORIA.

suo emensurum : Sed quid hoc ad fixorum astrorum velocitatem, quæ unâ horâ plus conficit spatii quàm quinque horarum millibus tormenti globus absolveret ? Superant quidem hæc vulgi fidem ; sed certis Mathematicorum nituntur demonstrationibus, quibus obloquentem vulgi incredulitatem anteponeere iniquissimum foret. A vulgo igitur haud immeritò nos avertimus, & ad te, ô potentissime Creator, convertimus : dum hos potentiae tuæ præcones miramur, omnipotentiam tuam submissè veneramur. *Cælum*, inquit *Minucius Felix*, vide quàm latè tenditur, quàm rapidè volvitur, vel quod in noctem astris distinguitur, vel quod in diem sole lustratur, jam scies quàm sit in eo summi moderatoris ratio & divina libratio.

Ut omniscium esse Deum ejusque oculos perspicacissimos intelligas, cælum intueri. Qui tot micantibus cælum facibus veluti oculis fulgidissimis ornavit, quibus πῦρ ἐσὸπα ut *Homerus* loquitur, & quævis abdita, imò Tartarum quoque, peccat, si *Leoni Hebræi*, dialog. 3. credimus, nullius certe rei laborare ignorantia potest. Quàm acutum ejus cernere oculos arbitreris, qui hanc oculorum suorum & aciei saltem umbram extare in naturâ voluit ? *Millies*, inquit *Ecclesiasticus*, sole lucidiores sunt oculi Domini altissimi, qui omnes hominum vias inspiciunt, & in partes usque occultas considerant.

Ut sapientem esse Deum intelligas, coelum intueri. Admiranda illa reipubl. coelestis ἐνταξία quid, quæso, nisi sapientiam Legislatoris & Moderatoris sui loquitur ? Est enim sapientis in ordinem redigere omnia, in fines certos dirigere omnia, harmonice constituere omnia, incommoda præcavere omnia. Vide verò signata sapientiae hujus in coelo vestigia. In ordinem quàm sapientissimè redacta sunt sidera omnia, cujus observantissima cursus suos periodicos ita peragunt, ut fixo suo ortu & occasu varias anni. tempestates vel tanquam muniti significant vel tanquam moderatores efficiant, idque ex sublunaris naturæ usu, ut in fines certos directa esse omnia intelligas. Et enim nè vel Hyems sola glacie ureret, vel æstas sola ardore torreret, Autumni Versique medium inserere temperamentum Creatori libuit, ut per vestigia sua anni revertentis occulti & innoxii transitus coelestium ductu corporum laberentur. Hinc enim obliquus ille Solis in cælo cursus, quo ad verticem modò appropinquat, modò ad alterutrum extremorum desceat, & per annua sua reverentia diversas & easdem mundo reducit facies, mutandoque præsentia revocat præterita : quod & Luna mensuris suis conatur reverticulis : ut reliquos siderum cursus taceam, qui certis annorum intervallis absolvuntur, & proportionem quidem prorsus harmonicâ, ut *Pythagoricorum* observavit curiositas, indeque coelestem procudit Musicam, *Macrobius* libr. 2. in *Somn. Scip.* cap. 1. Quam etsi sequens Philosophorum ætas non admisit, omnibus tamen modis coelestium corporum & motuum harmonicam proportionem adstruxit, & in eâ mortalibus persuadendâ desudavit, & quidem, post omnes alios, non sine accusationis laude & admiratione, *Keplerus* suis De mundi harmoniâ libris, & imprimis quinto. Quàm denique coelestium corporum ordine quævis incommoda naturæ inferioris præcaverit Divina sapientia, ex ordine siturque Planetarum in hoc ipso libro pluribus ostendimus. Itaque meritò Divinam in opere tam divino sapientiam miramur, veneramur, & cum Regio Psalte exclamamus, *Intelligentiâ* (h. e. intelligentissimè & sapientissimè) cælos, ô Domine, fecisti ? Cui filius succinit *Proverb. iii. 19. Intelligentiâ cælos statuisti !*

Ut sanctum esse Deum intelligas, coelum intueri. Supremo enim isto & liquidissimo æthere quid purius, quid defæciatius, & ab omni concretionem alienius ? Puritatem hanc ipse quoque *Eliphas Themanites* predicat, quando nè coelos quidem in oculis Domini mundos esse pronunciat. Etsi enim puritatem in coelis longè minorem quàm in Deo agnoscit, majorem tamen iisdem quàm reliquis creaturis tribuit, quia in contentione cum Divinâ puritate aliis eam præfert, adeoque mentem tacitè ad sanctitatem Dei agnoscendam per hunc coelestis puritatis gradum elevat : quò fortean illud *Davidis* non nemo quoque retulerit, *Annuntiabunt cæli justitiam ejus.*

Ut denique pulcrum esse Deum intelligas, coelum intueri. Hominem si exceperis, cujus tamen interna præcipue pulcritudo, inter adspectabilia Dei opera coelo nihil est pulcrus : coelum intelligo micantissimis stellarum ignibus pictum, eorumque jugi splendore fulgidissimum. Gemmas, quibus ferè pretium facit stulta hominum opinio, vix alio quàm pulcritudinis & fulgoris nomine tanquam pulcherrimas miramur, quibus venustatem & majestatem naturæ, quæ tamen longè gemmis nobilior & ornatior, sæpe aliarum facultatum jacturâ, non sine corporis molestiâ, conciliare ex magnatibus nonnulli laborant. Quid verò gemmæ omnes vel in unam constatæ massam, si cum unico coeli Sole conferantur ? & quid, si cum omnibus firmamenti stellis contendantur ? Aulæi hujus micantissimi pulcritudinem quis eloquatur ? Tanta ea est, ut quasi vestem Divina eam sibi elegerit Majestas, quâ spirituales suam mortalibus pulcritudinem & magnificentiam repræsentaret : Sic enim Psalm. civ. *Decorem & majestatem induisti, amiciens te luce tanquam pannu, extendens cælum tanquam auleum.* Tu verò cogita jam quàm pulchra & magnifica.

EPISTOLA DEDICATORIA.

gnifica sit Dei natura, quæ exiguos saltem decoris sui radios per hanc spargit vestem; Quàm formosus & decorus qui vestem sibi tam formosam & decoram concinnavit, qui omnis creatæ pulcritudinis archetypus & æterna est idea, cui nihil simile nisi quod pulcrum, nihil pulcrum nisi quod simile; etsi quicquid est pulcrum à primâ illâ & archetypâ pulcritudine immenso distat intervallo.

Sic igitur hætenus me demonstrasse arbitror invisibilis Dei visibilem imaginem esse cælum, & è cælo veluti radios emicare Dei unitatem, Trinitatem, spiritualitatem, immensitatem, immobilitatem, æternitatem, immutabilitatem, independentiam, bonitatem, perfectionem, omnipotentiam, omniscientiam, sapientiam, sanctitatem & pulcritudinem.

Non est jam, opinor, quòd rationes reddam alias cur cælestium corporum contemplatione mens hominis sit occupanda. Libet tamen, Colophonis loco, nobilem Minucii Felicis appendere sententiam rationibus idem suadentibus prægnantem: *Non recuso*, inquit, quod Cæcilius asserere inter præcipua connexus est, hominem nosse se & circumspicere debere, quid sit, unde sit, an concinnatus atomis, an potius à Deo factus, formatus, animatus. Quod ipsum explorare & eruere sine universitatis inquisitione non possumus, cum ita coherencia, connexa, concatenata sint, ut, nisi Divinitatis rationem diligenter excusseris, nescias humanitatis, nec possis pulcrè gerere rem civilem, nisi cognoveris hanc communem omnium mundi civitatem: præcipuè cum à feris, beluis hoc differamus, quòd illa prona in terramque vergentia nihil nata sint prospicere nisi pabulum, nos, quibus vultus crectus, quibus suspectus in cælum datus est, sermo & ratio, per quæ Deum agnoscimus, sentimus, imitamur, ignorare nec fas nec licet ingrentem sese oculis & sensibus nostris cælestem claritatem. Sacrilegii enim vel maximi instar est, humi quærere quod in sublimi debeas invenire. Hætenus Minucius.

Ad Celsitudinem Tuam, Princeps Illustrissime, Domine Clementissime, me converto, & cur augustò ejus nomini hanc cælestium corporum theoriàm Physicam consecratam, paucis expono. Quærunt Artes & Cultores Artium *Mecænates*, quibus in amore sint & deliciis Artes. Qui enim Artium omnium penitus sunt rudes ægrè Deas hæc admittunt, vel certè minùs iis afficiuntur, minùsque æstimant hæc humanæ miseræ solatia, quando ignoti nulla cupido, & odisse plerunque homines solent quæ supra captum iis ardua & non nisi de nominibus nota. Cum igitur *Mecænatem* huic meæ contemplationi circumspicerem cælestium rerum amantem & scientem, protinus Celsitudo T. Princeps Illustrissime, occurrit, quam devotâ operum Divinorum consideratione rerumque cælestium observatione & admiratione, necnon harmonici cælestium & terrestrium consensûs investigatione, inter curas Principales, laudabili multorum Magnatum exemplo, occupari non ignorabam. Itaque nil cunctabundus Celsitud. T. theoriàm hanc inscribendam judicavi, quòd & scienti & amanti gratam fore planè persuasum haberem. Accedit tamen & altera causa; quòd sub Celsitud. T. clypeo ac patrocinio nata sit, & ex natu majorum quasi sororum suarum facili felicitque ad Celsitud. T. accessu spem gratiæ & clementiæ conceperit, si non majorem, certè parem, quòd rerum jucundiorum nuncia adventaret. Igitur nominis Tui Celsitudini, Princeps Illustrissime, Domine Clementissime, consecratum habe, quicquid harum est contemplationum Uranologicarum & Astrologicarum, indèque humillimam Autoris observantiam & de Scholasticâ juventute bene merendi studium clementer æstima. Hujus me voti si damnatum intellexero, operæ pretium fecisse me arbitror; & ad reliquam contemplationum harum telam pertexendam tanto alacriore animo me accingam. Hisce Altissimo Celsitud. T. humillimè commendo, cui longævæ vitæ valetudinisque prosperæ usuram, pacem & curarum Principalium successus felicissimos animitus precor. Dabam *Servestæ*, Anno M. DC. XXIIIX. Calendis Maji.

Celsitudinis T.

Humillimus

Marcus Fridericus Wendelinus.

IN-

CONTEMPLATIONUM PHYSICACUM.

SECTIO III.

De Corporibus Cœlestibus, COELO & STELLIS.

CAPUT. I.

De definitione & efficiente Cœli naturalis.

Corpus naturale simplex vel mixtum: Thesi 1. Distributio hæc ex Aristotele probatur. *Sic* 1. Defenditur contra Timplerum: 2. Definitur Corpus simplex: Th. II. Explicatur definitio: *ex* 1. Illustratur collatione definitionis Aristotelicæ: 2. Definitur & distribuitur corpus coeleste: Th. III. An Uranologia Physicis contemplationibus annumeranda: Rationes pro negativâ: *ex* 1. Rationes pro affirmativâ: 2. Solvuntur rationes pro negativâ: 3. Distributio Coeli in naturale & empyrerum: Th. IV. Distinctio naturalis & empyrei: *ex* 1. Definitur coelum naturale: Th. V. Difficultas doctrina de cœlo: *ex* 1. Etymon cœli: 2. Appellatio Græca: 3. Appellatio Hebraica: 4. Appellatio Germanica: 5. An cœlum constet materiâ & formâ: Rationes pro negativâ: 6, 7. Rationes pro affirmativâ: 8. Solvuntur argumenta pro negativâ: 9. Efficiens coeli: Th. VI. Demonstratio thesisi: *ex* 1. Difficultas de modo producta cœlestis formæ: 2. Sententia Suarezii de eâ: 3. De die quo creatum cœlum sententia Pererii, & rationes ejus: 4. Sententiam propria: 5. Eliduntur glossæ Pererii: 6. Solvuntur argumenta Pererii: 7.

THESES I.

MACTENUS corpora naturalia collectivè considerata, sub notatione *Mundi*: Sequuntur eadem distributivè in suis speciebus considerata. Est autem corpus naturale simplex vel mixtum.

"ΕΥΔΕΙΞΕΙΣ.

I. Sic naturale corpus in genere distribuit Aristoteles, 1. De coel. tex. 7. Τὸν φυσικὸν τὸ μὲν ἔστιν ἁπλοῦς. τὰ δὲ σύνθετα ἐκ τῶν στοιχείων. Per σύνθετα alia nulla intelligit nisi mixta: etsi ipsum etiam simplex suo modo σύνθετον dici potest. Alteram igitur speciem maluimus mixtum quàm compositum appellare, quia simplex hoc loco non compositum in genere sed mixtum in specie opponitur.

II. Est tamen circa primam hanc corporis naturalis distributionem scrupulus haud levis, quem Timplerus movet Apsycholog. suæ lib. 1. cap. 1.

probl. 1. ubi contendit corpus naturale non rectè primò distribui in simplex & mixtum. Rationem addit; Quia angustior distributio est suo distributo, siquidem non competit corpori naturali in genere sumto, sed tantum corpori naturali inanimato. Ecurrerò tantum inanimato? Quia, opinor, animatum in simplex & mixtum distribui nequit, cum nullum simplex sit animatum; nec verò mixtum deinde in animatum & inanimatum rectè distribuitur, quia & simplex est inanimatum. Unde subsequens hæc distributio erit latior suo distributo. Quin & hoc nomine vitiosa, quòd, ex sententiâ Templeri, pugnat cum naturâ distributi: quia omne corpus mixtum est inanimatum; vel mixtum, quatenus mixtum, non est nisi inanimatum. Ipse igitur Timplerus errorem communem emendaturus corpus primò distribuit in inanimatum & animatum; Inanimatum, in simplex & mixtum. Video hoc esse Templeri votum, ejusmodi corporis naturalis distributionem exhibere cujus omnia membra subdividentia suis distributis ita sint adæquata ut nulli superiorum oppositorum membrorum competant.

petant. Sic niale mixtum distribuitur in *animatum* & *inanimatum*, quia & *simplex* oppositum *mixto* est *inanimatum*: proindeque minus commode etiam corpus primò in *simplex* & *mixtum* distribuitur, quia in sequentes divisiones error seu vitium infertur, quod modò ostendimus. Equidem hoc *Templeri* votum non improbo: utinam omnes hoc modo informari distributiones ac divisiones operosæ possent! Sed maximam hinc difficultatem agnosco, quam superare nè ipse quidem *Temperus* potuit. Distribuit corpus naturale primò in *inanimatum* & *animatum*. Atqui, inquam ego, ad *Templeri* imitationem, vitiosa hæc distributio, quia non competit corpori naturali in genere sumto, quod sub se complectitur *simplex* & *compositum*, sed tantum corpori *mixto*, quod secundum receptam sententiam in *animatum* & in *animatum* dividitur; *simplex* enim dividi hoc modo nequit. Si exceperit, subdivisionem hanc esse vitiosam, quia non mixtum tantum sed & *simplex* est *inanimatum*, regeram, & ipsius subdivisionem *inanimati* in *simplex* & *mixtum* esse vitiosam, quia non *inanimatum* tantum sed & *animatum* est *mixtum*. Hunc ille iſtum cùm prævidisset, contra omnium seculorum Philosophos negavit ullum *mixtum* corpus esse *animatum*, quod tam in sanâ Philosophiâ absolum quàm quicquam esse possit. Sed & ratio quam adducit planè nulla est. Negat *mixtum* esse genus commune *animati* & *inanimati*, quia nullum *mixtum* quàm *mixtum* est *animatum*. Atqui ut *mixtum* sit commune genus *animati* & *inanimati*, non requiritur ut *mixtum* quàm *mixtum* sit *animatum* vel *inanimatum*; siquidem genus quàm genus non est species disparata, sed communem specierum disparatarum naturam indigitat. Nonne eodem argumento negari posset animal rectè dividi in *rationale* & *rationis* experts, seu in *hominem* & *brutum*, quia animal quàm animal non est homo? si enim quàm animal homo esset, idem planè cum homine esset, & de bruto prædicari non magis quàm homo posset. Non igitur libuit nobis veterem limitem transferre; etsi fateamur non usque adeò exquisitè positum esse. Et quod suprà monuimus, repetimus, in operosis distributionibus, quæ multis constant subdivisionibus, longè difficillimum esse membra distribuentia singula ejusmodi constituere; quæ cum membris oppositis superioribus vel collateralibus nihil commune habeant quoad naturam specificam.

THESIS II.

Simplex corpus est, quod materiâ

constat & formâ ex diversis corporum completorum speciebus non compositis, adeoque corruptibile & in alia resolvable non est. Estque corpus Cœleste vel Elementum.

EXDENT.

I. Simplicis corporis plenam & simplicem descriptionem thesis exhibet: Sunt enim *simplex* & *mixtum* opposita: Oppositorum autem ea est natura ut invicem se illustrent & intellectui repræsentent. Si ergò *mixtum* est, quod ex corporibus simplicibus completis est conflatum, *simplex* utique erit, quod licet materiâ suâ & formâ constet, tamen ex completis diversarum specierum corporibus conflatum non est. *Completa* hinc à nobis intelliguntur, quæ etiam extra compositionem perfecti corporis sunt species, ut elementa. *Incompleta* enim à nonnullis vocantur principia quoque essentialia simplicium, materiâ & formâ, simplicia, quæ corporis simplicitati, ut hoc loco accipitur, non officiant. Tribuimus denique corpori simplici in genere *in corruptibilitatem*: siquidem corruptibilitas, quæ à causis naturalibus in actum deduci potest, non est nisi ubi compositio ex pluribus in naturâ per se completis est; cui opposita resolutio in sua principia materialia, quam *corruptionem* appellamus. De corporum cœlestium incorruptibilitate nulla in Scholis Peripateticis est controversia. Elementa verò esse corruptibilia, non obstante simplicitate, universa Scholæ Peripatetica docet: cum quâ suo loco conferemus.

II. Obscurior est *Aristotelis* descriptio, 1. De Cœlo context. 2. λέγω απλάμην, ὅτι κινήσας ἀπὸ τοῦ ἐξ ἑαυτοῦ, hoc est, Corpora simplicia illa appello quæ motus secundum naturam principium habent. Per motus principium hinc *Simplicius* intelligat naturam animæ contradistinctam: & *simplex* illud interpretatur quod non ab animâ sed à naturâ movetur. Unde secundum hanc *Simplicii* glossam inter simplicia referenda quoque erunt mixta inanimata; quia non ab animâ sed à naturâ moventur: quæ planè absurda interpretatio est. Sequeretur etiam ex *Simplicii* hypothesi coelum non esse corpus *simplex*, quia ex ejus sententiâ coelum non à naturâ sed ab animâ seu intelligentiâ movetur. Sequeretur denique, corporis mixti per se esse motum simplicem: hujusmodi enim motus ab *Aristotele* intelligitur. Atqui *mixtum* non per se sed ratione simplicis prædominantis motu simplici movetur, ut patet ex textu allegato. Alia igitur quærenda interpretatio. Κινήσας ἀπὸ τοῦ singulari numero ab

ab *Aristotele* expressa denotat unum principium motus activum : Atqui in mistis non unum tantum est motus Principium, sed plura sunt, pro elementorum numero : etsi motus non est nisi secundum unius prædominium, ex mente *Aristotelis* & Peripateticorum. Quæ sequuntur, *κτ' ὅσων*, excludunt motum violentum, cujus etiam in simplici corpore plura possunt esse principia extranea. Hic *Aristotelicæ* definitionis sensus videtur.

THESIS III.

Cœleste corpus est simplex ad mixtionem non ordinatum, locoque superiori in mundo collocatum. Estque Cælum vel Stella.

Ἐκθεσις.

I. An Uranologia Physicis contemplationibus sit annumeranda in dubium vocari video. Et quidem negativam nonnulli defendunt hisce argumentis.

1. *Aristoteles* in libris *Acroamaticis* non agit de principiis & affectionibus corporum coelestium : Ergo corpora coelestia non sunt considerationis & contemplationis Physicæ. Antecedens probatur ; Quia non agit nisi de principiis & affectionibus rerum corruptibilium. Etenim materiam explicat, quæ annexam habet privationem, omnisque corruptibilitatis index est. Ait etenim, lib. 1. tex. 68. se dixisse de principiis rerum quæ generantur & corrumpuntur. Accedit, quod naturam definiat principium motus vel quietis ; qualis coelestium corporum natura non est, quæ non nisi motus est principium. Denique motus ab *Aristotele* explicatus circumscribitur duobus terminis, à quo & ad quem ; qui in motu coelesti non sunt. Hæc antecedentis est probatio. Consequentia ratio est : Quia in 8 libris *Acroamaticis* principia tradit & affectiones communes omnium rerum naturalium : Unde rectè colligitur, inter res naturales non esse numeranda corpora quibus principia & affectiones istæ non competunt.

2. *Aristoteles* in libris *De coelo*, qui Physilogiæ ejus accensentur, non agit de coelo tanquam speciei subiecti Physici, sed tanquam principio efficiente & moventerum corruptibilium : Ergo contemplatio corporum coelestium per se non pertinet ad Physicam. Antecedens probatur. Quia in iis nec formam, quæ secundum doctrinam Peripateticorum est intelligentia, nec materiam coeli explicat : quod omnino faciendum erat, si coelum non minus esset Physicæ considerationis quam reliqua corruptibilia corpora.

3. Si substantiæ corruptibiles sunt corpora naturalia, Incorruptibiles, quales sunt cœlestes, non erunt corpora naturalia, & proinde considerationis Physicæ non erunt : Atqui verum prius : Ergo & posterius. Connexi ratio ; Quia secundum *Aristotelem*, 10. *Metaph.* cap. 1. corruptibile & incorruptibile differunt genere : Commune igitur genus corruptibilium & incorruptibilium corporum non erit corpus naturale, & proinde à participatione generis hujus excludentur corpora cœlestia, si citra controversiam corruptibilia sunt naturalia.

4. Corpus naturale non prædicatur univocè de elementaribus & coelestibus, sed analogicè tantum, & primariò quidem de elementaribus, secundariò de coelestibus, ut docet *Zabarella* *De constitut. scient. nat.* cap. 9. *Pererius* *De princip. lib. 2. cap. 2. Casalpinus* *Quæst. Peripat. lib. 1. qu. 4.* Ergo primaria coelestium consideratio non pertinet ad Physicam.

5. Mathematica de corpore incorruptibili agit : Ergo coelestium considerationem meritò sibi vendicat.

6. Natura corporum coelestium & elementarium est inæqualis : Ergo ad eandem scientiam corpora hæc non pertinent. Ita *Casalpinus* ratiocinatur.

7. Coelo non competit naturæ definitio : Ergo corpus naturale non est, & per consequens Physicæ considerationis non est. Antecedens probatur ; Quia natura definitur principium motus & quietis : In coelo autem non est principium quietis, sed motus tantum.

8. Coelo non competit affectio propria corporis naturalis, hoc est, motus quatenus est actus entis in potentiâ existentis : Ergo non est corpus naturale, & proinde ad Physicam non pertinet. Antecedens probatur ; Quia coelum non est ens potentiâ, sed expers potentiæ, 9. *Metaphys.* tex. 9. Et si coeli motus esset actus corporis in potentiâ existentis, coelum semper esset potentiâ, quia semper movetur, ideòque nunquam consequeretur actum cujus gratiâ movetur.

9. Si coelum esset Physicæ considerationis, eique tanquam speciei corporis naturalis competeret definitio motus, semper imperfectum esset coelum : At falsum consequens ; Ergo & antecedens. Connexi ratio est : Quia ex definitione motus patet, corpus dum movetur perfectum non esse, & tunc demum esse perfectum cum quiescit in loco suo proprio : Cum autem coelum in perpetuo sit motu, perpetuò quoque imperfectum erit, quia nunquam quiescit in proprio loco.

II. Nobis.

II. Nobis tamen dubium non est quin cœlestia quoque corpora subiecti Physici, hoc est, *corporis naturalis*, sint species, adeoque contemplationem eorum jure sibi Physica vendicet; idque secundum doctrinam quoque Peripateticam: Quod sequentibus argumentis probamus:

1. Cœlum naturam habet: Ergo est species subiecti Physici, seu *corporis naturalis*, & proinde est contemplationis Physicæ. Antecedens probō; Quia constat materiā & formā, ut ad thesū quintam & sequenti capite demonstrabimus: adeoque principium motus & quietis in se habet: quod pluribus sectione primā, in explicatione definitionis Naturæ, ostendimus.

2. Cœlo competunt affectiones corporis naturalis. Ergo ad Physicam consideratio ejus pertinet. Antecedens probō; Quia communem cum naturalibus corporibus habet quantitatem, locum, motum, & reliquas qualitates, ut ex hac nostrā theoriā patebit.

3. Si perfectæ cœli quoad principia & affectiones cognitio ex Physicā non esset petenda, utique ex Mathematicā vel Metaphysicā peti deberet: At falsum consequens: Ergo & antecedens. Assumptio probatur; De Mathematicā; Quia hæc cœli essentiam & substantiam non perscrutatur, sed circa quantitatem tantum & motum corporum cœlestium occupatur, & quidem in specie, non in genere. Vide *Simplicium* in 2. Phys. ad cap. 2. tex. 18. & *Pererium* De princip. lib. 3. cap. 3. De Metaphysicā; Quia hæc summa tantum rerum generā delibat, ad infimas verò species non descendit: unde scientia est omnium generalissima, circa Entis quæ ens est affectiones occupata. Hinc cœli naturam in Metaphysicis ex professo nusquam consideravit *Aristoteles*. Quo igitur jure cœlestium corporum theoriam sibi vendicaret Metaphysica, eodem omnium corporum naturalium considerationem ad se raperet, & sic distinctarum scientiarum limites tolleret finisque confunderet.

4. *Aristoteles* non uno loco cœlestia corpora refert inter substantias naturales, eorumque considerationem naturali Philosophiæ adscribit: ut 3. De cœlo cap. 1. tex. 1. 8. Metaph. cap. 4. tex. 12. & 12 Metaph. cap. 1. tex. 5. 1. De part. animal. cap. 5. 2. Phys. cap. 7. tex. 71.

III. Reliquum igitur est ut ad contraria argumenta respondeamus.

Ad 1^m. Antecedente ex parte concesso, plerique Peripatetici consequentiam negant. Fatentur, inquam, in primo Acroamatorum non tradi principia corporum cœlestium: *Pererius* De princip. lib. 2. cap. 2. *Zabarella*, De nat. scient. constitut. cap. 9.

sequentibus verò communes non tradi omnium corporum naturalium affectiones negant; *Zabarella* ibid. Attamen cœlum propterea Physicæ considerationis non esse, sequi haud concedunt. Ad probationem respondent; Non fuisse propositum *Aristoteli* 1. Acroamatorum communia omnium rerum naturalium, sed tantum corruptibilium principia tradere. Quam verò hujus instituti sui rationem habuerit, & quæ excusari possit, quod generalem Physiologiam ab Archeologiā non generali auspiciatus fuerit, prolixè docet *Zabarella* loco antè allegato: quod *Aristotelicæ* dignitatis studiosum remitto. Aliam *Aristotelis* excusationem adfert *Pererius* etiam antè allegato loco. Nos hic de *Aristotelis* autoritate non disceptabimus: omnino autem par esse dicimus, ut in Physiologiā generali communia tradantur principia omnium corporum naturalium: Quod si non fecit *Aristoteles*, certè debuit facere ex lege methodi. Interim argumenti hujus primi antecedens alii negant, & primi Acroamatici principia per se etiam cœlestibus corporibus communia esse contendunt, ut suo deinceps loco audiemus.

Quod inter illa principia privatio quoque nominatur, non ita accipiendum erit quasi commune sit omnium corporum principium, & cum materiā in genere necessariò cohareat; sed quod in alterā corporis naturalis specie locum habeat, quæ in generali illā theoriā non videbatur prætereunda, nè sæpius de principiis agere necesse haberet.

Ad 2^m. Antecedens negatur. Probatio ejus partim inconsequens, partim falsa est. De formā cœli propriè sic dictā cur non egerit, ratio est, quia eam ignoravit. Intelligentia propriè dicta cœli forma non est, ideoque agere de eā non tenebatur. De materiā haud obscurè agit, quando operosè nititur probare diversam esse cœli naturam à sublunarium vel elementarium naturā.

Ad 3^m. Connexum negamus. Ad probationem respondemus, *Aristotelem*, cum ait *corruptibilia & incorruptibilia differre genere*, non loqui de genere Logico sed Phylico, quod idem cum materiā: ut genere differre sit materiā differre. Atqui nihil obstat quominus genere Logico convenient, quæ materiis differunt, adeoque pariter corpora naturalia sint quæ materiis differunt.

Ad 4^m. Antecedens falsum est, ut sectione primā ostendimus. Deinde & consequentia nulla est, si *primaria consideratio* intelligatur ea quæ consideratio est *quiddiativa*, ut barbari loquuntur, quam non nisi una sibi vendicet scientia. Etiam si igitur corpus naturale primò de *corruptibili* diceretur, per analogiam verò de *incorruptibili*, nihilominus tam hujus quam illius

illius perfectam considerationem Physica sibi vendicaret, uti & Metaphysica propriam ac perfectam accidentis in genere theoriam sibi vendicat, etiam si substantia & accidens analogæ species entis sunt.

Ad 5^m. Nego consequentiam, si celestium consideratio intelligatur quidditativa, secundum principia naturalia & affectiones proprias genericas; quomodo in Mathematicis corpora celestia non considerantur. Cum autem Mathematica de corpore in corruptibili agere dicitur, per corpus non Physicum, quod naturam habet, intelligitur, sed Mathematicum, quod aliud nihil nisi trina dimensio mentis operatione abstracta.

Ad 6^m. Consequentiam nego. Inæqualitas ista non facit nisi diversas corporum species: quorum considerationem una & eadem scientia sibi vendicat. Ita scientia naturalis considerat corporis naturalis principia, affectiones & species.

Ad 7^m. Antecedens negamus. Ad probationem respondemus; In cælo ex nostrâ sententiâ tam quietis quàm motus est principium: quiescere enim potius quàm moveri cælum statuimus, ut suus loco patebit. Non minus igitur quietis & motus in se habet principium quàm terra, quæ loco suo nunquam movetur, vel ignis sublunaris, quem nunquam quiescere Peripateticorum opinio est. Peripatetici respondent; Ad motum & quietem per se indifferens esse cælum: moveri perpetuò, propter intelligentiam assistentem motricem; idem esse quieturum, sublato intelligentiæ influxu vel saltem quiescente.

Ad 8^m. Antecedens negamus. Ad probationem respondemus; Cælum non esse quidem in potentiâ contradictionis; esse tamen, modò in orbem moveri supponatur, in potentiâ ad *ibi*, quam æternis quoque tribuit *Aristoteles* 9. Metaph. text. 17. In hac potentiâ cælum semper est, non quidem ratione totius sed partium, secundum receptam Peripateticorum doctrinam. Actus autem propter quem totum cælum moveri à Peripateticis creditur, non est acquisitio novi loci, sed conservatio mundi sublunaris, quæ quia jugis esse debuit, motum quoque celestium corporum oportuit esse jugem. Consistit enim in perpetuâ successione hæc conservatio, adeoque obtineri à coelo non potuit nisi per motum perpetuum. Patet hinc alio fine moveri corpora celestia, alio elementa, illisque per motum, his per quietem potius obtingere perfectionem, secundum hypothesas Peripateticas. Non tamen diffidetur *Pererius*, *Aristotelicam* motus definitionem secundum quid tantum celestium motui posse accommodari; De princip. lib. 10. cap. 5.

Ad 9^m. Connexum negamus. Ad probationem

respondemus, imperfectionem corporis cuiusque; dum movetur ex definitione motus necessario non concludi (quoniam *Pererius* hoc ipso argumento probat definitionem motus celestium motui & corpori absolute & simpliciter non competere, nè & motui celestium & corpori imperfectionis nota quali inuratur;) Etsi enim cælum per motum est ens in potentiâ, non magis tamen hoc nomine imperfectum dici potest quàm quævis Intelligentia ex loco in locum suo modo se movens. Quia ut intelligentia per motum localem naturæ ejus competentem non sibi sed aliis rebus perfectionem acquirit, ejusque respectu est in potentiâ, sic & cælum, quod motu suo nec novum acquirit locum in quo quiescat, nec formæ novæ vel substantialis vel accidentalis acquisitione se perficit, sed sublunaria. Hoc si cui forsitan displiceat, *Pererium* secutus neget definitionem motus absolute & simpliciter celestium motui posse accommodari, modò hinc non inferat cælum corpus naturale non esse: hoc enim sequi negabimus, & ita motus definitionem informandam potius esse monebimus ut ex æquo omni motui naturali competat.

IV. Cum corporis celestis ignota nobis sit forma substantialis, accidentalibus duabus differentiis in definitione ab Elemento, quod & ipsum est corpus simplex, distinguimus. Prior est, quod corpus celeste non sit ordinatum ad mixturem. Non enim est nisi pars universi, quæ alterius ab universo distincti corporis seu partis universi compositionem non ingreditur. Secus se res habet in elemento, quod universi quidem & ipsum est pars, attamen ad aliorum quoque corporum, nempe mistorum, compositionem à Creatore ordinatum. Posterior à loco seu collocatione naturali petitur. Corpus celeste superiorem mundi partem naturâ suâ ex Creatoris instituto; Elementum, inferiorem. Unde præter cælum & stellas omnia alia corpora appellantur *subcoelestia*; quod sub celestibus seu iis inferiora sint.

V. *Keckermannus* in Physicis suis *Zabarellam* secutus lib. De naturali scient. constituit: cap. 10. definit celeste corpus, quod est *primum, summum & maximum inter corpora*, atque ad cò omnium reliquorum corporum naturalium origo & causa. Quæ definitio nobis non arridet: Primò, quia nonnullorum firmat errorem, nempe cælum non considerari in Physicis tanquam speciem subiecti Physici, sed tantum ut causam universalem. Deinde, quia distinctæ sunt species corporis celestis, nempe *Cælum & Stella*, quibus ex æquo non competit definitio ista: Cælum enim per se & suâ naturâ corporum subcoelestium causa non

est: Stellis etsi aliquo modo dignitas hæc competeat, omnium tamen reliquorum corporum naturalium causæ dici nequeunt. Elementorum enim causas effectrices non esse stellas vel coelum, ex historia creationis & insecta mundi gubernatione manifestum est. Fuit terra & aqua cum nondum essent stellæ vel coelum naturale: sublatis etiam stellis non video quâ necessitate elementa quoque tollerentur. Neque verò de stellis dici potest quod omnium corporum sint maxima, siquidem stellis majus est coelum, cum quo confundi non magis rectè possunt quàm pisces cum aquis, volucres cum aere, gressilia cum terra.

THESIS IV.

Cælum est Naturale vel Empyreum, quod vulgò Supernaturale appellatur.

Ἐκθεσις.

Specie distingui quod in specie appellatur Naturale coelum ab Empyreo, ferè extra controversiam est: Nomina tamen quibus hæ species vulgò exprimuntur, minùs videntur esse idonea. Nam & Empyreum ratione substantiæ suæ corpus naturale est, ut suo loco monstrabimus: appellatur tamen supernaturale ratione usûs, & quod supra adspectabilem hanc naturam sit collocatum.

THESIS V.

Naturale cælum est corpus cœleste omnium naturalium maximum & subtilissimum, à cœlo empyreo ad terram usq; expansum, stellarum, meteororum & volatilium lationibus subjectum.

Ἐκθεσις.

I. De coelo cum in Physicis loquimur, non nisi naturale in specie dictum intelligimus: De quo etiam Philo, περὶ τῆς θεοπέμπουσας εἶναι τὰς οὐρανούς, pronuntiavit, Ὁ θεὸς ἀκατάληπτος ἔχει πλεονάζον, ἔστιν αὐτῷ παρθεῖν. γινώσκουσα παρθεῖν ἡμᾶς, ἀπερὶστα, hoc est, Incomprehensibilem naturam cælum habet, nec ulla ejus certa ad nos demanat notitia. A Philone non dissentit Lactantius, De falsa sap. lib. 3. Scire velle, inquit, coelum quâ magnitudine, quâ materiâ constet, utrum quietum sit & immobile, an incredibili celeritate moveatur; hæc, inquam, disputando & conjecturis velle comprehendere, tale est profectò, quale si disserere velimus qualè esse arbitremur: cuiusquam remotissima gentis urbem, quam nunquam vidimus, cuiusque nihil aliud quàm nomen auditivimus. Pronunciati hujus veritatem ferè com-

probant diversissimæ Philosophorum de cœli naturâ sententiæ, quæ in progressu theoriæ hujus attingemus, operam daturi ut si veritatem ipsam non attingerimus, (quod tamen in votis nobis unice) ab eâ tamen haud procul aberremus plùs quàm *Ariadneum* Scripturæ sacræ filum in hoc sententiarum & controversiarum labyrintho secuti. Cum autem pleaque definitionis membra ad certas sedes in sequentibus relata suis discutienda locis veniant, hic tantùm in nominis etymon & genus definitionis inquiremus.

II. *Coelum*, inquit *Isidorus* Orig. lib. 2. cap. 30. & lib. 13. c. 4. vocatum est, eò quod tanquam coelatum vas impressa lumina habeat stellarum veluti signa. Nam coelatum dicitur vas, quod signis eminentioribus refulget. Vulgò ex Græca lingua nominis ratio redditur: *Coelum* enim Græcis κοῖλον scribitur, quod cavum denotat; propterea quod concavum corpus credatur esse coelum, & intra superficiem suam concavam reliqua omnia corpora naturalia continere. Nec dubium est quin Latinorum *coelare* originem hanc Græcam agnoscat. Priscis Romanis hanc *coelâ* originem approbatam esse haud obscurè testatur scriptio: Nec enim *coelum* illi sed *coilum* scripsere. Vide & *Varronem*, De ling. Lat. lib. 4. ubi quoque origines occurrunt *καὶ* & *cavum*. *Georgius Cruiger* in Harmoniâ linguarum voci huic Latine originem assignat Hebraicam in radice קֶלֶךְ regnare, regem esse, cujus radicales literæ inversæ vocem gignunt קֶלֶךְ unde Latinis *coelum* esse dictum verisimile videtur: Solet enim *regia* appellari coelum & *regnum* cœleste in sacris. Radicis tamen קֶלֶךְ per se consideratæ significatio accommodari coelo vix poterit: Latine enim significat *calumniâ* exagitari: unde & Latinorum *calumniâ*. Si litera *m* radicalis non esset, ad radicem קֶלֶךְ consummari fortean referri quoque posset; quia vulgò consummatissimum & perfectissimum Dei opus coelum dicitur. Interim magis mihi aridet originatione Græca, in qua nihil coacti.

III. Græca appellatio est θεῖον, quasi θεῶν, παρὰ τὸ ὁρᾶν, videre: quia, ut inquit, *Isidorus*, aer perspicuus est & ad speculandum purior. Fortè sic dictum coelum, quod omnium mortalium oculi in id convertantur, sitque corpus contemplatione dignissimum. *Apuleius* cum *Chalcidio* θεῖον dici putat, quod sit finis altitudinis θεῖον ἢ αἶψα πάντων. Utriusque etymî meminit *Philo*, De mundi opificio, ἢ δὲ πρὸς τὸ θεῖον, ἢ δὲ πρὸς τὸ θεῖον ἢ δὲ πρὸς τὸ θεῖον. *Autor* lib. De mundo scribit

scribit, *sparsus* dici, quod sit supra *spæa*, hoc est, *montes*. Nonnulli haud inconcinne ab Hebraico *לֵחַל*, quod est *lumen*, deducunt, propter micantissimas siderum luces.

IV. Hebræa appellatio est *מַיִם*: de cuius origine & significatione propriâ variæ doctorum sententiæ sunt: Receptissima est, compositam esse vocem ex particulâ *מַי* *ibi*, & *מַיִם* *aqua*; quod vel in cœlo sint aquæ, vel ex aquis cœlum: *Juxta Hebræici sermonis etymologiam*, inquit Hieronymus, *cœlum ab aquis sortitur vocabulum*. Reuchlinus, De verbo mirifico, lib. 3. cap. 5. Cœlum *מַיִם* nominari ait, quasi *מַיִם* *וְאֵשׁ* quod sit *ignis & aqua*: ignis, ratione stellarum: aqua, ratione substantiæ suæ. *Fagius* tamen in 1. Genes. refert *Abenesram* annotare *מַיִם* idem significare quod *altum*, *supra*, idque ex linguâ Israeliticâ Hebræicæ affini probare: quam ut genuinam & primam esse vocis significationem credam, à me non impetro. Hoc verò crediderim ex Hebræicâ *Israelitis* vocem hanc transsumsisse, & hoc significatu usurpasse, eò quod cœlum omnium corporum altissimum & *אֵשׁ אֶרֶץ* *est*. Sunt alii qui contendunt *מַיִם* in hac vocem non esse nisi terminationem dualem, à singulari *מַי*, *ibi*: terminationem autem hinc fieri dualem, quod nostri respectu semper una cœli pars sit suprâ, altera infrâ; vel quod duo sint ejus poli, superior & inferior. *Martino* in Lexico arridet radix *מַיִם*, *nomen, gloria*; quod sit nominatissima & gloriosissima pars mundi: vel *מַיִם* *obstupescere, mirari*; quia verè *פִּאמָסֻדִּין דְּמִיִּסְרַיִל* cœlum.

V. Germanica appellatio est *Himmel*. In cuius originem & rationem haud immeritò inquiritur. *Cruciger* in Harmoniâ suâ putat ex duabus vocibus Hebræicis *מַיִם* & *לֵחַל* componi: quod res voce *Himmel* significata sit *aqua Dei*, hoc est cœlestis aqua. Non deesset hâc ratione nisi aspiratio *h*: Quod non inconcinnum etymon, magisque arridet quam alterum à radice *לֵחַל* *regere*, per anastrophem & mutationem *ל* in *ח*: & tertium ex radice Chaldaicâ *לֵחַל* *colere*, per metathesin & transmutationem *ח* à *ל* in *ח*; quod nimis contortum. Si conjecturis est locus, dixerim ex *מַיִם*, quod est *impetu quodam consternare*, & *לֵחַל* *Deus*. Ecquo enim impetu vehementius homines Deus consternat quàm cœli tonitruis, fulguribus & fulminibus? Hinc de consternatione per fulmina, tonitrua & fulgura radix *מַיִם* usurpatur, 2. Sam. xlii. 15. & Psal. xviii. 15.

Vox igitur germanica *Himmel*, ratione originis suæ, *Dei terrorem* significabit: verissimè: majorem enim hominibus terrorem Deus non incutit quàm cœlo. Exactè etiam literæ, omnes Hebræicatum vocum radicales in Germanicâ nostrâ reperiuntur sine ullâ metathesi aut permutatione.

VI. A Grammaticâ quæstione ad Physicam progredimur, de naturâ cœli genericâ; *An cœlum sit corpus naturale completum & propriè sic dictum, compositum ex materiâ & formâ tanquam principiis internis essentialibus*.

Aristoteles 3. De cœlo tex. i. corporibus naturalibus cœlum accenset: quem recentiores plerique sequuntur. *Zabarella* tamen & alii, etsi ex censu corporum naturalium non excludunt cœlum, compositionem tamen ex materiâ & formâ tanquam principiis internis ei minimè tribuunt; & sic quod unâ dant manu, eripiunt alterâ. Videndum igitur an in cœlo sit compositio ex Materiâ & Formâ, uti in elementis & reliquis corporibus naturalibus.

Negativam defendunt *Piccolomineus*, *Scorus*, *Zabarella*, *Averroes*, *Mercenarius*, & alii Peripatetici, qui formam cœlo non nisi assistentem tribuunt, quam *Intelligentiam motricem* appellant. Si verò forma ei ab *Aristotele* præter *Intelligentiam* motricem tribuatur, non propriè dictam formam eam interpretantur, quæ altera compositi pars est à materiâ cui inhæret realiter distincta, sed quiddam rei materialis: quomodo etiam intelligendus *Averroes*, cum ait corpus coeleste esse formam quandam per se coherentem absque materiâ, præditam quantitatis dimensionibus ad lationem aptam. Sic igitur de cœlo judicant: Cœlum, remotâ *Intelligentiâ* motrice, nec formam propriè sic dictam nec materiam habere, sed per se ipsum esse materiam actu existentem. Laudat hîc *Zabarella* sententiam Græcorum interpretum dicentium, *Cœlum esse materiam formalem & formam materialem*: Cujus rationem reddit; *Quia materia quædam est actu per se ipsam, & participat modo quodam tum materiæ tum formæ conditionibus; formæ, quatenus est actu per se; materiæ, quatenus est corporeum & sensibile*. Sic & *Mercenarius* cœlo materiam tribuit, ut tamen ex eâ propriè compositum neger, sed ipsammet esse materiam dicat, materiam, inquam, quæ naturâ suâ non potentia sit, ut sub coelestium materia, sed actu. Etsi igitur ex sententiâ auctorum horum Cœlum est materia quædam per se ipsam actu existens, rectius tamen loqui *Piccolomineo* videntur, qui aiunt in cœlo non esse materiam, quàm qui inesse in eo dicunt; quia vox absolute prolata in priori suo significato accipitur. Atqui materia, cum dicitur esse in aliquo, significat alteram compositi partem

potentialem : ubi verò altera compositi pars potentialis, ibi & pars altera actualis, nempe forma propriè dicta, proindeque & compositio ex duobus incompletis, materiâ & formâ, principii internis propriè dictis. Atqui Physicè compositum esse cœlum, instar aliorum corporum naturalium, à veritate alienum hisce Physicis videtur. Obiter hîc observandum, Compositum ex pluribus substantiis duplex à *Mercurio* & aliis statui : quorum unum ex forma dante esse & materia recipiente, per se unum est, ut elementa & quodvis corpus mixtum : alterum ex mobili & movente externo, quod unum per se non est ; quale navigium à nautis actum. Cum igitur compositionem ex pluribus substantiis cœlo in genere quandoque tribuunt, non priorem sed posteriorem intelligunt, quâ nempe, cœlum ex orbe mobili & Intelligentia motrice componi creditur, alterius & Physicæ compositionis expers. Hæc ad explanationem primæ sententiæ, quæ planè Peripatetica esse creditur, sufficiant.

VII. Videamus jam quibus nitatur fundamentis. *Zabarella* & alii in sententiæ suæ patrocinium sequentia adducunt :

1. Ubi nulla est substantiæ mutatio, ibi nulla est materiæ cum forma compositio : Atqui in cœlo nulla est substantiæ mutatio : Ergò nulla quoque materiæ cum forma compositio. Propositio probatur ; Quia materia est radix & origo omnis mutationis & corruptibilitatis : nec aliter in cognitionem compositionis ex materia & forma nos duci potuisse *Aristoteles* scribit quam per mutationem substantiæ. Ubi igitur planè nulla mutatio, ibi materiam subesse vel compositionem ex materia & forma ratio nostra non assequitur.

2. Si cœleste corpus compositum est ex materia & forma, necessariò erit corruptibile : At consequens falsum : Ergò & antecedens. Connexi ratio est ; Quia materia illa respectu formæ habebit potentiam passivam, quâ fit potentiâ ad esse ; siquidem forma dat esse. Atqui omnis potentia passiva est potentia contradictionis, & ut est ad esse, sic etiam ad non esse : ubi verò potentia ad non esse, ibi corruptibilitas. Esse verò potentiam passivam potentiam ad non esse, probatur ex 5. Metaph. contex. 17. & 9. Metaph. contex. 2. ubi potentia passiva definitur *principium ut res transmutetur ab alio quatenus est aliud* : Atqui transmutari ab alio nihil potest nisi ad non esse tendat. Sic & 2. Metaph. contex. 30. *Aristoteles* autem motores cœlorum debere esse sine materia, quia debent esse substantiæ sempiternæ. Unde colligitur, nihil posse esse perpetuum & incorruptibile quod sit materiatum seu ex materia compositum.

3. Si cœlum, præter Intelligentiam motricem,

etiam habet formam informantem materiæ conjunctam, illa forma erit natura & principium alicujus motus : At falsum consequens : Ergò & antecedens. Connexum ex definitione naturæ manifestum est : Et verò constat formam motus principium esse activum, ut materia est passivum. Assumptio probatur ; Quia in cœlo nullus est motus nisi circularis, qui ab Intelligentia est.

4. Si cœlum esset ex materia compositum, esset illa vel eadem cum inferiorum materiâ, ut *Egidius* voluit ; vel diversa, ut *Thomas* voluit : Atqui neutrum horum admitti potest : Ergò compositio ex materia in cœlo nulla est ; ideoque & formâ informantis in eo nulla erit, & per consequens nec compositio Physica. Assumptio probatur, quoad membrum prius : 1. Si cœlum eandem cum sublunariibus haberet materiam, corruptibile esset : At falsum consequens : Ergò & antecedens. Connexi ratio est ; Quia si materiam cum sublunariibus communem haberet, utique potentiam passivam haberet ad non esse, vel abjectionem unius formæ & assumptionem alterius, velut in materia sublunarium videmus : Oportet enim potentiam istam passivam habere ad æquatum objectum, ad quod per se à natura dirigatur ; quod sola cœli forma nequit esse : Siquidem videmus potentiæ passivæ in sublunari materia objectum non esse unam aliquam formam, sed universum genus formarum materialium : Idem igitur objectum inerit potentiæ passivæ quæ in cœli est materiâ, proindeque per eam non poterit non cœlum esse corruptibile. 2. Si cœli & inferiorum materia eadem est, competet materiæ cœli definitio primæ materiæ : At falsum consequens : Ergò & antecedens. Assumptio probatur ; Quia materiam primam *Aristoteles* definit *primum subiectum ex quo aliquid fit* : Generari igitur aliquid ex materia cœli poterit, proindeque corruptibile cœlum erit. Hactenus primum assumptionis membrum contra *Egidii* sententiam probatum.

Alterum membrum contra *Thomam* probatur, 1. Quia *Aristoteles* nullam aliam agnovit materiam præter eam ex qua corpora inferiora constant, nec ullam aliam in suis libris uspiam consideravit, quam tamen oportuisset eum omnino considerare in 1. De cœlo, ubi naturam cœli declarandum sibi proponit. 2. Quia materia illa cœli secundum se considerata, absque cœli forma, non est nisi pura potentia : Erit igitur ipsamet materia corporum inferiorum, quia pura potentia à pura potentia nullo discrimine diffidet, siquidem distinctio fit ab actu, 3. In aliis causarum generibus una tantum datur prima, unum tantum primum movens, una prima forma, unus ultimus finis : Ergò materia etiam non nisi

nonnisi unica & prima est. 4. Quia posita etiam materia à sublunaribus diversâ, cœlum nihilominus esset corruptibile: esset enim materia saltem in potentia ad formam cœli, & ad privationem illius formæ quam habet: Omnis enim potentia passiva includit utramque contradictionis partem, ut contra *Cajetanum* contendit *Philippus Faber*, & *Mercenarius* in Dilucidationibus. Hactenus pro primâ sententia ratio principalis quarta.

5. Universi pulcritudo, quam etiam rerum varietas conciliat, requirit ut existat in naturâ corpus aliquod simplex non modò simplicitate oppositâ mixtioni, quomodo elementa sunt simplicia; sed & simplicitate oppositâ compositioni, quâ ex materia & forma unum fit: Dabitur igitur ejusmodi corpus simplex: quod aliud nullum erit nisi cœlum.

VIII. Contrâ, cœlum revera compositum esse ex materiâ & forma tanquam principiis internis essentialibus, & veterum & recentiorum Philosophorum plurimi, *Pythagoras*, *Empedocles*, *Democritus*, *Plato*, *Avempace*, *Avicenna*, *Plotinus*, *Proclus*, *Alexander*, *Philoponus*, *Thomas*, *AEgidius*, & *Bonaventura* docent: quibus nos planè assentimur. Argumenta sententiam hanc confirmant sequentia:

1. Cœlum, etiam remotâ Intelligentiâ imaginariâ, est corpus naturale completum: Ergò ex materiâ & formâ compositum est. Antecedens in Scholis Physicorum hactenus non fuit negatum; neque si negaretur, ulla posset reddi negationis causa. Imò corporum naturalium omnium præstantissimum & perfectissimum vulgò ab omnibus prædicatur. *Aristoteles* quoque 1. De cœlo cap. 2. tex. 5. cœlestia corpora ponit inter naturalia corpora quæ constât naturâ. Nec dici potest incompletum esse corpus, quia nec forma naturalis est; cum ad sui subsistentiam subiecto non egeat: nec materia; quia corporum omnium perfectissimum est cœlum. Atqui materia inter substantias nihil est imperfectius. Ratio consequentiæ manifesta est; Quia corpus naturale completum esse & ex materiâ & formâ compositum non esse contradicunt, ut patet ex definitione corporis naturalis, *Substantia materiâ & formâ propriè dictis constans*. Solam formam informantem, solâve materiam informantem qui corpus completum dixerint, nemo hactenus Philosophorum fuit.

2. Si cœlum est corpus naturale propriè dictum, utique habebit naturam, vel ad minimum erit natura. Si prius dicas, compositum erit ex natura & habente naturam: se ipsum enim nihil habere dicitur: Si posterius dixeris, etiam compositum erit ex principio motus & quietis & subiecto in quo est natura;

ut patet ex definitione naturæ, & 2. Phys. cap. 1. tex. 4. Compositum igitur erit ex materia & forma propriè dictis.

3. Si cœlum esset nuda & simplex materia sine forma informante, omnium corporum naturalium esset imperfectissimum & per se nullius actionis principium: At falsum consequens: Ergò & antecedens. Connexi ratio est; Quia materia per se & sola nihil agit: Quod autem planè nihil agit vel agere potest, ab omni perfectione est alienissimum: tantò enim res quælibet perfectior æstimatur, quantò plures & nobiliores habet actiones; & tantum perfectionis habet corpus quodvis, quantum actionis.

4. Cœlum per se existit & perfecti entis gradum constituit: Ergò nec simplex est forma informans, quæ extra materiam nusquam subsistit, unicam hominis animam si excipias; nec materia simplex formæ informantis experts; quia hæc nunquam & nusquam sine forma informante in rerum natura existit, imò secundum *Aristotelem* nè existere quidem potest, quia pura est potentia. Si dicas corruptibilem corporum materiam esse puram potentiam & sine forma nusquam posse existere, incorruptibilem verò & cœlestiam non item, hoc oportet concedas, materiæ in conceptu suo generico consideratæ non repugnare per se sine forma existere & subsistere, adeoque actu per se, non potentia tantum esse: quòd si dixeris materiam primam Peripateticam puram esse potentiam, & per se actu sine forma esse non posse, evidenti id argumento nullo in æternum monstrabis. Taceo quòd pleraque quæ hactenus de materia in genere vel in Physicis vel in Metaphysicis sunt disputata & constituta, multis modis labefactentur per inductionem hujusmodi materiæ, quæ per se actu in natura existat separata, ad sui determinationem non indiga formæ, & quidem gradum perfecti completique corporis constituat: quæ omnia cum natura materiæ ex diametro pugnare hactenus sunt visa.

5. Quod affectiones habet materiam & formam arguentes, id ex materia & forma est compositum: Atqui cœlum hujusmodi affectiones habet: Ergò ex materia & forma compositum est. Assumptio probatur: Habet enim quantitatem, quæ ordinata ad recipiendum, secundum quam est mobile: quantitatis comes est figura, raritas & densitas: Habet, ex Peripateticorum sententia, lumen, quod ordinatum ad agendum: luminis comes est calor. Harum qualitatum beneficio totum sublunarem mundum movere dicitur. Judicent contrariæ sententiæ patroni, annon affectiones hæ

materiam arguunt & formam. *Mercenarius*, ut absurdum dogma facilius tueatur, absurdè ait cœlum, seclūsā Intelligentiā, non moveri, nec lumen habere, cum habeat ista ab ipsā Intelligentiā. Dogmatis huius crudelitatem an Schola Peripatetica concoquere valeat aut velit, equidem valdè dubito. Inauditum enim hætenus & planè contra receptam de lumine doctrinam. Ex condensatione perspicui lumen esse, non ab Intelligentiā vel ex Intelligentiā, omnes Scholæ hætenus docuerunt: Quod si verum, uti verissimum, remotā Intelligentiā, nulla in cœlo amplius e. it perspicui condensatio, proindeque nullæ erant stellæ, quæ orbis perspicui condensati partes sunt in Scholâ Peripateticâ. In sacris luminaria cœli per se talia & à Deo condita esse legimus, & alia, non Intelligentias vel Angelos, huic orbi lumen infundere. Tam igitur absurdus hic *Mercenarius* quàm qui ignis lucem non ab ipsâ ignis naturâ sed à coqui ignem agitantis assistentiâ esse diceret: quod probabilius etiam dici posset, quia extinguere tandem experimur ignem nisi sedulo foveatur à coquo præsentente.

6. Cui corpori est insitum motus principium, id est compositum ex materiâ & formâ propriè dictis: Atqui cœlo naturâ est insitum motus principium: Ergo cœlum compositum est ex materiâ & formâ propriè dictis. Propositio probatur; Quia distincta sunt, principium motus, & id cui insitum est principium. Principium igitur hoc insitum, nempe natura, vel actum tantum, vel passivum tantum, vel actum & passivum simul. Actum tantum non est; quia hoc in purè naturalibus nequit esse sine subiectâ materiâ: contradicunt quoque habere materiam motus proprii principium actum, & non habere passivum, in quod agat actum. Neque passivum tantum; quia hoc nisi ab activo determinetur (a se ipso enim nequit determinari, quia determinatio fit ab agente principio) naturæ nomen, *Zabarellâ* teste, non meretur (essent aliàs omnes motus violenti naturales) nec naturale ab artificiali distinguit. Ergo actum & passivum simul: Compositum igitur ex materiâ & formâ est, quarum illa passivum, hæc actum motus principium est. Hætenus syllogismi principalis propositio probata. Assumptio manifesta est ex 1. De cœlo cap. 2. tex. 5. *Omnia corpora naturalia mobilia per se loco dicimus esse, τὴν γὰρ φύσιν κινήσεως ἀγχοῦ παύειν ἔχει αὐτοίς*. A corporibus hisce omnibus non excludi cœlum ex toto capite manifestum est.

7. Cœlum est substantia per se sensibilis, ut testatur experientia cum *Aristotele* 2. Phys. Ergo compositum ex materiâ & formâ: quia nec mate-

ria per se, nec forma per se est sensibilis, sed compositum ex utraq. Ut enim aliquid per se sit sensibile, qualitates requiruntur sensibiles, per quas in sensum incurrat: huiusmodi verò qualitates non in vel à solâ sunt materiâ, nec in vel à solâ formâ, ut patet ex inductione omnium sensibilibus; sed à composito. Nec est quoddam quis dicat sensibile esse cœlum per sensibilia communia, ut motum, numerum, magnitudinem, figuram, non per propria: hoc enim planè falsum & inconsequens est: Falsum; quia nullum sensibile commune sine proprio percipitur. Habet igitur & propria sensibilia cœlum, per quæ in sensum incurrant communia. Inconsequens; quia & communia sensibilia non sunt à solâ materiâ: motus enim, figura, & determinata magnitudo non sunt nisi compositorum.

8. Si compositio quæ omnibus corporibus naturalibus communis est, nempe ex materiâ & formâ, est à cœlo removenda, utique cœlo ea planè repugnabit: At consequens falsum; Ergo & antecedens. Assumptio probatur: Si repugnat, dubio procul ideo repugnat quia omnis compositio simpliciter, vel certè compositio ex materiâ & formâ in specie, per causas naturales est dissolubilis, idque propterea quoddam omnis materia potentiam habeat ad formam, omnis verò potentia sit contradictionis ad esse & non esse: At falsum consequens: Ergo & antecedens. Assumptio iterum probatur: Si omnis compositio per causas naturales esset dissolubilis, certè ipsum quoque cœlum esset dissolubile: quod tamen à cœlo alienissimum isti putant. Est enim in cœlo ad minimum compositio ex substantiâ & accidenti: quomodo & Intelligentia esset corruptibilis, quia & ipsa compositionis huius non est expers. Si verò omnis compositio ex materiâ & formâ in specie per causas naturales est dissolubilis, sequitur etiam glorificata corpora, in quibus materiæ & formæ compositio manebit, fore per causas naturales corruptibilia: quod longè falsissimum esse omnes Scholæ Theologicæ clamabunt: Qui ergo Creator post corporum suscitationem materiæ & formæ compositionem indissolubilem faciet, quidni & in primâ creatione idem in corporibus celestibus potuerit? Inferimus igitur impium esse dogma eorum qui omnem compositionem ex materiâ & formâ necessariò dissolubilem, & quidem per causas naturales, esse contendunt. Cadit igitur & alterum axioma, *Omniem potentiam esse contradictionis ad esse & non esse*. Nam & cœli natura in potentia est ad accidentia sua inseparabilia, quorum subiectum est non minùs quàm materia formæ, & tamen contradictionis illa potentia non est: aliàs corruptibile cœlum esset. Et quid, quæso, causæ sit

cur Creator potentiam ad esse tantum subiecto dare non potuerit? Nónne & in gloriosis corporibus materia est in potentiâ ad formam? & tamen potentia ista ad non esse non est; si quidem per eam corruptibilia evadunt corpora.

9. Si coelum est pura & simplex materia absque formâ, & tamen actuosum est, non video quî non & elementa huiusmodi dici possint materiæ, adeoque corpora simplicia omnis compositionis ex materiâ & formâ expertia: Atqui consequens nemo Philosophorum admittit: Ergo nec antecedens admitendum. Connexum probatur: Ecquo enim argumento demonstrabitur compositio ex materiâ & formâ? An quia ubi materia, ibi & forma? At falsum hoc esse adversarii aiunt. Aut quia actiosa sunt elementa? Atqui & coelum creditur actuosum absque formâ propriâ. Aut quia in sensum incurunt qualitatibus suis sensibilibus & moventur? Atqui & coelo hæc competunt, quod tamen propterea compositum esse negant. Aut quia elementa sunt corruptibilia? Atqui falsum hoc esse pronunciamus. Omnium simplicium prærogativa est incorruptibilitas. Nec verò omnia quæ corruptibilia sunt, illico & composita ex materiâ & formâ sunt. Quot enim accidentia, quot formæ sunt mortales & corruptibiles? Imò absurdâ hypothesi concessâ, de simplicitate coeli materialis, evidens argumentum vix esse puto quo formæ naturales materiæ contradistinctæ defendi possint.

10. Si *Averrois*, *Zabarella* & aliorum de simplicitate coeli vera est sententia, sequitur esse aliquid in naturâ per se subsistens quod neque sit Deus neque actus neque potentia, neque informans neque informatum, neque materia neque non-materia, neque corpus, neque non-corpus, extra prædicamentum, gerens tamen prædicamentales quantitates & qualitates ut *Scaliger* colligit Exerc. 61. §. 5. At falsum & absurdum consequens: Ergo & antecedens.

11. Arridet nonnullis & hoc argumentum, quod, concessis tritis hypothesibus, quas tamen omnes non approbo, satis firmum: Universi perfectio requirit in coelo compositionem ex materiâ & formâ incorruptibilibus, nè quis desit naturæ gradus & modus compositionis: Cum enim detur compositio substantialis ex formâ corruptibili & materiâ incorruptibili, ut in Elementis; & ex materiâ corruptibili & formâ corruptibili, ut in Equo & aliis Brutis; & ex materiâ corruptibili & formâ incorruptibili, ut in Homine; quidni detur quoque compositio ex materiâ & formâ incorruptibilibus? Alias possibilis hic corporis completi gradus deesset universo, quod citra perfectionis labem

fieri non posset. Haftenus sententiæ nostræ confirmatio.

IX. Ad contraria argumenta ordine respondemus hoc modo:

Ad 1^m. Propositionem negamus. Probatio simpliciter vera non est: Materia quatenus est materia, hoc est, contradistincta composito ex aliâ materiâ & formâ, seu quatenus est substantia incompleta simplex, incorruptibilis est: quod nè *Aristoteles* quidem negat: quî igitur fiat quoddam inter eam & corruptibilitatem nexus sit perpetuus & necessarius? At, si forè in mistis est radix & origo corruptibilitatis, in omnibus esse corporibus sequetur? Atqui à specie ad genus hoc modo non valet consequentia. Quid? quoddam nè mista quidem propter materiam necessario sint corruptibilia: aliàs & gloriosa corpora corruptioni essent obnoxia, vel mista non essent; quorum utrumque falsum. Quæ ergo origo, inquis, & radix corruptibilitatis? Dicam quid mihi videatur; Solubilis nexus materiæ & formæ: Hæc verò solubilitas est à voluntate Causæ primæ, ut & insolubilitas ab eadem est. Causæ primæ obediunt secundæ, quæ à primâ directæ & applicatæ solubilitatem vel insolubilitatem promovent. Mihi omnia simplicia corpora incorruptibilia sunt: Si tamen & simplicia quædam corpora corruptibilia esse statuerem, radicem corruptibilitatis in formis potius quàm materiâ constituerem: Forma enim esset quæ destrueretur, non materia, adeoque totum corruptibile evaderet propter formam potius quàm propter materiam: Si enim non magis quoad materiam lædi posset forma quàm materia, periculum corruptionis nullum esset. Quid? quoddam ex adversariorum quoque sententia falsum sit, materiam per se esse originem & radicem corruptionis: Coelum enim credunt esse materiam simplicem, & tamen radicem corruptibilitatis in eo nullum agnoscunt. Quod verò *Aristoteles* in cognitionem compositionis ex materiâ & formâ venerit per mutationem substantiæ, nihil nostræ sententiæ præiudicat. Ex falsis hypothesibus veras quandoque conclusiones elici sæpe contingit. Mutationem substantiæ in corporibus quibusdam simplicibus deprehendere sibi visus est *Aristoteles*, & exinde compositionem ex materiâ & formâ rectè collegit: sed tanquam ex hypothesi falsâ: Ubi enim substantiæ completæ mutatio naturalis, ibi ex materiâ & formâ compositionem esse quivis faciliè concedet: non tamen vicissim quivis concedet corruptibilitatem & mutabilitatem esse ubicunque est compositio ex materiâ & formâ. In priori discursu ex falso principio inferitur vera conclusio; in posteriori ex vero principio falsa conclusio. Deinde etiam *Aristoteles* ex corruptione

ruptione corporum mistorum, tanquam vera hypothese, devenit in cognitionem compositionis ex materia & forma: inde tamen inferre non potuit necessarium corruptibilitatis nexum cum compositione ex materia & forma in genere: siquidem longè alia est ratio corporum mistorum, alia simplicium. Denique licet in primam materiam & compositionis ex materia & forma notitiam devenit fuerit per viam motus & transmutationis, tamen cognita hac compositione in corporibus sublimitatis mistis, ex aliis similitudinibus & accidentibus deprehendi potuit eadem compositio in corporibus simplicibus, & tandem inferri, compositionem ex materia & forma omnibus corporibus communem esse.

Ad 2^m. Connexum negamus. Ratio quæ adducitur, partim vera sed inconsequens, partim falsa. Verum enim est, quòd materia respectu formæ habeat potentiam passivam ad esse: hinc verò corruptibilitas, quæ naturaliter in actum deduci possit, nulla necessitate inferitur. Falsum est, quòd omnis potentia passiva sit potentia contradictionis ad esse & non esse: videantur quæ suprà ad rationem nostram octavam dicta sunt. Ait quidem Zabarella monstrum esse in Philosophia Aristotelis, ponere materiam quæ habeat potentiam ad dimidium tantum contradictionis. Sed sola nobis Aristotelis autoritas non sufficit, etsi aliàs eam minimè contemnamus. Itaque nec allegatis ex Aristotele locis constringi nos patimur, nisi evidentes accedant rationes. Scaligerum Exerc. 61. §. 5. hinc potius audimus quàm Zabarellam: *Materia, inquit, non est potentia ad esse & non esse rei cuius est materia, nisi in rebus corruptibilibus: in aliis verò ut differat quantitatem, qualitates, motum.* Thomas, ut Aristotelis autoritati satisfiat, duplicem ait esse potentiam: unam quæ abijcit actum, alteram quæ perpetuò conjuncta est actui: priorem ait esse contradictionis, & ab Aristotele definiti locis allegatis; posteriorem non item, & hanc in materia cæli repetiri. Cajetanus eodem ferè sensu potentiam duplicem constituit: unam purè receptivam, quæ nulla passionem media formam recipit; qualis potentia est ad unicam speciem formam: aliam, quæ potentia receptiva & passiva simul, quæ ab agente movetur & formam recipit; qualis potentia ad formam in genere. Posterior contradictionis est ad esse & non esse; prior ad dimidium tantum contradictionis, nempe ad esse solum. Thomæ distinctionem repudiat Mercenarius in Dilucidationibus Cajetani, Philippus Faber in Philosophia naturali. Duns Scoti, theor. 60. cap. 2. Mercenarius non nisi solius Aristotelis autoritate pugnat. Faber rationes

quoque contra Cajetanum & Thomam producit: Ad præcipuas igitur paucis respondebimus, quia omnem potentiam passivam contradictionis esse contendunt.

1. Potentia secundum se est indifferens ad actum & negationem: Ergò in potentia est privatio actus, & proinde potentia est contradictionis. Antecedens probatur; Quia potentia non esset, si ad alteram partem determinata esset; sed vel purus actus, vel pura potentia esset. *Respons.* Antecedens de potentia in genere falsum est: Non admittitur à nobis nisi de potentia passiva corruptibilium: potentia enim passiva incorruptibilium, quæ ratione materię ipsius competit, ad actum, hoc est, formam unicam ità est determinata ut negationem vel privationem actus conjunctam cum inclinatione ad formam aliam excludat. Probatio antecedentis & ipsa est falsa: Potentia enim ad alteram partem determinata, nempe ad actum, manet potentia, etsi libera vel contradictionis non est. Et quæ, quæso, consequentiæ ratio, quod ad actum vel negationem determinatum potentia non sit, sed vel actus purus vel pura negatio? Nonne inter actum purum & puram negationem datur tertium, idque non unius tantum generis? Compositum naturale, ex. gr. terra, est quiddam ad actum certum determinatum, & tamen actus purus non est: Sic & materia ad formam certam determinata, actus purus non est, nec potentia pura, sed potentia jam limitata, & restricta ad actum, quocum certam constituit speciem vel individuum.

2. Nulla potentia passiva ex se habet actum: Ergò privatio actus per se inest potentia; proindeque omnis potentia est contradictionis. *Resp.* Si ex se non habere actum sit causam procreantem actus non esse, vel actui contradistinctum quiddam esse, consequentiam negamus, si propriè & strictè privatio accipiat: Etiam si enim potentia de quâ loquimur ex se actum non habet, eique est contradistincta, aliunde tamen habet, nempe à communi principio actus & potentia; & quidem ità habet ut nunquam eo caruerit, nec privari per naturam possit. Quam ergò ipsi privationem actus assignabimus?

3. Materię potentiæ passiva nunquam est sine privatione actus oppositi: Ergò omnis potentia passiva est contradictionis. Antecedens propter; Quia privatio & potentia materię sunt idem realiter; differunt tantum formaliter, quòd privatio primò carentiam significet, consequenter verò aptitudinem, potentia autem contrà primò aptitudinem, consequenter carentiam. *Resp.* Antecedens negat-

negamus. Probatio simpliciter vera non est : Sunt idem realiter privato & potentia in materiâ corruptibilem, sed non incorruptibilem. Hactenus expedita ratio secunda principalis.

Ad 3^m. Assumptionem negamus. Probatio falsa est. Cœlum per se & naturâ suâ circulariter non movetur : stellarum hic est motus. Et si maximè circulariter moveretur, & quidem naturaliter, non tamen ab Intelligentiâ tanquam externo principio sed à formâ suâ propriâ moveretur, ut & stellæ : quâ de controversiâ suo loco.

Ad 4^m. Assumptionem negamus. Utraque defendi potest sententia. Breviter igitur ad rationes utrique oppositas respondebimus.

Ad 1^m. quâ *Ægidii* sententia impugnatur. Connexum negamus. Ratio ejus nititur primum falsâ hypothesi, Omnia sublunaria esse corruptibilia, vel habere potentiam passivam ad non esse ; quod nos negamus, qui omnia corpora simplicia sive sublunaria sive superlunaria statuimus esse incorruptibilia. Deinde inconsequens eadem. Concessâ enim hypothesi de elementorum corruptibilitate, etiamsi cœlo communem cum elementis materiam esse statueremus, non tamen sequeretur propterea corruptibile esse ; quia origo & radix corruptibilitatis non est materia per se, sed solubilis nexus materiæ & formæ, ut patet ex responsione nostrâ ad rationem primam principalem. Potentia igitur passiva ad non esse seu ad abjectionem formæ communi corruptibilem & incorruptibilem materiæ essentialis non est, sed accidentaliter & separabilis per Causam primam, quæ eandem materiam cum formis nonnullis solubili cum aliis insolubili nexu copulavit. Cur igitur id dicam esse corruptibile cujus forma per causas naturales à materia separari nequit, etiamsi ab ejusdem generis materia formæ aliæ sint separabiles ? Non posse solam cœli formam adæquatam esse objectum potentiæ passivæ quæ in cœli est materiâ, & ejus quæ in sublunarium corruptibilem materia est. Hæc ex falsa hypothesi concessione disputata sunt.

Ad 2^m. Assumptionem negamus. Ad probationem respondemus : Si in *Aristotelicâ* definitione fieri idem sit quod à causis secundis generari per formam unius ex subjecta materia ejectionem & contrariæ inductionem vel educationem, negamus definitionem illam esse materiæ absolutè sumptæ, sed respectivè tantum, quatenus formis corruptibilibus substat. Definitur aliàs materia in genere principium

internū passivum ex quo corpus naturale constat : quæ definitio non minùs cœli quàm aliorum corporum materiæ competit, nec minùs creatorum quàm generatorum materiæ. Sic expeditæ sunt rationes à Zabarella contra *Ægidium* productæ. Pergimus ad eas quibus *Thomæ* sententia urgetur.

Ad 1^m. Infirum est argumentum à nuda *Aristotelis* autoritate petum, & quidem negativè hoc modo informatum ; *Aristoteles* non facit mentionem duplicis materiæ, nempe sublunaris & cœlestis : Ergo oppositæ non sunt species materiæ. Deinde falsum quoque est distinctæ à sublunari materiæ mentionem ab *Aristotele* non fieri : Expressus est textus 10. xii. Metaph. Quæcumque mutantur, materiam habent omnino, sed tamen aliam atque aliam : etiam ea sempiterna quæ gigni non possunt, sed loco mutari possunt ; verum haud generabilem, sed quæ ex loco in locum mutationem habeat. Et 2. De generat. & corrupt. cap. 9. tex. 31. *Aristoteles* non minùs in cœlestibus materiam & formam agnoscit quàm in generabilibus. Statuit autem dubio procul materiam diversam à generabilium materiâ ; siquidem hæc per materiam suam corruptibilia esse docet, cœlestium verò incorruptibilitatem ubique propugnat.

Ad 2^m. Nè inferiorum quidem materia, vel materia in genere considerata, est pura potentia : Est enim materia in genere considerata Ens, & proinde actus non expers : de quo suo loco. actum à nobis. Unde patet non repugnare materiæ distinctionem in species diversas, vel (ut alii malunt loqui) diversitatem : quomodo non omnis distinctio vel diversitas est à forma, sed quædam etiam ab intrinseca & essentiali ratione, quæ actus. Metaphysici rationem habet, & materiæ in se consideratæ denegari non potest : aliàs simpliciter in se Non ens esset, nec à forma realiter differret. Cùm *Aristoteles* ait actum esse qui distinguit, respondet *Suarcius*, tom. 1. Disp. Metaphys. disp. 13. sect. 11. §. 9. actum in tota sua latitudine sumtum non repugnare puræ potentialitati materiæ in genere Physico consideratæ ; citra contradictionem enim dici posse, materiam ex potentia & actu Metaphysicis constitui, & sic per actum quoque suum proprium ab alia materia distingui.

Ad 3^m. In genere causarum efficientium & finalium necessario dari unam tantum primam, nempe primum movens & ultimum finem, lubentes agnoscimus ob evidentem hanc rationem ; Quia efficientis & finis rationem ipse Deus habet, in quo solo & uno tandem subsistendum nobis, postquam omnes causarum harum gradus emens sumus. Materiæ verò & formæ propriæ sic dictæ rationem cum non subeat Deus, necessariò quoque in earum recens.

recensione tandem ad unam & primam à quâ omnes aliæ pendeant, non devenitur; nisi conceptus genericus unus & summus intelligatur, quomodo materiam formamque primam nos interpretamur. Aliàs enim quid obstat quominus tres vel quatuor materias à se æquè independentes condere ex nihilo Deus potuerit, & similibus eas formis instruere?

Ad 4^m. Falsâ hypothesi nititur hæc ratio, nempe, Omnem potentiam passivam esse contradictionis: de quâ prolixè ad rationem secundam principalem.

Ad 5^m. Antecedens negamus. Ad universi enim perfectionem & pulcritudinem non requiritur quod contra rerum essentiam, & contradictionem implicat; quale est, corpus esse naturale completum, perfectissimum, affectiones corporis compositi omnes præ se ferens, & expers esse compositionis ex materiâ & formâ, imò nudam esse materiam.

THESIS VI.

Efficiens Cœli Deus est universi Creator.

Ex Deo.

I. Cœlum per creationem immediatè à Deo productum esse constat ex sacris literis. Gen. i. 1. *In principio creavit Deus cœlum & terram.* Gen. xiv. 19. *Benedictus Deus Abrahamo Deo excelsso, qui creavit cœlum & terram.* Exod. xx. 11. *Deus fecit cœlum & terram.* Et Psalm. cii. 26. *Opera manuum tuarum sunt cœli, & cxi. 2. Auxilium nostrum à Domino qui fecit cœlum & terram.* Et cxxxvi. 6. *Deus fecit cœlos intelligentiâ, hoc est sapientissimè & intelligentissimè.* Jesaiæ xlv. 24. *Ego Jehovah facio omnia, extendo cœlos solus.* Jerem. x. 11. *Dii qui cœlum & terram non fecerunt, perituri sunt de terrâ.* Act. iv. 24. *Domine, tu es Deus ille, qui fecisti cœlum & terram.* Idem & Aristoteles videtur agnovisse 12. Metaphys. tex. 38. ubi docet cœlum totamque naturam pendere ex primo motore, qui uno tantum modo se habeat, nec aliter habere possit. Dependentiâ hic intellexit non in conservari tantum sed & fieri. Nam si conservari à seipso nequit cœlum, sed necessariò pendet à primo motore, multò minùs à se ipso esse potuit. Ab eodem igitur est factum à quo conservatur. Plura apud Scaligerum vide Exercit. 61. §. 3. Expressior Platonis est sententia in *Timæo* & *Politico* Expressissima hanc in rem & ex *Mosis* ore quasi deprompta *Trismegisti* in *Pœandro*. Videatur circa assertionem hanc gentilis Philosophiæ consensus

apud *Mornaum* De veritat. Christ. relig. cap. 9. & *Mutium Panfam* in libro quem scripsit De osculo Ethnicæ & Christianæ Theologiæ, cap. 41. & seqq. Memorabilis est sententia *Aristotelis*, vel *Theophrasti*, in libro De mundo ad *Alexandrum*; *Vetus*, inquit, sermo est à majoribusque proditus inter omnes homines, universa tum ex Deo tum per Deum constituta esse atque coagmentata, nullamque rem sacris instructam ad salutem esse posse quæ citra Dei præsidium suæ ipsa demum sui tutelæ permissa.

II. Occurrit hic de creatione cœli subtilis quædam objectio: Cujus forma educta est ex potentiâ materiæ, id non creatum sed generatum est: Atqui cœlestium corporum forma educta est ex materiæ potentiâ: Ergo cœlestia corpora non creata sed generata sunt. Propositio probatur; Quia generationis ratio consistit in eductione formæ ex potentia materiæ. Assumptio probatur; Quæ forma facta est in materiâ cum dependentiâ ab illâ in esse & fieri, illa educitur ex potentiâ materiæ: Atqui cœli forma informans facta est in materiâ cœli cum dependentiâ ab illâ in esse & fieri: Ergo educta est ex potentiâ materiæ. Propositio probatur; Quia educi ex potentiâ materiæ aliud nihil est nisi fieri in materiâ cum dependentiâ ab illâ in esse & fieri. Assumptio manifesta est. Nemo enim negat cœli formam factam esse in materiâ: Constat & illam dependere à materiâ in esse, quia extra materiam esse nequit, quippe quæ tota materialis est. Sic & in fieri ab illâ dependisse palam est ex eo ipso, quia facta est in materiâ, extra quam esse non potest.

III. *Suaretius* principalis syllogismi assumptionem negat. Pro syllogismi primi propositionem iterum negat: Probationem itidem negat, atque eductionem formæ non posse esse ubi totius compositi generatio non est: Hanc verò non esse ubi materia in potentiâ ad formam prius non existit quam actu illam habeat. Cum igitur in productione cœli materia ante formam non existerit, adeoque in potentiâ ad formam non fuerit, sed unicâ actione cœlum secundum se totum fuerit productum quoad materiam & formam, ita ut integra fuerit actio & perfecta creatio totius, materiæ autem & formæ creatio, non posse in productione cœli locum habere eductionem ex potentiâ materiæ. Quantum igitur video, secundum hanc hypothesin, si ex præexistente materiâ factum esset cœlum, formâ ejus ex materiæ potentiâ eductâ, & sic totum esset generatum: quod nos non admittimus, qui cœlum ex præexistente materiâ conditum esse pertinaciter non negamus, imò potiùs probabile judicamus, ut ex sequentibus patebit. Accedit quòd secundum hanc

Suareti

Suareti sententiam creatio ex præexistente materiâ nulla esset: quam tamen esse cum Theologis Philosophi fatentur. De aliâ igitur responsione nobis cogitandum: Et quidem, phrasin, *ex materia potentiâ educi*, quod attinet, semper illa mihi displicuit, vel certè, si quam cautissimè explicetur, parùm apta ad rem & originem formæ exprimendam est visa; ut præcedenti sectione pluribus. Interim quia vulgò receptissima est, in eam altius hoc loco non inquiri, & hypothesi istâ saltem verbali secundum interpretationem *Suareti* probatam concessâ, syllogismi principalis propositionem hoc modo distinguo; Cujus forma educta est ex materiæ præexistentis potentiâ naturali non obedientiali, id generatum potius quàm creatum est. Hæc limitatio in assumptionem illata falsam illam facit. Illa enim materiæ potentia ex quâ educta modò conceditur forma, non fuit naturalis, ita ut per causam secundam & naturalem deduci in actum potuerit, sed obedientialis, ut à Scholasticis vocatur, quæ respondet soli potentiæ Dei infinitæ, cui omnis creatura obedit ad quascunque formas recipiendas. Unde creari etiam res dicuntur quæ fiunt ex præexistente materiâ potentiam naturalem ad formam non habente: Et vulgò creatio distinguitur in *mediatam* & *immediatam*; quarum hæc simpliciter ex nihilo aliquid producit, illa ex nihilo secundum quid, hoc est, materiâ naturaliter inhabili; differtque à generatione 1. ratione *causæ*; solius enim primæ Causæ virtute fit: 2. ratione *potentiæ*, quæ non naturalis in subiecto, sed tantum obedientialis: 3. ratione *modi*; momentanea est, etiam respectu alterationis, quæ in generatione successiva est & tempore præcedit inductionem formæ. Summa igitur hæc est: Non omniseductio formæ ex præexistentis materiæ potentiâ arguit generationem, sed illa tantum quæ potentiam supponit naturalem & alterationem præviā requirit successivam: Utraque creatio in primâ mundi origine concurrir, ut aliàs ostendimus.

IV. Cælum igitur à Deo est, & quidem per creationem. Quoto autem sit die creatum, breviter quoque nobis hoc loco indagandum. Quæstio hæc non rationibus sed sacrarum literarum auctoritate potest expediri. Primòne an secundo creatiois die conditum sit naturale cælum, inter Theologos & Philosophos Christianos controversum est.

Qui primo die conditum esse contendunt, primum Genes. s. versiculum allegant, qui ita habet, *In principio creavit Deus cælum & terram. In principio* hi interpretantur *primo die*; cælum, universum cælorum systema, vel saltem naturale cælum, cu-

jus substantialem perfectionem, numerum, ordinem, dispositionem, magnitudinem, & figuram primo die absolutam opinantur: accidentalem vero, quæ in motu, lucis decore, astrorum distinctione & propriâ cujusque cæli efficaciam consistit, sequentibus demum accessisse. Sententiam hanc totidem ferè verbis proficitur *Pererius* suis in Genesin commentariis. Cujus autorem laudat *Basilius* in homil. 2. super Genes. Fundamentum *Pererii* hujusmodi est: Aut primo aut secundo die creatum est cælum naturale propriè dictum: Atqui non secundo: Ergò primo. Assumptio probatur; Si per *firmamentum* seu *expansum*, quod secundo die factum dicitur, tantum expansum spatium inter cælum & terram intelligi debet, utique cælum propriè dictum secundo die creatum non est: Atqui verum prius: Ergò & posterius. Assumptio iterum probatur à *Pererio* sex rationibus:

1. Si firmamentum secundo die creatum cæleste corpus non significat, aliud nihil nisi expansum inter cælum & terram significabit: Atqui verum prius: Ergò & posterius. Assumptio probatur; Quia cælum naturale ante primum diem creatum est: Nam ante mentionem operum primi diei creasse Deus dicitur cælum, hoc est, totum cælorum systema.

2. Vox *rakiah*, quæ opus secundi diei denotat, & *σπένωμα* à Græcis redditur, expansio inter cælum & terram convenientissimè tribuitur, minùs autem convenienter cælo propriè dicto: Ergò per *σπένωμα* seu *firmamentum* secundi diei cælum intelligi non debet.

3. Firmamentum à Deo appellatum est *Schamajim*, quod significat *ibi aquæ*: Ergò non cælum sed expansum aereum intelligi per firmamentum debet. Ratio consequentiæ; Quia aquæ non in coelo sed in aere sunt, nempe nubes foecundæ, unde imbrium jugis generatio.

4. Coelum propriè dictum non est in medio aquarum, nec dividit aquas superiores ab inferioribus: Ergò non est firmamentum seu expansum secundi diei. Ratio consequentiæ; Quia expansum hoc dicitur esse in aquarum medio & dividere aquas superiores ab inferioribus: quod non coelo sed expanso aereo competit.

5. Si expansum secundi diei esset coelum naturale, sequeretur in coelo naturali volare aves: Atqui falsum consequens: Ergò & antecedens. Connexio ratio; Quia *Moses* in operum quinti diei explicatione ait aves volare in superficie firmamenti coeli. Quòd si per *expansum* secundi diei intelligatur aer, res expedita & plana est: volant enim in aere aves, non in coelo.

6. Sæpè in Scripturis aer appellatur cœlum; Genes. 7. Psal. 146. Zach. 8. Deut. 18. 3. Reg. 19. Matth. 16. Ergò per *expansum* secundi diei, quod cœlum appellatur, non nisi aer debet intelligi.

V. Hæc *Pererii* sententia nobis non arridet. Alteram igitur amplectimur, quæ cœlum propriè dictum & naturale secundo die creatum à Deo statuit, & in expresso *Mosis* textu est fundata: Sic enim verba textus vers. 6, 7, 8. habent, *Dixit Deus, Esto expansum inter aquas, ut sit distinguens inter aquas unas & alteras. Fecit ergò Deus hoc expansum, quod distinguit inter has aquas quæ sunt ab infra expansi istius, & aquas illas quæ sunt à regione superâ expansi: & fuit ita. Expansum autem hoc Deus vocavit cœlum. Sic fuit vespere, & fuit manè diei secundi. Cum hisce conferantur vers. 14, 15, 17, qui stellas in hoc expanso creatas & collocatas affirmant. Unde hunc in modum arguimus:*

1. In quo stellæ à Deo sunt creatæ & collocatæ, id verum & naturale cœlum est: Atqui in expanso, secundi diei opere, stellæ à Deo sunt creatæ & collocatæ: Ergò expansum secundi diei opus est verum & naturale cœlum; & per consequens, non primo sed secundo die cœlum à Deo est conditum. Propositio extra dubium est, Scripturæ omniumque hominum consensu recepta & probata: stellas enim in coelo naturali esse nemo negat: cœlum igitur naturale esse, in quo stellæ sunt, itidem nemo negabit. Assumptio ex allegatis Scripturæ verbis manifesta est.

2. Id est propriè dictum cœlum, cui in historia creationis simplicissimè scripta ab ipso Deo appellatio cœli tribuitur: Atqui expanso secundi diei in historia creationis simplicissimè scripta ab ipso Deo cœli appellatio tribuitur: Ergò expansum secundi diei est cœlum propriè dictum; & per consequens, cœlum propriè dictum non primo sed secundo die fuit creatum.

3. Magni quoque ponderis est reliquæ Scripturæ consensus. Scriptura, cum de coelo propriè dicto verba alibi facit, ad *Mosaicam* hanc expansi appellationem sæpe alludit: ut Psalmo civ. 2. *Qui extendit cœlum velut cortinam. Iesaiæ xl. 22. Qui extendit coelos velut telam, & expandit eos tanquam tabernaculum ad habitandum: & xlii. 5. Jehovah creator celorum extendens eos.* Synonyma in sancta lingua sunt מרחק נטה ורקע.

VI. *Pererius*, ut rem evidentissimam obscuret & argumentorum nostrorum vim effugiat, geminam adducit glossam:

1. Sidera dici posita in firmamento coeli seu expanso, non quòd in eo verè sint collocata, sed quòd per id (nempe aerem) hominum oculis sint expasi-

ta & adspiciabilia. Prout enim spatium hoc aerum magis minùse serenum & purum fuerit, ità clariùs vel obscuriùs splendorem illa suum atque pulcritudinem mortalibus ostentare.

2. Quod magis ipsi attridet, *Mosen* Hebræa voce *rakiah* indiseretè significare universum spatium & expansionem à terra usque ad summa sidera: dicique in eo collocata sidera, quòd vulgi existimatione in spatio aereo volvantur aut volvi videantur. Quomodo ex vulgi quoque opinione Lunam ait appellari *luminare magnum*, ità ut post solem maximum facere *Moses* videatur; cum tamen revera plurimis astris magnitudine sit inferior. Neutram *Pererii* glossam probo; Quia (1) à clarissima textus sacri litera recedit utraque, absque urgente causa: quod contra leges boni interpretis. 2. Simplicissima *Mosis* narratio non admittit glossas tam contortas: Loquitur *Moses* de subiecto loco siderum; glossa *Pererii* de medio per quod videntur sidera; & quidem à sideribus admodum remoto: Itaque ex *Pererii* sententiâ, quando *Moses* dicit astra in expanso, hoc est, cœlo, esse à Deo collocata, sensus est, astra longè supra hoc expansum constituta, per expansum à vero cœlo disjunctissimum & remotissimum adspici. Quid alienius à plana & simplici *Mosis* narratione excogitari posset? 3. Contra Scripturam negat expansum *Mosis* esse verum & propriè dictum cœlum: cum tamen in plurimis locis, ubi de creatione cœli propriè dicti loquitur, ad *Mosaicam* vocem & expansi naturam alludat Scriptura; ut ex iis quæ paulò ante sunt allegata constat. 4. Eò absurditatis glossa hæc autorem suum adigit ut cœlum propriè dictum ante primum creationis diem esse conditum fateatur. Cum autem ante primum diem nulla fuerit duratio nisi æternitas, sequetur ex hac glossâ æternum esse cœlum. 5. Accommodavit se quidem *Moses* ad captum rudis popelli, ità tamen ut veritati Divinæ vim non intulerit, sed simplicissimâ potiùs narratione, omnia uti in se erant, rudi populo erudiendo rectèque informando exposuerit: At qui si astra in expanso aereo collocata dixisset, quòd populo viderentur collocata, quæ tamen revera in eo collocata non essent, sanè auditores suos rectè non informasset, sed in errore potiùs confirmasset, quod alienissimum à doctoris tam sancti officio. Quòd Luna *luminare magnum* appellatur, non ad falsam vulgi opinionem dicitur, quasi reliquis fixis stellis ratione quantitatis major esse indigeretur; sed verè, & primum quidem absolute in se. Est enim verè magnum luminare Luna quo ad molem, cum diameter ejus ferè 600. milliaria Germanica contineat, secundum

dum Astronomorum placita : deinde comparatè ad reliqua astra fixa , non quidem molis sed usùs respectu , quem longè majorem præstat quàm ulla fixarum stellarum. His igitur de causis Pererii glossas meritò repudiamus.

VII. Ad rationes *Pererii* *causarum* 4. propositas priusquam respondeamus , de primo *Genes* verficulo , qui fundamentum sententiæ à nobis rejectæ , paucula præmittemus. Arridet nobis illorum sententia qui primo *Genes* verficulo non primi diei opus , sed propositionem contineri generalem summamque omnium à Deo creatorum affirmant : ut sensus sit ; Mundum hunc universum non à se nec ab æterno esse , sed habere autorem Deum , suæque durationis initium. Quo autem modo & ordine sit conditus , sequenti narratione *Moses* docet : Factus mundus solâ Dei iussione , absque labore aut defatigatione ulla ; factus non uno momento , sed per intervalla sex dierum , ita ut singulis diebus certæ mundi partes vel inchoatæ vel consummatæ sint. Hæc una interpretatio omnibus aliorum glossis potior videtur , sequentibus de causis : 1. Primus hic *Genes* aphorismus sæpe in Scripturâ totidem penè verbis repetitur , & ubique totius mundi creationem indigitat : Insignes loci sunt *Genes*. ii. 1. 4. xiv. 19. *Exod*. xx. 11. 2. *Paral*. ii. 12. *Psal*. cxxi. 2. *Act*. iv. 24. 3. *Apostolus* *Coloss*. i. *Moses* hunc aphorismum clarissimè interpretatur ; *Per Christum*, inquit, condita sunt omnia quæ in celis sunt & quæ in terrâ , visibilia & invisibilia , &c. 3. Primus fidei articulus, *Credo in Deum Creatorem cæli & terræ* , qui mundi Creatorem Deum nobis proponit , dubio procul ex hoc *Genes* verficulo de promptus est. 4. Sensus hujus Phræseos Philosophis quoque innouit : Unde ab *Aristotèle* mundus definitur , *Systēma ex cælo & terrâ naturisque quæ in illis continentur* : Quod spectat quoque illud *Virgilii* 6. *Æneid*.

Principio cælum & terras camposque liquentes, &c.

Jam ad destruendum *Pererii* fundamentum nos convertimus. Syllogismi Principalis assumptionem negamus. Prosyllogismi assumptionem itidem negamus. Ad probationes singulas ordine sic respondemus :

Ad 1^m. Assumptionem negamus. Probatio falsa & absurda est. Omnes creaturæ spatio sex dierum à Deo sunt creatæ. Ante dies hosce nihil nisi æternitas fuit. In principio horum inchoata creatio : æternum igitur fuit quicquid ante principium hoc fuit. Unde æternitatem Filii Dei inde etiam probamus , quod in exordio *Evangelij* *Iohannis* λόγος & fuisse jam in principio dicatur, *Ἐν ἀρχῇ ὡς ὁ λόγος*.

Quod verò ante mentionem operum primi diei creasse Deus coelum dicitur, absurdo huic dogmati non patrocinatur ; siquidem primus *Genes* verficulus non unius diei , vel primo die antiquius opus , sed summam totius creationis vel systēma omnium creationis operum eloquitur , idque sapientissimo consilio : Voluit enim , ut in *Commentariis* scribit *Pareus* in ipso libri totiusque sacræ Scripturæ vestibulo Spiritus sanctus hunc primum & summum fidei aphorismum de Deo Creatore cæli & terræ extare ; nempe ut statim in primo aditu lectionis sacræ tum veri Dei cognitione nos imbueret , & gravissimo creationis argumento ad amorem ejus cultumque ac fiduciam excitaret , tum ut errorum semina quæ Philosophi & Poetæ de mundi ortu , auctore , materiâ ac duratione passim spargunt , mentibus nostris radicitus evelleret.

Ad 2^m. Antecedens nego. Expansi enim Scriptura non nisi unius meminit , quod ab imâ terrâ ad mundi usque extimum effertur , aliudque nullum est nisi æreum , in cujus parte summa collocatæ à Deo stellæ ; ima meteororum generationi aliisque usibus , de quibus suo loco , est destinata. Huic aeri continuo & toti expanso vox וַיִּקַּח convenientissimè tribuitur. Ecquod enim corpus potiore jure וַיִּקַּח appellarentur quàm quod subtilissimum & per spacium ferè immensum est expansum ?

Ad 3. Consequeniam negamus. Sequeretur enim voce *Schamajim* in Scripturâ nuspiam denotari verum ac naturale coelum : quod falsissimum esse ipse *Pererius* nequit diffiteri , cæli enim veri & propriè sic dicti nomen in Scripturis nullum est frequentius quàm *Schamajim*. In primo Scripturæ verficulo , ubi cæli propriè sic dicti mentionem expressam fieri contendit *Pererius* , eadem hæc vox occurrit. Ratio consequentiæ falsa est : Quo enim modo in aere sunt aquæ , eodem in cælo quoque sunt ; quia coelum aliud nihil nisi aer.

Ad 4^m. Antecedens negamus. Quocunque enim modo aquæ superiores accipiantur , sive de aquis supercoelestibus , hoc est , supra stellas collocatis , sive de aquis elementaribus in infirmâ expansi parte hærentibus , rectè verèque dici poterit coelum propriè sic dictum dividere aquas superiores ab inferioribus : Quâ de re suo loco.

Ad 5^m. Assumptionem negamus. Quidni enim in coelo naturali volare aves dicamus , cum toties Scriptura idem dicat ?

Ad 6^m. Non negamus per *expansum* secundi diei aerem debere intelligi ; sed & hoc addimus , coelum naturale aliud nihil esse nisi aerem. Expansum secundi diei expressi Deus nominat coelum.

CAPUT II.

De Materia & Forma Cœli.

DE materiâ cœli: Th.I. An cœlum habeat communem materiam cum elementis: Rationes pro negativâ: 1. Rationes pro affirmativâ: 2. Examinantur utriusque sententia argumenta: 3. Eligitur sententia probabilior, & conferuntur varia sententiæ de materiâ cœli. 5. Ostenditur cœlum esse æreum, & idem cum ære: 6. Assachi rationes contra sententiam hanc: 7. Solvuntur: 8. An cœlum natura sit aquea? Rationes pro affirmativâ: 9. Occurritur exceptionibus Assachi: 10. Argumenta. Danxi contra distinctam aeris ab aquâ substantiam: 11. Solvuntur: 12. Argumenta pro aquis cœlestibus: 13. Assachi argumenta contra eas: 14. Solvuntur argumenta Assachi: 15. Sententia propria: 16. Forma cœli: Th.II. An cœlo insit forma informans: Rationes pro negativâ: 1. Rationes pro affirmativâ: 2. Solvuntur rationes pro negativâ: 3. An intelligentia sit forma cœli informans: Rationes pro affirmativâ: 4. Rationes pro negativâ: 5. Solvuntur rationes pro affirmativâ: 6. An cœlum sit animatum: Rationes pro affirmativâ: 7. Rationes pro negativâ: 8. Occurritur exceptioni Ricii: 9. Solvuntur rationes pro affirmativâ: 10. An præter informantem formam in cœlo sit quoque assistens forma, nempe Intelligentia: Rationes pro affirmativâ: 11. Defenditur negativâ: 12. Solvuntur rationes contrariæ: 13.

THESES. I.

Hactenus de efficiente cœli. Materia cœli naturalis præexistens vel nulla est, vel aqua est: Proxima & jam coexistens ea est quæ cum formâ aerem constituit: cœlum enim naturale nullum est nisi æreum.

ΕΚΔΟΣ.

I. Quæstio de cœli materiâ in Scholis est vexatissima. Est autem gemina: Prior de cœli materiâ in genere, An cœlum communem materiam habeat cum elementis, vel ab iis distinctam: Posterior, de materiâ in specie: Siquidem omnino videatur ex materiâ elementari ortum, an ex aquâ, ære vel igne sit constitutum. Utramque quæstionem ventilabimus. Et quidem priorem quod attinet, cœlum naturale non habere materiam cum elementis communem magno nisu Schola Peripatetica contendit, idque sequentibus argumentis:

1. Corpora cœlestia sunt incorruptibilia: Ergo materiam cum sublunariis communem non habent. Antecedens in confesso est. Ratio consequentiæ est; Quia omnia sublunaria sunt corruptibilia per privationem materiæ annexam, quâ capax est aliarum formarum easque appetit.

2. Cœlum movetur motu circulari, qui nulli competit corpori sublunari: Ergo materiam cum sublunariis communem non habet.

3. Cœlum est collocatum loco supremo, & à naturâ elementari est disjunctissimum: Ergo materiam cum elementis communem non habet.

4. Cœlum non est alterabile: Ergo subjectum alterationis, nempe materiam elementarem, non habet.

5. Cœlum agit in elementa, ab elementis vicissim non patitur: Ergo materiam cum elementis communem non habet.

6. Quæ communicant materiâ, ea invicem transmutantur, 1. De gener. & corrupt. cap. 1. Atqui cœlum & elementa invicem non transmutantur: Ergo materiâ non communicant.

7. Cœlum est expers qualicatum elementarium, caloris, frigoris, humiditatis, siccitatis, gravitatis, levitatis: Ergo naturam & materiam cum elementis communem non habet.

8. Ubi sunt diversæ formæ, ibi quoque sunt diversæ materiæ: Atqui in cœlo & elementis sunt diversæ formæ: Ergo & diversæ materiæ.

9. Si communem haberent materiam cœlum & sublunaria, sequeretur cœlum aut solem ex materiâ sibi applicatâ generare sibi simile posse: At falsum consequens: Ergo & antecedens. Connexio ratio est; Quia materia sublunaris ei applicata esset subjectum continens in potentia illam formam, eaque carens: Erit igitur producibilis forma illa per educationem de potentia talis subjecti. Assumptio probatur: Hoc enim concesso, sequeretur cœlum vel cœlestia corpora esse generabilia; quod ab omnibus negatur.

10. Si materia aquæ & cœli essent ejusdem rationis, utique materia aquæ capax esset formæ cœli, & carens illâ & appetens illam: At falsum consequens: Ergo & antecedens. Connexio ratio manifesta est; Si enim capax non esset, nunquam eam cepisset: Atqui aliqua sui parte cepit & etiamnum habet, ex sententiâ hujus hypothese. Assumptio probatur; Quia cœlum hoc modo verè esset generabile ex aqua, adeoque simpliciter generabile:

bile: hæc enim denominatio sumitur ex parte materiæ, insuperque potentiæ passivæ naturali respondet potentia activa naturalis, nè superflua sit & otiosa in naturâ.

I I. Contrâ, materiam cum elementaribus corporibus communem habere cœlestia, alii pertendunt, & quidem plerique ante *Aristotelem* Philosophi: ut testantur *Plurarchus* 2. De placit. Philosophi. cap. 11. *Mirandula*, lib. 1. De exam. vanit. cap. 12. Pro quâ sententiâ argumenta producuntur sequentia.

1. Ubi communia sunt accidentia, ibi materia quoque communis est: Atqui in cœlestibus & elementaribus corporibus communia sunt accidentia: Ergo materia quoque communis. Propositio probatur; Quia accidentia sunt veluti partus qui substantias tanquam parentes suos commonstrant. Assumptio probatur: Habent enim cœlestia & elementaria communem quantitatem, raritatem & densitatem: Communes quoque habent colores; qui varii in planetis visuntur.

2. In cœlo sunt qualitates primæ elementares, calor, frigus, humiditas & siccitas: Ergo & materia elementaris. Antecedens probatur autoritate *Ptolemæi*; qui *Lunam* ait esse humidam, *Saturnum* frigidum & modicè siccum *Martem* siccum & ardentem, *Jovem* temperatum; &c. *Ptolemæo* assentitur *Plinius*, lib. 2. cap. 8.

3. Cœlum in mundo summum occupat locum: Ergo leve, & proinde naturæ elementaris est. Ratio consequentiæ; Quia levia feruntur sursum tanquam ad locum naturalem.

4. Materia simplex & propriè sic dicta non admittit species: Ergo una & communis est omnium corporum materia. Antecedens probatur; quia omnis specifica differentia est à formâ, cujus expers est materia per se considerata. Non intelligo, inquit *Scaliger*, quomodo materia una ab aliâ diversa sit nisi per advenientem formam, quâ sit hoc aliquid, Exerc. 61.

5. Inter cœlestia & elementaria corpora consensus est maximus: Ergo naturæ sunt cognatæ & ex eadem materiâ.

6. Cœlum agit in elementa: Ergo communem cum iis materiam habet. Ratio consequentiæ; Quia finis agentis est reddere patiens sibi simile: hoc verò nequit fieri, nisi communem cum patiente materiam habeat, quæ sit in potentiâ naturali ad formam agentis.

7. Non sunt plures materiæ æqualiter primæ: Ergo ex unâ primâ sunt omnia. Antecedens probatur; quia in omnibus causarum generibus ad unam primam pervenitur, ut patet de genere causæ efficientis & finalis.

8. Si quid cogeret nos ad introducendam materiam distinctam vel diversam, esset id dubio procul incorruptibilitas cœlestium & corruptibilitas elementorum: Atqui hæc affectionum contrarietas nullâ necessitate inducit materiarum diversitatem; siquidem cœlum potest esse incorruptibile etiam si communem cum elementis corruptibilibus materiam habet: Sola enim materia prima non est sufficiens corruptibilitatis causa, nisi & talis forma sit quæ separari à materiâ possit: Atqui cœlestes formæ separari à materiâ non possunt, cui inseparabiliter à Creatore sunt unitæ; nec verò eas abjicere per se materia expetit, ut pulchrè ostendit *Scaliger*, Exerc. 61. Facit ad illustrationem rationis hujus quod *Thomas* de incorruptibilitate corporum gloriosorum docet, oriri eam ex prædominio animæ supra corpus: & causam quod corruptibilia modò sint nostra corpora, esse quod corporibus animæ non dominantur planè. Applicetur hoc ad formas corporum cœlestium.

9. *Moses* commune omnium rerum materiale primordium in *Genes.* ostendit, & tradit nomine *informis & inanis terræ*, quod primi diei opus erat: Falsò igitur materiarum diversitas invehitur.

10. Sententia hæc magno Patrum consensu firmata est. Amplectuntur eam *Augustinus*, *Theodoretus*, *Basiliius*, *Ambrosius*, *Gregorius Nyssenus*, *Chrysostomus*, *Hieronymus*, *Damasceus*, *Hippolytus*, & alii. Putat quidem *Thomas* ex *Platonis* doctrinâ ipsos opinionem hanc hausisse: sed fallitur: Ex *Mose* enim ipsos didicisse, confessione plerorumq. constat.

III. Præcipua hæcenus argumenta in utramque sententiam produximus, quæ ita sunt comparata ut neutram sententiâ evidenter & necessariò probent, sed dubium problema, vel saltem utramque partem probabilem, relinquunt. Utraque pars postulata sua habet, quæ verius *intrinseca* sunt & probanda prius quàm ex iis contra adversarium disputetur. Breviter igitur singula utriusque partis argumenta examinabimus, & à certis dubiis, à veris falsa, à consequentibus inconsequentia discernemus deinde utra nobis pars, si ex suis æstimeretur argumentis, probabilior videatur indicabimus; denique propriam nostram sententiam explicabimus & demonstrabimus.

Respondemus igitur ad 1^m. pro sententiâ Peripateticâ. Consequentiam negamus. Ratio ejus primum falsa, deinde inconsequens est. Falsum igitur, omnia sublunaria esse corruptibilia: solum mistorum affectio est corruptibilitas, tanquam potentia passiva naturalis. Inconsequens est, ut pariter, corruptibilia sint quæ communem habent materiam. Privatio & appetitus formarum est accidens

à ma-

à materia separabile, nec constituit necessariò distinctam materiæ speciem. Imò in materia appetitum esse alterius ab ea quam habet formæ, negat acutissimus *Scaliger*, & negationis rationes plures reddit, Exercit. 61. §. 1. ubi & hæc observanda: *Illud cenfeo rejiciendum, materiam meditari corruptionem: nihil enim prohibet in materiæ parte unâ esse formam cum qualitatibus quæ habent contrarium, & in aliâ parte formam sine illâ illarum qualitatum.* Non enim data fuit à naturâ materia ob transmutationem, ad generationem primò & per se; ut ubicunque sit, ibi & sit generatio: sed ad subsistendum formæ corporeitatis in substantiâ & recipiendam quantitatem ac figuram, Nos suo loco distinctè hanc controverſiam tractavimus.

Ad 2^m. Primum antecedens falsum est. Quiescit in suo loco cælum, per se non movetur, ut suo loco monstrabimus. Est & hoc falsum, saltem ex hypothefi Peripateticâ, Nulli corpori sublunari competere motum circularem. Statuit enim Schola Peripatetica ignem sublunarem perpetuò in orbem rotari. Si dicas ab externa hoc fieri causa, coelû quoq; hic objicio, quod & ipsum ab externa causâ, nempe Intelligentiâ motrice, circumrotari *Lyceum* docet. Deinde nulla quoque est consequentia; Materia per se ad quovis motus est indifferens, diversitatem verò motuum habet à diversis formis, quas alias in corporibus coelestibus, alias in elementaribus esse ultro concedimus.

Ad 3^m. Antecedens simpliciter verum non est. Supremum quidem in mundo locum occupat cælum ita tamen ut cum elementis sit conjunctissimum, cum secundum nostram sententiam immediatè & aquam & terram contingat, secundum Peripateticam ignem vel sublato igni aerem. Deinde & consequentia est nulla: Locorum diversitas materiæ diversitatem illico non arguit, aliàs contra doctrinam Peripateticam elementa communem materiam non haberent: aqua enim Peripateticis superior est terra, aer aqua, ignis aere.

Ad 4^m. Antecedens falsum esse suo loco monstrabimus. Deinde & consequentiam negabit *Scaliger*; siquidem materia ipsi secundum omnes suas partes necessariò non est subiectum alterationis. *Nihil prohibet, inquit, in materiæ parte unâ esse formam cum qualitatibus quæ habent contrarium, & in aliâ parte formam sine illâ illarum qualitatum.*

Ad 5^m. Antecedens falsum esse ex sequentibus patebit. Deinde & consequentia necessaria non est. Non enim necessarium est ut mutuò in se agant & patiantur quæ communem habent materiam; primum ob rationem *Scaligeri* modo allegatam, deinde ob distantiam corporum & agendi vim majorem vel minorem.

Etiamſi igitur elementa non agerent in cælum, coelûque ab iis non pateretur, inferri tamen inde non posset per se repugnare coelo pati ab elementis; cum à causâ saltem externâ, & ex accidenti passionis expers esse coelum possit, nempe quia ab elementis est remotissimum, ex sententiâ Peripateticâ, neque tantâ agendi efficacità pollent elementa quanta coelum, ut transmittere virtutem suam per intervallum tam ingens possint.

Ad 6^m. Propositionem distinguo: Quæ communicant materia, habent adjunctam potentiam naturalem passivam ad formas oppositas vel privationem formarum oppositarum aut disparatarum: Illa invicem transmutantur. Hujusmodi communis materia coeli & elementorum non est. Simpliciter igitur vera non est propositio: Verum est, communem habere materiam quæ sunt invicem transmutabilia; sed non vice versâ, invicem esse transmutabilia quæ communem habent materiam.

Ad 7^m. Antecedens falsum esse suo loco monstrabimus. Deinde consequentia quoque nulla est: Quædam enim qualitatibus differre possunt quæ materiam communem habent, modò formis dissideant.

Ad 8^m. Propositio simpliciter vera non est; nisi diversitas materialium ea saltem intelligatur quæ ex dispositionum formalium diversitate oritur; quomodo differre coeli & elementorum materiam non negamus. De diversitate formarum specificâ falsam esse propositionem ipsimet Peripatetici coguntur fateri, qui elementa formis differre specificis aiunt, & tamen materiam ipsis communem tribuunt.

Ad 9^m. Connexum negamus. Ratio quæ adfertur falsâ nritur hypothefi, nempe, necessariò habere materiam communem annexam sibi privationem, vel potentiam naturalem ad utramque formam, coelestem & elementalem: quod negamus.

Ad 10. Connexum negamus, si per capacitatem intelligatur potentia passiva naturalis, seu privatio ratio quæ adfertur solida non est. Capere enim materia aquæ coeli formam potuit per potentiam non naturalem, sed obedientialem. Si verò capacitas in genere intelligatur, assumptionem negamus, modò appetitus in connexo non fiat memtio: hic enim inclinationem denotat naturalem. Probatio insequens est. Generabile enim coelum ex aquæ materiâ dici nequit, nisi ex potentia illius materiæ naturali educta supponatur coeli forma, vel in materia potentia naturalis etiamnum insit, quam inesse nos negamus.

IV. Respondimus hætenus ad fundamenta sententiæ Peripateticæ. Pergimus jam ad alterius partis argumenta, & respondemus.

Ad 1^m. Totum concedi potest. Quid enim prohibet quò minùs dicamus coelum & elementa materiam habere communem quoad genus, quæ principium est passivum quo corpus naturale formam recipit & constituitur, diversam verò quoad speciem, quæ privationis in materiâ elementari hærentis sit expers: nec enim necessarius est nexus privationis cum materiâ in genere. Deinde propositio quoque tanquam non simpliciter & universaliter vera negari potest: Ut enim quæ materiam habent communem possunt accidentia habere singularia ac diversa, sic & materiam diversam habere. possunt quæ accidentia habent communia; quod in corporibus artificialibus evidentissimum est.

Ad 2^m. Antecedens negant Peripatetici. Ad Probationem respondent, Non affectivè vel subjective sed effectivè tantum qualitates elementares coelo tribui. Deinde & consequentia negari potest: Primæ enim qualitates non sunt propriæ materiæ vel naturæ elementaris, sed communes corporis naturalis: ut suo loco ostendimus.

Ad 3^m. Consequentiam negant Peripatetici. Ad probationem respondent, Levia quidem naturâ suâ ferri sursum, sed non vicissim necessariò esse levia quæ sunt sursum: aliud esse ferri sursum, aliud esse sursum. Levitas enim affectio propria elementi non est, sed unâ cum gravitate corporis naturalis in genere.

Ad 4^m. Antecedens negatur. Ad probationem respondimus cap. superiori thes. 5. *in 2^o 9. Resp.* ad quartum principale.

Ad 5^m. Consequentia non est necessaria; siquidem aliæ possunt esse consensûs causæ quam communitas materiæ.

Ad 6^m. Infirma est consequentia. Nam & spiritus agunt in corpora, cum quibus tamen communem materiam non habent. Nec obstat quò minùs in se mutuo agant quæ materiis propriis dissident, modò aliquo modo commune habeant actionis & passionis subiectum. Ad probationem respondemus, Similitudinem posse esse in substantiis vel qualitatibus: Non omnium agentium hic est finis ut patientia sibi reddant similia quoad substantias, aliàs frustra agerent plurima.

Ad 7^m. Antecedens evidenti ratione nequit probari: Cur antem eadem non sit ratio, quoad unitatem, materiâ & formæ, quæ est efficientis & finis, præcedenti cap. thes. 5. *in 2^o 9. resp.* ad quartum principale monstratum à nobis.

Ad 8^m. Una hæc ratio adversus sententiam Pe-

ripateticam plus habet roboris quàm omnes aliæ. Præcipuum enim sententiæ Peripateticæ fundamentum est ab incorruptibilitate coeli & corruptibilitate elementorum petitum: Si igitur necessariò corruptibilia non sunt quæ materiam habent cum corruptibilibus communem, incisus est præcipuæ rationis nervus. Vehementer & subtiliter rationem hanc urget Scaliger Exercitatione sæpius laudata. Suprà quoque ad eam magis magisque roborandum à nobis pluscula sunt producta. Itaque in rationis hujus robore enervando non laborabimus; præsertim cum non tam altera hæc sententia nobis displiceat quàm rationum plerarumque imbecillitas. Conatur quidem nonnihil respondere *Suaretius*, Metaph. tom. 1. disp. 13. §. 11. num. 16, 17. attamen valde eam non lædit, imò illam relinquit, secundum nostras hypotheses.

Ad 9^m. Antecedens apud præstantissimos Theologos maximè controversum est. Ego materiam illam communem & præexistentem omnium Dei operum non agnosco, qui elementa immediatè ex nihilo condita à Deo planè mihi persuadeo.

Ad 10^m. Ex solâ Patrum autoritate decidi controversiâ hæc nequit, præsertim cum Patribus Patres hic contradicant.

V. Sic igitur ad utriusque partis argumenta respondimus. Ex collocatione tamen illorum mutuâ probabilior mihi videtur posterior hæc quàm prior sententiâ; etsi pro neutrà evidens & necessaria ratio hætenus militavit.

Ut verò nostram tandem sententiam de coeli materiâ in specie explicemus & demonstremus, ad questionem secundam, quæ specialior est, progredimur, & quarimus, Si ne igneæ, an aeræ, an aquæ naturæ coelum. De terreitri naturâ opinio est jam pridem obsoleta, ut & altera de compositione ex diversis corporibus. Nihil horum admittit Schola Peripatetica, quæ quintam suam essentiam laudat, & supra naturam elementarem, quam quadruplicem constituit, longissimè evchit, decem istis quas antè, produximus & destruximus rationibus.

Ignem esse veteribus nonnullis placuit, ut *Trismegisto*, *Platoni*, *Pythagoræ*, *Heraclito*, *Stoicis*, *Paracelsis*, & patribus quibuldam, *Basilio*, *Ambrosio*, *Theodoreto*, & *Augustino*, quibus & recentiores nonnulli accesserunt. Argumenta sententiæ hujus promuntur 1. ex luce 2. ex motu velocissimo; 3. è calefactione; 4. è colore rutilo, quem quandoque præ se fert; 5. ex nonnullis Scripturæ locis. Nam 1. *Tim. vi. 16.* Deus inhabitare dicitur lucem inaccessam: *Psal. civ. Operire se dicitur lumine.*

Vix probabilitatis quicquam omnia hæc obtinent; tantum abest ut rem adeo arduam nobis persuade-

ant. Paucis igitur respondemus, 1. Coelum per se nec lucidum, nec rutilum esse, nec moveri, nec calefacere. Omnia enim hæc vel stellis vel nubibus competunt, ut deinceps monstrabimus. 2. Lucem quam Deus inhabitare dicitur, esse vel coelum Empyreum, vel ipsammet Dei maiestatem, ut pluribus videre est apud *Aslachum*, lib. 11. De coelo sidereo, cap. 6.

VI. Aereum *Diogenes* olim statuit: Quam sententiam ex recentioribus & Theologi & Philosophi nonnulli clarissimi amplectuntur. E quibus *Abrahamus Scultetus*, qui 2. sphaericorum lib. cap. 18. libertate planè Philosophicâ celestium orbium machinam expugnat, coelum natyrale nullum nisi aerem esse, rationibus sat ponderosis evincit. In eadem sententiâ sunt *Foannes Pena Gallus*, Mathematicus excellens, præfatione in *Euclidis*, Opticam; *Fordanus Nolanus*, in quodam De mundo contra Peripateticos scripto; *Rothmannus* & ipse nobilis Mathematicus, in Epistolis ad *Tychonem*; *Keplerus* Mathematicus *Cæsareus*; *Goclenius Senior*, in quâdam De coeli naturâ dissertatione, & recentiores alii. Imò communem Astronomorum huius temporis sententiam esse, coelum in quo astra sunt nihil nisi aerem esse, scribit *Hurtadus*, Disp. 1. de naturâ & essentiâ coeli sect. 2. §. 13. Quotum partes sequi & nobis visum est, ita ut coelum non ex aere, sed ipsum esse aerem statuamus. Primum igitur firmis argumentis nostram hanc sententiam firmabimus, & ab aliorum eam cavillis vindicabimus; deinde oppositas nobis rationes dissolvemus.

Argumenta quæ aerem coeli naturam esse persuadent, hæc sunt:

1. Ex Opticorum Scholâ petitur: Si diversa essent diaphana coelum & aer immediatè coelum contingens, siderum refractione ab horizonte usque ad ipsum verticem duraret: At hoc falsum: Ergo & illud. Assumptionem probo; Nam, ut Mathematicorum & Opticorum recentium observationes docent, siderum refractione ultra tricesimum altitudinis gradum non excurrit. Connexi ratio petitur ex fundamentis Opticis positis ab *Alhazeno* l. 7. c. 2, & 4. & *Vitellione* l. 10. Unde hæc colliguntur axiomata: *Davis* diversis mediis seu diaphanis, datur etiam refractione extra perpendicularem; & sublatâ refractione extra perpendicularem, tolluntur etiam diversa diaphana. Diversa enim media, ut *Rothmannus* subdit, diversimodè transmittunt ad oculum imaginem rei visæ, & cum primum medium fuerit subtilius & rarius quàm secundum, facilis imago transmittitur per primum quàm per secundum, & cum ad secundum pervenit, tardatur quasi.

Qui durum & adamantinum coeli diaphanum faciunt, hic, quod respondeant non habent: Per corpus

enim liquidissimum, quale est aer, & per durissimum ac adamantinum, quale coelum fingunt, fieri non potest ut eodem modo imago transmittatur, iudicibus magnis illis duumviris *Alhazeno* & *Vitellione*. Ut autem maxime non duritiei sed puritatis, raritatis, subtilitatis & pelluciditatis habendam rationem esse demus, è labyrintho tamen se non extricabunt: Obstat enim propria ipsorum assertio, quâ subtilitate, pelluciditate & puritate longè coelum aeri antecellere affirmant. Videant igitur qui Opticis se purgent, dum per diversæ qualitatis media eodem modo transmitti imagines asserunt.

Qui autem ætheræ naturæ coelum esse contendunt, & liquidissimam subtilissimamque substantiam attribuunt, ut sunt *Tycho Braheus* & *Aslachus*, connexum nostrum negant, dicuntque ei tum demum fore locum si diaphana diversæ sint perspicuitatis, subtilitatis & raritatis; at si paria sint hisce conditionibus, diversæ refractionis nullum esse periculum: Et *Tychonem* quod attinet, de ætheris substantia ita sentit, *Coelum à Lunæ regione ad extremam usque mundi partem liquidissimum & subtilissimum esse ætherem, aerem verò qui Lunæ regionem excipit in partibus quibus coelo vicinior est, cum æthere quasi in unum coalescere, imò in ætherem transformari*. Hæc ipsius sunt verba: Unde dico, concludit 1. Imaginem ex coelo in ætherem translata non refringi ob diversitatem medi, cum media jam ejusdem sint naturæ, eo nimirum loco ubi aer & æther se contingunt. 2. Non dari certum refractionis punctum, ut *Rothmannus* volebat, cum paulatim aer in ætherem mutetur.

Ad hæc *Tychonis* responsionem pauca hæc responimus. 1. Si ea ætheris & aeris est affinitas ut aer in ætherem possit transformari per solum contactum, quid atinebat, quæso, tam pertinaciter pro essentiâ quinta depugnare? Nonne eadem facilitate dici potuisset ætherem ab aere non nisi quoad puritatem & subtilitatem differre? quæ & *Rothmanni* erat sententia, & nostra est: nec enim absurdum magis dicere, ætherem & aerem non essentiis sed puritate tantum & subtilitate differre, quàm dicere, aerem & ætherem, corpora substantiis differentia, in se mutuo per contactum transformari. 2. Si nefas esse putat *Tycho* purissimæ, perfectissimæ & nullis mutationibus obnoxie celestis naturæ elementare, corruptibile; variabile & huic inferiori caducæ regioni conforme aliquid affluere, ecurr idem nefas quoque esse non putat purissimam, perfectissimam & nullis mutationibus obnoxiam naturam ex aeris materiâ elementari (sic enim vocat corruptibili & variabili aliquâ ex parte conflata asserere. Imò quidni & nobis inferre liceat, propter coeli & aeris vicinitatem celestem naturam in

elementarem aeream transformari? tam enim unum creditu facile quam alterum. Ubi verò tandem manebit essentia ista quinta perfectissima, incorruptibilis, invariabilis. 3. Erit nihilominus refractione admittenda. Cum enim totus aer in ætherē non transformetur, sed aliqua saltem ejus pars, parte igitur eā quā naturis integris sese contingunt, quod absque dubio supra tricetimum altitudinis gradum continget, refractione hæc animadvertetur, cum ipse Tycho haud obscurē fateatur ætherem longē esse subtiliorem aere: Atqui animadversa ea hæcenus nondum est. Unde & alterum consequitur, certum dari refractionis punctum, eo nimirum loco ubi media absque transformatione se tangunt. Hæcenus Tychois responsio.

Asylachus idem connexum negans, lib. 2. De coelo sid. 7. eadem penē utitur ratione: *Posse enim, inquit, binā corpora peregrina à se invicem esse essentia, quæ nihilominus externis hisce proprietatibus, ut pote tenuitate, perspicuitate, & radiorum transmissiōe, inter se conveniant.*

Resp. Asylachi hæc assertio contraria est doctrinæ Peripateticæ, quam tamen ex parte sequitur, dum quintam essentiam propugnat, & aerem elementum esse statuit, cœloque longē crassiorē & impuriorem; 2. ipsimet *Asylacho*: Sic enim in eodem libro cap. 23. aperte sibi contradicit, *Cælum, inquit, omni aere est subtilius.* De conciliatione nos non laborabimus. Denique si tantæ subtilitatis, perspicuitatis & puritatis est aer quantæ cœlum, ecquid attinet, quæso, sine necessitate corpora naturalia multiplicare, & quintam essentiam confingere, rationibus adeo inhiis & inconsequentibus ut paulo antè vidimus? Idem argumentum *Pena*, De usu Opticæ disserens, ex hypothesebus Peripateticorum hisce verbis tractat: *Si diversum ab aere sit corpus illud quod cælum dicimus, habetque tot partes inter se contiguas quot errantes siderum globos, estque solidum & durum, rarius & limpidius aere; Deus opt. max. quæ monstra hinc colliget Optica? quot præstigijs hinc sequi concludet. Stellæ fixæ & aliæ etiam per tot media tam latè fusa, tot superficiebus distincta, visa alibi quàm in horizontis polo, nunquam suo loco concuerent, & quæ remotissimæ sunt proxima & quasi contiguæ apparebunt, quedam etiam quæ uno aut altero gradu distant conjunctæ adspiciuntur: frangentur enim à perpendiculari propter mediorum varietatem, ut docet Optice. Rursusque cum horizontis polum attingerint, quæ jungi alibi videbantur, divelli ac satis protul distare apparebunt, quantum reipsa distant à sese, propterea quod omnibus illis medijs ad perpendicularum insistent. Quæ si fiant, valeat Astronomia, valeant Hipparchi observationes, la-*

cerentur Ptolæmai, Machometi, Copernici & excellentium Astronomorum libri: quid enim erit certum in Astronomiā? sed certissima sunt siderum phenomena, nec tale quicquam tot seculis, tot viris clarissimis assidue sidera observantibus, unquam apparuit. His accuratè examinatis, concludit ars Optica, spaciū illud quod inter Lunam & fixa sidera medium est (de summo enim cœlo non habeo quod dicam) hæc aeris plenum esse animā; ab aere, inquam, nihil distingui. Nec movet vulgaris credulitas, nec me etiam tenet Vitellionis gravissimi Optici sententia, quæ corporis cœlestis nitorem rariorem & limpidiorem asserit aeris perspicuitate; unde sequitur aera à cœlo distingui: id enim ex eo demonstrare nititur quod duarum stellarum horizonte emergentium distantia per instrumentum capta diversa appareat ab eā quam habent eadem stellæ per verticem transeuntes: Quod facile concederem, nisi Gemma in explicatione radii Astronomici doceret distantias siderum in qualibet altitudine positorum per instrumentum observatas easdem semper apparere. Ergo docet Optica ars, quicquid medium est inter nos & fixarum stellarum globos, aera esse. Hæcenus prima sententiæ nostræ ratio.

2. Primarium sententiæ hujus fundamentum est in primo Genesæ capite: ex quo ita inferimus; In quo tanquam subiecto loco stellæ sunt collocatæ, id est cœlum sidereum: Atqui in aere stellæ sunt collocatæ: Ergo aer est cœlum sidereum: proindeque cœlum naturale nullum est nisi æereum: Propositio apud omnes est in confesso. Assumptio totidem quidem verbis textu *Mosaico* non continetur, optimā tamen exinde consequentiā educitur, hoc modo; Expansum, secundi diei opus, est subiectum stellarum: Atqui aer est expansum secundi diei opus; Ergo aer est subiectum stellarum. Propositio manifesta est ex Gen. i. 6, & 17. In expanso enim, quod secundo die creatum legitimus ver. 6. collocasse Deus stellæ dicitur v. 17. Nec enim ante diem secundum *Moses* ullius expansi creati meminit: unde firmiter colligimus nullum esse nisi quod secundo die creatum, nec in alio posita esse sidera quàm in hæc ipso. Assumptio prosyllogismi nostri totidem verbis habetur 4. Ezræ vi. 41. Tu die secundo creasti aerem expansi, & imperasti ei ut distingueret divisionemque statueret inter aquas, &c. Probatur eadem ex *Mosis* textu hoc modo; Quod inter superiores & inferiores aquas est interjectum, easque determinat, id est expansum secundi diei opus: Atqui aer inter superiores & inferiores aquas est interjectus, easque determinat: Ergo aer est expansum secundi diei opus. Propositionis veritas patet ex textu *Mosaico*, v. 6, 7, 8. Dixit Deus, Esio expansum inter aquas, ut sit distinguens inter aquas unās & alteras.

Fecit ergo Deus hoc expansum, quod distinguit inter has aquas quæ sunt ab infra expansi istius, & aquas illas quæ sunt à regione superâ expansi: & fuit ita. Expansum autem hoc Deus vocavit cælum. Assumptionem hoc modo probo; Quod immediatè aquas inferiores tangit, & ab iis ad superiores usque extenditur easque similiter immediatè tangit, id aquas superiores ab inferioribus determinat: Atqui solus aer hoc facit: Ergò. Quicquid igitur sit de aquis superioribus, de quibus deinceps, certum est dividi illas ab inferioribus per expansum aeris. Si supra stellas dixeris aquas illas esse collocatas, res ex animi nostri sententiâ confecta erit. Sequetur enim ab imis aquis elementaribus aerem expandi ad regionem stellis superiorem, ad aquas usque supercoelestes. Aliàs per se distinguere aquas superiores ab inferioribus dici non posset, si inter aerem & aquas illas aliud corpus intercederet: aut certè aeri non magis quàm corpori isti superiores aquas contingenti distinctio hæc competeret, & nulla esset causa cur aeri à Mose tribueretur potius quàm isti corpori, si quod in rerum naturâ esset. Sin infra stellas dixeris aquas illas collocatas, & ad stellas non pertingere expansum hoc, sed infra eas finiri, sequetur in expanso hoc, secundi dici opere stellas à Deo non esse collocatas: quod expressè Mosis textui contradicit. Unicum hoc secundum nostrum argumentum omnibus Peripateticorum demonstrationibus & rationibus est potius, omnibusque dubio procul satisfaciatur qui falsis vel dubiis hypothesebus ac præjudiciis animos præoccupatos non habent utique rectâ ratione Aristotelicâ doctrinæ existimationem obbrutescere vel lapidescere. Est tamen operæpretium audire & videre quomodo enervare hoc nostrum argumentum laborent quintæ essentia patróni & auctoritatis Aristotelicæ studiosi. Pererius suis in Genesin Commentariis negat per וַיִּפְתָּח, hoc est, expansum, secundi diei opus, intelligi debere cælum sidereum, sed aliud ab eo distinctum: idque sex rationibus conatur probare, quas præcedente cap. th. 6. & th. 4. recitavimus, & th. 7. refutavimus planèque nullius esse momenti ostendimus: & th. 5. tres rationes sententiæ Pererianæ opposuimus, & probavimus cælum propriè dictum, quod respectu supremæ partis sidereum appellamus, secundo die esse conditum: & th. 6. glossas Pererii destruximus. Illuc igitur lectorem remitto: interim ad alias textus Mosaii glossas ab aliis excogitatas pergo.

Aslachus negat idem esse expansum quod secundo die creatum legitur, cum eo cuius fuit mentio v. 17. in quo stellæ à Deo collocatæ dicuntur. Rationem

addit; Quia expansum versis sexti simpliciter וַיִּפְתָּח appellatur, adeoque expansum aeris indigitatur: alterum verò vericuli 17. וַיִּפְתָּח expansum cælorum, quo cælum sidereum denotatur. Resp. Planè nulla hæc ratio est: quod enim secundo die creatum expansum v. 6. ei versu sequenti 8. cæli nomen inditur hisce verbis וַיִּפְתָּח וַיִּפְתָּח & vocavit Deus expansum cælum. Idem igitur Mose significat וַיִּפְתָּח: שָׁמַיִם, & junctim וַיִּפְתָּח שָׁמַיִם Dan. xii. 3. voce וַיִּפְתָּח sidereum cælum significari nemo dubitat. Pererius Hebraismum hinc esse notat, atque dici expansum cæli pro expanso quod est cælum. Idem Aslachus responderet, expansum non tantum esse locum in quo sunt stellæ, sed etiam ubi nubes & meteora. Resp. Lubentes hoc concedimus, modò unum & continuum esse corpus agnoscat in quo stellæ & meteora sunt constituta.

Addit, aerem, si propriè loqui velis, non esse expansum in quo stellæ sunt collocatæ, etiam si communem expansi appellationem sortiat: veluti Oceanus non est fluvius, etiam si utrique competit aquæ appellatio. Resp. Scriptura non nisi unius expansi meminit, eique duos præcipuos assignat usus, recipere in se stellas, nè in vacuo & inani volitent, & determinare aquas superiores ab inferioribus. Duo igitur essentia distincta expansa & discontinua, seu contigua tantum, qui in mundum inducit, eum vel necessariis consequentiis ex Scripturâ petitis vel evidentibus rationibus oportet instructum esse: utroque præsidio destitutus Aslachus, cum omnibus qui sententiam ipsius approbant. Ait quidem duplicem expansionem esse, coelestem seu ætheream, & subcoelestem seu aerem: sed non probat: conatur tamen: Quod dictum, inquit, 4. Esdræ cap. 6. v. 41. & Gen. 1. v. 8. de aere loquatur, non verò de cælo, ex sequentibus verbis facile liquet; ubi ait expansionem illam distinguere inter aquas, quod aeris munus est, non cæli. Resp. Ex toto Mosis contextu liquet, expansionem quæ distinguit inter aquas, non esse aliam ab eâ in qua stellæ sunt collocatæ; quanquam cælum ipse Moses appellat: Utrumque igitur munus est expansi vel cæli, inter aquas distinguere & stellarum rationibus subijci: non enim nisi unius expansi, & secundo quidem die creati, Moses meminit; extra hoc vel ab hoc distinctum aliud fingere nec Scriptura nec ratio cogit. Sed ipse Aslachus haud obscure manus dat. Nam lib. 2. cap. 7. scribit continuum quid & indivisum esse vastissimum expansi coelestis æquor, tribus regionibus distinctum, quarum prima terræ proxima crassior & impurius nutritrix progignendorum meteororum; altera

altera cœlo vicinior, priori longè purior; tertia, quam cœlum appellamus, iniquâ siderum lumina circumrotantur, omnium limpidissima, subtilissima & purissima. Si igitur continuum & indivisum corpus est expansum, idque à terrâ usque ad summa sidera & supra ea porrectum, utique expansum non nisi unicum erit, proindeque duo vel plura substantialiter diversa non erunt; siquidem formis & *ἁπλοῦς*; non differunt unius continui & quidem simplicis partes. Distinctionem verò unius hujus & continui expansi in partes seu regiones tres, easque qualitatibus & usibus differentes, lubentes admittimus, & in hanc nostrâ contemplatione ipsi adhibebimus. Simile quo utitur *Aslachus*, magis magisque sententiam hanc nostram confirmat: Expansum ait esse simile mari magno, quod terram circumquaque alluit plurimisque sinibus interluit, & una eademque est continua ac indivisa moles: Ut igitur ratione continuitatis revera unum est mare, cujus partes diversis terræ alveis exceptæ, nec inter se nec à toto suo *ἁπλοῦς*; differunt, sed accidentibus tantum & externis respectibus; ita de expanso quoque uno continuo & partibus ejus indivisis judicandum erit. Ait quidem *Aslachus* aliam esse naturam maris occidentalis, aliam orientalis, aliam sinûs Arabici, Ponti Euxini, &c. Sed nisi de diversitate tantum naturæ accidentalis, seu accidentium & externorum respectuum, hoc intelligat, è doctis assentientem habebit neminem. Aquæ elementaris & corpori misto propriè sic dicto contradistinctæ species veras hætenus ignorarunt Physici, etsi circa differentias accidentales assignandas magna ipsorum fuit industria. Hætenus *Aslachi* exceptiones.

Pererius *פפר* quoque interpretatur *hiatum* seu intervallum inter superiora & inferiora, & sensu hoc admittit unum esse intervallum, in quo distincta sunt corpora cœli & aeris. *Resp.* Intervallum per se distinctum à corpore merum esse figmentum, *Pererius* lib. 1. cap. 5. prolixè ostendit. Atqui *פפר* *Mosaicum* operibus creationis accensetur. Si *פפר* esset vacuum intervallum, stellæ in vacuo essent collocatæ: Quod nemo sanæ mentis dixerit. Denique *פפר* ab ipso Deo cœlum appellatur: Atqui cœlum non est nudum intervallum.

Magni nominis Theologi quibus quinta essentia Peripatetica arridet, expansum secundo die creatum aiunt esse systema corporum superiorum specie differentium, cœli nempe & aeris, dicique in eo stellæ collocatas ratione partis unius, nempe cœli propriè sic dicti; alterius partis substantialiter à cœlo diversæ, hoc est aeris, munus esse aquas ab aquis determinare. *Resp.* Dicuntur hæc qui-

dem à magnis viris, sed non probantur, & sine ullâ evidenti causâ dicuntur. Expansi à Deo creati unius *Moses* meminit, idque cœlum à Deo appellatum ait, cum aquis determinandis tum stellis recipiendis à Deo destinatum. Hoc expansum qui aiunt esse torum quiddam heterogeneum, non partium continuitate sed contiguitate tantum & coagmentatione unum, quomodo & mundus dicitur unus, glossæ hujus suæ, quâ textum *Mosaicum* interpretantur; oportet evidentes habere rationes: non enim admittitur glossa nisi probeatur: Atqui rationem nullam habent nisi quam doctrina *Aristotelis* & aliorum quorundam Mathematicorum extra Scripturas philosophantium suppeditat, quæ quintam cœli essentiam ab elementis vulgò sic dictis toto cœlo distantem, nec non orbis cœlestes decem vel undecim discretos & adamantinos tradit & commendat. Rationes *Aristotelici* dogmatis ad unam omnes vel falsis niti hypothefibus, vel inconsequentes esse, jam antè monstravimus. Discretionem orbium cœlestium adamantinorum præstantissimi Mathematici jam pridem expugnaverunt, & nos suo deinceps loco rationes adversus eam solidas producemus. Quas è *Mosaico* textu nonnulli ratiunculas pro hac sententiâ producant, planè nullas esse suprâ examine rationum *Pererianarum* ostendimus, & amplius ostendimus *ἁπλοῦς* sequenti. Quid igitur reliquum est, nisi ut simplicissimo *Mosis* textui inhæreamus, unumque numero & contiguitate expansum credamus esse, quod cœlum appellat ipse Deus, in quo stellæ à Deo collocatas *Moses* ait, quod aliud ab aereo nullum esse, præter alia argumenta, ex 4. *Hesra* paulò antè probavimus? Hætenus alterum nostrum argumentum principale, unde porro pullulat.

3. Non sunt in naturæ censum invehenda nova entia sine manifestâ necessitate: *Scaliger* Exerc. 61. §. 1. Cui omnes Philosophi hæc parte assentiuntur, imò & Theologi. Cur verò ætherem ab aere discretum & *ἁπλοῦς*; distinctum esse statuamus, nulla nos necessitas cogit, ut ex rationum pro hæc discretionem & distinctionem allatarum imbecillitate & falsitate monstratâ palàm est: Eccc igitur ætherem tanquam novum ens in naturæ censum invehamus? Fatentur & fateri coguntur doctiores, æream regionem, quâ ætheream contingit, ejusdem cum æthereâ esse subtilitatis, pelluciditatis & claritatis: concedunt in libero & fluido æthere moveri stellæ, nullis adamantinis orbibus infixas: Eccc igitur ætherem ab aere dissepiscunt & *ἁπλοῦς*; disferre contendunt? Forsan Scriptura cogit? Nihil minùs: quinimo contradicit figmento huic,

dum unum nobis commendat expansum, quod cœlum appellat, & commune superiori & inferiori parti nomen facit, nec vel minimam discretionis aut differentię substantialis suspicionem movet. In rectâ, liberâ, nullisque præjudiciis occupatâ & ligatâ ratione nullum ipsis præsidium, ut hæcenus vidimus. Hæcenus tertia ratio.

4. Non levi præjudicio onerat adversam partem, quod nec in historiâ creationis nec in totâ Veteris Testamenti Scriptura Hebraicâ & Originali authenticâ peculiare nomen aeris occurrat, quod à cœlo diversum esse aerem innuat: Quin ubique communia nomina sunt *אֵר* & *שָׁמַיִם*, quibus & universum expansum & partes ejus non utique substantiis aut quantitate sed usu tantum & situ distinctæ indignantur: *אֵר* hoc est cœlum Scripturæ est quod stellas, nubes & volucres in se continet, à terrâ sursum versùs undiquaque expansum. Quod si distincta naturis essent corpora aer & æther, cur non & nominibus in sanctâ V. T. linguâ Deus distinxisset, qui distinctis creationis operibus distincta sua nomina imposuit, vel imponenda Adamo commisit. In N. T. sermone Græco distincta quidem occurrunt nomina *ἐργον* & *ἀήρ*, cœlum & aer: attamen rem unam & eandem iis indigitari, nè adversarii quidem diffiteri possunt. Quod verò aiunt, *ἐργον* quandoque propriè pro cœlo fidereo, quandoque impropriè vel communiter pro aere tantum à cœlo substantialiter differente accipi, ex communi & inveterato errore præconceptâq; opinione totum fluit: reverâ enim corpus nonnisi unicum & continuum est, quod modò cœlum modò aer appellatur. Recentiores Judæi Aristotelicâ sententiâ imbuti antiquam vocem Hebraicam quæ aerem propriè & à cœlo distinctè significet non habent, ideòque Græcâ utuntur *ἀήρ*, quâ aliquoties usus Novi Testamenti Hebræus interpret, qui aerem in nonnullis quoque locis *רוּחַ* reddidit, quod non esse proprium aeris nomen, nemo ignorat. Sic & veteres Latini aerem cœlum appellare, teste Plinio, lib. 2. cap. 38. cui Pacuvius adscribitur in Chryse,

*Hoc vide circum supràque quod complexu tenet
Terram, quod nostri cœlum memorant.*

VII. Hæcenus sententiæ nostræ demonstratio. Pererji adversùs eam rationes suprà dissolvimus. Restat ut unam adhuc & alteram *Astachi* exceptunculam videamus. Accidit doctissimo illi viro quod multis aliis ut in aliorum dogmatibus destruendis feliciores & promptiores sint quàm in propriis adstruendis. Contendit ille cœlum esse quintæ cujusdam essentiæ, eò quod non terræ,

nec igneæ, nec aeræ, nec aqueæ, vel ex his concretæ sit naturæ. Rationes, quibus hoc evincat, ferè nullas adfert, sed tantum in solvendis aliorum occupatur rationibus. Attamen cap. 10. lib. 1. una & altera occurrit ratiuncula, quâ quintam suam essentiam Scholis commendat, quarum robur hoc loco experiri libet.

1. Si inferiora mundi corpora, quæ variis mutationibus sunt obnoxia, in sedibus & domiciliis naturæ diversis sunt collocata, multò magis cœlestia, purissima & perfectissima cœli sidera, nulli alterationi obnoxia suum quoque familiare & conveniens domicilium, idque ab inferioribus diversum & incorruptibile, obtinent: Atqui verum prius: Ergò & posterius. Assumptio probatur ex historiâ creationis & oculari demonstratione: mare piscibus, terra plantis & reptilibus, aer avibus est assignatus. Quod eleganter à Poetâ expressum;

*Astra tenent cœleste solum formaque Deorum;
Cesserunt nitidis habitandæ piscibus undæ;
Terra feras cepit, volucres agitabilis aer.*

2. Si cœlum elementari concretum esset materiâ, fieri non posset quin rapidissima illa siderum revolutio hinc nonnihil obstaculi pateretur, quominus tam immensâ celeritate perageretur: At falsum consequens: Ergò & antecedens.

3. Si cœlum esset naturæ elementaris, absque maximo sonitu, qui aures nostras strepitu suo percelleret continuo, tot tantorumque siderum & cœli collisio fieri non posset: At falsum consequens: Ergò & antecedens.

4. Sacræ literæ testantur cœlum esse instar fumi seu inanis cujusdam subtilissimè expansum: Ergò quinta essentia ab elementis quatuor vulgò dictis est distinctissima. Hisce rationibus pugnat *Astachus*. Quibus alii addunt;

5. Imagines corporum cœlestium in aeræ refringuntur, in cœlo non: Ergò alia est aeris quàm cœli natura.

6. Si totum illud spatium à mundi extimo usque ad imum aere plenum esset, nulla esset elementorum proportio: At hoc falsum: Ergò & illud.

VIII. Ad rationes hæcæ sic responderemus:

Ad 1^m. Totum sano sensu concedimus. Quis enim negat præstantissimæ naturæ corpora, stellas, in naturæ fidereæ convenienti & familiari domicilio esse collocata, & distincto quidem à piscium & animantium terrestrium domiciliis? adde & incorruptibili. Hujusmodi verò domicilium ærem esse dicimus, seu expansum secundo die creatum, in quo stellas à Deo collocatas ex *Mose* dicimus: Et quidem parte illâ quæ astra habet, purissimum ac sub-

subtilissimum esse naturæque astrorum convenientissimum, extra omne dubium est. Si exceperit hic *Aslachus*, aerem meteoris & volucris in domicilium esse assignatum, proindeque aliud sibi domicilium stellas poscere; *Resp. 1.* Supponet hoc modo *Aslachus* idem naturale domicilium etiam latissime explicatum & diffusum naturæ diversæ incolas non debere vel posse capere: quod falsum. Vide, quæso, diversitatem incolarum terræ & aquæ: volucres & meteora in aere constituta nonne naturis sunt diversissima? 2. Si diversæ naturæ domicilia ab uno & eodem incolæ diversis temporibus frequentantur & habitantur, ut patet ex avibus nonnullis quæ in aere, aquâ & terrâ vivunt; quidni diversæ naturæ incolæ ab eodem domicilio latè præsertim diffuso capi foverique possint? Et ita quidem se res habet in expanso aereo, cujus summa & limpidissima pars astris, media meteoris, infima volucris aliisque animantibus habitanda cessit. Si inconveniens esse putat eodem contineri expanso incorruptibilia & corruptibilia, in mentem modò veniat empyrei cœli, quod complexu suo reliquam totam naturam continet corruptibilem & incorruptibilem: in mentem veniat Hominis, qui ens unum est per se ex corruptibili corpore & incorruptibili animâ constatum. Et cur, quæso, inconveniens esse putemus quod ab ipso Creatore sic factum & dispositum videmus? Expansum Deus non nisi unicum creavit, idque stellis & volatilibus habitandum dedit; ut expressi habent Scripturæ textus. Quid? quod ipse *Aslachus* ætherem & aerem corpus unum & continuum esse statuit: Ecur igitur in eodem cum naturis elementaribus expanso stellas esse collocatas tam pertinaciter negat? Certis enim intervallis in eodem expanso disclusa esse sidera & inferiora elementario ultro ipsi damus.

Ad 2^m. Si elementari materiâ concretum *Aslacho* id etiam intelligatur quod expansum aerum à nobis dicitur, connexum negamus, idque ex hypothesi ab *Aslacho* concessâ. Affirmat enim ætherem & aerem, quâ se parte contingunt, ejusdem esse subtilitatis & limpiditatis, nè geminam cogatur stellarum refractionem admittere. Si igitur tam est subtilis & limpidus aer quàm æther, ecur parte suâ supremâ siderum morui magis obstat aer quàm æther iste putativus?

Ad 3^m. Non cœlum naturæ elementaris esse nos dicimus: non enim nisi duo elementa agnoscimus, aquam & terram; quicquid sit de materiâ communi, de quâ jam solliciti non sumus: Si tamen naturæ elementaris id etiam dicatur esse quod materiam cum elementis communem habet, vel naturæ ele-

mentaris cœlum supponatur esse, si sit acreum, syllogismi connexum negamus. Nam si motus siderum per ætherem *Aslachi* sonum nobis in terrâ perceptibilem non efficit, nec per expansum acreum efficiet: quod cur non æquè subtile ac æther *Aslachi* esse possit, causa planè nulla est; imò æqualitatem ratione subtilitatis ipse *Aslachus* agnoscit.

Ad 4^m. Consequentia planè nulla est. Subtilissimum illud fumòque & inani simile expansum, cujus Scriptura meminit, aliud, nullum est nisi acreum. Hactenus pro cœli naturâ aereâ disputatum esto.

Ad 5^m. Primum antecedens negamus: In cœlo enim imagines visibiles refringuntur & non refringuntur; secundum diversas ejus partes: Itaque nec consequentia rationis bona est: Unius enim corporis homogenei pars una potest esse purior & de-fæcior, alia impurior & fæculentior, ob corporis alicujus fæculenti admistionem; adeò ut una speciem visibilem refringat, altera non refractam transmittat.

Ad 6^m. Connexum negamus, cum falsâ nitatur hypothesi, nempe aerem esse elementum. Taceo quod proportio illa elementorum, quæ vulgò in Scholâ Peripateticâ laudatur, admodum suspectæ veritatis sit, ut patet ex computatione *Tychonici*.

IX. Breviter jam in illorum etiam sententiam libet inquirere qui naturæ aquæ cœlum contendunt esse. Mihi quidem sententia hæc absurda non videtur, si ex aquâ tanquam materiâ præexistente conditum esse cœlum dicatur. Etenim extra primi diei opera non videtur quicquam ex nihilo immediatè creatum; ut suo loco pluribus disputavi. Argumenta quæ cœlum ex aquâ conditum probant, si non necessaria, certè probabilia sunt sequentia.

1. Cœlum à *Mose* appellatur רקיע, hoc est, expansum; quia nimirum aqua crassior per attenuationem expansa & in aerem murata est. Hebraicum verbum רקיע expandere, distendere significat. Et si vocem רקיע LXXII. Interpretibus libuit reddere στερωμα, Latine firmamentum: quam si sequamur versionem, aquam potius condensatam dicemus, & in perpetuam quasi glaciem induratum; mundique parte supremâ collocatum. Dubio verò procul LXXII. Interpretes ad Syriacam verbi רקיע significationem respexerunt, quæ est premere, comprimere, consipare. Prior tamen nobis arridet interpretatio: Tanta enim aquarum moles initio non videtur creata ut postmodum pars ejus condensata immensum illud cœlestis regionis spatium implere potuerit, pars verò elementi vicem in inferiori mundo præstare. Nec verò

duritiem in coelo ullam agnoscimus, ut suo loco probabimus.

2. Quia aqua in vaporem, attenuata & expansa aliud nihil videtur quam aer esse: quàm proximè enim ad aeris naturam accedit; etiamsi per naturam in aerem commutari posse non credimus: Sic enim coelum per causas naturales produci potuisset, quod nemo Theologus admiserit: Argumentum quoque hanc ratione enervaretur, quod ad maiestatem Dei declarandam ex coeli creatione petitur, & in Scripturâ sæpissime repetitur.

3. Vox coeli Hebræa **אֶרֶץ** idem videtur innuere, quam compositam nonnulli putant ex particulâ **אֶרֶץ** *ibi*, vel **אֶרֶץ** *quod*, & nomine **אֶרֶץ** *aqua*; quod coelum aliud nihil sit quàm aqua attenuata vel expansa.

Nonnulli ad sententiam hanc probandam allegant illud *Petri*, epist. 2. c. 3. v. 5. *Latet illos qui hoc volunt, quod coeli erant olim & terrâ ex aquâ & per aquam constituta verbo Dei*: Quibus asserere *Apostolus* videtur coelos ex aquâ & per aquam esse constitutos. Sed hoc argumento pugnare nobis non licet, cum parum habere roboris videatur. Non enim coeli dicuntur constituti ex aquâ & per aquam sed terra, ut expressa *Græci* textus verba habent, quæ *Latinæ* versionis ambiguitatem tollunt: *Λατρεῖς γὰρ ὡς τὸ πάλαι, ὅτι οὐρανὸς ἦσαν ἐκ παλαι, καὶ γὰρ ἐξ ὕδατος καὶ δι' ὕδατος συνεστάσα, τὸ τὰ θεὸς λόγῳ*. Patet hinc verbum *συνεστάσα* ad solam referri terram, uti prius *ἦσαν* ad solos coelos refertur, quod & distinctio post *παλαι* innuit inventissimis reperta libris. Terra autem ex aquâ & per aquam constituta dicitur, non quod ex aquâ tantquam materiâ præexistente sit creata, sed quod quæ aquis primum tota fuerat obruta & veluti lutum quoddam aquosum, Dei iussu ex aquis emerferit, & arida compactiorq; facta sit, ut textus *Mosaicus* habet *Gen* 1. 9. 10. Quod autem *δι' ὕδατος* constituta dicitur terra, de fecundatione per aquas factâ intelligi commodè potest. *Beza* tamen *hæc* hoc loco non per sed in putat vertendum esse, ut terra dicatur in aquis constituta, seu in mediis aquis: quo sensu etiam *Noc* *δι' ὕδατος* conservatus dicitur 1 *Pet* 3. 20. Monendum hoc erat in eorum gratiam qui non tam textu *Græco* quàm versione ejus *Latinâ* ambiguâ inspectâ, plurimum de hoc loco sibi pollicentur: revera autem miserè falluntur; quod linguarum ignavis sæpe contingit.

Aridet sententia hæc de coeli materiâ *Zanghio*, *Munsteri*, *Pencero*, & aliis doctis, inter quos nobiles *Jesuitæ* tres, *Molina*, *Del Rio*, *Hurtadus*.

X. Habet sententia hæc acres adversarios multos, qui tamen non tam in eâ per evidentes rationes

eventendâ quàm argumentis aliorum refutandis occupantur. Intelligunt enim longè facilius esse alterius sententiæ argumenta enervare & exagitare quàm solidâ ad propriam stabiliendam excogitare. Inter alios sententiæ huic se opponit *Aflachus* lib. 2. De coelo sider. c. 8. qui nullo eam argumento infringere, sed tertium duntaxat nostrum refutare conatur. Negat autem 1, sequi aqueum esse coelum si ab aquâ nomen sortiatur: Posset enim nomen hoc ipsi inditum esse propter analogiam & similitudinem cum aquis, veluti ætherem nonnulli ab *αἴθερ*, hoc est ardeo; derivant, animam quasi *ἀνέμων* dictum putant, non quod aer ex igne vel anima ex vento sit condita, sed quod æther analogiam quandam cum igne, anima cum vento habeat.

Resp. Argumentum ab etymo non habemus pro invicto & planè necessario: scimus enim varias nominum rationes posse reddi: Interim cum nomina Hebræica ab ipsomet Deo immediate rebus imposita naturam earum pleraque expriment, de coeli appellatione Hebræicâ idem vel ob hanc causam judicamus, quod nec Scripturæ nec rationi sanæ contraria sit hæc opinio, quam probabiliorum reddunt argumenta alia à nobis adducta. Qui ætherem ab *αἴθερ* primi nominarunt, igneæ naturæ ætherem esse omnino statuerunt: exemplo igitur hoc nostra sententia firmabitur. An anima *ἀνὴρ* τὸ *ἀνέμων* sic dicta, incertum est: sunt enim qui ab Hebræico *אֶרֶץ* electo uno alia repudiare, vel *אֶרֶץ* numerare, supputare deducunt. Si tamen omnino anima ab *ἀνέμων*, crediderim primum nominis hujus autorem in eâ fuisse opinione, ut animam crediderit esse spiritum corporeum, quæ multorum medicorum sententia fuit. Itâ & hoc exemplum pro nobis faciet. Non tamen nego posse solam quoq; analogiam indigitari inter animam & ventum: quando evidens ratio itâ suadet, quæ nulla iis. favet qui nostram τὸ *אֶרֶץ* interpretationem fugillant.

Addit *Aflachus* 2, Nimis arbitriam esse hanc vocis notationem; quia plures id genus notationes vulgò traduntur, & quidem contrariæ sibi invicem: Nonnulli enim compositum putant ex *אֶרֶץ* & *אֶרֶץ*: alii ex *אֶרֶץ* & *אֶרֶץ*: alii ex *אֶרֶץ* & *אֶרֶץ*: alia ex *אֶרֶץ* & *אֶרֶץ*, sustine aquas: alia ex *אֶרֶץ* & *אֶרֶץ*: alia ex *אֶרֶץ* & *אֶרֶץ* quod ibi aquæ stupendo modo sint collocatæ. *Resp.* Omnes tamen hæ notationes in eo conveniunt, quod coelum ab aquis nominatum contendunt; etiam nonnullæ ex igne & aquis simul: Materiam autem originatione, quæ inter istas vera, indigitari, non respectum duntaxat ad aquas nubium extra coeli naturam constitutas,

tutas, quæ vel in cælo vel infra cælum sunt, probabili ratione hæc colligimus; Quod nubes seu aquæ ex terrâ elevatæ non fuerint in cælo ab ipso cæli exordio, cum nomen $\square\aleph$ à Deo jam ipsi impositum esset: Cum igitur verè $\square\aleph$ fuerit ante nubium sublimationem, ab eâ nomen accepisse nullo modo probabile fit: sed potius à naturâ aquæ, quam à primo creationis momento habuit.

Addit 3, Sanctæ linguæ proprietati repugnare compositionem ex $\square\psi$ & $\square\aleph$, vel ex ψ & \aleph : quia ψ sine compensatione, quæ sit per dagech, non excidit; ita quoque ψ sequenti voci dagech solet imprimere, si capax sit ejus initialis litera. Resp. In nominum Hebræorum compositione, præsertim si propria sint, vel similia propriis, tam accurata punctorum ratio non habetur. Et causas fortean suas habuerunt qui primi puncta literis addiderunt, cur compensationem $\tau\psi$ ψ elisi nullam exprimerent, de quâ nos laborare non est necesse. Sic & aliæ linguæ in nominum compositione multâ utuntur libertate. Judæorum doctissimi veteres, non obstante hæc exceptione, nostram sententiam amplectuntur.

Addit 4, Magis sibi probari sententiam illorum qui dictionem $\square\aleph$ simplicem esse putant, derivatam tamen à verbo $\square\aleph$ inusitato, vel $\square\aleph$ admirari obstupefcere, eadem viâ quâ à $\square\aleph$ deducitur $\square\aleph$ Resp. Ut *Aslacho* sua, sic & nostrâ nobis arridet etymologia, & tantò magis quidem nostra, quia plurimum munita suffragiis, & ad cæli naturam explicandam accommodatior. Quid contra notationem hanc *Aslacho* disputet *Alstedius*, videatur in Lexici ipsius Theologici cap. 4. Atque ita controversiæ huic finem imponimus.

X I. Etsi verò hanc de materiâ cæli seu aeris sententiam planè probo, assentiri tamen *Danao* non possum, qui Physicæ Christianæ part. 3. tract. 7. cap. 9. spatium à Lunâ ad terram usque repleti quidem docet subtili quodam corpore aqueo, seu ex aquæ attenuatione & resolutione orto, attamen ab aquæ naturâ minimè quoad *Solæ* distincto: Quod igitur nos expansum dicimus aerem ex aquâ quidem à Deo conditum, substantialiter tamen ab aquâ diversum, id dari in rerum naturâ negat *Danaus*, adeoque aerem ex rerum naturâ penitus tollit, eique vaporem aqueum substituit. A quâ sententiâ non longè abit *Kallesius*, Sacræ Philosoph. cap. 1. qui ex aquâ aerem, & ex aere aquam fieri putat, solâ & simplici attenuatione vel condensatione, nullâ intercedente generatione.

Danaï argumenta contra distinctam aeris ab aquâ substantiam & naturam loquentia sunt:

1. Scriptura etsi ventorum, nubium, tonitruum, grandinum, aliarumque meteorologicarum impressionum, quæ in hac expansione gignuntur, & in aere fieri à Philosophis censentur, sæpe & perspicuè meminit, aeris tamen istius qui ab aquæ naturâ distinctus creditur, nuspiam facit mentionem: Ergo aer hujusmodi non datur. Ratio consequentiæ; Quia causa est nulla cur distincti & quidem maximi hujus corporis mentionem facere non debuerit, quæ tamen alia longè minutiora recenset.

2. Scriptura ubi aspirationis & expirationis, quâ vita hæc nostra continetur, halitusque à nobis attracti, qui maximus aeris usus à Philosophis prædicatur, mentionem facit, nusquam tamen aerem, hoc est, tertium quoddam & distinctum à terrâ & aquâ elementum nominat: Ergo hujusmodi aer nullus est.

3^m. Si daretur aer tanquam tertium & distinctum ab aquâ & terrâ corpus, tam ad vitæ conservacionem & sanitatem, ut volunt Medici, necessarium, certè *Moses*, verissimus totius naturæ Historicus, id minimè neglexisset in suâ creationis historiâ: At falsum consequens: Ergo & antecedens. Connexi ratio est; Quia herbarum, arborum, reptilium & avium, quæ in aere isto omnia versarentur, creationem & originem accuratè descripsit; quæ tamen ad mundi hujus cognitionem & rationem minis necessariæ partes sunt.

4. Ad corpus aeris ab aquâ distincti in naturam inducendum, nulla nos cogit necessitas: Ergo induci non debet. Antecedens probatur; Quia quæcumque aeri adscribuntur, ab aquis eadem multò veriùs & commodius haberi possunt quàm ab aere isto; nempe calidorum refrigeratio & siccorum humectatio: Ad utrumque commodum præstandum aptior est aqua quàm aer.

XII. Hæc *Danaï* argumenta adversus eos qui aerem à cælo & aquâ substantialiter diversum esse contendunt, satis efficacia esse mihi videntur: hujusmodi enim aeris nec *Moses* nec tota reliqua Scriptura uspiam vel minimam mentionem facit. Nos verò, qui aerem idem cum coelo esse statuimus, minimè feriunt hæc *Danaï* tela: facile namque singulorum istus declinamus: Etiam si enim nuspiam Scriptura Hebraica aerem nominat, vel distinctum ex eo elementum facit, coeli tamen frequentissimam mentionem facit, & per id aliam nullam naturam nisi aeream indigat, ut supra ostendimus. Meminit igitur & *Moses* aeris, sed sub *expansi* nomine, quod & coelum & ab aquâ distinctum.

distinctum esse non negabit, opinor, *Danaus*. Recens ergo est aeris nomen; res autem significata per id, antiquissima.

Quartum duntaxat argumentum animadversio ne eget. Falsum quod ait, veriùs & commodiùs ab aquis haberi posse quæcunque aeri adscribuntur. Humectationem non aeri sed aquæ adscribimus: Refrigerationem sublunari mundo restiùs aer quàm aqua præstat: Est enim aer longè penetrantior & constantior aqua resoluta. Vapores aqueos à frigore in aquam vel nivem condensari & deorsum labi videmus: Condensationem hujusmodi nullam aer admittit, qui, vaporibus in aquam condensatis & deorsum lapsis, totum sublunare spatium perpetuò implet, calorémque & frigus opportunè plantis & animantibus impertit, per se nil præter naturam, inquit aquæ, patiens. Ità ad respirationem, inspirationem, ventilationem, virtutum cœlestium communicationem, meteororum sustentationem, stellarum & animantium lationem, & denique vacui prohibitionem longè aptior est aer noster quàm aqua *Danaei*.

XIII. Cùm autem in hac disputatione de cœli materiâ mentio subinde facta sit aquarum superiorum, quas ab inferioribus distingui per medium cœlum seu expansum in *Mose* legimus, operæ pretium fuerit de iis hoc quoque loco disputare. Quæritur, An aquæ superiores, quas per expansum distingui ab aquis nostris inferioribus, nempe maris & fluminum, *Moses* docet Gen. i. 7. sint nubes in aere constitutæ, an verò aquæ supra stellas collocatæ. Pro aquis super cœlestibus, hoc est, supra expansum stellatum collocatis, ità olim disputavimus:

1. *Mosis* verba sententiam hanc confirmant. Sic enim habent ea vers. 6, & 7. Et dixit Deus, *Sis expansum in medio aquarum; & dividat aquas ab aquis. Et fecit Deus expansum; & divisit aquas quæ erant sub expanso, ab aquis quæ erant super expansum.* Hæc simplicissima verborum Hebræorum, è *Pagnini* versione, est interpretatio. Expansum hoc esse in cujus parte superiori stellæ sunt collocatæ, modò monstravimus. Finem ejus ab ipso Deo assignari audimus; ut distinguat aquas quæ sunt sub expanso, ab aquis quæ sunt supra expansum. Et si *תחתיו* eum denotat locum qui toti expanso secundo die creato est subiectus, quidni *למעלה* eum quoque denotet locum qui supra totum expansum secundo die creatum est evectus? Secùs si interpretare, & rationibus destitueris, & *Mosen* obscurabis.

Excipit *Aslachus* 1, Per expansum hinc intelligi

debere aerem, non cœlum sidereum. *Resp.* Et aerem & cœlum sidereum: unum enim idémque expansum est aer & cœlum sidereum; unius tantùm mentionem Scriptura facit. Sive igitur supra aerem sive supra cœlum sidereum collocatas aquas dixeris, perinde fuerit.

Excipit 2, Parti huic tribui appellationem totius: per expansum enim intelligi inferiorem expansi partem, quæ aer est. *Resp.* 1. Ex textu hoc nequit probari. 2. ut *תחתיו* ad totum refertur expansum, ità & *למעלה* ad totum referendum: aliter obscurus erit & admodum dubius *Moses*. 3. Si *למעלה* non denotat locum supra expansum totum, etiam *תחתיו* locum infra totum expansum notare, haud ineptè quispiam negaverit: Itaque expansum licebit interpretari octavum orbem, (quem *firmamentum* vocant, & ità Græci vocem *ὑπερσφαιρα*) ut sensus sit, expansum distinguere supercœlestes aquas à nubibus inferioribus expanso. Quod cùm *Aslacho*, in uno concessum, cur non & aliis in altero præsertim cùm hæc interpretatio, quam tamen nos non sequimur, non magis sit absurda quàm illa.

3. Dum per expansum hoc loco inferiorem expansi partem intelligit, de unitate expansi nobis concedit. At unum quidem, inquit *Aslachus*, expansum est, sed non ejusdem naturæ. Partes igitur, ut audio, in uno illo expanso sunt heterogeneæ: quæ, quæso, probabit hoc? cùm nec Scriptura, nec ratio, nec experientia suffragetur, ut paulò post videbimus.

4. Instat *Aslachus*: *Maris*, inquit, una eadémque continua indivisa moles apparet; & tamen alia natura maris occidentalis, alia orientalis: Sic igitur etiam cœlum & aer unum tantùm constituunt expansum, non tamen propterea ejusdem sunt naturæ. *Resp.* Exemplum hoc contra *Aslachum* si urgeas, sententiam nostram penitus confirmabit. Ut enim mare orientale & occidentale continua inter se ejusdem sunt essentia, etiam si qualitibus differunt; sic cœlum & aer unius continui partes essentia non differunt, sed qualitibus tantùm.

5. Sed faciamus intelligi hinc partem expansi inferiorem, aerem nimirum: ità igitur explicanda erunt *Mosis* verba; *Aquæ supra expansum*, hoc est, supra inferioris partis expansi partem inferiorem seu, mediam: nubes enim, quas hoc loco intelligunt non in supremo sunt aere aut supra aerem, sed in mediâ ejus parte: At quis torqueri ità plana *Mosis* verba patietur? quis simplex Judæus reconditam hanc verborum *Mosis* sententiam fuerit affecutus?

6. Quid

6. Quid denique causæ, quæso, cur à simplici textus sententiâ ad abstrusos hosce sensus confugiat? Certè aliam nullam video nisi præconceptam opinionem, quam nè deferere cum aliis videatur *Aslachus*, ipsi Scripturæ vim inferre non dubitat. Hæc prima nostra ratio.

2. Aquæ quas expansum distinxit, secundo creationis die actu existere, ut verba contextus clarè docent: At nubes secundo creationis die nullæ existere: Sunt enim meteora virtute siderum in mediam aeris regionem attracta; sidera verò quarto demum die à Deo sunt creata.

3. Si per aquas superiores intelligendæ essent nubes, stellæ utique infra nubes essent collocatæ: Sunt enim collocatæ in expanso quod dividit aquas inferiores à superioribus. Nam expansi hujus duplex finis à *Mose* notatur: Unus, ut distinguat aquas superiores ab inferioribus; alter, ut stellas recipiat.

Excipit *Aslachus*, Non totum expansum hîc intelligi, sed inferiorem ejus partem: quod commentum quid probabilitatis obtineat, ratione primâ vidimus. Et nisi idem plane expansum vers. 6, & 17. intelligeretur, non in expanso cujus versu 6. meminit sed supra expansum collocatas stellas vers. 17. dixisset *Moses*.

4. Si nubes aquarum cælestium nomine intelligas, & expansum aerem interpreteris à coelo sidereo naturâ distinctum, superiores aquas ab inferioribus expansum non separabit, sed aquæ potiùs superiorem expansi partem ab inferiori sejunget: Expansum enim, hoc est aer, etiam ultra nubes protenditur. Aut certè & aer nubes ab elemento aquæ sejunget, & ipsæ aeris partes à nubibus sejungetur: quorum neutrum *Moses* asserit. Taceo, quodd ex vulgato loquendi more interstitium inter duo extrema ultra neutrum extremorum portendi intelligatur.

5. Quin & alia Scripturæ loca huic favent sententiæ. Psal. cxlviii. 4. inquit *David*, Laudate Deum cæli cælorum, & aquæ quæ super cælos sunt. Nec lædit rationis robur illorum corruptela qui aiunt per cælum cælorum intelligi sidereum, & per cælos aereum. Primum enim per cælorum cælos & cælos intelligi diversos cælos non possunt probare. Deinde, si cælorum cæli alii essent à cælis, potiùs de empyreo coelo verba essent intelligenda quam desidereo: Illud enim cælum cælorum in Scripturâ nominari solet. Porro, si per cælos intelligas aerem à sidereo coelo distinctum, à *Davidis* verbis recedendum erit. Loquitur enim *Propheta* de aquis quæ sunt supra coelum: At hæc interpretatio aquas sibi fingit quæ sunt in coelo. Denique, per aquas hîc

non intelligi nubes ex versu 8. patet: ubi & Meteora aquea, quæ partim ex nubibus sunt, partim ipsæ nubes, ad Dei laudes excitantur, *Laudate Dominum, grando, nix, & vapor.*

Est & alius insignis locus in Hymno trium puerorum, ubi ad laudes Dei adhortantur tres pueri omnia Dei opera, & quidem ordine à summis ad ima descendentes: 1. Angelos, 2. coelos, 3. aquas quæ sunt *ὑπερὰν τὰ ὅρα*. Nec est quod quis excipiat, per aquas intelligi nubes seu meteora aquea in aere pendentia: hæc enim omnia seorsim ponuntur & ab aquis hîce distinguuntur. vers. 64, & seqq. vers. 73, expressè nubes nominantur, ut alias esse aquas coelestes à nubibus appareat.

6. Nec nova hæc est sententia, sed & antiquis approbata Theologis, *Iustino, Basilio, Theodoro, Gemadio, Ambrosio, Bedæ*; quibus cum faciunt Hebræorum doctissimi *Philo & Josephus*. Theologos taceo recentiores: unum omnium loco nominò *Lutherum*, non Theologum tantum sed & Philosophum. Ejus in Commentariis in primum *Geneseos* caput, hæc sunt verba; Ego quidem libenter imaginarer firmamentum esse supremum corpus omnium, & aquas non supra sed sub cælis pendentes & volantes esse nubes, quas cernimus; ut sic aquæ ab aquis distinctæ intelligerentur nubes à nostris aquis divisa in terrâ. Sed *Moses* manifestis verbis aquas supra & infra firmamentum esse dicit. Quare capivo hic sensum meum, & assentior verbo, etiamsi id non assequor. *Lutherum* plures alii ex nostri seculi Theologis sequuntur tam orthodoxi quàm heterodoxi, inter quos *Jesuita Hurrius de Mendoza*, Disputat. 3. de opere sex dierum, sect. 3. §. 29.

XIV. Sententiam hanc nostram ut evertat, omnes ingenii nervos intendit *Aslachus*, lib. 1. De coelo aereo cap. 5. Paucis igitur rationes illius colligemus & resolvemus.

1. Aquæ coelestes de quibus loquitur *Moses*, collocatæ sunt supra expansum quod secundo die creatum est: At aer est illud expansum. Ergo aquæ coelestes supra aerem sunt dispositæ, & aliud nihil sunt nisi nubes.

2. *Moses* expansum v. 6. vocat simpliciter *רקיע* expansum autem v. 17. *רקיע השמים*: Ergo per illud intelligit aerem, per hoc coelum sidereum: aquæ verò supra aerem collocatæ nullæ sunt aliæ nisi nubes.

3. Coelum stellarum primo statim die fuit creatum: Expansum igitur secundi diei non fuit nisi aer elementaris: Et proinde aquæ super expansum positæ non possunt esse aliæ nisi nubes. Antecedens probat; Quia alias lux primo die creata non habuisset.

habuisset subjectum : Quodd si ergo per expansum secundo die creatum cœlum stellatum intelligas, aut idem cœlum bis erit creatum, aut oscitanter *Moses* historiam creationis recitavit ; quorum neutrum dicendum.

4. Psal. cxlviii. ad Dei gloriam celebrandam excitantur creaturæ, & primo quidem *Angeli*, deinde *Sol & Luna*, tertio *cœli cœlorum*, quarto *aquæ quæ sunt supra cœlum* : deinceps descendit ad *meteora & bestias* : Planum igitur est per *aquas supercœlestes* intelligi nubes ; in reliquis enim nubium nulla sit mentio.

5. Ex verbis *Hebrææ*, quæ sic habent ; *Ita locutus est initio creationis primo die, dicendo, Fiat cœlum & terra. Tu die secundo creasti aerem expansi, & imperasti ei ut divisionem statueret inter aquas, ut pars earum sursum recederet, & pars maneret deorsum.* Ergo expansum inter aquas est aer, & aquæ supra cœlum sunt nubes.

6. Nubes vocantur aquæ cœli : Ergo sunt illæ aquæ super cœlestes.

7. Aut duplices tantum aquæ sunt creatæ, marinæ & nubium ; aut triplices, marinæ, nubium & supercœlestes ; quarum tamen mediam silentio præterit *Moses* : At non est verisimile *Mosen* aquas nubium prætermisisse, quarum multiplex utilitas, & de supercœlestibus locutum, quæ in sensum non incurrunt : Non igitur nisi aquas marinas & nubium recenset.

8. Contra aquarum naturam est ut sint supra cœlum.

9. Nullus earum est usus supra cœlum. Hisce rationibus alii addunt,

10. Variis in locis Scripturæ dicitur Deus aquas & nubes posuisse sursum ; imò aquæ supernæ expressè vocantur nubes, Job xxvi. 8. Psal. xviii. 12. Psal. civ. 3. Psal. cxlvii. 8. Jer. x. 13. plana & plena est explicatio, *Qui voce suâ dat multitudinem aquarum in cœlo, ascendere faciens nubes ab extremo terræ.* Ergo nubes sunt aquæ istæ supra expansum & in expanso.

11. Nubes aliud nihil sunt nisi aquæ vi caloris diurni in vaporem resolutæ, aerisque frigore rursum nonnihil concretæ. Suntque nubes supra in expanso longissimè ab inferioribus aquis divisæ. Unde à *Plinio* appellantur *aquæ in cœlo stantes*. Ergo per aquas illas cœlestes rectè intelliguntur nubes.

12. *Moses* non dicit aquas quæ erant על רקיע, supra expansum, sed quæ erant מעל רקיע, desuper expanso : Ergo non intelligit aquas evectas supra totum expansum, sed tantum evectas sursum ; ut unâ cum expanso essent suprâ & desuper.

13. Deus non vocavit expansum מים עליו, hoc est, suprâ aquæ, sed מים עליו, quasi מים עליו ibi aquæ :

Ergo non intelligendæ sunt aquæ supra totum expansum, sed in expanso, quæ aliæ non sunt nisi nubes.

14. *Augustinus* valde laudat hanc interpretationem, De Genes. ad lit. lib. 2. cap. 4.

15. Contraria sententia de aquis supra firmamentum collocatis absurda est : Ergo posterior hæc eligenda. Antecedens probatur : Sic enim aquæ essent supra octavam sphaeram, utique contra naturam ibi essent & frustra essent. Contra naturam ibi fore patet ; quia sunt graves & deorsum tendunt : proinde aut violenter aut miraculosè ibi essent : Non violenter, quia violentum non est perpetuum : non miraculosè ibi teneri credibile est, quia miraculum ex Scripturâ probari nequit. Frustrâ ibidem fore patet ; quia cœlum vel sidera refrigeratione non opus habent.

XV. Ad singulas hæc rationes paucis ita respondemus :

Ad 1^m. Totam concedimus. Quod tamen è concessione sequi putat, aliud nimirum aquas illas nihil esse nisi nubes, sequi negamus ; quin potius contrarium sequitur : Aquæ illæ supra aerem sunt, nubes autem non supra aerem sed in aere sunt. Deinde & hanc hypothesin supponit falsam, aerem realiter & essentialiter distinctum à cœlo fidereo.

Ad 2^m. Rationis hujus imbecillitatem jam antè ostendimus. Quod autem aquas supra aerem collocatas nubes esse dicit, id nos pernegamus.

Ad 3^m. Antecedens negamus. Aut enim primus versiculus summam duntaxat creationis continet, aut per cœlum nonnisi empyreum intelligi potest ; nisi absurdè dicat, cœlum bis esse creatum. Expansum enim secundi diei id esse dicimus cujus vers. 17. meminit, & in quo stellas collocatas *Moses* dicit. Ad probationem respondemus ; Lucem illam fuisse vel substantiam vel accidens : Si accidens, hæsit in confusâ illâ aquæ & terræ mole : si substantia, idem ipsi fuit locus qui & terræ & aquæ. Sed de luce hæc suo loco.

Ad 4^m. Planè inconsequens ratio est. Contrarium potius ex Psalmo probatur, ut antea ostendimus. Quid, quod nec necessarium fuerit omnes corporum naturalium species commemorasse : plures enim omittas videmus.

Ad 5^m. Ratio hæc sententiam nostram confirmat potius quàm evertit. Cœlum quod primo die creatum *Moses* dicit, aut est empyreum, aut certè cœlum naturale, quod secundo creationis die expansum vocatur. Dicendum igitur fuerit, naturale cœlum

coelum primo quidem diem creatum, at cum aqua & terrâ confusum; secundo verò demum die distinctum, ut ipsa quoque terra & aqua: quod perquam probabile nonnullis videtur. Cæterum expansum inter aquas aerem esse, ultro concedimus; at aquas illas propterea nubes esse negamus. Interim magis arridet illorum opinio qui primo Genesios verticulo non primi diei opera sed summam totius creationis & omnia opera contineri statuunt: De quâ sententiâ pluribus supra egimus.

Ad 6^m. Rationis hujus nulla est consequentia. Nubes enim non sunt supra coelum sed in coelo.

Ad 7^m. Nonnisi duplicium aquarum à Mose fit mentio, marinarum seu subcoelestium, & supercoelestium; propterea quòd aliæ nullæ à Deo fuerint creatæ: Nec enim nubes Deus creavit, sed per causas secundas ex aquis creatis excitavit, & in aerem elevavit. Malè igitur aquæ marinæ & nubium opponuntur, cum nubium aquæ aliæ non sint nisi marinæ in aerem elevatæ. Quod si cui displiceat, probet nobis peculiare nubium aquas initio à Deo creatas esse.

Ad 8^m. Cum Bonaventurâ respondemus: Sic ille in 3. Sen. dist. 14. art. 1. q. 1. *Illud est naturale unicuique quod creator ei indit à primâ constitutione: Si ergò in primâ aquarum divisione quædam positæ sunt supra firmamentum, quædam sub firmamento, ita naturale est illis esse supra firmamentum sicut istis esse infra firmamentum.* Addo, si contra aquarum naturam non est ut tanto intervallo à terrâ in aere pendeant, eorum naturali ratione etiam supra coelum esse non possint? Anne qui ligare aquas in aere dicitur, supra coelum suspendere eas non possit?

Ad 9^m. Negamus aquarum illarum nullum esse usum: certè in Dei laudes illæ sunt positæ: Alios fines recenset Damascenus, lib. 11. c. 9. Et si maxime usum earum ignoraremus, anne propterea eas negare deberemus? Quocunque verò modo, inquit Augustinus, aut quates aquæ ibi sint, eas esse ibi minime dubitemus: major est quippe Scripturæ hujus auctoritas quàm omnis ingenii humani capacitas.

Ad 10^m. Negatur consequentia. Loquitur enim Mosè de aquis supra coelum; allegata in antecedente loca, de aquis in coelo vel expanso: Atqui differunt esse in coelo, & esse supra coelum.

Ad 11^m. Negatur consequentia. Ex antecedente rationis hujus nostra sententia haud parùm roboratur: Cùm enim juberet Deus aquas superiores ab inferioribus distingui per medium expansum, locutus est de aquis secundo creationis die jam existentibus. Siquidem expansum eo ipso momento fun-

ctum est suo officio quo creatum est & justum aquas disternare. Atqui nubes secundo creationis die nondum existerunt, ut patet ex textu Mosaisco & rationis hujus antecedente. Vide versionem Junii Genes. ii. 5, 6.

Ad 12^m. Negatur consequentia. Etenim מַעַל apud Mosè idem est quod מִלְּפָנָיו supra. Hinc Junius, cui nostra sententia non arridet, et si מַעַל apud Mosè interpretatur à regione superâ expansi, vel desuper expanso, tamen Psalmo cviii. 5. Verba Prophetæ גִּבּוֹר מֵעַל שָׁמַיִם חֹסֵד, sic interpretatur, Magna est supra celos benignitas tua. Psalm. cxiii. 4. eodem sensu ait, גִּבּוֹר עַל הַשָּׁמַיִם gloria ejus. Et quod amplius est, idem Junius verba Psalm. cxlviii. 4. quæ de his ipsis aquis loquuntur, הַמַּיִם אֲשֶׁר מֵעַל הַשָּׁמַיִם ita reddit. aquæ quæ supra hoc coelum sunt. Hebraicæ literaturæ scientissimus Munsterus apud Mosè quoque supra reddit.

Ad 13^m. Negatur consequentia. Voluit enim voce שָׁמַיִם Deus non locum aquarum indigitare, sed primam coeli materiam, quam aquam fuisse probabile est: Unde מִן מַיִם non necesse erat appellare. Si coelum ab aquis extraneis שָׁמַיִם appellari contendas, ad super coelestes aquas non ad nubes respexisse Deus videri possit, מִן מַיִם igitur appellari coelum non potuit, quia non supra sed infra aquas illas collocatum fuit.

Ad 14^m. Et nostram sententiam laudat Augustinus, ut patet ex responsione nostrâ ad rationem 9. Et plurium Patrum suffragiis probatur nostra.

Ad 15^m. Antecedens negatur. Ad probationem respondimus in solutione rationis 8, & 9. Quo modo aquæ in aere tenentur, eodem & supra coelum teneri possunt.

XVI. Ita olim pro aquis supercoelestibus seridè disputabam. Re autem ultro citroque pensitatâ, existimo problema hoc esse de quo probabiliter in utramque partem disputari possit. Nec argumenta mihi videntur tam solida adferri pro alterutra parte posse quin responsione non adeò laboriosâ expediri possint. Quæ causa quoque quòd aquarum supercoelestium quasi oblitus, totum illud spatium ab empyreo coelo ad imam usque terram solius aeris expanso repleri in Physicis hisce Contemplationibus interdum dicam. Libuit autem argumenta contra, supercoelestes aquas, studiosè conquista solvere ut ostenderem ἀδύνατον ea non esse, & tam certam non reddere posteriorem sententiam ut prior illico sit deferenda. Et hæcenus de coeli materiâ.

THESIS II.

Forma cœli specifica nobis ignota est : In genere tamen describi potest , *principium essenziale celesti materia contra- distinctum, per quod cœlum est & operatur.* Quam ita cœlo tribuimus ut intelligentiam motricem ab eo penitus excludamus .

"*Ex Deo.*"

I. De formâ cœli non minùs variè disputatur quam de materiâ. Sunt qui negent cœlo formam inesse propriè sic dictam, quam Scholæ vulgò *informantem* appellant : Quam sententiam cum *Zabarella* omnes ii amplectuntur qui cœlum ita simplex corpus sibi fingunt ut Physicæ compositionis sit expers : Quâ de quæstione suprà prolixè à nobis disputatum. Uritur tamen distinctione *Zareballe*, De nat. cœl. cap. 8. nempe formalem causam duobus sumi modis : uno, pro illâ formâ quæ altera compositi pars est, & re distinguitur à materiâ in quâ hæret ; altero, pro essentiâ seu quiditate rei : Priori modo cœlo formam inesse negat, posteriori concedit. Sed de hac formâ, quam aliàs totius formam appellant, hoc loco nulla est quæstio.

Argumentis *Zareballe* sententiam suam confirmat sequentibus :

1. Ubi materiâ non est, ibi forma quoque non est : In cœlo materiâ non est quâ consistet & componatur : Ergò in cœlo nec forma est, si intelligentiam ab eo removeas. Propositio apud omnes in confesso est. Assumptio probatur ; Quia ubi materiâ est, ibi potentia ad esse & non esse, & proinde corruptibilitas est : Atqui cœlum incorruptibile est.

2. Materiâ loco tantum mobilis non habet formam substantialem præter causam motricem, quæ forma propriè dicta non est : Cœli materiâ est tantum loco mobilis : Ergò. Propositionem probo ; Quia materiâ habens formam substantialem non est loco tantum mobilis. Assumptio in Scholâ Peripateticâ extra dubium est, & probatur 8. Metaph. tex. 12.

3. Ubi nulla est potentia patiendi nisi ratione lationis, ibi nulla est forma : Atqui in cœlo nulla est potentia patiendi nisi ratione lationis : Ergò. Propositionem probat ; Quia ubi forma est, ibi materiâ habet potentiam ad formam. Assumptio est *Aristotelis* 9. Metaph. c. 9. & 12. Metaph. tex. 10. Hisce rationibus alias addit *Mercenarius* in Dilucidationibus.

4. Si in cœlo inest alia forma præter Intelligentiam, vel forma illa vel Intelligentia superflua erit

& otiosa : At falsum consequens : Ergò & antecedens. Connexi ratio est ; Quia à formâ propria distincta ab Intelligentia est operatio & motus, vel ab Intelligentia : Si à forma propria, nullus est Intelligentiæ usus, nulla necessitas : Si ab intelligentia, nullus est usus formæ propriæ & distinctæ ab Intelligentia : tribuitur enim ea cœlo propter motum & operationem. Assumptionis ; Quia *Deus & natura nihil frustra faciunt.*

5. Propria cœli forma est corruptibilis vel æterna : Si corruptibilis ; Ergò cœlum formaliter erit corruptibile : quod absurdum. Si æterna ; Ergò à materiâ erit abstracta, proindeque intelligens. Ratio consequentiæ est : Quia secundum *Aristotelem* omnia æterna sunt à materiâ abstracta, & omnia per essentiam abstracta sunt intelligentia : Materialitas enim in causa est ut forma sit intelligibilis tantum non intelligens, carentia verò materiæ causa est ut forma sit intelligibilis & intelligens : Si ergò huiusmodi forma est abstracta & intelligens, uniuscuiusque orbis duæ erunt Intelligentiæ : quod est contra *Aristotelis* decretum 12. Metaph. 44.

6. Si præter Intelligentiam datur cœli forma propria eaque æterna, cœlum per se erit animatum : Atqui falsum consequens : Ergò & antecedens. Connexi ratio est ; Quia contradicit, formam æternam esse, & non esse animam vel intellectum. Hinc enim *Aristoteles* infert substantias moventes esse intelligentes, quia sunt æternæ.

7. Si cœlum præter Intelligentiam haberet formam propriam, utiq; verè natura cœli ea esset : At falsum consequens : Ergò & antecedens. Assumptio probatur ; Quia *Aristoteles* ubi declarat naturam dici de formâ, à materiâ inseparabilem formam intelligit, quæ generationis est terminus, 2. Phys. cont. 12. 14. Esset igitur forma cœli, si natura esset, à materiâ inseparabilis & corruptibilis, vel generabilis : quod falsum.

8. Si cœlum præter Intelligentiam haberet formam à materiâ inseparabilem & ab ea necessario dependentem utiq; non creata ea sed generata esset : At falsum consequens : Ergò & antecedens. Connexi ratio est : Quia productio formæ, ad quam simul materiâ concurrir, à qua inseparabilis est forma, illius esteductio ex potentia materiæ : Atqui hæc non creatio sed generatio est. Hac ratione motus *Hurtadus de Mendozâ* formam cœli propriam non creatâ sed generatam esse statuit, Disp. Phys. 4. sect. 2. §. 12.

9. Si cœlum haberet formam propriè dictam præter Intelligentiam, ad minimum esset ab ea figura & lumen cœli : Atqui falsum consequens : Ergò & antecedens. Connexi ratio est ; Quia forma propriè dicta non meretur appellari à quia

à quâ nullum compositum accidens, præsertim formale, est. Assumptionem pro verissimâ habet *Mercenarius*, qui cum *Averroë* statuit lumen, figuram & motum cœli ab Intelligentiâ esse, eâque remorâ nec figuram suam nec lumen retinere cœlum, penitusque immobile manere.

II. Contrâ verò formam propriè dictam & informantem in cœlesti corpore esse, multorum est sententia : quæ totidem illis argumentis probatur quibus suprà ostendimus cœlum esse corpus naturale propriè dictum & completum.

Pro hujusdem sententiæ confirmatione sequentia argumenta adducit *Hippius* in Problem. Phylis.

1. Omne ens actu habet formam propriè dictam : Cœlum est ens actu : Ergò habet formam propriè dictam. Propositio probatur ; Quia omnis actus est à formâ. Assumptio est extra controversiam.

2. Quicquid destituitur formâ, id est pura & nuda potentia : Atqui cœlum non est pura & nuda potentia : Ergò non destituitur formâ propriâ. Propositio probatur ex 1. De cœlo t. 138. & 1. De generat. animal. t. 13. ubi ait Philosophus materiam esse causam quâ res esse & non esse potest : quod nihil est aliud quàm mera potentia.

3. Quicquid habet essentiam, nomen & definitionem, illud habet formam propriam : Cœlum habet essentiam, nomen & definitionem, etiam secundâ Intelligentiâ : Ergò habet formam propriam. Assumptio probatur ; Quia sublato cœli motu nihilominus cœlum esset cœlum, & haberet suam essentiam ab his inferioribus distinctam.

4. Quicquid habet naturam aliam ab Intelligentiis, id habet formam propriè dictam : Atqui cœlum habet naturam aliam ab Intelligentiis : Ergò. Propositio probatur ; Quia natura maximè dicitur forma.

Miror certè doctissimum Philosophum rationibus hisce sententiam suam adstruxisse seriò, cum in singulis falsa sit propositio : Et unico quidem Intelligentiarum seu Angelorum exemplo labefactari tres priores possunt : Sunt enim Angeli 1. actu entia ; 2. destituuntur formâ, nempe Physicâ & propriè sic dictâ, quæ altera compositi pars est ; 3. habent essentiam, nomen & definitionem : quæ omnia in Scholis Philosophorum & Theologorum concessa & confessa sunt : & tamen nec formam propriè dictam habent, quod primæ & tertiæ rationis consequens est ; nec puræ sunt & nudæ potentia, quod secundæ rationis consequens. Quartæ rationis propositionem infringit Dei exemplum : Habet enim Deus naturam ab Intelligentiis aliam & distinctissimam, & tamen formam propriè

dictam non habet. Vel certè accidentia sumantur, quorum natura ab Intelligentiis diversissima est : Quis verò formam propriè dictam ea habere hinc inferat ?

III. Ad argumenta *Aristotelis* primâ proposita ordine sic respondemus :

Ad 1^m. Assumptionem nego. Probationem esse falsam suprà ostendimus, cum de cœli materiâ disputâremus.

Ad 2^m. Primò propositionem nego. Ecquid enim causæ sit quòd forma propriè dicta non possit esse principium motûs in materiâ tantùm loco mobili, cum omnis formæ substantialis hæc sit natura ut activum motûs principium sit ? Deinde & assumptionem nego. Non loco tantùm mobilis sed & alterabilis est cœli materia ; ut constat ex disputatione de cœli materiâ, & pluribus deinceps probabitur in disputatione de adjunctis cœli. Nec assumptionis nec propositionis probatio quicquam habet roboris.

Ad 3^m. Assumptionem nego. Est in cœlo præter potentiam ad lationem etiam potentia ad alterationem & potentia ad formam propriam, quæ ratione materiæ ipsi competit. Materia enim in composito formæ subjecta non amittit rationem potentiæ, etiam in corruptibilibus : Siquidem compositio ex actu & potentiâ est ubicunque compositio ex materiâ & formâ. Imò & in substantiis à materiâ abstractis datur compositio ex actu & potentiâ ; cum purus & omnimode simplex actus non detur nisi Deus : possunt enim quæcunque extra Deum sunt etiam non esse.

Quod verò *Aristoteles* negat in cœlo esse potentiam præter eam quæ respectu lationis ipsi competit, tantùm de potentiâ respectu alterationis accipiendum : etsi & hanc cœlo competere nos statuimus.

Ad 4^m. Primò connexum non est necessariæ consequentiæ. Posset utraque in cœlo esse & neutra otiosa. Qui utramque formam in cœlo agnoscunt, de utriusque usu ita sentiunt : Per propriam & ab Intelligentiâ distinctam formam cœlum intrinsecè constituitur, figuram & alia, præter motum orbem, adjuncta, ipsamque etiam aptitudinem ad motum circularem sortitur, adeoque ab aliis naturalibus corporibus specificè distinguitur. Per Intelligentiam verò in orbem actu movetur. Nec enim hoc esse necessarium concedunt, ut propria cuiusque rei forma principium vel causa sit lationis, quam solis illi animantibus vendicant : hinc motum gravium & levium externæ motrici causæ plerique Peripatetici tribuunt. Unde patet quid ad connexi probationem sit respondendum. Perinde hæc arguere.

arguere *Mercenarius* mihi videtur ac si quis neget internam formam navis dari, vel certe, si detur frustraneam & planè otiosam contendat esse, propterea quòd in *Indiam* navis meet & inde remeet non per internam & propriam suam formam, sed per externam & assistentem, hoc est, nautam. Hactenus connexi negata consequentia. Ex propria sententia etiam assumptionem nego. Frustranea, inquam, & otiosa est in coelo Intelligentia, si, ut vulgò quidem creditur, in coelo est: præstiterit tamen dicere, in coelo non esse tanquam formam assistentem, quàm frustra in eo esse: Quà de quæstione paulò post.

Ad 5^m. Coeli propria forma nec corruptibilis nec æterna est, sed incorruptibilis. Si tamen per æternum aliud nihil nisi incorruptibile intelligatur, concedo coeli formam esse æternam. Quod infert *Mercenarius*, à materia igitur abstractam & intelligentem esse, id sequi nego. Omnia æterna, hoc est, incorruptibilia, per essentiam abstracta esse, falsum est, à quocunque tandem sit affirmatum: Erunt enim in statu gloriæ formæ corporum nostrorum, quatenus mista sunt, incorruptibiles & æternæ, quæ tamen per essentiam abstractæ non erunt. Sic & coelis in prima creatione inditæ sunt formæ incorruptibiles, quæ tamen planè sunt materiales.

Ad 6^m. Connexum negamus, modò per æternum incorruptibile intelligatur. Ratio connexi falsa est: Ab æternitate, hoc est, incorruptibilitate, ad intelligendi facultatem non valet consequentia.

Ad 7^m. Assumptionem negamus. Ad probationem, quicquid sit de forma cui naturæ appellationem tribuit *Aristoteles*, (quà de quæstione suo loco egimus) negamus omnem formam à materia inseparabilem esse terminum generationis vel generabilem. Astris Deus contulit in creatione formas inseparabiles, quæ minimè sunt generabiles.

Ad 8^m. Connexum negamus. Ratio ejus falsa est, si per concursum materiæ cum productione formæ intelligatur necessaria formæ à materia dependentia vel inseparabilis cum ea nexus. De educatione formæ ex potentia materiæ quid statuamus, Contemplationum nostrarum prima sectio docebit, ubi de ortu formæ in genere disputamus: Si placeat educi formam ex materiæ potentiâ, generatio deum appellanda erit educio formæ ex materiæ potentiâ naturali, non obedientiali; quam in actum deducere solius est Creatoris.

Ad 9^m. Assumptionem negamus: quam etsi pro verissima habet *Mercenarius*, nobis tamen falsissima videtur. Vix persuadere mihi potuissim eò dementiæ doctissimum virum descensurum ut re-

motâ Intelligentiâ nec figuram nec lucem in coelestibus corporibus reliquam futuram crederet: quod tamen planè sibi persuasum habet *Mercenarius*. *Cælum*, inquit, *seclusâ Intelligentiâ nec movetur, nec lumen nec figuram habet*. Quod de coelo dicit, de astris etiam intelligit. Mirum sanè est ni dicat etiam *Mercenarius*, remotâ Intelligentiâ corruptum vel annihilatum iri coelum cum astris; siquidem astra sine luce sua non magis esse possunt quàm ignis sine calore. Erunt igitur incorruptibilia astra non ab interna sed ab externa causa: quod falsum esse omnes Peripatetici exclamabunt. Perinde hîc philosophatur *Mercenarius* ac si quis ignem nec calidum nec lucidum fore contendat simul atque ab eo recesserit coquus, à quo pro arbitrio dirigitur; vel navem illico figuram & omnia sua propria amissuram simul atque eam nauta deseruerit. Ità tandem cum Philosophicis disciplinis agitur, cum neglectâ ratione ad solius humanæ autoritatis tribunal provocatur, magisque in doctorum autoritate conservandâ quam doctrinæ veritate indaganda laboratur. Ad alia pergamus.

IV. Cùm constet coelum habere formam propriè dictam, hoc est, informantem, de ea porro quæritur, quanam & qualis ea sit. Sunt qui Intelligentiam hîc nobis commendunt, quos inter *Achillinus*, *Suessanus*, *Mirandulanus*, & alii recentiores, quorum præcipuè argumenta hæc adducit *Mercenarius*:

1. Intelligentia est coeli forma: Ergò coeli essentiam formaliter constituit, & proinde est forma informans. Antecedens apud plerisque Peripateticos est in confesso. Ratio consequentiæ: Quia forma omnis est τὸ τί ἦν εἶναι, hoc est, ratio essentiæ, ut habetur 2. Phys. tex. 28.

2. Per quod coelo inest propria ejus actio, id est coeli actus, & forma dans esse: Atqui per Intelligentiam inest coelo propria ipsius actio, nempe motus circularis: Ergò intelligentia est actus coeli & forma dans esse. Propositio probatur ea 2. De anima tex. 24. ubi hoc ipso modo probat Philosophus animam esse actum corporis.

3. Quod unitatem largitur coelo, id etiam esse ipsi largitur: Atqui Intelligentia unitatem coelo largitur: Ergò & esse; & proinde est forma ipsius informans. Propositio probatur ex 2. De anima. t. 7. & 4. Metaph. t. 3. ubi docet Philosophus ab eodem esse τὸ εἶναι & τὸ εἶναι: Assumptio probatur ex *Averroë* 2. De coelo, ubi inquit ex Intelligentia & orbe magis fieri unum quam ex materia & agente.

4. Sententiam hanc multis in locis defendit *Averroës*, ut 1. Phys. 63. ubi ait coeleste corpus constitui

constitui per Intelligentiam, sed Intelligentiam non constitui per corpus coeleste. Et 1. De coelo 95. Ubi negat materiam coeli per se existere actu : Erit igitur a actu per Intelligentiam, & proinde Intelligentia erit forma informans. Sic & Paraphrasi metaph. tract. 4. ait substantias abstractas dare coelestibus corporibus formas suas, quibus sunt id quod sunt.

V. Sententiam hanc ex recentioribus pauci approbant : Impugnant eam sequentibus argumentis :

1. Si Intelligentia est forma coelo dans esse, cum orbe erit unum per se : At falsum consequens : Ergo & antecedens. Connexi ratio est ; quia ab eodem est esse & unum esse. Assumptio probatur ; Quia non potest fieri unum per se, nisi unum sit actus & alterum potentia, 8. Metaph. r. 15. Erit igitur hac ratione materia in potentia ad esse, adeoque in potentia contradictionis : Omnis enim potentia passiva ad esse est etiam ad non esse : Unde sequitur corruptibile coelum esse : quod falsum.

2. Si Intelligentia coelo dat esse & tribuit actum materię, utique materia coeli naturā suā caret esse & actu : At falsum consequens : Ergo & antecedens. Connexi ratio est ; Quia natura sua non habet quod ab Intelligentia habet. Assumptio probatur ; Si natura sua careret actu, apta tamen esset ad recipiendum eum, utiq; privationem haberet annexam, & incorruptibile per eam coelum esset.

3. Si Intelligentia esset forma informans, utique moveretur per accidens ad motum subjecti : At falsum consequens : Ergo & antecedens. Connexi ratio est ; Quia omnis forma recepta in materiā & perficiens materiam movetur ad motum sui subjecti. Assumptio probatur ex 8. Phys. Tribus hęc argumentis pugnat Mercenarius : Quibus addunt *Conimbricenses* sequentia.

4. Intelligentia non confert actum primum seu substantialem corpori coelesti, nec more formę Physicę cum materiā coit in unum per se : Ergo non est forma coeli informans. Ratio consequentię est ; Quia requisita hęc sunt formę informantis, conferre actum primum & substantialem, simulque cum materiā coire in unum per se. Antecedens probatur quoad prius ; Quia coelum à formā aliā propriā habet actum suum substantialem, per quem inter species corporis naturalis refertur : quoad posterius ; Quia intelligentia est quiddam per se cohærens & completum in specie sui.

5. Id est forma coeli informans à quo perfectiones secundarię ingenerantur coelo à naturā, ut figura, densitas, raritas &c. dimanant : Atqui hujusmodi perfectiones coeli ab Intelligentiā non dimanant : Ergo Intelligentia non est forma informans. Af-

fumptio probatur ; Quia perfectiones hujusmodi sunt ab actu primo corporis coelestis.

6. Si Intelligentia esset forma informans corporis coelestis, utique tota Intelligentię consideratio pertineret ad Physicam : At falsum consequens secundum receptam sententiam, quę Metaphysicę transcribit considerationem Intelligentiarum. Ergo & antecedens. Connexi ratio est ; Quia consideratio materię & formę ejusdem rei pertinet ad eandem scientiam, 2. Phys. tex. 22. Equidem sententiam hanc, quod Intelligentia non sit forma coeli proprię dicta, tanquam verissimam modis omnibus amplector : Miror tamen doctissimos viros rationibus plerisque tam invalidis pugnare : In probationibus enim vel falsas assumunt hypothèses, vel principium petunt, vel inconsequentię vitio discursum labefactant, ut patet ex primā, secundā, quartā, & quintā. Tertiam & sextam reliquis præfero : Valida tamen & illa ratio, Quod ex materiā coeli & Intelligentiā unum per se non constituatur, quia Intelligentia per se est substantia completa & perfecta. Quod si negent adversarii, in animarum ordinem redigendę erunt Intelligentię istę coelestes : quod quā ratione tueri possint non video. Contrariam sententiam, pro quā *ex deo* quarta militat, satis suspectam reddit rationum quibus stabilitur imbecillitas. Nē verò prorsus asymboli ad hanc quæstionem videamur accessisse, de nostro quoque rationem addimus :

Si Intelligentia esset forma coeli informans, vel coelesti materię esset coextensa, vel sine extensione dicatur esse in toto coelo, totaque in singulis ejus partibus, vel denique in unā tantum parte. Nam si in pluribus simul & quidem tota sine sui extensione dicatur esse, non video quā in omnibus esse non possit. Atqui nec coelesti materię est coextensa : liquidē planē est indivisibilis, nec per se nec per accidens extensibilis aut quanta ; ut constat ex doctrinā de Intelligentiis seu Angelis. Et verò ipsi sententię istius patroni negant Intelligentiam esse formam materialem, quę sola materię suę coextenditur. Nec verò sine extensione sui tota in toto coelo & in singulis ejus partibus est tota : Quia hęc solius immensę Dei essentię prerogativa est, quę per inextensionem & simplicissimam suam infinitatem ubique tota est. Creaturę reliquę spirituales indivisibiles ita certo definiuntur spatio ut simul intra id & extra id esse nequeant. Unde nulli datum Angelo ut eodem momento *Romę* simul & *Constantinopoli* sit. Si in unā tantum coeli parte esset, ex. gr. in puncto orientali vel occidentali informans totius coeli forma esse non posset, secundum receptam Philosophorum de formę sententiam, quę omnes compositi, præfer-

tim homogenei materialis, partes æque informari docet: atqui non nisi unica coeli particula esset informata, reliquæ omnes informēs: quod affirmare vix audebunt qui Intelligentias in coelum compingunt. Nos tantum abest ut informantem coeli formam credamus esse Intelligentiam, ut assistentis etiam fungi officio ab ejus naturâ prorsus alienum esse existimemus. De quo paulo post.

VI. Ad contraria argumenta sic respondemus.

Ad 1^m. Primò negamus antecedens. Solâ Peripateticæ Scholæ autoritas non sufficit ad nova inter sanctos Dei Angelos officia distribuenda: opus imprimis autoritate sacrarum literarum: Quâ de questione paulo post. Deinde consequentia etiam negatur. Non enim unius generis est forma: Datur assistens & informans: posterior hæc non prior rem cuius est forma formaliter constituit. Probatio ex *Aristotele* allata ad rem non facit: loquitur enim *Aristoteles* de formâ propriè sic dictâ, quæ non est nisi informans, & si *Mercenaria* credimus, tantum de formâ generabili & corruptibili.

Ad 2^m. Propositionem distinguit *Mercenarius*; Per quod tanquam principium quo inest coelo propria actio, id est forma coelo dans esse: Atqui per Intelligentiam non tanquam principium quo sed tanquam principium quod coelo competit actio propria; cum sit natura per se subsistens & completa. Principium quo res movetur; incompletum quid est, & altera compositi materialis pars: De hoc principio loquitur *Aristoteles* in allegato loco. Sic recepta est sententia in Scholâ Peripateticâ, gravia & levia moveri ab externâ causâ suis motibus ad quos naturâ propendunt; illam autem formam esse propriam gravium & levium nemo dixerit vel concesserit. Est & hæc externâ causa principium quod, non principium quo. Tale principium & nata est respectu havis motus. Ex propriâ sententiâ si respondendum nobis sit, simpliciter assumptionem negamus. Nec propriâ coeli operatio est motus in orbem, nec motus hic, si maxime coelo competeret, ab Intelligentiâ esset; ut suo loco videbimus.

Ad 3^m. Assumptionem negamus. Ad probationem ejus non sufficit sola *Averrois* autoritas: quam tamen non recto sensu allegari *Mercenarius* ostendit. Magis unum *Averrois* est non magis per se unum, quale oritur ex materiâ & formâ informantē unitis & compositum per se unum constituentibus, sed magis indivisibile. Cum enim Intelligentiâ coelo non uniat, secundum *Averroem*, mediantibus materia dimensionibus, forma autem materialis, mediantibus dimensionibus quibus coextenditur; utique ex Intelligentiâ & coelo magis indivisibile oritur quàm ex unione formæ materialis & materiæ: quod

enim hoc modo componitur, totum est divisibile secundum materiâ & formam; quod autem priori modo componitur, non nisi ex parte materiæ est divisibile. Nos unionem Intelligentiæ cum coelo planè nullam agnoscimus.

Ad 4^m. De *Averrois* sententiâ magnoperè nobis non laborandum: Attamen ab hoc errore immunem esse *Averroem* ostendit *Mercenarius*, ad quem lectorem remitto: Interim ad aliam quæstionem transeo.

VII. Sunt qui animatum esse coelum contendunt, & sic informantem coeli formam constituent animam. Fuit hæc sententiâ olim celeberrima: unde *Theophrastus* aiebat non esse Philosophum qui celestibus abneget vitam. A *Chaldeis* primum promulgata hæc opinio, ab *Egyptiis* approbata, indeque à *Platonis* per totam *Græciam* disseminata; & apud *Arbænienses* quidem adeo superstitiosè & pertinaciter propagata ut *Anaxagoras*, cum sidera nec animalia nec Deos esse diceret, impietatis accusatus & condemnatus fuerit. *Arabes* quoque Philosophi utrâque coeli animam sunt amplexi: nec ab hisce abierunt *Academicorum* & *Stoicorum* Scholæ. Quin & Doctorum *Ecclesiasticorum* haud paucis arrisit, imprimis autem *Origeni*. Hæc tamen sententiâ quàm frequens olim in Scholis Philosophum fuit, tam infrequens est hodiè. Paucos enim invenias qui suffragiis suis eam comprobant eant. Scribit *Cælius A. L. lib. 22. cap. 2.* Hebræos solos ex omnibus piâ sanctâque consideratione primum elementa & quæ ab elementis composita sunt, Solem similiter & Lunam, & Stellarum reliquas, & Coelum ipsum non solum Deos non esse, verum etiam animæ penitus expertes judicasse. Inter eos qui secus hodiè sentiant *Bodin*us est, in suo Naturæ theatro, ubi coelum definit animal intelligens continuè motum. *Paulus Riccius* compendium scripsit De animâ coeli, juxta Peripateticorum & sanctorum Doctorum dogmata. Non autem consentiunt sententiæ hujus patroni de specie celestis animæ. Solâ vegetant animâ præditum esse coelum videtur *Herbodo* & *Stoicis*. Imaginativam tantum *Avicenna* ei concedit. Liberalior est *Plutarchus*, qui & visu & auditu & tactu ornatum agnoscit. Alii denique pro intelligente coeli animâ dimicant. Omnes animarum gradus coelo tribuit *Leo Hebraeus*. Nos argumenta pro coeli animâ in genere vel specie militantiâ breviter colligimus ex *Averroë*, *Paulo Riccio*, *Bodino*, *Archangelis*, *Burgomontis*, & aliis.

1. Si inanimatum esset coelum, Prophetæ id ipsum silendo causâ extitissent roborandi permittendive idololatriæ cultum: At falsum & absurdum consequens: Ergo & antecedens. Connexi ratio est; Quia ut, ex *Aristotelis* sententiâ, materia absentia

ria est causa submerſionis, præſentia eſt cauſa ſalutis: ſic utique inanimatoris cœli ignoratio (verba ſunt Pauli Ricii) ſilentiumque cauſa eſt permanendi idololatriæ cultûs, cujus cognitio & explicatio cauſa eſſet tollendi. Senſus hic eſt; Si inanimum eſſet cœlum, Prophetæ populum de eo erudientes omnem idololatriæ cultûs cœlo exhibendi cauſam facillimè potuiſſent tollere: Si enim conſtituiſſet vulgò animæ expertes eſſe cœlos, tam inſanus nemo fuiſſet qui cultu Divino eos proſecutus fuiſſet. Jam verò cum cauſam hanc nuſpiam populo aperuerint, idololatriæ quoque cultûs occaſionem non ſuſtulerunt, proindeque autores ejus populo exiſtiterunt; poſitâ & conceſſâ hypotheſi, quòd animæ expertes ſit cœlum. Nos magis perſpicuè ſyllogiſmum ita informamus; Si cœlum animatum non eſſet, peccaſſent utique Prophetæ & Juſti ejus reticentes: At falſum conſequens: Ergò & antecedens. Connexum probatur hoc modo; Qui cauſam cultûs circa cœlum idololatriæ intermittendi præcipuam populo reticeret, iſ officio fidelis & boni Doctôris non ſatisfacit, proindeque peccat: Atqui Prophetæ cœlorum & Juſti reticentes cauſam cultûs circa cœlum idololatriæ intermittendi præcipuam reticuiſſent: Ergò. Propoſitio per ſe manifeſta eſt, & hæc quoque ratione probatur: Qui enim idololatriæ cauſam ex officio ſufficienter non tollit cum poſſit, iſ fovere idololatriam exiſtimatur. Aſſumptio probatur; ſi enim populo conſtituiſſet de & Juſti cœlorum, tam inſanus non fuiſſet ut cultum ei idololatricum exhibuiſſet. Supponitur autem hæc nuſpiam indigitaſſe Prophetas cœlorum & Juſti: quod inde probat Riccius, quia in locis illis quibus cultu aſtris cœloque exhibendo deborantur Prophetæ, & Juſti, hujus nè verbulo quidem meminerunt, ut aliàs de idolis ligneis ſolent, quæ nec audire nec videre nec loqui poſſe aiunt: Cum tamen opportuniſſima fuiſſet mentio ejus, & ad impediendam idololatriam efficaciffima, ſolâ autem hæc ratione acquieſcunt, quòd populus Iſrael illis non ſit obnoxius, cum in hæreditarem Altiffimi ſit electus, & præcepta de ſolo Dei cœlorum Conditore colendo acceperit. Hæc prima eſt Ricii ratio.

2. Quod Prophetæ aut planè, aut per modum ſequelæ, aut ſecundum veriſſimè enunciant, ejusque nullibi oppoſitum aſſerunt, id menti ipſorum eſt adſcribendum: Atqui dogma de animâ cœli Prophetæ, 1. planè enuntiant, animæ naturam explicando; 2. ex conſequenti inferunt; 3. ex proportionalitate operationumque ſimilitudine declarant: Ergò.

Aſſumptio probatur de primo membro, ex Eccleſ. i. ubi Salomon ait, Luſtrans univerſa in circuitu pergit

ſpiritus: Unde ſic arguit; Per ſpiritum intelligit Salomon vel ipſum cœli corpus, vel mentem motricem, quam animam appellant: Atqui non corpus cœli: Ergò virtutem motricem ſeu animam. Aſſumptio probatur, 1. Quia ſenſus literalis non patitur ut per ſpiritum intelligatur corpus, nullâ ad hoc ratione vel manifeſtâ autoritate cogente. 2. Quia evidens in textu eſſet nugatio & inutilis ejusdem repetitio: Etenim paulò antè de exactâ cœli gyratione ſermonem fecit, illis verbis, *Oritur ſol & occidit, & ad locum ſuum revertitur, ibique renaſcens gyrat, &c.* Non igitur ruruſus loquitur de locali corporis motu, ſed de ſpirituâli animæ curſu, quo anima luſtrat univerſa exempla ſingularia quæ Divinæ menti inſunt, & conceptibus ſuis in cœleſte corpus perpetuò redundant, ejusdemque circumgyrationem efficit: quomodo & animæ noſtræ conceptus varii ſequuntur corporis motus.

De ſecundo membro. Docent Prophetæ cœlum & ſidera abſolutè eſſe perfectiora homine: Ergò innuunt animatum eſſe cœlum. Ratio conſequentiæ; Quia oportet eſſe animatum quod ſimpliciter perfectius eſt animato. Antecedens probatur ex Job xv. 15, 16. *Cœli non ſunt mundi in conſpectu ejus: quanto magis abominabilis & inutilis homo?* & xxv. 5, 6. *Ecce luna etiam non ſplendet, & ſtellæ non ſunt munda in conſpectu ejus: quanto magis homo putredo, & filius hominis vermis?* Et Plal. viii. 4, 5. *Quando video cœlos tuos opera digitorum tuorum, lunam & ſtellas, quæ tu fundaſti; quod eſt homo, quòd memor es ejus? & filius hominis, quoniam viſites eum?* Hiſce teſtimoniis expreſſè videntur cœli & ſidera rationibus dignitatis & perfectionis præferri hominibus.

De tertio membro. Prophetæ ſpiritualem intellectualemque ſubſtantiam cœlo multiformi appellatione ab hominibus depromptâ indigitant, dum patrem, matrem, virum, uxorem, filium, filiam, ſponſum, ſponſam, virginem, regem, reginamque appellarunt. Multa hæc Scripturæ loca allegat: Jer. vii. xxxi. xlv. Jer. lxii. Hoſ. xii. Plal. xxiii. Exod. iv. 2. 2 Cor. xi. Heb. xii. Apoc. xxi. 2 Tim. i. Hæc altera eſt Ricii ratio.

3. Jeremias ſæpius meminit reginæ cœli: Ergò dari animam cœli appertè innuit. Antecedens probatur ex Jer. vii. 18. & cap. xlv. 17. & alibi. Ratio conſequentiæ; quia per reginam commodè aliud nihil poteſt intelligi niſi anima cœli, quâ totum regitur cœlum, quæque ſolum in univerſâ archetypâ machinâ foeminæ habitudinem refert & potiorẽ idololatriæ occaſionem olim præbuit. Inde enim quòd Lunam, Solem, & cætera cœli ſidera rationali animâ Gentiles cognoverunt prædita, ſuffragia ipſorum implorarunt, iis latriæ cultum exhibuerunt.

Non autem intelligi per *reginam cæli* vel *Lunam*, vel coeli militiam, vel *Funonem*, vel *Berecynthiam*, ut aliorum glossæ volunt, inde probat; Quia litera tale nihil indigitat: & Propheta palam pronunciasset vel *lunam*, vel *cæli militiam*, vel *Funonem*, si horum aliquid intelligi voluisset: uti alias *idolorum Solis, Lunæ & militiæ cælestis* nomina à Prophetis expressa legimus, Deut. iv. & xvii. i. Reg. xxiii. Num. xxix. 3. Reg. ii. Jer. l. Ad quod probandum adhibet quoque lectionis varietatem. Apud *Jeremiam* enim in textu legitur *רַגְלָא regina* in margine *רַגְלָא opus* seu *opificium*, quâ varietate mysticè indigitatur, nempe adorari quidem opificia cælestia, non tamen quatenus sunt corpora, sed quatenus eis inhæret anima, *cæli regina* alma. Hisce argumentis ex Scripturâ depromtis pro coeli animâ pugnat *Ricius*. Quibus addunt alii;

4. Coeli sunt facti in intellectu, Psal. cxxxvi. 5. Ergo intellectu sunt præditi.

5. Quod enarrat Dei gloriam Deiq; laudes concinit, id rationis & intellectus est particeps: Atqui coeli enarrant Dei gloriam, Psal. xix. Job. xxxviii. 7. *Ubi eras cum me laudarent astra matutina?* Ergo.

6. Quibus auditum Scriptura tribuit, iis animam quoque tribuit: Atqui auditum coelis Scriptura tribuit: Ergo & animam tribuit. Assumptio probatur ex illo Deut. xxxii. *Audite cæli, quæ loquor.*

7. In quo est vitæ spiritus, id animatum est: Atqui in rotis cælestibus est spiritus vitæ: Ergo orbes cælestes sunt animati. Assumptio probatur ex *Ezech. i.* & *x.* ubi postquam dixerat Propheta *rotas cælestes moveri*, rationem addit, *quia vitæ spiritus erat in illis*. Haftenus argumenta præcipua ex sacris literis depromta. Sequuntur rationes aliæ & primum quidem eæ quibus *Ricius* utitur in suo compendio De coeli animâ.

8. Illud est animatum, quod per se aliquem vivendi actum exercet: Atqui coelum per se aliquem vivendi actum exercet: Ergo est animatum. Assumptio probatur; Quia exercet actum movendi, motu scilicet circulari continuo: inter actus enim vivendi, quos quatuor *Aristotelis* constituit, etiam refertur actus per se movendi secundum locum.

9. Omnium corporum perfectissimum est corpus cæleste: Ergo perfectissimam quoque formarum corporalium, animam, habet, quâ movetur, vivit & intelligit.

10. Si corpus nostrum opacum, fluxum & terrestrè intellectus divinæque naturæ intus & secundum se totum particeps efficitur, longè magis & exactius æthereo & incorruptibili cælesti corpori id adscribendum erit: Atqui verum prius: Ergo & posterius.

11. Omnium sententiâ corpus cæleste vocatur animatum: Ergo anima ipsi tanquam forma inhæret. Ratio consequentiæ; Quia animatum esse est prædicatio denominativa: Atqui prædicatio denominativa est à re inhærente per medium formæ; secundum illud, *Dici de aliquo requiritur inesse*. Non dici autem rectè posse animatum coelum propter Intelligentiam forinsecus assistentem, inde patet, quia simili modo & plaustrum animatum dici posset quia ab animalibus trahitur, homo asinatus quia ab asino vehitur.

12. Si coelum animatum non esset, exacta mundi unio rerumque nexus non esset: At falsum consequens; Ergo & antecedens. Assumptio probatur; De esset enim medium nectens duo maximè distantia in rerum existentium latitudine, nempe corpus & intellectum: oportet enim hujusmodi medium particeps esse extremorum; cujusmodi est solius coeli anima, quæ essentiâ quidem particeps est æternitatis, ut cæteri puri nudique intellectus; opere verò est particeps temporis & motus ut entia corporea. Haftenus argumenta *Ricii* ex ratione depromta. Sequuntur alia ab aliis producta.

13. Totus mundus est animatus: Ergo & coelum est animatum, saltem animâ illâ mundi. Antecedens probatur. Si non daretur anima totius mundi, cujus partes aliquas animatas cernimus, sequeretur totum mundum esse deterioris conditionis quàm aliquas ejus partes; quod absurdum. Non posse etiam mundum carere animâ, quæ rerum naturalium munia per se exsequatur, patet ex admirabili rerum artificio in membrorum delineatione, vivifici coloris distributione, alimenti dispensatione, brutorum solertiâ, mutuoque rerum consensu & dissensu.

14. Coelum producit animantia ex materiâ putridâ: Ergo & ipsum est animatum: Quod enim ipsum non habet, id communicare aliis nequit.

15. Coelum ad recipiendam Intelligentiarum actionem, nempe influxum motus, est vicinior: Ergo secundum naturam quoque iis est propinquius; quod absque vitæ participatione nequit esse. Ratio consequentiæ est; Quia aliàs dissolveretur partium universi proximè sibi coherentium affinitas & proportio.

16. Quod primum est in genere mobile, est movens per se ipsum, & proinde animatum: Atqui coelum est primum in genere mobile: Ergo coelum movet se ipsum, proindeque animatum est: Propositio probatur ex 8. Phys. cap. 5. tex. 34.

17. Coelum regit & conservat totum sublunarem mundum: Ergo particeps est animæ. Ratio consequentiæ; Quia pulcherrimo universitatis ordini

non congruit à re quæ animata non sit conservari & regi. Utitur hoc argumento *Averroes*.

18. Si cœlestia corpora animata non essent, utique viliora essent quibusvis abjectissimis bestiolis, insectis, & similibus: At falsum consequens: Ergo & antecedens. Connexi ratio est; Quia animatum simpliciter perfectius & præstantius est inanimato.

VIII. Sententia hæc de cœli animâ inter modernos Philosophos applausore perpaucos habet. Inter veteres quoque Ecclesiæ Doctores vix unum aut alterum reperias qui diserte & dogmaticè cœli animam asseruerit. *Mnēs*, inquit *Damascenus*, lib. 2. De fid. orthod. cap. 6. ἐμυχαμένους τὴν ἑσπερίαν ἢ τὴν πασηγὺς ἀπολαμβάνετο· ἀ-λυσὶ γὰρ οἷον καὶ ἀναλίσσονται. *Basil.* homil. 3. in Hexaem. Οὐτὶ γὰρ οἱ ἑσπερίαι ἐμυχαί, ἐπὶ δὲ ἀνθρώπων δόξαν δέ, ἐπὶ τὸ σπέρμα ζῶον ἐστὶν ἀδύνατον, ἐπὶ δὲ ἀναγέλλει πολὺν πόνον χερσὶν αὐτῶν. Eadem & *Lactantii* est sententia, lib. 2. De orig. error. cap. 5. *Augustinus* agnoscit errorem quem de cœlestium corporum animâ aliquando conceperat, lib. 2. *Retract.* cap. 7. Vide & *Hieronymum* in epist. ad Pammach. & *Avit.* *Cyrillum* lib. 2. contra *Julian.* in fine. Scholasticos quoque Doctores hic laudant *Combricenses*, *Alensem*, *Thomam*, *Albertum Magnum*, *Bonaventuram*, *Dunrandum*, *Ægidium*, *Ocham*, *Capreolum*, *Argentinum*, & alios. Hisce & nos calculum nostrum damus paucis contenti argumentis, quæ tantò plus ponderis apud nos habent quantum leviora sunt pleraque omnia quibus cœli fidèrumque animæ nituntur.

1. Vegetante animâ non esse præditum cœlum palàm est ex incorruptibilitate & simplicitate ejus ab omnibus prædicatâ. Atqui omnia actu vegetante prædita sunt corruptibilia & mixta, nutriuntur alimento forinsecus assumto & in substantiam suam converso, ex minoribus majora fiunt, per individuorum procreationem conservant speciem, nisi fore monstruosa sint; tandem etiam senescunt & emoriuntur. Quis verò, inquam, tale quid in corporibus cœlestibus observavit? Alimento si egeret cœleste corpus, dubio procul ex sublunari mundo id attraheret: ita certè jamdudum vel millies consumisset sublunarem mundum. Atqui non ad destructionem sed ad conservationem sublunaris mundi cœlestia corpora condidit Deus. Habuisse etiam cœlum certam magnitudinis sua incrementa, qualia habent omnia vegetabilia, quis ausit affirmare? Facultatem simile generandi non habent in rebus creatis nisi quæ indivisibiles sunt corruptibilia: Et quis unquam vidit

vel auditur ab antiquo cœlo novum esse genitum? Hæc omnia cum longè sint absurdissima, insania fuerit animam vegetantem cœlo tribuere. At enim, inquis, sublunaria tamen vegetat & gignit, adeoque actum vegetantem si non in se in aliis tamen exercet. *Resp.* 1. Vegetante actu corpus non potest dici præditum nisi quod intra se propria actus hujus opera producit, ita ut per eum nutriatur, crescat, & sibi simile producat: si aliis tantum nutriendi, augendi & generandi vim conferat, actum vegetantem tanquam formam non habet, nec dici potest vegetanti actu vivere: veluti rationis particeps non diceretur. quod ratiocinari per se non posset, sed aliis tantummodo vim hanc conferret. 2. Cœlum sublunaria non vegetat aut gignit per infusionem actus vegetantis, sed tantum per excitationem ejus in sublunariis jam existentis vel actu vel potentia proxima: quod quidem aliâ ratione non præstat quam benignum calorem impertiendo & foecundum humorem immittendo, quibus tanquam instrumentis & materiâ utitur actus in sublunariis existens, per primam Creatoris dispositionem. Concludimus igitur cœlum vegetante animâ præditum non esse.

2. Sentiente animâ præditum non esse cœlum inde constat; Quia nec videt, nec audit, nec gustat, nec odores vel qualitates percipit modo corporeo; cum nec videndi, nec audiendi, nec gustandi, nec odorandi, nec tangendi habeat organa. Monstrent nobis cœli oculos, aures, nares, linguam: monstrent minimum auditionis, visionis, gustationis aut alterius sensationis indicium. Taceo quod sentiendi actus non sit sine aliis facultatibus, quales sunt facultas appetendi, facultas respirandi, facultas dormiendi & vigilandi: Unde cœlum non tantum audiet, videbit, &c. sed & appetet, respirabit, dormiet, vigilabit, & nihil non agat quod animantis est proprium. Quod si verò horum nihil monstrare nobis possunt, equi de cœli sentiente animâ nobis persuadebunt? Dicent fortassis incorporeo & spirituali modo cœlum audire, videre, &c. sine corporeis organis, quibus animantia sublunaria indigent. *Resp.* 1. Contraducunt, corpus esse sensu præditum, & non corporeo sed spirituali modo audire & videre: Hic enim modus proprius spirituum intelligentium ab omni materiâ abstractorum. 2. Dicant, quæso, nobis quibus viis spirituales hanc sentiendi rationem in corporibus cœlestibus investigarint. 3. Accedit quod hæc sentiendi ratio in iis quæ solo sentiendi actu sunt prædita esse nullo modo possit, cum non à sentiente actu in specie sic dicto sed à facultate intelligente sit. Videmus

igitur porro an cœlo. competat intelligens anima.

3. Nec intelligentem animam tanquam formam informantem inesse cœlo, multis constat argumentis. 1. Certum est imaginem Dei potissimum consistere in animâ intelligente vel rationali. Quod si verò & cœlum esset animâ rationali præditum, nullam præ cœlo prerogativam haberet homo, propter quam solus ad imaginem Dei creatus diceretur: imò excellentiore modo in cœlo esset Dei imago expressa quàm in homine; siquidem totum cœleste corpus quoad formam & materiam est incorruptibile, homo verò quoad solam animam: Cum autem extra omne sit dubium, per imaginem Dei, ad quam solus homo inter corporeas creaturas conditus dicitur, singularem quandam hominis, præ omnibus aliis creationis operibus quæ recensentur, prerogativam indigiti, & verò alia ea nulla esse possit nisi quam ab animâ rationali habet, rectè colligimus hominis propriam esse animam rationalem, & proinde cœlum ejus minimè particeps esse. 2. Quæcunque sunt prædita rationali animâ, de eorum æternâ vel felicitate, quæ consistit in visione Dei de facie ad faciem, vel infelicitate, quæ in tormentis infernalibus consistit, disertè in Scripturis Spiritus sanctus loquitur: Atqui de æternâ cœlorum felicitate vel infelicitate nullibi Spiritus sanctus loquitur. 3. Omnes creaturæ rationales quæ vel in integritate suâ persistunt, vel per Christum in eam sunt restitutæ, cœlestis Hierosolymæ cives erunt; ut magno consensu testantur sacræ literæ: Atqui cœlum naturale cœlestis Hierosolymæ civis non erit, nè empyreum quidem, siquidem locus tantum cœlestium civium erit. 4. In cœlo voluntatis & libertatis nè minimum quidem vestigium est: Nam secundum receptissimam sententiam perpetuò & necessariò in orbem movetur pari semper velocitate modòque: Atqui repugnat naturæ agentium per voluntatem necessariò & semper idem eodem modo agere, semper moveri, & sponte suâ nunquam posse quiescere. Non agit aliter cœlum quàm omnia reliqua purè naturalia agentia. 5. Qui cœlum in extremo judicio substantialiter interiturum pro certo statuunt, animam rationalem ipsi nequeunt concedere; siquidem omnes creaturas rationales post extremum judicium perpetuò superfuturas ex sacris literis constat. 6. Anima rationalis corpori per modum formæ informantis unita non est sine facultate vegetante & sentiente; quam in cœlo non esse modò ostendimus. 7. Si esset in cœlo anima rationalis, & quidem sola, vel coextensa esset toti cœlo, vel in una tantum cœli parte esset. Prius est contra naturam animæ intelligentis seu ratio-

nalis, quæ simpliciter est indivisibilis, adeoque & inextensibilis. Posterius si dixeris, unam tantum cœli partem animatam & formatam sequetur esse, & reliquas præter unam illam omnes informes & inanimatas: quod & ipsum in Scholis Physicis pro absurdo habetur. 8. Anima rationalis non unitur corpori nisi organico: Atqui cœlum non est corpus organicum: Concludimus igitur nec animâ rationali præditum esse cœlum. Itaque omnibus probè pensitatis sententiam quæ cœlo animam informantem & quidem rationalem tribuit, etiam si dei minùs consonam judico, ob rationes paulò antè adductas: Quæ etiam *Capreoli* & *Bielii* sententia fuit. Quam ferè adeò *Paulus Riccius* non potuit ut compendium De cœli anima scripserit, contra quendam qui in publicâ disputatione affirmavit execrabilem passimque à fide exorbitantem eam positionem quæ cœlestia corpora animata censet. Cui penè conformis *Pinedæ* sententia, Comment. in Cohel. ubi ait, *Illud, si non certâ fide, constare tamen, cœlum & ætra non esse animata, tanquam dogma Ecclesiasticum fidei proximum, frequentissimum inter Patres, receptissimum inter Scholasticos, jam à nemine nisi cum gravi temeritate notâ suscipiendum.* Quid viri hujus doctissimi rationes studiosè à nobis collectæ valeant, ordine dispiciemus, postquam ad exceptionem quâ argumenta nostra enervare conatur responderimus.

IX. Iis qui contra cœli animam disputant ex conditionibus & naturâ animarum, quibus prædita videmus corpora nonnulla sublunaria, hujusmodi fundamentum opponit *Riccius*, in solutione rationum contra cœli animam productarum; Quantum distat conditio motus unius rei à conditione alterius, tantum distant illarum rerum mobilium principia & modi qui per se mobilibus insunt. Hinc infert; Cum igitur motus circularis genere distet à motu recto, illorum utique mobilium principia & modus genere distare oportet, scilicet potentiam, materiam, formam, compositionem unionemque. Ex hoc fundamento elidit omnia argumenta quæ ab informatione sublunarium animæque operationibus & modo operationum incorruptibilibus petuntur.

Resp. Hoc *Ricii* fundamentum multis nititur fallis hypothesebus:

1. Non posse habere communem materiam & informationis modum genericum, quæ motibus agitantur specie vel genere proximo differentibus: Atqui specificæ differentię non tollunt naturam genericam speciebus communem.

2. Cœlum per se in orbem moveri: quod falsum esse suo loco probabimus.

3. Motum rectum & circulare differre genere : Atqui non nisi species disparatæ sunt unius generis.

4. Non esse genus univocum corporum celestium & sublunarium, sed æquivocum tantum : quod Averrois autoritate conatur probare : nos verò planè falsum & à nemine hæcenus evidenter demonstratum judicamus.

Hæc omnia gratis sibi sumit Riccius, iisque alia adhuc paradoxa superstruit : nempe, 1. Formam non dare cælo esse & existere, hoc enim per se à materiâ cælum habere. 2. Formam cæli esse ens actu & completum, tale etiam esse materiam illam simplicissimam, & tamen ex duobus hisce fieri unum per se. 3. Animam non uniri corpori cælesti ut aliquam in primariâ suâ operatione perfectionem capessat, sed potius in secundariâ, ut formas quas concipit in mente Angelicâ & Divinâ promat in esse sensibile. 4. Cælestem animam hominis animâ præstantiorem esse: non enim syllogisticè ex toto ignotum intelligere, sed ab uno exemplari intelligibili ad alterum discursu quodam volvi, nec opus habere ad phantasmata se convertere. Quæ certè jucundis somniis similiora mihi videntur quàm verè Phycis aut Philosophicis dogmatibus : quod tamen tanti viri pace dixerim.

X. Sed agè contrarias rationes examinemus, earumque solutione sententiæ nostræ veritatem & contrariæ falsitatem magis magisque illustremus. Respondemus igitur

Ad 1^m. Syllogismi à nobis informati connexum negamus. Pro syllogismi assumptionem itidem negamus. Præcipua enim cultûs circa cælum idololatrici intermittendi causa est Dei voluntas, quæ summa lex & ratio, quam certè populo non retinuerunt Prophetæ : Major adferri ratio non poterat quâ dehortarentur homines à cæli & siderum cultu. Quod probationis loco additur, tam infanum neminem futurum fuisse ut cælum & sidera coleret si de *idolatrorum* certus fuisset, apud me valde dubium est. Quid enim frequentius erat inter idololatrias quàm ut manuum suarum opera, idola, colerent & adorarent, quæ animæ expertia esse nemo non intelligebat, qui ex ligno sculptum vel metallis fusa esse noverat. Quis credat tam amicum fuisse populum Israeliticum ut crederet aureum vitulum ab *Aarone* confectum vitâ præditum fuisse ? & tamen ab idololatricæ eius cultu non abstinuerunt. Si igitur de corporum celestium *idolatrorum* vel maximè erudiissent populum idololatricum Prophetæ, nil tamen profecissent hoc argumento apud eos qui Dei voluntatem contemnebant, & adeò obbrutuerant ut lignea quoque idola pro

Diis haberent & colerent : Quam quidem insaniam passim Prophetæ perstringunt, quia omnium crassissima & absurdissima erat. Quid, quod illico nec persuasissent idololatris *idolatrorum* esse astra, si maximè vivere ea negassent ? si quidem præconceptas opiniones plerumque majoris fecerunt idololatricæ quàm sana & recta Doctorum monita. Cur autem, inquis, idololorum *idolatrorum* toties Prophetæ exaggerant idololatricæ, de coeli autem *idolatrorum* prorsus tacent ? Resp. Hanc causam esse reor, quod hominum vel brutorum figuram & membra externa, oculos, aures, nares, manus & pedes exprimerent idola : Horum igitur occasione insaniam idololatriarum exagitant Prophetæ, quod Deos colant oculis quidem, auribus, naribus, manibus & pedibus præditos, sed qui nec videre, nec audire, nec odorari, nec palpare, nec progredi & loco se movere possint : quæ ridicula hominum infania est. Similia verò de cælo non dicuntur, quia nulla membrorum horum in cælo similitudo est. Addo denique & hoc, Ad præcavendos in Theologiâ & Philosophiâ errores, multa potuisset Deum clariùs in Scripturis exponere, adeoque discretis verbis lites decidere, si voluisset, nostrum verò non esse ideo cum Deo expostulare, vel errorum nostrorum culpam ei imputare, sed acquiescere gratiosæ ejus revelationi, quæ ad veram salutis viam nobis monstrandam est sufficientissima, studium modò investigandi & cognoscendi nostrum accedat.

Ad 2^m. Assumptionem negamus. Ad singula probationis membra ordine sic respondemus.

Ad primum, quod animam cæli planè à Scripturâ enunciari contendit. In allegato Ecclesiastæ testimonio per *Spiritum universa in circuitu lustrantem* varii varia intelligunt : nonnulli Solem ; quæ recepta multorum est sententia : alii ignem ; quam interpretationem cum Hebræis nonnullis probat *Vallesius* : alii Intelligentiam orbium cælestium : alii animam cæli propriè dictam ; alii denique aerem vel ventum. Possè citra absurditatem intelligi Solem negat *Riccius* ; Quia primò sensus literalis non patitur ut per spiritum intelligatur corpus. Atqui ubique ad Scripturæ sensum literalem adstricti non sumus : Accedit quòd in Scripturâ non est infrequens, ut corpora quoque, præsertim venti & aer, appellentur spiritus, *πνεῦμα*, vel *רוח*, Gen. viii. 1. J. civ. 4. & cxlvii. 18. Velut apud Phycos & Medicos frequentissimus sermo de corporis animati *Spiritibus*, h. e. sanguine in subtilissimam quasi auram resolutum. At enim, ait *Riccius*, sine gravi causâ non est recedendum à literalis sensu. Resp. Si

legitimum est & immediatum Ricii disjunctum, per spiritum intelligit Salomon vel corpus celeste vel virtutem motricem, sanè gravissimæ sunt causæ cur à sensu literali discédamus, & corpus potius coeleste quàm animam motricem intelligamus: causas jam antè recitavimus. Quod secundo loco addit, in textu fore evidentem nugationem & inutilem repetitionem, cum de coeli gyratione jam antè Ecclesiastes egerit, sanè admodum prægnans non est: qui enim per spiritum hîc Solem intelligunt ad amplificationem superioris sequentia de motu spiritûs addi docent; & in præcedentibus quidem annum Solis cursum, in sequentibus verò diurnum describi. Sic ad hæc verba Hieronymus, *Non de annuo Solis cursu, sed de quotidianis semitis ejus loquitur: obliqua enim & fracta linea per Austrum pergit ad Boream, & ita ad Orientem revertitur.* Spiritum autem appellari idem Hieronymus ait propter virtutem & agendi efficaciam, quod sublunariis vitam & lætitiâ inspirat. Sic igitur defendi hæc interpretatio potest. Mibi tamen præ omnibus aliis ultima sententia aridet, quæ spiritum hunc aerem interpretatur, quem coeli expansum esse supra ostendimus: etsi non diffiteor quàm commodissimè ventum, qui multis non nisi aeris agitatio videtur, intelligi posse. Sic utique à sensu literali non discederetur. Etenim ventum Scriptura Hebraica, quantum quidem observavi, propriè & in genere non exprimit nisi per מלך, Jer. xlix. 32. Zach. ii. 6. & alibi. Et commodè ad ventum referri possunt quæ de spiritu hoc ab Ecclesiaste dicuntur: *Properat ad Meridiem, & circumit ad Aquilonem, conversatione suâ circumiens properat, & secundum circuitus suos revertitur.* Quis enim nescit à quatuor mundi cardinibus spirare ventos, jam à Meridie in Septentrionem, vel à Septentrione ad Meridiem, modò ab Ortum ad Occalum, vel ab Occasu ad Ortum, sæpissimè etiam ad latera seu spatia inter cardines interjecta, adeò ut omnem coeli ambitum permeent? Quòd autem secundum circuitus reverti dicitur, commodè sic accipi potest, quòd post certa temporis intervalia ad eundem cardinem quasi revertatur ventus, qui spirare inde aliquandiu desierat, & ad alios cardines vel intermedia cardinum spatia se converterat. Intelligi etiam hoc potest de ventis turbulentis, qui per circulum quandoque agitantur, & unde abierant sæpe revertuntur. Intelligi hic ventorum circuitus ex Plinio potest, lib. 2. cap. 47. *Cum proximi cadentibus surgunt, à lævo latere in dextrum, ut sol, ambiunt. Omnes vicibus suis spirant majori ex parte, aut ut contrarius desinenti incipiat.* Marandum circuituonem aliam ex Eudoxo idem Plinius refert: nempe omnia ventorum (si

libeat observare minimos ambitus) redire easdem vices quadriennio exacto. Patet igitur hanc nostram interpretationem à sensu literali planè nihil abire. Quin & optimâ ac planè Physicâ ratione Ecclesiastes Soli statim ventos subjecit, eorûmque motum: quia, si Plinio credimus, lib. 2. cap. 47. *Sol & auget & comprimit flatus; auget exorients occidensque, comprimit meridianus æstivis temporibus: itaque medio diei aut noctis plerumque sopiuntur, qui aut nimio frigore aut æstu solvantur.* Sic plane satisfactum loco huic arbitror. Ipsum verò Ricium à sensu literali ad allegoricum hic discedere planissimum ex interpretatione ejus: Verba enim Ecclesiastæ motum localem propriè dictum significant proprietate suâ originali, ut constat ex radicibus רִיחַ & רָחַו: Ricus de spiritali animæ cursu ea interpretatur & Divinarum idearum lustratione: Cujus allegoricæ glossæ idoneas causas nullas habet: ut taceam absurditatem glossæ; unde enim, quæso, probaverit fictitias astrorum animas singulis momentis lustrare ideas Divinæ mentis? Hæc de primo probationis membro.

Pergimus ad secundum, ubi ait, *Secundum Prophetarum doctrinam cælum & sidera absolute esse perfectiora homine*: quod ut credam in animum meum haud possum inducere. Videamus loca quæ hanc in rem allegat. Primus adducitur ex Job xv. 15, 16. *Cæli non sunt mundi in conspectu ejus: quanto minus abominabilis & inutilis homo? Ubi manifesta videtur comparatio majoris, nempe cæli, cum minore, nempe homine. Resp. Coelum hic aliquo modo hominibus præferri non nego: sunt enim manifesta textûs verba: Homine verò absolute præstantius esse & perfectius coelum, ex hoc Jobi loco minimè probari posse contendo. Primum enim coelum hoc loco non absolute cum naturâ humanâ corpore & spiritu rationali immortalis constante, ad Dei conditâ imaginem, confertur, sed cum naturâ quatenus per peccatum vitata & Dei imagine multis partibus vel gradibus orbata est: Patet hoc è sequentibus, ubi hominem ait veluti aquas bibere iniquitatem. Quis verò ita ratiocinantem ferat? Cælum homine peccatore perfectius est: Ergo simpliciter & absolute perfectius est homine. Anne verò omnia quæ de hominis naturâ quatenus per peccatum est vitata enuncitari possunt, illico de eadem absolute, vel quatenus à Deo condita & conformata, enuncitari debere vel posse concedimus? Deinde quis ita ratiocinantem ferat? Cælum est purius à sordibus & alienis concretionibus tam corporalibus quàm spiritalibus purgatius & defecatiùs quàm homo peccator. Ergo & absolute simpliciter perfectius est homine.*

Nôux

Nonne eodem vel simili modo colligi posset? Ignis, qui omnes consumit sordes, & *ἁγνός* in sua natura nihil admittit, longè purior & sincerior est homine sordido: Ergò absolute & simpliciter perfectior est ignis homine. Vel, Cygnus longè candidior & purior est *Ἰθίοπε*: Ergò absolute perfectior est *Ἰθίοπε*. Vel, Adamas minus in se habet impuritatis quàm homo: Ergò homine absolute perfectior est. Hoc verò modo quid de homine tandem fiet? nonne & infra scarabeum deprimeretur? siquidem in scarabeo aliquid fortean humana curiositas observabit quò homini antecellat. Cùm igitur nonnisi quoad puritatem naturalem inter coelum & hominem collatio instituitur, & hujus solius nomine homini coelum præferatur, de absolutâ coeli supra hominem eminentiâ ac perfectione solido discursu concludi nihil poterit. Affirmat quidem *Ricius* absolute perfectius homine coelum dici, sed non probat: Nôs verò contrarium è textu modò & rectâ disputandi methodo probavimus. Alter locus ex Job xxv. 5, 6. *Stellæ non sunt mundæ in conspectu ejus*, planè ejusdem cum primo sensus est. Tertius locus ex Psal. viii. 4, 5. etsi valdè speciosus videtur, tamen ad rem præsentem planè non facit: Nec enim comparatio hominis cum coelo, sed cum Deo Conditor coeli instituitur. Hic enim sensus est *Davidis*: Cùm ex coelorum contemplatione in notitiam venio majestatis, omnipotentiae & stupendæ sapientiae tuæ, mirari satis non possum quòd tam sublimis & potens Deus voluntatis tam benevolæ & paternæ in hominem abjectissimum inclinatione propendes; ut quasi è majestatis tuæ solio ad hominem te demittas longissimo à te intervallo distantem. Hæc de altero probationis membro.

Ad tertium progredior, ubi me paucis expedit. Coelum vel aliquid in coeli substantiâ à Prophetis appellari patrem, matrem, virum, uxorem, filium, filiam, sponsum, sponsam, virginem & reginam, ex sacris literis hæcenus non didici; nec quicquam tale probant allegata V. & N. Testamenti loca, in quibus nulla coeli mentio. Cabalistica verò arcana sola ad dogma de coeli animâ stabiliendum minimè sufficiunt. Notum illud, *Scriptura allegorica non est argumentativa*. Hæcenus altera & principalis *Ricii* ratio pro coeli animâ.

Ad 3^m. Primò antecedens dubium est. In textu quidem utrobique apud *Jeremiam* est מלכת, quod reginam nonnulli interpretantur, tanquam à radice מלך. At Hebraica Veteris Testamenti Scripturæ reginam formâ hæc non significat, sed מלכה. Itaque existimant Hebræi מלכת per

elisionem seu defectum מלך & dici pro מלכה, quod opus significat. Idem & marginalis lectio confirmat, ut ipse *Ricius* annotat: quam & nostri Interpretes tanquam simpliciore ac planiore secuti utrobique res cælestes vel machinam coelorum reddiderunt. Mysterium Cabalisticum, quod ad sententiæ suæ confirmationem in hæc lectionis varietate *Ricius* quærit, & invenisse sibi visus est, à Christianis magni non fit, nec ullam probandi vim habet, cùm autoritate destituatur. Patet igitur quid de tertii hujus argumenti antecedente sit judicandum. Deinde & consequentiam negamus. Nam si maximè vox Hebraica reginam significaret, exundi tamen inde coeli anima non posset, nisi forsitan ex sententiâ idololatrarum, qui hanc coeli reginam putarunt animatam esse, quam & inter cultus idololatriæ fuisse causas verisimile est. Itaque citra absurditatem dici & concedi potest, per reginam coeli à Prophetâ intelligi Solem vel Lunam: Sic autem appellari, vel quòd ab idololatriæ Lunæ vel Soli nominis hoc inditum fuit, (solet enim Gentilium idolorum nomina Scriptura quoque retinere) vel quòd reliquas stellas dignitate præeat, tanquam regina comites & ancillas, vel denique quòd mundum hunc sublunarem, regat; Unde Gen. i. *luminaria magna* dicuntur à Deo esse data מלכים, hoc est, in dominium & regimen diei & noctis. At enim, inquit *Ricius*, litera apud Prophetam tale nihil indigitat. Resp. Multò minùs animam illam intellectualem indigitat. Esse autem longè probabilius à Prophetâ fidus significari conspicuum quàm animam invisibilem, inde patet, quia Gentilium idola non invisibilia sed visibilia fuerunt: Talis igitur & hæc Dea fuit. Imò verò expressis verbis Prophetâ se explicat sequenti cap. 8. vers. 2. *Expandent ea Soli & Lunæ totique exercitui coelorum, quæ diligunt & quæ colunt, & quæ sequuntur & quæ consulunt, denique quibus incurvant se*. Instat *Ricius*, Cur Lunam vel coeli militiam palàm non pronunciaßet Prophetâ? Resp. Quis loquendi leges Spiritui sancto præscripserit? Causas cur reginam appellare libuerit probabiles antè reddidimus. Hæcenus ad tertiam *Ricii* rationem.

Ad 4^m. Consequentiam nego. Illud enim Psal. cxxxvi. 5. מלכת בתבונה in intellectu, non coeli sed Dei Conditoris intellectum, hoc est, sapientiam in creatione coelorum, arguit. Sensus igitur hic est, Deus in intellectu, hoc est quàm sapientissime, coelum condidit, vel sapientia sua specimen in coelorum creatione edidit. Pertinet huc illud Pauli, Rom. i. 20.

• Ad

Ad 5^m. Propositionem distingo ; Quod gloriam Dei propriè enarrat, ità ut articulata voce vel alià perceptibili ratione eam enunciet, id est rationis & intellectus particeps : Atqui hoc modo Dei gloriam coeli non enarrant. Quis enim hominum voces hujusmodi ex coelo unquam audit ? quis retulit ? Enarrant igitur coeli gloriam Dei propriè, hoc est, gloriæ Divinæ agnoscendæ, deprædicandæ & passim enarrandæ materiam homini suppeditant : Quo sensu vulgò quoque opus vocis sensusque expers artificem laudare dicitur. Et David ad laudes Dei concinendas invitat non tantum cælum & stellas, sed & balænas, abyssos, aquam, grandines, nivem, exhalationes & tempestates, Psal. cxlviii. Quis verò tam demens fuerit qui hoc argumento concluderet omnia hæc Dei opera ratione & intellectu esse prædita ? Oī *ἔγωγοι*, inquit Damascenus, De fide orth. lib. 2. cap. 6. *ἀνθρώπων δόξαν θεῷ, ὡς αὐτῶν ὡσὶν ἀδελφοῖς ἀνακούβην ἀπέναντι, ἀλλ' ἐκ τῆ οὐκείας μελέτης τῶν τῷ θεῷ ὑποπ-
γῶ δωμάτων ἡμῶν παρὰ δὲ ὁμοῦ, ὅτι τὸ ἡδύλοσ πα-
ιοῦντες ἔπειτα τῶν αἰσθητῶν δόξαν ὁμοῦ.* Alter locus ex Job xxxviii. 7. difficilior est, ut patet ex variis interpretum glossis. Nam per *astra matutina* nonnulli intelligunt ipsos Dei filios, Angelos. Quorum hæc præcipua ratio, Quod stellæ non nisi quarto die demum sunt conditæ, laudatio verò & jubilatio ista statim sequuta sit opus primi diei. Plerisque tamen stellæ propriè sic dictæ intelligi videntur, cum nulla sit ponderosa causa quæ à sensu literali nos cogat recedere. Laudatio igitur illa nulla erit alià quàm quæ antè à nobis explicata. Præ aliis tamen operibus Dei inanimatis stellæ Creatorem suum laudant peculiari quādā ratione, per admirandam harmoniam ex imparibus magnitudinibus, inæqualibus intervallis disparibusque facultatibus, quæ quasi concentum quendam ex vocibus inæqualibus ad harmoniam compositis efficiunt, in quo hominis sese oblectat ratio, indeque in Conditoris laudes erumpit.

Ad 6^m. Propositionem distingo ; Quibus auditum tanquam sensum externum propriè Scriptura tribuit, iis animam quoque tribuit. Cum hac limitatione assumptionem negamus. Utitur enim in loco allegato *Moses* figurā quam *Proserpoeiam* Rhetores appellant, quā rei inanimatæ sensus tribuitur, & veluti persona esse fingitur. Non posse autem hinc cœli animam evinci patet ex eodem ejusdem capitis versiculo, Ubi terram quoque Propheta alloquitur, *Audite terra sermones oris mei*. Similis est locus Jesai. i. 2. *Audite cœli, & auribus percipe terra*. Nisi terram quoque sensibus præditam dixeris, cœli animam ex hisce locis non probaveris.

Ad 7^m. Assumptionem negamus. Probatio ex obscurissimo illo *Ezechielis* loco nulla est. Nec de orbibus cœlestibus, qui nulli sunt, Propheta loquitur : quod ex textu quoque probatur : Vidit enim Propheta rotas in terrā, vers. 15. Atqui cælum in terra non est. Taceo quòd visionum Prophetarum objecta non soleant esse res in naturā constantes & perpetuæ omniumque hominum oculis obviæ, sed momentaneæ quædam representationes mysterium significantes. Etsi verò spiritus vitalis rotas illas agitavit, verè tamen animatas fuisse non sequitur : nec enim omne id animatum est quod à spiritu vivente agitur. Rabbini olim monuerunt ne quis in hanc abstrusissimam *Ezechielis* visionem commentaria scribere præsumeret : imò ne legere quidem hanc visionem ante annum ætatis tricesimum, quo ætas sacerdotalis ministerii implebatur, fas erat, ut in Proœmio Hieronymus scribit. Interim nec inconcinna est *Junii* interpretatio ; quòd nempe per quatuor animalia Angelorum naturæ & ministeria, per rotas quatuor sublunarium rerum conversiones & mutationes significantur.

Ad 8^m. Propositionem distingo ; Illud est animatum quod per se aliquem vitæ actum proprium exercet. Sic assumptionem negamus. Probatio ejus geminā nititur hypothefi falsā. Una, *assum vendi per se vitæ proprium esse* ; qui non vitæ, sed naturæ proprius est, quæ motus principium ab *Aristotele* definitur. Altera, *cælum per se in orbem moveri* ; quod ex nostrā sententiā per se quiescit, secundum Peripatericos autem non à se sed ab Intelligentiā assistente movetur. Motus localis qui inter vitæ actus ab *Aristotele* numeratur, non est latius in genere, sed motus animalis & compositus in specie.

Ad 9^m. Antecedens negamus, si corpus absolute perfectissimum intelligatur. Hominis corpus, sive ex admirandā organorum varietate & agilitate, sive ex formā cui destinatum est, sive ex fine in quem à Deo conditum, sive denique ex circumstantiis & modo creationis æstimeretur, cœlesti corpore longè perfectius est. Sin verò corpus certo tantum respectu perfectissimum intelligatur, nego illico formam ei præstantissimam competere.

Ad 10^m. Connexum negamus. Libuisse Deo corpori nostro opaco & fluxo spiritum indere immortalem ex Scripturæ & Naturæ libro novimus : de corporis verò cœlestis animā intellectuāli nihil in Scripturæ vel Naturæ libro legimus : Imò acriter natura contradicit, quæ animam non nisi corpori organico tribuit ; quale nec cælum nec ullum aliud simplex corpus est. Causam nobis *Ricinus* reddat cur mistum homini corpus & organicum largiri Deus

Deus maluerit quàm simplex & inorganicum. Quàm si veram reddiderit, rationis suæ imbecillitatem agnosceret. Quod si ex pelluciditate, puritate, & constantiâ corporum de absolutâ formæ præstantia judicandum, etiam adamantis forma præstantior erit hominis anima.

Ad 11^m. Antecedens falsum. Plerique enim ex modernis Philosophis negant cælum animatum esse. Qui animatum esse aiunt, non à formâ informantē sed assistente ità denominant: etsi denominationem hanc nos minimè probamus; nec enim currum certè dixeris animatum eò quòd ab animalibus trahitur: etsi longè arctius vinculum inter cælum & Intelligentiam quàm inter currum & equos Peripatetici statuunt.

Ad 12^m. Connexum negamus. Probatio principium petit, & falsa est. In homine, non in cælo, extrema maximè distantia sunt connexa, nempe corpus & anima rationalis; quæ quoad essentiam est immortalis: quoad opera sua, tempori subiecta. In cælo nexus hic non datur & frustra quæritur. Apparet hinc quàm imbecillæ sint Ricii rationes.

13^m. Antecedens falsum est. Probatio inconsequens est. Cum enim mundus tanquam totum per aggregationem partium, seu corporum natura sua completorum & tantummodo contiguum, realiter non differat ab omnibus suis partibus simul sumtis; non utique totus etiam deterioris conditionis esse potest quàm aliquæ partes, siquidem ipsas illas partes in se continet, respectu quarum perfectionem vitæ sibi vendicat. Hoc tantum sequitur, esse aliquas in toto mundo partes quæ sint deterioris conditionis quàm aliæ: quod lubentes nos fatemur, qui totum mundum nec animatum nec inanimatum esse dicimus, sed partim animatum partim verò inanimatum, respectu diversarum partium. Et quidem ad mundi perfectionem pertinent diversissimi isti majoris minorisque perfectionis & præstantiæ gradus: non enim esset mundus nisi variis naturarum & entium gradibus constaret; veluti perfecta quoque harmonia non est ubi nulla numerorum vel vocum diversitas est. Commune quandam totius mundanæ machinæ animam non evincit admirabile rerum artificium, sed potius ubique præsentissimam Dei providentiam, quæ admiranda molitur per res sensûs & rationis participes & expertes.

Ad 14^m. Consequentiam nego. Producit enim animantia, non animam per traducem quasi communicando, sed calore suo materiam tantummodo disponendo, & ut Schola Peripatetica vult, animam ex potentia materiæ sublunaris educendo:

Quod utique absque anima posse fieri extra dubium nobis: Nam & ignis nostri calor temperatus est vivificus, hoc est, ad vitæ conservationem & generationem idoneus. Equidem, quod ad animas animantium ex putri materiâ virtute caloris vel celestis vel sublunaris seu elementaris genitorum, difficultate rem non carere semper existimavi. Nec sententia mihi placet illorum qui animas istas immediate à Deo creari contendunt. Si quid omnino hic definiendum, dixerim potius in corporum sublunarium seu elementarium materiâ tanquam matrice animarum istarum quasi semina jacere, & in actum per astrorum calorem educi: Quam sententiam probabiliorē mihi reddit, quòd videam non excusvis materiæ sublunaris commissione & alteratione per calorem sive celestem sive elementarem quodvis insectum aut imperfectum animal gigni posse (ut non ex quovis semine, quævis planta aut animal) sed ex certæ & peculiaris materiæ dispositione. Sic variorum animantium cadavera putrefacta varii generis producant, insecta: ut quasi peculiararia quædam videantur esse semina imperfectorum animalium. Sic igitur celestis calor aliud nihil nisi alterationem idoneam & proximam materiæ dispositionem conferet: veluti & elementaris in *Ægypto* gallinarum ova disponit & ità alterat ut ex ovīs gallinæ fiant; ut enim apud nos incubatione suâ ex ovīs gallinæ pullos excludunt, sic in *Ægypto* furni temperato igne instruunt; ut in Admirandis *Nili* pluribus ostendimus.

Ad 15. Negamus consequentiam. Probatio ejus falsa est. Constat sua partibus universi proportio & affinitas etiam si cœli animati non sunt. Est inter cælum & Intelligentias, quas tamen cœli motrices negamus esse, affinitas ratione *ἀνθρώπων*, non ratione participationis vitæ. Maxima autem Intelligentiarum affinitas est cum homine: Hujus, non cœli, ministerio destinatos esse Angelos Scriptura docet. Mundi autem harmonia quoad situm non in spiritibus, sed in corporibus naturalibus, quæ certas sibi in naturâ & constantes sedes vendicant, attenditur. Angelos novimus nulli certo loco affixos esse: frequentissimæ tamen ipsorum non cum cœlo naturali sed cum hominibus est conversatio.

Ad 16^m. Propositionem negamus. Moventia per se non tantum animata sunt, sed & inanimata, quæcunque naturâ sunt prædita: ut aliàs ostendimus.

Ad 17^m. Antecedens absolutè & simpliciter verum non est. Cœlum, quatenus in se astra continet, mundum sublunarem ità regit ut ei quoque vel maximè serviat: Est enim ad servitiū cum animantium

ium tum humi nascentium à Deo destinatum. Deinde & consequentiam negamus. Non est contra universitatis pulchritudinem animata ab inanimatis regi eo modo quo coelum regit animata sublunaria; siquidem non alio modo coelum regit quàm dierum & noctium tempestatumque vices calore & luce astrorum constituendo; quibus opportunitatibus & commoditatibus adjunctæ & usæ res sublunares animatæ, absque alio cœli præscripto, naturæ suæ convenientia singulæ agunt.

Ad 18m. Assumptionem negamus. Certo enim respectu avimantia etiam abjecta præstantiora esse coelo, nec falsum nec absurdum est, si vera connexi ratio, Quod animatum inanimato simpliciter perfectius & præstantius sit. Hoc enim respectu etiam muscam Soli prætulit *Augustinus*. Attamen certo etiam respectu coelum cum astris perfectius & præstantius est quibusvis bestiis, nempe respectu *ædapias* & commodorum quæ sublunari mundo impertit lumine & calore suo: Hæc de re pluribus suo loco. Et sic contra cœli animam disputatum esto.

XI. Quæstio adhuc una restat: Siquidem constat jam non esse informem cœli materiam, nec tamen Intelligentiam vel aliam quamvis animam esse propriam & informantem cœli formam, sed actum illum materialem vitæ expertem à Deo materiæ cōcreatum, qualis & elementorum est, quæritur denique, An præter formam hanc informantem in coelo quoque sit assistens, quam *Intelligentiam* vulgò vocant *motricem*, Angelum intelligentes coelestibus corporibus in orbem jugiter movendis præfectum & quasi affixum, qui in coelo idem sit quod in navi nauta & gubernator.

Pro parte affirmante stat Schola Peripatetica non tantum Ethnica sed (quod vel maximè mireris) Christiana.

Ex Christianis Doctoribus, qui non Philosophi tantum sed & Theologi professione, cum heterodoxi tum orthodoxi plurimi sunt qui dogmatum Ethnicorum nimis observantes, coelestes, quos fingunt, orbes ab Angelis circumagi credunt, defendunt, & omnibus persuasum volunt. Rationibus utuntur hisce potissimum, quibus & *Porphyrus* pugnat De principiis rer. natural. lib. 7. cap. 7.

1. Coelum, cum sit substantia simplex, non potest moveri à se; siquidem movens & motum debent esse diversa; nec potest moveri ab alio corpore, quia ipsum est primum corpus: moveri igitur necessariò debet ab aliquo movente incorporeo, cuiusmodi est Intelligentia.

2. Motus circularis, quia caret principio & fine, & est perpetuus, non potest effici nisi à movente per intellectum quod sit perpetuum.

3. Nisi Intelligentiæ coelum dicantur movere, cum mundo hoc sensibili & mobili nullam habebunt conjunctionem & connexionem.

4. Nulla res inanimata potest se ipsam in suo loco naturali perfecte movere. Hinc concludit coeli motum non posse ab aliâ causâ quàm ab Intelligentiâ effici.

XII. Equidem satis mirari non possum quâ in gratiam *Aristotelis* Ethnici hominis Christiani, & professione quidem Theologi, eò imprudentiæ devenerint ut rotis coelestibus quasi *Ixionas* alligarent Angelos, & tam audacter de jugi hoc ipsorum labore & officio pronuntiarint. Decebat certè Christianos de Angelorum officiis nonnisi ex Scripturis disputare, & à tam temerariâ curiositate in officiis extra Scripturas assignandis abstinere; præsertim cum constet multis in locis à Spiritu Sancto satis accuratè Angelorum describi munera, & nè literam quidem in universâ Scripturâ reperiri quæ pagano huic dogmati faveat: Cum etiam absque Angelorum ministerio in orbem agi possint corpora coelestia, (quis enim Creatoris sapientiam & potentiam ad Angelos adtrinxerit?) longè tutior & religiosior eorum sententia erit qui corpora coelestia à Deo iis instructa viribus aiunt ut per se, absque assistente formâ, motus suos peragere, & quoad visum Creatori fuerit, continuare possint. Aliàs eadem licentiâ aliis quoque asserere fas erit, Intelligentiâ quoque marium esse motrices & terrarum, si quando motu eas concuti & agitari contingit. Pluribus hic rationibus dimicare nil attinet. Contrariæ sententiæ argumenta imbecillitatè suâ magis magisque nostram firmam sententiam.

XIII. Paucis igitur ad singula ordine respondemus, & primum quidem in genere: Ex falsâ hypothefi omnes sunt enatæ. Est autem ea, *Coelum moveri*: hinc aliunde non posse nisi ab Intelligentiâ moveri concludunt Peripatetici. At falsum, inquam, in orbem moveri coelum: falsum igitur ab Intelligentiâ moveri. In specie verò respondemus: Si vel maximè coelum in orbem moveretur, moveri tamen illud ab Intelligentiâ ratione nullâ posset evinci. Ad singulas igitur rationes ordine respondemus.

Ad 1m. Procedit hæc ratio è falsis hypothefibus, quæ sunt; 1. *Coelum iâ simplex esse corpus ut careat materiâ*. Falsum hoc: Omne namque corpus naturalem materiâ constat & formâ, tanquam principiis internis & essentialibus, ut suprà monstravimus.

mus. 1. Nil posse à se moveri : Nunquid enim homo à se movetur, hoc est principio interno sibi & essentiali ? At movens, inquis, & motum sunt diversa. Resp. Sunt diversa inter se, sed non à toto quod componunt & cujus essentiam constituunt. Deinde etiam substantiæ incorporeæ tam simplices non sunt quin ex actu & potentiâ componantur. Moventur igitur & illæ à se, hoc est principio suo interno. quod actus dicitur. Quin & à se ipsis moveri elementa multis in locis docuit Aristoteles, Uti Pererius lib. VIII. cap. 16. ostendit : & à se ipsis gravia & levia moveri, sectione secundâ nos ostendimus.

Ad 2^m. Et hæc ratio procedit ex falsis hypothsibus, quæ sunt ; 1. Id omne perpetuum esse quod principio & fine caret. Duobus enim modis carere motus circularis principio & fine dici potest : vel ex parte durationis, dum nunquam incepisse dicitur ; vel ex parte magnitudinis, dum pars prima & ultima actu & distinctè existens monstrari nulla potest. Prior modus æternitatem quandam & perpetuitatem infert : sed hoc modo principio & fine carere motum circularem negamus. Posterior verò minimè : quem lubentes huic motui tribuimus, cum

concludi exinde quod contra nos sit nihil possit. 2. Necessariò ab Intelligenti moveri quod est perpetuum : Quòd si enim has naturæ mobilis vires Creator indidisset, quid opus, quæso, esset assistente quâdam Intelligentiâ ? Moventur & sidera indefesso & inerranti motu in liberrimo aere : anne verò ab assistente aliquâ Intelligentiâ ? Absit ut Angelos veluti Ixionas aut Sisyphos coelestibus alligemus corporibus. Nunquam meminit id Scriptura, nec ut credamus persuadet ratio. Moventur igitur sidera ex naturæ quâdam proprietate à Deo ipsis inditâ, non extrinsecus accedente : & inerranti moventur motu, jubente si c immensæ potentiæ & æternæ sapientiæ lege.

Ad 3^m. Negamus consequentiam. Conjunctionem cum sensibili & mobili mundo longè damus certiorē & veriorē. Sunt enim Angeli πνεύματα λειτουργικά in electorum emissâ salutem, & Ecclesiæ defensionem, Heb. i. 14. Psal. ciii. 20, 21. Dan x. 21.

Ad 4^m. Ut maximè sublunariis corporibus id sit negatum, est tamen singulari privilegio coelestibus concessum, ut multæ aliæ prærogativæ ; idque ideo quia continuo coelestium corporum motu sublunaris mundus eget.

CAPUT. III.

De fine Cæli.

Finis cæli distinguitur : Thef. I. Finis cæli summus : Thef. II. Demonstratio hujus finis : in d. 1. Comparatio inter Deum & Cælum ; 2 Subordinatus finis respicit expansum vel partes expansi : Thef. III. Finis totius expansi : Thef. IV. Declaratio hujus finis : in d. 2.

THESIS I.

Finis cæli est summus vel subordinatus.

THESIS II.

Summus est Dei gloria.

"Εκ θεος.

I. Cæli enarrant gloriam Dei, & opus manuum ejus annuntiat expansum, ait Psaltes Psal. xix. 1. Eisdem coelos ad Creatoris laudes decantandas invitat & vocat Psalm. cxlviii. 8. Laudate eum cæli cælorum. Laudant autem & enarrant Dei gloriam cæli, ut Gregorii Nazianzeni verbis utar, ὡς οὐ γὰρ τὸ ἐπὶ τοῦ οὐρανοῦ μέγαλη ἡ δόξα τοῦ θεοῦ, homini, quem ratione, sensibus, & linguâ Creator instruxit, amplissimam Divinæ gloriæ deprædicandæ materiam subministrantes : Ut rectè dixeris cæli finem esse Dei gloriam, ex insigni hoc officio à mortalibus agnoscendam piòque vocis ministerio celebrandam, ubi memorabili exemplo Regius Vates nobis

prævit, qui & octavo suo Psalmo μεγαλην & majestatem Dei expressurus ipse quasi mutos præcones nobis sistit coelos, Cùm video, inquit, cælum tuos opus digitorum tuorum.

Anaxagoras interrogatus cur se natum arbitraretur, respondit, Cæli ac Solis videndi causâ. Quæ vox etsi summâ Philosophorum admiratione excepta est, à Lactantio tamen ridetur, quasi nesciverit Philosophus quid responderit. Crediderim tamen, cum Cælio Rhodigino Lect. antiq. lib. 1. cap. 20. non temerè hoc à sapientiæ studio effusum, sed peniculatè admodum & excussè. Non enim videtur theoriæ suæ & vitæ metam fixisse in cæli astrorumque contemplatione, sed hisce præcipuis gradibus ad cæli astrorumque Autorem ascendisse : Quod Hermæ exprimit lib. 13. qui Mundi Minerva inscribitur, Ἡ δὲ ἄλκιον θεοειδὲς ὄρα ν ἐγροῦ κἀλλος διὰ κατωκάτω δόμων, Spectatu dignum erat videre cæli pulcritudinem Deo similem. Huc quoque refero illud Ciceronis 4. Academ. quæst. Cogitemus superatq; cælestia hæc nostra, ut exigua & minima contemnuamus.

II. Agè :

II. Agē igitur similitudinem hanc paucis attingamus, ut quo pacto Dei gloriam cœli enarrent intelligamus. 1. Unus numero & naturā Deus est: Unitatem hanc gloriosam repræsentat cœlum naturale, quod & ipsum nonnisi unum esse suo loco monstravimus. 2. Si cum cœlo astra conjunxeris, & quid ab astris in cœlum transfundatur attende- ris, comperies cœlestem claritatem adeo præcellere naturæ quâdam præsigni majestate ut in perenni ac vitali luce illā augustissimum Divinitatis mysterium facile sis deprehensurus: siquidem vertiginosus ille Motus ampliorem nobis indicat potestatem, *Primamque Deitatis Personam* repræsentat: Lux nitidissima *Sapientiam*, quæ æterna illa Patris Sapientia, *ἀγνῶσις*: calor suavissimus, *Amorem*, qui æternus ille Spiritus à Patre & Filio per amoris modum procedens. Si receptas sequamur sententias, expressior erit hæc *ἐκ τῆς φύσεως* à Patre & Filio imago: Calor enim, ut vulgò traditur, a luce simul & motu procedit. Itā mysterium hoc *Calius* explicat. 3. Infinita est Dei magnitudo, quæ tamen *ὁμοειδέως* accipienda, quā cœlum & terram implet, omnia continet, à nullo continetur, omnibusque rebus etiam minimis est præsentissimus: Nullum ex omnibus est corporibus quod Divinam hanc magnitudinem exactius repræsentet quàm cœlum naturale, quod aliud nullum nisi æreum: hoc enim est quod immensum mundi spatium implet, quod omnia corpora continet, omnia penetrat, omnibus intimè & præsentissimè adest, cum ad naturas rerum conservandas tum ad vacuum ex naturæ finibus eliminandum. Proprietatem hanc aeris itā eloquitur *Aristoteles* 2. Degenerat. cap. 3. ut Divinitati analogon quiddam indigiter, *Aer*, inquit, *complet omnem locum, itā ut ipse alio corpore non repleatur*: Itā & Deus omnia replet, à nullo repletur. 4. Spiritus est Deus, quem oculi mortaliū neutiquam vident, etiamsi præsentissimum & intimum habent: Est & spiritus quidam cœlum sive aer, qui circa nos & intra nos undiquaque, & tamen videri à nobis nullibi potest. 5. In immensitate suā immobilis est Deus: Quò enim moveatur qui ubique est? Idem tamen mobilitatis & motus omnis principium est: Unde *primus motor* à Philosophis appellatur. Est aer & cœlum in immensitate suā immobile, quia ubique, ut deinceps ostendemus; & tamen motus ferè omnis tam inanimatorum quàm animatorum causa; quippe quòd vacuum prohibendo & mobilia cum sustentando tum quibusdam resistendo successionem motuum efficit. Cœlum tolle, & nec astra movebuntur, nec aviculæ volabunt, nec quadrupedes ingredientur. 6. Immortalitatem & incorruptibilitatem

Dei egregiè quoque cœlum repræsentat, de cuius *ἀφθαρσία* Peripateticis facile assentitur, modò non latè nimis extendatur & Divinæ prorsus æquatur. 7. Perspicacissimos Divinæ providentiæ oculos, quibus nihil occultum, in cœlo quoque expressos videbimus; si innumeras ejus stellas, & in iis Solem maximè, qui maximus & fulgidissimus cœli oculus, consideremus. Ut enim Deo omnia sunt obvia, nihil absconditum; sic cœli oculatissimi fulgore omnia collestrantur, quocunque oculum ille suum fert: hinc *ἀντὶ τοῦτο*, ut *Homerus* ait. Hic in omnia mundi corpora, & in tartarum usque penetrat, ut *Leo Hebræus* scribit, Dialogo 3. 8. Omnis boni in natura causam & fontem esse Deum palam est, & apud omnes in confesso: Atqui nullam ferè corporis bonum est in naturā quod ex omniparente suo sinu in terram non effundat cœlum, idque ex Creatoris ordinatione. Tolle cœlum, & nec lux, nec calor, nec pluviz ad nos dimanabunt. Hæc verò ex naturā si sustuleris, è sinu suo nihil tellus proferet, intra sinum suum nihil gigner, & in perpetuis tenebris non tantum præmoerore omnia contabescunt, sed & frigore atque inedia illico consumentur. 9. Singulari ratione spiritum nobis indit Deus, qui vitæ nobis auctor: Unde *Apostolus* ait, in Deo nos omnes vivere, *moveri & esse*; & ab eo vitam nobis & omnia obtingere. Hunc spiritum simul atque repetit & auferit, actum de nobis & vitā nostrā. Admodum simile hæc parte Deo cœlum est; quod quamdiu de suo nobis spiritu aliquid impertit, quod trahamus inspirando, vivimus; simul atque verò spiritum hunc vis aliqua nobis subtraxerit, mortui concidimus: ut rectè dixeris, modò rectè intellexeris, in cœlo nos vivere, moveri & esse, à cœlo nobis vitam & omnia dari. 10. Ut *ὁ παντοκράτης* est Deus, itā & *ὁ παντοκράτης* suæ naturalis insignia specimina cœlum edit, ut in Dialogis *Leo Hebræus* ostendit. Hisce modis Dei gloriam enarrat cœlum. Alia si via placeat, Ex cœli jubere fulgidissimo 1. Divinam agnosce Majestatem: Ex magnitudine ejus, Immensitatem: 3. Ex ἀφθαρσία, Immutabilitatem: 4. Ex admirandā omnium in cœlo *ἐνταλῆς*, Sapientiam: 5. Ex machinæ tam stupendæ creatione, conservatione, nec non vi ejus stupendā in arboribus radicitus convellendis, ædificiis diruendis, terræ motibus ciendis, mari ex imo gurgite concitando (unde omnium elementorum fortissimum ærem appellarunt veteres, *Alberto Magno* teste) Omnipotentiam: 6. ex innumeris in mundum hunc inferiorem manantibus commodis, Bonitatem: 7. ex terroribus, Iram & Justitiam: 8. ex puritate, Justitiam & Sanctitatem: 9. ex

9. ex subtilitate, Simpliciter : 10. ex illustratione & illuminatione universi Omniscientiam. Eximiis hisce coeli prerogativis moti videntur Gentiles ut ex coelo Deum fecerint & omnium Deorum parentem, ut ex Orpheo notat Lactantius. De falsa Relig. lib. 1. cap. 5. Mirum certe Aegyptiorum sapientes in coelo nihil deprehendisse præter Aeternitatem Dei, eamque ex sphaerica ejus figurâ ; De quâ suo loco.

THESIS III.

Subordinatus respicit totum expansum, vel partes ejus.

THESIS IV.

Totius expansi fines subordinati duo sunt : 1. Absolvere universi perfectionem ; 2. Universi partes alias connectendo vacuum prohibere.

ENDENS.

Scaliger, Exercit. II. §. I. Duos, ait, esse Elementorum fines : Unum, complere mundum ; alterum, esse compositi partem, & à potiore formâ tum contineri tum perfici. Priorem finem duobus modis consequuntur & servant, nempe in proprio ubi & in alieno : utrumque verò hâc finî, nè vacuum detur : quod

nè fiat, non tantum in alieno possunt quiescere non repugnante quieti formâ, sed ad id etiam tendere, non repugnante motui formâ, sed potius principis suis favente : Aded naturæ interest ut vacuum ex ejus regno proscribatur, Quod de altero fine Scaliger ait, facile admittimus, modò & hoc nobis det, Elementa, quatenus compositorum sunt partes, non à formâ tantum potiore contineri & perfici, sed & totum perficere. Est enim pars primariò non propter se sed propter totum : Unde finis ejus non tam à toto perfici quàm totum perficere. Prorsus iidem sunt totius expansi fines : quod & ipsum ab iis quoque Philosophis Elementum appellatur qui cœlum ab aere distinguunt : *Πρότερον τῷ στοιχείῳ ἐπεσκέυετο*, inquit Hermes. Cui Aristoteles pluribus in locis suffragatur. Et si minùs convenientem hanc appellationem Scaliger judicat, Exercit. 61. §. 3. Probat autem utrumque ratio. Quis enim universum perfectum diceret, si corpore tam præstanti, tam capaci, tam utili careret ? Quis item deformem & mutilum mundum non diceret, si inter cœlum empyreum & terram tam immanis & vacuus esset hiatus nullo repletus corpore ?

THESIS V.

Partium diversarum fines commodiore loco in sequentibus explicabuntur.

CAPUT IV.

De subjecto cœli loco, differentiis localibus & adjuncta quantitate.

Subjectus cœli locus : Thef. I. Variæ sententia de loco cœli : 3. 1. Sententia Pererii : 2. Impugnatur hæc sententia : 3. Respondetur ad rationes Pererii ; 4. Explicatur & confirmatur propria sententia : 5. Solvuntur Pererii rationes contra eam : 6. Sententia Scoti de loco cœli : 7. Examinatur & rejicitur : 8. Differentiæ locales cœli : Thef. II. Examinatur sententia Conimbricensium : 3. 1. Adjuncta cœli : Thef. III. Quantitas : Thef. IV. Demonstratur finitudo cœli : 3. 1. Oscienditur maxima ejus magnitudo : 2.

THESIS I.

Hætenus de cœli causis. Subjectus cœli locus est totum illud spatium à cœlo supernaturali empyreo usque ad aquæ & terræ superficiem.

ENDENS.

Cœli enim expansum omnè illud spatium à summo mundo ad imum usque complet, summâque imis necitendo hiatum ac discontiguitatem, ut ita loqui liceat, prohibet. Continetur igitur cœlum naturale à supernaturali (quod non ratione substantiæ sed usis ita appellatur) & sic naturalis ve-

rique loci rationem extimum habet cœlum, respectu ejus quod ambitu suo continet.

Sed non subsistit hîc Philosophorum curiositas : altiùs ascendit, & de primi cœli, quodcumque illud tandem sit, loco quærit : De ejus enim cœli quod primo subjacet loco nulla est difficultas.

Pererius, lib. II. De loco cap. 8. Philosophorum sententias recenset de loco primi cœli. Prima est Philoponi ; Qui intervallum capacitati illius conveniens locum hujus cœli constituit. Hoc verò intervallum ens verum ac reale non est, sed imaginarium tantum, ut pluribus demonstrat Pererius libri ejusdem cap. 4, 5. Secunda Alexandri ; Qui negat cœlum ullo modo esse in loco, vel per se, vel

per

per accidens, vel actu, vel potentiâ : Non per se vel actu, quia à nullo continetur : Non per accidens ; quia nec pars est alterius corporis, nec accidens : Non potentiâ ; quod enim potentiâ est in loco, id aliquando actu esse potest : At coelum hoc in loco actu esse non potest. Huic verò sententiæ alii opponunt quod *Aristoteles* ait text. 45. *Cælum esse in loco per accidens*. Deinde, quòd localiter moveatur, nempe in orbem ; motus verò localis cum non possit esse sine loco, sequitur necessitati coelum in loco esse. Tertia *Themistii* ; Qui ait coelum primum esse in loco ratione proximi orbis, quem secundum convexam superficiem tangit & ambit. Maxima difficultas quæ urgetur sententiâ hæc est, quòd locus contineat locatum, coelum verò extremum & primum à proximo non contineatur, sed id potius contineat, sitque locus ejus non locatum. Quarta *Simplicii* ; Qui dubius modò in *Themistii* modò in *Alexandri* sententiam inclinat : Unde iisdem urgetur difficultatibus quibus & illi. Quinta *Avicennæ* ; Qui negat primum coelum habere locum, motumque ejus ait fieri non ad locum sed ad situm. Quod displicet *Pererio*, qui coeli motus est localis : at omnis motus localis fit ratione loci : Unde dicendum vel idem esse locum & situm, quod falsum ; vel motum coeli non fieri ad situm, quod verum. Situs definitur *dispositio partium locati ad locum* ; ubi igitur situs ibi locus. Sexti *Porretani* ; Qui ait coelum primum habere locum superficiem extremam & convexam sui orbis, à quâ tegitur atque continetur : Cui tanta indignatione contradicit *Albertus* ut mentiri eum dicat, quia locus est diversum quid ab eo cujus est locus, & subjectum non intrinsecè sed extrinsecè terminat. Septima *Thomæ* ; Qui dicit coelum esse in loco secundum partes internas & continuas, quas continet & ex quibus componitur. Quæ sententiâ *Pererio* improbatur, primò, quia coelum per se movetur motu locali : Ergò per se quoque est in loco, non ratione partium. Deinde coelum actu est in loco : At partes non sunt in loco nisi potentiâ. Denique partes primi coeli integrales licet aliæ alias contineant, non tamen sunt in loco ; quia quod alteri continuum est, non potest dici ejus locus : Est enim locus separatus à re locatâ. Octava est *Alpharabii* & *Avempace* ; Qui aiunt Coelum non habere locum sicut corpora quæ moventur motu recto, eum videlicet à quo contineantur, sed habere locum congruentem corpori spherico & motui circulari, qui centrum est.

II. Hanc octavam sententiam ipse quoque *Pererius* approbat, & sequentibus argumentis confirmat.

1. *Centrum* in definitione circuli & motus circularis ponitur, sicut locus *sursum* & *deorsum* ponuntur in definitione gravis, motusque recti : Ergò ut *sursum* & *deorsum* sunt loca gravium & levium, quæ motu feruntur recto, sic & centrum est locus coeli, quod motu circulari movetur.

2. Qualis est motus localis, talis quoque est locus : At motus localis rectus *sursum* & *deorsum* differt à locali, qui circularis est : Loca igitur corporum horum, nempe Coeli & Elementorum, oportet multum discrepent : Ut ergò locus elementorum est *sursum* & *deorsum*, sic coeli est centrum. Copulati ratio est ; Quia locus quæritur propter motum localem.

3. Ille est locus alicujus corporis qui convenit motui locali ipsius, & à quo motus localis accipit denominationem, speciem & distinctionem : Atqui centrum convenit motui locali coeli, à centro motus coeli accipit denominationem, speciem & distinctionem : Ergò centrum est locus coeli.

4. Is est locus naturalis, ratione cujus corpus dicitur quiescere : sed coelum dicitur secundum se totum quiescere & nunquam mutare locum, propter centrum, à quo semper æquè distat : Ergò centrum est locus naturalis coeli.

III. Sententiam hanc miminè admittendam arbitramur, ob sequentia argumenta :

1. Omnis locus externus ambit vel sustinet : Coelum nec ambitur nec sustinetur à centro : Ergò centrum non est locus externus coeli. *Pererius* quidem *re ambire* & *continere* ait competere tantum loco corporum levium & gravium, quæ motu recto moventur ; non loco coeli, quod motu circulari movetur. Sed facilius hoc ab ipso dicitur quàm probatur. Et quam, quæso, genericam loci definitionem nobis exhibebit sub quâ centrum quoque continetur ? Nos *loci* appellatione indignum judicamus, quod nec ambit nec sustinet.

2. Omnis locus externus est extra rem quam locat : Centrum non est extra coelum, sed intra coelum.

3. Per *centrum* intelligitur vel terra, vel punctum in se indivisibile in medio circuli vel orbis. Si terra ; sequitur ex hypothesebus à *Pererio* constitutis, coelum non posse moveri localiter sublatâ terrâ tanquam loco, motus enim localis secundum ipsum sine loco non est : At falsum est, sublatâ terrâ non moveri posse coelum : Quid enim obstat Intelligentiæ, à quâ moveri coelum contendit, quo minùs sublatâ terrâ coelum movere possit ? Si punctum aliquod indivisibile, sequitur non-ens, quale hoc punctum indivisibile, posse esse locum naturalem entis, quod falsum.

4. Nemo dicit Solis, Lunæ & aliarum stellarum locum esse centrum, etiam si moventur circa centrum in orbem: Sed in loco cœli ambiente & sustinente omnes aiunt esse; quod *Mosés* quoque indigitat; cum stellas ait in cœlo collocatas. Ut enim animantium locus est terra, in quâ à Deo sunt collocata; sic est stellarum expansum seu cœlum, in quo sunt collocata. Nec est quod excipiat *Pererius*, stellas non esse per se in loco, cum sint coeli tantum partes, secundum *Aristotelem*, cui stella definitur pars orbis densior. Hoc enim postulatum *Aristotelis* est, quod nunquam à nobis ipsi dabitur: Et repugnat quoque *Mosés*, qui quarto demum die creatas ait, cœlum autem secundo die: Deus verò in creatione omnes partes cum totis suis simul creavit, totum continuum per se unum, nullum mutuum, quod novis deinde partibus integraret.

5. *Aristoteles* ait cœlum supremum esse in loco per accidens, quod centri comparatione ei nullo modo competeat. Nec concedit *Pererius* centrum esse locum per accidens coeli, sed proprium.

6. Si ideo centrum, seu terra, est locus coeli, quia cœlum movetur circa terram, sequitur temporibus *Jesua*, cum ex sententiâ *Pererii* cœlum quiesceret, loco naturali cœlum caruisse: Atqui hoc falsum: Ergo & illud.

7. Si ideo coeli locus est centrum, quia respectu centri cœlum est immobile, sequitur & polos esse coeli loca, quia respectu polorum quoque cœlum quiescit: At hoc falsum; Ergo & illud.

8. Ignis elementaris, qui ex sententiâ *Pererii* sub Lunæ concavo circa centrum in orbem volvitur, pro loco naturali non habet centrum, sed Lunæ concavum: Nec enim una & eadem res naturalis duo habet naturalia loca, eaque opposita: Non igitur coeli locus est centrum, etiam si circa id volvitur, ex Peripateticoeum opinione.

9. Cœlum in orbem circa centrum moveri falsum: Falsum igitur centrum hoc nomine coeli naturalem esse locum. Antecedens suo deinceps loco probabimus.

10. Locus conservat rem locatam: Centrum non conservat cœlum, sed fovetur potius à cœlo, si centri nomine terra intelligatur.

11. Si centrum ideo est locus naturalis coeli, quia cœlum circa id in orbem movetur, sequitur uniuscujusque corporis in orbem moti locum esse centrum: At hoc falsum: Ergo & illud.

12. Locus est separabilis à re locatâ secundum doctrinam Peripateticam: Centrum absolute sumtum non est separabile à cœlo: Non igitur locus est. Assumptio probatur; Quia nullum datur cor-

pus circulare sine centro, & nullus esse potest circulus sine centro.

IV. Ad rationes contrarias prius quam in specie respondeamus, in genere monemus, in demonstratione *Pererii* falsas aliquot hypotheses contineri;

1. *Elementorum alia sursum esse, alia deorsum* - cum omnia sint deorsum, nullum sursum. 2. *Cœlum naturâ suâ esse corpus circulare*: quod tamen nullâ demonstrari potest ratione. 3. *Cœlum moveri in orbem*; cum non ipsum cœlum in orbem moveatur, sed astra in cœlo. His verò sublati hypothesis, ipsa quoque corrumpunt fundamenta demonstrationis *Pereriana*. Sed admittamus jam, exercitii gratiâ, omnes illas hypotheses, & videamus quid valeant rationes. Respondemus igitur.

Ad 1^m. Ratio hæc falsâ nititur hypothesi, eaque geminâ. Quarum una, *Loci rationem habere quod ponitur in definitione motus localis*, ad insinuandam differentiam ejus & distinctionem: Sic enim sequeretur gravium quoque locum naturalem esse centrum, quia in definitione gravium & motus recti eorum ponitur centrum: gravia enim dicuntur ferri ad centrum, & motus gravium dicitur latius ad centrum. At centrum non esse locum naturalem gravium corporum, ex consideratione loci manifestissimum est: Locus est ens reale; Centrum quâ centrum non est ens reale, cum punctum indivisibile actu nullum detur vel dari possit. Locus dicitur equalis locato: At omne locatum est divisibile, centrum verò indivisibile. Locus conservat rem locatam: At centri nulla est efficacia. Locus recipit intra se locatum: Centrum nihil intra se recipit, &c. Mentio igitur centri fit in definitione motus recti gravium, non ut centrum locus esse indigetur corporis gravis, sed ut per centrum, quod in unâ mundi parte est, significetur ubi sit locus gravium, nempe prope centrum. Simili igitur ratione mentio fit centri in definitione motus circularis, non ut centrum locus esse significetur corporum quæ motu circulari feruntur, sed ut indigetur ubi sit locus corporis quod circulari motu fertur, nempe undique circa centrum, & ab eo partibus omnibus æqualiter distans. Quod verissimum esse deprehenditur in omnibus corporibus circularibus, quæ ab alio corpore ambiente locantur: Ut enim ipsa corpora circularia sunt circa centrum, sic & loca ambientia corporum circularium, quæ & ipsa sunt circularia. Altera hypothesis falsa est; *Sursum & deorsum esse loca corporum gravium & levium*: cum non nisi *ubi* denotent loci corporum gravium & levium: sic & centrum *ubi* denotat loci corporis circularis, quod nempe circa centrum est, & ab eo ubique æquidistans.

H h

Ad

Ad 2^m. Propositio universaliter vera non est. Motus enim localis multæ sunt differentiae quæ loco non competunt. Ex. gr. Motus localis est *velox vel tardus* : Locus velox vel tardus non est. Motus localis est *æqualis vel inæqualis* : Locus æqualis vel inæqualis non est. Motus localis est *animalis vel naturalis* ; Locus animalis vel naturalis non est, &c. Probatio quoque copulati universaliter vera non est. Locus enim quaeritur potius propter quietem quam propter motum. Deinde sine causæ nostræ præiudicio totum syllogismum possumus concedere : nec enim conclusio nobis contradicit. Ipsi fatemur locum cœli & elementorum discrepare : Attamen inde non sequitur quod inferunt, *centrum esse locum cœli*. Ut enim *forsum & deorsum* non sunt loca elementorum, sed tantummodo ubi locorum elementarium denotantur sic & centrum non est locus cœli, sed ubi tantum determinat corporis cœlestis & loci cœlestis, quatenus cœleste corpus dicitur esse circa centrum, & motus ejus fieri circa centrum. Itaque cum quaestio est de *ubi* corporis cœlestis, non exprimendum id per simplicem *centri* vocem, sed per duas voculas, *circa centrum*. Quod si verò *forsum & deorsum* sumatur non pro ipso loco sed pro situ loci, dicanturque elementa esse *forsum vel deorsum*, simili ratione per *centrum* exprimi debet situs corporis cœlestis, quod fieri nequit nisi duarum vocum conjunctione, *circa centrum*. Nec enim *centrum* est situs, sed *circa centrum*, quod corpori cœlesti competit, vel *proprie centrum*, quod elemento competit.

Ad 3^m. Assumptionem negamus. Centrum non convenit motui locali cœli, quia cœlum non movetur in centro, at corpus in eo quod loci rationem habet movetur. Deinde nec motus localis denominationem, speciem & distinctionem à centro accipit, sed ab eo quod est *circa centrum* ; veluti id etiam quod est *circa centrum*, motui locali cœli competit. Conimbricenses ita respondent, *Licet motui cœli per se competat circa centrum fieri, non tamen centrum ipsum speciem & distinctionem ei confert, sed terminus ad quem per se tendit, quique per ipsum comparatur* : tamen si quia ejusmodi terminus ad centrum mundi ordinem habeat, soleat motus circularis cœli definiri per respectum ad centrum. Scaliger Exercit. 45. Tum vulgare, inquit, tum falsum est cœlum opus habere centro immobili circum quod volutur. Non enim super centro circumagi palam est, sed super polis. Nam quod ad centrum attinet, temere cœlum vagari posset, at non vagatur : Non enim forsus potius quam aliorum circumvolveretur. Quibus è subtilitatibus illa vel maxima colligitur ; Etiam si esset totum in medio vacuum, futurum ut hoc eodem quo nunc modo vertitur verteretur ; quippe

super suis punctis, quos à versatione Græci polos, nos vertices appellamus.

Ad 4^m. Negant nonnulli propositionem, hanc instantiā : Cœlum quoque ratione polorum quiescit, & tamen poli non sunt cœli locus. Deinde & assumptio est falsa ; quia pro iisdem habet quæ eadem non sunt, nempe *quiescere & locum secundum se totum non mutare* : Nam & moveri potest quod locum secundum se totum non mutat, ut quod in circulum seu orbem movetur. Itaque nec quiescere consequens est, quod à puncto aliquo semper æquidistat.

V. Hactenus ergo merito rejecta *Pererii* sententia de loco cœli extimo. Reliquum est ut quid in tantâ sententiarum varietate statuamus breviter explicemus : idque duabus propositionibus : Quarum prima ; *Externus coelo locus proprie sic dictus per se & naturalis nullus competit*. Ratio ejus ; Omnis locus extimus est ambiens vel sustinens : Cœlum nec in ambiente nec in sustinente loco est ; Ergo. Assumptio probatur ; Omnis locus ambiens vel sustinens est extra locatum suum : Extra cœlum verò extimum nullum est corpus quod vel ambiat vel sustineat cœlum ; est enim ipsum corporum omnium extimum. Quod *Pererius* hic excipit corpus cœlestis ; & locum corporis quod in orbem movetur, quem nec ambientem nec sustinentem, vel extra locatum suum esse contendit, absurdum est, ut antè vidimus. Subscribunt huic propositioni *Alexander & Avicenna* : quorum sententiam suprà recitavimus.

Secunda propositio ; *Coelum est in loco interno, qui omni competit corpori quatenus est corpus*. De loco interno videantur quæ sectione primâ diximus. Ab hac sententiâ non videtur alienus esse *Porretanus*, cujus sententiam suprà sexto loco recitavimus. Est ea, *Coeli extimi locum esse superficiem extimam & convexam quâ tegitur & continetur*. Hæc verò ipsa superficies extima internus est locus corporis cujus est superficies : veluti enim superficies interior alterius corporis locantis est locus externus corporis quod ambit, sic & cujusque corporis propria superficies quâ tegitur & continetur, est locus corporis internus, qui competit omni corpori quatenus est corpus : Cum externus locus competit corpori tantum quatenus est Universi pars alteri contigua & ab ea contenta. Nec movet nos indignatio *Alberti Magni* : Quod enim ait, locum esse diversum & separatum quid ab eo cujus est locus, & subiectum non intrinsecè sed extrinsecè terminare, non admittitur à nobis nisi de solo loco externo. Referri huc quoque potest *Thomæ* sententia, quæ septima in ordine est, cum in interioris loci considerationem quoque veniat situatio partium corporis continuarum, quâ una extra alteram est, totumque

cúmque corpus terminatur. Hinc enim internus locus definitur, *Terminus* cuiuscunque corporis naturalis ortus ex commensuratione partium quantarum certâ ad se invicem dispositione terminatarum ad certam distantiam, extra quam se non extendunt, suisque terminis citra respectum ad aliud corpus situantur & collocantur.

VI. Ad contrarias *Pererii* rationes facilis est responsio.

Ad 1^m. Primò falsum est coelum extrinsecum per se moveri motu locali. Deinde si nihil actu localiter moveri potest nisi quod est in loco externo, sequitur nec coelum externum localiter moveri posse, quia non est in loco externo. In centro enim, quod coeli locus esse fingitur, non est coelum, sed centrum potius in coelo. Denique non in loco tantum, sed & in vacuo fieri potest motus. Videantur *Conimbricenses* lib. 4. *Physicæ* cap. 9. quæst. 4. art. 1, 2.

Ad 2^m. Sententiam *Thomæ* ita non accipimus quasi coelum in loco sit respectu partium duntaxat, sed quòd ex commensuratione & mutuâ terminatione partium exsurgat terminus communis totius corporis, quem locum internum appellamus.

Ad 3^m. Falsum est, non posse locum esse quod alteri est continuum, & omnem locum separabilem esse à relocatâ; nisi de loco tantum externo accipiat.

VII. Sed libet, antequam hinc abeamus, *Scotum* quoque audire, cuius planè singularis est opinio, in Quodlibet. q. 11. ubi negat ultimam sphaeram in loco esse, idque hâc unicâ ratione, quòd ab alio nullo corpore contineatur. Objicienti verò, *Coelum primum movetur in loco*; Ergò est in loco, respondet ad antecedens per distinctionem; Movetur in loco quoad locare, non quoad locari, h. e. ratione locationis activæ, non passivæ. Non ratione passivæ; Quia nullo continetur corpore: nec locum mutat, etiam si localiter movetur. Sed ratione activæ; Quia motu suo locali nunc aliter locat corpus contentum quàm prius locaverat, adeoque & centrum, circa quod volvitur, continuò aliter atque aliter locat. Sententiæ huius defensionem suscipit *Philippus Faber*, in *Scoti* Philosoph. naturali, theorem. 49. cap. 1. & 2. ubi ita argumentatur; Quod nunquam mutat locum quoad totum, adeoque immobile est quoad totum, id non est in loco proprio, hoc est, passivè: Atqui coelum extrinsecum nunquam mutat locum, &c. Ergò. Item; Quod locat alia, non locatur ab aliis, id improprie est in loco, hoc est activè, ratione locationis activæ: Atqui coelum extrinsecum locat alia, non locatur ab aliis: Ergò.

VIII. Dubium non est quin externum locum pro-

prie dictum extrinsecum coelo neget *Scotus*, idque ratione satis efficaci; Quia à nullo corpore continetur: Quòd verò idem ait in loco moveri hoc coelum quoad locare, respectu centri & aliorum contentorum, quæ aliter atque aliter locat, difficultatibus urgetur haud levibus.

1. Planè contradicunt, in loco proprio moveri, & in loco proprio non esse; & contradicunt, circa centrum moveri. & citra centrum non esse.

2. In loco moveri primariò affectio est ejus quod movetur, non effectus in aliud quod ambitu suo continet: nam respectu effectus movere potius quàm moveri dicitur; nec agunt sine passione corpora naturalia quæ motu locali agunt.

3. Coelum in loco, vel localiter, & in orbem moveri, falsum est.

4. Si maximè in orbem moveretur, tamen motu suo centrum aliter atque aliter non locaret, quia immobile est centrum, & eodem modo semper ad orbem se habet.

5. Posset in circulum moveri orbis etiam si aliud corpus non contineret. Itaque forma illa fluens, quæ est motus circulationis posset per se esse sine respectu ad contentum: Et sic merè absoluta esset, adeoque coelum in loco non esset ratione locationis activæ, nec moveri in loco esset locare aliter atque aliter centrum. Ad rationem hanc pro *Scoto* respondent nonnulli; Omnem motum esse à medio, vel ad medium, vel circa medium: & sic impossibile esse ut aliquid moveatur circulariter nisi versetur circa centrum immobile. Resp. Vide quæ adversus hanc responsionem ex *Scaligero* Exerc. 45. in *2^o d^o* 4. ad 3^m, supra adduximus. Respondet *Faber*; Admisso vacui casu, motum fore citra medium imaginarium. Resp. Brit igitur & locatio hæc imaginaria, & coelum in loco imaginario: Atqui de reali loco & locatione hic quæstio est.

THESIS II.

Ad locum referimus differentias locales, quas in cælo nonnisi duas agnoscimus, *Sursum & Deorsum*.

*ΕΝΔΕΙΞΙΣ.

Aristoteles, 2. De coelo cap. 2. Coelo tribuit ἀνω, καὶ κάτω, δεξιόν, & εὐστέριον, τὸ πρὸς δὲν καὶ τὸ ἀντικείμενον, hoc est, omnes sex differentias locales: ἀνω & κάτω in polis; δεξιόν in ortu, unde motus principium; & εὐστέριον in occasu; πρὸς δὲν in meridie; τὸ ἀντικείμενον in opposito meridiei. Re ultro citroque pensitat *Conimbricenses* hæc coelo differentias competere aiunt ex natura rei, licet metaphoricè, si unâ cum Intelligentiâ motrice intelligatur: Quæ

& fluctuatio & limitatio suspectum reddit dogma hoc. Quod ex naturâ rei competit alicui, non improprie sed proprie solet convenire: Et si non competunt hæc differentie cœlo nisi respectu Intelligentiæ motricis, certè ex naturâ rei non competunt; quia Intelligentia non est de naturâ cœli, imò affixa cœlo nulla est: unde in cœlo ex naturâ rei & per se nec *dextrum* & *sinistrum*, nec *anterior* nec *posterior* pars erit. Et si maximè ab Intelligentiâ cœlum moveretur, non magis tamen *dextrum* & *sinistrum* ex naturâ rei inesset cœlo quàm vel navi, quæ à nautis, vel curru, qui ab equis movetur. Taceo quòd cœlum in suo loco non moveatur. Vide sectionem 2. cap. 8. thes. 2. quæ agit de mundi differentiis localibus. Vide & *Johannem Franciscum Picum*, in *Examine vanitatis doctrinæ Gentium*, lib. 6. cap. 9. Attamen *sursum* & *deorsum* cœlo competere non inficiamur, etsi aliâ ratione quàm *Aristoteles* opinatur. *Deorsum* enim in cœlo appellamus non polum *Arcticum*, sed partem centro universi propriorem; *Sursum*, non polum *Antarcticum*, sed partem à centro remotiorem. Sunt enim poli non nisi figmenta. Nec ratio est cur hic potius quàm ille per se superior aut inferior statuatur, concessis etiam orbium coelestium machinis. Sed faciamus id *Ætæ* cœli esse polum *Arcticum*, & *Ætæ* *Antarcticum*: grave igitur in *Antarctico* tanquam parte superâ constitutum non ad mundi medium, sed ad polum *Arcticum* ferretur, tanquam partem imam. Cùmque polus *Antarcticus* iis qui sub ipso habitant sit *Ætæ* respectu *Arctici*, ut nobis *Arcticus* est respectu *Antarctici*, sequitur contrario motu gravia ab *Arctico* in *Antarcticum* quoque latum iri: quæ planè monstruosa erit naturæ confusio. Hæc de re pluribus differentem vide *Jacobum Martinum Scotum*, in libello *De primâ generat.* cap. 7.

THESES III.

Adjuncta cœli in considerationem tria potissimum veniunt. *Quantitas*, *Qualitas*, *Motus*.

THESES IV.

Quantitas hoc loco nobis est *Magnitudo*; Quæ in cœlo 1. finita, 2. omnium maxima & capacissima.

Ex thes.

I. Finitum esse cœlum, ex Scholæ Peripateticæ principiis facile probatur: 1. Quia unius cœli concavum alterius attingit convexum: Primus enim orbis secundum, secundus tertium, &c. contingit: At corpora se mutuò contingentia clauduntur su-

perficie, & proinde finita sunt. 2. Quia cœlum rotundæ est figuræ: At omne figuratum est finitum. 3. Quia in orbem movetur, & quidem finito tempore: Atqui nullum infinitum moveri potest, multò minùs finito tempore converti. Etsi verò rationum harum nullâ nos uti ex nostris principiis possumus, ad finitam tamen cœli magnitudinem probandam argumenta nobis non defunt. 1. Quia corpus est: At omne corpus naturale finitum est: nam si infinitum daretur, omnia alia absorberet, & non nisi unum esset. 2. Quia terram superficiem suâ contingit, adeoque superficiem clauditur. 3. Quia ubique non est. 4. Quia mundus, cujus pars est cœlum, finitus est: ut sectione II. ostendimus. Sufficiant hæc. Fixarum regionem in infinitum non procurrare demonstrat *Keplerus*. De stellâ novâ *Serpentis*. c. 21.

II. Maximam esse cœli magnitudinem apud omnes in confesso est: quod & experientia testatur: Siquidem omnia alia corpora naturalia, quæ numero plurima & penè innumerabilia & mole maxima sunt, complexu suo continent. Unicum duntaxat hujusce magnitudinis esto specimen, magnitudo & multitudo stellarum.

Ambitus terræ ex receptâ sententiâ milliariorum Germanicorum 4770. est. Hæc mensura vulgò stellarum dimensionibus adhiberi solet. Unde ex Mathematicorum placitis,

Stellæ fixæ	Primæ magnitud.		Terræ majores sunt	107. 87. 72. 54. 39. 18.
	2x			
	3x			
	4x			
	5x			
Sunt autem	primæ magnitud.		numero	15. 45. 208. 474. 217. 49.
	2x			
	3x			
	4x			
	5x			
	6x			

Uunc colligere est spatium quod fixæ tantum 1008 occupant milliariis Germanicorum esse 239618490. Atqui hæc nè vicesima quidem fixarum stellarum pars est, ut suo loco monstrabimus. Et quanto insuper intervallo à se singulas distare fixas existimaveris? Equidem non dubito quin longè sit majus in regione quam vulgò octavam sphaeram appellat spatium quod nullis est insignitum astris, quàm quod iis repletum: adeo ut, concessis Mathematicorum demonstrationibus, mentiri non videar si vicesies pluribus milliariis nostratibus capacitatem octavæ istius regionis exhaustiri non posse dixerem. Adde jam immensa illa septem ætheris spatia quæ septem

Septem Planetis decurruntur : Ubi hoc tantum specimen subijcio de quatuor superioribus :

Sol	} terræ major	166.
Saturnus		91.
Jupiter		95.
Mars		1.

Unde colliges quatuor tantam hæc corpora in quatuor aeris vel ætheris spatii implere spatium milliariorum nostratum 1684811. Atqui in singulis iis singula tantum sunt Planetarum corpora, si Mathematicis credimus : cum dubium non sit quin plura eorum millia in singulis esse possint. Hinc verò quantam milliariorum viam confici posse putes ? Restant jam trium inferiorum Planetarum spatia, quæ & ipsa multas milliariorum myriadas, imò myriadum myriadas amplitudine suâ continent. A Lunâ porro ad terram si metiendo progrediari, innumerum milliariorum expansi numerum conficies, totûsque immensitate molis hujus obstupesces. Sed & aliorum hic libet judicia audire. Demonstrat *Keplerus*, in tractatu De stellâ novâ in pede Serpentarii, cap. 15. secundum doctrinam *Copernici* inter sidus illud & tellurem interfuisse vices semel centena & sexaginta millia semidiametrorum terræ. Continet verò terræ semidiameter milliaria nostratia 860 : quæ cum distantia istâ multiplicata conficiunt 1857600000 milliaria, quæ dimidia tantum expansi à terrâ ad sidus istud profunditas ; alteram medietatem si addideris, tota erit milliariorum 3715200000. Hinc de circumferentiæ magnitudine iudicium facito, quæ triplo major & amplius. Secundum *Prolemaï* doctrinam semidiameter sphæræ fixarum vices millenos telluris semidiametros continet : Unde 17200000 milliaria. Collige hinc totum diametrum, & ex diametro perimetrum. Si vis, cum tantâ mole humani corpusculi parvitatem contende. Terræ semidiameter, quæ semidiametro expansi ad fixas usque stellas, secundum *Copernici* doctrinam, vices semel centies sexagies millies continetur, pedum est 21500000 : Hominis igitur longitudini si pedes septem dederis, per ordinem in eandem longitudinem componendi erunt homines 3071428, ut à superficie terræ ad ejus centrum pertingant. Cogita jam, quæso, quot millia sint componenda ut à terræ superficie ad fixa sidera pertingant : *Copernicum* si rogaveris, numerabit tibi 6634284480000. Progredere hinc, & cogita quot myriadum myriades, imò millionum

milliones tota expansi capacitas sit admittitura. Inter Uranometras præ reliquis ingenium ostentavit *Clavius*, Commentariis suis in Sphæram *Joannis de sacro Bosco*, ubi arenularum quoque numerum definit qui ad firmamenti concavum explendum requiratur, si vel tantillæ essent arenulæ ut 10000 efficerent sphæram granò papaveris æqualem. Est autem numerus ille unitas cum 51 citris, quas nullus vulgus appellat. Videantur hypotheser ejus in primum Sphæræ caput.

Unum adhuc addam in gratiam *τὸν ἀποβὰς τῆς*. Nonnulli qui cælorum dimensiones curiosius rimantur, ad calculum vocant milliaria ab imâ terræ superficie ad extimam sphæram, quæ vulgò nonam numerant. Ponamus igitur cursorem singulis diebus eundo vel equitando conficere 8 milliaria Germanica : Iter igitur à terrâ ad Lunam conficietur annis 5 & mensibus duobus : eritque altitudo milliar. Germ. 15080. Ad *Mercurium* annis 10 : eritque altitudo 29200 milliar. Germ. Ad *Venerem*, annis 26 : eritque altitudo 75920. Ad *Solem*, annis 169 & mensibus 3 : eritque altitudo nulliar. 494200. Ad *Martem*, annis 184, mensibus 5 : eritque altitudo milliar. 538480. Ad *Jovem*, annis 1291 mensibus 2 : eritque altitudo milliariorum 8043120. Ad *Sphæram nonam*, annis 2982 : eritque altitudo milliar. 8707440. Et hæc longitudo semidiametri tantum. Diametrum si compleveris, milliaria habebis 17414880. Perimeter triplo erit major, eoque ampliùs. Hæc profunditas & si longè minor est quàm *Copernicana*, per se tamen longè maxima est. Unde aeris magnitudinem æstimare cuivis proclive erit. *Franciscus Maurolicus* Italus cœli quantitatem continere ait milliaria Germanica vices quinquagies quater millena novies mille centum & sexaginta. Est ex Theologis qui itineris hujus cœlestis longitudinem opponit ascensionem *CHRISTI* in cælum summum seu *Empyreum* locali ; eò quòd pluribus annorum centuriis confici iter hoc non potuerit, & fortassis nè jam quidem confectum sit, si vel immensum *CHRISTI* corpus non sit, vel supra cælum naturale *empyreum* sit. Cui bilem non moveant tantæ hominum ineptiæ ? Quantacunque sit semidiametri à terrâ ad extimum cælum longitudo, aliquoties tamen eâ minor erit octavæ regionis perimetro ; atqui totum perimetrum fixæ stellæ spatio diei naturalis percurrunt. Minùs verò credemus *CHRISTUM* corpore suo potuisse quàm fixam aliquam stellam ? Hactenus de cœli magnitudine.

CAPUT V.

De qualitatibus Cœli.

Qualitates cœli recensentur : Th. I. Subtilitas : Th. II. Causa subtilitatis secundum sententiam Peripateticorum : *enō*. 1. Causa, secundum sententiam propriam : 2. An tenuior & densior fieri possit cœli substantia : 3. Negatur : ibid : Argumenta in contrariam sententiam : Solvuntur : 5. Levitas. Th. III. Ratio contra levitatem cœli : *enō*. 1. Rationes pro levitate cœli : 2. Solvuntur contraria ratio : 3. Rationes pro frigiditate ejus : 4. Rationes pro caliditate aeris : 5. Rationes pro temperie aeris : 6. Ostenditur aerem naturā nec calidum, nec frigidum, nec temperatum esse : 7. Solvuntur rationes pro frigiditate aeris : 8. Solvuntur rationes pro caliditate aeris : 9. Solvuntur rationes pro temperie aeris : 10. Explicatur vera aeris levitatis causa : 11. Fluiditas cœli : Th. IV. Afferitur fluiditas cœli : *enō*. 1. Rationes contra fluiditatem cœli : 2. Solvuntur : 3. Argumenta pro humiditate cœli : 4. Impugnatur cœli vel aeris humiditas : 5. Solvuntur argumenta contraria. 6. Perspicuitas cœli : Th. V. Perpenditur definitio perspicui ab Aristotele tradita : *enō*. Invisibilitas : Th. VI. Rationes pro visibilitate cœli : *enō*. 1. Afferitur invisibilitas cœli : 2. Solvuntur rationes contraria : 3. An cœlum per lumen & colores sit visibile : Mutabilitas : Th. VIII. Rationes contra mutabilitatem cœli : *enō*. 1. Afferitur mutabilitas cœli : 2. Solvuntur contraria rationes : 3. Figura. Th. VIII. Rationes pro rotunditate cœli : *enō*. 1. Afferitur figuræ certæ carentia : 2. Solvuntur rationes contraria : 3.

THESIS I.

Fuit quantitas cœli. Sequuntur Qualitates : Quarum septem in considerationem hinc veniunt ; 1. Subtilitas, 2. Levitas, 3. Fluiditas, 4. Perspicuitas, 5. Invisibilitas, 6. Mutabilitas, 7. Figuræ certæ carentia.

THESIS II.

Subtilitas est qualitas cœli, per quam tenuitate superat omnia corpora naturalia.

ΕΝΔΕΙΞΙΣ.

I. Subtilissimum esse cœlum ne Peripatetici quidem inficiantur, ut qui nullum cœlo tenuius, purius & subtilius esse corpus affirmant, licetque Chymicis faciunt, qui quintā suā essentiā seu spiritum, quem ex metallis & herbis extrahunt, nihil in mundo subtilius esse clamitant. Hunc spiritum, si cum cœlo comparatur, crassum esse Peripatetici contrā affirmant, cum primum illud sit, cum altissimum, cum ab omni compositione remotissimum ; quamvis nec ordo, nec altitudo, nec à compositione immunitas summæ subtilitatis infallibile sit argumentum : Cum ex Peripateticorum sententiā stellæ igni & aere sint eminentiores, & tamen utroque corpore densiores ; & terra extra omnem omnino impuritatem & mistionem constituta cum Chymici spiritus, quem corpus mistum esse dicunt, subtilitate minimè sit conferenda. Aliunde igitur cœli subtilitas arcescenda & probanda erit.

II. Scaliger, Exerc. 141. §. 5. ex Galeno tenuia

esse dicit, quæ ad minima faciliè redigi possunt. Idem Exerc. 283. §. 1. Tenuia sunt quorum minima naturalia sunt pusilla. Summam igitur subtilitatem in cœlo vel aere probamus, 1. ex divisibilitate in minima omnis experte laboris : Nihil enim in universā est rerum naturā quod dividi facilius & dividi in minora possit quàm aer, 2. Ex summā penetrandi vi : Etenim minimos quosque meatus imperceptibiles sensibus promptissime penetrat. 3. Ex mobilitate summā : Quod enim aere facilius moveatur ab æterno movente, nihil est. 4. Ex vi resistente minimā. 5. Ex invisibilitate. 6. Ex summā levitate. 7. Ex alteratione per frigus aut calorem propemodum momentaneā. 8. Ex nominibus Hebræis קוֹיָקוּ וְרִקְנוּ, quorum utrumque substantiam notat expansam & attenuatam.

III. Queritur hic, An tenuior & densior fieri possit cœli substantia. In Scholā Peripateticā nemo est qui dubitet, modò aeream cœli naturam ipsi persuaseris. Aerem enim ab igne attenuari, à motu atteri & subtiliorem reddi, contrā à frigore densari & incrassari, uno omnes ore aiunt & calamo scribunt. Nec vel ignis videtur conservari posse, nisi in ignem aer per attenuationem mutetur ; vel fontes gigni, nisi per subterraneum frigus in aquam aer densetur. Hæc Scholæ istius placita sunt, veteribus & recentibus Philosophis permultis approbata : quæ cum nec ratione nec experimentis idoneis probari possint, mihi suspecta semper fuerunt. Quod de mutua clementorum transmutatione vulgò tradunt, & ipsum prorsus est suspectæ

suspectæ veritatis. Mibi verò planè persuasum est; Omne simplex corpus esse incorruptibile, & corruptibilitatem esse affectionem mistorum propriam: De quo sectione proximâ, De elementis. Non credam igitur ex aere vel ignem per attenuationem vel aquam per condensationem fieri, nisi evidenti experimento probatum id fuerit, quod hæcenus nec vidi nec audiui: Cum quæ vulgò jactant, non ex ipsiis rebus sed præconceptis opinionibus sint deprompta. At enim, inquis, si maximè aer nec in ignem nec in aquam mutetur, non tamen repugnabit ei vel per calorem attenuari vel per frigus densari; uti aquam videmus modò attenuari, modò densari. *Resp.* De aquâ hoc faciliè do, quia evidens hîc loquitur experientia. De aere si experientiam evidentem produxeris, facilem quoque assensum præbebo: quem tantisper suspendere doctorum pace mihi licebit. Interim exultimo aeris substantiam à Creatore ad eam subtilitatem esse redactam ut accessio ei per naturam fieri non possit, adeoque fixam ut nec adimi de eâ quicquam possit. Nec proprium hoc aeris, sed & terrâ id sibi vendicat; quæ si pura sit, omnis expers aquæ, nec à frigore magis addensabitur, nec à calore attenuabitur. Nostram de attritione aeris sententiam sect. 1. exposuimus.

IV. Sed doctorum consensus experientiâ quâdam sustutus rursus hîc nobis opponitur. Alibi crassum, alibi subtilem, alibi temperatum esse aerem scribunt naturæ periti, fidemque ipsa faciunt loca. Est alibi tam subtilis aer ut nè aviculas quidem ferat, qualis supra *Olympum* montem perhibetur esse, teste *Augustino*, De Genesi contra *Manichæos*, lib. 1. cap. 15. & Genesi ad lit. cap. 14. ubi de aeris quoque crassitie ita loquitur, *Sciant omnes istum aerem nubilosum & humidum in quo aves volant, à doctissimis hominibus, qui hæc diligenter inquirunt, cum aquis solere deputari: concrevit enim & crassus efficitur exhalationibus & quasi vaporibus maris & terræ, & de ipso humore pinguescit quodammodo, ut volatus avium portare possit; idè per noctes serenæ etiam rotat.* Sic & *Heredotus* scribit *Thracæ* ob crassum regionis quam incolunt aerem crassum itidem habere cerebrum, indeque obliuissimos planè esse, desides & torpescentes, ita ut quatuor enumerando non ascendant. Aeris *Bæotii* crassities in proverbium olim abiit: unde illud *Horatii*,

Bæotum crasso jurâris in aere natum.

Contrà in aliquibus *Italiae* locis adeò subtilis est aura ut qui imbecillioris naturæ sunt & assueti auræ crassiori, durare in iis nequeant, crebrisque infe-

stentur lypothimiis. *Purus aer, hoc est, subtilissimus* (talis enim est purus) *occidit*, inquit *Albertus Magnus* De proprietate element. lib. 1. tract. 1. *Quâ de causâ montes altissimos ascendentes Philopphi spongiæ aquis inunctas ante nares secum portarunt, ut per has grossior esset aer spirans.* Ità hyberno & nocturno tempore longè crassiores esse aerem quàm æstivo & diurno, omnes ferè opinantur: Est in libro De judiciis, *Albumasar Hippocratis* sententiam laudat, nempe disjecta cuncta animantia fuisse peritura, nisi noctu stellarum luce aeris crassitudo ac densitas rareficeret.

V. *Resp.* Non probant hæc aeris substantiam per se magis attenuari vel condensari posse, vel in se & substantia suâ alibi crassiorem alibi tenuiorem & subtiliorem esse, sed tantum hic puriorem, illic impuriorem, crassiusque exhalationibus magis inquinatum. Qui subtilissimus est, à *Plinio* purus liquidusque & imperturbatus lucis aer appellatur, lib. 2. cap. 23. Nulla igitur aeri accidit alteratio, quâ, remotâ admixtæ exhalationis substantiâ, per se crassior aut subtilior evadat, sed alienæ duntaxat substantiæ admixtio. Unde subtilissimus est aer qui purissimus, & tantò crassior quantò impurius & exhalationibus turbidior; non utique per qualitatem sibi inhærentem, sed per alienam substantiam adhærentem. A calore igitur attenuari aerem aliud nihil est quàm à facibus adhærentibus purgari; à frigore condensari, aliud nihil quàm facibus magis magisque addensatis in impuritate & alieni concre-tione foveri.

THESES III.

Levitas est cœli qualitas, per quam ponderis est expers & summum in naturâ locum occupat.

EXPOSITIO.

I. Leve cœlum esse magno conatu negat Schola Peripatetica, ex 1. De cœlo cap. 3. ratione certè non usque adeò ponderosâ: Quæ hæc est; Quod nec sursum nec deorsum sed in orbem movetur, id neque leve neque grave est: Cœlum neque sursum neque deorsum sed in orbem movetur: Ergo nec leve nec grave est. Propositionem probant ex perpetuo levitatis & gravitatis effectu: Leve enim fertur sursum, grave deorsum. Quod de cœlo suo Schola Peripatetica tradit, idem *Chrysippus* in *Physicis* docuit de aere, nempe nec levem nec gravem eum esse. *Plutarchus* in libro *πρὶ τῶν ἀνωτέρων*.

II. Esse corpus aliquod naturale quod actu nec leve nec grave sit, unum ex iis est dogmatibus quæ semper suspecta mihi facere, quibusque ut assen-

titer à me nunquam impetrare potui; nec potui imaginando assequi quod Corpus naturale possit esse quod tamen nec leve nec grave sit. Nec subscribere paradoxo huic potuit *Iustinus Martyr*, in libro quo *Aristotelis* dogmata confutat. Et si igitur maxime coelum aeræ naturæ esse non crederem, à levitate tamen id nunquam liberarem, nisi gravior me ratio urgeret quam quæ hætenus proferri potuit. Jam verò tantò quoque facilius mihi est demonstratio, quia aerem esse coelum supra probavi.

Levitatem igitur inesse coelo, probo:

1. Quia naturæ est aeræ.

2. Ex Peripateticorum dogmate, hoc modo; Quod supremum mundi locum obtinet, id est levissimum: At coelum supremum mundi locum obtinet: Ergo. Propositionis ratio è regulâ petitur *Aristotelicâ*; Eò quidque est levius, quò ascendit altius: Vicissim igitur, quò quid est altius & sublimius, eò quoque est levius: Ut enim illic ex causâ effectus, sic hic ex effectu causa arguitur.

3. Corporum omnium naturâ subtilissimum est quoque levissimum: At coelum est corporum omnium subtilissimum: Est igitur & levissimum. Si dicant de corporibus elementaribus id tantum valere, probent quod dicunt, & assensum à me impetrabunt.

4. Omne corpus naturale est leve aut grave: At coelum grave non est: Leve igitur est. Propositione tamdiu universalis mihi est, donec ab adversariis evidenti argumento demonstratum fuerit gravitatem & levitatem non esse affectiones genericas corporis naturalis. Ego cur genericas esse credam, hanc habeo rationem; Quòd omnia alia corpora naturalia videam esse gravia vel levia: Coelum verò, quicumque tandem consistet materiâ, cur excipi debeat non videam: Quæ enim unica hujus singularitatis affertur ratio in meâ me sententiâ magis confirmat. Videamus igitur pondus ejus.

III. Itaque ad contrariam rationem respondeo. Primò propositionem distinguo; Leve aut grave aliquid dicitur duobus modis, actu scilicet primo vel secundo: Actu primo dicitur leve vel grave, quod etsi sursum & deorsum non fertur, ferri tamen aptum est per habitum & potentiam proximam. Actu secundo leve vel grave dicitur, quod sublati impedimentis per levitatem aut gravitatem sursum aut deorsum fertur. Propositionem igitur concedimus, imò syllogismum integrum, si per levia & gravia intelligant quæ actu secundo sunt talia. Superior enim coeli pars actu nec sursum nec deorsum movetur. At habitu pro-

pterea seu potentiâ levem non esse pernegamus: & Peripateticorum usi armis sic pugnamus; Quod est leve aut grave, id sursum movetur aut deorsum: Terra & aer, ex opinione illorum, elementa tota nec sursum nec deorsum moventur:

Non igitur vel gravis est terra, vel levis aer.

Quod cum negent, negent quoque oportet levia illa esse tantum quæ actu sursum feruntur. Et sic ratio hæc nos minimè urgebit.

Respondent alii: Propositionem tantum veram esse de partibus simplicium corporum a toto avulsis, & extra loca sua constitutis; falsam contrà, de toto in suo loco existente: cum principium sit Philosophiæ Peripateticæ, *Omnia materia quiescere cum pervenerunt in locum proprium*. Hætenus igitur limitata propositio. Deinde & Assumptionem ex parte falsam esse pronunciamus. Primum enim coelum in orbem non movetur: Deinde partes ejus inferiores loco suo motæ & violento inclusæ sursum nituntur, ut docet experientia.

Sed faciamus in orbem moveri coelum: Hoccine verò levitati ejus quicquam detrahet? Non opinor. 1. Tradit enim Peripatus ignem elementarem sublernarem esse levissimum, simulque in orbem quàm concitatissimè volvi. 2. Motus ille orbis non à levitate sed à formâ erit, & quidem, si *Lyceo* credimus, assistente Intelligentiâ. At, inquiunt; obnitetur tamen materia levit. Resp. 1. Quid ergo de igne respondebunt? 2. Non major erit resistentia quàm in nostris corporibus ab animâ ad omnes loci differentias motis: Ut igitur progressio violenta nobis non est, etiam si grave corpus nostrum est, quia ab anima est; ita nec propter levitatem orbis motus coelo violentus esset, quia à formâ esset.

IV. Sed agè in levitatis aeræ seu coelestis causam jam inquiramus. Peripatetica Schola calorem hic nobis commendat: cui ignis levissimus, quia calidissimus: aer minùs levis, quia minùs calidus; levis tamen respectu aliorum elementorum, quia calidus. Cum autem per se & naturâ suâ levis sit aer, consequens erit naturâ quoque calidum esse. Sine verò proxima & immediata levitatis causâ calor, postmodum videbimus; jam, sine calido naturâ an frigidus aer, disquiremus.

Plutarchus, in libello *de aeris virtute*, tradit à Stoicis aerem primum statui frigidum. Quibus *Seneca* assentitur, 2. Quæst. naturalium, ubi ait, aerem naturâ frigidum & obscurum esse. *Galenus* naturâ quoque frigidum agnoscit, in libello Quod mores animi, &c. c. 4. Et si ex personâ Stoici hoc dici contendit *Vallesius*, cui tamen contradicit *Ludovicus Mercatus*. Suffragatur *Bodinus* in Theatro, ubi aerem defini-

definit *spirabile & frigidissimum elementum*. Argumenta cum à Stoicis tum ab aliis pro natura & maximâ aeris frigiditate producuntur sequentia;

1. Quod primum in natura tenebrosum est, id etiam primum frigidum est: Atqui aer primum in naturâ tenebrosum: Ergò. Propositionis ratio est; Quia contrariorum contraria sunt consequentia: Atqui primum lucidum, nempe ignis, est primum calidum: Ergò & primum tenebrosum est primum frigidum.

2. Ignis mutatur in aerem: Ergò aer est frigidus. Ratio consequentiæ; Quia interitus rei est mutatio ejus in contrarium: Cum igitur ignis sit calidus, aer in quem mutatur ignis erit frigidus. Antecedens probatur; Quia fumus, qui extincto igni cernitur, species est aeris: *ἡ ὁβρις*, inquit *Plutarchus* in persona Stoici, *ἐμφανὲς ἐστὶν αἰὲρ ὅτι ἐκ τοῦ πυρὸς ἐκέρχεται αὐτῷ, καὶ γὰρ ὁ καπνὸς ἀεὶ ἐξ αὐτοῦ ἐκέρχεται*.

3. Quod maximam congelandi vim habet, id natura sua est frigidissimum: Atqui aer maximam habet congelandi vim: Ergò. Assumptio de aere manifesta est. Aqua enim natura sua fluida ab aere propter frigiditatem crassescit & congelatur: Sic & aqua à fontibus avulsa faciliùs concrefcit, quia aeris vis ei tum prævalet: Fluvii magni gelu profundo non coeunt, quia ad imum aer non penetrat: Ità postquam loci sumus & sudavimus, acutiùs & citiùs refrigeramur, corporibus laxatis frigidum recipientes aerem. Hæc tria Stoicorum fundamenta sunt: Quibus accedunt alia.

4. Talis est aer naturâ, qualis est in media sua regione: Atqui in media regione frigidissimus est: Ergò. Propositionis ratio; Quia in media regione ab aliorum elementorum contactu est remotissimus, adeoque maximè sincerus & alienis qualitatibus minimè imbutus; quomodo & terra in centro est purissima. Assumptio in Schola Peripatetica in confessio est.

5. Aer eò fit frigidior quò vehementiùs agitur: Ergò natura sua est frigidissimus. Ratio consequentiæ; Quia cætera quò magis agitantur eò magis incallescunt. Antecedens probatur; Quia si aerem leniter è pulmonibus spiraveris, calidum senties; sin vehementiùs & ore angusto, frigidum percipies.

6. Aer sub Septentrione continuas nives & glaciem producit: Ergò natura est frigidissimus.

7. Aer natura non est calidus: Ergò est frigidus. Antecedens probatur 1. Quia aliàs tunc interitu sui per totam hyemem frigidus servari non posset.

2. Quia aliàs darentur plura agentia sub eodem genere, calor coelestis, ignis elementaris & aeris, quæ respectu generationis misti sibi non essent subordi-

nata. 3. Si aer esset calidus natura sua, concurreret ut agens & materia: At falsum consequens.

4. Quia naturaliter est humidus: Atqui si calidus esset, humor ille à calore absumeretur. Ratio consequentiæ est; Quia cui unum contrariorum est præternaturale, ei alterum est naturale.

8. Quod calidum redditur ab externo principio, id natura sua frigidum est: Atqui aer ab externo principio igne vel sole, calidus redditur: Ergò natura sua est frigidus.

9. Qualis est aer recedente sole talis est natura sua: Atqui recedente sole est frigidus, ut experimur noctu & hyberno tempore: Ergò.

10. Omne humidum naturâ frigidum est: Atqui aer humidus est: Ergò natura frigidus est.

11. Natura uritur per se aere ad refrigerandam & ventilandam caliditatem viventium: Ergò aer natura est frigidus.

V. Contrâ verò aerem natura sua calidum esse Peripatetici contendunt. Quod de cælo quoque sentit *Malefius*, lib. 1. cap. 3. & 2. cap. 17, 18, 19. Et illorum igitur & hujus argumenta conjungemus, non attendentes interim quid de cæli sui qualitatibus sentiant Peripatetici.

1. Aer à cælo producitur, elevatur & conservatur: Ergò natura sua est calidus. Ratio consequentiæ; Quia per naturam omnia sunt talia quales sunt causæ procreantes & conservantes. *Qualis causa, talis est effectus: & qualis effectus, talis causa.*

2. Aer est levissimus: Ergò est calidus. Ratio consequentiæ est; Quia levitas est soboles caloris.

3. Aer cælo est propinquus: Ergò natura calidus est. Ratio consequentiæ; Quia quò quid abest à cælo longiùs, eò est gravius & frigidius: Ergò vicissim, quò quid propius cælo, eò calidius.

4. Aer non est frigidus: Ergò calidus est. Ratio consequentiæ; Quia unum vel alterum elementum esset supervacaneum: Aqua enim est frigida & humida, aere igitur frigido & humido opus non esset.

5. Si aer natura sua calidus non esset, caliditatis & humiditatis combinatio nulli competeret elemento: At falsum consequens: Ergò & antecedens. Connexi veritas patet ex inductione aliorum elementorum. Assumptio probatur; Quia per quatuor qualitarum primarum combinationes elementa quatuor constituuntur.

6. Si aer calidus & humidus non esset, elementum calidum & humidum non daretur, & proinde mista carent humidi & calidi temperamentum misturâ: Atqui falsum consequens: Ergò & antecedens. Connexi ratio est; Quia teste *Galeno* elementa sunt mensuræ temperamentorum.

7. Aer maxima sui parte à cœlo in orbem volvitur : Ergò naturâ est calidus. Ratio consequentiæ ; Quia motus calorem efficit in mobili.

8. Aer æstivo tempore in regionibus calidis servatur serenus, purus, nitidus ; contrâ frigore turbatur & in nubes vertitur : Ergò naturâ suâ calidus est.

9. Ignis & aer in se invicem facillè permutantur : Ergò habent qualitatem communem : Atqui communio illa non est in humiditate ; ignis enim humidus non est : nec in siccitate ; quia aer non est siccus : Ergò in caliditate, quæ utrique communis. *Telestii* argumenta propria sunt sequentia ;

10. Cœlum est album : Ergò calidum. Antecedens probatur ; Quia albam puramque ad nos lucem transmittit.

11. Cœlum est tenuissimum : Ergò calidum est. Ratio consequentiæ : Quia tenuitas est à calore.

12. Cœlum est maximè mobile : Ergò calidum est. Ratio consequentiæ ; Quia calor est qualitas motrix, unde calida quæ sunt mobilia evadunt.

13. Cœlum est lucidum : Ergò calidum. Ratio consequentiæ ; Quia lux & calor perpetui sunt comites.

14. Deus ministros suos appellat igneos ; cœlum appellatur *empyreum*, hoc est igneum ; Deus è cœlo in igneâ columnâ allocutus est *Mosen* : Ergò cœlum est igneum, & proinde calidum.

15. Stellæ sunt calidæ : Ergò & cœlum est calidum. Ratio consequentiæ ; Quia stellæ sunt ex cœli densatione & glæbatione.

VI. Inter extremas hæc sententias *Vallesius*, *Controversiar. lib. 1. cap. 3.* mediam quandam iniviam, contenditque aerem naturâ nec calidum nec frigidum esse, sed positivè temperatum : Quod sequentibus rationibus probat.

1. *Galenus* nullibi dixit aerem esse frigidum, negavit tamen esse calidum : Ergò iudicavit habere naturam quandam mediam.

2. Quod facillè est transmutabile ad alterum extremum, nempe calidum aut frigidum, nullius est particeps : Atqui aer facillè mutatur in alterum extremorum : Ergò nullius est particeps. Propositionis ratio ; Quia si alicujus naturâ esset particeps, mutationem facilem in contrarium id impediret. Assumptionem probat experientia.

3. Medicamenta aerea à Medicis temperata habentur : Ergò talis quoque est aer.

4. Aer est æquè gravis & levis : Ergò æquè est calidus & frigidus. Ratio consequentiæ ; Quia secundæ qualitates sequuntur primas.

5. Aer calefactos refrigerat, & refrigeratis non nocet : Ergò naturâ est temperatus.

6. Aer est naturæ mediæ inter tenuitatem & crassitiem : Ergò temperatus est. Ratio consequentiæ ; Quia media illa natura est à temperie. Antecedens probatur ; Quia absque hac tenuitatis & crassitiei temperie juvare non posset motum omnium localiter se vi aut naturâ moventium : Nam si nimis esset crassus, non facillè cederet rei mortæ ; si nimis esset tenuis, nullam vim præstaret violentioris motus.

VII. Nulla sententiarum harum nobis arridet, Existimamus igitur aerem naturâ suâ nec calidum nec frigidum, nec ex calido & frigido temperatum, sed qualitatum harum in gradibus excellentibus & remissis expertem, capacem tamen tam extremorum quàm medii. Itaque placet nobis ex parte Peripateticorum sententia de Cœlo, quod caloris frigorisque intensi vel remissi experts esse aiunt ; displicet verò, quòd nullius capax esse contendunt. Sententiam nostram hac ratione concludimus, Quod sine substantiæ suæ mutatione tam à frigidis quàm calidis promptissimè alteratur, & non unius magis quàm alterius est capax, id neutrum naturâ suâ sibi vendicat : Atqui aer sine substantiæ suæ mutatione tam à frigidis quàm à calidis promptissimè alteratur, & non unius magis quàm alterius est capax : Ergò neutrum naturâ suâ sibi vendicat. Propositio probatur ; Qualitates à formâ subjecti naturaliter manantes non possunt à subjecto citra formæ destructionem abesse, vel contrarium in subjecto pati. Exemplo Sol sit naturâ & per formam suam lucidus, cui lucem absque subjecti destructione non ademeris : Unde citra contradictionem nequit concipi Sol sub negatione vel opposito lucis, nempe Sol lucis experts vel tenebrosus. Ità Corpus naturâ suâ quantum sine quantitate nec esse nec cogitari potest : Hominem sub negatione vel opposito facultatis logicæ si conceperis, non hominem concipies. Ignis naturâ calidus sine destructione sui non admittit frigus, nec citra contradictionem sub opposito caloris concipi potest. Summa ; nexus est necessarius inter subjectum & qualitatem subjecti propriam seu naturalem à formâ manantem : Qualitas igitur inter quam & subjectum nexus necessarius non est, subjecto naturalis & congenita non est. Assumptionem abundè probat experientia. Ab hac sententiâ non videtur alienus *Zabarella*, qui & *Aristotelem* pro se allegat, lib. De region. aer. cap. 6. Ubi negat frigus consequi inferiorum corporum naturam. Jam enim *Aristotelem* dixisse totam hanc inferiorem materiam non esse secundum se calidam vel frigidam actû, sed potestate solum.

VIII. Re-

VIII. Respondemus igitur ad argumenta pro frigiditate aeris *ex* 4. allata.

Ad 1^m. Propositio necessariae veritatis non est. Ut enim & inter lucem & calorem nexus necessarius non est, ita nec inter tenebras & frigus: Quinimo ut nix, grando, glacies sunt nitidissima, ita & frigidissima: contra, *nix cum opacior tum calidior melior est*, inquit *Plutarchus*. Unde patet, nullius quoque momenti esse propositionis rationem. Deinde & assumptio est dubiae veritatis. Aerem contendunt nonnulli naturam lucidum esse, etsi adeo debilis ea lux sit ut per se sola movere visum non possit, aut illuminare aerem ad transmittendas alias visibiles species. Alii aiunt aerem naturam nec tenebrosam nec lucidum, sed ad utrumque indifferentem esse. Sive illis sive his ad stipuleris, assumptio labefactabitur.

Ad 2^m. Antecedens falsum est. Probatio inefficax. Fumus qui extincto igne conspicitur, non aer est, sed vel vapor ex resolutione humidum, vel corpus mistum aere constans & terram per calorem attenuatur. Deinde & consequentia nulla est. Ratio ejus inconsequens est. Etenim ex sententia Peripateticorum ad *astragolum* elementum una sufficit contrarietas in symbolis, qualia sunt aer & ignis secundum principia Scholae Peripateticæ. Alias interitus rei non est tantum mutatio in contrarium, sed in simile quoque.

Ad 3^m. Propositionem distinguimus. Quod naturam suam maximam congelandi vim habet, id natura frigidum est. Assumptionem cum hac limitatione negamus: Habet enim congelandi vim, non natura sua, vel qualitate nativa, sed extranea, nempe frigiditate, quæ ab externo illi principio.

Ad 4^m. Propositionem negamus. Probatio falsa est. Est enim aer in media regione impurius & cum elementis concretior quam in ima vel suprema: Unde & frigidior, ut suo loco demonstrabimus. Accedit & falsa hypothesis: Media enim illa aeris regio quæ vulgo ita dicitur, non est totius aeris, sed imæ tantum ejus partis, quæ in tres regiones meteororum officinas distingui solet.

Ad 5^m. Antecedens dubiae veritatis est, si de eadem aeris parte agitata & quiescente intelligatur. Cur ergo manus nostra vehementius agitata frigidior sentiat aerem quam leniter mota, vide apud *Scaligerum Exerc. 27. §2. quæ de re & nos egimus Sect. 1. cap. 11. thesi 6. ex* 12, 13. Ubi tacta quoque difficultas de expirato aere: quod lectorem remittimus. Deinde & consequentia nullius est momenti: Sic enim sequeretur omnia alia corpora natura esse calidissima, quia tanto sunt calidiora quanto magis agitantur, (si quidem par contrario-

rum ratio) quod tamen falsum esse nemo nescit. Si evidenti ratione probare possent eandem numero aeris partem motu frigidior fieri, inde tamen nativum aeris frigus extrahi non posset: Etenim frigoris ratio dubio procul hæc esset, quod per motum vehementiorem calida exhalatio ex aere exturbaretur, eique alia frigidior illico succederet.

Ad 6^m. Negatur consequentia. Producit aer sub Septentrione continuas nives & glaciem non naturali & insita frigiditate, sed aliena & adventitia quæ à loco ipsi accidit.

Ad 7^m. Consequentia negatur. Ratio ejus universalis non est: Dantur enim subiecta quæ neutrum contrariorum sibi natura vendicant, sed ad utrumque sunt indifferentia. Peripatetici nec gravia nec levia, nec calida nec frigida esse corpora celestia contendunt: adeoque universale negant esse axioma, *Cui unum contrariorum*: &c. Antecedens septimæ hujus rationis etiam si admittimus, probationes tamen ejus æquæ nobis non arident. Etenim prima excepta reliquæ partim falsæ, ut 4, partim, infirmæ & inconsequentes, ut, 2, & 3.

Ad 8^m. Probatio falsa est. Tamen calidus quam frigidus redditur aer ab externo principio.

Ad 9^m. Propositionem negamus, nisi hæc addatur limitatio, Qualis est aer recedente Sole, nulla alia externa frigoris vel caliditatis causa succedente. Itaque falsa erit assumptio: Etenim recedente externa caloris causa, illico contraria frigoris causa succedit.

Ad 10^m. Et propositio & assumptio falsa est.

Ad 11^m. Negatur consequentia. Aliud non sequitur ex antecedente quam aeris inspirati calorem esse minorem interno viventium calore, eique comparatum frigus appellari posse: Interim vel frigus vel calorem aeri nativum esse hinc non sequitur.

IX. Respondemus porro ad argumenta pro nativo aeris calore *ex* 5. allata.

Ad 1^m. Antecedens negamus. Aer nec à calore producit, nec ab eo elevatur, nec denique conservatur. Quod enim vulgo ajunt de aeris ex aqua productione per rarefactionem à calore profectam, item de destructione vel mutatione aeris in aquam per condensationem à frigore ortam, sine ulla necessitate vel evidenti ratione aut experimento dici arbitramur: De quo pluribus sequenti Sectione. De elementis. Deinde & consequentia solida non est; siquidem exhalationes ex aqua & aqueis corporibus per calorem excitatas & in sublimem aerem elevatas natura calidas esse nunquam admittet Schola Peripatetica. Ratio consequentiæ quæ adfertur in Logicis multas ad-

mittit

admittit limitationes, adeoque simpliciter universalis non est.

Ad 2^m. Negatur consequentia. Ratio ejus universaliter vera non est : plures enim causas habet levitas, ut Sectione primâ ostendimus.

Ad 3^m. Antecedens falsum est. Non propinquus est cœlo aer, sed ipsum est cœlum. Deinde & consequentia nullius est momenti. Aliud enim est calidum, aliud naturâ calidum esse. Et si cum Peripateticis cœlum ab aere distinguamus, dicendum nihilominus fuerit quædam cœlo propiora esse frigidiora remotioribus, ut constet de mediâ & infimâ aeris regionibus. Ratio consequentiæ nulla est, si ad naturalem vel calorem vel frigiditatem referatur. Cum enim Sol caloris sit fons, pleraque quidem ab hoc fonte remotiora sunt frigidiora, contrâ verò eidem propinquiora sunt calidiora : sed quid hoc ad calorem vel frigiditatem naturalem ? siquidem omnis calor qui ex cœlestibus corporibus in sublunaria influit, extraneus metiò reputatur. Gravitationem quod attinet, non à solo ea est frigore, adeoque frigus necessariò non arguit, ut nec levitas calorem.

Ad 4^m. Consequentia negatur. Ratio ejus nulla est. De numero & qualitatibus elementorum sequenti Sectione agemus : Interim sciat lector, à nobis aerem inter elementa non numerari.

Ad 5^m. Assumptionem negamus. Probatio falsa est, ut primâ Sectione ostendimus, cum de subiecto qualitarum primarum ageremus, & Sectione quartâ pluribus ostendimus.

Ad 6^m. Connexum negamus quoad partem ejus posteriorem, de humidi & calidi temperie in mistis, quæ dari potest etiam si nullum elementum naturâ est calidum & humidum. Quod à Galeno elementa dicuntur temperamentorum mensuræ, ex receptâ hypothese de nativis elementorum qualitatibus dicitur ; quæ veritati nihil præjudicare potest.

Ad 7^m. Antecedens falsum est, ut suo deinceps loco monstrabimus. Deinde & consequentia satis firma non est. Calor enim qui à motu est, non naturalis sed adventitius est. Deinde purum aerem à motu incallescere negamus : Nam si receptam sequamur sententiam, motus per se non gignit calorem nisi atterendo & attenuando mobile : Atqui aerem per se motu atteri, non sine ratione Sectione primâ negavimus cum *Telesto*.

Ad 8^m. Antecedens falsum est quoad membrum posterius de mutatione aeris in nubes. Deinde & consequentiam negamus : Æstivo tempore calidus est solari calore, hyberno frigidus externo frigore.

Ad 9^m. Antecedens falsum est. Deinde secun-

dum receptam Peripateticorum sententiam consequentia quoque nulla est : Non enim symbola tantum sed & asymbola transmutantur elementa.

Ad 10^m. Antecedens falsum est. Probatio partim falsa, partim inconsequens. Nec enim propriè alba lux est, sed potiùs principium albedinis : Nec si alba esset, ab aere vel cœlo haberet albedinem, sed naturâ suâ. Deinde consequentia nulla est : Sunt enim plurima alba frigida, ut constet de nive, glaciè, & aliis.

Ad 11^m. Consequentia negatur. Ratio universalis non est, ut sæpe meminimus.

Ad 12^m. Consequentia negatur. Ratio inefficax : quia non à solo calore est mobilitas, nec semper. Mobilitas cœli est à subtilitate & levitate ; non à nativo calore.

Ad 13^m. Antecedens falsum est. Cœlum *Naparræ* est corpus, tam luminis quàm tenebrarum capax. Deinde & inconsequentia nulla est : Nec enim cum omni luce vel lumine conjunctus est calor, ut Sectione 1. monstravimus.

Ad 14^m. Negatur consequentia. Alia est cœli empyrei, alia naturalis ratio. Nec naturale domicilium est sanctorum Angelorum, sed empyreum. Ex columnâ ignis non magis probari potest cœlum esse igneum quàm ex aliis meteoris ignitis in cœlo vel aere accensis.

Ad 15^m. Consequentia negatur. Ratio ejus nulla est : Primum enim incertum est an stellæ factæ sint ex aeris vel cœli condensatione & globatione. Deinde, si maximè ex eo tanquam materiâ à Deo essent conditæ, ideòne sequeretur necessariò calidam fuisse materiam ? nullasne qualitates indere compositis Creator potuit præter materiæ qualitates ?

X. Denique respondemus ad argumenta pro mediâ sententiâ *indistinctâ* 6. allata.

Ad 1^m. A solius *Galeni* autoritate petita ratio infirma est. *Vallesio* tamen contradicit *Ludovicus Mercatus*, qui ait nullibi à *Galeno* aerem vocatum esse calidum ; esse verò loca ubi frigidum appellârit.

Ad 2^m. Totum concedimus : Hoc enim ipsum volumus, aerem naturâ nec calidum nec frigidum, sed utriusque qualitatibus capacem esse. Hinc verò temperatum naturâ esse neutiquam sequitur.

Ad 3^m. Medicamenta aerea hoc est, in quibus aer prædominetur tanquam materia, nulla sunt, nisi ex falsa hypothese. Existimat *Mercatus* temperata dici aerea medicamenta, propterea quod in mitione temperiem æquè promptè recipiant atque aer.

Ad 4^m. Antecedens falsum est. Aer levior quàm gravior est ; imò corporum omnium levissimum.

Deinde

Deinde & consequentia nulla est. Ratio & ipsa est falsa, ut Sectione primâ de ortu qualitatum secundarum probavimus.

Ad 5^m. Antecedens universaliter verum non est. Calefactos sæpe magis calefacit aer, & refrigeratos sæpe profus necat. Si de inspiratione aeris loquatur ratio, concedimus calefactos refrigerari plerumque ab aere, eundemque refrigeratis non adeo solere nocere. Sed quid inde? ideone naturâ temperatus erit? Cur ab externis causis esse talis non possit, respectu fervoris viventium?

Ad 6^m. Antecedens falsum est. Aer omnium corporum tenuissimum est: Subinde tamen per accidens redditur crassior per inhaerentes vapores, ad varios naturæ usus. Unde patet antecedentis probationem nullam esse. Deinde & consequentia nulla est, quia tenuitas & crassities non semper oriuntur à calore & frigore.

XI. Reliquum igitur est ut veram aeris levitatis causam assignemus. Eam verò arbitramur esse maximam corporis huius subtilitatem & tenuitatem, non à calore sed immediatè ab ipso ortam Creatore, hoc est, aeri concreatam per momentaneam, ut probabile est, aquæ in aerem mutationem & expansionem. Videantur quæ de ortu causisque levitatis tradita sunt Sectione primâ. Ubi monstratum quoque cum summo calore haud rarè & summam gravitatem consistere, adeoque nec cum levitate calorem, nec cum gravitate frigus reciprocari.

THESIS IV.

Fluiditas est qualitas cœli, per quam facillimè tactui cedit, & difficulter suo facillimè alieno termino continetur.

"EUSTOTIS.

I. Fluidum esse cœlum negant Aristotelici, & cum hisce Philosophi ac Theologi Christiani plures: Affirmant contrà Theologi ac Philosophi haud pauci, & magnis rationibus, à Fracastorio sententiam hanc munitam esse, autor est Danaus in Physicis. Subscribunt huic insignes quatuor Mathematici, Pena, Tycho Brabæus, Rothmannus & Keplerus: Quibus accedunt Conradus Aslachus, lib. 2. De cœlo sidereo, cap. 19. Goclenius, Abrahamus Scultetus, 1. Sphær. cap. 4. Timplerus, lib. 1. & Juxta, cap. 7. q. 5. Caspianus in sua Uranologiâ, & Bartholinus in Astrolog. n. 316. Nec credo ex modernis Mathematicis insignioribus multos esse qui in hanc eandem sententiam non eant. Rationes sunt;

1. Partes totius homogenei ejusdem naturæ sunt

inter se: Cœlum seu expansum est totum homogeneum: Ergo partes ejus sunt ejusdem naturæ inter se: Atqui pars cœli inferior est fluida & dissipabilis: Ergo & superior. Cœlum verò hoc inferius acreum & superius stellatum partes esse unius & totius homogenei, è creationis constat historia, quæ unius tantum expansi quarto die creati & superiores aquas ab inferioribus distinguendis mentionem facit. Quòd si verò dixerit quispiam expansi quidem unius fieri mentionem, at dissimilibus & heterogeneis id constare partibus, præterquam quòd expressis Scripturæ verbis, Esdræ 4. cap. 6. adversatur, nè ratione quidem ullâ improbari id potest probabiliter.

2. Aer est corpus fluidum: Cœlum aliud nihil est nisi aer: Ergo Cœlum est corpus fluidum. Assumptionem supra prolixè demonstravimus.

3. Cœli substantia si esset dura & indissipabilis, stellarum nec quantitates nec loca certa possent investigari. Ratio; Quia in solida ista & dura corpora incidentes radii frangerentur, facti nec quantitates veras nec loca certa repræsentarent, ut ex Pena supra probavimus.

4. Epicyclos & Eccentricos in cœlo actu non repetiri, sed tanquam hypothesas ad veros Planetarum motus repræsentandos ab Astronomis excogitatos, saniores Philosophi, si Caspianum exceperis, ad unum omnes fatentur. Sublatis igitur hisce impossibile est ullam motuum varietatem Planetis accidere, nisi propriis suis in cœlo moveantur motibus. Ratio est; Quia quæcunque cœlo tanquam corpori indissipabili sunt illigata & veluti inculcata, uti de astris quidam fabulantur, moveri non possunt nisi ad corporis istius motum: Quod cum perpetuò eandem à centro distantiam servet secundum omnes partes, fieri nequit quin idem quoque illigatis seu inoculatis eveniat corporibus: Atqui falsum hoc esse Planetarum docent theoriæ, è quibus constat jam remotiores jam propinquiores esse terræ Planetas: Falsum igitur orbibus infixos moveri Planetas: moventur igitur motu suo proprio. At moveri motu proprio in corpore indissipabili quo pacto possent? Cedit igitur stellarum motui coeleste corpus: Fluidum igitur & non indissipabile est. Aut si solidum & ex parte durum esse dixeris, & cedere nihilominus stellis se circumrotantibus, oriri vacuum omnino concedendum fuerit, quoties relicto loco uno alium occupaverit stella: Spatium enim illud à stellâ desertum quo tandem corpore replebitur? aere, an aliis cœli partibus? At aer per substantiam adeò solidam, indissipabilem & pororum expertem quæ penetrabit? Densæ verò & indissipabiles.

les cœli partes quomodo ad vacuum spatium properabunt? Videmus enim metalla vel vitra pertusa suorum corporum partibus sponte non repleri, sed aliis: Solis enim fluidorum corporum partibus concessum, ut sibi succedant, & vacuum in se prohibeant. Facit ad firmandam hanc sententiam, quod in fixis quoque stellis quandam moruum inæqualitatem, & ejusdem fixæ inæqualem à medio distantiam deprehendi contendat *Casalpinus* Quæst. Peripat. lib. 3. q. 3. Nec leve ei robur, addit cometarum in summo æthere liberrimus motus, quo fluiditatem ejus adstruit *Keplerus*, in lib. De novâ stellâ Serpentarii, cap. 24.

5. Exhalationes calidæ supra Lunam ascendunt, & cometis materiam præbent: (retineo Peripateticorum receptam doctrinam de cometarum materia:) ergo fluidæ & dissipabilis substantiæ cœlum est. De consequentiæ ratione nemo dubitat. Antecedens invictis nititur demonstrationibus *Tychonis*, *Rhoremanni* & *Kepleri*: Quibus ego in arte Mathematicâ artificibus plus tribuo quam omnibus aliorum umbraticis speculationibus, quæ de Cometarum altitudine non ex *auto-lis* & demonstratione Geometricâ sub dio natâ & explicatâ, sed ex præconceptis *Lycei* opinionibus ac hypothesebus sine ullâ discursus necessitate intra Scholarum umbracula pronunciant & plus quam dictatoriâ autoritate promulgant. *Tychonem* vide in Epistolis, *Keplerum* in tractatibus De novis stellis & cometis. Hisce nobilem adjicio Mathematicum *Christophorum Clavium*, Comment. in Sph. *Johannem de sacro Bosco*, Veneti exempl. pag. 193, 194. ubi in hanc quoque sententiam allegat *Platonem* cum multis aliis Philosophis; Patres item *Ambrosium*, *Basilium*, *Gregorium*, *Nyssemum*, & cætera Ecclesiæ lumina.

II. Sed audiamus contrariæ partis argumenta. *Reckermannus* lib. 2. Syst. Physici c. 2. quatuor probat argueris cœlum esse indissipabile:

1. Ab autoritate sacra petitur. Job xxxvii. 18. dicitur cœlum esse firmum *instar aris aut speculi fustis*. Adducunt & alii locum *Jes. li. 6. Cœli sicut fumus liquefcens*. Hinc sic argumentantur; Quod liquefcit, durum fuit: Cœlum liquefcet: Durum igitur fuerit necesse est. Referunt huc quoque nonnulli *septuaginta* nomen, quod *lxxi* Interpretibus cœlo imponitur, Gen. i.

2. A sensus judicio: unde hunc in modum argumentatur;

Si judicio sensus Sol & reliqua fidera eandem semper retinent magnitudinem & rotunditatem, fluida utique & dissipabilia corpora non erunt: quod enim diffluit & dissipatur, varias assumit fi-

guras, modoque magnum, modò parvum est; quod in stellis nunquam observatur: At verum prius: Ergò & posterius. Hinc colligendo ita progreditur; Qualis est siderum substantia, talis quoque cœli: At siderum substantia est indissipabilis: Ergò & cœlum.

3. Ab absurdo: Si cœleste corpus esset dissipabile, oporteret ad evitandam fugam vacul aliud corpus inferius ascendere ad locum cœli, quo suppleretur vacuum, eo tempore quo cœli partes à se invicem divelluntur in dissipatione: Atqui ex Dei & naturæ præscripto præter cœlum nullum corpus supremum mundi locum occupare potest: elementa quoque cum cœlesti corpore non miscantur: Vacuum igitur hac ratione necessariò dandum fuerit.

4. Ex *Aristotelis* ejusque interpretum testimoniis: Omnes enim solidæ & consistentis naturæ cœlum esse affirmant.

5. Addunt nonnulli & hoc argumentum; Si cœlum fluidum & dissipabile esset, stellæ deciderent, ut quæ sustentari non possent: At consequens falsum: Ergò & antecedens.

III. Ad argumenta hæc ita respondemus; Ad 1^m. Ex hoc *Jobi* loco putant nonnulli solidissimè demonstrari æneam cœlorum duriciem. Vulgata versio habet, *Tu forsitan cum eo fabricatus es cœlos, qui solidissimi quasi ære fusi sunt. Munsterus, Cooperatusne es illi cum expanderes cœlos, qui tam fortes sunt veluti specula solidissima. Junius & Tremælius, An expanderes cum eo cœlos junctos superioribus nubibus, firmos ut speculum fustum*. Dubiam reddit constructionem & sententiam præfixum nomini *וְיָמִינוּ*, quod interdum *nubes* interdum quoque *cœlum* significat. igitur *Junio* videtur præpositio, & *וְיָמִינוּ* interpretatur *ad nubes superiores*; subintelligendum verò judicat *cœlum*: ut sensus sit; *Expanderne cum eo cœlum, quod est ad nubes superiores?* Utur autem sit, firmum pro sententiâ Peripateticâ præsidium in hac sententiâ nullum est. Doctissimus interpret & commentator Hispanus, *Pineda*, qui sententiam quoque Peripateticam amplectitur, & cœlum ab ære distinctum judicat, *Jobum* non de cœlis superioribus sed de regione aereâ loqui contendit. Sic & *Cajetanus* sermonem ait esse de aeris expansione à terrâ usque ad Lunam. Quærenti verò quomodo aer dici possit solidissimus & quasi ex ære fusus, respondet *Pineda* commendari hic Creatoris potentiam atque sapientiam, quod non minùs constans perpetuæque sit res fluxa & labilis, nempe regio aerea, quam si solidissima & ex ære fusa esset: Cúmque

Cumque per extensionem soleant res extenuari & disrumpi, tamen Divinam potentiam extendendo & deducendo res potius confirmare & consolidare. Junius, qui de cœlo *fobum* loqui existimat, *firmi-
tatem* interpretatur constantiam majorem quam in hoc nostro inferiori mundo conspicitur. Ità sanè & nos concedimus cœlum longè esse firmitus & constantius quàm corpora mixta. Verbis verò illis, *sicut speculum fufum*, indigitari existimat pelluciditatem cœli: quam & nos ultro admittimus.

Græci interpretes verba *קִימָה וְנִרְיָה* interpretantur, *sicut aspectus effusionis*, quod quamvis aer videatur fluere & fundi sicut aqua, tamen illius impetus violentus atque prævalidus sit. Multò verò minùs ad rem facit *Jesaja* locus. Syllogismi igitur qui ex loco illo nectitur assumptionem negamus. Hebræorum enim verbum passivum *נִרְיָה* non significat liquefcere, sed corrumpi, consumi, deficere, perdi: Unde Tremelius vertit *corrumpentur*; *Cassialio*, *evanescent*. Sed si maximè Hebræum verbum *liquefcere* significaret, è textu tamen parata esset responsio. Ut enim fumus liquefcit, ità & cœlum liquefcet: At fumus propriè non liquefcit, quia non est durum corpus: Ergò nec cœlum. Aut si propriè liquefieri posse fumum contendas, durum exinde cœlum esse priùs non evinces quàm fumum quoque durum esse probaveris: Vox *שֶׁפֶטֶר* sententiæ huic non patrociniatur. Primùm enim versio videtur esse minùs conveniens. Hebræum nomen *שֶׁפֶטֶר* non *firmamentum* vel *septuor* sed *expansum* significat. Deinde, si ferenda sit interpretatio Græca, non de duritie sed de duratione & stabilitate accipienda erit. De redditione *שֶׁפֶטֶר* per *שֶׁפֶטֶר* elegantem vide discursum *Ful-
leri*, Miscel. sacr. lib. 1. cap. 6.

Ad 2. Syllogismi posterioris propositio falsa est. Siderum enim & cœli substantia toto, ut aiunt, cœlo differunt. Et si maximè è corporis cœlestis substantiâ stellæ essent factæ, anne propterea è stellarum indissipabilitate cœli indissipabilitas rectè concluderetur? Quasi verò immensæ potentie Creator è fluxu & dissipabili corpore constans & indissipabile formare non potuerit?

Ad 3m. Connexum simpliciter negamus. Ut enim divulsis per corpus aliquod crassum & solidum inferioris hujusce aeris partibus, periculum non est nè vel aqua vel terra ascendat ad fugandum vacuum, ità idem quoque in superioribus minime metuendum. Nam ut aer hic inferior à corporibus crassioribus divulsus & dissipatus in se rursus spontè coit, & more fluidorum corporum, hiatus in se vacuos non admittit, ità & superior

quin idem præstet minimè dubium est. Contrà verò cœli indissipabilitate posita vel motum Planetarum proprium impediri, vel vacuum, motis per se stellis, oriri prorsus necessarium est.

Ad 4m. *Aristotelis* autoritatem jam quidem non moramur: Amicus enim *Aristoteles*, amici interpretes ejus; magis amica veritas.

Ad 5m. Connexum inconsequens est. Quis enim decidat stellæ cum graves non sint? Quid si verò & cœlum rueret nullis nixum fulcris vel columnis?

IV. Cum igitur fluidum esse cœlum jam constet, porro quaeritur *An & humidum sit* Peripateticis si aereum esse cœlum persuaseris, in humiditate ejus naturali adstruendâ non erit quòd labores. Non enim humidum tantum sed & omnium humidissimum esse aerem uno omnes ore affirmant. Rationes si exquiras, hæc reddunt *Keckermannus* & *Ludovicus Mercatus*.

1. Quod difficillimè suo & facillimè alieno continetur termino, id est humidissimum: Atqui aer difficillimè suo facillimè alieno continetur termino: Ergò aer naturâ est humidissimus. Propositio probatur ex definitione humidi *Aristotelicâ*: Humidum enim est, quod difficulter suo facillè alieno termino continetur. Assumptioni fidem facit experientia. Hæc palmaria est ratio.

2. Mistra aereâ excellunt humiditate, ut oleum: Ergò & aer excellit humiditate. Ratio consequentiæ; Quia mista sequuntur naturam suorum principiorum.

3. Cuius elemento naturâ competit qualitatibus primarum una in summo gradu: Ergò & aeri. Est autem ea humiditas: quia igni competit summa caliditas, terræ summa frigiditas.

4. Quod subtilissimè & promissimè diffluit, & angustissimos quoque meatus permeat, id est humidum: Atqui aer, &c. Ergò.

5. Si aer naturâ non est humidus peculiari quâdam & distinctâ humiditate, sequetur omnia humida esse aquea, & proinde ejusdem generis: At falsum consequens: Ergò & antecedens. Assumptio probatur; Quia humida quædam, ut oleosa & pingua, sunt igni grata, ejusque alimenta: Contrà verò aquea eidem sunt inimica & lethalia.

6. Si nulla esset aera humiditas, sequeretur phlegmaticum & sanguineum eadem humiditate aquea esse humidum: Atqui falsum consequens: Ergò & antecedens. Assumptio probatur; Quia humiditas in sanguineo laudabilem reddit complexionem, in phlegmatico vitiosam.

7. Aer humidum radicale in omnibus viventibus mirificè conservat: Ergò naturâ est humidus.

Ante-

Antecedens probatur exemplo olei, quod est naturæ aeræ, & exsucca corpora quàm saluberrimè humectat: Unde senex ille interrogatus quibus mediis vitam in terrâ multis annis prolongasset, respondit, Intus vino, extus oleo.

8. Inter omnia elementa nullum facilius alteratur quàm aer: Ergò qualitate passivâ excellit, quæ humiditas erit.

V. Aerem naturâ humidum & quidem aquâ humidiorum seu humidissimum esse ut crederem, nunquam à me impetrare potui, evidente sensuum ductus testimonio, quòd ab aere ab humidis exhalationibus purgato nihil unquam humectari viderim. In hac sententiâ etiamnum perfito, tantòque magis confirmor quantò imbecilliora video remedia huic rationi enervandæ excogitata, & argumenta pro adstruendâ aeris humiditate conquirit. Quæso, quis calidum esse ignem crederet nisi per se & naturâ suâ calefaceret? Quis lucidum esse corpus crederet nisi illuminandi vim habere certo experimento didicisset? Quis frigidam esse glaciem crederet nisi certo experimento vim frigefaciendi eam habere nòisset? Simili argumento nî summa aeris humiditas suadeatur, certè nunquam persuadebitur. Sed non deest adversariis quod hæc excipiant. *Magirus* ait de humiditate aeris non esse judicandum ex humectatione, sed ex definitione humidi, quod facile alieno continetur termino. *Resp.* Certius de causâ judicium non est quàm ex proprio & perpetuo ejus effectu. Cum igitur humidi effectus proprius sit humectare, ex negatione ejus rectè negamus causam in aere, nempe humiditatem. Deinde humidi definitionem vulgaram esse, vitiosam, & inde de aeris humiditate judicandum non esse, Sectione primâ ostendimus exemplo ignis, qui fatentibus Peripateticis siccissimus est, & alieno termino non minùs facile continetur quàm aqua vel aer; imò facilius, quia subtilior & fluidior aere putatur esse. *Ludovicus Mercatus* scribit aerem summè humectare, Etiam si aqua evidentiùs id monstret, quæ propter densitatem fixiùs adhæret & evidentiùs operatur. *Resp.* Ita cuiusvis quidvis persuaderi posset, si assensum suspendere aetas esset. Quidni igitur eodem modo dicam Lunam habere maximam illuminandi vim, etiam si Sol evidentiùs id monstret; Pygmæum longè fortius esse gigante, etiam si roboris indicia evidentiùs præbeat gigas; aerem longè calidiorem esse candenti ferro, etiam si ferrum propter densitatem suam evidentiùs id monstret? Parùm abest quin hoc cum ratione sit insanire. Et quæ hæc philosophandi ratio, evidentiùs sensuum testimoniis fidem negare, & præceptis opinionibus indulgere? vel in has præjudicium illorum alle-

gare! Si maximè per se & naturâ suâ humectat aer, minùs tamen evidenter quàm aqua, quæro quo sensus indicio id deprehenderis, *Mercate*. Nullo certe. Nam si sensuum judicio minùs evidenter humectat aer, utique eorundem judicio minùs erit humidus: Quæ enim sensilia minùs sunt evidentiâ sensibus rectè se habentibus, eadem & minora rectè judicantur; quia de sensilium quantitate vel intensione sincerius judicium non habetur quàm ex ipsis sensibus, nî requisita fortean desint necessaria. Quod nisi admiseris, simili ausu dicam muscam elephanto majorem esse, etiam si oculorum judicio elephantis muscâ major videtur. Sed quid de evidentiore vel minùs evidente humectatione dico? Nihil planè per se humectat aer, si sensuum judicio standum. Aer, inquit *Mercatus*, est humidissimus intensivè, non tamen in humectando æquè evidentem habet effectum, quia activitas major non semper sequitur intensiorem & formam graduum, sed materiæ conditionem. *Resp.* Dicis quidem sed non probas, *Mercate*, aerem humidissimum intensivè esse. Atqui intensio ista unde probari evidentiùs posset quam ex evidentiùs humectandi effectu? Hoc si displicet, dicam & Lunam esse lucidissimam intensivè, etiam si in illuminando æquè evidentem non habet effectum. Quod ais activitatem majorem non semper sequi intensiorem & formam graduum, sed materiæ conditionem, tam mihi promptum erit in præjudicium Solis ad Lunam quàm tibi in præjudicium aquæ ad aerem applicare. Sed & hæc ipsa assertio haud caret magno scrupulo. Etenim non materiæ sed formæ est agere: major igitur activitas à formâ potius quàm à materiâ est arcescenda, adeoque sequitur potius intensiorem & formam graduum quàm materiæ conditionem. Nec enim fieri potest ut propter materiæ conditionem corpus aliquod agat in perfectione quarti gradus caloris vel humoris quod non nisi secundo vel tertio gradu sit calidum aut humidum: sic enim supra vires suas res ageret; quod *adstratur*. Interim non nego ad graduum intensiorem aliquid quoque conferre materiæ conditionem: quod tamen *Mercati* causam nihil juvat.

Keckermannus, quia in eadem cum *Mercato* est hæresi, ad maximam aeris humiditatem defendendam Syllogismum nostrum (quo & *Bodinus* utitur) Quod humidum est, id humectat: Aer non humectat: Ergò humidus non est; Item, Quod magis humectat id magis est humidum: Aqua magis humectat quàm aer: Ergò, diversis rationibus ad-

Excipit igitur adversus prioris syllogismi propositionem

tionem per distinctionem humiditatis in aqueam & aeream, quas velut specie distinctas esse ait. Quæ distinctio quò tendat non video, nisi hoc velit *Keckermannus*, humiditatem aeream non habere humectandi vim, & proinde ex eâ æstimandam non esse; contrà verò aqueam habere: vel aeræ humiditatis effectum minus esse sensibilem, etsi longè sit major aqueæ humiditatis effectus. Prius contradictionem implicat, esse nempe aliquid humidissimum quâcunq; humiditatis specie, quod tamen vim humectandi non habeat: posterius jam antè excusimus. Multas tamen est in eo *Keckermannus* ut probeat specie differre humiditatem aqueam & aeream, sed frustra. Prius enim probandum erat aerem esse humidum quàm probaretur humiditatem ejus ab aqueâ humiditate distinctam specie esse. Quod de oleo movet, in solutione rationum contrariorum videbimus.

Ad posterioris syllogismi respondet 1. ad Propositionem, per negationem consequentiæ: Eandem enim fallaciam ait esse quæ & in hac est propositione, *Quicquid magis urit, hoc est magis calidum*. Quòd enim aqua magis humectat quàm aer, propterea fieri quòd sit crassior, & rem humectandam omni ex parte comprehendat eique hæreat, & hærendo magis penetret, & penetrando magis sistatur & figatur in re quam humectat. Resp. 1. In propositione. *Quod magis urit*, &c. non est fallacia consequentiæ. Etenim rationi quàm maxime consentaneum est, tantò quodvis corpus actu esse calidius quantò magis urit: nec enim caloris gradus rectè æstimari possunt nisi ex effectibus, quorum excellentia causæ arguit excellentiam, ut antè meminimus. 2. Quòd aqua magis humectat quàm aer, indicio est quòd humidior sit aere: Nec refert quòd sit crassior, siquidem subiectum humiditatis requirit crassitiem aliquam, per quam rei humectandæ possit adhærere: hæc ubi nulla est, ibi nec humiditas nec humectandi vis est. 3. Si major humectationis causa esset promptior penetrandi vis & penetratio, aer longè magis humectaret quàm aqua, quia longè facilius penetrat quàm aqua. Hactenus *Keckermanni* responsio ad posterioris syllogismi propositionem.

Respondet 2. ad Assumptionem; Aerem non ita crassè humectare ut aqua humectat; interim tamen saluberrimè humectare, hoc est, humidum radicale mirificè conservare. Resp. Distinguit *Keckermannus* inter *magis ac salubrius humectare*, & *crassius humectare*: illud aeri, hoc aquæ tribuit. Atqui non erat mutandus controversiæ status, qui non est de salubritate vel insalubritate sed majore vel minore humectatione. Quicquid verò sit de humectatione crassi-

ore vel subtiliore, certum nobis est, tantò quidvis esse humidius quantò majorem habet humectandi vim & quantò humectat magis; siquidem certa est proportio inter causam & effectum naturalem. Nisi igitur ostenderit *Keckermannus* in aere vim humectandi majorem esse, & ab illâ humectationem majorem & evidentiorē, nihil in hac causâ promoveret. Adeò autem naturâ humidus non est aer ut nè ad aquæ quidem contactum humescat, *Probl. sect. 25. problem. 3.*

VI. Reliquum igitur est ut ad argumenta contraria ordine respondeamus.

Ad 1^m. Propositionem negamus. Rationem negationis paulò antè reddidimus. Videantur quæ ad receptam humidi definitionem à nobis sunt annotata Sectione 1.

Ad 2^m. Antecedens negamus. Mistra aerea nulla sunt: non igitur excellunt humiditate. Oleum proprietates suas habet non ex aere, qui nullius misti compositionem ingreditur, sed ex vi oleæ singulari, quâ humidum aqueum temperatur, & supra aquæ naturam longè evehitur. Eadem & vini est ratio. Indidit enim Creator singulis plantarum speciebus singulares suas virtutes, quæ materiam elementarem variè alterando mirificas imprimunt qualitates, quas elementis acceptas ferre ineptum fuerit. Unde prorsus contrarias videre est affectiones plantarum, quas idem aquæ humor nutrit.

Ad 3^m. Antecedens falsum est, ut suo loco monstrabimus. Deinde & consequentia nulla est: Nec enim aer elementum est.

Ad 4^m. Propositionem negamus. Ratio est; Quia fluiditas humiditatem necessariò & perpetuò non arguit, cum etiam siccissimis nonnullis competat, ut igni. Sic & aeri competit propter subtilitatem, non propter humiditatem.

Ad 5^m. Connexum nego. Etiam si enim humidum simplex non est nisi unum, nempe aqueum, varia tamen sunt composita pro mistorum varietate, & viventium maximè, quæ arcanis facultatibus Creator instruxit, quibus aqueum humidum variè afficiunt & immutant. Ità arbor ex quâ balsamum stillat, vitis, unde generosa vina nascuntur, olea, quæ oleum gignit, singulæ, inquam, hæc plantæ aqueum humidum ex terrâ attrahunt, eoque nutriuntur & nutritæ fructus suos produciunt: Quis verò dixerit plantarum harum humida ejusdem esse generis, vel aquea, hoc est, nullis prædita virtutibus quàm quas in simplici crudâque aquâ deprehendimus?

Ad 6^m. Connexum nego. Etiam si enim humiditas aerea nulla est, plures tamen aliæ sunt in mistis humiditatis species quàm aquea, ut modò diximus.

mus. Plegmaticam verò ac sanguineam humiditatem quod attinet, sunt eæ diversæ rationis & naturæ, etiam si sanguinea non est aerea: Est enim phlegmatica cruda, quæ ad aqueam propius accedit; sanguinea verò magis mista, excocta, viventisque virtutibus nativis imbuta.

Ad 7^m. Quicquid sit de antecedentis veritate, consequentiam negamus: Nec enim humidum necessarium est quod ad humidi radicalis conservationem facit; cum præter humiditatem & aliæ qualitates huic succo radicali fovendo inserviant. Et aerem quod attinet, videtur, ille humidum primigenium ventilatione suâ juvare, quâ justam inter id & calidum, quod humido junctum, proportionem conservat, idque vaporibus obrui non patitur. Exemplum olei quod adducitur nihil ad rem facit; nec enim aeris naturæ oleum est.

Ad 8^m. Consequentiam negamus. Ratio vera alterationis facilitatis in aere est summa ejus subtilitatis & qualitatis activæ naturalis carentia.

THESIS V.

Perfpicuitas est cœli qualitas, quâ transicum luminis omnibusque speciebus visibilibus permittit aut permittere aptum est,

Ἐκδεσις.

Διαφανὲς λέγεται, inquit *Aristoteles* 2. De anima, tex. 66. ὁ δὲ μὴ δέχεται, ἔκαστον δὲ δέχεται, ὅς ἀπλῶς ἐπιτείν, ἀλλὰ διὰ τὸ ἰσχυρὸν καὶ μακρὸν ἐπὶ δὲ δέχεται αἶψα; hoc est, Perfpicuum id dico quod est quidem visibile, non est autem, ut simpliciter dicam, per se, sed per alienum colorem visibile. Definitionis hujus obscuritatem arguunt variae interpretationum glossæ. Nec sine causâ mireris cur perfpicuum definiat *Aristoteles* per τὸ δέχεται, cum perfpicua dentur invisibilia, ut aer; & cur per alium colorem id videri seu visibile esse dicat, cum perfpicua sint quæ nec propriis imbuta sunt coloribus, nec alios ita recipiunt ut per eos in visum incurrant: quod & ipsum de aere manifestum est: Etiam si enim colorum omnes in se species recipit & ad oculos transmittit, per eas tamen non videtur, sed colorata videndi duntaxat medium est. Posteriorem hunc scrupulum ut eximant interpretes nonnulli, τὸ καὶ μακρὸν lumen interpretantur, ut *Simplicius*, *Averroes*, *Thomas*, & *Conimbricenses*. Itaque clarior erit definitio hæc illustrata paraphrasi; Perfpicuum est, quod per lumen aliunde illapsum est idoneum colorata videndi medium: qui & nostræ definitionis sensus est. Ubi amplius observandum, non esse hanc perfpicui in genere definitionem, sed tantum perfpicui inter-

minati, hoc est, quod suo termino non continetur; neque cujusvis interminati, sed ejus tantum quod ab externo corpore lumen recipit, & sincere species visibiles transmittit: *Conimbricenses* in 2. De anim. cap. 7. quæst. 1. art. 1. Hoc modo perfpicuum esse coelum, hoc est, aerem, indubitato oculorum constat testimonio. Etenim stellarum radios & species visibiles sincere ad oculos nostros perfert, ita ut propriam sui speciem nullam nobis exhibeat, ut sequenti thesi patebit.

THESIS VI.

Invisibilitas est qualitas cœli, quâ simpliciter interminatum visibilem sui speciem nullam præbet, aptumque omnia alia terminata videndi medium est.

Ἐκδεσις.

I. Coelum per se & naturâ suâ visibile esse & vulgus & docti nonnulli affirmant.

1. *Telestis* hæc est ratio; Aer naturâ suâ albus est: Ergo per se visibilis seu adspicibilis est. Ratio consequentiæ manifesta est; Quia omnia colorata sunt visibilia. Antecedens probatur; Quia in densato aere apparet albedo. Unde nix & spuma sunt alba; quia multis iis aer inditus. Quæ ab *Aristotele* quoque ratio assignatur. Erat hæc olim *Stratonis* Physici sententia, aerem, aquam & terram naturâ esse alba, quod simplicia sint corpora. Adversus *Stratonem* audi disputantem *Parvicius*; Alba quæ revera sunt, quomodo non in tenebris, in obscuro tamen visuntur: Aer & aqua si alba essent, in obscuro cernerentur: At non cernuntur: Non sunt ergo alba. Si non alba sunt revera, num saltem album sit eorum ὄρον καὶ μακρὸν, veluti color? Si ita esset in eis albedo veluti color, eandem cum lumine haberent proportionem: At lumen & conspici videtur, & in causâ esse ut alia conspiciantur: Albedo hæc neque conspiciuntur in diaphanis, neque in causâ est cur vel ipsa diaphana, vel alia per ipsa conspiciantur: Non ergo albedo in diaphanis vel color est, vel tanquam color.

2. Coelum dicitur ἀφανὲς, quasi ἀφανὲς, adspicibilis: Ergo naturâ suâ maxime est visibile.

3. Cæruleo colore videndum se nobis præbet coelum: Ergo per se visibile est. Antecedens probat experientia: Nam & noctu & interdiu, ubi à nubibus purgatum est, cæruleum apparet.

4. Scriptura nos jubet intueri coelum: Ergo coelum est adspicibile, Antecedens probatur ex *Genes. xv. 5. Job xxxv. Sic David Psal. viii. 4. Quoniam videbo cælos.*

5. Coelum

ac contemplare suspiciens nubes &c. Vel *cælum suspi-*re, idem est quod, ad coelum oculos elevare & nubes intueri. Psalm. viii. per *cælum* lucida coeli corpora stellæ & Luna, intelliguntur, ut è contextu patet.

Ad 5^m. Totum conceditur de eo coelo quod à CHRISTO intelligitur. Est autem id non naturale & propriè sic dictum coelum, sed nubes in coelo suspensæ, quæ ex luminis repercussu variis pinguntur coloribus pro densitatis aut tenuitatis diversitate. Vel si de naturali coelo CHRISTUM loqui contendas, eo modo visibile coelum erit quo coloratum est: Atqui per accidens, respectu nubium inhærentium, est coloratum: Ergò earundem respectu visibile quoque erit. Concludimus igitur coelum per se & naturâ suâ invisibile esse: quod demonstrandum nobis erat.

IV. Cùm ergò constet coelum per se visibile non esse, quippe lucis & coloris expers naturâ suâ, quaeritur porro, An per lumen & colorum species à coloratis sparsas, & in aere receptas sit visibile. In decisione quaestionis hujus quodammodo fluctuat Patricius: Magis tamen in negantem videtur inclinare: Quid ergò concludendum? ait. Omnianè diaphana sunt invisibilia? An verò pars eorum visibilis est, pars alia invisibilis? Omnia quidem in tenebris, in obscuro, in umbrâ densiore invisibilia sunt. In umbrâ verò clariore ac lumine visibilis est eorum pars, vitra atque crysallaz, idque quia solida sunt: soliditas autem omnis est à terrâ. Pars verò alia invisibilis, æther & aer lucē carentes. De coloribus ita differit, Quando aer in lumine tingitur coloribus, viridi, rubro, croceo, aliis, visibilisne tum ipse fit? an colores tantum in eo visuntur? Si colores tantum, ipse sicuti erat, sui naturâ invisibilis remanet: Si per colores ipse quoque visitur, non per se sed per eos videbitur, atque ideo per accidens cernetur. Species autem rerum objectarum, quas visibiles quidem sed intentionales vocant, si in aere sunt, & non fortè in lumine, visibiles illæ quidem, sed per eus aer nequaquam cernitur: Et si cerneretur, per accidens cerneretur, quando non suis sed illarum viribus conspiceretur. Ità in quaestionis hujus decisione fluctuare tamen videtur Patricius. Equidem purum & ab exhalationibus defæcatum aerem nec per extraneum lumen nec per colores intentionales, instar objecti, visibilem esse videri vix puto; propterea quòd simpliciter διαφανής & interminatus sit, prorsusque ad visibilem substantiæ suæ speciem fundendam ineptus. Quis enim unquam puri aeris vidit speciem aut figuram? Et quī videre figuram potuerit, quā caret aer? Interim facillè damus illuminatum aerem visibilem esse, ut medium, seu visibilem ut quo: Quale visibile

& lumen est in corpore diaphano interminato: quod tamen ut objectum quoque visibile fit in opaco. At enim, inquit, illuminatum esse aerem videmus. Resp. Per accidens videmus. Dum enim rerum colores videmus, ex eâ visione perspicuum medium esse illuminatum judicamus; Zabarella, lib. i. De visu, cap. 4. Multò verò minis aer per colorum species intentionales videtur, admissâ in præsentiarum receptâ Peripateticorum hypothesi de visione per receptionem specierum visibilium ab objectis sparsarum & per aerem ad oculos delatarum, cùm nè colores quidem illi in aere videantur, sed tantum in oculo videtis.

THESIS VII.

Mutabilitas est cœli qualitas, quā variis obnoxium est alterationibus.

"Εκθεσις.

I. Immutabile & inalterabile coelum esse magno consensu tradit Schola Peripatetica. Sententiam hanc probat Keckermannus lib. 2. Phys. cap. 2. quatuor rationibus;

1. Cujus materia caret privatione formæ contrariæ, id est immutabile. Atqui coeli materia caret privatione formæ contrariæ: Ergò coelum est immutabile.

2. Quod primum est agens inter agentia naturalia, id non potest pati: Atqui coelum primum est agens inter agentia naturalia: Ergò coelum non potest pati.

3. Minora non possunt agere in maxima agentia: Naturalia inferiora coelo sunt minora: Ergò in coelum, tanquam maximum, non possunt agere.

4. Quod nullum habet agens superius, id pati non potest: Coelum nullum agens naturale habet superius. Ergò coelum non potest pati. Dicentem verò inferiora agere in superiora, manifestè argui absurditatis inquit. Ità alii arguunt;

5. Illud corpus in quo à mundi exordio nulla mutatio est deprehensa, meritò creditur esse immutabile: Atqui in coelo à mundi exordio nulla mutatio est deprehensa: Ergò.

6. Arguit Zarnardus hoc modo; Cui repugnat finis alterationis, eidem repugnat & medium ad finem: Atqui coelo repugnat finis alterationis, hoc est corruptio: Ergò & alteratio, quæ est medium ad corruptionem.

II. Nos verò mutabile coelum esse affirmamus, reclamantibus nequicquam Peripateticis & immutabilitatem propugnantibus. Mutabilitatem verò non ad formam substantialem sed ad accidentales referimus. Assertionis ratio vel unica hæc suffecerit; Quia naturæ est æreæ, ut suprâ demonstravi-

mus:

mus : at aerem variis mutari modis, nemo inficias ibit Peripateticus.

Nec est quod obijciat mihi quispiam tot seculis labentibus nullam in superiori cœlo mutationem esse deprehensam ; proindeque immutabile meritò dici. Primum enim consequentia est nulla à negatione actualis mutationis ad negationem mutabilitatis : multa siquidem sunt quæ acta non mutantur & mutabilia nihilominus manent. Respondendi igitur possit, Superiorem cœli partem mutatam hæcenus non esse, non ob naturæ repugnantiam, sed locorum potius distantiam, quæ contraria agentia assensu prohibuit. Deinde falsum id, si experimentis præstantissimorum artificum & historiis est credendum.

Primum enim, referente Pomponio Melâ ; obeliscis suis inscripserunt Ægyptii, sidera quater cursus suos mutasse dum Ægyptii fuerunt.

Deinde refert ex Varro, Augustinus ; Ogygis temporibus, qui multis ante Aristotelem seculis Thebæa tegnaverat, in cœlis mirabile existisse portentum, stellam Veneris nobilissimam mutasse colorem, magnitudinem, figuram, & cursum.

Tertio, post Aristotelem, Hipparchus Astronomus peritissimus, annis ante Christum natum cxxv circiter, observavit in cœlo novam stellam esse natam : Qualem annò post Christum natum mdxxxii in Castiopea sidere multis mensibus nostra spectavit ætas : Quam quidem vel à Deo ex nihilo tum fuisse creatam, vel ab initio quidem cum reliquis creatam, ad illa tamen usque tempora ob lucis debilitatem occultam, probabile omnino non videtur. Contra verò probabilior eorum sententia qui cœmetam fuisse existimant, cujus materia cum usque in locum fuerit subiecta & astrorum calore accensa : quod sanè sine notabili cœlestis corporis mutatione contingere haud potuit.

Quarto, Justiniani Cæsaris temporibus, referente Patricio ex Petro Messia, majori anni parte, aere sereno, nullâ velato nube, Sol tam exiliter luxit ut vix Lunæ splendorem lux ejus superaret : ex quo adivinisse ut totum ferè orbem famies invaderet. Rationem adicit ; Quod lux exigua exiguum etiam calorem emisisset, ita ut fata maturecere nequierint : exilior verò lux facta est, quod Solis substantia rarefactionem Conditoris jussu sit passa.

Quinto, Paulo Diacono teste, anno dcccob tenebratus est Sol, & radios suos diebus xvii non emisit, ob eandem, inquit Patricius, raritatem.

De Hipparchi verò stellâ, & eâ quæ in sidere Castiopea apparuit, sic sentit Patricius : Fuisse ætherem, h. e. cœli substantiam, in flammam condensatam, & istam stellæ repræsentasse speciem, quæ

tandem consumptâ flammâ evanuerit. Hæc conclusionem tandem fujicit ; Sol ergo & stellæ & cœlestia corpora & passa sunt & pati possunt & alterationem & ortum & interitum & naturali causâ & Divinâ Conditoris voluntate.

Similibus experimentis alterabilitatem cœli probat Keplerus, lib. De stellâ novâ in pede Serpentarii, cap. 23 : ubi agnoscit inimicam quidem philosophiæ Aristotelicæ opinionem hanc esse, attamen Sæptæ magis quam Principi adversam : Da mihi, inquit, redituum Aristotelem, ita mihi succedat labor Astronomicus ut ego ipsi persuadere speraverim cœli materiam esse alterabilem. Sentit autem Aristoteles inalterabile esse cœlum, quia à tot seculis nihil in eo est animadversum : Ergo, inquit Keplerus, si quis Aristotelem doceat succedentibus seculis complurima nova in cœlo animadversa, liberrimè decederet de sententiâ. At hodie discipuli Aristotelis non ad rationem sed ad nudam sententiam respicientes, ex dogmate Philosophi, quod is ab experientia patebat, autem obloqui experientia, contrariæ eam excipere, variis diverticulis quæsit : Etiam si igitur cœlestium motuum leges eadem hodiè deprehenduntur, quæ una sola & decumana est Astronomorum hypothesis, inquit Keplerus, de expanso tamen diversum haud obscure nostra docuit ætas. Probat autem Astronomus hic quinque documentis cœlestem materiam esse alterabilem ;

1. Adducit cœlestem caliginem prodigiosam quæ conspecta est anno mdxlvii : De quâ Gemma Pater & Filius ; Solis corpus per tres integros dies quasi sanguine perfusum comparuit, adeo ut in ipso moridie pleræque stellæ conspicerentur per Belgium, Galliam, Germaniam, Britanniam. Et post Buringum Scaliger annotat. lib. 5, De emendat. temp. Causam obscurati Solis non fuisse in aere infra Lunam, patet ; Quia toto triduo pallorem hunc sidus retinuit. Oporteret igitur aerem ab ortu ad occasum fuisse obscurum : Atqui falsum hoc : potuerunt enim stellæ per aerem videri, per quem Sol videri vix potuit : Fuit igitur causa aliqua præter aerem quæ Solis lumen tantopere hebetavit. Nec verò proximè sub Lunâ fuisse obscuracionis hujus causam, vide quâ ratione probet Keplerus, loco allegato.

2. Constat ex certissimâ parallaxium doctrinâ per ipsum ætheris campum trajicere Cometas, subitoque ingentes paulatim languescere, donec planè dissipentur. Demonstratum hoc à Tycho com. 2. Progymnasium, & à Keplero in Opticis. cap. 10. Quæ in Lyco adversus hanc Cometarum altitudinem disputantur à Peripateticis, rideri à Mathematicis solent, cum planè nulli isti nitantur fundamentis,

& desperabundorum more *adversata* moliantur, omniâque Matheseas & Optices fundamenta eversum eant ut unius *Aristotelis* auctoritatem sartam tectamque confervent. Certè non decet Philosophum pro magistri auctoritate dimicare potius quam pro veritate. Amicus *Plato*, amicus *Aristoteles*; magis tamen amica veritas.

3. Caudas seu comas Cometarum aliud nihil esse quam radios Solis in corpore Cometarum tinctos aliquo veluti colore, & refractionem passos, & in partem à Sole aversam projectos, certissimâ ratione Opticâ constare Mathematicus affirmat: At qui constat non representari tingique Solis radios nisi ab aliquâ densâ materiâ in quam illi prout incidunt: Nec enim in aere cernitur Solis lumen, quando pellucidus is & tenuis; cernitur verò in nube opacâ & densâ. Quàm latè igitur Cometæ cauda se porrigit, tam latè sparsum est aliquid materiæ densioris & crassioris.

4. In eclipsi Solis anno MD CY secundum *Neapolitanam* narrationem totum Solis corpus tectum fuit. In medio ubi Luna species fuit quasi nigræ nubis, circum circa rubeus & flammeus splendor, qui bonam coeli partem occupavit à regione Solis versis Septentrionem, coelum obscurum planè, ut cum profunda nox est; stellæ tamen non visæ. Fuisse phænomenon hoc supra Lunam, ex Opticis monstrantem vide *Keplerum*.

5. Anno MDLIII visa est *Hispali* Luna, juxta Solem stans in Piscibus, in ipso coeli medio, totâ spectante civitate & attestante: cujusmodi novilunium nunquam aliàs visum. Unde iterum colligit *Keplerus* materiam coeli aliis temporibus esse aliam, & subtilitate à se ipsâ differentem, plus etiam quandoque claritatis imbibere quam aliis temporibus. Hactenus *Kepleri* documenta, sanè minimè contemnenda, & meo quidem judicio receptæ Peripateticorum opinioni anteponeunda.

Accedit denique & hæc ratio pro coeli mutabilitate; Quicquid contrariorum est capax, id est mutabile; At coelum contrariorum est capax: Ergo est mutabile. Assumptionem probo; Lucis enim & tenebrarum est capax: naturâ quippe suâ, ut Peripatetici fatentur, teste *Keckermanno*, lib. 11. cap. 2. lucidum non est, sed ab astris lucem mutuatur. Et noctu obscurius esse coelum quam interdiu, ob solis absentiam, ii quibus tenebrosi non sunt oculi norunt. Quod si de siderum fixorum loco neges, de inferiorum certè Planetarum spatiis inficiari non poteris; Lunâ præsertim decrescente & planè tandem evanescente. At quantum ei lucis decedit, tantum tenebrarum accedit, & contrâ: Ubi verò tenebrarum & lucis vicissitudo, ibi alteratio. Præ-

ter lucem & tenebras in coelo densitatem quoque & raritatem Schola Peripatetica agnoscit; quarum respectu alterabile quoque coelum est. Hoc argumento adactus *Michael Zanardus*, Universi coelest. dub. 14. concedit in coelo esse alterationem nempe perfectivam, quâ ab astrorum luce illuminatur.

III. Ad contrarias rationes ordine sic respondemus;

Ad 1^m. Propositionem distinguimus; Quod caret privatione formæ tam accidentalis quam substantialis, id est immutabile. Sic verò assumptionem negamus. Etiam si enim coelo formæ substantialis privationem non tribuimus, ut nec elementis, formarum tamen accidentalium privationes ei minimè adimimus, nec adimendas arbitramur ob rationes allatas.

Ad 2^m. Negamus & propositionem & assumptionem; Illam quidem, quia loci seu ordinis prærogativa à passibilitate seu mutabilitate naturalia corpora non vindicant: Hanc verò, quod falsam contineat hypothesein, quæ est, *Cælum, & potissimum stellarum, agere in hac inferiora motu & luce*; cum tamen, ut ex sequentibus patebit, coelum per se non moveatur, nec, ut paulò antè docuimus, sit lucidum. Quod igitur stellarum est proprium, id coelo tanquam subjecto malè tribuitur.

Ad 3^m. Negamus propositionem: Negat eandem & Poeta, qui inquit, *A cane non magno sepe tenetur aper*. Deinde ut maximè minus in majus totum non posset agere, posset tamen in aliquas ejus partes agere: Minima ignis particula ingentem aliquam lignorum struem accendit, aquæ gutta & muscam & elephantum humectat.

Ad 4^m. Primò negamus propositionem, quia constat ex insufficienti partium enumeratione. Sic verò suppletur; Quod nullum habet agens vel superius vel inferius, id pati non potest: At hæc ratione assumptionem negabimus. Ut maximè enim coelum superius agens naturale non habeat, habet tamen inferius, contiguum sibi, à quo pati potest. Regula igitur illa, *Inferiora non agunt in superiora*, sine limitatione accepta falsissima est experientiaque contraria. Est enim terra inferior aquâ, & tamen agit in aquam: Ignis ligno suppositus etsi inferior in lignum tamen agit. Deinde propositionis consequens ambiguum ita limitamus, *Pati aliquod non posse dicitur duobus modis: primum intrinsecè, quod potentiam passivam non habet; deinde extrinsecè, quod potentiam quidem passivam habet, sed à contrario ob loci distantiam vel alia impedimenta mutari nequit*. Priori respectu res propriè dicitur impatiibilis, posteriori impropiè.

Priori

Priori igitur modo si consequens intelligatur, propositionem negamus tam de superioribus quam de inferioribus cœli partibus: Sin posteriori, totum concedimus, sed non de toto cœlo; verum supremis ejus duntaxat partibus, ad quas agentia naturalia contraria pervenire nequeunt.

Ad 5^m. Et propositionem & assumptionem esse falsam, *Ex Dico* i. prolixè ostendimus.

Ad 6^m. Assumptionem negamus. Quod additur, probationis loco, de corruptione, quæ finis omnis alterationis statuitur, falsum est, sive de substantiali sive de accidentali corruptione intelligatur. Nullius enim alterationis finis est corruptio, sed potius generatio: Cum non ideo res alteretur ut non sit, sed ut sit, vel simpliciter & absolute, substantia, vel respectivè, substantia talis. Per corruptionem ergo intelligitur vel destructio substantiæ, vel expulsio qualitatis contrariæ. Prior repugnat; posterior non item; ut testatur experientia. Nec universaliter verum est quod in conclusione additur, *alterationem esse medium ad corruptionem*, si de corruptione substantiali sit sermo. Sæpe numero enim alterationis finis est usus, quem corpus hæc vel illa qualitate, sine formæ jacturâ, instructum naturæ præstat. Sic aer nec calefit nec frigefit, ut corrumpatur, sed ut naturis sublunariibus, quæ calor & frigoris vices requirunt, inserviat, absque suo detrimento.

THESES VIII.

Figuræ certæ carentiam cœlo tribuimus, contra eos qui naturâ rotundum id esse contendunt.

Ex Dico.

I. Cœlum figuræ rotundæ esse Schola Peripateticorum affirmat. Patres *Conimbricenses* lib. 2. De cœlo, cap. 4. q. 1. art. 1. Cœli rotunditatem quinque rationibus conantur evincere;

1. Stellæ fixæ circulariter in cœlo moventur: Ergo cœlum est rotundum.

2. Sol & Luna errantium siderum principes ubique maris & terræ ab Horizonte paulatim videntur ascendere, donec ad medium cœli seu meridianum, & inde ad occasum seu alteram Horizontis partem ei oppositam perveniant, à quâ rursus ad ortum rotundâ circumvectione commeant; ut *Ecclesiastes* scribit cap. 1. Motus hic non nisi in corpore rotundo potest confici: Rotundum igitur est cœlum.

3. Stellæ fixæ eandem perpetuò à centrò servant distantiam, eadem etiam distantia circumaguntur: Ergo fieri non potest quin circularis figuræ sit cœlum: In hæc enim solâ figurâ lineæ à circumfere-

rentiâ ad centrum ductæ sunt æquales: Quod si igitur alterius quam rotundæ figuræ cœlum esset modò viciniore modò remotiores à terrâ conspicerentur stellæ.

4. Astra omnia rotundæ sunt figuræ: Ergo & cœlum est tale. Ratio; Quia partes homogeneæ sequuntur naturam totius.

5. Astronomica instrumenta in rotundam figuram efformantur: Ergo & cœlum est rotundum, ad ejus imitationem instrumenta sunt facta. His alias adjicit *Keckermannus*, lib. 2. *Phys.* c. 2.

6. Cœli substantia est simplicissima, perfectissima & prima inter substantias: Ergo est rotunda. Ratio; Quia corpori & simplicissimo & perfectissimo perfectissima quoque & simplicissima convenit figura.

7. Cœlum omnium velocissimè movetur, & quidem in orbem: Ergo est rotundum. Ratio; Quia hæc figura motui velocissimo & orbico est accommodatissima.

8. Cœlum reliqua omnia in se continet corpora: Ergo figuræ debet esse rotundæ, ut quæ omnium est capacissima.

9. Cœlum suspicientibus fornix figuram repræsentat: Ergo naturâ est rotundum. Antecedens probat experientia.

10. Itâ Scriptura cœlo figuram rotundam tribuit. *Psal.* lxxvii. 19. *Vox tonitruu mi* *ללללל*, in sphaerâ, seu in orbe. Ubi per sphaeram seu orbem aliud nihil intelligitur nisi aer.

11. Cœlum est factum ad imitationem archetypi Dei: Ergo rotundum esse debuit. Ratio consequentiæ; Quia æternitatem & immensitatem Dei aliâ ratione non potest repræsentare quam per figuram rotundam, quæ principio & fine caret. Utitur hæc ratione *Joannes de sacro Bosco* in Sphæricis.

12. Mundus est rotundus: Ergo & cœlum. Ratio consequentiæ; Quia Mundus propter extimam partem, nempe cœlum, est rotundum. Antecedens apud omnes est in confesso.

13. Si figura cœli non esset rotunda sed multilatera, sequeretur, moto cœlo, dari locum sine corpore & vacuum: Atqui falsum consequens: Ergo & antecedens. Ratio connexi est; Quia corpus angulosum motum partem relinqueret inanem quam antè occupaverat; nihil enim succederet.

II. Non primi nos sumus quibus suspecta est cœli rotunditas naturalis. Testes hic laudo *Plurarchum*, 7. De placit. *Philosoph.* cap. 2. *Augustinum*, l. 2. De *Genes.* ad lit. c. 9. *Lastantium* lib. 5. *Divin. instit.* cap. 24. *Chrysostomum*, homil. 14, 53. ad *Hebr.* *Damasceum*, lib. 2. *Fidei orthod.* cap. 6.

Ex veteribus fuisse nonnulli qui cœlum ad quamvis formam recipiendam idoneum esse dixerunt: Quibus & nos assentimur, quando negamus certam & constantem figuram sibi cœlum naturâ vendicare quæ constans est nostra sententia. Quam inde probamus; Quia cœlum naturale nullum est præter expansum æreum: Esse verò aerem corpus fluidum, quod terminis suis contineri nequeat sed continētis figuram assumat, nemo sanus inficiari audeat. Hinc ita argumentamur;

Quod terminis suis non continetur sed continētis cujusslibet figuram assumit, id certam & determinatam à naturâ figuram non est sortitum: Atqui cœlum terminis suis non continetur sed continētis cujusslibet figuram assumit: Ergo cœlum figuram certam & à naturâ determinatam non habet. Propositio apud Philosophos est in confesso. Assumptio exinde constat; Quod æreæ sit naturæ & corporum omnium fluidissimum & subtilissimum, ut supra est demonstratum. Errant igitur omnes qui cœlum naturâ suâ rotundum esse clamitant: 1. Quia corpus ejus continens, h. e. cœlum *empyreum*, rotundum esse nondum probarunt, nec verò probare possunt. 2. Si vel maximè rotundum id esse daretur ipsis, & cœlum hoc naturale tanquam ab eo contentum & descriptum eandem figuram assumere concederetur, naturâ tamen rotundum esse non sequeretur magis quàm si quis aquam quadratam esse concluderet propterea quòd quadrato vasi inclusa figuram illius assumeret.

III. Ad contraria argumenta facilis est responsio.

Ad 1^m, 2^m, 3^m, 4^m, 5^m, 6^m, 8^m, 9^m. Negatur consequentia. Primum enim è stellarum circulari motu cœli rotunditas haud magis evincitur quàm si mensam quadratam quis rotundam esse diceret eò quòd circino circulus in eo possit describi. Procedit igitur ratio prima, ut & secunda & tertia, ex falsâ hypothesi illâ, *Stellas orbibus cœlestibus infixas ad orbium moveri motum*: quasi Creatoris jussu exactissimos proprio motu describere in libero aere circulos haud possint, adeoque eandem à centro distantiam servare. Quòd si verò è perpetuâ & eadem fixarum stellarum à centro distantia rotundum esse cœlum liceret colligere, quidni è vario Planetarum motu, quo viciniore modò modò remotiores nobis conspiciuntur, minimè rotundum id esse concludi posset?

Ad 4^m. Duabus de causis negamus consequentiam: 1. Quia nititur falsâ hypothesi, *Cœlum & astræ partes totius homogenei esse, proindeque ejusdem naturæ & figura*. 2. Si vel maximè stellam

partem coeli densiorem ejusdemque omnino cum cœlo naturæ esse crederemus, exinde tamen ejusdem figuræ quoque esse non sequeretur; cum partes totius homogenei figuram haud necessariò, imò rarissimè retineant: Ità fatuus esset qui valles omnes & montes omnes rotundos esse assereret. eò quòd terræ, ut vulgò creditur, rotundæ, tanquam corporis homogenei, sint partes. Quis omnes urnæ partes ejusdem dixerit figuræ esse cum totâ urnâ?

Ad 5^m. Negari primum potest antecedens generaliter intellectum: Non enim omnia Astronomorum instrumenta sunt rotunda, exactè & omni ex parte: quædam sunt oblonga; quædam ex parte tantum rotunda, & reliquis partibus angulosa, eaq; longè frequentissima, ut quadrantes. Sed & consequentia hic nulla: quod sic demonstro; Instrumenta Astronomica non sunt facta in cœli sed siderum gratiam: Ergo cœli figuram non imitantur, sed siderum potius. Antecedens patet; Quia per propriam speciem videri cœlum non potest: nec motus igitur ejus, nec quantitas, nec distantia, nec situs (quo finè instrumenta sunt inventa) per se deprehendi iis potest.

Ad 6^m. Negari potest & antecedens & consequentia. Antecedens, quia falsum est cœlum simplicissimum, primum simpliciter & perfectissimum esse corpus. Non simplicissimum naturâ; Quia elementa in se & suâ simplicitate considerata æquè simplicia sunt atque cœlum. Ratio est; Quia in corporibus id est simplex quod omnis è diversis elementis compositionis est expers: Arqui elementa per se & naturâ suâ æquè compositionis hujus sunt expertia ac cœlum. Ergo æquè sunt simplicia atque cœlum. Non primum simpliciter; Quia ut maximè temporis & loci respectu esset primum, dignitatis tamen & intentionis ratione minimè. Quis enim homo præstantiorem longè & digniorem esse hominem cœlo priusque à Deo intentum neget: cum vel muscæ Soli Augustinus præferre non dubitavit. Nec verò perfectissimum simpliciter. Quid enim, inquit Patricius, *aeri ut aer sit deest? aut quid aquæ aut terræ, ut aqua & terra sint, deest vel addi potest? Luna quoque ut sit Luna? Mercurio, ut sit Mercurius? Soli, ut sit Sol, quid aut deest aut adungi potest? aut quid singulis superaddemus ut reddamus ea perfectâ?* Consequentia verò ideo neganda, quia si perfectionem, loci prærogativam & simplicitatem figuræ rotunditas necessariò sequeretur, beatorum tandem corpora in empyreo cœlo constituenda, omnibusque corporibus perfectiora & sublimiora, rotunda fore, cum Origene & aliis quibusdam vitinari quid impediret? Et si rotunditas primi, simplicissimi & perfectissimi corporis est

est index, occurram terram primum, simplicissimum & perfectissimum esse corpus non asserunt, de cuius rotunditate non dubitant?

Ad 7^m. Negamus & antecedens & consequentiam: Illud, ob rationes post recitandas, quibus non modo non velocissime moveri coelum, sed in se omnino quiescere non minus quam terram, constabit, Hanc vero quia ut motus velocissimus proximum & immediatum rotunditatis effectum non est, sic nec rotunditas proxima & immediata velocissimi motus causa. Patet hoc, quia rotunda iis est terra, & immobilis tamen: illud, quia velocissimi fulminum motus, quæ tamen rotunda non sunt.

Ad 8^m. Nulla quoque est consequentia, cum omnia in se inferiora corpora continere possit coelum, quamvis rotundum non sit.

Ad 9^m. Consequentiam negamus. Ratio apparentis est; Quod circumquaque ab æquali intervallo in oculos nostros, tanquam centrum, incurant omnes aeris partes, quæ cæruleæ apparent & opacitatem quandam præ se ferunt: At solent opaca ex longinquo videri profunda & in fornacis modum quasi camerata.

Ad 10^m. Non est Scripturæ locus qui sententiæ Peripateticæ de rotunditate coeli magis favere videatur: Attamen exinde nativam coeli rotunditatem necessariò evinci, vel rigidè admodum locum hunc urgeri posse à Peripateticis negamus. Primum enim per *ἡλικίαν* quod *sphæram* seu *orbem* interpretantur, aerem à Davide intelligi certum videtur. Tonitrua enim, de quibus Psaltes loquitur, in aere fiunt: quæ doctissimorum interpretum quoque sententia est. Atqui ipsimet fatentur Peripatetici aerem certam sibi figuram nullam vindicare, sed propriis destitutum terminis quoscunque alterius terminantis corporis terminos assumere, propter summam fluiditatem seu, ut illi loquuntur, humiditatem. Hæc si vera sunt, uti certè verissima sunt, fateantur oportet circularem aeri figuram tribui, non quod naturæ ipsi competat, sed quod aliunde, nempe ab alio corpore vel continente vel contingente, imprimatur. Quod de coelo nos seu aere ultro admittimus. Figuram enim certam coelum carere dicimus, nativam figuram, quæ per se ei competat, intelligimus. Attamen & aliâ ratione Davidis verba explicari possint, ut per *ἡλικίαν* non intelligatur corpus aliquod per se aut ex accidenti sphaericum, sed circuitus seu ambitus ad rotunditatem vergens: sensus ut sit,

Tonitrua in aere undique circa terram quasi in orbem euntia audiri: quod & ipsum esse verum deprehenditur.

Ad 11^m. Antecedens è sacris probari non potest. Legimus quidem de homine, quod factus sit ad imitationem seu imaginem archetypi, hoc est, Dei: de coelo nusquam hoc legimus. Deinde & consequentia nullius est momenti. Etenim citra controversiam homo factus est ad Dei imaginem; qui tamen rotundus non est. Terram nemo dicit esse factum ad imaginem Dei; quæ tamen rotunda esse à plerisque agnoscitur. Nec summa est consequentiae ratio; Quia 1. non necesse est ut Dei æternitatem & immensitatem exprimat quod ad archetypi factum est imitationem: Sunt enim in Deo alia quæ *ἀναλόγως* communicari creaturis possunt. Sic factus est homo ad imaginem Dei inter cujus partes tamen referri non solet æternitatis & immensitatis Divinæ similitudo: Appellatur hæc Dei idiomata *ἀνομιάν*. 2. Si tantum ratione rotunditatis coelum ad imitationem archetypi factum esset, & in eo cæli perfectio consisteret, sequeretur alia non tantum naturæ sed & artis vel minima opera rotunda hoc nomine ad ejusdem archetypi imitationem esse facta, Deique immensitatem & æternitatem non minus exprimere quam coelum: quod nemo facile dixerit. 3. Est tamen aliqua in coelo immensitatis imago, non respectu figuræ, sed quantitatis ejus propemodum immensæ, ut supra indigitavimus. Æternitas est duratio finis, principii, & successionis seu divisibilitatis expers: Cæli duratio principium habet & successiva est. Ex rotunditate Dei æternitas non nisi sophistice probari potest.

Ad 12^m. Antecedens dubiæ veritatis est, ut Sectione 2. ostendimus. Nec consequentia ullius est momenti. Ratio quoque nulla est. Nec enim coelum naturale est extrema mundi pars, sed empyreum: De cuius figurâ certi aliquid definire supra hominem est.

Ad 13^m. Antecedens falsâ laborat hypothesi, de motu cæli Orbico. Deinde positâ hypothesi, quod extra coelum naturale corpus nullum sit, quæ multorum est sententia, quodque locus non sit nisi *ambientis superficies*, connexi consequentiam nego: Qui enim locus extra coelum daretur sine corpore, cum extra coelum locus non sit? Negato loco, & vacuum negatur, cum vacuum sit locus corpore non repletus: Nisi fortè vacuum appellare libeat imaginarium illud & immensum spatium quod à nonnullis extra mundum fingitur.

CAPUT VI.

De quiete cœli.

Distinguitur cœli motus : Thef. I. De alteratione cœli activâ : Thef. II. *Sententia Peripateticorum de alteratione cœli* : *Ench.* 1. *Keckermanni argumenta pro activâ cœli virtute* : 2. *Solvuntur* : 3. *Quies cœli* : Thef. III. *Sententia Astronomorum de velocitate motûs cœli* : *Ench.* 1. *Collatio sententiarum de cœli motu, sit ne naturalis an violentus* : 2. *Argumenta pro motu cœli orbico* : 3. *Afferitur quies cœli* : 4. *Solvuntur argumenta contraria* : 5.

THESIS I.

Hætenus cœli Qualitates. Motus
Vulgò tribuitur cœlo activus vel
passivus.

THESIS II.

Activus cœli motus Alteratio activa
perhibetur, quâ motu orbico & lumine in
hæc inferiora efficax putatur varias iis
virtutes imprimendo, quibus ad actiones
naturales obeundas idonea reddantur. At
verò cum per se cœlum in orbem non
moveatur, neque luce sit præditum, minùs
rectè alteratio per motum & lumen cœlo
adscribitur, tanquam agenti principali,
cum non nisi vehiculum sit quo stellarum
virtutes in hæc inferiora deferuntur.

"Exdempt.

I. Habere cœlum alterandi vim non negamus,
præsertim si aeræ id naturæ esse nobiscum agnos-
cas; jam enim calidum, jam frigidum, quanquam non
naturâ suâ, sed ab externis causis, efficacissimè alte-
rat terram, aquam, mista, tam inanimata quàm ani-
mata : Ità & maximam ei vim sublunaria movendi
inesse haud diffitemur, modò ab extraneo movente
primùm impellatur & agitur. Hic verò Peripate-
tici non acquiescunt; sed cum orbicum motum tum
lucem nobis in cœlo commendant, & utriusque vim
maximam prædicant. Atqui in suo constitutum loco
per se nec movetur nec læcet, sed suâ gaudet quiete,
variâque luminis & tenebrarum vices subit. Insu-
per tamen & hoc habet, quòd virtutum à stellis
emanantium sit *ὄχημα* seu vehiculum, quæ nobis
non communicarentur nisi hoc subiecto receptæ &
delatæ. *Petrus Hurtadus* Jesuita, *Disput.* 1. hys. 2.
sect. 4. Et si concedit moveri cœlum, tamen negat
per motum in hæc inferiora influere. Ratio ejus
est 3. Quia motus coeli formaliter est actio, per
quam producitur ubicatio coeli: sed actio non potest

esse causa in actu primo influens in aliud; habet
enim tantum esse productionem sui termini. Quod
verò ex *Aristotele*, assertur, mundi gubernationem
dependere à conjunctione rerum inferiorum cum cœli
motibus, ità interpretatur; quòd non possit mundus
inferior rectè administrari sine motibus cœli, non
tanquam causis influentibus; sed tanquam conditione
necessariâ ad variam luminis dispensationem; per
quam perpetua temporum vicissitudo adminis-
tratur. Hæc *Hurtadus*. Qui tamen frustra Peripa-
teticos videtur sugillare: Nec enim hoc in mentem
ipsis venisse puto, quòd cœlum motu suo locali im-
mediatè & per se seu formaliter in sublunaria in-
fluat, sed quòd mediante calore, quem producere
putatur, & lumine, quod cum astris variè circum-
fert, præstare hoc credatur. Sed quidquid sit de
hâc sententiâ, nobis certè ea non probatur; qui
nec calorem mundi sublunaris, nec variam luminis
administrationem à coeli motu, sed ab astris per se
utrumque infundi statuimus: ut ampliùs suo loco
patebit.

II. *Inerudita*, inquit *Keckermannus*, admodum
est sententia eorum qui negant cœlum agere in hæc
inferiora. Rationes ejus si audias, mirabere tam
eruditam sententiam infirmis adeò niti fundamen-
tis. Sunt ea;

1. Cœli motus est primus: Causa igitur omni-
um motuum est inferiorum.

2. Quantitas maxima maximam includit virtu-
tem: Atqui cœli quantitas est maxima: Ergò.

3. Manifestissimæ sunt Solis & Lunæ in hæc in-
feriora actiones: Ergò de cœli efficaciâ non est du-
bitandum. Antecedens constat ex eo quòd Solis
motus quadripartitam inferat anni distinctionem,
duo item solstitia & æquinoctia. Lunæ incrementa
& decrementsa quàm variè insequantur in subluna-
ribus mutationes, refert *Plinius* lib. 4. cap. 42. &
lib. 3. 8. cap. 10. *Georgius Agricola* lib. De natu-
râ fossilium. Hoc primarium sententiæ Peripateti-
cæ fulcrum est; quod ad nauseam inculcatur, &
planè invictum judicatur.

4. Alii addunt; Polus Arcticus ad se magnetem
trahit; Ergò in hæc inferiora influit.

III. Ad

III. Ad 1^m. Resp. 1. per negationem antecedentis. Cælum enim suo in loco per se omnino non movetur : motus igitur ejus primus esse non potest. 2. Negamus etiam consequentiam. Non enim omne id quod quolibet modo est primum, inferiorum statim est causa. Duplex igitur est *primum* : vel *ordinis*, vel *causalitatis*. Ità inter Planetas primus est Saturnus ratione ordinis tantum : non enim ipse causa simul inferiorum Planetarum. Ità & motum cæli quamvis primum esse non negaremus, causalitatis tamen respectu inferiorum motuum primum esse non sequeretur. Efficiens verò primum, h. e. Deus, ut ordine ità & causalitate primum jure merito dicitur : ut enim Deus ordine creaturis omnibus est eminentior, ità & vires operandi omnibus largitur.

Ad 2^m. Negamus 1. Propositionem. Ab excessu enim quantitatis ad virtutis excessum consequentia est nulla, cum vasta sæpenumero corpora virtute à minoribus longè superentur. Videre id est cum in omni animantium genere tum vel maxime in homine : Qui enim mediocri sunt staturæ, & cætera ritè dispositi, gigantea corpora virtute plerumque superant. Rationem reddunt Physici è communi illo principio, *Virtus unita fortior est quàm dispersa*. Quod si verò è vastâ corporis mole virtutis colligi deberet exsuperantia, nonne ab elephanto leporem cursu superari posse dicendum foret ? Sed 2. alia præstò est responsio ; Concedamus sanè maximam inesse cælo virtutem ; eane verò ideo in hæc utetur inferiora motu & lumine, quo tamen utroque per se caret, alterando ? At virtus isthæc, inquit, in quo tandem exercitur subjecto ? Alii sunt, inquam ego, cælo fines, quos supra enarravimus, plures iis deinceps addituri : hos si fuerit assecutum, vires utique haud malè collocabit : De actione verò illâ peculiari in hæc inferiora corpora, altum in rationis officinâ silentium.

Ad 3^m. Concessio antecedente tanquam verissimo, consequentiam negamus. Quid enim Soli & Lunæ reliquisque stellis cum cælo, quod diversissimæ ab illis est naturæ ? Nisi si fortè mare vivum esse, propterea quòd vivi in eo degant pisces quispian contendit.

Ad 4^m. Antecedens negatur. Polus enim punctus est, cujus nulla efficacia per se. Si stellam polarem loco poli nominaveris, ab eâ ad cælum nulla erit consequentia. Sed & dubium est an *magnes à stellâ polari trahatur*, an verò proprio motu ad hanc stellam inclinet magnes. Quid quòd dubium adhuc sit ferrumne à magnete an magnes à ferro trahatur.

THESIS III.

Passivus cæli motus vulgò *latio in orbem* appellatur, quâ perpetuò & velocissimè in orbem rotari cælum dicunt & docent. Nos in suo loco constitutum cælum per se quiescere à motu orbico aliòque naturali arbitramur.

ΕΝΔΕΞΙ.

I. Tanta, inquit Astronomi, & cum iis Peripatetici, velocitas firmamenti in Æquatore est ut horâ unâ conficiat milliariorum quadragies bis millena millia, trecenta nonaginta octo millia, quadringenta & triginta septem, cum dimidio. Hanc celeritatem, atant, si apud nos avis aliqua nanciscatur, unius horæ spatio sub Æquatore terram mille octingentis octoginta quatuor vicibus circumvolabit ; & plus quàm septies circuibit tanto tempore quanto precatio Dominica peroretur. Audax sanè Astronomorum effatum, erudit, nè dicam vulgo, creditu difficile. Nos si interroges, tantum abest ut horum in sententiam ituri simus ut etiam omnino ab eâ discedendum nobis & contrariam planè viam ineundam liberrimè sumus responsuri.

II. Id verò antequam plenè & planè expediamus, sententiæ Astronomicæ & Peripateticæ explicationem & confirmationem præmittimus. In explicatione sententiæ non omnes Peripatetici consentiunt. Est in eo consensus, quòd cælum in orbem moveatur. Qualis verò hic motus, naturalis an violentus, aut præternaturalis, ab interno vel externo principio, maxime controversum est. Nec naturali nec violento, sed præternaturali motu cieri cælum, *Avicenna*, *Scotus*, *Durandus* & alii contendunt, hisce argumentis.

1. Quia locus cælo naturalis non est : Ergò nec motus : Ubique enim conservari potest cælum, quia naturâ suâ incorruptibile est.

2. Quia est a principio liberè movente, nempe Intelligentiâ : Naturalis igitur non est : Quod enim naturale est, necessarium est, non liberum.

3. Omnis motus naturalis fit ob finem aliquem mobili utilem, eique perfectionis aliquid conciliantem : Atqui hujusmodi finis motus cælestis non est. Propositio probatur inductione mobilium & motuum naturalium. Assumptio probatur ; Motus naturalis fit loci acquirendi grati, quia à loco res conservantur : At cælum nunquam extra locum suum est : nec verò se aliâ ratione perficit, sed sublunaria tantum.

Contra verò naturalem cælo esse, *Conimbricenses*

CLVII

cam veteribus nonnullis Peripateticis, Patribus & Scholasticis affirmant, hisce argumentis;

1. Circularis motus est perfectio cœli: Ergò naturalis est. Ratio consequentiæ; Quia res naturaliter ad sui perfectionem inclinatur.

2. Omne corpus Physicum vendicat sibi motum aliquem naturalem: Ergò & cœlum? Atqui alius ille nullus est nisi circularis.

Hurtado affirmat cœlum naturâ suâ indifferens esse ad motum & quietem; ideòque motum ei nec violentum nec naturalem esse: Nam ut sine violentiâ jam movetur, sic post universale iudicium sine violentiâ quiescet.

Circa motus huius principium non minùs dubitatur, *An nempe ratione materiæ tantum sit naturalis, an verò etiam ratione formæ? Et si ratione formæ quoque, an principi i passivi, vel causæ efficientis, vel formalis habeat rationem.* Cum autem ad principium externum, tanquam principale efficiens, omnes confugiant, rursus tamen inter se dissentiant, *sine principium illud Intelligentia creata, an creatrix, seu Deus.* Prius à plerisque asseritur: posterius arridet *Hurtado*. Nos omnia hæc mittimus, quia cœlum nullâ ratione in orbem moveri credimus. Hactenus explicatio sententiæ Peripateticæ.

III. Videamus jam quibus firmamenti nitatur circumgyratio cœli. Arguunt.

1. Res ad suam perfectionem naturali inclinatione fertur: Atqui motus circularis est cœli perfectio: Ergò ad eum naturaliter fertur. Per huiusmodi enim motum assimilatur Deo: cujus intelligibilem motum mirificè æmulatur: cœlum motu suo, quòd is circularis sit, inquit *Adrianus Romanus*.

2. Omne corpus Physicum naturali aliquâ fertur ratione: Atqui cœlum est corpus Physicum: Ergò aliquam sibi vendicat rationem. At aliam nisi circularem non potest: 1. Quia is motus est perfectissimus; 2. Quia rectus elementis est proprius. Propositio probatur; Quia natura est principium motus & quietis.

3. Planetæ diversis moventur motibus: Proprio enim motu ab occasu moventur in ortum; externo & accidentali, primi videlicet mobilis raptu, ab ortu in occasum: Ergò necessariò ab orbe aliquo cœlesti moventur; liquidem impossibile planè est, unum & idem corpus uno & eodem tempore eodémque principio diversis cieri motibus. Quòd si igitur stellæ à cœlo moventur & circumducuntur, ipsum quoque cœlum moveri & circumduci est necessarium.

4. Quam sententiam innumera sequuntur incommoda, ea in Physicis Scholis non est admitten-

da: Atqui sententiam de perpetuâ cœli quiete innumera sequuntur incommoda: Ergò. Assumptio- nem probant multa Philosophorum effata, quæ *Keckermânus* lib. 2. Phys. cap. 3. recenset: Ex quibus illa; *Stans cœlo, stabunt reliqua omnia.* Item, *Rota figuli moveri non posset nisi cœlum moveretur.* Item, *Ne minimum quidem digitum homo moveret si cœlum quiesceret.* Item, *Opificum omnium manus à motu cessarent quàm primum cœli motus cessaret;* & similia multa.

5. Si cœlum non moveretur, omnia in sublunari mundo eodem modo perpetuò se haberent; nec essent temporum vel generationum & corruptionum vices: Atqui falsum consequens: Ergò & antecedens. Præter hæc pro motu cœli nihil deprehendo quod vel in speciem probabile sit.

IV. Nostra verò sententia huiusmodi est; Superior cœli pars (de hac enim sermo potissimum) quæ à stellis decurritur, et si stellis tanquam corporibus densis & solidis cedit, adeòque cedendo ad vacua stellarum spatia replendo ex parte movetur, tota tamen in orbem nunquam movetur. Principio quidem ingenua est ista *Adriani Romani* confessio, pag. 9. *Uranographiæ, Motus cœlestis probabiles, quidem varios, necessariam vix ullam adferri causam posse.* Quod sanè ita se habere è pauculis hisce patebit.

1. Quod dogma nec è sacris literis nec è sensum & rationis iudicio probari potest, id Philosopho non est admittendum: Atqui dogma de perpetuo & circulari motu cœli tale est: Ergò. Assumptio probatur. Non è sacris literis; Quia motus huius mentionem eæ nupiam faciunt. Non è sensu; Quia in externos sensus non incurrit, præsertim supremum illud cœlum, quod nec videri nec tangi potest. Non ex ratione; Quia vanissimæ Philosophorum rationes sunt quibus tanti momenti rem nituntur adstruere: in quibus ferè omnibus *ἀναλογίας* paralogismus committitur, dum è motu stellarum orbico cœli motus circularis colligitur; quasi verò moveri astra non possint nisi ad loci subiecti motum.

2. Cuius nullus est finis, id ipsum in rerum naturâ non est: Atqui motus istius orbici & velocissimi nullus in rerum naturâ est finis; Ergò. Propositio patet ex axiomate, *DENS & natura nihil faciunt frustra.* Assumptio constat ex remotione finis à Philosophis assignati, qui est, ut stellæ per se ad motum ineptas una circumvehant, adeòque temporum vicissitudines efficiat. At enim falsus hic finis, cum stellæ (ut suo loco docuimus) per se in cœlo moveantur, & ad motum longè sint aptiores quàm cœlum ipsum. Quod de imitatione & æmulatione

æmulatione Dei aiunt, frivolum est, ut paulò pòst videbimus.

3. Quod substantiæ est levissimæ, tenuissimæ, fluidissimæ & certæ figuræ indigæ, id ad motum circularem eúmque rapidissimum est ineptum. Atqui aer seu coelum est tale: Ergo. Propositio è Peripateticorum dogmatibus & ipso sensuum iudicio certissima est: Quæ enim levia sunt, ad motum rectum sunt aptiora quàm ad circularem; & quæ rotundæ omnisque omnino figuræ sunt indigæ, à figuræ inconstantia ad orbicum motum nihil adjumenti possunt capere: quinimò tota quæ in orbem feruntur & exactè sunt globosa, sic naturæ sunt comparata ut pars una sine totius motione moveri nequeat, propter tenacem partium inter se coheræntiam & corporis expeditam mobilitatem: aliter enim si pars quælibet (ut quidem in corporibus fluidis, quorum partes vel levissimo tactu sunt dissipabiles, contingit) moveri in toto citra totius motum possit, moveri totum nunquam poterit; cum nonnisi certæ parti externum motus accommodari principium possit. Assumptio in superioribus prolixè fuit demonstrata, cum de coeli qualitatibus disputaremus.

4. Cùm coelum à mundi extimo usque adimum nonnisi unicum sit numero & continuum corpus, ut paulò pòst docebimus & suprà ex parte docuimus, aut planè non movebitur, aut totum movebitur, aut pars ejus tantum superior, aut Lunam usque movebitur. Non moveri si dicas, nobiscum senties: Si totum moveri, sensus iudicium reclamabit, quod testatur partem hanc inferiorem sæpenumero annino tranquillam esse, imò verò planè non moveri, nisi à movente extrinseco & accidentali, idque secundum aliquas tantum partes. Taceo *ἀτομία* & *ἀδιαιρέτου* quæ affirmantem perpetuo & concitatissimo inferiorem hunc aerem motu rapi premerent. Ut sunt, *Esse eum*, secundum principia Peripatetica, *nunquam non ferventissimum*; *Posse ab eo, quod est ferventissimum, inspirato fervorem cordis & pulmonum temperari & frangi*; *Posse in eo, quod rapidissimè ferur, vel plummam immobitem subsistere*; & sexcenta similia, quæ fieri tranquillo aere sæpenumero experimur. Sin verò partem tantum superiorem ad Lunam usque quàm concitatissimè in orbem moveri dixeris, erit motus ille per se vel per accidens. Si per accidens, inter naturales coeli affectiones minimè referendus fuerit, eritque violentus vel violentiæ expers. Violentum si dixeris, quid perpetuum eundem simul esse affirmabis? cum *violenta*, ut tritum docet in *Physicis* axioma, *non sunt durabilia*.

Si violentiæ expers videatur, partis erit in toto: at enim pars cum non nisi ratione totius moveatur, cedo totum illud: Nos totum non moveri ratione modò fat evidenti conclusimus. Motus igitur erit per se, isque aut naturalis, aut animalis, aut neuter: quod sic demonstro; Animalis motus non nisi animantibus competit: Coelum non est animal: Ergò motu non moveatur animali. Naturalis coeli si foret motus iste, à principio utique manaret interno, quod præter formam aliud esse non potest: (illa enim quæ de Intelligentiis vulgò afferuntur somnia suprà à nobis sunt refutata.) Si à formæ coeli motus iste orbicus, cur, inquam, superior tantum ejus pars, immotà inferiori, moveatur; cum una eadèque utriusque, tanquam corporis homogenei & continui, ut paulò pòst constabit, sit forma? Hæc cum enodari planè non possint, & verò contrariæ partis argumenta longè sint levissima & enodatu facillima, nostro acquiescentes iudicio, in nullius præjudicium, per se quiescere coelum in loco suo facillimè credimus.

V. Reliquum jam est ut ad argumenta contraria ordine respondeamus.

Ad 1^m. Assumptionem negamus. Non enim magis circularis motus coeli est perfectio, quàm terreni globi agitatio & à centro mundi discessio. Præterea perfectio isthæc erit formalis vel finalis. Formalis si fuerit, sequetur coelum essentialiter non esse perfectum, motu circulari cessante: id quod longè falsissimum, ipsismet Peripateticis testibus. Quid enim essentiali corporis cœlestis perfectioni defuit, cum *Josue* temporibus immotum perstaret, *Jos. x. 13.* quid, inquam, vel materia vel forma ejus detrimenti passa? nisi si fortè cujuslibet rei è motus absentia essentiam destrui absurdè quis dixerit. Si finalis, erit ea respectu coeli vel cœlestium. At enim quid cœlo accedat è rapidissimo illo motu perfectionis non video: Aiunt quidam adumbrare ipsam intelligibilem Divinæ mentis motum, imitarique pro captu suo exuberantem bonitatem & beneficentiam Causæ primæ omnibus rebus creatis sese communicantem. Ideòne verò, inquam ego, imperfectum coelum, si Divinæ mentis intelligibilem motum non repræsentet? Quod tandem, si stellas exceperis, naturale corpus perfectum dixeris, si omnis ad motum hunc intelligibilem & vivum examinanda perfectio? Imperfecta sic foret terra, aqua, animalia, tam rationalia quàm irrationalia, plantæ, metalla: nec enim ullum è corporibus hisce quod quietis & motus vicissitudines non experiatur: Summa, totus hic mundus ex imperfectis & mutilis corporibus esset conflatus. Nec verò cur sublunarium ratione motus hic necessarius sit video,

deo, cum perpetuæ rerum generationes & temporum vicissitudines à propriis & veris stellarum motibus pendeant, non à fictitiis cœlorum circumvolutionibus. Taceo quoddam terræ immobilitas Divinam perfectionem imitetur potius quam irrequieta cœli in orbem agitatio. Est enim Deus *Ens in æternitate & immensitate suâ immobile*.

Ad 2^m. Propositionem negamus. Falsum enim omne corpus naturale actu, præsertim in suo loco, certam sibi vindicare lationem. Sunt enim in triplici differentiâ corpora naturalia: Quædam semper moventur, quædam semper quiescunt quædam alternis moventur & quiescunt vicibus: Primi ordinis exemplum habemus in stellis; secundi in terra, cui cœlum accensemus; tertii in animalibus. Propositionis probationem quod attinet, nullam eam esse dicimus. Primum enim *motus* vocabulum quod in Naturæ definitione ponitur, non localem tantum motum significat, sed quævis in genere: ut sensus sit, omnem motum in genere, sive latius sit, sive generatio, sive alteratio, sive augmentatio, &c. à naturâ tanquam principio provenire: à negatione igitur unius speciei ad negationem generis (ut si dicam, Cœlum localiter non movetur: Ergo planè non movetur) nulla est consequentia. Sed haud inviti concedimus in Naturæ definitione primariò per *motum* intelligi lationem: attamen nè sic quidem localiter cœlum moveri sequetur, nisi fortè & terram, quam immobilem ipse Deus testatur, moveri localiter, ex eadem Naturæ definitione evinci posse quispiam iudicet. Observandum igitur, aliud esse, habere in se principium motus localis, & moveri localiter. Nec enim omnia localiter moventur quæ in se principium habent motus; uti nec omnia quiescunt quæ in se quietis principium habent. Stellæ enim nunquam quiescunt; terra tota nunquam movetur; alia modò quiescunt, modò moventur: Quâ de re ex professo egimus. Sect. 1. part. 1. c. 3. thes. 1. 46.

Ad 3^m. Antecedens negamus. Ea enim quæ de gemino Planetarum motu in Ortum & Occasum Astronomi vulgò præcipiunt, veritati minimè sunt consentanea, & naturæ planè contraria. Unus igitur idemque Solis est motus ab Ortum in Occasum. Ad ortum & occasum Solis diversa sunt puncta. Quem igitur circulum hodie in cælo descripsit Sol, ab eodem cras deflectit, & sic deinceps, donec ad

Cancrî vel Capricorni tropicum devenierit. Inde per eosdem reversus mazandros temporum vicissitudines efficit. Ob illam igitur ortuum & occasuum variationem Sol peculiari motu à Septentrione in Meridiem, & à Meridie ad Septentrionem moveri quidem videtur: at unus idemque revera est motus cum altero ab Ortum in Occasum, qui ortuum saltem & occasuum puncta mutat, dum ad tropicum Cancrî vel Capricorni deflectit. Hæc igitur motuum ratio cum longè sit expeditissima, quid attinet isthæc de contrariis motibus monstra comminisci, & tot fornicibus cœlum onerare? Sed pluribus hæc de re suo deinceps loco.

Ad 4^m. Assumptionem negamus. Ad probationem dicimus, effata isthæc Peripateticorum esse nata ex falsâ hypothesi, quæ est, *Astra cælo immobiliter esse infixa, & nisi moto cælo moveri non posse*: Quod cum falsum planè sit, & absque cœli revolutione suos astra cursus conficiant, pericula isthæc extimescenda nobis omnino non sunt. Imò verò, si vel de istâ iis hypothesi concederemus, absurda tamen isthæc cœli astrorumque quierem omnia inficere. Probant illi; Si cœlum, inquiunt, non moveretur, nulla lux lumen per aerem spargeret, atque adeò nulli radii diffunderentur, & per consequens nullus calor in his inferioribus generaretur, cessante calore omnia forent rigida, frigida stupida & immobilia. Ecce verò, inquam, quiescentia sidera lumine vel calore in inferiora non influant? Quid motus siderum ad lumen vel calorem? Non luxisse vel calefecisse dicemus Solem cum *fo sue* temporibus quiesceret? Ut maximè igitur, siderum quiete posita, temporum vices nullæ essent, calefieri tamen iis & illustrari omnia subiecta ipsis loca nihilominus possent. Unde *Scaliger* existimat Solem magis calefacturum si non moveretur. Quid? Nonne & ii quibus Solis absentia nox dormienda trimestris, vivunt? Dico igitur, & iis in locis quæ solaribus radiis nunquam collustrarentur, victura nihilominus animantia, siderum aliorum & inprimis moderato ignis calore sustentata: tantum abest ut vel hominis digitus vel figuli rota moveri nequeat. Plura hanc in sententiam qui nosse cupiunt, consulant *Conimbricenses* Patres, lib. 2. De cælo, c. 3. q. 4. art. 2. *Hurtadium* Jesuitam Disput. Phys. 2. sect. 4. §. 34. Et hætenus quidem de cœli motu.

CAPUT VII.

De Cælo Eridæ.

Cœli unitas & continuïtas: Th. I. Sententia Peripateticorum de multitudine orbium cœlestium
 1. Rationes pro multitudine orbium: 2. Afferitur unitas & continuïtas cœli. 3. Solvuntur rationes

iones contraria: 4. Cœli distinctio in *ερασσο* & *ἀνασσο*. Th. II. Definitio *ενδ'σφ*. Th. III. Distributio: Th. IV. Cœlum fixarum stellarum: Th. V. *Οὐσάα Sphæra majestas*: *ἐκθ*. 1. *Cur sphæra οὐσάα appelletur Firmamentum*, *σεπέσφρα*: 2. *Οὐσάα sphæra quantitas*: 3. *Spatium stellarum errantium*: Th. VI. *Dimensio spatiorum quæ Planetis decurruntur*: *ἐκθ*.

THESIS I.

HÆtenus adjunctæ cœli Affectiones. Pergimus ad distributionem. Totum illud spatium, à fixis stellis ad imam terram, in se indivisum, nullisque orbibus actu discretum, sed unum numero continuum & homogeneum esse corpus, veritati maximè consentaneum judicamus.

Ἐκθεσις.

I. De numero cœlorum maxima apud Philosophos est controversia. Consentiant in eo ferè omnes Philosophi, paucis exceptis, sphæras seu orbis cœlestes realiter discretos dari plures: de numero tamen discrepant. *Ægyptii*, *Chaldæi* & veteres *Peripatetici* octo orbis constituerunt, septem Planetarum, & octavum stellarum fixarum. Rationem adduxerunt; Quia omnes stellæ fixæ eodem moventur motu; Unde consequens est omnes uno circumduci orbe: Planetæ verò septem singuli distinctis motibus moventur; Unde & septem distinctis orbibus circumvehi collegerunt. Sed octonario hoc numero non contenti *Ptolemæus*, *Alphraganus*, & alii novum orbem adjecerunt, propterea quod in octavâ sphærâ seu firmamento præter raptum seu motum diurnum, qui singulis xxiv. horis ab ortu in occasum absolvitur, alium observarint motum, quem *retrogradationis* appellant: quo putatur octava sphæra centum annis uno gradu moveri versùs partem occidentalem: Unde concludunt, sex millibus annorum octavam sphæram proprio quodam motu retrogradi ab occidente in orientem; proindeque etiam adhuc, præter octavam, esse sphæram quæ primi mobilis rationem habeat, motumque diurnum efficiat. Denique ab *Alphonso*, *Thebitio*, *Purbachio* & *Regiomontano* tertius quidam motus in firmamento est deprehensus, quem *accessû* & *recessû*, seu *trepidationis*, motum appellant, & inde conjectarunt quod viderentur stellæ inclinare modò versùs hunc modò versùs alterum polum: Quem motum in inferioribus quoque sphæris deprehendi tradiderunt, & maximè in Sole, si radii ejus per vitrum aut crySTALLUM transeuntes adspiciantur. In hujus igitur *φαινόμενον* gratiam de-

cimum orbem constituerunt. Alii undecimum adjecerunt. Et tamen non nisi principales hi sunt orbis; quibus minùs principales & minores longè plures addunt. Calculo igitur cœlestium orbium subducto *Eudoxus* xxiii. numerat, *Calippus* xxx. *Aristoteles* xlvii. *Alexander*, ex *Sosigenis* opinione, xlix, *Ptolemæus* xxxi, *Johannes Regiomontanus* xxxiii. Attamen minùs principales orbis. quos *epicyclos*, *eccentricos*, *deferentes*, &c. appellant, plerique cœlo inferre ausi non sunt, sed ut hypothèses duntaxat assumere, in quibus veritas non attenditur. Unde *Copernicus* *Eudoxi* renovatâ opinione, asserto terræ motu & Solis quiete, omnes sustulit epicyclos, & vix octo orbis reliquos fecit. De orbibus porro ita sunt philosophati; Omnes hos decem vel undecim orbis reipsa inter se distinctos, ita tamen ut superior inferiorem in se undiquaque conclusum contineat, non secus atque in cepis pellicula una alteram complectitur, aut in ovo gallinaceo vitellus ab albumine, & albumen à putamine continetur. Hæc mens, hæc placita plerorumque *Peripateticorum*. Unde patet tot orbium & machinarum multitudinem natam esse ex observationibus decem distinctorum motuum, qui in stellis fixis & errantibus sunt deprehensi. Unde palàm, ipsum fundamentum, cui machinæ tot innituntur, esse lubricum, imò nullum. Nec enim consequens est, ut orbibus affixæ stellæ moveantur & à machinis cœlestibus circumducantur, si moveantur, circa terram in orbem; cum propriis moveri possint motibus in liquido æthere, haud secus ac pisces in aquis & volucres in ære. Quod verò aiunt de contrariis motibus qui simul eidem contingant stellæ, ut nempe eodem tempore simul in ortum & in occasum moveatur, *φαινόμενον* curiosorum ingeniorum est, cui res ipsa minimè responderet. Itaque motus isti contrarii veri non sunt sed apparentes tantum: Ab ortu enim in occasum omnes moventur stellæ, ita tamen ut divè sis itineribus ad eandem in genere metam contendant, aliæ rectâ decurrendo, aliæ versùs alterutrum polorum declinando, variisque mæandris & ambagibus iter conficiendo, quod in Planetis seu Erronibus videre est: qui & hoc peculiare habent, ut eadem occasûs & ortûs puncta non observent, sed alii xxiv. horarum spatio longius progrediantur, alii post terga quasi aliorum hæreant; nec per eandem regrediantur lineam, sed in hanc vel in illam partem

partem inclinent, & à tramite decurso declinent: quod qui non observant, contrarios in coelo motus sibi imaginantur, qui revera nulli sunt.

II. Sed agè breviter rationes Peripateticorum colligamus, quarum ope tot tantæque machinas excitârunt.

1. Scriptura multorum coelorum mentionem facit: Hinc phrasis illa frequens, *Cœli coelorum*: Et in precatione Dominicâ Deus esse dicitur *ἐν τοῖς ἑπαινοῖς*. Et Paulus ipse in *tertium cœlum* se raptum esse fatetur: Coeli igitur numero sunt plures, iique discreti.

2. Corporis unius & simplicis non nisi unus est motus proprius & simplex, alii verò motus si accesserint, accidentales erunt & ab aliis pendentes principiis moventibus: Atqui firmamentum seu octava sphaera corpus est simplex & tribus tamen motibus ferri deprehenditur; uno, ab oriente in occidentem, spatio horarum xxiv; altero, eoque contrario, ab occidente in orientem; tertio, ad latera trepidando, accedendo, vel recedendo: Erit igitur unus tantum ex illis proprius, reliqui verò duo accidentarii & ab aliis pendentes orbibus moventibus, nono scilicet & decimo. Quod si verò quæras unde ista motuum in orbibus coelestibus deprehensa sit varietas, cum tamen ob transparentiam & subtilitatem videri nequeat coelum, nedum ejus observari motus, totius experimenti momentum in stellas conjiciunt. Has aiunt triplici moveri motu, ab ortu scilicet in occasum, ab occasu in ortum, & denique ad latera. Hinc, cum stellas nonnisi cum orbibus moveri posse existiment, illam orbium multitudinem eliciunt, ut paulo antè meminimus.

3. Nisi stellæ suis affixæ orbibus moverentur, non essent semper in eadem distantia, ordine & situ inter se, sed aliquando una præcederet aliam, cum ipsæ præsertim inæquales sint: Atqui verò eandem perpetuò distantiam observant, eundem ordinem & situm: Ergò à se non moventur, sed orbibus suis infixæ: Orbis verò tot sunt statuendi necessariò quot motus diversi.

III. Sententiam nostram thesi 3. capitis hujus expressam sequentibus argumentis probamus;

1. Orbium vera distinctorum & discretorum multitudo nec è sacris literis nec è sanâ ratione solidè demonstrari potest: Ergò Philosopho non est obtrudenda. Antecedens, quoad sacras literas, constat: Quia nec apex quidem hactenus proferri potuit è sacris quo solidæ orbium machinæ distinctæ stabiliri potuerint. Rationem si consulas, vel ridebit ea chimæras istas, vel autoritate occæcata si fuerit, planè ineptiet, unico illo de motuum qui in

cœlo videntur esse contrarii argumento contenta, quod tamen paulò antè plumbeum telum fractum abjecimus, & paulò post penitus eliquabimus.

2. Stellæ in cœlo propriis moventur motibus: Ergò tot orbium distinctione non est opus. Antecedens, præterquam quod è sacris planum est, uti in capite de stellis demonstrabimus, vel ex ipsis Mathematicorum placitis evinci potest: Testantur enim illi unanimi consensu, Planetas modò terræ viciniore esse modò ab eâ remotiores: quod fieri neutiquam posset, si orbibus suis infixi ad eorum duntaxat motum moverentur: illi enim eandem & perpetuam à terrâ servarent distantiam, haud secus ac circulus à centro. Consequentiam probo; Quia orbis illos fingendi occasionem aliud nihil præbuit nisi varii in cœlo deprehenfi motus, quos cum ipsismet astris tribui non posse crederent, moveri ea ab orbibus certis tradiderunt. Possent ab errore hoc facillè Peripateticos liberare seculi hujus Mathematici præstantissimi, qui & fluidam coeli substantiam & proprios stellarum motus defendunt, nullâ motuum impediti contrarietate. Taceo quòd motuum contrarietas, quam jactitant, per orbis nullo modo excusari possit: tam enim impossibile est stellam quàm orbem eodem tempore ad tria distincta loca vel ubi moveri.

3. Coeli substantia fluida est & dissipabilis (qualem quidem eam esse suprà demonstravimus) ad rigidos, crassos & distinctos illos orbis capiendos planè inepta: Quid igitur contra naturam tot machinas comminisci attinet? Antecedens probo; Si aqua aquam, quàm immediatè tangit, in unitatem & continuitatem substantiæ suæ assumit, multò magis coeli substantia partes suas sibi proximas in corporis sui unitatem & continuitatem adsciscet, atque adeò omnem distinctorum orbium seriem confunderet: Atqui verum illud: Ergò & hoc. Propositionis consequentia patet; Quia coeli substantia, quam aeream esse liquidò demonstravimus, longè fluidior est aqua.

4. Ecquis demens adeò ut vel in Martis vel in Veneris gratiam ingentem adeò & peculiarem machinam à Deo creatam esse existimet? Quasi verò is qui è Peripateticorum mente numine suo coelum torquet & circumagit, parvum vel Martis vel Veneris sidus in libero aere circumagere non valeat.

5. Unicum tantum expansum in creationis historia commemoratur: Pluralitas igitur coelorum nulla est inferenda. Antecedens patet ex Gen. i. 6, 7, 8. Quòd si verò unum quis dici existimet, non continuitatis, sed partium diversarum aggregatarum & in unum quasi corpus compactarum ratione,

prout

prout artificialem sphaeram unam esse dicimus, licet è circulis distinctis sit confecta; huic alterum opponimus locum, cuius Esdræ iv. 6. hæc sunt verba, *Creavit Deus secundo die auram aeris, & ut interjectas aquas divideret, imperavit. Firmamentum igitur seu expansum; & aeris aura seu aer* Scripturæ unum sunt & idem: Atqui verò aerem unum & continuum esse corpus quis Philosophus neget? Nec verò ab hac sententiâ, ut neotericos multos prætereamus, aliena sunt antiquorum Theologorum suffragia. Suntque in primis notatu digna Chrysostomi, Hom. 4. in Gen. verba; *Qui multos, inquit, faciunt celos, ii Divina Scriptura & doctrinæ Ecclesiasticis adversantur, suæque ipsorum commenta & fragmenta sequuntur. Moses enim unum tantum cælum tradidit, quod appellavit expansum.* Consentit Iustinus Martyr; Paulus ait, 2. Cor. 12. *se ad tertium usque cælum fuisse raptum: Ait, inquam, revera duos esse cælos tantummodo, ut ita dicam, totalis, (empyreum scilicet & naturale) sed hoc distinguit in varia spatia, quæ Scriptura interdum celos appellat.* Et Theodoretus; *Qui non credit secundum esse cælum, (scilicet post naturale empyreum) semitam rectam transgreditur: qui verò plures numerare conatur, adhæret fabulis, postpositâ Divini Spiritus doctrinâ.* Augustinus lib. 2. De Genes. cap. 10. docet omnes diversorum cælorum apparentias posse conciliari, si cælum unum ponatur immobile, & alia per illud mobilia. Cui Patrum sententiæ lubentes equidem subscripsimus: Nam & ipsi duos esse cælos ultro damus, empyreum scilicet & naturale: At enim naturale in varios eosque discretos dissectum orbes penitus inficiamur, & haud inviti subscribimus Raymaro Arso, cujus in Astrologiâ hæc sunt verba; *Quæ Physici nugantur de cælestibus orbibus, quibus stellas infixas esse opinantur, de quæ igne cælesti, quem ignem & non ignem ambigunt esse affirmant, hæc, inquam, omnia vana puta, fragmenta & somnia sunt.*

IV. Reliquum jam est ut ad contrarias Peripateticorum rationes ordine sic respondeamus;

Ad 1^m. Negamus consequentiam. Et primum quidem quoddam Hebræi de cælo in plurali numero semper loquuntur, mirum iis minimè accidit qui norunt Hebræam vocem *schamaim* singulari numero carere: Ut igitur voces hæc *Athenæ* & *Syracusæ* plurali tantum numero usurpatæ non plures alias sed suam eamque unicam denotent urbem; sic & vox *schamaim*, quamvis sit multitudinis numeri, non plures tamen sed unum duntaxat cælum significat. Quod si verò præfactæ quispiam cælorum in Scripturis multitudinem doceri contenderit, huic respondebimus, Non ire nos inficias duos esse cælos, eosque reipsâ discretos, empyreum scilicet & naturale, sed

naturale hoc è variis & distinctis contextum esse orbibus ut credamus impetrari à nobis non posse, multò verò minùs è sacris evinci literis. Ad locum verò qui è Dominicâ præcatione affertur respondemus, Primò, intelligi eum posse de empyreo & naturali cælo; nec mirum esse quoddam plurali numero usus sit Evangelista, cum frequentius in Græcis nihil sit quàm dualis numeri cum plurali permutatione. Deinde, si vel maxime de cælo naturali in numero plurali multitudinis significatione Scripturam loqui constaret, ad realem tamen orbium distinctionem obtinendam probatio illa nihil faceret. Ut enim in continuo partes quandoque situ differentes multas constituimus salvâ & inviolatâ continuitate, (veluti triplicem aeris vulgò regionem statuimus, supremam, mediam, & infimam, quæ actu licet separatæ sint minimè, ordine tamen quodam sunt distinctæ) ita & cælum aliud supremum, aliud medium, aliud infimum dici posse non negamus. modò vel infimum à medio, vel medium à supremo avulsam esse non somniet. Ad Pauli denique locum, ubi in tertium se cælum raptum affirmat, respondemus, Per tertium significari empyreum; per secundum, stellatum, quod ad Lunam usque pertenditur; per primum, aerem à terrâ ad Lunam pertinentem: qui aer etiam revera stellato illi & medio spatio est continuus, distinguitur tamen ab eo non sitis tantum sed & luminum in eo currentium ratione.

Ad 2^m. Assumptionem pernegamus. Tantum enim abest ut octava Peripateticorum sphaera triplici moveatur motu, ut etiam naturâ suâ planè sit immota & quiesca. Probatio verò quæ utuntur longè est infirmissima. Namque stellas moveri à se non posse, sed ad orbium trahi motum, falsum est.

De motuum verò contrarietate quæ vulgò præcipiunt, non suspectæ tantum sunt veritatis sed & manifestæ absurditatis. Quis enim fieri possit ut unum & idem corpus uno & eodem tempore à tribus distinctis, isque extrinsecis moventibus ad tria distincta rapi possit loca, nè è perspicacissimo quidem intelligi posse existimo. Finge, si libet, currui duos allegatos equos in utraq; extremitate, unum orientem, alterum occidentem spectare: Agantur equi, hic orientem, alter occidentem versus: Dico igitur, qui orientem spectat, alterum, qui in occidentem convertitur, trahendo vel superat, vel ab eo superatur, vel æquat; si superat in orientem cursum & non in occidentem movebitur; si superatur, in occidentem cursum trahetur & non in orientem; si æquat, nec in orientem nec in occidentem cursum promovebitur, sed semper sub eodem cæli puncto consistet. Simili modo se res habet cum stellis:

Atiunt illi stellas uno & eodem momento à proprio orbe duci ab occidente in orientem, & à decimo orbe ab oriente in occidentem: Decimi igitur orbis raptus aut est potentior motu octavæ sphaeræ, aut remissior, aut æqualis: Si potentior: Ergo alterum superabit, adeoque stellas ab ortu vehet in occasum, nec patietur eas sibi contra niti: Si remissior: Ergo ab altero superabitur, qui stellas ab occasu in ortum ducet, nec ab impotentiori in occasum rapi permittet: Si æqualis, nec in ortum nec in occasum inclinabunt stellas, sed ab agentibus æqualibus eodem in loco semper detinebuntur: Sic ergo vel unico tantum vel nullo motu stellas moveri constat, proindeque inanis & inutilis est tor orbium multitudo. Ipsa verò astra cur non ab oriente tantum in occasum moveri, sed & aliis ceteri motibus videantur, in doctrinâ de stellis indicabitur. Quod si tamen fieri quis posse in orbibus illis fictitiis existimet, (quod tamen *ἀδυνατον*) cur idem de stellis negare debeat non video. Sique mirabili Creatoris virtute & potentia, sublatis stellis fixis, firmamentum seu octava sphaera triplici modo nihilominus agi posset, cur non sublatis quoque orbibus; & puro aere substituto, iisdem ceteri motibus ejusdem virtute stellæ possint? Non enim plus hîc quam illic difficultatis.

Ad 3^m. Negamus connexum. Si enim ex mente Peripateticorum tot orbium machinæ perpetuo & constantissimo motu circumrotari possunt, quid, quæso, causæ cur in stellis idem fieri posse sit negandum? An verò qui ut ex nihilo prodiret mundus jubere potuit, idem stellis ut perpetuo & constantissimo progredierentur motu imperare non valuit? Nullum igitur vel minimæ confusionis periculum è spontaneo & proprio stellarum progressu metuendum. Prohibet id, ut *Patricius* ait, Creatoris jussus & ordinatio potentissimi Dei: quia Conditor siderum Deus eum situm ordinemque & motum eis ab initio indidit, & in posterum permisit, uti circulo revolverentur; à quo impulsu & ordinatione neque opus habent recedere, neq; à Conditoris jussu discedere. Quod de fixis sideribus accipi volumus. Errantia enim eandem perpetuò à se invicem & à terra distantiam non observant. Est igitur & assumptio ex parte falsa.

THESIS II.

Attamen unicum hoc & continuum corpus, cum ubique conditionis ejusdem non sit, sed adjunctorum ratione partes aliæ ab aliis differant, doctrinæ melioris & expeditionis gratiâ in *εἰσπορὶν* & *ἀντισπορὶν* partem dividitur.

Εἰσπορὶν.

Quas alii discretas aggregati corporis partes constituunt, eas recte homogeneas in continuo corpore nominamus. Distinguimus autem eas non essentis, hoc est, materiæ & formæ, sed adjunctis, quæ tria potissima sunt: 1. Situs superior & inferior; 2. Puritas major vel minor; 3. Astra alibi frequentia, alibi nulla. Est igitur pars cœli alia superior, alia inferior, alia pura, alia impura, h. e. exhalationibus turbida dici, adeoque ab alterâ distingui haud male potest, postrema tamen & tertia distinguendi ratio ab astris petita, cum longè sit nobilior & in Scholis frequentior, à nobis haud inmerito observatur.

THESIS III.

Εὐασπος cœli pars est, quæ lucidissimis stellarum corporibus frequentatur, alias *cælum stellatum*.

THESIS IV.

Estque vel fixis vel errantibus stellis subjecta.

THESIS V.

Quæ fixis stellis decurritur, vulgò *octava sphaera & firmamentum* nominatur, & protenditur ad sidus usque Saturni, qui Planetarum primus est ordine.

Εἰσπορὶν.

I. Minus usitata hujus spatii appellatio *ἀπλανής* est; quod quasi regia sit *ἡ ἀπλανὴς πλάνη*, stellarum non errantium, hoc est, fixarum. Astronomis usitatissima appellatio est *sphaera octava*, factò sphaeras seu orbis numerandi initio à Lunâ. Hinc ad fixas usque stellas, pro Planetarum numero, septem sunt sphaeræ, quæ totidem nobis sunt spatia in uno aeris expanso designata. Hæc igitur septem inferiora spatia seu regiones Planetarum octava sequitur *ἡ ἀπλανὴς* seu fixarum, quæ multis micantissimorum & maximorum syderum myriadibus repleta, adeò ut in totâ rerum naturâ ad spectabili nihil majus, nihil augustius aut magnificentius, nihil pulchrius aut admirabilius occurrat. Hanc naturæ majestatem olim in theatro æmulatus est Nereus, qui unius diei spectaculum *Teriden Armenia* Regi præbaturus, vela, quæ theatro adversus Solem obumbrando serviebant, purpurea aureis interstrinxit stellis, ut proximè sub cœlo sedere sibi spectatores viderentur. Ineptam Neronis prodigalitatem stultamque æmulationem facillè contemnimus, cum longè majora, augustiora & diuturniora nobis Divina bonitas largiatur. Simulatque enim in lucem edimur, amplissimum & augustissimum hoc mundi

thea.

theatrum ingredimur, in quo jube nobis ad vitæ decursum usque spectaculum sub micantissimo hoc cœli velo naturæ Opifex Deus præbet, tantæ rerum varietate, præstantiâ & pulchritudine ut nec videndo oculi nec audiendo aures satiari unquam possint. Et vel unius hujus veli contemplatio universum vitæ nostræ curriculum facile occupaverit; quando in unius apiculæ contemplationem *Aristomachus Solensis* duodelexaginta annos utiliter impendisse sibi visus est.

II. Astronomis pariter & vulgo tam docto quam indocto familiaris appellatio spatii hujus est *firmamentum*: Cujus nominis rationem geminam reddit *Clavius*: vel quia sicuti munimentum, vallum, aut mœnia in extremis partibus posita cingunt, muniunt ac firmant civitatem, sic etiam octava sphaera, quæ firmamentum appellatur, & quam omnis antiquitas supremum & extremum cœlum putavit, firmat, continet & quasi munit non solum reliquas sphaeras inferiores, sed omnia quæ in universo mundo existant; vel quia continet stellas firmius hærentes. Quicquid sit de hisce rationibus, dubium non est quin Latinum hoc *firmamentum* ex τὸ στερεώματι. Interpretum LXX sit natum; hoc verò στερεώμα, ex *Mosaico* וְקַיָּא. Et quidem στερεώμα à Latino Interprete *firmamentum* non inepte translaturum, voce satis & Latine & significanter. Quæ verò ducti ratione Interpretes Græci τὸ וְקַיָּא vertunt στερεώμα, non sine causâ docti querunt. Radix enim וְקַיָּא in Hebraicis V. T. literis non nisi expandere, extendere, in latum deducere & sic attenuare significat: cui apud Græcos ἐκπνέω κατὰ τὸ στερεώμα respondet, vel, ut aliis placet, πηγνύσκει: Quia cœlum sæpe tentorio in sacris comparatur: Atqui tentoria cum expanduntur, alligatis ad depaatos paxillos funibus, πηγνύσκει dicuntur. Putat tamen doctissimus *Fullerus*, in Miscellaneis, Græcos Interpretes ad Syriacæ linguæ idioma respexisse: Syris enim denotat premere, comprimere, constipare: Unde וְקַיָּא pressum, compressum & constipatum quiddam significabit; quod haud incommode στερεώμα reddideris. Itâ quidem excusari nonnihil posset τὸ στερεώμα τῶν Septuaginta. Cum vero *Moses* non Syriaco sed Hebraico idiomate sit usus, de וְקַיָּא *Mosaico* ex Hebraeis potius quam Syris fontibus judicandum existimo; adeoque minus genuinum τὸ στερεώμα judico: Quod doctis illis viris ideo fortean artifice quod præconceptam de cœlorum duritie ac soliditate opinionem attulerint ad interpretationem: Unde *adamantiorum orbium* fabri præsidium in hoc στερεώματι & firmamento admodum imbecille inventiunt: ad fontes enim non ad rivulos decurrendum. Si tamen gravissimum Iuxta præterem

Basilium audiverint, in asserendâ cœli duritie minus erunt duri: Sic ille homil. 3. in Hexaem. Ἐρηται πὶ τὸ σημαίνον αὐτῶν τῶν πλανητῶν, τὸ τὸ στερεώματος ὄνομα, ὅτι ἐστὶ τὸ ἀντίτυπον καὶ στερεόν οὐδὲν τῶν ἄλλων βλάπτει καὶ ἀντὶ τούτου τὰς πλανήτας στερεώμα, ὅς τῶν γὰρ ἀντικειμένων ἡ γῆ τὴν αὐτῆς κληθείας ἠξιώσθη, ἀλλὰ διὰ τὸ τῶν οὐρανῶν ὑπερκεκρίναν λατρεῖν εἶναι καὶ ἀρετῶν καὶ ἡδονῶν ἀλλοτρίων κατεληπτῶν, στερεώμα τῶν ἀνθρώπων συγκρίσει καὶ λατρεῖται τῶν καὶ τῆ ἀλλοτρίων κατεληπτῶν. Hactenus nomina quæ fixatum stellarum spatium tribuuntur: De quibus hoc porro notandum, *firmamenti* & στερεώματος nomina non minus competere inferioribus septem Planetarum spatiis quam octavæ sphaeræ: Sunt enim *Mosaici* וְקַיָּא interpretationes: Atqui וְקַיָּא *Mosaicum* totum est expansum ab extrema mundi parte ad imam porrectum.

III. Spatii hujus dimensionem ita Mathematici instituunt; Semidiameter convexi ejus secundum *Alphraganum* continet terræ semidiametros 45225, vel milliaria 161874941; crassitudo, secundum eundem *Alphraganum*, semidiametros terræ 22612, vel milliaria 80942571; ambitus seu peripheria convexi, milliaria 1017562500.

THESES VI.

Quæ errantibus stellis seu Planetis subijcitur, à Saturno ad Lunam usque decurrit, & pro numero Planetarum in septem spatia distinguitur; primum *Saturno*, secundum *Jovi*, tertium *Marti*, quartum *Soli*, quintum *Veneri*, sextum *Mercurio*, septimum *Lunæ* assignatur.

ΕΚΔΕΙΧΕΙ.

Libet hîc Mathematicorum referre placita de singulorum horum spatiorum quantitate, omisis tamen minutis.

Semidiametri septem spatiorum Planetis assignatorum, secundum concavum & convexum.

Semidiameter concavi D continet semidiam. terræ 33. seu milliaria 120530.
Semidiam. convexi D & concavi Q continet semidiam. ter. 64. seu mill. 229687.
Semidiam. convexi Q & concavi Q continet semidiam. ter. 176. seu mill. 600167.
Semidiam. convexi Y vel concavi continet semidiam. ter. 1221. seu mill. 4013923.
Semidiam. convexi O vel concavi δ continet semidiam. ter. 1216. seu mill. 4353025.
Semidiam. convexi δ & concavi ψ continet semid. ter. 8853. seu mill. 31692400.

K k 2

Semi-

Semidiam. convexi \mathcal{U} & concavi \mathcal{h}
continet semid. ter. 14378. seu mill. 51467897.

Semidiam. convexi \mathcal{h} vel concavi firmamenti continet sem. t. 22612. seu mil. 80942471.

Crassitudines eorundem spatiorum.

Crassitudo coeli \mathcal{D} continet semid. ter. 31. mill. 109056.

Crassitudo coeli \mathcal{Q} continet semid. t. 103. mill. 370576.

Crassitudo coeli \mathcal{Q} continet semid. t. 933. mill. 24137755.

Crassitudo coeli \mathcal{Q} continet semid. t. 94. mill. 339102.

Crassitudo coeli \mathcal{G} continet semid. t. 7637. mill. 27339375.

Crassitudo coeli \mathcal{U} continet semid. t. 5524. mill. 19775497.

Crassitudo coeli \mathcal{h} continet semid. t. 8234. mill. 29474573.

Ambitus horundem spatiorum secundum concavum & convexum ad milliaria redacti.

Ambitus concavi \mathcal{D} continet milliaria 758250.

Ambitus convexi \mathcal{D} vel concavi \mathcal{Q} continet mill. 1443750.

Ambitus convexi \mathcal{Q} vel concavi \mathcal{Q} continet mill. 3774500.

Ambitus convexi \mathcal{Q} vel concavi \mathcal{Q} continet mill. 25230375.

Ambitus convexi \mathcal{Q} vel concavi \mathcal{Q} continet mill. 27361875.

Ambitus convexi \mathcal{G} vel concavi \mathcal{h} contin. mill. 199209375.

Ambitus convexi \mathcal{U} vel concavi \mathcal{U} cont. mill. 323612500.

Ambitus convexi \mathcal{h} vel concavi firm. cont. mill. 508781250.

CAPUT VIII.

De Coelo & de tribus aeris regionibus vulgo sic dictis.

COELUM *à vas est*: Th. I. Argumenta pro igne sublunari: *exd.* i. Impugnatur ignis sublunari: 2. Solvuntur rationes contrariae 3. Tres aeris regiones: Th. II. Distinctio ex situ: Th. III. Collatio sententiarum de regionibus aeris: *exd.* 1, 2. Suprema aeris regio: Th. IV. Media: Th. V. Infima: Th. VI. Usus regionum harum communis: Th. VIII. Declaratur horum usum: *exd.* 1, 2. Usus proprius infimae: Th. IX. Declaratio triptici usus: *exd.* 1, 2. Distinctio supremae à mediâ & infimâ: Th. X. Quantitas mediae & infimae: Th. XI. Causa variationis in quantitate: *exd.* 2. Distinctio regionum ex qualitatibus. Th. XII. Suprema calidissima: Th. XIII. Causae caloris hujus secundum Peripateticos: *exd.* 1. Improbantur rationes hae: 2. Vera caloris causa: 3. Media mediocriter frigida: Th. XIV. Causae frigoris secundum Zabarellam: *exd.* 1. Improbantur causae hae: 2. Rationes pro calore regionis mediae: 3. Sententia aliorum de causâ frigiditatis hujus: 4. Improbatur sententia hac: 5. Explicatur vera causa. Difficultates adversus eam expediuntur: 6. Solvuntur rationes pro calore hujus regionis: 7. Quomodo à temperato frigore nubes densari in pluvias possint: 8. Infima mediocriter calida: Th. XV. Ratio temperati hujus caloris: *exd.* 1. Unde calor hic intendatur: 2.

THESIS I.

HAECENUS *à vas est* coeli pars: Sequitur *à vas est*, quae stellis planè destituta variis meteororum generationibus subjacet, & à Lunâ ad terram usq; porrigitur.

Exd. 6.

I. Peripatetica Schola, quae reales in coelo orbes eosque vel decem vel undecim agnoscit, & coeli naturam ab aere distinctissimam praedicat, inter aerem & ultimum Lunae orbem collocat, autore Aristotele, qui Ocellum hinc magistrum habuit, sphaeram ignis elementaris, quam tantae profunditatis esse ait ut tricesies mille centum & quadraginta quatuor milliaria Germanica exaequet. Assertionis tam audacis rationes si petas, collatis operis hasce exhibent:

1. Ignis est corpus omnium levissimum: Ergo supremum in mundo elementari locum obtinet. Antecedens probant à posteriori, quia fertur sursum deinde à priori, quia est calidissimus: At quod res calidior est, eo levior. Ratio consequentiae: Quia pro levitatis & gravitatis ratione corpora in mundo sortiuntur loca, ita ut gravissimum sit infimum, levissimum supremum.

2. Ignis naturâ fertur supra aerem: Ergo locus ejus naturalis est supra aerem, ad quem tendit: Quod Manilius, lib. i. Astronom. indigitat,

*Ignis ad etharias volucer se sustulit auras,
Summaque completens stellantis lumina mundi
Flammarum vallo naturâ mœnia fecit.*

3. Si ignis sub Lunâ concavo non esset, nihil esset quod efficacissimo calore aerem calefaceret, illūq; à Lunâ & Saturni influxibus frigidis tueretur & fo-

veret:

veret : At falsum consequens : Ergo & antecedens. Assumptio probatur ; Quia alienum hoc esset à naturæ providentiâ.

4. Ignis è cœlo lapsus in Scripturis legitur, Gen. xix. 2 Reg. i. Job. i. Ergo datur aliqua ignis sphaera supra aerem, cujus particula quandoque defluit.

II. Sententiam hanc planè rejiciendam existimamus. Tantum enim abest ut ignem elementarem sub Lunâ collocatum existimemus ut nè elementorum quidem aut corporum simplicium numero contineri credamus. Contra ignem igitur sublunarem hæc rationes producimus ;

1. Nec Scriptura, nec sensus, nec ratio ignem elementarem sublunarem adstruit : Ergo nullo nititur fundamento. Antecedens de Scripturâ manifestum est : Nullus enim hætenus produci potuit locus, nec produci deinceps poterit. Sensus præterea testimonium hic planè nullum est. Nam ipsi quoque Peripatetici fatentur ignem elementarem sublunarem præ tenuitate oculis non posse percipi. Qui rudiùs disputant, ignes meteoricos, qui in aere sæpenumero observantur, pro igne elementari ostendant. Sed hos ipsimet Peripatetici facillè refutaverint. Rationes quæ producuntur quàm nullius sint momenti, in solutione postmodum patebit.

2. Cujus nullus in rerum naturâ est usus, id è naturâ est eliminandum : At ignis elementaris sublunaris nullus in naturâ est usus : Eliminandus igitur est è naturâ. Assumptio probatur è commemoratione usuum, sive verorum sive falsorum, qui vulgo adscribuntur igni. Primum enim ignis dicitur esse propter mista, ut unâ cum aliis elementis misto supeditet materiam. Deinde, dicitur calore suo animantia & humi nascentia fovere. Tertio, universum complere. Nullum verò usuum horum ab igne elementari sublunari præstari, probatu facillimum est, idque è Peripateticâ potissimum doctrinâ. Et primum quidem ad mistorum generationem sublimem istum ignem non concurrere, patet ex loci intercapedine & naturâ ignis, cujus vi non descendere sed ascendere potius dicitur. At mista ingredi non possent nisi è regione suâ descenderet. Quam verò descensus hujus præternaturalis causam assignabunt ? cœlômne, an aliquid cœlo inferius ? At neutrum id præstat. Primum enim cœlum per se non movetur loco : ignem igitur nequit detrudere. Deinde si maximè in orbem moveretur, nec sic tamen detruderet, ut *Keckermannus* vult, quia nullâ sui parte unquam deorsum inclinaret, sed eandem perpetuò à centro distantiam servaret : unde nec ignem loco suo deorsum pellere valeret aut deprimeret : quæ enim inferiora deprimit ad inferiora necessariò tendunt. Nec verò cœlo datur quippiam

inferius quod ignem attrahat. Nequod enim illud esset : Nec aeris, nec aquæ, nec terræ ea vis. Non igitur ignis iste sublunaris corporum in terrâ constitutorum missionem ingredi potest. Taceo jam quòd nullus planè ignis, quicumque is sit, ullius misti compositionem tanquam pars materialis & mistilis ingrediatur. *Keckermannus* cum urgeri se ratione hac animadvertat, ait non esse necessarium ut ignis iste in missionem corporum descendat, cum ignis missioni sufficiens in primâ rerum creatione corporibus mistis fuerit concreatus, qui in corporum istorum resolutione maneat in his inferioribus, & aliis corporibus perpetuâ generatione commisceatur ; cum item aer in ignem mutetur. Sed hæc ipsâ responsione fatetur *Keckermannus* principem igni sublunari usum, nempe mistorum constitutionem, adimi : Si enim ignis elementaris per hæc inferiora dispersus corporum mistorum generationi sufficit, quis usus tandem sublunaris erit ? Sic igitur prius & princeps usus cadit : Quem sequitur ruina secundi : Nec enim sublunaris ille ignis sublunaria fovere, ob easdem causas, potest : Taceo quòd siderum & Solis inprimis hic usus sit. Tertius quoque sponte suâ corrui : Constat enim mundo sua perfectio etiam absque imaginario isto igne, modò verus in naturâ sit ignis, & iis quidem locis ubi inservire mundo sublunari, cui tota inservit natura, possit. De ignis loco ità differit *Vallesius* Sacrae Philosoph. lib. 1. *Ignis solus inter omnia corpora nullum potius locum præ aliis amat, neque in ullum fertur nisi per accidens, motu materiæ quam occupat : sed veluti quædam mundi hujus anima totum occupat permeans per omnia, ut facundet ac quodammodo vivifcet, Hæc Vallesius.* Verè autem per universum orbem diffusus ignis. Etenim in supremo cœlo micantissimi & innumerabiles stellarum ignes, à sublunari tamen diversi, visuntur : In inferiori circumvagentur meteoricæ facies ex fymorum agitatione violentâ accensæ. In terræ superficie ab hominibus ubique gentium & locorum fovetur. Intra terræ viscera per omnes orbis partes jugi quâdam fecunditate gignitur, & è montium cacuminibus erumpit : Quæ causa quòd *Pythagorici* olim ignem in terræ centro constituerint, quem locum *Jovis custodiam* & *rotius mundi focum* appellabant : Quibus ut contradiceret *Aristoteles*, ex tartaro in cœlum eundem evexit. Imò ex aquis quoque perpetuo quasi fluxu alibi erumpit ; ut suo loco docebimus. Hætenus altera ratio.

3. Ignis elementaris sine pabulo nullus conservatur : Sub Lunâ pabulum tantæ ignis moli conservandæ sufficiens nullum est. Respondent, Ignem elementarem in suâ sphaerâ nullo indigere pabulo.

Rationem si petas, hanc *Conimbricenses* reddunt; Quia in propriâ sede tutus est ab adversariis, seque amplitudine suâ magis tætur. Extra sphaeram propriam cum undique contrariorum injuriis pateat, statim corrumpi & intercideri nisi pabulo subinde instauretur. *Resp.* 1. Vorandi igitur stimulos igni addit hostis præsentia & cum eo lucta, idemque ei quod animalibus accidit, quæ otio torpentia cibos adeo non desiderant, laboribus verò exercita ubiores expetunt: parum igitur aberit ne in animal ignis transmutetur. 2. Ignis in propriâ quoque sphaerâ proximum & perpetuum habet hostem, nempe aerem; si Patribus hisce credimus: Pabulum igitur in suâ quoque sphaerâ desiderabit. 3. Falsum est ideo requiri pabulum quod extra sphaeram undique contrariorum injuriis pateat. Etenim loca in hoc sublunari mundo invenias in quibus contrariorum injuriis nullis pateat ignis, ubi tamen non magis carere pabulo potest quam in quovis alio. Ex. gr. In conclavi undiquaque munitissimo & luculentissimo instructâ fornace calidissimo, juxta fornacem si candelam accenderis, non magis durabit sine alimento ignis ejus quam alterius in frigidissimo aeræ accensæ. Qui in mediâ fornace *Babylonicâ* ardebat, quem, quæso, extraneum habebat hostem? ideoque verò carere pabulo poterat? Idem *Conimbricenses* parum Peripateticè videntur disputare. Objectionibus enim ignis voracitatem toti naturæ noxiam futuram, respondent, ignis acrimoniam detineri ob repugnantiam vicini aeris, quia partim humiditate calorem obundante, partim nonnullo frigore continenter ei obfistat, ut non omnino superetur. Atqui facillimam aeris in ignem esse mutationem inter Peripateticos decantatissimum; cum elementa sunt symbola sibiq; invicem similia. Aerea verò humiditas, quam ita vulgò appellant, tantum abest ut ignis vim retundat ut quàm maximè acuat & irriter. De frigore quod additur, & ipsum à Peripateticis vix admittebatur: nec enim frigidus sed calidus ipse est aer. Itaq; Peripateticorum stantibus hypothelibus, si quis esset ignis sublunaris inter ætherem & aerem interjectus, jam pridem universus aer in ignem mutatus esset.

4. Omnis ignis propriè sic dictus est lucidus: Ignis iste lucidus non est; nec enim in oculos incurrit. Negant omnem ignem esse lucidum; negant, inquam, sed non probant. Affirmamus igitur omnem ignem propriè sic dictum esse lucidum, donec contrarium probent & ignem nobis monstraverint qui lucidus non sit. Ad exempla invisibilis ignis quæ producunt, respondemus, ignes propriè dictos eos non esse, sed vel aerem vel fumum intense calidum.

5. Si tanta ignis sub Lunâ moles esset, supremus aer nunquam non esset ferventissimus, unde idem fervor ad mediam quoque aeris regionem pertingeret, quæ non frigida inde sed calida potius erit.

III. Ad contrarias igitur rationes hoc modo respondemus;

Ad 1^m. Primò antecedens negamus: Esse enim ignem aere leviores non concedimus. Ratio ab ascensu petita nulla est: 1. Quia aer non minus ascendit quàm ignis. 2. Quia ignis non tam suâ ascendit naturâ quàm propter alimentum, vaporem nimirum pinguem, qui ex resolutione mistorum ortus ascendit: Unde videas in quascunque partes moveri ignem, deorsum, sursum, & ad latera, ubi alimentum sese idoneum offert. 3. Quia non omnis ignis vel levis est vel ascendit: Est enim *Aristoteli* ignis species *carbo*, qui nec levis nisi comparatè, nec supra aerem ascendit. Nec altera à calore petita ratio majoris est momenti. Nec enim omnia calida vel ascendunt vel levia sunt, ita ut sursum naturâ tendant, ut constat è carbonibus & ferro lapidibusq; ignitis: quibus exemplis *Vallesius* cap. 1. Philosophiæ sacræ probat ignem naturâ sursum non ferri. Deinde rationis quoque consequentia nulla est. De corporum enim naturalium locis non è qualitatibus motricibus judicandum, sed ex usu & commoditate naturæ: Quod exemplo aquæ manifestum est, quæ, si gravitas spectetur, terrâ nuspiam deberet esse depressior, quia eâ est levior; Cum verò hoc ex usu naturæ non sit, intra terræ viscera pluribus locis continetur. Sic cum ignis sub Lunâ nullus sit usus, non est quod collocatus illic existimet. Denique cum corporum situs qualitates motrices non necessariò arguat Peripateticis, (negant enim cælum esse leve, etsi summum in naturâ locum occupat) occur è qualitatibus locum adeo pertinaciter arguunt?

Ad 2^m. Primò antecedens universaliter verum non est: Sunt enim ignes qui supra aerem non feruntur; quos inter carbo, & omnia alia mista gravia accensa. Imò simpliciter falsum antecedens, si supra totum aerem ascendere ignem affirmet; non enim nisi supra partem aliquam enititur, & materiâ deficiente illicò exstinguitur. Deinde consequentia quoque nulla est, nisi fortean dixeris & avicularum naturalem locum esse supra aerem, quia naturali volatu supra eum feruntur: quomodo dicendum quoque fuerit, aquæ in vaporem resolutæ & ascendentes locum naturalem iidem sub Lunâ concavo esse; quod alegandi quoque omnes fumi erunt, veluti in communem omnium exhalationum sentinam.

Ad 3^m. 1. Connexum falsâ nititur hypothesi, de frigidis

frigidis Saturni & Lunæ influxibus; quos nos minime agnoscimus: nec Luna nec Saturnus vim per se refrigerandi habet, sed calefaciendi potius. 2. Deinde nullius quoque roboris est consequentia: Posito enim frigidus hoc Saturni & Lunæ influxus, sublatoque volatilis illo igne, non tamen aeri deerit adversus hostes istos præsidium Solis & reliquorum astrorum. Quod si & hoc deesset, ecquid, quæso, detrimenti aer caperet? nimis forte denfaretur & in aquas cogeretur. Atqui frustraneus metus ubi periculum nullum. Purum aerem, qualis dubio procul in Lunæ confinio, nullum unquam densabit frigus, tantum abest ut in aquam cogat, cum de naturæ statu nec per frigus nec per calorem se deturbari patiat.

Ad 4^m. Negamus consequentiam. Non magis illi ignium lapsus volaticum hunc ignem probant quam fulmina vel quævis alia ignita meteora in supremo, medio & imo aere inflammata: Imò minùs, quia miraculosum aliquid cum extraordinariis humijmodi iudiciis concurrere verisimile est. Etsi non diffitemur per causas quoque naturales posse fieri ut ingentes ignium acervi ex aere in terram delabantur: quod & superioribus annis in nostrâ viciniâ observatum. Calidas enim & sulphureas exhalationes exactas & violentâ agitatione inflammatas pondere, quod ex compactione accipiant, deorsum fieri quid mirum?

THESIS II.

Etsi verò spatium hoc superiori continuum ad terram usque & ipsum est continuum, unum & homogeneous corpus, distribui tamen à Philosophis in tres solent regiones, quæ situ, usu, quantitate & qualitate distinguuntur.

THESIS III.

Ratione sitûs alia est suprema, alia mediâ, alia infima.

"ΕΚΔΕΙΞΙΣ."

I. Sunt hæ tres illæ celebres aeris regiones quarum frequens adeò in scriptis Physicorum mentio. Apud Aristotelem tamen distinctio hæc non est adeò expressa: Unde Zabarella per consequentiam demum elicit eam ex 4. c. 1. Meteor. lib. De regionib. aer. cap. 1. Albertus Magnus, 2. Meteor. tract. 1. c. 3. quinque regiones numerat, Tres, inquit, sunt, suprema, mediâ, infima. Inter has autem sunt duæ, una inter infimam & mediâ, alia inter mediâ & extremam seu supremam. Sunt tamen principales illæ tres: Quas singulas in sua distinguere spatia nonnunquam Philosophi solent; ut

cum aiunt meteororum alia gigni in supremæ regionis parte summâ, alia in mediâ, alia in imâ. Similiter infimæ quoque meteora alia in supremæ ejus parte proximâ mediæ regioni, alia in mediâ, alia in imâ & terræ proximâ oriuntur. Videntur hæc esse cœnacula in aquâ contiguata, de quibus

Plal. civ. 3. 13. *Πῶς* alia nempe aliis imposita, in quæ per gradus quasi exhalatio ascendit. Est autem suprema regio, quæ à Lunæ confinio descendit; infima, quæ à terræ viciniâ ascendit; mediâ inter utramque interjecta.

II. Nescio an satis gravi de causâ Aristorelicam hanc aeris distinctionem repudiat Dancus in Phisicis: *Frustrâ*, inquit, *per plura fit quod idem per pauciora effici potest*. Unde duas tantum expansi hujus regiones constituit: unam superiorem, quæ tanquam fornix sustentet aquas cœlestes, de quibus Gen. 1. alteram inferiorem, quæ ad nos usque pertingit, & omni superiori meteororum generationi interservit. Sanè non videntur mihi antiqui limites temerè movendi nec spatia contrahenda, cum frustrâ nec illi sint positi, nec hæc multiplicata. Habent enim singulæ tres regiones certa sua & peculiaria meteora, nec obscurè ex qualitatibus petitz sunt differentiæ, ut ex progressu patebit: distinctimus enim regiones hæc situ, usu, quantitate, & qualitate.

THESIS IV.

Suprema paululum supra altissimorum montium cacumina incipit, & ad Lunam usque excurrit.

"ΕΚΔΕΙΞΙΣ."

Cur ex inferâ parte hujus supremæ regionis terminum Physici constituerint, hæc est ratio; Quod in summorum quorundam montium, ut *Olympi*, & aliorum cacuminibus, perpetuam serenitatem deprehenderint & aeris tranquillitatem: unde supra mediâ regionem loca illa elevata esse non sine ratione collegerunt.

THESIS V.

Mediâ à fine supremæ deorsum eò usque protenditur quod caloris à sole producti & in terræ superficie collecti efficacia sursum pertingit.

THESIS VI.

Infima à superficie terræ eò usque excurrit quod caloris à terrâ sursum multiplicati efficacia pertingit.

THESIS VII.

Haecenus situs: Ufus seu finis regionum harum est communis vel proprius.

THESIS VIII.

Communis singulis est ut sint 1. quasi officinae, in quibus varii generis meteora in naturae usum praeparantur & generentur; 2. quasi vehicula, quibus lumen calorque coelestis in mundum hunc elementarem inferantur.

"ΕΝΔΕΞΙΣ.

I. Aqueorum & igneorum meteororum in terrae culturam adjuvandam plantisque & animantibus conservandis usus longè maximus est. Cum autem nec in terrae superficie nec intra terrae viscera generari & superficiei terrae ad varios usus praestandos communicari commodè queant, provida Omnipotentis curam factum est ut supra terram in aere generarentur, & inde veluti è penu & promptuario Divinae bonitatis in terram effunderentur. Unde poetas mortalibus saepenumero denunciaturus Deus, Caelum, id est, aerem *clausurum* se minitatur, nè ex meteoris, quibus carere in hac mortalitate nequimus, quicquam ad nos commodi redundet.

II. Sed ingentibus quoque beneficiis mortalem naturam Deus afficit, quando per expansi hujus partem inferiores nobilissimos siderum effectus, Lumen & calorem, affundit: Cui quidem usui praestando longè accommodatissima est expansi natura; cum enim perspicuum & subtilissimum sit, luminis transitum undique sine mora & impedimento ullo praebet; calore quoque coelestis facillimè alteratur, & continuè alteratione propagatum calorem ad nos citissimè defert. Hos aequè commodè praestare usus inter reliqua naturae corpora nullum possit: sunt enim omnia densiora quàm ut lumen transmittant, & alteratu quoque difficiliora. Taceo quòd nec situs cujusquam alterius hisce usibus praestandis idoneus sit. Non solis igitur stellis sed & expanso huic debemus, quòd nec in tenebris perpetuis micamus nec frigore perpetuo rigemus.

THESIS IX.

Proprius infimae est, ut, 1. volatilia in aere sustentet, 2. materiam respirationis animantibus suppeditet, 3. humi nascentia perflet & foecundet.

"ΕΝΔΕΞΙΣ.

I. Humi nascentibus perfletando & vegetando

aerem ingentia commoda praestare elegans notat Apologus de quodam rustico; Qui aetate jam proventus cum longo usu observasset quo tempore pluvia, quo Solis lumen frugibus conduceret, oraculo compellato coeli moderamen & tempestatum dispensationem per annum sibi permitti petivit, ut pro arbitrio suo pluviarum & serenitatis vices succederent. Hoc cum ab oraculo impetrasset, sementique suae ut volebat vel pluvias induxisset vel Solis lucem ac calorem impertivisset, tandem messis, quae sat feliciter videbatur excrevisse, tempore appropinquante, felicitis proventus periculum facturus spicas contrectare & excutere incipit. Has verò cum cassas ac steriles invenisset, ad oraculum recta decurrit, & causam cur ita delusus fuerit percontatur. Respondit è vestigio oraculum, unum ab ipso omisum in votis, nempe auram benignam & blandam, quae fruges benigno succo humectaret & aleret. Haecenus Apologus.

II. Quòd hic de humectatione & foecundatione aeris dicitur, non eò trahendum quòd aer per se humi nascentibus de substantia sua alimentum praebet, vel humore suo proprio ea imbuat: Nihil sanè minus, cum nec humidus per se sit aer, nec cujusquam misti compositionem ingreditur: Sed quòd humi nascentia commodè perflet & ventilando calorem conserveat, ejusque suffocationem prohibeat, porro etiam extraneum humorem secum vehat, & minutissimis poris se insinuando partes omnes commodissimè irriget. Hinc videas longè latiores reddi plantulas, si post diurnam aeris siccitatem per unum & alterum diem pluviae manent & aer humore imbuatur, quam si sereno aere hortulani industria singulis diebus uberrimè rigentur: deest enim interior illa ab aere profecta humectatio, quae externà irrigatione longè est efficacior.

THESIS X.

Haecenus usus, & secundum eum distinctio regionum. Quantitas supremam à medià & infimà distinguit duabus praerogativis, quòd & maxima & invariabilis sit.

"ΕΝΔΕΞΙΣ.

Maximae altitudinis supremam esse regionem inde palam est quòd à Luna ad summa usque montium cacumina extendatur. At solum illud spatium quod inter Lunam & supremam aeris regionem vulgò putatur intercedere, & ignem elementarem continere, profunditate suà dicitur continere millia Germanica 30144: quae cum profigato illo igne, regioni

regioni aeris supremæ accrescant, de immensâ ejus altitudine facillimè judicari poterit. Eiusdem verò altitudinis regionem hanc perpetuò esse inde constat, quòd per hyemis & æstatis tempestates nullis muretur aut varietur accidentibus, ut aliæ regiones.

THESIS XI.

Quantitate minores sunt media & infima; sic tamen ut una modò major modò minor sit alterâ.

EXPOSITIO.

I. Mediam & infimam regiones longè minores esse supremâ, inde constat, quòd utraque eo continetur spatio quod à terrâ ad summorum usque montium cacumina excurret; cujus summa altitudo perhibetur esse milliariorum duorum & dimidii.

II. Causa verò cur una sit modò major alterâ modò minor, est in æstatis & hyemis vicibus, quibus sua calor habet incrementa & decrementa. Quòd enim caloris à terrâ quasi repereussi & sursum multiplicati efficacia altius ascendit, eò altior quoque & angustior evadit regio infima (cujus altitudo è caloris à terrâ sursum propagati efficacia æstimatur) humilior verò & angustior media: Contrâ, quòd minùs ascendit, eò humilior & angustior est infima, media verò sublimior & angustior. Si igitur æstivo tempore caloris vis à terrâ ad milliarii unius & dimidii altitudinem ascendat, erit infima regio sublimior & angustior mediâ milliarii dimidio: Sin verò hyberno tempore caloris vis ad dimidii duntaxat milliariis altitudinem ascendat, erit infima regio humilior & angustior mediâ milliario integro & dimidio. Summa, quòd minor est media, eò major est infima; & quòd major est media, eò minor infima.

THESIS XII.

Fuit distinctio ex quantitate: Ex qualitate distinguuntur gradibus caloris & frigoris: Diciturque alia calidissima, alia mediocriter frigida, alia mediocriter & temperatè calida.

THESIS XIII.

Calidissima suprema est, ideòque ignitorum meteororum generationi destinata.

EXPOSITIO.

I. Causam tam immensæ caloris si à Peripateticis

petas, respondebunt tibi naturâ quidem suâ calidum esse aerem, tres autem summi istius caloris in supremâ regione causas esse, 1. Ignis elementaris viciniam; cum enim contiguum sibi aer ignem habeat, mirum non est ob calorem undiquaque circumfusum eum ignescere: 2. Flammulas ab igne nonnunquam decedentes & aerem quasi accendentes: 3. Motum & agitationem cœlestem: Hæc enim cum citissimè simul aer circumrapiatur, calorem concipit naturali longè majorem.

II. Rationes hæc omnes tres veritatis ignem passim videntur posse. Prima namque falsissimâ illâ de elementari igne sub Lunâ volitante hypothese nititur. Quòd si igitur fabulosus iste ignis, ut paulò antè demonstravimus, ecquid caloris aeri impertiet?

Alterâ adhuc est vanior, & ipsimet Peripateticæ Scholæ contraria. Primum igitur nullum esse illum igne modò asseruimus: Nullæ igitur ab eo flammæ possunt decidere. Deinde, si vel maximè delirium istud admitteremus, decidere tamen supernæ flammæ, & aerem, ut & meteora in eo constituta, accendere inficiemur, idque è Peripateticorum dogmatibus, quæ sunt: 1. Ignem naturaliter non descendere, sed ascendere. At enim vi inquant eum detrudi: Non fieri id posse suprâ demonstravimus. 2. Ignem elementarem vim comburendi & accendendi nullam habere. Quæ aerem igitur & ignita meteora accendet & consumer.

Tertia ratio ejusdem est farina. Rapi enim cœlum in orbem & secum unâ aerem circumvolvere, adeoque atterendo calefacere, falsum est & à nobis suprâ refutatum.

II. Quæ causa igitur, inquis, tam intensi caloris? Resp. Actualis astrorum calor, qui in aerem sibi proximè subjectum est efficacissimus. Quin igitur calidissimus ex vehementi istâ alteratione evadat, minimè dubium. Nec esse opinor qui neget, ab igni calidiora reddi quæ sunt viciniora quàm quæ remotiora sunt, quod, vel tacente ratione, sensus testatur, experientia loquitur. Sed de astrorum calore paulò post.

THESIS XIV.

Mediocriter frigida media, ideòque meteororum potissimum aqueorum, & eorum quæ ex antiperistasi oriri aiunt, generationi assignatur.

EXPOSITIO.

I. Frigiditatis hujus non omnes eandem causam reddunt: Et Zabarella quidem non nisi privati-

nam frigoris huiusce causam agnoscit, absentiam scilicet causarum calorem gignentium : quarum tres statuit, 1. agitationem corporis celestis, 2. ignem elementarem, 3. radiorum reflexionem. Tribus hisce cum media regio penitus careat, mirum ipsi minime accidit quod reliquis longè sit frigidior.

II. Et sanè nec ab agitatione corporis celestis nec ab igne elementari nec à radiorum reflexionibus mediam aeris regionem calefieri longè certissimum, cum nec corpora celestia, hoc est, coelestes orbes, in orbem agantur, nec ignis elementaris sub lunâ, uspiam reperiatur, nec radii solares reflectantur. Cum igitur non entium nulla sint accidentia, haud mirum à fictitiis istis vel corporum coelestium agitationibus vel flammis elementaribus vel radiorum reflexionibus nullum in mediâ regione produci calorem :

III. At enim cum frigus privatio non sit sed positivum quiddam actûque existens, in causis istis privativis minime nobis subsistendum ; cum præsertim causæ non videantur deesse quæ calidam esse eam nobis persuadeant. Et primum quidem ipsa supremæ & infimæ regionis vicinia. Quod si enim verissimè Peripateticis videtur ab elementari igne supremam aeris regionem incalescere, cur non & nobis mediâ à supremâ aeris regione calidissimâ & infimâ temperatè calidâ calefieri posse videatur ? Accedit & altera ratio non minùs firma. Si enim suprema propter siderum calorem viciniorem calidissima redditur, cur non & mediâ ab eodem calore inalefcat, & infimâ quidem tanquam remotiori calidior fiat ?

IV. Ad alias igitur frigoris istius causas decurrendum. Sunt qui dicant, testibus Patribus *Conimbricensibus*, lib. 1. Met. cap. 2. tract. 1. provenire frigiditatem istam à peculiari coeli influxu qui eam in plagam directus ei frigus imprimat. Religiosiores quidam inquiunt, initio mundi injectum fuisse à Deo aeri in mediâ plagâ frigus, ad meliorem gignendorum imbrum commoditatem. Denique ad *ἀντιμετρίαν* alii confugiunt. Medius enim aer à superiore & inferiore calido obseptus per *ἀντιμετρίαν* & frigoris constipationem frigidior videtur evadere.

V. Nec verò & hæ causæ magni videntur momenti esse. Et prima quidem si ponderis quippiam haberet, non mediam tantum sed & supremam cum infimâ frigidam esse evinceret, cum influxus ille coelestis alterare mediam regionem non possit nisi supremam primum penetrarit : Quod igitur in mediâ efficit, cur non idem in supremâ & infimâ efficeret ? Nam & hanc dubio procul contingit :

Et frigidam licet supremam, propter astrorum viciniam, non possit reddere, calorem tamen ejus temperabit multumque infringer. Altera verò ratio è causarum naturalium ignorantia videtur profecta, parumque Philosophici acuminis continere. Philosopho enim opera quàm maximè danda ut in reddendis effectuum naturalium causis. Primæ quoad fieri potest causæ parcat, & intra naturæ limites se contineat : Quod si enim cujuslibet effectû naturalis causam Deum assignasse sufficeret, quid tandem de Physicâ scientiâ futurum esset ? Tertia planè ad rem non facit : Mala hîc doctrinæ de antiperistasi applicatio : Nec enim *ἀντιμετρίαν* frigus incendit nisi ubi actu jam est. Dicendum igitur potius fuerat unde regionis mediæ frigus esset quàm unde intenderetur.

VI. Positivam igitur frigoris istius temperati causam in vapores frigidos coniicimus, qui calore licet in medium aerem evehantur, frigus tamen omne non deponunt, quin mox excusso leviter hærenti calore frigiditas suas vires colligunt, aerique frigiditatem inducunt.

Adversus hanc causam excipit *Zabarella* 1. Integram adhuc manere difficultatem quomodo aer ille possit esse perpetuò frigidus, si naturâ est calidus. Resp. Naturâ nec calidus nec frigidus est, sed utriusque sine damno suo capax. Excipit 2. Vapores in mediam regionem calidi perveniunt : Ergo aerem non reddunt frigidum. Resp. Aliquid habere caloris non inficior, sed omnis expertes esse frigoris *Zabarella* nequiquam do. Existimo igitur longè tenaciùs iis frigus quàm calorem inharere, istoque evanescere illud vigere suâque vires exercere. Excipit 3. A frigore mediæ aeris vapores condensantur, non à vaporibus aer frigesit. Resp. Utrumque contingit : Aer enim à vaporibus alteratus vicissim vapores alterat. Excipit 4. Evenit quandoque ut aer in tertium mensem serenus maneat, sine pluvîâ, sine nubibus : A vaporibus igitur tam frigidus non erit, nec vaporem post tres menses evectum frigore suo in aquam densabit, cum calidus jam sit : Atqui contrarium testatur experientia : Aliam igitur oportet frigoris causam esse. Resp. 1. Etsi unî quandoque climati serenitas huiusmodi obtingit, plura tamen alia satis sunt nubila & pluviosa : Unde ex uno in alterum ventorum vi facile traici frigiditas exhalatio potest. 2. Supponit hîc *Zabarella* sublati vaporibus in aere superesse & durare frigus non posse : quod falsum esse experientia testatur. Nec enim calor & frigus ejusmodi sunt qualitates ut sublati externis causis durare in subiectis, in quæ per alterationem sunt in-

inductæ, nequeant. Semel igitur frigefacta à vaporibus media regio nunquam incalecet, secundum Zabarella hypothesis. Nec enim contraria qualitas è subiecto eicitur nisi per applicationem & actionem contrariæ: Atqui causæ caloris in mediâ regione nullæ sunt, si Zabarella credimus: Unde frigus ejus perpetuum deducit ex privatione seu absentiâ causarum calorem gignentium.

De hac verò regione porro sic statuimus, non æquè frigidas omnes ejus esse partes, sed mediam duabus extremis, quibus superiorem & inferiorem regionem contingit, longè frigidiorum esse, eò quòd nec à supero nec ab infero calore, ut quidem duæ ejus extremitates, alterius facile possit. Ipsam verò mediam quoque partem pro vaporum copiâ & qualitate inæquali frigore sæpenumero affici rationi omnino consentaneum: Quò enim copiosiores & frigidiores exhalationes, eò & frigus majus; quò pauciores & calidiores, eò minus quoque frigus ei imprimi ipsa dicat ratio.

VII. Apparet hinc quid respondendum sit iis qui calidam esse regionem hanc duabus nixi rationibus, quas paulò ante recitavimus, conantur probare. Et primùm quidem partes ejus duas extremas, quibus & superiorem & inferiorem regionem contingit, mediâ calidiores esse non diffitemur; at enim respectu utriusque & inferioris & superioris regionis frigidas quodammodo haud obscure dici posse existimamus. Deinde, licet sideribus aliquantò sit proprior inferiori, calidiorum tamen eâ esse minimè colligendum, cum quòd vaporum illis commorantium frigiditate calor frangatur & plurimum debilitetur, tum quòd rectâ transiens calor non acervatur, uti in infimâ regione fit propter solidam terræ superficiem.

VIII. Sed quæstio non levis hic oritur, Quomodo media aeris regio vapores in pluvias densare valeat, cum non nisi temperatè sit frigida, imò verò sæpenumero calida, & verò condensatio non nisi ab acris frigore oriri posse videatur. Resp. Ut aer hic inferior in mediâ ætate calidus refrigerando nihilominus cordi est idoneus, quia cum cordis fervore comparatus frigidior est, ita & mediæ regionis aer calidus sit licet, cum superiori tamen collatus & inferiori frigidus est, istisque vaporibus frigidis & in elementorum suorum naturas redactis facilibus in pluvias condensandis sufficit. Veritatem hanc insigni testimonio exornant aquarum distillationes. Videmus enim, inquit Zabarella, è rosis in stillicidio existentibus supposito igne vaporem elevari, & in operculum stillicidii incidentem condensari, & in aquam mutari. Attamen si operculum illud manu tangamus, calidum est valde, & tam aliquando ca-

lidum ut manu tangentes vix tolerare possimus: què fieri igitur potest ut, cum calidum sit, vaporem in aquam mutet, quod tamen non nisi refrigerando potest præstare? Dicendum, operculum illud, licet calidum, frigidi operam præstare, respectu partis stillicidii inferioris & calidioris ob ignem suppositum. A re igitur calidâ potest per densationem aqua generari, quia dum agit ut minùs calida, agit ut frigida. Quare non est necessarium ut aer mediæ regionis si debeat vaporem in aquam mutare, sit frigidissimus, sed sufficit si sit minùs calidus & quodammodo frigidus.

IX. Danaus Physicæ suæ part. 2. tract. 2. cap. 12. Aristoteli non concedendum esse opinatur quod de mediæ regionis frigore præcipit: Quia i. æstus à nobis nunquam sentiretur, posito illo mediæ regionis perpetuo frigore: calorem enim extinguere prius quàm ad nos pertingeret. 2. In summis montium jugis nullæ nasci possent plantæ: intensum enim frigus omnia humi nascentia perimeret: Atqui contrarium testatur experientia. Resp. Intensum aut sine ullâ remissione vel variatione perpetuum frigus mediæ regioni Schola Peripatetica non tribuit, ut patet ex iis quæ dicta nobis sunt hæcenus. Itaque perpetuæ vel hyemis apud nos vel sterilitatis in summis montium jugis periculum non est. Primùm enim tam efficax non est frigus hoc ut calorem rectâ transeuntem omnem interciperet & interimere valeat; quin multis modis à calore transeunte id retundi extra omne est dubium, etsi ob frigidarum exhalationum præsentiam se penitus exturbari non patitur. Aut si deficientibus illis planè exturbaretur, redeundi tamen via neutiquam intercluderetur, quia ex omnibus simul climatibus nunquam exturbatur. Deinde, perpetuæ hyemis in eodem loco vel ideo periculum non est, quia medius aer ei incumbens eodem modo perpetuò affectus non est, quippe qui modò calidior modò frigidior est. Denique, summorum montium cacumina cum mediâ aeris regionem transcendunt, perpetuæ sterilitatis periculum facile effugiunt: Nec qui regionis hujus fines ingreditur montes perpetuâ sterilitate infames ubique sunt; quia tam intensum hoc frigus non est ut omnibus plantis lethale sit: quale nec septentrionale est, etiam si vix ullo astrorum calore mitigatur.

THESES XV.

Infima mediocriter calida est, in quâ ea gignuntur meteora quorum materia ex virtutis motricis imbecillitate evehi altius non potest.

"Εκδοσις.

I. Nimirum infimum hunc aerem temperatè calidum esse ideo conveniebat quia animantia humig; nascentia foveri eo Creator voluit: qui sanè si excessu vel calidus vel frigidus esset, inutilis omnino imò perniciosus omnibus viventibus foret.

II. Temperati hujus caloris & intensioris quandoque ratio vera est caloris quasi duplicatio, quam improprie alii *radiorum reflexionem* nominant. Res igitur sic se habet; Calefit hic aer inferior non simplici tantum & descendente Solis calore, ut supremus & medius, sed & alio à terræ superficie contrà ascendente: quod quidem ità fieri omnino veritati consentaneum. A Sole magnà vi & celeritate calor egreditur, & subjectum aerem calefacit: Hic igitur in terram ità vibratus cum ob duritiem penetrare eam non possit, non repellitur ipse quidem, ut vulgus existimat, & hanc *radiorum reflexionem* vocat, sed multus in solido & duro terræ corpore colligitur & efficacior evadit: Quò enim durius & solidius est corpus, eò vim caloris illibatiorem & validiorem conservat: hinc lapides ad Solem calidiores reddi quàm ligna experimur. Sic ergò calor iste unitus & intensus vicinum sibi calidumque aerem magis magisque alterat; hic alium vicissim sibi proximum, donec tandem vis ista secundi caloris à

terrâ promanantis evanescat, & infimæ aeris regionis terminum statuatur. Hæc illa caloris duplicatio, quam *radiorum reflexionem* vulgò & malè appellant. Est enim reflexio propriè dicta unius & ejusdem numero rei à solido duròque corpore resilitio. At verò unum idemque numero accidens de subjecto in subjectum migrare nequit; quamvis specie idem ab alio propagari possit. Ut ergò Luna, quasi alter Sol cœlestis, lucem caloremque, solari tamen debiliorem, à Sole acceptum aeri communicat, eumque illustrat & calefacit, sic terra, quasi Sol terrestris, calorem à cœlesti mutuata inferiori huic regioni eum impertit, non numero quidem sed specie eundem. Igitur ex simplicissima & verissima hæc explicatione constat cur inferior hic aer medio sit calidior, cum tamen à fontis calore sit remotior. In causâ nimirum est, quam modò explicavimus, caloris duplicatio. Medius igitur aer cum simplicem tantum eumque longè debiliorem quàm supremum calorem sentiat, insuperque à frigidis vaporibus inficiatur, mirum minime frigidior eum inferiori evadere, ut qui gemini caloris auxilio frigiditatem potest propulsare.

Hætenus cœlum naturale omnibus suis causis, subjecto, adjunctis, & partibus explicatum.

CAPUT IX.

Digressio de cœlo Empyreo.

Empyreum cœlum supernaturale: Thef. I. *usu distinguitur à naturali.* *enb.* Nomina hujus cœli: Thef. II. *Explicatio nominum:* *enb.* 1, 2. Cœlum hoc pertinet ad opera creationis: Thef. III. *Argumenta Lutheranorum contra Creationem hujus cœli:* *enb.* 1. *Afferitur sententia contraria:* 2. *Solvuntur argumenta contraria:* 3. Cœlum hoc corpus: Thef. IV. *Argumenta Lutheranorum, quòd non sit corpus:* *enb.* 1. *Afferitur sententia contraria:* 2. *Solvuntur Lutheranorum argumenta:* 3. *Examinatur singularis sententia Timpleri:* 4. *Ostenditur cœlum hoc differre à conditione beatorum:* 5. Cœlum hoc sursum: Thef. V. *Argumenta Lutheranorum pro ubiquitate ejus:* *enb.* 1. *Afferitur sententia contraria:* 2. *Solvuntur argumenta Lutheranorum:* 3. *Probatur cœlum hoc esse sursum:* 4. *Argumenta Lutheranorum in contrariam sententiam:* 5. *Solvuntur:* 6. *Videtur cœlum hoc primo die creationis conditum:* Thef. VI. *Cœlum hoc non est æternum:* *enb.* 1. *Probatur primo die conditum esse:* 2. *Ratio cur videatur secundo die conditum:* 3. *Eligitur sententia prior tanquam probabilior:* 4. *Solvitur ratio sententiæ posterioris:* 5. *Finis hujus cœli:* Thef. VII. *Afferitur finis respectu Creatoris:* *enb.* 1. *Finis respectu Angelorum & hominum beatorum:* 2.

THESES. I.

Hætenus de cœlo naturali: Supernaturale vulgò appellant *empyreum*: Supernaturale, inquam, non formæ vel naturæ sed usûs respectu.

"Εκδοσις.

Non dubium nobis est quin & *empyreum* cœlum

sit corpus naturale; siquidem omne corpus à Deo formatum est naturale, hoc est, corporeæ naturæ proprietatibus præditum. Usus igitur tantum, non corporis naturalis proprietatibus, à naturali cœlo *empyreum* differt: Illius enim incolæ sunt stellæ; hujus, Angeli & homines beati, qui fulgore suo ipsas etiam firmamæni stellas exaquant. Cum autem corpus hoc ab humanâ sorte sit remotissimum &

extra

extra revelationem sacram ferè prorsus ignotum Scripturæ ductum securi paucula de eo theoriæ huic annexemus, eaque sequentibus assertionibus comprehendemus.

THESIS II.

Nomina cœlo huic in sacris tributa sunt; 1. *Tertium cœlum*, 2. *Coelum* *cœlorum*, 3. *Paradisus*, 4. *Domus, habitaculum & thronus Dei*, 5. *Domicilium & sedes beatorum Angelorum & hominum*, 6. *Sinus Abraha*, 7. *Cœlestis Hierosolyma*, 8. *Cœlestis patria*, 9. *Civitas fundamentum habens*.

"ΕΥΔΕΙΞΙΣ."

I. Nominum horum rationes paucis reddemus. Appellatur igitur 1. *Tertium cœlum* à Paulo respectu cœli *ἐν ᾧ ἡμεῖς* & *ἐν ᾧ ἡμεῖς*; quia reliquis cœlis eminentius, situ, usu, amplitudine, maiestate. 3. *Paradisus*, ad terrestri paradisi imitationem. ut enim in hoc primi parentes, siquidem primæ sanctitatis & innocentie iacturam non fecissent, æternum felicissimūque æturi videbantur ævum, sic & in illo, sanctitate & innocentia recuperata, iidem primi parentes ipsorumque electi filii æternum ineffabilibus lætitiis perfruuntur. 4. *Domus, habitaculum & thronus Dei*; non quod terminis ejus finitis infinita & immensa Dei essentia circumscribatūr, sed quod Angelis beatissq; animabus gloriosæ & beatificæ suæ Majestatis magnitudinem in eo ostendat, & hoc felici intuitu æternū beet. 5. *Domicilium & sedes beatorum Angelorum hominūque*: his enim ab æterno cœlum hoc fuit destinatum; hi diem sine nocte perpetuum in eo transigent. 6. *Sinus Abraha*; quia in hoc tanquam in gremio materno paternove omnes *πνεῦμα* *Abraha* filii & filia perpetuò recumbent & quiescent. 7. *Cœlestis Hierosolyma*, ad imitationem terrestri, in qua templum sibi Deus excitavit, in qua responsa edidit, ad quam orantes & invocantes invitavit. 8. *Cœlestis patria*, in quam exsules jam in terris hisce per varias vitæ hujus tribulationes tendimus. 9. *Civitas fundamentum habens*; quia nullis Satanæ mundiye machinis expugnari potest.

II. Extra sacras literas, à Philosophis Christianis & Doctoribus Scholasticis *supremum & beatorum cœlum* appellatur. Omnium tamen frequentissima appellatio est *Empyreum cœlum*, Gr. *ἐργυρεον*, *ἐν πυρὶ*; *ἐν τῷ πυρὶ*, h. e. igne, sic dictum, non quod sit igneum, sed quod longè fulgidissimum & splendidissimum; occasione nominis forsan ex illo

Scripturæ loco arrepta, quod *in luce & fulgore inaccessibile habitare* Deus dicatur.

THESIS III.

Cœlum hoc operibus creationis omnino accensendum.

"ΕΥΔΕΙΞΙΣ."

I. *Lutheranis* nonnullis Theologis probabile videtur, cœlum beatorum seu empyreum non esse creatum, idque ob hasce rationes, quas *Borussus* quidam producit;

1. Cœli hujus in descriptione rerum creatarum nulla fit mentio: Ergo non est creatum.

2. Omnes cœli creati reservantur igni, & aliquando conflagrabit: 2. Pet. iii. 12. At hoc de cœlo beatorum dici nequit.

3. Cœlum beatorum erit novum, Apoc. xxi. 1. Ergo jam olim non fuit creatum.

4. Si beatorum cœlum est ens creatum, & infernus erit creatus: At hoc vero non est simile: Ergo nec illud.

5. Si cœlum esset ens creatum, sequeretur Deum mediatè per tertiam quandam & creatam substantiam æternū gloriolis adfuturum: At hoc *παράλογον & ἀνόμιμον*: Ergo & illud.

6. Cœlum empyreum nec oculus vidit, nec auris audivit, nec in cor hominis ascendit: Ergo creationem ejus propugnare temerarium est.

7. Cœlestis radius ab æternâ luce emanans non per modum creationis sed cœlestis participationis, non est creatus: Atqui cœlum beatorum est cœlestis radius ab æternâ luce emanans non per modum &c. Ergo non est creatum. Assumptio probatur: Si Dominus Ecclesiæ erit in lucem sempiternam & Deus ejus in gloriam ipsius, claritas etiam Dei civitatem illuminabit, sequetur cœlum beatorum esse radium cœlestem non per modum creationis sed cœlestis participationis emanantem ab æternâ luce: Atqui verum prius: Ergo & posterius.

8. Cœlum hoc est manus Dei: Ergo non est creatura. Antecedens probatur; Omnia justorum animæ dicuntur in manu Dei, quæ & in cœlo dicuntur esse.

9. *Augustinus*, lib. De cognitione veræ vitæ, cap. 44. tom. 9. ita describit hoc cœlum: ut neget esse locum propriè dictum, vel creatum quoddam spatium.

II. Nos verò empyreum cœlum esse creatum credimus, & è Scripturâ demonstramus.

1. Gen. ii. 1. *Perfecti sunt cœli & terra, omnisque exercitus illorū*. Cœli hic nomine comprehendit Moses quicquid in Scripturis cœli nomine indigitatur, velut Gen. i. 24, 25. *bestiarum, pecudum & reptilium* nomine.

nomine omnes intelliguntur brutorum species; etiam si sigillatim non recensentur. Qui coelum tantum naturale à Mose significari asserunt, assertionis suæ rationem nullam habent nisi præconceptam opinionem.

2. *Jes. lxvi. 1, 2. Coelum est solum meum, & terra scabellum pedum meorum, &c. atque ista omnia fecit manus mea.* En tibi Dei solum coelum! En Conditor & Creator Dei manum! At, inquis, de naturali coelo loquitur. Resp. De coelo loquitur quod est Dei solum: id ne verò solum est naturale? nonne singulari prærogativâ Empyreum & supernaturale? quod & alii ejus tituli confirmant.

3. *Psalm. xxxiii. 6. Verbo Jehovæ coeli facti sunt, & spiritus ejus omnis exercitus eorum.* Quicquid exercitus coelestis est, à Deo factum rectè ex hoc loco colligo: quidni igitur & quicquid coelorum est? Inter exercitus verò coelestes agmen ducunt sancti Angeli; quorum domicilium est coelum empyreum.

4. *Matth. xxv. 24. Venite benedicti Patris mei, possidete regnum vobis paratum à jactis mundi fundamentis.* Phrasim, à jactis mundi fundamentis, æquipollet isti, *In principio creavit, &c.* Præparatio igitur hæc & creatio unicam Dei actionem denotant. Deus enim præparando regnum hoc creavit, & creando præparavit. Utitur hoc argumento Rungius ad coeli hujus creationem evincendam.

5. *Hebr. xi. 10. Per fidem expectabat Abraham civitatem illam habentem fundamentum, cujus artifex & conditor Deus est.* Qui civitatis hujus nomine intelligunt beatitudinem, omni Scripturâ destituuntur. Distinguit enim Scriptura locum beatitudinis ab ipsâ beatitudine. Unde *Philip. iii. 20. nos habet quæ nostrum in coelo servari dicitur, non ipsum esse coelum.*

6. Ratione porro sententiam nostram ita confirmamus; Coelum beatorum aut est ipse Deus, aut aliquid extra vel præter Deum. Non est ipse Deus; Quia à Deo factum dicitur, quia Dei solum dicitur, quia piis præparatum dicitur: quæ de Deo citra absurditatem dici nequeunt: Est igitur aliquid præter Deum. Entis igitur creati rationem habet: Omne enim ens aut est summum, aut, à summo: illud Creator, hoc creatura est.

7. Huic nostræ sententiæ adstipulantur ex *Lutheranis* quoque nonnulli, Doctores Pontificii, & sancti Ecclesiæ Patres *Lactantius lib. 2. Instit. cap. 10. Theophylactus in 2. Cor. 12. Junilius in Genes. Justinus in Quest. & Respons.*

III. Ad rationes Adversariorum breviter ita respondemus;

Ad 1^m. Antecedens ambiguum est. Mentio enim alicujus rei fit in genere, ita ut sub genere comprehendatur, vel in specie, ut seorsim exprimat. Prior si sit antecedentis sensus negamus antecedens: Coeli enim nomine à Mose comprehenditur quicquid coeli nomine in Scripturâ venit, ut prima nostra habet ratio. Sin posterior, consequentiam negamus: Nam si legitima esset adversariorum consequentia, sequeretur, 1. Angelos à Deo creatos non esse; 2. Nec brutorum aut athorum species, nempe Equos, Oves, Boves, Malos, Pyros, &c. Nec deniq; ulla metalla. Nihil enim horum in specie historia creationis primo & secundo Genesios capite descripta exprimit.

Ad 2^m. Propositionem negamus. Non loquitur Petrus nisi de coelis naturalibus *ἐν ᾧ σπ. & ἀνὰ σπ.* Deinde non de corruptione sed de alteratione verba Petri à doctis accipiuntur. Videantur quæ hanc in rem à nobis Sectione 2. sunt disputata cum de reliquis coelis tum de Empyreo in specie.

Ad 3^m. Antecedens negamus. *Joannes* non de coelo beatorum sed de naturali loquitur; quod novum appellat, non ad novam creationem, sed ob renovationem. Quod si verò adversarii beatorum coelum novum dici contendant respectu initii quod in extremo die demum sit habiturum, Scripturam quæ suo conciliet errori videant. Id enim nobis Scriptura coelum promittit, in quo vident & ab initio videntur æterni Patris faciem beati Angeli, quo *Abraham* est receptus, in quod *CHRISTUS* ascendit, ex quo ad judicium descendit: Quod ratione existentie & durationis non potest esse novum. Si aliud recentius imaginentur sibi adversarii, habeant id sibi: Nos antiquo acquiescimus.

Ad 4^m. Assumptionem negamus. Infernum enim locum esse quendam creatum à beatorum sede remotissimum, in quo cum Diabolis impij æternum torquendi, Scripturæ ductum sequentibus minime absurdum videtur.

Ad 5^m. Connexum falsissimum est. Nec enim locus *πᾶσι* presentie & communicationis impedit, cum non per locum electis suis Deus sit presentis, sed in loco gloriose huic presentie destinato. Anne verò dicent adversarii terram ob stare quod minis immediate nobis sit presentis Deus?

Ad 6^m. Antecedens simpliciter verum non est. Etiam si enim ob immensum loci intervallum sensibilem sui speciem nullam nobis spargit, ex Divinâ tamen revelatione oculis, auribus & cordibus nostris innoscit. Quicquid igitur vel expressi Scripturæ textus, vel legitime consequentiæ nobis suppeditant, & monstrant, ad id nec oculos claudendo

adendo hæc aures obtutandas arbitramur.

Ad 7^m. 1. Satius curiosam de Deo speculationem propositio continet. Fingit enim Deum substantiam quandam lucidam, vel certe luce ab æterno circumfusam, unde radii emanent haud secus ac à corpore lucido: quod an Divinæ simplicitati, unitati & spiritualitati satis sit congruum, viderint religiosi isti homines. At enim, inquiunt, habitare Deus dicitur *ὁὗς ἐστις ὁ τοῦ*, lucem inaccessible. Resp. Quæ qualisque sit lux illa inaccessiblea temere non est definendum. Aut coæterna Deo est, aut non est. Si coæterna Deo est, aut ipse Deus est, aut aliquid extra Deum. Primum si dixeris, ad rem præsentem id nihil faciet: est enim cælum à Deo distinctum, cum *ἀναγεῖς* & conditor ejus sit Deus. Sin posterius, à se vel à Deo erit. Si à se, Deus erit: unde Deorum pluralitas sequeretur. Si à Deo, per generationem, spirationem, vel creationem erit. Si per generationem, Filius erit; si per spirationem, Spiritus Sanctus: quorum neutrum citra ingentem absurditatem dici poterit. Erit igitur per creationem, & proinde creatura, eaque æterna hoc est, non creatura: nulla enim creatura æterna est. Deo igitur coæterna non erit, & proinde creatura erit. Quicquid verò de hac luce sit, disjunctum quiddam eā à cælo hoc tertio seu empyreo est: Lux enim illa est inaccessible; Cælum hoc non est inaccessible: patuit enim accessus ad id Paulo, patet omnibus Angelis & beatis animabus. Quod si verò certo respectu & cælum hoc inaccessible dici posse contendas, pertinaciter non contradixero, sed & facillime lucem hanc cum cælo conciliavero, ita ut creaturarum censu non eximatur. Hactenus propositio. 2. Assumptionem negamus. Connexi, quo probatur, consequentia planè nulla est. Nam vel in hoc ipso conexo Deo civitas distinguitur à claritate & radio illuminante.

Non absimilis fuit Engubini de cælo empyreo speculatio; nempe, esse id æternum & increatum quiddam, hoc est, lucem & claritatem quandam ex Dei essentia, in qua Deus sit, & ad ejus participationem atque fruitionem tam boni Angeli quàm viri iusti admittantur, quæque toties pro mercede in Scripturis promittitur. Hanc opinionem, inquit Pererius, ego non tam refellendam quàm omnino ex-plode adam atque execrandam ac, si fieri posset, sempiternâ oblivione sepeliendam judico. Cujus enim animus non horreat audire, rem esse aliquam quæ Deus non est, Deo tamen ipsi coæternam & concreatam. Quid magis contrarium Scripturæ dici potest? Cujus illa sunt tot in locis tam illustres sententiæ, OMNIA PER IPSUM FACTA SUNT: & QUI OMNIA CREAVIT, &c. Addit, Si manet illa lux

ex natura & majestate Deitatis, haud dubie manabit ex necessitate natura; hoc est, tanta, quanta est Divinitatis: erit igitur infinita: quo quid absurdius & incredibilius dici potest? Tandem sententiam suam Pererius de luce & claritate supercœlesti in qua Deus esse dicitur, exprimit: nempe, vel ipsum esse Deum, cujus inerrabilis decor, pulcritudo & vis illuminandi & lætificandi similitudine lucis exprimitur; vel esse vitam æternam iustis hominibus promissam, quæ lux nominatur, quia clarissimam in se habet Dei cognitionem cum summâ conjunctam lætitiâ, vel claritatem, quæ cælum empyreum omni ex parte mirabiliter collucet.

Ad 8^m. Antecedens nego. Probatio inepta est. Nec enim idem illico sunt quæ in uno tertio conveniunt. Aliter iusti in manu Dei, aliter in cælo sunt. Aliud in manu Dei, aliud in cælo esse. Manus Dei, potentia Dei est; cælum, locus in quo maxime illustris Divina potentia. In manu Dei esse, est à Deo potentissimè defendi adversus omnes injurias: In cælo esse, est loco illo cœlestis gloriæ contineri.

Ad 9^m. Liber De cognitione veræ vitæ *πῶς* non est. Stylus, inquit, Erasmus, magis refert *fo. vitianum quempiam, aut febricitantem potius monachum.*

THESIS IV.

Cælum hoc corpus est.

* EN. DEON.

I. Cælum empyreum non esse corpus, Lutheri et aliorum nonnulli contendunt: Quod hujusmodi Syllogismo Boruffus probat; Si beatorum cælum est corpus, sequitur 1. Angelos esse in corpore; 2. eosdem indigere corpore & loco ad sui subsistentiam; 3. Beatos per tertium quoddam idque creatum corpus in Deo futuros; 4. Infernum esse creatum corpus; 5. Coelestem alterius vitæ statum non spiritualiter sed corporaliter describendum esse; 6. Quoddam corpus præter humanum post hanc vitam fore æternum; 7. Dei manum esse corpoream, quippe quæ idem cum cælo: Atqui falsum & absurdum consequens; Ergo & antecedens.

II. Contrà verò corpus esse cælum hoc, Scripturæ magis est consentaneum. Itaque priori paralogismo hunc opponimus syllogismum; Cui Scriptura tribuit 1. nomina substantiæ corporeæ, 2. affectiones substantiæ corporeæ, 3. effectus substantiæ corporeæ, id substantiis corporeis meritò accensetur. Atqui cælo summo seu empyreo Scriptura tribuit. 1. nomina, 2. affectiones, 3. effectus substantiæ corporeæ: Ergo substantiis corporeis meritò accensetur.

cen.

cenfetur. Propofitio non eget probatione. Sunt enim certi naturæ characteres Nomina, Affectiones & Effecta. Affumptio de fingulis membris probatur De nominibus videatur capitis hujus thefis 2. Deinde de Affectionibus: Dicitur enim *aperiri* Luc. iii. 21. Actor. vii. 56. *Video cælum apertum*. Quantitas effe maxima indigitatur illo *CHRISTI*, In domo Patris mei funt multæ mansiones. Luminofum idem effe Scriptura indigitat. Denique de Effectis; Recipit enim locat, & continet fanctorum corpora, Actor iii. 3. Joan. xiv. 2, 3. Unde *Augustinus* 27. De civ. Dei. cap. 7. coelum hoc appellat *fedem corpoream*. Et *Damasceus* id definit lib. 2. cap. 6. *ὁ οὐρανὸς ὁ ἐξ ὧν τὰ κ' ἀράται κτισμάτων*. *Ἐν τῷ οὐρανῷ αὐτὸς ὁ θεὸς ἐν τῷ ἀγγέλῳ διυλάμενος κ' πάντα τὰ αἰσθητὰ ἀεικλείον* κ' *ἀειροῦζον*. Qui tam nomina quàm affectiones & effectus coeli hujus metaphoricè vel allegoricè interpretantur, glossæ fuæ aliam rationem non habent nisi præconceptas & monstrosas de coelo opiniones, odiūque adversus nostrates parū sanè Theologicum aut Christianum.

Addimus & hanc rationem; Coelum empyreum substantia est aut accidens. Accidens non effe, è coeli hujus pater nominibus, affectionibus & attributis in Scripturâ expressis, quæ accidenti neutiquam possunt competere. Quis enim accidens appellat, domum, civitatem, sinum *Abrahæ*, coelum, sedem, mansionem, urbem, paradysum, &c. Substantia igitur erit, eaque corporea vel incorporea. Incorpoream si dixeris, Angelus erit bonus vel malus, aut certè corporis alicujus forma: Quorum citra insignem absurditatem de coelo nullum potest affirmari. Substantiam igitur corpoream effe, firmiter concludimus.

III. Oppositi paralogismi 1. Connexum ex parte falsum est: Cujus consequentia planè inepta & puerilis est quoad membrum 2, 3, 5, 7. Videamus sigillatim singulas consequentias. 1. *Angeli sunt in loco corporali, nempe definitivè: Ergò indigent corpore ad sui subsistentiam*. Resp. Inepta consequentia. Nec enim quicquid est, de necessitate est, quasi aliter effe non possit. Nec sanè negare adversarius potest Angelos, cum intra domicilia nostra sunt, in locis corporalibus definitivè effe: Ideòne verò sequetur domicilia nostra effe necessaria ad angelorum subsistentiam? 2. *Angeli sunt in Cæli empyreo tanquam loco corporali: Ergo per tertium quoddam, idque creatum corpus, in Deo sunt*. Resp. Ineptissima consequentia. Quis ita ineptientem & insanientem ferat? Militantis Ecclesiæ membra in loco corporali sunt: Ergò per tertium quoddam, idque creatum corpus, in Deo sunt; vel, immediatè

Deo unita non sunt. Item, Humana Christi natura in statu exinanitionis semper loco certo fuit definita: Ergò per locum ei unita fuit Divina natura: vel, unio duarum naturarum immediata non fuit. Apagè cruditates hæc! Corporeus locus non impedit immediatam & intimam duarum substantiarum unionem. 3. *Cælum empyreum seu locus æternæ felicitatis est corporeus: Ergò status cælestis non erit spiritualis sed corporalis*. Resp. Inepta consequentia. Nec enim locus corporeus spirituale tollit conditionem eorum qui sunt in loco: uti templa nostra corporalia non tollunt exercitia Christianorum spiritualia; nec corpora nostra, quæ Spiritus sancti sunt templa, spiritualibus ejus operationibus impedimento sunt; denique nec in futurâ vitâ animarum nostrarum statum spiritualem corpora nostra impediunt, uti nec in hac animæ Christi impedimento corpus fuit. 4. *Cælum beatorum est corporeum: Ergò Dei manus est corporea*. Quæ consequentiæ ratio? Fortè, quia coelum beatorum est Dei manus. Atqui probandum hoc erat: Nos absurdum hoc effe contendimus. Est enim manus Dei 1. æterna, 2. omnipotens, 3. infinita, 4. coeli & terræ creatrix, 5. unum quoddam essentiâ & trinum personâ. Hæc ad Coelum accommoda. Hactenus igitur connexum rectè negavimus.

2. Et assumptionem ex parte negamus, nempe quoad membrum 1, 4, 6. Nobis nec falsum nec absurdum est, Angelum in corpore effe, infernum à Deo creatum effe, & aliquod corpus præter humanum post hanc vitam æternum fore: Sunt enim hæc omnia longè verissima. Angelos in corporibus sæpenumero effe, non assumat tantum ab Angelis tam bonis quàm malis corpora docent, sed & crebra & tristia obsessorum exempla, de quibus historia Evangelica. Et cum intra domicilia nostra vel templa sunt, nonne in corporibus sunt? Infernum in aliquâ hujus mundi parte, proindeque locum à Deo creatum & malorum supplicii destinationem effe, quid obstat, quæso, quominus credamus, idque Scripturâ duce ac magistrâ, quæ differentiam localem *infra* ipsi assignat. De corporibus quæ unâ cum homine perpetuò duratura sunt, Sectione secunda prolixè egimus.

IV. Huic tamen nostræ sententiæ è nostris quoque videtur refragari *Timpterus*, qui lib. 4. Metaphys. cap. 6. problem. 20. & lib. 1. *ἀφυσολογίας* cap. 3. probl. 6. immateriatum effe hoc coelum contendit. Ex illâ igitur sententiâ sic argumentari licet; Id quod est immateriatum, est incorporeum: At coelum empyreum est immateriatum: Ergò, est incorporeum. Propositio constat; Quia corporeæ res nullæ dicuntur nisi quæ materiâ constant.

stant corporeâ : incorporeæ igitur ex sunt quæ materiâ corporeâ non constant. Hinc & Angelos incorporeos dicimus, quia materialis concretionis expertes judicamus. Assumptionem probat *Timperus* hac ratione ; Quod immediatè ex nihilo adeoque ex nullâ materiâ est productum, id est immateriatum : At cœlum empyreum immediatè ex nihilo est productum : Ergo est immateriatum, Responderi primò posset per assumptionis negationem ; E primâ enim & communi omnium naturalium corporum materiâ, quam agnoscit *Timperus*, productum dicere cœlum empyreum ; absurditatis nihil infert. Attamen missâ assumptione, propositionem nego. Probat *Timperus* ; Quicquid est materiâ, id ex materiâ est factum, proindeque non ex nihilo. Respondeo per negationem consequentiæ : Non enim id tantum ex nihilo dicitur fieri quod nullâ constat materiâ, sed id quoque cujus materiâ proxima unâ cum formâ ex nihilo fuit producta. Itâ cœlum empyreum ex nihilo dico productum ; non quod materiâ non sit, sed quod materiâ ejus proxima, quâ materiâ dicitur, unâ cum formâ ex nihilo fuerit producta. Vel dicendum, Non idem esse *ex materiâ fieri & materiâ constare* : illud enim præexistente & remotam notat materiâ, ex quâ res facta minimè è nihilo facta dici debet ; hoc coexistente & proximam, è quâ res constans ex nihilo facta dicitur, quia nec materiâ nec formâ ratione ex aliquo facta est. Dicitur igitur res facta ex nihilo, non ratione sui, quasi nihilo ipsa constet, quod impossibile, (omne enim quod actu est, per principium aliquid positivum est) sed ratione principiorum proximorum constituentium, quæ facta sunt ex nihilo. Denique, non esse idem ex nihilo ab efficiente produci & ex nihilo intrinsecè constitui, sic probò ; Faciamus hominem aliquem à Deo immediatè ex nihilo produci, quod quidem fieri à Deo posse *Timperus* minime puto negaturum ; quero igitur, homo iste corpûsne habendus sit, annon. Habiturum respondebit *Timperus* : quis enim homo ille foret sine corpore, alterâ humanæ essentia parte ? Fatebitur igitur hominem ex nihilo productum ab efficiente, corpore, hoc est, materiâ, intrinsecè constitutum, adeoque materiâ. Fateatur igitur necesse est, posse aliquid materiâ intrinsecè esse quod tamen ex nihilo immediatè ab efficiente sit productum : posse item rem corpoream à Deo ex nihilo produci quæ tamen ex nihilo intrinsecè non constituatur.

V. Interim obiter aliquot contra eos observentur rationes qui cœlum empyreum, seu beatorum, aliud nihil esse opinantur quàm conditionem beatam & gloriosam Angelorum & hominum.

1. Empyreum cœlum in Scripturâ appellatur *locus beatorum* : Beata & gloriosa conditio nunquam appellatur locus.

2. Scriptura expressè distinguit inter *politeuma* nostrum & ipsum cœlum, Philip. iii. inter *hereditatem nostram* & cœlum, 1. Pet. i. 4. Sic distinguit inter *visionem Angelorum* beatam & cœlum in quo visio ipsis obtingit, Matth. xviii. 10. Et *urbem sanctam* distinguit Apocalypsis à Deo & gloriâ Dei, cap. 21. vers. 23.

3. Beatitudo subjective est in beatis : Cœlum non est in beatis, sed ipsi in coelo.

4. Si cœlum aliud nihil esset nisi cujusque beatitudo, sequeretur tot esse coelos numero distinctos quot sint beatitudines numero distinctæ : quod falsum & absurdum.

5. Si cœlum empyreum nihil esset nisi beatitudo, sequeretur toties Angelos extra beatam conditionem esse constitutos quoties è coelo in terram descendunt & mittuntur ; dum enim in terris sunt, in coelo non sunt. At absurdum hoc : Ergo & illud.

6. CHRISTUS quoque in extremo judicio è coelo descensurus, in quod ascendit, beatitudinem suam defereret.

7. Cœlum pertinet ad opera creationis, beatitudo ad opera redemptionis.

8. Beatitudo in sacris nunquam appellatur *cœlum domus Dei, civitas Dei*, &c. quæ coeli sunt nomina.

9. Si cœlum aliud nihil est nisi beatitudo, sequitur partim qualitatem partim actionem id esse : consistit enim beatitudo cum in qualitativis tum in actionibus. At hoc longè falsissimum & à Scripturâ alienissimum : Maxima enim beatitudinis nostræ pars in actionibus consistit, quæ à beatis proficiuntur : Sequitur igitur maximam coeli partem esse ab hominibus, qui coeli hujus *δημιουργοί* erunt.

10. Initia beatitudinis in terris constituti habemus : In coelo verò, dum in terris hæc peregrinamur, nos esse nusquam dicit Scriptura : imò CHRISTUM à mortuis suscitatum, & in gloriæ statu jam constitutum, die demum XI post in cœlum ascendisse Scriptura disertè affirmat.

THESIS V.

Cœlum hoc non ubique, sed sursum est.

Εκ δευτε.

I. Invenias absurdos quosdam Doctores, qui cœlum hoc ubique esse dicant & clamant : Quos inter recens quidam est *Borussus*, *Joannes Behnius*, qui in suis de coelo hoc Problematis *ubiquitatem* coeli hujus quatuor suadere argumentis nititur ;

LI

I. Quod

1. Quod per essentiam immensum est, omnia per infinitatem implet :

Atqui Dei coelum vel empyreum (præter naturale enim nullum novit Scriptura nisi empyreum hoc quod *Dei domum, domicilium ac sedem beatorum, civitatem Dei, & paradysum* appellat) per essentiam est immensum : Ergò.

2. Quicunque per naturam immensus & infinitus est, in tali domicilio habitat extra quod nullibi est, h. e. quod & ipsum immensum & infinitum est : At Deus per naturam immensus & infinitus est : Ergò in tali quoque domicilio habitat extra quod nullibi est, h. e. quod ipsum quoque immensum & infinitum est.

3. *ὁὗς ἀπεθῆκεν*, quod Deus inhabitat, 1. Tim. vi. 16. immensum & infinitum est : At coelum illud est *ὁὗς ἀπεθῆκεν* Ergò immensum & infinitum est.

4. Finitum non est æternum ratione principii & finis : At Dei coelum est æternum ratione principii & finis : Ergò finitum non est.

II. Nos absurdum hoc dogma sequentibus argumentis evertimus ;

1. Quod ubique est, Deus est : At coelum Deus non est : Non igitur ubique est. Propositionis ratio est ; Quia ubiquitas seu omnipræsentia est ipsissima Dei essentia. Assumptio ex Scripturâ manifestata est, & suprà à nobis probata.

2. In quo Deus ita est ut etiam extra illud sit, id ubique non est : Atqui Deus in coelo beatorum & domo sua ita est ut etiam extra illam sit : Ergò coelum seu domus Dei ubique non est. Assumptio patet ex Jer. xxiii. 24. ubi dicit Jehova, *Coelum & terram impleo.* & 1. Reg. viii. 27. *Ecce caeli ipsi & caeli caelorum non capiunt te.*

3. Quod Scriptura tanquam thronum à terrâ tanquam scabello discernit, id ubique non est : Effet enim alioqui thronus in scabello & scabellum in throno : Atqui coelum beatorum, quæ Dei domus est, Scriptura distinguit à terrâ tanquam thronum à scabello ; Ergò. Assumptio probatur. Jes. lxi. 1. & Matth. v. 34. & 35.

4. Quod ubique est, id Deo æquale est : At coelum Deo æquale non est : Non igitur ubique est. Assumptio probatur ; Quod æquale Deo est, id eum capit : At coelum seu domus Dei Deum non capit, 1. Reg. viii. 27. Non igitur Deo æqualis est.

5. In quod coelum CHRISTUS *ἀνέβη* ascendit, id ubique non est : Atqui in coelum tertium CHRISTUS *ἀνέβη* ascendit, ut testatur historia Evangelica & Symbolum nostrum : Ergò ubique non est.

6. In quo coelo ita CHRISTUS commoratur ut à terrâ secundum corpus absit, id ubique non est :

Atqui in coelo tertio CHRISTUS secundum corpus commoratur ita ut à terrâ absit : Ergò Assumptio patet ex historia Evangelicâ & Symbolo Apostolico : Credimus enim, extremo demum judicio corpore suo ex coelo in terram rediturum CHRISTUM.

7. Si CHRISTUS ex coelo ad judicium in terram descenderet, utique coelum ubique non est : At CHRISTUS ex coelo in terram ad judicium descenderet : Ergò.

8. Quod magno à terrâ hiato distat, id ubique non est : Atqui coelum beatorum & Dei magno hiato à terrâ distat : Ergò. Assumptio patet ex Lucæ xvi. 26.

9. Si coelum empyreum Dei & beatorum habitaculum esset ubique, sequeretur 1. duo dari immensa essentia distincta : Deus enim à coelo realiter distinctus est. 2. Ascensionem CHRISTI in coelum non fuisse realem loci mutationem, sed phantasticam duntaxat. 3. Descensum de coelo non fore realem, sed phantasticum duntaxat. 4. Coelum in inferno esse. 5. Ipsos quoque Diabolos in beatorum esse coelo. 6. Diabolos de domicilio suo in tartarum non esse præcipitatos. 7. Eliam & Enochum de terrâ non fuisse sublato, cum in coelum vivi raperentur. 8. Infinitum infinito dari majus ; Deus enim extra coelum quoque est. 9. Deum non esse conditorem hujus coeli, & proinde medium quoddam dari inter Eas independens & dependens. Quæ omnia longè sunt absurdissima, Scripturæ & fidei nostræ contraria.

III. Ad rationes quæ pro sententiâ contrariâ sunt allatæ ita paucis respondemus ;

Ad 1^m. Assumptio falsissima est ; quæ nec de Scripturâ nec ratione ullâ approbari potest. Solum enim Deum infinitum esse credimus : extra Deum quicquid est, finitum est.

Ad 2^m. Propositio falsa est. Tale enim nobis Scriptura Dei domicilium describit, quod à terrâ se junctum est. quod immensitati Divinæ capiendæ minime sufficiens est, 1. Reg. viii. 27. 2. Chron. ii. 6. Unde Cyrillus Catech. 6. *Sedes ipsi coelum, sed vamen illud excellit sedens : scabellum pedum ejus terra, sed virtus ejus ad subterraneos etiam protranat.*

Ad 3^m. Per *ἀνέβη* intelligitur aut ipse Deus, ut placet Oecumenio & Theophylacto, aut aliquid extra vel præter Deum. Si prior verborum sit sensus, assumptionem rotundè negamus ; si posterior, propositionem negamus. Præter Deum enim infinitum & immensum nihil est. Sunt ex adversariis qui verba Pauli *Deus habitat lucem inaccessam*, sic interpretantur ; Nullus mortalium eò penetrare potest ut ipsam Dei essentiam introspeciat : Quæ si vera est interpretatio, uti certè à textu aliena non videtur.

detur, quid, quæso, Pauli verba ad ubiquitatem coeli? Vide quæ supra de hac luce nobis dicta.

Ad 4^m. Assumptio falsissima est & Scripturæ è diametro contraria. Solus Deus æternus est: extra Deum quicquid est temporaneum est. Ex gentis hujus Theologis quidam acutior ait, coelum hoc seu locum beatorum dici posse ubique esse & non esse ubique: ubique esse, quando absolute pro Dei manu accipitur; non ubique, quando pro ipso beatorum statu sive ubi sumitur. Resp. Certè parùm hîc acuminis video: Coelum nunquam pro Dei manu accipitur: ubique igitur hoc respectu non est: Nec verò coelum hoc idem cum statu beatorum, cum locus ille sit beati status. Si igitur ubique non est quatenus pro certo beatorum ubi sumitur, nullo respectu est ubique, quia non nisi locus est corporeus.

IV. Cum igitur ubique coelum hoc non sit, ubinam sit porro quæritur. Sursum id esse hoc est, supra coelum naturale; ex Scripturâ hunc in modum probamus;

1. Quod sursum esse, & quidem supra cœlos naturales, Scriptura partim expressè partim ex consequenti asserit, id sursum esse nobis credendum est: Atqui coelum beatorum sursum esse partim expressè partim ex consequenti Scriptura asserit: Ergò Assumptio probatur; Loca quæ coelum hoc sursum esse expressè asserunt, sunt Josue ii. 11. *Jehova ipse est Deus in coelo supernè & in terrâ infernè* Marc. xvi. 19. *Sursum receptus est in coelum*. Luc. xxiv. 51. *Disjunctus ab eis (CHRISTUS) sursum ferebatur in coelum*. Actor. i. 9, 10, 11. *Adspicientibus ipsis elevatus est, & nubes susceptum eum abstulit ab oculis eorum*. Et cum essent intenti in coelum oculis eo proficiscente, &c. *Quid statis intuentes in coelum? hic Jesus, qui sursum receptus est à vobis in coelum, ita veniet, &c.* & v. 22. *Ad eum usque diem, quo sursum receptus est à nobis*. Ephes. iv. 10. *Ipse est qui ascendit supra omnes coelos*. Coloss. iii. 1. *Superna quærite, ubi Christus est ad dextram Dei sedens*. Similia in Scripturis loca occurrunt plurima. Idem è consequenti asserunt illa loca in quibus ascendere dicuntur & reliquos coelos penetrare, qui in coelum hoc è terris migrant; item descendere, qui è coelo in terram transferuntur; cuiusmodi sunt partim illa quæ modò allegavimus, partim sequentia; Johan. xx. 17. *Ascendo ad Patrem meum*. Heb. iv. 14. *Habentes magnum Pontificem, qui penetravit, seu transiit, coelos*. 2. Reg. ii. 11. *Ascendit Elias turbine in coelum*. 1. Thesi. iv. 16. *Dominus descendet è coelo*. Actor. i. 11. *Veniet quemadmodum vidistis eum proficiscentem in coelum*.

2. Quod sancti præcantes oculos manûsque jubentur convertere & convertunt, ibi coelum est,

Dei & sanctorum domicilium: Atqui sursum jubentur convertere & convertunt: Ergò. Assumptio patet ex 1. Tim. ii. 8. *Velim viros precari in quovis loco puras manus attolentes*. Joan. xviii. 1. *Locutus est Jesus, & sustulit oculos in coelum, dixitque, &c.* & Marc. vii. 34. *Inspectiens (CHRISTUS) in coelum ingemuit, dixitque, &c.* & passim alibi. Sententiam hanc in Scripturâ fundatissimam & clarissimam etiam adversariorum Lutheranorum nonnulli amplectuntur. Chemnicus in Fundamenti doctrinæ sanæ, cap. 12. ita scribit, *Ac Assumptus est in coelum* Marc. 16. quod sursum esse, quod Angeli ascendunt, quod Elias sublatu est, quod electi recipientur, tota historia ascensionis singulis fermè dictionibus ostendit. Menzeri in Respons. ad Obj. Martini pag. 85. hæc sunt verba; *Verè distinguo inter coelum & terram, & loci ratione fateor coelum terrâ esse sublimius: fateor etiam Scripturam interdum aerem nomine cœli designare, itemque firmamentum, denique tertium coelum in Scripturâ appellari, nempe paradysum & coelum, in quod CHRISTUS per ascensionem VERA locali translatione à terrâ sublatus successivo motu pervenit, esse sursum, ex quo coelo visibiliter rediturus est ad iudicium*. Mirari ut subeat Behmii Borussi & aliorum quorundam crudelitatem & contradicendi libidinem, qui ad lucem meridianam cæcutire malunt quàm veritatis radium admittere, & errorem agnoscere: dum planissima verba Scripturæ de CHRISTI in coelum, tanquam supra terram constitutum locum, ascensione & reditu ex eodem impudenter depravant, contenduntque dictis istis non altitudinem loci sed summam Divinæ Majestatis sublimitatem significari, quâ Christus ut homo supra omnes creaturas eminet: Sic & per ascensum Christi non localem per coelos creatos protectionem intelligendam, sed duntaxat visibilem Christi in nubibus apparitionem. Quæ equidem an ulla unquam impudentior corruptela Scripturas perverterit haud scio. Quæ enim, quæso, propria magis verba ad localem mutationem locique altitudinem indigitandam adhiberi possent quàm ista, *Disjunctus est ab eis; sursum ferebatur in coelum; adspicientibus ipsis elevatus est; sursum receptus est in coelum; nubes susceptum abstulit: ascendit supra omnes coelos; penetravit coelos*. Quid illa, quæso, loci adverbia, ubi, ibi, quod, unde, quæ frequentissimè de hoc coelo & Christi in id ascensione & ex eo descensione usurpantur, aliud significant quàm realem locum, & motum ad locum & de loco realem? Actum certè de Scripturarum autoritate, si in re adeo manifestâ & palpabili nullis fides habenda.

V. Sed videamus in contrariam sententiam quid adferant. Sic igitur quidam;

1. Si *excelsa* in quibus habitare Deus dicitur creatum quendam locum denotant, sequetur partim Deum loco inclusum & non ubique esse, partim aves in aere volitantes Deo esse viciniore quam Christianos in terrâ versantes. At absurdum consequens: Ergo & antecedens.

2. Si Christus supra omnes coelos ascendit, ergo & supra cœlum beatorum: At hoc absurdum: Ergo & illud. Assumptio probatur; Si Christus supra cœlum beatorum ascendit, & tamen est in cœlo, sequetur cœlum beatorum esse supra cœlum beatorum: At hoc absurdum: Ergo.

3. Si phrasis, *ascendit supra omnes coelos*, &, *fatus est calis excelsior*, denotat tantummodo elevationem supra coelos adspectabiles, & ingressum in domicilium beatorum, tum id ipsum quoque de *Elia* poterit affirmari: At hoc falsum: Ergo & illud. His adjicit *Borussus*.

4. Angeli in terris ministrantes hominibus vident faciem Patris qui est in cœlis: Ergo cœlum non est sursum.

5. Si regnum Dei est intra nos, utique cœlum erit intra nos: At verum illud, Luc. xvii. 21. Ergo & hoc. Connexi ratio est; Quia regnum Dei aliud nihil est quam cœlum.

6. *Petrus, Johannes, & Jacobus* in CHRISTI glorificatione in monte *Thabor* fuerunt in cœlo: Ergo cœlum non est sursum.

VI. Ad rationes hasce sic breviter respondemus;

Ad 1^m. Connexum negamus. Ratio negationis est; 1. Quia Deum cœlo includi nostrum nemo unquam dixit aut scripsit: absurdum enim hoc & blasphemum, Scripturæ è diametro contrarium: Nam *cœli cœlorum cum non capiunt*, 1. Reg. viii. 27. 2. Qui aves in cœlum volitantes Deo viciniore esse possint quam Christiani in terris versantes, cum ubique sit Deus, & quoad primum præsentia gradum omnibus æquè præsens, tam extra cœlum quam in cœlo, et si maiestatis suæ radios non tam extra cœlum quam in cœlo exserit, unde *2^a 7^a & c.* quoque *Dei thronus ac domus* dicitur?

Ad 2^m. Connexum negamus. Per omnes enim cœlos Apostolus intelligit naturales duntaxat & adspectabiles: Quod ex aliis Scripturæ locis probatu facillimum. Cum enim de beatorum cœlo Scriptura loquitur, non ait CHRISTUM supra id sed in id ascendisse: Planum igitur Apostolum non nisi de cœlo naturali ad *Ephesios* loqui; unde articulus additur, *sed & cælorum supra istos cœlos*. Observa, non dici CHRISTUM ascendisse supra omnes cœlos, sed supra omnes istos cœlos. Sed & supra tertium cœli ex parte

ascendisse dici potest qui id ascensu suo ingreditur.

Ad 3^m. Assumptionem negamus. Nec enim minùs supra omnes coelos adspectabiles constitutus est *Elias*, quàm *CHRISTUS*: Idem quoque adspectabilibus coelis sublimior est, si localem situationem respicias: in eodem enim cœlo sunt; *Elias* & *CHRISTUS*: Unde tamen non sequitur eandem prorsus utriusque in eodem cœlo esse conditionem, si gradus felicitatis consideres. Phrasis igitur *ascendit supra omnes coelos*, non peculiarem CHRISTI notat prærogativam, quasi soli CHRISTO competat supra omnes coelos ascendisse, sed statui humiliationis & conversationi ejus terrenæ opponitur; quasi dicat Apostolus, non amplius CHRISTUM corpore suo in terris versari & servi formam gerere, sed in cœlum sublatum & exaltatum gloriose jam imperare.

Ad 4^m. Consequentia nulla prorsus est. Quasi verò Angeli in terris constituti maiestatem Patris in cœlo refulgentem intueri non possint. Nam & *Stephanus* in terris CHRISTUM vidit in cœlis ad dextram Patris stantem: Quidni igitur in terris quoque faciem suam Angelis monstrare. Pater coelestis possit? Aut extorres coelestis beatitudinis dicemus Angelos cum in terris versantur? Locum distingue & statum personæ in loco: Non opus hic cœlo ubi-queistico.

Ad 5^m. Connexum negamus. Probatio ejus nihil probat. Distingatur inter gratiæ & gloriæ regnum: Illud intra nos est, sed cœlum non est; istud in cœlo aliquando, quod & ipsum regni hujus pars est, occupaturi sumus.

Ad 6^m. Antecedens falsissimum est. Dicuntur enim discipuli cum CHRISTO fuisse in monte *Thabor*, non in cœlo: Nisi forte dicat *Behemius* montem *Thabor* esse cœlum beatorum: quod ipsi cœlum minimè invidemus. Deinde & consequentia nulla est: Imò contrarium sequitur. Nam & mons *Thabor* sursum est: Si igitur in monte *Thabor* cœlum fuit, utique sursum fuit.

THESIS VI.

Cœlum hoc primo creationis die videtur creatum.

"*Exordium*."

I. Tempus quo cœlum hoc à Deo creatum, non minùs controversum est. Primum igitur ii minimè sunt audiendi qui cœlum spatium quoddam sibi imaginantur à Deo ab æterno creatum, in quo habitavit tanquam in palatio magnus Imperator. Audiendi, inquam, minimè sunt, quia æternum nihil est quin idem Deus sit. Ad diem ergo sex primos, quibus Deus mundum hunc ex nihilo creavit, hujus quoque coeli referendam esse creationem

Theolo-

Theologi saniores fatentur omnes. Quo verò è sex illis diebus æternus ille Opifex coelestis hujus Civitatis fundamenta jecerit, definire non adeò est proclive, cum expressa Scripturæ desint testimonia. Dissentiunt igitur variè Theologi, diem alii primum, alii secundum, alii alium nominantes.

II. Qui primo die coelum hoc unà cum Angelis creatum existimant, sententiam suam ità tuerentur; *Coelum*, inquiunt, cujus *Moses* Gen. i. 1. meminit, ab *expanso* diei secundi opere distinguitur ipso creationis ordine, dum ad primi diei opus expressè refertur. At præter *expansum* secundi diei cum aliud coelum nisi empyreum à sacris literis nullum monstretur, sequitur necessariò illud ipsum esse empyreum, adeoque primo die creatum. Sed huic rationi occurrunt alii hoc modo; In primo aiunt *Genesius* versiculo, more Hebræorum, totius capituli summam *Moses* præmittit, per *coelum & terram* synecdochicè totum mundum significans: sensus ut sit; *Totus mundus à Deo in principio, sex scilicet primis diebus, fuit creatus*. Hanc verò generalem; totius creationis summam speciatim postmodum persequitur, & quid quolibet à Deo die creatum sit exponit: primò nimirum confusa elementorum moles, unà cum luce; secundo, *expansum*, &c. Ex hac igitur interpretatione, cui ex doctis haud pauci suffragantur, per *coelum* versu primo expressum solum empyreum minimè intelligendum est, sed pars mundi superior coelestis, quæ triplex coelum complectitur, empyreum, *etærum*, *etærum*: uti per *terram*, pars mundi inferior elementaris. Ad rem ergò superior probatio nihil videbitur facere.

III. Probabilior igitur eorum possit videri sententia qui secundo die unà cum reliquis coelis creatum existimant, & *expansum* istud totum coelorum & hyperphysici & physicorum systema interpretantur. Et ratio quidem è creationis ordine pro sententiæ hujus confirmatione hæc potest afferri; Si reliqua omnia creationis opera quæ idem speciale nomen participant uno & eodem die à Deo sunt creata, idem de coelis negandum non fuerit: Atqui verum prius: Ergò & posterius. Propositionis consequentia cur negetur ratio videtur nulla. Assumptum inductione probatur; Stellæ quarto die fuerunt creatæ omnes; & germina, h. e. omnis generis plantæ, tertio die omnes; pisces, ut & aves, quinto die omnes; animantia terrestria rationalia & irrationalia sexto die omnia: Quid causæ igitur cur inturbata coelorum creatio esset, & empyreum primo die, astriferum verò & æreum secundo die?

IV. Neutram nos sententiam pertinaciter sequimur: Interim arridet nobis prior eorum sententia qui primo die coelum hoc creatum esse existimant,

& quidem tanquam mundum quendam supernaturalem, ante acta naturalis mundi fundamenta. Sententiam hanc probabilem reddit recepta Theologorum sententia de Angelis primo die creatis: Cum verò coelum hoc peculiare sit Angelorum domicilium (unde *exercitus coeli* appellantur) omnino verisimile est unà cum iis conditum esse coelum hoc empyreum, si non ante eos; si quidem cum à Creatore ordinem observatum videmus ut habitacula incolis præpararet prius quàm incolae crearet, ut videre est ex plantis, stellis, piscibus, avibus, animantibus. Per *coelum*, cujus Gen. i. 1. fit mentio, sive empyreum in specie intelligas, sive totum coelorum systema, ad rem præsentem nihil intererit. Et si maxime nonnisi de naturali coelo *Moses* loqueretur, nostræ tamen sententiæ nihil decederet. Nam & Angelorum mentionem *Moses* nullam facit, quos tamen creatos esse certum est, & primo die creatos probabile. Postremum hoc qui probant, causam cur coeli hujus *Moses* non meminerit hanc adferunt; Quòd visum ei fuerit naturalem duntaxat & adspectabilem hunc mundum rudi Judæorum populo describere, nè ullus dubitandi scrupulus injiceretur. Unde *Hieronymus* Epist. 139, ad *Cyprianum*. *E* *Moses*, inquit, ore creationem mundi & eorum duntaxat quæ visibilia sunt, conditionem hominis, & omnis retrò historiæ didicimus veritatem.

V. Ratio quæ ad sententiæ posterioris probationem adducitur, à priori nos sententiâ non dimover. Per *expansum* secundi diei nonnisi naturale coelum intelligi affirmamus. Cur autem unà cum naturali hoc supernaturale creatum non fuerit, ut alia ejusdem generis corpora eodem sunt die creata ratio manifesta hæc est; Quòd à mundo naturali sejunctum supernaturalem voluerit Creator, quòdque diversæ sint prorsus conditionis coelum empyreum & naturale, cujusmodi conditionum disparitas in reliquis ejusdem generis corporibus non deprehenditur.

THESIS VII.

Finis coeli hujus, respectu Creatoris, est Divinæ majestatis plenissima patefactio; respectu Angelorum & hominum beatorum, felicissima patefactionis hujus fructio.

EXPOSITIO.

I. Quidquid est, ob finem aliquem est: frustra enim Deus nihil facit: Fines igitur & suos empyreum coelum habebit, & quidem tantò illustriores quantò ipsum sublimius & magnificentius.

Est autem finis ejus duplex, unus respectu Creatoris

toris, alter respectu beatorum Angelorum & hominum.

Respectu Creatoris is est finis, ut sit palatium augustissimum & eminentissimum immensi & æterni illius Imperatoris Dei, in quo sacrosanctæ Majestatis radios plenissime diffundit, seque electis suis creatoris affectum fruendum exhibet. Nec tamen Deum ita in cœlo constitutum affirmamus veluti Aristoteles, qui, in lib. De Mundo, ad Alexandrum, non aliter in cœlo Deum constituit & concludit quam Rex Persarum in regia urbe Ecbatanis aut Suis residere solet: Quam opinionem ex vetustissimis Ægyptiis hausisse videtur Aristoteles. Absit, inquam, ut cœlo Deum concludamus, quem nē Pythagoras quidem solius cœli spatii arctavit: Sic enim, referente Cyrillo, docuit, Deus quidem unus, & ipse non, ut quidam suspicantur, extra mundi gubernationem, sed in ipso totus in vortice circuli omnes generationes considerat. contemporatio existens omnium seculorum, & lux suarum virtutum, & operum principium, omnium numen in cœlo, & pater omnium, mens & animatio omnium, circulatorum omnium motio. Quocum Orpheus in Saturni hymno consentit; Qui omnes, inquit, mundi partes habitat, generationis princeps. Ejusdem elegantem sententiam Eusebius lib. 3. De præpar. Evangelica cap. 3. hanc adfert,

Jupiter est summus vertex atque infima planta, Æternum semper simul est ac totus ubique.

Probamus tanquam orthodoxa & verissima ista Isidori, lib. De summo bono, cap. 1. verba, Immensitas Divina magnitudinis ista est, ut intelligamus eum intra omnia sed non inclusum, extra omnia sed non exclusum, & ideo interiorem ut omnia contingat, ideo exteriorem ut incircumscripta magnitudinis suæ immensitate omnia concludat. Per id ergo quod exterior est, ostenditur esse Creator; per id quod interior, gubernare omnia demonstratur. In cœlo igitur tanquam palatio nāt' & c. Deum esse cum Scripturis dicimus quia gloriosissimæ suæ præsentis nūspiam manifestiora facit indicia quam in cœlo.

II posteriorem finem CHRISTUS exprimit, Joan. xvii. 24. Pater, quos dedisti mihi velim ut ubi (monstravit hoc ubi in ascensione in cœlum) sum ego, & illi mecum sint, ut conspiciant gloriam illam quam dedisti mihi, &c. Pertinent huc multa Apocalypheas capita, quibus non hæc tantum sed & prior & c. insigniter illustratur: Vide præ reliquis iv. v. vii. xiv. xix. xxi. Finio digressionem hanc magnā illā voce quam ex cœlo hoc Joannes audivit, Halleluja: Salus & honor & gloria & virtus Domino Deo nostro.

CAPUT X.

De definitione & efficiente Stellarum.

Definitio Stellæ: Th. I. Etymon Stellæ: ex d. 1. Efficiens stellarum: Th. II. Probatur stellæ a Deo & quidem quarto die conditas esse: ex d. 1. Argumenta contraria Simplicii: 2. Solvuntur: 3. An Deus novas stellas condar, ratio dubitandi: 4. Sententiæ diversæ de novis sideribus, seu novis stellis: 5. Rejicitur sententia Kepleri: 6. Recepta Astronomorum sententia de efficiente causā novarum stellarum: 7. Sententia Theologorum de novā creatione: 8. Ostenditur sententia hujus probabilitas, & defenditur contra Vallesium: 9. De stellā Magorum: ibid.

THESIS I.

Hactenus prior corporis cœlestis species. Cælum: Sequitur altera, Stella: Quæ est corpus cœleste, rotundum, lucidum, calidum, in orbem vi Divinitus inditū mobile, ad mundi sublunaris commodum a Deo creatum.

Ex d. 1.

I. Definitum Stella est: De cuius etymo quæritur. Dissentiunt Grammatici: Isidorus lib. 3. cap. 70. Stellas putat esse dictas à stando, quod semper

fixæ in cœlo stent, nec cadant, vel certe videantur stare, ut Perostus vult. Originem hanc non probō, quia parum affinitatis inter stare & stellam. Nec ratio probatur: non stant, nec videntur stare, sed perpetuo moventur & videntur moveri, ut exemplo Planetarum patet. Aliis dici videtur, quasi luminis stilla, quos tanquam nimis curiosos Quintilianus reprehendit. Alii παρὰ τὸ γλαεῖν, nitere, rutilare, splendescere, deducunt: qui ad scopum propius collineant. Omnium tamen maxime nobis probatur origo παρὰ τὸ στέλλειν, idque ratione triplicis significati, ornare, mittere, contrahere: Sunt enim stellæ insignia cœli ornamenta: emittunt quoque lumen & radios, quibus mundum tunc illustrant: denique ex materie subtilioris condensatione seu

traditione videntur à Deo factæ, ut è sequentibus patebit, Hebræis כוכב stella dicitur, vel *παρά τὸ* כוכב accendere, vel *כוכב* extinguere, quod occasu suo videatur extingui, vel *καὶ ἀνιφθῆναι*, ut Schindlero placeat, quod nunquam extinguatur. Germanicum nostrum *Stern*, à Græco ἀστὴρ est.

II. Definitio genere constat & differentiâ. Genus est corpus cæleste : quod suprà in cælum & stellam distribuimus. Differentia ex adjunctis, efficiente & fine depromitur : de quibus ordine deinceps.

THESIS II.

Efficiens stellarum est Deus, qui ut secundo creationis die cæli expansum condidit, ita & quarto stellas, seu cæli luminaria.

ΠΕΡΙ ΤΗΣ.

I. De hac assertione Christianus nemo, si *Casharinum* & *Eugebinum* exceperis, dubitat : Sunt enim expressa *Mosis* verba, Gen. i. 16. *Fecit Deus duo luminaria magna, luminare majus ob dominium diei, & luminare minus ob dominium noctis, & stellas : & posuit eas in firmamento cæli Deus ut illuminarent terram, & ut præessent diei ac nocti. Et vidit Deus quod esset bonum fuitque vespera & manè dies quartus. Utrumque thesaurum membrum verbis hisce firmatur : 1. Quod cum reliquis creationis operibus etiam stellæ à Deo sex illis diebus sint creatæ. 2. Quod quarto die creatæ. Manifesta, inquam, adeò *Mosis* sunt verba ut incolumi fronte & pietate salvâ contrarium Christiano nemini liceat statuerè.*

II. Pagani vero nonnulli, quâ in Deum blasphemiam fuere & impietate, cæco illo de mundi æternitate correpti furore, unâ cum *Aristotele* æterna esse astra delirarunt, utque rerum harum rudem omnino fuisse *Mosén* aliis persuaderent, nec potuisse nec debuisse quarto demum die astra à Deo condi sic sunt cavillati : 1. Posito effecto, causam vel esse vel fuisse necessum est : Atqui primis tribus creationis diebus fuit dies : Ergò iis causa quodque diei, h. e. Sol, fuit ; proindeque non quarto demum die effectum esse potuit. Propositio axioma Logicum est. Assumptio in verbis *Mosis* continetur, ubi inquit, *Fuitque vespera & manè dies primus* : ita etiam secundo & tertio.

2. Effectus non est sine causâ : At tertio creationis die fructificatio & foecunditas plantarum, quæ aliunde quàm à Solis calore esse non potest, exstitit : Ergò ante quartum diem fuisse Solem sequitur.

3. Simplicia & incorruptibilia corpora tempore

sunt priora compositis & corruptibilibus : At astra simplicia sunt corpora & incorruptibilia : Ergò priora omnino fuerunt plantis, corporibus compositis & corruptibilibus : At hæc à *Mose* astris præponuntur.

III. Ad inania hæc *Simplicii* Peripatetici cavilla profliganda duo notentur axiomata ; 1. *Naturâ jam constitutâ & ordinatâ ad naturam demum constituendam & ordinandam argumentari inconsequens est.* Ratio ; Quia in ipso creationis opere mediis & causis naturalibus se Deus minimè alligavit : quæ igitur ab ordinariis & naturalibus jam præguntur causis, ea etiam sine hisce extraordinariâ quâdam potestate à Deo fieri potuisse omnino credendum est. In hanc sententiam multa præclara apud Patres occurrunt, præsertim *Basilium*, *Ambrosium*, & *Chrysostomum* : quorum summa huc redit ; Libuisse Deo creationem plantarum & lucis præmittere stellarum creationi, ut inde discerent mortales, posse primam Causam etiam absq; secundis extra ordinem producere quæ pro arbitrii sui libertate per secundas ordinariè producit ; adeoque Creatori omnipotentis laudem tribuerent, minùque ad creaturarum cultum propenderent. Pulchra sunt *Philonis* verba in libro De mundi opificio ; Ἀναλογησάτωσαν ταῖς διανοίαις ἐπὶ τῷ πρῶτῳ ἡμῶν ὅλων γένεσιν, ὅτι πρὸς ὑλίας καὶ πηλύνους παντὶ ὅλῳ φύσιν, παντοῖς δὲ καρπῶν ἡνεγκεν ἡ γῆ. καὶ θεοσάμφοι ταῖς διανοίαις ὑπερέπασαν ὅτι καὶ ἀέθρις οἰσεν, καὶ πρὸς τὸν τῆς παρθένου, ὅταν αὐτὴ δοκῇ κινεῖν προσδεχέσθαι τὸ κατ' ἐρανὸν ἐκγόναν, οἷς δυνάμεις καὶ ἐδωκεν ἵνα μὴν αὐτοκρατεῖται. οἷα γὰρ ἡνίοχος ὡς ἡνίων, ἢ κυβερνήτης οὐκ ἔστιν ἀνελεῖται, καὶ ἀγνοεῖ, ἢ ἀν' ἐστὶν καὶ νόμον καὶ δίκην ἔχει. καὶ δυνὸς προσδεδωκεν ὅτι πάντα γὰρ θεὸς διναται. 2. Deus, pro sapientissimo suo & inpervestigabili consilio, in operum suorum creandorum opere non excellentiam vel simplicitatem spectavit, sed voluntatis suæ liberrimæ beneplacitum & infinitæ potentis laudem. Respondemus igitur ad 1^m. & 2^m. Consequentiam negamus, ut quæ falsâ illâ nititur hypothesei, *Omniem diem & omnem fecunditatem à Sole esse*, seu de constitutâ seu de constituendâ naturâ sic quæstio. Videatur axioma primum.

Ad 3^m. Argumenti propositionem ex secundo axiomate respondemus ; Deum pro sapienti suo consilio non simplicitatem vel præstantiam corporum respexisse, sed omnipotentis suæ potiùs laudem ; ut qui hoc ordine ad secundas & naturales causas se minimè alligatum esse ostendere voluerit. Quia & natura ipsa opus suum à perfectioribus non orditur, sed ab imperfectis ad perfectâ progreditur. Possit quoque ad eandem propositionem responderi per

distinctionem corporum simplicium; Quædam enim ad compositorum constitutionem tanquam materia concurrunt, quædam minimè: illa compositis meritò sunt priora, ista non item. Ità igitur minimè mirum stellas tanquam simplicia corpora aliis compositis esse posteriora, cum ad eorum compositionem non fuerint destinata.

IV. An verò omnes ab initio stellas Deus condiderit, in controversiam à doctis vocari video. Causa dubitandi hæc est; Quòd nostro seculo nova & insolita in expanso sidera à Mathematicis sint observata: Inter quæ insignia fuisse quatuor Unum, anno LXXII, in sidere *Cassiopeæ*, quod ad initium veris anno LXXIV, cum stupore docti & indocti sunt contemplati: de quo multorum Mathematicorum exstant judicia. Alterum, ann. LXXVII, non longè ab orbitis γ & δ , quod à *Tychone* descriptum. Tertium, anno MDC, in pectore *Oloris*. Quartum, anno MDCIV, in pede *Serpentarii*. De posterioribus hisce duobus *Kepleri* exstant eruditæ commentationes. Singula supra Lunam existisse certis Mathematicorum constat demonstrationibus.

V. De efficiente horum siderum varix sunt sententiæ. Sunt qui existimant & hæc sidera ab initio fuisse cum aliis à Deo condita, latuisse autem ad tempora apparitionis usque & majora esse visa propter interpositam exhalationem. Solidè refutat sententiam hanc, de stellâ anni LXXII, *Clavius* in *Sphærâ* pag. 191, 192. de stellâ *Serpentarii* & aliis similibus adversus *Fabricium*, *Keplerus* cap. 20. *Tycho* part. 1. *Progymn.* pag. 573. quò lectores remitto. Concessâ igitur hypothesi, de siderum horum novitate, *Keplerus* efficientem eorum putat naturalem esse, nempe cœli animam, cui hoc assignat officii, ut vel ipsa, dum purgat & depurat corpus suum proprietate suâ essentiali, huiusmodi vapores pingues & impuros cogat & quasi detergat; vel etiam excretos ex globis stellarum, quasi possessionem vacuum, occupet. Utrolibet modo ex materiâ inventâ vel genitâ inter fixas stellam immobilem, inter Planetas cometam mobilem effici putat *Keplerus*. Sententiam hanc stabilit hæc ratio; Telluris globus per vim suam vitalem varii generis plantas & animalia gignit intra se, celesti adjutus calore: Ergò huiusmodi vis gignendi globo celesti non est adimenda, quam in novorum siderum productione perquam commodè exseret, tanquam in procreatione similis, De stellâ *Serpent.* cap. 24.

VI. Sententia hæc nimis videtur in solens, cum de efficiente tum de materiâ novorum siderum. Efficientem quod attinet, animam in cœlo nullam admittimus, adversus quam prolixè suprâ disputa-

tum. Quòd si tamen absque hâc vim sidera huiusmodi producendi non tam cœlo quam sideribus tribueret, facilius admitti posset opinio. Quod verò de materiâ horum siderum idem philosophatur, insolentius & absurdius nobis accidit, cum longè alienissima videantur à puritate cœlestium corporum excrementa ista naturalia; nec video quî cum incorruptibilitate & simplicitate eorum consistere tot recrementa possint. Unde, quæso, vapores impuri pinguesque in purissimo illo æthere, nisi ex sub-lunari mundo evehantur?

VII. Recepta Physicorum & Astronomorum opinio est, huiusmodi sidera efficientem causam habere in Planetarum conjunctionibus, imprimis γ & δ , si in Eclipses \odot & \lrcorner incidant. Mihi sane causa hæc minimè sufficiens videtur, si omnibus novis sideribus applicetur. Et ut maximè vis ejus aliqua sit in cometis qui vel infra Lunam vel intra Planetarum spacia deprehenduntur gignendis, non tamen princeps videtur causa eorum siderum quæ in fixarum regiâ ætas nostra observavit, quæ rectius cometæ an sidera appellentur nondum puto definitum esse.

VIII. Accedit tertia quorundam Theologorum & Philosophorum sententia, quæ sidera huiusmodi admiranda, illa præsertim quæ anno LXXII, DC, apparuerunt, à Deo optimo maximo recens procreata arbitrantur, ut magnum aliquid mortalibus portenderent. In quam sententiam inclinat *Clavius* in *Sph.* pag. 193, 194. de stellâ anni LXXII. Illud, inquit, omnibus exploratum esse debet, Deum non admississe sibi stellas efficiendi potestatem: quare & illam tunc potuisse, & nunc posse, si velut, vel innumerabiles procreare. Quare autem tum potissimum procreata sit, occulto Dei judicio, qui nihil frustra facit, sed omnia summa providentiâ ad suos fines dirigit, quoad mortalibus patefaciat, permittendum est. In eandem sententiam & *Hagens* concedit.

IX. Hanc sententiam equidem minimè contemnendam arbitror, etsi non adeò multos eam habere patronos in Astrologiâ suâ *Bartholinus* scribit. Rationes quæ adversus eam producuntur certè magni momenti non sunt. Si novas inquirunt, stellas Deus crearet, mundus fuisset conditus imperfectus. Resp. Nego consequentiam. Fatetur ipse *Bartholinus* stellam quæ Magos duxit à Deo in aere recens productam esse; & tamen absque eâ perfectus antè Mundus erat. At enim, inquit, non fuit illa stella immediatè ex nihilo creata: cum mundus perfectus sit conditus. Resp. Nihil hoc ad rem: Nec enim magis perfectioni mundi obstat creatio nova ex nihilo quam ex aliquo, ut olim non minùs perfecit

mundum creatio ex aliquo quàm ex nihilo. Accedit quoddam animæ rationales lingulis diebus ex nihilo creentur, salvâ tamen mundi perfectione. Denique nulla est consequentiæ necessitas, *Olim erat mundus perfectus, quia omnes stellæ erant conditæ quæ ad perfectionem ejus tum requirebantur*: Ergo posterioribus seculis alias stellæ. Deus condere non debuit. Quid si enim jam, ex voluntate Conditoris, mundus requirat quod olim non requirebat, sitque alia perfectionis ratio quàm olim erat? Instant; *Septimo die requievit Deus ab operibus creationis*. Resp. Requievit ab operibus quæ tum temporis ad mundi perfectionem requirebantur, opere creationis universalis ad umbilicum deducto; interim metam omnipotentis suæ non fixit, nec extraordinariorum operum producendorum potestatem sibi adimi passus est. Itaque omnes ab initio stellæ qui conditas à Deo negaverit, non sine ratione id fecerit.

Rationes quibus sententiam hanc nostram impugnât *Vallésius*, *Sacræ Philosoph.* cap. 1. edit. Francof. an. 1600. p. 36. nodum nihilo validius stringunt.

1. *Perfecti sunt cœli*, inquit ex Gen. ii. & *omnis exercitus eorum die sextâ*: Novas igitur stellæ postmodum Deus non condidit. Resp. Nego consequentiam. Perfecti sunt cœli quoad illam mundi conditionem ac statum, qui alia sidera tum non requirebat, uti nec alia quorumcunque creaturarum individua vel species: Posterioribus verò seculis nullâ vel individuum vel specierum etiam novarum accessione, ex Creatoris voluntate, opus fuisse qui dixerit, ipsi experientiæ bellum indixerit: quot enim insolita portenta mundo post exordium ejus Creator exhibuit? Recte quoque dixeris semel perfecisse Deum cœlum tum sidera quoad essentiam eorum: Unde tamen non sequetur, nova deinceps corpora à Deo produci non potuisse vel debuisse.

2. Stellæ illæ quas novas arbitrâmur, rursus interierunt & disparuerunt: Non igitur fuerunt à Deo creatæ. Ratio consequentiæ; Quia *omnia opera Dei perseverant in perpetuum*, *Ecclesi.* iii. Resp. Nego consequentiam. Probatio si citra limitationem admitenda esset, sequeretur plantarum & animalium ab initio creata individua in perpetuum perseverasse; quod falsum: aut opera Dei non fuisse; quod & ipsum est falsum. Dicuntur igitur opera Dei perseverare in perpetuum, vel quoad individua, vel quoad genera aut species. *Lyra* perpetuitatem hanc interpretatur de principalibus mundi partibus; alii, de perpetuâ ordinis naturalis conservatione; alii, de immutabilitate Divinorum decretorum.

Inprimis verò extraordinariam fuisse stellam quæ ad CHRISTUM Magos duxit, ex multis indiciis palam est. 1. Quia inæqualis & diversus fuit motus ejus. 2. Quia modò apparuit modo disparuit. 3. Quia interdiu etiam fulsit, imò splendore suo alia cœli lumina vicit, teste *Ignatio*, Ep. 14. ad Ephes. 4. Quia temporaria fuit. 5. Quia immota quandoque stetit. Unde *Augustinus*, lib. 1. contra Faust. Manich. cap. 5. Non ex illis erat hæc stella quæ ab initio creaturæ itinerum suorum ordinem sub Creatoris lege custodiunt, sed novo Virginis partu novum sidus apparuit, quod ministerium officii sui ipsam Magis quærentibus Christum, cum ante faciem præiret, exhibuit, donec eos usque ad ipsum locum ubi Dei Verbum infans erat præeundo perduceret.

In stellæ hujus mentionem cum inciderim, pauca adhuc annotare libet. De eâ olim vaticinia extitisse putat *Origines*, homil. 13. in Num. quibus eraditi Magi se itineri accinxerint: Quod vero perquam simile est. Nec dubium quin sancti Patriarchæ eorumque filii in Scholis suis similia multa vaticinia olim proposuerint, quæ in Gentilium deinde manus pervenerint. Unde *Otrouem Heurnium* in *Indico* cap. 7. Meminit stellæ hujus *Chalcidius* super *Timaum Platonis*; Stella illa, inquit, non fuit morbos aut mortem denunciatus, sed descensum Dei venerabilis ad humanæ conservationis rerumque mortalium gratiam: quam stellam cum nocturno itinere suspexissent Chaldaeorum profecti sapientes viri, & consideratione rerum cœlestium satis exercitati, quasi se dicuntur recenem ortum Dei, &c. Non placet quod *Chrysostomus* & *Theophylactus* tradunt, stellam hanc fuisse *ἑστὴν ἀστὴρα καὶ ἀγχαλίδος* ἢ *τὴν τοῦ ἀστρονομήου*, h. e. Divinam quandam & Angelicam virtutem quæ sub stellæ figurâ Magis apparuerit. Cur enim à textu sacro abeamus, & ex stellâ Angelum faciamus, causa planè nulla est. Angelorum ministerio si uti Deo hîc libuisset, absque sideris figurâ id facillè potuisset: nec siderum corpora assumisse Angelos alibi legimus. Multo minùs probatur quod de Spiritu sancto scribit autor lib. De mirabilib. Scripturæ. *Priscillianistæ* & *Manichæi* stellam Christi fuisse propriam, & ad signandam ejus genesisin productam contenderunt: Quos refutat *Augustinus* lib. 6. contra Faust. & *Chrysologus* serm. 157. Planè fabulosum est quod *Gregorius Turouensis* Episcopus scribit, stellam hanc tandem recidisse in puteum quandam *Beilhem*, & in fundo putei illius potuisse tantum videri ab iis qui virgines erant. Sed satis de hisce.

CAPUT XI.

De materiâ & formâ stellarum.

Materia stellarum: Thef. I. Veterum Philosophorum sententia, quod ignea sint stellæ, improbata Aristoteli: ex. 1. Solvitur ratio Peripatetica: 2. Ostenditur probabilitas sententiæ de ignea stellarum naturâ: 3. Sententia propria de materiâ stellarum, ejusque probatio: 4. Diverse sententiæ de luce primâ: 5. Sententia Catharini: 6. Sententia Paretii & rationes ejus: 7. Improbatur hæc sententia: 8. Danæi sententia: 9. Forma stellarum: Thef. II. Rationes pro animâ stellarum: ex. 1. Rejicitur sententia hæc: 2. Solvuntur rationes contrariæ: 3. Distinctio quorundam examinatur: 4. An lux astrorum forma sit: 5.

THESIS I.

Fuit Efficiens: Materia stellarum est lux, hoc est substantia lucida, primo creationis die à Deo ad noctis & dici discrimen facta.

*ENDEOS.

I. Ignæ naturæ stellæ esse veteres ante Aristotelem fecerunt omnes Philosophi crediderunt, Zoroaster, Thales, Anaximenes, Heraclitus, Xenophanes, Parmenides, Empedocles, Anaxagoras, Diogenes, Archelaus, Plato, Stoici omnes, & plerique Patres; Unico eoque firmissimo sensû testimonio ducti. Videbant & sentiebant haud secus atque ignem astra lucere, calefacere, calores varios ostentare, rotundam figuram procul stantibus repræsentare, micare, lumen propagare, & ad motum esse proclivia: Ex hisce igitur omnibus proprietatibus, quæ astris cum igne sunt communes, ignea, esse astra concluderunt. Aristoteles verò, qui omnino acutioribus oculis naturæ abdita lustrasse sibi videbatur, rejectâ hæc veterum sententiâ, indignum esse judicavit celestem illum & perennem tractum elementaribus corporibus replere. Ut igitur cælum ipse quintæ cujusdam essentiæ à quatuor elementis diversissimæ, simplicissimæ, incorruptibilis & æternæ esse judicavit, sic & ejusdem cum cælo naturæ astra quoque esse fidenter pronunciavit, & ab orbibus, quibus ea clavorum instar infixit, densitate saltem & compactione differre docuit. Hinc stellam ipse definit partem orbis sui densiorem: Nam si tenues essent & pullulæ stellæ, non splenderent aut lucem conciperent, sed, ut reliquum cæli corpus, lumen transmitterent, adeoque discedente lucis fonte caliginem induerent. Rationem Aristotelici hujus dogmatis si petas, hanc tibi Peripatus è vestigio obtrudit; In simplicibus corporibus partes ejusdem sunt naturæ cum toto: Atqui cæli corpus est simplex, & stellæ sunt ejus partes: Sunt igitur stellæ ejusdem cum cælo, cui inhaerent, & cum quo

moventur, naturæ; hoc tantum ab eo differentes, quod densiores sint & compactiores ad faciliorem lucis conceptionem & retentionem.

II. Clavam hanc Lycei Herculi si extorseris, inermem omnino & nudum constitues. Agè igitur astutionis partem posteriorem negemus: Sunt enim stellæ non magis cæli partes quam vel pisces aquæ, vel volucres aeris, vel nos aquæ aerisque nos ambientis. Quod si igitur cæli partes non sunt, nec ejusdem cum cælo erunt naturæ, nec ejusdem quiequam derogabunt simplicitati, uti nec ærem nec aquam quicquam compositum esse corpus ideo dixerit quod vel volucres vel pisces sustineat. Videat interim Peripatus nē, densitatem & raritatem cælo dum inferit, nolens volens essentiam suam quintam ipsemet evertat: Sunt enim qualitates illæ tactiles secundæ, quas si à primis ortas fatebitur, ut fronte incolumi inficiari vix audebit, quid reliquum erit nisi ut de cæli prærogativâ actum esse exclamemus? Quin & sententiæ huic Peripateticæ facer textus haud obscure refragatur, dum in expanso tanquam in subjecto, non expanso tanquam ex materiâ factas à Deo esse stellæ expresse dicit. Ut igitur Deus ex aquis natatilia & volatilia, è terrâ germina & cum reptilibus gressilia producturus non dixit, *Sunto aquatilia in aquis, & in terrâ vivens animæ*, sed, *Repere faciunt aquæ reptile animæ viventis, & producat terra animam viventem*, sic & sine cælo stellæ creaturus, non, *Ex cælo*, inquit, *fiant stellæ*, vel, *In stellæ cælum densetur*, sed, *In cælo existant*, tanquam loco, omnipotenti suo verbo imperat. Denique mirandam hanc celestis corporis rarefactionem & condensationem, quam complecti nequit ratio, quis citra Scripturæ autoritatem vel solidæ rationis imperium obtrudi sibi patiat? Rationem modò audivimus vix probabilem, & ad assensum hanc in parte nostrum impetrandum nimis infirmam: Scripturam si audiverimus, disertè quidem ea facta & posita à Deo luminaria esse in expanso fateatur, at è cælo vel ex expanso facta nē verbulo quidem uspiam meminit.

Pro

Pro Peripateticâ sententiâ instat *Vallesius*, Sacræ Philosoph. cap. 1. Si astra ex firmamenti seu expansi substantiâ non essent facta, necesse esset eam firmamenti partem quæ erat ubi quodcunque astrum est positum redactam esse in nihilum : At falsum consequens : Ergo & antecedens. Connexi ratio adfertur ; Quia cœli partes abscedere non potuerunt aliæ ab aliis, ut denuo nascentibus astris loco cederent : Sunt enim naturâ indivisibiles, ut neque densitatem neque raritatem admittant. *Resp.* Connexum nego. Positâ enim hypothesi nostrâ, quod cœlum non sit nisi expansum aerum, perinde argumentatur *Vallesius* ac si concluderet, eas aeris vel aquæ partes quarum spatia modò pisces modò aves aut alia animantia vel corpora occupant, in nihilum redigi. Atqui & aer & aqua ita sunt naturâ comparata ut cedere aliis corporibus possint eaque intra se recipere. Quod confirmationis loco adducitur, partim falsum, partim principis Peripateticis contrarium. Si enim cœlum densitatem & raritatem non admittit, quâ stellæ possunt esse densiores orbium partes : Viderit tamen *Vallesius* quæ ex hâc difficultate se ipsum extricet. Nam si astra ex substantiâ cœli condensatâ sunt facta, aut reliqua cœli substantia erit rarefacta ad prohibendum vacuum, aut vacuum in cœlo relictum, aut nova cœli pars creata, aut peregrina substantia quasi affluta : Quicquid horum dixerit, vel in doctrinam Peripateticam, quam tuetur *Vallesius*, vel in *Mosaicam*, quam & ipsam asserit, impegit : Negat enim *Vallesius* in cœlo dari vacuum, negat dari rarefactionem, aut alieni corporis concretionem ; De novâ coelestis substantiæ parte quarto demum die creatâ nihil in historiâ creationis occurrit. Et hæc tamen quidem de Peripateticâ sententiâ.

III. Veterum verò Philosophorum, qui ignea esse astra crediderunt, sententiam, si extra sacras literas philosophandum cum ipsismet foret, *Aristotelicâ* longè probabiliorem judicavimus, iisdem, quibus & illi indicibus moti. Quis enim id quod lucidissimum, & calore sæpenumero combustibile materiam accendit consumitque, ut quidem in Sole experimur, igneam non esse crediderit ? monente præsertim ipsomet *Aristotele*, in rerum à nobis longissimè distitarum naturis pervestigandis, rerum apud nos existentium & naturæ proprietatibus ad eas quàm proximè accedentium similitudine utendum nobis esse. Ad ignis verò nostri naturam quid, quæso, propius quàm astra accedit ?

Acerrimos defensores sententiæ hæc habet *Patrium & Campanellam* libr. 3. De sensu rerum cap. 1. De quâ plura nos suo loco. Cum autem ea quæ vel solâ è sacris literis hauriri possunt suspicio-

ne, omnibus iis quæ extra eas vel à solertissimis naturæ indagatoribus excogitantur, meritò sint præferenda, utique à sententiâ illâ quam, in thesi expressimus, & è sacris evinci posse literis existimamus, haud temerè nobis discedendum judicamus : etsi interim, *cœlestes esse ignes astra*, extra omne nobis dubium, rationes in utramque partem suo deinceps loco ponderabimus.

IV. Dicimus igitur materiam astrorum proximam esse substantiam illam lucidam primo creationis die in diei & noctis discrimen à Deo creatam. Sententiam hanc sic firmamus : Constat primo creationis die lucem, hoc est substantiam lucidam, creatam à Deo esse ad diei & noctis discrimen. Illa igitur substantia lucida à Creatore aut est iterum destructa, aut conservata & perfecta. Non illud : Quia quæcunque Deus sex primis diebus creavit bona fuerunt, iisque constitui mundum hunc voluit : utque verissimè inquit *Thomas*, part. 1. Summ. Theolog. q. 67. art. 4. resp. ad arg. 2. *Scriptura in principio Geneseos commemorat institutionem naturæ, quæ postmodum perseverat : unde non debet dici quod aliquid tum factum fuit quod postmodum esse desierit.* Lux igitur illa in principio à Deo creata non fuit abolita, sed vel conservata, si fuit perfectum quiddam ; vel perfecta, si imperfectum quiddam : Sic aquam terræ permixtam, tanquam imperfectum quoddam opus, Deus postmodum distinxit terram inanem & vacuum germinibus & animantibus variis ornavit ; corpus hominis è glebâ factum animavit. Perfectum quiddam fuisse, hoc est completum, quod separatim in naturâ omnibus absolutâ numeris exstaret, veritati minimè est consentaneum : Quem enim, quæso, jam nunc in creaturarum ordine locum obtineret, nisi vel ad *Angelos*, vel ad *cælum*, vel ad *stellas*, vel ad *elementa*, vel ad *plantas*, vel ad *animantia*, vel ad *metalla* referenda foret ? Ad nullam horum referri sine absurditate potest. Non ad *Angelos*, uti quidem alii somniant ; Quia materiale quiddam fuit adeoque visibile ; atqui verò Angeli sunt spiritus immateriales, invisibiles. Non ad *Elementa* : Nec enim vel terra fuit, vel aqua, vel aer, vel ignis Peripateticorum elementaris, ut aliquibus videtur. Inis enim hic Peripateticus, ut lux ista, non lucet, nec diem à nocte discriminat. Nec ad *Stellas* ; Quia hæc quarto demum die sunt creatæ. Nec denique vel ad *Plantas*, vel ad *Metalla*, vel ad *Animantia*, ut manifestum cuivis, referri potest. Fuit igitur imperfectum quiddam, quo Deus tanquam materiâ postmodum ad alterius naturalis corporis productionem est usus. Eccejus verò tandem corporis, nisi stellarum, materiam fuisse lucem hanc dicemus ? Cœli fortè in-

quies.

quies. At lucidam hoc naturâ non est, ut suprâ demonstravimus. An ignis elementaris? At nec hic lucidus est. Multo verò minùs aliorum inferiorum & elementarium corporum. Concludimus igitur firmiter fuisse ex luce illâ tanquam materiâ stellas quarto creationis die creatas; id quod demonstrandum erat.

V. Colophonis loco pauca adhuc subnectemus de luce primigeniâ, collatis doctorem sententiis, ut ex aliarum sententiarum collatione & examine veritas sententiæ nostræ tantò fiat evidentior. Et principio quidem observandum communem ferè tam Græcorum quàm Latinorum Patrum & propè omnium Theologorum sententiam esse, ut in Genes. *Pererius* notat, lucem illam fuisse corporalem & sensibilem. *Augustini* tamen singularis hinc sententia est: Intelligit ille per cælum, quod ab initio creatum est, naturam Angelicam; per lucem, confirmationem Angelicæ naturæ in gratiâ: Sed à *Bonaventurâ* rationibus haud invalidis refutatur. Dissentiant autem Patres & Scholastici in explorandâ sensibilibus hujus lucis naturâ. *Damasceus* ignis elementum videtur esse: Quam si ita interpreteris sententiam ut per ignis elementum intelligas substantiam lucidam & calidam, diversam tamen ab igni nostro sublunari, equidem modis omnibus admittendam judico. Alium verò à sublunari igne esse inde colliges, quod cœlesti igne nihil constantius & durabilius, sublunari verò nihil inconstantius & caducius sit. Sic *Plato* quoque & *Aristoteles* in Topicis ignem quandam cœlestem agnoscit, quam lucem appellat. Credibile tamen est non cœlestem sed cœlesti contradistinctum ignem, quem elementarem vulgò appellant, à *Damascono* intelligi: cui adstipulatur *Justinus*. Utrique haud immeritò se opponit *Fullerus*, *Miscell.* lib. cap. 12. hisce rationibus; 1. Quia ignis creatio ad secundum diem pertinet. 2. Quia ignis in suo orbe non lucet. 3. Quia nulla fuit distinctio inter lucem & tenebras: ignis enim per totum cælum diffusus, si ab eo fuisset lux, nullum tenebris locum reliquisset. 4. Quia dies non alia est lux quàm quæ primo die est condita: Atqui lux quâ quarto die corpora cœlestia mundum perfuderunt, dies fuit: Eadem igitur lux fuit primi & quarti diei.

VI. *Ambrosius Catharinus* perfectam Solis lucem opinatur fuisse, unde & Solem cum suo orbe primo die conditum augurat: Quæ opinio textui *Mosaico* vim videtur facere. Non enim primo sed quarto die conditum esse Solem cum reliquis astris expressè *Moses* docet. *Basilius* homil. 6. in Gen. tradit primo die lucem per se & immaterialem esse conditam; quarto demum die in Solis corpus

tanquam vehiculum, esse infusam. Ità verò primum accidens sine subjecto conditum esse sequeretur: quod absurdum. Et si *Nazianzenus* & *Theodoretus* in eandem ire sententiam videntur. Et *Theodoretus* quidem tam copiosam & fulgidam hanc primi diei lucem fuisse putat ut nec hominum nec animalium visus sustinere eam potuisset; quarto autem die per Solem, Lunam & reliqua sidera esse diffusam & quâ dilutam, ut animantium oculis accommodatior esse. Antiquiores Interpretes Pontificii, *Beda*, *Hugo*, *Bonaventura*, *Lyranus*, *Tostatus*, corpus quoddam lucidum ad densæ lucentisque nubis similitudinem fuisse affirmant, indeque quarto die Solis corpus formatum. Eadem & *Zanchio* sententia probatur.

VII. *Dionysium Areopagitam*, falsò tamen sic dictum, securus, *Pererius* Solis eam fuisse lucem, informem tamen & imperfectam, statuit, quæ quarto die absoluta & consummata fuerit. Eadem sententia arridet *Thomæ*, part. 1. q. 67. art. 4. & q. 70. art. 1. Pro sententiæ suæ confirmatione *Pererius* hæc adducit argumenta;

1. Quia ab initio Deus cælum & terram creavit in statu imperfecto & inornato; deinde per sex dies eadem corpora perfecit, exornavit, suisque incolis complevit: ratio autem & naturæ ordo postebat ut primò ornaret cælum tanquam nobilissimum mundi corpus: Atqui ornamentum ejus longè maximum lux est: Fuit igitur prima illa lux cœlestis, & quidem lux Solis, quâ maximè exornatur cælum.

2. Nulla alia lux nisi cœlestis sine miraculo potuisset efficere quod primam illam lucem præstitisse narrat *Moses*.

3. Conveniebat Solis lucem primo creati die, quia Sol futurus erat prima & generosissima causa generationis & conservationis rerum omnium sublunarium.

4. Nomen lucis absolute positum in Scripturâ designare solet Solis lucem, quæ & *אור* *עֹלָמִי* lux appellatur, *Iesâ* ix. *Jer.* iv.

5. Idem fuit munus primæ istius lucis quod Solis, nempe separandi lucem à tenebris, distinguendi diem & noctem. Mansit enim hæc lux, ut cætera creationis opera: ubi verò mansit nisi in Sole.

6. Antiquissimo gentium more dies creationis primus fuit appellatus *Solis dies*, dubio procul quod Solaris lucis creatione fuerit decoratus.

VIII. Et si verò ex hisce non adeò liquet, simplicem lucis qualitatem an substantiam lucidam intelligat *Pererius*, ex sequentibus tamen haud obscurum, substantiam intelligi, & quidem Solis sub-

substantiam. Docet enim cum *Thoma*, quarto die solari corpori accessisse magnitudinem iustam, figuram, pulcritudinem, peculiarem motum & influxus singulares, lib. 1. Comment. in Gen. n. 77. Imò idem n. 125. affirmat, primo die facta esse astra secundum materiam, figuram, magnitudinem & densitatem; quarto verò infusam lucem tanquam formam, assignatum motum & potentiam varios producendi effectus.

Sententiam hanc per omnia non probo: Imprimis autem displicet, 1. Quòd uni Soli omnem hanc lucem vendicat. 2. Quòd Solem, imò & alia astra, primo die non tantum quoad materiam sed etiam quoad figuram, magnitudinem, ac densitatem perfecta ait: quod sanè ab historiâ *Mosaicâ* alienum. 3. Quòd lucem astrorum formam esse statuit. 4. Quòd astrorum materiam lucis expertem fingit, & veluti vas obscurum, cui lux infusa demum post ortus sui diem quartum. 5. Quòd astra figurâ, magnitudine ac densitate suâ jam perfecta per integrum quattriduum formâ suâ caruisse dicit. Nihil horum ex historiâ creationis probari potest. Nec aliud probant adductæ rationes quàm primi diei lucem, hoc est substantiam lucidam, fuisse celestem, ex quâ quarto demum die facta sint sidera, inprimis autem Sol princeps omnium stellarum. Amplius quiddam si vult *Pererius*, istis quidem rationibus non conficiet. Egregiè autem cum ordine creationis quem observavit Deus in reliquis operibus, nostra hæc sententia congruit. Constat enim omnium ferè Theologorum suffragiis, quod & ipsa creationis historia confirmat, primo die materiam à Deo conditam operum reliquis diebus creandorum; quod de expanso, plantis & animantibus cum hac ipsâ tertiâ Sectione tum secundâ probavimus. Ecur igitur stellarum quoque materiam à Deo conditam non credamus, cum tam idoneam earum materiam ipse textus nobis monstret?

IX. *Danaus* existimat in Sole, Lunâ & reliquis astris tanquam vasis collectam esse lucem illam primo die conditam. Qui si luminaria credit primam sine luce facta,isque demum superadditam lucem tanquam extraneam quiddam, astipulatores inveniet paucos, nisi ex Patribus nonnullos, quorum ante facta mentio, qui lucem hanc nudam interpretantur qualitatem per astra postmodum diffusam. In quorum sententiam & *Huriadus* inclinat, Disp. Phys. 3. sect. 2. §. 20. qui astipulatores laudat del Rio & *Molinam*. Rationes ejus duæ sunt; 1. Gen. 1. lux distinguitur à corpore luminoso: Ergo per lucem simplex qualitas intelligitur. Antecedens probatur; Opus primi diei lux appellatur;

quarti, *luminare*. Resp. Antecedens nego. Lux non à luminoso corpore, sed à luminari, hoc est stellâ, distinguitur. Ità *luminosum corpus* ad stellam se habet ut genus ad speciem: Sub genere isto & lux comprehenditur, quæ à stellâ tanquam materia à suo materiato differt. 2. Corpus lucidum non est dies: At lux primi diei fuit dies: sic enim à Deo appellatur vers. 4. Ergo lux primi diei non fuit corpus lucidum, & proinde nuda qualitas fuit. Resp. Corpus lucidum non est dies propriè: est tamen improprie, per metonymiam causæ, quia motu suo vel præsentia efficit diem. Nec lux pro qualitate sumpta propriè dies est; si quidem dies non qualitas sed tempus est. Lux, ut rectè inquit *Danaus* in Physicis, appellata est, à præcipuo quodam ipsius & sine & effecto, quod est ut diem hunc lucidum nobis efficiat.

Aslachus & *Bartholinus* sententiam à nobis supra explicatam de stellarum materiâ sequuntur. Palam igitur ex hac sententiarum collatione est, ab omnibus ferè Scripturarum interpretibus primigeniam lucem ad astra aliquo modo referri.

THESES II.

Forma stellarum substantialis incognita nobis est: In genere tamen describi potest, quòd sit principium *ἐκπυκνῶν* affectionum quæ in astris deprehenduntur. Accidentalibus forma affectionum nexu absolvitur & perficitur: De quibus deinceps.

ΕΚΔΟΧΕΙΣ.

I. Quibus hæc simplex ignorantia nostræ confessio & thesæos limitatio displicet, aliis, ut sibi videntur, scientiores stellarum formam ἀνορύγων & ἀγρωσων esse minimè concedunt. Sunt igitur qui formam stellarum substantialem aiunt esse Animam, alii Lucem.

Animata qui crediderunt astra ex veteribus plurimi fuerunt, *Zoroaster*, *Hermes*, *Pythagoras*, *Orpheus*, *Thales*, *Heraclitus*, *Democritus*, *Stoici*. *Pythagoricam* sententiam proficitur *Virgilius* 6. *Æneid*.

Lucentemque globum Lunæ, Titaniæque astra.

Spiritus intus alit, totamque infusa per artus

Mens agitat molem, & magno se corpore miscet.

Et *Cicero*, 2. De nat. Deorum; Hanc in stellis constantiam, hanc tantam tam variis cursibus in omni æternitate convenientiam temporum non possum intelligere sine mente, ratione, consilio. Plerique igitur rationalem animam illis adscripserunt. Eòq; absurditatis prolapsus *Origenes* ut pro sideribus quoq; CHRISTUM esse mortuum affirmaverit. Cujus impia dogmata quinta Synodus Oecumenica Constantinop.

damnavit; *Nicephorus*, *Histor. Eccles. lib. 17. cap. 27, 28.*

E recentioribus Philosophis sententiam hanc de animâ stellarum rationali amplexi sunt *Patricius & Bodinus*, cui stellæ sunt *animalia cælestia intellectû & luce prædita in continuo motu*. Rationes quibus sunt moti, tantis ingeniis non adeo dignæ videntur. Igitur argumenta breviter colligamus quæ pro animâ stellarum sive inhaerente sive assistente adducunt.

1. Quod motu movetur locali, certissimo, perpetuo, & vario etiam, id ab animâ intelligenti moveri necesse est: Atqui stellæ moventur motu locali, perpetuo, certissimo, & vario etiam: Ergo ab animâ intelligenti moveri eas necesse est. Argumentum hoc omnes urgent, & imprimis *Campanella*, De sensu rerum lib. 3. cap. 2.

2. Evidentem hujus assertionis demonstrationem *Bodinus* haberi ait *Dan. xii.* Ubi Propheta ait eorum mentes qui puriorem vitam egerint, quàm plurimos ad verum decus & pietatem perduxerint, ut sidera fulgentia, domicilium ac sedem in cœlis habituros: hic essentiam ac figuram Angelorum cœlestiumque animarum significari putat. Ad formam si ratio revocetur, meo quidem iudicio hæc erit; Quibus corporibus similes erunt futuri qui puriorem egerunt vitam, & ad pietatem multos erudiverunt, ea ratione & consilio sunt prædita: Atqui cœli sideribus similes erunt qui puriorem egerint vitam, &c. Ergo cœli sidera ratione & consilio sunt prædita. Alium huc typum idem *Bodinus* refert; Legislator tentorii cortinas imaginibus Angelorum exornari jubet: Ergo significat coelos sideribus Angelicis esse conspicuos.

3. Stellæ coram Deo sunt immundæ, *Job xxv.* Ergo animâ rationali sunt præditæ. Ratio consequentiæ; Quia immundum dici nihil potest nisi quod rationis est particeps.

4. Deus militiæ coelorum, hoc est astris, præcipit, *Iesa. xliii.* Ergo ratione sunt prædita: nec enim præceptum datur nisi intelligenti, vel mandata exsequi dicitur nisi qui ea intelligit. Mandata hæc *Origenes* ait esse, ut singula suo ordine suisque meatibus splendorem mundo præbeant.

5. Deus coelos fecit in intellectu, *Psalm. cxxxvi.* Ergo sidera ratione sunt prædita.

6. Sidera Deum dicuntur laudare: Ergo ratione sunt prædita.

7. Si sidera non essent animata, viliora essent plantis & brutis abjectissimis: Atqui absurdum consequens: Ergo & antecedens.

8. Ab astris animæ sublunarium proveniunt: Ergo animata sunt astra. Antecedens probatur ex-

emplo eorum quæ ex putri nascuntur materiâ. Hinc multa Philosophi, præsertim *Fernelius*, de animarum ex astris derivatione.

9. Apud *Jeremiam cap. 7: & 44.* regina cœli Luna memoratur: Ergo ratione prædita innuitur.

II. Sententiâ de astrorum animâ hoc nostro sculo in Scholis propemodum deferitur; nisi quod Intelligentiæ assistentes altas in Peripateticorum animis radices egerint, quæ tamen non tam stellis quàm orbibus cœlestibus præficiuntur: adversus quas, ut & cœli animam, suprâ prolixè disputavimus. Præ omnibus aliis antiquum hunc errorem ab Orco quasi revocat *Thomas Campanella*, in libris De sensu rerum, ubi non stellis tantum sed & omnibus aliis naturalibus corporibus & accidentibus sensum vitamque tribuit. De stellis in specie ait, non ineptè exsimari stellas mutuò significare proprias alteram alteri conceptiones, dum lucem quæque suam in alteram transfundunt: esse enim lucem simplicissimam, omni aptam passione effici. Sic & res inferiores putat videre, dum radios quorum sumlibet effundunt; audire verò, dum motus mutuò communicant. Hoc à Platonici forsan hausit. Et enim *Plotinus*, ut notat *Galius Rhodiginus*, A. L. lib. 1. cap. 19. adstruit stellas vota nostra cognoscere & preces exaudire; inesse iis visum, specie tamen à nostro diversum; auditu quoque præditas esse, sed nostro dissimili. Haud absimile de sensu corporum cœlestium philosophia est *Leonis Hebraei*, dialog. 3. De amore, pag. 459, 360. Maxime, inquit, audiunt cœlestia corpora, verum non proprio instrumento ad sonos percipiendos accommodato: solo namque organo visionis coelos præditos esse conspiciunt: At cum ipsi totius alicujus corporis gestus, nec non labiorum, linguæ & cæterorum vocalium instrumentorum motiones cernant ac animadvertant, eorum significationes optime concipiunt atque intelligunt, non secus ac nonnulli perspicacissimi homines efficere solent, qui oris & labiorum tantummodo motionibus diligenter perspectis atque consideratis, etsi voces prolatas propter aliquod impedimentum exaudire minime possint, sensum tamen orationis ex gestibus motibusque dumtaxat conspectis percipiunt. Quod si mortales oculi tam admirandum præstant effectum, eundem multò facilius ac absolutius majorum & fulgentium astrorum Solisque præsertim lumina præstare valebunt.

Dubium planè nullum est quin ex perniciosâ hæc opinione originem traxerit Astrologia: unde tam perniciosum dogma in Origine ferre non potuit Oecumenica Synodus: cui lubentes plenòque assensu subscribimus. Et quidem sacras literas si audiamus,

mus; de animâ rationali planè nullus hærebit scrupulus. Etenim præter Angelos & homines nullas ex nobis creaturas rationales vel intelligentes commendant, nullis æternam felicitatem promittunt aut infelicitatem minantur. Nec verò ita gubernat stellas Divina providentia ut ratione vel intellectu præditas creaturas; nempe voluntatis suæ declaratione per præceptiones, prohibitiones, promissiones, comminationes. Rationem & sensus nostros si consulamus, nulla vitæ vel rationis stellarum indicia nobis suppeditabant. Ratione pollere astra quis dixerit, si nullo certo constet iudicio vel simplicia ab iis apprehendi, vel iudicio noetico aut dianoetico componi. Quis enim astris unquam tam familiariter est usus, & in ipsorum arcana introrsus, ut differentia aut colloquia audierit. Nec de corporeis sensibus res evidentior est & somniis perquam similia sunt quæ de visu & auditu Platonius, & cum iis Leo Hæbreus & Campanella, sibi fingunt. Quis enim videre illico dixerit quod alia illuminandi & videndi potentia præditis objecta representandi vim habet? Nisi fortè omnibus lucidis visus eodem argumento tribuendus, & in viventium ac sentientium censum referendæ sint candelæ nostræ, putrida ligna, & gemmæ plurimæ, & specula quæ lumen spargunt. De auditu quod fingunt; minus habet coloris: solo enim visu animi conceptus intelligere & introspicere supra creaturæ caput est, nec competit nisi *αἰσθησις*. Denique vegetativi actûs indicia adhuc longè minora sunt; cum nec alantur, nec augentur, nec similia sibi gignant. Ecquo enim alimento nutriantur tam vasta corpora? Quæ terra, quæ aqua sufficeret vel nutriendis vel augendis tantis animalibus? Taceo quòd à simplicium corporum naturâ prorsus aliena sit vita, sive rationalis, sive sensitiva, sive vegetativa. Sed evidentior erit sententiæ nostræ veritas, ubi contrarium rationum pondus examinaverimus.

III. Ad contrarias igitur rationes ordine sic respondendo:

Ad 1^m. Propositionem negamus. Est enim motus corporis, qualiscunque tandem sit, à naturâ seu formâ, quæcunque illa sit, sive anima, sive non anima. Sic gravia extra sua loca constituta & nullo obstaculo impedita deorsum semper feruntur, non animâ rationali vel irrationali sed formâ naturali motum proximè ciente. Et quidni quem in rationalibus vel irrationalibus creaturis anima intelligens vel bruta motum ciet, eundem in inanimatis quoque facultas ab omnipotenti Conditorè indita, sine animæ vel informantis vel assistentis auxilio, ciere valeat? uti quidem de stellis omnino iudican-

dum. Ut enim is qui imperare luminibus potuit ut essent, animæ ministerio non est usus, sic idem citra ejusdem opem ut perpetuo constantique motu moverentur, viribus sufficientibus subministratis, jubere valuit. Motum igitur stellarum ab interno earum principio proficisci, non animâ quidem, sed formâ, quantumvis ignota nobis, singulari hæc prærogativâ à Deo donatâ, affirmamus & credimus, nequicquam reclamante *Timpero*, lib. 2. *ἀστρολογία*. cap. 3. prob. 2. De cujus rationibus paulò post. Vident jam acutiores Philosophi nullâ demonstrationis necessitate motum stellarum ad animam informantem vel intelligentiam assistentem referri: Itaque suat qui putant à solo Deo immediate eas moveri: Quæ sententia arridet *Hurtado* Disp. Phys. 2. sect. 4. n. 33. Cum verò omnibus aliis corporibus naturalibus naturam Deus indiderit principium motûs activum, causam æquidem idoneam non video cur astris neganda sit hujusmodi natura, & ad solam primam Causam motus eorum referendus. De hoc plura deinceps.

Ad 2^m. Propositionem negamus. Explicat similitudinem ipse Propheta, quando Ecclesiasticos Doctores *tanquam astra expansi coruscanturos & radiaturos* ait. Similitudo igitur non in intellectu vel ratione, quâ carent astra, sed in fulgore seu lucis excellentiâ erit. Alter typus ad rem præsentem nihil quoque facit: Sit sanè templi cortina typus cœli, sint picturæ ejus typi mentium Angelicarum: idèone verò cœlum illud naturale & mentes illæ sidera erunt? Nunquam hoc obtinebit *Bodinus* quam diu empyreum esse cœlum, ejusque exercitus non astra sed Angelos, in Scholis Theologicis docebitur.

Ad 3^m. Consequentiam negamus: Sequeretur enim animâ rationali præditum esse quiddam uspiam in naturâ est. Quòd si enim nè stellæ quidem, purissima illa & lucidissima corpora, in conspectu Dei, h. e. cum Deo collatæ, sunt puræ, quid de sublunaribus tam inanimatis quàm animatis statuendum fuerit? Ut enim summam Dei puritatem *Bildad* demonstraret, ea quoque quæ hominum iudicio purissima sunt cum Deo collata quodammodo impura esse dixit. Est autem impuritas hæc in astris non privatio puritatis alicujus naturalis vel moralis quam astrorum natura desideret, sed negatio summæ puritatis, quæ in solo Deo est. Falsum igitur quod probationis loco adfertur, immundum dici nihil posse nisi quod rationis sit particeps. *Immunda* hæc *tenebrosa* interpretatur *Hicronymus*, quòd ad claritatem Dei collata astra sunt obscura & tenebrosa. Interpretatio hæc ab antecedentibus aliena non est; quia nec Lunam splendere ait cum Creatore suo comparatam.

Ad

4 Ad 4^m. Consequentiam negamus. Probatio. nullius in menti est. Præcipit Deus iis quæ non sunt, ut sint; ideone verò omnia quæ præcipiente Deo existunt ratione prædita dicemus? Præcipit in creatione Deus terræ ut plantas produceret; aquis, ut pisces proferrent, & in unum locum congregarentur; omnibus viventibus, ut crescerent & multiplicarentur; ratione igitur prædita erunt terra, aqua, & omnia ventia? Apage verò ineptias hæc. Observetur ergo præceptum Dei rebus inanimatis datum aliud nihil esse nisi efficacem Dei voluntatem, quæ cum iis & de iis facit quodcumque libet: Præcipere igitur est velle ut res fiat, & volendo efficere quicquid ab inanimatis boni potest proficisci.

Ad 5^m. Consequentiam negamus. Deus in intellectu, h. e. cum intellectu, cælos fecit, immensæ suæ sapientiæ insigne in eorum fabricâ specimen edendo, non intellectum ipsismet cælis indendo.

Ad 6^m. Consequentiam negamus. Laudant Deum sidera non effectivè sed objectivè, quatenus materiam Divinarum laudum creaturis rationalibus suppeditant.

Ad 7^m. Nec connexum nec assumptio simpliciter vera est. Possunt enim sidera aliquo respectu plantis brutisque esse viliora, aliquo etiam præstantiora & nobiliora. Et viliora quidem sunt ratione formæ, quia inanimata sunt corpora, plantæ verò & bruta animata. Unde Augustinus lib. De duab. animab. contra Manich. & muscam ratione animæ Soli præferendam esse aperte scribit. Contrà verò præstantiora eadem plantis brutisque sunt ratione materiæ, multarumque affectionum & effectuum, quæ sublunari mundo longè magis necessaria & utiliora sunt quàm huius vel illius plantæ aut animalis commoda, qualiacumque etiâ aut quantacumque sint.

Ad 8^m. Primò antecedens simpliciter verum non est. Perfectionum enim animantium & plantarum animæ non ab astris sed à plantis & animantibus sunt, quibus in creatione Deus benedicendo similis per semen propagandi vim indidit. De iis quæ ex putri nascuntur materiâ res valde dubia est. Schola Peripatetica non ab astris huiusmodi animas infundi, sed ex elementaris materiæ potentiâ, virtute tamen astrorum, educi responderet, indeque siderum animationem evinci negaret. Et si vel maxime ab astris infundi animas hæc concederet, astra tamen propterea animata esse haud concederet; uti eadem negat esse calida, etiamsi ab iis calorem esse non diffiteretur. Unde patet & dubium esse antecedens etiam de imperfectorum animabus, nisi forsitan de concursu aliquo efficientis causæ ad dispositionem materiæ quæstio sit, & nullius roboris esse

consequentiam. Equidem de animalium horum ortu ita sentio; Non orti ea immediatè ex elementis, sed ex certis quibusdam militis, quæ animata aliquando fuerunt, putrefactis, & virtute causarum naturalium, sive stellæ ex sint, sive aliæ in semen quoddam analogum mutatis; semen hoc non minùs quàm perfectorum animantium semina actum animæ materialis in se continere, & generatione æquivocâ in animal mutari arbitror: De quo plura suo loco.

Ad 9^m. Primò antecedens dubium est. Occurrit quidem in textu Hebraico vox מלכה, quæ reginam significat: notat verò Rabbi Jonathan, positam eam pro מלכות, quæ Opus denotatur. Unde Junius vertit res cælestes, vel opus cæli; Munsterus, Machinam cæli; Forsterus, ministerium: Hieronymus priorem attendens lectionem reddit reginam, & Lunam intelligi ait: Quam si maxime admittamus interpretationem, consequentia, tamen nulla erit: Appellabitur enim Luna regina, non quòd ratione sit prædita instar reginæ hominis, sed quòd Solis, qui ob singularem quandam prærogativam astrorum Rex appellatur, quali coniunx sit, & alterum ab eo dignitatis gradum obtrineat: quo respectu quoque luminare magnum appellatur. Certum interim idololatricum corporum cælestium cultum Judæis exprobari, nec dubium quin pro numinibus quibusdam habitâ ab iis sunt sidera. Ex pravâ verò populi huius idololatriæ opinione de corporum cælestium naturâ velle pronunciare, non stultum minùs quàm impium erit.

IV. Distinguunt alii animam in generalem & specialem. Specialem & propriè dictam triplicem cum omnibus Philosophis faciunt, vegetantem, sentientem, ratiocinantem. Generalem & impropiè sic dictam facultatem quandam aiunt esse *ἐνσυνθετήν*, hoc est, activam, quæ cuivis creaturæ à Creatore est indita ad demandata sibi munia expedienda. Quærentibus igitur *σύνθετὰ ἀνίματα*, animatas esse respondent, non animâ quidem illâ propriè dictâ vegetante, sentiente, vel ratiocinante; sed metaphoricâ & analogicâ. Quam sententiam prolixè persequitur Aschach cap. 2. De sidereo cælo, & amplectitur quoque Casmannus part. 1. Astrol. cap. 3. q. 1. Quòd si verò quod res est omnino dicendum, non magni videtur momenti esse distinctio hæc; quando res omnes creatæ ex eodem fundamento animatæ dici possunt; nulla siquidem vi suâ *ἐνσυνθετήν* ad munia obeunda destituitur. Quid verò hoc aliud est agere, quàm leviculæ distinctionis gratiâ confundere quæ naturæ sunt distinctissima? Taceo quòd & rationem hoc partiiri modo fas esset, adeoque animantibus omni-

omnibus rationem tribuere, quia rationi analoga phantasia omnibus communis est.

V. Qui lucem substantialem formam astrorum esse contendunt, quos inter *Patricius & Bonaventura*, magnopere formidandi non sunt. Possit tamen quispiam ita argumentari; Omnis lucidi essentialis forma est lux: Atqui stellæ corpora sunt lucida: Ergo stellarum essentialis forma est lux. Propositio probatur; Quia omnium concretorum formæ essentialis sunt abstracta: per hæc enim concreta sunt, ab hisce denominantur, hisce ab omnibus aliis distinguuntur: Ità igitur per lucem corpus lucidum est tale, à luce denominatur, luce ab omnibus aliis non lucidis distinguitur. Assumptio sensu patens rationis præsidio non eget.

Pro faciliori responsione notetur, duplici modo considerari posse stellas, ut & omne accidens concretum; vel ut substantiæ sunt simplices, materiâ simplici & formâ substantiali constantes, vel ut res quædam sunt concretæ ex substantiâ & accidente, quæ accidentia vocantur *concreta*. Posteriori modo stellas si sumas, h. e. pro corporibus lucidis, seu accidentibus concretis ex substantiâ & accidente, h. e. luce, syllogismum integrum concedimus: Stellarum enim quatenus corpora sunt lucida essentialis forma est lux, haud secus ac Hominis quatenus est quantum quiddam essentialis forma est quantitas; cum, ut in confirmatione propositionis dictum, accidentium omnium concretorum formæ sint abstracta, uti in Logicis aliàs quoque docuimus. At enim de stellis instituta hæc questio longè alia est: nec enim stellas hîc ut accidentia concreta, sed ut substantias materiâ formæque simplici substantiali constantes contemplamur. Hâc igitur ratione propositionem negamus. Cur verò lux essentialis & substantialis

stellarum, quatenus sunt stellæ, forma esse nequeat ratio est; 1. Quia accidens est, ut Sectione primâ ostendimus: At accidens substantiæ principium intrinsecum esse nequit: Sequeretur enim substantiam non esse substantiam: qualis enim est rei forma, talis & ipsa res est. 2. Quia visibilis: At formæ omnes substantiales sunt invisibiles.

Instant alii 1. Si sidera sunt è luce primâ dic conditâ conglobata & compacta, utique lux ad eorum essentiam concurrerit: Atqui verum prius, ut supra ostendimus: Ergo & posterius. Resp. Totum conceditur, sublatâ ambiguitate quæ in voce lux est: Aut enim pro qualitate abstractâ, aut pro concreto seu substantiâ lucidâ accipitur: Priori sensu sidera è luce facta non sunt, nec ad eorum essentiam concurrerit lux tanquam *essentia* quiddam: Posteriori totum datur: attamen pro formâ substantiali in specie nihil concluditur: habet enim substantia illa lucida materiæ potius quàm formæ rationem.

Instant 2. Sine quo sidera non possunt esse sidera, id est forma substantialis siderum: Atqui sine luce sidera non possunt esse sidera: Ergo Assumptio probatur; Quia sidera sub opposito lucis citra contradictionem nequeunt considerari. Resp. 1. Propositio simpliciter vera non est. Nam & sine propriis essentialibus, quæ *essentia* appellantur, esse nequeunt, quæ tamen formæ rerum substantiales non sunt. 2. Nec assumptio videtur simpliciter vera. Nec enim Luna definit esse stella, etiamsi per luminis Solaris interceptionem obscuratur. Non tamen diffiteor etiam congenitæ lucis aliquid habere Lunam, & à communi stellarum conditione non prorsus eximendam.

CAPUT XII.

De finibus Stellarum.

Distribuitur finis stellarum: Th. I. Summus earum finis: Th. II. Assertio hujus finis: *en*. Subordinatus finis primus: Th. III. 4. Illustratur hic finis: *en*. Finis secundus: Th. V. Illustratio hujus finis: *en*. Finis tertius: Th. VI. Illustratio hujus finis: *en*. 1. Quomodo stellæ agant in inferiora hæc: 2. Rejicitur prima sententia de stellarum efficaciâ: 4. Rejicitur secunda: 5. Probatur & explicatur sententia tertia: 6. Finis quartus: Th. VII. Varia sententia de hoc fine: *en*. 1. Rejicitur prima sententia, 2. Rejicitur secunda: 3. Probatur & illustratur tertia: 4. A libellorum prognosticorum lectione & emissionem esse abstinendum probatur à personâ emtoris: 5. Probatur à personâ auctorum, & primum quidem ab infirmi ipsorum in divinando: 6. Deinde à falsitatibus: 7. Tertio ab impietatibus: 8. Quariò à fraudibus & imposturis: 9. Stellarum fines minus principales: Th. VII.

THESIS I.

Finis stellarum, cum quo & effecta concurrunt, est summus vel subordinatus. DEI.

THESIS II.

Summus est illustratio gloriæ Opificis

MM

Ex de.

"Εκ δευτε.

Hominem si exceperis, ex aspectabilibus Dei operibus nullum ferè est quo Creatoris illustrior fiat gloria, gloria, inquam, sapientiae, bonitatis, potentiae, quam ipsismet stellis; adeò ut Divinae bonitatis, sapientiae & potentiae lucidissima specula verissime dixeris. *Bonitatis* equidem, quae sui maximè est communicativa: Quia inferioris hujusce mundi omnes & animatae & inanimatae partes earum virtutes multifariam experiuntur: quod quidem in animatis, plantis puta & animantibus, longè manifestissimum: sunt igitur stellae Divinae bonitatis famulae & ministrae. *Sapientiae*, quam bifariam arguntur. 1. Perpetuo & imperturbato ordine inter se.

Tot enim millia stellarum, licet sint per universum dispersa aetherem, irrequieto eoque libero aere motu secantia, nunquam tamen inter se confunduntur aut colliduntur. Tam immensam Divinae sapientiae abyssum quis admiretur satis? Mutationibus & vicissitudinibus tempestatum admirandis efficiendis. Quis autem vices caloris & frigoris, humiditatis & siccitatis, tanquam sapientiae Divinae opus stupendum non agnoscat, cum totius mundi inferioris gubernatio & conservatio iis maximam partem contineatur? *Potentiae*, cujus radios plenissimo jubare ejaculantur. Quod enim potentiae Divinae testimonium illustrius, quam tot ingentia eaque innumera-bilia fixarum stellarum corpora liberrimo & fluidissimo in aere ita sustineri ut nec pondere depriman-tur nec levitate attollantur centro nec remotiora nec propinquiora fiant? Potentiae Divinae quis lo-cupletior testis quam rapidus iste tam vastorum corporum motus, quo diei noctisque spatio singula astra miliariorum milliones plusquam quadringen-tos & decem faciunt? Hinc est quòd tot locis ad coelestia corpora provocat Regius Vates, eaque ad Dei laudes excitat, & alicubi expressè dicit, *Dei glo-riam à coelis enarrari*. Quod quidem *εὐτὶς τὸ ἐν-τὶν* & propriè cum Origene non ita accipiendum quasi ipsimet coeli & stellae ratione praeditae mente suae & cogitatione Conditores celebrent, sed im-propriè quòd Divinae gloriae celebrandae materiam nobis suppeditent uberrimam. Pulchrè magnus qui-dam Theologus ait *Coelum esse alphabetum majus-culis litteris exaratum*, in quo Majestas DEI qua-dripartitò describitur; 1. ex operis ipsius maiestate, 2. ex innumerabili stellarum multitudine, 3. ex mi-nificentiissimâ earum varietate, 4. ex illarum ma-gnitudine.

THESIS III.

Subordinatus est vel principalis vel minus principalis.

THESIS IV.

Principalis est quadruplex. I. Ut tanquam illustrissimae faces luce suâ mun-dum hunc illustrent inferiore.

"Εκ δευτε.

Primum quidem hunc in finem stellas à Deo con-ditas esse ut mundum hunc inferiorem luce suâ col-lustrent, expressa *Mosis* verba testantur, Gen. i. 14. *Fiant luminaria in firmamento coeli, ut dividant diem à nocte*. Fecit igitur Deus stellas, ut tenebris pulsus diem nobis reducerent, & luce suâ manifestio-ra Dei opera facerent, quae perpetuis sepulta tene-bris Dei gloriam adeò non enarrarent. Adde, quo sine Deus primævam lucem condidit, eodem & stel-las in lucis locum succedentes: Atqui primævam ideo lucem condidit ut tenebricosam terram collu-straret, v. 2, 3, 4. Quam in sententiam egregia sunt *Ambrosii* verba lib. 1. Hexaem. cap. 9. *Quomad-modum qui domum construere vult, primum explorat unde ei lumen infundat, eaque prima est gratia, quae si desit, tota tenebris horret domus; ita dum hoc præ-claram mundi aedificium Deus conderet, nequaquam passus est diu illi tenebras incubare, sed dixit, Fiat lux*. Eodem igitur sine & stellis, quarum vicaria & materia erat lux, Creator condidit.

Sed ut maximè sacrarum nobis literarum deessent suffragia, ipsa tamen, quae maximi est ponderis, ad sti-pularetur experientia: Naturale namque & perpetuum siderum effectum esse deprehendimus, inferiorem hunc mundum illustrare: Hujas igitur illu-strandi gratiâ sunt facta, siquidem ad munia sua ob-eunda res omnes naturales Deus destinavit.

THESIS V.

II. Ut tempora describant, & tempe-statum vices efficiant.

"Εκ δευτε.

I. Hunc finem ipse Deus designat, Gen. i. 14, 15. *Dixit, inquit Moses, Deus; Sint luminaria, in firma-mento coeli, ut dividant diem à nocte, & sint in signa tempora & annos & dies*. Quorum verborum sen-sus hic est; Creavit Deus sidera & in coelo collo-cavit, tanquam horologia universo mundo conspi-cua, quorum fluxibus & agitationibus perpetuis re-rum durationes metiremur, tempusque in partes pri-ores & posteriores, praeteritum puta & futurum, in majores & minores, annos scilicet menses, dies, & horas, distingueremus. Quae quidem distinctio a-deò nobis est necessaria ut sine ea vix rerum antea-earum recordatio, vix de futuris spes, aut de præ-sentibus cogitatio ulla esse possit.

II. Ut autem tantò illustrior secundus hic finis evadat,

evadat, singula Dei verba accuratè inspicienda & cum assertionem nostrâ conferenda. *In tempora* igitur, Deus inquit, *sunt sidera*. Per *tempora* intelligit quatuor potissimum anni tempestates, Ver, Æstatem, Autumnum, Hyemem, quas Sol quatuor distincta Zodiaci puncta ingressus efficit. Primum illorum in primo *Arietis* est gradu; cui diametraliter oppositum est alterum in primo *Librae* gradu: Puncta hæc cum meando Sol attigerit, duo efficit *Æquinoctia*, sic dicta, quod dies & nox æqualibus tum dividantur horis: illud in *Ariete*, Vernum; hoc in *Libra*, Autumnale. Tertium in primo *Cancris* gradu est; cui diametraliter opponitur quartum, in primo *Capricorni* gradu: Quæ cum Sol attigerit, duo producit *Solstitia* Æstivum & Hyemale; illud in *Cancro*, hoc in *Capricorno*. Hinc ergo nascuntur insignes illæ anni tempestates quatuor: *Ver* humidum & calidum, Sole *Arietem* ingrediente; *Æstas* calida & sicca, Sole *Cancrum* ineunte; *Autumnus* humidus & frigidus Sole *Libram* occupante; *Hyems* frigida & sicca, Sole *Capricornum* tenente. Hæc igitur *tempora* illa in quæ astra & ex iis Sol potissimum factus esse dicitur. Hisce tempestatibus operas suas mortales distinguunt: hinc ferendi, metendi, frumentandi, plantandi, inferendi, arandi & occandi opportunitates vulgus tanquæ à libro naturali discit.

Sequuntur *anni*, in quos sidera quoque creata dicuntur: II sunt vel *Solares* vel *Lunares*. Solaris annus, qui & vulgaris dicitur, dierum est cccxv, & horarum circiter vi. Efficitur hic à Sole integrum Zodiacum percurrente, & ad idem primæ progressionis punctum perveniente: quod cum diebus cccxv fiat, annus quoque totidem diebus constare dicitur. Lunar is annus, qui *mensis* nobis dicitur, ex Lunæ motu periodico si numeretur, dies habet xxvii & horas vii: tot enim diebus horisque Luna integrum pervagata Zodiacum ad idem redit punctum: hinc igitur mensis sumitur periodicus dierum xxvii & horarum vii.

Addit denique Scriptura in *dies* facta quoque esse sidera, ut quotidiano experimur usu: Cernimus enim ab ortu Solis ad occasum diem describi; noctem contrâ, ab occasu ad ortum. Hinc dies à *Censorino* definitur, *tempus ab oriente Sole ad occasum*; & nox, *ab occasu Solis ad ortum*.

THESIS VI.

III. Ut in hæc sublunaria corpora tam animata quàm inanimata agant, eaque, cum aliis causis, vel generent, vel corrumpant, vel conservent, & virtutes varias imprimant.

"Exdite"

I. Tertium finem, actionem nempe in hæc inferiora, similiter sic demonstramus; Quam actionem perpetuò exercent stellæ, ea finis earum in quem sunt conditæ merito habetur: Atqui influxum in hæc inferiora augendo, minuendo, alterando, generando, corrumpendo, variisque virtutes imprimendo perpetuò exercent: Finis igitur stellarum proprius is sit, necesse est. Propositio vera esse docetur hæc ratione; Omnis rei perfectio ejusdem est finis: Atqui actio speciei conveniens est rei perfectio: Ergo eadem ejusdem est finis. Assumptio testimonio probatur & experientiâ:

Testimonia non unius sunt generis: Et primum quidem ac principale Divinum est. Etenim Scriptura celestia corpora appellat *thesaurum Dei*, è quo scilicet vel fertilitatem vel sterilitatem Deus producit: Verba sunt Deut. xxviii. 12. *Aperiet tibi Dominus thesaurum suum bonum cælum, ut des pluviam terræ tuæ in tempore suo, & benedicat omni operi manûs tuæ.* & v. 23. *Erunt cæli tui, qui sunt supra caput, aerei.* Esse verò synecdochicam hanc locutionem, & cæli, tanquam totius, nomine partes significatu latiore intelligi, h. e. stellæ, probatu facillimum est: Stellæ siquidem materiam pluviis generandis aptam h. e. vapores, è terrâ & aquâ excitant, & irærem elevant, non cælum: Stellæ pluviis rigatam terram calore suo foveant, fecundant non cælum, nisi per stellæ. Eadem à fecundandi, munere cessantes *æneæ* dicuntur, & terra virtute illarum non præparata *ferrea*. Deinde cæli *exaudire* dicuntur *terram*, dum scilicet vel frigore vel siccitate pressæ astrorumque opem quasi imploranti succurrunt, calorem pluviisque largiter & tempestivè infundendo. Verba Osee ii. 21. expressa hæc sunt, *Et erit in die illo, exaudiam, dicit Jehova, exaudiam cælum, & ipsi exaudient terram, terra verò exaudiet triticum, & vinum, & oleum.* Ex hisce omnibus sic licet colligere; Quod sterilem & fecundam facit terram, clamantemque exaudit, id in hæc inferiora agit augendo, minuendo, alterando, generando, corrumpendo, variisque virtutes imprimendo: Atqui stellæ sterilem fecundamque faciunt terram, testibus sacris literis: Ergo, &c. Observandum autem quo pacto à sideribus inferiora augeantur, minuantur, alterentur, generentur, corrumpantur, conserventur, & variæ iis virtutes imprimantur. Augentur, quia non tantum blando astrorum calore perfunduntur, quo copiosius alimentum in substantiam suam transmutant, sed & alimento ab iis idoneo & quasi commeatu copioso instruuntur, quem & terræ coelitus infundunt, & ex ipso terræ gremio eliciunt. Minuuntur contrariâ ratione, subtrahendo calore blan-

do, & alimentis idoneis ac sufficientibus. Generantur, quia vis generativa in corporibus & seminibus potissimum latitans calore ipsorum benefico excitatur, juvatur. Omnis enim generatio caloris ope peragitur. Corruptuntur eadem dum vel calore ipsorum nimio exuruntur, ut in æstatibus siccis videre est, vel, subtracto eodem, à succedente frigore enecantur, ut fit in autumno & hyeme potissimum. Conservantur quoque calore eorundem benefico, foventur, & à frigoris corruptivi injuria defenduntur. Denique virtutes variae imprimuntur, quia mistorum temperamenta ab iis variè afficiuntur, cruditates noxiæ in frugibus absumuntur, ut ad justam maturitatem perducantur. Unde fruges in locis calidioribus natas longè præstantiores & efficaciores esse deprehendimus quàm quæ sub coelo frigidiorè nascuntur.

Divino testimonio humanum subjecimus, idque antiquorum Theologorum seu Patrum: Quos etsi à viribus astrorum prædicandis alieniores quandoque reddiderunt Astrologorum *Ægyptiæ*, negare tamen iis non potuerunt quod à Creatore concessum viderunt. Vide *Augustinum* lib. 3. De Trinit. c. 4. *Ambrosium* lib. 4. c. 7. ubi ait, *Luna defectui elementa compati, & processu ejus quæ fuerant exinanita cumulari*. Memorabilia sunt *Basilii* in Hex. verba, *Luna mutatio juvat & ad terræ fructus & ad vitam animalium: aer Solis & Luna ortu & discessu mutatur. Utrumque sidus illuminat tenebras, fovet semina, auget fructus: Luna rore reponit humorem, quem Sol calore exhauserat.*

Nec contemnendum hic testimonium gentium omnium & populorum. Quæ enim natio fuit unquam quæ siderum virtutes experta stellarum in hæc inferiora influxum negarit? Inò verò barbaræ pleræque gentes mediocritatis transgressæ limites multa nimis & magna sideribus adscripserunt, & quæ Creatori debebatur reverentia, creaturis exhibuerunt, hoc unico moræ argumento, quod ab illis inferiora hæc tanquam Diis gubernarentur: Quæ quidem superstitione præ reliquis *Chaldaei* infames fuerunt.

Denique testimoniis multiplicem subjecimus experientiam, quæ assertioni huic adeo suffragatur ut vel sola omnium rationum instar esse possit. Quis enim simplex adeo & in naturâ hospes qui ignoret tempestatum vices in inferiori hoc mundo à Sole gigni? & cum ipsis tempestatum marationibus sublunaria quoque mutari? Vere, ob Solem propius ad nos accedentem, omnipotentis terræ sinum laxari? calore undiquaque penetrari? virtutes seminum excitari? novella & tenella germina propagari? *Æstate* vehementiori æstu ad maturitatem eadem produci? *Autumno*, declinante jam Sole & à ver-

tice nostro se subducente, ad interitum humi nascentia plurima ruere? plurima vix vitæ vestigia servare? Hyeme denique, ex obliquo nos aspiciente Sole, velut intermortua omnia jacere? Nec verò mutationes hæc à Sole manantes germina duntaxat sentiunt, sed & ipsa animantia, quæ ut hyeme sterilia pleraque sunt, tristia & muta, sic æstate fecundata, læta & vocalia esse consueverunt. De Luna manifestior res est quàm ut ullâ egeat probatione. Mira sunt hujus & portentosa pro vario lucis incremento & decremento apud nos effecta. Pleno siquidem resurgens orbe humorem in plantis & animalibus auget, Hinc usu compertum, partus in novilunio editos iis qui in plenilunio nascuntur longè imbecilliores esse; Epilepticos & phreneticos plenilunio diutius sentire cruciatu, ob humorum exuberantiam: Et infantes ablatari à nutricibus in plenilunio solent, quia copiosioribus tum præditi humoribus materno nutrimento facilius carere possunt. Et plenilunio *Germani* olim plerumque pugnabant, quod viribus valentiores se crederent. Proverbiali sententiâ quartâ Lunæ nati dicuntur, quibus sinistra parùmque auspiciata rerum omnium sunt initia. Quartam Lunam hæc *Lemnius* interpretatur postremum Lunæ quadrantem, quo ob sideris defectum & enitentis imbecillitatem ægrè & laboriosè fœtus in lucem prodeunt: Quod pluribus explicantem vide *Lemnium* in libell. De Astrologia. Alia Lunæ effecta *Plinius* lib. 2. cap. 99. sic commemorat; Luna, inquit, terras saturat, accedens corpora implet, abscedens inanit. Ideo cum incremento ejus augentur concubilia, & maxime spiritum sentiunt, quibus sanguis non est. Sed & sanguine homo etiam cum lumine ejus augetur & minuitur: Frondes ac pabula sentiunt in omnia eadem penetrante vi. Vide plur. lib. 2. cap. 41. Citantur etiam apud *Gellium*, lib. 20. c. 8. è *Lucilio* hi versus,

*Luna alit ostrea & implet echinos, muribus fibras
& Et pecuni addit.*

Videatur *Aristoteles*, De partu anim. lib. 4. cap. 5. & *Ptolemæus* Quadripartiti operis lib. 2. cap. 2. & *Plutarchus* de Iside & Osiride. Vita, inquit *Albumasar*, viventibus, præter Deum, non est nisi per Solem & Lunam. Etsi homini maxime accommodatum *Jovem* contendit *Marsilius Ficinus*.

Taceo reliquorum Planetarum, *Jovis*, *Saturni*, *Martis*, *Veneris*, *Mercurii*, in hæc inferiora impressiones, de quibus prolixè Astrologi veteres, quorum tamen pleraque placita nobis minimè probantur. Nec verò errantibus sideribus, h. e. Planetis, hæc in sublunaria vis propria. Eadem & fixis sideribus tribuitur. Quam in rem *Canicula* allegatur: De cujus effectu ista *Plinii* lib. 2. cap. 40. verba,

Cani-

Canicula exortu accendi Solis vapores quâ ignorat? cuius sideris effectus amplissimi in terrâ sentiuntur. Fervent maria, exoriente eo, fluctuant in cellis vina, moventur stagna. Orygem appellat Ægyptus feram, quam in exortu ejus contrastare & contueri tradit & veluti adorare. Canes quidem toto eo spatio maxime in rabiem ruerè, non est dubium. Vide eundem Plinium, lib. 9. cap. 16. Et Del Rio super Senecam Traged. part. ult. pag. 54. Hinc est quod Hippocrates sect. 4. aph. 5. sub Cane & ante Canem difficilem medicamentorum purgantium usum esse pronunciat, quod ob sideris illius æstus ferventia corpora sint imbecilla, & lædi purgantibus medicamentis facillime possint. Innumera alia quæ apud autores passim occurrunt prætermitto: Quæ tamen omnia pari loco, ut nè illa quæ ex Plinio de Canicula modò annotata, non habeo, ut suo loco patebit.

II. Ex hac assertionem sic confirmatâ: duæ oriuntur quæstiones: 1. *Quomodo astra in hac inferiora possint agere, cum tamen ab iis sint remotissima.* 2. *An etiam hominibus dominentur astra, ita quidem ut non corpora tantum alterent, sed & animis virtutum vel vitiorum habitus infundant, voluntatûque actus in suâ potestate habeant.*

Ad 1^m. quæstionem ut commodè respondeatur, sciendum alterationem esse geminam, Immediatam & mediatam. Immediata est, quâ agens in subiectum sibi proximum, nullo alio intercedente corpore se junctum, contactu corporali est efficax. Itâ ignis injecta sibi ligna amburentis actio immediata dicitur, quia ligni superficiem immediatè, corpore alio non intercedente, contingit. Mediata est, quâ agens in subiectum à se remotum alterius corporis interventu, cui virtus agentis principalis communicatur, vires suas exserit contactu virtuali. Itâ ignis fornace inclusi corpora nostra hypocaufto contenta calefacientis actio mediata dicitur, quia corporum nostrorum superficiem mediatè, h. e. interventu primum fornacis, deinde aeris, quibus calefaciendi vis ab igne tanquam principali agente communicatur, contingit & calefacit. Ad quæstionem igitur propositam sic respondemus; Agunt astra in inferiora hæc & sublunaria contactu non corporali & immediato, sed virtuali & mediato, itâ quidem ut aeri per universam hanc mundi machinam undique diffuso vim imprimant, & per eum in sublunaria hæc vires suas infundant, haud secus ac ignis per aerem intermedium corpora quantumvis distantia calefacit.

III. Ad alteram quæstionem difficilior longè est responso, idèoque in tres diversas sententias vulgus Doctorum scinditur, quarum duæ extremæ, tertia

inter utramque est media. Sunt ergò qui à stellarum efficacia immunem planè hominem existimant, adeò ut nè corpori quidem ullam inferre mutationem valeant. Quâ quidem in sententiâ esse videtur *Danaus*, Physic. suæ tract. 4. cap. 32. ubi & hoc durius sanè profertur, corpora cælestia nequaquam ipsa agere, si propriè loqui velimus, sed omnino à Deo naturâque agi. Alii audaciores longè & fortè magis temerarii, non corpus saltem sed & animam hominis, maxime verò voluntatem, itâ astris obnoxiam esse aiunt ut ab iis quæ infunduntur & imprimuntur non possit non velle, seu bona fiat seu mala. Adulterium igitur quispiam, furtum, homicidium commisit, splendidam conditionem est natus, pius, fortis, iustus, prudens, felix, aut infelix, in contractibus rebusque gerendis est, astris oportet omnia referat accepta. Hinc impia illa Genethliacorum enata audacia, (de quâ Coronidis vice sub finem Sectionis hujus plenius agemus) qui ex astris prævidere se posse jactitant quâ quisque in viâ fortunâ sit usurus, pius an impius, castus an incaustus, fortis an imbellis, prudens an stolidus, mansuetus an crudelis, avarus an liberalis, honoratus an abjectus, felix an infelix in conjugis totòque vitæ curriculo sit futurus; Quo denique mortis genere & quando sit defuncturus. Alii denique utrisque æquiores & medio tutiores euntes, non minus quidem in hominum corpora quàm in aliam tam animata quàm inanimata astra esse efficacia contendunt, sed in animam voluntatèque hominis liberam & actiones ejus quicquam habere juris constanter inficiantur.

IV. Prima sententia rigida nimis est & veritati haud consentanea: Nam ut paulò antè meminimus, diuturnâ & infallibili experienciâ comprobatur est, infantes in plenilunio natos iis qui in novilunio eduntur longè esse robustiores; eieri in corporibus nostris humores in pleniluniis; ætate mediâ corporis vires debilitari magis quàm ineunte; diversisque cæli constitutionibus variè nos affici, modò lætari, in moestitiam modò solvi, rebus gerendis modò aptos modò ineptos: quarum omnium vicissitudinum plerumque in variâ humorum & spirituum mutatione consistit ratio: circa hos autem magnam esse tempestatum aerisque constitutionum efficaciam magno constet mortalium consensu. Nec video sane quâ in aliis animantium corporibus admitti possit siderum vis, in homine verò negari; cum humorum accretio & decretio, spirituum turbatio & defœcatio (quæ quidem vicissitudines variè nos afficiunt) naturæ opera & non voluntatis sint.

V Altera sententia, de quâ plenius sub finem, impia nimis & audax est, inquit, ipsum Deum blasphemare.

Quid enim aliud illa nisi *Stoicum* quoddam in naturam *factum* inducit, quo Deum peccati autorem constituit, & voluntati libertatem adimit?

Fatum equidem & inevitabilem quandam necessitatem ideo inducit, quia ab astris ita homines agi impiè docet ut refragari non possint: quòd à famoso Astrologo audire me memini. Ad adulteria igitur, ad furta, ad cædes; ad mendacia & fraudes astra quempiam si destinaverint, non poterit non vel adulter, vel fur, vel homicida, vel mendax, vel fraudulentus evadere. Apagè verò istam à nobis servitutem; à Deo blasphemiam! Sunt quidam (quod non diffiteor) qui invidiæ declinandæ causâ, ab astris non *necessitari* (ita loqui iis libet) sed *inclinari* saltem hominum voluntates aiunt. Sed & aliena hæc sunt à primorum magistrorum artis hujus inventorumque placitis, & doctrinæ huic parum consona. Etenim adulteria, furta, mendacia, fraudes, cædes non à temperamento sed animo hominis improbo sunt: directa igitur astrorum in voluntates humanas actio erit, cumque non sit per modum suasionis moralis, sed actionis cujusdam naturalis, quæ sola stellis competit, non video quid non occultâ quâdam & inevitabili necessitate voluntates in hæc scelera pertrahantur. Nec aliud loquuntur audaces eorum prædictiones de futuris contingentibus, quas certas & infallibiles jactant qui aliquam artis fiduciam sibi tribuunt.

Peccati autorem Deum constituit qui ab astris sceleratos fieri homines non imprudenter minus quam impudenter affirmat. Condidit igitur astra Deus ut vitiorum hominibus semina injicerent & ad maturitatem ea perducerent. Hoc verò quid aliud est nisi inevitabili quâdam necessitate in homine peccatum efficacissimè operari? Absint à nobis, ô sancte Deus, tam impuræ & blasphemæ opiniones. Quotò verò illa *Augustini* religiosior sententia! *Qui putant, inquit, stellas hanc potestatem habere, magnam cælo faciunt injuriam, in cujus veluti clarissimo senatu à splendidissimâ curiâ opinantur scelera facienda decerni, qualia si aliqua terrena civitas decrevisset, humano genere decernente fuerat evergenda.* Hinc porro gravissimum illud in Deum redundat probum, ludificari eum hominum vulgus miserabile, dum quos severis legibus ad virtutis cultum astringit, arcanis astrorum motibus ad quævis propellit scelera. Et verò legislatorum ex eodem fonte iniquissimum rigorem qui non detestetur, dum subditis humanæ societatis & tranquillitatis vincula rumpentibus extrema quævis minantur, quæ non tam hominibus quam ipsismet astris hominum operâ utentibus meritò erant decernenda? Noscatur hanc in sententiam egregia *Augustini*

verba, quæ extant *Quæst. in V. & N. Testam. libro q. 115. Nihil, inquit, tam contra Christianos quàm si arti Matheseos adhibeant curam: hæc enim inimica dignoscitur legi Dei. Si enim nascuntur qui mali sint, & contra qui boni sint, frustra lex data dicitur. Et non solum hæc, sed injustas habebitur Legislator. Qui enim lege datâ cogit homines contra id quod natî sunt facere, sciens non posse mutare naturam, ad hoc utique legem videtur dedisse, ut haberet occasionem quâ crudelitatem suam de nece hominis satiare. Ad quid enim prohibet quod scit averteri non posse? aut quemadmodum damnat hominem qui non fecit quod facere non potuit? De hoc intolerando errore paulò post plenius.*

VI. Reliquum est ut, duabus hisce extremis sententiis excussis concussisque, mediam amplexeremur, quæ corpus quidem hominis astris certo modo obnoxium, at animam voluntatèque immunitatem esse docet. Hæc ut inter extremas est media, sic æquitati ac veritati longè simillima, nec prolixæ probationis indiga: Corpori namque dominari astra ex iis evidentissimum quæ pro confutatione sententiæ primæ sunt allata. Adeò ut & vulgatum illud *Galenî, Mores sequuntur corporis temperamentum*, ritè explicatum penitus non improbemus. Id verò sic interpretamur: Anima, quamdiu corporis est alligata nexibus, corporis tanquam instrumenti utitur ope ad edendas operationes suas: mores igitur hominis, h. e. affectus, qui rationis jugum sæpe excutunt & deliberationem prævertunt, ut sunt *Læritia, Tristitia, Spes, Metus, Verecundia, Amor, Ira*, sentientis animæ propagines, cum variorum humorum, hoc est, Sanguinis, Melancholiæ, Bilis flavæ & Pituitæ, dispositioni tantum debeant ut absque horum ministerio excitari plerumque haud soleant, corporis temperamentum, h. e. humorum constitutionem, plerumque sequi h. e. ab eâ juvari & promoveri, à vero alienum non videtur. Cum autem in temperamenti constituendis mutandisque aliquid etiam possint astra, ad hos vel illos affectus ab astris invitari hominem, teneri sine ullo potest periculo, his modò observatis cautionibus.

1. Magnam quidem siderum esse efficaciam in hominis temperamento constituendo & mutando, adeoque ad hos vel illos affectus invitando & inclinando hominem, majorem tamen rationis esse voluntatisque in iisdem reprimendis & quasi suffocandis; accedente præsertim institutione rectâ & exercitatione fideli, quæ duo tanti sunt ponderis ut ipsam quoque naturam immutare quodammodo valeant.

2. Non esse propterea certas & infallibiles Astrologorum prædictiones de futuris hominum affectibus

bus, quandoquidem ex universalibus tantum & remoris causis, h. e. astris, colliguntur, neglectis particularibus & proximis, hoc est, institutione & exercitatione, quibus emendari aut etiam corrumpi universalium effecta posse nemo sanæ mentis dubitat.

3. Quod de affectibus datur, ad reliquas virtutes, vitia & arbitraria hominum studia, mortis genus tempusque, & vitæ alios contingentes eventus, qui à corporis temperamento non dependent, minimè extendendum esse. Cum igitur iustitiæ aut iniustitiæ, liberalitatis aut avaritiæ, parsimonie aut prodigalitatis, veracitatis aut mendacitatis, divitiarum aut paupertatis, conjugii aut cœlibatûs, honoris aut dedecoris, mortis denique honestæ aut inhonestæ ratio à corporis temperamento minimè dependeat, ad ea nè inclinari quidem hominem ab astris dicendum. Hactenus ergò de dominio vel actione astrorum in corpus, à quo animam rationalem eximimus. 1. Si quidem inter agentia & patientia naturalia contactus omnino necessarius sive mediatu sive immediatu: At neutro modo animam rationalem stellæ contingunt vel possunt contingere, quia spiritus est & omnis corporeæ molis expertus, proindeque superficiei quoque, cui agentis corporei superficies applicari possit. 2. Quæ alterando in se mutuo agunt, sibi invicem sunt contraria ratione qualitarum expellendarum & introduendarum: At anima qualitates stellis contrarias nullo modo habet: A stellis igitur nihil patitur. 3. Si anima, perinde ac corpus, stellarum operationibus esset obnoxia, adeoque virtutum vitiorumque ab astris acciperet semina, omnis in Deum peccati causa devolveretur, voluntati libertas adimeretur omnis, omnes denique leges tam Divinæ quam humanæ maximam partem iniquissimæ essent. Fixum igitur esto & indubitatum, Animam rationalem stellarum mutationibus per se neutiquam esse obnoxiam.

NOTA.

Alii ad quæstionem hanc, *An astra agant in hominis animam*; enodandam, actionem distinguunt in directam & indirectam. Directam eam vocant, quæ agens per se & immediatè alteri aliquid imprimit: Indirectam, quæ ex accidente, alterius tanquam organi, cui per se imprimitur virtus, interveni ad hoc vel illud inclinat, ideo potissimum quia agens instrumento illo in agendo necessariu dicitur. Priori modo astra in animam agere inficiantur; posteriori concedunt: Quamvis enim immediatè in animam tanquam spiritum nihil possint imprimere, cuniculis tamen quasi quibusdam ex obliquo eam

adoriri, dum organicas corporis partes inficiunt, adeoque per huius quasi latus illam petunt: organo si quidem animæ corrupto, ipsa quoque actio labascit & corrumpitur; eidem ad hanc vel illam actionem disposito ipsa quoque anima succurrit & facile consentit. Hæc si accipiantur de vegetantis & sentientis potentie operationibus, ut sensuum actionibus, nutritione, augmentatione, diminutione, concoctione & similibus, quæ ab organis corporeis simpliciter dependent hominisque arbitrio non subjacent, dubio procul verissima sunt: Qualia enim animæ sunt organa, tales sunt & ipsæ operationes ab organis istis immediatè dependentes. Ab hisce ad affectus si progrediari, eum à nobis assensum impetrabis quem paulò antè explicuimus; Indirectè scilicet in hominis animam astra agere, eò quòd corpus variis affectuum turbinationibus capiendis idoneum formando, ad eosdem excitandos animam quodammodo invitant, quibus tamen vel obscurare vel refragari facultati superiori semper est liberum. Ab affectibus ad reliqua hominum studia, artes, virtutes, vitia, & arbitrarias actiones si pergas, assensum cohibemus: hæc enim ab hominis temperamento cum non pendeant, sed ab hominis libero profisciantur arbitrio eoque inorganico, ad astra neutiquam referenda fuerint vel directè vel indirectè agentia. Unde patet minimum esse quod arti divinatrici Astrologorum relinquatur.

THESIS VII.

IV. Ut rerum futurarum tam naturalium quam civilium signa sint.

Εκ δευτερου.

I. De hoc quoque sine clara sunt *Mosis* verba in primo *Geneseos*: signa verò hæc varii variè interpretantur.

Sententia una eaque extrema *Frischlini* est, qui negat stellas à Deo conditas esse ut futurorum eventuum & tempestatum sint signa: negat etiam hanc stellis primitus vim inditam esse ut in hæc inferiora agant: Non enim, inquit, in primo integritatis statu elementa siderum egebant virtute, sed quodlibet nativo suo vigore instructum alterius opem minimè requirebat: nulla erat mutua elementorum actio & passio. Signa verò interpretatur orimò bonitatis & sapientie Divinæ, deinde servitutis: non enim motus suos proprii sed Opificis voluntate ex fatali quadam necessitate peragunt.

Alteri itidem extrema *Genethliacorum* est, qui astra non tantum effectorum naturalium quæ circa deliberationem & rationem producuntur, Ut tempestatum, eclipsium, frigoris, æstis, fertilioris,

sterilitatis, signa esse prædicant, sed & earum omnium rerum quæ in deliberationes & consilia hominum cadunt. Unde *Genethliaci* nominantur, quod è siderum positu, qui hoc vel illo in lucem edito in cœlo est deprehensus, dignitates, status, liberos nascituros, actiones successus felices & infelices, ingenii tarditatem aut dotes, & reliqua toto vitæ curriculum homini eventura prospicere se posse vanissimè jactitant.

Tertia & media sententia eorum est qui quidem & ipsi rerum proximè futurarum signa esse stellas concedunt, sed non omnium, verum earum duntaxat quæ nullâ hominum deliberatione administrantur, nec in eam cadunt, quæque ab ipsis sideribus ipso naturæ ordine dependent, vel deniq; earum quæ extra naturæ cursum à Deo vel placato vel irato hominibus sunt immittenda.

II. Prima sententia parca nimis imò iniqua & falsa est. Fuisse enim ab initio stellas vi nullâ in hæc inferiora agendi præditas, & per elementa qualitates contrarias non distusas, sed omnia hæc post lapsum demum stellis & elementis accidisse, falsum est. At *pluvia*, inquit, *Frischlinus*, ante hominis lapsum à Sole nullæ sunt genitæ: Soli igitur vapores attrahendi vis nulla in fuit. Bella, inquam, hæc consequentia, à negatione actûs secundi ad negationem actûs primi. Argumentari igitur hoc modo, Sol pluvias non produxit: vim igitur earum producendarum nullam habuit, idem est ac si quis ita colligat, Homo hæc vel illâ horâ non ridet: vim igitur ridendi nullam habet: aut, Post lapsum Sol integro ostiduo vel semestri etiam nullas excitavit in hoc aut illo loco pluvias: vim igitur illas excitandi nullam habet. *Απαγε δ' ου νεφους*. Sed manifestius Philosophum hunc sacra revincunt literæ, quæ ante hominis lapsum rore terram fuisse irrigatam expressè docent. Quid verò ros nisi benignior quædam, parcius & fertilior pluvia, quæ calore Solis jam occidui excitata & nocturno frigore condensata in terras decidit, easque fecundat? Egit igitur ante lapsum quoque Sol in elementa, & ex iis vapores ad roris generationem eduxit. Fallit igitur & fallitur *Frischlinus*. Nec minùs à vero alienum illud, quod ante hominis peccatum elementa sibi contraria non fuisse, adeoque in se muruò non egisse contendit; nisi forte vel ex solâ terrâ vel ex solâ aquâ vel nata vel nutrita humi nascentia crediderit: id quod *Αδωκυτος*. Nec verò ad rem illud quicquam facit, Produxit D E H S germina antequam Sol, Luna & reliquæ essent stellæ: voluit igitur innuere, generationi rerum ab astris nihil conciliari. Elenchus, inquam, finis est hic: Non enim ideo alitra germinibus posteriora Deus voluit ut palàm fieret ab astris

nihil eis in naturâ jam constituta posse conferri, sed ut notum hominibus faceret non esse se illis necessario alligatum mediis in constituendo rerum ordine quibus utitur in eodem jam constituto.

III. Secunda sententia prodiga nimis, impia & blasphemica: De quâ paulò antè & sub finem Secti-
onis hujus.

IV. Tertia liberalior, verior & æquior, ut cui non tantum sacrae literæ sed & ipsa experientia quotidie suffragatur. Signa igitur dicuntur stellæ, quia aliquid futuri vel imminents portendunt & significant. Sûntque significationes earum triplices, Naturales, Civiles, Spirituales.

Naturales sunt, quando è siderum motu, ortu, occasu, varioque in cœlo positu tanquam è causis secundis vel signis colliguntur futuri eventus naturales, iisq; vel certi & infallibiles vel incerti & fallibiles. Certi & infallibiles eventus sunt Eclipses, quæ è Lunæ Solisque motu invariabili multis annorum centuriis antè ad horarum usq; momenta exactissimè computari & numerari possunt. Estq; tantæ & tam exquisitæ certitudinis ratio illa: Quia Eclipsium causa, utpote siderum horum diametralis oppositio & conjunctio, impediri à causâ naturali non potest. Incerti & infallibiles sunt Pluviae, Siccitates, Serenitates, Ventis, Tempestates, Calor, Frigus, Sterilitates, Fertilitates: De quibus legatur *Plinius* lib. 18. cap. 35. integro. Incerti, inquam, & fallibiles ii sunt eventus tribus potissimum de causis.

1. Quia Dei Architecti & universi Rectoris liberalitas & omnipotens est voluntas, quæ modò cum causis secundis consentit, modò ab illis dissentit, adeoque ad eas se alligatum non esse contrariis sæpe numero eventibus ostendit. 2. Quia magna elementaris materiæ est fluxibilitas & instabilitas, quæ incertis agitata motibus non quasvis sibi patitur imprimi formas: quin & tantum quandoque materiæ robor est ut causis superioribus licet efficacibus & firmis reniti valeat. 3. Quia causæ illæ superiores partiales sæpenumero sunt & insufficientes ad producendos effectus quos portendunt, quin & contrariæ sibi haud raro, si Astrologis credimus, ita ut una impediatur alteram, & inchoatum ab eâ opus demoliatur. Luna igitur Hyades, Pleiades & nebulosæ Cancris stellæ subiens non semper pluvias ciet; prohibetur enim quandoque à constellatione contrariâ, ut vulgò docent. 4. Quia innumerabilium stellarum vires variâque ad communes effectus producendos proportionibus exploratas non habent Astrologi: unde non possunt non creberri-
mè hallucinari. Et hæc de significationibus astrorum naturalibus.

Civiles sunt quando ex vario siderum motu pos-
suntque

sitūque opportunitates colliguntur actionum civilium, ut arandi, occandi, seminandi, plantas ferendi, arbores oculandi, vites putandi, pastinandi, pampinandi, sylvas cædendi, venandi, venas secandi, corpora evacuandi. Videatur *Plinius* lib. 18. cap. 32. Ubi ad varios Lunæ aspectus actiones civiles accommodandas esse docet: De iisdem quoque *Virgilius* in *Georgicis* & *Hesiodus* *ἐργων*. *Marsilius Ficini* ferè supersticiosa est diligentia in astrorum viribus ad medicinæ usum applicandis, in libro de vitâ cœlis comparandâ. Hæcenus significationes civiles.

Spirituales sunt, quando gratiam vel iram Dei præsentem vel futuram denunciant. Sic Sol & Luna sistuntur, *Jos. x. 12.* Solis umbra regreditur, 2. *Reg. xx. 11.* Sol patitur totale deliquium in oppositione luminarium, *Matth. xxvii. 45.* Stella Magos ex oriente ducit in urbem *Bethlehem*: Quin & signa fiunt in Sole, Lunâ & stellis instantis extremi iudicii nuncia.

V. Sunt tamen in hac quoque tertiâ sententiâ excessus haud leves. Et in primis videas hic nimis audaces suæque existimationis prodigos Astrologos plerosque, qui anniversaria tempestatum & eventuum in hoc mundo sublunari prognostica in singulos dies una cum Calendariis suis evulgant, & quicquid arcani cœlestis curia pro mortalibus aut contra eos meditatur fidenter admodum eloquuntur, haud secus ac *Foivis* vel *Apollinis* sacerdotes, qui naminis afflatu promunt oracula. E quidem sæpe soleo hominum horum mirari audaciam, quod non contenti tempestatum annonæque vilioris aut carioris nec non morborum prædictionibus, (quæ tam falsæ quàm veræ plerumque sunt, eventu teste) arbitrias etiam hominum actiones moderari & ad siderum positum revocare secretiore quâdam divinatione nitantur, proplatis magnatum consiliis ad pacem vel bellum spectantibus, monstratisque insidiarum, periculorum tam privatorum quàm communium in cœlo fontibus; quibus & Principum addunt mortes rubricis signatas. Adversus hosce nimis audaces ariolos ipsorumque prognostica piè olim & eruditè disputavit insignis Theologus *Perkinsius*. Rationum momenta brevier contraham, explicabo, lectionisque iudicio permittram. Summa hæc est, A libellorum huiusmodi prognosticorum emissionem & lectionem abstinendum esse. Argumenta partim emtorem partim autorem concernunt. Ab emptoris personâ duo petit:

1. Quia nimiam & immoderatam in emtore & lectore sollicitudinem excitant. Dum enim ex immodicæ vel humiditatis vel siccitatis prædictione

futuri anni sterilitatem augurantur, avaritia ex publicæ calamitatis spe in iis exardescit: Itaque omnes suas curas & cogitationes unicè eò conferunt ut annonam in futurum reservent & flagellent, curis à Deo averfis, & ad insatiabile felicitatis externæ studium conversis, omnique in Deum fiduciâ propter tristes cœli minas abjectâ, Contra illud *CHRISTI*, *Nè solliciti sitis in crastinum*, &c.

2. Quia ad Divinæ providentiæ neglectum & contentum invitant. Qui enim singularum rerum humanarum momenta ex astris prædici audiunt, iisque fidem habent, rarissimas de Divinâ providentiâ cogitationes suscipiunt, parùmque Divinæ potentiæ, justitiæ, misericordiæ & sapientiæ tribuunt, sed solas in ore stellas habent, ab hisce bona expectant & mala metuunt, adeoque ipsummet Deum ab astris regi impiè fingunt. Quæ causa quod domui *Israel* tam severè interdicit Deus, nè in gentium viam abeat, & à signis cœlorum meturatur, *Jerem. xx. 1, 2.* Adversus huiusmodi divinatores detonat quoque *Jesaiæ xlvii. 13.* Sic & *Planetarios* expressè damnat Deus *Deut. xviii.* Hæcenus emtores.

VI. Ab autoribus horum prognosticorum argumenta petit quatuor; & primum quidem ab eorum ignorantia in divinando, secundum à manifestis ipsorum mendaciis, tertium ab impietatibus, quartum ab imposturis & technis.

Inscitiam in divinando quatuor argumentis conviciat. Primum desumitur ex fine & usu astrorum. Syllogismus huiusmodi est; Qui finem astris affingunt Scripturæ ignotum imò contrarium, & ex eo divinationes suas depromunt, ii artis divinandi sunt imperiti: Atqui prognosticorum autores huiusmodi finem astris affingunt, & ex eo divinationes suas depromunt: Ergò. Propositio nullâ eget probatione. Assumptio probatur 1. inductione finium seu usum quos astris Scriptura tribuit, 2. productione finis ab Astrologis conficti, ejusdem speciali refutatione.

Finis astrorum in Scripturâ quadruplex potissimum designatur. 1. Annuntiant gloriam Dei, *Psal. xix. 1.* 2. Peccatores sceleratos & contumaces redunt ad verum vires, *Rom. i. 20.* 3. Consilium & discriminant motu suo tempora & tempestates, hoc est, dies, noctes, menses, annos. 4. Sunt signa rerum futurarum, extraordinariarum, vel ordinariarum. Extraordinariarum rerum signa fuerunt; Eclipses, tempore passionis *CHRISTI*; Solis statio, tempore *Josue*; retrogressio, tempore regis *Ezechie*: Sic & *CHRISTI* adventum præcedent signa in Sole, Lunâ & reliquis stellis.

Ordi-

Ordinaria & communes res quarum signa sunt præcipue quatuor sunt : 1. Appropinquatio & recessio veris, æstatis, autumnii & hyemis ; 2. Ordinaria cœli aerisque temperies in hac vel illâ regione ; 3. Accessus & recessus Maris ; 4. Tempora & opportunitates arandi, seminandi, inferendi, plantandi, incidendi, cædendi, metendi. Hi veri sunt fines & usus astrorum. Contrâ falsus est finis qui ab Astrologis prognosticorum autoribus confingitur, nempe particulares hominum status & singularia negotia, rerum omnium copiam, famem, pestem, bella, regnorum eversiones prænuunciare : Hæc enim à stellis nequaquam pendunt : Quod tribus specialibus argumentis probatur.

1. Gen. i. luminaria dicuntur esse facta in signa, & tamen Jes. xlv. 25. dicit Deus se irrita facturum signa divinatorum, & Jerem. x. 1. 2. non vult ut Israelitæ à signis cœlorum metuant, & Deut. xviii. expressè damnantur *Planetarii*. Non igitur facta sunt astra in huiusmodi signa qualia sibi fingunt Astrologi, hoc est, signa vel causas rerum illarum specialium quas plerumque ipsi prædicunt. Sunt autem eadem Astrologorum nostrorum prædictiones quæ & veterum Chaldæorum erant, ex iisdem ortæ fundamentis : Quâ de re pluribus nos suo deinceps loco. Magni ponderis hæc ratio est.

2. Produxit DEUS herbas & arbores, & terra fructus edidit antequam astra essent à DEO condita : Unde pater non esse signa efficientia famem aut ubertatem. Cùmque ante hominem eadem sint condita, consequens est, bellorum, pestium & particularium conditionum humanarum eadem signa non esse. Rationis hujus consequentia non est adeò evidens.

3. Stellæ in hominis usum sunt formatae : Ergò in rebus & negotiis humanis vim & efficaciam non habent. Nec hujus rationis consequentia necessaria est. Solius igitur primæ rationis evidens est consequentia. Et hæctenus primum argumentum pro inscientiâ divinatorum.

Secundum à providentiâ DEI petitum huiusmodi est ; Qui Divinæ providentiæ arcana & decreta de rebus hoc vel illo modo efficiendis cognita non habent, ii artis divinandi sunt imperiti : Atqui prognosticorum autores Divinæ providentiæ arcana & decreta de rebus hoc vel illo modo efficiendis cognita non habent : Ergò. Propositio patet ; Quia certa non potest esse prædictio eventuum à Divinâ providentiâ pendendum, nisi cognita & explorata sit ratio quâ providentia in iis producendis est usura ; In plerisque autem non una sed admodum varia, ea est. Et quidem multa Deus ἀνθρώποις, multa ἑμμεσίους agit, & in mediocum usu maximâ utitur

libertate, itâ quidem ut extraordinarias causas modò adhibeat, modò ordinariarum cursum quasi mutet & præter omnium hominum opinionem modò huc modò illuc flectat, sæpenumero etiam eadem molitur per causas contrarias, & jam laxet jam contrahat naturæ habenas. Hæc ad unguem nisi calleas, in divinando non poteris non turpiter hallucinari.

Assumptio probatur ; 1. Quia cùm astra non sint nisi unum singulare, inter multa, instrumentum providentiæ Divinæ, nequeunt pro certo & verè affirmare quòd hæc aut illa res à DEO ab astris processura sit. 2. Quia definire non possunt an DEUS in rebus extraordinariis, veluti peste, fame, sterilitate, cœli intemperie, terræ motibus, bellis, ἀνθρώποις vel ἑμμεσίους sit operaturus ; an astris vel hominibus, vel Angelis, vel alio aliquo providentiæ suæ instrumento sit usus. 3. Quia si maximè cœlorum naturam haberent exploratam, tamen singularem Dei providentiam persequari non possent, cùm astrorum viribus minimè adstricta sit. Simile hic observandum : Si quis clinopegi officinam ingreditur, omnium fabrilium instrumentorum usu cognito, enarrare nihilominus haud poterit qualia opifex in officinâ suâ vel effecerit vel effecturus sit opera ; quia propriam organis suis manum opifex admoveret, & pro arbitrio suo versat movetque organa ad hæc vel illa opera efficienda. Huiusmodi officinam Dei si cœlum esse Astrologis concesseris, nihilo certiores erunt eorum prædictiones quàm hominis officinam opificis ingressi & de omnium organorum usu edocti. Hoc alterum est argumentum.

Tertium, ab experientia defectu petitum, huiusmodi est ; Qui laborant maximo experientia rerum cœlestium defectu, si artis verè divinandi ex astris sunt imperiti : Atqui autores prognosticorum laborant maximo experientia rerum cœlestium defectu : Ergò. Propositio probatur ; Quia tota ista divinandi ratio ac certitudo ab experientia solet arcesse ; uti & aliz quævis humanæ doctrinæ ex crebris observationibus suam trahere originem. Assumptio probatur ; Quia idem stellarum in cœlo situs, quo unice tota hæc θεωρία nititur, frequenter observari non potest. Etenim fixarum stellarum Planetarumque series & situs quem in cœlo hodie invenimus, craftino die mutabitur, & forsân nunquam idem rursus contiget in tantâ motus τὸν ὁρατὸν τὸν ὁρατὸν varietate stellarumque fixarum ut multitudine itâ & sitis ad Planetas diversitate innumerabili. Etiam si igitur eclipses & magnæ conjunctiones eadem accidunt : cæteræ tamen stellæ aliter affectæ quam antea, novisque positus sortitæ, earum effectus

fectus augere, minuire, vel penitus impedire possunt. Vide *Picum* adversus Astrolog. lib. 6. cap. 1. ubi ostendit fieri non posse ut aliquando ad eadem loca sidera omnia restituantur, in quibus semel fuerunt. Probè & hoc attendendum, Quòd nè millefima quidem pars stellarum fixarum cognita sit Astrologis: non enim norunt illi nisi *xxxix*. quarum tamen omnium vires minimè exploratas habent; imò incertum dubiumque an vel unius naturam probè perspectam habeant. Atqui monstrabimus deinceps esse vel sexcenta millia stellarum. Hactenus tertium argumentum.

Quartum, ab *ignoratione causarum* petitur, tale est; Qui omnes eventuum singularium causas exploratas non habent, eorum certæ veræque divinationes esse non possunt: Atqui autores prognosticorum omnes eventuum singularium causas exploratas non habent: Ergò, &c. Assumptio probatur; Eventus sublunares non pendent tantum à causis efficientibus universalibus & indifferentibus, quales sunt stellæ, sed vel maximè à singularibus efficientibus materiis & formis, quæ cœlestes impressiones non tantum variè modificant, sed & penitus haud rarò elidunt, vel saltem multis modis impediunt. Atqui ut maximè universales causas haberent cognitas Astrologi (quantum nè millefimam quidem astrorum partem norunt, eorumque quæ nomine tenus norunt vires omnes exploratas non habent) tamen particulares aut singulares futuræ aut præsentis etiam ipsis prorsus sunt ignotæ: latent enim eæ pleræque, & adeò latent ut plurimæ nè ex effectibus quidem cognosci possint. Cùmque de hisce etiam minimè solliciti sint prognosticorum autores, quantum divinationibus eorum sit tribuendum æstimare cuius est facile. Simili res illustratur. Esto gallina quæ cùm suis tum plurium aliarum avium incubet ovis, quæque ex æquo calorem suum & quicquid habet virium impertiat. Tandem verò ubi ea excludit, ex aliis prodeunt gallinæ, ex aliis gallinæ, ex aliis cornices, ex aliis perdices, ex aliis columbæ, anseres, &c. nonnulla putrida nulum edent pullum, alia mortuos: ex vivis alii sunt nigri, alii albi, alii alterius coloris; nonnulli vivaces, alii caducos milvus à primo in lucem egressu rapit, illos mustela necat, &c. Nemo certe hic tantam sibi divinandi peritiā arrogabit ut ex gallinæ incubantis inspectione & caloris consideratione rationem auct expedire cur ex hoc ovo perdix, ex illo cornix, &c. prodierit; cur vivum hoc ediderit pullum, illud mortuum, aut planè nullum; cur hic albus, ille niger; hic vivax, ille caducus; hic à milvo, ille à mustelâ necetur, aut domini sui mensæ

imponatur. Eadem cœli est ratio, quod gallinæ incubanti simile, & diversissimis effectibus sublunaribus eundem calorem eadèmq; vires affundit.

Sunt tamen circa quæstionem hanc, de causis sublunarium eventuum & prædictionibus ex earum consideratione, observanda sex impedimenta, quæ prædictionum Astrologicarum certitudinem prorsus labefactant.

Primum est humani ingenii imbecillitas. Ut enim oculus humanus è terrâ cœlum stellâque contemplanis justam eorum quantitatem non dignoscit, sed minuta tantum lumina recipit, sic & intelligentiæ tenuitas multò minùs earum vires concipere & discere potest, cùm circa has longè major sit difficultas quàm circa quantitatem: possunt oculi aliquo modo per instrumenta artificiosa sublevari, intelligentia verò in cognoscendis viribus minimè.

Secundum est stellarum innumerabilis multitudo. Harum singularum dubio procul maximæ sunt virtutes: atqui, ut sæpe jam diximus, nè quidem millefimam astrorum partem cognitam Astrologi habent.

Tertium est admirabilis virtutum cœlestium varietas. Atqui fixarum stellarum notarum quod attinet, nihil Astrologi sciunt nisi ex colore, qui vel ruber, vel plumbeus, vel albus, vel pallidus. Et si maximè notarum stellarum virtutes noscerent, quid de ignotis longè pluribus fiet?

Quartum est multiplex & quotidiana motuum, positionum & configurationum mutatio. Etiam si igitur stellarum naturas probè callerent, innumerabilis tamen positionum varietas prædictionis certitudini obstaret. Per diversos enim hosce positis potentia virisque stellarum variè augentur, minuuntur, impediuntur, mutantur, ut ipsimet fatentur Astrologi.

Quintum, infinita rerum inferiorum varietas: cujusmodi varia aeris, pro locorum naturâ, dispositio; loci genius, Rerum publicarum instituta & constitutiones, opportunitates educationes, institutiones, conversationes, variorum ingeniorum congressus, varia ciborum & potionum genera. Hæc omnia stellarum virtutes variè impediunt, pervertunt, mutant.

Sextum, voluntas humana liberrima. Hæc nullas à cœlo leges sibi patitur præscribi. Hæc astra potius regit quàm ab ipsis regitur. Hinc quidam, *Stultos regunt astra, sapientes ratio*. Et hactenus inscitia Astrologorum in divinando convicta.

VII. Ab *insciâ* ad *fallitates* progreditur. Syllogismus principalis hic est; Quorum divinationes plurimis nituntur fallitatibus & regulis à veritate alienissimæ.

alienissimis, eorum libelli prognostici non sunt emendi vel legendi: Atqui Astrologorum divinationes plurimis nituntur falsitatibus & regulis à veritate alienissimis: Ergò. Assumptionem probat longà inductione. Sequitur autem ordinem libellorum prognosticorum: Et primum quidem humani corporis descriptionem & anatomiam tradunt, in quâ præcipuis humani corporis partibus assignant aliquod Zodiaci signum tanquam dominum; ut capiti Arietem, cordi & lumbis Leonem & Cancrum, &c. Unde tradunt periculosum esse eam partem corporis cadere pugnis, inurere, ustulare, vel ex eâ sanguinem emittere, Lunâ vel alio significatore existente in signo cujus dominio subjecta est corporis pars. Hanc hypothesin tribus rationibus impugnât & vanitatis arguit.

1. Quia signorum horum spatia describunt in nonâ vel decimâ sphaerâ, quæ in rerum naturâ non est. Atqui fieri non potest ut partes imaginariæ totius alicujus imaginarij ullius per se sint efficaciæ, ullamve stellis communicent, aut potestatem humani corporis gubernandi habeant.

2. Quia signorum imperium in corpus, & quidem has vel illas corporis partes, non est ab ullâ in naturâ experienciâ petitum aut expressum, sed multis retrò annis ab aliquo somnulofo & maleferiato homine excogitatum, & pallio antiquitatis velatum.

3. Quia doctissimorum Medicorum & Chirurgorum certissimis constat experimentis, hominem phlebotomiam in signo perpeffum, vel scarificatum, vel contusum nihilo plus incommodi, imò sæpe levamen haud exiguum sensisse.

A corporis hæc anatomia progrediuntur Astrologi in prognosticis ad *electiones dierum*. Speciales enim dies nominant quibus præparandi humores, sanguis extrahendus, corpus purgandum, pili secandi, facultates corporis, attractiva, digestiva, &c. roborandæ, balneis utendum, pueri in disciplinam tradendi, iuenera suscipienda, matrimonia contrahenda, venandum, fundamenta ædium jacienda. De traditionibus hisce ita judicat.

1. Ex judicio etiam præstantissimorum Astrologorum eas esse temerarias & periculosas; quia in genere eas omnibus præscribunt, nullâ ratione habita figuræ, nativitatæ & sideris horæ natalitiæ, in quo tamen longè plus creditur momenti esse quàm in generalibus istis observationibus. Ita fieri potest, si iis credimus, ut calendario Astrologico deceptus diem nuptiis tuis destines quo omnes Planetæ in horoscopo nuptiarum tuarum indices malignè sint affecti: Unde non poterit non periculosus & infestus esse dies.

2. Quod de medicamentis catharticis & similibus aiunt, esse peridicolum. Ex eodem enim fundamento præscribendas quoque esse statas & peculiare cibi sumendi horas, nec non genera ciborum & potionum, adde loca certa ubi sumantur. Atqui videmus Medicorum qui omnia hæc negligunt & contemnunt conatibus quotidie DEUM benedicere, ipsòque eventu præscriptionum istarum vanitatem monstrare.

3. Quod de stellarum & figurarum cœlestium observationibus in domiciliorum & urbium ædificatione tradunt, ineptum esse nullòque niri fundamento: siquidem plerarumque urbium foundationes, vel dies quibus fundari cœperunt, uti & constellationes quæ fuerant, ignoræ sunt; adeò ut certa hæctenus experientia haberi non potuerit. Accedit quòd non omnes urbium novarum ædes eodem die ædificentur vel inchoentur. Unde varissimum de totius urbis fortunâ pronunciare ex unius vel alterius ædicolæ fabricatione hoc vel illo die cœptâ. Sic superesse videmus respublicas sublatis urbibus, & urbes sublatis rebus publicis.

4. Ad itinera quoque peculiare dies non sine superstitione & impietate eligi, si alios aliis feliciores vel infeliciores propter astra futuros putes. Aliiter sensisse Paulum, qui prosperum iter non ab astris sed à voluntate Dei expectavit, Rom. i. 10. damnari etiam observationes dierum, temporum & annorum Gal. iv. 10. Monet tamen hic non inutiliter observari generales anni tempestates in actionibus civilibus: ita & Lunæ incrementa & decrementa non planè videntur negligenda, quæ tamen observari etiam absque prognosticorum ope possunt.

Porro jam progreditur & prædictiones Astrologorum distinguit in *generales, pro toto anno, & speciales, in singulos dies*. In generalibus examinat 1. *fundamenta*, 2. *res prænunciatas*. Fundamenta duo præcipua sunt: *Figura revolutionis anni delineata quàm primùm Sol intrat in principium Arietis, Figura cœlestis secundum tempus Solaris & Lunaræ eclipsis*. In cœlestibus figuris considerant descriptionem earum & investigationem Domini figura.

Descriptio figurarum nullo nititur fundamento, & planè vana est. Etenim 1. Plerique sequuntur viam à *Regiomontano* excogitatam, nondum experientiâ comprobata, & planè diversam ab iis quas veteres Astrologi inceserunt, demonstrant. 2. Distributio ista in duodecim distinctas species hoc maximè nomine vana est, quia in spatio fit imaginario stellisque vacuo, cujus nulla esse vis potest.

potest. Si excipiant, stellas istis locis existentes hos aut illos sortiri effectus, parata responsio est; Si stellæ discrepantium naturarum ad talem domum accedentes semper unam aliquam rem significant quam antè non significarunt, certè domus vim aliquam Planetæ oportet imprimat & impertiat: solum igitur spatium quoque necessario alicujus erit efficacia. 3. Aiunt XI. & XII. domos supra horizontem primâ altiores esse & virtute minores, quod cum ratione pugnat: quod enim magis perpendicularares sunt radii Planetæ, eò vehementior & efficacior est ejus vis. Quod de abdito influxu, quem majorem esse aiunt, excipitur, frivolum est. Sunt enim ignoti istis abditi illi influxus: velut & nullâ certâ experientiâ confirmare possunt illas domos reliquis majorem habere influentiam: sunt enim omnia ficta & de innumeris mendaciis convicta.

Dominum figuræ appellant eum qui numerosissimas in illâ figurâ dignitates habet. Dijudicant autem Planetarum dignitates, domibus Planetarum, exaltatione, triplicitate, sinibus seu terminis, stellis, immunitate à combustionibus, directionibus, cursibus velocitate, & aliorum Planetarum aspectibus: quæ omnia secum, cum experientiâ, cum ratione ipsique Astrologorum placitis variè pugnare ostendit. Taceo quodd ad arbitrium curiosorum hominum omnia sunt conficta. Hæcenus fundamenta.

Res pronuntiatæ ad tria ferè capita revocari possunt: Primum enim prædicunt cometas, terræ motus, famem, annonæ angustiam, pestes, &c. quorum signorum & malorum causas nemo hæcenus cognovit. Et cometæ quidem extraordinaria DEI videntur opera, qui plerique supra Lunam illucescunt. Unde securos homines reddunt vates isti, dum quæ furoris Divini signa sunt extraordinaria ad causas naturales revocant & ex ordinario naturæ cursu derivant.

Deinde prædicunt ferè omnia quæ in rebus civilibus inter homines accidunt; qualia sunt amor & odium inter cognatos, nuptiæ, divitiæ, injuriæ, aggravatio vestigalium, exactio tributorum, falsi rumores, carceres, eruptiones, venditiones, fraudes, rixæ amicorum dissidia, bella, Regum & Principum fata, &c. Quæ omnia non à stellis sed ab hominum voluntate manant.

Excipiunt hic Astrologi, stellis non imponere necessitatem, sed inclinare tantum seu flectere mortalium mentes: Quod & hæc ratione probant; 1. Constellationes agunt in quatuor elementa per qualitates primas: 2. Elementa alterant corpora composita & humores: 3. Composita corpora per suas qualitates immutant sensus: 4. Sensibus im-

mutatis mutatur intellectus. 5. Intellectus immutat & flectit humanam voluntatem: 6. Ergo constellationes inclinant voluntatem.

Respondet 1. Distinctionem de inclinatione voluntatum per astra esse impiam: Quia humanæ voluntatis inclinatio non est opus stellarum, sed DEI, qui hoc peculiariter sibi vendicat, tanquam Dominus & moderator voluntatum humanarum: Prov. xvi. 9. & xxi. 1. Jer. 23.

2. Similem esse ratiocinationem & sortitem isti vulgari,

Qui bene bibit bene dormit:

Qui bene dormit nihil mali cogitat:

Qui nihil mali cogitat est vir bonus:

Ergo qui bene bibit est vir bonus.

3. Deinde ordine ostendit fallacias & falsitates quæ sunt in isto Astrologorum discursu: quarum quinque enumerat.

1. Stellæ quidem agunt in hominum corpora, ita tamen ut regionis solique natura, cibi & potiones maximam obtineant vim: Quod exemplo monstrat. Cur enim corpora nubiliū, divitum, tantopere discrepant à corporibus egenorum, opificum aut rusticorum sub eodem cælo eodemque positu siderum? alia nulla est causa nisi maxima victus diversitas. Sic alia solet esse temperies & constitutio monticularum & eorum qui loca plana inhabitant.

2. Stellæ agunt in elementa primas excitando qualitates, calorem, frigus, humiditatem, siccitatem: Elementa tamen vicissim eodem modo in corpora non agunt. Quod enim calidiora & sicciora sunt elementa, eò frigidiora & humidiora naturaliter sunt humana corpora. Ità Empedocles docet naturâ calidum corpus in frigida regione & frigidum in calidâ reperiri.

3. Omnes causæ sunt per se, aut per accidens: Cum igitur cæli sint causæ alterandi sensus per accidens, non possunt esse causæ voluntatem inclinandi per se vel per accidens, sed per accidentis accidens: quod ridiculum.

4. Longa catena quâ voluntatem humanam stellis connectunt, si ad individua applicetur, dirumpitur: Etenim actiones voluntatis, quales sunt emotio, venditio, profectio, mendacia, fraudes, divitiæ, cædes, odia, bella, &c. cum primis qualitatibus nullam habent connexionem, nec ullo modo ab iis proficiuntur: Ad stellas igitur referri non possunt.

5. Cum concedant hominem posse stellarum inclinationi liberè resistere, & id ad quod stellæ voluntatem inclinant pro arbitrio prævenire, impe-

impedire, mutare, vana, incerta & fallax omnis eorum prædictio erit.

Pergunt Astrologi in suis prognosticis ad annuos morbos, veterum Astrologorum incertis & falsis innixi regulis; quæ cuius Planetæ certos assignant morbos, ut, si opus sit, possint eosdem morbos ad multas significationes referre. Sic, ex. gr. in peste putrefactio humorum attribuitur Jovi, acris & molesta febris Marti, insania subsequens Mercurio, Univerſa peſtis Marti: & sic de reliquis morbis. Ità singulis annis magnam morborum colluviem prædicunt; non obstante illà veterum Astrologorum regula, *Si Planetæ significatores morborum bene sunt affecti, nulli morbi orientur, sed sanitas vigebit.* Unde pessima sæpe ominantur quando bona promittere videntur Planetæ. Ut interim taceam, sine certo fundamento aut experientis omnia esse ficta: sunt enim longè aliæ morborum causæ quàm Planetæ. Unde in prædictionibus annuorum morborum turpissimè hallucinari divinatores hosce videas, & non falsa minùs quam vera vaticinari, adeò ut longius à scopo aberraturi non sint qui nullà siderum habità ratione pro arbitrio hos vel illos morbos prædicunt.

Porro iidem tempora definiunt quibus completuræ effectus suos sint constellationes, conjunctiones & eclipses. Ita eclipsin Lunæ unius horæ aiunt differre effectum in mensem unum; duarum horarum, in duos menses: Solis verò eclipsin integro anno post suas demum vires exserere; conjunctiones magnas etiam longius extendi: Quæ omnia falsa esse longà exemplorum inductione probat. Mihi verò, quod de eclipsibus & magnis conjunctionibus tantà asseveratione scribunt, semper suspectum fuit. Nec maguopere me movent experimenta quæ ad fidem opinionibus suis faciendam produciunt. Nullus enim est annus quin magnum quiddam & memorabile in aliquo mundi loco contingat: ponamus autem singulis bienniis aut trienniis saltem insigne quiddam accidere: Nunquam igitur deerit exemplum Astrologis quo conjunctionum magnarum vim probare & prædicere possint. Atqui si vel nunquam huiusmodi conjunctiones in cælo contingerent, regna tamen & imperia mutationibus suis caritura non essent. Nec enim minùs memorabilia conjunctiones istas antecedere quàm sequi solent.

Præterea certis regionibus certa signa præficiunt: *Europa*, igneam triplicitatem; *Orientalibus* & *Borealibus Asia* partibus, æream triplicitatem; *Africa*, aqueam; *Australibus Asia* partibus, terream. Eodem modo singulas provincias & urbes

nobiliores per Zodiaci signa distribuunt. Cùm igitur conjunctio aut eclipsis sub aliquo signorum horum, quod huic vel illi regioni aut urbi præest contingit, vim ejus exseri in illam potissimum regionem aut urbem tradunt, indeque tristitia ei ominantur: Quæ singula salutatis convinci non uno modo possunt.

1. Quia ex confessione doctissimorum, natura signorum longè alia jam est quàm olim erat; ideòque & alia modò sunt effecta signorum quàm Ptolemæi temporibus erant: regionum autem & populorum idem ferè mansit à mille vel bis mille annis.

2. In illà distributione tota fuit præterita *America*, quæ tamen dimidium terræ exæquat: Stultissime igitur omnis siderum vis in solum hunc nostrum orbem conversa fuit. Nec dubium est quin plurimæ novi orbis provinciæ vim signorum senserint, quam nostri orbis partibus hætenus adscriplerunt: aut si dispersa fuit vis ista per provincias tam longè diffusas, longè minorem fuisse oportet quàm hætenus ab Astrologis est credita.

3. Experientia falsitatem traditionum harum manifestè revincit: Sæpiissime enim in hoc vel illo signo eclipses & conjunctiones magnæ contigerunt, quæ tamen regionibus quæ signo isti creduntur obnoxie nihil damni intulere: quod multorum exemplorum inductione demonstrat autor.

Denique magna etiam prognosticorum horum pars absolvitur in tempestatibus quadrantium anni, singulorum mensium & dierum describendis. Ubi primùm insignis multorum notatur contradictio. Plurimi enim de quartâ anni parte integrâ quod pronunciarunt, tandem per specialia de singulis diebus prognostica ipsi tollunt: Ex. gr. prædicunt interduum totum vernum quadrantem fore frigidum & humidum: Ubi verò singulorum veris dierum tempestates sigillatim persequuntur, serenos siccosque dies plures quàm tempestuosos & humidos, vel certè haud pauciores numerant: quod exemplis autor ostendit. Itaque in hac prædictionis parte, quæ tamen in astris maximè videtur fundata, cùm creberrimè fallant & fallantur, in reliquis quantum iis tribuendum sit cuius judicare promptum erit. Et hætenus falsitates Astrologorum vulgarium.

VIII. Sequuntur jam impietates: Unde Syllogismus huiusmodi; Quorum divinationes pietati sunt inimicæ, eorum libelli prognostici non sunt emendi vel legendi: Atqui Astrologorum vulgarium divinationes pietati sunt inimicæ: Ergo. Assumptio probatur; 1. Quia res ad solum DEUM Deique verbum pertinentes astris tribuunt; Ut cùm divinant

an in studio pietatis seduli futuri sint homines, an religionem amplexuri, vel secus. 2. Quia profanos reddunt homines, quos à pravitate innata agnitione avocant, & eò impellunt ut in stellas vitia sua conferant, & liberatione ab iisdem stellis quoque acceptam ferant. 3. Quia ad peccata inique patrandam invitant, quando à præstantissimis illis Dei operibus, stellis, ad peccata voluntates formari & inclinari docent. Existimant enim impii se facile exculari posse, si universalis naturæ auspiciis peccent & ad peccata quasi manuducantur.

IX. Denique fraudes & impossibilitatē agmen claudunt. Quorum libelli divinatorii imposturis & fallaciis sunt pleni, ii non sunt emendi & legendi: Atqui Astrologorum libelli divinatorii imposturis & fallaciis sunt pleni: Ergo. Assumptionem probat. 1. Quia in libellis suis utuntur vocabulis insolentibus & à vulgi sensu remotissimis: Cujusmodi sunt artis istius termini; Quartilla revolutio; Capricornus in qualitate frigidus & aridus, &c. Mercurialista; Fovialista, &c. Pars virtutis cum caudā Draconis copulata; Taurus signum terrestris trigonismi naturaliter frigidus in signo horoscopo; Signum ejusdem triangularitatis; Jupiter Dominus hujus revolutionis, residens cum Venere in domicilio ab angulo cadente; Planeta retrogradi, combustus, &c. His fucum faciunt imperitæ plebeculæ, quæ quasi Apollinis oracula excipit hæc vocabulorum monstra.

2. Quia plurima ambigua & in utramque partem pronunciant, instar Apollinis oraculi. Cujusmodi sunt; Conjunctio Martis & Saturni minatur

minatur bella, sed hoc effectum mitigare poterit Jupiter. Habituri sumus hyemem valde siccam, nisi fortasse ex causis superioribus eluviones & pluvia contrigant; Videtur prior anni pars maxima ex parte futura sicca & calida fieri tamen possit ut neque nimis calida neque nimis frigida sit; Serenum & tranquillum erit cælum, sed cum minutis distillationibus, &c.

3. Quia plurima communia & singulis ferè annis contingentia prædicunt: Cujusmodi sunt; Sempiterni morientur; Varii morbi grassabuntur. Falsi rumores spargentur; Fratrum & sororum dissidia gliscunt; Dentium & oculorum doloribus, multi laborabunt; Inter conjuges multa rixa orientur; Personis Ecclesiasticis molestia erunt devoranda; Naufragia & motus in mari erunt. Hactenus D. Perkenii judicium de libellis Calendariographorum prognosticis, circa quantum stellarum finem enormiter delinquentibus.

THESIS VIII.

Fuerunt stellarum fines principales: Minus principalis istique & ipse spiritualis est, ut ad siderum imitationem singuli munia à DEO nobis mandata animo indefatigato & constanti labore exsequamur, omnibusque prodisse studeamus, haud secus ac indefessis cursibus suas sidera vias permeant, mundumque hunc inferiorem fovant & conservant.

CAPUT XIII.

De Subjecto Stellarum loco, earumque luce & Calore.

Subjectus stellarum locus: Th. I. Illustratur & demonstratur: ex 8. Adjuncta stellarum: Th. II. Qualitas: Th. III. Efficacis qualitatis distributio: Th. IV. Lux stellarum: Th. V. An lux respectu cæli sit propria stellarum: Rationes Piccolominci pro negante sententiā ex 8. 1. Rationes pro affirmante: 2. Solvuntur rationes pro negante: 3. Ostenditur omnes stellas naturam habere lucem: 4. Negatur: 5. Respondetur ad rationes negantes: 6. An præter Lunam, de qua non ambigitur, & reliquæ stellæ lumen suum ex parte à Sole mutuuntur: Rationes affirmantes: 7. Rationes negantes: 8. Respondetur ad rationes affirmantes: 9. An omnium stellarum aequalis sit lux: Distinguitur à nonnullis: 10. An omnium stellarum lux sit ejusdem speciei: Rationes pro negante: 11. Ratio pro affirmante: 12. Respondetur ad rationes pro negante: 13. Cur ceteræ stellæ præter Solcm noctu tantum appareant: 14. Quousque stellarum & inprimis Solis lumen pertingat: Proponuntur Hypotheses Patricii: 15. Opponuntur rationes contrariæ: 16. Respondetur ad rationes Patricii: 17. Solis radios ad terræ usque centrum penetrare negatur: 18. Calor stellarum Th. VI. Aseritur stellæ inferiora hac calcescere habituali, actu inherente, calore; non luce vel lumine, non radiorum reflectione, non motu, non igne concomitante: ex 8. 1. Rationes contrariæ sententiæ: 2. Refelluntur: 3. Quousque astrorum calor pertingat: Cæsalpini sententiā: 4. Contrarium adstruitur: 5. Refutatis rationibus Cæsalpini: 6.

THESIS I.

THESIS I.

HActenus stellarum Causæ. Subjectus earum locus est cœli, hoc est, expansi secundo die creati, pars superior.

"ΕΠΕΙΤΑ.

Innuat hoc *Moses*, cum dicit *Deum* posuisse luminaria & stellas in expanso cœli. Hoc expansum continuitate substantiæ licet sit unicum, distinguitur tamen ratione sitis in superius & inferius, vel potius in superiorem & inferiorem partem. Superior pars ea est quæ à cœlo extimo, quod nullis insignitur est stellis, ad Lunam usque excurrit: Inferior, quæ à fine superioris incipit, & in terram usque protenditur. Partem igitur expansi superiorem *Moses* intelligit: Quam ab innumerabili stellarum multitudine *ἡ ἀστρον* diximus: Hunc genuinum stellarum esse locum sic demonstramus: Stellarum aut in empyreo aut in inferiori aut in superiori expanso à Deo sunt collocatæ. Non in empyreo; Quia id *Gen. i.* expansum non vocatur: At in expanso collocatæ sunt stellæ. Non in inferiori: quod solidissimi Mathematici rationibus demonstrant. Et collocatas esse supra nubes oculari demonstratione palam est: Videmus enim aspectum earum adimi nobis à nubibus, quod fieri non posset si iis essent inferiores. Relinquitur igitur superius expansum, quæ naturalis astrorum est sedes.

Notandum tamen hic, non uno loco omnes in superiori expanso stellas esse locatas, sed supremas alias, alias medias, alias verò infimas, ut suo patebit loco.

THESIS II.

Adjuncta stellarum insignia sunt. Qualitas, Motus & Quantitas.

THESIS III.

Qualitas est efficax vel inefficax.

THESIS IV.

Efficax est Lux vel Calor.

THESIS V.

Lux est qualitas visibilis stellarum, per quam sunt lucidæ & alia illuminant.

"ΕΠΕΙΤΑ.

I. Quæ hic vulgò disputari in Astrologiâ solent de naturâ & efficacîâ lucis, de lumine, de radiis eorumque reflexione, loci hujus non sunt, sed ad Physiologiam generalem pertinent, ubi à nobis quoque sunt expedita: Itaque quæstiones hujus loci pro-

prias & ad thesæos nostræ illustrationem pertinentes sex expediemus;

1. An lux respectu cœli sit propria stellarum;
2. An omnes stellæ nativam habeant lucem;
3. Si habeant, an æqualem omnes;
4. An omnium stellarum lux sit ejusdem speciei;
5. Cur, si lucidæ omnes sunt stellæ, noctu tantum & non interdiu etiam conspiciantur;
6. Quousque lumen stellarum, & Solis imprimis, peringat.

De primâ quæstione: An lux respectu cœli sit propria stellarum. Negantem cum Academicis tueretur *Piccolomineus*, qui non astris tantum sed & cœlo nativam lucem tribuit, hisce rationibus;

1. Astra sunt lucida: Ergo & cœlum vel omnes orbes cœlestes naturâ & per se sunt lucidi. Ratio consequentiæ; Quia astra & orbes ejusdem sunt naturæ, nempe cœlestis: Atqui lux sequitur conditionem eminentissimam & nitidam corporis cœlestis.

2. Si universum cœleste corpus lucidum non esset, omnia luce suâ non posset fovere, nec in cætera vires suas & munera effundere: Atqui falsum consequens: Ergo & antecedens. Assumptio probatur; Quia cœlum suâ luce tanquam propriâ qualitate operatur.

3. Si multa corpora sublunaria à terrâ fæce purgata lucent, multo magis universum cœlum lucebit: Atqui verum prius: Ergo & posterius. Connexi ratio est; Quia cœlum quovis mortali corpore est purius & nitidius. Assumptio probatur Exemplo multarum gemmarum, quæ lucidæ & micantes sunt.

II. Arridet nobis pars quæstionis affirmativa. Negamus igitur cœlum nativam cum stellis lucem habere communem; Rationes negationis jam antè aliquas reddidimus, itaq; paucis hic nos expediemus. Arguimus autem.

1. Omne naturâ lucidum per se visibile est: Atqui cœlum est invisibile: Ergo naturâ lucidum non est. Assumptionem suprâ probavimus.

2. Omne lucidum est terminatum, ortum nempe, secundum doctrinam Peripateticam, ex perspicui condensatione: Atqui cœlum non est terminatum: Ergo lucidum non est. Assumptionem suprâ probavimus, ubi tenuissimæ & fluidissimæ substantiæ esse cœlum ostendimus.

3. Si astra idèò lucent quia sunt partes orbium furorum densiores, ut vult *Aristoteles*, sequetur orbes non lucere: Atqui verum prius, secundum *Aristotelem*; Ergo & posterius. Connexi ratio est; Quia orbes non sunt densi: atqui corpus lucem non concipit nisi densatum & terminatum.

4. Quod

4. Quod est lucidum per se, id remoto alio quovis corpore lucido spargit lumen & diaphana illuminat: Atqui cœlum remotis astris nullum spargit lumen, nec diaphana illuminat: Ergo per se non est lucidum. Assumptionem probat experientia.

5. In quo perpetuæ sunt luminis & tenebrarum vices, id naturâ non est lucidum: Atqui in cœlo seu expanso perpetuæ sunt luminis & tenebrarum vices: Ergo naturâ suâ nec lucidam nec tenebricosam est. Assumptionem probat experientia.

III. Ad contrarias Piccolomini rationes facilis est responso.

Ad 1^m. Consequentiam negamus. Probatio partim falsa, partim inconsequens est. Falsa: Quia nititur falsâ hypothese, Quod stellæ sint orbis partes densiores, seu ex condensatione cœli factæ. Inconsequens; Quia non necessariò qualitates omnes habent communes quæ materiam vel etiam naturam specificam aut genericam habent communem, ut constat exemplis cum individuorum unius speciei tum specierum unius generis. Sed & hæc ipsa probatio Piccolomini sententiam perimit: Si enim orbis & alia ejusdem sunt naturæ, ita quidem ut ex substantiæ cœlestis condensatione facta sint astra, indeque lucem nastra, sequitur certè ipsam substantiam cœlestem per se non esse lucidam, quia extra stellâ condensata non est: quod & ratione nostrâ teritiâ contendimus.

Ad 2^m. Per universum cœleste sive solum intelligatur cœlum, sive cœlum unâ cum stellis, connexum negamus. Nam si maximè expansum cœli per se & naturâ suâ lucis nihil habeat, à solis tamen astris sufficienti luce perfundi possunt omnia, aliisque eorum foveri muneribus ad satietatem. Assumptionis probatio principii petitio est.

Ad 3^m. Connexum negamus. Lueant non tantum sublunaria quædam à terrenis facibus purgata, sed & nonnulla satis terrea & impura, ut constat de putridis quercubus & salicibus: Ergo ne multò magis lucebit cœlum? Non sequitur. Nec lucem evincit puritas substantiæ cœlestis: Ut enim lucem illico non tollit impuritas corporis, sic nec eandem necessariò ponit puritas corporis simplicis aut mixti, nisi idonea accedat perspicui condensation, quæ in cœlo non est.

IV. De secundâ quæstione, *An omnes stellæ naturâ habeant lucem.* Lucidas esse omnes stellâs extra dubium est, & certissimo oculorum testimonio probatissimum. Cum autem lux rei possit competere vel ex naturâ ipsius vel ex communicatione, alterius, vel partim ex naturâ partim ex communicatione, quæritur haud immeritiò, *Sive lux illa quæ in astris esse videtur, nativa omnibus &*

propria tantum, an verò externa & mutuatiua quibusdam; an denique partim propria partim mutuatiua. Sententiam nostram distinctis assertionibus explicabimus. Sic igitur

Prima, *Omnes stellæ naturâ & propriam habent lucem.*

Rationes assertionis hæc sunt;

1. Omnes stellæ ex luce primavâ à Deo sunt creatæ: Sunt igitur omnes naturâ lucidæ: Quod enim ratione principii interni rei competit, id ei est naturale. Antecedens suprâ probatum est, cum de stellarum materiâ ageremus.

2. Ratio petitur è sacris literis, quæ non Soli tantum sed & Lunæ & omnibus stellis lucem suam tribuunt, stellâs à Sole non privatione sed gradu tantum lucis distinguunt, & majora lumina Solem & Lunam appellantes, stellâs reliquas minora esse lumina haud obscure innuunt. Scripturæ loca hæc sunt; Gen. i. ubi DEUS de stellis in genere loquens, *Sint, inquit, in cœlo luminaria.* Creavit igitur Deus in cœlo luminaria, non post creationem lucis Solaris communicatione luminaria fecit. Isa. xxx. 26. *Et erit lux Lunæ sicut Lux Solis.* Utrique fideri hî: sui tribuitur lux. Jer. xxxi. 35. *Sic ait Jehova, qui disponit Solem, ad lucem in meridie, statuta Luna & stellarum in lucem noctu.* Ezech. xxxii. 7. *Et operiam, inquit Deus, cum exstinguam te, cœlos, atrâsque addam stellâs eorum: Solem nube operiam, & Luna non faciet ut luceat lux sua.* Expresè hîc Lunæ lux propria adscribitur & à Solari distinguitur. Si enim omnis Lunæ lux à Sole esset mutuatiua, non diceret Jehova, *Lunam non facturam ut luceat lux sua, sed Solem non facturum ut Luna mutuatiâ Solari luce luceat.* 1. Cor. xv. 41. *Distincti lucis gradus in stellis memorantur, dum Apostolus inquit, Alia est Solis gloria, seu claritas, alia Luna claritas, alia astrorum claritas: Stella enim à stellâ in gloriâ, h. e. luce Differt.* Hinc & Dan. xii. 3. *Qui multos ad justitiam erudierunt, ut stellæ fulgebunt.*

Arridet nonnullis & hæc ratio; Si stellæ mutuatiâ tantum lucem haberent, omnes æquè illeminarentur, adeoque omnes æqualiter essent lucidæ: At falsum consequens: Ergo & antecedens. Connexum probant; Quia ad omnes æqualiter lumen Solis pertingit. Hæc ratione cur non utamur, è sequentibus palam erit.

3. Ipsa etiam Luna, quæ controversiæ huic occasionem præbuit propriam & congenitam lucem habet, ut ex eclipsibus patet, & suo loco pluribus à nobis probabitur.

4. Si stellæ per se & naturâ suâ nihil haberent lucis, non per se sed per accidens tantum stellæ essent: Atqui falsum consequens: Ergo & antecedens.

N n

Con.

Connexi ratio est; Quia *stellæ* nomen nihil meretur nisi quod lucidum: hinc enim, ab inseparabili hac affectione, ab ipso Deo vocantur *luminaria*: Itaque eo tantum modo sunt *stellæ* quo *lucidæ* & quo *luminaria*: Si igitur per se non sunt *lucidæ* vel *luminaria*, per se quoque *stellæ* non erunt.

V. Huic nostræ assertioni directè contradicunt qui omnem aliorum astrorum lucem à Sole mutuatitiam esse contendunt. In quâ sententiâ videntur fuisse *Plinius*, *Avicenna*, *Beda*, *Albertus Magnus*. *Hugo de S. Viatore* in lib. Annotât. in Gen. cap. 6. solum inquit Solem propriam habere lucem, & ipsum ex igne esse factum; reliquas verò omnes *stellas* ex aereâ factas materiâ relucere potius quàm lucere. Hujusdem sententiæ autores *Calius Rhodiginus* laudat *Nicolaum Theologum*, *Metrodorum* apud *Plutarchum*, autorem libri De proprietatibus elementorum, qui *Aristoteles* putatur, *Ptolemaum*. Rationes pro sententiâ hac præcipuè sunt duæ

1. Luna caret omni luce nativâ, ut constat ex eclipsibus: Ergo & reliquæ *stellæ*. Ratio consequentiâ; Quia par est ratio omnium stellarum.

2. Primum in unoquoque genere est causa omnium illorum quæ sunt illius generis: Sol in genere lucidorum est primum Sol ergo est causa luminis in omnibus stellis.

VI. Resp. Ad 1^m. Falsum est antecedens. Luna enim etsi nativam lucem habet exiguam, omni tamen planè non destituitur, ut suo loco demonstrabimus, & ex ipsis constat eclipsibus. Deinde & consequentiâ est nulla. Ratio quæ adfertur falsa est. Non enim esse eandem omnium stellarum rationem evidentissimum est exemplo Solis & Lunæ. Nec verò necessum est ut Lunæ & aliorum præter Solem astrorum eadem sit ratio, cum multa peculiariora observantur in Lunâ.

Ad 2^m. Propositionem ita generaliter informatam negamus: Sic igitur eam distinguimus & limitamus; Primum in unoquoque genere tanquam causa vel genus omnibus inferioribus suam communicat naturam: Jam si subsumas, Sol in genere lucidorum est primum tanquam causa vel genus, id quod est in questione; tanquam concessum sumis, adeoque principium petis: Non enim vel causa vel genus reliquarum stellarum Sol est: non genus, quia de iis prædicari in quid nequit: non causa, quia omnes stellæ ejusdem sunt originis, quam creationi debent. Primum verò si intelligas de eminentissimo & præstantissimo, de Sole id equidem damus: est enim lucidorum corporum omnium eminentissimum & præstantissimum: sed causam propterea reliquorum lucidorum esse non damus. Vide *Vallefi-*

um, Sacræ Philosop. cap. 1. edit. Francof. Anno 1600. p. 38. Hactenus prima assertio.

VII. Secunda assertio, Lunam, præter nativam lucem, à Sole mutuatitiam habere, & per eam reddi lucidiorem, certum est: De reliquis stellis non adeo certum est.

De Lunâ nemo dubitat, cum ex eclipsibus variisque ejus phasibus id manifestum sit; De reliquis stellis res adeo liquida non videtur: etsi numerosa doctorum suffragia non desunt sententiæ de mutuatitiam aliarum etiam stellarum luce, eaque à Sole comunicatâ ad augendum earum lucem nativam. Rationibus illi utuntur hisce;

1. Lunæ & reliquarum stellarum eadem quoad lumen est ratio; nec ulla sufficiens diversitatis adferri potest causa: Ut igitur luminis aliquid à Sole Luna mutuatur, ut ex eclipsibus variisque ad Solem positu est manifestissimum, sic & reliquæ tam errantes quàm inerrantes stellæ.

2. Planetæ quò Soli propiores, ut *Mars Mercurius* & *Venus*, modò non *ὑπερβολῆς* & combusti sint, reliquis stellis & fixis & planetis sunt lucidiores: Ergo vicino Sole magis illustrantur: quod & reliquis contingit. Pro antecedentis illustratione notetur, in signis longarum ascensionum tam fulgidum sæpenumero esse *Mercurii* jubar ut nè *Jovis* quidem cedat. Sic & *Venus* lucis & radiorum claritate doctis & indoctis sæpe imposuit, ut pro astro novo vel cometâ haberetur: de cujus admirandis apparitionibus integros libros olim scriptos esse *Proclius* auctor est. Eadem sola ex reliquis quoque sideribus umbram reddit, & interdiu quoque apparet nonnunquam.

Urget sententiam hanc non contemnenda difficultas: Nam si alii etiam Planetæ & stellæ lumen à Sole mutuarentur, uti quidem Luna, idem etiam paterentur & efficerent quod Luna: & quidem

1. etiam terræ interventu eclipses paterentur;

2. Lucis ac facierum quoque vicissitudines subirent;

3. Inferiores certè Planetæ, ut *Mercurius* & *Venus*, Solis quoque aspectum adimerent: Sed nihil horum contingit: Falsa igitur videtur assertio.

Ex hac difficultate hunc in modum eluquantur. Negant ex connexi antecedente sequi consequens, diversitatis hisce redditis causis; Primum, Planetæ alii & stellæ fixæ defectum ideo non patiuntur quia terræ umbra eousque non pertingit, sed in mucronem paulatim attenuata prius evanescit quàm intra illorum corporum diametraliter possit interponi. Deinde, nec lucis & facie um vicissitudines subeunt, quia nunquam ita opponuntur Soli quin lumen à Sole productum sidera illa perfecte semper illustret.

Denique

Denique, Solis aspectum non adimunt *Venus* & *Mercurius*, quia si maximè inter aspectum & Solem interjiciantur, non possunt tamen obtegere (ut *Geometrae* docent) nisi centesimam Solis partem: Eclipsis igitur ejusmodi vix deprehendi potest, 1. propter exilitatem, quam longior quoque promovet distantia; 2. propter nativam *Mercurii* & *Veneris* lucem copiosiore, unde fit ut non tam Solis aspectum nobis adimant, quàm tanquam lucidæ partes sub eo occultentur. Alia verò *Lunæ* est ratio, cujus nativa lux cum longè sit tenuior, ipsiusque corpus obscurius, mirum non est à corpore longè obscuriori aspectum Solis nobis adimi.

VIII. Mihi quidem non videtur tanta esse superiorum rationum evidentia, ut de mutuatitiam omnium aliarum præter *Lunam* stellarum luce dubitare nefas sit. Ità cum ultro citroque rationes ponderasset *Bartholinus* in *Astrologia* suâ, tandem concludit num. 112. *lumen stellarum non verè augeri & minui, sed in terrâ aliàs clarius, aliàs obscurius, aliàs planè non cerni.* Quod & mihi perquam probabile accidit. Eadem enim stellarum aliarum præter *Lunam* videtur ratio quæ & nostrorū est luminum, seu candelarum accensarum. Decem igitur candelas minores accende quæ ob materiæ diversitatem omnes lucis gradu differant, easque in circulo colloca: in medio autem circuli faciem statue quæ una plus fundat luminis quàm omnes aliæ decem minores candelæ: Hic si quàm attentissimè minorum candelarum luces earumque diversos gradus, quos ante faciem mediæ præsentiam habebant, consideres, plurimæ lucis gradus singulis post faciem præsentiam accessisse nullo indicio deprehendes: Cur igitur credes à Solis lumine stellarum reliquarum augeri lucem? Neque video quo sine aliarum stellarum lux augeri à Sole debeat, cum plus ex lucis, exceptâ *Lunâ*, nec propter cœlestem nec propter sublunarem mundum desiderent.

IX. Ad contrarias rationes septimâ *indolentis* objectionis paucis ità respondemus: Ad 1^m. Antecedens negamus. Diversitatis causa vel hæc una sufficiens est; Quod in corpore Lunari plurima singularia omnium seculorum Philosophi observaverint & agnoverint, quæ cum aliis stellis ei neutiquam communia sunt: Unde *Luna* à multis quasi *fax cœlestium corporum* habita, & reliquis stellis veluti contradistincta. Constat etiam certissimis argumentis nativam *Lunæ* lucem minimam esse, eandemque nihilominus *dominam noctis* à Creatore constitui: Ubiore igitur quâdam luce perfundenda erat, ut suo fungi munere tantò rectius & plenius posset. Reliquæ stellæ nec infusæ lucis paucitate nec muneris obeundi majestate pares sunt *Lunæ*.

Ad 2^m. Consequentiam negamus. Quidni enim Solis comites & quasi satellites ubiorem quâdam luce perfundere in ipsâ creatione Deus poterit, ut Regis sui majestate non indigni viderentur ministri? Quod verò iidem illi satellites & pleniore quandoque jubare conspiciendos se nobis præbent, non ab infusæ lucis est incremento aliunde profecto, sed à mediis vel sitibus diversitate. Ità non dubito quin plurimæ inter fixas *Veneris* sunt lucidiores, uti & longè sunt majores; quæ tamen oculorum judicio obscuriores videntur, quia & longè sunt sublimiores & à nobis remotiores. Hactenus secunda quæstio:

X. De tertiâ quæstione, *An omnium stellarum æqualis sit lux.*

Nihil difficultatis habet hæc quæstio: ii tamen qui omnes à Sole stellas illuminari aiunt, distinctè respondendum judicant, quia alia nativæ alia mutuatitiam lucis est ratio.

Nativam stellarum omnium lucem æqualem non esse, exemplo Solis & *Lunæ* palam est. Solis enim jubar fulgidissimum esse & multis gradibus omnium aliarum stellarum jubar excedere, apud omnes in confesso est: Sic *Lunæ* nativam lucem minimam esse, tantoque lucidiores eâ reliquas esse stellas quanto ipsis lucidior est Sol, & ipsum extra controversiam est. Inæqualitatem lucis porro arguit & magnitudinis inæqualitas. Etenim in majora stellarum corpora plus compegisse *DEUM* lucis quàm in minora & ratio dicat & experientia. Unde primæ magnitudinis stellæ longè nobis lucidiores apparent quàm quartæ, quintæ vel sextæ magnitudinis: & Sol, quia omnium siderum est maximum, omnium quoque lucidissimum est. Observandum tamen, non ad eodè certum hic esse oculorum judicium ut de majori vel minori stellarum luce secundum id pronuntiandum necessariò sit, quia eadem stellarum omnium à nobis distantia non est: Unde ex minori intervallo lucidiores videri nobis possunt quæ minus sunt lucidæ, & minus lucidæ ex majori intervallo quæ lucidiores sunt. Nec certum an magnitudo corporis sideris perpetuò arguit lucis excessum: Ut enim mediocri staturæ corpora sæpe giganteis robustiora sunt, ità & minora siderum quorundam corpora luce copiosiore esse perfusa quàm majora alia, nec absurdum nec incredibile vel à sensuum judicio alienum est. De inæqualitate lucis siderum expressa sunt Apostoli verba, 1. Cor. xv. 41, 42.

Contrà verò, adventitiam & mutuatitiam stellarum lucem æqualem esse, auctores sententiæ de mutuatitiam Solis luce affirmant, hoc argumento; Sol æqualiter omnes alias stellas illuminat: Ergo mu-

tuatitia omnium lux æqualis est. Antecedens probat: Quia ad omnes æqualiter lumine suo pertingit.

Huic discursui, si maximè lucem hanc adventitiā admitterem, ut ascensum præberem vix adduci possem. Etenim antecedens simpliciter verum non videtur, uti nec probatio. Cùm enim stellarum alia sint propiores Soli, alia remotiores, & quidem immenso propemodum intervallo ab eo disjunctæ, quis credat æqualiter illuminari proximas & remotissimas? Porro ad majores stellæ plus transfundi luminis quàm ad minores, ipsa distat ratio. Deinde & consequentia non adeò videtur firma. Nam si maximè ad omnes stellas æqualiter Solis lumen transfunderetur, ab omnibus tamen æqualiter id recipi non sequeretur, nisi subjectorum recipientium eandem esse rationem evidenti ratione probatum esset. Sed satis de hac quæstione.

XI. De quartâ quæstione, *An omnium stellarum lux sit ejusdem speciei.*

Negativam multi defendunt, quos inter & *Patricius*. Rationes hæc sunt;

1. Astra specie inter se differunt: Ergo & astrorum lux. Ratio consequentiæ; Quia lux consequitur naturam corporis lucidi, tanquam actus ejus nobilissimus.
2. Lux Solis præsentia suâ absument aliarum stellarum lucem ne appareant: Ergo specie differunt. Ratio consequentiæ; Quæ ejusdem sunt speciei, se mutuo non impediunt, sed adjuvant.
3. Sidera lucis inventu ac ministerio diversa specie effecta in sublunari mundo producant: Ergo lux earum specie differt? Quales enim effectus, tales causæ.
4. Lux sublunaris non est ejusdem speciei: Ergo nec cœlestis. Antecedens probatur; Quia nonnulla tam noctu quàm interdiu fulgent, ut ignis; alia noctu tantum, ut putridæ quercus, cincinnelæ.
5. Solis lux candor est purissimus ab omni maculâ omnique nigrore & alio colore immunis; contra verò alia stellæ plures nigrore quodam impuræ & obscuræ sunt: Ergo ejusdem speciei non est stellarum lux. Antecedens probat *Patricius* exemplo stellarum quæ ab Astronomis *nebulosæ* & *obscuræ* nominantur.

XII. Pro contrariâ sententiâ, quæ & nobis arripit, plerique pugnant Philosophi. Ratio præcipua hæc est; Quod in se & effectis suis non differt ab alio nisi secundum magis & minùs, id specie non differt: Atqui lux cœlestis in se & effectis suis non differt ab aliâ luce cœlesti ejusq; effectis nisi secundum magis & minùs: Ergo specie ab aliâ luce cœlesti non differt. Propositionis ratio est; Quia magis &

minùs non mutant speciem. Assumptionem ipsa probat experientia. In luce enim cœlesti aliud discrimen non observamus nisi quòd alia major alia minor sit, alia plùs alia minùs subjectum diaphanum illuminet. Qui alium luci per se effectum tribuunt quàm illuminationem, à verò longè abeunt, & vel probabiles erroris rationes quas prætexant non habeant, ut aliàs ostendimus Sectione I.

Qui reliquarum omnium stellarum lucem à Solari luce augeri statunt, sententiam hanc satis evidenti argumento comprobant; Qualitates enim quæ se invicem per se intendunt intimâ coitione & unionem, ejusdem sunt speciei; ut exemplorum patet inductione: Atqui lux Solaris omnium aliorum siderum intendit lucem: Ejusdem igitur cum aliorum siderum luce speciei est. Quòd si verò omnium aliarum stellarum lux ejusdem est speciei cum Solis luce, non video quid causæ sit cur in se specificam admittat differentiam respectu stellarum aliarum.

XIII. Ad contrarias rationes ita respondemus; Ad 1^m. Antecedens dubiæ veritatis est. Quæstio à nobis suo loco tractabitur. Deinde & consequentia nulla est. Possunt enim specie differentia ejusdem speciei qualitatem habere communem. Hæc natura est accidentium communium.

Ad 2^m. Antecedens negamus. Non absument lux Solis aliarum stellarum lumen, sed sibi vel unit, vel excellentiâ suâ ita oculos nostros occupat ut lucem minorem non admittat. Solet enim sensibile minus à majore impediri: Ità ut soni majores ac vehementiores auribus nostris recepti impediunt minorum receptionem. Non esse autem lucem Solarem tam inimicam reliquarum stellarum luci ut eam perimat, inde palam est, quod interdiu quoque non obstante Solari luce, modò torâ suâ vi in oculos non irruat, videri possint reliqua sidera, nempe ex profundo puteo per sudum serenumque aerem. *Plinius* lib. 2. cap. 14. Et *Galenus* 10. De usu part. *Καὶ ἐν τῷ βαθεῖαν ὁρεῖται ἀστὲρες ὁρῶντων, μάλιστα ὅταν μὴ ᾖ τὸ πῦρ μορμυρῆας ὁ ἥλιος ἵστανται.* Ratio rei hujus manifesta est: siquidem putei altitudo & angustia diem quasi absument & efficaces Solis radios, qui visum alioquin dispergunt: In unam igitur aliquam cœli partem collectus visus & directus, Solisque fulgore minimè dispersus, ex opaco veluti fixas intuetur stellas. Sic noctu quoque, etiam si in Solis sunt lumine, tamen totæ lucent & à nobis videntur. Vide *Scaligerum*, Exercit. 62. §. 1. Deinde & consequentia rationis hujus non satis firma est. Servire enim in se mutuo etiam quæ ejusdem sunt speciei, experientia docet in naturâ animalium: In qualitatibus quoque calorem à calore perimi vel destrui aliquâ ratione, Sectione, I. ostendimus.

Ad

Ad 3^m. Antecedens negamus. Siderum per lucem effectus per se nullus est nisi illuminatio. Deinde & consequentiam negamus. Etenim ab eodem specie calore effecta specie diversa pro varietate materiarum & agentium principalium produci possunt res ipsa loquitur, & apud omnes in confesso est. Ca non hic notetur, *Qualitatum diversitas specifica non ex ultimis seu actionibus sed ex primis & immediatis actionibus petenda*. Sic caloris prima & immediata actio non est nisi unica, nempe calefactio: è primâ ortæ plures sunt, & que specie differentes, ut Sectione I. monstravimus.

Ad 4^m. Antecedens negamus. Probatio nullius momenti est. Diversa lucendi & illuminandi ratio non specificam sed accidentalem tantum lucis arguit differentiam; nempe quod alia sit major & efficacior, alia minor & imbecillior. Interdium igitur putridæ quereus non lucent vel lucere nobis videntur, quia minus earum lumen à majore & efficaciore Solis quasi absorbetur, eo modo quem in responsi ad 2^m. explicavimus. Ignis noctu & interdium luget & lucem suam ostendat (interdium tamen non nisi ex modico intervallo) quia major & efficacior ejus lux visui per se movendo sufficit. Quod Scaliger, Exercit. 62. §. 3. *ignem interdium seu in luce non videri ait nisi propter colorem, in tenebris non nisi propter lucem*, nescio an ita simpliciter admitti possit. Quicquid enim in se ignis habet, & noctu & interdium, modò distantia non sit nimia, oculis nostris repræsentat; nec noctu minus videtur coloratus quàm interdium, nec interdium minus lucidus quàm noctu, modò, inquam, modica interdium sit distantia. Noctu enim ex longo etiam intervallo lucidus & coloratus apparet, interdium ex modico tantum: nam sit remotior sit, nec lucidus nec coloratus apparet, quia prorsus non apparet, totis nostris oculis à lumine excellentiore occupatis. Hactenus antecedens negatum. Sed & consequentia non adeò firma est. Nec enim necessariò eadem est ratio cœlestium & sublunarium, ut illa inter se differre specie sequatur, si hæc differant.

Ad 5^m. Antecedens dubiæ veritatis est, si Lunam exceperis. Reliquas stellas nigroris vel impuritatis aliquid habere exemplo nebulosarum & obscurarum minus solidè probari puto. Non enim sequitur in se nebulosas & obscuras esse, si tales nobis videantur, cum multis modis hallucinari ex tanto intervallo visus possit. Sed & consequentiam nego. Major enim minorque lucis puritas & sinceritas non arguit diversas species, sed accidentalem tantum individuatorum ejusdem speciei differentiam.

XIV. De quintâ quæstione, *Cur reliquæ stellæ, excepto Sole, noctu tantum, non interdium quoque ap-*

pareant, si quidem per se lucida sunt. Vulgus respondet, Astrorum reliquorum minora lumina à majore Solis lumine interdium obscurari: idèoque mirum non esse si stellæ tum non videantur, videantur autem noctu, lumine ipsorum à Sole absente non obscurato.

Responsionem hanc stultam appellat *Patricius*, l. 6. *Panaugizæ*. Quomodo enim, inquit, obfuscet res (Sol scilicet, vel Solis lumen) quæ fusca non est omnino? Respondet autem ipse, ideo interdium non conspicitur reliquæ sidera, quia maximum Solis lumen minora reliqua absorbet in se & sibi unit, oculisque proximè circumquaque circumfusus sese ostendat, & eos suâ claritate implet. Itaque quæ plurima sunt lumina unita majori ut unum sese ostendunt. Cernuntur autem, inquit, in tenebris, quia contraria juxta se posita magis elucescunt. *Scaliger* in eandem rem ita differit Exercit. 62. §. 1. *Interdium stellæ non lucent, idque non, ut aiunt, quia Solis radiis extinguuntur: extinguere enim etiam noctu, quandoquidem semper in ejus radiis sunt: sed est alia causa; quippe illustratum medium recipit speciem valentiorum, id est, Solis lumen, quod sit efficacius objectu oculorum. Quocirca minor atque debilius species, quæ est siderum lux, non exstincta sibi sed delata per medium non sentitur*

Non tamen erat quod tantoperè in vulgus excandesceret *Patricius*, & stoliditatis responsionem argueret. Nec enim in mentem venisse unquam arbitror ut minus lumen à majore propriè obscurari crederet: qui enim id propriè obscuraret quod lucidissimum est? Obscurari igitur vulgo aliud nihil est nisi quod *Patricio* absorberi, & *Scaligero*, valentiore immixtâ specie à visuique non percipi. Sensus igitur idem, etiam si verba non sunt eadem.

XV. De sextâ quæstione, *Quousque stellarum lumen & Solis imprimis pertingat*. Curiosa hæc videtur quæstio. Quis enim vel sensu vel ratiocinatione pertigit eousque ubi luminis cursus vel flexus sistitur? *Patricius* planè singularis Philosophus in infinitum Solis astrorumque aliorum lumen ac radios sursum excurrere sibi imaginatur. Sunt autem hypothesæ & assertiones ejus hæc;

1. *Totius universi soliditatem, terra & Lunæ opacitate exceptâ, à Sole illustrari*. Est autem ea, secundum Astrologorum computum, passuum 384365443816687500. quod propemodum immensum est spatium.

2. *Solaris luminis fluxum & cursum nihil impedire nisi opacum*.

3. *Supra firmamentum & extra mundum non dari opacum*.

4. *Spatium extra mundum esse infinitum, & nullam habere resistendi vim*.

5. Tres superiores Planetas Solem alterum integrum conficere, & terras viginti ac unam cum dimidia; ideoque tantundem extra mundum spatii lumine replere, & tantum ultra Solaris luminis consuetudine quantum ipsi sunt extrema mundi superficiem propinquiores quam Sol, & spatio extramundano proximiores. Excessum hunc definit numero passuum 157531916.

6. Si reliquarum stellarum, 1^a, 2^a, 3^a, 4^a, 5^a, 6^a magnitudinis, quantitas in unam quasi massam conjungatur, eaque cum Solis quantitate conferatur, Soles inde confectum iri 301, proindeque harum stellarum tantum longius excursuram esse lucem quantum majores ipsae sint Sole, & quantum propriiores sunt extremo mundi quam Sol est.

Tandem igitur hunc in modum colligit; Si Sol unus omnia mundi spatia praeter Lunae & terrae globos illuminat, & universi mundi intercapedinem, & extra mundum per innumerabilia milliaria lumen suum extendit, quid dicemus 301 Soles integros, nullis ibi obstantibus impedimentis, posse implere? Nempe totum id in quo nihil obstat: Atqui in toto illo infinito spatio obstat nihil: Totum ergo infinitum spatium implebunt lumine.

XVI. Equidem ab hac *Patricii* sententia plane alienus sum, quippe quae & rectae rationi contraria, & magnis quoque seipsam inconvendis implicat. Taceo quoddam gratis magna sumat *ai rhuam*; quae demonstranda erant. Huic igitur rationi *Patriciae* ne sequentia opponimus.

1. Corporis finiti vis non est infinita: Atqui Solis & omnium stellarum corpora sunt finita: Vim igitur infinitam non habent: & proinde radios in infinitum nequeant effundere.

Excipit *Patricius* Rationem hanc nihil efficere: Lumen enim non esse corpus tale qualia sunt alia corpora: itaque non esse cur & finitum ipsum & finitae vires ejus dicantur, etiam si à finitis promicer. Resp. Multo minus hae *Patricii* exceptio quicquam efficit. Lumen enim non est corpus, multo minus infinitum & infinitarum virium corpus. Cumque per se non spargatur lumen, sed à corpore lucido, non poterit in infinitum spargi nisi vis spargendi in corpore lucido sit infinita; quam tamen finitam agnoscit *Patricius*. Sed ponamus, corpus esse lumen: Generica igitur corporis natura ei neganda non erit: Atqui omne corpus finitum est, quia superficie terminatur, quae alterum corpus contingit: Sic & à lumine aerem contingi non negabit *Patricius*. Addo & hoc; Infinitum à nullo abest: Lumen à corporum opacorum penetralibus abest, ut fatetur *Patricius*: Lumen igitur infinitum non est.

2. Corpora luminosa sublunaria spargunt lumen ad certam duntaxat distantiam in diaphano:

Ergo caelestia in infinitum non spargunt. Antecedens apud omnes in confesso est. Ratio consequentiae; Quia tam caelestia quam sublunaria sunt finita: Estque certa & magnitudinis & luminis proportio, cujus excessus etsi in corporibus caelestibus est maximus, tamen infinitus non est.

Excipit *Patricius*, Lumen quod mundum replet quandoque languescere, sed fieri id viribus contrariorum, umbrarum, obscuritatis, tenebrarum, opacitatis: hujusmodi verò contrarium extra mundum non esse. Resp. Cum umbrarum obscuritas, tenebrae & opacitas in perspicuo non nisi privationes sint, actione contraria & positiva corporis lucidi actionem hoc, est illuminationem, impedire in perspicuo per se non possunt. Quod ergo languescit lumen in medio perspicuo, nempe aere, non est à tenebris vel obscuritate perspicui, sed ab imbecillitate vel limitata virtute corporis lucidi: Virtus haec etsi in caelestibus corporibus longe maxima est, tamen finita est.

3. Extra mundum nihil est: Ergo lumen extra mundum à sideribus non propagatur. Antecedens probatur; Quia mundus omnium entium, excepto primo complexus est: Unde & *πᾶσι* appellatur, quia ambitu suo omnia continet. Quod de spatio extra mundum immenso sibi imaginatur *Patricius*, non nisi curiosa & sterilis est imaginatio, cui ens reale extra phantasiam nullum responder. Et si hujusmodi reale daretur spatium, quidni ad mundum potius referretur quam extra eum relegeretur? Si ad mundum pertineret, infinitum esse mundum sequeretur: Quod etsi à *Patricianis* dogmatibus alienum non est, tamen à veritate Divina & ratione humana alienissimum est, ut alias ostendimus. Haecenus antecedentis probatio. Ratio consequentiae; Quia lumen non potest esse nisi in subiecto reali, uti nec lux esse potest nisi in corpore, quod inde lucidum appellamus.

4. Cujus plane nullus est usus, id à Philosopho in naturam non est invehendum: Atqui luminis extra mundum in infinitum propagati plane nullus est usus: Ergo hujusmodi propagatio luminis tribuenda non est corporibus caelestibus. Assumptionem si negaveris, explicandus fuerit luminis istius extramundani usus, quem nec Theologia nec Philosophia nobis ullum monstrat: & qui monstraret, cum utique ignotum sit lumen istud imaginarium?

Opinatur quidem *Patricius* lumen illud extra mundum esse *Empyreum* coelum à Scholasticis ita appellatum: Sed fundamentum opinionis nullum habet. Nec enim coelum *empyreum* à *πρόσωπα* est naturalis caeli, sed corpus longe excellentius: multo

multò minùs accidens est, quale lumen illud sparsum: nec infinitum est, quale lumen hoc fingit *Patricius*.

XVII. Ad declarationem sententiæ *Patricianæ* tandem pauca annotabimus. Ad hypothesein seu assertionem. 1^m. Totius universi soliditatem à corpore Solari illuminari nondum demonstratum esse arbitror. Quis scit an ad extimam expansi superficiem pertingant radii Solis?

Ad 2^m. Non sola opacitas densi corporis fluxum luminis sistit, sed & finita radiandi seu illuminandi in corpore lucido, quodcunque illud sit, virtus. Sistit quoque eundem negatio subjecti recipientis.

Ad 3^m. Isto: opacum supra firmamentum non sit: Ideone in infinitum excurrent Solis radii? Atqui extra mundum nihil est, multò minùs infinitum, præter Deum. Mihi sanè non sit verisimile in ipsum empyreum cælum penetrare siderum lumina. De ministerio enim siderum hyperphysico & extra mundum hunc nostrum se extendente nulla in sacris revelatio habetur.

Ad 4^m. Sparsum hoc *Patricianum* planè imaginarium est: utque nullam resistendi sic & nullam luminis recipiendi vim habet, quia non-ens est.

Ad 5^m. Primò planè vitiosa est *Patricii* argumentatio de trium superiorum Planetarum radiatione Solis radiationem tanto intervallo excedente quanto ipsi Sole sunt superiores. Etiam si enim trium Planetarum magnitudo æquæquant Solem, vel excedit etiam, in unum tamen corpus illi non sunt uniti, neque *Saturni* loco collocati, ut uno impetu ex isto intervallo confertum lumen sursum ejaculari possint: & si maxime uniti essent summòque illo collocati loco, incertum tamen maneret an Solis lucem æquaturi essent. Itaque ratio de lumine superiorum Planetarum tanto intervallo Solis lumen prævertente prorsus nulla est. Nec enim trium Planetarum lumen longiùs sursum protenditur quàm ipsius *Saturni* lumen, quod dubio procul & *Martis* & *Jovis* luminè altiùs ascendit, ex *Patricianæ* ratione; quia altior est *Saturnus* *Marte* & *Jove*, & si quantitate non par, saltem haud multò minor. Jam verò cogitet *Patricius* an *Saturni* lumen tot passuum vel milliariorum millibus Solis lumen sursum versùs possit præcurrere: quod ab ipso concessum iri haud puto. Deinde cùm dicat *Patricius* Solis lumen in infinitum per sparsum illud extramundanum vibrari, doceatque cùm superiorum Planetarum tum stellarum fixarum lumina per idem sparsum multò longiùs excurrere quàm Solis lumen, quantum nempe mundi extremo propiores sunt stellæ istæ

quam Solis corpus; sequitur necessariò ex *Patricii* sententià infinitum infinito dari majus, & tot quidem passibus majus quot à *Patricio* numerantur: quod absurdum esse omnes Philosophorum Scholæ clamant, & dicat ratio. Quod enim majus se aliquid habet, infinitum non est.

Ad 6^m. Eodem paralogismo stellas fixas in 301 Soles compactas tantò longiùs lumen vibrare quanto majores uno sunt Sole concludit. Ut enim in Planetis, sic & in fixis se res habet. Nec enim in unum eæ corpus compactæ sunt, nec omnes simul, uti jam per firmamentum sunt sparsæ, longiùs ejaculantur lumina quàm unica ex iis quæ vel suprema vel maxima. Ubi rursus absurdum de excessu unius infiniti supra aliud occurrit. Patet hinc quid de Syllogismo quem hypothecibus vel assertionibus suis subjicit *Patricius* judicandum sit.

XVIII. Et hæcenus de ascensu luminis seu propagatione ejus in altitudinem. De descensu ejus seu propagatione ad imas mundi partes diversa quoque sunt philosophantium judicia. Nonnulli Solis radios ad terræ centrum usque penetrare contendunt, hoc moti argumento; Quòd in intimis terræ visceribus metalla generentur, ut lapides etiam pretiosi, qui cœlestis luminis requirunt præsentiam & actionem. Ab hac sententià alienum esse *Patricium* ex iis patet quæ jam antè produximus: Cùm enim universi soliditatem à Sole illuminari ait, semper opaca Lunæ & terræ corpora excipit: & rectè quidem. Est enim ea luminis natura ut perspicua tantùm non autem opaca penetret. Esse verò ad metallorum & pretiosorum lapidum generationem opus Solari lumine tanquam materiâ vel efficiente, equidem ut credam à me impetrare non possum; quando video in obscurissimis terræ recessibus hujusmodi mista gigni, ad quæ nullum unquam externum lumen penetravit, aut per opacitatis in corpore terminato obstaculum penetrare potuit. Quod verò in gemmis nonnullis lumen est, non ex cœlo derivatum sed ex elementaris perspicui puratissimi condensatione natum puto. Qui cœlestem calorem ad ima terræ non penetrare posse nisi luminis ope sibi persuadent, nec luminis nec caloris naturam probè cognitam & exploratam videntur habere.

THESIS VI.

Calor est qualitas stellarum interna tactilis, per quam stellæ actu sunt calidæ & alia calefaciunt.

"Ex *Saturni*."

I. Immane quantum ab hac thesi discrepet *Peripatetica* Scholæ, quæ, contra veteris Philosophiæ

Placita, à Peripati Principe & Dictatore accepit, *Stellas equidem calefacere, sed in se actu & habitu non esse calidas.* Sententiam hanc ut quocumq; modo tuerentur, diversa sibi quæivere præsidia. 1. Alii ideo dixerunt calefacere quòd corpora sint lucida à luce enim perpetuò produci calorem sibi persuaserunt. 2. Alii, ideo quòd radii à stellis & Sole inprimis in terram vibrati reflectantur, & quasi irritati exardescant & exardescant. 3. Alii, ideo quod concitatissimè orbes cœlestes moveantur, & movendo aerem atterant, atterendo attenuandòq; calidum reddant. 4. Alii denique, quòd ignem perpetuum sibi habeant comitem, quem scilicet volvendo se circa universà centrum haud secus ac magnes ferrum secum trahant.

Nos omnibus hisce sententiis ad autores suos dimissis, simplicissimam, quam & veterum permulti & recentiorum, qui liberum philosophandi genus amant, non pauci amplectuntur, hanc profiteamur; *Calefacere stellas. inferiorem hunc mundum, non luce vel lumine, non radiorum reflexione, non motu, non igne concomitante, sed calore habituali actu inhaerente.* Ut igitur inferiora hæc illuminant lumine à luce internâ in aere propogato, sic etiam eadem calefaciunt calore proprio & interno in subjectis corporibus externum generante. Sententiam hanc nostram ubi demonstraverimus adversæ partis rationes studiosè conquiritas examinabimus. Rationes igitur pro nostrâ sententiâ sunt hæc;

1. Quæ sententia nec sacris literis nec experientia veræ & universali nec sanæ rationi est contraria, ea à Philosophiæ civitate non est excludenda: Atqui talis est hæc de actuali astrorum calore: Ergò. Probatione propositio non eget. Sunt enim tria ista Philosophicæ veritatis *verba*. Assumptio inductione partium probari potest. 1. Nè apex quidem sacrarum literarum huic sententiæ est contrarius, imò magno consensu ei Scripturæ favent. 2. Experientia non tantum non refragatur, sed & maximè suffragatur. Experimur enim majori & celeritate & copiâ à Sole verticali in capita nostra vibrari calorem quàm à remoto igne quantumvis maximo. Et sanè experientiam hanc veram nisi ratiunculæ quædam inanes Peripateticis suspectam reddidissent, à vero nunquam aberrassent. 3. Nec sanæ rationi inimicam eam esse, sed maximè amicam, eximbellibus constabit rationibus quæ ad contrariæ sententiæ defensionem adferuntur: De quibus paulò post.

2. Accedunt huc clarissima *ix* Psalmi verba, quæ de Sole ita habent, *Non est qui se abscondat à calore ejus.* Quo referenda & illa Ecclesiastici *xliii.* v. 3. *Sol in meridiano exurit terram, & in conspe-*

ctu ardoris ejus quis subsistet? Respondebunt hic Peripatetici, calorem Soli tribui à Psalmo non affectivè, quòd tanquam affectio Soli inhæreat, sed effectivè, quòd tanquam effectum à Sole absque internâ ullâ affectione producat. Scilicet vulgatum hoc est pharmacum, quo omnia Scripturæ loca sententiam hanc approbantia conficiuntur. Sed cum de Sole haud aliter ac de igne loquatur Scriptura, quid attinet tandem in unius Ethnici hominis gratiam Philosophiam Spiritus Sancti audacter adeò castigare, cum nulla præsertim ad id nos ratio compellat, nec è Scriptura futilis hæc interpretatio evinci ullo modo possit? Nonne verò ad hanc Scripturæ simplicitatem Ethnici hominis profanitatem examinare conveniebat? Scriptura ad effecta & sensuum judicia nos vocat; ad *Aristotelis* auctoritatem & præconceptas opiniones, hi disputatores.

3. *Stellæ nec lumine, nec radiorum reflexione, nec concomitante igne, nec motu calorem in inferioribus producant:* Ergò calore inhaerente. *Vallet consequentia;* Quia alius modus calefaciendi præter hos dari nequit. Antecedens quoad singulas partes probatu facillimum est.

Et primò quidem, à lumine vel radiorum reflexione calorem non produci, Sectione I. prolixè probatum est. *Stultè volunt Peripatetici inquit, Campanella, lucem apud nos reflexione calefacere; cum à Sole exoriente nos tanquam jaculis feriri prius quàm reflectatur lux experiamur.* Si concedas etiam simpliciter lucem per se calefacere, nunquam aer luminosus idemque frigidissimis simul esse poterit: Atqui reclamat experientia. Videantur exempla Sectione I. in frigoris historiâ. Plura non addam: ad Sect. I. provoco. Hoc tamen unum adjicio, Non convenire inter autores hosce de modo quo lumen calefacit. Plerique tamen existimant id calefacere penetrando corpora densa, & sic rarefaciendo & extenuando: Quod tam suspectæ veritatis est quàm esse quidquam possit. Et primò quidem non penetrat lumen densa corpora nisi eadem sint perspicua: penetratione verò luminis ullum unquam densum corpus fuisse rarefactum & extenuatum equis mortalium unquam vidit aut sensit? Nec potest, absente actuali calore, referri & extenuari densum corpus, nisi ab alio denso solidòque valide attritum: Atqui tantum abest ut hujusmodi corpus sit lumen, ut nè corpus quidem sit; imò per se localiter moveri haud possit, tantum abest ut movendo rarefaciat & extenuet. Taceo quòd sine causâ ad lumen referatur calor, si non nisi à motu luminis locali is expectari potest. Sic enim minori absurditate corporum cœlestium

mo:ui

motui poterit transcribi: De quâ sententiâ deinceps nobis agendum. Certum igitur est lumen non calefacere per denforum corporum attritionem. Quod si verò tribuenda ei omnino sit attenuatio & rarefactio denforum, non poterit ea referri nisi ad calorem cum lumine conjunctum. Quod si verò cum lumine Solis conjunctus est actualis calor, quidni etiam cum luce Solis?

Nec ab igne concomitante: Patet; Quia fictus is est, nec tractus ejusmodi magneticus vel experientia vel ratione comprobari potest. Taceo quod hâc ratione astra non magis possent dici calefacere quàm frigefacere; quia & frigidas nubes creduntur circumducere.

Nec à motu, ob multas rationes.

1. Quia stellæ inferiorem hunc aerem non movent: Ergò motu eum non calefaciunt. Antecedens constat: Si enim inferior hic aer ad motum stellarum moveretur, utique semper moveretur, quia in perpetuo motu sunt stellæ: Atqui falsum consequens, ut certissima probant experimenta.

2. Si vel maximè ab astris inferior hic aer moveretur, ex illo tamen motu non incalceret. Ratio; Quia non attereretur: Id quod evidentissimè demonstrat *Tilesius*, lib. 4. cap. 7. Verba ejus, quibus continetur ratio, hæc sunt, *Quæ apud nos contrita incalcescunt, densa sunt duræque & stabilia, insuper firma, quæ ferienti scilicet renituntur, & ictum plagamque eadem sui parte & multam illam assiduamque excipiunt ac sustinent. Nam quæ ferienti cedunt & plagam effugiunt, vel quæ semel tantum eadem sui parte feriuntur, contritu calore illa minimè videntur, quia nimirum illa minimè conteruntur.* Ratio igitur in Syllogismum contracta hæc est; Quod ferienti facillimè cedit plagamque effugit, & semel tantum eadem sui parte feritur, id atteri nequit: Atqui aer ferientibus astris seu moventibus cedit plagamque effugit, nec nisi semel eadem sui parte tangitur: Ergò ab astris atteri nequit. Propositio patet ex ipsa attritionis naturâ ejusque requisitis. Assumptio sensu constat. Utitur hoc quoque argumento *Campanella* lib. 3. De sensu rerum cap. 1. *Non aer ictus plagas excipit, sed fugitat.*

3. Si astra motu calefacerent, sequeretur Lunam magis calefacere quàm Solem: At falsum consequens: Ergò & antecedens. Ratio connexi est; Quia ut Lunæ motus longè propinquior est aeri nostro, sic & efficacius eundem moveret & agitarer.

4. Si astra motu aerem hunc inferiorem calefacerent, non minùs id hyeme quàm æstate præstarent, imò verò magis: At falsum consequens; Ergò & antecedens. Ratio connexi est; 1. Quia astra non

minùs hyeme quàm æstate moventur. 2. Quia Sol hyeme terræ propinquior esse dicitur quàm æstate.

5. *Quis animum inducat, inquit Pererius, in Commentario super Genesin, libro quem scripsit De astris & cælo, 4. credere, quo tempore Sol & Luna, imperante Josuâ, cohibito motu suo constituerunt, eo tempore Solem res sublunares non calefecerunt, Imò, inquit Scaliger, Exercit. 74. mihi contra videtur, Solem, si non moveatur, magis calefacturum, quod manifestius est radiorum fixatione in rem stabilem, quàm si moveatur. Etenim cavum speculum si moveatur, non recipiet ignem.*

6. Cum secundum receptam Peripateticorum sententiam astra per se non moveantur, sed orbibus suis solidis sint infixæ, sequetur non astris sed orbibus cælestibus adscribendum esse calorem: quod facit Scripturæ, Philosophorum & omnium populorum consensui adversatur, & cum à ratione tum ab experientia alienissimum est.

7. Si cælestium corporum motu inferior hic mundus incalceret, dies noctibus calidiores non essent: At falsum consequens; Ergò & antecedens. Connexi ratio est; Quia noctu non minùs moventur cælestia corpora quàm interdiu.

8. Si corporum cælestium motu tantum aer incalceret, non minùs essent calida loca septentrionalia quàm meridionalia vel quæ intra tropicos sunt: At falsum consequens: Ergò & antecedens. Connexi ratio est; Quia non minùs extra tropicos quàm intra tropicos moventur corpora cælestia, & orbis imprimis, qui vulgò creduntur esse.

9. Si calor à cælo non esset nisi per motum aerisque attritionem, anni tempestates calore differentes respectu cæli nullæ essent: Per singulos enim anni quadrantes æqualiter moventur, secundum Peripateticam sententiam, cælestes orbis. Itaque satis mirari non possum quòd & doctissimus *Zabarella* calorem cælestem ex motu deriver; cum sententiâ hâc nihil falsius; nihil absurdius videatur excogitari posse.

Quòd si ergò nec motu calefaciunt astra hæc inferiora, relinquitur calore inhærente id ea præstare: quod quidem à nobis demonstrandum erat. Hactenus tertia ratio.

4. Cui pleraque essentialia cum igne inferiori sunt communia; id ignem esse minimè dubium est: At astris pleraque essentialia cum igne nostro inferiori sunt communia: Ergò ignes ea esse minimè dubium est. Propositionis ratio est; Quia cui adjuncta tribuuntur propria, eidem & subiectum tribuitur cui illa inhærent adjuncta. Monet præterea *Aristoteles* ad perquirendas rerum longè dissitarum naturas similia sumenda esse

effex iis quæ apud nos sunt, adeoque his quasi gradibus ad sublimia ista ascendendum, ita ut talia superiora esse judicemus qualia sunt inferiora, sic eadem cum inferioribus habent communia. Assumptionem probo comparatione astrorum cum igne nostro hoc modo institutâ; Ut ignes nostri procul à nobis diffusi rotundi apparent, sic & astra : Ut ignes nostri lucent luménque spargunt, sic & astra : Ut ignes nostri remoti micant, sic & astra : Ut ignes nostri calefaciunt, sic & astra : Ut in ignibus nostris conspicitur mobilitas summa, sic & in astris : Ignes denique nostri corpora rectâ sibi imposita magis efficiunt quàm quæ à latere & ex obliquo sunt posita; idem in astris quoque usu venit : Summa; character ignis nostri essentialis nullus est quem astra non repræsentent : Cur igitur astra ignes esse non concludamus ? Nec est quòd ex morum diversitate contrarium Peripatus eliciat. Nam si astra ignes non sunt quia motu circulari moventur, nec ignis Peripati elementaris ignis erit, quia & is in orbem perpetuò volvitur. Adde quòd & dici possit è communi dogmate, rectum motum igni non competere nisi extra locum constituto. Quin & hoc responderi possit, rectum morum igni non competere quatenus est ignis, sed quatenus est elementaris ignis.

5. Nec nova hæc est opinio, sed ipsomet Peripato longè antiquior. Et primus quidem dogmatis hujus autor putatur *Zoroaster*, qui de stellatum creationem loquens, ità inquit, "Επιτε εἰ παλὺν ὄμιλον ἀστέρων ἀπλανῶν τὸ πῦρ περὶ τὸ πῦρ ἀναγκάσει." Solem vocat idem τὸ πῦρ ἡλιακόν. Item, *πυρρὸς ἐχέτωμα*, i. e. *curriculum ignis*. Quem *Philoscus*, Solem φλογὸς πύρνα πολλῆς dixit. Et alii cùm ante tum post *Aristotelem* plurimi Philosophi sensuum secuti iudicium & experientiam ad ignis censum astra retulerunt; etsi in varias easque erroneas abierint sententias. Hinc *Thales* astra ἡρώδι ἔμπερα εἶπε dixit: *Anaxagoras* astra raptos de terra lapides cœli vertigine accensos esse credidit: *Diogenes* pumices inflammatos dixit: *Archelaus*, laminas ferreas candentes: *Xenophanes*, nubes inflammatas interdū extinctas, noctu reaccensas; *Parmenides*, compages ignis. Quin & ipsomet *Aristoteles*, si *Plutarcho* credimus, ab hac sententia non semper alienus fuit. *Plutarchi* verba Latine reddita hæc sunt, Dixit *Aristoteles tantum esse vacuum extra mundum, ut celum respiret, id namque esse igneam*. Taceo quodd & Patrum autoritate munita sit hæc sententia. *Ambrosius* hæresin esse putat calorem auferre Soli, cùm Ecclesiasticus de ejus caliditate loquatur. *Basilii* hom. 6. de Sole hæc sunt verba, Ἐντυπάζει μοι πῦρ σφίαν τὸ τεχνίτης κατὰ μαθεύει.

πῶς τὸ διαστήματι τῆ τοῦ σῶματος ἐξ ἴδωκεν αὐτῶν ὅ
 θερμότητι 3 πῶς τὸν γὰρ ὅσον αὐτῶ τὸ πυρὸς δεῖ, ὥς ἐ
 μήτε δι' ὑπερβολὴν κατὰ φύσιν γίνῃ, μήτε διὰ πλεὺ
 ἑλλείψιν κατὰ φύσιν αὐτῶν ἢ ἄγρον ἀπαιτῆσθαι.
Fufius Martyr modum de calefactione corporum
coelestium per motum ita impugnatur in *Confutatio*
ne dogmatum Aristotelis; Si id quod motum calefa-
 ctis alia, non potest hoc efficere nisi prius seipsum motu
 suo calefaciat, quomodo coelestis globus & quæ in eo
 sunt sacra motu suo calefacient aërem, cum ipsa non
 calefaciant? Si id quod suo motu vim calefaciendi ex-
 ferit, necessum est aut gravitatem habeat aut levita-
 tem, quomodo coelum & quæ hoc coniunguntur fide-
 ra vim calefactorum exerunt, cum nec gravita-
 tem nec levitatem habeant? Contradicique quoque
Aristoteli *Origenes* *Platonica*. *Philosophia* secta-
 tor. *Bernhardus* in serm. De assumpt. affirmat
 Solem in se esse calidissimum. Omnibus hisce suf-
 fragatur quoq; hymnus Ecclesiæ, Jam Sol recedit
 igneus, &c.

I I. Ut autem sententiæ nostræ veritas tantò fiat manifestior, Peripati rationes in medium adductas solvemus. Sunt verò potissimæ hæ;

i. Quod calidum naturâ, id pati potest & mutari: Astra non possunt pati & mutari: Ergo.

2. Si calor in cœlo formaliter est, non effective tantum, sequitur in eo etiam esse frigus: At falsum consequens: Ergo & antecedens.

3. Si Sol igneam haberet naturam, magis calefaceret in hyeme, quando propinquior nobis est, quam in æstate, quando est remotior: At consequens, experientiâ teste, falsum est: Ergo & antecedens.

4. Si Sol esset igneus, media aeris regio, utpote vicinior, magis quam infima caleferet, adeoque meteora aquea in illa non possent fieri: At falsum consequens: Ergo & antecedens.

5. Si Sol esset calidus, utique loca omnia excelsa ac montana, tanquam sibi viciniora, prius & citius calefaceret quam hæc inferiora & à Sole remotiora: Atqui falsum consequens: sunt enim loca illa plerumque frigidiora, ut apparet è nivibus quorundam montium perpetuis. Ergo.

6. Si Sol esset actu calidus per calorem inhærentem, diceretur univocè lapis *calidus* à Sole calefactus, & Sol *calidus*, qui calefecit : Atqui absurdum consequens, inquit *Scaliger*, *Exerc. 74.* Ergò & antecedens.

7. Si ideo Sol est calidus quia calefacit, sequitur & Saturnum esse frigidum actu, quia frige facit: Atqui falsum consequens: Ergo & antecedens. Assumptio probatur: Essent enim hæc ratione in cælo contraria: Sic Sol & Saturnus essent contrarii: Unde mutabile cælum esset.

8. Multa sublunaria qualitates extra se producant quas tamen actu sibi inhærentes non habent: Ergo cogitandum Solem quoque & reliquas stellas posse calefacere mundum sublunarem etiam si ipsæ per se caloris actu inhærentis sunt expertes. Antecedens probatur exemplo vini, quod corpora nostra calefacit etiam si ipsum actu calidum non est: semen papaveris albi expositum Soli & exsiccatum frigefacit & humectat, etiam si ipsum actu frigidum vel humidum non est: Sic & Deus multa facit sui dissimillima.

III. Hæc Peripateticæ sententiæ munimenta si fuerint eversa, victoriam facile obtinebimus. Respondemus igitur:

Ad 1^m. Per distinctionem propositionis, hoc modus: Quod naturâ calidum est, id pari & alterari potest, si mutuus inter ipsum & frigidum contrarius contactus intercedat: Passio siquidem & mutatio naturalis nulla est ubi contrariorum contactus non est. Propositione igitur sic limitatâ, concedimus non posse pati & alterari astra propter contrarii absentiam: At calida propterea non esse, sequi negamus. Eritque negationis manifesta ratio, si iudicium sic instituas; Quod propter contrarii frigoris absentiam pati mutarique nequit, id calidum non est: At astra propter contrarii frigoris absentiam mutari pativè haud possunt: Ergo calida non sunt. Vel hoc modo; Quod calidum est, id absente etiam frigore mutari pativè naturaliter potest: At astra absente frigore mutari non possunt: Ergo calida non sunt. Quis falsam utrobique Propositionem esse non videt, cum contraria non nisi à contrariis præsentibus pati aut mutari possint? Deinde assumptionem primæ hujus objectionis est profana *Lycei* cathedra profectam quis non videt? utpote quæ æterna esse astra & qualitarum omnium tactilium expertia, adeoque immutabilia docuit: Quod cum falsum omnino sit, de consequentiæ falsitate quis dubitet? Notetur hic tribus modis aliquid immutabile dici: 1. *Maximè propriè*, quod potentiam ad non-esse simpliciter nullam habet: Quæ immutabilitas in solum Deum cadit. Solus enim Deus à nullo dependet, à quo mutari possit. 2. *Minus propriè*, quod ab agente finitæ virtutis mutari nequit eò quod contrarium propriè dictum in naturâ nullum habet. Hoc modo immutabiles sunt Angeli & animæ rationales. 3. *Maximè impropriè*, quod mutari à naturali agente quamvis possit, tamen mutationem non experitur, vel quia cum contrario suo nunquam congreditur, ob ejus absentiam, vel quia ob excellentem suam virtutem contrario imbecilliori nihil in se virium permittit. Hoc modo immutabilia dici possunt astra: Sed calida propterea non esse sanæ mentis nemo concluderet.

Ad 2^m. Negamus consequentiam propositionis. Ad probationem dicimus, Axioma illud, *Contraria sunt in eodem subiecto*, universaliter non esse verum, Sic igitur distinguendum, Contraria in eodem subiecto sunt successive, *nimirum nisi alterum subiecti repugnet naturæ*. Absque hæc distinctione axioma si intelligas, eodem ne ignem quidem calidum esse probabis, quandoquidem & is frigidus esse nequit.

Ad 3^m. Idem negamus Propositionis consequentiam. Axioma enim illud, quod vim continet consequentiæ, *Calidum quò viciniùs est rei calefaciendæ, eò magis calefacit*, nisi paribus omnibus perpetuò verum non est. Demonstrari id liquidò potest experimento ab igne nostro desumpto, qui aerem pyramidi suæ imminentem ex intervallo satis magno longè calidiorem reddit quàm eum qui à latere intervallo longè breviori circumstat. Ut igitur iudicium hoc, *Si calidus est ignis noster, æquè calefaciet aerem lateri circumstantem ac vertici imminentem*, vel sensu teste nullum est, sic & hoc, *Si Sol actu calidus est, æquè calefaciet infera loca, sive rectâ sive obliquâ lineâ ea aspiciet*, ejusdem est ponderis.

Ad 4^m. Similiter Propositionis consequentiam negamus, utpote quæ tum demum valeret nisi gemino quasi calore inferior aeris regio caleret, simplici primùm à Sole sparso & rectâ aerem transeunte, deinde eodem circa terram accumulato & sursum versus propagato: uti prolixius explicabimus infra.

Ad 5. Propositionis consequentia tum demum valebit si nulla sint impedimenta quibus calor à Sole productus in montium quorundam summitatibus frangatur & minuatur: At in montibus quibusdam frigidioribus dantur ejusmodi impedimenta: Qualia possunt esse, 1. Mediæ & frigidæ regionis vicinia. 2. Venti frigidiores, qui in humilibus excitati locis sublimia perunt, calorémque à Sole sparsum dispergunt & quasi extinguunt. 3. Interna montium constitutio & quasi temperamentum, quod frigidus in nonnullis est, in aliis calidius: Id quod è diversorum montium collatione manifestum evadit. Cum enim ejusdem altitudinis montium alii perpetuis nivibus horreant, alii verò æstivo Sole sint calidissimi, sequitur utique calorem è Sole æqualiter fusum diversimodè causarum aliarum interventu affici, & vel minui vel augeri. Deinde ratio hæc, si quid haberet ponderis, non nos tantum sed & adversarios, qui Solem aiunt calefacere radiorum reflexione, premeret. Si enim radii reflexi geminum efficiunt calorem, cur æqualis in omnibus montibus is non sentitur qui æquali radiorum reflexione afficiuntur. Eadem recurrit difficultas, si ex motu cælorum vel astrorum derivetur calor. His ad cau-

causas quas modò commemoravimus decurrendum.

Ad 6^m. Si *univocè calida* intelligit *Scaliger* subiecta, quæ quamvis specie diversa, attamen à calore inhærente similiter sunt affecta & denominata, assumptionem negamus, & probationem ab ipso expectamus: Nobis certè ut non est absurdum. Solem & ignem sublunarem univocè esse lucida, ita nec absurdum est, Solem & lapidem calefactum univocè esse calida: etsi in utriusque substantiâ, caloris gradu & modo habendi calorem discrimen non unum facile admittimus: quo tamen univocationem baud impediri arbitramur: Ad eam enim sufficit ut in diversis subiectis idem specie calor actu inhæreat.

Ad 7^m. Assumptionem negamus. Si frigefacit *Saturnus*, non minùs actu erit frigidus quàm Sol actu calidus. Nobis tamen, per se *Saturnum* frigefacere, tam non est verosimile quàm adversariis, in cœlo esse contraria, & per ea cœlum esse mutabile: De quo pluribus sup. loco. Interim non sine causâ mireris quò tantoperè laborent Peripatetici in cœlo à contrarietatibus vindicando, cum tamen Astrologis facile concedant de innumeris fere Planetarum & fixarum contrarietatibus, quas cum naturæ distinctæ tum varii positi iis conciliant. Nec nodum solvit, si dicant contrarietates illas tantum esse in effectis quæ mundus sublunaris sentit, non in ipsis subiectis. Cum enim actio potentiam seu facultatem in subiecto requirat, contrarias stellarum facultates, pro actionum per se contrarietate, in stellis plurimas oportet admittant: Ut à contrarietatibus cœlum non vindicabunt. Nec satis idonea adferri potest ratio cur contrariæ illæ facultates contrarias suas actiones non exerant porius in cœlum quàm in elementa aut reliqua mista; aut cur in sola sublunaria, quæ ita vulgò appellantur, non autem in ipsam cœli substantiam, quam cum inalterabilem esse aiunt, nonnisi principium petunt. Hoc addo; Contrariarum illarum facultatum actiones in corpora sublunaria immediatè exeruntur, adeoq; ab iis recipiuntur, aut mediatè: Non immediatè; Quia immediatè ea non tangunt sidera: Ergò mediatè. Illud verò medium non est aliud nisi substantia cœlestis: quæ quò contrariiorum principiorum recipere aut deferre actiones vel qualitates contrarias absque alteratione possit, equidem non video. Difficultatem hanc vidit *Scaliger*, Exercit. 75. § 9. Itaq; occasione huius objectionis ait Peripatetici difficultissimum intellectu esse quomodo accidens idem incorruptum (addo & absque subiecti alteratione) per diversa subiecta transeat & transmoveatur. Non habet quod respondeat, nisi per similis difficultatis in magnere objectionem. Atqui ita difficultati non

satisfit, nec nodus solvitur. Ego sine reali alteratione mediè vel ejusdem numero accidentis de subiecto in subiectum migratione hoc fieri posse nego, nec intelligo quò qualitas efficax eadem numero etiam per medium absque actione vel alteratione deferri queat. Itaque multæ & difficultates insuperabiles & absurditates hic occurrunt & concurrunt.

Ad 8^m. Consequentiam nego. Ratio negationis est; Quia maxima est dissimilitudo inter mista potestate talia vel talia & inter astra: Ex. gr. Miltum potestate calidum, ut vinum, non exserit effectum suum nisi subiecto alterando immediatè conjunctum & ab eo priùs alteratum: Latens igitur vini virtus in actum deducitur à subiecti recipientis virtute alteratrice: Quod manifestum est. Non enim lapidem æquè calefacit vinum atq; hominem, quia à lapide non æquè alterari potest atque ab homine vel animante alio. Astra verò sublunariis immediatè non conjunguntur; nec sublunarium nominari potest qualitas quæ astrorum potentiam in actum deducat. Quod de Lumine & Motu adfertur, jam ante refutatum est. Exemplum *DEI* prorsus alienum est. A Creatore enim ad creaturam non valet consequentia.

IV. Quousque astrorum calor hic pertingat, quæri video. Casalpinus Quæst. Peripat. lib. 3. q. 8. affirmat calorem ex cœlo ad centrum terræ usque pervenire. Idque primò probat; deinde modum quo perveniat ostendit.

Probatio hæc est; 1. Ubi generari aliquid potest, ibi necessariò est calor Solis: Atqui in terræ centro aliquid generari potest: Ergò in terræ centro necessariò est calor. Propositionem probat geminâ hypothesi. 1. Solem respectu caloris esse causam omnis generationis sublunaris, 2. De generat. & corrupt. t. 56. 2. Impossibile esse ut quod generari potest aut corrumpi, nunquam ad actum perducatur, per defectum generantis & corrumpentis causæ, 1. De cœl. text. 133. Rationem reddit; Quia necesse est ut generabile aliquando generetur; & corruptibile aliquando corrumpatur.

2. In terræ centro est calor: Ergò est à virtute Solis & reliquarum stellarum eò penetrante. Antecedentis ratio est; Quia generari aliquid in eo vel circa id potest. Ratio consequentiæ; Quia pars illa terræ non potest incallescere per exhalationem vel ignem nisi ad eam Solis calor penetret. Quod porro probat hoc modo; Aut terra ex centro ad superficiem ascendit, ubi manifestè operatur virtus Solis; aut Solis virtus ad centrum descendit: Atqui prius est impossibile. Assumptio probatur; Quia hoc est contra naturam terræ: & paulatim tandem omnia emergent quæ in profundo sunt. At non

eam dispositionem habet terra cum toto cœlo, ut ejus generatio in uno hemisphærio fiat, corruptio autem in altero, quia Zodiacus in duas æquales partes cum cœlo tum terram dividit. Ità quod voluit probavit *Casalpini*.

Modum quo Solis & astrorum calor ad terræ centrum penetrat jam declarat. Nec enim res difficultate caret. Cum enim supponat calorem esse ex motu cœli vel reflectione radiorum, & verò nec cœli motio nec radiorum reflexio ad terræ centrum pertingat, haud immerito quaeritur quid calor à duobus hisce principiis vel altero tantum genitus ad terræ centrum possit pervenire. Duobus igitur modis calorem in terræ superficie ab astris productum ad centrum propagari posse ostendit : 1. Per *ætheris* externi frigoris. Ut enim hyberno tempore interiora terræ calent, quia à frigore externo calor in terræ viscera propellitur, ità probabile videtur ab eodem frigore ad terræ centrum usque eundem fugari & detrudi : quem semel receptum diu conservat terra propter crassitiam ac densitatem, quâ expirationi locum præcludit. 2. Per *aquas calidas*. Hæ cum intra se radios admittant, & ab iis facile alterentur, insuperque universas terræ partes pervadant, credibile omnino est hoc quasi vehiculo ad centrum usque calorem perferri ; imprimis autem crassior maris aqua, quæ & profundissima & perpetuo motu agitata quin altissime penetret dubium non est. Hactenus *Casalpini* sententia de proposita quaestione.

V. Equidem hanc *Casalpini* sententiam minùs probabilem esse arbitror. Et si vel maximè nullum aliud hic suppeteret argumentum, argumentorum tamen quæ inventionis *Casalpini* acumen proferre potuit imbecillitas vel sola suspectam nobis sententiæ veritatem redderet : De quâ paulò post. Cur autem probabile non videatur astrorum calorem ad terræ centrum usque propagari vel descendere, rationes hæc sunt ;

1. In plerisque etiam calidioribus terræ tractibus aer tam non est impensè calidus supra terram quin sine noxâ spiritum trahere animantia & in eo vitam possint degere : quod indicio est ubique ferme locorum esse remissum calorem qui superne illabatur : hunc verò calorem tantæ esse efficaciz ut per corpus tam densæ crassæque substantiæ, tam profundæ altitudinis, tam copiosi frigoris, quod æstivo præsertim tempore sinu suo continet, ad imum usque alterare valeat, mihi sanè non videtur verisimile : credat qui voluit.

2. Si ad multorum montium, qui tamen extra tropicos non sunt, vel media vel ima penetrare Solaris calor nequit, sequitur multò minùs ad terræ cen-

trum eundem posse penetrare : Atqui verum prius ut constat exemplo montium qui perpetuis horrent nivibus : Ergò & posterius. Assumptio probatur ; Per hujusmodi enim montes non penetrare calorem, inde constat, quia penetratio caloris absque nivum & glaciæ liquefactione non fieret ; quæ tamen non deprehenditur : Et si maximè aliqua hujus liquefactionis essent vestigia, credibile tamen non esset ad viscera montium prius calorem penetraturum quàm in cacuminum superficie omnem absumsisset nivem vel glaciem : est enim validior in superficie calor quàm in progressu per corpus densum & frigidum : Atqui nunquam nivibus nudantur plurimi montes.

3. Si terram fodias in locis etiam intenso Solis calori expositis, vix post unius & alterius pedis profunditatem superatam caloris quidquam percipies : Quis igitur credat ad centrum usque penetrare calorem ? In fornices nostros subterraneos æstivo tempore calor non penetrat : qui ergò ad terræ centrum penetret ? Fluviorum profundiorum ima æstivo tempore frigida deprehenduntur : Quod si hæc à calore non alterantur, cum tamen calori longè faciliorem transitum aqua permittat quàm terra, quid in tantam terræ profunditatem calor poterit ?

4. Aut *ætheris* aut aqua calorem cœlestem ad terræ centrum deferret : Atqui nec *ætheris* nec aqua hoc facit : Nulla igitur secundum *Casalpini* causa erit. Antecedens de *antiperistasi* probatur : Si per *ætheris* calor ad terræ centrum detruderetur, utique hyberno tempore id fieret, quo alia loca subterranea per *ætheris* externi frigoris dicuntur incallescere : Sic igitur hyberno saltem tempore calor cœlestis ad centrum descenderet, æstivo autem frigus per *ætheris* externi caloris : & sic inconvenientia recurrerent quæ *Casalpini* in rationibus suis prætendit. Accedit & hoc : Si hyberno tempore calor cœlestis ad centrum terræ usque propelleretur ab externo frigore hostili quâdam persecutione, utique in ipso centro quoque per incumbens frigus interimeretur : Sunt enim frigoris persequentis longè majores vires quàm fugientis caloris : Ità igitur terræ centrum nec æstivo nec hyberno tempore à cœlo incallescet. Testatur etiam experientia calorem qui supra terram est, si per frigiditas terræ partes extendatur, subitò disperire, nec conservari vel augeri nisi alius terræ internus calor ei succurrat. Hactenus *ætheris*.

De aquâ quoque probatur ; Testatur experientia imas profundorum fluminum aquas in ferventissimis etiam æstatibus frigidæ esse, cum quod Solis calor ad fundum non penetrat, tum quod aquæ frigidæ

frigida continuo sibi succedant, quæ calorem facile interimerent, si quem ex cælo fluminum ima conceperint: unde vel medias fluminum aquas in ætate vix tepescere sentimus. Quod de radiis ad ima profundi maris penetrantibus *Casalius* scribit, equidem valde dubito an ita se res habeat. Ipsa enim aquarum profunditas, quæ in mari maxima, tandem corporis opaci naturam assumit, & luminis penetrationem impedit. Er, si maximè lumen penetraret, de calore tamen illico res confecta non esset: nec enim calor perpetuus est luminis comes. Sed calidissimas esse imas maris aquas faciamus, ideòne loca terræ centro proxima ab iis calefieri credemus? Atqui probandum primò maris aquam ad terræ centrum penetrare; deinde, si maximè penetret, non dissipari calorem prius quàm ad centrum pertingat: Quæ probatu impossibilia sunt.

VI. Nec magni momenti sunt *Casali* rationes; Ad quas irà respondemus.

Ad 1^m. Propositionem nego. Probatio ejus utraque est falsa. Primùm igitur Solis calor non est causa omnis generationis. Multæ sunt generationes ubi Solis calor non est: Sic in frigidissimis locis, sub polo Arctico, ad quæ Solis calor non penetrat, quæque perpetuà rigent glacie & nive, lapides & metalla generantur. Nec dubium quin in intimis terræ visceribus, quæ, ut antè probavimus, Solis calore non sentiunt, multa generantur. At enim, inquit, sine calore nulla est generatio. Resp. Facile hoc do. Pergis, At omnis à Sole & reliquis astris calor. Nego hoc. Cum enim ante Solis creationem terra plantis jam fuerit ornata, dubium certè non est quin aliquis ei calor à Creatore sit inditus, quo fecundaretur & plantis alendis idonea redderetur. Cumque ignes intra terræ viscera in plurimis sint locis, eccur non ab his quoque plurimum

caloris terræ accedere, & ejus ope multa generari arbitremur, iis in locis ubi Solis vel astrorum calor nullus?

Altera hypothesis non minùs falsa est. Etenim cum in naturalibus tum in voluntariis plurima possunt fieri quæ tamen nunquam fiunt, & quidem per defectum vel absentiam causæ. De voluntariis dubium non est. Quis enim dixerit nos omnia facere quæ possumus facere? Non autem facimus omnia quæ possumus, quia nolumus: Hic defectus est causæ vel absentia. In naturalibus res quoque manifesta est. Nemo enim negaverit potuisse etiam & *Enochum* ex conditione naturæ humanæ mori: Atqui in actum potentia hæc deducta non est, quia noluit Deus. Sic posse in plano vel montoso loco fertili, per naturam soli Solisque, hanc vel illam arborem aut plantam nasci, ubi tamen nunquam nascitur, quia nunquam feritur, palàm est. Summa; Omnem potentiam necessariò in actum aliquando educi, & ubi actus nunquam est ibi potentiam nunquam fuisse, ut falsissimum ita longè absurdissimum est. De allegato *Aristotelis* loco videatur sententia *Conimbricensium* in lib. 1. De cælo, cap. 12. text. 133.

Ad 2^m. Antecedens dubiæ veritatis est. Probatio & ipsa est dubia, vel certè inconsequens, ut è prioribus patet. Deinde consequentiam negamus. Ratio quæ adfertur principii petitio est: Ut sine Sole calidus est ignis, ita & sine Sole calefacit. Disjunctum quod subiicitur vel dubià vel falsà nititur hypothesis, *Esse in terra centro calorem, eundemque necessario à Sole esse*. Itaque opus non est vel ascensione terræ ad superficiem, vel penetratione caloris Solaris ad centrum. Quod annectitur de duplici modo quò Solis calor ad centrum penetrat, jam antè ratione nostrâ quartâ excussum est.

CAPUT XIV.

De Stellarum figura & motu.

Figura stellarum: Thef. I. Rotunditas globosa: Thef. II. Argumenta Aristotelis eam probantia: *æd.* 1. Oppugnantur à Patricio: 2. Defenditur Aristoteles: 3. Ratio cur astra, imprimis Sol & Luna, nobis tantum plana videantur: 4. Signa cælestia & constellationes: Thef. III. Causa representationis stellarum per certas rerum animatarum & inanimatarum effigies: *æd.* 1. Origo illarum figurarum fuit arbitraria: 2. Sunt quidam Deum referunt: 3. Quibus responderetur: 4. Astrologorum curiositas imprimis quoad constituenda signa Zodiaci: 5. Motus stellarum: Thef. IV. stellas liberè, per se, & non ad motum cæli, moveri probatur: *æd.* 1. Rationes Peripateticorum hanc sententiam infirmantes: 2. Solvuntur: 3. Hurtadi & aliorum quorundam de stellarum motu sententia improbat: 4. Stellas moveri à principio interno asseritur: 5. Peripateticorum rationes pro sententiâ contrariâ: 6. Refelluntur: 7. Veterum sententia de gemino stellarum motu proponitur: 8. Oppugnatur: 9. Adversantium argumenta: 10. Ad quæ respondetur: 11. Mathematicorum de stupendi cursû astrorum velocitate sententia: 12.

THESIS I.

HActenus qualitas stellarum efficax : Inefficax est Figura : Quæ consideratur in singulis seorsim, vel in pluribus conjunctim.

THESIS II.

In singulis seorsim considerata est Rotunditas globosa.

Ex Deorg.

I. Etsi non defuerunt qui tam esse varias in astris figuras quam in hisce inferioribus sunt affirmarunt, tamen communis est nostra assertio omnium ferè Philosophorum, imò hominum, quam repetit *Aristoteles* lib. 7. De cælo cap. 11. Ratio potissima iudicio sensus nititur : Visu enim rotundi esse Planetæ Sol & Luna deprehenduntur. Eadem autem quoad figuram stellarum omnium putatur esse ratio. Est & altera *Aristotelis* de Lunâ specialis ratio, quæ tamen & ipsa à sensu pendet ; Luna crescens & decrescens arcus similitudinem refert : At rotundâ nisi esset, id nunquam contingeret, ut Opticorum docent præcepta. Item cum Sol ejus interpositi obscuratur, concavus & in cornua curvatus videtur : quod utique non fieret si Luna aliâ esset figurâ quam rotundâ ; siquidem qualem ipsa obtinet, talem in Sole, quem nobis abscondit, repræsentat. Utitur quoque duabus aliis *Aristoteles* rationibus, quæ tamen magni momenti esse non videntur ; 1. Totum cælum est sphericum : Ergo & singula quoque astra sunt spherica. Ratio consequentiæ ; Quia partes sequuntur naturam totius. 2. Ea sideribus figura erat attribuenta quæ ad motum progressivum erat inepta : Talis autem est figura rotundâ : Ergo astris merito tribuitur.

II. Hæc autem rationum momenta nihil moratur *Patricius* lib. 15. *in quocumque* astrorum rotunditatem in dubium videtur vocare, jacto prius fundamento quod & supra itabilivimus, ignes esse astra. Rationes verò allatas nullo negotio putat se posse dissolvere. Et illam quidem quæ sensus testimonio nititur, consequentiæ vitio laborare asserit. Non enim si astra immenso penè a nobis intervallo distita rotunda nobis videntur, ipsa statim sunt talia : Cum & flammæ nostræ à longinquo si cernantur, radiationem illam stellis propriam & rotunditatem repræsentent. Hanc aut, rem cum Astronomi non considerassent, à Lunâ, quæ rotundâ visitur figurâ, sunt argumentati stellar omnes esse rotundas. Ad incrementa verò & decrementa per arcus similitu-

dinem respondet *Patricius*. incrementa illa & decrementa in Lunâ revera nulla esse, videri tamen nobis propter varium Lunæ ad nos positum, qui in corpore etiam alterius quàm rotundæ figuræ arcum ejusmodi repræsentare possit.

Ad alteram rationem à cæli rotunditate petitam responderi, Non valere consequentiam. Nam & nodos in arboris ligno aliquando esse rotundos, aliquando ovals, alterius aliquando figuræ, & clavos in rotis, quæ rotundæ sunt, rotundos modò, modò quadrangulares & aliarum figurarum esse.

Postrema ratio nullius, planè est momenti. Primum enim quid, quæso, attinebat eam figuram astris tribuere quæ ad motum progressivum inepta, si ex sententiâ *Aristotelis* astra non nisi ad motum orbium moventur ? Nonne verò aliâ quacunque figurâ ab orbibus potuissent circumvolvi ? Deinde & assumptionem non deest qui neget, ut suprà ostendimus.

III. Sed cum non tam promptum sit *Patricio* sententiam suam confirmare quàm communem opinionem infirmare, jam quidem à nobis audiendus non erit. Et quidem visus nostri deceptionem circa iudicium rotunditatis minùs solidè probat *Patricius* ex apparente omnium ignium figurâ à longinquo inspectâ. Etiam si enim longinqui ignes nostri confusam aliquam & imperfectam rotunditatem repræsentant, tam exactè tamen rotundi quàm Luna nuppiam & nunquam apparent. Neque corporis alterius non globosi objectu circularis sectiones vel luminis ab umbrâ distinctiones per arcus ullo modo nobis ostendant, uti Sol & Luna : Itaq; præcipuum in hac controversiâ argumentum pro globosâ rotunditate Lunæ & Solis esse arbitror quod ex eclipsibus & Lunæ phasibus petatum Optici demonstrationibus suis nobis commendant. Accedit & hæc ratio, quam in Sphærâ *Clavius*, laudat ; Quod omnes stellæ, in quacunque regione & ubicunque in cælo constitutæ fuerint, rotundæ nobis appareant : quod utique fieri haud posset nisi rotundæ & globosæ essent stellæ : Sola enim figura spherica inter omnes hoc habet privilegii, ut omni ex parte rotundam oculis nostris figuram repræsentet. Quin & finis astrorum globosam requiebat figuram, ut lumen in terras longe latèque fufum dimitterent ; *Scaliger*, Exercit. 62. §. 4. Nam à circulo plano tantum luminis duntaxat reflecti potest quanta est interior linea dimetiens, in globo autem longè plus ; ut contra filium *Annam* ibidem *Scaliger* disputat.

IV. Quæritur hic, si globosa sunt astra, cur plana tantum nobis videantur, Sol & Luna in primis

Resp.

Resp. In causâ est nimia distantia, per quam nulla stellæ pars plus a nobis videtur distare. Convexitas enim, ut Optici docent, visu nequit percipi, nisi ex comprehensâ inæquali distantia partium rei, in cuius perceptione visus deficit. Si igitur nulla rei visæ pars plus videtur distare, unius simplicis dispositionis, hoc est, plana, videtur tota rei visæ superficies. Attingit hanc rationem *Aristoteles* in *Problema*, sect. 18. q. 7. ubi quærenti *Cur Sol & Luna plana esse videantur, cum tamen in spheram conglobari certum sit*, respondet, plana & æqueposita videri, quod incertum sit quæ partes plus minusque distent.

THESES III.

In pluribus conjunctim considerata multiplex à veteribus est excogitata, distinctionis & observationis facilioris gratiâ, prout hæc vel illæ stellæ figuram rei animatæ vel inanimatæ videbantur repræsentare. Figuras istas *signa cælestia* & *constellationes* vulgò appellant.

EXORDIUM.

I. De figuris hisce, quas constellationes appellant, in specie postmodum videbimus. De causis illarum & origine in genere hic quæritur. Figuras interim stellarum invicem junctarum quod attinet, princeps distinctionum per certas effigies causæ videtur olim fuisse facilior astrorum observatio. In partes enim distincta & ad certas effigies redacta longè facilius cognoscuntur quam quæ uno velut acervo sine ordine & memoriæ oculorumque adminiculo considerantur. Causæ hujus meminit *Theon junior* in *Expositione Arateæ* spheræ. Cur autem animantium aliarumque rerum inanimatarum appellationes iis sint inditæ, amplius quæritur. Tres petissimum reddi solent causæ.

1. Quia animantium rerumque inanimatarum effigies ratione suis videntur repræsentare, ut in globis pictis videre est.

2. Quia ex Astrologorum decretis ingenia quodammodo & proprietates animalium quorum nomina gerunt putantur referre; vel quia Sol, dum sub iis movetur, actiones edit naturæ & ingenio animalium quorum ex sunt figuræ aliquo modo respondentes, ut in explicatione signorum Zodiaci postea docebimus. Ratio hæc in primis aridet *Marfilio Ficino*, in libro *De vita cælitus* comparandâ.

3. Quia Poetis olim libuit fabulas suas cælo inferere, & hoc pacto immortalitate donare. Pleraque enim Planetarum & constellationum fixarum nomina, quæ Græcis & Latinis in usu sunt, à Poetis sunt profecta. Videatur fragmentum *Nigidii Figuli*, quo origines multarum fabulosarum appellationum explicantur, in variis lectionibus *Jani Rurgerii*, lib. 3. cap. 16. pag. 276, & seq. Unicum tantum fabulæ specimen de *Piscibus*, qui inter Zodiaci signa sunt, referre libet; *Nigidius* inquit, *Pisces* hos in flumine *Euphrate* fuisse, & ibi ovum invenisse miræ magnitudinis, idque volentes eiecisse in terram. Dein columbam insedis, & post aliquot dies exclusisse, quæ *Syria* vocatur *Venus*. Hanc maxime misericordem multa quæ ad utilitatem hominibus verterentur invenisse: Quæ quoniam *Juppiter* sapius à *Mercurio* laudari nominarique audiret, quod in Deos religiosa, in homines officiosa diligenter fuerit, rogatam à *Jove* quid sibi optanti tribui postularet, respondisse, ut pisces qui suam originem servassent immortalis præmio afficerentur. *Jovem* ergo in XII, signis pisces siderum splendore decorasse. Hactenus *Nigidius* de *Piscibus* Zodiaci. Hujusmodi origines fabulosas & reliquorum refert siderum, quæ videantur in loco allegato. Ex professo Metierum hanc de stellarum nominibus & fabulis Poetarum petitis tractat *Julius Hyginus* libri. 2. De signorum cælestium historiis, ubi singulorum nominum rationes tradit.

II. Ex resolutione quæstionis hujus primæ apparet quid respondendum sit ad secundam, de origine harum figurarum. Patet enim arbitratias eas esse, ab hominibus, & primò quidem *Chaldæis* Indisque, deinde *Arabibus*, Græcis & Latinis, adscriptas sideribus, quæ certo numero comprehensa & ordine quodam collocata animantium rerumque inanimatarum vel figuras, exprimerent vel proprietates aliquo modo præ se ferre putarentur. Quibus accessit quoque Poetarum licentia, quæ terram cælo miscere & fabularum portenta illi inferere ausa est.

Ex Astronomis quoque cordatoribus plerique inventionem hanc merè humanam, arbitariam vanamque judicant: Quod & multis rationibus evincit *Picus Mirandulanus*, adversus *Astrolog.* lib. 8. cap. 3, 4, 5, 6. ubi hanc quoque *Arabes* *Avenegre* sententiam allegat; *Vultur* cadentem vocat *Prolemæus* *Lyram*: nec mirum, quoniam sicut unusquisque mutare sibi figuram potest, & ita nomen. Cælum enim sphericum est: quare nihil est in eo cur hoc loco potius quam alio exordium statuas alienius rei: sed quemadmodum aliæ aliis sctis pro oculorum arbitrio conjunguntur, ita diversæ

funt

sunt imagines. Hæc si vera sunt, uti verissima sunt, minimè naturalia vel ex naturâ rei significativa sed merè arbitraria hæc signorum nomina esse palam est. Idque inde etiam palam fit, quòd signorum nomina subinde permittaverint Astrologi, ut exemplo *Ptolemæi Avenæra* monstrat. Sic cum alii duodecim Zodiaci signa constituent, *Chaldaei* non nisi undecim agnoscunt, *Librâ* & *Scorpio* in unum contractis. *Albumasar*, qui omnium dogmatorum Astrologicorum rationes se redditurum proficitur, cum ad imagines venit, non aliam nominum & ordinis rationem reddit quàm quòd *Aratus* illas ita descripsit. Quòd si, inquit *Picus*, saltem nostri divinatorum augurarum quædam rerum & sublimiorum simulacra confuxissent, facilius ego quidem inducerem, ut non tam eorum, & contra naturam, quàm Dei opera mihi viderentur: Sed cum illius consilium & sapientiam animadverto, non video cur illud Divinitatis templum, illa æria celi, melioribus non potuerit aut noluerit imaginibus insignire quàm irrationalium animalium, monstrorum, vel rerum etiam vitâ carentium. Quid enim ibi præter *Ursas*, *Dracones*, *Lepores*, *Canes*, & quæ inanimata sunt, uti *Sagittas*, *Naves*, *Triangulos* & Adde capitula abscissa rabo sanieque diffluentia, & relegatam ad supplicium *Virginem*, ut *Hydrum* & *Centaureum* prætermittam. Quòd si natura non patitur, cur eorum in cælo exemplaria sibi descripsit? Equidem majus omni insaniam puto, adduci aliquando ut credamus naturæ hæc instituto & Divino consilio ibi etiam formata. Pudere bonum antistitem aut magnanimum regem meliores picturas in templo, in regia non habere. Alioquin quod consilium instituentis ista naturæ? An ut per imagines has superiores inferiora generis ejusdem corpora gubernaret? Et per lyram quidem cælestem afflaret quibus vellet hominibus musicam melodiam, per animalia quæ sunt ibi, ea quæ apud nos sunt generanturque quotidie & corrumpuntur, & generaret ipsa & conservaret. Næ monstra sunt opportuna quæ nulla in naturâ sunt, innumera animalia ibi non describi, quæ nulla describuntur. Nam quod canum & ursarum sit privilegium, ut duos habeant in cælo sive rectores sive antistites, elephanti, tigrides, & universæ species animalium nullum habeant in cælo numen per quod regantur. Sed nimis multa de his cum illis, quod non solum est turpe credere philosopho, sed confutare etiam indignum. Quòd si quis me percontetur cur in istâ singendi licentiâ ad has potius imagines quàm ad alias fautores Astrologiæ descenderim, respondebo, illum rationis habere questionem, quæ frustra desideratur in his rebus quæ nullâ ratione constituta sunt. Hactenus *Picus*.

Judaeorum Astrologi, cum viderent imagines Gentium merè arbitrarias esse & temere confictas, coeperunt & ipsi suis indulgere opinionibus. Itaque literas Hebraicas imaginationibus suis cælo inscripserunt, stellâsque ad singulas alphabeti sui literas exprimendas conjunxerunt; fortè ut indigaret imagines vel effigies in cælo nullas esse, sed hominum arbitrio duntaxat fingi. Sententiam hanc Astrologorum ridens *Lucianus*, quicquid animalium invenit in variis nationum sacris & religionibus cælo intulit.

Keplerus in lib. De stellâ *Serpentarii* cap. 5. ex professo tractat hoc thema. An nomina signorum sint arbitraria, an verò naturalia & significativa: & pro arbitrariis deponit; Quòd nempe nomina constellationum ex occultâ siderum proprietate non possint derivare Astrologi nostri, nisi ad tuendam sententiam hanc adfiscant illa *Indorum*, *Chaldaeorum* & *Ægyptiorum* plurima annorum millia: quæ tamen cum sacra tum prophana Chronologia invictis rationibus jam pridem expugnavit. Affirmat autem *Keplerus* duo potissimum fuisse hominum genera qui in formas redegerunt stellas, nempe *Agrícolas* & *Nautas*. Agrícolas quod attinet, non poterant ii intelligere Solem absolutâ periodo consistere loco pristino, & quadras redire ad loca pristinis vicina, nisi factâ distinctione inter sidera & nominibus impositis. Inde conjicit ab agricolis ortum trahere *Arietem*, *Taurum*, *Virginem* spiciferam, *Caprum*, *Botem*, *Heniochum*, *Capellam* *Hædos*, *Plaustrum*, & similes; à nautis, *Pleiades*, *Navem*; ab utrisque, *Hyades*. Hinc illud *Virgilii* lib. 1. *Georg.*

Navia dum stellis numeros & nomina fecit;

Pleiadas, *Hyadas*, clarâque *Lycaonis Arcton*. Tandem imagines & appellationes hæc ad tria revocat principia vel potius triplicem occasionem: 1. Dispositionem stellarum, qualis in *Ursis*, *Serpentario*, *Orione*, *Lepore*, *Cane*, *Tauro*, *Geminis*, *Cancro*, *Leone*, *Scorpio*, *Sagittâ*, *Arcu*, *Gallinâ*, *Corvo*, *Coronâ*, *Triangulo*: 2. Tempus annum operibus rusticis & nauticis opportunum, ut colligere est ex *Pleiadibus*, *Aristâ*, *Vindemiatore*; &c. 3. Historias vel fabulas; Quales indignant *Cepheus*, *Andromeda*, *Cassiopeia*, *Perseus*,

Iis qui mordicus hisce signis adhærent, & ex certarum stellarum colligatione eventuum sublunarium tam naturalium quàm voluntariorum causas reddunt, necnon consensum animalium cælestium cum sublunaribus jactant, oportet cum Astrologis prius conveniat. Contendunt enim multi, spatio bis mille annorum, retrocedentibus & quinoctiis, sidera è dodecatemoriis suis excessisse, adeoque

confusas esse imagines, si stellas earum proprias spectes.

III. Sunt tamen qui putant cœlestes hæc imagines non humani sed Divini esse instituti: Imaginibus enim hæc refertum à Deo cœlum esse, earumque nomina Divinitus patefacta hominibus: Unde ex accuratâ earum contemplatione, & proprietatum quas communes habent cum rebus quarum nominibus insigniuntur consideratione, arcana quævis & futura prædici posse dicuntur. Specimen oraculorum horum videatur in Prognostico *Pauli Nagelii* ad annum 1621 cap. 6. ubi mira narrat. Errorem hunc hausisse Christiani nonnulli videntur ex veteribus *Platonis*, qui imaginum harum ortum ad mundi animam retulere, indeque proprietates & *συμπεριλαμβαν* cum sublanaribus trahere affirmarunt; imò omnes rerum inferiorum species earumque proprietates in iis contineri dicebantur, ita quidem ut ex formis illis cœlestibus omnes inferiorum formas dependere crediderint: autore *Marsilio Ficino*. Hanc mundi animam secundum cordatiores *Platonicos* ipsum esse *Dæmonem*, Sectione II. ostendimus. Nostri verò rationem cur astorum seu constellationum nomina & figuræ originis sunt Divinæ hanc præcipuam allegant; Quia imaginum istarum in sacris quoque literis sit mentio: quod utique non fieret si à gentilibus nomina hæc & figuræ originem traxissent. Sic *Job. ix. 9* sit mentio *Arcturi, Orionis, Pleiadum*: Sic & cap. xxxviii. 31. & *Amos v. 8* 2. Reg. xxiii. 5.

IV. Sed facilis est responsio.

1. Certo certius est pleraque constellationum nomina à gentilibus esse confecta, quandoquidem profectæ sunt ab iis fabulæ quibus totum fere involutum est cœlum, quæque & ante diluvium, & diu post diluvium prorsus incognitæ fuerunt. Huiusmodi nomina sunt *Bootes, Hercules, Orion, Cassiopea, Perseus, Pegasus, Andromeda, Cephæus, Argo, Saturnus, Jovis, Mars, Venus, Mercurius*; quæ omnia partim ex Gentium superstitionibus, partim ex Poetarum fabulis nata sunt.

2. Ipsa illa nomina quæ in allegatis Scripturæ locis occurrunt, quin à gentilibus *Chaldæis* profecta & proinde profana sint, extra omne nobis est dubium. Usurpantur autem à Scripturâ, quia tum temporis usitata erant, & auditis nominibus ipsæ protinus stellæ cognoscebantur: veluti si hodie *Arcturum, Pleiadas Orionem* nomines, haud equidem ad fabulas approbandas, sed ad stellas certas, quæ à profanis Philosophis insignitæ sunt hæc nominibus indigendas. Dum nomina ista, inquit *Cyrillus* usurpant sacra litera, non sequuntur Græcorum incantamenta, fabulas nimirum hominum aut mulierum in

astra conversarum, sed potius abutuntur nomine usurpato & irrito.

3. Nominibus istis quæ in locis allegatis occurrunt, ut sunt,

עֵשׂ בְּסוּל, קִימָה, מוֹלֹת, מוֹרִית

respondere nostratia, *Arcturus, Orion, Pleiades, signa Zodiaci*, incertum omnino est: quod colligitur ex Interpretum disentionibus. Videatur in allegata *Jobi* loca *Pineda*.

4. Ponamus ab ipsomet Deo, vel singulari instinctu Dei, imposita esse stellis nomina: nihilominus tamen incertum manebit. 1. an singulis stellis per se sua sint data nomina distincta, an verò unum pluribus ad imaginem certam representandam congregatis; 2. quænam illa sunt nomina; 3. quæ stellæ quibus insignitæ nominibus; 4. an nominibus istis stellarum expressæ sint affectiones propriæ, & ex quidem quas hodie stellis assignunt.

V. Non tamen intra hosce limites imaginum in cœlo utcumque visibilem vel imaginabilem Astrologorum inprimis *Arabum* substitit curiositas, sed ulterius progressa invisibiles quoque imagines in cœlo constituit, & quidem plures in singulis dodecatemoriis, seu Zodiaci signis. Ex. gr. in primâ facie *Canceri* tradiderunt ascendere formosum juvenem bene amictum facie & digitis nonnihil habentem obliquitatis, reliquo corpore similem equo & elephantino, pedibus albis, &c. In primâ facie *Leonis* ascendere arborem altissimæ radices, cujus ramis infidet canis & vir amictus vestibus pretiosis quidem sed fordidis, lacrymabundus & de parentibus suis tristis: In tertiâ facie *Scorpii*, equum & leporem: In tertiâ facie *Geminorum*, fistulam auream, canem latrantem, & delphinum, &c. Hæc imagines tradunt operari interdum quæ formis ipsarum sunt similia, sæpe etiam alia penitus diversa. Adversus hanc vanitatem vide disputantem *Picum*, contra *Astrologum*, lib. 8. cap. 6. Maximum autem vanitatis argumentum, quod de speciebus imaginum harum invisibilium in cœlo non conveniat *Arabibus* cum *Indis*: Unde alias *Indi*, alias *Arabes* signis assignunt imagines invisibiles. Quod sane mirum non est: nec enim fieri potest ut eadem multorum sint phantasiæ.

THESIS IV.

Hactenus Qualitas stellarum, Sequitur Motus. Motus, seu latio, est passio stellarum propria, quâ ab interno principio in cœlo localiter & liberè moventur, ab ortu scilicet in occasum perpetuò.

Ἐκείνης

"ΕΠΙΣΤΟΛΗ."

I. Tres hinc magni momenti quæstiones discutien-
dæ veniunt: 1. *An stellæ moveantur liberè, per se,*
& non ad cæli motum: 2. *Si per se moventur, an*
motus ille ab interno earum principio proveniat: 3. *An*
motu tantum moveantur unico, perpetuo scilicet ab or-
tu in occasum. Singulas hæc tres quæstiones à plu-
rimis negatas nostra affirmat thesis: De singulis
ergò seorsum videndum.

Sit igitur assertio nostra prima hæc, *Stellæ move-*
ri per se, non ad cæli motum. Vel ità clariùs, *Non*
minùs in cælo liberè moventur stellæ quàm pisces in
aquâ aut volucres in aere; hoc tantum discrimine,
quòd incerti & varii piscium & volucrum sint mo-
tus, stellarum verò certi & invariabiles. Utitur eo-
dem hoc simili *Origenes* lib. 1. *mel' ἀρχῶν* cap. 7.
ubi inquit, *Sidera propriis motibus agi, nec esse par-*
tes cæli, nec secus in cælo esse quàm sunt in terris ani-
manes, pisces in aquâ, in aere volucres. Quæ nostra
planè est sententia: Quam primum firmabimus, de-
inde contraria argumenta infirmabimus.

Rationes igitur nostræ sententiæ hæc sunt;

1. Ab autoritate sacrarum literarum. Sacræ lite-
ræ, quoties mentionem faciunt motus cælestium
corporum, nunquam cælo seu cæli orbibus sed stel-
lis perpetuò eum adscribunt. *Isa. xxxviii. 8. Sol Dei*
jussu decem gradibus dicitur retro cessisse. *Ecclesi-*
ast' i. 5. Sol dicitur oriri & occidere, iterumque ad
locum ubi oriatur aspirare, properare ad meridiem,
& circumire aquilonem. Ipsa Luna quoque substituisse
narratur *Josue x. 13. Sol tanquam sponsus è thala-*
mo suo prodire dicitur, Psal. xix. 5, 6. Vide & alia
loca Job. xxxviii. 32. Psal. civ. 19. Isa. xlii. 10. Ha-
baç. iii. 11. Nec quicquam ponderis habet recepta il-
la testimoniorum horum elusio, Non dici cælum
moveri, quòd motus ejus sub aspectum non cadat.
Resp. Violenta est hæc interpretatio, cui nec ipsa
adstipulatur Scriptura nec suffragatur ratio, ut pau-
lò pòst patebit. Et planè vana ratio illa; Invisibi-
lis est cæli motus: Ergò Scriptura tacere eum voluit.

Patec id è consequentiæ ratione quæ simplici hoc
axiomate continetur; Quicquid est invisibile, id ta-
cere vult Scriptura: Multa siquidem invisibilia à Deo
nobis sunt patefacta: ipsius cæli, quòd invisibile à
Peripateticis & nobis quoque statuitur, nonne fre-
quentem Scriptura facit mentionem? Quòd si ve-
rò omnino invisibilia reticere voluisset Scriptura,
non prædire Solem è thalamo sed duci ex eo debebat
dixisse; nè in errorem legentes duceret. Mirari hinc
iterum subit humani ingenii audaciam, quæ Divi-
næ veritatis normam constituit ethnicam profa-
nitatem, & ad ejus libidinem Divina torquet ora-
cula.

2. Si aliquis cælestium corporum est motus, est
is aut expansi aut stellarum in expanso: Non ex-
pansi, ut suprà prolixè demonstravimus: Est igitur
stellarum in expanso, aut nullus omnino est.

3. Si stellæ orbibus suis immobiliter sunt infixæ,
non possunt ad terram modò propius se demittere,
modò altiùs ab eâ recedere. Ratio consequentiæ est;
Quia orbes & orbium pates eandem à terrâ perpe-
tuò servarent distantiam. Atqui falsum consequens
(uti Planetarum docent theoriæ: ex quibus con-
stat modò propius modò longiùs à terrâ abesse
Planetas) Falsum igitur & antecedens.

Ad rationis hujus illustrationem & confirmatic-
nem observetur, secundum *Tychonis* accuratissimas
observationes, Martem humillimum à terrâ abesse
semidiam. terræ 1176; Solem verò altissimum, 1179
Unde sequitur Martem humillimum Sole altissimo
humiliorem fieri 3 semidiam. terræ hoc est milliar.
Germ. 3580. Itaq; Mars humillimus necessariò So-
lis regionem ingreditur. Positâ igitur hypothesi or-
bium cælestium adamantinorum, sequitur Martis
Solisque orbes quandoque se mutuò interfecare aut
penetrare: quod longè absurdissimum.

Observeretur & hoc, in fixis stellis simile quid à
Mathematicis observatum. Ultima enim stella *Cy-*
nosuræ seu *Ursæ minoris*, quæ *Hipparchi* ætate 12
grad. à polo Mundi abfuit, jam 4 tantum grad. ab
eodem distat, unde propter vicinitatem illam stella
polaris dicitur. At fieri hoc neutiquam potuisset, si
immobiliter octavæ sphaeræ unâ cum aliis stellis fi-
xis impacta fuisset. Respondet *Zanardus*, motu stellæ
polaris non ex ejus naturâ provenire, quasi se move-
at, sed provenire conversione octavæ sphaeræ ab oc-
casu in ortum, cui infixa est polaris stella. *Resp.* Fal-
sū hoc est. Nam si ex motu octavæ sphaeræ varietas
hæc stellæ polari accidisset, idem in reliquis quoque
omnibus stellis contigisset quæ in eadem sunt linea,
omnèsque polo propinquiores factæ essent, quòd
experientia non docuit. Deinde si stellæ immobi-
liter sunt infixæ octavæ sphaeræ, ipsæque polus in ea
immobilis, per conversionem sphaeræ impossibile
fuit stellam ullam ad polum accedere propius: ma-
nifesta enim hæc contradictio foret, ut quisvis sanæ
mentis intelligit.

4. Si astra moveri non possunt nisi in orbibus &
per orbes, sequitur eadem quoque moveri non posse,
nisi in deferentibus, aquantibus, epicyclis magnis
& parvis, eccentricis simplicibus & centricis secun-
dum quid, eccentricis eccentricorum, concentricis
concentricis, concentricis simplicibus, concentricis
epicyclis, realiter in cælo existentibus &c. At fal-
sum consequens: Ergo & antecedens: Connexi ratio
est; quia quæ necessitas impulit Mathematicos ad

invehendos orbes principales maximos, eadem eisdem quoque impulit ad reliquos minüs principales excogitandos: fuit autem ea, quod absque iis motum diverforum, qui in sideribus observantur, ratio reddi non posse videretur. Assumptio probatur; Quia tam ineptus & simplex hæcenus vix quisquam fuit, qui illas Astronomorum hypothesen revera in cælo existere sibi persuaserit. Et quantæ quæso foret temeritatis ex cujusvis astronomi hypothesibus, quæ contrariæ sæpenumero sunt, & pro ingeniorum varietate mutantur, corporum vel affectionum naturalium augere numerum? laboravit jam pridem in eo *Joachimus Hericus*, ut cunctis hypothesibus artem astronomicam liberaret, & *Πανόμεινον* ex Solis observationibus rationem redderet: cujus vestigiis si posterī institissent, & telam ab ipso feliciter cœptam pertexere studuissent, nec magnis nec parvis orbibus ad *Πανόμεινον* cœlestium rationes reddendas opus esse nostra jam ætas intelligeret. Vide iudicium *D. Abrahami Sculteti* de hisce hypothesibus in sphaerâ: vide & *Frischlinum*. Interim vera *Tychonis* est hypothesis: Planetas non in orbibus moveri, sed in liquidissimo & simplicissimo æthere, juxta divinitus inditam scientiam circumvolvi: cui pronuntiatio plurimi subscribunt, ut supra ostendimus.

5. Si stellæ non moverentur virtute propriâ, sed à cœlo tantum traherentur vel circumvolverentur, utique motus earum esset violentus: At falsum consequens: Ergo & Antecedens. Propositionis ratio est: quia omnis motus ab externo tantum principio auctivo pendens violentus est. Assumptio manifesta est: siquidem perpetuus hic motus est: At violenta non sunt perpetua, si *Aristoteli* credimus 2. de cœl. cap. 3. Violentos in cœlo motus sibi imaginari est indigna cœlesti illâ republicâ ordinatissimâ cogitare.

6. Cometæ, quos ætatis nostræ præstantissimi mathematici in regione fixarum stellarum vel etiam planetarum observarunt, motum à fixis aliis & planetis diversum tenuerunt: Ergo aut proprios habuerunt eoque novos orbes: aut spatia fixarum & planetarum motu suo diviserunt. In propriis eos orbibus fuisse latos nemo dixerit: Etenim in Cometarum gratiam à Deo vel creatos olim peculiare orbes & tot quidem quot futuri erant cometæ creatos, vel hodie etiam creati à ratione & scripturâ alienissimum est. Quod si stellarum spatia suo motu diviserunt, erit igitur liquida regio ista, nec minüs à stellis quàm à cometis peragrabitur: nisi quis forte stellas dixerit pejoris esse conditionis, quàm cometas.

7. Si stellæ, secundum sententiam *Peripateticarum*, ejusdem sunt naturæ cum cœlo, ejusdem etiam

figuræ, sequitur ad motum per se tam eas esse aptas quàm ipsum est cœlum: Atqui verum prius: Ergo & posterius: Et per consequens, non est causa cur cœlum potius per se moveri dicatur quàm stellæ. Qui geminos & quidem contrarios stellarum motus hic objiciunt, & iis stellarum proprium motum oppugnant, certè ineptè disputant: siquidem omnino par in orbibus est ratio: Si igitur uni eidemque orbi contrarii motus competere possunt, unus per se, alter per accidens, quidnā de stellis dici & credi idem possit ac debeat?

8. Graviora incommoda, quæ proprium stellarum motum videntur dissuadere, orbium quoque motus premunt: Cum igitur eadem utrobique sit difficultas, quid causæ tandem cur stellis motum, qui in sensus incurrit, & sacrarum quoque consensu literarum firmatur, denegemus, orbibus verò quorum nec existentia nec motus vel sensus vel literis sacris probari potest, tribuamus. Antecedens ex *Deo* sequenti probabitur.

9. Addimus denique sanctorum Patrum auctoritatem, quæ minimè hoc loco contemnenda, cum sacræ Scripturæ evidentia adacti in hanc sententiam concesserint. Et primum quidem *Originem* lib. 5. contra *Celsum*, & 1. *mel. ap. 2. 5. cap. 7.* supra laudavimus. Refert *Philastrius* in Catal. hæres. fol. 146. à sanctis Patribus damnatam & hæresibus annumeratam esse sententiam quæ stellas cœlo infixas ab orbibus circumagi non autem per se moveri statuit. *Abfit*, inquit *Chrysostomus* homil. 3. & 16. in Genes. ut cogitemus Deum affixisse cœlo astra. Cernimus namque ea moveri, & de uno loco in alterum transferri. Dicitur autem Deus posuisse ea in firmamento, quia voluit & iussit ut essent in cœlo, ut per ipsum spatia sua cursusque conficerent, Sic Homil. 12. ad popul. Antioch. cœlum docet immobile esse, Solem autem cum astris reliquis in eo moveri. Consentiunt *Eusebius Emisenus*, & *Diadotus Tarsensis* in Gen. 1. 16, 17. *Lactantius*, De orig. error. lib. 2. c. 5. Præ omnibus autem sententiæ huic masculè se opposuit antiquissimus Theologus, Philosophus & Martyr *Iustinus*, non nudâ & simplici duntaxat auctoritate Ecclesiasticâ, sed multiplici etiam ratione Philosophicâ, in libello cui titulus, *Confutatio dogmatum Aristotelis*. Unde præcipua momenta huc referre liber. Sic igitur scribit in animadvers. in 2. *Aristotelis* De cœlo, edit. Basil. pag. 237. Si quæcunque habent eandem essentiam mobilem, necesse est moveri motu eodem per se non per accidens, quomodo Sol non movetur per accidens, si suæ sphaeræ illigatus est? Idem dicendum de stellis cæteris, si non per se moventur naturalibus moribus, sed per sphaeras quibus illigatae sunt. Si Sol constat ex eadem quâ

quæ cælum materiâ nec gravitatem nec levitatem habent, & formam circularem habet qualem & cælum, cur non eodem modo moventur ambo, aut transmigratione partium oppositarum sibi invicem? Si in rebus æternis nihil est præternaturale, quomodo non est alienum à naturâ, moveri quicquam motu à naturâ sibi dato, nec tamen per se moveri, sed per alterum.

Item, Si, ut ait Aristoteles, in æternis nihil est frustrâ nec præter naturam, cur de motu Solis sic loquitur quasi utrumque in eum competat, & frustrâ & præter naturam? Si enim Sol moventi se sphaera non illigatus, eodem naturali motu moveretur, quo nunc movetur quomodo non frustrâ suæ sphaeræ illigatus est? quod si non hoc motu naturali moveretur, sed ab hoc qualitate quantitativè diverso, quomodo non præter naturam nunc movetur?

Item, Si secundum naturam stellæ quiescunt in suis circulis, frustrâ eis illigatæ sunt: Quod si præter naturam quiescunt, violentè igitur: At in æternis nihil frustrâ præter naturam est: Ergo Aristoteles stellarum motus rationem non invenit: nam æternas dicit stellas, cum tamen in verbis ejus, ubi de motu harum loquitur, & frustrâ & præter naturam appareat. Si stellæ sunt æternæ, atque etiam cælum cui sunt illigatæ, & singulæ Deus appellatur, quomodo dii non trahuntur à diis? nam quæ moventi alligatæ sunt, tractim moventur.

Item, Si quiescens illud dicitur quod potest moveri motu illo à quo quiescit, quomodo quiescunt stellæ, cum proprio motu careant quo moveri deberent? quod si possunt quidem moveri, sed verantur, quippe illigatæ suo circulo, annon præter naturam habent motum perpetuum? Si his quæ semper moventur data est figura sphaerica ut convenient, quomodo hanc figuram habentia partim moventur motu perpetuo partim semper quiescunt?

Item, Si stellæ non sunt aptæ naturæ per se moveri, ergo non habent naturalem motum perpetuum: quo modo igitur constant ex eodem quo cælum elemento nec gravitatem habente nec levitatem? Cælum quidem, quia constat ex tali elemento, & figuram habet sphaericam, aptum est ut circa medium suapte motu volvetur perpetuo: stellæ verò, quamvis ex eodem elemento factæ eademque formâ præditæ, non sunt aptæ per se moveri: ut natura videatur frustrâ eis dedisse essentiam & figuram convenientem sempiterno motui, quandoquidem stationem habent immobilem.

Item, Si non oportebat moveri sidera, cur moventur utique ab aliis? quod si oportebat ea moveri, cur non per se moventur, sed per alia? cum natura potuerit efficere ut per se moventur motu quo nunc moventur per alia, quæ ea fecit in essentiâ agilissima manere immobilia, quantum ad proprium ipsorum motum attinet.

II, Sed agè rationes jam audiamus quibus moti Peripatetici proprium stellis motum ademerunt, & cælo seu orbibus adscripserunt: Præcipuæ sunt hæc;

1. Quia tanta motuum certitudo non posset constare: Si enim per se moverentur stellæ, fieri non posset quin citiùs modò modò tardiùs incederent.

2. Quia contrariis moveri motibus sunt deprehensæ: At per se si moverentur, foret hoc impossibile.

3. Omne rotundum si per se movetur, vel volutione vel conversione movetur, Græcis vel *κωλύει* vel *σπύρει*. At stellæ neutro modo moventur: Non igitur per se moventur: Assumptio probatur; Non moveri stellas volutione, exinde constat, quod quæ volutione moventur, alias atque alias nobis obvertant partes: Atqui eadem semper pars stellarum nobis apparet: quod ex Lunâ evidenter demonstratur. Cornua namque Lunæ crescentis ortum, decrescens verò occasum perpetuò spectant. Quod si verò circumvolverentur, crescentis cornua modò occasum modò ortum versùs spectarent: quod omni repugnat experientiæ. Nec moveri conversione seu circumgyratione sensus demonstrat: Quæ enim convertuntur seu in gyrum ducuntur, eodem perpetuò manent loco: quod de stellis sanæ mentis nemo seriò affirmavit, Adde quod & ea quæ circumgyrantur, alias atque alias subinde partes ostendant.

4. Si stellæ in cælo perpetuò motu moverentur, finderent sine dubio & secarent cælum: qui enim, nisi cederet cælum, progredi possent in cælo? Atqui fissio ejusmodi & sectio in cælo non est admittenda, quia vacuum exinde sequeretur: Quid enim in stellæ motu locum posset succedere?

5. Si stellæ octavi potissimum orbis proprio motu moverentur, non servarent à se invicem eandem perpetuò distantiam, sed modò propinquiore modò remotiores sibi essent, haud secus ac volucres in aere aut pisces in aquis modò sibi occurrunt, modò se anteeunt, modò sequuntur, modò comitantur: At tale nihil in Republicâ cælesti observatur: Moveri igitur stellas motu proprio verisimile non fit.

6. Nisi ingentia stellarum corpora orbibus essent insuixa adeoque sustentata, deorsum ruerent: Quod cum non contingat, liberè ea non moveri palàm est.

7. Si stellæ proprio motu moverentur, æqualiter moverentur, non velociùs circa Æquatorem, & tardiùs circa Polos: Atqui falsum consequens: Ergo & antecedens. Eodém redit quod alii objiciunt, stellas motu uniformi eodem tempore diversos circulos, alias majores, quæ sunt à Polo remotiores, alias minores, quæ sunt propinquiore, describere semper in eadem inter se propinquitate: Unde non per se sed

in orbibus moveri colligunt: Nam si per se moverentur, quæ majores circulos describunt, plus temporis motu suo insumerent, quæ minores, minus. Urget rationem hanc *Fracaſtorius*.

8. Si stellæ motu naturali per se moverentur, tardius in principio, velocius in fine moverentur: At falsum consequens: Ergo & antecedens. Connexi ratio petitur ex proprietate motus naturalis.

9. Planetarum motus est mixtus & difformis: Ergo iis per se & proprius non est. Antecedens probatur Quia modo ascendunt, modo descendunt, modo in orbem moventur. Ratio consequentiæ; Quia corporis naturalis simplicis motus per se & proprius est simplex & uniformis: Atqui Planetæ sunt corpora naturalia simplicia.

10. *Via lactea* regulariter ob ortu in occasum movetur: Ergo motu sphaeræ octavæ movetur: & proinde illa circumducitur & secum stellas circumvehit. Ratio consequentiæ; Quia pars octavi cœli densior & continua est. Utitur hoc argumento *Clavius*.

11. Circa Polum Antarcticum nigror quidam in plerisque cœli locis apparens, qui cœli perforati speciem exhibet, unâ cum reliquis stellis uniformiter ab ortu in occasum spatio xxiv. horarum movetur: Ergo ad motum cœli circumducitur: Et per consequens & reliquæ stellæ à cœlo circumducuntur. Ratio consequentiæ est; Quia aliud nihil excogitari potest quod maculas illas, quæ cœli sunt partes rariores & obscuriores, circumducatur. Et hoc argumentum magni facit *Clavius*.

12. Si cœli substantia esset subtilissima, nullique orbis solidi qui terram intra se continerent & stellas circumducerent, utique terra in universi medio tanquam centrum non consisteret: Atqui falsum consequens: Ergo & antecedens. Connexi ratio est; Quia centrū non est nisi in circulo, vel intra orbem, ad cuius circumferentiam ductæ lineæ omnes sint æquales.

III. Hæc pondera rationum contrariarum: Quæ si levia esse monstraverimus, à nostrâ nos dimoveri sententiâ non patiemur. Respondemus igitur.

Ad 1m. Constantissimus siderum motus & ordinatissimus gemino errori ansam præbuit: Nunculli ex Gentilibus sibi persuaserunt non posse eum esse sine mente, ratione & consilio, adeoque voluntarium necessarii esse: Unde in Deorum numerum referri astra cœpere. Sic enim *Lucilius* Stoicus apud *Ciceronem*. Hanc in stellis constantiam, hanc tantam in tam variis cursibus in omni æternitate convenientiam temporum non possum intelligere sine mente, ratione consilioque regi: quæ cum in sideribus esse videamur, non possum ea ipsa non in Deorum numero

ponere. Et paulo antè, *Restat ut motus astrorum sit voluntarius: quæ qui videat, non indoctè solum, verum etiam impiè faciat, si Deos esse neget.* Alii verò ex Gentilibus & Christianis contrariam ingressi viam, proprium astris motum prorsus ademerunt, & adamantinis cœlorum orbibus infixa circumduci affirmarunt: Quæ in Aristotelicis nata umbraculis sententia sequentibus seculis adeò invaluit & in Scholis Philosophicis obtinuit, ut inter absurda relatus fuerit motus astrorum proprius. Sed plane nullâ consequentiâ necessitate vel Stoici vel Peripatetici errorem fulcire possunt: Siquidem constantissimus & ordinatissimus siderum esse motus potest, etiam si nec voluntarius nec extraneus & accidentalis est, qui à cœlestibus sit sphaeris. Liber igitur constantiæ & ordinis hujus rationem, asserto astrorum motu proprio, non meis sed *Laſtarii* verbis reddere, quæ lib. 2. De orig. err. cap. 5. ita habent, *Quomodo igitur in consociendis itineribus constantiam suam astra servant? Nimirum Deus universi artifex sic illa disposuit, sic machinatus est, ut per spatia cœli divina & admirabili ratione decurrerent ad efficiendas succedentium sibi temporum varietates. An Archimedes Siculus concavo ære similitudinem mundi ac figuram potuit machinari, in quo ita Solem Lunamque composuit ut inæquales motus & cœlestibus similes conversionibus singulis quasi diebus efficerent; & non modò accessus Solis ac recessus, vel incrementa diminutionesque Lunæ, verum etiam stellarum vel errantium vel vagantium disparēs cursus orbis ille, dum vertitur, exhiberet? Deus ergo illa vera non potuit machinari & efficere quæ potuit solertia hominis imitatione simulare? Utrumne igitur Stoicus, si astrorum figuras in illo ære pictas effictasque videret, suo illa consilio moveri duceret, ac non potius artificis ingenio? Inest ergo sideribus ratio ad peragendos meatus suos apta: sed Dei est illa ratio, qui fecit & regit omnia, non ipsorum siderum quæ moventur. Non tamen magis urget hæc prima ratio proprium astrorum quàm ipsorummet orbium motum. Nam si fieri non potest ut asserto proprio astrorum motu cœlestium motuum constantia & uniformitas defendatur, conservetur, quæro qui fiat quòd tanta in propriis orbium motibus (pro quibus vulgò decertatur) sit constantia. Anne forsitan minus capaces constantissimi hujus motus erant stellæ quàm orbis fictitii? Aut quòd in orbibus Creator potuisse præsumitur, in stellis non potuit? Si ad Intelligentias mortices referenda motuum constantia videatur, quæro: cur non astra potius quàm orbis ab Intelligentiis circummagi sibi persuadeant.*

Ad 2^m. Ex præcipuis argumentum hoc est, cuius maximum robur, evidentem necessitatem commendat Clavius in Sphæra, *Stellæ*, inquit, *moventur motibus oppositis eodem tempore*, nempe ab ortu in occasum, & ab occasu in ortum: At verò nullum corpus idem numero fieri potest diversis motibus atq; oppositis eodem tempore: implicat enim contradictionem, unum & idem corpus simul procedere ab oriente in occidentem, & eodem instanti ab occidente in orientem, ita ut neuter motus alterum interrumpat, sed uterque sine ullâ intermissione uniformiter progrediatur, nisi altero motu moveatur, tanquam ad vehiculum alterius. Hæc Clavius. Geminum in hoc argumento vitium deprehendo, falsæ hypotheseos & consequentiæ malæ. Hypothesis falsa est, unam eandemque stellam eodem tempore oppositis ferri motibus, nempe simul in ortum & in occasum: ut quæstione 3^a. monstrabimus. Consequentia vitiosa hæc est, *Stellæ eodem tempore in ortum & occasum simul moventur*: Ergo proprius iis motus non competit, sed aut nodi asseribus, ita orbibus ipsæ duris immobiliter sunt infixæ. Nonne verò eodem fundamento & orbium motus proprius everti poterit? Orbès eodem tempore simul in ortum & in occasum moventur: Ergo proprius iis motus non competit, sed uti nodi asseribus ita & ipsi orbibus duris immobiliter sunt infixi. Quod si responderint, Non sequi hoc: posse enim motum unum esse proprium, alterum externum & accidentalem, idem de stellis respondebo: Nec enim facilius est orbès contrariis simul ferri motibus quàm stellæ, cum & stellæ sint orbès, etiam si sitis istis orbibus minores sunt.

Ad 3^m. Primò propositio laborat vitio insufficientis enumerationis partium. Nec enim quod rotundum vel κυλινδρον vel σφαιρικόν tantum, sed & περικοπῆν, id est, *progressione*, quæ eadem perpetuò moti corporis pars conspicitur, moveri potest: Quo quidem modo moveri stellæ plurimorum est opinio. At obijciunt adversarii, Fieri quidem posse ut rotunda corpora progressu moveantur, at non naturali sed violento motu: Quod si igitur stellæ in cælo progredierentur, motus is esset violentus, proindeq; minimè durabilis. Resp. Verum quidem esse, corpora ea quæ apud nos sunt rotunda, progressu moveri violento, tractione scilicet vel impulsionem; Idem verò in cælestibus quoque vi contingere, à plurimis negatur Propositio igitur, *Omne rotundum περικοπῆν seu progressu totum vi movetur*, particularis evadet, & alylogistiam gignet. Hæc usitata est responsio: quæ adversariis occurrere haud incommodè potest. Sed & alio videtur responderi posse modo; ita quidem ut assumptio Syllogismi ne-

getur, dicaturque absurdi aut falsi nihil sequi si maximè *volutatione* seu κυλινδρον moveri dicantur stellæ.

Resp. Igitur ad probationem à Lunæ aspectu desumptam, Laborare eam vitio consequentiæ. Nec enim, si Lunæ crescentis cornua ad ortum, & decre-scentis ad occasum perpetuò spectent, Lunæ corpus propterea non volutari, aliàsque & alias nobis partes non obvertere, sequetur. Cum enim à Sole Luna haud secus ac opacus quidam globus ab oppositâ candelâ lumen mutuetur, & cornua non tam infint Lunæ quàm inesse nobis, medietatem illuminatam pro vario positu perspicere totam non semper valentibus, videantur, sequitur, crescente Lunâ, quæcunq; nobis pars obvertatur, corporis Lunaris cornua ortum versùs spectantia nobis apparitura: siquidem pars Lunæ, quæcunq; ea sit, sive anterior sive posterior, prout Soli fuerit objecta, & eodem ad aspectum nostrum modo se habuerit, eandem figuram à lumine representatam eodem modo exhibebit: Id quod intelligere facilius non poteris quàm si globum opacum candelæ obvertas, tūque ex obliquo illuminatam globi partem à longinquo aspicias: globus igitur ille centies licet volvatur ac revolvatur, eadem modò lineâ id fiat, tibi eodem persistenti loco tantundem corporis sui & eodem modo illuminati in parte quæcunque obvertetur ostender. Ex apparitione igitur ejusdem figuræ in Lunâ representatæ perpetua earundem partium Lunaris corporis apparitio malè colligitur.

Ad 4^m. Assumptionem negamus. Ad probationem respondemus, Consequentiam ejus esse nullam. Ut enim maximè à stellis findatur & secetur cælum, vacuum tamen in cælo non magis meruendum quàm in aere hoc nostro inferiori, qui à volucris secatur, vel in aquâ, quæ à piscibus finditur. Est autem ratio hæc profecta ex hypothesi de cæli duritie, quæ in cælo si foret, idque à stellis finderetur; vacuum sine dubio exoriretur; siquidem nec aliud corpus extrinsecum, nec ipsemet cæli partes in loca à stellis deferta, ob constantiam & duritiem possent succedere. Cum verò falsa sit hæc hypothesis & à nobis supra eversa, sitq; cælum aliud nihil nisi aer liquidissimus & purissimus, quis metum de vacui in cælo existentia vacuum & inanem non esse intelligit? Videant modò orbium chalybeorum patreni nè vacuum in cælo ipsi cogantur, admittere. Nam si duri Planetarum sunt orbès, propriusq; nihilominus Planetarum est motus (quod vel ex hoc constat, quòd viciniore modò sint terræ, modò remotiores ab eâ) nonne findi ab iis orbès necesse fuerit, adeoq; vacuum exoriri, cum ob duritiem partes succedere sibi non possint? Vide Scaligerum, Exercit. 7 6. §. 1.

Ad 5^m. Propositionis consequentiam negamus, & causam perpetuæ illius in motu constantiæ, æqualitatis & distantie ipsum Dei mandatum adferimus: Qui enim astris, cum nondum essent, ut essent imperare potuit, cur idem existentibus iisdem certis, constantes & perpetuos motus imperare non potuerit? Quod verò aiunt vel in volutibus vel in piscibus idem non observari, infirmum est & ad probationem nihil facit: siquidem animantia hæc sint, quibus libertatem hanc in variâ corporis sui agitatione naturæ Opifex clementer indulgit, varietatem hanc necessitate usque ipsorum requirente; Illa verò corpora sint inanimata, quæ ad necessariam sublunarium conservacionem & exquisitam temporum constitutionem certis hisce & invariabilibus motibus quasi alligata condidit.

Ad 6^m. Inanis hic est metus de astrorum ruinâ, eiq; non Creatoris tantum potentia sed & alia naturæ miracula animosè opponenda. Quis enim terram libero in aere aquisq; sine fulmine immobiliter pendente sustinet? Quis ingentes nubium moles in aere libero circumvolantes, nè decidunt, sustinet? Quis stupenda cometarum corpora, quæ montium maximorum magnitudines excedunt, sublimibus in locis sine lapsu continet? Divinæ potentie miracula si hæc agnoscis, in stellis cur eadem non admittes? Avium gravia corpora in aere sustineri non miraris, & stellarum casum metues? Quid si & cælum ruat? Sed planè frustraneus & Peripateticorum principis contrarius hic motus: Nam si gravia non sunt astra, eccur decident fulcris destituta? imò quid fulcris opus habebunt?

Ad 7^m. Connexum negamus. Quid enim causæ sit cur ad Conditoris iussum non possint spatia sua per se stellæ ita conficere, & circulos eosdem eodem tempore describere, uti jam orbibus istis fictitiis circumagi à multis creduntur? Aut fortè non poterit Deus absque orbibus quod per orbem eum facere *Aristoteles* putavit? Cogitent, quæ so, quàm facile Deo sit stellarum cursum ita moderari, ut eodem tempore aliæ circa Æquatorum cœli, gradus majores, aliæ circa Polos cœli, gradus minores percurrant.

Ad 8^m. Connexum negamus. Ad probationem respondebunt ipsimet Peripatetici. Affectionem illam esse motus naturalis, non omnis in genere, sed ejus tantum quem subeunt gravia & levia: At nec gravia nec levia esse cœlestia corpora, sanctio est Peripatetica: Cui etiam si nos minime subscribimus, connexum tamen nihilominus negamus, & ad probationem respondemus, Competere affectionem illam motui dumtaxat corporum elemen-

tarium, non cœlestium, quæ singulari hæc prerogativa Creator ornavit, ut constantissimo sibi quæ simillimo motu per aerem ferrentur, sine ullo medii impedimento aut virtutis morticis fatigatione: uti testatur experientia.

Ad 9^m. Consequentiam negamus. Ratio non est universalis, nisi de corporibus simplicibus elementaribus: Alia cœlestium est ratio: quod nec ipsi differuntur Peripatetici, qui motus mistos & difformes in sphaeris seu orbibus suis agnoscunt, quos tamen per se moveri & simplicia esse corpora non diffidentur. Etiam si verò ex istis orbium, moribus alios extraneos esse distitant, ideo tamen proprios iis planè non adimunt: Cur igitur tam faciles erga astra quoq; non sunt? Sed quicquid illi dixerint, certum nobis & persuasum est, mistos illos motus & contrarios etiam, qui diversis temporibus in Planetis observantur, esse à propria ipsorum virtute mortice, gubernatâ tamen à Conditoris sapientiâ.

Ad 10^m. Consequentiam negamus. Probatio falsa hypothesis est. Nobis *via ista laetæ* non est pars cœli densior & continua, sed potius lux quædam stellarum minimarum & innumerabilium confusa, quæ ad motum astrorum & ipsa videtur moveri, ut lumen ad ignis motum.

Ad 11^m. Suppositâ antecedentis veritate, (quæ tamen an sit idoneis firmetur testibus haud scio) consequentiam negamus. Ratio ejus falsa est. Nam si vera sunt quæ de maculis istis nigricantibus narrantur, deq; earum motu, non sunt ex cœli partes rariores & obscuriores (nec enim raritas obscuritatis est causa) sed potius stellæ quædam obscuriores, quæ minus habent lucis, Lunæ similes, in quâ nigricantes maculas videre est.

Ad 12^m. Connexum negamus. Etenim globosâ universi figurâ suppositâ, centrum terra esse potest, etiam si orbis nulli sunt. Nihil igitur officium adversariorum argumenta contra proprium stellarum motum.

IV. Quibus & durities cœli & proprius stellarum motus arridet, undique perforata cœli substantia, & pro motuum cœlestium varietate varii quasi cuniculi acti aut tubi ducti videntur, ut intra hos moveri absque errore astra possint. Inter recentiores sententiam hanc approbat *Hurtadus*, Disput. Phys. 2. sect. 1. §. 9. ubi ait *canales istos esse quasi currus triumphales per quos Planetæ triumphant & suam pulcritudinem ostentant*. Adversus sententiam hanc disputantem vide *Clavius*, in Sphaerâ, pag. 75.

V. Hactenus prima nostra assertio: Sequitur altera, *Stellas moveri à principio interno, seu formâ informante, non externâ assistente*. Rationes sunt;

1. Si stellæ moverentur à principio externo, seu formâ assistente, esset ea aut Physica aut Metaphysica: At neutra: Principium igitur externum illud nullum est. Assumptionem probo; Physicam eam formam non esse, omnes facile dabunt: Quod enim illud animal foret quod stellis perpetuò affixum eas circumageret? Nec verò Metaphysicam esse, h. e. Intelligentiam, ut veteres vocant, seu, ut nos, Angelum, ii norunt qui vel mediocriter in sacris sunt versati. Quis enim credat tam laboriosum Angelorum ministerium silentio à S. literis fuisse præteritum, cum luculenter satis & sæpe de Angelorum officiis differant? Quis verò tam perspicax, audax nè dicam, qui vel *per* saltem de hoc *Ixionis* aut *Sisyphi* labore in sacris se didicisse ausit affirmare? Videantur quæ suprà de Intelligentiis disputavimus.

2. Quicquid formam habet internam, id internum etiam motus habet sui principium activum: Atqui stellæ formas habent internas: Ergò. Propositio probatur; Quia formæ naturalis proprium est *movere rem motu naturali*: Hinc actus compositi dicitur, non tantum quia ut res perfectione suâ essentiali actu sit efficit, sed & quia actuum secundorum naturalium, in quibus haud extremum localis motus occupat, proximum & naturale est principium. Nec movet nos illa *Timpleri* exceptio, quâ formam naturalem, quam animæ contradistinguit, principium ait esse, non ut actu moveatur res inanimata, sed ut moveri possit, proximum verò motus actualis principium semper esse externum. *Resp.* Aut enim loquitur *Timplerus* de motu naturali aut de violento. Si de violento, fatemur equidem principium ejus esse extrinsecum; sed ad rem tum exceptio hæc nihil fecerit, cum non de violento sed de naturali astrorum motu sit quæstio. Si de naturali, negamus, quòd sine ratione ille affirmat. Ratio verò nostra hæc est; Cum omni corpori naturali, etiam inanimato, latius quoque competat naturalis, nec illa potentialis saltem sed & actualis, si sit extra locum naturalem constituta & ab externo obstaculo non impedita, (habent peculiare quiddam stellæ: de quo deinceps) quæro, rationis istius actualis principium sitne naturale an violentum? Si violentum dixerit, motum quoque esse naturalem negavit adeoque omnem naturalem motum in inanimatis sustulerit: quod longè absurdissimum & falsissimum: Omni namque Philosophorum consensu firmatum est (quod & suprà prolixè à nobis demonstratum) gravia, si extra locum sunt constituta & externis obstaculis non impedita, naturali motu & proprio ferri deorsum, levia elementaria sursum. Quòd si verò motus illius naturalis principium quoque est naturale, internum utique fuerit, aliudque nihil

quàm ipsa compositi inanimati essentialis & naturalis forma: quæ si recti motus in sublunariis principium est proximum internum, cur non & circularis in superlunariis? Secundæ hujus rationis assumptio nullâ eget probatione: præterquam enim quòd à meliore Philosophorum parte admittitur, à nobis quoque suprà, cum de stellarum formâ ageremus, est firmata.

3. Quicquid tantum ab externa causa movetur, id perpetuò naturâ suâ quiescit: At stellæ naturâ suâ non quiescunt: Ergò ab externa tantum causa non moventur, sed ab interna & naturali forma. Propositio probatur; Sublatâ namque causâ propriâ internâ effectus quoque proprius ab interna fluens causa tollitur: Cui igitur internum motionis principium admittit, ei etiam motus internus & naturalis admittitur: Id verò quod naturaliter non movetur, naturaliter quiescit, ex regula Logicorum, *Cui contrariorum immediatorum unum admittitur, ei tribuitur alterum*. Assumptionem probat finis stellarum, de quo suprà. Approbat eandem *Aristoteles* lib. 1. De cælo c. 3. ubi inquit, *Naturâ suâ cælum in orbem volvitur*. Item, *Nulla pars cæli potest quiescere*. Sentit idem *Simplicius* in 1. *Phys.* ubi inquit, *Celestia naturalia sunt corpora ob motum localem, non ob substantialem mutationem*. Quòd si ergò motus localis index est naturæ in celestibus corporibus existentis, utique naturâ suâ non quiescent sed movebuntur.

4. Motus circularis est affectio stellarum propria: Proficiscitur igitur ab interno principio, formâ nimirum. Ratio consequentiæ; Quia omnis affectio propria competit rei propter principium internum: quod enim rei causis suis jam constitutæ ab extrinseco accedit, id accidentale ipsi est, & non proprium. Antecedens per se manifestum est.

5. Omnibus aliis corporibus quæ ab initio Deus creavit, principium motus naturæ eorum & usui, quem præstant naturæ, conveniens indidit: animatis, ad motus suos animales, animam; reliquis sublunariis, quibus non necessarius nisi rectus motus, gravitatem & levitatem solam: quæ haud postrema corporum naturalium perfectio: Quid causæ igitur fuerit, cur in hac perfectione operibus suis distribuendâ stellis præterierit, nobilissima illa opera, quæ motibus suis sublunarem mundum erant gubernatura, & Conditoris gloriam maximè illustratura.

VI. Contrâ verò, ut ait *Albertus Magnus*, in opere De causis lib. 5. tract. 4. c. 7. *Omnes Peripatetici quinque rationibus docent cælum à natura, b. e. principio interno, essentiali, formali, non moveri*. Rationes sunt hæc;

1. Quic-

1. Quicquid à natura, h. e. à corporis formâ, movetur, id ad certum quoddam *ubi* movetur, quod cum attingit quiescit, nec movetur ab ipso: At stellæ ad certum *ubi* ita non moventur ut in eo quiescant, nec inde moveantur: Ergo à forma naturali non moventur. Propositio probari possit inductione rerum naturalium: Gravia deorsum moventur; quòd cum pervenerint, quiescunt, nec ulterius tendunt: levia sursum, ibique naturaliter quiescunt. Assumptio sensu patet, quia nullo loco subsistunt stellæ, sed perpetuo feruntur motu.

2. Omnis motus localis naturalis, h. e. qui pendet à naturâ seu formâ internâ, est à generante: At stellæ non sunt generatæ: Motum igitur localem naturâ suâ nullum habent.

3. Quod movetur naturaliter, id cum extra locum existit tantum movetur, in loco verò proprio quiescit, nec nisi ab externo in eo moveri potest: At qui stellæ etiam in proprio loco; h. e. in cœlo, moventur, nec unquam quiescunt: Ergo motus is à principio naturali non est. Propositio probatur: Quia motus localis finis est acquisitio loci: Movetur igitur id tantum quod in loco suo nondum est; & quiescit, quod est in loco: id quod etiam exemplo gravium & levium probari potest: illa namque in centro imò; tanquam loco naturali existentia, hæc verò ad supera loca translata naturâ suâ semper quiescunt, nec nisi ab externis moventur agentibus. Assumptio sensu approbatur.

4. Quicquid naturaliter loco movetur, id existit in potentia ad formam aliquam substantialem: Cœlum vel stella in tali potentiâ non existit: Ergo naturaliter loco non movetur.

5. Motus qui per solam est naturam non est uniformis, sed modò velocior modò tardior, prout est generanti vel propinquior vel ab eo remotior: At astrorum motus perpetuò est regularis & uniformis: Ergo à natura non est. Propositio probatur exemplo gravium, quæ naturaliter cum moveantur, principio tardius, in medio concitatius, in fine concitatissimè moventur. Initio quippe longius à generante, h. e. terrâ, absunt, in medio minùs, in fine minimùm absunt. Assumptio per se manifesta est. Hæc Peripateticorum sunt rationes. Eandem sententiam propugnat *Timæus*, lib. 2. *de φυσιογνωμίᾳ*, cap. 7. duabus hisce rationibus, quæ sextam & septimam hic in ordine constituunt.

6. Omne corpus inanimatum movetur localiter, non à principio interno, sed externo, teste *Cicerone*; qui è sententia *Socratis* inquit, *Inanimatum esse omne quod pulsu agitur externo*.

7. Si stellæ à principio interno moverentur, effectus id vel materia vel forma: At non materia; Quia

hæc non activum sed passivum est principium: Nec forma; Quia hæc nullius motus est causa efficiens proxima, sed tantum remota.

VII. Omnium harum rationum facilis est solutio. Ad rationes igitur Peripateticorum quod attinet, singularum propositiones negamus, & primæ quidem, tertiæ, quartæ, & quintæ, quia citra restrictionem ad sola sublunaria corpora particulares sunt. Quamvis enim omnia sublunaria naturaliter mota ad certum quoddam *ubi* moveantur, idque *ubi* attingerint quiescant, quamvis suis in locis non nisi ab externo principio promoveantur, quamvis item omnia ad formam aliquam substantialem in potentia existant, (demus enim hoc jam, quia quæstioni præsentis nihil incommodi adfert) quamvis denique in motu sint difformia; sidera tamen ab omnibus hisce singulari Creatoris privilegio sunt immunia, (nisi quòd ex parte motus difformitas excipienda sit) suntque & manent nihilominus naturalia corpora à formis internis localiter mota, licet in nullo *ubi* quiescant, licet in locis naturalibus perpetuò moveantur, licet formas suas non abjiciant, licet denique in motu perpetuo sibi consentiant. Patet igitur propositiones de superioribus & inferioribus intellectas concedi non debere, ut quæ de solis inferioribus admitti possunt. Nec verò rationes desunt cur privilegiis hisce peculiaribus siderum formæ sint à Deo donatæ. Cum enim ex naturæ usu non fore sapientissimus Creator vidisset, si starent immota in cœlo sidera, aut inæquales extenderent motiones, iis formas earum causasque motrices instruxit facultatibus, ut perpetuo & constantissimo motu sua moverent subiecta, idque sine ullo rationis proprio iudicio, quamvis secundum immensam Creatoris sapientiam, cujus omnipotentia iussa omnes exsequuntur res creatæ, etiam quæ ratione sensûque carent. Propositionum probationes quod attinet, nihil ex probant, ut quæ æquæ sunt particulares, & ad sola sublunaria corpora referendæ. Habent hoc peculiare stellæ, quòd, etiam si ex nostra sententia sunt levia corpora, non tamen recto sed circulari motu in regione sua ferantur per vim singularem formæ inditam. Indè igitur proprius corporum horum motus, & non à levitate, à qua sursum moveri opus non habent, quia sursum jam sunt: in circulum tamen necessariò moventur, quia motus hic non tam ad locum acquiendum, quam ad ministeria sublunari mundo præstanda à Creatore iis est inditus. Sic etiam si animalia corpora gravia sunt, tamen difformi potiùs motu quam uniformi & recto moventur, propter animam superadditam corporis formæ.

Ad 2m. Propositio ideo negatur quia insufficien-

te partium enumeratione constat. Motus enim localis remota causa, non est principium generans tantum naturale, sed & creans supernaturale: Quamvis igitur sidera generantem causam non habeant, habent tamen creatorem, quæ ad motum conciliandum longè est potentior.

Ad 6^m. Propositionem negamus. Falsum enim est inanimata corpora à principiis extrinsecis tantum naturaliter loco moveri: Siquidem contradictionem implicant, moveri naturaliter, & tantum ab externo principio, quod rei non nisi motum confert accidentalem, moveri. Nec sufficiens est vulgata illa exceptio, Actualement corporum locationem à principiis externis profectam naturalem dici posse, propterea quod aptitudo iis naturæ insit ad hunc vel illum localem motum actu recipiendum, etiam si à principiis proficiscatur extrinsecis. *Resp.* Cum enim proprius & naturalis definiatur motus non ex inclinatione seu aptitudine subiecti ad recipiendum eum, sed ex principio interno quod virtute suâ & propriâ motum actu ciet, sequitur verè naturalem & proprium eum demum corporis alicujus dici motum qui à principio ejus intrinseco actu profluit; eum autem qui ab extrinseco quoad actum dependet, accidentalem, non naturalem. Quod si ad naturalem motum potentia duntaxat recipiendi suffecerit, nonne omnis hæc ratione motus dici naturalis possit, cum materia per se ad quemvis motum indifferens vulgò prædicetur?

Nec sequitur, Gravia corpora sublimi in loco constituta, nisi à movente extrinseco impellantur, sponte suâ nunquam deorsum moventur, principium igitur internum actualis motus deorsum in ipsis est nullum. *Resp.* Falsa, inquam, & mala hæc consequentia; quæ tum demum proba esset, si gravia in sublimi constituta ab extrinseco nullo impedita sponte suâ deorsum non caderent: cujus quidem contrarium testatur experientia. Quod si enim in altum lapidem projicias, & vis illa pellendi violenta deficiat, nihilque quod lapidem excipiat intercedat, sponte suâ ad terram revertetur nemine impellente. At aer, inquis, eum impellit. *Resp.* 1. Aer à lapide nisi prius impellatur, lapidem nunquam propellet. Quæ vis igitur illa quâ lapis infernum aerem, primum movendo se, impellet? Certè extranea nulla nè fangi quidem potest: Est igitur intranea, ipsa scilicet lapidis forma, quæ per gravitatem est efficax. 2. Aeris impulsio & resistentia absoluta motus deorsum causa non est, sed majoris saltem vel minoris velocitatis. Probationem sextæ hujus rationis ex Cicerone allatam quod attinet, tantæ apud nos auctoritatis & ponderis ea non est ut ejus in gratiam veritatis patrociniū desertum eamus.

Ad 7^m. Posteriores assumptionis partem, quæ forma motus localis principium esse proximum negatur, negamus. Ad probationem dicimus, principium eam petere, imò fallere, dum formam remotam tantum causam motus localis agnoscit: Quo de pluribus actum paulò antè in secunda ratione pro assertionem nostrâ allatâ, & modò in solutione rationis sextæ.

VIII. Hactenus secunda assertio: Sequitur tertia, *Astra eodem perpetuo moventur motu, ab ortu scilicet in occasum, & nunquam ab occasu simul in ortum.*

Sciendum stellarum motum duplicem à veteribus traditum & observatum, *Diurnum* scilicet & *periodicum*. *Diurnum* vocant, quo singulæ stellæ singulis diebus civilibus, h. e. horarum spacio xxiv, totum cœli percurrunt ambitum, diemque nobis naturalem efficiunt & noctem. Motum hunc aiunt pendere à primo mobili, quod aliis nona aliis decima est sphaera: Hæc enim cum motu suo naturali singulis xxiv horis suam conficere periodum credatur, omnia inferiora secunda mobilia secum eodem temporis spacio unâ circumducere perhibetur. Est igitur motus hic secundorum mobilium ratione principii externus & accidentalis, sumitque initium ab ortu, & in occasum tendit. *Periodicum* verò stellarum motum eum nominant, quo stellæ errantes & inerrantes proprio mobilium suorum secundorum motu periodos suas, diversis temporum intervallis, absolvere videntur, variòsq; nobis annos producant. Hinc multiplex illa annorum distinctio sumta ex propriis & periodicis stellarum motibus. Annum igitur constituunt alium *ustratum*, alium *inustratum*. *Ustratum* nominant *Solarem* & *Lunarem*. *Solaris* tempus est motu Solis periodico definitum, dierum scilicet cccclxv & horarum aliquot. *Lunaris*, vulgò *mensis*, tempus est intra quod cœli ambitum Luna proprio lustrat motu. *Inustrati* reliquorum sunt Planetarum & stellarum fixarum: Hinc annus *Saturni* dicitur, qui xxx Solares continet, eò quod *Saturnus* proprio suo & periodico motu cœli ambitum lustrare dicatur xxx annis Solaribus: Et sic de reliquis. Motum hunc periodicum & proprium stellarum, vel veriùs, ex ipsorum sententiâ, secundorum mobilium, initium, aiunt sumere ab occasu & tendere in ortum, esseque priori, quem *diurnum* dicunt, contrarium, vel quasi contrarium. Quamvis enim primi mobilis raptu omnia secunda mobilia ab ortu in occasum volvantur, ipsa nihilominus secunda mobilia huius raptui contrariantur, & propriis motibus ab occasu in ortum simul tendunt.

IX. Hæc veterum est doctrina de motu astrorum gemino, diurno & periodico. Cui & veterum & recentiorum Philosophorum doctissimi nonnulli
ma sculc

masculè se opposuerunt : A quorum etiam partibus haud immeritò nos sciamus, unum & simplicem astrorum motum, eumque ab ortu in occasum perpetuum ac naturalem, sine omni ab occasu in ortum contrarietate, statuentes. Rationes nostram sententiam confirmantes hæc sunt ;

1. Rem unam & eandem numero uno & eodem tempore citra sui distensionem & partium distractionem in partem simul dextram & sinistram moveri *adversari* est : Atqui sphaera Solis ex adversariorum sententiâ res una est & numero eadem : Ergò citra sui distensionem vel distractionem eodem tempore in occasum simul & ortum, h. e. dextram & sinistram, moveri nequit. Propositio exemplo declarari & confirmari potest. Sunt duo qui solidissimam ferri laminam duabus extremitatibus comprehendant, alter ortum, alter occasum versùs eam trahat : Dico igitur ferream hanc laminam uno & eodem tempore in occasum simul & ortum citra partium distractionem trahi impossibile esse; idque sic demonstro ; Qui occasum versùs trahit, aut majori aut pari aut minori vi trahit quàm is qui in ortum nititur : Si majori, trahetur ferrea lamina in occasum & non in ortum, quandoquidem fortius & efficacius trahentem ea sequetur. Si pari, nec in ortum nec in occasum ea inclinabit, sed in æquilibrio quasi subsistet : Si minori, trahetur ea non in occasum sed in ortum. Nec est quòd quispiam objiciat, utrumq; movens esse externum & violentum : quòd si enim alterum internum statuas, idque vel naturale vel animale, idem planè usu veniet, nec exemplum in rerum naturâ monstrari contrarium potest. Quæ verò ipsi adferunt, hæc ratione eadem solidissimè refutari possunt : De quibus paulò post.

2. Quicquid moveretur contra naturam, id violentè moveretur : Atqui Planetæ ab ortu in occasum tendentes non moventur violentè : Ergò motus is ipsis non est contra naturam : Est igitur naturalis, proindeque ab externo principio non dependet. Propositio probatione non eget. Assumptio probatur hoc prosyllogismo ; Violenta, *Aristotele* teste, non sunt perpetua : Motus Planetarum ab ortu in occasum est perpetuus : Ergò non est violentus. Eadem hæc ratio repetitur ab *Aristotele* lib. 2. De cœlo cap. 3.

3. Si primum mobile pari velocitate secum rapit ab ortu in occasum omnia secunda mobilia, sequitur *Saturni* orbem, qui primus est Planetarum, eandem ratione ab occasu in ortum secum circumrapere inferiorum Planetarum orbes : Atqui falsum consequens : Ergò & antecedens. Probatur Propositionis consequentia ; Quia nulla diversitatis monstrari potest ratio : Ut enim primum mobile propter contiguitatem arctiorem secunda circumducit, sic & pro-

pter eandem *Saturni* orbis subjectos sibi circumrapere deberet. Si dicas peculiare illud primi mobiliis privilegium esse, incumbet probatio impossibilis. At primum, fortè regeat, aliquis, est causa secundorum omnium. Resp. Particulare est hoc axioma, & universaliter acceptum in errorem inducit. Primum siquidem dici potest vel ratione ordinis tantum, vel ratione causationis tantum, vel denique ratione utriusq; simul. Postremâ & mediâ significatione intellectum verum gignit axioma : Sed iis significationibus, cum primum mobile nuncupamus, hic nullus est locus : nec enim secundorum mobiliis causa est primum. Primam si intelligas, manifestus est error : Quis enim ea quæ ordine duntaxat prima sunt, secundorum causas dicat ? quis *Saturnum* Solis Lunæq; agnoscat parentem eò quòd superior is Sole & Lunâ ? Deinde si verum simpliciter esset axioma, sequeretur quoq; motum inferiorum Planetarum à *Saturno*, qui ordine est primus, pendere. Sic igitur principalis Syllogismi firmata Propositio. Assumptionem omnes facillimè dabunt Astronomi, & confirmat eam ratio : Si enim inferiorum Planetarum orbes *Saturni* sphaera circumduceret, eodem utiq; temporis spatio periodos suas illi conficerent quò *Saturnus*; uti secunda mobilia respondent primo : At falsum consequens : Ergò & antecedens.


4. Ad quòd nulla nos impellit necessitas, id temerè fingendum non est : Atqui ad motuum cœlestium contrarietatem nulla nos impellit necessitas : Ergò temerè ea fingenda in cœlo non est. Assumptionem probò de Sole in specie : Id quòd ad omnes reliquas stellas deinde accommodare facillimum erit. Sol ab ortu tendens perpetuò in occasum, sine ulla motuum contrarietate, motu unico & continuo & diem & annum potest producere : Ergò fingenda ejusmodi contrarietas non est. Probari potest antecedens demonstratione oculari. Sol enim, sive ab æquatore tendat ad tropicos sive à tropicis ad æquatorem, ab ortu quidem ad occasum semper movetur, sed occasus sui ortusq; mutat puncta, adeò ut à circulo quem xxiv horarum spatio modò descriperat paululum deflectat, aliūq; ordiatur, idq; tam diu donec ad tropicorum alterutrum venerit. Circulorum igitur singulorum descriptio singulos producit dies, omnium autem obliquo tractu à tropico ad tropicum singulis diebus scrupulis LIX secundis VIII, tertius XIX deflecentium series annum. Adeò ut impossibili illâ motuum contrarietate planè non sit opus. Quæ enim scrupula Sol motu proprio ab occidente in orientem conficere quotidie creditur, ea revera suâ in meridiem aut septentrionem declinatione, quem *accessum* vocant & *recessum*, percurrit. Unde liquidò constat de motu stellarum diurno, & perio-

dico

dico quid sit sentiendum. Motus Solis diurnus est circulus à Sole in cælo descriptus, ejus initium ab ortu & finis eodem in ortu, distans ab initio scrupulis primis LIX, secundis VII, tertiis XIX. Periodicus Solis motus est circuli hujus diurni tercenties sexages quinque paribus intervallis repetiti à tropico ad tropicum reditus. Summa, singuli circuli, quos à tropico ad tropicum (initio integri circuli ab ortu semper facti) Sol describit, singulos nobis exhibent dies, omnes vero simul annum Solarem periodicum.

Inter primos qui hanc contrariorum motuum inveteratam fallaciam detexerunt, fuit clarissimus Theologus & Philosophus *Abrahamus Scultetus*, b. m. cujus verba cum schematismo, in auctoris laudem, ex Sphærico ejus libello repetam & huc referam. Sic igitur ille lib. 2. Sphæ. *Astronomi*, inquit, ipsi satisne magna causa sit cur motus duos contrarios asseruerint, videamus. *Ptolemæus* libro Magnæ constructionis primo, cap. 8. motum ab occidente hâc ratione animadvertens sensit, quod *Astronomi*, notato loco ortus Solis in orientali horizonte, viderunt post aliquot dies locum ejus variari: Ex hac enim observatione illos conclusisse alio Solem vehi circulo qui primo mobili contrariteretur: per quem etiam posset ad punctum verticis nostri deferri, iterumque ab eo discedere, ejusdem circuli motu, cujus poli alii essent quàm poli motus ab ortu in occasum. Nec aliam esse reliquorum mobilium secundorum ac Solis rationem. Hac ille. Ex quibus manifestum est ortuum occasuumque Solis variationem in causa fuisse cur veteres *Astronomi* duorum contrariorum motuum theoricam confinxerint. Quam rem non potest, credo, mirari satis qui variationes ortuum & occasuum causas non mente solam inquit sed oculis quotidie suis contemplantur. Sol oculus Mundi fertur ille quidem ab ortu in occasum quotidie: sed quia non unicum aliquem orbem, puta solstizalem aut æquinoctialem, verum totum illud quod inter duos tropicos interjectum spatium, lustrare illum Conditor Deus voluit, idcirco quem hodie suo motu describit circulum, ab eo deflectit paulatim die crastino: quo fit ut quod oriens relinquît punctum, id xxiv horis elapsis, denuo Oriens nunquam attingat.

Rem diagramma illustriorem faciet.




Percurat enim Sol circulum sive orbem GN, quod fit die Solstitii brumalis; occidet ille in N: & lento, si sensum nostrum spectes, flexu declinans ab orbe solstitiali, altero die non rursus in G oritur, sed in H; cum in puncto O occidet. Tertiâ luce non in H sed in I puncto horizontem stringet, variabitque tantisper ortuum & occasum loca, donec ad tropicum Cancrî orbem MS pervenerit. A quo cum iisdem constantis motus legibus ad tropicum brumalem redierit, & rursus in G fuerit ortus, annus tropicus integer exactus dicitur. Cumque annua Solaris periodi restitutio diebus 365, horis 5, scrup. 49, sec. 16 fiat, docebit proportionum regula, Solem quotibet die vel ab æquatore ad tropicum alterutrum vel à tropicis ad æquatorum deflectere scrup. 59, secundis 8, tertiis 19. Quæ scrupula Solem motu proprio ab occidente in orientem quotidie conficere communis opinio est: cum revera ea sua in meridiem aut septentrionem declinatione, hoc est, motu accessus & recessus percurrat. Hac vera & unica non variationis dumtaxat ortuum occasuumque quotidiana causa, sed motus quoque Solis periodici est ratio: ex qua ipsa Solis luce clarius est Solem nullo contrario motu ab occasu in ortum propelli. Consimilis reliquorum Planetarum ratio est, quorum periodi ex eo non sunt æquales, quod in alio atque alio ætheris tractu singuli hi in propiore, illi in remotiore ac proinde majori circumferuntur. Hactenus *Scultetus*.

In quæstione adeo illustri ejusque novâ ac facili resolutione libet quoque sententiam doctissimi *Fabiani*

biani Hippit in medium producere, quā, repulso quoque motu ab occasu contrario, unitatem & simplicitatem motus ab ortu in occasum perpetui defendit, & *parvo* motus directē contrarii ab occasu in ortum, etiam ubi nulla stellæ in septentrionem meridiem declinatio apparet, rationem ingeniosè reddidit ex eodem fundamento. Statuimus, inquit, Probl. 6. Phys. quod sicut primum mobile singulis xxiv horis circumvolvitur motu velocissimo ab ortu in occasum propter suam naturam & formam propriam internam, sic quilibet Planetarum orbis à sua propria forma atque natura feratur ab ortu in occasum non alienā sed propriā virtute, itā ut superior semper velocius moveatur inferiore; quia quod remotior à principio immobilis orbis, eò velocius movetur: hinc est quod primum mobile à terraremotissimū perniciosissimo motu circumferatur. Cumque ad primum mobile fiat mensura reliquorum motuum, & motus tardior æquali tempore idem punctum circumvendo non attingat, fit ut inferior circulus, qui tardiùs incedit, non attingat æquali tempore idem punctum cum superiori, sed aliquid ante se singulis diebus relinquat spatii quod tamen superior percurrit, adeoque infimus tardissime incedens maximum ante se spatium relinquit. Exempli causā, Sol tardiùs incedit quā primum mobile singulis diebus uno ferè gradu, idcoque sumens idem cum primo mobili initium circumvolutus non attingit idem cum ipso punctum, sed uno ferè gradu retro distat à dato puncto, altero die duobus, tertio tribus, & sic deinceps, donec 365 diebus circiter integrum ante se circulum relinquat, itā ut hoc temporis spatium quod annus vocatur primum mobile unā circumvolutione superet Solcm. Hinc cum primum mobile trecentes centies sexagies quinquies circumvolvitur, Sol tantum trecentes sexagies quater, Patet igitur Solem moveri non ab occasu in ortum, sed tantum non attingere idem punctum quod primum mobile. Quicquid autem de Sole demonstratum est, idem de ceteris Planetis demonstrari potest. Verbi gratiā, cum Luna tardiùs moveatur quā primum mobile singulis diebus xiii circiter gradibus, fit ut dato puncto à quo primum mobile & Luna procedit, peracto primo die, illud ad idem punctum perveniat, Luna autem illud non attingat, sed retro distet xiii grad. Altero die primo mobili idem attingente, Luna distabit xxvi grad. quarto die primo mobili iidem ad punctum perveniente, Luna distabit ab ipso lxx grad. octavo cxx grad. decimo sexto CCviii grad. vigesimo quarto CCCxii grad. trigesimo septimo tandem cum dimidio circiter CCClx grad. Cumque ex tot gradibus integer circulus fit compositus, fit ut tot intervenientibus diebus qui mensem constituunt, primum mobile unā cir-

cumvolutione superet Lunam: Itā cum illud vicies septies circiter circumvolutum sit, Luna tantum vicies sexies periodum suum pertransierit. Hinc duo ait posse colligi & intelligi. 1. Quæ fuerit causa quod veteres introduxerint motum ab occasu, nempe quia observantes spatium quod Planeta non attingunt in dies crescere & majus fieri, opinati sunt planetam retrogredi, cum tamen datum punctum non attingat. 2. Quot minutis vel gradibus tardiùs feratur quilibet orbis Planetarum primo mobili, tot scilicet quot singulis diebus vulgò statuitur moveri ab ortu in occasum. Hactenus Hippius.

Quæ recitata ex Hippio sunt, sublato orbium motu proprio, positoque siderum motu, ad oculum patent in subiecto diagrammate.



Creditur Luna xxvii dierum spatio ab occasu in ortum retrogredi, motu contrario ei qui est ab ortu in occasum; idque ex hoc fundamento, quod singulis diebus diversa ortus sui puncta habeat, eaq; contrarium ab occasu in ortum notantia motum. Atqui apparentem duntaxat motum hunc esse, & Lunam revera non moveri nisi ab ortu in occasum, attamen per universum orbem singulis diebus mutante puncta ortus, itā ut post viciesimum septimum diem in eodem puncto demum oriatur unde ante viginti septem dies fuerat orta, indeque videri ob occasum in ortum contrario motu retrogredi (cum tamen unico moveatur motu) ex subiecto diagrammate intelligi potest. Etenim primo, mensis die oritur in puncto a, & diurno motu conficit circulum a, b, c, d, e, attamen non integrum: Deest enim spatium xxi

& aliquantò ampliùs graduum, ab *e* usque ad *a*, seu à 2 usque ad 1. Itaque altero die oritur non in puncto *a*, vel 1, sed in puncto *e*, vel 2; ubi à primo ortus puncto abest xxvi grad. & ampliùs; motùque diurno pervenit non ad punctum 2, sed ad 3: unde à primo ortus puncto distans xxxix grad. & ampliùs oritur die tertio, rursùsque motu diurno non attingit nisi punctum 4, unde quarto die oritur, & sic deinceps, donec post xxvii dies, à puncto 27, gradibus à primo ortus puncto cccxlvii distans, toto pererrato circulo, ad punctum *a* redierit, indeque ortus initium rursùs sumserit. Hoc qui non attendit, tantà punctorum orientalium in oppositam partem varietate observatà, juraverit Lanam alio & contrario motu ab occasu moveri in ortum.

X. Adversariorum argumenta quæ sint, jam audiamus. Sic igitur illi.

1. Ptolemæus contrariorum horum motuum hanc addert rationem; Sol, inquit, in orientali horizonte oriùs sui mutat punctum, & ab aequatore versùs alterutrum polorum flectere deprehenditur: Ergò necessariò sequitur alio Solem vèbi circulo qui primo mobili contrahitur, per quem etiam possit ad verticis nostri punctum deferri.

2. Nè motuum horum contrarietas impossibilis videatur, sic arguunt; Ut se habet nauta ad navem, musca ad rotam versatilem, ita se habet orbis Planetæ ad primum mobile: Sed navi ab ortu in occasum natante, rotà à dextra ad sinistram circumeunte, nauta in navi nihilominus motu proprio progredi potest ab occasu in ortum, musca super rotam à sinistra ad dextram: Ergò etiam si Planetarum orbis mobilis primi raptu occasum versùs trahuntur, proprio tamen motu ferri iidem ab occasu in ortum possunt.

3. Sine quo omnia in cælo *φανερὰ* demonstrari nequeunt, id omnino necessariò in cælo est statuendum: Atqui sine motu Planetarum proprio ab occasu in ortum omnia *φανερὰ* demonstrari nequeunt: Ergò motus is necessariò est admittendus. Assumptionem probant; Quia absq; hoc demonstrari dierum inæqualitas non potest. Hæ potiores sunt rationes.

XI. Ad singulas ordine sic respondemus;

Ad 1^m. Consequentiam negamus. Nec enim illa ortuum variatio observata sufficiens est ratio cur ab occasu in ortum motu, qui diurno sit contrarius, moveri Sol dici debeat, cum *φανερὰ* huius ratio longè expeditior & simplicior alia reddi possit, uti ratio nostra quartà demonstravimus.

Ad 2^m. Negamus primò propositionem, quæ integram continet similitudinem, eamq; valde dissimilem. Falsum enim est, ita se habere nautam ad na-

vem, vel muscam ad rotam, ut Planetæ orbis ad primum mobile. Nec enim vel nauta navis vel musca rotæ integrum replet spatium, ut orbis interior concavam continentis orbis superficiem. Cùmq; similitudine hæc ostendatur, potiùs quomodo Planeta in orbe diversis agi motibus possit, sequeretur per se in orbe Planetam moveri, uti nauta in navi, & musca in rota: id quod adversarii haud, quaquam concesserint, cùm immobiliter Planetas orbibus infixos doceant. Sed & negari debet assumptio: petiq; negotiationis ratio potest ex argumento quod pro nostra sententia adduximus primo. Ad exemplum igitur de navi sic respondemus cum Taurello, *Navis in ortum fertur, utq; versùs occasum in ea pergit: Si celerius ipsa moveatur, magis à termino tibi proposito recedes, ut non ad occasum sed ab eo moveri dicendus sis: Sin æqualis utriusq; tuus navisq; sit motus, nec in ortum nec in occasum moveberis, sed eundem semper obtinebis apicem meridianum.* Hoc ipsum si Soli contribuas, unum vel nullum ejus motum animadverteres: Nam si primum mobile Solem in occasum pellet, cùm semper id eodem modo procedat, nunquam ortum versùs ipse retro progredietur. Idem ad alterum quoque exemplum respondendum.

Ad 3^m. Primùm propositio non videtur simpliciter concedenda. Eth enim, quæ ingenii nostri est imbecillitas, absq; variis iisq; fictis hypothesebus cæli *φανερὰ* demonstrari haud possint, non tamen fictæ propterea illæ hypotheses in cælum essent inducendæ. Quod si enim omnia illa cælo essent inferenda, quibus ad varia *φανερὰ* demonstranda feliciter usi sunt rerum cœlestium periti, quantis, quæso figmentis, absurditatibus & contrarietatibus onerandum esset cælum? Sunt enim hypotheses Astronomorum plurimæ sibi contrariæ, quibus unius ejusdemq; *φανερὰ* rationem sæpenumero reddiderunt. Ex. gr. Tychois Brahe & Helisæi Roslin hypothesis est, *Stellas fixas & Planetas motu diurno mobiles esse, terram immobilem*; contraria est Copernici & Nicolai Reimari, *Stellas fixas immobiles esse, terram mobilem*. Ejusdem Helisæi & Ptolemæi hypothesis est, *Planetæ certis orbibus moveri, iisq; eccentricis*, contraria Reimari hypothesis, *Planetæ & stellæ non orbibus affixæ, sed in ære vel consistere, vel ut aves, certo tamen modo, vagari*. Ptolemæi porro hypothesis est, *Terram centrum prope verum esse omnium orbium Planetarum*; contraria Copernici, *Terram solummodo centrum esse orbis Lunæ*. Quid ergò? hæccine omnia in cælum compingenda quia iis ad *φανερὰ* demonstrationes usi sunt Mathematici? Absit ut adeò delirer sanæ mentis quispiam. Hypotheses, ut quidam Copernici sectator scripsit, *non modò non veras, sed nè vero quidem simi-*

similes esse contentæ, modo exactum nobis calculum monstrant. Hinc hypothefes commenta vocat Abrahamus Scultetus in Sphæricis, quando illas in cælo non natura sed hominum opinio locavit & fixit. Hæc de syllogismi propositione. Negamus secundò quoq; assumptionem, E Solis enim declinatione vel in septentrionem vel in Meridiem dierum incrementa & decrementa exactè demonstrari possunt. Videatur libellus Sphæricus Abrahami Sculteri. Inter recentiores sententiam hanc de unico stellarum motu defendit quoque Hurtad. Mendoza, Disp. 2. Phys. sect. 3.

XII. Liber, coronidis vice, ex Mathematicorum oraculis adjicere nonnihil de stupenda cursûs astrorum velocitate. Etiam si enim astra, præsertim fixa, oculorum nostrorum iudicio immota stare in cælo videntur, tanta tamen cursûs ipsorum est pernicitas ut vix major esse posse videatur. Cùm autem hæc in parte Mathematicorum calculo habenda nobis sit fides, liber quoq; artificis inter istos haud postremi verbis uti. Est is Clavius, Comment. in Sphæ. Johannis de sacro Bosco. Constat, inquit (nempe ex dimensionibus orbium cœlestium, de quibus nos supra) punctum quodlibet firmamenti in æquatore positorum (in puncti loco stellam sumo) conficere singulis horis milliaria 42398437½: quoniam videlicet in 24 horis absolvit milliaria 1017562500. Ex quo fit, cogitatione vix apprehendi posse celeritatem motûs firmamenti, quod antiquitas primum mobile putavit esse. Id quod & Aristoteles affirmavit. Est enim tantum illud spatium quod in una hora punctum æquatoris quodvis in firmamenti convexo conficit, quantum vix

in annis 2904 peragraret quis, etiam si quotidie absque ulla intermissione 40 milliaria conficeret: quod incredibile videtur. Nam velocior est motus illius puncti quàm motus sagittæ alicujus aut avis, quæ in eo temporis spatio quo semel Salutatio Angelica recitatur, conficeret milliaria 176660, hoc est, circumiret totam terram ab ortu in occasum sub æquatore sæpius quàm septies; cùm ambitus terræ milliariorum 22500 in hoc numero 176660 contineatur sæpius quàm septies: Quæ velocitas captum ingenii humani excedit. Hæc autem ita esse, facile sibi quisque persuadebit, si attentè consideret, in quadrante unius horæ vix dici posse 60 Salutationes Angelicas, atque adeo 240 in una hora. Hinc enim efficitur, tempus quo Angelica Salutatio semel recitatur esse $\frac{1}{240}$ unius horæ. Constat autem punctum æquatoris in firmamento convexo conficere milliaria 176660 in $\frac{1}{240}$ unius horæ, cùm in una hora milliaria 42398437½ absolvat, ut diximus.

Quare necesse est ut sagittæ aut avis conficiat quoque milliaria 176660, hoc est, circumeat terram sæpius quàm septies, in spatio temporis unius Salutationis Angelicæ, si motum firmamenti consequi velit. Vel (si mavis) tanta est velocitas motûs illius puncti firmamenti in una hora quanta esset alicujus sagittæ aut avis quæ totam terram ab ortu in occasum sub æquatore in una hora circumiret millies octingenties & octogies & quater; quod terræ ambitus milliaria complectens 2250 contineatur in milliariis 42398437½ (quæ in una hora ab illo puncto æquatoris conficiuntur) toties quot unitates sunt in hoc numero 1885, & amplius: Quæ celeritas agrè concipi potest.

CAPUT XV.

De Stellarum magnitudine & multitudine.

STellarum quantitas; Th. I. Magnitudo; Th. II. Moles; Th. III. Absoluta, quoad trinam dimensionem; Th. IV. Probatur: ex 3. Respectiva, quoad æqualitatem vel inæqualitatem; Th. V. Omnes stellæ, tribus exceptis, corporibus subcœlestibus majores; Th. VI. Demonstratur: ex 8. Minores tamen omnes cælo, & aliæ aliis; Th. VII. Demonstratur: ex 8. Stellæ inter se æquales; Th. VIII. Distinctiones magnitudinum: ex 8. Stellarum distantia; Th. IX. Rejicitur Mathematicorum definitio de singularum stellarum certâ à terrâ altitudine seu profunditate: ex 8. Multitudo stellarum; Th. X. Mathematici certum definitumque stellarum numerum recensent, quanquam diversimodè: ex 3. 1. Theologi recenseri posse negant: 2. Ad exceptiones Clavii respondetur: 3. Conimbricensium sententia de oculis stellarum qualitatibus: 4. Examinatur: 5.

THESIS I.

HActenus stellarum Qualitas & Modus: Sequitur Quantitas earundem: Quæ est Magnitudo vel Multitudo.

THESIS II.

Magnitudo est molis vel distantie.

THESIS III.

Molis magnitudo est, quâ quantitate sibi in hærente dicuntur magnæ. Estque absoluta vel respectiva.

THESIS IV.

Absoluta est, quâ in se trinâ dimensio-

one

one dicuntur præditæ, longitudine, latitudine, & profunditate, absque respectu ad aliud corpus.

"*Ex Dico.*

Esse stellas absolutè magnas, h. e. trinâ corporum dimensione præditas, ratio docet & sensus. Sunt enim corpora naturalia, per se & Physicè de loco in locum moventur, incurrunt in oculos, figuram habent rotundam; quæ non nisi rei trinâ dimensione præditæ competunt.

THESIS V.

Respectiva quantitas est, quâ vel majores vel minores vel æquales dicuntur.

THESIS VI.

Majores sunt stellæ omnes & singulæ (infimis tribus I, 2 & 3) exceptis) corporibus omnibus & singulis sub cœlo existentibus.

"*Ex Dico.*

Mathematici demonstrationibus suis fidem haberi volunt, etsi ægrè iis sensus assentitur. Unde ex veteribus quoque Philosophis nonnulli statuerunt stellas majores non esse quàm nobis videntur esse: Quâ in sententiâ Epicurus fuit, qui dixit Solem esse tantulum quantulus appareret, aut paulò majorem minoremve, aut aliquid aliud. Epicuro Lucretius assentitur. Heraclitus dixit Solem amplitudine humani pedis esse. Etsi verò tanta Mathematicarum demonstrationum hæc parte non videtur esse certitudo ut jurare ausis nec majores nec minores esse stellas quàm à Mathematicis perhibentur esse, illis tamen minimè assentiendum qui non majores esse dicuntur quàm nostris apparent oculis. Cum enim ex immensâ propemodum distantia nobis appareant, longè maxima esse corpora rectè colligitur: Nam si exiguæ molis essent, ex tantâ distantia imago earum evanesceret priùs quàm ad nostros perferretur oculos. Sic experientiâ edocui novimus maxima corpora ex longâ distantia videri minima, quandoque etiam præ distantia magnitudine penitus evanescere. Qui ex editâ turri in foro homines ambulantes despicit, gallinæ magnitudinem vix excedere judicat; gallinas verò nē videt quidem. Est autem observandum, ob medii diversitatem majores modò minores apparere stellas: Quò enim crassius est medium propter vapores, eò majores videntur & propiores nobis;

quò subtilius & defæciatius, eò minores & remotiores à nobis. Hinc & numus in fundo cyathi aquâ repleri, per aquam longè videtur major & oculis propior quàm si extra aquam per solum & simplicem aerem adspiciatur: Sic Sol maturino tempore in horizonte, cum ex inferiori hemisphærio ad superius emergit, longè videtur major quàm in meridie, cum cœli medium tenet; quia in horizonte constitutus per vapores crassios noctu absente Sole elevatos aspicitur: In medio verò cœlo minor apparet, quia calore ejus vaporibus dissipatis per purum & liquidum aerem aspicitur. Eadem quoque ratio est quòd in hyeme ampliores appareant stellæ quàm in vere; quia hybernus aer crassior est quàm vernus. Ex eodem fundamento, teste Aristotele lib. 3. Meteorol. majores apparent stellæ Austro flante quàm Borea, quia Auster crassios vehit vapores, quos dissipat Boreas.

THESIS VII.

Minores sunt omnes cœlo, in quo collocatæ sunt à Creatore, & aliis aliæ.

"*Ex Dico.*

Vel solius sensus infallibili hoc patet judicio. Nam si cœlo omnes & singulæ circumscribuntur, si item partes sideribus vacuæ in cœlo sunt plurimæ, quis amplitudine stellis omnibus cœlum majus esse non judicet? Unde porro immensam cœli magnitudinem licet æstimare: De quâ suprà.

THESIS VIII.

Æquales sunt stellæ nonnullæ inter se.

"*Ex Dico.*

Hinc distinctiones illæ, quòd aliæ sint primæ, aliæ secundæ, aliæ tertiæ, &c. magnitudinis: De quibus in speciali doctrinâ agendum.

THESIS IX.

Hactenus magnitudo stellarum interna, ratione molis. Externa ratione distantia est; quâ tanquam summa naturæ corpora ab imâ terrâ longissimè distant.

"*Ex Dico.*

Quæ Mathematicorum sint oracula de singulorum stellarum à terrâ distantia ex iis patet quæ suprà de singulorum spatorum cœlestium altitudine seu profunditate diximus, c. 4. ad thes. 4. Esse tamen altitudinem hanc, adeòq; & distantiam stellarum à terrâ tantam, indubitatæ fidei, nē ipsos quidem calculatores affirmaturos arbitror. Inter alios verò

maximè urget Uranometras Propheta Jeremias, imò ipse Deus, qui per os Prophetæ loquitur cap. xxxi. 37. Sic ait Jehovah, Si poterint mensurari cæli superne, & pervestigari fundamenta terræ inferne, etiam ego spernam totum semen Israelis propter omnia quæ fecerunt: dictum Jehovah. Significat igitur ipse Jehovah dimensionem cælorum, adeoque & distantiam stellarum à terrâ, quæ non habetur nisi ex dimensione cælorum, homini impossibilem esse. Aut hoc qui negaverit, eadem ratione evicerit futurum aliquando ut Deus totum Israelis semen spernat & abiciat, quod tamen nunquam futurum ex Scripturâ certum est, & hoc ipso loco asseritur à Deo. Sic enim argumentum Dei in Comment. eloquitur Hieronymus, Si mensurari potuerint cæli sursum & eorum altitudo cognosci vel investigari fundamenta terræ, & extrema eorum ratione comprehendendi, & ego, inquit, abiciam universum semen Israel, propter omnia quæ fecerunt, dicit Dominus: Quoniam autem illud impossibile est, ut cælorum summitatem & terræ fundamenta noscamus, sic & hoc impossibile erit, ut abiciam universum semen Israel. Sin autem abjecero universum semen Israel, ergo mensurabitur cælorum summitas, & extrema terrarum. Hic syllogismus & in Evangelio texitur, quando impossibile impossibili comparatur. Interim distantiam hanc astrorum à terrâ longè maximam esse cum ex hoc ipso Scripturæ loco tum ex Mathematicorum laboribus & speculationibus certum est, etiam si certò ea definiti nequit.

THESES X.

Sic de Magnitudine stellarum, Multitudo stellarum est, quâ multæ dicuntur stellæ numero: Qui etsi certus est & definitus, à nobis tamen definiri non potest: maximum tamen esse certum est.

EXPOSITIO.

I. De certo stellarum & definito numero disceptant inter se Mathematici & Theologi, illis iniri posse numerum stellarum affirmantibus, his negantibus. Rationem à Mathematicis si petas, inquent, singulas oculis stellæ esse obvias, proindeque faciliè numerabiles. Hinc & fixarum numerum definiunt, quanquam diversimodè. *Algazet Arabs*, referente *Cælio Rhodigino* lib. 1. Leet. antiquar. c. 18. ait, stellæ censei duodecies mille ducentas viginti duas. *Plinius* lib. 2. cap. 41. inquit, stellæ digestas esse à peritis in duo & septuaginta signa cælestia, quæ rerum vel animatarum vel inanimatarum sunt effigies, continerique in his visu & effectu notabiles stellæ mille sexcentas. Alii denique à *Ptolomæi* &

Hipparchi temporibus (quorum quidem opinio hucusque irroboreavit) stellæ numerarunt mille viginti duas, aut viginti quatuor, quas ad imagines 48 redegerunt. His plures in cælo non esse inde probat *Clavius*, quia serenâ nocte si quis stellæ diligenter observet, & cum iis quæ videntur globum conferat, nullam aliam præter eas quæ in globo notatæ sunt reperiet, imò vix minimas in eodem notatas observabit. Sunt tamen qui numerum stellarum definiunt 7000, ut respondeat plantarum numero, qui tantus quoque esse creditur: Unde singulis plantis stellæ singulas assignant, & sic plantarum vires ex cælo devocant. Quin etiam ulterius recentiorum sunt nonnulli progressi, ausique affirmare, non compertum esse tantum stellarum in cælo numerum, sed & sciri posse, si universi firmamenti concavitas usquequaque primæ magnitudinis stellis repleta esset, adeo ut vacui inter stellæ spatii nihil intercederet, quantus earum esset futurus numerus: Numerum autem certum exploratumque definirunt 71209500 *Clavius*, in *Sphærâ*, pag. 189. *Baribolinus*, in *Astrolog. num.* 293, 294, &c.

II. Hæc quidem Mathematicorum est de stellarum numero sententia. Theologos si audiamus, diversum illi sentient, nec temerè; itantibus præsertim à partibus ipsorum sacris literis, quæ stellarum numerationem impossibilem hominibus haud obscure innuunt, solamque Dei prærogativam faciunt. Locust est omnium manifestissimus, Jerem. xxxiii. 22. Quemadmodum non potest numerari exercitus cæli (i. e. stellæ,) nec mensurari potest arena maris, sic multiplicabo semen Davidis servi mei, & Levitici ministrantes mihi. Psalm. cxlvii 4. Stellarum numeratio tanquam opus humanis viribus majus peculiariter Deo adscribitur: Verba Prophetæ sunt, Qui numerat multitudinem stellarum, & eis omnibus nomina vocat. Accedit huc quod Gen. xv. 5. Abrahamo in Mathematicâ palæstrâ ex Chaldeorum institutione planè subæsto impossibilibus stellarum numeratio haud obscure ab ipso Deo judicatur, dum inquit, Suffice cælum; & numera stellæ, si potes: sic erit semen tuum. Et sanè plures longè stellæ esse quàm vulgus Mathematicorum numerat, clarissimè omnium comitat ex Deut. i. 10. ubi Moyses inquit, Dominus Deus noster multiplicavit vos, & ecce estis hodie sicut stellæ cæli in multitudine. At docet liber Numerorum, c. i. v. 46. Hebræorum tum numerum excessisse, eorum duntaxat qui vicefimum supergressi annum gestandis armis erant idonei, 603550, non numeratis rudè donatis senibus, foeminis, liberis infra vicefimum annum, qui dubio procul duplo fuerunt plures. Ad hos verò quid stellæ à Mathematicis numeratæ mille vigin-

ti duæ? Taceo jam quod ante paucos annos Italus Mathematicus, *Galilæus Galilæi*, de quatuor novis Planetis aliisque illustribus stellis hæcenus incognitis à se in coelo observatis publico scripto sit gloriatus. Cui ex doctis haud pauci suffragantur. Recens quoque inventum est Batavi cujusdam *fistula dioptrica*, quæ *Galilæi* observationes mirè confirmat: Hujus enim ope anno MD CIX mundum *Foviam* detexit & descripsit *Simon Marius* Mathematicus Brandeburgicus: Observavit autem circa *Foviam* quatuor parvas stellulas, quæ fidus ejus modò antecedunt modò sequuntur. Vide scriptum ejus hæc de re editum. Eadem sidera ope perspicilli istius plures alii deinceps viderunt. Scribitque *Leffius* lib. I. De provid. n. 18. innumerabilem stellarum multitudinem omnibus Astronomis ad hoc usque tempus irreperitam adminiculo hujus instrumenti distinctissime in coelo notari. Lacteam circumculum taceo, quem innumerabili stellarum multitudine conspersum plerorumque sententia est. Tantum abest ut circa censuram admitti possit receptus vulgò numerus stellarum, quem & veterum Theologorum & Philosophorum præcipui suspectum habuerunt. *Basilium* & *Eusebium* ut prætereamus, naturæ mysteriis haud leviter imbutum *Augustinum* advocamus, cujus rationum ponderibus gravia sunt verba lib. 16. De civitate Dei c. 23. *Stellæ* di numerari non possunt, quia nec omnes eas videri posse credendum est, nam quantum quisque acutius intuetur tantò plures videt. Unde & acerrimè cernentibus aliquas occultas esse merito existimamus, exceptis iis sideribus quæ in aliquâ parie orbis à nobis remotissimâ oriri & occidere perhibentur. Aristotelis verba sunt 2. De coelo, Siderum inerrantium numerum à mortalibus iniri non posse. Eadem Platonis & Senecæ mens est. Itaque Scripturæ securus vestigia non dubito affirmare, stellarum aliquot centena millia esse. Illâ enim phrasi, *Estis sicut stellæ cæli in multitudine*, quid aliud indigitat Deus quàm quodammodo parem stellarum & Israelitarum numerum tum fuisse, vel certè alterum altero non adeò multò majorem vel minorem: Atqui dubium non est, ut paulò antè diximus, quin *Levitæ*, foeminae, senes, & qui infra viginti annos erant, duplò plures fuerint viris bellatoribus, qui soli numerantur. Unde numerus evadet ad minimum 1810650.

III. *Clavius* in Sphær. pag. 149. ad loca Scripturæ Genes. xv, xxii, xxvi. quibus promittit Deus *Abrahamo* se semen ejus multiplicaturum ut *stellas cæli*, respondet, Intelligendum id esse secundum communem sententiam vulgi existimantis infinitam esse stellarum multitudinem, dum eas nocte serenâ

confuse intuetur: non autem quoddam revera tanta sit multitudo stellarum quanta esset futura multitudo filiorum *Abrahami*.

Resp. 1. Profanum est dicere, non ad veritatem sed ad apparentiam tantummodo, ex vulgi imperiti & amentis judicio, locutum esse Deum in promissione tam illustri & toties repetitâ. 2. Cum veram non apparentem duntaxat multitudinem filiorum *Abrahamo* Deus promiserit, eamque collatione alterius multitudinis illustrare & confirmare ipsi libuerit, eccur dicamus apparente & fictitiâ multitudine Deum maluisse uti quàm verâ & in rerum naturâ existente? Itâ si Scripturas interpretemur, fidei *πληροφορία* facillimè labefactabitur, & facilius in eam sententiam profanus aliquis induci poterit ut non veram sed apparentem tantum sobolis numerositatem *Abrahamo* promissam sibi persuadeat. 3. Si stellæ revera non essent nisi MXXII, quàm exiguum quæso, esset quod *Abrahamo* Deus promissit? Nonne hæc ratione animus ejus potiùs deiecit quàm erexit? Nec enim res erat Deo cum homine coelestium rerum imperito & rudi, sed scientissimo, qui non tantum *Chalæorum* doctrinâ, hoc est, scientiâ siderali, imbutus, ejusque temporis Doctor celeberrimus fuerat, sed ipso etiam *Noacho*, ut aliàs ostendimus, uti præceptore poterat, & à sanctis Patriarchis eximiam Dei & operum Divinorum notitiam acceperat. Si igitur plures in coelo stellæ non essent quàm vel mille, vel etiam ter aut quater mille, *Abrahamam* certè id minimè fugisset, adeoque exiguam seminis multiplicationem sibi promitti facillè intellexisset.

Sed excipit *Clavius* 1: Cum imagines stellarum sint 48, in singulis constellationibus plures fore stellas quàm 10000. Atqui nè 100. quidem in maximâ videntur. Resp. In imagines non sunt redactæ stellæ, nisi quæ olim videri & à se invicem dignosci potuerunt: præter eas verò in coelo plures alias non esse, quis Mathematicis crediderit & non potiùs Scripturæ maximam stellarum multitudinem nobis haud obscure indigant? Sint igitur tantum XLVIII constellationes à Mathematicis constitutæ, earumque maxima ne centum quidem stellas huc usque notas habeat: quid tum postea? ideòne plures non erunt? Anne verò ante CL annos, Americâ nondum repertâ, plures habitati orbis provinciæ non erant quàm à Geographicis tum temporis numeratæ fuere?

Excipit 2. Si in singulis constellationibus plures essent stellæ quàm 10000, mirum esset Astronomos in earum numeratione errasse hoc tanto numero, 10000 ferè. Resp. Si maximè ponamus

omnes stellas ambitu imaginum illarum *XLVIII* contineri, mirum tamen non erit ab Astronomis tam paucas esse notatas; quia plures videre non potuerunt. Nec mirum erit, ut *Clavio* videtur, qui in tantâ multitudine discernere potuerint stellas quas imaginibus tribuerunt: Si enim alias videre non potuerunt, utique faciliè quas viderunt discernere potuerunt.

Excipit 3. *Israelitas* longè plures fuisse quàm stellas: Verba igitur Scripturæ non posse accipi ut sonant. Antecedens probat; Quia si maximè singulis constellationibus tribuantur 10000 stellæ, in toto tamen cælo non nisi 480000 stellas futuras, quibus longè plures fuerunt *Israelitæ*. Imò si tota firmamenti concavitas primæ magnitudinis repleta esset stellis, ita ut vacui spatii inter eas nihil intercederet, non essent stellæ nisi 71209600: quibus plures in tot. annorum seculis *Abrahami* filios fuisse nemo faciliè negaverit, cum in egressu ex *Ægypto* tam fuerit numerosus hic populus. *Resp.* Antecedens non adeò liquidum est quàm fortè putat *Clavio*. Ad priorè probationem de *XLVIII* constellationibus iam antè respondimus. Quòd si tamen omnino ad hæc constellationes referendæ essent omnes stellæ & æqualiter distribuendæ, longè plures quàm 10000 singulis tribuendæ fuerint: Nec enim credibile est Deum filiorum *Abrahami* numerum fuisse comparaturum cum stellarum multitudine, si plures stellæ non essent quàm 480000: hæc enim vix tertia pars multitudinis *Israelitarum* qui ex *Ægypto* exceſſerunt. Posterior probatio lubrico nititur fundamento, de dimensione firmamenti & stellarum. Et cur ad primæ magnitudinis stellas omnia revocantur, cum etiam quintæ & sextæ sint magnitudinis, imò cum dubium non sit quin his omnibus longè minores plurimæ sint, quæ oculorum nostrorum aciem ex tanto intervallo effugiunt? Nec illud adeò est liquidum, loqui Deum de multitudine filiorum *Israel* quæ ad mundi finem usque sit futura, an de multitudine eorum qui simul aliquando erant victuri, de quo expressè loquitur *Moses* Deut. i. 10. *Estis hodie sicut stellæ cæli in multitudine*. Hactenus antecedens. Deinde & consequentia negatur. Etenim paritatem numeri *αλδτε* Scriptura indigitat, non quòd exactè par sit stellarum & *Israelitarum* numerus, sed quòd ut maxima est stellarum multitudo ita & maxima *Israelitarum* sit futura. Unde ex numero filiorum *Israelis* non præcisè stellarum numerum conficimus, quasi major minorve illo non sit, sed indefinitam: saltem earum multitudinem, quam maximam appellamus, quia maximam inde *Israelitarum* multitudinem intelligi & colligi ipse Deus

vult. Hæc dubio procul ipse *Clavio* cum ponderaret, sententiam suam & receptum stellarum numerum non adeò pertinaciter propugnat: Unde subjicit, *Dici etiam potest, Scripturam loqui de omnibus stellis quæ in cælo sunt, etiam de illis quæ minores sunt quàm quæ in sex differentiis continentur, quæ fortasse innumerabiles sunt: Deum autem tum ita intendisse aciem oculorum Abrahamo ut eas omnes in cælo adspiceret.* Et hactenus de numero stellarum.

IV. Et hactenus quidem stellarum qualitates & affectiones tam efficaces quàm inefficaces ordine explicuimus. Hactamen doctrinâ plurimi haud acquiescunt: Itaque qualitates occultas innumeras stellis adscribunt, & communi *cælestis influxus* vel *influentiæ* nomine indignant. Peculiarem hunc influxum Patres *Conimbricenses* asserunt 2. De cælo, cap. 3. q. 3. art. 2. asserunt. 2. quem sequentibus argumentis & exemplis adstruunt. 1. Sidera nonnulla habent frigeſcendi vim: Ergò non solo lumine & calore agunt. Antecedens probatur exemplo *Saturni*. 2. Alia humectandi vim habent: Ergò non solo lumine & calore agunt: ab his enim principiis humor arceſſi non potest. Antecedens probatur exemplo *Lunæ*, *Hyadum*, &c. 3. Astra progredient aurum & metalla in imis terræ visceribus, quòd lumen & calor non penetrant: Ergò qualitate occultâ hoc faciunt. 4. Magnes attrahitur à partibus polo vicinis: Ergò vim habet attractricem singularem à luce & calore distinctam. 5. Luna efficit effluxum & refluxum Oceani, etiam cum in nostro hemisphærio non appareat, nec ullam in id lucem vel calorem effundit: Ergò virtute peculiari id efficit. 6. Luna dum cum Sole coit, vehementius movet hæc inferiora, & in morbidis corporibus sæpe acriorem vim doloris efficit: Ergò occultâ qualitate hoc efficit. Ratio consequentiæ; Quia in eo congressu multò minorem lucem possidet. 7. Cælum est causa per se omnium qualitatum primarum: Ergò alias in se habet qualitates quàm quæ hactenus à nobis sunt explicatæ. Antecedens probatur; Quia cælum est causa universalis, & tanquam primum alterans potestate in se continet omnia elementa. Addunt alii 8. Plantæ peculiare suas à stellis vires habent, quæ ad calorem vel lucem referri nequeunt; *Marsilius* De vitâ cælitus comparandâ cap. 8. & 12. Ergò singulares stellarum sunt influentiæ & occultæ qualitates. 9. Planetæ certas hominibus figuras conferunt, quæ ex manifestis qualitatibus derivari nequeunt: Ergò ab occultis ea proveniunt. 10. Cælitus conciliantur hominibus varii mores, ut & *Thomas* lib. 3. Contra Gent. cap. 3. scribit, *Miles in vincendo, agricola*

agricola in plantando, medicus in sanando per astra felix redditur: Ergo occultæ astris sunt influentiæ & qualitates: nec enim referri hæc possunt ad primas qualitates.

V. Equidem ut iniquos esse puto qui nullas astris qualitates relinquunt nisi quæ notæ nobis & exploratæ sunt, ita & nimium persuasionibus suis indulgere & tribuere iudico qui quævis cerebri sui figmenta in cælum inferunt, & omnis ignorantia suæ latibula in occultis astrorum qualitatibus quærunt, ut nihil ignorare videantur: Qui & hoc nomine mihi videntur culpandi, quod ad occultas qualitates multa referant quæ à manifestis astrorum qualitatibus manant, plurima occultis stellarum influentiis affingant quorum extra cælum manifestæ existant causæ. Præstaret igitur circa plerisque cœli occultas qualitates ingenuam confiteri ignorantiam quam temerariam profiteri scientiam, & profanitatem instillare simplicium animis. Ad singula igitur vel exempla vel argumenta ordine respondeamus, & quid valeant videamus.

Ad 1^m. Antecedens nego, Si de frigefaciendi vi per se astris inherente loquatur. Existimo enim omnia astra esse actu calida, non tamen omnia æque calida. Quod si quæ minus calefaciunt frigefacere dixeris, impropria fuerit locutio, quæ ut cœlo frigus non inferit, ita nec occultam alterius generis qualitatem quæ frigus efficiat. Frigus sublunarem mundum infestat, Sole à nostro vertice declinante, ut sit hyberno tempore, nullâ tamen Solis vel cuiusque alterius stellæ positivâ actione, sed caloris duntaxat subtractione, quâ frigori in sublunari mundo latitante sese exferendi nostrumque aerem invadendi præbetur occasio & via quasi panditur. Quod de Saturno aiunt, traditio est Astrologica, quæ per se ad assensum neminem obligat. Novi quàm exosa sit Astrologis sententia hæc: Gratulor tamen mihi de assensu maximi Astronomi Kepleri, qui desiderum sententiâ nemini facile concesserit, & vel sexcentis aliis palmam præripuerit. Sic igitur ille de stellâ Serpentarii, cap. 6. *Propriè non est siderum vel fizzare vel humectare hæc inferiora, nisi per accidens, antegresso calefactionis certo gradu; Multò minus ex se frigefaciunt. Quatenus verò quævis calefaciunt, eatenus & ipsa calida; Solem verò ferventiſſimum assero. Unde quidem*

ex qualitatibus apud me nulla est signorum distinctio

Ad 2^m. Antecedens negatur, Si humectandi vis à vi calefaciendi alia intelligatur. Nec enim aliter humectat Luna quàm moderatè calefaciendo, quomodo humores crassos resolvit & ad fluxum aptat, ut subtilitate suâ magis humectent latius diffusâ: De quo plura suo loco.

Ad 3^m. Antecedens falsum est, si ad ima terræ viscera astrorum calorem penetrare neges.

Ad 4^m. Antecedens dubiæ veritatis est. Credibile est activum motûs principium in magnete potius quàm extra magnetem esse: Et si maxime externum motûs huius esset principium, incertum tamen esset ad polum an ad terras polo subjectas id referri deberet.

Ad 5^m. Antecedens falsum esse Sectione IV. De elementis monstrabimus.

Ad 6^m. Concessio antecedente, quod tamen perpetuæ veritatis non videtur, consequentiam negamus. Ratio est; Quod in conjunctione ut lumen ita & calorem nobis subtrahat, cuius ut excessum ita & defectum ægrè ferre corpora morbosa si dixeris, pertinaciter non contradixero.

Ad 7^m. Antecedens nego. Ratio negationis est; Quia primæ qualitates fuerunt antequam cælum & sidera essent. Etenim cælum secundo demum die creatum est, primo autem aqua & terra, quæ dubio procul qualitatum primarum expertia non fuerunt. Sed non tam ad cælum quàm stellas qualitatum primarum originem refert Schola Peripatetica; unde redargui dogma hoc longè facilius poterit. Sunt enim stellæ quarto demum die creatæ, cum plantæ jam essent creatæ, quibus primæ qualitates non defuerunt.

Ad 8^m. Antecedens negamus. Ut enim plantæ ante stellas à Deo sunt creatæ, sic & vires suas proprias ante stellas à Conditoribus acceperunt, siquidem à formis eæ fluunt. Nihil igitur plantis stellæ conferunt nisi maturationem, quâ vires in naturâ latent magis magisque excitari non negamus, sic occultis ad actionem hanc qualitatibus esse opus haud concedimus.

Ad 9^m. Antecedens *παρδδης* est Astrologica, quam nec Theologicæ nec Philosophicæ Scholæ omnes admittunt.

Ad 10^m. Eiusdem ponderis antecedens est: De quo plura deinceps

CAPUT. XVI.

De Stellis fixis in genere, earumque distinctione ex adjunctis.

Distinctio stellarum in fixas & errantes : Th. I. Specifica stellarum differentia aseritur : *exd.* 1. Impugnatur : 2. Examinantur assertionis argumenta : 3. Stellæ fixæ : Th. II. Ratio denominationis : *exd.* 1. Distinctio earum à Planetis : 2. Stellæ notæ vel ignotæ : Th. III. Ignotæ *απορρητοι* dictæ : Th. IV. Cur sic dictæ : *exd.* 1. *γυμνασία* descriptio : 2. Subiectum & efficientes : 3. Stellæ notæ : Th. V. Earum numerus : Th. VI. Hodie major quàm olim : *exd.* 1. Considerantur rationes Aristotelis, cur in octavâ spherâ tot stellæ fulgeant, in reliquis orbibus non nisi singulis singula : 2. Distinctio stellarum : Th. VII. Ex adjunctis : Th. VIII. Ex magnitudine : Th. IX. Stellæ primæ magnitudinis : Th. X. Collatio diametri harum stellarum cum diametro terreno : *exd.* Stellæ secundæ magnitudinis : Th. XI. Diametri harum cum terreno collatio : *exd.* Stellæ tertiæ magnitudinis : Th. XII. Collatio diametri harum cum terreno : *exd.* Stellæ quartæ magnitudinis : Th. XIII. Collatio iidem harum cum terreno : *exd.* Stellæ quintæ magnitudinis : Th. XIV. Diametri collatio cum terreno : *exd.* Stellæ sextæ magnitudinis : Th. XV. Diameter harum stellarum collatus cum diametro terreno : *exd.* 1. Judicium nonnullorum de incertis astrophorum quantitativis probatur : 2. Distinctio stellarum de figurâ. Th. XVI. Cur & quando stellæ sub certis imaginibus adumbratæ : *exd.* 1. Imagines illas sine superstitione tolerari posse conceditur.

THESIS I.

Hactenus stellarum Affectiones. Distinguuntur ex in fixas & errantes.

Exd.

I. Quæritur hoc loco, *An stellæ differant specie.* Pro specificâ differentiâ plerique depouunt. *Hurtadus* Disputat. 1. de essentiâ & naturâ coeli, sect. 3. §. 23, 24, 25, 26. hisce pugnat argumentis ;

1. Planetæ diversissimos habent effectus : Ergo specie differunt. Antecedens probatur ex doctrinâ Astrologicâ : *Saturhus* frigiditatem influit, & melancholiam efficit ; *Jupiter* benignus, *Mars* ferrox, *Venus* impudica ; *Luna* mare movet, quod alii Planetæ non faciunt ; *Sol* omnibus antecellit.

2. Stellæ differunt à se claritate & luce : Ergo specie. Antecedens sensum iudicio patet, & à Scripturâ quoque aseritur, 1. Cor. xv. 41. Dan. xii. 3. Ratio consequentiæ ; Quia diversitas lucis & claritatis est à diversitate essentiæ vel formæ.

3. *Ursa minor* allieit magnetem, quod fixarum aliarum nulla facit : Ergo specie differunt fixæ stellæ. Hæc *Hurtadus*. Quibus alii addunt,

4. Situ motuque stellæ differunt. Ergo specie seu formis specificis, à quibus vel diversi sunt motus vel certæ inclinationes ad epos ; quæ diversa loca requirunt.

5. Si stellæ essent ejusdem speciei cum Sole, omnes ex se haberent lucem : Atqui falsum consequens : Ergo & antecedens. Connexi ratio est ; Quia omnis forma quæ per se consequitur naturam

aliquam, consequitur omnia individua ejusdem naturæ. Assumptio probatur exemplo Lunæ, quæ ex se lucem non habet ; ut patet ex eclipsi.

II. Contrâ in *Physicis* *Danaus* tract. 4. cap. 27. affirmat omnia alia ejusdem esse speciei. *Conimbricenses* asserunt stellas fixas specie non differre ab octavo orbe ; multo igitur minus à se invicem differre eas asserunt : quia plus externæ similitudinis est inter fixas quàm inter orbem & fixas. Approbat hanc consequentiam *Sonicinus* 1. 2. *Metaph.* q. 10. Etiam si sententiam *Conimbricensium* improbat. Allegat quoque *Sonicinus* Commentariorum in 2. *De Cæl.* comment. 99. qui in sententiam hanc trahere *Aristotelem* nititur, propterea quod ex unius stellæ figurâ sphericâ concludat omnes esse sphericas : Quam demonstrationem hoc ait principio niti, quod omnia corpora cælestia sint ejusdem naturæ specificæ : hinc enim sequitur in omnibus individuis ejusdem speciei esse quod essentialiter in uno est.

Etsi verò evidens stellarum differentia nobis nulla apparet nisi in calore, luce, quantitate situ & motu, hæc verò affectiones specificam differentiam necessariò non arguunt, tamen circa questionem hanc temerè nihil affirmandum vel negandum jaudico ; Si quidem fieri potest ut stellarum naturam probe exploratam non habeamus. Interim rationes pro specificâ differentiâ allatas necessariè illationis esse haud arbitror. Breviter igitur ad singulas respondebo.

III. Ad 1^m. Si de effectibus per se loquatur, antecedens laboriosam requirit probationem. Quæ adducitur ex Astrologorum placitis, fidem apud plu-

plurimos non invenit. Quod si de effectibus per accidens loquatur, nullius efficaciarum consequentia erit: Sic enim ab unâ numero causâ etiam contrarios effectus prodire posse testatur experientia. Imò nè effectuum quidem per se varietas specificam differentiam necessario arguit. Vide mihi, quæso, quàm diversa sine hominum effecta qui tamen à se specie non differunt. Qui metalla specificis formis à se negant differre, inconsequentiarum rationem hanc plenius faucibus accusabunt. Quid? quod una eadem numero res diversos habere effectus possit, quam tamen à se ipsâ numero nedum specie differre nemo sanæ mentis dixerit. Exemplo sunt qualitates primæ, quarum operationes secundæ sunt variaz & diversæ, ut Sectione primâ ostendimus. Idem in plantis & metallis videre est. Imò aeris, quem quotidie haurimus, diversissimos esse effectus seu actiones singulis annis experimur.

Ad 2^m. Consequentiam negamus. Ratio falsa est. Diversi qualitarum gradus non arguunt necessario diversitatem formarum specificarum.

Ad 3^m. Antecedens hætenus evidenter nondum probari potuit.

Ad 4^m. Consequentiam negamus: Sequeretur enim stellas quasdam à se ipsis differre specie. Constat enim planetas modò altiores modò humiliores esse, & modò orbico modò recto moveri motu, quando descendunt vel ascendunt. Quàm varius sit ejusdem animalis motus nemo nescit; nec tamen idem à seipso specie, vel numero etiam, differt.

Ad 5^m. Assumptionem falsam esse supra ostendimus, & ad probationem respondimus.

THESIS II.

Fixæ sunt, quæ in firmamento, vulgò octavâ spherâ, immutabilibus inter se currunt intervallis, eandem perpetuò à terrâ distantiam servantes, & scintillantæ.

"Evidet."

I. Fixæ dicuntur stellæ, non quod clavorum in star orbibus seu rotis sint infixæ, aut progressum in cælo nullum faciant: hoc enim & sensui nostro & stellarum naturæ repugnat: sed quia eundem perpetuò servant situm, propinquitatem, distantiam: Accedit quoque tam lentus in Meridiem & Septentrionem, quem motum vulgò ab occasu vocant, earum flexus, ut vix percipi vel centum annis possit. Quibus quidem respectibus Planetis opponuntur, quos diverso ferri incessu vulgò docent, cum velo-

citæ tum tarditate plurimùm discrepantes, atque situ etiam: quosdam namque exortum petere, in occasum alios remeare, porrò in austrum dejici hos, in occasum propelli illos: ideòque ex motus inæqualitate, intervalli sitisque mutatione crebrâ, nomen quoque indeptos.

II. Porrò id quo à Planetis fixæ distinguuntur stellæ vulgò *scintillario* nuncupatur. Hinc facta ejus in definitione fixarum stellarum mentio, quia pars quædam differentiarum accidentalium in eâ consistit. Est autem scintillatio aliud nihil nisi luminis fiderei à nobis remotissimi apparetis tremor. Cujus quidem à Philosophis variaz adferri solent causas. 1. Nonnulli fixas scintillare aiunt propter rapidissimum firmamenti motum. 2. Alii contendunt stellas obtinere vices speculorum, & radios Solis reflectere: unde accedente continuo motu incidentiarum & reflectionis angulos variari, & quandam quasi vibrationis speciem representari aiunt. 3. Alii tremorem hunc adscribunt aeris trepidationi vel circumvolutioni. Putant enim aerem perpetuò moveri, & tremulam suam vim stellarum luminini, quod transmittit, imprimere. 4. Alii ventis inconstantibus & obturbantibus tremorem hunc imputant. 5. Alii in halitus, vapores roridos & nubes densas causam referunt. In has enim incidens lumen quasi trepidare videtur. 6. Alii lumen non sine motu spargi existimant, & sub motu ad visum cum tremore deferri. 7. Alii efficaci stellarum lumine oculos nostros perstringi opinantur & quasi tremebundos effici, unde ipsæmet stellæ videantur contremiscere. 8. Alii denique in immensâ stellarum fixarum à nobis distantia causam quærunt. Ob ingentem enim loci interapedinem oculi nostri laborantes & in debilibus fixarum imaginibus recipiendis nutantes ac vacillantes ipsas stellas vacillare & trepidare judicant. Rationem hanc reddit *Aristoteles* libr. 2. De cælo: quem sequuntur plerique Peripatetici, à quibus nec nobis jam discedendum arbitramur. Priores enim septem rationes pluribus obnoxie sunt difficultatibus, partim falsum supponentes, ut prima, secunda & tertia; partim scintillationem fixis cum erraticis commuam facientes; ut quarta, quinta, sexta, septima. Quintam tamen & *Scaliger* approbat, Exercit. 63. Unde rationem reddit cur stellæ quædam in oriente magis scintillent quàm in cæli vertice. Observandum tamen, superiores quoque Planetas, ut *Saturnum* & *Jovem*, quandoque scintillare visos, cum & ipsi à terrâ sint remotissimi. Recens est observatio *Simonis Marii*, qui ut de stellis nova pandit multa perspicilli novi ope observata, ita de scintillatione quoque novum hoc refert, in

præfatione *Mundi Fovialis*, solâ exceptâ *Lunâ*, omnes in cœlo stellas scintillare : Inter Planetas autem omnium minimè *Saturnum*, post *Jovem*, tertio *Martem*, hinc *Venerem*, *Mercurium* autem validissimè scintillare. Hæc si vera sunt, in veram scintillationis causam accuratius inquirendum erit : pleraque enim observatio videbitur elidere.

THESIS III.

Suntque ignotæ nobis vel notæ,

THESIS IV.

Ignotæ, quæ & *innumerabiles*, quamquam improprie, dicuntur, Græcis *απορροήσες*, sunt quæ observari hæcenus à Mathematicis & distingui non potuerunt.

ΕΝΔΕΙΞΙΣ.

I. Causa est duplex, vel nimia earum à terrâ distantia. Nam & firmamenti stellas æqualibus à terrâ intervallis abesse verisimile non fit, quod vel nuperum Itali Mathematici, qui primæ magnitudinis stellas plures quam vulgus speculi cuiusdam à se confecti ope observavit, inventum comprobant. Nam si & ex pari cum reliquis intervallo à terrâ distarent, cur tot sæculis jam labentibus à nostris observati non essent ? Vel minima earum quantitas, quæ in causâ sæpenumero ut longius à nobis distaret planè non conspiciantur. Olim tamen ignotas paucos ante annos innotuisse perspicillorum administrato, paulò antè meminimus. Veteribus quoque ignotas detexit *America Europæis* reperta populis.

II. Notandum autem à stellarum harum numerosâ densâque serie, ex eruditorum quorundam sententiâ, *γалаξίας*, Latinis *viam lacteam*, vulgò *Facobi viam*, produci : Cujus sententiæ veritas ut fiat manifestior, rem ipsam primò delineabimus, exinde causas ejus investigabimus.

Describitur *γалаξίας* quoddam sit *Zona in cœlo latissima lactis colorem representans, hoc est, lucida, candida, eundem perpetuò situm, quantitatem & distantiam à terrâ servans, Longitudine suâ totum cingens cœlum, idemque in duas partes secans, in Sagittario nimirum & Geminis. Meminit hujus Ovidius in Metam.*

*Est via sublimis cœlo manifesta sereno,
Lactea nomen habet, candore notabilis ipso.*

III. De circuli seu Zone hujus subjecto & efficiente acriter contendunt Philosophi, iique in multiplices distracti sensus. Veritas hisce duobus contineri videtur axiomatibus ;

Primum, *Lacteus circulus in inferiori aere, quem Meteororum rectè dixeris officinam, collocatus non est, sed in supremo, qui stellis inerrantibus est conspicuus.*

Propositio probari potest his fere rationibus ;

1. Cum *γалаξίας* oculi nostri aciem terminet, si inferior esset Planetis & stellis inerrantibus, utiq; stellas tam errantes quam inerrantes rectè à lineâ supra se positas ab oculis nostris eadem in lineâ constitutis averteret ; aut sanè stellarum lucem aliquâ ex parte fulgore suo dissimili immutaret : At tale nihil contingit : Ergo stellis *γалаξίας* inferior non est.

2. Idem motus declinationis, qui vulgò ab occasu dicitur in ortum, in *γалаξία* & stellis fixis animadvertitur : Ergo idem utrorumque est situs, pendetque motus *γалаξίας* à siderum fixorum motibus.

3. Si inferiori in aere esset, uti *Aristoteli* quoque inter alios placuit, esse dubio procul Meteororum : omnia enim inferioris aeris phasmata naturalia Meteora sunt : Atqui *γалаξίας* Meteorum non est : Ergo in inferiori aere non est constituta. Assumptio probari multis rationibus potest : Præcipuæ sunt hæc ; 1. Meteora non sunt perpetua : *γалаξίας* seu *viam lacteam* est perpetua : Ergo Non est meteorum. 2. Meteora à terrâ eandem perpetuò non servant distantiam : At *γалаξίας* servat : Ergo meteorum non est. 3. Meteora ignea quantitatem subinde mutant : At *γалаξίας* non mutat : Ergo meteorum non est. 4. Meteora in cœlo eundem situm non servant : At *γалаξίας* servat : Ergo, meteorum non est. 5. Meteora per universam terram cerni non possunt : *γалаξίας* per universam cernitur : Ergo Meteorum non est. Sic de subiecto *γалаξίας*.

Secundum axioma, *Lactea via oriatur à maximâ minimarum stellarum intra Geminis & Sagittarii spisso tractu quasi disseminatam frequentia.* Cum enim minimæ sint & à nobis longissimè distaret, sit ut discretas ad nos facies deferre nequeant, confuso igitur quodam lumine, eoque debili, ut è colore constet albicanti, oculis nostris obijciuntur. Addunt nonnulli partes illas firmamenti densiores, ideòq; ad lumen aliquo modo retinendum aptiores.

THESIS V.

Notæ sunt, quas sedula Mathematicorum contemplatio observavit, numeravit & distinxit.

THESIS VI.

Numerus notarum ab Astronomis definitur.

finitur, Mille viginti duæ: Quibus alii unam, alii duas addunt.

EXPOSITIO.

I. Tot enim hæcenus superiorum seculorum Mathematicis observatæ fuerunt & numeratæ, tot etiam in globis cœlestibus artificialibus expressæ. Numerum hunc, inquit, in globo depictum qui asperserit cum stellis in celo contuleris, vix notabit vel minimam quam notatam in globo non reperiat. Quod tamen intelligendum de stellis quæ antiquis notisque in regionibus observari potuerunt. In Novo enim orbe, quem veteribus incognitum patrum nostrorum memoriâ longinquæ peregrinationes & navigationes detexerunt, præter hæc splendore & magnitudine insignes Mathematicum periti observarunt plures alias. Scribitque *Vesputius* stellam vidisse se haud procul à polo, quæ circumferentiam haberet graduum triginta duorum. Idem ad polum meridionalem viginti insignia observavit sidera hæcenus incognita. In nostro etiam hemisphærio superioribus annis sedula Mathematicorum speculatio dioptriciis adjura instrumentis longè plura observavit, ut suprà notavimus.

II. *Aristoteles*, 2. De cœlo cap. 12. quærentibus cur in firmamento, quàm vulgò octavam appellant sphaeram, tot stellæ fulgeant, in inferioribus autem orbibus, quibus Planetae deferuntur, singula tantum in singulis, respondet tribus de causis id factum esse: 1. Quia omnium orbium est excellentissimus, primo ratione nobilioris Intelligentiæ à quâ movetur, deinde ratione universalioris causalitatis, Quia immediatius se habet ad primum motorem, Quia continet & circumvehit alias sphaeras, Quia denique motus ejus simplicissimus & velocissimus est. 2. Quia voluit natura hæc in re quasi æquabilem juris compensationem servare, dum plures dedit stellas cui pauciores dedit motus. At inferiorum mobilium plures sunt motus quàm firmamenti, 3. Quia primo motori parum foret accommodatum, si cum inferiores omnes orbis circumferat, plures quoque stellas in iisdem orbibus circumagere deberet: proportio enim hæc ratione tolleretur. Rationes hæc *Aristotelis* exagitare animus nobis non est. Breviter tamen notamus singulas falsis niti hypothèsibus; quales sunt de Intelligentiis orbium cœlestium motoribus, & motuum cœlestium contrarietatibus. Quòd si verò maximè veræ essent hæc hypothèses, rationes tamen singulæ essent inconsequentes. Verissima igitur ad propositam quæstionem responsio est, quòd Creator in inferioribus expansi partibus singulis plures stellas noluerit collocare, quòdque mundus hic sublunaris plures non desideraverit.

THESIS VII.

Distinctio sumitur ex Adjunctis & Subjectis.

THESIS VIII.

Ex adjunctis, Magnitudine vel Figurâ.

THESIS IX.

Ex magnitudine dicuntur aliæ Primæ, aliæ Secundæ, aliæ Tertiæ, aliæ Quartæ, aliæ Quintæ, aliæ Sextæ magnitudinis.

THESIS X.

Primæ magnitudinis & maximæ numero xv sunt: Quæ cum universo terræ globo comparatæ, magnitudinem ejus perhibentur continere 107 $\frac{1}{2}$.

EXPOSITIO.

Igitur diameter cujuslibet stellæ magnitudinis primæ ad diametrum terræ proportionem habet quam 19 ad 4, adeoque in se continet terræ diametros 4 $\frac{1}{2}$: habetque stella primæ magnitudinis eandem proportionem ad terram quam 6859 ad 64.

THESIS XI.

Secundæ magnitudinis sunt numero xlv: Quæ terræ magnitudinem continent 90 $\frac{1}{2}$.

EXPOSITIO.

Diameter igitur cujuslibet stellæ magnitudinis secundæ ad diametrum terræ proportionem habet quam 269 ad 60, adeoque in se continet terræ diametros 4 $\frac{29}{60}$: habetque stella secundæ magnitudinis eandem proportionem ad terram quam 19465109 ad 216000.

THESIS XII.

Tertiæ magnitudinis numero ccviii sunt: Quæ terræ magnitudinem continent 72 $\frac{1}{2}$.

EXPOSITIO.

Diameter igitur stellæ magnitudinis tertiæ ad diametrum terræ proportionem habet quam 25 ad 6, adeoque in se continet terræ diametros 4 $\frac{1}{6}$: habetque stella magnitudinis tertiæ eandem proportionem ad terram quam 15624 ad 216.

THESIS XIII.

Quartæ magnitudinis numero cccclxxiv sunt: Quæ terræ magnitudinem continent 54 $\frac{1}{2}$.

EXPOSITIO.

*Ex Deot.

Diameter igitur stellæ magnitudinis quartæ ad diametrum terræ proportionem habet quam 19 ad 5, adeoque in se continet terræ diametros 3 $\frac{4}{5}$; habetque stella magnitudinis quartæ proportionem ad terram quam 68 $\frac{5}{9}$ ad 125.

THESIS. XIV.

Quintæ magnitudinis numero sunt CCXVII: quæ terræ magnitudinem continent 39 $\frac{1}{2}$.

*Ex Deot.

Diameter igitur stellæ magnitudinis quintæ ad diametrum terræ proportionem habet quam 119 ad 36, adeoque in se continet terræ diametros 3 $\frac{11}{16}$; habetque proportionem ad terram stella magnitudinis quintæ quam 168 $\frac{5}{11}$ ad 466 $\frac{5}{6}$.

THESIS XV.

Sextæ magnitudinis numero sunt XLIX: Quæ terræ magnitudinē continent 18 $\frac{1}{2}$.

*Ex Deot.

I. Diameter stellæ magnitudinis sextæ ad diametrum terræ proportionem habet quam 21 ad 8, continetque in se terræ diametros 2 $\frac{1}{2}$; & habet stella sextæ magnitudinis proportionem ad terram quam 9261 ad 512. Hisce exploratæ magnitudinis sideribus adjiciunt Mathematici, ad complendum numerum, quatuordecim alias, quarum quinque nebulosæ & novem obscuras, quarum hæcenus investigari magnitudo nondum potuit.

II. Norandum tamen, esse quibus parum certa hæc de astrorum quantitatibus Mathematicorum placita videantur. Verba huc accersunt quæ Jer. xxxi. 37. occurrunt, *Si poterunt, inquit Deus, mensurari celi sursum, & terræ fundamenta investigari deorsum, tunc ego abiciam universum semen Israel.* Equibus haud malè sic argumentari possit quispiam; Si terræ mensurari quantitas nō potest, multò minùs magnitudo stellarum mensurari poterit: Atqui verum prius: Ergo & posterius. Ratio consequentiæ in propositione est; Quia stella à nobis longissimè sunt distitæ, terra verò nostra est habitatio; illarum multas vix cernimus, hanc pedibus terimus, manibus palparamus, corporibus totis peragramus. Assumptio probatur; Nam si mensurari terra potest, abiciet utique Deus universum semen Israel, ut ipse apud *Jeremiam* testatur: At non obiciet Deus universum semen Israel: Mensurari igitur terra non potest.

Haud inconcinne igitur concludi videtur, stellarum magnitudinem certam à nobis definiri non posse.

THESIS XVI.

Sic de distinctione stellarum fixarum ex adjuncta magnitudine petita. E figura variè distinguuntur; Ut enim agnosci tantò facilius possent, è gentilibus Mathematicis in varia rerum vel animatarum vel inanimatarum idola distinctæ: Numerantur autem ea in universum XLVIII, vocanturque; *constellationes, asterismi, imagines.*

*Ex Deot.

I. Idola hæc ratio imaginata sibi est, cui placuit certo stellarum vicinarum numero vel Hominis, vel Canis, vel Equi, vel Ursi, vel Sagittæ, vel Aquilæ, vel Lyræ, &c. nomen indere, ob hanc præcipue causam, ut tantò faciliùs numerati, observari & distinguant possint stellæ. Scripsit ætate suâ *Seneca* lib. 7. Quæst. nat. cap. 25. Nondum esse annos mille quingentos ex quo *Græcia* stellis & numeros & nomina fecit. Constat tamen ex certiori Chronologiâ vix 700 annis ante *Senecam* *Græcos* accepisse scientiam siderum: Si quidem primus fuit *Thales* qui circa quinquagesimam Olympiadem aliquas de stellis observationes tradidit. Dubium tamen non est quin longè ante in hæc te laborarint *Chaldæi*, et si imaginum nomina à *Græcis* mutata esse ex fabulatum originibus manifestum est. Jam antè ostendimus constellationum aliquot in sacris quoque mentionem fieri.

II. Hæc verò imagines an à Christianis usurpari & tolerari illas conscientiâ possint, à nonnullis quaesitum est. Resp. Nomina quidem illa ficta sunt, & à superstitionis *Chaldæis*, *Græcis*que profecta; ex fabulis impiis quandoque petita; & præstaret habere nos alia à superstitionum gentilium sæce magis purgata: interim tamen cum aliâ non suppetant, & absque illis difficulter doctrina de stellis explicari tyronibus possit, existimo circa impietatem nos posse uti imaginibus illis, si modò veterum procul absit superstitio, & nulla fabulis habeatur fides, idque eo duntaxat fine ut his quasi discerniculis observari & agnosci à nobis possint. Quo fine etiam sacræ literæ locis aliquibus stellarum nomina à *Chaldæis* excogitata retinuerunt, ut videre est *Job* ix, & xxxviii. *Amos* v. *Jes.* xlii.

C A.

CAPUT XVII.

De xii. Zodiaci Signis.

Distinctio stellarum & subjectis locis: Th. I. Zodiacus quis, & unde dictus: exd. Stellæ Zodiaci: Th. II. In duodecim signa distributæ: exd. 1. Prima hujus distributionis origo: 2. Redditur distributionis ratio: 3. Astrologi veteres signa Zodiaci ab ejus imaginibus discernunt: 4. Ratio ordinis signorum: 5. Examinatur: 6. Ratio denominationis signorum: 7. Astronomorum sententia de numero & nominibus stellarum in singulis Zodiaci signis: 8. Distinctio signorum Zodiaci: Th. III. E subjectis: Th. IV. Signa septentrionalia: Th. V. Meridionalia: Th. VI. Explicatur dicta distinctio: exd. 1. Mathematicorum sententia de Dominio signorum: 2. Distributio signorum Zodiaci ex adjunctis: Th. VII. Declaratur: exd. 1. Examinatur: 2. Kepleri de trigonis sententia: 3. Trigonus igneus præ reliquis maximè celestis habetur: 4. Distributio signorum Zodiaci ex effectis: Th. VIII. Ratio distributionis: exd. Signa Zodiaci verna: Th. IX. Illustratio thesco: exd. Signa æstiva: Th. X. Illustratio thesco: exd. Autumnalia: Th. XI. Illustratio: exd. Hyberna: Th. XII. Illustratio: exd. 1. Judicium Astrologorum & Genethliacorum de signis Zodiaci recitatur: 2.

THESIS I.

Hactenus distinctio stellarum ex adjunctis: E subjectis locis distinguuntur, quod aliæ sint in Zodiaco, aliæ extra Zodiacum.

Exdemon.

Zodiacus in cælo circulus fingitur latus, qui æquatorem in duas æquales partes dividens, Septentrionem versum & Meridiem tenditur. Dicitur Zodiacus à τὸν ζῳόν, h. e. ab animalibus; quia duodecim signa cælestia, quæ pleraque animalium nominibus exprimuntur, continet. Alii sidera in media & extrema dividunt: Media ea vocant, quæ sunt in Zodiaco; extrema, quæ extra Zodiacum.

THESIS II.

Stellæ in Zodiaco numerantur cclxxxii, secundum alios ccxcvi: Quæ rediguntur in imagines xii, quas Zodiaci signa vulgè appellant. Quorum nomina sunt, Aries, Taurus, Gemini, Cancer, Leo, Virgo, Libra, Scorpius, Sagittarius, Capricornus, Aquarius, Pisces.

Exdemon.

I. Signa hæc duodecim, quæ Græcis vocantur δωδεκάμηκεια, memoriæ causâ duobus inclusa sunt vericulis,

Sunt Aries, Taurus, Gemini, Cancer, Leo, Virgo, Libraq; Scorpi9, Arcitenens, caper, Amphora, pisces

Pulchrè describuntur à Manilio duodecim heroicis; Aurato princeps Aries in vellere fulgens
Respicit admirans adversum surgere Taurum,
Submisso vultu Geminos & fronte vocantem:

Quos sequitur Cancer, cancerum, Leo: Virgo, leo-

Equato sum Libra die cum tempore noctis (nè:

Aurabit ardens fulgemem Scorpion astro:

In cuius caudam contentum dirigit arcum

Mixtus equo, volucrem missurus jamq; sagittam.


Tum venit angusto Capricornus fidere flexus,

Post hunc inflexam diffundit Aquarius urnam,

Piscibus assuetas avidè subeuntibus undas,

Quos Aries tangit claudentes ultima signa.

Figuræ quibus à Mathematicis exprimuntur sunt

hæc 

II. Ut Astrologorum & Mathematicorū de signis

hæc placita & arcana generalia aperiantur, quæ sti-

ones hæc aliquot breviter nobis expediendæ erunt.

Quæritur igitur, 1. Quâ ratione & à quibus pri-

mum xii. hæc Zodiaci signa vel constellationes inven-

tæ olim & distinctæ sint. Autores & inventionis mo-

dum pulchrè describit Macrobius lib. 1. in Somn.

Scip. cap. 21. quem audire super hæc re liber: Est

enim cum jucunda tum elegans narratio: & Egi-

priorum retro majores, quos constat primos omnium

cælum scrutari & metiri ausos, postquam perpetuè a-

pud se serenitatis obsequio cælum semper suspectu libe-

ro inuentes deprehenderunt, universis vel stellis vel

sideribus infixis cælo, solas cum Sole & Lunâ quinque

stellas vagari; nec eas tamen per omnes cæli partes

passim ac sine certa erroris sui lege discurrere, nun-

quam deniq; ad septentrionalem verticem deviare,

nunquam ad australis poli ima demergi, sed intra uni-

us obliquo circi limitem omnes habere discursus, nec omnes tamen ire pariter & redire, sed alias aliis ad eundem locum porvenire temporibus, rursus ex his alias accedere, retro agi alias videriq; stare nonnunquam: postquam, inquam, hæc inter eas agi viderunt, certas sibi partes decreverunt in ipso circi constituere, & divisionibus annotare, ut certa essent locorum nomina, in quibus eas morari, vel de quibus exisse, ad quæve rursus esse venturas, & sibi invicem annuntiarent & ad posteros noscenda transmitterent. Duobus igitur vasis æneis præparatis, quorum alteri fundus erat in modum clepsydre foratus, illud quod erat integrum & vacuum subiecerunt, pleno aquæ altero superposito, sed meatu antè munito, & quamlibet de infixis unam clarissimam stellam lucidæque notabilem orientem observaverunt. Quæ ubi primum capiti emergere, mox minutione subducta, permiserunt subiecto vasi aquam superioris influere. fluxitq; in noctis ipsius & secuti diei finem, atq; in id noctis secundæ, quamdiu eadem stella ad ortum rursus reverteretur: quæ ubi apparere vix capiti, mox aqua quæ infuebat amota est. Cum igitur observata stella itus ac reditus integræ significaret cæli conderionem, mensuram sibi cæli in aquâ de illo fluxu susceptâ quantitate posuerunt. Hæc ergo in partes æquas duodecim sub fidâ dimensione divisâ, alia duo hujus capacitatis procurata sunt vasa, ut singula tantum singulas de illis duodecim partibus ferrent: totaq; rursus aqua in vas suum pristinum, foramine prius clauso, refusa est: & de duobus illis vasis capacitatis minoris alterum subiecerunt pleno, alterum juxta expeditum paratumque posuerunt. His præparatis, nocte aliâ in illâ jam cæli parte per quam Solem Lunamque & quinque vagas meare diurnâ observatione didicerant, quàmque postea Zodiacum vocaverunt, ascensurum observaverunt sidus, cui postea nomen Arietis indiderunt. Hujus incipiente ortu, statim subiecto vasi superpositæ aquæ fluxum dederunt. Quod ubi completum est, mox eo sublato effusoque alterum simile subiecerunt, certis signis observatis ac memoriter annotatis, inter ejus loci stellas quæ oriebantur cum primum vas esset impletum, intelligentes, quod eo tempore quo totius aquæ duodecima pars fluxit, pars cæli duodecima conscendit. Ab illo ergo loco quo oriri incipiente aquâ in primum vas cepit influere, usque ad locum qui oriebatur cum idem primum vas impleteretur, duodecimam partem cæli, id est, signum, esse dixerunt. Item secundo vase impleto, & mox retracto illo, simile quod olim effusum paraverant, iterum subdiderunt, notato similiter loco qui emergebat cum secundum vas esset impletum, & a fine primi signi, usque ad locum qui ad secundæ aquæ finem oriebatur, secundum signum notatum est. Atque ita vicissim vasa mutando, & per singulas

influentis aquæ partes singulos sibi ascendentium cæli partium limites annotando, ubi consummatâ jam omni per duodecim partes aquâ ad primi signi exordia perventum est, sine dubio jam divisas certisq; sibi observationibus & indiciis annotatas cæli partes, tantæ compotes machinationis habuerunt. Quod non nocte unâ sed duabus effectum est: quia omne cælum unâ nocte non voluitur, sed per diem vertitur pars ejus mediâ, & medietas reliqua per noctem. Nec tamen cælum omni duarum sibi proximatum noctium divisit inspectio, sed diversorum temporum nocturna dimensio utrumque hemisphærium paribus aquæ vicibus annotavit. Et hæc ipsas duodecim partes signa appellari maluerunt, certaque singulis vocabula gratiâ significationis adjecta sunt. Hactenus Macrobius. Zodiaci inventorem laudat Plinius Anaximandrum Milefium. Astronomicæ inventionis rationem explicat Clavius in Sphærâ, pag. 233.

III. Quæritur 2. de ratione numeri duodenarii, Cur in xii signa distributus sit Zodiacus. Ab Astronomis & Physicis hæc adferri solent rationes; 1. Quia singulorum Elementorum qualitates æmulati tria deprehensa ab ipsis feruntur: Cum igitur ex vulgi opinione Elementa sint quatuor, Ignis, Aer, Aqua, Terra, consequens est Zodiaci signa duodecim esse: ter enim quaternaria duodecim sunt. Putantur autem Igni calido & sicco respondere Aries, Leo, Sagittarius; unde signa appellantur cholericæ, & signa ignei trigoni: Aeri calido & humido, Gemini, Libra, & Aquarius; quæ signa appellantur sanguinea, & signa trigoni aerii: Aquæ frigida & humida, Cancer, Scorpius, Pisces; quæ signa appellantur phlegmatica, & signa trigoni aquæ: Terræ frigida & sicca, Taurus, Virgo, Capricornus; quæ signa appellantur melancholica, & signa trigoni terrei.

2. Quia signiferum Sol percurrens quatuor anni tempestates, Ver, Autumnum, Æstatem & Hyemem, describit: Cum igitur quælibet tempestas habeat initium, medium & finem, cuilibet etiam tria respondebunt signa, quæ qualitates moderantur: unde rursus numerus duodenarius resultat. De his plura paulo post. Aristi ratio hæc Alfragano & Alcabitio: Sol, inquit, ambitum Zodiaci distinguit in quatuor partes totidem punctis seu notabilibus terminis, & perpetuò quidem iisdem: Est enim punctum solstitiale, in quo Sol fit altissimus: est brumale, in quo humillimus: sunt duo æquinoctialia, in quibus Sol medius fit inter mundi polos: In his quatuor punctis quatuor anni decumanas tempestates reducit.

3. Quia asterismi seu imagines cælestes sunt

xlvi: Cum igitur extra Zodiacum deprehendantur xxxvi, consequens est in Zodiaco esse xii. Allegat rationem hanc *Albumasar*.

4. Quia Luna cum Sole duodecies in anno conjungitur: Etsi tredecies Zodiacum percurrit anni spatio.

5. Quia numerus duodenarius inter omnes est primus, ut qui habeat dimidiatam partem, tertiam, quartam, sextam & duodecimam: quæ singula sunt necessaria, ut rectè Zodiacus in partes duodecim posset dividi respondentes duodecim varietatibus temporum, necnon in quatuor quadrantes; item ut siderum aspectus, de quibus agitur in theoriis Planetarum, exhiberi queant, nempe aspectus *diametralis* seu *Oppositio*, *triangularis*, *quadratus*, *hexagonus*.

IV. Observandum hæc obiter, à veteribus Astrologis distingui XII signa Zodiaci à XII, *imaginibus*, etiam nominibus conveniunt. Etenim signa illi immota & fixa constituunt *Æquinoctiis* & *Solstitiis* intercepta, ita quidem ut quod *Arietis* est signum à vernali *Æquinoctio* semper incipiat: Eadem signa perpetuò sunt æqualia, in triginta æquales divisa partes. *Imagines* autem mobiles sunt, habentque alia atque alia initia, prout stellæ à quibus constituuntur ab occasu ad ortum jugiter deferri creduntur: Eadem quoque inæquales sunt, & per spatia protenduntur inæqualia. Est autem merè arbitraria & partim quoque ex falsis hypothesebus nata hæc Zodiaci in signa vel *imagines* XII distinctio, uti prolixè probant *Picus* libr. 8. advers. *Astrolog.* cap. 3. & *Keplerus*. De stellâ novâ in pede *Serpent.* cap. 4. Ubi rationes paulò antè allegatas examinat. Hoc verò adversus Astrologos in primis observandum, quod notat *Picus*; Astrologorum nonnulli, ut *Ægyptii*, quibuscum *Ptolemaeus* & hunc secuti plerique alii sentiunt, in prædictionibus utuntur signis, quibus omnem vim adscribunt; alii, ut *Chaldaei*, constellationibus, quas solas efficaces esse credunt. Neutri tamen opinionis evidentia argumenta habent: Unde *Haly* fluctuans negat quidem partes Zodiaci, si stellarum influxus excludantur, efficiendi vim ullam habere, dubitat tamen utrum efficacia quæ in sublunari mundo deprehenditur, à stellis Zodiaci an à Sole sub stellis incedente proveniat: Quem scrupulum longè difficilimum puto, qui hæcenus ab Astrologis ita nondum expeditus ut dubitare nefas sit. Mihi certè probabile fit, omnes tempestatum diversarum causas non tam in Zodiaci stellis quam in Sole viam suam obliquam sub iis conficente quærendas esse: Pro diverso enim Solis ad terram positu effecta esse ejus etiam diversissima abundè te-

statur experientia, Magnum hujus sententiæ argumentum, quòd sub oppositis quoque signis eadem tempestates annuas Sol efficiat, imò quòd in iisdem signis planè contrarias tempestates producat: Ex gr. æstiva nobis signa sunt *Cancer*, *Leo*, *Virgo*: Eadem iis qui oppositi nobis hyberna sunt: dum enim nobis æstas, illis hyems est. Verna nobis sunt, *Aries*, *Taurus*, *Gemini*; quæ oppositis populis autumnalia sunt. Fieri hoc nullo modo posset si quæ vulgò de Zodiaci signis jactantur vera essent. Unde enim tanta effectorum contrarietas, causis & subiectis patientibus eodem modo se habentibus? Atqui loca sensibiliter non mutant Zodiaci signa, Solis instar.

V. Quæritur 3. *Quæ ordinis sit ratio.*

Etsi in circulo per se considerato nec principium nec finis est, certis tamen de causis Mathematici primum Zodiaci signum constituerunt *Arietem*: Sunt eæ; 1. Quia Ver inchoat, quod principium est generationis, unde velut initium vitæ & caliditatis reputatur, & merito quoad ordinem reliquis præfertur. 2. Quia inter ea quæ in Septentrione sunt primum obtinet locum, unde reliquis ad Meridiem haud immerito quoque præfertur. Est enim, secundum Astrologos, Meridies sinistrum, Septentrio dextrum cœli: At dextrum prius est sinistrum. 3. Quia inter quatuor puncta cardinalia, ut, primum *Arietis* respondens veri, primum *Canceri* respondens æstati, primum *Libræ* respondens autumnino, primum *Capricorni* respondens hyemi, principem locum obtinet, cum propter maximam aeris temperiem, & dierum ac noctium æqualitatem, tum propter oppositum *Libræ* situm, qui ad sinistrum est: At dextrum sinistrum præstantius est. 4. Quia Sol putatur statim à creatione motum suum auspiciatus a signo *Arietis*.

VI. Rationes hæc an satis ponderosæ sint, equidem valde dubito, cum videam ipsos etiam Mathematicos dubitare. Et prima quidem, quæ *Ptolemai* est, si iis qui ultra circulum *Æquinoctialem* versus Austrum habitant proponeretur, nullius momenti esset. Probarer enim in Zodiaco initium à *Librâ* sumendum esse: Ut enim ver nobis est in ♋, sic illis ☉ in ♎ existente: Utque æstas nobis ☉ in ♊, sic illis ☉ in ♏ existente. Sic omnia quæ nobis accidunt in quibusvis signis, eadem illis contingunt in signis oppositis.

Secunda ratio ejusdem est ponderis. Eodem enim argumento qui versus Meridiem habitant Zodiaci initium à *Librâ* sumunt. Dextrum & sinistrum in cœlo per se nullum est, uti nec eadem ortuum & occasuum puncta.

Tertia.

Tertia advertit Meridionales populos plus non probat quam prima & secunda: Quod enim de V nostri, de Δ isti prædicabunt.

Quarta falsa hypothesis est, quam evertimus Sect. II.

VII. Quæritur 4. Cur Zodiaci signis indita sunt nomina, Aries, Taurus, Gemini, &c.?

Fabulosas appellationum rationes prætermittimus, quarum specimina supra ex Nigidio produximus: Veriores duntaxat, quæ aliquam cum rebus analogiam habent breviter recensemus. Sic igitur de singulis differunt. Primum signum appellatur *Aries*; Quia Sol, cum signum hoc Zodiaci peragrat, denuo quasi calorem infundit in hunc mundum sublunarem: Est enim aries animal calidum. Secundum; *Taurus*; Quia sub hoc signo Sol calorem auget: veluti taurus ariete & major & calidior est. Tertium, *Gemini*; Quia in hoc signo Sol calorem geminat, & Sole hoc signum peragranter, germinando omnia geminantur. Quartum, *Cancer*; Quia Sol sub hoc signo Cancris instat retrogradum habet motum, iterque reflectendo à nobis recedere incipit. Quintum, *Leo*; Quia ut Leo viribus & calore præstat, sic Sol sub hoc signo constitutus plurimum caloris mundo infundit. Sextum, *Virgo*; Ut enim Virgo sterilis est & nihil parit, sic sub hoc signo, terræ ardoribus perusta, Sol nihil amplius novi gignit, sed fecunditatem suam quasi contrahit. Septimum, *Libra*; Quia sub hoc signo Sol diem noctibus exæquat, & quasi caloris & frigoris æquilibrium efficit. Octavum, *Scorpius*; Quia Sole sub hoc signo versante, frigidus aer nos pungit veluti caudâ scorpii. Nonum, *Sagittarius*; Quia Sole sub hoc signo constituto aer factus frigidior quasi ventorum & grandinum sagittis nos impetit. Decimum, *Capricornus*; Quia sub eo Sol instat Capræ ascendit, ex lique altum repetere incipit. Undecimum, *Aquarius*; Quia magna aquarum vis sub hoc signo excitatur. Duodecimum, *Pisces*; Quia sub his aquæ augentur. *Picus* Advers. Astrolog. libr. 8. cap. 5. *Clavius* in Sph. pag. 234. Hæ tamen appellationum rationes locum non habent nisi in Mundi parte septentrionali: in oppositâ enim omnia secus eveniunt.

VIII. Quæritur 5. Quot stellas singula Zodiaci signa in se habeant.

Astronomorum de numero & nominibus præcipuarum stellarum in singulis Zodiaci signis hæc est doctrina.

V Figura stellis constat xiii. Capite ad ortum reflectitur, pedibus *Cetum* fere attingit. Informes circa se habet alias V. Ex iis quæ figuram constituunt, *tertia* magnitud. sunt 2, *quarta* 4, *quinta* 6,

sexta 1. Inter informes magnitud. *tertia* est 1, *quarta* 1, *quinta* 3.

¶ Figura stellis constat xxxiii. Informes circa se habet xi. Ex iis quæ figuram constituunt, magnitud. *prima* est 1, *tertia* 6, *quarta* 11, *quinta* 14, *sexta* 1. Inter informes magnitud. *quarta* est 1, *quinta* 10. In bestia hujus fronte sunt stellæ quas *Hyades* appellant, quarum maxima *Tauri oculus* appellatur. In ejusdem dorso septem nobiles sunt stellæ, quas *Pleiades* nominant: Poetæ *Lycurgi* vel *Atlantis* filias esse fabulantur.

¶ Figura stellis constat xviii. Pedes in *Viam lacteam* porrigit, infra *Heniochum* ferè & *Orionem*. Informes circa se habet VII. Ex iis figuram quæ constituunt, *secunda* magnitudin. sunt 2, *tertia* 5, *quarta* 9, *quinta* 2. Inter informes *quarta* magnitudin. sunt 3, *quinta* 4. *Gemini* alias *Castor* & *Pollux* appellantur.

¶ Figura stellis constat ix. Inter *Ursas* versùs Septentrionem & *Hydrum* versùs Meridiem, medium tropico circulo divisum. Informes circa se habet iv. Ex iis quæ figuram constituunt, magnitud. *quarta* sunt 7, *quinta* 1, *nebulosa* 1. Inter informes magnitud. *tertia* 2, *quinta* 2. Inter novem *Cancris* stellæ una est quæ *Præsepe* appellatur; in pectore ejus duo *Afelli*.

¶ Figura stellis constat xxvii, sub *Ursa majoris* pedibus, & caudâ versùs Meridiem. Informes circa se habet vii. Ex iis quæ figuram constituunt *prima* magnitud. sunt 2, *secunda* 2, *tertia* 6, *quarta* 8, *quinta* 5, *sexta* 4. Inter informes *quarta* magnitud. sunt 2, *quinta* 4, *luminosa* 1. *obscura* 2. Quæ in caudâ *Leonis* est *Regulus* appellatur.

¶ Figura stellis constat xxvi. Informes circa se habet vi. Ex iis quæ figuram constituunt magnitud. *prima* est 1, *tertia* 6, *quarta* 6, *quinta* 11, *sexta* 2. Inter informes magnitud. *quinta* sunt 4, *sexta* 2. Quæ in constellationis hujus alâ dextrâ maximè borealis est *Vindemiator* appellatur: quæ in sinistrâ manu lucida est, *Spica*, dicitur.

¶ Figura stellis constat xviii. Informes circa se habet ix. Ex iis quæ figuram constituunt, magnitud. *secunda* sunt 2, *quarta* 4, *quinta* 2. Inter informes magnitud. *tertia* sunt 2, *quarta* 5, *quinta* 2, *sexta* 1.

¶ Figura stellis constat xxi. Informes circa se habet iii. Ex iis quæ figuram constituunt, magnitud. *secunda* est 1, *tertia* 13, *quarta* 5, *quinta* 2.

¶ Figura stellis constat xxxi. Inter quas *secunda* magnitudin. 2, *tertia* 9, *quarta* 9, *quinta* 8, *sexta* 2, *nebulosa* 1.

¶ Figura stellis constat xxviii. Inter quas *tertia* magnitud. sunt 4, *quarta* 9, *quinta* 9, *sexta* 6.

¶ Figura

Figura stellis constat xlii. Inter quas *prima* magnitud. est 1, *tertiæ* 9, *quartæ* 18, *quintæ* 13. *sextæ* 1. Informes circa se habet iii.

Figura stellis constat xxxiv. Informes circa se habet iv. Ex iis quæ figuram constituunt, *tertiæ* magnitud. sunt 2, *quartæ* 22, *quintæ* 3, *sextæ* 7. Informes omnes sunt magnitudinis *quartæ*.

Sunt igitur stellæ in Zodiaco cccxvi. Ex quibus magnitud. *primæ* 5, *secundæ* 9, *tertiæ* 64, *quartæ* 132, *quintæ* 106, *sextæ* 27, *nebulosæ* 3. Et *Coma* quæ *Beronices* appellatur; *luminosa* 1, *obscura* 2.

THESIS III.

Distingui hæc signa solent ex Subjectis, Adjunctis & Effectis.

THESIS IV.

E subjectis sunt Septentrionalia vel Meridionalia.

THESIS V.

Septentrionalia vel Aquilonaria sunt, quæ nobis cis Æquatorem versûs Septentrionem seu Arcticum polum versantur: Suntque sex, *Aries*, *Taurus*, *Gemini*, *Cancer*, *Leo*, *Virgo*.

THESIS VI.

Meridionalia vel Australia sunt, quæ nobis ultra Æquatorem versûs Meridicum seu Antarcticum polum versantur: Suntque & hæc sex, *Libra*, *Scorpius*, *Sagittarius*, *Capricornus*, *Aquarius*, *Pisces*.

Exsec.

I. Si lineam Eclipticam spectes, Zodiacus secundum latitudinem in duas æquales partes ab eâ dividitur, quarum una est Meridionalis, altera Septentrionalis: Quo respectu nullum Zodiaci signum Septentrionale vel Meridionale secundum figuram integram dici potest; siquidem cuiusque pars una est Septentrionalis, altera Meridionalis. Itaque hæc Zodiaci vel signorum Zodiaci divisio non ab Eclipticâ sed ab Æquatore petitur, qui totum cœlum in duo hemisphæria dirimit, Arcticum & Antarcticum, adeoque & Zodiacum, cujus pars una ab Æquatore versûs Arcticum, hoc est, Septentrionem, altera versûs Antarcticum, hoc est, Meridiem,

declinat. Hinc & Planetarum alii *Septentrionales* alii *Meridionales* appellantur prout in Septentrionalibus vel Meridionalibus signis versantur.

II. Cum igitur signa hæc universum terræ orbem ambiant, in id Mathematicorum vel industria vel curiositas incubuit, ut cum provincias tum urbes orbis præcipuas per ea distribueret, ut singulis videbatur hoc vel illud imminere signum. Libet igitur hoc loco referre placita ipsorum, nè quid curiositatis hujus desiderari possit. Ergo istis si credimus,

Aries dominatur Regionibus, *Germaniæ*, *Gallia*, *Britania*, *Dania*, *Syria*, *Palæstina*, *Poloniæ* minori, *Burgundiæ* superiori, *Silesiæ* superiori, *Sueviæ*, & *Westriæ*;

Civitatibus *Florentiæ*, *Neapoli*, *Capuæ*, *Ferrariæ*, *Vincentiæ*, *Veronæ*, *Bergamo*, *Imolæ*, *Paduæ*, *Utica*, *Cracoviæ*, *Marsiliæ*, *Faentia*, *Anconæ*, *Forlivi*, *Brunsvico*, *Trajecto*:

Taurus, Regionibus *Parthiæ*, *Mediæ*, *Persiæ*, *Insulis Archipelagi*, *Cypro*, *Poloniæ* majori, *Russiæ* albæ, *Campaniæ*, *Rhetiæ*, *Helvetiæ*, *Lotharingiæ*, *Fraconia*, *Hiberniæ*, *Irlandiæ*, & parti *Sueciæ*;

Civitatibus *Sevæ*, *Bononiæ*, *Palermo*, *Mantua*, *Tarento*, *Parma*, *Taurino*, *Carlostadio*, *Brixia*, *Iustinopoli*, *Veronæ*, *Perusiæ*, *Tarvisiæ* & *Constantinopoli*, *Tiguro*, *Lacerna*, *Nanceio*, *Herbipoli*, *Lipsiæ*, *Posnana*, *Gnesna*, *Novogardiæ*:

Gemini, Regionibus *Hircaniæ*, *Armenia*, *Cyrenæ*, *Marmaricæ* inferiori, *Ægypto*, *Angliæ*, *Sardinia*, *Brabantia*, *Flandria* & *Lombardiæ*, *Ducatus Wirtembergensi*;

Civitatibus *Cesena*, *Viterbo*, *Turino*, *Reggio*, *Vercelli*, *Moguntia*, *Bamberga*, *Villaco*, *Stasfordiæ*, *Ingduno*, *Cordubæ*, *Navarriæ*, *Lovanio*, *Londino*, *Noribergæ*, *Kitzingæ*:

Cancer, Regionibus *Numidia*, *Africa* minori, *Barbaria*, *Granata*, *Frisiæ*, *Franconia*, *Scotia*, *Bithynia*, *Mauritania*, *Hollandia*, *Zelandia*, *Burgundiæ*;

Civitatibus *Constantinopoli*, *Venetis*, *Mediolano*, *Genua*, *Luchæ*, *Pisis*, *Magdenburgo*, *Berna*, *Vincentiæ*, *Treviris*, *Tuncto*, *Eboraco*, *Vittenbergæ*, *Serviciæ*:

Leo, Regionibus *Italia*, exceptâ *Hetruriâ*, *Gallia*, *Siciliæ*, *Puglia*, *Bohemia*, parti *Turciæ*, *Romandiola*, *Sabina*, *Chaldææ*, *Orchiniæ*;

Civitatibus *Roma* veteri, *Damasco*, *Ravenna*, *Syracusa*, *Perugia*, *Cremona*, *Pragæ*, *Ulma*, *Confluentia*, *Luchæ*, *Cremisio*, *Mantua*, *Alexandria* *Ægypti*, *Linsio*:

Virgo, Regionibus *Mesopotamia*, *Babylonia*, *Cilicia*, *Croacia*, *Ducatus Athenarum*, *Carinthia*, *Silecia*

Silesia inferiori, Arthesia, Creta, Rhodo, Gallia Comata;

Civitatibus Hierosolyma, Alexandria, Corintho, Papia, Navarria, Arezzo, Basilea, Brundysio, Parisiis, Lugduno, Tolosa, Parma, Tolcto, Heidelbergæ, Erfordia, Utravslavia;

Libra, Regionibus Ethiopia, Troglodytica, Austria, Alsatia, Hetruria, Livonia, Sabaudia, Delphinatui, Bactriana, Cassia;

Civitatibus Caieta, Placentia, Argentina, Vienna, Arclato, Francosurto, Spira, Lisbona, Urbino, Salerno, Orvieto, Roma novæ, Hala Suevorum, Heilbrunna, Frisinga, Mosbachio, Landshuto, Antuerpia;

Scorpius, Regionibus Mauritania, Getulia, Cappadocia, Comagena, Judæa, Idumæa, Norvegia, Suetia Occidentali, Catalonia, Bavaria superior;

Civitatibus Trapezuntio, Algiero, Aquileæ, Padua, Urbino, Pistoæ, Camerino, Brixia, Mutina, Crema, Damasco, Tarvisio, Monacho, Francosurto ad Viadrum, Messana, Foro Julio;

Sagittarius, Regionibus Hetruria, Arabia felici, Celtica, Hispania, Portugallia, Hungaria, Dalmatia, Moravia, Sclavonia, Misnia;

Civitatibus Volaterra, Mutino, Colonia, Norinberga, Buda, Narbona, Auenioni, Toletto, Hierosolyma, Mediolano, Firvuo, Ascola, Stutgardia, Rotenburgo, Buda;

Capricornus: Regionibus India, Gedusia, Macedonia, Sclavonia, Thracia, Albania, Bulgaria, Lithuania, Saxonia, Massovia, Istria, Marcha, Stiria, Romandiola, Hassia, Orcadibus;

Civitatibus Brandenburg, Ancona, Favenia, Augusta, Constantia, Pcagamo, Vilna, Juliac, Clivia, Berga, Mechlinia, Gandavo, Oxonia;

Aquarius, Regionibus Sauromatia, Arabia, medietati Ethiopia, Sarmatia, Mosellanis, parti Bavaria & Montis ferrato, Tartaria magna, Valachia, Russia, Suecia, Vespthalia, Pcdemontio, Media;

Civitatibus Pisauro, Tridento, Hamburgo, Bremen, Ingolsladia, Montis ferrato, Salisburgo;

Pisces, Regionibus Garamantibus, Nasamonica, Lydia, Cilicia, Pamphylia, Calabria, Normandia, Portugallia, Aegypto superiori, Galilæa;

Civitatibus Raisbona, Rotomago, Scvilia, Commo, Hissali, Ravano, Vornatia, Compostella, Alexandria.

THESIS VII.

Ex adjunctis distinguuntur in quatuor trigonos: Quorum primus est *igneus*,

Arietis, Leonis & Sagittarii; secundus terreus, Tauri, Virginis, Capricorni; tertius aerens, Geminorum, Libra, Aquarii; quartus aqueus, Cancri, Scorpii, Piscium.

"Expositio.

I. Cur quater trina Zodiaci signa eo ordine quo collocata sunt à nobis trigonos Astrologi appellant, ratio est, quod in circulo vel Zodiaco disposita & rectis lineis conjuncta perfectos trigonos constituent. Intercedunt enim inter *Arietem & Leonem* tria signa, *Taurus, Gemini, Cancer*; inter *Leonem & Sagittarium* rursus tria, *Virgo, Libra, Scorpius*. Eadem reliquorum omnium est ratio. Ut autem in promptu tibi sit quæ signa ad quos trigonos pertineant, digitos quatuor explica, primumque *ignei*, secundum *terrei*, tertium *aerei*, quartum *aquei* trigoni locum finge: Inde ordine per singulos digitos distribue signa, *Ariete* ad primum, *Tauro* ad secundum, *Geminis* ad tertium, *Cancro* ad quartum relatio: Hinc ad primum redito, & *Leonem*, qui sequitur, ei assignato, secundo *Virginem*, tertio *Libram*, quarto *Scorpium*: Inde rursus à primo incipe, eique tribue *Sagittarium*, secundo *Capricornum*, tertio *Aquarium*, quarto *Pisces*. Ita quatuor digitum quatuor trigonos signis suis propriis repræsentabunt.

II. Hic verò queritur quid causæ fuerit quod trigonum alium appellarint Astrologi *igneum*, alium *terreum*, alium *aereum*, alium *aqueum*, Resp. Præcipua causa fuit, quod quatuor anni tempestates contrariis distingui qualitatibus animadvertent, nempe calido, frigido, humido, sicco, Hanc qualitatum variationem cum à cælo esse sibi planè persuaderent, ad Zodiaci signa, sub quibus perpetuo Sol incedit, causam ejus reppererunt: adeoque per qualitates distribuerunt: Cumque & quatuor elementa iisdem distingui crederent, ab elementis ea judicarunt denominanda tanquam partibus sublunaris mundi præcipuis; ut ita inferis responderent supera. Itaque, si probè responderetur, distinctio hæc in trigonos ab elementis petita ex rei naturâ esse autoribus visa est: Quæ constans *Chaldaeorum, Indorum, Aegyptiorum, Arabum, Græcorum, Latinorumque* Astrologorum sententia est. Cui contradicunt, ut *Keplerus* ait, omnium ætatum & temporum Philosophi, quibus & ipse suffragio suo accedit, & potissimum negationis causam hanc affert, Quod qui ex naturâ rei petitam affirmant, solâ antiquitatis persuasionem nituntur. Cum enim rationes ipsi nullas invenirent, huc se tandem

rece-

receperunt, ut incredibile existimarint naturali fundamento carere nomenclaturam tam antiquam & & tam omnibus seculis pro naturali celebrem. In hanc & nos inclinamus sententiam : & dum negamus ex naturâ rei distinctionem & nomenclaturam hanc esse petitam, hoc volumus : Signa quæ ad trigonos referuntur per qualitates elementares falsò distingui, hoc est, per se nec humida nec frigida esse affectione vel effectu. Nec enim à nostrâ sententiâ discedimus quam de calore astrorum naturali & habituali suprâ professi sumus ; præsertim cum adeò nulla opinionis suæ fundamenta habeant qui persuadere contrarium laborant. Rationes pro Zodiaci in partes XII divisione quàm frivolæ adducuntur, suprâ vidimus : Evidenti quoque argumento paulò antè ostendimus mutationes tempestatum annuas à Zodiaci signis non esse : Unde multò minùs ad trigonos eas referri debere concedimus.

In specie verò contra trigonos sequentia movemus :

1. Si signa quædam $\alpha\tau' \epsilon\gamma\omega\lambda\omega$ essent ignea, & hæc ab aliis qualitate distincta, cur non potius ea essent quæ vulgò æstiva appellantur, *Cancer, Leo, & Virgo* ? Hæc enim cum ex vulgi sententiâ æstatem nobis calidam & igneam producant, potiori jure ignea appellari poterant quàm *Aries*, qui inter verna est signa, & *Sagittarius*, qui inter autumnalia. Ità si quædam $\alpha\tau' \epsilon\gamma\omega\lambda\omega$ essent terrea, hoc est, frigida & sicca, cur non hyberna potius essent, *Aquarius & Pisces*, quàm *Taurus*, qui inter verna est signa, & *Virgo*, quæ inter æstiva ? Idem de reliquis judicium est. Videntur tamen habere Astrologi quo facti & distinctionis suæ rationes reddant : Et primum quidem receptum divisionis numerum in partes XII nobis obijciunt : hinc consequi aiunt, ut binæ contiguarum partes contrariis qualitatibus dividantur, nisi pro unâ haberi parte debeant. Resp. 1. Atqui distinctio illa tota est arbitraria, ut suprâ ostendimus : Unde *Chaldaei* olim XI tantum partes constituerunt. 2. Ratio distinctionis per qualitates contrarias partium contiguarum planè nulla est. Manerent numero distinctæ partes contiguarum, etiam si qualitatibus inter se convenirent. Cur singulis hæc, non contrariæ, qualitates sunt attributæ, hæc adferunt rationes : 1. Ex imaginum naturâ. *Cancer* enim, *Scorpio* & *Pisces* aquatica sunt animalia ; igitur aquea hæc signa sunt habita : *Aries, Leo, Sagittarius*, ignea sunt naturæ ; unde signa ignea habentur : *Gemini & Aquarius*, cum masculina sunt signa, plus habebunt caloris quàm foemina ; unde aerea censentur. Resp. Omnia ficta & merè arbitraria sunt. Cur *Taurus & Capricornus* foemina potius sunt quàm

quàm masculina ? Cur *Taurus* frigidior *Aquario* ? Quæ ratio consequentiæ à terrestrium quorundam animalium affectione ad constellationum cœlestium affectiones ? 2. Ex diverso siderum sexu. Sunt enim, si *Albumasar* credimus, alia masculina, alia foemina, & alternis quidem, initio facto ab *Ariete* : quia placuit autoribus, teste *Ptolemaeo*, occasione perpetuæ alternationis quæ est inter diem & noctem, ut signa, quæ erant pari numero XII, in sex distribuerentur connubia suoque mari adhereret foemina. Sunt igitur signa XII alternis mascula & foemina : Sunt & quatuor elementa, quæ, æquali factâ distributione, signa sibi tria vendicant : Aut igitur tria contigua erunt calida, aut, quia fieri hoc non potest, (ne contigua coeant) in compensationem tria in figurâ triangulari per Zodiacum disponi oportuit. Cumque *Aries* primum ac præcipuum sit Zodiaci signum, & Ignis primum elementum, præditum calore, qualitate masculinâ, ratio exigebat ut *Aries* & cum eo triangulantis signa essent ignea, adeoque primum trigonum constituerent. Resp. Quæ de diverso siderum sexu adferuntur, merè arbitraria & imaginaria sunt. Nec idonea adferri potest ratio cur hoc sit potius masculinum quàm illud. Quod enim de ordine, nominibus aut diversis qualitatibus prætendunt, & ipsum meri est arbitrii & imaginationis. Non est necessariò *Aries* primum signum, nec nomen hoc ipsi ex naturâ competit, nec denique qualitate differt à *Tauro*, vel *Cancro*, vel *Virgine*, &c. Illud verò quàm est lepidum, quod metuant ne, si contigua essent signa ignea, inter se coirent. Fortè periculum esse abitantur ne suis excedant locis, & alterum in alterius fines hostiliter irruat, mutisque se præliis in cælo conficiant ; aut familiari congressu se imprægnent & nova signa ignea producant. Taceo quòd ad elementorum numerum quaternarium frustra provocent : Non enim quatuor sed duo tantum elementa sunt. Et hoc primum est quod trigonis opponimus.

2. Si quæ de igneo & primo trigono sanciant, rectè se habere concederemus, non tamen sine causâ queri posset cur tria in ordine triangulari succedentia, *Taurus, Virgo, Capricornus*, terrea potius quàm aerea credantur esse, cum igni non terram sed aerem succedere ipsimet credant ? Respondet nobis *Albumasar*, calori competere actionem vivificandi, frigori autem mortificandi, omnemque activam qualitatem nobiliorem esse passivâ : *Tauro* igitur, qui proximè *Arietem* sequitur, activam alteram obtigisse, nempe frigus ; & inter elementa terram, frigoris sedem. Cur verò idem *Taurus* constituatur potius siccus quàm humidus, hanc adfert rationem *Albumasar*. Si *Taurus* constitutus fuisset

humidus, *Cancerum* opportuiffet effe ficcum: At melius erat *Taurum* effe ficcum, ut bina conjugata figna in unâ paffivâ & materiali qualitate convenirent, *Aries* & *Taurus* in ficco, *Gemini* & *Cancer* in humido, *Leo* & *Virgo* in ficco, &c. *Reff.* Nullâ neceffitate cum *Arietis* calore oppofitum frigus in figno proximo conjungitur. Nam fi calidum id humidumque effet, ecquod majus damnum cœlo intuliffet quàm fublunari mundo aer, qui, ex vulgi fententiâ igni calido & ficco proximus, non frigidus & ficcus, fed calidus & humidus effe creditur? Si omnino petenda erat trigonorum diftinctio ex elementorum numero & qualitatibus, cur non & ordo qui in elementis effe creditur ipsis ariffet? Aut fi ordinem elementorum non admittit cœlum, ecquid fublunari mundo is falutaris cenfetur? Nec magis idonea eft ratio cur *Tauro* ficcitatē potius quàm humiditatē vendicent. Nam fi cum aeris qui proximus eft igni, humiditate confiftit ignis caliditas, quidni & *Tauri* humiditate *Arietis* caliditas confiftere poterit? Video quid *Albumafarem* moverit; nempe diftinctio fignorum in mafculina & fœminina alternis conftituta: Cùm igitur inter *Arietem* & *Taurum* fit connubium, illæque vir, hic fœminina fit, ratio videbatur exigere, ut in qualitate unâ paffivâ materiali convenirent, veluti mas & fœmina fpecie conveniunt; activis verò tanquam genitalibus diftinguerentur, ut mas & fœmina fexu diftinguuntur. Egregia hæc ratio, cui nihil opponendum arbitror.

3. Qui primi in trigonos figna, hoc eft, fidera, diviferunt, eaque qualitatibus primis diftinxerunt, ad fixas ftellas non videntur refpexiffè, fed merè fuo arbitrio indulfiffè. Nam fi fixas refpexiffent, *Taurum* calidum potius & humidum quàm frigidum & ficcum dixiffent: calidum, ab igneo fulgore *Pafchicii* feu *Aldebaran*, qui *Tauri* oculus; humidum, à *Pleiadibus* & *Hyadibus*, quæ pluvias excitare credebantur. Ità *Scorpionem* igneum appellaffent, ab igneo *Antarco* fidere, quod cor *Scorpionis*. Eft & hoc indicio quòd ad ftellas non refpexerint, quia nomina igneus, terreus, &c. retinent, quantumvis difcedentibus & loca mutantibus conftellationibus: Itaque figna potius in fpecie fic dicta, quæ immobilia finguntur, quàm conftellationes mobiles refpexere.

III. *Keplerus* etfi ex naturâ rei petitam negat hanc trigonorum diftinctionem, tamen occafionem à naturâ fuppeditatam opinatur: fiquidem *Saturnus* & *Jupiter* altiffimi Planetæ binos proximos congregius mutuos fic ordinant, ut tertiâ ferè Zodiaci parte diftent. Unde fit ut quolibet feculo tria Zodiaci figna ab autoribus fub trigonum unum redacta ex fuperiorum Planetarum conjunctionibus

in commovendâ naturâ fublunari vim magnam obtinere credantur. Hanc conjecturam fuo loco relinquimus.

IV. Inter trigonos hofce maxime celebris primus, qui igneus nominatur: De quo paucula coronidis loco adjiciam. Igneum trigonum *Aftrologi* appellant tempus annorum ferè ducentorum, intra quod fupremi Planetæ *Saturnus* & *Jupiter* in Solis ignei trigoni fignis, *Ariete*, *Leone*, *Sagittario*, congregiuntur, nobifque in terrâ habitantibus apparent. Quâ autem fieri poffit ut fuperiorum Planetarum congregius tanto temporis fpatio non nifi in unius trigoni figna incidant, item quâ fiat ut poft annos ducentos congregius hi de trigono uno in alterum tranfeant, ex motuum *Saturni* & *Jovis* proportionē palam eft. Vide *Keplerum* libelli fuprà allegati cap. 7. Quatuor igitur trigoni, quibus abfolvitur totus Zodiacus, in ducentos annos acti annorum octingentorum periodum conficiunt: Quo fpatio totus Zodiacus quadraginta congregiibus in totidem partes penè æquales dividitur, & exacto tempore hoc ad initium redit, hoc eft, conjunctiones fuas fupremi Planetæ rurfus à trigono igneo aufpiciantur. Hinc ætas mundi circiter annum 5600^m per 800 divifa feptem magnas conftituit periodos, totidemque ignei trigoni reditus. Incidit igitur ignei trigoni repetitio.

Prima	In annum mundi conditi	800.
Secunda		1600.
Tertia		2400.
Quarta		3200.
Quinta		4000.
Sexta		4800.
Septima		5600. h. e. annum à

CHRISTO nato 1600

Cùm autem *Aftrologi* obfervaffent in repetitiones hafce plerumque res incidiffe memorabiles, (ex gr. in primam, latrocinia, urbes, artes, tyrannidem; in fecundam, *Diluvium* in tertiam, exitium ex *Ægypto* & *Legem*; in quartam, *Æram Græcorum*, *Babyloniorum* & *Romanorum*; in quintam, *Monarchiam Romanam*, & orbis reformationem; in fextam, *Imperium Occidentis* & *Saracenorum*; in feptimam, quæ etiamnum videmus, audimus & nimium, prohdolor! fentimus) ad conjunctiones magnas & trigonum igneum tanquam caufas omnia hæc retulerunt, & etiamnum hodie plurimi referunt: quos fuo abundare fenfu nos facile patimur, modò fidem iis à nobis non haberi ægrè haud ferant. Cave, inquit *Keplerus*, res coincidentes à trigonis effectas dicere. Quàm lubrica *Aftrologorum* fundamenta fint, hætenus videmus. Ad experientiam fruflrâ provocant. Ecquid enim mirum fpatio octingentorum annorum

norm

norum in terris memorabile aliquid contingere? Si præcisè ad octingentesimum annum provocent, historia ipsos faciliè refutabit, nec minùs memorabilia intermedii exhibebunt anni, si annales consuluerimus. Et si maximè ità liberet Deo octingentesimum quemque annum re aliquà insigniter memorabili notare, ideòne verò in conjunctiones magnas vel igneum trigonum referenda causa fuerit?

THESIS VIII.

Ex effectis alia sunt verna, alia æstiva, alia autumnalia, alia hyberna.

"*Ex Deo.*"

Ex effectis vocatur hæc distributio, quia signa hæc unà cum Sole in iis constituto quatuor anni temperates seu quadrantes, Ver, Æstatem, Autumnum & Hyemem; nobis putantur efficere.

THESIS IX.

Verna sunt, *Aries, Taurus, Gemini.*

"*Ex Deo.*"

Sol tria hæc signa peragrans ver producit, tribus constans mensibus: *Martio*, quo in *Ariete* versatur; *Aprili*, quo in *Tauro*; *Mai*, quo in *Gemini*. In principio *Arietis* constitutus Æquinoctium verum, quo dies nocti est æqualis, gignit.

THESIS X.

Æstiva sunt, *Cancer, Leo, Virgo.*

"*Ex Deo.*"

Tria hæc signa Sol peragrans æstatem nobis efficit, quæ tribus constat mensibus: *Junio*, quo in *Cancro*; *Julio*, quo in *Leone*; *Augusto*, quo in *Virgine* versatur. In principio *Canceri* constitutus Solstitium æstivum producit, quo Sol altissimus gradum ascendendo figit; ideo longissimum diem efficit, quem sequitur nox brevissima.

THESIS XI.

Autumnalia sunt, *Libra, Scorpius, Sagittarius.*

"*Ex Deo.*"

Tria hæc signa Sol peragrans autumnum efficit, cujus tres sunt menses: *September*, quo in *Libra*; *October*, quo in *Scorpio*; *November*, quo in *Sagittario* versatur. In principio *Libra* constitutus Æquinoctium autumnale efficit, quo dies nocti æquatur.

THESIS XII.

Hyberna sunt, *Capricornus, Aquarius, Pisces.*

"*Ex Deo.*"

I. Tria hæc signa Sol percutiens hyemem effi-

cit, quæ tribus absolvitur mensibus: *Decembri*, quo in *Capricorno*; *Januario*, quo in *Aquario*; *Februario*, quo in *Piscibus* versatur. In principio *Capricorni* constitutus Solstitium hybernum efficit, quo Sol humillimus gradum descendendo figit, & brevissimum diem producit, quem sequitur nox longissima.

II. Antequam à Zodioci signis abeamus, Astrologorum & Genethliacorum de iis judicia, quid singulis tribuant, quid ex singulis prædicant, recitare hoc loco placet. Etsi enim *Æscylas* hanc minimè probo, nec iudiciis hisce fidem habeo, libet tamen hic dare mysteriorum illorum quoddam specimen: quando & falsas aliorum opiniones nosse haud nocet, ut tantò illustrior & gratior sit veritas.

Observandum autem primò, quodlibet signum Zodiaci continere gradus xxx. Unde totius Zodiaci emergunt gradus cccxlx: tot enim constituunt tricesies duodena. Ex hisce xxx gradibus quodlibet signum in partes tres dividitur, quarum quælibet decem gradus continet. Deinde quia crebra sit horoscopi mentio, observandum ab Astrologis horoscopus dici eam partem cæli quæ genituræ seu natiuitatis tempore ab orientali parte cæli emergit in hemisphærium nostrum, & ortus appellatur: quæ ex Cicerone natalis hora dici potest: è cuius observatione fiunt natalitia prædicta: Aliàs *ascendens* quoque Astrologis appellatur.

In primâ igitur *Arietis* parte, seu primis decem gradibus, aiunt concitari ventos, aquas & tempestates. Sic *Albumasar* inquit; *Quando Sol, Luna, vel alius Planeta ingreditur primum, secundum, vel tertium gradum Arietis, tempus erit nubilum, ventus à Meridie, frigus & tempestas.* Secunda *Arietis* pars est temperata, etsi nonnihil declinat ad caliditatem & siccitatem. Tertia excitat turbines & subitas tempestates, & circa finem fervores:

Tradunt eum qui in horoscopo habet *Arietem*, habiturum faciem longam, oculos magnos versùs terram inclinatos, collum longum, capillos crispes, corpus pilosum, crura subtilia, & debilia; fore loquacem & voracem. Si quis quartum, inquit, *Arietis* gradum habebit in horoscopo, paterna bona dilapidabit. Qui verò decimum septimum in horoscopo habet, dives & delicatus erit.

Dicitur præfesse capiti, oculis, auribus, faciei; nocere cum *Saturno* pectori, cum *Jove* cordi, cum *Marte* capiti, cum *Sole* ventri inferiori, cum *Venere* pedibus, cum *Mercurio* talis, cum *Lunâ* genibus.

Taurus in parte primâ, propter *Pleiadas*, ciet ventos, nubes, tempestates: In secundâ humidus est

& mediocriter calidus: In tertiâ, propter *Hyadas*, calidus est & fulmineus.

Qui *Taurum* in horoscopo habet, faciem habebit magnam, frontem amplam & altam, nasum oblongum, nares apertas, oculos magnos, capillos elevatos & nigros, collum grossum, barbam rotundam corpus laboriosum sed debile & parvum. Si quartum *Tauri* gradum habet in horoscopo erit minax & iracundus; si septimum, pulchræ formæ & superbus; si vigesimum tertium, infelix in omnibus; si vigesimum quartum, fortis, si vigesimum quintum, debilis; si ultimos gradus, humilis & pauper. Tradunt præterea natos sub *Tauro* avidos esse in cumulandis divitiis, in perdendis & iterum recuperandis laboriosos & patientes instar *Taurorum*.

Dicitur præesse collo, cum *Saturno* noceri pectori, cum *Iovi* ventri, cum *Marte* capiti, cum *Sole* costis, cum *Venere* pedibus, cum *Mercurio* cruribus, cum *Lunâ* genibus. Dominari quoque perhibetur melancholiæ, & colori viridi.

Gemini in parte primâ sunt humidi & mali: In secundâ temperati, ita tamen ut ad siccitatem inclinent: In tertiâ incerti, sicciores tamen quàm humidiore.

Qui *Geminos* in horoscopo habent, sunt æquales & recti corpore, pulchri facie, amplius pectore. In quarto gradu pulcritudinem augent, & magnatibus gratos faciunt, fideles, amicitiarum cultores, secretorum scribas.

Ægrotudines in humeris, manibus & brachiis augent. Cum *Saturno* lædunt ventrem, cum *Iove* lumbos, cum *Marte* humeros, cum *Sole* crura, cum *Venere* collum, cum *Lunâ* pedes. Dominantur sanguini & mixto colori.

Cancer signum perhibetur frigidum, humidum, fecundum, phlegmaticum, mobile.

Qui *Cancrum* in horoscopo habent circa medium sunt grossi, incompotiti; parte superiori subtiles, cum curvis & tortis dentibus, cum capillis crispis, oculis parvis. Fiunt docti & suaves, Rerum publicarum moderatores, ingenii acuti, in agendis negotiis tardiores, prout in iram placabiles tamen, honorati. Gignit hoc signum signa in facie, raram efficit barbam.

Præest *Cancer* pectori, mammillis, pulmōni, ventri inferiori, costulis, & in his partibus infirmitates aget. Cum *Saturno* lædit ventrem inferiorem, cum *Iove* costas, cum *Marte* pectus, cum *Sole* pedes, cum *Venere* brachia, cum *Mercurio* oculos & guttur, cum *Lunâ* caput, Dominatur Phlegmati & colori albo.

Leo in parte primâ magno suo æstu spiritus virales attenuat & frangit vires; in secundâ pluvias

ciet, urî & in tertiâ; in fine tamen cœlum reddit serenum.

Qui *Leonem* in horoscopo habent, sunt formosi, aureis capillis præditi, parte superiori grossiores quàm inferiori; crura habent subtilia, ampla pectora, acutos oculos; veloces ad cursum sunt, & præterea iracundi, voraces, iusti, intelligentes, patientes, constantes, promissionum observantes, laboriosi, impatientes servitutis & injuriarum, placabiles, magnanimi.

Præest *Leo* cordi, lumbis, stomacho, jecori, dorso, & costis spinaribus. Cum *Saturno* lædit ventrem inferiorem, cum *Iove* costas & genua, cum *Marte* ventrem medium, cum *Sole* caput, cum *Venere* cor, cum *Mercurio* humeros & guttur, cum *Lunâ* collum. Dominatur cholerae & colori aureo.

Virgo parte primâ perhibetur calida & nociva, secundâ temperata, tertiâ aquosa.

Qui *Virginem* in horoscopo habet, erit erectæ figuræ & venustæ, faciem habebit longam bene formosam, & gratiosos oculos, claros & moderatos, corpus non admodum pingue. Secundum *Haly*, inclinatur ad mores bonos, facit magistros scribarum, castos, verecundos, amabiles, graves, humiles; secundum *Maternum*, laboriosos, cogitabundos, secretorum indagatores, eloquentes, oratores, nuncios ad Principes, viros magnos & divites, laetos, & multâ prole beatos.

Præest fundo stomachi & intestinis. Si fuerit cum *Saturno*, offendet pedes, cum *Iove* genua, cum *Marte* ventrem, cum *Sole* collum, cum *Venere* ventrem inferiorem, cum *Lunâ* humeros. Dominatur colori albo & melancholiæ.

Libra parte primâ est humida & aquea, secundâ sicca, tertiâ humida & ventosa.

Qui *Libram* in horoscopo habet, pulchræ & bonæ erit formæ, corporis mediocris, in facie albus, in reliquis corporis partibus niger, complexionis calidæ & humidæ, libidinosus. Quoad mores, secundum *Haly*, discordium animorum erit reconciliator, Musicus & Poeticus amator; secundum *Maternum*, plures sibi inimicos concitabit, multis periculis obnoxius, quibus quandoque succumbet, quandoque etiam superabit, animum in prosperis & adversis erectum & gloriosum servabit, in fide constans, sæpe viduus.

Præest intestinis, femori, renibus. Cum *Saturno* infirmat genua, cum *Iove* oculos, cum *Marte* partes inferiores, cum *Sole* humeros, cum *Venere* caput, cum *Mercurio* ventrem, cum *Lunâ* cor. Dominatur sanguini & colori viridi.

Scorpius parte primâ nives & ventos gignit, secundâ temperatus est, tertiâ turbidus. Cum *Hyadibus*

ditibus si oriatur, aerem perturbat : Cum *Pleadi-*
bus si occidat, amoenitatem & serenitatem inducit.

Qui *Scorpium* in horoscopo habet, statum erit
parvæ, capillos habebit densos, faciem parvam &
rubicundam, oculos parvos, pedes longos & ad cur-
sum expeditos. Qui tertium & decimum *Scorpionis*
gradum in horoscopo habet, gibbosus erit. Secun-
dum *Maternum* facit in ætate primâ acutos, iracun-
dos, agiles, diversis calamitatibus subiectos, tan-
dem tamen ad honores evehit : reddit varios ama-
tores. Autor est calamitatum in filiis, tandem ta-
men in iis fortunatos efficit, ad iram & rixas in-
clinat, ad negotia & officia aptat.

Præstet veniæ & partibus genitalibus. Cum *Satur-*
no infirmat talos, cum *Jove* pedes, cum *Marte* caput,
brachia & coxas, cum *Sole* cor, cum *Venere* inte-
stina, cum *Mercurio* renes, cum *Lunâ* ventrem.

Sagittarius parte primâ est frigidus & humidus;
secundâ temperatus, ad siccitatem tamen inclinat;
Tertiâ frigidus & siccus.

Qui *Sagittarium* in horoscopo habet, capillos ha-
bebit aureos, crura longa & grossa, faciem & bar-
bam longam, capillos subtile, ventrem amplum,
frontem acutam, vocem humilem. Afflictionibus &
inimicitii multis erit obnoxius, patrimonium in-
esperatum obtinebit, acutus ingeniosus & audax e-
rit, multarum rerum peritus, longa itinera conficiet,
maria trajiciet, multas opes congeret.

Præstet oculis, quorum & cæcitatem inducit : ca-
sus ex alto & frequentes febres minatur, nec non
membrorum mutilationem. Cum *Saturno* lædit pe-
des, cum *Jove* caput, cum *Marte* manus, cum *Sole*
ventrem, cum *Venere* brachia, cum *Mercurio* partes
occultas, cum *Lunâ* dorsum. Dominatur colori lu-
cido & cholera.

Capricornus parte primâ cælum turbat & frigus
acuit, secundâ serenat, tertiâ nives & aquas ciet.

Qui *Capricornum* in horoscopo habet, crura subti-
lia & faciem acutam habebit, barbam longam & ra-
ram, supercilia plena, vocem subtilem. decimus quia-
tus gradus in horoscopo gibbosum facit. Cæterum
cum benigno planetarum aspectu vires magnas ef-
ficat, sinceros amicitiarum cultores, peregrinatores,
lætos, amabiles, divites.

Præstet genibus & nervis. Lædit cum *Saturno* ca-
put, cum *Jove* genua & oculos, cum *Marte* crura &
humeros cum *Sole* dorsum, cum *Venere* cor, cum
Lunâ talos. Dominatur melancholiz & calori nigro

Aquarius parte primâ gignit nives & pluvias, se-
cundâ ventos, tertiâ pluvias.

Qui *Aquarium* in horoscopo habet, erit gloriator
& jactator, faciem habebit coloratâ & pulchram, ti-
biam unam alterâ longiorem : Liberalis erit, & pa-
trimonii dilapidator, recuperabit deperditum, multis
favebit victumque præstabit, paucos experietur gra-
tos; ob præclaras actiones apud magnos innotescet;
delectabitur nobilibus artibus & scientiis, Principi-
bus gratus erit, invidos multos habebit, cogitabun-
dus erit, paucos habebit filios.

Præstet tibiis. Cum *Saturno* offendit caput & col-
lum, cum *Jove* humeros, pectus & pedes, cum *Marte*
cor, cum *Venere* genua, cum *Mercurio* coxas, cum
Lunâ intestina.

Pisces primâ parte frigidi sunt, secundâ pluviosi,
tertiâ ventosi & calidi.

Qui *Pisces* in horoscopo habet, ampli erit pecto-
ris, capitis parvi, barbæ pulchræ frontis amplæ, oc-
culorum nigrorum, coloris albi, vocis parvæ: Fa-
ciunt præterea voraces, bibaces, somnolentos, ma-
gnanimos, patres multorum filiorum, ingeni-
osos, amicos fideles, magnos & celebres ex iti-
neribus.

Præstet pedibus. Cum *Saturno* offendunt bra-
chia & humeros, cum *Jove* cor & caput, cum *Marte*
ventrem, cum *Sole* coxas, cum *Venere* collum,
cum *Mercurio* tibia, cum *Lunâ* renes. Dominan-
tur phlegmati & coloribus variis.

Creduntur signa hæc & aliis extra Zodiacum
stellis variis virtutes communicare, quas ex in plan-
tas & gemmas infundant, *Marsilius Ficinus* De vi-
tâ cœlitus comparandâ cap. 8. & 12. Eorundem si-
gnorum ut & aliarum fixarum & planetarum vir-
tutes quo pacto è cœlo quasi detrahi & annulis vel
imaginibus infundi posse prisca superstitio (quæ nê
jam quidem penitus sepulta) crediderit, vide a-
pud eundem *Marsilium* cap. 13, 15, 16, 17, 18,
19, 20. Ubi mira de imaginum virtutibus autor
tradit.

CAPUT XVIII.

De Sideribus extra Zodiacum.

Sidera extra Zodiacum : Th. I. Septentrionalia : Th. II. Quot singula stellis exornentur : 28. 1.
Compendiosè versibus inclusa : 2. Meridionalia sidera : Th. III. Quot singula stellis insigniantur :
28. 1. Annus magnus seu mundanus : 2. Astrologorum de stellarum fixarum virtutibus sententia exa-
minatur : 3. Ex vario stellarum ortu & occasu prognostica : 4. Genealogiarum de stellis fixis placita : 5.

THESIS I.

HAstus sidera in Zodaico. Sequuntur reliqua, quæ extra Zodiacum sunt, eaque versùs Septentrionem vel Meridiem.

THESIS II.

Quæ versùs Septentrionem sunt, Septentrionalia appellantur: Sûntque numero XXI. Quorum nomina, 1. *Ursa minor*, 2. *Ursa major*, 3. *Draco*, 4. *Cepheus*, 5. *Bootes*, 6. *Corona Borealis*, 7. *Hercules*, 8. *Lyra*, 9. *Avis*, aliis *Olor*, *Milvus*, *Gallina*, 10. *Cassiopeia*, 11. *Perseus*, 12. *Heniochus*, seu *Erichthonius*, 13. *Ophiuchus*, Latinis *Serpentarius*, 14. *Serpens*, 15. *Sagitta*, 16. *Aquila*, 17. *Delphinus*, 18. *Hinnulus*, seu *Equisetio*, vel *Equus minor*, 19. *Pegasus*, seu *Equus alatus*, 20. *Andromeda*, 21. *Triangulus*.

"ΕΝ ΔΕ ΟΥΤΟΙΣ.

I. Quot singulæ hæc constellationes in se stellas contineant, jam ordine annotabimus.

Ursa minor, aliàs *Cynosura*, stellas habet vii, quarum prima in extremâ caudâ *Polaris* est. Inter septem hæc magnitudinis *secunda* sunt 2, *tertia* 1, *quarta* 4, Informem circa se habet unam.

Ursa major, aliàs *Helice*, stellas habet xxvii. Inter quas magnitud. *secunda* sunt 6, *tertia* 8, *quarta* 8, *quinta* 5. Informes circa se habet viii. Quarum *tertia* magnitud. 1, *quarta* 2, *quinta* 1. obscura 4.

Draco stellas habet xxi. Inter quas magnitud. *tertia* 8, *quarta* 16, *quinta* 5, *sexta* 2.

Cepheus stellas habet xi. Inter quas *tertia* magnitud. 1, *quarta* 7, *sexta* 3. Informes circa se habet duas.

Bootes, aliàs *Arctophylax*, stellas habet xxii. Inter quas *tertia* magnitud. 4, *quarta* 9, *quinta* 9. Informem circa se habet unam, quem *Arcturum* appellant magnit. *prima*.

Corona Borealis stellas habet viii. Prima lucens in *Coronâ* appellatur *Ariadne*. Inter hæc *secunda* magnitud. est 1, *quarta* 5, *quinta* 1, *sexta* 1.

Hercules, aliàs *Engonasis*, stellas habet xxix. Inter quas magnit. *tertia* 6, *quarta* 18, *quinta* 2, *sexta* 3. Informem circa se habet unam, quæ magnit. 5^a.

Lyra, seu *Vultur cadens*, stellas habet x. Quarum prima lucida *Fidicula* appellatur. Inter has magnit. *prima* 1, *tertia* 2, *quarta* 7.

Olor, vel *Avis*, aut *Gallina*, stellas habet xvii,

quarum prima *Rostrum Gallinæ*. Inter has magnit. *secunda* 1, *tertia* 5, *quarta* 9, *quinta* 2. Informes circa se habet duas, quæ magnit. *quarta* sunt.

Cassiopea stellas habet xiii. Inter quas magnitud. *tertia* 4, *quarta* 6, *quinta* 1, *sexta* 2.

Perseus stellas habet xxvi. Inter quas magnitud. *secunda* 2, *tertia* 5, *quarta* 16, *quinta* 2, *nebulosa* 1. Informes circa se habet iii. Quarum 2. sunt magnitud. *quinta*, una obscura.

Heniochus, aliàs *Auriga* & *Erichthonius*, stellas habet xiv, quarum *tertia* in sinistro humero, magnit. *prima*, *Capella* seu *Hircus* appellatur. Inter has magnitud. 1^a est 1, *tertia* 2, *quarta* 7, *quinta* 2, *sexta* 1.

Ophiuchus, seu *Serpentarius*, stellas habet xxiv. Inter quas magnit. *tertia* 5, *quarta* 13, *quinta* 6. Informes circa se habet v, quæ singulæ sunt magnit. 4^a.

Serpens Ophiuchi stellas habet xviii. Inter quas magnitud. *tertia* 5, *quarta* 12, *quinta* 1.

Sagitta, seu *Tellus*, stellas habet v. Inter quas *quarta* magnit. 1, *quinta* 3, *sexta* 1.

Aquila, seu *Vultur volans*, stellas habet ix. Inter quas magnit. *secunda* 1, *tertia* 4, *quarta* 1, *quinta* 3. Quæ in scapulis est lucida, *Aquila* dicitur. Informes, quæ *Antinous* constituunt, circa se habet vi. Inter quas magnit. *tertia* 4, *quarta* 1, *quinta* 1.

Delphinus stellas habet x. Inter quas magnitud. *tertia* 5, *quarta* 2, *quinta* 3.

Equisetio, seu *Equus minor*, stellas habet iv, quæ singulæ sunt obscuræ.

Pegasus, seu *Equus alatus*, stellas habet xx. Inter quas magnitud. *secunda* 4, *tertia* 4, *quarta* 9, *quinta* 3.

Andromeda stellas habet xxiii. Inter quas magnitud. *tertia* 7, *quarta* 12, *quinta* 4. Informem circa se habet unam, quæ magnit. est *tertia*.

Triangulum, seu *Deltozon*, stellas habet ix. Inter quas magnitud. *tertia* 3, *quarta* 1.

Sunt igitur in plagâ Septentrionali extra Zodiacum stellæ fixæ cccix. Inter quas magnitud. *prima* 3, *secunda* 17, *tertia* 85, *quarta* 174, *quinta* 58, *sexta* 13, *nebulosa* 1, obscura 9.

II. Constellationes hæc Septentrionales in memoria subdium sequentibus includi possunt versiculis.

Ursa minor, *Majorque*, *Draco*, *Cepheusque*, *Bootesque*, Et *Boreæ Diadema*, *Alcides*, *Orphica Chorda*, *Cignus*, *Cassiopea*, & *Perseus*, *Heniochusque*, *Serpentarius*, & *Serpens*, *Volucrisque*, *Sagitta*, (lus. *Cumq;* *Aquila* *Delphinus*, & *Hinnulus*, atq; *Cabal-Alatus*, dein *Andromede*, tandemq; *Trigonus*.

THESIS III.

Quæ versùs Meridiem sunt, Meridionalia

onalia appellantur: Suncque numero XV. Quorum nomina, 1. *Cetus*, 2. *Orion*, 3. *Eridanus*, 4. *Lepus*, 5. *Canis major*, 6. *Canis minor*, 7. *Argo*, 8. *Hydra*, 9. *Crater*, 10. *Corvus*, 11. *Centaurus*, 12. *Lupus*, 13. *Thuribulum*, 14. *Corona Austrina*, 15. *Piscis Australis*.

"Exdote.

I. Numerus stellarum quæ in singulis hisce constellationibus ita habet;

Cetus, seu *Balana*, aut *Pristis Marina*, stellas habet xxii. Inter quas magnit. tertia 10, quarta 8, quinta 4. quarum decima quarta *Venter Ceti* appellatur.

Orion omnium in toto cælo lucidissima constellation stellas habet xxxviii. In cuius medio stellæ tres in longum dispositæ cinguli figuram referunt, unde *Cingulum Orionis* appellantur, vulgò *Baculus Jacobi*, per cuius medium æquator transit. Inter hæc stellas magnit. prima sunt 2, secunda 4, tertia 8, quarta 15, quinta 3, sexta 5, nebulosa 1.

Eridanus, seu *Fluvius*, aliàs *Nilus*, stellas habet xxxiv. Inter quas magnit. prima 1, tertia 4, quarta 27, quinta 1.

Lepus stellas habet xii. Inter quas tertia magnit. 2, quarta 6, quinta 4.

Canis major stellas habet xviii. Quæ in ore splendidissima est, *Canicula* & *Sirius* appellatur. Inter has magnitud. prima est 1, tertia 5, quarta 5, quinta 7. Informes circa se habet xi. Inter quas magnit. secunda 2, quarta 9.

Canis minor, aliàs *meguon* & *Ameicanis*, stellas habet duas. Quarum una prima magnit. altera 4.

Argo, seu *Navis* & *Arca Noe* stellas habet xlv. In summo gubernaculo quæ est, *Canopus* appellatur, stella toto cælo fulgidissima, *Ægypto* conspicua, in *Europâ* nunquam visa. Inter has prima magnitud. 1, secunda 6, tertia 8, quarta 22, quinta 7, sexta 1.

Hydra stellas habet xxv. Inter quas secunda magnit. 1, tertia 3, quarta 19, quinta 1, sexta 1. Informes circa se habet duas, quarum una magnit. tertia.

Crater, sive *Patera*, vel *Urna*, stellas habet vii. quæ omnes sunt quarta magnitudinis.

Corvus stellas habet vii. Inter quas magnit. tertia 5, quarta 1, quinta 1.

Centaurus stellas habet xxxvii. Inter quas magnit. prima 1, secunda 5, tertia 7, quarta 16, 5^a 8.

Lupus, seu *Bestia Centauri*, stellas habet xix. Inter quas magnitud. tertia 2, quarta 11, quinta 6.

Thuribulum, aliàs *Lar*, vel *Ara*, stellas habet vii. Inter quas magnit. quarta 5, quinta 2.

Corona Austrina, aliàs *Rota Ixionis*, stellas habet xiii. Inter quas quarta magnit. 5, quinta 6.

Piscis Austrinus stellas habet xii. Inter quas magnitud. prima 1, quarta 9, quinta 2. Informes circa se habet vi. Inter quas magnitud. tertia 3, quarta 2, quinta 1.

Sunt igitur in parte Meridionali seu Australi stellæ omnes cccxvi. prima magnit. 7, secunda 18, tertia 60, quarta 168, quinta 53, sexta 9, nebulosa 1.

Existimat *Clavius* in Antartico Polo nullas esse stellas. Sed potior hæc parte nobis est autoritas *Americi Vesputii*, qui scribit se circa Antarticum polulum observasse prope viginti tantæ claritatis stellas quantæ apud nos *Venus* & *Jupiter*; inprimis autem *Canopus* tres, duos claros, tertium obscurum. Similia scribit *Andreas Corsalius*. Itaque seduli astrorum in istâ plagâ contemplatores, quotquot signare oculis hæcenus potuerunt, ad veterum imitationem, ad certas figuras redegerunt, quibus & nomina indiderunt, *Chamaeleonis*, *Apis Indicæ*, *Pavonis*, *Gruis*, *Muscæ*, *Columbæ Noe*, *Toucan*, *Crucis*, *Hydri*, *Nubecularum*, &c.

Possunt & hæ Meridionales constellationes veteribus notæ in memoriæ subsidium tribus comprehendendi versiculis,

Cetus, & *Orion*, dein *Eridanus*; *Lepus*;
Inde *Canis major*, *Minor*, *Argo* hinc, *Hydra*, *Calix*;
Corvus, *Centaurus*, *Lupus*, *Ara*, *Corona*; *Piscis*.

II. Et hæcenus de siderum fixorum distributione. De motu eorum, quanto temporis spatio absolvatur, & ad eadem initia omnes fixæ revertantur, Mathematici disputant. Nobis monuisse hæc suffecerit, conversione fixarum absolutâ magnum seu mundanum produci annum, de quo multa, & haud pauca inania & fabulosa veteres Philosophi, inprimis *Platonici* & *Stoici*. De hoc *Cicero* in *Somnio Scipionis*; *Homines populariter annum tantummodo Solis*, hoc est, unius astri, reditu metiuntur: re autem ipsâ cum ad idem unde semel profecta sunt cuncta astra redierint, eandemque totius cæli descriptionem longis intervallis retulerint, tum ille verè vertens annus appellari potest, in quo vix dicere audeo quàm multa hominum secula teneantur. *Macrobius* Comment. in *Somnium* hoc libr. 2. cap. 11. idem aliquantò planius & distinctius explicat; *Anni mundani ratio talis est: Siella omnes & sidera quæ infixæ cælo videntur, quorum proprium motum nunquam visus humanus sentire vel deprehendere potest moventur tamen: & præter cæli volubilitatem, quâ semper trahuntur, suo quoque accessu tam sero promoventur ut nullius hominum vita tam longa sit quæ observatione continuâ factam de loco permutationem, in quo eas primum viderat, deprehendat.*

dat. Mundani ergo anni finis est, cum stella omnes, omniæque sidera quæ aplanæ habet, à certo loco ad eundem locum ita remeaverint ut nè una quidem celi stella in alio loco sit quàm in quo fuit cum omnes aplanæ ex eo loco motæ sunt ad quem reversa anno suo finem dedere; ita ut lumina quoque cum erraticis quinque in iisdem locis & partibus sint in quibus incipiente mundano anno fuerint. Mentionem ejusdem crebram facit Plato in *Timæo*, De regno, in *Phædro*.

Quot verò Solares annos magnus hic contineat, controversum inter Philosophos est. Recepta multorum Astronomorum sententia est, periodum ejus absolvi spatio annorum Solarium 49000. Qui singulis centum annis stellas fixas unicum progredi gradum credunt, periodum hanc absolvunt annis 36000. *Macrobius* loco antè allegato, annis 15000. alii, 12000. *Marcilius Ficinus*, ex sententiâ *Platoniorum*, à magno hoc Mundi anno distinguit annum magnum Animarum. Statuunt autem ii sphaeras duodecim, octo cælorum, & quatuor elementorum: In singulis aiunt animas ab initio omnes conditas morari per mille annos, facto initio à sphaerâ octavâ. Unde sequitur elapsis 12000. annis animas demum ad primam suam reverti classem, adeoque in pristinum restitui statum, postquam ex *Vergilii sententiâ*, per mille annos in infimâ & duodecimâ sphaerâ, quæ Infernum seu Purgatorium continet, probè sunt purgatæ:

*Has omnes, ubi mille rotam volvere per annos,
Lethæum an fluvium Deus evocat agmine magno,
Stillicet immemores supera ut convexa revisant,
Rursus & incipiant in corpora velle reverti.*

Hic Animarum annus ter repetitus Mundi annum ex *Ficini sententiâ* producit. Hæc suavia & sterilia humani ingenii somnia. Cum Theologicâ veritate si conferantur, impia sunt hominum male sanorum deliria.

Porro hæc mundani anni ex ætâ periodo, iisdem omnino causis redeuntibus, planè eisdem effectus reditus finxerunt *Platonici*, ut *Marcilius* in *Platonica Theologia* lib. 4. cap. 2. docet: Unde humanorum quoque corporum resurrectionem affirmarunt. Nobis hic consulenda Christiana Schola, quæ longè certiora de mundi origine ac duratione, de animarum statu & corporum resurrectione tradit. Ista nè resurrectione quidem digna sunt: et si sub censuram à *Piccolomineo* sunt vocata.

III. Qui tam varios nobis & contrarios stellarum fixarum in tempestatibus aerisque constitutionibus ciendis effectus prædicant, assertionis suæ lubricum fundamentum habent experientiam. Quâ freti *Orionem* vocant nimbosum, *Arcturum* &

Hyadas pluviosas & frigidas, *Caniculam* & *Leonem* ferventes præ omnibus reliquis stellis. At, inquam ego, cur *Hyades* pluviosas potius dixeris quàm serenantes cum eundè iis in cælo situm servantibus non serenitates minùs quàm pluvias quandoque sunt frequentes? Sole enim *Taurum*, qui in fronte gestat *Hyades*, occupante, quod in *Aprili* contingit, nonne serenissimi & lætissimi sæpenumero dies sunt? At contrà eodem in *Leone* constituto, quod *Julio* mense accidit, nonne tristes sæpenumero & pluvii? Frustrâ igitur virtutibus tam diversis & per se inhærentibus stellas distinguunt. Nec est quod dicant impediri sæpenumero stellas à contrariis aliarum stellarum virtutibus aut diversis aspectibus: hoc enim est principium petere, & dubium per æquè dubium probare. Videantur quæ suprà adversus Astrologorum prognostica sunt disputata.

Sunt autem duo potissimum quæ suspecta mihi reddunt hæc Astrologorum de virtutibus stellarum placita.

1. Quodd videam in tempestatum prædictionibus tam sæpe ipsos errare. Atqui si verè & per se stellis ineffent virtutes istæ distinctæ, exque Astrologis explicatæ unâ cum motu politique singulorum siderum, sanè certiores essent prædictiones quàm esse hæcenus vidimus. Anni hujus MDCCXXVII Decembrem nivofum & frigidum fore prædixerunt, qui continuo ferè aultrorim statu pluviosus & tepidus fuit, quæ etiamnum insolita tempestas continuatur in anni MDCCXXVIII. Januario.

Excipiunt nonnulli, inferiorum materiam non ita semper esse dispositam ut superiorum impressiones recipiat. *Resp. 1.* ex ipsorummet sententiâ; Ratio hæc nullius est momenti. Ipsi enim docent talia esse inferiora qualia redduntur à superioribus: quodd si ita, cur superioribus eodem modo se habentibus inferiora semper non respondent? 2. Quæro quo autore didicerint illi qualis inferiorum requiratur dispositio ad recipiendas superiorum impressiones. Experientiam si obtendant, lubrico se tutantur fundamento, quo niti non minùs possint adversarii ipsorum. Quæro etiam, præsciantne ipsi inferiorum dispositiones, an nesciant. Si præsciunt, occur toties in prædictione effectorum errant, qui omnes causas habent exploratas? Si nesciunt, omnis prædictionum certitudo cadit; insuperque nescient à cælesti potius an elementari causâ sit aeris constitutio, & tempestatum quam prædicunt mutatio.

2. Quodd Sole in eodem Zodiaci signo ferè immobili existente, sub iisdem aspectibus planè contrariae sint tempestatum annuæ in oppositis locis versùs Septentrionem & Meridiem. Ità Sol in

Cancro

Cancro, Leone & Virgine nobis æstatem, aliis hyemem producit: in *Ariete, Tauro & Geminis* nobis ver, aliis autumnum, &c. Effeetus hi tam diverſi quæ à Zodiaci ſignis eodem modo ſemper ſubjecta loca deſipientibus produci poſſint, equidem non vido. Ad Solem referri commodius poſſiunt, ob motum ejus in Zodiaco obliquum, ſicquæque reſpectu diverſorum locorum varium; ita ut alii per ſe, alii per acciſſens indè manent.

Hinc tandem ut abeam, veritati conſentanea hæc videtur mihi ſententia; Præter lucendi & calefaciendi virtutem, propriè & per ſe nullam aliam, quæ quidem mortalibus ſit explorata, ineſſe ſtellis: Illam ſenſus teſtatur, hanc rationibus ſuprà firmavimus. Interim tamen non negamus, mediante calore intenſo vel remiſſo vices in hoc inferiori mundo pro ſubjectorum diverſitate plurimas effici, quæ vulgò non niſi ab aliis qualitatibus proſciſci poſſe exiſtimantur.

IV. Nè tamen Aſtologi nullam planè prognoficorum ſuorum rationem à nobis hoc loco haberi querantur, agè aliquid etiam de iis addamus. Cum igitur ex ſtellarum fixarum orbitis & occaſibus varias illi aeris conſtitutiones & tempeſtates prædicant, obſervandum, duplicem ſtellarum fixarum eſſe ortum & duplicem occaſum; Ortum matutinum & vespertinum, occaſum matutinum & vespertinum. Ortus matutinus eſt, cum ſtella aliqua fixa manè oritur cum Sole, ſeu unà cum Sole ſuprà horizontem emergit. Ortus vespertinus eſt, cum fixa vespere ſuprà horozontem noſtrum aſurgit Sole deſcendente. Occaſus matutinus eſt, cum Sole manè ſuprà horizontem aſcendente ſtella infra eam deſcendit ſeu occidit. Occaſus vespertinus eſt, cum fixa unà cum Sole infra horizontem vespere deſcendit. Ex hiſce igitur ortuum & occaſuum varietatibus prognofica quoque petuntur varia de futuris tempeſtatibus.

Manè igitur cum Sole oriens Roſtrum Corvi aerem turbat & craſſum reddit. Humerus ſiniſter Aquarii aerem frigidum & glaciem producit. Cauda Scorpii aerem inſtantem reddit. Cornu Arietis pluvias vel nives excitat. Pleiades Favonium compeſcunt. Ultima. cauda Arietis rorem gignit. Oculi Tauri Septentrionalis tempeſtates excitat. Hyades pluvias ſignificant, & ventos Aquilonares ceſſare faciunt. Oculi Tauri Australis pluvias & tempeſtates excitat. Humerus dexter Orionis pluvias gignit. Cingulum Orionis pluvias continuat. Sinifter pes Orionis tranquillitatem & ſerenitatem promittit. Aſellus Boreus pluviam ſignificat. Sirius, maris, terræ & animantium perturbationem producit, uti & ſiccitates, canum rabiem, piſcium ſiderationem. Regulus

Aquilonem excitat; Tergum Leonis, humiditatem & frigiditatem; Cauda Leonis, tempeſtates; Vindemiator, humiditatem & frigiditatem; Arcturus, procellas & grandines; Lucida Corona, ventos; Cervix corvi, aeris inſtantiam; Dexter humerus Herculis, ſubitam tempeſtatem, ventos, pluvias, tonitrua; Lucida Lancis Borealis, Favonium; Lucida Lancis Australis, ventos inordinatos; Humerus dexter Centauri, ventos, nives & pluvias; Cor Scorpionis, humiditatem & tempeſtates; Aquila, pluvias vel nives & remiſſionem frigoris; Cauda Delphini, pluvias vel nives; Nebuloſa Sagittarii, nebulam, humiditatem & ventorum conſictus; Caput Andromedæ, aeris ſerenitatem.

Vespere occidente Sole oriens Cingulum Orionis excitat Favonium; Nebuloſa Capiti Orionis, ventos, frigoris remiſſionem, aeris craſſitatem; Lucida Corona, tempeſtates; Aſelli & Præſepe pluvias, ſi Luna aut Veneri conjungantur; Canis minor, aeris varietatem; Venter Leporis, frigus aſperum; Sirius, remiſſionem frigoris & auram lenem; Regulus, incrementum frigoris; Tergum Draconis, nebulas & frigiditatem; Lucida Hydræ, pluvias & nives; Cauda Draconis, humiditatem; Præcedens in femore Herculis, ventos & tempeſtates; Vindemiator, Aquilonem gelidum; Arcturus, tempeſtates & interdum procellas; Lucida Corona, tempeſtates in mari & humidus ventos; Cervix Corvi, Austrum pluvioſum; Spica Virginis, frigiditatem, humiditatem & aeris perturbationem; Roſtrum Corvi, aeris frigiditatem; Dexter humerus Herculis, ventos orientales; Brachium dextrum Herculis, ventos; Herculis ſiniſter humerus, nives & pluvias; Caput Herculis, tonitrua; Lucida Lancis Boreæ, noctem frigidiorum; Humerus dexter Centauri, humiditatem aeris; Cor Scorpionis, tempeſtatem; Aquila in plenilunio, ſterilitatem olearum & vitium florentium; Delphinus, nebulas & aeris varietatem; Caput Andromedæ, gratam ſerenitatem; Humerus ſiniſter Aquarii, frigidam auram & ventos; Aſellus Australis, obſcuritatem cœli & pluvias; Cornu Arietis, aeris inſtantiam; Pleiades, copioſas pluvias & Austrum; Dexter talus Aurigæ vel Heniochi, ventum turbidum; Oculi Tauri, auram frigidam & nivolaſ; Pes dexter Serpentarii, nebulas & obſcuritatem; Caput Geminorum, & Humerus Orionis ſiniſter, remiſſionem frigoris & ventorum conſictum; Humerus dexter Orionis, nives & ventos occidentales.

Manè oriente Sole occidens Roſtrum Corvi efficit auram turbidam & craſſam; Aſellus Boreus, aeris varietatem; Ala dextra Corvi, nubes, nives & aeris perturbationem; Regulus, Aquilonem & pluvias; Spica Virginis, humiditatem & ventos; Cauda Scorpionis

nis, ventos, pluvias, & tonitrua; *Nebulosa sequens aculeum scorpionis*, nebulas & Aquilonem; *Cauda Leonis*, nivem vel frigus; *Tergum Leonis*, nebulas & rorem; *Cor Scorpionis*, aerem æstuosum; *Sinistrum femur Sagittarii*, serenitatem; *Serpentarius*, nubes; *Axilla Sagittarii*, serenitatem; *Faculum Sagittarii*, pluvias; *Arcturus*, aerem intemperatum; *Nebulosa Sagittarii*, aerem turbidum & nubilosum; *Lucidum Corona*, Austrum; *Aquila*, Africum & æstum; *Dextra tibia Aquarii*, tonitrua & coruscationes; *Humerus dexter Aquarii*, pluvias, ventos & coruscationes; *Delphinus*, æstum & imbres; *Cubitus dexter Aquarii*, coruscationes, pluvias, & ventos; *Cauda Ceti*, nebulas; *Femur sinistrum Herculis*, ventos occidentales; *Caput Andromedæ*, aeris temperiem gratissimam; *Cornu Arietis*, aeris inconstantiam; *Venter Leporis*, ventos; *Apex Trianguli*, ventos occidentales; *Clypeus Orionis*, nubes & ventos siccos; *Ultima cauda Arietis*, pluvias cum nive; *Canis major*, Africum cum pluviis; *Hyades*, gelidas pluvias; *Pleiades*, Aquilonem; *Canis minor*, vel *Procyon*, Africum cum pluviis; *Lucida Hydra*, nebulas & humiditates cum ventis; *Caput Geminorum præcedens*, nives & ventos occidentales.

Vesper occidente *Sole* occidens *Lucida Corona* efficit tempestates; *Aquila*, tempestates; *Humerus sinister Aquarii*, frigiditatem; *Cauda Delphini*, Austrum violentum cum pluviâ vel nive; *Cubitus dexter Aquarii*, ventum pluviosum; *Os Cygni*, tempestatem in mari & ventos humidos; *Femur sinistrum Herculis*, ventos vehementes occidentales; *Caput Andromedæ*, frigiditatem; *Venter Leporis*, ventos frigidos; *Sinister pes Orionis* temperatam aeris complexionem; *Clypeus Orionis*, pluvias; *Ultima cauda Arietis*, pluvias nocturnas; *Sirius*, Austrum & Aquilonem, si biduo ante vel post plenilunium, rubiginem segetis, & uredinem florentium; *Hyades*, ventos frigidos; *Pleiades*, Africum, qui tandem ad Favonium devolvitur; Si cum *Marte* & *Venere*, pluviosam tempestatem; *Oculus Tauri*, tempestatem; *Procyon* cum plenilunio, omnium frugum lesionem; in interlunio, oleæ & vitium florentium uredinem; *Lucida Hydra*, nubes cum pluviâ; *Rosstrum Corvi*, tranquillum & serenum aerem; *Cor Corvi*, aerem inconstantem, fulgura & tonitrua; *Caput Geminorum sequens*, ventos occidentales; *Asellus Boreus*, Aquilones; *Ala dextra Corvi*, nubes & pluvias nocturnas; *Regulus*, Favonium; *Cauda Scorpionis*, tempestatem; *Cauda Draconis*, tepeditatem; *Tergum Draconis*, nebulas & nubes; *Cor Scorpionis*, plu-

vias; *Sinistrum femur Sagittarii*, ventos & serenitatem; *Axilla Sagittarii*, frigus serenum; *Faculum Sagittarii*, auram levem & frigoris remissionem; *Arcturus*, ventos meridionales; *Nebulosa Sagittarii*, nebulas & obscuritatem.

V. Nec tacita planè Genethliacorum de stellis fixis placita relinquam: E multis igitur pauciora & insigniora ipsorum pronunciata refero sequentia.

Arcturi stella in gradu 18° *Libræ* unâ cum morum significatibus fidelitatem, reliquis significatibus addit morum integritatem.

Cor Leonis magnanimitatem addit, superbiam & cupiditatem regnandi.

Spica Virginis in 17° *Libræ* sedulitatem excitat, & in cognitione artium liberalium diligentiam, cum sedulitate mirabili, præsertim si jungatur *Mercurio*. Cum *Saturno* verò morum significatore juncta, pro suavitate, asperitatem & inconvenientem gravitatem; cum *Marte*, severitatem importunam producit.

Cor Scorpii in 3° *Sagittarii* morum significatibus junctum violentiam quandam moribus addit, & audaciam cum crudelitate conjunctam.

Oculus Tauri in 3° *Geminorum* inquietum hominem reddit, turbulentum & seditiosum.

Hercules in 28° *Canceri* cum morum significatibus calliditatem, astutiam, animositatem cum temeritate & crudelitate conjunctam, nato confert.

Lyra in 8° *Capricorni* ad Musicam & voluptates inclinat.

Cruda Gallina in 1° *Piscium* ingeniosum reddit hominem, & ad liberalium artium studia idoneum.

Caput Medusæ in 2° *Tauri* crudelitatem in homine excitat, & violentæ mortis vel inferendæ vel subeundæ indicium facit.

Capella in 26° *Geminorum* cunctiositatem & nimiam timiditatem excitat.

Aquila in 25° *Capricorni* moribus addit ferociam & militarem animositatem.

Delphini constellatio in 9°, 10°, 11°, 12°, & 13°, *Aquarii* cum Domino genituræ, hilares facit homines, qui nationibus & saltationibus delectantur, amicos tamen minus sinceros.

Canicula in 8° *Canceri* hominem efficit petulantem, ad iracundiam pronum, superbum, incautum, violentum.

CAPUT XIX.

De Planetarum naturâ, numero, ordine, & motu.

Planetæ: Thef. I. Quod stellæ errantes dici possint negatur à Patricio: in d. 1. Adhibita distinctione conceditur: 2. Recepta de numero Stellarum errantium sententia: Thef. II. Illustratur testimonio Ciceronis: in d. 1. Alia aliorum Philosophorum discrepantes de hoc numero sententia: 2. Item de situ eorum & ordine: 3. Argumenta Mathematicorum receptum ordinem stabilita: 4. Impugnantur à Patricio: 5. Approbatur recepta sententia: 6. Planetarum affectio: Thef. III. Interna: Thef. IIII. Motus Planetarum secundum longitudinem: Thef. V. Dicitur modò Directio, modò Regressio: in d. Secundum latitudinem: Thef. VI. Plures Planetarum vulgò numerantur affectiones: in d.

THESIS I.

Hæcenus de stellis fixis. Sequuntur Planetæ, quæ stellæ sunt infra fixas collocatæ, à cursuum, situum & distantiarum variationibus errantes nuncupatæ.

"Ex Senis.

I. Diogenes cum stellas hæc ab artifice quodam errantes vocari audiret, dixisse ad artificem fertur, Tu erras illas errare. Et verò in eadem sententiâ est Patricius, Conditoris enim, inquit, sequuntur iussa: Deus autem & natura nihil facit frustra, neque motum ullum ciet frustra; si motum frustra non ciet, omnes ad finem dirigit; si ad finem dirigit omnes, sunt quoque per sua initia & media ordinati omnes; Si omnes sunt ordinati, in nullo errant; si in nullo errant, neque in horum astrorum motu errat ullo: In horum si nullo errat, quâ de causâ erroneas nominantur seu planetæ? Perperam sanè, inquit nomen hoc eis est tributum, nostro equidem arbitrio & errore errant: eorum verò nulla culpa: neque enim natura illorum errare potest.

II. Sed lites hæc componere difficilis opera non est. Errare aliquid in motu dicitur duobus modis, propriè & per se, vel impropiè & respectu alterius. Per se in motu illud errat, quod terminum unde primò est egressum, quemque attingere iterum debebat, vel non attingit, vel attingit quidem & sæpius, sed non eadem viâ, verùm omnino diversis itineribus & diversis quoque temporibus; immâ, quod certas motus sui leges non observat. Impropiè, respectu alterius, dicitur errare, quod quidem eundem terminum perpetuò attingit eadem semitâ & eodem tempore, at tamen simplici motu rectâque & planâ viâ non utitur, sed modò in hanc modò in illam se deflectit partem, modò ascendit modò descendit,

idque nihilominus constanti & perpetuâ lege, adeò ut toties eosdem relegat gressus quoties ad primum motus sui terminum contendit. Priori modo stellæ nullæ errant, ut efficacissimè Patricii ratio demonstrat: Posteriori modo errantes quasdam vocare absurditatis nihil habet.

Vocamus igitur stellas infra firmamentum seu ut alii loquuntur, infra octavam sphaeram collocatas planetas seu erroneas, respectu stellarum fixarum: Non enim harum more eandem vel à se invicem vel à terrâ distantiam servant, non eundem in cælo situm obtinent, sed modò vicinæ sunt sibi modò disjunctæ, modò ascendunt modò descendunt, jam in hac jam in illâ cæli parte versantur. Quod sanè perquam mirum accidit, in tantâ motuum inæqualitate tantam nihilominus servari æqualitatem & constantiam. Nam verbi gratiâ, Mercurius, etiamsi varios in cælo, describit meandros, tamen curriculum suum ubi planè confecerit, quod annuo ferè spatio contingit, omnes antiquas suas semitas, ut maximè varias & tortuosas, tantâ denuo percurrit certitudine ut nè minimum quidem in motu aberrasse deprehendi possit, respondentibus invicem mirificè temporum momentis: Quod opus esse omnipotentis Dei virtutis nemo non agnoscit.

THESIS II.

Planetæ vulgò numerantur septem, hoc ordine; Saturnus, Jupiter, Mars, Sol, Venus, Mercurius, Luna. Characteres quibus notari solent, hi sunt;

♄ ♃ ♀ ☉ ♁ ♂ ♁

"Ex Senis.

I. Receptissima sententia est, Planetas numero septem esse, non plures, non pauciores: Tot enim

enim à multis seculis Mathematicorum vigilæ observant stellas varietate motuum cum à se invicem tum ab aliis firmamenti sideribus differentes. Elegans est *Ciceronis* locus in *Somnio Scipionis*, ubi ita *Africanus*; Num aspicias quæ in templa *Veneris*? Novem tibi orbibus, vel potius globis, connexa sunt omnia. Quorum unus est celestis extremus, qui reliquos omnes complectitur: summus ipse *DEUS*, arcens & continens ceteros. Octavus, in quo infixi sunt illi qui voluntur stellarum cursus sempiterni. Cui subiecti sunt septem, qui versantur retro, contrario motu atque cælum. Ex quibus unum globum possidet stella quam in terris *Saturniam* nominant. Deinde est hominum generi *prosperus* & *salutaris* ille fulgor, qui dicitur *Jovis*. Tum *rutilus* horribilisque terris, quem *Martem* dicunt. Deinde *subtermediam* ferè regionem *Sol* obtinet, dux & princeps & moderator luminum reliquorum, mens mundi & temperatio, tantâ magnitudine ut cuncta suâ luce lustret & compleat. Hunc ut comites consequuntur, aliter *Veneris*, aliter *Mercurii* cursus: In infimoque orbe *Luna* radiis *Solis* accensa convertitur. Plura de hoc numero apud *Macrobius* *Ciceronis* commentatorem videris.

I I. Sed posterioris ævi, & nostri quidem siderum contemplatores antiquum limitem moverunt. Et *Patricius* quidem non nisi quinque Planetas agnoscit; eximitque eorum numero *Solem* & *Lunam*: imò nè inter astra quidem *Lunam* tolerat. Rationes ejus suo loco videbimus. Contrà verò acutioribus oculis alii rempublicam cœlestem contemplati, numerum Planetarum auxere. Inter hos fuit *Italus* Mathematicus *Galileus*, cujus & suprà à nobis facta mentio. Hic ope exquisiti instrumenti dioptrici, anno *MD C IX*, primus in *Italiâ* circa *Jovem* quatuor erroneos observavit prioribus seculis incognitos mortalibus: nec dubitat quin & alii Planetæ suis quoque satellitibus erroneis sint stipati. In *Germaniâ* nostrâ eodem anno *Belgici* perspicilli auxilio eosdem satellites primus observavit *Simon Marius*, cum de novis *Galilæi* observationibus necdum quicquam inaudisset, ut in præfatione *Mundi Fovialis* autor scribit. Lætus igitur hæc novorum cœli hospitem observatione novâ familiarius eosdem visitare aggressus est, scripsitque theoriam & tabulas eorum, e quibus situs ipsorum ad *Jovem* quovis dato tempore supputari potest. Primum nominat *Mercurium Fovialem*, secundum *Venerem Fovialem*, tertium *Jovem Fovialem*, quartum *Saturnum Fovialem*. Post hosce duos Mathematicos, à plurimis aliis sunt visi, eodem vel simili instrumento. Scribit idem, ut & alii, in *Sole* plures esse visas maculas, quasi nigras, easque mobiles, & subinde disparentes. Un-

de probabiliter duo colligunt Mathematici; 1. *Maculas hæc extra solem esse*, 2. *In æthere minores quasdam infra Solem esse stellulas erraticas quæ obiectu suo aliquam corporis Solaris partem occultant*, ut fieri in *Eclipsibus* solet. Hæc si vera essent, uti omnino puto esse, illa præsertim quæ de Planetis *Fovialibus* observata sunt, de numero Planetarum longè aliter sentiendum erit. Nec credibile est, quod vulgò circumfertur in Scholis, tam ampla illa & vasta septem Planetarum spatia à Creatore non nisi septem erraticis stellis assignata esse, cum fixarum regio innumerabilibus frequentetur. Itaque verisimile mihi videtur, quod & observationes firmant recentes, longè plures esse infra fixarum regionem stellas quam ab antiquis ipsisque recentioribus Mathematicis sunt observatæ.

III. De ordine sitûque Planetarum disceptantes quoque Philosophorum sententiæ sunt: Et hodie quidem receptissima est, cui ab antiquitate quoque autoritas, quam in thesi supra nos sumus secuti, primum summumque locum *Saturno*, secundum *Jovi*, tertium *Marti*, quartum *Soli*, quintum *Veneri*, sextum *Mercurio*, septimum & infimum *Lunæ* assignantes. Ordo hic Scholastico versiculo significatur,

Post *S I M S U M* numeros ultima *Luna* subest. Si libet, hoc distichon habe,

Saturni atque Jovis sidus, Mars, Sol, Venus atque, Mercurius, claudit ultima Luna chorum.

Dispicuit hic ordo aliis cum veteribus tum recentibus. Et quidem summo atque extimo loco *Solem* collocarunt, *Anaximander*, *Metrodorus*, *Chius*, & *Crates Thebanus*: Post *Solem*, supra alios iidem *Lunam* evexere. Contrà infimo loco *Lunam*, & proximo à *Lunæ* spatio *Solem* locarunt *Ægyptii*, *Pythagoras*, *Timaus Locrensis*, *Eudoxus*, *Theon*, & plerique alii *Græci* Philosophi. Proximè supra *Mercurium*, infra *Venerem* constituit *Solem Alpetragius*, & autor libri De mundo ad *Alexandram*. *Aristoteles* *Mercurium* sub *Marte* & supra *Venerem* statuit. *Martianus Capella* supra *Solem* ponit *Mercurium*, supra *Mercurium* *Venerem* & infra *Martem*; quæ & *Tychonis* sententia est. *Nicolaus Copernicus Aristarchum Samium* secutus in universi centro *Solem* collocat immobilem, supra hunc *Mercurium*, proximè à *Mercurio* *Venerem*, Circa hunc Orbem magnum, qui Terram unâ cum *Elementis* & *Lunâ* continet; hinc *Martem*, *Jovem*, *Saturnum*. Tandem *Xenocrates* omnes Planetas reliquasque stellas in unâ eademque cœli superficie collocavit, Sequitur hunc *Franciscus Patricius* qui

qui omnes Planetas in fixarum regionem infert, & nihilò fixis humiliores esse contendit.

IV. In Phycorum & Mathematicorum Scholis, ut antè diximus, receptus est Planetarum ordo, quem in thesi suprà expressimus. Suadent autem Mathematici ordinem hunc tribus potissimum argumentis: Quorum primum petitur à diversitate aspectus, secundum a velocitate & tarditate motus, tertium ex eclipsibus seu occultationibus Planetarum.

1. Diversitatem aspectus nominant differentiam veri visiq; loci alicujus astri. Verus locus astri ipsis est punctum illud circuli maximi per verticem capitis & astrum transiens, quod lineam rectam è centro terræ per centrum astri ad circulum illum maximum protraham terminat. Visus locus astri est illud ipsum punctum circuli maximi quod lineam rectam ab oculo nostro per sideris centrum ad circulum maximum educam terminat. Hinc ita arguunt; Illud astrum est terræ vicinius quod cæteris paribus, majorem habet diversitatem aspectus: Atqui *Luna* maximam deprehensa est patii diversitatem aspectus, deinde *Mercurius*, post *Venus*, & tandem *Sol*: Ergò infimo loco collocata est *Luna*, secundo *Mercurius*, tertio *Venus*, quarto *Sol*. Assumptionem probant Mathematicorum observationes. Ex primâ ratione hæc de ordine *Saturni*, *Jovis* & *Martis* certi nihil pronunciari potest; quia propter nimiam distantiam aspectuum diversitatem non patiuntur.

2. Ex velocitate & tarditate motus ita arguunt; Quò citius stella ab occidente in orientem contra motum primi mobilis fertur, eò remotior est à primo mobili: Atqui *Luna* inter omnes Planetas velocissimè ab occidente in orientem contra motum primi mobilis movetur: Ergò à primo mobili est remotissima, & proinde infima. Eadem ratione, quia tardissimè moventur stellæ fixæ, summo loco erunt collocatæ; post eas ordine tres Planetæ *Saturnus*, *Jupiter*, *Mars*, tarditate reliquos omnes Planetas excedentes. Propositionis ratio est; Quia quò celerius movetur stella contra motum primi mobilis, eò longius recedit à naturâ & conditione ejus; quò autem recedit longius, eò inferior & humilior est. Ex hac ratione concludi quidem potest *Solem*, *Venerem* & *Mercurium* esse sublimiores *Lunâ*, & inferiores *Saturno*, *Jove* & *Marte*. De ordine verò ipsorum inter se nihil certi potest definiri, quia eodem ferè tempore proprios suos motus absolunt, adeoque in motu æquales sunt.

3. Ex Eclipsibus denique & occultationibus Planetarum ita arguunt; Illud astrum est inferius

quod alterum nobis occultat: Atqui *Luna*, quando cum aliis Planetis conjungitur, eos interdum nobis occultat: Ergò infra alios Planetas est collocata. Ex eodem fundamento *Mercurius* erit sub *Venerè*, & *Venus* sub *Marte*. Nec hæc ratio singulorum Planetarum ordinem monstrat, sed *Luna* potissimum humilitatem evincit. Itaque ad ordinem hunc plenè demonstrandum singulæ tres rationes erunt conjungendæ.

V. *Patricius* cum suspectum habeat receptum hunc ordinem, ad enervandas hæc rationes se confert, & ammadversione haud contemnendâ singulas propemodum convellit. Respondit igitur.

Ad 1m. Cum ratio iab aspectuum diversitate petita non attingat *J*, *V*, *S*, ut ipsi fatentur Mathematici, de ordine sitûque eorum integram manere dubitationem. Quod certum est.

Ad 2m. Minus conficere hanc rationem. Cum enim raptus primi mobilis nullus sit, motûque proprio omnes stellæ ab ortu in occasum moveantur, & xxiv. horarum spatio curriculum singulæ absolvant, sequetur hæc ratione octavam sphaeram, quam ita vulgò appellant, infra *Lunam* esse constitutam; quia longè velocior est ejus motus proprius quàm *Luna*: Eodem enim tempore cum *Lunâ* cursum suum conficit in circulo longè majore quàm *Luna*. Sic eadem octava sphaera eodem tempore motum absolvit quo reliqui Planetæ: Unde consequens erit, vel eodem à terrâ intervallo Planetas abesse, vel octavâ sphaerâ superiores esse, si velocius ea moveatur per spatium majus. Deinde alio quoque nomine inconsequens hæc ratio est; Si quidem in eodem spatio à duobus tardius & citius confici iter potest, pro virium cujusque robore: quod apud nos exemplis animalium & navium in eodem flumine currentium palàm est. Verissimum hoc esse nemo negabit.

Ad 3m. Ex hac ratione certi nihil posse concludi de ordine *Saturni*, *Jovis* & *Martis* inter se; item de ordine inter *Solem*, *Venerem*, & *Mercurium*, cum *Venus* quoque & *Mercurius* à *Lunâ* operiantur. Nec hæc contemnenda instantia, ipsorummet Mathematicorum confessione & judicio.

VI. Itaque hæ Mathematicorum demonstrationes ordinem sitûque Planetarum ita non demonstrant ut omnem dubitationis scrupulum eximant. De quorundam tamen ordine & situ prima & tertia nos edocent: secunda, cui plurimum alii tribuunt, vix probabilis est. Interim receptam sententiam minimè deserendam judicamus, cum antiqua & celebris sit, nec non probabilioribus nitatur rationibus quàm aliæ. In primis autem

Xenocratis.

Xenocratis & Patricii sententia displicet, quod & sensuum judicio & Mathematicorum demonstrationibus hand leviter convellatur. Si cui libet plane ridiculas rationes ordinis Planetarum cognoscere, Theologum, Philosophum & Astronomum celebrem Paulum Venetum consulat, qui in libello suo De mundi compositione tam suaviter de ordinis hujus causis delirat ut Poetis omnibus palmam facile præripiat. Specimen nugatum istarum in theatrum produxit Amylius Parisianus Exercit. lib. 3. exerc. 4. cap. 6.

THESIS III.

Planetarum affectio in genere est interna vel externa.

THESIS IV.

Interna est Motus, qui fit secundum longitudinem vel latitudinem Zodiaci.

THESIS V.

Motus secundum longitudinem est, quo

Zodiacum totum emetiuntur, ab uno signo in aliud transeuntes.

"*Expositio.*"

Motus hic, cum rectè secundum ordinem signorum progrediuntur ex *Ariete* in *Taurum*, & sic deinceps, *directio* vocatur: cum verò quasi gressus relegerunt, è *Tauro* in *Arietem* redeuntes, *regressio*, dicitur.

THESIS VI.

Motus secundum latitudinem est, quo Planeta omnes, excepto solo Sole, ab *Eclipticâ* recedunt, & jam in *Zodiaci* partem Septentrionalem jam in Meridionalem pergunt.

"*Expositio.*"

Vulgò & hæc numerantur affectiones. *Altitudo*, *Humilitas*, *Statio*. *Altitudinem* vocant, cum ex imo cœli loco in altissimum ascendunt: *Humilitatem*, cum ex altissimo in imum descenderunt: *Stationem*, cum nec ortum nec occasum versùs videntur progredi.

CAPUT XX.

De planetarum adspectibus.

Affectio Planetarum externa, seu *Adspectus*: *Thes. I. Explicatur*: *Ad. Conjunctio eorum*: *Thes. II. Declaratur*: *Ad. 1. Reprehenditur sententia eorum qui Ecclesiæ & Imperiorum mutationes ad astra referunt*: 2. *Citatur Picus contra Astrologos*: 3. *Keppleri assertio*: 4. *Improbatur*: 5. *Disjunctio Planetarum*: *Thes. III. Oppositio*: *Thes. IV. Trigonus*: *Thes. V. Tetragonus seu Quadratus*: *Thes. VI. Sextilis*: *Thes. VII. Damnatnr Astrologorum vanitas adpectus alios fortunatos alios infelicitatos constituentium*: *Ad.*

THESIS I.

Fuit affectio Planetarum interna. Externa est *Adspectus Planetarum*, qui est varius Planetarum inter se sub *Zodiaco* positus, quo vel conjuncti sibi sunt vel disjuncti.

"*Expositio.*"

Adspectuum ratio ut rectè intelligatur sciendum, integrum Zodiacum dividi in partes majores vel minores. Minores Zodiaci partes, ut & omnis circuli majoris cœlestis, gradus sunt trecenti sexaginta. Majores sunt duodecim illa signa cœlestia, Aries, Taurus, &c. quorum quodlibet triginta gradus continet, qui per duodecim pro numero signorum mul-

tiplicati constituunt cœclx. gradus. Constat igitur medium Zodiaci, quod sex signis absolvitur, graduum esse clxxx; Trientem ejus, qui quatuor constat signis, graduum cxx; Quadrantem, qui tribus constat signis, graduum nonaginta; Sextantem, qui duobus constat signis, graduum sexaginta. E verò posita Planetarum inter se, respectu signorum varii colliguntur adpectus.

THESIS II.

Adspectus Planetarum quo conjuncti sunt, Conjunctio dicitur, quâ Planetae diversi in eodem Zodiaci signo conjunguntur.

"*Expositio.*"

Enunc.

I. Planetæ in aliquo Zodiaci signo dicuntur conjungi, non quod ad ipsum usque Zodiacum vel ad sidera fixa ascendant, ibique in Zodiaci signis conjungantur, sed quod suis in regionibus manentes infra hoc vel illud Zodiaci signum rectâ collocentur.

II. Multa inter Astrologos mentio est *conjunctionum* præsertim *magnarum*, quæ est superiorum Planetarum Υ , Ψ , Φ . Spatium iis definitum, quo Zodiaci confecto circulo ad idem redeunt initium, sunt anni 800. Maxime autem famosa est *conjunction* in *Trigono igneo*, qui à condito mundo septies jam recurrit, ut supra meminimus. Huic conjunctioni acceptas Astrologi ferunt omnes mutationes insignes quæ in tempora ista incidunt. Natum hinc *Mundi speculum*, quo res à Mundo condito memorabiles, in primis autem mutationes in Ecclesiâ & Politia, distribuuntur per conjunctiones magnas & quatuor trigonis; in Thesaurio Chronologico *Alstedii*, Chronologia magnarum Conjunctionum, quæ numero. xlviii. Equidem miror esse inter Christianos qui Imperiorum & Ecclesiæ mutationes tam fidenter ad astra referant, cum singularia hæc & extraordinaria Dei opera Scriptura ubique prædicet, ipseque Deus in *Mose* & Prophetis judicia hæc non tantum rideat sed & damnet, ut ad finem hujus Sectionis demonstrabimus. *A signis cæli nolite metueret*, Inquit ipse Deus, *Jerem. x. 2.* Quis verò jure non metuat, si calamitates publicas vel annuncient vel efficiant? Cùmque ordinariæ sint Planetarum conjunctiones, sive magnæ sive parvæ, fixæque in naturâ leges habeant, mutationes verò Imperiorum & Ecclesiæ extraordinariæ sint & in Divinæ providentiæ arcanis reserventur, equidem non video quid verè sint signa earum nisi extraordinariâ ratione à Deo destinata & ordinata: Unde prædictionis certitudinem planè nullam esse palàm est, nisi areana-quædam præcesserit revelatio consiliorum Divinorum. Hederam trunco suo hærentem eodemque loco singulis annis virentem nemo dixerit vendibilis vini signum esse: fit autem signum quando præter naturæ suæ ordinem à trunco avellitur, in coronam plicatur, & ab æonopolâ de peticâ suspenditur. Hujusmodi verò mutationes extraordinariæ in Planetis nullæ videntur. Itaque magna eorum mihi videtur temeritas qui à conjunctione *Saturni* & *Jovis* in igneo *Sagittarii* signo, quæ anno *MDciii* contigit, alterâque quæ anno *MDcxxxiii* in *Leone*, signo regio accidit, excidium *Romæ* prædicunt ad annum *MDcxxxv*. Quæ verò, inquam, consequentiæ ratio? Quia, inquiunt, anno hoc ad finem decurret

revolutio *Romani* Imperii sub *trigono*. Misera certe ratio. Quid *Romæ* jam cum *Romano* Imperio? & si maxime cum eo conjunctissima esset, quâ necessitate conjuncta esset periodus *Romæ* vel *Romani* Imperii cum revolutione Planetarum sub *trigono*? Major temeritas & impietas eorum est qui & religionum diversitatem ad Planetarum conjunctionis referunt: Sic enim illi; *Jupiter* præcipuus religionum patronus cum *Saturno* religionem facit Indæorum, cum *Marte* Chaldæorum, cum *Sole* Ægyptiorum, cum *Venere* Saracenorum, cum *Mercurio* Christianorum, cum *Lunâ* Antichristi: Ità hæresum omnisque idololatriæ autor non *Satanas* vel homo, sed cælum erit, imò ipse Deus. Hæc ad orcum releganda blasphemia: A quâ certè alieni non videntur qui omnes Politicæ & Ecclesiæ mutationes, in quibus religionum mutatio præcipua, ad conjunctiones Planetarum referunt, non tanquam signa nuda sed vel maxime efficaces causas.

III. *Experientiæ clypeum* hic obijciunt, quem supra, cùm de *trigono* ageremus, repulimus. Astutiam Astrologorum non sine causâ miratur *Picus*: Ut enim fallendi iis nunquam deesset occasio, ita sua sibi placita continuant, ut, quocunque aliquid tempore eveniret paulò mirabilius, in antecedentem aliquam conjunctionem illud referre possent. Dixerunt enim, inquit *Picus*, ut hoc assequerentur, unius vim conjunctionis ad horam usque alterius perdurare, atque ita quidquid intervenit medium, conjunctioni cuiuspiam acceptum semper poterit referri. Vide quàm bene vates hi existimationi suæ consulant! quàm cautè placita sua fulciant!

Est & hoc observandum; Cùm eadem *Saturni* & *Jovis* affectiones secundum Astrologos non sint, sed in multis contrariæ, non videri iis à conjunctione momentum posse accedere, sed potius mutua virium & actionum impedimenta: Itaque dum invicem suas fixant & quasi ligant potestates diversitate mixturæ, fit ut expectari ab iis nihil nisi mediocre possit, ut fieri solet in omnium extremorum mixtione. Vide *Picum*, Adversus Astrolog. lib. 5. cap. 5. 6. & seqq.

IV. *Keppleri* assertio est, nullam mundi mutationem à quocunque siderum positu effici aut præsignificari: Interim tamen affirmat idem maximam esse vim conjunctionum Planetarum in ciendis facultatibus rerum sublunarum. Ubi planè nova hujus Mathematici opinio occurrit. Docet ille, De igneo trigono cap. 8. opus quod superioribus Planetis adscribitur junctis, nequaquam ipsorum esse Planetarum, (præter nudam illuminationem cale-

factio-

factionem) sed ipsius naturæ sublunaris. Etenim, si *Kepplero* credimus, etsi Planetarum conjunctiones movent naturam sublunarem, non tamen movent ut agentia naturalia virtutem aliquam in subiectum patibile effundentia, sed tantum ut objecta movent sensus, lux oculos, sonus aures, calor tactum; ita quidem ut non lumen, sed relatio & situs, quam conjunctionem appellamus, objecti vicem gerat. Statuit igitur in naturâ sublunari sensum objecto cœlesti accommodatum, qui relationem illam seu situm Planetarum excipiat, indeque alteretur, ut ab objectis sensus nostri alterantur. Utitur hinc exemplo baculorum *Jacobi* variegatorum, qui ab ovibus recepti speciem in fœtum transfuserunt. Itaque summa *Keppleriana* sententiæ de efficaciâ conjunctionum hæc est; Planetarum colores, congressus & configurationes facultatibus rerum sublunarium imprimi, & his objectis illas promoveri, cum ad formandum tum ad movendum corpus cui movendo præsidet.

V. Hæc sententiâ tam incredibilis mihi accidit quàm falsa videtur recepta Astrologorum. Imò hanc illâ probabiliorem judico. Rationes inter alias hæc sunt; 1. Quia relationes per se in sensus non incurrunt, ut receptus habet Logicorum Canon. 2. Quia relationum per se nulla est efficacia, quippe quæ minimæ sunt entitatis, ut Logici docent & Metaphysici. 3. Quia rerum sublunarium plurimæ, quæ moveri à conjunctionibus Planetarum perhibentur, sensuum, quibus excipiant objecta illa cœlestia, sunt expertes. 4. Et hominum pars minima (nedum bruta) visu vel auditu conjunctiones istas & configurationes percipit. Soli igitur vel plerique erunt Mathematici conjunctionum harum observatores, qui efficaciam earum sentiant. 5. Si tactu percipi dixeris, qualitatis alicujus alteratricis interventu id fiet: quæ cum agendi vim habitura sit, non nudæ relationis perceptioni efficacia adscribenda erit. 6. Si nulla virtus in subiecta patibilia effunditur à Planetis conjunctis, ratio reddi nulla poterit cur (positâ conjunctionum efficaciâ) superiorum conjunctio majoris sit efficacix quàm inferiorum, aut stellarum fixarum inter se configurationes; quas singulis noctibus serenis intuemur. Sed satis de Conjunctionibus.

THESIS III.

Adspectus quo disjunguntur, *Disjunctio* dicitur, & fit vel per Zodiaci medietatem, vel per trientem, vel per quadrantem, vel per sextantem.

THESIS IV.

Disjunctio per medietatem vocatur *Oppositio*: Estque adspectus quo Planetæ per sex Zodiaci signa, hoc est, gradus CLXXX, in longitudinem à se in vicem distant: *Semissem* vulgò vocant. Cujus signum est. &.

THESIS V.

Disjunctio per trientem est adspectus, quo per tertiam Zodiaci partem, hoc est, quatuor signa seu gradus CXX, distant. Vocatur aliàs *Triquetrus* & *Trigonus*. Signum ejus est Δ.

THESIS VI.

Disjunctio per quadrantem adspectus est, quo per quartam Zodiaci partem, hoc est, signa tria, seu gradus XC, invicem distant. Vocari solet *Quadratus* & *Tetragonus*. Signum ejus est □.

THESIS VII.

Disjunctio per sextantem adspectus est, quo per sextam Zodiaci partem, hoc est, signa duo, seu gradus LX invicem distant. Dicitur aliàs *Sextilis*, *Hexagonus*. Signum ejus est *.

"ΕΞΕΤΗΣΙΣ.

Ex adspectibus hisce alios bonos & fortunatos, alios verò malos & infortunatos, ut qui calamitatum publicarum & vitiorum homini inhaerentium sint causa, dum Astrologi constituunt, non in arte tantum errant, sed in mores gravissimè peccant, idque cum magnâ Creatoris contumeliâ. Nam si adspectus Planetarum sunt mali, utique ipsi Planetæ sunt mali: adspectus enim per se solus nihil operatur, nisi vis illa adspicientibus se mutuo Planetis insit: Planetæ si sunt mali, sunt aut naturâ suâ & per se, aut præter naturam & per accidens mali. Naturâ suâ malos non esse evincit tum Creatoris bonitas tum veritas: Illa, quia adeò est excellens ut in agendo planè nec possit nec velit deficere: at verò malum omne propriè sic dictum defectus est: Hæc, quia in 1. Gen. de stellis expressè dicit, *Et vidit Deus quòd esset bonum*. Præter naturam & per accidens si mali sunt, quæritur, undenam illa

ma-

malitia, quam causam per se agnoscat: Omnis enim effectus per accidens ad aliquam causam per se reducitur. Hæc verò nec in Deum nec in creaturam referri potest: Non in Deum, quia omnia eius opera sunt bona: Non in creaturam, quia à Deo in stellas imperium creaturæ nulli commissum. Deinde si mali alicujus causæ sunt Planetæ, erit ad malum vel culpæ vel pœnæ. Culpæ malum in Planetas non cadit, quia solius ad creaturæ rationalis, quæ latam à Deo legem volens transgreditur & rem se facit. Si pœnæ id malum est, erunt eæ DEI punientis aut vindicantis organa, eaque vel ordinaria vel extraordinaria. Si ordinaria, quæ sit quòd Planetis eodem modo se habentibus, & naturaliter agentibus, eadem non ubique sequantur effecta? Dicendumne refractarios eos Creatoris imperium excussisse? *At non.* Si extraordinaria, 1. Certis id documentis probandum fuerit. 2. Si probatum fuerit, prædictionum Astrologicarum certitudinem non labefactabit tantum sed & penitus evertet. Cum enim adpectus isti sunt ordinarii & naturales, æquis Astrologus dixerit quando extra ordinem ministerio eorum usus sit Deus? Præterea si astra ad mala vel impellunt vel inclinant, faciunt id aut arcano quodam influxu, aut motu aut lumine: Tot enim ferè modi ab ipsis assignantur, quibus efficacia sunt astra: At non influxu; Quia probari is hæcenus nondum potuit, ut supra in examine rationum vidimus. Nec verò lumine vel motu astrorum: Ut enim maximè concedamus lucem motumque per calorem in inferiora hæc agere (quod quidem unicè ipsi volunt) cui, quæso, persuadebunt à simplici illo calore, cujus eadem ubique essentia, hunc adulterum, illum castum, alium justum, injustum alium, aut furem, aut fraudulentum, aut ingenuum, uti vulgò delirant, effici? *At non hæc sunt.*

Denique vel unicà hæc ratione superstitio tota firmissimè evertitur; Deus ab iniquitate omni ab-

horret: Non igitur vel ipse eam immediatè vel mediatè per astra, quæ viribus suis instruxit naturalibus, operatur. Aliter si stellæ hunc ad furta, illum ad adulteria, alium ad avaritiam, alium ad crudelitatem & homicidia (quæ quidem omnia stellis adscribunt Matheologi) inclinarent, nonne fecisse hoc ipsum Deus meritò judicaretur, quòd per instrumenta illa bruta & rationis expertia omnia hæc effecisset? Absit verò ut tantæ crudelitatis & iniquitatis Creatorem nostrum infimulemus.

Qui rationum ponderibus & innumeris absurditatibus pressari se animadvertunt, experientiæ scutum obtinent, & sub hoc vel illo adpectu hæc vel illà calamitate miseros mortales afflictos, plurimos pravissimis moribus imbutos esse clamant. Quid ergò, inquit, nonne astris accepta hæc ferenda? Resp. Egregia verò hæc consequentia, illi simillima, quæ imperitum vulgus spontanea desperantium quorundam suspendia ventorū & turbinū vehementiorum causas esse nugatur, quia suspendia ejusmodi comitari aut sequi quandoque solent concitatiores venti. Quinpotius sic inferimus; Si eandem constellationē seu adpectū non exdē in Rebus publicis & hominibus mutationes sequuntur, sed diversissimæ haud rarò, fundamento carebit tota hæc de adpectu vel bonitate vel malitià doctrina. Prius cū confirmet experientia, de posterioris veritate dubitandum omnino non est. Quod de mutuis stellarum impedimentis tradunt, & ipsum fundamento caret. Breviter, curiosorum ingeniorum figmenta sunt, quæcunque de virium permutatione & diversitate ex adpectuum natā varietate Astrologi præcipiunt, ut solidissimè monstrat *Picus Adversus Astrologos lib. 6. cap. 5, 6, 7.* Ex *Lyceo* suo exploderet & exturbaret *Aristoteles* hosce Philosophos, qui tot dissidiis, simultatibus & infestis contrariisque adpectuum affectionibus & actionibus cœlestem illam & tranquillam turbare Rempublicam docent.

CAPUT XXI.

De Solis naturâ & eclipsi.

Distributio Planetarum è loco subjecto: Th. I. Sol medius Planetarum: Th. II. "ΕΥΟΛΟΝ Solis. *ἀνθ.* 1. Probatur quòd Sol, seu Planetarum Rex, medium occupet locum: 2. Est Maximus omnium: 3. Lucidissimus: 4. Calidissimus: 5. Examinatur Frischlini opinio de calore Solis: 6. Sol superiorum & inferiorum est moderatus: 7. ΣΥΜΠΑΘΕΙΑ arborum quarundam, plantarum, animalium & metallorum cum Sole: 8. Sol præbuit Gentibus occasionem idololatriæ: 9. Variæ de Solis magnitudine sententiæ: 10. Solis affectus & effectus: Th. III. Eclipsis Solis definitur: Th. IV. Definitio resolvitur in partes: *ἀνθ.* 1. Exstruuntur duo porismata: 2. Enodantur quæstiones de tempore & magnitudine Eclipsis Solaris: 3. Probatur Eclipsin Solis quæ tempore crucifixionis CHRISTI contigit fuisse præternaturalem &, quod Timplex negat, universalem: 4. Aliæ horrendæ Solis eclipses: 5. Et plurima visa in Sole potentia: 6.

THESIS I.

Hætenus Planetarum affectiones. Distributio è loco subjecto petita Planetarum medium vel extremum facit.

THESIS II.

Medius est *Sol* Planetarum omnium maximus, lucidissimus, calidissimus, superiorum & inferiorum moderator, terræ major centies sexagies sexies.

Exemplum.

I. *Sol*, inquit *Cicero* 2. de Nat. Deorum, dicitur vel quia solus ex omnibus sideribus est ianuis, vel quia cum est exortus obscuratis omnibus solus apparet. Malunt alii ex Græco $\sigma\lambda\eta\varsigma$ deducere, quod splendorem significat: Est enim *Sol* omnium siderum splendidissimus. Græcis $\eta\lambda\iota\omicron$ appellatur, quod haud malè nonnulli derivant ex Hebraico $\text{ל$ lucere, splendere; in Hiphil ללל splendere fecit: Unde ללל Hebræis stella matutina appellatur. Scribit *Calius*, Antiq. Lect. lib. 1. cap. 6. Phœnicum linguâ Solem *Hel* appellari: quo egregiè confirmatur etymon $\eta\lambda\iota\omicron$. Hebræi Solem שמש hoc est, *ministerium*, nominant, quia clarissimus est *DEI* in naturâ minister. Idem & מלך à calore dicitur. Egregiè hæc nomina rei conveniunt.

II. Medium Planetarum Solem constituimus; Et si de situ ejus variè à veteribus dubitatum (ut videre est apud *Calium Rhodiginum*, lib. 24. Antiq. lect. c. 26. & *Franciscum Patricium* 1. 19. $\pi\alpha\rho\iota\sigma\tau\iota\alpha\varsigma$) aliis eum supra stellas fixas collocantibus; aliis illico supra Lunam, infra Mercurium & Venerem aliis denique in medio Planetarum seu Regem; Quæ sententia, rejectis prioribus, à meliori parte Mathematicorum probata clarescit. Rationes speciales pro confirmatione hujus sententiæ adduci solent variæ, quæ ad tres revocari possunt classes: Aliæ enim sunt Mathematicæ, aliæ Physicæ, aliæ Ethicæ.

Principem locum obtinent Mathematicorum demonstrationes ex Opticæ fundamentis petitæ. Harum unam huc retulisse suffecerit, quæ facile princeps est. Distantia *Solis* à centro terræ minima continet terræ semidiametros MXXX ; distantia vero *Lunæ* à centro terræ semidiametros LXIV . Differentia igitur inter minimam *Solis* distantiam & maximam *Lunæ* est semidiametrorum terræ MVI . Cum igitur inter regionem *Solis* & *Lunæ* spatium vacuum non intercedat, neque rationi consentaneum sit *Solius Lunæ Solisque* regiones tantæ molis ef-

se, siquidem super vacuum ea foret, meritò & convenienter spatium intermedium duobus Planetis tribuatur, *Mercurio* & *Veneri*, adeoque *Sol* in medio Planetarum erit collocatus, nempe inter tres inferiores & tres superiores.

Physica ratio inter alias hæc est ab *Albumasæ* laudata; *Sol* ex naturæ instituto & usu commodior inter Planetas locus quam medius tribui non poterat: Rectè igitur à nobis is ei assignatur. Antecedens per *apoi* probatur aliorum situm extremorum. Medius enim si non esset, esset utiq; extremus, & vel in supremis vel in infimis numerandus. Si supremus foret, calor ejus antequam per tantam intercapedinem propagatus ad nos usq; veniret, plurimum debilitatus minimum elementarem regionem calefaceret; omniâque perpetuis horrere frigoribus sineret: Ex usu igitur naturæ hic situs non est. Si infimus, contrarium eveniret, omniâque calotibus dehiscerent & æstibus conflagrarent: quod nec ipsum ex naturæ erat usu. Reliquus igitur est ei medius locus naturæ nostræ scopoque ejus convenientissimus: Illi, quia moderato eam calore oportebat foveri, non excessu caloris vel frigoris destrui: Huic, quia in illius usum totus à Creatore est destinatus. Attigit rationem hanc *Albertus* lib. 2. De cœlo c. 3. & *Averroes* in Epitome Metaphysicæ, cap. 3. nec non ad eam alludit *Ovidius* 2. Metamorph. ubi *Phaethontem* *Phœbus* ita alloquitur,

Altiùs egressus cœlestia signa cremabis;

Inferiùs, terras: medio mississimus ibis.

Ethica ratio à simili petita est hæc; Quod *Rex* est inter subditos, id *Sol* est inter Planetas: Ut igitur Regem in populi medio sedentem Majestatis suæ radiis omnes illustrare & jura dicere fas est, sic & *Solem* in medio Planetarum dominari, iisque quasi motuum leges prescribere & inferiora moderari par est. Ministeria quæ Regi huic præstantur inter reliquos Planetas ita nonnulli distribuunt; Consiliarius ejus est *Saturnus*, ob senectutem; Judex *Jupiter*, ob magnanimitatem; Militiæ dux *Mars*, ob ferociam; Uxor *Venus*, ob pulchritudinem & benignitatem; Cancellarius & Scriba *Mercurius*, ob singularem quandam prudentiam ac solertiam; Nuncius *Luna*, ob cursûs velocitatem.

III. Porro eundem omnium maximum appellamus, respectu aliarum stellarum. Inter Physicas rationes quæ magnitudinem *Solis* maximam nobis persuadent, præcipua est quæ ex fine & effectibus petitur; Cum enim operatio ejus in inferioribus hisce maxima & præstantissima esse debeat, & esse quoque longè major quàm ullius stellæ deprehendatur, jure meritòque omnia alia sidera magnitudine excedere creditur. Etsi & hanc ratio-

nem

nem exemplo *Lunæ* aliquo modo labefactari posse video; siquidem major ejus, excepto Sole, vis in mundum sublinare quàm ullius alterius stellæ errantis vel fixæ.

Argumentum quod ex apparente ejus magnitudine petitur (major enim nobis apparet quàm omnes aliæ stellæ) non adeò solidum est. Nam & *Luna*, si unum excipias *Solem*, reliquis omnibus major apparet, quæ tamen plerisque omnibus minor à doctis creditur. Ex eodem fundamento maxima *Solis* magnitudo minùs necessariò probatur ex illo *Mosis*, quo *Luminare magnum* appellatur: Nam & *Luna* *est* *magnum* magna dicitur, non quòd major reliquis stellis omnibus sit, sed quòd propter vicinitatem videatur esse. Itaque Mathematicorum demonstrationes audiendæ hic erunt. Plura de eadem quæ stione deinceps.

I V. Eundem & lucidissimum appellamus, quia splendore suo excellentissimo reliquarum omnium stellarum & fixarum & errantium exsuperat splendorem. Hinc si vel maximè omnes absissent reliquæ stellæ, & solus præfens nobis esset *Sol*, diem nobis produceret: contrà, si absque Sole esset, essetq; præfens nobis stellarum reliquarum omnium chorus, perpetuà nihilominus premeremur nocte. Quod hisce verbis *Basilius* exprimit; *Cum stellæ multitudinis sint infinitæ, lumen quod ab universis ipsis congeritur ad discutiendum dissolvendumque nocturnæ caliginis mæorem minimè satis facit. Hic autem solus vel super horizontem apparet, imò verò cum adhuc expectatur, antequam & totum à tellure se attollat, tenebras compendio atque è vestigio dissolvit, sidera autem lumine superat.* Ab hac affectione *Sol* egregia sortitur nomina, diciturque ab *Orpheo*, mundi oculus, oculus celi; ab *Heraclito*, sons lucis celestis. Quod tamen ità non accipiendum quasi ex hoc fonte reliquarum omnium stellarum lux manet, sed quòd quæ mundo huic elementari infunditur, & sublunarem regionem illuminat, à Sole sit solo. Nam & *Lunæ* lumen, quo noctis discutit tenebras, *Soli* acceptum ferimus, ut supra ostendimus. Quærit hic *Patricius*, cur solius & unius *Solis* lumen acrem totam impleat, & totam, ut videtur, aquam; tot autem astra lucis ostendere nocti satis habeant, lumine autem aerem non impleant, nè dum aquam. Respondet, *Solem* magnitudine suâ, quam proximè ostendat id posse facere: Astra autem alia parvitate & longinquitate id non posse facere.

V. Calidissimum quoque statuimus. Discimus enim experienciâ magistrâ à solo Sole plus ad nos deferri coloris quàm à reliquis omnibus stellis. Hinc solus ipse ætatem præfentiâ suâ nobis adducit, discessu hyemem relinquit; quam pellere

reliqua cœlestis Respublica tota non valet. Imò tantus sideris hujus est fervor, ut regiones sæpe numero integræ ardore ejus conflagrarent. *Historia* enim docet anno Christi MDLVI in *Angliæ Solis* ardore totius regionis pagos & arva arsisse. Sub *Vasconie* frigido cœlo anno Domini DXI oppidum *Solis* ardore incensum & consumtum esse auctores gravissimi tradunt. Testantur item in *Moscovia* anno MDXXVI pagos, sylvas & segetes *Solis* æstu esse incensas. De hac *Solis* affectione clarissima quoque sunt Scripturæ testimonia; *Psalm.* XIX. 7. & CXXI. 6. *Exod.* XVI. 22. I. *Sam.* XI. 9. *Nehem.* VII. 3. *Jes.* XLIX. 10. *Jonæ* IV. 8. *Marc.* I V. 6: *Jacob.* I. 11. Eadem & veterum Philosophorum, solo *Aristotele* excepto, omnium sententia fuit: etiam de specifica *Solis* natura variè ab iis dubitatum & disputatum. Hinc *Anaximander* & *Epicurus* fornicem igne plenum esse dixit; *Xenophanes*, nubem accensam, vel igniculos ab humido asscendentes & in corpus unum coagmentatos; *Anaxagoras*, *Democritus* & *Metrodorus*, ignitam petram; *Antipho*, *Hecateus* & *Diogenes*, pumicem ab æthereis accensum radiis; *Heraclitus*, accensionem ex mari; *Philolaus*, *Euripides*, *Zeno*, & antiquissimus *Zoroaster*, ignem, πῦρ, πῦρ, ἐξ οὐρανῶν, ἢ πῦρ, ταύτης. Sic & *Philo*, φλογὶς, ἢ πῦρ, ἢ πῦρ. *Anaximenes* & *Parmenides*, igneum quiddam; *Plato*, ex plurimo igne. Pleraque hæc etsi stulta & erronea sunt dogmata, actua-lem tamen *Solis* calorem omnia adstruunt. Solus *Aristoteles* novum confinxit dogma modumque quo absque *Solis* calore mundum calefaceret per motum & attritionem: De cujus sententiæ falsitate & absurditate supra egimus. De stellarum calore in genere, & Sectione I. De causis caloris. Tandem accessere qui juvandum esse magistrum rati colorem in radiorum Solarium reflexionem contulere: quorum error elusus quoque Sectione primâ. *Albertus Magnus*, cum non inveniret in quo acquiesceret, sublunaris mundi calorem ad ignem elementarem retulit, quem motu *Solis* in regionem elementarem præcipitare credidit: quæ adeò falso & ab omni ratione aliena est imaginatio, ut mirari subeat qui in mentem ea venire tanto Philosopho & Doctore poterit. Rationes quibus mota Schola Peripatetica actua-lem & inhaerentem *Soli* calorem adimit, supra vidimus.

VI. De *Solis* calore planè nova est *Frischlini* opinio: Quod *Solis* radii, inquit, nunc incalcescit & ferveſcit aer, rursusque frigescit, hujus rei causa per se inest vaporibus & fumis è maledicta terra prodeuntibus aeremq; perturbantibus, per accideus

verò Soli tribuitur. Nam Sol per se non calefacit, sed per accidens, quoad videlicet radiis & luce suâ aerem densatum tantisper extenuat quantisper extenuari potest, & quoad vapores aut fumi in aerem emissi hodie sunt apti & ad patiendam hanc vel illam extenuationem habiles: Qui cum citò extenuantur, ut fumi citò etiam naturam aeris induunt; & cum à radiis rectâ incidentibus celeriter fuerint extenuati, etiam ad naturam ignis accipiunt. Eidem si credimus, Sol in statu innocentie nullam hyemem nullamq; æstatem vel autumnum erat producturus, sed ver perpetuum & æquabilem aeris annique rationem: hæc enim tempestates peccati pœnam esse contendit.

Resp. 1. Contradicere sibi *Frisclinus* videtur. Affirmat enim Solem ante lapsum hominis luce suâ penetrasse & attenuasse aerem, ejusque calorem & excitasse & humidâ exsicasse: Atqui per se id dubio procul fecit, non per accidens: Per se igitur calefecit aerem. 2. Si in causâ sunt vapores cur aer modò à Sole calefactus est: nam & ante lapsum vapores ex terrâ & aquis per aerem ascendebant, ut manifestum est ex roris ascensu, cujus & *Frisclinus* mentionem facit. 3. Falsum est, Solem per se non calefacere: nec lux, sed calor à Sole vibratus extenuat & calefacit. 4. Falsum est, aerem remotis vaporibus non calefieri. 5. Falsum est, vaporem in aerem, & hunc in ignem mutari per attenuationem. 6. Nec substantiam nec qualitates Solis per lapsum mutatas esse credibile est. 7. Non magis peccati pœna est solis ardor quàm ignis nostri sublunaris calor. 8. Falsum est nullas tempestatum vices in innocentie statu futuras fuisse, easq; peccati pœnam esse: Nec enim hæc vires inimicæ necessario hominis felicitati fuissent, siquidem ita facile temperare eas Deus per alias causas potuisset ut nihil molestiæ crearent homini, præsertim sub cœli climatibus temperationibus: Itaque quoq; hominum corpora disponere potuisset ut à mediocribus qualitatibus excessibus minimè læderentur. Accedit quòd tempestatum vices hæc & plantis & animalibus plurimis per universum terræ orbem dispersis gratæ & salutares futuræ erant, nisi & inanimantium plantarumq; naturas dixeris mutatas, ut quæ frigidis modò locis gaudent olim temperata amaverint: quod sine ratione dici arbitror.

Et hætenus quidem de Solis calore maximo & copiosissimo: respectu cujus fons caloris appellari solet, nec non cor cœli, vel cæleste cor. Ut enim in nobis, inquit *Cælius Rhodiginus* libr. 1, cap. 4. & caloris & vitæ fons ac propago est cor, ita & cæleste cor ipse Sol nostra hæc pro calo-

ris potestate movet, afficit, atque ad vitam producit. Cor tamen ratione sitis quoque dici possit: de quo antè.

VII. Præterea superiorum & inferiorum moderatorem nuncupamus. Et superiorum quidem moderator dicitur, quia ad Solis motum reliqui omnes Planetarum motus mensurantur & diriguntur. Hinc *Cicero*; Solem veneramur & ducem & Principem ac moderatorem luminum reliquorum, mundi mentem & temperationem. Ex Mathematicorum autem disciplinâ observandum, dici Solem mensuram & regulam reliquorum motuum Planetarum aliâ atq; aliâ ratione. Mars enim Jupiter & Saturnus in motu cum Sole perhibentur conveniri, ratione epicycli, Venus autem, Mercurius & Luna, in deferentibus orbibus.

Inferiorum moderator dicitur, quia sublunaria omnia ipsum tanquam vitæ largitorem & datorem venerantur, præsentia fruuntur, absentem exoptant: Quam in rem notatu dignissima sunt *Dionysii* verba, in libro De Divinis nominibus; Sol unus cum sit, sensibilibus tamen rerum substantiis & qualitatibus uniformem infundendo lucem renovat, nutrit, servat, perficit, discriminat, conjungit, resorbet, fecundat, auget, immutat, format, impellit, sustollit, vivificatque omnia, & quodlibet ex omnibus modò sibi congruo unius ejusdemque Solis & particeps, plurimorumque participantium Sol unus in se ipso causas autè uniformiter habet. Nec elegantia minus sunt illa *Plinii* verba lib. 2 c. 6. Sol non temporum modò, terrarumque, sed siderum etiam ipsorum cælique rector est. Hunc mundi totius esse animam & mentem, hunc principale naturæ regimen ac numen credere decet, opera ejus æstimantes. Hic lucem rebus ministrat aufertque tenebras; hic reliqua sidera occultat; hic vices temporum annuumque semper renascentem ex usu naturæ temperat; hic cœli tristitiam discutit, atque etiam humani animi nubila serenat; hic suum lumen cæteris quoque luminibus frænat, præclarus; eximitur, omnia intruens. Vide copiosam & pulchram hujusdem majestatis descriptionem apud *Dionem Chrysostomum*, Orat. 3, De regno; ubi ad solis imitationem invitat regem. Hanc in sententiam multa quoque collegit *Cælius Rhodiginus* Lection. Antiq. lib. 24. cap. 14.

VIII. Ad hoc solis moderamen referri quoque solet admiranda quædam *opuntia* multarum arborum & plantarum nec non animantium & metallorum cum Sole: De quâ lectu digna scripsit *Mixaldus* in lib. De cœli & terræ harmoniâ cap. 8, 9, 10. Ex multis pauca referam.

Flores sunt Solis comites, quos rusticorum appellant horologia. *Cichoreum* singulis horis cum

Sole

Sole vel nubilo circumagitur : florem ex ictu ejus aperit, meridie dilatat, occasu claudit. Eadem & Lupini floris indoles est, qui Solem ubi ubi fuerit conversione suâ etiam obscurissimo die prodit. Similis quoque hos *Calthæ* seu *Calendulæ* horrentis & altis. Unde Solis sponsæ appellari Plantæ hæc solent, quæ cum Sole dormire & expurgisci videntur. Nec in floribus tantum sed foliis plantarum harum mutatio hæc conspicua est. Sic & *Malva*, & *Lotus pratensis*, & *Scorpioides*, & *Tithymallorum* species aliquot pronis semper verticibus cum Sole ab ortu in occasum perguant. Sed omnes Solares plantas facile superat *Lotus* quam *Ægyptiam* vocant, quæ cum Sole oritur & occidit : Etenim vespere in mediam usque noctem tota in *Euphratem* mergitur, ita nē manu quidem demissâ inveniri possit ; deinde vertitur paulatimque assurgit, & ad exortum Solis ex aquis rursus emergit, & altē supra eas se extollit, florēq; explicat.

Inter aves Solares est *Gallus gallinæus*, qui, ut *Mizaldus* scribit, ad omnes mundi angulos progredientem Solem & tractus cœli omnis perlustrantem, exortivum, occiduum, & meridianum utrumq; supra terram & infra, voce admodum vocali plausuque alarum, congratulantis modo, tam sub dio quam intra densissimos parietes alacriter salutat & resalutat.

Scribit idem & *Ælurum* marem seu felem, Solis vires sentire, & mutare pupillas oculorum cum sideris hujus cursu ; & in ortu quidem protendi, meridie contrahi, occasu verò obscuriores hebescere, noctu verò Sole Antipodas illustrante maximopere explicari & acui.

Inter gemmas miranda fuit quā, autore *Cardano*, Pontifex *Clemens VII.* habuit, in quā aureola conspiciebatur macula quæ juxta Solis motum singulis diebus oriebatur & occidebat.

IX. Hæc Solis majestas multiplicis olim idololatriæ occasionem præbuit : Etenim passim apud doctos & indoctos non tantum Mundi Rex & gubernator sed Deus audit. Unde *Dio. Chrysostomus* Orat. 3. De regno, Τὸ δὲ μέγιστον ὅρα εἰς τὴν ἡμετέραν πόλιν ὡς ἡ δὲ θεῶν πᾶν ἱερόν ἐστι μαγείᾳ, θεὸς ὢν. Sic & Numen à *Plinio* salatur. Primi fuerunt *Ægyptii*, si Græcis credimus, qui Solem & Lunam *Sees* appellarunt, & nē quid superstitione decisset, Divinis honoribus affecerunt : Quos hoc nomine perstringit *Philo*, in principio libri περὶ μορῶν. A Platone appellatus est boni conspicuus filius : quem & perspicuum DEI in hoc templo mundano statnam ab ipso DEO positam nominavit, imò magnum Deum, Dialogo 7. De legibus. Prisci autem Gentium Theologi, autoribus

Iamblichō, *Juliano* & *Macrobio*, omnia gentilium Numina in eo collocarunt & ad eum retulerunt : Quod non vanâ superstitione sed ratione factum *Macrobius* contendit, Saturnal. 2. cap. 17. Notat ex *Phylarcho Athenais* lib. 15. cum res divina à Græcis Soli fieret, vinum altaribus ejus infusum non esse : Unde sacrum *ἡλιακόν*, ἰδωλῶδες & *ἡλιον* appellatum. Rationem autem sacri hujus *ἡλιακῆ* hanc reddunt, *Δεῖν λέγοντες τὸν τὸν ἑλίου οὐρανὸν ἔχει, συνεκταμένην δὲ τὴν αἰθέρα, καὶ τὸν οὐρανὸν τὴν πόλιν, ἀλλόθεν δὲ ὡς αἰθέρας*, hoc est, *adientes operire id Numen quod omnia regit & continet, mundumque perpetuò circumvolvunt, altissimum esse ab ebrietate.*

Esse autem antiquissimam hanc idololatriam & Solis cultum ex sacris literis colligere est, quæ crebram ejus mentionem faciunt : Deutronom. iv. 2. Reg. xxiii. Ezech. viii. Et hodie etiam novum à suppolariis adoratur toto ætatis cursu, quo gratias ei agunt quòd lumine tenebras & calore immensa frigora fugaverit, *Olaus Magnus* lib. 3. cap. 2. Christiani etsi idololatriam hanc execrantur, tamen à doctis nonnullis (verba sunt *Rhodigini*) excogitatum solertissime est, in Sole enitescere imaginem Divinæ Trinitatis miram : Inibi siquidem tria quædam visitari distincta pariter & unita : primum quidem naturalis animadvertitur ipsa fecunditas sensibus nostris prorsum occulta : deinde lux ejusdem manifesta, ex ipsâ manans fecunditate, ipsique aequalis semper : postremo est ab utroque propagata calefactoria vis, penitus utrique par.

X. Denique magnitudo Solis definiri vulgò à Mathematicis solet, quòd terrâ sit major 1663. Itâ diameter Solis ad diametrum terræ proportionem habet quam 12. ad 2. Continētque Sol diametros terræ 52. & totus se habet ad terram ut 1331 ad 8.

Hæc tamen de Solis magnitudine opinio nec veteribus nec recentibus Philosophis omnibus probatur. E veteribus *Epicurus* fuit, qui Solem eâ magnitudine statuit esse quâ videtur : Cui *Cleomedes* firmissimis rationibus se opposuit ; Nam si tantus est, inquit, quantus apparet, profectò multæ simul in ipso magnitudines erunt : siquidem exorientis & occidentis majori magnitudine visitur quàm in cœli medio constitutus. Namque in Horizonte vel orientali vel occidentali per aerem densiorem & humectiorem adspicitur, indeque major apparet, ex Opticorum regulâ, cui ipsa suffragatur experientia, Objecta per densius & humectius medium visa majora apparent quàm quæ per subtilia

& tenuius videntur. In cæli verò medio positus, quia per puriorem & defæciorem aerem adspicitur, longè apparet minor. Adde quòd eodem tempore major minorque simul esset: cum enim eodem tempore aliis oriatur, aliis occidat, aliis in cæli medio versetur, major erit quibus oritur vel occidit, minor quibus eodem momento in medio est cælo: quod absurdissimum.

E recentioribus *Patricius* est cui suspecta hæc *Solis* magnitudo videtur, lib. 19. *πυροποιος*, idèoque certi de eâ se nihil habere inquit præter unicum hoc, quòd ignis sit maximus, qui possit & elementa omnia nec minùs æthera totum illuminare & calefacere.

Tenendum & hoc, de *Solis* magnitudine non eandem veterum Peripateticorum fuisse sententiam. Et *Aristoteles* quidem certò eam non definivit, etsi lib. 1. *Meteo.* c. 5. terrâ majorem faceret. *Alexander Aphrodisiensis* 1. *Meteoro* cap. 3. sexies tantum terrâ majorem facit. *Simplicius*, 2. De cælo, centies septuagies. Idem putat & *Averroes*, & *Johannes Grammaticus*, in 1. *Prior.* c. 18. Sed & præter Peripateticos alii dabiturunt. *Eratosphenes* terrâ vices septies majorem esse credidit. Ab hoc plurimum dissensit *Possidonius*, *Macrobius*, ex traditione & descriptione *Aegyptiorum*, octies majorem facit; modumque investigatæ magnitudinis hujus elegantibus verbis explicat, quæ huc referre visum, ex lib. 1. in *Somn. Scipionis* cap. 20. Sunt enim digna lectu; Sicut ex terrenâ umbrâ potuit circuli per quem Sol meat deprehendi magnitudo, ita per ipsum circulum mensura *Solis* inventa est, in hunc modum procedente inquisitionis ingenio: *Æquinoctiali* die ante *Solis* ortum æqualiter locatum est saxum vas in hemisphærii speciem, cavatâ ambitione curvatum, infra per lineas designato duodecim diei horarum numero, quas styli prominentis umbra cum transitu *Solis* prætercundo distinguit. Hoc est autem, ut scimus hujusmodi vasis officium, ut tanto tempore à priore ejus extremitate ad alteram usque styli umbra percurrat, quanto Sol medietatem cæli ab ortu in occasum unius scilicet hemisphærii conversione metitur. Nam totius cæli integra conversio diem noctemque concludit. Et ideo constat, quantum Sol in circulo suo meat, tantum in hoc vase umbram meare. Huic igitur æqualiter collocato circa tempus *Solis* ortui propinquantis insitu diligens observantis obtinuit. Et cum ad primum *Solis* radium, quem de se emisit prima summitas orbis, emergens umbra de styli deciden: summitate primam curvi labri eminentiam contigit, locus ipse qui umbræ primitias excepit, nocte impressione signatus est: observatumque quamdiu supra terram ita *Solis* orbis integer appareret ut

una ejus summitas adhuc horizonti videretur insidere; & mox locus ad quem umbra tunc in vase migraverat, adnotatus est. Habitæque dimensione inter ambas umbrarum notas, quæ integrum *Solis* orbem (id est, diametrum) nota de duabus ejus summitatibus metiuntur, pars nona reperiæ est ejus spatii quod à summo vasis labro usque ad horæ primæ lineam continetur. Et ex hoc constituit, quòd in cursu *Solis* unam tempore æquinoctialis horam faciat repetitus novies orbis ejus accessus. Et quia conversio cælestis hemisphærii peractis horis duodecim, diem condit, novies autem duodeni efficiunt centum octo, sine dubio *Solis* diametros centesima & octava pars hemisphærii æquinoctialis est: Ergò totius æquinoctialis circuli ducentesima sextadecima pars est. Ipsum autem circulum habere stadiorum trecenties centena millia, & insuper centum & septuaginta millia, antè satis probatum est. Ergò hujus summæ ducentiesimam sextadecimam consideraveris partem, mensuram diametri *Solis* invenies. Est autem pars ista ferè in centum quadraginta millibus. Diametros igitur *Solis* centum quadraginta millium ferè stadiorum esse dicenda est. Unde penè duplex quam terræ diametros invenitur. Constat autem geometricæ rationis examine, cum de duobus orbibus altera diametros duplo alteram vincit, illum orbem cujus diametros dupla est, orbe altero octies esse majorem. Ergò ex his dicendum est, Solem octies terrâ esse majorem. Itaque de *Solis* magnitudine sub judice lis adhuc est. Interim tamen certum hoc & extra omne dubium, stupendæ magnitudinis Solare esse corpus, ut maxime pedale tantummodo appareat. Fidem facit vel unicum hoc argumentum. Quòd si enim è turri milliaris Germanici quintam partem exequante trium ulnarum hominem despiciendo vix ulnam longum æstimaveris, quantæ, quæso, molis Solem credideris cujus diameter ex intervallo 463312. milliariorum dimidiam exæquare ulnam videtur. Digna notatu verba *Ambrosii* lib. 4. *Hexamer.* c. 6. Si vis magnitudinem *Solis* non solum oculis mentis sed etiam corporis existimare, considera quanti stellarum globi axem cæli videantur obtinere, & innumeris insignire luminibus, non queunt tamen tenebras noctis & cæli nubila detergere: Simul ut Sol ortus sui signa præmiserit, omnes stellarum ignes sub unius luminis fulgore vaneant, aperitur aer, cælique facies purpurascens rubore perfunditur: Adhuc spirans exordium etiam momentaneâ celeritate pleni luminis micat, & surgentis *Solis* prævia aura dulcis adspirat. Similis Sol & Indis & Britannis eodem momento videtur, cum oritur: Nec cum vergit in occasum, minor apparet orienti-

orientalibus, nec occidentalibus, cum oritur, inferior quam orientalibus aestimatur. Neque temereat quoddam tanquam tibi orbis subitalis videatur Solis, cum oritur; sed considera quantum intersit spatii inter Solem & terras, quod adspicere nostri infirmitas sine magno sui transire non potest dispendio.

THESIS III.

In Sole considerandus Affectus & Effectus.

THESIS IV.

Affectus Solis insignis, est Eclipsis quæ à subjecto dicitur Solaris. Estque obscuratio Solis apparens, quæ lumen ejus ab adspectu nostro averteatur, facta à Luna intercedente inter Solem & visum nostrum.

EXORDIUM.

I. Totam Solaris Eclipsæ naturam definitio hæc continet: Quæ genere constat & differentiâ. Genus est obscuratio; cui differentiæ annectitur particula, apparens. In Solem enim propriè dicta obscuratio, quæ luminis est privatio, naturaliter non cadit. Reliqua quæ sequuntur, plenam nobis differentiam exhibent, formâ & efficiente constantem. Forma est *aversio luminis Solaris*. Sol enim in Eclipsi nihil patitur, cum lucem suam illibatam semper retineat; pati tamen nobis videtur & obscurari, quia interjectu densi corporis suam ad nos vibrare lucem prohibetur, haud secus ac si ardentem candelam eclipsin dicas pati, cujus lumen interpositu manûs ob oculis avertatur. Efficiens est interpositio Lunæ inter Solem & adspicuum nostrum. Cum enim Luna densum sit corpus, quod vibrato lumini Solari transitum non permittit, sit ut interjectum inter Solem & visum secundum lineam rectam, quàm diametralem vocant, faciem Solis lucentem à nobis advertat, adeoque lucis fontem obscurare videatur. Nec mirum à minimo Luna corpore maximi à nobis averti posse adspicuum, quando vel palmæ latitudinem positum ante oculos montem altissimum tegit.

II. Ex hac explicatione potismata hæc duo extruuntur:

1. Eclipsin Solem non contingere nisi in novilunio. Ratio est; Quia in solo novilunio Luna & Sole conjungitur, & Solare lumen ita excipit ut à nobis valeat avertere.

2. Eandem non nisi in diametrali, aut saltem ab eo non admodum recedente, interposito Luna inter Solem & adspicuum nostrum contingere. Hoc enim nisi fiat, Solis lumen à nostro adspectu arceri nequit. Nec enim ab oculo candelæ radii averteris si extra diametralem lineam versùs alterutrum latus digitum collocaris. Fit autem hæc conjunctio Eclipsibus efficiendis apta in ipsis nodis, aut saltem quàm proximè juxta nodos, quos Mathematici definiunt puncta Eclipticæ, in quibus se intersectant Solis & Lunæ curricula. Quorum figuram Draconem vocant, cujus nodum superiorem & inferiorem constituunt; superiorem caput Draconis, inferiorem caudam Draconis nominant. Caput Draconis illud Eclipticæ punctum est, à quo Luna digrediens ad verticem nostrum versùs Septentrionem ascendit. Cauda Draconis punctum est, à quo eodem discedens ad Austrum descendit. In hisce igitur punctis seu viarum intersectionibus Luna Soli occurrens Eclipsim Solarem efficit.

III. Quibus ita observatis ad sequentes questionem respondere est facile:

1. Qui fiat quoddam singulis mensibus Solares Eclipses non contingant, cum Sol & Luna mensibus singulis conjungantur.

2. Cur major modò modò minor fiat Eclipsis Solis.

Ad priorem respondetur, In causâ esse quoddam conjunctio, quæ singulis contingit mensibus, non semper fiat in ipsis nodis seu intersectionum punctis. Si enim extra intersectionum hæc puncta longius paulò in latitudinem Luna evagetur, ita Solem præterit ut nullam ejus partem planè stringat.

Ad posteriorem; Magis modò, modò minùs de Sole à nobis averti, modò totum etiam, quavis, ut quidam docent, sine morâ, & in quibusdam saltem locis, pro diversâ Lunæ cum Sole conjunctione. Nam si conjunctio fiat in ipsis nodis, cum scilicet luminarium centra & visus noster secundum lineæ rectitudinem conjungantur, tam Lunæ corpus, etiam si Sole aliquot, millenis vicibus minus, objectu suo integram Solis faciem adspicui nostro adimit: ad quod plurimum confert Solis à nobis longinquitas & Lunæ propinquitas: Nulla ut sit eorum ratio qui Solem à Luna totum obscurari posse negant, eò quod Sole toties minor sit Luna. Quid enim? Nonne ex mediocri intervallo inter Solem & oculos geminæ interpositæ palmæ ab adspectu Solem arcant? At propinquæ sunt hæc, inquis, palmæ, remota Luna? At parvæ, inquam ego, sunt hæc, maxima verò harum respectu Luna. Quod igitur ex propin-

verò harum respectu Luna. Quod igitur ex propinquo palmæ possunt, cur ex longinquo Luna non possit? Ad stipulantur assertioni huic historiarum. Scribit enim Zonaras tom. 2. *scipione* adversus *Hannibalem* prope *Carthaginem* pugnante & vincente, integrum fuisse Solis defectum. Idem & *Augusti* morte contigisse testatur idem. Cui suffragatur *Nicephorus*, l. 1. c. 17. *Thucydides* l. 2. scribit belli Peloponnesiaci tempore, anno nimirum ante CHRISTUM natum CDXXX, tantam accidisse in æstate Solis Eclipsin ut stellæ interdum in cælo visæ sint. *Crucius* ad secundum diem *Augusti* eam refert. *Fulius Capitolinus* scribit anno CHRISTI CCXI Solis Eclipsin tantam fuisse ut nox esse crederetur; neque sine luminibus accensis quicquam agi posset. *Beda* anno CHRISTI DXL, tantam accidisse Solis Eclipsin refert ut horâ diei tertiâ stellæ in cælo apparuerint. Ejusmodi incidisse quoque fertur in annum CHRISTI MCDXV, in septimum Junii, cum sequentis Julii sexto *Johannes Huss* in Concilio *Constantiensi* hæreticus esset pronunciatus, contra datam fidem ad ignis supplicium damnatus, & ipso Sabbato crematus. Observandum tamen hic, aliud esse Eclipsin totalem, aliud universalem. Illa ratione Solis, hæc ratione Soli dicitur: Illa certa tantum terræ climata quibus Solis adpectus admittitur, hæc omnia concernit: Illa naturalis, hæc præternaturalis, ob Lunaris globi parvitatem. Hæc de Eclipsi Solis totali.

Partialis tum evadit cum conjunctio sit extra nodos, & vel propius à nodis, vel longius. Si propius ad diametrum accesserit, major erit Eclipsis; si longius recesserit, minor.

IV. Ex hac porro explicatione responderi facile potest ad quæstionem de celeberrimâ illâ Solis Eclipsi quæ Christo in cruce pendente & spiritum Patris commendante, anno ætatis ejus tricesimo quarto, à condito Mundo secundum *Bucholzerum* 4004 vel secundum *Funccium* 3916, contigit. fueritne naturalis an præternaturalis. Et fuisse præternaturalis rationibus suaderi potest sequentibus;

1. Quia facta est non in conjunctione sed in oppositione Luna, hoc est, non in Novilunio sed in plenilunio. Probari id potest ex historiâ passionis & mortis Dominicæ, quæ pridie Paschæ contigit. Marc. xv. 42. & Lucæ xxiii. 54. Joh. xix. 31. At incidit Paschæ celebratio in diem decimum quartum mensis primi qui *Nisan* dicitur & *Martio* nostro respondet: ubi plena est Luna Solique opposita, Exod. xii. 2, & 6. Faciunt huc *Augustini* verba quæ lib. 3. De civit. Dei, cap. 15. leguntur; Solis inquit, obscuratiōem non canonico si acrum cursu accidisse satis ostendit, quod tum Pa-

scha erat Judæorum: nam plenâ Luna Paschæ solemnitas agitur, regularis autem Solis defectio non nisi in fine Luna contingit.

2. Quia universalis fuit Marc. xv. 33. At Eclipsis Solaris, erit totalis respectu certi cujusdam climatis potest esse, universalis tamen nunquam esse potest, propter Lunaris corporis parvitatem & terræ ad Lunam collatæ magnitudinem.

Ab hac sententia, quæ universalem statuimus fuisse hanc Eclipsin, non demovet nos *Timpleri* contraria assertio, quæ lib. 2. *de Juxta* cap. 8. Probl. 7. fortean *Originem* secutus, ait probabile esse illam Eclipsin Solis seu tenebras tantum Judæ fuisse obfuscas, perinde ac quondam soli *Ægypto*, Exod. x. Non verò aliis terræ partibus; siquidem in historiis Ethnicis eâ ætate conditis nulla fit mentio miraculosæ illius Eclipsis. Falsam esse assertionem hanc rationibus probari potest non levibus.

Primum enim restrictionem hanc ad solam Judæam non agnoscit Scriptura, sed contrarium potius disertè affirmat, Marc. xv. 33 ubi hæc leguntur, Sexta verò horâ factæ sunt tenebræ eis *ἡλίου τῆς γῆς*. Luc. xxiii. 44. *ἡλίου τῆς γῆς*. Hinc *Michael Singelus*, qui vixit anno post CHRISTUM natum centesimo decimo sexto, in oratione quæ *Dionysii Arcopagite* laudes persequitur, Eclipsin hanc appellat *παγκόσμιον τεστέρας*, hoc est, miraculum in universo mundo conspicuum. Contrà verò Exod. x. 21, & 22. restrictio ad solam *Ægyptum* expressè additur; *Extendit Moses manum suam ad cælum, & fuerunt tenebræ in totâ terrâ Ægypti*. Quid attinet igitur restrictionem comminisci ubi non nulla cogit necessitas, idque citra rationem, repugnante etiam Scripturâ? Deinde clarissima sunt *Eusebii* verba in *Chronicis* de hac Eclipsi, excerpta ex *Phlegone Historico*, qui circa tempora illa vixit, natione *Asiaticus*, *Trallianus*, *Augusti* libertus. Verborum *Eusebii* sensus hic est, Scripsit verò super his *Phlegon*, qui *Olympiadum* egregius supputator est, in libro decimo quarto ita dicens, Quarto autem anno ducentissimæ secundæ *Olympiadis* magna & excellens inter omnes, quæ ante eam acciderant, defectio Solis est facta: dies horâ sextâ ita in tenebrosam noctem versus ut stella cælo visæ sint, terræque motus in *Bithyniâ Nicaeæ* urbis multas ades subverterit.

Quod hic *Timplerus* excipit, dubitari posse utrùm verba ipsius de hac miraculosâ Eclipsi Solis an de aliâ sint intelligenda, cum ipse autor nullum planè indicium faciat miraculi tam evidentis, insequens & frivolum est. Miraculum enim annotasse suffecerat, judicasse opus non erat: plurima enim & gravissima quidem in historiis obiter

obiter sæpe tanguntur, profundè non explicantur. Locutum verò esse *Phlegonem* de miraculosâ hâc Eclipsi, è temporis circumstantiâ ab ipso notatâ evidentiſſimè patet. Contigit enim illa anno quarto Olympiadis ducentesiinæ secundæ. At hæc de quâ Scriptura loquitur, à *Scaligero* in Olympiadis ducentesiinæ tertiæ initium refertur: Annum igitur Olympiadis ducentesiinæ secundæ quartum si ita completum accipias, ut in confinio fuerit quinti anni eique exordium præbuerit, & Olympiadis ducentesiinæ tertiæ primi initium ad quarti & ultimi præcedentis Olympiadis finem retuleris, eundem esse annum omnino deprehendes in quem Eclipsis ab Ethnicis & Christianis autoribus miraculosè refertur. Taceo, quòd in tantâ Chronologiæ difficultate & diversitate errari in uno anno vel à *Phlegone* vel à nostris Chronologis facillimè potuerit. Accedit & hoc, quòd plures eâque inusitatas Eclipses in tempora illa quæ à *Phlegone* & nostris Chronologis assignantur incidisse ex historiis probari nequeat. Quid, quòd ipsius diei hora à *Phlegone* assignata exactiſſimè cum historiâ sacrâ consentiat? *Horam* enim Eclipsis hujus *Phlegon* sextam diei nominat. *Marcus* expressè idem confirmat cap. xv. 32. *ἡ ὥρα ἦν ἡμέρας ἑξῆς*, i. e. cum verò facta esset sexta hora. Quin & terræ motus, tanquam comitis istius Eclipsis, idem meminit autor, haud secus ac si à secretis fuisset *Matthæo*, qui Evangelii sui cap. xxvii. 51. inquit *καὶ γῆ ἐσείσθη*, i. e. & terra mota est. Adeò ut dubitandi causa ampliùs restet nulla.

Denique fuisse Eclipsin hanc Ethnicis quoque notam, quòd negat *Timplerus*, *Tertulliani* Apologetico probatur, in quo ad Gentiles de Eclipsi hâc verba faciens ait, *Deliquium putaverunt, qui id quoque super Christo prædicatum nesciverunt: & tamen cum mundi casum relatum in archivis vestris habetis*. Ad quæ verba respiciens *Budæus* lib. 4. De asse, *Solis*, inquit, *deliquium moriente Christo Plinius ignorare non potuit, si in archivis Romanis perscriptum fuit, ut qui acta Romana diligenter percensuisse intelligatur*. Sed *Plinius* id dicere noluit, quòd occultum Principes esse volebant: parum enim plausibile dogma Christi apud homines superbos & voluptuarios esse oportuit, quòd elatos animos & corpora sibi indulgentia maxime exsecratur. Addunt alii, dispuduisse Romanos Eclipsis illius meminisse, nè *Romulo* Romanæ urbis fundatori, in cuius morte deliquium quoque *Solis* admirandum accidit, vel parem vel superiorem *CHRISTUM* fateri cogerentur. Hactenus secunda ratio, quæ præter naturæ cursum Eclipsin hanc coniungi palàm fit.

Accedit 3^a, à duratione ejus, quæ trium fuit

horarum, *Marc.* xv. 33. At totalem Eclipsin sine morâ contingere Mathematici docent. Hâc inusitata Eclipsis hujus morâ, ut & tempore ejus planè inusitato, plenilunii scilicet, motus tunc temporis. *Dionysius Arcopagita* Heliopoli in Ægypto exclamasse fertur, *Aut Deus patitur aut vicem patientis dolet*. Alii hæc ipsi adscribunt verba, ut videre est in *Commentariis Chronologicis Funccii*, lib. 4. sub finem, *Aut Deus natura patitur, aut mundi machina dissolvetur*. Ubi notandum, nec illa nec hæc verba apud *Michaelem Singelum*, è quo eandem citat historiam *Suidas*, reperiri. Ait autem is *Dionysium* inusitatâ hac Eclipsi attonitum dixisse, *Ὁ ὁ γινώσκων παρὰ τοῦτο τὸ πᾶν ἐξέσθαι τὴν καὶ σαρκαδα*, hoc est, *Carne patitur ignotus DEUS, propter quem universus mundus obtrebratus & concussus est*. Idem ait, *Apollophanem* Sophistam de hoc miraculo Heliopoli tum temporis à *Dionysio* interrogatum respondisse, *Divinarum esse has rerum vicissitudines*: Allegantur tamen *Arcopagita* verba ex epistola ad *Polycarpum*. *Ἡ ἡ φάσις, ἡ τὸ θεῖον παρὰ τοῦτο*. Hæc de miraculosa hac *Solis* Eclipsi.

V. *Coronidis* loco querat quispiam quidnam judicandum de inusitatis aliis & horrendis *Solis* Eclipsibus quarum apud historicos nonnunquam incidit mentio. *Plinius* lib. 2. cap. 13. scribit *zotate* suâ sub *Vespasiano* Imperatore diebus duodecim utrumque sidus, *Solem* & *Lunam*, *quasita* esse, nempe quòd nunquam fuerint conspecta. Memorat quoque *Theophanes* *Isauricus* ætate suâ sub *Leone* 1^o Imperatore septemdecim diebus *Solem* adeò nusquam visum, adeoque radios amisisse, ut mari navigantes navigandi vias amiserint errarintque. Hæ Eclipses è naturalibus & ordinariis si fuerint, falsum est quòd vulgò dicunt, Eclipsin *Solis* fieri in conjunctione & fieri sine morâ: quis enim ignorat *Lunam* in conjunctione vel duodecim vel septemdecim dies non morari?

Patricius putat *Solare* corpus ita rarefactum fuisse à causa quadam extraordinaria ut lucem amiserit: quòd minùs verisimile videri multis possit. Itaque respondendum est, Eclipses hæc, ut maxime causas habuerint naturales, ordinarias tamen non fuisse, hoc est, ex consuetudine siderum cursu ortas. Crediderim ego diurnâ & pertinaci densarum atrarumque caligine nubium cælum fuisse obductum, ut diurnum *Solis* lumen penetrare nusquam valuerit, sideribus interim consuetâ sua curricula conficientibus. De similibus *Sicilia* tenebris è simili causâ ortis *icero* loquitur 2. De nat. Deor. Nos, inquit, tenebras

tenebras cogitemus tantas, quanta quondam eruptione Aetnaeorum ignium finitimas regiones obscurasse dicuntur, ut per biduum nemo hominem homo agnosceret.

VI. Sunt tamen & alia in Sole visa portenta: Inter ea memorabile est quod paulò ante mortem Caroli Magni, qui anno DCCCXIV obiit v. Calend. Febr. apparuit. Conspecta enim per septem dies nigri coloris macula in Solis corpore, teste Eginardo, in Vitâ hujus Imperatoris. Multorum opinio fuit maculam hanc Soli inductam à Mercurio sub Sole posito, eamque instar Lunæ apparenter obscurante. Sed contradicunt Mathematici, duobus potissimum argumentis; 1. Quòd motus Mercurii velocior sit quàm ut tanto tempore commorari sub Sole possit. 1. Quòd in tempus illud conjunctio Solis & Mercurii nulla inciderit. Itaque putant illi rectius posse maculam hanc appellari portentosum & prodigiosum meteoron sub Sole positum, quæ & Saligeri sententia, Exerc. 79. §. 3. Ante annos DVIII similis quoque macula ab Astronomo in Solis corpore observata, quam Mercurium esse credidit. Et Aven Rodan Duns, si Pico Mirandulano credimus, duas in Sole maculas vidit. Hisce Phaulstori fidem egregiè adstruit nostra ætas, quæ ope perspicilli plu-

res in Sole maculas ante paucos annos observavit, quæ & publicis multorum scriptis celebratæ sunt. Vidit hæc Galilaus Mathematicus Italus, vidit David Fabricius Astronomus Frisius, vidit Johannes Keplerus Mathematicus Casareus, vidit Simon Marius Mathematicus Brandenburgicus, viderunt non in Belgio tantum sed & hoc nostro Anhaltinatu haud pauci: ut de Phaulstori hujus veritate dubitare nefas videatur. Vide quæ de iis supra à nobis sunt annotata ad controversiam de multitudine stellarum. Sunt qui putant, ex probabilibus nonnullis conjecturis, maculas hæc recens observatas esse stellulas infra Solem constitutas, & quasi Eclipsin Soli inducentes; cum eodem loco maculæ semper non appareant, & modò plures modò pauciores. Quòd si in horum sententiam concedendum esset, dicendum utique foret, stellulas istas esse Lunares seu corpori Lunari similes, quæ nativæ lucis minimum habent; nec hoc tantum, sed & Venere ac Mercurio majores. Nam si propter corporum parvitatem duo isti Planetæ inter corpus Solare & oculos nostros interjecti Eclipsin Solis visibilem non efficiunt, ut de monstrant Mathematici, nec istæ stellæ efficerent, nisi majores Planetis hisce essent.

CAPUT XXII.

De tempore solari: ubi & de motu solis.

Effectus Solis, Tempus: Thes. I. Excusatur ταυτολογία: ἐκθ. Definitur tempus Solare: Thes. II. Distinguitur: Thes. III. Motus Solis diurnus: Thes. IV. Dici ἔτημος: ἐκθ. Dies distinguitur: Thes. V. Distinctionis explicatio: ἐκθ. Dies artificialis: Thes. VI. Vocatur & Naturalis: ἐκθ. 1. Noctis ἔτημος & causa: 2. Dies nocti æqualis est vel inæqualis: Thes. VII. Æqualis: Thes. VIII. Dici diversa in horas distributio: ἐκθ. 1. Æqualitas dici & noctis duplex: 2. Æquinoctium: Thes. IX. Describitur: ἐκθ. Est geminum: Thes. X. Limitatur: ἐκθ. VERNUM: Thes. XI. Rejicitur vulgi opinio de evagatione & subsultatione Solis extra orbitas suas die Paschatis: ἐκθ. Autumnale: Thes. XII. Æquinoctiorum indicia per cynocephalum & arietem: ἐκθ. Dies nocti inæqualis: Thes. XIII. Inæqualitatis ratio redditur: ἐκθ. Solstitium: Thes. XIV. Ejus notatio: ἐκθ. Geminum: Thes. XV. Æstivum: Thes. XVI. Hybernium: Thes. XVII. Mirabilia Solstitiorum à veteribus tradita: ἐκθ. Dies naturalis: XVIII. Alias Civilis: ἐκθ. 1. Rationes asserentes diem naturalem fuisse priorem nocte naturali. 2. Negantes: 3. Solvuntur: 4. Annus, Tropicus, vel Sidereus: Thes. XIX. ἔτημος anni: ἐκθ. Tropicus: Thes. XX. Ratio denominationis: ἐκθ. Ver: Thes. XXI. ἔτημος Veris: ἐκθ. 1. Veris & reliquarum anni parvum apud Veteres distributio fuit singularis: 2. Probatur Veris temperamentum esse moderatè calidum & humidum: 3. Conciliatur cum Galeni sententiâ: 4. Inquiruntur causæ frequentium in Vere morborum: 5. Æstas: Thes. XXII. Æstatis ἔτημος: ἐκθ. 1. Distincta fuit à Veteribus in tria tempora: 2. Autumnus: Thes. XXIII. Ejus ἔτημος: ἐκθ. 1. Temperamentum & causæ functionissimorum in eo morborum: 2. Hyems. Thes. XXIV. Ejus ἔτημος: ἐκθ. 1. Mirabilia hyemis effecta: 2. Aureum Saturni seculum fabulosum: 3. Annus Sidereus: Thes. XXV. Annus ut Tropicus, ita & Sidereus alius æqualis, alius inæqualis: ἐκθ.

THESIS I.

Haecenus de Affectu *Solis*. Effectus ejus insignis est productio temporis Solaris.

ΕΥΔΕΩΣ.

Alia *Solis* effecta communia ipsi cum stellis aliis supra à nobis sunt commemorata, in doctrinâ stellarum generali, & paulò antè plurima eaque propria ex *Dionysio Areopagita* & *Plinio* annotata. De unico igitur eoque verè Principe *Solis* effectû, Tempore nimirum, quod distinctionis gratiâ ab efficiente *Solare* nuncupavimus, hoc loco disquirendum nobis. Hoc antequam fiat, scrupulus eximendus iis qui ταυτολογίαν nos accusabunt, eò quòd cum de tempore in generali systematis nostri parte egerimus, in speciali jam ejusdem theoriam repetamus. Sed excusat nos facillè diversa considerandi ratio, & ipsa methodi lex, quæ generalia generaliter, & specialia specialiter tractare jubet. In primâ igitur & generali Physicæ parte tempus, ut est mensura motûs in genere, seu duratio rerum naturalium, consideratur: In speciali alterâ, ut est mensura motûs specialis, *Solis* scilicet aut alterius sideris. Quod autem annorum & dierum illic facta mentio, inde est quòd tempus ferè vulgò indigitari aliter nequit nisi sub annorum, mensium & dierum ratione.

THESIS II.

Est autem tempus *Solare* aliud nihil nisi duratio motûs *Solis*, vel duratio rerum naturalium *Solis* motu definita.

THESIS III.

Definitur verò rerum naturalium duratio è *Solis* motu Diurno vel Periodico.

THESIS IIII.

Motus *Solis* diurnus diem nobis producit: Qui definitur tempus descriptum à motu *Solis* diurno.

ΕΥΔΕΩΣ.

Varro diem dici putat à *DEO*, quo motore existit dies. Concinnius *Festo* dicitur à *Δι*, cujus genitivus *Διός*, quod *Jovis* nomen Græcis est: à quo diem veteres Latini appellarunt, quia lucis autorem *Jovem* crediderunt; *Macrobius* lib. i. Sat. cap. 14. *Δία ημετέραν* vocant *Cretenses*, ait ibidem *Macrobius*. Poetis *Sol* quoque dies appellatur, quia motu suo diem producit.

THESIS V.

Conficit hunc motum *Sol* vel in solo arcu diurno, vel in circulo integro: Indèque diem nobis exhibet Artificialem vel Naturalem.

ΕΥΔΕΩΣ.

Solis arcus diurnus vocatur illa Solaris circuli pars quâ *Sol* supra horizontem nobis conspicitur, & lucem seu diem à tenebris distinguit. Incipit ergò arcus hic à puncto ortûs, & finitur in puncto occassûs. Integer circulus vocatur qui per universum cœli ambitum extenditur, quem *Sol* dum emertitur, utrumque percurrit hemisphærium, superum & inferum, diem præsentia suâ uni impertiens, absentia noctem alteri relinquens. Incipit hic à puncto ortûs, & per occasum ad idem extenditur punctum.

THESIS VI.

Artificialis est tempus quo *Sol* arcum suum diurnum percurrent, diem nobis fugatis tenebris, advehit. Huic opponitur Nox, tempus ab occasu *Solis* ad ejus exortum; vel tempus quo *Sol* infra horizontem commoratur.

ΕΥΔΕΩΣ.

I. Notetur hic, diem hunc, quem artificialem cum plerisque Philosophis nuncupamus, à quibusdam naturalem dici, & quem naturalem nos dicimus, civilem vocari. Qui artificialis nobis appellatur, aliàs tempus definitur ab ortu *Solis* ad occasum ejusdem; item, tempus quo *Sol* supra horizontem nostrum commoratur. *Isidoro* definitur *Solis* præsentia; item, *Sol* supra terram, uti nox, *Sol* sub terrâ.

II. Nox *Servio* & *Isidoro* dicitur à nocendo, quòd oculis noceat. Rectius tamen ex Græco *νύξ* deduci videtur: quod *Eustathio* est *παρὰ τὸ νύσσειν* stimulare, pungere; vel *κατὰ ἀντίφρασιν, ἐπὶ ἐνστάσει περὶ ἔργον*, vel propriè, *ἐπὶ τὰς φιλεργεσίας νύσσει*, aut quòd facile ladat & offendat ambulantes: noctem enim nemini amicam esse Germanico proverbio dicimus.

Mira est *Paracelsi* opinio de causâ noctis, in libro De meteor. cap. 3. Ubi primum ait noctem esse ex lumine *Lunæ*: quod satis paradoxum. Est enim nox potius à luminis absentia quàm præsentia, cum tenebræ noctis luci diei privativè opponantur. Deinde noctem esse videmus etiam, quando nullum *Lunæ* lumen spargit, ut in *Noctilunis*. Subjicit idem *Paracelsus*, recessum *Solis* non esse causam noctis, etsi profus occidat. Rationem addit; *Quia lux ejus tam*

est.

"*Si potens, ut (verba sunt Paracelsi) quamvis mediâ nocte sub nobis è regione sit, intermediâ terrâ, nihilominus apud nos & supra terram suum reflexum daret in tantam lucem ut cognosceretur dies, eoque lumine possemus uti. Resp. Nemo Physicus Paracelsi hîc facile assenserit. Etiam si enim copiosissima est Solis lux, tanta tamen ejus potentia non est ut opacum terræ objectum corpus penetrare possit, cum nê domunculæ quidem aut turguruli undiquaque clausi interiora in ipso meridie illuminare queat.*

Sed quæ causa tandem noctis erit? Nox, inquit Paracelsus, est ex peculiari stellarum conditione tenebras adferentium absente Lunâ, sic ut videri nihil possit; non secus ac obscura nubes Solem occupans diei lucem etiam aufert. In cælo pariter peculiaves tenebræ sunt, quæ statim orientem Solem vel declinantem obfuscant, ut in eis Luna sola suum lumen habeat per hujusmodi tenebras exercere. Resp. Est & hæc physiologia satis paradoxa. 1. Stellas aliquas esse quæ per se tenebras sublunari mundo infundant, nullis ratione Paracelsus persuasit. Omnes stellas esse lucidas constans est Physicorum sententia; cui & ratio & experientia adstipulatur: Atqui lucidum corpus tenebras per se nullas spargit; tantum abest ut per immensum hoc intervallum spargat, quod nê lucidissima quidem & maxima sidera noctu illuminare possunt. 2. Si densissimum & opacissimum terræ corpus, secundum Paracelsi mentem, non obstat quò minus post occasum & in ipsâ mediâ nocte Solis lumen ad nos reflectatur, diemque nobis adferat, mirum certè quid causæ sit quòd ab efficacissimo Solis jubare dispelli tenebræ istæ non possint, cum vel densissimas noctis tenebras in conclavi satis capaci unica etiam illata facula possit fugare. 3. Nec minùs mirari subit cur à pleno Lunæ lumine noctu fugari vincique possint tenebræ, à Solis autem lumine noctu quoque ad nos non obstante terrâ reflexo non possint. 4. Tenebræ quæ ante lucem conditam fuerunt causam positivam nullam habuerunt, sed è lucis duntaxat absentia sunt ortæ: quid igitur attinet aliam & positivam quidem causam jam comminisci?

THESIS VII.

Dies hic nocti est Æqualis vel Inæqualis.

THESIS VIII.

Æqualis nocti est, qui horarum æqualium numero noctem nec excedit nec ab ea exceditur.

"*Ex Deo.*

I. Horæ hic æquales vocantur, quæ ejusdem sunt longitudinis; uti inæquales, quarum aliæ longiores vel breviores aliis. Judæis enim olim, ut & aliis gentibus, in more erat omnem diem omnemque noctem in duodecim horas distribuere, quæ pro diei noctisque vel longitate vel brevitate longæ erant vel brevæ: hinc quoad horarum numerum dies nocti semper erat æqualis: Hujusmodi horæ inæquales intelliguntur omnes quæ in sacris & profanis libris ad annum CHRISTI CCC aut circiter occurrunt. Nos verò aliam inimus viam, & æqualia horarum spacia retinentes, quoad horarum numerum diem nocti æqualem vel inæqualem constituimus: æqualem nominantes, quæ horarum æqualium numero nocti æquatur; & inæqualem, quæ horarum æqualium numero vel excedit noctem vel ab eâ exceditur.

De horis obiter & hoc notetur, Distinctionem diei in horas tempore Platonis, Aristotelis, & aliquando etiam post non fuisse in usu, etsi frequens apud ipsos vox *ῥῆμα*, quâ tamen in alio sensu utuntur. Nec Pollux, ubi lib. 1. diei noctisque partes recenset, distinctionis *ῥῆμα* meminit. Nec Hebræi veteres, Scaligero teste, alias diei partes notant nisi manè, meridiem & vespere: Totum verò *ῥῆμα* in quatuor vigilias distinxerunt, quarum prima erat à vespere, secunda à mediâ nocte, tertia à manè, quarta à meridie. Notat Hesychius veteres esse umbras dimensos, & ex iis horas cognovisse: Ideo tempus cenæ nominabant modò hanc modò illam pedum mensuram. Vide Matth. Martinium in Lexico.

II. Æquales sunt diei noctes in spherâ rectâ & obliquâ. In rectâ perpetuò æquales sunt, quia in eâ horizon rectus perpetuò omnes dierum parallelos secat in duas partes æquales; item, quia in eadem cum qualibet medietate Zodiaci oritur medietas Æquatoris. In obliquâ verò intra tropicos & circulos polares non nisi bis in anno æqualitas hæc recurrit, quia tantum cum duabus Zodiaci medietatibus, à principio Arietis & Libræ numeratis, medietas Æquatoris oritur: Extra hæc puncta perpetuò crescit vel decrescit dies.

THESIS IX.

Ab hac noctis & diei æqualitate æquinoctium denominatur: Quod tempus est quòd dies æqualis est nocti.

"*Ex Deo.*

Est autem nocti æqualis dies in spatio illo quod est inter duos circulos polares amplissimum, cum duodecim est horarum: inde reliquæ & numero & magnitudine diurnis æquales nocti relinquuntur.

THESIS

THESIS X.

Estque gemium, Vernal & Autumnale.

Expositio.

Est hoc intelligendum de locis quæ sphaeram habent obliquam; Nam in rectâ perpetuum est æquinoctium.

THESIS XI.

Vernal fit, *Sole Arietis principium* tenente: quod contingit, ætate nostrâ, circa XII Martii.

Expositio.

Ab æquinoctio verno exiguo distat intervallo Paschatos festum: Cujus die extra orbitas suas evagari *Solem* & subsultare antiqua vulgi est persuasio: Quam verè anilem & fabulosam dixeris. Originem videtur traxisse ex hymno quodam vetusto, quo ad *CHRISTI* resurrectionem, cum omnibus aliis creaturis, ipse quoque *Sol* exsilire dicitur; dubio procul poetica & hyperbolica quâdam exaggeratione. Solum hunc referunt plebei ad *Solis* exortum. Cum autem per integrum diem oriatur *Sol*, nunc his nunc aliis terræ habitatoribus, utique per integrum Paschatis diem hic saltus continuaretur; quod tamen ex plebe nemo hactenus affirmavit. Si quem igitur in *Sole* ad tempus illud saltum observare circa exortum videntur plebei, non in *Solem* sed in medium vel oculorum errorem referri *φαιδων* hoc debere sciâs. Illo enim veris tempore per apertos terræ poros multa egreditur exhalatio & in aerem elevatur, quæ dum circa exortum *Solis* agitur, ipse *Sol*, qui per eam adspicitur, agitari videtur & quasi subsultare: quod tamen non soli *Soli* sed & aliis Planetis accidit.

THESIS XII.

Autumnale fit, *Sole principium Libra* tenente: quod contingit circa XIV Septembris.

Expositio.

Tradit *Horus Apollo* à cynocephalo (quod animal est simiis efferatius) observari & minctû signari æquinoctium. Ipso enim æquinoctii die urinam interdiu duodecies reddere, noctûque toties perhibetur. Itâ lotii perfusione singulas horas norat. Arietem scribit *Athenæus* ad utrumque æquinoctium mutare cubandi rationem: ab autumnali enim ad vernal usque in lævo latere somno frui inde ad autumnale, in dextro.

THESIS XIII.

Dies nocti inæqualis est: cum horarum

æqualium numero vel excedit noctem vel ab eâ exceditur.

Expositio.

Inæquales sunt dies in sphaerâ obliquâ quia ab horizonte obliquo in sphaerâ declivi solus *Æquinoctialis* in duas æquales partes dividitur, *Sole* in alterutro punctorum æquinoctialium constituto; reliqui verò omnes circuli, in partes inæquales. Sunt autem noctibus longiores dies, *Sole* per signa Septentrionalia; breviores, eodem per Meridionalia currente: Illud in æstate, hoc in hyeme contingit: & ideo quidem quia in æstate plura signa rectè oriuntur tempore diurno quàm nocturno; contrâ verò in hyeme plura rectè ascendunt tempore nocturno quàm diurno; ut prolixius in doctrina sphaerica demonstratur.

THESIS XIV.

Ratione igitur excessus hujus vel defectus extremi, dies est Longissimus vel Brevissimus. Utriusque tempus *Solstitium* vocatur: Quod est tempus quo dies nocti extremè inæqualis est.

Expositio.

Dies nocti extremè dicitur inæqualis, cum vel itâ accrevit ut amplius non accrescat, sed *Sole* in eadem statione quasi subsistente (unde *Solstitium* dicitur) subsistat, & de decremento cogitet; vel itâ decrevit ut amplius non decrescat, sed incrementum medietur.

THESIS XV.

Estque geminum; *Æstivum* vel *Hybernium*.

THESIS XVI.

Æstivum fit, *Sole principium Cancri* tenente: quod contingit circa XII Junii, ubi dies est longissimus, nox brevissima.

THESIS XVII.

Hybernium fit, *Sole principium Capricorni* tenente: quod contingit circa XII Decembris, ubi dies est brevissimus, nox longissima.

Expositio.

Contingunt in solstitiis quædam memorabilia & mirabilia, si recentioribus & vetustis auctoribus credamus. Et *Cicero* quidem lib. 2. De divinâ. scribit, à Stoicis probatum esse, in solstitio brumali semina malorum, quæ in iis mediis inclusa sunt, in contrariâ sese partes vertere. Alii memorant, eodem die succum

succum arborum; qui ante ad radicem deorsum concesserat, ex radice sursum ascendere. Hujus rei etsi forsitan probabilis aliqua reddi possit causa; tamen quibus ea experimentis probata sit nescio. Gellius, lib. 9. cap. 7. Pulgo, inquit, & scriptum & creditum est, folia olearum arborum brumali & solstitiali die converti, & quæ pars eorum fuerat inferior atque occultior, eam supra fieri atque exponi ad vultus & ad Solem. Quod nobis quoque semel atque iterum experiri volentibus ita esse propemodum visum est. Idem de aliarum quoque arborum foliis longè majori fiducia scribit Mizaldus, lib. De harmonia coeli & terræ, cap. 8. Ego, inquit, omnium primum sedulo natura exploratores monebo; ut ipsa die solstitiali diligenter intueantur folia salicis, populi albæ, ulmi, tilie, & oleæ; ex eorumque intuitu non perfunctorio animadvertant tropicam harmoniam visibilemque symphiam quam dictarum arborum folia eo ipso die solstitiali cum Sole palam ostendunt: si quidem, ut libri bujus initio dicebamus, supinas foliorum partes aliâ facie cælum intueri observabunt quàm quâ spectare pridie.

THESIS XVIIII.

Hactenus dies artificialis. Naturalis, quem & *Civilem* vocant, tempus est, quo *Sol* circulum suum diurnum integrum percurrit, ab ortu scilicet per occasum in ortum; seu, quo ad idem ortus punctum redit.

ΕΠΕΞΕΛΙΞ.

I. Vocari à Græcis dies solet naturalis *ἡμερῶν* quæ vox tempus denotat constans ex nocte & die. Unde apparet diem naturalem constare die & nocte artificiali, horarumque æqualium esse *xxiv*. *Civilis* hic dies vocatur, quia in civili conversatione diem nominantes noctem plerumque unâ intelligimus: ut cum dicimus *elapsos jam dies esse decem vel plures*, noctes simul includimus. Præterea spatium hoc *xxiv* horarum, nocte constans & die vero, solo *diei* nomine exprimitur, quia denominatio à potiori fieri solet.

II. Cum igitur constet diei naturalis duas quasi partes esse, diem propriè sic dictum & noctem, quaeritur hæud immerito utra pars alterâ naturâ sit prior, seu utrum dies naturalis initium sumat à nocte an à die artificiali.

Rem ipsam in se hic intuemur; diversas diversarum gentium consuetudines non attendimus. Ex his enim si quaestio decidenda nobis foret, contrariæ omnino sententiæ essent approbandæ; Cum enim quatuor sint cœli puncta, quæ ortum, meridiem,

occasum & mediam noctem designant; factum ut dierum civilium principium quadruplex à diversis gentibus sit constitutum, ut videre ex *Plinii* libr. 2. cap. 77. ubi inquit, *Ipsam diem alii aliter observare: Babylonii inter duos Solis ortus; (hos imitantur hodie Baleares insulæ, Majorica & Minorica) Athenienses inter duos occasus; (hos adhuc omnes sequuntur Itali) Umbri à meridie ad meridiem; hos imitantur Astronomi; qui malunt à meridiano circulo quàm ab horizonte diem inchoare, quia Sol & astra eodem modo semper se habent respectu meridiani in quavis regione, non autem respectu horizontis, in quo magna variatio* *Sacerdotes Romani, qui diem finire civilem, item & Egyptii & Hipparchus, cum quibus & nos Christiani jam nunc facimus à mediâ nocte in mediam.* Scribit idem Gellius, lib. 3. cap. 1. ex *Varronis* libro De diebus. Item *Isidorus*, lib. 5. c. 30. *Pererius* in 1. Gen. scribit, apud *Judeos* olim in usu fuisse triplex genus dierum: diem scilicet *Legalem*, à vespere ad vespere; diem *naturalem*, ab ortu *Solis* ad ortum; diem *usum*, à mediâ nocte ad mediam noctem. Hæc de gentium diversarum consuetudinibus. Jam ad rem.

His ergo diversis gentium consuetudinibus sepositis, statuimus diem primum naturalem incepisse à die artificiali & non à nocte naturali. Rationes sunt hæc:

1. Omnis habitus naturæ prior est privatione: Dies artificialis vel lux est habitus; nox seu tenebræ naturales, privatio: Ergo dies artificialis naturæ prior est nocte naturali. Et propositio & assumptio apud omnes Logicos in confesso est.

2. Quod antiquissimi *Judeorum* diei naturalis initium statuerunt, ab eo sine dubio primus naturalis dies incepit; est enim omnino consentaneum è patrum traditionibus id illos accepisse: Atqui diem illi artificialem diei naturalis initium statuerunt: Ergo Assumptionem non tantum ponit *Pererius* Comment. in vers. 5. c. 1. Gen. sed & plurimis Scripturæ locis posse confirmari affirmat. Nec offendere quempiam debet quoddam diei initium legantur quandoque ab occasu quandoque tiam à mediâ nocte duxisse: Dies enim hi non naturales ipsis sed legales & usuales fuerunt, ut idem monet *Pererius*.

3. Primus dies naturalis prius habuit complementum diei artificialis quàm noctis: Ergo incepit à die potius quàm a nocte. Ratio consequentiæ est; Quia ejus rei complementum est prius, id ipsum prius altero æstimatur cujus posterius est complementum. Antecedens probò ex Gen. 1. 5. cujus verba secundum Hebraicam veritatem sic habent, *Sic fuit vespere & fuit mane diei primi.* Audis hic vespere, diei complementum, præponi temporis matutino,

entino, quod complementum est noctis. Confirmant sententiam hanc minime Basilii verba, Hom. 2. super Genesim, quorum hic est sensus, *ut in ordine creationis prerogativam deferret diei, ipsius dici finem commemorat primū, quē est vesp̄ra; deinde subnectit finem noctis, qui est mane: ut ita constet priorem fuisse diem artificialem quā noctem.* Sententiam eandem comprobant quoque Chrysostomus & Augustinus.

III. Hanc verò sententiam qui seriò impugnant, haud pauci sunt. Contendunt igitur primum diem naturalem à nocte & non à die artificiali cœpisse. Rationes ipsorum: operæ præteritum est in medium producere, & quid virum habeant experiri.

1. Si sacra Scriptura in prima rerum creatione semper præcessisse noctem & securum esse diem affirmat, naturalis diei initium à nocte omnino est duendum: Atqui verum prius: dicit enim semper, *Et fuit vesp̄ra & fuit mane dies secundus, tertius, quartus, &c.* Ergo & posterius.

2. Si ad constituendum primum diem naturalem referenda esset nox insequens, sequeretur aut eandem noctem concurrisse ad constitutionem dierum duorum, primi scilicet & secundi, aut secundum vel ultimum diem apud Moysen fuisse sine nocte: Atqui utrumque est absurdissimum: Ergo falsum est primum diem naturalem cœpisse ab artificiali.

3. Tenebræ quæ leguntur in Genesi fuisse ante lucem primam, aut conjungendæ sunt cum primo die naturali, aut ab eo sejungendæ: Si conjungendæ, aut solæ conjungendæ, aut unæ cum eis quæ primum diem artificialem sunt securæ: Si prius, palam erit cœpisse diem naturalem primum à nocte, & non à die artificiali: Si posterius, sequeretur unius diei duas fuisse noctes, quod absurdum. Si sejungendæ, sequeretur chaos seu terram inanem & confusam, non debere referri inter opera sex dierum: quod falsum est & Scripturæ contrarium.

4. Quod initium diei naturalis Deus in populo suo constituit, ab eo sine dubio dies naturalis primus incepit: Atqui noctem diei naturalis initium in populo suo constituit: Ergo à nocte dies primus naturalis incepit: Assumptio probatur; Quia mandavit Deus in lege ut sabbathum Judæorum sanctificaretur à vesp̄ra ad vesp̄ram.

III. Ad rationes hæc breviter sic respondemus;

Ad 1m. Negamus assumptionem. Ad probationem respondemus; Per vesp̄ram malè intelligi noctem, sed rectius, ut Basilii interpretatur, diei complementum: Non enim nox propriè, sed dies in noctem inclinans vocari solet vesp̄ra. Ratio igitur pro nobis potius, quā contra nos militat.

Ad 2m. Negamus consequentiam Propositionis. Cur enim dies ultimus propterea suā caruerit nocte, nulla planè adfertur ratio. Ut igitur per manè primorum dierum noctis significatur complementum, ita quoque per manè postremi diei.

Ad 3m. Concedimus diei naturalis primi duas fuisse noctes, vocabulo noctis latissimè sumto, ut non tantum diei seu lucis privationem verum & negationem significat: Quod verò infert ratio, absurdum esse unius diei duas esse noctes; respondemus; Etiam si in rerum ordine jam constituto id perquam absurdum est, tamen in constituendo absurdum non est. Vel, Concedimus absurdum esse unius diei naturalis duas statuere noctes naturales, unam verò naturalem & alteram non naturalem asserere, negamus absurdum esse. Fuit autem non naturalis, quæ primam artificialem diem antecessit: Imò, ex sententia Basilii, nox non fuit, sed tenebræ, hoc est, lucis in subiecto simplex negatio. Verborum ipsius sensus hic est, Prior ille mundi status, nimirum ante primigenium locis exortum, non nox dicebatur, sed tenebræ. Nox ea enim temporis portio dicta est, quæ distinctè se habet & oppositè ad diem: quæ quidē diei succedanea novam hanc appellationem est adepta. Ex Basilii igitur sententia nox cuius in quinto versiculo fit mentio, non de tenebris die artificiali prioribus, sed posterioribus est accipienda.

Sed, inquis, si primum artificialem diem antecesserunt & securæ sunt tenebræ, cur initium diei naturalis à die potius artificiali quā à nocte ducitur? Resp. Cum quæstio hic sit de partium diei naturalium non de non naturalium ordine, relictis prioribus tenebris, quæ negatio lucis saltem erant, posteriores nos meritò attendere, tanquam veram lucis Solaris, vel alterius corporis quod vicem lucis præstat, privationem, quæ naturalis comes diei artificialis esse solet. Summa; Nox naturalis primum diem artificialem est secuta, non naturalis præcessit.

Ad 4m. Negari potest 1. Propositio, upote quæ necessaria non est. Cur enim Deo temporis ordinem in creatione observatum non licuerit in populo suo mutare, si fas est hominibus in rerum naturalium dispositione præponere ea quæ in creatione Deus postposuit, & postponere quæ ipse præposuit? 2. Assumptio quoque negatur. Probatio consequentiæ vitio laborat. Non enim citato loco diei naturalis initium Deus indicat, sed Sabbathi, quod à vesp̄ra ad vesp̄ram celebrandum præcipit. Deinde observanda hoc loco triplicis diei usitata apud Judæos distinctio, Naturalis, Legalis, & Usualis.

Tandem objiciunt quidam, Rejctā sententiā hanc posteriori, plurimos Scripturæ locos explicatū fore difficillimos vel impossibiles. E multis insignem illum

lum locum de CHRISTI in sepulcro morâ produ-
cunt. Affirmat Scriptura, CHRISTUM quiescisse in
sepulcro tres dies & tres noctes, ut responderet anti-
typus typo, *Jona* nimirum, qui tres dies & tres no-
ctes in balanzæ seu in ceti ventre mansisse legitur.
Dies artificiales & noctes si numeres, fatendum om-
nino, CHRISTUM duas tantum noctes in sepulcro
mansisse, & diem artificialem tantummodo inte-
grum & solidum, *Sabbathi* nimirum: Nam sub
Veneris diei exitum est humatus, sub *Solis* diei ini-
tium resurrexit. Quod si ergo, inquirunt, diem &
noctem pro die sumas naturali, & diei hujus natu-
ralis partem, uti fert consuetudo, pro integro die ac-
cipias, denique initium diei naturalis noctem consti-
tuas, res poterit facillimè expediri: Nam pars diei
Veneris, quâ CHRISTUS in sepulcrum est positus,
dies primus naturalis nominabitur; nox insequens
unâ cum die *Sabbathi* integro, alter dies naturalis;
indè nox *Solis* diem antecedens, unâ cum initio diei
Solis, tertius dies naturalis. En ergo tres dies natu-
rales, qui noctes tres & totidem dies artificiales
complectuntur. Pro confirmatione hujus sententiæ
locum adferunt ex secundo *Pandictarum* tit. 2. Ubi
Paulus Jurisconsultus scribit, apud Romanos fuisse
receptum, ut quod fiebat etiam nocte illius diei cu-
jus erat nox, toti illi diei attribueretur. Quod ipsum
probari quoque potest ex tertio libro *Gellii* cap. 2.

Sed respondemus, Sive à nocte sive à die artifica-
li naturalem auspiceris, eandem tridui illius ratio-
nem constare, positis modò duabus ipsorum hypo-
thesibus; 1. *Diem naturalem esse noctem & diem
artificialem simul.* 2. *Partem diei naturalis haberi
pro integro.* Sic igitur secundum nostram sententi-
am illud triduum naturale computamus; Sepultus est
CHRISTUS circa vespere diei *Veneris*, quæ unâ
cum nocte sequenti diem naturalem primum consti-
tuit: Quievit toto *Sabbatho* ejusque nocte: En
diem naturalem alterum. Resurrexit die *Solis*: hujus
initium si sumas pro integro illo naturali die, en ter-
tium diem naturalem à nobis eadem facilitate quâ
ab illis numeratum! Ut enim illi finem diei *Vene-
ris* pro toto sumunt naturali, cujus nox jam præces-
serat, sic nos initium diei *Solis*, cujus nox demum
erat secutura.

THESIS XIX.

Sic de tempore diurno *Solis* motu de-
scripto: Sequitur tempus periodico *Solis*
motu descriptum, quod *Annus* dicitur:
Qui est Tropicus vel Sidereus.

"*Ex Dione.*"

Annus olim & *annus* scribebatur: De cujus etymo

ita *Scaliger*, Nonnulli putant annum à Græco *ἄννος*
(vel *ἄννος*) deduci: Quos sanè arguit primum scri-
ptura, quod veteribus nō scribebatur; deinde si-
gnificatio, quod propriè significat circulum; unde di-
minutivum anulus. Quidquid verò sit, aliunde re-
ctius deduci non potest quàm ab *ἄννος*, quod annum
Græcis significat. Nec circuli significatio in an-
num malè quadrat: Est enim anni hieroglyphi-
cum circulus.

THESIS XX.

Tropicus est, qui quaternas tempesta-
rum mutationes parit; ideoque quatuor
constat partibus, Vere, Æstate, Autumno,
Hyeme.

"*Ex Dione.*"

Appellatur hic annus tropicus, quia *τὸν τροπῶν*,
ut & æquinoctiorum, intervallo definitur: Sol enim
quatuor attingens puncta, duo Solstitiorum, & duo
Æquinoctiorum, nobis annum hunc producit, ab u-
no Tropico ad alterum meando. Aliàs & tempora-
lis annus appellatur.

THESIS XXI.

Ver est prima tropici anni pars motu
Solis à principio *Arietis* ad principium
Cancris descripta.

"*Ex Dione.*"

I. Tempus illud quod est ab Æquinoctio *Ari-
etis* ad Solstitium *Cancris*, Ver nominatur: Quod di-
citur secundum *Isidorum* à *virendo*, quia post hyc-
mem vestitur tellus herbis, & in florem & virorem
cuncta prorumpunt. Hanc partem pueritiam anni
vocant, sicut vicissim hominis pueritia Ver vocatur:
De quo breviter has tres quæstiones enodabimus;

1. *Quæ fuerit veris apud veteres, ut & reliqua-
rum trium partium, distributio.*

1. *Quod veris sit temperamentum.*

3. *Quæ fiat quòd verno tempore frequentes sint
morbi, cum tamen pars ea omnium sit amœnissima.*

II. Ad primam quæstionem respondemus ex
Isidori Etymologico, lib. 5. c. 35. Veteres singulas
anni partes in tres alias distinxisse partes. Primam
vocarunt novam: ut ver novum, æstatem novam, au-
tumnus novum, hyemem novam. Sic ex. gr. Ver
novum erat *Martius*; Æstas nova, *Junius*; Autu-
mnus novus, *September*; Hyems nova, *December*.
Secundam vocarunt adultam; ut Ver adultum, Æ-
statem adultam, &c. Hæc secundum cujuslibet tem-
pestatis mensem continebat. Sic Ver adultum erat
Aprilis; Æstas adulta, *Julius*; Autumnus adultus,
October; Hyems adulta, *Januarius*. Tertiã voca-
runt præcipientem, quæ tertium & ultimum cujuslibet

tempestatis mensem continebat: Sic Ver præceps erat *Majus*; Æstas præceps, *Augustus*; Autumnus præceps, *November*; Hyems præceps, *Februarius*.

III. Ad secundam quaestionem respondetur, Ver temperatè calidum esse & humidum. Rationes sunt hæc;

1. Quæ anni pars aptissima est rerum generationi, ea calida est & humida: Atqui ver aptissimum est generationi rerum: Ergo ver est calidum & humidum. Propositio probatur; Quia calidum & humidum sunt principia generationis, & vitam maximè conservant, quæ non nisi in calido & humido temperato consistit. Assumptio manifesta est; Quia non animantium tantum generationes in vere sunt frequentissimæ, sed & quæ hyeme quasi intermorta fuere, sive plantæ live animantia, vere solent reviviscere.

2. Ea anni pars est calida & humida in quâ plurimum sanguinis generatur: Atqui in vere plurimum sanguinis generatur: Ergo ver est calidum & humidum. Propositio probatur; Quia humores in corporibus augentur pro qualitate temporum: Cum igitur sit sanguis calidus & humidus: Ergo & ea anni pars in qua maximè generatur, talis erit. Hinc videmus in ætate bilem in corporibus nostris augeri, quia ut illa calida est & sicca, sic & hæc. Assumptionem probat ipsa experientia & praxis Medicorum, qui sectionem venæ hoc tempore suadent, ut videre est in Commentariis *Fuchii* super Aphor. 9. sect. 3. Probat & ipse *Hippocrates*, qui pueros per veris tempus maximè sanos affirmat, eò quod ipsorum constitutio humida & calida respondeat veris temperamento.

IV. Sententiam hanc impugnat *Galenus*, & rationibus aliquot demonstrare nititur non calidum & humidum esse ver, sed temperatum. Verum his hæc compositio facilis est. Calidum enim & humidum dicitur vel per excessum vel per mediocritatem: Illud à vere alienum est; hoc ei convenit, estque idem planè cum temperato. Sic sanguis etsi humor est temperatissimus, tamen calidus & humidus à *Galeno* sæpissime dicitur, ut videre est in Medicis *Exerc. Josephi Phavorini*, exerc. 1. cap. 14. Prolixioris quæstionis hujus tractationem videris apud *Barthistam Montanum*.

V. Ad tertiam respondetur, Vere morbos esse frequentes, quia humores, qui hyberno frigore in corporibus latebant & colligebantur, verno calore excitantur, & copiosam morbis materiam suppeditant. Ver igitur pars anni saluberrima morbos per se non gignit, sed humorum malorum multitudinem hyeme collecta & veris tepore excitata. Alia ergo corpora quæ humoribus malis sunt vacua, in vere optimè de-

gunt. Observandum tamen, partes veris adultæ & præcipientem salubriores longè esse novâ, idque propter aerem à vaporibus malis purgatorem & exactius humidi cum calido temperamentum. *Hippocrates*, Aphorismorum sect. 3. ver vocat *εὐχρηστότατον* & *ὑγιαίνοντα* sætatē, h. e. saluberrimum & minimè funestum. Affectus qui corpora malè constituta vere infestant recenset *Hippocrates* sect. 3. Aphorismorum, Aphor. 20.

THESES XXII.

Æstas est altera tropici anni pars motu Solis à principio *Canceri* ad principium *Libre* descripta.

Ex Jovic.

I. Tempus ergo illud à Solstitio *Canceri* ad Æquinoctium *Libre* Æstas dicitur, ab æstu, hoc est, calore, qui in hac anni parte dominatur. Vocari hæc pars solet anni juvenis.

Temperamentum ejus est calidum & siccum, propter Solem nobis verticalem & efficaciorē.

II. Præter distinctionem priorem à veteribus quodque in tria tempora secabatur, teste *Heurnio* in Comment. super 3. sect. Aph. 1. Primum erat ab ortu *Vergiliarum* ad Solstitium æstivum: Secundum, à Solstitio ad *Caniculæ* ortum: Tertium, *Opora* dictum, ab ortu *Caniculæ* ad ortum *Arcturi*. Hæc anni pars acutis morbis & biliosis est obnoxia, propter æstus bilem generantis vehementiam.

Æstatis morbos recenset *Hippocrates* sect. 3. Aphor. 21.

THESES XXIII.

Autumnus est tertia tropici anni pars motu Solis à principio *Libre* ad principium *Capricorni* descripta.

Ex Jovic.

I. Tempus hoc ab æquinoctio *Libre* ad Solstitium *Capricorni* Autumnus dicitur, secundum *Festum*, ab augendo, quod tum maximè coactis frugibus hominum opes augeant: Quod videtur respectisse *Claudianus* in *Proserpine* raptu,

Hæc tibi sacra datur fortuna, tumque tenebis

Autumnum, & fulvis semper ditabere pomis.

II. Temperamentum ejus est frigidum & siccum, propter Solem à vertice paulatim declinantem. Veteribus incipiebat ab ortu *Arcturi*, finiebatur in occasu *Vergiliarum*.

De hac anni parte loquitur *Hippocrates*, loco modo citato; *Εὐδυνάτωρ δὲ τὸ πρὸς τὴν αἰσχροῦ καὶ δυνάτω δυνάτω τὸ ἐπὶ τῆς*, h. e. Autumnus morbi accidunt acutissimi & funestissimi ferè. Cujus pronuntiati quinque ferè à Medicis redduntur rationes;

1. Quia propter vices frigoris & caloris tempus maximè est inæquale : Inde pravos humores plurimos ciet. Hinc Ovidius,

*Cum modò frigoribus premimur, modò solvimur æstu
Tempore non certo, corpora languor habet.*

2. Quia tempus æstivum, quod præcessit, humores veluti assavit.

3. Quia per æstatem vires sunt redditæ imbecilliores.

4. Quia humores vitiosi profundum corporis ob ambientis frigiditatem, quæ matutino & vespertino tempore viget, petere denuo incipiunt.

5. Quia hoc tempore propter fructuum ferè omnium copiam pravorum humorum multitudo procreatur.

Autumni morbos recenset Hippocrates sect. 3. Aph. 22.

THESIS XXIV.

Hyems est quarta tropici anni pars motu Solis à principio Capricorni ad principium Arctis descripta.

Expositio.

I. Tempus igitur à Solstitio Capricorni ad Æquinoctium Arctis Hyems, dicitur, παρὰ τὴν ὥσιν, plus; eò quod temperamentum frigidi & humidum sit hæc anni pars.

Veteres, ut meminit Heurnius, in duas partes hyemem distinxerunt: Priorem numerabant ab occasu Vergiliarum ad Solstitium hybernum; posteriorem, à Solstitio hyberno ad Æquinoctium vernum.

Alii tamen tres numerant: vocantque primam Sementem, Græcè σπέρμα, quia hoc tempore seminabatur: Secundam, brumam, quæ hyemis frigus maximè viget, & dies sunt brevissimi: (Hinc brumam dictam putat Isidorus per syncopen, quasi βραχέαια νύκτα. Macrobius βραχὴ νύκτα. Etsi Scaliger F. à Brumo Baccho deducit, cujus festa in id tempus incidebant) Tertiam, quæ ἀκτα, quod d' inferi, exeunte hyeme, arbores soleant.

Hyemis morbos recenset Hippocrates sect. 3. Aph. 23

II. Breviter hic ad quæstiunculas tres è Plutarcho respondebo;

1. Quis fiat quod clepsydra tardius profluant hyemali tempore quam horis æstivis.

2. Cur navigia fluminibus vecta hyberno sidere tardius commeent.

3. Cur navigia per fluvium commeantia hyeme plus oneris debeant quam æstate.

Trium horum mirabilium effectuum una ferè est causa, aqua scilicet hyberno frigore densior & corpulentior facta. Hæc enim densitas & crassities in causâ est ut aqua in clepsydriis tardius profluant, ut

tardius in fluminibus promoveantur navigia: quod enim crassius est medium, eò tardiolem efficit motum. Eadem efficit ut plus oneris ferant aquæ: quod enim densiores sunt eæ, eò minùs subsiditibus cedunt navigiis, majoraque ferunt onera.

III. Et hætenus quidem de insignibus anni tempestatibus quatuor: Quas à constanti Solis cursu describi res ipsa docet. Etenim pro mensurâ caloris Solaris, quæ variæ ex vario Solis ad hanc vel illam terræ partem accessu, recessu & posita, ipsæ quoque tempestates sunt variæ. Cùmque varietas in motu & posita insignis quadruplex sit, duæ extremæ, quibus altissimus vel humillimus, aut (ut vulgus vult) proximus vel remotissimus Sol est; duæque intermediæ, una in ascensu ad verticem, altera in descensu à vertice; tempestatum quoque varietas insignis quadruplex enascitur, duæ extremæ, Æstas & Hyems, duæque mediæ, Ver & Autumnus: De quibus satis huc usque pro instituti nostri ratione. Est autem palam ex hisce fabulosum esse illud aureum Saturni seculum, quod non nisi vernâ tempestate amœnum sibi finxerunt Poetæ: Quos inter Ovidius Metamorph.

Jupiter antiqui contraxit tempora veris,

Pérq; hyemes, æstasque, & inæquales autumnos,

Et breve ver, spatium exegit quatuor annum.

Tum primùm fœcis aer fervoribus ustus

Canduit, & ventis glacies adstricta pependit.

Seculū hoc ignorat antiquissima Mosis historia, quæ Mundi statum ab ipso describit exordio. Ipse verò Deus tempestatum vices perpetuas fore promisit, Gen. viii. 22. hisce verbis, *Adhuc diebus omnibus terra sementis & messis, frigus & calor, æstasque & hyems, diesque & nox non cessabunt. Æstatis & Hyemis mentionem facit; attamen Ver & Autumnum non excludit, imò sementis messisque nominibus haud obscure indigitat; siquidem in autumnum excurrit messis & lerendi opportunitatem ver præbet. Nec consistere absque vicibus hisce viventium natura posset. Varia enim & contraria hominum præsertim temperamenta nisi hæc tempestatum varietate emendarentur & juvarentur, brevi dissolverentur. Quod si unum esset tempus, inquit Baptista Montanus, in quo frigiditas & humiditas dominaretur, ut hyems, tum senes, & omnes n. qui temperatura frigida & humida essent, morerentur, quoniam magis angeretur illa intemperies: Itaque natura fecit insignem mutationem in qua dominaretur caliditas excedens, quod tempus dicitur æstas. Hæc tempore durante, insignis illa humiditas remittitur & imminuitur, atque hoc modo humidi magis sunt temperati, quoniam corrigitur error commissus in hyeme & vere propter illorum humiditatem. Præ-*

RTCA

terea juvenes, & qui corpora calida ac sicca habent, mori necesse esset, si perpetuus aestas esset, quoniam ab illius calore omnino exsiccarentur: Ideo ut id caveatur, natura hyemem humidam & frigidam, qua corrigeret errorum aestate commissum, conformavit. Et tandem cum omnia corpora habeant aliquem excessum qualitatis, propterea opportuit diversa esse tempora, ut hi in hoc, alii in alio tempore commodius degerent. Hoc enim modo omnia corpora succedunt in vita, & sic ordo universi conservatur. Nam cum sint aliqua corpora frigida, aliqua calida, aliqua humida, & sicca, ideo natura voluit ea mutari ad calidum, frigidum, humidum & siccum, secundum mutationes quatuor ipsorum temporum anni.

Non possum hic quin, colophonis loco, Dionem Chrysostomum Græcè loquentem, & variarum harum tempestatum necessitatem ac commodam, nec non in temperandis iis sapientiam Creatoris, discrete & eleganter explicantem, lectori Græcarum literarum amanti sistam. Sic igitur ille Orat. 3. De regno, Ἐπει δὲ τοῦ κοῦ ἀλλὰ ἢ γῆ γενήσεται τοῦ φύσματος καὶ ὡς αὐτῆς καὶ ὡς ἐπιτελέσεται, δεικνύει δὲ τὰ ζωὰ καὶ σπογγίαι ἕκαστον τῶν σωματικῶν, καὶ ἄλλων καὶ καὶ τὸν δόμοτον, καὶ ἡμεῖς πάντων μάλιστα, ὅτι πλείους καὶ ὅτι βοῦν καὶ δόμοτον, αὐτὸ καὶ μᾶλλον ἐγγυτέρω ποσῶν τῆς ἡμετέρας νεκρώσεως, ἵνα πάντα μὲν φύσῃ, πάντα δὲ θνήσκῃ, πάντα δὲ τελευτήσῃ θάνατον καὶ διαμαρτυρῶντες τοῖς ἀνθρώποις εὐφροσύνην καὶ εὐφροσύνην. ἔπειτα δὲ αὐτὸν πάλιν πολλὰ καὶ ἡμεῖς ἐν καὶ γενήσεται τῆς ἐκείνης κρείσσεως δεικνύει μὲν γὰρ τὸ πῦρ καὶ τὸ σῶμα καὶ σκωρίασθαι, δεικνύει δὲ πυκνώσεως τὰ φυτὰ, δεικνύει δὲ ὁμβρίαν ἢ γῆν, πάλιν ἀπὸ τοῦ καὶ αὐτῆς ἀφιστάμενος μάλιστα. οὕτω δὲ πάντῃ ἀσφαλῶς καὶ ἀσφαλῶς περὶ τὸς ὅρους τοῦ καὶ ἡμῶν συμφορῶν, ὡς οὕτως ποσῶν ὁλίγον ἐγγυτέρω γίνονται, πάντα ἂν συμφορῶν, εἴτε ἀπὸ τῶν συμφορῶν ὑπερβαλοῖ, πάντα ἂν ἀποφυγείν. ἔπειτα δὲ ἀδειέστεροι φέρειν ἴσμεν τὴν μεταβολὴν ἀπὸ τῶν γενόμενων, καὶ ὁλίγον τὰ καὶ μηχανάται, καὶ τρέπον ἡμᾶς λειοδύναν, καὶ σκωρίαζέει πρὸς τὸ καὶ ὑπερβαίνει τὸ καὶ πρὸς γυνήσων δὲ τὸ μακρότερον, χειμῶνα ἀνέχεται.

ἐν μὲν τῷ χειμῶνι δὲ ἀλλὰ πρὸς τὰ ὁλίγον, ἐν δὲ τῷ θερεὶ ἀνὰ τὸ καὶ, ὡς ἀλλὰ πρὸς ἀνέχεται πρὸς ὁλίγον τὴν ὑπερβολὴν.

THESIS. XXV.

Fuit annus Tropicus: Sidereus est tempus quo Sol confecto per Zodiacum intergrum curriculo ad eandem revertitur stellam fixam.

Ἐκδοσις.

Et tropicum & sidereum distribuunt in inaequalem & æqualem. Tropicus æqualis est, quem metitur Sol motu æquali ab Æquinoctio medio circumactus, & ad idem punctum reductus: Ab hoc enim puncto annum ordiuntur artifices: Estque dierum 365, horarum 5, primor. 49, secund. 16. Tropicus inæqualis est, quem metitur Sol per Zodiacum totum motu composito vero seu apparente ad idem punctum Solstitii vel Æquinoctii verni, à quo discesserat, reversus. Anni hujus dissimilis est quantitas: unde ab aliquibus major est observata, ab aliis minor. Calippus, Aristarchus Samius & Archimedes tribuunt ei dies 365, Ptolomæus 365, horas 5, prim. 55, secund. 12; Albatognius, 365, horas 5, primor. 46, secund. 24. Causa inæqualitatis hujus refertur in inæqualem Æquinoctiorum processionem, anomaliam Solis, & ἄλλων τῶν πρὸς τὴν μεταβολὴν.

Sidereus annus æqualis est quo Sol ab aliquâ stellâ fixâ progressus, & curriculo per totum Zodiacum confecto, motu æquali simplici ad eandem revolvitur. Estque dierum 365, hor. 6, prim. 9, sec. 12. Initium motus constituitur in primâ Arctis stellâ.

Inæqualis est, qui à spatio hoc recedit. De his plura alibi videris. Unum hoc addo; Numerum hunc dierum ad annos eorum esse referendum quibus dies naturalis est horarum viginti quatuor. Eorum enim qui sub polo habitant annus nonnisi unicâ diē naturalis constat; si quidem dies illis sex mensium, totidemque mensium nox est.

CAPUT XXIII.

De planetis superioribus, Saturno, Jove, Marte.

Planete extremi: Th. I. Superiores Sole: Th. II. Heterodromi cur disti: ἐκθ. Saturnus: Th. III. Ejus ἐπὶ τῷ Latinum, Græcum, Hebraicum & Arabicum: ἐκθ. 1. Malignum vulgò habetur sidus: 2. Sed falsò & impiè: 3. Magnitudo ejus: 4. Jupiter: Th. IV. Etymon Jovis: ἐκθ. 1. Vulgò judicatur benignior esse Saturno: 2. Magnitudo ejus: 3. Mars: Th. V. ἐπὶ τῷ vocis: ἐκθ. 1. Vulgò dicitur esse truculentior Jove: 2. Magnitudo ejus: 3.

THESIS I.

HActentis Planetarum medius : Extremus est Superior vel Inferior.

THESIS II.

Superior omnis est Heterodromus :
Estque *Saturnus, Jupiter, Mars.*

Ex Deo.

Heterodromus Planeta, ut ipsa vox innuit, is dicitur, qui ad conficiendum motum periodicum plus minusve temporis quam alius requirit, seu qui pari vel velocitate vel tarditate currentem habet neminem. Huic opponitur Homodromus, qui curriculum suum aequali cum alio tempore conficit.

THESIS III.

Saturnus est Planeta heterodromus, plumbei seu fusci coloris, annis xxx circiter periodum suam conficiens : Hinc annus *Saturnius* dicitur qui Solares xxx complectitur : Terrâ major putatur nominis semel.

Ex Deo.

I. *Saturni* nomen est ab antiquissimo Aboriginum Rege *Saturno* ; unde & Italia dicta tellus *Saturnia*. Primus in Italiâ regnum obtinuit ; *Fulgentius*, lib. 1. Mytholog. Cumque primum *Cretâ* profugus filii *sævientis* metu Italiam accessisset, à *Fano* susceptus hospitio rudes illos homines & agrestes multa docuit, ut *Græculus* & politus, literas imprimere, nummos signare, instrumenta conficere ; *Minusius Felix*. Hinc factum fortean ut *Saturnus* Planeta melancholici temperamenti præses & ingeniorum profundorum conciliator fingeretur. De etymo dissentiunt auctores. Multis à *saturnus* dictus creditur, quod rerum sit principium : Aliis à *saturnando* quod Rex iste per annonæ propagationem ad se populos attraxerit. Dissentit *Scaliger*, qui ab Oriente nominis rationem accersit. Tuscum igitur *Saturni* nomen esse contendit : Fuit autem Tuscorum lingua olim Aramea vel Syriaca, in quâ *Saturnus* latentem significat : Radix est *שטן* occultavit, celavit, *שטן* latuit. Egregiè in *Saturnum* hoc quadrat, qui à latendo *Latius* olim dictus : *Virgilius* *Æneid.* 8.

Primus ab æthereo venit *Saturnus* *Olympo*,
Arma *Foris* fugiens, & regnis exsul ademptis.
Is genus indocile ac dispersum monibus altis
Composuit, legesque dedit, Latiumque vocari
Maluit, his quoniam latuisset tutus in oris.

Circis *שטן* appellatur, quasi *שטן*, ut non-

nullis putant, quodd temporis olim dispensator crederetur. Mavult tamen *Franciscus Junius* à splendore deducere, dubio procul ex Hebraico *שטן* radiavit, splenduit. Si conjecturæ locus sit, forsitan ad aliam quoque radicem, *שטן* fodere, cibum apparare, referri poterit. Etymon hoc ab historiâ vel fabulis alienum non est ; siquidem natos ex *Rheâ* uxore confodisse, ex iis cibum apparatusse & devorasse dicitur ; *Servius* in 3. *Æneid.* Quod mythologicè idem *Servius* interpretatur, quia *Deus seculorum* & æternitatis est habitus ; Secula autem annos ex se natos in se revolvunt & quasi absorbent.

Hebræis *שבת* dicitur à *שבת* cessando ; quia propter mortis tarditatem quasi quiescere videtur : vel quia *Sabbathi* dies ei assignatur. Arabes *شبه* nominant, à *شبه* occidere, perimere : Quod vel ex fabulis, vel ex infelici petrum *Astrologiâ*, quæ quàm turpiter infamarit hoc sidus, è sequentibus parebit :

II. De maligno *Saturni* sidere valde conqueruntur veterum tum recentiorum Philosophorum monumenta. Hinc audias frigidum eum esse, melancholicum, humane naturæ inimicum ; præsidium senum, patrum, agricolarum, mendicorum, coriario- rum, figulorum ; causam carcerum, morborum diuturnorum, hostium occultorum, superstitionis, doli, avaritiæ, paupertatis, invidiæ, tristitiæ, pertinaciæ, insidiarum. De quo plura videantur apud *Baptistam Portam*, lib. 2. *Cœlestis Physiognomiæ*, c. 1, 4, 6, 7. & nos paulò post plura memorabimus. *Magi, Brachmanes, Pythagorici*, cum ob sedulum philosophandi studium *Saturni* tyrannidem formidarent, vestibus albis amiciebantur, & *Fovialibus* utebantur cantibus, ut patrocinio *Fovis* adversus *Saturnum* defenderentur.

III. Sed sciendum, hæc *Astrologorum* placita falsa & impia esse. Falsa, quia experientia sæpissime reclamationat. Et si quando superstitionis huic & erroneæ opinioni videtur suffragari, ex accidente aliisq; causis vel naturalibus vel præternaturalibus id fieri omnino putandum est, ut egregiè docet *Baptista Porta* 2. *Physiogn.* lib. cap. 3. ubi ostendit, verius è temperamenti melancholici proprietate, quæ *Saturni* vulgò tribuitur, quàm è *Saturni* sidere deduci : ex. gr. *Saturni* timidi, imbelles & mœsti perhibentur : fit hoc ob melancholiam, cujus duo symptomata perpetua esse docet *Hippocrates*, metum & tristitiam. Gaudere dicuntur *Saturni* vestitu nigro & lugubri, ob nigri & lugubris humoris abundantiam : Prudentes & optimi consilii habentur, quia atra bilis naturalis, teste *Aristotele*, iudicium fovet.

Hinc

Hinc 2. Probl. lib. Melancholicos fuisse pronunciat, qui ingenio, sapientiâ & consilio claruerunt. Videatur hæc de re egregia *Cæli Rhodiginii* dispensatio, libr. 17. Le&t. antiq. cap. 5. Iidem dicuntur morosi, avari, parci, pertinaces, cœlibes se-gnes; quia melancholia frigida & sicca. Erronea igitur opinio, quæ *Saturni* viribus hæc & alia talia tribuit. Est eadem & impia, quia quam creaturam Deus bonam esse dixit, Gen. 1. eam malam imò pessimam esse Astrologica fatuitas contradicit, dum pessimos in homine affectus procreare asserit: Quam opinionem plurimis suprâ refutavimus.

De frigiditate *Saturni* quæ vulgò dicunt, nugamenta sunt ad arbitrii libitum non ad sanæ rationis iudicium excogitata, ut aliàs demonstravimus.

Interim tamen & hoc noceat, Nec ad melancholiam vel rectè vel necessariò referri omnia ista quæ recitavimus modò ex sententiâ *Baptiste Porta*.

IV. De magnitudine sideris huius ità pronunciant Astronomi: Continet *Saturnus* in se terræ magnitudinem 91½. Diameter ejus ad diametrum terræ proportionem habet quam 9 ad 2; continetque diameter ejus terræ diametros 4½. Ad terram se habet totum sidus ut 729 ad 8.

THESIS IV.

Jupiter est Planeta heterodromus, lucidus, periodum suam annis XII. absolvens, (hinc annus *Jovius*, qui duodecim Solares continet) terrâ major nonagies quinquies.

ΕΚΔΕΙΞΙΣ.

I. *Jupiter* Poetarum iudicio rectè *Saturnum* sequitur, quia *Saturni* & *Opis* filius fingitur: Dicitur nonnullis quasi *Jovis Pater*: nam & *Jovis* nominativo priscis dicebatur. Aliis quasi *Juvans Pater*. *Jovem* autem à *juvando* dictum magno consensu Latini tradunt. Etsi non contemnenda opinio eorum qui ab Hebraico *Jova* vel *Jehova* ductum aiunt. Utenim alia Dei veri nomina idolis suis Gentiles tribuerunt, sic & hoc Dei proprium, Divinæ majestatis plenissimum. Græcis *Ζεύς*, ἀπὸ τοῦ ζῆναι, hoc est, *servendo*; aliis tamen à *ζῆλον*, *vivere*: Hinc & Poetis *Ζεύς*, *Ζεύς* *Jupiter* appellatur: Quò respexisse putò *Marsilium*, quando ait *Jovem* à Græcis appellari *vitam*. Nomen ex Astrologorum placitis profectum viderur: De quibus jam nunc.

II. Benigniore *Jovem* *Saturno* esse Astrologi contendunt. De cujus effectis videatur *Baptista Porta*, lib. 2. Cœlest. Physiog. c. 8, 11, 14. Dicuntur enim sub *Jove* nati albi, magnorum oculorum,

parvæ pupillæ, recalvi barbæ crispæ, formosi, ingeniosi, prudentes, magna appetentes, veraces, nobiles, gloriosi, felices; summâ, omnibus ferè bonis tam corporis quàm animi præditi. Quæ pleraque idem *Porta* ex temperamento calido & humido provenire docet, eodem lib. 2. c. 10, 12. Omnium enim optimum est calidum & humidum temperamentum, Medicis testibus; adeò ut mirum non sit si similes quoque respondeant effectus. Hinc est quòd *Galenus* in libro de temperamenti affirmet, calidos & humidos multos sortiri capillos, robustos esse modicè, nigros & crispes esse: porrò calidos & humidos, h. e. sanguineos, decentis & egregiæ formæ esse, ipsa docet experientia: Eiusdem temperamenti virtute ad magna dicuntur adspirare.

III. De magnitudine *Jovis* ità sentiunt Astronomi: Terræ magnitudinem in se continere dicitur 95½. Diameter ejus ad terræ diametrum proportionem habet quam 32 ad 7; continetque in se terræ diametros 4½. Totum ejus corpus se habet ad terram ut 32768 ad 643.

THESIS V.

Mars est Planeta heterodromus, rutilus, periodum suam annis duobus absolvens, (hinc annus *Martius*, qui duos Solares continet) terrâ major semel & aliquantò amplius,

ΕΚΔΕΙΞΙΣ.

I. *Mars Varroni* creditur dictus, quòd *maribus* in bello præsit, vel quòd à Sabinis acceptus *Mamers* diceretur: *Mamers* autem *Mavors* & *Mars* Oscâ linguâ fortem significari scribit *Scaliger*, De causis linguæ Lat. *Martinus* in Lexico non inconcinne ex Chaldaico מרס hoc est, *contundens*, deducit; siquidem robore & violentiâ suâ omnia contundere *Mars* credebatur. In hiphil ex analogiâ esset מרס, unde *Mamers*: nec malè ad Hebraicas radices מרס *fortem se præbere, violenter exagitare, concutere, & מרס diruere, destruere, retuleris*. Utrique enim in participio Piel מרס præfigitur, מרס מרס: Deduci quoque à Græco *μῶρς* possit: unde & mors.

II. *Mars* secundum Astrologos *Jove* truculentior est. Effecta plurima ejus commemorantur à *Porta* libro citato c. 15, 18, 21. *Marte*, inquiunt, dominium tenente homines fiunt coloris rubri, vocis firmæ & agrestis, faciei rotundæ, staturæ mediocris, invidi, contentiosi, violenti, voraces, audaces, crudeles, imperiorum cupidi, filiorum & uxorum ocores, iracundi, &c. Omnia hæc falsè

Marti ascribi, & ex temperamento calido & sicco verius deduci, demonstrat idem autor lib. cit. c. 17. 19, 20.

III. De magnitudine Martis ita statuunt Astro-

logi: Terrâ major est $1\frac{1}{3}$. Diameter ejus ad diametrum terræ proportionem habet quam 7. ad 6. & continet terræ diamet. $1\frac{1}{6}$. Totum corpus ad terram se habet, ut 343. ad 216.

CAPUT XXIV.

De Planetis inferioribus, Venere & Mercurio.

Planetæ inferiores: Th. I. Homodromi dicti: Th. II. Venus: Th. III. ἑρμῆος vocis: ἔκθ. 1. Astrologorum circa Venerem deliramenta: 2. Magnitudo ejus. 3. Mercurius. Th. IV. ἑρμῆος vocis: ἔκθ. 1. Virtutes ejus & effecta ab Astrologis conficta: 2. Magnitudo: 3.

THESIS I.

Fuit Planeta superior. Inferior est vel homodromus, vel heterodromus.

THESIS II.

Homodromus est Solis comes geminus, Venus & Mercurius.

THESIS III.

Venus est Planeta homodromus Solis comes, lucidissimus periodum suam annuo spatio perficiens, terrâ minor vicies octies.

"Εκδοσις.

I. Venus nonnullis dicitur à παρθένῳ vel παρθένῳ splendere: Sæpè enim Venus amabilitatem, gratiam & pulchritudinem significat. Sed magis arridet Scaligeri etymon, à veniendo; ita ut peregrini Numinis nomen sit Romanum, dicaturque quasi θεῶς παρθένῳ, dea vel Deus advena.

II. Astrologorum circa Venerem deliramenta recenset Porta cap. 29. 32, 35. Venus, aiunt Mathematici, genituræ Domina si fuerit, dat corpus longum, candidum, oculos gratos, venustatis splendore fulgentes, spissos capillos: eadem homines facit delectabiles, lätos, amibiles, gratos, amatores, justos, pios, amicitiarum observantes, potu multo, cibo exiguo gaudentes, credulos, jocosos, aulicos. Hæc & similia ad temperamentum calidum & humidum refert autor idem c. 31, 33.

III. Solis comitem appellamus, quia Solem modo antegreditur modo sequitur: Cum matutino tempore antecedit, Lucifer aut φασφάρος; cum vespertino sequitur, Hesperus nuncupatur. De magnitudine ita sentiunt Astronomi: Venus terrâ minor est $3\frac{7}{10}$. Diameter ejus ad diametrum terræ proportionem habet quam 3 ad 10. adeoque terræ

diameter continet Veneris diametros $3\frac{1}{3}$. habetque se Venus ad terram ut 127. ad 1000. Memorabile est quod de Venere scribit Lessius in libello suo De providentiâ, visum nempe per fistulam dioptricam à Batavo inventam sidus Veneris instar Lunæ crescere & decrescere, curvarique in cornua, dimidiari & impleri: De quo Astronomis deinceps cogitandum erit.

THESIS IV.

Mercurius est planeta homodromus, albicans, Solis comes periodum suam absolvens spatio annuo.

"Εκδοσις.

I. Mercurium dici putant à mercibus: omnium enim negotiorum Deum vel præsidem eum esse, prisca credidit supersticio. Isidorus dictus videtur, quasi medius currens, quod (cui præesse Mercurius quoque creditur) sermo inter homines medius currat. Non ineptius etymon videbitur, si appellari Mercurium dicas à mercibus curandis: Quis enim magis curet merces quam Deus & præses earum? Græcis ἑρμῆς dicitur ἄνθρωπος ἑρμῆος, ut Isidoro videtur: crediderim tamen potius ab ἑρμῆος dici ἑρμῆος. Itaque probabilius deducetur ab ἑρμῆος dicitur: Est enim Mercurius Deorum nuntius.

II. Hujus virtutes & effecta ab Astrologis conficta recenset Porta c. 36. 39, 41, 42. Mercuriales, inquiunt Astrologi, corpore sunt modico, gracili, formoso, oculis parvis, capillis mediocribus, angustâ fronte, naso oblongo. De moribus ita judicant: Fore Mercuriales cordatos, ingeniosos, cuncta discentes, modestos, mercatores, Grammaticos, Oratores Physicos, Poetas, Musicos, Mathematicos, sortilegos, augures. Quæ temperamento sicco & calido, vel flavæ bili, verius adscribi docet idem c. 18. 40. Biliosos ait Galenus esse acutos; & bilis, ut inquit idem, est sensus acueri. In libro De naturâ huma-

humanâ scribit, per succum biliosum promoveri animi acumen & intelligentiam.

III. *Solis* comes appellatur, quia manè antecedit, vespèri consequitur Solem. De magnitudine ejus Astronomi ita sentiunt: *Mercurii* magnitudinem in se terra continet, secundum *Maurolycum*,

21952. Diameter ejus ad terræ diametrum se habet ut 1. ad 18: continetque terræ diameter *Mercurii* diametros 28: & totum *Mercurii* corpus se habet ad terram ut 1 ad 21952: Inter Planetas omnium rarissimè *Mercurius* apparet: unde theoria ejus Astronomis laboriosa.

CAPUT XXV.

De Luna naturâ & affectionibus.

Planeta heterodromus *Luna*: Th. I. ἐπεὶ οὖν ejus Latinum, Græcum & Hebraicum: ἐκθ. 1. Proponuntur variæ Philosophorum de Lunaris corporis substantiâ sententiæ: 2. Evertitur sententia *Patriicii*: 3. Asseritur eandem esse Lunæ & reliquorum Planetarum substantiam: 4. Magnitudo corporis Lunaris: 5. Affectio Lunæ: Th. II. Veræ: Th. III. Positiva: Th. IV. Maculæ in Lunâ: Th. V. De causâ istarum macularum adferuntur variæ Philosophorum sententiæ: ἐκθ. Nativæ Lunæ lux: Th. VI. Esse revera aliqua probatur: ἐκθ. Privativa Lunæ affectio: Th. VII. Descriptio Eclipses Lunaris resolvitur: ἐκθ. 1. Colliguntur inde duo porismata: 2. Gentilium superstitio tempore Eclipsium Lunarium notatur: 3. Astrologorum ex Eclipsibus prædictiones damnantur: 4. Affectio Lunæ apparens: Th. VIII. Explicatur: ἐκθ. Illuminationis apparentia duplex: Th. IX. Invisibilis tempore novilunii: Th. X. Indicia novilunii dantur à quibusdam animalibus: ἐκθ. Apparentia Lunæ visibilis: Th. XI. Est partialis vel totalis: Th. XII. Partialis: Th. XIII. Tum Lunâ crescente, Th. XIV. µακροδύνη: Th. XV. Dicitur & Luna prima: ἐκθ. Διχόπεδος Th. XVI. ἀμφιευρος, Th. XVII. Theoremata de crescente Lunâ: ἐκθ. tum decrescente, Th. XVIII. quæ etiam ex triplici ostentatione triplicia sortitur nomina: Th. XIX. Theoremata de decrescente Lunâ: ἐκθ.

THESES I.

Fuit Planeta inferior homodromus. Heterodromus est *Luna*, cursum conficiens spatio menstruo, terrâ minor quadragies ter, vel, ut alii, tricies novies.

Ἐκθ. σ. c.

I. *Luna* etymon multiplex tradi solet. Nonnulli à lucendo dictam volunt: unde *Varro*, *Luna*, quod sola noctu lucet. Unde noctiluca dicta. Alii à Lavino luo, vel Græco λῦα, quod est lavare, purgare. Modernis Græcis λέρω est καθαίρειν, purgare: forsan à Lunâ quod humectando lavet & purget. Mihi non incommodè deduci videtur ab Hebraicâ radice לָוַי perpassare, seu nossem transigere: quia noctis moderatrix, à Creatore est constituta, לָוַי הַלַּיְלָה Gen. i. 16. Græcis μὴν à μετρεῖν numerare, quia menses nobis quasi numerat: σελήνη à σέλας, quod fulgorem significat. Hebræis לָוַי, à לָוַי ut nonnulli videntur, respiratione, recreari. Unde *Plinius* auctore *Luna*, existimata mundi spiritus, lib. 2. cap. 99. לָוַי, à candore vel albedine. Itâ vides diversis hîc etymis ægeget nobis *Lunæ* naturam explicari: & nominum præsertim Hebraicorum considerationem in explicatione rerum naturalium minimè negligendam: quia à Phÿsico inter homines maxima sunt imposita.

II. De Lunaris corporis substantiâ variæ olim & admirabiles Philosophorum fuerunt sententiæ, quibus ansam dubio procul præbuit lucis & tenebrarum vicissitudo in hoc fidere admiranda. Dum enim lucido modò modò obscurum *Lunæ* corpus adspexerunt, aliam ejus à reliquarum stellarum naturis, quæ vices hæc in se non experiuntur, naturam crediderunt. Plures dubitationes colligit *Franciscus Patricius*, l. 10. περὶ κοσμίας, ubi inquit, Neque luce, neque radiatione, neque scintillatione, neque lumine, neque calore, neque colore cum aliis convenit. Varias ergò Philosophorum de eodem hoc Planetâ opiniones recenser idem ibidem: ut *Orphei*, *Thalesis*, *Democriti*, *Anaxagoræ*, *Heractidis*, *Ocelli* & *Pythagoricorum* quorundam, qui omnes *Lunam* esse terram quandam crediderunt. Docuit *Pythagoras* eam animantibus habitari majoribus quam hostia sint quindecies, plantasque longè nostratibus habere pulchriores: *Democritus*, campos in eâ esse & vallium anfractus: Quod non itâ pridem *Italus* quidam, *Galileus Galilæi*, demonstrare magnopere contendit. *Diogenes* pumicem esse censuit: *Ion*, vitraceam; *Anaximenes*, *Parmenides*, *Zeno*, *Cleantes*, *Berosus*, igneam; denique *Empedocles*, *Stoici*, *Xenophanes*, *Chrysippus*, nubè ignem compactâ. *Aristoti* quintæ essentia participem esse in *Lyco* docuit.

Patricius non monstrosam minùs quam veterum nonnulli opinionem fovet, Positiones ipsius sunt

hæ; 1. Lunam esse totam opacam, & nulli lumini perviam. 2. Totam nullum habere proprium colorem. 3. Per partes variis coloribus esse infectam. 4. Umbram obscuram satis emittere, eamque in Solis Eclipsi ad nos porrigere, haud secus ac terra umbrâ suâ Lunæ Eclipsin inducit. Hinc 5. colligit, Lunam terræ esse persimilem, quæ ipsa tota proprio colore caret, per partes autem varios, uti & Luna, habet: Neque inquit, ullum dubium nobis est, si quis nostrum ad Lunam adscenderet, terramque inde prospectaret, eadem illi in terro apparitura quæ nobis hinc in Luna apparent: Jure igitur merito Lunam caelestem seu ætheream terram cum aquâ totâ conglobatam credi concludit. Ut enim terra ex se tota opaca, iis tamen partibus è longinquo lucida conspicitur quæ stagnis & fluminibus sunt operæ, Sole nimirum splendore suo aquam illustrante; sic & Luna partibus nonnullis est opaca, quibus scilicet est terrea, nonnullis splendida, iis nimirum quæ æthereâ aquâ sunt operæ, & speculi instar à Sole lumen excipiunt. Addit, inde mirum non esse si & ibi sint, sicut in terrâ nostrâ, planities, montes & convalles, insint etiam gentes cum hominum tum aliorum animantium, quæ majori sine staturâ quàm nostratia, tanquam in puro illo æthere, & diutius etiam vitam producant, ibidemque sint etiam plantæ nostris pulchriores: quod olim Pythagoræ quoque somnium erat. Tandem, Luna ergo, inquit, ætherea terra est; & elementaris, Luna. Inclinat tamen idem in eorum quoque opinionem qui partibus aliquibus terream aliquibus igneam esse Lunam existimarunt, & terreas quidem obscuras videri nobis, igneas verò lucidas.

Patricium sententiam si roges de Luna maculis, respondebit sentinas seu lacunas eas esse in quas universi ætheris excrementa seu fæces confluant; & plures quidem eas esse ideo nè si fortè una vel altera ætheris sordibus complectitur reliqua excrementa per ætherem diffunderentur, adeoque totum inquinarent.

III. Hæc Patricii de substantiâ Luna ejusque maculis sententia est: quæ Theologicis rationibus solidius quàm Philosophicis everti potest.

Testantur enim sacræ literæ 1. Unam à Deo terrâ esse conditam, elementarem scilicet hanc & imam.

2. Omnia animantia omnesque plantas quas initio creavit Deus, hujus solius terræ ambitu contineri.

3. Primum hominem, cujus è lumbis reliqui omnes prodierunt, in hac terrâ conditum esse, ibidemque cum omnibus suis posteris permanisse.

4. In hanc solam terram venisse Christum humanum genus redemptum, hujusque solius generis naturam assumisse.

5. Lunam non minùs quàm reliquas cæli faces stellam esse, eodemque die creatam.

6. Parum esse ætherem, proindeque tot lacunis ad fæces excipiendas non egere. Si quid verò impunitatis inibi esset, ab igne facillè consumeretur, tandemque in terram seu aerem inferiorem remitteretur.

IV. Quare de Luna substantiâ ejusdemque maculis aliter omnino nobis judicandum. Substantiam igitur Lunæ eandem cum reliquis stellis esse dicimus. Rationes sunt hæ;

1. Quæ commune habent genus, ea communem generis naturam participant: Atqui Luna cum reliquis Planetis & omnibus fixis sideribus commune habet genus; vocatur enim à Scripturâ stella, & sic à Philosophis omnibus definitur: Habere igitur eandem & communem cum omnibus stellis naturam minimè dubium est.

2. Quod proprietates reliquarum stellarum in se habet, id naturam quoque cum stellis communem habet: Atqui Luna stellarum in se habet proprietates: Ergo. Propositio probatur; Quia virium & proprietatum convenientia, ut inquit Patricius, non nisi in essentia similitudine consistit. Assumptio constat: Est enim Luna rotunda, movetur in circulum, lucet, calefacit, ut sensus ipse demonstrat.

3. Sumi potest ratio ex ipso creationis opere; Ea namque quæ unius sunt non inis, & uno à Deo die sunt creata, omnia naturam quandam habent communem, ut tertio die plantæ, quinto pisces & aves, sexto animalia: Ergo & stellis, quas quarto die condidit Deus, idem tribuendum. De maculis paulò post respondebimus.

V. De magnitudine Luna ita Astronomi pronunciant: Terra in se Luna magnitudinem continet 39¹. Sol verò Luna magnitudinem in se continet 6539. Continetque terræ diameter diametros Luna 32²; diameter Solis, terræ diametros 187³: ut sit proportio diametri Luna ad diametrum terræ quæ est 5 ad 17; diametri verò Solis ad diametrum Luna, quæ 187 ad 10. Tandem verò totum Solis corpus ad Lunam se habet ut 6539203 ad 1000.

Querenti verò, cur Luna sit minor terrâ, respondet Patricius, rationi id consonum fuisse, quod æther, longè quàm hylæus mundus purior, minus quoque haberet sæcum. Sed responsio hæc absurdis fundata hypothesis absurda, imò nulla est. Veritati magis consentanea hæc videtur; Quia Luna terræ est proxima: hinc si major esset terrâ, virtute suâ eam cbruere potius quàm juvaret.

Sed

Sed aliud hinc dubium enascitur; Si *Luna* quæ ob humilitatem major aliis stellis videtur, terra & omnibus aliis stellis est minor, qui fiat quòd *luminare magnum* in Scriptura nominetur. Respondet *Thomas Aquinas*, *Lunam* dici *luminare magnum*, non mole, sed efficiètiâ, & quia, præter *solem*, terram magis illuminet. Quæ sufficiens est ratio. Sunt qui visus nostri respectu magnum dici lumen audent, quòd reliquis stellis, excepto *Sole*, major appareat: Quo responso nonnulli abutuntur ad alia Scripturæ loca pervertenda.

THESIS II.

Affectio *Lunæ* est vera vel apparens.

THESIS III.

Vera est positiva vel privativa.

THESIS IV.

Positiva est macula, vel nativæ lucis paucitas, & uberioris à *Sole* mutuatio.

THESIS V.

Maculæ, quæ etiam in plenâ observantur *Lunæ*, ex inæquali corporis Lunariorum densitate & raritate oriuntur. Cum enim partes habeat *Luna* alias densiores, alias rariore, evenit ut densioribus pleniori lumine collustratis, rariore minus luceant, & macularum speciem repræsentent.

*EXORDIUM.

De *Lunæ* maculis contentiosa in scholis Physicorum & Mathematicorum est quæstio, unde varix & admirabilis enata sunt sententiæ. Veteres olim Philosophi, quibus & recentium nonnulli adstipulantur, quos inter *Galilaus Galilæi*, existimarunt *Lunam* esse terram quandam cælestem, quæ non minus variis frequentetur animantibus quàm hæc nostra elementaris. Crediderunt quoque patentissimas in ea esse planities, montes arduos, & profundos vallium anfractus; quibus omaibus fieri existimarunt ut pluribus quasi conspersum maculis corpus ejus ex tanto intervallo videatur. *Patricius Italus* existimat *Lunæ* maculas inde oriri quòd totius æthereæ regionis excrementa in unam confluxerint *Lunam* prout elementaris regionis excrementa in terra sunt collecta; ista verò maculas repræsentare. *Danaus* & *Plinius* ex terræ sordibus & contagione attractas existimarunt. Alii montium, valli-

um & nemorum terræ hujus imagines esse in *Lunæ* tanquam speculi superficie expressas, & ad nos reflexas. Nos missis sententiis hisce, quæ partim absurdæ, partim manifestis everti rationibus possunt, statuimus cum saniore & meliore Philosophorum parte, ex inæquali Lunariorum globi densitate oriri eas. Cum enim *Lunæ* partes quædam sint densiores, quædam minus densæ, adeoque *Solis* lumen inæqualiter recipiant & retineant, fit ut lucidiores aliæ, aliæ obscuriores; proindeque profundiores appareant. Nam quæ densæ sunt, exceptum lumen vehementius reflectunt, adeoque lucidiores apparent; quæ rariore, absorbent quasi minusque reddunt seu reflectunt, & maculæ non illustratæ speciem repræsentant. Sed instat hic *Scaliger*; Si ita in *Lunæ* substantiâ res haberet, in novilunio *Solis* radii per partes rariore transmissi aliquâ specie ponè viderentur: At non videntur: Partes igitur aliæ aliis rariore non videntur. Resp. Connexum nego. Etiam si enim partes *Lunæ* aliæ aliis sunt rariore, tanta tamen earum raritas, & quidem per totum *Lunæ* corpus continuata non est, ut in superficiem diversam radii illi ipsi penetrare in partem oppositam seu aversam possint: obstat vasti corporis profunditas, partiumque quo ad densitatem & raritatem confusa inæqualitas. Itaque igitur si maxime incidentes radii partem aliquam rariorem aliquid usque penetrarent; ab occorrente tamen densiore sisterentur, & quasi repellerentur. Sententiam hanc nostram de inæqualitate corporis Lunariorum confirmat nuper observatio per instrumentum Batavicum, cujus sæpe facta mentio: Scribit enim *Jesuita Lessius*, per id visum esse *Lunæ* corpus veluti spongiosum & floccis quibusdam constans, variisque locis intercisum. Propterea ut simile mihi videatur *Lunæ* corpus massæ succini globati, cujus partes alias pellucidas, alias densas & opacas sæpius videmus, eâ tamen diversarum harum partium confusione ut à lumine incidente tota penetrari massa nequeat. Quærenti cur adeo inæquale *Lunæ* sit corpus, respondet Collegium *Conimbricense*, lib. 2. De cælo, cap. 7. quæst. 4. art. 3. Quia *Luna* corporibus subcælestibus; in quibus maxime deformitas & obscuritas deminatur, omnium est proxima, congruum fuit ut hæc in re cum iis conveniret, essetque velut calum terrestre, & terra cælestis. Degenerant enim paulatim superiora in inferiora, sicut & inferiora quò magis ascendunt, eò in melioris naturæ conditionem proficiunt. Rationem hanc suo loco relinquimus. Libuit ita Conditori *Lunam* creare, ut munere suo tantò rectius fungi posset.

THESIS.

THESIS VI.

Nativa *Luna* lux, etsi per se exigua est, aliqua tamen est, quæ omnibus stellis communis est.

*Eudemus.

Lunam mutuatio *Solis* lumine collustrari, notissimè enī hoc docet Eclipsis *Lunaris*, in quā *Luna* obscuratur & lumine, quo fulget extra Eclipsin, privatur, terrā inter *Solem* & *Lunam* diametraliter intersectā & sparsum *Solis* lumen intercipientē. Interim tamen nativā luce non esse penitus destitutā, patet primū ex rationibus quibus suprà probavimus nativā omnibus stellis esse lucem: deinde, ex ipsis quoque Eclipsis & Noviluniis; in quibus etsi vel *Solari* lumine est privata, vel partem à *Sole* collustratā nobis non obvertit, nihilominus tamen aliquid etsi obsecuri luminis adspicientibus ostendit, similisque haud rarò videtur ari uto aur ferro candenti. *Filius Amram* propriam *Luna* lucem inde nitebatur demonstrare, quod *Luna* totum hemisphaerium illuminet, nempe spatium se majus. Atqui, inquit ille, nullum corpus recipiens lumen ab alio corpore lucido potest per reflexionem majus spatium illustrare quā ipsum est corpus quod recipit & reflexit. Hinc *Arabs* conclusit, acceptū *Solis* lumen à *Sole* multiplicari per vim quandam luciferā à natura ei attributam. Sed *Arabem* castigat *Scaliger*, & absurdum esse ait, à corpore minùs lucido augeri lumen acceptum de corpore lucidiore: quod tamen an adeo sit absurdum docti cogitaverint. Majoris fortè ponderis quod subjicit *Scaliger*, A circulo plano reflecti tantum luminis quanta est interior linea dimetiens, à globo verò seu sphaerā etiam majus spargi posse. Diversitatis rationem vide apud *Scaligerum* Exercit. 62. §. 4.

Videtur autem & *Scaliger* omnem nativā lucem *Luna* adimere: Cur enim in Eclipsi, aut cum in umbra est terræ, rubeat, non à naturali ejus luce concedit esse, sed ab ipso *Solis* lumine: Est enim, inquit, in mucrone pyramidis, à primis *Solis* radiis paucillū distans, atque in secundis sita, Itaque ut hic quæ in primis sunt radii illustriora videntur, in secundis verò apparent quidem, sed minùs luculentas ita ibi. Cum in primis est *Luna* radii, tum plane illustris est; cum in secundis subobscuris. Nam, quemadmodum radius primus est species & imago lucis, ita radius secundus est species illius species. Hinc distinguit corpora cœlestia: Aliud translucidum, ut orbes; aliud opacum: opacorum aliud non lucidum, ut *Luna*; aliud lucidum: lucidorum aliud suā continentium luce, ut sidera; aliud etiam aliis dans, ut *Sol*.

Resp. Etsi de Eclipsis dari hoc posset, de noviluniis tamen non dabitur: Atqui in noviluniis quoque pars oculis nostris obversa obscurum quoddam lumen exhibet: nec verò in Eclipsis à radiis *Solaribus* primis aut secundis videtur esse. Nam si primus radius terræ umbram penetrare nequit, multò minùs penetrabit secundus. Itaque in eorum sententiam potius inclino qui etiam *Luna* aliquid nativæ & propriæ lucis concedunt. Sanè *stellæ* nomen mereri corpus non videtur quod ita est opacum ut nativæ lucis nihil habeat.

THESIS VII.

Fuit affectio positiva: Privativa est Eclipsis *Lunaris*, quæ est privatio luminis *Solaris* in *Luna*, orta è diametrali terræ inter *Solem* & *Lunam* interpositione.

*Eudemus.

I. Definitio hæc Eclipsis *Lunaris* naturam continet, genere constans & differentiā. Genus est privatio luminis: Unde statim patet realem hanc esse passionem, quā qualitas mutuatio, lux, è subiecto expellitur. succedente contrariā illius privatione, caligine nimirum seu tenebris; secus quā in *Solis* Eclipsi contingit, ubi non luce subiectum privatur, sed nos duntaxat adspectu ejus. Diversitatis in eo sita est ratio, quod lucem *Sol* nativam obtineat, quæ densiori objecto averti quidem ab oculis nostris potest, at pelli è subiecto non potest; *Luna* verò à *Sole* mutuatio lumen possidet: Corpore igitur opaco inter *Solem* & *Lunam* interposito radii à *Sole* fusi intercipiuntur, & à *Lunari* corpore arcentur; haud secus ac speculum vulgare fulgere noctu, opaco inter id & candelam seu ignem corpore interposito, desinit.

Differentia causam continet efficientem, quæ est diametralis terræ inter *Solem* & *Lunam* interpositio. Hinc enim sit ut densum & obscurum terræ corpus luminis à *Sole* ad *Lunam* vibrato aditum intercludat, eamque adventitio hoc lumine exutam naturæ suæ caligine squalidam relinquat.

II. Patet hinc 1. Eclipsin *Lunarem* non contingere nisi in plenilunio: Tum enim tantam inter *Solem* & *Lunam* terrā interfaceret. 2. Fieri eandem non nisi diametraliter inter *Solem* & *Lunam* interpositā terrā. Ubi observandum interpositionem hanc diametralē vel exactam planē vel minùs exactam esse. Exactatūm dicitur, cum per triū corporum, *Solis*, terræ, & *Luna*, centra recta duci potest linea, quā diametralē seu diametrum vocant. Gignit hæc oppositio rotalem *Luna* Eclipsin, quia tum omne à *Sole* fūsum lumen terrā intercipit. Minùs exacta

exacta ea est, ubi per trium horum corporum centra diameter non decurrit, sed tamen procul ab iis non abest: Unde Eclipsis plerumque partialis, quia luminis aliquid à Sole ad Lunam trajicit.

Unde ad aliam quæstionem in promptu est respondere, *Qui fiat quod singulis mensibus Eclipses non contingant, cum tamen Luna Soli mensibus singulis opponatur.* Resp. Hoc inde fieri, quod oppositio trium corporum singulis mensibus non fit diametralis; Luna igitur extra diametralem lineam, sine terræ obstaculo, Solis lumen haurit, adeoque defectum arceat. Plinius, lib. 2. c. 10. inquit. *Statim atque menstrui non sunt utrique defectus, propter obliquitatem signiferi, Lunæque multivagos flexus, non semper in scrupulis parvum congruente siderum motu.*

II. Deniq; Gentilium obiter notanda superstitio. Quoties enim deficit Luna, dissono æris ereptum (quod etiamnum Turcæ & Mahumedani faciunt) auxiliari se posse laboranti crediderunt: ut videre est apud Plinium, lib. 2. cap. 12. Ad quod caput Dalecampius observat, putare Alexandrum abigi sic pravorum dæmones, quando in terras deficiens fidus non potest homini vim suam salutarem & illorum cohibendæ insolentiæ efficacem mittere. Credidit etiam simplex antiquitas, Lunam de cælo in terram carminibus trahi posse, nec non depressam cogi in herbas subditas spumam & virus effundere; quibus ad magica utebantur. Cum igitur deliquia observaret stulta plebecula, veneficarum excantationibus sollicitatam deficere & quasi mortem pati rata, æris tinnitu & clamoribus impedire laborabat nè veneficarum exaudiret vota: Unde illud Tibulli, Eleg. 8.

Cantus & de cælo Lunam deducere tentat,

Et fuceret, si non æra repulsa sonent.

Ovidius 4. Metamorph. appellat æra auxiliaria Lunæ. Videatur hæc de re Hippii dissertatio proluxa in fine Probl. Phys.

IV. Ex Eclipsibus Solaribus & Lumaribus multa de Rerumpublicarum mutationibus, bellis, magnatum moribus, aliisque publicis calamitatibus Astrologi vulgò prædicunt, pari nimirum audaciâ quâ omnes sublunares eventus ad astra referunt, tam malos quàm bonos. Unde definiunt etiam quamdiu hujus vel illius Eclipsis sit duraturus effectus, & quando initium sunturus. Magnum ab experientia sententiæ huic robur putant accedere. Solent enim, inquirunt, luminariorum Eclipses plerumque sequi tristitia in sublunari mundo, qualia modò enumeravimus: Ergò aliter esse non potest quàm ut ab Eclipsibus sint ista. Rationem adducunt quoque, Quod influxus siderum in mundum hunc sublunarem impediatur per Eclipses.

Resp. Plus hisce prædictionibus non tribuo quam reliquis. Itaque primum antecedens nego. Testatur enim experientia rem secus se habere. Multæ contingunt Eclipses quas tristes ejusmodi eventus nulli sequuntur, in iis præsertim regionibus quæ ab Astrologis designantur. Quod si verò ad integrum hemisphærium extendant effectus Eclipsium, facilius tueri se experientiæ clypeo poterunt: Sed probandum prius erit, nexum esse necessarium inter eventus istius & Eclipses: id quod nos planè negamus. Nam & iis annis quibus nullæ contingunt Eclipses, vel certè in nostro hemisphærio nullæ, longè tristiora sæpe contingunt quàm aliis qui pluribus Eclipsibus memorabiles sunt. Testis sit vel præsens hic annus MDCCXVII, quo nulla in hisce regionibus conspicua Eclipsis fuit, uti & superiori non nisi unica Lunaris, admodum tamen exigua: At quanti annorum horum motus, Deum immortalem! Si unus Eclipsis effectum in plures extenderint annos, res ipsis facilius procedet, & decipiendi nunquam deerit materia vel occasio. Cum enim non adeò raræ sint Eclipses, imò vix annus abeat quin aliqua contingat, nullum erit magnæ rei momentum quod accommodare Eclipsibus divinatores isti non possint. Ego verò hoc ipso nomine inanem esse hanc ratiocinationem dico. Cum enim singulis ferè annis contingant Eclipses, & singulis annis in nostro hemisphærio aliquid memorabile accidat, quod vel antecedar vel sequatur Eclipsin, ecquo quæso, evincant argumento, annuos eventus ad annuas Eclipses potius quàm alia a theris vel aeris annui quæso, aut meteora esse referendos? Ut igitur rem totam concludam, præter antecedens, & consequentiam nego; quæ firma tum demum erit, si omne consequens ad quodvis antecedens tanquam causam referendum esse probaverint.

At enim, aiunt, per Eclipses impediuntur siderum influxus. Resp. 1. Luminis influxum aliquo modo impediri non nego; etsi multæ sint Solis Eclipses quæ dies nobis ad sensum obscuriores non reddunt: omnem verò propterea influxum (præsertim in Eclipsi Solis, cui plurimum solet tribui) impediri, hæcenus ab Astrologis nondum esse monstratum puto. Et quid interest, quæso, à Luna an à nube obiecta Solis à nobis lumen avertatur? 2. Hoc vel maxime probandum Astrologis divinatoribus per Eclipses infundi in mundum vim aliquam maleficam quæ eventuum istorum tristitiam sit causa, & virtutes istas quatum influxus per Eclipses impeditur, contrariorum eventuum causas naturâ suâ esse: Quorum utrumq; à veritate alienissimum esse arbitror, donec contrarium fuerit demonstratum. Hæcenus de Eclipsibus.

THESIS VIII.

Haecenus affectio vera: Apparens est varia illuminationis $\phi\acute{o}\tau\iota\varsigma$ seu apparitio, quâ præter veram ac totalem dimidii globi illuminationem, (quæ Luna respectu perpetua est, nostri verò respectu tantum semel in mense contingit) varias incrementi & decrementi figuras exhibet.

*Εκθεσις.

Dimidius Lunæ globus, extra Eclipses, perpetuò totus est collustratus, ita ut Luna in se semper sit plena. Vices igitur incrementorum & decrementorum tantum sunt apparentes: Dum enim plenæ Lunæ particula aliqua illuminata à nostro adspectu avertitur, dicimus Lunam decrefcere: dum novæ Lunæ particula illuminata nobis obvertitur, dicimus eandem crescere. Crescit igitur & decrefcit Lunæ lux non sui sed nostri respectu, dum plus minùsve de lumine ob varios Lunæ in cælo positus à nobis conspiciatur.

THESIS IX.

Distingui solet illuminationis apparentia in invisibilem & visibilem.

THESIS X.

Invisibilis est, cum Luna Soli conjuncta, h. e. centro ejus rectâ subjecta, partem eam quæ est illuminata ab adspectu nostro avertit, alterâque non illuminatam nobis obvertit.

*Εκθεσις.

Vocatur hæc $\phi\acute{o}\tau\iota\varsigma$ nova Luna, silens, synodica, novilunium, interlunium, conjunctio, coitus.

Obiter hic notandum, quod Cælius Rhodiginus scribit, lib. 25. Antiq. læt. c. 28. $\kappa\upsilon\nu\omicron\pi\acute{\iota}\sigma\alpha\lambda\omicron\nu$ marem in Ægypto silentis Lunæ die nec videri nec vefci, sed præ tristitia in terram nuere veluti Luna ingemifcentem raptum; fœminam insuper se lancinare. Est & memorabile quod Mizaldus scribit de scarabæo Solis Lunæque congressum & novilunium indicante: Ex bubulo, inquit, stercore, vel, ut Plinio placet, asinino, particulam quampiam ab ortu ad occasum tamdiu pedibus versat donec in imaginem orbiculi seu sphaerulæ abeat. Tum demum factò humi scrobiculo diebus octo & viginti eam sepelit, tantisperque occultat dum Luna peragrato Signifero ad intermenstruum revertens fiteat. Quo tempore orbiculum illum seu pilulam aperit, & hinc siderum coitu dinunciat, novam prolem videt, quæ aliam nascendi originem non novit, autore Horo Apolline in Hieroglyphicis.

THESIS XI.

Visibilis est, cum Luna extra conjunctionem illuminatam partem nobis obvertit.

THESIS XII.

Estque partialis vel totalis.

THESIS XIII.

Partialis, cum totum quod est illuminatum non obvertitur nobis, sed pars tantum ejus; quod fit in Luna crescente vel decrefcente.

THESIS XIII.

In crescente, cum à conjunctione jam digressa ostentare se incipit: Estque vel $\mu\epsilon\nu\omega\epsilon\nu\delta\iota\varsigma$, vel $\delta\iota\chi\tau\omicron\mu\circ$, vel $\acute{\alpha}\mu\phi\iota\kappa\upsilon\rho\varsigma$.

THESIS XV.

$\mu\epsilon\nu\omega\epsilon\nu\delta\iota\varsigma$ seu falcata est, quæ, Lunâ è Solis radiis emergente, primum conspiciatur, quarto serè die à novilunio.

*Εκθεσις.

Prima hæc $\phi\acute{o}\tau\iota\varsigma$ aliàs vocatur Luna prima, cum scilicet à Sole Luna distat duobus signis, hoc est, LX gradibus.

THESIS XVI.

$\delta\iota\chi\tau\omicron\mu\circ$ seu bisefta est, quæ hemisphaerii illuminati partem dimidiam exhibet, septimo à novilunio die. Distat tum Luna à Sole quadrante circuli, hoc est, tribus signis, seu XC gradibus.

THESIS XVII.

$\acute{\alpha}\mu\phi\iota\kappa\upsilon\rho\varsigma$ seu gibbosa niringue est, quæ plus quam dimidiam illuminati hemisphaerii partem exhibet, undecimo die à novilunio: ubi à Sole Luna distat quatuor signis, hoc est, CXX gradibus.

*Εκθεσις.

De crescente Lunâ notentur hæc duo theorematas;
1. Crescentis Lunæ cornua à Sole semper sunt aversa, spectantque ortum. Inde crescentis Lunæ indicium vulgò est, si cavititas, quæ inter cornua interjacet, lævâ manu compleri posse videatur.

2. Crescens Luna prioribus noctis horis lucet; & quò crescit magis, eò lucet noctu dimius.

THESIS XVIII.

Fuit illuminatio partialis, quæ crescen-

te

te *Luna* apparet. A plenâ jam *Luna*, circa xv diem à novilunio, iisdem gradibus inverſis illuminatio mutatur, donec tandem in conjunctione planè evaneſcat.

THESIS XIX.

Fîtque quarto à plena *Luna*, h. e. xix mensis die, *αὐξήσις*, cùm de orbis plenitudine aliquid amiſit; ſep̄mo ab eâdem, h. e. xxii mensis die, *ἀχρημῖς*, cùm dimidiam orbis pleni partem abiecit; undecimo ab eâdem, h. e. xxvi mensis die, *μωονή*, ubi poſtremam particulam monſtrat; quam & ipſam triceſimo mensis die planè amittit, quo nova fit iterum *Luna* & cum *Sole* conjungitur.

*EUDOTUS.

De decreſcente *Luna* hæc notentur theoremata;
1. Decreſcentis *Lunæ* cornua à *Sole* averſa occaſum ſpectant. Indicium vulgò ejus eſt, ſi cavitatis intra

cornua interjacens dextrâ videatur compleri poſſe. Hinc verſiculus vulgaris,

Dextra cavum veteris complebit, lava recentis.

Cur autem creſcentis *Lunæ* cornua ortum, decreſcentis occaſum ſpectent, ratio hæc eſt; *Lunæ* cornua ſemper à *Sole* ſunt averſa, ut ratio dicat, & *Plinius* obſervat, lib. 2. c. 14. Cùm igitur creſcens *Luna* veſperi poſt occaſum *Solis* appareat ſupra horizontem, decreſcens verò manè ante *Solis* ortum, conſequens neceſſarium eſt, ut tempore incrementi partem non illuminatam, quæ cornua nobis repræſentat, ad ortum convertat, *Sole* in ſra horizontem conſtituto & partem ejus occidentalem illuminante; tempore verò decrementi ad occaſum, *Sole* in oriente horizontis conſtituto, eamque duntaxat *Luna* ſupra horizontem elevata partem quæ orientem ſpectat illuminante. Rationes ſingularum apparentiarum ex Opticis principiis petiæ videantur in parte ſecundâ Quæſtionum Sphæricarum *Winſhemii*, & aliorum.

Notandum hoc quoque loco, quod *Olaus* ſcribit libr. 1. cap. 2. in *Biarmiâ* Aquilonari plagâ *Lunam* nunquam videri niſi pleno circulo ad terræ ſuperficiem, ignito colore, carbonis ſpecie.

CAPUT XXVI.

De Lunæ effectibus: ubi de tempore & motu Lunari.

Effectus *Lunæ*: Th. I. Productio temporis Lunaris: Th. II. *Genethliacorum nugæ de variis Lunæ effectis rejiciuntur*: EUD. Annus Lunaris: Th. III. Simplex vel Compoſitus: Th. IV. Simplex: Th. V. *ἐπιεὶς* mensis: EUD. Mensis eſt triplex: Th. VI. Periodicus: Th. VII. *Explicatur*: EUD. Synodicus: Th. VIII. *Illustratur*: EUD. Mensis apparitionis: Th. IX. Ratio cur dies ſeptimane non ſecundum Planetarum ordinem numerentur: EUD. Annus Lunaris compoſitus: Th. X. Redditur ratio nominum menſibus inditorum: EUD. 1. Cur annum à Solſtitio brumali ſeu Januario auſpicemur: 2. Humectatio *Lunæ* in his inferioribus: Th. XI. Exponitur cauſa humectationis: EUD. 1. Reſpondetur quæſtioni, cur non æquè *Solis* fervore ac *Lunæ* calore humores adaugeantur: 2.

THESIS I.

Hactenus affectio *Lunæ*: Sequitur effectus: Qui eſt per ſe, vel per acci- dens.

THESIS II.

Effectus per ſe ſpecialis & inſignis maximè eſt productio temporis Lunaris.

*EUDOTUS.

De *Lunæ* variis effectis, de quibus *Genethliaci* nuntiantur, reſert *Porta* 2. lib. Cæleſt. Phyſiog. c. 43. 46. 48. Quod homines faciat albos, pulchræ faciei, pulchri adſpectûs, pulchræ barbæ, clari colo-

ris, & lati corporis; item homines nullius utilitatis, qui die ac nocte deſiderent ire huc illuc, nec leviter alicubi ſtent, inſtabiles, non perfeverantes, habentes ex operibus legationes, aquarum & terræ amantes, voraces, extra patriam viventes, lepræ, epilepiæ, oculorum imbecillitati obnoxios. Quæ omnia oſtendit idem cap. 45, 47, 49. è temperamento humido & frigido promanare. Quibus nos rejectis ad utiliora contendimus.

THESIS III.

Eſt verò tempus Lunare id, quod motu ſuo deſinit *Luna*: Vocaturque annus Lunaris.

THESIS.

THESIS IV.

Estque simplex vel compositus.

THESIS V.

Simplex est, qui unicâ *Lunæ* periodo seu motu per totum *Zodiacum* describitur, & vulgò *mensis* dicitur.

Ex Dione.

Mensis à mensione dicitur. *Cicero*, 2. De nat. Deor. *Luna cursus quia mensa spatia conficiunt, menses vocantur*. Aliis tamen à *Græco* *μήν*, *plaudis*, placet derivare.

THESIS VI.

Is triplex est; Periodicus, Synodicus, Apparitionis.

THESIS VII.

Periodicus, qui & *peragationis* dicitur, est tempus quo *Luna* integrum pervagata *Zodiacum* ad idem punctum unde digressa fuit revertitur, *Mensis* hic constat diebus naturalibus 27, horis 7, primis 43, secundis 7.

Ex Dione.

Periodicus hic *mensis æqualis* appellari solet, quo *Luna* motu medio longitudinis, qui est part. 13. prim. 10, secund. 35. *Zodiacum* pervagatur, & ad idem redit principium. Est & *mensis* *periodicus inæqualis*, quem *conversio Luna vera* seu *apparens* metitur, quæ, cum *inæqualis* sit, mensium quoque intervalla facit *inæqualia*.

THESIS VIII.

Synodicus, qui & *conjunctionis* dicitur, est tempus quo *Luna* à conjunctione digressa, ad eandem revertitur; seu est spatium intercedens inter duo proxima novilunia media. *Mensis* hic constat diebus 29, horis 12, scrupulis primis 44.

Ex Dione.

Est hic *Synodicus mensis æqualis*, à quo distinguitur *inæqualis*, qui est tempus inter duo proxima novilunia vera. Oritur *inæqualitas* ex apparente *Lunæ* motu *inæquali*, & *inæquali Solis* in *Zodiaco* progressu.

THESIS IX.

Mensis apparitionis est tempus intercedens inter primum nascentis *Lunæ* momentum & ultimum evanescens: vel, ut alii, Est tempus à primo conspectu *Lunæ*

prodeuntis à coitu usque ad momentum evanescens. *Mensis* hic constat plerumque diebus 28.

Ex Dione.

Cum igitur vulgò *mensis* quatuor septimanis constare dicitur, septimanæ septem diebus, *mensis apparitionis* intelligitur: hujus enim quarta pars septem dies continet. Obiter hic observetur, *Hebraicam* & antiquissimam esse *mensis* divisionem in septimanas quatuor, & septimanæ cujuslibet in dies septem; Qui à Planetis hodie denominantur, dies *Solis*, *Lunæ*, *Martis*, *Mercurii*, *Jovis*, *Veneris*, *Saturii*. Hunc dierum ordinem ab Ægyptiis institutum esse, scribit *Xiphilinus* ex lib. 36. *Dionis*, in *Pompeio*. Cur autem non secundum ordinem Planetæ numerentur, sed *Solem Luna*, hanc *Mari*, *Mariem Mercurium*, &c. sequatur, ratio hæc est; Credidit antiqua superstitio *Astrologica* singulis horis præesse singulos Planetas: Hos igitur si per viginti quatuor horas diei naturalis ordine distribuas, initio facto à *Solis* die, videbis post vicessimam quartam horam quæ claudit *Solis* diem septimanæ primum, in primam secundi diei horam incidere *Lunam*, à qua *Luna dies* appellatur; in primam tertii, *Mariem*, unde *Martis dies*: & sic de reliquis. Exempli gratiâ, *Solis* diei horæ primæ præest ☉, secundæ ♀, tertiæ ☿, quartæ ♄, quintæ ♃, sextæ ♁, septimæ ☿, octavæ ☉, nonæ ♀, decimæ ♄, undecimæ ♃, duodecimæ ♁, decimæ tertiæ ♁, decimæ quartæ ☿, decimæ quintæ ☉, decimæ sextæ ♀, decimæ septimæ ♄, decimæ octavæ ☉, decimæ nonæ ♃, vicimæ ♁, vicimæ primæ ☿, vicimæ secundæ ☉, vicimæ tertiæ ♄, vicimæ quartæ ♃. Hic primus est naturalis dies: Vides igitur in primam secundi diei horam ordine jam incidere ☿, à qua & dies hic denominatur. Hujus si horas ordine distribuere per Planetas, in primam tertii ☿ incidet. Et sic de reliquis.

THESIS X.

Fuit annus *Lunaris simplex*: Compositus est, qui menses *Synodicos XII* continet: Quos hoc ordine numeramus; *Januarius*, *Februarius*, *Martius*, *Aprilis*, *Maius*, *Junius*, *Julius*, *Augustus*, *September*, *October*, *November*, *December*.

Ex Dione.

I. De variis mensium nominibus apud varias nationes Chronologos videris: Nobis suffecerit ad duas quæstiones hic respondisse: 1. Quæ nominum mensibus inditorum sit ratio. 2. Cur primus mensium nobis

nobis modò sit Januarius, seu, *Cur annum à Solstitio brumali auspicemur.*

Resp. Ad 1m. Januarius dictus à *Jano* Italiae rege, cui primus hic mensis consecratus fuit: Aliis; quòd quasi *janua* sit per quam in annum ingredimur. Secundum prius etymon *Janus* pingi solet bifrons, ut anni exitus & introitus demonstraretur; *Isidorus.*

Februarius à *februo*, vel *februando*: *Februum* autem est, quicquid expiat expurgatque: Unde *februare* est purgare, expiare. In hoc mense *Lupercalibus* cum *Roma* lustraretur, salem calidum ferebant: unde dies *Lupercalium* propriè *februatus*, & ab eo porro mensis *Februarius* vocatur, secundum *Censorium* & *Plutarchum*. Vide *Lilium Gyraldum*. *Isidorus* ait mensem hunc à *Februo*, hoc est, *Plutone*, dici, cui eo mense sacrificabatur. Consecrarunt quoque *Romani* *Diis Manibus* *Februarium*. Germanis nobis appellatur *Hornung*, fortè quòd hoc mense decidua sunt cervorum cornua: Unde *Græcis* eodem sensu *ῥαυνοχολίω*.

Martius à *Marte* dictus est. Fuit hoc olim primus anni mensis, unde genitori suo *Marti* eum *Romani* consecrarunt; *Macrobius* lib. 1. *Satur. cap. 12.* Olim quoque appellatus est mensis novorum, quia anni initium erat, *Isidorus* l. 5. c. 33. Ab hoc primo anni mense numerantur & nominantur alii, ut *Quintilis*, *Sextilis*, *September*, *October*, &c. quia initio facto à *Martio* hunc inter menses ordinem sortiuntur quem numerus indigat.

Aprilis, quasi *Aperilis* dictus, quòd tepore suo terras hyberno frigore constrictas aperiat & laxat.

Maius unde dicatur non adeò liquidum est. Statuunt docti nonnulli à *majoribus* esse nominatum. Distinxit enim olim *Romulus* populum in majores & juniores, ut illi consilio, hi armis *Republicam* juvarent: In honorem utriusque partis rectum à *Martio* mensem *Maium*, quartum *Junium* appellasse creditur. Alii tamen dictum purant à *Deo Maio*, quem *Jovem* esse putant, à magnitudine & maiestate sic appellatum. Alii à *Maià* *Vulcani* uxore, cui flamen *Vulcanalis* *Calend. Maiis* rem divinam faciebat. Aiunt tamen nonnulli hanc *Maiam* fuisse *Mercurii* matrem. Hinc & Germanica appellatio *May* est, vel etiam à frondibus, quas *Mehen* appellamus.

Junius à junioribus, ut modò diximus. Hinc illud *Ovid.* 6. *Falt. Junius est juvenum, qui fuit autè senum.* Alii tamen à *Junone* dictum autumant: unde primum *Junonis* putatur dictus, *Macrobius* lib. 1. *Sat. cap. 12.* Germ. *Brachmohnat.*

Julius à *Julio Cesare* est dictus. Antè *Quintilis* dicebatur, quòd quintus esset ordine, initio facto à *Martio*. Germ. *Herzmohnat.*

Augustus, ab *Augusto Cesare*, olim *Sextilis* dictus, quia sextus est ordine, initio facto à *Martio*.

September à *septem* dictus, quia septimus est à *Martio*. Ultima syllaba *ber* putatur duntaxat terminationis causà adjecta. Aliis tamen hoc & sequentia nomina videntur composita ex nominibus numeralibus & *imbre*, quòd frequentes sint mensibus hisce imbres: Quod si ità esset, non *October*, sed *Octimber* dicendum esset. Germ. *Herbstmohnat*.

October, quia octavus est à *Martio*. Germ. *Weinmohnat.*

November, quia nonus est à *Martio*. Germ. *Wintermohnat.*

December, quia decimus est à *Martio*. Germ. *Christmohnat.* Hactenus prima quæstio.

II. Ad 2m. Omnes Astronomi annum auspicantur ab *Æquinoctio Verno*, *Sole* principium *Arietis* ingrediente; quod sit initio mensis *Martii*. Hinc & mundi initium à multis ad vernum tempus refertur: Unde illud *Virgilii* 2. *Georg.*

Non alios primà crescentis origine mundi

Illuxisse dies, aliàmve habuisse tenorem

Crediderim, Ver illud erat, Ver magnus agebat

Orbis, &c. Vide & *Macrobius*, lib. 1. in *Somn. Scip.* cap. 21.

Contrà verò posterioribus seculis à *Solstitio hyberno* vel *brumali* annus est inchoatus, ejusque primus mensis *Januarius* constitutus. Ratio eorum qui extra *Ecclesiam* fuere præcipua hæc fuit; Quia initium *Capricorni*, quod *Solstitium brumale* nobis exhibet, sit finis descendens & principium ascendens semicirculi; (est autem descendens semicirculus medietas *Zodiaci* à principio *Canceri* ad principium *Copricorni*, quia tum *Sol* à vertice nostro semper descendit: ascendens semicirculus altera *Zodiaci* medietas est; à principio *Capricorni* ad principium *Canceri*; quia tum *Sol* ad verticem nostrum ascendit) adeoque est finis recessus *Solis* & principium accessus ad nos, finis decrementi dierum & initium incrementi, finis decrementi noctium & initium decrementi. Quam in sententiam *Ovidius Janum* interrogat,

Dic age, frigoribus quare novus incipit annus,

Qui melius per Ver incipiens erat?

Respondet ei *Janus*,

Bruma novi prima est, veterisque novissima Solis:

Principium capiunt Phæbus & annus idem.

Qui in *Ecclesiæ* sunt gremio, initium hoc tantò libentius retinuerunt quia circa id *Redemptor* generis humani *CHRISTUS* est natus; qui cum miseris mortalibus in peccato mortuis nativitate suâ novam attulerit vitam, par quoque erat cum eâ novum ipsos inchoare annum.

THESIS XI.

Tantum de effectu *Lunæ* per se. Effectus per accidens est humectatio conspicua in plantis & animalibus.

"*ExDens.*"

I. Nil receptius est vulgò sententiâ illâ quâ *Lunæ* vis humectandi adscribitur, eâque tot experimentorum stabilitur fulcris ut demoliri eam velle insanix propemodum summæ habeatur. Exempla in promptu ipsi plurima sunt ex *Plinio* usque quotidiano collecta. Plena enim *Luna* frequentes sunt catharri, succis turgent plantæ, sanguis in animalibus augetur, melius cancri nutriuntur & sagiuntur, lætiora & fecundiora sata, & similia plurima: Quæ omnia unicâ everti possunt responsione, Laborare consequentiam hanc causæ fallaciâ. Omnium enim horum effectuum si in *Lunâ* querenda sit causa, alia ea nulla erit nisi virtus calefaciendi medicis, & remissior quàm in *Sole*. Hæc enim humores in corporibus latentes crassos & frigore quasi congelatos resolvit pro vi & naturâ caloris. Humores igitur resoluti & tenuiores facti accrescunt mole, & per corpora magis magisque diffiunt. Unde liquiddò constat humectationem effectum *Lunæ* planè accidentarium esse, quod calefactionem pro subjecti patientis constitutione sequitur, ut in plantis plebisque & animalibus contingit. Videatur nobilis hæc de re *Pici Mirandulæ* dissertatio lib. 3. Adversus Astrologos, c. 7. Addi potest imò debet & hoc, quod blando & temperato *Lunæ* calore internus animalium calor, cujus ministerio alimenta concoquuntur, augetur, itâ ut mirum non sit si plenilunii tempore pleniores deprehendantur cancri & alia animalia quàm aliàs, cum alimenti nocturnis

horis querendi ejusdemque digerendi & concoquendi major sit commoditas.

I. I. At, inquis, si *Lunæ* calore humores adaugentur, cur non & *Solis* fervore?

Resp. Hæc caloris est natura, ut omne frigore concretum dissolvat. Ab omni igitur calore, sive *Solis* is sit sive alterius corporis, citius & congelatus humor patitur, dissolvitur & attenuatur; sed hoc discrimine, ut liquefactus ab abundanti calore absorbatur, à mediocri foveatur; illud à *Sole*, hoc à *Luna* patitur. Hinc *Mirandula*, loco modò citato, Est hæc natura caloris, inquit, ut si validior est, humiditates, quas de corporibus evocat, evocatas consumat; si debilior, evocet quidem illas, quia est calor idem, sed quia debilis, deficiat in conatu, nec evocatas absorbat uterius. Sic ex accidente *Luna* quidem humectat modicè, *Sol* deficcatur. Et *Plinius*, lib. 2. cap. 101. Ferunt *Lunæ* fœmineum ac molle sidus atque nocturnum solvere humorem & trahere, non auferre.

Variâ tempestatum prognostica quæ à *Lunâ* desumuntur videantur apud *Plinium* lib. 18. cap. 35. ubi inter plurima alia & hæc occurrunt, Si splendens exorta puro nitore fulsit, serenitatem; si rubicunda, ventos; si nigra, pluvias portendere creditur. Inde forsan vulgatus ille versiculus,

Pallida *Luna* pluit, rubicunda stat, alba serenat.

Ratio è variâ nubium dispositione per quas *Luna* adspicitur petenda est. *Luna* namque pallida seu nigricans nubium aquosarum & roridarum est index, quæ in pluvias facillimè mutantur: rubicunda, nubium calore *Solis* adustarum, quæ in ventos plerumque dissipantur: alba, nubium attenuatarum, steriliū & excitandis tempestatibus ineptarum. Similia videantur apud *Virgilium* in *Georgicis*, & *Aratum* in *quævo* & *Solis*.

CAPUT XXVII.

De hypothefibus & traditionibus Astrologorum, Genethliacorum & Planetariorum.

Curiositas Astrologorum, Genethliacorum & Planetariorum in tribus se maximè prodit capitibus. Thef. Plus tribuunt Planetis quàm stellis fixis: 2. a. 1. Constituant duodecim celestia domicilia: 2. Planetis varias dignitates & imbecillitates adscribunt: 3. Singularem eis efficaciam circa corporis figuram & membra, circa mores & morbos, aliisque fortuitos totius vitæ eventus tribuunt: 4. Petunt ex iis prognostica tempestatum: 5.

THESIS.

Curiositatis Astrologorum, Genethliacorum & Planetariorum tria præcipua sunt capita: 1. De Domiciliis celestibus; 2. De dignitatibus & infirmitatibus

Planetarum; 3. De efficacia Planetarum circa externa hominis membra, mores, morbos, & varios eventus per omnem nati hominis vitam: Quæ singula delibare hoc loconobis visum.

"*ExDens.*"

"Ενδεος.

I. Crebram hætenus curiositatis Astrologiæ mentionem fecimus. Cùm autem inprimis ea se exserat circa Planetarum, de quibus Physicè hætenus disputavimus, contemplationem, & verò vanitas ~~de æp' u'~~ hujus manifestius se ipsam non prodatur quàm si omnia ejus viscera, in quibus monstrum hoc jacet, à quibus ortum ducit & alitur, probè introspicimus, non abs re facturum me putavi, si Astrologorum de Planetis dogmata & placita in compendium quasi contracta Lectori hic repræsentarem priusquàm adversus Astrologiam judicariam argumenta producerem. Existimant igitur Planetarii, ut de toto vitæ curriculo in genere judicium formatur ex inspectione stellarum fixarum, sic de iis quæ in specie singulis annis, mensibus, diebus, horis sunt eventura, ex inspectione Planetarum potissimum id haberi: Unde in varietate, intensione, mutatione fortis humanæ efficiendâ efficaciores stellis fixis Planetas judicant, tribus potissimum de causis: 1. Quia mundo sublunari sunt propiores, & in eum immediatè agunt; 2. Quia motus ipsorum velocior est magisque varius; 3. Quia unus singulis datus orbis ad effectus suos in inferioribus multiplicandos.

Sunt autem capita theoriæ hujus curiosæ tria: I. De domiciliis cælestibus; II. De Planetarum dignitatibus & infirmitatibus; III. De efficaciâ eorum circa figuram seu externa hominis membra, mores, morbos, & alios per totam vitam eventus. Quibus coronidis vice quartum adjicimus, De tempestatum prognosticis, quæ peti ex Planetarum contemplatione solent.

II. Totum cælum Astrologi in partes XII distinguunt, & duodecimam cæli partem *domicilium* appellant: Unde domicilia cælestia duodecim. Judicium igitur de nati hominis fortunâ & moribus facturi ad domos hæc decurrunt, & qui Planetæ vel stellæ fixæ in singulis versentur in articulo natiuitatis accuratè dispiciunt, omnibusque probè ponderatis tandem divinationem promunt. Ordine igitur domos hæc videamus.

Prima domus est illa duodecima cæli vel Zodiaci pars quæ in conversione cæli oritur eo momento quo quis nascitur: Quam appellant *ἀνατολή*, h. e. partem exorientem, horoscopus, cardinem & angulum orientis ascendentem, domum vigoris & vitæ. Ex consideratione hujus domus, & stellarum præcipuè in eâ constitutarum, pronunciant de vitâ nati, an virtus vitalis imbecilla vel robusta sit futura, de temperamento, de figurâ corporis, proceritate, longitudine, formositate aut deformitate.

Secunda domus est, quæ sub horizonte succedit primæ, Græcis *ἀνατολή*, Latini peculiari nomine appellatur *porta inferna*, quia veluti janua ad pri-

mam est: A significatione nominatur *domicilium lucris*. Ex hac domo conjectura sumitur de nati divitiis vel paupertate, de modis acquirendi divitiis licitis vel illicitis, de divitiarum constantiâ vel inconstantia. Fertur nullus in hac domo Planeta gaudeat. Consignificator perhibetur ♄.

Tertia domus, quæ secundæ succedit, *Dea* appellatur, item, *domus fratrum, sororum, affinium, consanguineorum*: Ex quâ conjectura petitur de nati sororibus, fratribus, nulline an pauci, felices, an infelices sint futuri. Judicium etiam fit de legationibus, itineribus, muneribus, hospitalitate: *Gaudium Lunæ*. Consignificatorem habet ☾.

Quarta domus Græcis appellatur *ἀντιχρον*, Latini *inimicus cæli*. Ex hac domo judicium sumitur de parentibus eorumque statu, de patrimonio, de hereditatibus defunctorum, de agris eorumque culturâ, de bonis immobilibus, de fodinis metallicis, thesauris absconditis. Nullus in hac Planeta gaudet. Consignificatorem habet ☿.

Quinta domus Græcis appellatur *ἀγαθὴ τύχη*, bona fortuna. Ex hac domo conjectura fit de filiis & filialibus eorumque statu, numero, ingenitis, muneribus, donationibus, vestimentis voluptatibus. Est gaudium ♀. Habet ad horoscopum Δ.

Sexta domus Græcis *κακὴ τύχη*, mala fortuna, abjectus cæli locus, qui nullum ad horoscopum adspicuum habet. Ex hac conjectura sumitur de morbis, vitiis corporis, servis, ancillis, vicinis. Gaudium est ☿. Consignificatorem habet ♄.

Septima domus est uxoris seu *matrimonii*. Ex quâ conjectura fit de uxore, vel affectionibus nati erga matrimonium vel erga cælibatum, de numero uxorum, de qualitatibus, divitiis vel paupertate uxoris, de juvenula vel vetula, proba vel improba, de nuptiis, de contentionibus forensibus, de inimicis apertis, furtis, rapinis, bellis, seditionibus. Nullus in hac Planeta gaudet. Consignificatorem habet ♄.

Octava domus infausta dicitur, quæ nulla cum horoscopo familiaritate jungitur, & nullis ipsum radiationibus illustratur, cum malis verò cæli locis optime conjungitur, nempe Δ cum duodecima; alias *porta superna* appellatur, quia stellis occasuris quasi fores aperit, & *domus mortis*. Unde judicium fit de morte naturali vel violenta, de hereditatibus mortuorum, de facultatibus occultis, de magnis timoribus, venenis lethalibus, laboribus, ærumnis & contentionibus, incantationibus. Nullus in hac Planeta gaudet, significatorem habet ☿.

Nona domus divina appellatur: Unde judicium fit de nati religione & in ea constantia vel inconstantia, de itineribus longioribus, legationibus. Ajunt *Mariæ* in hoc loco malos facere Theologos, rixosos, Saturnum

T:

Saturnum hypocritas. Gaudium Solis est. Consignificatorem habet Ψ .

Decima domus summum seu culmen celi: Unde iudicium fit de Regno & Regibus, de regni alicujus statu: de magnatum favore, de Principibus, de publicorum officiorum administratione, de honoribus, dignitatibus, studiis, artium liberalium, gloria laude &c. Peculiarem quoque Martis significationem habet, cujus post natum editum, conditionem indicat. Nullus in ea gaudet Planeta, consignificatorem habet Φ .

Undecima domus Græcis dicitur $\alpha\gamma\alpha\delta\epsilon$ *Salmor*, bonus demon seu Genius: ex qua conjectura fit de amicis nati, de consiliariis, suffragatoribus, de numero eorum, statu & conditione, fidelitate & infidelitate, de commendationibus quæ ab amicis fiunt, de felici successu rerum, non speratarum. Gaudium est Ψ . Consignificatorem habet Θ .

Duodecima & ultima domus $\alpha\gamma\alpha\delta\epsilon$ *Salmor* seu malus genius appellatur: Unde iudicium fit de carceribus, inimiciis, luctu, fortitudine vel debilitate, de commodo vel periculo, ex animalibus maioribus, de impostoribus, de meretricibus. Gaudet & in hac Ψ . Consignificatrix Ψ est.

Hactenus cœlestia domicilia cum suis significatis, quæ omnia duobus versiculis comprehenduntur.

Vita, Lucrum, Fratres, Genitor, Nati, Valctudo, Uxor, Mors, Pietas, Regnum, Benefactio, Carcer.
Delineari solent ordine, in Schematisimo, qui sequitur.



Domos hæc sic delineatas distinguunt 1. in quatuor quadrantes, quorum primus dicitur Orientalis, ascendens, masculinus, sanguineus, calidus & siccus: Et includit primam, duodecimam, undecimam domum. Secundus dicitur Meridianus, descendens, femininus, cholericus: Et includit decimam, nonam & octavam domum. Tertius dicitur Occidens, descendens, masculinus, melancholicus, frigidus & siccus: Et includit septimam, sextam & quintam domum. Quartus dicitur Septentrionalis, ascendens, phlegmaticus, frigidus, humidus: Et includit quartam, tertiam & secundam domum.

Distinguunt easdem domos 2. in angulares, succedentes, & cadentes. Angulares seu cardinales appellant, quæ quatuor cœli cardines seu angulos, orientem, occidentem, meridiem, septentrionem, occupant: Quibus maxima ab Astrologia efficacia tam in bono quam in malo tribuitur. Sunt hæc, prima, seu horoscopus, oriens, quarta seu imum celi, septima, occidentis; decima seu culmen celi. Succedentes nominant, quæ cardinalibus succedunt: quibus efficaciam mediocrem tribuunt. Sunt hæc, secunda, quinta, octava, undecima. Cadentes, Græcis $\alpha\gamma\alpha\delta\epsilon$ *Salmor*, sunt, quæ cum horoscopo nullam habent familiaritatem: Latinis domus pigræ appellantur, in quibus Planete constituti admodum imbecilles habentur. Inter dactinales & succedentes interjectæ sunt, cujusmodi sunt tertia, sexta, nona, duodecima.

III. Adscribunt deinde Astrologi Planetis varias dignitates & imbecillitates præ vario ipsorum in cœlo positu. Designant autem dignitatem, quam sepositam & fortitudinem appellant, virtutem efficacem nobili incremento auctam, quam in aliquo cœlesti signo obtinet, vel propter occultam familiaritatem cum illo signo, vel propter stellarum fixarum in eodem signo existentium qualitates congruentes ipsorum qualitibus. Dignitatibus hæc seu fortitudinibus præcipuis opposunt contrarias imbecillitates, cum in signo cœlesti sunt qualitates ipsorum contrario, vel aliud quoddam virtuti ipsorum impedimentum obijciunt.

Dignitates distinguunt in essentielles & accidentales. Essentiales & præcipuas dignitates quinque constituunt, quarum nomina, Domus Planetæ, Exaltatio ejus, Triplicitas, Termini, Gaudium.

Domum Planetæ propriam appellant signum Zodiaci, quod cujusque Planetæ nature magis convenit: In quo si collocatus sit, dignitates seu fortitudines quinque

quinque habere dicitur. Propria verò Planetarum domicilia hunc in modum constituuntur: Saturni domicilium est in Capricorno & Aquario; Jovis, in Sagittario & Piscibus; Martis, in Ariete & Scorpio; Solis, in Leone; Veneris, in Tauro & Librà; Mercurii, in Geminis & Virgine; Luna, in Cancro.

Domicilio proprio Planetæ opponitur detrimentum seu exilium & exitium ejusdem; cum nempe in domo maximè peregrinà est, seu signo contrariâ virtute pollenti, quod diametraliter opponitur domicilio proprio. Loco dignitatum igitur seu fortitudinum quinque, quas in propriâ domo habet imbecillitates quinque in exilio seu detrimento habet. Est autem exilium Saturni in Cancro & Leone; Jovis, in Virgine & Geminis; Martis, in Librà & Tauro; Solis, in Aquario; Veneris, in Ariete & Scorpio; Mercurii, in Sagittario & Piscibus; Luna, in Capricorno.

Exaltatio Planetæ est ea Zodiaci pars in qua constitutus Planeta insignem virium suarum exaltationem seu incrementa recipit, unde & evidentiorum in inferioribus mutationem efficit. Est autem exaltatio Saturni in Librà; Jovis, in Cancro; Martis, in Capricorno; Solis, in Ariete; Veneris, in Piscibus; Mercurii, in Virgine; Luna, in Tauro; Capiti Draconis, in Geminis; Caudæ, in Sagittario. Dignitates in exaltatione quatuor obtinere Planeta dicitur.

Exaltationi opponitur Casus seu Dejectio: ubi quatuor imbecillitates Planeta obtinet. Est autem casus Saturni in opposito signo Arietis; Jovis, in Capricorno; Martis, in Cancro; Solis, in Librà; Veneris, in Virgine; Mercurii, in Piscibus; Luna, in Scorpio; Capiti Draconis, in Sagittario; Caudæ Draconis, in Geminis.

Triplicitas est constitutio Planetæ in Trigono naturæ ejus conveniente, in quo tres dignitates obtinet: ut Sol & Iupiter in Ariete, Leone, Sagittario; Venus & Luna, in Tauro, Virgine, Capricorno; Saturnus & Mercurius, in Geminis, Librà, Aquario; Venus, Mars & Luna, in Cancro, Scorpione & Piscibus. Solis & Jovis Trigonus, ♈, ♎, ♐, est igneus, calidus, siccus, cholericus, diurnus, masculinus: Veneris & Luna, ♉, ♊, ♋, terreus, frigidus, siccus, melancholicus, foemininus, nocturnus: Saturni & Mercurii, ♊, ♋, ♌, æreus, calidus & humidus, sanguineus, masculinus, diurnus: Veneris, Martis & Luna, ♋, ♌, ♎, aqueus, frigidus, humidus, phlegmaticus, foemininus, nocturnus.

Contrariæ verò debilitates obveniunt Planetis cum in trigonis naturæ ipsorum non convenientibus positi sunt.

Termini proprii sunt certa in Zodiaco spatia,

intra quæ si Planetæ, Sole & Luna exceptis, constanter, dignitates duas obtinent. Sunt autem proprii Planetarum, per singula Zodiaci loca, sequentes:

Jovis, usque ad 6^m grad. Arietis; Veneris, ad 12^m ejusdem; Mercurii, ad 20^m; Martis ad 25; Saturni, ad 30^m.

Veneris, usque ad 8^m grad Tauri; Mercurii, usque ad 14^m ejusdem; Jovis, ad 22^m; Saturni, ad 27^m; Martis ad 30^m.

Mercurii, usque ad 6^m grad. Geminorum; Jovis, ad 12^m eorundem; Veneris, ad 17^m; Martis, ad 24^m Saturni ad 30^m.

Martis, usque ad 7^m Cancri; Veneris, ad 13^m; Mercurii, ad 19^m; Jovis, ad 26^m; Saturni, ad 30^m.

Jovis, usque ad 6^m Leonis; Veneris, ad 11^m; Saturni, ad 18^m; Mercurii, ad 24^m; Martis ad 30^m.

Mercurii, usque ad 7^m Virginis; Veneris, ad 17^m; Jovis, ad 21; Martis, ad 28^m; Saturni, ad 30^m.

Saturni, usque ad 6 Libræ; Mercurii, ad 14^m; Jovis, ad 21^m; Veneris, ad 28^m; Martis, ad 30^m.

Martis, usque ad 7^m Scorpii; Veneris, ad 11^m; Mercurii, ad 19^m; Jovis, ad 24^m; Saturni ad 30^m.

Jovis, usque ad 12^m Sagittarii; Veneris, ad 17^m; Mercurii, ad 21^m; Saturni, ad 26^m; Martis, ad 30^m.

Mercurii, usque ad 7^m Capricorni; Jovis, ad 14^m; Veneris, ad 22^m; Saturni, ad 26^m; Martis, ad 30^m.

Veneris, usque ad 7^m Aquarii; Mercurii, ad 13^m; Jovis, ad 20^m; Martis, ad 25^m; Saturni, ad 30^m.

Veneris, usque ad 11^m Piscium; Jovis, ad 16^m; Mercurii, ad 19; Martis, ad 28^m; Saturni ad 30^m.

Tabella Terminorum.

♈	♈	6	♈	12	♈	20	♈	25	♈	30
♉	♉	8	♉	14	♉	22	♉	27	♉	30
♊	♊	6	♊	12	♊	17	♊	24	♊	30
♋	♋	7	♋	13	♋	19	♋	26	♋	30
♌	♌	6	♌	11	♌	18	♌	24	♌	30
♍	♍	7	♍	17	♍	21	♍	28	♍	30
♎	♎	6	♎	14	♎	21	♎	28	♎	30
♏	♏	7	♏	11	♏	19	♏	24	♏	30
♐	♐	12	♐	17	♐	21	♐	26	♐	30
♑	♑	7	♑	14	♑	22	♑	26	♑	30
♒	♒	7	♒	13	♒	20	♒	25	♒	30
♓	♓	12	♓	16	♓	19	♓	28	♓	30

Gaudium Planetæ est signum Zodiaci ipsius naturæ

turæ maximè conveniens; quod præter reliquas dignitates adhuc unam Planetæ addit, si in eo constitutus sit Signum autem naturæ Planetæ conveniens domicilium ejus appellatur, ut suprà docuimus. Cuivis igitur Planetæ cum duo attribuantur domicilia, unum masculinum, alterum foemininum, principalius, quod est masculinum, Planetæ gaudium appellatur. Gaudet igitur h in xx , u in f , g in m , q in o , r in ix . Soli & Lunæ nullum tribuitur gaudium.

Hactenus dignitates Planetarum essentielles, & præcipuæ. Sequuntur accidentales & minùs principales: Quæ septem potissimum numerari solent, quarum nomina sunt, *Carymi* seu *Cor Solis*, *Planeta Constitutus in domiciliis cæli optimis*, *Planeta à combustione liber*, *Planeta directus*, *Planeta velox*, *Planeta Orientalis*, *Aspectus*.

In *Carymi* seu *Corde Solis* Planeta versari dicitur, quando Planeta ante vel post Soli jungitur inter sedecim minuta: ut cum, ex. gr. \odot constituitur in 8° grad. ii , & q in eodem signo, in 8° grad. minuto i 5° vel alio infra 16^{m} . Tribuuntur in hoc situ Planetæ dignitates quinque.

In *optimis cæli domiciliis* Planetæ dicuntur constitui, quando sunt vel in domo decimâ, in quâ dignitates quinque sibi vendicant; vel in horoscopo seu domo prima, in quâ etiam quinque dignitates ipsis constituunt, vel in domo septimâ aut quartâ, in quibus quatuor dignitates habent; vel in undecima & quinta in quibus tres dignitates habent; vel in nona & secundâ in quibus duas dignitates; vel in tertia, in quâ unam tantum dignitatem habent. Contrâ vero debilitates suas sustinent, ut in duodecima quinque; in octavâ & sextâ quatuor.

A combustione vel radiis Solaribus liber Planeta dicitur, cum à Sole in aliquo signo distat ante vel post, plùs quindecim gradibus, seu medietate orbis Solis: ubi quinque dignitates obtinet.

Opponitur huic situ *combustio Planetæ*, cum plùs sedecim minutis, minùs autem medietate sui orbis à Sole distat. Vocant autem *medietatem orbis* spatium Zodiaci quod dimidiis Planetæ globus obtegit in Zodiaco. Sic medietas orbis h & u est, ante vel post novem gradus; medietas orbis g ante vel post 8° gradus; medietas orbis Solis, ante vel post 15° gradus, medietas orbis q & r , ante vel post 7° gradus; medietas orbis d , ante vel post 12° gradus, ubi imbecillitates quinque habet. Huic affinis est situs, in quo Planeta dicitur *oppressus*, seu *sub radiis* esse, quando nempe à Sole distat, ante vel post, plùs sui orbis medietate, minùs autem medietate orbis Solis; hoc est 15° gradibus; unde debilitates quatuor ei obveniunt.

Planeta directus appellatur, quando secundum ordinem signorum ab occasu in ortum progreditur: ut ex *Ariete* in *Taurum*; de *Tauro* in *Geminis*; &c. ubi dignitates quatuor obtinet.

Opponitur huic Planetæ *retrogradus*, cum contra signorum ordinem ab ortu in occasum progreditur: ut ex *Geminis* in *Taurum*, ex *Tauro* in *Arietem*, &c. ubi debilitates quinque obtinet.

Planeta velox appellatur, cum secundum signorum successionem velociùs movetur, vel cum motus ejus diurnus verus est major medio: ubi duas dignitates obtinet.

Opponitur huic Planeta *tardus*, cum secundum signorum successionem tardiùs movetur, vel cum motus diurnus verus minor est motu medio: ubi imbecillitates duas habet.

Planeta orientales dicuntur tres superiores, cum matutini ante \odot oriuntur: ubi dignitates duas obtinent.

Opponuntur his Planetæ *occidentales*, ii tres superiores, cum post Solem occidunt: ubi imbecillitates duas sortiuntur.

Aspectus denique quadruplex in censum quoque venit; nempe *Sexilis* \star , *Tetragonus* \blacksquare , *Trigonus* \triangle , *Oppositus* $\&$. \star appellatur, qui fit per sextam Zodiaci partem, h. e. gradus lx , seu duo signa. \blacksquare fit per quartam Zodiaci partem, hoc est gradus xc , seu tria signa. \triangle fit per tertiam Zodiaci partem, hoc est gradus cxx seu quatuor signa. *Oppositus* seu diametralis fit per dimidiam Zodiaci partem, hoc est, gradus clxxx , seu sex signa. Dicitur igitur *aspectus Planetarum sexilis*, cum duobus à se invicem signis distant; *tetragonus*, cum tribus *trigonus*, cum quatuor; *oppositus*, cum sex à se invicem distant. Unde & radii se invicem dicuntur ferire sexilibus, quadratis, trigonis, oppositis. *Aspectus sexilis*, censetur mediocriter bonus, quia signa hoc intervallo à se invicem distantia sexu & naturâ ferè conveniunt. Quadratus judicatur mediocriter malus; propter signorum quæ hoc aspectu connectuntur discrepantiam in naturâ & sexu. Trinus aspectus seu *trigonus* censetur bonus, quia signa connectit sexu & naturâ convenientia. *Oppositus* judicatur pessimus, propter discrepantiam naturarum in signis oppositis, & maximam signorum distantiam, quæ mutuam vicium communionem prohibet.

Aspectibus hisce quatuor accedit quoque *Conjunctio Planetarum*, cum duo vel plures Planetæ in eodem signo conjunguntur: qui si benigni & boni sunt, conjunctio censetur bona; sin mali, mala. Interim maximæ efficaciz est conjunctio.

Distinguunt quoque aspectus hosce in *Partiles* & *Platycos*. *Partilem* aspectum appellant, cum à stellâ

Stella ad stellam numerantur tot cœli partes quod configurationem adspēctus constituunt. Requiritur autem ad adspēctum sextilem 60 integræ partes seu gradus; ad quadratum, 90; ad trigonum, 120; ad oppositionem, 180. Planeta igitur vel duobus signis, ut in sextili, vel tribus, ut in quadrato, vel quatuor, ut in tetragono, vel sex, ut in oppositione, à se invicem disjuncti, tum dicuntur parititer se adspicere, cum intervallum illud exactè tot gradus continet quot constant vel duo vel tria vel quatuor vel sex signa. Exempli gratiâ, si *Jupiter* sit in primo gradu *Arietis*, *Mercurius* in ultimo gradu *Tauri*, adspēctus eorum est sextilis, quia duobus integris signis à se distant, & quidem parititer, quia distantia à primo gradu *V* ad ultimum *S* exactè 60 gradus continet, qui sextilem adspēctum constituunt. *Platium* adspēctum appellant, cum à stellâ ad stellam plures vel pauciores partes quàm adspēctus quantitas requirit numerantur: Exempli gratiâ, si *H* constituatur in 26° gradu *m*, *u* verò in 6° grad. *S*, oppositi dicuntur, sed placitè; quia distantia non exactè continet 180 gradus, qui adspēctum oppositionis constituunt, sed 160 tantum: A gradu enim 26. *m* ad 6^m *S* nonnisi 160 gradus sunt. Sic adspēctus quoque sextilis platius esset, si *V* esset in 1° gradu *V*, *u* verò in 15° *S*: distantia enim esset tantum 45 grad. cum 60 gradus adspēctum sextilem absolvent,

IV. Ad Planetarum nunc efficaciam circa corporis figuram & membra, circa mores & morbos, aliisque totius vitæ eventus fortuitos jam progrediamur: & de singulis Planetis ordine disceptemus. Considerantur singuli seorsim vel conjuncti, idque invicem, vel cum Zodiaci signis. De singulis seorsim ita judicant.

Saturno circa figuram corporis & externa ejus membra hæc adscribuntur à *Ptolemao*, Si in nativitate solus sit dispositus & Orientalis, hominem facit staturæ mediocris & gracilis, coloris flavescens, capillorum nigrorum & in pectore spissorum, oculorum mediocrium, in motu corporis tardum, terram adspicientem, labra grossa habentem & nasum simum. Sin verò sit Occidentalis, in figurâ dejectus & malè positus, hominem efficit habentem oculos magnos, capillos plandos & raros, difformem, infirmum, curvum, nunquam ridentem, sordidum in vestibus, foetentem. Medici tamen hæc omnia referunt ad temperamentum *Saturninum*, melancholicum, quod est, frigidum & siccum: Unde color fuscus & pallidus, capilli nigri, parva statura, oculi parvi, tarditas in motu.

De moribus & aliis inclinationibus hominis ex

consideratione *Saturni* ita pronunciant; Si in nativitate sit Orientalis & bene collocatus, nempe in domo propriâ, in terminis suis, in exaltatione, in angulis cœli, necnon cum augmento *Lunæ* crescentis, hominem facit elati animi, boni consilii, fidelem, qui tamen se ipsum magis quàm uxorem diligit vel filios, pauci cibi, laboriosum, anxium & cogitandum, regibus acceptum, divitem thesaurorum dominum oblectantem se in operibus aqueis, in construendis ædificiis juxta aquas, in fabricandis piscinis & pontibus, astutum, timidum, qui delectatur vestibus nigris; locis obsecris & ab hominum consortio remotis. Medici omnia hæc deducunt ex temperamento *Saturnino*, melancholico.

Morbos quod attinet, inclinare dicitur ad phthisin, catarrhum, paralytin, hydropisim, quartanam, hecticam, podagram, elephantiasin, cancerum, diarrhæam, splenicam passionem, & alios morbos frigidos: De quibus Medici judicant ex temperamento *Saturnino*, melancholico, frigido.

Jupiter appellatur fortunâ major. In corpus domini exercet hoc modo, Si sit fortunatus & bene collocatus, ac dispositionis Domini Orientalis, hominem facit pulchri coloris, venerabilis adspēctus, habentem oculos nigros, magnos, pupillam parvam, capillos mediocres, frontem altam, barbam rotundam, maxillas elevatas, staturam mediocrem, incessum stabilem, dentes anteriores aliis majores. Sin verò infelix sit & malè dispositus, Occidentalis, &c. albos efficit homines, capillos duos, caput calvum, staturam mediocrem, nigros dentes, caput parvum.

De moribus & aliis inclinationibus ita judicant; Si Orientalis sit & bene dispositus, hominem efficit benignum, justum, honestum, conciliatorem discordantium, vera & honesta præcipientem, doctorem vel capitaneum, lætum ac jucundum. Medici & Physici effecta hæc referunt ad temperamentum *Joviale*, calidum & humidum, quod temperatum est: Unde inclinare putatur ad moderata, justa, honesta, per ingenii, judicii & consilii bonitatem. Idem temperamentum ad magnanimitatem inclinatur, ad hilaritatem, liberalitatem, sapientiam. In domo XI^a honores tribuit, imperia, Magistratus. In horoscopo confert reverentiam, fidem, disciplinam. Sin verò Occidentalis sit & malè dispositus, molles efficit & timidos, irreligiosos.

Ad morbos sequentes inclinare dicitur, ad ariginam, pleuritidem, peripneumoniam, apoplexiam sanguineam, cephalalgiam, cardiacam, & alios de flatibus & sanguine ortos morbos. Quæ omnia Me-

dici referunt ad temperamentum *Joviale*, calidum & humidum.

Mars corpori sequentia conferre dicitur: Si Orientalis sit & Dominus genituræ, bene dispositus, hominem efficit rubicundum, procerum, carnosum, facie rotundum, pilosum, maculam imprimit pedem dextero, vocem confert masculam, asperam, corpus sudoribus obnoxium, laborum patiens. Sin Occidentalis fuerit & infelix, staturam corporis mediocrem dat, nasum efficit totum rubeum, oculos sanguineos, capillos raros, faciem rotundam cum maculis & vulnere in facie vel fronte, aures magnas, digitos & dentes longos. Referunt hæc Medici ad temperamentum *Martiale*, calidum & siccum.

De moribus ita pronunciant Astrologi; Homines aiunt efficere invictos, immobiles, contentiosos, violentos, audaces, ambitiosos, voraces, infidos. Infortunatum qui *Martem* habent, dicuntur esse inveterandi, ad homicidia procliviores, timidi, proditores, perfidi, adulteri, irreligiosi, perjuri, inconstantes, maledici, ingrati, periculis ex ferro, præcipitio, incendio obnoxii. Quæ Medici referunt ad temperamentum *Martiale*, cholericum, calidum & siccum.

Ad morbos sequentes inclinat, ad erysipelas, febres tertianas, hemicraniam, venarum rupturam, & alios qui ex inflammatione oriuntur: Unde a Medicis ad temperamentum *Martiale*, calidum & siccum, referuntur.

Solis effectus circa opus dicuntur sequentes esse; Junctus Domino nativitatibus & Orientalis homines efficit corpulentos, capillos aureos, staturam mediocrem, faciem & barbam pulchram. Cum in Adscendente est, faciei inducit maculam, oculos dat magnos & gratiosos, homines facit in cursu moderatos, nec veloces nimium nec tardos. Eclipsatus in oculis dat defectus.

Ad mores sequentia conferre dicitur; Conjunctus cum Domino nativitatibus homines facit fideles, sapientes, modestos, moderatos, humanos, parentum amantes, ingeniosos, nonnihil superbos; Reges indicat & Principes, justos, mansuetos, affabiles, tractabiles, gravitatem confert in sermone, maturitatem in consilio, severitatem in judicio recto, magnanimitatem in agendo, humilitatem in condonando, animi fortitudinem, constantiam in proposito.

Quoad morbos, efficit oculorum fluxus, aliosque calidos & siccos morbos: Qui ad complexionem *Solarem* referuntur, calidam & temperatè siccam.

Venus fortuna minor Astrologis appellatur, & corpus hunc in modum afficit: Si genituræ sit Domi-

na, corpus efficit staturæ mediocris, album & pingue, capillos spissos & pulchros, oculos vagos, labia subtilia, faciem carnosam; motum confert nec velocem nimis nec tardum: Quæ Medici referunt ad temperamentum *Venerium*, calidum & humidum, quod *Joviali* simile.

Mores quod attinet, si bene sit collocata, hominem efficit quietum, mansuetum, verum virtutis amatorem, vitiorum osoem, sincerum, hilarem, qui rixas fugit & pericula, artes amat, amicitiam sincerè colit; zelotypia obnoxium, studiosum pulchritudinis, oblectantem se cantu, saltu, comœdiis, floribus, & similibus, sæcundum misericordem, juventutis conservatorem, amicitiarum conciliatorem, ad lacrymas pronum: Quæ omnia Medici ad temperamentum *Venerium* referunt. Cum male est affecta, violentam & ingloriam mortem portendit.

Morbus auget & producit qui partes secretas infestant.

Mercurius in corpus vires suas hunc in modum exserit; Si Orientalis sit & Domino genituræ junctus, cæteraque bene collocatus, colorem citrinum & oculos coloratos confert, staturam non admodum magnam, oculos parvos & profundos, nasum parvum, labia subtilia, dentes minores, vocem subtilem, & reliqua membra minuta, corpus longævum & in motu moderatum.

Quoad mores ex *Mercurii* contemplatione ita judicant; Nempe mutabilis, cum esse naturæ, & benignum vel malignum circa hominis mores, prout Planetæ jungitur benigno vel maligno. Cum bono igitur collocatus & Orientalis natum facit intellectu acutum, memoriâ felicem, omniumque actorum & agendorum memorem, mercaturæ amantem, docilem, scientiarum investigatorem, modestum, laborum patientem, oratorem, legatum, bonum familiæ gubernatorem, divitem bonis mobilibus, à luxuria & libidine alienum, à strepitu & rumoribus abhorrentem, divinatorem, ad omnia artificia aptum: Quæ ad temperamentum *Mercuriale* Medici referunt. Sin verò sit Occidentalis & male collocatus, dicitur facere sortilegos, necromanticos, fraudulentos, mutabiles, leves, stultos, fures. Si cum *Saturno* communicet, ad vanas artes, ut Alchymiam, & similes, inclinat: à communi sententiâ abire facit, mentijendi libidinem inducit, illicitos amores conciliat. Præsertim verò si conjungatur cum *Pleiadibus*, *Hyadibus*, aut *Oriónis* stellis maleficis, inclinat ad res turbidas, novas, necromanticas, alchymicas, dæmoniacas, & horribiles.

Morbus verò hosce ipsi adscubunt, maniam, melancholiam.

lancholiam, epilepsiam, tussim, animi deliquia, terribilia phantasmata.

Luna bene collocata corpus dat procerum, manibus bene proportionatum, pingue, cibi multi & potus pauci appetens, coloris albi & rubei, defectus gignit in oculis, maculas plerumque in facie. Quod referunt Medici partim ad temperamentum *Lunare*, humidum & frigidum, partim ad *Luna* maculas & alias ejus proprietates.

Quoad motus, si bene sit collocata, bonos mores conciliat, honoratos & divites facit, rerum magnarum investigatores, negotiorum principalium tractatores, legatos, uxoris & liberorum amantes, venatores, peregrinatores, castos, taciturnos. Alias verò male collocata efficit negotiatores, leves, homines mutabiles, multa tentantes, pauca absolventes, a quibus se oblectantes, vigos, modò pauperes modò locupletes, extra patriam videntes.

Quoad morbos, gignere dicitur paralyfin, aliâque symptomata à nervorum obstrictione ortum trahentia: Quæ Medici referunt ad temperamentum *Lunare*, frigidum & humidum. Est autem in *Luna* maxima efficacia circa morbos: Unde prudentes Medici morbos curaturi, aut eventus futurorum circa morbos prædicturi, diligentissimè considerant *Lunam*, ejusque conjunctionem & oppositionem, incrementum & decrementum, cum variis apparitionibus seu phasisibus. Ait *Hippocrates Lunam* esse sidus cœleste, in quò Medicum oporteat providere, cujus providentia sit mirabilis & stupenda. *Galenus* scribit rem certam esse, quæ non fallit, quòd per conjunctionem *Lunæ* cum stellis fortunatis ægitudines remittantur, cum infortunatis intendantur. *Luna* à conjunctione exeunte semper ferè crescunt infirmitates, usque ad oppositionis gradum seu plenitunium perveniat. Peculiarem libellum *Hippocrates* scripsit de judicio infirmitatis secundum *Lunam*. Regulæ de admittendis vel fugiendis medicamentis, venæ sectionibus, balneis, secundum variam *Lunæ* constitutionem & cum aliis stellis conjunctionem videantur apud *Michaelem Zanardum*, Universi cœlestis dubio 94.

Hactenus judicia ex contemplatione singulorum Planetarum. Ex mutuis eorum conjunctionibus varia quoque prædicunt. Exempli gratiâ, *Saturnus* conjunctus cum *Marte*, [$\text{♄} \text{♂}$] si ambo potentes fuerint, hominem reddit audacem, insipium, litigiosum, inimicitiarum conservatorem, insolentem, infamiae contemptorem, rebellem, omnes vincentem, nulli obedientem. Si ambo fuerint defecti, inclinant ad fura, homicidia, libidines. Idem *Saturnus* conjunctus cum *Sole*, [$\text{♄} \text{☉}$] mores bonos

conciliat; propter bonam temperiem ex *Solari* & *Saturnino* temperamento. Cum *Venere* [$\text{♀} \text{♀}$] junctus, si ambo sint potentes, facit scrutatores legum, observantes iusti & æqui, religiosos, modestos: Sin verò malè sint collocati, disponunt ad perfidiam, pertinaciam, fornicationem, curiositatem, bonorum contemptum, legum neglectum. *Saturnus* cum *Mercurio* [$\text{♄} \text{☿}$] disponit ad malos mores, maleficia, sortilegia, incantationes, inimicitias cum parentibus. Cum *Luna*, [$\text{♄} \text{☾}$] si ambo fortes sint, mores bonos conciliant.

Jupiter conjunctus *Marti* [$\text{♃} \text{♂}$] & bene collocatus hominem facit audacem, periculorum contemptorem, sapientem, prudentem in actionibus, ad victorias & honores adspirantem, veracem, magnanimum. Quòd si verò ambo sint defecti, faciunt cavillatores, crudeles, invereundos, instabiles, fures, superbos, jactatores, blasphemos, hypocritas. Idem *Jupiter* cum *Sole* [$\text{♃} \text{☉}$] aut *Venere* vel *Mercurio* ad optimos mores disponit. Cum *Luna* facit iustos, verecundos, & aquaticis rebus se oblectantes.

Mars à *Sole* combustus [$\text{♂} \text{☉}$] incendia, ruinas & strages publicas minatur. Extra combustionem junctus promittit publica officia, honores & dignitates. Cum *Venere* [$\text{♂} \text{♀}$] temperamentum optimum efficit, & ad optimos mores inclinat. Cum *Mercurio* [$\text{♂} \text{☿}$] bonum quoque temperamentum confert, & ad bonos mores inclinat. Cum *Luna* [$\text{♂} \text{☾}$] bonos quoque mores promittit.

Sol cum *Venere* [$\text{☉} \text{♀}$] benignus est. Cum *Mercurio* [$\text{☉} \text{☿}$] in bono statu & fortitudine, ad justitiam & æquitatem inclinat; in malo verò statu & defectione, pervicacem & obstinatum significat. Cum *Luna* benignus quoque est.

Venus juncta *Mercurio* [$\text{♀} \text{☿}$] in felici statu, facit amare leges, mores bonos, scientias, Musicam, Poeticam, & artium omnium subtilitates. Inclinat ad facundiam & prudentiam, magnorumque virorum imitationem. Eidem verò juncta in statu infelici, facit subdolos & varios, nulli fidentes, profunda cogitantes, in omnibus inconstantes, multa inceptantes pauca absolventes.

Luna *Veneri* Orientali juncta [$\text{☾} \text{♀}$] ad mores bonos inclinat. Cum *Mercurio* [$\text{☾} \text{☿}$] bene disposito inclinat ad omnes artes, sed cum magnâ in omnibus inconstantia. Si sit in aliquo nodorum, spiritus acuit & ingeniosos efficit.

Denique Zodiaci quoque signa attendunt Astrologi, & pro signorum in quibus Planetæ versantur diversitate diversa ipsis tribuunt & prædicant. Exempli gratiâ,

Saturnus ♄ in prima facie *Tauri* reddit natum effœminatum: In reliquis faciebus efficit Reges senes, membris debiles, corpore mancos, in verbis subdolos. In *Cancro* insigniter deformes facit, calamitates multas portendit, in infirmitatibus desperare facit: reddit tamen simplices, misericordes, & *σωφραδεις*. In *Scorpione* deformes quoque efficit, rixosos, multorum malorum autores. In *Sagittario*, lassos, miseros, & pauperes.

Jupiter ♃ in secunda facie *Tauri* facit cœcos, in membris debiles, pauperes, viles: In prima facie *Aquarii*, gulosos, ebriosos, rerum suarum neglectores, pulchris vestibus gaudentes.

Mars ♂ in tertia facie *Tauri* valdè deformes efficit, ludorum, vitiorum, gaudiorum amatores, tenerrarios, voraces. In tertia facie *Geminarum*, viles, pauperes, defectuosos. In secunda facie *Cancri*, inhonestos, omnibus derisos, proclives ad bombardas & alia arma; ac milites. In secunda facie *Leonis*, mœstos, anxios, doloribus plenos, fortes, audaces, cogitabundos, in verbera præcipites. In prima facie *Virginis*, deformes, mœstos, iræ tenaces: In secunda & tertia facie cœcos, viles & imprudentes in negotiis. In prima & secunda facie *Librae*, armis tractandis idoneos, honestos & honoratos: In tertia, gaudentes ludis, cantionibus, comestationibus. In tertia facie *Sagittarii*, effœminatos & pigros, irrisores.

Sol ☉ in prima facie *Arietis* multos conciliat amicos, & boni studiosos facit: In secunda facie, gratiosos, civiles, iracundos, suspicaces, truculentos: In tertia, solitarios, qui fraudes & insidias meditantur. In *Tauro* in genere inclinatur ad dominandum, vincendum, occidendum, thesauros acquirendos. In prima verò facie potissimum efficit vanos, delicatos: In secunda, libidinosos, vagabundos, mutabiles; In tertia, doloribus aurium obnoxios. In *Geminis* in universum efficit debiles & viles: In prima tamen facie reddit mansuetos, laboriosos, a mulieribus deformatos; In secunda, eloquentes; In tertia, stultos & fabularum disseminatores. In *Cancro* disponit ad ludos ridiculos, jocos, deceptiones. In prima tamen facie reddit ingeniosos. In *Leone* inclinatur ad arma, bella, victorias, triumphos. In prima facie reddit fideles, veraces, celebres; In secunda, sapientes & honorabiles; In tertia, amatores, & multis infirmitatibus subditos. In *Virgine* in universum reddit tacitos, rerum vilium amantes, cibi & potus cupidos: In prima facie, multis artibus præcellentes, infortunatos tamen in gignendis filiis; In secunda, bonos & laudis cupidos; In tertia, simplices, dociles, prudentes. In *Libra*, in prima facie efficit sim-

plices, laboriosos, modestos; In secunda, oculis imbecilles; In tertia, honorabiles & formosos. In *Scorpione* generaliter disponit ad superbiam & formositatem. In prima facie sobrios efficit & discretos; In secunda, loquaces; In tertia, voraces & incontinentes. In *Sagittario* per omnes facies efficit Regem potentem, violentum, urbium & provinciarum depopulatorem. In prima tamen reddit bonarum artium studiosos, Principum curiis deditos. In secunda & tertia, proceros & formosos. In *Capricorno* per omnes facies Regem efficit formosum, magni nominis, bonum, malorum persecutorem, bonorum amatorem, pauperum & oppressorum defensorum. Secundum alios, in secunda facie reddit malitiosos & ingeniosos; In tertia, iracundos, amatores. In *Aquario* efficit Regem minimæ famæ, exiguo satellitio stipatum, durum: In prima facie reddit amabilem & omnibus tractabilem; In secunda, multis tribulationibus obnoxium; In tertia, amatorem; In ultimo gradu, ingratum in omnibus actionibus. In *Piscibus* per omnes facies disponit ad risum, ludos, pigritiam, & alia vitia.

Venus ♀ in *Ariete* per omnes partes efficit melancholicos, anxios, pauperes: In *Geminis*, beneficium, sapientem, ingeniosum, facundum: In *Leone*, per omnes partes, facit pauperes & afflictos; In *Virgine*, per omnes partes, plenos doloribus anxios & pauperes: In *Capricorno*, per omnes partes ludorum amatores, potatores, cantu & societatibus oblectantes.

Mercurius ☿ in *Scorpione* per omnes partes facit formidolosos, bonos equites, liberales, honestos: In *Piscibus*, per omnes partes, facit sagaces, honestos, honoratos, fortes, facundos & doctos: In *Capricorno*, pauperes, multis laboribus pressos, ignobiles, afflictos.

Luna ☾ in *Ariete* per omnes partes facit Reges grandes, formosos, potentes: In *Tauro*, per omnes partes, reddit felices in negotiis, hominibus acceptos, lætos, gratiosos, bene moratos, modestos: In *Geminis*, per omnes partes, pauperes, mendicos, infelices in negotiis, imperitos, imprudentes, malè moratos, sordidos in vestitu, cibo, & omni actione. In *Cancro*, per omnes partes, efficit Regem magnum; quovis alios gratiosos, honestos, potentes, divites, dignitatibus amplios. In *Leone* facit Regem nobilem, coronatum, sed à populis ejectum & sine subditorum obedientiâ. In *Virgine* disponit ad melancholiam, ad profundas cogitationes & anxietates: reddit viles in vestitu & loquelâ; acutos, pauperes, mendicos. In *Capricorno* Regem gignit altum, nobilem, laudatum. In *Piscibus* disponit ad vilitatem & servitutem, ad ludos,

vena-

venationem, socordiam, rerum propriarum neglectum.

V. Fuit tertium caput de prognosticis Morum & Morborum quæ ex Planetarum consideratione petuntur. Sequitur quartum, de Tempestatum prognosticis quæ sumuntur ex Planetarum contemplatione.

Saturnus ♄ junctus *Andromedæ umbilico* efficit nubila, interdum pluvias & nives; cum stellis *Ceti*, cælum turbidum; cum cornu *Capricorni*, frigus cum nubilis; cum *Cane majori*, ventos, fulmina, pluvias; cum *Arietis caudâ*, aeris turbationem; cum *Coronâ Lucidâ*, aerem turbidum; cum *Delphino*, nubes; cum *Arcturo*, ventos & pluvias; cum *Lyra*, nubilâ; cum *Præsepi*, pluvias, & quandoque ventos; cum *Asellis*, ventos; cum *Medusæ capite*, frigus & humiditates; cum stellis *Orionis*, imbrem, tempestates, ventos; cum *Pleiadibus*, auram turbidam, nebulosam, pluviosam; cum *Piscibus*, nubilâ; cum *Spicâ*, repentinam aeris mutationem, imbres, tonitrua, fulgura.

Idem *Saturnus* cum Planetis junctus plurimum quoque ad tempestatum mutationem facere perhibetur. Cum *Jove* in signis igneis excitat caliditatem & siccitatem; in signis humidis, continuas pluvias & nubes. Cum *Marte* in signis igneis est procellosus, & grandinosus; in humidis, nubilosus, ventosus. In vere, æstate, & autumno tonitrua, pluvias, & grandines excitat. Cum *Sole* in igneis est pluviosus & grandinosus; in aquaticis, vere pluvias, æstate grandines & tonitrua, autumno pluviam, hyeme nives excitat. In signis siccis siccitatem, in terreis frigiditatem excitat. Cum *Mercurio* in signis humidis aerem turbat, in siccis exsiccat: In vere & æstate ventos gignit. Cum *Lunâ* ubique ferè pluvias & nubes gignit.

Jupiter ♃ cum stellis fixis *Martialibus* excitat tonitrua, cum *Veneris* serenitatem; cum *Saturninis* frigus impedit; cum *Mercurialibus* aerem purum reddit; cum *Lunaribus* pluvias excitat.

Idem *Jupiter* cum *Saturno* in signis igneis est calidus & siccus; in humidis, continuè pluviosus, ventosus, & nubilus. Cum *Marte* in humidis efficit tonitrua, & corrusionem; in calidis, caliditatem. Cum *Sole* in signis aereis aerem reddit serenum & temperatum; in humidis, excitat fecundas pluvias. Cum *Venere* aerem efficit tranquillum & temperatum. Cum *Mercurio* ventos movet sine pluvia. Cum *Lunâ* serenitatem adducit.

Mars ♂ cum *Arcturo* efficit ventos validos, fulmina & tonitrua; cum *Aquilâ*, in hyeme nives, in æstate pluvias.

Idem cum *Saturno* in signis igneis est procellosus

& grandinosus; in humidis, nubilosus, ventosus. In vere excitat fulgura & tempestates; in æstate, pluvias; in autumno, tonitrua, grandines, pluvias; in hyeme frigus minuit. Cum *Jove* in humidis fulmina, fulgura, tonitrua excitat; in siccis, caliditatem & siccitatem. Cum *Sole* calidus & siccus est. Cum *Venere* aerem & pluvias gratas efficit; cum *Mercurio*, ventos & turbines; cum *Lunâ*, varias aeris mutationes.

Sol ☉ cum *Arcturo*, *Orione*, ventos & tempestates efficit; cum *Aquilâ* nives; cum *Andromedæ umbilico*, aerem turbidum & humidum: Cum *Asellis* excitat imbres, tonitrua; fulgura; cum *Aurigæ humero dextero* ventos; cum *Capricorni caudâ*, nives, frigus, & nubes; cum *dorso*, frigus intendit: cum *Coronâ* excitat nubilâ; cum *Cane majori*, serenitatem & calorem; cum stellis *Herculis*, ventos; cum *Hyadibus*, nubilâ; cum *Hædî*, pluvias; cum *Lancibus*, pluvias & ventos; cum *Lyra*, frigus & humorem; cum *Arietis cornu vel caudâ*, aerem turbidum; cum *Delphino*, ventos; cum *Leone*, nubilâ; cum *capite Medusæ*, nivem; cum *Orione*, ventos cum *Pleiadibus*, ventos & pluvias; cum *Regulo*, aquilonem; cum *Sucullis*, pluvias; cum *Sirio*, maris æstum; cum *Triangulo*, ventos; cum *Tauri oculo*, pluvias, tonitrua, fulgura; cum *Vindemiatore*, Aquilonem; cum *Vergiliis*, Favonium.

Idem *Sol* cum *Saturno* in signis igneis excitat pluvias, grandines; in aqueis, vere pluvias, æstate, grandines & tonitrua; autumno, pluviam & frigus; hyeme, nives: Cum *Jove* in aereis signis, temperiem aeris; in humidis, fecundas pluvias: In aqueis calorem auget; in terreis serenitatem minuit. Cum *Marte* in igneis calidus & siccus est; in aereis ventos & tempestates excitat, in terreis siccitates auget. Cum *Venere* in humidis humectat, vere & autumno pluit, æstate fulgurat, hyeme humectat. Cum *Mercurio* in aereis ventos humidos excitat; in humidis, pluvias; in igneis, ventos calidos & siccos: In autumno & æstate grandines suscitât; in hyeme & vere, ningit. Cum *Lunâ* in humidis pluit, & semper aerem alterat.

Venus ♀ orienti cum *Arcturo* & *Geminorum capite* ventos producit; cum *Herculis stellis*, pluvias; cum stellis *Orionis*, ventos & nubes; cum *Coronâ*, humiditatem; cum *angulo Virginis*, imbres; cum *Aurigæ Asellis*, humiditatem.

Eadem cum *Saturno* in æstate producit pluvias subitas; in vere, pluvias & frigus; in hyeme, nives & pluvias: Cum *Jove*, aerem serenum, tranquillum, temperatum: Cum *Marte*, in æstate calorem temperatum; in hyeme, frigus: Cum *Sole*, vere & autumno pluit, æstate fulgurat, hyeme humectat:

Cum

cum *Mercurio* pluit & nubes gignit: cum *Lunâ*, in vere tempus nubilosum reddit & humidum; æstate, calorem minuit; autumno nebulas, hyeme nives producit.

Mercurius ♿ cum *Aquilâ* humiditates nivolas & pluvias cum ventis excitat; cum caudâ *Capricorni*, ventos frigidos, nives, & imbres; cum dorso *Leonis*, ventosam humiditatem; cum *Lyrâ*, subitam aeris mutationem & imbrem; cum *Regulo*, ventos cum frigore; cum crure *Aquarii*, ventos & nebulas; cum lacidâ *Hydræ*, ventos & frigus; cum spicâ *Virginis*, ventos & pluvias; cum *Orionis* stellis, ventos & tonitruas; cum *Præsepi*, ventos & tempestates; cum *Trianguli* stellis, ventos & nubes; cum *Cane majori*, ventos & imbres.

Idem cum *Saturno* in humidis signis facit aerem tenebrosam, in siccis producit siccitatem & ventos; vere pluviam, æstate & autumno ventos & nives, hyeme ventos & nives. Cum *Jove* producit ventos sine pluvii; cum *Marte*, siccitatem; cum *Sole* in signis aqueis, imbres, tonitrua, fulgura, grandines,

æstus nocivos; cum *Venere*, pluvias & imbres; cum *Luna*, signorum naturæ se accommodat.

Luna ☾ cum *Saturno* nebulas & frigiditatem efficit in signis humidis, in aeris frigus intendit; vere & æstate turbidum & humidum aerem efficit, autumno nubilosum, hyeme nivolum & grandinosum.

Cum *Jove* serenitatem & ventos lenes producit: Cum *Marte* in humidis pluit, in igneis exsiccatur & fulgurat: Cum *Sole* in humidis pluit, in calidis & siccis serenitatem inducit: Cum *Venere* tenues pluvias excitat: in vere plerumque tempus nubilosum reddit; in æstate calorem minuit; in autumno nebulas, in hyeme nives gignit: Cum *Mercurio* qualitati signorum se accommodat; in humidis humiditates, in aeris ventos, in igneis siccitates, in terreis frigiditatem auget & producit.

Hactenus mysteria Astrologica Planetariorum: ex quibus omnes tam Macrocosmo quam Microcosmo futuros eventus, quos vulgò contingentes vocamus, prophetico quodam spiritu prædicunt.

CAPUT XXVIII.

De vanitate prædictionum Astrologicarum.

VANITAS & falsitas prædictionum Astrologicarum asseritur: Thes. Adductis plurimis rationibus: exd. 1. Autoritate Divinâ: 2. Humanâ: 3. Recensentur rationes Astrologorum quibus prædictionum veritatem stabilire nituntur: 4. Dissolvuntur: 5.

T H E S I S.

PRædictiones Astrologorum, seu Genethliacorum Planetariorum, de futuris natorum hominum sortibus, hoc est, actionibus, eventibus, periculis, honoribus, moribus, conjugiiis, studiis, morte, mortisque anno, die, horâ, & genere, sunt fallaces, vanæ solidoque fundamentis destitute.

E X D I S.

I. Postquam vidimus superiore capite mysteria & placita Genethliacorum Planetariorum, reliquum jam est ut vanitatis prædictiones, totamque artem, unâ cum fundamentis, aliquantò prolixius quam factum à nobis hætenus, convincamus, & argumenta artem hanc asserentia evertamus, & sic umbilicum huic operi impingamus.

Producimus igitur adversus Genethliacorum prædictiones cum rationes, tum testimonia. Rationes hæc sunt:

1^a. Si ea quæ ad fallaciam hanc artem necessatio

requiruntur, haberi à Genethliacis non possunt, sequitur omnem illorum prædictionem temerariam ac vanam esse: At verum prius: Ergò & posterius. Consequentia rationis patet; Quia negatis mediis res ipsa quæ acquirenda est per media negatur. Assumptionem probò: Tria scitu necessaria Genethliacis sunt; 1. Momentum horæ quo vel conceptus vel in lucem editus est infans: 2. Siderum positus ad illud ipsum momentum accuratè & subtiliter applicatus; 3. Quid ejusmodi ratio cœlestis fidereaq; mediteretur agere: Quod quidem argumentis inerrantibus aut experimenti certitudine infallibili oportet constet. Tria hæc si ignorari à Genethliacis demonstraverimus, vel unicâ hâc ratione vanissimas omnes ipsorum esse prædictiones facillimè evincemus.

Primum igitur, momentum quo conceptus est infans ignorari, totâ dabunt facilitatè. Quæ enim mater audax adeò quæ conceptionis momentum ausit nominare? Vel quis stultus adeò Genethliacus, qui forminx id nominanti quod impossibile jure merito censetur, fidem habeat?

Nescire verò Genethliacos: nativitatis momen-

tum difficile monstratu non est. Primum enim necessarium foret, infante in lucem prodeunte, præstod esse Genethliacum astrolabio instructum, quo celestis è vestigio concipiatur mensus. At enim quotusquisque Philosophorum id præstat? Absunt ipsi, & si vel maximè adessent, multis tamen obstaculis, scopum quò minùs assequerentur, impediri possent. Et, si vel nulla ea planè forent, astrolabii tamen vitio omnis facillimè perverti posset observatio: Nam ni tantà fuerit arte & peritià confabricatum ut nusquam subsulter ac nè in minimo quidem fallax comperiatur, voti compos Astrologus non erit. Organon verò id genus numeris omnibus absolutum quis iavensisse se fronte incolumi gloriari potest? Quo de conqueritur in Epistolis Illustrissimus *Hassia Landgravius Wilhelmus*. Deinde plerique, imò omnes, obstetricibus, aut aliis mulierculis quæ adsunt parturientibus, de natali hora fidem habent: At hæ horarum momenta tam non aperire queunt quàm nesciunt. Denique è mille horologiis vix unum reperitur quod exactè siderum respondeat cursui. Et quàm fieri, quæso, faciliè potest ut in uno vel altero momento erret, qui quidem error nobis perexiguus videtur, at velocissimos siderum cursus si cogites, longè est maximus.

Sic igitur primum demonstravimus: A cuius ruinà secundum pender, de siderum totiusque cæli statu ad horæ momentum applicando. Quòd si enim horarum minutia ignorentur, quò applicari ad eas siderum status poterit? Sed si vel maximè duo hæc gratis largiamur, tertium tamen ut demus nunquam impetrabunt.

1. Enim habere sidera aliàs præter lucendi & calefaciendi per se virtutes hæcenus nondum demonstrarunt: Et si maximè essent aliæ, illas tamen quas Planetarii volunt esse nunquam demonstrabunt.

2. Ignorant fixarum stellarum numerum, ut supra demonstravimus, motusque exactos: quò vires igitur & facultates sciverint?

3. Dicant quam habeant propriam vim & potentiam singulæ stellæ in elementa, metalla, stirpes, & alia animantia rationis expertia: Hæc si nesciunt, cur scire se plura & occultiora de homine gloriantur? aut si vanissimis nugis sciscitantium aures obtundunt, quis fidem de hominibus ipsis habebit?

4. Doceant defusus & effectus qui nunc ex variis astris in diversas & distitas mundi regiones dimittunt: Præsentia si nosse nequeunt, quis nugantibus de futuris credat?

5. Si nesciunt maræmne an scemellam hic vel ille siderum status produxerit, de effectibus à libera hominis voluntate pendentibus quid nobis promittent?

6. Si postea siderum eisdem diversi capissime & contrarii in inferioribus hisce sequuntur eventus, quos tanquam proprios illis adscribent?

7. Vanissimas esse illas de astrorum influxibus arcanis quibus Planetarii nuntiat nantias, sententiæ artificum immensum sæpè numero discrepantes satis evincunt. De virtutibus enim Planetarum & signorum Zodiaci Astrologos si audias legasque differentes, adedè deprehendes eos plerumque dissidentes ut vanissimis omnes duci conjecturis & somniis cuiusvis ipsi probent. Videantur varia *Hali, Materii, Bonati, Leupoldi, Melampi, Ptolemai, Messahalæ, Dorothei, Sacerdotis, Alchabitii, Abdila & Cardani* iudicia, quæ collegit & contulit *Baptista Porta* in libris Cælestis Physiognomiz: Ubi in os alterum alteri contradicentem sæpissime videas. Hæc prima ratio.

2^a. Ratio: Si ad futurorum particularium effectuum generationem non concurrat tantum vis celestis, universalis & indeterminata, sed vel maximè particularis, quæ cæli vis determinatur, puta efficiens causa particularis sufficientibus viribus instructa, materia idonea præparata, aliæque extrinsecus accidentia in homine præsertim plurima, ut sunt educationis & institutionis ratio, occasio, consuetudo, sine quibus nè hilum quidem virtus universalis valet, sequitur vanissimam esse prædictionem Astrologorum, qui causas tantum intuentur universales, & scire particulares nequeunt: At verum prius: Ergò & posterius. Propositionis consequentiam probo: Quia ut se res habet ad esse, ita etiam ad cognitionem; h. e. res per eas causas rectè cognoscuntur per quas fiunt: Si igitur effectuum particularium futurorum causæ ignorantur à Genethliacis particulares, quarum in producendo effectui vis est maxima, quis fidem vaticinantibus è causis tantum universalibus habebit? Assumptionem Philosophus nemo negabit. Ut enim ad generationem hominis, teste *Aristotele*, non Sol tantum sed & homo inprimis requiritur, ita ad aliorum effectuum particularium generationem utriusque causæ concursus requiritur. Et licet concedi fortè possit petentibus, effectuum particularium conservationem à causis pendere universalibus, inficiari tamen vicissim ipsi non poterunt, propriam cuiusque naturam & naturales proprietates tam específicas quam individuales magis particularem causam quàm universalem æmulari & imitari. Exemplum demus: Faciamus uno & eodem momento in eadem domo concipi duos homines, à matre morbosa & leprosa unum, alterum à sana & pura; contingat quoque ut infans uterque eodem momento eadem in domo edatur in lucem. Jam si quæras cur infans alter sit leprosus, alter vero sanus,

sanus, in cœlum certè confecti causa non poterit, cum una eadèmq; constellatio uno eodèmq; momento effecta contraria producere per se non possit. Reliquum igitur erit ut eventum diversitas à causis particularibus diversis peratur, h. e. ab ipsâ materiæ & parentum constitutione diversâ. Cum ergò particulares causæ, materiæ putà & efficientium constitutiones, futura itidem educatio, conversatio, vatibus hisce planè sint ignota, quis vana & inania ipsorum esse auguria, vel hoc solo argumento non judicet? Quòd si verò è particularium causarum inscitia corporeas dispositiones prævidere nequeunt, de spiritualibus intellectus & voluntatis propensionibus quid certi promittent? Hæc secunda ratio.

3a. ratio; Si geminorum eodem tempore conceptorum & natorum dissimillima sæpenumero sunt ingenia, studia, mores, actiones, eventus, sequitur vanissimas esse Astrologorum eadem ipsis fata ex eodem stellarum positu prædicentium divinationes: Atqui verum prius: Ergò & posterius. Assumptio plurimis probari potest exemplis. In sacris insigne est illud *Jacobi & Esau*, quorum adèd diversæ fuerunt animi & corporis constitutiones, actiones, mores, eventus, ut nihil ferè habuerint commune. De *Proclo & Eurythene* geminis fratribus *Cicero* refert, dispares eos rerum gestarum gloriâ & vitæ exitu fuisse, *Romuli & Remi* geminorum, quàm diversâ fuerint fata, quis nescit? Et ut alter gemellorum sit mas, alter femina haud rarò contingit.

Sed parata hîc Planetariis exceptio: Non mirum est, inquiunt, diversâ gemellorum esse fata, cum inter eos editos in lucem mora quædam intercesserit, quæ quamvis perexigua nobis videtur, in cœlo tamen, ob ejus vastitatem & rapidissimam conversionem, insignem admodum magnâmq; variationem efficit. Ad hoc inscitæ asyllum responderi debet.

1. Si vel minima momenta ingentes in cœlo faciunt mutationes, manifestum jam est omnem Astrologorum prædictionem esse vanissimam, cum momenta nativitatum ipsi scire nequeant, ut paulò antè demonstravimus; nec verò scire maximopere laborent; pleriq; enim ad horarum quadrantes, ad semihoras, imò ad horas integras haud rarò omnia dirigunt auguria.

Infert hic *Percritus*; Si tam brevi temporis momento mutantur omnia, ut non diversa modò sed etiam ad diversa plerumque eveniant, quis de nato puero possit quicquam certi prædicere, cum illud temporis momentum quo vel conceptus vel natus est, ita vix est, nemini possit esse cognitum? Itaque utut magnâ in homines vi & potestate pollerent astra, quid ea tamen in singulorum hominum generatione & oitu efficiant incompertum esset nobis: Incertissimus

enim cœli & astrorum motus tarditatem nostræ considerationis & observationis prætervolat & antevertit.

2. Ut maximè in exitu gemellorum alter alterum antevertat, in conceptione tamen & formatione nulla temporum est discrepantia. Et quis fatuus adèd, qui credat uno illo nativitatis momento plus posse astra in gemellos quàm toto illo novem mensium spacio quo concepti sunt & formati?

3. Illo *Gregorii* ariete expugnanda hæc *Matæologorum* exceptio; Si, inquit, propterea *Jacob & Esau* non censentur nati sub eadem constellatione, quòd non simul nati sint, sed unus post alterum, ob eandem profectò causam judicandum erit nullum hominem sub eadem constellatione totum nasci: non enim totus simul ex utero procedit, sed particulatim & membratim, primum enim effert caput, tum collum, deinde pectus, postremò pedes. Argumento hoc ex diversis gemellorum conditionibus petito adversus *Genethliacos* multi-utuntur, & inter eos *Augustinus* quoque *Confess. lib. 7. cap. 6.* Cujus verba eleganti epigrammate exprefit *Guilhelmus Xylander*, quod huc referre visum est.

Una eadèmq; dies, eadem quoq; protinus hora,

Atq; idem minimi temporis articulus

Humana in lucem duo corpora protulit almam:

Patria sic natis una duobus erat.

Fulserunt eadem nascentibus astra duobus,

Atque uno radiis conseruere modo.

Idem sideribus positus, respectus & idem:

Diversum mundi nil habuere plagæ.

Jam quæ natalis pars sit violentior horæ,

Quo cœlumve illò ordine fata dicet,

Desine scrutari numeris Babylone petitis,

Atque polos bis sex stringere cardinibus.

Alter ad eximios maturè evectus honores

FIRMINUS fati munere magnus erit,

Nobilitate, opibusque potens: augebit heriles

Alter in attrito tegmine verna lares.

Atqui non alius respexit Jupiter illum,

Non aliâ affulsit Luna, Venusve domo:

Non alios Cœlo satus, aut Cyllenius ignes

Extulit, aut aliam Martia stella facem:

Exceptit radiis Titania lampas iisdem

Impositum gremio matris utrumque suæ,

Non alios Vitæ cardo, non Porta Planetas

Inserat, non densæ Janua noctis habet.

Non mediæ Cuspis luctus, non templa potentis

Fortuna, Geniis sive dicata loca.

Nil non ambobus commune volubilis æther,

Afficitæ quæ astris continuere domus,

Quòd si fata hominum facie natalis Olympi

Monstrantur nullâ vana futura die,

Cur in Firminum nil cælum juris habebit,
 Servitio collum quod premit alterius?
 Cur miser obscænos tolerabit uerna labores,
 Firminum fato tot cumulant bonis?
 Cur simile est illis, eadem quos astra tuentur,
 Totius in vitæ conditione nihil?
 Scilicet æterni quæ sint decreta Parentis,
 Arbitrio ostendet linea ducta tuo.
 O vani studiorum, & sese fallere sueta
 Pectora, & infami decipere arte rudes:
 Quid duodena poli templa, astrorumque meatus,
 Et formidatos quid fatuus radios
 Cogitis in numerum? & mortalibus ardua fata
 Ambiguus trepidi quaritis in tabulis?
 Gratia, fama, valetudo, genus, & pudor, & res
 Et status, & vitæ conditio, soboles,
 Et quæcunque homini contingunt æpera sive
 Prospera, mortali dum pede calcatur humum,
 Soli nota Deo sunt, quem penes omnia solum:
 Nutibus hic fatum temperat omne suis.
 Non illos stellas, aut genitabilis angulus horæ,
 Aut positi variam astra novata suo.
 In corpus mentemque tuam, quod fingis & horras,
 Nullum is corporibus jus dedit æthereis.
 His quis detulerit, liquet: ipsæque nomina rerum
 Priscæ reliquias impietatis habent:
 Autoris documenta suisque amplissima præbent,
 Unum non potuit qui tolerare Deum.

4^a. Ratio; Si vera essent Astrologorum decreta, quod hoc aut illo modo vivendi vel moriendi necessitas homini ab astris esset constituta, sequeretur omnes qui eadem in vocatione, eodem tempore, eadem de causâ & eodem mortis genere obirent, omnes, inquam, sub eadem constellatione & eodem tempore fuisse natos: Atqui falsum hoc: Ergo & illud. Propositionis consequentiam proba; Quia iidem effectus easdem arguunt causas. Manifesta est assumptio: Quis enim crediderit omnes illos qui aut hiantibus terris, aut labentibus rectis, aut oppidorum expugnationibus, aut eadem in navi fluctibus obrui eodem mortis genere eodemque temporis ictu intereunt, iidem natos esse sideribus. Hispanos in Anglico Oceano ante annos haud ita multos submersos, Judæos in excidio Hierosolymitano, Turcas à Christianis uno die ingenti sæpenumero fusos, multa Orthodoxorum millia in Galliis superiori ætate eadem horâ trucidata, Philistæos tectorum ruinâ à Samson sepultos, Romanos ab Hannibale Cannensi pugna cæcos quis iidem sideribus natos dixerit? Quod si ergo iidem eventus referri ad easdem constellationes non poterunt, quin potius contrarias iidem haud rarò sequantur, quis vanam esse & mendacem Astrologicam divinationem non intelligit?

Sed & hic quod excipiant faciliè inveniunt. Per stellarum, inquit, pares quosdam conventus paria nonnulla & consimilia obtingunt circa vitam & mortem eorum etiam qui diversis temporibus sint nati. Ad hoc respondetur; 1. Fieri non posse ut centena hominum millia, putà, senum decrepitorum, virorum, juvenum, adolescentum, puerorum, infantium, qui uno quandæque die leguntur obruncati, pari sub constellatione sint nati; nec dubium esse quin plurimorum contraria omnino fuerint sidera, quorum tamen iidem fuere eventus. Infantésne quos Herodis sustulit truculentia, eodem fuisse omnes natos sidere dicemus? 2. Si per stellatum pares quosdam conventus paria nonnulla & consimilia fata plures manserent; quid sit quod ii qui momento eodem sub sideribus iidem (nec enim hoc impossibile censeferi debet, quod fieri eodem in climate haud rarò potest) nascuntur, corporum formis, quantitativis, coloribus, actionibus, omnibus denique corporis, animæ & fortunæ bonis per omnia planè sibi non respondeant, adeo ut per easdem stellarum concurliones plurimi existant Homeri, Socrates, Platon, Aristoteles, Hippocrates, Galeni, Xenophontes, Demosthenes, Cicerones, Plutarchi, uti ejusdem speciei fungos complures eadem tempestas sæpenumero producit?

3^a. Ratio; Si hominum actiones pleræque à liberâ pendent voluntate, consuetudine & legibus, sequitur vanissimos esse eos qui astrorum necessitatibus eas alligant: Atqui verum prius: Ergo & posterius. Propositionis consequentiam proba; Quia actionem eandem respectu causarum causarum contingentem simul esse & necessariam impossibile est. Assumptio probari potest exemplis. Seres Asiatica Scythia, ut ex Bardeſane Syro citat Eusebius, nulla committunt adulteria, homicidia, furta, nulla inter eos scorta, nulla idololatria. Quam causam dicit hic Genethliacus? Anne forsitan ipsorum in cælo Martem & Vencrem nunquam dominari affirmabit? At falsum hoc. Non enim minùs ipsorum plagam percurrunt Mars & Venus quàm vel Persarum, apud quos filias, sorores, & matres in matrimonium ducere fas est; vel Indorum, inter quos frequentissima sunt homicidia. Vera igitur diversitatis hujus ratio est (de causis tantùm secundis loquor) libera hominis voluntas apud Seras honestis legibus & bonâ consuetudine gubernata, apud Indos & Persas à viciis & pravo more corrupta. Astrorum si quid viribus tribuendum foret, vel nolentes ad incestum traherent Seras, vel ad castitatem & mansuetudinē Persas & Indos. Inter ipsos Indos multa sunt hominum millia, quos vocant Brach-

manas, qui è majorum institutis, neminem occidunt, simulacra non colunt, animantibus non vescuntur, ebrii nunquam conspiciuntur, nec vinum nec cerevisiam bibunt, sed solis rebus divinis quàm temperatissime vacant; aliis nihilominus in eodem climate *Indis* scortationibus, ebrietati, adulteriis, imò hominum etiam, nè dicam ferarum, venationibus strenuè operantibus. Ecquid verò hic superstitioni comminiscuntur *Chaldaei*? Suave invocabunt fidera? At eadem illa apud *Brachmanas* & *Indos* alios: cur mores igitur non idem, actiones eadem? Ad consuetudines ergò, leges & voluntatis libertatem respiciendum, indèque vitiorum & virtutum (de causis loquor secundis & virtutibus politicis) fontes derivandi. Ab hisce fuerit, quòd *Cappadoces*, *Cilicet*, *Cretenses* sint mendaces & pigri, *Galatæ* minaces & stolidi, *Sybaritæ* luxuriosi, *Leontini* ebriosi, *Thessali* venefici, *Thracæ* callidi & fraudulentissimi, *Milesii* molles & delicati, *Lacedæmonii* Martiales, *Græci* reliqui infideles & leves, *Afri* subdoli, *Chii* petulantest, *Alexandrini* dicaces, *Indi* & *Persæ* otiosi, *Lydii* & *Phrygæ* negotiosi, *Emportiani* imbelles & barbari, *Locrenses* sceleratissimi, *Druidæ* malefici, *Cumani* insulsi, *Siculi* vafri, *Scythæ* rapidi & feroces, *Mædi*, *Arabes* & *Tarentini* effeminati, *Ligures* duri & agrestes, &c.

6a Ratio; Si corpora cœlestia voluntatum & actionum nostrarum causæ non sunt, sequitur vanos & mendaces esse eos qui in astris eas quærunt: Atqui verum prius. Ergò. Assumptio rationibus probari potest plurimis.

1. Corpora cœlestia causæ intelligentiæ nostræ non sunt: Ergò nec electionis & voluntatis. Antecedens multis rationibus firmat *Thomas* lib. 3. Contra Gent. c. 84. è quibus facile eminent duæ hæ: Prior, Quicquid movetur ab alio, reducitur ab eo è potentia in actum: Atqui intellectus noster à corporibus cœlestibus è potentia in actum non reducitur: Ergò. Propositio patet è definitione motus. Assumptio probatur; Quod enim è potentia in actum aliud per se reducitur, id ipsum oportet ut primum actu sit tale quale futurum est quod abjecta potentia actu est susceprum: At corpora cœlestia actu intelligibilia non sunt: Non igitur intellectum de potentia in actum possunt reducere. Posterior; Quod secundum naturam suam principium actionibus corporum cœlestium non est subiectum, id nec secundum operationes ipsi subiacet: Atqui intellectus à principiis corporeis cœlestibus non pender: Ergò. Consequentia propositionis patet; Quia rei operatio naturam sequitur, quæ per generationem acquiritur simul cum propria operatione. Assumptio constat: Anima enim ratione prædita ab

agentibus naturalibus, corporibus præsertim, non producit. Hactenus primæ rationis antecedens demonstratum: Consequentia ratio est; Quia electio & actualis voluntas in nobis immediatè ab intellectu ali apprensione efficitur.

2. Quæcunque ex impressione corporum cœlestium in inferioribus hisce eveniunt, naturaliter contingunt: Atqui voluntas actualis & electio actiones naturales non sunt; quia nec necessariæ sunt, nec ad idem determinatæ.

3. Quæ naturaliter sunt, ea ut plurimum rectè sunt: Atqui electiones nostræ sæpissime rectæ non sunt: Non igitur naturales sunt.

4. Virtutes & vitia electionum sunt principia: Atqui politicæ virtutes & vitia non insunt nobis à naturâ: Ergò nec ipsæ electiones.

5. Nulla virtus homini frustrâ est data: Atqui judicandi & deliberandi de rebus omnibus quæ fieri ab homine possunt virtus inest homini: Non igitur est frustranea: At foret talis, si electio potestatis nostræ non esset, sed à cœlestibus penderet corporibus.

6. Frustrâ darentur leges & vivendi præcepta, si electionum suarum homo autor non esset: frustrâ proponerentur præmia & poenæ bonis & malis, nisi bona eligendi & mala rejiciendi inesset nobis libertas.

7. Electiones hominum ad bona tendunt & mala: Quòd si ergò è motibus stellarum ex provenirent, sequeretur stellas per se esse causas malorum actionum, adeoque in hominum perniciem creatas: Quod absit ut Creatori impingamus.

8. Nulla virtus activa extendit se ad ea quæ sunt supra speciem & agentis naturam: Atqui voluntas & intellectus transcendunt omnem speciem corporalem: Non igitur ei sunt subiectæ.

7a. Ratio; Omnis scientia resolvitur in principia aut per se nota, aut in aliâ scientiâ demonstrata, aut à primâ veritate revelata, aut experimentis cognita: Astrologiæ judiciariæ tale nihil competit: Scientia igitur non est sed inanis impostura. Assumptio probatur: Et primum quidem, Principia Astrologiæ non per se nota nec in aliâ demonstrata esse scientiâ, nè ipsi quidem Astrologorum Coryphæi inficiabuntur. Nam si per se essent nota, cur divinam adeò & arcanam artem hanc esse jactarent? cur paucis adeò ea contingeret? cur Theologorum & Philosophorum præstantissimorum adversis telis toties esset petita? cur tanto sententiarum circa ipsa fundamenta divortio laboraret? Domorum initia & fines aliter fabricant antiqui, aliter *Ptolemæus*, aliter *Campanus*, aliter *Julius Firmicus*, aliter *Rogiomontanus*, aliter *Johannes Capulus*, *Rabuxinus*, aliter

aliter *Cardanus*, aliter *Simon Marius*. Ità & domi-
cilliorum proprietates aliter assignat *Ptolemæus*, ali-
ter *Heliodorus*, aliter *Paulus*, aliter *Maternus*, aliter
Porphyrius, aliter *Abenragel*, aliter *Ægyptii*, ali-
ter *Arabes*, aliter *Græci* & *Latini*. Judiciorum re-
gulas taceo, in quibus maxima quoque diversitas.

Demonstrata in aliâ scientiâ si dixerint, nomi-
nent eam: Erit autem ea vel Theologia, vel Meta-
physica, vel Astronomia, vel Physica, vel Ethica.
Quocunque se vertant, vel subsidii nihil vel impedi-
menti plurimum inveniunt. Damnant vanitatem
hanc Prophetæ, ut suo loco docebitur. Exsecratur
Ethica, quæ assuetudine virtutes non naturâ ineffe
contendit, quæ libertatem arbitrii propugnat, neces-
sitatem aut coactionem expugnat. Detestatur Me-
taphysicâ, quæ de spiritu rationali, qualis est anima
hominis, longè præclariùs existimat quàm *Chaldaei*
ea hæc impietas: Id quod & Physica suo modo
præstat evidentibus suis demonstrationibus. Astro-
nomia validissimis impugnat eam arietibus.

Quid ergo? à primâ veritate revelata sua princi-
pia dicent? Id verò quâ dicunt illi facilitate, nega-
mus nos. Provocant quidam ad *Archangelum*, alii
ad *Enochum*, alii ad *Raphaelem Tobiam*. Hoc quidem
ipsis dictu facile, ac probatu difficile vel impossibile.
Ecquod enim vel Ecclesiæ vel Spiritus sancti testi-
monium producant? Traditionem esse aiunt. At
quibus propagata Apostolis? Ipsis, inquam, Astro-
logis, quibus in propriâ causâ resistantibus major fi-
des habenda non est quàm ipsis illis fictitiis revela-
tionibus & vanissimis prædictionibus.

Ultima tandem & sacra experimentorum anchora
relinquitur, ad quam naufragi conveniunt. Respon-
demus primò cum *Hippocrate*, ἡ φύσις ἀπαλυσθήσεται.
Ipsi, quæso, reputent secum Astrologi, quàm turpi-
ter sapissims, imò, plerumque labantur, quàm di-
versa se penumero experiantur fata, qui iisdem side-
ribus sunt nati. Artificibus inquirunt hoc imputan-
dum, non arti. Egregiè sanè hoc phæmacum!
Artem isti priùs hanc esse demonstrent quàm ad e-
jus præsidium confugiant. Deinde producant arti-
ficem qui pluribus mendaciis suspectam hanc pro-
fessionem non crediderit: Talis si nunquam fuit,
ubi ars, quæso, ista latet? Deinde si quadraginta
demum novem annorum millibus, uti nonnulli as-
serunt, fixatum stellarum casum ad eandem redit
figuram, quæ, quæso, jactabunt experimenta, qui
mundi totius nondum sex mille exactos annos cre-
dunt? Majori igitur probabilitatis specie, quamvis
hypothesi longè falsissimâ, sua olim incautis venena
Chaldaei propinarunt: Ut enim de artis suæ certi-
tudine *Græcos* & *Romanos* securos redderet, obser-
vationes collegisse se per quater centum septuaginta

millia annorum. Et sanè pluribus longè foret opus
si ex eadem cœli facie sæpius recurrente præcepta
forent exstruenda infallibilia.

8a. Ratio; Doctrina quæ contingentiam respectu
secundarum causarum in inferioribus hisce tollit,
falsa est & vana: Atqui Astrologia judiciaria id
facit: Ergò. Propositionem approbat omnium &
Theologorum & Philosophorum Christianorum,
imò & Ethnicorum meliorum, consensus: uno enim
omnes ore docuerunt, docentque adhuc, fieri in in-
ferioribus hisce multa contingentè, respectu causa-
rum secundarum. Assumptio è placitis *Chaldæorum*
nostrorum spontè sequitur: Nam si in astris est
causa quod à latronibus hic vel ille occidatur, quod
alius ruinâ, alius gladii vel fulminis ictu moriatur,
alius domi, alius ruri, ecquis casu hæc contigisse
dixerit?

9a. Ratio; Omnis scientia vel ars iis in rebus ver-
satur quæ aut semper aut frequenter ita veniunt uti
docentur: Atqui Astrologorum vaticinia plerumque
sunt falsa, & non nisi rarissimè veridica: E scien-
tiâ igitur vel arte non proveniunt, sed futili & sub-
tili imposturâ. Propositio probatur è lege primâ
præceptorum scientiarum, quæ præcepta requirit
ἡ φύσις. Justitia hæc imperat, ut omne artis præ-
ceptum sit necessariæ veritatis: Nam documenta
quæ contingentis & fortuitæ sunt veritatis, hodièq;
vera cras falsa esse possunt, in artem non admittun-
tur: Quid enim arti cum falsis & commentitiis the-
orematibus? Assumptionem ipse probat eventus:
Quot enim & quàm puridis mendaciis gens hæc fa-
tidica credulorum & simplicium nunquam non de-
ludit mentes? Quid plura? inquit *Cicero*: quotidie
refelluntur *Chaldæi*. Quàm multa ego *Pompeio*,
quàm multa *Crasso*, quàm multa huic ipsi *Cæsari* à
Chaldæis dicta memini, neminem eorum nisi senectute,
nisi domi, nisi cum claritate esse moriturum, ut
mihi permirum videatur quengquam exstare qui eti-
amnum credat iis, quorum prædicta quotidie videat
re & eventu refelli. Phavorinus apud *Gellium*, Ista
omnia quæ aut temere aut astute vera dicunt, præ-
ceteris quæ mentiuntur, pars non sunt millesima.
Item, Non comprehensa neque definita neque præce-
pta dicunt, sed lubrica atque ambagiosa nitentes con-
jectatione inter falsa atque vera pedescunt, quasi
per tenebras, ingredientibus eunt, & aut multa ten-
tando incidunt repente imprudens in veritatem, aut
ipsorum qui eos consulunt multâ credulitate ducemte
perveniant callidè ad ea quæ vera sunt.

10a. Ratio; Si in meteororum prædictione maxi-
mam partem fallunt & falluntur, sequitur in fortu-
nis hominum prænunciandis multò magis eos fal-
lere & falli: At verum prius: Ergò & posterius.

Pro.

Propositionis consequentia patet; Qui enim in faciliioribus, ut sunt meteororum prædictiones, turpissimè labuntur, & vanitatis suæ locupletes exhibent testes, ii longè vaniores erunt in difficiliioribus, hominum, puta, fortunis & eventibus explorandis: Qui ea quæ à causis merè naturalibus pendent non pervident, quæ pervidebunt quæ à liberâ, volubili & mutabili, non unius sed plurium hominum, licet ab uno effecta dentur, voluntate proficiscuntur? Qui in iis quorum certiores in cælo videntur esse causæ sæpissimè longissimè errant, quæ non errabunt in iis quæ extra omnem cæli aleam sunt posita? Assumptionem probant sufficientissimè singulis annis magno numero vulgata Calendaria, quæ singulorum dierum constitutiones prædicunt contrarias sæpe, falsissimè & pessimè, Ecquid ergo fidei ariolis hisce habendum?

112. Ratio; Qui exactos astrorum motus, numerum & magnitudinem ignorant, eorum prædictiones non possunt non esse vanissimæ: At Astrologi omnia hæc ignorant: Ergo Propositionem proba; Quia proprio siderum ignorato motu, positus & figuræ ad natale momentum applicandæ sciri exactè non possunt. Numero ignorato ipsæ plurimarum ignorantur facultates: Quæ enim esse nescis, aut non vides, qualia sint quæ scias? Magnitudine ignoratæ ipsæ virtutum potentia ignoratur: Est enim veritati consentaneum, siderum quantitati virtutum respondere gradus. Assertionem probant ipsa Mathematicorum scripta & confessiones. Qui enim exactum *Solis* motum ignorant, ut è Calendarii defectibus abundè constât, de reliquis Planetarum motibus longè exacti pollicebuntur, cum anomaliam illorum quidè sint majores & observationes difficiliiores? Et quid de fixis stellis profitebuntur, quod tuto niti ausis? Videantur è libris diversis diversæ illorum opiniones. De numero fixarum & Planetarum quam lubricæ imò falsæ sint ipsorum theoriæ quis nescit? Numerant fixas stellas nonnisi mille viginti duas. At quis, quæso, crediderit stellas, quas innumerabiles esse Scriptura haud obscurè innuit numerum hunc multoties non excedere? Nec est quod quis fortè obscuras eas esse, minimas proindeque nullius efficaciam, objiciat? Falsum enim esse hoc demonstrarunt ii qui in Novo orbe Meridiem versus illustres & splendore & magnitudine multas Mathematicis hætenus incognitas observarunt: Falsum id, inquam, esse demonstrarunt non ita pridem magni nominis Mathematici, qui primæ & secundæ magnitudinis stellas hand paucas hucusque inobservatas observarunt. Anne verò ad generationem hæc nihil momenti conferre dicent? Quid si virtutes cognitarum inhi-beant contrariis suis affectio-

nibus, omnemque prædictionem incertam & vanam reddant? Hoc si negant, probent contrarium. Omnium vero Genethliacorum consensu in vitâ hominis constituendâ principatum Planetæ obtinent: Atqui verò nè hos quidem omnes norunt, nedum ipsorum virtutes. Numerarunt enim hætenus uno ore & calculo non nisi septem: At observarunt recentes Mathematici quatuor alios circa *Jovem*. Hoscène inanes & inertes in hominum conceptionibus & nativitatibus dicent? At hos ignorant ipsi. Quid si vel *Saturno* inimiciores sint homini, vel *Jove* benigniores? En lubricas igitur & inanes *Chaldaeorum* conjecturas! Magnitudines stellarum etsi vulgò describunt & ad sextas usque descendunt, quis tamen credulus adeò & simplex qui oculis & instrumentis ipsorum in immensâ illâ intercapedine fidem habeat? Terræ ambitum, quem multi circumiisse gloriantur, si exactè metiri non possunt, in stellis, ad quas nonnisi oculis & nè vix quidem pertingunt, quid audebunt? Testantur ipsorum id observationes & scripta immensum à se invicem discrepantiam.

122. Ratio; Ea quæ prædicunt Astrologi, aut necessariò sunt, aut contingenter. Si necessariò, inducitur in naturam Stoicum quoddam fatum seu fatalis necessitas, quæ quævis excusari possunt scelera. Quis enim furem aut homicidam excusatum non habebit, si astris ita juben-tibus & impellentibus non potuit non furari & occidere, si liberum ipsi non fuerit facere vel omittere mala? Si contingenter; Ergo modò vera modò falsa sunt quæ augurantur. At quis ab arte proficisci hæc dicat? Quis ex professo mendacia vendentibus fidem habeat?

132. Ratio; Adde quod noxia hæc planè sit professio, & in maxima sæpe pericula credulos præcipitet, vel securitatem vel timiditatem incutiendo. Illa quidem, dum felicia quandoque miseris mortalibus ominantur, & hoc modo periculorum securos & incautos reddunt: At verò pronior & præceps magis ad pericula trames non est quàm securitas & contemptus periculorum. Istâ, dum adversa & improspéra minantur, & hæc ratione non tantum omnem vitæ suavitatem auferunt, tristèque melancholiam inferunt, sed & nimio timore nonnullis nimium cautis certa esse pericula faciunt, ita nimirum permittente Deo & crudelem hominum credulitatem iis ipsis quæ superstitiosè metuunt puniente. Unde *Jesaja* ult. v. 4. memorabilia illa Dei verba; *Inde ego eligam elusiones eorum, & quæ timebant adducam eis.* Et *Prov. x. 24.* *Quod timer impius, venit super eum.* Contingit igitur quandoque ut veræ evadant Astrologorum prædictiones, non quòd ex astris ipsi eventus futuros præviderint, sed

sed quòd Deus credulorum hominum superstitionem iuste punit. Ità si cui ab hoste imminere periculum Astrologus prædicit, contingit quandoque ut assiduà armorum gestatione defendendi sui gratià hostem sibi conciliet & periculum incurrat. Cui à quæ periculum denunciatur, is angustos pontes timide transeundo faciliùs longè impingit quàm qui tale nihil metuit: occæcat enim quasi animum timor & liberum gressum impedit.

14^a Ratio; Quæ Deus nobis voluit esse occultum, eorum impia est indagatio: Atqui vitæ nostræ terminum Deus nobis voluit esse occultum: Ergò impia est ejus indagatio: Quà tamen mirificè sibi placent Astrologi, dum jactant se diem, imò horam, & genus mortis ex astris posse denunciare: Assumptio colligitur ex Luc. xii. 40. & ex 1. Thess. v. 2. & 2. Thess. ii. 2. Ubi singulis momentis jubemur Domini adventum prætolari, & à vivendi securitate abstinere: Unde sic licet colligere; Qui singulis momentis Domini adventum jubentur prætolari & à vivendi securitate sibi cavere, iis sanè occultum esse terminum Deus voluit: (Ad Epicuream enim vivendi rationem vulgò allicere homines nil efficacius solet quàm si vitæ terminum prorogatum sibi in plures annos credant:) Atqui homines nos singulis momentis Domini adventum jubemur prætolari & à vivendi securitate nobis cavere: Ergò: Nec est quod quispiam hinc excipiat, aliud esse adventum Domini, aliud vitæ nostræ terminum: Quamvis enim adventus Domini & ἡ ἐσχάτη de extremo judicio in sacris intelligatur; omne tamen illud quoque momentum significatur quo ex hoc vitæ curriculo à Deo quisque evocatur. Facit hoc locus insignis Ecclesiæ ix. 12. Etiam homo nescit tempus suum: sicut pisces qui capiuntur reti malo, & sicut aves quæ capiuntur laqueo; sit capiuntur filii hominum in tempore malo, cum ceciderit super eos repente.

Nota; Non de hominum tantum vulgo loquitur Ecclesiastes, sed de omni homine, sive rudis sit sive doctus, sive Astrologus sive nugarum illarum nescius. Apertè igitur Chaldaeorum furor Spiritui sancto hinc contradicit: ille scire se ait vitæ metam, iste negat.

15^a Ratio; Inutile denique & perniciosum esse hoc vaticinandi cacoethes, egregio dilemmate ostendit Phavorinus, quo à consulendis Astrologis omnes dehortatur: Aut, inquit, adversa eventura dicunt, aut prospera. Si dicunt prospera & fallunt, miser fies frustra expectando. Si adversa dicunt & mentiuntur, miser fies frustra timendo. Sin vera respondent eaq; sunt non prospera, jam inde ex animo miser fies antequam è fato fias. Si felicia promittunt, eaq; eventura sunt, tum planè duo erunt incommoda: & expectatio te spe suspensum fatigabit, & futurum gaudii fru-

ctum spes tibi jam præstaverit. Nullo igitur pacto utendum est ejusmodi hominibus res futuras præsagentibus.

II. Hactenus vanitas Astrologicæ divinationis rationibus demonstrata. Divino vero & humano ut eandem destitutam esse præsidio ostendamus, auctoritas tum sacra tum humana nobis accersenda.

Sacrarum igitur literarum sententia de divinatrice Astrologià, qualis quidem olim ea fuerit inter Chaldaeos, & hodie etiamnum inter Christianos quoddam, si rogetur, disertè respondebunt, Impiam banc esse & superstitiosam curiositatem. Jer. x. 2. ad Israelitas inquit, Viam gentium nò discatis, & à signis celi nò metuatis, quæ metuumt Gentes. quia leges populorum vana sunt. Tria hinc observentur.

1. Viam gentium interdici Israelitis. At quæ inquit, illa via? Sequentibus se explicat Propheta A signis celi nò metuere. Via igitur seu doctrina gentium, puta Chaldaeorum & Egyptiorum omnes calamitatum & felicitatum suarum causas in astris quærentium, nò discenda quidem populo Dei.

2. A signis celi non esse metuendum. Signa hinc vocat stellas, quæ Genes. i. dicuntur esse signa. Quomodo verò, inquit, hæc non metuenda? Ità nimirum ut calamitatum & eventuum sinistrorum ea causas constituas. Arrigant hinc aures Astrologi.

Si vera sunt quæ Princeps Astrologorum Ptolemæus in Centum sententiarum libello præcipit, sent. 22. Vestem nec primùm induas nec incidas ubi Luna in Leone fuerit collocata. Rationem reddit satis ridiculam Pomani; Luna enim in signis stabilibus, Leone potissimum, collocata indicium facit, vestes quæ tum temporis consuuntur aut induuntur diutius perennaturas, nosque iis propter morbos aut alia mala non ususuros, aut saltem in arcâ conservatas nulli nobis usui futuras. Sent. 29. inquit, Stellæ fixæ felicitates suas plerumque calamitatibus insigniunt. Et 31. Si regni dominator in locum climactericum inciderit, tunc aut Rex aut è regni Principibus magnus quispiam morietur. Et 33. Odium sit ex luminarum discordiâ. Et 36. Reges cujuscunque urbis quæ Martem culminem habuerit, gladio plerumque pereunt. Et 37. Quorum ascendens erit Aries aut Libra, ii mortis suæ causa erunt. Et 45. Qui genitura suæ dominatores in signis humanis non habet, ab humanitate alienus etiam sibi ipsi erit. Et 55. Mars in celi medio aut undecimo loco collocatus navem corrumpit prædonibus per vim occupantibus. Et 69. Cum Luna est in occiduo cardine, ambæque maleficæ stellæ in cardine orienti, Sol quoque cardinalis est, natus ipse oculis privabitur. Et 73. Sol ubi receptus fuerit cum capite Gorgonis, si neque adspiciunt in beneficâ stellâ, neque benefica octavo loco præest, dominusq; conditionariâ luminarum Marti opponitur, &c. ei qui natus est ca-

put truncabitur. Quid si luminare culminabit, corpus ejus sauciabitur. Si copulatio à Geminis aut Pisicibus fuerit, manus ac pedes ei amputabuntur. Et 74. Quicumq; Martem adscendentem habet, omnino cicatricem in facie habebit. Et 75. Cum Sol adscendens domitio conjungitur in Leone, nec Mars aliquam in adscendente prerogativam habet, nec beneficia in octavo loco est, qui natus est, exuretur. Et 76. Cum Saturnus cæli medium tenet, opponiturque ei conditionarium luminare, & terrenum signum est in imo, qui natus est, adfectorum ruinâ peribit. Quid si humidum est signum, aquis suffocabitur; si verò humanum, ab hominibus strangulabitur, aut laqueo flagellisq; peribit. Hæc & multa alia similia porrepta astris ascribit in Centum sententiis Ptolemæus, quibus plura longè addit *Jovianus Pontanus*. Hæc, inquam, si vera sunt, eccur à signis cæli nobis non metuendum? cur metum hunc Scriptura prohibet? Nonne verò humanum planè est latro-nem aut belluam truculentissimam, de qua nil nisi præsentissimum vitæ & fortunarum periculum expectari potest, metuere & ad ejus minas trepidare? Quod si verò à signis cæli, jubente Deo, metuedum omnino non est, quis impudentis & impiæ audaciæ audacisq; impudentiæ & impietatis Astrologos non accusabit, qui convitiis hiscæ cœlum præter meritum onerare & cæli Conditorum lacessere non erubescunt?

3. Leges populorum esse vanas. Quorum, inquis, populorum? Omnium, inquam, extra Ecclesiam, imprimis autem Chaldaeorum & Ægyptiorum. Quæ verò leges illæ vanæ? Omnis, inquam, ipsorum idololatria, imprimis autem improba illa & impiæ divinandi curiositas, quæ gentilibus à Prophetis creberrimè exprobratur, maxime autem *Esa. xlv. 25*. Ego sum Dominus irrita faciens signa divinatorum, & ariolos in furorem vertens, convertens sapientes retrorsum, & scientiam eorum stultam faciens. Hinc est quod Dei populus ab omni divinatione planè abstinerit, *Numer. xxiii. 23*. Non est augurium in Jacob, non est divinatio in Israel. Audiant verò Astrologi gravissimam illam Dei concionem, quâ cæli augures, Chaldaeorum, inquam, & Babyloniorum Astrologos, provocando, vanitates illorum arguit, *Esa. xlvii. 10, 12, 13, 14, 15*. Sapientia tua & scientia fecit te rebellare. Stâ nunc cum incantatoribus tuis & cum multitudine malefactorum tuorum in quibus laborasti ab adolescentia tua, si forte possis proficere, si forte robores te? Laborasti; fatigata es in multitudine consiliorum tuorum. Sicut nunc & servent te speculantes cœlum, qui contemplantur stellas, cognoscere faciunt menses, ab iis quæ ventura sunt super te. Quod si verò tam divina hæc divinandi est ars, eccur à Deo

ridetur? cur vanitatis accusatur? Eoque verò, inquis, vanitas Astrologiæ hic exprobratur? Vanitas, inquam, illa & impia temeritas è cœlo prædicendi illa quorum in cœlo nec causa est, quæque prævideri haud possunt. Loquitur id expressè *vers. 11*. Et veniet super te dies mala, non scies lucem ejus, & cader super te contritio, quam non poteris removere, & veniet repente super te desolatio, & non scies, &c. Quod si futuræ calamitates inscriptæ sunt cælo, ut veteres & moderni affirmant Chaldaei, eccur prævideri tum & sciri non poterant? Quod si verò futurorum scientiam, eorum, inquam, quæ hominibus longè post sunt eventura, quæque à causis pendent planè occultis, soli sibi tanquam prerogativam & characterem Divinæ suæ majestatis Deus reservavit, etiamnum Astrologos honores Divinos ambientes tolerabimus? Sanè periclitatur hic Dei Majestas, & adeo quidem periclitatur ut gentilibus Diis se concessuram afferret si futura possint prædicere, *Esa. xli. 22, 23*. Accedant & runcient nobis accidentia futura, priora quæ fuerunt nunciate, & ponemus cor nostrum, & sciemus novissima illorum; vel quæ futura sunt facite audire nos, annunciate quæ ventura sunt in posterum, & sciemus quod Dii sibi. *Salomon* inquit, *Eccl. viii. 7*. Homo ignorat præterita & futura nulla nuncioscire potest. Idem *c. 10. v. 14*. Idem & *Prov. xxviii. 1*. Nec gloriari in crastinum, ignorans quid superventura pariat dies. Perhibent etiam veritati huius testimonium Apostolorum *Acta c. 19*. ubi inquit *Lucas*, multos illorum qui concionibus *Pauli* Ephesi ad Christum converti erant, & curiosa sectati, attulisse libros suos & coram omnibus combussisse. Qui verò libri illi? Testatur *Augustinus* supra *65*. Psalmum fuisse eos de rebus ad judicium Astrologiam spectantibus.

III. Haecenus autoritas Divina: Sequitur humana. Antiqui & purioris ævi super hæc re si consulas Theologos, uno omnes ore hoc divinandi genus exsecrabuntur. Videantur plurima testimonia, part. 2. Astrologiæ *Casimanni*, *c. 9*. *Origenis*, *Epiphani*, *Tertulliani*, *Lactantii*, *Nazianzen*, *Basilii*, *Ambrosii*, *Hieronymi*, *Augustini*, *Chrysostomi*, *Cyrilli*, *Theodoret*, *Damasce*, *Prudentii*, *Olympiodori*, *Cassiodori*, *Bedæ*, *Haymonii*. Insuper, inter alia sunt *Chrysostomi* verba, *Orat. 5*. de Fato: Si genesis sive prædictio est excusatio in hanc lucem exortu, judicium non est: si genesis est, fides non est: si genesis est, Deus non est, non est virtus, non est virum: si genesis est, omnia frustra, omnia temere & agimus & facimus, non est laus aliqua, non vituperatio, non est pudor, non turpitudinis verecundia, nullæ sunt leges, non judiciorum fora, *Origenes* eos inquit esse in Chaldaeorum terrâ qui Mathematicorum deliramenta sectantur, qui navi vitæ diem supputant, & varia horarum momentorumque rationi-

bus credunt. Laetantius inquit Diabolorum inventum esse Astrologiam. Epiphanius Astrologiam vocat solidam, inconstantem insaniam. Augustinus inquit, Velle nascentium mores, actus, eventus prædicere, magnus error est, & magna dementia; & nil tam contra Christianos quam si arti Mathematicæ adhibeant curam hæc enim inimica dignoscitur legi Dei. Cyrillus ait Astrologos habere erroris officinas & mendaciorum fora. Cassiodorus monet Astrologiam sacrilegam summâ intentione fugiamus.

A Theologis ad veteres Philosophos si digrediaris, idem illis cum sanctis Patribus animi esse intelleges: Ut enim Cornelius Agrippa. c. 31 inquit, Præstantissimi Philosophi, ut Pythagoras, Democritus, Bion, Phavorinus, Panætius, Carneades, Possidonius, Timæus, Plato, Aristoteles, Plotinus, Porphyrius, Avicenna, Averroes, Hippocrates, Galenus, Alexander Aphrodisæus, Cicero, Seneca, Plutarchus, & alii multi, quibus omni ante & scientiæ rerum causas scrutati sunt, nusquam nos ad has Astrologicas causas remittunt: quæ etsi causæ essent, tamen quia stellarum cursus, & earum vires non plane cognoscunt, quod omnibus sapientissimis notissimum est, de earum effectibus certum iudicium dare non possent. Nec verò desunt inter ipsos, ut Eudoxus, Archelaus, Cassandrus, Halicarnassensis, peritissimi Mathematici, & nonnulli alii, rationes gravissimæ quæ autores, qui sentiunt impossibile esse, possent quædam certi de iudiciorum scientiâ, inveniri, cum propter innumeris cooperantes cum cælo alias causas, quas simul attendere oportet, tum quia obstant illis occasiones quàm plurimæ, puta consuetudines, mores, educatio, pudor, imperium, locus, generis, sanguinis, ætatis, animi libertas & disciplina. Raro inquit omittit superstitio vanitates ex Astrologiâ simul præfluxisse. Testatur Suidas Alexandriæ fuisse, & igitur quod Astrologi persolvebant, & Alexandriæ a stultitiâ sic nuncupatum, quia ex ingeniosa stultitiâ questum faciant, nec nisi illi, & temerarii homines illos consulere soleant.

A civilibus, quoque imperatoribus legibus superstitio hæc punita legibus a Cæsaribus Tiberio, Vellellio, Diocletiano, Constantino, Gratiano, Valentiano, Theodosio, urbe prohibita. Hinc Tacitus, Mathematici, sic enim vulgo eos nuncupant, genus hominum principibus infandum, credentibus fallax, à civitate nostrâ semper prohibentur, sed expelluntur nunquam.

Digna denique sunt ponderosa & nervosa Agrippæ verba quæ observantur, Probat, inquit, Pictus validissimè argumentis, Astrologiam non hominum sed malorum Demonum esse inventum, quod idem etiam Firmianus ait, par quam illi omnem Philosophiam, Medicinam, leges atque religionem inhu-

mani generis exterminium nisi sunt abolere. Nam primum quidem religioni fidem adimit, miracula extenuat, providentiam tollit, dum omnia constellationum vi provenire, & à sideribus fatali necessitate pendere docet. Insuper vitia patrocinatur excusans, quasi cælitus in nos descendentibus: bonas quasque artes contaminat & everit, imprimis Philosophiam, rerum causas à veris rationibus ad fabulas traducens. Deinde Medicinam à naturalibus efficacibusque remediis ad vanas observationes perversasque corpori & animæ exitiales superstitiones convertens. Porro leges & quasque prudentiæ humanæ artes in totum pessundans, cum, quo tempore, quâ ratione, quibus modis, quid agendum sola Astrologia consuleretur, solique vires & vires & publicæ & privatarum rerum scopra videret, tanquam de cælo trahens omnium auctoritatem, vanaque putarentur omnia cætera quæ hanc haud agnoscerent patronam. Dignissima profectus pars quàm olim etiam Demones profiterentur in fallaciam hominum & injuriam Divinitatis. Quid? quod expressè Hali inquit sine Demonis instinctu in Astrologicis iudiciis veridicam nominem esse posse?

Cum autem unanimi omnium consensu primis fere mortalium Chaldaei & Egyptii huic divinationis speciei sint operati, eamque ad Græcos & Romanos propagarint, operæ pretium est occasiones nosse quibus incedam hanc superstitionem & idolatriam fuerint prolapsi. Pictus Mirandulanus lib. 12. adversus Astrologos, c. 3. quinque recenset & populi seu impellentes causas:

1. Quia Mathematicis studiis fere solis erant dediti. Igitur omnia illis erant stellas: ad has omnia referrebant. Utrinam Theologus ad causas Divinas fere omnia referat, Medicus ad habitum corporis & medicamentas, Physicus ad rerum naturalia principia, Mathematicus ad figuras, numeros, ut Pythagoras ejusque discipuli, ita ad stellas Astronomi Chaldaei & Egyptii idque eodè prout quod mutationes quasdam elementis inferri ab astris viderent, quodque sanctæ Theologiæ & naturalis prudentiæ essent rudes.

2. Quia sæculi id erat vitium, & divinandis persuasio mentibus ipsorum infidebat alitè. Hinc præter Astrologiam mille alias divinationum species avidissime sunt consecrati.

3. Idololatriæ, cui erant obnoxii, mirè consentiebat hoc divinandis genus, ut quos colebant Deos, eos auctores omnium rerum arbitrantur, non bonarum tantum sed & malarum: nam & Deus alios beneficos alios noxios esse credebant.

4. Gloriæ & questus occasionem paratam sibi viderunt, si cæli cursibus, quos magno labore & exigua forsitan mercede indagarant, putarentur futura prævidere.

5. Accedebant deniq; fraudes, Dæmonum pravorum mundo tam maximè imperitantiū, qui proclives in hunc errorem animos occultis instigationibus impellebant, cūm iudicia pervertentes omnino mentium sibi mancipatarum, tum illorum prædicta nonnunquam confirmantes, vel ad prædicendum illud moventes quod erat eventurum, vel exsequentes quod ab illis erat prædictum.

IV. Reliquum est ut videamus quibusnam nixi fundamentis Astrologi de divinatione suā tam præclare sentiant, Argumenta quibus eam tuentur hæc sunt;

1. Una est vox Theologorum & Philosophorum omnium, *Mundum hunc inferiorem regi à superiore*: Ergo, ex contemplatione superioris, quid in hoc inferiori sit futurum, prævideri potest. Antecedens probat vulgata & ab omnibus approbata *Aristotelis* sententia, *Neceffe est inferiorem hunc mundum superioribus latioribus esse contiguum*. Et *Augustinus* inquit, *Per corpora subtiliora grossiora hæc reguntur & moventur*.

2. Constat astra omnium elementorum in se habere qualitates, etsi non formaliter, tamen virtualiter; ita ut efficere qualitates illas in inferioribus hisce possint; Nec verò hæc tantum, sed & alia magis mirabilia opera beneficio influentiarum, hoc est, arcanarum quarundam virtutum, quibus præter motum & lucem sint instructa: Ergo studium cuiusque sideris qualitates & influentias arcanas indagandi, & ex iis futura prædicendi, minimè contemnendum. Antecedens probant ex ipsa experientia: Videmus enim variari anni tempora ex accessu *Solis* ad nos & recessu, viventium omnium habitus & conditiones mutari, temperari æva, variari fruges, reddi, rapi. Expeimur diurnā *Solis* revolutione aeris immutari qualitates plus, minus, meridie, manè, vesperi, calefieri, exsicari. Quantum verò *Lunæ* in humida præfertim corpora dominium? Nonne ea pleno orbe fulgente omnia humi nascuntia, repentina, gradientia humoribus abundant? Quanta verò illa & quàm admirabilis *Luna* in Oceanum vis, quæ accessus & recessus ejus efficit? Critici Medicorum dies nomine *Lunæ Solisque* motum sequuntur? Adhæc *Saturnum* esse frigidum, *Martem* calidum quis ausit negare?

3. Si Medici, Pastores, Agricola, Nautæ secretionis hujus Philosophiæ ignati futura sæpe prælagunt, cur Astrologis, qui in siderum naturis cognoscendum omne tempus ponunt, potius hæc divinandam felicitas non concedatur?

4. Si mores sequuntur temperamenta corporum, hæc autem ab astris imprimuntur, sequitur omnino de futuris hominum moribus posse certi

aliquid prædicere Astrologos: Atqui verum prius: Ergo & posterius. Connexum probatur; Quia ex astris natalitiis hominis cognoscitur temperamentum futurum; sine calidum, humidum, frigidum aut siccum; hoc verò cognito de moribus judicare non est difficile.

5. Si rerum quæ inter homines geruntur plurimarum ratio reddi nulla potest è causis hisce inferioribus, sequitur ad astra omnino nobis confugiendum: Atqui verum prius: Ergo & posterius. Assumptionem probant: Cur enim hic habilis sit ad Philosophiam, ille nascatur ad Poeticam, alius civilia adspiciatur negotia, bella sequatur alius, hic divitias nihili faciat, ille animum lucro vendat, hic audax, ille meticulosus sit, ratio reddi nulla potest nisi ex astris natalitiis, quæ in varia hæc studia animos distrahant.

6. Si præter illuminandi & calefaciendi vim nulla alia inest astris, sequitur fixas stellas frustra esse conditas, cūm lumine suo & calore ad inferiorem hunc mundum non pertingant: At absurdum hoc: Ergo & illud. Probatur assumptio: Quis enim corpora luce tam clara, mole tam vasta, agitatione tam rapida frustra à Deo condita esse dixerit, cūm de contemptissimā herbā hoc non sit asserendum?

7. Excitari ab astris pestes & varia morborum genera tam in hominibus quàm in pecoribus; fertilitatem item & sterilitatem provenire, extra omne dubium est: Prædictio igitur pestis, morborum certorum, fertilitatis & sterilitatis ex astris non est negligenda.

8. Tempestatum prædictiones ex vespertini & matutini cœli coloribus, nec *CHRISTUS* quidem improbat, *Luc. xii.* Ergo divinatio ex astris non est vana; multò minus prohibita.

9. Si eventus prædictionibus Astrologicis plerumq; respondent, sequitur eas non esse inanes aut veris fundamentis destitutas: Atqui verum prius. Ergo & posterius. Assumptionem probat integro libro nobilissimus *Henricus Ranovius*, cui titulus, *Vera prædictiones Astrologica inopinatum eventuum*. Exemplis quoq; plurima recitat *Simon Maiolus* Episcopus *Vulturiensis*, Tom 2. *Dier. canicular.* colloq. 4. de prædictionibus Physicis.

10. Denique producunt etiam sacrarum literarum testimonia, ut tantò majori specie suam profiteantur & propagent hæresin. Primus locus est *Genes. i.* ubi Deus inquit, *Eterum vobis sidera in signa*: Ergo, inferunt, Ex astris tanquam signis prædicti possunt eventus futuri tam generales quàm particulares. Secundus locus est *Jes. xxxiv. 4.* *Complacabuntur cæli sicut liber*: Ergo inquit, aperti jam sunt cœli, & quidem aperti ut liber, in quo omnes futuros eventus descripsit Deus hominibus cœlesti-

um rerum studiosis longè antè legendos. Tertius locus, Psal. xxii. 3. 2. *Annunciabunt cœli iustitiam ejus.* & Psal. xix. 1. *Cœli enarrabunt gloriam Dei:* Ergò inferunt, ex astris prævideri potest quibus in rebus Deus iustitiam sit suam exerciturus. Quartus est Judic. v. 20. Quem reliquis omnibus porioem judicat *Franciscus Vallesius c. 32.* Sacræ Philos. Is ita habet, *De cœlo dimicatum est contra eos: stellæ manentes in ordine & cursu suo adversus Sisaram pugnaverunt.* Hic victoriæ cladisque causa manifestè astris videtur adscribi. Si enim ideo perit *Sisera* quia contra eum stellæ pugnaverunt, h. e. infelicibus suis adspectibus eadem ei pocurarunt, ecquid adhuc vim astris de humanis rebus disponendi detrahemus?

V. Hæc potissima Astrologiæ divinationis sunt præsidia: Quæ ordine sic dissolvimus, & respondemus.

Ad 1^m. Negamus consequentiam. Ex eo enim quod vulgò aiunt, *Mundum hunc inferiorem à superiore regi,* non sequitur continuò è contemplatione superioris, in hoc inferiori quid sit futurum, prævideri posse. Rationes sunt hæc: Primò si vel maximè daretur nihil in hoc mundo sublunari fieri quod à superiori non sit decretum, non posset tamen inde divinationis alicujus certæ desumi argumentum, quia nec conceptionum nec nativitarum exactè sciri possunt momenta, quod tamen princeps Astrologiæ divinationis fundamentum esse vel ipsi fatentur Astrologi. Videatur prima ratio contra Astrologiam hanc producta. Deinde, si maximè hoc sciri posset momentum, nec sic tamen fides foret habenda, cum ab omni planè alienum sit ratione, unius momenti constellationem in fortunâ hominis constituendâ plus posse quàm omnium aliarum constellationum, quæ reliquo toto vitæ curriculo in cœlo efformantur, figuras. Dicant quid causæ sit cur à primi momenti constellatione fortuna sit computanda, & non à secundi, vel tertii, vel quarti. Erunt fortè qui conceptionis & nativitatis prima momenta ideo observari dicant docebuntque, quia ad cœli impressionem vel in utero vel extra uterum capiendam omnium oportunissima sunt prima, ob subjecti recipientis aptitudinem ortam è corporum seu materiæ mollietate & teneritudine. Quis enim nescit, inquit, sigilli imaginem à molli cerâ facilius recipi quàm durâ? Sed quàm hoc sit inane experiri possunt ipsi, quæso, videant Astrologi. Sicce in singula momenta mutari naturam credibile est ut omnem impressionem excutiat? Et verò quasi, ut ipsi aiunt, astra in silices durissimos sint efficacia, in tenerella vel embryonum vel infantum corpuscula nihil possint, uno nimirum vel altero momento ita indurata ut causis etiam fortissimis valeant resistere? Nonne veritati erat consentaneum, corpuscula successu temporis aliquantò solidiora ab astris plus pa-

ti quàm inconstantia adhuc & fluida, cum ad retinendam cœli impressionem longè sint aptiora, ut ceræ solidioris constat exemplo? Denique, innumera illa stellarum multitudo divinationem, omnem nihilominus lubricam redderet & fallacem. Quòd si enim, ut in ore semper habent, contrariæ astro- rum sunt virtutes, adeò ut invicem se emendent vel corrumpant, ipsique in numero altra nè dum virtutes ipsorum non habeant, ut suprà demonstravimus, ecquis, quæso, vanissimæ vanitatis hanc quam profitentur divinationem non arguat? Sic ergò ostendimus sententiæ nostræ nihil decedere, si maximè quæcunque in hoc geruntur mundo à cœli dependant influxu.

Sed hoc cur iis demus causa planè est nulla. Sic igitur limitandum foret consequens; *Eorum ergò quæ in hoc inferiori mundo à superiori omnino dependent, futuri eventus prævideri possunt.* Dictum enim illud vulgatum *Aristotelis & Augustini* non quævis inferioris hujus mundi astrorum dominio subijcit, sed elementa duntaxat spatium hoc sublunare replentia, ut egregiè docet *Picus Mirandulanus*, lib. 3. Contra Astrol. c. 4. Quid, quòd nè ea quidem divinari ex astris certò possint quæ astris tamen ex parte accepta solemus ferrè, elementorum, inquam, mutationes & tempestatum rationes? quod vulgata Calendria abundè docent. Et ratio quidem est, quòd causæ illæ superiores generales ab inferioribus particularibus determinentur. Nec enim ullos excitare *Sol* vel aliud sidus vapores potest ubi vaporum materia deest.

Ad 2^m. Negamus antecedens, cujus duo sunt membra; 1. *Habere astra in se virtualiter omnes elementorum qualitates,* 2. *Præter has, habere etiam arcanas influentias mirabilium operum effectrices.* Prioris membri falsitatem jam suprà ostendimus, ubi præter calefaciendi & illuminandi virtutem nullam aliam mortalibus notam per se inesse astris probatum est. Repugnat commentò huic simplex & homogenea astrorum natura, quæ contrarias illas facultates non admittit in eodem subjecto. At, aiunt, *Saturno* duæ insunt virtutes: *generalis* una calefaciendi, quatenus lucidus; *specialis* verò altera frigefaciendi, per influentiam. Monstruosa sanè Astrologorum hæc est Philosophia, quam sana aver- satur ratio, quæ docet in omnibus rebus quibus duæ insunt facultates, generalis una, altera specialis, specialem generali longè esse perfectiorem & nobiliorem, utpote quæ contrahit generalem & aliquem novæ perfectionis gradum efficit. At verò contrarium planè ex Astrologorum sententiâ stelligis accidit, quarum specialis frigefaciendi facultas generali longè est imperfectior. Adde quòd generale & speciale subordinentur; quod de calefacien-

di & frigefaciendi virtute nullo modo dici potest. Sed nec experientia, ad quam unice provocant, commento huic suffragatur. A Sole quod aiunt, pendere anni tempestates & varias aeris constitutiones, ex parte equidem damus, modò aliæ in inferioribus hisce non excludantur causæ, materiæ, inquam, aptitudo ad impressionem Solis suscipiendam, & accidentia alia plurima quorum auxiliis cieri tempestates solent: Sed sequi exinde, præter calefaciendi & illuminandi vim aliam inesse Soli, negamus: Quod ut tantò fiat manifestius, notetur, effecta Soli tribui alia per se, alia per accidens. Per se, primario vel secundario, Primarii Solis effectus sunt Illuminatio & Calefactio: Secundarii reliqui omnes, quicunque ii tandem sint, ab his dependent, quales sunt, Exsiccatio, vaporum excitatio, maturatio, induratio, liquefactio, & alii innumeri per variâ subjectionum constitutione. Per accidens verò etiam frigefactio Soli tribuitur, non tanquam causæ positivæ, sed tanquam privativæ: Verticalis enim calefacit virtute sibi innatâ & propriâ; at lateralis frigefacere dicitur, quia calorem subtrahendo causas frigoris positivas incolumes & efficaces relinquit. Unde palam evadit, annum à Sole temperari per se, quoad calefactionem & alia caloris effecta, in Vere nimirum, Æstate, & aliquâ Autumni parte; vel per accidens, in Hyeme, quoad caloris subtractionem: Quam quidem constitutionis varietatem variâ quoque per omnes anni vices sequuntur mæteora. Patet & hinc ab obliquo Solis motu qui fit in Zodiaco plurima, dependere, quæ aliis stellis vulgus Astrologorum adscribit. Ex gr. Julii ardores referunt vulgò in Leonem, signum, ut aiunt, flagrantissimum, in quo Sol constitutus intolerabilem plerumque æstum excitat: At falsa, inquam, hæc causa: Sequeretur enim *Fuquium*, qui *Julio* quandoque fervore æqualis est, non calidum sed humidum esse, quando in *Cancro*, signo, ut ipsi volunt, humido, est constitutus. Sic quod in *Aprumio* frequentes sint pluviz, nulla alia est causa nisi quod calore Solis remissiori vapores excitentur quidem at non absumentur; unde in pluvias frigoris vehementiâ nondum obstante, facillimè degenerant. Autumni igitur pluviz vel *Libra*, vel *Scorpio*, vel *Sagittario*, uti & Veris tonitrua *Arieti*, ut vulgò fabulantur, tanquam causæ principali non possunt adscribi: Solis hic principatum agnoscimus, qui paulatim adscendens calore suo humiditates hyemales dissolvit, magnamque vaporum segetem elevando materiem tonitruis subministrat copiosam. Eadem tempestatum mutatio à motu Solis, effecta morbos quandoque generat, quos signis cœlestibus Astrologi acceptos ferunt. Hactenus de Sole. Ad Lunam juvenibus ita Astrologis descendimus, in cujus mi-

rabilibus effectibus deprædicandis mirè sibi placet gens illa fatidica, & vel huius solius argumento arcanas siderum influentias obtineri posse credit. De influentiis siderum, hoc enim secundum antecedentis membrum erat, supra pluribus actum est. Notetur modò gravissimum *Pererii* de influentiis hisce iudicium, lib. 3. Adversus fallaces & superstitiosas artes c. 3. sect. 22. Novitum sanè inventum, nulli veterum vel Philosophorum vel Astrologorum unquam probatum, ac, si licet ex eorum scriptis conjecturam facere, ad notum quidem illis. Postquam verò à recentioribus Astrologis influentiæ inventæ palam probata ab aliis quoque doctis & defendi cœperunt, quis ex Lyceo paulò gravior & probatior Philosophus non eas repudiavit atque damnavit? Festive quidam asylum ignorantia eas appellavit. Et paulò post, Si admittantur influentiæ, vix diè potest quantopere debilitetur robur Philosophiæ, deterior ejus dignitas, auctoritas elevetur, minuat existimatio, denique studium ejus cultusque apud homines languescat. Quid enim attinet in occultis rerum causis perquirendis & erudendis præclara ingenia Philosophorum tanto studio & conatu laborare, cum in proclivi sit cuiuslibet effectus ex cœlestibus influentiis rationem potere & adferre? Ità, si quæraratur cur magnes ferum ad se rapiat, confestim respondetur, quia propria ejus influentia cœlestis eam illi virtutem indidit. Imò nullum adeò obsecrum problema quod expediri per influentias nequeat. Sed obijciunt hic mirabilia quædam Lunæ effecta, quorum aliunde deprimi ratio haud possit quàm ex influentiarum thesauro. Lunæ, inquam, in humida corpora mirabile dominium est: restantur id omnia humi nascentia, repentina, gradientia, quæ Lunâ pleno orbe fulgente humoribus abundant; restantur fluxus & refluxus Oceani; restantur critici Mediorum dies. Sanè si hisce innititur fulcris cœlestium influentiarum machinæ, minimè Astrologis mirum accidat si protinus corruat. Quæ enim ratione humidis Lunæ corporibus dominetur citra influentiarum auxilium, supra ostendimus, ubi humorum incrementa à mediocri Lunæ calore humores ex interioribus ad exteriora evocante & attenuante proficisci docuimus. In maris autem æstu si quid latere præsidii ad defendendas influentias putant, turpiter fallunt. Primum enim si vel maxime marini æstus in Lunâ querenda esset causa, alia tamen ea nulla esset nisi caloris mediocritas, quæ cieri & augeri quidem attenuando humores possunt, at consumi penitus non possunt. Deinde non posse ad Lunam fluxum & refluxum Oceani referri, à doctissimis hisque plurimis Philosophis hactenus est demonstratum, ut suo loco docebimus. Similiter & criticorum dierum rationem è Lunæ So-

Solisque motu peti non posse demonstrat *Picus Mirandulanus* lib. 3. Contra *Astrol.* c. 16. *Haftenus* ergo secundæ rationis antecedens negatum. Quid si verò ipsa quoque consequentia laboret? Nam si vel maximè des inesse astris virtualiter omnes elementorum qualitates inesse etiam præter qualitates hæcæ arcanas influentias alias, fidem tamen prædictionibus illorum habendam esse non dabis: 1. Quia futura contingentia & à liberâ hominis voluntate pendentia, in quibus prædicendis laborant, referri ad astra nullo modo citra contradictionem possunt. 2. Quia singulorum siderum influentiæ sunt ignotæ, cum ipsa ignorentur sidera. 3. Quia ea quas nosse se prædicant influentiæ impediri possunt à causis tum naturalibus, puta cœlestibus & elementariis, tum voluntariis, ut modestiores & prudentiores *Astrologi* fatentur; dum influentias alias aliis esse contrarias docent, dum à causis proximioribus & particularibus universales quandoque superari concedunt, dum denique educationum, consuetudinum & legum momenta esse maxima fatentur.

Ad 3^m. Consequentiam negamus. Rationem verò cur *Medici*, nautæ, pastores, agricolæ futura prædicentes fidem præ *Astrologis* à nobis & sanis omnibus impetrent, hanc damus; Quia illi vera signa verasque causas respiciunt, isti falsa signa falsasque causas; illi eventuum futurorum causas inferioribus his propinquas & particulares intuentur, isti remotas & universales: Hinc fit ut illi scopum sapissime attingant, isti plerumque turpissime aberrarent. Sic *Hippocrates* futurum ægri statum non è siderum sed urinæ contemplatione pulsusque tactu prædicat: Nautæ futuras tempestates prævident non è Planetarum aspectibus sed è nubeculis quandoque vix conspicuis, è ventorum flatibus levissimis, è maris commotione: Pastores & Agricollæ aeris præcognoscunt statum, pecorumque & annonæ proventum non ex astris, sed ex aeris ipsius dispositione, è nebulis, nubibus, pluviis, pruinis, ventis, frigore, calore, siccitate, humiditate, &c. *Nemo* igitur inquit *Picus Mirandulanus*, putet futuram agricolationem meliorem, medicinam efficaciorum, navigationem tutiorem, si tractentur hæc ab hominibus *Astrologica* percallentibus & observantibus; quin hæc potius labes & abolitio foret illarum artium, dum à certis regulis ad incertas, à veris ad commentitias avocarentur, & per falsorum dogmatum missionem omnis jam comperti experimenti soliditas veritasque labefactaretur.

Ad 4^m. Negamus primò propositionis consequentiam, hæc rationes; Quia corporis temperamentum est mutabile: Non enim idem infantis, adolescentis, viri & senis est temperamentum, sed variis mutationum gradibus modò intenditur, mo-

dò remittitur, modò planè mutatur: E causâ igitur incertâ & mutabili certus prædici eventus haud potest. Sed in assumptione potissimum est quod consideremus: Est enim ea partim obscura, partim falsa. Obscura; quia vocabulum *morum*, de quibus est quaestio, valde ambiguum est. Aut enim sumitur pro affectibus hominis, ut sunt Ira, Laritia, Tristitia, Timiditas, &c. Aut pro quovis tam virtutis quam vitii habitu. Priori modo si sumas, respondemus. Verum quidem esse quod corporis constitutio ad effectus hosce multum sæpenumero conferat, attamen certi aliquid ex eâ de affectibus prædici posse omnino negamus. Rationes sunt hæc; 1. Quia rationis imperium, educatio & consuetudo potiora & potentiora sunt media corporis nostri constitutione, ideòque contrarias planè vias possunt inire; adeò ut quem irâ peremptum iri *Astrologus* dicit, insignem humanitatis consequi laudem possit. 2. Quia crebris occasionibus offendi & ad quamvis irâ incontinentiam provocari potest, cui humanitatem & mansuetudinem eximiam pollicetur temperamentum. Hinc vulgatum illud, *Furor fit læsa sapiens patientia*. 3. Quia ipsi fatentur inter temperamentum & affectum nexum esse contingentem.

Posteriori modo si mores accipias, falsa est, absurda & impia assumptio: Quod si enim virtutes & vitia sequuntur temperamentum hominis, qui vel laudari ob virtutes vel culpari ob vitia poterit? Deinde, non pendere à temperamentis certis virtutes & vitia evidentissimo argumento illud est, quod iisdem præditi temperamentis vitis sæpenumero laborent contrariis, & vicissim diversis præditi iisdem. Præterea dicant quodnam temperamentum ad fraudes, furta, homicidia, latrocinia, adulteria, inimicitias, avaritiam, ebrietatem, &c. homines inclinet: hæc enim utantur voce. Quodcumque nominaverint, consequens fuerit eodem præditos temperamento iisdem obnoxios esse vitiis; quod longè falsissimum esse ipsa docet experientia. Denique virtutum, & vitiiorum habitus temperamenta sequuntur necessariò aut contingenter: Si contingenter, nil fidei prædictioni habendum erit, ut quæ contingens est, modò vera, modò falsa; eritque ejusmodi prædictionum cognoscendarum desiderium radicatus extirpandum, ob decimam quintam, quam ex *Phavorino* adduximus, rationem: Si necessario: 1. Virtutes & vitia à libera hominis voluntate non pendeant; quod inimicissimum doctrinæ Ethicæ dogma est. 2. Transitus à vitio ad virtutem fieri non poterit nisi mutato temperamento; quod planè falsum. Quid si verò & hoc demus, sequi temperamentum mores & vitia hominum? anne verò ab *Astrologo* prædici ea posse quoque dabimus?

dabimus? Minimè verò: Quis enim de infantis, quem nunquam fortè vidit, temperamento Astrologum edocuit? In promptu ipsis responsio, quæ in quartæ hujus rationis antecedente quoq; exprimitur, ex astris cum pendeat, cognosci ex iisdem quoq; posse. *Resp. 1.* Corporeas dispositiones toto vitæ curriculo mansuras ab astris natalitiis proficisci pernegamus: Urgentur igitur hîc probandi difficultate, quam nunquam superabunt. 2. Non pendere ab astris simpliciter & principaliter temperamenta, sed è primitiva materiæ dispositione, illud est argumentum, quod sub iisdem nati sideribus, eodem in loco, eodem tempore, diversis sæpissime sint temperamentis. 3. Si astrorum qualitates infantibus temperamenta imprimerent, sequeretur omnes qui calidissimis diebus æstatis nascuntur, temperamenti quoq; esse calidiz qui frigidissimâ hyemè, frigidi: At falsum hoc esse universalis testatur experientia. 4. Negari non potest, ex utero matris adferre secum hominem corporis habitum & dispositionem nativam: Non igitur demum extra uterum acquirit. Mutari si dixerint ab aere circumstante qui natum infantem excipit, quæremus an dispositio primo nativitatis momento impressa corpori deinceps mutari possit vel non. Prius si dixerint, vanissimas ipsorum prædictiones esse pronuntiabimus, ut qui effectus futuros causis adscribunt quæ longè antè evanuerunt. Si posterius, quæremus quid fiat quod sequens constellatio in tenellum infantis corpus nihil possit. Hoc enim accidet ex parte causæ, aut ex parte subjecti recipientis. In causam referri id nequit: Naturaliter enim agentia eodem modo se habentia in subjectum idoneum non possunt non agere, nisi impediuntur. Subjectum igitur, hoc est, infantis corpus, in culpâ erit. Eecur autem? anne quod solidum sit nimis, adeoq; vim cœlestem excutiat? an quod priori dispositione jam formatum sequentem admittere vel ei cedere nesciat? Prius falsum est & inane, ut in solutione rationis primæ ostendimus. Posterius & ipsum elumbe: Quod si enim nativa subjecti dispositio, quam attulit secum ex utero, ab extrinsecâ causâ mutari poterit, cur non & accidentia illa post nativitatem impressa mutari deinceps possint? Concludimus igitur, ex hac de temperamentorum ortu & effectû sententiâ pro Astrologis firmi nihil posse concludi.

Ad 5^m. Negamus primò connexum. Quæ enim illa arguendi ratio? Rerum multarum rationes reddi ex causis inferioribus nequeunt: Ergo ad cœlestes est confugiendum. Anne verò quorum effectuum causæ à nobis è mundo hoc sublunari petitz reddi nullæ possunt, propterea nullæ erunt? Quis tantæ unquam fiduciæ Philosophus existit qui omnium rerum sublunarium causas sublunares se scire jacta-

vit? Quod si ergo rerum plurimarum causæ sublunares plurimæ etiam acerrimæ Philosophorum indagationi adhuc sunt occultæ, quid attinet ad astra evolare, & causas ubi non sunt indagare? Hæc enim Philosophiæ sanioris est labes & pestis, quâ ab Astrologicâ vanitate etiamnum gravissimè affligitur. Postquam enim vana illa ignavorum hominum mentes persuasio occupavit, nil contingere in inferioribus hisce sine astrorum nutu, veris rerum naturalium causis insuper habitis, ad evanida quædam & sterilia commenta, magno nisu, ceu profugi, plurimi è veræ Philosophiæ caltris sunt delapsi, rebûq; ipsis detertis umbras rerum sectati. Hactenus connexi examen. Sed & ipsa fortean possit negari assumptio. Vix enim quicquam eorum quæ inter homines geruntur est cujus principales saltem causæ sollicitum & ingeniosum indagatorem fugiant, sive ad temperamentum eæ referantur, sive ad ipsam animam hominis, quam immediatè sæpenumero à DEO ad hoc vel illud flecti dubium non est. Sive denique ad educationem, occasionem, institutionem, consuetudinem & alia plurima, quæ ipsam quoq; naturam emendant aut corrumpunt. E. g. quæritur, unde tam repentina Alexandri M. felicitas sit deducendaz cœlone an ex aliis causis? Astrologum si consulas, inspectâ Alexandri geniturâ, stellis dubio procul pleraq; feret accepta. Si virum prudentem & sapientem, longè veriores & alias nominabit causas, nè semel quidem ad deliberationem vocatis astris. Etenim 1. considerabit Alexandri virtutes verè imperatorias, fortitudinem, liberalitatem, laborum tolerantiam, rei militaris peritiam & egregiam eruditionem; 2. Exercitum, quem nactus est sub Patre Philippo exercitissimum & bellicosissimum; 3. Populorum quos superavit ignaviam & rei militaris imperitiam; 4. Fortunam, quæ aliud nihil erat nisi DEI decretum de Alexandro totius orbis Monarchâ constituendo; ut pater non ex eventu tantum sed ex antiquissimis Prophetarum vaticiniis. Hæc veræ sunt felicitatis causæ, non siderum natalitiorum aspectus.

Ad 6^m. Consequentiam negamus: Et adversarios hæc premimus instantiâ: Fatentur ipsi, ut docet *Picus Mirandulanus* lib 3. Contra Astrologos, c. 10. omnium astrorum influentias ad inferiora hæc non pertingere, eorum puta quæ minima sunt & sexta magnitudinis dicuntur, imò præ tenuitate visum penitus effugiant. Cùmq; ut iidem concedunt, calore suo & lumine ad nos non pertingant, nonne eadem ratione frustra plurima astra esse condita dicendum foret? Quod si verò respondeant, & illa suos habere effectus, etiamsi nos lateant, vicissim & nos respondebimus, posse astrorum alios esse fines præter illos qui vel ab ipsis vel à nobis assignantur, quamvis

quamvis ignoti si sint, aded ut frustrâ esse condita minime sint dicenda si vel maxime fines omnes non assequamur. Deinde attendant, quæso, quàm lubrica hæc sit consequentia; Astra plurima nec luce nec calore, nec, ut ipsi volunt, influxu agunt in hæc inferiora. Ergo frustrâ sunt condita. Quasi verò omnia à Deo ideo sint facta ut vel lucendo vel calefaciendo vel deniq; influendo mundum hunc sub-lunarem mutent & moveant. Denique & hoc *Piei* responsum sibi habeant; *Cur, inquit, tot sidera sunt, si nobis Sol unus Lunâq; sufficiat? Hoc cælesti naturæ conveniebat, hoc rerum ordo, hoc universi totius perfectio postulabat: Nec enim si omnia non illuminant, sequitur non alium inde nobis & usum & commoditatem esse posse.*

Ad 7^m. Antecedens negamus. Quid enim hoc foret monstrî, astra, quæ ad totius perfectionem & conservationem sunt condita, pestium, morborum, sterilitatum per se esse causas? Contingit equidem quandoque ut aer venenatis qualitatibus infectus & ab hominibus pecudibusque hauritus pestes & morbos ingeneret: At verò hanc cælo injuriam absit faciamus, ut pestiferorum illorum habituum in id causas per se conjiciamus. Elementa sunt, aqua putæ & terra, imò & alia mista plurima, è quibus computrescentibus sæpe præter naturæ institutum venenati generantur halitus, morborum & pestium materies, quæ si calore cæli quandoque fit agilior & intolerabilior, non agentis sed patientis id vitio adscribendum est. Falsissimum igitur & in cælum iniquissimum Astrologorum est dogma quod certis Planetarum conjunctionibus vim pestes ali-âque malorum genera excitandi & efficiendi attribuit. Nec errant aliter qui cælo accepta hæc ferunt quàm qui corporis nostri morbos & vitia in ipsam regentem corpus naturæ potestatem referunt, cujus est illa curare non facere, sopire non excitare.

Sed quærat aliquis, Nonne ardores nimii sterilitatis quandoque causæ sunt? unde verò illi nisi ex astris? Respondeo, *Solem* (ad hunc enim solum æstatis calorem referimus) in se consideratum æquè semper esse calidum; nec enim hoc anno calidior est quàm præteritis fuit: Quòd si ergo in *Solis* solum ardorem sterilitatis conferenda causa foret, damnari sterilitate omnes essent anni, quia nullus est in quo de calore suo *Sol* quicquam remittat: Quæ enim vulgò scribunt de astrorum calidorum, humidorum, frigidorum, siccorum conjunctionibus, unde diversâ annorum oriantur tempera-menta, fabulæ sunt demonstratu impossibiles. Cur autem *Sol* calore suo, qui nunquam mutatur in se, eodem modo inferiora hæc non calefaciat, duæ potissimum sunt causæ: 1. Situs diversitas; 2. Mate-

riæ elementaris dispositio. Ob illam contingit ut hyems frigidior sit æstate, æstas calidior hyeme: Quòd enim *Sol* à vertice nostro, ut in hyeme accidit, est remotior, eò redditur caloris vis inefficacior; quòd eidem propinquior, ut in æstate fit, eò est efficacior. Ob istam evenit ut quòd minùs resistunt elementa contrariis suis qualitatibus, humiditate pura & frigore, eò valentior sit *Solis* calor; quòd verò magis obnituntur, eò imbecillior. Apparet hinc igitur *Solis* ardorem sterilitatis solam causam non esse, nec verò hunc in finem *Solem* esse creatum, sed accedere necessariò materiæ elementaris dispositiones, quæ habenas calori vel laxare vel adstringere valet: unde confestim & illud resultat, Non posse ex solius *Solis* vel alterius cujuscunque astri contemplatione futuram prædici sterilitatem, cum potissimum ejus momentum in materiæ dispositione resideat; quod de morborum quoque calidiorum prædictionibus intellectum volumus. Hactenus ergo antecedens negatum; unde & consequentiam rationis, si maxime antecedens concedatur, malam esse colligimus. Nam si vel maxime des, gigni ab astris pestes & alia morborum genera, sterilitatem item aliâsq; publicas calamitates, tamen ex astrorum contemplatione prædici ea certò posse non sequetur; cum astra sola hæc nequeant efficere, nisi materiæ consentiat dispositio: quam cum prævidere Astrologi nequeant, vanitates suarum prædictionum ipsi contineantur necesse est.

Ad 8^m. Consequentiam negamus. Quid enim hoc consequentiæ? Ex variis quibusdam signis in nubibus pro variâ ipsarum dispositione repræsentatis futuræ pluvie vel serenitates prædici possunt: Ergo ex astrorum inspectione prævideri quoque possunt quæcunq; in hoc mundo sublunari sunt eventura, sive à causis pendeant naturalibus sive à voluntariis. Ratio igitur negatæ consequentiæ hæc est; Varii nubium colores signa sunt futuræ tempestatis vel serenitatis, quia ad tempestates excitandas sintne aptæ vel ineptæ nubes significant; unde è signis hisce probabilibus prædictio sæpe evadit vera, minimèq; prohibetur: Astra verò in se nec causæ sunt nec signa plerorumq; eorum quæ vaticinantur Astrologi, eorum, inquam, quæ hominum mores, peregrinationes, conjugia, fortunas, vitam & mortem concernunt: Ut igitur illi è veris & naturalibus signis futura prædicentes sunt audiendi, sic isti è falsis causis signisque pleraque mentientes rejiciendi.

Ad 9^m. Negamus primò consequentiam Propositionis. Nec enim si Astrologorum prædictionibus eventus sæpe respondet, divinaticis id Astrologiæ veritatem firmitatemque confirmat. Quæ enim ars tam anilis, superstitiosa & impia, quæ vera eo-

dem argumento comprobari non possit? Nonne divinationibus, è sacrificiis, ex avium volatu & garritu, è cadaveribus, è pelvibus, è speculis, crystallis, digitis, unguibus, aquâ, aere, terrâ, igne, fumo, vino, hordeo, farinâ, piscibus, &c. eventus respondet sæpe? Verasne ergo divinationum hæc species affirmabimus? Sane eadem planè probandi viâ. Si enim ex eventu res probanda, uti probant, quid causâ tandem fuerit cur omnes hæc divinationes in verarum censum non admittamus? At falsas eas esse vanas & impias dicunt. Nos verò ipsorum usi argumento contrarium evincimus, cum haud rarò evenierit olim quod vates isti prænuñciaverunt. Apparet igitur connexi morbus.

Sed quærenti forsitan causas cur vera sæpenumero prædicant Astrologi, si veritatis firmitatisque nihil insit arti, hæc cum doctis nonnullis damus: 1. Casu quandoq; in veritatem incidunt. Nec enim mirum sæpius mentientem unam aliquando veritatem proferre: Sed hoc mirum cum Agrippâ, nobis meritò accidit, quòd cum in cæteris hominibus uno mendacio tam suspecta fides reddatur dicentis ut omnia reliqua vera obscurentur, Contrâ verò in his mendaciorum magistris una fortuita veritas etiam publicis mendaciis fidem faciat. Nimirum accidit quòd de Apollinis templo quidam dixit, ut bene dicta memoriter celebrentur, errata nemo recorderetur.

2. Augustino teste lib. 5. De Civit. Dei, cap. 7. prædictionum harum veritas provenit quandoq; ex pacto & societate quam inivit Astrologus cum Dæmone; vel ex occulto ejus afflatu vel instinctu, quo fit ut nescientes etiam homines ad divinandum intelligantur. Sed & hic quærat aliquis haud immeritò, unde futura præsciat Satan, cum solius Dei prærogativa hæc esse videatur. Resp. Duobus modis futura prægnoscuntur, aut ex causis & signis antecedentibus, aut in se ipsis: Posterior est Dei; Prior creaturis quoque communis. Futura igitur, ut ex Augustino docet Calius Rhodiginus lib. 2. Lect. antiq. cap. 14. à dæmonibus sciri possunt quinque ferè modis, qui tamen omnes ad unum de quo diximus referri possunt: 1. Quia ex incomparabili pernitate, quâ momento ferè totum peragitant orbem, cælum & terram, multa in causis suis futura vident longè antè quàm tardis nostris & terrenis illa obijciantur sensibus. 2. Quia perpetuæ vitæ beneficio insigni rerum experientiâ pollent, quâ destituti nos ob vitam momentaneam futura prælagere minis valeamus. 3. Quia nunciant nonnunquam quæ facturi sunt ipsi, permittente Deo. 4. Quia exactius peritiusque naturalem signorum rationem observant quàm nos. 5. Quia animorum quoq; conceptus ex indicibus in externo corpore apparentibus astute deprehendunt. Dæmonum igitur instinctu plurimos

veterum Astrologorum futura verè prædixisse minime dubium est, cum vanitatis hujus princeps Hali expressè dicat, sine Dæmonis instinctu in Astrologicis judiciis veridicum neminem esse posse.

3. Divinant quandoq; Astrologi futura & occulto Divinæ providentiæ dispositione. Punit namq; Deus credulam hominum superstitionē ipsi illis malis quæ quandoq; prædicuntur, propterea quòd ventura cupidè sint sciscitati, & malorum suorum causas astra crediderint. Quin & errorum efficaciam perverfas hominum mentes Dæus punit, utq; perniciosissimis errorum laqueis magis magisque implicentur, patitur evenire nonnunquam ea quæ Astrologi prædixerunt. Insignis hanc in sententiam locus est, Jesh. lxvi. 4. Unde & ego eligam illusiones eorum, & quæ timebant adducam eis. & Prov. x. 24. Quod timeet impius, veniet super eum: & Deut. xiii. 1, 2, 3. Si surrexerit in medio tui Propheta vel somnians somnium, & dederit tibi signum vel portentum, & venerit signum & portentum quod locutus est tibi, dicendo, Eamus post Deos alienos, quos non nosti, & colamus eos; non obedies verbis Prophetae illius vel somniantis somnium illud, quia tenet Dominus DEUS vester vos, ut sciat an diligat Dominum DEUM vestrum cor & torâ animâ vestrâ.

4. Quia divinatio haud rarò proficiscitur à singulari sagacis ingenii solertiâ & multiplici rerum humanarum experientiâ, inspectis corporum affectionibus, studiis, exercitationibus, familiaritatibus, denique virtutibus & vitiis: Ità igitur vates isti multa conjiciunt terram potius quàm cælum intuentes. Adde quòd generaliter plurima enunciant, quæ non possunt non ferè evenire, ambagiosè multa, more oraculorum, aliquid semper excipientes, quo possit illud quod est prædictum vel minui, vel augeri, vel impediri, ità ut utcunque res cadat vera videantur prædixisse.

5. Veram sæpe divinationem efficit stulta consulentium credulitas, quæ homini ingenerat duos potentissimos affectus, Spem & metum, quibus ad prædictos eventus sæpe perducitur. Spes enim & ardens desiderium incitat hominem ut opibus viribusq; totis inhiat promissis bonis; hinc voti sæpe fit compos. Contrâ metus cunctantem & hæsitantem efficit; unde contingit ut dubitanter negotia adeundo & timide persequendo facillimè quovis impedimento absterreatur, & in pronunciata mala delabatur. Quantum verò futuri boni spes ad consequendum id faciat, egregio docet exemplo Livius. Cum enim auspicia secretò inspecta infaustum belli exitum Romano exercitui minarentur, auspices & duces, auspiciis in contrariam partem versis, fausta omnia & triumphalia portendi à diis & promitti mentiebantur. Quo mendacio utiliter decepti milites alacriter prælium

prælium inerunt, fortiter pugnarunt, & hostes, quos auguria victores fore præmonstrabant, spe contrarii augurii animati feliciter vicerunt.

Hæcenus ergo negata consequentia propositionis. Sed & assumptio falsa est. Quod si enim falsa Astrologorum effata cum veris comparentur, vix millefima hæc illorum partem æquabunt. Nec virium quicquam habet assumptionis probatio: Collegie enim *Ranzovius* ex innumerâ mendaciorum turbâ vera quædam, ex quibus Astrologica divinationi aliquid autoritatis accedere posse existimabat. Nec verò & ipsa illa vera effata ex solidis artis fundamentis profluxerunt, sed aliis ex causis, quas modò recensuimus. Facit huc egregia illa *Agrippa* sententia: *Quod si cum prognosticis illorum fortuna coincidat, ut inter tot ambigua unum aut alterum verum evenerit, mirum quantum cristas efferunt, quam id insolentissimè prædicant. Quod si assidue mentiuntur, conspiciuntur mendacii, id tunc excusant blasphemiam, vel mendacium mendacio tegunt, inquietes sapientem dominari astris, cum revera nec astra sapienti, nec sapiens astris, sed utriusque dominetur Deus. Aut aiunt ineptitudinè recipientis cælestibus influxibus obstitisse, ulteriorem autem fidem requirentibus irascuntur.* Quin ergo tate in ipsos telum retorquemus: Quorum prædictiones factæ juxta artis præcepta pleræque sunt falsæ, eorum ars vana, inanis & fallax est: Atqui Astrologorum prædictiones factæ juxta artis præcepta pleræque sunt falsæ: Ergo ars ipsorum vana, inanis & fallax est. In Astrologos quædrat quod de melancholicis pronunciat *Aristoteles*: *Sæpe, inquit, divinant, quia semper loquuntur: Si pauca dicerent, nunquam divinarent.* Ità mirum non est ab Astrologis quandoque vera dici, quia multa dicunt: qui si pauca dicerent, fortè nunquam divarent. Patitur, inquit *Seneca* de Astrologis, *Mercurius* eos aliquando verum dicere. Omnibus mensibus, omnibus annis *Mathematici* *Claudius* efferebam ut mortuum, & vixit tamcu diuissimè.

Ad rom. Scripturæ loca adducuntur, ad quæ sigillatim est respondendum.

Primus locus depromitur ex Gen. i. 14. ubi astra dicuntur esse condita in signa. Hic locus ut in fronte sacrarum literarum est positus, ità mirificè afficit Astrologos. Astra igitur cum in signa condita esse legunt, subito ea signa interpretantur futurorum omnium eventuum, naturalium, voluntariorum, contingentium, necessariorum. Sciendum verò tot ferè loci hujus adferri interpretationes quot in eum incidunt interpretes: unde conjectu facillimum, asylum quod Astrologica divinationi in hoc loco fixerunt, imbecille admodum & invalidum esse. Quæ verò illi de futurorum omnium eventuum signis gariunt, tantum abest ut Scripturæ sint consenta-

nea, ut manifestè ei sint contraria: Edictum enim Scripturæ severum est, *A signis cæli nolite metuerè.* Ex hoc loco quæ eduxerimus corollaria videatur suo loco. Porro varias loci hujus interpretationes qui scire desiderat, consulat *Pererium* Disp. in Gen. tom. i. lib. 2. q. 10. de astris.

Sed quatum ergo rerum, inquis, signa dicuntur stellæ?

Resp. 1. *Temporum*, quæ pro vario ad nos accessu & recessu vel mutant vel mutata aut mutanda significant. Ità *Sol* anni tempestates designat, quas motu suo, lumine & calore efficit (quod enim longius à nobis discedit, eò minus calefacit, autumnumque & hyemem inducit; quod propius accedit, eò magis calefacit, verque & æstatem adducit. Ità supra horizontem elevatus diem, infra eum depressus noctem efficit. Idem in mensum constitutione *Luna* facit. Reliquæ verò stellæ etsi fortè tempestates vi suâ immutare non valent, cum tamen certis in cælo & inerrantibus motibus moveantur, mutatas vel mutandas à *Sole* significant, quia iis temporibus quibus à *Sole* mutationes fieri solent oriuntur vel occidunt. Sic antiqui Græci veris finem & ætatis initium sumserunt ab ortu *Vergiliarum*: mediæ ætatis signum erat *Canicula* ortus: Autumnum definiebant ab ortu *Arcturi* ad occasum *Vergiliarum*.

2. *Actionum multarum civilium*, ut arationis, decationis, seminationis, infitionis, pastinationis, putationis, pampinationis, &c. quas demonstrant opportunitates, non efficiunt: Itaque occasu suo & ortu indices sunt temporum actionibus hisce idoneorum, uti ex *Plinio*, *Hesiodo*, & *Virgilio* est videre.

3. *Sapientia, potentia & bonitatis Divinae*: quæ homines intruendo eas, cogitent de Deo, ipsūque rerum omnium opificem venerentur, sapientiāque ex ordinatissimo innumerabilium stellarum & inerranti cursu metiantur. Hoc sensu quoque gloriam Dei dicuntur enarrare. Hinc nonnulli servitutis signa esse volunt, eò quod motus suos non pro voluntate propria sed pro Dei imperio efficiant.

4. *Didactica* quoque sunt signa. Monemur enim homines nos de studio vocationis nostræ constanti lege & pede, astrorum instar, decurrendo, nunquam exorbitando vel spontè deficiendo.

Atque significationes quidem stellarum hæc sunt perpetuæ & ordinariæ. Extraordinaria etiam ira vel gratia Divinae leguntur fuisse signa: *Gratia*, ut *Solis* & *Lunæ* statio, *Jos. x. 12. Ira*, ut *Solis* inusitata obscuratio tempore passionis Dominicæ. Hæc de primo loco.

Secundus locus adducitur ex *Jes. xxxiv. 4. Complicabuntur cæli sicut liber*: Ergo, inquiunt, naturæ liber cælum est, in quo omnes futuri eventus sunt descripti, è quo aperto legi omnes possunt. Sanè in

re seriâ nugas agere si hoc non est, quid tandem erit? Ideone verò quia libri instar cœlum complicabitur, liber est, & libri officio fungitur? & si liber, ideone omnes in eo eventus futuri descripti? & si descripti, legine statim a nobis poterunt? Sed variis variorum interpretum sententiis missis, quas *Perrerus* lib. 3. Adversus artes fallaces, cap. 4. §. 22. collegit, genuinum loci hujus sensum pandimus. Propheta ostendit locutione tropicâ horrendum iræ Divinæ in gentes exercitium, horrendum adeo, ut præ metu & pavore ipsæ etiam stellæ de cœlo decidere & expansum cœli libri instar explicatum convolvi mortalibus videatur. Vel Metaphorica est locutio: Ut enim pavore occupati omnia membra contrahunt, sic ipsum quoque cœlum, urente ultionis Divinæ flammâ, præ metu quasi se contrahere & complicare videbitur. Sed cur libri instar cœli dicuntur complicati? Haud equidem quoddam idem cœli & libri sit usus, utque in hoc præterita, sic in illo futura describantur, sed ob similitudinem formæ externæ: Erant enim olim libri unius duntaxat folii seu membranæ oblongæ, quæ circa cylindrum aut ligneum axem complicabatur circumvoluta, ut lintea tela circa radium textorium. Cum igitur ipsum quoque cœlum pellis instar sit expansum, idem quoque veluti liber explicatus convolvi & complicari dicitur. Videant jam Astrologi num quid in hoc loco præsidii ad divinationem suam ab interitu vindicandam inveniant.

Tertius locus ex Psal. xxii. 31. ubi cœli *justitiam Dei* dicuntur *enarrare*. Cui similis Psal. xix. occurrit, *Cœli enarrant gloriam Dei*. Sed miseri Theologi qui Scripturas nonnisi falsè interpretari vel norunt vel volunt. Audiant igitur quomodo cœli gloriam Dei & justitiam enarrant: Materies sunt gloriæ Divinæ, & deprecandæ ejus occasionem hominibus cœlestia illa corpora mole tam magna, luce tam splendida, calore tam ardentia, motu tam velocia, distantia tum ardua, numero tam multa, ordinis denique observantissima contemplantibus præbent. Quis enim sapientem Architectum non judicet, quem sapienter adeo omnia disposuisse, quem suam cuique lucem, suam cuique molem, suum cuique cur-

sum ex usu naturæ admetitum videt? Quis potentem non prædicet, quem immensa illa corpora creasse & liquidissimi aeris cancellis circumscriptis se, denique in hunc usque diem conservasse intelligit? Ecquod hæc divinatricis Astrologiæ patrociniū?

Quartus & ultimus locus est Judic. v. 20. ubi de cœlo dicuntur *pugnasse stellæ cum Siserâ*: Ergo, inquiunt nostri vates, astra *Sisara* cladem intulerunt. Sed & locus hic quantumvis difficilior divinationem ex astris non confirmat: Ut enim *Vallesius* c. 21. Sacræ Philosophiæ eum interpretatur, per *stellas* intelliguntur Angeli, qui populum Dei adversus impios Cananæos juverunt: dicuntur verò *manere in ordine suo*, quod suo quisque est ordine in cœlesti illâ hierarchiâ: *cursum* Angelorum est assidua illa hominum piorum custodia & gubernatio. Interpretationem hanc ille approbat ex Apoc. xiii. ubi similiter per *stellas* intelliguntur Angeli; *Cauda Draconis trahabat tertiam partem stellarum, & misit eas in terram*. Explicationem hanc probabilem fortè possit reddere, quod capite antecedenti 4. v. 14. ex versione Paraphrastæ Chaldaici expressè, dicatur *Angelus Domini prosperasse cum iis*, hoc est, Hebræos contra Cananæos defendisse, uti olim exercitus *Sennacheribi* ab Angelo unâ nocte est cæsus. Quod si cui *Vallesius* hæc interpretatio minùs arideat, acquiescat illâ communi Doctorum nostrorum sententiâ, qui de cœlo grandinibus, tonitruiis, fulminibus, ventis, &c. contra Cananæos cœlitus pugnatum sentiunt; quod & stellis adscribitur, quarum in excitandâ meteororum horum materiâ & variè pro caloris vel excessu vel defectu disponendâ vis magna esse creditur; Deo præsertim extra ordinem itâ jubente. Confirmat mirificè interpretationem hanc *Iosephus* lib. 5. Antiq. Judaicar. c. 6. ubi de eodem hoc prælio faciens verba, *Magnam vim, inquit, tempestatis & grandinis in adversariorum oculos cœlitus fuisse dejectam, quâ in prælio Cananæi sic impediti fuerint, ut sese iucris non valuerint*: Idcirco miserè cædebantur, cùm Judæos illa calamitas nihil prorsus læderet. Hic tertiæ Sectionis Contemplationum nostrarum Physicarum, De corporibus cœlestibus finis esto.

Tibi, magne D E I S, cœli & terræ Creatori laus, honos & gloria in omne ævum.
Ex humili hoc & terreno habitaculo ad sublimes & cœlestes tuas mansiones
ardentibus votis adspiramus. Ad hanc meam si Mundi nos odia
expulerint, næ felix hoc nostrum exsilium, quod ad patri-
am nos deducet; infelices autem Mundi labores,
quibus & desideratissima patriæ perennis
felicitas amittitur, & tristissimi ex-
siliū æterna calamitas accersitur.

FINIS.

perem-
creal-
Re, de-
u? Ec-
obi de
tergo,
inm-
or civi-
a Valle-
ur, per
adver-
qo ma-
e in ge-
fidu il-
rio. In
xii. ubi
Causa
Et mihi
tem for-
4. v. 14.
dierur
He-
xerci-
caus,
eride-
titorum
fulmi-
cibus qu-
orum
i & vari-
onendi us
ra ordinem
receptionem
ubi dicitur
m, inquit,
cuius co-
pi impe-
circa mi-
itas nihil
emplari-
bus cele-

possint
candide
Hac
alterum
quod
omni
tur, au
generu
specie
sa diffe
biecta
vnum a
m
ite ma
m sit in
vnum
tam ill
ini sub
n corpor
differen
quod ad c
lor varia
different
hom
ntur, cur
ligenter
m in
or

possintne co.
candida, &

Hac enim ne
alterum altero;

& quod candi
omnia valea

tur, aut aliud
generum, quo

specie differen
se differentia

iecta sunt, de
unum ab alter

& magnitua
tite magnitud

n sit in homon
unum ab alter

am illud etian
ni subiecta su

corpore inest
differentia: i

od ad compa
or variis moi

differentia. P
(homo enir

atur, cum s
igenter

n in s
on

